





PROPERTY OF THE

423.12



*By arch.*

*Added Apr. 20. 1870. No. 1. 1864*

LIBRARY  
OF THE  
Newton Theological Institution.




























*Johann. Gottlob Carpzovius*  
*S. Theol. D. et Superintend. Lubecens*



APPARATVS  
HISTORICO CRITICVS  
ANTIQVITATVM  
SACRI CODICIS  
ET  
GENTIS HEBRAEAE

---


VBERRIMIS ANNOTATIONIBVS  
IN  
THOMAE GOODWINI  
MOSEN ET AARONEM  
SVBMINISTRAVIT  
IOH. GOTTLOB CARPZOV  
S. THEOL. D. ET SVPERINTENDENS  
LVBECENSIS



FRANCOFVRTHI ET LIPSIAE  
IN OFFICINA GLEDITSCHIANA  
ANNO MDCCXXXVIII



013



I. 1864

Add by exch.  
Apr. 20. 1870





## AEQVO ET BENEVOLO LECTORI

S. P. D.

A V C T O R.

**Q**UOD nec in destinatis primum habui, nec in votis, ut lucubrationes istas Academicas publicæ olim exponerem luci, istud divino beneficio, & amicorum suasu, tandem evenisse gaudeo. Cum enim Lipsiæ, demandatam Hebræas literas publice docendi provinciam, pro virili ornare allaborarem, post quotidianam Sacri Codicis interpretationem, qua prius nihil, nihil antiquius habebam, operæ me pretium facturum censui, si exactiorem Antiquitatum Hebraicarum historiam, rituumque Deo dilectæ gentis cognitionem, auditoribus instillarem, quod absque illius suppetiis, oraculorum divinorum explicationem minus feliciter & solide institui posse intelligerem. Mosaica certe, & cetera historica antiqui Fœderis monimenta, institutis & ritibus priscae gentis, Numini dicatæ, adeo sunt referta, ut imperitus talium interpretes ad singula fere capita hæreat, aut turpiter hallucinetur. Hac itaque in parte ne meam desiderari paterer industriam, circumspiciendum in primis duxi auctorem, viæ ducem, qui facem præferret, & filum velut Ariadnæum porrigeret, ad cuius ductum, quicquid est istius Labyrînthi, feliciter emetirer. Inter recentiora hujus doctrinæ compendia, duo præsertim, illa tempestate, in manibus versabantur eruditorum: alterum ADRIANI RELANDI, Ultrajecti anno 1708. impressum, & locupletius longe, castigatiusque anno 1712. quin & sequenti anno Jenæ, recusum; alterum THOMAE GOODWINI, Angli-



Anglice primo consignatum, hinc Belgice conversum, Latino demum habitu indutum, notisque perpetuis instructum a IOH. HENR. REIZIO, cujus tertia editio, HERM. WITSII, Theologi apud Reformatos celeberrimi, præfatione & gemina dissertatione ornata, Trajecti anno 1690. lucem adspexit. Quæ autem hodie industriam ejus rei studiosorum mirifice juvant, solertissimi IKENII, DASSOVII τὸ παραγίτης, RECKENBERGERI, & WAEHNERI opuscula, posthæc demum cum orbe literato communicata, magnoque cum plausu fuerunt excepta. Ex illis vero, ut GOODWINVM præferrem, facile me induxit, non tam exacta rerum antiquarum percensio, qua RELANDVS multis eum parasangis post se relinquit, quam & diffusa lectionis varietas & copia, & frequentissima illius ad illustrationem utriusque Instrumenti accommodatio, qua omnia id genus scripta multum superat & vincit. Quam enim cunque perscrutandis Rabbiorum commentariis operam navamus, eam omnem ne titivilitio emerim, nisi Sacri Codicis juvet ornetque expositionem. Hæc princeps in illo scrutinio cura, hic præcipuus est universi laboris istius scopus, ad quem omnis lectio, collatio, ingeniique ἀρχινοια est referenda. In istum vero tam sollicitè incumbit GOODWINVS, ut arrepta quacunque occasione, sive ἐναίγως, sive ἀναίγως, sive propitia, sive invita Minerva, ad Scripturam Sacram transferre gestiat, quæ ex Hebræorum voluminibus congeffit. Vtramque ob causam, Auctoris vestigia hinc me pressisse, hinc haud raro me reliquisse animadvertet, qui meas perlegere dignetur observationes. De cetero vero, judiciosissimi WITSII in *Præfat.* \* 5. elogio calculum lubens adjicio, epitomen hanc ea confarcinatam esse arte, *ut in ea rerum ubertas, & dictionis brevitæ de palma certent.* *Ubertas quidem tanta, ut haud jure queraris, multa esse præterita; & brevitæ tam concisa, ut & exiguo tempore multa expediri possint, & amplificationi atque illustrationi non sit præcepta materies.* Notas, præter REIZIVM, in illam dedit amicus quondam noster, dum in Belgio agerem, & communi cum ipso præceptore uterer, GVIL. SVRENHVSIØ, humanissimo pariter ac doctissimo viro, Clariss. IOH. HENR. HOTTINGERVVS, Nepos, quibus auctum Francofurti ad Mœnum anno 1716. recudi curavit libellum. Hunc itaque, publicis recitationibus, anno 1722. auditoribus meis a capite ad calcem, cum cura exposui, cumque post illa, non absque fructu istud me volvisse saxum, cognoscerem, nonnulla quoque, vel prioribus ex quo-



quotidiana lectione Hebræorum adjicerem, vel in aliam forte sententiam ingressus, mutarem & delerem, ut sunt, re maturius perpensa, posteriores cogitationes prioribus *συνώτεροι*, hanc telam anno 1727. denuo exorsus, ita pertexui, ut, qua datum fuit dexteritate, me officio defunctum crederem. Posthæc in alium, & loci ac muneris, & curarum laborumque, velut orbem delatus, eo res meas rediisse perspexi, istas ut missas facerem amœnitates, edendis autem asceticis nonnullis, quin & polemicis, adversus ætatis nostræ turbones, qui sub fratrum Moravorum schemate ac nomine, fucum imperitis facere satagunt, & nostra quoque turbare pomœria sunt aggressi, manum admoverem. Curandum quippe erat, ne quid respublica sacra detrimenti caperet. Istis itaque dum vaco, vir honestus, & orbem literatum sua juvare opera solitus, per literas me compellat, ut quas dudum coram a me Lipsiæ flagitaverat, suis sumtibus excudendas sibi traderem ad GOODWINVM notationes meas, novæ libelli editioni jungendas. Accedebant crebræ amicorum, eorum maxime, qui ex ore meo quondam istas hauserant, adhortationes, ne situ & squalore schedas meas paterer obliterari, sed sub incudem revocatas, prælo aptarem. Aurem facile præbui monitoribus tam bene cupientibus, utilem forte operam ecclesiæ me navaturum ratus: ut taceam, animum ad istud literarum genus, inde ab ephebis, me habuisse propensum. Sacris literis, & quæ manu velut ad eas ducit, Philologiæ Sacræ adeo sum addictus, istis ut immori dulce existimem. Perlustravi ergo adversaria mea, de iisque in ordinem redigendis, poliendis, locupletandis, serio cogitare cœpi. Verum horis subscecivis ista dum aguntur, lento admodum gradu procedit labor, ut ingruente senectute, de illo publicando, vice plus simplici desperarem. Quæ tamen in me immerentem est clementia divina, vitam & valetudinem prorogavit, idoneum interdum indulgit otium, eosque lucubrationibus istis largita est successus, ut ad umbilicum tandem istud perducere pensum licuerit.

HABES historiam operis, ortum & progressum: nunc, ni grave sit, editionis causas accipe. Nec enim me, vel actum egisse, quando tot egregii hujus argumenti labores in publicum jam prostant, vel inutili quadam sarcina tabernas librarías arbitror gravasse. Ante omnia, quod jam dixi, amor oraculorum divinorum me compulit, ut, si quam forte lucem illorum affundere interpretationi, aut ansam aliis subministrare possem, in illorum altius



penetrandi sensus, partibus istis ne deessem. Quicquid enim ex omni eruditionis antiquariæ penu ad Scripturæ explicationem afferre licuit, studiose huc, sed pro instituti ratione breviter, collatum videbis, sed & multa *διωκόμενα* hic deprehendes loca, quæ Auctore indice, data opera excussimus.

II. Est præterea, quod in ceteris id genus commentariis jure quodam desideres. Alii enim, horumque plurimi, nimis concise rem tractant, & nisi oralis accedat institutio, nec fitim lectorum, argumentum exacte cognoscere cupientium, restringunt, nec satis ferunt subsidii illis, idem qui aliis exponere, aut verba de eo facere aggrediuntur. Præcipui namque illorum hac fini sunt consignati, ut viva docentis voce locupletius edissererentur. Alii, & vetustiores quidem, CAROLI SIGONII, CORN. BONAVENT. BERTRAMI, IOH. STEPH. MENOCHII, & nitidissimum omnino PETRI CVNAEI *de Republica Hebræorum*, opusculum, totum istud latifundium non exhauriunt, sed unum vel alterum caput sic satis illustrent, cetera intacta relinquunt. Quo etiam nævo, BENED. ARIAE MONTANI exasciati quidem labores, Criticis Sacris subjuncti, sed & IOH. CVNRADI DIETRICHII & PAVLI SHERLOGI, Angli, meditationes laborant: ut taceam, horum nonnullos Hebræorum monimenta & fontes Talmudicos, vel qui ex istis rivos suos deduxit, MOSEN MAIMONIDEM, consulere non valentes, solo IOSEPHO, aut PHILONE ALEXANDRINO contentos esse, quorum tamen alter in texenda historia gentis suæ, alter in eruendis allegoriis, tradendisque monitis moralibus occupatus, neuter præscos majorum ritus exponere instituit, nisi forte obiter, & *ὡς ἐν παρόδῳ* eos tangat. Alii denique nimis sunt copiosi, & ad alia festinantibus lectoribus remoram injiciunt; præterea majus postulant pretium, quam cui apud multos, qui sacris operantur, res angusta domi commode sufficiat. In his reputo MELCH. LEYDEKKERI amplôs *de Republica Hebræorum* commentarios, quibus insigni quidem cum doctrinæ apparatu, capita singula digessit, & rationum confirmare sætegit momentis. Sed non cuivis datum est, hanc adire Corinthum. Ita pariter se res habet cum vernaculo IOH. LVNDII *de Sacerdotio & cultu Levitico* opere, magna cum cura congesto, & doctissimis *πολυμαθεύς* IOH. CHRISTOPH. WOLFII, *τὸ νῦν ἐν ἀγγλῆς*, annotationibus locupletato & aucto. Præterquam enim, quod novissima ejus editio sat requirit sumtum, quæ ad sacra non pertinent, civilia & domestica, sicco præterit pede. Ut nihil nunc dicam de  
vasta



vasta opusculorum huc pertinentium collectione, quæ Venetiis sub titulo *Thesauri Antiquitatum Sacrarum*, impensis IOH. GABR. HERZII, in lucem exponi cœpta, in sex tomos jam excrevit, & ulterius progressura, bibliothecæ potius antiquariæ, quam commentationis præstare vicem possit. Nos, ut media incederemus via, laborem nostrum ita moderati sumus, ut nec nimis angustis nos contineremus finibus, sed quantum satis est, nec quidem, quicquid dici potuit, verum quæ dicere e re censuimus lectorum, de singulis capitibus traderemus; nec in nimiam liber excresceret molem, sed mediocri sumtum impensa comparari, & in forma portatili a studiosis ex una Academia in alteram, citra molestiam transferri, & perlegi citra tædium queat. Velut enim in prælectionibus quondam Academicis, ita nunc edito libro, eorum consulere commodis studuimus, qui nec ampla instructa bibliotheca, complures de quovis capite auctores evolvere in promptu habent, nec in Talmudicorum & Rabbinicorum voluminum lectione exercitati, ad ipsos recurrere possunt fontes. Demum, quod in omni historia usu venit, III. ut hodie in dubium vocentur, quæ superioribus sæculis citra hæsitacionem viri docti sunt amplexi, ista quoque tempestas in Antiquitates Hebraicas incumbit. Hinc in utramque disceptari videas partem, vel de rei gestæ veritate, vel de modo traditionum, ut in dubio hærens imperitus lector, non habeat, quo se vertat, aut ubi tuto pedem figat. Nos itaque controversias istas antiquarias & rituales, pro ea, qua licuit, dexteritate ac fide discussimus, & allatis utriusque partis rationibus, nostram interposuimus sententiam, quam lector benevolus tamdiu amplectatur, donec meliorem ab aliis edoctus, cum nostra permutaverit. Hinc in vexatis ejusmodi quæstionibus, v. g. de Sacerdotio primogenitorum, de Oraculo pectoralis S. Pontificis, de Atrio gentium in Templo, de Synedrii M. ætate & natalibus, de duplici cum mensura, tum pondere & siclo, sacro & regio, sive civili, de initiis monetæ signatæ apud Judæos, & innumeris id genus aliis, candide pronunciavimus, quid nobis videretur, non ut peritioribus, auctoritate dictatoria, nostrum obtruderemus effatum, sed cum tironibus communicaremus. Hinc non vane auguror fore, ut non omnium laturus sim calculum, quin potius nonnullorum forte stilum in me provocaturus. Quod si modeste, & quæ decet eruditos, cum humanitate fiat, tantum abest, ut male me sit habiturum, ut rectiora docentibus magnas potius persoluturus sim grates. Non de



capitibus fidei, non de cælesti veritate, non de salute Græciæ, vel animarum potius agitur, sed problema de re gesta ventilatur, cujus liquida omnino, & omni exceptione majora præsto non sunt documenta. Aequo igitur jure, quo ab aliis discessionem feci, patiar ipse lubentissime, ut illi vicissim a mea deflectant mente. Postremo, ne & iis deessem, qui unum vel aliud antiquitatis momentum, paulo investigare altius, & in suos vertere cupiunt usus, larga manu suppeditavi Auctores, qui data opera illud excusserunt. Tam itaque Judæorum, quam Christianorum in partes citavimus monimenta, ut non modo, ex quibus ipsi profecimus, sincere, gratique fateremur, sed cum primis, ut lectoribus id desiderantibus, quoddam quasi *repertorium Auctorum* suppeditaremus, quorum evolutione locupletius de singulis instruantur. Non me fugit, esse, quibus sordeant BVXTORFIORVM, SELDENI, POCCOCKII, LIGHTFOOTI, BOCHARTI, WAGENSEILII, aliorumque e Christianis doctorum allegationes, sola cupientes Rabbiorum stare vel cadere auctoritate. Verum ut taceam, dubiarum quæstionum aliquas inter Christianos tantum ventilatas fuisse, de quibus altum apud Judæos est silentium, qualis illa, de origine baptismi Christiani, & ortu baptismi Profelytorum &c. sic longe curatius Judæis, nostrates doctores, qui bene perspecta habuerunt Rabbiorum commentaria, in istas inquisiverunt. Etsi vero non defugio Judæorum in rebus domesticis testimonia, quæ in prima ipse collocare consuevi acie, ubi tuta illis fides constat, iis tamen nostratium ducibus primariis, apud quos aquilæ steterunt hætenus, jure meritoque multum defero, quod æquiore omnia ponderarunt lance, aliisque præterea disciplinis subactum ad hæc ingenium attulerunt, quod in recutitis ut plurimum desideramus. Tantum itaque abest, ut tantorum me pudeat nominum, eorum potius ut suffragia studiose collegerim, & re probe pensitata, ipsorum vestigiis insistere, duxerim honestum.

QVOD superest, vellicat adhuc scrupulus, quo tantum non omnem Antiquitatum Hebraicarum fidem in discrimen adducit vir doctissimus, & in hac palæstra apprime exercitatus, CHRISTIAN. SCHOETTGENIVS, quando *Hor. Hebr. & Talmud. T. II. cap. IX. §. 3. sq.* ejusmodi systema in desideratis ponit, & repudiata omnino MAIMONIDIS auctoritate, post Sacras Literas & Targumim, ad superstites remittit libros Judæorum, ante opus Talmudicum conscriptos, cum primis ad librum Sohar. *Hi evolvendi sunt*, inquit,



& horum traditis acquiescendum est. Voluminibus quidem Talmudicis aliquem, sed postremum, relinquit locum, & summo adhibito iudicio. *Frustra enim hic antiquitatem queras*, pergit, *cum vides Talmudistas adhuc disceptare, quid sequendum sit.* Verum pace viri, in lectione Judaicorum monumentorum versatissimi, distincte ad hæc respondebo. MAIMONIDES subinde, suum secutus ingenium, a majorum placitis deflectit, unde motæ ipsi lites fuerunt: maximam tamen partem presse iis inhæret. Nec mirum, interdum dissentire, cum istud Talmudicis & aliis recutitæ gentis non modo Magistris, verum eruditis quoque Christianorum usu venire, toto animadvertimus die. Hinc minime, illud αὐτὸς ἔφατ' satis habentes, cæco assensu effatis ejusdem acquiescimus, sed in diversum ab iis discedere, ubi dubia videntur, & objectis in contrarium sunt sequiora, religioni non ducimus. Ipse tamen, quia ex magni SCALIGERI sententia ferme unus censetur Judæorum, *qui nugari desierit*, mentemque gentis suæ, & majorum ex asse perspectam habuit, magnum omnino pondus iis addit, quæ cum suis pronunciat. *Targumim* sua gaudent auctoritate, & contra Judæos usu, verum, quod alias docuimus, nec unius ætatis sunt, nec ejusdem omnes momenti. ONCKELOSI, curate ut plurimum, & fere ad verbum fontes Hebræos reddit, inde ut parum expectes subsidii, quod Scripturæ sensum collustret, nisi in quantum ἀπαξ λεγόμενα, ex ætatis suæ Synagogæ disciplina, declarât. IONATHANIS translatio plura interferit, sed quis definiat, num recto semper tramite incedat, aut ἰδίαν ἐπίλυσιν, aut privatam, celebris cujusdam Doctoris, mentem prodât? Hierosolymitanum, Talmude Babylonico posterius, fabulis æque indulget ac Gemara, ut aquam cribro hauriat, qui veritatem, aut mentem veterum eruere ex illo satagit. Liber *Sohar* Kabbalisticus est, nec tam Antiquitates pandit, quam abstrusam veterum, multisque ænigmatibus implicatam Theologiam: præterea, tanta laborat cum sermonis, tum sensuum obscuritate, parum certi ut hinc elicere detur, quin eadem impugnari facilitate possit, qua adstruitur. De ceteris, ante destructum Templum secundum monumentis Judaicis, quæ in hunc diem prostant, adhuc sub iudice lis est, quam ferant ætatem, & num tuta iis constet fides. Immo quot suppetunt exploratæ antiquitatis testes, in quibus certo acquiescas? Ex quo enim doctores gentis cæci cæcorum evaserunt duces, veritatem ab iis frustra expectes. *Talmudis* denique duæ sunt partes, & dispar auctoritas.



Mischna quæ audit, vergente sæculo post C. N. secundo a R. IEHVDA Sancto composita, non compilatoris mentem, sed veterum gentis suæ Doctorum placita, ex superstitionibus Schedis collecta, servavit & digessit, nec tam, quid post ædis secundæ ruinam senserint Magistri, quam quæ majores ipsorum, stante adhuc Templo, tradiderunt, exponit. Gemaræ autem fidem tanti non facimus, aliquot sæculis posterioris, & variis obtenebratorum hominum disputationibus turbatæ & confusæ. Pluribus ista demonstrant BVXTORFIVS, WAGENSEILIVS, WOLFIVS, WAEHNERS, & quotquot historiam Talmudis ordine, & data opera percensuerunt. Mischnæ ergo non omnis vacillat auctoritas, quanquam & ipsa sibi per omnia non constet. Cumprimis huc facit, quam Vir doctus paulo post, p. 822. §. 10. de libris Midraschicis adhibuit, distinctio *inter sæculum compilationis, & inter sæculum singularum laciniarum*, nec posterius ex priore est æstimandum. Quantum vero industriæ, iudicii ac ingenii, ad bene digerenda horum omnium testimonia attulerint Christiani, ipsorum loquuntur commentarii, & allatæ a singulis rationes, horum ut labores alto supercilio contemnere ac posthabere, nec grati sit animi, nec satis circumspecti. Demum etiam dissimulare non licet, hoc pariter doctrinæ genus, æque ac aliarum gentium antiquitates, & ritus priscos, sua adhuc laborare imperfectione, labe, & incertitudine, in qua tollenda, abstergenda, & avertenda iis omnibus pro virili est annitendum, qui suam in hoc pistrino industriam fatigant. Inter quos si quid adjumenti attulero hac opella, si vel studiosorum rei sacræ, vel verbi divini præconum conatus promovero, si denique, ad quod, tanquam ad metam, contendo, Scripturæ interpretationi aliquod subministravero subsidium, voti damnas, hecatombas Deo O. M. persolvam, demississimis ipsum precibus implorans, ut imbecillitati meæ, ubi impegi, & a veritatis tramite imprudens deflexi, veniam propitius indulgeat, quæ autem apposite & recte sunt prolata, ad Nominis sui gloriam vertat sempiternam.

ΜΟΝΩ ΣΟΦΩ ΘΕΩ, ΔΙΑ ΙΗΣΟΥ ΧΡΙΣΤΟΥ, Η ΔΟΞΑ ΕΙΣ  
ΤΟΥΣ ΑΙΩΝΑΣ. ΑΜΗΝ.

\* \* \*





# INDEX

## LIBRORVM ET CAPITVM

### LIBER I. DE PERSONIS.

CAPVT I. DE FORMA REIPVBLICAE IVDAICAE VSQVE AD CHRIS-  
TVM, ET QVANDO SCEPTVM DE EA SVBLATVM SIT.

PAG. GOODWIN. I. PAG. ANNOT. I.

CAP. II. DE PVBLICANIS. 4. 27.

CAP. III. DE PROSELYTIS, SEV IVDAEIS ADVENTITIIS. 5. 31.

CAP. IV. DE REGIBVS. 7. 52.

CAP. V. DE PONTIFICIBVS SVMMIS, SACERDOTIBVS, LEVITIS,  
ET NETHINAEIS. 8. 64.

CAP. VI. DE PROPHEtis. 14. 113.

CAP. VII. DE TITVLO RABBI. 18. 137.

CAP. VIII. DE NAZIRAEIS ET RECHABITIS. 19. 148.

CAP. IX. DE ASSIDAEIS. 21. 165.

CAP. X. DE PHARISAEIS. 22. 173.

CAP. XI. DE SADDVCAEIS. 28. 204.

CAP. XII. DE ESSENIS. 31. 215.

CAP. XIII. DE GAVLONITIS, ET HERODIANIS. 36. 241.



# INDEX LIBRORVM ET CAPITVM

## LIBER II DE LOCIS.

CAP. I. DE TEMPLO.	38.	248.
CAP. II. DE SYNAGOGIS, SCHOLIS, ET ΠΡΟΣΕΤΧΑΙΣ.	42.	307.
CAP. III. DE PORTIS HIEROSOLYMAE.	45.	326.
CAP. IV. DE LVCIS, ET CELSIS.	46.	331.
CAP. V. DE ASYLIS.	47.	336.

## LIBER III. DE DIEBVS ET TEMPORIBVS.

CAP. I. DE DIEBVS, HORIS, SEPTIMANIS, ET ANNIS.	49.	344.
CAP. II. DE FESTIS, ET CONVIVIIS.	53.	360.
CAP. III. DE SABBATHO.	59.	382.
CAP. IV. DE PASCHATE, ET FESTO AZYMORVM.	63.	394.
CAP. V. DE FESTO PENTECOSTES.	70.	411.
CAP. VI. DE FESTO TABERNACVLORVM, ΣΚΗΝΟΠΗΓΙΑΙ.	71.	414.
CAP. VII. DE FESTO BVCCINARVM ET NOVILVNIORVM.	73.	423.
CAP. VIII. DE FESTO EXPIATIONVM.	78.	433.
CAP. IX. DE ANNO SABBATHICO, SEV QUIETE SEPTENNALI.	80.	442.
CAP. X. DE ANNO IVBILAEI.	82.	447.
CAP. XI. DE FESTO PVRI, ET FESTO ENCAENIORVM.	83.	469.

## LIBER IV. DE IDOLOLATRIA.

CAP. I. DE INITIO IDOLOLATRIAE.	84.	473.
CAP. II. DE MOLOCHO, ADAM MELECHO, ANAM MELECHO, BAA- LE, TABERNACVLO MOLECHI, CHIVN, ET REMPHAN.	86.	481.
CAP.		



## INDEX LIBRORVM ET CAPITVM.

CAP. III. DE BAAL PEORE, BAAL TSEPHONE, BAAL ZEBVB, BAAL BERITH, BEL, ET DRACONE.	92. 493.
CAP. IV. DE DAGONE.	94. 500.
CAP. V. DE VITVLO FVSO.	94. 501.
CAP. VI. DE ASTAROTH, AMMONIA IVNONE, REGINA CAELI, DIANA EPHESINÁ.	96. 508.
CAP. VII. DE ALIIS DIIS, QVI REFERVNTVR IN SACRA SCRIPTV- RA.	98. 515.
CAP. VIII. DE PECVLIARI ORACVLORVM ET XPHMATISMΩN RATIO- NE.	100. 521.
CAP. IX. DE THERAPHIMIS.	103. 537.
CAP. X. DE PECVLIARIBVS GENERIBVS INTERDICTAE DIVINA- TIONIS.	104. 540.

## LIBER V.

### DE CONSISTORIIS, SEV CONSESSIBVS.

CAP. I. DE IVDICIORVM CVRIIS, PRAESERTIM DE CONSISTORIO ECCLESIASTICO.	108. 550.
CAP. II. DE IPSORVM EXCOMMVNICATIONE.	110. 554.
CAP. III. DE COLLEGIO, SEV CONSESSV CIVILI, QVAS PERSONAS ID REQUISIVERIT.	112. 563.
CAP. IV. DE NVMERO CVRIARVM CIVILIVM.	114. 568.
CAP. V. DE QVALITATIBVS, QVÆ REQVIREBANTVR A IVDICIBVS, ET MODO ELECTIONIS.	117. 575.
CAP. VI. DE COMMVNIBVS CERIMONIIS IN OMNIBVS CAPITALI- BVS IVDICIIS.	118. 578.
CAP. VII. DE POENIS, ET SVPPlicIIS CAPITALIBVS.	120. 581.
CAP. VIII. DE POENIS NON CAPITALIBVS.	122. 586.
CAP. IX. DE SVPPlicIIS AB ALIIS NATIONIBVS ADSCITIS.	125. 591.



# INDEX LIBRORVM ET CAPITVM

## LIBER VI. DE RITIBVS MIXTIS.

CAP. I. DE CIRCVMCISIONE.	129. 601.
CAP. II. DE ΑΠΑΡΧΗ, PRIMITIIS FRVCTVVM FRVGVMQVE, ET PRIMOGENITIS.	132. 611.
CAP. III. DE DECIMIS.	135. 619.
CAP. IV. DE MATRIMONIO.	138. 625.
CAP. V. DE SEPVLTVRA.	144. 639.
CAP. VI. DE IVREIVRANDO.	148. 652.
CAP. VII. DE MODO SCRIBENDI, MASORETHIS, IPSORVMQVE OPERE.	150. 660.
CAP. VIII. DE METATIONIBVS TENTORIORVM, ET CASTRIS ISRAELITARVM.	153. 665.
CAP. IX. DE MENSURA.	157. 672.
CAP. X. DE MONETA IPSORVM CVPREA, ARGENTEA, ET AVREA.	160. 687.



MANTISSA DE SACRIFICIIS.	699.
I. DISSERTATIO DE ELEEMOSYNIS IVDAEORVM.	726.
II. DISSERT. DE DEO CALIGINIS INCOLA.	748.
EPISTOLA DE SCHECHINA.	765.
III. DISSERT. DE DISCALCEATIONE RELIGIOSA IN LOCO SACRO.	769.
IV. DISSERT. DE SYNAGOGA CVM HONORE SEPVLTA.	793.




THOMAE



THOMAE GOODWINI  
MOSES<sup>ET</sup> AARON  
LIBRI SEX









# MOSES ET AARON.

## LIBER I.

DE

## PERSONIS.

### CAPVT I.

DE FORMA REIPUBLICAE IYDAICAE, VSQVE AD AD-  
VENTVM CHRISTI, ET QVANDO SCEPTRVM DE  
EA SVBLATVM SIT.



Forma Regiminis mutatio-  
nibus inter omnes po-  
pulos obnoxia fuit;  
præprimis autem Iudaica, quæ diversissi-  
mas facies induit: quarum sequentes no-  
biliore fuere. Primo *Patresfamilias* (1)  
cum *Primogenitis* omnem regiminis spe-  
ciem administrabant, & tanquam ædium  
suarum Reges & Sacerdotes tum *Sacram*  
tum *Civilem rem* obibant: Ipsi, clavum  
domestici imperii tenentes, benedicere,  
maledicere, domo & hæreditate eliminare,

immo capite plectere poterant: ut liquet ab  
exemplis *Noachi* adversus *Chamum*, *Gen.*  
*IX*, 25. *Abrahæ* adversus *Hagaram* &  
*Ismaëlem*, *Gen.* *XXI*, 14. *Jacobi* adver-  
sus *Simeonem* & *Levi*, *Gen.* *XLIX*, 5.  
*Judæ* adversus *Thamaram*. *Gen.* *XXXVIII*,  
24. Tempore *Mosis* (2) hoc primogeni-  
turæ jus penitus elisum est.

II. Quemadmodum autem *Aaron* ipsius-  
que posterij jure & titulo sacerdotali gau-  
debant, ita *Moses*, & ab ejus morte *Josua*,  
A totum



totum populum specie quadam monarchici status flexit: ille enim (3) *Rex in Jeshurun* audiebat. *Deut. XXXIII, 5.*

III. Secuti Josuam *Judices* (4), statim ab electione, absoluta & fere independenti potestate fruebantur, haud absimiles Regibus. Longissima autem interregna & intervalla, quæ plerumque intercessere inter denatum substitutumque Judicem, rem Judæorum gravissime affligebant, usque dum periculum in mora armorumque metus ipsis Judicem extorqueret, licet strepitu metuque sopito ad privatam rursus vitæ conditionem descensurum. Gideon enim excusso Midianitarum jugo, & restituto pristinæ libertati populo, cum ipsi summa rerum sceptrumque deferretur; *non ego, ait, neque filius meus, dominabimur vobis. Jud. VIII, 23.* Extraordinarium erat, quod *Samuel Israël judicavit omnibus diebus vitæ suæ. 1 Sam. VII, 15.* ZEPPER. *lib. 3. leg. Mos. cap. 6.* Hoc respectu horum Judicum dignitas non abluit ab auctoritate *Dictatorum Romanorum.*

IV. Hæc moderaminis facies juxta computationem AUGUSTINI *de Civ. D. lib. 18. cap. 22.* post trecentos & viginti novem annos demum, inter Judæos collapsa est (5). Ubi res alicujus momenti sub interregnis eveniebant, deferrebantur ad magnum consessum LXX virorum (6), h. e. *Synedrium*, cujus intuitu Regiminis forma videbatur *Aristocratica* esse.

V. *Judices* infecuti *Reges* (7), rerumque potiti Judæis jura dixerunt a *Saule* usque ad captivitatem Babylonicam annis

circiter quingentis & viginti. ZEPPER. *leg. Mos. lib. 3. cap. 6.*

VI. A captivitate Babylonica usque ad ἐπιδημίαν, adventum Christi (qui apparuisse putatur anno quingentesimo trigesimo sexto: vid. *Chronol. FVNCII*) Respublica Judæorum multiformi mutationi subiit. Interdum enim parebant *Legatis* & *Præsidibus*, qui non absoluto jure utebantur, sed a submissis Persarum Regum decretis, mandatisque dependebant; hos appellabant ראשי צרות αἰχμαλωτάρχας (8), *Principes seu capita deportationis.* MAIM. *in Jad. lib. vit. tract. Sanhed. cap. 4. §. 13. (9).* Talis erat Zorobabel & ipsius Successores, quos *Chronicon* Judæorum, *Seder olam minus*, dicit fuisse *Mesullamum, Hananiam, Berechiam* & *Hesadiah.* Hi omnes creduntur rem Judaicam administrasse sub Monarchia Persica, & descendisse ex stirpe Davidis, uti & cæteri succedentes decem Gubernatores post Alexandrum Magnum. In quorum decem ultimo subsidit gloria domus Davidicæ, sceptro translato in gentem Maccabæorum, qui ortum debebant tribui Levi.

VII. *Maccabæi* (10) vocitabantur *de Juda Maccabæo*, qui condecoravit vexillum suum his literis initialibus, M. C. B. A. I. quas decerpserat ex כְּמִכָּה בְּאַלֶּם יְהוָה מי - *Quis sicut tu inter Deos, sive fortissimos, Jehovah?* *Chron. CARION. lib. 2. p. 144.*

VIII. Hæc Maccabæorum plena & absoluta potestas viguit, usque dum Herodis Ascalonitæ (11) regnum ingrueret, sub quo Salvator noster σαρκὶ ἐγένετο, *incarnatus est*, juxta vaticinium Jacobi *Gen. XLIX, 10* (12.) *No*



(12). *Non recedet Sceptrum a Juda, & Legislatoꝝ, qui est ex eo, quod est inter pedes ejus, usque dum veniat Silo, h. e. Messias: Targum Uziel; eadem pene verba recitat Targum Hierosol.*

IX. Ad enucleandum huius vaticinii sensum duo observanda veniunt, I. Tempus, quo Sceptrum Judæ concessum: & II. Tempus, quo rursus ereptum est.

X. Prius autem expendenda est differentia, qua exponunt duo ista vocabula *Juda* & *Sceptrum*. A. Quidam capiunt vocem *Juda* pro tribu sola Judæ, ut ORIGEN. *Hom. 17. in Gen.* EPIPH. *contra Ebioneos*, & maxima Hebræorum pars. Verum S. Script. contrarium dicit, docendo, alias tribus quoque multos iudices suffecisse Reip. & ipsos Maccabæos ex tribu Levi oriundos ad gubernacula sedisse. B. Alii nomen Judæ hic volunt esse, *duas illas tribus*, quæ partibus Rehabeami studuerunt, quæque post defectionem cæterarum tribuum simul nomine Judæorum venere, quod factum non sit prius, quam decem tribus desciverint. CVNAEVS *de Rep. Hebr. lib. 1. cap. 9. p. 81.* C. Alii sumunt hic Judam pro toto corpore Israël, *vel duodecim tribubus*, quas omnes deinde singularis Dei providentia nomine isto Judæorum, de Juda accepto, insigniverit, quod asserunt EVSEB. *demonst. Evang. lib. 8. cap. 1.* MONTACVT. *in Analect. p. 72.* CASAVBONVS *contra Baron. p. 10.*

XI. Quod ad vocabulum, *Sceptrum*; A. Quidam id interpretantur pro *Summa rerum & suprema Potestate*, qua primario unusungebatur. Huic sententiæ manus

dant Patrum plerique. B. Alii tumentur, istud vocabulum, *Sceptrum*, positum esse pro *forma Regiminis & Reipublicæ*, *ἀνο-νοίας* propriisque legibus ac ritibus suffulta; eoque nomine tam depressiorum Magistratum & Sacerdotum, quam Principum Regumque auctoritatem denotari. CASAVB. *adv. Baron. p. 19. 23.* IVST. MART. *in dial. cum Tryph.* CVNAEVS *de Rep. Hebr. lib. 1. cap. 9. p. 82.*

XII. Ex his diversis vocum expositionibus gignuntur variæ & diversæ ἐρμηνείαι, interpretationes prophetiæ Jacobi. Quidam enim putant, *Sceptrum* secundo significato sumptum, conceditum esse Judæ, h. e. duabus tribubus, quæ favebant partibus Rehabeami in defectione populi; & hoc Sceptrum ipsius Judæ manui extortum non esse, usque ad desolationem Hierosolymorum, quoniam ab ipso Herodis tempore ad istam destructionem, Judæorum Leges, Sacerdotium, & Respublica etsi concussa fuerint, non tamen penitus corruerint. CVNAEVS *de Rep. Hebr. lib. 1. cap. 11. p. 96.*

XIII. Aliorum sententia defendit, *Sceptrum* secundo sensu captum, *Judæ*, h. e. duodecim tribubus insinuatam esse tempore Mosis, illudque ipsis ablatum non esse, usque ad dirutionem Hierosolymæ, neque regnum Judæ defecisse in ipso Herode, utpote Judæo ascitio seu Profelyto: aiunt enim *Judæum* esse nomen *religionis*, non *nationis*. SCALIG. & ex eo CASAVB. *adv. Baron. p. 19. & 39.*

XIV. Alii opinantur *Sceptrum* secundo sensu intellectum, *Judæ* porrectum fuisse, h. e. duodecim tribubus tempore Mosis,



fed ab Herode ablatum, sic tamen, ut eo imperium exercente, Judæ gloria languescere modo cœperit, solo vero æquatis Hierosolymis penitus marcuerit. *MON-TACVT. in Anal. p. 74.*

XV. Alii sustinent, *sceptro*, si prima sumatur significatione, *Judam, b. e.* duodecim tribus, potitas fuisse Mosis tempore, sed istud rursus ipsarum manibus excussum, sæviente Herodis Imperio. *AVGVST. contr. Manich. lib. 12. cap. 47. EVSEB. demonstr. lib. 8. Chron. CAR. p. 143.* Priores sententiæ tuentur Messiam anticipasse suo adventu sceptri ablationem; posteriores sceptri

ablationem constituunt signum & prodromum *παρσίης* Messiæ.

XVI. Quod ipsum esse puto, quod a prophetia ista intenditur. Nam hæc opinio, quo latior patet, eo certioribus etiam firmioribusque talis stare posse videtur. Tum enim defecerat Sceptrum ad Profelytum scil. Herodem, quod antea factum non erat; & tum etiam ipse *Legislator discesserat e medio pedum ejus*, quando Christus *ἐφανερώθη ἐν σαρκί*, apparuit in carne. *GALATIN. lib. 4. cap. 6. p. 203. ex Talmud. Hieros. (13).*

## C A P V T II.

### D E P V B L I C A N I S.

Postquam delibavimus notatu dignissimas Hebrææ Reip. mutationes, accingemus nos ad descriptionem *Personarum*, quæ partes istius Reip. constituerunt; & primo quidem *Publicanorum*, qui ultimis diebus erant membra heterogenea istius Reipublicæ. Judææ itaque in Provinciam Romanam redactæ, adeoque censibus tributisque pressæ, (quod Judæi ipsimet flagitant a Pompejo sexaginta annis ante *φανερώσιν*, apparitionem Jesu Christi, teste *IOSEPHO lib. 1. de B. J. cap. 5. pag. 720.*) (1) certum *Præsides* (2) assignati erant a Pop. Rom. quibus adjuncti *Quæstores* (3), tam in Judæa quam cæteris provinciis, colligendi tributum, quantum iis imperatum fuit, gessere curam. Illi autem, quorum fuit colligere pecuniam Publicam (4), *Publicani* vocabantur, populis tributariis plerumque ob rigidas exactiones exosi.

II. Hi ergo Publicani in cunctis provinciis in suas *Societates* fuerunt distributi, quibus rursus Magistri præerant; quo sensu Zachæus dicitur fuisse (5) *ἀρχιτελώνης*, *Princeps Publicanorum Luc. XIX, 2.* Harum Societatum (6) frequens mentio injecta apud *CICER. in Orat. pro Sex. Roscio, Murena, Cn. Plancio, &c. Quæstores Provinciales* parebant insuper summo cuidam *Præfecto*, qui Romæ agebat, & cui de tributis rationem dare tenebantur. *SIGON. de jure civium Rom. lib. 2. cap. 4.*

III. Publicanos istos omnes Provinciæ summo odio detestabantur (7) ob violentas ac iniquas extorsiones, quibus isti portitores stipendiarios Rom. Imperii coercerant. Præsertim autem eos gens Judæorum vehementissime fastidivit: etsi enim Galilæi acriter urgerent, Judæi tamen tributa in sua



fua ditione pendì haud concedere voluerunt. Huius odii luculentus testis est Regula illius Rabbi, quem citat CASAVB. *Exerc.* 3, 37. quæ sic habet: *ne ducite in matrimonium quamdam ex domo Publicani, omnes enim ejus domestici Publicani sunt.* Eos sane sæpe provincias injustis tributis onerasse inde claret, quod *Sabino* ob bene gestum istud munus ad immortalem nominis memoriam imago posita sit, sub hoc titulo: ΚΑΛΩΣ ΤΕΛΩΝΗΣΑΝΤΙ, *bene functo Publicani munere.* SVETON. in *Flav. Vesp. cap. i.* Propterea mirum non est, *publicanos & peccatores* (8) in Evangelio jungi.

IV. Hodie ab omnibus, tanquam invita veritas receptum est, ista munia non solos Gentiles, sed & ipsos Judæos obiisse

(9), etsi TERTULLIANVS in contrarium abiret, *de pudic. cap. 9.* Verum postmodum HIERONYMVS *ep. ad Damascum* illius opinionem prorsus confecit. Et ratio ipsa dicat, Judæis istud munus non penitus displicuisse. Nam 1. Matthæus ipse fuit τελώνης, Apostolico post munere insignis; nec credi potest, ipsum e Paganismo ad istud munus vocatum. 2. Zachæi nomen purum putum Hebraicum est, nec ullo modo Latium sapit. 3. Nervus argumentorum, quo *Tertullianus* nititur, fumus est; nam fraudi fuit acutissimo Pæno Hebraicæ linguæ ignoratio; nusquam enim in fonte occurrit spurius ille textus, cui *Tertullianus* potissimum fidit; *non erit vectigal pendens, ex filiis Israël. Deut. XXIV, 7.*

## CAP V T III.

## DE PROSELYTIS, SEV IVDÆIS ADVENTITIIS.

Totam Israël's Rempublicam constituebant duum generum homines, *Hebræi & Proselyti* (1), h. e. qui religionem Judaicam amplectebantur. Is, qui vel patre Hebræo, vel matre Hebræa prognatus erat, *Hebræus* fuit; at, qui utrisque Hebræis parentibus obediebat, *Hebræus* audiebat ex *Hebræis*. Talis erat Paulus *Phil. III, 5.* Εβραῖος ἐξ Εβραίων. Is, qui ortus fuit vel patre proselyto, vel matre proselyta (2), vocabatur בן גֵּר *ben ger, filius proselyti*, vel בן גֵּרָב *ben gerab, filius proselytæ*, qui autem editus erat utroque parente proselyto, appellatur בֶּגֶב *bagbag. Pirk. Aboth cap. 5.*

II. Hebræi quoque specie differebant,

quidam Palæstinam incolentes Hebraico utebantur textu, & hos vocabant *Hebræos*, seu Judæos; alii dispersi per Græcorum ditiones versionem Græcam tractabant, unde traxerunt nomen (3) Ἑλληνιστῶν, *Græcissantium.* SCALIG. *Animad. Euseb. 124. 1. & in Can. Isag. 278.* Utrosque memorat LVCAS Act. VI, 1. *ortum est murmur τῶν Ἑλληνιστῶν adversus Hebræos*; ubi nota διαφορὰν differentiam inter Ἕλληνας & Ἑλληνιστάς, *Græcos & Græcissantes.* Græci sive Ἕλληνες Apostolo sunt illi, qui opponuntur *Hebræis* late sumptis, sive capias eos pro dispersis inter Græcos, sive pro Palæstinæ incolis. Ἑλληνισταὶ sive *Græcissantes* & natu & cultu *Hebræi* erant, in oppositione Hebræorum stricte sumptorum,



rum, h. e. eorum, qui Palæstinam colebant.

III. Totum Israël's corpus (4) in XII tribus erat distributum, & certi genealogiarum catalogi (5) unius cujusque familiam tribumque docebant. Hæc genealogias flamma delevit Herodes (6), ut ab insequentibus ævis Israëlitarum gente fatus videretur, sublati his publicis genealogiis. Hoc de ipso testatur EVSEBIUS *Eccl. Hist. lib. 1. c. 8.* Mea est sententia, ipsum hoc ob alium quoque finem fecisse, ne scil. distinctio familiarum tribuumque appareret, sed velut confusum chaos genealogiarum, domum Davidis, cui jure competeat raptum ab ipso Sceptrum, obnubilaret, adeoque ipse cum posteris tanto tutius regium fastigium occuparet.

IV. *Profelyti* five Judæi adventitii erant (7) pagani, qui abdicato Paganismo se in gremium Judaicæ Ecclesiæ recipiebant. *Profelyti* (8) vocabantur ἀπὸ τῆ προσεληλυθέναι, ab *adventando*, & ad Judæos se conferendo. Quod ad hos *Profelytos*, tria hæc ponderabimus: 1. Peculiares *profelytorum* species; 2. Modum eos initiandi. 3. Quo pretio inter Judæos habiti fuerint.

V. I. Species *Profelytorum* duæ erant (9), אֲרֵרִי a) *ger berith, profelytus fœderis*, qui præputio abscisso se totum pædagogicæ Mosis subdebat. Talem Rabbini nomine אֲרֵרִי *ger tsedek, profelytus justitie*, honestabant. Rabbi Salomon *Deut. XXIII, 14.* b) Erat & אֲרֵרִי *ger schagnar, profelytus portæ* (10.) *Deuteron. XIV, 21.* de quo & legimus in decalogo. Ipsi licebat sedem figere inter Israëlitas, ob

quam causam etiam תושב *toschab, incola* dicebatur. Hic non circumcidebatur, nec ritus & δόγματα Mosis verebatur, adstrictus tantum observandis septem *Noachidarum* præceptis, quæ Hebræorum Magistri hæc esse produnt. A. Poenas & judicia de maleficis. B. Benedictionem nominis Divini, sub qua comprehendebatur observatio Sabbathi. C. Detestationem omnis idololatriæ. D. Nuditatis obtectionem. E. Homicidii & F. membri vivi abstinentiam. SCHINDLER. in *Pent. pag. 1530.* Ex his (11) præceptorum istorum cultoribus erat *Naaman Syrus, Eunuchus, Cornelius*, & illi, qui memorantur *Act. II, 5. habitabant Hierosolymæ Judæi, ἀνδρες ἑυλαεῖς, viri pii ex omni gente sub cælo.*

VI. II. Ad *Profelytum fœderis* initiandum (12), differunt ritus initiationis, respectu *tum generis tum temporis.* Ad *virum* initiandum, *Profelytum fœderis*, tria requirebantur. MOSES KOTS. fol. 20. col. 2. A. *Circumcisio.* B. *Ablutio.* C. *Sanguis victimæ.* Hebr. כְּמִלָּה וְכִטְבִּילָה וְכִזְבָּחִים *bemilab, ubithbilab, ubebozaath damim schel korban.* Hæc oblatio constabat plerumque duobus turturibus, vel domesticis columbis. Ad initiationem *Profelytæ*, solam *ablutionem* & *oblationem* adhibebant. DRUSIVS *de trib. Sect. 2. p. 102.* Et quum Judæi nunc altari & victimis careant, dicunt sufficere, uti vir sola ablutione & circumcissione, fœminâ sola ablutione initientur. MOSES AEGYPTIVS in *Affure biab, Pereh. 13. fol. 137.* vide SERAR. *Triber. lib. 2. cap. 2.* Addunt tempore Davidis multis millibus *profelytorum Ecclesiam*, citra circumcissionem, solo

solo ablutionis ritu usurpato, auctam fuisse.

VII. Hinc facile possumus colligere, ritum istum ablutionis (13) diu multumque inter Judæos ad initiationem præstandam viguisse, licet sacramentalis non fuerit, usque dum Christus illum ritum in sacramentum converteret. Immo non hallucinamur, si diceremus, ob id in usu fuisse ritum istum abluendi vel immergendi, quoniam exspectabant tale quippiam in adventu Messiae. Ut patet exinde, quod Johannem convenientes, non tam de ipsius Baptismo, quam autoritate litem moveant, dicentes; *quid igitur baptizas, si tu non es Christus,*

*neque Elias, neque ille propheta? Joh. 1, 25.*

VIII. III. Pretium & honor (14), quo culti sunt proselyti a Judæis, amoris junctus fuit; non exprobrabant ipsis quidpiam, nec dicebant, *memento præteritorum factorum.* P. FAG. *Exod. XXII, 21.* Nihilominus constitutum fuit, ne quis Proselytorum in confessum Sanhedrin admitteretur, MOSES AEGYPT. *lib. vit. Fad. tract. Sanh. c. 2.* immo in communi (15) vitæ commercio crepabant frequenter hoc proverbium, quod ipsis prudentiam & cautionem inculcabat, *vel ad decimam usque generationem a proselytis cave.* CASAVB. *adv. Baron. p. 27.*

## CAPUT IV.

## DE IPSORVM REGIBVS.

De triplici Regum specie (1) legitur in N. Test. *Melchizedek erat & Rex & Sacerdos.* David & Rex & Propheta. Cæteri solummodo Reges. Melchizedek & Regio & Sacerdotali, David Regio & Prophetico munere clarus erat. Conjunctio, *συζυγία* sacri ordinis & fastigii civilis (2), docebat, Antistites Rerumpublicarum oportere esse Curatores Religionis. Quo respectu Rex *Joas* unctus, cum diademate *Testimonium* accepit, sive *librum legis.* 2. *Reg. XI, 12.* Inter ipsos Gentiles sæpe idem homo & Sacerdotio & Sceptro gaudebat. Hinc canit VIRG. *Aeneid. lib. 3.*

*Rex Anius, Rex idem hominum, Phœbi-  
que Sacerdos.*

*Trismegistus, Τριμέγιστος, Ter maximus* dictus est, quoniam fuit *Philosophus Maximus,*

*Sacerdos Maximus, & Rex Maximus.* ALEX. NEAPOL. *lib. 2. cap. 6.*

II. Non omnes Reges uncti sunt (3), sed ii soli, in quibus defecit stirpis legitima successio, & tum primus lineæ illius Regiæ pro omnibus posteris oleo unctus est, nisi lite orta cuidam sceptrum disputatum fuerit; tum enim ad firmandam stabilendamque autoritatem, unctio iterabatur. Hæc ratio fuit, cur Salomon æque unctus fuerit ac pater David, ob similitudinem scilicet inter ipsum & Adoniam accensam.

III. Præterea Saul & Jehu uncti fuere *לִמְשַׁח לְמַשְׁחָה* lenticula (4) sive vase unguentario, quod portendebat brevitatem ipsorum imperii; David autem & Salomon perfusi fuere



fuere קַרְנֵי cornu unguentario, h. e. abundanti copia, quod præfagium erat regni ipforum longius duraturi.

IV. Quemadmodum (5) corona, (6) sceptrum, (7) thronus, &c. aliaque Regalia περιήματα & prærogativæ Reges a vulgo discriminabant, ita & (8) habitus corporis; unde Achab in prælium descendens vestimenta sua mutat i Reg. XXII, 30. Et si vero purpura albæque vestes non solis Regibus usurparentur: VALER. MAX. lib. I. cap. 6. attamen hi colores in summo pretio, & ab ipsis plerumque gestati erant; purpuram præsertim amabant Imperatores Equitesque Romani; ALEX. AB ALEX. lib. I. cap. 20. Albas vero vestes sibi deligebant Nobiles Hebræorum, unde ipsi, & cæteri præclaro stemmate insignes, vocabantur חֲוִירִים Cho-

rim (9), Albates; Illos autem, qui obscuro loco editi erant, חַשְׁבֻּחִים Chaschuchim; obfuscatos, obscuros dicebant. Hinc natum illud Jacobi cap. II. vs. 2. Si intret in cætum vestrum vir cum annulo aureo, in veste splendida, ἐν ἐσθῇτι λαμπρᾷ, intret vero etiam pauper ἐν ἐσθῇτι ῥυπαρᾷ, in veste sordida.

V. Hæc forsitan ratio fuit, cur milites, Judæis Christum seditionis arguentibus coram Pilato, ipsi purpuram injecerint (10) Matth. XXVII, 28. Herodes autem ὁ τετραρχῶν τῆς Γαλιλαίας ipsum alba veste texit Luc. XXIII, 11. quo facto suum jus & morem non sine amara illusione in Christum transtulerunt, quando Christum Regio cultu amiciverunt.

## C A P V T V.

### DE PONTIFICIBVS SUMMIS, SACERDOTIBVS, LEVITIS, ET NETHINAEIS.

**T**empli cura tribus (1) ordinibus minorum demandata fuit; Sacerdotibus, Levitis, & Nethinæis; qui comparari possunt Episcopis, Diaconis, & Subdiaconis Ecclesiæ primitivæ. Horum caput erat summus Pontifex sive summus Sacerdos. In Aaronis posteritate perstitit Sacerdotium; ejus prosapie autem primogenito (2) cedebat Pontificatus, cum cæteri posterii ἀπλῶς, simpliciter Sacerdotes, h. e. Sacerdotes secundi ordinis; dicerentur. 2 Reg. XXIII, 4. Sic præter Aaronem ipsiusque lumbis natos (quibus Sacerdotium datum erat) omnis reliqua Levi posteritas Levitæ vocabantur.

II. Et in Summis & in Secundis Sacerdotibus duo occurrunt observatu digna; 1. ipsorum initiatio. 2. ipsorum functio. In his duabus partibus differunt quadantenus, & conveniunt quadantenus.

III. Differunt (3) in initiatione; nam 1. Summus Sacerdos ungebatur, materia hujus χρίσματος describitur Exod. XXX, 23. Effundebatur in caput Aaronis Lev. VIII, 12. descendebat in barbam & vestimenta ejus. Ps. CXXXIII, 2. Secundani Sacerdotes tantum adaspergebantur oleo isto unctionis admixto sanguine, qui erat super altari. Levit. VIII, 30. Hinc Sacerdos Summus in fonte

fonte legitur *Sacerdos unctus*. *Levit. IV, 5.* IONATHAN habet; *Sacerdos magnus*, vel *Summus*. Diserte ABEN ESRA; *Sacerdos magnus ipse est Sacerdos unctus*. LYRANVS adhuc clarius; *Sacerdos unctus est Sacerdos magnus, quia inferiores Sacerdotes non ungebantur.*

IV. Per hoc denotata (4) fuit unctio nostri Salvatoris, *uncti oleo alacritatis supra consortes suos*. *Pf. XLV, 8.* Unctus fuit supra consortes suos *extensive & intensive*. *Extensive*; nam etsi Aaron fuerit *Sacerdos unctus*, Saul Rex unctus, Elisa *Propheta unctus*, Melchizedek & Rex & *Sacerdos*, Moses *Sacerdos (5 a) & Propheta*, David Rex & *Propheta*: nemo tamen nisi solus *Christus*, *χριστός*, *מָשִׁיחַ*, simul & Rex, & *Sacerdos*, & *Propheta* fuit. *Intensive*; Ipse est unctus, nos adpersi; ipse plenus gratia & veritate, nos ex ipsius plenitudine accipimus gratiam pro gratia, *χάρις ἀντὶ χάριτος*. *Joh. I, 14. 16.* Et omnes Christiani, præprimis *ministri*, sunt *χριστὶ ἐὼς* *ἰωάννα τῷ Θεῷ*, *fragrantia Christi Deo*. *2. Cor. II, 15.*

V. II. Differunt (5 b) quoad vestes, quæ erant necessarium adjunctum & requisitum initiationis ipsorum. Summus Sacerdos tempore ordinariæ functionis in Sanctuario VIII vestibus ornatus erat. *Exod. XXVIII.* quæ erant I. *Femoralia (6) lineæ ad tegendam carnem nuditatis*. II. *Toga ocellata (7)*, sive tessellata, ex bysso, sive xylino, quæ obtegebat femoralia lineæ. III. *Baltheus acu pictus (8)* opere Phrygionico, ex bysso, hyacinthino, purpureo, & coccineo dibapho, quo tunica strangebatur. IV. *Tunica tota hyacinthina (9)*,

ex cujus fimbriis dependebant LXXII aurea tintinnabula, internexis malogranatis hyacinthinis, purpureis & coccineis. Hæc toga opperiebat tunicam ocellatam & baltheum acu pictum. V. *Ephod אֵפֹד amiculum (10)* ex auro, hyacinthino, purpureo, coccineo dibapho, & xylino seu bysso internexo, opere artificiosissimo. In hujus Ephod humeralibus erant duo *sardoniches*, in quorum unoquoque insculpta erant sex nomina tribuum Israël. Hoc amiculo seu אֵפֹד tegebatur ἀμείσως tunica *מִצְעֵר*. Istud amiculum ambibat etiam *cingulum* ejusdem operis, ex auro scil. hyacinthino, purpureo, coccineo dibapho, & bysso intertexto. VI. *Pectorale Judicii (11)*, operis artificiosissimi, ex auro, hyacinthino, purpureo, coccineo dibapho, & xylino intertexto; quod spithamam longitudine & spithamam latitudine extensum, & catenulis annulisque aureis, extremitatibus amicali connexum erat. Huic inserti fuerunt duodecim pretiosi lapilli quaternis ordinibus, quibus lapillis insculpta erant nomina duodecim tribuum. Insuper in hoc pectorali (12) posita erant *Urim & Thummim*. VII. *Cidaris ex bysso (13)* sedecim cubitorum, ipsius caput circumiit. VIII. *Bractea aurea, sive corona Sanctitatis (14)*, duos digitos lata, cui insculptum erat: *Sanctum Domino קָדֵשׁ לַיהוָה*, quæ ipsius cidaris parti anteriori affixa erat vitta hyacinthina.

VI. His octo vestimentis usus est Summus Sacerdos in functione sua, vocanturque Rabbinis כְּנֵיזָה *vestimenta aurea*, ob pretiositatem ipsorum, respectu vestium illarum, quas induit anno semel, nempe quando intravit *die expiationis Sanctum*  
B. Sancto-



Sanctorum, *Levit. XVI, 4. 23.* Has vero posteriores vestes nominabant כְּנֵרֵי לבן *vestimenta alba* (15); quæ quatuor numero sunt: 1. *Femoralia linea.* 2. *Tunica linea.* 3. *Baltheus lineus.* 4. *Ciduris linea.*

VII. Tempore fecundi templi, quum illud χρίσμα & sacrum oleum defecerat, non, sicut antea, dictus est Sacerdos Summus מְשִׁחָה מְרִיבָה *Auctus unctione*, sed tantum ratione vestium servatarum, מְרִיבָה כְּנֵרֵים *Auctus vestibus.* CVNAEVS de Rep. *Hebr. l. 2. cap. 7. p. 222.*

VIII. Has 4 posteriores vestes Sacerdoti Summo in publico urbis gestare minime licebat (16), nisi necessitatis telum ipsum eo adigeret; uti fecit Simeon justus, qui obviam processit Alexandro Magno in tali cultu. MOSES KOTS. *præcept. affirm. 173. fol. 212. col. 3.*

IX. Hoc εὐωδισμῶ, *vestitus*, adumbratur (17) *triplex Christi munus.* Corona sive bractea aurea *Regium*; τοῖς Urim & Thummim, ut & aureis nolis, ac malogranatis *Propheticum*; per Urim enim atque Thummim quasi oracula edebat; per tintinnabula denotabatur sonus doctrinæ Christi; per malogranata, εὐωδία *fragrantia* Sanctitatis ejus. *Sacerdotale* munus exhibitum fuit duodecim nominibus tribuum Israelis, amiculo sive τῷ Ephod & pectorali insculptis, qua re præfiguratus fuit Christus, Deo sistens partem Ecclesiam, proque suis ovibus intercedens, quas κατ' ὄνομα novit, *Joh. X, 3.*

X. Sacerdotes Secundani tantum 4 sacris vestibus amiciebantur in functione sua;

1. *Femoralibus lineis,* 2. *Tunica linea,* 3. *Balttheo lineo,* & 4. *Tiara linea.* *Exod. XXVIII, 40. 42. &c.*

XI. III. Differunt etiam quoad *matrimonium* & *conjugia* (18). Non integrum erat *Sacerdoti Summo* sibi copulare vel *viduam*, vel *dimissam*, vel *corruptam*, sed *virginem intactam*, *Levit. XXI, 14.* Ex vidua non poterat frui *primo amore*; ex dimissa, nec *primo*, nec *sincero*; ex prostibulo, nec *primo*, nec *sincero*, nec *ullo*; quos tamen amores Christus, Summi Sacerdotis ἀντίτυπος, ab Ecclesia sua requirit, exigit, expectat. Reliquis Sacerdotibus lex viduas indulget. *Levit. XXI, 7.*

XII. Conveniunt in sua INITIATIONE *Sacerdotes Summi atque Secundani*, quoad hos ritus. 1. Requirebatur, ut utrique *sine vitio corporis* (19) essent. *Levit. XXI, 17.* 2. Vt *sisterentur utrique Deo* (20) ad portam tentorii conventus. *Exod. XXIX, 4.* 3. Vtrique aqua mundari debebant (21). *Exod. XXIX, 4.* 4. Consecrabantur utrique ad offerenda *Sacrificia.* *Exod. XXIX, 1.* 5. Vtrorumque *auricula & pollex dexter* pedis ac manus alterius arietis sanguine tingebantur. *Exod. XXIX, 20.*

XIII. Tempore initiationis, Sacerdotis manus certis partibus rerum offerendarum implebantur (22). *Exod. XXIX, 9.* Ad hunc ritum collimat ceremonia, quæ obtinet in Ecclesia Christiana, ubi Episcopus ordinando Ministro Biblia tradit. Vtrumque significare potest, nefas esse quempiam sibimet sumere τὴν τιμὴν *hunc honorem*, nisi *vocatus sit a Deo ut Aaron.* *Hebr. V, 4.*  
Hinc

Hinc initiatio juxta genium Hebrææ linguæ vocatur *Impletio manus*. Huic ordini contrariabantur Sacerdotes Jerobeami, qui pro lubitu *suas impleverant manus*, 1. Reg. XIII, 33. h. e. sacerdotium invaserant.

XIV. In OBITIONE MYNERIS *Sacerdos Summus differt* a reliquis Sacerdotibus: I. Dum quotannis semel Sanctum Sanctorum intrabat, *Levit. XVI*, 34. II. Dedecebat Sacerdotem Summum ob mortem cognati aut consanguinei se ad mœrorem abjicere, *Levit. XXI*, 10. II. vel tristitiam suam (23) testari 1. *Denudatione capitis*. 2. *Scissione vestium*, de quibus luctus notis quidpiam dicendum erit Cap. de *Sepultura*. Attamen non abs re erit annotare, quod Talmudicorum sententia sit, licuisse Summo Sacerdoti discindere extremam vestis suæ oram, sed nefas fuisse desuper a pectore lacerare vestes, quæ sententia si stat, non sequetur necessario, Cajapham contra Scripturam egisse lacerando vestes suas. *Matth. XXVI*, 65.

XV. Sacerdotibus Secundanis (24) permissum erat lugere hos sex: Patrem, matrem, filium, filiam, fratrem, sororemque virginem, *Levit. XXI*, 2. 3.

XVI. Conveniunt vero in functione sua Sacerdotes Summi cum Secundanis his in rebus: I. Vtrique adolebant in altari suffitus & holocausti, 1. *Chron. VI*, 49. 16. 39. 40. II. Vtrique clangebant tubis (25), quarum duplex usus erat; vel adhibebantur ad imperandam profectionem castrorum, sive ad ducendum in hostes, vel ad convocandum populum eorumque principes, *Num. X*. III. Vtrique mactabant vi-

ctimas, 2. *Chron. XXIX*, 22. IV. Vtrique erudiebant populum, *Mal. II*, 7. V. Vtrique statuebant de lepra, *Levit. XIII*, 2.

XVII. Ad meliorem ordinem tenendum, erat Sacerdoti Summo suus (26) *Suffraganeus* sive Vicarius, nomine *ἱερεὺς* vel *ἱερογ*, qui, si quid vitii acciderat Summo Pontifici, vicem ejus obibat. *ELIAS Thisb.* Talis substitutus fuit *Zephania*, *Jer. LII*, 24. & talis censetur fuisse Annas (27), Pontificatum obtinente Cajapha. *CASAVB. adv. Baron. pag. 242.* *IOS. SCAL. in Prol. ad Euseb.* Hoc sensu exponunt, quomodo Annas & Cajaphas eodem anno dicantur fuisse *Ἀρχιερεῖς Pontifices Summi*. *Luc. III*, 2. Summus Pontifex ipsiusque Vicarius haud discrepant a nostro *Episcopo* ipsiusque *Suffraganeo*, *Patriarcha* Constantinopolitano, ipsiusque *Protosyncello*, vel a Romanorum *Centurione*, ipsius *Optione*, qui vicem Centurionis urgente necessitate gerebat.

XVIII. Et ut æqua functio ordoque inter Sacerdotes Secundanos vigeret, Rex David ipsos omnes in XXIV classes & turmas (28), totidemque dierum vices, sive *ἐφημερίδας*, distinxit. Defunctis vita Nadab & Abihu superstites soli fuerunt ex filiis Aaronis *Eleazar & Ithamar*; sicut ergo successio Sacerdotum his duabus familiis & ramis propagata fuit, ita David suo tempore in utraque familia ratione numeri distributiones fecit. Familiam Eleazaris descripsit in XVI classes, Ithamaris in VIII, fortibus distributione facta. Prodiit fors prima *Jebojaribo*, secunda *Jedaje*, tertia *Charimo*, &c. 1. *Chron. XXIV*. Quævis



classis singulis septimanis suæ functioni in templo satisfaciebat, suscepto nomine ab iis, qui tum temporis capita familiarum erant, quod nomen deinceps semper ges- sit. Cujusvis classis five ordinis caput dicebatur *Summus Sacerdos istius Classis* (29); unde est, quod sacra pagina loquitur de pluribus ἀρχιερεῖσι, *Summis Sacerdotibus* una coactis, *Matth. XXVI, 3. Marc. XIV, 1.*

XIX. Restat, ut annotemus, quod, quem- admodum hebdomadalis functio sorte fuit definita, ita munus cujusvis Sacerdotis in specie fors describebat; nimirum, cujus jam esset thymiamata adolere, cujus ju- menta immolare, cujus lampadas parare &c. Zacharias pater Johannis erat ἐξ ἐφημερίας, *ex vice seu classe Abiæ, Luc. I, 5.* h. e. octavo ordine, καὶ ἔλαχε τὴ θυμιάσαι, *forte adeptus erat munus suffiendi, vers. 9.*

XX. LEVITARVM (30) *munus* fuit, curam habere tabernaculi vasorum- que, ea ferre, erigere, componere. Levi erant tres filii, *Gerschon, Kabath, & Merari*, & juxta hæc tria nomina tres fami- liæ, *Gerschonitarum, Kahathitarum, & Meraritarum.* Custodia *Gerschonitarum* versabatur circa operimenta, tegmenta ten- torii, & tapetes ocellatos atrii. Custodiæ *Kabathitarum* demandatæ fuerunt res fan- ctuarii, ut arca, mensa, lychnuchus, al- tare &c. Custodia *Meraritarum* asserva- bantur asseres tabernaculi, pessuli, co- lumnæ, stylobatæ, & reliqua instrumenta, *Num. III.*

XXI. Hoc erat officium Levitarum (31) Mosis ævo, & cum in deserto oberrarent;

at occupata terra promissionis Rex David ipso munus immutavit, concredita qui- busdam γαζοφυλακῇ, *thesaurorum custodia.* 1. *Chron. XXVI, 20.* quosdam vero consti- tuit *Moderatores, & Judices*; quosdam *Janitores, Cantantes* quosdam, 1. *Chron. XXIII, 3. 4.* *Musici* inter cantandum ami- cti erant bysso, h. e. amiculo lineo ornati, 2. *Chron. V, 12.* Hi cantores in XXIV classes five ordines redacti erant, 1. *Chron. XXV.* in totidem classes *Janitores*, 1. *Chron. XXVI.* Ut munia sua hebdomadatim, per sortem indicata, Sacerdotum more obi- rent. Præterea Mosis tempore Levitæ ini- tiabantur *ætatis anno vigesimo quinto*, Da- vidis ævo, *ætatis anno vigesimo*, 1. *Chron. XXIII, 24. Esr. III, 8.*

XXII. Hic notanda est libertas Eccle- siæ, quæ illi tum temporis in commutan- dis ceremoniis indulta fuit: munus ipsaque initiatio Levitarum, quæ facta Davidis tem- pore, discrepat ab institutis Mosis. Sic jacta fors in electione *Matthiæ*, non au- tem in vocatione vel *Pauli*, vel reliquo- rum Apostolorum. Sic nunc, quæ olim in primitiva Ecclesia obtinuerunt, oblite- rata sunt, ἀσπασμὸς ἐν φιλήματι ἀγίῳ, *salutatio osculo sancto* in occurssionibus usur- pata, & ἀγάπαι, *convivia amorem testan- tia* apud Sacram Cœnam.

XXIII. Insuper Levitarum *gradus* non prætermittendi sunt. Scil. I. *Initiatio* ipso- rum, ubi nati unum mensem Deo sisteban- tur, *Num. III, 15.* II. *Consecratio*, ubi suum munus annumque vigesimum quin- tum ingredientibus; consecrabantur χειρὸς θε- σία, *manuum impositione, Num. VIII, 24.* Ex eo tempore usque ad annum trigessi- mum,

num, quinque annis adfuescebant paulatim obeundo muneri. Qui manus imponebant Levitis, textus ait, fuisse *filios Israelis*, *Numer. VIII, 10.* CHAZKUNI exponit hunc locum *per primogenitos Israelis*. Hi erant *Ecclesia Representativa*, & per allusionem Ecclesia Christi vocatur *ἐκκλησία πρωτοτόκων*, *Ecclesia primogenitorum*. Tum temporis separabantur Levitæ a Sacerdotibus, hoc est, *ἀφωρίζοντο*, uti legunt *LXX. Num. VIII, 11.* Ἀφωρίσει Ἀαρὼν, *separabit Aaron, pro agitabit, vel admovebit*, quod vocabulum adhibetur Ministris Jesu Christi, *Act. XIII, 2.* Ἀφορίσατέ μοι, *separate mihi Barnabam & Saulum*. III. *Functio*, ubi tabernaculum huc illuc ferebant ab anno trigesimo usque ad quinquagesimum, *Num. IV, 3.* IV. Tandem *solutio* (32) ipforum a gravi isto ferendi tabernaculi onere. Nihilominus tamen tenebantur castra metari circa tentorium, cantare, & arcere extraneos a tentorio, ut & erudire juniores Levitas, Episcoporum more. FRANC. IVN. *Anal. expos. Num. VIII.*

XXIV. Ad hos gradus videtur Apostolus alluisse, *1. Tim. III, 13.* qui bene ministraverint, parant sibi καλὸν βαθμὸν, *bonum gradum*. Tales gradus in usu fuerunt inter virgines Vestales: Triginta annos necesse erat eas manere innuptas & castas; primis decem annis discebant suæ professionis mysteria, sequentibus decem sacra perficiebant, postremis decem alias edocebant. DIONYS. HALICARN. *lib. 2.*

XXV. Ab hoc manuum impositionis ritu in Levitis manavit similis mos usitatus Apostolis in ordinum consecratione, *Act.*

VI, 6. *1. Tim. V, 22.* Notate διαστολήν, *differentiam* (33) χειροθεσίας, *manuum impositionis*; χειροτονίας, *manuum elevationis*, in signum applausus vel suffragationis, *Act. XIV, 23.* & ἐκτάσεως χειρῶν, *manuum extensionis*. Priores ritus adhibebantur *ordinationibus* vel *initiationibus* ordinum. Χειροθεσίαν mutuati erant ab Hebræis. Χειροτονία signum erat Atheniensium, quibus duo magistratus erant: κληρωτοί, *sorte electi*, & χειροτονητοί ἄρχαι, *manuum elevatione designati magistratus*. AESCHIN. *contra Ctesiphont.* Χειρῶν ἐκτασις, *manuum extensio* vocabatur interdum τῆς χειρὸς νεῦμα, *nutus manus*, signum ut multitudo linguis faveret, HERODIAN. *pag. 45.* Ita Paulus se excusavit ἐκτείνας τὴν χεῖρα, *extensa manu*. *Act. XXVI, 1.*

XXVI. Alia adhuc fuit sacrorum Ministrorum species, teste MOSE KOTS. *fol. 211. col. 4.* quos vocabant אֲנָשֵׁי מַעְמָד (34) *viros stationis, sive stationarios*. Lex volebat offerentem aliquid, sive illud fuerit oblatio, sive victima, propria manu offerre Jehovæ, & *adstare*, quoad oblatio vel victima consummata fuerit. Verum, quia totus Israel *adstare* non poterat, quum tantam multitudinem loci angustia excluderet, propterea, quando immolabatur pro toto populo, certi homines ad id lecti, vicem locumque populi implebant. Divisi erant, velut Sacerdotes & Levitæ, in XXIV classes sive ordines, ut hebdomadatim ministerium suum in templo exercerent. Ista vero electio non soli tribui Levi alligata fuit, sed indiscriminatim sumptis e populo. Cuius ordini suus præerat *Stationum princeps* אֲנָשֵׁי מַעְמָד.



XXVII. Officium NETHINAE ORVM (35) occupatum fuit circa ligna cædenda, & aquam hauriendam pro domo Dei: non erant Levitæ, nec Israelitæ, sed Gibeonitæ, quos Josua ob subdolam captivonem, qua Israelitarum arma eluserant, ad hocce munus damnavit, *Jos. IX, 23.*

Postmodum dicti sunt נְתִינִים, *Esr. II, 43.* a rad. נָתַן dedit, quasi diceret dedititios, quod huic ἀργαρεία (36), functioni, in templo dati erant. Abjecta fuit ipsorum conditio, ut patet ex *Deut. XXIX, 11.* a putatore lignorum tuorum usque ad haustorem aquarum tuarum.

## CAPUT VI.

### DE PROPHETIS.

**L**egis interpretes diversis nominibus insigniti sunt. Et licet annus & tempus, quo cujusvis nomen ortum est, antiquitate tectum sit, nec ullis monumentis pateat, concipere tamen possumus tres diversos temporis articulos & periodos (1), quibus nomina mutationi succubuerunt. I. Ab Adamo usque ad Moysen. II. A Moysen usque ad reditum populi ex Babylone. III. Ab isto reditu usque ad dies Salvatoris nostri & deinceps.

II. In prima temporis periodo, sicut Adamus, & Propheta (2) & Sacerdos suæ familiæ fuit, ita postmodum quivis primogenitus his duobus muniis præfuit, simulque regimen suæ domus gessit. Quod autem suas familias Regum instar moderati sint, & tanquam Prophetæ condocesce-rint, non nisi hospitem in Sacris Literis latere potest. Sed maximum de ipsorum Sacerdotio dubium est. Adami Sacerdotium exinde concluditur, quod *Gen. IV, 3. 4.* (3) Abel & Cain dicantur tulisse munus suum, scil. ad Adamum, qui ipsorum nomine illud Deo offerret. BERTRAM. Po-

*lit. Jud. cap. 2. p. 17.* Sacerdotium primogenitorum inde conicere licet, quod Levitæ addicebantur altari loco primogenitorum, tanquam ipsorum λύτρον, pretium redemptionis, *Num. III, 41.*

III. In secunda temporis periodo (4), etiam si κατήχησις Legis privata folius esset patrisfamilias; publica tamen debebatur Sacerdotibus & Prophetis.

IV. In tertia periodo, quando prophetiæ siluerunt (5), munus exponendi Sacras Literas vulgatori usui cessit, & Prophetarum loco, aliorum interpretum insignis multitudo succrevit (6), quos generali voce notare & omnes διδασκάλους, Doctores vocare possumus, *Job. III, 10.* Distinguere eos licet in I. Σοφές, Sapientes. II. Γραμματεῖς, Scribas, sive Legisperitos. III. Εὐζητητα, Disquisitores, *1. Cor. I, 20.* Unusquisque horum, aut quicumque Doctor alios donis præstantibus antevertebat, titulo RABBI condecorabatur. I. Prophetæ. II. Sapientes. III. Legisperiti. IV. Disquisitores. V. Rabbini.

V. I.) Pro-

V. I.) *Propheta* in Sacra Scriptura variis veniunt nominibus (7). I. Dicuntur pro ipsis *Prophetarum libris*. *Habent Moſen & Prophetas*, *Luc. XVI, 29.* II. Pro toto *Scripturarum codice*. *Nulla prophetia Scripturæ eſt propriæ interpretationis*, *2. Petr. I, 20.* III. Illi, quibus Deus ſe familiari manifeſtatione aperuit, vocabantur *Propheta*. *Abraham Propheta fuit*, *Gen. XX, 7.* *Mirjam Prophetiſſa*, *Exod. XV, 20.* IV. Ordinarii Verbi Divini interpretes dicebantur *Propheta*. *Qui accipit Prophetiam in nomine Prophetæ*, *Matth. X, 41.* V. Tandem ſumuntur pro illis, qui *χρηματιſτές*, *divinitus docti*, occulta myſteria, quæ omnem humanam ſapientiam explodunt, eruunt. Hinc olim *Propheta* נביא *Videntes*, *1. Sam. IX, 9.* ipſorumque prophetia נבואה *Viſio*, vocantur, *Eſa. I, 1.* quia Deus modo extraordinario mentem ipſorum cognitione horum myſteriorum illuminavit.

VI. Tres notatu dignæ appellationes (8) dantur prophetiæ in Sacra Scriptura. Vocatur I. *Verbum Domini*. II. *Viſio*. III. *Onus*. Primum nomen infert Dominum loquentem, ſive ſua myſteria denudantem. Secundum *Propheta* attentionem ſive contemplationem. Tertium iudicia denotat, queis ille populus, adverſus quem prophetia lata eſt, onerandus ſit.

VII. Diverſis in locis Auditoria & Scholæ (9), profeminandæ *Prophetarum doctrinæ*, extructæ fuere; horum diſcipuli nominabantur *Filii Prophetarum*, *2. Reg. VI, 1.* ad quem loquendi modum alluditur *Matth. XI, 19.* *Sapientia juſtificata eſt a filiis ſuis*. Hoc intuitu *Propheta* fert in-

terdum nomen (10) *Patris*. *Elifa clama- vit, pater mi, pater mi*, *2. Reg. II, 12.* Eodem ſenſu Græci nuncupant artis medicæ candidatos *ιατρῶν παῖδας*, *ERASM. Ep. Dedic. HILARIO præfixa.* Targum locum *2. Reg. II, 12.* ita exponit, ac ſi dictum eſſet, *Rabbi*, ſive *magiſter mi*, *magiſter mi*. Et ſane enixa ambitione *Rabbini* arripiebant iſtud nomen *Patris*, unde Chriſtus dixit *Matth. XXIII, 9.* *Non vocabitis quempiam Patrem veſtrum in terra.*

VIII. Sacra Scriptura *Propheta* nomini ſæpe jungit nomen *Patris ejus* (11), ut *Hof. I, 1.* *Hoſeas filius Beëri*. Et talem Hebræi ajunt fuiſſe & *Prophetam* & *filium Prophetæ*. *ΚΙΜΧ. præf. ad Hof.* Interdum & Sacra Scriptura memorat nomen *Propheta*, non vero *Patris*; & talem tum dicunt fuiſſe *Prophetam*, ſed non *filium Prophetæ*. Interdum ſuffigit nomini *Propheta* nomen *urbis*, in qua prophetavit; & tum talis *Propheta* ipſis eſt *Propheta bijus urbis*; ubi autem ſupprimitur nomen *urbis*, tum talem *Prophetam* ex Hieroſolymis deducunt.

IX. II.) *Sapientes* (12). Licet hic titulus generalior ſit, omnibusque Doctõribus & Paſtoribus communis, tamen multis annis ante *παροſίαν*, *adventum* noſtri Salvatoris *Phariſæi* eum vel ſibi ipſis arrogaverant, vel aucupati erant a plebecula ignorante, quæ ſtupebat ipſorum ſapientiam in inculcandis traditionibus *πατροπαράδοις*, quas ſupra Legem extollebant (13). *GORI- NID. lib. 4. cap. 20.* Inde fecerunt *Phariſæis* nomen, *Magiſtros Traditionum* (14). *DRVS. de trib. ſect. p. 86.* Ejus farinæ fuit conſilium iſtud, quod dedit *Rabbi Eleazar* ſuis



fuis discipulis; ut reflecterent filios suos a Sacra Scriptura, ipsosque ponerent *παρὰ τὰς πόδας*, ad genua Sapientum (15). Buxtorf. *Recens. oper. Talmud.* p. 195. Inde etiam fluxit ipforum tritum, *οἱ σοφοὶ ἡμῶν δευτεροῦσι*, *Sapientes nostri traditiones docent* (16); quo utebantur, si quando Doctorum quis erudiebat. Hieron. *ad Algas. quest.* 10.

X. Æqualem ambitionem notare possumus inter Græcos, qui omnes inhiabant titulo *σοφῆς*, *sapientis*. Hinc factum, ut, ubi cujusdam oratio fuerat ad palatum circumfusæ multitudinis, applauderetur ipsi, *σοφῶς*, *bene, sapienter dictum*: usque dum Pythagoras tædio turgidi illius tituli se mallet appellare *φιλόσοφον* (17), *sapientiæ studiosum*. Quam humilitatem postmodum imitati Hebræorum Magistri, ut suspicionem ambitionis averruncarent, superfederunt nomine *חכמים*, *sapientum*, contenti se nuncupare *תלמידי חכמים* (18), *discipulos sapientum*.

XI. III.) *Scribæ*, *γραμματέας* סופרים. Hoc nomen tribuitur duobus hominum generibus (19), vel puris *Laicis*, vel *Ecclesiasticis*.

XII. Laici *γραμματέας* erant (20), quibus instituendi pueri minores mandabantur, præprimis ut ipsos literas pingere docerent. Eos *ἀπλῶς* dicere possumus *γραμματέας*, *Scribas*. Hoc officioungebatur tribus *Simeon*. Hoc quidem sensu nomen Scribarum non occurrit in Sacris Literis, etsi originem suam inde deriarent, verbisque Divinis probarent, quæ Jacob dixit *Simeoni & Levi*, *Gen. XLIX, 7. distribuam*

*eos in Jacobo, & dispergam eos in Israele*: Nam, quemadmodum tribus *Levi* nullam propriam hæreditatem & portionem accepit, sed passim habitabat, sparsaque inter reliquas tribus ex altari victitabat: ita tribus *Simeon* nullam propriam Rempublicam constituerebat, sed dissipata per cæteras tribus alimoniam vitæque subsidia instituendis liberis parabat. *Salom. Iarchi, Gen. XLIX. Ambr. Tom. 4. cap. 3.* Num vero hocce officium scholasticum soli tribui isti destinatum fuerit, alii disquirant. Certus sum, *Simeonitis* sorte datam esse portionem & hæreditatem, *Jos. XIX, 1.* Et prophetia de dispersione ipforum in hoc impleta esse creditur, quod *Simeoni* hæreditas successit ex hæreditate *Judæ*, *vers. 9.* Cæterum constat, quod si non omnes *Scribæ*, tamen hi *publici Notarii* (21), quorum opera usurpatur in litibus, contractibus &c. ex quacunque etiam orti fuerint tribu, nuncupati sint *γραμματέας* סופרים, ad quod alludit *Psalms XLV, 2. Lingua mea est stilus Scribæ velocis.*

XIII. Ex horum numero cenfeo viros perspicaci mentis acie, electos publico usui. Quosdam, ut a manu consiliisque Regis essent (22), tanquam *Secretarii*, *γραμματέας βασιλέως*, 2. *Reg. XII, 10.* Tales erant *Seja*, 2. *Sam. XX, 25.* & *Saphan*, 2. *Reg. XXII, 3.* Quosdam vero, ut operam suam ferrent publicis dicasteriis & consistoriis. Hi similes sunt nostris *Secretariis Grammatophylacii* (23), & dicebantur *γραμματέας λαῶ*, *Scribæ populi*, *Matth. II, 4. 1. Macchab. V, 42.*

XIV. Hæc secunda Scribarum species pertinet ad *personas Clericas* (24). Erant enim

enim interpretes Legis, hinc vocati γραμματεῖς τῆ νόμου, νομικοὶ, νομοδιδάσκαλοι, *Legisperiti*, *Esr. VII, 6.* *Luc. VII, 30.* *Luc. V, 17.* Munus ipsorum fuit scribere, legere, & populo Legem Moſis exponere. Nomen erat non ſectæ, ſed officii. Talis fuit *Eſra*, *Eſr. VII, 6.* ex tribu *Levi*; tales alii ex tribu *Jude*: nam nulla tribus ab hoc munere excludebatur. *DRVS. de Sect. lib. 2. cap. 12. ex Chald. Paráphraſt.* Huic nomini tantumdem pretii deputatum fuit ab Hebræis, ac (25) *Magis* a Chaldæis. *Quindecim-Vir*is a Romanis (26), qui oracula Sibyllarum interpretabantur, & Canoniftis a cœtu Romano.

XV. Vox ספרים, quæ exponitur per *Scribas*, & *Legisperitos*, notat *calculatores*, *numeratores*, daturque *Maſorethis* (27), qui computando & verſus & vöcēs & literas cujuſvis libri in Sacra Scriptura conſe-  
nuerunt; quod uti eſt inſigne monumen-  
tum ipſorum perſpicacitatis, ita divinæ prö-  
videntiæ, quæ ita illæſas Literas Sacras cu-  
ſtodire voluit. *AVGVST. in Pf. XL.*

XVI. Quemadmodum Sapientes in ſuis lectionibus δεικνύουσιν, *traditiones*, urgebant: ita νομικοὶ, *Legisperiti*, adhærebant verbo ſcripto; unde nominabantur *Textuales*, *Scripturarii*, ספרנים (28), *DRVS. de 3. Sect. lib. 2. cap. 13.* Huc facit, quod & *Legisperiti* & *Phariſæi* ſua in innocentem Jeſum accuſationum tela una contorquerent, *Matth. IX.* γραμματεῖς ipſum onerabant crimine βλαſφημίας, verſ. 3. *Phariſæi* ipſum damnabant, quod ederet cum publi-

canis & peccatoribus, verſ. 11. Accuſatio γραμματέων erat de transgreſſione Legis, *Phariſæorum* de contemptu traditionis.

XVII. IV.) *Disquiſitores.* Hic diſqui-  
tor neſcit allegorias, & anagogicis ſubti-  
libusque expoſitionibus textum excutit. Propterea talis enucleator vocabatur ריש (29), h. e. *diſputator*, *inquiſitor*; ipſius ho-  
milia ſive explanatio ספר ריש *allegoricus com-  
mentarius*; ipſorumque Schola בית המדרש. Vid. *THISB. in ריש*. Hi diſquiſitores ha-  
bebantur expoſitores acutiſſimi & profun-  
diſſimæ perſpicacitatis; unde illud *Pſalmi-  
ſtæ*: *Eunt de turma ad turmam, ſive de  
robore ad robur*, huc rapiunt & applicant  
ſuo gymnaſio ſic; q. d. *eunt ex templo  
ad ſcholam* בית המדרש, ex inferiori ad  
ſublimiorem ſcholam. *Targum. Pſalm. LXXXIV, 8.*

XVIII. Hinc videmus differentiam inter  
has tres Doctorum ſpecies apud Paulum. *Sapientes* ſunt Doctores traditionum; *Le-  
gisperiti*, νομικοὶ, Doctores textus ſcripti,  
ſecundum expoſitionem literalem; *Disqui-  
ſitores*, Doctores allegoriarum & ſubtilita-  
tum abſtruſarum; quas fabuloſas & exſan-  
gues expoſitiones, quoniam ζητήσεις παρέ-  
χουσι, *queſtiones & diſputationes ſuggerunt*,  
Apoſtolus damnat, *1. Tim. I, 4.* unde talis  
explanator vocatur συζητητής, *diſquiſitor*,  
*diſputator*, *1. Cor. I, 20. (30).* Hos tres  
Doctores, quorum citato loco S. Paulus  
meminit, Hebræi nuncupant חכם *sapien-  
tem*, סופר *computantem*, ſeu ſcribam; רישן  
*ſubtilem inquiſitorem*.



## CAPUT VII.

## DE TITULO RABBI.

Circa nativitatem Christi nostri Redemptoris numerus titulorum valde crevit (1); inter quos רַבִּי, רַבִּי, רַבִּי, & רַבֵּן, *Rabb, Rabbi, Ribbi, & Rabban* (2) usitatissimi, descendunt a rad. רַבב *multiplacatus fuit*; valentque tantum ac πολυμαθῆσαι, *Magistri varia & multiplici rerum scientia instructi*; quod ad hos titulos, scribunt, רַבִּי *Rabbi* esse præstantius nomen, quam רַב *Rabb*; רַבֵּן *Rabban*, quam רַבִּי *Rabbi*; & nudum nomen, ut *Haggai, Zacharia, Maleachi*, quam רַבֵּן *Rabban*. ARVCH in voce אֲבִי.

II. Eadem tempestate utebantur certa quadam disciplinæ forma in suis scholis. Scholaris (3) vocabatur תַּלְמִיד *discipulus*, ratione doctrinæ; קָטָן *parvus* (4), ratione minorennitatis; בְּחֹר *electus* (5), ratione electionis in numerum discipulorum.

III. Dato profectuum suorum specimine ubi dignus aliquo gradu inventus fuit, per χειροθεσίαν, *manuum impositionem*, factus est *Graduatus* חַבֵּר *consors* (6) alicujus רַבִּי. Hanc χειροθεσίαν (7) dicebant סְמִיכָה sive סְמִיכוּת, quam ceremoniam a Mose Num. XXVII, 18. hauserant: *Edixit Jehova Mosi, fume tecum Josuam filium Nunis, virum, in quo est Spiritus, & וַסְמַכְתָּ אֵת יְהוֹשֻׁעַ עָלַי, impone manum tuam ipsi.* Quo tempore ipsi manus imponebat Rabbi, usus est his verbis, אֲנִי סוֹמֵךְ אוֹתָךְ תַּהֲיֶה סֹמֵךְ, id est, SCALIGERO interprete, *Ego tibi impono manum, & manus tibi impoſita esto.* *Triberef. cap. 5. p. 26.* Vide etiam CVNAEVM

*de Rep. Heb. lib. 1. cap. 12.* quod & ita sonare potest: *recipio te in societatem, & sis receptus.* Postmodum ubi aptus est alios docendi, vocatur tunc *Rabbi*.

IV. In minorennitate autem, quam ipsius nomen proprium tectum sit, patris nomen mutuatur, diciturque *Filius N.* Cum creatur *Graduatus* per χειροθεσίαν, tum venit proprio suo nomine, scil. *N. Filius N.* Deinde ubi dignus habitus est, qui doceat, ipsi confertur titulus *Rabbi* hoc modo: *Rabbi N. Filius N.* E. g. MAIMONIDES primo nuncupatus est *Ben Maimon, Filius Maimonis*; *Graduatus*, vocatus est proprio suo nomine *Moses Ben Maimon*; tandem permissus docere, dictus est רַמְבַּם *Rambam*, per abbreviationem, quæ conflatur ex Literis Capitalibus, *Rabbi Moses Ben Maimon.* Ita *Rabbi Levi Ben Gersom*, in minorennitate solummodo appellatus est *Ben Gersom*; Deinde *Levi Ben Gersom*, tandem רַבֵּן *Rablag*.

V. Hæc differentia discipulorum, sociorum, & Rabbinorum patet ex dicto antiqui alicujus Rabbini; *multum didici ex Rabbinis meis sive magistris, plus ex sociis, plurimum ex discipulis meis.* P. FAG. in scholiis suis ad cap. 4. *Pirke Aboth.*

VI. Cuivis Rabbi suos adhæsisse discipulos, & ab his, aliisque fautoribus datum esse titulum *Rabbi* diebus Salvatoris nostri, extra controversiam est. Judas progressus ad Christum dixit, χαῖρε ῥαββί, *Salve Rabbi,*

Rabbi, *Matth. XXVI*, 49. Ita ipsum titulo Rabbi salutarunt Johannis discipuli, *Joh. I*, 39. & quoque *Johannem*, *Joh. III*, 26. Sed dubito tum *χαιροῦσάν* usurpatam fuisse (8).

VII. Modus disputandi in Synagogis ipsorum ita se habuit; PHILO IVD. *quod omnis probus pag.* 679. *Rabbini primarii* sedebant cathedris distinctis, & hæ erant *πρωτοκαθεδρία*, *primi confessus*, quos Pharisæi & Legisperiti amabant, *Matth. XXIII*, 6. *Socii & Consortes* ipsorum confidebant scamnis sive depressioribus subfelliis; *Discipuli* plane ad pedes suorum Præceptorum (9). Paulus (10) educatus erat *παρὰ τῆς πόδας Γαμαλιήλ*, *ad pedes Gamalielis*, *Act. XXII*, 3. & Maria confidens *παρὰ τῆς πόδας τῆς Ἰησοῦ*, *audiebat ipsius verbum. Luc. X*, 39.

VIII. Dispositio quoque corporum ipsorum pro gradibus variavit; SCALIG. *Trib. cap.* 5. &c. c. 1. *Berachoth*. Rabbi fuit *יושב* *sedens*; *Socius* *מושב*, quod notat *inclinationem* in lectum vel scamnum illius,

qui caput reflectit in sinum alterius, juxta morem accumbendi Antiquis usitatum; eratque quies membrorum minor quam sessio. *Pirke Aboth cap.* 4. *Discipulus dicebatur פנח, qui in arena se extendebat* (11); quod signum erat humilitatis discipulorum, qui se ita ad pedes suorum magistrorum abiciebant. Hanc ceremoniam D. PAULVS putatur voluisse introducere in Ecclesiam Christianam, *1. Cor. XIV*. AMBROS. *loc. cit.*

IX. Ipsorum discipuli non erant ejusdem capacitatis, propterea inquiebant (12); quod quidam eorum haberent *conditionem spongiæ*, alii *conditionem clepsydræ*, alii *sacci facinacei*, alii *cribri*; qui spongiæ similes erant, omnia, quæ audierant, imbibebant sine judicio; qui clepsydræ, altera aure iis destillavit, quod altera hauserant; qui sacco facinaceo, illi effuso & emissio vino, quod captaverant, solam faciem retinent; tandem quos cribro comparaverant, illi sunt, qui excussis furfuribus, acere, & palea, probum frumentum servant.

## CAPUT VIII.

## DE NAZIRAEIS ET RECHABITIS.

In V. T. memorantur duæ species eorum, qui voto obstricti erant *רַבִּיִּים* RECHABITAE. (*Vid. infra c. 12. §. 19.*) *Fer. XXXV*. (1) & *נָזִירִים* NAZIRAEI, *Num. VI*. Vix rem certiore invenio; quam quod Sacra Scriptura de his dicit *loc. cit.* Propterea quod attinet materiam ipsorum votorum, Lectorem ad dictos textus remitto. Hic tantum

observabimus differentiam (2) NAZIRAEORVM. Primi erant *Nuncupatores*; *Voventes* (3), dicti a *נָזַר* *separavit, secrevit, continuit*; quia se continebant & avertebant a tribus, 1. *a Vino*, omnibusque vitis & vini *γενήμασι*, *progeniebus*. 2. *A novacula*, quoniam omnibus diebus Naziræatus vel separationis suæ novaculam capiti non im-



mittebant, foventes capillos suos. 3. A pollutione super mortuo.

II. Hic Naziræatus rursus duplex fuit (4), vel *Naziræatus dierum* certorum, vel *Naziræatus seculi*, hoc est totius vitæ. Illius fortis fuit Paulus (5), & cum ipso quatuor illi, *Act. XXI, 23*. Hujus fortis fuit Simson, *Jud. XIII.* & Johannes Baptista (6) &c.

III. Numerus dierum Naziræatus non expressus est a Sacra Scriptura, sed Hebræorum Magistri definiunt 30 dies, quod dicitur *Num. VI, 5. Jehovah sanctus erit* יהוה קדוש, quod vocabulum efficiens numerum 30 determinat numerum dierum, quos libera hæc separatio observare debebat. SCHINDL. in *pentagl.*

IV. Secunda Naziræorum species dicebatur a נזיר, unde & *Nazareth* five *Nazareth*, pagus quidam Galilææ, ubi Christus conceptus & educatus est; & de quo pago Salvator noster denominatus est *Nazare-nus*, Ναζωραῖος, *Matth. II, 23.* & qui recipiebant ipsius doctrinam Ναζωραῖος, *Nazareni* (7).

V. Postmodum exorti Sectarii (8), qui, sicut Samaritani Judaicis ceremoniis infarferunt Gentiles ritus, ita Christum & Mo-sen, Evangelium & Legem, Baptisimum & Circumcisionem copularunt. HIERON. in *Es.*

VIII. Idem refert EPIPH. *Lib. I. Tom. 2. Her. 29.* De horum prima eruptione legimus *Act. XV, 1. Quidam descendentes ex Ju-*

*dea docebant fratres: dicentes, si non circumcidimini juxta ritum Mo-sis, non potestis salvari.* Hi Hæretici appellabantur *Nazaræi*, five ex malitia Judæorum, quo Religioni Christianæ istam labem ad-spergerent; five ex eo, quod prius erant veri, etsi debiles & infirmi, *Nazaræi*, h. e. Christiani, abducti τῶν Ἰουδαίων, *Judaizatione* Petri Antiochiæ, impellentis Gentes, ut viverent Ἰουδαῖως, *Gal. II, 14.*

VI. Et propterea Ecclesia Antiochena putatur exuisse hoc nomen *Nazaræorum*, & assumpsisse nomen *Christianorum*, ut istam Sectam, quæ in ipsa ebulliverat, comprimerent. *Act. XI, 26. FRANC. IVN. par-all. Lib. I. Cap. 8.*

VII. SYMMACHVS celebris ille interpres V. T. acerrimus propugnator hujus hæreseos fuit, ita ut suis sociis tempore insequenti nomen *Symmaebianorum* dederit. AVGVST. *lib. 19. contr. Faust. cap. 4.*

VIII. Judæi, in ipsos novercali odio flagrantés, ut Samaritanos detestabantur, quare quotidie ter in precibus suis matutinis, meridianis, & vespertinis ipsos devovebant, addita hac orationibus suis clausula: *maledic Domine Nazaræis.* EPIPH. *lib. I. tom. 2. Her. 29.*

IX. Tandem fuit adhuc *alia Nazaræorum species* (9), qui denominati sunt a נשר *diffecare*, quod rescinderent & rejicerent quinque libros Mo-sis velut Apocryphos. EPIPH. *lib. I. Tom. 1. Her. 18.*

## CAPVT IX.

## DE ASSIDAEIS.

**M**ultum disputatum est de ASSIDAEIS, utrum studuerint *Phariseis*, an *Esfais*, vel alii parti. Si dignus sum meam sententiam in medium proferre, vel, ut habet Hebræorum proverbium, *caput meum sapientum capitibus addere*; hoc de Assidæis sentio.

II. Ante μετακίσην βαβυλῶνος, transportationem *Babylonicam* (1), reperimus vocem חסידים (quæ vertitur *Assidæi*) idem denotasse ac צדיקים *Iustos*, sive *bonos*: Vtrique sine ulla διαστολή, differentia veniebant, opponebanturque רשעים *Improbis*. Tum temporis tota Judæorum massa divisa fuit in duas partes, חסידים *Bonos*, & רשעים *Improbos*. Soluta captivitate discerniebant חסידים *bonos*, *benignos*, & צדיקים *justis*.

III. *Tfaddikim*, *justi*, se meditationi Scripturæ dabant; *Chasidim*, *benigni*, autem in eo toti erant, ut Scripturæ aliquid assuerent (2). DAVID KIMCHI *Psal. CIII, 17*. *Tfaddikim*, *justi*, omnibus Scripturæ mandatis se subiciebant, volentes juxta ea se componere; *Chasidim*, *boni*, sua vitæ integritate non solum Scripturæ se satisfacere, sed plus, quam exigeret, præstare jactabant. *Pirke Aboth c. 5*. In conservando templo, jugulandis victimis, sustentandis egenis &c. ultra præcepta Legis evolare se, non dubitabant. Illi erant חסידים *benigni*, qui crepabant (3); *quod meum est, tuum est, & quod tuum est, tuum proprium est*. Illi erant רשעים *improbi*, qui eructabant; *quod tuum est, meum est, & quod meum est,*

*meum proprium est*; & est plausibile, eos, qui media via incedebant (Vid. loc. cit.) dicebantque; *quod meum est, meum est, quod tuum est, tuum proprium est*, fuisse τὰς *Tfaddikim*.

IV. Ratione sanctitatis Judæi tum temporis in tres partes distinguebantur. I. רשעים, ἀσεβείς, *Improbos*. II. צדיקים, δίκαιος, *Iustos*. III. חסידים, quod vocabulum plerumque vertitur ἅγιοι, *Sancti*, interdum etiam ἀγαθοί, *Boni*. *Assidæi*, de quibus agitur 1. *Macc. VII, 13*. vocantur a IOSEPHO lib. 12. cap. 16. ἀγαθοὶ καὶ ἅγιοι τῷ ἔθνει. Hi supra omnes elati & dilecti a populo fuere.

V. Apostolus demonstraturus summum Jesu Christi amorem, mortui pro nobis, eum, per allusionem ad hanc populi differentiam, commendat *Rom. V, 6. 7*. (4) *Christus ὑπὲρ ἀσεβῶν, pro impiis, mortuus est. Vix enim quis ὑπὲρ δίκαιος, pro justo, moriatur; nam ὑπὲρ τοῦ ἀγαθοῦ, pro bono, forsitan etiam quis mori sustineat*: quæ commendatio fit a majori, ut ajunt; quidam forte morerentur pro aliquo ex τοῖς חסידים *bonis*, vix pro aliquo ex τοῖς צדיקים *justis*; nemo autem occumberet pro τοῖς רשעים *impiis*; & tamen Christus mortuus, est pro nobis *impiis* רשעים, enormibus peccatoribus, hostibus.

VI. Donec hæc opera supererogatoria (5) fiebant libere & indifferenter, non tanquam necessaria, etsi eveherentur supra nū-



dam legis observantiam, pestis schismatum ex partium illarum studiis ebullire nequivit; ast quum opera illa supererogatoria regulis & canonibus inculcarentur, & quidem velut summe necessaria, tum ex τοῖς ἡσκησίοις *bonis* pullulavit γένεμα, *progenies*, Phariseorum; & ab iis etiam manavit (uti verisimile esse putant, vid. SCAEFIG. *Trib. c. 22.*) hæresis *Esseorum*; qui utrique δευτερώσεως παραπορεύοντες, *traditiones non scriptas*, invehebant, tanquam necessarias & ipsa Scriptura perfectiores sanctitatis regulas.

VII. Hac tempestate צדיקים *Iusti* studio & æstu se opponendi abrepti, non solas traditiones, sed omnem Scripturam, excepto Pentateucho Moïsi, respuerunt, unde & vocabantur קראים *Karaim* (6). Sunt, qui eos solas traditiones rejecisse exi-

stimant, retentis omnibus Sacrae Scripturae libris. Cui sententiæ si adstipulamur, nomen suum קראים *Textuales, Scripturarios*, habebunt inde, quod a sola Scripturarum lectione penderent, omni vi traditiones debellantes.

VIII. Et tum etiam eo tempore קראים isti alieni plane fuerunt ab hæresis crimine; lapsu vero temporis, cum ipsis *Sadok & Baithus* pestiferam illam doctrinam instillassent, quod nulla ἀπόδοσις, retributio bonorum operum, aut poena malorum, vel mortuorum resurrectio futura sit, קראים illi penitus in Sadducæos degenerarunt, adeoque in insignes Hæreticos, qui nomen debent auctori suo *Sadok*. Tempus, quo cujusvis hæresis primum ortum & incrementum sumpsit, peculiaria capita docebant.

## C A P V T X.

### D E P H A R I S A E I S.

**T**res sententiæ sunt de etymologia nominis *Pharisei* (1). Quartam etymologiam, cuius fundus & auctor putatur HIERONYMVS *Pref. in Amos*, scriptura Hebraica refellit; Si enim Phariseus diceretur a פָּרַץ *disrupit, divisit*, scriberentur Pharisei פְּרוּצִים, non פְּרוּשִׁים.

II. Prima ergo trium earum sententiarum deducit a פָּרַשׁ *expandere, explicare*, sive propter *extensionem & dilatationem* suorum phylacteriorum, sive propter *ostentationem bonorum operum* omnium oculis expositam; Pharisei enim insana cupidine & siti honorem laudemque hominum venabantur.

III. Secunda sententia derivat a פִּרְשׁ *exponere, explanare*, quoniam eximia apud populum auctoritate & honore vigeant, credebanturque subtilissimi *Explanatores Legis*, ita ut vocitarentur פְּרוּשִׁים, quia פְּרוּשִׁים *expositores Legis* erant. GORTI-  
NID. cap. 22.

IV. Tertia sententia originem ex eadem radice petit, sed in conjugatione *Pibel*, ubi est *dividere, separare*. Hoc significatu Græcis dicebantur ἀφασισμέναι, *separati*, aut, uti nunc loquimur, *Separatistæ*. SVI-  
DAS.

V. Sepa-

V. Separatio ipsorum notabilis, ratione rei ad quam, & ratione rei a qua se separabant.

VI. Separabant ergo se I. *Ad meditationem legis*, quo respectu possumus eos vocare ἀφωρισμένους εἰς τὸν νόμον, *separatos ad Legem*. Et hoc intuitu creditur Apostolus se nuncupasse (2) ἀφωρισμένον εἰς εὐαγγέλιον, *separatum ad Evangelium*, Rom. I, 1. quum a Pharisaismo ad præconium Evangelii fecerneretur. DRVS. de 3. sect. lib. 2. cap. 2. II. Separabant seipfos, vel potius prætexebant separationem, ad exactissimam vitæ sanctimoniam, & ultra vulgarem hominum sortem ascendentem; hinc ille Phariseus: οὐ Deus, ago tibi gratias, quod non sum ὡς περ οἱ λοιποὶ τῶν ἀνθρώπων, sicut reliqui homines, rapaces, iniusti, adulteri &c. Luc. XVIII, 11. SVI-DAS.

VII. Res, a qua se separabant, triplex est. Separabant se (3) I. A commercio reliqui populi, uti plenius patebit in ipsorum traditionibus, unde plebem ob infcitiam vocitabant ἡ ἔθνη τοῦ ποπυλὸς τῆς γῆς, *populum terræ*. Joh. VII, 49. dicitur ὄχλος, *turba*. *Hæc turba, quæ Legem non novit, execrabilis est*. II. Ab habitu & cultu aliorum hominum: utebantur enim peculiaribus vestibus, quibus a vulgo dignosci volebant. R. DAVID SOPHON. I, 8. Hinc natum tritum illud: *Vestes populi terræ, conculcatio sunt Phariseorum*. III. A moribus & consuetudinibus hujus sæculi. THISBITES.

VIII. Hæc hæresis videtur ortum duxisse (4) ab ANTIGONO SOCHAEOS; qui

quum esset Phariseus, sequebatur SIMEONEM IVSTVM, viventem circa tempora Alexandri Magni, trecentis annis ante natiuitatem Christi. Pharisei non una e tribu prodibant (5), vel familia, sed indiscriminatim ex quavis. CHRYSOST. *Matth. XV. Paulus erat Benjamita, Hyrcanus Levita*. IOSEPH. lib. 13. c. 18.

IX. Cuius Sectæ sua erant dogmata, aphorismi, constitutiones, & canones, ita & Phariseis. Meum propositum est, solos eos notare canones & aphorismos, qui hæresin redolent, in hac & aliis Sectis, quique Sectarios ab invicem distinguunt.

X. Primo Pharisei aliquas res Fato (6) subiciebant, aliquas libero hominis arbitrio. IOSEPH. lib. 13. c. 8. 9. Secundo confitentur esse (7) Angelos & Spiritus. Act. XXIII, 8. Tertio credunt mortuorum resurrectionem, docentque animas improborum denatorum extemplo migrare ad æternos cruciatus; animas autem piorum statim ab excessu Pythagorica μετεμψυχώσεως (8) in aliorum piorum corpora transfundi. IOSEPH. de bello lib. 2. cap. 12. Hæc ratio putatur, cur tam diversam de Salvatore nostro opinionem foverint: quidam censebant ipsum esse Johannem Baptistam, alii Eliam, alii Jeremiam, Matth. XVI, 14. (9) quasi Christi corpori anima vel Johannis, vel Eliæ, vel Jeremiæ vitam afflasset. SERAR. *Tribes. lib. 2. cap. 3.* item DRVS. in *Præter. Quarto* mordicus tenebant (10) παραδόσεις, *traditiones Antiquorum*.

XI. Vt melius intelligantur ipsorum dogmata, sciendum est, Judæos dicere, quod Lex duplex sit, scripta, quam appellant



lant תורה שבכתב *Legem scriptam*; & πα-  
 τροπαράδοτος, a patribus tradita, quam  
 vocant תורה שבעל פה; quam utramque  
 Mosi datam in monte Sinai; legemque ora-  
 lem fuisse κατήχηση, instructionem & com-  
 mentarium legis-scriptæ dicunt, quam Mo-  
 ses postea ore tenus Josuæ tradiderit, Josua  
 Senioribus, Seniores Prophetis, Prophetæ  
 Viris magnæ Synagogæ, qui deinde sequen-  
 tibus seculis eandem propinarint. MOSES  
 KOTSENS. in præf. lib. præcept.

XII. Hæc traditio una ex primariis (11)  
 differentiis fuit, de quibus Sadducæi &  
 Pharisei confixerunt. GORIONID. c. 29.  
 Pharisei inquebant; observemus legem,  
 quam majores nostri nostris manibus insi-  
 nuarunt, explanatam ore Sapientum, qui  
 eam per traditiones exposuerunt. Saddu-  
 cæi autem replicabant: ne fidem demus, nec  
 aurem ullis traditionibus ὁ κατήχηση, sed  
 attendamus ad solam legem Mosi.

XIII. Traditiones autem, quas præpri-  
 mis urgebant, hæc fuerunt. I.) Non ca-  
 piebant (12) cibum χερσὶν ἀνιπτοῖς, illotis  
 manibus. Cur transgrediuntur discipuli  
 tui τὴν παράδοσιν τῶν πρεσβυτέρων, Seniorum  
 traditionem? non enim abluunt manus suas,  
 quando panem edunt. Matth. XV, 2. Hæc  
 lotio dicitur facta esse πυγμῇ, crebro, Marc.  
 VII, 3. uti quidam hanc vocem transfe-  
 runt, putantes eam idem significare hic,  
 quod πύκα apud HOMERUM, scil. crebro,  
 frequenter. Alii hanc vocem vertunt ac-  
 curate, diligenter, quod docet attentam  
 diligentiam eorum in lavando; cum qua  
 versione Syrus facit, qui habet כטלית  
 מטא ספדנה. diligenter. Alii putant hoc  
 loquendi modo alludi ad ritum istum lavan-

di, quo utebantur Judæi, quemque appel-  
 labant נטילת ידים elevationem manuum.  
 Græcum vocabulum πυγμῇ creditur expri-  
 mere hanc ceremoniam, quoniam in ista lo-  
 tione summitates digitorum cum pollice con-  
 jungebant, ita ut quævis manus speciem  
 τῆς πυγμῆς, pugni referret. SCALIG. Tri-  
 bber. c. 7. Hæc ceremonia ita habuit.  
 I. Manus abluebant. II. Eas dicto modo  
 complicabant. III. Eas elevabant, ita ut  
 aqua ad cubitum delaberetur. Tandem  
 remissis rursus manibus, aqua humum de-  
 fluebat. Et ut abundans liquor in brachiis  
 ascendendo & defluendo luderet, elevatis  
 iis puram aquam affundebant, demissis autem  
 bis aquam adspergentes. MUNSTER. in  
 Deut. VIII. Hanc lotionis speciem nobis  
 videtur THEOPHYLACTVS depingere, in  
 Marc. VII, 3. ubi inquit: Phariseos ὡς τὴν  
 ἀγκῶνα, cubitaliter lavare. Tandem alii  
 exponunt πυγμῇ per pugnum, manum pli-  
 catam, ita ut lotio fieret, pugno palmam al-  
 terius manus defricante. BEZA in Major.  
 annot. suis Marc. VII, 3. In summa, no-  
 tat accuratam & exactam lavandi curam.

XIV. Ceremonialis illa lotio elatarum de-  
 missarumque manuum satis denudat super-  
 stitionem, quam solam vellicat reprehensio  
 dicta; etsi omnes istiusmodi lotiones super-  
 stitione non carerent, quod eas non pone-  
 rent inter honestas civilesque mores; sed  
 ad religionem pertinere crederent, βαπτί-  
 ζεσθαι πρὸ τῆς ἀρίστης, se lavare ante pran-  
 dium, aut ἐσθίειν τὸν ἄρτον χερσὶν ἀνιπτοῖς,  
 sumere cibum illotis manibus; immo quod  
 earum lotionum tantam assererent necessi-  
 tatem, ut si homo accepta aqua non simul  
 manus abluere, sitimque restinguere ob  
 paucitatem posset, etsi contabesceret siccitate,

tate, non tamen anhelanti gutturi, sed purgandis manibus eam affundere deberet. DRVS. *præter. Matth. XV. in addend. & BUXTORF. Synag. Jud. c. 9. p. 93. ex Talmude.* Et cibum capere ἀνίπτους χεῖρας tantum crimen, ac ipsam fornicationem iudicabant.

XV. Etsi autem hæc traditio lotionum acerrime a Pharisæis inculcaretur, attamen isti ritui omnes Judæi obediebant, ut constet ex locis citatis. Possumus autem tres lotionum species (13) usitatas Judæis observare. 1. *Pharisaicam* & supersticiosam, quæ reprehensa est. 2. *Ordinariam*, quam externa morum honestas admittit. 3. *Significativam*, quæ nota erat innocentiae, & mandata Senioribus proximæ urbis, in causa ignoti homicidii. *Deut. XXI, 6.* Ita se lavit *Pilatus Matth. XXVII, 24.* & ad eamdem lotionem allusit *David Psalm. XXVI, 6. Lavo in innocentia palmas meas, & circa tuum altare versor, Jehova.*

XVI. II.) *Cum redibant ex foro, manus lavabant. Marc. VII, 4.* Ratio fuit, quia, quum ibidem cum variis hominum generibus commercium habuissent, facile pollui potuerant. Verbum, quo utitur *Marcus*, est βαπτίζεν (14), quod denotat totius corporis πάντισμὸν, mundationem. Videntur etiam Pharisæi, utpote quos major superstitionis zelus quam alios agitabat, sic se lavisse πρὸ τῆς ἀψίσης, ante prandium. *Phariseus miratus est, quod Christus non ante prandium ἐβαπτίσθη lotus esset. Luc. XI, 38.* — Ad hanc superstitionem (15) *Petrus inclinasse creditur, dicens: non solum pedes meos, sed & manus & caput. Joh. XIII, 9.* Is, cum civilem suam modestiam

lædi crederet, si lavandos pedes Magistro suo permitteret, ad alterum extremum deinde relabatur; q. d. *non solos pedes, sed totum corpus.* Hæc superstitio genuit *Sectam (16) Hemerobaptistarum*, sic dictorum, quod quotidie ita suas lotiones & baptismos iterarent. *EPIPH. lib. I. Tom. I. cap. 17.*

XVII. III.) *Eluebant sua pocula (17), sextarios, & lectos. Marc. VII, 4.*

XVIII. IV.) *Illicitum putabant edere (18) cum peccatoribus. Matth. IX, 11.* Immo censebant esse pollutionis speciem, tangi ab iisdem. *Luc. VII, 39. Hic si esset Propheta, nosset utique, quæ & qualis sit ista scæmina, quæ tangit ipsum; nam peccatrix est.* De istiusmodi hominibus loquitur *Propheta; qui dicunt, accede ad te, sive recede, ne appropinques mihi, sive אל תאשר בי, ne tangas me, nam sanctus tibi sum (19), Jesa. LXV, 5.* Frigidus ille sanctitatis fervor & (20) Samaritanis fuit, qui obvianti peregrino ogganniebant μη πρόσψαυσον, ne attingas, ne me vel leviter-stringas. *SCALIG. de emend. temp. lib. 7. & EPIPHAN. Tom. I. Lib. I. cap. 13.*

XIX. V.) *Jejunabant bis in septimana (21), Luc. XVIII, 12.* nimirum, die *Lunæ* & die *Jovis*. *THEOPHYL. in Luc. XVIII, 12. EPIPH. hæc. 16.* quia *Moses*, uti ajunt, montem *Sinai* ascendit die *Jovis*, descendens die *Lunæ*. *DRVS. in Luc. XVIII, 12.*

XX. VI.) *Dilatabant sua phylacteria, & amplificabant suarum vestium fimbrias. Matth. XXIII, 5.* Hic tria veniunt pensitanda:



tanda: 1. Quid fuerint *phylacteria*? 2. Quid ipsis inscriptum fuerit? 3. Cur ita dicta?

XXI. EPIPHANIUS *lib. I. Tom. I. cap. 15.* exponit hæc (22) *phylacteria* fuisse *πλατεῖα σήματα πορφύρας*, *clavos purpureos vestibus intextos*. Quasi Phariseorum vestes similes fuissent tunicis istis, quæ amiciebantur Romani Senatores, nempe *laticlavii* (vel *latis clavis*), ita dictis, quoniam erant segmentis & latis bracteis vel clavis interpuncta. Sed quum hæc *phylacteria* tantum fuerint adjuncta ornamenta, quorum duo erant, alterum fronti, alterum sinistrae affixum; tum claret, per *phylacteria* non posse intelligi totas vestes, vel aliqua segmenta & clavos vestibus infutos. In genere putantur fuisse *schedulæ, tabellæ vel membranæ, quarum*, ut notavi, duæ fuerunt: *Phylacteria sive tabellæ vel bracteæ*, fronti annexæ, & ab una ad alteram aurem pertingentes, ligulaque ab occipite adstrictæ; & *phylacteria* alligata brachio sinistro supra cubitum, ea parte, quæ spectat cor, *ut eidem eo propiora essent*. MOSES KOTS. *præc. affirm. 22.*

XXII. Vtraque hæc *phylacteria* & Phariseis & Sadduceis in usu fuerunt. MAIMON. *in Tephillim c. 4. §. 8.* Sed cum distinctione. Pharisei ad maiorem ostentationem sua *phylacteria* manuarum brachio supra cubitum affigunt. Sadducei palmæ. Immo omnes Judæi (23) talia *phylacteria* gestant, non excepto nostro Salvatore (24). SCALIG. *Tribes. p. 258.* Mandatum enim generale (25) fuit *Exod. XIII, 9. Erit tibi in signum super manu tua, & in memoriale inter oculos tuos*. Sic ipse ritus gestandi *phylacteria* non fuit a Salvatore no-

stro improbatus, sed ea dilatandi (26), quo viderentur sanctiores reliquis.

XXIII. His schedulis vel membranulis inscribebant Decalogum solum, juxta sententiam CHRYSOSTOMI & HIERONYMI in *Matth. XXIII*. Sed firmitior ratio persuadet, eos in iis exarasse has quatuor pericopas. 1. Prima pars inchoabat ita: *Consecra mihi omne primogenitum, Exod. XIII, 2.* ad finem vers. 10. 2. Secunda erat: *Et erit, quum introduxerit te Jehovab in terram Cananitarum. Exod. XIII, 11.* ad finem vers. 16. 3. Tertia ita: *Audi Israel, Jehovab Deus noster, Jehovab unus. Deut. VI, 4.* usque ad finem vers. 9. 4. Quarta sic incipiebat: *Erit itaque, si serio auscultaveritis præceptis meis, &c. Deut. XI, 13.* ad finem vers. 21.

XXIV. Has 4 partes convolutis membranulis inscriptas capiti annexerunt & sinistrae. Eas sententias, quas fronti præfixere, in quatuor diversis membranulis exararunt. MOS. KOTSENS. *fol. 104. col. 3.* Vbi vero uni membranulæ vel pelliculæ eas quatuor sententias dabant, tum fiebat istud quamvis partem distinguente lineola. Posuerunt postea eas quatuor sententias in pellicula, in qua erant quatuor ædiculæ, loculamenta, vel cellulæ; non autem in quatuor pelliculis: quævis cellula distincta erat ab aliis. Illæ vero partes, quæ manum ornabant, inscribebantur uni membranæ, distinguuntibus eas quatuor regulis. Sin eas quatuor peculiaribus membranulis inscriberent, descendentem ordinem fiebat, ponebantque in una pellicula, unam cellulam habente.

XXV. Tempore persecutionis, cum publice phylacteria sua gestare non auderent (27), manus suas rubro (28) filo cinxerunt, ut refricarent memoriam sanguinis foederalis. MVNST. de præc. affirm.

XXVI. Quod ad nomen (29), Moyses phylacteria vocavit *תפלה*; quod vocabulum tot ferme etymologias, quot expostitores habet. Verisimillimum mihi videtur, ea sic dicta fuisse per *ἀντίφρασιν*, locutionem a contrario, a *ἵστασθαι* incedere, movere; quia erant immota. Ob id vertunt LXX *ἀσάλευτα*, ornamenta immobilia. Rabbinum ea vocant *מפתח*, q. d. *precum monumenta*. Alii amant ea dicere, *Pittacia*, & *Pittaciola*, a voce *πιττάκιον*, quæ notat vestis partem, vel modicum pannum. HIERON. in *Matth. XXIII*.

XXVII. In Evangelio vocantur (30) *Φυλακτήρια*, a *φυλάττω*, *custodio*, *conseruo*. 1. Quia eorum usu Lex servabatur, assidueque recordatione ruminabatur. 2. Quia Phariseis superstitio anilis (31) persuaferat, quod iis velut pendentibus ex collo amuletis & *περιάμματα*, vel antidotis, contra omne periculum muniti essent. Vocabulum *φυλακτήριον* notat amuletum, & teste HIERONYMO, Pharisei talem fidem his ornamentis fecerunt. Quo loco comparat Phariseos certis superstitiosis mulierculis, quæ eadem inani fide inductæ circumferebant tum temporis *parvula Evangelia*, & *crucis ligna*, hoc est, excerptas ex Evangelio sententias, & crucis reliquias.

XXVIII. Eadem superstitio apud multos ultimis seculis invaluit, qui collo appendebant initium Evangelii Johannis. SCALIG.

*Tribar. cap. 7.* Et circa annum Christi 692 condemnati sunt quidam necromantici incantatores, eorumdem delusionum diabolicarum rei, unde a *φυλακτηρίω* (32), *Phylacteriani*, vocati sunt. *Concil. quin. sext. can. 61.*

XXIX. Tantum de *phylacteriis*. Eodem versu scil. *Matth. XXIII. v. 5.* reprehenduntur *dilatata & diductæ fimbriæ*, seu oræ vestium. Vox, quæ in Evangelio legitur, *κρασπέδα*, *fimbriæ*, vocatur *Num. XV, 38.* *תציצ* *peniculus filorum textus*, & *תציצ* *fila contorta*, *institæ*, *Deut. XXII, 12.* Vid. D. KIMCH. *Radic.* Locis citatis fimbriarum peniculamenta mandantur, ab ipso nostro Servatore non neglecta (33); *ἥψατο τῆ κρασπέδα τῆ ἱματίου αὐτοῦ*, *tetigit fimbriam vestis ipsius*, *Luc. VIII, 44.* Ultimum Hebraicum vocabulum notat *institam* vel *fimbriam latam*; unde magis patescit superstitio Phariseorum, qui, quum Lex latas institas permisisset, decore & mandato latiores vestibus assuebant. Hanc literalem expositionem optime convenire puto cum textu, etiam si *amplificare*, *dilatate*, *μεγαλύνειν*, Latinis & Græcis sæpe sonet *gloriarum*, *jaçtare*; qui sensus apprimè tumidum Phariseum delineat. *τὸ μεγαλύνειν* apud EVRIP. in *Bacchis*, est *magnifice jaçtare*, *efferre*. *Magnificare* etiam apud VARRON. & PLIN. eadem significatione usurpatur. BEZA in *Matth. XXIII.*

XXX. Ratio præcepti de conficiendis peniculamentis fuit, ut videntes ea recordarentur mandatorum Jehovah, *Num. XV, 38.* Ad majorem autem hujus debiti observationem suis institis sive fimbriis interferebant



rigidas acutasque spinas (34), ut inter ambulandum vel sedendum iisdem ad recordationem legis stimulantur. *HERON. in Matth. XXIII.*

XXXI. Septem vero Phariseorum genera (35) fuere. *Talmud tract. Sota cap. 3.* I. *Phariseus Sichemita*, qui pellem Pharisæicam vel induit vel exiit lucri gratia, instar Sichemitarum se circumcidentium. II. *Phariseus truncatus*, ita dictus, ac si pedibus destitutus fuisset, quum eos vix humo veller levare, ut suæ profundæ meditationis admirationem relinqueret. III. *Phariseus impingens*, qui oculos suos clausit, ad evitandum adspectum mulierum, ita ut crebro caput muris impingeret & cruentaret. IV. *Phariseus, quid debeam facere?* & fa-

*ciam illud*: ita dictus, quia istud sæpe crepabat. Ejusdem commatis videtur fuisse ille in Evangelio, qui Christum conveniens, *Bone Doctor*, ait, *quid faciam?* &c. tandemque subjungit: *hæc omnia observavi ab infantia mea. Luc. XVIII, 18. 21.* V. *Phariseus mortarius*, qui pileum gestabat instar profundi mortarii, in quo conterrunt aromata, ne posset oculos attollere, nec in ullam partem flectere, sed tantum vel antrorsum conjicere, vel humi defigere. VI. *Phariseus ex amore*, qui morem gerebat Legi virtutis amore. VII. *Phariseus ex timore*, qui obsequebatur Legi formidine poenæ. Qui se accommodavit illis ex timore, sola præcepta negativa, qui vero ex amore, præprimis positiva reverenter coluit.

## C A P V T XI.

### D E S A D D U C A E I S.

Quod attinet (1) etymologiam hujus nominis, duæ sententiæ sunt, quæ verisimiles videntur. Quidam enim deducunt eam a *ΠΙΣ* *Justitia*, quasi fuissent *justitiarum*, qui se coram tribunali Dei aut sint justificare, *EPIPH. lib. I. cap. 14.* Alii derivant, & quidem solidiori fundo, a *SADOC*, primo hujus Sectæ auctore; uti *Arianos* ab *Ario*, *Pelagianos* a *Pelagio*, *Donatistas* a *Donato* &c. ἀπὸ αἰπεινῶν καὶ Σαδὸκ ὀνομαζέται. *THEOPHYL.*

II. Hic *SADOC* vixit sub *Antigono Socheo* (2), qui secutus est *Simonem Justum*, fuitque discipulus *Antigoni*, lactatus doctrina *Phariseorum*, etsi deinde

desisceret ab eo, Sectamque *Sadduceorum* pareret, quum magnam cum hæresi *DOSTHEI* affinitatem (3) communitatemque haberet. Propterea *Sadducei* dicebantur esse γέννημα, factus *Dositheanorum*; *EPIPH. her. 14.* item *TERTULLIAN. de præscript. cap. 45.* licet *Dositheus* post Christum esset in vivis. *ORIGEN. contra Celsum.*

III. Etsi autem insignis cognatio inter duas has hæreses intercederet, dissidebant tamen in re magni momenti. *Dositheus* scil. credidit resurrectionem mortuorum, *Sadducei* negarunt eam. Et sic per consequens *Dositheani* affirmabant omnes articulos, qui necessario ex illa

illa resurrectionis fide fluunt. EPIPHAN. *her.* 13.

IV. *Causa* hujus Sectæ hæc fuit (4): Cum *Antigonus* doceret, nos Deo non debere obedire tanquam servos suis dominis, spe mercedis; *Sadoc & Baithus* (5) discipuli ejus, intelligentes, ipsum negare omnem futuram ἀναπόδοσιν, *retributionem*, præmiumve bona opéra sequens, inde effinxerunt suam hæresin, negaruntque resurrectionem mortuorum, seculum futurum, Angelos, Spiritus. *Aboth. cap. I.*

V. Eorum dogmata, canones vel constitutiones fuerunt I. Respuerunt Prophetas ceterosque Scripturæ libros (6), excepto eo, tradidit arcana quodcunque volumine *Moses*. Ob quam rem Salvator noster confossurus errorem eorum de resurrectione mortuorum, argumenti sui telum non ex Prophetis, sed *Exodo* depromit *cap. III, 6.* Ego sum Deus Abrahami, Deus Isaaci, & Deus Jacobi. *Matth. XXII, 32.* Vid. *IOSEPH. Antiqu. lib. 13. cap. 18.*

VI. 2. Rejecerunt omnes traditiones (7). ELIAS in צִרְק *Propterea* nuncupabantur מִיָּנִים *Minæi*, h. e. *Hæretici*, respectu generalis oppositionis Phariseorum & ipsorum. A. Quia Pharisei soli Catholici reputabantur. B. Quia Phariseorum doctrina veritati propior erat. Sicque respectu oppositionis particularis; cum aliqui conculcarent traditiones, aliqui inculcarent. Hinc etiam Sadduceis impositum est nomen כִּרְאִים *Textuales* (8), *Scripturarii.* DRVS. de 3. Sect. lib. 3. cap. 3. pag. 130.

VII. 3. Bonis operibus denegabant omne præmium (9) in futuro seculo, malisque supplicium. Ob id Paulus, cognito unam partem in Synedrio esse Sadduceorum, alteram vero Phariseorum, clamavit: de spe & resurrectione mortuorum in iudicium vocor. *Act. XXIII, 6.*

VIII. 4. Dicunt μὴ εἶναι ἀνάστασιν νεκρῶν, non esse resurrectionem mortuorum (10). *Act. XXIII, 8. Matth. XXII, 23. Luc. XX, 27.*

IX. 5. Afferebant animas hominum in morte annihilari (11). *IOSEPH. de bello Jud. l. 2. c. 12.*

X. 6. Negabant existentiam Angelorum & Spirituum (12). *Act. XXIII, 8.*

XI. 7. Tollebant penitus omne fatum & providentiam (13), dominium totum libero hominis arbitrio deferentes. *IOSEPH. l. 13. c. 9.*

XII. Samaritani & Sadducei (14) valde affines sibi erant; discrepabant tamen. Nam I. Samaritani sacra perficiebant in templo montis Garizim (15); Sadducei in Hierosolymitano. *EPIPH. tom. I. lib. I. her. 14.* 2. Samaritani non utebantur familiariter Judæis. *Joh. IV, 9.* Immo mutuum odium adeo Samaritanorum Judæorumque (16) animos inflammaverat, ut Judæis non liceret edere aut bibere cum Samaritanis. Quomodo tu Judæus quum sis, potum a me pascis, que tamen sum fœmina Samaritana? *Joh. IV, 9.*



XIII. Et cum omnibus gentibus facultas esset concessa, & libertas, accedendi ad Judaisimum & profelytimum, solos tamen Samaritanos ea libertate ferale Judæorum odium indignos censebat. Id liquet ex solenni ista anathematizatione (17), quæ dicitur: *Excommunicatio in secreto nominis tetragrammati*. DRY. de trib. sect. lib. 3. cap. II. Forma ejus, uti illa in Samaritanos (prout ajunt) a Nehemia & Esra fulminata est, ita se habuit: *Congregant totum populum in templo Domini, adducentes 300 Sacerdotes, 300 tubas, & 300 codices legis, totidemque cantores; resonantibus tubis cantantes Levitæ devovent Samaritanos, omnis generis execrationibus, in secreto nominis tetragrammati Jehovah, & in decem præceptis, & cum execratione sublimioris domus judicii, & quoque cum execratione inferioris domus judicii, ne quis comedat panem Samaritani, (hinc inqueiebant, eum, qui vesceretur pane Samaritani, similem esse illi, qui vescitur fuilla), nec permittatur Samaritanus fieri profelytus in Israele, adeoque portionem habere in resurrectione mortuorum*. R. GERSOM interdixit reclusionem epistolarum sub pœna hujus anathematis. DVXTORF, *Epist. Hebr. p. 59.*

XIV. Hoc statuminat ea, quæ præmissa sunt, scil. nullum vitæ usum commerciumve inter Samaritanos & Judæos fuisse. Sadducæi autem fruebantur familiari consuetudine aliorum Judæorum, ac Phariseorum quoque, in idem Synedrium cum ipsis asciti. *Act. XXIII, 6.*

XV. Conveniunt autem Samaritani & Sadducæi in hisce: 1. *In rejectione omnium*

*aliarum constitutionum.* 2. *In rejectione omnium aliarum Scripturarum præter libros Moysis* (18). 3. *Inficiatione resurrectionis, & consequentium exinde, ut futura pœna, & præmii secundum hominis opera.* Samaritani vero contra Sadducæos existentiam Angelorum tuebantur. Ad majorem fidem hujus consensus & dissensus inter eos, lege EPIPHANIVM (19) *Her. 9. & 12.*

XVI. Quod attinet Samaritanos, tres mutationis gradus (20) in ipsorum religione observatu digni sunt. 1. Coloni, quos Salmanassar in Samariam deduxerat, Israele in Assyriacam captivitatem misso, colebant Deos sue gentis. 2. *Reg. XVII.* 2. Videntibus se interfici a leonibus, quum non viderentur Jehovah, submisit Rex Assyriæ unum ex Sacerdotibus captivis, ut illos imbueret vero Dei cultu: quem cultum etsi reciperent, nolebant tamen valedicere patriæ idololatriæ, sed mista & confusa utraque religione, & Deo vivo, & mutis suis idolis procumbebant. 3. *Manassæ* frater Jaddi Pontificis Hierosolymitani, ducta in matrimonium filia *Saneballathi Horonitæ*, mandato Nehemiæ de dimittendis mulieribus peregrinis eo angustia redactus, ut vel uxorem vel spem Sacerdotii abjicere deberet, ope Saneballathi potestatem nactus est ab Alexandro Magno extruendi templum in Garizim, monte Samariæ altissimo; ad quod deinde plurimi apostatarum Judæorum confugientes Pontificatum Manassæ arrogarunt. Tum erupit Secta Samaritanorum, quos inter & Judæos postea novercale odium arsit. Tum apertum est asylum, & præsidium factum omnibus prioribus erroribus. JOSEPH. *Antiqu. lib. 2. c. 8.*

De

De hoc monte fermocinatur Samaritana illa mulier *Joh. IV, 20. patres nostri in hoc monte προσκύνησαν, adorarunt &c.* Vbi dogmata Phariseorum cum doctrina Sadducæorum contulerimus, clarescet διαβολή, oppositio insignis inter ipsos, qui tamen uniti Christum aggrediuntur. *Marc. XII.*

XVII. Quamvis autem hæc Secta inter

Judæos crassissima fuerit; suos tamen habuit amicos & buccinatores inter ipsos Pontifices. *Johannes Hyrcanus Sadducæus* fuit (21), *GORIONIDES cap. 29.* Ipsiusque filii *Aristobulus Alexander*, ut & *Ananus* junior, hujus Sectæ erroribus fuere incrustati, sic ut ipsam Mosis cathedram pestifera errorum hæresumque contagio corrumpere. *EVSEB. hist. lib. 2. cap. 23. (22)* ex *IOSEPH. Antiqu. l. 10. c. 18.*

## CAPUT XII.

## DE ESENSIS.

**D**iversæ sunt etymologiæ nominum ESSAEORVM seu ESSENORVM. Eam sententiam plurimum facio, quæ derivat eos a Syriaca voce *עֲשָׂא* *Afa* (1), *θεραπεύειν, sanare, mederi.* Hinc viri toties vocantur *θεραπευταί*, & foeminae *θεραπευτρίδες*. *IOSEPH. de bello lib. 2. cap. 12. p. 786.* Licet enim primario operam darent Sacris Literis, se tamen totos *Medicinæ* studio applicuerunt.

II. Horum Essenorum duæ fuerunt species, *θεωρητικοί*, qui *speculationibus* animum pascebant, & *πρακτικοί* (2), qui huic *arti*, in qua eximii erant, quotidie sedulo manus operamque suam tradebant. De his posterioribus agit *PHILO lib. quod omnis vir probus &c.* De prioribus, *libra seq. de vita contemplativa.*

III. *Dogmata*, constitutionesque ipsorum ut plurimum congruunt cum doctrina *Pythagoræ* (3). Quamobrem animus est, primo proferre dogmata *Pythago-*

*ra*, & deinde rem *Essæorum* persequi. In his ergo conveniunt:

IV. 1. *Pythagorici docebant communionem bonorum* (4), *AVL. GELL. lib. 1. 9.* item *LAERT. in Pythag. κοινὰ τὰ φίλων εἶναι.* Commune marsupium habebant etiam *Esseni* (5), æqualiter divites, pauperesque. *IOSEPH. l. 18. c. 2.* Ex hoc communi thesauro, suo quisque defectui confulebat, injussu aliorum quoque necessitatibus succurrens. Solos cognatos absque Inspectorum consensu juvare nefas est. Inter se neque vendunt, neque emunt (6), sed alter alterius defectum complēt. Permissum est, alterum ab altero, quo destituitur, petere citra commutationem. Mutuum sibi servitium præstant, quum dominium & servitium, vigente bonorum communione, consistere nequeant; servique plerumque fortunas dominorum suorum arrodant ac minuant, juxta dictum hoc R. *GAMALIELIS; מְרַבֵּה עֲבָדִים מְרַבֵּה גִּזְלֵי מִלְּפָנֶיךָ מְרַבֵּה אֲבוֹתֶיךָ* *multiplicans servos multiplicat raptores. Pirke Aboth*



*Aborb c. 1.* Peregre euntes nihil nisi arma, quibus vim propellant, assumunt. Quocunque enim vel oppido vel pago sunt, societati Essenorum se adiungunt, atque ibidem tanquam membra sustentantur. Præterea, si IOSEPHVM attenite legimus, observabimus, Essenos cujusvis urbis coivisse in communem societatem sive collegium, quod, ubicunque fuit, duas ministrorum species habuit: Primo *thesaurarios* (7), qui communis gazophylacii, victus, potus, aliarumque rerum ac necessitatum curam gerebant. Secundo *alios*, quibus hospites peregrini e grege suo commendati erant.

V. 2. *Pythagorici vitia & instrumenta luxuriæ* (8) evitabant. IUSTIN. lib. 20. c. 4. Sic & *Esseni*. IOSEPH. de bello lib. 2. cap. 12. Huc referendum est, quod oleum adeo fugiebant (9), ut, si quis incautus eo adpersus fuerat, extemplo detergerent.

VI. 3. *Pythagorici amabant vestes albas* (10). SVID. item AELIAN. de var. hist. lib. 12. c. 32. Ita & *Esseni* amicti incedebant indumentis candidis, non ultra decorum & modestiam pretiosis. IOSEPH. de B. lib. 2. c. 12. Vbi vestem sumperunt, non mutarunt eam (11), nisi longus usus eam attrivisset.

VII. 4. *Pythagorici jurejurando interdunt* (12). LAERT. in vit. Pyth. Sic *Esseni*. PHILO IYDAEVVS. Eum insignem nugatorem & mendaciorum propolam esse censebant, qui jurejurando fidem sibi parare deberet.

VIII. 5. *Pythagorici eximie venerabantur suos Seniores* (13). SVIDAS & LAERT. Sic *Esseni*. IOSEPH. de B. 7. lib. 2. cap. 12. Totum corpus sive sodalitium Essenorum dispescuerant eis *μίσθας τέσσαρας*, in quatuor ordines (14) secundum ætatem. Jam si quis ex ordine primo attigerat alium ex ordine ultimo, se contaminatum pollutumque reputabat, ac si Paganum attrectasset.

IX. 6. *Pythagorici aquam potabant* (15). SVIDAS. Ita *Esseni* meram aquam bibentes, a vino omni alieni erant. PHILO de vit. contempl.

X. 7. *Pythagorici utebantur Isotais ἀψυχῶς, sacrificiis inanimatis* (16). LAERT. in vit. Pythag. Sic *Esseni*. Dona templo submiserunt, nullum sacrificium offerentes: quoniam pluris fecerunt sacram suam aquam quam sacrificia. Ob quam rem reliqui Jūdæi ipsos a limine templi arcuerunt, IOSEPH. Antiq. l. 18. c. 2.

XI. 8. *Pythagorici statuminabant fatum in omnibus rebus* (17). SVIDAS. Sic *Esseni*. IOSEPH. Antiq. lib. 13. cap. 9. Tres hæreses in hoc aphorismo differunt. Ex mente *Phariseorum*, fatum quædam, quædam arbitrii libertas gubernat. *Esseni* cuncta subdunt fatali necessitati, nihil arbitrio libero. *Sadducei*, rejecto fato, arbitrii libertatem omnium humanarum rerum moderatricem statuunt.

XII. 9. *Pythagorici non concessum fuit verba facere in schola quinque primis annis* (18); quod quinquennale silentium, a Pythagora suis auditoribus indictum, vocabant *ἐχρησθῆναι* ab inhibendo sermone. Sic initiati

initiati fuerunt per quinquennale silentium, nec prius in conspectum & præsentiā Pythagoræ admissi. LAERT. in *Pyth.* Huc referimus silentium *Essenorum*, quo musabant accumbentes, cum decem simul sedentibus nemo loqueretur invitis novem. DRVS. de 3. *sect. lib. 4.* Non fuit ipsorum mos loquentem interstrepere; sed vel capitis manusque nutu, vel digiti erectione, vel capitis motione, aliisque istiusmodi mutis signis aut fastidium suum, aut dubitationem, aut approbationem &c. indicare.

XIII. Referri quoque potest ad quinquennale Pythagoreorum silentium *Essenorum initiatio* (19); nam non statim quis ad societatem eorum admissus est plena libertate, sed quatuor annis probandus fuit. Primo anno accipiunt *dolabellam*, qua commodum locum exonerandæ alvo egerunt; *περίζωμα*, *subligaculum*, quo lavantes utuntur; & *vestem* niveo candore nitentem, qua hæc Secta præprimis capitur. IOSEPH. de *B. lib. 2. cap. 12.* Hoc temporis fluxu familiaribus consuetudinibus, extra tamen commune triclinium, utebantur. Secundo anno datur ipsis sacrarum rerum communio, earumque instructio. Sequentibus duobus annis plena potestate admissos, observantiamque *Essenorum* legibus & constitutionibus jurejurando sancte pollicitos, in societatem sive collegium recipiunt.

XIV. Quando quidam jusjurandum violat (20), congregantur centum eorum, perjurum exturbantes, brevi hanc ejectionem subsequente morte. Nulli enim, suscepto semel hoc ordine, eleemosynam, vel ullum cibum ab alio mendicare licebat.

Quapropter talis corpus suum insipidis noxiisque herbis pascens corrumpēbat illud, mortemque accelerabat. Interdum istiusmodi hominem morti proximum volebant recipere, plerumque autem contabescere sinebant.

XV. 10. *Esseni adoravere versus Solis orientum* (21). PHILO, item IOSEPHVS.

XVI. 11. *Esseni seipso sacramento devinxerunt ad servandum nomina Angelorum* (22). IOSEPH. de *B. J. lib. 2. cap. 12.* qui loquendi modus indigitat speciem adorationis.

XVII. 12. *Supra omnes accurati & solliciti erant in observando Sabbatho* (23). IOSEPH. *ibidem.* Hoc die cibos parare, ignem sufflare, vasa e locis transferre, vel naturam levare timebant. Observabant etiam, teste PHILONE de *vit. contempl. εβδομαδάων εβδομαδάας*, quavis septima septimana solennem Pentecosten, quotannis septem Pentecostas.

XVIII. 13. *Abstinerunt quoque connubiis* (24); non quod conjugium in se turpe ipsis videretur, aut quod meditarentur finem imponere propagationi, sed quod extimescerent mulierum intemperantiam, persuasique essent, nullam foeminam constanti amore in maritum suum ferri. Hic cœlibatus non de omnibus *Essenis* in genere intelligendus: in hoc enim puncto ipsi inter se studiis partium dissident. Quidam itaque prioris sententiæ sunt, quidam nuptias contrahunt propagationis amore. Nihilominus tamen tanta ipsi moderatione conveniunt, ut per triennium explorent



valetudinem foeminarum, & si constanti purgatione partui idoneæ apparuerint, ita eas in matrimonium adsciscunt. Nemo autem cum prægnante concumbit, ut ostendant, quod nuptias non voluptatis, sed liberorum causa inierint. Ultimus autem hujus Sectæ ordo propagatione liberorum hæresin suam profeminat; primus ordo eam ab interitu tuetur adoptione liberorum alienorum, quos tanquam cognatos juxta suæ disciplinæ regulas moderantur; uti testatur IOSEPHVS. Addit PLINIVS *lib. 5. bist. cap. 17.* (25) multos alios Judæos, in senium vergentes, ultro se ipsis applicuisse, qui moti fuerint ad hoc, vel mutabili rerum turbidaque facie, vel memoria prioris curriculum vitæ, utpote cui totas habenas laxavissent; quasi hoc medio se ipsos poenitentia quadam vellent castigare.

XIX. Quando & a quo hæc Secta exclusæ sit, difficile est (26) dicere; quidam eos ætate *Rechabitis* æquales faciunt (27). *SERRAR. Tribær. lib. 3. c. 9.* statuuntque *Rechabitas* tantum additis quibusdam peculiaribus regulis & constitutionibus distinctos fuisse a *Kenitis*, *Jud. 1, 16.* Atque ita per consequens *Essenorum* origo & ætas adscendet ad migrationem Israelitarum ex Aegypto. *Jethro* enim, focer Mosis, ut patet ex Textu, *Kenita* fuit. Sed neutrum horum verisimile est. Nam, 1 *Kenitæ* non dicuntur in S. Script. fuisse ordo peculiaris sive Secta, sed tantum distincta familia, genus, natio. *Num. XXIV, 21.* 2 *Rechabite* non extruxerunt ædes, sed habitarunt sub tentoriis; neque terram agricultura exercentes, neque ferentes, neque vineas colentes, neque possidentes. *Jer. XXXV, 7.* *Esseni* autem non sub tentoriis, sed ædibus

mansitarunt, seduloque humum coluerunt. *IOSEPH. Antiq. l. 18. c. 2.*

XX. Aliquis ex Hebræorum Magistris (28) ait, quod *Esseni* fuerint *Naziræi*. *SCALIG. Tribær. c. 23.* Sed hoc refellit Lex *Naziræorum*, jubens, ut, ubi dies *Naziræatus* ipforum completi fuerint, comparerent ad portam tentorii templi. *Num. VI, 13.* Sed aditus templi *Essenis*, ut dictum est, non patebat.

XXI. Quamobrem incertum est, quando & quo auctore hæc hæresis eruperit. Primus, quem invenio insignitum nomine *Esseno*, fuit Judas, qui vixit tempore Aristobuli (29), Johannis Hircani filii, annis circiter centum ante incarnationem Salvatoris nostri. *IOSEPH. lib. 13. c. 15.* Vtut sit, hæc Secta vetustissima fuit, nam tres Sectæ *Sadduceorum*, *Phariseorum*, ac *Essenorum* jam tempore Jonadabi, qui fuit frater Judæ Maccabæi, adeoque quinquaginta annis ante Aristobulum, viguerunt. *IOSEPH. lib. 13. cap. 9.*

XXII. Exploratum est, hanc Sectam prorepisse ad dies Salvatoris nostri, & ulterius: nam PHILO & IOSEPHVS de ipsis loquuntur, ut eo tempore adhuc superstites. Quæ ergo ratio est, quod in N. T. eorum nulla injiciatur mentio (30)? Resp. 1. Numerus illorum PHILONIS & IOSEPHI ætate videtur exiguus fuisse, circiter quatuor millia; PHILO *lib. quod omnis probus &c. p. 678.* Et quum per multas urbes sparsi essent, Sectam suam distractam minuebant; tempore autem nostri Redemptoris Hierosolymis forsan vel nulli fuere, vel perpauci. 2. Si historias consulimus, inveniuntur illi nobis

nobis pacifici, moderati, nullique molesti, nec adeo lites conferentes, ut *Pharisei* & *Sadducei*, qui, invicem opinionum studiis distracti, Christum tamen unanimi consensu adoriuntur. 3. Cur illi non æque taceantur in N. T. præsertim cum nullos motus obloquendo, vel aliis in rebus excitarent, ac *Rechabite* in Vet. Test.? quorum semel tantum fit mentio, & quidem tum, cum jam ipsorum ordo stetisset per 300 annos, scil. ante testimonium Jeremiæ de ipsis; nam inter Jehu, qui tempore Jonadabi vixit, & Zedekiam Chronologi totidem annos numerant.

XXIII. Tandem, etsi nomen Essenorum in Scriptura non occurrat, in Epistolis tamen Pauli multa reprehensa legas (31), quæ Esseni in suis Scholis docebant. CHEMNIT. *Ex. Conc. Trid. part. 4. p. 120.* Ejus naturæ fuit istud consilium, quod Timotheo datur: *Ne amplius potato aquam, sed utere paululo vini.* 1. *Tim. V. v. 23.* Rursus, 1. *Tim. IV, 3. Prohibere connubia & cibos, est doctrina δαιμονίων, diabolorum.* Præsertim *Col. II.* multa loca videtur Apostolus ipsorum dogmatibus opposuisse: *ne quis vos judicet in cibo & potione; vers. 18. nullus ὑμᾶς καταβραβεύετω, vobis dominetur, volens, in humilitate, & cultu Angelorum: τί δογματίζεσθε, quid dogmatibus gravamini? v. 20.* Apostolus utitur voce *δογματα*, quæ Essenorum aphorismos & constitutiones notat. Sequenti versu 21 tangit quasdam res peculiares: *ne attingas, neque contrectes.* Jam autem diximus, quod Senioribus religio fuerit contrectare Juniores; & in sua diæta gustum ad panem, sal, aquam, & hyssopum adstrinxerant; quam victus rationem observarunt, ut PHILO ait, δια

πόθον σοφίας, ex amore sapientiæ; Apostolus vero concludit, *vers. 23.* quod talia habeant λόγον σοφίας, prætextum sapientiæ. Et ubi PHILO Essenorum religionem vocat *θεραπείαν*, h. e. cultum divinum, Apostolus eodem *vers.* vocat *ἐθελοθρησκείαν*, cultum voluntarium. Vbi autem ille doctrinam ipsorum nominat *φιλοσοφίαν πατέρων*, philosophiam a patribus haustam, traditionibusque acceptam, hic ab ea deterret *vers. 8.*

XXIV. Antea notavimus duas Essenorum species; quorum quidam sunt *Præctici*, quidam *Theoretici* (32). Vtrique in constitutionibus suis atque regulis & canonibus conveniunt, discrepant vero in quibusdam circumstantiis. 1. *Præctici* incoluerunt urbes, quas vitantes *Theoretici*, villarum ac pagorum solitudines quæsierunt. 2. *Præctici* vitam suam terunt opificiis, ovium, apum, agrorumque cura, &c. suntque *τεχνίται*, artifices. *Theoretici* consenescent meditando, precandoque, unde κατ' ἐξοχήν ipsi a PHILONE vocantur *ἱεταί*, supplicantes. 3. *Præctici* quotidie prandium & cœna indulgebatur, *Theoreticis* sola cœna. *Præcticatorum* quisque ex singulari scutella jus sorbet ac pane vescitur. *Theoretici* famem pellunt solo pane & sale. Si cujus palatum vero delicatius fuit quam aliis, concessum ipsi est comedere hyssopum. Utrumque vero sitim restinxit aqua communis.

XXV. Quidam arbitrantur hos *Theoreticos* fuisse Monachos Christianos (33). Sed contrarium dicunt hæ rationes. 1. Toto illo PHILONIS libro de his *Theoreticis* nulla mentio vel Christi, vel Christianorum, vel Evangelistarum, vel Apostolorum fit.



2. *Theoreticorum* Secta eodem libro non nova & haud pridem inchoata dicitur, quemadmodum Christiani tum temporis primo orti erant, ut patet ex verbis PHILONIS, A) quando eorum doctrinam appellat *πατρῶν φιλοσοφίαν*, a patribus acceptam Philosophiam; B) quando inquit: *habent priscorum commentarios*, qui hujus Sectæ aucto-

res &c. 3. Inscriptio libri non tantum est *περί βίᾳ θεωρητικῇ*, de vita contemplativa, sed & *περί ἱκετῶν*, de supplicantibus. Quum autem PHILO totam Judæorum gentem vocitet *τὸ ἱκετικὸν γένος*, nationem supplicabundam; in aprico est, *Essenos* illos non e Christianæ, sed Judaicæ gentis sinu prodiisse.

## C A P V T XIII.

### DE GAVLONITIS ET HERODIANIS.

**A**liæ præterea factiones sciderunt rem Judæorum, quæ improprie *Sectæ* (1) vocantur. Harum præprimis duæ fuerunt: I. GAVLONITAE. 2. HERODIANI.

II. *Gaulonitis* nomen dedit aliquis *Judas*, qui subinde nominatur *Judas Gaulonites* (2). IOSEPH. *Antiq. l. 18. c. 1.* subinde etiam *Judas Galileus*, de quo loquitur Gamaliel *Act. V. 37.* *Postea surrexit Judas Galileus in diebus descriptionis.* IOSEPH. *ibid. cap. 2.*

III. Hæc descriptio ea fuit, quæ facta est per *Cyrenium*, alias *Quirinum*: quod nomen uno modo in Græco habuit, ast diversimode apud Interpretes lectum. Hic *Cyrenius*, ab Augusto in Syriam Roma missus, in Judæam venit, quam Coponius Præses moderabatur; ubi istam descriptionem iniit, quam quidam incaute cum ea, cujus Lucas meminit *c. II, 1.* confundunt. Vtræque hæc descriptio imperata sub Augusto, differunt tamen (3). Nam I. ea descriptio *Act. V.* solam Syriam & Judæam censuit; Hæc *Luc. II. πᾶσαν τὴν οἰκουμένην*,

*totum orbem habitabilem.* 2. Ea descriptio fuit facta, Archelao Herodis filio Viennam in exilium relegato, cum novennale Imperium gessisset; Hæc publicata sub Herode Magno. Quam sententiam stabiliunt verba *Lucæ*, qui hanc descriptionem vocat *πρώτην*, primam vel priorem, resp. secundam illius.

IV. Causa hujus factionis ita se habuit (4): *Cyrenio* hunc censum colligente, opesque Archelai arripiente, surrexit hic *Judas*, recusataque descriptione, populo dixit, descriptionem istam esse apertum signum servitutis, & quod neminem deberent dicere Dominum, nisi eum, qui esset Dominorum Dominus, cœli Deus atque terræ. Vide IOSEPH. *loc. cit.* Qui ergo ipsi studuerunt, nuncupati sunt *Gaulonitæ*, & etiam *Galilei* (5).

V. Eorum sanguis fuit, quem sacrificiis ipsorum miscuit *Pilatus Luc. XIII, 1.* (6) qui alias nationi Galilæorum non præerat, aut imperitare poterat. Ratio hujus commixtionis esse putatur, quod Galilæi verarent,

rent victimas cædi pro salute Romani Imperii, aut Cæsaris; qua re ad iram impulsus Pilatus ipsos victimas parantes victimas fecit. OECUMEN. Art. 5, 37. THEOPHYL. in Luc. XIII, 1. IOSEPH. lib. 7. de B. J. c. 28. p. 985. Hujus factionis consortes fuere illi latrones, σικαρίαι, quorum meminit Lucas Act. XXI, 38.

VI. Quod ad *Herodianos*. Illi, qui hos *Herodianos* Hæreticis accensent (7), hæresin eorum in duobus consistere dicunt. 1. Quod *Herodem Magnum* haberent pro Messia promisso (8), quia ipsius ut ἀλλοφύλης imperio cesserat Sceptrum Judæ; quale tempus adventum Messie indicare debebat. 2. Ipsi natalem diem superstitiosis sacris & festivitatibus quotannis restaurarent (9). De cujus natalitio die PERSIVS Poeta Sat. 5. ita canit: Quum

*Herodis venere dies, unctæque fenestra  
Dispositæ pinguem nebulam vomuere lacerne,  
Portantes violas; rubrumque amplexa  
catinum  
Cauda natat Thynni; tumet alba fidelia  
vino.*

Num hic sermo sit de *Herode Magno*, dubito; quoniam ne ullum ex Antiquis novi, qui meminerit natalis diei *Herodis Magni*. Alius fuit *Herodes*, scil. *Antipas*, τετραρχης Galilææ, cujus legimus natalem celebratum Marc. VI, 21.


VII. Prius, quod *Herodiani* Herodem pro Messia habuerint, licet id multorum Auctorum gravitate nitatur, scilicet EPIPH. hæc. 10. THEOPHYL. in Matth. XXII, 16. &c. alii tamen non sine ratione eludunt. HIERON. in Matth. XXII, 17. Si enim *Herodiani* fuissent Judæi, quod plurimi eunt affirmatum, quomodo sibi potuissent persuadere, Herodem ἀλλοφύλον, alienigenam esse Messiam; quum constaret ex Prophetis, Messiam futurum esse *Judeum*, ex tribu *Juda*, & familia *Davidis*?

VIII. Aliis placet, *Herodianos* fuisse certos gnathones in aula Herodis (10), in gratiam sui Regis multa religionis puncta deferentes. BEZA in Matth. XXII, 17.

IX. Vt prætereamus multas alias opinionum nugas, ambabus ulnis amplector sententiam HIERON. in Matth. XXII, 17. statuentis, *Herodianos* eos fuisse, qui dimicabant pro censu Cæsari dependendo (11). Herodis enim fuit, Cæsaris descriptionem urgere, cui coronam debebat; non tam ratione gratitudinis, quam prudentiæ politicæ, ne is, qui ipsi coronam indulserat, quique eam ipsi rursus auferre poterat, regio ipsum folio excuteret. Quo respectu, cum Herodes quæreret Christum neci dare, & *Herodiani* cum Phariseis fallaci verborum nexu intricare eum vellent, consiliumque contra eum inirent, dixit Salvator noster Marc. VIII, 15. βλέπετε ὅπὸ τῆς ζύμης, cavete a fermento Phariseorum & Herodis (12), h. e. funesta doctrinæ lue, vulpinaque fraude.







# MOSES ET AARON.

## LIBER II.

DE

## LOCIS.

### CAPVT I.

#### DE TEMPL O.

**I**sracelitis ex Aegypto egressis, iubetur Moses exstruere *Tabernaculum* (1), quod sit locus cultui publico sacer. Iis in terra promissionis confirmatis, Salomo, iussu Dei *Templum* molitur.

II. Hæc duo nobis depingunt discrimen *Synagogæ Judaicæ*, & *Ecclesiæ Christianæ*. *Tabernaculum* fuit mobile, unius brevisque temporis; *Templum* fixum, firmum, ac durable. *Vetus Tabernaculum* antiquabile, uni populo brevisque tempori adstrictum fuit. *Novum* perpetuum & ad mundi fines extensum. Præcipue delineant statum Ecclesiæ militantis & triumphantis (2). Vtrumque respicit David *Psal. XV, 1. Jehovah, quis hospitabitur in tabernaculo tuo? quis habitabit in monte sanctitatis tue?*

III. In eadem valle eminent tres (3) montes, *Tzion*, *Moria*, & *Mons Calvarie*. Mons *Tzion* (4) portabat urbem munimentumque Davidis; *Moriam* premebat *Templum* (5); monti *Calvarie* (6) palus, ex quo pependit noster Servator, infixus fuit. Hi tamen tres montes comuni nomine *Tzion* (7) dicti sunt. GENEBRARD. in *Chronol. l. 1. anno mundi 3146*. Hinc est, quod S. Scriptura de templo loquatur quasi exstructo in monte *Tziona*, cum ipsum *Morie* esset impositum.

IV. In *Templo* hæc tria sunt notatu digna (8). 1. *Sanctum Sanctorum* (9), conveniens choro sive anteriori parti nostrarum ædium basilicarum. 2. *Sanctum*, coincidens cum corpore ædium. 3. *Atrium*, referens nostra cœmeteria ambientia templum.

V. In

V. In *Sancto Sanctorum* erant χρυσὸν θυμιατήριον, *aureum Thuribulum* (10), καὶ κιβωτὸς τῆς διαθήκης, *Et Arca testamenti* (11). *Heb. IX, 4.* In ea *arca* erant tria (12): 1. *Vrna aurea* habens Mannam. 2. *Virga Aaronis* ἡ βλασήσασα, *que fronderat.* 3. αἱ πλακεὶς διαθήκης, *Tabulae Testamenti.* Sunt qui illud, ἐν ᾗ, *in qua* *Heb. IX, 4.* non referunt ad τὴν κιβωτὸν, *arcam*, sed τὴν σκηνὴν, *tabernaculum* *vers. 1, 2, 3.* & dicunt, in *tabernaculo* secundo, quod appellatum ἅγια ἁγίων, *Sanctum Sanctorum*, fuisse *urnam Mannæ*, *Et virgam Aaronis*, *tabulasque Fœderis*; videl. *urnam* *Et virgam* ante *Arca*, *tabulam* autem in *Arca*. Ita MOSES KOTS. 210, 1. Sed tempore Mosis tria illa simul in *Arca* fuere; Salomonis autem ævo solas tabulas Testamenti *Arca* continuit. 1 *Reg. VIII, 9.*

VI. *Operculum* hujus *Arcae* (13) vocatur ἱλαστήριον, *propitiatorium*, quod Legem operiret celaretque, ne coram Deo hominem accusaret. Typus erat Christi, qui quoque dicitur ἱλαστήριον, *propitiatorium* nostrum *Rom. III, 25.* & ἱλασμός, *propitiatio.* 1 *Joh. II, 2.*

VII. Ex utraque *operculi* extremitate stabat *Cherubinus* (14) passis alis, Deo oracula pandente e medio duorum istorum *Cherubinatorum.* *Exod. XXV, 22.* Hinc Deus dicitur *sedere inter Cherubinos.* *Psal. XCIX, 1.* Forma *Cherubinatorum* talis fuit, ut unius facies ad alterum obversa, utriusque vero ora & oculi in operculo defixi essent. Designare commode possunt *Judeos* & *Christianos*, qui se obverso vultu tuentur, idem tamen ἱλαστήριον Christum & Salvatorem anhelantes.

VIII. In *Sancto* collocatum erat *Altare thymiamatis* medium (15), & *mensa cum duodecim panibus propositionis* (16) ad unum; & *lychnuchus* ad alterum latus (17).

IX. *Altare suffitus* erat typus precum nostrarum *Psal. CXLI, 2.* Et quod Pontifex semel quotannis illud adspersit sanguine sacrificii pro peccato, *Exod. XXX, 10.* docemur, preces nostras Deo acceptas non esse, nisi sint sanctificatæ sanguine Christi.

X. *Duodecim panes* denotabant *duodecim tribus*, & *lychnuchus*, *verbum Dei.* In his omnibus cernere possumus necessitatem *precum* & *prædicationum*, si Deo volumus esse ἐνάρετοι, *grati.* *Lychnuchus prædicationis*, *thymiamata*, *precationis* monumenta & typi fuere.

XI. In *tabernaculo* Mosis saltem *una* fuit *mensa* (18), *unusque lychnuchus*; in templo Salomonis *decem* mensæ, *totidemque lychnuchi*; uti & in *tabernaculi* atrio *unum* tantum labrum æneum, in templi atrio *decem* erant, & aliud vas magnum, ex quibus se Sacerdotes laverunt. *Tabernaculum* solummodo duas tubas argenteas habuit, templum centum Sacerdotes, tubis clangentes.

XII. Illud duo saltem cinxere atria; 1. *Atrium Sacerdotum* (19), in quo posita erant *æneum altare* sacrificiis sacrum (20); & *labrum* (21), ex quo Sacerdotes & sese & sacrificia mundarent. *Labrum* & *Altare* eodem locata *atrio* significant idem, quod aqua & sanguis stillans ex hausto Christi latere, videl. necessariam conjunctionem sanctificationis & justificationis in omnibus sal-



salvandis. *Labrum & aqua, sanctificationem; Altare ac sanguis, justificationem* notat. 2. *Atrium populi* (22). *Atrium* Sacerdotum & *atrium populi* distinxit murus trium cubitorum. JOSEPH. lib. 8. cap. 13.

XIII. *Atrium populi* sæpe vocatur *atrium exterius*, sabinde *templum*, interdum *domus anterior*, sive *atrium Salomonis*, quod circumseptum erat multis porticibus, quæ populum orto imbre tutum reddebant. Retinuit nomen *Salomonis*, vel ob beatam ipsius memoriam recolendam, vel ob similitudinem porticuum istarum cum porticibus & vestibulo, quo Salomon templum circumvallavit. 1. Reg. VI, 3. *Iesus ambulabat in Sanctuario, ἐν τῇ σοᾶ, in porticu Salomonis. Joh. X, 23. Omnis populus concurret ad eos, ἐπὶ τῇ σοᾶ, in porticu Salomonis, Act. III, 11.* h. e. exteriori vestibulo.

XIV. In medio *atrii populi* erexit Salomo *suggestum æneum* pro Rege (23). 2 *Chron. VI, 13.*

XV. Templum hoc populi *atrio* fuit circumcinctum; quod tempore Salomonis una & indivisa area fuit, postmodum autem depressoiori vallo disjuncta, ita ut viri in interiore illius parte, foeminae in exteriori starent (24). Hoc sepimentum & discrimen putatur esse factum tempore Josaphati, quem legimus stetitisse in domo *Jehovæ ante atrium novum*, h. e. *atrium foeminarum*. 2 *Chron. XX, 5.*

XVI. Inter *atrium foeminarum* & *viro- rum scala* fuit *quindecim graduum* (25),

in quibus gradibus Levitæ, quindecim illos Psalmos, qui immediate excipiunt Psalmum CXIX, singulos Psalmos in singulis gradibus modulabantur; unde & isti *Psalmi* dicuntur *Graduales*. R. DAVID KIMCHI *Psal. CXX.*

XVII. In foeminarum *atrio* posita fuit *capsa eleemosynaria* (26), ut patet ex *Luc. XXI, 1.* ubi vidua tenui sorte in eam immisit *duos minutos asses*. Ea *capsa* Hebr. vocatur צדקה *cista oblationum*. Sed hæc vox simpliciter notat *oblationem, donum*; quo sensu dicitur *Luc. XXI, 4. omnes hi ex sua redundantia miserunt: εἰς τὰ δῶρα τῷ Θεῷ, in donum Dei*, h. e. in τὸ Korban, sive in *cistam*. In Græco vocatur γαζοφυλάκιον, *gazophylacium, argyrotheca*. Ab hoc γαζοφυλακία videtur differre ea *argyrotheca*, quam fabricavit *Jesada* 2 *Reg. XII, 9.* nam extraordinaria tantum fuit, renovando templo destinata, & juxta altare *atrii* Sacerdotum locata; in quam Sacerdotes, non autem offerentes, dona conjecerunt. Subinde totum *atrium* nuncupatur *gazophylacium* (27). Hæc verba locutus est *Iesus, ἐν τῷ γαζοφυλακίῳ, in gazophylacio. Joh. VIII, 20.*

XVIII. Notandum est, quod Hebraica vox צדקה *eleemosyna* significet *justitiam* (28), adeoque doceat, eleemosynas nostras erogandas ex opibus juste acquisitis. Quo intuitu Judæi suam arcam eleemosynariam vocant קופה של צדקה *capsam justitiæ*, inque ea exarant hanc abbreviaturam מן בסתר יכפה אף. *domum in occulto subigit iram. Buxtorf. in abbrev. מביא.*

XIX. In Templo *Herodis* quatuor *area*, h. e. *atria*, fuere, unum pro *sacerdotibus*, unum pro *viris*, unum pro *fæminis*, & unum pro legaliter *impuris* ac *peregrinis* (29). IOSEPH. lib. 2. contr. Apion. 1066.

XX. Hoc extreimum *atrium impurorum* & *hospitum*, intergerinus murus lapideus trium cubitorum discrevit ab atrio fœminarum. Illum murum condecorabant pilæ paribus intervallis dispositæ, hanc Inscriptionem ferentes: ΜΗ ΔΕΙ ΑΛΛΟΦΥΛΟΝ ΕΝΤΟΣ ΤΟΥ ΑΤΙΟΥ ΠΑΡΙΕΝΑΙ. Non debet alienigena locum sanctum transire. IOSEPH. de B. Jud. lib. 6. cap. 6.

XXI. Templum Hierosolymitanum ter exstructum est (30), 1. a *Salomone*, 2. a *Zerubabele*, 3. ab *Herode*. Prius ædificium absolutum est annis septem. 1 Reg. VI, 38. Secundum annis quadraginta sex, coeptum secundo anno Regis Cyri Esr. III, 8, perfectum nono anno Darii Hystaspis. IOSEPH. Antiqu. lib. II. cap. 4. Sic fluunt anni: Cyrus imperium tenuit triginta annos; Cambyfes octo; absolvitur templum nono anno Darii Hystaspis; jam si demas unum annum Cyri imperio, habes annos quadraginta sex. Herodis templum consummatum est octo annis. IOSEPH. Antiqu. lib. 15. cap. ult.

XXII. Serram inter se reciprocant eruditi, multumque digladiantur, de quo templo sermo sit Judæorum Job. II, 20. Τεσσαράκοντα καὶ ἕξ ἔτεσιν ἀνοδομήθη ὁ ναὸς ἕτος, Quadraginta & sex annis ædificatum est hoc templum (31). Multi exponunt de secundo templo, dicentes, quod

Herodes id solummodo recuderit, non vero novum struxerit. Hi autem in supputatione annorum in diversum abeunt; Scripturaque aperte ait, domum istam fuisse expeditam sexto anno Regis Darii. Esr. VI, 15. IOSEPHVS quoque loquitur, de novo Herodis templo, prius diruentis. Probabilius ergo videtur, Judæos fari de templo Herodis, quod, licet octo annis erectum, hoc tamen tempore, quo Judæi hæc inquebant, præcise steterat quadraginta sex annos. Tot enim anni intercurrunt decimum octavum annum imperii Herodis (quo templum ædificari coeptum est) & annum baptismi Christi, circa cujus tempus hoc esse dictum putatur. Toto hoc annorum tractu, templo quotidie plus dignitatis decorisque ac perfectionis accessit, adhibita subtiliori lima; sic ut hoc respectu tanto temporis fluxu templum structum dici possit. Vide HOSPIN. de Orig. Templ. cap. 3. & Supputat. FVNCII An. 3, 47.

XXIII. Senes dicuntur obortis lacrimis contemplati esse Templum secundum, quod multo inferius esset templo Salomonis, dignitate & ornatu: Esr. III, 12. Superatum autem est a templo priore (32) 1. *Ædificio*, quod multo imperfectius jam & inelaboratius erat. 2. *Vasis*, quæ jam erant cuprea, antea aurea. HOSPIN. ex Talmud. de Origin. Templ. c. 3. 3. *Quinque rebus*, quæ fuerunt sub templo primo, defeceruntque secundo (33). KIMCHI in Hag. I, 8. item R. SALOMON ib. Nimirum A) *Arca Dei*. B) *Vrim* & *Thummim*; Deus per hæc non respondit, ut antea. C) *Ignis* ἐκφανερῆς, delapsus cælo, qui in priori templo holocausta absorpsit. D)



*Gloria Dei* habitans inter Cherubinos, quam vocarunt שְׂרִיטָה *inhabitationem Majestatis Divine*. Hoc respicit Apost. Col. II, 9. Ἐν αὐτῷ κατοικεῖ πᾶν τὸ πλήρωμα τῆς Θεότητος σωματικῶς, *In ipso habitat omnis plenitudo Deitatis corporaliter*, h. e. non in nubibus, ceremoniis, umbris, veluti inter Cherubinos, sed vere & σωδῶς, *essentialiter*. E) *Spiritus Sanctus*, scil. illis inspirans dona prophetiæ; nam inter Malachiam & Johannem Baptistam nullus surrexit Prophetæ, sed fuerunt informati per הִרְבֵּה (34) *filiam vocis*, quæ est echo coelitus allata. Et hæc est ratio, cur discipuli Johannis dixerint, *non audivimus*, εἰ πνεῦμα ἁγίον ἔστι, *esse Spiritum Sanctum*.

XXIV. Hic quæri posset, qui verifictur prophetia Haggai cap. II, 9. (35) כְּבוֹד *Gloria domus hujus posterioris major erit*

*quam illius prioris*. Resp. Templum Herodis, quod loco illius exstructum est, majori fuit culta, & superbiori ædificii splendore, quam Salomonis templum, fuit & gloriofiore dignitate, dum Christus in eo docuit.

XXV. Postea milites Titi subditis facibus magnificum illud Herodis templum igni depascendum dedere, qui nulla humana industria compesci potuit. GENEBRARD. Chron. lib. 2. Anno Ch. 69. Eadem tempestate templum Delphicum Gentibus frequentissimum, terræ motu & æthereorum lapidum imbre concussum corruit, nec unquam cum Hierosolymitano restaurari potuit (36). Qui utriusque miraculi concursus docuit, adesse finem ceremoniarum Judaicarum, & Gentium idololatriæ, eorumque casu stabiliendum Filii Dei regnum.

## CAPUT II.

## DE SYNAGOGIS, SCHOLIS, ET

## ΗΡΟΣΕΤΧΑΙΣ.

Vocabulum, *Synagoga* (1), Græcum est, venitque a συναγωγή, *colligo*, sic ut quibusvis rebus colligendis adhibeatur; ut συναγωγή γάλακτος, *copia lactis*, συναγωγή πολέμου, *collectio eorum, quæ sunt ad bellum necessaria*. Deus stat בְּעֶרְתָּהּ *in συναγωγῇ*, *in cætu Dei* Ps. LXXXII, 1. Veruntamen *Synagoga* plerumque sumuntur pro ædibus divino cultui sacris, in quibus fas fuit precari, concionari, disputare, non autem sacrificare. Hebræis dicitur בית הכנסת *domus congregationis*. Templum Hierosolymitanum velut caput & basi-

lica fuit; *Synagoga* tanquam Parochiæ, ad illud pertinentes.

II. Tempus, quo cœperint *Synagoga* (2), definire, arduæ operæ est. Verisimile tamen esse puto, eas exsurrexisse Israelitis in terra promissionis constabilitis, fuscitatoque templo. Quod quum longius remotum esset ab iis, quos latum locorum intervallum disjunxit, in causa fuisse autumo, Judæos in certas *Synagogas*, templi vice, coisse. Aevo Davidis eas jam sterisse, patet ex Ps. LXXIV, 8. Cremarunt omnes *Syna-*

*Synagogas Dei* כְּלִי-מִשְׁכָּן in terra. Et *Moses* ab ætatibus antiquis habuit, qui ipsum prædicent κατὰ πόλιν oppidatim, legiturque ἐν ταῖς συναγωγαῖς per singula Sab-  
bata. Act. XV, 21.

III. Hierosolyma continebat 480 *Synagogas* (3) præter Templum, cum pro Judæis tum pro peregrinis. SIGONIVS de Rep. Hebr. l. 2. c. 8.

IV. *Synagoga* aliqua peregrinorum dicitur συναγωγή Λιβερτίων. Act. VI, 9. (4). Vnde hæc *Synagoga* ita denominata sit, seu de *Libertinis* Romanorum manumissis, qui contradistincti fuere *Ingenuis*, h. e. in libertate natis, (nam multi horum *Libertinorum*, Profelyti facti, suas *Synagogas* habuerunt. PHILO in legat. ad Cajum.) seu de *Lubar*, quod notat editum locum. Vide TREMELL. Act. VI, 9. (sicut enim Templum, ita ipsorum *Synagoga* & *Scholæ* collibus & eminentibus locis fuerunt impostæ: ob id dicitur Prov. VIII, 1, 2. in vertice locorum sublimium Sapiencia clamat): hoc iudicio Lectoris committo.

V. Extra Hierosolymam, in aliis urbibus & tractibus terræ (5), multæ frequentesque fuere *Synagoga*; in *Galilea*. Matth. IV, 21. *Damasci*. Act. IX, 2. *Salamine*. Act. XIII, 5. *Antiochiæ*. Act. XIII, 14. Immo traditio ipsorum habet, quod, ubi saltem decem viri *Israelitæ* commorentur, opus sit *Synagoga* (6). MAIMON. in Tephilla cap. II. sect. 1.

VI. Illorum *Synagoga* varias Inscriptiones ostendebant. BVXTORF. de Abbrev. p. 73. 81. 174. Portæ inscriptum erat illud

Pf. CXVIII, 20. וְהָשַׁעַר לְיְהוָה צְדִיקִים וְכֹחַ בּוֹ. Hæc est porta *Jehovæ*, quam iusti ingrediuntur. In pariete legebantur hæc & ejusmodi sententiæ: Memento tui Creatoris, & in humilitate intrato domum Domini Dei tui. Et, Oratio sine devotione est instar corporis absque anima. Item, Silentium conducibile est tempore precum.

VII. Quemadmodum atrium populi ante templum divisit murus in duas partes, quarum alteram mulieres, alteram mares frequentabant; ita in *Synagogis* mulieres separatæ a viris sunt (7) clathris & transeis sive fenestris reticulatis. TALMVD. in Tract. Succah. cap. ult. BVXTORF. Synag. cap. 9. p. 221.

VIII. In talibus *Synagogis* Νομοὶ, Legisperiti & Rabbini docebant, non autem soli, siquidem & *Christus* in iis docens confedit (8) &c. Is, qui facultatem concessit in iis concionandi, appellabatur Ἀρχισυνάγωγος *Synagoga* Princeps (9). Marc. V, 22. Fuit etiam in iis minister, qui præbuit librum concionaturo, recepitque lecto textu. Et *Christus* πτύζας τὸ βιβλίον ἀποδὲς τῷ ὑπηρέτῃ, complicatum librum reddidit divibitori. Luc. IV, 20. Hic apparitor seu minister creditur esse is, quem vocant שְׂרֵיף אֲבִיר ædituum *Synagoga* (10).

IX. Differunt *Scholæ* a *Synagogis* (11). Paulus διαλεγόμενος, differens ad tres menses in *Synagoga*, quum quidam verbo non assentirentur, κακολογῶντες τὴν ὁδόν, maledictis insectantes viam istam, abscessit ab ipsis, separavitque discipulos, quotidie sermonem ferens in *Schola* cujusdam Tyranni. Act. XIX, 8, 9. *Schola* subinde vocatur



simpliciter בית domus, ut claret ex his verbis: *Ostodecim res, de quibus contentio fuit inter domum Sammai & domum Hillai (12), ne Elias quidem abolere posset.* DRVS. de 3. Sect. lib. 2. cap. 10. hoc est, inter ipsorum duas Scholas. Subinde etiam Schola vocatur בית המדרש domus subtilitatis & acuminis. Hic quaestiones motas intimius rimabantur, quam in Synagoga vel Templo, proptereaque eum locum discutiendis rebus aptiorem praestantiorumque ipso templo habebant. Huc facit illud dictum: *se posse Synagogam convertere in Scholam, non autem Scholam in Synagogam, quum sanctitate Synagogam Schola vincat.* MAIMON. Tephilla cap. II. sect. 14. Et illud Psalm. LXXXIV, 4. *eunt de virtute ad virtutem*, exponunt; ac si esset gradus promotionis ex Templo ad Scholam. PARAPHR. CHALD. in hunc locum. In templo sermo videtur velut fusus ad populum, in schola ad Clerum.

X. Ac sicuti quævis urbs & plaga suas Synagogas, ita & Scholas colliculis incumbentes (13) habuit. Mentio fit collis *Montis Jud. VII, 1. h. e. collis Doctoris.*

XI. Quando Magistri suos discipulos erudierunt, dicti sunt dare (14). *Da sapienti, & sapiens fiet adhuc insuper.* Prov. IX, 9. Vbi discipuli quid discendo hauriebant, dicebantur illud accipere. *Audi, fili mi, & accipe dicta mea.* Prov. IV, 10. Unde natum est illud Apostoli 1 Tim. I, 15. *πιστός ὁ λόγος, καὶ πάσης ἀποδοχῆς ἀξίος*, fidelis est sermo, & omni acceptione, h. e. discendi cupidine, dignus. Quales loquendi modi ipsis Latinis familiares sunt. *Da, si grave non est*, h. e. dic, HORAT. lib.

2. Sat. 8. *Sed tamen, iste Deus qui sit, da Tytine nobis*, VIRG. Bucol. Eclog. I. vers. 19. *Accipe nunc Danaum insidias.* IDEM Aeneid. lib. 2. vers. 65.

XII. An ipsorum Oratoria, seu προσευχαι, (loca precibus sacra) differant ab ipsorum Scholis (15) vel Synagogis, nondum compertum mihi est. Nihil probat, quod illorum quædam extra urbium muros fuerint: nam ibidem & Scholas & Synagogas moliri licebat. EPIPHANIVS Tom. 2. l. 3. c. 80. differit de his Oratoriis, sed ne unico verbo prodit, permixta in iis fuisse opera politica. Si hoc asseri posset, differentia etiam facile assignari posset. Quidam Oratoria cum Synagogis, BEZA art. 16, 13. alii cum Scholis miscent, PHILO IVD. de vita Moysi p. 530. De ejusmodi Oratorio seu προσευχῇ sermo est Act. XVI, 13. ubi Paulus confidens locutus est mulierculis coactis; qui gestus adumbrant potius predicantem quam orantem.

XIII. Verum quidem est, frequentissimus mos fuit & gestus; *stando, genua flectendo, sedendoque precari* (17). *Abraham adhuc substitit coram Jehova*, Genes. XVIII, 22. h. e. oravit. *Publicanus procul stans in coelum preces misit.* Luc. XVIII, 13. Hinc profectum est proverbium ipsorum: *Sine stationibus non subsisteret mundus*, R. IVDA in lib. Musar. Vid. DRVS. præter. Matth. VI, 5. *Stephanus positus genibus precatus est.* Act. VII, 60. *David confedit coram Jehova & dixit* 2 Sam. VII, 18. Quando autem sedendo oratio ad populum, non ad Deum, habetur, notat *predicationem*, non *precationem* (18).

XIV. Verisimile est, egenos, ut ad portam templi, ita ad fores harum προσευχῶν *ædicularum*, confluisse (16), stipis capientæ gratia; unde quibusdam προσευχῇ idem est, ac xenodochium vel facellum. IVVENALIS Sat. 3. inquit: *Ede ubi consistas, in qua te quero proseucha?*

XV. Talmudici flagellant segnitiam populi in precando, dicuntque, triplex *Amen* ab eo, sed male, usurpari (19). CANIN.

de locis N. T. c. 5. p. 38. *Amen debile*, quod vocant אָמֵן *pupillum*, quando absque fervore orabant. *Amen concitatum* seu *præpes*, quod dicunt אָמֵן *surreptitium*, quando τῷ *Amen* precis finem præoccupabant. Denique *Amen socors*, quod appellant אָמֵן *sectile*, quasi in duas partes sectum, per oscitantiam; sic scil. *Amen*, quod in orationis clausula hiscenti rictu effutiebant.

## CAPUT III.

## DE PORTIS HIEROSOLYMÆ.

**P**ortæ in circuitu Hierosolymæ novem (1) fuerunt: SCHINDLER. *Pentagl.* *Porta probatica* Neb. III, 1. Hæc fuit propinqua templo, & intromisit oves mactandas, atque lotas in κολυμβήθρῃ, *natoria Bethesda* (2), quæ proxima portæ fuit. *Porta piscium.* Neb. III, 3. Ante hanc portam Judas putatur sibi fauces eliffisse. Quorumdam opinio statuit, duas has portas, ut & portam equorum Neb. III, 28. ita dictas fuisse, quod essent instar trium fororum, προβατοπωλείς, ubi oves, ἵπποπωλείς, ubi pisces, & ἵπποπωλείς, ubi equi, venales fuerint. STUCKRIVS *Conviv. lib. 2. c. II.* *Porta vetus* ita vocata creditur, quod fuerit ex reliquiis Jebusitarum, nec disjecta ab Assyriis; vicina illa fuit monti *Calvariae*, extra quam Christus ἐσταύρωται *in crucem actus est.* Quantum ad ceteras portas, de iis nihil memorabile occurrit.

II. Quod attinet portas templi (3), duæ sunt notabiles, quas Salomo excitavit. R.

IVDA in l. Musar. DRVS. præter. Job. IX, 22. Altera illarum patebat novis conjugibus, altera pœnitentibus & excommunicatis. Pœnitentes discernebantur ab excommunicatis operiendo labia suarum vestium parte. Nemo subiit istam portam denudatis labiis, nisi excommunicatus. Israelitæ autem, qui Sabbatis confidebant inter has portas, applausere novis sponsis ita: *Ille, cujus nomen habitat in hac domo, hilaret vos liberis.* Pœnitentibus dixerunt: *Ille, qui habitat hanc domum, letitia & solatio vos perfundat.* Excommunicatis hæc dederunt: *Ille, qui habitat hanc domum, commoveat corda vestra ad audiendum verba sociorum vestrorum.*

III. Inter Judæos portæ munitissimæ fuerunt (4), sic ut iis captis vel propugnatis tota urbs capta vel propugnata videretur. Simul etiam eadem fora judiciaria erant (5), in quibus Iudices consulere & causas dirimere solebant. Vnde natus est



ille loquendi mos, πύλαι ἄδης ἔκατισχύνουσιν αὐτῆς, *Portæ inferni non prævalent ei*, scil. Ecclesiæ. Et hæredita-

bit semen tuum portam inimicorum suorum. Gen. XXII, 17.

## CAPUT IV.

## DE LVCIS ET CELSIS.

**A**ntiqui Pagani non tantum nulla templa struxerunt (1), sed & struere nefas putarunt. HOSPIN. *de Templ. p. i.* Ratio creditur esse, quod nullum templum spatiofum fatis & amplum *Soli*, fummo suo Deo, existimarent. Inde prognatum illud dictum: *mundus universus est templum Solis.* ALEX. AB ALEX. l. 2. c. 22. Dilutum insuper ipsis videbatur, infinitam, quam concipiebant, Divinitatem parietibus coercere. Proptereaque, cum successu temporis usus templorum increbresceret, tamen suum Deum *Terminum* aliosque *Colossos* coluere in templis superne detectis, quæ ob id vocarunt *ὐπαίθρια*, *subdialia*.

II. Hanc ego conjiciam esse rationem, cur colles & montes, ut suæ idololatriæ fauentes, elegerint. Hi montes sacri sunt *Celsa* ista (2), quæ Sacra Scriptura toties vetat.

III. Postmodum, parturientibus Diis, ipsorum sacri montes multiplicati sunt, sic ut ab iis Dii Deæque sua nomina mutuarentur; velut *Mercurius Cyllenius*, *Venus Erycina*, *Jupiter Capitolinus*. Denique ut suis sacris montibus aliquam dignam speciem inducerent, eos arboribus inumbrarunt. Vnde manavit mos initiandi *Montes* & *Lucos* (3), qui diu Diis nomina dedere.

Tandem coeperunt quædam speciosæ & viscosæ arbores sacrari (4). VIRG. *Eclog. 7.*

*Populus Alcide gratissima, vitis Iaccho;  
Formosæ myrtus Veneri, sua laurea  
Phæbo.*

Gallorum Magi *Druidæ* nihil sacratius habuerunt quercubus, ut inde appellati quoque sint interpretatione Græca, siquidem *δρῦς* est *quercus*. PLIN. *Nat. Hist. lib. 16. cap. 44.* Hetrusci venerati sunt palmam. Inter Celtas quercus procera Jovis idolum retulit. MAXIM. TYRIVS *dissert. 38. fol. 225. edit. Steph.*

IV. Apud Israelitas pullulavit hæc idololatria sub Judicibus *Othniele* & *Ehud*. *Jud. III, 7.* quæ tandem adeo proserpsit invaluitque, ut Israelitis essent Sacerdotes peculiare, nominati *Prophetæ Luci*, 1 *Rég. XVIII, 19.* immo & *Idola Luci*, h. e. peculiare Dii, quæ suis *lucos* dedicarant. 2 *Rég. XXI, 7.* 2 *Chron. XV, 16.* Quemadmodum Christiani erectis initiatisque templis, alicujus *Sandti*, ut *S. Petri*, *S. Pauli*, *S. Andreæ*, &c. nomen imponunt: ita illi suos *lucos* certis Idolis consecrarant, de quibus testantur profani Scriptores; unde *Diana Nemorensis*, *Diana Arduenna*, *Albu-*

*Albunea Dea, a nemoribus lucisque sua nomina ferunt, in quibus cultæ sunt.*

V. Idolum quoque subinde fumit nomen *Luci* (5). *Jofias exportavit Lucum e domo Jehovæ. 2 Reg. XXIII, 6.* Verifi-

mile est, *Lucum* in hoc Idolo fuisse adumbratum & delineatum, sicut argenteæ descriptiones Templi Dianæ, quas fecerat Demetrius, vocantur *templa argentea. Act. XIX, 24.*

## CAPVT V.

## DE ASYLI S.

**H**æc *Afyla* (1), a Deo ordinata, differunt ab *Afylis Herculis & Romuli* aliarumque gentium (2); quoniam Deus illi soli indulgit portum, qui voluntaria se non polluerat cæde, sed quoad propositum innocens erat. Reliqua vero communia facella seu sacra loca erant, & tam reis quam innocentibus patebant.

II. Si quis proximum suum per errorem, aut incaute, aut fortuito sustulerat e medio (3), homicidæ isti primitus erat concessum confugere ad *Altare* (4), quod liquet ex verbis *Exod. XXI, 14. quum quis proterve egerit cum proximo suo, ad occidendum eum astu, eum ab altari meo rapies.* Et licet nobis opinari, hunc confugii morem receptum fuisse, ex facto Joabi. *1 Reg. II, 28.*

III. Ne autem altare nimis procul abesset ab eo loco, in quo cædes facta est, verisimile est Deum propterea dedisse certa *Afyla*, quæ proinde etiam creduntur æquo spatio ab invicem in terra Canaan disposita fuisse. Horum *Afylorum* sex erant (5). *Betzer* in terra *Rubenitarum*, *Ramoth* in *Gileade Gaditarum*, atque *Golan* in *Bas-*

*sebane Manassitarum.* Has tres urbes selegit *Moses* eis Jordanem. *Deut. IV, 41, 43.* Tres urbes ceteræ a *Josua* lectæ, in terra Canaan, erant *Kedes* in *Galileæ* in monte *Naphthali*, *Sichem* in monte *Ephraimi*, & *Kiriath Arba*, quæ est *Hebron*, in monte *Judæ.* *Jos. XX. vers. 7.* Ejusmodi alias tres urbes Israelitis Deus promittit sub conditione obedientiæ, quum dilataverit terminos ipsorum. *Deut. XIX, 8, 9.* Sed inobedientia & contumacia eorum videtur hujus promissi impletionem sufflaminasse, Sacra Scriptura eam silente.

IV. Quod ad has urbes, Hebræi produnt memoriæ, ad locum *Deut. XIX, 3. para-bis tibi viam* (6), quod Synedrium, seu magistratus Israeliticus, debuerit vias parare ad *Afyla* ducentes, eas planare, dilatare, & ab omnibus scandalis & impedimentis expurgare. Non eminentia, non fossa, non lama viam intercludere, sed pons sterni, & liberum iter confugienti præstari debuit. Latitudo viarum non minus triginta duorum cubitorum erat: & in compitis scribebant *Afylum*, *Afylum*, ut percussor sciret, qua sibi fugiendum esset. *R. SALIARCHI, Deut. XIX, 3. MAIMON. in Rotseach.*



*Rotseach. c. 8. sect. 5.* Quotannis decima quinta mensis Adar seu Februarii emittebantur a Magistratu, qui vias reparabant.

V. Constitutum quoque erat, ut duo aut tres sapientes (7) *vindici*, *percussorem* insequenti (8), persuaderent, ne involaret in illum, priusquam res audita & inquisita esset.

VI. *Modus inquisitionis* ita se habuit (9): *Consistorium*, aut *judicium*, quod in eo tractu fuit, ubi cædes patrata, retractum ex Asylo percussorem, coramque tribunali positum, exquisitè examinarunt; quem, ubi voluntariæ cædis convictus fuit, neci, ubi autem involuntarium homicidium commississe deprehensus est, extra vitæ discrimen Asylo reddiderunt.

VII. Ibi non solum mœnia, sed totus urbis tractus & limites, qui certis spatiis de-

scripti erant, ei tutum receptum dedere, usque ad obitum Pontificis præsentis: quo die fonti ad suum focum & ad suam urbem, ex qua profugit, redire licuit. *Jos. XX, 6.* PAUL. FAGIVS *Num. XXXV, 6.* Hac ratione *percussor* absolutione quidem & vita gavissus est, nihilominus tamen sede sua pulsus, exilii speciem subiit, ut ipse cristian, *vindex* bilem remitteret. *Areopagitæ* consimili ratione *percussorem* ἀπογενιατισμῶν *annali exilio* multarunt. MASIUS in *Jos. XX.*

VIII. Cur tempus hujus exilii morte præsentis Pontificis terminatum sit (10), in diversum scinduntur interpretes. Plausibile tamen est, *percussorem* in ista urbe, velut exilio, tempus trivisse usque ad obitum Pontificis, quod piaculum directe contra ipsum ederetur, ut qui esset ἀεχμυός, *antistes* & *princeps* sanctitatis, & quasi primarius terræ Deus. MASIUS *ibidem.*





# MOSES ET AARON.

## LIBER III.

DE

# DIEBUS ET TEMPORIBUS.

## CAPVT I.

DE DIEBUS, HORIS, SEPTIMANIS, ANNIS.

**P**riusquam de Judæorum *festis* agamus, opus erit præfatione aliqua de distributione *dierum, horarum, septimanarum* (1) &c.

II. Ipsorum *dies* duplex fuit: *Naturalis*, constans *die & nocte*, sive *xxiv* horis; & *Artificialis* (2), quem Sol oriens orditur, occidens finit. Hinc natum illud, *Job. XI, 9.* *׀וּלֹא יִדְּעֵנָה עֵינַי אֲרָאִי תִּשְׁמְרֵי הַיּוֹם*; nonne sunt *duodecim* *horæ diei* (3)?

III. *Naturalis dies* rursus duplex erat: *Civilis* & *ἐργασίμος profestus*, qui datus est *operibus civilibus*, quique ab ortu Solis cœpit, & ad sequentem Solis ortum desuit.

*Matth. XXVIII, 1.* sive *Sacer, ἀπράγτος festus* (4), consecratus *sanctis exercitiis*. Hic cum occumbente Sole natus, & cum occumbente Sole terminatus est.

IV. *Nox* ipsorum in quatuor partes seu majores *horas* distributa erat, quæ dicebantur *nocturnæ vigiliæ* (5), & quarum quævis tres minores *horas* habebat. Primam partem seu *vigiliam* appellabant *ראש השמרה* *caput vigiliarum*, *Thren. II, 19.* Secundam *אֶשְׁמֶרֶת תִּכְוָּנָה* *vigiliam mediam* *Jud. VII, 19.* vocabant; non ideo, quod esset media inter tres *noctis vigilias*, uti *DRVSIVS Jud. VII, 9.* nobis persuadere vult; sed quod ea flueret usque ad *ultam* seu *mediam* *noctem*.



*Item.* Tertia vigilia, nocte media initium, & hora tertia matutina finem sumpsit. Si venerit ἐν τῇ δευτέρᾳ καὶ ἐν τῇ τρίτῃ Φυλακῇ secundā aut tertia vigilia Luc. XII, 38. Postrema dicta Exod. XIV, 24. נִסְמֹרֶת בֵּקֶר vigilia matutina, oriebatur hora tertia, desinens sexta matutina. Quarta noctis vigilia abiit Iesus ad ipsos, ambulans super mari. Matth. XIV, 25. Hæ vigiliæ & aliis nominibus veniunt, quæ respondent iis noctis partibus, quas quævis vigiliarum describit. Prima vocatur ὥσπερ sero. Secunda μεσονυκτίον media nox. Tertia ἀλεκτοροφωνία gallicinium. Quarta πρῶτον mane. Nescitis quando herus venturus sit, ὥσπερ vesperi (sero), ἢ μεσονυκτίᾳ aut media nocte, ἢ ἀλεκτοροφωνίᾳ aut gallicinio, ἢ πρῶτον, aut diluculo. Marc. XIII, 35.

V. Dies itidem divisus erat in quatuor partes (6), uti patet ex parabola de operariis in vineam μεμισθωμένοις pretio conductis Matth. XX. Primus quadrans cœpit hora sexta matutina, desuit hora nona. Secundus quadrans perrexit ad horam duodecimam. Tertius quadrans ad horam tertiam pomeridianam. Quartus quadrans sexta vespertina clausus est. Quadrans primus dicitur tertia hora, vers. 3. Secundus quadrans hora sexta, vers. 5. Tertius hora nona, vers. 5. Quartus hora undecima, vers. 6. Vbi nota, quod tres priores quadrantes suum nomen ducant ab illa diurna hora, quæ quadrantem quemvis clausit. Nam horas computare solebant, initio a minoribus horis, scil. sexta matutina, facto. Sic ut nostris horis 6, 7, 8, 9, 10, 11, 12; 1, 2, 3, 4, 5, 6 responderent ipsorum horæ 1, 2, 3, 4, 5, 6, 7, 8, 9, 10, 11, 12. Verum ultima hora i. e. a Salvatore nostro vocatur

undecima, cum ratione ceterarum horarum & vulgi vocari debuerit hora duodecima; quo docemur, quod Deus, etsi mera gratia operarios undecim diei horis in vineam suam conducat, vix tamen quemquam duodecima vocet; quum ea sit potius hora servos solvendi, quam novos admittendi.

VI. Quidam Interpretum, inter quos TOLETVS in Job. XIX. annotat. 8. deprehendentes versu 1. hujus parabolæ τὸ πρῶτον mane, computant quatuor diei quadrantes ita: hora prima, hora tertia, hora sexta, hora nona; quasi primus ternarius a prima usque ad tertiam iverit, & dictus fuerit hora prima; secundus a tertia usque ad sextam, & dictus hora tertia; tertius a sexta usque ad nonam, & dictus sexta; quartus a nona usque ad ultimam, quæ erat duodecima, & dictus sit nona. Sic TOLETVS refellit receptam licet a multis recensitionem, (ut ipse ait) quoniam de undecima, cujus meminit parabola, altum apud hos silentium. Jure quidem vapulant a te, TOLETE, qui excludunt undecimam: constanter tamen asserenda est contra te quadripartita diei divisio. Illorum Interpretum error in hoc potissimum consistit: 1. quod horam primam faciunt, non inveniunt; & horam undecimam inveniunt, excludunt tamen, cum nihil a mente Evangelistarum magis alienum sit, quam τὴν πρῶτην (tempus matutinum) verti horam primam diei, quæ vox in illorum scriptis sonat quartam noctis vigiliam. 2. quod ultimum quadrantem diei constituent horam nonam: quid enim tum undecima hora, cujus mentionem facit eadem parabola?

VII. Hac quadripartita diei divisione in quadrantes seu horas majores conciliantur Evangelistæ circa passionem Salvatoris nostri (7). Ἐσδύευσαν αὐτὸν, cruciarunt eum hora tertia, Marc. XV, 25. : Johannes XIX, 14. prodit ipsum coram Pilato exploratum, cum esset ὥρα ὡσεὶ ἑκτῇ, hora quasi tertia. Priori loco per crucifixionem non intellige suffixionem ad lignum, quæ non fuit ante horam sextam. Luc. XXIII, 44. nec ejus ἔκπνευσιν expirationem, quæ non facta ante horam nonam. Marc. XV, 34. sed examen Pilati, quo tempore populus ingeminavit σταύρωσον, σταύρωσον, crucifige, crucifige: Sic tertia & sexta horæ facillime consonabunt; nam, his duabus horis immediate se comitantibus; id, quod hora tertia factum est, horæ sextæ convenienter adscribi potest.

VIII. Tandem videmus, horas inter Judæos fuisse duum generum: alias minores, quarum duodecim fecere diem; alias majores, quarum quatuor diem describere; uti superius probatum ivimus. Minores dicuntur ὥραι τῆς ἡμέρας horæ diei. Nonne duodecim diei horæ sunt? Joh. XI, 9. Majores sæpenumero vocantur horæ templi, sive horæ precationis (8). Petrus & Johannes ascendebant unâ in templum, ἐπὶ τὴν ὥραν τῆς προσευχῆς τὴν ἐνδοτὴν sub horam precationis, nempe nonam. Act. III, 1. Verum tres tantum sunt precationis horæ, tertia, sexta, & nona. DRUSIUS in præterit. Act. III, 1. ait: non fuisse ultra tres horas precationis in die apud Judæos, clare testatur DAVID KIMCHI. Tertiamque consecratam ab Abrahamo; sextam ab Isaac; nonam a Jacobo. Hora tertia descendit Spiritus Sanctus super Apostolos

Act. II, 15. Circa horam sextam ascendit Petrus ἐπὶ τὸ δῶμα προσευχάσθαι in solarium ad precandum. Act. X, 9. Hora nona ascendebant Petrus & Johannes in templum. Act. III, 1.

IX. Ab his horis majoribus, diurnis & nocturnis, derivatæ sunt horæ Canonice (9) quas observat cœtus Romanus. Quævis Canonicarum continet tres minores horas, sic ut totum diei noctisque tempus octo Canonice horæ definiant. Hora sexta vesperti prima inchoat, quæ propterea vespertina hora, seu simpliciter vespertinum, dicitur. Hora nona nocturna incipit secunda, vocaturque completorium. Noctē media oritur tertia, quam appellant nocturnum. Hora tertia matutina suam quartam seu matutinum habent. Horæ Canonice diurnæ dicuntur, hora prima, tertia, sexta, nona. Ipsorum hora prima a sexta matutina usque ad nonam procedit; Tertia a nona ad duodecimam; Sexta a duodecima ad tertiam; Nona a tertia ad sextam vespertinam. Vide BELLARM. de bonis oper. in particul. lib. I. c. 10.

X. Horologia Solaria (10), ὥρια ἡλιακά, usitata antiquis Judæis, differunt a nostris; nam illa species scalarum & graduum erant. Tempus diurnum non lineis fuit, sed gradibus distinctum. Umbra Solis quavis semi-hora prærepsit ad novum gradum. In Solario Achazi (11) Sol retrocessit מעלות gradibus, non lineis. Jesa. XXXVIII, 8.

XI. Duplices quoque ipsorum septimanae fuerunt, altera ordinaria, terminata septem diebus, altera extraordinaria & prophetica, constans septem annis. Dan. IX, 24.



Prior dicitur *hebdomas diaria*, posterior *hebdomas annalis* (12).

XII. Hebræi priores suos metiebantur *mensēs*, cursui Solis respondentes, unde & *Menses Solares* (13) dicuntur, quovis *mensē* triginta *dies* absumente. Aquæ inva-  
luerunt, cataractis cœli se aperientibus, *decimo septimo die mensis secundi* usque ad *decimum septimum diem mensis septimi*: *Gen. VII, 11. VIII, 4. h. e.* quinque totis *mensibus*. Si numeramus *dies*, erunt centum quinquaginta *Gen. VII, 24.* Ex quo patet, quod quisque *mensium* constiterit triginta completis *diebus*. Post egressum ex Aegypto, Israelitæ cursu Lunæ suos di-  
metiebantur *mensēs*, dictos *Menses Lunares*. Quivis eorum absolvebatur aut trigin-  
ta *diebus*, dicebaturque *mensis plenus*; aut *diebus* viginti novem, & vocabatur *mensis cavus*. Sol cursu suo superat Lunam un-  
decim *diebus*, propterea cuiusvis *anno secundo* vel *tertio* unus *mensis* interkalabatur. *Vid. Kalend. Hebraic. MÜNSTERI pag. 62.* Jam, quod *mensis duodecimus* in ἐφημερίδι  
seu *Kalendario Hebraico* dicitur *Adar*, hinc, si *mensis interkalaris* fiebat, *ultimus mensis*  
vocatus est אָדָר *Veadar*, *secundus Adar*.

XIII. Ante captivitatem Babyloniam suos *mensēs* recensabant sine ullo alio quam solius numeri nomine, scil. *primus, secundus, tertius mensis* &c. Post reditum ex Babylone (14) eos his nominibus investi-  
verunt: A) נִסָּן *Nisan*, dicitur quoque אֲבִיב *Abib*, quæ vox *spicam* notat; nam hoc *mensē* hordeum *spicas* emittebat, & ex parte nostro *Martio* & *Aprili* respondet. B) פִּיַּר *Fiar*, alias שִׁיף *Sif*, quod significat *nito-*

*rem*, quoniam eo *mensē* arbores floribus *niterent* gemmisque luxuriarent. Hic co-  
incidit cum nostro *Aprili* & *Majo*. C) סִיָּן *Sivan* partim convenit nostro *Majo*, partim *Junio*. D) תָּמֻז *Thamuz* respondet ex parte nostro *Junio* & *Julio*. E) אָב *Ab* respondet ex parte *Julio* nostro & *Augusto*. F) אָבֻל partim nostro *Augusto*, partim *Septembri*. G) תִּשְׁרִי, alias אֲחֵיָּזִים, partim *Septembri*, partim nostro *Octobri*. H) מְרְחֶשֶׁן alias *Bul*, partim *Octobri*, partim *Novembri*. I) כִּסְלִי partim *Novembri*, partim *Decembri*. K) טֵבֵת partim respondet *Decembri*, partim *Januario*. L) שֵׁבַט partim *Januario* nostro, & *Februario*. M) אָדָר *Adar*, *Veadar* nostro *Februario* & *Martio*.

XIV. Ante migrationem ex Aegypto, suum *annum* auspicabantur (15) *mensē Thisri*, & sic in rebus civilibus, negotiis, & merca-  
tura, *annis* Sabbathicis, *Jubilæis* &c. hoc calculo usi sunt. Ἐν μηνὶ δευτέρῳ, Δίῳ μετὰ  
ὑπὸ Μακεδόνων λεγομένῳ, μαρσονάνῃ δὲ ὑπὸ Ἑβραίων. ἄτω γὰρ Αἰγύπτῳ τὸν ἐνιαυτὸν ἦσαν διατεταχότες. Μουσῆς δὲ τὸν Νισάν, ὃς ἐστὶ  
ἑξάνθιος, μῆνα πρῶτον ἐπὶ ταῖς ἑορταῖς ὥρισε; *Mense secundo, Dio postea a Macedonibus dicto, Marsonane* (mense μαρσονάνῃ po-  
nitur pro μαρχασάν, qui *mensis* erat olim *secundus* apud Hebræos, sicut & *Dius* apud Macedonas) *autem ab Hebræis*. Sic enim *Aegyptii annum* erant metati. *Moses autem τὸν Νισάν, qui est Macedonibus Xanthicus, primum mensem festis præsistit.* JOSEPH. Antiq. lib. 1. c. 4. Sic post mi-  
grationem ex Aegypto suos ordiebantur *annos mense Nisan*, & hoc calculo in solen-  
nioribus festis utebantur.

## CAPVT II.

## DE FESTIS ET CONVIVIIS.

**A**ntequam descendamus ad Judæorum *feſta* ſpecialia, contemplabimur ipſorum morem modumque celebrandi *feſta* in genere.

II. Quemadmodum ipſorum *convivia ordinaria* nec multa, ita nec ſplendida fuerunt. Vocabantur *ארוחה* (1) ab *ארח* *iter facere*, quod vocabulum proprie ſignificat *viaticum*, ſeu *commeatum*, quo *viatores in itinere utuntur*. Sic ea vox uſurpatur *Jer. XL, 5. Præſectus ſatellitum dedit ipſi ארוחה viaticum, & munus, & dimiſit eum.* Sic *Prov. XV, 17. Melius eſt ארוחה ורק viaticum vel cibarium oleris, ubi eſt amor. &c.*

III. *Extraordinarium & liberalius convivium* ipſorum in ſolennitatibus plerumque dicebatur *משתה* *convivium, compotatio* (2), ab illorum *liberaliori & largiori potatione* in iſtiusmodi *conviviis*: veluti Græci amant *συμπόσιον* dicere, ab altera *conviviorum* parte, bibendo ſcilicet.

IV. Alia præterea *conviviorum feſtorum* ſpecies erat, nempe, quando *convivabantur* exporrecta fronte, ſacrificiorum ſuorum reliquias abſumentes. Hæc vocarunt *חג* *feſtum* (3), *ſolennem feſtivitatem*, a *rad. חג* *feſtum celebravit, tripudiavit*. Ab hoc *convivandi* more poſt ſacrificia peracta, primævæ Eccleſiæ Chriſtiani ſuas *Agapas* (4), quæ comitabantur Cœnam Dominicam, duxerunt inſtitueruntque.

CHRYSOſT. in 1 Corinth. XI. Hoc autem *præcipio*.

V. In utroque hoc ſolenniori *convivio* aliquas ceremonias, tanquam præparationem ad *convivium*, præmittebant, alias in *benedictione* ſeu *gratiarum actione*, alias in ipſo *accubitu* adhibebant.

VI. *Ceremoniæ præparatoriæ* præprimis tres erant: A. *Salutatio*. B. *Convivarum pedum lotio*. C. *Olei effuſio* in ipſos.

VII. *Salutatio* aut *verbis* fiebat (5), aut humili quadam *corporis flexione*. *Verbis* ſic: *Dominus vobiscum*, vel *benedicat vobis Dominus*. *Ruth. II, 4.* Ex hoc *benedictio* in Sacra Scriptura ſæpe fumitur pro *ſalutatione*. TERTULL. lib. 4. contra Marcion. *Si quem inveneris*, ait Eliſa ad Gehaſi, *למה תברכני*, non *benedices* ſeu *ſalutabis eum* 2 Reg. IV, 29. Sic & transfert verſio noſtra, *ſalute him not*. Subinde inquebant: *שלום לכם*, *pax vobis*, *pax tibi*, *pax ſuper te*, *pax ſuper vos*; *לך שלום* *abi in pace* &c. *Intrantes domum, ſalutate eam.* Et quando digna fuerit hæc domus, *ἐλθέτω ἡ εἰρήνη ὑμῶν ἐπ' αὐτήν*, *veniat pax veſtra ſuper eam*; ſi autem non fuerit digna, *pax veſtra ad vos revertatur*. Matth. X, 12, 13. *Flexione ſive geſtibus corporis* ita: *ſalutabant*, interdum *incurvatione totius corporis*, interdum *τῷ καταφιλεῖν τὰς πόδας* *deoſculatione pedum* (6), Luc. VII, 38. Plerumque *oſculo ordina-*



rio (7). XENOPH. de instit. Cyr. l. I. p. 17. item lib. 5. p. 113. Tunc obviam processit Moses socero suo, & incurvans se osculatus est eum. Exod. XVIII, 8. Oscula quoque libavit Joseph omnibus suis fratribus, flens super iis, Gen. XLV, 15. Hoc vocat Paulus *Φίλημα ἁγίου* osculum sanctum (8) 1 Cor. XVI, 20. Petrus *Φίλημα ἀγάπης* osculum amoris 1 Pet. V, 14. TERTULLIANVS appellat osculum pacis TERTVLL. de orat. cap. 14. Hæc fuerunt oscula, quæ non Cato quispiam carpere, quæque Virgo Vestalis capere tuto possit.

VIII. Hujus generis tria fuerunt Judæis. DRUSIVS ad difficil. loca Exod. XII. A. נְשִׁיקוֹת פְּרוֹקִים oscula propinquorum, seu salutationis, quæ explicata sunt præcedenti aliquo exemplo. B. נְשִׁיקוֹת פְּרִישׁוֹת oscula separationis. Non permisisti mihi, ut oscula filiis meis & filiabus meis figerem. Gen. XXXI, 28. C. נְשִׁיקוֹת גְּדֻלָּה oscula magnitudinis, sive humiliationis. Vox Hebr. significat oscula dignitatis, quæ erant signa humiliationis & reverentiæ erga Regiam Majestatem & supremam potestatem. Tum Samuel, sumpta olei lenticula, perfudit caput ipsius, osculatusque est eum. 1 Sam. X, 1. Huc referunt illud Psalmi II. vers. 2. *osculamini filium, ne irascatur*. Quamvis autem his salutationibus in publico occursum erga se invicem fungebantur, attamen iisdem quoque, si quem privatim excipiebant, utebantur; quod liquet ex multis ante citatis locis.

IX. Secunda ceremonia preparatoria erat lotio pedum ante discubitu (9), non solum Judæis, sed & Gentibus ipsis, usitata. Locus hic tuus est, huc accumbe. Ferte

aquam pedibus. Præben' tu puere? PLAVT. Pers. Act. V. scen. 2. Introduxit vir ille homines illos in domum Josephi, deditque aquam, & laverunt pedes suos. Gen. XLIII, 24. Hoc servitium plerumque administrabatur per servos, & per vilissimos domus (10), uti constat ex facto Christi Salvatoris nostri, qui *ὑπόδειγμα ταπεινότητος* exemplum humilitatis relicturus, lavit pedes discipulorum. Job. XIII, 15. Et Abigail Davidi ipsam in connubium accepturo dicebat: Ecce ancilla tua pro famula erit, ad lavandum pedes servorum domini mei. 1 Sam. XXV, 41.

X. Ad hunc finem certa vasa ipsis erant præsto, huic usui destinata. Illud vas τὸν *ὑπτῆρα* vertimus *pelvim* (11), Job. XIII, 5. Infundit aquam in pelvim; cum ea vox *ὑπτῆρ* plerumque significet labrum, adhibeturque ibidem pro eo, quod Græci vocant *ποδὺνιπτρον* *pelluvium*. Quispiam hic quærere posset, undenam hæc aqua hausta fuerit? Non video disconvenientiam, si dicimus, in ipsorum *καταλύμασι* seu *ἀναγωγείς* cœnaculis sive tricliniis disposita plerumque fuisse vasa magna, ex quibus in minora, quantum necesse erat, infundebant.

XI. Cujusmodi non inepte putantur fuisse illæ *hydrie*, quæ memorantur Job. II, 6. (12). STUCKIUS lib. conviv. Erant ibi ὑδρίαὶ λίθιναι ex lapideæ *hydrie* sex, posite ad purificationem Judæorum. Per τὸν καθάρισµον purificationem intellige hanc curiosam lotionem, de qua agimus. Jam si contemplamur consuetam manuum *ablutionem*, quam, etsi in se damnanda non esset, superstitio tamen Legisperitorum & Pharisæorum corrumpibat; & rursus lotionem pedum

*pedum* ante & post convivium, (Salvator enim noster suorum discipulorum pedes lavit a coena), quam Hebræi dicunt solummodo in ipso festo *Paschatis* usurpatam fuisse, tum non mirum erit, si & multa & capacia vasa præsto stabant.

XII. Insuper notandum est, quod, quemadmodum administratio simplex, ita & vasa vulgaria & vilis pretii fuerint. Quæ observatio lumen dat illis verbis *Psal. LX, 10.* מוֹאֵב כִּיר רִחָצִי *Moab est olla lotionis meæ* (13), seu pollubrum meum. Hoc est, Moabitæ ita mihi substernentur, velut pollubrum pedibus meis.

XIII. Tertia ceremonia preparatoria erat effusio olei (14). Mulier in illa urbe allato alabaastro unguenti, & stans apud pedes ejus retro, fletus cepit humectare pedes ipsius lacrymis, & abstersit capitis sui capillis, & deosculabatur pedes ipsius, καὶ ἔλειψε τῷ μύρῳ & unguento ungebat. *Luc. VII, 37, 38.* Effundebatur quoque in caput, quapropter eodem in loco Christus Phariseo, qui ipsum invitaverat, objicit, *vers. 46.* Oleo caput meum non unxisti. Et *Pf. XXIII, 5.* Delibutum reddis caput meum oleo.

XIV. His ceremoniis preparatoriis absolutis transeunt ad gratiarum actionem (15). Paterfamilias cum domesticis confidens tenet cyathum vino spumantem dextra, simulque suam *benedictionem* orditur hac formula: בְּרוּךְ אַתָּה יְיָ אֱלֹהֵינוּ מֶלֶךְ הָעוֹלָם בְּרֵא פְרִי הַנֶּפֶץ *benedictus sis tu Domine, Deus noster, Rex mundi, qui creas fructum vitis.* Hoc dicto, delibat vinum, scyphus-

que ab eo in corona accumbentium circum-  
it. Hanc *benedictionem* vocant בְּרִכַּת הַיַּיִן *benedictionem vini.* Hoc modo videtur Christus suam orsus coenam esse: *Accepto poculo, gratiisque dictis; sumite, ait, hoc, & dispensate inter vos; Dico enim vobis, quod non sim bibiturus ἀπὸ τοῦ γεννήματος τῆς ἀμπέλου ex fructu vitis, usque quo venerit regnum Dei.* *Luc. XXII, 17, 18.*

XV. A *benedictione calicis*, paterfamilias sumit panem, ut illum scindat, non abscindat; nam illum tantum incidit, quo facilius frangat, non penitus dissecat. Sic incisum ambabus manibus tenet, consecratque his verbis: בְּרוּךְ אַתָּה יְיָ אֱלֹהֵינוּ מֶלֶךְ הָעוֹלָם הַמּוֹצִיא לֶחֶם מִן הָאָרֶץ *benedictus sis tu Domine, Deus noster, Rex mundi, qui profers panem ex terra.* Hanc panis consecrationem vocant בְּרִכַּת הַלֶּחֶם *benedictionem panis.* *DRVS. in N. T. part. alt. p. 78.* Post consecrationem frangit panem; (a qua actione paterfamilias, aut is, qui illius loco *benedictionem* facit, dicitur הַכּוֹצֵעַ *concoctor* (16), *fractor*) quo fracto, cuivis accumbenti de eo fructum impertitur. Tumque cæteris patinis repletis manus laxant. Hanc panis atque calicis *benedictionem* solummodo observant in solennioribus festis, alias enim solum panem, non calicem, consecrant.

XVI. Tempore convivii cibos suos con-  
diunt bonis comparisonibus & similibus (17), quæ aut materiem institutionis præbent, aut ingenium exercent. Idem familiare etiam fuit Christianis *agapas* celebrantibus; de quibus *TERTVLL. Apol. c. 39.* non tam coenam coenant, quam disciplinam.

Prioris



Prioris generis fuit illa *parabola*, quam Servator noster in medium protulit inter convivium. *Luc. XIV, 7.* Posterioris, *ænigma Simsonis*, quod suis sodalibus enodandum proposuit. *Jud. XIV, 3.*

XVII. Sub fine convivii repetebant *gratiarum actionem*. Eam recitavit aut paterfamilias, aut hospes majore gravitate emicans, prenoque ambabus manibus scypho vini pleno, ita orsus est: *Laudemus eum, qui nos suis bonis alit, & cujus benignitate vivimus.* Tum resonant omnes discumbentes: *Benedictus sit, cujus cibis frui sumus, & cujus liberalitate subsistimus.* Hanc *gratiarum actionem* vocant בְּרַכַּת הַסֵּמֶךְ *benedictionem alimonie*. Et hic censetur fuisse calix, ex quo post cœnam Salvator noster suis discipulis mysterium five sacramentum sanguinis propinavit. Vide P. FAG. in *prec. Hebr.* Postea, sic orsus *gratiarum actionem*, pērgit: *Benedictus sit, & benedictum sit nomen ejus &c.* prolixam appendens orationem (18), qua *gratias* dicit 1. pro præsenti alimento. 2. pro educatione ex Aegypti ergastulo. 3. pro fœdere Circumcisionis. 4. pro Lege per manum Moſis data. Deinde supplicat Deo, ut propitius sit 1. populo suo Israël. 2. suæ urbi Hierosolymæ. 3. Tzioni, Tabernaculo suæ gloriæ. 4. Regno domus Davidis uncti sui. 5. ut mittat Prophetam Eliam. 6. Tandem ut ipsos dignos esse velit diebus Messiae καὶ αἰῶνι μέλλοντι & *seculo futuro*.

XVIII. Hac finita oratione omnes convivæ suppressa voce ita dicunt: *Timete Dominum Sancti ejus, quoniam non est penuria timentibus eum: leunculi inopiam &*

*famem patiuntur, sed quærentes Jehovam non destituuntur ullo bono.* *Pſ. XXXIV, 10, 11.* Postmodum is, qui *gratias* dicebat, & *calici benedicere* eadem formula, qua usus est cum accumberent primo, & sic orditur: *Benedictus sis tu Domine, Deus noster, Rex mundi, qui creas fructum vitis; ex quo delibat paulum vini, calicemque in orbem mittit. Sic benedictio calicis & inchoat & claudit convivium.*

XIX. Hunc calicem vocabant כוס הַלֵּל τὸ ποτήριον τῆς εὐλογίας, sive ὑμνήσεως, *poculum benedictionis*. Vtriusque hujus poculi ante & post cœnam meminit *Lucas cap. XXII, 17 - 20.* Hic notatu dignum, quod verba *benedictionis* comitentur tantum ultimum calicem, quibus tanquam pars altera S. Sacramenti N. T. consecratur (19). Τῷ τὸ ποτήριον, ἡ καινὴ διαθήκη ἐν τῷ αἵματί μου, *hocce poculum (est) Novum Testamentum in sanguine meo.*

XX. Post hæc omnia, cantant *Hymnos & Psalmos* (20), quemadmodum & factum a nostro Salvatore. *Marc. XIV, 26.* SCALIG. de *emend. Temp. l. 9. pag. 273.* Sic ipse: etsi nullas admisceret frivolas superstitiones, quæ aut ea tempestate usitatæ, aut a recentioribus Judæis adjectæ fuere, (velut, quod quatuor cyathi sint evacuandi. MOSES KOTs. fol. 118. col. 1. vel quod panis frangendus sit decem una digitis, respectu decem præceptorum. SEBAST. MUNSTER. *Matth. XXVI. &c.*). Videmus tamen ipsius ceremonias, & in principio & in fine cœnæ, Judæorum consuetudinibus accordare. Si quis desiderat prolixiorem Rabinicarum harum *benedictionum* telam, is adeat P. FAGII *Commentarios in Deut. VIII,*

VIII, 10. item *Prec. Hebr. per eundem editas*, unde multa eorum, quæ hic posui, petita sunt.

XXI. Jam si quis objiciat, quod videar S. Sacramentum corporis & sanguinis Domini nostri convertere in Judaicam ceremoniam: Resp. Nequaquam: nam, sicut longo tempore ante Judæis in usu fuit species consecrationis aqua factæ, sine qua nullus Profelytus (21) in Ecclesiæ Judaicæ gremium receptus est, non tamen ipsis Sacramentum fuit, sed ritus, ut Turcis & Saracenis circumcisio est: Sic *panis fractio* non Sacramentalis, fiebat Sacramentalis, cum Christus diceret de eo: *hoc est corpus meum. hoc poculum est N. T. in sanguine meo, &c.* τὸ ποτήριον τῆς εὐλογίας, ὃ εὐλογῶμεν, ἐκὶ κοινωνία τῆς αἵματος τοῦ Χριστοῦ ἐστίν; *poculum benedictionis, quod benedicimus, nonne est communio sanguinis Christi?* 1 Cor. X, 16.

XXII. Postremum, quod notatu dignum in ipsorum conviviis, est illorum *positura* sive *situs* (22). Diebus Salvatoris nostri, verisimile est, *posituram* Judæorum respondisse *posituræ* Romanorum. Voces enim, quibus usi sunt Evangelistæ, sonant *accubitus*, non *sessionem*. ἀναπίπτειν Luc. XXII. ἀνακλιθῆναι Matth. XXVIII. κατακλιθῆναι Luc. XIV. ἀνακλιθῆναι Matth. XIV. Mensam in medio locatam lecti circuibant, vel duo, vel tres, vel etiam plures ratione convivarum, super quibus singulis cubuerunt vel tres vel interdum quatuor, raro aut nunquam plures. Quando quis recumbebat lecto, superior pars corporis suffulta sinistro cubito, inferior pars extensa lecto, quiescebat. Vbi vero multi lectos occu-

pabant, supremus, capite lecti repositus, pedes suos ad tergum secundi demisit: eadem *positura* discubuerunt & tertius & quartus, singulis caput sinu alterius recondentibus.

XXIII. Sic reclinavit *Johannes in sinum Jesu* (23). Job. XIII, 23. Hoc est i. signum *singularis amoris* erga illum, quem sinu suo recipit paterfamilias. *Johannes erat dilectus discipulus.* 2. signum est *æqualitatis* accumbentium, altero in alterius quiescente sinu. *Multi ab Oriente & Occidente venient, καὶ ἀνακλιθήσονται & discumbent cum Abrahamo, & Isaaco, & Jacobo in regno cælorum. Matth. VIII, 11.* Vbi recumbent? *in sinu Abrahamæ* (24). Luc. XVI, 22. hoc est: omnes accumbent eidem mensæ, confortes ejusdem gloriæ. Ita Christus fuit *in sinu Patris sui* (25) Job. I, 18. h. e. juxta linguam Apostoli: *non rapinam duxit, esse æqualem Deo. Phil. II, 6.*

XXIV. Mensæ perfecte circulares (26) fuerunt, unde ipse accubitus vocatur מְסַבֵּה *discubitus circularis*, a Rad. סָבַב *circumivit, ambivit*; modusque convivas ad accubitus invitandi sic sonabat: סָבְבוּ *circumfidite. Non circumsidemus* לֹא נִסְבֵּב, *donec venerit hic.* 1 Sam. XVI, 11. Rursus: *Filii tui ut plantæ olearum* כְּצִיִּים *circum mensam tuam.* Hic ritus & ipsius Ezechielis ævo valebat: *Consedisti in lecto honorato, ante quem mensa parata est. Ezech. XXIII, 41.* Et num hic usus obtinuerit apud vetustos Hebræos, aliorum inquisitioni remitto. PHILO IVD. p. 388. *In vestibis pignore captis accumbunt apud omne altare. Amos. II, 8.* hoc est: loco lectorum adhibuerunt vestes pignore sumptas, cum vescerentur

H apud



apud altaria εἰδωλοθύτοις. Vetustissimus mos erat super lanatis pellibus discumbere. OVIDIVS:

*Qui poterat pelles addere, dives erat.*

XXV. Immo mos *detrahendi calceos* (27), cum accumberent, asserit hujus consuetudinis accumbendi vetustatem summam. Illa *calceorum detractio* videtur in Aegypto jam usu venisse, & propterea Israelitæ in comestione Paschatis mandato divino tenebantur ad majorem promptitudinem calceis esse ligati. Ratio, cur eos trito more exuerent, fuit, ne suos lectulos, quibus incumbabant, collutularent. Quoniam autem jus Paschatis requirit, illud absumendum esse a calceatis, quod potius *stationem* quam *reclinationem* super lecto injungit, quæri potest, num Christus *accumbendo* mensæ primam institutionem dissolverit? TREMELLIVS in *Matth. XXVI, 20. cui manum ego meam porrigo*, sic occurrit: Sciendum est, ait, quod *Exod. XII*. dicatur, quomodo parati ex Aegypto migrare Pascha eo temporis articulo comedere debeant. Nam temporis illius arcta necessitas voluit comestionem concitatam. Postea autem in Lege, ubi reiteratur mandatum de ritu Paschatis quotannis observando, hæc verba addita non sunt; propterea omnes Hebræorum Magistri, & antiqui & recentiores, uno ore docent, mandatum de *postibus sanguine tingendis, de calceandis pedibus, de succingendis lumbis, de manibus baculo firmandis, deque agno celeriuscule comedendo*, se non extendere ad generationes posteriores, sed solam eam respexisse *noctem*, qua Aegypto cesserunt. Receptus ab antiquis ritus fuit, quo comedentes *Pascha* confidebant, aut lecto inclinabant, uti Christus ipsiusque di-

scipuli, in signum receptæ libertatis. *Talmud. Tract. de Pasch.* Vide TREMELL. loc. cit.

XXVI. Illorum, qui excipiebant in conviviis, duo erant: 1. *Paterfamilias*. 2. *Dominus convivii* (28). Vid. CASAVB. *Exercit. p. 278*. Sic autem differebant: *Paterfamilias*, five Herus, vocabatur בעל הבית, οικοδεσπότης, *Dominus familiae*. *Dominus convivii* vocabatur בעל המשתה, δεξιτέριλινος, *Praefectus triclinii*, nobis dictus *The Ruler*, five *The Governour of the feast, ein Schaffner, Hoff- oder Speissmeister*. Δεξιτέριλινος fuit *summus minister*, ministrans *patrifamilias* in conviviis. Alii adjiciunt tertios, quos volunt fuisse *Praefectos morum*; Græcis dicuntur ἐνόπται. GAVDENTIVS BRIXTIANVS. Vid. CASAVB. *ibid.* Ipsorum munus fuisse creditur, attendere moribus convivarum, ne quis modestiam modumque excederet nimio mero, unde appellati sunt ὀφθαλμοί, *oculi convivii*. Ejusmodi *Ministri* convivia moderabantur in aula Ahasveri. *Esth. I, 8*. & apud Athenienses. ATHENAEVS l. 10. Verum num tales Judæis adscribi possint, jure in medio relinquitur.

XXVII. Antiqui Judæi hospitales erant (29), & in exceptos hospites liberales. Hospitalitatem ipsorum Sacra Scriptura commendat; sed quæ certe hodie apud ipsos hospes est & exulat, uti liquet ex illo trito (30), quod concernit exceptionem amici: quod is sit primo die מְיוֹרֵי viator, hospes; secundo מְיוֹרֵי fatigator, onus; tertio בִּירֵי circumcursitator, profugus. BVXTORF. *Synag. Jud. c. 32. p. 422*.

XXVIII. Liberalitas in eo conspicitur, quod memores pauperum in suis conviviis iis portiones submitterent. *Neb. VIII, 11. Mittite portiones cuicumque nihil est paratum.* Hoc postea invaluit & moris fuit veteribus Gentilibus, qui non tantum in solennioribus festis & conviviis praesentes exceperunt hospites, sed & iisdem concesserunt convivia, ex quibus quid auferre poterant, quæque vocabant inde ἀποφάγητα. Solebant itidem μερίδας, portiones mittere absentibus amicis. THEOPHRASTVS C. περὶ μεριψμοιρίας. Idem testatur PLVT. in Agesilao. διέπεμπε μερίδας τοῖς φίλοις ἀπὸ τῶν τεθυμένων, mittebat portiones amicis ex sacrificatis.

XXIX. Hæc observatio lucem affundit *Canon* illi *Laodicensis Concilii* (31), quo interdictum est μέρη αἰρεῖν, portiones ferre Christianis in *agapis*; cujus interdicti rationes mihi tres ex præcipuis fuisse putantur: 1. ne Christiani symbolizarent Gentilibus. 2. ne quis, suam portionem sibi submittendam sperans, *agapas* negligeret. 3. ne praesentes, praesertim pauperrimi, ut sæpissime contingit, defectum paterentur, si tales portiones, omne quod optimum opimumque est, absorberent.

XXX. Tandem coronidis loco hic notabimus, quod, quemadmodum Judæi cœ-

nam sub vespera & tum quidem lautissime pararunt (32), sic prandium hora sexta, h. e. juxta nostram computationem, circa meridiem. *Μακτα σιτισα, altitia, & para. mecum enim comedent homines isti meridie. Gen. XLIII, 16. Petrus ascendit ἐπὶ τὸ δῶμα, in solarium, ut precaretur circa horam sextam, factum est, ut esuriret, voluitque edere; parantibus autem illis, ἐπίπεσεν ἐπ' αὐτὸν ἑκστασις, incidit in eum mentis excessus. Act. X, 9. 10.*

XXXI. Insuper prætereunda non est differentia poculorum istorum trium (33), quæ memorat S. Scriptura: 1. ποτήριον τῆς εὐλογίας, poculum benedictionis. 1 *Cor. X, 19.* Respondet illis cyathis, qui adhibiti sunt in solennioribus ipsorum festis & conviviis, nomenque fert ex illa benedictione, quam affundere solebant. 2. כוס תְּנֻחָמִים ποτήριον εἰς παρακλήσιν, poculum consolationis. *Jerem. XVI, 7.* Illud ita vocatur, quod tempore luctus amicis tradebatur, ut ipsius dulci flumine mœroris luctusque amaror ex pectore lugentium elueretur. 3. כוס וְשִׁוּעוֹת ποτήριον σωτηρίας, poculum salutis. *Psal. CXVI, 13.* Hoc plerumque comitabatur sacrificia שְׁלָמִים *pacifica* sive *eucharistica*, quæ devota erant pro beneficiis acceptis; hinc LXX. *pacificum* plerumque σωτήριον *sacrificium salvationis* vertunt.

## CAPVT III.

## DE SABBATHO.

**V**ox שַׁבָּת, a quo nostrum *Sabbath* (1), sonat *quietem*, tribuiturque quibusvis

festis solennioribus. *Sabbatha mea profanarunt, Ezech. XX, 21.* h. e. festa mea. Sub-



inde fumitur pro *tota septimana*. *Ἡμέρα δις τῷ σαββάτῳ* Luc. XVIII, 12. Sæpiissime pro *die septimo*, quem Deus suo cultui consecravit. Hic dies sanctus erat vel sanctitate simplice, quatenus erat dies septimus, vel duplici sanctitate, quam aliud festum incidens in *Sabbathum* ei addidit, & tum vocabatur *Sabbathum magnum*, Job. XIX, 31. (2). Nam in id *Sabbathum*, de quo loquitur Johannes, isto anno incidit festum *Paschatis*.

II. Dies septimanæ dicebantur Hebræis חילן *profani*, Græcis ἐργάσιμοι, ἀνέοργοι, ἡμεροὶ, *profesti*, in quibus opera manuarum fiunt. Quando autem eos dies *profanos* uno quasi nomine insigniebant, vocabant ipsos τὸ μεταξὺ σαββάτων, vel τὸ μεταξὺ σαββάτων, *tempus inter duo Sabbatha*, vel *interjectum inter Sabbathum* (3). Hoc fuit tempus, quo Gentes cupiverunt audire Paulum Act. XIII, 42. SCALIGER de Emend. Temp. l. 6. p. 261. item BEZA in hunc locum.

III. Ratione variantis horum dierum sanctitatis, non inepte *Sabbathum* confertur *Reginæ* (4), sive potius *primariis* uxoribus, alia festa *concubinis*, dies ἡμεροὶ *anvillis*.

IV. *Sabbathum* incipit hora sexta vespertina pridie (5). SCALIG. de Emend. Temp. l. 6. p. 269. Græci id nuncupant παρασπον σαββάτῳ, Hebræi בֵּית הַשַּׁבָּת *introitum Sabbathi*. *Præparatio Sabbathi* (6) erat hora tertia pomeridiana, quam Hebræi vocant עֶרֶב הַשַּׁבָּת *vesperam Sabbathi*. IOSEPH. Antiq. l. 16. c. 10.

V. Patres antiqui istam præparationem appellant *Cœnam Puram* (7). Modus loquendi tractus est a Gentilibus, qui religione sua tenebantur in sacrificiis, quæ faciebant Diis Deabusque suis, sollicita se sanctimonia præparare. Quo præparationis tempore fruebantur quadam cœna, quæ tum delectu ciborum, quos Gentiles aliis sanctiores censuerant, tum sacris ritibus & ceremoniis in ea usurpatorum, insignis fuit: sic ut ipsi se, durante hac præparatione, dicerent *esse in casto*, & suam præparationem, *cœnam puram*. In ritibus ergo Paganorum *cœna pura* appellatur cœna illis apponi solita, qui in *casto* erant, quod Græci dicunt ἀγνέειν vel προαγνέειν, *purificare, præpurificare*. CASAUB. Exerc. 16. pag. 662. Jam videmus rationem, cur Patres Sabbathorum vesperam vocarint *cœnam puram*.

VI. Evangelistis ea dicitur παρασκευῇ, *apparatus*. Marc. XV, 42. Differentiæ gratia possumus prius diei tempus vocare παρασκευῇ, *priorem præparationem*; nam totus dies præparatorius fuit, uti elucebit ex illis peculiaribus rebus eo die vetitis. 1. Eo die nefas fuit longius peregre ire quam tres פָּרְסוֹת; una פָּרְסָה tantum terræ spatium describit, quantum, si decies multiplicetur, ordinario unius diei itinere confici potest. 2. Eo die nefas fuit Judicibus considerare (8), & vitæ aut mortis sententiam inire, uti docetur *Capite de transpositione Festorum*. 3. Cunctis opificibus illicitum fuit operari (9), exceptis solis Sutoribus, Sartoribus, & Legisperitis. CASAUB. Exerc. 16. p. 477. ex Michlol. KIMCHI. Prioribus duobus, quod resarciant indumenta, posterioribus, quod studio suo aliquid imbibant, ut id sequenti die explicandæ

randæ legis causa reddant; his dimidium præparationis tempus ad operandum concessum est.

VII. Nemo præterea tam nobilis & dives sibi videtur, quamvis ei plurimi servi suppetant, qui præparationem *Sabbathi* suis manibus promovere (10) dubitet; sic ut aliquando Magistri ipsi olus minute concidere, domum verrere, ligna findere, ignem suscitare, &c. non erubuerint. BVXTORF. *Synag. c. 10. ex Talmude.*

VIII. Antiquis temporibus hanc *præparationem* significabant tinnitu tubæ vel cornu (11). Sed hodierni Judæi eam notificant per ædituum (12), aut alium inferiorem Synagogæ ministrum, quem vocant *שליח צבור* *Accensum Synagogæ.*

IX. Quantum ad sanctificationem *Sabbathi*, corruptis temporibus, multa Judæi de suo addiderunt præceptis Dei. BVXTORF. *Synag. ibidem.* Aliis in rebus non timuerunt sibi licentiam sumere, quam Deus ipsis non dabat. Ibi *superstitiosi* (13), hic *sacrilegi* sunt.

X. I) Licentiam sibi rapuerunt. Bis mille cubiti determinabant arcam & castra, quum proficisceretur *Jos. III, 4.* &, ut verisimile est, eadem mensura, cum quiescerent, observata fuit. Hoc terræ spatium quidam exponunt *milliare unum*, alii *duo*; alii illud minori, alii majori cubito metiuntur, quem dicunt *decempedam*. In hoc autem omnes conveniunt, quod hi bis mille cubiti confecerint *iter Sabbathicum* (14): licet nemo, ni fallar, observarit rationem, cur ita dictum sit. quam ego hanc esse censeo:

XI. Die *Sabbathi* omnes confluere oportebat ad locum publici cultus, qui divisus erat bis mille cubitis a proxime circumjacentibus oppidis & pagis. Inde sequuntur quatuor positiones; 1. Bis mille cubitos comparative posse vocari *iter Sabbathicum*. 2. Quod illis, qui procul divisi fuerunt ab arca, plures quam bis mille cubiti emetiendi fuerint. 3. Quod fas nunc sit conferre se die *Sabbathi* ad loca publico cultui sacra, etsi longius distantia. 4. Quod illicitum fuerit Judæis exinde libertatem sibi spondere eundi quo luberet, etsi prætenderent bis mille cubitorum *Sabbathicum iter* esse.

XII. II) Addebant præceptis Dei. 1. Deus ait: *memento septimi diei, ut sanctifices illum*: quibus verbis Deus diem aliquem consecravat, ut esset *Sabbathum*, illi autem addiderunt *Sabbathulum* (15), ita vocarunt additamentum, quod annexerunt *Sabbatho*. HOSPINIANS de Orig. *Fest. c. 3.* Hoc temporis additamentum duplex fuit: Quidam *Sabbathum* prius ordiebantur quam alii: quod evenit Judæis Tiberiade commorantibus, ubi ipsos, quum in valle habitarent, Sol non tam cito adspexit, quam alios. Quidam etiam *Sabbathum* plus produxerunt quam alii: quod factum ab iis, qui habitabant *Zephoram* urbem, in montis supercilio eminentem, sic ut diutius Solis luce frueretur, quam alia loca. Hi utrique addebant de profano ad sacrum, scil. de diebus profestis ἀπέσως præcedentibus aut consequentibus. Nemo minuebat *Sabbathum*; propterea optabat R. IOSE participare cum iis, qui *Sabbathum* inciperent cum *Tiberiensibus*, & finirent cum *Zephorensibus*: BVXT. *Comment. Masoret. c. 4. ex Musar.*



XIII. 2. Deus inquit: *Quies, Sabbathum sanctum Jehovæ cras est, quod cocturi estis, coquite, & quod elixaturi, elixate.* Exod. XVI, 23. Hoc mandatum pertinuit proprie ad tempus *Mannæ*. IVNIVS & TREMELL. in Exod. XVI. Ratio, cur eam parare eo die ante crastinum deberent, ibidem redditur, quia non inventuri essent die *Sabbathi* in agro. Judæi hoc præceptum extenderunt ad omnia æva, & propterea nullis parandis cibis eodem die (16) operam dabant. Hæc fortassis ratio est, cur Gentiles ipsos putarint die *Sabbathi* jejunare (17). SVETON. in August. c. 76. De *Jejun. Sabb.* vide MARTIALIS l. 4. epigr. 4. Non diffitebor, quod hæc opinio falsa orta esse possit ex illo loquendi modo, *ἡστέρω δις σαββάτῃς*, jejuno bis *Sabbatho*.

XIV. 3. Deus ait: *Non accendetis ignem in omnibus sedibus tuis die Sabbathi.* Exod. XXXV, 3. Hoc præceptum solum ignem pro operibus *Tabernaculi* (18) tetigit, nam prius in hoc capite fit mentio *Sabbathi*, ad significandum, quod opera *Tabernaculi* cedere debeant *Sabbatho*. VATABLVS in hunc locum. Item TREM. & IVNIVS. Judæi ex hoc concludunt, hoc die illicitum esse ullum ullibi ignem fufflare.

XV. 4. Deus ait: *Non facies opus die Sabbathi.* Hoc sine ulla exceptione acceperunt Judæi. Propterea illicitum putarunt, *pomum igne torrere, olus deligere, arborem conscendere, pulicem elidere, vel venari* (19). HOSPIN. de Orig. Fest. c. de *Sabbatho*.

XVI. Hinc quoque illicitum censuerunt, die *Sabbathi* vim vi repellere (20), quare

facti sunt bis hostium præda. Primo ab Antiocho devicti sunt, ex quo Matthias decrevit, licitum esse die *Sabbathi* se opponere hostibus. IOSEPH. lib. 12. c. 8. Illud autem decretum stricte sumpserunt, quasi tantum liceret tum se defendere, si oppugnarentur, non autem ullo opere, eo die, evertere arietes, cuniculos, si eos agerent hostes, &c. IOSEPH. lib. 14. c. 8. Secundo facti sunt Pompejo præda.

XVII. Proinde ad verum hujus præcepti sensum, sciendum est, quod tres operum servilium species licitæ fuerint. 1. *Opera charitatis.* Deus, qui ipsis concedit bovem & asinum die *Sabbathi* ducere aquatum Luc. XIII, 15. ad plus reficiendam ipsorum vitam, multo magis libertatem indulget homini, pro se ipso & familia sua cibos parandi, ut eo magis idoneus sit ad sacra opera. Christus sanavit die *Sabbathi* (21): quare & tum & nunc temporis licet, visitare ægrotos, remediisque uti. 2. *Opera ceremonialia circa cultum divinum*, ut sunt, non tantum *maclare victimas, circumcidere infantes*, sed & *personare buccinis & cornibus* ad conciendum populum, Num. X, 2. Licuit quoque populo exire ædibus suis ad publicum cultum. Aequali modo tuto Christiani pulsant campanas, ad convocandum populum *ἐν ἡμέρᾳ κυριακῇ*, die *Dominica*; tuto iter ingrediuntur, ut se associant publico coetui, vel verbum proponant. Hæc opera etsi natura sua sint corporalia, sanctum tamen templum naturam ipsorum mutavit, sanctificavitque. Matth. XXIII, 17. Aut, sicut Judæi ajunt, de occupatione Jerichuntis, quam die *Sabbathi* captam produnt ipsorum Magistri: *צִוָּה עַל הַשַּׁבָּת צִוָּה לְהַלֵּל שַׁבָּת* qui jubet *san-*

*sanctificari Sabbathum, jubet etiam profanari Sabbathum.* KIMCHI in Hof. VI. Denique 3 Opera absolutæ necessitatis (22); ut defensio sui adversus hostem, & alia ejusdem naturæ, de quibus hoc proverbium Ju-

dæorum exstat: כִּנְיַת הַנֶּפֶשׁ הַזֹּאת הַיּוֹם הַזֶּה נִשְׁכַּח חַטָּאתָא periculum vitæ pellit Sabbathum. Christiani, paulo mutato proverbio tritissimo, dicunt: *Necessitas non habet ferias.*

## CAPUT IV.

## DE PASCHATE ET FESTO AZYMORVM.

Quidam Patrum vocem Πάσχα Pascha derivarunt a Græco πάσχω, *patior*, quod *Passionis* Christi memoria circa id tempus celebretur. TERTVLL. *adv. Jud.* c. 10. item AMBROS. *lib. de myst. Pasch.* cap. 1. quam opinionem recte infringit AUGUSTINVS in *titul. Psal. LXVIII.* Nam vox ea origine Hebraica est (1), significans *transire, transilire.* Dei ipsius expositio hæc est. *Victima Paschatis est Jehovæ,* אֶשֶׁר פָּסַח *qui transiit domos filiorum Israel.* *Exod. XII, 27.*

II. Vox hæc פֶּסַח Pascha trifariam sumitur in Sacris Literis (2). Primo pro annuo illo Festo, quod celebrabatur decimo quarto mensis Nisan, alias Abib. Ex Theologis quidem non pauci omnia, quæ ad decimam quartam noctem pertinent, decimæ quintæ attribuant; quem errorem hauserunt ex turbidis Rabbinorum lacunis, qui hodie eundem errorem errant, teste SCALIG. *de Emend. Temp.* l. 6. p. 270. Potes id vocare Pascha Agni, quum eo die circa vesperam Israelitæ debuerint ratione familiarum suarum agnum assare, & in privatis ædibus comedere. Secundo pro illa solennitate temporis, quæ erat decimo quinto men-

sis Nisan, poteritque vocari Pascha Ovium & Boum. *Deut. XVI, 2.* Alias potest quoque dici Festum Paschatis, quemadmodum decimus quartus mensis Nisan simpliciter Pascha. *Mense primo, decimo quarto ejus mensis est Pascha Jehovæ; Et decimo quinto ejus mensis festum.* Num. XXVIII, 16. 17. Ad hoc festum Josia tantum ovium, agnorum, hædorum, boumque copiam populo dedit. Tertio, sumitur pro toto festo, quod incipit decimo quarto mensis Nisan, finiturque vigesimo primo ejusdem mensis. Prope erat ἡ ἑορτὴ τῶν ἀζύμων, ἡ λεγομένη Πάσχα, FESTVM AZYMORVM, quod vocatur Pascha, *Luc. XXII, 1.* Sic ut hoc significatu quoque includatur Festum Azymorum, licet proprie loquendo Festum azymorum distinctum a Festo Paschatis fuerit.

III. 1. Pascha celebrandum erat circa vesperam decimi quarti diei mensis primi (3); hoc fuit secundum ipsorum Sacramentum (4), in quo licet cum agno panes azymi comederentur, festum tamen ipsum Azymorum demum postridie, scil. decimo quinto mensis ejusdem, coepit, agitaturnque est per septem dies, quorum tantum primo & septimo convocatio sancta & quies ab omni-



omnibus operibus fervilibus fuit. *Levit. XXIII, 5-8.*

IV. Et 2. *Pascha*, ætate primam ejus institutionem sequenti, nec mactari, nec comedi debet alio in loco, quam eo solo, quem suo nomini elegit Jehova, h. e. Hierosolymæ. Sed *festum Azymorum* censuerunt Hebræi celebrari posse quibusvis in locis suarum habitationum (5), si nequirent esse Hierosolymæ; propterea dicunt: *לֹא תֵלֵךְ אֲכִלְתָּ וְיָיָרְבֵן בְּכָרְבֶן הַפֶּסַח אֲלֵה וְיִמְצֹא בְעַצְמוֹתָי* *Non pender comestio illius ex Paschatis oblatione, sed est peculiare præceptum suapte natura.* MAIMON. de fermento & azymo *Cap. 6. sect. 1.*

V. *Ritus & ceremoniæ* usurpatæ (6) a Judæis in comestione *Paschalis* agni correspondent cum *ceremoniis* generalibus, quibus solemnioribus in Festis utebantur. Benedicunt calicem, & benedicunt panem, distribuuntque convivis ac lavant pedes accumbentium, uti diximus *Cap. de Conviviis.*

VI. Res singulares, quibus differt ab aliis festis, produntur in quæstionibus, quæ a filiorum quodam, catechizationis modo, proponuntur tempore *Paschatis* comedendi: sive potius in responsionibus ejus, qui benedictionem super mensa dicit, quas regerit roganti puero. Quæstio erat: quid notat *hic cultus*? Modus responsionis ita habuit: *quomodo differt hæc nox a cunctis aliis*? SCALIG. de emend. Temp. l. 5. p. 270. Nam *aliis noctibus semel lavamus, hac nocte bis*: (sic Christus finita cœna lavit suorum discipulorum pedes): *aliis noctibus aut vescimur fermentato aut azymo pane, hac solo azymo: aliis noctibus vescimur varia herba-*

*rum specie, hac solis amaris: aliis noctibus vescimur & bibimus vel sedentes, vel accumbentes, hac tantum accumbentes & in longum extensi.* Tum pergit explicare, quod *Pascha* sit propterea, quia Deus præterierit domos patrum suorum in Aegypto. Deinde sustollit herbas amaras manu, aitque: *his amaris herbis vescimur, quia Aegyptii patribus nostris in Aegypto vitam reddiderunt amaram.* Tertio, manu allevat panem azymum, additque: *hic panis azymus, quo vescimur, notat, quod massa patrum nostrorum angustia temporis non potuerit fermentari, cum Dominus ipsis appareret, & ab hostibus liberaret.* Hanc catechizandi rationem ajunt præceptam *Exod. XII, 26.* vocantque eam *תִּגְלָה שֶׁל פֶּסַח* *annuntiationem seu enarrationem Paschatis.* Hinc suum loquendi modum mutuatur Apostolus: *Quoties editis hunc panem, & bibitis hoc poculum, τὸν θάνατον τῆς κυρίας καταγγέλλετε.* 1 Cor. XI, 26.

VII. Quantum ad hunc *agnum*, tale de eo præceptum habebant: *Decimo die mensis Abib quisque sibi accipiet agnum, pro domo paterna, integrum, masculum, anniculum; eritque apud vos in custodia, usque ad diem decimum quartum ejus mensis* *Exod. XII, 3.*

VIII. *Paschalis* pecus, vel *agnus*, vel *hædus* (7), pro quavis domo esto. Totum Israelitarum corpus divisum erat in duodecim tribus, tribus in familias, familiæ in domos. Si quæ domus non sufficiebat absumendo agno, tum proximus vicinus se adjunxit, ut comederet. Tota communitas vocabatur *φασγία* (8). Ejusdem sensus sunt apud Marcum *cap. VI, 40. 41.*

συμπόσια, & πρᾶσια. Hæ voces omnes notant *communitatem sodalitatemque convivarum, quot eidem mensæ accumbere possunt*. Ultimum vocabulum proprie significat *toros & areolas hortorum*; & sic videtur in Evangelio tota multitudo confidens in gramine viridi comparari horto, & singulæ sodalitates totidem areolis horti. Numerus accumbentium in *communitate Paschali* infra decem non descendit, nec supra viginti adscendit. IOSEPH. de Bell. Jud. lib. 7. cap. 17.

IX. Commendatur in Lege *masculus* (9), ad significandum vividum robur & vires Salvatoris nostri, cujus typus fuit.

X. *Anniculus*, Hebr. אֲנִיכּוּלָּא *filius anni* (10). Sunt qui distinguunt inter *filium anni*, & *filium anni sui*: *Filius anni* interpretantur, qui *annum unum* agit, nec minor, nec major est; *Filius vero anni sui*, qui est in *anno primo*, licet eum nondum absolverit. Sed ABEN ESRA negat absque *Kabbala* posse sciri, quis sit *filius anni sui*, nam fieri potest, inquit, ut sit 1 addititium, sive paragogicum, quale frequens est. *Anniculus*: illud exponunt sic (11), quod agnus, qui octo & plures dies habet, idoneus ad *Pascha* fuerit, non tamen si pauciores, quia dicatur Lev. XXII, 27. *Bos, aut agnus, aut capra, quum nata fuerit, fueritque dies septem sub matre sua, deinde a die octavo & ultra accepta erit in oblationem igne absumendam Jehovæ*. Rationem hujus præcepti Hebræorum quidam esse putarunt, quod nihil in mundo absolute perfectum sit, usque dum Sabbathum transierit. Vid. MÜNSTER. ad Levit. XXII. Insuper, si hora una ille agnus superarat annum, re-

probatus fuit, quia dicitur: *masculus, anniculus*.

XI. אֲדָמָה *Perfectus, integer* (12) debebat esse, tam ad commonendos Israelitas de propria integritate & sinceritate, quam ad denotandam absolutam illius perfectionem, qui revera fuit ὁ ἀμνὸς τῷ Θεῷ, *agnus Dei*.

XII. *Affervatusque fuit usque ad decimum quartum ejusdem mensis* (13). Rabbinus hujus custodiæ quatuor rationes dant. HOSPIN. de Orig. Fest. cap. 5. Quod 1. alias potuissent negligere agnum *Paschalem*, ob præcipitem emigrationem & molem negotiorum tempore discessus. 2. Vt intra quatuor istorum dierum spatium eo melius explorare possent & cognoscere perfectionem agni. 3. Vt, cum per tantum tempus suis oculis lustrarent agnum, eo meliorem occasionem & incitamentum haberent, tum descendendi in considerationem misericordiæ Dei eripientis eos ergastulo Aegypti, tum catechizandi instituendique suos filios ea in parte; ob quam rationem receptus mos Judæis fuit, ut agnum per hos quatuor dies lectorum fulcris alligarent. 4. Vt hoc præparationis tempore se possent expedire & parare ad mactandum eum.

XIII. Tempus, quo agnus mactari debuit, erat *vespera*, Exod. XII, 6. sive, ut in Textu originali legitur, בֵּין הָעֶרְבִים *inter duas vespervas* (14). Theologi hic movent quæstionem, quænam pars diei per hanc locutionem intelligatur? Quidam distinguunt duas vespervas ita: quod fuerit *vespera Solis*, scil. cum moles solaris occidit, & *vespera luminis*, cum etiam radii solares & splendor terram deseruere. Tem-



pus, five τὸ μετὰξὺ, *interim*, inter has duas vesp̄as, censetur esse hora una, & tertia pars horæ, quò interstitio ajunt jugulatum *Pascha*. ABEN-ESRA *Exod. XII.* Alii dant laxius temporis intervallum, sicque distinguunt: quod sit *vespera declinationis* & *vespera occasus*; putantque *Pascha* mactatum esse tempore eo, quod intercurrit meridiem & noctem. R. DAVID in *Radic.* Hoc etiam colligi potest ex *Pircke Aboth cap. 5.*

XIV. Hæc postrema responsio videtur magis consentanea veritati. I. Quia per eam locutionem debemus intelligere tempus longiusculum, quò non tantum *Pascha* mactandum, sed etiam sacrificium jure offerendum fuit. *Num. XXVIII, 4.* Hoc ergo potuit offerri prima pomeridiani temporis parte. Modum oblationis hoc tempore describit *Talmud tract. de Paschate cap. in initio*, qui juxta nostrarum horarum numerum ita habet: Sacrificium jure vespertinum plerumque mactabatur inter secundam & tertiam, offerebatur autem inter tertiam & quartam; vespera *Paschatis* mactabatur inter primam & secundam, offerebaturque semi-tertia. Quod si vespera *Paschatis* incideret in vesperam *Sabbathi*, jure sacrificium vespertinum mactabatur inter duodecimam & primam, & offerebatur media ad secundam, & postea *Pascha*. 2. Hoc convenit cum immolatione veri *Paschalis* agni. Nam sicut tempus crucifixionis coepit hora tertia diei cum sacrificio jugi matutino *Marc. XV, 25.* ita id finitum est hora nona, vers. 34. cum soletur offerri sacrificium jure vespertinum, & in vesperis *Paschatis*, ipsum *Pascha*.

XV. Præterea agnus debebat comedi cum herbis amaris (15). Ratio hujus præcepti est, ut eo admonerentur agere Deo gratias pro liberatione ex servitute Aegyptiaca, quæ ipsorum vitam amaram reddidit. *Exod. I, 14.*

XVI. Has amaras herbas intingebant in pulmentum crassiusculum sinapi instar, quod vocabant חרסתי (16), dicuntque hoc pulmentum esse signum luti, in quo laborarunt patres in Aegypto. MOSES KOTSENS. fol. 118. Hoc pulmentum putant quidam esse, in quod Christus ἐμβαλε τὸ ψαμίον, *intinxit offulam*, quam Judæ dedit. SCALIG. de *Emend. Temp. l. 6. p. 272.* De hoc crassiusculo jure ita scribunt Hebræi. MAIMON. de *Serm. cap. sect. 7.* Solebant panem azymum intingere in pulmento Charoseth, & tum vesci; deinde immittebant herbas amaras in Charoseth, vesp̄ebanturque iis. Conficiebatur e foliis palmarum vel ficubus aridis & passis uvis, quæ contundebant, affusque aceto, instar luti commiscebant, mensæque apponebant *Paschali nocte*. MAIMON. in חרסתי c. 7. sect. II.

XVII. Septem dies sequentes decimum quartum *Nisan*, proprie loquendo, peculiare festum constituebant, uti superius dictum; nempe *Festum azymorum* (17), quod hoc tempore non debebat panis fermentatus in ipsorum ædibus reperiri. Hujus moris vestigia quædam sunt observata in Romanorum Flamine Diali. A. GELL. *Noct. Attic. l. 10. c. 15.*

XVIII. Gradus præparationis ad festum (18) quatuor erant. BVXTORF. *Synag. c. 12.*  
I. Ex-

1. *Expurgatio fermenti*, quando omnem suam suppellectilem & vasa, quibus fermentum adherere possit, emundant; & hoc agunt duobus vel tribus diebus ante *Pascha*. 2. *Inquisitio fermenti*, quando fermentatum panem inquirunt per omnes domus angulos & murium scrobeculas: hæc inquisitio fit accensa cerea, & teste BVXTORFIO nocte ante *Pascha*. SCALIGER id refert aliis verbis, nempe quod hæc inquisitio instituta fuerit *ineunte quarta decima usque ad quartam horam post ortum Solis*. De Emend. Temp. in Proleg. Initium autem decimæ quartæ diei erat nox antecedens. nam Judæi sacros dies a vespera ad vesperam computabant. 3. *Exterminatio seu conflagratio fermenti*, quæ facta a quarta ad sextam horam, circa meridiem; quo tempore sequebatur ultimus gradus, quem SCALIGER prætermisit, nempe 4. *Execratio fermenti*, quæ ita sonat: *Omne fermentum, quod penes me est, quod neque vidi, neque removi, dispergatur, & pro terræ pulvere reputetur*. BVXTORF. Synag. cap. 12.

XIX. Si quis iis septem diebus vescatur pane fermentato, poena est, *animæ excisio ex Israele* (19). *Exod. XII, 15.* quæ poena ab Interpretibus triplicem nanciscitur sensum. Vid. P. FAG. in *Exod. XII*. Quidam per eam intelligunt, quod talis ejiciendus sit *ex hereditate cælesti*; alii quod Deus talem excisurus e vita sit morte subitanea; alii, quod talis *absque liberis sit decessurus*, nulla sui pignora relinquens. Huc facit ipsorum proverbium: *Vir sine filiis est sine vita*. P. FAG. l. c. Harum trium expositionum prima hoc loco verisimillima est, licet alia Scripturæ loca secundam quoque ad-

mittant, ut dicetur *Cap. de Circumcisione*. Interim iudicet æquus lector, annon hæc verba importent; præter occultum Dei in talis transgressoris animam iudicium, institutionem Ecclesiæ, quo pacto ea ejusmodi peccatores excommunicatione coercere queat; quod poenæ genus Sacra Scriptura alias vocat *ἀποσυνάγωγον ποιῆσαι*, ejici ex Synagoga. *Joh. XVI, 2.* quæ locutio convenit huic, *excindi ex Israele*.

XX. Hic tria (20) quæri possunt: 1. quis mactarit *Pascha*? 2. ubi mactatum? 3. ubi comestum sit? 1. Mactatum est a Sacerdotibus (21) *2 Chron. XXXV, 6.* 2. Mactabatur primis temporibus in *Atrio Templi* (22), loco, quem Deus elegerat. *Deut. XVI, 6.* 3. Dominus agni accepit a Sacerdote, & comedit in privata domo (23). Christus cum suis discipulis *Pascha* celebravit in cœnaculo Hierosolymæ. Vid. MAIMON. in *Korban. Pesach. c. i. sect. 6.*

XXI. Ulterius quæri posset, an *Pascha* celebratum fuerit duabus cœnis (24), altera alteram immediate insequenti? Quidam hoc affirmant, hisque rationibus: 1. Quia Christus accubuerit, *Pascha* autem comestum sit stando. Hoc omnium infirmisimum argumentum est. nam Christus æque accubuit, cum vesceretur *Paschate*, ac cum institueret Sacramentum; & Judæi in genere, post primam institutionem *Paschatis*, malunt id accumbendo comedere, quam stando, ad significandum suam quietem & libertatem, ut patet ex *Cap. de Conviviis*. 2. Quia *Pascha* solitum fuerit affari, cum in ultimo *Paschate*, quod celebravit noster Jesus, fuerit jus, cui intingebatur panis, & cum quo edebatur *Paschalis* agnus,



agnus, non tamen nefas fuerit, ordinariam coenam ejusdem comestioni adjungere, quæ jus admittere potuit: sed, uti superius demonstratum est, materia, cui intincta est illa offula, putatur esse *pulmentum* פֶּלֶמֶנְט. 3. Virgent *Joh. XIII, 2.* jam peractam fuisse coenam primam, cum Christus surgens suorum discipulorum pedes lavaret, postmodum autem Judæ datam esse offulam, qua re ostendi accubitus secundum. Sic *Lucas* quoque refert, Christum suis discipulis dixisse, μετὰ τὸ δειπνῆσαι, *post coenam*, & consecrationem Sacramenti, quod unus ipsorum ipsum proditurus esset.

XXII. Hoc est validissimum argumentum illorum, non tamen sufficientis roboris, quia Sacra Scripturæ frequens & familiaris est πρόληψις, qua illud prius recensetur, quod ratione historię posterius est. Sic *Joh. XI.* refertur Maria, quod unxerit Jesum, etsi illius unctio demum sequatur proximo capite. Eandem quoque de proditore historiam *Matthæus* & *Marcus* anteponunt consecrationi Sacramenti. De hoc Judæis proverbium est (25): אֵין מוֹקֵד בְּתוֹרָה וְאִתָּהּ בְּתוֹרָה non est prius aut posterius in Scriptura. SALOM. IARCHI in *Gen. VI, 3.* His datis responsionibus, videmus, quam dilutum sit statuere, homines decem (sæpe enim tot, non plures fuere), coenam secundam esse inituros, ubi jam absumpserant agnum anni sui, h. e. anniculum.

XXIII. Constat etiam ex historia Barabæ, fuisse receptum morem, dimittendi captivum quemdam tempore *Paschatis* (26). Quantum ad hujus dimissionis rationes, triplex exstat opinio. Quidam putant, hunc morem sacrum fuisse memoriæ *Jonathanis*,

fili *Saulis*, quem populus liberavit patris manibus. Alii censent, quemdam dimissum, ut festum eo majori lætitia & plausu ageretur. Alii verisimilius esse dicunt, id factum, ad vocandum in memoriam servitutem Aegyptiacam.

XXIV. Rursus hic notandum, quod Judæi, loquentes de *Paschate*, loquantur subinde juxta computationem civilem, qua metiebantur dies ab ortu Solis ad ortum Solis; subinde juxta computationem sacram, quæ ibat ab occasu Solis ad occasum Solis. Hoc inservit conciliando loco *Num. XXVIII, 16.* ubi decimus quartus primi mensis videtur poni pro primo die azymorum.

XXV. IOSEPHVS *Antiq. lib. 2. cap. 5.* prodit, quod huic festo octo dies attribuerint. Sic discipuli dicuntur ad Christum accessisse primo die azymorum (27), dicentes: πᾶ ἡμέραι ἐτοιμάσωμέν σοι φαγεῖν τὸ Πάσχα; ubi vis paremus tibi ad edendum *Pascha*? *Matth. XXVI, 17.* quasi ἡ πρώτη ἀζύμων, prima azymorum fuerit ante *Pascha*. Hæc excusantur computatione dierum civilium, etsi ratione computationis dierum sacrarum Festum azymorum demum coeperit decimo quinto, duraritque tantum dies septem, *Paschate* Festum azymorum præcedente.

XXVI. Tandem sciendum est, quod concessum fuerit secundum *Pascha* (28) iis, qui vesci primo non potuere, vel propter impuritatem ex contactu cadaveris contractam, vel ob distantiam suarum habitationum ab eo loco, quo jugulari debuit. Id observari debuit mense secundo, die decimo quarto

quarto juxta omnes prioris *Paschatis* ceremonias. Num. IX. Quantum ad concessionem *Paschatis* posterioris pro iis, qui in itinere remoto fuerunt, Hebræi in iis verbis, *in itinere remoto*, singulares & notatu dignas meditationes exerunt. Forſan Dominus eo ſignificavit, nos *Gentiles*, qui *imundi & mortui eramus in peccatis*, καὶ ἔντες μακρὰν & remoti, futuros eſſe propinquos ſanguine Jeſu Chriſti, ipſumque participaturos, qui eſſet *Pascha* ſecundum. Eph. II, 1. 13. De hac legali conſtitutione di-

cunt Hebræi: quid eſt *iter remotum iſtud*? Qui die decimo quarto menſis primi, oriente Sole, quindecim aut plura milliaria ab Hieroſolymorum mœnibus abeſt. Ecce! hæc eſt via longinqua. Sin minus abeſt, non eſt via longinqua, nam facile Hieroſolymam appellere poteſt tempore pomeridiano, licet pedes eat. MAIMON. in *Korban. Peſach. cap. 5. ſect. 8. 9.*

XXVII. Analogia inter *Paschalem agnum & Chriſtum* (29) ſic habet:

## CHRISTVS EST NOSTRVM PASCHA.

I ad Corinth. V.

Paschalis Agnus fuit

Chriſtus fuit

1. *Agnus e grege.*
2. *Absque vitio.*
3. *Offerendus & aſſandus.*
4. *Circa vesp̄eram.*
5. *Cujus non frangebantur ossa.*
6. *Cujus sanguine respersi portarum postes.*
7. *Vt Angelus percussor ipsos transfiret.*
8. *Qui in domibus privatis edebatur.*
9. *Totus.*
10. *Sine fermento.*
11. *Cum herbis amaris.*
12. *Cum festinatione, & more viatorum.*
13. *A solis circumcisis.*

1. *Filius hominis. Joh. I.*
2. *Absque peccato.*
3. *Cruciandus & occidendus.*
4. *In consummatione sæculorum. Heb. IX, 26.*
5. *Non fregerunt ejus crura. Joh. XIX, 33.*
6. *Cujus sanguis mundat nostras conscientias.*
7. *Ne peccatum & mors nos prosterneret.*
8. *Qui vera propriaque fide applicatur.*
9. *Per omnes fidei articulos.*
10. *Sine hypocrisi. I Cor. V, 8.*
11. *Cum patientia sub cruce.*
12. *Cum serio & siticulis desiderio æternæ vitæ.*
13. *A solis fidelibus. I Cor. XI.*



## CAPUT V.

## DE FESTO PENTECOSTES.

**H**oc Festum vocatur (1) ΠΕΝΤΗΚΟΣΤΗ, vocabulo diem quinquagesimum significante, quia celebrabatur quinquagesimo a postero Paschatis, h. e. decimo sexto die mensis Nisan.

II. Hic primo notandum est, quod Decimus quartus dies mensis Nisan fuerit τὸ Πάσχα. Decimus quintus ἑορτὴ τῷ Πάσχα festum Paschatis, sive πρώτη τῷ Πάσχα, prima dies Paschatis, quam Seniores appellabant πρώτην τῶν σαββάτων, primam Sabbathorum. Decimus sextus erat δευτέρα τῷ Πάσχα, secunda dies Paschatis (2), seu תשבת מחר posterus dies a cessatione, nempe Paschate. Levit. XXIII, II. Nam, quia hoc festum septem constabat diebus, primusque & septimus vocabantur Sabbathi, hæc locutio idem notat, ac si dictum esset posteriore Paschatis die.

III. Hi quinquaginta dies certi limites erant Judaicæ messis, quam includebant duo solennes dies, ineunte eam δευτέρα τῷ Πάσχα, secunda die Paschatis, claudente πενήτην, quinquagesima post. Δευτέρα τῷ Πάσχα, secunda Paschatis offerebant manipulum primitiarum messis sue Levit. XXIII, IO. SCALIG. de Emend. Temp. lib. 6. Festo Pentecostes offerebant חמץ תשבת panes agitationis duos. Levit. XXIII, 17.

IV. Ille manipulus oblatio fuit pro tota messe, fecitque ut omnes sequentes fruges

per totam terram sanctificarentur; καὶ τότε λοιπὸν δημοσίᾳ ἔξει πᾶσι καὶ ἰδίᾳ θεῖν, & ex eo deinceps publice licet omnibus & privatim metere. IOSEPH. Antiq. lib. 3. c. IO. Non enim prius licuit falcem frugibus immittere, quam post factam oblationem. Panes autem duo, & oblatio eucharistica fuerunt, & signum collectæ messis (3).

V. Secundo sciendum est, quod hos quinquaginta dies numerarint, supputando septimanas a δευτέρα τῷ Πάσχα, secunda Paschatis, unde dictum est Festum septimanarum. Modus supputandi septimanas erat pro numero Sabbathorum, δευτέραν, secundam Paschatis sequentium. Hinc primum sequens Sabbathum vocabant δευτερόπρωτον σαββάτον (4), secundum δευτεροδέυτερον, tertium δευτερότριτον, &c. Sic ut singula Sabbathi & septimanæ, durante Pentecostes tempore, veluti primum, secundum, & tertium &c. sua nomina duxerint a δευτέρα, secunda Paschatis die. SCALIG. de Emend. Temp. lib. 6. p. 260.

VI. Hæc observatio lumen affundit loco illi Luc. VI, I. (4) ubi fit mentio σαββάτου δευτεροπρώτου, Sabbathi secundo-primi, per quod intelligitur proximum Sabbathum a decima sexta mensis Nisan, quæ erat δευτέρα τῷ Πάσχα.

VII. Sic his quinquaginta diebus tempus messis describentibus, operæ pretium erit observasse differentiam inter ipsorum messem

messum & nostram (5), quæ præcipue in eo consistit, quod anticipent tempus nostrum; nam & *Cananæi* & *Aegyptii* arva cum falce visunt paulo ante *Kalendas Apri-*

*les*, peraguntque messum Majo. *PLIN. lib. 18. cap. 18.* Illud ipsum confirmat *LEO AFR.* testis *αὐτόπτης*, *Descript. Afr. lib. 8. c. 4.*

## CAPUT VI.

## DE FESTO TABERNACULORVM

ΣΚΗΝΟΠΗΓΙΑΙ.

**V**ocabulum Græcum (1), quod adhibetur ad exprimendum hoc festum, notat proprie *structionem tabernaculorum*. *IANSEN. Concord. cap. 73.* item *TOLET. in Job. VII.* Hebraice dicitur *חג הסוכות* *Festum Tabernaculorum*. Vtriusque etymi ratio est, quod per totum hoc festum, quod septem plenos dies habebat, nempe a *decimo quinto* mensis *Tisri* usque ad *vigesimum primum* populus mansitaret sub *tabernaculis* & *tentoriis* in formam fornicum & porticum exstructis. Primus tamen horum septem dierum & septimus singulari modo celebrari debebant, quum esset iisdem *convocatio sancta*.

**II.** Quantum ad hæc *tabernacula* (2), de iis sic scribunt Judæi: Oportebat ea fieri sub dio, non intra portas, aut sub tegmine alicujus arboris; nec tegi velis, nec condensari frondibus, sed relinqui Solis radiis stellarumque scintillationibus & pluviis rimulæ debebant, per quas illaberentur. Sub his septem dies agitabant velut in suis ædibus; proptereaque illa & supellectile & lectis instruebant, nimboſo tamen æthere cibum somnumque capere in ædibus con-

cessum erat, usquedum tempestas illa discussa esset. Vid. *MUNSTER. in Levit. XXIII.* Infirmis quoque, qui vapores terræ ferre nequibant, remanere domi licebat. Tempore *Nebemiæ* conficiebant sua *tabernacula* super tectis domorum, (ædes enim ipsorum non culminatæ, sed planæ erant, *Deut. XXII, 8.*) aut in atriis suis, aut plateis. *Neb. VIII, 17.*

**III.** *PLVTARCHVS* referens hoc festum *Symphos. 4. Probl. 5.* ait: quod hæc *tabernacula* præprimis constructa fuerint ex hedera. Sed *S. Literæ* tradunt quatuor frondium species, quæ *tabernacula* sua munierunt. *Lev. XXIII, 40.* quæ putantur esse sequentes: 1. *Thyrſi olearum.* 2. *Thyrſi palmarum.* 3. *Termites myrtorum.* 4. *Rami salicum.*

**IV.** *Rabbini* produnt, quod quisque quovis mane hunc suum ramorum fasciculum tulerit (3), aut quod alias jejunarit. *P. FAGIVS in Levit. XXIII.* Hunc fasciculum appellabant *Hosanna*. *ELIAS THISBIT.* Hinc populus intranti Salvatore nostro Hierosolymam putabat ramos ab arboribus, sterneratque



batque super via, ingeminans *Ὠρᾶν τῷ  
ὧῷ Δαβὶδ. Matth. XXI, 9.*

V. PLVTARCHVS, illudens Judæis (4), comparat hoc festum *sacris Bacchi, Bacchanalibus*, in quibus convivæ circumcur-  
sitabant, hastas sacras hedera vestitas, quas *ὑπόρρις* vocabant, manibus tenentes; quapropter Festum *Tabernaculorum* appellavit *ὑπόσχοφίαν, gestationem thyrsorum*. Hoc festum non dissimile festo, quod *Athenienses* vocant *Ἑρπείων*.

VI. Primo post hoc festum die septies altare circumvenerunt, manibus palmarum termites furrigentes, in memoriam captæ *Hierichuntis*; ex hac causa, vel quod palmarum rami præcipui essent in fasciculis, hoc festum vocatum est *Dies Palmarum* (5).  
HOSPIN. de Orig. Fest. cap. 7. item MVN-  
STER. in Kalend. p. 150.

VII. Quantum ad *rationes* hujus festi (6): Quidam putant id institutum fuisse ob memoriam protectionis, quam Deus Israelitis, desertum transeuntibus, nube dedit, sub cujus umbra, tanquam sub tuto papilione, iter faciebant. ONKELOS in suo *Targum* seu paraphrasi Chaldaica videtur huic sententiæ annuere. Nam ubi Hebræi legunt: *ut cognoscant generationes vestre, me fecisse ut habitarent filii Israelis in tabernaculis. Levit. XXIII, 43.* Chaldæus Paraphrastes vertit: *ut generationes vestre sci-  
ant, quod fecerim habitare filios Israelis  
בְּמִטְרָה עֲנַנִּים sub umbra nubium.* Alii putant illud festum institutum tanquam solennem gratiarum actionem pro vindemia, quæ eo tempore colligebatur; hinc intelligunt eos *Psalms* Davidis, qui inscribuntur על

*תִּירָאִים pro torcularibus*, compositos esse in hoc festum. THEOPH. in *Joh. VII.* Alii verisimilius loquuntur, dicentes rationem ejus esse, patrum ipsorum habitationem in *tentoriis & papilionibus*. Textus claret *Levit. XXIII, 43.*

VIII. *Sacrificia*, quæ his septem diebus offerebantur, præscripta sunt *Num. XXIX, 13. 14.* (7) ubi legimus singulis diebus eadem sacrificia fuisse facta; hac tamen differentia, quod prima die offerrent *terdenos* juvencos subrimos, secunda die *duodenos*, die tertia *undenos*, & sic deinceps quovis die, descendente numero. Rationem ejusque diminutionis hanc esse ajunt Judæi: Totus numerus juvencorum, qui in hoc festo erant offerendi, erat *septuaginta*, juxta numerum *septuaginta nationum* (8), pro quibus, ut dicunt, hæc sacrificia facta sunt; quo prænunciari diminutionem istarum gentium, usquedum cuncta sceptro *Messie*, qui est desiderium gentium, ingenicularent.  
HOSPIN. de Orig. hujus Festi.

IX. Dies vigesimus secundus mensis *Tisri* peculiare quidem Festum fuit (9), ut patet ex *Neb. VIII, 19.* Verum, quia is immediate sequebatur festum *tabernaculorum*, reputatus est pro ultimo festi illius die.

X. Non soli autem rami, sed etiam omnes dies totius hujus festi vocati sunt *הושענות Hosannot*, a solenni acclamatione populi, cum fasciculos ramorum huc illuc ferrent. Octavus dies dicebatur *הושענה רבה Hosanna Rabba*, magna, seu magnus festi dies *Joh. VII, 37. Talmud. tract. de festo Tabern. c. ה.ל.ל.* Vid. TREMELL. *Joh. VII.*

XI. Hoc die Judæi legunt ultimam sectionem Pentateuchi, incipiuntque primam (10), ne videantur plus hilares ob sectiones finitas, quam proclives eas exoriendi. *BYXTORF. in Abbreviat. p. 253.*

XII. Hoc quoque die juxta constitutionem Prophetarum *Haggai, Zachariæ, &* aliorum propheticorum virorum, magna cum solennitate & lætitia aquæ abundantiam ex torrente Siloah (11) in Templum tulere, quæ ubi Sacerdotibus tradita, cum vino in altare effundebatur, canente toto populo illud *Jesa. XII, 3. Haurietis aquas in lætitia ex fontibus salutis.* Salvator

noster censetur hoc respexisse in illo dicto, quo usus est eodem die *Joh. VII, 38. Qui credit in me, ποταμοὶ ὕδατος ζῶντος ρέουσιν ἐκ τῆς κοιλίας αὐτοῦ, fluvii aquæ vivæ fluent ex ventre illius.* TREMELL. *Joh. VII, 37. ex Talmude.*

XIII. Notatu quoque dignum est, quod, cum Deus præcepit hoc festum agitari decimo quinto mensis *Tisri*, Jerobeam (12), ut dedoceret populum verum Dei cultum, ordinavit die decimo quinto mensis octavi festum, quod respondere existimatur festo *Tabernaculorum.* *HOSPIN. de Orig. hujus festi. pag. 24.*

## CAP V T VII.

## DE FESTO BVCCINARVM ET NOVILVNIORVM.

**V**t intelligamus tempus, quo celebrandum fuit hoc festum, notandum est, quod mensis *Tisri* fuerit *mensis septimus* juxta computationem *sacram.* Hoc festum igitur agitatum est *mensis septimi primo die.* *Levit. XXIII, 24.* Verum juxta computationem *civilem* erat *mensē primo*, sic ut hoc festum possit vocari *dies novi anni* (1).

II. Quisque mensium suum habebat festum (2). 1. Quo comparebant coram Prophetis, audituri verbum, quemadmodum aliis Sabbathis. *Quare tu is ad ipsum hodie, cum non sit Novilunium, neque Sabbathum?* 2 *Reg. IV, 23.* 2. Quo nefas fuit emere vel vendere. *Quando transibit Novilunium, ut vendamus annonam?* *Amos.*

*VIII, 5. 3.* Quo offerebantur *peculiaria sacrificia* quotidiana.

III. Festum tamen *Buccinarum* differt ab iis *Noviluniis*. I. Respectu sacrificiorum (3). In *Novilunio* ordinario offerebant, præter oblationes quotidianas, *juvencos subrumos binos, arietem unum, agnos anniculos septenos integros, una cum ipsorum מנחה munere frumentaceo, & זֶבֶךְ libamine, & birco peccati.* *Num. XXVIII, II. 15.* Sed νεομηνία *Novilunio*, quod ordiebatur novum annum, offerebant omnes dictas oblationes, & præter eas, *juvencum subrumum unum, arietem unum, & bircum e capris, in peccatum.* *Num. XXIX, 1-5.*



IV. II. Aliis *Noviluniis* non clangebant *buccinis*. Hac autem νεμηνία *Novilunio* inflabant *buccinas* (4) *ab aurora ad occasum Solis*. SCHINDL. in voce נֶמֶן. Vnde discimus, quale *Novilunium* sit, de quo loquitur David *Psal. LXXXI, 4*. *Clangite in Novilunio buccina, in interlunio, die festi nostri*.

V. Ratio generalis hujus *buccinationis* & clangoris ingentis videtur mihi fuisse, ut diem novi anni eo observabiliorem redderent, quoniam omnes negotiationes & contractus ipsorum & ipsi anni *Sabbathici* & *Jubilei* ab inde computabantur.

VI. Verum cur observabilis redditus sit ille dies *buccinis* sive *cornibus*, tres opiniones existunt (5). I. Hebræi putant, illud fieri in memoriam liberationis *Isaac*, *buccinatumque fuisse cornibus*, quia aries ipsius loco jugulatus sit. P. FAGIVS *Levit. XXIII*. II. BASILIUS in *Psal. LXXXI*, autumat, quod populo in memoriam revocaretur ille dies, quo acceperant Legem in monte *Sinai cum sono tubæ*. III. Aliorum sententia est, eo ipsos relegisse memoriam resurrectionis, quæ fiet cum σαλπίσµατι, *sono tubæ*. *Mitter Angelos suos μετὰ σαλπιγγος Φωνῆς μεγάλης, cum voce magna tubæ*. *Matth. XXIV, 31*.

VII. Tria observatu digna sunt (6) in *Noviluniis*. SCALIG. de *Emend. Temp.* p. 26. § 105. I. Σύνοδος, *conjunctio Lunæ cum Sole*. II. Εξανασµός, *incrementum splendoris Lunæ*. III. Σχῆµα μηννοειδές, *forma falcata*, seu initium, *Lunæ*. In primo statu Luna obscura plane est; In secundo se-

ipsam proripit ad recipiendos Solis radios; In tertio apparet corniculata.

VIII. Hinc, cum in tribus istis mutationis gradibus sit mutua participatio veteris & novæ Lunæ, Judæi observant *duos dies*: *Ultimum cujusvis mensis*, & *Primum sequentis*. HOSPIN. de *Orig. Fest. c. 4. pag. 15*. Eadem ratio tenet etiam in illis mensibus, qui constant 29 diebus. Propterea quia dies trigesimus erat ultimus mensium longissimorum, HORATIVS *lib. I. sat. 6*. hos ultimos dies vocat *Tricesima Sabbatha*. Primos dies vocabant νεμηνίας, *novilunia*.

IX. Ob certam rationem utuntur Judæi *mutatione* quadam seu *transpositione* dierum, quæ transpositio, etsi usurparetur quoque aliis mensibus, summa tamen cum cura in transponendo ipsorum novo anno fiebat, sive die primo mensis *Tisri*. Et is, qui has *mutationes* sedulo conferet, omnes *transpositiones* ab hac prima pendere inveniet.

X. *Transpositio* dierum triplex fuit. SCALIG. de *Emend. Temp. l. 2. p. 58*. I. *Menstrua*. 2. *Politica*. 3. *Mixta*.

XI. Ratio *transpositionis menstruæ* erat, ne celebrarent festum *novilunii*, usque dum vetus penitus præterisset. Ut hoc melius elucefcet, observate tres regulas. I. Hebræi metiebantur suos dies sacros a vespere in vespere, initio sumto ab hora sexta, sic ut ab ea hora sexta usque ad meridiem sequentem numerarentur 18 horæ. II. Ante *novilunium συζυγία* seu *conjunctio* est inter Lunam & Solem, qua durante Luna vocatur *silens*, respectu obscuritatis ejus, totoque

que eo tempore est participatio veteris Lunæ. III. Soluta hac conjunctione, nempe sub illarum octodecim horarum antemeridianarum aliqua, *Neomenia* habita est eodem die. Verum si duraret unam minutam post duodecimam meridie, festum transpositum est in sequentem diem; quia alias suum sacrum diem inchoassent tempore veteris Lunæ. *MVNST. Kalend. Hebr. p. 46.* Et hanc *transpositionem* signant hac abbreviatura ן, h. e. 18, propter horam decimam octavam, quæ illi causam dabat.

XII. Ratio *transpositionis politicæ* erat, ne duo Sabbatha sive Festa immediate se contingerent; quia iis nefas fuit, ut dicunt, parare cibos; & iuxta mortuis, & quoque incommodum, duobus diebus abstinere parandis cibis & obruendis humo mortuis. *MVNST. Kalend. Heb. p. 136.*

XIII. Sed hic admittendæ duæ exceptiones, quando conjunctio immediata duorum festorum evitari nequivit. I. Si Pascha sive decimus quintus mensis *Nisan* incideret in Sabbathum, tum Pentecoste necessario incidebat in diem *Solis*. II. Si Pascha incideret in diem *Solis*, tum immediate antecessit Sabbathum hebdomadale. Primus auctor hujus *transpositionis politicæ* erat vir conspicuæ dignitatis *Eleazar*, 350 annis ante adventum Jesu Christi. *HOSPIN. de Orig. Fest. pag. 6.*

XIV. Peculiares *transpositionis politicæ* species sunt numero quinque: 1. אדו *Adu*, 2. בדר *Badu*, 3. גבז *Gabaz*, 4. זבד *Zabbad*, 5. אגו *Agu*. Ad intelligendas has abbreviaturas sciendum est, quod in his effectis vocibus literæ positæ sint pro numero, &

applicentur septem diebus hoc modo: א 1. *Dies Solis*. ב. 2. *Dies Lunæ*. ג. 3. *Dies Martis*. ד. 4. *Dies Mercurii*. ה. 5. *Dies Jovis*. ו. 6. *Dies Veneris*. ז. 7. *Dies Saturni*, seu Sabbathi Judæorum.

XV. Regulæ tangentes *transpositionem politicam* hæ sunt. I. Ne vel *dies novi anni*, qui erat *primus* mensis *Tisri*, vel *festum Tabernaculorum*, quod erat *decimus quintus* ejusdem mensis, celebretur in זח, h. e. *Die Solis*, vel *Mercurii*, vel *Veneris*. Non *die Solis*, vel *Veneris*, quoniam alias Sabbathum hebdomadale immediate vel antecessisset, vel secutum esset: non *die Mercurii*, quia tum Festum Expiationis, quod celebratur decimo ejus mensis veniret *die Veneris*, adeoque immediate sequenti Sabbatho jungeretur. Hoc exemplum solummodo tangit *primum diem* mensis *Tisri*, nempe *Festum Buccinarum*, valet tamen etiam per consequens *die decimo quinto*, quo est Festum *Tabernaculorum*, quia necessario decimus quintus est idem hebdomadæ dies, qualis primus fuit. Propterea, si primus non fuit אדו *Adu*, nec decimus quintus fuit. Regula secunda erat, ne *Pascha* celebraretur in בדר, h. e. *die Lunæ*, *Mercurii*, & *Veneris*. Regula tertia erat, ne *Pentecoste* haberetur in גבז, h. e. *die Martis*, *Jovis*, & *Saturni*. Regula quarta fuit, ne *Festum Purim* sive *sortium* ageretur in זבד *Zabbad*, h. e. *die Lunæ*, *Mercurii*, & *Saturni*. Regula quinta erat, ne *Festum Expiationum* haberetur in אגו *Agu*, h. e. *die Solis*, *Martis*, & *Veneris*.

XVI. *Transpositio mixta* est, quando partim *menstrua*, partim *politica* coincidunt in mutatione dierum. *Transpositio*,  
per



per hanc *mixtionem* seu *concursum* facta, duum generum est. 1. *Simplex*. 2. *Duplex*. *Transpositio simplex* est, quando festum transpositum est in diem sequentem. e. g. Si Luna mutatur die *Solis* post meridiem, tum festum transponendum est ob duas rationes. *Prima* ratio est *menstrua*, quia punctum mutationis est post horam י" 18. *Secunda* est *politica*, quia regula אדו *Adu* interdicat festum haberi die *Solis*. Nihilominus, quia dies proximus, nempe *Lunæ* dies, celebrabatur, voco *transpositionem simplicem*.

XVII. Hujus naturæ est *transpositio* illa, quam vocant בטו הקפט *Batu Takphat*. Quæ vox ficta est ad juvandam memoriam; quævis enim litera numerus est, & sic resolvi potest. ב erit 2, טו 15, הקפט 589. Sensus est, quod sequenti anno ἐμβολιμαίω, cui totus mensis interkalabatur, si punctum mutationis incidit in diem secundum hebdomadæ, h. e. diem *Lunæ*, non ante horam decimam quintam & minuta 589, Festum *Numenie* transponi debuerit in diem *Martis*. Quid & *transpositio politica* & *menstrua* operentur in hac mutatione. Leg. *SCALIG. de Emend. Temp. l. 2. p. 87.*

XVIII. *Transpositio duplex* est, quando festum transpositum est, non in diem proxime sequentem, sed in alium, quemadmodum, si primus dies *Tisri* incidit in diem *Saturni*, & *Lunæ* conjunctio nondum facta est ante meridiem, tum *menstrua transpositio* hoc festum rejicit in diem *Solis*, propter horas י" 18. *Politica* vero *transpositio* id revolvit in diem *Lunæ*, uti pater ex regula אדו *Adu*, quæ interdixit Sabbathum.

XIX. Hujus farinæ est גטרד *Gatrad*, quæ vox est ficta, quavis litera designante numerum, sicque resolvi potest. ג erit 3, ט 9, רר 204. Sensus est: in anno communi, cui mensis interkalatus non est, si punctum mutationis incidit in diem *Martis*, non ante horam nonam & 204 minuta horæ, *Neomenia* transposita est in diem *Jovis*.

XX. Tandem nota, quod 1080 minuta conficiant unam horam. *MUNSTER. Kalend. pag. 45.*

XXI. Festum *Tabernaculorum* habebatur mense *Tisri*, & propterea non poterat haberi *postridie Sabbathi*, ut patet ex regula אדו *Adu*. *Pascha* celebratur mense *Nisan*, & propterea id poterat celebrari *postridie Sabbathi*, ut patet ex regula ברו *Badu*. Si quis rationem petit, cur *Pascha postridie Sabbathi* potuerit haberi, non autem *Festum Tabernaculorum*? hanc puto esse rationem: *Posteriores* omnes *transpositiones* pendent ex *prima transpositione Neomeniæ ת"ז Tisri*, quæ non ita poterat transponi, ut evitarentur omnes festorum duorum concursus. Atque ita, cum *Pascha* haberent *postridie Sabbathi*, licet non omnes, declinabant tamen plurimos duorum Sabbathorum concursus.

XXII. Hæc computatio *transpositionis* festorum partim aperit morem Judæorum in figendis Festis, partim illustrat illud, de quo Theologi graviter confligunt, scil. utrum Salvator noster anticipavit *Pascha* (7)?

XXIII. Ecclesia Græca tenet, Christum die decimo tertio mensis celebrasse singulare

lare *Pascha* cum suis discipulis, cum panis azymus nondum adhiberetur. *EPIPH. lib. 2. Tom. 1. cap. 51. pag. 147.* proptereaque utuntur pane fermentato, & inculcant necessitatem ejus in Sacra Coena, quem usum quidem fermentati panis in Coena Dominica Ecclesia Romana olim non damnavit. *CASAVB. exercit. 16. p. 465.*

XXIV. Verum illam sententiam Græcorum rejicimus. 1. quia non convenit cum Historia Evangelica. 2. quia hæc sententia statuit Christum legis transgressorem, non impletorem.

XXV. Alii dicunt, quod, quum eo anno *Pascha* inciderit in diem *Veneris*, id festum trajectum sit in diem *Saturni*, per regulam *בדו Badu. MVNST. in Matth. XXVI.* Prætextus ipforum est, quod Christus comederit *Pascha* decimo quarto, h. e. die *Veneris*, juxta præceptum Dei, Judæi autem *Pascha* sumserint die *Saturni* juxta *δευτέρωσι πατρων παράδοτον.*

XXVI. Tandem alii sustinent, quod Christus & Judæi eodem die & hora, scilicet die *Veneris*, sive decimo quarto mensis *Nisan*, *Pascha* comederint; initium autem diei *Veneris* pro Judæorum ritu sumendum est a diei *Jovis* vespera, & quidem hora sexta. *SCALIG. de Emend. Temp. l. 6. p. 266.* Die *Veneris* summo mane judicio datus est, & crucifixus, & post meridiem circa tertiam, cum inciperet *παρασκευὴ τῆ σαββάτης*, humatus. Ibi propter præparationem Judæorum posuerunt Jesum. *Joh. XIX, 42.*

XXVII. Vt conciliemus Evangelistas hac in parte, repetendæ sunt eæ singulares res,

quæ fufius demonstratæ sunt *Cap. de Paschate. I. Dies decimus quartus mensis*, quo consumebatur *Pascha*, vocatur *primus dies azymorum.* Prope erat *Festum azymorum*, quod dicitur *Pascha Luc. XXII.* II. Dies decimus quartus festus non fuit vel sacer, sed decimus quintus. *Mense primo, decimo quarto die illius mensis, Pascha Jehovæ est.* Et decimo quinto die ejus mensis, festum Num. XXVIII, 16. 17. Quidam putabant, quia Judas habebat *γλωσσόκομον thecam*, quod Jesus ei dicit: *Eme, quibus opus habemus ad festum Joh. XIII, 29.* III. Oves & boves, qui hoc die immolabantur, vocantur *Pascha. Deut. XVI, 2.* Et hoc respectu *Johannes* intelligendus est *cap. XVIII, 28.* Et illi non intrabant *εἰς τὸ πραιτώριον* in curiam, ne inquinarentur, sed ut comederent *Pascha.* Sic ut hæc *Paschatris* comestio non intelligi debeat de agno *Paschali.*

XXVIII. Verum quærere hic quis posset, quomodo inquinari potuissent introeuntes Prætorium (8)? Resp. Vesperis sacrorum dierum, quas vocabant *dies præparationis*, illicitum fuit Judicibus decidere criminalia in Curiis, *אין דיני בפשות לא בערב שבת ולא* בערב יום טוב. *Nulla exercentur judicia capitalia vel vespera Sabbathi, vel etiam vespera diei festi.* *MOSES BEN MAIMON. lib. ult. Jud. C. Sanh. Sect. II.* Hinc Jesum deducunt ad Pilatum, Præsidem Romanum. Abstinentque Curia, quapropter etiam dicunt *Joh. XVIII, 31.* Non licet nobis occidere quempiam; h. e. tali & ejusmodi die. *AVGVSTIN. 14 tract. in Joh.* Ita hunc locum exponunt quoque *CYRILLE. lib. 12. in Joh. VI.* *CHRYSOST. Homil. 12. BEDA in Joh. XVIII.*



XXIX. Nam etiam si *Synedrium* ipsorum, seu Senatus magnus, ea tempestate oppressus esset, nihilominus omnis potestas in rebus capitalibus ipsis abrogata non erat (9), uti docent verba sequentia vers. 32. *Ve sermo Jesu impleretur, quem dixit, significans quali morte moriturus esset.* Qui textus ostendit, quod illud τὸ ἐκ ἐξέως, *illicitum*, per singularem Dei providentiam evenierit, ut possit a Pilato judicari & crucifigi. Nam, si Judæi fuissent Judices, non

affecissent reos tali mortis genere. Rursus, *Stephanus* ab ipsis damnatus est ad lapides *Act. VII, 58.* Et questi sunt coram *Felice*, quod, cum voluissent *Paulum* secundum suam legem judicare, *Lyfias* Chiliarcha ipsum ex manibus suis vi magna extorsisset, *Act. XXIV, 6. 7.* Quæ testantur; quod non omnis potestas circa capitalia ipsis ademta fuerit. Sed de his plura *Cap. de Poenis Capital.*

## CAPUT VIII.

### DE FESTO EXPIATIONVM.

**D**ecimo die mensis *Tisri*, qui respondet nostro *Septembri*, præceptum est celebrari *Festum Expiationum* *Levit. XVI, 23. 27. 29.* ita dictum (1), quod Pontifex eo die confessionem faceret coram Deo suorum peccatorum & Israelitarum, & peragendo certos ritus & cerimonias expiaret ea, eorumque remissionem impetraret a Deo.

II. Cerimoniae, quæ eo tempore usurpabantur, concernunt vel *populum & sacerdotem*, vel *Sacerdotem tantum*. Illæ, quæ concernunt *populum* (2) & *Sacerdotem*, consistebant in afflictione animarum ipsorum, quæ fiebat *jejunio*; unde ipsum Festum vocatur *Dies Jejunii*. IOSEPH. de B. J. p. 43. Quod illuminat textum *Act. XXVII, 9.* *Navigatio erat periculosa ob id, quod jam præterisset ἡ νηστεία, jejunium, h. e. Festum Expiationis jam elapsum erat, imminente bruma.*

III. Cerimoniae, quæ concernebant *Sacerdotem* tantum (3), duæ erant. 1. Tunc intrabat Pontifex *Sanctum Sanctorum*, qui introitus proprius fuit huic festo. 2. Is, sacrificaturus pro se & pro sua familia *juvencum subrumum peccati & arietem in holocaustum*, induebatur vestes Sacerdotales; lotusque accipiebat a coetu Israelis *duos hircos caprarum in peccatum & arietem unum in holocaustum*.

IV. Duos illos hircos stetit (4) coram facie *Jehovæ*, ad portam tentorii conventus, sortem jaciens, uter sacrificari, uter vero dimitti debeat vivus. Hic posterior vocatur *hircus emissarius* (5) חֲזִירֵי גִנְזָאֵזֶל, ex ἡ capra & ἡ abiit. R. D. KIMCHI in radic. quia altero jugulato ipse in desertum emittebatur.

V. Græci Interpretes vocant hunc hircum Ἀποπομπάιν, *malorum depulsores*; quo

quo nomine Gentiles suos Deos Tutelares insignierunt. Opinanturque, quod *hircus emissarius*, peccata populi in desertum efferens, simul efferat mala poenæ, quæ consequuntur mala culpæ. Et ad confirmandum hac in parte populum, iussit Deus Pontificem confiteri peccata nomine totius populi, & omnia peccata totius coetus rejicere in caput *hirci emissarii*.

VI. Forma confessionis juxta Magistros Hebræorum ita habuit: *O Domine, populus tuus, domus Israel, peccavit, rebellis fuit, & deliquit coram facie tua: Nunc te rogo, o Domine, condona peccata, rebelliones, & delicta, quibus populus & domus Israel peccavit, rebellis fuit, & perverse egit coram facie tua, sicut scriptum est in Lege servi tui Moysi: Eo die expiaturus vos est, ut vos mundet, & vos mundabimini ab omnibus vestris peccatis coram Jehova. Lev. XVI, 30. Vid. P. FAG. Lev. XVI.*

VII. Hodierni autem Judæi, quum non possit destructo Templo Hierosolymitano sacrificium rite offerri, si sunt viri, capiunt *gallum gallinaceum* (6) album; si sunt feminae, *gallinam*. Hunc *gallum* ter circumagunt circa caput Sacerdotis, dicentes: *Gallus gallinaceus hic commutatio erit pro me.* BVXTORF. *Synag. cap. XX.* Postea mactant *gallum*, confitentes se morte dignos esse, jactisque supra tecti culmen intestinis, sperant corvos & cornices ea surrepturos, & simul ipsorum peccata abluturos in desertum. Ne autem videantur sine ratione insanire, promunt rationem hanc ex archivio rationis, cur hoc tempore *gallum* eligant. Vox קרי in Sacra lingua notat *virum*, in Talmude *gallum*. Jam, di-

cunt illi, Dei justitia requirit, ut quemadmodum קרי peccavit, ita קרי satisfacere debeat.

VIII. Verisimile est, Græcos ex hoc *Festo Expiationum* sumfisse *expiationem annuam* civitatum suarum, quæ hoc modo fiebat: Homines quidam, damnati producebantur redimiti fertis secundum morem sacrificiorum. Hos ex præcipiti loco deturbant in mare, Neptuno consecrantes, hisque verbis utuntur: Περύφημα ἡμῶν γενεῖ. *Sis pro nobis peripsema* (7). SVIDAS in voce περύφημα.

IX. Eandem expiationis speciem adhibebant Gentes tempore pestilentiae, vel mali inficientis; cujus repellendi gratia suis Diis sacrificabant quosdam, quos vocabant καθάρματα. καθάρματα ἐλέγοντο, ὅτι ἐπὶ καθάρσει λιμὲς τίνος, ἢ τινὲς ἐτέρας νόσας θνύμενοι θεοῖς, *Katharmata* dicebantur, quia in *expiationem famis alicujus, aut alicujus alius morbi sacrificabantur Diis*. Vetus Scholiast. in ARISTOPH. *Plut.* p. 48. Hæc duo vocabula adhibet Apostolus I Cor. IV, 13. & vertuntur *sordes & excrementa: Facti sumus περικαθάρματα τῷ κόσμῳ, excrementa, purgamenta mundi, καὶ πάντων περιύφημα & omnium sordes, ramenta*. Verba significant proprie *sordes* sive cænum, quæ purgantur verrunturque ex pedibus hominum aut ex areis. Sed juxta opinionem BVDAEI *Annotat. reliq. in Pandect. de pœnis* p. 334. Apostolus respexit istam expiationem, qua utebantur Gentiles (8). q. d. Ita despecti fumus, & sic exosi populo, sic onerati contumeliis & maledictionibus multitudinis, quemadmodum τὰ καθάρματα.



*Ἰδρωτά*, homines illi, qui publicæ expiationis gratia sacrificantur.

X. Jam quia Pontifex in hoc Festo præ-

primis gessit figuram & typum Christi, e re erit annotasse convenientias inter typum & antitypum (9), umbram & veritatem.

## AARON.

1. Pontifex intravit Sanctum Sanctorum Lev. XVI, 3.
2. Semel quotannis intravit Exod. XXX, 10.
3. *Ἡ δὲ αἱματος τράγων καὶ μόσχων* per sanguinem hircorum & vitulorum Heb. IX, 12.
4. *Ἡ δὲ μόνος* solus Heb. IX, 7.
5. Hic vestitus erat Sacerdotalibus vestibus Levit. XVI, 4.
6. Hic accepit duos hircos Lev. XVI.
7. Hircus portavit populi iniquitates.

## CHRISTVS.

1. Christus noster Pontifex intravit eis ἀγία in Sanctuarium, scil. in cælum. Hebr. IX, 12. 24.
2. Is semel intravit. *ibidem*.
3. Is per sanguinem proprium. *ibidem*.
4. Is calcavit torcular לְכַרֵּי solus ipse. Jesai. LXIII, 3.
5. Is prædefinitus & obsignatus ad hoc munus a Patre ἀπ' ἀρχῆς ab æterno.
6. Is duas assumpsit naturas. ἀπαθὲς impassionabilitas Deitatis figurabatur hirco emissario. Παθήματα passiones autem Humanitatis, hirco, qui mactabatur. THEODORET. *quest.* 12. in Levit.
7. Christus pro nobis factus est peccatum 2 Cor. V, 21.

## CAPVT IX.

## DE ANNO SABBATHICO, SEV QUIETE SEPTENNALI.

Quemadmodum quovis septiduo Sabbathum fuit, ita quovis septennio Annus Sabbathicus (1). Lev. XXV, 24. Et quemadmodum Sabbathum signum erat, quod Domini essent, proptereaue cessarent ab operibus suis, ut agerent opus Domini: ita annus Sabbathicus signum erat (2), quod & ipsi, & ipsorum terra Domini essent.

II. Observatio hujus festi consistebat præcipue in duobus. I. In ἀγεωργία, agricultura cessatione (3), unde vocatur שַׁבַּת הָאֲדָמָה Sabbathum terræ Lev. XXV, 6. II. In remissione debitorum (4) facta a creditoribus, unde vocatur שְׁמִטָּה לַיִּדְוֶה Remissio Jehovæ Deut. XV, 1. 2.

III. Quum hoc anno ipsis agricultura interdicta fuerit, quæri hic posset, qua re vesci potuerint eo durante (5)? Resp. *Amandabo benedictionem meam vobis in anno illo sexto, & proferet proventum in tres annos. Lev. XXV, 21.*

IV. Quoniam quovis anno septimo debita remitti debeant Dei iussu, quæri quoque potest, annon res eorum, qui dabant mutua, hac ratione accisæ fuerint? aut annon ipsorum corda obdurarentur, ne mutuum erogarent (6)? Resp. Hoc pacto ipsorum res non attentabantur, nam certa est Maxima & Regula: *Non amittitur, quo Deus colitur.* Quare Hebræi ipsi hoc interpretantur esse potius *mandatum probationis*, quale Deus dedit Abrahamo, non ut obtruncaretur Isaacus, sed ut Abrahami amor & fides tentaretur, quam *mandatum obedientiæ*; hoc respectu ait ABEN ESRA, interpretans hæc verba; *Penitus non erit egens in te. Deut. XV, 4.* Hoc est, ait, quasi Dominus dixisset: *Scitote illud, quod vobis præcepi de non urgendo & admonendo fratre, non frustra esse.* Si totus Israel, vel plurima illius pars obsecundabit voci Jehovæ; tum non erit mendicus inter vos, cui necesse sit dari mutuum, immo vos omnes poteritis mutuare gentibus multis. ABEN ESRA Deut. XV, 4.

V. Rationes instituti hujus Festi (7) censentur esse. I. Vt doceretur populus per fidem pendere a providentia Dei. Nam licet ipse dominus agri potuerit colligere ex proventu spontaneo ad sustentandum se &

familiam suam Lev. XXV, 6. non tamen ei permissum erat conferere agrum, detiorem messem faciendi causa; nec eidem licuit agrum suum metere, nec in horrea cogere ad fruendum propriis redditibus, sed omnia omnibus promiscua & communia erant, & quivis manum suam in agrum quemcunque immittere poterat. II. Vt meminissent felicis illius conditionis, qua gavissus fuerat Adamus in statu innocentiae suæ, cum terra sponte, sine γεωργία, fructus ederet. III. Vt figura & signum esset æterni Sabbathi, quod exspectamus in cœlis.

VI. Hic quidam putant fundatam esse sententiam R. ELIAE (8), scil. *mundum staturum sex mille annos, & anno millesimo septimo futurum magnum annum Sabbathicum.* HOSPIN. de Orig. hujus Festi. Sex mille anni respondent sex profectis diebus, millesimus septimus Sabbatho, juxta illud 2 Pet. III, 8. *χίλια ἔτη παρὰ Κυρίου ὡς ἡμέρα μία.* Verba ELIAE istius hæc sunt: *Sex mille annis stabit mundus, & rursus corruet, ב' אלפי תורה ב' אלפי תורה ב' אלפי ימות המשיח.* Duo millia inanitatis, duo millia Legis, duo millia dierum Messie erunt. Talmud. in Sanhed. Cap. Helec.

VII. Licet summam hujus prophetiæ rejiciamus, ut nimis curiosam, nihilominus tamen, cum Judæus loquatur, hoc inservire potest & evinci contra ipsum, 1. Messiam jam venisse. 2. ipsius adventu Legem Mosis filere.



## CAPVT X.

## DE ANNO IVBILAEI.

**H**oc est ultimum festum, quod Deus Judæis præcipit. Celebratum fuit quovis anno quinquagesimo, institutumque *Levit. XXV, 8. Numerabis tibi septimanas annorum, septem annos septem vicibus, &c.*

II. Vox *Jubilæi* descendit ab Hebraica יובל, notante arietem, ut & cornu arietinum: *Septem Sacerdotes gestabunt septem buccinas arietinas coram arca. Jos. VI, 4.* ubi vox יובל occurrit, & a Paraphraste Chaldaico vertitur *cornua arietina*. *MARBACHIVS in Levit. XXV.* putat, quod hic annus *Jobel* vocetur a יובל *Jubal*, primo inventore instrumentorum musicalium, de quo legimus *Gen. IV, 21. Jubal fuit pater omnium tractantium citaram & organon.*

III. Alii Auctores aliam hujus etymia rationem dant. Sed verisimillimum est, quod hic annus vocatus sit *Annus Jobel* a יובל cornibus arietinis, quorum clangor tum temporis totam regionem personabat. *Lev. XXV, 9.*

IV. Quinque præcipua hujus Festi adjuncta sunt. 1. Generalis manumissio servorum. 2. Revolutio agrorum domorumque ad primos possessores, qui ea antea ven-

diderant. 3. Hoc modo custodita est distinctio tribuum, redeuntibus nempe agris ad primos dominos, in suis tribubus; servisque ad suas familias. 4. Sunt, qui autumant, quod, quemadmodum Græci sua tempora computabant *Olympiadibus*, Romani *Lustris*, Christiani *Indictionibus*, ita Judæi *annis Jubileis* sua tempora numerarint. *HOSPIN. de Orig. Fest. c. 9.* 5. Figurabat mystice spiritualem *Jubileum*, quo gaudent Christiani sub Christo, cujus sanguinis beneficio non solum redditus nobis est redditus in regnum cælorum, quod antea peccatis nostris amiseramus; (quemadmodum Israelitæ redierunt ad possessiones suas, quas antea vendiderant) verum etiam clangor Evangelii, qui adumbratur clangore tubarum, perrupit orbem terrarum. Et sic *Jehova clauxit buccina*, uti loquitur *Zacharias Cap. IX, 14.*

V. Hæc autem manumissio servorum, & remissio possessionum, facta non est ante decimum diem mensis *Tisri*, quo tempore illa quasi publicata est *tubis* seu *cornibus arietinis*. Novem prioribus diebus hujus mensis feriabantur servi, genioque indulgebant, festa plectentes, in signum propinquæ libertatis.

## CAP V T XI.

## DE FESTO PURIM ET FESTO ENCAENIORVM.

**P**ur <sup>מִּ</sup> est vocabulum Perficum (1), notans *sortem*, unde hoc Festum nomen habet, vocaturque *Purim*, h. e. *sortes*, κληρωτήρια.

II. Cœpit hoc Festum die decimo quarto mensis *Adar*, duravitque ad finem decimi quinti. *Esth. IX, 21.* Institutum fuit a *Mardochoai*, in memoriam liberationis Judæorum e manibus *Hamani*, coram quo singulis diebus, singulis mensibus, *sors* jacta est, ad extirpationem illorum. Hoc biduo legunt historiam de *Esthere* in Synagoga, & quoties nuncupatur *Hamani* nomen, pugnis & malleis sæviunt in tabulas & subsellia, ac si infelicitis *Hamani* tempora tunderent. *HOSPIN. de Fest. fol. 33. ex ANTONIO MARGARITA in lib. de cerem. Judæor.*

III. *Festum Initiationis* (2) vocatur in N. T. ἐγκαινία, quod est εἰσότης, καὶ ἡν ἐκαινεγενήθη τί, *festum, in quo aliquid renovatum*, *SVIDAS.* Quia illæ res solummodo initiationis reputabantur, quæ fuerunt separatæ a communi usu, & usui sacro dedicatæ.

IV. Legimus de multis rebus initiatis in V. T. *Tabernaculum, Templum, Sacerdotes, Altaria, Vasa, & Vestimenta* initiata

erant; sed non erat solennitas annua, quæ ipsorum initiationis memoriæ fuerit constituta; propterea ἐγκαινία *initiatio*, de qua hic sermo, quum sit solennitas annua, est Festum *initiationis altaris* (3), institutum a *Juda Macchabæo*, ut singulis annis per octo dies a vigesimo quinto die mensis *Ἰββ* *Kisleu*, qui respondet nostro *Decembri*, celebraretur. *I Macc. IV, 59.*

V. De hoc Festo *dedicationis* loquitur *Johannes* (4), qui & præsentiam nostri Salvatoris refert, & tempus designat, quod fuerit *Decembris* mensis. Ἐγένετο τὰ ἐγκαινία, *facta sunt Encænien Hierosolymæ, & hyems erat. Joh. X, 22.*

VI. Ratio hujus Festi fuit reminiscencia ingentis gratiæ, quam Deus dedit suo populo, redimens ipsos ex tyrannide *Antiochi*, & idololatria, ad quam iste ipsos adegerat, dum idolum *Jovis* in Templo posuerat, abolito vero Dei cultu.

VII. Hæc duo Festa sunt institutionis humanæ, quibus adhuc alia possunt addi. Verum parum aut plane nihil additum est huic, quod refertur de iis in Sacra Scriptura.







# MOSES ET AARON.

## LIBER IV.

DE

# IDOLOLATRIA.

## CAPVT I.

### DE INITIO IDOLOLATRIÆ.

**I**nfinitas Divinæ majestatis tantum superat & excedit comprehensionem creaturarum, ut, nisi consulatur Divini oraculum verbi, etiamsi perceptio Deitatis indita sit ipsius Athei cordi, is tamen loco justī de Deo conceptus creaturam pro creatore adoraturus sit. Et licet is Deorum suorum numerum multitudine stellarum coeli mensus fuerit & copiis reptilium humi, hæsitabit tamen, num adoret colatque verum Deum, immo numne verus Deus penitus ἄγνως ignotus sit. Et hac ratione nautæ in navi Jonæ invocabant quisque Deum suum. *Jon. I, 5.* Et forsā, quum se omnes verum Deum præterire &

nōn adorare timerent, excitant Jonam, ut suo reddat quoque vota Deo.

II. Hæc incertitudo circa *Idololatriam* jussit Gentes stipare preces suas hac generali formula *Dii Deæque omnes &c.* (1) *VIRG. Georg. I. v. 21.* Arabes, suorum *notorum Deorum* insufficientiam advertentes, consecrant sua altaria *Ignoto Deo.* *GYRALD. Syn- tagm. 17.* Paulus Athenis invenit altare ejusdem Inscriptionis *Act. XVII, 23.* (2). Hinc vicinæ quædam terræ sic jurabant: *Νη τὸν ἐν Ἀθῆναις ἄγνως, Per Ignotum Athenis.* *LUCIANVS in Philopatride.*

III. Ab

III. Ab hac dubitatione & incertitudine Atheniensium, *quis & quid Deus esset?* alia nata est incertitudo inter ipsos tantundem damnosa, quam prior, dividens individuum Deitatis unitatem inter, nescio quos, socios & compares, dum alia altaria habent, quæ docent multitudinem & pluralitatem Deorum hac Inscriptione: Θεῶν Ἀγνώστων, *Altare Deorum Ignotorum*. Immo plena & tota Inscrip- tio istius altaris, quod vidit Paulus, censetur hæc fuisse: Θεοῖς Ἀσίας, καὶ Εὐρώπης, καὶ Λιβύης, Θεῶν ἀγνώστων καὶ ξένων, *Diis Asiæ & Europæ & Libyæ, Deo ignoto & peregrino*. THEOPHYL. in Act. XVII, 23. item HIERON. Tit. I, 12. (3). Quæ observatio ostendit, ipsorum praxin convenisse cum aliorum Gentilium formula pre- catoria: *Dii Deæque omnes*.

IV. Hanc diffidentiam credo esse præci- puam rationem, cur coluerint Θεῶν ἀγνώστων *Deum ignotum*; non tamen negabo, altaria potuisse tales Inscriptiones gestare, ut tege- reretur nomen *Deum Tutelarium* (4), quo- rum custodiæ se dederant; quia Gentes pleræque putant, quod, si nomen Deorum istorum, quibus urbem consecraverunt, e- vulgetur, hostes eum Deum carminibus aut incantationibus evocare & urbe elicere pos- sint. ALEX. AB ALEX. l. 6. c. 4. TIRA- QVELL. in istum locum. Vt autem istius- modi incantationis & evocationis vim elu- derent *Tyrrii, Lacedæmones*, & aliæ natio- nes suos Deos devinxerunt, catenisque de- tinuerunt, ne emigrare possent. MACROB. Saturn. l. 3. c. 9. (5).

V. Rursus fieri id potuit ex eo, quod Gentes imitarentur Judæos, qui circa tem- pus nativitatis nostri Salvatoris illicitum

censuerunt, *essentiale Dei nomen יהוה Je- hova* eloqui (6), cuius loco legerunt אדנאי Adonai. Occasio hujus occultationis no- minis *Jehova*, ut puto, fuit, ne Gentes hoc sacrosanctum nomen profanarent, quæ jam didicerant ab isto nomine sua idola de- nominare *Jove, יאώ, Jaorb, יאבֿא &c.* MACROB. Saturn. l. 1. c. 18.

VI. Ex eo tempore hoc nomen tanta superstitione involutum est, ut Judæi, quo illud nomen occultent, Textum corrumpant; Exod. III, 15. *Hoc est nomen meum לעלם in sæculum*, legunt illi לעלם ad ab- sccondendum. P. GALAT. l. 2. c. 10. Quam- vis non diffitear, quod hoc nomen quadan- tenus ἀνεκφώνητον sit, nempe, quemadmo- dum PLINIVS ait Proxem. l. 5. Hist. Nat. no- mina populorum oppidorumque *Africæ vel maxime sunt ineffabilia*, h. e. ita constituta, ut aliæ linguæ ea nequeant reddere & ex- primere absque περιφράσει.

VII. Sicuti præmissa nomina, idolis da- ta, nihil aliud erant, quam tot profanatio- nes Divini nominis *Jehova*; ita origo & fons tot insequentium generum *Idololatriæ* exstitit ex abusu & detorsione Sacræ Scri- pturæ.

VIII. Acceperant Gentes per traditio- nem *Solem & Lunam & Stellas* (7) spe- ciem quandam dominii atque regiminis ha- bere in dies, noctes, tempora; hinc fa- ctum, ut eadem in Deos verterint, Divi- numque iis cultum dederint. Deinde inva- lescente corruptione, ipsorum Ἀποθέωσις *Relatio inter Deos* se demisit usque ad crea- turas sublunares; partim tanquam symbola & expressa signa magnorum istorum & præ- stan-



stantium luminarium. Ob hanc rationem adorant Chaldæi ignem. אֵשׁ & *Vr Chaldæorum, Genes. XI.* (8) notat ignem & lumen, putaturque fuisse Deus Chaldæorum, etsi l. c. nomen *Vr* tribuatur insigni urbi, ejusdem cum Idolo nominis. Immo *Deus Nachoris* (9) אֱלֹהֵי נַחֲוֹר non creditur alius fuisse, quam אֵשׁ. Partim etiam, quod creaturæ sublunares canonizabantur seu pro

diis habebantur, tanquam res, quæ gratiarum actio deberetur, si quid beneficii hominibus contulissent. Qua ratione, *Mare, Venti, Aether, Terra, Fructusque Terræ* (10), Deorum nominibus cultibusque investita sunt. Tandem *Homines bene meriti* (11), immo *Crocodili, Serpentes, Glirres, Feles, Canes* (12), *Cepæ, & Allium* (13) divino honore non carebant.

## C A P V T II.

DE MOLOCHO, ADRAM MELECHO, ANAM MELECHO,  
BAALE, TABERNACVLO MOLECHI, CHIVN,  
ET REMPHAN.

**D**e idolo *Moloch* legimus in diversis Scripturæ locis. 1 *Reg. XI.* 5. 7. 2 *Reg. XXIII.* 10. *Levit. XVIII.* 21. Subinde vocatur *Moloch*, subinde *Molech*, subinde *Milcom*. Non tantum putatur fuisse *Deus Ammonitarum*, sed & *Moabitarum*. *LORIN.* in *Act. VII.* ex *OECUMEN.* Nomen suum ducit a מֶלֶךְ *regnavit* (1). *LXX.* Interpretibus *Molech* vertitur Ἀρχων, βασιλεὺς, *Princeps, Rex*. Ejusmodi Regia idola erant *Adram-Melech*, & *Anam-Melech*, Dii *Sepharvaim* (2), in quorum honorem populus suos filios per ignem traducebat.

II. Putem ego, *Molecum* & *Baalem* esse unum idemque idolum (3), quum utriusque nomen *dignitatem* & *imperium* indigiter, voce מֶלֶךְ *Dominum*, voce אֵל *Regem* denotante. Eodem quoque sacrificiorum ritu culti sunt *Molech* & *Baal*. Aedi-

ficarunt celsa *Baalis*, ad comburendum filios suos igne, holocausta *Baali*. *Fer. XIX.* 5. *Exstruxerunt celsa Baalis, quæ sunt in valle Ben-Hinnon, ad traducendum filios suos & filias suas Molecho.* *Fer. XXXII.* 35. In quo Textu locus sacificationis utriusque idoli docetur idem esse, & *Molech* ponitur in fine versus, ad exprimendum & exponendum *Baalem* in principio.

III. Sunt, qui putant ista idola fuisse diversa, quia planeta *Jupiter* colebatur nomine *Baalis*, & planeta *Saturnus* verisimiliter nomine *Molechi*. *AVGVST. super Judic. q. 16.* Vide sis *EVSEB. de Preparat. l. i. c. 7.* Quando consulimus historias attente, invenimus tantam Planetarum confusionem (4), ut *Sol*, quemadmodum sæpe *Baal*, sæpe *Molech* appellatur, sic etiam subinde vocetur *Jupiter*, subinde *Saturnus*. *PLATO*  
apud

apud MACROB. *Saturn.* l. i. c. 23. ubi mendo-  
se citatur e *Timeo* PLATONIS, quod est in  
*Phædro*. SERVIVS in *Aeneid.* l. qui ait: *Af-  
syrios Saturnum (quem & Solem dicunt)  
Funonemque coluisse constat.*

IV. Quod attinet *Baalem*, res in aprico  
est. Hinc Phœnices *Jovem* nominant *Beel  
Samen* (4 b); quod nomen derivatur ab  
Hebræis, & notat id, quod *Jupiter Olym-  
picus*, *Dominum cœli* scilicet; nam בעל *fi-  
gnificat Dominum*, & שמים *cœlum*. Et  
quid aliud *Dominus cœli* in Theologia Gen-  
tili est quam *Sol*? qui æque vocari potest  
*Rex cœli*; ac *Luna*, *Regina*. Accedit,  
quod SANCHONIATHO, referente hoc de  
ipso EVSEBIO l. c. pro uno eodemque sumit  
*Solem*, *Jovem*, & *Beel-Samen*.

V. Quod attinet *Saturnum*, apparens est,  
ipsum nomine cultum esse *Solem*. Depre-  
hendo tamen, quosdam Interpretum *Mole-  
chum* exponere per *Mercurium*; nam מלך  
dici volunt quasi מלאך *Angelum*, *nuntium*.  
Proinde interpretantur *Molech Mercurium*,  
*Deorum nuntium*. Alios video, qui per  
*Martem* exponant. R. LEVI, *Levit.* XVIII,  
21. Sed hi & numero & ratione inferiores  
sunt. Veritati ergo propius putatur, quod  
fuerit *Saturnus*, quia, quemadmodum *Mo-  
lecho*, ita *Saturno* Gentiles suos sacrificab-  
ant filios filiasque. MACROB. *Saturn.* l. i.  
c. 7. Deinde statua *Molechi* (5) parum  
differebat a statua *Saturni*. Erat illa *ænea*,  
*stupendæ magnitudinis*, *cujus manus humum  
devergentes*, & *excavatæ erant*, *quas fa-  
cile claudere iisque plaudere poterat*, *sic ut  
juventus*, *quæ cogebatur ad illud terricola-  
mentum*, *tanquam tenaci ignis clauetro pre-  
benderetur*. EVSEB. de *Præp.* lib. 4. c. 7.

Ferre eandem delineationem *Molechi* ha-  
bes apud *Jalkut Jerem.* VII. fol. 97. col. 1.  
ubi ita legere est: *Etiamsi fuerint omnes  
aliæ idololatricæ ædes Hierosolymæ*, *Mole-  
chi tamen ædes fuit extra Hierosolymam in  
loco separato*. Quomodo *Molech* erat fa-  
ctus? Erat statua *ænea*, *habens septem sa-  
cella*, *ante quæ posita fuit*, & *faciem vitu-  
li*, & *manus expansas*, *instar viri palmas  
aperientis*, *ad aliquid ab alio accipiendum*;  
*ignem in eam subiciebant*, *excavata enim  
erat*. In ista *facella* pro ratione sacrificio-  
rum ingrediebantur. Quomodo? *Avem of-  
ferens*, *primum subibat facellum*; *ovem of-  
ferens*, *secundum*; *arietem*, *tertium*; *vi-  
tulum*, *quartum*; *juvencum*, *quintum*; *bo-  
vem*, *sextum*; *denique filium suum oblatu-  
rus*, *septimum*. Hoc ergo modo conve-  
niunt *Molech* & *Saturnus*. 1. in ritu sa-  
cificandi. 2. forma statuarum. Illa au-  
tem *septem facella* exstructa *Molecho* (6)  
conferre licet *septem portis*, quibus Persæ  
*Solem* coluere. ORIG. contr. CELSUM l. 6.  
fol. 74. col. 4. item GYRALD. in *Deor.* Syn-  
tag. 7. p. 223. Et veluti *septem portæ*, ita  
*septem facella*, mystice significare possunt  
*septem Planetas*, quorum *Sol* erat מלך, h. e.  
*Rex*.

VI. Cum offerrent filios suos idolo isti,  
pulsabantur tympana, ne ejulatus puero-  
rum parentum aures afficeret. Vnde locus  
ille vocabatur תוף (7), תוף, quod notat  
*tympanum*, & ob lamentationem liberorum,  
גֵּהֶנָּה, גֵּהֶנָּה, *Gebenna*, a נָּה, quod notat  
*vallem*, & נִהַה, quod notat *lamentari* (8).

VII. Hic quæri posset, an hic loquendi  
modus, *ignis gehennæ*, *Matth.* V, 22. (9)  
ortum ducat ab isto igne, quem transive-  
runt



runt filii *Moloch* consecrati? Resp. quod hoc loquendi modo neutiquam respectus sit iste ignis, licet per miserandum filiorum ululatum & planctum horrenda inferni tormenta aliquo modo exprimi possint; attamen durabilitas & aternitas infernalium cruciatuum videtur mihi depicta per alium ignem, qui continuo alebatur ad comburenda cadavera & fordes, ex Hierosolymis egestas. Nam *Gebenna* habebatur locus contemptissimus extra urbem, ubi comburebant per *אש תמיד* ignem continuum ossa, cadavera, fordes, & intestina. R. D. KIMCHI, *Ps. XXVII*, 13.

VIII. Kabbalistæ agentes de *Gebenna* hoc metaphorico sensu, scil. ut ea usurpetur pro cruciatibus inferni, distinguunt eam in *Gebennam superiorem* & *inferiorem* (10): per illam intelligunt tormenta corporalia, quibus uruntur corpora peccatorum in hoc sæculo; per hanc, pœnas animarum in sæculo futuro. CAPNIO de *Kabbala* p. 644.

IX. Dicunt præterea, *septem Gebennæ mansiones* (11) esse, seu gradus. 1. *Infernum*. 2. *Perditionem*. 3. *Profundum*. 4. *Taciturnitatem*. 5. *Umbra mortis*. 6. *Terram inferiorem*. 7. *Terram sitientem*. P. GALAT. l. 12. c. 6. Qui prodigus temporis est, l. c. septem illas mansiones intueri, pluraque legere potest.

X. Multum disquirunt Interpretes, utrum pueri in hac oblatione *combusti sint igne*, an vero tantummodo *Moloch consecrati* & *initiati* (12), transeuntes per medium ab utroque latere dispositum ignem in signum consecrationis suæ? Verisimile est utrumque usitatum fuisse. 1. quia Sacra Scri-

ptura de utroque loquitur. 2. Hebræi docent quoque modum utriusque.

XI. Quod combusti sint, docet expresse *Jalkut*, cui annuunt alii. ABEN ESRA *Levit. XVIII*, 21. ait: *Molech est nomen idoli, & Sapientes benedictæ memoriæ dicunt, Molechum esse nomen uniuersale, & notare quemcunque sibi præposuerint, ut inter ipsos regnet, in hoc omnes conveniunt, quod sit βδέλυγμα abominatio peccatorum Ammonis, & hic modus loquendi, scil. Traducere tantundem valet ac Comburare*. Alii. R. SALOMON *Levit. XVIII*, 21. ait: *Nomen huius idoli erat Molech, & hic erat ipsius cultus, nempe ut pater filium suum Sacerdotibus traderet, qui duas ingentes flammās suscitabant, filios inter istos ignes traduentes*.

XII. Hoc non obstante, non putandum est, nulla alia sacrificia fuisse pro *Moloch* præter consecrationem filiorum, nam cui usui fuissent cetera sex sacella? Existimo, hanc filiorum sacificationem ipsis non fuisse injectam necessitate alicujus superstitionis legis seu constitutionis, sed eam habitam fuisse pro opere meritorio, factamque ἐθελοθυσίαν mera. Hoc annoto, quia alias clara differentia erat inter *Baal* & *Molechum*. Nam Baalitæ imaginario suo Deo offerebant bovem, in disputatione illa inter ipsos & Eliam. 1 *Reg. XVIII*, 26. Boves, vituli, & agni erant ipsorum ordinaria sacrificia, filiorum sacrificatio fuit extraordinaria. Nihilominus tamen ipsorum ordinaria sacrificia cruenta erant quadantenus sanguine humano, Sacerdotibus propriam carnem confodientibus.

XIII. Vnde autem hic laniandi mos ortus sit, non invenio, nisi quod legamus, ejusmodi quid usitatum fuisse Sacerdotibus Gentilibus in sacrificiis pro *Bellona*. FERTULLIANVS *Apol. c. 9.* hoc tangit, LACTANTIUS autem *lib. 1. de Fals. Rel. c. 21.* agens de *Bellona* ejusque sacrificulis, elarius loquitur, dicens: *Ipsi Sacerdotes non alieno, sed suo cruore sacrificant. Sectis namque humeris, & utraque manu districtos gladios exercentes, currunt, & efferuntur, & insaniunt.* Quis hos *Bellonitas* non censeat esse veros *Baalitas*, de quibus i *Reg. XVIII, 26. 28: Insilierunt versus altare, quod fecerant. Et incidebant sese cultris & spiculis suo more, usquedum se perfunderent sanguine.*

XIV. Quod opinio Deo placendi per sacrificium filiorum suorum (13) nata sit ex historia Abrahæ sacrificantis Isaacum, verisimile videtur, & docetur a R. SALOM. IARCH. *Jerem. XVI, 31.* qui Deum ibidem introducit de *Molecho* ita loquentem: *Non præcepi, ut filios suos holocaustum offerant, nec id dixi unquam Prophetarum cuiquam. Cumque Abrahamo loquerer de sacrificando filio, non adscendit in cor meum, ipsum debere sacrificare eum, sed ut manifestaretur ipsius justitia.*

XV. Sic PORPHYRIUS agens de *Saturno*, qui videtur verus fuisse *Molech*, ait, quod Phœnices illum vocent *Israel*, quodque ille apud *Anobreth* habuerit unicum filium, lingua Phœnicea *Feud* dictum, (extra dubium ab Hebraico vocabulo מולך, quod significat *unigenitum*, & Isaaco applicatur *Gen. XXII, 2.*) quem sacrificarint super altari ad hanc rem structa. EVSEB. *Præp.*

*Evang. l. 1. c. 7. p. 17.* Quis hic non palpet historiam de *Abrahamo & Sara?* sub nominibus *Israel*, & *Anobreth?* & sacificationem *Isaaci* sub nomine *Feud?* & originem filium jugulandi fuisse κακοζήλιαν facti Abrahami?

XVI. Sed quid? an Sol non alio modo idololatræ colebatur? Immo, invenimus alium, quo cultus est, modum, nisi fallar, *Amosi V, 26. (14) Portastis tabernaculum Melechi vestri, & Ciun imaginum vestrarum, stellam Dei vestri, quem fecistis vobis.* Hanc versionem præfero aliis. 1. quia vox Hebraica מלכות significat *tabernaculum*, מלכות מלכות נח מלכות 2. vertitur a LXX. *tabernaculum Molechi.* 3. Ita rursus refertur a Stephano *Act. VII, 43. Καὶ ἀνελάβετε τὴν σκηνὴν τῆς Μολόχ, καὶ τὸ ἄστρον τῆς Θεᾶς ὑμῶν Ῥεμφάν, τὰς τύπας, ἃς ἐποίησατε ἑαυτοῖς προσκυνῶν.* Immo *bajulastis tabernaculum Molechi, & sidus Dei vestri Remphanis, loculamenta, quæ fecistis vobis, ut adoraretis.*

XVII. Tria hic inquirenda, ut intelligatur locus iste παραλλήλος. 1. quid sit *bajulatio* illius tabernaculi? 2. quid idoli indigitetur nominibus *Chiun* & *Remphan?* 3. quid per *stellam* hujus Dei denotetur?

XVIII. *Bajulatio* tabernaculi illius notat cultum (15), quem detulere idolo isti, portando illud huc & illuc in tabernaculis & aulæis, solenni processione ritui. Hæc solennitas Romanis vocatur *Pompa*, & tentorium, sive theca, qua portabatur idolum, *Thensa*, juxta id: *Thensa Deorum vehiculum.*



XIX. Hæc idololatriæ species videtur ortum traxisse inter Gentes a *κατοζήλια* Tabernaculi Mosaici (16), quod nihil aliud fuit quam *portatile Templum*, nam *ἐδὲν τὰ μεταφερομένα διέφερε*, nihil a Templo tralatitio distulit. IOSEPH. *Antiq.* & de loco in locum, ubi necesse fuerit, transferri potuit. Siquidem negari non potest, multas superstitiones Gentilium haustas fuisse a vero Dei cultu, quem ipse Deus suo populo præscripserat. Quemadmodum Deus habuit suum *Tabernaculum*, *Sacerdotes*, *Altaria*, *Victimas*, ita & Diabolus. Quemadmodum Deus habuit *æternum* super altari ignem, *Levit. VI, 13.* ita & Diabolus suum, quem perpetuo fovebant *Virgines Vestales*. Quemadmodum Deus suum habuit *ἱλαστήριον*, *propitiatorium*: sic Diabolus suos habuit *sacros tripodas*, quibus oracula sua se colentibus retulit.

XX. Hæc solennis processio apud Romanos facta est in honorem *Solis*.

*Solis honore novi grati spectacula circi  
Antiqui dixere patres.*

CORIPP. AFRIC. l. 1. num. 17. vid. DEMYST. Apud Israelitas ea ducta est processio in honorem *Molochi*, quem jam diximus esse *Solem*.

XXI. Vt pompam & dignitatem adderent huic solennitati, Romani & Israelitæ speciosæ magnitudinis equos & currus (17) huc illuc ducebant. Apud Romanos equi dedicati erant *Soli*, & circus ipsorum, seu spaciū, in quo decurrebant, subinde vocatur *τὸ ἵππικόν* & *ἵπποδρόμιον*. ALEX. AB ALEX. l. 3. cap. 12. Quod autem plerum-

que currus in hoc pomposo spectaculo adhiberentur, constat. *Hic illius arma, Hic currus fuit.* VIRGIL. *Aeneid. I.* Quod attinet Israelitas, annon idem fecere? 2 Reg. XXIII, II. (18). *Et Josia removit equos, quos dicaverant Reges Jehudæ Soli, & currus Solis combussit igne.*

XXII. Hæc idololatria adorandi *Solem* videtur ducta a Persis, qui equos *Soli* quoque consecrabant. Et Rex Persarum, pompam suam magnificam ostentaturus, raræ magnitudinis equum huc illuc duci iussit, qui vocabatur *equus Solis*. COEL. RHODIGIN. *Antiq. l. 8.*

XXIII. Secunda quæstio est, quale Idolum intelligatur per *Chiun* & *Remphan*? Ne obruam lectorem varietate interpretationum, multo minus superba temeritate eorum, qui Textum emendare sustinent, per *Chiun* intelligendus est (19) *Hercules*, qui lingua Aegyptiaca vocatur *Chon*; per *Remphan* intelligimus eundem, nam *רפאים* in lingua Sancta significat *Gigantes*. Per *Herculem* intelligere possumus *Planetam Solis*.

XXIV. Sunt Etymologici, qui nomen *Hercules* derivant a vocibus *Ἡρας* & *κλέος*, quæ significant *aeris gloriam*: quæ autem alia est aeris gloria, nisi *Solis* illuminatio? MACROB. *Saturn. l. 2. c. 2.* Alii proinde etiam deducunt ab Hebraico *האיר כל* *illuminavit omnia*, cum quo convenit expositio Græca; denotaturque universalis lux, quam *Sol*, velut fons aquam, fundit. Adde, quod PORPHYRIUS *Herculis facta*, quæ toties decantantur poetis, non aliter exponat, quam ea esse *signa duodecim Zodiaci*, quem

quem *Sol* quotannis emetitur. EVSEB. de *Præpar. l. 3. cap. 4. p. 71.*

XXV. Sed quispiam quærere posset, an quoque nomen *Herculis* Judæis notum fuerit unquam? Verisimile est, quod fuerit, quia *Hercules* fuit *Tyriorum* Deus, a quibus multum idololatriæ venenum fuxerunt Judæi, quum illis essent vicini. Immo apparet, tempore Maccabæorum hoc nomen vulgo innotuisse; nam *Jafon* Pontifex misit ter centum drachmas argenti ad sacrificium *Herculis*. 2 *Macc. IV, 19.*

XXVI. Tertio quæritur, quid fuerit *stella illius Remphan*? Verisimile putatur fuisse *stellam exaratam in sincipite Molechi*, OECUM. *Ador. VII, 43.* nam frequens fuit Gentilibus sua idola pingere vel sculpere cum ejusmodi symbolicis additamentis. Simulacro *Julii Cesaris* in vertice addita est stella. SVETON. in *Jul. Cæs.* sub fin. PLIN. *Hist. Nat. l. 2. c. 25.* HORAT. *l. 1. od. 12.*

XXVII. *Sol* quoque adorabatur a domo Juda sub nomine *Tammuz* (20), nam *Tammuz*, teste HIERONYMO *Comm. 3. in Ezech.* erat *Adonis*; & *Adonis* vulgariter exponitur esse *Sol*, ab Hebraico אֲדֹנִי *Adon, Dominus*, qui cum בַּעַל *Baal*, & מֹלֶךְ *Molech, Princeps & Dominus* planetarum est. PIER. *Hierogl. l. 9. per. 68.* Mensis noster *Junius* vocatur Hebræis *Tammuz*, & ingressus *Solis* in signum *Cancris* in *Judaica* *Astronomia* dicitur חֲמִשָּׁה עָשָׂר *circumvolutio Thammuz.*

XXVIII. Quod attinet *Adonidem*, qui ab antiquis auctoribus subinde vocatur *Osiris*, duo notatu digna sunt: Ἀφαισμός, in-

teritus *Adonidis*, & Ἐγχεσις, *reditus illius*. Quemadmodum ingens planctus excepit ipsius ἀφαισμός, præprimis inter mulierculas, ita ipsius Ἐγχεσις cum magna lætitia fuit. PLUT. in *Alcib.*

*Nunquamque satis questus Osiris.*

*Semper enim perdunt, semper & inveniunt.* LVCAN,

Per interitum *Adonidis* intelligendus est recessus *Solis*, per reditum, accessus. Jam autem bis quotannis videtur recedere, 1. quando est in Tropico *Cancris*, in remotissimo versus *Boream* gradu. 2. quando est in Tropico *Capricorni*, in remotissimo versus *Austrum* gradu, quod respondet binis recessionibus *Solis*, quæ vocari possunt ἀφαισμοὶ *Solis*; & binis revolutionibus immediate sequentibus, quæ quoque vocari possunt Ἐγχεσις *Solis*. Hinc observare licet, quod etsi *Aegyptii* sua *Adonia* feriantur mense *Novembri*, *Sole* in remotissimo *Austri* gradu constituto, domus tamen *Judæ* suum festum celebravit mense *Junio*, *Sole* remotissimo ad *Boream*, quia utriusque festi eadem ratio fuit, in substantia convenientis. De hoc censetur locutus esse *Propheta Ezech. VIII, 14.* Ecce ibi sedebant mulieres plangentes *Thammuz.*

XXIX. Solennitates istæ præprimis observabantur a *Bybliensibus & Alexandrinis*. Ritus ita habuit: *Bybliensibus* celebrantibus mortem seu ἀφαισμός *Adonidis*, *Alexandrini* mittebant epistolam cistula custoditam viminea, qua docebant, *Adonidem* reperi-  
tum esse, quem mortuum lugerent. PRO-  
COP. in *Jesa. XVIII.* item CYRILL. *l. 2.*  
Tom. 2. in *Jesa. I.* Hæc cistula, peractis



consuetis ceremoniis, maris undis permixta, *αὐτομάτως* & secundo fluxu delata est *Byblum*; qua recepta, planctus mulierum in lætitiā. exiit.

XXX. Aliis placet, quod hic planctus noctu fuerit impensus simulacro alicui, finitoque eo, cereaque allata, (quæ ceremonia mystice significare potest *ἐνθεσιον* & *apparitionem* Solis) Sacerdos locutus sit pressa voce secum: *Θαππεῖτε τῷ Θεῷ, ἐστὶ γὰρ ἡμῶν ἐκ πόνων σωτηρία. Confidite Deo, nam ex dolore nobis obvenit salus.* IVLIVS MATER-  
NVS FIRMICVS *Lib. de errore profan. relig.*

XXXI. Sunt alii ex Judæis, qui asserunt suum *Thammuz* fuisse simulacrum, cuius oculos implessent plumbo, quod cum sub-

dito igne colliquatum esset, idolo lacrimas expressisse. *וְהָיוּ עוֹשִׂים צֶלֶם וְיָדָיו מְלֵאִים עֵינָיו* *Fecerunt simulacrum, & impleverunt oculos ejus plumbo, & fecerunt ignem defubter.* R. DAVID KIMCHI in *Radic.*

XXXII. Quidam putant Jesaiam respexisse inclusam istam vimineæ capsulæ epistolam *Jesa. XVIII, 2.* cum loquitur de Legatis missis trans mare in lembis juncis. PRO-  
COP. in *Jesa. XVIII.* sed potius literalem sensum probo (21), nam propter Syrtes & Brevia, item periculosa saxa Nili, frequens erat usus lemborum fabricatorum ex majoribus juncis, qui Aegyptiis vocantur *papyrus*, & naves ex ea, *naves papyraceæ.* PLIN. *Hist. lib. 6. c. 22.*

### C A P V T III.

#### DE BAAL PEORE, BAAL TSEPHONE, BAAL ZEBVB, BAAL BERITH, BEL, ET DRACONE.

Quem Hebræi *Baalem*, illum Babylonii *Belum* dicunt: & licet planeta *Sol* solus primo sub hoc nomine videatur cultus esse, postmodum tamen hoc nomen commune factum est aliis idolis (1), juxta illud *εἰς πολλοὺς Θεοὺ καὶ Κύριους, Sunt multi Dii* seu *דְּעֵלִים Domini* 1 *Cor. VIII, 5. (2).*

II. Quemadmodum *Jupiter*, idem cum *Baale* idolum (3), varia nomina obtinet, & varios cultus sæpe ob diversitatem locorum, ut vocatur *Jupiter Olympius*, a monte *Olympo*; *Capitolinus*, a monte *Capito-*

*lio*; *Latialis*, ab ea parte Italiae, quæ appellatur *Latium*: sæpe ob varietatem beneficiorum, quæ creditur contulisse hominibus, ut *Jupiter Pluvius*, quia *pluviam* dat; *Jupiter Lucetius*, quia *lucem* indulget; *Jupiter Altitonans*, quia *tonat*: Ita *Baal* variis suis titulis insignis est, & variis ritibus colitur, vocaturque interdum ratione locorum, ut *Baal-Peor* Num. XXV, 3. aliquando ratione acceptorum beneficiorum, ut *Baal-Tsephon* Exod. XIV, 2. & *Baal-Zebub* 2 Reg. I, 2. aliquando ob aliam rationem, ut *Baal-Berith* Jud. VIII, 33.

III. *Baal-Peor* creditur fuisse *Priapus* (4), *obscenum* illud idolum, celebre apud auctores profanos, *HIERON. ad Hof. IX.* idem prodit *ISIDOR. Orig. l. 8.* Vocatur *Peor* בעל־פעור a monte *Peor Num. XXIII, 28.* Ita & ipsius templum, in quo colebatur, quodque erectum erat super eodem monte, dicitur בית־פעור *Beth-Peor, domus Peor. Deut. III, 29.* colebatur a *Moabitibus* & *Midianitis.* Idolum כמוש *Chemosh Jerem. XLVIII, 7. (5)* censetur idem esse. *HIERON. in Jes. l. 5, cap. V.* Et credo ego, quod *Baal-Peori* per χλευασμὸν, *sanctam irrisiōnem* tribuatur, q. d. ipsorum *Deus cæcus*, juxta illud *Psal. CXV, 5. Sunt ipsis oculi, at non vident.* Nam prior litera כ est nota similitudinis, significans *quasi*, & מוש *palpavit* instar cæci. *PHILO IVD. l. 2. Allegor. p. 79.*

IV. *Baal-Tzepbon* (6) ab Hebræis existimatur fuisse idolum, fictum a præstigiatoribus Aegyptiis, positumque in deserto, ut observaret Israelitas, & inhiheret egressum eorum ex Aegypto, unde appellatum est צִבְּוֹן a צִפְּהָ *observare, speculari* instar vigilis; possumus ipsum nominare *Baalem Speculatorem.* *P. FAGIVS Exod. XIV.* veluti apud Romanos *Jupiter*, quod fugientes stiterit, vocatur *Jupiter Stator.* *Ζεὺς Στήσιος. ROSIN. l. 2. Antiq. Rom. c. 5.*

V. *Baal-Zebub* בעל־זבוב sonat *Domini muscarum* (7), sive *Principem muscarum*, qui dominatur agmini reliquo; quo respectu *Princeps Demoniorum* in Evangelio vocatur Βεελζεββ, זבוב, *muscam* significante. *Ζητήσασι μὴ τὸν Θεὸν Ἀκαρῶν, quærent*

*muscam Deum Ekronitarum. GREGOR. NAZIANZ. Orat. 2. contra Julian. p. 102.*

VI. Hoc idolum adorabatur a *Cyreniis.* *PLIN. l. 10. c. 28.* sed præcipue ab *Ekronitis*, quia, dum ipsi sacra faciunt, muscæ concidunt inanimes, quæ alias hoc tempore terram exagitant. Verum constat hanc rationem non solam fuisse, quum etiam se ad ipsum, tanquam oraculum, contulerint. *2 Reg. I, 2.* Possumus ipsum vocare *Jovem Muscarium*, vel *Herculem Muscarium*, nam incolæ urbis *Elis* sacrificant Jovi Ἀπομύω muscarum *Abactori*, & Romani Herculi sub eodem nomine. *CLEM. ALEX. in Protrept.*

VII. Quædam Græca exemplaria *Nov. Test.* legunt Βεελζεββ (8), quæ diversitas existimatur facta esse ad majorem χλευασμὸν, *exsibilationem* idoli; q. d. *Jupiter Stercorius*, nam זבוב significat *stercus*, & *Beel* feu *Baal* dominum.

VIII. *Baal-Berith* erat *Deus Sichemitarum* (9), de cujus templo legimus *Jud. IX, 4.* ברית notat *fædus*, sic ut *Baal-Berith* possit verti *Jupiter Fœderatus*, h. e. cui se fœdere obstrinxerant. Ἐθῆκαν ἐαυτοῖς τῷ Βαάλ διαθήκην τῇ εἶναι αὐτοῖς αὐτὸν εἰς Θεόν. *Posuerant sibi cum Baale fædus, ut ipse esset sibi Deus. LXX Interpr. Jud. VIII, 33.*

IX. Quod attinet *Belum* & *Draconem* (10), parum exstat de ipsis, nisi id, quod de ipsorum historia *libri Apocryphi* produunt.



## CAPVT IV.

## D E D A G O N E.

**H**ebræorum Magistri docent, quod hoc idolum ab umbilico in piscem desierit (1), sed a fronte ad umbilicum retulerit hominem. R. DAV. I *Sam. V.* Hoc concludunt ex I *Sam. V, 4.* שְׁנֵי כַפּוֹת יָדָיו *duæ palmæ manuum ejus abscisse erant ad limen.* Præterea dicunt, quod דַּגִּן dicatur ab Hebr. דָּג *piscis*, secundum quam descriptionem ipsum vocare licet *Philistæorum Neptunum*, vel *Tritona*, nam *Triton* non ab similem habuisse figuram fingitur. *Frons hominem præfert, in piscem desinit alvus.* PIERII *Hieroglyph. l. 1. pag. 28.*

II. Alii דַּגִּן deducunt a דָּג *frumentum*, dicuntque ipsum primum aratri frumenti-que usum (2) invenisse, quare ipsum interpretantur *Jovem Aratrium*. PHILO BYBLIUS apud EVSEB. de *Præp. l. 1. cap. 7.*

Hoc respectu possumus ipsum nominare *Saturnum Philistæorum*, quoniam credula antiquitas *Saturnum* finxit primum agriculturæ repertorem, proptereaque eum pinxit manu falcem tenente, quod commodissimum agriculturæ instrumentum est. PIER. *Hieroglyph. lib. 32. pag. 228. & lib. 56.* Vtraque hæc sententia suos agnoscit auctores, & hætenus neutra justè refelli potuit.

III. Præterea non desunt inter ipsos Judæos, qui dicant, hoc idolum *Dagonis* effectum fuisse in formam humanam. R. LEVI I *Sam. V.* Nihilominus opinio SCALIGERI verisimilis videtur, quod illi, quibus *Dagon* exponitur *Jupiter Aratrius*, sive *ἀγροτης, ruricola*, errare possint (3) & legere שָׂרִי, quæ vox significat *agrum*, pro שָׂרִי, quod est nomen Dei *Omnipotentis*.

## CAPVT V.

## D E V I T V L O F V S O.

**H**istoria *Fusi Vituli* late recensetur *Exod. XXXII.* (1) ubi legimus populum per absentiam Moïsi ab Aarone petiisse sibi fieri Deos, quique tum ipsis dederit *vitulum fustum*.

II. Ratio, cur Deum potius ἐν ὁμοιωµατι, in similitudine *Vituli* adorarint (2), quam alius creaturæ, in genere ab Interpretibus

hæc redditur, quod istum errorem imbibissent ab Aegyptiis, qui vivum bovem coluerent, quem *Apim* vocent aut *Serapim*, quemque per simulacrum exprefferint, capiti fasciculo imposito. PLIN. *Nat. Hist. l. 8. c. 46.* HERODOT. *l. 2.* SOLIN. *c. 35.* aut juxta aliorum distinctionem 45. ALEX. *Genial. Dier. l. 6. cap. 2.*

III. Hic bos certis maculis & genitalium notarum figuris expressus a cunctis aliis diversus fuit. Corpore erat niger, candida fronte, in tergo alba nota insignis, & nodus sub lingua ejus, quem cantharum appellant. Vt has notas in vitulo insignes redderet Aaron, videtur usus fuisse חֶרֶט *stylo sculptorio* (3). Aegyptii ad eum accedunt responsa petitori & oracula. Responsa privatis dat, e manu consulentium seu foenum seu gramen capiendo; quod cum captat, portendit felicem eventum, sin, sinistrum quid. *PLIN. Hist. Nat. l. 8. cap. 46. item ALEX. Genial. Dier. l. 6. c. 2. Sic mutaverunt gloriam suam in figuram* שׁוֹר אֵכֶל עֵשֶׂב *bovis comedentis herbam.* *Pf. CVI, 20.*

IV. Vox Hebraica, *l. c.* versa *Bos*, est שׁוֹר; quod propterea annoto, quia lucem affundit uni nomini, quo insignitur hocce idolum; aliquando enim vocatur *Apis* ab Hebr. פֶּה *facies*: aliquando *Serapis* quasi *Scher-apis*, quod nihil aliud notat, quam *caput bovis* (4), quod est verum nomen, quo hanc idololatriam exprefferunt Patres. *CYPRIAN. de bono Patient. p. 318. Vid. etiam AVGVST. & TERTVLL. adv. Jud. c. 1.*

V. Vulgo constat, hanc idololatriam ab Aegyptiis manasse ad Israelitas, sed unde eam Aegyptii hauserint, a paucis demonstratum est. Non ineptiunt, qui putant, primam institutionem factam esse in honorem memoriamque *Josephi* (5), qui sua prudentia Aegyptum vicinasque terras in septennali fame juvit. Præter testimonia præstantium auctorum, ut *SVID. in Σάπαις. RVFFIN. in l. 2. Hist. Eccl. c. 23. PIER. Hierogl. l. 3. p. 25.* sunt insuper firma argumen-

ta, quæ nobis id persuadere possunt. 1. Et anni affluentia & anni fame insignes desotati sunt per boum apparitiones. 2. Non potest aptius emblemata esse (nisi modo postea in idolum commutatum esset) ad alendam memoriam alicujus *Josephi*, cujus sola dexteritas frumentum & annonam in extrema fame suffecit, quam bos, verum vivumque seduli patrisfamilias ὑπόδειγμα. Hac in re convenit *SVIDAS* cum aliis, quod hic bos pictus sit *modium capite gestans*, licet alii insuper clare exponant rationem hujus effigiei, scil. ad denotandam quantitatem & abundantiam frumenti a *Josepho* tempore famis dimensam.

VI. Quantum ad peccata Israelitarum in hac μοσχοποιία, *vituli fictione* (6), seu bovis, hodierni Judæi omnem culpam rejiciunt in Aegyptios profelytos, qui cum Israelitis egressi sunt, dicuntque, hos Aegyptios, *Aarone* res pretiosas in ignem conjiciente, suis præstigiis & magicis artibus *vitulum* produxisse, quo fine ipsius *Aaronis* verba urgent. *Conjeci aurum in ignem, וַיֵּצֵא הָעֶגֶל הַזֶּה* *prodiit vitulus iste. Exod. XXXII, 24.* quasi is non factus esset illius arte aut voluntate, sed quasi sponte ita evenisset. Verum hæc ipsius responsio ostendit potius, quam vana sit hominis mens, ad colorandum peccatum; & quemadmodum instrumentum sculptorium peccatum *Aaronis* impressit, ita illud confessio saniorum acriorumque Judæorum adversus se promulgat, quando ajunt: אֵין לָהּ יִשְׂרָאֵל פִּרְעֹנִית שֹׂאִין: בַּהּ הִנֵּקִיחָ מֵעֵן הָעֶגֶל *Nulla ultio obvenit tibi Israel, in qua non sit uncia perversitatis vituli illius* (7). *MOSES GERVND. Vid. MVNSTER. Exod. XXXII.*



VII. Claudam hoc caput conformitate, quæ intercedit inter *Apin* & *Vitulum fufum*, quæque in tribus confistit: 1. Quemadmodum quædam peculiares notæ in bove Aegyptiaco erant: ita plausibile est, *Aaronem* ejusmodi notas & insignia stylo suo sculptorio expressisse. 2. Quemadmodum Aegyptii suo bovi solenne festum celebrabant multo jubilo & lætitia; *SVIDAS in voce* *Ἀπίς*: Ita Israelitæ proclamarunt festum suo *τετραπόδι*, *quadrupedi*; *populusque consedit ad edendum & bibendum*; & deinde surrexerunt ad ludendum. *vers. 5, 6. (8).* 3. Quemadmodum tandem bos Aegyptiacus unda submersus est: ita *Mosès* vitulum fufum

combussit, commoluitque in pulverem (9), & disperfit per torrentem (10). *Exod. XXXII, 20. Deut. IX, 21.*

VIII. Postea *Jeroboam* ejusdem iniquitatis auctor fuit, licet aliam ob rationem; volebat enim animo suo, quod, si populus adscenderet Hierosolymam Sacra facturus in domo Jehovæ, fieri posset, ut descisceret, & rediret ad pristinum dominum Regem Jehudæ. Quapropter fecit *duos vitulos aureos* (11), posuitque alterum *Bethle*, alterum *Dane*, dicens: *רַב־לָכֶם מַעֲלוֹת יְרוּשָׁלַם nimium est vobis adscendere Hierosolymam.* 1 *Reg. XII, 26-28.*

## C A P V T VI.

### DE ASTHAROTH, AMMONIA IVNONE, REGINA CAELI, ET DIANA EPHESINA.

Quemadmodum *Sol* sub variis nominibus adoratus est, ita & *Luna*. *עֶשְׂתֵּרֶת* (1) *Asthoreth* erat idolum, præprimis *Sidoniorum*. 1 *Reg. XI, 5.* 2 *Reg. XXIII, 13.* Habuit suum templum dictum *בֵּית עֶשְׂתֵּרֶת* domus *Asthareth*, in quo suspenderunt arma Saulis Philistæi. 1 *Sam. XXXI, 10.* Horum anathematum oblationem primo didicerunt ab Israelitis. *Num. VII. 1 Sam. XXI.*

II. *Lunam* sub hoc nomine (2) adoratam fuisse probatione non indiget. *Ἀστέτην δ' ἐγὼ δονέω Σεληνάριαν ἔμμεναι, Astarten autem ego opinor Lunam esse.* *LUCIAN. de Dea Syria*; nisi quod quidam asserant

*Astartem esse Junonem.* *AVGVST. super Jud. quest. XVI.* Sed & *Junonem* sæpe pro *Luna* habitam fuisse, vix negari potest.

III. *Luna* & *Junō* sæpe vocantur eodem nomine, *Vrania*. Nam *Astarte Vrania* idem omnino valet apud Phœnicas, quod *Junō Lucina* apud Latinos. Deducitur *Vrania* ab Hebr. *אֵיר* *Lux*, נ in fine adjecto, aut per se solum, aut cum י, quod passim fit a Syris, quasi *אֵירִן* vel *אֵירִי* *Lucidus* aut *Lucinus*; in Feminino vero *אֵירִיָּה* *Lucida* aut *Lucina*; hincque Græci suum *εὐανθὸν*, *cælum lucidum* mutuati sunt. Ac quemadmodum *Luna* respectu sui luminis vocatur *Vrania*, ita respectu minorum siderum cæli

cæli vocatur *Astharoth*, Ἀσθάρωθ, παρὰ τὴν τῶν ἀσπῶν ἀρχὴν, ab imperio, quod in astra exercet. Vid. HEROD. lib. 5. *Regina planetarum*, vel, quemadmodum HORATIVS *Epod. carm. seculari* ait de *Luna*, *Siderum Regina*, vel, uti VIRGILIUS loquitur de *Junone Aeneid. l. vers. 50.* *Ast ego, quæ Divum incedo Regina*: Verisimile videtur, quod hæc sit מַלְכַּת הַשָּׁמַיִם *Regina cæli* (3), de qua fatur Propheta *Jer. VII, 18. XLIV, 17.*

IV. Deinde cui vetustæ gentes videri possunt exhibuisse solennem cultum istum, quo functi sunt singulis Kalendis, si non *Lune*? & tamen iste cultus tribuitur *Junoni*, unde ea dicitur *Junò Kalendaris*. MACROB. *Sat. l. 1. cap. 15.*

V. Tandem, quemadmodum *Jupiter Ammon* nullus aliis fuit quam *Sol*, qui colebatur sub forma *arietis*. IDEM *Sat. l. 1. c. 21.* Sic, quantum video, *Luna* dici potuit *Junò Ammonia*. COEL. RHODIG. l. 18. c. 38. & coli sub forma *ovis* (4). Scio, quod Hebræorum Magistri describant simulacrum *Astharoth* fuisse *ovem*. R. D. KIMCHI i *Sam. XXXI, 10.* item *Jud. II, 13.* Et vox עֲשֵׂתִירֹת *Astharoth* in lingua originali significat *gregem ovium*. Præterea *Luna* æque potest vocari *Ammonia*, quam *Sol Ammon*, utroque nomen suum ab Hebr. חֶמֶד *calor* ducente; unde & illa idola, de quibus legimus *Lev. XXVI, 30. Jes. XVII, 8. XXVII, 9.* vocantur חֲמֻנִים, quia erant idola posita in tectis ædium (5a), & quoque in *Sole* apricabantur. R. SELOM. in *Lev. XXVI, 30.* Insuper quemadmodum *Jupiter Ammon* effingebatur *cornibus*,

Stat corniger illis *Jupiter*,  
LVCAN. l. 9. vers. 514.

ita etiam *Luna*.

*Siderum Regina bicornis audi*  
*Luna puellas.*

HORAT. *Epod. carm. seculari.*

VI. Cur autem ita *Sol* & *Luna* effigiati sint, variæ rationes adduci possunt, quas inter tres præcipuæ sunt. Prima tantum *Soli* propria est, duæ posteriores *Soli* & *Lunæ* communes. 1. *Sol* effigiatur *cornibus arietinis*, quia Astrologis *aries* in *Zodiaco* anni initium est. PIER. *Hierogl. l. 10.* 2. Quia sicuti robur animalium cornigerorum in cornibus latet, sic vis & influxus *Solis* & *Lunæ* corporibus sublunariis infunduntur radiis ipsorum. 3. Quia *Solis* & *Lunæ* radii cornutum quasi ejaculantur splendorem.

VII. Cum Moses descenderet e monte Sinai, Aaron & omnes filii Israel viderunt כֶּרֶן עֵיר פָּנָיו quod radiaret *cutis vultus ipsius*. *Exod. XXXIV, 29, 30.* Latini legunt, *Facies ejus erat cornuta* (5b). Hinc *Moses* pingitur *cornutus*; nam Hebraicum כֶּרֶן (unde νέκας & *cornu* creverunt) significat *in modum cornuum splendorem radiosque emittere*. Errori autem isti viam stravit ambiguitas vocis כֶּרֶן, quæ & *splendorem* & *cornu* notat; sic ut ipsorum Rabbiorum quidam *splendorem* *Mosis* exposuerint per קַרְנֵי הַדָּוָר *cornua magnificentie*. R. SELOM.

VIII. *Luna* adorabatur quoque sub nomine *Dianæ*, quæ, licet per totam Asiam coleretur, majori tamen in honore & pretio apud



apud *Ephesios* fuit. Hinc illa vox, *Μεγάλη ἡ Ἀρτεμις Ἐφεσίων*, *Magna est Diana Ephesiorum*, *Act. XIX, 28. (6).* MACROB. *Saturn. l. 1. cap. 15.* Illius magnificentiæ testis exstat partim templum Ephesi exstructum, quod *PLIN. l. 36. cap. 14.* ait factum ducentis viginti annis a tota Asia, quos annos tamen bonus vir ad quadringentos extendit *lib. 16. cap. 40.* partim ex quæstu magno, qui præbatur fabris, τῷ ποιεῖν *vases ἀργυρεῖς, faciendo delubra argentea.*

IX. Multum digladiantur Interpretes, quid fuerint *hæc delubra argentea (7)?* Sunt qui putant, fuisse *ædiculas, cistulas*, quæ ob exiguitatem ferri potuerint, forma sua templum *Dianæ* exprimentes, & intra se simulacrum *Dianæ* continentes; quo sensu *vaïdia* aliquando usurpantur pro ejusmodi *capsulis*, quibus *custodiebantur idola.* Alii existimant, aliquam monetam dictam fuisse *Dianæ* templum, ab illius templi simulacro, huic monetæ aut insculpto aut impresso. Veluti in Anglia quædam monetæ argentiæ vocantur *Georgius*, quædam *Angelus*, quædam *Carduus*, ab impressa figura.

X. Similis mos monetæ appellandi ab impresso aut insculpto signo usitatus quo-

que fuit antiquis; hac ratione Atheniensium nummos quosdam, *boves*; eorundem alios quosdam, *κῆρας puellas*; alios Corinthiorum, *πῶλῆς pullos*; alios Peloponnesiorum, *χελῶνας testudines*; alios Romanorum, *naves* vocabant. Immo usitatus fuit nummus, cui impressum erat templum *Dianæ* his additis capitalibus literis: *DIAN. EPHE.* TH. BEZA meminit in suis ad *Acta annotationibus*, se duos eorum vidisse.

XI. Legimus quoque de alio adhuc idololatrico cultu, *Lunæ* præstito; quod viri se obtulerint in habitu muliebri, & mulieres in habitu virili, quia credebant *Lunam* & *marem* & *feminam* esse, unde illa apud auctores tam *Lunus* dicitur quam *Luna.* Et *Venus*, quam *PHILOCORVS* ait *Lunam* esse, æque dicitur *Deus Venus*, ac *Dea Venus.* MACROB. *Saturn. l. 3. cap. 8.* Non abssimilem idololatriam in cultu *Veneris* prodidit *IVLIVS FIRMICVS de errore prof. Relig. cap. 4.* Quidam censuerunt Deum respexisse hoc idololatriæ genus *Deut. XXII, 5.* ubi viris interdicitur gestare vestimenta muliebria (8), & contra. *MAIMON. in More Nebochim part. 3. cap. 38.* Verum in genere & cum majori fundamento creditur ibidem vetari promiscuus vestium usus, quo distinctio generis tollitur.

## CAPVT VII.

### DE ALIIS DIIS, QUI REFERVNTVR IN SACRA

#### SCRIPTURA.

Existimo, quod *Sol* & *Luna*, magna cæli luminaria, præcipua fuerint idola, quæ

coluere Gentes. Nihilominus cæca ipsorum devotio cæteros planetas quoque divinitate

nitare donavit; immo minorum luminarium grex, qui in Sacra Scriptura vocatur *militia celi*, & *exercitus*, cujusque singularis natura, proprietates, & influxus non adeo seorsim noscuntur, ipsorum *אֱלֹהִים* auctus est.

II. Simili ratione mentio fit in Sacra Scriptura *exercitus idolorum*, de quibus parum aut nihil plus ad rem ab auctoribus proditum est, quam de ipsorum nominibus. Hujus naturæ fuerunt *מִשְׁכְּבֵי חֹרֵי* *cubicula illa imaginis*, in quibus omnes formæ reptilium expressæ erant in pariete. *Ezech. VIII, 10. 12.* (1) quæque vocare licet *Pantheon* ipsorum.

III. In illis coloniis, quas trajecit Rex Assyriæ in Samariam, quævis natio suæ gentis Deum coluit. *Babylonii* fecerunt *סְכוֹת בְּנוֹת* *Succoth-Benoth*; *Homines Cutbi* fecerunt *נֶרְגַּל* *Nergalem*; *Homines Ghama-the* fecerunt *אַשְׁכִּימָה* *Ashchimam*; *Havæi* fecerunt *נִיבְחָזִי* *Nibchazum* & *תַּרְתָּחִי* *Tharthacum*; *Sepharvæi* combusserunt filios suos igne *אֶדְרַמְמֶלֶךְ* *Adrammelecho*, & *אַנְמֶמֶלֶךְ* *Anammelecho*, *Diis Sepharvæorum.* 2 Reg. XVII, 30, 31. (2).

IV. Hebræorum Doctores dicunt, quod *Succoth-Benoth* fuerit effigies gallinæ cum suis pullis. R. SELOMO IARCHI 2 Reg. XVII. R. DAVID KIMCHI non dissentit. *Nergalem* exponunt *gallum sylvestrem*; *Ashchimam*, *capram*; *Nibchazum*, *canem*; *Tharthacum*, *asinum*; *Adram-Melechum*, *mulum*; *Anam-Melechum*, *equum*.

V. Vix credibile esse talia bruta animalia pro Diis culta esse, nisi hoc usitatum fuisse

Gentilibus abunde testarentur Auctores profani. LUCIAN. l. 16. de *Dea Syra* testatur, *gallum* a Syris adoratum esse pro Deo. HERODOT. in *Euterp.* refert, *capellam* Mendæis cultam fuisse. Alii produnt *canem* ab aliis divino honore affectum. CICERO de legib. l. 1. vide TIRAQUEL. in ALEX. AB ALEX. l. 6. item DIODOR. SICVL. l. 18. Immo in Deorum numerum retulerunt *Boves*, *Leones*, *Aquilas*, *Lupos*, *Crocodylos*, *Catos*, *Glires*, &c. ALEX. NEAPOL. l. 6. c. 26. Et ipsi horti genere Deos *Porrum* & *Allium*.

*Porrum* & *Cepe* nefas violare & frangere morsu.

*O sanctas gentes, quibus hæc nascuntur in hortis*

*Numina!* IVVEN. Sat. 15. l. 5.

VI. His adjungi potest, 1. *נִכְרֹד* (3) *Deus Assyriorum*, qui videtur suum templum habuisse in urbe *Ninive* 2 Reg. XIX, 37. & *Jes. XXXVII, 38.* Et 2. *רִמְוֹן*, quæ vox significat *malogranatum* (4). Quod attinet hoc idolum, multum disputatur, num *Naaman* peccarit, dicens: *In hac re remittat Jehova servo tuo, quando ibit dominus meus in domum Rimmonis, ut incurvet se ibi, & is nitetur manu mea, egoque me incurvo in domo Rimmonis,* 2 Reg. V, 18. Resp. Lege verba hæc in Præterito, quando ibit dominus in domum Rimmonis, & sic patebit, ipsum flagitare remissionem præteritorum peccatorum, non futurorum. Eadem vox, *רִמְוֹן* intrando, ponitur pro tempore præterito in titulis *Psal. LII. & LIV.* Denique 3. *נֶבֹ* *Nebo*, alias *Nabo*, idolum Assyriorum. *Jes. XLVIII, 1.* (5). No-



men ducit a נביא *Propheta*. Non videtur differre ab illo *Nebone* Ζεύς Βυλαῖος, sive Ζεύς Μητιέτης, *Jupiter consilii præses*, frequens in HOMERO. DIODORVS SIGVLVS

l. 5, 27. utrumque pro uno eodemque sumit. Nos possumus *Nebonem* transferre, *Ammonem Assyriorum*, seu *Jovem Vaticanum*.

## C A P V T VIII.

### DE PECVLIARI ORACVLORVM ET XPHMATISMΩN (1)

#### R A T I O N E.

Quemadmodum *idololatria* originem duxit ex σεβλώσει & abusu Sacrae Scripturae, ita *præstigiæ*, quæ affines sunt *idololatriæ*, videntur primum ortæ ex imitatione Divini Oraculi. Deus locutus est πολυµερῶς καὶ πολυτρόπως, *Hebr. I. 1. (2) בְּחִלְמוֹת בְּנִבְיָאִים בְּאֻרִּים בְּזִמְנוֹת* per Somnos, per Urim, per Prophetas, 1 Sam. XXVIII, 6, 7. Jehova per nullum horum Sauli respondente, quæsit ille *Pythouissam*.

II. His modis addi potest Dei oraculum e medio Cherubinorum (3), ac responsum per Visionem, Angelos (4), Vocem. Sed præcipui revelandi modi a Magistris Hebræorum notati quatuor sunt, quos vocant *quatuor Prophetiæ*, seu *Divinae revelationis gradus* (5). P. FAGIVS in *Exod. XXVIII*. Propterea, ubi quid dixerimus de his, propositum nobis est, explicare peculiariora genera *divinationum illicitarum*, quarum meminit Sacra Scriptura.

III. *Primus* gradus fuit נביא *Prophetia* (6); scilicet quando Deus suam mentem voluntatemque exposuit per visiones & revelationes.

IV. *Secundus*, רִיחַ הַקֹּדֶשׁ *Inspiratio Spiritus Sancti* (7), qua quis citra visiones & revelationes potuit prophetare.

V. Quidam, ut ostendant differentiam inter hos duos gradus, ajunt, quod *domum prophetiæ* hominem in ἐκστασι abripuerit (8), omnibus abstractis sensibus; sed quod *inspiratio* illa *Spiritus Sancti* facta sit sine illa sensuum migratione, uti patet in *Hio-bo*, *Davide*, *Daniele*. D. KIMCHI præfat. in *Psal.*

VI. Vtrique hi gradus, ut & *Vrim* & *Thummim*, cessarunt sub templo secundo (9), dicentibus Sapientibus eorum; post mortem ultimorum Prophetarum *Haggai*, *Zachariæ*, & *Malachiæ* Spiritum Sanctum migrasse ab Israele. *Talm. in Sanhed. c. 1.* licet habuerint usum בִּתְּ קוֹל *filia vocis* seu *Echo* de cælo.

VII. Quo dicto non putandum est, Spiritum Sanctum plane cessasse operari in creaturis, vel ipsum non ita, ut antea, effecisse sanctificationem in hominibus, sed quod *singularis illa virtus prophetandi per inspiratio-*

*rationem Spiritus Sancti* tunc defierit, & quod hoc sensu Spiritus Sanctus dicatur cessasse ab Israele.

VIII. Ad hanc communem fere omnium sententiam referendum illud *Act. XIX, 2.* (10). *Immo neque, sine Spiritus Sanctus, audivimus?* Quod non dubitent de *distinctione Personarum*, claret exinde, si verum est, quod annotarunt quidam, scil. Judæos antiquos ante adventum Christi ita fuisse imbutos in hoc puncto, ut mysterium *Trinitatis* in nomine יהוה observarint (11). P. FAG. in *Exod. XXVIII.* Nam illud nomen constat quatuor literis, unde & vocatur τετραγράμματος, *quadriliterum*, tres tamen peculiare literæ tantum sunt in eo: 1. notat *Patrem, principium & fontem rerum*: 2. est conjunctio copulativa, notatque *personam tertiam*, quæ exit a *Patre & Filio*: 3. notat *Filium*.

IX. Rabbinis proverbium est, *Deum omnia creare in litera ה* (12). Possunt eo respicere, quod omnia creaverit verbo suo יהי fiat, יהי & factum est: sed possunt etiam respicere *secundam Personam* in *Trinitate*. Præterea annotant, quod quum ה geminetur in hoc nomine, significantur *duæ Christi naturæ*.

X. Tertius gradus fuit *Vrim & Thummim* (13). אורים *Vrim* significat *Lucem*, תמים *Thummim*, *Integritatem*. Fuisse ea duo ornamenta in *pectoralis* Pontificis, in genere conceditur; sed quale illud fuerit ornamentum, & quo modo respondit, difficile est ostensu.

XI. Sunt qui putant, ea fuisse quatuor illos ordines in *pectoralis*, quorum *splendor*

& *lux* victoriam notarit, & ex *regula contrariorum* concludunt, *obscuritatem* lapillorum retento splendore sinistram quid portendisse. IOSEPH. *Antiqu. l. 3. c. 9.* Aliorum sententia vult nomen יהוה positum fuisse in conduplicatione *pectoralis*, quod duplicatum erat. *Exod. XXVIII, 16.* R. SELOM. ut refert D. KIMCHI in *Radic.*

XII. Alii modum consultationis, per *Vrim & Thummim* ita explicant. Primo, dicunt, quod soli *Regi* aut אב בית הדין רעא consuleretur *Patri Consistorii* licuerit consulere oraculum, aut rem Pontifici proponere, qui solus potestatem habebat eam solvendi. *Talmud. in Joma c. 6.* Vid. P. FAG. in *Exod. XXVIII.* Secundo quod res proposita non levis, sed ponderosa & gravis esse debuerit. Tertio, quod *Vrim & Thummim* constiterit ex nominibus omnium tribuum & familiarum, ut & Patriarcharum Abrahamæ, Isaaci, & Jacobi, sic ut nulla Alphabethi litera defuerit.

XIII. Atque ita, si quæstio esset proposita, quod tum illæ literæ, quæ respondebant, fuerint בולטות *prominentes*, superiores reliquis. Exemplum sumunt ex *2 Sam. II, 1.* ubi David Jehovam consuluit: *adscensurus sum in aliquam civitatum Judeæ?* respondente Deo, עלה *adscende*. Hic dicunt, quod litera ש ex nomine שמעון *Simæon*, litera ל ex nomine לוי *Levi*, litera ה ex nomine יהודה *Juda* prominuerit. Aliis placet, quod literæ, exprimentes oraculum, fuerint מצטרפות, h. e. quod in integras syllabas coaluerint, & in integras voces, & sic responsum dederint. Aliæ insuper numerari possent sententiæ, verum is optime sentit, qui rotunde fatetur, se nescire quid fuerit



fuerit *Vrim & Thummim*. R. DAVID KIMCHI in *Radic.*

XIV. Quartus gradus fuit *בְּתוֹקִיל* *Filia Vocis* (14) seu *Echo*, h. e. vox e cælo lapsa, voluntatem Dei exponens; quæ fuit sub Templo secundo, cum cessarent tres gradus priores. Illa testata est de nostro Salvatore: *Ecce vox de cælis, dicens, Hic est filius meus dilectus*, ἐν ᾧ ἐδόξασα, in quo acquiesco, *Matth. III, 17.* Illa *Vocis Filia* quasi prologus & imago fuit *veræ* illius *vocis Patris*, *Λόγος αἰώνιος*, qui manifestavit hominibus voluntatem patris sui.

XV. Hæc sunt media extraordinaria, quæ Deus se olim suo populo revelavit; ordinarie autem se revelat per verbum scriptum. Nihilominus Hebræi dicunt; Legem statim, ex quo Mosi ea tradita est, fuisse duplicem; alteram *scriptam*, quam vocant *תּוֹרָה שְׂכֻכְתָּהּ* *Legem scriptam*; alteram *acceptam* per traditionem, quam vocant *תּוֹרָה שְׁנֵעֵל בָּהּ* *Legem oralem* (15), item *קַבֵּל a קַבֵּל accipere, discere.* Ad dunt, utramque a Deo traditam fuisse Mosi in monte *Sinai*, & quod Moses *Legem non-scriptam* tradiderit Josuæ, Josua Senioribus, Seniores Prophetis, Prophetæ Synagogæ magnæ viris, eaque sic iverit ad posteriora æva, usquedum tandem congesta esset in librum, qui contineret præprimis præcepta & constitutiones Israelitarum terram sanctam incolentium; illumque vocant *TALMVD HIEROSOLYMITANVM* (16). Compilatum id est anno Domini 230. & quum pauca tantum complectatur præcepta, non adeo frequentis usus est.

XVI. Circa annum Christi quingentesimum alia & completior ipsorum dogmatum

facta est conferruminatio, ad institutionem Judæorum in Babylonia & in aliis peregrinis solis habitantium, vocaturque *TALMVD BABYLONICVM* (17), quod in frequenti usu auctoribus est, & complectitur Corpus Legum *civilium & canonicarum.*

XVII. Hanc *legem oralem* tam authenticam putant quam *scriptam*, & quod Moses eam acceperit a Deo, cum Lex ipsi daretur, ajunt enim, ni hæc obstitisset Legis interpretatio, Decalogus potuisset tradi *בְּשַׁעָה קְרִיָה* *in hora veloci.* MOSES KOTSENSIS in *Prefat.*

XVIII. Hic sciendum est, vocem *קַבֵּל* (18), quando Kabbalistis applicatur, ad differentiam ponendam inter ipsos & Talmudistas, arctiori sumi sensu, & notare *subtilitates & abdita mysteria*, quæ ex diversa vocum transpositione & abstrusa arithmetice specie eliciuntur. Hæc non plene conscripta est. Aliqua habemus exempla. *Gen. XXIII, 2. Abraham venit לבִּכְתָּהּ ut defleret Saram*, atqui quum in hac voce inveniat *אֶפְרַיִם* *litera caph minor* reliquis, propterea notant, Abrahamum tantum paucillum deflesse Saram, quia fuerit vetula. *RAAL TVRIM.* Rursus quum litera *N* sexies reperiatur in primo Geneseos versu, hinc conclusit R. ELIAS, mundum tantum substitutum sex mille annis, quoniam *תֵּשֶׁבַע* *N* in lingua Hebr. sumitur pro mille.

XIX. Ex transpositione literarum ita concludunt. *חַרֵּם* denotat *anathema*, seu *excommunicationem*, per *מֵתָאֲדַסִּין* literarum formatur *רַחֵם* *miseratio*, vel etiam *רַחֵם*. Quæ literarum positio juxta Hebræum

bræum calculum efficiunt numerum 248. Quem numerum ipforum Anatomia dicit respondere membris humani corporis. Hinc eliciunt, quod, si homo excommunicatus se vere convertat, tum ipsius **חַרְם** *excommunicatio* vertatur in **חַרְם** *commiserationem*, maledictio in benedictionem; si vero non convertatur, quod tum ipsius **חַרְם** descendat in **רַחֵם**, seu maledictio pervadat in omnia illius membra ad totius hominis perditionem. Denique **אִשׁ** significat *matrem*, **אִשָּׁה** *feminam*. Hinc notant, quod

in nomine **אִשׁ** sit **י**, quæ litera non sit in nomine **אִשָּׁה**, & in nomine *femina* litera **ה**, quæ non sit in *maris* nomine; quæ literæ efficiant **יָה** *Jah*, unum ex Divinis nominibus; & quod hoc nomine ablato remaneat **אֵשׁ** *ignis*, in utriusque nomine; quodque eo doceatur, *Deum*, quousque maritus & uxor conveniant, esse cum iis, at, si discrepent, *ignem*. Hinc videmus quam frigide hariolentur in vanis his mysteriis Kabalistæ.

## CAPVT IX.

## DE TERAPHIMIS.

Quod attinet **תְּרָפִים** *Theraphim*, duo inquirenda sunt. 1. quid fuerint? 2. cui usui?

II. Vox **תְּרָפִים** in genere notat (1) *perfectam hominis imaginem*: Michal accepit **אֶת-תְּרָפִים** & posuit super lecto, 1 Sam. XIX, 13. (2). In specie autem notat *εἰδωλον*, *idolum* confectum ad hominum privatum usum in ædibus propriis, sic ut appareant fuisse idololatrarum *Penates*, sive *Lares*. Cur furatus es **אֶת-אֱלֹהֵי** Deos meos, **תְּרָפִים**. Gen. XXXI, 30, 34. Michal habuit **בֵּית אֱלֹהִים** ædem Deorum, & fecit Ephod & Theraphim, Jud. XVII, 5. Ab hoc τῶν Theraphim cultu descendit Græcorum *Θεραπείαν* (3) *colere, servire*. οὐδ' αἰθανώτες Θεραπείαν ἡθελον, *nec Diis servire volebant*. HESIODI *Ἔργα καὶ ἡμέραι*, vers. 134.

III. Quo modo hæc idola fabricata sint, docent Rabbini (4), ubi dicunt: *Obtruncarunt hominem, caputque abscissum condierunt sale & aromatibus, & laminam auream inscriptam nomine πνεύματος ἀκαθάρτου*, *spiritus impuri subter capite posuerunt in muro, succensisque coram eo cereis adorarunt*. RELIESER. Vid. ELIAM THISBIT.

IV. Cum ejusmodi *Theraphim*, dicunt, Laban locutus est. Verum sine controversia creduntur *perfecta hominis imago* fuisse *Theraphim*, quos Michal in lecto posuit.

V. Vfus horum idolorum fuit, ipsa tanquam oraculum consulere de iis rebus, quæ pro presenti ignorabantur, aut futuræ erant. Ex qua causa ab Astronomis (5) conficiebantur sub constellationibus certis, ut essent idonea influentiis cælorum, a quibus



bus vocalia reddebantur. תְּרַפִּימִי דִּבְרוּ אֵין  
*Theraphimi loquuntur vanitatem, Zach. X,*  
 2. ABEN ESRA *Gen. XXXI.* Et inter alias  
 rationes, cur *Rachel* subduxerit patris sui

idola, hæc putatur esse una, ne *Laban* con-  
 fulens ea recognosceret, quam viam fugiens  
*Jacobus* ingressus esset.

## CAPVT X.

### DE PECVLIARIBVS GENERIBVS INTERDICTAE

#### DIVINATIONIS.

**I**nvenimus *Deut. XVIII, 10.* Divinato-  
 res, quos Lex proscribit, septem esse nu-  
 mero, non quod non plures, sed quod hi  
 frequentiores sint. 1. *Divinator.* 2. *O-*  
*minum captator.* 3. *Φαττανδς, Veneficus.*  
 4. *Incantator.* 5. *Ἐγγασπίπυδος, Pythoni-*  
*cus.* 6. *Hariolus, Sciolus.* 7. *Νεχρομαν-*  
*της, Consulens mortuos.* His addi possunt  
 8. *Consulens lignum suum Hof. IV, 12. &*  
 9. *Haruspex, qui exta ruspatur, Ezech.*  
*XXI, 26.*

II. Primus est מְעִינִי (1) *Divinator tempo-*  
*rumque captator,* qui dicit: *Hoc die fau-*  
*stum, vel hoc die infaustum est, hac hora,*  
*hac septimana, hoc mense bonum est, & hoc*  
*vel illo die, vel mense malum, pro his vel il-*  
*lis, hoc vel illud agere.* SALOMO IARCHI  
*Levit. XIX, 26.*

III. Hinc illi, qui hoc vocabulum dedu-  
 cunt a עַיִן *oculus,* quasi per id intelligatur  
*prestigiator,* qui offusa caligine teneat &  
 ludat oculos spectatorum, penitus aberrant.  
 R. DAV. KIMCHI in *Radic.* Commodius  
 loquuntur, qui derivant illud a עֵתָה *tem-*  
*pus.* Sed cum iis consentio, qui deducunt

a עָנָן *nubes,* ut מְעִינִי dicatur *Planeta-*  
*rius, Astrologus.* ABEN ESRA *Lev. XIX, 26.*

IV. Hinc differt a secundo, qui etiam  
 fuit *temporum observator.* Primus suam  
 conjecturam cepit ex colore vel motu nu-  
 bium: Secundus ex suamet superstitiosa ob-  
 servatione eventuum faustorum vel infaustorum,  
 qui contingere hoc vel illo die, hoc  
 vel illo tempore. Primus videtur conclu-  
 dere a priori, a nubibus vel planetis, ope-  
 rantibus bonos vel malos eventus: Secun-  
 dus a posteriori, ab eventu ipso, hoc vel il-  
 lo tempore contingente.

V. Hic *Planetarius* observans nubes vi-  
 detur stetisse vultum obvertens *Orienti,* ter-  
 gum *Occidenti,* dextram *Austro,* sinistram  
*Septentrioni.* Nisi dicamus Hebræorum  
 loquendi modum ductum ab hac *Planetarii*  
 astra legentis statione, non invenio ratio-  
 nem, cur ipsi *Orientem* (2) vocarint קִרְיָם,  
 h. e. *partem anteriorem mundi, Occidentem*  
 אַחֲרִי, h. e. *plagam mundi posteriorem; Au-*  
*strum* יְמִינִי, h. e. *dextram; Septentrionem*  
 שְׂמֹאל, h. e. *sinistram.* Quod ratio hu-  
 jus denominationis ea sit, quia Adam ver-  
 sus

fus Orientem verso ore creatus sit, tam vanum est, quam probatu difficile.

VI. Secundus II. est מְנַחֵשׁ *Augur, Vates* (3). Vox Hebræa talem denotat, qui ex propria experientia observationes trahit, ad futura bona vel mala vaticinanda, veluti *Augures* concludunt ex hujus vel illius eventus, hujus vel illius volatus, crocitus &c. observatione. Rabbinus hoc modo loquuntur: Ille est *Menachesch, Faridicus*, qui dicit, quia mica panis ex ore ipsius cecidit, vel baculus ex manu, vel filius ipsum revocat, vel cornix ipsum inclamat, vel capra præterit, vel serpens est a dextra ipsius, vel vulpes a sinistra, propterea hoc vel illud hoc die non agite. R. D. KIMCHI in Radic. Hoc vocabulum adhibetur Gen. XXX, 27. & נִחֵשׁתי observavi, Jehovam benedixisse mihi propter te, ait Laban. Rursus Gen. XLIV, 5. Nonne ille calix est, ex quo bibit dominus meus? & ex quo ipse נִחֵשׁתי observando observabit? hoc est experietur, quales sitis?

VII. Gentes admodum superstitiosæ fuerunt in ejusmodi observationibus. Quidam dierum fuerunt *atri*, alii *albi*, quidam *infausti*, alii *fausti*. Quibusdam diebus funestum duxerunt, miscere prælium; quibusdam mensibus infaustum, uxorem ducere.

*Mense malum Majo nubere vulgus ait.*

OVIDIUS *Fast.*

Et quemadmodum superstitiosæ fuerunt in observandis signis *sinistris*, sic etiam in usurpandis *mediis*, quibus malum, quod portendebatur, declinarent.

VIII. *Media* vel sunt *verba* vel *facta*. *Facta*, ut si qua *avis funesta*, vel aliud

ejusmodi, occurreret, lapidibus illud petebant. Hujus sortis est sculptura suspecti Magi, quæ a rudiori plebecula censetur esse remedium adversus veneficium. *Verbis* putant se eludere futurum malum, quod istiusmodi omnia annuntiarunt, si dicant, εἰς κεφαλὴν σοῖ, *In caput tuum recidat hoc omen*. Plura hujusmodi ἐνόδια σύμβολα, *obvia omnia* vide apud THEOPHRASTVM *Charact. περὶ δεισιδαιμ.*

IX. Tertius III. est מְכַשֵּׁף *Præstigator* (4), *Gesticulator*. Vox Hebræa denotat talem, qui præstringit oculos & sensus hominum, mutata rerum specie, illas aliter, quam in se sunt, repræsentans. Eadem vox applicatur *Præstigatoribus* Aegyptiacis, qui restiterunt Moysi. Exod. VII, 11. Pharaeo vocavit etiam τὰς מְכַשֵּׁפִים *Præstigiatōres*, & חֲרָטִים *Magi* Aegyptii fecerunt etiam בְּרַחֲטֵיהֶם *incantationibus suis* sic. Hæc ultima pars explicat, quales *Præstigiatōres* illi fuerint. Quod *Magi* vocantur, notat ipsorum studium, scil. ipsos fuisse *Sapientes* & *Philosophos*; vox autem בְּרַחֲטֵיהֶם indicat *modum elusionis* ipsorum, significatque talem artem, qua oculi fallantur; nam לְרַחֵם, quod vertitur *incantationes*, denotat *flammam splendentem ignis*, qua corripuntur oculi.

X. Versio Græca non incommode eos vocat φαρμακὸς, *Vnguentarios*, Σεπλάσιριος, vel, si mavis, μυρεψὸς, qui faciem virorum mulierumque fuco pingunt, aliamque speciem inducunt. φαρμακὸς δὲ ἐστὶ μυρεψὸς, *SVIDAS*. Hinc Apostolus ejusmodi Pseudo-Prophetas, qui sub μωσῶσσι εὐσεβείας, deformatione pietatis captivas ducunt mulierculas incertas, comparat Magis Aegyptiis



gyptiis Mofi resistentibus, qui fuerunt 'יִאֲוֶה־וְהָס וְכַאֲלִי יִאֲמֹרֶהָ, 2 Tim. III, 8. (5). Hi duo præcipui fuerunt. In TALMVDE Tract. Menachoth cap. 9. vocantur Johanne & Mamre, a NVMENIO PYTHAGOREO, Jan-nes & Mambres. ORIG. contr. CELS. l. 4. a PLINIO Jamnes & Jotape. Hist. Nat. l. 30. c. 1.

XI. Quartus IV. est חֲכִיר Incantator (6). Vox Hebræa significat congregationem, con-sociationem, sive ob fœdus & societatem, quæ inter tales homines & Diabolum inter-cedit, sive, ut BODINVS Dæmon. Magic. l. 1. c. 6. putat, ob id, quod ejusmodi incan-tatores multiplices congregationes celebrant, ubi saltant, & hilares sunt. ONKELOS ta-lem incantatorem vertit מְשִׁית מוֹסֵף mussitatore, significans modum hujus incantationis fa-ctum murmurando, mussitando.

XII. Descriptio Incantatoris ita habetur apud MAIM. Tract. Idol. c. II. sect. 10. II. Is est Incantator, qui פִּזְזָא אֲדִיָּלָא voces peregrinas & singularis sensus loquitur, putatque in sua stultitia, has voces esse pro-ficiuas, adeo ut, si quis hoc vel illo modo al-loquatur serpentem aut scorpium, iidem ho-mini nocere nequeant; aut, si quis hoc vel illo modo affetur hominem, ei noceri non possit. Is, qui occlusa bucca super vulnere submurmurat, aut versum ex Bibliis reci-tat, vel qui legit quid super infante, ne ærreatur, vel qui imponit librum Legis, aut phylacteria infanti, ut somnum carpat, tales non tantum sunt in genere incantato-res, sed in specie ex eorum numero, quos prorsus damnat Sacra Scriptura, quia ver-ba Scripturæ convertunt in medicinam cor-poris, quum ea sit medicina animæ. Prou-ti scriptum est Proverb. III, 22. Eruntque,

præcepta Dei, vita animæ tuæ. Hujus cōminatis est illud, de quo ait BODINVS Dæmon. Magic. l. 2. c. 1. Quod infans re-citando certum e Psalmis versiculum impe-diat mulierem, ne possit suum butyrum coa-gulare, quod autem restituat butyrum retro legendo illum versiculum.

XIII. Quintus V. est שֹׁמֵר אֵיבָה Consulens Obh seu Pythonem (7). Proprie notat אֵיבָה utrem, & in diversis Scripturæ locis Incantatoribus tribuitur, quia malo Spiritu obsessi vocem lenem & obtusam emittunt, tanquam ex utre. Græci eos vocant Έγχαρμύδης, Ventriloquos, quorum vox vi-detur e ventre mutire. CHRYSOST. 1 Cor. XII. adv. Marcion. l. 4. c. 25. Talem Py-thonem habuit illa ferva Aeth. XVI, 16. juxta sententiam AVGVSTINI de doctr. Christ. l. 2. c. 23. Cui plurimi Interpretum adstipu-lantur, qui putant Pythonem, quo illa πα-ιδίσκη occupata erat, eundem Spiritum fuisse, quem Hebræi אֵיבָה vocant. Similiter Saga Hendori, quam rogavit Saul, ut evo-caret Samuelem, dicitur in Hebraico ha-buisse τὸν אֵיבָה, & a Latinis Interpretibus constanter vertitur Pythonissa.

XIV. Sextus VI. מַגֵּן Magus (8), qui Græcis subinde transfertur Γνωστής, Hariolus, Sciolus. In utraque lingua nomen mutua-tur a cognitione sive scientia, cujus compos esse vel a se ipso vel a plebe existimatur. Rabbini dicunt ipsum in Hebraico deno-minari a quadam bestia, cui nomen יָרִיעַ, cuique forma viri, quoniam illi Magi, quando perficiunt suas divinationes, os hu-jus animantis suis dentibus interserunt. P. FAG. Lev. XIX. Verum ATHENAEVS be-stiam hanc vocat καταβλεπάδα. Vid. BO-DIN. Mag. Dæmon. l. 1. c. 6. pag. 89.

XV.

XV. Hoc forsan Diabolicum sacramentum & ceremonia est, qua foedus inter *Diabolum* & *Magum* hunc stabilitur. Profanae historiae produnt memoriae similes divinationes, nimirum quod *Magi* consueverint vesci partibus principalioribus talium bestiarum, quæ putabant vim vaticinandi inhærere, credentes modo aliquo μετεμψυχώσεως animam istarum bestiarum hoc pacto in sua corpora una cum facultate prophetandi transfundi. PERER. de Mag. p. 57.

XVI. Septimus VII. est הַרְשָׁאֵל הַמָּוֶתִים *Haruspex* (9). Græci simpliciter transferunt ἐπερωτῶν τὰς νεκρὰς, *consulens mortuos*, νεκρομαντίας, *Divinus*, evocans *Spiritus damnatos*. Ejusmodi *Divini* consulunt *Diabolum* sub forma mortui. Memorabile exemplum est illud 1 *Sam. XXVIII*, 6, 8. ubi Rex *Saul* copias educens adversus *Philistæos*, Deo ipsi nec per *Vrim*, nec per *Somnia*, nec per *Prophetas* respondente, accedit *Sagam Hendori*, petitque, *Samuelem* mortuis excieat, quo doceatur eventum belli.

XVII. Hoc jam spectrum non fuisse *Samuelem* (10), facile evincunt doctorum rationes & testimonia. 1. Non enim verisimile est Deum, cui noluit responderè medio ordinario, voluisse dignari responso extraordinario. 2. Nullus *Diabolus*, nec ullus *Magus* potest turbare quietem corporum seu animarum eorum, qui moriuntur in Domino, quiescunt enim a laboribus suis *Apoc. XIV*, 13. Denique 3. si *Samuel* fuisset, citra dubium invecus esset in *Saulem*, quod consuleret *Incantatores Diabolicos*.

XVIII. Octavus VIII. est שֵׁאֵל בַּמָּקַל *Consulens baculum suum* *Hof. IV*, 12. (11). HIE-

RONYMVS ait, modum hujus divinationis ita fuisse. Si dubium fuit, quenam urbs e duabus aut tribus sit oppugnanda prius, ut hoc solvant, mittuntur sagittæ in pharetram, & commiscentur inscriptæ, sive signatæ nominibus singulorum, ut videatur ejus sagitta exeat, & quæ prius civitas debeat oppugnari. Alii docent modum hujus consultationis sic habuisse: Consulens bacillum suum, spithamis emetiens seu longitudine digitorum, dicebat inter mensurandum: Ibo, non ibo: faciam hoc, non faciam; & ratione ultimæ spithamæ, decrevit. Hæc divinatio apud Gentes vocatur ραβδομαντεία vel βελομαντεία, vaticinatio per sagittas aut virgas (12). Vid. DRVVS. in *Deut.* p. 592.

XIX. Nonus IX. est רֹאֵה בַּכֶּבֶד *Haruspex*, *Ezech. XXI*, 16. *Nebucadnezar*, infesto agmine in Judæos & Ammonitas moturus, hæsit in via, utros prius aggrediretur; proptereaque 1. *Sagittis* & *bacillis*, de quibus jamjam diximus, 2. *Extis bestiarum* rei certitudinem experiri (13) instituit. Hæc divinatio in genere recepta apud Gentes fuit, & quoniam *hepar* præcipuum, & quod maxime attendebatur, membrum erat, dicebatur *extispicium*, ἡπατοσκοπία, *inspectio jecoris*.

XX. Tria in hac divinationis specie observanda sunt. 1. *Color* extorum, an omnia probo essent colore. 2. *Locus*, num nulla loco mota essent. 3. *Numerus*, num ulla deficerent; inter illa, quæ deficiebant, *jecur* & *cor* deficiens præprimis sinistrum quid portendebat. Eodem die, quo confossus est *Julius Cæsar*, produnt *Historiæ*, in duobus pinguibus bubus, qui mactabantur, defecisse cor.





# MOSES ET AARON.

## LIBER V.

DE

# CONSISTORIIS SEV CONSESSIBVS.

## CAPVT I.

DE IPSORVM CVRIIS FORENSIBVS, PRAESERTIM DE  
CONSISTORIO ECCLESIASTICO.

**D**iversa in Israele *Curiae* fuerunt diversis consistentes viris, quarum quaedam *res Ecclesiasticas*, & quaedam *res Civiles & publicas* dirigebant (1). IVNIVS *Anal. expof. Deut. XVII.* De his, ipsarumque censuris peculiaribus & poenis restat quid dicendum.

II. Hæc diversa *consistoria*, *confessus* & *curiae*, primo distincta reperiuntur *Deut. XVII, 12.* *Qui non auscultat Sacerdoti, aut Iudici.* Vbi Israel docetur, ob quas

res & ad quos possent a minoribus *iudiciis* & *curiis* appellare; nempe ad *Sacerdotes* in rebus *Ecclesiasticis* aut *cerimonialibus*, & ad *Judices* in rebus *criminalibus* aut *civilibus*.

III. Hæc duo *dicafteria* clarius distinguuntur 2 *Chron. XIX*, ubi Josaphat multos abusus in Ecclesia & Republica tollens, primo per omnes civitates munitas Jehudæ *Judices civiles* constituit ad judicandum res criminales. vers. 5. Et Hierosolymæ ordinavit *Confessum Ecclesiasticum* e Levitis, Sacer-

cerdotibus, & primoribus patrum Israelis vers. 8. *In negotiis Jehovæ seu Ecclesiasticis* Amaria Pontifex primarius erat. *In rebus autem Regiis seu civilibus* erat Zebadia נָזִיר *Præful.* vers. 11. Sic etiam Propheta Jeremias neci addicebatur a *confessu Sacerdotum.* *Jer. XXVI, 8.* Sed in *judicio Principum, seu Judicium civilium,* qui sedebant sub portis, absolutus est. vers. 6.

IV. Et etiamsi tyrannis Antiochi & subsequeutes motus tanta confusione turbarint regimina Judæorum, ut vix discrimen ullum in N. T. reperiri possit, attamen vestigia quædam & imperfecta signa utriusque hujus *judicii* apparent *Matth. XXI, 23. XXVI, 3.* Ἀρχιερεῖς, *Sacerdotes primarii* & πρεσβύτεροι τῆ λαῶ, *Seniores populi* adducuntur, tanquam diversi ordinis & confessus, quorum quisque videtur proprio nomine distingui.

V. Confessus Politicus vocatur συνέδριον, *Collegium Consiliarium*, Ecclesiasticus συναγωγή, *congregatio.* Tradent vos eis συνέδρια, & cadent vos flagris ἐν ταῖς συναγωγαῖς. *Matth. X, 17.* Hinc magnum Prophetarum sanctorumque virorum *Collegium,* quod Esra collegit ad reformandam Ecclesiam post adscensionem ex Babele, vocatur *Synagoga Magna.* *Officium Collegii Ecclesiastici* fuit discernere inter sacrum & pro-

fanum, mundum & immundum. *Lev. X, 10.* Et decidere appellationes in rebus momentosis. hinc illud, *Dic Ecclesiæ;* quum penes eam esset *jus excommunicationis,* de qua sequenti Capite.

VI. Hic tantum nota, quod, quemadmodum in *Synedrio & Collegio Politico,* quod constabat LXX. viris, penes quos *summum judicium* erat, fuerunt duo capita, alterum vocabant נָשִׂיא *Principem* seu *Judicem supremum* (2); & alterum vocabant אב בית דין *Patrem dicasterii* (3); quod, inquam, etiam in *Synagoga* seu *Concilio Ecclesiastico* fuerint duo capita seu primarii, *Pontifex,* ipsiusque יָחִיד *Vicarius* seu *Pontifex secundus* (4). 2 *Reg. XXIII, 4.* *Pontificem* necessario membrum fuisse *Synedrii,* falsum est (5), quia ad id *Collegium* nunquam electus est, nisi fuerit vir raræ & singularis sapientiæ. מֹס. כֹּת'ס. in *Sanhed.*

VII. Nota quoque, quod utrumque *Collegium* coiverit, quoties res decidendæ, *cerimoniales* partim, & partim *politice* erant, sicque partim ad *Ecclesiam,* partim ad *Reipublicam* spectabant. Quod quum non observetur, Interpretes non faciunt discrimen inter illa *judicia.* Hæc utriusque *Consistorii* seu *Collegii* coitio & conjunctio hinc inde in Evangelio occurrit, ubi dicuntur Ἀρχιερεῖς καὶ πρεσβύτεροι congregati fuisse.



## CAPVT II.

## DE IPSORVM EXCOMMVNICATIONE.

**T**res erant *excommunicationis* gradus (1).

II. I. Ἀποσυγαγή, *ejectio ex Synagoga*. *Joh. IX, 22.* a Judæis dicitur נִדְדוּי *Niddui* (2), quæ vox significat *separationem & elongationem*. Deducitur a verbo Pihel נִדַּח *separavit*, hinc etiam *proscriptus, profligatus, aut separatus* quispiam dicitur מִנְחָה. *Niddui quoque dicitur significare elongationem ab omni negotiatione, vel communionem viri aut femine, intervallo quatuor ulnarum; separationem quoque a comestione, aut computatione cum alio, a complexu conjugali, a tonsura, lotionem, & similibus, pro sententia Judicis, & ratione criminis.* BUXTORF. *ex Rabb. epist. Heb. pag. 55.* Ea separatio triginta dierum erat (3), poterat tamen abbreviari facta poenitentia.

III. Illi, qui ita *excommunicatus* erat, licebat cultui Divino adesse, alios docere, & ab aliis doceri, conducere servos, & conduci, sub istius tamen *separationis* conditione (4). Vbi is nullam agebat poenitentiam, pro sententia Judicis poena ipsius ingravescēbat; dum aut duplicabatur, aut tempus ter augebatur, aut poena non nisi cum vita finiebatur. Illius filii non circumcidebantur; &, ubi absque poenitentia decesserat, jussu Judicis loculo aut feretro injectus est lapis, ad ostendendum, ipsum fuisse dignum, qui lapidibus obrueretur. Non luctu solennique planctu desflevere ta-

lem, nec eum comitantes ad sepulcrum, nec eum terræ mandantes communi sepultura.

IV. II. Secundus *excommunicationis* gradus est, παραδῶναι τινα τῷ Σατανᾷ, *tradere aliquem Satane.* 1 Cor. V, 5. qui vocatur Judæis חֲרִים (5).

V. Ad magis intelligendum hoc vocabulum, scire nos oportet, quod hoc sensu non usurpatum sit in V. T. Ibi reperimus illud applicatum personis aut rebus; Si personis, notat devotionem Deo præstandam morte earum. Lev. XXVII, 29. Si rebus, notat devotionem Deo præstandam separatione earum a communi usu. Hinc Achan poena affectus, quod subduxerat devotum. Jos. VII, 11, 25.

VI. Personæ ita devotæ Græcis dicebantur ἀναθήματα & devotæ res, ἀναθήματα. BVDÆVS ἀναθήματα dici tradit homines sacros, quorum capita inferis dicata sunt & devota; ἀναθήματα vero donaria Diis consecrata (6); tempore tamen Pauli & τὸ חֲרִים & τὸ ἀνάθεμα denotarunt tantum secundum *excommunicationis gradum*, distinctum a primo (7). 1. Quum ea *excommunicatio* non fieret a singulari judicio, sed ea denuntiaretur audiente tota Ecclesia. 2. Addebantur e Lege Mosis devotiones & execrationes. Quando ea denuntiabatur (8), cereæ accensæ sunt, finitisque execrationibus extinctæ, ut significarent, hujusmodi

iusmodi *devotam* personam emunctam esse luce cæli. Hæc *excommunicationis* species usurpabatur adversus illum *incestuosum*, 1 Cor. V, 5. & adversus *Hymenæum* atque *Alexandrum* 1 Tim. I, 20. (9).

VII. III. Tercius *excommunicationis* gradus (10) vocatur in N. T. vocabulo Syriaco *Maran-āṯā*, *Maran-atba*. 1 Cor. XVI, 22. h. e. *Dominus venit*. *Maran* notat *Dominum*, & *Atba* venit. Cujus auctorem dicunt *Enochum*. *Jud. vers.* 14. Judæi id appellant *ܡܪܢܐ* *Schammatha*.

VIII. Hujus vocis duplicem adducunt interpretationem. Quidam ajunt, tantundem significare ac *Maranatha Dominus venit*, *ܡܪܢܐ* notante *Dominum*, & *ܐܬܒܐ* venit. Alii dicunt, quod sonet, *ibi est mors*, *ܡܪܢܐ* significante *ibi*, & *ܐܬܒܐ* mortem. ELIAS THISB. in *Rad. ܡܪܢܐ*. Hinc posset verti *destinatio ad necem*. Et hæc ratio creditur esse illius loquendi modi 1 Joh. V, 16. *Est peccatum ad mortem*, h. e. quod dignum est *devotione ad mortem*. BERTRAM. de *Politia Jud.* c. 2. p. 21.

IX. R. GERSOM interdixit resignationem literarum sub poena ternæ illius *excommunicationis* (11). BVXTORF. *Ep. Heb.* p. 59. In dorso epistolæ subjici solebat hæc abbreviatura, *אסור בחרם*, h. e. *prohibitum est per anathema*, *ܬܪܐ* R. GERSOM, *luminis captivitatis*, scil. resignare has literas. Et hæc vocabatur *excommunicatio in secreto nominis tetragrammati*. Vide illius formam *Cap. de Sadduceis*.

X. Hujus censuræ quatuor gradus erant in Ecclesia Græca (12). Vid. IVSTELLI no-

tas in *Cod. Canon. Eccl. univers.* ad Canon. 25. BELLARM. de *Pœnit.* l. 1. c. 22. & CASAVB. *Exercit.* p. 552. observant quintum gradum (13), quem ille *μέσσωσι*, alter *μέθεξις*, *communicationem* appellat. Verum communiter quatuor sunt:

XI. 1. *Σύστασις*, *assistencia* (14). Illi hoc gradu puniebantur, quibus sola *mensa Domini* interdicta erat, licebatque intrare templum, audire verbum, cum Ecclesia preces fundere, cum reliquis Christianis adstare, & intueri, quomodo aliis Sacramentum daretur, etsi ipsi illius non fierent participes; unde & vocabantur *Stantes*.

XII. 2. *ὑπόπτωσις*, *submissio* (15). Quod ad hanc poenam, quidquid de ea lego, hoc est: qui hac poena affectus est, admissus est in templum, ipsius tamen locus erat *post suggestum*, vid. IVSTELL. *loc. cit.* & exire debebat cum Catechumenis, h. e. talibus Gentilibus, qui Christianam fidem amplexi, non tamen plene admissi ad Ecclesiam, quoniam nondum erant sacro fonte tincti; & sic, quia cum aliis Christianis indiscriminatum precari non poterant, certus locus post chorum templi, modo cœnobiorum, ipsis assignatus erat, vocabaturque *Catechumenium*. HOSPIN. de *Templ.* p. 88.

XIII. Hoc censeo esse locum pro hoc secundo *excommunicationis* gradu; sic ut credam, vim hujus poenæ in tribus consistere. 1. Prohibebantur a mensa Domini. 2. Non permissum ipsis erat adstare administrationi Cœnæ Dominicæ, quod licebat primo gradui. Hocque clare liquet ex eo, quod Catechumeni plerumque dimittebantur, cum administratio fieret; ipsis enim præprimis dice-



dicebatur: *Ite, missa est.* 3. Etiam si liceret ipsis ὁποῖα ἔστω, genibus inniti, precarique, unde & nominabantur *Succumbentes*, attamen non permittebantur hoc facere in Ecclesiæ concione, sed tantum in eo post chorum & suggestum loco, Catechumenis destinato; & hac in parte secundus gradus a primo differt.

XIV. 3. Gradus erat ἀκρόασις, *auditio* (16). Is, qui hoc gradu punitus est, non nisi ad cœmeterium admittebatur, ubi Scripturam audire licebat, non autem accedere ad preces, aut ad mensam Domini; unde denominabantur *Audientes*.

XV. 4. Quartus & ultimus gradus, seu species, erat πρόκλαυσις, *præflectio* (17). In quos hoc gradu animadversum est, penitus præcludebantur templo, lacrymis obortis flagitantes ab intrantibus, ut orarent pro se Dominum. unde dicti sunt *Plorantes*.

XVI. Quoniam in communi putatur *Cain*

primo *excommunicationis* gradu fuisse punitus (18), quem dicunt *Niddui*, & quod postremus gradus, nimirum *Schammatha* ab *Encho* institutus sit, adeoque quum inde utriusque antiquitas pateat, non audeo dicere, tres *excommunicationis* gradus sumtos esse a tribus impunitatis speciebus (19), quæ populum præcluserunt tribus castris, etsi proportio inter illorum gradus obtineat. De quibus P. FAGIVS in Num. V, 2.

XVII. *Niddui* potest comparari *exclusioni extra castra Dei*, quæ obvenit contrectatione cadaveris pollutis. *Cherem* potest conferri *præclusioni extra castra Dei & castra Levitarum*, quibus electi, qui immundi erant *profluviis*. *Schammatha* conferri potest *præclusioni extra tria castra, castra Dei, castra Levitarum, & castra Israelis*; hac animadversus illi, quos lepra immundos reddidit. Credibile est Græcas & Latinas Ecclesias a Judæis suos *excommunicationis* gradus mutuatas esse.

### C A P V T III.

#### DE COLLEGIO SEV CONSESSV CIVILI, QVAS PERSONAS ID REQUISIVERIT.

**H**omines multis in rebus possunt incurrere in Legem Dei, etsi non in pœnam hominum (1). *Non ulcisceris, & servabis rancorem.* Levit. XIX, 18. Quod Judæi ita exponunt: *Ulcisci est negare quidquam petenti, qui antea beneficium negavit alteri. Rancorem servare alicui, qui antea detrectavit benefacere, beneficium præstare tum exprobratione.*

II. Istud hoc illustant exemplo: Si *Ruben* dicat *Simeoni*, commoda mihi securim tuam, & is respondeat, nolo. Deinde si *Simeon* indigeat securi, & dicat *Rubeni*, commoda mihi tuam securim, & tum rege- rat ei *Ruben*, ne expectes a me eam, quam mihi negasti. Hoc est *נָקָה* ultio. Rur- sus, si *Ruben* dicat *Simeoni*, commoda mihi tuam

tuam securim, & is referat, no'o; ac deinde, ubi *Simeon* mutuari velit securim a *Rubene*, qui reprimat: en accipe; non agam tecum, quemadmodum tu mecum. Hoc est *רָנְכֹרִיס* *rancoris servatio*. Vterque hic impingit in legem Dei, etsi non in plagam hominum.

III. In cunctis *Judiciis Civilibus* quinque personæ sunt. 1) *Judices*. 2) *Officiales* seu *Πρόκτορες*. 3) *Advocati*. 4) *Scribes*. 5) *Testes*.

IV. In *Supremo Judicio*, seu *Sanhedrin*, erat quis caput omnium *Judicum* reliquorum, Hebr. *נָשִׁיב*, Græce *Ἀρχων*, *Princeps* (2).

V. *Testium* ad minimum duo erant *Deut. XIX, 15*. (3). Si fuerunt falsi, talione percussi sunt, h. e. eadem poena, quam machinatus erat in fratrem, *Deut. XIX, 19*. *Scribarum*, seu *Notariorum*, duo erant (4): alter stabat ad dextram, ut scriberet sententiam liberationis, & quod dicebatur in defensionem partis; alter stabat a sinistra, ut exciperet sententiam condemnationis & partium accusationes. *MOS. KOTS. in Sanhed.* Putat *DRVSIVS præter. Matth. XXV*, Christum, loquentem de ultimo judicio, huc respexisse: *Statuet oves ἐν δεξιᾷ αὐτοῦ, hædos autem ἐξ ἐναντίας αὐτοῦ. Matth. XXV, 33.*

VI. *Officiales* semper erant præsentēs, ut exequerentur sententias *Judicum*; quapropter virgas & lora hinc illuc ferebant, quemadmodum Consulibus Romanis virgarum fasces cum securibus præferebantur, ad promptiorem justitiæ executionem. *MOS. KOTS. in Sanh.* Hebræis vocantur

*שׁוֹטְרִים* (5) τοῖς LXX subinde *Γραμματεῖς*, Belgis *Gerechts-Dienaren*, *LUTHERVS Stock-Meister*, *Lucæ Πράκτορες*, cap. XII, 58. *Quum vadis cum adversario tuo ἐπ' Ἀρχοντα*, ad supremum magistratus caput, in via da operam, ut libereris ab eo, ne forte pertrahat te ad Judicem, & *Judex שׁוֹטְרִים* tradat te τῷ Πρόκτορι τῷ שׁוֹטְרִים *Officiali seu Moderatori*, & *Officialis conjiciat te in custodiam*.

VII. *Advocatus* dicebatur *בַּעַל רִיב* (6) *Dominus litis*. Stabat a dextra partis in jus vocatæ (7), ubi aut pro ea aut contra eam verba faciebat. *Stabit Dominus ad dextram egeni, ad salvandum a damnantibus animam ejus, Ps. CIX, 31.* h. e. Dominus tuebitur causam ejus. *Et Satanas stetit ad dextram Josue. Zach. III, 1.* h. e. ad ipsum accusandum, aut causam ipsius disjiciendam. Quando *Johannes* ait *1 Joh. II, 1.* *Si quis peccaverit, habemus Paracletum*, tum alludit ad hunc *בַּעַל רִיב*, seu *Advocatum*.

VIII. *Judices* inquirebant decernebantque, & inquisitione facta, sententia de causis per *Judicem* hoc modo ferebatur (8): *Tu N. innocens es. Tu N. obligaris. Tu Simeon justus es. Tu Ruben reus.* Qua sententia lata, reus ad locum executionis tractus est. *Quum judicabitur, exeat condemnatus. Ps. CIX, 7.* Hebr. *יֵצֵא רָשָׁע* *exeat improbus*.

IX. Modus personarum sententiam ferentium in plurimis terris discrepat. Judæi absolvebant homines & condemnabant simplici sententiæ prolatione. Romani sententiam suam ferebant tabellis (9), quas in urnam immittebant, aut cistulam, huic rei



paratam. Si quem absolvebant, tabellæ isti inscribere literam A, quæ est prima litera in voce *Absolvo*. Si quem condemnabant, miserunt in urnam literam C in tabella exaratam, quæ est prima litera vocis *Condemno*. Si autem res gravior esset, quam ut sententia ferri posset, tum injecerunt alias tabellas notatas literis N. L. significantibus *Non Liquet*. ROSIN. *Antiqu. Rom.* l. 9. c. 24. Itidem Græci utebantur (10) tribus in judiciis literis: Θ nota erat ac symbolum *damnationis*, unde PERSIUS *Sat.* 4. vers. 13.

Et potis es nigrum vitio præfigere Theta.

T symbolum erat *absolutionis*. A *ampliationis* seu *dilationis*.

X. Alii annotant condemnationis sententiam latam dando *lapillum atrum*, & *absolutionis* dando *lapillum candidum*. OVID. *Metamorph. lib.* 15.

Mos erat antiquis, niveis, atrisque lapillis,

Hos damnare reos, illos absolvere culpa.

Huc videtur allusum esse *Apoc.* II, 17. (11) *qui vicerit, dabo ei ψῆφον λευκὴν, calculum*

*album*, h. e. absolvam ipsum & sententiam pro ipso feram die judicii.

XI. Nota hos tres loquendi modos: ἀναστῆναι εἰς κρίσιν, *surgere ad iudicium*, ἀναστῆναι ἐν κρίσει, *surgere in iudicio*, & καταδικασμένος ἐξελθεῖν, *exire condemnatum*. Primus modus loquendi tribuitur *Judici* iudicium habenti. *Quum surgit Deus ad iudicium.* Ps. LXXVI, 10. h. e. ad exercendum iudicium. Secundus tribuitur ei, *qui in iudicio causa vincit.* *Viri Ninivite ἀναστήσονται ἐν τῇ κρίσει, surgent in iudicio cum hac ætate,* Matth. XII, 41. (12) h. e. iustiores declarabuntur hac generatione. Tertius tribuitur *condemnato.* Ps. CIX, 7. *Exeat condemnatus*, seu improbus. *Non stabunt improbi in iudicio* Ps. I, 5. (13). Similis loquendi mos usitatus fuit Romanis: *stare in Senatu, causa cadere.* Puto tamen hunc Romanum loquendi morem sumtum esse ab ipsorum *Gymnasiis*, ubi positura corporis, qua quis parabat se defendere & digladiari cum adversario, vocabatur *Status*, aut *Gradus*. ut *cedere de Statu, Gradum vel Statum servare.* Et sic a *Gymnasiis* ad *Judicia* hæ dictiones traductæ sunt.

## C A P V T IV.

### DE NUMERO CVRIARVM CIVILIVM.

**I**udiciorum civilium duo erant: סנהדרין קטנה סנהדרין קטנה seu *Collegium magnum*, aut *Senatus supremus*; & סנהדרין קטנה *Judicium*, seu *Collegium minus* (1). Sic in genere apud Rabbinos ipsa distincta re-

perio. Et quamvis *Collegium* posterius insuper fuerit partitum, ut liquebit inferius, attamen antiquis ætatibus solummodo duo priora erant.

II. Istam divisionem videtur noster Salvator Christus fecutus, appellans *Judicium minus* κρίσις, *judicium*; & majus, συνέδριον seu *Confessum majorem*. Quicumque irascitur fratri suo temere, ἐνοχὸς ἔσται τῇ κρίσει, obnoxius erit *Judicio*. Quicumque vero dixerit fratri suo *Raca*, obnoxius erit Synedrion seu Collegio supremo; quisquis autem dixerit, fatue, obnoxius erit Gehennæ incendio. Matth. V.

III. In quibus verbis, quemadmodum est peccati gradualis adscensio: 1. est *ira*, passio animi. 2. *Raca*, quod non grandis alicujus est sermo convicii, sed magis e contemptu natum, & neglectu dicentis. CHRYSOST. in Hom. 16. in Matthæum 3. *Fatue* convitiosum nomen: Sic sunt adscendentēs poenæ gradus 1. κρίσις & *Judicium minus*. 2. *Senatus supremus*, & *Judicium majus*. 3. *Ignis Gehennæ*.

IV. *Gehenna* fuit vallis (2) horrenda duobus ignibus. 1. In ea idololatræ sua pignora *Moloch* comburebant viva. 2. In ea perpetuus ignis lucebat ad comburenda cadavera & fordes Hierosolymarum. DAV. KIMCHI, *Psal. XXVII*, 13. Hæc vallis typus fuit ignis infernalis, partim ob horrendum primi ignis modum, & partim ob contemptum loci, respectu secundi ignis. Possumus illum textum ita explicare; *ira* obnoxia est poenæ minoris judicii, *Raca* majoris, & τὸ *fatue* obnoxium est poenæ omnium judiciorum, immo ipsius ignis Gehennæ.

V. Magnus Senatus ille κατ'ἐξοχὴν vocatur *Sanbedrin*, quod vocabulum derivatur a Græco συνέδριον, *Confessus judicii*;

vocatur etiam בית דין *Dicafterium*, *Curia*, & distinguitur ab aliis judiciis 1) ratione numeri *Judicum* (3), quorum in eo LXXI erant juxta Dei mandatum & primam Moysi institutionem. MOS. KOTS. fol. 186. Col. 11. Num. XI, 16. Congrega mihi LXX viros e Senioribus Israelis, quos nosti esse Seniores populi, וְשִׁבְעִיִּים ipsiusque moderatores, & assumes eos ad tentorium conventus, & sistent se ibi tecum. Ex ultimis hujus textus verbis deprehenduntur LXX præter Mosen; eoque mortuo, semper in ipsius locum elegerunt *Judicem supremum*, quem vocabant *Nasi*, *Principem*, seu *Caput Judicum*, non accensentes ipsum τοῖς LXX.

VI. Hi septuaginta creduntur electi esse, feni ex quavis tribu; excepta tribu Levi, quæ quatuor modo dederit. IVN. *Analyt. Expof. Num. XI*. Alii putant, modum electionis ipsorum sic se habuisse: feni ex quavis tribu sua nomina inscripserant schedulis seu pittaciis. Septuaginta harum schedularum inscriptæ erant voce זקן *Senior* & duæ reliquæ voce חלק *pars*. His pittaciis seu schedulis in urnam coniectis, si quis extraxit pittacium tale, notatum nomine *Senior*, is relatus inter *Judices* est. Qui reliqua pittacia seu schedulas fortiebantur, quibus inscriptum erat חלק, rejiciebantur. Num. XI, 26. Gravissimus ætate horum LXX vocabatur אב בית דין *Pater dicafterii*.

VII. Totus *Judicum* Senatus sedebat in semicirculo, Principe *Nasi* in medio constituto superiori loco, ceteris circumfidentibus, hac forma, ut אב בית דין *Pater dicafterii* esset proximus a dextris נַז *Nasi*. MOS. KOTS. fol. 186. col. 2.



VIII. *Collegium minus* divisum erat (4) in duas species: Altera species constabat *Senatoribus* XXIII, & ejusmodi duo erant *Collegia* Hierosolymæ, unum *ad portam atrii templi*, & alterum *ad montem templi*. In cunctis quoque civitatibus Israelis, quas incolebant centum & viginti patres familias, hujusmodi *Collegium* virorum XXIII. jus dicebat. Altera species *minoris Collegii* seu *Judicii* consistebat *Triumviratu*; idque erigebatur in minoribus oppidis, quæ non habitabantur 120 familiis.

IX. 2) Secunda differentia inter *Collegium Majus* & *Minus* est respectu loci. *Septuaginta Viri* tantummodo confidebant *Hierosolymæ intra atrium templi* in senaculo, quod vocant *תחת המזלזל Conclave cæsurae* (5), propter *cæsos lapides*, quibus structum erat. MOS. KOTS. *ibid.* Græcis tale Conclave dicitur *λιθόστρωτον, pavimentum*. *Pilatus sedit pro tribunali in loco, qui dicitur λιθόστρωτον. Job. XIX, 13.* (6). Cetera *Collegia* seu *Judicia* omnia confidebant *sub portis urbium* (7). Hinc quia portæ sunt propugnacula urbium, Judicesque sub iis iudicium exercebant, dicitur, quod *portæ inferni non sint prevaliturae Ecclesiae*, h. e. nec vis, nec astutia Satanæ. *Matth. XVI, 18.*

X. Tandem 3) differunt ratione *potestatis auctoritatisque* (8). *Collegium virorum LXX* accipiebat *appellationes a Judiciis minoribus* (9), sed ab eo ad *majus Judicium* provocari non poterat. *Deut. XVII, 8.* Rursus *Collegium Triumvirorum* non *dijudicabat criminalia*, seu *דיני נפשות* *Judicia capitalia*, sed tantummodo *דיני ממונות* *Judicia* seu *pœnas multatitias* & *pecunia-*

*rias*, causasque minores, ut *flagellationem*, &c. *Collegium* autem seu *Senatus* XXIII Virorum constituebant de *capitalibus*, restricta tamen potestate: non enim *tota tribus, Sacerdos Summus, & pseudoprophetae*, aut aliæ ejusmodi momentosæ res, apud illos postulari judicarive poterant. Hæc tantum ad *Senatum* *רַבִּי LXX* pertinebant. Huc illud spectat: *Jerusalem, Jerusalem, quæ occidis Prophetas. Luc. XIII, 34.* *CVAEVS de Rep. Hebr. cap. XII. l. 1.*

XI. Medium, quo tentabant *pseudopphetam* (10), hoc erat: notabant *judicia*, quæ ille minabatur, & bonum, quod prædicebat; si illa non irruerent, non arguebatur *pseudopphetiae*, quum Deus esset longanimus & misericors, uti patet in exemplo *Hiskiae*, & populus se forte converteret, quemadmodum *Ninivite*; verum si hoc, quod prædixit, non eveniret, arguebatur *pseudopphetiae*. Fundamentum suæ tentationis aut probationis petunt e verbis *Jeremie cap. XXVIII, 9. Propheta, qui prophetabit pacem, eveniente verbo hujus Prophetae, cognoscetur ille Propheta esse, quem misit Jehova revera.*

XII. *Senatus iste virorum LXX* non tantum jus dixit sub *Regibus* & *Judicibus*, *p. GALAT. l. 4. c. 5*, sed auctoritas ipsorum viguit quoque in interregnis (11), cum nullus Rex aut *Judex* Israel regeret, propagataque est, usque dum eam Herodes tolleret (12), ut suam tyrannidem stabiliret. *IOSEPH. Antiqu. l. 14. c. 17.*

XIII. Hic objici posset, tempore Samuelis aut hæcce dicta *judiciorum Collegia* non fuisse, aut ipsorum privilegium & auctorita-

tem

tem valde fuisse concisam, cum de anno in annum Samuel obiret Bethalem, Gilgalem, & Mizpam, & judicaret Israel in omnibus istis locis. 1 Sam. VII, 16. Ad quod responderi debere autumo; quod, quemadmodum Imperatores Romani potestatem habebant circumequitandi, iudiciaque exercendi, quod fiebat sine ulla Senatus privi-

legiorum læsione: sic Regibus & Judicibus Israelis per licentia fuerit, illæsa suarum Curiarum auctoritate. Hæc species Judiciorum per Collegia seu Senatus vocabatur a Romanis Βελη κυρία, Senatus legitimus seu status, altera Βελη σύγκλητος, Senatus indictus.

## CAPUT V.

## DE QUALITATIBVS, QVAE REQVIREBANTVR A IVDICIBVS, ET MODO ELECTIONIS.

**L**ex Dei has requirit in Judicibus qualitates. 1. sapientiam. 2. prudentiam. 3. iustitiam (1). Deut. I, 13. Alias insuper Exod. XVIII, 21. nimirum 4. fortitudinem. 5. timorem Dei. 6. amorem veritatis (2). 7. odium avaritiæ. Quibus addere possumus 8. ἀπροσωποληψίαν. Deut. I, 17. Has duas postremas qualitates præprimis Gentes in suis Judicibus requisiverunt. hinc Thebani pingunt Iustitiam absque manibus & oculis, ut doceant, iniquum esse Iudici, accipere dona, aut personam. PLUTARCH. de Iside.

II. Judæi plures addunt (3). 1. Vt sint sine ullo corporis vitio. 2. Vt calleant septuaginta linguas, ne opus sit per Interpretem audire. 3. Ne sint vetuli, & marceant senectæ, quæ qualitas itidem apud Romanos requisita fuit a Judicibus, unde illud proverbialiter dictum: Sexagenarius de ponte. Vid. ERASM. Adag. 4. Ne sint Eunuchi, quum tales ament esse inimicos. 5. Vt sint

patres liberorum, quibus putant plus misericordiæ inesse. 6. Ne sint magiæ rudes, quum sine ea nesciant judicare Magos. MOS. KOTS. in Sanh.

III. Vt essent semper idonei viri, qui surrogari mortuis Judicibus possent, erant præterea tria subsellia inferiorum (4), quos vocabant תלמידי חכמים discipulos Sapientum. MOS. KOTS. ibid. Ex his eligebant, si quis deficeret, & duo ex his comitabantur condemnatum capitis, ad executionis locum.

IV. Ritus initiandi Iudices duplex fuit. Initiatio i. facta est ἐπιθέσει τῶν χειρῶν, impositione manuum (5), juxta exemplum Moïsis, manus imponentis Josuæ. Hæc impositio manuum non putatur fuisse licita nisi præsentibus quinque aut tribus Judicibus (6). PETR. GALAT. I. 4. c. 5. 2. Postea ea fiebat recitatione certi versiculi: הנה אלה שמוע נש לך רשות לרין אפילו דיני קנסות



*Ecce tu associatus, & est tibi facultas judicandi etiam pœnas multatitias.* MAIMON. in Sanh. c. 4. Hinc illud GALATINI ex Talmude: *Institutio Judicum aut manu fiebat, aut nomine tantum* (7).

V. Hic nota quod סמוך, quod verti *Associatus*, non semper notet hominem ad publicum munus *manuum impositione initiatum*; nam hic tribuitur tali, qui non consecratus est *impositione manuum*.

VI. Ratio autem cur סמיכה & סמיכות ab omnibus Interpretibus in genere tam

Judæis quam Christianis exponantur *impositiones manuum* (8), hæc est; quia hæc assumptionis species vetustis temporibus duobus tantum hominum generibus adhibebatur in electionibus ipforum, nimirum *Rabbinis & Judicibus*, nunquam autem sine cerimonia *impositionis manuum*; hinc factum est, ut duæ istæ voces expositæ sint *Impositiones manuum*, etiamsi proprie nihil aliud significant, quam *sociationem, vicinitatem, & conjunctionem alicujus ad collegium seu societatem*, cujus ille, qui *sociationem facit* admittitque, membrum est.

## CAPVT VI.

### DE COMMVNIBVS CERIMONIIS IN OMNIBVS

#### CAPITALIBVS IVDICIIS.

**I**n pœnis capitalibus sunt quædam cerimonie, quæ omnibus *communes* sunt.

II. I.) *Judices* debebant in quibusvis causis deliberationibus uti (1), præprimis tamen in capitalibus. Quatuor sunt res, ait IONATHAN in suo *Targum Num. IX, 8.* quæ ad Mosen deferiebantur (nullius mentionem facit specialiter, sed quales eadem fuerint res, statim discemus aliunde). Harum duæ *ponderosæ* non erant, in iis festinabat: reliquæ majoris momenti erant, utpote concernentes vitam & mortem, in quibus moram traxit: וְכִלְיָן וְכִלְיָן אֶמֶר מֹשֶׁה לֹא שָׁמַעְתִּי Ceterum tam de his quam de illis dicebat Moses, non audiui. scil. a Domino. Ut doceret, in omnibus senten-

tiis ferendis ineundam esse consultationem tanquam cum Deo. Hæ quatuor res occurrunt in TARGVM HIEROSOL. *Num. IX, 8.* Minus *ponderosæ* sunt: 1. *Causa immunditiei*, qua prohibebatur populus a Paschate. *Num. IX, 9.* 2. *Causa filiarum Zelaphechadi.* *Num. XXXVI, 10.* Res duæ majoris ponderis & momenti erant. 1. *Causa blasphemie.* *Lev. XXIV, 14.* 2. *Causa illius viri*, qui ligna legit Sabbatho. *Num. XV, 35.*

III. In omnibus his judiciis exstat, Dominus dicebat ad Mosen. In causa prima, quæ minus momentosa censetur, quod non agatur de vita & morte in ea, Moses solenni modo populum consistere jubet: Ego audiam,

audiam, quid mihi dicturus sit Dominus, inquit. Nihilominus tamen temeraria quoque procrastinatio Judicem injustitiæ condemnat. Non ullum aliud crimen imputatur illi Judici injusto, cui vidua vix sententiam extorfit, quam procrastinatio & dilatio. Luc. XVIII, 4.

IV. II.) Pars accusata sistebatur in loco eminentiori, e quo & cerni & audiri a toto populo posset: Collocate Nabothum בְּרֹאשׁ הָעֵץ in capite populi. 1. Reg. XXI, 9. (2).

V. III.) Judices & Testes, lata sententia, condemnatorum capiti manus suas imponebant, dicentes: Sanguis tuus super caput tuum (3). DRVS. præter. Matth. XXVII. Huc respexit populus vociferans: Sanguis ejus super nos & filios nostros. Matth. XXVII, 25.

VI. IV.) Locus executionis erat extra portas. Dammati eo ducti sunt a duobus executoribus, quos Rabbinii vocant הַחֲבֵרִים Spectatores congregationis. MOS. KOTS. in Sanh. item TALMVD. lib. Maccoth. c. 3. in Mischna. Quod nomen est periphrasis illius, quem Marcus cap. VI, 27. nominat Σπυλατάωρα (4); quæ vox, etsi eam adhibeant Græci & Chaldaici Interpretes, dicentes ספקולטוריא (Vid. VZIEL. & TARGVM HIEROSOL. Gen. XXXIX.) mere tamen Latina est, a speculari descendens, quia in judiciis executores tantum agunt spectatores, ad expectandum mandatum Judicis.

VII. V.) Cum reus ad supplicium trahitur, præcedit הַקִּירָא seu הַבִּירָא Præco publicus, clamans (5): Hic vadit ad suppli-

cium, quo subit hanc mortem, quia commisit hoc flagitium, hoc tempore, hoc loco, & N. N. sunt hujus rei testes; propterea si quis quid scit, quod huic prodesse possit, veniat & in medium proferat. MOS. KOTS. loc. cit. Quo fine constitutus quispiam fuit in foribus Confistorii, manu tenens fudarium, aut vestem lineam, ut eam, si quis illius defensionem suscepturus esset, vibraret; quo viso, alius, non procul insidens, equo, effuso cursu revocabat damnatum. Immo ubi reus habebat, quod in sui defensionem diceret, quater aut quinquies licebat reverti, nisi vana loqueretur; quare ut accuratius illius verba in via ponderarentur, duos ei adjunxerant ex discipulis Sapientum.

VIII. VI.) Admonebatur, ut daret confessionem, ne exfors foret futuri sæculi (6). Sic hortatus est Josua Achanem. Jos. VII, 19. Fili mi, tribue nunc gloriam Jehovæ Deo Israelis, & da ei confessionem. Cui respondit Achan vers. 20. Sane peccavi Jehovæ Deo Israelis, & hoc & illud patravi.

IX. VII.) Hora executionis dabant reo קִירַת לְבוֹנָה בְּכֹס שֶׁל יַיִן granum thuris in calice vini. MAIMON. in Sanh. c. 13. item MOS. KOTS. in Sanh. ut turbarent cerebrum rei, mentemque abalienarent, quominus cruciatum sentiret (7). Marcus hunc calicem vocat οἶνον ἐσμυρνοῦσµένον, vinum myrrhatum. Marc. XV, 23. (8). Hoc factum est ex more Judæorum; sed milites illufuri admiscuerunt ὄξος μετὰ χολῆς, acetum & fel. Matth. XXVII, 34. Quem admodum quoque addiderunt ad illusionem majorem secundum calicem, cum spongiam aceto



*aceto impletam circumponerent calamo. Matth. XXVII, 48.* Marcus primo calice morem Judæorum refert, qui speciem habet misericordiæ, fundaturque in illo *Prov. XXXI, 6. Date siceram pereunti.* *Matthæus* meminit saltem prævæ ipsoꝝ commixtionis contrariæ fueto mori. Ita Evangelistæ se invicem explicant. Primus *calix* sic ordinarie ante executionem præbebatur, ut subinde *calix* in Sacra Scriptura fumatur pro ipsa morte. *Pater mi, si pos-*

*sibile est, transeat a me calix iste. Matth. XXVI, 39.*

X. VIII.) Tandem *arbor*, ex qua quis suspensus est, *lapis*, & *gladius*, quibus quis percussus, *lintheum*, quo quis strangulatus, humo condebantur (9); ne eadem finitram interfecti memoriam refoderent, neve dici posset, *hec est illa arbor, hic est ille gladius, hic est ille lapis, hoc est illud lintheum, quo hic confectus est.* CASAVB. Exercit. p. 654. ex MAIMON.

## CAPUT VII.

### DE POENIS ET SUPPLICIIS CAPITALIBVS.

**A**ntiquis Judæis quatuor solummodo mortis genera in usu erant (1). RAPHR. CHALD. *Ruth. I, 17.* MIKKOTSI fol. 188. Col. 3. Vt: I. סִקְלָה Lapidatio. II. שְׂרִיפָה Combustio. III. הַרְגָה Decollatio. IV. חֲנִיק Suffocatio.

II. Ex his suppliciis gravissima fuit *lapidatio*, *combustio* gravior *decollatione*, *decollatio* gravior *suffocatione*, *suffocatio* vero omnium minima.

III. Canonem habuerunt, quod, ubi Sacra Scriptura loquatur de malefico, *morte plectetur*, nec exprimat mortis genus, intelligenda sit *strangulatio* כָּל מוֹתָה אֶמְוָה כְּחוּרָה סָתֵם אֵין אֵלָּה חֲנִיק omnis mors, quæ dicitur in Scriptura absolute, nonnisi *strangulatio* est, R. SALOM. *Exod. XXI, 16.* e. g. Lex dicit de adultero *Levit. XX, 10. morte plectetur*; quia autem genus mortis non exprimitur, *strangulatio* intelligitur.

IV. Ratio hujus regulæ est, quia *strangulatio* erat *supplicium* minimum ex illis quatuor, & ubi Lex mortem non exprimit, ibi ajunt, *ampliandi favores*; h. e. facienda interpretatio æqua.

V. Regula illa generalis non est, siquidem antiquis temporibus adulterium *lapidatione* expiatur. *Judicabo te judiciis adulterarum*, dicit Dominus. *Ezech. XVI, 38.* & illud judicium vers. 40. exprimitur: *obruent te lapidibus.* Pariter Pharisei dicebant Christo: *Moses præcepit nobis in Lege, ut tales lapidentur.* *Joh. VIII, 5.*

VI. Priusquam specialiter agamus de his quatuor suppliciis, queritur: Num Judæis tempore eo, quo crucifigebant Salvatorem nostrum, fuerit permissum jus vitæ & necis (2)? Judæi dicebant Pilato *Joh. XVIII, 31. nobis non licet occidere quemquam.* Et recentiores Judæi fatentur, sibi omnia ju-

dicia

*dicia capitalia* 40 annis ante destructionem Templi ademta fuisse. *MOS. KOTS. in Sanh.*

VII. Resp. Primo, sermo Judæorum ad Pilatum, quod ipsis non liceret occidere quemquam, non intelligi potest ita, ac si dixisset: Non habemus jus vitæ & necis in quemquam. Nam, posito, ipsis in genere fuisse ademta *judicia capitalia*, attamen in hoc singulari casu concessa ipsis erat pro præsentī potestas a Pilato: *Accipite eum vos, & secundum legem vestram judicate. Johan. XVIII, 31.* Nihilominus tamen etiam dici nequit, quod sua lege ipsum non potuerint damnare, si fuisset transgressor legis; aut quod ex sua lege non habuerint, quod objicerent. dicunt enim: *Nos habemus legem, & secundum legem nostram debet mori.*

VIII. Non ergo deerat ipsis potestas, sed temporis sanctitas jubebat ipsos dicere: *non licet nobis.* Ducebant enim illicitum esse, diebus τῆς παρασκευῆς confidere, & judicare causas capitales, quemadmodum demonstratum est *Cap. de Transposit. F. stor.* At die *Veneris*, quo noster Salvator in crucem actus est, erat *parasceve Sabbathi.*

IX. Secundo, in quæstione, num *judicia capitalia* ipsis fuerint ademta a Romanis, distinguenda sunt crimina. Quædam *maleficia* arietabant legem Romanam, ut *furtum, cædes, rapina, &c.* Hæc judicandi facultas ipsis erepta erat. Alia autem *maleficia* erant contra legem Moysi, ut *blasphematio &c.* quæ judicare ipsis licebat. Paulo a Judæis ad Gallionem ducto, respondit Gallio *Actor. XIII, 14, 15.* *Εἰ μὲν ἀδίκημά*

*τι ἢ ραδιέγγημα πονερόν ἦν, ὃ Ἰσραῆλ, κατὰ λόγον ἠνεσχόμην ὑμῶν· εἰ δὲ ζήτημά ἐστι περὶ λόγου, καὶ ὀνομάτων, καὶ νόμου τῆ κατ' ὑμᾶς, ὁψεσθε αὐτοί.* Si qua injuria aut facinus malum esset, o Judæi, quantum ferret ratio, vos tolerarem; quum autem sit questio de sermone, ac nominibus, & lege vestrate, ipsi videritis.

X. In tractatione horum quatuor suppliciorum, notandi sunt *Malefici*, quos Judæi alicui adjudicant *supplicio*, & deinde *Modus Suppliciorum.* Homines lapidandi erant numero octodecim. *MOS. KOTS. fol. 188. col. 4.* 1. *Qui concumbit cum matre.* 2. *Aut cum patris uxore.* 3. *Qui rem habet cum nuru.* 4. *Aut cum puella desponsa.* 5. *Aut cum mare.* 6. *Aut cum jumento.* 7. *Mulier, quæ jumentum admittit.* 8. *Blasphemus.* 9. *Idololatra.* 10. *Qui dederit ex semine suo Molecho.* 11. *Pythomantis.* 12. *Harriolus.* 13. *Qui palam ad apostasiam impellit.* 14. *Qui clam ad apostasiam incitat.* 15. *Magus.* 16. *Profanator Sabbathi.* 17. *Qui maledicit patri, itemque matri suæ.* 18. *Filius contumax & rebellis.*

XI. *Modus lapidationis* ita habuit (3). Maleficus ducebatur ad locum extra portam, qui altus erat geminam hominis longitudinem, ex quo revinctis manibus ab altero testium detrusus est, ut in lumbos caderet. Hoc casu si mortuus non esset, testes levarunt lapidem, parem robori duorum virorum, quem testium alter in pectus immisit. Si nec hoc ictu confectus esset, a toto Israele lapidibus obruebatur. *Manus testium primo in illum sit, ad ipsum interficiendum, & manus totius populi deinceps. Deut. XVII, 7.*



XII. Hinc sententia R. AKIDAE in genere recepta est, quod ejusmodi idololatra (item alii neci addicti) custoditus fuerit ad festum aliquod commune, quo Hierosolymæ tota Israelis multitudo conflueret. P. FAGIVS, *Deut. XVII, 7.* Homo hoc supplicio affectus & interfectus, ad augendam ignominiam ex arbore suspensus est (4) usque ad occasum Solis, quo tempore & is & arbor humati sunt.

XIII. Malefici combustioni destinati decem erant (5). MOS. KOTS. *loc. cit.* 1. *Filia Sacerdotis scortata.* 2. *Qui init filiam suam.* 3. *Aut filiam filiae.* 4. *Aut filiam filii.* 5. *Aut filiam uxoris suae.* 6. *Aut filiam filii ejus.* 7. *Aut filiam filiae ejus seu neptem.* 8. *Aut socrum suum.* 9. *Ejusve matrem.* 10. *Vt & matrem soceri.*

XIV. *Modus combustionis* fuit duplex (6). Quosdam comburebant ligno & fasciculis. Hoc vocabatur *combustio corporis*. R. LEVI. *Lev. X.* Alios comburebant liquato plumbo ori illorum infuso, quod in viscera descendens ipfos enecabat, corpore

integro manente; quare dicebatur *combustio animæ*. Posterior modus usitatissimus fuit, & a multis ipsorum scriptoribus solus memoratur.

XV. Malefici decollandi duum generum erant. MOS. KOTS. *in Sanh.* 1. *Homicida.* 2. *Incole urbis ad idololatriam prolapsæ.* Hujus decollationis modus (7) hodie est in usu.

XVI. Malefici strangulandi sex erant. 1. *Qui patrem matremve pulsaverat.* 2. *Qui animam ex Israele furatus fuerat.* 3. *Presbyter edicto Senatus seu Consistorii obnitens.* 4. *Mendax vates, & qui vaticinatur in nomine idoli.* 5. *Qui cum alterius uxore concumbit.* 6. *Qui cum filia Sacerdotis rem habet.*

XVII. *Modus strangulationis* ita fuit (8). Damnatus fimo immergitur usque ad genua, linteumque collo ejus circumdatum, a duobus executoribus hinc inde in diversa tamdiu trahitur, usque dum exanimatur.

## C A P V T VIII.

### DE POENIS NON CAPITALIBVS.

**M**inores seu non capitales pœne Judæis usitatæ præprimis quatuor fuerunt. 1. *Captivatio.* 2. *Restitutio.* 3. *Talis.* 4. *Flagellatio.*

II. 1. *Captivatio.* Sub ea comprehenduntur *carcer*, ejusque *catastæ*, *vincula*,

*compedes*, *manicæ* &c. (1). Quæ pœnarum genera, quum parum aut nihil differant ab iis, quæ apud nos hodie in usu sunt, explicatione non indigent.

III. *Δεσμοφύλακες*, *carcerum custodes*, cum quis custodia ipsorum elaberetur, eadem,

dem, quæ afficiendū fuerant elapsi, tenebantur poena (2). Hoc colligitur ex 1 Reg. XX, 39. *Custodi virum istum, si desiderando desiderabitur, anima tua loco animæ ipsius erit.* Quod attinet liberam custodiam (3), quam DRVSIVS Præt. 2 Tim. I, 18. probat Romanis in usu fuisse, dubito valde, num illa apud Judæos valuerit.

IV. Quod ejusmodi *captivi* Romæ interdū exiverint ad opera sua, non adeo duris compedibus onusti, & sic vespera ad ergastulum redierint, alibi a me annotatum est. *Et eadem catena & custodiam & militem copulat.* Vbi nota, quod *custodia captivum, miles custodem* significet, & quod DRVSIVS exprimat sensum SENECAE, non verba, quando dicit: *Eadem catena tam reum quam militem tenet* (4). SENECA. Epist. 5. non in libr. de Tranqu. c. 10. quemadmodum citatur a DRVSIO.

V. Porro nota, quod *captivi* dextra alligata fuerit *custodis* sinistrae, quia dextra fortior est, & jure libera esse debet potius *custodi*, quam *custodiae*. Hinc illud: *Tu forte leviozem in sinistra putas catenam.* SENECA. de Tranqu. cap. 10. *Custos* enim se ipsum eadem catena sponte ligat, non poenæ ratione, sed ut eo tutior custodia *captivi* sit.

VI. 2. *Restitutio* (5). Ea mandata est, ubi opes erant *injuste acquisitæ, aut per nefas retentæ.* Exod. XXII. Fuitque triplex. 1. *Secundum idem*, quando eadem res reddebatur, quæ per nefas erat acquisita. 2. *Secundum æquale*, quando tantundem reddebatur, opibus illis, quæ per nefas erant acquisitæ, venditis, aut amissis. 3. *Secun-*

*dum possibile*, cum reddebatur, pro facultatibus viri, qui nequibat omnia restituere. THOM. AQUIN. secund. sec. quæst. 62.

VII. *Restitutio secundum idem* præprimis præcepta fuit. Hinc, si furtum, sive id bos, sive ovis fuisset, vivum apud aliquem repertum esset, *duplo* tantum rependebat. Exod. XXII, 4. Si autem idem vel mactatum vel venundatum esset, tum *quinque juvenci pro uno bove* reddebantur, & *quatuor oves pro parva pecude una.* vers. 1.

VIII. Judæi hac in parte tam accurati erant, & ἀκριβῆς agebant, ut, si quis trabe vel alio ligno per nefas acquisito suam domum struxerat, domum demoliri, eandemque trabem & lignum domino proprio restituere non dubitarint. DAV. KIMCHI. Huic fere convenit Habacuc, cap. II, 11. (6). *Lapis e pariete clamabit, & trabs e ligno respondebit illis.* Inter Judæos ille, qui non sufficiebat reddendo, erat vendendus. Exod. XXII, 3. Et AUGVSTINVS Epist. 54. de Christianis ait: *Non remitteretur peccatum, nisi restituatur ablatum.*

IX. 3. *Talio.* Erat ea *æqualis retributio* (7). *Dentem pro dente, oculum pro oculo, manum pro manu, pedem pro pede.* Deut. XIX, 21. *Talio* autem duplex est. *Talio identitatis*, seu *Pythagorica*, quæ erat secundum literam legis, cum *maleficus* mulctabatur *oculo*, quia alii *oculum* eruerat. Deinde *Talio similitudinis* seu *analogica*, ut, si pretium *oculi*, aut alia multa æqua, pro *oculo* eruto, aut pro alio membro læso reddebatur. Hebræis placet *Talio similitudinis* (8), non *Talio identitatis*, exponentes *oculum pro oculo*, id est, *pretium*



tium oculi. TARGVM IONATH. Deut. XIX, 21. item R. SELOM. *ibid.*

X. Quia *talio identitatis* in aliquibus casibus impossibilis est; ut, si cæcus erueret alii oculos, aut edentulus excuteret alii dentes: propterea in casibus corporalis læsionis Magistri Hebræorum statuunt, *partem ream teneri satisfactione quintuplici*. Vid. MÜNSTER. Exod. XXI. 1. Pro damno amissi membri. 2. Pro damno neglecti laboris. 3. Pro dolore & molestia, quæ evenerunt ex vulnere. 4. Pro sumptibus & expensis in sanatione. 5. Pro ignominie & deformationis nota. MÜNSTERVS hæc quinque ita transfert: vid. Exod. XXI. *Damnum, læsio, dolor, medicina, confusio*. Romanorum quoque legibus Jus Talionis exstabat, relicta tamen malefico libertate, utrum mallet rependere mulctam æqualem, an itidem membrum sibi per *talionem* rumpi. Vid. A. GELL. lib. 20. cap. 1.

XI. 4. *Flagellatio*. Eadem duplex fuit; aut fiebat *virgis*, aut *flagellis* (9). posterior priore gravior est, uti patet ex illo dictorio: *Porci Lex virgas ab omnium civium corpore amovit, hic misericors flagella retulit*. CICER. pro Rabirio. Vtraque Romanis usitata fuit, posterior sola Hebræis. Hæc *flagellatio* mandata est Deut. XXV, 2. 3. Vbi determinatur ictuum numerus, quem transcendere Judici non licuit. *Quadragebris plagis flagellandum eum curabit, non addet*.

XII. Judæi multis in rebus studebant sanctiores esse, quam Lex ipsis videbatur exigere. e. g. Deus præcepit *Sabbathum*; illi addiderunt *Sabbathulum*, h. e. orfi sunt

suum *Sabbathum* una hora prius, & clauderant una hora tardius, quam Lex jubebat. Deus ipsis vetuit vesci idolothytis, idolorumque libamina bibere; illi vetuerunt omnem prorsus computationem cum gentibus, quoniam incertum sit, utrum idolis consecratum fuerit, an non. THISBITES in נסר. Deus ipsos jubet tempore Paschatis *fermentum ædibus expurgare*; sed illi toto festo illius nomen ore proferre metuebant. THISBIT. in רבר. Deus ipsis prohibet *suillam*; verum illi horrent porci nomen appellare, vocantque suem דבר חזר *rem aliam*. ELIAS THISB. *ibid.* Simili modo Deus jubet insignes *maleficos*, verberibus dignos, 40 plagis cædi; at illi in extrema *flagellatione* tantum 39 impegerunt (10). *A Judæis quinquies quadragenas plagas accepi, una minus*. 2 Cor. XI, 24.

XIII. Propterea *flagellum* habebat tria lora, ita ut singulis ictibus trifariam caderetur. Vnde in severissima *flagellatione* tantum 13 ictus inflicti sunt, h. e. *quadragenta minus una plaga*. Vtrum autem unum ex his loris fuerit bubulum, & ambo reliqua ex pelle asinina confecta: (TALMUD. lib. Maccoth. c. 3. in Mischn) aut an vitulina singula tria fuerint: non facit ad rem. quævis sententia suos habet statuminales. BAAL TVRIM. Vid. DRVS. 2 Cor. XI, 24.

XIV. *Modus flagellationis* ita habuit. Sontis ambæ manus adstringebantur ad palum, unum & dimidium cubitum altum, super quo corpus inclinabat. *Prosternet eum Judex*. Deut. XXV, 2. *Palus*, super quo sons inclinabatur, vocatur עמוד *columna*. Vestis ipsius ad lumbos detrahebatur

batur vi, siue ea rumperetur, siue diffunderetur. TALMVD. *ibid.* Στρατηγοὶ, περιρρήξαντες τὰ ἱμάτια Παύλου καὶ Σίλας, ἐκέλευον ράβδιζεν, *Duces, diffutis Pauli & Silae vestibus, iusserunt ipsos cedi. Act. XVI, 22.*

XV. Vt licitor infligeret æquum numerum plagarum ratione delicti, *flagellatio fiebat in oculis Iudicis. Iudex cum curabit cædendum coram facie sua. Deut. XXV, 2.* Iudex, qui inter tres illos præstabat, sonantibus flagris, legebat aut recitabat illud *Deut. XXVIII, 58. Si non observaveris, ut facias omnia verba legis hujus, mirabiles faciet Dominus plagas tuas &c.* TALMVD. *ibid.* Alter Iudicum numera-

bat plagas. Tertius jubebat licitorem ferire. Primus Iudicum finiebat, dicens: *Et ipse misericors expiabit iniquitatem. Ps. LXXVIII, 38.*

XVI. Subinde, ut exacerbarent plagas insignium nebulonum, certos plumbi bolos, aut rigidas spinas lororum extremitatibus annectebant. Hanc *flagellationem* Græci vocarunt *μάστιγας ἀσφαλατάς, flagra taxillata.* EUSTATHIVS. item ATHENAEVS *lib. 4.* In Scriptura dicuntur *סַרְפָּיִם* scorpiones (11). Pater meus vos castigavit scuticis, ego vero vos castigabo scorpionibus. I Reg. XII, 11. THOLOSAN. *Synt. Jur. Vniverf. lib. 31.*

## CAPVT IX.

## DE SUPPLICIIS AB ALIIS NATIONIBVS ADSCITIS.

Suppliciorum ab aliis gentibus adscitorum sex præprimis fuerunt. 1. *Crux.* 2. *Seræ dissectio.* 3. *Damnatio ad bestias.* 4. *Τροχός, Rota.* 5. *Καταποντισμός, Submersio in mari.* 6. *Τυμπανισμός, Fustuarium.* Primum & ultimum supplicium propria Romanis erant (1). Secundum quoque Romanis usitatum fuit, num autem ab iis adscitum sit, dubitatur. Quartum & sextum Græcorum erant. Quintum, quoad substantiam, Romanis, Græcis, & Hebræis in usu fuit, differt tamen apud singulos, modo submergendi. Necessè est de singulis aliquid delibare.

II. I.) *Crux.* Hæc vox sæpius tribuitur arbori, seu palo simplici (2), quo homo

exanimatus est. Magis tamen proprie tribuitur ligno duplici præparato, & in crucis formam connexo. Prior *crux* vocatur *crux simplex*, posterior *crux compacta*. Posterior rursus est triplex (3): 1. *decussata.* 2. *commissa.* 3. *immissa.*

III. *Crux decussata* (4) componebatur ex duobus lignis æqualibus, in medio sui transverse invicem junctis, forma τὰ X Romani. Et hinc vocatur *decussata.* *Decussare enim est per medium secare, veluti si duæ regulæ concurrant ad speciem literæ X, quæ figura crucis est.* HIERON. in Jer. XXXI. Hæc crucis species vulgo dicitur *crux Andreana*, quia is tali cruce suspensus esse proditur.



IV. *Cruce commissa* (5) est, ubi lignum rectum commissum est mediæ antennæ seu ligno transverso, quod paulo brevius erat ligno recto, forma Romani T, vocaturque *cruce Antoniana*, quia sæpius cum ejusmodi cruce pingitur.

V. *Cruce immissa* erat ex ligno transverso breviori, quod transibat rectum palum, non plane in medio, ut *cruce decussata*, nec plane in vertice, uti *cruce commissa*, sed paulo demissius, hac forma †. Hæc putatur fuisse *cruce Christi*, ex qua pependit *benedictus Salvator noster* (6). LIPSIVS *de cruce lib. I. c. 10.*

VI. Circumstantiæ, quibus in crucifixione Romani utebantur, hæ erant. Primo, *cædebant* fontem (7), & subinde ipsum columnæ alligabant, cum cæderent. IOSEPH. *Excid. lib. 7. c. 32.* PHILO *contra Flac-cum.* item LIVIVS *lib. I.* ARTEMIDORVS clarus est hac in re: *προσδεθείς κίονι πολλάς ἑλλαβε πληγὰς, alligatus columnæ multas accepit plagas.* PLAVTVS in *Bacch.* videtur huc respexisse. *Abducite hunc intro, atque adstringite ad columnam fortiter.* Patres antiqui produnt nostrum Salvatorem ita alligatum columnæ cæsum fuisse. PRVDENT. HIERON. BEDA. Vid. LIPSIVM *de cruce lib. 2. c. 4.* Scriptura utrumque tacet, nempe locum & modum *flagellationis*; in genere tantum dicitur, quod sit cæsus: *τὸν Ἰησοῦν φραγελλώσας, postquam flagellasset Jesum, tradidit ipsum ut crucifigeretur. Matth. XXVII, 26.* Secundo, injiciebant humeris illius *cruce* portandam (8). *Malefici cum ad supplicium educuntur, quisque suam effert cru-*

*cem.* PLVTARCH. *de sera Num. vind. Sic Jesus suam tulit. Joh. XIX, 17.* Huc respicitur *Matth. X, 38. Qui non suscipit crucem suam & sequitur me, non est me dignus.* Tertio, ut pateret æquitas iudicii & condemnationis, causa ejus tabulæ inscripta & ante fontem prælata est, aut alias per Præconem vulgata. EVSEB. *Hist. Eccl. I. 5. c. I.* SVETON. in *Domit. c. 10.* Hæc inscripta causa plerumque a Romanis vocatur *Titulus*, aut *Elogium* (9). TERTVLL. *Apol. c. 2.* SVETON. in *Calig. c. 27.* Sic Pilatus scripsit *τίτλον* seu *τὴν ἐπιγραφὴν τῆς αἰτίας* literis Græcis, Romanis, & Hebræis; *Οὗτός ἐστιν ὁ βασιλεὺς τῶν Ἰουδαίων.* Quarto, crucifigendos vestibus nudarunt; Sic *Christus passus est nudus* (10). ARTEMIDOR. *I. 2. c. 58.*

VII. II.) *Serræ dissectio* (11). A capite ad calcem hominem medium dissecuerunt. Hoc supplicii genere utebantur Romani. SVETON. in *Calig. c. 27.* & Hebræi. Hac poena Menasses Prophetam Esaiam affecisse creditur; eoque respexisse Paulus *Hebr. XI, 37. ἐπίσθησαν, dissecti sunt.*

VIII. III.) *Damnatio ad bestias* (12). Ii, qui damnati erant ad bestias, vocabantur *Bestiarii* (13). Vtrum Paulus juxta literam *cum bestiis depugnavit Ephesi* 1 *Cor. XV, 32.* (14) depugnatur a doctis. Quibusdam per *bestias*, *Demetrium*, aliosque, qui ipsi Ephesi obstiterant, intelligentibus, ut THEOPHYLACT. & ANSELMO. Aliis verisimilius *bestias literaliter* accipientibus, ut CHRYSOST. AMBROS. aliisque. Hocce supplicium plerumque Christianos in primitiva Ecclesia exercuit (15). Hinc illa Gen-

Gentilium in Christianos, quibus omnis mali publici causam imputabant, leonina vox: *Christianos ad Leones*. TERTULL. *Apol.* c. 40. Accedit, quod literalis expositio validius argumentum præbeat pro resurrectione mortuorum, quæ est scopus textus, quam si verba interpretemur de pugna impropria adversus Evangelii annunciati hostes.

IX. IV.) Τροχός, *Rota*. *Rex sapiens reducit super improbos* ἡ ῥοτὰ. *Proverb.* XX, 26. (16). Puto, quod verba hæc non importent plus, quam hoc: quod, quemadmodum rota circumagitur, ita a prudenti Rege malitia improborum revolvatur in caput ipsorum. Quod hic intelligenda sit contritio improborum sub rota curus, quemadmodum rusticola quædam frumenta trochlea commolit; somnium Interpretum est: quum nulla monumenta prodant ejusmodi poenam Judæis fuisse usitatam. Apud Græcos hoc supplicii genus (17) in usu fuit, vocatumque est τροχός, non, quod trochlea transferit maleficos, sed quod illos radio rotæ alligatos tantopere cæciderint, quoad confessionem extorquerent. Ἐπὶ τῇ τροχῇ γ' ἔλκοιτο μαστιγέμενος, *Rota nimirum trahabatur is, qui flagellabatur*. ARISTOPH. in *Iren*. De eadem poena loquuntur DEMOSTHEN. 3. in *Aphob.* & SVIDAS.

X. V.) Καταποντισμός, *Submersio in ponto* (18), multos apud populos usitata fuit, diverso tamen modo. Romani pa-

tridam culeo infutum cum cane, gallo gallinaceo, vipera, & simia in mare abjecerunt. SENECA. *lib. 5. Controv.* 4. IVVEN. *Sat.* 8. vers. 212. MODEST. *Digest.* l. 48. ad *legem Pomp. de parricid.* Vid. COEL. RHOD. *lib. 11. cap. 12.* Græci maleficum ad pontum damnatum plumbo involverunt. ATHENAEVS l. 14. Hebræi lapidem molarem collo damnati appendebant. Hoc respectu illi intelligendi, qui statuunt alias, hoc supplicii genus, καταποντισμὸν scilicet, Judæorum fuisse proprium. HIERON. *Matth.* XVIII, 6.

XI. VI.) Τυμπανισμός (19). Generali voce *Distentionis* exponitur. Hebr. XI, 35. 2 *Macc.* VI, 19. Verumtamen ea vox notat peculiarem *distentionis tortureque speciem*, nimirum *fustibus examinari & corripi*. Deducitur a vocabulo τύμπανον, quod plerumque significat instrumentum bellicum sonans. Hinc quidam hanc poenam compararunt Romanorum *equuleo*, quasi tortus homo distenderetur veluti tympani pellis. MAGIVS *lib. de equuleo*. Vid. DRVVS. *præf. lib. 8.* Sed τύμπανον, non tantum ipsum instrumentum cavum, verum etiam bacillos denotat, quibus id pulsatur. Et hinc hæc poena dicitur τυμπανισμός, quando quis stipitibus ita pulsatus est, ut spiritus illius velut tympani malleis expelleretur. SCHOLIAST. ARISTOPH. τύμπανα, scribit esse ξύλα, οἷς τύπτονται ἐν τοῖς δικαστηρίοις οἱ τιμωρόμενοι, ligna, quibus feriuntur in *dicafteriis* illi, qui supplicio afficiuntur. in *Pluto* pag. 50. Res clara est in *Eleazaro*: Is sponte prodit ἐπὶ τῷ



τὸ τοῦπαλον, ad genus hujus supplicii, 2 Macc. VI, 19. & vers. 30. nulla distentio nis mentio, sed folis fustibus ei anima expulsa esse dicitur. IVNIVS *Fer. XXIX, 26.* aliam adfert supplicii speciem, quam Hebræi vocarint פִּיז (20); quam vo- rem ait esse compositam. Sine dubio eam componit ex פִּי, *navis, rates, & פִּי sugere*; dicit enim ea voce signifi- cari certum supplicium, quod appellent *Naviculam sugentis*. Describit id suppli- cium PLVTARCHVS in *Artaxerxe* sequen- ti modo: *Fuisse, ait, carceris quoddam*

genus, quo due scaphæ, pari commensu sibi respondentes, ita compingerentur, ut hominis corpus illis inditum quasi in va- gina esset, cui præbitum fuerit mel tem- peratum lacte, ac invito etiam in os in- fusum, unde viveret &c. Et ab hac su- ctione mellis & lactis, poena hæc dicta est *Navicula sugentis*. Hebræi vero di- cunt, quod Tsinok fuerit קְלִי מְסַגֵּר לְיָדַי Instrumentum constringens manus. D. KIM- CHI *Fer. XXIX, 26.* Lectori liberta- tem relinquo eligendi, quam velit, in- terpretationem.





# MOSES ET AARON.

## LIBER VI.

DE

## RITIBVS MIXTIS.

### CAPVT I.

#### DE CIRCVMCISIONE.

**D**uo *Sacramenta* (1) ipsis fuerunt.  
1. *Pascha*, de quo peculiari capite egimus. 2. *Circumcisio*, de qua nunc.

II. *Circumcisio* erat *abscissio præputii*, *signum* atque *sigillum* foederis (2), quod Deus cum populo Judaico pepigit. *Signum* vocatur a Deo in prima institutione *Gen. XVII.* Et *sigillum* ab Apostolo *Rom. IV.* II. Immo vocatur & *signum* & *sigillum* a Doctore Hebræo, qui vetustate sua ipsum Talmud anteit. *Zohar. Gen. XVII.*

III. *Circumcisio* multis gentibus, etsi non tanquam *Sacramentum*, usurpabatur (3), ut Colchis, Aegyptiis, Aethiopibus,

Trogloditis. ALEX. AB ALEX. l. 2. c. 25.  
DIOD. SICVL. l. 2. cap. 1. item lib. 4. cap. 3.

IV. Legimus in Scriptura de tribus aliis *circumcisionis* speciebus in sensu figurato, quibus hic ritus sacramentalis respicitur, sic ut quatuor *circumcisiones* memorentur. 1. *carnis*. 2. *cordis*. 3. *labiorum*. 4. *aurium* (4).

V. Observabimus *circumcisionem* in propria sua appellatione, attendentes, 1. *Tempus*, quando peracta sit. 2. *Modum*, quomodo. 3. *Pœnam* neglectus.

VI. *Tempus* erat *dies octavus* (5), qui ita accurate observatus est, ut, licet cum

R

Sab-



Sabbatho coincideret (6), nihilominus eo infans *circumcideretur*. Hinc illud: *Circumcisio pellit Sabbathum*. Huic respondet illud Salvatoris nostri: *Et in Sabbatho circumciditis hominem. Job. VII, 22.*

VII. Judæi superstitiose somniant, perfectionem creaturæ pendere ex sanctificatione Sabbathi ad minimum unius, dicentes, Deum propterea præcepisse diem octavum, ut prius Sabbathum quemvis transiret, quam hoc Sacramento insigniretur. Sed nos probabilius statuimus, rationes, cur Deus noluerit anticipari diem octavum (7), has fuisse: 1) Ad docendum, Deum in opere salutis nec fuisse nec esse simpliciter adstrictum Sacramentis, alias non fuisset minor crudelitas in prohibendo anticipationem diei octavi, quam bonitas in concedendo octavum. 2) Quia, tempore pædagogicæ Mosaicæ, legalis impuritatis species fuit, qua creaturæ censcebantur esse in suo sanguine septem a partu dies. *Levit. XII, 2, 3. & 22, 27.* Deus etiam noluit differri longius *circumcisionem* octo diebus, ad consolationem parentum, qua perfundeabantur, quando infantes suos matura idoneaque initiatione foederatos cernebant.

VIII. *Modus circumcidendi* (8) ita se habere legitur: Quidam præsentium tenent scutellam arena plenam (9), in quam præputium abscissum projiciunt. P. FAGIVS *Deut. X.* Rursus, ponunt ibi loci sellam otiosam pro *Elia* (10). CHRIST. CAST. in *Mal. III.* quod sit partim in honorem illius, unde, quoties incidunt in difficiliorē Scripturæ locum, dicunt: *Veniet Elias & omnia enodabit* (11). MERCERVS in *abbreviat.* היקר. Sed præpomis fit, quod

putent *Eliam* spiritu præsentem esse, cujus corporalem adventum quotidie expectent. Hæ cerimonie pure Judaicæ sunt, a recentioribus Rabbinis confictæ, & Salvatoris nostri tempore penitus ignotæ. Et, ut patet ex verbis Samaritanæ, illud dictum hodie Eliæ, applicatum, olim Christo tribuebatur, *Job. IV, 25.* *ὅταν ἔλθῃ Χριστός, ἀναγγελεῖ ἡμῖν πάντα.*

IX. Tertio, is, qui *testis* seu *susceptor* aut *compater* est (12), ulnis tenet puerulum, dum *circumciditur*. Hunc *susceptorem* vocant *Baal-berith* & *Sandak*, h. e. *Dominum foederis*. נֹתֵן לְבֵרִית שְׂמִיךְ בֵּן סֹבֵב לְמִוְלֵו סָבֵק וְבַעַל בְּרִית Solebant vocare eum, qui tenet filium socii sui, ut circumcidatur iste, *Sandak* & *Baal-berith*. ELIAS THISBIT. in סָבֵק. Vria Sacerdos, & Zacharias filius *Jebezechie* creduntur fuisse *susceptores* in *circumcisione* *Maher-Schalal-Chashbazi*. *Jes. VIII, 2.* IVN. & TREM. *Jes. VIII, 2.* Hinc manavit mos *susceptores* instituendi in baptisinate (13).

X. Quarto, parentes dant infantibus suis sua nomina (14). Tempore Zachariæ videtur; quod nomen puerulo a majoribus adsciscere voluerint. *Et dixerunt ad illam; Nemo est in cognatione tua, qui vocetur hoc nomine. Luc. I, 61.*

XI. Aliis populis sui quoque fuere statim dies post nativitatem, quibus nomina infantibus imponebant. Romani suis puerulis nono die, puellis octavo, dederunt nomina. PLUTARCH. *prob. 10.* MACROB. *Saturn. l. 1. c. 16.* Athenienses insigniverunt ipsos nominibus decimo. COEL. RHODIG. *l. 21. c. 12.* Alii septimo. ARIST. *Hist. Animal.*

mal. l. 7. c. 12. Hos dies vocat TERTVL-  
LIANVS de Idol. c. 16, Nominalia.

XII. Græci, præter diem decimum, quo  
nomen infanti impertiti sunt, quintum et-  
iam observarunt, quo obstetrices accepto  
infante properarunt ad ignem, in hunc fi-  
nem suscitatum, ut hac cerimonia & se &  
infantem lustrarent. SCHOLIAST. ARISTO-  
PHAN. p. 886. item SVIDAS in ἀμφιδρόμια.  
Hoc die proximi dona submiserunt, seu  
munera natalitia; a quo ritu profectum  
putatur, quod inter Christianos *susceptores*  
infanti tincto munuscula præbeant. STVK.  
de Conviv. l. 1. c. 16. Sed redeamus ad ce-  
rimonias Judæorum (15).

XIII. *Circumciso* infante, in hæc erum-  
pit pater: בְּרוּךְ אַתָּה יְהוָה אֱלֹהֵינוּ מִלֵּךְ הָעוֹלָם  
אֲשֶׁר קִדְּשָׁנוּ בְּמִצְוָתְךָ וְצִוִּיתָנוּ לְהַכְנִיסוֹ בְּכֵרִית  
שֶׁר אַכְרָהֶם אֲבוֹנוֹ Benedicisti sis tu Domine  
Deus noster, qui sanctificasti nos præceptis  
tuis, & præcepisti, ut colligatur hic infans  
in fœdus Abrahami patris nostri. MOS.  
KOTS. in Tract. circumcis. fol. 115. Quem  
universa circumstantium Judæorum caterva  
ita excipit: בְּשֵׁם שְׁהִכְנַסְתָּנוּ לְבֵרִית בֶּן הַכְנִיסָהוּ  
לְתוֹרָה וּלְחֻבָּה וּלְמַעֲשִׂים טוֹבִים Sicut eum  
fecisti ingredi in fœdus, ita facias eum in-  
gredi in legem, thalamum, & opera bona.  
MOS. KOTS. ibid.

XIV. Pœna neglectus hæc est: Ea ani-  
ma exscindetur ex populo suo (16). Gen.  
XVII, 14. Existimo hanc pœnam tali ir-  
rogandam, qui *circumcisionem* aut *contem-*  
*serit* aut *proterve neglexerit*. Hoc sensu  
quæritur, i. quid significetur hoc loquendi  
modo *anima illa exscindetur e populo suo?*

2. quis ita puniendus fuerit? *puerulus, an*  
*parentes, & qui parentum loco sunt?*

XV. Resp. Quantum attinet primam  
quæstionem, putem; quod, præter occul-  
tum Dei adversus hos delinquentes judi-  
cium, Ecclesia erudiatur, quo pacto in sua  
disciplina adversus hujusmodi improbos  
procedere possit. Si quis per *animæ exci-*  
*sionem* intelligat *excommunicationem* aut  
*ejectionem ex Synagoga*, non movebo li-  
tem; licet plus ipsorum sententiæ accedam,  
qui per eam intelligunt *mortem corporalem*  
Θεῖαν tali homini immissam: quo sensu  
illud capitur Exod. XXXI, 14. *Quicum-*  
*que Sabbatbo fecerit ullum opus, anima illa*  
*exscindetur ex medio populi sui.*

XVI. Observatu dignum est, quod, cum  
Mosis filius *incircumciscus* esset, Deus Mo-  
sen quæsierit interficere, Exod. IV, 24.  
Hoc quemadmodum ostendit pœnam hanc  
fuisse *mortem corporalem*; ita evincit, quod  
non infans, usque dum attigisset annos dis-  
cretionis, sed parentes, pœnæ obnoxii fue-  
rint (17). Sententia Rabbiorum circa  
hoc punctum hæc proditur: Si pater  
ipsum non circumcidat, incumbit Judicibus  
eum circumcidere, & si ipsos Judices res-  
lateat, & ipsum non circumcidant, ubi  
adultus factus est, tenetur se ipsum circum-  
cidere; singulis diebus, qui ipsum trans-  
eunt adultum, & quibus se ipsum non cir-  
cumcidit, ecce transgreditur præceptum.  
MOS. KOTSEN. Tract. circumcis. fol. 114.  
Col. 4.

XVII. Hic quæri posset, quomodo pos-  
sibile fuerit, ut quis semel insignitus *cir-*  
*cumcisionis* caractere & nota, istam notam



obliterare & rursus evadere præputiatus potuerit? h. e. præputium reducere? quemadmodum multi Judæorum metu Antiochi sibi fecerunt præputia. 1 Macc. I, 16. Alii ex pudore, postquam Christo fideique Christianæ manus dederant, sibi præputium arcessebant. 1 Cor. VII, 18. (18).

XVIII. Respondetur, quod hoc factum sit *attrahendo præputium* instrumento aliquo Chirurgi. EPIPHAN. lib. de mens. & pond. p. 415. item CELSVS l. 7. c. 25. Huc respicit PAVLVS l. c. μή ἐπισπᾶσθω, ne attrahat præputium. Hæc fraus Esavo ut primo auctori adscribitur.

## C A P V T II.

### DE ΑΠΑΡΧΗ, PRIMITIIS FRVCTVVM FRVGVMQVE, ET PRIMOGENITIS.

Vfus & finis primigeniarum frugum erat *consecratio sequentium* (1).

II. I.) Hoc sine ipsis præceptum erat, offerre primos arborum fructus. Lev. XIX, 23, 24. (2). Vbi hic ordo observatus est. Primis tribus annis, ex quibus plantata arbor fuit, censebantur fructus ejus præputiati & impuri, non licebat iis vesci, eos venundare, aut aliquem usum ex iis percipere. Quarto anno Jehovæ sancti fuere, h. e. aut dati Sacerdoti. Num. XVIII, 12, 13. hunc ABEN ESRA in hunc loc. ait: וְהַכֹּהֵן יֵאָכְלוּ & Sacerdos eum fructum comedet; aut etiam proprii domini vesciebantur iis coram Jehova Hierosolymæ, quemadmodum decimis secundis; & hæc ultima sententia communis Hebræorum est. TALMVD. BAB. in Magnasher Shen. c. I. Post annum quartum cefferunt rursus usui dominorum. Possumus eas primitias simpliciter vocare πρωτογενήματα.

III. II.) Iphis præceptum erat, quotannis pendere primigenias cujusvis anni proveniunt fruges. Et has vocare possumus α-

παρχάς. quarum variæ fuerunt species (3). 1. Manipulus primitiarum messis. Lev. XXIII, 10. 2. Primitiæ duorum panum agitationis. Lev. XXIII, 17. Hæ duæ species claudebant messem. Manipulus offerebatur in initio messis, decimo quinto τῷ Nisan; Duo panes in fine, festo Pentecostes. Et manipulus & panes communi nomine Lev. XXIII. vocantur תְּנוּפֹת, h. e. oblationes agitate. 3. Primitiæ massæ. Num. XV, 20. Nimirum vigesima quarta pars de ea dabatur Sacerdoti. חֶרֶס מִן עֲשָׂרִין יֵאָכְלוּ una pars ex viginti quatuor. VZIEL. Num. XV, 20. Quæ oblationis species observabatur a reversis jamjam ex Babylonia Neb. X, 38. Huc alludit Paulus Rom. XI, 6. Si primitiæ sanctæ, etiam massa sancta est. 4. Primitiæ frugum ex area, quæ pendendæ erant Sacerdoti; Num. XV, 20. Hæ duæ ultimæ species appellantur תְּנוּפֹת oblationes elevationis. Hæc oblatio areæ est. Illa oblatio massæ. Num. XV, 20, 21. Sub nomine primitiarum frugum auctores plerumque de ultima specie agunt, prætermittis reliquis.

IV. Priusquam progrediamur ad explanationem postremæ speciei, nota differentiam duarum istarum vocum *Thenupboth* & *Therumoth* (4). Vtraque notat ablationes *agitatas*, hoc tamen discrimine: *Therumoth* ablationes erant *agitatae sursum* & *deorsum*, h. e. ablationes elevationis; ad docendum, Deum esse Dominum & cæli & terræ. P. FAGIVS in *Pentat.* Oblationes autem *Thenupboth* agitabantur *buc illuc*, a dextra ad sinistram, ab oriente in occidentem, ab aquilone ad austrum; qua agitatione Deum fatebantur esse Dominum totius mundi.

V. Vt sciamus, quid fuerint *primitiæ frugum aræ*, Rabbini, alique qui eos sequuntur, ipsas distinguunt in duas species. Prior harum erant *primitiæ septem rerum*. 1. *tritici*. 2. *hordei*. 3. *ugarum*. 4. *ficuum*. 5. *malogranatorum*. 6. *olivarum*. 7. *dactylorum*. Quarum rerum fertilissima ubertate Palæstina nobilis erat, laudaturque *Deut. VIII, 8. (5)*. Harum *primitias Talmudici* vocant כִּבְרִים R. SELOM. *Deut. XXVI, 2.* item MOS. KOTS. *fol. 201. col. 4.* Et quando agunt de *primitiis frugum*, eas, & non alias, hoc nomine *Biccurim* intelligunt. Hæ, ajunt, sunt *frugum primitiæ*, quas populus toties in Lege jubetur ferre ad Sanctuarium festo Pentecostes, messis fine, uti patet & ex hac oblatione, & ex oblatione duorum panum *Levit. XXIII, 17.* Posterior harum erant *primitiæ frumenti, musti, olei, vellerisque ovium*. *Deut. XVIII, 4. (6).* *Num. XVIII, 12.* immo omnium aliarum rerum, quas gignit terra ad alendum hominem. Ita ipsorum Doctores intelligendi sunt, ubi dicunt: *quidquid eduliorum ex terra incrementum capit, obnoxium*

*est primitiis, therumæ, & decimis.* R. SELOM. *Deut. XXVI, 2.* item MOS. KOTS. *fol. 201. col. 4.* MOSES AEGYPT. in *Jad. part. 3. Tract. de Therumoth.*

VI. Hoc nominant תְּרוּמָה oblationem elevationis. Græci vertunt ἀφορισμὸν, *separationem*, quia erat *consecratio & separatio portionis Domini*. Quo respectu credo, quod Paulus se vocarit ἀφωρισμένον εἰς εὐαγγέλιον. *Rom. I, 1.* Ἀφορίῃ Ἀαρὼν, *Aaron separabit Levitas*. Sic vertunt Græci; sed sons ita sonat; הִנֵּף אֶת־הַכֹּהֲנִים הָאֵלֶּיךָ תְּרוּמָה *agitabit Aaron Levitas agitationem*. *Numer. VIII, 11.* Rursus: ἀφορίσατε, *separate mihi Barnabam & Saulum*. *Act. XIII, 2. (7).* DRVSIVS aliam dat rationem, uti dictum est *Capite de Phariseis*. Sed pergamus. Hebræi hanc secundam *primitiarum* speciem non vocant simpliciter *Therumah*, sed subinde תְּרוּמַת תְּרוּמָה oblationem elevationis magnam (8), respectu illarum *decimarum*, quas Levitæ Sacerdotibus solvebant; hæ enim vocabantur תְּרוּמַת מַעֲשֵׂר oblatio decimarum. *Num. XVIII, 26.* Quæ etsi erat una pars ex decem, respectu ejus, quod solvebatur Levitis, attamen erat tantum una pars ex centum, respectu proventuum, quos coloni Levitis *decimabant*; & sic longe minor erat oblatione elevationis magna, uti statim clarebit.

VII. Has *primitias*, ajunt Hebræi, non tenebantur domini Hierosolymæ pendere. Lex non definit, quantum, seu in *Biccurim*, seu in *Therumah*, solvendum fuerit; verum per traditiones tenebant, quod ad minimum *sexagesima pars* tam septem illarum rerum, quas vocant *Biccurim*, *primitias*,



rias, quam harum, quas dicebant *Therumah*, seu *Therumah Gedolah*, fuerit dependenda. Sic distinguunt Talmudici *תא Bicurim* a *Therumah Gedolah*. Sed pro mea sententia possunt *Bicurim* comprehendi sub *Therumah Gedolah* (9); & sane, hæc utraque nihil aliud sunt, quam *תרומת עין יפה oblatio areæ*, cujus antea meminimus ex Num. XV, 20.

VIII. Mæ sententiæ rationes hæ sunt.

1. Scriptura non indulget aliquam *primitiarum* partem retinere domi; si hoc probari posset, distinctio valeret. 2. Scriptura *primitias* non adstringit his septem rebus, quas solas vocant *Bicurim*. 3. Duæ istæ *primitiarum* species invicem commiscuntur; nam dicunt, quod in *תא Bicurim* pendant 1. *tritico*, 2. *hordeum*; & quod in *Therumah* solvant *frumentum*; quasi *frumento* non comprehenderentur *tritico* & *hordeum*. Respondebit quis, quod *תא Bicurim* solverint *aristis*, messe nondum collecta; & suam *oblationem Therumah*, *tritico* & *hordeo* jam *triturato* ac *ventilato*.

IX. Rationes huic responsioni has pono. 1. Hoc pacto *sexagesimam* sui *frumenti partem* bis solvissent. 2. Frumentum in *aristis* & manipulo oblatum parva erat quantitas, nec offerebatur *festo Pentecostes*, quod messem claudit, sed *festo Paschatis*, quod messem orditur: Lev. XXX, 10. cum tamen *תא Bicurim* semper offerrentur *festo Pentecostes*. Satis sit hoc ad sententiam meam stabilendam.

X. Progredior ad ostendendam rationem, cur imperata sit in hac *oblatione areæ*

ad minimum *sexagesima pars*; fundatur ea verbis Prophetæ Ezech. XLV, 13. *Hæc est oblatio, quam offeretis, sextam Ephæ de Chomer. h. e. sexagesimam totius partem*, quoniam *Chomer* continet decem *Ephas*. Hinc hanc *oblationum* istarum distinctionem desumunt. Quidam, ajunt, dabant *quadragesimam* suorum proventuum *partem*; quæ, quia erat maxima, quæ pendebatur in hac *oblationis* specie, merebatur nominari ab ipsis, *תרומת עין יפה oblatio oculi boni*. Alii (quamvis ad alterorum liberalitatem non adscenderent, nihilo minus ne existimarentur sordidi) solvebant *partem quinquagesimam*, quæ merebatur dici *תרומת בינונית oblatio mediana*. Alii, quos sordidos tenacesque censebant, non plus quam *sexagesimam partem* dabant, quæ minus non licebat dare. Hoc vocitabant *תרומת עין רעה oblationem oculi mali*. Sic ut pensio harum *oblationum* fuerit determinata ab Antiquis inter *sexagesimam* & *quadragesimam partem*. Pharisei autem, ut sua sanctitate elucere ante alios viderentur, sui ordinis regulis vovebant dare *quinquagesimam* & *trigesimam*, adeo ut inexplabile dolium is haberetur inter ipsos, qui *quinquagesimam* dependebat, isque *illiberalis*, qui non *trigesimam* (10). EPIPH. contr. Pharif. p. 11.

XI. Modus dependendi has *primitias* (11), *Bicurim* dictas, late proditur Deut. XXVI. Sed tempore Prophetarum videntur fuisse receptæ aliæ ceremoniæ, de quibus Hebræorum Magistri hæc referunt. *Quando primitias suas offerebant, tum omnes civitates unius ejusdemque plagæ congregabantur in capite plagæ, ne singulæ solæque adscenderent; dictum enim est, in multitudine populi*

populi est majestas Regis Prov. XIV, 28. Et veniunt & pernoctant singulis noctibus in plateis metropolis, & non ingrediuntur ædes, metu pollutionis. Hora matutina ait gubernator: surgite, adscendamus ad Tzionem, urbem Domini Dei nostri. Ipsos antecedit taurus, cujus cornua auro obducta sunt, redimitusque caput sero olivæ, ad significandum primitias septem rerum ac fructuum. Cantabatur quoque fistula, usque dum prope essent Hierosolymam, alias per totam viam ipsis cantionem hanc modulantibus: Letatus sum propter dicentes mihi, domum Jehovæ accedamus &c. Psalm. CXXII. MAIMON. in Biecurim c. 4. Sect. 16. Ad hujus aliisque modi congregationes solennes alludit Propheta, dicens: Canticum erit vobis ut canticum noctis, qua sanctificatur festum, & letitia cordis, ut lætitia ambulantis cum tibia, ut accedat montem Domini, rupem Israelis. Jesa. XXX, 29.

XII. Primogenitos seu primitias hominum & bestiarum sibi adscribit Jehova.

Exod. XIII. (12). Fundamentum hujus legis fuit, quod Deus interfecerit omnes primogenitos in Aegypto, a primogenito hominum ad primogenitum bestiarum, parcens interea Israelitis. In hujus beneficii æternam memoriam jussit sibi consecrari omnes mares primogenitos. Primogeniti illi hominum & bestiarum redimebantur quinque siclis argenteis Sanctuarii, datis Sacerdoti pro singulis ipsorum. Num. XVIII, 15. 16. Huc respexit Petrus, dicens: Redempti sumus non corruptibilibus rebus, auro & argento 1 Pet. I, 18. Primogenita bestiarum macTABANTUR, sparso super altari ipsorum sanguine, accensoque ipsorum adipe in holocaustum, carne autem cedente Sacerdotibus.

XIII. Nota, quomodo Deus velit coli primogenitis hominum & bestiarum, primitiis fructuum arborum & frugum terræ, in manipulis, in area, in massa, in pane. Scilicet omnia nos docent (13) consecrandas Domino annorum ætatisque nostræ primitias.

## CAPVT III.

### DE DECIMIS.

**H**ic inquirendum est, 1. quænam res in genere fuerint *decimande*? 2. quot *decimarum* species? 3. tempus, quo quævis species *decimabatur*?

*decimas* solverunt (1), ad mentham, anethum, & cuminum usque. Hec oportebat ipsos non omittere. Matth. XXIII, 23. Vid. SIXTIN. AMAM. de Decimis.

II. I.) Annui reditus proventusque ipsorum, aut pecora, aut arborum fructus, aut terræ fruges fuere. De his omnibus

III. II.) Species *decimarum* (2), quas ex arborum terræque fructibus dependebat colonus, duæ erant, & solvebantur hoc modo:



modo: Messē facta, omnibusque congeſtis, agricola ſepoſuit ſuam magnam *Therumam*, ſeu *primitias areæ*, de quibus *Cap. priore*. Poſtea ex reliquis *decimas* dedit *Levitis*, haſque vocabant *מַעֲשֵׂר ראשון* *decimam primam*, *Tob. I, 7*. Hæc ſolvebatur in ſua ſpecie, &, ut mihi videtur, non ferebatur a colono Hieroſolymam, ſed dabatur *Levitis*, qui incolebant urbes ſui diſtrictus. *Neb. X, 3, 37*. Alii putant, quod *decimæ primæ* neceſſario, aut a colono ipſo, aut ab ejus vicario, Hieroſolymas deportandæ fuerint. *SIXT. AMAM. de Dec.*

IV. Ex his *primis decimis* deſumebant *decimam* pro Sacerdotibus *partem* *Levitæ*, quam vocarunt *מַעֲשֵׂר מן המַעֲשֵׂר* *Decimam ex decima* *Neb. X, 38*. & *Decimam ſanctitatum* *2 Chron. XXXI, 6*. Hanc tulere *Levitæ* ad domum Dei. *Neb. I. c.* Hac *decima* Sacerdotibus data, *Levitis* ipſorumque domeſticis licebat veſci reliquiis *primæ decimæ* in omnibus locis, extraque ipſam Hieroſolymam. *Num. XVIII, 31*.

V. Cum *prima decima* ſoluta eſſet, colonus ex eo, quod relictum ipſi eſt, dependit *decimam ſecundam*. Hanc poterat colonus, aut in ſpecie, aut ratione commutationis, in valore pendere. Verum quando eam pecunia ſolvebat, addebat tum partem quintam, ita, ut, quod in ſpecie erat *decem ad centum*, in pecuniæ commutatione eſſet *duodecim ad centum*. Hoc colonus tulit Hieroſolymam, exque eo paravit *ἀγάπην*, ſeu *convivium amoris*, invitatis ad id Sacerdotibus atque *Levitis*. Verum tamen non quovis *triennio* id adduxit Hieroſolymam, ſed conſumſit domi in ſuis portis

cum *Levitis*, *pupillis*, *viduabus*, & *pauperibus*. *Deut. XIV, 28*.

VI. *Annum tertium* computabant ab *anno Sabbathico*, quo terra quieſcebat, ſic ut *prima & ſecunda decima* penderetur a colono, *primo, ſecundo, quarto, & quinto anno poſt Sabbathicum*, *tertio autem & ſexto anno*, ſolummodo *prima decima* data eſt *Levitis*, & *ſecunda* domi conſumta. *MOS. KOT. Tract. de decima ſecunda fol. 199*. Hinc, reſpectu ſpeciei, vocatur hæc *מַעֲשֵׂר שני* *decima ſecunda*. *Tob. I, 7*. Reſpectu vero illius, quod quovis triennio pauperibus data eſt, vocatur *מַעֲשֵׂר עני*, *παραδοῦναι*, *decima pauperum*, & *מַעֲשֵׂר שלישי* *decima tertia*. *Tob. I, 8*. Iis annis, quibus ea Hieroſolymam adducta eſt, comedi debebat in atrio templi. *Deut. XIV, 16*. Per *decimam tertiam* intelligenda *decima pauperum* anno tertio (3), qui vocatur *annus decimarum*. *Deut. XXVI, 12*.

VII. *Decimabant* quoque ſua *pecora* (4). Ex bubus & parva pecude, & ex omnibus iis, quæ tranſeunt ſub virgam, *decimum quodque erat ſanctum* *Jehovæ*. *Lev. XXVII, 32*. Quidam Interpretum per hunc loquendi modum, *tranſire ſub virgam*, intelligunt, quod omnia *pecora* fuerint *decimanda*, quæ paſcuntur ſub cuſtodia paſtoris; quaſi eo reſpiciatur *pedum* ſeu *virga cuſtodum*, qua cuſtodiant *pecora ſua*. Hebræi probabilius intelligunt per eum loquendi modum, *modum decimandi pecora* (5), qui ita habuit: *Is, cui fuerunt oves, aut boves, ſic decimas ſuas ſeparavit*. Cogit omnes oves & boves in angulum, in quo ponit anguſtam portam, quam due ſimul non poſſunt tranſire. Extra portam ſtant canes (6); ut oves,

oves, audientes ipsorum latratus, ordine prodeant, altera alteram sequente. Tum quidam incipit numerare virga; una, due, tres &c. Et decimam rubro signo notare, seu ea sit mascula, seu femella, perfecta, seu vitio laborans; dicitque, hæc est pro decima. SALOMON IARCHI Lev. XXVII, 32. & MAIMON. de Primog. cap. 7. sect. 1, 5.

VIII. Judæi, etsi in peregrino morentur solo, patria sede Leviticoque sacerdotio exuti, qui videri volunt religiosiores, vice *decimarum*, dispartiantur egenis *decimam* reddituum suorum *partem*, certo persuasi, quod Deus ipsorum forti eo ampliorem benedictionem sit affuturus. Tritissimum enim proverbium hoc apud ipsos fertur: תעשר בשביל שתעשר *decimato propterea, ut ditescas.*

IX. III.) Tempus anni, a quo *decimas* pendendas computabant, varium fuit. Ab *Elul* ad *Elul*, h. e. ab *Augusto* ad *Augustum*, supputabant, ut pecus rite *decimarent*. A *Tisri* ad *Tisri* vero, h. e. a *Septembri* ad *Septembrem*, propter frumentum, legumina & herbas. A *Schebat* ad *Schebat*, h. e. *Januario* ad *Januarium*, propter arborum fructus. TALMVD. Tract. de novo anno, ab initio. BVXT. Synag. Jud. c. 12. item MOS. KOTS. in præcept. affirm. 136.

X. In hac Synopsi (quam SIXTIVS AMA-MA mutuatus est a SCALIGERO) ob oculos ponitur *modus decimandi* inter Israelitas usitatus:

6000 modios uno anno.  
100 modii ad minimum a colono pendendi erant Sacerdotibus pro *primitiis areæ*.  
5900 modii relinquebantur colono, ex quibus duas solvebat *decimas*.  
590 modii erant *prima decima* pro Levitis.  
59 modios dabant Levitæ Sacerdotibus, qui vocabantur *decimarum decimæ*.  
5310 modii reliqui erant colono, ex quibus dependebat *decimam secundam*.  
531 modii erant *secunda decima*.  
4779 modii, omnibus solutis, proprie remanebant colono.  
1121 modii erant summa utriusque *decimæ* conjunctæ; quod plus est quam *sexta pars* totius, nempe 19 a 100.

Prædium  
coloni  
tulit

XI. Præterea sciendum est, quod corruptis temporibus cœperint *decimæ* in genere negligi, ipsius etiam Hiskia ætate, adeo ut *Inspectores* instituerentur, qui *decimationem* fidelem curarent. 2 Chron. XXXI, 13. Hoc non obstante, circiter centum & triginta annis ante incarnationem Salvatoris nostri, partim incuria *Curatorum* seu *Inspectorum*, partim avaritia populi, ita corruptio invaluit, ut populus omnes in genere *decimas* negligeret (9); immo nemo aut pauci solverent vel *primam*,



*mam, vel secundam, vel pauperum decimam; sed Therumah gedolah, oblationem magnam tantum fideliter penderent. Ob hanc causam, dicit MOSES KOTS. fol. 199. col. 3. Diebus Johannis Sacerdotis, qui Simeonem justum secutus est (credo quod putet Johannem Hyrcanum) decrevit Senatus magnus seu Sanhedrin, ut ordinarentur Curatores decimarum.*

XII. Hoc tempore multæ res in dubium vocatæ sunt, utrum etiam *decimandæ* essent, an non. Quare decidit Synedrium, quod in rebus dubiis, (quas vocabant *מִשְׁפָּטִים*) (10) quamvis neque *primam*, neque

*pauperum decimam* solverent,olvere tamen deberent *decimam secundam*, & *oblationem parvam*, nempe *אֶחָד מֵמֵאָה* *unam partem de centum.* MOS. KOTSEN. *ibid.* *Mentha, anethum, & cuminum* videntur fuisse e numero dubiorum, in quibus, etsi decretum Synedrii imperaret tantum *unam partem de centum*, Pharisei tamen justam *decimam* persolvere satagebant. *Matth. XXIII, 23.* Hinc gloriuntur, *se decimas dare omnium, que possideant.* *Luc. XVIII, 12. (11).* Qua in re superant ceteros Judæos, qui utuntur privilegio a Synedrio concesso.

## C A P V T IV.

### D E M A T R I M O N I O.

**I**n hoc capite de matrimonio notanda veniunt: 1. *Distinctio conjugum seu mulierum.* 2. *Modus despondendi.* 3. *Ritus nuptiarum.* 4. *Forma divortii.*

II. I.) Patriarchæ in V. T. habebant *duas uxorum species* (1); utraque ipsarum legitima censebatur, uxoresque erant, & propterea quoque utriusque liberi legitimi æstimabantur. Hebræi plerumque alteras vocabant *נָשִׁים* *uxores præcipuas*, ductas solennibus nuptiarum ritibus. Quidam deducunt hanc vocem a *נָשָׁה* *oblitus fuit*, quasi *obliviosæ* dictæ (2), quod plerumque minus memoria valeant, quam mares. Verum, non hallucinari videntur, qui dicunt, quod feminae ita denominentur de *oblivione*, quia paternæ familiæ oblivione pre-

*muntur & quasi oblitterantur in filiabus nuptis.* Hinc natum illud tritissimum Hebræorum: *מִשְׁפַּחַת אִם אֵינָה קְרֹאָה מִשְׁפַּחַת* *familia matris non vocatur familia.* ABEN ESRA Num. I, 2. Et e contrario *mas e memoria* dicitur *זָכָר*, quia conservatur patris memoria in filio, juxta illud dictum Absalonis: *Non est mihi filius זָכָר הַזֶּכֶר שְׁמִי* *propter memoriam nominis mei.* 2 Sam. XVIII, 18. Eandem proles masculæ rationem habitam apud Græcos testatur EURIPIDES: *Σύλοι γὰρ οὐκὼν παῖδες ἀρσενες*, *fulcra domus sunt mascula proles.*

III. Posteriores speciem *feminarum* vocabant *פִּילְגָשִׁים* *uxores secundarias* (3); quam vocem quidam compositam esse ajunt ex *פָּלַג* *dividere*, & *אִשָּׁה* *uxor*, quasi *uxor divisa*

*divisa & dimidia; vertimus concubinas plerumque, & quidem non incommode, nam ipsa Hebraica vox notat subinde obscenum prostibulum, aut commune scortum.*

IV. Differentia inter has concubinas & uxores primarias (4) multiplex erat.

V. 1) Ratione *disparitatis* in regimine familiae. *Vxor primaria* erat tanquam *hera*; *Concubina* tanquam *serva*, quæ solo *thori jure* fruebatur æque ac *uxor primaria*, alias in cunctis inferior. Et hoc patet ex historia Saræ & Hagaris.

VI. 2) Ratione *desponsationis*. *Vxor primaria* ducebatur a marito certis donis & solennibus sponsalibus, ut pignoribus contractus conjugal. Sic dispensator domus Abrahami (qui verisimiliter putatur fuisse *Eliezer*, cujus fit mentio *Gen. XV, 2*.) nomini *Isaaci* dedit *Rebecce* instrumenta argentea & aurea ac vestes *Gen. XXIV, 53*. Hic ritus etiam obtinuit apud Græcos, qui hæc dona vocarunt *ἐδνα*, *dona jugalia*.

Τάων ἤν κ' ἐδέλῃσι Φίλῃν ἀνέδνον ἀγέσθω  
Πρὸς οἶκον Πηλεΐδης.

*Harum quam velit dilectam sine dote abducatur ad domum Pelei.* HOMER. *Iliad. IX. vers. 140*. Præterea *uxor primaria* accipit a marito scriptum seu instrumentum dotale, cum concubinae neque donum neque scriptum daretur (5). D. KIMCHI. 2 Sam. vers. 16.

VII. 3) Ratione *liberorum*. Soli liberi uxoris primariæ erant heredes patrum bonorum, liberi autem concubinae dono emittebantur (6). *Abraham* dedit

*Isaaco* quicquid habebat, filiis autem concubinarum, quas habuit *Abraham*, dedit dona. *Gen. XXV, 6*. Hic in transitu notetur, quod primogeniti, jure primogenituræ, acceperint duas paternæ hereditatis portiones (7). Pater dabit ei portionem duplam ex omnibus, quæ inveniuntur ei, nam est initium vigoris ipsius. *Deut. XXI, 17*. Hunc morem respexit *Elisa*, petens, ut duplo super se esset *Elie spiritus* 2 Reg. II, 9. h. e. ut super se essent duæ portiones spiritus ejus, respectu reliquorum prophetarum, seu potius *filiorum prophetarum*, inter quos locum primogeniti fratris obtinebat, adeoque primogenituræ jus petebat. Sic ut putandum non sit, quasi superciliose ambiverit majorem spiritus mensuram, quam super *Elia* quiesceret, sed quod petierit excellere reliquos prophetarum, quibus deinde pater factus est. Hebraicus mos loquendi in utroque loco idem est: *אֵין שְׁנַיִם* partem duorum.

VIII. II.) In modo despondendi notanda sunt 1) Intervallum temporis (8), intercurrentes sponsalia & nuptias; quod quibusdam visum est annus plenus, ad minimum decem menses: & hoc colligunt ex historia *Rebecce*, cujus frater & mater respondens servo Abrahami, filiam non statim commigraturam esse, sed ad minimum decem dies post sponsalia mansuram. *Gen. XXIV, 55*. Quem textum exponunt decem menses, ac per hos intelligunt *שְׁנַיִם חֳדָיִם* annum dierum (9). *Gen. XLI, 1*. ONKELOS & R. SALOM. Sed non admittimus hanc expositionem. Nam, etsi nostra versio habeat, *at least ten dayes*, ad minimum dierum decadem, convenienter τοῖς LXX & fonti, non tamen sequitur, quod



hoc tempus capiatur pro complemento definiti spaci, intercurrentis sponsalia, & nuptias; sed potius prodit tenerum matris amorem, nolentis tam maturum discessum. Hoc non obstante, plausibile est, quod intercefferit intervallum temporis, inter sponsalia & nuptias ipsas, licet id definitum non sit, aut determinatum certo dierum, hebdomadarum, mensumque numero.

IX. 2) Secundum, quod observandum est hic, est *ritus contrahendi* matrimonium (10), qui in Israele triplex fuit, fiebatque contractus 1. *Argento*. 2. *Scripto* seu instrumento. 3. *Copulatione*. & hæc omnia presentibus testibus. כִּסְסָהּ בְּשֵׁטֶר אֵין בְּכֶסֶף בְּנִיאוֹת וְכוּן בעדים Nummo, aut Literis contractus, aut Ingressu, & hæc omnia coram testibus. MOS. KOTS. fol. 124. Nummo: fuerit etiam λεπτόν, aut pretium æquivalens. Eo tempore maritus his verbis & similibus usus est: הִנֵּי אֶת מְקוּדָּשְׁתִּי לִי Ecce tu es desponsata mihi. MAIMON. in Ischoth c. 3. Sect. 1. deditque nummum sponsæ in oculis testium. Scripto: scripsit autem hacce sequentique formula: *Esto mihi desponsata*; quod instrumentum ipsi præbuit coram testibus, subscripto illorum nomine, alias desponsatio irrita fuisset. *Copulatione*: quando hæc verba orditus est: *Ecce, tu eris mihi desponsata copulatione*. Et sic cum ipsa unitus est coram duobus testibus; qua copulatione facta erat ipsius *conjug*. Vbi cum ea se commiscuerat modo illicito, & cum nondum desponsata, aut facta sponsatione clancularia sine testibus, non fuit hæc desponsatio rata habita. Vt-  
cunque sit, interdictum ipsi fuit secundo concubitu ante peractas rite nuptias. Et licet desponsatio fieri posset singulis his spe-

ciebus, plerumque tamen fiebat nummo. Sique vellent, licebat fieri *instrumento literarum*; ast desponsatio, facienda *commixtione*, interdicta erat Israelis statutis, & qui contra iverat, credebatur virgis, etiamsi desponsatio in suo vigore staret. Hi solennes ritus sponsales peragebantur a marito & nova nupta sub tentorio seu *papilione* hunc in finem erecto, quem sua lingua dicunt תִּבְנִית tabernaculum (11) ELIAS THISB. Huc alludit Psalmista. Psal. XIX, 5, 6. In iis Soli posuit tentorium. Et ipse est ut sponsus, prodiens ex thalamo suo; alacris est ut heros, ad decurrendum iter.

X. III.) *Ritus nuptiales* (12) peragebantur in concione ad minimum decem hominum, benedictionibus & gratiarum actionibus ad Deum, unde ipsa domus vocatur בית הוללה & epithalamia הוללה hymni. Sponsi amici intimi, qui comitabantur ipsum, cantantes hocce epithalamium, appellabantur וְיָדֵי תָּם וְיֻמָּצָנוֹס, filii thalami. Matth. IX, 15. (13). Tales mihi videntur fuisse triginta illi focii, quos assumpsit Simson. Jud. XIV, 11.

XI. Formula huiusmodi benedictionis (14) late describitur a GENEBRARDO, cujus summa hæc est. Præcipuus horum socio-  
rum, sumto calici benedicit, inquit: *Benedictus tu Domine Deus noster, Rex mundi, qui creas fructum vitis*. Deinde pergit: *Benedictus sis Dominus Deus noster, Rex mundi, qui creavit hominem secundum imaginem suam, secundum imaginem similitudinis sue, & paravit eo sibi ædificationem æternam; Benedictus sis tu Domine, qui eum creasti*. Postea sequitur: *Benedictus tu Domine, Deus noster, qui creasti*

rum corporum, & propagationem ge-  
neris.

XIV. *Tempus nuptiarum* (16) plerumque videtur fuisse *septem dierum*. Vid. THISEIT. in חתן. Simson nuptiarum suarum festum celebravit *septem dies*. *Jud. XIV*, 13. Et de his septem nuptiarum diebus intelligunt Theologi illud *Labanis ad Jacobum de Lea: Comple septimanam bujus, tum dabimus tibi quoque istam. Genes. XXIX*, 27. AUGUST. *Quest. Gen. super Genes. c. 88.* Quo dicto putatur petiisse, ne Jacob repudiaret Leam, sed confirmaret præsens connubium, *complendo ordinarium nuptialium dierum numerum*. Ab hoc ritu, ut & ab illo Josephi, *septem diebus* lugentis patrem, *Gen. L*, 10. ortum est illud inter Judæos proverbium: *Septem ad convivium, septem ad luctum*.

XV. *Summus nuptiarum moderator* vocatur בעל משה, quod nomen apte exprimitur per illud, Αρχιτέκλωνος, *Job. II, 9. (17).* Hodierni Judæi in Italia, invitantes quempiam ad nuptias, hæc ajunt: N. N. *invitat te, ut testeris conjugium filiae suæ præsentia tua in nuptiis, &c.* Cui regerit invitatus: מזל טוב STVK. de *Conviv. l. 2. c. 3.* Quod quidam exponunt esse communem gratulationem *Fortuna bona (18)!* Verum, potius putem, quod novis conjugibus adoptata eo sit *singularis benedictio in generatione prolis;* hinc annulo pronubo idem hoc inscriptum erat; מזל טוב. MVNST. *Gen. XXX.* Hebræi etiam *Planetam Jovis* vocant מזל, cujus influxum magnæ virtutis in generationem esse reputant. Sed *Mazal* notat alium *Planetam* aut sydus cæli, juxta illud Hebræorum



tritum: *Non est tibi ulla herba inferius, cui non sit Mazal, sydus, in firmamento; & tñ Mazal ferit ipsam, & dicit ei: Cresce.* Sic, quia etiam מַזַּל notat bonum, phrasis ista sonabit: *fiat fausta hora, aut sub bono Planeta!*

XVI. *Tempore nuptiarum tradit quoque maritus uxori instrumentum literarum* (19), scribente id Notario, solvente Sponso. Huius jure sponsus suæ sponse dat 200 denarios, h. e. 50 siclos, si sit virgo; si autem sit vidua, 100 denarios, h. e. 25 siclos. Hæcque summa vocata est *radix*, seu *præcipua dotis pars*. Dos minor esse non poterat, sed major, pro lubitu sponsi, fuerit etiam talentum auri. Mentio fit contractus inter *Tobiam & Saram*, formati non per *Notarium*, sed *Raguelem*, sponsæ patrem. Vbi notandum, quod ante exarationem huius instrumenti literarii fuerit *traditio mulieris traditæ marito*. Verba adhibita sunt: *Ece secundum legem Moſis accipe illam. Tob. VII, 15.*

XVII. *Copia huius instrumenti dotalis* (20) sumpta est a BERTRAMO ex *Talmude Babyl.* Vid. BUXTORF. *Grammat. Chald.* pag. 383. Summaque hæc est: *Sexto septimane die, quarto mensis Sivan, anno 5254 a cond. M. juxta computum, quo utimur hic Massilie, urbe sita ad mare, Schoar sponsus R. Moſes, filius R. Jehudæ, dicit sponse Claronæ filie ex R. Davide R. Moſis, civis Lisabonensis filio. Sis mihi in uxorem secundum legem Moſis & Israelis, & ego secundum Dei verbum te colam, honorabo, alam, regam; secundum morem virorum in Israele, qui suas conjuges colunt, honorant, sustentant, fide-*

*literque regunt. Do quoque tibi dotem virginitatis tue, 200 denarios argenteos, qui tibi debentur juxta legem, ut & alimentum, vestimenta, & sufficientes necessitates, nec non cognitionem juxta consuetudinem universæ terræ.* Sic Clarona virgo acquiescit hoc, fitque conjux R. Moſis sponsi, Fil. R. Jehudæ.

XVIII. *Emitis nuptiis, uxor a marito tria poscere poterat* (21). 1. *alimenta*, 2. *vestimenta*, 3. *concubitus*, seu jus thalami; quod notant ex *Exod. XXI, 10.* Si aliam accipiet sibi, *vestitum ejus, alimentum ejus, officium debiti conjugalis, non subtrahet.* Quo respicit Apostolus, id officium vocans *ἐννοίαν ὀφειλομένην, debitam benevolentiam.* 1 Cor. VII, 3. (22).

XIX. Vxor, cum primum ostenderetur marito, *textit caput tegmine, in signum subjectionis* (23). *Rebecca accepit peplum, & operuit se. Gen. XXIV, 65.* Proptereaque (nempe in signum *subjectionis*) debet mulier *ἐπὶ τῆς κεφαλῆς ἐξουσίαν ἔχειν.* 1 Cor. II, 10. (24). Vbi per *ἐξουσίαν potestatem* Apostolus intelligit *velamen*. Si quis quærat, cur *velamen* intelligat per *potestatem*, præsertim cum sit nota *subjectionis*? Resp. Apostolus, quum fuerit *Hebræus ex Hebræis*, potuit respexisse Hebraicum vocabulum *וֵלָאן* quod notat *velamen*, descenditque a verbo *וָלַד* *subdidit, subjecit, potestate usus est* (25); & sic vox Græca *ἐξουσία*, eodem sensu, quo Hebræa, sumi potest. Et sane, quid est illa sub viro *subjectio*, nisi *potestas & protectio uxoris*, si conferamus pristinum virginitatis ipsius statum? Et proinde, marito zelotypia accenso adversus illam, tum inter alia tristitia signa jubebat-

bebatur quoque stare, ad probationem suam, nudato capite, Num. 5, 18. כְּרִיאָה רַדִּיד *sine Redid*, ἀνεν ἐξασίας. Sic ego interpretor verba MAIMON. in Sota. c. 3. sect. 5. Quo significabatur, quod si se purgare a crimine non posset; ἀπὸ τῶν ὧν & in posterum exuenda esset omni potestate, qua antea sub marito gavisa est.

XX. IV.) Peractis nuptiis perfectoque conjugio, subinde admissus est libellus repudii (26), quem Hebræi vocant כִּפּוּר כְּרִיתוּת, Græci βιβλίον ἀποστασίς, libellum abscissionis, quia uxor hoc pacto abscinditur a familia mariti.

XXI. Decem res censebantur requisitæ fuisse tanquam fundamenta & rationes repudii (27). MAIM. de Divort. c. 1. sect. 1. nim. 1. *Vt non nisi sponte maritus ipsam repudiaret.* 2. *Vt dimitteretur libello, non ulla alia re.* 3. *Vt summa libelli esset de repudiatione & expulsionem ejus ex possessione.* 4. *Vt causa repudii esset inter ipsum & ipsam.* 5. *Vt scriberetur cum illius nomine.* 6. *Vt non deessent post ejus descriptionem actiones, præter insinuationem.* 7. *Vt traderet ei.* 8. *Et quidem coram testibus.* 9. *Atque secundum legem repudii.* 10. *Vt maritus, aut alius in hoc munus deputatus, traderet uxori* (28).

XXII. Formula libelli illius (29) hæc fuit: *Die hebdomadis N. mensis N. anni N. a C. M. computo, quo utimur hac in urbe N. sita ad fluvium N. in provincia N. ego N. filius Rabbi N. de provincia N. sed nunc habitans in loco N. prope ad fluvium N. volui cum summo animi consensu, & absque ulla coactione, ac repudiavi, di-*

*mihi, atque expuli te, te, inquam, N. uxorem meam de provincia N. filiam Rabbi N. habitantis in provincia N. & nunc in loco N. sito prope fluvium N. quæ antehac uxor mea fuisti. At nunc te repudio, dimitto, & te expello, ut libera & tui juris sis, ab easque & nubere possis alii alicui viro, cui-cunque placuerit. Et nullum virum repudies propter me, ab hodierno die usque in perpetuum. Libera ergo & legitima es cuivis homini: Atqui hic esto tibi a me libellus repudii, epistola divortii, & literæ expulsionis, secundum legem Moysis ac Israelis.*

*N. filius N. testis*

*N. filius N. testis.*

Hæc forma reperitur apud MOS. KOTS. fol. 133. Aliud exemplar ibidem habetur, item in MOSE AEGYPTIO, part. 2. fol. 59, unde desumpta est hæc testium subscriptio, quam apposuimus.

XXIII. Hic libellus scriptus est a Notario (30). SELOM. IARCHI. Hof. I, 10. Præterea uxor repudiata & vidua non poterant secundum conjugium ingredi, priusquam abiissent 90 dies post diem repudiationis aut mortis mariti & conjugii ultimi, eo fine, ut pateret, utrum prægnans esset, annon, & ut liqueret, utrum sit semen primi an secundi mariti. MAIMON. de Divort. cap. 11. sect. 18.

XXIV. Recepta apud Romanos consuetudo fuit (31) circa nativitatem Salvatoris nostri, ut ipsæ etiam feminae maritos suos repudiarent, & aliis pro lubitu nubèrent. De hac re loquuntur gentiles Scriptores.



- - Sic sunt octo mariti

Quinque per autumnos. - -

IVVENAL. Sat. VI. vers. 230.

Et nubit decimo jam Thelesina viro.

MARTIAL. l. 6. Non Consulum, sed marito-  
rum numero annos suos computant &c. SE-  
NEC. 3. de Benef. 16. Literæ ab uxore tra-  
ditæ vocabantur γράμματα ἀπολέψεως, li-  
tere derelictionis, non abscissionis, aut di-  
missionis. PLUTARCH. in Alcibiad. Ea-  
dem praxis & apud Hebræos valebat (32).  
Hinc est illud Marc. X, 12. Si mulier vi-  
rum suum reliquerit, ἀπολύσῃ, & nupservit  
alii, &c.

XXV. Licet autem eo tempore secunda  
cum aliis connubia post divortia hæc hu-  
manis legibus non prohiberentur, attamen  
Dei lex tam repudium istud seu divortium  
quam connubium istud damnat; & istæ per-

sonæ, ingredientēs secundum thalamum  
post talia divortia, habentur a Deo digami.  
Ob hanc rationem jubetur præprimis Mini-  
ster esse μίας γυναῖκός ἀνήρ, unius mulieris  
vir, 1 Tim. III, 2. & mulier ἐνός ἀνδρός γυ-  
νή, unius viri mulier. 1 Tim. V, 9. In  
quibus locis nuptiæ secundæ (si vir aut mu-  
lier e vivis abiit) non plus prohibentur,  
quam Poeta illis interdicit, in simili loquen-  
di modo:

Vnico gaudens mulier marito.

HORAT. Carm. 3, 14.

XXVI. Tandem nota, quod sponsa suo  
marito quoque attulerit dotem jam mino-  
rem, jam maiorem; quam vocabant Rab-  
bini נְדוּנָה (33). ELIAS THISB. item SE-  
LOM. IARCHI Gen. XXXI, 15. Ita Ra-  
guel dedit ipsi Saram uxorem ipsius cum  
dimidio facultatum, mancipiis, jumentis,  
& pecunia. Tob. X, 10.

## CAPVT V.

### DE SEPULTURA.

Multæ cerimonix observabantur ante de-  
nati hominis humationem. I.) Proxi-  
mus sanguine clausit oculos mortui (1).  
Joseph imponet manum suam oculis tuis.  
Gen. XLVI, 4. Hic ritus & ipsis Roma-  
nis atque Græcis peregrinus non fuit.  
OVIDIVS:

Ille meos oculos comprimat, ille tuos.

Ὁὐ μὲν σοὶ γὰρ πατὴρ καὶ πότνια μήτηρ,

ὅς σε καθάρσῃσσι θανόντι.

Non equidem tibi vel pater aut pia mater,  
sed quicumque prement oculos morienti. HO-  
MER. Iliad. 2.

II. II.) Lavabant cadaver (2). Ta-  
bitham mortuam postquam lavissent, po-  
suerunt ἐν ὑπερώῳ, in cœnaculo. Act. IX, 37.  
Baptizatio seu lotio circa tale tempus tri-  
plex fuit. 1. Βαπτισμὸς ἀπὸ νεκρῶν, Ablu-  
tio pollutionis accersitæ ex contactu mortui  
(3), Sir. XXXIV, 29. Ita homo nescius im-  
pro-

improvisoque casu pollutus, lotionem aliquam mundatus est. 2. ΒΑΠΤΙΣΜΟΣ τῶν νεκρῶν, *ipsius cadaveris ablutio*. Sic lota est Tabitha. Vox autem ΒΑΠΤΙΣΜΟΣ, non extraordinarie applicatur *communi lotioni*, uti *Marc. VII, 4.* legimus de *lotionibus poculorum, sextariorum, aramentorum, lectorumque*. In S. Textu est vox ΒΑΠΤΙΣΜΟΣ. Prior istarum *lotionum* erat Judæorum propria; posterior & Judæis fuit familiaris & Christianis. TERTULL. *Apol. c. 47.* item EVSEB. *Hist. lib. 7. c. 17.* & etiam Gentilibus:

*Corpusque lavant frigentis & ungunt.*

VIRGIL. *Aeneid. 6. vers. 219.* Denique 3. ΒΑΠΤΙΣΜΟΣ ὑπὲρ νεκρῶν, *lotio pro mortuis*. 1 *Cor. XV, 29. (4).* Visitata solum Christianis haud bene institutis.

III. Quæritur hic, qualis *baptismus* fuerit? Hunc locum, attamen cum subjectione judicii, intelligo cum AMBROSIO in *h. l. de lotionem sacramentali*, applicata quibusdam hominibus *vivis*, nomine & causa amici, sine recepto *baptismo* denati, ex superstitiosa opinione, quasi *baptismus* in vivo peractus, nomine mortui, juvare posset eum, qui sine *baptismo* lucem reliquit; ita ut Apostolus, hos superstitiosos Corinthios proprio gladio confecturus, resurrectionem mortuorum confirmet ex ipsorum errore, probans, quod ipsorum anilis ritus tingendi aqua vivos, mortuorum loco, frustraneus vanusque esset, nisi expectaretur mortuorum ἀνάστασις. Hinc Apostolus cum emphasi distinguit personas, *vers. seq.* (dicens: *quid & nos periclitamur omni hora?* Evin- cit resurrectionem vi duplicis argumenti: prius datur a superstitioso ipsorum ritu &

*baptismo pro mortuis; posterius de omnium horarum periculo, quod nos, h. e. ipse Apostolus & alii Christiani, subimus. Ita, sicuti Pater iste notat, Apostolus non suffragatur ipsorum errori, sed convincit ipsos de resurrectione, ex ipsorum, licet vitiosa, praxi. Quod autem vicarium tale baptisma, uti id TERTULLIANVS vocat de Resurr. carnis, in usu fuerit apud Marcionitas, immo & apud Cerinthianos, res liquet, EPIPH. ad Cerinth. Hæres. 28.*

IV. Modus ejus sic describitur: Quando aliquis Catechumenus moritur, tum vivus quidam subter denati lecto recumbit, accedentibus aliis, qui mortuum rogant, num baptizari velit? qui quum non respondere possit, pro ipso responsum dat subter lecto jacens, aitque, se velle baptizari; & sic baptizant ipsum vice mortui, scenam quasi in theatro agentes. CHRYSOST. 1 *Cor. XV.*

V. Tertius ritus Judæis circa mortuos usitatus erat pollinctura corporis (5), quam, uti probabile est, hauserunt ab Aegyptiis. Reperimus enim, quod Josephus primus sit, qui hunc obiverit ritum. *Gen. L, 2.* Aegyptius pollincturae modus ita habuit: Auferunt viscera ex cadavere, purgant ac lavant vino dactylidum, & rursus aromatibus. Postmodum replent intestina pura contusa myrrha & casia aliisque aromatibus, (præter thus) & ostendunt. Deinde condiunt corpus, 70 dies nitro abscondentes, non diutius: post 70 dies lavant corpus, & bysso gummi illitæ involvunt, quod gummi Aegyptii usurpant pro glutine; Græci vocant ταρίχευσιν. HEROD. *Euterpe.*



VI. Vfus illius erat, ut conservarentur corpora, ne tam cito putrescerent. Quando autem non diu tardabant sepulturam, aliam adhibebant *pollincturam*, nempe externum aromatum & suffimentorum illitum, retinente intestina ventre. Hoc vocant Græci *ἐνταφιάζειν*. Vsurpatur tamen τὸ *ἐνταφιάζειν*, in Scripturis lata significatione, ad denotandam utramque *condituram*. Immo *ἐθαψαν*, *sepeliverunt* occurrit Gen. L, 26. pro eo, quod in Hebr. exstat, *וַיִּתְּנוּ* & *aromatibus condiverunt*. Verbum *ἐνταφιάζειν*, adhibetur Salvatori nostro Joh. XIX, 3. Subinde *cremabant cadaver*, ossa urna condentes. Amos. VI, 10. (6). Vt plurimum autem totum *sepeliebant* corpus.

VII. Vetus Judæi, si non acceperant a majoribus sepulcretum (7), tum sibi ipsis comparabant, quo ipsi olim ipsorumque familia reconderentur. Facies ejus loci hæc fuit (8): Caverna fornicata erat ex rupe, *sex cubitorum longa* *על שש* *דאמה* TALMVD. Seder. Nez. in *Bavabathra* c. 6. & quatuor lata; in qua octo aliæ minores cellulae seu cavernulae (aut juxta alios tredecim) distinctæ erant pro recipiendis cadaveribus. Quoties quempiam *humabant*, solebant ori sepulcri ingens saxum apponere (9). *Cavernam* seu *fornicem* ipsum denominabant de *humationis* actu *קבר* *sepulcrum*, aut de ipsius forma *מַעְרָה* *speluncam*. Cellulas istas, quibus reponebatur cadaver, vocabant *כִּיּוֹם* *tumulos*, & saxum *לִיל* *lapidem volutationis*. Hæc multum lucis afferunt Evangelistæ: *Joseph, cum accepisset corpus Christi, involvit illud sindone pura, posuitque illud ἐν τῷ αὐτῷ μνημείῳ καινῷ*, in monumento suo novo, quod celaverat ex petra, & advolvit saxum

*ingens ostio sepulcri. Matth. XXVII, 59, 60.*

VIII. Hæc sepulcra seu fornices quum ditiores pingerent, ornarent, & polirent circa os seu introitum eorum, hinc fluxit ille mos loquendi: *Sepulcra dealbata* (10). Quoties occasio erat recolendi memoriam alicujus amici mortui, aut de eo loquendi, usi sunt eo: *זָכַר צְדִיק לְבְרָכָה* *memoria justi sit in benedictione. Prov. X, 7. (11).* Propterea Rabbini, quoties citant aliquem venerandum auctorem, consueverunt semper addere honestam hanc commemorationem: *N. Benedictæ memoriae.* וְי. Ordinaria ipsorum *epitaphia* (12) hæc erant: *נִשְׁמָתוֹ הִתְקַה צְרוּרָה בֵּין עֵרֶן אֲנָן סֵלָה* *Anima ejus sit colligata in hortum Eden seu in fasciculum vivorum. Amen Amen Amen Selah.* SCHINDL. in voce צָרָר.

IX. Recentiores Judæi somnia foveant de loco *sepulture* (13), persuadentes sibi, quod, ubi Israelita animam efflat in terra peregrina extra terram promissionis, is exfors futurus sit resurrectionis, nisi ipsi Deus *viam subterraneam* expedire dignetur (14), per quam ipsius corpus continua volutatione & rotatione feratur in terram Canaan.

X. Fundamentum hujus opinionis desumitur ex mandato Jacobi ad filium suum Josephum, ne ipsum conderet terra Aegyptiaca, sed Cananæa; cujus mandati tres afferunt rationes. 1. Quia Josephus per Spiritum Propheticum prænoverit, quod pulvis illius terræ postmodum commutandus sit in pediculos. 2. Quia illi, qui decederent extra terram sanctam, non resurrecturi sint, nisi prius ipsorum corpora voluta-

lutatione difficili & acerba per cavam istam viam eo deferantur. 3. Ne Aegyptii ipsum adorarent idololatrice. SALOM. IARCHI. Gen. XLVII, 20. (15).

XI. Celebrarunt itidem *convivium funebre* (16), quod dicitur *panis hominum*. Ezech. XXIV, 19. & *calix consolationis*. Jer. XIV, 7. Quoniam adhibebatur ad solandum eos, quorum cor mœstum esset. Simile est Romanorum *silicernio*. Ex duobus his posterioribus locis observare possumus, quod in sepeliendis amicis sequentes usurparent ceremonias; quasdam ad *testandum*, & quasdam ad *ampliandum* suum mœrorem.

XII. I.) *Seipsos secabant* (17), hoc est vulnerabant; aut instrumento membrum aliquod corporis amputabant. Hanc feritatem didicerant a Gentibus, quæ non tantum ora laniabant, sed & quasdam corporis partes acu fauciabant, vel alias incidebant, atramentumque superponebant, quod in cultum Dæmonum suorum fiebat. Præcipitur ergo, ne ullo pacto, sicut Gentes, ferirent carnes suas, Deut. XIV, 1. quemadmodum sacerdotes Cybeles & Dæ Syrorum, ut refert LVCIANVS. P. FAGIVS Deut. XIV, 1.

Vnguibus ora soror fœdans, & pectora pugnīs.  
VIRGIL. l. 4. Aeneid. 673.

XIII. Et II.) *sibi ipsis calvitiam faciebant* (18) variis modis, aut *tondendo* capillos, aut *evellendo* manibus, aut *extirpando* medicamentis. Aliæ nationes solebant radere caput, & capillitium offerre mortui causa. OVIUS. Met. 3. vers. a fin. 227.

- - - Planxere sorores

Najades, & seclos fratri imposuere capillos.

Subinde solas *tondebant* genas, interdum supercilium; quæ gentiles consuetudines proscribuntur. Deut. XIV, 1.

XIV. III.) *Ibant nudo capite* (19), ut possent id pulvere & cinere conspergere, testantes *se indignos esse, quos terra portet*.

XV. IV.) *Ibant nudo pede* (20), ad maioris humilitatis speciem.

XVI. V.) *Obvelabant labia* (21); quod erat singularis mœstitiæ pudorisque nota. Et *pudescient videntes, & compungentur fatidici, & operient mentum omnes, quia non est responsio Dei*. Mich. III, 7. Quæritur, quomodo obvelarint sua labia? Resp. putantur fecisse *extremitatibus palliorum aut vestium injectis*. D. KIMCHI & ABEN ESRA. P. FAG. Lev. XIV, 45.

XVII. VI.) *Diffuebant vestes suas* (22).

- - - Scissaque Polyxena palla.

IVVENAL. Sat. 10. vers. 262.

XVIII. Tandem VII.) *Lumbos cingebant cilicio*. Gen. XXXVII, 34. (23). Hæ fuerunt generales luctus notæ & signa, usurpata in omnibus maioribus lugendi occasionibus.

XIX. Præterea duo insuper sunt signa, sepulturæ propria, ad ampliandum luctum. I. *Musici* (24), qui sono querulo & flebili affectus populi ad ploratum movebant.



Horum duæ species erant. Alii modulabantur *tibiis*; alii insonabant *tubis*. Majoris ætatis fortunæque funera ad tubam proferre solebant, minoris vero ætatis & conditionis ad *tibias*. SERVIVS. *Aeneid.*

*Cum signum luctus cornu grave mugit  
adunco*

*Tibia, cui teneros suetum producere  
manes*

*Lege Phrygum mæsta.*

STATIVS *Theb. l. 6. vers. 121.* Hoc respectu dicitur, quod Jesus, suscitans filiolam Jairi, expulerit τὰς ἀυλητάς, *tibicines* Matth. IX, 23. Et 2. *Femina* eodem fine conductæ (25) ad modulandum lugubre carmen, & exterioribus luctus signis catervam commovendum fortius. *Vocate lamentatrices, ut veniant, & ad sapientes feminas mittite, ut veniant* Jer. IX, 16. Has vocabant Romani *Præficas*, quasi in hoc ipsum præfectas.

## C A P V T VI.

### D E I V R E I V R A N D O.

**M**odus *jurandi* sæpe fiebat elevatione manuum versus cælum (1). Dixit Abraham ad Regem Sodomæ; *extuli manum meam ad Jehovah*, h. e. *juravi*, me non capturum esse vel filium, vel corrigiam calcei tui. Gen. XIV, 22, 23. Quo respicit Psalmista: *extulit manum suam*. Psalm. CVI, 26.

II. Interdum *jurans* ponebat manum suam subter femore alterius (2), cui *jurabat*. Legimus ita Abrahamum administrasse hunc *jurandi* modum. Gen. XXIV, 2. & Jacobum. Gen. XLVII, 29. Quam cerimoniam quidam exponunt esse *subjectionis signum*. ABEN ESRA Gen. XXIV, 2. Alii dicunt fuisse *mysterium circumcisionis*, cujus notam ferebant circiter eum corporis locum. SALOM. IARCHI *ibid.* Aliis videtur probabilius, fuisse *mysticum signum Christi promissi seminis*, quod nasciturum esset ex lumbis Abrahæ aut femore, quem-

admodum similis loquendi modus usurpatur Gen. XLVI, 26. *animæ egressæ ex femore Jacobi*. AVGVST. *Quæst. super Gen. LXII.*

III. Interdum etiam *jurabant stando coram altari*. 1 Reg. VIII, 31. (3). Qui etiam mos Atheniensium fuit. ALEX. AB ALEX. l. 5. c. 10. item Carthaginensium. LIVIVS Dec. 3. l. 1. VALER. M. l. 9. c. 3. ac Romanorum.

*Quantum quisque sua nummorum servat  
in arca,*

*Tantum habet & fidei: jures licet, &  
Samothracum,*

*Et nostrorum aras, contemnere fulmina  
pauper*

*Creditur atque Deos.*

JUVENAL. Sat. 3, vers. 143.

IV. *Objectum legitimi juramenti* fuit atque est solus *Jehova*, unde *jurans* dicitur *confiteri Deum* (4). Conf. *Jesa. XLV, 23.* cum *Rom. XIV, 11.* Antiquus autem inos imponendi *juramentum* hic fuit: *Tribue gloriam Deo. Jos. VII, 19. Joh. IX, 24.* Deus itaque glorificatur *juramento*, quia eo fit solennis confessio *divinæ omnipræsentiae*, quod ubicunque præsens sit; item *omniscientiæ*, quod sint πάντα τετραχρησµένα τοῖς ὀφθαλμοῖς αὐτοῦ, abditaque quæque pernoscat; *veritatis*, quod sit *cultor veritatis & ultor falsitatis*; *justitiæ*, quod sit ἐκείνος, promptus; *omnipotentiae*, quod factis virium ipsi sint ad puniendum eos, qui Deo *perjurio* illudunt. Et quemadmodum *objectum legitimi juramenti* erat solus Deus (5), ita docet, quod non cito & incaute suscipiendum sit, sed tantum, si sit necessitatis vi impositum; nam & vox Hebr. וַדַּשׁ passiva est (6), potius significans τὸ *jurari* quam *jurare*.

V. Corruptis temporibus solebant *jurare* per *creaturas* (7). *Allium, porrum, cepasque inter Deos jurejurando habuit Aegyptius.* PLIN. lib. 19. c. 6. IVVEN. Sat. 15. vers. 9, 10. Judæi autem præprimis *jurabant* (8) per *Hierosolymam, per templum, per templi aurum, per altare, & donum super altari.*

VI. Hoc *donum* Hebraice vocatur כֶּרֶב Corban, eratque tempore Salvatoris nostri ex iis *juramentis* unum, quæ Scribæ & Pharisei censebant esse plurimum obligantia: Ἐν οἷς μετὰ τινῶν ἄλλων καὶ τὸν καλεσµένον ἔρκον Κορβᾶν κατὰ τριῶν, inter quæ *sacramenta* cum quibusdam aliis etiam *jusjurandum*, quod *Corban* appellatur, enume-

rat. IOSEPH. contr. App. l. 1. p. 147. Si quis *juraverat per altare*, nihil erat, quod si autem *per donum super eo*, tenebatur (9). Matth. XXIII, 18.

VII. Et licet lex Dei præcipiat & sustentationem & honorem parentibus impertientum, nihilominus, ubi se obstrinxerant *jurejurando Corban* (10), scil. parentes non a se adjutum iri, putabant se lege solutos esse. De quo TALMVD. HIEROS. Tract. de votis c. 10. dicit: *Quivis tenetur suum patrem & matrem honorare, nisi contrarium voverit.* Et satis manifestum est, quod Judæi sæpe solennibus promissis & *juramentis* seipso devinxerint, se huic vel illi nihil commodi præstituros. "Οὐκ ἔστιν ὅτι πῶς δύνανται μὴ παρέχειν ὡφέλειαν τινὰ. *Jurejurando se obstringunt, se huic vel illi non præstituros utilitatem aliquam.* PHILO IVD. de Specialib. Legib. p. 595.

VIII. Sciendum porro est, quod plerumque *juramentum* comitata sit *execratio* (11), aut *devotio* conditionalis, quæ sic interdum similiterque exprimitur: *Nisi ita vel ita fecero, faciat mihi Deus ita, & ita addat.* 1 Sam. XIV, 44. 1 Reg. XX, 10. (12). Interdum illa subintelligitur, ut Gen. XIV, 23. *Extuli manum meam ad Jehovam, si vel filium vel corrigiam calcei capiam; tum Dominus mihi ita faciat, & ita addat.* Hoc aut ejusmodi quid tacite subintelligitur, facitque ut prius sonet negative, quasi Abraham hoc modo dixisset: *juravi, me non capturum quidquam.* Similis ratio illius Psal. XCV, 11. *Juravi in ira mea, si intrabunt in quietem meam.* Hebr. III, 18.



IX. Hæc juvant explicationem difficilis illius loci *Matth. XV, 5.* ubi legitur: *Δωρεον, ὃ ἐὰν ἐξ ἐμῆς ὠφελῇθῃς, oblatio sit, quidquid ex me utilitatis ceperis.* Quod si autem hæc verba concipiamus juxta formam *jurisjurandi Corban*, sic scil. *si per Corban quidquam tibi profuero*, hac *exeratione* subaudita, tum *faciat mihi Deus ita*, & ita addat, sensus talis emerget: *Per Corban nihil tibi prodero.* Interpretor *ὃ ἐὰν, si quidquam*, quemadmodum *ὃς ἐὰν, si quisquam.* *Matth. X, 14. & Matth. XXIII, 18.* Cæterum si quis urgeat, quod in fonte sit *Κορβᾶν*, non *per Korban*, vel

*ἐν Κορβᾶν*; sciendum, quod similis ellipsis in *jurandi* formulis non sit inusitata; hinc *יהוה המעון* valet *יהוה המעון per domicilium hoc.* Vid. *DRVS. de 3. Sect. l. 2. c. 17.*

X. Hæc interpretatio tam bene collimat cum scopo loci istius, quam cum modo *jurandi*, & clare docet, qua ratione Pharisei suis statutis & traditionibus præcepta Dei eluserint. Deo enim mandante, *honora patrem ac matrem*, Scribæ & Pharisei dicunt: si quis parentibus opem poscentibus responderit, *per Corban nihil tibi prodero*; non tenetur.

## C A P V T VII.

### DE MODO SCRIBENDI, MASORETHIS, IPSORVMQVE

#### O P E R E.

Scriptura nulla in natione subito perfectionem obtinuit, sed per gradus limatior facta est.

II. Opiniones veterum de auctoribus ac inventoribus *literarum* (1) diversæ sunt. Quidam dicunt, *Cadmus* primum in Græciam intulisse *literarum* usum. *PLIN. l. 7. c. 56. DIOD. SIC. l. 6. c. 15.* Alii *Palamedem. SERV. l. 2. Aeneid.* Alii produnt, *Rhadamanthum* intulisse eas in *Assyriam*, *Memnonem* in *Aegyptum*, *Herculem* in *Phrygiam*, *Carmentem* in *Italiam.* *ALEX. AB ALEX. Genial. l. 2. c. 30.* Ita quoque quidam dicunt, quod *Phœnices* primi fuerint, qui noverint usurparintque *litteras.*

*Phœnices primi, famæ si creditur, ausi Mansuram rudibus vocem signare figuris.*

*LVCAN. lib. 3. vers. circit. 220.* Alii dicunt, primos auctores *Aethiopes.* *DIOD. SIC. l. 4.* Alii *Assyrios.* *PLIN. loc. cit.* Sed firmiore fundamento *statuitur Moses* (2), quod primus docuerit *Judeos litterarum usum*; & quod *Phœnices* eas didicerint a *Judeis*, & a *Phœnicibus Græci.* *EVSEB. Præp. Evang. l. 8.*

III. Materia itidem, cui *inscribatur* (3), rudibus ætatibus diversa fuit. Quidam *inscribebant interioribus arborum corticibus*, unde & dictus est *Liber*, qui proprie denotat talem *corticem.* Alii *litteras officulo,*

*officulo*, pennæ vice, exarabant in *lateribus*. DIOG. LAERT. in *vita Cleanthis*. Alii scribebant in *tabulis*; quæ postrema scriptura Judæis familiaris fuit. Decalogus inscriptus erat *duabus tabulis lapideis*. Rursus: *scribe illud in tabula*; *Jes. XXX, 8*. LXX ajunt: ἐνὶ πρῆξις, in *tabella buxæ*, ac si tabulæ scriptoriæ ea tempestate fuerint e buxo confectæ. Tum temporis non utebantur pennis, sed instrumento quodam ferreo (4), quod dicebant *Stylum*; cuius altera extremitas acuta erat cuspidē, ad facilius incidendum literas; altera autem erat latior, ut rursus obliterarent, quod exarassent. Vnde & natum est illud proverbium: *Invertere stylum*; h. e. mutare quod dixeris aut scripseris. ERASM. *Adag. Mutatæ sententiæ*. *Scribe stylo hominis*. *Jes. VIII, 1*.

IV. Antequam etiam libros compingere scirent, quemadmodum hodie, inscribebant *voluminibus* papyri aut membranarum (5), quæ interdum latitudine in decem ulnas, longitudine in viginti excurrerant. *Zach. V, 2*. Tale *volumen* vocabant מְגִלָּה *volumen*, Anglice *a volume*, a מָלַךְ *volvit*. In *volumine libri de me scriptum est*. *Pf. XL, 8*. Et Christus librum claudens, dedit ministro. *Luc. IV, 20*. Originalis vox est πρῶξας, *complicans, convolvens*, & *vers. 17*. ἀναπρῶξας, *explicans, evolvens*.

V. Hæc *volumina* non erant conscripta continuo vocabulorum fluxu, sed scriptura distincta in iis erat multis spatiis & columnis, quasi totidem areolis (6). Hæ *areæ* scriptis consistæ erant vice foliorum in libris; sic intelligenda sunt illa *Jer. XXXVI, 23*. *Cum legisset Jebudi tres paginas vel*

*quatuor, scidit id cultello Scribæ &c.* Hæ *paginæ* nihil aliud erant, nisi spatia repleta in *volumine*. Hodierni Judæi Legem hujusmodi *voluminibus* & *spatiis* scriptam in suis Synagogis recondunt. BVXTORF. *Instit. Epist. p. 4*.

VI. Multum depugnatur, utrum Judæi ab initio scripserint cum Vocalibus & Accentibus, aut an iidem a Masorethis additi sint? Quod ut intelligatur, opus erit inquirere, 1) qui fuerint *Masorethæ*? 2) quod ipsorum opus? et tum decidemus, quid plausibilis hac in re videri possit.

VII. *Primo*, quod attinet *Masorethas* (7), sciendum est, quod מִסֵּר significet *tradidit*, & מִסֹּרָה *traditionem*, ex manu ad manum ad posteros sine scripto transmissam, quemadmodum *Pythagorici Druidæque* facere consueti erant. Sed hic per synecdochen significat *scholia* & *notas criticas*, positas in Bibliorum margine. Auctores harum *notarum criticarum* vocabantur *Masorethæ*.

VIII. De iis autem, quales fuerint, duæ sunt opiniones. Quidam putant, fuisse ipsos Judæos doctos, Tiberiade habitantes, proptereaque dictos *Sapientes Tiberiadis*. ABEN ESRA. Vid. BVXT. *Comment. Masor. c. 3*. Hi Sapientes putantur notas istas marginales addidisse Bibliis Hebr. brevi tempore post excusum Talmud Babylonicum, scil. circa annum Domini nostri 506. ELIAS LEVITA in *Præf. 3. l. Masoreth. Hammasoreth*. Verum hæc opinio concidit duabus rationibus. 1) quia historiæ non produnt, quod ullum collegium aut schola tam longo temporis tractu Tiberiade per-



perstiterit, sed potius quod doctrinæ gradus ibidem cessarint anno 400 post natiuitatem Salvatoris nostri. BVXT. *in comment. Mas. c. 7.* Et 2) quia in utroque Talmude Masora ipsiusque rerum mentio fit. BVXT. *in comment. Mas. c. 8.* Alii ergo verisimilius dicunt; *Masorethas* illos fuisse *Concilium Ecclesiasticum* seu collegium constitutum ab *Efra*, *Haggai*, *Zacharia*, & *Malachia*, aliisque pluribus ad reformandam Ecclesiam congregatis, post reversionem e Babylone. R. ASARIAS. R. GEDALIA. BVXT. *in comment. Mas. c. 11.* Vocabantur illi *Collegæ*, *Viri Synagoga magnæ*.

IX. Istud *Concilium* ad minimum 40 annos perstitit; nam *Simeon Justus*, qui in vestibibus sacerdotalibus occurrit, leniturus Alexandrum magnum infesto animo adversus Hierosolymam moventem, ultimus illius *Concilii* fuit. PIRKE Aboth. c. 1. Et hoc fuit plus 300 annis ante natiuitatem Christi. *Efra* erat *Præses Concilii*, tantæque apud Judæos auctoritatis, ut ipsum compararint Mofi, dicentes: *Dignus erat Esra, quod data fuisset Lex per manus ejus Israeli, si non præcessisset eum Moses.* TALMVD. Sanh. c. 2. f. 21.

X. Secundo, advertendum est *munus*, seu *opus*, quod illi *Viri Synagoga magnæ*, seu *Masorethæ*, præstiterint. Opera ipsorum *munusque* (8) ad hæc singularia reduci possunt:

XI. Congregata Synagoga magna, cujus caput fuit *Efra*, inspiratione Spiritus Sancti clarus, *Collegæ* determinabant, qui libri essent *canonici*, qui *spurii* & *apocryphi*. BVXT. *in comment. Mas. c. 11.* Castiga-

bant libros canonicos ab omni errore (9), qui tempore captiuitatis in ipsos irrepererat. TERTVLL. l. de habit. muliebr. CHRYSOST. Homil. 8. ad Hebr. IRENAEVS advers. hæres. lib. 3. c. 25. AVGVST. de mirab. Sacra Script. l. 2. circa finem. Dividebant V. T. in libros 22 pro numero literarum Hebraicarum. GENEBRARD. lib. 2. Chron. idque in *sectiones magnas*, & *versus* (10); nam etiamsi lex non ita citra ordinem, sine ullo spatio & signo distinctionis, inter vocem & vocem, scripta esset, ut videretur esse unus continuus versus, aut, quemadmodum *Kabbalistæ* dicunt, *היה אחד* *dictio una*, usque ad tempora *Masoretharum*, attamen non ita distincta eadem erat in *sectiones* & *versus*, ut nunc habemus. Addiderunt suas censuras & notas criticas, quantum requirere videbatur irregularitas multarum vocum, respectu vocalium & accentuum. Numerabant versus, voces, literas cujusque libri, ut præcaveretur omnis corruptionis possibilitas, ævis insequentibus; nam abhinc dicebant, deficiet donum prophetiæ. Tandem annotabant *variantes scriptiones* & *variantes lectiones*.

XII. Quod ut intelligatur, sciendum est, quod in textu Hebr. multæ voces scribantur pluribus, multæque paucioribus, quam proferantur, literis; & quod multæ voces scribantur, quæ non legantur. Sunt autem octo voces, quæ scriptæ sunt in textu, sed non leguntur, quas adducit *Masora*. Ruth. 3, 12. &c. Diversitas in margine exprimitur, unde diversitas in textu vocatur *כתב* *Scriptio*: diversitas in margine, *קרי* *LECTIO*, quia vox in margine notata legitur. Hæc differentia putatur a quibusdam esse correctio Bibliorum, juxta peculiare descriptiones

nes post liberationem ex Babylone. Contra hos disputat ELIAS LEV. in *Pref.* 3. l. *Maf. Hammas.*

XIII. Quod autem ex diversitates sint auctoritatis divinæ, continentes multa mysteria Mofi patefacta, & insequentibus Prophetis, (licet plurima illorum nostrum ævum lateant) quodque non sint correctiones, sed quod studio & summam ob rationem ab ipsis Prophetis sanctisque Scripturæ scriptoribus fuerint constructæ, hoc ἐμφανισθῆναι patet ex variantibus lectionibus, quas deprehendimus in illis libris, quos conscripsere *Haggai, Zacharia, Ma-*

*leachi, Daniel, Esra.* Qui quum essent suorum librorum auctores, non habebant opus correctione eo tempore, cum essent præsentibus; & tamen in iisdem variantes lectiones occurrunt.

XIV. *Tertio*, propositio hæc sequitur: quia *Masorethæ* suæ censuræ virgula multas voces, propter irregularitatem vocalium & accentuum in istis, notant, propterea vocales non agnoscunt auctores *Masorethas* (II), sed redolent eandem cum suis vocibus vetustatem. Et revera alias fuissent corpus sine anima.

## C A P V T VIII.

### DE METATIONIBVS TENTORIORVM ET CASTRIS

#### ISRAELITARVM.

**T**emplum Israelitarum in desertis vagantium fuit *Tabernaculum*, & domicilia, *tentoria*, adeo ut *castra* ipsorum dici potuerint *urbs mobilis*.

II. *Castra* distinguebantur in tres partes (I). In centro seu in medio erat *Tabernaculum cum atriis*, quod vocabant *castra Majestatis Divine*. Circum ea proxime habitationes figebant Sacerdotes & Levitæ, quibus cura tabernaculi commissa, & propterea proxima habitatio commodissima erat. Hæc vocabant *castra Levi*. In extrema parte circum Levitas sua metabantur *tentoria* duodecim tribus, vocabantque *castra Israelis*.

III. *Prima castra* erant instar templi cathedralis cum cœmeterio. *Secunda* instar loci privilegiati prope templum, in quo erecta sunt pro clericorum habitationibus collegia. *Tertia* velut corpus urbis, ubi cives seu laici habitant.

IV. Totorum *castrorum forma* verissimiliter putatur fuisse *quadrata*. Quidam dicunt eadem exivisse in 12 milliarius longitudinem, & duodecim milliarius latitudinem. *VZIEL Num. II, 3.* A parte orientali tendebant hæ tres tribus, *Juda, Isaschar, & Zebulon*: A parte australi, *Ruben, Simeon, & Gad*: A parte occidentali, *Ephraim, Manasse, & Benjamin*: A parte boreali, *Dan,*



*Dan, Ascher, & Naphthali.* Et hæ tribus constituerunt extrema, seu *Israelis castra.*

V. Inter singulas tribus, in singulis his quatuor partibus, patebant spatia magna instar platearum, in quibus, quemadmodum in foris, emebatur vendebaturque (2), ac ubi institores Cereales apportabant, reducebantque. Ὅυδενί τε ἄλλῳ ἢ πόλει μετανισταμένη καὶ καθιδρυμένη ἑώρακε, nulli alii rei, quam urbi bene ordinatæ & dispositæ similia sunt, scil. castra, IOSEPH. l. 3. Antiqu. c. II. p. 57.

VI. Tradunt Hebræi, filios Israëlis castra metatos fuisse in circuitu tabernaculi, ut unum milliare interfuerit, h. e. spatium mille passuum, quod est iter Sabbathi. *p. FAGIUS Num. II, 3.* quod colligitur ex *Jos. III, 4.* ubi præcipitur spatium cubitorum 2000 inter populum & arcam. Postea tendebant castra Levitæ. A parte orientali, *Moses & Aaron & Sacerdotes*; a parte australi, *Cohabitiæ*; a parte occidentali, *Gersonitiæ*; a parte boreali, *Meraritiæ*.

VII. In meditullio erant *castra Divine Majestatis*. Huc aliusit David. Ps. XLVI, 6. *Deus est in medio ejus; non movetur.* Stabilita republica, partes Hierosolymæ æquali modo distinctæ fuere. A portis Hierosolymæ ad montem templi erant *castra Israelis*; a porta montis templi ad portam atrii (quæ alias vocatur *porta Nisanoris*) erant *castra tñ Levi*: a porta atrii & longius erant *castra Majestatis Divine*. MALMON. in *Bethhabchirah*. cap. 7. sect. II.

VIII. Adhæc sciendum est, quod duodecim tribubus fuerint quatuor principalia, *vexilla*; singula *vexilla* trinis tribubus, quam ob causam Ecclesia dicitur *terribilis ut acies vexillis instructæ*. *Cant. VI, 4.* Vocabulum Hebr. *דגל* *vexillum Num. II, 2.* vertunt *LXX τάγμα, ordinem, turmam.* "Ἀνδρωπὸς ἐχόμενος κατὰ τάγμα αὐτῆς, *quisque juxta ordinem suum.* Chaldei vocant *ܕܓܠ* (quam vocem mutuuntur a Græcis, quibus *τάξις* idem est) *ordinem*; ut *ܕܓܠ ܕܩܝܢܐ* *quisque juxta ordinatas suas acies.* Hinc suum loquendi modum sumsit Paulus *1 Cor. XV, 23.* "ἕκαστος ἐν τῷ ἰδίῳ *τάγματι.*

IX. Singula *vexilla* putantur fuisse tribus coloribus tincta, secundum colores gemmarum in pectorali (3); & gestasse Patriarcharum nomina. IONATH. VZ. *Num. II, 3.* Verum hæc proportio vacillat; nam *tribus Levi*, quæ hic reliquis tribubus non annumeratur, suam tamen gemmam habebat in pectorali. *Ioseph* autem, cujus gemma in pectorali fuit *beryllus*, hic constituit duas tribus, *Ephraim* & *Manassen*, attamen ei non possunt colores ex pectorali tribui.

X. Singulis vexillis sua erat inscriptio. In primo exaratum erat illud Num. X, 35. Surge Jehova. & dispergantur inimici tui, fugiantque ofores tui a vultu tuo. - Præterea putatur ab Hebræis, quod singulis vexillis impressum fuerit peculiare signum. Dicunt, in vexillo Ruben fuisse imaginem hominis; in vexillo Judæ, imaginem leonis; in vexillo Ephraim, imaginem bovis; in vexillo Dan, imaginem aquilæ. P. FAGIVS Num. 2. ABEN ESRA *ibid.* Quæ quatuor ani-

animalia memorantur ab *Ezech. c. I. 10.* ad definiendam Angelorum naturam; nam Angeli ex hoc versu definiiri possunt, quod sint Spiritus intelligentes, ut homo; potentes, ut leo; ministratorii, ut bos; & celeres, ut aquila. TREMELL. in *Ezech. I.* Hanc Cherubinorum descriptionem habes *Apoc. IV, 6.*

XI. Per quæ quatuor animalia, juxta sententiam multorum Patrum, figurantur *Evangelistæ quatuor.* HIERON. ad init. sui *Comment. in Matth.* item GREGOR. *Homil. I. 4. Ezech.* Ab HIERON. dissentit AVGUST. (4) in *Matth.* & *Marc.* nam in leone Matthæum, Marcum in hominē putat adumbratum. AVGUST. de *Consens. Evang. I. 1. c. 6.* Ita creditur, quod Homo Matthæum adumbrarit, quia Evangelium exorditur *generatione* Christi secundum humanitatem; Leo Marcum, quia suum Evangelium inchoat voce leonis rugientis in deserto, *Vox clamantis in deserto*; Bos Lucam, quia inchoat cum sacerdote Zacharia; & Aquila Johannem, quoniam altius adscendit, initium de Deitate Christi capiens.

XII. Sic vidimus, quomodo metati sint sua castra, sequitur ipsorum *motio & progressus.* Vbi annotanda 1) ipsorum *motio* in itinere per desertum. 2) ipsorum *eductio* in bellum. 1. Quod attinet *motionem* in itinere, aut progressi sunt, aut constituerunt, ratione nubis, quæ ipsos comitabatur (5); scil. si illa se aut moveret aut sisteret. cujus modus describitur *Num. X.*

XIII. Summatim observemus, quod, quando Deus nubem tolleret, Mose precatō, & signo ad movendum a Sacerdotibus

edito, tum moverit primum *vexillum Juda* cum *Isaschar & Zabulon*, subsequentibus *Gersonitis & Meraritis*, qui afferes & pelles tabernaculi curribus ferebant. Tubis alterum signum dantibus, movebant *Ruben, Simeon, & Gad*, sequentes tabernaculum. Post hos ibant *Kobathitæ* medii inter duodecim tribus, ferentes humeris suis *arcam, lychnuchum, mensam, altare*, aliasque res sacras. Tercio tubæ signo excitum est *vexillum Ephraimi, Manassis, & Benjaminis*, sequentium Sanctuarium. Huc respexit David, orans *Pf. LXXX, 3. Coram Ephraimo, & Benamine, & Manasse excitā præpotentiam tuam, & veni ad salutem nobis.* Quarto signo tuba dato, prodibant cum *vexillo* suo *Dan, Ascher, & Naphthali*, quibus erat demandata cura claudorum, debiliū, & ægrorum, ne quis relinqueretur, sed omnes colligerentur, unde & illud *vexillum* vocatur *acies colligens.* *Jos. VI, 9.* quo respexit David *Pf. XXVII, 10. Pater meus & mater mea dereliquerunt me; at Jehova suscipiet me.*

XIV. 2) Quod attinet *eductionem* in bellum. 1. Sacerdotes tubis edebant *sonum fractum* (6), *Num. X, 9.* quem vocant תרועה clangorem, *vociferationem.* Hebræi duplicem clangorem esse statuunt (7), alterumque vocari תקיעה clangorem, alterum תרועה sonum fractum; quorum ille æquabilis est vox, hic citus concisusque fragor; ille ad convocandos cœtus, hic ad accendendos militum animos facit. 2. Delectus ex toto numero sacerdos est, qui animos populi flexanima oratione ad pugnam incitaret. *Deut. XX, 2.* Huic appellabant מוֹשֵׁה מִלְחָמָה belli causa unctum (8). 3. Ad prælium ibant quini in



uno ordine. *Exod. XIII, 18.* vox חֶמְשֵׁי hoc importat.

XV. Tandem observandum est, quomodo se gerere debuerint in *obsessione* urbis alicujus. Quod ut bene capiat, duas has nota propositiones: I. Pacem debebant offerre (9) omnibus inquilinis & Cananæis. *Deut. XX, 10.* Hoc clare patet *Jos. XI, 19, 20.* Nulla fuit urbs, quæ pacem iniit cum filiis Israelis, nisi Hevitæ Gibeonitis incolæ; omnes ceperunt bello. A Jebona enim fuit, ut obdurarentur corda ipso-  
rum. Moab autem & Ammon hic excepti sunt. Pacem ipso-  
rum & bonum ipso-  
rum Israeli interdictum est quærere. *Deut. XXIII, 6.* II. Non licebat Israeli foedus ferire cum septem populis. *Deut. VII, 2.* *Exod. XXIII, 32.* XXXIV, 15. Licebat autem cum peregrinis. *Jos. IX, 7.* Forsan in medio mei habitas, & quomodo percuterem tecum foedus? Non, quomodo pacem componerem tecum?

XVI. Si quis quærat, quid discriminis sit inter *pacem componere*, & *foedus pangen-*  
*re*? Resp. duplex discrimen est. 1. *Compositio pacis* erat nuda stipulatio & promissio mutua, ad tollendam omnem simultatem dissidiumque mutuum, ut utriusque partis vita tuta esset. *Percussio autem foederis* erat mutua sollemnisque devinctio, de invicem præstanda illa promissione mutua, fiebatque externis cerimoniis, scil. dissecando bestiam, & inter partes transeundo (10). *Jer. XXXIV, 18.* q. d. ita fiat ei, & ita corpus ejus dissecetur, qui ruperit hoc foedus. Hæc est causa, cur Hebræi, *foedus facere*, dicant כָּרַת הַבְּרִית dividere aut dissecare foedus, quemadmodum apud Lati-

nos dicitur *percutere foedus*, quæ locutio fluxit ab antiquo foederis faciendi more. Sacerdos enim vel Fecialis feriebat porcum filice, dicens: *qui prior defecit dolo malo, hunc tu illo die Jupiter sic ferito, ut ego hunc porcum hodie feriam.* LIV. Dec. I. lib. I. c. 24. Deinde 2. Israelitæ non componebant pacem, nisi hac conditione; ut *populus iste fieret tributarius*, *Deut. XX, 11.* *Percussio autem foederis* stabat æqualibus terminis, sine ulla vel tributi vel servitutis conditione, uti patet ex foedere, quod pepigit cum Gibeonitis Josua, ubi nullius omnino conditionis mentio. *Jos. IX.*

XVII. Hæc distinctio videtur mihi sequenda. utpote 1. quæ facit ad multorum Scripturæ locorum conciliationem; ut quando Deus ait: *offer omnibus pacem, & cum nemine pange foedus.* 2. ostendit, quod fraus Gibeonitarum communi opinione major sit (11), nam non simpliciter quæsi-  
verunt pacem, sed etiam foedus; *Secate nobiscum foedus.* *Jos. IX, 6.* Et 3. solvit communem objectionem pro juramentis *inconsideratis*, quod illa, licet illicita, obligent. Objectio ita habet: *Foedus, quod Josua inconsiderate pepigit cum Gibeonitis, illicitum fuit, & tamen Josua illud servavit, ruptumque a Saule, Gibeonitas percutiente, ultus est Deus.* 2 *Sam. XXI, 1.* Ergo &c. Dico, quod solvat hanc objectionem, quia, sedulo contemplando factum Josuæ, reperiemus, quod juramenta inconsiderata, eo usque, & tantum eo usque, sint obligatoria, quoad convenit inter ipsa verbumque Dei. Verbum Dei requirebat, Gibeonitas debere esse tutos a vitæ periculo, quoniam pacem accipiebant, huc usque ergo foedus illud in suo vigore mansit.

Rursus

Rursus Dei verbum requirebat, Cananitas accepta pace oportere esse tributarios, hic fœdus illud nullum vigorem habuit, proptereaque fecit ipsos Josua *lignorum putatores* & *aquam haurientes*; quod fuit tri-

buti species, juxta locutionem Scripturæ; *tributum corporis*, non *aeris*; quo sensu Aegyptii Præfecti, qui cuius suam statam operam demetiebantur, in Hebr. vocantur שָׂרֵי מִסִּים *Præfecti tributorum*. Exod. I, 11.

## CAPUT IX.

## DE MENSURA.

**M**ensuræ, Hebræis usitatæ (1), ut & omnibus aliis nationibus, duarum fuerunt specierum (2). 1. quædam *Mensuræ applicationis*, veluti *spithama*, *ulna* &c. 2. quædam *Mensuræ capacitatis*, veluti *pintæ*, *sextarii*, & *modii* &c.

vocatur יָדָא (6), Græcis σπιθαμή, Latinis *spithama* & *dodrans*; & est *mensura* expansorum digitorum, a pollice summo ad digitum minimum.

II. I.) *Mensuræ applicationis*, in Scriptura occurrentes, sunt sequentes, quibus fraus omnis abesse debuit. Fundamentum harum *mensurarum* erat latitudo tot & tot granorum hordeaceorum (3) mediocri magnitudine, juxta se positurum.

V. פֶּסַע *Pes* (7) continet pollices duodecim, seu quatuor palmos minores, aut sedecim digitos. P. MARTYR. 1 Reg. VI.

III. אַבְנֵי *Digitus*, seu latitudo pollicis (4), complectebatur sex grana hordei ventre juncta. ARIAS MONTANVS *Thubalcain*. Verum licet *digitus* per rotundam supputationem pro *pollice* sumatur, *quatuor tamen digiti*, si accurate velimus loqui, *constituunt tres pollices*. FRANC. IVN. in *Ezech.* XL, 5. Hujus fit mentio *Fer.* LII, 21.

VI. אַמָּא *Cubitus*, *Ulna* (8). Quatuor *cubitorum* species occurrunt apud Auctores. 1. *Cubitus communis*, seu distensio a flexura brachii ad extremitatem digiti medii. Continet Pedem & dimidium, seu sesquipedem (9). 2. *Cubitus sacer* (10), erat virga plena, complectens duos *cubitos communes*, uti patet ex coll. 1 Reg. VII, 15. cum 2 Chron. III, 15. Priori loco dicuntur columnæ altæ *octodecim cubitos*: posteriori, *cubitos triginta quinque*; quibus si addatur altitudo basis, quæ erat *pes*, vel *ulna communis*, duplicatur numerus; sic ut textus prior loquatur de *cubitis communibus*, posterior de *sacris*. 3. *Cubitus Regis*, qui trium digitorum longitudine superabat *cubitum communem*, qui communis proinde vocatur *cubitus viri* Deut. III, 11. quemque ONKELOS inconvenienter vertit *cubi-*

IV. *Palmus* (5); qui duplex fuit, *palmus minor*, & *palmus major*. *Minor* est *mensura* quatuor digitorum conjunctorum, seu trium pollicum. Græci vocant illam *mensuram* παλαίστα, Hebræi טוּפַח. *Major*



*cubitus Regis.* Vid. HERODOT. l. 2. in *descript. Bab.* 4. *Cubitus Geometricus*, mensura æquans sex cubitos communes; juxta hos cubitos creditur *arca Noachi* structa. ORIG. Hom. 2. in *Genes.* item AUGUST. de C. D. lib. 15. c. 27.

VII. Quidam *Cubitus Sacrum & Commune* ita distinguunt: *Communis cubitus*, ajunt, complectitur *quindecim pollices*, seu *quinos palmos minores*; *Sacer*, octodecim *pollices* seu *sex palmos minores*. Veruntamen probavimus *sacrum cubitum* complexum esse *duos communes*. Et verisimile est, quod, qui statuunt, eos *cubitos* tantum differre *tribus pollicibus* seu *uno palmo*, errorem suum trahant ex eo, quia *Cubitus* *Regis* habent pro *Sacro*.

VIII. חבל *Funiculus, Funis* (11). Ejus justa longitudo ignoratur; usus fuit metiri fundos; hinc & ipsius hereditatis nomen capit. *Funes mihi ceciderunt in amœnis.* Psal. XVI, 6. h. e. hereditas mea.

IX. קנה *Arundo, Calamus* (12). Vfus hujus fuit ædificia metiri; longitudo æquabat *sex cubitos*, & *palmum unum*, Ezech. XL, 5. *Cubiti* hoc loco exponuntur per *cubitos Regis*. Minor in hac mensura fraus fuisse poterat, quam in *Funiculo*, quia extendi plus, plusve contrahi nequibat. Inde canon S. *Scripturæ* mystice adumbratur *calamo*. Ezech. XL. Apoc. XXI, 15.

X. His insuper aliæ addi possunt *mensuræ*, quibus *mensurarunt* suas *vias* & *gressus*. Minima hujus generis fuit צעד *passus* (13).

XI. Στάδιον, *stadium* (14); cujus sæpius in N. T. nunquam in V. T. mentio fit. Continet 125 *passus* seu octavam nostrorum *milliarium* partem. ISIDORVS. Sunt qui putant στάδιον denominari ἀπὸ τῆς στάσεως, a *stando*, quod Hercules tantum terræ spatium cursu interrupto *emensus sit*, antequam steterit.

XII. *Milliarium* est *spatium mille passuum* (15) plurium tamen apud Hebræos; apud quos vox כברה (16) sæpiuscule *milliarium* transfertur, proprie tamen notat *prandium*, aut *alimentum*, a כרה, ut כ fit *servile*; applicatumque *viis* & *spatiis*, significat tantum loci intervallum, quantum homo commode conficere potest die dimidio a *pastu* ad *pastum*. Vox ea legitur Genes. XXXV, 16. כברה הארץ ut *pastus terræ*, iter diei dimidiæ. Græci eo loco peregrinum substituunt vocabulum χαβραδα, extra dubium confictum ex Hebr. כברה.

XIII. II.) *Mensuræ capacitatis* erant duum generum; quædam *mensuræ aridorum*, ut *frumentorum*, *seminum* &c. & quædam, *liquidorum* (17), ut *vini*, *olei* &c. Vt in utriusque *mensuris* justa proportio observaretur, omnes *mensuras* suas describere certo testarum gallinarum mediocris magnitudinis numero (18).

XIV. Quando hic *mensuras* cum nostris confere, & loquor de *modiis*, *semodiis* &c. intelligo id juxta *mensuras Wintoniæ* (19). Talis *modius* continet *sedecim sextarios*; & quando loquor de *congiis*, *semi-congiis*, *quartariis* &c. intelligo id juxta nostras

*mensuras cerevisiarias*; qua re eyito fractionem numeri.

XV. קב *Cabus* continebat tantum (20), quantum 24 ova, convenit cum *quartario* nostro. ARIAS MONTANVS *Thubal-Cain*. *Mensura minima* in Sacra Scriptura est *quarta pars Cabi*, seu 6 ova, 2 Reg. VI, 25. Fames in Samaria tam magna fuit, ut *quarta pars Cabi excrementorum columbarum* venierit *quinque argenteis*. Rabbinis hoc proverbium de *Cabo* est: עֲשָׂהָ קָבֵן שִׁתָּה יָרְדוּ לְעוֹלָם תִּשְׁעָה בְּטָרוֹ נָשִׁים *Decem Cabi locutionis* descenderunt in mundum, & novem istorum abstulerunt mulieres (21). BVXTORF. *Lex. in קב*.

XVI. עמר *Omer* continet (22) unum *Cabum*, & dimidium *Cabum*, & quintam partem *Cabi*, h. e. tres *Pintas*, & dimidiam, & quintam partem *Semi-pintæ*. Eriat decima pars *Ephæ*. Exod. XVI, 36. ALSTED. *Præcogn. Theol. l. 2. p. 588*.

XVII. סאה *Seah*, Σάτον, *Satum* (23). Latini Interpretes plerumque vertunt *Modium*. Continet *sex Cabos*, h. e. *congium* & dimidium. Vid. BVXT. *Lex. in קבב* ex opere R. ALPHES *Tract. de Pasch. c. 5. fol. 176*. In genere hanc vocem interpretamur *mensuram*. Cras hoc tempore veniet a *measure mensura* (סִיֵּה) *similæ*, *siclo*. 2 Reg. VII, 1.

XVIII. אֵיפָה *Epha* continet tria *Sata* (24). ARIAS MONT. *Thubal-Cain*.

XIX. לֶתֶבֶט *Letbech* continet *quindecim mensuras* (25) seu *Sata*, h. e. *duos Modios*, *sex Congios*, & *semi-Congium*. Hujus est

mentio *Hof. III, 2*. Ibi a nostratibus vertitur an *halfbomer*, semi-Chomer. Vid. EPIPHAN. *de Mensf. & Ponderib.*

XX. חֶמֶר *Chomer* (26); dicitur a חמור *afinus*, quoniam hæc mensura tantum frumenti capiebat, quantum *afinus* ferre sufficit. Continuit decem *Ephas*. *Ezech. XLV, 11*. h. e. 45 *congios* seu 5 *modios* & 5 *congios*.

XXI. כר *Corus* eadem mensura fuit cum *Chomer* (27). *Ezech. XLV, 14*. Non autem tantum fuit *mensura liquidorum*. *Luc. XVI, 7*.

XXII. Hæ mensuræ, de quibus hucusque differuimus, adhibentur ab Hebræis in rebus aridis metiendis (28). Fuerunt tres alix *liquidorum mensuræ*. ut:

XXIII. לוֹג *Log*. Continet sex ova (29). Vid. BVXT. *loc. cit.* eadem mensura fuit cum quarta *Cabi* parte, seu *semi-Pinta*.

XXIV. הֵיִן conficit 72 ova (30). BVXT. *ibid.* & juxta nostram mensuram 3 *quartarios*.

XXV. בָּת *Batos*, *Bathus*, ejusdem erat quantitatis cum *Epha* (31), scil. decima pars *Chomeris*. *Ezech. XLV, 14*. Latini Interpretes plerumque vertunt *Cadus*. HIERONYMVS *Ezech. XLV*. transfert *Vadus*; *Decima pars Cori*, inquit, in speciebus liquidis vocatur *Bathus* sive *Vadus*. Putaveram esse sphalma typographicum, & positum esse *Vadus* pro *Cadus*; sed invenio, Græcos adhibuisse vocabula Βάτος & Βάδος, pro qua posteriori voce Pater iste legit *Vadus*.



*duc.* Subinde in genere transfertur in nostra lingua *a measure, mensura*. Luc. XVI, 16. continetque 4 *congi*os & *dimidium*.

XXVI. Omnes hæ *mensuræ* Hebræorum propriæ fuere. Sed præter eas, tres aliæ occurrunt in Nov. T. ductæ ab aliis gentibus. ut:

XXVII. Ξεσές, *Sextarius* (32). quam vocem vertimus *a Pot Marc. VII, 4.* ejusdem cum *Log* quantitatis fuit, si intelligimus *Sextarium Romanum*; paulo autem major est, si intelligimus *Sextarium Atticum*. Undecim *Attici Sextarii* æquabant Romanos duodecim. Verisimilius ergo intelligimus *Romanam mensuram*, sic ut continuerit *sex ova*, seu *femi-Pintam*. Vid. ALSTED. *præcogn. Theol.* p. 561.

XXVIII. χοῖνιξ, *Chœnix*, mensura (33). Apoc. VI, 6. Proprie denotat tantam *frumenti mensuram*, quantam servo de die pacisci licuit. Hinc natum illud PYTHAGORAE χοῖνιξ μὴ ἐπιμαδίται, *super Chœnice non sed eas*; h. e. non unius diei dimenso acquiescendum, sed & in crastinum prospiciendum. Continebat 4 *Sextarios*, h. e. unum *quartarium*. BVDÆVS *de Assib.* l. 5.

XXIX. Μετρητής, *Metreta* Job. II, 6. (34). Transfertur *a Firkin*. Erat *mensura Attica*, ejusdemque quantitatis cum *Cado*; & *Cadus*, ut antea annotatum est, coincidit cum Hebraico *Bath*, sic ut quoque continuerit 4 *congi*os & *dimidium*. BVDÆVS *ibid.*

## C A P V T X.

### DE MONETA IPSORVM CVPREA, ARGENTEA, ET AVREA.

Vt justos nummos & pondera haberent, utraque librarunt granis.

#### NVMMI CVPREI.

II. λεπτόν, *Minutum* seu *Quadrans* ultimus Luc. XXI, 2. Marc. XII, 42. (1). Recentiores Judæi vocant פרוטה *nummulum minutum*, Syr. שמונה *octavam assarii partem*. Pendet *dimidium granum hordei*. פרוטה זה משקל חצי שעורה *Minutum istud est pondus dimidiæ partis hordei*. MOS. KOTS. fol. 124. col. 4. Conficit tres partes quadrantis nostri.

III. κοδράντης, *Quadrans* (2), erat *nummus Romanus*, pendens granum hordei, vel duo *Minuta*: Vidua illa pauper immisit in gazophylacium duo *Minuta*, quod est *Quadrans*. Marc. XII, 42. Consequenter valet nostrum quadrantem seu c. 12.

IV. ἄσάριον, *Assarius* vel *Assarium* (3), erat *nummus Romanus*, pendens quatuor hordei grana. Rabbinii vocant איסור, & dicunt, quod constituerit 8 *Minuta*. DRVVS. in *Præf. Luc.* XII, 59. De eo legimus Matth. X, 29. Nonne duo passeruli *Assario*

*Affario veneunt.* Nostri legunt *for a farthing*. Si præcise loquamur, de nostro valet *qa-q.* seu *Semiss*.

## NUMMI ARGENTEI.

V. גֶּרָה *Gerah*, erat vigesima pars *Sicli* (4) *facri*. *Siclus est viginti Gerah*. *Exod. XXX, 13.* Minimus est *nummus argenteus* Hebræorum, & convenit cum nostro *Obolo. i. d. ob.*

VI. אֲגוֹרָה *Agorah* (5). Vertimus in genere *a piece of silver, particulam argenti.* *i Sam. II, 36.* Verum ex Chaldaica Paraphrasi liquet, quod ejusdem cum *Gerah* valoris fuerit, ibidem enim utrumque transfertur נֶפֶשׁ, & a Græcis ὀβολος. Valor ergo est *i. d. ob.*

VII. קֶשֶׁבִּיתָב *Keschitab* (6), notat *agnum* Hebræis, certumque *nummum*, cujus alteri lateri *agnus* impressus fuit. In genere vertimus *a piece of money, partem monetæ.* Jacob emit portionem agri *centum nummis, for 100 pieces of money.* *Gen. XXXIII, 19.* Hebr. *centum agnis.* Verisimile tamen est, Jacobum redemisse istum agrum *nummis*, nam Stephanus ait *Act. VII, 16.* emisse ipsum *pretio argenti.* Juxta sententiam Rabbiorum, ejusdem valoris cum *Obolo* fuit. R. SELOM. *Genes. XXXIII, 19.* item R. DAVID *in lib. Rad.* item LEVI BEN GER. *Gen. XXXIII, 19.* & constituit vigesimam *Sicli* partem. DRVS. *ad diff. loc. Gen. p. 119.* Valor ergo fuit *i. d. ob.*

VIII. אֶרְגוּמִיּוֹן *Argumion, Argentus* (7). Quemadmodum Romani suas *summas* numerabant *sestertiis*, sic, ut sæpe *nummus* absolute positus sit ad significandum idem, quod *sestertius*; ita Hebræi suas *summas*

supputabant *siclis*, Græci *drachmis*. Hinc *Argenteus* in Sacra Scriptura absolute positus, cum locus agit de *nummis* Hebræorum, stat pro *Siclo*; valetque τετραδραχμων, seu *staterem Atticum 2. f. 6. d.* si fuerit *siclus sacer*; si vero *communis*, διδραχμων *Atticum 1. f. 3. d.* Cum autem locus agit de *nummis* Græcis, ut *Act. XIX, 19.* tum notatur *drachma Attica*, quæ valet *obolos 7.* *Luc. XV, 8.* BREERWOOD. de Num.

IX. διδραχμων, *Didrachmum.* *Matth. XVII, 24. (8).* The tribute-money vertimus. Syri legunt דו זוזין *duo zuzins*. Hebræorum autem *zuz* convenit Romanorum *denario*; ex quo patet, quod confecerit *7 obolos* nostros.

X. Στατήρ, *Stater* (9). In genere interpretamur eum *a piece of money*, valet vero præcise *duo didrachma*. Nam *nummus* census a quovis dependendus erat *didrachmum* *Matth. XVII, 24.* Hicque *stater* solutus est pro duobus, nempe Christo & Petro. Ejus ergo valor æquavit *14 obolos. 2. f. 6. d.*

XI. Δηνάριον, *Denarius* (10). Hoc erat *numisma census*, *Matth. XXII, 19.* Duæ species *denariorum* ipsis usitatae erant. TREMELL. *Matth. XXII, 19.* *Denarius communis*, qui valet *7 d. ob. septem obolos.* Et *denarius sacer*, qui constituit διδραχμων, *Atticum* seu *i. f. 3. d.* Et posteriori sensu *Matthæus l. c.* intelligendus est, nam *numisma census didrachmum* fuisse, ex *Matth. XVII, 24.* notavimus. Hoc *didrachmum*, seu *dimidia sicli pars*, antiquis temporibus quotannis ab Israelitis trigessimum annum affecutis Templo datum est, *Exod. XXX,*



32. ABEN ESRA. *Neb. X, 32.* Cæsar, hunc templi *censum* suo *gazophylacio* inferens, abstulit *תָּעַד דֵּעַ*. Hinc Christus in quaestione sibi proposita; *Licet censum dare Cæsari, an non?* respondet; *Reddite, quæ sunt Cæsaris, Cæsari, & quæ sunt Dei, Deo.* Hic *census* postea, vi decreti a Vespasiano facti, Capitolio Romano depensus est. IOSEPH. de B. J. l. 7. c. 27.

XII. זוז *Zuz* erat quarta pars argentei *Sicli* (11), & sic æquivalet nostrorum obolorum septem 7 d. ob. זוז רבע שקל כסף *Zuz est quarta pars sicli argentei.* ELIAS THISBIT.

XIII. שקל *Siclus* (12) duplex erat. I. *Siclus Regius*, communis usus in negotiis civilibus, emtionibus, & venditionibus, & ejusdem valoris cum *didrachmo*. II. *Siclus Sanctuarii*, pretio æquans *τετράδραχμον*, seu 2. s. 6. d. In *Siclo Sanctuarii* duo typi excusi erant, quorum alter ubivis inter Judæos valebat. *Triginta argentei*, quos Judas accepit, creduntur fuisse *triginta sicli sacri*. Vnus typus in altero latere fuit *Urna manne*, aut, juxta aliorum sententiam, *thuribulum Aaronis*, cum hac inscriptione *שקל ישראל* *Siclus Israelis*. In altero latere erat impressa *Virga frondens Aaronis*, cum hac inscriptione *ירושלם הקדושה* *Hierosolyma Sancta*. Post adventum Salvatoris nostri, conversi ad Christianam fidem Judæi mutarunt suum *siclum*, in priori latere exarata effigie Christi, adjectisque ad frondem vel os literis *יש*, & imposita capiti litera *י*; quæ tres literæ componunt nomen Jesu. ALSTED. *Præcogn.* Altero autem hujus *sicli* latere nullum erat signum, sed totus orbiculus reple-

tus erat hac inscriptione *משיח מלך בן דוד* *Messias rex renit cum pace, & lux de homine facta est vita.* In aliis monetis eodem sensu hæc inscripta leguntur: *היהוים עשוי אדם* *εἶναι ἀνθρώπου*. *Siclus Regius*; tempore Davidis & Salomonis, altero latere lignum tulit, turrin positam inter *ירי* & *שלם*, infra quam legebatur *עיר הקודש* *Hierosolyma urbs sanctitatis*. Alterum latus totum inscriptum erat his verbis: *דוד המלך* *ובנו שלמה המלך* *David Rex & filius Salomo Rex.* *Siclus* præterea in minores nummos divisus fuit, qui suam denominationem habuerunt a partibus ejus. Sic mentio fit *dimidii sicli* *Exod. XXX, 13.* & *tertiæ partis Sicli* *Neb. X, 32.* & *quartæ* *1 Sam. IX, 9.*

#### NVMMI AVREI.

XIV. זרק (13), quod transferimus a *piece of gold* 2 Reg. V, 5. alii *siclum auri* esse putant ex 1 Chron. XXI, 25. Hujus generis sunt 1700 nummi aurei, quorum mentio *Jud. VIII, 26.* quo loco Græci vertunt *Σίκλοι χάλιοι* &c. Ponderus hujus *nummi* æquavit duas *drachmas Atticas*, valor 15. s. BREERWOOD de Num.

XV. ארזכון, de quo *Esr. VIII, 27.* (14) vocatur alias *הרפמן* *Esr. II, 69.* Vtrumque hoc nomen videtur denotare eundem *nummum*, si non, pondus tamen idem utriusque fuit. Græci utrumque interpretantur per *δραχμήν*, secundum quos nos quoque utrumque transferimus a *dram of gold*; quod intelligendum de *drachma Hebræorum*, quæ æquivalet duabus *drachmis Atticis*. A Græca voce *δραχμήν* videtur natum *Darkemon*. Non trariolatur, qui putat,

tat, *Adarkon* dici, quasi *Daricon*, quod fuit *nummus aureus Persis* usitatus, & a Rege *Dario*, cuius effigies alteri lateri impressa erat, ita dicta. N autem apud Chaldaeos sæpius præfigitur vocabulo, sicut מן apud Hebræos. Valoris ejusdem fuit cum שקל seu *siclo aureo*. BREERWOOD. de Num.

SVMMAE ipsorum duæ fuerunt.

XVI. מנה *Mna*, *Mina*, *libra* seu *pondo* (15). *Mina aurea* pendet 100 *siclos*. Hoc liquet ex collatione textuum. 1 Reg. X, 17. *Tres minas* מנהים *imposuit unicuique scuto*. Et 2 Chron. IX, 16. legitur *imposuisse 300 siclos auri unicuique scuto*. In Hebr. quidem *siclus* non expresse legitur, sed necessario subauditur, uti patet ex eo, quod diximus de *Zababb*. Nam receptus est canon, quod *aurum* positum in Scriptura cum numero notet totidem *Siclos aureos*, & sic *argentum* pariter, &c. Pondus ergo quum sit 100 *siclorum*, valor erit 75 *Lib*. *Mina* autem ipsorum *argentea* pendet 60 *siclos*. Ez. XLV, 12. sic ut valor sit 7. *Lib*. 10. f. SCHINDLERVS in מנה lapsus est, dicens; quod pretium *minæ* mutatum sit tempore Ezechielis, quum valuerit tum temporis 60 *siclos*; nam differentia illa non est inter *minam sacram* & *profanam*, uti is putat; sed inter *minam auri*, quæ semper valuit 100 *siclos*, & inter *minam argenti*, quæ pendet 60 *siclos*, juxta citatum Ezech. locum.

XVII. Secunda Summa fuit שקל *Talentum* (16). Quod, cum est *talentum argenti*, continet pondus 3000 *siclorum*. Nam collati isti duo versiculi Ex. XXXVIII, 25, 26. ostendunt, quod dum a sexies & centies mille capitibus, singulis dimidium

*siclum* pendentibus, 100 *talentorum summa* tollitur, *talentum Hebræorum* valuerit 375 *lib*. Sed *talentum auri*, comparatum *argento*, duodecies superabat, sic ut apud nos conficiat 4500 *Lib*. Hic, cum agimus de ipsorum *nummis*, tria observanda sunt:

XVIII. I.) Quod quemadmodum Romani antiquitus usurparunt *Aes grave* seu *rude*, quod in massa in suis expensis pendebant, & deinde *Aes signatum*; ita Hebræi, etsi tandem receperint usum *signatorum nummorum* (17), prius tamen suum *æs rude* dependebant. Appendebat Abraham Ephroni *argentum* Gen. XXIII, 16. Hinc *siclus* suum nomen traxit, nam שקל est *ponderare, librare*.

XIX. II.) Vti *signatus siclus* duplex fuit, alter in usum *Sanctuarii*, alter in usum *Reipublicæ*, *siclusque Sanctuarii* æquavit duos *siclos communes* (18); ita pondus *sicli* eodem modo distinguendum est. *Siclus Sacer* pendet *semi-unciam ponderis Trojani*; *Communis*, *quartam uncie partem*. E. g. *Mucro ferreus hastæ Goliathi* pendebat 600 *siclos sacros*. 1 Sam. XVII, 7. h. e. 25. *pondo*. *Coma Absolomonis* pendebat 200 *siclos ponderis regii* 2 Sam. XIV, 26. h. e. 4 *pondo* & 2 *uncias*. Immo etiam *summe* juxta *Sanctuarium sumtæ* dimidiam pretii partem amittunt, quando in publico usu juxta *regium pondus* componuntur.

XX. III.) Minimi *nummi* in genere dicebantur κέρματα, aut in Num. Sing. κέρμα Job. II, 15. (19). Vox ea proprie denotat *parvam metalli particulam*, qualis ab angulis abradi potest. *Primo mensis Adar factum est præconium per Israellem*, ut *populus*



pulus pararet dimidium suum siclum, qui quotannis dependebatur ad cultum templi, secūndum Dei præceptum Exod. XXX, 13. MOS. KOTS. Sicl. fol. 122. col. 2. Die decimo quinto mensis Adar mensas portarunt in Templum, h. e. in atrium, ubi populus stetit, quibus imposuerunt ea κέρματα seu *minutos nummos*, ut eos juvarent, quibus opus esset *dimidiis siclis* ad oblationem, aut ad solvendo boves, oves, columbasque, quæ ibidem quoque in atrio venalia exponebantur. MOS. KOTS. *ibid.*

XXI. Hæc autem *minuta*, pecunia alia mutata sunt, aut saltem rebus aliis vice pecuniæ, non sine fœnore. Hinc illi, qui affidebant his mensis, vocantur κερματισαί,

respectu *minutorum*, quæ commutabant. Respectu vero hujus *commutationis* dicuntur κολλυβισαί, nam κόλλυβος, inquit POL-LVX, est ἀργυρία ἀλλαγή, pecuniæ *permutatio*. Vid. DRVVS. Annot. in N. T. part. alt. Et quod κόλλυβος Græce, hoc Latine *Cambium* significat; unde illæ literæ *collybisticae*, quas Latini vocant *literas cambii*, & Græci σύμβολα κολλυβισικὰ, *tesseras collybisticas*. Tandem respectu mensarum, quibus affidebant, vocabantur Talmudicis שולחנין *mensarii*, a שולחן *mensa*; ob eandem rationem Græcis sæpe dicuntur τραπεζίται (20), & apud Latinos *mensarii*. Hi erant *numularii* isti, quos Salvator noster Templo pepulit.

F I N I S.

תהלה לאח חיי



ANNOTATIONES

AD

THOMAE GOODWINI

MOSEN ET AARONEM



THE UNIVERSITY OF CHICAGO

LIBRARY OF THE UNIVERSITY OF CHICAGO  
165 SOUTH EAST ASIAN LIBRARY



# ANNOTATIONES

AD

## LIBRVM I.

### DE PERSONIS.

#### CAPVT I.

DE FORMA REIPUBLICAE IYDAICAE  
VSQVE AD ADVENTVM CHRISTI cet.

Ad §. I. pag. 1.



*Patresfamilias cum primogenitis*]  
Probe distinguendum est jus patrum-  
familias a jure primogenituræ, nec  
æque quadrant in utrumque, exem-  
pla ab Auctore allata. *Patresfami-*  
*lias* α) sacerdotio fungebantur intra patriarcha-  
tus, siue familiæ suæ ditionem; unde Noachi  
Gen. VIII, 20. Abrahami c. XV, 9. 10. & Ja-  
cobi c. XXXVI, 2. sq. maxime vero Jobi, pro  
expianda familia, memorantur sacrificia. Job. I, 5.  
Cujus rei vestigium, etiam post institutum sa-  
cerdotium Aaronicum, in mactatione agni pa-  
schalis remansit, quem quisvis paterfamilias ma-  
ctare jubetur Exod. XII, 3. β) In herciscunda  
familia pro arbitrio suo hæredes dicebant, exem-  
plo Abrahami Gen. XXV, 5. 6. γ) Benedictio-  
nem impertiebant Propheticam & realem, ita  
ut eventus voto & prædictioni ex assè responde-  
ret, quod Isaaci, Gen. XXVII. & Jacobi exempla

cap. XLVIII. XLIX. comprobant. δ) τὸ κῆρυον  
obtinebant in tota, qua late patebat, familia, le-  
ges condebant, pro tribunali sedebant, jus di-  
centes inter suos, & animadvertentes in reos,  
quod cumprimis exempla illustrent ab Auctore  
producta, jus belli & pacis exercebant, pange-  
bant fœdera, & quæ principes pro salute rei-  
publicæ suscipiunt, id olim patresfamilias, ætate  
cumprimis Patriarchali, ad incolumitatem fami-  
liæ curabant & agebant. Quo spectat HEIDEG-  
GERI *Hist. Patriarch. P. I. Exercitatio II.* quæ  
est *de politia Patriarcharum p. 45. sq.* Quan-  
quam enim regio vel monarchico non uteren-  
tur imperio, quod contra ADRIANVM HOV-  
TVYVNM, JCrum Batavum, peculiari-libro id  
asserentem, recte ac solide negavit BVDDEVS  
*Hist. V. T. Per. I. Sect. III. §. 20. p. 398. sq. coll.*  
*Sect. I. §. 26. p. 134;* summa tamen & longe am-  
plior ipsorum erat auctoritas & in suos potestas,  
quam patrumfamilias est eorum, qui magistratui  
superiori parent.



Jus autem primogenitura, משפט הבכרה, Deut. XXI, 17. proxima erat a patribus familias dignitas, eximiiis ornata ἀρχήματα, & privilegiis, quæ adeo extollunt Judæi, ut Deum ipsum, & Messiam, primogenitis accensere non dubitent, apud SCHOETTGENIUM *Hor. Hebr. ad Hebr. I, 7. p. 922.* De quo jure ut resarciamus, quæ ad alia festinans, pede sicco præterit Auctor, 1. *subjectum* notabimus, 2. *formalem rationem*, 3. *typicam* ad Christum & fideles *relationem*, 4. *translationis adjunctum*, & 5. *abrogationem*.

I. Jus hoc nascendi sorte obtinebat ei, qui respectu patris ראשית אביו *principium roboris ejus*, Gen. XLIX, 3. Deut. XXI, 17. respectu matris פטר רחם *apertio matricis*, Exod. XIII, 2. sive ἀπὸ πρῶτον διανοήγων μήτραν, *masculus aperiens vulvam* Luc. II, 23. erat, cui oppositos reliquos fratres appellare solent Hebræi בני פשוטים *filios vulgares*, vel secundarios. Patris tamen, qui familiam ducit, potior hic ratio habetur, cujus prima, ex legitima conjuge, soboles mascula, hoc jure gaudebat, insuper habitis filiis ejus prioribus, si quos ex pellice, vel secundario saltem connubio, suscepisset. Hinc Ismael, quamvis ætate Isaacum anteciret, primogenitus tamen Abrahami non censetur Gen. XXI, 10. sqq. Atque hic disparitas elucet inter jus primogenitorum, & inter eorundem Domino factam consecrationem, solenni lege Exod. XIII, 1. 2. II. seq. sancitam. In posteriori enim, matris habebatur ratio, quia diserte, & repetitis vicibus ad בכור רחם *primogenitum aperiensem matricem* restringitur. Licet itaque pater ex priore conjuge suscepisset primogenitum, cui soli τὰ πρεσβεῖα debebantur, primus tamen ex secundo matrimonio filius, qui matris adaperuerat matricem, denuo ratione consecrationis primogenitus, & ex lege redimendus erat. Hinc Ruben ratione jurium & prærogatarum erat primogenitus patris, at Joseph primogenitus matris, qui redimi debuisset, si tunc temporis lata jam lex fuisset, quia primus natus ex Rachele. Conf. RIVETI *Comm. in c. I. Exod. T. II. Opp. p. 917. a.*

II. Privilegia & prærogativa primogenitorum, quæ הבכירה seu τὰ πρεσβεῖα dicuntur, erant a) eminentia dignitatis, quæ יתרו שנת יותר עליו *excellencia dignitatis & prærogativa potestatis* Gen. XLIX, 3. appellatur. Ex primogenito enim continuata fuit familia, quæ in ipsius nomine censetur, unde ipse שורש *radix* familiae dictus. Hinc ad verba Jesaïæ c. XIV, 30. & ὀκcidam שורשך *radicem tuam*, Targum ita vertit, בנך *filium tuum* scil. primogenitum. Et quando Malachias c. III, 21. habet: non relinquet eis שורש ועתך *radicem & ramum*, Targum legit, בר וברכר *filium & nepotem*. Unde nonnemo lucem foenerari nititur verbis Christi Apoc. XXII, 16. ἐγὼ εἰμι ἡ ῥίζα καὶ τὸ γένος τοῦ Δαβὶδ. Ista porro dignitas in ædibus adhuc paternis, vivo patrefamilias, nullum quidem in fratres imperium, attamen lautiores primogeniti fortunam, dignationem majorem, & honorem præ ceteris fratribus in universa familia, quin & ab ipsis fratribus exhibendum, involvebat, cujus aliquam videre licet adumbrationem in convivio Josephi Gen. XLIII, 33. Extra vero patrios lares, aut ubi pater jam e vivis excefferat, hæc dignitas ad dominium in fratres assurgebat: unde, cum a Domino prædiceretur, fore, ut τὰ πρωτοτόκια Esavi in Jacobum transferantur, diserte additur: *major serviet minori*, Gen. XXV, 33. rursusque personato Esavo suo, tanquam primogenito, pater Isaac benedicebat: *esto dominus fratribus tuis, incurventque se tibi filii matris tue*, c. XXVII, 29. β) In heriscunda familia involvebat hoc jus פי שנים *portionem duorum*, de omni a patre relicta substantia, sive illam jam possideret, sive per hæreditatem adire deberet, juxta Deut. XXI, 17. Quod ABEN ESRA ita declarat: *si tres fuerint fratres, quatuor constituentur hæreditatis partes, & primus capiet duas: si fratres sint bini, uti tres putantur*. Hinc, cum Josephus in locum Rubenis primogeniti succederet, duplam in filiis duobus, Manasse & Ephraim, portionem adivit, & ex una in duas excrevit tribus, 1. Chron. V, 1. 2. Quando itaque Eliseus, ab emigrante in cælum ex terris magistro

magistro Elia, **עליון** duplicem portionem Spiritus ejus sibi exposcebat, haberi cupiebat instar primogeniti, qui per alterum tantum donorum Spiritus, non magistrum suum, (nec enim duplo plus, quam pater possederat, capere poterat primogenitus), sed reliquos saltem condiscipulos, sodalesque Prophetas, superare volebat, 2. Reg. II, 9. Proluxe hanc prerogativam edisseruit SELDENVS *de success. in bona defunctorum* cap. V. VI. VII. p. 22. sqq. γ) Cum patriarchæ moribundi, suisque liberis ultimam imperitantes benedictionem, non bene modo illis precarentur, verum etiam Prophetico Spiritu, & ex divina suggestionē prænunciarent eventura, & reapse liberis conferrent, quæ apprecabantur bona, benedictionis quoque eminentia & prerogativa primogenito debebatur, qua caruisse tam indigne ferebat, & altum exclamabat Esavus; cum primam patris Isaaci benedictionem occupasset Jacobus Gen. XXVII. & male habebat Josephum, hoc beneficium a Manasse primogenito ablatum, ad Ephraimum natu minorem transferri c. XLVIII, 14. δ) An vero *jus sacerdotii* ad solos spectaverit primogenitos, anceps est & dubia inter eruditos disceptatio. Affirmant Judæi in Mischna, *Tr. Zebachim* cap. XIV. in *Bereschith Rabba* fol. 71. col. 1. in Targum ONKELOSI pariter, ac Hierosolymitano *ad Gen. XLIX, 3.* & Rabbinis passim. E Christianis vero SELDENVS *lib. I. de success. in Pontif. cap. 1.* statim a principio, & *de succ. in bona defunct. cap. 5.* SAM. BOCHARTVS *Hierozoici* P. I. p. 575. HVG. GROTIUS *annot. ad Luc. II, 32.* CARTWRIGHTVS *Mellific. Hebr. lib. I. cap. 1.* HEIDEGGERVS *in vit. Patriarch. P. I. Exerc. I. §. 19. p. 24.* E nostris QYENSTEDIVS *Antiqq. Bibl. cap. I. n. II. p. 13. sqq.* BVDDEVS *Hist. Vet. Test. Per. I. Sect. III. ad §. 18. p. 390.* & doctores veterum tantum non omnes, qui in hoc argumentum inciderunt. Negant contra, IOH. FRISCHMUTHVS in *dissert. de primogenitura*, A. 1649. Jenæ publicata, §. 9. ANTON. BYNAEVS *de morte J. C. lib. I. cap. II. §. 3. p. 91. sq.* VITRINGA *cum primis Observat. sacr. Lib. II.*

*cap. II. p. 255. sqq.* SPENCERVS *lib. I. de legibus Hebr. ritual. cap. VI. Sect. II. p. 205. sqq.* & recentissime cum LAKEMACHER *Observat. P. VI. Obs. 2.* tum HOTTINGERVS, in suis ad h. 1. Auctoris nostri *annotation. p. 40.* A quorum partibus nobis quoque stare liceat: N. ob promiscuam sacrificandi facultatem, ante institutum Aaronicum sacerdotium, piis omnibus promiscue indultam. Sic Habel, sic Moses, sic Abraham, sic alii, sacrificando sacerdotium obierunt, licet primo nati non essent loco. Et quamvis vel maxime, & ordinarie ad patremfamilias spectaret sacrificiorum oblatio, quod supra docuimus, exclusos tamen ab hac dignatione alios quoscunque filios non fuisse, ex allatis exemplis constat. Patris autem vices soli primogenito subire licuisse, gratis supponitur ab HEIDEGGERO, nec potest evinci. Negamus 2. ob pertinax Scripturæ silentium in omnibus iis locis, in quibus **משפט הכהן** exponitur, in quibus nullum sacerdotii indicium apparet, quod 1. Chron. V, 1. 2. omitti sane non debuisset, si illud a Rubene primogenito ablatum, & in Levi translatum fuisset. 3. Nec habent affirmativæ sententiæ patroni solidum satis causæ suæ præsidium. Provocant (a) ad consecrationem primogenitorum in Aegypto Exod. XIII, 1. *Resp.* Hoc argumentum si valeret, id tantum evinceret, non tam ad jus primogenituræ ab initio generis humani hanc sacerdotii dignitatem pertinuisse, quam accessisse modo eis ab illo tempore, quo Deus illos sibi sanctificaverat. Deinde quoque, consecrata Deo quidem fuisse primogenita in Israelitis omnia, tam de hominibus, quam de animantibus, NB. in peculium, non vero in sacerdotium, quod haud ita multo post illam educationem ex Aegypto, ad Aaronem & familiam ejus unice referebatur. Quin etiam operose demonstrat VITRINGA *c. I. p. 260.* consecratos Deo fuisse primogenitos ex hominibus, non ut sacerdotes, sed ut sacrificia, Deo devota, & ministeriis divinis addicta. Tales autem **נתינתן** seu Deo datos & consecratos homines, nunquam sacerdotum speciem habuisse, sed



ministrorum sacerdotalium, cum sacerdotes ipsi velut amici Dei essent & familiares, non vero sacrorum ministri. Quod liquido patet ex surrogatione Levitarum in locum primogenitorum, qui non sacerdotio fungebantur, sed ministerio sacerdotum in sacris peragendis Num. III, 45. VIII, 19. Ergo ampliore dignitate non gaudebant primogeniti, quam surrogati ipsis Levitæ. Urgent (b) Exod. XIX, 22. & dixit Jehova ad Moysen: *descende, contestare populum, ne perumpant ad Jehovam, & cadant ex illis multi. Atque etiam sacerdotes, appropinquantes Jehovæ, sanctificentur, ne Jehova in eos perumpat.* Rursusque Exod. XXIV, 5. & misit juvenes filiorum Israelis, & obtulerunt holocausta, & sacrificarunt sacrificia, cum scilicet Deus pactum illud pangeret cum Israele. Sed utroque loco ne levissimum quidem indicium primogenitorum occurrat, quin potius priore, seniores & principes populi, posteriore nobilissimi Israelitarum adulescentes intelliguntur, ex toto cœtu ad sacra ista delecti. Quod denique (c) BVDDEVs p. 391. assert, jus sacrorum circa actus externos, eorumque directionem, partem esse principatus illius, qui patrumfamilias fuerit; his autem demortuis primogenitos successisse, ut & principatum familiæ & jus sacerdotii adipiscerentur: id solum evincit, majores natu in jus istud assurrexisse, non ut primogenitos, sed ut capita familiæ. Sed præter jus, sacra, qua actus externos, dirigendi, interna quoque sacerdotii functio, ad quam sacrificiorum spectat oblatio, primogenitis ab affirmante sententia tribuitur, quam BVDDEVs demonstrare non valuit. Addit superioribus privilegiis primogenitorum, HEIDEGGERVS cit. l. §. 22. p. 27. aliud, & ε) *Sanctitatem communicativam* comminiscitur. Adeo nimirum Deo sacrum fuisse primogenitum, ut sanctificaret reliquam etiam fratrum catervam, quod ex FAULI verbis evincere laborat, Rom. XI, 16. εἰ ἀπαρχὴ ἁγία, καὶ τὸ Φύραμα. Quod tamen vereor, ut vel valide satis adstrui, vel exemplis possit accommodari. Apostoli enim effatum, non tam a primogenitis inter homines, quam a

primitiis frugum depromptum est, nec suppetit in Scriptura exemplum, quo primogeniti sanctitas in reliquos fratres doceatur diffusa. Quod autem populus omnis esset *לַיהוָה עַם*, λαὸς περιούσιος, & *עַם קָדוֹשׁ* populus Deo sacer & devotus, id ex peculiari totius gentis adoptione pendeat, Exod. XIX, 5. 6. coll. cum 1. Petr. II, 9. 10, minime gentium autem ex communicata fratribus sanctitate Rubenis. Quam denique HEIDEGGERVS in hunc finem allegat sanctitatem Christi, sanctificantis fratres, Hebr. II, 11, illa pariter non ex primogenitura ejus, sed ex ἐνσαρκώσεως mysterio, a Paulo ibidem derivatur. Quia enim Christus carnis & sanguinis particeps factus est, pariter ac infantes, & frater noster evasit, particeps quippe ejusdem nobiscum & naturæ humanæ, & stirpis, hinc est, ut ab ipso in nos sanctitas promanet, siquidem fide ipsum nobis appropriemus, tanquam carnem de carne nostra, & os de ossibus nostris, Eph. V, 30.

III. Etsi vero juris hujus ratio subesse potuit civilis, ad conservationem & splendorem familiarum spectans, potissimum tamen typicam obtinebat relationem. Primario ad Christum Rom. VIII, 29. Col. I, 15. 18. qui & dignitate fratres suos longe antecellit, Hebr. I. ἐν πᾶσιν αὐτοὺς πρωτεύων, Col. I, 18. & dominium obtinet in Dei familiam, caput ejusdem constitutus, Ad. II, 36. Eph. I, 22. sq. & duplam præ fratribus sortitus est donorum mensuram Psal. XLV, 8. Joh. III, 34. κληρονόμος πάντων Hebr. I, 3. & singulari benedictione a patre ita maclatus & auctus, ipse ut omnis benedictionis fons sit & scaturigo Eph. I, 3. Gen. XII, 3. XXII, 18. coll. Gal. III, 16. Secundario & consequenter fideles respiciebat, qui πανήγυρις καὶ ἐκκλησία πρωτοτόκων audiunt, ἐν ἑρανοῖς ἀπογεγραμμένων Hebr. XII, 22. atque hinc dignitate præ reliquis fratribus eminent. Ps. XVI, 3. Jes. XLIII, 4. hinc Domini & reges sunt omnium 1. Cor. III, 21. 22. 1. Petr. II, 9. hinc hæredes Dei & cohæredes Christi Rom. VIII, 17. Tit. III, 7. & ad hoc constituti, ut benedictionem hæreditate consequantur, 1. Petr. III, 9. Quæ singula copiose declarat IOH.

BIERMANNVS, in *Mose & Christo Lib. I. cap. VIII.* edit. Belg. p. 177. sqq.

IV. Ista vero prerogativa ne ab eo, cui Deus nascendi forte illas addixerat, a patre pro libitu auferrentur, & devoluerentur in alium, lege Dominus caverat Deut. XXI, 15. sqq. Locum tamen habebat translatio illa interdum, vel in poenam, interveniente culpa graviore, quomodo ab Esau propter profanum animum & contemptum in Jacobum, Gen. XXV, 32. sqq. Hebr. XII, 16. 17. nec non a Rubene in Judam & Josephum, ob commissum incestum transferebatur 1. Chron. V, 1. 2. vel ex singulari Numinis directione, qua Ephraim praelatus est Manassi Gen. XLVIII, 14. sqq. Atque huc revocari etiam possunt exempla minorum natu, primogenitis fratribus praelatorum, Mosis nimirum majori fratri Aaroni Exod. IV, 15. 16. Davidis, primogenito Eliabo 1. Sam. XVI, 7. 12. 13. antepositi, & aliorum. Quo referenda est CLERICI conjectura, *Comment. ad Gen. XLVIII, 19.* Mosen diligenter annotare, varios primogenitos jure suo excidisse, forte ideo, quia Moabitæ, Ammonitæ, Ismaelitæ & Idumæi, qui ex primogenitis orti erant, jus sibi aliquod propterea in Israelitas, ubi potentiores fuerunt, vindicare voluerint, ideoque Mosen in Israelitarum potissimum gratiam & usum scribentem, non sine causa minoribus postpositos majores natu, sapius observasse.

Ceterum de primogenitis in genere egit b. THEOD. DASSOVIVS *Hist. Hebr. MSC. Part. I. cap. XIII.* ubi *Sect. I. §. 13.* primogeniti humani redemptionem, §. 14. primogeniti humani in templo presentationem, & §. 15. primogeniti humani hereditatem describit: *Sect. II. §. 8.* in Luc. II, 22. sqq. ubi Maria Jesulum primogenitum suum obtulisse dicitur, inquit. Quæ vero sit in foro moderno, maxime in successione principum, primogenituræ dignitas & auctoritas, peculiari commentario docuit GEORG. MELCHIOR DE LVDOLF, *de introductione juris primogenituræ*, tertium edito cum amplissima appendice, Jenæ, in fol. 1733.

Ad §. I. pag. 1.

(2) *Tempore Mosis hoc primogenituræ jus penitus elisum est*] Abrogatum vero hoc jus credit Auctor, & cum illo REIZIVS in *notis ad b. l.* eo tempore, quo post *μοσχολατρείαν*, aliasque impuritates, ab altari removerentur primogeniti promiscue ex populo, & in eorum locum surrogarentur Levitæ Num. VIII, 16. sqq. Verum & istud falsâ nititur hypothesi, quasi sacerdotium ad jura primogenitorum spectaverit, & jus istud adhuc post *νομοθεσίαν* in monte Sinai, obtinuisse, ex Deut. XXI, 15. sqq. liquido patet. Potius itaque, cum filii Israel terram Canaan occupassent, & in formam reipublicæ redigerentur, sensim paulatimque evanuisse credimus, cum & posthæc altum de eo silentium sit, & Samuellem Deus prohiberet, e filiis Isai primogenitum anteferre, quem ipse repudiaverit, electo in regem fratrum minimo 1. Sam. XVI, 7. Tempus itaque abrogationis, modumque aut solennem ritum definire non audemus.

Ad §. II. pag. 2.

(3) *Ille enim Rex in Jeshchurun audiebat*] Duo hic in quæstionem veniunt momenta: I. *An Moses rex fuerit Israelis?* Pro varia vocis acceptione, affirmant alii, alii negant. In illis MELCH. LEYDEKKERS est, cui *lib. IV. de republ. Hebr. cap. I. §. 10.* Moses Dux populi & Rex in deserto audit, quod paulo post p. 192. b. ita exponit: *nec tamen fuit dominator pro libitu, sed ex Dei voluntate imperator; non Deus populi, sed Σεβέτων, Minister Dei, immo Christi, cujus Israel domus erat* Hebr. III, 5. Itaque fuit primarius Judex, præsesque comitiorum in deserto. Vide, ut regnandi artes, quas Moses habuerit, exponant PHILO IYDAEVS *Libb. de vita Mosis, & CLEMENS ALEXANDRINVS Stromat. lib. I. p. 346.* Nempe imperavit, leges ferendo; moderando suos affectus; ordinando rempublicam suam; castra ponendo & ducendo; victorias obtinendo. Vnde intelligis, admodum improprie regium ἀξίωμα Mofi assignari. Pariter HVG. GROTIUS ad Deut. XXXIII, 5. & IOH. SELDENVS



de Synedriis Jud. lib. II. cap. I. & II. continent, Moſen non quidem nomine & pompa, ſed jure regio populum gubernaffe. Ad quorum ſententiam Auctor noſter accedit. Sed rectius negat IOH. CLERICVS ad Deut. XXXIII, 5. ubi bene monet: *regis eſt, leges condere, præmiis ac pœnis eas ſancire, quod fecit Deus; internuncii vero, ſeu miniſtri regii, eas acceptas ad populum ferre, quo miniſterio functus eſt Moſes. Quin & ipſe Moſes ſe negat regem fuiſſe, cap. XVII, 14. ubi ſatis innuit, Hebræos non credidiſſe, ſe parere regi, cum ei parerent, aut aliis Prophetis. Regis eſt tributa ſubditis imponere, in ſuum emolumentum, iisque imperare, non nomine Dei, ſed ſuo; quod nequaquam facit Moſes. Vide Num. XVI, 14. 15. Negantibus itaque nos quoque accedimus a) propter Theocratiam, ea tempeſtate perfectiſſime rerum potientem, ita ut ex Dei ſolum nutu ac ore penderet populus Exod. XIX, 3. ſqq. Moſes vero os Dei ad populum eſſet, teſte univerſa hiſtoria: β) propter diſertam PAVLI aſſertionem, qua Μαωης μὲν πρὸς perhibetur ἐν ὅλῳ τῷ οἴκῳ Θεῶ, ὡς Θεράπων Hebr. III, 5. unde Deus ipſe non ampliori, quam miniſtri appellatione ipſum dignatur Joſ. I, 2: γ) propter proteſtationem Moſis, qui regium honorem ipſe recusans, ad Deum referebat, Num. XI, 11. ſq. Quo itaque loco Judices erant in populo, eo Moſes. Hos autem reges fuiſſe, Deus negat, ſibi ſoli hanc dignitatem aſſerens, poſtquam regem ſibi dari populus poſtulaveſſet 1. Sam. VIII, 7. Fuit ergo Moſes tantum divini regiminis adminiſter & executor, nihil propria auctoritate definiens, agens, pronuncians, ſed ab ore Dei pendens, omnesque leges, pœnas, ritus, actiones hauriens, & executioni mandans. Sicubi autem rex dicitur Moſes, non ex proprietate literæ, ſed ex verifimilitudine id æſtimandum eſt, ut commodè ABARBENEL præfat. in lib. Judic. f. 40. col. 1. poſt med. ex Magiſtrorum ſcito exponit, quod ita habet: **מִקּוֹם שֶׁאֵין מֶלֶךְ גָּדוֹל הָרֹר הָרִי** ubi non eſt rex, maximus illius generationis eſt inſtar regis. Quo LUTHERI ſpe-  
ciat cit. loc. verſio: *er verivaltet das Amt eines**

Königes: quam gloſſa marginalis explicat uberius. Quæritur

II. *Quis ille Rex in Jeſchurun? Deut. XXXIII, 5.* Circa vexatiſſimum locum in partes abeunt interpretes, quorum expilare ſcrinia, aut ſingulas ſub cenſum vocare ſententias, noſtri non eſt inſtituti. Vocabuli יְשׁוּרֻן originem & notionem diligenter evolvit M. MICHAELIS CAS-  
SAL, in diſſertatione in genuinos יְשׁוּרֻן nata-  
les, Vitembergæ publici juris facta A. 1716, in qua, excuſſis ceteris Philologorum ſententiis, in illa tandem acquieſcit, quæ nomen iſtud a שִׁירָה, quod eſt ſolvit, liberavit, dimiſit, ad formam יְרוּחָה derivat, & libertum exponit, ſive libertinum, ut Iſraelem designet, ex ſervitute Aegyptiaca, divino beneficio liberatum & vindicatum. Huac enim vocis ſenſum locis omnibus, in quibus legitur, aptiſſime quadrare, ut Deut. XXXII, 15. reddatur: *ſed cum pinguis factus eſt libertus, recalcitravit: c. XXXIII, 5. fuitque Rex apud libertum: v. 26. non eſt ſicut Deus, o liberte: Ef. XLIV, 2. ne timeas, ſerve mi Jacob, & liberte, quem elegi.* Jam liberti hujus Regem, Auctor noſter, dudumque ante ipſum LUTHERVS, & plurimi cum ipſo, Moſen ſtatuunt, quia comma-  
te præcedente diſerte nominatur, cujus miniſterio ac manu lex Iſraeli laſta, & qui cum principes populi, tum ipſum populum, quantum potuit, in officio & concordia continuit: *quæ ſententia facilis & expedita cenſetur CALOVIO in Bibl. illuſtr. ad h. l.* Malunt alii, cum CLERICO h. l. de Deo exponere, qui ſolus Rex in Iſraele. RUPERTVS autem hunc regem interpretatur Chriſtum, qui ſeſſurus erat a dextris Domini rectiſſimi in æternum. Denique IOH. COCCÆIUS ad ultima verba Moſis, ſ. 1565. ad Chriſtum pariter retulit: *Jebovah (veniens ex Sinai, & pede ſuo perambulans Iſraelem) factus eſt Rex in Jeſchurun, h. e. Iſraele, viſionis Dei compote: communemque interpretationem de Moſe, ceu Judaicam traduxit & textui adverſam: comma autem 4 ita reddit: legem (quam) præcepit nobis Moſes, hereditatem panegyris Jacobi.* Quod quam ſit coactum, nemo non videt.

det. Ita tamen FRANCISC. BYRMANNVS *Comment. in Pentateuch. b. l. edit. Belg. p. 931. sq.* & Coccejani omnes, in quibus REIZIVS est in notis ad Auctorem. Rectius hac parte HOTTINGERVS in not. ad Auct. p. 41, qui laxiorem vocis מלך significationem urget, & MAIMONIDIS testimonio in Mosen quadrare asserit. Istud certe series & ordo textus liquido evincit. Benedictionis enim suæ procemium Moses a *voμo-Geoiac* beneficio petens, hinc auctorem ejus principem, vers. 2. 3, hinc ministrum ac *μεσίτην* (Gal. III, 19. 20.) celebrat, quem respectu τῆς Jeschurun regem dicit eo sensu, quem sub finem præcedentis exposuimus quæstionis.

Ad §. III. pag. 2.

(4) *Judices*] De Judicibus, quantum sufficit, diximus in *Introduct. ad libb. Histor. V. T. cap. X. § 2. p. 169. sqq.* eorumque discussimus I.) Dignitatem & officium; quod non tam *Synedrū magni principes* fuerint, ut SELDENVS *lib. II. de Synedr. cap. 16. § 2. & 3.* censet, quam extraordinarii vindices, & velut Hebræorum dictatores, gentem oppressam, divino instinctu ac robore, e potestate hostium liberantes. Principatum itaque tenebant, & *judicia* moderabantur, Jud. IV. V. 1. Sam. VII, 15. *sqq. comitia*, quibus præsidebant, exemplo Samuelis, 1. Sam. VII, 5. 6. ac *bella*, quæ vel exercitu instructi gerebant, ut Gideon, Jephtha, vel soli, absque exercitu, ut Samgar & Simson. A Dei ergo nutu ac ore pendebant, sed liberiori agendi facultate ipsis, quam Mosi & Josuæ, concessa, unde factum, ut auctoritate sua interdum abuterentur, quod in Gideone patet, quando ex monilibus Midianitarum Ephod parabat, & idololatriæ populi anam subministrabat Jud. VIII, 24. *sqq.* II.) Formam regiminis; qua non quidem *Regibus haud absimiles* fuerint, quod vult Auctor noster, sed in Dei solum vicem præsidebant, ipsius nomine ac auctoritate rerum potiti, divinisque ipsi legibus & imperio adstricti. Quod ex 1. Sam. VIII, 5. liquido constat, ubi regiminis judicialis pertæsus populus, cum regali permutationem

sibi expetebat. Jehova τὸ *κύριον* sibi fervaverat, & rex erat gentis suæ, asserente Gideone Jud. VIII, 23. quam per Judices, tanquam proreges & vicarios, in officio continebat. Ut adeo forma regiminis nec Monarchica obtineret, nec Aristocratica, nec Democratica, sed Theocratica: siquidem qui præerat, cujus jussa capesseret, superiorem agnoscebat. De hac Theocratia ex instituto egit GUILIELM. WARBURTON in commentario Anglico, quo *divinitatem missionis Mosi* evincere satagit (Londini in 8. A. 1738.) *lib. V.* eamque cum in eo sitam definit, quod Jehova & Deus, & Rex Israelis esset, tum ad Christi usque visibilem in carne adventum perdurasse, argumentis demonstrare allaborat: (Conf. *Biblioth. Britann. Tom. XXI. P. I. p. 5. sqq.*) sed caute, & cum judicio legendus. III.) Subjectum; quod hæc dignitas ad fœminas quoque devolveretur, exemplo Debora Jud. IV. V. quibus ad regium tamen solum accessum denegat SCHICKARDVS in *Jure Regio Theor. III. p. 47. sq.* IV.) Amplitudinem imperii; quod raro perquam judices toti præfuerint Israeli, sed uni duntaxat vel alteri tribui, quod Baraki exemplo, quem tribus Zabulon & Naphtali tantum Jud. IV, 10. Gideonis, quem præter dictas, Manasse & Affer c. VI, 35. & Jephthæ probatur, quem Gilead & Manasse c. XI, 29. coll. cum c. XII, 1. 2. in castra sunt secutæ. V.) Durationem officii. Quod enim Auctor cum paucis aliis censet, temporariam fuisse hanc dignitatem, & Gideonis exemplo evincere nititur, qui bello peracto, ad privatum vita genus descendit Jud. VIII, 23. 29. id secus nobis videtur. Nam & post belli tempora judicasse populum leguntur, ut Jephtha c. XII, 7. & omnes reliqui vitæ ipsorum anni, judicatum dicuntur anni, v. g. *Simson judicabat Israelem viginti annis* c. X, 20. & complures ipsorum, ut Thola & Jair c. X. Abesan, Ahjalon & Abdon c. XII. Eli ac Samuel, exercitum duxisse, aut in expeditionem profecti nullibi memorantur, quos tamen juri dicundo, & litibus popularibus componendis operam dedisse, extra dubitationis positum



situm est aleam. Gideon vero, pro lubitu magistratu decedens, non pro more, sed ex arbitrio egit. VI.) Numerum; qui, exclusis Mose & Josua, ad XVIII in universum assurgit, quorum vitas & res gestas singulatim tradit MELCH. LEIDEKERVS *de republ. Hebraeor. lib. VII. cap. II. §. 5. p. 421. sqq.* Ceterum quinque momenta convenientiæ, totidemque discrepantiæ, Judices inter & Reges, sollicitè observat ABARBENEL in *prefat. ad lib. Judicum Comment. in proph. prior. f. 39. col. 3. sqq.* edit. Lips. quæ tamen, cum paulo sint copiosiora, limamque possant, huc transferre superfedemus.

Ad §. IV. pag. 2.

(5) *Post 329 annos demum, inter Judeos lapsa est*] Implicata perquam chronologiæ libri Judicum est ratio, quæ proprie quidem huc non spectat, a nobis autem prolixè, & ut puto, solide delineata in *Introd. cit. cap. §. 7. 8. p. 179. sqq.* ubi, quem REIZIVS ad Auctorem nostrum, ex Act. XIII, 20. scrupulum movet p. 185. sq. sollicitè discussimus. Aliam annos Judicum putandi viam ingressus est Vir Celeberr. GUSTAV. GEORG. ZELTNERVS, peculiari de Judicum temporibus exercitatione, quæ *adolescētia rei publicæ Israelitarum* inscripta, recusa est Norimbergæ in 8. anno 1720.

Ad §. IV. pag. 2.

(6) *Ad magnum confēssum LXX virorum, h. e. Synedrium*] Quæ de Synedrio hic inferuntur, infra *ad lib. V. cap. I.* locum suum relictis tuebuntur, unde hic intacta illa præterimus.

Ad §. V. pag. 2.

(7) *Reges*] De Regibus ex instituto dicemus capite IV. Hic pauca solum prælibare liceat: a) Auspicia regii vel monarchici regiminis humana fuisse, 1. Sam. VIII. exposita, Deumque permittendo magis & annuendo, quam jubendo & instituendo illud ratihabuisse, unde quoque in *ira sua regem illis se dedisse* perhibet Cf. XIII, 11. Quo tamen confer, quæ WILH. SCHICKARDVS

in *Jure Regio Hebraeorum* statim ab initio *cap. I. theor. I.* & ad eum b. patruus meus, CARPZOVIVS disputat in *notis*. β) Regnum integrum tres solum tenuisse, Saulem, qui fundamenta regni jecit; Davidem, qui magna quidem cum difficultate, & per varios casus & vicissitudines, regiam potestatem amplificavit; & Salomonem, qui ad summum illam evexit fastigium, ita ut parem ante se, & post se, haberet nullum. γ) Posthæc vero, sceptrâ capeffente Rehabeamo, feralem illam in regnum Judæ & Israelis scissionem erupisse 1. Reg. XII. quorum illud Hierosolymis, hoc Samariæ, sedem suam fixit. Reges Judæ, post divisionem ab Rehabeamo fuere XIX, quorum ultimus Zedekias a Nebucadnezarè deportatus fuit Babylonem A. O. 3416, ut universum regnum Judæ divisum ab A. O. 3029. ad captum Zedekiam, annis duraverit 387. Israelis seu X tribuum regnum pariter rexerunt XIX, a Jeroboamo I. & A. O. 3029. ad Hoseam, a Salmannasare Assyrio devictum, & A. 3283. in captivitatem abreptum, ita ut regnum Israelis divisum annis duraverit 254. Distinctam tamen Judæ & Israelis mentionem, in regno adhuc integro, observare licet, 2. Sam. V, 5. coll. cum 1. Reg. II, 11. δ) Reparatum Israelis regnum nunquam fuisse, bene autem regnum Judæ, mutata tamen regiminis forma, ita ut vel præfides & principes captivitatis, vel Pontifices atque Synedrium magnum res Judæorum moderarentur, vel denique ad regiam potestatem adspirarent Pontifices nonnulli, regiumque titulum & honorem admitterent, postquam Cyrus, soluta captivitate Babylonica, A. O. 3468. Judæis, redeundi in patriam, extruendi templi, & Urbem restaurandi, facultatem dedisset; ut *ad §. sequ.* plenius exponemus. Quæ omnia, ni semper oculis obversentur & animo, in explicatione libb. Regum, Chronicorum, Esdræ & Nehemiæ, quin & Prophetarum, inoffenso pede nunquam progrediemur.

Ad §. VI. pag. 2.

(8) *רָחַשׁ גִּלּוּת* αἰχμαλωτάρχας] Vereor, ut recte calculos posuerit Auctor, Aechmalotar-chas

chas reducibus ex Babylone in patriam Judæis præficiens. Habuerunt omnino, post reditum, suos in Palæstina præsides, de quibus mox dicemus; illos autem ראשי גליות appellatos, nullibi me legisse memini. Aliis enim & temporibus, & provinciis, id nominis competit. Bene IOH. MEYERVS annot. in *Seder Olam* cap. XX. p. 1076. postquam inter Synedrium magnum, inter domum iudicii LXXI virorum, & inter ראשי הגולה caute distinguendum docuerat, de ultimis his addit, qui post excidium templi secundi vixerunt. Bene, præeuntibus Magistris. Sane in Gemara Sanhedrin cap. I. §. 1. fol. 5. a. evicturi, amplio rem fuisse auctoritatem æchmalotarchæ Babylonii, quam principis in terra sancta, ita definiunt, quod Gen. XLIX, 10. traditur: *non recedet sceptrum a Juda*, אלו ראשי גליות, *hi sunt æchmalotarchæ Babylonici, qui dominantur Israeli sceptro*: quod mox additur: & legislator e medio pedum ejus, אלו בניו של הלל שמלמדין, *hi sunt posteri Hillelis, qui docent legem publice*: ad quæ verba consule COCCERVIVM. Rurfus cap. IV. §. 8. ראש גולה שכבכל, *Aechmalotarcha Babylonius*, & נשיא שבארץ, *princeps Synedrii in terra Israelis*, mutuo sibi opponuntur, in effato Jehudæ & Chischiæ, filiorum R. Chajæ, quando in convivio coram R. Jehuda Sancto accumbentes, & incalentes mero, in hanc eruperunt sententiam: *non veniet filius David, priusquam defecerint due profupia in Israele; nempe, stirps capitum dispersionis Babylonica, & principum in terra Israelis, quia dicitur* (Jes. VIII, 14.) *erit in sanctificationem, & in lapidem allisionis, & rupem offensionis duabus familiis Israelis*. Post feralem quippe gentis cladem, captamque a Romanis & dirutam Urbem, summi rerum Judaicarum in Babylonia moderatores & præsides, hoc nomine gaudebant. Velut in Palæstina Synedrii præsidem, & plerumque etiam Academiae supremum Rectorem, נשיא principem, quin & apud Græcos ac Romanos Scriptores, Patriarcham appellabant; ita vicissim Judæorum in Babylonia principem ראש

הגלות αἰχμαλωτάρχην principem exulum salutabant, cui utrique, illi ex plerisque orbis Romani provinciis, huc ex regionibus Orientalioribus, tributum quoddam annuum, seu pensionem coronati aurei singulæ Synagogæ pendebant, ut ex Cod. Theodos. de Jud. & Cælic. Leg. XIV. XVII. XIX. erudite docuit IAC. RHENFERTIVS Opp. Philol. p. 405. diff. II. de X. otiosis Synag. §. 10. II. Commode, in eandem sententiam, CLAUD. SALMASIVS in defensione Regia cap. II. scribit: *Duces captivitatis, qui Babylone agebant, αἰχμαλωτάρχαι Græce dicti: hi ad Davidem genus suum per matrem referebant. De his habetur, in Gemara Talmudica cap. I. de Synedrio, traditio, qua fertur, verba, non recessurum sceptrum a Juda, ad eos pertinere; nam eos esse Aechmalotarchas Babylonicos, qui sceptrum Israelis tenebant.* (Locum mox dedimus integrum). *Sed cur hi judicabantur, cum id proprium esset regii juris, non judicari? Non erant veri reges, sed vice tantum regia regnabant. Suberant enim regibus Persidis, a quibus potestatem suam accipiebant. Et Babylonios quidem istos Aechmalotarchas MAIMONIDES quoque innuit hilc. Sanhedrin cap. IV. §. 13. quem frustra & invitum in partes suas pertrahere satagit Auctor. Diserte enim ille ראשי גליות principes captivitatis in Babylonia describit, quibus, regum ad instar, Judæis imperare & jus dicere fas sit. Fulse de iis differit BASNAGIVS Hist. Jud. Lib. VI. cap. XIII. Tom. IV. p. 1203. sqq. & cap. XVII. §. 5. p. 1324. & principes hos, ultima Hierosolymæ vastatione longe facit posteriores. Quocum confer VITRINGAM lib. II. de Synag. Vet. cap. V. p. 522. sq. Quo autem ritu inaugurari soliti fuerint, in שבט יהודה p. 57. col. 2. sqq. & in libri versione Latina traditur a GENTIO in Hist. Jud. p. 300. sqq. in compendio autem exhibetur a SCHICKARDO in Jure Reg. cap. I. Theor. 4. p. 80. sq. quocum confer, quæ de eadem inauguratione, e libro Juchasin excerptis CONSTANT. L'EMPEREUR not. ad R. Benjamin. itinerar. p. 192. sqq. Num denique huc referre liceat ἀρχοντας, principes gentis, anceps hæreo. Ita sane*



Synedrii M. Assessores, ἀρχοντες τῆ ἐθνῆς, 1. Macc. XIV, 27. rursusque Act. IV, 8. ἀρχοντες τῆ λαῶν celebrantur, æque ac ἀρχοντες ἱεροσολυμιτῶν, IOSEPHO lib. XX. *Antiqq. cap. I, 2.* salutantur. Vir doctus, PETRVS WESSELIŒGIVS, peculi. de *Judeorum Archontibus diatriba*, Trajecti ad Rhenum A. 1738. edita, cap. VII. p. 54. sqq. ita instituit, ut credat, *Judeos in provinciis & oppidis, ultra citraque patria sua terminos, sepe suos sibi magistratus habuisse, qui litium & controversiarum iudices sederent, & pro virili sua popularium commodis prospicerent, atque ea propter ἀρχοντες essent, & haberentur.* Quam in sententiam ad PHILONEM provocat, qui in *Flac-cum* p. 976. & 982. eorum memoriam servaverit. Rem ipsam non nego, quæ idoneis alias quoque testibus probatur. Ἀρχόντων tamen appellationem, generalem censeo honoris titulum, primatibus gentis in patria & extra patriam, quocunque dignitatis & officii gradu gauderent, communem; quod ex cit. Act. IV, 8. haud obscure colligitur.

Ad §. VI. p. 2.

(9) *Talis erat Zorobabel*] Nullibi Zorobabel cum successoribus ראש הגלות αἰχμαλωτῶν, sed פחה vel פחה appellatur, Hagg. I, 1. II, 3. quod *præfectum populi*, ἐνδεχην, & talem quidem præsidem notat, qui regis vel superioris Magistratus auctoritate provinciæ administrandæ prepositus est. Confer 2. Reg. XVIII, 24. Esdr. II, 6. VIII, 4. Neh. V, 14. 18. Mal. I, 8. IOSEPHO Zorobabel, *Antiqq. Jud. Lib. XI. cap. I.* in literis Cyri, ἀρχων τῶν ἱσδαίων, & cap. III. τῶν αἰχμαλώτων ἱσδαίων ἡγεµών, salutar. Tales itaque פחה ἡγεµόνας, & delegata regum Persiæ potestate instructos præsidēs, non quatuor solum vel quinque, cum *Seder Olam Suta*, ex edit. IOH. MEYERI p. 109. sed longe plures numerant Judæi, sigillatim 1) Zorobabelem, 2) Resam, 3) Meschullamum, 4) Johannam, 5) Judam Hyrcanum, 6) Josephum, 7) Mattathiam, 8) Hagai Eli, 9) Nasloch Nahumum, 10) Amos Syra-

chum, 11) Mattathiam Siloachum, 12) Josephum Arsen, 13) Hyrcanum, qui ultimus principum fertur ex tribu Juda, & familia Davidis. Hunc excepit 14) Judas Maccabæus, ex sacerdotali familia, qui principalem dignitatem primus in tribum Levi intulit. Quibus quid prohibet, quo minus Nehemiam, suo loco ac tempore connumeremus, qui cum imperio in restaurata republica patria se versatum Neh. V, 14. 15. totoque fere libro passim tradit. Quod enim Judæi nugantur, eundem cum Zorobabele fuisse, in *Introd. ad Libb. Hist. V. T. cap. XIX. § 2. p. 337. sq.* de industria confutavimus, ejusque genus ac ortum, dignitatem ac munia, ætatem quoque ac tempus docuimus.

Ad §. VII. p. 2.

(10) *Maccabæi*] Ad Maccabæorum quod attinet a) Nomen, alii Symbolicum esse volunt, cum Auctore nostro, FRANC. IVNIO in *i. Maccab. I, 1.* aliisque, ac si ex ראשי תיבות s. initialibus literis dicti Exod. XV, 11. כמך quis sicut tu, inter Deos, vel fortissimos Jehova? vexillo Judæ militari inscriptis, coaherit מכבי Maccabi. Sed repudiat hoc commentum NICOL. FULLERVS *Miscellan. lib. II. cap. 13.* & post eum REITZIVS in *not. ad Auctor.* partim, quod vexilla tunc temporis literis signata fuisse non constat, partim quod illa scripturæ compendia tantam non ferunt ætatem. Hinc duplicem affert FULLERVS derivationem aliam, ut vel idem sit, ac ככה בי *per me est plaga* hostibus infligenda; vel ad formam מעשי 1. Chron. IX, 12. deductum a ככה *extinxit*, ut ככה *extinctorem* notet, bellorum pariter ac hostium. Quocum ex nostris consentit HILLERVS, in *Onom.* p. 871. ex Chaldæo מכבי derivans, & *extinctorem* exponens: quæ & DRVSI sententia fuerat. IOH. LEVSDEN. in *Onomastico sacro* b. v. p. 170. *Machabæus*, inquit, *percutiens, Grace vero pugnator.* Rursus HOTTINGERVS *Thef. Phil. Lib. II. cap. II. sect. I. p. 522.* cum CONSTANT. L' EMPEREVR ex Arabismo deducit,

deducit, ubi verb. כככ vel כככ *prostravit*, in terram *dejecit*, præfixo מ, ex se gignit מככ *prostermentem*, hostes videlicet Dei & Judæorum. In ejusmodi conjecturis suo quisque abundet sensu. Hoc certum, proprie ac primo non gentis, sed unius Judæ, Mattathiæ filii, hoc nomen fuisse, καλεμένους τῶ Ματθαθαίῳ, 1. Macc. II, 4. a virtute ei, sive a patre, sive ab Israelitis aut hostibus, tributum, quod honori sibi ducentes fratres & posterii Judæ, gentilitium fecerunt & adoptarunt. Idem vero, qui nostris vulgo Maccabæi audiunt, a Judæis passim מַטְתִּיָּהוּ sive מַטְתִּיָּהוּ *Assamonei* dicuntur, in cuius nominis natales & significationem, post FULLERVM, erudite & copiose inquiri laudatus HOTTINGERVS p. 523. & vel *præfectos venerandos*, vel, *ad quorum adspæctum erubescimus*, notare tradit. IOSEPHVS ab abavo Mattathiæ id nominis arcescere videtur, quando *Antiqq. lib. XII. cap. VI.* ita auspicatur: κατὰ δὲ τὸν αὐτὸν καιρὸν ἦν τις οἰκὼν ἐν Μωδιεῖμ, κώμη τῆς Ἰσθαίας, ὄνομα Ματθαθαίας, υἱὸς Ἰωάννου, τῷ Συμεῶνος, τῷ Ἀσαμωναίῳ, ἱερεὺς ἐξ ἐφημερίας Ἰωακίμ, ἱερουσολυμίτης. *Per idem vero tempus habitabat in Modim, vico Judææ, quidam nomine Mattathias, filius Joannis, filii Symeonis, filii Asamonei, sacerdos ex vice Joaribi, Hierosolymita.* Quo autem pacto ab abavo Mattathiæ, cuius memoriam nullum præclarum nobilitavit factum, toti genti nomen hæserit, nondum intelligo, etsi post MÜNSTERVM, hanc sententiam tenet IOH. FRIDER. BREITHAUPTVS, in not. ad *Josippum Gorionid. lib. III. cap. 7. p. 194.* Minus ineptè HUGO GROTIUS ad *Pf. LXVIII, 32.* ex voce מַטְתִּיָּהוּ, quæ c. l. *optimates*, vel juxta KIMCHIVM אנשים גְּדוֹלִים *duces* notat, Chasmonæorum titulum derivat. FRID. SPANHEM. *Hist. Eccl. V. T. Epoch. IX. cap. III. §. 2.* vocem hanc non tam Hebræam, quam peregrinam vel gentilitiam, huic postmodum familiæ, ob dignitatem & principatum tributam, existimat. Nos in medio relinquimus, in nominis origine historię veritatem nihil periclitari censentes. Si cui tamen volupe sit, in vim ac natales appellationis

curatius inquirere, eum ad eruditam viri doctissimi CONR. IKENII *observationem de Juda Maccabæo* remitto, quæ *T. I. Symbolar. literar. Bremens. P. I. p. 170. sqq.* legitur, multisque egregiis annotationibus est referta.

β) Ortum & genus, quod e tribu Levi trahabant, & quidem a sacerdote Simeone, ex ordine Joaribi, cuius mentio fit 1. Chron. XXIV, 7. testibus IOSEPHO in citatis verbis, & auctore libri 1. Maccab. II, 1. Primus ex his Mattathias, zelo Domini accensus, jugum Antiochi Epiphanis excutere, cultumque divinum ab idololatrica gentis suæ profanatione vindicare cœpit, quem præcipua pars populi secuta, principem constituit. Huic in acceptis refert IOSEPHVS scitum, ut Sabbatis etiam, urgente necessitate, fortiter pugnarent Judæi: quæ consuetudo ab illo tempore in gente mansit. Vno autem in principatu exacto anno, cum morbo corruptus decumberet, vitæque sibi instare finem ominaretur, filios suos quinque, Johannem, Simonem, Judam Maccabæum, Eleazarum, & Jonatham, ad se accersitos, pia gravique oratione, ad tuendum religionis decus, asserendam gentis libertatem, mutuamque alendam concordiam, exhortatus est, interque hæc cumprimis præcepit, ut Simonem, prudentia præcellentem, patris loco haberent, ejusque morem gererent cōsiliis, Judam vero Maccabæum, virtute ac robore præstantem, in bello gerendo militiæ ducem sequerentur. Hinc factum, ut post patris obitum, Judas rerum in se fusciperet administrationem, omniumque consensu principatum teneret.

γ) Res gestas a Juda cumprimis, ejusque auspiciis arcessendas. Hic etenim anno IX Antiochi Epiphanis, rerum potitus, gemina ejus castra, alia sub duce Samariæ Apollonio, alia sub Serone, duce Syriæ, profligabat; cumque novum adversus Judam exercitum Antiochi duceret Lyfias, Judas convocatis Mizpam Judæis, victoriam jejuniis ac supplicationibus a Numine exorabat, 1. Macc. III. Hinc exigua manu amplissimas sub Gorgia & Lyfia copias hostiles vincit, indeque Hierosolymas tendens, arcem capit,



templum purificat, altare a gentilibus exstructum evertit, novumque condit, & sacra prisca restituit, octo dierum encaniis templum initians, & ut quotannis octo dierum encania solenni ritu celebrentur, lege sancit c. IV. & IOSEPH. c. I. cap. VII. Cumque illa tempestate diem obiisset Antiochus, successor ejus Demetrius Soter, rex Syriæ, Pontificem instituit post Menelai mortem, Alcimum, hominem impium, juratumque ecclesiæ hostem, 1. Macc. VII, 9. 2. Macc. XIV, 13. qui, cum in eo esset, ut interius templi atrium, muro dejecto, redderet commune, subitanea morte sublatus est, 1. Macc. IX, 54. sqq. IOSEPH. cap. IX. Post Alcimi fata, sunt qui existimant, septem annis vacasse sedem; IOSEPHVS autem cap. X. §. 6. populum perhibet Judæ Maccabæo Pontificatum detulisse, qui, donec alius commode surrogari posset, triennio eodem sit functus, quanquam ob bella, illorumque temporum turbas, solenni ritu suscipere & obire nec vellet, nec posset, nunquam Pontifex dictus, principis populi dignatione contentus. Postquam itaque Judas rebus Judæorum quadriennio præfuerat, foedus pangit cum Romanis, IUSTINO quoque memoratum lib. XXXVI. cap. 3. cujus formulam integram, ut tabulis æneis incisa, Capitolio fuerit illata, IOSEPHVS sub finem cap. X. exhibet. Anno demum sexto principatus, Judas impari & infelici congressus prælio cum Bacchide, Demetrii Soteris duce, ab ipso vincitur & fugatur 1. Macc. IX, 18. ipseque ab hostibus cinctus, & in acie cadens, victoriam illis reliquit, IOSEPH. cap. XI. §. 2. Ceterum istud cum Romanis ictum foedus, primam eis ansam subministravit, opprimendi Judæos, a quo foedere ad Urbis per Titum vastationem, anni fluxerunt CCXXX.

δ) Successionem. A Judæ Maccabæi morte, frater ejus Jonathas principatu non modo potius, verum etiam anno VIII a rege Alexandro Epiphane, Pontificatus dignitate ornatus & auctus fuit, festo tabernaculorum, solenni pompa hoc munere publice functus 1. Macc. X, 20. sq. IOSEPH. lib. XII. cap. I. & V. Cujus & principis,

& pontificis, auctoritate & consiliis, αὐτονομία & libertas populo Judaico plenarie restituta, & in tuto collocata est. Vtramque porro Demetrius Nicanor, Soteris filius, non confirmabat modo, verum indultis quoque Jonathæ & Judæis tribus dicasteriis, amplificabat, populum a tributis omnibus liberabat c. XI, 28. sqq. præsidiumque Syrorum, qui arcem Hierosolymitanam tenebant, data occasione, ejecturum se pollicebatur v. 40. Quin etiam, ut contra vicinorum insultus rempublicam muniret Jonathas, foedus cum Romanis atque Spartanis renovabat, c. XII, 6. pristino nitori quassatam, utcumque restituens rempublicam, cujus tamen forma Democratiam potius, sive Aristocratiam, quam regnum referebat.

Demum vero Jonathæ, a Tryphone occiso, (cujus mortem & sepulturam IOSEPHVS l. XIII. cap. VI. §. 4-5. exponit) frater succedebat, ex Mattathææ filius superstes Simon, qui primo pontificatus sui anno populum e servitute Macedonum liberavit, ut nulla ipsis posthæc penderent tributa, Hierosolymorum arcem, hostium receptaculum, diruit, populoque ut arcis quoque montem deicerent, persuasit, multisque præclare gestis, a genero suo, PTOLEMÆO, in convivio, ex insidiis interemptus, periit, IOSEPH. c. VII. §. 4. Successit patri in pontificatu filius Hyrcanus, qui Samariam expugnavit & funditus delevit, & tria maxima consecutus a Deo beneficia fertur IOSEPHO cap. X. principatum gentis, pontificatum inter Sacerdotes, donumque vaticinandi. Illo autem, post unum & triginta imperii annos, rebus mortalium exempto, filius Aristobulus suffectus est, qui gloria majorum non contentus, τὴν ἀρχὴν εἰς βασιλείαν μεταθῆναι δοξάζας, principatum in regnum permutare consilium ratus, regium sibi ipsi diadema imposuit, ut IOSEPHVS habet cap. XI. §. 1. primus a captivitate Babylonica rex Judæorum, annis post reditum gentis in patriam CCCCLXXXI mense tertio, vel ut alii computant, annis CCCCLXXXVI, ante natum Christum annis CIV. Verum postquam suspitione ac metu permotus, & matrem in vinculis

same,

fame, & fratrem Antigonum gladio peremisset, desperabundus animam efflavit, cum uno saltem anno sceptrum tenuisset: *Φιλέλλην*, *Græcorum amator* dictus. Hunc in regno excepit frater natus minimus, *Alexander Jannæus*, quo imperante immensis a Ptolemæo Lathuro illata Judæis est clades: ipse 6000 Judæorum, ob mortem in ipsum seditionem, trucidari, quin & 800 principes populi, a se devictos, in conspectu suo crucifigi curabat, ex ebrietate demum morbum sibi, mortemque consciscens. Post eum, vi testamenti, sceptrum capesserebat vidua ejus *Alexandra*, quæ Pharisæorum beneficio & consiliis, quietum tenuit imperium novem annis, & cum multa præclare gessisset, cum gloria e vita excessit, *IOSEPH. lib. XIII. cap. XVI.* Inter hæc vero, inter duos ejusdem filios, *Hyrcanum & Aristobulum*, grave exarsit bellum. Hyrcanus enim, ex testamento patris, quoad in vivis mater esset, Pontificatuungebatur, post matris vero excessum, regnum etiam affectabat: sed bello a fratre impetitus, regno pariter ac templo ejiciebatur. Ista fratrum contentio ad Pompejum magnum, qui tunc temporis in Armenia contra Tigranem pugnabat, tanquam ad judicem delata, ipsum cum exercitu Hierosolymas accivit, qui Vrbe expugnata, Hyrcano regnum & sacerdotium restituebat, Aristobulum autem cum filiis & filiabus in triumpho Romam ducebat captivum. Hac fratrum discordia, tota Judæa sub jugum venit Romanorum, XXX ante natum Christum annis, Cicerone apud Romanos Consule. Finito bello civili inter Pompejum & Cæsarem, Antigonus Aristobuli filius, libertate recuperata, Parthos in Judæam accivit, qui Hierosolymas, totamque misere vastantes Judæam, Hyrcano seni aures præscindebant, ne gerendo aptus esset Pontificatui, eumque in Parthiam captivum ducebant: post quem *Antigonus* triennio imperium tenuit, donec Hierosolyma, post acrem septem mensium oppugnationem, occupata captus, atque a Romanis virgis cæsus Antiochiæ, capite truncaretur, ὃ μηδεὶς ἄλλος βασιλεὺς ὑπὸ τῶν Ῥωμαίων ἐπεπόνθει, quod nullus alius Rex a Ro-

manis passus est, ex *DIONIS CASSII observatione lib. XLIX.* Post hunc *Herodes*, filius Antipatris, Rex in Judæa factus, Hyrcanum e Parthia domum revocabat, quem tamen ipse post Antonii mortem occidebat: ut ita, cruento ac funesto exitu, gens Maccabæorum interiret, CXXXIX annis post, quam Mattathias ejus stator adversus Antiochum Epiphanem arma cepisset. Atque ista quidem, in compendium missa, hic observasse juvabit, ut facies reipublicæ, & vicissitudines regiminis Judæorum, a reditu in patriam, usque ad Christi adventum, inde intelligantur. Quæ omnia explicate & copiose tradita, qui legere cupit, adeat *FRID. SPANHEMIVM Hist. Eccles. V. T. Epocha IX. T. I. Opp. f. 446. sqq. CHRISTI. SCHOTANVM Biblioth. Histor. Sacra V. T. in Sulpit. Sever. T. II. Pemptad. III. lib. V. p. 1266. sqq. HUMPHREDVM PRIDEAVX in Hist. Jud. P. II. lib. III. edit. Gall. T. III. p. 298. sqq. FRANCISC. BURMANNVM in Hist. Eccles. V. T. subjuncta Commentario ejus in libb. Histor. V. T. edit. Belg. Tom. III. p. 448. sqq. & e nostris LUNDIVM Jüdischer Heiligthüm. Lib. III. cap. XXIV. atque IOH. FRANCISC. BURDEVM Hist. Eccles. Vet. Test. Per. II. Sect. VII. Tom. II. p. 1127.* Qui vero singula rerum gestarum momenta, ad annos suos, temporumque articulos revocata, cognoscere avet, consulat *VSSERIVM ARMACHANVM Annalium Tom. II. p. 32. sqq.* De librorum denique Maccabaicorum, qui inter Apocryphos sunt Vet. Test. auctore, lingua originali, auctoritate & fatis, historicam & criticam recensionem ac observationes dabunt, *IOSEPHVS DE VOISIN observat. ad Raymundi Martini pugionis fid. proæm. fol. marg. 104. 10. ALBERT. FABRICIVS Bibliotheca Græca lib. III. cap. XXIX. §. 9. p. 748. sqq. Vener. WOLFIUS Biblioth. Hebr. P. II. Sect. III. §. 7. p. 202. sqq. polemicam vero contra Pontificios demonstrationem, magnus GERHARDVS Conf. Cath. Lib. II. Spec. P. I. Art. I. Cap. I. Sect. I. thes. VIII. f. 63. sqq. & ex Anglis, doctissimus IOH. RAYNOLDVS Cens. libb. Apocryph. V. T. prælect. XCIX. sqq.*



Ad §. VIII. pag. 2.

(11) *Herodis Ascalonitæ regnum*] Factum me operæ pretium confido, si brevem Herodiadum delineationem hic dederō, quæ his omnibus novi fœderis locis lux affundatur, in quibus Herodis fit mentio. Herodem legimus, quo imperante Christus & Johannes nati Luc. I. Matth. II. Herodem tetrarcham, qui Johannem gladio percussit Matth. XIV. Luc. III. Herodem ἐν τριτοῦ Luc. VIII, 3. Herodem, sub quo Salvator mundi passus & mortuus Luc. XXIII. Herodem interfectorem Jacobi Act. XII, 1. Qui ut caute & recte discernantur, genealogiam Herodum ob oculos habere necesse est, quam & ABRAH. SCVLTETVS condidit *Exercitat. Evangel. lib. I. cap. II.* & largius ad-

huc CHRISTI. NOLDIVS sub init. *historia Idumææ*, quæ Tom. II. *Opp. Josephi*, edit. Haverkampianæ, subjuncta legitur p. 337. & copiosissime omnium ADRIAN. RELANDVS *Palæstinæ Lib. I. cap. XXX. p. 173. sqq.* demum etiam cui turbare omnia, ac in ancipiti ponere volupe est, IOANN. HARDVIN, Jesuita, *de nummis Herodiadum* p. 90. quem tamen ex merito castigavit CHRISTO. CELLARIVS, cujus dissertatio *cit. loco. Josephi* p. 324. legitur. Cum primis conferri huc meretur Vener. DEYLINGIVS *P. II. Observ. Sacr. XXVI.* quæ est *de familia & Genealogia Herodiadum* p. 247. sqq. qui curate & studiose illam recensuit, & HARDVINVM cum aliis, perperam statuentibus, solide propulsavit. Nos paucis ita complectimur:

Antipas, Idumæus, ab Alexandro Judæorum rege, & Alexandra regina, Idumææ præfectus: gentis Herodiadum stator.

Antipas, qui postea Antipater s. Antipatros dici maluit, primus Judææ tutor a Julio Cæsare constitutus.

(a) Herodes Magnus, Rex Judææ, infanticidii Bethlehemitici auctor Matth. II. cujus ex numerosa sobole, RELANDO curate memorata, huc spectant

Aristobulus,  
jussu patris  
strangula-  
tus.

(b) Archelaus, ethnar-  
cha, sub quo Christus  
ex Aegypto rediit.  
Matth. II.

(c) Philippus, tetrar-  
cha Iturææ & Tra-  
chonitidis. Luc.  
III, 1.

(d) Herodes Antipas, tetrarcha  
Galilææ Luc. III, 1. raptor Herodia-  
dis Matth. XIV, 4. interfecto-  
r baptistæ, & illuso Christi pa-  
tientis Luc XXIII, 11.

Herodes, Rex Chalcididis, qui  
regnum ab Imp. Claudio, ex  
intercessione fratris Agrip-  
pæ, obtinuit. 10-  
SEPH.

(e) Herodes Agrippa, Senior, qui univer-  
sum regnum avi obtinuit, Jacobum inter-  
fecit, & Petrum in vincula conjecit Act. XII.  
In cujus prætorio Cæsareæ custoditus  
Paulus, Act. XXIII, 35.

Herodias, nupta He-  
rodi Philippo, Hero-  
dis M. filio, deinde per  
consensum fratris ejus  
Antipæ uxor Matth.  
XIV.

(g) Berenice Act. XXV, 13. Marco  
nupta, post Herodi, Regi Chalcidi-  
dis, patruo suo, deinde Polemoni  
regi Ciliciæ, a quo discedens regem  
Agrippam sectari cœpit, non sine  
manifesta incesti suspitione.

(f) Agrippa Junior, coram quo & Berenice  
sorore, causam peroravit Paulus Act. XXV,  
13. XXVI, 2. sqq. qui excidio Urbis & rei-  
publicæ Judaicæ supervixit, & tertio Tra-  
jani anno, teste PHOTIO, mortuus est,  
post quem tetrarchiarum in Palæstina  
nulla amplius mentio fit.

(b) Drusilla, quæ  
Azizo, Regi Emi-  
senorum nupta,  
hinc Felicis Pro-  
curatoris Judææ  
uxor, Actor.  
XXIV, 24.

(a) He-

(a) Herodis M. in dubio est patria & ortus. Ascalonitam dicit Auctor noster, veteres securus, quorum sententiam EPIPHAN. lib. I. *advers. Heres.* XX. c. *Herodianos*, ita declarat: Antipatrum ab Idumæis captum, & in Idumæa degentem, Herodem filium suscepisse, *διόπερ τινες αὐτὸν λέγουσιν Ἰδευμαῖον, ἄλλοι δὲ Ἀσκαλωνίτην Ἰσασί, quam ob causam ab aliis Idumæus, ab aliis Ascalonita fuisse proditus est.* Quæ quidem minus commode cohærere videbuntur. Idumæa enim Judææ ab Austro subdita, Arabiam petram attingit: Ascalon autem ad mare sita est urbs, in termino occidentali. Sed laxi tum fines erant Idumææ, ad mediterraneum usque mare protensi: quod ex PLINII lib. V. cap. XII. coll. cum init. cap. XIII. & PTOLEMAEI lib. V. cap. XVI. & STRABONIS lib. XVI. p. 523. probare satagunt Viri docti. Ad Herodem quod attinet, Patres quidem in eo sibi non constant, aliis alienigenam, aliis Judæum, perhibentibus. CYRILLVS ALEXANDRINVS *γλαφυρῶν in Genes. Lib. V. p. 223.* edit. Paris. 1638. *Ἡρώδης ὁ Ἀντιπάτρως παῖς Παλαιστίνος ὢν, Herodes*, inquit, *Antipatri filius genere Palestinus erat:* rursus lib. X. *de adorat. in Spiritu & verit. f. 345.* Herodem fert *ὄντα ἐξ αἱματος Ἰσραήλ, ex sanguine Israhelis genus duxisse.* Contra vero ea IUSTINVS MARTYR in *Dialogo cum Tryphone*, edit. Londin. Sam. Jebb, 1719. p. 152. illum Herodem, sub quo passus est Christus, Ascalonitem a Judæis dici perhibet: sed locus ille haud dubie in mendo cubat, quod uberius CASAVBONVS docet *Exerc. I. ad Apparat. Baronii §. 2. & 108. SCALIGER animadversion. in Eusebii Chronic. n. 1983.* Erudite IUSTINVM vindicat h. l. & exponit RICH. MONTACVTIVS *Analect. Exerc. II. Sect. XI. p. 92. sq.* Sed Herodem pariter EVSEBIVS lib. I. *Hist. Eccl. cap. VI. πρῶτον τὸ γένος ἀλλόφυλον, primum genere alienigenam Judaicæ gentis regnum obtinuisse* perhibet, eoque Mosis vaticinium refert: *non deficiet princeps de Juda.* Vir Summus, FRID. SPANHEMIVS pater, *Dub. Evang. Part. II. Dub. XVI. p. 227.* in genus Herodis M. ex instituto inquirens, propositis utri-

usque sententiæ cum patronis, tum momentis, ita demum §. 8. p. 234. subducit calculum: falsum, & Herodem fuisse plane gentilem ac ἀλλόφυλον τὸ γένος, & γνησίως fuisse Judæum, inde a maioribus suis: verum autem, Idumæum a prima origine fuisse, sed cujus maiores erant Ἰδευμαῖοι, *Judaismo adscripti*, quæ sigillatim solide evincit. Cum nimirum Johannes Hyrcanus, integro fere seculo ante Herodis regnum, Idumæos bello difficili victos, ad ejusdem doctrinæ & cultuum professionem, imperata eis circumcissione, adegisset, Idumæi ecclesiæ Judaicæ inserti, & Judæi facti sunt, ὥς ἐναι τὸ λοιπὸν Ἰσραήλ, *ut ab illo tempore Judæi essent*, teste IOSEPHO lib. XIII. *Antiqu. c. XVII.* Confer, quæ in eandem sententiam copiose ac erudite differit laudatus MONTACVTIVS *c. l. Sect. IX. p. 75. sqq.* Quæ ratio est, propter quam Herodem alienigenam, vel Idumæum fuisse, negarint viri doctissimi, IOSEPH. SCALIGER, CASAVBONVS, SCVLTVS, SPANHEMIVS: religione nimirum ac instituto, licet ex Judaico sanguine oriundus non esset, sed ab Antipa Idumæo duceret ortum. Auctores, quæstionem hanc: utrum Judæus fuerit Herodes M. an profelytus Ascalonita? excutientes & disputantes, vide a CARPZOVIO allegatos *ad Schickardi Jus Reg. cap. I. Theor. 3. p. 51. sq.* quibus HEINSIVM adde *epist. c. Balsacum p. 147.* ubi pariter nec profelytum, nec Judæum fuisse, censet. Regni ejus historiam prolixè persequitur laudatus SPANHEMIVS *P. Part. II. Dub. Evang. II. p. 60. sqq.* SPANHEM. fil. *Hist. Eccl. V. T. Epocha IX. Cap. IX. T. I. Opp. p. 466.* DIONYSIVS PETAVIVS *animadvers. ad Epiphani heres. LI. Alogorum T. II. Opp. p. 121. sq.* filium IOSEPHI omnes secuti. Primo Herodes, & Phasaëlus frater ejus, Romanorum auspiciis ab Antonio, Tetrarchæ Judææ constituti, apud IOSEPH. lib. XIV. *Antiqu. c. XIII.* Phasaëlo deinde a Parthis capto, & spontaneo capitis ad saxum illisu, extincto, Herodes Judæa cedere coactus, & Romam profectus, Antonii & Octavii Augusti favore, mediis inter utrumque, Judæorum Rex a Senatu procla-



proclamatur. Posthæc in Judæam redux, post triennale fere bellum, ANTIGONVM, ex Hasmonæorum gente ultimum, opprimit, Parthos e Syria pellit, Hierosolymam XXVII annis, postquam occupata fuerat, a Pompejo eodem die expugnat, atque sic demum Judææ regno placidus ponitur. Cum autem Antonius ab Octaviano Cæsare superatus esset ad Actium, & Herodes, Antonii partibus addictus, imperio se excidisse crederet, præter spem in fastigio regio confirmatur a Cæsare, & post illa quoque fratri suo Pheroræ tetrarchiam ab eodem impetrat, *lib. XV. Antiqu. cap. XIII.* Quam deploranda vero ac misera Judæorum fuerit conditio regnante Herode, Judæorum ritus cum profanis miscente, ludos ac certamina athletica in honorem Augusti instituyente, aquilam auream ingentis magnitudinis, supra majorem templi portam, plane contra gentis leges suspendente, Pontifices ex lege perpetuos, pro lubitu summovente, iisque surrogante alios, Davidis sepulchrum, spe ingentis thesauri, violante, & Judæos innumeris cædibus, terrore, ac molibus passim extruendis, opprimente, ex IOSEPHO cumprimis, laudati auctores copiose exponunt. In his maxime MONTAGUTIUS p. 78. sq. detestabilem ejus feneclam, & profligatæ impietatis mores graphice depingit, adeo ut Herodem vergente ætate, firmatoque imperio, factum fuisse gentilem, contra BARONIUM, pronunciet. Ne tamen omnem penitus perderet gratiam Judæorum, templum Hierosolymitanum ingenti molimine, immensisque sumptibus, inde ab anno regni XVIII instauravit, ita ut posthæc admirationi esset omnibus Marc. XIII, 1. vitemque auream, e qua botri ingentis magnitudinis dependebant, supra columnas, in interiore portæ templi parte erexit, unde factum, ut in nummis Herodis M. botrus expressus conspiciatur. Etsi fidem IOSEPHI *lib. XV. Antiqu. c. ult. & de bello Jud. lib. VI. cap. VI. & XVI.* magnificentiam hujus ædificii immane quantum extollentis, in dubium vocet & suggillet SPANHEM. fil. cit. loc. p. 469. Votantis tandem ultimæ tabulis varie, & plus vice

simplici mutatis, regnum inter filios ita divisit, ut rex esset Judæorum Archelaus, ei successurus, Antipas tetrarcha Galilææ & Perææ, Philippus tetrarcha Trachonitidis, Gaulonitidis, Batanææ, & Paneadis: *lib. XVII. Antiqu. cap. X.* Sed de hoc Herode NICOL. SERARIUS pec. libro commentatus est, quem *Rabbinis* subjunctum, inscripsit: *de Herodis tyranni natalibus, Judaisma, uxoribus, liberis & regno*, in quo bona malis, vera falsis permixta cernuntur.

(b) Archelaus mortuo parenti iusta perfoluturus, defuncti corpus e Callirhoe, ubi decesserat, magna pompa Herodium usque duxit, ducentis illinc stadiis distans, indeque Hierosolymam reversus, septem diès, ex lege, luctui infumfit, tumultuque, qui ortus fuerat propter interfectos ab Herode legis doctores, aucto in Paschatis festo, tria Judæorum millia trucidavit. Posthæc Romam profectus est, ut regnum sibi a patre relictum, confirmaret Augustus. Neque tamen regis, sed ethnarchæ solum titulum obtinuit, sed regio ipse dominatu, nec ferenda Judæis sævitia, Judææ, Samariæ & Idumææ imperavit: hinc a Judæis & Samaritanis apud Augustum tyrannidis postulatus, relegatur Viennam Allobrogum, decimo post principatum anno, misso Quirinio, qui Archelai patrimonium fisco addiceret, Judæam in provinciæ formam redigeret, Syriæ adscriptam, & Procuratoris submitteret regimini: cujus exilii, incertum quo anno, vitam cum morte commutavit. Vide IOSEPH. *lib. XVII. Antiqu. cap. XV. & L. II. de bello Jud. cap. VII.*

(c) Philippus, Herodis M. ex Cleopatra filius, Archelai frater, tetrarcha Iturææ & Trachonitidis Luc. III, 1. quoniam in principatu a patre relicto a Cæsare confirmaretur, Paneadem, a fonte Paneade, qui eam alluebat dictam, & ad radices montis Libani sitam, in ea regionis Gaulonitidis parte, ubi fluvii Jor & Dan confluebant, constituebantque Jordanem, plurimis novis, mirandisque auctam & ornatam ædificiis, *Cæsaream Philippi* appellavit Marc. VIII, 27. quæ antiquis Leshem Jos. XIX, 47. & Lais Jud.

XVIII, 29. nec non creberrime Dan audiebat. Ab hac enim alia & diversa fuit *Cæsarea Stratonis*, vel *Cæsarea Palæstinae*, passim quoque sine addito, & absolute, *Cæsarea* nuncupata, ad littus maris mediterranei inter Doram & Joppen sita, de qua Act. VIII, 40. IX, 30. Idem vico Bethsaida, ad ripam lacus Gennesareth, novum urbis splendorem ac speciem conciliavit, Juliamque appellavit: demumque in provincia sua consenuit, decessitque ἀπενος, anno post C. N. XXXIV, post cujus mortem Trachonitis provinciae Syriae accessit. Præcipuum, quod circa illius historiam in controversiam vocatur momentum, uxorem concernit Herodiadem, Herodis Antipæ posthæc nuptam. Hanc Philippi uxorem Evangelistæ memorant Matth. XIV, 3. Marc. VI, 17. Luc. III, 19. cujus tamen priorem maritum IOSEPHVS pariter Herodem appellat *Lib. XVIII. Antiqu. cap. VII.* Temere integritatem Textus hic sollicitat BERN. LAMY *Comment. in harmon. Evangelist. Lib. III. cap. XXVI. T. I. p. 281.* ita nugatus: potuit irrepisse (Philippi nomen in textum Evangelistarum) ex glossate viri, qui non alium agnoscens fratrem Herodis Antipæ, quam Philippum Tetrarcham, nomen ejus margini codicis exposuerit. - - Incertum est, an etiam appellaretur Philippus; sed certe alius est ab eo Philippo, qui erat Traconitidis Tetrarcha; neque enim potentissimus princeps passus esset, sine vi armorum, rapi propriam uxorem: aut raptam armis repetivisset. Saltem res acta silentio non fuisset. Felicius omnino in utraque hac auctoritate concilianda varii desudant interpretes, in quibus laudatus D. DEYLINGIUS c. I. §. 19. sq. p. 259. cum H. GROTIUS & BASNAGIO, in ea acquiescit sententia, inter Herodis M. filios, duos fuisse Philippos, alterum ex Mariamne, Simonis Pontificis filia sublatum, alterum ex Cleopatra, qui tetrarcha. Vtrumque etiam RELANDVS in tabula Genealogica Herodum distinxit, & priorem Herodem dicit, maritum Herodiadis, posteriorem Philippum, quem duxisse tradit Salomen, filiam Herodis & Herodiadis. Priori ergo cum Philippi Herodis esset

nomen, hinc factum, ut prior Herodiadis maritus, divisa appellatione, Philippi nomine veniret Evangelistis, Herodis IOSEPHO, qui tamen utrisque sit idem. Calculum huic sententiæ adjicit quoque Vener. WOLFIVS in *Curis Philol. ad Matth. XIV, 3.* Nec est, quod jure ei obvertatur, cum Philippi uxorem quidem Herodiadem fuisse affirmant Evangelistæ, tetrarchæ vero fuisse omnes sileant, & quamvis Lucas vers. 1. τῷ τετραρχῶντος disertam iniecisset mentionem, commate tamen 19. nullum istius dignitatis vestigium addat, alium & a priori diversum se hic indigitare Philippum, haud obscure prodens.

(d) Herodes Antipas, Herodis M. ex Malthace filius, tetrarcha Galilææ Luc. III, 1, βασιλεὺς quidem ab Evangelistis Matth. XIV, 9. Marc. VI, 14. salatur, sed, quod probe observant doctores, generaliori sãtem vocis usu, quemvis notat supremum imperantem. Hinc Lucæ c. IX, 7. Johannis interfector diserte Ἡρώδης ὁ τετραρχῶν appellatur. Is enim, postquam Aretæ regis filiam in matrimonium duxisset, mox tamen incesto inflammatus amore, missam eam fecit, fratris uxore Herodiadē in torum adscita, magno suo malo. Ista quippe, regiæ invidens dignitati fratris Agrippæ, facile persuasit marito, ut Romam profectus, regium & ipse titulum ac ἀξίωμα ambiret, & ab Imperatore conferri sibi peteret. Sed Caligula ab Agrippa monitus, & de amicitia Herodis cum Artabano, Parthorum rege, & de ejusdem armamentario, Antipam in Galliam relegat, quem ultro secuta est Herodias. Tetrarchiam Herodiadem, ad Agrippæ regnum adjecit Imperator: teste IOSEPHO *lib. XVIII. Antiqu. cap. IX.* Plus vice simplici, ab Evangelistis pariter ac IOSEPHO, atro notatur carbone, quod Johannem, præcursores Christi, capite truncavit, Matth. XIV, 10. Christo insidias struxit, Luc. XXIII, 11. Ad quem Apostoli quoque digitum intendunt Act. IV, 27. Ceterum, quæ simultatis inter ipsum, & Pilatum Judææ procuratorem, causa fuerit & origo, disquirere.



quirentem vide ANTON. BYNÆVUM *de morte J. C. lib. III. cap. II. §. 12. p. 81. sq.*

(e) Herodes Agrippa Major, sive Senior, Herodis M. ex Aristobulo nepos, variam expertus est fortunam. Paupertate aliquamdiu pressus, apud sororem Herodiadem vixit. Hinc a Tiberio in vincula coniectus, liberatur a Caligula e carcere, aureaque ejusdem ponderis catena, quo ferrea fuerat, donatur, & utriusque tetrarchiæ, cum quæ Philippi fuerat, tum quæ Lysaniæ, Rex constituitur. Confirmatus a Claudio, Judæam quoque & Samariam, quod olim ad avum ejus Herodem pertinuissent, regno suo adjectas accipit: ea quidem cum dignitate, ut tributum Judæi non Romanis, ut antea, sed Regi suo penderent. IOSEPH. *lib. XVIII. Antiqu. cap. VIII.* Hic est, ad quem univërfa spectant, quæ Actor. XII. traduntur, quod, ut Judæorum occuparetur gratiam, in Apostolos favire coepit, Jacobum Apostolum gladio percutiens, & in vincula conjiciens Petrum, e quibus mirabili Numinis beneficio liberatus evasit: tum quoque, quod Cæsareæ ludos exhibens, divinosque admittens honores, iusta Dei vindicta percussus, quinto die post, interierit, anno Claudii Cæsaris quarto, regni sui octavo. A paganissimi labe, ab HARDVINO eidem temere adpersa, vindicavit eum DEYLING. *c. I. §. 22. sqq. p. 261.* Prætorio autem, ipsius auspiciis & jussu Cæsareæ exstructo, nomen hæsit, ut *Ἡρώδης* diceretur, Act. XXIII, 35.

(f) Agrippa Junior, sive Minor, septendecim annos habebat, & in aula Imperatoris educatus, Romæ degebat, cum satis concederet pater. Hunc paterni regni successorem statim dicebat Claudius, sed amicis monentibus, tutum satis non esse, ut juveni, qui tanto oneri impar, imperii committeret habenas, aurem præbens, sententiam mutabat, Judæam Syriæ additam, denuo in provinciam redigens, & procuratorem in illam mittens, Cuspium Fadum: ut est apud IOSEPHVM *lib. XIX. Antiqu. cap. ult.* Quadriennio demum post, mortuo Herode patruo, Chalcidis Syriacæ rege, successorem ei dixit Impera-

tor Agrippam, Regemque constituit: verum de-  
nuo post quatuor annos, Claudius Chalcide ei-  
dem adempta, illius loco tetrarchiam Philippi,  
Agrippæ donat, & Batanæam, cum Trachonitide  
& Abyla, quod ejus regnum postea Nero, ad-  
jecta Galilææ parte, Tiberiade & Juliade trans Jor-  
danem sita, agroque ejus habitato vicis quatuor-  
decim, insigniter amplificavit & auxit, teste IO-  
SEPHO *lib. XX. Antiqu. cap. V.* Ita excidio  
Hierosolymitano diu superfuit Agrippa, regno  
incolumi, & aliquot urbium accessione, Vespasi-  
ani beneficio, ampliata, nec in destructione ur-  
bis aliam, nisi curæ & inspectionis templi, ac  
Summorum Pontificum constitutionis & abdica-  
tionis, hæreditatis lege a patruo Herode, Chal-  
cidis rege, in se devolutæ, fecit jacturam, ulti-  
mus Herodiadarum in Palæstina Dynastarum.  
Hic ipse est Agrippa, coram quo causam suam  
graviter peroravit Paulus, tantoque cum pon-  
dere, ut fateretur Rex, parum abesse, quin in  
Christianorum ipse castra transfret, Act. XXVI, 28.  
Plura de eo, præter laudatos SEVLTETVM &  
DEYLINGVM, habet LVD. CAPPELLVS  
in *Spicilegio notarum ad Act. XXV, 13.*

(g) Quæ *Βεργίη* Lucæ, Act. XXV, 13. aliis  
Berenice dicitur, Agrippæ Junioris soror, a pa-  
tre Agrippa Majore, Herodi, Chalcidis regi, pa-  
truo suo in matrimonium data, post obitum ma-  
riti variis rumoribus & suspitioni, de clandestini-  
nis cum fratre Agrippa Jun. congressibus, lo-  
cum dedit. Quam tamen infamiam callide a se  
amolitura, Polemoni Ciliciæ regi nupsit, quo  
pariter paullo post e vivis sublato, fratrem ite-  
rum sectari coepit. Nil itaque mirum, quod in  
*Actis Apost.* fratris Agrippæ lateri semper adhæ-  
sisse legatur, quin &, quod *JUVENALIS Satyra VI. v. 156. sq.* incestuosos ejus publice perstrin-  
gat amores. Vide IOSEPHVM *lib. XX. Antiqu. cap. V.*

(h) Drusilla, Agrippæ Minoris soror altera,  
prius Epiphani, Regis Antigoni filio, desponsata  
fuerat; verum cum adolescens Judaicos ritus,  
inprimis circumcisionem admittere recusaret,  
frater ejus Agrippa, post obitum parentis, Azizo,  
Emise-

Emisenorum regi eam elocavit, qui circumcissionem haud invitus susceperat. Verum posthæc Felix, Procurator Judææ, singulari fœminæ pulchritudinè captus, Simonem quendam Judæum, genere Cyprium, subornavit, qui lenociniis suis eam a marito redderet alienam, ipseque hinc precibus, hinc sollicitationibus eam denique expugnavit & permovit, ut deserto priori marito, & ejurata patria religione, Felici nuberet, homini profano & gentili. Unde Felicis *γυναικα*, uxorem, vocat Drusillam Lucas Act. XXIV. 24. concubinam autem tantum fuisse contendit SALDENVS §. XII. p. 775. Otior. Theol. Lib. IV. Exerc. IX. quæ tota est de Felice & Drusilla. Confer IOSEPHVM lib. XX. cap. V.

Ad §. VIII. pag. 3.

(12) Oraculum hoc Jacobæum, quia cardinale est & facile princeps in his, quibus Messias adventus contra Judæorum pervicaciam, sole clarius evincitur, summa cum cura, & certatim Philologi pariter ac Theologi, explicarunt. Præter eos, qui integris commentariis Genesim enucleantes, in hoc dictum inciderunt, è Protestantibus cumprimis, qui data opera, sive seorsim, sive ferente ita occasione, locum hunc illustrarunt, nominasse sufficiat de Nostreis, IAC. MARTINI *Disp. II. de Messia*. CHRISTO. HELVICVM T. IV. *Gießensf.* p. 298. DIETRIC. *Antiqq. Biblic. V. T. f.* 139. MICH. WALTHER. *Dissert. I. Bibl.* PLATNERVM, Consiliarium quondam Vinariensem, qui sub ascitio GEORGII ERICI, Pharetrani, nomine, Exercitationem historico-philologicam pereruditam, de *Sceptri Judaici ablatione*, Vinariæ A. 1645. luci publicæ exposuit: IOH. MÜLLER. *Judaismi detecti P. I. lib. I. cap. 8. p.* 182. HACKSPAN. *Syllog. Disp. II. p.* 72. 87. & not. *Philol. P. I. p.* 252. AVG. PFEIFFERVM *Dub. Vexat. V. T. Cent. I. Loc. LXXX.* CRAMERVM *Scholæ Prophet. Class. II. p. I.* GLASSIVM *Philol. S. Lib. I. Tr. I. p.* 50. SEB. SCHMIDIVM *Coll. Biblic. I. p.* 171. DANHAVER. *Dispp. Theol. III. p.* 26. TARNOVIVM *Exercit. Biblic. p.* 545. DORSCHVUM

*Comment. in Matth. II. p.* 26. IOBVM LVDOLFVM in *Duce Judæorum sublato*, quæ dissertatio in *Thesauo Novo Dispp. Theol. Philol. P. I. p.* 228. sqq. inserta legitur, IOH. DIECMANNVM in *Philologemate sacro, de legislatore a medio pedum Judæ, ante adventum Christi, non recedente*, in *cod. Thef. Nov. p.* 237. GUSTAV. GEORG. ZELTNERVM in *Schilo, nodis soluto*, *ibid. p.* 247. CHRISTI. SCHÖTTGENIVM peculiari dissertatione de *Schilo dominatore*, quæ Horis ejus *Hebraicis & Talmudicis* subjuncta legitur p. 1264. & qui instar omnium esse poterit, IOH. CHRISTO. WAGENSEILIVM in *epistolica de loco Classico Gen. XLIX. 10. dissertatione*, Altdorffii Noricor, edita A. 1676. & posthæc inserta *Tellis igneis Satanae*, in *Consutatione carminis Lipmann. p.* 264. sqq. VON SEELEN *Meditat. Exeg. p.* 25. WOCKENIVM *Meditat. V. T. 2. Ex Reformatis* consulantur, ante omnes, integro tractatu, quo seipsum superavit IACOB. ALTINGIVS, & qui *Schilo* inscriptus, *Opp. T. V.* reperitur, tum quoque in compendio T. II. *Opp. f.* 43. RICHARD. MONTACVTIVS in *Analectis, Exercit. II. tota, p.* 42-94. HENR. MORVS *Opp. Theol. p.* 251. FRANC. GOMARVS in *explic. Luc. II. P. I. Opp. f.* 180. CASABOVNS *Exercit. I. ad Annal. Baronii n. 2. SIXT. AMAMA Antibarb. p.* 278. BVXTORFF. in *Anti-Crit. p.* 714. 769. SHERLOCK de *usu & sine prophetiæ, Append. dissert. 3. edit. Gall. p.* 297. SCHULTENS *Animadvers. p.* 30. VITRINGA *Obs. Sacr. Lib. IV. cap. V. & VI. p.* 901. sqq. ubi sceptrum, tempore nati Christi, nondum a Juda ablatum, sed in Herode M. superstes fuisse, demonstrare annititur, nec non de *Synag. Vet. p.* 169. GISBERT. VOETIVS T. II. *Dispp. Select. p.* 51. IOH. HENR. HOTTINGERVS *Tom. II. Histor. Patriarch. Exerc. XXIII. Sect. IV. §. 12. sqq. p.* 736. sqq. WILHELM. MOMMA *pralection. Theolog. in Gen. XLIX. 10.* quæ in opere ejus posthumo primo loco comparent: IOH. MARKIUS *Commentar. in Pentateuch. ad b. l. p.* 119. ANTON. CREGVTVS in *Revelatore Arcanorum Cap. XIII. p.* 532. sqq. Demum in *Biblioth. Bremens.*



menf. *Class. II. p. 992. & Class. IV. p. 590. & Class. VI. p. 376.* ABRAH. SCVLTTETVS *Exercitat. Evangel. Lib. I. cap. III. quæ in Bibl. Critic. leguntur T. IV. p. 1869.* Ex Remonstrantibus huc refer EPISCOPIVM T. I. *Opp. p. 163. & PHIL. A LIMBORCH in Collat. cum erudito Judæo, de veritate religionis Christi, p. 223.* Quo pacto Judæi contra hoc oraculum infidelitatem suam muniant, videri poterit apud LIPMANNVM in *Nizzachon. R. MENASSEH BEN ISRAEL in Conciliatore h. l. & IS. ABARBENEL Comm. in 1. Sam. IX, 2. fol. 94. col. 4. usque fol. 95. col. 4.* quorum solidam adornavit refutationem ALTING. *lib. I. in Schilo, quem omnino vide, & adde HOORNBECK. pro convertend. Judæis lib. II. cap. I. p. 127. sqq. ubi κατὰ πόδα MENASSEN BEN ISRAEL propulsavit.* Nos, qua fieri potest brevitate, nostram dicturi sententiam:

I. Perspicuam verborum Textus explicationem dabimus.

יָסֹד לֹא יִרְכָּס *non recedet*] יָסֹד cum יָסֹד vel יָסֹד constructum, privationem & totalem notat recessionem, seu ablationem, cum connotatione termini a quo, unde fit discessio, v. g. 1. Sam. XXVIII, 16. Dominus סֹד מֵעַלְיָךְ recessit a te, gratiosam assistentiam tibi subtraxit, non amplius tecum est. Num. XII, 10. columna nubis recessit a tabernaculo, ut non amplius eidem incumberet. Hof. IX, 12. vā illis, כְּסֹרִי כְּמֹה in recedere me ab iis, ita ut non amplius eum ipsis sim. Lev. XIII, 58. וְסֹד מֹהֶם הִנָּנֶה & recedet ab eis plaga, sic ut illa non amplius afficiantur. Ita hoc loco verbum hoc totalem ablationem αὐτονομίας, Regni, Synedrii, & potestatis judicialis a Juda infert.

וְסֹד Sceptrum] Præter virgam sive baculum, & tribum notat Gen. XLIX, 28. Deut. XII, 14. & sceptrum; idque vel proprie, ut imperii & potestatis insigne, quale Sceptrum aureum Ahasveri Esth. IV, 11. Amos I, 5. 8. vel metonymice, regnum ipsum, sive dominium. Zach. X, 11. deicietur fastus Assyria, וְשֹׁכֵן מִצְרַיִם יָסֹד & dominium Aegyptiorum cessabit. Quan-

quam non regiam semper, sed quamcunque supremam in gente potestatem Hebraeis designet, ut ex Ps. CXXV, 3. & Ezech. XIX, 10. 13. liquet. Hinc pro tribu accipit ALTING. *lib. III. cap. 2. & 3.* atque hunc sensum reddit: non recedet tribus, id est, certa familiarum consanguinearum series, a Jebuda, id est, ejus posteritate, donec venerit Schilo; ut hoc sibi velit: posteritas Judæ semper habebit familias distinctas, ab eadem stirpe, non interrupta, nec incerta serie descendentes, usque ad adventum Messia. Verum ut taceamus, implicari hoc pacto sensum, si ita exponatur, non recedet tribus a tribu Jebuda, quoniam posteritas Judæ ejus tribum quovis tempore constituebat; ut in difficultate ista tollenda frustra laboret Vir Summus: refragatur quoque ista interpretatio Patriarchæ scopo. In eo enim erat Jacobus, ut ἐξοχήν & prærogativam hujus, præ ceteris omnibus, prædiceret tribus. Ast commune hoc erat beneficium omnium tribuum, ut tempore nati Messia distinctas haberent familias, ab eadem stirpe non interrupta serie descendentes, nec in eo Jehuda reliquam gentem superabat. Neque enim potuissent alias in ἀπογεῖν ὅν Augusti, πορεύεσθαι πάντες ἀπογεῖν φεσθαι, ἐκαστος εἰς τὴν ἰδίαν πόλιν, Luc. II, 3. Missio autem reliquarum sententiarum examine, ultimæ vocis וְסֹד significationi calculum nostrum adjicimus, ut hic loci jurisdictionem, τὸ κύριον, summamque potestatem designet. Probamus 1) ex mente & scopo dicentis. Singularem præ ceteris omnibus tribui Judæ eminentiam, & asserit Jacobus, dum ita inquit: *Juda, te laudabunt fratres tui, manus tua cervici inimicorum tuorum imminet, incurvabunt filii patris tui, & luculenter describit, per וְסֹד Sceptrum & imperium, in tribu Juda excitandum, nec prius removendum, quam advenerit Schilo.* 2) Ex connexo פְּרוֹחַ, quod legistatorem designat, potestatem νομοθετικὴν cum dignitate regiminis seu ἀρχικῇ arctissime connexam. 3) Quæ dignitas ex primogenitura

tura Rubeni adempta, & in Judam est collata, ea per **ששכ** hic designatur. Ast imperii & domini dignitatem a Rubene in Judam devolutam fuisse, ex 1. Chron. VI, 2. constat. Vnde recte LXX Interpp. per *ἀρχοντα* exponunt, Targumistæ per *dominatores*.

**מִיְהוּדָה e Juda**] Id nominis tria notat in Scriptura: 1) Personaliter, filium Jacobi, a celebratione & confessione ita appellatum, quod mater a partu ejus Deum celebrasset Genes. XXIX, 35. eumque celebraturi essent fratres h. l. vers. 8. Hoc sensu etiam, quamcunque notat aliam personam, pariter hoc nomine insignitam. 2) Collective, & specialius quidem, tribum sive posteros Judæ, Jud. I, 2. 2. Sam. V, 5. 3) Generalius, populum, penes quem post discessionem X tribuum, earumque in Assyriam deportationem, nomen gentis & regimen mansit, usque ad Titi vastationem gentis & urbis. Huic a tribu Judæ, nomen quoque Judæorum hæsit, qui & ipse Juda dicitur Hos. IV, 15. Vltimam hanc notionem premit h. l. VOETIVS *Dispp. Sel. T. II. p. 60.* ita, ut ab hoc populo *recessisse* observet *sceptrum, primo quidem regale, deinde ducale, tum judiciale ex parte, & quoad exercitium, deinde omne sceptrum, quod ad jus, & titulum.* Sed denuo contra mentem dicentis. Patriarcha enim singulas cuivis tribui benedictiones impertiens, modo in benedictione tribus Judæ versatur, in quantum ea encomium, honorem & dignitatem a fratribus sit receptura, adeoque in quantum reliquis tribubus hac ipsa dignitate sua & eminentia contradistinguitur, longèque antefertur. Vnde intelligitur, medio significatu tribum Judæ hic notari, una cum gemina Benjamitarum & Levitarum appendicula, quæ cum Juda faciebat. Nec enim alia vocis notio hic locum habere potest, quam qua hanc benedictionem exorsus erat Jacobus vers. 8 **יְהוּדָה אֵתָהּ**.

**וְיִמְחֹקֶה & legislator**] a) Alii præfixum **וְ**, cum Dn. D. ZELTNERO *Disp. in h. l. §. 12.* *disjunctive* exponunt, *sceptrum aut legislator,*

ut Exod. XXI, 17. *maledicens patri suo* **וְיִמְחֹקֶה** *aut matri suæ:* 2. Sam. XXIV, 13. ubi pro peccato commisso propositæ Davidi pœnæ hac particula disjunguntur, **וְיִמְחֹקֶה, וְיִמְחֹקֶה:** ut hic loci **וְ** istud de succedente altera regiminis forma, in tribu tamen Judæ semper extitura & permanfura, sit explicandum, hoc modo: Non recedet *sceptrum, aut* (posthæc) *legislator.* Alii *copulative,* ita tamen, ut non temporis, sed potestatis affinitatem & nexum indicet, hoc sensu: Non recedet *sceptrum, neque* *legislatoria potestas seu ἀρχοντοῦλα.* Sensus utrinque fere redundat idem, b) A **וְיִמְחֹקֶה** *descripsit, insculpsit, item statuit, decrevit,* est Partic. Pih. **וְיִמְחֹקֶה** *decernens, legislator:* hinc etiam **וְיִמְחֹקֶה** *statutum, decretum,* quod alii malunt de legibus ceremonialibus semper intelligere, velut **וְיִמְחֹקֶה** *statuta Levitica* Deuter. I, 1, 20. VII, 11. notant, medio inter **וְיִמְחֹקֶה** & **וְיִמְחֹקֶה** posita loco. Verum hanc notionem non ubique obtinere, vel solus Ps. CXIX. affatim demonstrat. Hoc loco **וְיִמְחֹקֶה** *statuta cum auctoritate ferentem, supremum imperantem, sive legislatoriam potestatem designat, non communem Scribam seu Notarium, velut ONKELOS intellexisse videtur, reddens סֵפֶר סֵפֶר scribam;* nec vulgarem solum Doctorem, ut MANASSEH BEN ISRAEL, Sapientes & Doctores quosvis hac voce designari, cupit, ut obtineat, Judæis adhuc hodie præsto esse **וְיִמְחֹקֶה**, cui tamen hinc origo vocis & notio, hinc prærogativa, tribui Judæ hac voce assignata, refragatur. Notat itaque eum, penes quem est potestas *νομοθετική*, cujus est jura condere, quo sensu Deus ipse hoc nomine insignitur Jes. XXXIII, 22. Hinc colorem sententiæ suæ conciliare potuisset GVILIELM. WARBURTON in Comment. Anglico, quo *divinitatem missionis Moysi* asserere nititur, quando *lib. V.* Legislatorem h. l. de Theocratia exponit, ad adventum Christi in carnem duratura, quia nullus in Juda, ab instaurata Republ. usque ad ejus occasum, alius extitit legislator, quam ipse Deus, per ministerium Moysi. Oraculi



itaque nostri hunc reddit sensum: *Theocratia persisteret inter Judeos, usque dum venerit Christus, regnum a Patre sibi traditum occupaturus.* (Conf. *Biblioth. Britann. Tom. XXI. P. I. p. 21.*) Sed dispar omnino ratio est Legislatoris, qui Deus populo suo fuit, & administrationis Reipublicæ ad legis divinæ normam, in qua Theocratiam sitam statuit *WARBYRTONVS*. At de priori, legum quippe conditore ac explicatore, non de posteriori, Patriarchæ est sermo. Apposire ad sententiam nostram vim vocis ita declarat *VITRINGA Comment. in Jes. XXXIII, 23.* cuius verba huc attulisse non poenitebit: *Notat non tantum Legis Datorem, sed & Doctorem: atque adeo complexæ, Legis Doctorem, summa potestate legislativa instructum. Legis Datores omnes (θεσμοθέται) veluti Minos, Draco, Solon, Lycurgus, Numa, & his similes, censeri debent esse Doctores publici. Docent enim, tum leges dando, tum datas interpretando. Publicus itaque omnis legis doctor & interpres, docens per ἐξουσίαν, proprie id est, quod Hebræis מִשְׁפָּט, quam significationem hæc notio obtinet in loci critici usus, Gen. XLIX, 10. ut & in Ps. CVIII, 9. Specimen ejus potestatis observabatur olim sub æconomia vetere in Sacerdotibus & Levitis, sedentibus super cathedram Moysi, de quibus ipse Deut. XXXIII, 10. docebunt judicia tua Jacobum, & legem tuam Israelem: & Malachias c. II, 7. labia sacerdotis servabunt scientiam, & legem requirunt ex ore ejus. Immo vero residebat sub Mose, & circa tempora Maccabaica hæc potestas in Assessoribus omnibus amplissimi illius Senatus Presbyterorum, qui Syhedrium dicebatur, ex quacunque tribu oriundi essent; quippe quibus verissime competeat nomen מִשְׁפָּט. Quod quidem ipsimet Judæi apud *RAYMUNDVM MARTINI Pugion. fid. lib. II. cap. IV.* de סנהדרין & Assessoribus Syhedrii M. exponunt, qui in לשכת הגזית in aula illa, seu, camera dolata, ex lapidibus pretiosis & artificiose dolatis atque excisis composita, & Syhedrii magni consensibus or-*

dinarie dicata, judicium agebant. Nec obstat, quod *ALTINGIVS* obvertit *lib. III. cap. IV.* legislatariam potestatem nunquam competiisse Israeli, divinis solum legibus adstricto, cum majestatis suæ privilegium istud nemini cuiquam mortalium commune fecerit Deus, ut leges hominibus de religione & cultu Numinis ferre, atque ad earum observantiam conscientias posset obstringere, *Ezech. XX, 18. 19.* Præterquam enim, quod מִשְׁפָּט non circa religionem solum & cultum divinum, sed circa civiles etiam, & ad rempublicam, vitamque communem pertinentes versetur leges; nobis nunc sufficit, talem notari hac voce potestatem, quæ utrasque leges istas cum auctoritate obligativa interpreteretur, communia statuta divina ad casus singulares pro ratione circumstantiarum dextre applicet, decisionemque & sententiam de factis juxta leges divinas ferat, eorum ut cognitione & sententia, cum genuinus legum sensus atque usus, tum rei vel innocentia constaret, vel pœna. Nec omnino capio, quo jure Vir eruditissimus h. l. per מִשְׁפָּט Ordinem Doctorum Ecclesiæ intelligat, quorum opera cognitio veri Dei & voluntatis ejus conservaretur. Ordo enim ille ad tribum Levi pertinet: ast Patriarcha tribui Judæ benedicit. Denique laterem lavat, operamque perdit Vir Summus, *IOBVS LVDOLFFVS*, quando. *cit. Dissert. cap. V.* contendit, מִשְׁפָּט ducem militum, præfectum, imperatorem bellicum h. l. notare, quæ notio velut ab origine vocis aliena, ita Scripturæ est ignota, frustra & præter rem pro significato isto allatis in medium locis *Ps. LX, 9. CVIII, 9. Eccl. XXXIII, 21. Deuter. XXXIII, 21. & Jud. V, 9. 14.* nimirum ut velificetur sententiæ, de castrorum vexillis & corruptione fontium adoptatæ. Sed ex asse satisfecit ei *DIEGMANNVS* ad h. l. *Thef. Novi Tom. I. f. 240.*

מִפְּנֵי רַגְלָיו ab inter pedes ejus, ut *SEBAST. SCHMIDIVS* vertit, vel juxta alios passim: *e medio pedum ejus*] Dux hæc voces cru-

cem adeo fixerunt eruditiss, ut laudatus 108. LVDOLFVS cap. V. §. 12. corruptionis Textum postulet, & pro רגליו ex Codice Samaritano scribendum censeat רגליו vexilla ejus, seu signa militaria. Præter DIECMANNVM autem, cit. loco, fulgidissimum Orientis sidus, WAGENSEILIUS, hanc sententiam sub censuram vocavit, ac discussis profligatisque eruditissimi adversarii rationibus ac momentis, genuinam & constantem omnium Codicum lectionem, ex instituto asseruit & vindicavit, in confut. carm. Lipmann. p. 269. sqq. Duæ præterea rerum potiuntur sententiæ: I. de sensu procreandi, ut honesta sit periphrasis procreationis e stirpe vel semine alicujus, eodem sensu, quo animæ egressæ dicuntur de femore Jacobi Gen. XLVI, 26; quo refertur etiam Deut. XXVIII, 57. Ita, cum aliis, e Nostri GERHARDVS, ex Reformatis RIVETVS; juxta quos sensus verborum sit: non recedet sceptrum de tribu Juda, neque legislator, qui e medio pedum ejus egreditur, ut ad Messiam usque legislatores e Juda sint oriundi. Sed proluxe explodit hanc expositionem D. ZELTNER. cit. Diss. §. 15. p. 18. sqq. tanquam nimis longe petitam, cujus rationibus addere licet, quod מן præfixum non ad subintellectum particip. נצחן oriundus, proditurus, sed ad præcedens verbum יסור referatur, unde sensus phraeos, qui obtruditur, evanescit. Hinc II. sententia majorem interpretum meruit applausum, quæ de officio exponit, & ex more Judæorum illustratur, apud quos Scribæ seu Actuarii sedebant ad pedes dominantis, æquæ ac discipuli ad pedes erant magistrorum, unde Paulus Actor. XXII, 3. eruditum se tradit παρα τῶν πόδας Gamalielis: quem ritum copiose & erudite declarat ALTING. lib. III. cap. V. VI. VII. Vt sensus eo redeat: Erunt, qui docebunt alios, & erunt, qui docentibus morem gerent; ut MÜLLERVS in Judaismo c. I. & WALTHER. cit. Exercit. cum aliis compluribus exponunt. In eadem sententia cum acquiescit HEIDEGGERVS Hist. Patr.

T. II. p. 747, paullo tamen aliter declarat, hoc pacto: cum מוחקק legislatores omnino denotare videatur, conformiter etiam מבין רגליו explicandum fuerit de iis, qui legislatoribus præcipientibus, potestatem habentibus discipline exercendæ, seu uti Christus loquitur, in cathedra Moysis sedentibus, ad pedes concessuri, jussa & imperata eorum facturi erant. Quæ explicatio quomodo cum verbis Textus componi queat, non intelligo. Pariter cum מחקקים non Scribas aut Actuarios, non discipulos vel auditores, sed νομοθέτας, vel interpretes legum principes aut judices sententiam ferentes designent, quod supra docuimus, male in eos ista quadrabit descriptio. Novam itaque sententiam Vir eruditissimus D. ZELTNERVS cit. Diss. p. 21. sqq. in scenam produxit, quæ hæc verba ad locum refert habitationis, ita quidem, ut מבין separationem ac determinationem, רגלים ditionem seu territorium, ac eam regionem, quam quis jure suo, tanquam Dominus ejus, pedibus calcat, speciatim hic loci, eam terram, quam pedibus suis Judaici tribules, ex assignata sibi per Josuam portione ac sorte, insidebant, inhabitabant ac tenebant, notet, atque hæc demum mens sit, τὸ νέγιον, ac potestatem νομοθετικὴν superstitem fore usque ad Messiam adventum, in loco, ubi tribus Juda determinetur seu separetur ab aliis, h. e. in לשכת הגזית ad tribum Judæ ejusque terminum ultimum pertinente. Illud enim conclave dimidium in finibus Judæ, dimidium in finibus Benjamin fuisse situm, quæ duæ tribus in monte Moriah, ubi Templum constructum erat, confines erant & determinabantur. Quæ explicatio non tam ab ingenii laude, quam a simplicitate verborum Patriarchæ, adeoque a vero est aliena, ut subverendum sit, ut calculum latura sit doctorum. Ita quidem, perpensis probe omnibus & discussis aliorum opinionibus, nos in magni WAGENSEILII (ad cujus, Præceptoris quondam ac hospitis post fata venerandi, pedes integro biennio consedissemus, honor



honori nobis ducimus ac in laude ponimus) tutissime acquiescimus sententia, quam in *con-*  
*putatione carminis Lipman. p. 293. sqq.* erudite  
& dilucide proposuit, רגלים *pedes*, per tri-  
tam & plerisque gentibus familiarem transla-  
tionem, idem esse, quod est in re quaque ulti-  
mum, quod est rei finis, quod postremum post  
aliud consequitur. Non minus itaque pedes  
hic, quam in illa Nabuchodonosoris apud  
Dan. II. celebri statua, de ultimis & postremis  
temporibus rei, ad quam institutum pertinet,  
accipiendos: ut proinde a pedibus Juda ii  
auferendi dicantur, quibus feri illius nepotes  
carituri erant, quos ultima Reipublicæ ætas  
amissos luxit, desideravitque. Vt sensus sit:  
*non recedet vel auferetur penitus a Juda sce-*  
*ptrum, regiaque dignitas, neque, inclinatis at-*  
*tritisque posthæc gentis rebus, ab ultima ejus*  
*ætate ac periodo tolletur prius judicialis &*  
*rectoria potestas, quam veniat Schilo.* Ita pla-  
ne fluit interpretatio, rerumque eventis com-  
probat. *ער כי יבא*

*donec venerit*] usquedum veniat.  
Mittimus nugas Judæorum, quibus vim infe-  
rentes his voculis, nervum oraculi incidere  
laborant, protritas, præter supra memoratos  
auctores, a CALOVIO *Commentar. in Gen.*  
*b. l. p. 145.* Lexica & Concordantiæ docent,  
particulæ ער, quando statim subjungitur כי, ut  
hoc loco, præsentiam rei usque ad hunc ter-  
minum designari, & inclusive explicandum  
esse sermonem, non exclusive. Quod studio-  
se addimus, quia videmus etiam nostratium  
nonnullos sensum exclusivum, contra linguæ  
indolem, harumque particularum constantem  
usum, amplecti, in quibus est CHRIST. HEL-  
VICVS, qui T. IV. *Disp. Giessens. p. 81.* ita ar-  
gumentatur: *Eo tempore Messias venire debuit,*  
*quum jam sceptrum Judaicum penitus ablatum*  
*esset: Atqui tempore Augusti Caesaris, ablatum*  
*fuit sceptrum Judaicum penitus, Ergo tempore*  
*Augusti Caesaris Messias venit.* Rursusque  
*p. 86. Messias debuit nasci ablato sceptro Ju-*  
*daico Gen. XLIX, 10. Jesus noster eo tempore*

*natus est in diebus Herodis Regis, & Augusti*  
*Cesaris.* Rectius omnino NOLDIVS in *Con-*  
*cord. Particul. b. v. p. 676.* per antequam ex-  
ponit. Juvat hic commentantem audire VI-  
TRINGAM, qui *Observat. Sac. Lib. IV. cap. V.*  
*§. 9. p. 906.* vim particulæ bene exposuit.  
*Hebraicum ער* tempus notat indefinitum, non mi-  
nus ac Latinorum Vsque. Quod Vsque, cum  
per nullum terminum subiectum, limitetur ac  
definiatur, significat aternitatem: verum si per  
subiectam orationem circumscribatur & finia-  
tur, ad minimum significat conjunctionem dura-  
tionis, quæ per Vsque exprimitur, & termini  
adjecti, per quem illi durationi modus ponitur.  
*Qui terminus adjectus cum in Jacobi verbis sit*  
*adventus תב Schilo, sequitur, possessionem sceptri*  
*& legislatoris in Juda usque ad illud tempus*  
*duraturam.* Hac itaque particula, terminus  
durationis definitur, hoc sensu: Imperantes  
& legislatores ex Juda prodituros esse usque  
ad Messia adventum inclusive, quo peracto  
finis imponetur utrique regimini & dignitati,  
cujus vero sceptrum & leges etiam super gen-  
tes patebunt, nec finem unquam fortientur.  
Porro, verbum בוא adventum Messia in  
mundum, h. e. incarnationem תב אלוהים notat,  
æque ut in Novo Fœdere verbum ἐρχεσθαι de  
Christo usurpatum, Joh. IV, 25. VI, 38. 42 51.  
VIII, 14. &c. nec loci mutationem, sed no-  
vum gratiosæ manifestationis modum infert,  
quod alias Theologi inculcant.

*שילו Schilo*] Lectionem nominis, a temeraria  
CAPPELLI Critica, qua שילה in שילה, rur-  
susque in שילה transmutat, solide liberavit  
BUXTORF. in *Anti-Crit. P. II. Cap. X. p. 714.*  
& c. XI. p. 719. Pariter criminationi IAC.  
GORDONI HUNT LAEI, qua שילה Schiloach,  
missum, i. e. mittendum, obtrudere satagit, gra-  
viter satisfecit GLASSIUS *Phil. Sacr. Lib. I.*  
*Tr. I. p. 50. sq.* quibus nihil est, quod adda-  
mus. Est autem Schilo ex nominibus pro-  
priis promissi in V. T. Messia, consentienti-  
bus ipsismet Judæis in Talm. Babylon. Tr.  
*Sanhedrin cap. II. fol. 98. col. b.* & apprime in  
Messiam

Messiam quadrat. Missis enim aliorum etymologiis & explicationibus variis, commodissime omnium SCHINDLERVS, MERCERVS, ALTINGIVS, CALOVIVS *Comment. in hunc locum p. 1401. sqq.* PFEIFFERVS, alique passim, illud a verbo שלה derivant, *tranquillum, felicem, & fortunatum esse*, cujus ultima Rad. ה cum sæpius alternet cum ו, ut Job. III, 26. לא שלותי non quiescebam, unde שלו *tranquillus, שלו שלוחו & שלו tranquillitas*, mirum non est, in hoc nomine illam quiescere in Cholem. Est ergo שילה vi vocis ac originis, *Tranquillator, Sospitator, & שר שלום princeps pacis*, Jes. IX, 6. 7. quæ exacta Christi est descriptio, quod erudite demonstravit ALTING. lib. IV. cap. XIV. XV. coll. Lib. III. cap. VIII.

וְלו יִקְהָת עַמִּים *eique adhesio vel obsequium populorum erit*] Vocis יקְהָת radix in dubio est, ac intercidit. BVXTORFIVS inusitatam statuit Rad. יקה, unde יקְהָת obedientia, vel aggregatio. R. SALOMO Rad. facit קהה aggregare, ut lit. י fit servilis. Tres itaque potiores sunt interpretationes: 1) petita ex Prov. XXX, 17. ubi יקְהָת אמם obedientiam matri præstandam notat, ut h. l. sensus sit: *Obediunt ipsi populi*; 2) A Rad. קהה hoc sensu: *congregabunt se ad eum populi*, quem sensum b. LUTHER. amplexus est: *demselben werden die Völker anhangen*; 3) Vulgatæ: *Ipse erit expectatio gentium*, ac si esset a verbo קָקָה expectavit, sensu tamen passivo, quo Messias Hagg. II, 8. חמרת הגוים appellatur. Sed hoc longe petium. Priorum autem expositionum æquipollens ferè vis est, eodem sensus redit, utram vocis eligas significationem. Pro prima tamen sententiam fert ALTINGIVS cap. IX, eamque Judæorum quoque suffragiis firmat; Cap. XVIII. lib. IV autem adversus Judæos erudite demonstrat, non tam servilis conditionis obedientiam gentibus hic tribui, quam fidei & professionis veræ religionis. Hinc nobis enascitur

II. Sensus enarratio seu paraphrasis: Non deficiet dignitas regia in tribu Juda, neque (post illam ablatam) *αὐτοκρατία* & Senatus, legum avitarum custos & interpretes, circa ultima politiæ Judaicæ tempora (seu inter extrema ejus momenta) prius, quam venerit Pacificator & Sospitator ex hac ipsa tribu, cui non Judæi modo, sed etiam gentes adhærebunt, moremque gerent. Sequitur.

III. Vaticinii complementum. Quamvis post Josuæ e vivis excessum, tribui Judæ, primæ in bello gerendo partes Jud. I, 1. 2. tribuerentur, initia tamen principatus, vel regis in hac tribu dignitatis, hinc arcessenda non sunt, cum toto Judicium tempore Deus ipse imperii moderaretur habenas, locumque Theocratia haberet. 1. Sam. VIII, 7. In Davide ergo terminus primus est figendus, qui regiam dignitatem primus tribui suæ intulit. Et quanquam ejus antecessor, Saulus, de tribu Benjamin oriundus esset, regni tamen hæc potius primordia & velut tentamina fuerunt, quæ plenus flos ac vigor in Davide excepit, nec in illo stabile erat, sed non ita multo post a Domino ipse repudiatus fuit. Ast tribus Judæ hæc dignitas propria erat ac perennis, donec in captivitate Babylonica, regumque ultimo Zedekia, deficeret. Duplex autem quando in oraculo nostro dignitas Judæ assignatur, regia altera, altera legislatoria, sceptrum quidem in Zedekia ablatum facile largimur, דָּוִד מַחֲקֵק autem ad tempus ab ascensione Christi proximum, immo ad ultimam ac feralem per Romanos, & Urbis, & reipublicæ Judaicæ vastationem pertigisse, negari non potest. Licet enim summæ potestatis exercitium inde a Maccabæorum ætate, usque ad Herodem Ascalonitam penes tribum Levi esset, præsidium tamen Synedrîi magni, & potiores ejus partes manserunt apud tribum Juda, ita ut נָגִיד Præses Synedrîi 2. Chron. XIX, 11. Talmudicis נִשְׂיָא dictus, de tribu Juda legeretur. Quo facit, quod viri docti apud CARPZOV. in *Notis ad Schickardi Jus Reg. cap. 1. Theor. II. p. 11. sq.* observarunt, in medio conclavis הַגְּזִית, quod stabilem Synedrîo



sedem dabat, sceptrum sublime pependisse, quod manifestum præberet symbolum, superstitionis utcunque in ista gente supremæ potestatis. Appropinquante ergo tempore adventus τῷ Schilo, admodum imminuta quidem fuit gubernatio regiminis Judaici, Judæa per Pompejam in provinciæ formam redacta, ademta judiciorum capitalium potestate, impositis populo tributis Romanis, & Præsidi Romano cum præsidio in arce Antonia Hierosolymis præfecto, quin & regno ad Herodem, Idumæum ortu, devoluto, ita ut cum Christus nasceretur, τὸ αὐτοῦ & αἰχμωμα τῷ מןקק omnino בין רגליו inter pedes Judæ, sive, inter extrema prorsus momenta hujus tribus hæreret; attamen aliqua adhuc dignitatis illius species, cum potestate judiciorum civilium, & poenarum religionis transgressoribus irrogandarum, conjuncta, ipsis Messias temporibus adhuc supererat, cujus exemplum in Apostolorum fustigatione, & Stephani lapidatione Act. V, 40. VII, 59. conspicuum est: donec tandem, quicquid istius auctoritatis erat & privilegii, una cum ipsorum politia, in everfione Urbis & templi ultima, penitus everteretur. In

IV demonstratione exhibiti, in Jesu Nazareno, Messias, seu τῷ Schilo, eo nobis licet esse brevioribus, quo copiosius & solidius triumviri summi, WAGENSEILIUS, CALOVIVS, & ALTINGIVS, hanc spartam ornarunt. Summa itaque capita & probationis momenta indicasse sufficiat, quæ ad Judæorum convictionem hoc oraculum subministrat: petenda α) Ex tribuum gentis, cum sublata distinctione, tum insecuta permissione, ut, quæ tribus Juda sit, & qui singularim ad eam spectent, liquido docere, a longo jam tempore nequeant. Quanquam enim hodiernum Judæorum aliqui titulum כהן Sacerdotis sibi adsciverint, eumque nomini suo adscribere soleant, pari jure, quo PAULVS BVRGENSIS in præfatione ad filium, Bibliis LYRAE præmissa, se ex tribu Levi oriundum esse perhibet; recte tamen vir doctus, SAM. PETITVS Variar. Lection. cap. XXIV. observat, Sacerdotum nomen hoc usu apud Judæos non eos præcise no-

tare, qui ex Aarone ortum trahant, sed in genere usurpari pro Doctoribus legis, qui officii ratione cum priscis sacerdotibus quadantenus conveniunt. Aequè se res habet cum ceteris tribubus. Hinc plane conficitur, Messiam dudum fuisse exhibitum, qui ex tribu Juda proditurus adeo luculenter prædicitur, ut singularem huic, præ ceteris, tribui conciliare debeat auctoritatem. In Romana-itaque Judæorum subactione & dissipatione per Titum, cum eo usque permixta confusæque sint populi tribus, ut inde ab illo tempore non potuerint vel Judæorum singuli certæ sese tribui evidenter asserere, vel distinctas designare tribus, necesse est, ut jam ante illam Judæorum cladem, Messias, tantum tribui Judæ allaturus splendorem & decus, in mundo apparuerit, & ex Juda prodierit. Hoc argumentum ALTINGIVS lib. IV. cap. I. ad XI. late persequitur, & cap. II. p. 71. Judæos ipsos excitat, confessos, a Messia demum genuinam Stemmatalogiæ gentis suæ, quæ dudum penitus interierit, restitutionem expectandam esse. β) Ex temporis articulo, in nativitatem Jesu exacte quadrante. Post ablatum enim sceptrum regium, & quando מןקק, in Synedrio magno superstes, in extremo versabatur articulo, oriturus erat Rex Schilo. Sive itaque Synedrii magni priorem intelligas excisionem, per Herodem M. imperatam, de qua CHRIST. NOLDIVS in Historia Idumææ p. 421. & SCHICKARDVS de Jure Regio Hebr. cap. II. Theor. 7. edit. Carpzovii, p. 154. agunt, sive posteriorem, quæ XL annis gentis & urbis excidium antecessit, & in ipsum mortis Christi annum incidisse fertur, res eodem redit. In hoc argumento urgendo & vindicando multus est CALOVIVS Comment. in Genes. p. 1423. & 1442. sqq. quocum conferri meretur WAGENSEILIUS cit. loc. p. 298 sqq. ubi capitalium judiciorum potestatem apud Judæos, ad postrema usque urbis tempora permanisse, graviter demonstrat. γ) Ex ortu Jesu, de tribu Juda arcessendo. Ut enim clarissima Novi Fœderis testimonia, quibus fidem derogant Judæi, taceamus, ipsa Nazareni nomenclatura, & natale solum,

solum, Bethlehem evincit, Salvatorem nostrum ex Juda profapiam ducere. Certe in *Toldos Jeshu*, virulentissimo contra Sospitatorem nostrum scripto, quod a WAGENSEILIO *Telis igneis*, ultimo loco subjunctum legitur, p. 3. Bethlehem, locus nativitatis & patria Jesu nostro assignatur. Hoc argumentum laudatus ALTINGIVS cit. lib. cap. XII. & XIII. erudite declarat. δ) Ex nomine Schilo, quod commodissime in Jesum nostrum, in neminem autem alium æque concinne, convenire docet ALTINGIVS cap. XIV. sqq. ε) Ex congregatione, sive obedientiæ populorum, Jesu præstita, quam Idem præclare exponit cap. XVIII. sqq. Quæ in summam collecta in hunc modum ratiocinari nos jubent; In quem omnes quadrant characteres, in oraculo Jacobæo de τῷ Schilo proditi, ille est promissus orbis Servator & Messias; In Jesum vero Nazarenum omnes quadrant characteres, in oraculo Jacobæo de τῷ Schilo proditi, tribus

Judæ distinctio, temporis articulus, gentis Messia designatio, nominis Schilo vis & significatio, & congregatio gentium; Vnde invictè liquet, quod Jesus Nazarenus sit promissus orbis Servator & Messias.

## Ad §. XVI. pag. 4.

(13) Jam, ut in compendium mittamus, quæ toto hoc capite tradit Auctor, regiminis populi Dei IV habes facies, ac periodos generales: α) Ab Adamo, ad legem in monte Sinai promulgatam. β) A lata lege, ad imperium Saulis. γ) Inde ad captivitatem Babylonicam. δ) A reditu usque ad Christum. In prima periodo, œconomica velut regiminis forma obtinuit, jure patrum familias, sive patriarchali & primogenituræ: In secunda, Theocratia: In tertia, Monarchia regia: In ultima, forma mixta, hinc Monarchica, hinc Aristocratica.

## AD

## LIB. I. CAPVT II.

## DE P V B L I C A N I S.

## Ad §. I. pag. 4.

**P**ersonarum reipublicæ Judaicæ censum, inire aggreditur Auctor a peregrinis, qui non adscripti sacris & religioni Judæorum, cum auctoritate tamen in republica versabantur. Hos triplicis facit generis, Præsides, Quæstores, & Publicanos.

## Ad §. I. pag. 4.

(2) Circa *Præsides* provinciarum perplexa est & intricata quæstio, quod pro diversa reipublicæ Romanæ facie, dispar quoque, nec semper sibi constans esset provinciarum administratio. *Initio* Prætores mittebantur, ceu Præsides cum imperio in provincias, ut ibi jus & leges dicerent

provincialibus, & urgente necessitate, bella auspicis S. P. Q. R. gererent: unde aucta provinciarum accessione, crevit & Prætorum numerus. At rebus dubiis, belloque difficiliore exorto, mittebantur Consules, qui ab initio hujus dignitatis institutæ fuerunt summi duces, & imperatores exercituum Romanorum. Quod si intra annum magistratus sui bellum non patrasent, anno finito, & prorogato magistratu, appellabantur Proprætores & Proconsules. Hi autem magistratus bini proprie, ceu *Præsides* cum imperio, provinciæ præerant, unde etiam hi *Consulares*, illi *Prætorii* dicebantur: utrique ut nomine, sic dignitate & insignibus distincti. Consules & Prætores, cum in provinciis in publicum prodirent, duodecim ante se habebant lictores, qui præferebant



ferebant fasces & secures, uti olim Regibus Romæ: at Proconsules & Proprætores, ut Consules & Prætoribus erant inferiores dignitate, ita & insignibus; sex enim tantum habebant lictores, cum totidem fascibus & securibus.

Posthac vero Augustus, per pacis otium, provincias ita divisit, ut aliæ Cæsaris, aliæ populi dicerentur. Cæsaris, quæ validiores erant, & quas annuis magistratuum imperiis regi, nec facile, nec tutum erat. Has ipse suscepit, in easque Rectores mittere instituit, viros tum Consulares, tum Prætorios, tum Equites, ut habet STRABO lib. XVII. Hinc etiam provincias fecit alias præsidiales, alias proconsulares, alias prætorias. Præsidiales sibi servavit, in quas ipse mitteret Præsides; Senatui concessit proconsulares; populo prætorias. Vide GRAEVII *Thef. Antiquit. Roman. Tom. II. p. 1875. F. NO-RISII Cenotaph. Pisan. Dissert. II. p. 282. DEMPSTERI Paralipom. ad Rosini Antiqu. Rom. Lib. VIII. cap. VIII. p. 1346. sqq. PITISCI Lexic. Antiquitat. Roman. voc. Præsides, Tom. II. p. 512. sq.*

Item, qui Præsides, dicebantur etiam Procuratores. Quos tamen ANT. BYNAEVS de morte Christi lib. II. cap. VII. p. 412. sqq. probe observat non unius generis fuisse: Alios Rationales, qui nil amplius, quam rationes tractabant pecuniæ principalis, quorumque præcipuum erat munus, ut in provinciis, in quas mittebantur, fisco principum præessent, publicosque redditus colligerent & erogarent, prout res requirebant provinciæ, aut mandabant Imperatores; ceterum jurisdictionem nullam, neque jus gladii habebant: Alios vice Præsidis, vel cum potestate, nuncupatos, qui & vice Præsidisungebantur, & jus etiam in crimine, & causa capitis dicebant; unde non modo digniores prioribus paucioresque erant, verum etiam Præsidis titulo ornabantur, ut quando Procurator & Præses Alpium, Procurator & Præses provinciarum per Orientem, Procurator & Præses Sardinie legitur. Posterioris ordinis ἐπίτροποι sive ἡγέμονες erant, missi in Judæam. Postquam enim Judæa in formam

provinciæ redacta est, ad eam gubernandam missi sunt Procuratores, qui vice Præsidisungebantur, adeoque etiam extra fisci causas, jus dicebant, & vitæ potestatem habebant ac necis. Procuratorum illorum quintus erat Pontius Pilatus: primus enim Coponius, secundus Marcus Ambivius, tertius Annius Rufus, quartus Valerius Gratus, cui successit Pontius Pilatus. Confer IOSEPHVM lib. XVIII. Antig. cap. I, III. & de bello Jud. lib. II. cap. II. cui Pilatus ο τῆς Ἰουδαίας ἡγεμὼν, Judææ Præses, salutatur. Sed & Matthæus cap. XXVII, 2. Judæos memorat ligatum Jesum tradidisse Πόντιῳ Πιλάτῳ τῷ ἡγέμονι. Et Luc. II, 2. census primus in Judæa legitur actus ἡγεμονεύοντος τῆς Συρίας κυρηνίῃς. Hunc autem titulum tam late patuisse, ut de potestate quavis usurparetur majore, & aliquando Romanos Imperatores, aliquando Præsides provinciæ, aliquando Legatos Cæsaris, ac Procuratores notaret, post alios recte monuit laudatus BYNAEVS lib. I. de natali Christi cap. III. §. 8. p. 318. sq. Vnde Luc. III, 1. & Cæsari Tiberio, & Pontio Pilato, ἡγεμονία legitur tributa. Ex iis vero, quæ de Procuratorum Judææ potestate diximus, judicare licet, quo jure Pilatus & flagellari Jesum jusserit Joh. XIX, 1. & tacenti Salvatori, responsionemque deneganti dixerit vers. 10. ὅτι οἶδας, ὅτι ἑβραῖον ἔχω τραπεζαῖά σε, καὶ ἑβραῖον ἔχω, ἀπολύσαι σε; & mortis sententiam in ipsum pronunciaverit, vers. 16.

Ad §. I. pag. 4.

(3) *Quæstores*, primi & antiquissimi in Vrbe, erant Quæstores rerum capitalium; proximi antiquitate, Quæstores Aerarii, quod Romæ in æde Saturni servabatur; tertii demum, Quæstores Provinciales, de quibus Auctor hic agit, qui una cum Proconsulibus & Proprætoribus in provincias exibant, cum pecuniam sibi ex ærario a Senatu attributam, & a Tribunis ærarii adnumeratam acceperant, unde stipendio, frumento, legatis, proquæstoribus, cohorti prætorie suppeditarent. Hinc distincta Præsidis, ac Quæstoris erat

erat potestas. Præses enim privatas ac publicas controversias, quæ aut jure civili, aut a legibus proficiscerentur, dijudicavit; Quæstor vero propria administratione pecuniam, prædamque publicam curavit, ac tabulas publicas confecit. Unde rei totius frumentariæ administrationem Quæstoribus commiserunt Prætores; prædam quoque ab hostibus captam Consules, seu Dictatores illis tradebant, ut venderent, & hæstæ publicæ submitterent, pecuniam ex venditione redundantem in publicas tabulas referrent; immo & mulctam, ab aliis magistratibus dictam. Denique vectigalibus præerant, ut a Publicanis ex re frumentaria, portoriis, aliisque exigerent vectigalia, Romanque in ærarium referrent. Scribis & Lictoribus erant insigniti; Scribis, ad conficiendas tabulas publicas, Lictoribus, ad majestatem magistratus tuendam. Interdum etiam jurisdictionem exercebant, ut ex SVETONII *Julio cap. VII. n. I.* & CICERONE *de divinat. cap. XVII.* colligitur; maxime, quando ipsis Proprætores jurisdictionem & imperium suum mandabant, vel quando a Proprætoribus vel Proconsulibus, ante successorum adventum, magistratu se abdicantibus, provinciæ præponebantur, tum & ipsi Proconsulis aut Proprætoris nomen ferebant, prout hujus vel illius vices sustinebant. Vide HOTOMANNVM de Magistrat. Rom. apud. GRÆVIVM in *Thef. Antiq. Rom. T. II. p. 1885.* & ROSINVM *Antiq. Rom. lib. VII. cap. XLVI.*

Ad §. I. pag. cit.

(4) *Publicani*, generali nomine dicti sunt omnes, qui publicos-reipublicæ reditus redimunt, ita appellati, quia publico fruuntur. Qui enim a fisco aliquid conducebant, passim Publicani audiebant. VLPIAN. l. I. ff. de *Publican.* *Publicani sunt, qui publico fruuntur, nam inde nomen habent, sive fisco vectigal pendant, vel tributum consequantur, & omnes, qui quid a fisco conducunt, recte appellantur Publicani.* Rursusque l. 15. ff. de verb. signific. *Eum, qui vecti-*

*gal populi Romani conductum habet, Publicanum appellamus. Nam publica appellatio in pluribus causis ad populum Romanum pertinet. Civitates enim privatorum loco sunt.* Publicani itaque vectigalia populi Romani, quæstus sui causâ, conducebant in foro a Censoribus, quorum arbitrio hoc a Senatu mandatum erat muneris, certa se obligantes pecunia, quam Quæstoribus Urbanis repræsentabant. Alias etiam *Decumanî* dicti, quod decumas in provinciis populo Romano debitas, a Magistratibus redimerent: *Pecuarii*, qui pascua: *Portitores*, qui portus, sive portoria conducebant. Hi non erant vile & sordidum genus hominum, sed CICERONE *Or. pro Plancio c. 9.* teste, *fos equitum Romanorum, ornamentum civitatis, firmamentum reipublicæ, Publicanorum ordine continetur: & lib. XIII. ad famit. Epist. 65. viros amplissimos, equitesque splendidissimos appellat.* GVIL. SALDENVS eapropter duplicis generis extitisse statuit Publicanos: *superiores*, qui per se publicum non exercebant, sed aliis, cum parte quæstus, id elocabant, quos inter honoratiores habiros contendit; & *inferiores*, qui superiorum famuli tantum erant, & ἐλλιμενίσαι dicebantur, contentiores, & inter vulgi faciem recensitos. Hi ad ripas fluminum, in pontibus, ad portas oppidorum, & viarum transgressus consistebant, a transeuntibus vectigalia exigentes. SALDEN. *lib. IV. Otior. Theol. Exerc. VI. quæ est de Publicanis, §. 4. p. 707.* Pariter vir summus CLAVD. SALMASIVS *de trapezit. fanore p. 243. seq.* prolixus in eo est, ut inter δημοσιώνας, *publicanos*, & τελώνας, *portitores* distinguat, & non illos, sed hos cumprimis, odiosos fuisse evincat. Hi enim, ut rem suam facerent, plus sæpe, quam licitum lege ipsis erar, exigebant, eoque inter ἐπονειδίτας βίτας, *probrosas ac turpes professiones*, vitam agebant. Ita facile conciliari possunt hinc elogia, Publicanis a CICERONE ac aliis tributa, hinc odia & impropria, quibus passim illi onerabantur. Priora ad Publicanos spectabant, posteriora ad Portitores. Posterioris generis homines, Judæis admodum in-



vifi, **מכסני**, collectores, exactores, & **מכסני** telonarii audiebant: interdum etiam **מכסני** exactor vectigalium, seu publicanus vocatur.

Ad §. II. pag. 4.

(5) Quod de Zachæo perhibet Lucas, **καὶ αὐτὸς ἦν ἀρχιτελώνης**, id magno consensu Interpretes de Publicanorum Principe, qui portitoribus, sive exactoribus fuerit præfectus, exponunt. SALMASIVS cit. loc. p. 385. sq. ita pronunciat: *In Judea publicum agebant ipsi Romani equites, & omnia vectigalia ac tributa conducta a republica tenebant. At iis colligendis & exigendis præfiebant ipsos Judeos, qui vere Portitores erant, & summo odio habebantur apud tribales suos propter illam συνοφαντίαν & διάσεισιν plus exigendi, quam liceret. Eorum princeps sive primas Zaccheus ille fuit, id est, ἀρχιτελώνης, non Allophylus, ut putavit TERTULLIANVS, sed plane Judeus, ut & nomen ostendit.* Fraudium certe ac imposturarum non omnino fuisse expertem, quin emungendo fidei socios pariter ac externos, insignem opum vim corraserit, ingenua viri confessio testatur vers. 8. Sive itaque Portitoribus gravius institerit, auctorque & suasor fuerit, ut plus licito per vim, vel per concussionem hominibus extorquerent, sive vim ipse fecerit, συνοφαντίας utique & ἀισχροπραγδίας seipsum liquido reum agit.

Ad §. II. pag. cit.

(6) *Societatem vectigalium* TACITVS memorat *Annal. lib. XIII, 50.* & Jurisconsulti L. 65. §. pen. ff. pro Soc. *Societatem vectigalium causa coitam.* Erant autem Socii, qui pro Publicanis partim conducebant, partim in societatem cum his coibant, partim pro his bona fortunasque suas reipublicæ obligabant. Hi Magistrum societatis habebant, qui Romæ societati ita præerat, ut socios quasi in Senatum cogendi, & ad eos de societatis negotiis referendi, potestatem haberet, curamque omnem gereret tabularum &

rationum, quæ undique ab iis, qui Publicanorum societati operam dabant, Romam mitterentur. Vide SIGON. de Jure civ. Romanor. lib. II. cap. IV. & SALDEN. loc. cit. §. 4. p. 708. sq. Alio vero & dispari sensu, Christum inimici *Publicanorum socium*, **τελωνῶν φίλον**, per contumeliam vocabant Matth. XI, 19. Luc. VII, 34. ad morum potius similitudinem, quam ad quaestus societatem, diæterium hoc referentes.

Ad §. III. pag. 4.

(7) *Summo odio detestabantur*] Hinc apud Talmudicos passim male audiunt, & furibus atque latronibus palam connumerantur. Acerba in ipsos diæteria ex Talmude & MAIMONIDE congestit b. CARPZOV, Not. ad Schickardi Jus Reg. Cap. IV. Theor. XV. p. 277. quæ huc transcribere superfedemus. Hinc & ad perhibendum testimonium, aut etiam ad judicandum, habebantur inepti, *Saumbedrin fol. 25. col. I.* & parum spei in ipsorum pænitentia erat situm, **הרועים והנבאין והמכסנין שובתן קשה**, pastorum, exactorum, & telonariorum pænitentia difficilis est. Omnes enim raptores sunt & fures: pastor, quod pascit gregem in alieno agro, ceteri, quod multa de tributis & teloniis supprimunt & furantur, *Gemara Mass. Baba Kama fol. 9L. col. 2. circa fin.*

Ad §. III. pag. 5.

(8) *Publicanos & peccatores* non modo Matth. IX, 10. Luc. XV, 1. verum etiam ethnicor & Publicanos Matth. XVIII, 17. *Publicanos & meretrices* Matth. XXI, 31. jungi videas. Ideo probro habebant, familiariter iisdem uti, vel una cum illis cibum capere, Matth. IX, 11. Luc. XV, 2. Tanti odii, conviciorumque causas, SALDENVS loc. cit. §. 6. p. 710. ad ipsorum refert 1) injustitiam, qua ut rem facerent, & in usus suos multa converterent, præter illam summam, quam reddere tenebantur Præfectis suis, infinita corradebant præter æquum & justum, aucto.

auctoritate publica abutentes, & vi atque ingratiss, nomine portorii exigentes, quod non debebatur: 2) Pronam ad factiones audaciam, de qua graviter VLPPIANVS: *Quanta audacia, quanta temeritatis sint publicanorum factiones, nemo est, qui nesciat.* Addo 3) invisum genti liberæ ab Romanis impositum vectigalium onus. Judæi enim decimas tantum suis Sacerdotibus pendere quotannis soliti, indigne ferebant, Romanis & gentilibus se tributarios factos. Vnde vexata illa quæstio: *ἔξῃς δὲναρ κῆνσον καὶ σαγι, ἢ ῥ;* Matth. XXII, 17. Quin & 4) commercium, quod nonnullis gentis suæ, turpis lucricausa, cum gentilibus intercedebat. Quod enim probe observavit SELDENVS *lib. II. de jure nat. & gent. cap. V. p. 178*, male habebat Judæos, quod populares etiam, cum gentilibus in terra Israelitica degentibus, velut Præsidibus, Quæstoribus, Legatisque Romanis, conductionis ejusmodi contractum, consortium ac consuetu-

dinem, contra morem atque instituta majorum, immo in oppressionem patriæ & gentis, idque palam velut gentiles, alieni nempe imperii ministri, inierant.

Ad §. IV. pag. 5.

(9) *Ista munia non solos gentiles, sed & ipsos Judæos obuisse*] Huc spectant, quæ paulo ante *num. (5)* ex SALMASIO sunt allata. Exemplis Judæorum, hoc munere defungentium, addi poterit Levi, ad telonium sedens, atque a Christo ad discipulatum vocatus Marc. II, 13. sqq. Luc. V, 27. sqq. qui, num idem cum Matthæo, sub judice lis est. TERTULLIANI vero errorem castigavit CASABON. in *Baron. Exercit. XIII. p. 303.* SCULTETVS *Exercitat. Evangel. cap. XVIII.* SELDENVS *de I. N. & G. cit. loc. p. 179.* SALDENVS *Or. Theol. l. c. p. 712.* & RVSS *Harmon. Evang. Tom. I. p. 626.*

AD

## LIB. I. CAPVT III.

## DE PROSELYTIS.

Ad §. I. pag. 5.

*Hebræi & Profelyti*] Generalem totius gentis distinctionem ab ortu petitam, Auctor tradit, inter Hebræos & Profelytos. Distinctionis illius nota

*a. Fundamentum*, quod est restrictio beneficiorum spiritualium in V. T. ad gentem Hebræam, seu ad posteritatem ab Abrahamo oriundam, unde Deut. XIV, 2. *Sanctus es populus Domino Deo tuo, Dominusque te elegit, ut sis ipsi speculum ex omnibus populis terræ.* Confer HENR. HVLII *Comment. in Israelis prærogativas ac bona V. T. Dissert. IX.* quæ est de *filiatione* Israelis, & oriunda inde *stemma* unicaque gentis ejus in mundo nobilitate. Ex hac benefi-

ciorum ad posteros Abrahami restrictione sequebatur 1) Nobilitas ac dignitas tanta, quæ omnes in orbe gentes longe superabant. Hinc Christus Judæos solos, *filios*, ceteros *canes*, appellat Matth. XV, 26. 2) Libertas, quæ tum ex patre utroque, Deo ac Abrahamo, tum ex benedictione fæderali promanabat. Vnde Judæi Joh. VIII, 33. *Abramæ semen sumus, & nullius unquam servi fuimus.* Quapropter servitus quoque Hebræorum restringebatur varie, ut læsione corporis inflicta solveretur, ut ad annum Sabbathicum tantum duraret, ut venundatio in servitutem, nonnisi in extrema patris paupertate, locum haberet. 3) Dignitas fæderis, quod Deus cum Abrahamo & semine ejus pepigit, Gen. XVII, 7. sqq. ita ut ipsorum esset *ἡ υἱοθεσία*,



σία, καὶ ἡ δόξα, καὶ αἱ διαθήκαι, καὶ ἡ νομοθεσία, καὶ ἡ λατρεία, καὶ αἱ ἐπαγγελίαι, Rom. IX, 4. cum ex adverso gentiles omnes essent ἀπηλλοτριώμενοι τῆς πολιτείας τῆ Ἰσραὴλ, καὶ ἕνοι τῶν διαθηκῶν τῆς ἐπαγγελίας. Eph. II, 12. 4) Aequalitas omnium, qui quamvis externo dignitatis gradu ac ordine differrent, ac ita se exciperent, ut primò Sacerdotes, hinc Levitæ, demum Israelitæ collocarentur, ut est in *Kidduschin cap. IV. art. I.* idem tamen omnes omnino jus obtinebant ad Deum, & fœderalia bona.

β. *Vsum & vestigia in Scriptura S.* in qua frequenter, *הַיִּזְרָאֵל* indigena, *אֲשֶׁר* qui ortus est ex prosapia Abrahami, *וְהַגֵּר* & peregrinus seu profelytus junguntur, Lev. XVI, 29. in præcepto III Exod. XX, 10. & alias passim; pariterque in N. T. Act. II, 10. Ἰσραῖοι τε καὶ προσήλυτοι.

γ. *Membra opposita.* Is, qui simpliciter dicitur *Hebræus*, altero saltem parente Hebræo erat natus, & simplex tantum dignitatis ex ortu fundamentum habebat. Qui autem ex utroque parente Hebræo ortum ducebat, ἑβραῖος ἐξ ἑβραίων audiebat, ut Paulus Phil. III, 5. Sed tempestive ad h. l. monuit HOTTINGERVS, istam Auctoris observationem non exclusive & universaliter esse capiendam, ut qui simpliciter Hebræus dicitur, alterutro tantum parente Hebræo gaudeat, quia contrarium ex ipsius Pauli testimonio liquet, qui seipsum quoque simpliciter Hebræum dicit 2 Cor. XI, 22.

Ad §. I. pag. 5.

(2) *Vel patre profelyto, vel matre profelyta* ] Nimirum בְּרִים seu profelyti, liberos procreabant quidem Hebræos, verum tales, qui vel stemmate altero solum profelyto erant oriundi, ut בן בְּרִי filius profelyti patris, aut בן בְּרִי filius profelytæ matris: vel stemmate utroque profelyto, qualis appellabatur בן בְּרִי filius Bagbag, hoc est, tam profelyti patris, quam profelytæ matris. Vocabulum enim illud technicum ex initiis vocum, בן בְּרִי coa-

luit. Ita citatum leges in *Pirke Abboth cap. V. n. 22.* dictum celebris ejusdam Rabbini: בן בְּרִי filius gentilis viri, & gentilis femine dicit, qui nomine proprio vocatur E. IOCHANAN BEN BAG, & vixit ante Christum natum, tempore IONATHANIS paraphrastæ. Fuerat gentilis, & ex gentilibus parentibus natus, sed ad fidem Judaicam, una cum parentibus conversus. Reverentiæ autem causâ non proprio appellatur nomine, quia indecorum apud Judæos habebatur, parentibus gentilibus esse natum. Vide LEVSDEN. in cit. loc. *Pirke p. 88.* & VULTORF. de abbreviatur. Hebr. p. 45. sq.

Ad §. II. pag. 5.

(3) Ἑλληνιστῶν, *Græcissantium*] Celebris inter Græcos & Hellenistas distinctio, non uno modo a viris doctis fuit explicata. Cum enim animadverterent passim, Hellenistas ab Hebræis Act. VI, 1. tum quoque a Judæis Act. IX, 29. & XI, 20. distingui, eosdemque ubivis τοῖς Ἑλλήσι, *Græcis*, sive Gentilibus & Profanis opponi: quæsitum est, quinam sint isti Hellenistæ? DAN. HEINSIUS toto *Exercitationum sacr. ad N. T.* opere, tum quoque in *Aristarcho sacro p. 898.* & subinde alias, eos dicit, qui Judæi genere cum essent, Græce loquebantur & sciebant. Cum enim Judæi partim in Palestina degerent, & Hebræo Textu in Synagogis uterentur, partim extra Palestinam variis in locis, maxime in Aegypto & Græcia, & LXX Interpretum versionem in sacris adhiberent: illos Hebræos, sive Judæos, hos Hellenistas fuisse dictos. Quo spectat Scholion Græcum, in editione N. T. IOANNIS GREGORII ad Act. VI, 1. adjectum: οἱ τῇ ἑλληνικῇ τῶν ἐβραίων μεταφράσει χρωμένοι Ἰσραῖοι, Ἑλληνισταὶ ἐκαλεῖντο οἱ δὲ τὰ ἱερὰ γράμματα τῇ τῷ Μωσέως, ἢ γὰρ Ἑβραϊδὶ φωνῇ ἀναγινώσκοντες, Ἑβραῖοι. Qui Græca LXX interpretum translatione utebantur, (in Synagogis & sacris publicis) Judæi, Hellenistæ vocabantur: qui vero sacras literas Mosis propria, sive Hebraica lingua legebant, Hebræi. Pedibus in hanc sen-

sententiam incedit LIGHTFOOTVS, quando in *Addendis ad Hor. Hebr. in 1 Cor. XIV. cap. I. Tom. II: Opp. p. 929.* ex instituto de Hebræis & Hellenistis agens, rationem discriminis vel ab eorum dispersione, (cum Judæi dispersi per vi-  
etorias & colonias Græcorum, a Judæis disper-  
sis per captivitatem Babylonicam & dominium  
Persicum, recte distinguantur); vel, quam ipse  
præfert sententiam, ab eorum lingua arcessen-  
dam docet, ut Hebræi dicerentur, quibus ver-  
nacula erat lingua Hebræa, h. e. Syra & Chal-  
daica, Hellenistæ autem, quibus lingua Græca.  
Eidem tramiti inhæret IAC. ALTINGIUS in  
*Prolegom. Epist. ad Hebræos Tom. IV. Opp. P. II. p. 7. b.* cui Hebræi sunt, qui in Judæa & Hiero-  
solymæ habitantes, Hebræo sermone, non  
quidem genuino, sed corrupto, Syro nempe,  
utebantur: Hellenistæ autem, qui vivebant ἐν  
τῇ διασπορᾷ inter Græcos, Græcam linguam lo-  
quentes, Joh. VII, 35. Jac. I, 1. 1 Pet. I, 1. Tam-  
etsi dispersio ista (partim violenta, tyrannorum  
vi ac metu, partim voluntaria, delectu proprio  
instituta) longe lateque se extenderet, etiam ubi  
non obtinebat sermo Græcus Act. II, 8. sq. Jac.  
I, 1; attamen viciniore Judæis Hebræis, Græce  
loquebantur, in Aegypto, Asiaque minore;  
inde Hellenistæ dicti. Contra vero ea CLAV-  
DIVS SALMASIUS insurrexit, totoque de *Hel-  
lenistica* commentario, maxime p. 233. sqq. Hel-  
lenistas asseruit, qui ecclesiam Christi nascentem  
Hierosolymis composuerunt cum Judæis, atque  
nec Gentiles fuerunt, nec origine Judæi, sed medii  
inter utrosque, gente extranei, religione Judæi,  
hoc est, Proselyti. Communi enim nomine, cum  
de religione agitur, tam Græcos, quam Syros gen-  
tiles, Ἕλληνας a sacris Scriptoribus appellari. Si  
qui ex Syris & Græcis ad Judaismum se conferrent,  
& eam religionem capefferent per circumcisi-  
onem, Προσηλύτους eos esse appellatos. Qui ex Græ-  
cis proselyti fierent, Ἕλληνας vulgo dictos, a  
sermone quo uterentur, & quia non veri Græci  
essent, utpote in Syria nati, ideo Ἕλληνας po-  
tius, quam Ἕλληνας appellatos. Præterea ad  
fugiendam nominis ὁμωνυμίαν, quia tunc Scri-

ptores sacri Gentiles eo nomine designare sole-  
rent, ideo potius Ἕλληνας, quam Ἕλληνας a  
Luca vocatos. Hanc porro sententiam magno  
consensu exceptam viri docti varie ornavunt,  
in quibus videantur WALAEVS ad Act. VI, 1.  
CROIVS observat. in N. T. cap. 30, 31, 32. & SVI-  
CERVUS in *Thef. Eccles. h. v. p. 1093.* Cum pri-  
mis Vir summus, IOANNES PEARSONIUS,  
Episcopus Cestriensis, in eandem concedens  
sententiam *Lect. III. in Act. Apost. §. 5. Opp. posthum. p. 52.* ita pronunciat: Hic Ἕλληνας opponuntur  
Ἑβραίοις, & alibi apud S. Lucam opponuntur Ἰ-  
δαίοις. Neque igitur Hebræi, neque Judæi erant,  
h. e. genere; non Hebræi, ex Hebræis, non Ju-  
dæi, ex Judæis; sed Judæi tantum religione, i. e.  
Proselyti. Cum autem duplex esset Proselytorum  
genus, hi quidem, quorum hic mentio facta est,  
non erant simpliciter οἱ σεβόμενοι, sive Proselyti  
portæ, sed potius circumcisi, sive Proselyti justitiæ.  
Illi enim προσηλύται portæ nondum in ecclesiam  
recepti sunt, ut patet ex Cornelii exemplo. Hi  
igitur Proselyti, cum antequam circumciderentur,  
Ἕλληνες, sive Gentiles fuerint, etsi jam religione  
facti Judæi, & totius legis impletionem in se su-  
scipientes, tamen a Judæis seu Hebræis, stirpe &  
genere ab Abrahamo deducto superbientibus, infe-  
riori loco habebantur. Unde neglectus viduarum,  
& ex eo neglectu murmur, sive γογγυσμός τῶν  
Ἕλληניσῶν. Dudum autem, ante motum de  
Hellenistis, & lingua Hellenistica certamen,  
THEODOR. BEZA eandem propinavit, in *annot. ad Act. VI, 1.* ita commentatus: Differunt Ἕλλη-  
νας ab iis, quos Paulus solet Ἕλληνας dictos, Ju-  
dæis opponere, & Hebræi gentium nomine signifi-  
cant. Sunt enim Ἕλληνες (generali appellatione  
desumpta ab una Græcorum gente) dicti omnes  
incircumcisi, iis etiam comprehensis, quamdiu lex  
viguit, qui licet non circumcisi, ab idololatria ta-  
men abhorrentes, cognitione veri Dei erant imbu-  
ti, quos vocare Lucas consuevit σεβόμενος: qualis  
fuit Cornelius Act. X, 1, 2. & alius ille Centurio,  
cujus fidem tantopere prædicat Christus Matth.  
VIII, 10. illi denique, quorum fit mentio Joh. XII,  
20. Ἕλληνας vero Lucas hoc loco vocat, genere  
quidem



quidem profanos, sed in Judæorum gentem, per circumcissionem ascitos, & προσηλύτης propterea vocatos. Falluntur enim, qui Judæos inter alias gentes dispersos, putant, Ἕλληνας δὲ dici. Judaizantes autem incircumcisos, secum versari minime sustinisset Hierosolymitana ecclesia, multo post tempore graviter offensa, quod Petrus Casarea ad Cornelium esset ingressus: Paulus vero, quantumvis Tarsensis, (et ita inter Græcos natus ex parentibus Hebræis) sese Hebræum vocat 2 Cor. XI, 22. Itaque sicut religionis respectu Ἕλληνες Judæis, ita propter stirpis discrimen Ἕλληνας αὐτοὺς Hebræis opponuntur. Quæ satis apposite in hanc rem sunt dicta. Nostram de Hellenistis sententiam alias jam protulimus *Critica Sacra* P. II. cap. II. §. 2. p. 507. quam paulo distinctius hic repetendam, certis positionibus includemus. 1) A Luca solum memorari Hellenistas, Act. VI, 1. ubi de conversis ad Christum, c. IX, 29. ubi de hostibus Evangelii & persecutoribus Pauli, qui vitæ ejus infidias struebant, & c. XI, 20. ubi de iis, qui nec dum Christiani erant, locum autem verbo dabant, & salutarem institutionem admitterebant, id nominis legitur. Fallitur itaque SALMASIUS, quando ad eos restringit, qui ecclesiam Christi nascentem Hierosolymis composuerunt cum Judæis, quia & ante conversionem ad Christum, & qui conversioni locum non reliquerunt, Hellenistæ salutantur. 2) Profelyti e gentibus describi hoc nomine recte censentur, quia ortu Judæi nusquam ita appellantur. 3) Neque tamen paria per omnia facere, vel æquipollere Profelytos & Hellenistas, ex trita Ἰσδαίων καὶ προσηλύτων distinctione Act. II, 11. intelligitur, & quia Profelytus quidem, nec tamen Hellenista, Nicolaus Diaconus audit Act. VI, 5. In diversum itaque hic secedo a b. OLEARIO, qui in dissertatione de stilo N. T. section. polemica membro III. quo totam de Hellenistica disceptationem paucis complectitur, §. 9. ita pronunciat: Vno verbo: Hellenistæ Lucæ fuere Profelyti cujuscunque nationis, qui, ut separarentur & distinguerentur a germanis Judæis, & a Græcis ethnicis, eo nomine appellabantur. Sed obstant,

quæ monui. 4) Certæ itaque gentis profelyti hoc nomine veniebant, haud dubie e Græcis Aegypti, vel Asiæ populis oriundi, qui Judæorum sacra amplèxi erant, & circumcissionem fulceperant. 5) Ab his distabant σεβόμενοι, aut φοβόμενοι τὸν Θεόν, Judæis contradistincti Act. XIII, 43. XVII, 17. qui licet incircumcisi, ab idololatria tamen abhorrebant, & cognitione veri Dei erant imbuti, qualis Cornelius Casarea Act. X, 1, 2; Ἕλληνες illi quidem, nec dum circumcisi, ἀστὲς ἐκ τῶν ἀναβαινόντων, ἵνα προσκυνήσωσιν ἐν τῇ ἐσση. 6) Quemadmodum Rom. I, 16. & alias passim Græci & Judæi, religionis respectu sibi invicem opponuntur, & Ἕλληνες dicuntur, cujuscunque gentis vel originis homines, a sacris Judaicis alieni, quales hodie Judæi Ἰσραῖλ appellant: ita vicissim Ἕλληνες & βάρβαροι Rom. I, 14. literaturæ & linguæ intuitu dispescuntur, ut Græci sint, qui Græco utebantur sermone, studiisque literarum erant exculti, Barbari qui Latine, vel præter Græcam, quacunque alia loquebantur lingua, nec scientiis & artibus erant perpoliti: quo sensu SENECA lib. III. de ira cap. 2. inquit: nulla gens est, quam non ira infliget, tam inter Græcos, quam Barbaros potens. Vt non eodem sensu & respectu, ubivis in sacro Codice, Græci veniant. 7) Bene habet SALMASII observatio de Hellenist. p. 236. sq. quod Ἰσδαίων nomine, religio cumprimis Judaica, qualis sub initium Novi Fœderis erat, ἑβραίων vero ortus & genus connotetur. Hinc Paulus 1 Cor. XI, 22. ἑβραῖον se vocat, quia non amplius Judæus erat, respectu religionis, Hebræus autem gentis ac generis ratione. Vnde Ἰσδαίζων Gal. II, 14. est, Judaicam religionem profiteri, & Ἰσδαϊσμός Gal. I, 5, 13. religionem & cultum Judæorum notat, quæ significatio a vocibus ἑβραῖζεν & ἑβραϊσμός est aliena. Quamvis statim ab ortu suo Hebræum, religionis nomen fuerit, & eos cumprimis ex prosapia Heberi designarit, qui Gentilium idololatriam & superstitionem missam facientes, veram religionem & avitum cultum sectabantur Gen. X, 12. ut probe observavit IAC. ALTING. loco supra citato.

*citato.* 8) Denique, quando Act. XI, 19, 20. Judæi & Hellenistæ sibi opponuntur, non est, ut cum GROTIUS *ad h. l.* & REIZIO *in Not. ad Act. h. l.* violentas Textui manus inferamus, & loco, *πρὸς τὰς Ἑλληνιστάς*, legamus, *πρὸς τὰς Ἑλλήνας*. Legat ita Codex Alexandrinus, constantem tamen tot aliorum Codd. lectionem ille solus non evertit, sed lapsum prodit librarii, in ejusmodi cognatis vocibus admodum proclivem. Quod autem versiones, Vulgata, Syra, Arabica, & Aethiopica reddiderunt *Græcos*, ex accurato Vener. WOLFII *in Curis ad h. l.* judicio, non tam probat, earum auctores in codicibus suis ita legisse, quam potius vocem Ἑλληνιστάς ita interpretandam censuisse, ut gentiles Græci per eos intelligantur. Eadem enim sententia passim hæsit interpretibus, e quibus CASPAR. STREISO, non ineptus in hunc librum Commentator, postquam de Græcis gentilibus vocem istam exposuisset, *Tom. I. p. 447. a.* subjungit: Scio, quosdam Interpretes, quoniam hoc loco non usurpatur vox Hellenes, sed Hellenistæ, per hos Hellenistas nolle intelligere gentiles, sed Judæos Græca lingua utentes, sicut hæc vox ita sumitur c. VI, I. & IX, 29. Sed quoniam hi Cyprienses & Cyrenenses, qui Hellenistis prædicarunt Evangelium, expresse opponuntur iis, qui antea in eadem urbe & alibi solis Judæis Evangelium prædicaverant, non possumus non intelligere per hos Hellenistas veros gentiles, a Judaismo æque ac Christianismo alienos, Rom. II, 9. Sed ista interpretandi necessitas concipitur solum ab iis, qui Hellenistas sibi fingunt Judæos, Græce loquentes. Nobis consuetas tritasque vocum significationes migrare, religio est, cum perpetuus Scripturæ usus Ἑλλήνων & Ἑλληνιστῶν nomina longe sejungat. Censemus itaque, eodem sensu hic Judæos opponi Hellenistis, quo Act. VI, I. iisdem opponuntur Hebræi. Dispersi quippe ex persecutione super Stephanum orta, Christiani verbum non loquebantur, nisi Judæis v. 19. aut Cyprii & Cyrenenses Christiani, Antiochiam delati, Evangelium annuntiabant proselytis ex Græcis & Asiaticis gentibus, qui Hellenistarum nomi-

ne veniebant. Sic utrique non religione, sed ortu, mutuo sibi opponuntur: cumque priores Evangelii præcones ad gentem Judaicam loquerentur, posteriores quoque proselytos religione Christiana imbuebant. Conferri in hunc locum Act. meretur SAM. BASNAGIUS, *in Exercitatt. Anti-Baronian. p. 6. sq.* qui prolixè illum excutit, & doctissimorum virorum, LIGHTFOOTI cum primis & PETAVII, de Hellenistis sententias, erudite expendit & profligat.

Ad §. III. pag. 6.

(4) *In XII tribus erat distributum*] Gentis Judaicæ in XII tribus divisio, ortum trahit ex benedictione cum divina Gen. XXVIII, 14. tum paterna Gen. XLIX, in qua prima quoque mentio fit tribuum Israelis vers. 16, 28. Uniuscujusque filiorum Jacobi posteritas, in multas & copiosas diffusa familias, a communi tamen omnes stirpe oriundas, tribum constituit; ita ut שבטים tribus, suas quæque משפחות familias, istæ rursus suas בתים domos, & hæc demum גברים viros, seu patres familias Jos. VII, 14. complecterentur. Tribubus porro singulis erant ראשי שבטים capita tribuum, δεξίφυλοι Deut. XXIX, 10. sive זקני שבטים seniores tribuum, Φύλαρχοι Deut. XXXI, 28. Juxta has tribus, census agebatur populi Num. I, 2. sqq. omnisque, itineris & castrametationis, ordo servabatur cap. II, 2. sqq. quin & in occupatione terræ Canaan instituebatur κληρονομία, hac tamen lege, ut tribus Levi ceterarum numero eximeretur, ac in ejus locum una Josephi tribus in duas abiret, distincteque ac singulatim Manasse ac Ephraim numeraretur, vi testamenti paterni Gen. XLVIII, 5. Juvat hic audire HENRIC. VALESIVM, qui *in not. ad Eusebii Hist. Eccl. lib. I. cap. VII. f. 15.* ita commentatur: *Judæi divisi erant in tribus, quæ φυλαὶ dicebantur. Singula autem tribus dividebantur in δῆμους, ut manifeste patet ex cap. 36 Numerorum. Δῆμα ergo idem sunt, quod apud Romanos familiae; sicut φυλαὶ Judæis sunt, quas Romani gentes*



*gentes vocabant. Jam vero πατριά idem erant, quod ὄμιαι. Et recte Vetus Interpres in libro Numerorum familias vertit, ubi LXX Interpretes πατριάς posuerant. - - Atque hinc πατριάρχαι vocabantur generis auctores apud Judæos, a quibus unaquæque familia nomen acceperat, quemadmodum videre est in cap. 26. Numerorum. CHRYSOSTOMVS homil. 7. in Ep. ad Ephes. πατριάς καὶ γένν idem esse ait. Præcipuus hujus divisionis scopus tendebat 1) ad evincendam promissionum divinarum veritatem; Ideo enim distinctæ servabantur tribus, ut singulis eorum constaret eventus, quæ Deus ipsis, cum per Jacobum, Gen. XLIX. tum per Moysen, Deut. XXXIII. prædixerat: 2) Ad cavendam familiarum confusionem, ad quam hinc Leviratus spectabat; Hinc prohibitio, ne agri hæreditarii de una tribu ad alteram migrarent: 3) Et omnium quidem maxime, ad dignoscendum eo evidentius Messiam, e tribu Juda, e familia Davidis, & tum quidem, cum futura illa esset instar trunci abscissi Jes. XI, 1. & ex urbe Davidis, Bethlehem, oriundum, Mich. V, 2. Luc. II, 4. Factum hinc est divino beneficio, ut cum X tribus in Assyriaca captivitate ita permiscerentur, ut omnis earum distinctio, deletis communi clade genealogiis, exspiraret, tribus tamen Juda, deportatione in Babyloniam haud parum licet turbata, in patriam tamen redux, æque ac tribus Benjamin ac Levi, illibatam servaret familiarum distinctionem ac recensitionem: de quo Judæ privilegio, erudite commentantem vide ALTIN-  
GIVM in Schilo Lib. III. cap. XI, XII, XIII.*

Ad §. III. pag. 6.

(5) *Certi genealogiarum catalogi*] Horum nota 1) *Vsum*, quem in *Introduct. ad lib. Bibl. V. T. P. I. cap. XVI. §. 5. p. 290. sq.* duplicem esse docuimus: Partim *privatum*, ad Judæos spectantem, qui tribuum & familiarum confusionem æque, ac hæreditariorum fundorum ab una tribu ad aliam translationem, Num. XXXVI, 3. sqq. interdictam, cavebat, litium, ex præten-  
sione

ne jurium & possessionum, oriundarum dijudicationem juvabat, gentemque ipsam e captivitate reducem, ab Ethnicis, eorumque connubiis segregabat, certosque constituere limites, in quibus ipsæ posthac se continerent familiae: de qua insigni variaque genealogiarum inter Judæos utilitate, erudite egit SPANHEMVS Pater Dub. Evangel. P. I. Dub. XIII. §. 4. p. 62. cui junge LIGHTFOOTVM hor. ad Matth. I, 1. T. II. Opp. p. 247. b. sq.: Partim *communem* ecclesiæ universæ, cujus de exhibito Messia fides egregie iisdem confirmatur. Hunc enim, vel maxime a gente & prosapia dignoscendum, ita describere oracula sacra, ut primum quidem, e femine Abrahami Gen. XII, 3. XVII, 7. XXII, 18. mox, ex Judæ Patriarchæ cap. XLIX, 10. denique ex Davidis familia 2 Sam. VII, 12. sqq. Pl. LXXXIX, 20. sqq. Jer. XXIII, 5, 6. genus ducturum præsignificarent. Vnde Paulus, exerto velut ad catalogos genealogicos digito, πρόδηλον, notorium esse affirmat, quod Christus sit ex tribu Juda exortus, Hebr. VII, 14.

2) *Explicandi rationem*, apud Judæos receptam. Insigni quippe obscuritate interdum laborant, ex nominum unius viri cum varietate, tum permutatione facta, ex graduum per saltum recensione, ex diversa tribuum vel patriarum relatione, ex dignitatis vel sanctimonie respectu, ex nepotum & posterorum ante filios enumeratione, ex appellatione matris, ubi pater tacetur, aliisque ejusmodi difficultatibus, quæ inexplicabiles in Biblicis quoque genealogiis sæpe nectunt nodos. Quibus solvendis cum magnam, nec infelicem sæpe, adhibuerint industriam Judæorum magistri, regulasque & observationes subministraverint haud contemnendas, egregiam huic instituto operam navavit vir solertissimus, GVILIELMVS SVRENHVSIVS, quando in βιβλῶν καταλλαγῆς lib. IV. p. 89. sqq. totum, in colligendis infumit, inque ordinem redigendis Rabbīnorum monitis, quorum beneficio in genealogiarum interpretatione feliciter progredi, multosque superare vel evadere scopulos licet: dignus omnino, qui hanc in rem con-

consulatur, maxime cum libro V. p. 113. sqq. iisdem adjunctis subsidiis, genealogiam Christi apud utrumque Evangelistam, licet non pari ubivis successu, componit.

3) *Fata.* Captivitate Babylonica quanquam misere turbarentur genealogiæ, sic, ut nonnullæ familiæ restitui prorsus non potuerint, Neh. VII, 61. sqq.; tribui Judæ tamen, & familiæ cumprimis Davidicæ, ne idem eveniret, divina diligenter cavit *πρόνοια*, quod generationum catalogi, apud Esdram, Nehemiam, & lib. I. Chronicorum exhibiti luculenter demonstrant. Id maxime curæ fuit Esdræ & Synagogæ magnæ, ut stemmatum seriem docerent integram, & a Gentilium commercio intaminatam: quippe ex Hebræorum sententia *לא עלה עזרא מכבל עד כסולה נקיה* *non ascendit Esdras e Babylone, usque dum gentem suam puram reddiderit, instar similaginis.* Eandem porro curam publicos in populo scribas exercuisse constat, ut puri sanguinis familias a non puris secernerent, libellosque genealogicos, publice privatimque repositos & asservatos, ab una generatione ad alteram transmitterent, ad natum usque Servatorem. Paulus certe tabularum istarum fide docere poterat, se sanguinis esse Israelitici puri, ex tribu Benjamin, Phil. III, 5. Rom. IX, 3. sqq. 2 Cor. XI, 22. Idemque ex gentis *ἀπογραφῇ*, Cæsaris Augusti auctoritate & auspiciis instituta Luc. II, 1. sqq. laudatus supra ALTINGIUS scite demonstrat *cit. cap. XI. p. 61.* In ultima demum gentis clade Romana, & post templi secundi destructionem, quum ipsæ illæ, quas Synagoga magna probaverat, tabulæ periissent, omnis intercidit familiarum tribuumque distinctio, adeo ut ipsimet fateantur Magistri, exactam curatamque genealogiarum restitutionem, in bonis illis & privilegiis esse habendam, in diebus Messiae aliquando expectandis. Eam R. DAV. KIMCHI ad Eliæ refert beneficia, olim redituri, ad Ezech. XLVII. v. ult. ita pronuncians: *לעתיד בצאת ישכאל מהגלות יורעו השבטים אפעלפי שהם מעורבים עתה ולא ידעו איש את שבשו יכא cum aliquando*

Israel egredietur ex hoc exilio, nota erunt tribus, quamvis nunc confusa sint, neque quisquam novcrit tribum suam, sed Elias veniet, & referet unumquemque ad suam tribum. Vnde liquet, quo loco habenda sit ABARBENELIS jactantia, quando in *Comment. in Zach. XII. fol. 293. col. 4. fin.* a R. ABEN ESRA, & R. BENIAMIN TVDELENSI in Itinerario suo, quibus tamen non per omnia conveniat, relatum testatur, in celebri Orientis urbe, Bagdad, Davidis superesse posteros, cum antiquis libris genealogicis: fide vero R. ISAAC BEN GEATH, nobiliorem progeniem Davidicam, familiæ suæ caractere insignem, in Occidente celebrat, dum sub primi templi *παραλειτουργίαν*, duæ in Hispaniam ex stirpe Davidica sint delapsæ familiæ, quarum una *בני ראור* Lucenæ confederit, altera *בני הכרכנאל* Sevilie domicilium invenerit, posteritatemque propagaverit: cujus migrationis historiam contexuit in *Comment. ad 2 Reg. XXV. fol. 305. col. 2.* Sed nemo ex ipsis prostat Judæorum Chronologis, qui hanc fabulam tueatur, aut ABARBENELIS gentem tot seculorum ætatem in Hispaniis egisse testetur, quin *Auctor Schalscheleth Hakkabala* diserte negat, post annum 4914 (i. e. æræ Christianæ 1154, adeoque 350 annis ante ISAACI ABARBENELIS mortem, quæ in A. C. 1508. incidisse fertur) ullum in Hispania superfuisse, de quo liquido constaret, esse ipsum de familia Davidis. Et caute agunt posterius, perhibentes, libros ABARBENELIS genealogicos, in exiliorum, quæ subiit tantus vir, tumultu deperditos esse. Vnde facile quis suspicari potest, apparatus illum genealogicum dubiis *ἀπεράντοις* premi.

Ad §. III. pag. 6.

(6) *Has genealogias flamma delevit Herodes*] Hoc in fati genealogiarum ferale omnino & decretorium fuisset, si tuta satis traditioni constaret fides. Hanc vel maxime conciliare ei annititur EVSEBIUS, quando ad IVLIVM AFRICANVM, perantiquum Scriptorem, & post princi-



pia Seculi a N. C. III. clarum, eam refert, qui in epistola ad Aristidem, de consensu Evangeliorum in stirpe Christi narranda perhibeat, quod Ηρώδης, ἔδεν τι συμβαλλομένους τῷ τῶν Ἰσραηλιτῶν γένους αὐτῷ, καὶ τῷ συνειδῶτι τῆς δυσγενείας κερσόμενος, ἐνέπερσεν αὐτῶν τὰς ἀναγραφὰς τῶν γενῶν. οἰόμενος εὐγενὴς ἀναφανείσθαι, τῷ μὴ δὲ ἄλλον ἔχειν ἐν δημοσίᾳ συγγραφῇ τὸ γένος ἀνάγειν ἐπὶ τὰς πατριάρχας, ἢ προσηλύτους, τὰς τε καλεσμένους γεώρας τὰς ἐπιμίκτας, Herodes priscas illas Israelitarum familias nihil ad se pertinere intelligens, ignobilitatis suae conscientia stimulat, omnia illa veterum familiarum monumenta concremavit: ratus, se tum demum nobilem visum iri, cum nemo esset, qui ex publicis monumentis originem generis sui, vel ad Patriarchas, vel ad Proselytos, vel ad permixtos Israelitis peregrinos, qui γεώρας dicuntur, posset referre. Ne tamen universalis omnino ista censeatur fuisse jactura, statim addit: ὀλίγοι δὲ τῶν ἐπιμελῶν, ἰδιωτικὰς ἑαυτοῖς ἀπογραφὰς, ἢ μνημονεύσαντες τῶν ὀνομάτων, ἢ ἄλλως ἔχοντες ἐξ ἀντιγραφῶν, ἐναβρύνονται σωζομένης τῇ μνήμῃ τῆς εὐγενείας ὧν ἐτύγχανον οἱ προειρημένοι δεσπόσυνοι καλέμενοι, διὰ τὴν πρὸς τὸ σωτήριον γένος συνάφειαν. Pauci tamen antiquitatis studiosi, privatos stirpis suae commentarios, vel quod nomina ipsa memoriter callerent, vel ex Archivis descriptos, penes se habentes, in primis gloriabantur, quod avite nobilitatis memoriam conservassent. Ex quorum numero erant hi, de quibus supra dixi, ob propinquitatem generis, qua Servatori nostro juncti erant, δεσπόσυνοι appellati. Quicquid tamen est istius traditionis, haud immerito in dubium vocatur ab emundioris naris Criticis, ALTINGIO Lib. III. Schil. c. 2. p. 71. b. HOTTINGERO Nepote in Annotat. ad b. l. GOODWINI p. 59. sq. & aliis, qui ἀπογραφὴν Luc. II, 3. 4. locum habere non potuisse urgent, ni authenticæ stemmatum descriptiones ad manum fuissent. Quod si etiam ortus Christi ex tribu Judæ, & ex familia Davidica, incertus dubiusve fuisset, dudum Judæi ipsi genuinum Messiae κριτήριον competere negassent. Accedit silentium IOSEPHI, qui illatam genti

sue injuriam tam atrocem certe non dissimulasset, cum reliqua Herodis scelera graphice & copiose depingere nullus dubitavit. Potuit ergo παράδοσις illa facti, duorum & amplius seculorum intercapedine ab AFRICANI ætate disjuncti, bona quidem fide a IVLIO propagata, sed sublesta ad ipsum perlata fuisse, cum testimonio vetustiori firmetur nullo. Atque hinc factum suspicor, ut IOH. PRIDEAUX, utut in tradenda Herodis M. historia perquam copiosus, hanc tamen pericopen sicco praterierit pede, quod parum admodum eidem tribueret, Hist. Jud. P. II. L. VIII.

4) Abusum genealogiarum adhuc addere licet, a Paulo atro notatum carbone i. Tim. I, 4. & Tit. III, 9. Vbi quidem IOH. MICH. LANGIVS in Commentario Theol. de genealogiis nunquam finiendis & fabulis Judaicis, Noribergæ A. 1696. edito, ex instituto & copiose contendit, Paulum ad nihil minus, quam ad studia genealogica proprie sic dicta respexisse; sed potius intendisse digitum in studia Gnosticorum Cabbalistica, quæ in rebus divinis genealogias ἀπεράντως crepent & fingant. Eodem tendit CAMP. VITRINGA lib. V. Observat. Sacr. cap. 13. p. 161. ubi genealogias istas ad subtilissimas Cabbalistarum disputationes de Divinitate, ejusque variis Emanationibus, sive ספירות refert, quibus se Judæi aliqui Platonica aut Pythagorica Philosophiæ studio occupatos habuerint, & in quibus arcana & sublimioris scientiæ maximam constituerint partem. Quomodo jam olim IRENAEVS & TERTULLIANVS Pauli mentem acceperunt, & VITRINGAE quidem judicio, recte accepisse videntur. In eandem sententiam vel inclinasse, vel pedibus incessisse CASP. STRESONEM in Comment. ad Epist. ad Coloss. HENR. HAMMONDVM in not. ad b. l. GYNDLINGIUM in Gundlingianis P. XXXIII. p. 251. sqq. AMELIUM, & alios, studiosè observat Vener. WOLFIVS in Cur. Philol. ad i. Tim. I, 4. ipse, cum ERASMO SCHMIDIO, ABRAH. CALOVIO, I. C. DIETRICO, & ex Reformatis, cum IOH. BRAVNIO, MELCH. LEYDECKERO, & potiori interpretum parte, pro





tum habitationis: quæ eodem modo ac sensu vers. 47. recurrunt.

Ad §. V. pag. 6.

[10] *Profelytus portæ*] De his priori loco agit Auctor, quorum nota N. Differentiam a proselytis iustitiæ, quæ non ab incolatu, ut fere nomen sonat, sed ab obligatione, utrisque diversa, petita est. Fieri enim poterat, ut aliquando ambo inter Judæos habitarent, aliquando neuter, unde in Massech. *Sanhedrin* c. 2. ex sententia Magistrorum, Naaman profelytus perhibetur domicilii, Nebusaradan profelytus iustitiæ, quorum tamen neuter inter Judæos domicilium fixit: ב. Obligationem, qua ad VII præcepta Noachidarum, Auctori recensita, obstringebantur. Hæc ita recenset MAIMONIDES, in *Jad Chasakah*, Tr. ultimo, seu הלכות מלכים cap. IX. §. 1. על ששה דברים נצטווה אדם ראשון. על ע"ז ועל ברכת השם ועל שפיכות דמים ועל גילוי עריות ועל הגזל ועל הדינים -- הוסף לנוח אבר מן החי שנאמר אך בשר בנפשן רמו לא תאכלו נמצאו שבעה מצוות: Sex res sunt primo homini (Adamo πρωτοπλάδω) mandata: de idololatria; de benedictione nominis divini; de effusione sanguinis; de revelatione turpitudinum; de rapina; de judiciis. -- Addita est (præterea) Noacho, de membro vivi; eo quod dicitur (Gen. IX, 4.) attamen carnem cum anima ipsius, quæ est sanguis ejus, non comedetis. Ita septem præcepta evaserunt. Ita rem se habuisse in universo orbe perhibet, usque ad Abrahamum. Abrahamo præter memorata, injunctam fuisse circumcisionem &c. Sed de his מצוות בני נוח præceptis Noachidarum copiose egerunt SELDENVS de *Jure N. & G. juxta discipl. Hebr.* Lib. I. cap. X. p. 116. SCHICKARDVS in *Jure Regio* Cap. V. Theor. XVII. & CARPZOV. in not. ad eund. p. 333. MELCH. LEYDEKKERVS de *Republ. Hebr.* Lib. VI. cap. VII. p. 373. sqq. & BVDDEVS *Hist. Eccles. V. T. Per. I. Sect. II. §. V.* p. 192. sqq. Recte de iis PETR. CVNAEVS pronunciat lib. I. de *Republ. Hebr.* cap. I. Ea iustitia

regulas quasdam continebant, quibus carere hominum vita nequibat, quare vis eorum tam late ad omnes pertinuit, ut qui nescirent ea, hos interficere in bello, atque ex hominum communione tollere jussi Israelitæ sint. Quod ex MAIMONIDE petitum, qui cit. loc. cap. VIII. §. 9. diserte sancitum tradit, omnem Gentilem, si in manus Judæorum pervenerit, & præcepta Noachidarum suscipere detrectaverit, occidendum. Vnde Gentilibus, quos vicinos habebant, transitum per suas regiones, aut operariis & artificibus gentilium laborem in sua terra prius non concedebant, quam communibus illis generis humani legibus semet. obstrinxissent: ut Idem refert in *Hilc.* ע"כום, seu de idolatria cap. X. §. 7. Addit b. DANZIVS differt, in *Matth.* XXIII, 15. cap. 2. in MEVSCHENII N. T. ex *Talmude* illustrato p. 668. Ita, quod mireris, tam præcise Proselytos illis adstringebant, ut, si aliis legis præceptis operam dedisse deprehensi fuerint, mortis reos illos pronunciarint. Hinc summo jure comedebant morticina, extra templum super quodvis altare erectum offerebant sacrificia, & istiusmodi peragebant alia; quæ tamen proselytis iustitia non minus, quam Judæis erant prohibita. Contra vero, si Noachidarum illa præcepta tantum observaverunt, assignabant illis sortem in futuro seculo; modo non, quia dictamen sane rationis servanda esse, sed Deus in lege distinat, id fecerint. -- Hujusmodi ergo denuo e gentilibus in terra sua tolerabant. Alias autem nemini in Judæorum ditione pernoctare, multo minus habitare, erat concessum. Id quod tamen de felicioribus solum temporibus accipiendum esse, recte monet PAVL. SLEVOGTVS Differt. de *Proselytis Judæor.* §. 41. p. 994. florente Republica Judæorum. Alia enim tempestate, qua res Judaicæ nondum satis confirmatæ, vel accisæ denuo essent, & ad interitum vergerent, multi ex Gentilibus id sibi sumserunt, ut vel sedem in Judæa sibi figerent, vel negotiorum saltem causa ibi commorarentur, nullo his præceptis obsequio addicto: quod facti erat, non juris. 3. Receptionem. In præsentia trium testium, talis renunciabat idololatriæ, præceptis-

ceptisque se obligabat Noachidarum, qui, ubi in quaestionem vocaretur proselytismus ejus, suo ipsi suffragio fidem conciliarent: ut est in *Hilc. מלכים* cap. VIII. §. 10. Atque sic quidem ab aliis sese gentibus segregabat, ut in ethnicorum numero non haberetur amplius, sed intermedio velut ordine, *מחסירי אומות העולם* tanquam e sanctis hujus seculi unus censeretur: ut Idem habet in *Hilc. Issure Bia* cap. XIV. §. 7. Verum necesse est, ut recipiat praecepta & faciat ideo, quia praecepit illa Deus S. B. in lege, & significavit per Moſen, quod filii Noæ antiquitus ista sint injuncta. Sin vero ista tantum faciat *מפני הכרע הרעת* ex inclinatione propriae opinionis, ille non est Proselytus domicili, nec est ex piis gentium, aut de numero sapientum earum, juxta *Hilc. Mel. cit. cap. §. 11. 7.* Jura & privilegia. Tales *בני נח* Noachidae, uti MAIMONIDES appellantur, conſequebantur Jus foederis politici, quale Israelitarum cum Gibeonitis Joſ. IX, 15. ad ſacrum autem foedus, quod Israelitis intercedebat cum Deo, non admittebantur: quod SLEVOGTVS contra IOH. TARNOVIVM in *cit. Diſp. §. 42. ſq. p. 905.* ſolide evincit. Quin & diſerte *cit. loc.* addit MAIMONIDES, *יש לו חלק לעולם הבא* habent partem in futuro ſeculo. Quod non omni tamen caruit controverſia. Vt enim ad h. l. MAIMON. in *כסף משנה* annotat, in diverſas circa hanc quaſtionem ſententias abierunt R. ELIESER & R. IEHOſCHUAH, illo partem in futuro ſeculo eis denegante, hoc aſſerente, *ופסק רבי יהושע* & deciſio eſt ſecundum R. Jeſoſchuam.

Ad §. V. pag. 6.

(1) Ex his erat] Addit Auctor quoque ה. Exempla. De Naamane Syro, ex 2. Reg. V, 17. liquido conſtat, ejurata idololatria, verum unius Dei Israelis, cultum in ſe ſuſcepſiſſe. De Eunuchō & Cornelio paullo ante diximus Annot. (3) buj. Cap. ubi de Helleniſtis, no. 5. Eunuchum quidem REIZIVS in Not. ad Auctor. b. l. proſelytum juſtitiae cenſet, quod aſcenderet

Hieroſolymam, tam longum emenſus iter, ut ibidem adoraret; & legeret præterea Eſaiam. SAM. BASNAGIVS in *Exercitat. adverſus Barron. ad A. XXXV. num. 29.* ubi copioſe de illo Candaces Dynaſta, p. 123. ita pronunciat: *Nec gentium fuiſſe primitias, cum EVSEBIO, NICEPHOROQUE; nec Judaica diſciplina tenacem, cum BARONIO, aliisque innumeris, cenſemus. Viri pii nomine dignum, Cornelique ſimilem exiſtimamus: hoc eſt, omiſſa circumciſione veri Dei imbutum notitia. Nec a MALDONATO, SALMERONEQUE, auctoribus magni inter Jeſuitas nominis, Proſelytis ille inſertus eſt. Sane conſideranti nil apparet, quod Proſelytum redoſeat in Eunuchō: quæ fuſus ibidem perſequitur. At Proſelytum facit GROTVS ad Act. VIII, 27. quin & proſelytum juſtitiae, magnus CALOVIUS noſter Bibl. Illuſtr. ad h. l. qui erudite obſervat, eum non ſimpliciter adoratum veniſſe, ſed ut ſacrificia offerret. Ideo προσκύνησις de adoratione cum ſacrificio conjuncta, intelligenda, ut Joſ. IV, 24. vel de adoratione ſolemni, quæ in feſto fiebat: in quo Viri ſummi judicio acquieſcimus. De Cornelio Caſareenſi, IOH. FRIDER. GRONOVIUS Not. ad H. Grotii Jus B. & P. Lib. I. cap. I. §. XVI. n. 3. p. 19. ita commentatur: ſi non præputio, animo certe judaizabat. Quomodo enim poterat eſſe religioſus, & perpetuo in veneratione veri Dei, ſi verum Deum non norat? ut norat tum nemo Gentilium, niſi a Judeis edoctus. A publica profeſſione videtur abſtinuiſſe, metu amittendæ militiæ: neque enim poterat manere civis Romanus, & miles honoratus præſertim, ſi palam Judaïſmum profeſſus eſſet: ut hodie ſub dominatione & jugo Tridentino multi ſunt, qui ſtant animo nobiſcum: ſed tamen metu amittendarum fortunarum non id præ ſe ferunt, & manent, ubi ſunt. Hec videtur & in Cornelio fuiſſe infirmitas: qui perſuaſum habebat, penes Judeos eſſe foedus, & verum Deum coli, & colebat religione privata: non tamen in legem illorum tranſibat. At id tum etiam non erat necesse, quia jam venerat Chriſtus, & legi ſatiſfecerat. Huic igitur infirmitati & erranti conſcientiæ occurrens Deus, miſit ei Petrum*



trum Apostolum. Hunc vero Vener. FECHTIVS, disputatione singulari de pietate Cornelii Centurionis, Rostochii A. 1701. evulgata, profelytum domiciliū fuisse, argumentis evincit, qui Sacra Judæorum cognita habuerit & magni fecerit, inde verò, tum ex lectione Sacrarum literarum, tum ex fama de prædicatione Johannis & ipsius Christi, necessariis Christianæ religionis mysteriis ita fuerit imbutus, ut nihil ipsi defuerit, nisi ut Redemptorem suum etiam in persona agnosceret & veneraretur, §. 23. Ceterum de Cornelio isto, ejusque cum dignitate & officio, tum ad fidem vocatione, multis egit BASNAGIVS Exercit. adv. Baron. ad A. XLI. num. 3. p. 336. sqq. Denique, quod ad ἀνδρας ἐυλαβεῖς, viros pios ex omni gente sub caelo, Act. II, 5. memoratos, & Auctori nostro huc pariter relatos attinet, quandam præ se fert speciem SELDENI sententia, ejusdem fuisse, cum profelytis domicili, professionis ac fidei, hoc saltem intercedente discrimine, quod Profelytus publica auctoritate receptus, hic non tam receptus, quam admissus solum, aut potius toleratus esset. Ex quo enim mos ille, in præsentia trium testium, recipiendi profelytos domicili apud Judæos obsolevit; non propterea statim religiosiores Gentilium se Judæis associarunt amplius, sed si se eis jungerent, & vitam agerent Noachideis præceptis convenientem, recepti quidem veteri ritu non sunt, tolerati tamen, & eo loco habiti, quo olim illi, qui solenniter recipiebantur. Hinc ἐυλαβεῖς, h. e. עולם מחסידי אומות העולם, religiosi ex gentibus dicebantur. Ita SELDENVS: & res ipsa bene habet. Quod ut eo constet liquidius, audire juvabit ex MAIMONIDE, quinam sint religiosi ex gentibus. Ille enim in *Jad Chaf. Tr. de Regibus & rebus eorum bellicis cap. VIII. §. XI.* ita definit: כל המקבל שבע מצוות וגו'ה לעשותן הרי זה מחסידי אומות העולם ויש לו חלק לעולם הבא והוא שיקבל אותן וישעה אותן מפני שצוה בהן הקדוש ברוך הוא כתורה חוריענו על ידי משה רבנו שכנו נח מקודם נצטוו בהן אבל אם עשאן מפני הכרע הרעת אין זה גר תושב ואינו מחסידי אומות

העולם ולא מחמיהם Quicunque in se suscipit septem præcepta Noachidarum, & in iis observandis cautus est, ecce ille est ex piis & gentibus mundi, & portionem habet in seculo futuro; si modo ille suscipiat ea & observet, quia præceperat ea Sanctus Benedictus, lege lata: nobis enim notum fecit per manum Moysis magistri nostri, quod filii Noë ab antiquo ea observare mandati fuissent: sed si observet ea tantum, ex arbitrio animi sit, non est profelytus domicili, nec ex piis & gentibus terra, nec de numero sapientum earum. Paulo tamen curatius & attentius si Textum ex Actis citatum adspiciamus, vereor ut hanc interpretationem admittat. Isti enim ἐυλαβεῖς, diserte ἀνδρες ἰσθᾶσι dicuntur, qui in Actis Apost. cum Hellenistis & Græcis, tum Profelytis ita opponuntur, ut infra comm. 10. diserte distinguantur. Sed & hoc encomium Judæorum erat, unde Simeon, ortu & gente omnino Judæus δικαίος καὶ ἐυλαβής Luc. II, 25. salutatur. Pronius itaque est, ut credamus, hos viros gente quidem Judæos, verum non Palæstinam, sed distans longe alias regiones & provincias natale agnoscentes solum, cultus tamen & religionis causa, Hierosolymas se contulisse, ibidemque rerum suarum sedem fixisse. Quod utrumque a Luca indicatur, fuisse & ex omni terra sub sole, & κατοικῆντας ἐν ἱεροσολύμοις, omnes tamen ἀνδρας ἰσθᾶσι, quorum qui, sermone Petri conversi, baptismum posthæc recipiebant, Petrum ac Apostolos ἀνδρας ἀδελφᾶς vers. 37. diserte appellant. Quod autem Scholia Græca in N. T. IOH. GREGORII h. l. ex OECUMENIO contendunt, festi solum diei gratia Hierosolymis tunc egisse, ut comparerent coram Domino, id manifeste Lucæ refragatur verbis, quæ domiciliū in Vrbe habuisse ipsos testantur. Sic exemplum huc plane non quadrat, & ἀπεροσδιόντως allegatur.

Ad §. VI. pag. 6.

(12) *Ad Profelytum fæderis initiandum*. Pergit Auctor ad Profelytos fæderis, quos & justitiae dicunt, eorumque observat N. Præparationem,

nem, quæ pro discrimine personarum quoque diversa est. Vel enim, qui Judaïsmum ambiunt, adultri sunt atque spontanei, vel parvuli, vel fœminæ. Qui sponte sua nomen profitentur, & שכונה חתה כנפי sub alis divinæ majestatis locum nancisci petunt, modo haud uno præparantur. Primo in vitam moresque hominis sollicitè inquirunt, nec, nisi integrum vitæ, scelerisque purum, recipiunt. Accedit scrutinium causarum, propter quas Judæis associari cupiat. Ita MAIMONID. in Hilc. Issure Bia cap. XIII. §. 14. Simul atque venerit quis, qui Judaïsmum amplecti velit, seu mas sit, seu fœmina, inquisitione instituta pervestigant, qua de causa hoc faciat? num forte divitias inde speret? vel hanc putet esse viam perveniendi ad dignitates? vel an faciat ex metu? Et si vir est, inquirunt, an amore captus sit puellæ Israelitidis? si fœmina, idem faciunt & querunt, an amore flagret juvenis alicujus ex Israelitis? Nec frustra id agunt, quia כל החור אינו מן הכותים בשביל רבר מהבלי העולם מנרי הצדק quicunque se a Gentilismo convertit ad Judaïsmum, & hoc facit propter aliquam hujus mundi vanitatem, is Profelytus justitiæ esse nequit, juxta §. 15. Dignus quippe qui repellatur, qui religionis prætextu aut subsidio, temporalia commoda quærit. Porro, ut animum ejus penitus explorent, ponunt ei ob oculos עול התורה כוכר gravitatem jugi legalis, & exaggerant laborem præcepta legis servantibus perferendum, qui longe major sit, quam sustinent alii populi terræ, qui tam duris legibus non sint devincti. Si nihilo secius talis & hoc acceptet, nec recedat, tum demum intelligunt, quod amore religionis se convertat, eumque recipiunt: quia dictum est Ruth I, 18. Videns, quod obfirmato esset animo, ut pergeret secum, destitit loqui ad eam. Sed adhuc instant, & tertio dubium de gentis suæ calamitatibus movent: Quid queso vidisti, propter quod Profelytismum ambias? An ignoras, in quanto mæore Israel hoc tempore sit? Quomodo impellatur, dissipetur, diripiatur, & quantas patiat, castigationes? Si novi, dicit, confestim recipiunt, cit. loc. cap. XIV. §. 1.

Atque tum demum quarto docent eum articulos fidei fundamentales, שהיה ייחור השם ויחור ע"כוס scilicet de unitate Dei, & de cavenda idololatria §. 2. legisque aliqua cum levia, tum gravia præcepta, adjuncta statim & transgressorum poena, & mercede obedientiæ, §. 2. 3. Denique scrupulos ei evellunt, ex Judæorum calamitatibus orituros, ex Massebeth Jevammoth cap. IV. §. 4. & 5. dicentes: Hoc scias, quod seculum futurum non reconditur, nisi justis, qui sunt Israelitæ, & hoc, quod vides Israelitas in his terris afflictos, ut non multo bono in hac vita perfruantur, quemadmodum alii populi, id in felicitatis parte ponendum est. Fortasse extollerent cor suum & errarent, & ita perderent mercedem seculi futuri. Sicut hoc a Mose dictum est Deuter. XXXII, 15. & impinguatus est Israel, & recalcitavit. Non tamen S. B. ille nimis multam super ipsos penam mittit, ne penitus intercant. Hanc institutionem si placide admittat Candidatus, & petito suo inhæreat, excipit ב. Initiatio, quam æque ac Auctor noster ex MOSE KOTSENSI docet MAIMONIDES, quoque in Hilc. Issure Bia cap. XIII. §. 1. sqq. Triplici ritu peragi contendit, quo scilicet Israelitæ in fœdus Dei recepti sunt: בשלשה דברים נכנסו ישראל לברית במילה Tribus rebus intrarunt in fœdus Israelitæ: circumcisione, baptismo, & oblatione. Circumcisionis usus erat in Aegypto, juxta Exod. XII, 48: Nemo incircumcissus de eo comedet. Circumcidit eos omnes Moses magister noster: nam neglexerant universi fœdus circumcisionis in Aegypto, excepta tribu Levi, de qua dicitur Deuter. XXXIII, 6. & observabant fœdus tuum. Baptismus autem erat in deserto ante legis dationem, de quo dicitur Exod. XIX, 10. Sanctificabis eos hodie & cras, & lavent vestimenta sua. Sacrificium denique hoc ex Exod. XXIV, 5. spectat: & mist (Moses) juvenes de filiis Israel, qui obtulerunt holocausta pro universo scilicet Israelitarum cætu offerebant illa. Atque simili modo per omnia postmodum secula, quoties Gentilis voluerit intrare in fœdus illud, atque sub alis majestatis divinæ colligi, צריך מילה, & קרבן



קרבן וטבילה והרצאת קרבן *neceſſe fuit, ut ei adhiberetur circumciſio, & baptiſmus, & ſparſio ſanguinis ſacrificii.* Circumciſionem in adulto, primo loco, & eodem, quo in puerulis, peragunt modo. Sin Candidatus ex gentibus fuerit circumciſis, quales olim Aegyptios, Colchos & Aethiopes fuiſſe, HERODOTVS teſtatur in *Euterpe*, denuo quidem circumcidi non poteſt, adſpergendus tamen ſanguine Foederis eſt, per pelliculae ſauciationem, ut aliquot ſanguinis guttae deſtillent, ut MAIMONIDES hunc caſum deſinit in *Hilc. מילה* cap. I. §. 7. צריך להטיף צירך למטה *neceſſe eſt, ut eliciatur ex eo ſanguis Foederis, eo die, quo ad Judaïſmum cooptatur.* Circumciſioni neceſſario quidem, ſed non e veſtigio, verum poſtquam vulnus ex circumciſione inſlictum coit, jungendus eſt Baptiſmus: ut in *Hilc. Iſſure Bia* cap. XIV. §. 15. caute monet MAIMONIDES. Et de baptiſmi quidem huius origine, prolixè & erudite SELDENVS diſputat *lib. I. de Synedrïis* cap. 3. & quo jure verba Exod. XIX, 10. quæ de veſtium lotionè præcipiunt, ad corporis totius ablutionem trahantur, demonſtrat. Ejusdem porro neceſſitatem multis in hanc rem allatis teſtimoniis comprobavit EDZARD. *ad Avoda Sara* cap. I. p. 192. ſq. æque ac ante eum laudatus modo SELDENVS, qui ex Gemara *ſapientes טביל ולאמל / מל ולא טביל* טביל ולאמל / מל ולא טביל, *ſi quis baptizatus fuerit nec circumciſus, aut circumciſus, nec baptizatus, eum Proſelytum non eſſe, uſque dum fuerit tam baptizatus, quam circumciſus:* quod iisdem fere verbis quoque inculcat MAIMONID. *c. I. cap. XIII. §. 5.* Porro, in trium teſtium, qui Synedrïi eſſent Aſſeſſores, præſentia baptizatur Proſelytus; qui ſtant a tergo ejus, eumque movent altera vice cum de præceptis levibus, tum de gravibus, quoad in aquis adhuc ſtat. Si vero Fœmina fuerit, eam quoque fœminæ in aqua collocant uſque ad collum ſuum, & de foris conſiſtentes, dum ipſa adhuc in aqua ſedet, doceant ipſam nonnulla de præceptis levibus & gravibus. Si baptizata eſt in eorum conſpectu,

convertunt facies ſuas, & egrediuntur ita, ut non videant eam, ex aqua aſcendentem, ut denuo MAIMONIDES *cit. loc.* habet, cap. XIV. §. 6. Peragebatur itaque baptiſmus ille, immerſione ſub aquas torius, collum tenus, corporis, qua hodiernæ quoque Judæorum abſolvuntur luſtrationes. Denique de ſacrificio. Idem *cit. loc. c. XIII. n. 4.* monet, Korban initiationis olim fuiſſe holocauſtum jumenti, vel duorum turturum, vel duorum pullorum columbæ, & par alterutrius eſt unum holocauſtum: ובזמן הזה שאין שם קרבן צריך מילה וטבילה וכשיבנה בית המקדש יביא קרבן *ſed quoniam hoc tempore* (ob deſtructum Templam, & deſectum loci competentis) *ſacrificio nullus eſt locus, neceſſaria tantummodo ſunt Circumciſio & Baptiſmus.* Attamen hac lege, *ut quamprimum reſtauretur domus ſanctuarii, ſacrificium pariter offerat.* Neceſſe itaque eſt, ut ſe oblaturum ſpondeat Korban, templo reſtaurato. Ad Fœminæ initiationem Baptiſmus ſufficiebat & Korban, cum in illa circumciſio locum non haberet; gravidæ quoque, rite baptizata proli, baptiſmo opus non erat. Pari modo, pro ſexus diverſitate, initiabantur pueri atque puellæ: quo etiam legem illam Moſaicam Deuter. XXI, 11. ſqq. de captiva gentili trahunt, ut ducenda non fuerit, niſi proſelyta facta, & baptizata. Licet enim illa capientis eſſet, & captori integrum, ad libidinem eadem abuti, tenebatur tamen, compreſſam legitimo ſibi matrimonio prius jungere, quam ad alterum pergeret concubitum. Vxorem autem ducere non poterat, niſi ea, ejurata Gentili idololatria, Judaicam religionem ſponte fuerit amplexa. Quin, ne proſelytam domicilii quidem ad conjugium admittunt, ſed oportet, ut ſi Iſraelitæ nubere velit, totius legis jugum ſubeat, & ſolenni initiatione proſelyta juſtitia fiat. Sin id recuſaverit, & marito carere, quam proſelyta fieri malit, prius licet compreſſa a ſuo captore, ita mulctant eam, ut partim nuptiis privent, partim cura ſobolis educandæ, ſi quam ex primo congreſſu conceperit, onerent. Si vero nec proſelyta domicilii fieri, & ſeptem Noachidarum præcepta

præcepta suscipere voluerit, capitis eam supplicio afficiunt. Quæ omnia fuscè persequitur MAIMONIDES in *Hilc. Melachim cap. VIII. §. 2. sqq.* Addimus

3. Consequens & Fructum hujus initiationis. SELDENVS *de Jure Nat. & Gent. lib. II. cap. 4.* quinque enumerat effectus, quibus proselyti justitiæ sint gavisi: Judæi nominis acquisitionem; regenerationem; juris Judaici, seu prærogativæ Israeliticæ participationem; originis atque peregrinitatis, velut characteris perpetui ac indelebilis retentionem; & conditionem posterorum. a) Initiatus enim *הרי הוא כישראל לכל רביו* *ecce, is per omnia ut Israelita habetur:* Cod. *Jevammoth fol. 47. b.* Hinc & nomine censetur Judaico. Vnde Idumæos, postquam in ritus Judæorum transierant, Judæos fuisse, diserte affirmat IOSEPHVS *Antiqu. lib. XIII. c. 17.* Pariter, quando mira rerum Judaicarum conversione facta in Persia, multi Gentilium Judaismum amplectebantur *Esth. VIII, 17.* vocem *מתהרים* R. SALOM. IARCHI interpretatur *מתהירים* *Proselyti fiebant*, quia Proselyti, Judæi quoque audiebant. β) Regeneratus quoque habebatur Proselytus. Vnde tritum Magistrorum effatum: *גר שנתהיר כקטן שנולד רמי proselytus, qui ad Judaismum transit, est sicut infans, qui recens nascitur*, juxta Cod. *Jevamm. fol. 22. a. & fol. 48. b.* MAIMONID. *Hilc. Issure Bia cap. XIV. §. II.* Omnis enim pristina deletur cognatio & sanguinis relatio, ut nec fratrem, sororem, patrem, matrem, liberos ante genitos, omnino in suis haberet. Quin si pater, mater, filius, frater, simul fierent proselyti, nulla prorsus restaret cognatio. Velut enim jam primo creatus, aut e cælo lapsus, omnino novus homo fiebat, consanguinitate pristina non minus, ac gentilismo prorsus exutus. Quod inaudierat CORNEL. TACITVS, qui de Judæorum Proselytis *lib. V. Histor. cap. 5.* tradit: *nec quicquam prius imbuuntur, quam contemnere Deos, exuere patriam, parentes, liberos, fratres, vilia habere.* Ideo nec lugebant ereptos morte propinquos Proselyti, quod ex MAIMONIDE, docet GEIER.

*de luctu Hebræor. cap. III. §. 3.* & expirabat, quicquid inter ipsos intercesserat juris, v. g. 1) Hæreditatis; ut si Proselytus prius decedat, quam liberos in Judaismo gignat, obeat absque hærede. Liberi enim ante conversionem suscepti, ipsum planè nihil attingunt, adeoque hæreditas vel cedit occupanti, vel si liberos in Proselytismo genuerit, illi solum succedunt in bona, & quem primum suscepit conversus, is primogenituræ jus obtinet, & accipit duplum. De qua Proselytorum successione ac hæredibus laudatus SELDENVS ex instituto egit *lib. de success. in bona def. cap. XXVI. toto.* 2) Levirationis; ut Proselytus ex præcepto Deut. XXV, 5. non amplius teneatur, defuncto fratri, quantumvis & ille ad Judaismum se contulerit, semet excitare, juxta Gemaram Babylon. *ad Tit. Jevammoth cap. XI. fol. 97. b.* 3) Matrimoniorum intra prohibitos gradus; ut si filius matrem, frater sororem, post susceptum utriusque Proselytismum ducat, incestus non fit, nec cum lege Levit. XVIII, 7. sqq. pugnet. Id tamen ne de facto contingat, caverunt Magistri, ut MAIMONID. *Hilc. Issure Bia cap. XIV. §. 12.* addit: *אכל חכמים אסרו רבר* *sed sapientes, ne id fieret, prohibuerunt.* Porro γ) Participatio juris Judaici, five prærogativæ Israeliticæ, proselytis justitiæ in lege divina assignatur Num. XV, 15. coll. Lev. XIX, 33. *ככם כנר* *sicut vobis, ita Proselyto*, ita ut nullum inter hunc & originarium Judæum intercedat discrimen. Competit ergo illi jus civitatis, utendi fruendi omnibus commodis, privilegiis, ac libertatibus, quæ civibus politiæ Judaicæ, ratione civilis societatis competunt. Nec obstat, quod magnus obvertit SELDENVS *de Jur. Natur. & Gent. cit. loco*, quod judicii & Magistratus expertes essent Proselyti. Cum enim communio suffragii & magistratus, non sit de ratione civis, quin etiam certis legibus & conditionibus, potestas adeundi senatoriam dignitatem Proselyto competeret, si scilicet matre natus sit Israelitica, cives utique fuisse reipublicæ Judaicæ contra SELDENVM erudite contendit SLEVOGTVS *cit. Disput. §. 32. p. 895. sq.* Istud saltem exci-



piunt ἀρχιερεῖς Judæi, ne Profelytis, five Regis, five שר צבא *supremi Imperatoris*, five נשיא *Præsidis Synedrui* defungi officio liceret. Attamen δ) Peregrinitatis, seu originis ab Abrahamo diversæ, velut characterem perpetuum ac indelebilem retinebant, ut licet in קהל ישראל cæ-tum *Israelitarum* recepti essent, nomen tamen נר צד *Profelyti* seu *advene*, semper retinerent. Quo spectant, quæ ad §. I. not. (2) *buj. Cap.* de voce בגבג annotavimus. Vnde distinctio quoque inter קהל ישראל & קהל גרים *ecclesiam Israelitarum & ecclesiam Profelytorum* enata, ut Judæos ex Judæis, & Judæos ex peregrinis, discernerent. Demum ε) Conditio posterorum ea erat, ut quotquot ex parentibus utrisque profelytis prodissent, eadem cum parentibus perpetuo conditione essent, nec magis aut aliter cives censerentur Israelitici, quam qui primo fuerant initiati, eorum majores; quæ a SELDENO, laudato loco, copiose vide declarata. Sed &

7. ad Jura & privilegia Profelytorum paucis est attendendum. Vbi α. de jure civitatis hic repetenda sunt, quæ paulo ante monuimus. Accedit β. jus sacrorum, non communium solum cum ceteris piorum Gentilium, sed Judæis solis licitorum, qualia comestio agni paschalis, oblatio sacrificiorum pacificorum & expiatoriorum &c. eodem cum ceteris Judæis ritu, quod ex Exod. XII, 48, 49. & Num. XV, 14, 15. liquet. Quo etiam annuam dimidii sicii pensitationem referunt, apud MAIMON. in *Hilc. שקלים cap. I. §. 7.* γ. Jus connubiorum, quibus Profelyti promiscue jungebantur Israelitis, excepto Sacerdote, & cum primis Pontifice Summo, cui vel maxime Lev. XXI, 14. injunctum legitur, ut virginem e populis suis ducat uxorem. Sacerdoti ergo integrum non erat, ut profelytam duceret, vel profelyti filiam; Profelytus tamen, quo minus sacerdotis filiam sibi jungeret uxorem, nihil prohibebat. Sed plures sunt Magistrorum circa Profelytorum connubia triæ, quas solicite expedit SELDENVS *de Jure N. & Gent. lib. V. cap. 14.* dignus, qui hic evol-

Ad §. VII. pag. 7.

(13) *Ritum istum ablutionis diu multumque inter Judæos ad initiationem præstandam viguisse &c.*] Tangit hic Auctor noster celebrem & vexatam hodie quæstionem de Baptismo: *An baptismus Johannis & Apostolorum, adeoque & noster, idem sit cum baptismo initiationis Judaico, eidemque primam sui originem debeat, formula saltem peculiari amplificatus & auctus, denique Divina & Sacramentali virtute, efficaciaque armatus?* Morem baptizandi utriusque sexus Profelytòs, dudum ante Johannem præcursoris Servatoris, ipsiusque adeo Christi nativitatem, inter Judæos viguisse, magni nominis Philologi & antiquitatum scrutatores perhibuerunt, IOH. SELDENVS *Jur. N. & G. juxta discipl. Hebr. Lib. II. cap. II.* LIGHTFOOTVS *in Horis Hebr. ad Matth. III, 6.* IOH. HENR. HOTTINGERVS *in Theologia Judaica cap. XXIX.* FRANC. BURMANNVS *Synops. Theol. Tom. II. lib. VII. cap. VI. §. 3. sqq.* BRAUNIVS *in Oeconom. Fæder. Vol. II. Parte IV. cap. XXI. §. 2.* IOH. BENED. CARPZOVIVS *in Notis ad Schickardi Jus Reg. cap. V. Theor. 17. p. 328. sqq.* Vt HUG. GROTIUM, IOH. BVXTORFIVM, IOH. LEVSDENIVM, HENR. HAMMONDVM, multosque alios taceamus, qui obiter, & ὡς ἐν παρόδῳ, suum eidem sententiæ calculum adjecerunt. Hinc ulterius progressi alii, baptismum Johannis & Christianum ex hoc Judaico initiationis ritu promanasse, & additis sanctioribus institutis, Sacramentali usu, ac sublimiori longe fructu, in Ecclesiam Christianam transisse censuerunt, post LIGHTFOOTVM *Tom. II. Opp. p. 265. sqq.* SELDENVM *de successione in bona defunctorum cap. XXVI. p. 91 sqq.* MELCHIOR. LEYDEKERVM *de Republ. Hebræor. lib. VI. cap. 6. p. 364.* IAC. ALTINGIVM *Heptade VII. dissert. VII. Tom. V. Opp. p. 228.* & plurimos ex laudatis doctoribus, RVARDVS ANDALA *in Summa Theol. p. 612.* EARTHOLD. HOLZEVSIUS *in Disputat. de baptismo Judaico Christiano*, STEPHANVS GAVSSENVS *Dissertation. Theolog. p. 52. ed. anni*

1678. Celeberr. CONRAD. IKENIVS *Antiquit. Hebraic. P. I. cap. XXII. §. 16, 18. p. 346. sq. & Reformationum recentiorum pars maxima, quibus cumprimis hæc sententia arridet. E Nostris tamen in eandem pariter concesserunt* GEORG. ELIEZER EDZARDVS *ad Avoda Sara cap. I. p. 191. sqq.* IOH. FRANCISC. BVDDEVS *Institution. Theol. dogmaticæ lib. V. c. I. §. 2. p. 1436. sq.* ubi insigne quidem inter utriusque gentis lustrationem admittit discrimen, ut tamen Christianum ex Judaico ortum traxisse baptismum contendat; & forte alii. Tandem ex instituto hæc quaestio disceptata fuit inter gravissimos Theologos, GOTTLIEB WERNSDORFIVM, Wittebergensem, & IO. ANDREAM DANZIVM, Jenensem. Postquam enim ille A. 1708. in *controversiis de baptismo recentioribus §. 18. sqq.* baptismum Christianorum, initiationi Profelytorum originem suam non debere, solide evicerat, Celeberrimus Jenensis cum in dissertat. *de baptismo profelytorum Judaico, ad Matth. III, §. 6.* tum vel maximè in *antiquitate baptismi initiationis Israelitarum vindicata*, (quarum prior in MEVSCHENII *N. Test. ex Talmude illustrato p. 233. sqq.* posterior *p. 287. sqq.* legitur) oppositam sententiam amplissimo cum doctrinæ apparatu, contra WERNSDORFIVM adstruere allaboravit. Qui tamen modeste non minus, quam solide ac erudite eum excepit A. 1710. disputatione *de baptismi Christianorum origine mere divina*, qua non modo ante Johannem & Christum, Profelytorum baptismum in usu fuisse omnino negat, verum etiam *p. 39. sq.* graviter demonstrat, Judæos hunc Profelytos abluendi morem, post everfam demum urbem & rempublicam, ex κακοζήλια adoptasse, & ex Christi scholâ surripuisse. Dudum ista se probaverat sententia Theologo Anglo, IOHANNI OWENO, qui in *Theologumenis lib. V. digress. IV. §. 19. sqq. p. 426.* contra SELDENVM disputans, eam *§. 22. p. 427.* tueretur. Ceterum Vir doctissimus, & in Judæorum monumentis apprimè versatus, GVSTAV. GEORG. ZELTNERVS, inter clarissimos dissidentes arbitrari instituit, edito A. 1711. *de initiis*

*baptismi initiationis Judæorum*, schediasmate, quo ortum baptismi Profelytorum pariter recentiorum, & ad imitationem Christiani baptismi excogitatum statuit, ita tamen, ut *p. 37.* censeat, a Johannis baptismo & officio, in Synagogam paulatim cooptato, inter ceremonias Judæorum, Messiae adventui inhiantium, Profelytorum baptismum initia sumfisse, ab interposito, a Johannis Baptistæ ministerio, usque ad reipublicæ Judaicæ everfionem, tempore ducenda. Obtinuit quoque argumentorum pondere summus WERNSDORFIVS, ut nostratum, qui puriorem amant doctrinam, plurimi in easdem concederent partes, e quibus nunc nominasse sufficiat vener. IOH. FECHTIVM in *Collegio in Syllogen Controversiar. disp. XXXVII. §. I. p. 412. sqq.* IOH. WINCKLERVM in *gründlichen Beweifs der Kindertauffe cap. I. §. 9.* Clariss. Auctores *Collectionis Vett. & Novor. A. 1727. p. 1295. sqq.* Eandem denique sententiam, sed dispari mente ac fine, tuentur Mennonitæ, e quibus recentissime HERMANNVS SCHYN in *Historia Mennonitarum Cap. II. toto p. 14. sqq. & in Addendis p. 319. sqq.* eam prolixè perorat, inter cetera tamen *p. 14.* non dissimulans, eo se suosque consilio ita disputare, ut pædobaptismi assertoribus argumentum sententiæ suæ eripiant, ad quod LIGHTFOOTVS cumprimis & VITRINGA se in hac causa receperint. Sed male consultum esset baptismum infantum, si non alio niteretur Achille.

Nostrarum nunc partium est, utriusque sententiæ momenta paucis repetere, initio ab iis petito, qui baptismum Judæos a Christianis mutuo petiisse, contendunt. Vrgent hi cumprimis α) pertinax Scripturæ utriusque Fæderis silentium. Quæ enim allegat DANZIVS Veteris Instrumenti oracula, nec non Pauli testimonium I Cor. X, 2. ita diluit WERNSDORFIVS, *cap. II. p. 22. sqq.* nihil ut præsidii in iis supersit sententiæ illius Patronis. Quod celeberr. agnoscit ZELTNERVS, & qui candide, & absque partium studio, dicta illa expendunt. Accedit porro β) constans vetustiorum Judæorum monu-



mentorū silentium, quo Profelytorum baptismum sicco prætereant pede. Nullum ejus vestigium in IONATHANIS, vel ONKELOSI paraphrasis, nihil in IOSEPHO, vel PHILONE deprehenditur, quod liquido hunc ritum confirmaret, nihil in *Sobar*, aliisque id genus Commentariis antiquis & ævo Apostolico proximis, quos omnes ritum adeo solennem & necessarium tacuisse, cum in minoris ponderis ceremoniis describendis nimium quantum fuerint curiosi, mirum omnino esset, si illorum jam tempore in Synagoga innotuisset, vel etiam insignem tulisset ætatem. Scite ac nervose hæc omnia complectitur IOH. OWENVS in *Theologumen. Lib. V. digress. IV. §. 22. p. 427.* ubi ex hoc silentio bene infert: *Ritus baptismatis in V. T. institutio nullibi memoratur, exemplum nullum extat; neque durante Ecclesia Judaica, in admisione Profelytorum unquam usurpatus est. Apud PHILONEM, IOSEPHVM, IESVM SIRACIDEM ejus mentio nulla occurrit: neque in historia Evangelica. Sententia ideo ista Rabbinica de baptizandis Profelytis, ortum suum Tanneris seu Doctoribus Ante-Mishnicis, post urbis excidium, debet. Tandemque subicit: Ex Johannis baptismi, qui tota in gente celebris erat, cuique initiata est magna pars populi, ritum hunc ante tempus illud incognitum, doctores Tannereos mutatos esse. Vrgent γ) baptismi Johannis originem mere divinam, Joh. I, 33. Luc. III, 2. Matth. XXI, 25. Luc. VII, 30. qui humanis omnino deberetur auspiciis, si divino licet jussu, & paulum immutatus, e Synagoga in Ecclesiam fuisset adscitus. Provocant δ) ad oracula prophetica, quæ baptismum initiationis diserte ad Messiae referunt adventum, Pl. XXIX, 10. Ezech. XXXVI, 25. Zach. XIII, 1. quæ frustra forent, si dudum ante in Ecclesia Judaica viguisset. Denum ε) opponunt baptismi in locum circumcisionis, nunc abolendæ ac eliminandæ ex Ecclesia, successionem Col. II, 17. quæ utrumque tanto temporis tractu combinarum fuisse ritum, non admittit. Vicissim, qui Profelytorum tuentur baptismum, in medium afferunt 1) Baptismum*

initiationis Judæorum, cui alter ille Profelytorum suos debeat natales, confirmatum Exod. XIX, 10. Pl. CXIV, 1, 2. Ezech. XVI, 9. XX, 12, I Cor. X, 2. 2) Loca Talmudica, & in his cum primis testimonium in Cod. *Jevammoth fol. 46. a. b.* ubi R. ELIESERIS, filii Hircani, & R. IOSVÆ fil. Chaniae, qui non multo fuerint Johanne Baptista juniores, proluxa legitur de baptismi, tanquam ritu dudum inter suos recepto, disceptatio. 3) Testimonia ARRIANI ad *Epictetum lib. II. cap. IX. circa fin.* CORNELII TACITI *Histor. lib. V. cap. 5.* IOSEPHI de baptismi Essenorum differentis *de bello Jud. lib. II. cap. 12.* 4) Odium ac horrorem Judæorum, quo sacra prosequuntur Christianorum, ut fidem omnem superet, quod religiosas ab iis petiisse ceremonias traduntur. *Gens invida, & divinis ad id obstricta legibus, ne alienigenarum æmuletur statuta; quæque ne in suppliciis quidem malefico insligendis, more gentibus recepto uti voluit; mortem potius subiisset, quam ut in re tanti momenti istorum reciperet symbolum, a quibus quam maxime se cupiebat distinctam, inquit DANZIVS in Antiqu. bapt. vindicata §. 63. Rurfusque §. 98. non affectant convenientiam cum Christianis Judei: separationem a Bileamo prædictam Num. XXIII, 9. & a Deo vice plus simplici ipsis injunctam, in sacris præcipue, religiose servantes.* 5) In baptismum Johannis, Synedrii inquisitionem, Joh. I, 25. *Senatus Judæorum in Johanne baptizante non examinat baptismi naturam, ceu aliquid novi; sed quod rem, quæ ad triumviratum pertinebat, aut Prophetam singulari Dei ductu vocatum, ipse auctoritate exerceret privata, Propheta titulum renuens: atque in illis, qui in majoribus jam fuerant baptizati: alium quoque baptismi finem intendat, quam a majoribus suis propositum, Idem ait c. I. §. 85. Pariter Nicodemi cum Christo colloquium eo rapit, §. 87. inquit: Nicodemus ad injectam Regenerationis mentionem non obstupuit, tanquam ad rem antea inauditam; sed ad Regenerationem ex Spiritu Joh. III, 5. cum non aliam, nisi ex aqua & circumcisione hætenus cognoverat. Nisi nosse eam potuerit, & etiam do-*  
buerit:

buerit; profecto tam severa in eum reprehensione non animadvertisset vers. 10. Salvator; ceteroquin benignissimus. Ad ista singula apte regessit WERNSDORFIVS, quæ retundendis iis sufficere arbitrabatur.

Denique celeberr. Jenensium Theologus, IOH. REINH. RVS, in *Harmon. Evangel. lib. I. cap. XV. p. 327. sqq.* post curate expositam controversiæ historiam, in ea acquiescit sententia, quod licet Profelytorum baptismus jam ante Johannem apud Judæos in usu fuerit, minus tamen commodè dicatur Johannis baptismus ex Judaico illo traxisse originem, quum Deus legatur misisse Johannem, ad baptizandos etiam, & vel maxime, Judæos, Joh. I, 33. & legatur predicasse baptismum penitentiae Marc. I, 4. ac omnes monuisse de hujus suscipiendi necessitate, qui vellent participes fieri beneficiorum, per Messiam partorum. Atque ita componi quodammodo posse, quæ hoc de argumento inter celeberr. viros, DANZIVM & WERNSDORFIVM fuerunt disputata. Istam porro conjecturam, quæ Johannis & Christi baptismi Judaicum censet posteriorem, eumque ex *κατοχή* Judæorum & Christianorum sacris adoptatum, gravissimo existimat incommodo isto premi, quod exosum esset admodum Judæis Christianorum nomen, & cætus valde contemptibilis, illique dispersi longe lateque, vix amplius in hanc ceremoniam adoptandam conspirare valuerint. Inde enim a captivitate Assyriaca & Babylonica, jam per varias regiones dispersi fuerant Judæi, ac pridem ante Johannis nativitatem jam incolebant omnium gentium sub cælo regiones Act. II, 5. sqq. Ultra quæ proinde tempora referenda videatur baptismi initiationis Profelytorum origo: certum vero temporis, quo adhiberi cæpit, articulum vix quenquam definiturum.

Postremo, Primarius Lipsiensium Theologus, Summe Venerab. CHRIST. FRID. BOERNERVS dissertat. exeg. de *Johanne πρωτοβαπτιστή* ad Joh. I, 25. Lipsiæ A. 1729. edita & ventilata, prolixè hanc controversiam peroravit, & quanquam

de ortu baptismi Profelytorum Judaici nihil pronunciat, e questione tamen legatorum Synedrii pariter ac Johannis responsione, solide evincit, Johannem fuisse, qui primus omnium inter Judæos baptismum administraverit, quia in ea fuerint Judæi opinione, τὸ βαπτίζειν proprium esse Messiae, baptismumque adeo initiationis ab ipso Messia, vel saltem ab eis, quos una cum Christo expectabant, Elia scilicet, isto ve, quem τὸ προφήτης nomine designant, institui debuisse. Inveteratæ huic Judæorum opinioni causam dedisse oracula illa, in quibus, cum de Messiae diebus vaticinati sunt Prophetae, eximiam spiritualemque, aqua peragendam, purificationem prænuñciarunt, Jes. XII, 3. XLIV, 3. Ezech. XXXVI, 25. Zach. XIII, 1. Atque ita originem Sacramenti nostri mere divinam egregie confirmat, simul etiam diversam, nobisque paulo ante num. 5. memoratam, quæsti illius & responsi interpretationem, qua illud οἱ ἐξ ἐναντίας in suam rapere sententiam nituntur, diluit & mascule retundit.

Nos, unumquemque suo abundare sensu, lubentissime passi, nobis tamen 1) persuadere non possumus, originem baptismi Profelytorum, Johannis & Christi baptismi anteriorem, cum ob rationes a summo WERNSDORFIO allatas, tum vel maxime ob satis idoneorum hujus ritus, inter Judæos tunc temporis usitati, testium defectum. Quæ enim cunque proferuntur testimonia, vel sequioris sunt ætatis, vel dubiæ interpretationis, & invitis auctoribus huc pertracta, quod *αὐτοψία* docet, eorumque examen. Tanti autem ponderis, tantæque necessitatis ritum, tot seculis illos silentio involvisse, cum nulla urgeret ratio, similitudinem omnem veritatis excedit. 2) Undecunque ergo eum hauserint Judæi, sive ex prava Christianorum imitatione, sive ex sinistra & perversa oraculorum Ver. Test. in quibus baptismi fit mentio, interpretatione, ante Johannem certe ignorarunt, sola tam corporum, quam vestium lustratione Levitica, juxta Legem contenti. Nec temporis, in tanta rerum caligine, momentum definio, utrum *πανολοθρίων* urbis



urbis antecesserit, an fuerit securum? licet in posteriorem sententiam mens potius inclinet. Quod autem paulo ante movebatur dubium, de impossibili dispersæ ac palantis per totum orbem gentis conspiratione, in cooptandam novam quandam ceremoniam, me parum turbat, qui dissipatam per omnes terras nationem eandem, in auctoritatem pandectarum Talmudicarum, cum Mischna, tum Gemara, maxime Babylonica, comprehensarum, unanimi consilio consensisse (si a Karræis discessero, quos diversum tenere constat) cum stupore recordor. Vbi enim ex duplici illa & gravissima gentis clade, sub Tito & Hadriano Imperatoribus, sese paulo recepissent Judæi, & templo, sacrificiisque, ac præcipuis cultus sacri exercitiis orbatos se cernerent, necesse habebant constituere, quid de Festorum celebratione, Religionis suæ custodia & cura, tum quoque amplificatione, publicorum conventuum & sacrorum ratione, aliisque ad rem divinam pertinentibus legibus & ritibus, integrum sibi esset servare, quid minus. Tum inter alias ceremonias, baptismum Profelytorum adoptasse potuerunt, cujus deinceps in Gemaram injiceretur mentio; maxime, quod ob denegatam sanguinis sacrificialis asperersionem, non haberent aliud quicquam, quo fœminas initiarent. De quibus diserte sancit in Cod. *Ze-vammoth* f. 46. a. דאם לא טבלו במה נכנסו quod, si non baptizata essent, quo modo receptæ fuissent sub alas Majestatis divine? Hoc pacto facta tecta manet divina baptismi Christiani origo, nec temere fingitur aut supponitur, quod nequit demonstrari. 3) Posito denique, quod tamen non damus, illam Profelytorum lotionem ante fuisse in usu, quam Novi Testamenti auspicaretur periodus, nihilo minus ratum firmumque est, Sacramentum baptismi cum Profelytorum baptismo nihil plane habere commercii, nec ex illo derivatum esse, sed divinitus immediate institutum. Prout enim Johannes a Deo immediate missus erat ad baptizandum Joh. I. 33. Luc. III, 2. ita Christus non ex imitatione Magistorum, in adsciscendis

Profelytis, sed ex Dei sapientissimo consilio, ex Patris sinu Joh. I, 18. institutionem baptismi Matth. XXVIII. protulit. Inde etiam nunquam junctus fuisse, verum immediate successisse legitur circumcissioni, sic ut περιτομή τῶ Χριστοῦ aboleret περιτομήν χειροποιήτων Col. II, 11. & altera alteri opponatur. Plura dabunt laudari auctores.

Ad §. VIII. pag. 7.

(14) *Pretium & honor, quo culti sunt profelyti a Judeis*. Exprobrare quidem ipsis fas non erat pristinam gentilem idololatriam, cum ejurassent eam, & ita abluisent, ut nihil pristini vitii in vitam novam transtulerint. Huc referunt verba Exod. XXII, 20. *Peregrinum non preme, neque eum opprimes, quia peregrini fuistis in terra Aegypti.* Quod interpretantur de verbali afflictione, ne quis dicat peregrino: זכור לכן גרים מעשיך ראשונים: & si fuerit Israelita, qui pro admissio facinore pœnitentiam egit, ne dicat ei: *Memento operum tuorum priorum.* Erat enim adscitus ejusmodi habendus ut frater.

Ad §. VIII. pag. eand.

(15) *In communi vita &c.* Non unum hoc dicitur, sed plura ejus generis, in contumeliam intorquebant Profelytorum. a) enim vituli aurei culpam Exod. XXXII. æque ac sepulchra concupiscentiæ Num. XI, 4. sqq. in Profelytos, ex Aegypto cum Israele egressos, conjiunt ap. MAIMONID. *Hilc. Issure Bia* cap. XIII. §. 18. & in שמות רבה sect. 42. fol. 98. col. 3. Quod & R. SAL. IARCHI repetit *Comment. ad Exod. XXXII, 14.* & R. MOSES ALSCHEICH in *b. l. f. 146. sq.* β) eos perfidos, secum in errorem & vitia pertrahere criminantur Israelitas, MAIMONID. *cit. loco* רובן חורין בשביל רבך ורובן חורין בשביל רבך ורובן חורין בשביל רבך multi ipsorum resiliunt quadam de causa, & in errorem abripiunt secum Israeli-

*Israelitas*: RASCHI ad Cod. *Jevammoth* f. 47. b. אוחזין מעשיהם הראשונים ולומדים ישראל מהם *retinent opera sua priora, quæ discunt ab illis Israelita*: Defectores itaque & ipsi sunt, & seductores Israelitarum, seu originariorum Judæorum. γ) Adventum Messiae remorari eosdem tradunt, in Cod. *Nidda* fol. 13. b. הנו רבנן הגרים והמשחקים בתנוקות מעכבים את המשיח *tradunt Doctores nostri, quod Profelyti, & jocantes cum puellis minorembus remorentur Messiam*. Hinc δ) tritum inter Judæos scemma: קשין גרון לישראל כספחת *Profelyti Israelitis, sicut scabies*, Cod. *Jevammoth* fol. 17. b. *Kidduschin* fol. 70. b. & in *Massech. Nidda* fol. 13. col. b. vel ut MAIMONID. *Hile. Issure Bia* c. 13. §. 18. effert: קשים להם גרים לישראל כנגע צרעת *sicut plaga leprosa*. ε) Quod Auctor noster ex CASAVBONO observat dictærium: *Vel ad decimam usque generationem a profelytis cave*, id longe ulterius extenditur in *Falkut super Ruth* f. 163. d. א"ר חייא אל האמין בנר ער כ"ד דורות *R. CHIA dixit: profelyta ne fidus usque in vigesimam quartam generationem*. Illud autem monitum, de non contemnendo Ethnico, præsentē Profelyto etiam in decimam usque generationem, quod BUXTORF. in *Lex. Talmud.* p. 411. in bonam partem enunciari tradidit, in sequiorem potius sensum trahit, & contra BUXTORFIVM probat EDZARD. ad *Berachoth* c. I. not. 76. p. 244. Circa quæ tamen dictæria ex R. BECHAI *Cadhakkemach* fol. 19. col. I. observat b. CARPZOV. *Not. ad Schickardi Jus Reg. cap. V. theor.* 17. p. 325. b. ea non tam in contumeliam Profelytorum, quam in vituperium potius & ignominiam ipsorummet dici Israelitarum, quippe quos condemnent illi, cum damno & naufragio rerum suarum ad Deum sese convertentes, quem ipsi contra minori cum devotione & sinceritate venerentur.

Denique REIZIVS in *Not. ad hunc §. Auctoris* apposite observat, cum adeo abjecte haberentur Profelyti, qui tamen fieri potuerit, ut tam anxie ac sedulo eos captarint Pharisei, notati eo nomine a Christo Matth. XXIII, 15. Sed probe

observat laudatus CARPZOV. c. I. p. 324. & ante eum IOH. CAMERO in *praefat. ad Matth.* XIX, 3. *Opp.* p. 176. a. Christum non tam reprehendere studium eorum in convertendis Ethnicis ad Deum verum, quam mentem potius & consilium, quod eo tendebat, non tam Deo animas lucrari, quam sibi ac sectæ suæ affectas conciliare. Zelum enim pro religione propaganda ostentantes, non convertendorum salutem, sed bonâ quærebant, suæ satisfacturi avaritiæ, & illorum conscientis pariter & crumenis dominaturi; quo nomine Servator eos *ὑποκρίσθεις* gravissimæ postulat. Ut sensus sit: Væ vobis Pharisei, quod postquam omnem movistis lapidem, ut vel unum concilietis Profelytum, miserum istum redditis vel vobis duplo deteriore, multo supersticiosiorem, multo confidentiorem, & ita filium gehennæ duplo vobis graviorem. Istud autem studium, convertendi Gentiles, tanti faciebant Judæi, ut Profelyti istius censeretur velut esse creator, qui converterat. Probant hoc ex verbo עשה, de Abrahamo usurpato Gen. XII, 5. ubi animæ recensentur, quas עשה fecit Abraham in Harane: Per has enim intelligunt Profelytos, quos ad veram fidem converterit. Vti enim Deus עשה fecit hominem, eum creando, ita עשה Abraham, & quicumque alius Judæus, Profelytum quendam reddendo. Sic in *Bereschith Rabba*, *feder לך לך* fol. 43. col. 4. cujus verba excitata leges apud CARPZOV. cit. loc.

Quod superest, de Profelytis evolvi merentur SELDENVS de *Synedrui lib. I. cap. III.* rursus de *Jure Nat. & Gent. lib. II. cap. 2, 3, 4.* ac denuo de *success. in bona defunctor. cap. XXVI.* HUMPHRID. PRIDEAUX de *jure pauperis & peregrini apud Judæos*, ex MAIMONIDIS *Jad Chafaka*, Oxonii in 4. A. 1679. CASAVBONVS adv. *Baronium* p. 25. sq. LEYDEKKER de *Republ. Hebr. lib. VI. cap. VI.* p. 363. sqq. GEORG. ELIEZ. EDZARDI ad *Avoda Sara* cap. I. p. 191. sq. & ad *Berachoth* cap. I. p. 244. sqq. LEVSDENIVS in *Philologo Hebræo-mixto dissert. XXI.* MONTA-CVTIVS in *Apparatu* p. 180. sq. tum quoque



singularibus dissertationibus, IAC. ALTINGIUS *Heptad. VII. dissert. VII. Tom. V. Opp. p. 228.* PAULVS SLEVOGTVS *P. II. disputat. Academ. disp. XIV. p. 869.* GEORG. MÜLLERVS Wittebergæ An. 1672. PERINGERVS, Vpſaliæ An. 1694. LUNDIVS, Aboæ A. 1695. in 8. BALTH. RAITHIVS *de Profelytismo Judaico-Christiano, Tu-*

bingæ A. 1666. DANZIVS *de cura Judeorum in Profelytis faciendis; quæ inserta legitur in MEVSCHENII Nov. Testam. ex Talm. illustrato p. 649.* DASSOVIVS *in Hist. Hebræa MSC. P. III. cap. X.* IOH. HENR. OTHO *Lex. Rabbin. p. 491.*

AD

## LIB. I. CAPVT IV.

## DE REGIBVS.

Ad §. I. pag. 7.

**De triplici Regum specie]** Tria Regum genera enumerat Auctor, 1) Eorum, qui Regio & Sacerdotali munere simul sunt functi, ut Melchisedekus, de quo Paulus Hebr. VII, 1. ἄτος ὁ μελχισεδεκ, βασιλεὺς Σαλήμ, ἱερεὺς τῶ ὑψίστου. 2) Eorum, qui Regia & Prophetica dignitate claruerunt, ut David, de quo Act. II, 29. προφήτης ἐν ὑπαρχόντων, κατείδως ὅτι ὁρκω ὤμοσεν ὁ Θεός, κ. τ. λ. 3) Eorum, qui solummodo Reges, qualis Hiskias, Josias, & alii. Vbi tamen notamus, Davidem recte quidem Regem & Prophetam dici, minus autem commode, regio & Prophetico munere functum. Non enim officio publico, velut Samuel, Elias, Elisa; sed dono extraordinario Propheta erat, & vaticinabatur, unde ex Prophetarum censu eum excludi, non sumus passi *Introducť. ad lib. V. T. Part. III. cap. I. §. 25. n. d) p. 71. sq.* & Salomonem pariter suum in Prophetis rueri locum, evicimus *ibid. P. II. c. IV. §. 2. p. 162. sqq.*

Ad §. I. pag. cit.

(2) *Conjunctio sacri ordinis & fastigii civilis]* Ratio συζυγίας istius, *partim* Moralis est, ut Reges & Principes ita docerentur, utriusque tabulæ decalogi se esse custodes, legisque Divinæ descriptionem, lectionem, custodiam Deut. XVII.

fibi demandatam meminerint, seque nutricios Ecclesiæ & curatores religionis esse constitutos: *partim* Typica & Dogmatica, Christum adumbrans & Regem, & Sacerdotem, & Prophetam, quem quippe Melchisedek, & David, & Salomon referebant.

Ceterum, quando commoda de *Melchisedeko* agendi se nobis hic offert occasio, inquirendum est

a) in ejusdem Personam, quis ille fuerit? Bis enim tantum ejus, in toto Vet. Testamenti Codice, & satis quidem concise ac subobsceure inicitur mentio, Gen. XIV, 18, 19, 20. & Psal. CX, 4. hinc varie de eo senserunt doctores. In duas cumprimis classes, universum illud abit sententiarum divortium, aliis Deum, vel aliquid divini, creaturam aliis eum censentibus. *In priori classe* locum tenent 1) Hieracitæ, quorum sectæ auctor HIERAX, natione Aegyptius, vir eruditus, Græce & Aegyptiace in Hexaameron commentatus est, ac teste EPIPHANIO *har. LXVII.* Spiritum Sanctum esse Melchisedekum perhibuit, διὰ τὸ ἀΦωμοῖσθαι τῷ υἱῷ τῷ Θεῷ, eo quod assimilatus est Filio Dei. Fons erroris ipsi & asseculis fuit nimium Allegoriarum studium, quod propago essent ORIGENIS, ejusque secuti ductum, a litera ut plurimum discederent. Hic error, quod in libro anonymo esset recoctus, librum illum EVAGRIUS HIERONYMO misit refel-

refellendum, quem etiam HIERONYMVS *Epist.* 126. ad *Evagrium* diserte confutavit. Eundem porro propugnavit Auctor *Questionum Vet. & Nov. Test.* passim AVGVSTINO, sed perperam, tributarium: earum enim Scriptorem HYLARIVM SARDVM, Romanæ Ecclesiæ Diaconum, non abs re statuunt s. AVGVSTINI Opp. Editores. E recentioribus prolixè errorem istum propulsavit CLAVD. FRASSENIUS *Disquisit. Biblic. in Gen. XIV. p. 216. sq.* 2) Melchisedekiani, qui auctore THEODOTO quodam, juxta alios THOMA, argentario, orti, Melchisedekum crediderunt, non hominem, sed virtutem Dei esse, Christo ipso, Dei Filio, potentiorē, augustiorē & feliciorē, ad cujus imaginem & typum Christus ipse fuerit a Deo factus. Idem, apud EPIPHAN. *Heresi XXXV.* aliis LV ex Apocryphis libris, Melchisedeki patrem fecerunt Heraclam, matrem autem Astarten, sive Asteriam; diserte, & in os obloquentes Paulo, cui ille ἀπάτωρ audit, ἀμήτωρ, ἀγενεαλόγητος, Hebr. VII, 3. Quia vero Ἡρακλῆς Solem, Ἀστέρτη Lunam vel Tellurem notat, non inepte hinc conjicit GER. IO. VOSSIVS *de Idololatr. Lib. II. cap. 21. p. 208.* illos voluisse, Melchisedekum Sole, & Luna vel Tellure, parentibus esse natum. Sed Christo præstantior nulla cogitari potest virtus divina, cum Christus sit Deus magnus, super omnia benedictus in secula Tit. II, 13. Rom. IX, 5. portans omnia verbo virtutis suæ Hebr. I, 3. per quem omnia sunt condita, εἴτε θρόνοι, εἴτε κυριότητες, εἴτε ἀρχαί, εἴτε ἐξουσίαι Col. I, 16. 3) Olim jam, EPIPHANIO teste *Heresi LXVII.* nonnulli Melchisedekum tradiderunt, ipsum Dei Filium fuisse, qui eadem, qua deinceps inter mortales versatus est, forma indutus Abrahamo apparuerit; quæ sententia AMBROSIO quoque placuit *Lib. I. de Abrah. cap. 3.* Vnde liquet, ex quibus fontibus recentiores hanc sententiam hauserint. In his primo quidem PETRVS MOLINÆVS, cum in *Vate lib. IV. cap. II. sqq.* tum peculiari scripto Gallico de Melchisedeko, hunc verum fuisse hominem tradit, a Spiritu Christi motum, Filiumque Dei veri hominis corpus as-

summis, phantasia illius hominis tantisper obfessa, & a consuetis cogitationibus abducta. Huic secundas fecit PETRVS CVNAEVS, doctissimus JCus, *lib. III. de Republ. Hebr. cap. 3.* existimans, Christum ea corporis forma, quam postea homo factus in terris gessit, Abrahamo apparuisse, habitu & specie Regis & Sacerdotis, qui decimas ab eo acceperit, eique benedixerit, in præludium futuræ non modo incarnationis, sed præsertim Sacerdotii, quò fungeretur in cœlis exaltatus super throno suo, intercedendo pro electis suis, eisquæ affatim benedicendo. Quam sententiam licet operose profligaverit HEIDEGGERVS in *Histor. Patriarch. P. II. Exerc. II. §. 8. p. 45. sqq.* non modo tamen, adversus HEIDEGGERVM, asseruit ac propugnavit IAC. GAILLARDVS, peculiari tractatu *Melchisedekus, Christus, unus Rex justitiæ, Rex pacis*, verum etiam denuo amplexus est & peroravit IOHANNES D' OVTREIN, disertissimus apud Amstelodamenses V. D. M. tractatu Belgico. In posteriori classe, denuo in partes scinduntur interpretes, & quidem 1) ORIGENES prima in Genesin homilia, HIERONYMO *Epist.* 126. teste, eo prolapsus est, Melchisedekum ut Angelum dixerit. Secutus hic quoque est magistrum suum DIDYMVS, perpetuus ORIGENIS sectator. Ceterum in I. ORIGENIS in Genes. homilia, quæ hodie extat, nihil tale legi, recte monet SIXTVS SENENS. *Annot. 90.* VILLALPANDVS vero eam ORIGENIS homiliam e medio sublatam esse hariolatur, quod hæresibus referta tota fuerit. Absque ullo sane fundamento HIERONYMVS non asseruisset. 2) DIONYS. PETAVIVS *lib. I. de Opif. sex dierum cap. 4.* librum commemorat, *Epiphantias* nomine editum, de tribus Magis, Enocho, Melchisedeko, & Elia, in quo Melchisedek fingatur homo, non terreno, sed cœlesti constans corpore, prior Adamo, immo luce primigenia anterior. Cui opinioni refragantur argumenta omnia, quæ alias contra Præ-Adamitas, alio licet scopo ac fine, asseruntur. Ad quos proxime accedit 3) HENR. HVLSIVS, qui peculiari tractatu, cui titulus: *Melchisedekus, una*



cum parente ex tenebris emergens, & caput protollens, Lugd. Batavor. An. 1707. Melchisedecum tradit fuisse Henochum, qui tempore antediluviano vivus in cœlum beatorum fuerat translatus, tempore tamen postdiluviano denuo a Deo in terras sit missus, & tanquam Rex & Sacerdos habitaverit in civitate Salem, ut insignem præ se ferret typum Sacerdotii Christi, non laboriose in terris, sed gloriose in cœlis perfungendi super throno suo: quem *κατὰ νόδα* refutavit peculiari dissertatione de Melchisedeko non Henocho, IOH. D' OYTREIN, Amstelodami A. 1713. Alii 4) Semum, Noachi filium, post Chaldaicas IONATHANIS, & Hierosolymitanam, Paraphrases, cum LIRANO, TOSTATO, EVGVINO, CAIETANO, GENEBRARDO, TORNIELLO, VILLALPANDO, e Reformatis, cum PEVCERO, PELARGO, BRVGHTONO, & Nostris cum MELANCHTHONE & RVNGIO, statuunt. Trita isthæc est sententia, in quam Judæos cumprimis adduxit, quod hominem gentilem Abrahamo, auctori suæ gentis anteferri, probro & contumelia vacare non credebant. Verum, si Semus fuerit Melchisedek, non constabit ratio Apostolo, quando Melchisedekum sine patre dixit, sine matre, sine Genealogia. Generationis enim series, pater & majores Semi, sunt in confesso. Sed & hæc ipsa Pauli verba Hebr. VII, 6. *ὁ μὴ γενεαλογούμενος ἐξ αὐτῶν, cujus generatio non annumeratur iis*, liquido satis edocet, alienigenam eum, nec ex majoribus fuisse Hebræorum: quod in Semum non quadrat. 5) PÉTRVS IVRIEV in *Hist. Crit. dogmat. & cultuum*, P. I. cap. X. p. 67. sqq. vel inde, quod Chamo obtrigit Cananæa, Chamum sub Melchisedeko latere credidit. Nec enim aliter fieri posse existimat, quin Melchisedekus unus fuerit e filiis Noachi. Cum ergo Semus non fuerit, nec pro Japheto ulla probabilis militet ratio, nihil aliud superesse contendit, quam ut Chamus Melchisedek fuisse statuatur. Neve elogia Melchisedeki parum in Chamum quadrare videantur, hunc neutiquam tam improbum, ut vulgo creditur, sed Patriarcham potius sanctissimum fuisse, mul-

tis evincere satagit rationibus. Verum, nec inipacta Chamo maledictio patris Noachi, nec scelerata Chamitarum posteritas, & defectio a Deo, veraque religione, persuadent, tam sanctum fuisse Chamum. Nec vero est simile, Chamum in Cananæa sedem habuisse, sed in Aegypto potius regnum sibi constituisse atque firmasse, quæ ea propter in Scripturis *חַמֵּץ אֶרֶץ* terra Chamii Pl. CV, 23, 27. CVI, 22. eodemque sensu Psal. LXXVII, 51. dicitur Deus percussisse omne primogenitum *בְּחֶרְלִי* in tentoriis Chamii. 6) IOH. BRAVNIVS *Comm. in Hebr. VII*, 8. Melchisedekum, verum quidem hominem fuisse postdiluvianum, propugnat, sed qui in hac vita immortalitate donatus fuerit, ac tandem, post administratum aliquandiu, in civitate Salem, Sacerdotium & Regnum, vivus in cœlos sit translatus, velut Henoch & Helias. Eo cumprimis nititur fundamento, quod Apostolus Melchisedekum *c. l.* perhibet *μαρτυρούμενον, ὅτι ζῇ*. Hominem itaque fuisse, & tamen mortem non vidisse, cum inde constet, concludit, quod vivus in cœlum sit raptus. Verum, quando duo ista hominum exempla, a moriendi necessitate exemtorum, Scriptura diserte memorat, non sane tertium de Melchisedeko siluisset, si his duobus æternitatis candidatis suppar in eo fuisset. At enim vero, verba allegata vers. 8. id non evincunt: nam & omnes beati sunt *μαρτυρούμενοι, ὅτι ζῶσι*, cum Christus ipsis testimonium perhibeat Matth. XXII, 32. Nec aliud ullum suppetit BRAVNIO momentum, unde sua probet. Haud ita pridem 7) vir plur. rever. GOTTFR. KOHLREI-FIVS in *Chronolog. Sacr. cap. VI*. §. 10. p. 190. eundem statuit Melchisedekum cum Jobo, Rege simul & Sacerdote, holocausta pro filiis pariter ac amicis Job. I, 5, XLII, 8. faciente. Cui accedere, ut alia tacéam, temporum prohibet ratio, quæ Abrahamo sequiora longe eidem asseruimus, in *Introd. ad Libb. Bibl. V. T. P. II. cap. II*. §. 7. p. 44. sqq. 8) Nos itaque communiori ad stipulamur sententiæ, IOSEPHO jam *lib. VII. de bello Jud. cap. 8*. probatæ, quæ per Melchisedekum virum quendam intelligit primarium ex

Can-

Cananæorum gente, & posteris Noachi, sanctitate & iustitia præstantem, Regem Salemensẽ; non Hierosolymitanum quidem, neque ex Salem, sed urbis Salem, quæ forte posthæc deleta desuit esse, aut aliud subsequente tempore nata fuit nomen. Idem & Sacerdos fuit Dei altissimi, adeoque non veræ modo religioni addictus & pius, verum officio quoque sacerdotali inter suos defunctus. Reliqua Commentatoribus relinquimus explicanda. Addenda demum est *classis tertia* eorum, qui rem in medio relinquentes, hic etiam τὸ ἐπέχεν amplectuntur, ut POLYCARPVS LYSERVS, GESNERVS *Commentariis in Genesin*, BALDVINVS *Disp. VIII. in Epist. ad Hebr.* WALTHERVS *in Officin. Bibl.* & citati ATHOMA CRENIO *in Analectis Philol. Crit. Historicis* p. 30 Auctores, & recentissime BVDDVS *Hist. Eccl. V. T. P. I. p. 268.* Quibus cur nostrum non adjiciamus calculum, ratio est, quia ista de Melchisedeko doctrina, a Paulo Hebr. V. II. VI, 1. ad τελειότητα, perfectionem fidei Christianæ refertur. Ne ergo illa Hebræorum accusatio, quod sint adhuc infantes, propter ἰωθεότητα τῆς ἀνοῆς, in nos recumbat, quis & qualis ille fuerit, omnino est indagandum.

β) Evolverendus est Typus. Univerſa enim isthæc de Melchisedeko narratio, eum saltem in finem Codici Mosaico est inserta, ut commodam de Christo ἐμνησίαν subministraret. Hanc David concisus Ps. CX, 4. uberrime autem Paulus prævit Hebr. V, 6-10. & c. VII. toto, uterque Christum Sacerdotem celebrans, secundum ordinem Melchisedek. Luculentum ergo Salvatoris typum Melchisedekus præbet, ejus cum personam, tum vel maxime sacerdotium ἀπαρτίζον, & Levitico sublimius, longeque augustius adumbrans. Vbi tamen cave, Mosaico tribuas Melchisedeko, quæ Paulus proprie ac πρώτως non nisi de ἀντιτύπῳ affirmat; neque plura referas ad Melchisedeki historiam ac personam, quam quæ reperis apud Moſen. Quæ enim Paulus v. γ. λόγον δυσεμνήνευτον λέγειν, ac σεραὴν τροφὴν appellat, Hebr. V, II, 12. non tam in Melchisedeko sunt querenda, quam in Christo, sub illius

figura latente. Pariter μήτε ἀρχὴν ἡμερῶν, μήτε ζωῆς τέλος ἔχων, & ἱερεὺς μένων εἰς τὸ διηνεκές Hebr. VII, 3. non nisi Filius Dei κατὰ λόγον ἀληθείας est, Mosaicus vero Melchisedek κατὰ τι saltem, ac certo respectu. Longe enim perfectiori similitudine ἀφωμοιούμενος, seu expressus est in Filio Dei, quam quæ ipse eum retulit olim & figuravit. Quibus probe observatis, errorum fontes, qui MOLINÆO, CVNÆO, aliisque fraudi fuerunt, facile in oculos incurrent. Tertia tamen comparationis, quibus utrumque Paulus mutuo contendit, a nomine, a loco & sede, ab officio, ab utriusque muneris conjunctione, a Genealogiæ defectu, a duratione, a constitutione in officio, a benedictis dignitate, a benedictione, a decimis, a refectione per cibum & potum &c. applicare docuit IOH. BIERNANVS *in Moſe & Christo lib. I. cap. 3. p. 35.* edit. Belgicæ: quocum confer DANHAVERVM *in Idea boni interpret. & malitiosi calumniat. p. 240. sq.* ubi cum genuinam, tum spuriam, Melchisedeki cum Christo collationem typicam exhibet.

Plura qui de Melchisedeko cupit, præter laudatos doctores, adeat IOH. HENR. HOTTINGERVM *Ennead. Disp. VIII. tota p. 159. sqq.* SAM. MARESIVM *T. I. Dissert. select. p. 662. sqq.* Summe Rever. DEYLINGIVM *Observatt. Sacr. Tom. II. edit. recent. p. 73. sqq.* insignem Polyhistorum IOHAN. ALBERT. FABRICIVM *in Codice Pseudepigr. V. T. Tom. II. p. 329. sqq. & Tom. III. p. 72. sqq.* & quos, post hunc, enumerat Vener. IOH. CHRIST. WOLFIVS *Cur. Exeget. ad Hebr. VII, 1. p. 670. sq.*

Ad §. II. pag. 7.

(3) *Non omnes Reges uncti sunt*] De Regum unctione notamus

α) Subjectum. Etsi Regum unctio, ante Reges in populo Dei constitutos, nota jam esset, ut ex parabola Jothami liquet, de arboribus euntibus ad ungendum super se regem, Jud. IX, 8. 15. apud Principes tamen Israeliticos locum non



non invenit, nisi cum auspiciis regni. Primum omnium Saulem, hinc Davidem, Salomonem, Joasum, Jehoachasum, Judæ, & Jehu ac Hasaulem, Israelis Reges, legimus unctos. Vt frustra sit EPISCOPIVS, quando Reges, Principesque populi in unctione jungit Institut. Theol. Lib. III. cap. 2. nisi forte Synonyma cupiat esse vocabula. Nec tamen omnes ungebantur Reges, sed qui 1. primi e familia sua thronum conscendebant, ut Saul, David, Jehu. 2. Qui ob machinationes æmulorum periclitabantur, velut Salomon propter factionem Adoniæ, & Joasus propter Athalias, 2 Reg. XXIII, 30. & 2 Chron. XXXVI, 4. ut SCHICKARDVS de Jur. Reg. cap. I. Theor. 4. p. 77. ex MAIMONIDE confirmat, & adstipulatur ABARBENEL cap. IX. proluxa tractationis de unctione, quam Commentario in Exod. XXX. Sect. חשא f. 206. col. 3. sqq. inseruit, inde vero repetiit SIMEON DE MVIS, & una cum versione Latina, Variis sacris adjecit p. 49. sqq. Denuo ABARBENEL in Comment. in 1 Reg. I. fol. 195. col. b. sqq. de unctione Regum copiose ac XIII capitibus egit, ubi inter alia Davidem ter unctum observat: 1. a Samuele in ædibus paternis, 1 Sam. XVI, 13. 2. post mortem Saulis in Hebron, 2 Sam. II, 4. 3. interfecto Isobetho, 2 Sam. V, 3. quam trinam ejus unctionem factam contendit להיותה יסוד ושרש כל זרעו ut esset fundamentum, & radix, & principium omnium ejus posterorum. Erat enim regnum in familia ejus מלכות ירושה regnum hereditarium, unde citra unctionem, filii in locum parentum Regum succedebant, nisi cum de Regis mortui successore orta esset dissensio. Quam tamen Judæorum traditionem prolixè, nec levibus omnino argumentis, impugnât IOH. MARCKIVS Exercitat. IX. Textuali §. 3. p. 64. sq. quem vide. Ceterum FORTVNAT. SCACCHVS Sacror. Elæochrismat. Myrothecio III. cap. XLV. extremo p. 1035. sq. erudite observat, ab unctione ortum trahere denominationem, ut Reges quoque Messia, seu Christi nomine digni haberentur, quod ex 2 Sam. I, 14. ubi Saulem David את משיח יחיה Messiam Domini appellat,

nec non ex Jes. XLV, 1. probat: ita inquit Jehova למשיחו לכוּרשׁ uncto suo, Corefch. Quando vero addit, ob sacre unctionis excellentiam id fieri, fallitur, cum Cyrus nec sacri olei, nec unctionis sacre particeps, dicendus sit: etsi non nego, respectu typico ad Christum, unctum Domini, id nominis Regibus hæsisse.

β) Finem; quem geminum observat ABARBENEL: 1) ut esset אות הבחירה האלהית signum divina electionis. Vt epim res, vel persona, a Deo electa, distingueretur a rebus aliis, & a fratribus suis, ungi solebat; ut in Sacerdotibus videre est. 2) כרי להכין הנמשח לקבל השפעת האלהי ועל ידו אותה משיחה תרבה בו ut disponeretur illud unctum ad accipiendum influxum divinum, & per hanc ipsam unctionem propius ei adesset providentia celestis, quod exemplo Saulis 1 Sam. X, 6. 10. & Davidis 1 Sam. XVI, 13. probat. Addimus 3) respectum typicum, ut Christum ita referrent & adumbrarent, unctum in monte Zion Regem Ps. II, 6. XLV, 2. 8.

γ) Materiam; circa quam gravis agitur quaestio: num שמן המשחה oleum unctionis Regiæ idem fuerit, cum oleo sacro, Numinis jussu, arte pigmentaria, ex quatuor aromatum speciebus confectio, Exod. XXX, 23. an diversum ab illo שמן אפרסמון oleum naturale, quale solum terræ sanctæ, maxime Jerichunti, proferebat? De priori oleo, ejusque confectio, præstantia, duratione, & miraculis, post SCHICKARDVM cit. loc. p. 63. & auctores a CARPZOVIO illuc citatos, copiose & cum cura SCACCHVS egit, Myrothec. II. cap. VII. sqq. p. 322. cui junge MARCKIVM Exerc. IV. Text. §. 5. 6. p. 17. sqq. Posterioris notionem DAV. DE POMIS in צמח דוד exponit בלסמנו balsamum, & fusius BVXTORF. Lex. Chald. & Talm. h. v. p. 199. Quo autem uncti sint Reges, ambigue disceptatur. Judæi ex traditione majorum, Davidi soli, ejusque posteris, oleum sacrum largiuntur, Sauli & Regibus Israelis oleum balsami: nisi quod ABARBENEL, Saulem pariter olei sacri participem reddat, להיות משיחתו ישרה ומלכותו נכונה חטא

וְלֹא הָיָה חֶסֶד לָאֱלֹהִים עַד שֶׁיִּרְדּוּ לָאֱלֹהִים *quod unctio ejus esset legitima, & regnum ejus stabile ipsi & semini ejus in æternum fuisset, si non peccasset.* E Christianis TOSTATVS ABVLENSIS ad I Reg. X. *quest. i. extrema*, in suspenso hæret, & fluctuat, tandemque pronunciat, in Republica Hebræorum, nulla habita ratione olei, interdum oleo sacro, ejusdem generis cum illo, quo Sacerdotes initabantur, interdum profano communicque Reges oleo inunctos fuisse. SCHICKARDVS aliud, præter sacrum, adhibitum hic oleum ignorat. SCACCHVS, postquam Myroth. III. cap. XLVI. sententiam eorum recensuerat, qui oleo communi Reges Israelitas inauguratos fuisse tradunt, rursusque cap. XLVII. eorum, qui pro sacro consecrationis oleo dimicant; ipse tandem cap. XLVIII. ita definit, oleo sancto alterius generis ab oleo consecrationis sacerdotum, Reges populi Dei inauguratos fuisse: argumento sumpto a vase, & a loco, in quo vas servabatur, nec non a nomine Sancti, eidem oleo a sacris oraculis adscripto. Denique MARCKIVS cit. loc. §. 4. p. 66. sqq. compositum illud consecrationis oleum Regibus adhibitum omnino negat, quia illud, nec Exod. XXX, 25. sqq. Regibus destinatum, nec ubicunque de Regum unctione agitur, usurpatum legitur, immo vero potius, sub pœna excidii, *עַל יָדוֹ super extraneum*, qui ad familiam Aaronicam sacerdotalem non spectat, fundi aut poni, vers. 32. 33. diserte prohibetur. Diluit præterea palmaria affirmantium argumenta, quod Pl. LXXXIX, 21. Davidi oleum sanctitatis Dei tribuatur; ad ungendum Salomonem Zadok cornu olei ex tabernaculo arcessisse legatur 1 Reg. I, 39; & Joas in templo unctus perhibeatur, 2 Reg. XI, 12. Ad primum regerit, elogium sanctitatis in quodvis quadrare oleum, divino jussu a Propheta usurpatum, ad beneficium præsens conferendum, & futurum in Messia adumbrandum: prout sancti merito dicuntur Reges, etiamsi pari modo, & ad paria officia cum Sacerdotibus non essent segregati. Ad medium, non præcisè tabernaculum fœderis intelligi, sed aliud quod-

cunque, nec oleum sacerdotale, sed quod alias, ad inungendum caput honoratorum in convivio Psal. XXIII, 5. Luc. VII, 46. in cornu servabatur, indicari. Ad ultimum, locum non statim evincere, Mosaico Joasum oleo fuisse delibutum, sed balsaminum in conclavibus & cœnaculis templi præsto esse, vel eo deferri, facile potuisse. Vnde concludit, oleum in Regibus adhibitum quidem pretiosum fuisse, sed tamen commune, & varium forte nonnunquam, pro locorum varietate. In qua sententia nos quoque acquiescimus, pro præstantissimo balsamino calculum ferentes, quod tamen solenni consecratum non esset ritu. Referri huc posset oleum coelitus allatum, quo Reges Gallia, inde a Clodovei & S. Remigii tempore, ad nostram ætatem inungi perhibent: de quo ex instituto, post IOH. IAC. CHIFLETIVM *Disqu. de ampulla Remensi*, legi poterit IOH. CHRIST. BECMANNVS in *Notitia dignitat. illustr. Disp. IV. cap. II. §. 4. p. 93. sqq.*

Ad §. III. pag. 7.

(4) *Lenticula, sive vase unguentario*] Pergit Auctor ad δ) Instrumentum unctionis, quod geminum memoratur, vel קַרְנָא cornu, 1 Sam. XVI, 13. 1 Reg. I, 29. vel לֵנְטִילָא lenticula, 1 Sam. X, 1. 2 Reg. IX, 1, 3. & circa quod in partes discedunt doctores. Alii, cum SCHICKARDO p. 68. utroque vocabulo, unum idemque notari vasculum unguentarium censent, quod a materia קַרְנָא cornu dicatur, a forma vero לֵנְטִילָא lenticula. Alii diversa constituunt vasa, formæ discrimine invicem segregata, cum cornu figuram cornu præ se ferret, sive ex auro, argento aut metallo, sive ex alabastro aut vitro confectum, essetque capacius & majus; lenticula vero vas minusculum, unguentis servandis aptum, atque olim ab hominibus elegantioribus in mar-supio circumgestari solitum. Quo tendit ex parte ABVLENSIS, lenticulam auream vel argenteam fuisse censens, quod idem tamen aliquando cornu appellatur, quod aliquam cornu simili-



similitudinem haberet, essetque velut guttus recurvus, in 1 Reg. X, 2. f. 292. Pariter b. CARPZOVIVS Not. ad Schickardi loc. cit. vasa illa ratione molis diversa fuisse statuit, aliud, e quo in ipso unctionis actu in Regis caput effusum est oleum; aliud, in quo tota olei massa in tabernaculo asservabatur, e quo illi, quantum ad unam unctionem sufficiebat, fuit inditum. Pondus enim hujus, quod totam massam comprehendebat, dimidii minimum centenarii aequabat. FORTVNATVS SCACCHVS Myrothec. I. cap. XII. f. 63. sq. rursusque cap. XLV. p. 231. lenticulam a forma & nomine lentis appellatam, cujuscunque fuisse censet materiae, quam veteres Philosophi, Principes, & Prophetæ, ob creberrimum balsami vel olei usum, secum deferre consueverint: cornu vero cap. XLVIII. p. 243. sqq. vas amplius, asservandis oleis, & vendendis, olim in usu; quod ex profanis quoque Scripturibus illustrat. Denique Auctor, ex mente Hebræorum, utriusque vasis distinctionem & a mole arcessit, & a fine, sive mystica significatione, quod exiguo vasculo uncti brevitatem imperii sui hinc intelligerent, capaciorem autem, nempe cornu, longius duraturum sibi pollicerentur regnum. ABARBENEL ad 1 Sam. XVI, 1. cornu inter cetera vasa olei sacri, in tentorio conventus repositum & asservatum contendit: quod tamen parum quadrat ad illum locum, ubi Samuel suum ipsius cornu implere jubetur oleo, ad inungendum Davidem. Hoc ex alatis satis liquet, utrumque vas unguentarium diversum fuisse, sive mole differret, sive figura: quæ autem utriusque fuerit ratio, tacente Scriptura, nostrum non est definire. Addimus

ε) Locum unctionis, quem ABARBENEL cit. loc. ad cap. XXX. Exod. toto cap. XI. ex Magistorum sententia, juxta fontem constituit, quod David 1 Reg. I, 33. caute præcipiat, ut Salomonem filium ad fontem Gichon ungerent, inde cum pompa in civitatem regiam deducendum: idque boni ominis causa observatum tradit, כִּרְן הַמֶּשֶׁךְ מִלְּכֹרֶת, ut instar perennantis

scaturiginis prolatetur regnum eorum. Idem repetit SCHICKARDVS p. 72. ad quem de fonte Gichon prolixè commentatur CARPZOVIVS. Idem tamen semper obtinuisse, reclamatione Scriptura. Saul in exitu urbis Ramah, 1 Sam. IX, 27. X, 1. & David in Bethlehem primum 1 Sam. XVI, 4. in laribus paternis, rursusque in Hebron 2 Sam. II, 1, 4. ungebatur. In quibus diluendis exemplis infeliciter defudat ABARBENEL, & laterem lavat. Adde Joasum, unctum in templo, 2 Chron. XXIII, 11. Vnde hanc quoque traditionem recte proscribit MARCVVS cit. loc. §. 7. p. 71. sq.

ζ) Ministrum unctionis, ABARBENEL cit. loc. Exod. cap. X. toto, ut & Comm. ad 1 Sam. XVI, 1. לֹא אֵלֶּה נָבִיא non alium fuisse permittit, quam Prophetam, idque præter exempla, Moïsi sacerdotes, Samuelis Saulem & Davidem, Nathanis Salomonem, Jonæ filii Amathi Jehu, inungentium, ex Jerem. XXIII, 18. probat, quia unctio signum sit electionis divinæ, quam præter Prophetam, scire & edisserere nemo potuerit: quis enim affuit in consilio Domini? & vidit, & audivit sermonem ejus? Rursum in Præfat. ad librum Judic. Comment. in Proph. priores fol. 39. col. 4. ad quæstionem: מִי יִמְשֹׁחַ הוּא נָבִיא לְכֹרֶת quis unxerit? absolute responderet: הוּא נָבִיא לְכֹרֶת כי אין כוהן גורל ואדם אחר יוכר למשוח Propheta tantum, quia neque Pontifex Maximus, neque homo quisquam alius poterat ungere Regem, nisi Propheta. Fallit autem & fallitur DON ISAAC, cum Salomonis unctio a Zadoko Pontifice 1 Reg. I, 39. Joasi vero diserte a Jojada Pontifice & filiis ejus, sacerdotibus 2 Chron. XXIII, 11. peracta legatur. De priori quidem SCHICKARDVS p. 73. affirmat: ungebant eum bini simul, Zadok Pontifex, & Propheta Nathan vers. 34. quorum alterum affudisse oleum, alterum inunxisse, verisimile est. Sed verisimilitudo ista præter Scripturam fingitur, & rectius b. CARPZOV. in Not. Sacerdotem, quasi ordinarium unctionis ministrum, Prophetam autem, ut testem divinæ revelationis & promissionis, de Salomone in regnum successuro,

furo, adfuisse contendit. Nec vel a Sacerdotum officio alienum erat, divinam promere & promulgare voluntatem, cujus quippe interpretes erant, vel, ubi de Rege divinitus electo alias jam constabat, quicquam prohibebat, quo minus Sacerdotes ungendi defungerentur officio: ut nunc Prophetæ, nunc Sacerdotis ministerio, Deus pro liberrima & sapientissima voluntate sua, usus videatur. Pergimus ad unctionis

η) Modum ac formam. De qua, ex sua Magistorumque sententia, tribus capitibus distincte egit ABARBENEL *cit. Tract. ad Exod. XXX. cap. IV.* causam scrutatus, propter quam Sacerdotum & Regum unctio in capite perageretur, vasorum autem sanctuarii, in quavis sui parte? *cap. V.* testatus, quod Sacerdotibus & Regibus necessaria fuerit cum effusio, tum inunctio, vasis autem sacris sola suffecerit inunctio: & *cap. VI.* perhibens, quod Reges in formam coronæ, Sacerdotes in modum literæ Caph, vel Græcæ Χ, aut Κ, unctionem perceperint. *Prima questio* facili negotio expeditur, si consideremus, principem in membris corporis humani locum caput tenere, להיות הראש מקום החכמה והתבונה ומקור המעלה היה ראוי שימשחו הכהנים מורי התורה והמלכים מנהיגי העם על ראשם *quoniam caput sapientie atque intelligentie sedes est, fonsque dignitatis, par erat, Sacerdotes, qui legis sunt doctores, Regesque, qui populi ductores, ungi in capite.* At vasa sanctuarii æqualibus constant partibus, ut perinde esset, quacunque sui parte oleo tingerentur sacro. *Circa medium*, distinguunt Judæi inter effusionem olei e vase, in caput candidati, & inter משיחה subsequutam inunctionem, quando ex effuso oleo, certam digito describebant figuram, in fronte ungendi. Jam cum ex duplici ratione hominibus adhiberetur unctio, 1) ליהר הנמשח לגבוה & addicendum Deo eum, qui ungitur, 2) להכניס לקבורה השבע האלהי ad disponendum eum, quo accipere posset influxum divinum; qui in Sacerdote Summo erat, קרש רוח עליו בחול

ut insiliret in eum Spiritus Sanctus; in Rege vero בהצלחה מעשיו ut prospere ac feliciter rem ageret: inde concludit ABARBENEL, gemina quoque in ungendis illis opus fuisse actione. Contra vero ea, in vasorum consecratione, unum solum unctionis obtinuisse scopum, nimirum ההבדלה separationem eorum ab usibus profanis, והיתוך & additionem ad usus sacros, hinc unam ipsis suffecisse ungendi actionem, Quæ futilis discriminis ratio facile exploditur; maxime cum valido nullo demonstrari possit argumento, inungendi ritum ab effusione revera diversum, & utrique locum fuisse in hominum inauguratione. Infusum, in caput Regum, oleum memoratur 1 Sam. X, 1. 2 Reg. IX, 3, 6; pariter in verticem Pontificis, idque in abundanti copia, ex Psal. CXXXIII, 2, colligitur: distinctam autem, post effusionem, nullibi legimus inunctionem, digito factam. Quin potius Scriptura, infusionem olei & unctionem promiscue usurpat, modo hanc ponens, modo illam, immo disertè effusionem olei Genes. XXVIII, 18. per unctionem exponit c. XXXI, 13. nunquam autem utramque jungit, ut satis inde intelligatur, in Sacris literis paria facere utramque, nec geminam inde cerimoniam, in unctionis ritu, posse exculpi. *Circa tertium* denique in fumos abit, quicquid de figura coronæ, vel in capite simpliciter, vel inter oculorum palpebras in fronte Regum, oleo ducta; rursumque de figura יונית יוֹנִית Græci, vel כ Hebræi, hoc est, crucis Andreanæ Χ, inter supercilia Sacerdotum effigiata, prolixè cum suis tricatur ABARBENEL: ut mirari subeat, qua fiducia, commento isti Judaico, dum viri doctissimi, SELDENVS de Success. in Pontific. lib. II. cap. IX. p. 242. sqq. & SCHICKARDVS *cit. loc. p. 75.* & ipsi subscribere, & fideni apud alios, auctoritate sua, conciliare potuerint. Quicquid est istius fabulæ, non alio suffulcire tibicine noverat ABARBENEL, quam שקבלו ח"ל מן הנביאים שראו המשיח והם כעיניהם *quod ipsi pie memorie Sapientes acceperint a Prophetis, qui hujusmodi unctio-*



nem oculis suis conspexerunt. Cujus furfuris traditiones quam sublesta sint fidei, nemini non constat, maxime cum sub templo secundo sacrum illud oleum inter desiderata referretur, nec nisi stante templo priore, Sacerdotum unctio locum haberet; ut & insignem tot saeculorum aetatem ista ferret traditio, & sicco tamen pede in Scriptura prætereatur. Quando vero Lev. XXI, 12. de Pontifice affirmatur, *כי נזר שמן משחת אלהיו עליו* quod *corona olei unctionis Dei ejus super eo*, non de figura unctionis capiendum hoc est, quod perperam inde colligit SCHICKARDVS, etiam Pontificibus coronæ formam fuisse inunctam suspicatus, priusquam Reges haberent, sed de Pontificis, ex reliqua hominum, quin & Sacerdotum turba, segregatione & exemptione, cujus oleum sacrum erat symbolum, quo sensu Joseph etiam *נזיר אחיו* separatus fratrum suorum, Genes. XLIX, 26. Deuter. XXXII, 16. audit. Quamquam malint alii de aurea illa lamina, cui sanctitas Domini ad frontem ejus inscripta legebatur, accipere, quæ æque נזר appellatur Exod. XXIX, 6. XXXIX, 30. Sed ista notio, licet pariter a segregatione Pontificis ortum trahat, verborum tamen interpretationem asperam reddit & hiulcam. Confer POLI *Synopsin in b. l.* Adjiciamus tandem

9) Typicam Christi adumbrationem, Regis immensis Spiritus Sancti donis uncti, Psalm. XLV, 8. Actor. X, 38. quam obiter jam supra tetigimus, & e qua celebre משיח Mesiæ nomen, ὁ ἐς τὴν μεθ' ἐμὲ μενεσόμενος, ὁ Χριστός, Joh. I, 42. promanavit. Spectat huc insignis locus IUSTINI MARTYRIS in *Dialogo cum Tryphone Judeo* pag. 261. edit. Sam. Jebb, Londin. οἱ βασιλεῖς πάντες καὶ οἱ χριστοὶ, ἀπὸ τῶν μετέσχον, καὶ βασιλεῖς καλεῖσθαι καὶ χριστοὶ ὃν τρόπον καὶ αὐτὸς ἀπὸ τῶ πατρὸς ἔλαβε, τὸ βασιλεὺς, καὶ χριστός, καὶ ἱερεὺς, καὶ ἀγγελος, καὶ ὅσα ἄλλα τοιαῦτα ἔχει; ἢ ἔσχε. Reges omnes & uncti, huic accepto tulerunt, quod & Reges & uncti vocitati sint: quemadmodum & Ipse a Patre accepit, quod Rex, Christus, & Sa-

cerdos, & Angelus sit dictus, & quæcunque ejusmodi alia habet, aut habuit nomina.

Ad §. IV. pag. 8.

(5) *Quemadmodum corona*. Pergit Auctor ad cetera Regum Israeliticorum insignia, & in his numerat

A. Coronam: de qua cum admodum parci sint Rabbinii, potiora, quæ huc spectant, congegit laudatus CARPZOV. ad Schickard. *Jus Reg. cap. I. Theor. 4. p. 60.* & 1) coronatos fuisse Reges populi Dei, ex Psalm. XXI, 4. LXXXIX, 40. Jerem. XIII, 18. 2 Sam. I, 10. 2 Reg. XI, 12. 2 Chron. XXIII, 11. probat: 2) de Herode ex IOSIPPO refert, quomodo supplex Augusto Cæsari factus, coronam deposuerit, jussuque Imperatoris receperit in caput suum: 3) fabulam promit Rabbinicam ex Gemara *Mass. Avoda Sara fol. 44. col. 1.* & *Mass. Sanhedrin fol. 21. col. 1.* secundum quam hoc signum fuerit domui Davidis, ut omni ad regnum apto, corona pulchre congrueret, omni vero, qui regno indignus esset, non congrueret: quod exemplo Adoniæ 1 Reg. I, 5. illustratur, cui plane non congruerit corona regni. Quo referendum quoque 4) quod SCHICKARDVS *cap. VI. Theor. 19. p. 421.* monet, coronam cum Rege mortuo consepeliri consuevisse: & quæ 5) Judæi passim, de triplici corona gloriantur, כתר הורה corona Legis, כתר כהונה corona Sacerdotii, & כתר מלכות corona Regni, quas tamen omnes superet שם טוב corona boni nominis, de quibus SCHICKARDVS & ad eum CARPZOVIVS testimonia, & observatu digna copiose congeisserunt *pag. 2. sq. & pag. 224. sq.* quibus adde Hieroglyphicum trium; quatuorve coronarum istarum, æri inscriptum, quod magnus WAGENSEILIVS exhibet in *Sota p. 967.* Confer etiam, qui de coronis ex instituto egerunt, PASCHALIVM, MEVRIVM, MADERVM. Singularis hic est IOH. HIERON. SOPRANES, Lojolita Genuensis, quando sub- juncta Commentario in Davidem, *digress. I. de*

*re vestiaria Jadeorum, cap. V. §. 2. p. 450.* Hebræorum Regibus coronam fuisse aliam, quam diadema negat. Hoc enim, postquam lineam fuisse fasciam candidam, capiti circumligatam, scite probasset, ornamentum illius rationem addit: quia Reges olim, inauguratione sua, pretioso oleo circa tempora inungebantur, & sic inuncti & quasi sacrati, linteolo tempora delibuta velabant, & in eo habitu primum in conspectu populi prodibant: inde factum, ut fascia circa tempora, insigne Regis haberetur, ut inuncti, & ad sceptrum sacrati. Processu vero temporis, opere Phrygio variata, gemmisque distincta, non solum ad inunctionem velandam, sed ad ornatum conferendum, cœpta est usurpari. Paucis interjectis pergit: Quare dubium non est, Hebræorum Regibus aliam coronam regni insigne non fuisse, quam diadema, sic explicatum: quod satis illa confirmant, quæ supra docuimus, in Sacris literis vittas omnes capiti circumdatis, coronas appellari. Quam autem perperam ille coronas Regum in diademata commutet, vel una regis Ammonitarum corona, Davidi imposita, 2 Sam. XII, 30. satis edocet: & Ezech. XXI, 31. iuncta המצנפת *cidaris*. הַעֲטִירָה *coronæ*, eidemque contradistincta, quæ utraque regi Zedekie cum opprobrio auferenda prædicitur, commentum illud satis convellit. מצנפת enim diadema, five fasciam, XVI cubitos longam, ex subtilissima & albissima bysso, circa caput per varias plicaturas in orbem convolutam, notare, IOH. BRAVNIUS lib. II. de vestitu Sacerdot. Hebr. cap. III. p. 518. & cap. XXI. p. 794. ad oculum demonstravit. Vtrumque sane, & תִּירָה *tiaram*, & super tiara, כֶּתֶר המלכות *regiam coronam*, Regibus Hebræis, ex Chronico templi secundi, GILBERT. GAVLMINVS, notarum ad librum II. de vita & obitu Moysi cap. VI. p. 317. tribuit. Obiter hic quoque notamus, quod EUTYCHIVS ALEXANDRINVS Annal. Tom. I. p. 63. edit. Pocock. refert, Nimrodum primum omnium coronam, cuius figuram e nube didicerat in cælo, capiti suo imposuisse; unde factum, ut homines, coronam ipsi e cælo delapsam esse, dicerent. Idem quoque p. 507.

perhibet, cum Constantinopoli plebs universa, ad eligendum Imperatorem, in templum confluxisset, evenisse, ut finitis sacris, avis magna, ore suo coronam ex luce tenens, Theodosii M. capiti illam imponeret, quo augurio rerum ille potitus sit. Denique hic observare juvat discrimen, quod in Aula Constantinopolitana olim inter σέμματα obtinebat, & inter σεφάνυς. Nam Imperatorum & Augustarum coronas, σέμματα vocabant, ceterorum vero, quibus jus etiam erat coronæ, licet infra dignitatem essent imperatoriam, σεφάνυς: quod latius probat & illustrat CAROL. DV FRESNE Glossar. Græco fol. 1442. Sed hæc ὡς ἐν παρόδῳ.

Ad §. IV. pag. cit.

(6) Sceptrum] Est hoc B. insigne Regum Hebræorum, a Rabbinis alto pressum silentio, nisi quod laudatus modo GAVLMINVS שֵׁרָבִיט המלכות *sceptrum regni*, fide citati Chronici, eis largiatur. Non autem dubium est, inquit b. CARPZOVIVS supra cit. loc. p. 61. sq. quin traditum simul in coronatione sit sceptrum, non postremum regie potestatis insigne. Expendantur loca Gen. XLIX, 10. Num. XXIV, 17. Pf. XLV, 7. Ezech. XIX, 10. lqq. & conferantur, quæ de sceptro regio, quod Herodis mortui dexteræ inditum fuit, ex IOSIPPO paulo ante notavimus. Denuo SOPRANES, priscae simplicitatis tenacissimus, ex sceptro baculum aut virgam, & tantum non pedum pastorale exsculpi, auctoritate SVIDAE voce σκήπτρον, unde illud a Davide Pf. XCIV. (nobis XLV, 7.) *virga regni* vocetur; de qua, quomodo Hebræis Regibus in usu fuerit, in Comment. ad I Reg. XIV. se exposuisse refert, qui mihi nunc non est ad manus. Notatu autem digna sunt, quæ de varia regii sceptri apud diversas gentes figura, erudite congescit ALEXANDER AB ALEXANDRO lib. I. dier. genialium cap. XXVIII. extremo, ubi ita commentatur: De regali autem sceptro illud memorie proditum est, externorum Regum sceptra in summo ciconiam, in imo hippopotamum habere effectum:



effectum: quo argumento Regem justitiæ obsequi oportere, atque feritatem & indomitas libidines, ne ira deserviat, emollire significabant: quod ciconia summæ pietatis, hippopotamus violentissimum animal foret. Lydiæ vero reges sceptri loco securim habuisse feruntur, sicut Labradeus Jupiter in Caria, pro sceptro & fulmine, securim ferebat. Romanis vero regibus, lituus cuspide incurva, qui etiam virga auguralis erat, sceptri loco est habitus. Tarquinio Prisco sceptrum fuit eburneum, in summo aquilæ figuram habens, & corona aurea, quam usque ad extremum tulit. Indis autem, nisi ex ebено, sceptra sumere non licebat. Quorum reges cum jura dabant, aut externos legatos admittebant, tunc capillum pectere, atque ornari solebant eximie. Babylonii vero tanto studio sceptra prosequuti sunt, ut extra domum sine sceptro prodire, aut conspici nefas ducerent: in quibus diversas effectas species figurasque habebant, quippe mali, rosæ vel lilii, aut aquilæ, alteriusve avis in summo insignia ferebant. Quibus singulis, citatis veterum Scriptorum testimoniis, fidem conciliat in Annotation. ad h. l. ANDREAS TIRAQVELLVS. Sceptri autem regii latissimum & antiquissimum usum exemplis declaravit DORSCHVS in Parallelis Monasticis & Academ. p. 3-10. Quocum confer, quæ de sceptro habet MARTINVS DE RÔA Singular. S. Script. Tom. I. lib. II. cap. 5. p. 121. sqq.

Ad §. IV. pag. 8.

(7) *Thronus*] Jure suo C. Thronus etiam inter majestatis habebatur symbola, qualem e Regibus Hebræorum primus Salomo, exquisita arte, maximis sumptibus, parasse sibi legitur, 1 Reg. X, 18. 2 Chron. IX, 17. de quo, post PINEDAM lib. VI. de rebus Salomon. cap. VII. & VIII. f. 581. sqq. uberrime, ex Judæorum mente, commentati sunt SCHICKARDVS c. l. c. IV. theor. XIV. & ad eum CARPZOV. in Notis p. 243. sqq. quorum expilare scrinia, animus non est. PINEDAE vero præterire errorem nolo, qui lib. II. cap. XI. p. 104. b. illud peculiare regno &

throno Salomonis fuisse, contendit, ut Regnum & Thronus Dei diceretur, quod in illius regni sede & throno, olim Deus ipso sessurus esset: typum cum antitypo temere confundens.

Ad §. eund. pag. eand.

(8) *Habitus corporis*] Pertinebat quoque ad regium ornatum D. Vestitus splendidior, de cujus forma & modo ita habet SOFRANES p. 451. a. Regum insigne fuit vestis exundans, & sinuose fluens, apud omnes gentes. Et id ob non aliud, quam ut ex ipso habitu statim appareret, ipsos non esse ad ullum exterius opus, & mechanicum destinatos; nec ad aliquid exequendum, sed ad imperandum. Quod vereor, ut de omnibus gentibus affirmari queat, cum Phœnicibus, Syris, & Cilicibus regibus, chlamydem indumentum fuisse, Jubam autem regem sagulo usum purpureo, observet ALEXANDER AB ALEXANDRO lib. V. dier. genial. cap. XVIII. Cleomenes quoque, cum tamen Rex dici simul & haberi vellet, brevi tunica amictus, a PLUTARCHO describatur. Recte vero habent ea, quæ de purpura, a Regibus gestari solita, tradit Auctor, eaque ALEXANDER AB ALEX. loco mox allegato evidenter demonstrat. Hinc Regum purpuram, VIRGILIUS Georg. lib. II. v. 495. ipsosque Reges purpureos, CLAUDIANVS canit lib. II. de raptu Proserp. v. 300. De purpura vero, qui plura cupit, evolvat PLINIUM lib. IX. Hist. nat. cap. XXXVI--XL. & qui PLINIUM hic loci emendat, & varia purpuræ genera curate recenset, OCTAVIUM FERRARIUM de re vestiaria L. II. cap. 7. p. 147. porro LUDOVIC. CABELIUM RHODIGINUM Lectio. Antiqu. Lib. VII. cap. XI. ac universæ antiquitatis promum condum, CLAUD. SALMASIUM Plinian. Exercit. in Solinum p. 806. sqq. 912. sq. 936. &c.

Ad §. cit. pag. cit.

(9) *Albates & Obscuros*] Idem, quod Auctor, sed plenius observavit DAN. HEINSIUS in Exerc.

*Exerc. Sacr. ad Luc. XXIII, II. Vestis alba, in-*  
*quiens, sive candida, præterquam quod eorum,*  
*apud Hebræos quoque esset, qui חורים h. e. pri-*  
*mores dicebantur, non minus innocentiam notabat.*  
*Adeo ut sapientes dicerent, verecundum neminem*  
*ac probum esse לבנים לבנים nisi alba*  
*ejus vestes essent.* Quocum confer. LVD. DE  
 DIEV, qui ad eund. loc. scribit: εσθης λευκὰς  
 vestis candida divitum ac nobilium, opponitur τῇ  
 ρυπαρᾷ sordidæ, pauperum & abjectorum Jac.  
 II, 2. Olim enim Nobiles candidis vestibus induti  
 ibant, ac inde חורים candidi, a חור candidum  
 esse, dicebantur. Facit huc præ ceteris senten-  
 tia Salomonis Coh. X, 17. o te beatam regionem,  
 שְׁמֵרָא בֶן־חֹרִים cuius rex est filius Nobilium:  
 Vbi diligentissimus & acutus interpretes GEIERVS  
 Comm. in h. l. vim vocis solertissime excussit: no-  
 men חורים inquit, designat optimates, regimini  
 alicujus urbis vel ditionis præfectos, ceu I Reg.  
 XXI, 8, II. Neb. II, 16. IV, 14. V, 7. VI, 17. VII, 5.  
 XIII, 17. de optimatibus, Israël e captivitate re-  
 duci præfectis: sic de principibus aliis Jef. XXXIV,  
 12. & de nobilibus Judæ, Jer. XXVII, 19. &  
 XXXIX, 6. Descendit autem a Rad. חור, unde  
 & חור candidum, ac proin significat viros, alba  
 splendidave veste, auctoritatis causa incedentes, vel  
 alioquin sapientiæ virtutumque nomine maxime in-  
 signes, claros, aut præ aliis illustres. Albus enim  
 color præ ceteris, plurimum habet lucis, quare Ro-  
 manorum quoque Candidati, qui honores petebant  
 in Comitibus, civesque alii honoratiores, utebantur  
 vestitu candido. Cumprimis vero PINEDA  
 Comment. in Coh. IX, 8. postquam album vestitum  
 a candido distinxerat, & arte fullonica vestibus  
 inductum docuerat candorem, tali habitu in læ-  
 titia, in sacris, & in convivii usus fuisse Vete-  
 res, erudite demonstrat. Eo tamen magis mi-  
 raberis, quod STYCKIVS lib. II. Antiqu. Conviv.  
 cap. XXVI. f. 235. probat, vestes albas Argis, Græ-  
 cis, Japoniis, aliisque, tempore luctus, in usu  
 fuisse. Sed in sceminarum luctu albas cumpri-  
 mis obtinuisse IOH. HIERON. SOPRANES supra  
 cit. edocet cap. VII. §. 2. p. 542. Si Sacras con-  
 sulamus literas, ad Regium ornatum spectasse

vestes albas, & majestatis symbolum fuisse, li-  
 quido apparet. Mardochæus regio habitu ho-  
 norandus, albis indutus legitur, Esther. VIII, 15.  
 Et ipse Deus, propter majestatis suæ splendor-  
 em & gloriam, luce vestitus dicitur, tanquam  
 vestimento Ps. CIV, 2; quin & frequenter albis  
 vestibus amictus, apparuit in nubibus, & in so-  
 lio suo Dan. VII, 9. Apoc. III, 18. & XIX, 14.  
 Christus etiam, in splendida coram discipulis  
 transfiguratione, album se exhibuit Matth.  
 XVII, 2. Luc. IX, 29. ut gloriam suam & maje-  
 statem divinam manifestaret. Ceterum, cum-  
 primis huc faciet CHRISTI. FRANCISCI PAVLI-  
 LINI de candore liber singularis A. 1703. editus,  
 cujus Sect. II. sacrum candidarum vestium usum,  
 in baptizatis, sacerdotibus, sacrificiis, precanti-  
 bus &c. Sect. III. usum politicum, Regum, no-  
 bilium, senatorum, gratulantium, honores am-  
 bientium, lugentium, senum, nec non nuptia-  
 lem, convivalem, & natalitium, prolixè exponit.  
 De baptisimi luce & candore, albarumque solen-  
 nitate, vide IOH. FILESACVM Selector. lib. I.  
 cap. III. p. 35. sqq. ubi simul p. 40. erudita di-  
 gressionem, de Candidatis militiæ, agit. Vicissim  
 nigrum colorem apud Hebræos, lugentium, eo-  
 rumque, qui in tristitia versantur, adeo fuisse  
 proprium observat SOPRANES p. 541, ut in Scri-  
 ptura, quæcunque nigrescunt, lugere dicantur,  
 & quæcunque lugent, eo ipso nigrescere, ut Jer.  
 IV, 28. Atri quoque coloris habitum, post-  
 quam luctui & tristitiæ inservivisse, allatis tantum  
 non omnibus, quæ huc faciunt, Scripturæ locis  
 demonstrare allaboraverat magnus GEIERVS no-  
 ster de luctu Hebræor. cap. XXII. §. 5, erudite tan-  
 dem observat, nigredinem luctui dicatam in Sa-  
 cris literis citra dubium se non deprehendisse,  
 cum verbum קר non tam pullum vestitum,  
 quam obscuritatem, qualis astrorum serenitati,  
 aut candori splendescenti opponitur, proprie de-  
 signet, adeoque atratum incedere idem sit, ac  
 vultu obscuro atque tristi, ut solent σφόδρα  
 incedere, vel cutem habere squalidam, scabram,  
 æstuque velut solis adustam, Job. XXX, 28. Ni-  
 grum tamen habitum, apud gentes quampluri-  
 mas,



mas, luctus præbuisse indicium, præter SOPRANEM cit. OCTAV. FERRARIUS lib. I. de re vestiariar. c. XXIII. p. 71. KIRCHMANNVS noster de funer. Roman. lib. II. cap. XVII. p. 232. sqq. IOH. ANDR. QVNSTEDT de sepultura Veterum p. 148. KORNMANNS de miraculis mortuor. Part. VII. c. XXXIII. aliique, ex instituto demonstrarunt. In reatu & luctu Hebræis quoque atram vestem asserit MARTINVS DE ROA Singular. S. Script. L. II. cap. II. p. 152. sqq. Nobis, in re satis perspicua, prolixioribus esse non libet.

Ad §. V. pag. 8.

(10) Matth. XXVII, 28. Luc. XXIII, 11.] Pilatum, sive militum ejus cohortem, Christo Regi, ut ferebatur, injecta purpura illussisse, ex illis liquet, quæ paulo ante monuimus: quibus jungantur, quæ HENR. MULLER. in Jesu patiente not. XXXVI. p. 108. sqq. in eandem attulit sententiam. Albis autem per ludibrium induebatur ab Herode, alio omnino & dispari cum empæctæ regis, tum sapientissimi Numinis, consilio. Illud, ut reliquas mittam conjecturas, eo haud dubie spectabat, ut patienti Servatori, tanquam Candidato regni insultaret, quod jam a THEOD. BEZA, & copiosius ab ANTON. BYNAEO de morte J. C. lib. III. cap. II. §. II. p. 79. fuit observatum. Apud Romanos certe, qui Magistratum petebant & honores, togam induebant candidam, nec albam modo, sed etiam splendidam, sive fulgore coruscantem, qui ex albo reluceret, unde dicti sunt *Candidati*. Τῷτο γὰρ ἔθος ἔστι τοῖς τὰς ἀρχὰς μεταπορευομένοις, inquit POLYBIUS Hist. lib. X. cap. XV. hic enim μορ ἑοῦντα λαμπρὰν togam candidam fumendi,

eorum est, qui honores petunt. Hunc morem prolixè descriptum vide apud GRAEVIVM in Thesaur. Antiqu. Roman. Tom. XI. p. 791. OCTAV. FERRARIUM lib. I. de re vestiariar. cap. XXI. p. 66. sq. & PRÉVOT. de Magistrat. Rom. cap. V. Sed ex Dei consilio, non immaculatæ tantum innocentiae indicium præbebat vestis candida; quod post AMBROSIVM, certatim animadverterunt Interpretes: sed & cumprimis, quod nemini hætenus in mentem venisse deprehendi, ut Pontificem designaret, in die expiationis officio suo rite defungentem. Geminus enim erat Pontifici Maximo ornatus, quorum alter כנרי זהב vestes aureas complectebatur, alter כנרי לבן vestimenta alba. Illis utebatur ordinariè, quotiescunque sacra perageret, præterquam in solenni expiationis festo, die X Tisri, cujus diei ministerio, ut solus Pontifex universo, ita non nisi vestitu candido amictus, ne balteo quidem excepto, fungebatur. Immo, quod Judæi tradunt Cod. Joma cap. III. Mischna 7. bis eo die albis induebatur, mane Pelusiæ, quæ XII minis constabant, & vespere Indicis, VIII minarum pretio comparatis, utrisque ex bysso subtilissima & albissima. Confer ad cit. loc. Mischnæ, ROBERT. SHERINGHAMIVM Annot. p. 58. sqq. & quæ infra redibunt cap. seq. §. 6. Quæ causæ vestitus candidi eo die fuerint Pontifici, GRAEVIVS exponit lib. II. de vestitu Sacerdot. Hebr. cap. XXVI. §. 54. p. 935. sqq. Cur vero Deus permiserit, inter cetera ludibria, Christum indumento tegi albo, causam fuisse existimo, ut a Judæis verus agnosceretur Pontifex, in יום הכפורים die expiationis magno, suo dum satisfaceret officio, albis indutus.

AD

## LIB. I. CAPVT V.

### DE PONTIFICIBVS SVMMIS. ETC.

Ad §. I. pag. 8.

*Tribus ordinibus ministrorum*] Comparatio, quam Auctor inter templi Ministros in V.

& N. T. instituit, ita ut Sacerdotes Episcopis, Levitæ Diaconis, & Nethinæi Subdiaconis respondeant, plus habet in recessu, quam prima fronte

fronte in oculos incurrit. Quoniam enim Angli hanc inter Episcopos & Diaconos differentiam juris esse asserunt divini, typum ex hoc triplici ordine Veteris œconomiae exsculpunt, cum antitypo Novi Fœderis necessario conferendum, quod vir summus, IAC. VSSERIVS, Archiepiscopus Armachanus, in opusculo, *de Episcoporum & Metropolitanorum origine*, quod Latine, cum aliis lucubrationibus junctum primum prodiit Londini, A. 1687, ex instituto probare sustinuit. Istam vero subordinationem, cum divinam esse negent, ceteri extra Angliam Theologi Reformati, typicam quoque relationem istam operose explodunt. Vnde VSSERIVM κατὰ πρόδα refutat CAMPEG, VITRINGA ad *Synagogam veterem prolegomen. cap. VI. p. 53.* postquam *præc. cap. V. p. 44.* evicisset, ritum & exercitium Christianæ religionis, ex Synagoga potius, quam ex λειτουργία templi esse arcescendum; quæ princeps, in prolegomenis istis, viri doctissimi est tractatio.

Nec negari omnino potest, ingentem errorum lernam, ex typica isthac collatione, olim jam in Ecclesiam manasse, quæ corruptelis Pontificiis latam aperuit portam. Primorum quippe seculorum fideles, pro sua quisque conditione, symbola panis & vini ferebant ad sacram mensam, post benedictionem Presbyteri inter ipsos distribuenda; reliquum autem quod erat, distribuendum inter Presbyteros & Diaconos, cum ad eorum sustentationem, tum pauperum. Hæc munerum ad mensam latio, successu temporis cepit dici *oblatio*; quare mensa, in qua disponebantur τὰ δῶρα, dicta est *altare*, Episcopi autem & Presbyteri, qui iis benedicebant, *Sacerdotes* audiebant, Diaconi vero, qui ea distribuebant *Levitæ*. Succedente tempore hæc δῶρα, sive oblationes, quia a fidelibus in usum Ecclesiæ Deo fistebantur, considerata sunt ut *sacrificia*, quæ a Sacerdotibus offerebantur Deo, in remissionem peccatorum. Vnde Papatus, transubstantiatione addita, constavit *sacrificium Missæ*: cujus fundamentum est, dari sub N. T. Sacerdotes proprie dictos, eo respectu a plebe distinctos,

quo olim ab ea distincti fuerunt Sacerdotes Aaronici, qui potestate polleant, Deo sacrificium faciendi pro aliis, ita ut plebi Christianæ æque ac olim Israeliticæ interdictum sit, ad peragendum sacrificium, altare. Quos Missæ natales, concilise VITRINGA p. 69. copiose autem, & data opera, Venerab. Theologus, & nobis amicissimus D. SALOM. DEYLINGIVS in *novitate error. Pontific. circa S. Eucharistiam, Observat. IV. & V. Observat. Miscellan. p. 290, 300. sqq.* est profectus.

Jam, si qua est admittenda relatio typicæ, ad Scripturæ ductum ita habet. Ecclesia tota Novi Test. templum refert: Christus Dominus representatus est per Sacerdotem Summum, quem Paulus Hebr. IV, 14. VIII, 1. IX, 11. non ἀρχιερέα modo, verum etiam μέγαν ἀρχιερέα appellat; Fideles vero omnes, per Sacerdotes gregarios, Apoc. I, 6. 1 Pet. II, 5. quibus competit offerre sacrificia, ac spiritualia. Rursus, in quantum solus Christus in N. T. jus habuit accedendi ad Deum per victimam, a se præparatam, omnes promiscue Sacerdotes gregarii Christum referebant, tanquam ἀντίτυπον suum: vicissim Fideles representati censentur per Israelitas, quibus non licebat, nisi per Sacerdotes, tendere ad Deum. Ita Christus noster Sacerdos in perpetuum, servare potest τὰς προσερχομένους δι' αὐτῆς τῷ Θεῷ, eos, qui per ipsum ad Deum accedunt, Hebr. VII. 25. Quo respectu ipsi quoque Pastores inter Christianos, æque ac ceteri fideles considerantur ut gregarii Israelitæ. Denique omnes etiam fideles Novi Test. designati esse censentur per Pontificem Maximum, quando per sacrificium Christi jus potestatemque consecuti sunt, cum fiducia ingrediendi Sanctum Sanctorum, & absque ullo impedimento, vi consummatæ obedientiæ Christi, recta accedendi ad thronum gratiæ divinæ. Quod Paulus Hebr. X, 19. confirmat, fideles ἔχον παράσταν εἰς τὴν εἴσοδον τῶν ἁγίων, ἐν τῷ αἵματι Ἰησοῦ. Hoc respectu Christus consideratur ut sacrificium pro peccato, cuius virtute sanguinis fideles indefinenter, cum libertate & fiducia, ad Deum appropinquant.



velut olim Pontifex ingressus est in Sanctum Sanctorum. Vix itaque alium deprehendes respectum typicum, quo Sacerdotes & Levitæ Veteris æconomix, Novi Fœderis referant Episcopos & Diaconos, quam in quantum utrique sacris operantur: triplicem autem illam, quam Auctor in medium attulit, collationem typicam, fecundam errorum Papisticorum matrem, Scriptura omnino ignorat.

Ad §. I. pag. 8.

(2) *Primogenito cedebat Pontificatus*] Hoc est, quod HOTTINGERVS junior, in *Annotat. ad b. l. Auctoris*, ordinarie quidem usitatum fuisse admittit, *sed non semper, nec lege aliqua*. Probat 1) ex Pontificatu Eli, qui 1 Chron. VI, 3-9. inter Eleazaris posteros non refertur, a IOSEPHO autem *lib. V. Antiqu. cap. ult.* Ithamaris familiæ asseritur: 2) ex Magistrorum scito, qui in successione Pontificali *בן כהן גדול* *jus hereditarium*, ut apud Reges, obtinuisse negant, unde unguendus semper fuerit Pontifex, licet esset *בן כהן גדול* *Pontifex, filius Pontificis*, contra vero apud ABARBENELEM *Comm. in Leg. fol. 207. col. I.* docent, pulcherrimum, dirissimum, fortissimum e medio fratrum suorum electum, & huic provinciæ fuisse admotum. At enim vero, contra ABARBENELEM, LVNDIVS *Antiqu. Judaic. Lib. III. cap. XXI. p. 491. sq.* pro successione primogenitorum pugnat, partim ex serie Pontificum in tabernaculo & templo priore, recta linea, secundum primogenituræ ordinem sibi succedentium, partim ex testimonio IOSEPHI *lib. V. Antiqu. cap. I.* contrarium perhibentis. Prolixè, & summa eum cura, in istam controversiam inquisivit magnus SELDENVS *lib. de Successione in Pontificatum Hebræorum*, dignus qui evolvatur. LVNDIO sane refragatur Pontificatus Eli, qui ex Ithamaris erat familia. Aaroni quippe, post Nadab & Abihu, igne extinctos, superstitès erant filii Eleazar & Ithamar. Ad illum jus spectabat Sacerdotii magni, quod post Aaronem ipse, eodemque defun-

cto successor, filius primogenitus Pinehas, administrabat. Quo autem cunque casu contingeret, in Eli & Sam. I. ad familiam Ithamaris Pontificalis dignitas fuit translata. Hunc enim Ithamaridem fuisse, ex 1 Chron. XXIV, 6. liquido colligitur, ubi Achimelechus, ab eo generis ducens, ad Ithamaris profapiam refertur. Quam ob causam translatio ista sit facta, SELDENVS *lib. I. cit. cap. 2.* ex Judæorum conjectura exponit. Eoque jure familia ejus gavisæ est usque ad Salomonis ætatem, qui Abjathare, ex Ithamaris posteris oriundo, de dignitate locoque dejecto, Eleazaris lineam, in Zadoko nepote restituit: de quo SELDEN. *cap. III. & IV.* Ad componendum itaque diffidium istud dixerim, ordinarie quidem primogenitum parenti in Pontificatu successisse, sed ita, ut, ubi primogenitus nævo aliquo laboraret, minusque esset idoneus, dignior ex fratribus ejus legeretur; ubi vero fontica de causa, loco moveretur Pontifex, dignitatem istam ab una linea Aaronis transiisse ad alteram, ne patri superstiti filius surrogaretur. Atque sic successio in alterutra obtinuit linea, usque ad Antiochi Epiphanis tempora, quibus Hasmonæi, qui ortu vulgares erant Sacerdotes, ex ordine Jojarib, Pontificatu potirentur, regnumque cum sacerdotio conjungerent. Vnde triplex eis a Judæis aspersa fuit labes, quod extra lineam Pontificalem sacerdotium magnum invaserint; quod sceptrum, tribui Judæ dicatum, populo licet annuente, arripuerint; & quod sceptrum cum sacerdotio combinarint. SELDEN. *cap. VI. & X.*

Ad §. III. pag. 8.

(3) *Differunt in initiatione*] Differentiam unctionis Sacerdotis Summi, & ceterorum gregariorum expositurus Auctor,

α) videtur, ex mente LYRANI, unctionem Sacerdotum vulgariū negare, cum solum fuerint adpersi; æque ac BIERMANNVS *Moses & Christ. Lib. I. cap. V. p. 78.* minores Sacerdotes unctos fuisse negat, solum autem manibus suis oleo

oleo sacro, cum sanguine sacrificiorum permisto, adspersos largitur ex Lev. VIII, 30. Verum, ut posita uno, non statim evertitur & tollitur alterum: ita utrumque locum apud ipsos habebat, ut & adspargerentur manibus, & inungerentur fronte sua. Certe Exod. XXVIII, 41. Moses filios quoque Aaronis ungere ac initiari discrete jubetur, ut sacerdotes sint Domini: & ne nudam intelligas adspersionem, Exod. XL, 13. coll. 15. prohibet. MARCKIVS mox citandus §. 3. p. 15. ita definit, ut primos quidem Sacerdotes gregarios, Aaronis filios, unctos agnoscat, eorum autem successores nulla opus habuisse unctione censeat, quod nativitatis jure sacerdotium ad ipsos devolveretur, nec post filios Aaronis ulli legantur amplius uncti, sed omnes per unctionem illam primam sanctificati censeantur, per Exod. XL, 15. In qua sententia demonstranda, ABARBENEL supra citatus ad cap. XXX. Exodi *toto cap. VII.* versatur. Et in ea nos quoque acquiescimus. Præterea vero utriusque unctionis differentiam in affusi olei copia ponimus, ita ut largius oleo sacro perfunderetur Pontifex, reliquis autem Sacerdotibus illud solum allineretur, cum per Pl. CXXXIII, 2. tum vel maxime propter Pl. XLV, 8. *præ confortibus tuis unxit te Deus.* Quod etsi sensu mystico de Messia dictum, ritum tamen unctionis Pontificalis pro fundamento habet & supponit. Et de Pontificis quidem unctione laudatus SELDENVS *lib. II. de success. in Pontif. cap. IX.* ex instituto egit: & post eum MARCKIVS *Exercit. Textual. IV. p. 14. sqq.* Nos paucis notamus **N. Tempus;** postquam vestibus sacris esset amictus: ut ὕστερον πρότερον committat Auctor, vestitum §. 5. postponens, cum tamen unctus non fuerit, nisi sacris vestibus indutus. Vide Exod. XXIX, 5, 6, 7. Præterea, cum initiatio Pontificis septem diebus integris duraret, Exod. XXIX, 29. toties quoque iteranda erat unctio. Ita tamen, ut non minus revera post unicam unctionis vicem Pontifex fieret, & legitima peragere sacra posset, quam ubi unica duntaxat vice sacris vestibus indueretur. **2. Materiam,** sive oleum unctionis; de quo supra dixi-

mus, ubi de unctione Regum. **3. Figuram,** sive modum; quem describit Moses Lev. VIII, 12. ad quæ verba, IARCHI paucis totum actum completitur, ita commentatus: בתחילה יוצק על ראשו ואחר כך נוחן בין ריסי עיניו ומושך *primo fundebat super caput ejus (copiose) & postea ponebat (scil. טיפת שמן guttam olei) inter supercilia oculorum ejus, eamque (linendo) trahebat digito suo hinc inde.* Figuram autem, quam oleo sacro in fronte formabat, Idem ad Exod. XXIX, 7. ita describit: אף כ"י משיחה וזו כמין כ"י *etiam unctio ista fiebat ad instar literæ xi* Græcorum, ut paulo ante descripserat. Et ad Exod. XXX, 26. regulam ponit generalem: כל המשיחות כמין כ"י חוץ משהל *omnes unctiones (peragebantur) ad modum xi, exceptis unctionibus Regum, quæ (fiebant) ad instar coronæ.* In medio enim, qui oculos, sive palpebras interjacet loco, ungens digito adspersam olei guttam ab una parte ducebat ad alteram, ut Andreanæ, seu decussatæ crucis figura, K vel X Græcorum referens, prodiret. Vide quæ fusius de ista figura, sive טֶזֶן כ, sive טֶזֶן ח, Græcorum; disputat SELDENVS c. l. p. 242. sq. & nos quoque ad Cap. præced. monuimus: quibus jungatur MARCKIVS §. 8. p. 21. & b. GEORG. ELIEZ. EDZARDVS in *Annot. ad cap. II. tract. Talmud. Avoda Sara p. 230. sq.* ubi unctionem Summi Sacerdotis crucis Christi typum exhibuisse, serio contendit. Eandem vero unctionis Pontificalis figuram cum stomacho explofit IOH. PHILIP. HEINIUS *dissertat. sacr. Lib. II. cap. 3. §. 3. 4. p. 168. sqq.* Istis enim nugis immorari, operæ pretium non est. Id tamen monendum, adeo parce effusum super caput Pontificis oleum non fuisse, ut tradit LUNDIVS *Lib. I. Antiqu. cap. 29. p. 159.* ut saltem duæ guttulæ e capillis descenderent in barbam, & ex Hebræorum mente, tanquam margaritæ, suspensæ hæreant e barba, quia Psalm. CXXXIII, 2. tanta copia effusum memoratur, ut largo flumine in barbam & vestimenta destillaret. Vide denuo MARCK. §. 7. p. 20. **7. Effectum;** quo singularem unctis dignitatem pariter



conciliabat ac sanctitatem. Hinc Lev. XXI, 10. tam graviter ab unctionis axiomate describitur Pontifex: הכהן הגדול מאחיו אשר יוצק על: המשיחה: Sacerdos magnus ex fratribus suis, in cujus caput oleum unctionis effusum est, & v. 12. כי נזר שמן משחת אלהיו עליו quia corona olei unctionis Dei ejus super eo. Quando itaque Exod. XXIX, 29. de successione filiorum in Pontificatum præcipitur, diserte observat IARCHI, verbum למשחה בהם ad unguendum in illis scil. vestibus sacris, esse exponendum להתגדל בהם ad extollendum eos in illis, שיש משיחה לשון שררה כמו לך נתתים למשחה: quia unctio interdum notat principatum, v. g. Num. XVIII, 8. tibi dedi illas in principatum: item: אל תגעו במשיחי Pf. CV, 15. ne tangite principes meos. Sed parum roboris ista habet assertio. Quanta porro polleat virtute, ad disponendum hominem, ut Spiritus S. particeps reddatur, ex ABARBENELE supra vidimus, ubi de unctionis regiae forma & modo. ה. Durationem. In usu fuit Pontificum unctio, quoad perduravit templum primum. In cujus destructione, cum simul periret oleum sacrum, & inter quinque desiderata templi posterioris numeraretur, (quamquam alii in enumerandis istis quinque rebus, loco olei sacri שכינה majestatem divinam ponant) nec post primam compositionem, confici denuo fas esset Exod. XXX, 33: hinc Pontifex, qui sub templo priore tam מרובה משיחה insignis unctione, quam בגדים מרובה vestibus sacris conspicuus erat, sub posteriore, vestitu saltem & sacrificio initiabatur, non amplius unctio. Quod auctoritate Magistrorum latius confirmat SELDENVS p. 244. quocum confer, quæ Auctor noster paulo post §. 7. hujus Cap. monet. Hinc quando b. WOLFG. FRANZIVS in schola sacrificiorum disp. XI. thes. 35. sqq. quinque illa desiderata posteriori adhuc templo asserit, olei sacri præsentiam §. 46. p. 302. sq. supponit quidem, nullo autem documento evincit. י. Speratam Judæis restitutionem. Ita quidem ABARBENEL, postquam tractatione sapius citata, de unctione, Comment. ad Exod. XXX.

cap. XIII. f. 207. col. 3. semel duntaxat hoc oleum in deserto, per manum Moysis compositum asseruerat, sub finem addit: לעתיד לבוא בימות המשיח עתיד הקדוש ברוך הוא להחזיר לעמו אותו שמן המשיחה שעשה משה שנגנו עם הארון וכו' ימשחו המלכים והכוהנים הגדולים בימים ההם: postquam advenerit Messias, Deus restitutus est populo suo oleum unctionis a Mose confectum, quod una cum arca fuit reconditum, quo quidem oleo inungendi sunt Reges & Sacerdotes magni ejus ætatis.

Ad §. IV. pag. 9.

(4) Denotata fuit unctio nostri Salvatoris] Ita quidem Auctor β) declarat mysterium, sive antitypum unctionis, prædictum Pf. XLV, 8. Jef. XI, 2. LXI, 1. & confirmatum in Novo Test. Joh. III, 34. Act. X, 34. Vnde Christus quoque משיח Messias, & Dan. IX, 25. משיח נגיד Messias Princeps, qui idem v. 24. Sanctus Sanctorum, ὁ ἁγίος ἁγίων unctus Domini Luc. II, 26: Apoc. XI, 15. appellatur. Vbi α. caute distinguas inter Salvatoris nostri æternam ad officium mediatorium destinationem, & inter temporalem ejusdem unctionem. Prior verbo נסך indicatur, quando Prov. VIII, 23. æterna Patris sapientia inquit: מעולם נסכתי ab æterno destinata sum in Regem scil. & gubernatorem mundi; & Pf. II, 5. ego נסכתי inunxi, seu constitui Regem meum. Hæc enim non proprie unctio, sed divina constitutio est, ordinatio & destinatio Filii cum in Regem totius mundi, tum ad officium Messiae: facta ab æterno. Posterior autem, quæ verbo משיח effertur, in tempore demum facta, Christo tantum juxta humanitatem competit. ג. Ita definias, ut sit locupletissima divina donatio, in qua Christus, ut homo, statim a primo conceptionis & unionis personalis momento, a Deo Patre suo, ex gratia, donis, increatis & infinitis est ditatus, ut in nostram salutem officium suum Propheticum, Sacerdotale & Regium valide posset expedire. Hinc non est, ג. ut unctionem ad annum ejus trigesimum demum referas, Matth.

Matth. III, 16. quando Spiritus Sanctus super Christum baptizatum visibiliter descendit. Alia enim publica & solennis ad officium obeundum est inauguratio, in baptismo ejus facta: alia infinitorum donorum communicatio, quæ cum ipsa unione hypostatica cœpit. Verum, qui sanam de unctione Christi doctrinam, ordine & luculenter expositam cupit, adeat DANHAVE-  
RVM *Christosoph. Sect. I. Art. IV. §. 33. sqq. p. 85. sqq.* FEVERBORNIVM *Syntagm. II. Dissert. III. in Act. X, 38. & Fascic. III. Disp. V. §. 24. sqq.* SCHROEDERVUM *Thron. Regal. p. 199. sqq.* DORSCH-  
CHEVM *Pentadec. Dissert. II. §. 7. sqq. p. 73. sqq.* Inde recte judicari poterit, de tribus unctionis Christi gradibus, ita ut primus in ejus incarnatione, medius in baptismo, tertius in sessione ad dextram Patris figatur, quos FRID. ADOLPH. LAMPIVS statuit *de Spiritu Sancto Disp. V. cap. VIII. §. 14. sq.* Ceterum velut oleum sacrum ex capite Aaronis defluebat in barbam, vestimenta, & membrâ ejus Psal. CXXXIII, 2. ita pariter a Christo capite, dona ista Spiritus, ceu oleum alacritatis, non quidem immensè, sed κατὰ τὸ μέτρον τῆς δωρεᾶς τῆ χειρὸς Eph. IV, 7. destillat proxime in Apostolos Actor. II. hinc & in reliqua corporis ejus mystici membra; unde quoque fideles Spiritum Sanctum habentes Rom. VIII, 9, 11. qui hætenus Discipuli appellati fuerant, Antiochiæ primum χειριστοὶ, *participes unctionis Christi*, dici cœperunt Actor. XI, 26. Factum hoc ab EVODIO, Episcopo Antiocheno, ex IOHANNIS ANTIOCHENI Chronologicis ineditis, tradit SELDENVS, apud ANTON. WALAEVM *ad h. l. Act.* ubi de Christianorum nomine plura. Verum de origine, dignitate, & usu nominis Christiani, in hunc ipsum Actor. locum, peculiari disputatione, copiosissime commentatus est IOH. FRANC. BYDDEVVS *Miscellan. Sacr. Part. I. p. 280. sqq.*

Ad §. IV. pag. 9.

(5 a) *Moses Sacerdos*] Dudum fuit disceptatum, utrum Moses sacerdotio, quin immo

Pontificatu Summo, fuerit functus? Pontificii ὁμοθυμαδὸν affirmant, sed non uno omnes modo, ut regimen politicum Pontifici suo hinc asserere queant. SELDENVS *de Success. in Pontific. lib. I. cap. I. & de Synedr. lib. I. cap. XVI. p. 353. & lib. II. cap. II. p. 43.* edit. Belgicæ A. 1679. & Sacerdotem fuisse palam fatetur, & Ἀρχιερεῖα, sive Summum sacrorum Antistitem, non tamen ejusdem omnino cum Aaron genere, quia officia Aaronis sacra non magis licuerit obire Mosi, quam Mosi Aaroni. Provocat autem ad calculum Christianorum Patrum, v. g. GREGORII NAZIANZI. cui *Orat. VI. ad Gregor. Nyssen.* Moses ἱερεὺς ἱερέων, *Sacerdos Sacerdotum*, æque ac e Judæis, ABEN ESRAE *ad Psal. XCIX, 6.* כהן הכהנים salutatur. Summum Pontificem extraordinarium fuisse, BEL-LARMINVS probare contendit *lib. I. Contr. f. 57.* Immo Concilium Hispalense II. c. 7. absolute Summum Sacerdotem eum vocat, eo quod altare erexerit, cum Presbyteris modernis similes fuerint filii Aaronis; ut est apud LABBEVM *T. V. Concilior. f. 1666.* Idem urgebant Jesuitæ in Colloquio Ratisbonensi, Mosen fuisse S. P. quibus impossibilitas ejus rei, quinque solidis argumentis demonstrata fuit a Nostreis, quæ breviter RVNGIVS διαγεγραφήν istius *Colloquii E. 3.* recenset. Denique DIDACVS DEL CASTILLO ET ARTIGA, statim in fronte Commentarii *de Ornatu & Vestitu Aaronis quest. I. p. 5.* Mosen & Aaronem summo simul functos fuisse sacerdotio contendit. Præcipuus, quo nituntur, Achilles ipsis est Psal. XCIX, 6. *Moses & Aaron בכהני in Sacerdotibus ejus*: quem locum SELDENVS etiam urget. Sed facilis ad eum est responsio: *vel* quam CALOVIVS *Bibl. Illustr. ad h. l.* eumque secutus AVG. PŒIFFERVS *Dub. Vexat. Cent. III. Loc. 77. p. 621.* suppeditat, uti altera periphrasis בקרא שמו ad solum Samuelem spectat, cui additur, ita hanc de Sacerdotibus, ad solum pertinere Aaronem, cui adjecta est: *vel* quam DORSCHEVVS *Disp. de Agno Paschali §. XI.* sub calcem *Mysariæ Missæ p. 361.* regerit: Mosen & Aaronem debere exaltare



Dominum, inter Sacerdotes ejus, inde tamen non sequi, Moſen eſſe æque Summum Sacerdotem ac Aaronem: *vel*, quæ propior nobis, minusque obnoxia exceptionibus videtur, ut כהן quemvis regiminis adminiſtrum noter, quo ſenſu Davidis filii, qui ſacerdotio præeſſe plane non poterant, כהנים appellantur 2. Sam. VIII, 18. h. e. ut ſcite explicatur 1 Chron. XVIII, 17. qui ליר המלך *ad manus Regis* eſſent. Dextre & luculenter exponit ſEB. SCHMIDIVS *ad c. I. Sam.* p. 393. fuiſſe ſecundos a Rege, per quos Rex peregerit ea, quæ alias proprie ad Regem pertinebant. Id videtur non fuiſſe commiſſum, niſi regni hæredibus, filiis, aut intimis amicis, quibus ſumma fides, ne dignitate tanta moti, contra Regem ſurgerent: quibuſcum confer, quæ quaſt XI. p. 426. ſqq. in h. l. prolixè diſputat. Vterque igitur, tam Moſes, quam Aaron, divini in populo Iſraelitico regiminis præcipuus erat adminiſter, alter in negotiis civilibus & forenſibus, alter in religioſis & ſacris. Addit DEL CASTILLO argumentum aliud: quia *Levit. VIII.* dicitur, *Moyſem executioni mandaſſe, quæ ei Deus jufferat Exodi XXVIII, & XXIX. circa ornatum & conſecrationem Aaronis, & filiorum ejus ad miniſterium ſacerdotale. Ergo fuit ſummus Sacerdos. Nam conſecrare Aaronem, & filios ejus in Sacerdotes, non poſſet abſque inſulis ſacerdotalibus. Forte procederet hæc illatio, ſi ritu Pontificio & ex ſtatutis juris Pontificii, Aaronis & filiorum peracta fuiſſet inauguratio; quam vero, cum ex præcepto divino, & ad nutum, voluntatemque heri ſui Moſes inſtituit, id egit per omnia, quod regiminis divini adminiſtrum decebat. Eſt hic quoque acumen Hispanicum hebeſcit, cum pari jure colligere liceret, Cardinales illos, qui Pontificis recens electi perficiunt inaugurationem, omnes eſſe Pontifices Summos, cum abſque hac dignitate peragere illam non poſſint. Vt mirari omnino ſubeat, quo pacto vir doctiſſimus, SELDENVS *lib. I. de Synedrjo cit. loc.* eidem inſiſtere potuerit momento.*

Ad §. V. pag. 9.

(5 b) *Quoad veſtes*] Alterum diſcrepantiæ inter Summum & gregarios Sacerdotes momentum, Auctor ponit in utrorumque *veſtitu*. De quo, pro ratione inſtituti, egerunt LEYDEKKER. *de Republ. Hebr. lib. X. cap. I. p. 580. ſqq.* IOH. SAVBERTVS *de Sacerdotibus & Sacris Hebraor. perſonis P. II. cap. VI.* CONRAD. IKENIVS *Antiquitat. Hebraic. P. I. cap. X. §. 13. ſqq.* ADR. RELANDVS *Antiquit. Vet. Hebr. P. II. cap. I. §. 8-11.* IOH. LVNDIVS *Jüdiſch. Heiligtüm. Lib. III. cap. III. IV. ſqq.* SELDENVS *lib. II. de Succell. in Pontific. cap. VII. b.* patruus meus BENED. DAV. CARPZOVIVS peculiari diſputatione *de Pontificum Hebraorum veſtitu ſacro*, ſub præſidio IOH. FRISCHMUTHI, Jenæ An. 1669. publice propoſita, & poſthæc fratris ejusdem D. IOH. BENED. CARPZOVII *Diſputationibus Academicis ad calcem ſubnexa p. 1638. ſqq.* IOH. HIERON. SOPRANES *Digreſſ. I.* ejusdem Davidi ſubjuncta, quæ eſt *de re veſtiaria Judaor. cap. III. p. 432. ſqq.* DIDACVS DEL CASTILLO ET ARTIGA *de Ornatu & Veſtibus Aaronis, Commentario literali & morali in cap. XXVIII. Exodi*, Antwerpiae fol. 1681. Copioſiſſime autem omnium, & juſto ac pererudito Commentario, hoc argumentum excuſſit, IOH. BRAVNIVS *de Veſtitu Sacerdotum Hebraorum*, qui unus inſtar omnium eſt. Vt taceam RIVETVM, WILLETVM, AINSWORTHVM, MARIVM, alioſque in Commentariis in Exodum.

Sedes argumenti eſt Exod. XXVIII. XXXIX. & *Levit. XVI.* unde Judæi colligunt, veſtes Sacerdoti magno *vel* ordinarias fuiſſe, quibus toto anno in miniſterio ſacro utebatur, *vel* extraordinarias, quibus ſemel in anno, die Expiationis, induebatur בגדי לבן *veſtes candidas* dictas. Ita diſerte Miſchna, Cod. *Foma cap. VII. Miſchn. 5.* כהן גרול משמש בשממרה כלים/ וההריוט בארבעה/ בכחונת ומסנסיס ומצנפת ואבנט/ מוסף עליו כהן גרול חשן ואפוד ומעיל וציץ: *Sacerdos Magnus in octo veſtibus miniſterio fungitur.*

tur, gregarius in quatuor. In tunica, & femoralibus, & tiara, & baltheo. Sacerdos Magnus his addidit pectorale, & Ephod, & pallium, & laminam. De singulis ea delibabimus, quæ vel in controversiam vocantur, vel perperam ab aliis sunt tradita, vel usum præ ceteris habent: reliqua ex BRAVNIO petantur.

Ad §. V. pag. 9.

(6) I. Femoralia linea] מכנסי בר & מכנסי feminalia linea dicta, a lumbis usque ad genua, Exod. XXVIII, 42. alias quoque Ezech. XLIV, 18. מכנסי פשתים appellata. Ex lino præstantissimo erant המוכתר מן, juxta IOSEPHVM ἐκ βύσσου, ex bysso, at retorta sex filorum, unde satis erant valida ad arcendum cum frigus, tum pudendorum conspectum. Præterea ita erant contexta, ut nullam omnino haberent aperturam antrorsum ac retrorsum, ita quidem, ut nec urinam emittere, nec alvum exonerare possent Sacerdotes, nisi femoralibus prius exutis, ne inquinarentur. Vnde nomen מכנסי fluxit, a נכנס inscendere, ingredi, quia vestiri nequibant, nisi eas quis inscenderet; quam vocis vim non assecutus SOPRANES cit. loc. p. 433. cum HIERONYMO non parum hallucinatur. Quanquam CLERICVS etiam in Exod. XXVIII, 42. a colligendi notione, dicta putat, quod circa corpus colligerentur femoralia, non laxè, ut tunica, disfluerent. De forma non omnibus perinde constat. IOSEPHVS Antiqu. Jud. lib. III. cap. VII. cinctorium fuisse tradit, circa pudenda consutum, quod scinditur supra dimidiam partem, & definens usque ad lumbos, circa eos stringitur. Sic non multum a braccis nostris differebant. Talem autem formam hujus tegumenti, licet IOSEPHI ætate, Sacerdotibus haud gravatim largiatur CLERICVS, Mosis tamen temporibus in usu fuisse negat. Quia enim Moses Exod. XX, 26. diserte vetat, ne fiant altaribus gradus, ne Sacerdotum retegatur nuditas, in braccis a IOSEPHO descriptis nullum fuisse periculum censet, ne verèda nudarentur, quantævis altitudinis

sint gradus, ad quos ascenderint, aliis suspicientibus. Ipse ergo מכנסי credit fuisse fasciam, quæ corpori circumponeretur, ut velaret quidem pudenda, ex eodem plano intuentibus, sed non ex inferiori solo suspicientibus. Ac sane, cum ad femora tantum extenderentur, & infra essent aperta, facile nudari potuisse existimat Sacerdotes, in alto suggestu sacra facientes. Pariter in conciliando Exod. XX, 26. se hic torquet SOPRANES, cum ABVLENSE respondens, ipsam crurum & genuum nuditatem conspectui aliorum, infra consistentium, exponere prohiberi. At בשר ערוה caro nuditatis, in Scriptura verenda notat, non genua vel crura. Præterea, hæc caro nuditatis non tam contra scandalum infra consistentium & suspicientium hominum, quam contra refectionem coram altari, prohibitis gradibus munitur, cum verba legis ita habeant: אשר לא תגלה ערותך עליו ne reveletur nuditas tua super eo, nempe altari: ut reverentiæ loci sancti consulatur. Fasciæ etiam, qualem CLERICVS somniat, Mosis obstat descriptio, juxta quam braccæ Sacerdotum a lumbis ad genua pertinent, ועד ירכים a lumbis ad genua pertinere debebant. ירכים certe hic ad genua extendi necesse est, quia a lumbis ad femora suprema protractæ, non tegent satis nuditatem carnis. Pertingebant itaque ad femora usque ima, & circa genua desinebant. Ad dubium vero, ex Exod. XX. motum, cum CHRISTOPH. CARTWRIGTHO in Electis Targumico-Rabbin. ad h. l. respondemus, legem illam ad majorem & cautelam injungendam spectasse, & sacris conciliandam reverentiam, ut licet femoralibus accincti Sacerdotes, nihil turpe spectandum exhibere possent, ab omni tamèn gestu & gressu ejusmodi sibi temperarent, qui turpis spectaculi præbere posset suspicionem. Cumprimis autem hic notandum, quod probe inculcant RIVETVS ad h. l. Exod. Tom. II. Opp. p. 1457. a. VITRINGA Observat. Tom. I. p. 444. SPENCERVS de Legibus Hebræor. p. 277. legem illam de altari holocausti, absque gradibus extruendo, non ad statum ac ordinarium in sanctuario altare



tare esse referendam, sed de iis intelligendam aris, quæ certis singularibusque in casibus & circumstantiis, extra ordinem & pro re nata fuscitabantur a privatis, quasque IAMBlichVS βαμῆς αὐτοσχεδῆς, altaria tumultuaria appellat: qualia sunt Moſis Exod. XXIV, 4. Joſuæ cap. VIII, 30, 31. Samuelis 1 Sam. VII, 17. Eliæ in monte Carmel 1 Reg. XVIII, 31. &c. Ordinarium enim illud, & materia discrepabat a lege, & gradum habebat peraltum. Quomocunque ergo femoralia Sacerdotum se habuerint in ſanctuario, id ad legem illam non facit, quæ plane ἀπεροσδιονύσως huc affertur. Vſus denique femoralium a Moſe diſerte additur, לכסות-בשר ערוה ad tegendam carnem nuditatis, idque 1) quia ſacra pie & caſte fieri debeant, ne forte ea, quæ velanda ſunt, aliquo caſu coram populo de- tegerentur, cum Sacerdotibus ſæpiſſime incurvandum fuerit in maſtandis & offerendis victimis: 2) quia apud populos quosdam idololatrias mos erat, ut nudo corpore Diis ſacra fierent, & cum nefanda quidem turpitudine, qualis præſertim fuit cultus Pehoris. Juſſit itaque Deus, ut feminalibus tegerentur Sacerdotes, ne veri Dei ſacra paria viderentur ſacris Pehoris, aliorumque Deorum ſtercoreorum; quam rationem reddit MAIMONID. in More Nevoch. lib. III. cap. 49.

Ad §. V. pag. 9.

(7) II. *Toga ocellata*] כתנת תשבץ toga byſſina & ocellata, quæ obtegebat feminalia linea Exod. XXVIII, 4, 39. Tunica erat infutilis, vel toga, a capite ad pedes pertingens, undique clauſa, & utrinque manicata, ita quidem, ut ſuperne foramen capiti tranſitum præberet, circa collum autem conſtringeretur fibula, & ſuperiori corporis parti arctius adhæreret, maxime cingulo corpori adſtricta, inferius autem laxior liberum Sacerdotibus præberet greſſum. Tunica תשבץ teſſellata verſ. 4. vocatur, a שבץ in Pih. incluſit, intexuit, unde מושבצה ocellatio, textura, ubi intertextitur aliquid, & תשבץ ocellatio. Tu-

nica ergo teſſele fuit, non quæ figuras oculorum haberet intextas, ut PAGNINO viſum, VATABLO, & ARIÆ MONTANO, multo minus auro intextas, quod utrumque refutat BRAVNIVS p. 469. ſed quæ fundas haberet intextas, aut ſoffulas angulares, ad majorem ornatum, qualem viſ doctus ære expreſſam ob oculos ponit. Commode LVNDIVS in vernacula exponit gewürfelt, quanquam etiam addat, voller Augen. Male rurfus SOPRANES tunicam ſtrictam vertit, & cum HIERONYMO ita dici cenſet, quia adheret corpori, & tam arcta eſt, & ſtrictis manicis, ut nulla omnino in veſte ſit ruga: quod inſigni fuiſſet impedimento miniſteriis in templo obeundis, quæ impeditum greſſum & habitum reſpuebant. Erat autem ex byſſo contexta, & מעשה אורג opus textoris, ſed filis ſex contortis ſatis robuſta, cui proxime, abſque intermedio induſio circumjeſta. Talem fuiſſe tunicam Chriſti ἀπράφορ inconſutilem, totamque contextam, Joh. XIX, 23. laudatus BRAVNIVS p. 471. ſq. non dubitat, niſi materia alia fuerit: magis enim credibile eſt, laneam fuiſſe, cum Sacerdotum tunica lineæ fuerint. Sed de illa Chriſti tunica vide CASAVBONVM Exerc. XVI. Sect. 84. c. Baron. atque poſt eum, BYNAEVM de Morte J. C. lib. III. cap. VI. §. 28. ſqq.

Ad §. V. pag. 9.

(8) III. *Baltheus acu pictus*] חגורת חכמת cingulum, balteus, quo ligantur veſtes circa corpus, ne diffluant. Contextus erat ex lino & lana diverſorum colorum, ex hyacintho-quippe, purpura, & coccino. Eſſi vero lege cautum erat Levit. XIX, 10. ne quis veſtes ex duplici materia, lana & lino mixtas geſtaret; IOSEPHVS tamen obſervat, divina conſtitutione hunc Sacerdotum balteum a lege illa haberi exemptum. LEYDECKERVS vero iſtam lanæ linique mixturam, cum Ephodo Sacerdotis Magni, tum cingulo denegat, & Exod. XXXIX, 3. non tam ad materiæ, quam ad coloris diverſitatem reſpici cenſet, cum aque linum ac lana variis tingi potuerit coloribus.

bus. Sacerdotes enim observatæ legis exemplum esse debuerunt, ut par non esset, eorum cingulum legi adversari. Quibus apposite dictis, vellent testimonio fide digno & gravi auctoritatem conciliaſſet, cum in priorem sententiam pedibus eant cum Judæi, tum veteres Christiani. Ceterum Pontifex Summus die X mensis Tifri, una cum ceteris, quæ aureæ dicebantur, vestibus, hunc quoque balteum acu pictum deponebat, & cum lineo, ex subtilissima & albissima byſſo confecto, commutabat. Quia & Hebræi non male duo dant cingula Sacerdoti Magno, alterum, quod vestes, quas habuerit communes cum aliis Sacerdotibus, cinxerit, alterum quod stolæ Pontificali inserviret, maxime ad ornatum. De longitudine, quæ ad XXXII ulnas extenditur a Rabbiniis, & latitudine, vide BRAVNIVM p. 480. qui etiam observat, extrema cinguli pendula, quæ togæ longitudinem æquarent, Sacerdotes cum sacris operarentur, super finistram humerum in tergum reposuisse, ne impedimento essent, vel sordibus aut sanguine conspergerentur; ast extra ministerium, etiam in templo, cum reliquas retinerent vestes, deposuisse. Locus cincturæ erat circa pectus, IOSEPHO teste, æque ut Christus Apoc. I, 13. XV, 6. Johanni visus describitur, balteo circa pectus cinctus. Quæ autem baltei apud Romanos, cingendique ratio fuerit, OCTAV. FERRARIUS lib. I. de re vestiariæ. cap. 39. p. 116. sq. 127. tradit. Huc enim ista non spectant.

Ad §. V. pag. 9.

(9) IV. *Tunica tota hyacinthina*] מעיר seu plenius האפור מעיר tunica interior sub Ephodo, sive pallium, quod ratione inferioris tunicæ ocellatæ, ab aliis, vestis exterior appellatur. מעיר proprie pallium sonat: ast cum Judæi duas gestare solerent tunicas, interiorem, quæ כתונה dicebatur, & exteriorem, quæ מעיר, ex more isto explicandum hic loci vocabulum venit, ut non tam pallium, quam exteriorem notet tunicam, quæ per texturam undique clausa,

& ἀπὸ τοῦ pariter fuit, nisi quod, & circa colum foramine gauderet, ad transmittendum caput, & duo foramina haberet in lateribus, ad emittenda brachia & manus, cum non esset manicata. De longitudine rursus controversia est. Passim enim hanc breviorē censent tunica lineæ interiore, & paullo ultra genua demissam, ut habet BRAVNIVS p. 559. Id vicissim negat LEYDEKKERVS p. 584. & quia a IOSEPHO ποδήρης, talaris dicitur, ad talos usque defluentem credit, & MAIMONIDIS auctoritate confirmat, qui de apparatu Templi cap. IX. §. 3. אֶל עַד מַלְמַטָּה usque ad infimas partes Sacerdotis pertigisse tradit. Clarius adhuc testimonium PHILONIS est, qui exſerte lib. III. de Vita Moſis, ὁ χιτὼν ἀπὸ τῶν ἱστῶν ἀρχὴν ποδῶν, περὶ ὅλον τὸ σῶμα κέχεται, tunica a pectore usque ad pedes, per totum corpus diffunditur. Atque ita lineam ac interiorem vestem tegebat, secus ac pingi consuevit. Urget quoque LEYDEKKERVS sonum campanularum, qui impeditus & obrusus fuisset, si longiori incubuissent indumento. Cui nos calculum adjicimus. Colore autem fuit hyacinthino, כָּלִיל תְּחֵלַת, ex lana, hyacinthino colore tincta, non intermixto vel auro, vel colore alio. Insignem autem ornatum capiebat ex infima ora sive fimbria, quæ appensa habebat mallogranata & tintinnabula, illa quidem ex lana hyacinthina, purpurea & coccinea, ejusdemque planæ materiæ & coloris, ac balteus, hæc vero aurea, ex auro solido, ut clarum ederent sonum, Exod. XXVIII, 33. sq. eaque, censente BRAVNIO p. 570. sq. non rotunda, nolarum ad instar, sed oblonga & deorsum aperta, malleolum habentia introrsum, ut cymbala referrent. Quamquam cymbalorum, apud veteres, aliam longe structuram & rationem perhibeat Commentarius de Cymbalis, haud ita pridem editus, & Fortuitis Sacris ad calcem subjunctus, in cujus cap. XXIX. p. 359. de cymbalis Hebræorum צִלְצִלִים dictis 2 Sam. VI, 5. Psal. CL, 5. erudite agitur: at Pontificis tintinnabula פַּעֲמוֹתֵי salutantur, & nominis diversitate instrumenti quoque inveniunt disparitatem. Lapsus hic notamus HIERONYMI,



qui in *Ep. ad Fabiolam*: idcirco, inquit, tintinnabula vesti apposta sunt, ut cum ingreditur Pontifex in Sancta Sanctorum, totus vocalis incedat, statim moriturus, si hoc non fecerit. Sacerdos enim Magnus annuatim solo expiationis die, nec nisi solis lineis vestibus indutus, Sancta Sanctorum ingrediebatur, ubi nullus tintinnabulorum strepitus audiebatur. Ingressum itaque in Sanctuarium, cum ingressu in Sanctum Sanctorum, HIERONYMVS perperam confudit. Quando demum Auctor numerum tintinnabulorum LXXII definit, Magistrorum potius, quam Scripturæ, quæ hic altum filer, auctoritate nititur: illis enim solenne est, Senatorum Synedrii M. numerum undecunque confirmare. Mavult ergo LEYDEKKERVS, IUSTINO MARTYRI & EPIPHANIO fidem habere, qui in duodenario acquiescunt.

Ad §. V. pag. 9.

(10) V. *Ephod, amiculum*] **חֲזֵקִים** fuit vestimentum breve, memoratis tunicis superinjectum, constans duabus plagulis, quæ in utroque humero fibulis aureis gemmatis nexæ, hinc ad dimidias nates propendebant, quarumque altera, posterior tergum, altera, anterior, pectus & ventrem tegebat, anteriori plagula habente duo humeralia attexta, & in utroque humero lapidem Sardonychen, aureis fundis insitum, quibus insculpta erant XII nomina tribuum Israelis, quibusque appendebatur pectorale iudicii, & infra axillas attexta duo lora, quibus corpori, tanquam cingulo, plagulæ adstringerentur; cum duobus tandem annulis aureis, paululum supra istud cingulum Ephodi, quibus pectorale Ephodo inferius annecteretur. ROBERT. SHERINGHAM *Notis ad Cod. Joma p. 176.* cum Sago comparat militari, eosque refellit, qui **ἡμιοφόριον**, quod Græcis olim Patriarchis in usu fuerit, forma huic respondisse credunt, cum **ἡμιοφόριον** vestis esset oblonga, & ad terram usque demissa, hæc brevis & quasi dimidiata. Quando autem LEYDEKKERVS p. 584. a. Ephod definit, ve-

stem non longam, sed quasi dimidiatum pallium, quod pectorali superinduebatur, aut insignem committit errorem, aut ambigue & obscure mentem suam exponit. Si enim hoc vult, supra pectorale indui solitum fuisse Ephod, Scriptura reclamat, & Doctorum omnium consensus, unde, supra Ephod appensum fuisse pectorale, constat. Nec ipsa aliter permittit Ephodi structura. Summe autem pretiosum hoc erat & nitidum vestimenti genus, ex auro, bysso, hyacinthino, & coccineo filo assabre contextum, variasque florum referens figuras. Istud præterea Pontifici adeo fuit proprium, ut nemo alius mortalium tale gestaret. Fuit quidem Ephod, **ἑπομῖς**, reliquis quoque Sacerdotibus in usu, 1 Sam. XIV, 3. & certo casu ac loco, etiam a privatis adhibebatur, velut David, arcam fœderis in suam civitatem transferens, & coram ea saltans, lineo cinctus Ephodo memoratur, 2 Sam. VI, 14. æque ac Hanna, filio Samueli adhuc parvulo, cui sacerdotalis habitus nondum competeat, Ephod parabat, in quo Domino ministrabat in sanctuario inde a parvulis, 1 Sam. II, 18. multum tamen Ephod ejusmodi lineum distabat, ab Ephodo sanctitatis in Pontifice M. cui semper annexum erat pectorale, jussu legislatoris nunquam inde avellendum Exod. XXVIII, 28. Vnde quoque **κατ' ἐξοχὴν** & absolute Ephod vocatur, quando 1 Sam. XXIII, 9. Abjacturi Sacerdoti David ait: *affer ad me Ephod* &c. ubi illud præcise innuit, unde oracula innotescebant divina. Hinc duplex Ephodi genus in Sacris memorari, ex mente quidem SPENCERI, sed minime erronea, observat WITSIVS *Aegyptiac. lib. I. cap. VIII. §. 8. p. 40.* alterum *Vulgare*, quo intelligitur vestis ex lino solo confecta, ordinaria Sacerdotibus, tantum, cum templi ministeriis vacarent, induenda: alterum *Pontificium*, quod erat indumentum multæ artis & ingenii, auro, gemmis, & coloribus distinctum ac variegatum, quod Pontifici uni, cum sacra celebraret, gestare concessum fuerit. Hujusmodi autem Ephodis partes duæ erant: *superhumeralis*, quod ab humeris ad zonam usque pertingebat, totum complectens pectus;

ctus; & pectorale, tam firmis ac religiosis vinculis superhumerali conjunctum, ut non nisi multo cum negotio ab invicem divelli potuerint. Vnde Ephodis nomine non semel in Sacro Codice & pectorale intelligendum venire, ut 1 Sam. XXX, 7.

Ad §. V. pag. 9.

(11) VI. Pectorale judicii] חֶשֶׁן הַמִּשְׁפָּט & simpliciter חֶשֶׁן, quod b. LUTHERVS, a situ & figura, *das Brustschildlein*, apposite perquam vertit, plenius Belgæ, *een borstlap des Gerichts*: LXX-Interpret. λογιον, & Sirac. XLV, 10. λογισιον dicunt, a sermone interno, vel a ratione, Vulgatus *rationale judicii*, & Raschi בר"ע *barbare*, quod ipsi erat Gallice, exponit *raisonnement*. Vnde חֶשֶׁן dictum, non adeo liquet. Alii ab Arabico חֶשֶׁן, *pulchre, elegans fuit*, quod eo nihil esset pulchrius & elegantius; unde quoque חֶשֶׁן מְעֵשָׂה *opus artificis* appellatur, summo quippe artificio elaboratum: MERCERO teste, alii a חֶשֶׁן *tacuit* derivant, quod eodem Dei mysteria, & tacita voluntas prodita & manifestata fuerit, vel quod Deus judicia sua & responsa, non disertis verbis, sed alto silentio, per pectorale prodiderit: alii denique a חֶשֶׁן *vidit*, quod verbum Propheticum est, ob visionem & revelationem eventuum futurorum, aut rerum occultarum. Quod vero additur מְעֵשָׂה חֶשֶׁן sive pectorale judicii, ad iudicium a Pontifice, mediante pectorali ferendum spectat. Pontificis enim erat, in multis rebus, & de variis controversiis jus dicere, ut ex Lev. X, 11. de discrimine inter sanctum & profanum, nec non de instruendis Israelitis de genuino legis sensu, ex Deuter. XXXIII, 10. c. XVII, 8, 9. XIX, 17. & alias, patet. Ex pectorali autem, Dei judicia & responsa, in rebus arduis depromere solebat Pontifex, ad interrogata. Erat hoc ornamentum pectoris, ex filis lini subtilissimi, & quidem ter duplicatis, opere Phrygionico, vario colore, coccineo, hyacinthino & purpureo, nec non auro; quadratum spithamæ adæquans tam longitudi-

ne, quam latitudine, cui insiti erant XII lapides pretiosi, sigillorum sculptura insignes, quatuor ordinibus distincti, continentes nomina filiorum Israel, & quidem כְּתוּרֹת *secundum generationes eorum*. De gemmis istis cum adeo multa disputentur, quæ non absque radio hic exponerentur, qui cum cura congeſta omnia & discussa legere cupit, adeat BRAVNIVM lib. II. cap. VIII-XIX. p. 627. ſqq. & MATTH. HILLERVM in *Syntagmatibus Hermeneutic. num. 1.* Quibus omnino jungenda sunt, quæ magno cum eruditionis apparatu, copiose de iisdem annotavit doctiss. EDVARD. BERNARDVS ad *Josephi lib. III. Antiquit. Judaic. cap. VII. §. 5.* edit. Haverkampii p. 144. ſqq. Ibidem IOSEPHVS, circa medium pectus, lacunam statuit in Ephodo, cui inferrum fuit pectorale. IOSEPHI forte auctoritate inductus, idem tradit Anonymus Anglicus in *Hist. Univers.* mox citand. p. 445. Sed traditionis illius nullum apud Moſen vestigium apparet: qui חֶשֶׁן quatuor potius habuisse annulos aureos tradit, in quolibet scilicet angulo unum, quorum superioribus duobus catenulæ aureæ infixæ erant, quibus fundis aureis annexeretur humeralibus Ephodi, ut inde totum pectorale dependeret per superiores suos annulos, annuli autem inferiores annulis humeralium circa Ephodi cingulum, hyacinthinis vittis alligabantur & constringebantur. Vnde externis amictuli partibus affixum, eique superimpositum fuisse pectorale intelligitur, non vero lacunæ ejus insertum.

Ad §. V. pag. 9.

(12) Posita erant *Vrim & Thummim*] Quando pectorali Moſes immittere jubetur וְאֵת הַתִּמִּים וְאֵת הַוִּרְמִים *Vrim & Thummim* Exod. XXVIII, 4. innumeris, dubiisque res implicata fuit disceptationibus. Præter supra laudatos LEYDEKKERV, LVNDIVM, SELDENVM, SOPRANEM, DIDACVM DEL CASTILLO ET ARTIGA, BRAVNIVM, confer prolixas doctorum virorum commentationes, HENRICI AINS-



WORTH in *Annotation. in Pentateuchum Anglicis*, ad Exod. XXVIII, 30. p. 115. sqq. IOH. BVXTORFII *Exercit. III.* p. 268. ROBERT. SHERINGHAMI *Annotat. ad Cod. Joma* p. 181. sq. SPENCERI *de Legibus Hebræor. ritual. lib. III. Disfert. VII.* p. 851. (quem data opera PHILIPP. RIBOVDEALDVS integro tractatu, cui nomen fecit *sacrum Dei oraculum, Vrim & Thummim*, A. 1687. in forma 12. confutavit) laudati modo BERNARDI *Annotat. ad Josephi lib. III. Antiqu. Jud. cap. VIII. §. 9.* p. 165. sqq. PETRI IVRIEV *Hist. Crit. cultuum & dogmat. P. II. cap. V.* p. 274. HERM. WITSII *Aegyptiacor. lib. II. cap. II.* EDONIS NEVHVSII *Sacror. fatidicor. Lib. I. cap. II.* p. 18. sqq. SERVATII GALLAEI *Disfertat. de Sibyllis cap. XIII.* p. 226-237. & novissime Anonymi Angli *Historia Universalis a condito Orbe ad nostra tempora Tom. II. Lib. I. cap. VII.* edit. Gall. p. 446. coll. cum p. 287. sq. & e nostratibus SCHICKARDI *מ"ב Cap. I. Theor. II.* p. 17. sqq. ac omnino CARPZOVII ad *b. I. Annot. NICOL. POLEMANNI Diff. Philol. de Vrim & Thummim*, Wittenbergæ An. 1666. publice propositam, WAGENSEILHI *Not. ad Tr. Sota* p. 157. IOH. CONR. DIETRICI *Antiquit. Bibl. V. T.* p. 653. sqq. AVG. PFEIFFERI *Dub. vex. Cent. II. Loc. C.* p. 241. IOH. FRANC. BVDDEI *Hist. Eccles. Vet. Test. Per. II. Sect. I. Tom. I.* p. 700. IOH. BENED. CARPZOVII *Christianam de Vrim & Thummim conjecturam*, Lipsiæ An. 1732. editam, & Aliorum. Brevitati nos liantes, iis immorabimur, quæ inprimis observatione digna videntur, missa facientes reliqua.

Quær. I. *Virum Vrim & Thummim due res sint ac diverse, an vero rem eandem utrumque vocabulum designet?* Duo utique & disparia sunt vocabula, אורים *lucis*, תמים *perfectiones*, sed quæ per tritam admodum hendiadem, rem unam, illuminationes perfectissimas notant. Vt falsi sint, qui אורים a Rad. ירה docuit, unde est תורה *lex, institutio*, derivant, quia nimirum responsa & voluntatem Dei ad interrogata doceat: quo respexisse videntur LXX, qui אורים ὁμολογῶν interpretantur *doctrinam*; pariterque תמים ab

ימן *fidit, verum est*, quo pertinet τῶν LXX ἀληθεῖα. Quos secutus HIERONYMVS, *doctrinam & veritatem*, invita licet etymologia, vertit. Pressius fontibus inhæret AQVILA, Φωτισμὸς καὶ τελειώσεις reddens. Hinc Judæi, ABEN ESRA & ABARBENEL, ita distinguunt, ut Vrim notasse credant lucem, & revelationem divinæ voluntatis ad quæsitā, Thummim autem responsum perfectum & sincerum, divinæ voluntati & revelationi, absquæ fraude & dolo, conforme. Alii, qui icunculas hic somniant, duas pariter statuunt: nec non b. CARPZOV. *Conjecturæ cap. IV.* p. 13. pro duabus militat tabellis. Nobis tamen, ut rem unam duplicato nomine insignitam fuisse credamus, auctoritas suadet Scripturæ, in qua alterutra vox pro utraque ponitur, quando Num. XXVII, 21. Josua stare jubetur coram Sacerdote, ושאל לו במשפט האורים, לפני ירוה, ut eum consulat de judicio Vrim coram Domino: æque ut 1 Sam. XXVIII, 6. Dominus sciscitanti Sauli, cum per insomnia, tum per pectorale גם כאורים, responsum denegare perhibetur. Unde liquido, nī fallor, apparet, rem unam utroque pariter, ac uno nomine designari; perinde ut Exod. XVII, 7. uni loco geminati vocabuli nomen מסה ומריבה *Massa & Meriba*, imponitur.

Quær. II. *Quid sit Vrim & Thummim? num ipsum pectorale? an lapides pretiosi? an tertium quid, a vestimento & ornatu diversum?* Ad has enim duas velut familias, diversæ revocari possunt sententiæ auctorum, ut alii oraculum hoc cum pectorali ejusque gemmis idem faciant, alii ab eodem distinguant. Nos missam facientes absurdam Rabbīnorum interpretationem, RIMCHIO & R. SALOMONI memoratam, quod per Vrim & Thummim, Crethi & Plethi intelligantur, quam & recenset, & confutat b. patrus meus, IOH. BENED. CARPZOVIVS *Disputat. Academ. VI.* quæ est de Crethi & Plethi cap. II. p. 193. sqq. ordine singulas percensebimus. 1) In his, qui gemmas ipsas per Vrim & Thummim designari censent, e Judæis post IOSEPHVM lib. III. *Antiqu. Jud. cap. VIII. §. 9.* & Rabbīnos nonnul-

nonnullos apud ABARENELEM *Comment. in Exod. XXVIII, 15.* locum præ ceteris meretur R. AZARIAS in סֵפֶר עֵינִים *cap. L.* cujus verba Latine reddita vide apud BVXTORF. *Exercit. III. p. 285. sqq.* e Christianis vero ANDR. RIVETVS *Comm. in Exod. XXVIII, 30. Tom. I. Opp. f. II46. a.* qui lapides pretiosos nominibus hisce insigniri credit, ratione usus singularis, ad quem destinabantur. Itaque postquam eorum descriptio facta fuisset secundum materiam, secundum formam & sculpturam, item numerum; recte addi existimat, *pones in rationali Vrim & Thummim*, de iisdem lapidibus, id est, ut sint illuminationes & consummationes, seu impletiones, ut nempe ita dispositi & rationali impositi, ex instituto divino sint Vrim, id est, in earum usu, aut ad earum reverentem inspectionem inspiretur Sacerdos, de futuris inquirens, certusque fiat, & alios certos efficere possit de eventu, & impletione eorum, quæ ipsi patefunt. Fateatur RIVETVS, hausisse se sententiam ex P. FAGIO, qui eandem ex B. BRENTIO nostro, presso licet Viri nomine, depromserat: firmatque cumprimis inde, quod voces Vrim & Thummim aliquando pro ipsis lapidibus pretiosis, & hirsus pro Vrim & Thummim ponantur. Sic Exod. XXXIX, 6. sqq. in iterata pectoralis descriptione gemmas nominari, nulla τῶν Vrim & Thummim facta mentione; rursus Lev. VIII, 8. de Vrim ac Thummim loqui, lapides pretiosos silentio præterire. In eandem sententiam plurimi recentiorum doctorum pedibus concesserunt, Anonymus Anglus in *Histor. Univers. cit. loc. pag. 447.* BRAVNIUS *pag. 768. sqq.* HOTTINGERVS *Not. ad Auct. nostrum*, EYDEVS *p. 705.* alii. Etsi nonnulli ita interpretantur, dictos fuisse hos lapides *lucis perfectissimas*, ob perfectum & insignem splendorem suum. Utut autem plana satis videri queat sententia, minus tamen illa ad Mosaicam quadrat descriptionem, quæ gemmas ab Vrim & Thummim diserte distinguit. Nam & in divina institutione Exod. XXVIII, 30. absoluto jam perfectoque pectorali, una cum gemmis suis, inde-

re jubetur Moses Vrim & Thummim; & in Mosis executione Lev. VIII, 8. cum, quæ ad ornatum faciebant Pontificis, elaborata jam essent omnia & consummata, Mosesque sacro vestitu indueret Aaronem, inter induendum, Vrim & Thummim pectorali perhibetur insinuassee. Vnde STRACIDES quoque, Apocryphus quidem, sed perantiquus scriptor, rerumque gentis suæ apprimè gnarus, gemmas in Chofchen ab Vrim & Thummim *cap. XLV, 13.* liquido distinguit. Alterutrius verò omisso, quam urget RIVETVS, nondum evincit, unum pro altero poni, cum nominato pectorali semper includantur gemmæ illius, quæ præcipuam ejus constituiebant partem; & in more habeat positum Scriptura, in iterata descriptione, unam vel alteram sive partem, sive circumstantiam, silentio præterire, quæ jam ante copiose erat recensita. 2) Qui diversum quid a gemmis notari credunt, denuo scinduntur in partes. Cabbalistæ, una cum vetustissimis Judæorum Magistris, nomen τετραγράμματος fuisse volunt, a Deo ipso scriptum aut gemmis insculptum, Mosisque traditum, qui pectoralis duplicationi, tanquam marsupio, illud immiserit. Scriptum autem fuisse vel nomen יהוה solum, multis literarum transpositionibus variatum, vel una cum aliis quibusdam nominibus divinis. Virtute autem istius nominis, Pontificem res futuras cognovisse & prædixisse, quin & ejusdem beneficio, omnia sua Mosen miracula patrasse. Citat in hanc sententiam BVXTORFIVS testimonia libri *Zohar in Exod. fol. 105. col. 4.* IONATHANIS in *Paraphrasi Chaldaica Exod. XXVIII, 30.* R. SALOMONIS IARCHI, R. LEVI BEN GERSOM, R. BECHAI, aliorumque, & in his cumprimis R. MOSIS BAR NACHMAN, qui nomina Dei sancta fuisse vult duplicia: per priora, אֱלֹהִים dicta, Sacerdotem qui ea consulebat, illuminatum fuisse confusa aliqua rei interrogatæ notitia, per altera vero, תְּשׁוּבָה appellata, certiori notitia imbutum, ut mentem & sensum simul perciperet: *Exercit. III. f. 279. sqq.* Nec improbat, sed certo modo, sententiam illam CARPZOVIVS *Conjectura p. 4. sqq.*



quæ tamen, ut a Judæis incrustatur, ab omni destituta similitudine veri, passim exploditur a Christianis. Nec ampliorem meretur fidem 3) eorum opinio, qui ipsa hæc nomina, *Vrim & Thummim* scripta fuisse perhibent, ita quidem, ut, ubi Pontifex primum inspexerat *Vrim*, literæ, e quibus responsum constabat, luxerint: sed, quia conjunctio istarum literarum varie fieri poterat, eum postea inspexisse alterum nomen *Thummim*, & hoc literas perfecisse, & docuisse veram rationem eas disponendi, ad legendum responsum Dei. Huc pariter inclinatur, AZARIAS in *מִצֹּר עֵינַיִם* cap. XLVI. & aperte tuentur sententiam ROB. BELLARMINVS de *Pontif. Rom. lib. III. cap. 2.* CORNEL. A LAPIDE ad *Exod. XXVIII, 30.* DIDACVS DEL CASTILLO ET ARTIGA, supra citatus, p. 351. §. 21. aliique quos laudatus DIDACVS in partes citat: cui tamen solidi nihil inesse, ad oculum apparet. 4) Paulo aliter eandem refingit CLERICVS in *Comment. ad Exod. c. 1.* ubi nomen *Vrim* certis competisse credens gemmis fulgentibus, ex carbunculorum genere, *Thummim* vero margaritas exponens, Moſen perhibet jussu a Deo, præter alia ornamenta, Pontifici Maximo torquem imponere, gemmis, quæ *Vrim* dicuntur, & margaritis constantem, quæ ad pectus ejus descenderent, cujusque beneficio ad quæſita responderet. Sed præter novitatem, nihil habet, quo sese commendet sententia ista, mero suffulta auctoris sui arbitrio, cui nomen quadam similitudine speciem quandam conciliare frustra annitur. 5) Denique aliter instituit EPIPHANIUS *Tract. de XII gemmis* pectoralis Pontificis, quando iis decimam tertiam addit, insignis pretii & magnitudinis Adamantem, ex cujus splendore Dei favorem, ex mutato autem colore in nigrum, iram intelligeret Sacerdos. Oppido autem ignorantiam suam prodit EPIPHANIUS, quando ter quotannis hoc ornatu instructum perhibet Pontificem, cum scilicet ingrederetur in Sancta Sanctorum, in Paschate, Pentecostes festo, & Tabernaculorum. Quod quam longe absit a vero, vel tyrones no-

runt. 6) Graviorem adhuc censuram meretur CHRISTOPHORI CASTRI commentum *lib. III. de vaticinio cap. 3.* posthæc a SPENCERO *supra cit. loco* adoptatum, & uberiori doctrinæ apparatu pictum, quod *Vrim & Thummim* in duas transformat imagunculas, pectorali inditas, quæ ad quæſita, manifesta voce responderent, æque ut *Teraphim*; quarum altera *Vrim* dicta, altera *Thummim*, a *Teraphim* gentilium non, nisi auctore, & fortassis veritate, diversa. Deum autem per illas, ministerio angelorum, dedisse responsa. Quo, si verum esset, vix propius ad idololatriam, vel profanum & magicum cultum accedere potuisset Pontifex. Quare certatim doctores, POŁOCKIUS *Comment. in Os. III. 4.* BERNARDVS ad *Joseph. c. 1.* CARPZOVIVS ad *Schickardi Jus Regium*, EVDDEVS, BRAVNIVS p. 756. sqq. & copiosissime omnium WITSIVS *Aegyptiacor. Lib. II. cap. X, XI, XII.* in sententiam istam insurgentes, mascule & solide illam profligarunt. Præcipuus, quo nititur, SPENCERO Achilles est locus *Os. III, 3, 4, 5.* qui prædicat fore, ut filii Israel multos dies sedeant absque rege, absque principe, absque sacrificio, absque ara, absque Ephod, & absque *תְּרָפִים* *Teraphim*: unde argutatur, per *Teraphim* necessario intelligendum esse oraculum *Vrim*, cum jungatur *τῷ Ephod*. Id enim sibi velle Prophetam, carituros esse Judæos oraculo *Vrim & Thummim*, cujus tamen non alia hic mentio fiat, vel descriptio, quam per *Teraphim*. Contra vero ea satis constat, per *Teraphim* cultum idololatricum hic describi, & divinationes falsorum prophetarum, sub regibus idololatricis. Ut miserrimus sane populi Israelitici status indicetur, quo & cultu Dei veri, & idololatræ introducto sit cariturus, nullumque omnino habiturus. Ea vero conditio est gentis hodierna, ubi nec verum & Mosaicum Dei cultum habent, a Deo dudum abrogatum, & extra terram sanctam licite non exercendum, nec tamen idololatricum, cum idololatriam cane pejus ac angue fugiant Judei. Sed mirro vindicias loci, a laudatis Viris summis solide adornatas. Quicquid autem est

est istius commentum, ad impium SPENCERI reddit  $\pi\epsilon\acute{\omega}\tau\omicron\nu\ \psi\epsilon\acute{\upsilon}\delta\omicron\varsigma$ , cultus ritusque idololtricos Deum repurgasse, & ad sua transfulisse sacra. 7) Nova prorsus, & inaudita hactenus sententia est b. patruelis mei, IOH. BENED. CARPZOVII, quam in *Conjectura*, ut vocat, ex instituto proposuit, & qua potuit, ornavit, Vrim & Thummim duas fuisse parvas tabulas, sive ex lapide pretioso, sive ex nobiliori metallo constatas, & marsupio pectoralis insertas, quarum altera doctrinam Evangelicam de Deo Triuno & Christo Θεωσφωπω, altera de Fidelibus, omnemque fidei Christianae summam comprehenderet inscriptam, ut ita, non Legis modo tabulas in arca foederis reconditas, sed & tabellas Evangelicas, pectorali Pontificis inclusas, ad manus & in promptu haberet ecclesia V. T. Probare quoque aggreditur, quae dixerat, *tum* nominibus, ex voce Vrim, ex voce Thummim, & ex voce Mischpat, *tum* testimoniis ex Exod. XXIV, 12. XXVIII, 30. Deut. XXXIII, 8. Eldr. II, 63. Neh. VII, 65. & Jes. XXIV, 15. *tum* ex convenientia antitypi cum typo: quin & utriusque tabellae inscriptionem aequae ac delineationem, aeri incisam, scite exhibet cap. XXI. & XXII: demumque ab iis, quibus premi & oppugnari poterat, dubiis & objectionibus liberare, operam navat cap. XXXVI. & XXXVII. Quae sententia, quamvis certam exploratamque dicere ipse veritus sit Auctor, conjecturam potius se proponere ubivis professus, nec ab ingenio destituitur, vel eruditione, nec puriori doctrinae vel pietati derogat quicquam, immo magna veri sese similitudine commendat. 8) In tanta denique rei caligine & obscuritate, eorum se nobis maxime probavit modestia, qui  $\epsilon\pi\omicron\chi\eta\nu$  amplexi, nihil certi definire audent. Vnde R. ABRAH. SETA in  $\text{צירור המור}$  *sect. חצוה* citra tergiversationem fatetur,  $\text{אנחנו לא ידענו מה הם}$  *nescimus, quid fuerint*: cui R. DAV. KIMCHI in libro  $\text{פרשים}$ , & ABEN ESRA diserte adstipulantur, etsi posterior CASTRO & SPENCERO praelusit, ab EDVARDO BERNARDO ad *Joseph. c. l.* pro merito castigatus. Fuisse aliquid a gemmis ipsis aliud

& distinctum, per ea, quae supra diximus, satis certum habemus: quid vero fuerit, Scriptura silentio involvit. Placent inprimis, quae BENED. ARIAS MONTANVS in *Apparatu Biblico*, qui Tom. VII. *Criticor. Sacror.* insertus legitur, Tr. Aaron, f. 638. proposuit, digna, quae hic legantur: *Hanc autem rem, cujuscunque naturae illa fuerit, hominum artificio factam aut comparatam non fuisse, sed divinitus datam Mosi, vel eo tempore, quo Lex & tabulae, vel eo, quo perfectum opus fuit, arbitramur: - - - Diximus autem, rationale fuisse duplex, tribus lateribus commissum, ex uno autem latere apertum: inter utramque autem partem Vrim & Thummim inferbantur, ibidemque servata Sacerdotis habebant pectori: inde vero proferebantur, quoties divinum responsum petendum erat. &c.*

Quaer. III. *Quis usus fuerit τῷ Vrim & Thummim? & qua ratione & arte oracula divina & responsa inde elicerentur?* Quaestionis hujus discussio magnam partem ex praecedente pendet, & eadem laborat obscuritate. Dubio omni caret, eo spectasse universum istud negotium, ejus ut subsidio voluntatem suam manifestaret, consultumque Numen in casibus dubiis ederet responsa. Patet hoc ex Num. XXVII, 21. ubi Deus in officio suo confirmaturus Josuam, jubet, ut coram Eleazaro sacerdote se sistat, & interroget  $\text{במשפט האורים}$  *secundum regulam*, vel per medium Vrim. Ita Jud. I, 1. Israelitae interrogabant: quisnam prior montem Judae sit aggressurus, ad deturbandos inde incolas gentiles? Deusque respondebat per Vrim: Juda ascendat. Sic ex adverso I Sam. XXVIII, 6. Saul conqueritur, Deum sibi non amplius respondere, sive per somnium, sive per Vrim, sive per Prophetas. Quod ut in se satis certum est & perspicuum, ita majori laborat difficultate modus ac medium, quo mentem Dei declaraverit, & responsa dederit oraculum istud. Antiquissimi, plurimique Judaeorum censent, responsum fulgore aliquo, vel luce inusitata emicuisse ex lapidibus pretiosis, ita quidem ut ejus literae lucentes emerent, & supra reliquas ascenderent multum,



multum, cum prius per sculpturam essent profunda. Cum vero in nominibus XII tribuum Israel, quæ insculpta gemmis erant, literæ omnes totius alphabeti exhiberentur, præter פ/צ/ט/ח: istæ ut, pariter adessent, & omnia exprimi ac legi possent vocabula, quibus responsum egebat, præter XII tribuum, nomina quoque Patriarcharum, *Abraham, Isaac & Jacob*, ut & שכיני ישראל fuisse pectorali adscripta. Ex his itaque nominibus, quæ omnes Hebræorum literas complectebantur, literas illas, quæ componebant responsum, supra reliquas protuberasse, & insigni enituisse splendore, ut ex illarum rita compositione Pontifex responsionem intelligeret. Sic quando Jud. I. 1. Pontifex interrogabat: *quis ascendet ante nos, contra Cananeum, in prælium?* Deus respondit: יהורה יעלה *Juda ascendet*; idque hoc pacto, ut primo nomen integrum *Jebuda* in suo lapide prominens exsplenderet, porro ex nomine Levi litera ו/ ex שמעון litera ש, ex Levi iterum ה, ex Abraham ה, ex quarum compositione emergebat verbum יהלה *ascendet*. Istæ porro literæ cum varie interdum legi possent, nec ordine vocis se semper exciperent, hinc speciali Spiritus S. assistentia & directione edoctum fuisse Pontificem, quæ vera & genuina esset lectio. Mavult tamen ABARBENEL, literas istas non simul & semel protuberasse, lucemque effudisse, sed ordine illo, quo componi & legi debebant. Vbi ergo consulendum erat Vrim, Pontificem ornatu suo vestitum, versus arcam constituisse. Illum, qui consulebat, recta post Pontificem, & questionem proposuisse voce articulata quidem, sed dimissa, qualis esse solet solitarie orantium. THOMAS AQUINAS autem, coram Sacerdote, & versus illum steterisse existimat consulentem, quia Num. XXVII. dicatur: & stabit coram Eleazaro; quo etiam sententia nonnullorum tendit Rabinorum in *Falkut*. Necessæ præterea fuisse, ut & consulturus oraculum, & Pontifex editurus, essent *in casto*, hoc est, nulla libidinum, vel seortationis macula, nec peccato quodam regnante, contaminati. De consulturo satis id

liquet ex I Sam. XIV, 37. ubi oraculum non respondebat, quod Jonathan contra execrationem & sacramentum Saulis manducando, contraxerat reatum; nec non ex I Sam. XXVIII, 6. ubi Saul nullum a Deo responsum se ferre conqueritur, quod ob inobedientiam & rebellionem, aliaque peccata esset a Deo rejectus. De Sacerdote tam liquido non constat, ex analogia tamen facile colligitur. Judæorum in hanc sententiam testimonia, ex *Zohar, Falkut*, R. BECHAI, MAIMONIDE, R. MOSE BEN NACHMAN, R. LEVI BEN GERSON, aliisque larga manu exhibet BYXTORFIVS cap. IV. p. 309 sqq. qui consulentis etiam qualitates, modumque interrogationis cap. III. p. 294. ex Magistrorum scito, jam prosecutus fuerat. Ceterum Rabbincum istud de radiantibus, vel protuberantibus literis, quæ responsum conficiebant, prolixè refutavit laudatus supra GALLAEVS de *Sibyll. pag. 234. sq.* Aliis tamen, & in his SPENCERO, placet, vocem potius auditam esse, qua diserte responderetur ad quesitum: æque uti Jobus accepisse fertur קול רממה *vocem silentii* c. IV, 16. & Elias ex קול רממה רקה *voce quieta & tenui* præsentiam Dei cognovit I Reg. XIX, 12. Vnde quoque pectorale חשן dicatur, a חשה *siluit*; quod contrarium potius suaderet, oraculum illud non articulata voce, sed alto silentio editum fuisse. SPENCERO autem Talmud Hierosol. Tr. *Foma cap. VII.* jam prælusisse, ex citato ejus testimonio apud BYXTORFIVM pag. 308. intelligitur. Laudatus CARPZOVIVS *Conject. c. XXX. p. 284.* ita conjicit: Pontificem indutum Ephodo, extraxisse ex Choschen tabellas תאן Vrim & Thummim, indeque prælegisse quærenti articulos fidei, & rogasse: an istos crederet? & in Messia venturo adimplenda omnia esse certo teneret? Annuente hoc; & Amen respondente, utrumque in genua procubuisse, oranteque, interrogante, & questionem suam proponente, suas ipsi præces adjunxisse Sacerdotem Summum, qui, una cum tabellis Evangelicis, divina collustratus luce Spiritum Sanctum acceperit, cujus afflatu dederit responsum. Nobis simplicior videtur sententia,

rentia,

tentia, nec ex literis  $\text{נִשְׁמַע}$  responsum innotuisse, quod interdum multo erat prolixius, quam cui literæ gemmis insculptæ sufficerent, ut 2 Sam. V, 19, 23, 24. nec luce insolita & splendore: sed lapides illos symbolum tantum fuisse præsentæ divinæ, signumque lucis & perfectionis Prophetiæ, qua, vi muneris sui, Pontifex gaudebat, æque ut Cajaphas Joh. XI, 51. Placebat autem Numini supremo, ut Pontifex, licet beneficio muneris sacri, facultate vaticina polleteret, nullam tamen haberet suggestionem immediatam, nec responsum ad interrogata reddere posset, nisi Ephodo & pectorali rite ornatus: quemadmodum accepta non erant sacrificia, nisi vestibus sacris ornati essent Sacerdotes, Pl. CX, 3. Interno itaque verbo & revelatione divina, responsa percipiebat Pontifex, æque ut Patriarchæ & Prophetæ; unde est, ut Hebræi facultatem respondendi per Vrim ad eum prophetiæ gradum referant, quem  $\text{רוח הקדוש}$  *Spiritus Sanctum* vocant, & inferiorem faciunt Prophetia vera, superiorem Filia vocis: & velut Prophetæ suarum revelationum ita erant certi, ut pro divinis eas haberent, ita Pontifex quoque intra animum suum certo erat convictus, Deum sibi, quicquid erat responsi, revelasse. Differentia tamen inter Prophetarum revelationes, & inter responsa per Vrim, sita erat in eo, quod Deus non semper revelationes indulgeret Prophetis & Patriarchis, nec ad omnia responderet interrogata, sed pro lubitu suam illis exponeret voluntatem, quoties e re videbatur Ecclesiæ, nec visibile illis daret signum & symbolum præsentia suæ & revelationis: contra vero ea, Pontifici demandaret, ut in casibus dubiis, Deum suum de jure & iustitia, de rebus arduis, quæ bonum Ecclesiæ & reipublicæ spectabant, aliisque causis gravibus, adiret & consuleret, cum hac promissione, semper se Spiritu suo affore præsentem, & ad quæsitæ responsurum, quod etiam præstitit, nisi quando alterutrius peccata istud prohiberent. Addidit præterea Summo Pontifici signum istud visibile & symbolum externum, Vrim & Thummim, quo instructus

& ornatus interrogabat. Quo tendere quoque videtur sententia RIVETI *Comment. in Exod.*

Quær. IV. *A quo consultum sit Vrim, & redditum responsum?* A solo Pontifice Summo, non Rege, non Sacerdote aliquo gregario, quod utrumque perperam contendit SPENCERVS. Id contra CVNÆVM lib. I. de Republ. Hebr. c. 14. qui ex 1 Sam. XXX, 7. arguere nititur, Davidem regem Ephod sibi applicasse, eoque indutum, Deum consuluisse, egregie evincit EVXTORFVS cap. III. p. 296. Quæcunque enim exempla consulti per Vrim & Thummim Dei, in Sacris literis occurrunt, omnia per Pontificem consultum eum memorant. Istud oraculum cum conjunctum esset cum dono illo vaticino, & Prophetico, quo Deus Supremi Pontificis munus præ ceteris ornaverant Joh. XI, 51, manifeste patet, neminem alium dono isto, & hoc oraculum consulendi facultate polluisse, præter eum, qui munere isto sacro gaudebat. Hic erat vir sanctus Dei Deut. XXXIII, 8. Accedit, quod ornatum Pontificalem induere & gestare, nemini fas esset, quam Pontifici. AQUINAS itaque, quando existimat, Samuelem isto gavissimum esse privilegio, induendi Ephod & consulendi Vrim, fallit & fallitur. Quale enim fuerit Ephod Samuelis pueri, & quantum ab Ephodo Pontificali diversum, supra monuimus.

Quær. V. *Cujus auctoritate ac jussu hoc oraculum fuerit consultum?* Jus istud Judæi Regi solum, vel supremo imperanti, eique, qui  $\text{אב בית דין}$  salutabatur, denique Synedrio magno, asserunt. Quamvis autem in rebus nullius momenti ac levioribus, aut in quotidianis, ad oraculum hoc accedere integrum non esset, sed in causis arduis, de bello & pace, de patria, de rege, de salute populi & reipublicæ, cum velut heroicum esset remedium, eruendi occulta, vel resciscendi futura, quo abuti non erat integrum: absit tamen, ut privato istud plane denegemus, cum David nec Rex, nec supremus judiciorum moderator, Deum tamen per Vrim interrogaret 1 Sam. XXIII, 9. sqq. in privato suo periculo, sed quod



cum clade reipublicæ, & cum ignominia promissionum divinarum erat conjunctum. Deus, qui per Prophetam fœminæ quærenti Gen. XXV, 22. nec non Saulo privato, in causa domestica, per Samuelem I Sam. IX, 6, 20. respondit, hoc quoque oraculum privatis denegasse, existimandus non est. Adhæc non præter rem observat FRANCISC. BYRMANNVS *Comment. in I Sam. XIV.* edit. Belg. p. 143. non tam de religione, aut ad quæstiones de fide & cultu divino, responsa dedisse, quam de politicis & civilibus rebus, salutem reipublicæ vel magnorum virorum concernentibus consuluisse in medium, & in casibus ambiguis, quos hominum sagacitas & industria assequi & definire non valebat.

Quær. VI. *Vbinam locorum Vrim consulere licuerit?* Sunt, qui censent, in loco sacro tantum licuisse, ubi Sacerdotes vestimenta sacra gestandi jus habebant; immo BUXTORF. *cap. III. p. 295.* ubi soli Sacerdoti Summo hanc facultatem asserit, *ex hac quoque ratione, quod solus Sacerdos Summus Sanctum Sanctorum ingredi, & coram arca ministrare, & cultum sacrum peragere potuerit*, oraculum istud ad Sanctum Sanctorum restringere videtur: Quod tamen omnino negamus, quia nisi semel quotannis, Festo expiationis Judæorum, verendum istud adytum ingrediebatur Pontifex, & quidem depositis vestibus aureis, ut adeo ne integrum quidem fuerit, peccatorale in Sanctum Sanctorum inferre. Errori forte ansam dedit, quod consuluisse dicatur coram arca, facie ad illam versa: Sed ad hoc opus non erat, ut adyta ingrederetur; poterat enim, in loco sancto consistens, faciem quoque obvertere arca. Sed nec BRAVNIO damus, semper in loco sancto consultum fuisse hoc oraculum. Abjathar enim I Sam. XXX, 7. in gratiam Davidis, induebat Ephod, & consulebat Vrim in deserto. Hinc rectius putamus, ubivis locorum, ubi res ita ferebat, consuli potuisse Vrim. Si quis eo loci, ubi erat sanctuarium, versaretur, in sanctuario, versus arcam conversus Pontifex, interrogabat: at si arca extra sanctuarium esset,

velut I Sam. XIV, 18. ubi Saul in mediis castris consulebat Vrim, necesse erat, ut coram arca consisteret Sacerdos: denique, ubi nec arca adesset, nec sanctuarium, ut apud Davidem I Sam. XXX, 7. versus illam solum plagam, sive regionem se vertebat Pontifex, ubi quiescebat arca, & responsum ferebat.

Quær. VII. *Num oraculi hujus responsa fuerint irrevocabilia?* Negant & pernegant Judæi, cum ex adverso largiantur, Prophetarum vaticinia revocata interdum fuisse, velut ex Jonæ, de interitu Ninevitarum, & Jesaiæ, de proxime imminente Hiskia morte, vaticiniis sit manifestum. Testimonia in hanc sententiam Judæorum confertim exhibet BUXTORF. *in Hist. Vrim cap. IV. p. 313. sqq.* Judic. XX. tamen videtur, ac si hoc oraculum bis illuserit Israelitis in bello contra Benjaminitas. Tribus enim vicibus quærebant: *ascendamne ego, ut cladem inferam fratribus meis?* & ferentes responsum: *ascende;* gemina profligabantur clade. Sed quia tertia solum vice quæstionem addebant de victoria: *& num dabis eos in manus meas?* recte semper habebat responsio. Primo: Juda ascendet; secundo: ascende (id enim voluntati divinæ congruebat, ut utrique stultitiæ suæ pœnas darent); at tertia vice promittit Deus victoriam, de qua erat quæsitus. Addit ABARBENEL *ad h. l.* illos in eo peccasse, quod prima vice, nec debito loco, nec per personam congruam interrogassent: per alium enim tum ipsos consuluisse, quam per Pinehasum, Summum Sacerdotem, quippe cujus tertia demum vice fiat mentio, v. 28. Sed verior, ut gratis istud assumatur.

Quær. VIII. *Num in secundo templo adhuc existerit oraculum Vrim? & quoque duraverit?* Post BUXTORFIVM *Hist. Vrim cap. V. p. 320.* nemo prolixius hanc quæstionem discussit doctissimo BERNARDO *Annot. ad Josephi Antiqu. Lib. III. cap. VIII. Tom. I. p. 167. sq.* qui IOSEPHI fidem tuetur, qua annis CC. ante conscriptos a se Antiquitatum commentarios, adeoque annis CLXXIV. ante excidium Templi secundi, responsa reddere desuisse divinum hoc oraculum,

κατὰ παράδοσιν ἱερατικὴν perhibet, & quidem τῷ Θεῷ δυσχεράναντος ἐπὶ τῇ παραβάσει τῶν νόμων, cum Deus moleste ferret transgressiones legum. Longe tamen aliter fert communis Judaeorum sententia, quæ Vrim & Thummim in numero quinque rerum habet, quæ defuerint in templo secundo. In Cod. Sota cap. IX. §. II. ita decernit Mischna: משמתו נביאים : הראשונים במלך אורים ותומים: ex quo mortui sunt Prophetae priores, oraculum pectorale desuit. Non tamen convenit inter Doctores, quinam Prophetarum priorum nomine veniant? num ex R. HYNA sententia, Samuel, David & Salomo? an, juxta R. NACHMANVM, omnes, usque ad Haggæum, Zachariam & Malachiam, qui נא' עֲזָרוּ Prophetae posteriores nuncupantur. Posterior obtinuit explicatio, ut in templo secundo locum habuisse Vrim negetur. Licet enim novum in secundo templo paratum esset pectorale, mutum tamen erat, & oraculis destitutum. Quod MAIMONIDES Hilch. Beth habechira cap. IV. §. I. ex verbis Neh. VII, 65 probat: donec existeret aliquando Sacerdos cum oraculo pectorali. Pergitque: non igitur alium in finem parabatur novum pectorale, quam ut octonarius numerus vestium, quibus indui oportebat Pontificem, esset integer, & ne quid debiti ornatus deficeret. Idem repetit in Hilch. Kele Hammikdash cap. X. §. 10. ubi addit: ומפני מה לא היו שואלין כהן? sed quare non consuluerunt Vrim? & respondet: מפני שלא היה שורה שם רוח הקדש וכל כהן שאינו מרכיב ברוח הקדש ואין שכונה עליו אין נשאלין בו: quia defecerat Spiritus Sanctus, scilicet Sacerdos, qui ex Spiritus Sanctus afflatu non loquitur, quique divinitatem non habet presentissimam, cum non consulunt de futuris. Longe tamen prius defecisse responsa per Vrim, credit GVIL. OVTREIN lib. I. de sacrificiis cap. V. p. 52. nec durasse amplius, donec regnum, rejecto Dei imperio, ad Davidis familiam translatum fuit. Et sane post mortem Saulis & Davidis, historia Regum nullam amplius mentionem injicit τῶν Vrim & Thummim. Deum enim consulturi Reges, Pro-

phetas adibant, qui cum uberrima & θεόπνευστα ederent responsa, negligebatur forte oraculum pectorale. Ut vix liquido satis pateat, num neglectu consulentium & Prophetarum copia, an divina dispensatione, posthæc responsa negante, illud defierit. Scite in hanc sententiam observat FRANC. BYRMANNVS Comm. in I Sam. XIV. p. 143. sub Saulis & Davidis imperio crebrius consultum memorari hoc oraculum, nullibi autem regnante Salomone, unde haud inepte colligatur, sub auspicia regiminis Salomonei istud plane conticuisse. Causam ejus rei conjicit duplicem: unam, quod priori tempestate, multa ingruerent, eaque gravissima, bellorum & aliarum calamitatum pericula, quibus amoliendis præcipue destinatum erat oraculum istud, quod sub Salomone non adeo egebat respublica, alta pace, rebusque prosperis gavisa: alteram, quod Deus responderit, quoad ipse imperium populi sui moderabatur, quod Judicium, & priorum Regum ætate locum habebat, Salomonem autem magis pro arbitrio suo, liberiusque regnasse, nec Vrim & Thummim amplius, sed ubi opus erat, Prophetas consuluisse. Virgent, qui contrarium tenent, supra memoratum locum Neh. VII, 65. & Efr. II, 63. dixitque Thirsata illis, ne comederent de sanctitate sanctitatum, ער עמר donec extaret Sacerdos cum Vrim & Thummim, ac si verbis illis subinnueretur, extitutum aliquando in templo secundo Sacerdotem, prophetantem per Vrim & Thummim. Verum ex Magistrorum sententia apud BYXTORFIVM p. 323. hoc idem est, ac ad Kalendas Græcas. Certe Vrim & Thummim non humanum opus, sed divinum erat donum, a Mose Pontificis ornatui insertum, quod in secundo templo restitutum fuisse nullo constat documento. Malunt ergo alii verba ista ad spem & votum efferre Regii Præfecti, qui crediderit, fore aliquando, tale ut oraculum Ecclesiæ suæ restituat Deus, licet eventus nunquam responderit voto. Quod superest, temperare mihi non possum, quin BYXTORFII adscribam verba, quæ p. 328. ita habent: Præludia hæc, ut



ceterorum quoque Symbolorum divinorum privatio, fuerunt, instare tempus, quo hæc omnia, cæcæ aliarum rerum imagines & umbra, sint abolenda, quo alia perfectior cultus Dei forma sit instituenda. Quo altius scilicet sol horizontem conscendit, eo breviores spargit umbras, donec in meridie vertici nostro oppositus, illæ ad ejus lucem undiquaque sparsæ evanescunt: ita appropinquante propius sole illo justitiæ, Messia, umbræ Veteris Testamenti sensim fuerunt contractæ, donec illo plene apparente & lucente, prorsus sunt sublata, & jam sub mundi vesperam post tergum nostrum rejectæ.

Typica denique τὸν Vrim & Thummim adumbratio, ad Christum, verum Pontificem Maximum, pertinebat, qui divino collustratus jubarē nobis, quæ in Dei sunt arcanis, liberaliter patefecit Joh. I, 18. Vnde Vener. D. SALOM. DEYLINGIUS P. II. *Observat. Sacr.* XXXII. §. 7. pag. 310. Lucis appellationem, toties Christo in Sacris literis tributam, ortum traxisse existimat, quia אורִים ad habitum & ornatum ministerii Summi Sacerdotis spectabat. Prolixus quoque est in eo BVXTORF. cap. VI. p. 331. sq. ut singulatim exponat, per quæ comparationis membra אורִים retulerint Christum, qui Dei apud homines non internuncium modo, & voluntatis ejus interpretem egir, sed ipse quoque splendor gloriæ, & character personæ Patris est, lux illa vera, illuminans omnem hominem, venientem in mundum. Paulo aliter BIERMANNS in *Mose & Christo Lib. I. cap. V. p. 106.* edit. Belg. typum inflectit, multisque docere annitur, Spiritum Sanctum, qui Christi beneficio pariter ac merito Ecclesiæ conceditur, una cum donis & operationibus suis, hoc symbolo designari: quæ scite quidem, at ex ingenio magis, quam evidenti Scripturæ indicio, ita declarantur. Quam insulse autem & incōcinne BELARMINVS lib. IV. de Pontifice cap. 3. in Vrim & Thummim non tam typum, quam invictum infallibilitatis Papæ, cum totam ecclesiam docet in his, quæ ad fidem pertinent, argumentum quærat, solide ostendit & cum risu explosit SIXTIN. AMAMA *Antibarb. Bibl. Lib. II. ad Exod.*

XXVIII, 30. p. 359. & post eum GALLÆVS *dissert. de Sibyll.* p. 236. sq.

Ad §. V. pag. 9.

(13) VII. *Cidatis ex bysso* מצנפת Tiara Pontificis alba, ex subtilissima bysso, a circumvolvendo & tegendo caput dicta. Constabat quippe ex fascia XVI ulnarum, variis circa caput spiris & volucris diffusa. Sacra enim curare capite nudo, integrum Sacerdotibus non erat. Operum quippe caput apud Hebræos, ut adhuc apud gentes Orientales, servi erat ministrantis. Cum itaque Deo servirent Sacerdotes in sanctuario, juxta Psalm. CXXXIV, 2. æquum videbatur, operto capite ipsos sacra obire. Hinc pileus, apud Gentiles quoque, inter sacerdotii referebatur ornamenta: morisque illius rationes reddit PLUTARCHVS *problem. Rom.* X. vel quod eo ritu animi submissionem faterentur, vel quod vererentur, ne qua vox mali ominis foris accideret. Quod eo magis mireris, cum pileus libertatis potius, quam servitii esset symbolum; quod quatuor dissertationibus, A. 1688. IANVS MILZOWIUS in Academia Hafniensi erudite docuit, *pileum libertatis populi olim Rom. publica indicem, & restituta vindicem certissimum*, orbi erudito sistens. Operto tamen capite, sacra & olim fecisse Judæos, & adhuc hodie facere, quo velamen שֵׂרֵית dictum spectat; LAKEMACHERVS post alios exposuit, ritumque istum a Romanis ad Judæos profectum, demonstrare sategit P. III. *Observat. sac.* II. p. 209. sqq. Ceterum inter tiaram Pontificis, & inter pileos gregariorum Sacerdotum aliquid intercessisse discriminis, cum ex nomine patet; Sacerdotum enim vulgariū mitræ מצנפת dicuntur, quasi *galeæ*, Pontificis tiara non audit, nisi מצנפת quod augustius paulo vocabulum est, & de regio diademate Ez. XXI, 26. legitur: *tum* ex forma externa. Ceterorum enim Sacerdotum pilei altiores erant, magisque fastigiati, instar galeæ, Summi autem Pontificis pileus depressior, sed ampliori mole, & frequentioribus volucris, circa caput

caput diffusus. De hac differentia BRAVNIVM evolve *Lib. II. cap. IV. §. 14. sqq.* & copiosius adhuc *cap. XX. p. 793. sqq.* Quod autem discrimen DIDACVS DEL CASTILLO ET ARTIGA de *Ornatu & vestibus Aaronis p. 459. §. 8.* ex ABVLENSI allegat, & §. 12. repetit, tiaram Summi Sacerdotis hyacinthinam, aliorum Sacerdotum lineam vel byssinam fuisse, istud non capio, & ex non satis intellectis, tam Scripturæ, quam Auctorum aliorum, verbis promanasse censeo. Vtut LVNDIVM, quoque *Jüdisch. Heilighthüm. lib. III. cap. VIII. §. 14. sq. p. 440.* videam, PHILONIS & IOSEPHI auctoritate motum, Pontifici mitram hyacinthinam, supra tiaram candidam, imponere, cui aurea adhæserit corona: quibus tamen, quo minus fidem adhibeam, silentium prohibet Scripturæ. Quod enim de vittis & filamentis hyacinthinis, quibus adstringebatur lamina circa caput, Exod. XXVIII, 37 præcipitur, a PHILONE perperam in *μίτραν* transmutatur.

Ad §. V. pag. 9.

(14) VIII. *Bractea aurea, sive corona Sanctitatis* צִיץ lamina aurea, b. LVTHERO scite, *das Stirnblat* dicta, & Exod. XXVIII, 36. præcepta, alias quoque הקֶרֶשׁ נֹר corona Sanctitatis audit, Levit. VIII, 9. & Exod. XXXIX, 30. unde IOSEPHVS *lib. V. Antiqu. cap. 15. χρυσὴν ἐφέφανον* appellat: hinc est, quod Judæi paullo audentius, Sacerdotium non minus, quam Regnum, כֹהֵן Coronam Israelis nominent. Quin & nonnunquam צִיץ נֹר lamina coronæ vocatur. Erat autem lamina, sive bractea aurea, ab una aure ad alteram porrecta, quæ vittis hyacinthinis fronti alligabatur, adstricta in occipitio. Lata erat duos digitos, & longitudine per universam patebat frontem, calyculos hyosciami, & quasi flores apertos referens insculptos: quin, IOSEPHO teste, tres calyculorum ordines, quorum alter altior erat altero, complectebatur, ita ut caput cingerent instar triplicis coronæ: id quod reliqui tamen Hebræorum Magistri non agnoscunt, nu-

dam laminam auream tradentes, cui inscripta erat, sculpturis sigilli, קֶרֶשׁ לִיהוָה Sanctitas Febove. Quando autem ABARBENEL, ex Doctorum gentis suæ sententia, sculpturam illam exponit, quod הַחֹתָמוֹת הֵיוּ כוֹלָטוֹת literæ fuerint protuberantes, dissimiles sculpturæ gemmarum humeralium & pectoralis, quod in his literæ essent profundæ, in corona autem elatiores, ad eum modum, quo in nummis, aut in cera literæ protuberantes conspiciuntur, in eo haud dubie hallucinatur. Utrobique enim eadem adhibetur phrasis פְּתוּחֵי-חֹתָם, quæ, cur modo de incisus, mox rursus de protuberantibus exponi literis debeat, nulla in promptu causa est. Ut nimirum constaret, Aaronem veri Dei Sacerdotem esse, heri sui nomen, & quidem integra sententia, קֶרֶשׁ לִיהוָה in fronte scriptum gerebat: etsi SOPRANES de re vestitaria *Judeor. p. 441.* cum aliis, solum nomen quadriliterum לִיהוָה scriptum pertendit, sanctissimum nimirum, & omni veneratione colendum, qua de causa Sanctitas addatur. Nec tantum וְלִתְפָאֶרֶת לכבוד & ad honorem & ad gloriam, ut auctoritatem & venerationem officio suo & ministerio conciliaret, hac ornatus corona incedebat, verum etiam, ut portet Aaron iniquitatem rerum sacrarum, quas consecraverint filii Israel, omnium donorum ab illis consecratorum. Sic erit super frontem ejus jugiter, ut Deo pro iis litaretur, Exod. XXVIII, 38. Hoc siquidem ornamento verum referebat Sacerdotem Summum, qui iniquitatem omnium sibi injectam & imputatam portans, Jes. LIII, 6, 12. veram nobis restituit sanctitatem, merito & satisfactione sua nos Deo concilians, acceptosque fideles pariter, ac eorum cultum, Patri reddens.

Quando autem, Coronam carni frontis, non vero tiaræ ad frontem adhæsisse, pertendunt Judæi, prætereaque docent, tiaram capiti non profunde fuisse imponendam, sed texisse verticem, seu superiorem partem capitis tantum, tota fronte manente nuda, ita ut spatii satis reliquum fuerit, phylacteriis, quæ inter operandum omnino gestarit Pontifex, inter laminam & pileum alli-



gandis, ut hoc pacto lamina fere oculis incumberet; in eo vereor, ne nimium faciles recutitis, ex ingenio nugantibus, aures prabuerit BRAVNIVS, qui *Lib. II. cap. XXII. §. 18, 19. p. 811. sqq.* in his percensendis operose versatur. Quamquam enim nec LVNDII se mihi, hac parte, probet figura Pontificis, *ad p. 418. delineata, & p. 440. descripta ac asserta*, quæ laminam auream supra tiaram, ejusdem apici, mitræque, quam fingit, cœruleæ adstringit, ut non tam frontem cingeret, quam vertici immineret; adeo tamen depresso, & supra oculorum palpebras adstrictam eam, non patitur Mosis descriptio, quæ satis perspicue situm coronæ vers. 37. ita definit: *וְשָׂמָה אֶתָּו עַל-פִּתְיוֹ הַכֹּלֶת וְהַיָּרֵךְ עַל-הַמְצַנְפָּת אֶל-מֹלֶךְ פְּנֵי-הַמְצַנְפָּת יִהְיֶה* quæ luculenter verterunt IVNIVS & TREMELLIVS: *quam appones cum (mediante) vitta hyacinthina, ita ut sit super ipsam cidarim: e regione anterioris partis ipsius cidaris esto.* Hinc liquido patet, laminam illam medium tenuisse, inter supremum LVNDII & infimum BRAVNII, locum & cidari superimpositam, e regione frontis, ipsam ambiisse, ut recte tradit GOODWINVS. Atque eundem, ni fallor, sensum PHILONIS fundunt verba, quæ minus dextre intellecta fraudi fuerunt LVNDIO, quando *lib. III. de vita Mosis p. 519.* ita tradit: *μίτρα δ' ἦν ὑπ' αὐτὸ, τῇ μὲν φαύειν κεφαλῇ τὸ πέταλον, mitra vero (sed potius dixerim, cidaris) erat infra illam (ita, ut illam ambiret & tegetet corona Sanctitatis) ne caput attingeret lamina, adeoque non carni capitis, sed tiaræ ad frontem, incumberet.*

Ad §. VI. pag. 10.

(15) *Vestimenta alba*] Discrimen inter כִּנְרִי *vestimenta aurea*, & inter כִּנְרִי לָבָן *vestimenta alba* apud Judæos æque ac Christianos doctores omnes receptum, non æque ab omnibus explicatur. Nimirum

כִּנְרִי לָבָן *vestes aureæ* dicuntur VIII memoratæ, quia vel constabant ex auro, v. g. lamina, vel aurum solidum appensum habebant, velut

pallium, tintinnabula, vel aurea fila intexta, ut Ephod & pectorale; quin & ita dicuntur ob ingens pretium gemmarum, & aurearum catenularum in pectorali, & in Ephodi humeralibus. Ob quatuor ergo vestes istas, quas Pontifex solus gestabat, reliquæ omnes aureæ vocabantur, utut ceteræ quatuor, v. g. feminalia, tunica, balteus & cidaris, nihil auri in se continerent. Magnus itaque SELDENVS *lib. II. de Success. in Pontific. c. 7.* perperam quatuor priores solum aureas vocat, reliquas lineas, vestes sacerdotales in tria dipefcens genera, in vestes Sacerdotis gregarii, h. e. tales, quæ omnibus Sacerdotibus erant communes; in vestes aureas; & in vestes albas: quem eo nomine jure carpit & suggillat SHERINGHAMVS *ad Tr. Joma cap. III. p. 54. sq.* Licet enim posteriores quatuor vestes auro non micuerint, omnes tamen octo aureæ vocantur apud MAIMONIDEM, & in Talmude passim, ubi quoties Pontifex dicitur vestes aureas induere, id ubivis de VIII vestibus capiendum est, quas per totum annum, excepto expiationum festo, in ministerio gestat.

כִּנְרִי לָבָן *vestes albae* sunt quatuor numero, feminalia, tunica, balteus, & cidaris, preparata ex lino albiſſimo & tenuiſſimo, soli Pontifici die expiationum propria. Quamvis autem vestes Sacerdotum gregariorum pariter albæ essent, ex lino albo satisque tenui contextæ, albarum tamen nomine non censentur. Differentia quoque intercedebat in balteo, qui & Pontifici, & omnibus Sacerdotibus erat acu pictus, & duplicis materiæ, ex lana & lino, sed balteus ille, qui ad albas spectabat, lineus tantum erat. Præterea Pontifex die expiationum, quando adytum intrabat, duplici vestitu est usus, mane alio, qui valuisse dicitur XII minas, rursus alio vesperti, VIII minarum pretio: utroque albo. Easque non nisi semel vestiebat Pontifex, uno expiationum die: peracta autem expiatione deponebantur, nec unquam posthæc eas induebat Pontifex, cum ex adverso vestes aureas quotidie resumeret easdem. Confer BRAVNIVM *lib. I. cap. II. §. 2. & 4.* & quæ *ad cap. præced. §. 5.* notavimus.

De

(17) *Vestitu adumbratur*] Latissimus hic patet typicæ accommodationis campus, quem magno cum studio & cura emensi sunt BRAVNIUS lib. II. cap. XXVI. p. 867. IOH. BIERMANNVS in *Mose & Christo* lib. I. Cap. V. edit. Belg. p. 81. sqq. WILH. MOMMA in *Oeconom. tempor.* Lib. II. cap. IX. §. 52. sqq. Nos partim ad Christum, & quidem primario referimus, partim ad Fideles, a Christo sanctificatos, & spirituale Sacerdotium redditos. Paucis tamen multa complexi, hæc subijcimus. Velut Sacerdotes omnes, maxime vero Pontifex Supremus, picturæ erant & typi Christi, veri Ἀρχιερεὺς ἡμῶν, ita vestitus ipforum sacerdotalis quoque, cum ornatu ejus, curamque ac dignitatem sacerdotalem adumbrat, qua nomina suorum non tam in humeris



meris & pectore, quam in manu sua scripta gestat Jef. XLIX, 16. & tanquam memoriale patri suo affert Mal. III, 16. pectorale judicii, omneque judicium a Patre accepit Ezech. XXI, 27. Jef. XI, 4. Joh. V, 22. ipse Vrim est, lux vera Joh. I, 4, 9. & Thummim, integritas absque labe, Hebr. VII, 26. ecclesiam suam mundans, ut sit in ipso, & per ipsum, sine macula, ruga, labe Ephes. V, 27. cujus introeuntis & exeuntis vox auditur, ut qui loquitur verba Dei Joh. III, 34. & testatus est *την καλήν ὁμολογίαν* 1 Tim. III, 7. quique solus, ac unus *קדש ייחוד* sanctum Domini Mal. II, 11. & sacrosanctus Messias, sive unctus est Dan. IX, 24: tum symbolum & figuram præbet justitiæ & sanctitatis Christi, qua teguntur ornanturque omnes, qui Spirituali Sacerdotio fungi, & ad Deum accedere gestiunt, Jef. LXI, 10. Ideo Christus fideles monet, ut emant a se vestimenta alba, Apoc. III, 18. & Matth. XXII, 11. sq. vestimenta nuptialia desiderat in convivis. Quod si sigillatim persequi velis singula, Brachæ mortificationem carnis nostræ per Spiritum Rom. XII, 13. sqq. Tunica tessellata, velamentum salutis nostræ, ne nudi inveniamur coram Domino, Jef. LXIV, 17. Bakeus, cingulum lumborum Christi Jef. XI, 5. quo ecclesiam, ut arctissime sibi adhæreat, accingit sibi que unit, Jer. XIII, 10. Pallium seu *מעיל* rursus stolam justitiæ Christi Jef. LXI, 10. Ephod, curam ejus pro iis, quos novit esse suos, Joh. X, 14. 2 Tim. II, 19. quosque cœlo infert, facitque confidere in cœlestibus Ephes. II, 6. Pectorale, ecclesiam per XII lapides pretiosos designatam Apoc. XXI, 19, 20. quam Christus portat & sustentat, Jef. IX, 6. quæque sigillum est in corde Christi Cant. VIII, 6. Tiara, seu diadema, hinc majestatem Christi, ad cujus nomen flectendum est omne genu Phil. II, 10. sq. hinc fideles, ceu Regium ipsius Sacerdotium Exod. XIX, 6. 1 Petr. II, 9. Lamina aurea, triplex Christi regnum, tum quoque sanctificationem sui, qua & nos sanctificamur Joh. XVII, 19. 1 Cor. I, 30. Vestes albæ, ipsum in die expiationis, Hebr. VII, VIII, IX, X, repræsentant.

Ad §. XI. pag. 10.

(18) *Quoad matrimonia & conjugia* De Sacerdotum conjugio SELDENVS commentatur in *Vxore Hebr. Lib. I. cap. VII. & de Success. in Pontific. lib. II. cap. 2. & 3.* Nimirum, Sacerdotibus gregariis interdicta erant conjugia cum *זונה* scorta, profana, ac repudium passa, vi legis Levit. XXI, 7. præterea quoque, ex instituto majorum, a Leviro renunciata: Pontifici autem Maximo præter has, abstinendum quoque erat a vidua qualicunque, & vitata. Quod intelligendum tamen est de Pontifice, dum dignitate Pontificia gaudet. Ante enim, quam in Pontificatum succedebat vel evectus est, si viduam sive vitiatam duxisset, aut cum ea inivisset sponsalia, retinenda erat, licet inter hæc, vel postea Pontifex crearetur. Hinc porro, quoniam vidua prohibita erat Pontifici, ideo lege de fratria, fratri sine liberis demortuo superstitæ, ducenda, solutus erat. Ita nimirum in *Massechet Sanhedrin cap. II. Mischna* 1. definiunt Magistri *כהן גרויל אחיו חולץ וחולצין לאשתו ומייבמן את אשתו אכר הוא אינו מייבם מפני שהיה אסור כאלמנה* Sacerdos Magnus calceo se exuit, alii que id faciunt ob uxorem ejus: alii hujus uxorem ducunt jure leviratus, ipse non item: ipsi enim vidua matrimonio interdictum est. Neque vero cujuscunque generis virgo ei permissa est, sed ea duntaxat, quæ *תּהא קטנה* minoris ætatem egressa, nondum plenam pubertatem attigerat, sed intra *תּהא נערה* juvenula, sive sex, qui supra duodecim annos excrescebant, mensium ætatem constiterat. Scilicet foemella apud Hebræos, usque ad impletum ætatis annum duodecimum, excepto die uno, erat *קטנה* minorenis, hinc dicebatur per sex menses *נערה* juvenula, post duodecim annos autem & sex menses, erat *בוגרת* virgo pubes, seu plenæ pubertatis. Virginitatem quippe in plena pubertate perfectam esse ajunt, sed in prioribus sex mensibus, qui a minorenitate finita incipiunt, ita veluti crescere, ut interea puella diceretur esse *בבתולה* in virginitate sua. Hoc ipsum esse contendunt, quod

quod lege sancitur: והוא אשר כבדוהו יקח *ipse uxorem in virginitate ejus ducat*, Levitic. XXI, 13.

Præterea Sacerdoti, uxorem ducturo, præcipua incumbere cura, ne foeminam acciperet, natalium vitio laborantem, quæ profanaret, aut deteriore redderet prolem ejus, maxime masculam. Hinc ex familiis aliis, præter congenere, sive sacerdotales, Leviticæ aut Israeliticæ, uxorem sumere fas ipsi non erat. Neque ex Israeliticis, profanam, aut spuriam, nedum extraneam, nec dum profelytam factam, aut ex Gentibus ancillam. Ex vero itaque JOSEPHVS lib. I. advers. Apion. cap. VII. edit. Haverkamp. fol. 440. Sacerdotes cum primis curam habuisse testatur, ὅπως τὸ γένος τῶν ἱερέων ἀμικτον καὶ καθαρόν διαμείνη, ut genus sacerdotale purum semper, impermixtumque permaneret. Δεῖ γὰρ τὸν μετέχοντα τῆς ἱεροσύνης ἐξ ὁμοεθίδος γυναικὸς παιδοποιεῖσθαι, καὶ μὴ πρὸς χεῖρματα, μηδὲ τὰς ἄλλας ἀποβλέπειν τιμὰς, ἀλλὰ τὸ γένος ἐξετάζειν, ἐκ τῶν ἀρχαίων λαμβάνοντα τὴν διαδοχὴν, καὶ πολλὰς παρασχόμενον μάστιγας. Debet enim, quisquis Sacerdotio fungitur, ex populari sua conjuge liberos querere, neque ad pecunias, aut honores respicere alios, sed genus exquirere secundum antiquam successionem, multis probatum testimoniis. Hoc sine ad manus ipsis erant, pro more, laterculi seu tabulae genealogicæ, quibus parentum stemmata custodiebantur, idque maxime, ut ex iis stirpem suam ab illicitarum nuptiarum inquinamenti puram demonstrarent. Hinc tam sollicite Zachariæ & uxoris Elisabethæ profapia enarratur Luc. I, 5. Contra vero ea, qui Esdr. II, 62. genus purum fide dignis demonstrare documentis non poterant, sacerdotio excidebant. Neque duntaxat, ubi de natalium impuritate manifesto liqueret, Sacerdotum filii a sidera arcebantur functione, verum etiam ex כהן חלל ספק dubio scorto, ex כהן חלל ספק profana in dubio, ceterisve generi sacerdotali interdictis, de quibus dubium, sive ex fama, sive ex præsumptione erat, filius genitus, כהן ספק profanus in dubio censebatur, eamque ob causam æque

ac is, qui manifesto profanus erat, ab altari arceus, nisi dubium istud probationibus apte solveretur. כהן חלל autem & כהן חלל profanus, profana, h. l. notat talem, qui sanctitate illa & munditie destituitur, qua genus sacerdotale præ cetera eminebat plebe, & cui, æque ac promiscuæ turbæ, aditus ad altare, & facultas comedendi de sanctificatis, denegabatur. Ista denique lege, de Sacerdotum matrimonio, quo pacto Deus ordinis honori & dignitati consultum voluerit, exposuit SPENCERVS de Leg. Hebr. lib. I. cap. VII. §. 3. edit. Cantabrig. p. 153.

Quam denique legis rationem Auctor scite reddit, plenius intelliges, si memineris, Pontificem Christum retulisse, omni ex parte sanctum, pariterque sanctificantem sponsam suam, Ecclesiam. Hinc typus ille non aliam, quam virginem illibatam matrimonio jungere sibi poterat.

Ad §. XII. pag. 10.

(19) *Sine vitio corporis*] Hoc argumentum, post SELDENVM de Success. in Pontificat. lib. II. cap. V. recentissime excussit eruditus juvenis, ABEL ADAMVS HOTTINGERVS, peculiari dissertatione, cui titulum fecit: *Integritas Sacerdotum Aaronicorum, ac mysterium, maxime sistens requisita Ministrorum Novi Testam.* Francof. 1735. postquam Jenæ M. DAVID RICHTER A. 1715. gemina disputatione in הכהנים כעלי מום seu *Physiognomiam Sacerdotis*, ex Lev. XXI, 16. sqq. inquisiverat. Plena autem & inculpabilis ad ministerium sanctuarii idoneitas & capacitas requirebat

N. Aetatem ministerio sacerdotali debitam; quæ Levitis quidem Num. IV, 3. ab anno ætatis trigesimo usque ad quinquagesimum, at Cap. VIII, 24. ab anno XXV & amplius, definitur. Hæc ita conciliant Magistri, ut in annum ætatis XXX initium functionis sacrae, in annum XXV autem discendi initium, atque tempus הלכות עבודה instituta functionis, v. g. lectionem, cantum &c. assequendi, conjiciatur. Ita diserte ad posteriorem locum RASCHI commentatur: מכן עשרים



חמש בא ללמוד הלכות עבודה ולומר חמש  
 שנים וכן שלשים עובר מכאן לתלמוד שלא  
 ראה סימן יפה במשנתו בחמש שנים שוב אינו  
 :ראה *ab anno vigesimo quinto veniebat, ut discer-*  
*ret partes ministerii, & quinquennium discendo*  
*consumebat, ab anno trigesimo autem ministerio*  
*fungebatur. Hinc de discipulo (natum adagium*  
*est): qui non vidit signum bonum (optatum suc-*  
*cessum, seu, ut in Falkut exponitur, סימן ברכה*  
*signum benedictionis) in discendo intra quinquen-*  
*nium, ille amplius nunquam est visurus.* intra  
 hoc enim quinquennium, qui sacro ministerio  
 minus deprehendebatur idoneus, plane rejicieba-  
 tur. Porro, trigesimum annum Moses definiisse  
 censetur Levitis idoneum, quamdiu arca ipsorum  
 humeris adhuc esset portanda: postquam autem  
 illa stabilem nacta esset sedem, existimant Ma-  
 gistri, hoc a Davide Rege sublatum esse 1 Chron.  
 XXIII, 26. ubi anni Levitarum supputabantur a  
 viginti annis & supra, adeoque legem illam an-  
 nalem, vim quoque suam exuisse, ut eam nova-  
 re liceret. Ita rursus RASCHI ad locum priorem  
 vers. 2. מנה מהם את הראוין לעבודה משנה  
 וחם מכן שלשים ועד כן חמשים שנה והפחות  
 משלשים לה נתמלא כחו מכאן אמרו כן  
 שלשים לכה והיותר על כן חמשים כחו  
 :מעתה *numera ex illis eos, qui apti sunt*  
*ad ministerium oneris, atque hi sunt a nato trigin-*  
*ta annos usque ad quinquaginta annos habentem:*  
*qui enim minor est triginta annis, nondum perfe-*  
*ctus est robore suo. Hinc dicunt: natus triginta*  
*annos robustus est, qui vero major est quinquaginta*  
*annis, ejus vires ab illo tempore deficiunt.* Quæ  
 bene habent quoad Levitas. At de Sacerdoti-  
 bus non liquido definivit Moses. Vrat enim  
 HIERONYMVS proæmio ad Ezechiel. ex mente  
 Hebræorum ita tradat: nisi quis apud Hebræos  
 ætatem sacerdotalis ministerii, id est, trigesimum  
 annum impleverit, nec principia Geneseos, nec Can-  
 ticum Canticorum, nec hujus voluminis exordium  
 & finem, legere permittitur: æque ac jus Cæsa-  
 reum olim in Novell. IVSTIN. CXXIII. cap. 13. &  
 Pontificium Can. Presbyter dist. 78. annum ætatis  
 trigesimum exactum, ad suscipiendum Sacerdo-

tium requirebat, quod ea ætate Dominum &  
 baptizatum esse, & concionatum fuisse legimus,  
 quæ ratio cum sit infirma, rectius CASP. ZIEG-  
 LERVS ad Lancelotti lib. I. Tit. VII. Institution.  
 Juris Canonici §. 10. observat: *ætatis XXX annorum*  
*generaliter selecta est, quia solide ea ac per-*  
*fecta prudentia esse creditur:* apud Hebræos ta-  
 men annus, quo in functionem evocandus Sa-  
 cerdos erat, vigesimus existimatur, quia 2 Chron.  
 XXXI, 17. de Sacrorum sub Ezechia Rege  
 instauratione, & proventuum distributione uni-  
 versis Sacerdotibus facta, diserte legitur: *a filio*  
*viginti annorum & supra, in custodiis suis, in clas-*  
*sibus suis;* ubi Sacerdotes, qui sacro fungerentur  
 officio, ab hac ætate designari videntur. Quo  
 respiciens ABARBENEL Comm. ad Num. VIII, 24.  
 ita pronunciat: *הכהן שהיה חייב במצוות היה*  
*כשר לעבודה אברא אחיו הכהנים לא היו*  
*מנחין אותו לעבור עד כן עשרים שנה*  
*Sacer-*  
*dos, simul ac ea ætate sit, ut legis jussa observare*  
*obligetur, revera aptus est ad ministerium: sed*  
*fratres ejus Sacerdotes eum ministrare non permit-*  
*tunt, donec viginti annos habeat.* Et erudite ob-  
 servat VITRINGA in Synag. Lib. III. P. I. cap. I.  
 p. 619. exemplisque & testimoniis ex Historia  
 Ecclesiastica evincit, in prima Ecclesia Christia-  
 na, triginta annorum ætatem non præcise in-  
 omnibus fuisse observatam; quantumvis post-  
 hæc istud ætatis Canones definierint. Quæ au-  
 tem præter hæc, ex Hebræorum sententia & mo-  
 nimentis subtilius commentatur SELDENVS cit.  
 loc. cap. IV. init. ab anno ætatis XIII statim in-  
 tegrum fuisse Sacerdoti, sacris operari, istamque  
 functionem עבודה כשרה *ministerium legitimum*  
 fuisse, licet ab illa ætate usque ad annum vigesi-  
 mum hoc privilegio gauderent, ut abesse pos-  
 sent pro lubitu, nec obligatione ad vices cum  
 ceteris præstandas tenerentur; ea recentiora cen-  
 semus, quam ut stante Templo obtinuisse creda-  
 mus. Quod superest, LIGHTFOOTI observa-  
 mus hic lapsum, Levitarum ætatem cum annis  
 Sacerdotum temere confundentis, quando in  
 Minister. Templi Hierosolymit. Cap. VI. Tom. II.  
 Opp. fol. 691. b. ita disserit: Jam autem ætatem  
 Sacer-

Sacerdotum, cum ministerio initiarentur, inuenimus triplicem, vel triplici ratione expressam in Scriptura. Nam prima lex circa etatem Sacerdotum, cum ministrare inciperent, desinit trigessimum annum Num. IV, 3. (ubi tamen liquido de Levitis, ex Kahathitarum ordine, a Sacerdotibus vers. 5. & 15. clarissime distinctis, sermo est) ac similiter Levitarum vers. 23, 30, 35. sed est alius locus, qui dicit Levitas a viginti quinque annis, & supra, ministraturos, Num. VIII, 24. Tertius loquitur de Levitis, quasi ministrantibus, a vigesimo anno & supra 1 Paral. XXIII, 24, 27. Verum in hac varietate nulla est contradictio, sed mutatio quedam juxta varios respectus. Desinita etas erat annus trigessimus (atque ita typo respondit Servator noster, qui ea etate ministerium suum ingressus est Luc. III.) sed anno vigesimo quinto erant Candidati, & quaedam ministeria quidem obire poterant, ait ABEN EZRA in Num. VIII. sed non omnia: nam poterant quidem inservire tabernaculo, sed non poterant ferre arcam. Ideoque cum arca posita fuit in templo, jam non amplius hinc inde circumferenda, David divino monitu desinit initium eorum ministerii anno vigesimo: & tum erant tantum פרחי כהונה germina Sacerdotii, incipientibus tum illis inferiorum genarum partibus efflorescere. Ministerium Samuelis in tabernaculo, quod. Silunte tum erat, fuit casus extraordinarius, & id tantum faciebat, quod erat tyronis vel Candidati, ut disceret rationem ministrandi ac canendi. In eundem impegit lapidem vir summus in Harmonia quatuor Evangelistar. ad Lucæ III, 23. verba, ipse autem Jesus incipiebant esse quasi annorum triginta, ita commentatus: erant Christo etate pares Sacerdotes, sacrum munus primum obeuntes Num. IV, 3. Quæ, licet plusscula, afferre, tædio non fuit, ne cui tanti viri nomen ac auctoritas sit fraudi.

2. Decentem corporis habitudinem, membrorumque integritatem; adeo quidem, ut qui ὁλόκληρος, corpore integer, aut ἁμῶμος, vitio carens non esset, is ab altari plane arceretur: Legem integram vide Lev. XXI, 16. sqq. quam SALOMO VAN TIL in Opere Analytico ad h. l.

p. 247. perperam ad solum restringit Pontificem, Idemque in applicatione typica ad Christum repetit pag. sequ. cum unanimi interpretum tam Judæorum, quam Christianorum consensione, ad Sacerdotes omnes sit referenda. Quæ autem in lege recensentur vitia XII, ne accedat ad offerendum cibum Dei sui, vir cæcus, aut claudus, aut curtus, aut praelongus membris, aut vir, in quo est fractura pedis vel manus, aut gibbosus, aut gracilis, aut in cuius oculo est suffusio, aut in quo est psora, aut saniosa scabies, aut thibias, teste vers. 18, 19, 20. quæque singulatim persequitur & exponit cit. dissertatione HOTTINGER. §. 13. sqq. ea insigni cumulo augent Hebræi, recensionem hanc legis specimen tantum & exemplum præbere contententes, quod in vitiis hic dijudicandis sit sequendum, non autem vim legis omnem exhaurire. Conf. MAIMONID. ביאת המקדש cap. VI. Triplicis itaque generis faciunt isthæc, quæ ab altari arcent, corporalia vitia: alia, quæ velut animalia, ne rite possent offerri, sic & Sacerdotes arcebant, ne rite fungi possent ministerio: alia, quæ vitiabant hominem tantum, ut a sacro ministerio ipsi esset abstinendum: denique alia, quæ non vitiabant aliam ob causam, quam quod intuenti deformitate displicerent. Primi generis faciunt L, scilicet 5 in aure, in palpebris 3, in oculo 8, in naso 3, in ore 6, in vasis seminariis 12, in manibus pedibusque 6, in superficie corporis 4. Quibus addunt tremorem a provecta ætate, tremorem ab ægritudine, & sordes sudoris, aut foetoris ex ore. Secundi generis numerant XC: & Tertii denique bina duntaxat, scilicet pilorum in palpebris defectum, & dentes excussos. Ut ita numerum omnium ad CXLII extendant, quæ post MAIMONID. cit. Tr. cap. VIII. §. ult. ordine vide recensita a SELDENO citato loco. Porro vitiorum istorum alia dicuntur קבועים fixa, permanentia seu perpetua, quæ per omnem vitam arcebant, alia עוברים transeuntia, quæ tempore consumuntur & desinant. Quodsi quis tali vitio, primi aut secundi generis, affectus Sacerdos, tamen acceperit ad altare & officio fungatur, flagelli supplicium lue-



bat. Primum genus vitiorum non modo poenam scienter sacrificantibus inducebat, sed ipsum quoque sacrificii actum vitiabat, ut esset עבודה פסולה *ministerium profanum* ac irritum: Secundum genus לא חלל עבודתו *minime profanabat sacrificium*, tamen si sacrificans verberum poena esset afficiendus: Ob tertium genus, Sacerdos, qui adversus patria instituta hic esset contumax, כשרה ועבודתו לוקה *nec ipse vapulat, nec sacrificium ejus est illegitimum*; adeo ut genus tertium, in monitis tantum haberetur, primum autem & secundum, in interdictis. Eandem a vitiis immunitatem Sacerdotum inculcat PHIL. lib. II. de Monarchia p. 823. & libro de victimis p. 845. Hoc imitata est, sed certo saltem casu, & alia de causa, Ecclesia primitiva, unde in Canonibus, qui dicuntur Apostolici, Can. LXXVII. ita habet: εἰ τις ἀνάπηρος ἢ τὸν ὀφθαλμὸν, ἢ τὸ σκέλος πεπληγμένος, ἅγιος δὲ ἐστὶν ἐπίσκοπῆς, γινέσθω· ὃ γὰρ καὶ λῶβη σώματος, αὐτὸν μιάνει, ἀλλὰ ψυχῆς μολυσμός. Si quis vel oculo orbatus, vel femore oblesus, Episcopatu autem dignus sit, fiat: non enim corporis damnum eum polluit, sed animæ inquinatio. Et Can. LXXVIII. κωφὸς δὲ ὢν, καὶ τυφλὸς, μὴ γινέσθω ἐπίσκοπος· ἐκ ὧς μεμιασμένος, ἀλλ' ἵνα μὴ τὸ ἐκκλησιαστικὰ παρεμποδίζοιτο. Qui autem est surdus & cæcus, ne sit Episcopus; non ut pollutus, sed ne Ecclesiastica impediatur: ad quos conferantur GUIL. BEVEREGII annotationes. Vterius longe progreditur Jus Canonicum, cujus de corpore vitiatis, speciales extant Tituli in Decreto & Decretalibus, quod ad ordines promoveri haudquaquam debeant, etsi parte tantum aliquā digiti alicujus mutili fuerint, dummodo abscissio illa a volente, aut non invito facta sit. c. precipuus, dist. 34. c. illiteratos, dist. 36. c. qui partem, dist. 55. Vnde LANCELOTTVS Institut. Juris Can. lib. I. Tit. XXV. qui promoveri non possunt §. 22. diserte inculcat: corpore vitiatus, nisi modica sit lesio, ordinari non potest. Idem denique imitati sunt Gentiles, in quibus Athenienses eos, qui operabantur sacris, jubebant esse ὁλοκλήρεις καὶ ὕγιεις τῷ σώματι, integros & cor-

pore sanos. Romani pariter manifestum corporis vitium in Sacerdote non patiebantur, ita ut Metellum Pontificem, luminibus orbatum, & Sergium, dextra manu mutilatum, licet pro salute populi Romani, tamen a sacris arcerent. Confer DILHERRI Disputat. Academ. Tom. II. p. 187. coll. Tom. I. p. 294.

Quicquid autem est istius rei, eo spectabat omne, ut partim typice Christum adumbraret, qui verus ἀρχιερεὺς, ὁσίος, ἀνακός, ἀμύαντος, καχεωρισμένος ἀπὸ τῶν ἀμαρτωλῶν Hebr. IX, 26. mortaliumque præstantissimus celebratur Psalm. XLV, 3. partim usu morali, officii admoneret omnium temporum fideles, ut tanquam Regale Sacerdotium, illibato corpore, & conscientia, spiritalia Deo sacrificia offerrent i Petr. II, 5, 9. partim idoneos Novi Testamenti instrueret ministros, a quibus animi vitiis cavere sibi debeant; ad quos ex instituto legem hanc applicat HOTTINGER. laudata Dissert. §. 90. sqq. Graviter & nervose in hunc postremum usum commentatur SPANHEMIVS Observat. ad Lev. XXI, 17. sqq. Tom. III. Opp. p. 697. cujus verba huc transferre integra, licet pluscula, grave non erit: Excluduntur Pastores cæci, i. e. cæci oculis mentis, intelligentia, cognitione; unde tales, alios illuminare nesciunt, hinc illud Jes. XLII, 19. Sic Pastores muti, surdi, illi demum sunt, qui tacent, cum loqui oportebat, qui non arguunt, non hortantur, non docent Jes. LVI, 10. Sic claudi sunt illi Pastores, qui non recte pede incedunt, ut congruit veritati Evangelii, Gal. II, 14. vel qui uno pede recti & altero claudi, unum pedem inferentes in Ecclesiam, alterum in mundum, & qui modo hoc, modo aliud in religione sentiunt: sic reprehenduntur, qui claudicarent in duabus istis cogitationibus, num Jehovah Deus esset, vel Baal, i Reg. XVIII, 21. Sic dici potest, esse membrum superfluum in illis, quorum cor duplex, cor & cor, nam Deus poscit cor integrum & simplex; Sic dici possunt naso mutili, qui nesciunt olfacere, seu discernere verum a falso, bonum a malo, purum ab impuro, ut supra Cap. XI, 47. Sic dici possunt manu aut pede fracti seu polluti, qui manus non abluunt in innocentia Psal.

LXXIII, 18. aut qui pedes inquinant, ingrediendo loca polluta; unde *Canones veteris ecclesie* interdicebant sedulo Clericis, vel cauponam ingredi; hoc sensu Christus pedes discipulorum abluit. Sic mutili dici possunt illi Pastores, qui doctrina instructi, non vita, qui pollent quidem lumine scientie, destituti vero sunt calore charitatis, vel amore in Deum & proximum. Sic gibbi dici possunt illi Ministri, qui non tantum supponunt dorsum gestande arce Dei, sed qui insuper ferunt onus rerum secularium, toti sunt in νοσημαῖς πταιματέαις, qui appetunt mundum, ejus divitias, figurati olim in camelo, cui dorso gibbus est. Sic suffusi oculis illi sunt, quorum scientia lesa, corrupta, quorum visus pravus, videntes nimirum in Scriptura Sacra quæ in ea non sunt, item qui affectibus ambitionis, avaritiæ, odii, iræ &c. sunt praoccupati & irretiti. Sic scabiosi dici possunt homines detrectatores, qui prurigine laborant litigandi, calumniandi, aut qui laborant impetigine seu libidine carnis, aut qui in aliorum scabiem, id est, in aliorum navos & defectus, jugiter manus suas dirigunt. In summa, spectant huc omnes istæ Moisaicae leges, de Sacerdotibus integro corpore, ut sint vestiti justitia, Ps. CXXXII, 9. ut sint irreprehensibiles, 1 Tim. III, 2. ut sint probati vita & doctrina, 1 Tim. III, 10. Quo autem sensu & respectu lex ista, de integritate Sacerdotum, ad ordinis honorem spectaret & dignitatem, SPENCERVS ostendit de Leg. Hebr. lib. I. cap. VII. §. i. p. 152.

3. Debitam animi rectitudinem & integritatem vitæ. Quia enim vocabul. כוֹם, quod a Sacerdote excluditur omne, non de corporis modo navis, verum etiam de vitiis moralibus usurpatur Deut. XXXII, 5. Job. XXXI, 9. bene colligunt hinc Judæi, corruptelas morum æque, ac vitia membrorum, inidoneum reddidisse Sacerdotem. Ita MAIMONIDES Hilch. ביאת המקדש cap. IX. §. 15. נמצא כל הפסולים לעבודה שמנה אשר ואילו הן העובר עבודה זרה הור בעל מום הערל השמא טבול יום מחוסר כפורים האונן השכור מחוסר בגדים יתר בגדים פרום כגדים פרום ראש שלא רחץ ידים ורגלים היושב משיש בין

רגליו ובין הארץ דבר חוצץ משיש בין ידיו ובין הכלי דבר חוצץ משיש בין כשמאלו: omnes igitur, qui sacris faciendis inidonei, sunt duodeviginti: idololatra, alienus, vitio corporis affectus, incircumcissus, immundus, de die lestratus, piaculi indigens, lugens, ebrius, egens vestibus, abundans vestibus, oblitus vestibus scissis, qui erat capite nudo, qui non ante lavasset manus & pedes, qui operando sedisset, cujus inter pedem & terræ solum quid interjectum fuisset, cujus inter manum & utensile aliquid interfuisset, qui manu levia esset operatus. Nec tamen unius erant generis animi vitia, quæ functioni sacerdotali obstare censebantur. Alia vim suam exuebant, si pœnitentia ducti, qui iis laborabant, ad bonam mentem redirent, v. g. in nuptiis illegitimis, si quis Sacerdos matrimonio sibi, contra fas, quomodo-cunque fœminam junxisset, functione arcebatur, ita tamen, ut si in confessum magnum LXXI virorum evocatus, in populi frequentia, illicita illa consuetudine se abstinentem fore, palam voto profiteretur, & demum repudio conjugem illegitimam ejiceret, altari non minus, quam reliqui Sacerdotes, idoneus haberetur. Alia vim retinebant suam, hac in re, æternam; eorumque duæ illustres sunt species, עבודה זרה idololatria, & cultus in loco illegitimo, licet vero Numini exhibitus. Cultus extraneus, seu sponte, seu errore a Sacerdote præstitus, eum ita vitiabat, ut altari perpetuo, tametsi solenniori ritu pœnitentiam ageret, esset arcendus. Cultus autem in loco incompetente, v. g. in templo Heliopolitano, aut Garazitano Samaritico, aut in templo Aegyptiaco, ab Onia, sub Ptolemæo Philometore extructo, peractus, eandem vim habebat, tametsi pro עבודה זרה non acciperetur. Sed & homicidium, sive ultro, sive per errorem commissum, arcebat Sacerdotem a נשיאות כפים extensionibus manuum, h. e. a benedictione sacerdotali, extensis manibus populo, per Num. VI, 23. impertienda; forte tamen ab altari non arcebatur homicida, si pœnitentiam egisset. Præterea quoque, quæ existimationem minuerent; aliqua, utcunque non ma-



la, in causa fuerunt, ut Pontifex idoneus non haberetur successioni tam ardui & sacri muneris, v. g. si quis esset lanio, aut tonfor, aut balneator, aut textor, aut coriarius &c. ut est apud MAIMONID. *Hilc. מלכים cap. I.* De quibus copiose SELDENVS *cit. loc. cap. VI.*

Ad §. XII. pag. 10.

(20) *Vt sisterentur utrique Deo*] Ista Sacerdotum ad ostium tentorii conventus praesentatio, eorum denotabat cum ἀφορισμὸν, seu separationem a rebus secularibus, & reliqua plebis profanae turba, tum ἀγιασμὸν, seu destinationem, Domino ejusque ministerio factam. Ita nimirum in rem praesentem, cui erant praeficiendi, deducebantur, & sistebantur Domino, cujus ministerio erant dicandi. Sed & ita locus certus designabatur huic solennitati, dum orientalis atrii pars, qua ingressus patebat tabernaculi, ad ritum illum eligebatur, ubi publice sistebantur personae designatae, & inde ad altare & sanctuarium ipsum perducebantur. Vtrique enim appropinquare, nisi initiatis, non licebat.

Ad §. eund. pag. cit.

(21) *Aqua mundari debebant*] Ordinaria haec erat praeparatio ad obeunda sacra, antequam aliquid sancti vel tangerent, vel induerent Sacerdotes; quo sic monerentur, se impuros natura, nec dignos esse, qui ad Deum appropinquent, nisi conscientiam abluant, & emundent aqua pura Hebr. X, 22. Et ista quidem lotio sacerdotalis hoc sibi peculiare habuit, quod repraesentaret singularem aliquam sanctificationem, & ex communi ordine exemptionem, indeque cognoscerent Sacerdotes, se plus ceteris Israelitis puritati vitae & conscientiae deditos esse debere; quo familiarius cum Deo versarentur, quod impuris & illotis integrum non sit. Ea-que lotio una est e διαφύοις illis βαπτισμοίς, de quibus Hebr. IX, 10. Hinc mutuati sunt ritum Pagani, qui lotionem inaugurationi prae-

mittebant, manibusque illotis sacra tractare nefas ducebant. Vnde illud CLEMENTIS ALEXANDRINI *Stromat. lib. V. p. 582.* edit. Syllburg. ἐκ ἀπεικώσεως ἄρα καὶ τῶν μυστηρίων τῶν παρ' Ἑλλήσιν, ἄρχεται μὲν τὰ καθάρσια, καθάπτει καὶ τοῖς βαρβάροις τὸ λειτῆρόν non abs re ergo in mysteriis quoque, quae sunt apud Gracos, primum locum tenent expiationes & lustrationes, sicut etiam apud Barbaros lavacrum. Eam ob causam ante adytum templi λειτῆρας habebant, docente SVICERO *Observat. cap. VI. p. 159.* aequae ut ante Sanctuarium Judaeorum labrum aeneum erat positum, aquis repletum, ut lavent Aaron & filii ejus manus & pedes Exod. XXX, 18. sq.

Ad §. XIII. pag. cit.

(22) *Sacerdotis manus implebantur*] Recte monet Auctor, impletionem manus, pro inauguratione sacerdotali poni. Liquido hunc phraseos sensum confirmat R. SALOMO IARCHI *Comment. in Exod. XXVIII, 41.* כל מלן ידיים לשון חנוך כשהוא נכנס לדבר להיותו: ויהיה מוחק בו מאותו יום והלאה: omnis impletio manuum significat initiationem, quando aliquis aggreditur rem quampiam, ut in illa ipse confirmetur ab illo die, ac deinceps: idque porro illustrat ritum in Galliis usitato, cum quispiam praeficitur muneri cuidam aut negotio, principem ei dare chirothecam, quam *Guantam* appellant. Hæsitanter idem affirmat CLERICVS *Not. ad h. loc.* Forte petita est phrasis ab aliquo ritu Orientis, quo insignia muneris in manum eorum, quibus conferebatur, tradebantur: inde postea factum sit, ut implere manum sit muneris exercendi potestatem facere. *Vide Jud. XVI, 5.* Equidem in dissertatione, sub moderamine b. DANZII *ad Hebr. IX, 7.* publice defensa, quae in MEVSCHENII *Novo Test. ex Talmude illustrato p. 933.* inserta legitur, cap. I. §. XXII hanc sententiam operose impugnari video, sed debili admodum argumento. Non enim ideo phrasis illa sacerdota-lem involvit initiationem, quod isthæc sola manuum impletionem absolveretur, sed quia mos ita fert

fert Scripturæ, a ceremonia tantum non principe totum reliquorum rituum cumulum denominare. Hinc laudatus modo CLERICVS citra hæitationem in *Annotat. ad Hebr. II, 10.* affirmat: Pontifex τελειῶσαι dicitur, cum consecratur, ut munere suo fungi queat. Hebræi dicunt hoc, implere manus, quod τελειῶσαι sæpe vertunt LXX Interpretes. Vide *Exod. XXIX, 10, 35, 35. Lev. VIII, 35. XVI, 32. XXI, 10. Num. III, 3.* Nec est, quod hic dubitemus, cum ritum, phrasinque res ipsa comprobet. Moses enim, iussus a Domino: & pones omnia super manus Aaronis & filiorum, *Exod. XXIX, 24.* de ariete eucharistici adipem, caudam cum adipe intestinorum, partem hepatis, atque duos renes cum adherente adipe, dextrum armum, & duas placentas oleaginas, Aaronis, ejusque filiorum manibus imponebat, manusque his sacrificii partibus implebat, atque ita agitabat. Agitatio vero ita habebat, ut Moses manum suam manibus Sacerdotum impletis supponeret, atque extolleret in altum, rursusque demitteret versus terram, porro verteret versus ortum & occasum, ac denique versus meridiem & septentrionem, eoque pacto figuram crucis efformaret. Quo peracto, partes istas Moses a manibus ipsorum recipiebat, & adolebat in altari. Hinc aries ipse אֵילִים כִּלְיֹתֹם aries impletionum, *Exod. XXIX, 22.* & dies septem, quibus ritus ille repetebatur, יְמֵי כִלְיֹתֹם dies impletionis *Levit. VIII, 33.* dicebantur. Phrasis itaque hoc infert, Mosen dedisse illis facultatem & copiam, res sacras tractandi, in sanctuarium intrandi, pro populo offerendi: immo illos iussisse totos vacare cultui divino: cujus rei signum erat, traditio in manum rerum tunc offerendarum, ut futuro initiarentur ministerio, cujus præcipua pars erat oblatio hostiarum. An solennis verborum formula accesserit, quam WILHELM. MOMMA *Oeconom. tempor. cap. IX. Lib. II. §. 58. f. 172.* conjicit talem: trado hæc tibi in manum, iussu Dei Domini, ut scias, & te debere, & tibi licere cum hujusmodi oblationibus impofterum accedere coram Domino: dicere non habemus, mutam tamen istam fuisse

ceremoniam, nudumque spectaculum, minime existimamus, verum haud dubie junctam sibi habuit instructionem, officiique hoc ritu juncti benedictionem. Redit phrasis 2 *Chron. XXIX, 31.* & cum primis 1 *Reg. XIII, 33.*

Ad §. XIV. pag. II.

(23) *Vel tristitiam suam testari*] Legent vide *Lev. X, 6. XXI, 10.* sqq. quam ita temperandam censeo, ut quemadmodum Ezechiel, amissam subito conjugem, clam lugere poterat, modo ab externis sibi caveret luctus documentis, cap. XXIV, 16, 17; ita in mortibus charorum & necessariorum, integrum quidem fuerit Pontifici, altum premere corde dolorem, cum hominem exuere non posset, ita tamen, ut ab externis tristitiæ & luctus testificationibus, lugentiumque ritu abstineret. Hinc prohibetur 1) ad mortuum appropinquare, quia pollutio a mortuo contracta septem dies durabat, ac expiationem per cinerem juvenæ poscebat. Pontifex autem frequenter, maxime omnibus Sabbathis, in Sanctuario comparere officioque fungi, eamque ob causam mundus semper ac purus esse debebat: ideo ab omni mortuorum contactu, etiamsi pater vel mater e vita excefferit, sibi cavebat. Hanc rationem reddit MAIMONID. in *More Nev. P. III. cap. 47.* edit. Buxtorf. p. 493. Prohibetur 2) caput denudare. Verum hic in partes scinduntur Interpretes. Talmudici eo trahunt, permissum Pontifici non fuisse, ut non tonsum caput aut barbitium haberet, crinesque aleret promissos, quod in luctu alias consuetum; ut sensus sit: sicut alias lugentes a tonsione abstinent & capillum producunt, sic ex adverso Pontificem & Sacerdotes oportuisse, tonsionem suctam pergere, ne hispido crine aut barba, sanctuarii solennitatem, continuamque turbent festivitatem. Hinc *Lev. X, 6.* verba: רָשִׁיכֶם רֹאשׁוֹ לֹא חִפְרֶנּוּ ita vertunt: comam capitum vestrorum non nutriatis: & ubi de Pontifice c. XXI, 10. præcipitur: רָשִׁיכֶם רֹאשׁוֹ לֹא יִפְרַע, comam capitis sui non nutriat. Censerque SELDENVS lib. II. de



de Success. in Pontif. cap. 5. quoniam פָּרַע comam, seu caesariem notat, hinc verbum quoque פָּרַע, quod alias sæpe quidem notat, *retegere, denudare*, idem nonnunquam esse, ac *comam nutrire*, sive *promittere*. Contra vero ea, b. GEIERVS de luctu Hebræor. cap. XI. §. 4. urget, verbi פָּרַע insolentem eam esse acceptionem, quo potius generatim designetur remotio, vel alienatio a se, v. g. consilii Prov. I, 25. castigationis c. XIII, 18. XV, 32. cum capite vero constructum legi Num. V, 18. de femina adultera sive suspecta, quam coram Domino statuebat Sacerdos; וּפָרַע אֶת ראשׁ nudabatque caput ejus, ubi sane non capillorum nutritio, sed tegminum a capite subtractio, seu capitis denudatio hoc verbo effertur. Inde colligit, Sacerdotibus pariter in luctu interdicti, ne suctum tiaræ ornamentum ex impatentia detraherent, caputque nudum, pro more aliorum lugentium, vel tonderent, vel cineribus inspergerent. Eaque posterior sententia magis nobis probatur, satisque luculenter ex Lev. X, 6. constat, ubi, cum Nadab & Abihu igne cælesti essent absumpti, Moses auspiciis divinis, Aaroni patri, & Eleazaro ac Ithamaro fratribus interdicat: וְאַתָּה אֲלֵהֶם אֶת הַפָּרַע רֵאשִׁיכֶם אֶל הַפָּרַע ne detegatis, וּבְגֵדֵיכֶם לֹא תִפְרְמוּ & vestes vestras ne laceretis: ubi de alendis crinibus tam subito interdicendum non erat, quod hoc in ipsorum potestate non erat, tempusque requirebat, ut capillos demitterent; verum, ne detractis tiaræ suis pilos sibi evellant, aut cinere caput conspurcent, pro lugentium more, hoc est, quo ipsis interdicat. Quem ergo significatum verbum פָּרַע, in moderatione luctus, Aaroni & filiis ejus imperata sustinet, eundem retinere censemus in ordinario luctus publici interdicto cap. XXI. Denum 3) scindere vestes quoque prohibetur, sed duplici adhibita cautione. Istud enim interdictum accipiendum docent Hebræi α) de vestibus tantum sacerdotalibus, quas discindere quocunque casu nefas erat, juxta illud in Gemara Babyl. Tract. Joma cap. VII. fol. 72. a. : הַמִּקְרַע בְּנֵי כְהוֹנָה לֹקָה: qui dilaceraverit vestes sacerdotii, vapulabit. Neque omnino, re-

verentia & honoris causa, fas erat cuiquam, sive Sacerdoti, sive Israelitæ, vestibus dilaceratis atrium ingredi, vel templum: β) de more inter Israelitas recepto, ne nimirum Dei ministri, velut ceteri de plebe, rumperent vestes ab ima & anteriore parte, circa pectus deorsum, sed ab infima ora desuper scindere licebat. Hinc Sacerdotes & Pontifex, vestes suas privatas, sive amictum vulgarem, quem extra sacra gestabant ministeria, dilacerare solebant, tum in luctu, quod signum doloris erat in Oriente receptissimum Job. I, 20. Gen. XXXVII, 34. tum ad blasphemiam, ex ore Israelitæ (non Gentili) sive in nomen Tetragrammaton, sive cognomen Dei aliquod auditam, tum ob graves alias causas, v. g. ob legis incendium, urbisve ac templi excidium, aut insigne aliquod damnum. Vbi tamen Mischna tract. הוריות cap. III. hoc discrimen advertit: Pontificem dilacerare a parte ima, Sacerdotem gregarium a summa, quemadmodum & ceteri Israelitæ universi. Quæ ad locum, ex historia passionis Matth. XXVI, 65. illustrandum apprime faciunt, de quo consulatur, post SELDENVM Lib. II. de Jure Nat. & Gent. cap. XII. pag. 263. sqq. BYNÆVS de morte J. C. lib. II. cap. V. §. XXII. sqq. pag. 304. ubi omnia habes, quæ de eo dicta sunt. Causas prohibiti Pontifici Summo luctus publici dum scrutatur SOPRANES digress. III. ad David. de publico & privato luctu, cap. III. p. 533. tres in medium affert: a) Ad venerationem illi augendam, quia nihil est, quod magis aliquem altius humano fastigio sustollat, quam si immotus inter suorum funera cernatur: b) Ad affectus Summi Pontificis temperandos, & illum sui muneris admonendum, vel ut saltem constet, quam debeant illius affectus esse moderati. Ob id Melchisedecum, Dei altissimi Sacerdotem, sine matre, sine patre, sine genealogia, in Scriptura produci, ut Summi Sacerdotes intelligant, omnes affectus perinde sibi amputandos, quasi sine patre & matre producti forent; nihilque rerum omnium esse, quod sibi sit Dei cultui prævertendum: c) Ad exemplum aliorum. Noluisset Deum,

Deum, Summum-Pontificem quemquam flere, nec ob illius obitum lugubria sumere, ut disce-  
rent alii, quam moderate gerere se debeant in  
morte charorum. Hinc HIERONYMVS Epist.  
XXV. ad Paulam super obit. Bleſilla: Quod, in-  
quit, forsan crudele alicui videatur, sed fidei ne-  
cessarium est, in eodem Levitico (Cap. XXI.) scri-  
bitur, quomodo Sacerdos Magnus ad patrem, ma-  
trem, fratresque vel liberos mortuos prohibeatur  
accedere; ne videlicet anima, Dei sacrificiis va-  
cans, & tota in illius mysteriis occupata, aliquo  
impediatur affectu. Et subdit: Nonne aliis ver-  
bis idipsum in Evangelio precipitur, ut renunciet  
domui discipulus, ut mortuo patri non exhibeat  
sepulturam? Idem erudite monet SOPRANES,  
etiam Gentiles, Flamines suos, & Summos Pon-  
tifices, a luctu, & omni ferali officio abstinuisse;  
quod ex A. GELLIO lib. X. cap. XV. & exemplo  
Tiberii probat, qui oratione funebri filium lau-  
daturus, inter se & cadaver velum posuit, quod  
Pontificis oculos a funere arceret, apud SENEC.  
Consolat. ad Mart. cap. XV. Ista vero non vi-  
deo, quomodo consentiant iis, quæ MAIMONI-  
DES in *Jad Cbas. Hilch. Ahal* cap. VII. §. 6. ita  
tradit: כהן גדול חייב בכל דבריו אבילות אלה  
שאסור לו לקרוע בגדיו למעלה ולגדל פרע  
ולצאת אחר המטה. וכך העם באין לנחמו  
לביטו. וכשמברין אותו כל העם מסובין על  
הארץ והוא מיסב על הספסל. ואומרים לו  
כשמנחמן אותו אנו כפרתך והוא אומר להם  
Sacerdos Summus ad omnia  
luctus officia obligatur, exceptis, quæ ipsi sunt pro-  
hibita, v. g. vestium laceratio sursum versus, caſa-  
riei nudatio, processio post feretrum. Omnisque  
populus accedit ad consolandum eum in domum  
ipsius; & cum cibis, ipsum universus populus, assi-  
dent hi in terra, ipse autem sedet super sedile:  
& cum consolantur eum, inquirunt: simus nos ex-  
piatio tua: ipse vero respondet eis: sit vobis bene-  
dictio e celo. Quo certe pacto non dissimulavit,  
sed publice testatus est luctum, & populi admi-  
sit consolationem: quæ, si forte vergente re-  
publica locum habuerunt, non ex lege facta,  
sed ad pompam seculi composita fuerunt.

Ad §. XV. pag. II.

(24) Sacerdotibus Secundanis permissum  
erat] Gregarii ergo Sacerdotes partim prohi-  
bebantur lugere omnes extraneos, etiam cives,  
& in civibus etiam regem ipsum, & populi  
principem, partim mittebantur lugere con-  
sanguineos & propinquos, non tamen omnes;  
sed primo gradu tam ex descendantibus, & ascen-  
dentibus, quam ex latere junctos, ab Auctore  
commemoratos. In his vero omiſſa uxor, scru-  
pulum movit interpretibus. Et CLERICVS  
quidem Not. ad v. 4. uxorem lugere nefas pro-  
nunciat fuisse Sacerdoti, ita vertens: immundus  
non fiet, inter populares suos, ut polluetur mari-  
tus: sensumque verborum facit: nisi Sacerdo-  
tem, non pollutum iri, cum erit maritus, propter  
uxorem suam. Confirmat sententiam suam ex  
Ezech. XLIV, 25. ubi pro sex memoratis dunta-  
taxat polluere se debere Sacerdotes diserte dicuntur,  
omiſſa uxore. Hoc didicit CLERICVS haud  
dubie ex ABEN ESRA, qui pariter ad b. l. טעם  
בעל בעמיו שלא יטמא הבעל באשתו sensus  
verborum בעל בעמיו est, ne pollueretur maritus  
in funere uxoris sue. Contra vero R. SAL. IAR-  
CHI ad v. 2. voc. לשאון notat: אין שאון אלה  
Caro ejus hic non alia est, quam uxor ejus.  
In eandem sententiam pronunciat פסיקתא per-  
antiquus Commentarius in Leviticum b. l. cujus  
verba Latine dedit DRVSIVS in Not. major. ad  
b. l. Et videtur omnino comprehendi uxor  
communi nomine carnis sive propinquorum  
v. 2. ut opus non esset, eam cum sex reliquis di-  
ferre nominare. Si enim licuit Sacerdoti, pol-  
luere sese pro fratre & sorore virgine, quidni  
& pro uxore, quæ est illi propinquior fratre  
vel sorore, immo & patre atque matre, siquidem  
vir una est cum uxore caro. Vnde recentiores  
idem passim sentiunt, e Pontificiis BERNH. LA-  
MÆ de tabernaculo & sancta civit. Lib. III. cap. IX.  
sect. V. p. 512. e Reformatis FRANCISC. BUR-  
MANNVS in b. l. e Nostriſ vener. ZEIBICHIVS  
in Bibliis Exeget. b. l. Ita Judæi in Germanica  
versione IOSEPHI ATHIAE: Ein Cohen soll sich an  
N  
keinem



keinem todtē Leib verunreinigen, weil das Meth liegt unter seinem Volk. Ohne neiert zu seinem Weib, das ihm am nächsten angehört und an seiner Mutter, &c. Cur vero istis Deus indulerit luctum, quem denegavit Pontifici, ejus rei causa in insigni Pontificis præ reliquis mystis eminentia ponenda est & dignitate, כי נצר שמן משחת אלהיו עליו quia separatio olei unktionis Dei ipsius super illo est, Lev. XXI, 12. Totus ille Deo dicatus & sacer erat, cumque illi non prorsus omne quasi commercium cum necessariis exuissent, hic ex adverso quasi super omne consortium carnis & sanguinis evectus, & omni humano fastigio major erat, in quem cumprimis quadraret illud Deut. XXXIII, 9. Quo pacto hac lege, de luctu Sacerdotum, dignitati ordinis sacri prospexerit, SPENCERVS docet de leg. Hebr. Lib. I. cap. VII. §. 2. edit. Cantabrig. p. 152.

Ad §. XVI. pag. II.

[25] Clangebant tubis] De clangore & usu tubarum ex instituto dicemus infra Lib. III. Cap. VII. ubi de Festo buccinarum & Novilunio.

Ad §. XVII. pag. eand.

[26] Suffraganeus sive Vicarius] De סגן quem alii Hebraice, Sagan, alii Rabbinice Segen legunt, vide post BVXTORF. Lex. Talmud. h. v. SELDENVM de success. in Pontificat. lib. II. cap. I. LIGHTFOOTVM minister. templi Hierosolym. c. V. Opp. T. I. p. 687. SHERINGHAMVM in Cod. Forma cap. III. Mischn. 9. p. 67. sq. & præter citatos ab Auctore ELIAM in Tisbi h. v. atque SCALIGERVM, cumprimis CVNAEVM lib. II. de republ. Hebr. cap. VI. Ejus officium R. QBAD. BARTE-NORA ad Sanhedr. Cap. II. §. I. paucis ita complectitur: הסגן הוא ממונה לעבור תחת כ"ג. Sagan est, qui constituitur, ut rem sacram faciat loco Summi Sacerdotis, si forte vitium quoddam huic obtingat die expiationis. Nemo enim, præter Pontificem, festo expiationis officio rite poterat fungi. Cum er-

go Pontifici accidere posset, vel ex pollutione nocturna, vel ex morbo, vel ex alio inopinato casu, impedimentum quoddam, quod profanum & inidoneum redderet eum ministerio, Vicarium ejusmodi ordinarunt, qui proximus ab eo, & pari ferme cum ipso potestate, & maxime polluto, vel absente, vel demortuo Pontifice, eadem muneris sacri auctoritate polleret. Unde quoque כהן גדול אחר Pontifex alter nuncupari solebat, nec non כהן משנה Sacerdos secundarius, qualis Zephania Seraja Pontifici suffectus legitur 2 Reg. XXV, 18. & Jer. LII, 24. quem Chaldaeus diserte interpretatur Sagan. Nec obstat, quod Sacerdos ad bellum unctus, dignitate Saganem anteivisse memoretur apud WAGENSEIL. ad Sota p. 842. cum illud temporarium, hoc perpetuum esset officium, istiusque prærogativa ex sola aestimaretur unctione, quam cum Pontifice unctus belli habebat communem, Sagan contra admittebat nullam. De ejus autem officio quaesitum fuit, num tantum ad diem expiationis spectaverit, adeoque semel quotannis tantum locum habuerit? Ita R. IOM. TOEH ad Sanhedr. c. I. disputat: ולאן למימר דכשר הוא לעבור ביום אחר בפסול אלא דביום אחר אין מצוה בכ"ג ורשאי הדין לעבורה ואין צריך לממונה תחתיו למלאות מקומו: At non dicere liceat, illum ceteris quibuscunque diebus idoneum esse sacris peragendis, (loco Pontificis) in casu aliquo pollutionis? (Non videtur,) quandoquidem aliis diebus Pontifex vi præcepti divini non tenetur ad sacra facienda, sed plebejus (privatus quicunque Sacerdos) sacra rite facere potest, adeo ut tum Vicario non indigeat, qui vices ejus agat. Sed hæc sententia usum Saganis uno tantum anni die inducit, cum constet ex Judæorum monumentis, eum per totum annum munere suo functum esse. Hinc malunt alii, Saganem per omnia Vicarium fuisse Summi Sacerdotis, qui eo absente præesset, vel præsentī adjutor esset in negotiis ad templum pertinentibus, & ministerio Sacerdotum. Cum Summo Pontifici præcipue incumberet munus & cura rerum sacrarum, idque esset maximi ponderis, cogebatur

batur adiutorem aliquem habere, qui id onus secum ferret (immo etiam aliquando imbecillitas ac vecordia Summi Sacerdotis necessarium prorsus id munus efficiebat) cui etiam Sacerdotes inferiores eundem honorem, eandemque reverentiam exhiberent, ac Summo Sacerdoti ipsi, inquit LIGHTFOOT. cit. loc. p. 688. ubi ad MAIMONIDIS effatum provocat, juxta quod כל הכהנים חתה יר omnes Sacerdotes sunt sub manu Saganis in כלי מקדש cap. IV. Vnde porro conficit, fuisse ipsum Praefectum quatuordecim Ordinum Sacerdotum, quos cap. II. p. 678. prolixè recensuerat LIGHTFOOTVS, qui tanquam Vicarius Summi Sacerdotis praesset toti Ministerio. Contra vero IAC. RHEINFERDIUS in investigatione praefectorum & ministrorum Synagoga §. 63. sq. Opp. Philolog. p. 520. negat ac pernegat, Saganem templi Praefectum dicendum, sed Summo Sacerdoti potius Suffectum. Quantum autem ego perspicio, unum non evertit alterum. Erat omnino ממונה Praefectus, suffragante tota antiquitate Judaica, licet non Supremus, sed proximus ab eo; qualis subordinatio in Sacerdotum genere valde erat usu recepta. In Targum sane Praefectum notat, & Jerem. XXIX, 26. pro פקיד נגיד, &c. XX, 1. pro פקיד בית יהוה בבית יהוה Praefecto primario seu principe, in domo Domini ponitur. In Talmud Jeruschalni Cod. יומא cap. III. fol. 41. col. 1. functio ejus ita definitur: In quinque rebus serviebat Sagan Sacerdoti summo: 1) dicebat Sagan: Domine mi, Sacerdos magne, attolle dexteram tuam: 2) stabat ad ipsius dexteram, & princeps domus patrum a sinistra ejus: 3) ventilabat, agitabat cum sudariis: 4) tenebat manum ejus, & ascendere fecit eum: (seu, adjuvit eum in ascendendo per gradus): 5) non poterat Sacerdos Magnus praefici, ut esset Sacerdos Magnus, nisi prius fuisset Sagan. Vltimum istud MAIMONIDES etiam חליב עבדת יום הכפורים cap. I. ubi de constitutione Saganis, ejusque in polluti Sacerdotis Magni surrogatione, monuerat, subjungit: אם מת הראשון mortuo Pontifice primario, secundarius iste (Sagan) in locum ejus suc-

cedit. Sed huic assero duo opponit argumenta LIGHTFOOT. cit. loc. Alterum, quod Summi Sacerdotes, praesertim post Herodis tempora, ita constituti fuerint ex arbitrio Praefidis Romani, ut credibile non sit, tum observatum fuisse, num, qui creabatur, Sagan fuisset, nec ne? Alterum, in toto Vet. Test. ubi successio ad Sacerdotium ordine fiebat, & juxta legem, & notum semper erat, quis futurus esset Summus Sacerdos, nunquam occurrat mentio aut nominis, aut muneris טג Sagan. Hinc SELDENVS rem ita se habuisse opinatur, ut plerumque sanguine proximus hoc gauderet Vicariatu: extra ordinem vero, atque ut incommodum aliquod evitaretur, alii etiam, qui proximi non essent, interdum substituerentur. Nos iis inhaerentes, quæ supra Annot. (2) huj. Cap. de successione in Pontificatum diximus, casu evenisse interdum credimus, ut qui Sagan creabatur, proximus quoque Sacerdotii Summi esset hæres, unde R. SALOMO in Num. XIX, 3. Eleazarum, filium Aaronis, primum divinitus institutum existimat. Saganem, ad quem devolvenda erat dignitas Pontificalis: ordinarie autem Saganis successionem competiisse negamus.

Ad §. XVII. pag. II.

(27) Talis censetur fuisse Annas, Pontificatum obtinente Cajapha] Eandem tenet sententiam LIGHTFOOTVS cit. loc. Annam vocari Sacerdotem Summum, quia re ipsa eo munere functus fuerat, licet tum exauctoratum, & obtinentem munus טג Sagan sub Cajapha: quam uberius pingit & ornat in Hor. Hebr. ad Luc. III, 2, & ad Job. XVIII, 13. Prius admittimus, posterius negamus: partim quia סגן nullibi Ἀρχιερεὺς salutatur, nec eodem cum Pontifice loco habitus unquam fuit; partim quia ea tempestate, crebra Pontificatus translatio, & mercatura, quam in conferenda hac dignitate agebant Praefides Syriæ, plures efficeret Ἀρχιερεὺς, unum officio, ceteros nomine gaudentes; partim, quia inauditum prorsus, nulloque demonstratum un-



quam est documento, Pontificem loco motum, in Saganis transiisse partes, & successori suo ministrasse. Et quæ locum habere posset ratio, aut efficere, Jesum captivum cur ad Saganem prius ducerent milites, quam ad Pontificem ipsum? Ideo vero Annæ prius fistebatur Servator victus, quam Cajaphæ, quod focer, licet Pontificatu exutus, generum tamen annis, prudentia, & auctoritate longe superaret, qui & ipse sat longo tempore, & post ipsum filii ejus, eadem eminuissent dignitate, qua nunc gaudebat gener. In utrumque Pontificem, Annam & Cajapham, erudite commentantem evolve BYNÆVM, de morte J. C. Lib. II. cap. IV. §. 4. sqq. p. 210. sqq. & IOH. SAVBERTVM de Sacerdotio Hebræor. cap. V. edit. Thom. Crenii p. 647. sqq. qui cum BARONIO & SELDENO, utrumque Pontificis titulo insigniri censet, non respectu sacræ functionis, sed civilis rerum administrationis in Synedrio M. cujus duo erant capita, Princeps Synedrii, & Pater Synedrii. Istos autem, Pontifices Summos appellatos fuisse, nisi simul dignitate ista sacra eminent, vellem ut testibus fide dignis evictum dedisset.

Ad §. XVIII. pag. II.

(28) In XXIV classes & turmas } De Ephemeris Sacerdotum SELDENVS egit Lib. I. de success. in Pontific. cap. I. LIGHTFOOTVS bor. Hebr. ad Luc. I, 5. Tom. II. Opp. p. 486. sqq. & in Harmonia Evangelistar. ad eundem loc. T. I. Opp. pag. 258. ubi Kalendario Judaico subjuncto p. 260. sqq. per singula totius anni Sabbathæ & Festa docuit, quænam classis qualibet anni septimana ministerium sacrum obierit: demum IOH. PAUL. HEBERLINVS pecul. disputatione, Jenæ A. 1649. sub moderamine PAULI SLEVOGTI publicata & defensa: & novissime HERM. WITSIVS Miscellaneor. Sacr. Tom. II. Exercit. XV. de vita Johannis Baptiste §. 5. sqq. p. 476. sqq. & ἐν συνόψει. Res ita habet: Aaronis superstites post cladem fratrum, filii bini, Eleazar & Ithamar, eorumque posteræ, duas constituebant Sacerdo-

tum stirpes. Ex his auctum sacerdotale genus & amplificatum, in certas a Davide rege stationes five classes dispersebatur, ut quælibet per vices qualibet hebdomade sacris in templo ministeriis fungeretur, ex quibus XVI fuere Eleazaridæ, VIII autem Ithamaridæ, 1 Chron. XXIV, 4. Eamque partitionem confirmavit Salomo, 2 Chron. VIII, 14. & restauravit Judas Maccabæus, 1 Macc. IV. Hebræi vocant מחלקות partitiones, פקדות præfecturas, vel etiam משמרות custodias: Græci modo διαγέσεις appellant, modo ἐπισυνέψεις, modo κλήσεις, sæpiuscule ἐφημερίδας, ejus vocis ortum ac significationem ex LVDOV. CAPPELLO scite declarat laudatus modo WITSIVS §. 6. p. 477. Confer SPANHEM. Dub. Evangel. P. II. Dub. XII. sqq. §. 12. p. 222. Neque tamen David primus classium istarum auctor habetur a Judæis. Quantumvis enim c. I. dicatur: וַיַּחְלֶם דָּוִד & par- titus est eos David, idem tamen sibi quoque tribuit Nehemias c. XIII, 30. ואעמורה משמרות & constitui ἐφημερίδας ordines Sacerdotum: qui haud dubie de restauratione ordinum capiendus est. Hinc alius originem arcessentes Magistri, ad Mosen referunt. Sententias horum percensens R. DAV. KIMCHI in Comment. ad cit. loc. Chron. ita tradit: נחלקן רבותיו כי משה תקן שמנה משמרות ד' מאלעזר ו' ד' מאיתמר בא שמואל והעמירן על ש' עשרה שמנה מאלעזר ושמנה מאיתמר בא דויד והעמירן על עשרים וארבע ויש מהם מי שאומר כי משה תקן ש' עשרה שמנה מאלעזר ושמנה מאיתמר באו שמואל ודויד והעמירם על עשרים וארבע שנאמר יסר דויד: Dissentiunt inter se Magistri nostri. Est, qui dicit, Mosen ordinasse octo ordines, quatuor ex Eleasare, & totidem ex Ithamare: venisse autem postea Samuelem, qui constituerit sedecim, octo ex Eleasare, & octo ex Ithamare: tandem accessisse Davidem, qui constituerit viginti quatuor. Alii censent, Mosen ordinasse sedecim, octo de Eleasare, & totidem de Ithamare: venisse autem Samuelem ac Davidem, qui constituerint viginti quatuor, quia dicitur (1 Chron.

Jam quod ad *ἑφμερίδας*, five ministerii vices attinet, unaquæque harum XXIV classium, hebdomade una ministerio sacro fungebatur, post hæc 23 hebdomadibus vacabat. Hinc 2 Reg. XI, 6. sqq. & 2 Chron. XXIII, 8. de *בני השבת* legimus, quod nempe die Sabbathi Sacerdotum alii statione sua decederent, templo egressi, alii templum ingressi, in horum succederent locum. Appropinquante ergo classis alicujus hebdomade, Sacerdotes illius classis, ex urbibus suis, Hierosolymas tendebant, dieque Sabbathi, cum panes propositionum veteres commutarentur cum novis, ministerium sacrum aggrediebantur, decedente præcedentis hebdomadis classe, quæ succedenti novæ, claves templi, vasaque sacra omnia, numeratim extradebat. Nova classis dies istius hebdomadis rursus inter se partiebatur pro numero familiarum in illa classe, ut quisque & Sacerdos & Levita in numero haberet, qui sibi assignatus esset dies, quæ diei functio, nec vel alter alterius functiones occuparet, vel invicem altercando scinderentur. Attamen per tria celeberrima festa, Paschatis, Pentecostes, & Scenopegias, omnibus classibus



fas fuit, simul sacra in Templo obire: illa præscriptione, ut votivas spontaneasque hostias, & jugia sacrificia, illi duntaxat curarent, quorum tunc functio recurrebat in orbem. Præterea ex qualibet classe mille deputati erant Sacerdotes, qui Hierosolymis habitarent, classemque perpetuam & stationariam viginti quatuor millium conficerent, æque ac Jerichunti 12000 agebant, qui numerum supplerent, si forte classis aliqua multitudini sacrificiorum & ministeriorum, maxime in festo Paschatis, non sufficeret. Ipsa denique ministeria, quod Auctor §. XIX. tempestive monet, cuilibet quotidie per sortem assignabantur, quis mactare, quis suffire, quis adolere, quis hostiarum segmenta altari imponere deberet, ut omnia κατὰ τάξιν καὶ εὐσχημοσύνην peragerentur. Confer huc denuo SPANHEM. c. I. §. 13. p. 223.

Ad §. XVIII. pag. 12.

(29) *Summus Sacerdos istius Classis*] Non adeo certa hæc sunt & explorata, ac ab Auctore traduntur. Habebat quidem unaquæque classis ducem suum & antesignanum, וְשֵׁרָפָה כֹהֲנִים pas- sim dictum, sed Sacerdotis Magni appellatio eidem tributa, me latet, quam pariter in dubium vocat LYRANVS. Ordini suo præerant, longo tamen intervallo a Pontifice sejuncti. Neque Græca τῶν Ἀρχιερέων nomenclatura sat valide eis assignatur. Citatur in hunc finem Act. V, 24. ὁ, τῶν Ἀρχιερέων, καὶ ὁ τεταγμένος τῶν ἱερέων, καὶ οἱ Ἀρχιερεῖς, sed, quod erudite observat MILLIUS, Prolegom. 1105. in N. T. ita, ut Ἀρχιερεὺς sit Summus Pontifex, Ἀρχιερεῖς autem Sacerdotes, qui prius Pontificatus officio functi fuissent, eoque ipso perpetuo postea dicti essent Ἀρχιερεῖς. Quod in eundem locum reperit Prolegom. 1184. ubi addit: qui semel defuncti fuerant Pontificatu, semper postea titulo dicti essent Ἀρχιερεῖς gaudebant apud populum. Quod in loca ab Auctore citata pariter quadrare, ex iis constat, quæ supra jam sunt dicta. Ante vero, quam Pontificem Summum prorsus dimittamus, non possumus Lectori non

commendare elegantem THEOD. DASSOVII dissertationem Theolog. Kilonii A. 1703. ventilatam, qua *diffidium Pontificis Romani & Hebræi* solide exponit, & quam inaniter sibi persuadeant Pontificii, Hebræorum Pontificem Summum, cum Romanorum Summo Pontifice convenisse, X rationum momentis graviter demonstrat.

Ad §. XX. pag. cit.

(30) *Levitarum*] Horum notetur

I. *Genus, & distributio.* Ortum trahunt a Levi, tertio Jacobi filio, de quo R. SALOMO ad Exod. VI, 16. pluresque post ipsum alii observant, ætate ipsum fratres suos superasse omnes. Huic tres erant filii, Gersom, Kahath, & Merari. In his Kahath quatuor habebat filios, Amramum, Jezecharum, Hebronem, & Vzielem. Amram pater erat Moysi & Aaronis. Soli ergo Aaroni cum Deus Sacerdotium deferret, ceteri Amrami filii, æque ut Jezecharis, Hebronis & Vzielis, nec non Moysi filii, Levitarum tantum censebantur gradu. Omne itaque Levitarum genus, in III velut familias & ordines discescebatur, in Gersonitas, Kahathitas, & Meraritas, ut est 1 Chron. VII, 1. sqq. & c. XXIV. sqq. Vbi tamen probe monet LVNDIUS in *Judisch. Heiligtbum. lib. IV. cap. I. §. 3.* cum ipse quoque Aaron Kahathi filius esset, duplices in Scriptura memorari Kahathitas, Sacerdotes alios, ab Aaron oriundos, alios Levitas. Ceterum, quod obiter addere licet, dubia nititur fide, quod ex Magistorum sententia, laudatus R. SALOMO ad Exod. V, 4 perhibet, Leviticam in oppressione Aegyptiaca tribum ab oneribus servilibus fuisse immunem, quia Moyses & Aaron libere, & absque impetrata prius venia, ingressi legantur & egressi: hinc quando responsum ferebant a Pharaone: ite ad opera vestra: privata ipsorum ac domestica intelligi negotia, non opus illud servile, ceteris tribubus ab Aegyptiis injectum.

II. *Electio.* Cum omne primogenitum Deus caderet in Aegypto, parceret autem Israelitis, primogenitos totius Israelis sibi asseruit in ministerium

nisterium Sanctuarii. Rursus Num. III, 6. seq. 40. seq. in locum primogenitorum surrogavit Levitas, eosque solos ministerio suo destinavit & addixit, quin & Sacerdotibus dono velut dedit, ut ipsis in obeundo cultu ad manus essent & ministrarent. Confer Numer. VIII, 16. sqq. XVIII, 2. sqq. Deuter. X, 8. XXXIII, 9. Qua vero de causa hæc Levitarum cum tribuum omnium primogenitis instituta sit permutatio, non convenit inter Doctores. Hebræi ita tradunt: Postquam primogeniti vituli aurei idololatria fœde sese commaculassent, contra vero Levitarum plerique ab illa sibi temperassent, quin etiam zelo divino accensi, tria millia ex fontibus ore gladii, Moysi jussu, trucidassent, Deum, repudiatis primogenitis, in eorum locum Levitas sibi delegisse, & cultui publico destinasse, ita tamen, ut non sacerdotio fungerentur, sed Sacerdotibus ministeria præstarent. Hanc causam diserte urget R. SALOMO ad Num. VI, 12. ולקחתם תמורתם לפי שהיתר העבירות בכבודו וכשחטאו בעגל נפסלו הלוים שלא בכבודו ע"ז נבחרו החתרים: & accepi Levitas in permutationem (primogenitorum) eo quod peragi deberet ministerium sacrum per primogenitos, verum postquam peccaverant vituli (aurei cultu), profani evaserunt, Levite autem, qui non commiserant idololatriam, electi sunt in eorum locum. Pariter ad Num. I, 49. verba Dei benedicti refert de Levitis: לפי שהם שלי שלם טעו לפי שהם nam illi mei sunt, quia non errarunt in vituli (aurei cultu). Ita MAIMONIDES de Idololatria cap. I. §. 10. Israelitas accusat, quod in Aegypto a vero Dei cultu desciverint, & in mores transierint Aegyptiorum לעבור ע"ז כמותן חוץ משבט לוי שעמד במצות אבות ומעולם לא עבר שבט לוי עכ"ל ad colendum exemplo illorum idolâ, excepta tribu Levi, que perseveravit in mandatis majorum (Sanctorum Patriarcharum), nec ullo tempore tribus Levi idolis serviit. Multi quoque e Christianis in eandem concesserunt sententiam, adeo ut eandem ob causam LIGHTFOOT. in Chronic. temp. & ord. textuum V. T. ad Num. I. Tom. I. Opp. p. 32. Levitas subje-

ctos cum aliis, maledictioni isti de non ingrediendo in suam quietem, neget. Eodem inclinat ALTING. in Schilo lib. III, cap. XIV. Tom. V. Opp. p. 65. E NOSTRIS IOH. CHRISTI. ISINGIUS Exercitat. in Pentateuch. Disp. XII. §. 1. p. 120. diserte affirmat: Causam hujus specialis segregationis - dicimus zelum Levitarum, quo Apis Aegyptiaci cultores jussu Moysi interemerunt Exod. XXXII, 26, 27, 28. Hinc in immediate seq. vers. 29. dicit Moyses: Implete, vel ut alii legere malunt, implevitis manum vestram hodie Domino unusquisque, in filio & in fratre suo, ut detur vobis benedictio, i. e. ut sitis fors electa Domino. Hæc autem benedictio adimpleta est, cum Deus loco primogenitorum universi populi Israelitici, sibi sanctificari curaret Levitas &c. Vnus, qui huic sententiæ speciem conciliat, locus est cit. Exod. XXXIX, 29. ubi Levitis, postquam insignem idololatriæ cladem intulerant, Moses dicit: מלא ידכם היום ליהוה consecrate manum vestram hodie Domino, quia quisque fuit contra filium suum & contra fratrem suum, ut ponatur super vos hodie benedictio. Si enim, quod supra ad §. XIII. Annot. (22) adstruximus, manuum impletio idem sit, ac ad munus sacerdotale initiatio, sensus verborum erit, zelum, quem testatum fecerant Levitæ, id ferre præmii, ut ad Sanctuarii admoveantur custodiam, & manuum impletionem, tanquam solenni ritu, ad dignitatem istam inaugurentur. Ita omnino, ex mente Magistrorum, RASCHI interpretatur: אתם ההורגים אותם בדבר זה אתם תתחנכו להיות כהנים למקום שיתפסו את מקומם ואת מקומם אתם תתפסו ואת מקומם תתפסו ipsos, ut sitis Sacerdotes Deo. Eamque interpretationem ceu veram & genuinam laudat, suoque confirmat calculo doctissimus Anglus, CHRISTOPH. CARTWRIGHTVS in Electis Thargumico-Rabbinicis ad h. l. Exod. Quod tamen secus mihi videtur. Obstat illud, bis repetitum היום, quod ad heroicum illud Levitarum factum, eo die patratur, respicit quidem, initiationem autem ad Leviticum munus, dudum post secutam, involvere non potest. Cæde autem ac sanguine semetipsos ad ministerium consecrasse Levi-



Levitas, tantum abest ut dicamus, ut Davidi potius templi exstructio ea de causa denegaretur, quod mulum sanguinis in bello, iuste licet, Deoque victoriam largiente, effudisset 1 Chron. XXIII, 8. Ut taceam, impletionem manus Levitis in imperandi modo, tanquam futuram injungi, non vero ceu jam peractam, in præterito laudari. Obstat cumprimis etiam rerum gestarum eventus. Aaronis præcipuæ in consiliando vitulo, & adornando cultu idololatræ, fuerant partes: hoc tamen non obstante, ipsi ac filiis ejus solis Sacerdotium conferebatur, a quo prohibiti Levitæ, ipsis solum in ministerium adangebantur. Jam si ob Moscholatriam totus populus ab altari remotus, solis autem Levitis, ob vindictam a reis sumptam, accessus ad Sanctuarium indultus fuit, quo jure Levitæ a Sacerdotio remoti, istudque Aaroni ac familiæ ejus tantum fuit tributum? Vides, quam ἀναλόγησθαι sit, quod inde necitur argumentum. Non itaque necesse est, ut semper & ubique implere manus, idem sit ac inaugurare ad Sacerdotium, sed pro loci & verborum conditione, aliam interdum sustinere potest significationem. Hic itaque vel expiationem notabit pro effuso sanguine; velut Targumim interpretantur: ONKELOS ita: *offerte manu vestra oblationem hodie coram Domino; unusquisque pro filio suo & pro fratre suo &c.* qui tamen particulam αἰτιολογικὴν ὅ perperam elidit & omittit: IONATHAN hoc pacto: *offerte oblationem vestram pro effusione sanguinis, qui est in manibus vestris, & propitiatio erit vobis coram Domino: nam percussistis unusquisque filium suum & fratrem suum &c.* Vel ministerium, quod Deo in sumenda a fratribus ultione præstabant; quo sensu TREMELLIVS & JUVIVS acceperunt, ita reddentes: *consecrate ministerium vestrum hodie Jehovah, quum quis filio suo, aut fratri suo aderat, & inditurus est vobis hodie benedictionem.* Pariter HENRIC. AINSWORTH. *Annot. ad b.l.* phrasin hic mutuo sumptam dicit ex disciplina sacrificiorum Exod. XXIX, 7. quia executio justitiæ Deo tam sit accepta ac grata, ac sacrificium, 1 Sam. XV, 18, 22.

Consecrasse itaque Domino ministerium suum Levitas, cum jussu ejus in cædendis idololatræ expedirent. Hinc, missa priore sententia, alii, paullo curatius subductis rationibus, hanc Deo causam surrogationis fuisse negant, in quibus MELCH. LEYDEKKERVS lib. IV. de Republ. Hebr. cap. XI. p. 230. b. ita sentit: *Neque tamen hinc putandum est, ex pœna Israelitas ab altari remotos esse, ob peccatum vituli. Etenim Aaron jam a Deo electus erat cum filiis ad Sacerdotium, antequam hoc peccatum committeretur Exod. XXVIII. § 99.* (Ἀπεσθδίωνυσον hoc est, cum non Sacerdotes, sed Levitas tantum in primogenitorum locum Deus substituerit). *Deus in Levitarum assumptione ad religionem publicam spectavit potius, ordinem, & decorum. Quippe opera & negotia adeo multa requirebant distinctos viros, qui se totos eo traderent.* Utut vero ex eo, quod vindictam de Moscholatræ Moses per Levitas sumsisse legatur, atque hi in communi gentis defectione fideles Deo mansisse perhibeantur, (quod cumprimis PHILO urget lib. III. de vitâ Moysi pag. 524, 536. & lib. de special. legib. p. 614.) haud inepte colligere liceat, plurimos istorum sceleris illius fuisse puros, & ad Dominum adhuc attinuisse, (nequaquam tamen omnes, per Exod. XXXII, 27. & Deuter. XXXIII, 9.): nondum tamen inde valide concludas, quod hanc ob causam in locum successerint primogenitorum Israelis; quorum etiam vel solas, vel præcipuas in vituli cultu partes fuisse, nemo solide demonstrabit. Voluit potius Deus, & τῇ σοφίᾳ consulere parentum, qui primogenitorum ab ædibus suis avulsionem, & ab hæreditate exclusionem, non æquo omnes animo erant lataturi; & Sanctuarium uni potius tribui, quam sibi asseruerat, concedere, quam promiscua primogenitorum ex tota gente turbæ aperire, quo facilius πάντα εὐσχημόνως καὶ κατὰ τάξιν peragerentur, 1 Cor. XIV, 40. Ceterum de surrogatione Levitarum in primogenitorum locum, alia tamen occasione pariter ac mente, differentem consule VITRINGAM *Observat. Sacr. Lib. II. cap. II. §. 10. § 99.*

III. *Initiatio & consecratio*, quæ duplex, *prima & solennis, & perpetua*; quæ posthæc, apud singulos ad officium admittendos, observabatur. Priorem Num. VIII, 6. sqq. descriptam lege. Peragebatur 1) Adspersione aquæ lustralis: quam cave dixeris illam, quæ ex cinere vaccæ rufæ præparata, iis adhibebatur, qui a pollutione ex cadavere se purificabant, quam hic quidem intellectam cupiunt, post R. SALOM. IARCHIVM in Numer. VIII, 7. LYRA, IVNIVS, *Vinarienses*, OSIANDER, QVISTORPIVS, alii, ea tamen tempestate adhuc incognitam, cum lex de vacca rufa, & de præparanda aqua lustrali, nec dum esset lata; nisi cum R. SALOMONE EPHRAIM BEN AARON in רעת שפתי fol. 78. col. 1. legem de vacca rufa pridem latam, & in Mara jam fuisse designatam verbis istis Exod. XV, 25. *ibi posuit ei statutum & iudicium*, dixerimus; quod quam à veritate sit alienum, liquido patet: sed quæcunque aliam puram mundamque, ut Exod. XIX, 10, 14, lustralem tamen, ex usu lustrali, in mundandis & sanctificandis Levitis, dictam. 2) Detonsione capilli per novaculam, qua Deus omnibus interdixerat, præterquam Nasiræis, leprosis, & Levitis, quibus in purificatione ea erat injecta. Rationem reddit denuo R. SALOM. IARCHI ad c. l. מצאתי בדברי רבי משה הררשן לפי שנתנו כפרה על הבכורות שעברו ע"ז והיה קרויה זכתי מתים והמצורע קרוי מת הזקיקם תגלחתם; *reperi in verbis R. Mosi Haddarschan: quoniam dati fuerunt (Levitæ) in expiationem pro primogenitis, qui idolo servierant, isque (cultus idololatricus) vocatur sacrificium mortuorum (Psal. CVI, 28.) ac leprosus etiam dicitur mortuus (Num. XII, 12), ideo illi opus habuerunt tonsura, ad instar leprosorum: quod quam coactum, & contortum sit, cuius in propatulo est. 3) Totali ablutione & balneo, quo se, & vestimenta suâ lavabant, æque ut Israelitæ; ad descensum Domini in montem se sanctificantes. 4) Sacrificio initiationis gemino, juvenco nimirum altero, cum adjunctis pacificis, in holocaustum, altero in expiatorium. 5) Constitu-*

tionem Levitarum ante ostium tentorii conventus, in conspectu totius cœtus Israelitici. 6) Impositione manuum, non, per primogenitos præcise, nomine totius congregationis, quod fingit LEYDEKKERS de Republ. Hebr. lib. X. cap. IV. p. 594. b. *quod illi quasi jus suum, cum appreciatione & ευχη in Levitas transferrent*; sed, ut Textus habet: וסמכו בני ישראל את ידיהם על-הלויים & *imponent filii Israel, (& quidem juxta verba præced. כל-ערת בני ישראל totus cœtus Israelitarum) manus suas super Levitas, quod, si nimis dixeris prolixum, fecisse credendus est cœtus universus, per Seniores & capita familiarum. Vnde R. SALOMO de Israelitis promiscue exponit, qui steterint juxta oblationem Levitarum, manusque suas illis imposuerint. 7) Agitatione eorum, per Aaronem facta, cujus ordinem modumque PAUL. FAGIVS in b. l. Num. ita paucis complectitur: *Moses applicavit eos ad Dominum, tanquam Sacrificium: filii vero Israel imponebant eis manus, & Aaron elevavit, sive ventilavit eos, hoc est, ad omnes plagas movit eos, veluti oblationem, quam Israelitæ ex seipsis segregaverunt Domino. Tres autem agitationes hic factas R. SALOMO perhibet, pro familiarum distinctione, primam pro Kahathæis, alteram pro Gersonitis, ultimam pro Meraritis. 8) Impositione manuum in caput utriusque juveni, a Levitis peracta, ad ipsorum expiationem. 9) Traditione Levitarum per Mosén, in ministerium Aaronis & filiorum, & a reliquo Israelitarum coetu separationem, vers. 13, 14, 15.**

Post hanc solennem eorum dedicationem Domino factam, sufficiebat Levitarum filiis, ut statim in infantia, cum mensem unum nati essent, Deo traderentur, quod ex Num. III, 15, 22, 28, 34, 39. colligitur. Nam, ut R. IEHVDA BEN BEZALEL in suo ad RASCHIVM super Pentateuchum commentario, גור ארירא in scripto, fol. 163. col. 2. med. tradit, tribus Levi fuit לגיון של מלך (Regum, Dei S. B. quo nomine etiam R. SALOM. IARCHIO ad Num. I, 49. salutatur) unde factum est, ut etiam Levitarum infantes unius mensis numerarentur cu-



stodes ad observandum Sanctuarium, quia (Prov. XIV, 28. dicitur:) כבוד עם הדרת מלך in multitudine populi honor Regis consistit. Hinc adulti, bonisque & sacris imprimis literis probe imbuti, quinque annis, ab anno ætatis XXV usque ad trigesimum, juxta ea, quæ supra, ad §. XII. Annot. 19. observavimus, ad ministerium rite obeundum, curate instituebantur, donec maturam officio attingerent ætatem. Inde ad fungendum admissi.

IV. *Vestitus*, de quo nihil præcipitur. Quia vero 1 Chron. XVI, 27. cum arca fœderis ex domo Obed Edomi arcesseretur, Levitæ lineis tunicis, ex כוץ bysso confectis amicti leguntur: rursusque 2 Chron. V, 12. cum arca templo inferretur, Levitæ כוץ מלכשים bysso induti memorantur: hinc colligunt Doctores, eos vulgari-  
bus suis atque plebejis, byssinas superinduxisse vestes, quando ministerio Sanctuarii vacabant. Quod tamen minus tuto asseri, ex prior loco patet, in quo David, æque ac Levitæ, eodem byssino indutus pallio fertur. Quod enim ad b. l. RASCHI monet, Davidem eodem cum illis ornatum fuisse vestitu, quoniam tunc perinde caneret, ac Levitæ, id dubium non tollit, sed augeat, ut non peculiaris ille Levitarum, sed communis omnium, præna Deo canentium, habitus inde colligatur. Cantoribus certe citra dubium, & magno molimine, habitum perquam pretiosum byssinum vendicat SAL. VAN TIL de Musica Hebraeor. Sect. III. cap. IV. p. 430. sqq. edit. Belg. Hinc tamen nondum constaret, ceteris quoque Levitis omnibus similem indultum fuisse vestitum. Pari fide nititur, quod exemplo Samuelis, cui puero mater ejus Ephod parasse legitur 1 Sam. II, 18. evincere conatur LEYDEKKER. c. l. p. 595. a. præter tunicas, indutos fuisse Ephodo, inde a pueritia. Vt enim Samuel in Levitis saltem fuisse, quem tamen sacrificia jugulasse & obtulisse constat, fide MAIMONIDIS, nimis secure tradit LEYDEKKERVS, in quam sententiam nos quoque inquisivimus *Introduct. ad Libr. Bibl. V. T. P. I. Cap. XII. §. 1. p. 212. sq.* nec ab ea nos omnino alienos exhi-

buiamus: quod tamen ex voto, & privata Hannæ pietate factum est, universalem nondum probat totius ordinis vestitum. Vtut vero non omnino negaverim, Levitas in officio suo, peculiari a reliqua plebe habitu fuisse distinctos, vix tamen certi quid ea de re affirmare licet.

Ad §. XXI. pag. 12.

(31) *Officium Levitarum*] Præcipuum in hac tractatione est V. *Functio & ministerium*, quod a Sacerdotum officio tanto sejunctum fuit intervallo, ut si Levita sacerdotales partes invaderet, & v. g. sacrificare, sanguinem spargere, ad altare holocausti accedere, benedicere, suffire, lampadas præparare, panes propositionis adornare, præsumeret, capite hoc ipsi luendum esset, ut exemplo Koræ constat, qui ex Levitarum ordine erat. Peculiari præcepto Deus cavet Num. XVIII, 2. sqq. ne qua suboriretur functionum confusio. Recte hactenus CYNÆVS lib. II. de Republ. Hebraeor. cap. XI. sub fin. Scribit MAIMONIDES, crimen capitale fuisse, si Levita Sacerdotis curas capefferet, aut ex ipsis Leviticis munitis aliquod ejusmodi obiret, quod assignatum illi non esset: puta, si aditus cantoribus vice fungeretur. Quod si Sacerdos Levitæ ministerium subiret, non illum capite penas huisse, sed tamen כוץ העשה contra Numinis interdictum fecisse. Sed hæc de ordinario ministerii modo sunt capienda. Quando vero talia ingruerant tempora, quibus sacrificiorum numerus & moles facultatem superaret Sacerdotum, hos in partes officii quoque Levitas vocasse, exemplis constat. Ita, cum repurgato templo, Hiskias cum universo populo, insignem sacrificiorum vim Deo offerret, pauciores erant Sacerdotes, quam qui victimis pelle nudandis sufficerent, unde illam muneris partem, quæ alioquin Sacerdotum erat per Levit. I, 6. Levitæ in se susceperunt 2 Chron. XXIX, 34. Post hæc etiam, in solenni Paschatis celebratione, Levitæ agnos jugulabant paschales, pro omni immundo, ad sanctificandum Jehovah cap. XXX, 17. quanquam ex Ju-  
dæorum

daorum scito, mactationem sacrificii etiam *extraneus* peragere potuerit, ut habet R. SALOMON *ad Lev. I, 5. & ad 1 Sam. I, 25.* de quo, suo loco, uberius dispiciemus.

Commode autem dispescitur ab Auctore nostro Levitarum ministerium in illud, quod a Mose ad Davidem, & id, quod a Davidis tempore & amplius, obierunt.

Priori tempore *Kahathita*, sanguine Sacerdotibus proxime iuncti, & ex eodem, cum Aarone, stemmate oriundi, præcipuam omnium custodiam agebant, arcam fœderis, & omnia vasa sanctuarii, candelabrum, mensam panum propositionis, altare holocausti, altare thymiamatis &c. humeris suis portantes. Indicto enim itinere, Sacerdotes primo vasa hæc omnia pellibus & velis suis involvebant, antequam fas esset accedere Kahathitis, ne quid eorum oculis Levitæ usurparent. Cum vero involuta essent & tecta, ingrediebantur Kahathitæ, & in humeros suscipiebant, sæpeque inter portandum vices mutabant, ipsorum cum numerus, censu a Mose inito, ad 2750 assurgeret. *Gersonitis* custodia erat demandata velorum, tegminum tentorii, aulaorum atrii, eorumque omnium, quæ ad ornatum & vestitum, cum tentorii, tum Sacerdotum pertinebant; quæ omnia scite composita, duobus curribus imponebantur, tractis a bobus. Horum numerus erat 2630. *Meraritis* cura incumbabat asserum tabernaculi, pestulorum, columnarum, annulorum, obicum, qui asseres jungebant, eorumque omnium, quæ ad externam tentorii structuram pertinebant: quæ cum pondere ac mole reliquas sanctuarii partes superarent, quatuor curribus vehebantur, ab octo bobus. Hi numerum 3200 explebant. Quando vero erectum tentorium sacris peragendis locum dabat, excubias agebant Levitæ in sanctuario, ne quis, cui fas non erat, irrueret; hinc & proxime circa tentorium sua fixerant tabernacula, Kahathitæ versus meridiem, Gersonitæ versus occasum, Meraritæ versus septentrionem. Januas aperiebant & claudebant, præterea canebant, & concentum Musicum inter sacrificandum peragebant; alii

Sacerdotibus sacra facientibus ministrabant, alii pacifica coquebant, assabant &c. Num. III, 27. sqq. VII, 5. sqq. Cuilibet ordini suus erat  *princeps*, cui ceteri erant subiecti.

Tempore autem Davidis, novus Levitarum agebatur census, numerum ipsorum reddens 38000. 1 Chron. XXIV, 3. sqq. Hos in quatuor partitus ordines, David constituit α) Sacerdotum in sanctuario *Ministros* 24000, qui præ ceteris omnibus Levitarum nomine, a Davidis tempore veniebant. Horum mille singulis septimanis in templo comparebant, ut Sacerdotibus præsto essent, vasa sacra iis porrigendo, purgando, in locum suum reponendo, atria quoque & anteriores templi partes verrebant, intestina sacrificiorum asportabant, culinam Sacerdotum curabant &c. de quorum officiis vid. 1 Chron. XXIV, 44. β) *Cantores* 4000, qui partim assa voce, partim fidibus canebant, omneque tempus pariter ac ingenium Musicæ sacre consecrabant, de quibus, 2 Chron. XXIX, 26 memoratis, eorumque studiis, partibus, ordinibus, ceterisque momentis, nemo curatius, majorique cum animi contentione, doctrinæque apparatu, commentatus est SALOMONE VAN TIL in *Digit-Sang- en Speel-Konst der ouden Hebreëen Sect. IV. integra p. 370. sqq.* γ) *Janitores* 4000, quorum alii excubias agebant in atrio templi, iique partim ex Kahathitis, partim ex Meraritis electi, & in XXIV classes distributi; hoc tamen cum discrimine, ut in priori templo soli Levitæ, in posteriori autem XXI classes ex Levitis, & III classes ex Sacerdotibus custodiæ invigilarent. Itaque quotidie, interdium noctuque 210 aderant excubitores, sub inspectione Præfecti cujusdam, sive Centurionis, qui stationes noctu visitabat, manequæ ac vesperi januas referare & claudere, aliaque imperabat necessaria. Confer Cod. *Mid-doth cap. I. Sect. I.* ubi *Levitæ, locis uno & viginti, excubias in domo sanctuarii egisse* traduntur; quorum quinque manipuli ad quinque ambitus templi portas; quatuor ad quatuor angulos, idque intus: deinde quinque ad quinque portas atrii magni; & quatuor ad quatuor ejus angulos extrin-



secus; denique unus ad receptaculum oblationum, alius ad receptaculum posticum, tertio tandem remotius quoddam a postica adyti parte assignarunt. Sect. II. ita habet: Montis templi praefectus perlustrabat singulas custodias, facesque eidem praelegebant: unumquemque autem custodem, qui pedibus non insisteret, his verbis compellabat: pax tibi. Si cum dormire animadverteret, baculo percutiebat, eidemque illius comburere vestimenta permisum erat, &c. Ad quæ vide, quæ notavit CONSTANTIN. L' EMPEREUR. Cavere itaque custodes debebant, ne immundi, furiosi, ebrii, profani, polluti, lugentes irruerent, & sanctuarium profanarent. Quanquam honorem quoque sanctuarii in causis vigiliæ Janitorum ponat MAIMONIDES in *Moré Nevochim* P. III. cap. 45. p. 477. Custodiam & vigiliam perpetuam circa sanctuarium quod attinet, præcepta illa sunt propter honorem & maiestatem ejus: item, ne vel stulti, vel immundi, vel etiam alii in lectu constituti, aut corpore illoto, in illud imprudentes irrumpant. Universam Janitorum templi historiam ex Sacris literis cum cura contexit Plur. Rev. CHRIST. WEISS in dissertat. inaugurali de *Spiritu Sancto Janitorum* Job. X, 3. Lipsiæ A. 1739. publicata, §. 9. sqq. p. 11. Alii vero dispensatores erant, & velut oeconomi templi, quibus & ærarium, & vasa sacra, & omnia ciborum genera, oleum, thura, vinum, aromata thymiamatis &c. concredita erant. Inter hos Moysis posterii præcipuas tenebant partes, redituum sacrorum custodiam agentes, rationes & curam. Hinc, quando thesaurarii templi memorantur, 1 Chron. XXVI, 20. ad Janitores eos spectare meminerimus: d) Moderatores & Judices 6000, qui non modo de rebus ad ordinem & negotia sanctuarii pertinentibus pronunciabant, quod vult LEYDEKKER. c. l. p. 593. sed extra templum quoque jus dicebant, ac eo omnes referebant curas suas, ut leges ac instituta in honorem Numinis, Regisque & patriæ emolumentum, maxime vero in religionis cederent conservationem. Quantum religionis & sacrorum curam gesserint, ne quid novaretur, aut profanaretur cultus, erudite

& copiose edisserit P. FAGIVS ad Num. IV, 7. dignus, qui consulatur. Hinc non Hierosolymis tantum, sed & oppidatim, præcipui erant Senatus Assessores, & ex Kahathitis, maxime ex Jezeharitarum & Hebronitarum familia lecti, præcipua inter omnes Levitas dignitate pollebant, ut inde Sacerdotum fratres dicerentur Num. XVIII, 2. 2 Chron. XXIX, 34. de quorum officio & partibus infra Libro V. aget Auctor.

Ad §. XXIII. pag. 13.

(32) *Solutio a gravi isto onere* ] Superest Levitarum

VI. *Dimissio*, quam Deus ipse lege sua anno ætatis L. definit Num. IV, 3. VIII, 25. ut vacarent a ministerio, beneficiis tamen ad obitum usque fruerentur. Nec tamen rude donati, ab omni plane vacabant opere, sed doctores erant cum juniorum Levitarum, tum plebejorum in scholis. Quin adhuc plura iis tribuit P. FAGIVS ad Num. VIII, 25. *Levita emerita militia, jubentur aliis servire Levitis, hoc est, juvare fratres suos consilio, vel ut Rabbi SALOMO explicat, adjuvent eos in claudendis portis, in cantu, in onerandis plaustris &c. sed ad ferenda onera tabernaculi, cum transferretur, amplius non coguntur.* Hinc ex Tract. *סוּתָה* notat CVNAEVS, paulo ante laudatus, nonnullos censuisse, legem de missione Levitarum post annum quinquagesimum, non fuisse perpetuam, sed eo tantum tempore valuisse, cum ferendum adhuc esset tabernaculum. Hanc tamen ætatis veniam nullo unquam tempore negatam ipsis crediderim, ea quidem lege, ut ultro adhuc præstarent, quantum per virium ac valetudinis rationem ipsis liceret, quamvis ad operas, suo ordine, loco ac tempore, cum fratribus non adstringerentur. Addenda his quoque est Levitarum

VII. *Præfiguratio*. Hæc quidem a Pontificiis ad ordines Nov. Test. transfertur distinctos, ita ut Diaconos referant Levitæ. Ita BELLARMINVS Tom. II. *Controvers. Lib. I. de Clericis cap. XIV.* Episcopi

*Episcopi id sunt in Ecclesia, quod erant Pontifices in T. V. id Presbyteri apud nos, quod illic minores Sacerdotes, ut etiam id Diaconi nostri, quod illorum Levitæ; ut docent DAMASVS in Epist. 3. de Chorepiscopis, HIERONYMVS in Epist. ad Evangelium 85. &c. Dudum ante BELLARMINVM, idem tradidit LOMBARDVS lib. 4. sent. dist. 24. lit. H. Diaconorum ordo in V. T. a tribu Levi nomen accepit, dicuntur enim & Levitæ. Hinc videas apud LANCELOTTVM lib. I. Institut. Juris Canon. Tit. XXII. §. 3. Diaconos ecclesiæ Romanæ, passim Levitas appellari. Vtut autem ista cum nominis, tum officii accommodatio, a Patribus quibusdam, bono animo, ad innuendam ministrorum Ecclesiæ distinctionem & subordinationem, adhibita fuerit; ea tamen omnis cum a Pontificiis, mente longe alia, ad stabiliendum Missæ sacrificium transferatur, a Protestantibus Theologis merito fuit repudiata. Vid. e Nostreis b. GERHARD. L. de Ministerio Eccles. §. 245. ex Reformatis LEYDEKKER. l. c. DAV. CALDERWOOD Altar. Damasceni cap. XI. p. 671. edit. Lugdunens. A. 1708. & alios. GVIL. BEVEREGIVS Annot. in Canon. II. Apostol. Levitas cum LXX discipulis confert, ita ut כהן Christum referat, כהנים XII Apostolos, לויים LXX discipulos. Rectius & commodius Levitæ cum Ministris verbi in N. T. conferuntur a BIERMANNO in Mose & Christo lib. I. Cap. VI. p. 128. sqq. edit. Belgicæ.*

Ad §. XXV. pag. 13.

(33) *Differentiam χειροθεσίας & χειροτονίας* De distincto pariter, ac promiscuo harum vocum usu & ritu, multa erudite tradiderunt CAROL. DV FRESNE Glossar. Græc. in voce utraque: SVICERVS Thes. Ecclesiast. voc. χειροτονία, χειροτονία, & χειροθεσία: GVIL. BEVEREGIVS Annot. ad Canon. I. Apostol. p. 9. b. sq. qui post declaratum vocum usum forensem, in creandis Magistratibus obtinentem, in stilo Ecclesiastico differentiam utriusque vocabuli observare jubet, juxta quam χειροτονία non electionem proprie,

sed ordinationem significat, & χειροθεσίαν sub se comprehendit, totamque præterea λειτουργίαν, sive τελετουργίαν, in Episcopi, Presbyteri, & Diaconi ordinatione celebrari solitam: VSSE- RIVS Not. ad Ignatii Epist. supposititiam ad Heronem Diaconum, Tom. II. Patrum Apostol. f. 114. WILLIAM CAVE Antiqu. PP. in vita Barnabæ §. 7. pag. 125. sqq. IOSEPH. BINGHAM Origin. Ecclesiast. Lib. IV. Cap. VI. §. XI. edit. Lat. Vol. II. p. 184. De χειροτονία seorsim commentatus est CONR. SAM. SCHVRFLEISCH. pecul. dissert. An. 1686. Vitembergæ publici juris facta. De χειροθεσία, ejusque apud Judæos usu, ex instituto præcepit IOH. BRAVNIUS Select. Sacr. Lib. V. Exerc. V. p. 747. sqq. & paulo concisus IOH. HENR. HEIDEGGER. Hist. Patriarch. T. II. Exerc. XXII. §. 16. p. 692 sqq. quorum expilare scrinia, nunc animus non est: maxime cum paulo post ad Cap. VII. §. 3. de סמיכת ידים dicendi occasio sit reditura.

Ad §. XXVI. pag. eand.

(34) *אנשי מעמד viros stationis, sive stationarios* Hi cætus erant, nomine totius populi delegatus, ministerio sacro oblationum communium & precum præfectus, ut ista legitime, & pro tota gente peragerentur. Habebant quippe Judæi canonem: אין אפשר שיהיה קרבנו של אדם קרב ורוא אינו עומר על גביו: nullius potest offerri sacrificium, nisi ipse prope adsit. Jam vero, cum sacrificium jure, aliæque nonnulla offerrentur pro toto Israele, fieri autem non posset, ut totus præsto esset populus, ideo diviserunt universam gentem (æque ut Sacerdotes & Levitas) in XXIV classes, ita ut singulis septimanis singulæ classes in templo adessent sacris, orarent, peccata populi confiterentur, & manus imponerent sacrificiis. Vnaquæque ergo classis certos delegabat viros pios, cultui divino ex animo addictos, & rerum divinarum apprime peritos, qui una cum classe istius hebdomadæ Sacerdotali & Levitica ascenderent Hierosolymas in templum, totaque septimana sacris



sacris attentis, vice totius Israelis manus imponerent sacrificio jugi, adstarentque aliis oblationibus, quæ pro toto populo offerebantur, preces funderent, jejunarent, totique vacarent Deo. Interim reliqui illius classis, congregabant se in civitatum suarum Synagogis, quatuor illius septimanæ diebus jejunabant, orabant pro sacrificiis fratrum suorum, ut acceptarentur, & quantum poterant, cultui pariter erant addicti. Singulæ istæ classes suum habebant Præfectum, **רַחֵשׁ מַעֲמָד** stationis istius seu classis caput dictum, qui curam gerebat, ut & legati iusto tempore Hierosolymas ascenderent, officioque sacro rite fungerentur, & domi interim reliqua classis, quantum poterat, in Synagoga lectioni, precibus, & jejunio dedita esset. Quin & quemadmodum ex Sacerdotum & Levitarum classibus, delegatus numerus Hierosolymis habitabat, ut in casu necessitatis præsto semper esset; ita in eundem finem etiam ex omnibus tribubus habitabant stationarii Israelitæ Hierosolymis, ut vices eorum sustinerent, qui forte procul ab Vrbe remoti, adesse non poterant, vel morbo aut immunditie sacris interesse prohiberentur. Ita necesse erat, ut de singulis tribubus duo ad minimum, h. e. XXIV viri quotidie sacris, nomine totius Israelis adstarent. Talmudicam de iis constitutionem lege in Cod. **תענית** cap. IV. *Mischna* 2. & 3. ad quam *Annotationes* LUNDII legi merentur. Provocat *Mischna* ad Num. XXVII, 2. indeque originem rursus arcessit: *HOTTINGERVS* autem, nepos, qui peculiari dissertatione hoc argumentum discussit, ortum tradit non a divina, nec adeo vetusta, sed ab humana solum & recentiore institutione hausisse, non multo ante, immo vero potius post captivitatem Babylonicam. Agir de iis præterea *LIGHTFOOTVS* de *Minister. templi Hierosol.* cap. VII. *Sect.* III. *Tom.* I. *Opp.* p. 700. & *Hor. Hebr. in Luc.* I, 10. *Tom.* II. *Opp.* pag. 489. *sqq.* & *BYXTORFVS* *Lex. Rabbin.* & *Talm. b. v.* p. 1622. *sqq.* Quando vero vener. *MARPERGERVS* de agno ad aræ cornua ligando, notis in *Cap.* II. §. 5. p. 142. *sqq.* viros hos statio-

narios cum iis confert ex Judæis & Gentilibus, qui sacrificio agni Dei, h. e. cruci Christi adstabant, totumque mundum representabant, allegoricam admittere possumus accommodationem, sensum autem verborum *Psal.* CXVIII, 10. **כָּל גּוֹיִם סִבְבוֹנִי** literalem, commento isto rite declarari, nondum nobis patimur persuaderi.

Ad §. XXVII. pag. 14.

(35) *Nethinæorum.* **נְתִינִים** & Chaldaice **נְתִינִי** erant in sanctuario Ministri, sive Servi communes, secandis lignis, hauriendis aquis, aliisque abjectis & servilibus muniis addicti. Quorum notanda venit

α) Origo. Sunt nimirum, tam Judæorum, quam Christianorum omnium suffragio, Gibeonitæ, qui *Jos.* IX. astu & fraude circumvenientes Josuam ac principes Israelitarum, interposito juramento fœdus obtinuerunt, ne delerentur. Hinc Profelyti facti, & constituti ab ipso servi communes, ad hauriendum aquas, secanda ligna, & vilia quæcunque servitia præstanda destinati. Non itaque mancipia, sive servi erant, sed ex parte liberi, neque tamen Israelitis pares, sed vilissimi mercenarii, qui sanctuario gratis & absque mercede, Israelitis vero pro exiguo pretio, unde vitam tolerabant, gravissimos quosque & abjectos exantlabant labores. A patria itaque Gibeonitæ dicti, cum urbis **גִּבְעוֹן** prius incolæ fuissent, de qua *Jos.* X, 2. dicitur, quod urbs magna fuit, sicut una urbium regni, & urbem Ai amplitudine superans, quæ sub se habuit Kephirah, & Beeroth, & Kirjathearim *Jos.* IX, 17. assignata postmodum tribui Benjamin *Jos.* XVIII, 21, 25. & inter urbes Sacerdotales, cum suburbiis suis relata *Jos.* XXI, 17. Inde appellatio Gibeonitarum ipsis hæsit, usque ad tempora Davidis, quibus 2 Sam. XXI, 1. *sqq.* eodem adhuc nomine veniunt; at posthæc nova ipsis obtigit

β) appellatio, *Nethinæorum.* Dicuntur autem **נְתִינִים** quasi donati, constituti, vel dedititii & adscriptitii: non quod se sponte deditissent Isra-

Israelitis ad servitia, notione activa, quod PISCATOR scholio ad 1 Chron. IX, 2. & BOCHAR-  
TUS lib. II. Phaleg. cap. I. p. 77. cupiunt, sed pas-  
siva, ex Jos. IX, 27. ויתנם יהושע ביום ההוא  
& dedit eos Josua die isto, & ex Esdr. VIII, 20.  
ומן הנתינים שנתן דוד והשרים לעברת  
& de Nethinæis, quos dedit David &  
principes ad ministerium Levitarum. Non ita-  
que a Josuæ tempore, quo Nethinæorum nomen  
plane erat ignotum, sed a traditione, vel addi-  
tione Josuæ, dudum post a Davide confirmata  
& repetita, hæc nomenclatura fuit petita. Quod  
clare docet ABEN ESRA Comment. ad Esdr. II, 43.  
הנתינים הם ראשי גבעון ובנותיה ויהושע  
נתנם לבית אלהיו על כן נקראו נתינים  
אע"פ שנאמר אחרי כן ומן הנתינים שנתן  
דוד והשרים לעבודת הלוים כי הטעם קיום  
הנתינה או נקראו מן היום הוא נתינים כי  
Nethinei sunt principes Gibeonis & filiarum ejus, quos dedit  
Josua domui Dei sui, ea propter vocati sunt Ne-  
thinim: quamvis posthæc dicatur (Esdr. VIII, 20.)  
at de Nethinæis, quos dedit David, & principes  
ad ministeria Levitarum: quia sensus est, quod  
confirmaverit (David) dationem (a Josua factam):  
vel vocantur ab hoc tempore Nethinei, quia olim  
dicti fuerunt Gibeonite. Nimirum, quoniam a  
Davide & Salomone prioribus adjecti, ex Gi-  
beone ortum non traherent, sed ex devictis  
gentibus aliis, vetusto Gibeonitarum nomine  
comprehendi omnes non poterant, hinc novum  
& commune adhibitum fuit vocabulum, quod  
ad omnes ejusdem sortis homines quadraret.  
Ita BONAVENT. CORN. BERTRAM de Republ.  
Jud. cap. XV. p. 276. sq. Præter Levitas, ad ta-  
bernaculi munera adhibebantur Gabaonite reliqui  
ex clade Saulis, qui cum pauciores essent, quam  
qui sufficerent ad adis sacre ministerium, adhibiti  
sunt ad illud, præter eos quidem; a Davide, ut  
hoc diserte exprimitur Hezra VIII, 20. & postea  
a Salomone, quo nomine & servi Salomonis appel-  
lantur, qui omnes, cum reliqui Gabaonite, tum  
illi, qui a Davide & a Salomone traditi fuerant,  
Nethinei dicti sunt, quasi dedititii, seu adscriptitii.

Non me fugit, operose hoc ab aliis impugnari,  
quia reliquarum gentium devictarum factam  
Gibeonitis accessionem, nullibi diserte affirmat  
Scriptura. Qui autem 1) insignem eorum co-  
piam, quæ ad templi ministeria longe require-  
batur amplior, quam in tabernaculo, cum im-  
minuto per Saulis sævitiam Gibeonitarum nu-  
mero, comparaverit: 2) novam a Davide &  
principibus ejus eorum deditionem in sanctuarii  
servitia, juxta Esdr. VIII, 20. pensi habuerit, qua  
plane non fuisset opus, si homines dudum a  
Josua mancipati, solum intelligantur: & 3) di-  
versum & aliud a Gibeonitis nomen, quod iis  
etiam Levitarum ministris esset commune, qui  
Gibeonem patriam non agnoscerent, cogitave-  
rit; ei BERTRAMI isthæc sententia profecto non  
adeo videbitur absurda. Tantus sane Nethi-  
næorum suppetebat numerus, ut cum reliquis  
captivis Babylonem abducerentur, æque ac elapso  
LXX annorum tractu, ad pristinas reverteren-  
tur sedes, ut ex Esdr. II, 43. VII, 7, 24. Neh.  
VII, 46. X, 29. liquet; Gibeonitis ut ex devi-  
ctis gentibus reliquis, & Judaicam amplexis re-  
ligionem complures accessisse, vero perquam sit  
simile. Et observatu dignum est, quod velut an-  
te templi structuram Nethinæorum nomen in-  
auditum fuerat & incognitum, ita post eam  
ætatem Gibeonitarum nulla amplius in Sacris  
mentio fiat, haud dubie quod permixta servor-  
um sanctuarii turba hanc non amplius admit-  
teret nomenclaturam. Accedit, quod cum a  
Josuæ temporibus, & universo cætui, & altari  
ministrare, suoque sibi labore victum parare  
Gibeonitæ tenerentur Jos. IX, 21, 23, 27; aliter  
se res habuerit post tempora Davidis, qui solis  
Levitis Nethinæos, in vilissima sanctuarii mini-  
steria addixit, qui ex redditibus suis de victu ipsis  
prospiciebant. Quare & CVNÆVS lib. II. de  
Republ. Hebr. cap. XI. & SERARIUS Comment.  
in Jos. IX. qu. XX. p. 216. post TOSTATVM ABV-  
LENSEM, in eandem, de admistis gentibus devi-  
ctis aliis, sententiam concesserunt.

γ) Dignatio eorum inter Israelitas hæc erat,  
ut ultimum fere dignitatis gradum in republica  
tene-



tenerent; velut Deut. XXIX, 10, 11. ubi gradus dignitatum populi recensentur, fissores lignorum, & qui aquam hauriunt, ultimo loco nominantur, licet ea tempestate Gibeonitæ in clientelam se nondum dedissent. Quin immo adeo abjecti erant, ut etiam *טֹסִים מְסֻרִים* spuris postponantur. Nimirum omnem graduum honoris distinctionem, hoc ordine struunt Judæi in *Horajoth Jeruschalmi fol. 48. col. 2.* unde Latine versa, apud LIGHTFOOTVM *Hor. Hebr. in Matth. XXIII, 14.* & WAGENSEILIVM in *Sota p. 569.* verbata habent: *Sapiens præferendus Regi: Rex, summo Pontifici: summus Pontifex, Prophetæ: Prophetæ, uncto in bellum: unctus in bellum, præfecto ephemeria: præfectus ephemerie, capiti familia: caput familia, consiliario: consiliarius, thesaurario: thesaurarius, Sacerdoti privato: Sacerdos privatus, Levitæ: Levita, Israelitæ: Israelita, notho: nothus, Nethinæo: Nethinæus, profelyto: profelytus, servo manumisso. At, quando hoc? nempe, cum cetera sunt paria: at vero, si nothus sit discipulus sapiens, & Sacerdos summus sit indoctus, nothus ei præferendus. Sapiens est præferendus regi: nam, si moritur sapiens, non est ei par: at si moriatur rex, quivis Israelita est idoneus regno.* Interim, quia ad ministeria sacra, vilissima licet, adhibebantur, aliquam inde trahebant dignitatem, & profelytis, servisque manumissis antistabant.

δ) Matrimonium; quod cum Israelita, vel Israelitide, Nethinæo contrahere nefas erat. De illis quippe, a connubiis genuinorum Israelitarum arcendis, bina Magistri, apud MAIMONIDEM in *Hilcoth ביאור איסורי* cap. XII. sub fin. fol. ש"ו col. 1. facta esse tradunt decreta: alterum a Josua, quo prohibentur venire in cærum, mediante matrimonio, durante sanctuarii tempore; alterum a Davide, qui in æternum eos exclusit, eo quoque tempore, quo non futurum esset sanctuarium. Paria ex Codice MSC. EL. HECHAIM, WAGENSEILIVS tradit in *Sota fol. 145.* Hinc est, ut cum Mamseris seu Nothis, ratione connubiorum, cum ingenuis Judæis non contrahendorum, æqua Nethinæo-

rum ratio esset. Vix itaque alia, nisi vel mutua Nethinæis, vel etiam servorum manumissorum conjugia erant permissa: quodsi autem Nethinæus cum Israelitide rem habuisset, vapulabat uterque. Quicquid vero sit de duplici illo Rabbiorum decreto, ex 2 Sam. XXI. satis constat, Gibeonitas Davidis tempore peculiarem adhuc nationem constituisse, quod in promiscuis matrimoniis cum Israele non licuisset. Hinc porro liquet, quam absurdus sit IACOB. BOYLDVCVS lib. I. de *Ecclesia ante legem cap. 5.* Josephum tradens, Mariæ sponsum, Nethinæum fuisse, quem tamen filium Davidis appellat angelus Matth. I, 20. ex Davidis prosapia oriundum probat genealogia Matth. I. & census in urbe Davidis Bethlehem, Davidicum arguit Luc. II, 4. unde flagris dignum ejus commentum refutat SELDENVS lib. V. de *Jure Nat. & Gent. cap. 14.*

ε) Sedes & habitatio; quæ non in uno semper mansit loco. Ante terræ divisionem, postquam in fœdus recepti erant, pristinas suas tenuisse sedes, ex Jos. X. constat. Post terræ divisionem vero, Gibeonitarum urbs in tribum Benjamin cecidisse Jos. XVIII, 25. & Sacerdotibus adscripta legitur c. XXI, 17. Hinc ipsos, cum Sacerdotibus & Levitis, suas habuisse mansiones, ex 1 Chron. IX, 2. Esdr. II, 70. Neh. VII, 73. XI, 3. colligitur. Sed & Hierosolymis, Ophel memoratur, Nethinæorum habitatio, ad portam aquarum versus ortum, & turrim exeuntem, Neh. III, 27. & XI, 21. De qua, cum Judæorum, tum Christianorum conjecturas, lubricas omnes & incertas, studiose congeffit DANIEL PFEFFINGERVS dissertat. philol. de *Nethinæis*, Argentorati A. 1702. publicata, §. 32. sqq. quæ quicquid est istius argumenti, magna cum cura discussit: cui junge LEYDEKKERV Lib. X. de *Republ. Hebr. cap. V. pag. 595. sqq.* LVNDIVM lib. IV. des *Levitischen Priesterthums, cap. VII.* BÜXTORFIVM *Lex. Targ. & Talm. pag. 1409.* SAVBERTVM de *Sacerdot. Hebr. cap. XI. edit. Thom. Crenii, p. 662. sqq.*

Ad §. XXVII. pag. 14.

(36) *Quod huic ἀγγαρεία, functioni* ] Ista Auctorem hausisse suspicor ex CASP. WASERI *Lib. I. de antiquis Hebr. mensuris cap. XI. p. 43. sq.* ubi vir doctus vocem ἀγγαρεύειν angariare, Matth. XXVII, 32. ex ritu Persarum exponit, quibus ἀγγαροι tabellarii erant, seu cursores regii, quibus æque, ut hodiernum apud Turcas, licebat obvii cujusvis jumenta, currus, naves, vel ipsosmet homines, ut currerent ac sarcinas

ferrent, ad celerius conficiendum iter, rapere. Quibus demum addit: *Synecdochice* Angari, vel Aggari, postea dicti servorum aut jumentorum onera quovis modo bajulantes: Hebræis Efr. II. & Neh. III. proprio & peculiari nomine dicti נתינים *Nethinai*, qui publicis angariis obeundis, saltem in domo Dei pro toto catu erant quasi dediti sive dedititii, a נתן *dedit*. Sed totum istud de Angariis veterum latifundium exhaustit, exquisitæ Vir doctrinæ, BALTHAS. STOLBERGIUS *Exercitat. Philolog. dodec. Diff. I. p. 149. sqq.*

AD

## LIB. I. CAPVT VI.

## DE PROPHETIS.

Ad §. I. pag. 14.

*Tres diversos temporis articulos* ] De Prophetis, cum nos ex instituto egimus *Introd. ad libr. Bibl. V. T. P. III. cap. I.* tum, qui egerunt, alios excitavimus §. 28. p. 85. quo hujus rei studiosos remittimus. Tres autem temporis periodos, sive ætates, in quas dispesci solent Prophetæ, ad eundem, cum Auctore nostro, modum; HERM. WITSIVS quoque constituit *Miscell. Sacr. lib. I. cap. XVI. p. 161. a)* ante legem, *β)* sub lege, *γ)* sub Evangelio. Hæ enim periodi, velut dispari cultus, & dispensationis divinarum revelationum ratione gavisæ sunt, ita missionis quoque & functionis Prophetarum diversum admiserunt modum. Ante Moisen, Deus per immediatas revelationes, easque crebriores, moderabatur Ecclesiam, absque verbo scripto; hinc, qui Ecclesiæ erant antistites & sacrorum ministri, iidem ut plurimum etiam Prophetico dono ac spiritu pollebant. A Mose vero, ad reditum populi ex Babylonia, Leviticum Sacerdotium ordinarie cultum præstabat, ad ductum quidem verbi scripti, lege Moisi & ceteris V. Instrumenti succedentibus libris comprehensi;

unde tam crebris opus amplius non erat revelationibus immediatis, nec nisi extra ordinem, mittebantur Prophetæ, ubi reformatione opus habebat Ecclesia, aut Sacerdotium suis non amplius partibus rite defungebatur. Post reditum e captivitate, restauratio sacrorum, Prophetarum vel maxime requirebat operam, ad componendam nascentis velut Ecclesiæ, sacrorum & cultus formam, ad Scripturæ Sacræ normam. Diebus denique Salvatoris, & sub N. T. auspiciis, nova prorsus æconomia alium quoque Prophetarum habitum postulabat.

Ad §. II. pag. cit.

(2) *Adamus & Propheta, & Sacerdos sue familie fuit* ] Dono Prophetico Adamum poluisse patet, ex agnitione Evæ, quam, primum visam, os de ossibus suis, & carnem de carne sua, quin & ex eventu futuro, מרת *matrem omnium viventium* salutavit Gen. II, 23. sq. quam aliam nominis significationem insinuet GOTTFR. OLEARIUS *Observat. in Matth. XXII, 31. sq. §. 7. p. 614.* Vnde non Judæi modo in *Sede Olam Rabba* cap. XXI. Adamum Prophe-



tam asserunt, verum etiam Christus ipse Matth. XIX, 5. verba primi parentis, Deo ipsi attribuit creatori, ea quod Adam non ex suo pro ingenio, sed ut Propheta, ex divini Spiritus protulit suggestione. Nec dubium est, quin crebrioribus post lapsum gavissus sit alloquiis divinis, revelationibus, & patefactionibus prophetis, ut omnem cultus rationem recte institueret, familiam suam absque errore & labe in religione formaret, modumque consequendi salutem, cum ipse calleret, tum mortales reliquos edoceret; etsi non abs re observavit NICOL. GÜRTLERVS in *Theolog. Prophet.* p. 55. post lapsum, tributa Adamo vaticiniae facultatis specimina, in Sacris literis vix ulla comparare, historia ipsius a Mose in brevissimam summam redacta. Quam autem alias huc referunt nonnulli *ὁνομαδεῖαν* animantium, eam incomparabilis quidem sapientiae specimen præbere, donum autem ipsius propheticum non satis evincere, recte censet HEIDEGGERVS *hystor. Patriarchar. Exercit. IV.* §. 51. *T. I.* p. 148. Hinc non a Patribus modo Ecclesiae, CLEMENTE ALEXANDRINO *lib. I. Strom.* p. 335. IUSTINO M. ORIGENE, EPIPHANIO, aliis, verum a Muhammedanis quoque, in Prophetis numerari Adamum, observat Vir stupendae lectionis, IOH. ALBERT. FABRICIUS *Cod. Pseudepigraphi V. Test. cap. V.* p. 6. ubi & de summa Adami rerum divinarum humanarumque scientia, & de variis, qui falso eidem tribuuntur libris, pererudite commentatur. De eruditione Adami conferri quoque meretur BVDDEVS *Hist. Vet. Test. Tom. I.* p. 93. §. 13. sq. Quando vero R. MENACHEM RAKNATI ex libro *Sohar* refert, *fol. 25. col. 4.* librum quendam, caelestem sapientiam complexum, a Domino secretorum Adamo primo traditum fuisse, quem secum quidem paradiso efferre conatus sit, sed ereptum vix dum egresso, atque in caelum subductum esse, mox tamen ad ejus supplicationem restitutum, ea conditione, ne oblivione periret a filiis hominum ejus sapientia, sed ut eam cum posteris communicaret: id absurdum adeo, ac prima fronte videtur, censendum non esse

perhibet laudatus WITSIVS §. 3. p. 162. sed sensu mystico catechesin veterum continere, 1) notitiam divinarum rerum in statu integritatis Adamo fuisse communicatam, 2) eam tamen magna ex parte fuisse amissam, iusto Dei iudicio, quo vindicabat sanctissimae legis suae transgressionem: 3) eandem clementer restitutam esse, postquam admissus esset ad gratiam, addita doctrina Evangelii: 4) ad officium pertinuisse Adami, ut posteros de Dei cognitione & cultu erudiret. Plura de isto libro, & admodum fabulosa, lege apud GVIL. SALDENVM *Orior. Theol. lib. I. Exercit. I.* §. 3. pag. 3. sq. Quae de morte Adam, ejusque sepultura, tradant Orientales, vide apud EVTYCHIVM ALEXANDRINVM *Annal. Tom. I.* p. 18. sq. ubi ultimum ejus, ante obitum, de Messia vaticinium exponitur. Quam porro IOSEPHVS *lib. I. Antiqu. Jud. c. 2. sub fin.* prophetiam Adami recenset, de interitu mundi, primum per aquam, ultimo per ignem futuro, unde Sethus duas columnas, latericiam aliam, aliam marmoream erexerit, quae inscriptas praestantissimas caelestium humanarumque rerum scientias servarent & ad posteros transmitterent, eam Scriptura fileat; Sethianarum autem columnarum commentum viri docti uno ore, & communi consensu exploserunt, de quibus allegasse sufficiat STILLINGFLEETI *Origin. Sacr. lib. I. cap. II.* §. II, 12.

Ad §. II. pag. 14.

(3) *Adami Sacerdotium concluditur ex Gen. IV, 3, 4.]* Et perperam inde concluditur, nisi alias de eo constaret. De utroque fratrum sacrificio verbis *הביא* & *יבא* utitur Scriptura, quae & oblationis actum atque ritum notant, & adductionem ad certum aliquem locum. Hinc in partes scinduntur Interpretes, alii per adductionem localem, alii per oblationem exponentes. Prioris sententiae patroni, munera filiorum ad parentem Adamum adducta, cum Auctore nostro opinantur, ut is ea in loco publico, ad cultum divinum destinato, Domino offerret. Patris

Patris enim familias fuisse, pro universa familia sacra facere. Ita, post Judæos aliquos, ex Reformatis HEIDEGGERVS *Histor. Patr. Tom. I. Exerc. V. §. 17. p. 178.* & ex Anglis, HENRIC. AINSWORTH *in b. l.* Rectius tamen, meo iudicio, id negat ABEN ESRA *ad b. l.* ולא ישרו בעני דברי האומרים כי המנחה הכחה אל: neque tamen placent mihi, qui dicunt, quod adduxerint sacrificium ad patrem suum. Quod enim tempestive monet e nostris POLYCARP. LYSERVS *in b. l. p. 368.* fratres hi emancipati memorantur, qui sui esse juris cœperant. Non itaque in laribus paternis communi cum ceteris mortalibus utebantur cultu, sed quisque suas sibi res habens, patris familias partibus defungebatur. Vnde dispar-quoque, pro cuiusque offerentis conditione, divina narratur acceptatio, quæ in unum cecidisset Adamum, si ille pro filiis obtulisset. Accedit, quod verbum in Hiphil, si accessum vel adductionem localem notet, mediante particula locali ל vel אל construatur, si simpliciter positum, oblationis actum notet v. g. Exod. XXXV, 21, 23. Num. XV, 25. Lev. IV, 23, 28. V, 6, 7. Hinc Cainum & Abelem, diverso quidem tempore, in solenni fratrum sororumque conventu, sacra ipsos fecisse existimo, unumque, ad sacrificium suum, alterum invitasse. MERCERVS *ad b. l.* a nostris pariter stat partibus, hac nixus ratione, quia quisque (emancipatus quippe, sui que juris) ante legem sua offerebat sacrificia. Melius itaque Vulgata vertit: factum est post multos dies, ut offerret Cain de fructibus terræ &c. Abel quoque obtulit de primogenitis gregis sui; quam qui reddiderunt: adduxit. Ceterum Adamum in ædibus suis Sacerdotio functum fuisse, omni caret dubio, quod patrum familias id esset: ex hoc tamen loco valide probari negamus. Ex prima ætate addere liceat Prophetam

Henochum, quem vaticinandi dono polluisse non modo, sed Moſen quoque ac Eliam superasse, ex Magistrorum sententia WITSIVS affirmat *Lib. I. Miscellan. cap. XVI. §. 4.* שהיה יותר גרולה ממשה ואליהו: fuisse

cum Prophetam in gradu excellentiori, quam Moſes & Elias. Vehementer autem cuperem, ut auctorem effati allegasset. Quantum enim ex R. MENACHEM RACANATENSIS *Comment. in Gen. V, 24.* intelligo, non adeo sublimem in Prophetis gradum eidem attribuant Hebræi, qui gradus inferior est gradu נבואה *quod viderit per Spiritum Sanctum*, qui gradus inferior est gradu נבואה *Prophetia* stricte sic dictæ: præterea distinguunt inter Prophetam בשליחות *per missionem*, seu officio & munere talem, qui expresso mandato a Deo mittitur, & בשכינה *per divinam præsentiam* & influxum, seu dono talem, qui specimen aliquod Propheticum instinctu Spiritus Sancti edit. Posterioris saltem generis Prophetam faciunt Henochum, cui Spiritus Sanctus קצת נבואה קטנה *partem Prophetia* sive partem Prophetiam inspiraverit, ut notatur in *Jalkut Rubeni fol. 24. col. 4.* ex libro allegorico *Gale Razaja*. Sed & Arabes affirmant, insignem suæ ætate Prophetam egisse, quibus MUHAMMED in *Alcorano* prælusit, cui Henoch *Edris Prophetæ* audit; de quo tamen dubie ad erudite disputat HOTTINGERVS *Histor. Oriental. Lib. I. cap. 3. p. 30. sqq.* Etsi BARTOLOCCIVS in *Biblioth. Rabbin. P. II. p. 845.* ex Hebræorum antiquiorum testimonio probare nititur, Henochum, qui cognominatus fuit אדריס *Edris*, ab antediluviano patriarcha multo diversum, multisque seculis illo fuisse posteriorem: cui LUDOVIC. MARRACCIVS *not. in Suram XIX. Alcor. p. 435.* inhærens, MUHAMMEDEM existimat, sicut duas confudit Marias, ita duos pariter Enochos simul permiscuisse. Quin & ab angelis Dei credidisse veteres, suam Henochum hausisse doctrinam, IOSEPHI & EUSEBII fide tradit HUVETIVS *Demonstrat. Evangel. Propos. IV. cap. VIII. §. 7. exeunte.* Denique Patrum antiquissimi, CLEMENS ALEXANDRINVS, ORIGENES, TERTULLIANVS, IRENAEVS, CYPRIANVS, LACTANTIUS, eo minus de dono ejus Prophético dubitant, quo confidentius ad vaticiniorum ejus volumen provocant; quorum testimonia de Henoch, confertim & larga manu exhibet



doctissimus FABRICIUS *Cod. Pseudepigrapho Vet. Test.* p. 168. *sqq.* quibus symbolas recentiorum auctorum subicit p. 199. *sqq.* demum etiam catalogum scriptorum p. 222. subtexuit, apud quos de Henoch, ejusque vaticiniis plura legere licet: quibus nos adhuc GUILIELM. SVRENHVSIVM addimus in *βιβλῶ καταλλαγῆς* p. 709. *sqq.* IOH. FRANC. BVDDEVN in *Hist. Eccles. V. T. Per. I. Sect. I. §. 38.* pag. 160. *sqq.* SAINJORE *T. III. Biblioth. Crit. Chap. 3.* p. 41. & IOH. PHIL. HEINIVM *Dissertat. Sacrar. cap. IV.* pag. 54. *sqq.* Nobis testis omni-exceptione major est S. Judas Apostolus, qui *Epist. v. 14.* & vaticinatum perhibet Henochum, *προεφήτευσεν δὲ, λέγων,* & prophetiam ipsam *κατὰ τὸ ῥητὸν* allegat. Vnde illam hausert, non eadem omnium sententia est. Ex historia Mosaica illam collegisse existimat COCCIVS, sed notatus eo nomine a WITSIO supra citato, §. 7. nam Judas formulam *Prophe- tiae Henoch adscribit, quae ex Mose disci non potest.* Ipse tamen haud multo rectius ad traditionem refert: *crediderim igitur, Judam hac habuisse ex nota & confessa eo tempore traditione: quam veram esse, Spiritu magistro cognovit, dignamque, quam sua hac Epistola consecraret aternitati.* Multos hic habet consentientes, ex quibus HOTTINGERVUS *Ennead. dissert. I. pag. 6.* Certe, tutior, inquit, est sententia, quae Enochii Prophetiam *πατροπαράδοτος* ad Servatoris usque tempora asservatam esse contendit, quam rationibus quoque munire satagit. Verum incerto nimis tibicine niteretur haec Scriptura, si non alio, quam traditionis nomine *ἀνθεντικὴν* suam tueretur. Habuerint sane Judaei ejusmodi traditionem, unde haec Prophetia, tanquam inter illos, ad quos Apostolus scribit, nota & celebris esset, non tamen ex *παράδοσει*, sed ex immediata Spiritus Sancti suggestionem, pericopam hanc consignasse, Judas satis intelligitur ex 2 Tim. III, 16. & 2 Petr. I, 21. Ceterum de hac prophetia Henochi, praeter ceteros evolvi meretur, post HOTTINGERVUM in *cit. Ennead.* DORSCHEVUS in *auctario Pentadecad. Dissert. I. p. 555. sqq.* Contra librum autem Henochi nemo,

quod sciam, prolixius egit THOMA BANGIO *Caeli Orientis Exercit. I. quest. V. p. 16.* digno, qui consulatur. Quod superest, novissime Anonymus quidam, *Bibliothecae Britannicae A. 1738. Tom. XI. P. I. Art. VIII. pag. 181. sqq.* integram inferi curavit dissertationem, qua communem eorum sententiam, qui Henochum aequae ac Eliam, absque interveniente morte, cum corpore & anima simul, in locum & commercium aeternorum gaudiorum translatos censent, evertere conatus, utrumque solum placide ac in fide expirasse, a communi moriendi forte minime exemptos, contendit, doctorum virorum respon- sionem, ac dubiorum solutionem deposcens ac praestolatus: quod in transitu sufficiat obiter monuisse. Addimus

*Lamechum*, quem HENR. AINSWORTH not. ad *Gen. V, 29.* HEIDEGGER. *Hist. Patr. T. I. Exerc. III. §. 8. p. 76.* DAV. KNIBBE *lib. II. hist. Prophet. cap. I. §. 4.* & doctores passim, Prophe- tis recte connumerant, ob insignem in *ὄνομα- θεσίᾳ* filii editam Prophetiam, qua ipsius cum suavem officii fructum, tum typicam Christi- ad- umbrationem, perspicue praenunciavit: nec du- bium, quin alia hujus familia protulerit vatici- nia plura, licet a Mose in literas non redacta. Addimus jure merito

*Noachum*, cui Deus plus vice simplici collo- cutus, & mundi per diluvium *πανολέθριον* Gen. VI, 12. *sqq.* & foederis Dei cum terra, de non amplius delendo, pacti summam cap. VIII, 22. IX, 8. *sqq.* hominibus aevi sui denunciandam aperuit, quique crebrioribus revelationibus di- vinis instructus, *δικαιοσύνης κήρυκα* aetati suae agere dignatus est 2 Petr. II, 5. Vt illustre ta- ceam vaticinium Gen. IX, 26. sq. quo non fami- liae modo suae, sed posteritatis quoque universae, totiusque Ecclesiae fata, compendio praececinit: HEIDEGGERO magna cum cura discussum & expositum *Hist. Patr. Tom. I. Exercit. XXI. tota, p. 623. sqq.* Nec ore solum ac verbis, sed Sym- bolicis quoque actionibus vaticinatum fuisse, Pau- lo teste Hebr. XI, 7. rectius asseritur, quam quae de dolabra Noe, qua in fabricanda usus est arca, in

in reliquiis Ecclesiæ Christianæ asseruata, BARONIVS *Tom. IH. Annal. ad A. C. 330. n. 15.* & post eum GRETSEVVS *Tom. I. de Cruce p. 15. 346.* & 510. nugantur, profligata a gravissimo DORSCHEO *Vindic. ad Exod. IV, 1. sqq. Dissert. V. §. 12. p. 93. sq.* Quot ipse modis typum Christi gesserit, post BOCHARTVM *Hieroziaci Lib. II. cap. VI. p. 34.* & HUVETIVM *Demonst. Evangel. Propos. IX. Cap. 170. §. 3. p. 1147.* BIERMANVVS copiose docuit in *Mose & Christo Lib. I. cap. 3. p. 32. sq.* Auctores quoque, qui arcam, cum Ecclesia collatam, Propheticum constituunt typum, confertim excitatos exhibet THOM. CRENIUS in *Exercit. Sacris ad priora Mosis, Cap. III. §. 7. p. 131. sqq.* quibus denuo BIERMANVVM adde *c. I. lib. II. cap. II. p. 341. sqq.* Quæ autem de Noæ in Italiam adventu, ejusque nominibus ethnicis variis traduntur, erudite digestit EDMUND. DICKINSON peculiari diatriba, Delphis Phœnicissantibus subjuncta, & in CRENIUS *Fasciculo I. opusculor. p. 151. sqq.* recusa: quo etiam spectant, quæ laudatus HUVETIVS *Prop. IV. cap. X. §. 6. p. 256. sq.* de Noa sub Saturni, Jani, Bacchi nominibus latente differit: cui jungit, quæ IOH. ALE. FABRICIVS de Noacho, Deucalione, Vrano, Sole, Ogyge, Jano, Oenotrio, Gallo, Proteo, Vertumno, Vadimono, Xisuthro, Oanne & Puoncuo &c. congescit in *Cod. Pseud-epigr. Vet. Test. cap. 74. sqq. p. 240.* Nimis autem jejune ac frigide IOH. LIGHTFOOTVS *Observatt. in Gen. V, 29. Tom. I. Opp. f. 155.* Noachum consolatorem dicit appellatum, quia in eo libertas mundo danda erat edenda carnis. Ut enim taceam, comestionem carnis ante diluvium prohibitam, nondum extra omne positam esse dubium, cum licitam potius eam asserant & tueantur HEIDEGGER. *Hist. Patr. P. I. Exerc. XV. tota p. 390. sqq.* & in *Libertate a lege cibor. vet. cap. II. §. 3. & cap. III. tot. p. 33. sqq.* SALIANNVS ad *A. M. 1657. WALTHERVS Spong. Mos. p. 365. sqq.* BVDDEVVS *Hist. Eccles. Vet. Testam. Tom. I. p. 185. sqq.*: Consolatoris nomen vel maxime ex officio Prophetico & a vaticiniis de Messia sortitus est. Putidum denique commen-

tum illud, Sibyllam Persicam, Prophetissam, patre Noacho satam, & cum ipso in arca diluvii tempore servatam fuisse, quod & ipsa de se, & SVIDAS tradit, solide & copiose confutat SERVATIVS GALLAEVS *Dissert. II. de Sibyllis p. 65. sqq.* His accensemus porro

*Abrahamum*, a Deo ipso titulo נביא cohonestatum Gen. XX, 7: *Isaacum*, quem Prophetis accenseri, ex Psal. CV, 14, 15. haud obscure colligitur: *Jacobum*, cujus moribundi bracula Gen. XLIX, Prophetæ characterem liquido arguunt: *Josephum*, qui morti vicinus pariter vaticinatus est Gen. L, 23. sq. Hebr. XI, 22. de quibus, ne simus prolixiores, sufficiant, quæ tradit DAV. KNIBBE *lib. II. cap. II. §. 1. sqq.* His extra lineam Patriarchalem, *Jobum* addunt, ejusque amicos; de quibus quid nobis videatur, diximus *P. II. Introductionis ad Libb. Vet. Test. cap. II. §. IV. & VIII.* Quos autem Judæi adhuc numerant נביאי האומות *Prophetas gentium*, nos explosimus *P. III. Introduct. cap. I. §. XII. p. 30. sq.* de Bileamo sigillatim commentati *ibid. §. XI. p. 28. sq.* Nec enim ibi dicta huc transferre lubet.

Ad §. III. pag. 14.

(4) *In secunda temporis periodo*] Ista ætate publicam κατήχηση recte refert Auctor

α. *Ordinarie, ad Sacerdotes & Levitas*, quorum, extra Sanctuarium, munus quoque fuit, ut veram religionis doctrinam propagarent, populoque instillarent. Intra Sanctuarium, dum peragebantur sacrificia, & sacra reliqua, concionatos eos fuisse, typorumque mysteria & usum explanasse, alias palam est. Sed & extra illud, tam in בית המדרש, quam in ædibus privatis eos docuisse, constat N. ex Testimoniis Scripturæ. Devter. XXXIII, 10. de posteris tribus Levi Moses ita vaticinatur: וורו משפטך ליעקוב ותורתך לישראל docebunt judicia tua Jacobum, & legem tuam Israel: & Mal. II, 6. de Sacerdotibus affirmatur: lex veritatis erat in ore ejus, & perversitas non est inventa in labiis ipsius, in pace & in



*Et in rectitudine ambulavit mecum, & multos reduxit ab iniquitate, כי שפתי כהן ישמרו רעת, ויהיו ליהם labia Sacerdotis servabunt scientiam, והיו יבקשו מפיו & legem querent ex ore ejus, quia מלאך internuncius, interpres Jehovæ exercituum ipse est. ב. Ex partibus officii eorum. Ad id quippe ordinati erant a Deo Sacerdotes & Levitæ, ut rogantibus de lege responderent, de puritate & impuritate sententiam dicerent, & de voluntate Domini populum, plane ut hodie verbi ministri, luculenter instruerent. ג. Hinc Judæi censent, tribum Levi per universam Judæam Synagogas moderatam fuisse & Gymnasia: quod quamvis exploratum adeo & compertum non sit, dubium tamen nullum est, quin partim dispersi per urbes Sacerdotes & Levitæ docendi in Scholis officio passim sint functi, partim a ditioribus & nobilioribus Israelitis in ædes recepti, tam sacrorum domesticorum, quam institutionis familiaris curam egerint, & liberorum præfuerint educationi, eosque legis Mosaicæ imbuerint cognitione. Quod fere apparet ex Jud. XVII, 9. ubi Levita, Bethlethemo oriundus, per Cananæam vagatus fuisse traditur, commodum sibi quærens hospitii locum, receptusque a Michæ, in montanis Ephraim, ut sacris domesticis ejus præesset. Et huc respicere videntur leges, Deuter. XII, 18. XIV, 29. XXVI, 12. præcipientes, ut sacra facturi Israelitæ, edant, bibant, & lætentur, cum Levitis, peregrinis & pauperibus, qui in portis eorum, h. e. in urbibus, quas incolabant singuli, commorantur. ד. Cum ex superioribus constet, Levitarum quantum ordinem, extra Sanctuarium in foro, munus suum obivisse, tanquam שופטים ושוטרים judices & moderatores: quo Mosis pertinet scitum Deuter. XVI, 18. Judices & exactores constitues tibi in omnibus portis tuis, quas Jehova dederit tibi, & judicabunt populum iudicio veritatis, h. e. docebunt populum veram legis sententiam, & secundum illam jus dicent: hinc jus dicentes legem explanabant, ita ut jus dicere, Hebræis idem sit, ac הורו docere, quia, qui jus dicebant, leges dubias & obscuriores interpretabantur. De quibus docendi partibus*

copiose ac ex instituto VITRINGA de Synagoga Vet. Lib. I. Part. II. cap. VIII. toto p. 362. sqq.

β. Extraordinarie ad Prophetas, qui quidem semper docebant, eoque inter ceteros, sine a Deo mittebantur, quod in Introductionis c. I. §. XVI. α) p. 41. exposuimus, sed non semper aderant, postquam Sacerdotium Leviticum erat institutum. In his cum primis eluxit Samuel, qui post Mosen, Prophetarum primus recensetur a Petro Actor. III, 24. non quod alius inter Mosen & Samuelem non intercesserit, sed quod alius expresso nomine in Sacris literis, sub hoc elogio vel titulo commemoratus non legatur; primus etiam, quod ab excessu Mosis vaticinandi donum perquam rarum esset & infrequens, cum Samuele autem denuo inciperet, & adeo copiose diffunderetur, ut ipsius tempore, & ipso auspice, Scholæ Prophetarum instituerentur, qui manu facta, totisque agminibus incedebant prophetantes, 1 Sam. III, 1, 19. sqq. X, 10. XIX, 20. Vnde isthæc, a Samuele & posthæc, periodus, tempus Prophetarum proprie AUGUSTINO dicitur lib. XVII. de Civ. Dei cap. I. Confer, si placeat, denuo Introd. c. I. §. XXV. p. 70. Hi vero passim & creberrime dispescuntur in ראשונים priores, & אחרונים posteriores. Illi sunt, qui ante Vsiæ vel Azariæ Regis tempora, hi, qui Vsiæ ætate & deinceps vixerunt; illi, qui post Mosen, historicos Vet. Test. libros scripserunt, hi, qui vaticiniis potissimum futura præsignificaverunt. Ceterum Prophetarum ii, quorum scripta in Sacro Codice comprehensa servantur, ratione temporis ita collocandi veniunt, ut ante captivitatem Jonas, Hoseas, Amos, Joel, Jesaias, Michæas, Nahum, Habacuc, Obadias, Zephania, Jeremias; in captivitate Ezechiel & Daniel; post solutam captivitatem, Haggæus, Zacharias, & Malachias numerentur: qui postremus אחרון שבהם, ABEN ESRAE הנביאים סוף, & Judæis passim הוהם הנביאים sigillum Prophetarum nuncupatur. De quibus singulis nos P. III. Introd. cap. II. sqq. ex instituto commentati sumus: & concise DAVID KNIBBE Hist. Prophetar. lib. II. cap. V. & VI.

Ad §. IV. pag. 14.

(5) *Quando Prophetiae siluerunt*] Quando in tertia periodo, Prophetias siluisse tradit Auctor, traditionem sequitur Judæorum, quam testimonio citatis docuimus in *Introd. P. III. cap. I. §. 25. p. 73.* quibus nihil est, quod nunc addamus. Saltem observetur, quando Templo secundo denegantur Prophetæ, id ab illo capiendum esse tempore, postquam ejus structura fuit absoluta. Per XL enim annos, inter Viros templi secundi Prophetiam durasse, quoad nimirum Haggæus, Zacharias & Malachias in vivis adhuc essent, Auctor *Cofri P. V. num. 39.* largitur. Nec obstat vaticinandi donum, uni vel alteri, v. g. Jaddo Pontifici, Judæ Maccabæo, Hircano & Menahemo, interdum indultum, de quibus WITSIUS *Miscell. Sacr. Tom. I. cap. XX. p. 280. sqq.* singulatim exponit: siquidem istud, munus Propheticum ordinarium isti non vindicat ætati.

Ad §. eund. pag. eand.

(6) *Aliorum interpretum insignis multitudo succrevit*] Quia circa tempora, adventui Christi proxima, Scholas & Academias instituerunt Judæi, publicosque in illis Doctores aluerunt, in quibus Nicodemus Joh. III, 1. ἀρχόντων Ἰουδαίων, ratione muneris in Senatu, rursus in Academia διδάσκαλος τῷ Ἰσραὴλ, i. e. רב ישראל salutatur. Quanquam prius ex nomine ἀρχόντος haud liquido evinci posse, Vener. WOLFIVS in *Curis ad h. l.* & secutus eum LAMPIVS *Comment. in eund. loc.* contendunt, cum ἀρχόντες hi a ceteris Synedrii membris distinguantur Luc. XXIII, 13. XXIV, 20. Nec tamen dissimulat LAMPIVS, titulum ἀρχόντων plerumque in sensu strictiori adhiberi a Scriptoribus Nov. Test. ut *Præfectos Synagogarum* designet, quos inter præcipuus Ἀρχισυνάγωγος, ראש הקהל, vel ראש הכנסת erat: de quibus paulo post copiosius. Quando autem Auctor ad dictum Pauli provocat I. Cor. I, 20. πᾶς σοφός; πᾶς γραμματεὺς; πᾶς συζητητής τῷ αἰῶνος τῶν αἰώνων; occasionem

arripit, omne genus docentium apud Judæos, in quinque velut familias ac ordines dispendendi, α) Prophetas, β) Sapientes, γ) Legisperitos, δ) Disquisitores, & ε) Rabbinos: qui quomodo ex Paulina recensione prodeant, nondum perspicio. Pauli autem verba cum liquido deprompta sint ex Jes. XXXIII, 18. אִירָה סוֹפֵר אִירָה שְׂקָל אִירָה מִנְרָלִים ubi est scriba, ubi ponderator, ubi numerans turres? succincta & elegans placet IAC. ALTINGII observatio, qua in *Hist. Acad. Hebr. p. 283. Tom. V. Opp. Heptad. VIII. p. 243. a.* utrumque locum ita componit: Fuit סוֹפֵר γεγραμμένος, Scriba, qui textum simpliciter interpretaretur; fuit שׂוֹקֵל סוֹפֵר, Disputator, qui argumentorum & rationum pondera ad veritatis trutinam examinaret; fuit סוֹפֵר מִנְרָלִים σοφός, Sapiens, qui altissima & abditissima mysteria perscrutaretur. Ad hos enim tres ordines revocari commode potest, quicquid Doctorum & Sapientum nomine, inter Judæos eminebat. Hi omnes, pergit ALTINGIUS, communi nomine בעלי מסופות Domini congregatorum, dicebantur Cohel. XII, 17. quod plures discipulos docendo colligerent & congregarent ad Corpus Academicum: vel etiam, quod plures & dispersas sententias in unum Systema colligerent, suisque communicarent auditoribus. Etti autem facile largior, eosdem Doctorum gradus Jesaiæ tempore in populo Dei nondum receptos, vel cognitos fuisse, qui Pauli vigeant ætate, satis tamen erat Apostolo, ad sui ævi Synagogam, Prophetæ verba scite accommodasse. Quid aliorum ferant interpretationes, ὡς ἐν συνόψει apud Vener. WOLFIVM *Curis in cit. loc.* legas, qui SVRENHVSII, VITRINGAE, STEPHANI LE MOYNE, aliorumque explicationes conferatim exhibet: quibus perfectis omnibus, cum Comico dixeris: fecisti probe, incertior sum multo, quam dudum. His adde HENR. HAMMONDVM, qui *Annotat. ad loc. Paul.* scopum Jesaiæ longe alio spectare observat, cum iis verbis significet, se mirari, qui factum esset, ut tributa, quæ tempore obsidionis exigebantur, tam subito remissa essent. In hunc sensum סוֹפֵר interpretatur,



tur, qui circumferebat librum tributorum; **שוקל** *appensorem*, qui pecuniam accipiebat, quam solebant appendere; denique **סופר את המגדלים** *numerantem turres*, qui numerat domos urbis, singulisque pro amplitudine, tributum imponit. Interim Prophetæ verba existimat a Paulo usurpari, ad exprimendam admirationem, ob mutationem, quæ inter homines contigerat, quamvis illa mutatio plane diversa esset. Sequitur Vir doctus Rabbiorum quorundam glossam. Sed rectius omnino ista Prophetæ quæstio, mundanam sapientiam quamcunque, e regno Christi, de quo liquido agit Jesaias, tanquam inutilem ac supervacaneam, eliminat & excludit. Hinc perspicacissimus Scripturæ interpres, AVGVST. VARENIVS *Comment. in b. l. Jes. p. 470.* ex veterum Magistrorum sententia exponit, ut **σοφὸς** sit **כספר התורה** *Sapiens in libro legis*; **שקל הרברים כרעת ותבונה** *Ponderator verborum*, qui ex habitu notitiæ & discretionis subtilissime omnia librat; & **συζητητής τῶ ἀϊάνος τῶν** *qui scribit in libro res insignes & magnificas*: quæ ut ab allata ALTINGII interpretatione non adeo longè discedunt, ita Paulo non nudam ad Jesaiæ oraculum allusionem, sed directam ejus ex mente Spiritus Sancti excitationem tribuunt, quod cumprimis ad hunc locum est tenendum. Plura, qui legere cupit, quis ille sit **συζητητής** Paulinus, adeat THOM. FULLERVM, qui *Lib. III. cap. VII. toto, Miscellan. Sacror.* copiose suam in hanc vocem sententiam promittit.

Ad §. V. pag. 15.

(7) *Variis veniunt nominibus*] Quæ de appellationum Propheticarum, **נבואה**, **נביא**, **רוח**, **חזון**, vi ac genuina notione, nec non Synonymicis elogiis aliis notari merentur, cum cura discussimus *Introd. P. III. cap. I. §. 1, 2, 3.* ubi legat, qui volet. Quibus addantur, quæ MATTHEW MONIDES in *Mora Neboch. P. II. cap. XLI.* de visione Prophetica, & verbo Domini ad Pro-

phetas facto, *cap. XLII. de apparitione angelica, Prophetis facta, cap. XLIII. de rationibus & modis parabolarum Propheticarum, cap. XLIV, XLV.* de undecim distinctis Prophetiæ gradibus, ex mente Doctorum gentis suæ tradit. Ceterum Prophetia in quatuor iis rebus numeratur Judæis, quas Deus præter populum suum, aliis gentibus nullis sit impertitus, ut diserte pronunciat R. BECHAI *Comm. in Legem Sect. שופטים ר' רברים הן של זכתה להם שום אומה כי אם ישראל והן הנבואה ותורה וארץ ישראל* *quatuor res sunt, quibus non fuit dignus ullus populus, nisi Israel, nempe Prophetia, Lex, terra Israelis, & vivificatio mortuorum: quibus gemella tradit Idem in הקמת fol. 8. col. 1.*

Ad §. VI. pag. 15.

(8) *Tres notatu dignæ appellationes*] Potiores Prophetiarum denominationes Auctor evolvit tres:

a) **נאם יהוה** *verbum Jehovæ*, a Rad. **נאם**, quæ secundum IAC. ALTINGIUM *T. II. Opp. P. II. p. 22. b.* divinam notat patefactionem, seu oraculum, quod a Deo venit, & non nisi ex ipsius inspiratione edi potest, proponere: æque ut GVSSETIVS in *Comment. Lingu. Hebr. b. v.* usurpari dicit de divinis oraculis, sed humana voce, humano organo prolatis; & quia magnam hoc verbum affinitatem habet cum Rad. **אמן**, **האמן**, hinc FOERSTERVS in *Lex. b. v.* observat, **נאם** exponendum esse *certum, verissimeque dictum*: quo sensu etiam DORSCHVS *Pentadec. Disp. XIII. th. 2.* explicat, per sermonem certum, fidelem, fide & acceptione dignum. Græci ergo Interpretes, per **ἄπε**, & **ἔφη**, dixit, simpliciter reddentes, vim vocis planè non exhauriunt, quam declarare annisi sumus in *Introd. P. III. cap. I. §. 21. p. 54. sq.* Est vero hoc **נאם** vel nomen, quod contendit GEIERVS in *Pf. CX. l.* vel, quod GVSSETIVS mavult, Partic. Paul, **נאום** *dictum*, sive ab homine, sive a Deo,

Deo, quod in statu constructo puncta corripiat. Observat præterea laudatus GEIERVS *Comment. in Ps. XXXVI*, 2. semper cum nominibus Dei constructum legi hoc nomen, exceptis locis Num. XXIV, 3, 4, 15, 16. ubi de dicto Bileami, 2 Sam. XXIII, 1. ubi de dicto Davidis, Prov. XXX, 1. ubi de dicto Aguris ad Ithielem accipitur, & cit. *Ps. XXXVI*, 2. in quibus tamen singulis ALTINGIVS in Jerem. locum mox citandum, *Tom. I. Opp. p. 809. b.* æque *χρηματισμὸν*, seu *oraculum divinum* hanc vocem notare asserit. Futurum verbi, cum eleganti paronomasia, legitur Jerem. XXIII, 31. de Pseudoprophetis, qui *לשונם להקחים* impudenter & privato ausu, linguam sibi arrogant, *וַיִּנְאֲמוּ נָאם* pronunciant (æque ac veri Prophetæ) istud Neûm, seu *oracula Jehovæ*. Adeo enim solennis formula erat *נָאם יְהוָה* in divinorum oraculorum auspiciis, ut proverbio quoque locum dederit. Vates quippe divini illam toties ingeminabant, 1) ut religiosum metum incuterent auditoribus, qui hinc intelligebant, non humani ingenii commenta, aut nugas canoras proferri, sed Deum ipsum per os Prophetarum loqui, Gal. I, 11, 12. 2 Petr. I, 21. Quod imitatus videtur PYTHAGORAS, qui SVIDA teste, ut orationi suæ & personæ auctoritatem conciliaret, in congressibus semper suum illud *αὐτὸς ἔφα* jactabat, non semetipsum, sed Deum auctorem dicens, quod discipuli ejus perpetam deinde de ipsomet usurparunt: 2) Vt hoc velut classico excitati auditores, patulas verbo Prophetarum aures præberent, & attenta mente haurirent, quæ non suo, sed Dei nomine, auctoritate ac jussu, præcones isti edicerent: Denique 3) ut suspicionem omnem, juxta cum invidia procul haberent, nec fraudis ac fallaciæ, neve contentionis, studii-que partium ipsos postulare possent. Quo autem pacto ac sensu hæc vox Psal. CX, 1. de Patris ad Filium seu Messiam effato, recte exponi, & contra Arianorum strophas muniri debeat, ex DORSCHEO & GLASSIO; b. GEIERVS in *b. I.* sollicitè inculcavit.

β) *חזון* visionem, quæ & *מראה* dicitur, quorum tamen prius nomen in vaticiniorum inscriptione frequentius occurrit. Est autem MART. GEIERO *Comment. in Dan. I*, 17. *חזון* visio, apprehensio certarum specierum sensibilium, quæ tanquam symbola, modo *ἑσώθεν*, modo *ἐξωθεν*, vel vigilantibus, vel dormientibus, extraordinarie repræsentatæ, arcano modo exhibent res futuras, seu bonas, seu malas, quæ cernuntur vel citra *ἑκτασθ*, ut manus in pariete, Dan. V, 5. sqq. vel in *ἐκτασθ* aut raptu, quales aliquot visiones Jeremiæ, plurimæ Ezechielis, omnes fere Johannis in Apocalypsi. Quæ autem inter synonymicas voces *חזון* & *מראה* differentia intercedat, cum varie inquisiverunt Interpretes, tum nos exposuimus *Introd. c. I. §. 2. p. 5. sq.*

γ) *מַשָּׂא* onus, quo nomine veniebant olim oracula ponderosa, minacia, molesta, & onere interminatorio gravantia illos, ad quos Prophetia dirigitur, unde communis ut plurimum tristitium vaticiniorum titulus is est, v. g. Jes. XIII, 1. XV, 1-6. XVII, 1. XIX, 1. XXI, 1. Jer. XXIII, 33. sqq. Hab. I, 1. Zach. IX, 1. XII, 1. Mal. I, 1. Quod pensi habens HIERONYMVS *Prologo ad Habac. Tom. VI. Opp. f. 81. Massa*, inquit, *nunquam præfertur in titulo, nisi cum grave & ponderis, laborisque plenum est, quod videtur.* Vir doctissimus CAMPEG. VITRINGA *Comment. in Jes. XIII*, 1. copiose quidem & erudite adstruere satagit, latius patere vocem in *ἐπιγχαφαίς* vaticiniorum, & in genere *sententiam* notare, quæ Dei nomine profertur, a *מַשָּׂא* ferre, proferre, efferre, Psal. XV, 3. Jes. XIV, 4. Quia & sermonem insinuare ellipticum, qui plenius legitur Zach. IX, 1. & c. XII, 1. Mal. I, 1. *sententia verbi Jehovæ*; inficias tamen ipse ire noluit, *מַשָּׂא* in emphasi significare *sententiam gravem pondere rerum, quas continet, cujuscunque tandem sint generis.* Haud absimilia his tradit SALOM. VAN TIL ad Hab I, 1. in *Phosphoro Prophet. p. 225.* ubi cum COCCIO *מַשָּׂא* prolationem reddit, atque pro eloquio publico, seu concione Prophetica poni agnoscit, arcanum Dei consilium inter homines exponente, atque ita decre-



decretum Dei revelatum Prophetæ manifestante. Priori quoque sententiæ obvertit TILLIVS, hoc elogio insigniri interdum vaticinia, quæ populo Dei spem faciebant maximarum Dei promissionum, omniaque fausta & læta ad ejusdem solatium spondebant, v. g. Zach. XII, 1. Conf. Thren. II, 14. In generali notione ista LXX quoque acquiescunt, per λῆμμα exponentes, quod HESYCHIO est ὁ λόγος, ὃν ἐκ Θεοῦ λαμβάνουσιν οἱ προφῆται, sermo, quem a Deo accipiunt Prophetæ: quos tamen omnem voc. נָשָׂא vim ac emphasin exhaustisse, nemo facile dixerit. Confer, quæ de voce נָשָׂא ex Hellenistarum suorum mente commentatur, DAN. HEINSIUS *Aristarchi Sacri in Johann. cap. IX, 35. pag. 930.*

Ad §. VII. pag. 15.

(9) *Auditoria & Scholæ*] De scholis Prophetarum pariter diximus *Introd. c. I. §. VIII. p. 10.* ibique ad VITRINGAM *lib. I. de Synagoga Vet. P. II. cap. VI. & VII. & ad IACOB. ALTINGIUM Tom. V. Opp. Heptad. VIII. p. 240. sqq.* uberius de iis commentatos, provocavimus, quibus nunc addere licet WITSIVM *de Prophetis cap. X. Miscellun. Sacr. Tom. I. p. 75. BVDDEVM Histor. Vet. Testam. Tom. II. p. 276. sqq. BASNAGIVM Hist. Jud. lib. IV. cap. XVIII. §. 15. & lib. V. cap. V. §. 2. & FRANCISC. FABRICIVM, peculiari oratione de scholis Prophetarum, subjuncta ejusdem fidei Christianæ Patriarchar. as Prophetar. pag. 603.* Horum ultimus haud dubie extra oleas vagatur, quando in primam scholarum Propheticarum originem inquirens, ante diluvium ab Adamo, per Abelem, Sethum, Enoschum, post diluvium a Noacho eam arcessit, hinc ad Semum, Heberum, Abrahamum, scholarum istarum moderatores progressus, demum ad Mosen devolvitur & Levitas, qui jura supremi Numinis populum docuerant. Verum hoc pacto communem religionis institutionem, omnibus fidelibus necessariam, & nullo non tempore in vera Ecclesia obtinentem, cum

officinis literariis Prophetarum perperam confundit, in quibus Prophetarum filii formabantur, iisque cumprimis imbuebantur scientiis ac artibus, quæ ad munus Doctoris publici, ac Prophetæ rite obeundum faciebant, quo non modo omnes Theologiæ partes, verum etiam precum, hymnorumque pangendorum artificium, fidium concentus & Musica, ceteræque præparationes Propheticæ spectabant. Hæ demum a Samuelis ætate, & amplius in Scriptura celebrantur, adeo florescentes, ut tota Prophetarum agmina inde prodirent 1 Sam. X, XIX. quod & Eliæ ac Elisæ temporibus usu venisse, ex 1 Reg. XVIII. 2 Reg. II. & IV. intelligitur. Vtut enim, ante istam ætatem, Prophetas in populo Dei versatos, & publico fundos fuisse munere, non negemus, Jud. II, 1. coll. Hagg. I, 3. rarus tamen erat sermo Jehovæ, nec aperta visio frequens 1 Sam. III, 1. ad quæ verba haud inscite IVNIVS & TREMELLIVS commentantur: *Fuerunt quidem singulares & privata visiones cum piis communicata, ut cum Manoacho Jud. XIII. sed publice Prophetarum omne officium jacebat.* Majus operæ pretium facit FABRICIVS, quando inter capita doctrinæ, quæ in scholis istis tradebantur, principatum tenuisse contendit articulum de Christo, ita ut Prophetice scholæ Professores hanc sibi legem ad unum omnes fixisse videantur, ut sermonum suorum initium & finis unus esset Christus: Quod ex 1 Petr. I, 10, 11. haud inscite p. 618. sq. demonstrat, citra rationem autem repudiat BASNAGIVS *lib. V. cap. V. §. 3. infirma perquam nixus ratione, nimis hoc esse Christianum, si statuatur, quasi Judæi Messiam nescivissent, aut non anxie expectassent.* Ceterum Prophetas Hierosolymitanos scholas suas habuisse in illa valle, quæ proxime subiecta fuit templo, unde *vallis visionum* dicatur Jes. XXII, 1. scholæque istæ fontibus comparentur, qui in vallibus exoriuntur, erudita CAMPEGII VITRINGAE est conjectura *Comment in cit. loc. Jes. p. 636. quem pluribus ibidem legas.* Tanta porro scholarum apud Hebræos dignitas erat, ut, licet quis literis probe esset imbutus, Doctoribus tamen Scholasticis &

Acade-

Academicis si operam non dedisset, haberetur plebejus. Ita diserte pronunciant in Gemara, ad Tract. *Sota*, Cap. III. § 8. ubi, qui pro plebejis habeantur, ex instituto exponitur, & inter alia ita: **אפילו קורא ושונא ולא שמש** *utut quis maxime Scripturam & Mischnam addidicerit, si tamen Sapientibus operam non dedit, nihilominus pro plebejo habendus*. Immo inter apophthegmata HIL-LELIS senioris, hoc quoque relatum legimus: **יהוה משה חכימא קטלן חייב** *qui non operam dat Sapientibus, occisionis reus est*, in *Abboth* R. NATHANIS fol. 5. col. 1. Conferri huc meretur, qui de industria hoc argumentum discussit, GEORG. VRSINVS *Antiqu. Acad. Hebr. cap. IV, V, VI*. Duram porro ac inopem in his scholis, Prophetarum filios vitam egisse, Cœnobitarum ad instar, docti credunt, & facile persuadet locus 2 Reg. IV, 1. Hinc cum Monachis sui ævi eos contendit HIERONYMVS in *Epist. ad Ruffin.* ex edit. Erasmi p. 16. & CLAVDIUS DELLE in *Historia aut Antiquitatibus status monastici*, Parisiis A. 1699. Gallice excus. originem Monachorum in Prophetarum scholis invenisse, sibi videtur.

Denique referre huc liceat, cum aptior iis alius non suppetat locus, Academiæ gentis, post feralem ejus cladem ac dissolutionem, cum primis celebres. In quibus recensendis insignem posuerunt operam laudatus ALTINGIUS in *Hist. Academiæ Hebræar. Tom. V. Opp. Heptad. VIII. pag. 243. sqq.* IVL. BARTOLOCCIUS *Biblioth. magna Rabbin. P. III. p. 663. sqq.* BASNAGIUS *Hist. Jud. lib. V. cap. V. §. 7. sqq.* SGAMBATVS *Archivor. Vet. Test. Lib. III. Tit. 2. p. 421.* & strictim Vener. WOLFIVS *Biblioth. Hebr. P. II. lib. IV. de Talmude cap. IV. §. 8. p. 920. sqq.* Distinguuntur in Babylonicas seu Orientales, & terræ Israelis, seu Occidentales. Babylonica erant 1) Nahardeensis, in **נהרדעא** *Nahardea*, ad ripam fluminis Euphratis, quæ postquam aliquot florisset seculis, & celeberrimis gavisâ fuisset Rectoribus, Raf **שילא** *Schila*, Samuele, aliisque, deleta tandem una cum urbe fertur a PAPOS BEN

POLMOS A. M. 4038. Chr. 278. in *Schalscheleth hakkabala* p. 34. 2) Sorana, quæ in **סורא**, seu **סוריא** *Soria*, h. e. Syria, & quidem in urbe **מתא מחסיה** *Matta Mechasia*, quæ **נאר' עזאחא** *Nar' Ezechia* Sora fuit dicta, pariter ad Euphratem, sed infra Nahardëam sita, floruit, & circa A. M. 3955. Chr. 195. a Raf fundata & 48. circiter annis recta, ad seculum quartum a C. N. fere perennavit. 3) Pumbeditana, quæ in **פומבדיתא** *Pumbeditha*, urbe Mesopotamiæ, inter duo flumina Euphratem & Tigrim sita, & tam populi frequentia, quam ædificiorum amplitudine celebri, sed ob incolarum furta, latrocinia & scelera fere infami, post fundatam Soranam anno 76. a Raf Chasda, vel juxta alios anno 50. a Rabba bar Nachmani fundata, multis seculis perduravit, donec utraque sub imperio Ismaelitarum ad A. M. 4797. Chr. 1037. funditus deleberetur. 4) Nahreschana, in urbe **נרש**, prope Soram, a Raf Papa excitata circa A. M. 4113. Chr. 353. Quibus sequiores adhuc addunt, 5) Machusensem, in **מחוזא** urbe Machusa; & 6) Perutzensem, in **פרוז שבור** *Peruz Schabbur*, Nahardeensis territorii urbe circa A. C. 967. celebrem. De quibus singulis, R. DAVID GANZ in **צמח דוד** suis locis disserit; e Christianis vero recentissime IOH. SIMONIVS ASSEMANVS in *Prologo de Scriptoribus Syris, Tomo I. Bibliotheca Orientalis præmissio §. 2.* Harum omnium doctores **נאוראם** *Amorraei*, seu *Amorraitæ*, item **נאוראם** *Seburæi*, illustres, nec non **סבורא** *Seburæi*, salutabantur; quos titulos cum cura exponit celeberr. WOLFIVS *loc. cit. p. 914. sqq.* Terræ Israelis, seu Occidentales Academiæ Judaicæ memorantur 1) Hierosolymitana, quæ inde ab Esdræ ætate arcessitur, & Simeonem Justum, Antigonum Socharum, aliosque celeberrimos jactat Doctores, donec caput in ea esseret Hillel magnus & Schammaus, qui uterque de principatu contendens, diversas, sibi que tantum non oppositas, instituerunt scholas, **בית הלל** *domum Hillelis*, & **בית שמאי** *domum Schammaj* dictas, inter quas XVIII controversiæ intercessisse feruntur a Judæis, tanti momenti, ut



nec Elias quidem expediendis iis ac decidendis par sit futurus, apud CYNÆVM *de Republ. Jud. lib. II. cap. XVII.* Has vero ordine recenset SVRENHVSIVS. *Præfat. ad P. IV. Mischnæ*, in recensione Tractat. de testificationibus. Hinc acerrima inter utramque scholam odia, dissidia & persecutiones intercesserunt, donec per ברת קהל seu *Filiam vocis* ediceretur, sententia scholæ Hillelis esse standum. Vide LIGHTFOOT. *Opp. Tom. II. p. 317.* ALTING. in *Schilo lib. IV. cap. VII. Tom. V. Opp. p. 78.* & HACKSPAN. ad *Nizzachon Lipmanni p. 288. sq.* De utriusque vero doctoris persona, scholæque ortu confer ALTINGIVM *c. l. Heptad. VIII. p. 244. b.* SERARIVM in *Minerval. lib. IV. cap. 7. Opusculor. P. I. p. 143.* & *Rabbin. II. Scrup. 6. c. l. p. 207.* & RHENFERD. *Dissertatt. p. 86. sqq.* 2) Jafnenfis, in oppido Jafne, tertio a Joppe lapide distante, inter ipsas Hierosolymorum ruinas excitata. Durante enim obsidione, & imminente muris exercitu Romano, R. Johannes Zacchæides in castra hostilia egressus, ac benigne ab utroque Vespasiano exceptus, tantum effecit, ut post occupatam urbem, non solum Gamalieli, Senioris ex filio Simeone nepoti, vitæ gratia fieret, sed etiam in oppido Jafne novam condendi scholam, facultas daretur. Hanc memoratus Johannes Zacchæides, hinc dictus modo Gamaliel, inde Jafnenfis dictus, post hunc R. Akiba, cui viginti quatuor discipulorum millia tribuuntur, post eum Simeon filius Gamalielis, huiusque demum filius, R. Jehuda Sanctus rexit, quæ opus Mischnicum compilavit. 3) Zipporienfis, vel Séphorienfis, in urbe Galilææ צפרי a R. Jehuda Sancto condita, qui XVII annis ibidem peractis, vitam cum morte commutavit: unde frequentissime de seipso dicere est solitus: *vixit Jacobus in Aegypto annis XVII, vixitque Jehuda in Zippore annis XVII.* Talm. Hierosol. in *Kelaim fol. 32. col. 2.* Plura vide apud LIGHTFOOT. in *Centuria Chronogr. cap. 82. Tom. II. Opp. f. 229. sq.* 4) Cæsariensis, in τωρε, seu Cæsarea, diu post gentis excidium flo-

rens, unde רבנן קיסרין *Rabbini Cæsarienses* toties in Talmude memorati. 5) Lyddensis, quæ in Lydda, Judææ urbe, quæ a R. Akiba, priusquam Synedrio Jafneensi præfedit, recta fuit. HIERONYMVS *Prologo in Jobum*, Lyddæum quendam præceptorem laudat, qui primus sit habitus, & quem non parvis numis redemerit. 6) Magdalensis, in urbe Magdala, prope a Tiberiade & Chammatha, unde Rabbiorum Magdalensium crebra fit in Talmude mentio. 7) Nisibensis, in Syria sita. 8) Tiberienfis, quam diligenter descripsit BUXTORF. in *Comment. Masorethico p. 20.* 9) Alexandrina, quæ suppeditali se creditur Interpretes Græcos, qui τῶν LXX nomine veniunt. 10) Bitterensis, in urbe Bitter ביתר (quam tamen LIGHTFOOTVS *c. l. c. LII. p. 209.* Bethar legere mavult) quam Hadrianus, cum horribili Judæorum strage, delevit, cui quadringenta Collegia, quadringentos singula præceptores habentia, quorum unicuique quadringenti auditores fuerint, Talmudici adscribunt. Vid. BUXTORFIVS *Lex. Talm. in ביתר*. Quæ hæc urbs fuerit, & num Bethchoron, dubie disputat RELANDVS in *Palaestina Lib. III. pag. 639.* tandemque in medio rem relinquit. Ista clade idem se passos tradunt Judæi, quod postmodum in Christianos statuit Julianus Apostata, ut scholæ omnes abolerentur, lege lata, qua omni ipsis χερσὶν δεικνῶν, seu Doctorum promotione deinceps interdicebatur, Ordinantibus & ordinatis, nec non urbe, ubi ista solennitas perageretur, internecioni additis. Quod ne fieret, aeterno gentis suæ damno & probro, cui carendum fuisset Doctoribus legitime ordinatis, R. Jehuda filius Babæ præstitit: quinque discipulis per manuum impositionem creatis Magistris, per quos ille ritus conservaretur: hac sua in tribules pietate, mortem sibi arcessens. Atque ista quidem de Academiis sufficiant Judæorum.

Ad §. VII. pag. 15.

(10) *Propheta fert interdum nomen Patris* ] Rationem, propter quam discipuli filii sint dicti, Magister autem illorum Pater, I Sam. X, 12. ita reddit MAIMONIDES in *More Nevochim* P. I. c. VII. *Is, qui alium docet rem aliquam, vel qui sententiam quandam alicui communicat, habetur, ac si genuisset ipsum, quatenus nempe auctor est illius sententiae & opinionis. Hinc dicti sunt discipuli Prophetarum בני filii Prophetarum.* Et in Tract. *Fuchasin* fol. 31. col. 2. **אבא הוא** לשון כבוד כמו רבי, seu pater, nomen est honoris, sicut Rabbi. Plura in hanc sententiam citat Buxtorf. *Lex. Talm. b. v. p. 10.* Quinimmo vilipendendum esse patrem præ Rabbino, discipulos legem docente, ex MAIMONIDE demonstrat LIGHTFOOT. *Hor. Hebr. in Matth. XV, 5. Tom. II. Opp. p. 332. a.* KIMCHIO autem, asserenti **לא נמצא** nullibi factum reperiri, ut discipuli appellentur Filii, doctissimus POCOCKIUS *Notis miscell. ad portam Mos. c. VIII. p. 334.* loca ex MAIMONIDE opponit, quibus contrarium asseritur, e quibus eminet, quod legitur in *Talmud Torah* cap. I. §. 2. **התלמידים קרוים** *discipuli vocantur Filii, sicut dictum est* (2 Reg. II, 3.) *& egressi sunt filii Prophetarum.* Hinc non modo in Proverbiis Salomonis sæpius leges, hac compellatione, *mi fili*, Doctorem illum divinum disciplinæ suæ alumnos alloqui, verum etiam in N. T. Apostoli, & Filiorum nomine suos compellant auditores & lectores, ut Gal. IV, 19. 1 Joh. II, 1, 12. &c. & Patris titulum sibi vendicant, ut 1 Cor. IV, 15. Inde porro in Ecclesiam id nominis manavit, ut Doctores ecclesiæ Patres, Patriarchæ autem Papæ, quod vocabulum Avum notat, vocarentur. EUTYCHIUS Patriarcha Alexandrin. in *Annalib.* edit Pocock. p. 333. sq. prolixè exponit, cur Alexandrinus Patriarcha præ ceteris Papa, i. e. Avus, vocetur? In quæ verba doctè commentatus IOHANNES SELDENUS *Commentar. in Eutychiei origines* p. 139. stomachum adeo movit virò cetèrè erudito, sed tùm temporis Pontificis man-

cipio, ABRAHAMO ECHELLEN'SI, Maronitæ e Libano, ut peculiari opere, quod *Eutychieus Patriarcha Alexandrinus vindicatus & suis restitutus Orientalibus*, Romæ A. 1661. inscribitur, furis velut percitus SELDENVM adoriretur, congestisque calumniarum & criminationum cumulis ita eum oneret & tantum non obruat, ut vel imperitum in Arabicis tyronem, vel impostorem ac sycophantarum omnium nequissimum esse, lectori persuadeat. Parte operis II. tota, quæ princeps est, de origine nominis Papæ, nec non de illius proprietate in Romano Pontifice, adeoque de ejusdem primatu, prolixè commentari satagit, sed honestatis omnis ac modestiæ oblitus. Quæ, utut forte ab instituto nostro paulo alieniora, silentio tamen præterire nolui, maxime quod scripta illa ἀποβάνια, Londini & Romæ edita, in paucorum, e nostris, manibus versantur.

Ad §. VIII. pag. 15.

(II) *Nomen Patris ejus* ] Accipe verba KIMCHII, quæ ita habent in præfat. ad *Proph. Os.* **אמרו רבותינו הלא כל ששמו ושם אביו שמו בנבואות בידוע שהוא נביא בן נביא / שמו ולא שם אביו בידוע שהוא נביא לא בן נביא / שמו ושם עירו בידוע שהוא נביא מאותו העיר / שמו ולא שם עירו בידוע שהוא נביא מירושלם / אמרו מי שנזכר אביו ואביו אביו הוא לגדולת אבותיו שהיו גדולים ממנו שנזכר אביו** *Magistri pie memorie tradiderunt: cujuscunque Propheta nomen una cum nomine patris sui memoratur in vaticiniis, indicat, ipsum Prophetam esse filium Propheta: Cujus nomen, absque nomine patris ipsius, indicat, quod Propheta ipse quidem sit, sed non filius Propheta: Cujus nomen una cum nomine urbis sue, notat, quod istius urbis Propheta fuerit: Sin nomini ejus non addatur nomen urbis sue, notat, quod Propheta sit Hierosolymorum. Sed & porro dicunt: cujus pater & avus memorantur, id fit propter honorem majorum, qui honoratiores majoribus ejus, cujus pater tantum nominatur. Iisdem vestigiis*



NICOL. DE LYRA insistit, quando ad *Os. I. I.* ita commentatur: Fuit iste Beeri Propheta, sicut & filius, licet ejus prophetia non habeatur: sicut nec de multis aliis, qui tamen in Scriptura Prophetæ nominantur. Habent enim Hebræi pro regula: quod quando in principio alicujus prophetiæ patris nomen exprimitur, Prophetam fuisse intelligitur. Verum Hebræos in traditione ista sibi non satis constare, ex iis apparet, quæ nos in *Introduct. in libr. Vet. Test. P. III. cap. II. §. 2. p. 91. sq.* ex eorum monimentis, de ortu Jesaiæ commentati sumus. In fronte enim libri Jesaiæ, vatis nomini additur pater Amoz, quem tamen Rabbini passim fratrem censent regis Amazia. Provocat quidem ABARBENEL ad 2 Chron. XXXII, 32. ubi diserte legitur: בחזון ישעיהו בן אמוץ הנביא in visione Jesaiæ filii Amosi, Prophetæ: sed refragante & invita accentuatione, quæ vocem הנביא ad remotius Jesaiæ nomen referendam esse, liquido evincit. Quanquam nec regio ipsum sanguine ortum, eapropter crediderim.

Ad §. IX. pag. 15.

(12) II. *Sapientes*] Antiquitatem huic titulo, adventu Servatoris longe anteriorem, recte assignat Auctor, quem jam Jeremiæ temporibus obtinuisse credit VITRINGA *Lib. II. de Synagoga Vet. cap. X. p. 569.* ad verba cap. XVIII, 18. provocans: Dicunt autem, venite & cogitemus contra Jeremiam cogitationes. Nam non peribit lex a Sacerdote, ועצה מחכם & consilium a Sapiente, & verbum a Propheta. Quemadmodum hic נביא & כהן ejusmodi sunt tituli honorum, qui integros & distinctos ordines designant, ita dubium non est, quin inferum his medium nomen חכם ejusdem ponderis sit & valoris, legis ac Scripturæ interpretes complexum, Doctoresque publicos, quorum auctoritate & sententia, in decisione dubiorum erat standum. Cumprimis autem, post excessum Prophetarum, Doctores communi חכמים Sapientum nomine veniebant. Quo refero, quod in *Seder Olam Rabba*

cap. XXX. edit. Meyeri p. 92. legitur: huc usque Propheta per Spiritum Sanctum vaticinati sunt. מיכן ואילך הט אונך ושמע רכרי חכמים hinc deinceps inclina aurem tuam, & verba Sapientum audi, qui post Prophetas rerum potiti sunt in scholis & ecclesia. Primi quidem Doctores, qui excessum Prophetarum proxime secuti sunt, nullo peculiari elogio claruerunt, simplici nomine contenti, vel quod essent ea ætate hominum mores a fastu magis alieni, vel, ut Judæi in *Zemach David, millenar. IV. A. 500.* jactant, quia nullum suppetebat, nisi longe infra meritum subsidens, adeoque dehonestamento potius, quam honori futurum. Quoties tamen cunque de Doctoribus in communi sermo erat, חכמים Sapientes dicebantur. Quod nominis deinceps illis potissimum hæsit, qui legis non scriptæ studio addicti, hanc unam efferebant, & doctrinæ pariter ac vitæ instituto urgebant: in quibus eminere cupiebant Pharisei. Vnde nil frequentius in scriptis Rabbiorum, ubi ad decisionem veterum Sententiariorum provocant, quam tritum illud חזון ואמוץ tradunt Magistri decisionum p. m. ubi communi חכמים Sapientum titulo, auctores traditionum, & sententiarum Talmudicarum comprehenduntur.

Ad §. IX. pag. cit.

(13) *Quas supra Legem extollebant*] Primos traditionum oralium natales in schola Judaica, ab Hillele seniore, חנניא dicto, prolixè & erudite arcessit ALTINGIUS in *Schilo lib. IV. cap. VII. T. V. Opp. p. 77. sqq.* Hactenus enim in Palæstina sic satis inhaerente Doctores Scripturæ Sacræ, cujus studium Elsdas Nehem. VIII. & IX. ac Malachias cap. IV, 4. sqq. enixe commendaverant. Hic vero in Babylonia natus & educatus, cum quadragenarius Hierosolymam ascendisset, & filius Berthiræ Academiam moderantibus, privatim solum nonnullorum vacaret institutioni, ut plures alliceret discipulos, sibi que lautiorē pararet fortunam, novum illud doctrinæ genus Babylone allatum, in *deuterapote-*

consistens, prurientibus ad nova, minusque obvia juniorum ingeniis, instillavit. Hac arte paulatim nomen sibi & æstimationem aliquam paravit inter suos, per quos summis Academiæ innotuit Doctoribus: ab his arcessitus, rogatusque de quodam ritu, prompte quidem & accurate respondit, sed magna cum arrogantia, & Doctorum istorum contemptu, atque hoc pacto obtinuit summum in schola Hierosolymitana locum, non tam a filiis Bethiræ, dignitate & munere motis, quam a discipulis, aliisque, novitatis studio, aut opinione sapientiæ, ipsi conciliatis. Adeptus tantum fastigium, unice operam dedit, tum ut prædecessoribus, filiis Bethiræ, omnibusque Sapientibus Hierosolymitanis detraheret, & exprobrata ipsis pigritia, ignorantie matre, institutionem ipsorum in odium, aut saltem fastidium adduceret; tum, ut in suæ sapientiæ admirationem omnes raperet, ceu qui non sine Numine venisset Babylone, ad solam Legis notitiam, proximorum Doctorum focordia oblitteratam, postliminio restituendam; tum denique, ut Traditionum auctoritatem assereret, & in arce collocaret. Quo fine primum Scriptura non est usus ad confirmationem, nisi quatenus ratiunculis quibusdam a se suffulta esset; deinde supra ceteros se sapere jactavit, quod accessisset Babylone, ut traditionum Schemajæ & Abtaljonis Hierosolymæ admirator & hæres quasi extitisset. Adeo sublesta & ignobilis est traditionum παρρησιασμός origo. Posthæc vero tantam nactæ sunt auctoritatem, ut verbo Dei scripto non ad latus modo ponerentur, sed omnino etiam anteferrentur. Vnde Mischna Tract. Sanhedrin, cap. X. §. 3. חומר בדברי חכמים מרבה תורה: *gravius peccatur circa verba Scribarum, quam verba Legis.* In Talmude Hierosolym. Tr. Berachoth fol. 3. col. 2. חכמים מרבה תורה: *amabiliora sunt verba Scribarum seu Doctorum verbis Scripturæ, sive ut R. IACOB in libro כפתור fol. 121. hanc sententiam repetit: sunt amabiliora מרבה נביאים verbis Prophetarum: ubi porro vulgatum illud additur: ערפי מנביאים Sapien-*

*tes præstantiores sunt Prophetis, idque ex ea ratione; quia Prophetæ tenebantur suam doctrinam miraculis confirmare, & signis extraordinariis aliis, de Sapientibus autem absolute & simpliciter dictum: & observabis, ut facias juxta omnia, quæ docebunt te, Deut. XVII, 10. R. BECHAI in עיקר התורה היינו כר הקמה fol. 77. col. 3. תורה שבעל פה שאין תורה שבכתב יכולה להתכאר כי אם עי תורה שבעל פה: Fundamentum legis scriptæ est lex oralis. Etenim lex scripta non potest explicari, nisi per legem oralem. Ita in Cod. חגיגה fol. 10. col. 1. enormi abusu & detorsione verborum Zach. VIII, 10. egrediuntur aut venienti non erit pax, docetur, non habere pacatam conscientiam illum, qui de studio Talmudico regreditur ad studium Biblicum. Quæ, & alia in hanc sententiam collecta, lege apud Buxtorf. in recensione operis Talmudici p. 222. sqq. Sed & decreverunt Rabbini in Cod. Kidduschin cap. I. fol. 30. col. 1. hominem debere vitæ suæ tempus in tres partes dividere, & tertiam infumere in lectionem Scripturæ, tertiam in Mischnam, tertiam denique in Gemaram: attamen R. IACOB super Cod. Sanhedrin fol. 24. col. 1. declarat, quod Talmud Babylonicum sit instar omnium, solaque ejus lectio sufficiat. Porro in Cod. Sopherim cap. XV. constit. 5. perhibent: Qui occupatur in lectione Scripturæ, præstat quidem bonum opus, sed tale, quod vix meretur bonum opus vocari; qui autem occupatur in lectione Mischnæ, is præstat bonum opus, quod meretur mercedem; at qui in lectione sex partium Gemaræ studium locat, is tale bonum opus præstat, quo nullum potest esse majus: Et ibid. constit. 7. Scriptura similis est aque, Mischna vino, & sex partes Gemaræ condito. Hebraica, & his similia plura, vide apud GEORG. ELIEL. EDZARDVM Annot. 192. in Tr. Avoda Sara c. I. p. 331. sqq. qui pariter Annot. 74. ad Cap. II. ejusdem Tr. p. 359. sqq. exfertis Rabbiorum verbis docet, capitale esse, ex Scripturis argumentum petere contra placita Magistrorum: Scripturam non minus fugiendam esse, quam hæresin: quamvis Sapientum alii rem aliquam pronuncient mundam, alii vero eandem*

immun-



immundam dicant, amborum tamen verba esse verba Dei viventis: & quæ ejusdem fuffuris sunt alia *Φορτὴ ἀνέσματα*. Hinc tantam tribuerunt Doctoribus suis auctoritatem, ac Deo ipsi: unde in lib. חוקני fol. 94. p. 2. in Notis ex *Baal Hatturim* collectis definiunt: החוק על רבו כחוק על השכינה והמאמין ברבו: חכמים כמאמין בשכינה: qui dissentit a Doctore suo, perinde est, ac si dissentiret a divina Majestate, qui autem credit verbis Sapientum, est, ac si crederet ipsi Deo. Adeo abjecte de Scriptura Sacra, contra vèro tam splendide sentiunt & loquuntur de Doctoribus suis, eorumque placitis, majus modo & immensum ut pretium concilient traditionibus suis.

Ad §. IX. pag. 15.

(14) *Magistros Traditionum* בעלי המשנה nec non הנאים Deuterotas, seu *Magistros Traditionum* appellari Judæis, & tritum ipsis verbum esse רבנו חכמים או רבנו חכמים *ἐδευτέρωσαν οἱ σοφοί, ἤτοι οἱ διδάσκαλοι ἡμῶν*, observat DRVSIVS lib. II. de tribus *Judaor. sectis* cap. XV. p. 74. sqq. & multa ibi affert effata *HIERONYMI* de *δευτέρωσει*, ab ipso repudiatis.

Ad §. IX. pag. 16.

(15) *Ad genua Sapientum* Leguntur ista in *Traët. Berachoth* fol. 28. col. 2. med. Cum R. ELIESAREM ægrotantem visitarent aliquando officii causa discipuli ejus, rogarentque eum, למדנו ארחות חיים ונוכח בהן לחיי העולם הבא: doce nos vias vite, ut mereamur vitam futuri seculi: respondit ipsis, cavete vobis, ne quid per vos decedat honori sociorum vestrorum, ומנעו בניהם מן ההיגון והושיבום בין ברכי: תלמידי ו *arcete filios vestros a lectione Scripturae*, collocate autem illos inter genua discipulorum Sapientum, ut ex illis nimirum credenda audiant & facienda.

Ad §. IX. pag. 16.

(16) *Sapientes nostri traditiones docent* ] Integra *HIERONYMI* verba, quæ DRVSIVS quoque cit. loc. allegavit, ita habent: *Videntur igitur observationes Judaicæ apud imperitos & vilem plebeculam imaginem habere rationis, humanæque sapientiæ: unde & Doctores eorum σοφοί, hoc est, Sapientes vocantur. Et si quando certis diebus traditiones suas exponunt discipulis suis, solent dicere, οἱ σοφοί δευτέρωσαν, id est, Sapientes docent traditiones.*

Ad §. X. pag. cit.

(17) *Pythagoras se mallet appellare Φιλόσοφον* ] Prolixè ortum nominis exponit CICE-RO *Tusculan. quest. Lib. V. cap. 3.* ubi postquam de veteribus Græcorum σοφοῖς dixisset, ita pergit: *A quibus ducti deinceps omnes, qui in rerum contemplatione studia ponebant, Sapientes & habebantur, & nominabantur: idque eorum nomen usque ad Pythagoræ manavit ætatem: quem, ut scribit auditor Platonis, PONTICVS HERACLIDES, vir doctus inprimis, Phliuntem ferunt venisse, eumque cum Leone, principe Phliasiorum, doctæ & copiose disseruisse quedam. Cujus ingenium & eloquentiam cum admiratus esset Leon, quaesivisse ex eo, qua maxime arte consideret? at illum, artem quidem se scire nullam, sed esse Philosophum. Admiratum Leontem novitatem nominis, quaesivisse, quinam essent Philosophi, & quid inter eos, & reliquos interesset? Pythagoram autem respondisse, similem sibi videri vitam hominum, & mercatum eum, qui haberetur maximo ludorum apparatu totius Græciæ celebritate. Nam ut illic alii corporibus exercitatis gloriam, & nobilitatem coronæ peterent: alii emendi, aut vendendi quaestu & lucro ducerentur: esset autem quoddam genus eorum, idque vel maxime ingenuum, qui nec plausum, nec lucrum quaerent, sed visendi causa venirent, studioseque perspicerent, quid ageretur, & quo modo: ita nos quasi in mercatus quandam celebritatem ex urbe aliqua, sic in hanc vitam ex alia vita*

vita & natura profectos: alios glorie servire, alios pecunie: raros esse quosdam, qui ceteris omnibus pro nihilo habitis, rerum naturam studiose intuerentur: hos se appellare sapientie studiosos, id est enim Philosophos: & ut illic liberalissimum esset, spectare, nihil sibi acquirentem, sic in vita longe omnibus studiis contemplationem rerum, cognitionemque prestare. Eadem, sed multo concisius, tradit DIOG. LAERTIUS de vit. Philos. prooem. segm. 12. cujus verba, quia rationem repudiati tituli Sapientis edisserunt, huc transferre non erit grave: Φιλοσοφίαν δὲ πρῶτος ὠνόμασε Πυθαγόρας, καὶ αὐτὸν Φιλόσοφον, ἐν Σικυῶνι διαλεγόμενος λέοντι τῷ Σικυωνίαν τυράνῳ, ἢ Φλιασίῳ, καθὰ Φησὶν Ἡρακλείδης ὁ Ποντικός ἐν τῇ περὶ τῆς αἰνῆς· μηδὲνα γὰρ εἶναι σοφὸν ἀνθρώπον, ἀλλ' ἢ θεόν. Θάττον δὲ ἐκαλεῖτο σοφία, καὶ σοφὸς ὁ ταύτην ἐπαγγελλόμενος, ὃς εἴη ἀνὰ κατὰ ἀκρότητα ψυχῆς ἀπηκερβαμένος. Φιλόσοφος δὲ, ὁ σοφίαν ὡσπάζόμενος. Philosophiam autem primus Pythagoras appellavit, seque Philosophum, cum Sicyone sermonem haberet cum Leonte Sicyoniorum tyranno, sive Phliasorum, ut ait Heraclides Ponticus, in libro, quem inscripsit de femina septem diebus exanimi. Nullum enim hominem, sed solum Deum, esse sapientem. Antea enim Sapientia dicta, quae nunc Philosophia, & qui hanc profitebatur; Sapiens, quicumque ad summam animi perspicacitatem pervenisset: Philosophus autem, qui sapientiam amplecteretur. Fastuosum illum ac turgidum Sapientum titulum, merito ridet LACTANTIUS lib. IV. Divin. Institut. cap. I. Priusquam haec Philosophia, quae dicitur esse, inveniretur, septem fuisse traduntur primi omnium, qui, quia de rebus naturalibus quaerere ac disputare sunt ausi, Sapientes haberi appellarique meruerunt. O miserum, calamitosumque seculum, quo per orbem totum septem soli fuerunt, qui hominum vocabulo cicerentur, nemo enim potest jure dici homo, nisi qui sapiens est. Sed si ceteri omnes, praeter ipsos, stulti fuerunt, ne illi quidem sapientes: quia nemo sapiens esse vere judicio stultorum potest. Ad hoc ab his absuit sapientia, ut ne postea quidem, crescente doctrina, & multis ma-

gnisque ingeniis in id ipsum semper intentis, potuerit perspicere veritas, & comprehendere. Nam post illorum septem Sapientum gloriam, incredibile est, quanto studio inquirenda veritatis Graecia omnis exarsit. Ac primum, nomen ipsum sapientiae arrogans putaverunt, seque non sapientes, sed studiosos sapientiae vocaverunt. Quo facto & illos, qui temere sapientum sibi nomen asciverant, erroris stultitiaeque damnaverunt, & se quoque ipsos ignorantia, quam quidem non differebantur. Stylo Ecclesiastico autem Patrum, qui Philosophi dicantur, homines nempe pii & fideles, tum qui vitam vivunt austeram, quin & orthodoxi Ecclesiae doctores, porro modesti, de seipsis humiliter sentientes, ac patientes denique, qui placide & moderate ferunt incommoda, exemplis docuit SVICERVS Thesaur. Eccles. hac voce, pag. 1442. sqq.

Ad §. X. pag. 16.

(18) Discipulos Sapientum] תלמידי חכמים modestiae causa se dixerunt subsequenterum temporum Magistri, eo quod ipsi non auderent decidere quicquam, sed placitis majorum unice inhaerent, & ab eorum velut ore tantum penderent. Hinc prisca illi Traditionum auctores proprie חכמים, subsequentes, qui illorum stabant auctoritate, תלמידי חכמים discipuli Sapientum dicti. Sed etiam in genere hoc nomen, literatum quemvis designat, illiterato & plebeio oppositum. Totam quippe nationem Judaicam in duas velut familias dispelci, תלמידי חכמים & עם הארץ, in scholasticos & plebem, in doctos, inque indoctos, in bene educatos, minusque bene educatos, LIGHTFOOT. in Harm. IV. Evang. P. III. ad Luc. V, 17. Tom. I. Opp. p. 517. a. docuit, exemplisque comprobavit. DAVID DE POMIS in צמח דוד fol. 233. col. 4. universam hanc nomenclaturam ad modestiam refert & humilitatem Magistrorum subsequenterum temporum, idemque illis accidisse tradit, quod Sapientibus Graecorum, quorum successores modestiae causa Philosophi maluerint dici, quam Sophi: quæ



ex ELIA in חשבי haufit. Potiorem præstat usum, quod Buxtorfivs h. v. in Lex. Talmud. p. II46. ex Cod. Berachoth fol. 43. col. 2. observavit: ששה דברים גנאי לו לתלמיד חכם Sex res sunt turpes in discipulo Sapientis: 1) si egrediatur, quando unxit se, in plateam, 2) si egrediatur solus noctu, 3) si egrediatur cum calceis refartis, 4) si confabuletur publice cum muliere, (hæc de causa mirati sunt discipuli Christi, cum viderent eum cum muliere Samaritanâ loquentem Joh. IV, 27.) 5) si accumbat ad comedendum cum hominibus plebejis, (unde Christum reprehenderunt Pharisei, cum publicani & peccatores cum ipso accumberent, & quod eum illis comederet Matth. IX, 11. Luc. XV, 2.) 6) si veniat ultimus in Synagogam. In strictissima significatione sumitur תלמיד discipulus, quando eum notat, qui discit ex ore docentis, quod dicunt Hebraei הלומד מזולתו discens ab alio, לא לא מעצמו non a seipso, & opponitur αυτοδιδάκτω, qui dicitur שונה, qui sæpe errat, & cogitur iterare vel mutare.

Ceterum transferre huc liceat titulos honorum, ad excessum usque ultimorum Prophetarum, Sapientibus varii generis tribui solitos, quos uberius recenset Altinivs in Historia promotion. Academ. T. V. Opp. p. 252. Titulus in his primarius fuit נביאים Prophetarum. 2) זקנים Seniorum; quo titulo veniebant omnes, qui senili prudentia præditi, rebus gerendis, regendisque adhibebantur, quique huiusmodi Facultatis testimonium reportaverant, sive Magistri essent, sive Magistratus, etiamsi annis graves non forent. 3) quæ rarior est denominatio; הצילי העם Segregatorum a promiscua plebe, ita doctorum, vel quia נאצל sepositum apud eos, & fidei ipsorum concreditum erat eruditionis atque excellentiæ depositum, vel quia per extensionem הצילי axillarum, seu brachiorum, docendi jus fuerant consecuti. 4) חכמים Sapientum. 5) בעלי אסופות Dominorum congregationum, quia collecti erant in Synedrium Iudicum seu Professorum Collegium, vel quoniam colligendis in Systemata sapientiæ præceptis vacabant.

6) אב Patris. 7) סופר Scribe, quem κατ' ἐξοχήν gessit Esdras cap. VII, 6. de quo nunc ex instituto dicemus.

Ad §. XI. pag. 16.

(19) *Duobus hominum generibus*] Generalissima omnium vocis סופר Scribe, notio est, qua virum quemvis literatum, & insigni eruditione pollentem designat, ut I Chron. XXVII, 32. Jonathan איש מבין וספר ἀνδραποσ συνετός καὶ γραμματεὺς appellatur. Ita opponitur iis, qui ἀνδραποσ ἀγράμματοι καὶ ἰδιῶται audiebant, quales censebantur Apostoli Act. IV, 13. Talis Judæis בור dicebatur, homo rudis, vel incultus, stupidus, quod in Targum legitur Prov. XII, 1. XXX, 2. שאין לו לא חכמה ולא מדות qui nec sapientia præditus est, nec moribus, juxta MAIMONIDIS descriptionem. Strictiori autem sensu, nomen officii est סופר, quando & in Vet. Instrumento inter dignitates aulæ & officia regni numeratur, & in Novo non uni semper vel jungitur, vel opponitur hominum generi v. g. Matth. XXIII, 2. in Moysis cathedra federe dicuntur οἱ γραμματεῖς καὶ οἱ Φαρισαῖοι cap. XXVI, 3. congregati leguntur οἱ ἀρχιερεῖς, καὶ οἱ γραμματεῖς, καὶ οἱ πρεσβύτεροι τῆ λαῶ. Porro, qui Marci II, 6. γραμματεῖς dicuntur, iidem a Luca c. V, 17. νομοδιδάσκαλοι salutantur, & cum legis peritis ac Doctoribus paria faciunt: atque hac speciali notione, ab Auctore nostro commode in duas dissepiscuntur classes, Scribæ ut alii sint Politici, alii Ecclesiastici.

Ad §. XII. pag. cit.

(20) *Laici γραμματεῖς erant*] Hos duplicis facit generis Auctor, ita ut 1) alii Ludimoderatores essent, & prima literarum elementa pueros docerent. Huc referunt ut plurimum Simeonitas. Jacobus enim, morti vicinus, ad has operas eos damnassee creditur, quando ex indignatione cædis Sichemiticæ, utramque & Levi, & Simeonis, tribum dispergendam prænunciaret.

tisse portionem & hæreditatem in terra Canaan, quanquam non suis sibi finibus circumscriptam, sed in tribus Judæ portione velut insertam, unde plurimos ipsorum ex agris vixisse, terræque suæ proventu constat, & pari cum ceteris tribubus jure.

(21) *Hi publici Notarii*] Est hæc 2) classis  
 Publicarum in populo versantes: *Notarii*, privato-  
 rum contractuum & instrumentorum scripto-  
 res; cui rei operam inprimis navasse dicuntur  
 משפחות סופרים *familie Scribarum habitantium*  
*in Jabez*, Cinæi puta, Jethronis posterius, qui  
 cum hereditatem propriam nullam adivissent,  
 ex hoc labore vitam tolerasse videntur 1 Chron.  
 II, 55. Quamquam סופרים istos, R. DAV. KIM-  
 CHI per מלמרים *Doctores*, legisque interpretes  
 exponat, quo sensu ad γραμματεῖς Ecclesiasticos  
 forent referendi. Addit, civilibus Judæorum  
 Scribis, HEIDEGGERVS *Exercitation. Biblicar.*  
*VIII. §. 10. p. 220. sq.* 3) militiæ adscriptos, qua-  
 lis ille fuit הספר שר הצבא *Scriba princeps*  
*militiæ*, qui colligebat populum terræ, 2 Reg.  
 XXV, 19. 2 Chron. XXVI, 11. Jerem. LII, 52.  
 4) Præfectos civitatum, qualis erat ille regis Ba-  
 byloniæ in Samaria ספרה *Scriba*, Esdr. IV, 8. &  
 fuisse videtur γραμματεὺς, sive ut Syrus reddit  
 נַסִּיכָא וְסַכְנָא *princeps civitatis Ephesiorum*  
 Act. XIX, 35. Attamen gentiles hos civitatum  
 Scribas, in Græcia cum primis magna pollentes  
 auctoritate, & proximo fere loco post ἀρχοντας  
 & στρατηγὸς constitutos, temere ad rempubli-  
 cam referemus Hebræorum: de quibus erudite  
 & cum cura egit ANTON. VAN DALE *Dissert. V.*  
*ad antiquitates & marmora, parte post. p. 423. sqq.*  
 5) Mercatores quoque, quo Zabulonitas refert,  
 qui Jud. V, 14. משכים בשבט סופר *protra-*  
*hentes stylo Scriba* dicuntur, quia familiari rei  
 per negotia augendæ, adeoque mercaturæ ope-  
 ram navantes, longis rationibus conscribendis  
 & componendis infudarunt.



Ad §. XIII. pag. 16.

(22) *A manu consiliisque Regis erant*] Sequuntur nunc amplioris dignitatis ac fastigii Scribæ, nimirum 6) Cancellarii regii, ἀρχιγραμματεῖς, Scribarum magistri ac principes, seu λογῆται, qui a Rege in rebus civilibus secundas tenebant, custodes sigilli vel annuli, quo Regis literæ obsignari solent: in quibus Scriba regis Joas 2 Reg. XII, 10. Seja 2 Sam. XX, 25. & Saphan 2 Reg. XXII, 3. ab Auctore censentur; quibus Elisamam junge, Scribam regis Jehoakim Jer. XXXVI, 12, 20, 21.

Ad §. XIII. pag. cit.

(23) *Nostri Secretarii Grammatophylacii*] Hi paulo inferioris gradus סופרים 7) Secretarii erant, summo Cancellario subiecti, qui præcepta & judicia regia consignarunt, & secretiora quævis custodiverunt: cujusmodi erant Seraja, Regis Davidis 2 Sam. VIII, 17. XX, 25. Elichoreth & Achija, regis Salomonis, 1 Reg. IV, 3. Sobna, Ezechiae 2 Reg. XVIII, 18. XIX, 2.

Ad §. XIV. pag. cit.

(24) *Ad personas Clericas*] Pergit nunc Auctor ad Scribas Ecclesiasticos, quos LIGHTFOOTVS in Harmon. IV. Evangelist. ad Matth. II, 4. Tom. I. Opp. p. 302. in duos rursus ordines dispescit: Alios sacrorum Bibliorum exscriptores, ad quos pertinebat, sacra volumina exscribere, seduloque curare, ne ulla ex apographis menda vel corruptela sacro originali Textui irreperet: unde סופרים תקון correctiones vel directiones Scribarum manasse creduntur: Alios assiduos verbi divini interpretes, quibus maxime fervebant rostra, atque instituebatur populus, unde de iis præ ceteris quæstionem instituit Salvator: quomodo dicunt Scribæ, Christum esse filium Davidis? Marc. XII, 35. quia nimirum Scribæ sæpissime ex ambone perorantes, istam doctrinam tradiderunt. De his autem probe observavit laudatus

ante HEIDEGGERVS c. 1. §. XIII. sq. p. 223. sq. disertam eorum in lege Mosis mentionem fieri nullam, utut res ipsa, & officium Scribarum Ecclesiasticorum, Mosaicæ sit institutionis. Ipsum quidem titulum, quanquam in notione potius politica, Davidis demum ætate invaluisse, donec in captivitate Babylonica cum primis rerum potiretur, quo tempore magnus ille Scriba, legis divinæ consultus ac doctor, Esdras celebratur, qui ascendens ex Babylonia ספר ספרי Scriba promptus in lege Mosis Esdr. VII, 6. nec non ספר ספרי מצוות יהוה Scriba preceptorum Domini ib. v. 11. & in Diplomate regio v. 12. ספר סתם די אלה Scriba legis Dei insignitur: quod ipsius elogium DORSCHVS Syll. Semestr. n. IX. pag. 192. discussit; quibus junge, quæ nos alias de eo edisseruimus Introd. in libr. V. T. P. I. cap. XVIII. §. 2. p. 308. Demum proxime ante Christum in carne revelatum, & posthæc, frequentissima fiebat τῶν γραμματέων, ספרים, vel Chaldaice ספריים, mentio, quod Evangelica historia testatur. De his vero gemina ventilatur quæstio inter Doctores: I. Num γραμματεῖς idem fuerint cum νομικοῖς, vel νομοδιδασκάλοις, legis peritis, an ab iisdem diversi? Eosdem fuisse utrosque, ex collatione Matth. XX, 35. cum Marc. XII, 28. liquet, ubi qui Marco εἰς τῶν γραμματέων unus Scribarum vocatur, is apud Matth. νομικῶς nomine venit. Rursus tamen Luc. XI, 44, 45. Christus alteros ab alteris distinguit. Diras enim prolocutus contra Phariseos & Scribas, cum τις τῶν νομικῶν quidam ex legis peritis recessisset: Magister, hæc dicens etiam nos afficis contumelia, & ita se a Scribis disjunctisset, Salvator hoc ipsum confirmat, quando pergit, καὶ ὑμῖν τοῖς νομικοῖς εἰπάτω etiam vobis legis peritis, non solis Phariseis & Scribis, væ denuncio. Nodum non fecit vel solvit, sed in medio relinquit FRID. SPANHEMVS fil. quando Tom. II. Opp. f. 1358. quæstionem ita movet: Scribarum ac legis in Hebræa gente Doctorum ratio, geminante fuerit an distincta, illinc forensia magis ac civilia tractarent, solam vero legem οἱ νομοδιδασκαλοὶ; an vero illi in Synagogis, hi nonnisi in scholis legem declararent; Scri-

*Scribe etiam inprimis theorie & contemplationibus essent addicti, consuli in dubiis ac perplexis soliti, unde ab Herode de loco nascituri Messie soli interrogati; disquirendi nec locus est, nec animus.*

Curatius in hoc discrimen inquirens IOH. CAMERO *Praelect. ad Matth. XIX, 3. Opp. fol. 177. edit. Genev.* ita definit, quod Scribæ fuerint Legis Interpretes, sed qui publice in Synagogis legem interpretabantur, qui fungebantur munere Ecclesiastico; νομικοὶ vero ii, quos Hebraei חכמים *Sapientes* vocant, qui legem quidem interpretabantur, sed in scholis privatim; idque ex verbis Christi colligit: *Væ vobis legisperitis, sustulistis enim clavem scientiæ:* quia olim insigne Doctoratus apud Judæos fuit clavis cum pugillaribus. Quibus gemina tradit in *Myrothecio Evangel. ad cit. loc. Lucæ. 108.* SCALIGER in *Elencho tribaresi cap. XI. p. 83.* ita instituit, ut νομοδιδασκάλους faciat Theologos, qui legem interpretabantur, νομικὸς vero, qui formulas juris præscriberent, & actiones civiles docerent, & forensia magis tractarent, & ob id vocarentur γραμματεῖς, quia hoc proprium τῶν γραμματέων: quæ declaratio calculum doctorum non tulit. LIGHTFOOTVS *Hor. Hebr. ad Luc. XI, 45.* hariolatur, νομικὸν esse Doctorem traditionum, seu interpretem legis oralis, Scribas autem, sive inter Judæos, sive inter Sadducæos esse, qui במקרא in explicatione textuali legis scriptæ versabantur, & explicationi legis textuali operam dabant. In eandem sententiam concessisse video IAC. TRIGLANDIVM in *Diatr. de secta Karæorum cap. VI.* quo cū cura in locum hunc Lucæ vexatum commentatur, & p. 63. in ea demum notione acquiescit, quæ סופרים γραμματεῖς, *Scribe*, ejusmodi notat *Judeos, ac Judaorum Doctores, qui rejectis traditionibus solam Scripturam venerantur, eamque Hebræorum calculo, Patrum Hebraice doctorum suffragio, vocis γραμματέως natalibus, & appellationis hujus origine Esdr. VII, 6. probat.* Acutissimus FRID. SPANHEMIVS pater, *Part. II. Dub. Evangel. XXXVIII. sqq.* ubi de Scribis ex instituto agit, §. 7, 8. p. 399. verba Lucæ ita com-

ponit, ut nullum inter γραμματεῖς & νομικὸν agnoscat discrimen. Cur enim, quando Christus inquit, εἰ ὑμῶν γραμματεῖς &c. nulla facta mentione τῶν νομικῶν, νομικὸς invadit in Christum, & suo ordini hoc applicat, nisi νομικοὶ fuerint γραμματεῖς, & contra? Vnde & Interpres Syrus una eademque voce singula illa reddit, & νομικὸς æque ac γραμματεῖς interpretatur מורה, etsi alibi νομικὸν interdum vertat מורה דין qui peritus est legis. Demum tamen §. 10. p. 400. aliquam τῶν νομικῶν & τῶν γραμματέων distinctionem admittit, ut omnes quidem νομικοὶ fuerint Scribæ, non tamen omnes Scribæ νομικοὶ. Hinc porro conjicit 1) dici posse, Scribas fuisse homines θεωρητικὸς, contemplationi legis, & quæstionibus theoreticis potissimum vacantes, νομικὸς vero, quæstionibus practicis & actui rerum deditos fuisse. Vnde γραμματεῖς Matth. II, 4. ab Herode interrogantur de loco nascituri Christi, non νομικοὶ: & γραμματεῖς de Eliæ adventu differuisse leguntur Matth. XVII, 10. 2) Dici quoque posse, νομικὸς dictos fuisse illos Scribas, qui tantum affixi erant legi, nec curabant δευτερώσεις majorum, unde νομικὸς ille vocatur Matth. XXII, 36. qui quærit, quod sit magnum mandatum in lege Luc. X, 26. & a Christo ad legem remittitur, quia videlicet hoc ipsius ἔργον erat. Sic Luc. XIV, 3. τοῖς νομικοῖς proponit Christus quæstionem legalem de Sabbatho. Tandem concludit: idem ergo significatur sæpe per γραμματέας, νομικὸς & νομοδιδασκάλους. Etsi τῶν γραμματέων nomenclatio latior sit nomine τῶν νομικῶν, quia illi sæpe, ut dictum, munere politico fungebantur, isti sacro tantum, legis expositioni, & iis, quæ ab ea pendebant, in solidum vacantes. Omnes ergo νομικοὶ Scribæ, sed non contra. Multa quoque de Scribis, pecul. dissert. IX. P. II. dierum genial. p. 397. sqq. dissert. IOH. LOHMEIERSVS, qui in hanc quoque, de discrimine γραμματέων & νομικῶν, quæstionem p. 406. sqq. incidit, a quo tamen frustra decisionem expectes. Nōs paria interdum facere utrosque agnoscimus, in citato tamen Lucæ loco mutuo distingui lubenter damus: quod



autem inter utrosque intercesserit discrimen, cum sit perquam obscurum, ob auctoritatem Scripturæ lubentius ad stipulamur asserenti SPANHELMIO, quam LIGHTFOOTO & TRIGLANDIO. Quæritur II. Num Scribæ & Pharisei sint iidem? Ansam quæstioni dedit BARONIVS, qui Apparatus ad Annales Ecclesiast. n. VIII. de Phariseis agens: ex his, inquit, qui legi interpretanda navabant operam, Scribæ dicebantur; ceteri communi nomine Pharisei. Scribas itaque existimavit esse sectæ Phariseorum nomen, quo nil absurdius dici potest. Scribæ enim ordinarii legis interpretes, Pharisei traditionum oralium assertores erant; Illi ex antiquissimo apud Judæos instituto, hi fax novissimorum Ecclesiæ Judaicæ temporum; Illi sensus literalis tenaces, hi glossarum & allegoriarum captatores. Vtrique autem licet in cathedra Moysis sederent, & olerum decimationem, multa que haberent invicem communia, maxime πρωτοκλισίαν ἐν ταῖς δαίπναις & πρωτοκαθεδρίαν ἐν ταῖς συναγωγαῖς Matth. XXIII, 6. & Marc. XII, 39. vivendi tamen ratione ac placitis multum a se distabant, ut ex Act. XXIII, 9. & alias liquet. In Evangelica historia sæpe junguntur, ita tamen ut insigne inter utrosque maneat discrimen: quod assertum vide a Vener. PEYLINGIO P. III. Observat. XXVIII. §. 2. p. 212. BARONIVM autem castigavit CASSABONVS Exercit. I. n. IX. p. 41. sq.

Ceterum ad intelligendos varios Scribarum, quorum in Nov. Test. mentio fit, ordines, perutilis est HEIDEGGERI observatio loc. cit. §. XVII. sqq. p. 226. eorum aliquos fuisse membra Synedrui, aliquos in Synedrui, sed non de Synedrui, aliquos denique extra Synedrui. i. Synedrui membra erant tum univèrse, tum singularitèr. Univèrse quidem, ac præ omnibus aliis emphatice Scribæ dicuntur omnes Synedrui assertores Matth. XXIII, 2. Erant Concilii illius membra æque Sadducæi ac Pharisei, utriusque tamen Scribæ. Singularitèr alicubi Scribæ a Sacerdotibus & Senioribus distinguuntur, v. g. Matth. XXVI, 3. ubi congregati memorantur οἱ ἀρχιερεῖς, καὶ οἱ γραμματεῖς, καὶ οἱ πρεσβύτεροι

τῶ λαῶ. Fuerunt sane etiam Pontifices & Seniores populi, Synedrui membra; & tamen ab iis distinguuntur Scribæ; proprie vero loquendo omnes Synedrui socii Scribæ, omnes pariter Seniores fuerunt. Porro 2. fuerunt in Synedrui, sed non de Synedrui, qui Hebræis vocantur הַרְנִים לפני הכּוּמִים illi, qui judicant coram Sapientibus, legis quippe peritissimi, in casibus dubiis sententiam studiose eruentes, & de vero sensu legis Synedrui erudientes, qui tamen in subselliis Patrum non sedebant; utpotè non ex eorum numero, sed in sedilibus humilioribus: hinc nec ipsi pro auctoritate jus dicebant. Denique 3. fuerunt extra Synedrui Scribæ, Doctores legis varii, tum in Synagogis, in quibus ab antiquo erant κηρύττοντες καὶ ἀναγινώσκοντες, prædicantes & legentes Moysen per omnia Sabbatha Act. XV, 21. tum extra eas; iique alii בעלי המקרא Magistri textus Biblici, qui literalem ejus expositionem proferebant; alii בעלי המדרש, qui & הרשנים explicatores, qui mysticam Scripturæ interpretationem proferebant; demum alii בעלי הנדרה concionatores, homiliam sive discursum instituantes de loco Scripturæ sive historicum, sive theologicum; de quibus Auctor noster in sequentibus agit.

Præter hos omnes, novum Scribarum genus Christiano orbi obtrusit RICH. SIMONIVS, quando lib. I. Hist. Crit. Vet. Test. cap. II. p. 16. sq. comminiscitur, Prophetas fuisse סופרים, seu Actuarios ejusmodi publicos, auctoritate publica munitos, qui ætatis suæ gesta literis condere, & amplissimis ad posteritatem transmitters commentariis fuerint jussi, ex quorum annalibus libri Biblici, qui hodie prostant, ceu compendia & epitomæ sint compilati. Sed universum istud εὑρημα, Prophetas fuisse vel סופרים dictos, vel munere publico institutos, universa Scriptura ignorat. Ut taceam, non publico munere, non jussu Principis vel Reipublicæ, & θεληματι ἀνθρώπων, sed θεοπνευστίας dono, & extraordinario impulsu, ὑπὸ πνεύματος ἁγίου φερόμενας, scripta canonica exarasse amanuenses Dei, 2 Petr. I, 21. Vnde it quoque, qui munere Prophetico non funge-

fungabantur, multo minus Aduarios & Scribas publicos agebant, v. g. David, Salomon, Daniel, Mardocheus, Nehemias, monumenta sacra composuerunt. Sed quicquid est istius commenti, copiosius nos explosumus in *Introduct. ad libb. Bibl. Vet. Test. P. III. cap. I. §. XVI. p. 43. sq.*

Ad §. XIV. pag. 17.

(25) *Ac Magis a Chaldeis*] Non tam Chaldaeae, quam Persia, eaque sola, Sacerdotes & Sapientes suos, Magorum nomine celebravit, ut praeter aliis valide docuit CALIXTUS in *Historia Magor. p. 9. sqq.* Nemo autem operosius & exactius de Persarum Magis commentatus est, ac vir summus THOMAS HYDE in *Histor. Religion. vet. Persar. cap. XXXI. p. 372. sqq.* ubi de nomine, dignitate, officio & partibus Magorum, insigni cum eruditionis apparatu egit, & in eos, qui Christum recens natum adventu suo venerati sunt, Magos p. 377. sq. curate inquisiuit, ex Parthia eos accessisse statuens, ubi eadem religio, quae in Persia, iidemque Magi, & ea tempestate imperii fuerit sedes. Hos vero, cum HERMANN VON DER HARDT in *Syria Graeca p. 74. sqq.* Judaeos ortu fuisse contendisset, ex Babyloniacis vel Syris Judaeorum Synagogis Hierosolymam missos, idque vel ex nominis similitudine probare satagisset, quia Magorum nomen ex Graeca voce *μαγματος* ortum trahat, commentum istud peculiari dissertatione *de Magis stella duce Bethlehemum profectis*, Vitembergae anno 1716. masculae retudit IOH. HERMANN. AB ELSWICH.

Ad §. XIV. pag. ead.

(26) *Quindecimviris a Romanis*] Hi Sacerdotes erant apud Romanos, quibus solis cura inspiciendorum & servandorum librorum Sibyllinorum demandata erat. Eos nobiliori nomine Pontifices esse vocatos, colligunt nonnulli ex VOPTSCO in *Aureliano c. 19.* ubi decretum Senatus & Imperatoris mandatum ita habet: *Agite*

*igitur Pontifices, qua puri, qua mundi, qua sancti, qua vestitu animisque sacris commodi, templum ascendite, subsellia laureata constituite, veteranis (seu quod malunt alii, veneratis) manibus libros evolvite, fata reipublicae, quae sunt aeterna, perquirite.* Erant illi ex civium numero maxime illustres viri, primo saltem duo, unde *Duumviri* dicti; hinc in denarium aucti, *Decemviri sacris faciundis*, vel *sacrorum Decemviri* appellati: deum eo anno, quo Capitolium conflagravit, & quo L. Cornelius Sylla Dictatoris munere se abdicavit, quinario insuper locupletati, ut *Quindecimviri* evaderent: donec Theodosius Imperator eos, cum sacerdotio & veteris superstitionis sacris abrogaret, hinc quoque Sibyllini libri sub Honorio per Stiliconem flammis traderentur. Vide de illis GISBERT. CUPERI *Not. in Lactant. de mortibus persecutor. P. II. p. 241. sq.* & copiosissime SERVATII GALLAEI *Dissertat. de Sibyllis cap. XIV. p. 270. sqq.*

Ad §. XV. pag. ead.

(27) *Daturque Masorethis*] Specialis haec, minusque crebra vocis סופרים acceptio est, qua *Numeratores* versuum, vorum, & literarum in libris Biblicis, h. e. Masorethas designat; in Talmude tamen obvia Cod. *Kidduschin cap. I. fol. 30. col. 1.* & in Cod. *Tanchuma fol. 33. col. 3.* & ab ELIA Germano *Prefat. III. libri Masoreth Hammasor.* repetita. Horum labores prolixè & ordine exposuit Buxtorfius in *Commentario Masorethico*, Tiberias inscripto, concisus recensuit eruditissimus Wolfius *Biblioth. Hebr. T. II. lib. III. toto, p. 460. sqq.* & nos in compendio tradidimus *P. I. Crit. Sacrae Vet. Test. cap. VI. p. 283. sqq.* nihil ut supersit, quod huc transferamus. Quo autem jure AVGVSTINVM in partes citet Auctor, nondum intelligo, cum perlegenti universam in *Psal. XL. enarrat. Tom. VIII. Opp. p. 364. sqq.* nihil occurrat, quod huc faciat: nisi forte huc trahas, quae ibi circa finem de Judaeis affirmat, quod nobis serviant, & tanquam *capituli nostri sint*, qui studentibus nobis co-



*dices portant*, quo fiat, ut cum Judæis disputantes, ex ipforummet chartis eos convincamus. Quæ huc accommodet, qui potest. AVGVSTINVM vero Numeratores illos; Masorethas cognovisse, ob ignorantiam linguæ Hebrææ, meam superat fidem.

Ad §. XVI. pag. 17.

(28) *Textuales, Scripturarii*, קראים] De his exponendi, paulo post commodior dabitur locus. Phariseorum & Scribarum discrimen modo edisseruimus: & de Phariseis Capite sequenti ex instituto.

Ad §. XVII. pag. 17.

(29) *ררשן, h. e. disputator, inquisitor*] Eandem, cum Auctore, sententiam tenet HENR. HAMMONDVS ad 1 Cor. I, 20. cui συζητητα τῶ αἰῶνος τῶν αἰῶν, *disquisitores hujus ætatis* sunt Judæi Doctores, qui in Scripturæ inquirebant sensum. Solebant nimirum, ait, inter eos viri eruditi sedere in Synagoga, & de re quapiam inter se disceptare, e. c. ut sensum Scripturæ loci cujusdam invenirent. Ad eam consuetudinem videtur respicere Paulus 1 Cor. XIV, 29. *Propheta loquantur, duo aut tres &c.* Vnde fiebat, ut Synagoga, in qua habebantur ejusmodi disceptationes, diceretur בית המרש *domus inquisitionis*. Quo fortasse, etiam pertinet, quod Luc. II, 46. dicitur Christus inventus fuisse, *sedens in medio Doctorum, audiens & interrogans illos*. Qui mystice Scripturam interpretabatur, בעל המרש *dominus inquisitionis*, & הררשן *inquisitor*, sive συζητητής dicebatur. Mysticus vero sensus ררשן ררשן *via inquisitionis*, & מרשן *inquisitio* Psalmodum, est eorum interpretatio Allegorica. Verum, ut recte habent, quæ de מרשן & ברת

המרשן affert HAMMONDVS, sic הררשן tamen, ex usu Judæorum, non tam disputatorem, quam *Concionatorem* notat. Conciones enim ררשן dicunt, & Concionatores ררשנים, nataeque sunt inde in Judæo-Germanica lingua voces *darschen* concionari, & *darschle* concio. Itz DAVID DE POMIS in *Zemach David* b. v. ררשן exponit, ררשן לפני המון *exponere, concionari*, מפרש, חוקר, *prædicator, orator*. Nec dissentit ELIAS Levita in *Thisbi* voc. ררשן, ubi exemplo R. MOSIS Haddarschan, & e Christianis PAVLI FAGII Haddarschan in urbe Eisenach, illustrat. Hinc R. SIMEON, qui ילקוט *peram* Judaicam confarcinavit, singulariter hoc encomio ornatur הררשן, eo quod celeberrimus esset suo tempore Concionator; unde quoque ררשן ראש *princeps concionatorum* salutatur, qui A. M. 5070. floruit, Chr. 1310. Solent hi ex omni Theologiæ genere, ne Cabbalisticis quidem mysteriis exceptis, apparatus congregere, quo Homilias suas exornent, ii cumprimis, qui captata populari aura, laudem profundioris doctrinæ aucupantur. Potissimum vero e Mythica Theologia mutuo materiam dicendi arripiunt, quod non valere conciones existimant, nisi Talmudicis fabulis, & portentosis narrationibus sint refertæ. Vide, quæ de Theologia Judæorum Homiletica, tradit b. patruus meus I. B. CARPZOV. *Introduct. in Theolog. Judaic. cap. X. §. 9. p. 81.*

Ad §. XVIII. pag. 17.

(30) 1 Cor. I, 20] De sensu dicti egimus supra ad §. IV. *hujus Cap. Annot. 6.* nec est, quod addamus. Quo autem sensu nonnulli Henochum, συζητητήν, *literatum*, appellent, GVIL. SALDENVS exposuit *Orior. Theolog. Exercit. I. §. 2. p. 3.*

LIB. I. CAPVT VII.

DE TITVLO RABBI.

Ad §. I. pag. 18.

*Numerus titulorum valde crevit*] Simplicitatem priorum temporum, & arrogantiam ultimorum, ante gentis dissipationem, Auctor observat. Veteres enim, & captivitate Babylo-nica anteriores, solis officiorum nominibus contenti erant, ita ut מלך *Rex*, כהן *Sacerdos*, שופט *Judex*, סופר *Scriba*, diceretur a munere, quo quisque fungebatur; maxime vero הנביא *Propheta*, הרוואה *Videns*, 1 Chron. XXIX, 29. audiebat, pro diversitate vel muneris, vel donorum: his si alius accederet titulus, forte erat אב *patris*, ut 1 Sam. X, 12. 2 Reg. II, 12. VI, 21. XIII, 14. Post captivitatem autem ac reditum e Babylone, quin & post excessum ultimorum Prophetarum, Doctorum Mischnicorum nullus, usque ad Hillelem sub Herode M. titulo Rabban aut Rabbi insignitus legitur. Hinc in *Pirke Abboth* cap. 1. omnes illi, iique celeberrimi doctores, Nittaj Arbelites, Jehuda fil. Tabbæi, Schimeon fil. Schata, Schemajah, Abtaljon, Hillel, & Schammai, absque præfamine, aut titulo honoris memorantur, usque ad רבן גמליאל *Rabbi num.* 16. cujus filius dicitur רבי שמעון *Ribbi Schimeon*: unde apud IOH. HENR. OTHONEM in *Hist. Doctor. Mischnicorum* p. 88. (edit. Amstelodamens. recentissimæ) רבי יוחנן החורוני *Rabbi Jochanan Choronita* primus hoc elogio ornatus legitur, quanquam Anonymus annotationum Auctor p. 73. in *Not.* jam ante ex libro Juchasin & Schalschelet Hakkabala observaverit, Filios Bethiræ primos titulo *Rabbi* salutatos fuisse, quin & nonnullos, Josuam Ben Perachia hac dignitate primum eminuisse, censere. Consentit Buxtorfivs, qui de *Abbreviaturis Hebr.* sub p. 172. docet, ante Hillelem, qui nativitatem Christi vel attigit, vel paucis annis morte sua antevertit, neminem titulo Rabban vel Rab-

bi fuisse insignitum. MAIMONIDES *Præfatione in Seder זרעים*, nudum nomen positum magnitudini doctorum tribuit, cujus verba ex versione ПОКОКН in *porta Moysi* p. 127. ita habent: *Cum quis in magno honore fuerit, atque omnium supremus, illum nomine suo appellat* (Auctor Mischnæ) e. g. Hillel, Schammæus, Schemajah, Abtaljon, quod magnitudinis ipsorum est, cum non potuerit reperiri Epitheton aliquod, quo fama ipsorum illustrior redderetur, uti neque *Propheta* epitheto aliquo celebrantur. At qui apud ipsum gradu his inferiori fuerit, illos appellat Rabban, ut cum dicit, Rabban Gamaliel, & Rabban Juchanan fil. Zaccæi. Qui his denique gradu inferiores, audiunt apud ipsum Rabbi, ut cum dixit R. Meir, R. Juda. Appellat etiam eos, qui hoc gradu sunt, Aba, ut cum dicit Aba Saul: aliquando tamen ultro omittitur ipsorum titulus, veluti cum dicit, Simeon frater Azaria, & Eleazar vir Bartutæ. Hinc nomina omnium, qui honoris gratia nominibus suis solum, absque titulo in Mischna appellantur, ordine recenset. Vtut autem hoc commento palliare fastum sequiorum temporum annis sit MAIMONIDES, revera tamen titulorum omisso simplicitati prisce ævi, & modestiæ ac prudentiæ doctorum veterum tribuenda est, quod pompam omnem respuerit. Circa tempora Christif autem, quantum creverit cupido honoris, ex Salvatoris monito liquet Matth. XXIII, 7, 8, 9. *Pharisei amant salutationes in foro, & ab hominibus vocari Rabbi cupiunt: vos autem nolite vocari Rabbi. Unus enim vester est Magister, Christus, omnes autem vos estis Fratres, & אב Patrem ne vocetis quenkum, unus namque est Pater vester, qui in cælis est, neque vocemini μαθηται Magistri, unus enim vester est Magister, Christus.* Quo- & ambitionem illius atatis, & titulos ipsos perstringit. Hanc erudita quoque arguit SELDENI observatio, qui



de Jure N. & G. juxta Discipl. Hebr. Lib. III. cap. 9. p. 329. ex ISI BEN IEHVDA in Gemara Babylonia ad Tit. Gittin cap. 6. fol. 67. a. notat: quemadmodum in scholis Christianis cognomina sua habuere notissima, Angelici, Seraphici, Subtilis, Resoluti, Mirabilis, Profundi, Solennis, Irrefragabilis, Theologiae scholasticae Magistri, ita fere apud Hebraeos Rabbi Meir dictus חכם quemadmodum in scholis Christianis cognomina sua habuere notissima, Angelici, Seraphici, Subtilis, Resoluti, Mirabilis, Profundi, Solennis, Irrefragabilis, Theologiae scholasticae Magistri, ita fere apud Hebraeos Rabbi Meir dictus חכם Sapiens & Scriba, R. Jehuda חכם Sapiens, quoties ipse vellet, scilicet satis deliberaret, R. Tarphon גל של אנתין נא cum acervus, ob solennem Scripturæ, Mischnæ, Homiliarum in argumentis suis confusionem, R. Akiba קופת הרוכלים, alii aliter, & demum R. Jose ben Chilpetha ניומן, i. e. doctrina, seu observatio, seu ratio ejus cum eo, seu orthodoxus.

Ad §. I. pag. 18.

(2) *Rabb, Rabbi, Ribbi & Rabban*] Nimirum in Nov. Test. legimus *Abba, Rabbi, Rabboni, Maran*, & in Talmude *Rab, Rabban, vel Rabbana, & Abai*, quæ omnia sunt nomina dignitatis, de quibus ex instituto, sed non nisi variis erroribus, agit NICOL. SERARIUS in *Rabbinis*, seu de tota *Rabbinorum gente* &c. lib. I. c. 2-6. Quod ad originem attinet, nomina *Raf, Rabbi, Rabban*, & cognata, vir doctus MART. PETR. CHEITOMAEVS in *Græco Barbaris Novi Test.* p. 124. sq. auctoritate KIMCHII, a multitudinem dici autumat, ut *Rabbi*, quod exponitur διδάσκαλος Joh. I, 39, proprie sit, qui multa scientia, sapientia, & eruditione abundat, & *Rabbini* dicantur πολλοὶ τὸν νόμον, sive ἐν τῷ νόμῳ, רבנים התורה. Idem tradit NICOL. SERARIUS in *Rabbin. lib. I. cap. 3.* Verum ELIAS Levita in *Thishi b. v. p. 219.* ad dignitatem potius refert, *Rabbi vocabulum principatus* constituens, cum quo consentit DAVID DE POMIS in *Zemach David b. v.* Chaldæis enim *רב principem* notat, testibus Targumim: ut posteriori sententiæ calculum addere malim. Quod autem inter hæc nomina intercedat disci-

men, R. IOSVA Levita in *הלכות עולם Tract. I. cap. 3. p. 25. sq.* concise exposuit, dignus, qui audiatur: אמרו ז"ל גדול מרב רבי. וגדול מרבן שמו. כמו שמעון צדיק שמעיה ואבטליון. שנקראו כן מרוב מעלתם כדרך הנביאים שאין מכניין אותם: כל רב ומר מבבל. וכל רבי מארץ ישראל. לפי שבארץ ישראל היו סומכין לרוב ריני קנסות וקורין אותו רבי דכתיב עז האלהים יבא רבר שניהם. ואין אלהים אלא מומחה: Quæ ex versione CONSTANTINI I' EMPEREVR ita habent: Pronunciant Sapientes l. m. Magistro Doctor major est; Doctore Dominus; at Domini titulo præstat Nomen proprium: ut Simeon justus, Schemaia & Abtalion, qui sic excellentia causa suis tantum nominibus veniunt: quemadmodum etiam Prophetis titulos non præmittunt. Semper Magister & Præceptor de iis accipiuntur, qui e Babylonia gradum acceperunt: uti quoties occurrit Doctor, de eo, qui in terra Israel est promotus. Nam in Canaane manuum impositio idoneos reddit, ut de pœnabilibus juribus decernant, quos Doctores vocant. Nam scriptum est Exod. XXII, 9. ad ipsos Magistratus venito negotium amborum: at non est ullus Magistratur, nisi qui judiciorum peritus, manuum impositione gradum adeptus est, uti e Sanbedrin liquet. Illustrat hoc exemplo רב זירא ורבי זירא Magistri Zera, & Doctoris Zera, qui cum unus esset, idemque, antequam in terram Israelis ascendisset, Magister Zera audiebat, at postquam eo pervenisset, & manuum impositione in Doctorem esset promotus, passim vocabatur Doctor Zera. Denique addit: ולא מצינו בחכמי המשנה מי שנקרא רב ומר. ceterum de Sapientibus Mischnæ nullibi invenimus, ququam Magistrum vel Præceptorem dictum fuisse. Complura sunt notatu digna, quæ hinc discimus: 1) Titulum *Raf*, dignitate infimum, superari a titulo *Rabbi*, & hunc vicissim a *Rabban*; quorum primum CONSTANT. I' EMPEREVR differentie causa Magistrum reddidit, medium Doctorem, ultimum Dominum: Mar denique Præceptorem. 2) *Raf & Mar* in Babylonia creatum designare Magi-

Magistrum, *Rabbi* non nisi in terra Israelis promotum. 3) Promotionem in Terra sancta facultatem dedisse, sententiam ferendi in causis poenalis, qua destituebantur creati extra terram Israelis. 4) Magistros Babylonios nova opus habuisse promotione, si in Cananæam delati, cum dignitate versari cuperent in republica. 5) Neminem Sapientum in Mischna, seculo a C. N. secundo superiorem, *Raf* vel *Mar* dici: *Rabban* autem audire non renuerunt, ut mox audiemus.

Vtut autem *Raf* titularum esset infimus, κατ' ἐξοχήν tamen, ac per antonomasiam Doctori Babylonio; cui אבא אריכה *Abba Aricha* nomen erat, & qui in terram Israelis ascendens, Rabbe-nu Jehuda Sancto operam aliquando dedit, ab eodemque oralem legem suscepit, fere proprium evasis, ut simpliciter, & absque ullo addito, רב salutetur. Adeo invaluit apud Talmudistas hujusmodi locutio, ut si nominaretur nomine suo *Abba Aricha*, non ita bene intelligeretur, sicut si pronunciaretur pronomine רב *Raf*, inquit BAR-TOLOCCIVS *Biblioth. Rabb. Tom. III. p. 692.* ubi plura de eo habet, eidemque vetustissimos commentarios, *Sipbra* & *Siphri*, a Judæis nonnullis in acceptis ferri contendit.

*Rabbi* & *Ribbi* paria omnino facere, & *Ribbi* legendum potius esse, quam *Rabbi*, cum radix fit רבב, urget, ac nonnullis Poetarum exemplis pariter, ac exemplo vocis רב, quæ in Targum Hierosolymitano Jobi XX. בִּרְבִּי legatur, evincere satagit R. ELIAS Levita in *Tisbi b. v.* Titulum vero *Ribbi*, summæ excellentiæ indicem, datum R. Jehudæ Sancto seu Principi, Mischnæ concinnatori, neque ulli post ipsum concessum, observat IAC. ALTINGIVS *Tom. V. Opp. f. 255. b.* Quocum confer EDZARD. in *Avoda Sara c. I. p. 259.* ubi plura in elogium R. Jehudæ Sancti leguntur.

*Rabban*, elogium omnium præstantissimum est ac supremum, Magnatem potius ac Principem, quam Doctorem denotans, ac septem tantum Hillelis posteris tributum legitur, quos ordine re-

censet BVXTORFIVS de *Abbreviat. Hebr. p. 173.* In his secundus, Rabban Gamaliel senior, Schimeonis filius, Hillelis nepos, Pauli Apostoli in Judaismo putatur fuisse Præceptor: sextus Rabban Schimeon III. pater fuit R. Jehudæ Sancti, qui Mischnam composuit, & non Rabban, ut ejus majores, sed κατ' ἐξοχήν, absolute & simpliciter רבי appellatus fuit. Eosdem ordine quoque persequitur singulos IOH. HENR. OTHO in *Historia Doctor. Mischnic. p. 93. sqq.* Observat quoque ASSEMANVS *Biblioth. Orient. Tom. I. p. 216.* titulum *Raban*, qui idem est ac *Magister noster*, apud Syros Christianos, Presbyteris & Monachis honoris causa attribui consuevisse, eodem plane sensu, quo *Rabbi* in Evangeliiis & apud Hebræos: quod ibidem ex exemplis liquet. Monent præterea R. ELIAS in *Tisbi* & BVXTORFIVS, nomen *Rabban* pluralem formare, *Rabbanim*, *Rabbazin*, & *Rabbanan*, quæ postrema forma Talmudicis familiarissima sit: *Raf* & *Ribbi*, non venire in plurali, cum dicere nequeamus *Rabbim* & *Ribbim*, si vero usus ferat pluraliter efferre, a *Rabbi* dici *Rabboth*, sed semper cum Affixo Pronomine רבותינו *Rabbini nostri*: quod ad Grammaticam pertinet. Alio tamen & diverso sensu רבנים *Rabbanim* dicuntur, quando תִּסֵּי קראים *Karraim*, seu *Karræis* opponuntur; ubi priores sunt, qui Magistrorum sententias & traditiones admittunt, posteriores, qui repudiatis traditionibus, uni inhærent Textui Scripturæ. Vtrorumque mentionem facit BENIAMIN TVDELENSIS in *Itinerario p. 28.* וְשֵׁם כָּמוֹ אֲלֵפִים יְהוּדִים רַבָּנִים וּמַחֲסֵי כָמוֹ חֲמֵשׁ מֵאוֹת קִרְאִין כַּדָּר אַחֵר וּבִינֵיהֶם וּבֵין הָרַבָּנִים שֶׁהֵם תַּלְמוּדֵי חֲכָמִים מַחֲצִיזָה quæ caute vertit CONSTANT. L' EMPEREVR: Illic ferme bis mille Judæi, iique Magistrorum doctrina observatores: alii quoque discreti quingenti, iique Karaitæ: inter quos & priores Sapientum discipulos est intergerinus paries. Alibi p. 30. וְשֵׁם יְהוּדִים רַבָּנִים transulit, *Judeos Rabbanæos*, sive qui majorum institutis vivunt: ne nimirum in eundem cum ARIA MONTANO lapidem impingeret, qui *Magistros* interpretatur, notatus eo nomine



nomine a SCALIGERO in *Elencho trihieresi cap. II. p. 22.*

*Rabboni*, & *Rabbuni* Syriacum est, pro *Ribboni*. ANGELVS CANINIVS in *locis N. T. h. v.* Syriacum *Rabbon* ut plurimum Deo tribui perhibet *αὐτοκράτωρ*, vel ei, qui merum habet imperium, unde quoque creberrime *Ribbon* in Talmude de Deo legi, maxime cum adjuncto, ut *רבונו של עולם Dominus mundi*. Hinc porro colligit, Mariam Magdalenam, Syriace Christum, qui jam resurrexerat, salutasse *Rabboni*, Domine mi, Joh. XX, 16. quod Deum nunc agnosceret, quem ante mortem saltem Rabbi salutaverat. Istud vero & CHEITOMAEVS c. l. p. 128. & IACOB. ALTINGIVS refellit, censens uterque, non ad Deitatem Christi, sed ad docendi provinciam hac voce digicum intendi, siquidem statim explicet Johannes, *ὁ λέγεται διδάσκαλε*. Addit ALTINGIVS in *Hist. promot. Academ. Hebræarum, Tom. V. Opp. p. 255. a.* illam Christum hoc titulo *Regie profapie doctorem* professam fuisse.

De titulo *מר Mar* jam dictum. Hic saltem addo, in Syrorum scriptis titulum *Mar, Dominus*, non tribui, nisi viris sive sanctitate, sive Episcopali dignitate insignibus, ut exemplis patet apud ASSEMANVM *Biblioth. Orient. P. I. p. 25. 396. sqq. 413. 415. 475.* ubi etiam *Mar Justinianus, Roman. Imperator, Mar Demosthenes, Dux Romanarum copiarum*, legitur. Huic affinis est *מורה Moreh*, unde MAIMONIDES eruditum commentarium suum *מורה נבוכים doctorem perplexorum* inscripsit. Et frequentissimum Judæorum, per Germaniam degentium, quo suos ornant Magistros, elogium est *מורנו הרב Magister noster Doctor*, vel *מרנא ורבנא Dominus Doctorque noster*: quo primi insigniti R. Schallum, ejusque discipulus R. Jacob Levita. *Maran מרן* idem quod *מר* cum *נ* formativo, judice BVXTORFIO in *Lex. Talm. h. v. p. 1248.* quanquam alii malint, notare *Dominus noster* cum affixo. ANGELVS CANINIVS ante laudatus, Deo tantum tribui perhibet, & a *Rabbon* differre contendit ita, ut hoc *κύριον, Maran de-*

*σπότην* noter. Sed hominibus quoque conferri, BVXTORFIVS docet, hoc saltem cum discrimine, ut *Mar de Dominis, Doctoribus, Sapientibus, Magistris promiscuis, Maran de Summo*, qui præerat reliquis Sapientibus, dicatur. Quanquam non neget, Christum per excellentiam *מרן* & emphatice *מריא*, Deum quoque *מרן רבשמיא* *Dominum, qui est in celis, Dominum calorum*, salutari.

*אבנא Abba*, Pater, huc quoque spectat. Auctor *Juchasin f. 31. col. 2.* *אבנא הויה לשון אבנא כבוד כמו רבי Abba, nomen est honoris æque ac Rabbi*: & DAVID COHEN DE LARA in *כר כר הויה לשון כבוד* fol. i. col. i. *אבנא* *גם הויה לשון כבוד* etiam hoc nomen est dignitatis & attentionis. Vnde in Talmude *Abba Saul, Abba Jose, & alii memorantur*. MAIMONIDES in *Præfat. cit.* postquam de ordine eorum, qui Rabbini dicuntur, egisset, statim subjungit: *אבנא אנשי זאת המעלה יכנה כמו כן אבנא viri hujus gradus cognominantur quoque Abba, Pater*. Confer, quæ de titulo Patris supra tradidimus ad *Cap. præc. Annot. (10)*, & quæ copiose exposuit IVL. BARTOLOCCIUS de titulo *Abba*, in *Biblioth. Rabb. Tom. III. p. 668. sqq.* dignus qui evolvatur. Cognatum huic nomen est *אבאי Abbaj*, quod cognomen R. Nachmanis, qui a celebritate familiæ id tulit, quasi *Patritius*.

Alium quoque titulum honoris, Judæorum Doctoribus tributum, suppeditat IVSTINIANVS Imperator, quando *Novell. 146.* ut liceat *Hebræis, c. I. §. 1.* ait: *Neque licentiam habebunt hi, qui ab eis majores omnibus Archiperecitas, aut Presbyteri forsitan, vel Magistri appellantur, perinæis aliquibus aut anathematismis hoc prohibere*. In hos *Archiperecitas* NIC. SERARIUS cit. lib. I. cap. XVII. ex instituto inquisivit, breviter autem & perspicue eos descripsit ALTINGIVS cit. *Tom. V. p. 255. b.* Sunt autem, inquires, *Ἀρχιπρεσβυται*, voce hybrida, qui finita Legis & Prophetarum lectione, in Synagogis capitula Talmudica, *פרקים Pherakim dicta, interpretabantur*: atque ab hoc munere ipsi quidem *פירקי רישי* capita, seu præcipui Doctores capitulorum (in *Seder Olam min. f. 17. col. 4. m.*)

id est Αἱρετικοί, discipuli autem ipsorum, lectiones illas in scholis discuentes, בני פורקי filii capitulorum dicebantur. Qualium doctorum cum inter Judæos potissima esset auctoritas, ab Imperatore, seu majores omnibus & anathematismis terribiles, describuntur.

Celebris præterea Doctorum Talmudicorum est divisio, in תנאים Tannaitas, אמוראים Amorraitas, סבוראים Seburæos, Seburraitas, & גאונים Geoneos, tempore ac ordine se mutuo excipientes, & paucis hic recensendos.

תנאים Tannaitæ, quasi Docentes, הא' יִשְׁחַלְחֹלְנָם dicti, a תנא tradere, docere, unde תנא Tanna, Doctor Mischnicus, תנאיתא traditio, doctrina, & מיתריתא Mischna. Sunt Doctores, qui post ultimorum Prophetarum excessum, legem oralem, sive non scriptam, cultum, jura, & ceremonias Judaicas complexam, in certas theses sive aphorismos redegerunt, ac, ne oblivioni mandaretur, fideliter, prout a majoribus acceperant, in schedas retulerunt, ex quorum monumentis, in ordinem rite digestis, Rabbenu Hakkadosch opus Mischnicum composuit. Horum ætas ab Antigono Sochæo, trecentis ante C. N. annis incipiens, ad seculum secundum medium, aut tempora Commodi Imperatoris, protenditur. Quos ordine ac late persequitur BARTOLOCCIVS Biblioth. Rabb. Tom. III. p. 252. sqq. concise SERARIUS in Rabb. I. cap. 7. & HOTTINGER. Hist. Eccl. N. T. cap. II. p. 76. sq.

אמוראים Amorraita, quasi Dictatores, Sermocinatores, sunt primi Mischnæ Interpretes ac Professores, qui in scholis, maxime Babylonicis, illam explanarunt, ad motas inde quæstiones responderunt, ejusque dubia subtiliter discusserunt, Gemaræ nimirum auctores. BARTOLOCC. c. I. p. 663 sqq. SERARIUS c. I. cap. 8. HOTTINGER. Histor. Eccles. Nov. Test. cap. IV. p. 198. sq.

סבוראים Seburraitæ, quasi Conjecturales, Opinistæ, a סבא conjectura, sententia probabilis, Doctores sunt, qui probabiliter in Mischnam disputabant, על דרך סבא ad modum opinionis,

seu problematice, nullam firmam tenentes sententiam, sed pro opportunitate temporis, vel utilitatis causa, omni vento doctrinæ agitari, ad scita politica quoque religionis dogmata accomodantes. Primus hoc nomine insignitus legitur ראב"ד יוסף Jofe, Rector Academiæ Soranæ, ultimus ראב"ד סימון Simona, in quo titulus Seburraitarum, una cum Academiis in Babylonia, ex decreto Regum Persarum sublatis, expiravit, universa ut ipsorum ætas ab A. O. 4236. Chr. 476. ad A. O. 4295. Chr. 535. vix ad LX annos affurrexerit; secus ac SERARIUS putat, qui hanc Seboræorum nationem seu sectam totis 187 annis viguisse perperam contendit. BARTOLOCC. p. 667. SERAR. cap. 9. HOTTINGER. Hist. Eccl. N. T. cap. V. p. 267. sqq.

גאונים Geonai, sive excellentes, illustres, dicebantur Academiarum Babylonicarum, & primo quidem in Pumbedithana, Doctores, qui doctrina & virtute eminentes, novum scholis conciliabant splendorem. Verius tamen superbos vertendos censet BARTOLOCCIVS p. 668. Hi enim, addit, attollebant se super alios, & fastuosi ore & habitu apparebant; ita ut de facili hujusmodi Pharisaici doctores ab aliis dignoscerentur. Primus eorum, ראב"ד חנינא Chanina Gaon de Naharpekod, Rector Academiæ Pumbedithanæ hunc titulum sibi sumsit, A. O. 4349. Chr. 689. ultimus in his fuit ראב"ד חאג Haaj Gaon, cum quo Gaonitica dignitas expiravit, cum annis circiter 448 perdurasset. Deletis inde omnino Academiis Judæorum in Babylone, universa Judæorum doctrina in Hispaniam, præsertim Cordubam, translata est. Paulo aliter calculos ponit R. DAVID GANZ, ut sunt incertæ res Judæorum. Vide post BARTOLOCCIVM cit. SERARIVM cap. X. HOTTING. Hist. Eccl. N. T. c. VI. p. 334. c. VII. p. 424. cap. VIII. p. 529.

Ad §. II. pag. 18.

(3) Scholaris vocabatur] De תלמידים Discipulis supra jam diximus ad Cap. præc. §. X. Annot. (18). Hic solum addo dictærium R. AKI-



RAE, quod legitur in *Vajikra rabba sect. I.* כל תלמיד חכם שאין בו דעת נכלה טובה מימנו  
*Omnis discipulus sapientis, in quo non est scientia, cadaver melius est ipso.*

Ad §. II. pag. 18.

(4) [קטן *parvus* קטן] ratione ætatis dicitur usque ad decimum tertium annum implemum; inde a decimo tertio anno vocatur גרול ואיש *major* seu *majorennis*, item *vir*. Ejusmodi קטן, tredecim annis inferior, in eundem cum חרש ואיש, *furdo & stulto* censum refertur, לא בני ריעה נינהו ואין מעשיהם כלום *non habentur pro scientibus, etiam opera ipsorum pro nullis habentur.* Vid. Buxtorf. *Lex. Talm. h. v. pag. 2017.* Vnde liquet, discipulis minoribus adhuc & tenerioribus id nominis tributum, præcedens autem grandioribus, & provectionibus.

Ad §. eund. pag. ead.

(5) [בחר *electus* בחר] Electi dicebantur, ratione cooptationis in numerum discipulorum. Celebriores enim Doctores non quemvis promiscue in disciplinam scholamve admittebant, sed explorabant prius ejus 1) Pietatem erga Deum pariter ac præceptores. *Profanare enim ille creditur divinam sapientiam, qui flagitioso eam tradit, non secus ac impuro vasi pretiosum liquorem infundens, hunc non servat, sed it perditum.* 2) Capacitatem & donorum naturalium indolem, num ex hoc ligno sculpi queat Mercurius, an oleum & operam sit perditurus in efformando illo occupatus? 3) Facultates ac opes, aut si ab iis destituatur, consilium, quo labore victum sibi & necessaria parare subsidia possit? Vnde laudantur Deuteroræ nonnulli, quos aquam haurire, ligna findere, aliaque opera exercere non piguit, ut de suo viverent: ut est apud ALTINGIUM in *Studioso Hebræo T. V. Opp. f. 259.* Etenim quicumque inops, neglecto opere studiis vacans, vitam ex eleemosynis sustentaret, nomen Dei profanasse, legem contempsisse, sibi

que noxam, ne quidem cum vita terminandam, arcessivisse credebatur, juxta MAIMONIDEM in *Talm. Tora cap. III.* Si quis ergo ita exploratus & cooptatus denique esset in scholam, audiebat בחר *electus.* Quamquam Hebræis hoc vocabulum juvenem quemvis notet; apud Rabbinos tamen per Synecdochen speciei studiosum designat.

Ad §. III. pag. 18.

(6) [חבר *consors alicujus Rabbi*] DAVID DE POMIS in *Zemach David h. v. pag. 57. col. 4.* inter alia observat: כל בגמרא נהגו לקרוא מי שאינו עם הארץ חבר: *In Gemara quemlibet, qui non est plebejus vel illiteratus, חבר Socium appellare solent Magistri.* Concinit HUMPHRID. PRIDEAUX in *Notis ad Maimonidem de jure pauperis & peregrini cap. VII. §. 14. num. 22. p. 78.* ubi ita habet: *Absolute sepe usurpatur vox חבר pro quocunque Viro docto, quique aliqua civitate hoc nomen נאח' זכאנ' obtinuerat, ita ut ei committerentur controversiarum decisiones, legis interpretatio, rerumque Ecclesiasticarum cura* עיר חבר *Doctor civitatis vocabatur.* De eo igitur dicit R. NATHAN in *Aruch: ח' איש גרול אשר יוערו עליו כל הזקנים:* *Doctor civitatis est vir magnus, ad quem congregantur omnes seniores: i. e. Est vir doctus, & legis præ ceteris peritus, ad quem primates civitatis pro consilio in rebus difficilioribus, aut circa administrationem legum, aut circa rerum Ecclesiasticarum procuracionem solebant convenire.* Sed magis restringunt notionem hujus nomenclaturæ alii, ex quorum mente ELIAS LEVITA in *Tishi h. v.* אדם שהוא נסמך לרבנות אבל אינו ראוי עדין להיות מורה הוראה להקרא מורנו הרב קורין אותו חבר רב פירוש נתחבר אל: *Homo cui ad Magistratum gradum manus est imposita, sed qui nondum idoneus est, ut sit dogmatis doctor, quo vocetur Doctor noster excellens, eum magni illius (Magistri Promotoris) Socium dicunt. Sensus est: associatur illi, qui magnus Doctor noster audit.* Nimirum,

rum promoti in Doctorem, non statim usurpabant Doctoris, vel Magistri titulum, superflite adhuc inter vivos Magistro aut Promotore illorum, sed חברים audiebant. Interdum a Promotore quoque cognomen ducebant: unde R. Jose ben Zadik dicitur חבר לר' יצחק Socius R. Isaaci, a quo gradum acceperat: aliorum vero Magistrorum respectu, qui minus eruditionis contulerant, תלמיד חבר Discipulus socius seu Associatus appellabatur. Superstitibus enim Præceptoribus, recens Promoto docere non licebat, nisi ex eorum voluntate & indultu: postquam vero vita excessissent, in omnem Magistrorum aut Promotoris dignitatem ac titulos succedebant. Plura de hac appellatione dabunt COCCIVS in *Notis ad Gemaram Sanhedrin c. XI. l' EMPEREVR in Benjaminis itinerar. pag. 188. VITRINGA lib. II. de Synag. Vet. c. X. p. 571. sq. POCCOCKIUS in porta Mosis addit. pag. 396. p. 402. qui ex R. TANCHVM, Collegæ ejusmodi, חבר dicti, qualitates, officia, & requisita, eleganter exponit. Aliam tamen tituli hujus notionem, qua Socium ordinis religiosorum designat, qui se a commercio vulgi separabat, munditiem studiosius sectabatur, & decimas strictissime persolvebat, adeoque per vocem חברים ordinem Phariseorum interdum describi, eruditè observavit EDZARDVS in *Avoda Sara cap. II. not. 337. pag. 531. Quod superest, liceat huc transferre RAFNACHMANI filii R. CHASDAE elogium, quo ex Cant. I, 2. discipulum eruditum ac probum ornavit in Gemara Avoda Sara c. II. edit. Edzard. p. 121. למח תלמיד חכם דומה לצלוחית של פליטין מגולה ריחה נורף מכוסח אין ריחה: Cui rei similis est discipulus sapiens? Resp. similem illum esse pyxidi unguenti foliati. Quando illa est aperta, diffundit se odor ejus, quando autem clausa est, odor illius non diffunditur. (Sic quando discipulus sapiens informat alios, late diffundit se fama nominis ipsius; quemadmodum Cant. I, 3. subjungitur, sicut oleum effunderis nomine tuo: quando autem alios non erudit, nomen quoque ipsius manet in obscuro). Porro מלאך המות מלאך angelus mortis diligit**

ipsum, quod R. NACHMAN ex eodem loco probat, modo vocis conjunctæ עלמות loco, legatur disjunctim על מות i. e. is, qui super mortem est constitutus, seu qui morti præfectus est, diligit te. Quin immo, שני עלמות אחר, שנוחל העדה ואחר העדה quod hereditario jure consequatur utrumque seculum, præsens & futurum: ubi tamen monet, pro עלמות legendum esse secula: quæ Allegorica exponendi ratio & licentia Rabbinis usu est recepta.

Ad §. III. pag. 18.

(7) *Hanc περιουσίαν*] Pergit nunc Auctor ad promotionis ritum, quem paulo plenius enarrabimus, ductum secuti ALTINGII, qui *Historiam promotionum Academicarum apud Hebræos* ex instituto dedit Tom. V. Opp. p. 247 sqq. ubi, quæ sparsim apud Judæos hac de re leguntur, confertim & ordine exhibuit.

a) Antecedit geminum *Examen Candidati, N. fame ac vite*. Velut enim excludebantur a Doctoris dignitate, qui aliquo extantiori corporis nævo laborabant, cæci, eunuchi, spurii item ac extranei, ita non minus, qui non integri vitæ scelerisque essent puri, aut famæ illibatæ. Tales enim ne in discipulis quidem censeretur merebantur, multo minus cooptari in ordinem Doctorum. Hinc, qui minime omnium excellebat, hisce tamen septem virtutibus instructus requirebatur, sapientia, mansuetudine, timore Dei, odio lucri, veritatis amore, Φιλανθρωπία, & nomine bono. Ejus rei exemplum producit R. DAV. GANZ in *Zemach David, mill. V. A. 515. p. 125. ubi ex versione VORSTII ita habet: Tempore Raf Jehuda fil. Nachman, Rectoris Scholæ Soranæ, erat Annen, qui ab initio erat discipulus sapientis, & propter paucillimum vitii, quod erat in illo, non fuit creatus Gaon; ac postmodum factus est senex rebellans, ex sententia curia, quia tenaciter adharebat Sadduceis. A tempore enim excidii attenuati fuerant Sadducei, donec venit Annen, atque illos confirmavit ac restauravit. Porro, cum αὐτοδιδάκτο, plerumque vel*



vel inepti solcant esse, vel periculosi doctores, hoc quoque in Candidato requirebatur, ut esset notus in scholis, perque omnes earum classes seu ordines transisset. Referunt huc verba Pl. LXXXIV, 7. *transeuntes in valle mori, fontem ponent illam*, quæ ipsa transtulit Targum: **אולין צריקין מן בית מקדשא לבית מדרשא** *pro-gredientes iusti ex Ecclesia & populari institutione, ad Academiam, & subtiliorem informationem, usque dum in summam Sapientum Academiam, quæ in Sanctuario erat, adscisci mereantur*: ut R. DAV. KIMCHI ad *loc. cit.* commentatur. Examen **ב**. erat *eruditionis & profectuum*, quo explorabatur Candidatus, & quantum discendo profecisset, & quam aptus esset ad docendum. Vtrumque enim requirebatur in eo, qui Doctoris munus erat obiturus, ut esset tam *διδάκμιος*, **ראוי ללמד ולהורות בכר** *idoneus ad docendum universam legem*, quam *ἐνδιδάκμιος*, omnis generis artibus & scientiis instructus, excellens sapientia Theologica, multiplicique notitia pollens; exotericarum insuper disciplinarum, Medicinæ, Arithmeticæ, Astrologiæ, Magiæ peritus, denique plurimum linguarum gnarus, juxta MAIMONID. in *Sanhedrin* Cap. 2. *princ.* Denique ætatis quoque promovendorum ratio habebatur, nec ante annum tricesimum Doctoris *ἀξιώμα* cuiquam conferebatur. Cum enim, nisi quis Sacerdotalem attingisset ætatem, nec principia Geneseos, nec Canticum Canticorum, nec Ezechielis initium & finem legere permetteretur; ista vero omnia Doctori Theologiæ perspecta esse deberent, tricenario semper requirebatur major. Sequitur

β) promotionis *Solemnitas*, quæ plures complectitur actus, quorum **א**. est **מעמד על הספסל** *Collocatio Candidati in cathedra*, quo ritu ordini discipulorum eximi, docentium vero inseri, significabatur. Hanc ceremoniam mutuati videri volunt a Mose, munus Josuæ imposituro. Testantur enim, quod **העמידו מן הארץ והושיבו** *de terra sublatum collocavit, sibi* **אצלו על הספסל** *assidere fecerit in cathedra*, observante

COCCEIO in *Sanhedrin* ex *Siphri* p. 14. Verosimiliter tamen ad Eldram refertur, qui *ἀναγγώ-σην* publicum agens, **עץ מאהל** *subsellio ligneo* editioni consistebat, ut omnibus superemineret Nehem. VIII, 5, 6. Certe in hoc jus cathedræ digitum intendit Servator, quando Matth. XXIII, 2. Scribas & Phariseos, docendi munere publice fungentes, *ἐπὶ Μωσέως καθεδρας καθίζεν* affirmat. **ב**. **נתינת מפתח ופנקס** *Traditio clavis & pugillarium*. Pugillares quidem commendabant jugem meditationem, & veritatum sic deprehensarum annotationem, ne oblivione rursum oblitterarentur. Clavis autem signum erat potestatis referendi aliis & promendi mysteria, ut & ipsis ad necessariam eruditionem innotescerent. Nec aliud innuit *ἡ κλεῖς τῆς γνώσεως*, *clavis scientiæ*, cujus abusus Legisperitis Christus exprobravit Luc. XI, 52. Cum enim illis, per clavis traditionem, docendi jus esset collatum, clavam tamen illam non adhibebant ad legitimam populi institutionem. Male tamen cum hac clave confunduntur claves regni cælorum Matth. XVI, 19. coll. c. XVIII, 18. quas Celeberr. PFAFFIVS de *Origin. Juris Eccles.* p. 23. perperam definit, *significare facultatem potestatemque interpretandi Scripturam sanctiorem, viamque ad salutem hominibus monstrandi*. Valet hoc de clave scientiæ, minus autem de clavibus regni cælorum. Varius enim & dispar clavium usus apud Judæos solennis varias quoque & diversas symboli hujus notationes peperit, quod alias docebimus, ne extra oleas hic vagemur. γ. Est **סמיכה** *Manus impositio*, cujus originem, probe observante Auctore nostro, a Mose arcessunt Num. XXVII, 18. unde Promotor **הסומך** / Promotus **הנסמך** vel **הנסמך** / tota autem **מניו הסמיכה** seu promotionis sollemnitas, *הסמיכה* *χειροθεσία* appellari consuevit. Et si hæc ceremonia posthæc in desuetudinem abiit, postquam non præcise ea opus esse Doctores pronuntiaverunt in Gemara *Sanhedrin* cap. 1. §. 3. pag. 160. edit. Cocceji. δ. Est **קריאת רבי** *Renuntiatio* seu proclamatio *Ribbi*, qua Candidato dabatur potestas agendi & exercendi, quæ promotis Doctoribus

bus agere & exercere jus fasque fuit. Fiebat autem isthæc renunciatio ברכור *viva voce* & conceptis verbis, Promotore, postquam Candidato titulum *Ribbi* contulisset, subjiciente הרי ארני סמוך ויש לך רשות לרון אפרלו רוני: *ecce promotus es, & facta tibi potestas etiam capitalia judicia exercendi*: vel breviori formula: ארני סמוך אותך תהיה סמוך *ego te promoveo, promotus esto*. Nec quicquam ad conferendum Doctoratum, præter alterutrius horum carminum recitationem requirebatur. Quod si vero propter fonticam absentiam causam, locum habere non posset renunciatio vivæ vocis, substitutus alius ejus modus, quo promovebatur absens, dummodo inter Palæstinæ fines, quantumcunque alioquin diffiti, tum ipse, tum Promotor degerent: videlicet, per internuncium, aut scriptum renunciationis testimonium, quod *Bullam* nuncupare solemus. Ita enim significabat Candidato Promotor, שרוא סמוך ונתנה לו רשות לרון *quod promotus ac judicandi consecutus esset facultatem*. Quæ omnia in fontibus si legere cupias, evolve MAIMONIDIS *Jad Chafaka* p. IV. הלכות סנהדרין cap. IV.

Ad §. VI. pag. 19.

(8) *Dubito, tum χειροθεσίαν usurpatam fuisse*] De Salvatore nostro Jesu quando quaeritur, num solenni Synagogæ ritu, & auctoritate publica, per χειροθεσίαν in ordinem Doctorum cooptatus fuerit? Auctor noster, illa ætate publicam, creandi Doctores, solennitatem in usu fuisse, frustra negat, cum ex illis, quæ supra ad §. I. *hujus Cap. Annot.* (1) observavimus, satis liqueat, dudum ante trigessimum ætatis Christi annum, hunc ritum invaluisse; maxime, si R. NATHANE, in *Aruch* ad vocem ארני / teste, titulus Rabbi ex ἐπιθέσει χειρῶν τῶν πρεσβυτέρων ortum suum trahit. Ipsum autem quaesitum citra hæsitacionem affirmat CAMPEG. VITRINGA de *Synagoga* Lib. III. P. I. cap. 7. p. 706. sq. & in *Archisynagog.* p. 298. sqq. Evangelistarum testimonia in partes citans, apud quos Matth.

XXVI, 25, 49. Marc. IX, 5. Joh. I, 25. & alias passim, Christus vix alio nomine, quam illo ραββὶ καὶ διδασκάλῃ, non modo discipulis suis venerit, sed ipsis etiam Judæis. Quin & ulterius progressus, non Christum modo, sed præter eum ceteros Novi Test. ministros, Doctores fuisse censet, eumque in finem ad Act. III, 1. provocat. *Quid vetat credere, inquit, hos vere, ritu Judaico in ordinem Doctorum fuisse cooptatos, & ut tales in Judæorum scholis ac Synagogis agnitos, quamdiu Ecclesia Christiana se nondum penitus a Judaica separavit? Paulum quis dubitet Doctorem fuisse, qui perpendit, quod ipsi demandatum sit officium honoris, ante ipsius conversionem? Colligimus enim ex Act. IX, 1, 2. illum missum fuisse a Sacerdote & Synedrio Hierosolymitano ad omnes Synagogas. Existimo enim, ipsum fuisse Ἀπόστολον τῆ Συνεδρίας - ex Apostolo vero Synedrii factus est Ἀπόστολος Ἰησοῦ Χριστοῦ, qui instar Patriarchæ heic considerabatur.* Sed quicquid sit de Paulo, quem haud gravatim largior, Judaico ritu, cum Phariseis adhuc accenferetur Phil. III, 5. creatum fuisse Doctorem; de ceteris Apostolis & Evangelii ministris, idem vetat credere Varinianum Judæorum, quo Christi nomen pariter ac discipulos prosequabantur, odium, paulo post effusionem donorum Spiritus Sancti, satis acerbè declaratum Act. IV, 2. sqq. Idem de mum de Christo quis temere affirmet, qui persecutiones, excommunicationes, & criminationes paulo curatius perpenderit, a Judæorum Doctoribus in ipsum ejusque affeclas, vibratas & jactas Joh. VII, 48, 49. VIII, 48. sqq. IX, 22. XII, 42 sq. Sane si auctoritate publica creatus fuisset Rabbi, tanto cum stupore docentem non excepissent cives ejus, qui, cum profapiam ejus probe haberent perspectam, collatam dignitatem, gradumque honoris certe non ignorassent Matth. VII, 28, 29. & XII, 54. sqq. Ideo autem doctrinam ejus mirabatur populus, quod literis eum imbutum fuisse nunquam inaudierat Luc. IV, 22, 32. De titulo autem Rabbi probe observat SELDENVS Lib. II. de *Synedriis*, Cap. VII. §. 8. Aliud erat dici, seu compellari Rabbi inter



salutandum & officii causa, quemadmodum Adoni sapissime in Test. Veteri usurpatur, & Rabbi etiam, idem significans, non raro in Novo Fœdere D. N. Jesu Christo, tum a discipulis, tum ab aliis, eum compellendo tribuitur, uti etiam aliis, quale itidem est illud Rabboni: Aliud omnino, in singularem Presbyteratus dignitatem, per impositionem ut manuum, ita & nominis, seu tituli illius Rabbi, creari. Vt quidem apud nos, passimque, aliud est, Doctorem, Magistrum, Comitem, Ducem, Militem, Equitem, juxta simpliciorum eorum vocum & primariam significationem, in allocutionibus, confabulationibusque nuncupari; aliud in dignitates, nominibus illis signantius notissimas, pro more ac solennius evectos agnoscere. Quæ ergo, civilitatis gratia, compellatio Christo tribuitur, ab hominibus eum veneratione five vera, five ficta (ut Matth. XXII, 16.) eum alloquentibus, ea non statim, solenni quoque ritu hanc ipsi dignitatem collatam fuisse evincit. Hinc Nicodemus Joh. III, 2. eum *ῥαββί* compellat, verum diserte addit, non ex Synagogæ instituto, sed a Deo missum, creatumque esse *διδάσκαλον*. Vt taceam, veri non videri simile, Christum, qui hominum respuebat testimonium Johan. V, 34. Judicæ promotionis vanitatem ipsum admisisse, quam ferio ex schola sua explodit, Matth. XXIII, 8, 9; 10; ad quem locum confer SELDENVM c. 1. §. 10. erudite commentantem.

Ad §. VII. pag. 19.

(9) *Discipuli plane ad pedes suorum Præceptorum* Quæ de sessione Doctorum, Sociorum, & Discipulorum tradit Auctor, non omni carent dubio. Auditores enim modo stantes, modo in pavimento, & ad pedes Doctorum sedentes, pro temporum & locorum diversitate, sedentium Magistrorum dicta exicipiebant. In Tr. Megilla cap. III. fol. 21. a. ita commentatur Talmud Babylonicum: *חנו רבנן מימות משה ועד רבן גמליאל לא היו למידן תורה ולא מעומד משמת רבן גמליאל חדר חלי לעולם והיו למידן תורה מושב והיו רתנן משמת*

רבן גמליאל בטל כבוד תורה: Tradunt Magistri nostri: A diebus Moysi ad etatem usque R. Gamalielis, discipuli non nisi stantes, a sedentibus doctoribus disciebant legem. At R. Gamaliel mortuo, morbi infestare ceperunt orbem, itaque sedentes, legi discenda operam navabant. Unde in Mishna dicitur: mortuo Gamaliel senior, evanuit honos legis. Ista vero traditio quo pacto componi possit cum Deut. XXXIII, 3. Luc. X, 39. Act. XXII, 3. unde discipulos, ætate Moysi æque ac Gamalielis, ad Doctorum accubuisse pedes, diserte intelligitur, nondum perspicio. Luculentius adhuc ritum exponit MAIMONIDES in Talmud Thora cap. IV. §. 2. כיצד מלמדים הרב יושב בראש והתלמידים מוקפים לפניו כעטרת כרי שהיו כלם רואים הרב ושומעים דבריו ולא ישב הרב על הכסא ותלמידיו על הקרקע אלא או הכל על הארץ או על הכסא ובראשונה הורה התב יושב והתלמידים עומדים ומקורם חורבן בית שני נהגו הכל ללמד לתלמידים והם יושבים: Quomodo docent? Magister sedet in capite, loco eminentiori vel principe, & discipuli coram ipso in circuitu, instar corone, ut omnes videant Magistrum, & audiant verba ejus. Non autem sedebit Magister in folio, & discipuli in pavimento: sed omnes, tam Magister, quam discipuli, vel in terra, vel in sedilibus. Verum ab initio sedebat Magister, ac discipuli stabant: ante vastationem autem templi secundi solebant omnes docere discipulos, ut hi sederent. Sedebant tamen loco inferiori, teste AMBROSIO Comment. in I Cor. XIV. Hac traditio Synagogæ est, ut sedentes disputent, seniores dignitate in cathedris, sequentes in subselliis, novissimi in pavimento super mattas. Pariter ALTINGIUS lib. III. in Schilo cap. VI. Tom. V. Opp. p. 54. Doctoribus stantibus, sedentibusve, discipulos ad pedes fuisse, folide demonstrat. Totum hunc ritum, parcius & concise tradit LIGHTFOOT. in Harm. Evang. P. III. Opp. T. I. f. 485. & in Hor. Hebr. ad Matth. XIII. 2. Tom. II. Opp. f. 326. longe autem copiosius discutit & exponit SAM. PETITVS Observat. Lib. III. cap. 2. p. 251. sqq.

Ad §. VII. pag. 19.

(10) *Paulus educatus erat*] Hæc ad cathedram Rabbinicam ut plurimum referunt Interpretes, cujus respectu, Paulus cum ceteris Auditoribus, בקרקע in solo, seu sedens, seu stans, παρὰ τὰς πόδας Γαμαλιήλ informatus perhibetur. Verum b. Præceptor noster, WAGENSEILIVS ad Sota-p. 994. verba ista ad victum & educationem pertinere censet, quod scilicet non tantum a Gamaliel literis & eruditione imbutus fuerit S. Paulus, quod verbis sequentibus indicatur, sed etiam in domo ejus pro filio altus sit & educatus. Hinc, modestam hanc Pauli extenuationem esse credit, dum non arroganter se Gamalielis convictorem & familiarem fuisse, ac sacra & profana omnia communia cum co habuisse, jactaret, sed potius ad pedes quasi magni Doctoris abjectum, sic sese cibum captasse, humiliter & demisse profiteatur; idque tanto magis, quia cum ista Paulus loqueretur, Gamaliel nuper demum diem suum obierat, atque sic ejus memoria in summa erat veneratione. In eandem sententiam verba exponit PETITVS cit. loc. p. 254. Paulum fuisse educationem Hierosolymis in contubernio Gamalielis, quocum quotidie cibum caperet, eodem cum Gamaliel accumbens in lecto. Nam id significant ista, meo judicio, inquit, ἀνατεθραμμένος δὲ ἐν τῇ πόλει ταύτῃ παρὰ τὰς πόδας Γαμαλιήλ. Ergo Paulus apud Gamaliel educatus, in eodem lectulo accumbebat, & ad ejus pedes assidebat, aut, si admodum puer domum Gamalielis deductus est, ad lecti triclinaris, in quo accumbebat Gamaliel, fulcra, id est, ad pedes assidebat, ut tunc temporis moris erat: unde videre est, quam charus Gamalieli fuerit, ut qui ab eo domi, tanquam filius educaretur: non autem inter discendum projectus in solo, ad Gamalielis pedes operam ei dabat, quippe cum tunc temporis discipuli stantes a præceptoribus erudirentur &c.

Ad §. VIII. pag. eand.

(11) *Qui in arena se extendebat*] Erat hoc apophthegma IOSE IOEZERIS filii, repetitum

in Pirke Abkoth cap. I. §. 4. והיו מתאכב כעפר רגליהם והיו שותה בצמא את רגליהם: consperge te ipsum pulvere pedum ipsorum (Magistrorum nempe, חכמים / quod præcesserat) & bibe cum siti verba ipsorum. Hoc ita illustrat IOS. SCALIGER in Elencho triheresi cap. X. p. 75. Discipulos ad pedes Doctoris projectos audisse doctorem. Discipulus enim legebat projectus in solo, διεπρριμένους ἐν ἐδάφει, אמשל בקרקע, Doctor autem interpretabatur, quæ ipse legebat. Et quamdiu discebat ἐν ἐδάφει, illud tempus dicebatur קטנות minoræ mitas. Hic laudatus intercedit PETITVS p. 256. cui vox התאכב luctatorum est, & luctari significat: est autem luctatorum τὸ κοινίζεισθαι, καὶ τὸ κοινίζειν ἀντίπαλον. Quo minus enim de discipulis projectis, cum docerentur, in solo ad pedes Doctorum suorum capiat, ob stare existimat, quod Josæ hujus ætate discipuli starent, cum hic Josæ longe ante tempora fuerit Gamalielis, a cujus demum morte discipuli suis adfide cæperint præceptoribus. Metaphoram itaque petitam esse a luctatoribus, ut sensus adagii sit, etiam in remissionibus & ludis (quem admodum in comportionibus & conviviiis, quod indicent sequentia, והיו שותה בצמא את רגליהם & bibito cum siti verba eorum) non esse remittendum quicquam de sapientia & doctrina, quam sibi comparaverint ex assiduo Sapientum usu. Sed castigavit PETITVM magnus WAGENSEILIVS c. l. pag. 995. sq. moremque discipulorum, ad Magistrorum pedes assidendi, ex Sacris literis egregie asseruit & vindicavit.

Ad §. IX. pag. 19.

(12) *Propterea inquietabant*] Depromptum est hoc apophthegma ex פרקי אבות ubi Cap. V. §. 15. ita habet: ארבע מדות ביושבי לפני חכמים ספוג ומשפך משמרת ונפה ספוג שהוא ספוג את הכל משפך שמכניס ביו ומוציא ביו משמרת שמוציאה את היין וקולטת את השמרים ונפה שמוציאה את הקמח וקולטת את הסולת: Quadruplices conditiones (inveniuntur) in his, qui sedent coram Sapientibus, (audi-



(audiendi causa): videlicet conditio *spongia*, *clepsydra*, *sacci fecinacei*, & *cribri*. *Spongia* sugendo attrahit omnia: *clepsydra*, quod una ex parte attrahit, ex altera rursum effundit: *saccus fecinaceus* effundit vinum & colligit feces: *cribrum* emittit farinam, & colligit similes. R. OBADIAS DE BARTENORA in Commentario ita exponit: *spongiam*, quæ imbibit aquam tam turbidam, quam puram, symbolum esse hominum, qui ingenium habent laxum, quo omnia apprehendunt, quæ audiunt, non distinguentes inter verum & falsum: *clepsydram* eorum, qui recipiunt id, quod didicerunt, & quemadmodum id receperunt, ita quoque id ipsum effundunt:

*saccum fecinaceum* eorum, qui omnia quod audiunt in schola, effutiant, & omne recolligunt: vel, ut clarius exponit MAIMONIDES ad b. l. qui falsa & vitiosa servant, sed vera & bona transmittunt: *cribrum*, postquam crassiores & minutiores furfures eduxerit e farina molita, remanet farina minuta cum similia crassa, quæ optima est, deinceps per *cribrum* aliud arctius illam transmittunt, & ex eo tota illa farina minuta descendit instar pulveris cujusdam albi, & similia crassa optima est reliqua: symbolum ergo eorum esse, qui ingenium suum excolere, & verum a falso & vano distinguere solent.

AD

## LIB. I. CAPVT VIII.

## DE NAZIRAEIS ET RECHABITIS.

Ad §. I. pag. 19.

**Rechabite Jer. XXXV.]** Sicco prorsus pede Rechabitas præterit Auctor noster, nisi quod institutum eorum infra Cap. XII. §. 19. paucis tangat. Lacunam autem istam explorare aggressi sunt integri dissertationibus, ex Reformatis, HERMANN. WITSIVS, cujus commentatio cum Tom. II. Miscellaneor. Sacror. n. IX. p. 223. inserta legitur, tum in Auctoris nostri editione VI. trajectina, post Præfationem, ejusdemque de Theocratia Israelis, orationem, in Francofurtana autem, quam IOH. HENR. HOTTINGERVS Nepos curavit, post hoc cap. VII. p. 144. sqq.: ex Nostratibus vero, uberrime D. SAM. SCHELGVIGIVS, sex Exercitationibus, in Athenæo Gedaniensi A. 1679. sqq. publice ventilatis, & in unum fasciculum collectis & recusis Gedani An. 1689. Nos, ne ἀσύνβολοι hinc discedamus, potiora rei momenta, strictim discutiemus. Notamus itaque

I. Rechabitarum genus & ortum. Ducebant eum a Jonadabo Jer. XXXVI, 6, 8, 18. ubi cum

Jonadabi pater dicatur Rechab, mirari subit, cur non posterius, acceptis a Jonadabo vitæ institutis, Jonadabitarum potius, quam Rechabitarum vocentur? Sed probabile videtur, Rechabo filium non fuisse, præter Jonadabum. Hinc opus non erat, a filio novum familiæ nomen arcessere, per quod ab aliis familiis ejusdem gentis discerneretur. Num vero Jonadab, filius Rechab, stator hujus prosapiæ, idem sit cum illo, qui 2 Reg. X, 15, 23. a Jehu, Rege Samariæ, in currum levatus, eadem sacrificulorum Baalis spectasse perhibetur, anceps videtur quæstio. Affirmant tamen cum R. DAV. KIMCHIO, & e Christianis IAC. ALTINGIO Comment. ad b. l. Jer. Tom. I. Opp. p. 886. plurimi, nec immerito. Nam & idem tam filii quam patris nomen, nulla addita distinctionis nota, hoc arguit, & Propheta de Jonadabo, tanquam viro inter Israelitas pridem celebri loquitur, citra ullum, quo unus ab altero discernatur, indicium, quod ad cavendam personarum confusionem, utique addidisset. Nec obstat temporis intervallum, quo Jehu a Josia, sub

sub cujus imperio Jeremias vaticinari coepit, ultra CCL annos disternitur. Necesse enim non erat, ut Jonadab in vivis esset Jeremiae aetate, quin dudum ante vixisset, Deus diserte indicat vers. 14, abstinentiam laudans a Rechabitis continuatam *ad hunc usque diem*, quæ scribendi ratio familiaris est Spiritui Sancto in rebus, quarum initia a tempore presenti longissime distant. Quo etiam facit, quod Judæi & Rechabitæ in eo sibi opponuntur, quod ad Judæos verbum Dei factum esset *continue*, cum ex adverso ad Rechabitas verbum Jonadabi factum esset *jam dudum* vers. 15. sq. Gravem quidem huic sententiæ dicam scribit vir summus SCALIGER, in *Elencho tribaresii* cap. XXIV. p. 186. sqq. ubi contra SERARIUM disputans, varias cumulat rationes, quibus evincere laborat, haud diu floruisse Rechabitas, sed *eodem tempore cœpisse & desuisse*. Hoc fine urget 1) quod Rechabitæ diserte de Jonadabo, tanquam de patre, qui præsens præsentibus austeram, nuperam, & novitiam victus regulam præceperit, loquantur. 2) quod Jonadab, qui 2 Reg. X. occurrit Regi, non habitaverit in tentoriis. 3) quod idem non videatur homo quieti instituti fuisse, sed militaris potius, quem propter dignitatem, collocaverit secum Rex in curru. 4) quod in eadem gente multi ejusdem nominis fuerint apud Hebræos, ut apud Græcos & Romanos, ut mirum non sit, duos diversos hic dari Jonadabos. Sed, quod ad i. attinet, Rechabitæ patrem dicunt Jonadabum, verum non immediatum ac proximum, sed multis gradibus a sua aetate remotum, quod Hebræis perquam est solenne: vid. Jes. LI, 2. Joh. VIII, 39, 53. Sane vers. 3. cit. loc. Jerem. Rechabitarum illius temporis familia usque ad proavum recensetur, quo antiquiorem fuisse oportet Jonadabum: ut corruant, quæ de mandato, a patre præsente præsentibus dato, afferuntur. Ad 2, ἀνακόλυσον omnino esse, Jonadabum, quia Regi obviam fiebat, in tentoriis non habitasse. Ad 3, nil ob stare, quo minus Rechabitarum instituta secutus, militiam quoque sequi poterit. Sed nec necesse hoc fuit, cum insigni inter suos

auctoritate polluisse potuit, ut amicitiam ejus ambiret Jehu, licet quietæ addictus esset vitæ. Ad 4, non sequi, quia plures in eadem gente esse potuerint Jonadabi, hinc illum, qui Jehu occurrit, diversum omnino fuisse ab eo, qui regulam condidit Rechabitarum. Quod facile convellitur inde, quod patris & avi nomen utrobique sit idem, cujus rei exempla non adeo sunt frequentia, ut vel unum allegare SCALIGER potuerit; ut eundem potius Jonadabum utrobique locorum hinc colligamus.

Uterius progressi viri docti, Rechabitas Proelytos in Israele, & ortu Kinæos fuisse, ex 1 Chron. II, 55. docere satagunt. Quando enim verba ita habent: & *familie ספרים* Scribarum, incolentes *Jabes, Thirbathai, Schimbathei, Suchathei: ipsi sunt הקינים* Kinei, הכנים מרחם בני רכב *descendentes ab Hammatho, patre domus Rechab*: liquido hinc patet, quod domus Rechabita ab Hammatho descendens, referatur ad Kinæos, & familiis Scribarum connumeretur. Vnde colligitur, familiam istam alienigenam in populo Israelitico fuisse, cumque ea propter propria & hæreditaria terræ possessione careret, ab ingenio quæsisse ea, quæ ad tolerandam vitam pertinent, & literarum studiis se dedisse, inque iis eminuisset. Ita R. DAVID KIMCHI sentit, & e Christianis, TREMELLIUS & IVNIUS: eandemque sententiam a variis, quibus oneratur dubiis, liberavit SCHELGVIGIVS cap. II. p. 9. sqq. Porro cum Hobabus, affinis Moysis, Kinæorum, in terra promissionis habitantium, communis fuisse pater feratur Num. X, 26. Jud. IV, 11. & I, 16, ulterius hinc conficitur, de Jethronis ac Hobabi familia descendisse Rechabitas, Kinæos quippe, & forte Midianitas, in quibus habitabat Jethro cum filio Hobabo. Perplexæ res est, & innumeris circumsecta dubiis, quibus tamen discutiendis egregiam impendit operam laudatus SCHELGVIGIVS cap. III. sqq. p. 20. sqq. qui etiam p. 57, 58. tabulam gentis istius genealogicam contexuit. Nobis ista sufficiat, digito indice monstrasse. Pergimus



II. ad Legem patriam, quæ familiæ lata, ita habebat: *Ne bibitote vinum, vos aut filii vestri unquam: & domum ne edificatote, & semen ne seratis, vineamque ne plantetis neque possideatis: sed in tentoriis habitetis omnibus diebus vestris, ut vivatis diebus multis super terram, ubi inquilini estis.* Legis itaque summa sex continetur præceptis, quorum quinque sunt negativa, affirmativum sextum. I.) *לא תשתו יין עד עולם* non bibetis vinum usque in seculum, h. e. quoad peregrinarentur in terra Israelis, & hospites inter Israelitas agerent, ut ex vers. 7. recte colligitur. Vinum autem largius haustum, velut multorum criminum, ita & inobedientiæ, & neglectus instituti hujus, incentivum esse potuisset. II.) *ובית לא תבנו* & domum ne edificetis, domum nempe fixam ac stabilem, in quantum mansionibus tumultuariis & tentoriis opponitur, ut ad exilii ferenda incommoda in tempore adsuerent, siquidem Kinæis deportationem æque denunciaverat Bileam Num. XXIV, 22. III.) *וורע לא תורעו* & semen ne seratis, ne, rei pecuariæ addicti, segnius rem suam facerent, si colendo agræ simul operam darent. IV.) *ולא תטעו* & vineam ne plantetis, ut ab occasione destituerentur, bibendi vinum, & transgrediendi patris præceptum. V.) *ולא יהיה לכם* & non erit vobis, quicquam *על כלם* de istis memoratis omnibus, *לא בית* non domus, *לא כרם* non vinea, *ולא שדה* nec ager, *ולא יהיה לכם* non erit vobis peculium, siue ex dono, siue quacunque alia acceptione, quocunque demum possessionis titulo, ab alio, ut recte sensum supplet & exponit KIMCHIUS; cum non omni omnino possessione, quod CALVINUS vult post THEODORETUM, prohiberentur, sed fundorum, prædiorum, earumque rerum, quæ ab obsequio legi præstando eos avocarent, ut ex vers. 9. liquet. VI.) *באהלים תשבו כל ימיכם* in tabernaculis habitabitis omnibus diebus vestris, ut velut hospites & peregrini versarentur in gente ista, & pecora solum alant. Hoc enim vitæ genus, a majoribus acceptum, SCHELGVIGIVS cap. VIII, §. 2. p. 67 sq.

ex instituto eis asserit, utut nulla ejus mentio in Textu fiat; quin immo PYTHAGORAM & Pythagoreos, Rechabitarum exemplo, in tentoriis una degere consuevisse, FILESACVS demonstrare satagit. *Selector. lib. III. p. 141.* Finis autem legis statim additur: *ut vivatis diebus multis super terra, in qua peregrinamini:* quo ipso vitam beatam, felicem, curisque vacuam, ex observantia legis pollicetur pater filiis, qualis quippe in terra peregrina obtingere advenis queat. Licet enim humanissime haberentur inter Judæos, peregrinitatem tamen exuere non poterant; nec hæreditatis quicquam possidere in terra Canaan, solis Israelitis promissa & dicata. Itaque nec desiderare quicquam, sed sorte sua contenti vivere, hoc pacto jubentur. Velut autem Jonadab auctoritate, legem ejusmodi ferendi, satis pollebat ex jure paterno, quo liberi in diligendo & sequendo vitæ genere omnino obstringuntur, nisi fontica obstat ratio; velut etiam eo spectabat omnis ista obligatio, Rechabita ut idonea, nec cuiquam onerosa societatis civilis inter Israelitas membra redderentur; unde illam licitam, prudentem, ac piam fuisse, ex fide prædictionum Propheticarum profectam, eleganter edocuit ALTINGIVS: ita perperam inde Pontificii colligunt, licere Ecclesiæ, quæ uno homine major, & ex dicto Christi Matth. XVIII, 17. audienda sit, suis liberis spiritualibus interdicare quibusdam alimentis ad tempus, vel in perpetuum, adstringere item ad certas victus & amictus leges, vocationemque a communi hominum praxi abhorrentem: quo paralogismo instituta Religiosorum, quos vocant, Ordinum tueri solent, discusso post ALTINGIVM c. l. p. 887. a SCHELGVIGIO cap. X. p. 82. sq. qui porro, Rechabitas vel auctores, vel figuras saltem & exemplaria Religiosorum Ordinum fuisse, quod ex mente Ecclesiæ suæ copiose asseruerat SERRIVS Tribaresii lib. III. cap. 9, 10. data opera, & solide negat cap. XII p. 108. sqq. Ista quippe, ad Theologorum scholas spectantia, & ab instituto aliena, procul habemus. Adhuc autem observamus

III. Liberorum obsequium. Istud omnium fuisse, laudatus supra SCALIGER negat. Non omnes, inquit, Rechabite duntaxat fuerunt, sed progenies tantum Jonadabi. Nam Rechabite sunt gens, in qua multa familie, in quibus Jonadabite: ut in gente Cornelia erant plus quam XXX familie, quarum, si una aliquod sacrum faceret, illi totam gentem obligatam fuisse, non sequitur. Sed Viro docto toties reclamatione Textus, quoties Prophetam, missum se perhibet, non ad Jonadabitarum familiam, sed אל בית הרכבים ad domum Rechabitarum vers. 2, & vers. 3. diserte testatur, כל בית הרכבים universam gentem Rechabitarum legi Jonadabi morem gessisse. Vnde haud absurde concludimus, præter Rechabitas, Jonadabi posteros, lege memorata constrictos, inter Judæos nullos versatos fuisse alios Rechabitas exleges. Contra vero ea, iusto latius hoc obsequium extendit SERARIUS, quando auctoritate SVIDAE, & adstipulante NILO *Ascetici cap. III.* Rechabitas eisdem cum Essenis facit, & præter Kinæorum gentem, alios ex Israelitico populo, Rechabitarum legibus ultro se obstrinxisse, perperam contendit: refutatus pariter a SCHELGVIGIO *cap. XI. §. 4. sqq. p. 102.* Ipsa vero posterorum hujus gentis obedientia, laudem merebatur Supremi Numinis, quod & horum exemplo in ruborem dabat rebellem ac immorigerum populum suum, vers. 14. sqq. & egregium ipsis pollebatur præmium, vers. 18, 19. Vbi caute observant Doctores, Rechabitarum institutum Deo probari, non tam propter abstinentiam a rebus in se, & sua natura liberis & adiaphoris, quales erant potus vini, agrorum cultura, domuum exstructio & fundorum possessio, quam propter obsequium, patris mandato præstitum. Est vero hæc obedientia erga parentem, impulsiva duntaxat, non meritum præmii; etenim licet in genere obedientibus liberis aliquid promissum a Deo, tamen non promissum ad mandata proprii placiti. Jonadab promiserat obedientibus liberis bonum, non prophetico Spiritu, sed politico judicio, quod peregrini, nihil appetentes eorum, que iniquitatem habent & amant, soleant amari;

saltem tolerari citra injuriam: recte pronunciat ALTINGIUS ad vers. 19. Num vero, quod Idem contendit, ex verbis istis: non excindetur Jonadabo, filio Reckab, vir, consistens coram facie mea omnibus diebus, sequatur, non perituram posteritatem Jonadabi, quin adhuc hodie superstitem versari inter Judæos; id certum adeo & exploratum non est, cum velut totum hoc institutum & obsequium, ita quoque promissam præmii, ad ea solum referatur tempora, quibus in terra & gente Judæorum, hospites & peregrini essent futuri Rechabite, quæ vero, cum Judæorum exilio & dissipatione, dudum expirarunt, & si qui adhuc superessent, eadem cum Judæis gente, forte & vivendi ratione censerentur, nec Rechabite amplius, sed Judæi forent.

Ad §. I. pag. 19.

(2) *Differentiam Naziræorum*] Naziræorum varias deprehendisse species sibi visus est Auctor, sed nomine, tempore, ac vitæ instituto, multum a se discrepantes. Alii sunt Naziræi ex voto §. 1. Alii Nazaræi, ex loco §. 4. Alii Nazaræi ex dogmate, sive secta §. 5. Alii Nazareni, ex Christianismo §. 6. Alii denique Nazaræi, ex dissectione Pentateuchi ita dicti §. 9 & ult. Prima saltem classis cumprimis huc spectat.

Ibidem.

(3) *Primi erant Nuncupatores, Voventes*] Horum curatam & copiosam delineationem novissime dedit BERN. SEB. CREMER, Theologus Harderovicenus, in *Naziræo*, seu *Commentario literalis & Mystico in legem Naziræorum ad Num. VI, 1. sqq.* unde hauriri abunde poterit, quicquid huc spectat. Nos paucis observabimus

I. Appellationem, ejusque originem. Haud dubie נזיר est a נזר separavit, abstraxit, continuit se a re aliqua, & proprie, vi originis, segregatum, separatum notat. Ita in *Falkut Schimeoni fol. 209. col. 3.* אין נזירות בכל מקום אלא פרישה Naziræatus



*Nasiræatus ubivis locorum segregationem involvit: quod ut evincat, ad Levit. XXII, 2. XXV, 5. Hof. IX, 10. Zach. VII, 3. provocat. Consentiant R. SAL. IARCHI, R. ABEN ESRA, & reliqua Magistrorum turba, e qua cumprimis DAVID DE POMIS in Zemach David h. v. vocem פֶּרֶשׁ עֲצָמוֹ מִתַּעֲנוּגֵי עוֹלָם exponit, notare פֶּרֶשׁ עֲצָמוֹ מִתַּעֲנוּגֵי עוֹלָם abstrahere se a delectationibus mundi, Zach. VII. קִדַּשׁ עֲצָמוֹ וְהִרְחִיק אוֹתוֹ מִדְּבָרִים שֶׁל חוּל consecrare se, & alienare a profanis usibus, Ezech. XIV. & in Conjug. Hiphil אוֹר דְּבָר פֶּרֶשׁ עֲצָמוֹ אוֹר דְּבָר separare se, aut rem aliam propter votum, quod nuncupavit: hinc נִזִּיר esse eum, qui separatus erat a vino, & frequentia populi, quo majori polleret sanctitate. Et satis omnino præsidii huic interpretationi est, ex sede hujus instituti primaria Num. VI, 2. ubi לִיהוֹת נִזִּיר לַיהוָה votum Nasiræi dicitur, ad separandum se Domino. Hinc eos, quia a נִזִּיר corona, diadema, vocem נִזִּיר deducunt, & ita dici existimant, עַל שֵׁם שֶׁהוּא מִלֵּךְ מִלֵּךְ עַל הַתְּאוֹנוֹת הַפֶּךְ מִשָּׂאֵר כְּנִי הָעוֹלָם שֶׁהֵם עֲבָרֵי הַתְּאוֹנוֹת quod ipse Rex sit cupiditatibus imperans, præter morem reliquorum hominum, qui cupiditatum sunt servi, quod R. BECHAI Comment. ad Num. l. c. contendit, allegoriam tradere potius crediderim, quam genuinam vocis originem.*

II. Definitionem. Est autem נִזִּירוּת Nasiræatus, εὐχὴ μετὰ λη, ut PHILONI lib. de temulentia p. 187. & lib. de victimis p. 654. appellatur, votum magnum, seu separatio illa devota, quando quis vel ex libera voluntate, vi voti, sive ab ipso, sive a parente facti, & a se approbati, singularem cerimoniarum observationem in se suscipit, vel ex destinatione aliena, Nasiræorum institutis ab utero conformiter innutritus & educatus fuit. Itaque נִזִּירִים Nasiræi dicti sunt, qui certis legibus, vel voto, eoque aut proprio, aut parentum, vel peculiari jussu divino, obstricti tenebantur, ita quidem, ut vis resultantis exinde obligationis, vel certo, definitoque tempore elapso expiraret, vel per omnem illorum vitam duraret; iique rursus, vel ad omnes, vel

ad certos tantum ritus Nasiræatus adstringerentur.

III. Leges ex Nasiræatu observandas, quas ad ternarium revocat Auctor noster. Pariter Mishna in נִזִּיר Cap. VI. §. 1. שלשה מינין אסורין בנזיר הטומאה והתגלחת והוצאת מן הגפן Tres species sunt prohibita Nasiræis, 1) immundities, 2) tonsura, & 3) egrediens de vita. MAIMONIDES autem in Fad ad decem extendit præcepta, minutim recensens, quæ ternario comprehendebantur, ita ut Nasiræus obstrictus fuerit ad 1) abstinentiam a vino, a potu ex vini mixtura parato, item ab aceto, 2) a comestione uvarum recentium, nec non 3) uvarum passarum, 4) a nucleis acinorum, 5) a cortice uvarum, 6) a tonsura capillamenti, 7) ab immunditie ex mortuis, 8) ad oblationem trium victimarum, agni in holocaustum, agnæ in sacrificium pro peccato, & arietis pro pacifico, 9) ad emundationem Leviticam, post absolutum Nasiræatum, 10) ad redintegrandum votum, si forte illud ante statum tempus violaverit.

Abstinentiam a vino his verbis injungit legislator Num. VI, 3: A vino & sicera abstinebit se Nasiræus, acetum vini & acetum sicera non bibet, itemque omnem macerationem uvarum non bibet: uvas quoque, recentes aut aridas, non comedet. Vers. 4. omnibus diebus Nasiræatus sui, ab omni, quod ex uva fit vini, ab acinis usque ad cutem, non comedet. Vbi in genuina vocis שכר sicera notione indaganda desudant Interpretes. Chaldaus uterque מִיֵּין וְשֵׁכָר a vino & sicera, reddit, מִחֲמַר חֲרַת וְעֵרִיק a vino novo, & a vino veteri: æque uti Num. XXVIII, 7. שכר pariter per עֵרִיק חֲמַר vinum vetus exponit. In Faltut fol. 209. R. BLEASARIS citatur sententia, ex qua וֵיין מִזֶּה מִזֶּה שֵׁכָר וְזֶה וְזֶה וֵיין voce וֵיין vinum mixtum designatur, voce שֵׁכָר vinum vitium, h. e. merum, non dilutum aut mixtum. Denique, quæ communis est interpretatio, omne quod inebriare potest, apud Hebræos Sicera dicitur, ut habet HIERONYMVS lib. de Nominibus Hebraicis. Consentit ABEN ESRA, cui ad h. l. שכר ממש Sicera res est quævis, unde

unde quis ebrius redditur. In qua notione nos quoque acquiescimus, ut Sicera ambitu suo omnia vini facticii genera, ex frugibus cumprimis parata, complectatur, quæ PLINIVS lib. IV. Hist. Nat. cap. 16. recenset; cui adde, quæ in hanc vocem commentatur HILLERVS Hierophytici P. I. cap. XXXIV. p. 321. qui diserte monet, vocem, 1) vinum, vitis genimen, & generosum quidem atque vetus, per Num. XXVIII. 7. 2) omne vinum factitium notare, quod fieri solebat e succo malogranatorum Cant. VIII. 2. e palmis maturis, e pomorum succo, ex hordeo, ficu, & e filiqua Syriaca; item e cornis, mespilis, forbis, morisque. MAIMONIDES quidem in *Jad, Hilc. de Nasir. cap. V. §. 1.* siceram ex palmis aut baccis aliis, & quæ huc spectant, licitam Nasiræo pronunciat, cum lex illa tantum interdicit, quæ ex mistione cum vino sit facta: rectius tamen alii, cum PHILONE de victimis p. 654. potum quemcunque inebriantem hic designari & prohiberi existimant. Vide GROTII Annot. ad Luc. I, 15. Acetum porro & macerationem vini, acinos etiam & corticem, & quicquid quacunque ratione ad vini cognationem vel fructum accedere videatur, id omne in prohibitis habetur. Istam vero præcepti extensionem ne ad hyperbolen referas, sollicite cavit DAN. GERDESIVS de Hyperbolis, ex Scriptura Sacra exterminandis, p. 117. Rationem legis laudatus HILLERVS c. l. p. 294. eo refert, ne scilicet illarum rerum suavitatem & dulcedinem illectus, vini caperet desiderium. Cur autem vini usu interdicitur, causam pronunciat, quod potu inebriante corpus Nasiræi ad libidinem & intemperantiam incitatur, legumque divinarum inducitur oblivio, quo fit, ut integrum spiritum, & animam, & corpus, inculpate Deo conservare, & in corpore spirituque suo, Deum glorificare nequeat, 1 Thessal. V, 23. 1 Cor. VI, 20. A quo non multum abit MAIMONIDIS ratio, in More Nevochim P. III. cap. 48. qui ex versione BUXTORFII ita commentatur: Ratio & causa præceptorum de Nasiræatu est manifesta: abstinentia videlicet a vino, quod multis primis &

ultimis exitium attulit (h. e. quod olim & hodie multos homines perdidit) & robusti sunt omnes occisi ejus, Prov. VII, 26. & isti quoque in vino errarunt, Jes. XXVIII, 7. Nasiræatus vero proprietas est, ut per prohibitionem ab omnibus ex vite confectis potibus, homo ad excellentiorem dignitatem promoveatur, ut rebus necessariis contentus esse discat. Nam qui ab eo abstinere, vocatur Sanctus, & collocatur in gradu Sacerdotis Magni, quoad sanctitatem, dum non ausus fuit, se polluere patre aut matre sua defunctis. Hæc etenim dignitas ipsi a sola a vino abstinentia provenit. Paulo aliter causam edisserit LIGHTFOOTVS in Hor. Hebr. ad Luc. I, 15. Tom. II. Opp. p. 490. b. quem omnino vide.

Abstinentiam a tonsura capillamenti, his verbis Deus præcipit vers. 5: *Omni tempore separationis sue, novacula non transibit per caput ejus, usque ad completum diem, quo Domino consecratur, sanctus erit, crescente cesarie capitis ejus.* Quod enim consummatissimus Theologus, MARTIN. GEIERVS de luctu Hebræor. cap. VIII. §. 6. probe observavit, communis inter priscos Judæos mos ita tulit, ut tonsis incederent capillis, secus ac Græci, veteres Romani, Galli aut Germani, qui comati erant. Ab hac itaque gentis suæ consuetudine discedere Nasiræi, & ex speciali lege comam alere, toto voti sui tempore, jubebantur, adeo ut hi ipsi ab aliis popularibus facile internoscerentur ex coma. In ratione autem legis reddenda multum discrepant Interpretes. Ut eos taceam, qui mysticam commenti rationem, nutritionem capillamenti symbolum constituent, nutritionis interioris, virtutum nimirum & studii pietatis, quo ABARBENEL in h. l. & GREGORIUS M. lib. II. Moral. cap. 26. tendit; R. BECHAI potius eandem poenitentiae adjumentum & testimonium fuisse tradit, לפי שיגדלו שער מוליד הראגה ויהיה לבו נכנע בעבורה השם יתברך בחיותו מנוול בשער quod capillus promissus merorem & anxietatem inducat, ejusque (Nasiræi) adeo animus in cultu Dei demissus se gereret, crinibus capite deturpato. Idque probare videtur LIGHTFOOTVS in Ho-



ris Hebr. ad 1 Cor. XI, 14. Tom. II. Opp. p. 910. b. ubi, fuit enim, inquit, nutritio comæ in Nasiræatu humiliationis specimen, atque abnegationis sui, ut & erat abstinencia a vino & uvis. Religiosum quendam squalorem, ut ita dicam, præ se tulit, & dilificationem sui. Rursus vero SPENCERVS lib. III. de Legib. Hebræor. ritual. Dissertat. I. cap. VI. p. 583. sqq. totus in eo est, ut probet, ex Aegyptiorum, aliorumque Gentilium ritu, omnem istam Nasiræorum religionem mansisse. Gentiles enim capillos Diis nutritivisse, eosdemque resectos iis pariter consecrasse; a qua superstitione ut suos advocaret Deus, legem ejusmodi tulisse. Hoc fine, magno eruditionis profanæ apparatu, tribus sectionibus sententiæ suæ fidem conciliare laborat. Sed dudum ante SPENCERVM, idem censuit PAVLVS FAGIVS, qui in Paraphras. Chaldaic. Num. VI. consulto id præcepisse Deum tradit, ut errores & superstitiones, quas in Aegypto imbiberant Israelitæ, & quibus antea Demones coluerant, Deus ab ipsis ita sensim in se derivaret, atque ita in melius commutaret. Posthæc HEINSIVS in Aristarcho Sacro cap. IV. p. 750. ubi Nasiræos, quod in Aegypto viderant didicerantque, peregrinis comam Diis devoveri, hoc ad proprium ac verum, id est, suum Deum transtulisse perhibet. Hos omnes dudum anteverit CYRILLVS ALEXANDRIN. quando lib. XVI. de adoratione in Spir. & verit. Tom. I. Opp. f. 575. postquam & de Gentilibus, comam Dæmoniis nutritivibus, & de Nasiræorum coma ex instituto egisset, statim subjicit: Μωσῆς γε μὴν ὁ σοφώτατος, μᾶλλον δὲ διὰ Μωσέως ὁ πάνσοφος τε καὶ ἀριστέχνης Θεός, δυσσώνοντον ἔχοντι τοῖς ἐξ Ἰσραὴλ τὴν ἐν Αἰγύπτῳ πλάνησιν, τὰ ἴσα νομοθετεῖ; διὰ τῶν ἀρχαίων ἡθῶν τε καὶ τρόπων κατὰ βραχὺ μεθιστάς, ἕς γε τὸ δαίμοσι μὲν ἔκετι, Θεῷ δὲ τῶν πάντων, ὡς διὰ τύπῃ καὶ σκιᾷ, ἀνάπτειν τὸ τέρας. Moses vero sapientissimus, immo vero per Mosē ille longe omnium sapientissimus atque optimus artifex Deus, filiis Israel, quibus adeo Aegypti error infederat, ut ægre ablui posset, eadem præcipit, ac per veteres illos mores atque ritus paulatim eo transfert, ut

non amplius Dæmoniis, sed omnium Deo, tanquam per figuram & umbram eum cultum deferrent. Verum, quod contra SPENCERVM certatim monuerunt viri docti, καὶ ἀσέβειαν potius Gentilium, sacros veri Dei ritus a Judæis mutuantium, & ad suas transferentium superstitiones, (quam vir exquisitæ doctrinæ, IOH. MICH. DILHERVS binis dissertationibus, Tom. II. Disputat. Academ. IX. p. 162. & p. 199. scite, & summo omnium cum applausu evicit, (hic quoque agnoscendam esse, quam ut Gentiles legis divinæ, aut rituum sacrorum statuamus auctores; maxime, cum gentilis illa comæ consecratio ad Mosaicam divinæ Nasiræatus institutionis ætatem nullo modo assurgat. Hinc aliam GROTIUS in h. l. Num. ingressus viam, cæsariem promissam ad voti refert figuram, quod uti coma proluxa capitis onus, ita votum conscientiæ sit; unde quoque funes signa voti dicunt, quod utrumque liget. Si quid in re incerta dicendum, ratio, cur aleretur coma, in ipsa lege hæc indicatur, ut completo voti tempore; capilli nutriti super altari cremarentur, præterea quoque proluxa, & a capite non deturbata cæsarie, Nasiræi ab aliis internoscerentur. Istud autem cum primis tenendum, hac lege non omnes in genere Nasiræos, sed temporarios tantum teneri, & quos dicunt, Simsonæos. Vnde MAIMONIDES נזיר עולם Nasiræum perpetuum semel quotannis, quando ipsum gravabat coma, tonderi consuevisse perhibet, ad instar Absolomi; de qua tamen & distinctione, & constitutione, paulo post plura.

Abstinencia denique a pollutione ex mortuo contracta, his legis verbis iungitur, vers. 6, 7. Omnibus diebus, quibus se abstinet Jehova, ad animam (cadaver) mortui non veniet, propter patrem suum & propter matrem suam, propter fratrem suum & propter sororem suam; non polluet se propter illos, in morte eorum כִּי נֹזֵר אֱלֹהִיו quia separatio Dei ipsius (votum, quo Deo segregatus & dicatus est) super capite ejus: Vers. 8. כל ימי נזרו קרוש הוא ליהוה כל ימי נזרו קרוש הוא ליהוה omnibus diebus separationis sue sanctus erit Jehova. Ratio instituti est manifesta. Nasiræi Deo,

Deo, ejusque cultui, toti erant consecrati, eaque propter ab omni eo, quod eos a Sanctuario arce-  
re, & ineptos ad cultum reddere poterat, absti-  
nere jubebantur. Levitica autem immundities  
contrahebatur attactu mortui, nec ejusmodi pol-  
luto fas erat, ad Sanctuarium appropinquare.  
Paulo aliter hanc rationem effert ABARBENEL  
in h. l. : כי חי העולמים הוא חלקן לא המתים  
quia (Deus, qui) in aeternum vivit, est portio il-  
lius, non mortui. Atque in eo, in gradu Sacer-  
dotis Magni constitutos fuisse Naziræos, quoad  
sanctitatem, perhibent Magistri, quod neutri in  
funere patris aut matris se polluere, integrum  
esset. Exceptioni tamen locum dant apud MAI-  
MONIDEM in *Jad, Hilc. Nasiruth* cap. VII. §. 12.  
וכיצד חוצה מוטר בטומאת מת מצוה Sed  
quando (Naziræus) impune potest se polluere mor-  
tuo præcepti? היה מהלך בדרך ופגע במת  
שאין שם מי שיקברנו הרי זה מטמא לו  
Si talis  
iter faciens, offenderit mortuum, nullus autem præ-  
sto sit, qui ultimo sepulturae honore eum afficiat,  
ecce! (Naziræus licite, nec irritum reddens vo-  
tum suum) tali se polluit & sepelit eum: que  
quidem constitutio est ex traditione. Mortuus  
enim præcepti duplici sensu dicitur: vel qui, ex  
sententia Synedrii vel Magistratus, mortem erat  
passus violentam, secundum præceptum & leges  
eidem infligam, vel, qui juxta legem Dei sepe-  
liendus erat, ne ultimo humanitatis officio orba-  
retur. Posterioris generis hic intelligitur: hac  
tamen addita cautela, Naziræo alta voce prius,  
conspecto mortuo inhumato, clamandum fuisse,  
& si quis ei responderit & accesserit, mortuum  
ipsi tangere non licuisse. Sin minus quis adef-  
set, sepelire tenebatur. Summæ nimirum pie-  
tatis esse rebantur, mortuos plangere, sepulcralia  
eis parare, funus curare, feretrum subire &c. ut  
huic officio præ ceteris omnibus במילות חסדים  
retributionem misericordiæ assignarent; quin Deo  
quasi injuriam fieri censebant, si non sepeliretur,  
ad cujus quippe imaginem esset conditus; juxta  
ABARBENELEM ad *Lev. XXI*. Pergit MAIMO-  
NID. §. 13: Si Naziræus & Sacerdos (iter fa-

cientes una) reperirent mortuum præcepti, im-  
mundabat se Naziræus, licet dies priores, ex vo-  
to jam observatos, destrueret, & offerret obla-  
tionem immunditiei. Non autem immundabat  
se Sacerdos, quia Naziræi sanctitas erat tempora-  
ria, sanctitas autem Sacerdotis erat perpetua.  
§. 14: Si duo simul Naziræi mortuum inveni-  
rent, quorum unus observaret Naziræatum tri-  
ginta dierum, alter centum dierum, immundabat  
se ille, qui triginta erat dierum. §. 15. Ita quo-  
que, si unus esset Naziræus certi temporis, alter  
esset perpetuus, prior se immundabat.

Ad §. II. pag. 20.

(4) *Hic Naziræatus rursus duplex fuit*  
Pergit Auctor IV. ad Distributionem; quæ rur-  
sus varia est, ita ut

a) ratione Ortus, alii essent *Votivi*; qui voto  
nuncupato, ad servandam Naziræatus legem, ul-  
tro se obstrinxerant, sive voto simplici, sive ad  
duos, tres, quatuor & amplius, Naziræatus ex-  
tento, quos omnes, unum post alterum exsolve-  
re tenebatur, ut est apud MAIMONIDEM cit.  
loc. cap. III. §. 6. ubi simul varias vovendi for-  
mulas sub censuram vocat, & definiit. Cumque  
votum hoc magnum in insignem abiret abusus,  
ut ex levissima tum causa, tum mente, multi il-  
lud nuncuparent, hinc ultimis temporibus in in-  
signem Naziræos excrevisse numerum dolent Ma-  
gistri, ita ut teste Talmud. Hierosolym. Cod.  
*Beracoth* fol. II. col. 2. in diebus Jannæi Regis,  
trecenti simul Naziræi ad Simeonem Ben-Sethah  
accessisse legantur. Alii *Nativi*; qui ante nativita-  
tem jam, huic Naziræatus institutq. dedicabantur,  
vel ex divina destinatione, ut Simson, & juxta  
Christianos Doctores, Johannes Baptista, vel ex  
voto matris, ut Samuel; eumque in finem ab  
utero ad leges Naziræatus educabantur. Ho-  
rum etiam mater, & dum prægnans esset, & dum  
lactaret, ab iis omnibus abstinebat, quæ Naziræo  
erant prohibita, ne infans Naziræus lacte nutri-  
retur, quod ex vino aut ficera ortum traheret,  
aut pollueretur in mortuo, polluta scilicet matre,



quæ uterum gerebat. De Simsonis Nasiræatu, ne addamus plura, otium nobis fecit laudatus supra CREMER, qui ex singulis capitibus Jud. XIII-XVI. Simsonem cum literalem, tum mysticum, amplissimo commentario illustravit in *Naziræo* p. 85. sqq.

β) ratione Durationis, essent alii נזירי ימים *Nasiræi dierum*, vel, quod idem est זמן נזירי *Nasiræi temporis constituti*, sive temporales, alii נזירי עולם *Nasiræi seculi*, h. e. perpetui: illi, quorum Nasiræatus certo, definitoque tempore elapso, exspirabat, oblatisque sacrificiis consummabatur: hi, quorum *ἡγιασμένη* totam sibi vendicabat vitam, nec nisi morte terminabatur. Quin & posterioris generis, præter nativos, ii quoque erant, qui post conceptum votum, per omne vitæ spatium Nasiræatus legem observabant. Huic Nasiræorum ordini filiam Jephthæ nonnulli adscribunt, eamque in perpetuum traditam volunt Nasiræatum; quam tamen sententiam, post alios, e Nostreis refutarunt IOHĀN. CONR. DÜRRIVS *Theol. Moral. cap. II. Part. II. de Jur. & Vot. §. 53-60.* & CASP. BROCHMANDVS *Tom. II. System. Theol. Art. de Votis cap. III. Cas. Conf. VI.* Quin &, juxta MAIMONIDEM *cit. loc. cap. II. §. 20, 21.* omnis hodie votens, Nasiræatum seculi suscipit, teneturque in Terram Sanctam se conferre, ibique voto satisfacere, donec exstruatur templum, ut sacrificia sua, quæ extra templum offerre piaculum est, finito voti tempore offerre queat. Cunctis vero diebus, quibus extra Terram Sanctam manet, a vino, a mortuorum contactu, & a rasura abstinere se tenetur, כל רקדוקי נזירות עליו *omnes minutis Nasiræatus ipsi incumbunt.* Denique ad נזירי עולם *Jacobum Justum*, fratrem Domini referunt nonnulli, cum SIGONIO *lib. V. de Republ. Hebr. cap. VIII. p. 251 sqq.* & THEODOR. RVINARTO in *Actis primor. Martyr. sinceris* p. 3. quod ille, teste HEGESIPPO, apud EVSEBIUM *lib. II. Hist. Eccles. cap. 23.* ab utero sanctus fuerit, a vino & carnibus abstinerit, comam non totonderit, unguentis & balneis nunquam usus fuerit, quod intimum Sanctuarium

ingrediendi potestatem solus habuerit, quod non lanea, sed lintea tantum veste indutus fuerit, & genua ejus, ob crebras geniculationes, instar cameli, occalluerint. Paria de ipso EPIPHANIVS tradit, *Hæres. LXXVIII. f. 502.* sed fide adeo dubia, ut non SCALIGER modo istam de Jacobo relationem variis argumentis, in suis *ad Eusebianum Chronicon animadversionibus* p. 191. impugnarit, verum etiam ex Nostribus, nugis accensuerit BALTH. BEBELIVS *Antiquit. Evangel. & Judaic. Art. VII. Sect. V. §. 12. p. 739.* & idoneis rationibus exploserit THOM. ITTIGIVS *Hist. Eccles. Sec. I. Cap. VII. Sect. V. §. 15. p. 446. sq.* Prioris autem generis Nasiræos temporales non minus, quam triginta dies voto suo impendere poterant, ita ut oblatio & tonsura trigesimo primo perageretur die: hinc MAIMONID. *c. I. cap. III. §. 1.* סתם נזירות שלשים יום *Nasiræatus absolute talis, est XXX dierum:* idque cum Scriptura non definiat, Magistri per Gematriam elicuerunt ex voce יהיה, quando Num. VI, 8. de Nasiræo dicitur קדוש יהיה *sanctus erit Domino:* ut videre licet in *Jalkut ad Num. VI. fol. 209. col. 2.* Hinc licet quis pauciorum dierum spatium expresserit, v. g. ecce, Nasiræus sum unum, aut decem, aut viginti dies, triginta tamen explere cogebatur, שאין נזירות פחותה *quia non datur Nasiræatus, nisi triginta dierum ad minimum.* Si quis vero supra hos XXX dies, vel aliquot integros Nasiræatus, vel aliquot tantum dies, vel annos voverit, necesse habuit, ut tempus illud subinde secundum XXX dies numeraret, iisque expletis, novum subinde Nasiræatum inchoaret, ut ibidem MAIMONIDES §. 2. & 3. tradit. Nasiræos perpetuos distinguebant porro

γ) ratione Exempli, in נזירי אבשלום *Abso-lomeos*, qui Absolomi sequebantur instituta, & נזירי שמשון *Simsonæos.* De his ita præcipit *c. III. §. 13.* MAIMONIDES: Absolom erat Nasiræus perpetuus. Nasiræus autem perpetuus, si redderetur immundus, offerebat oblationem pro immunditie & peragebat tonsionem immunditiei, sicut Nasiræus definiti temporis. Simson vero

vero non fuit Naziræus perfectus, quia non fecerat Naziræatus votum, sed Angelus illum separaverat ab immunditie. Erat autem ei prohibitum vinum & prohibita tonsio, sed licite immundabatur ex mortuo: licite enim accedebat ad cadaver leonis, indeque mel depromebat. Vnde qui vovebat Naziræatum Simsonæum, prohibitus erat a vino & tonsura in perpetuum: non autem tondebat se singulis duodecim mensibus, sicut se tondebant alii Naziræi perpetui, & licite immundabatur ex mortuo: neque ille Naziræatus Simsonæus solvi poterat. Adstipulatur ex asse LIGHTFOOT. in *Hor. Hebr. ad 1 Cor. XI, 14. T. II. Opp. f. 910. b.* ubi ita pronunciat: *Falluntur plurimum, qui Absolomum comatum ex superbia incesse arbitrantur, cum ita saltem incesse ob votum (fictum saltem) Naziræatus. Verissime Hierosolymitani in Nazir, fol. 51, 2. היה עולם נזיר אבשלום* Absolomus inquit, fuit Naziræus perpetuus. *Verissime, inquam, in hoc, quod Naziræum eum asserant: at de perpetuitate voti ejus hic non disputabimus. Vide 2 Sam. XV, 7, 8. Pariter SEB. SCHMIDIVS Comment. in 2 Sam. XIV, 25. Naziræatum Absolomo largitur, sed temporarium. Contra vero nititur doctissimus Theologus Danus, HECT. GOTTFR. MASIVS Dissertat. Academ. T. II. disp. II. de capillo Absolomi in cit. Sam. loc. §. 9. p. 36. Nullum vero indicium est, inquit, Absolomem ejusmodi voto, sive temporali, sive perpetuo fuisse obstrictum, omnes potius circumstantiæ Textus contrarium evincunt. Equidem cæsariem alere Naziræis proprium erat, sed absque tonsura, ut expresse præceptum Num. VI, 5. Sicut & de Samsone legitur Jud. XIII, 5. non ascendet novacula super caput ejus; & de Samuele 1 Sam. I, II. Absolon autem quotannis tondebat capillum. Naziræis a vino abstinendum erat, ut ex locis allegatis patet; Absolonem vero adeo non est probabile, a vino abstinuisse, ut gule potius deditum fuisse, suspicio sit. Sane, in isto convivio, quo Ammonem fratrem excepit dolosus sicarius, non parcum vini usum fuisse legimus, 2 Sam. XIII, 28. Immo, & ex ipsis Hebræis, R. DAV. KIMCHI ad cit. loc. fatetur,*

Magistros, Absolonem Naziræum fuisse, saltem ex traditione hausisse, ex Scripturæ vero Textu non petuisse, *cum potuerit fieri, quod aluerit capillos suos ad decorem, ut pulchrior videri potuerit, & singulis annis, quia gravabant eum capilli adeo, ut eos sustinere nequiret, detondendos eosdem curavit.* Vnde facile colligitur, istam de annua cæsariæ tonsura, Naziræis perpetuis usu recepta, traditionem, ingenio potius Rabbiorum, quam prisce consuetudini, aut testibus idoneis, in acceptis esse ferendam. Potiori jure ad Naziræos perpetuos Samuelem referunt, de quo cit. cap. MAIMONID. §. 16. שמואל הרמתי נזיר עולם היה לפיכך האומר הריני כשמואל הרמתי ככן חנה ככן אלקנה כמי ששסף את אנג בגלגל וכיוצא כאלו הרי זה נזיר עולם: Samuel Ramathæus erat Naziræus perpetuus. Itaque, si quis diceret: ero, ut Samuel Ramathæus; ut filius Hannæ; ut filius Elkane; ut ille, qui dilaniavit Agagum in Gilgal: ille erat Naziræus perpetuus. Denique quando Josephus Deuter. XXXIII, 16. Naziræus e fratribus suis appellatur, non ad Naziræatum hoc referendum est, sed exponente IARCHIO, שהפרש מאחיו במכירתו quia separatus fuit e fratribus suis per venditionem suam. נזיר enim in genere hominem separatum notat, quocunque modo se habeat, licet non sit separatus præcise ratione abstinentiæ a vino, & ratione cavendæ immunditiæ, ex mortuo contractæ. Atque huc pertinet PETRI ZORNII dissertatio, de נזירים / Miscellan. Lipsiensibus Novis, Vol. IV. P. III. n. 2. inserta, qua ex Gen. XLIX, 26. Thren. IV, 7. & Nahum. III, 17. evincit, præter Naziræos vel ex voto, vel ab utero, hanc appellationem viris principibus quoque, ex ordine procerum competuisse, qui vel in republica vel in ecclesia, summa cum dignitate versabantur.

Addimus V. Naziræatus consummationem, per comæ tonsuram & sacrificia. Ea in temporariis solum Naziræis locum habebat, & luculenter in Scriptura definitur Num. VI, 13. sqq. a MAIMONIDE vero uberius explicatur cit. loc. cap. VIII. §. I. sqq. cujus potiora hæc sunt: Cum



explevisset Nasiræus dies Nasiræatus sui, offerebat tres bestias, nempe agnum in holocaustum, agnam in sacrificium pro peccato, & arietem in sacrificium salutare. Si autem non expressisset nomina sacrificiorum (quale animal cuique sacrificio destinaret) tamen bestiam, quæ congruebat sacrificio pro peccato, offerebat in sacrificium pro peccato; quæ sacrificio salutari congruebat, eam offerebat in sacrificium salutare; quæ holocausto, in holocaustum. Offerebat etiam, cum sacrificio salutari, sex decimas Ephæ, & tres tertias decimæ similæ, ex quibus coquebat viginti placentas, decem crassas azymas, & decem tenues azymas, & ungebat viginti illas quartali olei, & offerebat in uno vase. Deinde mactabat Sacerdos sacrificium pro peccato, postea holocaustum, & sacrificium salutare, & postea tondebat. Si autem totondisset, antequam mactatum esset sacrificium pro peccato, vel holocaustum, debito suo satisfecerat. Coquebat etiam, vel totaliter, vel ex parte, sacrificium salutare, & de juscule sacrificii salutaris aliquid illinebat crini (deronso), & deinde illum projiciebat in ignem sub olla sacrificii salutaris. Quod si autem sub ollam sacrificii pro peccato projecisset, debito satisfecerat (ita ut toleraretur, sed non ex legis rigore). Postea capiebat Sacerdos brachium coctum de ariete, & placentam crassam azymam de canistro, & unam placentam tenuem, ac imponebat manibus Nasiræi, & agitabat, ac deinceps licebat Nasiræo bibere vinum, & immundare se ex mortuo, solutusque erat a voto. Ceterum peragebatur tonsio in atrio mulierum, in conclavi Nasiræorum, quod ibi erat in angulo orientali australi, inter Orientem nempe & Austrum, ubi etiam coquebant Nasiræi sua sacrificia salutaria, & projiciebant crinem in ignem. Quod si totondisset Nasiræus in provincia, extra Urbem sanctam, absoluebatur. Sive autem in provincia, sive in sanctuario totondisset, sub ollam projiciebat crinem suum. Nec prius tondebat, quam janua templi aperta esset, quia januæ tentorii conventus fit mentio in Scriptura, non quasi ante ja-

nuam tonderet, quia istud sanctuario dedecori fuisset. Sed & alia votum solvendi ratio superpetebat, ut plane evanesceret, nec observaretur, de qua MAIMONID. cap. II. §. I. ita præcipit: מי שנדר כנזיר ונחם על נדרו הרי זה נשאל לחכם ומתיר לו נזירותו כדרך שמתירין שאר הנדרים! Si quis voverit Nasiræatum, eumque voti pœniteat, ecce! hic rem exponat Sapienti cuidam, eumque roget, & ille tale votum solvet, uti alia vota relaxant. Quod si חכם non adfuerit, tum שלשה תיבות tres viros triviales, seu idiotas, idem præstare potuisse, testis est *ibid.* §. 5. Quod tamen in temporario solum, non item in Simsonæo, vel perpetuo, locum habebat voto.

Ad §. II. pag. 20.

(5) Illius fortis fuit Paulus, & cum ipso quatuor illi Act. XXI, 23.] Velut universam de Nasiræis tractationem diligenter, & cum cura, tribus dissertationibus Jenæ A. 1676, 1677. complexus est GEORG. FRID. MEINHARDVS, sic de hoc Pauli Nasiræatu peculiari lucubratione, in Act. XVIII, 18. Vitembergæ A. 1680. ex instituto & erudite commentatus est, nobisque otium fecit. Potiora rei gestæ capita strictim saltem tangemus. Duo in hanc sententiam testimonia citantur: alterum, quod Auctor silentio involvit, Act. XVIII, 18. de quo paucis primo loco dicemus. Et primo quidem, de capite Deo devoto, quod tonsuram admiserit, ambigue disputatur, magis nominis Interpretibus Aquila illam tribuentibus, cui proxime κειράμενος in Textu jungitur, aliis vero, quibus verba: καὶ συν ἀντὶ πρίσκιλλα καὶ Ἀκύλας, per parenthesis inserta creduntur, referentibus ad Paulum. Posterioribus nos merito accedimus, quia princeps ibi de Paulo est narratio, cui cum reliqua verba omnia, quod commemoratus fuerit, vale dixerit, abnavigaverit, Ephesum venerit, comites suos ibidem reliquerit, citra dubium sint tribuenda, nulla apparet ratio, propter quam tonsura capitis, eodem orationis filo asserta, eidem deneganda, & ad comitem ejus Aquilam, cujus solum ὡς ἐν





מביא חצי הקרבנות לאי זה נזיר שירצה.  
ואותו נזיר משלים קרנותיו משלו. אכל אם  
אמך הרי עלי קרבנות חצי נזיר הרי זה מביא  
קרבנות נזיר שלם שאין לנו חצי נזירות:  
*Si diceret: recipio in me dimidias oblationes Nasiræi; aut si diceret: recipio in me dimidiam tonsionem Nasiræi, tum offerebat dimidias oblationes* (dimidiam scilicet sumptuum partem) *per quemcunque Nasiræum vellet: & Nasiræus complebat alteram dimidiam partem. Sed si diceret: recipio in me dimidium Nasiræatum, offerebat Nasiræi oblationes totas, quoniam dimidius Nasiræatus apud nos in usu non est: in quem locum tamen existimat BEN DAVID, si dimidias voveret oblationes, etiam fuisse datas integras. Paulus itaque, quod fidem in Christum tam serio urgeret, legisque umbras, post revelatum corpus, ex necessitate Christianis non amplius incumbere doceret, in suspicionem finistris adductus erat rumoribus apud Christianos, Hierosolymis magno numero ex Judaismo conversos, quasi defectiorem a Mose persuaderet omnibus, qui inter Gentes erant, Judæis, eos non debere circumcidere filios, neque secundum ritus patrios ambulare, inculcans versu 21. Eam ob causam Jacobus, & Seniores Ecclesiæ auctores ipsi, suasoresque fiunt, ut in religionis communionem veniret quatuor voto obstrictorum virorum, Simpribusque in illos erogatis, palam testaretur, se legis Mosaicæ, quamvis servatu amplius necessariam recte negaret, hostem tamen non esse, remoramque hoc pacto auferret, quæ cum familiari ejus cum conversis e Judaismo consuetudini, tum ulteriori Judæorum conversioni, inde erat oritura. Paulus, quæ erat facilitare, gnarusque ceremonias istas, quamvis mortuas, necdum tamen sepultas, nedum mortiferas esse, consilio paret, sanctificat se cum illis, ingreditur templum, denunciat se tantum pecuniæ destinasse in victimarum sumtus, offerendarum expletis diebus sanctificationis, quorum, ut ex versu 27. colligitur, septem duntaxat restabant. Num recte sic fuaserint Presbyteri, recte morem gefferit Paulus, graviter & erudite discutit*

HERMANN. WITSIVS in *vita Pauli, sect. X. §. 4, 5, 6. Meletemat. Leydens. p. 150. sqq.* dignus, qui videatur. Votum illud, quale fuerit, varie definitur a viris doctis. Nasiræatus votum fuisse, non videtur LVDOV. CAPPELLO in *Spicileg. ad h. l. p. 76.* sed votum conceptum ob liberationem vel a morbo, vel ab aliquo periculo seu necessitate, prout tum temporis in more erat positum Judæis vovere, vel precibus vacare, & abstinere a vino, & radere comam triginta diebus, antequam victimas Deo tenderent, idque exemplo voti Berenices ex IOSEPHO lib. II. de bello Jud. cap. XV. ille illustrat. Sed cum nulla appareat ratio, cur a Nasiræatu discedamus, rectius pro Nasiræatus voto calculum fert SAM. PETITVS lib. I. Var. Lection. cap. II. p. 9 sqq. ubi in hunc locum ex instituto inquit, HERMANN. WITSIVS c. l. §. 3. p. 149. GERBR. VAN LEEVWEN *Comment. in h. l. p. 815.* & recentissime IOH. GOTTFR. LAKEMACHER *Observat. Philol. P. VI. Observ. V. p. 364. sqq.* ubi cum cura hunc excutit locum: quibus merito ad stipulamur.

- Ad §. II. pag. 20.

(6) *Et Johannes Baptista*] Hunc ut nativum statuerent Nasiræum viri docti, inducti videntur verbis Angeli Lucæ I. 15. *ἵσθαι καὶ σκεψαὶ ὅτι μὴ πίνῃ* cum primis huc quoque refert LIGHTFOOTVS comma 24, & Elisabetham, tam severum edituram Nasiræum, occultasse se tradit, toto quo gestavit uterum, tempore, ne seipsam polluendo, dum hic illic spatiaretur, Nasiræum in utero etiam pollueret: nominari autem menses occultationis tantum quinque, ob historiam illico referendam mensis sexti, v. 26. Eandem absconsonis causam utgens IOH. REINH. RVSS *Harmon. Evangel. Lib. I. cap. III. p. 28.* Johannem Naziræum & Deo devotum, etiam in utero materno, diserte vocat, ad instar Simsonis fere Rurfusque lib. IV. cap. XI. p. 966. cum nec vinum bibisse perhibet, Naziræum quippe ex utero matris suæ Luc. I. 15. existentem, qui ad exemptionem Simsonis Judic. XIII. 14. coll. v. 5. & Samuelis I Sam.

I Sam. I, II. aliorumque Naziræorum, quorum mores ipse Deus finxit Num. VI, 1. sqq. ab eo abstinere debebant. Verum præter hanc unam a vino abstinentiam, quæ Rechabitis quoque injuncta legitur, & ejus aliæ fuisse potuerunt causæ, nihil in Johanne deprehendimus, quod ad Naziræorum leges accedat, nihil de alenda per omnem vitam coma, nihil de fugienda ex cadavere pollutione, ut universa de Naziræatu ejus traditio, in fumos abire nobis videatur. Hinc judiciosissimus SPANHEMIVS, pater, diverso a veteribus Naziræatus genere defunctum pronunciat Johannem, quando P. II. Dub. Evangel. C. §. 3. p. 686. ita habet: Sane cum Johanni Naziræatu defungendum fuerit divina sanctione, nec tamen Naziræorum veterum πολιτεία observanda, legalis quippe, & nec tempori Johannis, nec vocationi, nec ministerio, nec præconio accommodata, mirum esse non debet, singulari vietus & amictus austeritate a Johanne Naziræorum ἡσυχαστεία compensatam, quo hac saltem ratione נזיר esset, ἀφωγευσμένος vel κηρωγευσμένος ab aliis sui ordinis hominibus. Cautius adhuc procedit SPANHEMIVS, filius, quando in Vindictis Evangel. Lib. I. T. III. Opp. p. 9 sqq. rursusque p. 470 sqq. copiose de Johanne agit, de Naziræatu tamen Baptistæ adeo sibi temperat, ut nullam ejus meminerim inieisse mentionem: verum etiam alii, qui ex instituto Johannis vitam delinearunt, e Pontificiis BERNHARD. LAMY in Harm. Evang. b. I. e Notris BALTH. BEBELIVS Antiquit. Evang. Art. II. sect. I. p. 57 sq. THOM. ITTIGIVS Hist. Eccles. Sec. I. cap. VII. sect. IV. p. 424. & SALOM. DEYLINGIVS P. III. Observat. Sacr. XXVI. p. 169. e Reformatis HERM. WITSIVS Tom. II. Miscellan. Sacr. pag. 467 sqq. Judaicum hoc Johannis institutum alto silentio premunt, non prætermisuri, si de veritate rei ullo modo constaret.

Ad §. IV. pag. 20.

(7) Qui recipiebant ipsius doctrinam, Ναζωραῖοι, Nazareni] Idem porro sunt Nazareni, cum Nazarethanis, quibus urbs, vel vicus

Nazareth, sive ob ortum, sive ob incolatum, nomen dedit, velut DAVID DE POMIS in Lexico habet: נצרי מי שנוהד בער נצר גליל: Nazareus est, qui natus est in urbe Galilææ Nazareth, itinere trium dierum ab Hierosolymis distante. Ibi conceptus, ibi educatus Christus, nomen inde traxit, ut Ναζωραῖος diceretur Matth. II, 23. & qui ipsius doctrinam & religionem amplectebantur, Ναζωραῖοι, Nazareni. In vexatissimum Matthæi locum recentiorum sententias congestit & examinavit b. WOLFIUS in Curis ad b. I. p. 45 sqq. ubi in compendio reperies, quæ magno studio conquisita vix invenies. Nos quoque interpretationis & vindictiarum modum prævimus in Crit. Sacr. P. III. Cap. II. p. 848 sq. lit. γ. Hic sufficiat, ex SPANHEMII Dub. Evang. P. II. Dub. 87-94. ubi pererudite & copiosissime in verborum sensum inquirat, observasse, repudiandam 1) eorum esse sententiam, qui cum ANDR. OSIANDRO existimant, non a Prophetis hanc sententiam esse scriptam, sed a filiis & discipulis Prophetarum, qui literas propheticas recte interpretari noverant, hanc velut consequentiam, e dictis & oraculis Prophetarum fuisse deductam, fore, ut Christus Ναζωραῖος vocaretur, quia e Nazareth esset oriundus: 2) eorum pariter, qui cum CHRYSOSTOMO, MUSCULO & WITHAKERO, Matthæum his verbis respexisse statuunt ad locum aliquem scriptis Prophetis, non ex eorum quidem numero, quæ hodieque in Canone Sacro V. T. reperiuntur, sed ex iis, quæ vel temporum injuria, vel hostium Evangelii malitia & fraude interversa & Christianis erepta fuerunt, quam sententiam ut mutilum faciant Codicem Hebræum, avide arripiunt Jesuitæ: 3) eorum, qui Matthæum attendere censent ad diversa Prophetarum loca, quibus Christus vocatur נצר, surculus, v. g. Jes. XI, 1. LX, 21. Zach. VI, 12. ut Evangelistæ sententia huc demum redeat: ideo concessisse, divina providentia, Josephum cum Christo in urbem Nazareth, ut impleverentur vaticinia Prophetarum, quibus Messiae nomen נצר, unde denominatio oppidi



Nazareth, jam antiquitus tributum fuit, & hoc pacto e loco educationis probaretur, Jesum Nazarenum verum esse Messiam. Nazareth ergo a נָצֶר dici, quasi locum fruticetis confitum, hinc Messiam נָצֶר Nazarenum, velut furculum, aut furcularium, & Christianos נִצְרִים, vel נִצְרִיִּים, item אומת הנצרים nationem Nazarenam. Contra vero ea, 4) statuendum potius esse, Matthæum illa allegatione respexisse ad Nasiræos V. T. & inprimis ad aliquos illorum, qui præ aliis typi Messiae fuere, & quibus magna cum Messia & multiplex intercessit conformitas. Mirabili ergo Dei consilio factum esse, ut Christus, occasione educationis suæ in Nazareth, vocaretur Ναζωραῖος, a Judæis quidem per contemptum, ob conditionem abjectam urbis Nazareth, a Deo vero sapientissimo consilio, in testimonium genti illi pervicaci, alio plane fini, ut designaretur, Christum esse verum Naziræum, & antonomastice quidem talem, verum antitypum & complementum Nasiræorum legalium, Regum simul & Pontificum, (quibus כִּנּוֹר diadema in Scripturis tribuitur, quique Nasiræis in sanctitate æquiparantur) & aliorum, Deo peculiari ratione consecratorum. Respicere autem Matthæum ad duos cumprimis typos Christi, Josephum & Simsonem, quorum uterque ἀντολεξεῖ Nasiræus vocatur, ille Genes. XLIX, 26. Deuter. XXXIII, 16. iste Jud. XIII, 5, 17. XVI, 17. Quia itaque Christus utrique respondere debuit, ut antitypus typis nomen Nasiræi gerere debuit, quod, quia æquum non erat, ut sortiretur a πολιτεία vel θεσηνεία cerimoniali Nasiræorum legalium, alia occasione obtinere debuit, quam divina providentia, miro modo, ex mora Josephi in Nazareth nasci voluit, unde id nomen in vulgus illi etiam tributum, per contemptum quidem & probrum Judæorum, sapientissimo tamen Dei consilio, complementum typi hac nomenclatura in apricum ponente. In qua expositione, tanquam plana & adæquata, acquiescendum arbitror, quam peculiari dissertatione de Jesu Nazoræo ex Matth. II, 23. BERN. SEBAST. CREMER Naziræo suo p. 586 sqq. subjun-

cta, scite declaravit. Vtrumque sane, ad explicanda rite Matthæi verba, requiritur, cum, Nasiræorum typum in Christo impletum fuisse, quod post BIERMANNVM in *Mose & Christo lib. I. cap. VIII. p. 183 sq.* laudatus CREMER docuit p. 32 sq. 53 sqq. 592 sqq. tum, appellationi isti commemorationem Jesu in Nazareth, hominibus consilii Dei non satis ignaris, ansam præbuisse. Aliud est cognomen בן נָצֶר ben Nezer, quod ab insigni latrone mutuo petitum, Christo cum blasphemia accommodant Judæi, ut ex iis apparet, quæ ex *Falkut & ABARÈNELE, BVXTORFVS in medium attulit Lex. Talm. p. 1383.* & ulterius confirmavit LIGHTFOOT. *disquisit. Chorograph. Johanni præmissa cap. II. §. 3. Tom. II. Opp. p. 578 sq.* Quo demum pacto Nasiræorum typus ad Christianos accommodari queat, iidem, ille p. 185. hic p. 79 sqq. demonstrarunt. Ipsos quoque Christianos, Ναζωραῖος, vel τὴν τῶν Ναζωραίων ἀρεσκὴν dictos fuisse, haud obscure ex Actor. XXIV, 5. liquet, ubi Paulus tanquam πρωτοδάτης τῆς τῶν Ναζωραίων ἀιρέσεως, accusatus v. 14. Felici respondet: *Confiteor tibi hoc, quod juxta viam, quam hæresin vocant, sic colo patrium Deum, credens omnibus, quæ in Lege & Prophetis scripta sunt.* Sectam itaque largitur, quam Nazarenorum Judæi vocabant, nec a se alienam illam dicit, ita tamen describens, ut in Christianos, Jesum Nazarenum colentes, bene quadret. Licet autem hactenus, sub primis Ecclesiæ incrementis, Judæi per ignominiam, Christianos communiter Nazaræorum nomine appellarent: Apostolus tamen ab eo non abhorruit, cum sibi ab aliis imponeretur, verum ita, ut istud sibi ipse usurpasse non legatur. Idem ex HIERONYMO constat, qui in *Jes. V, 18.* de Judæis loquens testatur: *Et ter per singulos dies, in omnibus Synagogis, sub nomine Nazarenorum, anathematizant vocabulum Christianum.* Has quidem diras in hæreticos Nazaræos jactas pronunciat EPIPHAN. *Hæres. 29. Cap. 9,* potior tamen penes me fides est HIERONYMI, cum trita apud Judæos הנצרים appellatio Christianos semper designet, unde calculum suum eidem quoque

quoque addit BARONIUS *Annal. ad A. C. 43. n. 16.* licet in eo ipsi contradicat BASNAGIVS in *Exercit. Crit. c. Baronium p. 428.* EPIPHANIVS pariter *lib. I. adv. heres. heres. XXIX.* iterata vice §. I. & VI. Christianos ab initio omnes, Ναζωραῖος Nazarenos dictos fuisse affirmat. Distincte SPANHEMIUS *fil. Hist. Christ. Sec. I. Sect. XIV. Tom. I. Opp. f. 576.* Nazareos ait, dictos fuisse Christianos communi nomine, a Jesu Nazareno, ut Aët. XXIV, 5. quod deinceps restrictum fuerit ad Judaeos Christianizantes: inprimis a tempore excidii urbis & templi, ante quod ceremoniae adhuc Christianis, Hierosolymitanis & Palaestinis observatae, toleratae saltem, quae post illud sensum sepelienda fuerunt. Attamen post ea tempora, & cum nomen Nazarenorum etiam Haëreticis & Pseudo-Christianis tribueretur, ne cum his confunderentur Christiani veri, causam habuisse videntur, ut ipsi a nomine isto abstinerent.

Ad §. V. pag. 20.

(8) *Exorti Sectarii*] Bene monet incomparabilis Theologus, IOH. GERHARDVS Annotat. ad Aët. XXIV, 5. ex quo nomen Christianorum invaluit, Antiochie primum sectatoribus Jesu Nazareni imponi coëptum, factum esse, ut Nazareorum nomen his maneret, qui Mosen cum Christo conjungebant. Quin addunt præterea alii, respuisse hos homines Christianorum titulum, & in titulo Nazareorum superbiisse, a Nazareth civitate, a qua & Christus Nazareus dicatur. Hinc LAMB. DANAËVS *Comment. ad Augustin. de heres. cap. IX. p. 82.* scribit, hereticos illos fastuosa ostentatione se Nazareos appellasse. Quinam autem & quales fuerint, ambigue disceptatur a viris doctis. Sunt, qui cum FLACIO in *Glossa*, argumentum Epistolae ad Galatas exposituro, cum I. H. OTTIO in *Exam. Annal. Baronii ad A. 35. §. 9. pag. 154.* SPANHEMIO mox citato, aliisque, eosdem cum Pseudo Apostolis faciunt, quibuscum Paulo negotium fuit, præsertim Antiochiæ, juxta Aët. XV, 1. 5. & Gal. I, 7. II, 4. ac fere per totam Epistolam. Aut si non

prorsus & per omnia eadem cum illis facientes, parum tamen ab illis discedentes, ita ut Paulus tota Epistola ad Galatas contra Nazareos istos non minus, quam contra ipsos Pseudo Apostolos disputasse censendus sit, judice HENR. ALTINGIO *Theol. Hist. Lib. I. p. 24.* quem IOH. HENRIC. HOTTINGERVS sequitur *Hist. Eccles. P. I. cap. I. sect. V. §. 4. p. 44.* Quod tamen si ita se haberet, Paulus Nazareorum sectam sibi objectam non admisisse, sed depulsurus potius a se fuisse censendus est probrum istud, quod antesignanus sit Nazareorum. Ipsorum vero hæresin in eo sitam fuisse consentiunt tantum non omnes, quod Christum & Mosen, Evangelium & Legem confundentes, baptismum & circumcisionem, velut æque necessaria copularent, & Judaïsmum in Christianismo exercere cuperent, ut bene HIERONYMVS *Epist. LXXXIX. ad Augustin.* judicet: dum (Nazareæ) volunt & Judæi esse, & Christiani, nec Judæi sunt, nec Christiani. EPIPHANIVS ex instituto de illis *loc. cit.* agens, postquam §. VII. pronunciaisset: τὰ πάντα δὲ εἰσιν Ἰουδαῖοι, καὶ ἄδὲν ἕτερον, meri sunt Judæi, neque aliud præterea, id tamen discriminis paulo post observat: ἐν τῷ μόνον πρὸς Ἰουδαίους διαφέρουται καὶ Χριστιανός· Ἰουδαίους μὲν μὴ συμφωνῶντες, διὰ τὸ εἰς Χριστὸν πεπιστευκέναι· Χριστιανούς δὲ μὴ ὁμολογῶντες, διὰ τὸ ἔτι νόμῳ πεπιδησθαι, περὶ τοῦ τε καὶ σαββάτω καὶ τοῖς ἄλλοις. Hoc igitur uno tam a Judæis, quam a Christianis differunt: ab illis quidem, quod in Christum credant; a Christianis vero, quod Judaicis adhuc ritibus implicentur, velut Circumcisione, Sabbatho, aliisque ceremoniis. Paria de iis memoriae prodidit AUGUSTINVS de *Hæresibus ad Quodvult Deum c. IX. T. VI. Opp. p. 7.* item de *baptismo c. Donat. Lib. VII. c. I. T. VII. Opp. p. 75.* rursus *lib. I. contra Crescon. Gramm. cap. XXXI. Tom. eod. p. 168.* Alia de iis, ac si Nasiræos imitati, Simfonem cum primis referre voluerint, perhibet PHILASTRIVS, qui *Catalog. Heret. n. 8. p. 4.* Nazareorum hæresin eam esse dicit, quæ Legem & Prophetas accipit; carnaliter tamen vivendum affirmat, omnemque justificationem in carnali obser-



vantia consistere suspicatur. Crines nutrientes capitis, omnemque virtutem justitiæ putantes in eo consistere, quasi a Sampsonē illo sibi hoc præsumentes judicii, quia Nazareus vocabatur, a quo postea Pagani fortes viros ex illius figura usurpantes Hercules nuncuparunt. Quam tamen traditionem, ab omni veterum calculo & consensu destitutam, auctori suo relinquimus. Ceterum Nazareos a Symmacho, statore sectæ, Symmachianos suo adhuc tempore dictos, testatur AUGUSTINUS lib. I. c. Cresconium c. XXXI. T. VII. p. 168. alii ad Ebionitas quam proxime accedere asserunt, quos legem Judaico more servandam contendisse, testis est EVSEBIUS lib. VI. Hist. Eccl. cap. XVII. In eo tamen ab Ebionitis discrepasse statuit RICH. SIMONIVS Hist. Crit. N. T. cap. VII. quod Nazaræi integrum V. T. Canonem cum Judæis retinuerint, Ebionitæ autem solum Pentateuchum usurpaverint. Contra hos primam Synodum Apostolorum habitam nonnulli censent Act. XV. Porro, eos Evangelium Matthæi Hebraicum aservasse tradit, post alios, GER. IOH. VOSSIVS in Dissert. de Genealog. Christi cap. 2. qui tamen vult distingui inter mutilatum ab Ebionitis Codicem, & integrum Nazaræorum Evangelium, quod nihil a Græco moderno Matthæo diversum continuisse prius, asserit; inque integris, rursus distingui debere inter eos Codices, quibus ab Ebionitis aliisve, mala mente, quædam fuerint adfuta, & alios, ubi solum addita fuerint, quæ Nazaræi a fide dignis acceperint. Hos igitur Codices, posteriori modo consideratos, dicit VOSSIVS non quidem pro Apocryphis, nec etiam pro Canonicis, sed medii generis, nempe pro Ecclesiasticis habendos. Quam tamen VOSSII sententiam discussit & exposuit THOM. ITTIGIVS de hæresiarch. ævi Apostolici Sect. I. cap. VI. §. 19. qui a p. 70. usque ad 84. & in appendice a p. 19. usque ad 24. de Evangelio Matthæi Hebraico copiose & solide egit, ibidemque Nazaræorum hæresin ex instituto recensuit, rursusque in compendio repetiit in Hist. Eccles. Sec. I. cap. V. §. 45 sqq. p. 311.

Denique silentio præterire hic non possum literatum scurræ, IOH. TOLANDVM, Hibernum, cujus Nazarenus tractationem exhibet, de Judaica, Gentili, & Muhammedana Christianitate, una cum historia veteris Evangelii BARNABAE, & moderni Turcarum Evangelii, quod eidem Apostolo tribuatur, ubi simul Christianismi primæ delineationem in historia Nazarenorum sistere gestit, Anglico idiomate Londini anno 1718. in 8. Hic cum primis Nazareos & Ebionitas unam eandemque fuisse sectam, duplici nomine insignitam, contendit, utrosque primos fuisse Christianos, quibus BARNABAE Evangelium fuerit commendatum, quod adhuc servant Muhammedani: unde conficere nititur, ex Judæis, Gentilibus & Muhammedanis, colligendum esse veterem, eumque genuinum Christianismum. Quem solide & cum cura confutavit Venerab. IOH. LAVR. MOSHEIM in Vindictis antiquæ discipline Christianorum, Hamburgi An. 1722. in 8. ubi de BARNABAE Evangelii, & de discrimine Nazaræorum & Ebionæorum, ex instituto agit, & cap. VI. p. 117 sqq. multo cum doctrinæ apparatu in Nazaræorum historiam inquirat, nihilque facit reliquum, quod ad profligandam TOLANDI impietatem pertinere videbatur.

Ad §. IX. pag. 20.

(9) *Alia Nazaræorum species.* Denuo EPIPHANIUS lib. I. Tom. I. Panarii her. XVIII. aliquam commemorat Nazaræorum, ex Judæorum sectis, speciem sive classem, quos διακριτικῶς vocat Ναζαραιῆς, h. e. ut ipse in fine præmii in Panar. p. 6. interpretatur αὐτοὶ ὡς, quasi a verbo Syriaco ܢܙܪܝܐ, ܢܙܪܝܐ abscondere, abolere, dictos, ut FRANC. IVNIUS in Parallel. sacr. parall. 8. ad cap. 2. Matth. derivat, idque nominis tulisse tradit EPIPHAN. eo quod τὰς τῆς πεντατεύχους γραφὰς ἐν εἰναι Μωσέως δογματίξωσι, ἄλλας δὲ παρ' αὐτοῦς ἔχον διαβεβαιῶνται, quinque illa volumina Moysi esse non putant, & alia ab iis diversa penes se esse jactitant. Quamvis alii a verbo

verbo נזיר *separavit*, appellatos malint, quod institutis suis revera ab aliis segregati fuerint & separati. Hos perhibet EPIPHANIVS patria & gente Judæos fuisse, e Galaatide, & Basanitide, ac reliquis ultra Jordanem regionibus oriundos, qui circumcisionem cum Judæis, idem Sabbatum, eadem festa, & ceremonias retineant, Patriarchas quoque ab Adamo ad Mosen eosdem, qui in Pentateucho recensentur, agnoscant, Pentateuchum tamen repudient, a sacrificiis abhorreant, neque animata re ulla vescantur. At enim vero, cum alium de his apud alios Scriptores silentium sit, multi viri docti id sibi persuaderi non patiuntur, tum Nazaræos vocatos, tum inter Judæos ab EPIPHANIO relatos recte fuisse, qui Mosen e Sacro Codice expungunt, cujus tanta apud Judæos est veneratio. Hinc SCALIGER in *Elencho tribaresii* cap. XVII. p. 127.

& cap. XXVI. p. 209. EPIPHANIVM erroris hic arguit, qui ex una duas fecerit sectas, alteram τῶν Ναζαρεαίων, quam in Judaismo, *her.* 18. alteram τῶν Ναζωραίων, quam in Christianismo ponat. *her.* 29. Certe, pergit, sive Ναζαρεῖοι, sive Ναζωραῖοι, ambo omnino iidem sunt נצראי, hoc tantum natum ex discrimine pronunciationum, quarum altera per σ, altera per ζ, Hebraicum Tza-de reddit. Quando vero FRID. SPANHEMIVS fil. loco paulo ante laudato, ita pronunciat: Distinguunt quidam Ναζωραῖος, ut nomen gentis; Ναζηραῖος a נזיר Naziræus; & Ναζαρεῖος vel Νατοαρεῖος, nomen hereseos: sed promiscue hos vocat EPIPHANIVS & THEODORETVS, Ναζωραῖος, perperam ad EPIPHANIVM provocat, qui Ναζωραῖος a Ναταραῖος, studiose distinguit, utut frustra, quod paulo ante SCALIGER recte observavit.

AD

## LIB. I. CAPVT IX.

## DE ASSIDAËIS.

Postquam IOH. DRVSIVS peculiarem de Hasi-  
dæis libellum, qui T. VI. *Criticor. Sacr.* edit.  
Francofurt. f. 2005 sqq. & statim in fronte *Syn-*  
*tagmatis* TRIGLANDII, de tribus Judæorum se-  
ctis, recusos comparet, edidisset, NICOL. SERA-  
RIVS in *Tribaresio*, ex instituto eum confutare  
aggressus, IOSEPHO SCALIGERO ansam sub-  
ministravit, in *Elencho tribaresii* cap. XXII. suam  
de Hasidæis sententiam interponendi. His jun-  
gatur ABRAH. HEIDANVS de *Origine erroris*  
*Lib. VIII. cap. I. §. 3* sqq. p. 425 sqq. IOH. SAV-  
BERTVS de *Sacerdot. Hebr.* cap. 19. edit. Cren.  
p. 686. SAM. BASNAGE *Hist. Jud. lib. II. cap.*  
*XII. §. V* sqq. ex quibus abunde hauriri singula  
possunt, quæ ultra citraque de ista Judæorum  
secta disputantur.

Ad §. II. pag. 21.

(1) Ante transportationem Babylonicam ]  
חסיד proprie eum notat, qui habet חסיד ben-  
i-

gnitatem, beneficentiam, probitatem, & recte חסידים,  
pius, sanctus, vertitur, qui pio est affectu, tum  
in Deum, tum in homines præditus. Passivam  
autem vocis notionem, qua חסידיו יישיי *pii Do-*  
*mini* dicantur ii, quibus Deus benefacit, vel  
propter quos aliis benefacit, recte repudiat GVI-  
LIELMVS ROBERTSON in *Thef. Lingua Sanct.*  
*b. v. p. 227. a.* Contra vero חסיד שוטה *san-*  
*ctus fatuus*, superstitiosus est, de quo in prover-  
bio dicitur in *Sota, Cap. III. Mischna 4.* חסיד  
שוטה ורשע ערום ואשר פרושה ומכות  
שוטה: חסיד פרושין חרי אלו מכלי עולם:  
*improbus, qui astutus, mulier Pharisea, & vulnera*  
*Phariseorum, ecce ista sunt, que orbi interitum af-*  
*ferunt, h. e. in causa sunt, ut rerum ordo mute-*  
*tur, ut foeda & tristis ubique sit facies, interpre-*  
*te* WAGENSEILIO *ad b. l. p. 440.* Velut ita-  
que in Scriptura paria faciunt חסידים & צדיקים;  
ita quoque ante Maccabæorum tempora, absque  
discrimine, hoc nomine veniebant omnes, qui  
sancti-



sanctimoniae operam dabant, & ab impietate seculi secedebant, ut promiscue τοῖς ῥשעים *impiis* opponerentur; utut vi vocis, חסידים *beneficos* potius, צדיקים *vero, recti justique tenaces* designent. Ast post excessum Prophetarum, & Maccabæorum tempore, חסידים dicebantur κατ' ἐξοχήν, qui nec minis, nec promissionibus, ab antiqua & patria ablucri se patiebantur religione. Denique, rebus Judæorum in melius conversis, Hæsidæos appellabant eos, qui peculiare sibi, & nulla lege definitas præscripserunt, exactioris disciplinæ regulas, & liberales in sarta tecta templi erogabant sumptus. Prima itaque ætate, pios quoscunque, ut Psal. CXLIX, 1, media, immotqs confessores, ultima religiosos, certique instituti observatores, hic titulus notabat. Insignis præterea hic erat titulus honoris, quo R. Josè parvus, R. Jehudæ Sancti familiaris & socius, mactabatur, quem חסידים של שרשם *radicem justorum*, item חסידים של צדיקים ושל חסידים *compressionem piorum & religiosorum hominum*, seu, ut vulgus loquitur, *quintam eorum essentiam* dixere: de quo vide laudatum WAGENSEILIVM c. l. p. 990. Qui ergo 1 Macc. II, 42. VII, 13. & 2 Macc. XIV, 6. Ἀσιδαῖοι, & συναγωγὴ Ἀσιδαίων dicuntur, medii sunt generis. Antiochus enim urbe vastata, immane quantum sæviebat in Judæos, multosque græcari cogebat, circumcissione prohibita, & Gentilismo imperato, quin & ἐπισκόποις, curatoribus constitutis, qui vi, minisque populum adigerent, imperata facere. Et multi quidem Judæorum, alii sponte, alii pœnæ indictæ metu, Regis præceptis obsequebantur: οἱ δὲ δοκιμώτατοι, καὶ τὰς ψυχὰς ἐυγενεῖς, καὶ ἐφρόντιζαν αὐτὰς τῶν δὲ πατέρων ἐθῶν πλείονα λόγον ἔσχον, ἢ τῆς τιμωρίας, ἢ ἐπειδομένοις ἢ πέλασεν αὐτοῖς, eminentissimi vero, & animo generosi eum non curabant, sed potiori loco habebant patrios ritus, quam metum pœnæ ejus, quam ille non obedientibus minabatur. Eapropter quotidie vexati, & gravissimis cruciatibus toleratis moriebantur. Nam & flagellis cæsi, & corpore mutilati, vivi adhuc & spirantes crucibus suffigebantur: mulieres vero simul &

pueros, quos illæ circumcidebant, jussu Regis strangulabant, pueris de parentum crucifixorum cervicibus suspensis: ut late persequitur IOSEPHVS Antiqu. Jud. lib. XII. cap. V. Sect. 4. & cap. VI. Hi erant חסידים Hæsidæi illi, quorum עדה *multitudo* ad Mattathiam venit, ut est apud IOSEPHVM GORIONIDEM lib. III. c. VII. His accensentur septem fratres, & Hanna mater eorum, & mille illæ animæ, quæ in spelunca fumo fuerunt extinctæ &c. Pii ergo Martyres, חסידים, apostatæ vero, qui suillam comedentes, libros legis ad cremandum tradentes, & circumcissionem insuper habentes, ad gentilem defece- rant impietatem, ἀσεβείς, ῥשעים, *impii* audiebant.

Ad §. III. pag. 21.

(2) *Justi se meditationi &c. Benigni autem in eo toti erant, ut Scripturæ aliquid assuerent* ] Pergit Auctor, ad tertiam vocis notionem, qua Sectæ vocabulum evasit. Scite & nervose rem ita complexus est SCALIGER paulo ante laudatus p. 164. sq. *Quod ex lege quis tenetur facere, id vocatur חיוב debitum: quod ultro & sponte quis, præter debitum fungitur, id dicitur רבות, b. e. ut vulgo loquuntur, supererogatio. Vnde & dicebatur רבות לתורה ἐπιμετρεῖν τῷ νόμῳ, auctarium legi. Nam jam ante tempora Hæsmoneorum duo genera δογματιστῶν erant apud Judæos, עושקים בתורה & עושקים ברבות לתורה, & רבות לתורה, & ad sacrificia. - - Præter חסידים, גמילות חסדים, sarta tecta templi majore ex parte curabant, & voluntarios sumptus faciebant, hoc institutum mordicus tenentes a sanctis Dei Prophetis. Esdra V, 2. Vnusquisque pendebat vectigal ad sarta tecta templi, jam a temporibus Esdræ &*

& Nehemiae Neb. X, 32. Præter illud constitutum tributum, sponte Hasidæi plura erogabant tam ad ipsum sanctuarium, quam ad ejus muros & porticus, nunquam fere recedentes a templo, ita ut quasi illud peculiare habere viderentur, & nunquam temere per aliud, quam per templum jurarent. Monet præterea p. 168. eos quotidie agnum in templo sacrificasse, qui *oblatio Hasidim pro peccato* dicebatur: excepto solum die XI Tisri, postridie die Kippurim, in quo illud sacrificium omittebatur. Hinc porro p. 171. conficit Vir summus, Hasidæos, quia præcipua eorum erat functio, a templo non recedere, & ejus facta tecta curare, ad excidium usque templi duntaxat permansisse: nam templo non stante, neque ipsos stare potuisse. Operose autem SCALIGER negat ac pernegat, sectam fuisse, sed societatem solum, corporatos, *Φεάτορας, confratres*, quoad nimirum *לתורה* usui tenus observaretur: sed postquam supererogationis præcepta in canones redacta sunt & scripto mandata, tunc multa dubia oriri, disputationes, velitationes, altercationes quotidie succrescere: unde duæ sectæ diversa sentientes natæ, altera, quæ legem tantum; altera, quæ *רבית* & interpretationes ejus amplectebantur. Eadem in describendis Hasidæis vestigia tam studiose premit HEIDANVS de Orig. error. Lib. VIII. cap. I. §. 6, 7. p. 427 sq. ut SCALIGERI & verbis inhæreat, & menti. Contra vero ea, hanc recitans sententiam BASNAGIVS c. l. SCALIGERVVM eos reddidisse perhibet *Ordinem Equitum templi Hierosolymitani*, Sectam tamen fuisse, contra SCALIGERVVM tuetur. Sane, dum ab aliis Judæis sese separarunt, & peculiare secuti sunt institutum, causam non video, quo minus Sectam constituisse dicendi sint.

Discrimen porro inter *חסירים* & *צריקים* paucis ita exponit R. ABEN ESRA in Exod. XX, 6. *ומלת לאוהביהם החסירים ולשומרי מצותי הם הצריקים*: his, qui diligunt me, *hi sunt pii*, ὁσίοι, sancti, Chasidim, & custodiunt præcepta mea, *hi sunt justi*.

Ad §. III. pag. 21.

(3) *Quod meum est, tuum est &c.*] Integra sententia legitur in Pirke Abboth cap. V. §. 10. h. m. *ארכע מרות באדם האומר שלי שלי ושלך שלך זו מרה בכוננית ויש אומרים זו מרת סדום שלי שלך שלך שלי עם הארץ שלי שלך ושלך שלך חסיד שלי שלו ושלך*: *quatuor sunt conditiones hominum: Qui dicit, quod meum est, meum est, & quod tuum est, tuum est, hæc est conditio mediocris*, (h. e. interprete IARCHIO, *שאינו לא צדיק ולא רשע*, qui non est, neque justus, neque impius). Et sunt, qui dicunt, *hujus conditionis fuisse Sodomitas*. Qui dicit, *quod meum est, tuum est, & quod tuum est, meum est, is est idiota*. Qui vero dicit, *quod meum est, tuum est, & quod tuum est, tuum est, hic est Chasid pius*. Qui denique dicit: *quod meum est, meum est, & quod tuum est, meum est, talis est impius*. Hanc gratuitam Chasidæorum beneficentiam definit DAVID DE POMIS in טובה שיעשה אדם h. m. *צמח רור עם אחר מאין גמול לו עליו bonum, quod quis alteri facit, absque spe retributionis*.

Ad §. V. pag. 21.

(4) *Rom. V, 6, 7.*] Ex memorato Judæorum dicterio explicat Auctor Paulinam inter *ἀσεβεις, impios, δικאים, justos, & ἀγαθους, bonos*, distinctionem; ut *ἀσεβεις* sint *רשעים*, impii, avari, & sibi solum utiles, cum damno aliorum, quorum verbum sit: *quod meum, meum est, & quod tuum, iridem meum est*. *δικαιοι, צדיקים*, justi, qui cuique, quod suum est, tribuunt, nemini noxii, sed nec utiles, dicentes: *quod meum, meum est, & quod tuum, tuum est*. *ἀγαθοι* demum *חסירים* boni, benefici, non modo non damnosi aliis, sed maxime quoque utiles, ajentes: *quod tuum, tuum est, & quod meum, pariter est tuum*; quo pacto gradatio Apostoli aptissime fluat: *pro bono forte, pro justo vix, pro impio nemo morietur*: at Christus pro impiis mortem subiit. Et in eandem fere expositionem recum-



recumbit CAMPEG. VITRINGA *Lib. III. Synag. Vet. P. I. cap. 12. p. 799.* qui ita distinguit: peccatores vocat, qui vita moribusque suis, limites legis divina transgrediuntur: iustos, qui legem sibi præscriptam præstant, æquitatis quoque ratione non penitus neglecta: bonos vero, qui aliis benefaciunt longa ultra legis scriptæ aut communis etiam æquitatis dictata & regulas. IACOB. ALTINGIUS tamen *Commentar. in h. l. Tom. III. p. 202.* laudata quidem Auctoris sententia, mavult tamen, *δικαιον* h. l. esse, qui cum innocens sit, mortem debeat tolerare; *ἀγαθόν* vero, utilem & commodum, ut Psal. LXXIII, 1. Matth. XX, 15. Apostoli ergo argumentationem ita habere: Si quæ mortis vicariæ dantur exempla, vix ullum esse, quod pro iusto aliquem mortuum testetur. Equidem iusti innocentis calamitas, tormenta, mors, multorum moverunt affectus, ut dolerent & intercederent; sed qui vicem ejus obire voluerit, exemplum non succurrit. Socratis ad carcerem rapti, ad mortem damnati, conditionem deplorarunt amici & discipuli, sed nullus se obtulit, qui loco ipsius cicutam biberet. *ὅπερ γὰρ τῷ ἀγαθῷ τόχα τις καὶ τομῶν ἀποδανῆν.* Ast, nec auditum unquam, neque cogitatum, ut quis pro impio, qui nec iustus, sed morte dignus, nec bonus & utilis est, sed noxam attulit, velit mortem oppetere. Vnde Christi, pro impiis mortui, supereminens charitas mirum in modum commendatur. Acuit adhuc sensum Clar. HEVMANNVS, in *Biblioth. Brem. Class. IV. Fasc. II. p. 285.* solide evincens, *ἀγαθόν* h. l. non bonum solum & beneficium, sed eum omnino notare, qui beneficiis in nos collatis, præclare de nobis sit meritis. Hoc itaque velle Apostolum: Nemo oppetit mortem pro homine, quantumvis pio, bonoque, sed a quo tamen nihil boni in se profectum sit; illud autem contingere potest, ut homo pro eo moriatur, quem ob accepta beneficia tenerrime amat: at nos homines a Deo impensissime amati sumus, cum tamen nec essemus *δίκαιοι*, sed *ἀμαρτωλοὶ* vers. 8. & *ἀσεβεῖς* vers. 6. neque *ἀγαθοί*, quippe cum Deo non solum nihil boni præstite-

rimus, sed, quantum quidem in nobis fuit, maleficiis eum affecerimus, tanquam hostes vers. 10. Hæc plana sunt, & scopo Apostoli exacte respondent, in quibus merito acquiescimus. Hoc tamen pacto, superior de *חסיך* observatio mentem Pauli nondum exhaurit. Ceterum auctores, qui in hoc oraculum varie commentati sunt, confertim exhibet b. WOLFIUS in *Curis Philol. & Crit. ad h. l.* qui eidem HEVMANNI interpretationi, ipse quoque subscribit.

Ad §. VI. pag. 21.

(5) *Donec hæc opera supererogatoria*] Hæc ex SCALIGERO, paulo ante laudato, mutuo petita sunt. Quæ vero de origine cum Pharisæorum, tum Essenorum, subjungit Auctor, enucleatius in sequentibus Capitibus suo loco a nobis tradentur.

Ad §. VII. pag. 22.

(6) *Et vocabantur קראים Karaim*] Quæ de Karæis obscure a maioribus prodita fuerunt, hoc nostro seculo curatius & copiose, ex ampliori subsidiorum apparatu, persecuti sunt, ex Reformatis, vir in eo literarum genere versatissimus, IACOBVS TRIGLANDIUS in *Diatriba de secta Karæorum*, in fronte Partis II. Syntagmatis, *de sectis Judæorum*, ex Nostris IOH. GOTHOFRED. SCHVPARTVS, aliquot *de secta Karæorum* disputationibus, Jenæ ventilatis & in unum collectis fasciculum A. 1701. Nos potiora hinc delibabimus, ut lacunam in Auctore nostro suppleamus. Notamus itaque

I. Nomen. קראים & קראים dicuntur a Rad. קרא *vocavit, clamavit, indixit*, sed ex usu Rabinorum, *Scripturam*, quæ ipsis κατ' ἐξουσίαν *מקרא* audit, *studuit, tractavit, legit*: ut adeo Karæus, vi vocis, notet, *Scripturarium, Biblicum, Textualem*, & præcise quidem eum, qui Textui Biblico ita inhæret, ut simul omne id rejiciat, quod præter Scripturam Sacram, tanquam divinum, atque indubitato assensu dignum, propinatur. Hinc ista nomenclatura omnes designati sunt

sunt illi, qui traditionis oralis auctoritatem defugerunt, maxime Sadducei, unde apud Rabbinos צדוקים & קראים promiscue usurpantur; non, quod iidem essent, sed quod per calumniam, & ex odio erga Scripturarios, inuisum Sadduceorum nomen ipsis impingerent. Aequè ut eosdem, præter meritum, מינים Hæreticos, אפיקורוסים Epicureos, כותיים Samaritanos calumniantur; nec dubitat TRIGLANDIVS cap. II. p. 7. nomen istud per contemptum sortitos fuisse a Rabbanitis, quomodo sub repurgatæ religionis tempus Nostros Bibliistas, Evangelicos, aut simili titulo salutabant Papistæ, διαστυλιώτες. Probrosim videlicet & puerile maximis & profundis illis doctoribus habebatur, Scripturam unice sequi duces. Cum itaque hodiernum universa Judæorum natio, in duas veluti familias & sectas abeat, in רבנים Rabbanitas, qui legi scriptæ, תורה פה legem oralem, & traditiones πατροπαράδοτες, uno verbo, doctrinam Talmudicam, ad latus ponunt, & tantum non antefereunt, & in קראים Karaos, quos alias etiam בני מקרא & בעלי מקרא, nec בעלי פסוק salutare consueverunt, ABEN ESRA in Exod. XIII, 9. חורקין על אבותינו diffidentes a patribus nostris vocat, hi sunt, qui quoad fundamenta religionis, a reliquis Judæis haud parum discedunt, Scripturam Sacram autem unam credendorum normam constituunt, rejectis omnibus traditionibus, constitutionibus & glossis Rabbiorum. Modernorum descriptionem, commemorandi locum, & mores, doctissimus PERINGERVS, Suecus, literis ad IOBVM LVDOLFVM, a. d. 15. April. 1691. datis, quas TENZELIVS in Dialogis mensuris A. 1691. mens. Jul. p. 572. primus publicavit, SCHV-PARTVS vero p. 25 sq. integras repetiit, ita delineavit: Degunt illi in Lithuania variis locis, Birse, quod castellum est, & oppidum principum Radziwilliorum, Pozcola, Neostadii, Korone, Trocaque, alibique, moribus, lingua, religione, immo & facie a Rabbanistis, quorum feracissima est hæc regio, valde diversi. Lingua illis materna est Tartarica, sive potius Turcica, qua etiam libros Sacros explicant, in scholis & ludis. - - Credo ea-

dem terra quondam exivisse, qua se genitos dicunt Tartari illi Muhammedani, qui Vilna & in confiniis habitant, quique sacra sua secundum instituta Muhammedis celebrant, & ipsi facie Karraitis valde similes. Synagogas habent a Septentrione versus Austrum dispositas, quia, ut ajunt, Salmanasser Septentrionem versus illos abduxit, unde & oraturi faciem ad Austrum, ubi putant Hierosolymas esse, dirigere solent. Et ne quis incautus hoc in officio sacro errare possit, est ad levam ab introitu Synagoge affixa parieti charta, majoribus signata literis: מורה מבוא לשער. Non Pentateuchum solum, ut aliis creditum est, sed universos Vet. Test. libros pro Canonicis recipiunt. Sed quod mirum, valde negligentes in cura antiquissimorum Codicum, quippe ipsi a Rabbanistis sive laceras, sive quocunque modo temeratas membranas legis Mosuicæ, in usum Synagoge suæ reamunt, de literis redundantibus vel deficientibus parum solliciti: puncta tamen vocalia a Mose esse dicunt, & traditiones illas, quæ cum Scriptura & sana ratione conveniunt, non rejiciendas affirmant. Dicunt, se esse propaginem decem tribuum, quas partim in Tartaria subsedisse volunt. &c. Atque ista quidem haud parum confirmantur testimonio LEONIS MUTINENSIS, qui P. V. de ritibus Hebr. cap. I. fidem facit, Constantinopoli, Cairæ, & alias in Oriente, quin & in vastissimo Russorum imperio, hoc hominum genus obvium esse, ubi peculiare, & a Rabbanitis distinctum tenent vitæ institutum, suas sibi exstruunt Synagogas, suis quoque, & diversis ceremoniis & ritibus gaudent. Quæ præmittenda censui, magno usui in tota hac tractatione futura.

II. Ortum, IOSEPHVS SCALIGER Elench. cap. XXII. p. 169. Karaim tempore priores existimat Sadduceis, qui illorum sint progenies. Verum ANTON. BYNAEVS lib. I. de morte J. C. cap. I. §. 31. p. 63. hanc meram viri illustrissimi, neque fundatam bene conjecturam appellat, BVXTORFIVM quoque in Lex. Talm. voc. קראי, aliosque, qui cum ipso Karaos eosdem cum Sadduceis statuunt, deserit, & recte quidem, quod diversissima utrorumque placita te-



stantur, nec ipsi diffidentur Rabbanitæ. Ipse vero BYNÆVS longe recentiorē sectam statuens, ita inquit: *Ego mihi facile persuadeo, ex quo tempore majorum traditiones sunt a multis propositæ, semper homines fuisse, qui ea rejecerint, ut commenta, sed, ex qua tempestate sunt redactæ in canones, & mandata scripto, eam sectam potissimum enatam, quæ Karæorum nomine apud Judæos venit, & alterum constituit ejus gentis genus, quod hodieque Constantinopoli, Alkairi, & in aliis Orientis locis, atque in Russia, degit.* Hinc non adeo antiquam esse Karæorum sectam contendit. Quæ sententia, ætate quidem multis seculis, reipsa tamen & fundamento nihil, vel parum, a SCALIGERI mente abit. Propius, temporis ratione, accedere BYNÆVS videtur IOHANNI MORINO, qui in *Exercitation. Sacr. P. II. Exercit. VII. cap. 3. p. 312.* ad octavi fere seculi Christiani finem Karæorum natales rejicit: quem tamen pro merito castigavit TRIGLANDIVS *cap. III. p. 9 sqq.* non testimoniis modo, verum *cap. IV. p. 25 sqq.* longe antiquiorē Karæorum originem ex eo evincens, quod non pauca doctrinæ & rituum capita, de quibus Karæi cum Rabbanitis contendunt, jam olim, longe ante obsignatum Talmud, immo ante excidium Reipublicæ, utrinque agitata fuisse; adeoque eorum dogma, & ob dogmā dissensum, jam tunc viguisse; etiam in ejusmodi ritibus, quibus destructo Templo non adeo vel locus erat, vel occasio. Qui, postquam *cap. V. p. 40 sq.* sententiam eorum, quibus Karæi iidem fuisse censentur cum Sadducæis, solide profligaverat, *cap. VI. p. 58 sq.* vestigia Karæorum in historia Christi deprehendit, & ex Luc. XI. 45. demonstrat, *vovūss* fuisse, qui soli literæ scriptæ legis deferrent obsequium, adeoque eos, quos Karæos appellamus. Quin & *cap. VII. p. 73.* altius eorum repetens originem, erudite observat, cum post reditum e Babylone & excessum virorum *Γεοντεύσαν*, segnius passim & remissius in lege & cultu agerent Judæi, pientiores tandem Magistros aliquos sepem legi facere aggressos, successu temporis Phariseos ac Traditionarios progenerasse, his autem alios sese op-

posuisse, qui legis literæ presse inhaerent, & Karæorum gentem constituerent: studiis contrariis dudum ante Christum utrique. Quæ insigni eruditionis apparatu instructa, & suffulta, facile persuadent, ut credamus, Karæismum non uno momento aut anno, sed sensim cœpisse & succrevisse, ut postquam infinita illa traditionum vis animos complurium ita dementasset, ut majorem iis, vel parem certe honorem deferrent, quam ipsis Scripturæ libris, semper tenaciores legis prostarent Doctores, qui contra irent, legemque oralem respuerent, sola contenti lege scripta. Sic secta, dudum ante Christum, sed tempore, in tanta rerum caligine & vetustate, incerto, ea cum primis & ætate & occasione exorta est, qua traditiones majorum aliquo haberi inciperent loco, dissensu inter Traditionarios & Scripturarios, non sine maxima animorum contentione, passim continuato & aucto.

III. *Dogmata.* In quibus exponendis TRIGLANDIVS *cap. IX. p. 116 sqq.* & SCHVPARTVS *cap. IV. p. 99 sqq.* operose defudant. 1) Palmaria utrisque dissensio est circa legem oralem, quam cum omni Glossarum, Constitutionum, & הלכות למשה מסיני Traditionum Mosaicarum de monte Sinai, qua tantopere se efferunt Rabbanitæ, pompa repudiant Karaitæ, solam scriptam Vet. Test. literam pro irrefragabili religionis norma ac regula habentes: quin & ista omnia ne quidem in subsidium explicandi Scripturam vocanda contendunt, Scripturam per Scripturam exponendam docentes. Hinc notari meretur MORINVS, qui, postquam diu acriter contendisset, Karæos Talmude uti & Mischna, errorem demum fateri, eosque nullam prorsus admittere traditionem majorum, largiri coactus in Epistola ad PETRUM VALLENSSEM, quæ legitur *Antiquitat. Eccles. Orient. Epist. XIII. p. 159 sqq.* Ceterum omnes XXIV libros admittunt & divinos agnoscunt, secus ac R. LEO MVTINENSIS *P. IV. de ritibus Hebr. cap. I. §. 1.* & qui eum secuti sunt ex Christianis, prodiderunt, ac si præter Pentateuchum, reliquorum librorum Sacrorum auctoritatem defugiant, & in hoc passu

dicunt, congressum maritalem **אכור** *prohibitum* pronunciantes, **כי הוא עכורה** *quia hoc pariter opus est*, quod omne a Sabbatho arceatur. Idem quantopere fluctuent in circumcisione Sabbatho peragenda, aliis eandem affirmantibus, aliis circumcisionem in finem Sabbathi (si ille dies fuerit a civitate octavus) differri suadentibus, ut sanandi cura & labor in diem profectum incideret, TRIGLANDIVS p. 134. & SCHVPARTVS p. 123 sq. copiose edocent: illo insuper, ex R. AARONIS filii Eliæ, Karæi, MSto Codice, pulcherrimam observante distinctionem adhibitam, inter opera Dei, & nostra, cum legislator Exod. XX, 9. diserte determinet, prohiberi **כל מלאכתך** *omne opus tuum*, liberum autem & permissum esse **מלאכת שמים** *opus Dei*, quo circumcisio, & beneficia in alios collata sint referenda: indeque lucem mutuari verba Servatoris Joh. VII, 22 sq. 3) De Paschate tam circa nomen, quam circa ritum, utrique dissident. Nomen **פסח** utrique referunt ad radicem **פסח** *ast transeundi* notione Rabbanitæ, *condonandi* atque *miserendi* Karæi, quia Deus condonaverit primogenitis Israelitarum, conspecto sanguine super limen & postes, nec devastatorem in domum ipsorum ingredi permiserit, ut percuteret; eadem significatione, qua verbum legitur Jes. XXXI, 5. Quæ porro circa tempus mactandi agnum, & locum comestionis, diem porro combustionis, & reliqua discrepantiæ momenta inter utrosque intercedunt, TRIGLANDIVS cap. 4. pag. 27. & copiosius SCHVPARTVS §. XIV. p. 134 sqq. monuerunt, quæ non repetimus. 4) De Pentecostis festo dissentiunt, circa initium numerandi septem hebdomadas, & circa diem septimanæ, in quem Pentecoste incidat, de quo vide TRIGLANDIVM p. 28 sq. 5) De festo Expiationis pariter differunt, cum ratione diei, tum ratione officii Summi Sacerdotis, ingressuri in Sanctum Sanctorum, & thymiama prunis imposituri, num ante velum, priusquam pedem inferret, an post velum, quando jam coram arca consistebat? TRIGLANDIVS p. 30. Sed &, quando Deus hoc die **ענני הכנש** *afflictionem animæ* requirit, Rabbanitæ illam ad



quinarium revocant, cibum ac potum, lotionem, unctionem, indumentum calcei, & concubitum, a quibus eo die sit abstinendum; Karæi vero, missis quatuor posterioribus speciebus, primam solum urgent, per afflictionem interdictum cibum ac potum intelligentes, apud SCHVPARTVM §. 21. p. 150. 6) De deletionem peccatorum Rabbanitæ tenent, pro diversitate peccatorum disparem requiri expiationem, ut peccata alia, sola deleantur pœnitentia, alia dies auferat expiationis, alia tollantur afflictionibus, quædam vero, sola auferantur morte, ut est in Cod. Joma, Cap. VIII. Mischna 8. & 9. fol. 86. a. unde solenne ipsis, ut rei, ob delictum aliquod morte plectendi, confessionis in locum dicere soleant: **זהו מיתתי כפרה על כל עונותי** *fit mors mea expiatio pro omnibus peccatis meis.* Contra Karæi, unam pœnitentiam quæcunque delere peccata, credunt. 7) In Festo tabernaculorum, pueriles gaudii testificationes, gestulationes ac ineptiæ, usu receptæ sunt Rabbanitis; exploduntur autem omnes a Karæis, qui solam tabernaculorum constructionem & inhabitationem, Levit. XXIII, 40. imperatam, inculeant: SCHVPARTVS §. XXV. p. 160. & TRIGLANDIVS pag. 31 sqq. 8) De circumcisione urgent Rabbanitæ, etiam in iis, qui circumcisi nascuntur, puerulis sanguinem fœderis fundendum esse; negant Karæi. Sed & puerulos, ante diem octavum morte præfesta abreptos, circumcidere præcipiunt & hodiernum consueverunt Rabbanitæ; Karæi vero, dum vitæ finem infanti imminere vident, circumcidunt adhuc vivum, ante statum solennemque diem: SCHVPARTVS §. 27, 28. p. 166 sq. Mittimus reliqua, Duumvis istis sollicitè observata, differentia inter utrosque momenta, quæ ibi videantur.

IV. *Odium.* quo mutuo flagrant tanto, ut 1) vix in eadem civitate commorari queant, nisi Magistratus auctoritas Karæos validissime protegat, adeo ipsis omni parte & modo non solum incommodant, sed infestissimi, ad necem usque, Rabbinii eos persequuntur. Vbi vero regia protectione tuti degunt in eadem urbe, ut in Polonia, Cairo, & Constantinopoli &c. sese separant, quantum possunt: 2) nec mensa, neque cubili se invicem dignentur, verum utrique alteros adeo abominantur, **ער שאסרו עליהם** *ut interdixerint alterorum cibis & matrimoniis*, & Rabbanitæ ut plurimum Karæos **ממורי** *spuriis* vocitent, parique cum spuriis numero habeant: 3) iram divinam, & anathemata sibi invicem terribili ratione denunciant, unde Rabbanitæ Karæos passim **שמותיים** *excommunicatos* appellare solent. Solennem excommunicandi ritum, in tabernaculorum festo a Rabbanitis contra Karæos, in monte Olivarum observari solitum, memorat R. ABRAH. ZACHVT in **קכט יוחסין**: 4) si vel pœnitentia ductus Karæita ad cœtum Rabbanitarum sese adungere vellet, eum hi nequaquam reciperent. Et si distinguendum sit inter eos, qui ad communionem Rabbanitarum admitti cupiunt singuli & ultro accedentes, quos difficulter admittunt, veriti dolant, & ne reliquos suis antiquis præjudiciis corrumpant; & inter eos, qui potentia & auctoritate Rabbanitarum victi, coacte ad illorum ritus & fidem redeunt, quibus locum dant, verum non alium, ac Profelytis. Monet præterea TRIGLANDIVS p. 150. quanquam generatim loquendo, maxima sit inter utrosque aversio, hoc tamen non impedire, quo minus humanius aliqui sese gerant, & invicem colloquantur.

AD

## LIB. I. CAPVT X.

## DE PHARISAEIS.

**P**ost NICOL. SERARIUM, Jesuitam, in *Tribaresio*, & *Minervali*, IOH. DRVSIUM in *Commentario de tribus Sectis*, SERARII lucubrationibus opposito, & IOSEPH. SCALIGERVM in *Elencho tribaresii*, de Phariseis commentati sunt HOTTINGERVS *Thef. Philol. L. I. cap. I. Sect. V. §. IV. pag. 25 sqq.* & multo concisus in *Ennead. Compend. Theol. Jud. cap. II. p. 216.* ABRAH. HEIDANVS de *orig. Erroris lib. VIII. cap. I, III, IV, V.* GVILIELM. SALDENVS *Otiol. Theolog. Lib. III. Exercit. VII. §. 9 sqq. p. 563 sqq.* HVMFRED. PRIDEAVX in *Histor. Jud. P. II. Lib. V. §. IV. edit. Gall. Tom. IV. p. 72 sqq.* BASNAGE in *Hist. & relig. Judaor. lib. II. cap. XI. p. 511 sqq.* IOH. LEVSDEN. *Philol. Hebræo-mixti Dissert. XVIII. p. 144.* SPANHEM. *Pater, Dub. Evang. P. III. Dub. XXVIII. p. 104.* IOH. CAMERO, integra & copiosa ad Matth. XIX, 3. de Phariseis tractatione, *Operum p. 162 sqq.* IOH. LIGHTFOOT. *Harmonia IV Evangel. ad Matth. III, 7. Tom. I. Opp. p. 320. & Part. III. ad Luc. V, 17. p. 520 sqq. & in Hor. Rabb. ad Matth. III, 7. T. II. pag. 270.* ac alias passim: e Nostriſ AVGVST. FFEIFFERVS *Fasciculi differtat. Philolog. III. quæ de tribaresio Judaorum est, Sect. I. pag. 39 sqq.* LVNDIVS *Jüdische Heiligth. lib. IV. cap. XIII. p. 788.* CARPZOV. *Theol. Jud. RAIM. MARTINI Pugioni Fidei præmissæ cap. III. p. 7 sqq.* IOH. SAVBERT. de *Sacerdot. Hebr. cap. XX. edit. Cren. p. 687.* RECHENBERGIUS *Exercitation. in Nov. Test. p. 164 sqq.* & CHRIST. SCHOTTGEN in *Hor. Hebr. ad Matth. III, 7.* ubi analecta quædam ad LIGHTFOOTVM pag. 5 sq. dedit: alios ut taceamus plures, qui *ὡς ἐν παροῳ* de eis egerunt.

Ad §. I. pag. 22.

(1) De etymologia nominis *Pharisei* ]  
Recte enumerat Auctor sententias, de vocis

etymo, diversas. *Primam* a פֶּרִישׁ *expandere, explicare*, IOH. DRVSIUS de *trib. sect. Jud. lib. II. cap. 2. p. 42.* FÖRSTERO tribuit in *Dictionary Hebraico b. v.* unde hausisse videatur FRANCISCVS FORERIVS *Jes. I. p. 17.* Sed velut a DRVSIO rejicitur, ita rectius allusio, quam genuina vocis originationo censetur. *Hæc etymologia arguta nimis est, & a nemine Veterum observata, ut illud interim taceamus, non esse verisimile, sectam, quam Apostolus vocat ἀκριβέστην Act. XXVI, 5. assumpsisse nomen, quo assumpto se exosam reddidisset: etenim manifesta est professio hypocrisis, ut quis se eo nomine censeri exigat, quod notat animum hypocritæ?* iudice CAMERONE, citat. loc. p. 163. a. *Secunda* a פֶּרֶשׁ *exponere, explanare*, plures nacla fuit defensores, in quibus uterque est IOSEPHVS. FLAVIVS quidem Alexandrinus, qui *libr. I. de bello Jud. cap. 4.* Phariseos fuisse tradit σύνταγμα τι ἰσθῶν, δοκῶν εὐσεβέστερον εἶναι τῶν ἄλλων, καὶ ἀκριβέστερον τῆς νόμου ἀφηγέσθαι, ordo quidam *Judeorum*, qui videbantur reliquis *Judeis* sanctius vivere, & legem accuratius interpretari. GORIONIDES vero *lib. IV. cap. VI.* הפרושים המפרשים את התורה *Pharisei*, inquit, qui legem interpretabantur, ubi historiam regis Hyreani & Eleazari *Pharisei* exponit. Verum & hæc explosa fuit, quia nec omnes *Phariseos* legis fuisse interpretes constat, & id muneris *Scribarum* potius proprium fuit, qui tam e *Phariseis* erant, quam e *Sadduceis*, ut ex *Act. XXIII, 7, 8, 9.* liquet. *Tertiam* a פֶּרֶשׁ *dividere, separare*, passim amplectuntur viri docti, DRVSIUS, CAMERO, L'EMPEREUR *Not. ad itin. Benjam. p. 147.* FULLERVS *Miscellan. lib. II. cap. 3. p. 158.* HOTTINGER. *Thef. Philol. lib. I. c. I. Sect. 5. p. 26.* & alii, ut *Pharisei* sint ἀφωρισμένοι, sese a communi plebe, vel vulgo separantes. Ita Doctores *Hebræi*: Auctor *Lexici Talmudici*, quod *Aruch* appellatur: פֶּרֶשׁ הוּא



הוא שפירש עצמו מכל טומאה ומן מאכל  
טמא ועם הארץ שאינו מדרק במאכל:  
*Phariseus est, qui separat seipsum ab omni immunditia, & ab omni cibo immundo, & a populo terre* (seu plebejis), *qui non habet accuratam rationem ciborum.* Consentit ELIAS in *Tisbi* h. v. הם הפרושים מדרכי העולם הזה כמו שהיו: *Hi separati fuerunt a moribus hujus seculi, quales olim erant Nasiræi.* Pariter SVIDAS: Φαρισαῖοι, οἱ ἐρηνησούμενοι ἀφορισμένοι, παρὰ τὸ μερίζειν καὶ ἀφορίζειν ἑαυτὰς τῶν ἄλλων ἀπάντων. Sed & apposite CAMERO p. 165. a. observat, verbum פֶּרֶשׁ non quamlibet divisionem & separationem hic notare, sed eam, quæ fit subtili quadam ratione. Fuisse namque Phariseos מְדַרְקִים anxie & scrupulose sibi caventes ab iis, quæ sunt *καυτά*. Itaque profanum vulgus sic eos notare, ut dicant מְדַרְקִי ה. e. ἐν ἀκριβοῖ. Moribus quippe & instituto hypocritarum istorum, hæc nominis explicatio exacte respondet. Videri sane volebant a plebe segregati, Luc. XVIII, 11. & vitæ munditia, a cibo polluto sibi temperantes, nec nisi manibus lotis cibum capientes Marc. VII, 7. & morum austeritate ac sanctimonia, non ad mandata solum legis actiones suas exigentes, sed plura quoque pietatis exercitia, quam lex flagitabat, sectantes; & corporis habitu ac vestitu peculiari, *πλάτυνοντες τὰ Φυλακήρια αὐτῶν, καὶ μεγαλύνοντες τὰ κράσπεδα τῶν ἱματίων αὐτῶν* Matth. XXIII, 5. quin & vulgi vestitum abominati; & pedum incessu, quasi reptantium & impingentium pedes imitati, quod præ nimia humilitate, pedes in incessu non elearent, ac proinde ad obvios lapides & obstacula facile impingerent & cespitarent; & gestu externo, capite ac dorso versus terram inclinato, fornicati & quasi duplicati gradientes, ut instar pistilli incurvati dicerentur, quod scilicet superne reclusum, & velut duplicatum est. Ultimam & quartam vocis derivationem, quam Auctor §. I. occupavit, non in *Prefat. ad Amosum*, quod contendit GOODWINVS, sed in *question. seu traditionibus Hebraicis in Genesin*, HIERONYMVS T. IV. Opp. fol. 101. B. tra-

didit, quando de voce פָּרֶשׁ *Phares*, quod *divisionem* notet, commentatus, ita pergit: *unde & Pharisei, qui se quasi justos, a populo separaverant, divisi appellabantur: idemque Dialogo adversus Luciferianos Tom. III. f. 66. D. ad hunc modum repetit: Pharisei a Judeis divisi, propter quasdam observationes superfluas, nomen quoque a dissidio susceperunt.* Eandem ex EPIPHANIO etymologiam observavit DRVSIVS c. 1. p. 41. sed & ob elementi Hebraici diversitatem, ante Auctorem nostrum, & recentiores Doctores tantum non omnes cum DRVSIO, jure meritoque repudiarunt. Denique quintam & novam in scenam introduxit CAMER. VITRINGA *Observat. Sacr. lib. I. Diss. 3. cap. 7. §. 9. p. 220.* Phariseorum nomen a voce פָּרַס quæ *mercedem* notat, derivans quia in *Pirke Avoth cap. I. §. 3.* status controversiæ inter Sadducæos & Phariseos, exponitur, & utrorumque simul origo innuitur hoc pacto, quod ANTIGONVS SOCHAEVS dixerit suis: *ne sitis tanquam servi, qui servant hero ea conditione, ut accipiant פָּרַס mercedem, sed estote tanquam servi, qui ea conditione non servant domino suo, ut accipiant mercedem, sitque timor Dei super vobis.* Ad hoc ipsum vocabulum cenſet respexisse Paulum, Hebr. XI, 26. quando Moſen memorat, opprobrium Christi, majores æſtimasse divitias theſauris Aegypti, *ἀπέβλεπε γὰρ εἰς τὴν μισθαποδοσίαν*, quod vocabulum idem sit cum פָּרַס. Phariseos itaque hoc nomine distinctos fuisse a Sadducæis, quod illi propugnarent פָּרַס *μισθαποδοσίαν* post hanc vitam, hi negarent. Hinc ab illa sua sententia dictos fuisse Phariseos, פָּרַס *ſperantes*, & ob פָּרַס *bene agentes*. Sed quo minus huic ſententiæ ſubſcribamus, nominis obſtat diverſitas, cum פְּרוּשִׁים dicantur, non פְּרִיסִים per ס.

Ad §. VI. pag. 22.

(2) *Apoſtolus ſe nuncupaſſe ἀφοριſμένον* ] MERCERI hæc eſt, & DRVSII obſervatio ſub fin. §. II. p. 43. quam poſthæc BEZA ad Matth. III, 7. Auctor noſter, HEIDANVS p. 444. & viri docti

docti certatim amplexi sunt. Quin & ulterius progressus MERCERVS, quando Paulus *ibid.* κλητὸν se 'Απόστολον appellat, ad nomen, quo primitus insignitus fuerat, Saulis respexisse existimat, quasi κλητὸς fuisset ἤνω postulatus, vocatus. Vtrumque tamen commentum solide retudit CAMERO pag. 164. a. priorem Apostoli descriptionem cum Gal. I, 15. contendens, ubi, ὁ Θεός, inquit, ὁ ἀφορίσας με ἐκ κοιλίας, indeque conficiens, segregatum se ad Evangelium dicere Apostolum, sensu non Adjectivo, sed Participiali, quo pacto Christus quoque Hebr. VII, 26. κειχωρισμένος fertur ἀπὸ τῶν ἀμαρτωλῶν, non quasi quondam immixtus illi turbæ, post segregatus inde fuerit, sed quod nulla cum iis communio ipsi intercefferit, neque consociatio: κλητὸν vero ex Gal. I, 1. declarans, ut non *nobilem & insignem virum*, quæ alias vocis Adjectivæ sumptæ notio est, sed extraordinarie & immediate, ad munus Apostolicum designet vocatum, quia non ceteris Apostolis se anteponere satagat Paulus, sed Apostolatium suum a calumnia vindicare. Quæ hic monuisse, non intempestivum censeo, ne cui forte, vel ingeniosa isthæc interpretatio, vel tantorum auctoritas virorum, sit fraudi.

Ad §. VII. pag. 23.

(3) *Separabant se*] Redeunt hic, quæ paulo ante, in explicatione nominis Pharisaici, de separatismo ipsorum diximus. Secundum Auctorem separabant se α) ad meditationem Legis, cuius exactissimi videri volebant interpretes, teste IOSEPHO, qui in *vita sua cap. 38.* τῆς τῶν Φαρισαίων αἰδέσεως mentione facta, statim addit: οἱ περὶ τὰ πατρια νόμιμα δοκῶσι τῶν ἄλλων ἀκριβέστερα διαφέρειν, qui in accurata legum patriarum scientia & custodia, inter alios videbantur excellere: adeo ut ipsi κατ' ἐξοχὴν סופרים *Sapientes*, IOSEPHO σοφισταί dicerentur. Occupabant cathedram Moysi, ex eaque docebant, Matth. XXIII, 1. iactabant se habere clavem scientiæ, adeoque docendi officium tantum non

ad se rapiebant: unde Paulus se discipulum operam dedisse perhibet, celeberrimo in Pharisaïs magistro, Gamalieli Act. XXII, 3. Tamen nec soli docebant, nec omnes. Non soli: quia Act. XXIII, 9. γραμματεῖς dicuntur fuisse τῷ μέγρι τῶν Φαρισαίων, quorum τὸ μέρος quoque erat τῶν Σαδδουκαίων, v. 6, 7. Velut ergo Phariseus, non muneris, seu officii publici in Ecclesia, sed sectæ nomen erat, unde σὺνταγμα congregationem, ex doctrinæ & instituti consensione coalitam, & lib. I. de bello Jud. cap. 7. diserte αἰρεσιν, IOSEPHVS vocat, quod late probavit CAMERO pag. 164. b. sq. ita pars eorum simul γραμματεῖς, סופרים erant, quibus publice docendi provincia erat demandata, ita tamen, ut ceterarum sectarum homines in hoc officio haberent Collegas, pars etiam privatæ juvenum præerant institutioni. Scholas suas habuisse Phariseos, inquit CAMERO p. 165. b. extra controversiam est: attamen non hinc efficitur, cuilibet Phariseorum in scholis docere licuisse; quemadmodum Monachi suas habent scholas, (addo etiam: & Jesuitæ privatim cumprimis, præter scholas publicas, instituunt), cum tamen non liceat cuilibet Monacho, vel Jesuitæ, publice docere. Sed nec omnes: quia multi eorum illiterati & rudes erant, externa vitæ austeritate, sanctimoniam speciem ac laudem affectantes; quale quid in Religiosis, quos vocant, Papistarum Ordinibus, maxime in Capucinatorum & Carthusianorum ordine, videre licet.

Separabant se β) ad exactissimam Vitæ sanctimoniam, qua supra reliquam hominum turbam assurgere & eminere nitebantur, quod Auctor ex Luc. XVIII, 11. scite probat, & §. VII. ac XVIII. ulterius prosequitur. Vnde alto adeo supercilio præ se despiciebant plebejos, ut inter peregrinandum comites se iis dare nefas censerent, filias iis collocare turpe & inhumanum crederent, immo jugulandos pronunciarent, vel in solenni expiationum Festo, incidente in diem Sabbathi, & diffindendos medios, uti solet diffindi piscis, ut ex insigni loco Talmudis liquet, quem in hanc rem ex Cod. *Pesachim fol. 49. b.* excitavit



vit WAGENSEILIVS in *Sota* p. 518 sq. cui adde, quæ de contemptu vulgi apud Phariseos, in medium attulit DRVSIVS in *respons. ad Minervæ Serar.* p. 225. & VITRINGA lib. III. *Observat. Sacr.* p. 25. Apposite ratiocinatur LIGHTFOOTVS Tom. II. *Opp.* f. 272. b. Post receptum semel hunc religionis pretextum, quod pium esset, separare se a vulgo, crevit in dies superstitio, quæ sectæ huic ac separationi fulcro foret, ac patrocinio. Nam, cum religionem tam superciliosam induissent, ut vulgo dicerent, procul apage, ego te sanctior, (quod etiam a Propheta cum execratione prædictum, Jes. LXV, 5.) & ut in hoc summam sanctimoniam ponere, a vulgo, tanquam profano, se retrahere: necessarium certe fuit, sub norma & regula austeriori se subdere & circumscribere, ut nomen famamque Religiosorum retinerent in rebus aliis, præter superbam ac nimium sibi arrogantem istam separationem. Hinc recte advertit BERNARDVS LAMY *Comment. in Harmon. IV Evangel. Append.* pag. 641. scitum fuisse apud Phariseos, contra flagitiosorum hominum, non minus quam leprosum, viros mundos inquinari: quod more Samaritanorum hodierno illustrat, qui, cum occurrunt Judæo, aut Christiano, aut Muhammedano, dicere soleant: *ne attingit me*: quo illud Petri quoque refert ad Jesum dictum: *exi a me, quia homo peccator sum*, Luc. V, 8. Velut autem omni austeræ disciplinæ genere, profanum vulgus longo post se intervallo relinquere studebant, ita cumprimis vigiliis, quas adeo copiosas & diuturnas agebant, ut somnum vix caperent, nisi summa urgeret necessitas & valetudinis ratio. Juvat hic audire EPIPHANIVM, qui *Panarii lib. I.* ubi contra Phariseos disputat p. 34. ita refert: *καὶ οἱ μὲν σανίδας ἑαυτοῖς ἐφιλοκάλουν, σπιθαμῆς μόνῃς τὸ πλάτος, καὶ ἐπὶ ταύτην ἑαυτὰς ἐτίθεισαν, κατὰ τὴν ἐσπέραν, ἵνα εἰ ὑπνώσειεν τις, καὶ καταπέσοι εἰς τὴν ὁδόν, αὐτοῖς ἐγγείνηται εἰς εὐχὴν, διὰ τὸ ἀγρυπνῶν ἔχειν τὸν βίον κατὰ τὸ δυνατόν. ἄλλοι δὲ κάχληκας συλλέγοντες ἑαυτοῖς ὑπεσπώνουσιν, εἰς τὸ ὑπνομενῆς μὴ ὑπνῶ βαθεῖ φέρεσθαι, ἀλλὰ βιάζεσθαι γηγόρῃν ἑαυτοῖς προσπορίζεσθαι. ἄλλοι δὲ καὶ*

*ἀνδράσας τρωμὴν εἶχον, διὰ τὴν αὐτὴν ἐπὶ θέσιν. Et alii quidem tabulas ad eum usum parabant, latitudine non amplius dodrantali, in quibus post vesperam jacebant, ut si fortasse dormirent, in pavimentum prolapsi, rursus se ad orandum excitarent; quo somni, quoad liceret, expertes etatem transigerent. Alii collectos calculos substernebant, quorum vellicatio profundior somnum arceret, ut vel innoti pervigiles esse consuescerent. Nec defuere, qui iisdem de causis spinas subjicerent.*

Separabant se γ) ab Habitu & cultu aliorum hominum. Quem huc citat Auctor, R. DAV. KIMCHI ad Zeph. I, 8. de vestitu peregrino, Phariseis jungit Hasidæos, & utrisque tribuit *לובשים מלבוש נכרי שלא כשאר העם כרו שוכרים במלבושיהם שהם פרושים ורחוקים*: quod induerint vestitum peregrinum, qui non esset, sicut reliqui populi, eo fine, ut statim eos agnoscerent homines e vestitu suo, quod sint Pharisei; quorum mores erant mali. Mavult tamen R. SALOMO vestes intelligere *על idololatricas*, ab idolorum cultoribus in cultu adhiberi solitas: & observat cumprimis ABARBENEL in *b. I.* non de hominibus religiosis, sed de Principibus & filiis Regum, aut etiam de ipsorum Ministris, Prophetæ sermonem esse, quibus in more erat positum, ut non delectarentur vestitu terræ & gentis suæ, sed amarent vestitum aliorum Regum ex populis peregrinis. Provo- cat eum in finem ad I Reg. X, 4, 5. ubi Regina Sabæ vidisse fertur omnem sapientiam Salomonis &c. *ומלבושיהם* & vestimenta eorum, servorum nempe regionum, unde colligere liceat, servos Regis habuisse peculiaria vestimenta, ab aliorum vestitu distincta. Ut non satis liqueat, qua fide hanc notam Phariseis impingat KIMCHIVS, qui ipse titubans, nomine patris sui, de vestitu rapti exponit, quem a possessoribus abriperint, ut vestimentum alienum hic no- ret, quod eorum non erat. EPIPHANIVS *Panar. lib. I.* citato supra loco, de vestitu eorum ita tradit: *τῷ δὲ προσιεμένῳ σχήματι τῶν Γραμματέων προήρχοντο, διὰ τοι τῆς ἀμπεχόνης, καὶ διὰ τῶν ἄλλων σχημάτων, καὶ γυναικικῶν ἱματίων*

ἐν πλατείᾳ τοῖς κρηπίσι, καὶ γλώτταις τῶν ὑποδημάτων προϊόντες. Cultus idem illis, qui & Scribis, de quo proxime dictum est; vestis scilicet ac reliquis corporis habitus. Sed & muliebria palliola gestabant, & cum latioribus crepidis, ac solearum ligulis procedere solebant. De Scribis autem, quibuscum Phariseos paria facere in habitu dixerat, in *Seçta præced. XV. p. 32.* ita perhibet: σολῶς, εἴτ' ἐν ἀμπερόνας οἱ τοῖστοι ἀνέβαλλοντο, καὶ δαλματικάς, εἴτ' ἐν κολοβίανας ἐκπλατυσήμεων διὰ πορφύρας ἀλεγοῦσιν κατεσκευασμένας. stolis sive vestimenti genere quodam utebantur isti, quod Dalmaticas, aut Colobia appellare possumus, quæ amplioribus ex purpura segmentis erant intexta. Quæ, qua fide nitantur, & quo pacto cum affectata Phariseorum humilitate componi possint, viderint eruditi. Adagium autem Talmudicum, de vestibus plebejis, his verbis legitur in Mischna Cod. *Chagiga cap. II. §. 7.* כְּנָרֵי עַם הָאָרֶץ כְּנָרֵי כֹהֲנֵי לְבוּשֵׁי: vestimenta plebejorum habentur a Phariseis pro calcatione, h. e. ut exponit *ibid. MAIMONIDES*, quando Pharisei tangebant vestes plebejorum, polluebantur, perinde ac si tetigissent calcationem feminisui, & necesse erat, ut se immergerent, ac toto corpore abluerent. כְּנָרֵי autem calceum notabat, vel calceamentum, hominis fluxu immundo laborantis; & apud Talmudicos est הַטּוֹמֵה אֵב pater, sive genus unum pollutionis, in genere hominem & vestimenta ejus polluens: quem vocis sensum quousque extendant Judæi, vide in *Buxtorffii Lexic. Talm. h. v. p. 580.*

Ad §. VIII. pag. 23.

(4) Videtur ortum duxisse] Tribus Judæorum sectis, velut obscuram, sic perantiquam tribuit originem *IOSEPHVS Antiqu. Lib. XVIII. cap. I. §. 2.* cognitas fuisse perhibens ἐκ τῆ πᾶν ἀρχῆς a temporibus admodum antiquis. In eandem tamen, cum Auctore nostro, sententiam conspirare *CASAVBONVS Exercit. I. ad Apparatum Annal. Baronii §. 9. p. 41.* videtur, quando Phariseos non multo juniores fuisse censet *Sad-*

ducæis, quorum de antiquitate, ut & Baithuseorum, constat ex auctoribus earum appellationum, Saddok & Baitho, qui fuerunt discipuli & γνώμοι, h. e. familiares, Antigoni Sochæi, qui successit Simeoni Justo. Hic vero adeo antiquus, ut vulgo Hebræi, & in his *ABRAHAM LACVTH*, cum perperam confundant cum Jaddua Pontifice, qui obviam processit Alexandro, ante Domini nostri adventum, annis circiter 330. Et est profecto verisimile, Synagogam templi secundi, simul ac deserunt Prophetæ, cæpisse dividi in factiones & sectas, quæ Rabbini dicuntur חֲלָקִים & כְּתוֹת. Contra vero *DRVSIVS* de tribus sect. *lib. II. cap. VII. p. 51.* licet sectam vetustissimam, & a tempore Antigoni Sochæi fuisse largiatur, cum Sadducæi a Sapientibus aliam sectam in Ecclesia constituisent, hæresinque introduxissent; rem tamen omnem in medio relinquit, sibique hic aquam hæreere fatetur; demum inter Phariseorum sectam & nomen distinguens, hoc minorem illa ferre credit ætatem. *NICOL. SERARIUS lib. II. triberesii cap. XI.* ex instituto in ortum inquirens, *GENEBRARDVM* suum, qui Maccabæorum tempore, sub Jonathane, Phariseorum ordinem cæpisse perhibuerat, deserit, eisque exortum aliquantò adhuc superiorem tribuit, quod pluribus annis ea secta jam steterit, quam inter Jonathanem & Hyrcanum interfluxerunt, nil tamen certi definit, nisi quod *cap. XII.* Hillelem sectæ auctorem haud obscure innuat. *SCALIGER in Elencho triberesii cap. XXII.* ab Hasidæis derivat, p. 164. citra hæsitacionem pronuncians: procul dubio Pharisei sunt propago Hasidæorum: & p. 169. mentem suam uberius ita declarat: Postquam iste ἐκασιασµὸς in præcepta cogi, & scripto mandari cæptus, tunc ex istis Hasidim processerunt δογματισαί, qui se פְּרוּשִׁים sanctos, & tam a Hasidim, quam a vulgo segregatos dixerunt, qui τὸν ἐκασιασµὸν, ἀνάγκην fecerunt, & quæ quis sponte faciebat, ex necessitate facienda præcipiebant. Hoc genus hominum in duo sectum est, in ipsos פְּרוּשִׁים φαρισאִים, & ἑσθֹנִים: nam *Essenorum ἀκριβοῦς ἐστὶ πολιτεία*, quam Phariseorum &c. De temporis tamen articulo, quo



cæperunt, altum flet. Demum BASNAGIVS lib. II. *Hist. Jud. cap. X. §. I. p. 479.* postquam communem Judæorum traditionem, quæ ad Hillelem, Herodi M. σύγχρονον, sectæ refert auspicia, ex R. DAV. GANZII *Chronol. p. 83.* attulerat; eidem recte obvertit, dudum ante Herodis ætatem, sub Alexandro Jannæo, Judæorum Rege extitisse, multumque apud populum valuisse Phariseos: hoc saltem largitus, sub Hillele, qui a Schammai in controversiis Pharisaicis multum dissentiebat, sectam istam vehementer caput extulisse, Hillelisque discipulos astrictiorem disciplinam dogmatibus addidisse. Vnde tandem conficit, præstare, ut fateamur ignorantiam, quam ut incertam sectæ originem pro certa jactemus. Hac nostra demum ætate Vir doctus, quem præmaturo fato reipublicæ literariæ dolemus ereptum, IOH. GOTTFR. LAKEMACHER P. I. *Observat. Philol. I §. 2 sqq. p. 3.* fide IOSEPHI *Antiqu. Jud. lib. XIII. cap. 9.* in Jonathanis Maccabæi tempora, Phariseorum ortum definite rejicere annisus est, attamen ita, ut vim verbis IOSEPHI inferret, & lectione in omnibus Codicibus sibi constante, quæ ita habet: κατὰ δὲ τὸν χρόνον τῶτον, τρεῖς αἵρέσεις τῶν Ἰσραηλίων ἦσαν, in dubium vocata, pro ἦσαν ex ingenio reponeret αἰέσεις, indeque porro inferret, celebres istas Judæorum sectas tunc temporis non tam fuisse, aut in flore constitutas dudum, continuasse, sed surrexisse potius, ac ortas esse. Quod licet pingere, & rationum momentis suffulcire in sequentibus paragraphis molitur, nobis tamen nimis audax, & tale videretur εὐρημα, cujus beneficio planas Historicorum quorumvis narrationes pro lubitu sollicitare, ac in diversum longe ac alium, quam qui scribentibus fuit, sensum pertrahere liceret. Nos potius in docta illa ignorantia acquiescimus, donec certiora edoceamur: hoc solum tenentes, primam Phariseorum originem Christi ætate longe esse superiorem, & cum DRVSIO, nomen ipsa secta recentius statuentes. Nostro iudicio nihil certius, quam quæ LIGHTFOOTVS *hor. Hebr. ad Matth. III, 7. num. III.* tra-

dit: Pharisaismum non simul & semel natum arbitrandum est, sed diutine admodum conceptionis; & formæ non statæ, cum pareretur. - Semina prima Pharisaismi jacta sunt longe ante partum, pariusque jam editus diu multumque adolescens, antequam perveniret ad maturitatem, si modo definiri posset, quæ ejus maturitas. Vltorius progressus, diebus Esræ jacta suspicatur Pharisaismi fundamenta, diu etiam ante natos Phariseos; quæ tamen, cum sequentibus, curatius merentur examen.

Ad §. VIII. pag. 23.

(5) *Non una e tribu prodibant* ] Hoc pariter NIC. SERARIUS *tribares. lib. II. cap. II.* copiose tuetur, indeque porro infert, non Hierosolytam, vel Judæam solam, sed quamlibet Israeliticæ terræ portionem, sedes ipsis præbuisse, quod ex Luc. V, 17. & THEOPHYLACTO in Matth. XV. evincit. Sed nec unius omnes sexus erant, sed fæminas quoque ex voto huic sectæ se addixisse, ex iis patet, quæ IOSEPHVS *lib. XVII. Antiqu. cap. II. §. 4.* refert: καὶ ἦν γὰρ μὲν τινὲς Ἰσραηλιτῶν ἀνδρῶν, ἐπὶ ἀκριβώσιν μέγα φρονῶν. τῶ πατρὶς νόμῳ, οἷς χαίρειν τὸ θεῖον προσποιούμενον ὑπῆκτο ἢ γυναικῶνίτις. Φαρισαῖοι καλεῖνται, βασιλεῦσι δυνάμενοι μάλιστα ἀντιπράσσειν, προμηθεῖς, καὶ τῶ πρῶτῳ εἰς τὸ πολεμεῖν τε καὶ βλάπτειν ἐπηρεμένοι. Erat etiam Judæorum quedam secta, qui legis accuratam cognitionem profitebantur, & de ea ferociebant, quibus se Deo charos esse simulantibus, addictæ erant fæminæ. Si Pharisei dicuntur, homines, qui maxime regibus ausi sunt resistere, circumspecti utpote, data etiam occasione ad aperte bellandum, ladendumque prompti, (ut IBRETSONVS in *Notis ad b. I.* vertit). Quod ne, fæminas favisse solum Phariseorum partibus, interpreteris, prohibent ea, quæ de viduis ac virginibus, Pharisaismum amplexis, commentatur LIGHTFOOTVS *Hor. Hebr. in Matth. III, 7. Tom. I. Opp. p. 270 sq.* Spectat cumprimis huc R. IOSVÆ effatum, quod in *Sotah cap. III. Mischna 4.* legitur: הסיך שוטה ורשע

ורשע ערום ואשה פרושה ומכות פרושין הרי  
 :ולום מכלי עולם: homo pius, qui insipiens, impro-  
 bus, qui astutus, mulier Pharisaea, & vulnera Pha-  
 risaeorum, ecce ista sunt, quae orbi interitum affe-  
 runt, h. e. ut WAGENSEILIUS in Notis expo-  
 nit, in causa sunt, ut rerum ordo mutetur; ut  
 facda & tristis ubique sit facies. Quid per מכות  
 פרושין intelligendum veniat, — EDVARD. PO-  
 COCK. ad portam Moſis not. miscell. cap. IX. p. 353  
 sq. exponit, istudque convicium in ipsos intor-  
 quendum Phariseos esse cenſet. Laudatus au-  
 tem WAGENSEILIUS Excerpto IX. ex Gemara  
 in b. l. p. 523 sq. mulierem Pharisaeam per בתולה  
 צלוינות juveniculam jugiter orantem, & per  
 אלמנה שוככת viduam vagatricem, cum Ma-  
 gistris exponit, sensumque ita declarat: puellae  
 nimium religiosae, quaeque omne tempus unice  
 precibus impendere sese simulant, & viduae,  
 quae per vicinorum aedes, tanquam opem ali-  
 quam, quod suis curis solutae sint, aliis latu-  
 ra, assidue cursitant, generi humano magnarum cla-  
 dium causae habentur. Cum enim intus & in  
 cute, nihil nisi veneficae & meretrices sint, ta-  
 men affectatione ista pietatis efficiunt, ut saemi-  
 nae probae, & bene moratae citra dubitationem  
 esse credantur, unde de iis puniendis, exterminan-  
 disque ex bonorum communitate, Magistratus  
 nunquam cognitionem suscipit: sed vero,  
 quod istae peccant, omnes luere coguntur. Ta-  
 les autem Phariseas passim fuisse pessimae notae  
 faeminas, sub velo sanctitatis ac devotionis, omni-  
 modam nequitiam occultantes ac practicantes, quae  
 LIGHTFOOTI sunt verba, idoneis hanc in rem  
 exemplis ipse comprobatur.

Ad §. X. pag. 23.

(6) Aliquas res Fato subiciebant ] De Fato  
 Stoico, quae Phariseis haerit sententia, dubie  
 disputarunt viri summi, BARONIUS in Appar.  
 ad Annales §. 8. pag. 4. & qui eum castigavit  
 IS. CASAVBONVS Exerc. I. §. 9. p. 42. Res  
 omnis ad IOSEPHI redit testimonium, qui lib.  
 XVIII. Antiq. Jud. cap. I. §. 3. edit. Haverkamp.

p. 871. ita de ipsis perhibet: πράσσεισθαί τε εἰ-  
 μαρμένῃ τὰ πάντα ἀξιώντες, ἔδὲ τῇ ἀνδραγαθείᾳ  
 τὸ βελάμενον τῆς ἐπ' αὐτοῖς ὁρμῆς ἀφαιρῶνται·  
 δοκῆσαν τῷ θεῷ κρατῖν γενέσθαι, καὶ τῷ ἐκείνης  
 βελευτηρίῳ, καὶ τῶν ἀνθρώπων τῷ θελήσαντι  
 προσχωρεῖν μετὰ ἀρετῆς ἢ κακίας· cum dicant,  
 fato omnia fieri, voluntatem hominis non privant  
 impetu, a seipsa pendente: quippe sic Deo placitum  
 esse, ut certo temperamento miscerentur in unum,  
 fati decretum, & ratio humana, si quis vellet ac-  
 cedere aut cum vitio, aut cum virtute. Primis  
 IOSEPHI verbis inhærens BARONIUS, Phari-  
 seos omnia tribuisse fato contendit: contra ve-  
 ro CASAVBONVS, ex subsequente Historici ex-  
 plicatione meliorem ipsis sententiam largitus,  
 ita definit: e tribus sectis illis, fato omnia tribue-  
 bant Esseni; libero arbitrio Sadducei, fatum, inane  
 esse nomen sine re, affirmantes. Pharisei mediam  
 viam sunt ingressi: fato quidem fieri omnia; sed  
 ita, ut hominum liberum arbitrium non tollerent.  
 Haussit ista CASAVBONVS ex IOSEPHO, qui  
 lib. XIII. de Antiqu. cap. V. §. 9. p. 649. in ean-  
 dem sententiam commentatur: οἱ μὲν ἔν Φαρι-  
 σοαῖοί τινα, καὶ ἐ πάντα τῆς εἰμαρμένῃς εἶναι λέ-  
 γουσιν ἔργον, τινα δ' ἐφ' ἑαυτοῖς ὑπάρχειν, συμ-  
 βαίνειν τε καὶ ἐ γίνεσθαι. τὸ δὲ τῶν ἑσσηνῶν γέ-  
 νος, πάντων τὴν εἰμαρμένην κυρίαν ἀποφάνεται,  
 καὶ μηδὲν ὃ μὴ κατ' ἐκείνης ψῆφον ἀνθρώποις ἀ-  
 παντᾶ. Σαδδουκαῖοι δὲ, τὴν μὲν εἰμαρμένην ἀναι-  
 ρῶσιν, ἔδὲν εἶναι ταύτην ἀξιώντες, ἔτε κατ' αὐτὴν  
 τὰ ἀνθρώπινα τέλος λαμβάνειν, ἅπαντα δὲ ἐφ'  
 ἡμῖν αὐτοῖς τίθενται, ὡς καὶ τῶν ἀγαθῶν αἰτίαις  
 ἡμᾶς αὐτοὺς γινομένους, καὶ τὰ χεῖρῳ παρὰ ἡμε-  
 τέραν ἀβελλίαν λαμβάνοντας. Pharisei quidem  
 dicunt, quaedam eorum, quae fiunt, non omnia, fa-  
 ti esse opera, esse enim & quaedam in nostra potesta-  
 te, ut fiant aut non fiant. Esseni vero omnia in  
 fati potestate esse affirmant, nec quicquam homini-  
 bus praeter fati decretum accidere. At Sadducei  
 fatum omnino tollunt, illud nihil esse existimantes,  
 neque ista, quae hominibus eveniunt, ei accepta de-  
 beri, sed omnia etiam nostro arbitrio subiciunt,  
 adeo, ut tum bonorum nobis ipsis auctores simus,  
 tum mala nobismet per stultitiam nostram arcessa-  
 mus.



mus. Et quia FLAVIUS ibidem in II τῆς Ἰσδαϊκῆς πραγματείας rerum Judaicarum Libro, ἀκριβέστεραν δὴλωσιν curatiorem explanationem hujus rei pollicetur, necesse est; ut tertium ejus addamus testimonium, quod lib. II. de bello Jud. cap. VIII. §. 14. p. 166. his conceptum verbis legitur: εἰμαρμένη τε καὶ θεῶ προτάπτει πάντα, καὶ τὸ μὲν πρᾶττει τὰ δίκαια, καὶ μὴ, κατὰ τὸ πλεῖστον ἐπὶ τοῖς ἀνθρώποις κῆσθαι, βοηθεῖν δὲ εἰς ἕκασον καὶ τὴν εἰμαρμένην. fato & Deo omnia attribuit, & honeste agere, aut non agere, magna ex parte in hominibus situm esse ajunt, cooperari autem in singulis fatum. Ex his duobus locis Phariseos a fati errore absolvere conatur CASAVBONVS, quia fatum, & Deum, & voluntatem hominis, in actionibus mortalium arctissimo combinauerint nexu. Quando vero EPIPHANIVS haer. XVI. §. 2. idem Phariseis imputat: ἀλλὰ καὶ εἰμαρμένη καὶ αἰσχρονομία παρ' αὐτοῖς σφόδρα ἐχρημάτιζε, fato & astronomia plurimum tribuebant, eamque de fato opinionem paulo post §. 3. ex instituto impugnat; eum CASAVBONVS in quosdam incidisse suspicatur suae ætatis Phariseos, qui placitorum suae sectae parum gnari, hoc illi persuaserint. Potiorem certe fidem habendam esse IOSEPHO, qui, ipso met giudice, scriptor accuratissimus, & quidem cum professione Phariseus, tum affectu. Verum si hoc nobis standum sit iudice, vereor, ut a fati errore absolvi queant Pharisei. Ipse enim, plus vice simplici, inexorabilem, æque ac Stoici, vim fati pronunciat. Postquam Achab regis interitum lib. VIII. Ant. cap. XV. §. 6. descripserat, de suo subicit: λογίζεσθαι τε πάλιν ἐκ τῶν περὶ τὸν βασιλέα γεγενημένων σοχαζομένης προσῆκε τὴν τῶ χρεῶν ἰσχύν, ὅτι μὴδὲ προγινωσκόμενον αὐτὸ διαφυγεῖν ἔστιν quin & convenit, ut conjecturam faciendo ex iis, quæ huic Regi obvenierunt, nobiscum reputemus fati vim, quod, etiamsi nobis quid sit futurum, innotescat, evitari nequeat &c. Porro lib. V. de bello Jud. cap. XIII. sub fin. de Judæis, ante Urbis excidium incorrigibilibus, inquit: πεπῆρωντο γὰρ ὑπὸ τῶ χρεῶν, ὃ τῇ τε πόλει καὶ αὐτοῖς ἤδη παρῆν, fatum enim eos cæcos

reddiderat, quod jam & civitati, & ipsis imminabat. Sic lib. VI. cap. I. §. 8. de Iuliano Centurione verba faciens, subdit: ἐδιώκετο δ' ἄρα καὶ αὐτὸς ὑπὸ τῆς εἰμαρμένης, ἣν ἀμήχανον διαφυγεῖν θνητὸν ὄντα, verum & ipsum profecto facta persequiebantur, quæ, utpote mortalis, vitare non potuit: & mox cap. IV. §. 8. ubi deplorandum Templi incendium memoraverat, solatii loco addit: μεγίστην λάβοι παραμυθίαν τὴν εἰμαρμένην, ἃ φυνκτον ἔσσαν, ὥσπερ ἐμφύχοις. ἔτω καὶ ἔργοις καὶ τόποις maximum quis inde capiat solatium, quod fatum, ut animantibus, ita operibus, locisque sit ineluctabile. Denique cap. V. §. 4. idem denuo inculcat: ἀλλὰ γὰρ ἔδυνατόν ἀνθρώποις τὸ χρεῶν διαφυγεῖν, ἔδὲ προσωμένους sed enim homines fatum vitare non possunt, etiamsi id præviderint. Taceo, quæ suppetunt plura, ejusdem farinae testimonia; quæ si ex sectæ promanarunt disciplina, ab hoc eam errore non finunt esse immunem. Doctissimus tamen CAMERO cit. loc. p. 169 sq. subtiliter perquam & copiose Phariseorum causam perorat, εἰμαρμένην & πρόνοιαν, fatum & providentiam IOSEPHO paria facere contendens, & EPIPHANIVM gravissimi lapsus postulans, cum IOSEPHVS eos, ab inclinatione providentiæ humanam nusquam asserat exclusisse voluntatem. Singulari studio perspicacissimus Anglus, GEORG. BVLLVS Harmonia Apostol. Dissert. poster. cap. XV. §. 14. p. 293 sqq. in controversiam istam inquirens, omnes rerum eventus inter hæc tria, Deum, fatum, & liberum hominis arbitrium quasi distribuisse Phariseos, ex IOSEPHO pronunciat. De Deo sensisse, nihil ab ipso immediate & de novo fieri, sed tantum mediante εἰμαρμένη illa, ab ipso prius in rerum creatione stabilita: quam Phariseorum mentem ex MAIMONIDE confirmat. Fato eos designasse ordinem & κατάστασιν cæli, astrorum & causarum secundarum ex iis pendentium, a causa omnium prima constitutam ac stabilitam. Justa verò facere vel secus, plerumque in hominis collocasse eos potestate, ut in iis actibus, qui sub virtutem aut vitium cadunt, fatum minus agere, hominis vero arbitrium in primis

primis conspici existimarint: quanquam neque hi omnès, ex mente Phariseorum in hominis fuerint potestate; dicebant enim *plerumque*, non *semper*. Quo nihil certius de implicata secta illius mente dici posse existimo; hoc solum addens, illam non tam in astrorum situ & influu fatum constituisse; quam ineluctabilem potius necessitatem, causis eventuum intermediis, divina voluntate injunctam censuisse, ab astris solum indicatam & confirmatam, ut ex crebris IOSEPHI locis, a nobis in medium allatis, soleclarius constat. Eam quippe urgentis vim esse fati, ut homines, finistram rerum eventum reformidantes, eidem tamen actionibus suis superpetias velut ferant, volente sic fato & decreto divino. Non hic me præterit, BASNAGIVM *lib. II. Hist. Jud. cap. X. §. 4 sqq.* quando Phariseorum ornare & pingere molitur hypothefin, BVLLO confutando prolixam navasse operam, sed in eo cumprimis, ut Phariseis fatum denotasse astra neget: in quo facile me habet consentientem. Hoc autem eidem non largior, quod Phariseis §. VIII. p. 491. diserte tribuit, partim nil aliud fuisse illis fatum, quam ipsam Dei voluntatem & decretum, partim integram ipsos homini reliquisse libertatem, sive bonum patrandi, sive malum. Dum enim non bina, sed tria eventuum humanorum principia enumerat IOSEPHVS, Deum & fatum liquido distinguit; & ineluctabile toties asserit fatum, ut quicquid moliat, quicquid agat homo, ejus tamen vim defugere omnino nequeat. Quando autem aliquam hominum arbitrio reliquerunt in agendo libertatem, non plenam tamen & integram, sed fato restrictam concesserunt, quo inprimis verba spectant, βοηθεῖν δὲ εἰς ἑκάστον καὶ τὴν εἰμαρμένην. Porro, quando in *Pirke Abboth cap. III. §. 15.* pronunciant: הכל צפוי והרשות נתונה ובטוב העולם נרון *omnia cernuntur a Deo, & libertas data est homini, atque in bono mundus judicabitur*: cave hoc de omnibus hominum actionibus accipias, sed de iis solum valet, quæ fati necessitate non præcise circumscriptæ, sed hominis electioni quodammodo relictæ sunt.

Ita enim partiuntur eas Pharisei, καὶ ὃ πάντα τῆς εἰμαρμένης ἐναι λέγουν ἔργον, τινα δ' ἐφ' ἑαυτοῖς ὑπάρχειν, συμβαίνειν δὲ καὶ ὃ γίνεσθαι. Verum ista iusto forte copiosius: nec tamen abs re, cum viros summos circa hoc momentum in partes abiisse conspiciamus.

Ad §. X. pag. 23.

(7) *Secundo confitentur esse Angelos & Spiritus*] De Sadducæis, & illorum, circa Angelos & Spiritus, juxta hoc ex Act. Apost. testimonium, mente, Capite sequi ex instituto dicemus. Hic de Phariseis observamus, eos non resurrectionem modo, sed etiam tam Angelos, seorsim existentes; quam animas, corporibus suis solutas, affirmasse, quin & utrisque frequens ac familiare cum hominibus commercium asseruisse. Docet hoc LIGHTFOOTVS *Hor. Hebr. ad b. l. v. 24.* ex Talm. Codice *Beracoth fol. 18. col. 2.* idemque ex divitis epulonis sermone liquet *Luc. XVI. 26*, Abrahamum obsecrantis, ut animam Lazari ad fratres suos in mundo superstites mitteret, quæ admonitionibus suis caveret, ne & ipsi in hunc tormentorum carcerem conjicerentur. Bene memini, veterum nonnullos, quin & ex Nostratibus, MICH. WALTHERVM in *Harmon. b. l.* & ex Reformatis, GERBRANDVM VAN LEEVWEN *Annotat. ad b. l. Act. p. 846 sq.* per πνεῦμα v. 9. Spiritum Sanctum qui locutus est per Prophetas, sive illum Prophetiæ gradum intelligere, qui sigillatim Judæis וְרוחַ הַקֹּדֶשׁ audit; a qua sententia se non alienum fatetur doctissimus IOH. CHRISTO. WOLFVS in *curis Philol. & Crit. in b. l.* Verum, aut oppido fallor, aut πνεῦμα & ἄγγελον, in utroque commate 8. & 9. eundem necesse est obtinere sensum, quia, quod negabant Sadducæi, hoc ipsum Pharisei asseriebant. Ast v. 8. voce πνεῦμα Spiritum Sanctum designari, quod EPIPHANIO quidem & PHILASTRIO visum fuit, eo minus probatur, quo certius est, de creaturis ibi, non de Deo, sermonem esse. Qui enim πνεῦμα utrobique de Deo exposuit HAR-



DVINVS, *Prolus. de nummis Herodiadum* p. 98. sqq. quoniam per se, vel per angelum, loqui Deus homini possit ac soleat, unde Phariseos utraque confiteri censet, h. e. geminum resurrectionis magistrum, nempe & Angelum, & Spiritum, sive Deum, quorum ab alterutro edoceri Paulum potuisse suspicati sint: merito hoc nomine vapulat WOLFIO, ut pluribus opus non sit.

Ad §. X. pag. 23.

(8) *Pythagorica μετεμψυχῶσαι*] Non adeo expedita hæc est quaestio, ac tradit Auctor. IOSEPHI, quod urget, testimonium satis est perspicuum, quando *lib. II. de bello Jud. cap. VIII. §. 14. p. 166.* hanc Phariseis tribuit mentem, ψυχὴν πᾶσαν μὲν ἀφθαρτον, μεταβαίνειν δὲ εἰς ἕτερον σῶμα τὴν τῶν ἀγαθῶν μὲν, τὴν δὲ τῶν φαύλων αἰδῶ τιμωρίᾳ κολλάεσθαι, animam quidem omnem esse immortalem, solas vero bonorum animas in alia transire corpora, at malorum eterno supplicio puniri. Solis tamen Cabbalistis sententiam hanc tribuit R. ELIAS Germanus in *Tisbi*, voc. גלגול, qui ita habet: ומה שזכרנו בעלי הקבלה גלגול הנשמות ודעתם שכל נשמה ונשמה נבראת שלשה פעמים רוצה לומר שהיא מתגלגלת בגופי שלשה כנ"א אדם ולקחון סמך מפסוק הן כל אלה יפעל אל פעמים שלוש עם גבר וכן אומרים שנשמתו של אדם הראשון נתגלגלה בגוף של דוד המלך ומדוד התגלגלה בגופו של משיח וכן אדם ראשי תיבות אדם דוד משיח וכן אמרו שהנשמות של בעלי עיבות יתגלגלו בגופי בעלי חיים כל אחד לפי עונו כגון מי שבא על הזכר נשמתו תתגלגל בארנבת לפי שהוא רובע ונדבק ומי שבא על אשת איש נשמתו תתגלגל בגמל לפי כן אמר דוד אשירה לוי כי גמל עליו פירוש אשירה לך ואורר כאשר העבדת חטאתי והצלת נפשי מן הגמל: Hinc est, quod auctores Cabbalistici differunt de revolutione animarum: quorum opinio est, unamquamque animam tribus vicibus creari: volunt dicere, quod ea volvat se per tria corpora filiorum hominis. *Et locus Scri-*

*pturae*, unde probationem accipiunt, est Jobi cap. XXXIII, 19. Ecce omnia ista operatur Deus cum homine tribus vicibus. Unde sic dicunt, quod anima primi hominis volutaverit se in corpore Davidis Regis, & inde reversura sit in corpus Messia: idque significari per literas, quæ sunt in voce אדם, quarum unaquæque integram dictionem constituat, Adam, David, Messias. Sic quoque dixerunt, quod animæ hominum prævaricatorum migrent in corpora animalium, uniuscujusque secundum id, quod peccetur. E. g. qui rem habuit cum masculo, ejus anima, inquirunt, migrat in leporem, quod is scilicet in coitu, modo marem, modo femellam agit; qui vero rem habet cum alterius uxore, anima ejus in gamelum migrat. Hinc est, inquirunt, quod David dicit Ps. XIII, 6. cantabo Domino, כי גמל עלי h. e. cantabo tibi & confitebor tibi, quod abstulisti peccatum meum, & liberaſti animam meam de gamelo. Sed quod ad priorem, de Adami anima, traditionem attinet, quantum ei corpus, Abrahami scilicet, quod illa pariter ex Judæorum mente incoluerit, addit BARTOLOCCIVS *Biblioth. M. Rabbin. Tom. I. digress. III.* quæ est de Adamo, hominum primo, p. 79. Eundem Phariseorum errorem, ex Pontificiis SCIPIO SGAMBEATUS *lib. II. Archivor. Vet. Test. Tit. XX. p. 290.* ex Nostris vero, præeunte DRVSSIO, recenset & examinat THOM. ITTIGIVS *Exercit. Theol. Ennead. Diff. III. §. 28 sqq. p. 141.* Cumprimis vero e Rabbinis R. MICHAEL Cohen, discipulus AVERROIS, dialogisticam composuit disputationem, inter se & inter MOSEN Cohen Germanum, de transmigratione animarum, quam R. MICHAEL affirmans, contra R. MOSEN, viginti rationibus eam impugnans, respondendo singulis statuminat, tandemque carmine ἐπινίκιον triumphum canit. Hanc MSCAM, ex *Biblioth. Vaticana* recenset laudatus BARTOLOCCIVS *Tom. IV. Bibl. pag. 27.* Contra vero ea, IOH. CAMERO, & IOH. MALDONATUS, ab isto Phariseos liberant errore. Sed totum hujus controversiæ latifundium solidè exhaustit, vir singularis industriæ, PAVLVS SLEVOGTVS *disput. Acad. XII. pag. 829.* ubi

1) Pha-

1) Phariseos μετεμύχων αὐτοῖς asseruisse, §. 6. sqq. evincit, & contra negantium objectiones §. 10. sqq. tuetur: hinc 2) in erroris originem & patronos exoticos inquirat §. 16: demum 3) sententiam ipsam dogmaticè exponit, ac ex instituto refellit §. 22 sqq. Quocum confer, quæ GERH. IOH. VOSSIVS habet *lib. I. de idololatria cap. X.* nec non IOH. HENR. MAIVS in *Synopsi Theol. Judaicæ Loc. XXIV. §. 5. p. 329.* ubi argumenta R. MENASSEH BEN ISRAEL, pro revolutione animarum allata, studiose diluit. Aliorum enim commentaria transcribere, animus nobis non est. Quod autem ad impiorum attinet animas, eas ex traditione R. ISAACI, & R. IVDAE, in Dæmones converti, qui tentent mortales, & postea ad infernum redeant, quin & ad sepulcra vadere, ac magno cum dolore suo vermes videre, qui corpus suum perforant, BARTOLOCCIVS de novo edocet *Tom. I. Bibl. Rabb. pag. 351.*

Ad §. X. pag. 23.

(9) *Matth. XVI, 14.*] Hanc Phariseis mentem hæsisse, ex h. l. & *Matth. XIV, 2.* innuunt magis, quam probant SERARIUS *Triberes. lib. II. cap. III. §. 3.* & DRUSIVS *de Sectis Jud. lib. II. cap. XIV. p. 71.* uberius vero adstruit BERNARD. LAMY *Comment. in Harmon. IV. Evangelistar. lib. III. cap. 26. p. 280.* Quod tamen interpretationis commentum refutat, falsumque demonstrat, circa *Matth. XIV, 2.* VOSSIVS paulo ante citatus: circa *Cap. XVI, 14.* autem, IOH. REINHARD. *RVS Harmon. Evangelistar. lib. V. Tom. I. Sect. I. cap. 8. Tom. II. p. 164 sq.*

Ibidem.

(10) *Mordicus tenebant παραδόσεις, traditiones Antiquorum*] Illam legis distinctionem in scriptam, & oralem, quam scite explicat Auctor, studiose inculcabant Pharisei, priori nomine Scripturam Mosaicam, posteriori Sapientum placita & γνώμας, designantes. Elumbi perquam argumento distinctionem probat RASCHI

ex *Lev. XXVI, 46.* ubi התורות in Plurali præter morem poni animadvertit, ad geminam hanc innuendam legem, אחת בכתב ואחת על פה אחת בכתב מנין שכלם נתנו למשה בסיוני *quarum una scripta, altera ore prolata est.* Memorat autem istud Scriptura, quod ambae datae sunt Moysi in monte Sinai. Verba MOSIS KOTSSENSIS, quibus Praefationem הגדול ספר המצות *libri praeceptorum magni* auspiciatur, & ad quæ Auctor noster provocat, ita habent: משה קיבל תורה מפי ארון העולם מסיוני ומסרה ליהושע שכן כתוב ומשרתו יהושע בן נון נער לה' ימשימתו האחר ויהושע מסרה לשבעים זקנים לנהג ישראל אחריו בדרך ישרה שכן הוא אומר ויעברו ישראל את ה' כל ימי יהושע וכל ימי הזקנים והזקנים מסרוה לנביאים ונביאים הראשונים מסרוה לנביאים האחרונים והם חגי זכריה ומלאכי והם מסרוה לאנשי כנסת הגדולה ומהם קבלו החכמה רור אחר רור מזה ועד עת' *Moses accepit legem ex ore Domini orbis ex Sinai, & tradidit eam Josue, quia ita scriptum est Exod. XXXIII, 11. & minister ejus Josua, filius Nun, puer, non recessit a medio tentorii: Et Josua tradidit eam septuaginta Senioribus, ut ducerent Israel post eum in via recta, quia ita ipse inquit Jos. XXIV, 31. (coll. Jud. II, 7.) & servierunt Israelite Domino omnibus diebus Josue, & omnibus diebus Seniorum: Et Seniores tradiderunt eam Prophetis, & Prophetæ priores tradiderunt eam Prophetis posterioribus, qui erant Haggai, Zacharias & Malachias. Hi tradiderunt eam viris Synagoga magna, & ab his acceperunt sapientiam generationes sequentes, una post alteram, abhinc & ad hunc usque diem.* Hæc est decantata illa שלשה הקבלה catena, sive series traditionis, quam longe copiosius adhuc & curatius MOSES MAIMONIDES exponit sub initium Praefationis ad *Jud Chafakab*, ita ut accepisse legem oralem perhibeat Seniores multos a Josua, a Senioribus illis & Pinehaso Sacerdote Pontificem Eli, ab Eli Samuelem, a Samuele Davidem, a Davide Ahiam Silonitam, ab eo Eliam, ab hoc Elifam, ab Elifa Jehojadam Sacerdotem, a Jehojada Zachariam, Hoseam a Zacharia,



charia, Amosum ab Hosea, Jesaiam ab Amoso, Michæam a Jesaia, Joelem a Michæa, Nachumum a Joele, Habacucum a Nachumo, Zephaniam ab Habacuco, Jeremiam a Zephania, a Jeremia Baruchum filium Nerijæ, Esdram a Barucho, Collegium Esdræ autem fuisse Synagogam magnam, quæ Haggæum, Zachariam, Malachiam, Danielem, Chananjam, & Misaelem, & Afariam, & Nehemiam, & Mardochæum, & Serubabelem, & multos cum eis Sapientes complexa sit, ad numerum CXX. In his fuisse Simeonem Justum: a Simeone Justo, Pontifice, accepisse Antigonum Sochæum &c. Idem porro MAIMONIDES *Præfatione in Seder Zeraim*, apud EDVARD. POCCOCKIUM *in porta Mosis* p. 36. ordine retrogrado docuit, qua successione ab Esdra pervenerit hæc lex ad *Jehudam Sanctum*, auctorem Mischnæ, in qua quid retulit, acceperat a Simeone patre suo, ut ille a Gamaliele patre suo, ille a Simeone patre suo, ille a Gamaliele patre suo, ille ab Hillele patre suo, ille a Schema-jah. & Abtalione præceptoribus suis, illi a Juda Tabbæi filio, & Simeone Schataj filio, illi a Josua Pherakæi filio, & Nathao Arbelita, illi a Jose Joezeri filio, & Jose Juchanani filio, illi ab Antigono Sochæo, ille a Simeone Justo, ille ab Ezra, Ezra vero a Barucho Nerijæ fil. præceptore ipsius, Baruch autem Nerijæ fil. a Jeremia, ut & Jeremias sine dubio acceperat a Prophetis, qui alii ab aliis acceperant usque ad Seniores, qui Josuæ, quæ ipse a Mose retulit, accepta tulerunt. Quid autem ABARBENEL in hac doctrinæ oralis traditione *in Præfat. ad נחלת אבות* desideret, & contra MAIMONIDEM moneat, legi poterit apud IOH. MEYERVM *Annotat. in Seder Olam* p. 1077 sq. Majoris momenti quæstio est, quo loco legem oralem habeant Judæi, & quam multis eam parasangis scriptæ anteponant. Ex citata MOSIS KOTSSENSIS *Præfatione* hoc liquido apparet, in qua, paulo post illa, quæ supra attulimus, ita pergit: *ולולי כי ניתן פרוש לתורה בעל פה היתה כל התורה כסמיות ועיזורון כי המקראות שוברין וסותרין זה זה* *nisi enim Deus hanc per legem oralem de-*

*disset explicationem, tota lex scripta non nisi cæcitas, & ut mera tenebra visa fuissent, cum Scriptura versus sibi invicem contrarientur.* Quod variis demonstrare satagit exemplis, v. g. Exod. XII, 40. *habitationem Israelitarum in Aegypto fuisse dici 430 annorum*, cum tamen ex vita Cahathi, filii Levi, unius ex iis, qui in Aegyptum descenderant, nec non Ahrami & Mosis, non nisi 380 anni exsurgant. Gen. XLVI. *numerum eorum, qui descenderunt in Aegyptum, recenseri 70: cum tamen 69 tantum inveniantur.* Addit discrepantiam in numero Levitarum Num. III, 39. in exactione argenti Exod. XXXVIII, 26, 27. circa azymos comedendos septem diebus, Exod. XIII, 6. & Deuter. XVI, 8. sex diebus. Circa septem & quinque septimanas numerandas Deuter. XVI, 9. Lev. XXIII, 16. de Paschate ex ovibus & bobus Deuter. XVI, 2. & ovibus ac capris Exod. XII, 5. de primogenitis Deuter. XV, 19. Lev. XXVII, 26. de asino inimici & bove reducendo Exod. XXIII, 4, 5. de descensu Domini in montem Sinai Exod. XIX, 20. & locutione e cælo c. XX, 22. & similia multa, inquit, *quorum interpretationem exponere nemo possit, nisi ex lege orali, quæ est traditio per manus Sapientum.* Post multa ejusdem farinae alia, aperte criminatur Scripturam: *התורה שבכתב סתומים אמרים וכעין רמז הן ואין אדם יכול להתבונן בה לידע אפי' דין קל ולא לידע אחת* *Legis scriptæ verba clausa, & instar mysterii sunt, ut nullus homo possit vel minimum jus ex ea intelligere, aut legitimum sensum ullius præcepti habere sine lege orali, quomodo v. g. puniendus sit violator Sabbathi? quæ observanda in-festo tabernaculorum? quis ritus circumcisionis? item de schedula limini imponenda Deuter. VI. &c.* Hinc intelligitur, quam abjecte de Scriptura sentiant Judæi, eamque & obscuritate, & contradictionibus, & defectibus innumeris laborare causentur: ex adverso autem quam magnifice de Traditione orali, quæ lucem & sensum literæ scriptæ affundat, defectus suppleat, mentem Dei omnipotentis dilucide declararet, ut absque hac si fuerit, nullius plane vel pretii,

pretii, vel usus futura sit lex literis exarata. Quam quidem calumniam, velut abominatur BVXTORF. *Synagog. Jud. cap. III. p. 48 sqq.* ita retundere nititur IOH. HENR. MAIVS *Synag. Theol. Jud. Loc. I. §. 4 p. 14 sqq.* Nemo autem copiosius de lege orali, & contra illam, post HOORNBEECKIVM de convertend. *Judeis lib. I. cap. L. p. 57 sqq.* commentatus est, quam DANIEL LE ROY in *Foodsche Oudheden in opzicht van hunne Mondwet en Talmud, lib. I. toto, p. 9-234.* Ceterum de Pharisaorum traditionibus confer IOH. CAMERON. *Præf. ad Matth. XIX, 3, p. 166 sq. Opp.* De lege autem Judæorum orali IOSEPH. DE VOISIN *Annotat. ad Proem. pugionis fidei Raym. Martini fol. 11 sqq.*

Ad §. XII. pag. 24.

(11) *Ex primariis differentiis fuit* ] Dum quippe GORIONIDES *lib. IV. cap. VI. circa fin.* Hyrcani, e Pharisaorum castris ad partes Sadduceorum, transitum exponit, eumque usque adeo in Pharisaos concitatum memorat, ut mandatum per universam Judæam promulgaret, in hanc sententiam: כל מלמד אשר ילמד את ימות בננו כדת הפרושים מות ימות quicunque filios suos juxta Pharisaorum legem instituerit, is morte mulctetur: illa dein subdit, quæ Auctor noster ex eo allegavit, & quæ in Hebræo ita habent: הנרי הפרושים היו אומרים נשמר התורה אשר מסרו אבותינו מפורשה על פי החכמים אשר פרוש את התורה לקבלה והנה הצקורים אומרים לא נאמן ולא נשמע לכל מסורת ולכל פירוש כי אנו לתורה משה לבד Ecce, Pharisei dicebant: observemus legem, quam patres nostri nobis tradiderunt, quamque Sapientes, qui legem explicant, secundum traditionem exponunt: Sadducei autem dicebant: non credamus, nec observemus ullam traditionem & expositionem, præter legem Moysi tantum. Eadem occasione FLAVIUS IOSEPHVS idem perhibet, *lib. XIII. Antiqu. Jud. cap. X. §. 6.* in-  
quiens: νόμιμα πολλά τινα παρέδσαν τῷ δήμῳ οἱ φαρισαῖοι, ἐκ πατέρων διαδοχῆς, ἅπτερ ἐκ ἀνα-

γέγραπται ἐν τοῖς Μωυσέως νόμοις, καὶ διὰ τῶν ταῦτα τὸ Σαδδουκαίων γένος ἐκβάλλει, λέγον, ἐκείνα δὲν ἡγεῖσθαι νόμιμα τὰ γεγραμμένα, τὰ δ' ἐκ παραδόσεως τῶν πατέρων μὴ τηρεῖν. Pharisei multa instituta populo tradiderunt a patribus accepta, quæ in Moysi leges non relata sunt. Ideoque ea Sadduceorum genus repudiat, dicitque, ea pro institutis habenda, quæ scripta sunt, quæ autem a patribus tradita sunt, non esse servanda. Addit præterea: καὶ περὶ τῶν ζητήσεων αὐτοῖς καὶ διαφορᾶς γενέσθαι συνέβανε μεγάλας, τῶν μὲν Σαδδουκαίων τὸς ἐμπόρους μόνον πειθόντων, τὸ δὲ δημοτικὸν ἔχ' ἐπόμενον αὐτοῖς ἐχόντων, τῶν δὲ φαρισαίων τὸ πλῆθος σύμμαχον ἐχόντων: atque accidit, ut de his questionibus eis gravesque contentiones orirentur, Sadduceis locupletes solum in suas partes pertrahentibus, Phariseis autem multitudi-  
nis favore nitentibus.

Ad §. XIII. pag. ead.

(12) *Non capiebant cibum χερσὶν ἀνέτοις* ] In excutienda lotionē Pharisaica, quæ a Marco c. VII, 3. πύγμαν peracta legitur, studiose & curate versatur Auctor. DAN. HEINSIUS in *Exercit. Sacr. ad b. l. p. III.* prioribus duabus, ab Auctore recensitis interpretationibus calculum adjicit, & ex Agonistica vetere, crebro, certatim lavare, sed & cum Syro, μετὰ σπυγῆς, & ἐπιμελῶς, exponit. In eodem frequentiarum sensu, ut iteratis vicibus lavare notet, Græce doctissimus ERASM. SCHMIDIVS *b. l.* non tamen absque hæsitacione acquiescit: nec ulterius progreditur IOH. CUNRAD. DIETRICVS in *Antiqu. N. T. h. v. p. 157 sq.* Primus, quantum memini, SCALIGER in *Elencho Tribar. cap. VII. p. 57.* ex ritu lavandi Judaico, paulo curatius vim vocis enucleavit, Judæus, inquit, lotioni manuum operans, quinque digitorum ἀπὸα inter se jungit: & cum extremitates digitorum sic inter se commiserit, inde fit, ut manus in pugni speciem collecta sit, non tamen ut verum pugnū, qui Græcis πύγμα καὶ γρόνθος dicitur, faciat, sed πύγμα vocatur, quia aliud nomen reperiri non potuit. Πύγμα enim  
Aa proprie



proprie est manus compressio, digitis quatuor in volam inclusis, solo pollice in indicem incumbente. Hoc vero manus schema colligitur, pollicis ungue cum quatuor digitorum summitatibus conjuncto. Cum igitur manus sic configurata fuerint, attolluntur, ita ut aqua, quæ inter lavandum manibus hæserit, una cum sordibus per exteriores partes manuum, ad cubitum usque defluant, & mox manibus, eodem schemate manente, terram versus pronis demissis, ab cubitis in terram decidant. Itaque in lotione manuum tria fiunt: lavantur manus ita, ut omnes sordes eluantur: componuntur deinde in pugnum: postremo elevantur & demittuntur. Inde vides, quare elevatio manuum vocata sit accurata illa *χειρολσσία*, qua ab antiquis usque temporibus hæcenus utuntur Judæi. Habes amplissimum commentarium, unde Auctorem nostrum intelligas. In quam sententiam viri docti posthæc pedibus incesse, GROTIUS, FRANC. GOMARUS *Opp. T. I. p. 87.* HEIDANUS *de origine error. libr. VIII. cap. III. §. 5. pag. 445 sqq.* ex Nostratibus CALOVIVS, NOLDIVS, IOH. CHRIST. WOLFIUS in *Curis b. I.* & IOH. REINHARD RVS in *Harmon. Evangel. Lib. V. Part. I. Sect. I. cap. I. Tom. II. p. 12 sqq.* Cum primis IOH. BVXTORFIVS *fil. dissert. VII.* quæ vindicias Exercitationis de Cena Domini complectitur, §. 52 sqq. p. 374 sq. hunc locum, & quid Judæis sit, *לָאוּר עַר הַפָּרָק* lavare, sollicitè exegit; dissertatione autem VIII tota p. 397 sqq. de ritu lotionis manuum ante & post cibum, solide & erudite agit, unde peti poterit, quicquid huc facit. Præter hunc etiam copiosissime, & ex Judæorum fontibus, accurate de lotionibus Pharisaicis agit EDVARD. POCOCK. *ad portam Moysi Not. miscell. cap. IX. p. 355 sqq.* ubi SCALIGERVM circa elevationem manuum inter lavandum p. 376. refellit, negatque manus, postquam semel elevatae fuerint, ante lotionem peractam atque aquam absterfam demitti debere, cum immundities hoc pacto augeatur, non tollatur. Eam itaque, quæ requiritur manuum elevationem, non esse *הַנִּבְחָה גְּמֹרָה* elevationem omnimodam, sed *הַנִּבְחָה קָצָה* qua ex parte eriguntur,

i. e. situm, quendam medium, quo nec in altum tollantur, nec versus in terram prona demittantur, quoque revera caveatur, non tantum ne refuat aqua semel affusa, sed כְּרִי שְׁלֵמָה יֵצֵאוּ חוּץ פָּרָק ne omnino inter affundendum, ultra carpum defluat, quo ullius ab ea pollutionis metus sit: quæ omnia testimoniis Talmudicis & Rabbinicis suffulcit. Quicquid demum ejus rei sit, necesse omnino est, ut ex lavandi ritu, ad quem omnino respicit Evangelista, genuinum vocis arcessamus sensum. Nec satisfacit THEOPHYLACTVS, qui ad b. I. *ὡπλίσθησαν πυγμῇ*, inquit, *τῆτέσι*, ἄχει τὸ ἀγκῶνος· πυγμὴ γὰρ λέγεται, τὸ ἀπὸ τῆ ἀγκῶνος ἄχει καὶ τῶν ἀγκῶν δακτύλων, lavare cubitaliter, b. e. usque ad cubitum: cubitus enim dicitur a flexu brachii, usque ad extremos digitos: quod bene habet, modum tamen lavandi, qui in voce latet, non declarat. Quæ autem superstitionum lerna lotioni isti adhæserit, ex POCOCKIO ad nauseam usque disces. Et de manuum quidem lotionem ob cibum vide MAIMONID. *Hilc. הַבְּרִיכוֹת de benedictionibus cap. VI. §. 1 sqq. c. VII. §. 8. &c.* In genere de *רחץ הכפיים* seu lotionem manuum peculiari differtatione AN. 1716. commentatus est IOH. CHRISTOPHOR. WICHMANSHAVSEN, ubi §. 8 sqq. contra SPENCERVVM disputat, hunc Judæorum morem, ex Gentilium ritu perperam derivantem.

Ad §. XV. pag. 25.

(13) *Tres lotionum species usitatas Judæis* ] Tribus istis, 1) *Pharisaica* & superstitionæ, ex Majorum traditione oriundæ, multis minutis observationibus vestitæ, 2) *Ordinarie*, quæ communis gentium est, & ad civilem pertinet honestatem, 3) *Significativa*, quæ vitæ integritatem & puritatem conscientiæ testabatur, & de qua vir doct. WILH. ERN. EWALDVS *Emblemat. Sacror. lib. III. Exerc. II. §. 5. p. 41.* commentatur, lotionem cum primis addimus 4) *Sacerdotalem*, in obeundo munere sacro divinitus injunctam, de qua MAIMONID. in *בֵּיאַת הַמִּקְדָּשׁ cap. V. §. 4.* זֶה הַכֹּלל הוּא בַּמִּקְדָּשׁ אֵין אָדָם נִכְנָס לַעֲוֹרָה לַעֲבֹרָה

לעבודה אף על פי שהוא טהור עד שהוא טובל! *Generale hoc erat statutum in sanctuario, ut nemo ingredi deberet atrium ministerii causa, tametsi ille mundus esset, usque dum corpus abluisset immersione in aquam.* Rursusque *ibid.* §. I. מצות עשה לקדש כהן העובר ידיו ורגליו ואחר כן יעבור שנאמר ורחצו אחרון ובניו ממנו את ידיהם ואת רגליהם וכהן שעבר ולא קידש ידיו ורגליו שחרית חייב מיתה בידיו שמים שנאמר ורחצו מים ולא ימותו ועבודתו פסולה בין כהן גדול בין כהן הדיוט: *Præceptum affirmativum est, ut sanctificet Sacerdos ministraturus manus, & pedes suos, & postea ministret, quoniam dicitur: Et lavabunt Aaron & filii ejus ex illo (labro) manus & pedes suos.* Sacerdos vero, qui ministrat non sanctificatis manibus & pedibus suis mane, reus erat mortis ex celesti vindicta, quoniam dicitur: Lavabunt se aquis, ne moriantur. Etiam ministerium illegitimum est, siue is Summus esset, siue vulgaris Sacerdos. Plura huc facientia leges ibidem. Præterea laudatus EWALDVS §. 6. p. 42 sqq. triplicem observat & declarat lotionem, initiationis, expiationis, & sanctificationis, quam omnem idoneis, cum testimoniis, tum exemplis confirmat.

Ad §. XVI. pag. 25.

(14) *Verbum, quo utitur Marcus, est βαπτίζεν* Distinctionem, quam Judæi instituerunt, inter נטילה ידים lotionem manuum, & טבילה ידים immersionem manuum, LIGHTFOOTVS quoque explicavit *Hor. Hebr. ad Marc. VII, 4. T. II. Opp. f. 445.* Domi manentes, non comedebant, *ἐὰν μὴ πύγμῃ νίψανται, nisi pugnum laverint:* at redeuntes e foro, non comedebant, *ἐὰν μὴ βαπτίσωται, nisi manus in aquam immerferint,* ignorantes quippe & incerti, ad quamnam immunditiem appropinquarent in foro. Consentit POCOCKIVS pag. 377 sqq. cui נטילה vocatur proprie lotio, quæ fit aqua prius e loco suo hausta, ac e vase in altum levato, vi præbentis effusa, טבילה quæ manuum in aquam immersione peragi solet. Monent apud eun-

dem p. 379. Magistri, inter החוצצים seu *res que discriminant*, & impediunt aquam, quo minus ad cutem pertingere, sordesque auferre quear, ipsamque adeo lotionem impediunt, referendum quoque esse *annulum*, quem inter lavandum exui jubent, qui lotionis terminum, cibum etiam communem capturis, vel ad metacondylos, vel brachiale extendunt: nam qui sufficere dicunt, ut ad condylos lavent, haud necesse esse statuunt, ut exuantur annuli, cum infra articulum istum gestari soleant. Arque hoc præcipue affirmant, cum annuli מהורקים seu angustiores fuerint. Sin רפויין laxiores, retineri in manu posse, tutius tamen judicantibus aliis, ut omnino deponantur. *Sunt apine, tricaque, & si quid vilius istis!* Confer tamen, si החוצצים siue res, transitum aquæ ad cutem prohibentes, ordine recensitas cupis, MAIMON. *Hilc. de lavacris cap. I. §. 12. & II. §. I sqq.* Ejusdem sunt farinæ, quæ pag. 380. de שפשוף affricatu, confricatione seu defricatione manuum inter lavandum, dispari sententia monet, unde hoc saltem certum ac scitum inter ipsos eruitur, *requiri, ut abstergatur aqua, quæ manibus adhaeserit, siue mappa, siue re quapiam alia, quia si quis comederit panem, non exsiccatis manibus, perinde sit, ac si immundum comedisset.* Porro p. 382. de aquis posterioribus, seu quibus post cibum ἀπορίπτεσθαι solebant, commentatur, ac ex istis omnibus demum p. 385. colligit, certissimum esse, quod ait Syrus Interpres, lavasse ipsos בטילה ἐπιμελώς, nulla non adhibita diligentia, ita tamen, ut & ipse magis, quid fecerint Judei, quam quid dixerit Evangelista, expressisse videatur. Pergens porro POCOCKIVS p. 389. ad Marci VII comma 4. quod præ manibus habemus, Auctori nostro, æque ac BEZAE, DRV-SIO, GROTIØ, aliisque contra dicit, nec totius corporis, sed manuum lotionem, immersione tamen peractam, Græco verbo βαπτίζεσθαι h. l. notari contendit. Allatis enim in hanc rem Magistrorum sententiis, demum pag. 393. recte concludit, esse scil. טבילה (quod βαπτίζεσθαι significat) ulteriorem purgationis gradum, quam is, qui



qui per כִּטְלִין seu χερσίντων intelligitur, nec tamen totius corporis mersationem necessario indigitare, cum vel gravissima ac manifesta manuum immundities τῷ Perek, seu ea, quæ ad brachiale est, junctura finiatur, ac manuum eousque mersatione tollatur, quo quis vel ad ea, quæ maxima cura tractanda sunt, edenda mundus atque idoneus censetur: neque ergo et vi vocis βαπτίζεσθαι (quod nihil gravius quam טָבַל notat) firmiter concludi, Judæos e foro venientes totum corpus, antequam panem gustarent, abluere solitos. Et nimis certe molestum fuisset, si quoties a foro domum rediissent Pharisei, ipsis vestes omnes deponere, totoque abluere corpore, & aquis corpus immergere, necesse fuisset, cum manuum immersio rite facta huic fini sufficeret abunde.

Ad §. XVI. pag. 25.

(15) *Ad hanc superstitionem Petrus*] Quod persuaderi mihi non patior. Quemadmodum enim hoc a Christo peractum pedilavium universum extraordinarium, & præter morem Judæis consuetum, a Christo fuit susceptum, velut BVXTORFIVS dissertat. VI. de Cæna Domini, §. 30. p. 302 sqq. contra SCALIGERVM, BEZAM, BARONIVM, liquido demonstravit; ita ex trito quodam Phariseorum ritu, hæc Petri postulatio manasse, dici nequit. Demus vero licet, quod serio tamen negamus, hunc lavandi morem obtinuisse πρὸ τῆς αἰῶνος Luc. XI, 38, ille tamen non quadrat ad lotionem factam δειπνῶ γενομένης, cæna jam peracta v. 2. Vt differentiam insignem taceam, quæ inter aquas priores & posteriores, inter lotionem ante & post cænam interceffit, expositam BVXTORFIO p. 415. & ПОСЛОКІО pag. 382 sq. Petri autem verba trita ipsi affectuum vehementiæ tribuenda censeo, ut, ne partis cum Domino faceret jacturam, manus potius & caput una cum pedibus offerret lavanda. Bene WILH. LYSERVS Diff. Exeg. in b. l. §. 23. Petrus in recusando vebemens, inquit, in admittendo vebementior, utrobique præ amoris magnitudine modum servare nescit. Audiens

enim comminationem divortii a Christo, nisi lavari se ab eo pateretur, confestim mutavit sententiam, & non pedum duntaxat, sed & manuum, & capitis lotionem expetit, q. d. potius, quam a Te divellar ac separer, totum me ablui patiar.

Ad §. XVI. pag. 25.

(16) *Sectam Hemerobaptistarum*] Hanc EPIPHAN. lib. I. advers. Hæres. hæres. XVII. p. 37. ead m per omnia cum Scribis ac Phariseis tenuisse, quin & cum Sadducæis, in neganda mortuorum resurrectione, conspirasse perhibet, addens: τῷτο δὲ περιττὸν αὐτῇ κεντημένη ἡ αἵρεσις, ὡς ἐν ἑαρί τε καὶ μετοπώρῳ, χειμῶνι τε καὶ θέρει πάντοτε καθημέραν βαπτίζεσθαι, ὅθεν καὶ ἡμεροβαπτιστὴν εἰληφε τὴν ἐπωνυμίαν· ἔφασι γὰρ αὐτῇ ἄλλως πῶς μὴ εἶναι ζῆν ἀνθρώπων, εἰ μὴ τι ἄρα καὶ ἐκείνην ἡμέραν βαπτίζοιτο τις ἐν ὕδατι, ἀπολαβόμενος τε καὶ ἀγιάζομενος ἀπὸ πάσης αἰτίας. Hoc vero præcipuum habent, quod tam vere, autumnoque, quam æstate atque hyeme quotidie lavant: unde & Hemerobaptistarum appellationem adepti sunt. Ita enim statuebant: vivere aliter hominem non posse, quam si quotidie se aquis elueret, atque ab omni crimine purgaret. A Phariseis itaque hanc sectam ortum trahere, pariter censet IOH. NICOLAI Annotat. ad Carol. Sigonii de Republ. Hebr. lib. V. cap. XI. p. 423. Sectam autem hanc in universum negat DIONYS. PETAVIVS Animadvers. ad cit. loc. Epiphaniū T. II. p. 35. nomine isto Phariseos designatos censens: Non videtur, ait, peculiaris hæc secta Judæorum extitisse, nisi ita dicamus: nonnullos, qui se sanctitate præstare ceteris vellent, non modo quoties a foro redirent, verum etiam, tametsi pedem domo non extulissent, de die sæpius lavare consuevisse. Cujusmodi Banus ille fuit, cui se IOSEPHVS in disciplinam tradidit, ut in vita sua scriptum reliquit. Hunc enim refert ψυχρῶ ὕδατι τὴν ἡμέραν καὶ τὴν νύκτα πολλάκις λουόμενον, πρὸς ἀγνείαν. Sic Esseni, apud eundem IOSEPHVM lib. II. c. VII. corpus ante cibum abluabant frigida. Quid igitur Hemerobaptista illi, quos EPIPHANIVS refert, merue-

meruerint, ut distinctam ab aliis sectam efficerent, non satis discernimus. Dubius quoque ac anceps circa hanc rem hæret ПОСОСКІУS p. 401. cui GROTIUS ad Marci loc. cit. hanc elicit confessionem: Nescio tamen, an ab ea, qua, quo cibo capiendi idonei essent, se pararent lotionē, Ημεροβαπτισται quos vocant, appellationem istam meruerint. Ημεροβαπτιστής enim, si vim vocis capio, proprie Hebræorum טבול יום exprimit, quod eo die lotum denotat. Qui scil. patre, ut loquuntur, pollutionis aliquo pollutus se mersare deberet, nec nisi post occasum solis, Terumam, vel sacrum aliquod contrectare, ex lege poterat. Si qui, quotidie sæpius πρὸς ἀγνείαν lavando, nomen illud commeriti sint, nec hos ipsos ad cibum quavis diei parte idoneos reddidisse, ex instituto majorum, aut idem ab aliis præstari debuisse, ex vi vocis probari posse arbitror.

Ad §. XVII. pag. 25.

(17) *Eluebant sua pocula, sextarios, æramenta*] Copiosum rursus commentarium in hunc locum, lege apud laudatum toties ПОСОСКІУS c. l. p. 402 sqq. unde intelliges, hanc vasorum mundationem eos ex Lev. XI, 32. ubi mentio fit vasorum ligneorum, vestis, pellis & sacci, & 33. ubi testaceorum, Num. XXXI, 22, 23. ubi metallorum, rerumque, quæ ignem sustinere possint, derivasse. Nobis hæc persequi, & actum agere, non videtur operæ pretium esse. Hebræorum de lotionē vasorum jura, qui scire avert, exposita leget a MAIMONIDE in *Fad Chas. Part. IV. lib. X. Tract. מקואות* seu *de balneis & lavacris Cap. III. §. II sqq.*

Ad §. XVIII. pag. cit.

(18) *Edere cum peccatoribus Matth. IX, II.*] Quemadmodum plebejos omnes pro peccatoribus habebant, ita immunes, mundosque ab illis se servaturos spondebant, qui in ordinem Religiosorum seu Phariseorum recipiebantur. MAIMONIDES *Hilc. מטמאי משכב cap. X. init. re-*

gulas Ordinis hujus religiosi ad sex capita, sequentis tenoris, reducit: עם הארץ אינו נאמן על הטהרות עד שיקבל עליו דברי חברות ומה הן דברי חברות שיקבל עליו שיהא נזהר בטומאות שלא יטמא בהן ובטהרות שלא יטמא אותם ויזהר בנטילת ידים ובטהרתן שלא יקח מעם הארץ לחם ולא יתארח אצלו ולא יארחו אצלו בכסותו: Homo plebejus non habetur fide dignus super rebus mundis, donec receperit in se regulas Societatis. Quanam vero sunt regulæ Societatis? Resp. Teneatur in se recipere: 1) quod velit omni studio vitare res immundas, ne polluat per illas, 2) quod velit omni studio cavere, ne polluat res mundas, 3) quod velit studiosissime lavare manus, & quæ ad munditiam illarum spectant, observare, 4) quod a plebejo nolit accipere panem, 5) neque hospitari apud illum, 6) neque hospitio excipere eundem, vestimentis suis scil. immundis. Pertinet huc etiam decantata illa Mischna, Cod. חגיגה cap. II. §. 7. בגדי עם הארץ מדרס לפרושין בגדי פרושין מדרס לאוכלי תרומה בגדי אוכלי תרומה מדרס לקורש בגדי קורש מדרס לחטאת: Vestimenta plebejorum sunt calcatio pro religiosis; vestimenta religiosorum sunt conculcatio pro comedentibus oblationem primam; vestimenta eorum, qui comedunt oblationem primam, sunt calcatio pro sancto; vestimenta sancta sunt calcatio pro sacrificio expiationis pro peccato. Quid sit מדרס calcatio, exponit ad h. l. R. OBAD. DE BARTENORA, quod idem sit ac pater immunditiei ad polluendum hominem & vasa calcatione seminisui, quæ polluit hominem & vasa, ut scriptum est Lev. XV, 5. וכל אשר יגע במשכבה וכבש בגדיו quis tetigerit cubile ejus, lavabit vestes suas, & abluet se in aquis &c. Verba illa מדרס לפרושין conculcatio Pharisei, MAIMONIDES ita παραφράζει: quando Pharisei tangebant vestes plebejorum, perinde, ac si tetigissent calcationem seminisui, & necesse erat, ut se immergerent. Ut itaque Pharisei plebejorum in plateis occurrentium contactum evitarent, מהלכין בצדוק כדי שלא יתטמאו במגע עמי הארץ: incedebant ad latera viarum, ne plebejorum contactu pollue-



polluerentur, teste MAIMONIDE Hilc. אבות הטמנות cap. XIII. §. 8.

Ad §. XVIII. pag. 25.

(19) *Jes. LXV, 5.*] Hæc verba, collata cum Cap. LXVI, 6, ad Phariseos, aut Phariseorum propagines scite refert CAMPEG. VITRINGA, *Comment. in b. l.* quem consuli ipsum, quam huc transcribere malim. Quam tamen subnectit ἐπιγίσιον, hic addo: Pharisaismus, Deo invisissimus, disciplina Christi Jesu plane oppositus, extremo tempore usque eo corripuit gentem, ut inde potissimum arcessenda sit causa repulsi regni Dei, cum his criminibus & flagitiis, quæ eam ira & vindictæ divina objecerunt.

Ad §. XVIII. pag. cit.

(20) *Et Samaritanis fuit*] Horum fugam contactus τῶν ἀλλοφύλων ita describit EPIPHAN. lib. I. adv. Hæres. hæ. IX. §. 3. p. 26: ἄρῳ κλυζόμενοι ἐπ' αὐτὸν ὁπὸ ξένης ἑλθῶσι, μεμιασμένοι δὴ-θεν. ὕδατι σὺν ἱματίοις βαπτίζόμενοι, ἐπ' αὐτὸν ἵ-ψονται ἐτέρως, τῶν ἀλλοεθνῶν μiasmὸν γὰρ ἡ-γόνται τὸ τινὸς ἁψασθαι, ἥτοι θίγειν ἄλλῃ τι-νὸς ἀνθρώπου ἀπ' ἄλλης δόγματος. Lotio perfundi solent, quoties peregre domum redeunt; tanquam aliqua contagione polluti, & aqua sese, vestesque suas ablunt, cum alterius gentis quempiam tetige-rint. Hac enim re contaminari se putant, si quenquam mortalium, aut alterius sectæ hominem attingant.

Ad §. XIX. pag. cit.

(21) *Jejunabant bis in septimana Luc. XVIII, 12.*] Adscribam, quæ huc annotavit DRUSIVS, quia Auctorem nostrum illustrant & confirmant. Jejunabant, inquit, die secundo & quinto, qui dies accepti sunt: nam quinto conscendit Moses montem Sinai, & secundo descendit ex eo: Ideo, inquit R. IVDA compositor libri Musar, soliti sunt jejunare illis diebus, cap. IV. fol.

47. col. 1. Et de quaestis per epistol. Epist. XXXV. idem repetit: dicit Phariseus Luc. XVIII, 12. se bis in Sabbatho, id est, in septimana jejunare. Hoc faciebat ex decreto majorum. Nam Doctores ita statuerant. Volumen Jejunii fol. 54. col. 2. Amplius decreverunt Magistri nostri, ut jejunaretur diebus secundo & quinto propter tres res, videlicet, propter destructum templum, propter legem conflagratam, & propter probum divini nominis. Hinc discimus, primum, quibus diebus jejunaverunt, deinde quare jejunaverint. Jejunabant die secundo, qui nobis est dies Luna, & die quinto, qui dies Jovis, quod notatum a me ex EPIPHANIO & THEOPHYLACTO, *Miscellaneor. Cent. I. c. 76.* Vbi tamen de die Jovis adhuc hæsitat, de quo videatur. Vberius hanc de diebus jejunii observationem, illustrat HUGO GROTIUS, dignus qui conferatur, quando primævorum Christianorum jejunandi morem, mutatis tamen diebus, ab hoc instituto derivat. EPIPHANIVS autem hæres. XVI. §. I. p. 34. ita habet: ἐνῆσενον δὲ δις τὴν Σαββάτην, δευτέραν καὶ πέμπτην, bis hebdomada quaque jejunare mos il- lis fuit, secunda videlicet ac quinta die. Meminit quidem quarti diei jejunio dicati ELIAS Germ. in Tisbi voc. סכר ר"ל ברכיעו הו, סכר מתענין מפני האסכרה שלא תפול בתנוקת Apud Rabb. legitur: quarto die jejunabant, propter strangulationem, ne caderet in pueros. Morbus est, pergit, qui obturat os fistula cibalis, quæ est in collo, quo morbo homo correptus in hora moritur. Vnde apparet, ELIAM non de ordinario Phariseorum instituto, sed de extraordinario quodam, nec perpetuo, loqui jejunio, in alium, ab ordinario statoque, diem collato.

Ad §. XXI. pag. 26.

(22) *Exponit hæc phylacteria*] De phylacteriis, manui & fronti alligandis, ex instituto & copiose egerunt, post MAIMONIDEM in *Jad Lib. II. tract. III.* qui תורה וס' תורה תפלין ומזוזה וס' תורה תפלין inscribitur, VVAGENSEIL. in *Sota Cap. II. pag. 397-418.* GVILSVRENHYSIVS *Tom. I. Mischna*

ne ad tract. ברכות inter p. 8. & 9. & MICH. BECK, duabus de *Judeorum ligamentis precatoriis in capite & brachio*, A. 1674. & de usu *Phylacteriorum Judaicorum* dissertationibus, Jenæ A. 1675. publice propositis, concisus IOH. SAVBERTVS *Palestræ Dissert. V. de ritu precandi veterum Hebræor. cap. II. §. 9. p. 101 sq.* qui rem omnem dilucide exposuerunt, & figuris æneis delineatam ob oculos posuerunt, ad quos cupidos remitto lectores. His adde LIGHTFOOT. *Opp. Tom. II. pag. 356. b.* IVST. CHRISTOPH. DITHMARVM in *Maimonid. hilch. שבויות* seu de *Juramentis cap. I. p. 18 sqq.* BASNAGIVM *bistoire des Juifs liv. V. chap. XII. §. 12 sqq.* Tom. III. pag. 752 sqq. BARTOLOCCIVM *Biblioth. Rabb. Tom. I. p. 576 sqq.* HOORNBECK. de *convertend. Judeis p. 483 sqq.* BRAVNIVM de *vestitu sacerd. Hebr. p. 7 sq.* OWMANNVM ad *Codic. ירים p. 99 sqq.*

EPIPHANII errorem recte notavit SCALIGER in *Elencho cap. VIII. p. 66 sq.* inquiens: *Quod autem Φυλακτήρια EPIPHANIVS πλατέα σήματα πορφύρας interpretatur, nemo probabit, nisi qui, quid sint σήματα in veste, & πλατύσημος πορφυρά, ignorat, quod non magis convenit phylacteriis, quam vesti membranula, aut pittacium, quod fronti apponitur. Σήματα πορφυρά, item πλατύσημος πορφυρά, est Laticlavium, quod Senatores Romani gestabant; & Equitum quidem erat angustius, unde Angusticlavium dicebatur. Erat vero instar Epomidis Episcopalis. Quam hoc conveniat phylacteriis, peritiorum judicium esto. Et paucis interjectis pergit: Sed de Dalmaticis, & colobonibus, quod addit idem EPIPHANIVS, non magis persuadet, quam de Laticlavio, quod dixit. τὰ δὲ σήματα, inquit, τῆς πορφυράς Φυλακτήρια εἰώθασιν οἱ ἡκεῖθω μέντοι μετονομάζεν, solent autem ii, qui accuratissime loqui solent, phylacteria clavos purpure vocare. Oportet eos imperitissimos fuisse, qui phylacteria clavos purpure vocabant. Nam clavi sunt intexti purpure: phylacteria vero sunt sejuncta a purpure, atque adeo toto vestitu. Neque sane ὑπὸ τῶν ἡκεῖθω μένων, sed ab imperitis, si qui ita sentiebant, hoc asseri po-*

tuit. Male autem habuit hæc in EPIPHANIVM censura DIONYS. PETAVIVM, qui licet in suspensio hærens, & titubanter, *Animadversion. in b. l. EPIPHANII p. 32.* causam ejus ita perorat: *Hoc admirandum potius, quam aut sine alio idoneo auctore nimis amplectendum, aut acrius reprehendendum, quod in Elencho SCALIGER instituit. Atqui utrum Dalmaticas istas, & colobionas clavatos Pharisei olim gesserint, eaque phylacteria plerique nominaverint, nec ne, aliunde constare non potest, & ex reconditis Judeorum libris ac ritibus multa EPIPHANIVS potuit addiscere, quæ hoc seculo, & hodiernis Judeis ignota sunt. Verum EPIPHANII fidem, in pluribus ejusmodi sublestam, dudum notarunt viri eruditi, nec ipse alias diffitetur PETAVIVS.*

Nec minus ridiculus est circa phylacteria error HIERONYMI SOPRANIS, qui *digressionē I. de re vestiaria Judeor. Davidi ejusdem subjuncta p. 361 sq.* postquam Judæorum non feminas modo, sed viros etiam olim, præter quam nunc moris est, sine pileo, & alio, quod caput tegeret, incedentes, tempora tenui vitta ligasse perhibuerat, in modum coronæ capillos cingente, subnectit: *In cujus vicem Pharisei membranas adhibebant, in quibus decalogi præcepta descripta, quæ a Christo Domino phylacteria dicuntur. Exprobrat autem eos illa dilataste, quia vittæ minimi ferme digiti latitudinem in aliis non excedebant, & erant lineæ, vel sericæ, aut alia preciosa materia confectæ; Pharisei vero, qui loco vittarum, membranas gerebant, longas in lineas, ut in illis præcepta describerent, latius extendebant. Propterea phylacteria dilataste, & fimbrias magnificasse dicuntur, quod est, vittas & fimbrias latiores, quam solerent alii, gestasse. Ita nimirum, ex crassa rerum Judaicarum ignorantia, a genuino phylacteriorum instituto, usu, modo ac fine, toto cælo aberrat Jesuita, alias non indoctus.*

Ad §. XXII. pag. 25.

(23) *Immo omnes Judæi*] Missis, quæ de materia, forma, pericopis legis inscriptis, tempore



pore induitionis, ceterisque phylacteriorum circumstantiis, citati Auctores copiose exponunt, omniumque optime ex *דורות* hodiernum apud Judæos discuntur; quando GOODWINVS noster ad Subjectum pergit, quod ille omisit, supplebimus, nempe non Judæis modo, sed & Deo ipsi ea assignari, ac ab humanis distingui הפלין מניח שהקבה מניח. Testis est Gemara in Berachot fol. 6. ubi ita habet: אר אבין בר רב אדא אר יצחק מנין שהקבה מניח הפלין שנאמר נשבע יי בוימינו ובזרוע עזו כימינו זו תורה שני מימינו אש דת למן בזרוע עזו אלו הפלין מנין שהקבה מניח הפלין שנאמר יי עז לעמו יתן. Dixit R. Aben, filius Raf Adæ, R. Isaacum dixisse: unde (probat) Deum O. M. induere phylacteria? (Resp.) quia dicitur (Jes. LXII, 8.) juravit Dominus per dexteram suam, per brachium roboris sui. Dextera ejus lex est, quod dicitur (Deut. XXXIII, 2.) a dextra ejus ignis edicti &c. Brachium roboris ejus sunt phylacteria, quia dicitur (Deut. XXXIII, 29.) Dominus populo suo robur dat. Paucis interjectis pergit: In phylacteriis illis Domini orbis, quid scriptum est? (Resp.) quis est, sicut populus tuus Israel, gens una in terra; (I Chron. XVII, 21.) nunquid igitur Deus O. M. gloriatur laudibus Israelis? omnino, scriptum enim, (Deut. XXVI, 17.) fecisti hodie Deum dicere &c. ubi mox sequitur, Dominus te fecit dicere, &c. Dixit nimirum Deus O. M. Israeli: facitis me laudem unicam in orbe, faciam & ego vos laudem unicam in orbe. Vos me facitis laudem unicam in orbe, dicendo (ex Deut. VI, 4.) Dominus Deus noster, Dominus unus. Faciam & ego vos laudem unicam in orbe, quia dictum: quis est, sicut populus tuus Israel, gens una in terra. Dixit Raf Acha, fil. Rabbe ad Raf Aschen: esto, scriptum hoc sit in una cellula: sed quid in reliquis cellulis scriptum sit, explicas. (Resp.) nam quæ est gens magna (Deut. IV, 7.) & quæ est gens magna &c. (v. 8.) o te felicem Israel &c. (Deut. XXVIII, 29.) Aut, attemptaverit Deus &c. (Deut. IV, 34.) Et ut constituat te excelsum &c. (cap. XXVI, 19.). Verum, quoniam Judæi Deum fatentur Spiritum,

in quem talia secundum sensum literalem non quadrant, ut operam lusisse videatur GEORG. ELIEZ. EDZARDVS, quando in cap. I. Berachot p. 211. absurditatis inde arguit Magistros, talia secundum literam de Deo commentos; hinc viri docti mystice hanc traditionem exponunt, ex libro סוהר Sohar, cujus P. II. fol. III. col. 444, 445. auctor de his Dei phylacteriis ita pronunciat: הפלין דרושא חכמה ובונה גורלה גבורה הפארת המניח ותפלין דדרושה גורלה גבורה הפארת נצח יסוד מלכות המניח Phylacteria capitis (denotant) sapientiam & intelligentiam, magnificentiam & fortitudinem, (quæ) pulchritudo induit. Et phylacteria brachii (denotant) pulchritudinem, aternitatem, gloriam, fundamentum, (quæ) regnum sibi imponit: quæ ex Cabballistarum arbore, & decem Sephiroth explicanda veniunt. Alii ita exponunt: Priscos Judæorum magistros, cum mandatum illud Deut. VI. de alligandis præceptis in signum manui atque fronti, populo vellent commendatum, nullo id argumento fortiori se efficere posse credidisse, quam si populo persuaderent, Deum quoque phylacteria gestare, Israelis causa & bono, ut scilicet gratiam Dei singularem, qua populum Israeliticum præ ceteris gentibus prosequi soleat, innuerent. Quod sub emblemate phylacteriorum, quæ manibus atque fronti Judæi alligant, commode fieri poterat, ipso Deo huic rei occasionem præbente, qui gratiam suam atque benevolentiam erga populum Israeliticum constantem testaturus, ecce, inquit, in manibus sculpsi te, memoria tui coram me est jugiter, Jes. XLIX, 16. Inter homines vero phylacteria gestare tenetur unusquisque Judæorum masculus, tertium decimum annum, & unum diem egressus. Hoc enim tempore fiunt בני מצוה filii præcepti, qui ad legis observationem tenentur adstricti. Ea enim ætate, ex informatione & catechisatione, de phylacteriorum necessitate, usu, & fructu, quantum satis est hausisse præsumitur. Immunes autem ab hoc præcepto censentur 1) Feminae in universum omnes, quia istud ad eos solum spectat homines, quorum

in ore lex Domini esse debeat, ad quam docendam discendamque non nisi mares obligati creduntur Deuter. XI, 19. & c. V, 1. Porro, 2) Servi, quorum animus non nisi servilibus curis occupatus ac intentus sit. 3) Sponsus, paranymphe, omnesque filii thalami, seu convivæ nuptiales, quibus ebrietas, & levitas capitis præsto sit. 4) Lugentes agnatos proximos suos, primo luctus die, quo animus ob incertorem adhuc turbatus habetur. 5) Aegrotantes, maxime dolore colico, dysenteria, lepra, aliisque, quæ mundi- tiem corporis tollunt, morbis laborantes, quia הפלין צירוכין גוף נקי *phylacteria corpus mundum requirunt.* 6) Occupati tunc temporis במלאכת השמים *opere aliquo divino*, uti olim Sacerdotes, sacris operantes, Levitæ canentes, populus in Sanctuario constitutus &c. juxta tritum ipsorum canonem: כל עוסק במצוה פטור: *quicunque occupatus est in aliquo præcepto, liber est ab omni alio.*

Ad §. XXII. pag. 26.

(24) *Non excepto nostro Salvatore*] Num Servator noster in diebus carnis Tephillin gestarit? anceps est ac dubia quæstio. Affirmat post SCALIGERVM c. I. LIGHTFOOTVM in *Hor. Hebr. ad Matth. XXIII, 5. Tom. II. Opp. p. 357.* & IOH. HENR. OTHONEM *Lexic. Rabbin. voc. Tephillin. p. 657.* Auctor noster, BOISIVS in *col-lat. p. 70.* & mox citandi IOH. REINH. RVS, & MART. ADELTVS, duasque asserti dant rationes, cum quod mos gentis esset a Deo imperatus, ut a pueritia erudirentur filii Judæorum in recitatione phylacteriorum, tum quod Christus non usum, sed fastuosum taxaverit abusum. Verum si evictum dederimus, morem hunc gentis sinistra verborum interpretatione niti, nec divini esse præcepti, sed superstitionis Judaicæ, ultro sequetur, ab illa sibi Christum temperasse.

Ibidem.

(25) *Mandatum enim generale fuit, Exod. XIII, 9.]* Huic jungunt Deuter. VI, 8. & XI, 18.

Istud vero in quæstione, & adhuc sub iudice lis est, mandatum illud divinum num secundum literam, an vero symbolice & figurate sit capiendum? Affirmant prius, post Patres, JUSTINVM in *dialogo cum Tryphone*, CHRYSOSTOMVM, EVTHYMIVM, & THEOPHYLACTVM, laudati modo auctores, qui *μνημόσυνον* hoc legis, vi mandati Christo quoque assignant, tum quoque IACOB. ALTINGIVS in *Deut. VI. Tom. I. Opp. f. 324. b.* ex nostris, OSIANDER in *eundem loc.* qui *pedagogiam* in eo quærit, *qua continerentur Judæi in officio, sicut etiam iussit Deus in angulis vestium gestare certa aliqua monimenta, quibus intuentes admonerentur de observatione mandatorum Dei.* & recentissime IOH. REINHARD. RVS *Harmon. Evangelist. Tom. III. p. 237.* atque MARTIN. ADELTVS *Tom. VIII. Miscellan. Lips. Observ. 164. p. 27 sq.* Verum post TOSTATVM ABVLENSM, LYRANVM, & alios, posterius tuentur & ex instituto demonstrant IOH. GERHARDVS *Comment. in Deut. VI, 8. quæst. 2. p. 428 sqq.* & GEORG. ELIEZER EDZARDVS in *Berachoth cap. I. p. 209 sqq.* in sola acquiescentes metaphora, hoc sensu, quod omni tempore & loco præceptorum divinarum memores esse debeant, quemadmodum aliquis memor est signi, brachio vel manui alligati, aut rei ante oculos appensæ, aut ejus, quod postibus ædium est inscriptum. Hunc verborum sensum postulant 1) loca parallela alia, ex Proverb. III, 3. VI, 21. VII, 3. huc arcessenda, quæ figuratam elocutionem liquido præ se ferunt, cum neque super fauces, nec super tabulam cordis scribi, nec super digitos vinciri, universa lex Dei, immo totus Proverbiorum liber, secundum literam queat. Quam itaque figurato loquendi genere Deus Jes. XLIX, 16. pronunciat, se Zionem manibus suis habere insculptam, tam metaphorice hæc loca, de lege manibus & fronti alliganda, sunt explicanda. Quod ipsum (etiam 2) mandati huius circumstantiæ evincunt, quando Exod. XIII, 9. illud לזכרון *ad memoriam diserte refertur*, ea- que, quæ memoriæ mandanda sunt, neutiquam illis, quæ tephillin comprehenduntur, pericopis



absolvuntur, sed per universam legem, a Mose in Deuteronomio repetitam patent. Virget cum primis GERHARDVS 3) scopum legislatoris, qui non ad ornamenta illa frontis & manuum, sed ad jugem spectat mandatorum divinorum memoriam, eamque practicam, ut semper ob oculos versentur. Ligat mandata Dei præ signo in manibus, qui in omni opere studet implere Dei mandata; collocat inter oculos, qui nunquam obliviscitur, sed mentis aciem semper in ea intentam habet; scribit in limine & super postes domus, qui sive intret domum suam, sive egrediatur, semper mandata Dei memoria & cogitatione revolvit. Hæc paucis complexus ABRAH. HEIDANVS lib. VIII. de Orig. erroris cap. III. §. 6. p. 447. calculo suo munit, quod quidam, inquiens, inter quos IOSEPHVS & IUSTINVS, Exod. XIII, 9, 16. & Deut. VI, 8. ea putant imperari, frustra sunt. Nam istis locis (ut etiam olim HIERONYMVS observavit) nihil aliud iubentur Israelitæ, quam beneficia liberationis ex Aegypto & præcepta divinitus data animo insigere, non minus, quam quæ memoriæ causa in manibus gerere, & ob oculos nobis ponere solemus. Vt sit παρομιῶδες loquendi genus, quale Jes. XLIX, 16. Prov. VI, 21. & III, 3. Cant. VIII, 6. ut vel ex eo apparet, quod id, quod in Deuteronomio τρυφή, id dicto Exodi loco dicitur זכרון memoriale. Quæ plana sunt, in illis ut tuto acquiescamus.

Ad §. XXII. pag. 26.

(26) Sed ea dilatandi, quo viderentur sanctiores reliquis] Id inter Phariseos, & reliquos Hebræos intererat, quod hi mediocriter latis loris utebantur, hordeacei grani longitudinem vix excedentibus: Phariseis contra, quibus unum studium erat, πάντα τὰ ἔργα αὐτῶν ποιεῖν, πρὸς τὸ θεάσθαι τοῖς ἀνθρώποις, non sufficiebat hæc tantilla laxitas, ideo opus erat πλατύνειν τὰ φυλακτήρια, i. e. ut in omnium oculos incurrerent phylacteria, nodos ingentes, & lora facere latissima, inquit WAGENSEILIVS p. 405 Præterea Judæi gregarii haud facile, nisi cum ora-

rent, phylacteria gestare audebant, ob summam eorum sanctimoniam, מקדושתו גדולה מקדושת מקדושתו quia sanctiora sunt bractea aurea (quam secundum Exod. XXVIII, 36. in fronte Summus gestabat Pontifex) quippe in bractea non nisi semel Dei nomen descriptum erat, in phylacteriis vero tam capitis, quam brachii, utrobique vicies & ter nomen tetragrammaton exprimitur, ut habet MAIMONIDES Hilch. Tephillin Cap. IV. §. 14. at Pharisei semper gestabant, ut ostenderent, se, quanti quanti essent, nil nisi munditiam esse, & ut hac nota inter ipsos, & τὸν ὄχλον, τὸν μὴ γινώσκοντα τὸν νόμον, καὶ ἐπιματάρατον, Joh. VII, 49. quisque discrimen facere posset.

Ad §. XXV. pag. 27.

(27) Cum publice phylacteria sua gestare non auderent] Spectant nimirum illa ad מצוה רפוייה præceptum remissum, quod tempore persecutionis, ad effugiendum capitis periculum, negligere permittebatur. Ita legimus in Schabb. cap. IX. fol. 130. a. כל מצוה שמסרו ישראל עצמן עליהם למיתה בשעת השמר כגון עד זמילה עריון היא מוחזקת בידם/ וכל מצוה שלא מסרו ישראל עצמן למיתה בשעת השמר כגון תפילין עריון מרופה בידם: Præcepta illa, pro quibus Israelitæ tempore persecutionis seipsos morti tradere non dubitarunt, qualia sunt v. g. præcepta de cultu idololatriæ, circumcissione, &c. etiamnum manibus suis quasi pressis tenent: illa autem præcepta, pro quibus tempore persecutionis mortem oppetere non sustinuerunt, v. g. præceptum de phylacteriis, etiamnum remissus observant. Quanta vero alias, gestandi phylacteria necessitas incumbat Judæis, ex iis apparet, quæ Auctor libri נפש החכמה lit. ה in hanc sententiam profert: קרקפת רלא מניח תפילין מעולם יורר לבאר שחת ונרון שם והוא מפושעי ישראל כגופן לפיכך אשרי אדם המתקן עצמו בחותם המלך: Caput, quod non applicat phylacteria, e mundo descendit in puteum perditionis, ibique judicatur; est enim talis homo ex censu prævaricantium Israelitarum in

in seipfos. Quare beatus homo ille, qui confirmat seipsum sigillo Regis, h. e. nomine שׂוֹן phylacteriis comprehenso. Rationem reddit MAIMONID. Hilch. Tephillin cap. IV. §. 26. Quicumque non alligat phylacteria, transgreditur octo praecepta affirmativa. ecce enim, in singulis quatuor pericopis, praecepit Deus utraque tam capitis, quam brachii phylacteria. Quicumque vero assuetus est phylacteriis, prolongat annos suos. Scriptum est enim (Jes. XXXVIII, 16.) Domine per hac vivitur.

Ad §. XXV. pag. 27.

(28) Manus suas rubro filo cinxerunt] Haud immerito miratur REIZIVS in Not. ad h. l. Auctoris, qui factum sit, ut rubrum filum manibus circumdatum, tempore persecutionis in locum phylacteriorum surrogarent Judaei, cum ceteroquin sedulo caverint, ne ad phylacteria rubrum adhiberetur lorum, ne scortorum gratiam venari videantur, aut lora sua conjugum sanguine παραμυσιό tinxisse dicantur. Si conjectura sit locus, originem filo rubro praebuisse dixerō Rahabae חַסְדֵּי חַנָּה חֲוֵה חֲוֵה funiculum filii coccinei, symbolum ereptionis & salutis, in παρωλεθρία Jerichuntis, fenestrae illigatum, Jos. II, 18. Hoc etenim signo, velut cladem, extremumque capitis discrimen feliciter effugit, cum universa familia sua, Rahaba, ita pari adminiculo in persecutione elapsuros se sperasse dixerō Judaeos, si phylacteriorum vicem filo coccineo supplerent. Sed nemini obtrudo, quod ex ingenio hariolari licuit. Alias me non fugit, Jerichuntinum illum funiculum, hinc ad Christum, pretioso suo sanguine rubentem, Jes. LXIII, 1. hinc ad salvificam typice accommodari fidem, ut videre licet apud IOH. BIERMANNVM in Mose & Christo lib. I. cap. IX. p. 217 sqq. edit. Belg.

Ad §. XXVI. pag. ead.

(29) Moses phylacteria vocavit מִשְׁפָּט] De obscura vocis origine justas spargit Auctor quærimonias. Quam cum prodere in promptu

non haberet DAVID DE POMIS in Zemach David h. v. ad ignorantiae se recepit asyllum, וְשֵׁן אֶמֶר שׂוֹן מִלֶּה מִצִּיּוֹן כִּמְוִי מִרְחוֹת: esse qui censeat vocem Aegyptiacam esse, quæ idem notet, quod specula. Definit autem per כֶּתֶר coronam, quam ponimus super frontes nostras, ut admoneamur praeceptorum Dei. Aegyptiacos vocabuli natales tamen doctissimus tuetur SCALIGER in Elencho tribaresi cap. VII. p. 62. KIMCHIVM notans, qui inepte & περιέργως ex voce Aegyptia & Africana componat. GVILIELM. ROBERTSON in Thes. Lingu. Sanct. h. v. radicem fingit שׂוֹן typos formavit, signum insculpsit, referens alicujus rei typum & veritatem, unde מִשְׁפָּטִים sint typi monitorii, signa memoriae, monitoria: hinc phrasin petitam censens Apocal. XIII, 16. accipere signum bestiae in dextram manum, ut operanti sit ante oculos, & frontem, ut occurrenti obviam signum sit, h. e. legem bestiae suscipere ad eam sequendam & profitendam: item Apoc. XIV, 1. habentes nomen patris ejus scriptum in frontibus suis, h. e. nomen patris Christi nominantes & profitentes: quæ loca commode huc referuntur, & ex phylacteriorum ritu scite illustrantur. Quod miror, in men em non venisse CAMPEGIO VITRINGAE, in Anacrisi Apocal. Johannis p. 623. in more Romanorum & Orientalium gentium, quibus milites & servi in fronte inscripti, nominibus Imperatorum ac herorum signabantur, cum GROTIUS & aliis Interpretibus, acquiescenti. VAL. SCHINDLERVS in Lex. Pentagl. nostro Auctori praelusit, & a שׂוֹן incessit, derivavit, quod gestentur, vel κατ' ἀντίφρασιν, quod loco non moveantur, sicut כוכב stella, a כבה extinxit ortum trahit. Vnde LXX ἀσάλευτα, immobilia, inconcussa, reddiderunt. Quæ porro, de Pittaciis & Pittaciolis HIERONYMI, monet Auctor, plenius explicata leguntur apud SCALIGERVVM cit. loc. p. 63. quæ non transferibo.

Ad §. XXVII. pag. 27.

(30) In Evangelio vocantur Φυλακτήρια] Quasi conservatoria legis, quod summam legis  
Bb 2 compre-



comprehendant, & perpetua custodia mandent: vel, ut LUDOVIC. COMPIEGNE DE VEIL *ad Tractat. Maimonidis de apparatu templi cap. X.* exponit, *quæ legis observanda memoriam usque custodiam.* Putant enim lege sancitum Judæi, ut his velut fasciis caput obligent, manusque, ea mente, ut intelligant, quomodo pueri ad voluntatem parentum sese totos accommodant, ita sibi fingendum esse corpus & animum ad nutum Dei, cunctasque suas actiones, ac cogitationes ad legis præceptionem esse dirigendas.

Ad §. XXVII. pag. 27.

(31) *Phariseis superstitio anilis persuaserat* } Pergit Auctor ad superstitiosos phylacteriorum abusus, in quibus est, 1) ut a Diabolo tutos præstent homines, ut ex Targum חמשה מנלות apparet, ubi verba Cant. VIII, 3. *sinistra ejus sub capite meo, & dextra ejus amplexatur me*, ita redduntur: *אמרת כנשתה וישארה אנה בחרתה מכל עממיה דו אנה קטרה חפלין ביד שמאלי וברישו דלית רשו למיקא: לחבלה בי:* *dixit Ecclesia Judaica, ego selecta illa sum præ ceteris omnibus populis, quia ligo phylacteria in manu sinistra & capite meo, ne sit potestas demoni nocendi mihi.* 2) Vt ab omni præmuniant peccato, sicut ex R. LEVI HOTTINGERVS docet *Furis Hebræor. lege XX. p. 29.* Magistros asserere: *כל מי שיש מזוזה בפתחו וציצית בכנרו ותפילין מובטח לו שלא יחטא* *ad cujus ostium est postis, in cujus veste simbria, in cujus capite phylacteria (tria illa legis monimenta) is tutus est a peccato: quia præcepta illa ut perpetua sunt, ita homo perpetuo illis perficitur, ut addita ratio habet.* 3) Vt puerulis somnum concilient, quod tamen improbant Magistri, eumque in numero מנחשים auguria captantium habent, qui vulneribus incantavit, & Lege versum legendo; quive super puero legerit, ne conturbetur, וחמניה ספר תורה או תפילין על הקטן *aut qui librum legis, vel phylacteria puerulo imposuerit, ut somnum capiat &c.* ut est apud eundem HOTTINGERVM c. l. lege 253.

p. 387. Alius, & tolerabilior eorum usus est in præstando juramento. Moris enim est Judæis, ut juraturus apprehendat rem sanctam & pretiosam Gen. XXIV, 2. *חפץ desiderabilem* ipsis dictam, quæ ut plurimum est, liber legis. Sin autem causa sit levior, ita ut quilibet alius sacer liber hanc in rem usurpari possit, par phylacteriorum, loco חפץ, manuprehendunt. Quo ritu vulgares plerumque Rabbini, seu תלמידי החכמים discipuli Sapientum jurare solent: quia enim illi gravitatem juramenti per se norunt & intelligunt, ideo a graviore formula sunt immunes, ut habet Buxtorf. *Synag. Jud. cap. XLVIII. p. 679.* ubi egregie hanc in rem commentatur. Immo, ex consilio WAGENSEILII, phylacteria alligata capiti & manui habebit juraturus, si bona fide & valide Christianis sacramentum dixerit: de quo copiose vide IOHAN. IAC. SCHVDT *Jüdisch. Merckwürdigk lib. VI. cap. 28. §. 10 sq. p. 72 sq.* De his omnibus quoque dudum præcepit LIGHTFOOTVS *ad Matth. XXIII, 5. in Horis, Tom. II. Opp. p. 356 sq.*

Ad §. XXVIII. pag. 27.

(32) *Vnde α φυλακτηρίω Phylacteriani vocati sunt* } Canon LXI Concilii sexti in Trullo, in BEVEREGII Synodico Tom. I. p. 227. ita habet: *Qui vaticibus seipfos tradiderunt, vel iis, qui Centuriones dicuntur, vel aliis ejusmodi, ut ab illis discant, si quid sibi revelari velint: convenienter iis, quæ de ipsis a Patribus nuper constituta sunt, sexenni canonibus subiciantur.* Eidem autem eos quoque subijci oportet, qui urfas, vel ejusmodi animalia, ad ludum & simpliciorum noxam circumferunt, & fortunam, ac solum, & genealogiam, & quorundam ejusmodi verborum multitudinem, ex fallacie imposturæque nugis proferunt, τας τε λεγομενους νεΟδιόκτας, και γυτευτας, και φυλακτηριους, και μάντεας. eosque, qui nubium persecutores, & incantatores, & amuletorum præbiores & vates appellantur. &c. BALSAMON in Scholiis ita exponit: *φυλακτηριοι δὲ λεγοται, οἱ κατὰ ἀπάτην δαμονικὴν δίδοιτες τοῖς ὑπ' αὐτῶν ἀπατα-*

ἀπατωμένοις δόγματά τινα ἐκ σερικῶν νημάτων ὑφασμένα, καὶ παγγία λεγόμενα, ἔχοντα ἔσω-  
θεν ποτὲ μὲν γραφαίς, ποτὲ δὲ ψευδῆ τινα ἕτερα  
τὰ παρατυχόντα. καὶ λέγοντες ὁφείλειν ταῦτα  
δηνεῶς ἐκ τῶν τραχήλων, τῶν λαμβανόντων αὐτὰ  
ἐξεωρῆσθαι, εἰς φυλακὴν παντός κακῶ. Amule-  
torum autem praeitores dicuntur, qui fraude de-  
monis eis, qui a se decipiuntur, sacculos quosdam  
ex sericis filis contextos, qui ὁ παγγία dicuntur,  
praebent, quae aliquando quidem intus habent scri-  
pturas, aliquando vero falsa quaedam alia, quae-  
cunque inciderint. Dicunt autem hac juvare, si  
ex collis eorum, qui illa accipiunt, perpetuo pen-  
deant, ad omne malum vitandum. Porro ibidem  
Protus quidam notatur, qui superstitionis ejus-  
modi postulator, ἐγγεῖθι ἐπ' αὐτοφώρῳ, ἐγκόλ-  
πιον ἔχων ἑνδομα νεογενὲς παιδὸς, manifesto de-  
prehensus est in sinu ferens indumentum infantis  
nuper nati. LAMPRIDIVS nimirum in Anto-  
ninum Diadumenum, Solent, inquit, pueri pileo  
insigniri naturali, quod obstetrices rapiunt, ὅ  
ad-  
vocatīs credulis vendunt, siquidem causidici hoc  
juvari dicuntur. His similia prodit SVICERVS  
in Thesauri P. I. p. 996. voce ἐγκόλπιος. Cete-  
rum de amuletis erudite commentati sunt MAR-  
TINVS DEL RIO disquisit. magicar. lib. I. c. IV.  
qu. 4. pag. 53. IVLIVS REICHELTVS peculiari  
tractatione, M. AVGVST. NATHAN. HVENERVS  
in amuletorum historia, & alii: de amuletis sigil-  
latim, ad depellendos morbos idoneis, LVD. COELIVS  
RHODIGINVS Lection. Antiquar. lib. IX. cap. 23. sub fin.  
MART. DEL RIO lib. III. Part. II. quest. 4. Sect. 7. pag. 458.  
GISBERT. VOETIVS P. III. Dissp. Select. p. 576. cum primis  
contra pestem ibid. p. 606. porro contra morbos  
BERNEGGER. quest. 39. ad Tacit. VRSINVS  
Analector. Sacror. lib. I. cap. XIV. p. 25 sq. GEIER.  
de superstit. cap. II. §. 7, 8, 10. & cap. III. §. 27.  
porro c. IV. §. 22. de amuleto per vocem Anani-  
saba, cruci inscriptam, post laudatum DEL  
RIO lib. III. P. II. qu. 4. sect. 8. p. 463. GEORG.  
SERPLIVS Tom. V. Miscellan. Lips. CXV. p. 284  
sq. Pythagorei optare solebant signo penta-  
gono sanitatem: sed & eodem signo, veteres

Druidae apud Germanos & Gallos, infan-  
tium sanitati & conservationi consulebant, adul-  
ti autem & provectioris aetatis, eadem figura  
calceos munire solebant, ut gressus ipsis prae-  
staret tutos, observante STEPHANO LE MOY-  
NE Varior. Sacror. Tom. II. p. 87 sq. Demum  
CAR. CAESAR BAVDELOTIVS DE DAIRVAL,  
in Gallico de utilitate peregrinandi & commodis  
&c. commentario p. 334. varias ob oculos ponit  
amuletorum figuras, quas Veteres contra fasci-  
num, pueris puellisque collo suspendere con-  
sueverint. Sed de his fati.

Ad §. XXIX. pag. 27.

(33) *Ab ipso nostro Servatore non neglecta*  
De ציצית peniculamentis, aequae ac de טלית vel  
כנפוע ארבע h. e. palliolo, cui in extremis qua-  
tuor oris adherent, iidem fere omnes, qui de  
phylacteriis, praeceperunt Doctores, noctuas ut  
Athenas portare videar, si vel quid illis addere,  
vel ab aliis tradita, huc transferre aggrediar.  
Praecipua saltem inde delibabimus momenta;  
sed paucis. Nominis rationem redditurus RA-  
SCHI, ad Num. XV, 38. & ad Ezech. VIII, 3. pro-  
vocat, ubi כציצת ראשי legitur, ὅ  
apprehendit  
me in circinno capitis mei, & ad Cant. II, 9. ὅ  
videbitis eum, tanquam מציץ efflorescentem, seu  
emicantem ex clathris; ut a צוץ vel ציץ efflo-  
ruit derivetur. Priorem tamen etymologiam  
praefert MAIMONIDES, qui fasciculum illum  
filamentorum של ראש רומה לציצית similem  
esse pronunciat circinno capitis. Alias quoque,  
Deut. XXII, 12. גרלים insita dicuntur, fascia,  
ex usu Chaldaeorum, unde COCCIVS interpre-  
tatur fila contorta, MERCERVS, opus funiculatum,  
quia ex multis filis contextum. ONKELOS in  
Chaldaica paraphrasi Graecam vocem τὰ κλά-  
σπεδα retinuit, Deut. XXII, 12. & Num. XV, 39.  
כרוספרין reddens. Illa vero ציציות penicu-  
lamenta a quatuor angulis pendent pallioli, טלית  
tegen, vel ex usu recentioris Synagoga ארבע  
כנפוע quatuor ale, vel anguli, dicti, quod MAI-  
MONID. in Hilcoth Zizith cap. III. hal. I. ita de-  
scribit,



scribit, quod sit כסות שיש לה ארבע כנפות או יותר על ארבע ותהיה מרתו כרי שיתכסה: tegumentum, quod habet quatuor angulos aut plures, & magnitudo ejus sit ea, ut tegi eo possit puer, qui solus potest incedere. Requiritur in eo, ut nec ex duplici contextum sit materia, sed vel ex lino, vel lana solum, quin & tota serica me vidisse ejusmodi peplo recorder, nec ut quicquam in eo confectum sit a גויים Gentili, qui ad usus sacros illud omnino redderet פסול profanum & illegitimum. Habent vero, quod cum Buxtorfio, Reizius ad h. l. Auctoris, & alii probe observant, Judæi duplicis generis integumentum ejusmodi, interius כסות קטן pallium minus dictum, quod sanctiores nonnulli quotidie, statim a lecto, cum ceteris vestibus induunt, & sub toga circumferunt, ita tamen, ut fimbriæ paulatim emineant, & illam intueri, atque ob oculos habere possint: & exterius, כסות גדול pallium magnum, quod inter precandum & in Synagogis, non tam corpori applicant, sed capiti vel collo circumvolvunt. Cum muliebri palla peplum hoc Judaicum confert Wagenseil. in Sota p. 406. Licet vero, quod memorabat Maimonides, plures quam quatuor, haberet angulos pallium istud, fila tamen illa complicata, non nisi quatuor ab oris, suspendere fas est. Requiruntur, juxta eundem c. l. cap. I. hal. 6. & 7. fila quatuor, quæ e medietate sua ex foramine anguli suspensa duplicantur, & octo conficiunt, quorum longitudo ulnam unam vel duas æquare potest, nec tamen infra quatuor digitos esse permittitur. Filamina requirebantur hyacinthina, seu cærulea, quorum tingendorum rationem denuo edocet laudatus Wagenseil. in Sota pag. 396. Quia vero hodie ככלה seu cæruleo illo colore destituuntur, fila alba relinquunt; quæ contorta, quinque nodis constringuntur. Finis instituti in lege diserte memoratur, ut videatis ea, & recordemini omnium præceptorum Domini, & faciatis ea, nec sequamini speculationes cordis vestri, & oculorum vestrorum, post eas fornicantes, sed recordemini potius præceptorum Domini, ut faciatis

ea, ut sancti sitis Deo vestro, Num. XV, 37. Deut. XXII, 12. Hinc triplici inserviunt usui, & faciunt 1) ad assiduam mandatorum recordationem, 2) ad avocationem a peccatis & erroribus, 3) ad mandatorum observationem. Rationem, qua fimbriæ istæ Domini præcepta in memoriam homini revocent, Raschi cit. loc. a præceptorum numero arcessit: numerus quippe Gematricus vocis ציצית efficit DC. præterea octo sunt fila, & quinque nodi, ecce DCXIII. quot numerantur præcepta. Demonstratio sane, magisteriali acuminis digna! Qui ergo studiose fimbriarum præceptum observaverit, ille sexcenta & tredecim præcepta perfecte servasse creditur. Hinc Boasum ferunt, cum casta & pudica Rutha illi adjaceret, fimbriarum recordatione a fædâ cupidine fuisse avocatum; Josephum pariter, Potipharis uxori assurgere, eamque vitare voluisse, sed per Zizith seu fimbrias suas absterrium, ante scilicet, quam lex de illis esset lata. Huc spectat, quod Pavi. Fagius ad h. l. paraphr. Chald. annotavit: mirum est, quantum tribuant huic vesti, quasi singularem vim quandam habeat contra יצר הרע malum genium, sive pravam illam concupiscentiam. Unde est, quod qui inter illos ceteris religiosiores haberi volunt, perpetuo ea sub aliis vestibus gestant. Et tales religiosulos vocant zizis beisser. Habentque, cur Zizith multum tribuant Judæi, causam, quia retributionem inde quandam expectant, teste Talmude Babyl. in Schabbath fol. 23. col. 2. ubi promittitur: qui de candela Sabbatica curat, futuri sunt ejus filii discipuli Sapientum, qui de Mesoth, seu membranis postibus affigendis, domum speciosam adipiscetur: qui de ציצית seu fimbriis vestimento attexendis, adipiscetur bonam tunicam. Quæ, utut per allegoriam ita dici, facile appareat, mercedis tamen spem aliquam liquido faciunt. Jam quando Servator optimus Matth. XXIII, 5. in vitio ponit Phariseis, ὅτι μεγαλύνουσιν τὰ κενάπεδα τῶν ἱματίων αὐτῶν, quod producerent fimbrias palliorum suorum, hypocritism eorum carpit, qua, quo sanctiores ceteris, legisque observantiores viderentur, plus julto

iusto longiores gestarent fimbrias, ut כני ציצית filii fimbriarum pulvinaris jure salutari mererentur. Hoc ex Gemara Cod. Gittin fol. 56. a. ita exponit BRAVNIUS lib. I. de vest. Sacerd. Hebr. cap. 3. §. 16. p. 73. opibus præ ceteris pollentes Judæos, stratis super pavimento ædium & conclavium suorum tapetibus incessisse. Qui ergo sanctimonia reliquos superare affectabant, eo usque producebant fimbrias, שהיתה ציצית נגרת על גבי כסתו ut traherentur illæ super pulvinaribus. Potiorem hæc merentur fidem, quam quæ Vir cetera doctus, taliumque rerum haud imperitus, IOH. CAMERO tradit loc. supra cit. Opp. p. 174. b. Nam & istis fimbriis, inquit, affuebant membranam, aut schedam inscriptam verbis legis, desumptis ex iis locis, quorum supra meminimus (ubi de Phylacteriis exposuerat) atque hanc schedam ציצית appellabant. Quale quid nemini Judæo in mentem, opinor, venit. Neque novum, quo priori fidem facere conatur, commentum nobis persuadet, quando pergit: unde unam eandemque rem תפלין dicunt, cum aptatur capiti, מוזה cum aptatur januæ, ציצית cum aptatur vesti. Verba eorum sunt: תפלין & כראש וכורע/ מוזה כפתח/ ציצית בכנר monent, ציצית appendicem esse fimbriarum. Idem tradere IOH. SAVBERTVM in palestra p. 101. §. 6. memini, sed vehementer cuperem, uterque ut validius addaxisset testimonium. Zizith enim appendicem pallii Tallith esse monent Judæi, non autem fimbriarum, sed ipsas fimbrias, perhibent. Et utut tria ista sæpissime jungant Magistri, minime gentium tamen hoc faciunt ob easdem ubivis schedas, quæ in pallio ejusque peniculamentis plane adsunt nullæ, sed propter communem usum, paremque observantiæ superstitionem. Quod addere visum est, ne quem tantorum virorum in transversum rapiat auctoritas. Denique, si quæretur: num Salvator quoque noster ציצית gestaverit? haud gravatim largimur. Etsi enim phylacteria manui & capiti eum admovisse, supra n. 24, 25. inficiati sumus, quia non præcepti erant illa, sed superstitionis Judaicæ: alia tamen peniculamentorum

horum erat ratio, diserte nempe in lege imperatorum. Eandem caute adhibuit distinctionem Clariss. SCHOETTGEN: in Haris Hebr. & Talmud. ad h. l. Matth. p. 195. contra SCALIGERVM pronuncians: de fimbriis nullam ipsi controversiam movemus, quia Deus ipse illas præceperat, de phylacteriis vero dubitamus. Ratio hæc est, quia legi subiectus fuit, nequaquam vero stultis Pharisaorum & Rabbanitarum traditionibus. Duo tamen sunt, quæ hic monemus: Alterum, quod non præcise eum in peniculamentis suis modum servaverit Christus, qui a Magistris traditur, & ad hunc diem Judæis est receptus, qui recentior forte Servatoris ætate, & ab ingenio Judæorum profectus esse poterit, sed eum, qui legi divinæ ex asse responderet, cujus quippe πᾶσαν πληρώσαι δικαιοσύνην ipsum oportuit, Matth. III, 15. siquidem non venerat καταλῦσαι τὸν νόμον, ἀλλὰ πληρῶσαι, c. V, 17. Alterum, quod infirmo admodum tibicine nitatur sententia, si cum Auctore nostro Lucæ cap. VIII, 44. superstruamus. Non me fugit, ut HIERONYMVM taceam mox citandum, & CAPPELLVM, ex nostris quoque IOH. SAVBERT. in Palestra p. 101. §. 7. & IOH. REINH. RVSIUM in Harmon. lib. IV. cap. 26. p. III6. eidem insistere argumento. Verum generale est τὴν νηυσὶν vocabulum, extremam cujusque vestimenti oram, quæ ad τὸ πέδον propendet, designans. Quid ergo prohibet, quo minus togæ exterioris tetigisse fimbrias dicamus hæmorrhousam? Firmius ergo evinceretur assertum ex obsequio, quod exactissimum legi præstitit Servator.

Ad §. XXX. pag. 28.

(34) Rigidas acutasque spinas] Verba STRIDONENSIS in Matth. XXIII, 5. Tom. IX. Opp. f. 33. E. ita habent: Superstitiosi Magistri, captantes auram popularem, atque ex mulierculis sectantes lucra, faciebant grandes fimbrias, & acutissimas in eis spinas ligabant, ut videlicet ambulantes & sedentes interdum pungerentur, & quasi hac admonitione retraherentur ad officia domini, &



Et ministeria servitutis ejus. Idem post HIERONYMUM, ejusdemque fide, tradidit ANSHELMVS *Commentar. in hunc locum Tom. I. fol. 9. col. 2.*

Ad §. XXXI. pag. 28.

(35) *Septem vero Phariseorum genera* ] Sufficiat Gemaræ verba Latine conversa citasse, cum, WAGENSEILTO teste, hac præsentī, nulla alia in omni Gemara pericope Christianis doctoribus frequentius sit allegata, & apud BXTORFIVM, DRVSIVM, LIGHTFOOTVM, HOTTINGERVm, aliosque passim legatur. Interprete autem viro summo in *Sota c. III. p. 543.* ita habent: Tradunt Magistri: septem genera sunt Phariseorum, Phariseus Sichemita: Phariseus allidens: Phariseus venæ sector: Phariseus pistilli: Phariseus (quærens) quid teneatur? & se id facturum (pollicens:) Phariseus ex amore: Phariseus ex metu. Phariseus Sichemita est, qui imitatur factum Sichemi: Phariseus allidens est, qui pedes allidit: Phariseus venæ sector, ex mente NACHMANIS F. I. est, qui sanguine parietes conspergit: Phariseus pistilli, ita censente RABBA F. S. est, qui capite demisso incedit, instar pistilli: Phariseus (quærens) quid teneatur, & se id facturum (pollicens,) hoc utique bonum est. Nempe (de eo sermo est, qui arroganter) ad quid præterea teneor? inquit, & faciam illud. Phariseus ex amore; Phariseus ex metu. His octavum Phariseorum genus, ex Massechet Avot R. NATHANIS, quæ Talmudi subiecta fol. 9. col. 4. addit WAGENSEILIVS, פרוש מלאכה היתה לו Phariseum, qui semper in opere versatur, in cujus tamen explicatione anceps hæret vir summus, an dicendum sit, esse eum, qui officiosam sedulitatem simulat? aut eum, qui πολυπραγμων est, & omnibus rebus sese ingerit? vel denique eum, qui gratis ministerium suum aliis addicit?

Facturum me operæ pretium confido, si qua his addidero de Phariseis ἀξιομνημόνευτα, ab Auctore nostro, sicco prætermissa pede. In his est

I. Studium conciliandi Profelytos, a Christo pariter in Phariseis atro notatum carbone Matth. XXIII, 15. cujus effati sententiam nos supra edidimus sub fin. lib. I. cap. III. Quam profano autem animo & conatu, Gentilium curaverint conversionem, nec tam Dei gloriam & animarum lucrum hoc suo sectati sint studio, quam suummet honorem, emolumentum, & insigniter auctum discipulorum numerum, satis liquet, si cogitemus, 1) infantes quoque nondum trimulos, & rationis usu non satis instructos, sive ex parentum consensu, sive, ubi abnuebant illi, ex Concilii decreto, ipsos circumcidisse, & Baptismo initiationis tinxisse, teste Talmude Hierosolym. in Cod. *Jevammoth fol. 8. col. 4.* יוחנן בעי חת בן קטן את מוחלו על כורחו: רבי אפילו כבנו של אורכנים: R. IOHANNES interrogavit: nunquid filium parvulum circumcideres invitum? Resp. omnino, si vel maxime sit instar filii Hyrcani. Vnde MAIMONIDES in *Hile. ישראל שתקף* cap. 8. §. 20. sancit: כותי קטן או מצא תיננק כותי והטבילו לשם כותי זה גר si quis Israelita Gentilem parvulum occupavit, aut infantem invenerit expositum, & baptizavit eum ad Profelytismum, ecce talis est Profelytus: 2) eos quoque admisisse, qui non veritatis studio, aut amore Dei Israelis, sed honorum vel opum cupiditate impulsī, Judaismum amplectebantur, cujus rei illustre proponitur exemplum in Cod. *Schabbath fol. 31. col. 1.* Accidit cum Gemili quodam, qui transiens sanctuarium, audierat vocem Scribæ, dicentis ex Exod. XXVIII, 4. & ista sunt vestes, quas faciant: pectorale sacrum, & amiculum &c. Ad quæ exceperat: cuiusnam hæc omnes? Et cum responderetur ipsi, Pontifici Maximo; cogitabat Gentilis iste penes se, abeam Judaicam amplexurus religionem, eo fine, ut Pontificem Maximum me constituent. Accedens itaque ad Schammæum, dixit: צוירני עם גורלן recipe me Profelytum ea conditione, ut ponas me Pontificem Maximum: a quo regula architectonica, quam tum forte manu tenebat, abactus fuit. Sed postquam ad Hillelem venerat, (cujus alias quoque facilitas & lenitas in

in recipiendis iis celebratur, & in exemplum proponitur) *lubens hic eum recepit.* 3) Tanto ipsos, profelytos lucrandi ardore flagrasse, ut vi ac metu Gentiles adigerent, velut IOSEPHVS de Hyrcano, summo Judæorum Pontifice & Principe memorat *lib. XIII. Antiqu. cap. 17.* eum subactæ toti Idumæorum genti, sub exterminii pœna, circumcisionem edixisse. Quo etiam tyrannicus procedendi modus spectat, quo adversus puellam bello captam, a capto vitium passam, a Judaismo autem abhorrentem, utebantur. Domum eam secum abducebant, inque ea per mensem quasi captivam tenebant, ac tantum non turpiter tractabant. Deslere ibi religionem suam cogebatur, abradere crines, ingentes alere ungues, & id genus se afficere aliis, quæ maximo ducebantur opprobrio. Mense præterlapso si non mutaret mentem, ita pergebant cum ea sequentes menses duodecim. Donec tandem tædio miserrimæ conditionis suæ victa, profelytissa aut justitiæ fieret, aut domicilii. Sin posteriùs, multorum incommodorum sibi existeret causa: nec saltem se privabat matrimonio, verum omnem quoque prolis ad se transferebat curam, vitiatore ab his omnibus soluto; quod pluribus docet SLEVOGTVS *Disp. Academ. XXXVII. §. 15 sqq.* Nec mitius agebant cum servo captivo, quod ibidem pariter edisseritur. quibus plura addere mitto.

II. *Hypocrisis in exornandis Prophetarum sepulcris*, quam Christus æque perstringit Matth. XXIII, 29 sqq. Et de sepulcris quidem Hebræorum, eorumque ornatu, infra ex instituto. Hic nobis sufficiat sensum verborum Christi enarrasse, quia scrupulum movit ORIGENES *Tract. XXVI. in Matth.* reprehendi a Servatore, quæ laudem mereri videbantur, restaurare nempe sepulcra Prophetarum, & ornare monumenta iustorum. Solvere hunc nodum, integra dissertatione operam dedit IOH. MARCKIVS, *Exercit. Textual. XXVI. in b. l. p. 227 sqq.* discussisque aliorum sententiis, in ea tandem §. VIII. acquiescit, & ipsam monumentorum exstructionem laxari, tanquam opus hypocrisin & imita-

tionem majorum arguens, & accusari animum, quod de tropæis crudelitatis erectis, ipso facto, si minus intentione, latarentur, & in vitio poni modum, dum corradebant pauperum eam in rem nummos, fidem & imitationem decentem negligebant, atque mundo, inani pompa, sanctos similes reddebant. Qua de causa Salvator jure merito hanc restaurationem damnet, tanquam imitationem occisionis majorum, etiam si alia omnia prætexerent & jactarent impurissimi hypocritæ. Acuta magis & subtili, quam conjectura probabili, verba Christi interpretatur HERM. WITSIVS *Miscellan. Sacr. lib. I. cap. XXI. §. 59.* cum LIGHTFOOT hypothesin iis substernens, tunc Judæis notissimam, quamvis nobis nunc minus exploratam. Legi eam in Gemara Hierosolym. *Tr. de siclis cap. II Sect. V.* his verbis: *אין נפשות לצדיקים רבירון הן זכרון non erigunt justis monumenta, nam dicta eorum sunt memoria eorum:* quo dicterio docetur, injuriam quandam justis fieri, si struantur ipsis ornamenta sepulcralia: potiora enim ipsos habere monumenta, quæ sunt verba ipsorum, memori mentè reponenda. Qui ergo monumenta justis struit, is ex Talmudistarum mente, dedecore ipsos afficit, quasi non reliquissent sermones, quibus ipsorum memoria multo sanctius coleretur. Ex hac hypothesi, sequentem verborum Christi WITSIVS exsculpit paraphrasin: Quid vobis animi est, Scribæ ac Pharisei, quod fucato pietatis prætextu Prophetarum ac iustorum exornatis monumenta? nonne illud, ex vestra ipsorum doctrina, ipsis in dedecus cedit, quasi nulla reliquissent verba memorari digna? quid verba ipsorum negligitis, contemnitis, conculcatis, quum ipsi fateamini, ea præstantissima ipsorum monumenta esse? Quæ, quia ingenium & eruditionem spirant, transferre huc molestum non fuit. Simplicior tamen, meo judicio, & prior verbis interpretatio est, quam CAMERO in *Opp. c. l. p. 175. n. 3.* rursusque in *Myrothecio ad b. l. p. 90 sq.* suppeditat, non honorem, Prophetis pie defunctis habitum, reprehendisse hic Christum, in quo suffragan-



tem habet RVSIUM in *Harmon. Evangel. lib. V. Part. I. sect. II. cap. 13. Tom. II. pag. 582.* sed quod ipsi æmuli majorum homicidarum sint, qui & Christum, Prophetarum principem, & sectatores Christi, ad necem usque persequantur. Indignantis itaque hanc vocem esse judicat, cujus mens eo redeat: Vos quidem ædificatis Prophetarum sepulcra, quos majores vestri interfecerunt, sed si res aestimetur ex vestris moribus, id facitis, ut atrocitatis majorum vestrorum, ac crudelitatis memoriam commendetis, nempe eadem facitis, quæ illi. Hoc enim ait, facere indignationem, quum justa est, ut quæ ab auctoribus alio referuntur, eo referantur, quod auctorum moribus est convenientissimum. Esse figuratam locutionem, idque ab affectu iræ aut doloris; veram tamen, nec minus ex animo prolatam, ac si verbis propriis esset composita &c.

III. *Mira legis divine, cujus tamen accuratissimos agere gestiebant interpretes, perversio*, quam Servator in illis copiose notavit Matth. V, VI, XV, XXIII &c. Principatum hic tenet, & πρῶτον ψεύδος est, quod legem se ex asse servare, immo plus præstare posse, quam lege sint injuncta, persuasum haberent. Hinc illa non modo Pharisaici juvenis manabat jactantia, qua ad recitata legis præcepta, Christo regerebat: πάντα ταῦτα ἐφύλαξαί μιν ἐκ νεότητός μου, τί ἐτι ὑστεροῶ; sed etiam tot propullularunt הוסיפה additamenta, præceptis adjecta, v. g. de precibus, jejuniis, ablutionibus, festis &c. quæ diligenter persequitur ANTON. HVLIVS in *Theologia Judaica P. I. seu in Not. ad Abbat Rochel p. 314.* Vnde R. DAV. KIMCHI *Comm. in Ps. CIII, 7.* eum dicit חסיד consummate justum, שעושה יותר על מה שנצטוה qui plus facit, quam præceptum est, & distinguitur ab illo, qui justus tantum est, quod hic faciat ea, quæ mandata sunt. Ut itaque in facultate hominis sitam legis implerionem evincerent, nullum requiri opus tradebant, nisi externum, & præcepta legis insidiosè explicabant. Præceptum II. de nomine Dei in vanum non sumendo, ita elidebant,

ut nullo se teneri juramento crederent, in quo nomen Dei non diserte intervenerit. Hoc si ne certas studiose excogitaverant jurandi formulas obliquas, quibus omisso Dei nomine, per omnia alia jurabant, nimirum per celum, per terram, per Hierosolymam, per templum, per caput suum &c. sperantes, se hoc modo perjurium evitare, & immunes esse a reatu. Quod exteri quoque compertum habebant, ut nulli Judæo, etiam centies jurato, fidem haberent, nisi interposito in jurando nomine Dei. Hinc apud MARTIALEM lib. II. *Epigram. 95.* Ecce negas, jurasque mihi per templa Tonantis. Non credos jura, Verpe, per Anchialum, i. e. interprete scalligero, per eum qui vivit in seculum, h. e. per Deum. Prostat quoque erudita GEORGII SIGISM. GRENII de *Anchialo* dissertatio, Vitembergæ A. 1697. publici juris facta. Præceptum III. de Sabbatho, solo meriebantur otio Sabbathico, ita ut necessitatis pariter ac charitatis opera negligerent, immo in vitio ponerent, Matth. XII, 1 sqq. Luc. VI, 6 sqq. Præceptum IV. de parentibus honorandis, alendis, sublevandis, glossemate iniquissimo prorsus everterant, ut recusantes pietatis officia liberi, religionem prætexerent, si bona sua Deo Corban facerent, ita ut de illis nihil erogare ulli, præterquam Deo, aut quibus id concessum a Deo, ut Sacerdotibus, Levitis, Doctoribus &c. ipsis integrum esset, Matth. XV, 4 sqq. in quem locum vide HEIDANVM lib. VIII. de *origine erroris, cap. V. §. 5.* Porro præceptum V. non nisi ad patratum referebant homicidium, intempestivæ autem iræ, verbis maledicis & conviciis, quin immo hostium odio, locum, veniamque dabant Matth. V, 15 sqq. 43 sqq. Præcepto VI. congressum cum uxore aliena prohiberi asseriebant, cordis autem & oculorum adulterium, dimissionem quoque uxoris, ob levissimas sæpe causas libello repudiî dato, minime notari perhibebant Matth. V, 32. XIX, 3 sqq. Præceptum VII. praxi sua corrumpebant vel maxime Φιλάργυροι nempe, Luc. XVI, 14. & rapaces, viduarum devorare domos edocti, & quidem speciosa prolixarum precum προφάσεις Matth.

Matth. XXIII, 14. *Præcepto VIII.* nullam se vim inferre credebant, atrocissimas in Jesum Nazarenum, criminis licet omnis expertem, scelerisque purum, calumnias proterve jacentes. *Præceptum IX. & X.* pessime detorquebant, quando Deum pravæ concupiscentiæ ferebant conditorem. Sic in *Baba Bathra fol. 16. col. 1. ultra med.* ברא הקבה יצר הרע ברא לו תורה ברא תכלין creavit Deus benedictus concupiscentiam pravam, idemque creavit ei legem in condimentum. Pariter in *Sobar ad Gen. I, 26. col. 100. circa med.* R. SIMEON ad discipulos suos, nisi ita esset, inquit, quod Deus benedictus creaverit יצרא טובא וישיא figmentum bonum & malum, concupiscentiam pravam & laudabilem, quæ sunt lux & tenebra, non fuisset neque meritum, neque reatus homini creato. Proinde ex duobus illis creatus est. Quanquam in his omnibus Magistrorum placita sibi non ubique constare, ut universa eorum Theologia innumeris laboret contradictionibus, non iverim inficias. Interdum enim vel unius præcepti observantiam toti respondere legi pronunciant; rursus alii ex cordis integritate obsequium legis æstimant, illud R. BECHAI scitum inculcantes: עקר התורה כלב כולה תלויה בלב fundamentum totius legis dependet a corde: quibus enodandis aut conciliandis nunc immorari, nostri non est instituti.

IV. *Summa, quam apud plebem sibi conciliaverant, auctoritas.* Testem hujus rei locupletem habemus IOSEPHVM, qui lib. XVII. *Antiquitat. cap. 2. edit. Haverkamp. Tom. I. p. 830.* ita habet: ἡ γὰρ μόριόν τι Ἰσδαϊκῶν ἀνθρώπων, ἐπ' ἀκριβῶσαι μέγα φρονῶν τῆ πατρὸς νόμον, οἷς χαίρειν τὸ θεῖον προσποιμμένων ὑπῆκτο ἡ γυναικωνίτις. Φαρισαῖοι καλῶνται, προσημθεῖς καὶ τῆ πρῆστις εἰς τὸ πολεμεῖν τε καὶ βλάπτειν ἐπηγεμένοι· πάντος γὰρ τῆ Ἰσδαϊκῆς βεβαιώσαντος δι' ὅρων, ἡ μὴν εὐνοῆσαι καίσαρι, καὶ τοῖς βασιλέως πράγμασι, οἷδε οἱ ἄνδρες ἐκ ὧμοσαν ὄντες ὑπὲρ ἑξακισχίλιοι· καὶ αὐτὰς βασιλέως ζημιώσαντος χεῖμασιν, ἡ φεράειν γυνὴ τὴν ζημίαν ὑπὲρ αὐτῶν εἰσφέρει· οἱ δὲ ἀμειβόμενοι τὴν εὐνοίαν αὐτῆς, προῖονασι τὴν

ἐπεπιστεύοντο ἐπιποιήσαι τῷ θεῷ, πρᾶλλον, ὥς Ἡρώδης μὲν καταπαύσεως ἀρχῆς ὑπὸ θεῷ ἐψηφισμένης αὐτῷ τε καὶ γενεῇ τῷ ἀπ' αὐτῆς, τῆς τε βασιλείας εἰς τε ἐκείνην περιηχέσης καὶ φερώειν παῖδας τε οἱ εἶεν αὐτοῖς. Erat enim Judæorum quedam secta, qui legis accuratam cognitionem profitebantur, & de ea ferociebant, quibus, se Deo charos esse simulantibus, addictæ erant femine. Ii Pharisei vocantur, homines qui maxime Regibus ausi sunt resistere, cauti, & ad aperte bellandum ledendumque prompti. Et quidem, cum universa Judæorum natio jurasset, se Cæsaris Regisque rebus fautores esse, ii non jurarunt, cum essent supra sex millia: cumque eos Rex multasset, Pherora conjux multam pro eis solvit. Pro quò beneficio ut ei gratiam referrent, (credebantur enim futura scire ex afflatu divino) fore prodixerunt, ut Herodes ejusque progenies, Dei decreto, imperium amitterent, idque ad eam & ad Pheroram eorumque liberos deferretur &c. En, auctoritatem pariter, ac artes, quibus sibi eam conciliarunt! Illa tanta erat, ut & Regibus resistere, & neminem non ledere haud vererentur, adeoque homagii sacramento fidem Cæsari, Regique, suam adstringere recusarent. Hæ erant, 1) eximia rerum divinarum, & longe supra vulgum eminens, peritia, 2) arcta cum Deo familiaritas, cujus προφάσει sexum sequiorem in suas pertrahebant partes, 3) donum, quod jactabant, Propheticum, oracula, falsa licet, votis tamen hominum ex asse respondentia, fidentes. Transfer hæc ad nostram ætatem, & delineatam fateberis Sanctulorum seculi nostri faciem. Porro, lib. XIII. cap. X. p. 663. ubi Sadducæos cum Phariseis FLAVIUS contendens, illos solum locupletes in suas pertraxisse partes testatur, Phariseis multitudinis favore nitentibus. Rursus, cap. XV. §. 2. pag. 676. in describendo Alexandra Regina imperio, eorum potentiam eo usque provehit, ut pronunciet: τὸ μὲν ἂν ὄνομα τῆς βασιλείας εἶχεν αὐτὴ ('Αλεξάνδρα) τὴν δὲ δύναμιν οἱ φαρισαῖοι. καὶ γὰρ Φυγάδας ἔτοι κατήγον, καὶ δεσμιώτας ἔλουν, καὶ καθάπαξ εὐδὲν δεσποτῶν διέφερον.



Itaque regni nomen habebat ipsa, potestatem vero Pharisei. nam & exsules isti revocabant, & vinetos solvebant, & prorsus nihil a Dominis differebant. Et paulo post, universam provin-

ciam tranquillitate gavissam memorat, præter Phariseos, qui funestis consiliis suis Reginam turbarint. Mitto plura, ad sequentia perrecturus.

AD

## LIB. I. CAPVT XI.

## DE SADDUCEAIS.

Post sæpius laudatos, NICOL. SERAKIVM, IOH. DRVSIVM, & IOS. SCALIGERVUM, in decantato Trihæresio, de Sadducæis evolvi merentur IVL. BARTOLOCCIVS *Biblioth. Rabb. Tom. I. p. 376.* POCOCCIVS *Not. ad portam Moysi cap. 6. p. 94 sq.* HOTTINGERVUS *Theoph. Philol. Lib. I. Sect. V. §. 5. p. 34 sq.* GVIL. SALDENVS *lib. III. Otior. Theol. Exerc. IX. p. 559 sq.* HVMFRED. PRIDEAVX *in Histor. Jud. P. II. Lib. V. §. 2. edit. Gall. Tom. IV. p. 63.* HOSPINIAN. *de Monach. lib. I. cap. IV. p. 9.* BASNAGE *in Histor. & Relig. Judeor. lib. II. cap. VI. Tom. I. p. 397.* SPANHEM. pater, *in Dub. Evangel. P. III. Dub. XXIX. p. 108.* SPANHEM. fil. *in Hist. Eccles. Vet. Test. Tom. I. Opp. p. 459 sq.* IOH. LEVSDEN. *Phil. Hebr. Mixt. Diff. XIX. p. 144.* LIGHTFOOT. *Harm. Evangel. ad Matth. III. 7. Tom. I. Opp. p. 320. & ad Luc. V. 17. p. 520. & Hor. Talm. ad Act. XXIII. 8. Tom. II. Opp. p. 737.* PETR. BAYLE *in Dict. Hist. & Crit. Art. Sadduceus*; ubi vix quicquam profert, quod non ex WILLEMERI disputatione mox citanda sit petitum. Ex Nostris IOH. GERHARD. *Harm. Evang. cap. CLV. p. 366.* PFEIFFERVS *in Trihæresio Judeor. Sect. II. HACKSPAN. in doctissima ad Lipmanni Nizzachon præfatione §. 17 sqq. p. 225.* LVNDIVS *Jüdisch. Heiligthüm. lib. IV. cap. XII. pag. 785.* CARPZOV. *Theologiæ Judaicæ, quæ RAYM. MARTINI pugioni fidei præmissa legitur, cap. III. §. 3, 4. p. 8 sq.* & qui saxum hoc disputationibus Academicis volverunt, IOH. REISKE, Jenæ, 1666.

IOH. PHIL. PFEIFFER. *ad Act. XXIII. 8.* Regiomonti, 1682. SAMVEL BARTHEL, Lipsiæ, 1699. IOH. HELVICVS WILLEMER, Vitembergæ, 1680. & forte alii multi. Quæ autem recentissime agitur inter viros doctos, GVDIVM & IKENIVM, controversia, de Sadduceorum in Judea gente auctoritate, cognosci poterit ex *Symbol. Literar. Tom. I. P. III. p. 299 sqq.*

Ad §. I. pag. 28.

(1) *Etymologiam hujus nominis* J. LYRANVS *ad Acta Ap. c. V. FLACIVS in Clave Script. P. I. b. v. & quod mireris, doctissimus RICH. MONTACVTIVS Analect. Exercit. III. Sect. II. p. 103 sq.* ubi contra BARONIVM, mordicus hanc, ex EPIPHANIO haustam sententiam tuetur, id nominis derivant a voc. צֶדֶק, *justitia*, eo quod inter Judæos essent velut Justitiiarii in iudiciis & pœnis irrogandis acerrimi, unde magnificum hoc sibi nomen sumserint, ut צִדְקִים *justitiæ Sacerdotes* audire cuperent, eo quod præ ceteris solam legem Mosaicam, quoad literam sequerentur, & secundum illam severe sectarentur justitiam; cum ex adverso Pharisei, insigni moderatione usi, Φύσει ἐπιεικῶς πρὸς τὰς νόλας, naturaliter ad penas irrogandas moderate se haberent, teste IOSEPHO. Quis autem persuaderi sibi patiat, homines ob vitam dissolutam vulgo infames & exosos, nomen a justitia, utut sibi arrogarent, apud plebem perpetim retulisse & servasse? שֵׁם רַשָּׁעִים וְבִעֲלֵי מֵרוֹת דְּעוֹת quod

quod impii essent, & pessimis moribus præditi, ut habet R. ABRAH. ZACVTH in *Juchasin* p. 139. Vnde potius *ממינים* Heretici, *ממינים* Infideles, & *אפיקורסים* Epicuræi, passim audiunt. Nec scriptio nominis permittit, *צרוקים* Sadducei, non *צרוקים* justi appellationem referens, quam perperam MONTACVTIVS ita elidere satagit: *de modo scribendi litigent, sive divini, seu humaniores Grammatici, nihil refert*: nullum enim litigium, sed mirus & constans apud omnes, obtinet in scribendo consensus. Vera itaque & genuina denominandi ratio, a *צדוק* Zadoko, Antigoni Sochæi auditore ac discipulo, & Sectæ conditore, est arcessenda. Nec obstat, quod MONTACVTIVS urget, *Phariseos & Essenos, binas illas γεννὰς, ut THEOPHYLACTVS loquebatur, αἰρέσεις, non ab aliquo fundatore, sed aliunde vocitatas?* Non enim eandem, omnis sectarum nomenclatura, agnoscit originem. Aliæ ab auctore & statore, aliæ a dogmate præcipuo, nonnullæ ab utroque dicuntur, quod exemplorum inductione facile esset probatu. Et annon iidem *ביתוסים* Baithosæi salutabantur, certe a fundatore, quia duo Antigoni Sochæi discipuli, *צדוק* Zadok, & *ביתוס* Baithos in eundem impingebant lapidem, novamque hæresin auspicabantur. Bene memini, R. GEDALIAM in *Schaltscheleth Hakkabbala fol. CIV. col. 1.* duas distinctas facere sectas, Zadokæos & Baithosæos; sed nec me fugit, re ipsa non fuisse, nisi unam, solo distinctam nomine, & a Phariseis a Zadoko potius & frequentius, quam a Baithoso denominatam, quod ille in sententia propugnanda rigidior, hic paulo esset remissior. Quin & ipsi Baithosi sectatores Sadducei appellari maluerunt, ne præceptoris Baithosi macula, quem spurium esse noverant, opprobrio in ipsos locum daret. Judæi tantum non omnes a Zadoko derivant, ut fidem faciet R. NATHAN in *Lex. Talmud.* *ערוך* dicto, R. ELIAS Levita in *Thisbi b. v.* &, qui eum fideliter hic exscripsit, DAVID DE POMIS in *Zemach David f. CLXXXVIII. col. 3.* Quæ iusto forte copiosius, nec tamen frustra; ne quem EFIPHANII & HIERONYMI fascinet auctoritas,

qua MONTACVTIVS sententiam suam munivit.

Ad §. II. pag. 28.

(2) *Vixit sub Antigono Sochæo*] In ponendo temporum calculo multum tricatur R. DAV. GANZ in *Zemach Dav. n. 460.* edit. Vorst. p. 68 sq. nec aliud demum elicit, quam ignorantia suæ professionem. IOH. HENR. OTHO in *Hist. Doctor. Mischnic.* Antigonus Sochæum inter Simeonem Justum, qui Alexandro M. σύγχερος vixit, & R. Josef filium Joeser, ejusque Collegam R. Joseph fil. Johannis, constituit medium, & ad A. M. 3460 refert. Nec abnuerim, vel vergente Antigoni ætate, vel ab ejus demum excessu, Zadokum & Baithosum a tramite recti aberrasse. Paulo pressius ortum sectæ definit SPANHEM, pater c. l. §. 2. p. 109. & ad tempora Simonis Oniæ filii, Summi Sacerdotis, Ptolemæo Evergete Aegypti, Seleuco Callinico Syriæ Regibus, circa A. M. 3720. periodi Julianæ 4484. V. C. 523. Ante Christum natum 226 circiter annis. LIGHTFOOTVS Hor. in *Actor. XXIII, 8. Tom. II. Opp. p. 737.* Antigonus Sochæum σύγχερος facit Ptolemæo Lago, Zadokum & Baithosum Ptolemæo Philadelpho. BARTOLOCCIVS p. 380. ejus initia refert ad A. O. 3460. ante C. N. 300. Tam male cohæret computus Judæorum. Quando vero MELCH. LEYDEKKERVS lib. VI. de vario Reipubl. Hebr. statu cap. VIII. §. 3. p. 498. & rursus lib. VII. cap. IX. p. 574. Sadduceismi initia, & prima velut semina, ad Esdræ rejicit ætatem, & ex Malach. II, 17. III, 14. probare satagit, abnegatores istos providentiæ divinæ tunc temporis *הממינים* hereticos dictos contendens, contra quos Esdras remedium paraturus, precibus publicis coronidem, *לעולם ועולם* in sæcula sæculorum adjecerit, donec exortis Zadoki & Baithosi disputationibus signantius Sadduceorum nomen nanciscerentur: id non de Sadduceorum secta, sed de pestilentissimi solum erroris affinitate capiendum existimo, cum constans Judæorum traditio originem hæreticos, ad perperam



peram intellectam, vel depravatam a discipulis Magistri, Antigoni, sententiam referat. Hanc sane argumentandi rationem si amplectamur, vel ad Davidis ætatem Sadducæismum revocare, & ex Psal. X, 3. n. evincere poterimus, quod quam a re sit alienum, ad oculum patet. LEYDEKERVM vero nullus dubito hausisse sua ex LIGHTFOOTI *Hor. Hebr. ad Matth. III, 7. Tom. II. Opp. p. 273.* ubi paria leges.

Ad §. II. pag. 28.

(3) *Magnam cum hæresi Dositheï affinitatem*]. Vix elucaberis ex innumeris ἀντιλογίαις & difficultatibus, quibus res Dositheï veteres involvunt Scriptores, nisi cum COTELERIO in *Annot. ad Constitut. Apost. lib. VI. cap. 8.* geminum statuas Dositheum, utrumque hæresiarcham, impugnatores librorum Prophetico-rum, & Sacræ Scripturæ corruptores. Primum ante Christum, ex Judæo Samaritanum, qui resurrectionem carnis agnovit, docueritque severitatem morum, abstinentiam ab animatis, jejunium, virginitatem, & continentiam. Alterum, post ortum Christi, PseudoChristum, Samaritam, Simonis magi primo magistrum, postea discipulum, qui negaverit resurrectionem mortuorum, animæ immortalitatem, substantiam angelorum ac dæmonum, asseruerit vero, mundum esse incorruptibilem. Eodem tramite ITTIGIVS incedit, cum in *dissertat. de Hæresiarchis Sect. I. cap. I.* tum in *Hist. Eccles. Sec. I. cap. V. §. 1 sqq.* ubi quidem p. 255. definire non audet, quomodo uterque Dositheus, ratione temporis, dogmatum, dictorum ac factorum, accurate sint distinguendi, nisi quod EPIPHANIO memoratum faciat priorem. Fallor, an idem ille prior est, cum רוסתאי אויש כפר יתמה *Dosibai* seu Dositheo, viro e pago Jathma, שהיה מלמדו שיהיה ביה שמו *qui fuit e discipulis scholæ Schammai*, cujus mentionem facit Talmud in Massecheth ערלה, de arborum præputiis cap. II. *Mischn. 5.* Suadet nominis affinitas, cum hæreticus ille Δοσιθῆς ab EULOGIO, indeque Δοσιθηνοί, *Dosithe-*

*ni* vocentur, in Decreto contra Dositheanos promulgato, quod PHOTIVS asservavit *Bibliotheca Cod. 23.* Sed nil certi affirmo, cum de Schammeanī sectatoris ad Samaritanos defectione non constet, ejusque nulla amplius apud Talmudicos memoria extet. Et venit in mentem recordari, hanc conjecturam atro SCALIGERVVM carbone notasse in SERARIO, eo quod *Dusthaj* Hebraicum, Δοσιθῆος mere sit Græcum nomen. Quando vero EPIPHANIVS hæresis IV. Samaritanorum Dositheum facit conditorem, in *Paranariorum Hæres. XIII.* atque primos Sadducæos, ἀπόσπασμα ἀπὸ Δοσιθέου τῆ προλελεγμένης, item γέννημα, propaginem a memorato illo Dositheo perhibet, *Her. XIV.* & EPIPHANIVM secutus COTELERIVS, priorem illum originem Sadducæorum dicit, in eo falli utrumque audacter pronuncio. Temporum prohibet ratio, quæ tam Mischnicum, quam EPIPHANII Dositheum, Sadducæorum ortu longe sequiorem evincit. Acutius vidit GOODWINVS hoster, quando Sadducæis magnam solum cum hæresi Dositheï affinitatem communitatemque tribuit, etsi posteriorem cum priore Dositheo temere confundit, quando §. II Dositheum post Christum in vivis fuisse, cum ORIGENE credit, eidemque tamen §. III. assertam, creditamque corporum resurrectionem largitur, quæ prioris sententia fuit, non posterioris, qui, cum Sadducæis, potius in eundem errorem, negando conspiravit.

Ad §. IV. pag. 29.

(4) *Causa hujus Sectæ hæc fuit*]. Ansam errori, præter suam culpam, dedit Antigonus Socheus, Socho quippe oriundus, quem PRI-DEAUX *Histor. Jud. Part. II. Lib. II. Tom. III.* edit. Gall. p. 108. Præsidem dicit Synedrii, & Professore Theologiæ primarium in schola Hierosolymitana, primumque e Tannaim, seu Doctoribus Mischnicis, eumque Anno 263. ante C. N. diem obiisse censet: quanquam paulo recentior alii faciant, & sæculo circiter, ætatem Christi, antevertisse tradant; ut sunt turbidæ Judæorum

rum in putandis temporibus rationes. Hic ex ore Magistri, Simeonis Justi, qui ultimus de viris Synagogæ magnæ fuit, haustam suis sedulo inculcavit sententiam, quæ in *Pirke Abboth cap. I. Mischna* 3. legitur: **היו כעבדים המשמשין את הרב על מנת לקבל פרס ולא הוּו כעבדים המשמשין את הרב על מנת שלא לקבל פרס ויהי מורה שמים עליכם** *ne sitis tanquam servi (mercenarii) qui serviunt magistro ea conditione, ut recipiant mercedem: sed estote tanquam servi (ingenui) qui serviunt magistro non ea conditione, ut recipiant mercedem (non lucri cupidine, sed ex amore) sitque timor Dei super vos.* Hoc dictum in sinistram rapientes mentem discipuli, Zadok & Baithos, tradente ad h. l. MAIMONIDE, exierunt ab eo, alter alteri dicens: en! diserte ait Rabbi noster, hominem neque premium, neque pœnam, neque spem omnino ullam habere. Non enim intelligebant scopum ejus, adeoque alter alterius manus fulcivit, & sic aberrantes a regula, legem deserunt. Sed paulo aliter erroris originem, juxta Doctorem veterum traditionem, hinc eruit R. DAVID GANZ paulo ante laudatus, hoc scilicet Magistri effatum: *ne servientes Deo ad mercedem respiciant*, durum in oculis ipsorum visum, eo quod lex perpetuo testatur de spe mercedis, cum inquit: propterea benefaciet tibi, & prolongabis dies tuos: propterea prolongabuntur dies tui &c. Itaque disceptarunt super eo Zadok & Baithos pro sententia sua: cur non serviremus Deo propter portionem, ut recipiamus mercedem, sicut famulus servit Domino? atque dixerunt, nihil tale quid, vel simile huic rei, extat inter dicta Sapientum. Atque hic error fuit causa, ut contemnerent dicta Sapientum. Vix enim, poterant tam crassam ex dicto Magistri elicere sententiam, ac MAIMONIDES illis affingit, ni studio & data opera cavillari cuperent: sed cum effatum istud everti intelligerent tot Scripturæ promissionibus, quæ Dei cultoribus spem faciunt gratiosæ remunerationis, in transversum sunt acti. Vtut facile dederim, sive ipsos, sive sectatores ipsorum posthæc, ut error gignit errorem, ulterius progressos, & ad Pœg-

mat ejusmodi ἀνέσματα delapsos, Epicureismo latam aperuisse portam. Quando autem BAR-TOLOCEIVS p. 378 sq. addit: *Sadoch autem & Baithos cum suis affeclis (relicta Judæa, ubi semen pestifera hæresis disseminaverant) ad montem Garizim, ubi templum ad normam Hierosolymitanum templi edificatum erat, secedit. Ibi tanquam Principes & Rectores, sacra administrarunt, & a nomine Sadochi hujusmodi templum, Sadduceorum & Cutheorum domus est appellata: plane me fugit, quo auctore & qua fide hæc tradat: maxime cum paulo post p. 381. b. Sadducæos cum Samaritanis temere non confundendos esse, moneat.*

#### Ad §. IV. pag. 29.

(5) *Sadoc & Baithus*] Hos sæpius junctos jam citavimus, erroris ac instituti focios. Sed intercedit vir doctissimus, NICOL. FVLLERVS, *Miscellaneor. Sacror. lib. II. cap. III.* Baithosum aliquem unquam extitisse negans, quia nulla ejus uspiam apud Judaicæ historiæ scriptores fit mentio. Hinc Baithosæos eosdem censet cum Essenis, vel ipso nominis indicio, cum בֵּיתֵינוסִים, si propius inspicias, sint בֵּית אֲנוּסִים familia Essenorum, vel Sanatorum. Verum, quod pace tanti viri dixerim, ludere hoc est in re seria. Creberrime Baithosum Doctores Hebræorum memorant, MAIMONIDES, R. ASARIAS in *Meor Enajim* p. 32. R. GEDALIA supra citatus, alii. R. IEHVDA in *Cofri* p. 29. Zadokum & Baithosum, שׂוֹרֵשׁ לְמִינֵיהֶם hæresiarchas appellat. IOSEPHO vero nihil opus erat, Baithosum nomine recensere, ejus propaginem sub Sadducæis complexo. Eandem vero, utriusque auctoris sectam, nec Baithosæos a Sadducæis diversos fuisse, contra R. GEDALIAM, ejusque sequaces paulo ante asseruimus, nec pœnitet nos dicti: etsi hæsitantem, & in adversam sententiam, inclinantem, videmus LIGHTFOOTVM *Hor. Hebr. in Actor. XXIII, 8. Tom. II. Opp. 739. b.* Vix enim, apud quenquam Veterum, de Baithosæis seorsim leges, nec quoad duraverit Secta, vel ubi cumprimis floruerit, quibusque gavisâ sit Doctoribus,



bus, indicatum reperies. Coaluit cum Zadoki familia in unam, communi Sadducæorum nomine inclutam. Aliquam quidem, etiam ratione dogmatum, differentiam inter Zadoki & Bajthosi familias extitisse, sed levem illam, agnoscit WOLFIVS *Biblioth. Hebr. P. II. p. 815.* ubi remittit ad HACKSPANIVM in *Sylloge p. 13 sq.*

Ad §. V. pag. 29.

(6) *Respuerunt Prophetas, ceterosque Scripturæ libros*] Ad dogmata pergit Auctor, quorum primum vehementer disputatur, jurene an injuria Sadducæis tribuatur? Prius Veteres censuerunt, quorum auctoritatem securus est non GOODWINVS modo, & cum primis SERARIUS *lib. II. tribarensi cap. XXI.* atque BARTOLOCCTVS *cit. loc. p. 377. b.* verum etiam HUMPHRED. PRIDEAVX *Hist. Jud. T. IV. p. 66 sq.* ubi SCALIGERVM refutat, quod Sadducæos rejicere Prophetas & Hagiographa, negasset. Urget autem pro affirmante sententia Servatoris argumentum Matth. XXII. ab Auctore nostro pariter in eandem allegatum mentem, quod per consequentiam ductum, longe sit obscurius, clarissimis de resurrectione & vita æterna oraculis, quæ ex Prophetis & Hagiographis in aciem producere non dubitasset Christus, eorum si non defugissent auctoritatem Sadducæi. Hinc ita instituit PRIDEAVX, ut censeat, vel Zadokum, cum tantam sibi conflasset dogmate suo invidiam, ut fuga salutis suæ consulere necesse haberet, & ad Samaritanos transfret, ab illis hunc quoque adoptasse errorem, solam Legem canonica gaudere auctoritate, non item ceteros Sacri Codicis libros; vel ea de causa ita docuisse, quod in Prophetis & Hagiographis nimis aperte & perspicue sui suorumque profligarentur errores. His tamen omnibus Vir cetera doctissimus nos nondum permovet, ut vadimonium deferamus. Salvator cum Sadducæis disputans, iisdem eos armis conficit, quibus resurrectionem mortuorum illi aggrediebantur, & quia ex Mose peritis telis eam impugnabant, nec Mose deesse do-

cet *σερῳματα*, quibus valide confirmari queat. Ea de causa ex Lege potius, quam ex Prophetis libris, responsum depromit. Reliqua gratis assumit PRIDEAVX, & colore Dosithei, ad Samaritanos deficientis, incrustat ac pingit, qui nullo tamen indicio ad Zadokum transferri debet. Hoc ipso tamen figmento, ad primam impacti temere erroris originem, anamque nos ducit, quod Sadducæos cum Samaritanis plerique confunderent, & Pharisei cum Samaritanis eos amice conspirare calumniarentur. Cui ut fidem facerent commentis, communem utrisque, rejectæ Scripturæ Propheticæ, tribuerunt errorem. Hanc utrorumque confusionem pro merito castigavit MORINVS *Exercit. Biblicar. p. 308.* & HOTTINGERVS *Exercit. Anti-Morin. Sect. XIV.* Quam tamen ut in tantum incrustaret, Sadducæos geminos fingit DRVSIUS *lib. III. de sectis Jud. cap. 10. p. 139.* alios, qui in Judæa degebant, qui in Samaria, alios. *Fieri ergo potest, ut qui apud Judæos erant, Prophetas receperint: qui apud Samaritanos habitabant, rejecerint.* Sed bene habet, quod addit: *id conjicio, non affirmo.* Illam itaque conjecturam, quam Veteres omnes ignorant, eadem facilitate rejicimus, qua ipse protulit. Aliud adhibet *σοφὸν Φάρισαον* vir summus, GERHARD. IOH. VOSSIVS *lib. I. de Idololatr. cap. X. pag. 38.* inquiens: *Sadducæi Mosæicos solum libros habuere pro Canonicis ὁ θεοπνεύστοις, alios autem, etsi non rejecerint, auctoritatis tamen longe inferioris putarunt.* Sed, quo fidem faciat assertio, nihil producit. Potior nobis IOSEPHI est auctoritas, qui *Antiqu. lib. XIII. cap. X. §. 6.* Sadducæorum sententiam edisserens, eos docuisse perhibet, *ἐκείνα δὲν ἠγέσθαι νόμιμα τὰ γεγραμμένα, τὰ δ' ἐκ παραδόσεως τῶν πατέρων μὴ τῶν ἑαυτῶν* scripta Codicis sacri, adeoque universa τὰ ἑαυτῶν γεγραμμένα, non ea solum, ἀπὸ ἀναγέγραπται ἐν τοῖς Μουσεως νόμοις, de quibus mox egerat, oportere pro legitimis, ac genuinis oraculis divinis censere, quæ autem a patribus tradita sunt, non esse servanda. Concinit MENASSE BEN ISRAEL *lib. I. de resurrect. mortuor. cap. 6. p. 43.*

Certum

Certum est, inquit, Sadduceos non negasse librorum Prophetarum auctoritatem, ut ex Talmude liquet. In Talmude enim affatim hoc probat disputatio, quæ RABBAN GAMALIELI cum Sadduceis intercessisse memoratur in Gemara *Sanhedrin* cap. XI. §. 2. in qua testimonia ex Lege & Hagiographis a GAMALIELE in aciem producta, cum admiserunt, tum responsione diluere moliti sunt Sadducei, nihil quicquam de auctoritate reliquorum Scripturæ librorum monentes. Plura ejus generis exempla HACKSPANIVS ad *Lipmanni Nizzachon* §. 20 sqq. affert, ex quibus liquet, Sadduceos commune disputandi principium, Prophetas & Hagiographia, æque ac Legem, admisisse. Sed & neque in Templo, neque in Synedrio, aliisque hinc sacris, hinc profanis dignitatibus & collegiis, pari jure cum Phariseis tolerati fuissent, si non in Canone scripto convenisset utrisque, licet in exponenda Scriptura discederent in diversa: confer Act. XXIII, 6. Demum neque Christus, neque Apostoli hujus ipsos impietatis postulasse leguntur, monituri omnino, si, præter Legem, universam rejecissent Scripturam. Qui plura cupit, SCALIGERVM adeat, qui in *Elencho Tribaresii* cap. XVI. p. 113. copiose hanc causam peroravit.

Ad §. VI. pag. 29.

(7) *Rejecerunt omnes traditiones*] Hoc IOSEPHVS loco mox cit. disertè affirmat, quando de traditionibus majorum, quarum tenacissimos ait Phariseos, egerat, & mox subjicit: καὶ διὰ τὸ τοῦτα τὸ Σαδδουκαίων γένος ἐκβάλλει, eaque propter Sadducei eas rejiciunt. Et ELIAS LEVITA in *Tisbi* voc. צדוק hoc eis exprobrat: וכפרו בתורה שבעל פה ולא האמינו דק מה negarunt Legem ore tenus traditam, neque fidem habuerunt nisi ei, quod in Lege scriptum erat. Rursus IOSEPHVS lib. XVIII. *Antiqu.* cap. I. §. 4. Φυλακῆς δὲ ἐδαμῶν τινῶν μεταποίησις αὐτοῖς, ἢ τῶν νόμων· πρὸς γὰρ τὰς διδασκάλους σοφίας, ἣν μετῴσιν, ἀμφιλογεῖν ἀρετὴν ἀρεθμῶσι. Nec illi (Sadducei) quicquam

aliud, præter Legem, sibi servandum vendicant. Nam contra Magistros quidem ejus, quam sequuntur, sapientia (traditionum patres) disputare, præclarum ducunt. Atque hæc præcipua odii Pharisaici in Sadduceos causa erat, quod δευτερώσεις, quas deperibant Traditionarii isti, exploderent, soliusque verbi ἐγγεδΦε, שככתב, starent auctoritate; quo nomine indignissimis modis apud R. LIPMANNVM in *Nizzachon*, apud Auctorem libri *Cofri* P. III. passim, aliosque exagitantur, & famoso המינים hereticorum nomine notantur. Quantum enim traditionibus istis deferant passim Judæi, easque legi scriptæ longe anteponant, allatis in eam sententiam testimoniis, copiose docet WAGENSEILIUS *Confutat. carminis Lipmanni* p. 580. His itaque qui derogaret, non poterat sibi non summam conflare invidiam, quæ fundi Sadduceorum calamitas fuit.

Ad §. VI. pag. 29.

(8) *Nomen קראים Textuales, Scripturarii*] Hic remittimus ad ea, quæ copiose supra ad *Cap. IX. §. 7.* de Karaïs commentati sumus, quibus non opus est, ut quid addamus. Evolvere tamen poterit HACKSPAN. *Prefat. cit.* §. 48. ubi, quid discriminis inter Sadduceos & Karaïs intercedat, obire inquirat.

Ad §. VII. pag. cit.

(9) *Bonis operibus denegabant omne præmium in futuro seculo*] Ita quippe in *Lexico Hebr. Aruch*, voce בייתוס, Zadok & Bajthofus dixisse feruntur: אילו היו יודעין ומתן שכרן של צדיקין בעולם שבתיות המתים ומהא לא היו שנין כך: si scivissent patres nostri, expectandam esse resurrectionem mortuorum, & retributionem mercedis justorum in seculo venturo, haudquaquam sic tradidissent. Clarius adhuc hanc eorum mentem tradit R. IOSEPH ALBO *Ikkarim* lib. IV. cap. 29. שהשכר והעונש הוא גשמי בלבד ובעולם הזה כמו שנזכר באבות' נתן הכחישו השכר הרוחני אחר המות מכל וכל



וכל ויבואו ראיה לדבריהם ממה שלא נזכר  
לפי דעהם כתורת משה גמול נפשי כלל אלא  
! הצלחות גשמיות: *quod premium & pœna non  
sint alia, quam corporalia, atque hujus mundi, uti  
in Abbotb R. NATHAN traditum, premium aliquod  
spirituale post mortem penitus negant, atque inde  
sententiam suam confirmant, quod, ut ipsis vide-  
batur, nusquam in lege Moſis mentio fieret præmii,  
quod anima proprium eſſet, ſed prosperitatis tan-  
tum corporalis.* Sed quicquid eſt iſtius erroris,  
ex perperam intellecto Antigoni dogmate, de  
quo paulo ante, manavit. Hinc eundem ipsis  
errorem impingit ABRAH. ZACHVT in *Fucha-  
ſin*, poſtquam in fronte libri, tres Judæorum  
ſectas recensuiſſet, ſubjungens: ומשם מתבאר כי  
הצדוקין אינם הקראים שבימינו כי אלו מורים  
בשכר ועונש ותחייה מה שאין כן הצדוקין:  
*Vnde quoque patet, Sadducæos non eſſe eoſdem  
cum Karais, qui hodieque ſuperſunt. Hi enim  
proſitentur præmium & pœnam (poſt hanc vitam)  
&c reſurrectionem, contra quam faciunt Sadducæi.*

Ad §. VIII. pag. 29.

(10) *Non eſſe reſurrectionem mortuorum*  
De quo citata Novi Fæderis teſtimonia dubitare  
non ſiunt. Spectat huc, quam ſupra tetigimus,  
precationum publicarum clauſula, de qua juvat  
audire Talmud, Cod. ברכות cap. ult. *Miſchna  
ult. כל חותמי ברכות שהיו במקדש היו  
אומרים מן העולם משקלקלו אפיקורוסים  
ואמרו אין עולם אלא אחר התקינו שיהיו  
אומרים מן העולם ועד העולם:* *In omnibus  
benedictionum clauſulis in ſanctuario dicere ſole-  
bant, a ſæculo. Ex quo autem corruptelas inve-  
xerunt hæretici, unicum tantum ſæculum aſſerentes,  
dicendum ſtatuērunt: a ſæculo in ſæculum.* Vbi  
per Epicureos, dubium non eſt, quin intellexe-  
rint Sadducæos, & qui in ſocietatem erroris ab-  
repti, העולם הבא ſæculum venturum, & ita re-  
ſurrectionem negarunt. Ex hac precum pu-  
blicarum formula, manaſſe credo δοξολογίαν in  
N. T. ὃ ἡ δόξα εἰς τὰς αἰῶνας τῶν αἰώνων, cui  
gloria ſit in ſæcula ſæculorum, Hebr. XIII, 21. εἰς

πάσας τὰς γενεὰς τῷ αἰῶνος τῶν αἰώνων in omnes  
ætates ſæculi ſæculorum Eph. III, 21. Conf. Apoc.  
V, 13. VII, 12. Hebr. I, 8. &c. apud LXX.  
I Chron. XXIX, 10. εὐλογητὸς θεὸς ἀπὸ τῷ αἰῶ-  
νος, καὶ ἕως τῷ αἰῶνος. Quæ cum exacte refe-  
rant Hebræa, in quibus eſt מעולם ועד עולם/  
liquet inde, dudum ante ortos Sadducæos, &  
jam Davidis tempore, iſtum δοξολογίας modum  
obtinueſſe. Ceterum, quando in ברכת המינים  
precatione directa adverſus Hæreticos, diſertè  
הצדוקים Sadducæi memorantur, bene obſerva-  
vit cū aliis viris doctis, VITRINGA de Syna-  
goga vet. lib. III. P. II. cap. 14. p. 1047. hoc no-  
mine non tam Sadducæos veteres indigitari,  
quam Chriſtianos Judaizantes, vel potius Ju-  
dæos Chriſtianizantes, alias ab iis המשומרים  
obtrectatores, & ἀποſtatas dictos. Quod obiter notamus, ne quis recentiore in  
Sadducæos intorqueat imprecationem.

Ad §. IX. pag. cit.

(11) *Animas hominum in morte annihilari*  
Teſtis eſt IOSEPHVS, qui lib. II. de bello Jud.  
cap. 8. in ſine, Sadducæorum dogmata exponens,  
ψυχῆς τε, inquit, τὴν διαμονὴν, καὶ τοῖς κατ'  
ἄδὰς τιμωρίας καὶ τιμὰς ἀναιεῖσθαι, quin & ani-  
mas permanere, ſuppliciaque & præmia apud in-  
feros negant. Rurſus Antiqu. lib. XVIII. cap. I.  
§. 4. Σαδδουκαίοις τε τὰς ψυχὰς ὁ λόγος συνα-  
φαιεῖ τοῖς σώμασι. Sadducæorum vero doctri-  
na facit, ut anima cum corporibus intereant.

Ad §. X. pag. cit.

(12) *Negabant exiſtentiam Angelorum &  
Spirituum* Diſerte hoc aſſerit Lucas in Actis.  
Sed ſcrupulum mōvet MÊNASSE BEN ISRAËL  
lib. de Reſurrect. cap. VI. pag. 43. Sane, inquiens,  
ſic ſequeretur, eos negaſſe legem Moſaicam, quæ  
vartiis in locis Angelorum mentionem facit. Du-  
dum autem ad hoc dubium regeſſerunt viri do-  
cti: Sadducæos contra tot tamque aperta teſti-  
monia, in libris Scripturæ obvia, non quidem  
negaſſe,

negasse, Angelos fuisse aliquando: sed & credidisse, eos non nisi ad tempus istud esse, quo a Deo mittebantur, cum humanis corporibus, pro tempore certo efformatis, ad obeundum in iis legationem: ea vero legatione peracta, cum corporibus istis evanuisse, atque esse desuisse. Ita SAM. BASNAGIUS *Annal. Polit. Eccles. T. I. p. 179.* verosimile esse arbitrat, Sadduceos ex variis Angelorum apparitionibus, igneisque curribus, Cherubinibus ab Ezechiele visis &c. qui subito ex oculis mortalium evanescebant, errorem suum confirmare voluisse; nec non ex eo, quod cum ventis ac flamma ignis, Angeli ministri Dei, comparentur PL. CIV, 5. Ex quibus concludit, Angelos nomine tenus ab impiis illis hominibus admissos, revera autem fuisse negatos. Non negarunt veritatem historiae, & secundum illam, Angelorum apparitiones & operationes; negarunt autem, esse substantias permanentes. Nemo copiosius hanc discussit controversiam, quam nuper admodum IACOBUS ODE, *Comment. de Angelis, Sect. II. cap. I. p. 205.* ubi tria sub examen vocavit momenta: 1) quo pacto hæc Angelorum negatio, cum ceteris domesticis Sadduceorum hypothesebus, conciliari & componi possit? 2) quo fine Angelos esse, negaverint? 3) quæ vera eorum de Angelis, quos non esse crediderint, fuerit opinio? Rursus alii, nimis longe progressi, quando Lucæ μήτε πνεῦμα, neque Spiritum admisisse perhibentur Sadducei, vel Spiritum Sanctum eos impugnasse cum GREGORIO NAZ. *Orat. XXXVII. Tom. I. Opp. p. 595.* censent, vel Deum ipsum negasse, cumque vel corporeum statuisse, vel naturam pro Numine habuisse, existimant: quod ipsis tribuit HARDVINUS de Nummis Herodiadum p. 99 sq. Dudum ante HARDVINUM, utramque sententiam suam fecit & ita combinavit HENR. VALESIVS *Animadversion. ad T. I. EPIPHANII lib. I. pag. 28.* Hanc Sadduceorum mentem fuisse suspicor, ut Spiritum omnem, b. c. πνευματικὴν φύσιν funditus tollerent; ideoque corporeum esse Deum, assererent, ut LYRANUS existimat. Ex quo consequitur, etiam Spiritum Sanctum illos ab-

negasse. Unde merito ab EPIPHANIO, aliisque dictum est, Sadduceos Spiritum Sanctum ignorasse: ut illam ex toto genere τῶν πνευμάτων speciem deligerent, qua negata majus illi sibi impietatis crimen accesserent. Sed vereor, ne vim faciant hominibus, quos in tanta constitutos dignitate, ecclesia Judaica certe non tulisset, si Athei fuissent. Univerſa quoque antiquitas hanc criminationem fugit, & EPIPHANIO quæ sit habenda fides, satis aliunde constat. Spiritum itaque negasse quando traduntur a Luca, de creato & finito capiendum Spiritu credo, quales Angeli, aut animæ sunt corporibus solutæ.

Ad §. XI. pag. 29.

(13) Tollebant penitus omne fatum & providentiam] Denuo ista nituntur fide IOSEPHI, qui *Antiqu. lib. XIII. cap. V. §. 9.* Saddυκαῖοι, τὴν μὲν εἰμαρμένην ἀναιρεῖσιν, εἰδὲν εἶναι ταύτην ἀξιοῦντες, ὅτε καὶ αὐτὴν τὰ ἀνθρώπινα τέλος λαμβάνειν, ἅπαντα δὲ ἐφ' ἡμῶν αὐτοῖς τίθενται, ὡς καὶ τῶν ἀγαθῶν αἰτίαις ἡμᾶς αὐτοὺς γινομένους, καὶ τὰ χεῖρω παρὰ ἡμετέραν ἀβελλίαν λαμβάνοντας. Sadducei fatum omnino tollunt, illud nihil esse existimantes, neque ista, quæ hominibus eveniunt, ei accepta debere, sed omnia etiam nostro arbitrio subijciunt, adeo, ut tum bonorum nobis ipsis auctores simus, tum mala nobismet per stultitiam nostram arcessamus. Rursus lib. II. de bello Jud. cap. VIII. §. 14. eadem fere repetit, Saddυκαῖοι δὲ, inquit, τὴν μὲν εἰμαρμένην παντάπασιν ἀναιρεῖσιν, καὶ τὸν Θεὸν ἔξω τῆ δῆλον τι κακόν, ἢ μὴ δῆλον τίθενται. Φασὶ δὲ ἐπ' ἀνθρώπων ἐκλογῇ, τό, τε καλόν καὶ τὸ κακόν προσείσθαι, καὶ τὸ κατὰ γνώμην ἐκάστου τῶν ἐκατέρω προσείναι. Sadducei fatum omnino tollunt, Deumque negant auctorem esse, ut quis vel male agat, vel a malo absteineat; & in electione hominis positum ajunt, tum bonum, tum etiam malum, & unumquemque pro arbitrio suo, ad utrumlibet accedere. Observandum autem hic est, fatum, quod excluderunt, non Stoicum intelligi, sed Pharisaicum, quod divinum dicebant decretum



de rebus eventuris. Vt fere idem sit ac providentia divina; unde Arabibus quoque hoc nomine exosi sunt, iisque Sadducæus audit, *qui non credit resurrectionem mortuorum, qui non credit providentiam Dei.* Vnde obvios quosque Muhammedani, sine ulla λύτης acceptione, occiderunt, juxta tritum Juris Muhammedici canonem: *occidatur Sadducæus, neque acceptetur ab eo poenitentia.* Vide HOTTINGER. *Histor. Orient. lib. I. cap. VIII. p. 255.* In alia tamen omnia discedit HUMPHRED. PRIDEAUX *Hist. Jud. P. II. Lib. II. T. III. p. 109.* & copiosius adhuc *lib. V. T. IV. p. 63 sq.* Sadducæis hoc largitus, quod Deum partim per potentiam suam condidisse mundum, partim eundem per providam suam curam gubernare sint fassi, & ut rite gubernare queat, bene aut male factis hominum præmia constituisse & pœnas, sed in hac solum vita expectandas, eaque de causa legem ejus esse observandam. Quin hoc uno discrepantiæ momento, ab Epicureis dissidere eos tradit, quod Epicurei & creationem orbis, & providentiam negant, cum utramque tueantur Sadducæi. Quæ, quomodo cum IOSEPHO, ad quem tamen provocat PRIDEAUX, conciliari possint, ego non video.

Non mirum itaque, ex perversa ejusmodi doctrina, insignem præmanasse morum corruptionem, unde passim Epicurei ἀφικυροῖς audiebant, & R. ABRAHAMO ZACHVT, supra laudato, *רעות רעות ובעלי רשעים* impii, & *peffimis moribus præditi* dicuntur. IOSEPHVS pariter *lib. II. de bello Jud. cap. VIII. §. 14.* de ipsis perhibet: *Σαδδουκαίων δὲ καὶ πρὸς ἀλλήλους τὸ ἥθος ἀγχιώτερον, αἰτε ἐπιμιζῶσι πρὸς τὰς ὁμοίας ἀπηνεῖς, ὡς πρὸς ἀλλοτρίους.* Sadducæorum mores & erga se mutuo feri, & cum sui similibus versantur, quemadmodum cum alienis. Vnde Talmud Massech. Sanhedrin. cap. XI. Mischna I. diserte eos ab *עולם הבא* a sæculo futuro, a vita æterna excludit, *האומר אין תחיית המתים* qui negant resurrectionem mortuorum; cujus hæc fertur in Gemara *ad b. l. ratio, שכל מירותיו של הקב"ה מירה כנגד מירה* iste enim Dei mos

est, ut mensuram pro mensura reddat. Verum hoc ipsum est, quod cupiebant, & tuebantur, negata resurrectione, vitæ se futuræ exsortes fore.

Ad §. XII. pag. 29.

(14) *Samaritani & Sadducæi*] Locus hic esset, in historiam Samaritanorum cum veterum, tum recentiorum excurrendi. Sed de illis, quia in *Crit. Sacr. P. II. cap. IV. §. II. p. 586.* cum cura egimus, eorumque originem & incrementa, odium adversus Judæos, religionem, faciem & conditionem hodiernam, quantum satis est, edisseruimus, larga quoque manu auctores produximus, qui de illis præceperunt, nil attinet ea hic repetere, & bene dicta huc transferre. Sufficiat itaque, in momentis cum convenientiæ, tum discrepantiæ, inter utrosque, subsistere, quæ studiose annotavit GOODWINVS.

Ad §. XII. pag. ead.

(15) *In templo montis Garizim*] Quod Sanballathus Cuthæus, genero suo gratificaturus, eique sacerdotium paraturus, venia ab Alexandro M. impetrata, extruxerat. De eo BENIAMIN TYDELENSIS in *Itinerario p. 39.* edit. Constantini l' Empereur, ita tradit: *אכל הם כהני תורחם ועושים זבח ומעלים עולה בכנסת שלהם בהר גריזים כמו שכתוב בתורה ונתת את הכרוב על הר גריזים והם אומרים כי הוא בית המקדש / ומעלים עולה ביום פסח בימים טובים על המזבח שבנו בהר גריזים מהאבנים שהקימו בני ישראל כשעברו חירון* Sunt tamen legis illorum sacerdotes, parantque victimas ac offerunt holocausta in illorum congregatione, idque in monte Gerizzim. Quemadmodum in lege scriptum est Deut. XI, 29. *edes benedictionem hanc in monte Gerizzimorum: Ideoque hanc esse domum sanctuarii affirmant. Offerunt autem holocausta, cum paschate, tum aliis festis in altari, quod in monte Gerizzim ex illis structum fuit lapidibus, quos Israelitæ Jordanem transgressi erexerant.* Istum montem digito indice monstrabat Sama-

Samaritana Joh. IV, 20. de cujus fitu paulo ante præceperat BENIAMIN, ejusque conditionem p. 40. delineat, quod admodum fertilis fit, diversis fontibus irriguus, ac pomariis distinctus, cum ex adverso mons Ebal aridus fit, instar lapidum ac petrarum: inter utrumque vero interjectam esse vallem Sichem. Copiose & docte de monte Garizim commentatus est RELANDVS Dissert. Miscellan. III. quam evolvat, qui plura cupit. Memoratam autem templi in Garizim extruccionem, FLAVIUS exponit lib. XI. Antiqu. cap. VIII. §. 4. cui IOSEPHVS GORIONIDES concinit lib. II. cap. VIII. sub init. rursusque lib. IV. cap. IV. ὡς ἐν παροῳ. Promiscue autem Sadducæos sacrificasse in templo montis Garizim, & in templo Hierosolymitano, perperam & sine teste conjicit BARTOLOCIVS p. 380. b.

Ad §. XII. pag. 29.

(16) *Mutuum odium Samaritanorum Judæorumque*] De quo nos ex instituto, & SELDENVS lib. II. de Jure N. & G. cap. 5. p. 177 sq. ubi verba Joh. IV, 9. illustrat. Causas ejus persequitur IVST. CHRISTO. DITHMARVS Not. ad Maimonid. de Jurejurando cap. II. pag. 51 sq. Eo certe progrediebatur istud odium, ut, juxta R. SALOM. IARCHIVM in Sotæ cap. III. §. 7. כותי אסור לאכול פתו לשחות יינו Samaritani panem comedere, vinumque bibere homini Judæo nefas fuerit; immo, ne profelytum e Cuthæis recipiebant, ut est in פרקי ר. ELIEZERIS cap. XXXVIII. ולא יתנינר ארם כותי ואין להם חלק בתחיית המתים שנאמר לא לכם ולנו לבנות בית אלהינו לא בעולם הזה ולא בעולם הבא: neque profelytus fiet quisquam ex Cuthæis, neque fors eis ulla erit in resurrectione mortuorum, quia dicitur Esdr. IV, 3. nihil est vobis nobiscum in edificanda domo Dei nostri: non in hoc, neque in futuro sæculo. Non respondebant Amen, ad benedictionem Samaritani, juxta tritum Rabbiorum estium, ELIAE LEVITAE in Tisbi voc. אין עונין אמן אחר כותי: allegatum: אין עונין אמן אחר כותי non respondent Amen post Cuthæi benedi-

ctionem (cujus tamen contrarium sancitur in Berachoth cap. VIII. hal. 8.) Hoc autem odio non obstante, Samaritani vafre, prout ferebat occasio, Judæorum se cognatos hinc profitebantur, hinc negabant. Testis est IOSEPHVS loco cit. §. 6. εἰσὶ γὰρ οἱ Σαμαρεῖς τοῖσ' αὐτοῖς τὴν φύσιν, ὡς ἡδη πρὶν καὶ πρότερον δεδηλώκαμεν, ἐν μὲν ταῖς συμφοραῖς ὄντας τὰς Ἰσθαίους ἀρῶνται συγγενεῖς εἶναι, ὁμολογῶντες τότε τὴν ἀλήθειαν, ὅταν δὲ τι περὶ αὐτῶν λαμπρὸν ἴδωσιν ἐκτύχης, ἐξαίφνης ἐπιπηδῶσιν αὐτῶν τῇ κοινονίᾳ, προσήκειν αὐταῖς λέγοντες, καὶ ἐκ τῶν Ἰωσήφης γενεαλογῶντες αὐτὰς ἐκγόνων, Ἐφραΐμ καὶ Μανασσῆ. Sunt enim Samaritæ eo ingenio, sicuti jam ante memoravimus, ut in Judæorum rebus adversis, negent suos esse cognatos, tunc quidem id, quod verum est profitentes. Sed si forte eos paulo lautius agere viderint, continuo in eorum communionem insiliunt, suos esse consanguineos dicentes, genusque suum a Josephi natis, Ephraïmo & Manasse, deducentes. Vnde quoque Alexandro M. Judæorum rebus faventi, Judæos se esse persuadebant. Quin immo hodiernum, inter Judæos atque Hebræos seu Israelitas curarum instituentes discrimen, posteriores suos profitentur fratres, & ROBERTO HUNTINGTONO, de Judæis in Anglia commorantibus, exponenti: Aha! responderunt, hi sunt procul dubio fratres nostri: Cumque ille, communiter illos vocitari Judæos, monuisset, nequaquam, regefferunt, Israelitæ sunt prorsus & Hebræi, fratresque nostri fraterrimi: referente HUNTINGTONO in Epistolis pag. 50. 55. Qui hanc subjicit ἐπίκρισιν: Ita enim seipsos Israelitas & Hebræos appellari gloriantur: Judæos autem, & re, & nomine, antiquo & plus quam Vatiniano odio in hunc usque diem prosequuntur.

Ad §. XIII. pag. 30.

(17) *Ex solenni ista anathematizatione*] Quæ in Tanchuma fol. 17. col. 4. exhibetur, & repetitur in Pirke R. ELIEZERIS cit. loc. ubi ita habet: Quid fecit Ezra, Zerubabel filius Sebealtiel, & Josua filius Jehozedek? Congregarunt to-



tum cœtum in templo Dei, & adduxerunt 300 Sacerdotes, 300 infantes, 300 buccinas, atque 300 libros legis in manibus suis. Clangebant buccinis, & cantillabant Levitæ, atque anathemate devovebant Cuthæos mysterio Nominis ἀνεκΦωνήτης, & Scriptura exarata in tabulis, & anathemate domus iudicii superioris (vel cœlestis) atque anathemate curiæ inferioris (vel terrestris): ne quicumque homo ex Israël in æternum comedat fructum vel buccellam Cuthæi: Hinc dicunt: quicumque comedit carnem Cuthæi, is vescitur quasi carne porcina: Cuthæus quoque ne fieret proselytus; neque haberet partem in resurrectione mortuorum, juxta illud Efr. IV, 3. non vobis, nec nobis convenit, ut ædificemus domum Dei nostri: non in hoc, neque in futuro sæculo. Præterea quoque, ne haberet partem in Jerusalem, hinc dicitur Neh. II, 20. vobis non est pars, neque jus, neque memoria in Jerusalem. Transmiserunt autem anathema hoc ad Israëlitas, qui erant in Babylonia. Addiderunt hi contra eos anathema super anathema; adjecit insuper Rex Cyrus, atque æternum anathema contra illos fixit. Hinc illud Efr. VI, 12. Deus vero, cujus nomen habitat illic &c. Quæ, quia plenius, quam in Auctore nostro, hic legi volumus. Samaritani vero, quo sensu Cuthæi vocentur, curate explicavit THOM. HYDE in Historia veter. Persar. ac Medorum cap. 2. p. 39. & nos de hac appellatione diximus Crit. Sacr. cit. loc. p. 588.

Ad §. XV. pag. 30.

(18) In rejectione omnium aliarum Scripturarum, præter libros Moysi] Istud, quam imperite, & præter rem dicatur, ex iis liquet, quæ supra Annot. 6. in medium produximus. Ruit quoque, quicquid in eandem cum Auctore sententiam, urget PRIDEAUX P. II. Hist. Jud. lib. V. p. 66. edit. Gall.

Ibidem.

(19) Lege EPIPHANIVM Her. 9. & 12.] Nimirum Hæresi IX. §. 2. tres ipsis impingit er-

rores, 1) quod Scripturas, præter Pentateuchum, ceteras omnes rejiciant, 2) quod Singularitatem in Deo adstruentes, Trinitatem repudient, & maxime Spiritum Sanctum cum ignorent, tum negent, 3) quod Resurrectionem mortuorum impugnent. Demum vero de hac hæresi addit: ἀπαθρμένη δὲ εἰδωλολατρείαν, ἐν αὐτῇ δὲ εἰδωλολατρεῖσα κατ' ἀγνοίαν, διὰ τὸ ἀποκεκρῦφθαι τὰ εἰδῶλα τῶν τεσσάρων ἐθνῶν ἐν τῷ ὅρει τῷ παρὰ τοῖς Γαριζίν στυγνοφανητῆμεως καλεμένῳ. Idololatriam quidem respuit, in eandem tamen imprudens incidit: quod nationum quatuor simulacra in monte quodam occultata sunt, qui ab illis Garizim fraudulenter cognominatus est. - εἰδωλολατρεῖσιν ἂν ἀγνοῦντες, ἐκ τῆ πανταχόθεν προσέχειν πρὸς τὸ ὄρος ἐν τῷ αὐτὸς εὐχέσθαι, δῆθεν ὅτι ἡγίασαι. Imprudentes ergo simulacra venerantur, cum inter orandum undique se ad montem, velut sanctum, obvertunt. Rursus Hæresi XIV. de Sadduceis, utrorumque & convenientiam & dissonantiam, breviter ita persequitur: ἡθέτησαν μὲν ἑτοὶ νεκρῶν τὴν ἀνάστασιν, ὁμοία Σαμαρείταις φρονῶντες. ἢ παραδέχονται δὲ Ἀγγέλους, ὅπερ Σαμαρεῖται ἐν αἰθετῶσι. πνεῦμα δὲ ἅγιον ἐκ ἰσάσιν, ἢ γὰρ εἰσὶ τὰς ἡζιωμένοι. τὰ πάντα δὲ ἰσα Σαμαρείταις φυλάττειν. ἐκ ἧσαν δὲ ἑτοὶ Σαμαρεῖται, ἀλλ' ἰσδαῖοι. ἐν ἱεροσολύμοις γὰρ ἐδυσίαζον, τὰ δὲ ἄλλα πάντα ἰσδαῖοις συνέπραττον. Etenim mortuorum resurrectionem sustulerunt, in quo cum Samaritanis conveniunt. Sed Angelos, contra quam Samaritani, repudiant: ac Spiritum Sanctum ignorant, quem nec accipere meruerunt. Eadem porro cum Samaritanis instituta custodiunt. Quanquam Judæi, non Samaritani fuerunt: siquidem Hierosolymis sacrificabant, ceteraque omnia cum Judæis communiter gerebant. Sed magnus hic intercedit SCALIGER, omnem inter utrosque consensionem omnino inficiatus. Verba lib. III. Canonum Isagogic. p. 227. ita habent: Sadduceos Judæi hodierni & vetustiores; nulla in re a Samaritis discrepasse credunt, propterea eos sæpe cum Samaritis confundunt. At nos negamus, ulla in re convenisse. Nam Sadducei totum Textum biblicum admittent.

admittebant, καὶ τὰ νόμιμα γεγραμμένα, teste IOSEPHO, rejeclis traditionibus Phariseorum. Samaritæ tantum Legem retinuerunt. Sadducei animarum immortalitatem, & proinde supplicium aut remunerationem post hanc vitam abnegabant. Samaritæ & animas immortales fatentur, & locum κρίσεις καὶ ἀναπδόσεις post vitam hanc esse credunt, ut diserte in eorum Chronico extat. An resurrectionem credant, nescio. Si negant, in hoc tantum illis cum Sadduceis convenerit. EPIPHANIVS ait negare 522 : de Doctheis, πισεύουσι δὲ νεκρῶν ἀνάστασιν, ὅπερ ζέον ἐστὶ Σαμαρείταις. Rursus πνεύματα, Angelos, Demonas negant Sadducei, Samaritæ fatentur. Et potiores omnino rationes constant SCALIGERO, ut ex iis patet, quæ hætenus disseruimus.

Ad §. XVI. pag. 30.

(20) Tres mutationis gradus] Hos diligenter exposuimus Crit. Sacr. P. II. cap. IV. §. II. p. 588, 591. quibus quartum adjecimus p. 593. ex facie gentis & conditione hodierna; quibus nihil est, quod nunc adjiciamus.

Ad §. XVII. pag. 31.

(21) Hyrcanus Sadduceus fuit] Qua occasione, & ob quam causam, Hyrcanus, Rex & Pontifex, Phariseis prius addictus, ad Sadduceorum transierit castra, legemque promulgari jussit in hanc sententiam: כל מלמר אשר ילמר את כל מלמר אשר ילמר בננו מתורת הפרושים מות ימות quicunque filios suos juxta Phariseorum legem instituerit, is morte mulctetur: IOSEPHVS GORIONID. copiose exponit lib. IV. cap. VI.

Ibidem.

(22) EVSEBIUS Hist. Eccles. lib. II. cap. 23.] ubi de Anano juniore: αἰρεσὶν δὲ μετὰ τὴν Sadducaίων, οἵτις εἰσι περὶ τὰς κρίσεις ὡμοὶ παρὰ πάντας τὰς Ἰουδαίους, Sectam Sadduceorum sequeretur, qui quidem præ ceteris Judæis in judiciis exercendis immites sunt. Refert autem ista EVSEBIUS ex IOSEPHI libro XX. ἀρχαιολογ. cap. 9. ubi iisdem verbis leguntur. De Hyrcano idem lib. XIII. cap. X. §. 6. commentatur, verum concisus, quam apud GORIONIDEM.

## AD

## LIB. I. CAPVT XII.

## DE E S S E N I S.

Pluribus de his egerunt ex Judæis, IOSEPHVS Antiquitat. lib. XIII. cap. V. §. 9. Tom. I. p. 649. & lib. XVIII. cap. I. §. 5. p. 871. & copiosius adhuc de bello Jud. lib. II. cap. VIII. §. 2. Tom. II. Opp. p. 160 sqq. PHILO, & quidem de Theoreticis, libro περὶ βίῃς θεωρητικῆς, ἢ ἡμετέρας ἀρετῶν, de vita contemplativa, seu supplicum virtutibus, Opp. p. 688. (de quo disputant tamen eruditi, num de Judæis, annon potius in laudem Christianorum Alexandrinorum, sub Marco Evangelista, primoque eorum Episcopo, collectorum, conscriptus sit? quo nomine ab EVSE-

BIO, HIERONYMO & PHOTIO, magnopere commendatur:) de Practicis vero, libro περὶ τῶν πάντων σπουδαίων ἑνῶν ἐλευθερίων, quod liber sit, quisquis virtuti studet, Opp. p. 670. Ex Gentilibus PLINIVS lib. V. Hist. Nat. c. XVII. Ex Pontificiis NICOL. SERARIUS lib. III. Tribere-sis, & Minerval. lib. V. cap. I-VIII. Ex Reformatis BASNAGE in Annal. Politico Ecclesiast. A. ante Dom. II. & in Hist. & Relig. Judæor. lib. II. cap. XII. Tom. I. p. 526. BURMANN. Synops. Theol. lib. IV. cap. 39. p. 762. DRVSIVS de trib. Sectis Jud. lib. IV. p. 164. HOSPINIAN. de Monach.



nach. lib. I. cap. V. p. 9. HOTTINGER. *Thef. Philol.* lib. I. Cap. I. Sect. V. p. 38. & *Hist. Eccles. Nov. Test.* Tom. I. p. 10. LIGHTFOOT. *Chorogr. in Matth. cap. VI.* Tom. II. Opp. p. 174. HUMPHRED. PRIDEAUX *Hist. Jud. P. II. lib. V. Tom. IV.* p. 78. IOS. SCALIGER in *Elencho tribaresii Serar. cap. XXVI sqq.* p. 201. SPANHEM. fil. *Hist. Eccles. Vet. Test.* Tom. I. Opp. p. 460 sq. Ex Nostis IOH. FRANC. BVDDEVS *Hist. Eccles. Nov. Test.* Tom. II. p. 1212. DEYLING. *diff. de veterum Ascetis*, subijuncta P. II. *Observat. Sacr.* p. 441. WALTHER. in *Centur. Miscellan. Theolog. cap. LV.* p. 478. IOH. SAVBERT. de *Sacerdot. Hebr. cap. XXV.* p. 697. edit. Cren. & qui disputationibus Academicis hoc caput excusserunt, SONTAGIVS in *Enneade periocharum Philonian. de Therapevtis*, Altorfii, A. 1713. PFEIFFER. de *Tribaresio. Judæorum Sect. III.* pag. 50. IOH. HELVIC. WILLEMER de *Essenis, Judæorum Ascetis*, Vitemb. 1680. PAUL. HEINIVS de *Therapevtis*, Lipsiæ, 1690. IOHANNES ISER, Suecus, de *veterum & recentium Hasidæorum parallelismo*, ubi Essæorum quoque cum Pietistis modernis collationem instituit, Altdorfii Noricor. A. 1708. Cum primis IOH. IOACH. LANGIVS, Prof. Halensis, qui peculiari disputatione, Halæ, A. 1721. demonstrare annisus est, Essæos PHILONI memoratos, non fuisse Judæos, seu peculiarem Judæorum sectam: rursusque alia differt. eodem anno, eosdem neque Judæos fuisse, neque Christianos, sed Philosophos Barbaricos Judaizantes, asseruit: cui FRID. CAROL. ZINCK *dissertationem historico criticam de Therapevtis*, Lipsiæ, A. 1724. opposuit, nec non HEVMANNVS in *Act. Philosoph. P. XVI.* p. 504. ubi Judaïsmum illorum ex PHILONE adstruxit. E contrario & Therapevtas PHILONIS, & Essæos, Christianos fuisse, atque ob hanc causam nusquam a Talmudistis, qui Sadducæos passim crepent, memoratos, diutissime autem pro parte Ecclesiæ Judaicæ habitos, & a sanandi dono celeberrimos fuisse, statuit G. G. ZELTNER. in *disp. de Josephi silentio historia Evangelica non noxia* p. 44. Quæ demum IOH. GEORGIUS WACH-

TERVS in *libris II. de Christiana religionis primis incunabulis*, de illis senserit, ex MSCto auctoris exponit WOLFIVS *Biblioth. Hebr. Vol. IV.* p. 332. simul REIMMANNI atque HUMPHREDI PRIDEAUX laudabiles contra periculossimam WACHTERI hypothesein, conatus recensens.

Ad §. I. pag. 31.

(1) *Eos a Syriaca voce NON Afa*] Perquam implicata & varia est nominis Essæorum origo, de qua non convenit inter eruditos. REIZIVS in *Not. ad h. l.* tres in medium producit etymologias, ut dicantur vel ab עשה *facere*, quia fuerunt περαττοι, *operarii*; vel a חשה *siluit*, quia accumbentibus decem Essæis, nemo locutus est, invitis novem, aut, ut alii exponunt, quia a communis commercii motu & strepitu remoti egerunt; vel a חסה *confugere, recipere se*, quod se in secretiora & solitaria loca receperint: quæ tamen omnes alienæ sunt, & ingenii potius lulum, quam veros referunt natales. Mediam illam, a silentio petitam, magnus quidem tæetur SCALIGER *Elenchi cap. XXVI.* p. 204. cui Essæi חשאי cum adspiratione Heshai dicendi sunt, חשאי, ἡσυχάζοντες, ἡσυχασαί. Quam autem communi fere consensu doctorum ista deseratur origination, ex eo liquet, quod absque adspiratione, Essæi ubivis fere scribuntur & dicuntur, ut palmaria SCALIGERI ratio cesset, quam, cum ceteris, mascule prostravit WILLEMER, *cit. disp.* p. 24 sq. Cum cura in vocis etymon inquirens NICOL. FULLERVS *lib. I. Miscellan. Sacr. cap. 3.* in ea demum sententia acquiescit, Essæos esse חסידים *Sauctor*, qui Syris, abjecta per apocopen litera ultima ד, dicantur. Eandem tamen SCALIGER in *SERARIO* adeo proscindit, ut nullis ferulis satis castigari posse, *Elencho tribares. cap. XVII.* p. 125. tradat, & *cap. XXII.* p. 171. repetat. Provocat quidem FULLERVS ad GORIONIDEM, qui *lib. IV. cap. VII.* exeunte, Essæos diserte חסידים *Chasidæos*, seu Sanctos dicat; unde MÜNSTERVS verba: חסידים חלק אחר vertit: *fuit & alia Essenorum secta.*  
Sed

Sed vereor, ne fidem fallat IOSEPHVS ille. Duae nimirum ibi solum sectas Judæorum recenset, Phariseos & Sadduceos. Hos itaque traditionum contemtores cum dixisset, illisque Cuthæos se adjunxisse memorasset, ἡ ἑσθῆς alteram constituisse partem, sive hæresin, affirmat, quam ἡ φηρῖσῖς Phariseos esse, toties ibi perhibet; unde Sanctos hos, & avitarum traditionum tenaces appellat, quales Sadducei non erant. Verum huic quoque objectioni remedium invenerunt sententiæ patroni, ita instituentes, ut Hafidzorum nomine non Pharisei modo, sed Esseni quoque comprehendantur. Hoc enim nomine, Hafidzorum temporibus, ii veniebant, qui mediis in persecutionibus, ab Antiocho Epiphane Græcisque illatas, præter חוב onera lege requisita, alia pietatis exercitia ultro suscipiebant, & sponte sua in templum, sacrificia, Prophetarum sepulcra, aliasque res sacras, sumtus haud exiguos faciebant. Cum vero deinceps isti Hafidæi, ἐκασταζόμενοι τῷ νόμῳ, spontaneo ausu assumptam illam רבית לתורה supererogationem, seu augmentum legis, tanquam remedium, ex mandato Dei ad salutem adipiscendam necessarium, urgerent; opposuerunt se illis Sadducei, & peculiarem sectam constituerunt. Sed & Hafidæi, qui in ἐκστασιᾷ illo permanferant, in duas denuo scindebantur partes, in φαρισאים τε καὶ ἑσθῆς, quorum illi, post tot molestias summa constantia exantlatas, in oppida, & ad templum, patriosque ritus sunt reversi, hi ad montana tantum loca, variamque superstitionem secedentes, peculiari Essenorum nomine, a Phariseis pariter ac Sadduceis distinguebantur. Fac autem omnia recte se ita habere, eandem saltem sectæ originem, non nominis etymologiam habebis. Chassæi enim dicendi forent, non Essæi, vel, ut constanter legit IOSEPHVS, ἑσθῆνοι. Manet itaque ab Auctore tradita nominis derivatio eo firmior, quo luculentius suo illam calculo vel ipsi muniverunt alienæ sententiæ patroni, SCALIGER & FVLLE RVVS. Ex Hebræis eandem amplexi sunt R. ASARIAS in Meor Enajim fol. 33. col. I. & R. GEDAL-

IA in Schalscheleth hakkabbala fol. 33. col. I. Essæos ἡ ἑσθῆ scribentes, & ab ἑσθῆ, quod Chal-dæo-Syris est, sanavit, curavit, Græcis Θεραπεύειν, derivantes. Hinc ἡ ἑσθῆ & ἡ ἑσθῆ Medicus, in Plur. ἡ ἑσθῆ & ἡ ἑσθῆ Medici, ἡ ἑσθῆ / ἡ ἑσθῆ / ἡ ἑσθῆ & ἡ ἑσθῆ medicina, medela, curatio. Artem Medicam enim eos excoluisse, indeque nomen Θεραπευτῶν tulisse, tantum non omnes largiuntur. Saltem in eo dissensus est, num a curatione corporis, an animæ, ita fuerint dicti? Ad animam cumprimis PHILO refert, qui de vita contemplativa, post init. p. 688. ita commentatur: ἡ δὲ προαίρεσις τῶν φιλοσόφων εὐδὺς ἐμφαίνεται διὰ τῆς προσήσεως. Θεραπευταὶ γὰρ καὶ Θεραπευτεῖδες ἐτύμως καλεῖνται, ἥτοι παρ' ὅσον ἰατρικὴν ἐπαγγέλλονται κρείσσονα τῆς κατὰ πόλεις. ἡ μὲν γὰρ σώματα Θεραπεύει μόνον, ἐκείνη δὲ καὶ ψυχὰς νόσοις κενερατημένας χαλεπαῖς καὶ δυσσιάτοις, ὥς κατέσκηψαν ἡδονὰς καὶ ἐπιθυμίας, λύπαι καὶ φόβοι, πλεονεξία τε καὶ ἀφροσύνη καὶ ἀδικία, καὶ τὸ τῶν ἄλλων παθῶν, καὶ κακῶν ἀνήνυτον πλήθος. ἡ παρ' ὅσον ἐκ φύσεως καὶ τῶν ἱερῶν νόμων ἐπαυτεῖται Θεραπεύειν τὸ ὄν, ὃ καὶ ἀγαθὸν κρείττον ἐστὶ καὶ ἐνὸς εἰλικρινέστερον, καὶ μονάδος ἀρχεγονώτερον. Institutum huius Philosophie mox apparet ex ipsis appellationibus. Vocantur enim Therapevta Therapeutridesque, hoc est, curatores & curatrices, vel cultores & cultrices vero nomine: vel quia profitentur medicinam præstantiorem ista vulgata, per oppida omnia. hac enim medetur solis corporibus, illa & animas liberat morbis gravibus & adversus medelas contumacibus, quos infixerunt voluptates, concupiscentia, dolores, timores, avaritia, insipientia, iniustitia, & ceteræ perturbationes, vitiorumque agmen innumerabile: vel quia didicerunt a natura & e Sacris legibus, colere illud Ens, & bono melius, & uno sincerius, & unitate in generando antiquius, atque ut ita dicam, principalius. Θεραπεύειν enim, & morborum depulsionem, & Numinis cultum, complectitur notione sua: hinc ab utraque nominis rationem arcessit. Iisque ex PHILONE repetitis adstipulatur, & calculum addit EVSEBIVS lib. II. Hist. Eccl. cap. XVII.



Sed cum sibilo exploditur hic PHILO a SCALIGERO c. XXVI. p. 202, cui alias quoque omnem prorsus Hebraismi & Syriaismi notitiam derogat, homini Græce tantum loquenti, Hebraismi autem adeo imperito, ut dubitet, an etiam legere sciret Hebraice, qui utriusque lingue imperitior fuerit, quam ullus Gallus aut Scythæ. Hoc omnia ejus scripta passim loqui. Cap. XVIII. p. 132. Et Numinis quidem colendi significatio a Syro verbo **NUN** omnino exulat: locus tamen eidem in Therapeutarum denominatione esse posset, si veritati responderent, quæ Dictator ille p. 202. nimis pro auctoritate pronunciat: nomen illis ab Hellenistis Aegypti impositum. Ibi enim tantum hoc nomen habebant, & quidem Græcum, non in Palestina. Si enim in Græca tantum appellatione acquiescendum sit, quid prohibet, quo minus utraque vis verbi eidem inhæreat, maxime cum utraque colorem ex hominum istorum moribus & institutis trahat? Verum haud dubie ea nominis significatio obtinet, quam in Syriaſino æque ac in Græcisimo habere potest, quæ medellam corporis innuit. Idem quippe Elſei cum Therapeutis, quia utrique medicinam faciendo, nomen suum comprobabant. Id Iosephus de ipsis testatur lib. II. de B. J. cap. VIII. §. 7: *σπῆδαξι δὲ ἐκτόπως περὶ τὰ τῶν παλαιῶν συγγράμματα, μάλιστα τὰ πρὸς ὠφέλειαν ψυχῆς καὶ σώματος ἐκλέγοντες· ἔθεν αὐτοῖς πρὸς Θεραπείαν παθῶν, ρίζα τε ἀλεξίτηρις, καὶ λίθων ἰδιότητες ἀνερευνῶνται.* Mirabile autem studium collocant in veterum scriptis pervolutandis, ex quibus ea maxime deligunt, quæ animæ corporique conducant. Hinc diligenter investigant, & radices remediis afferendis idoneas, & lapidum proprietates, quibus medicinam morbis faciant. Largitur hoc ipsis SCALIGER p. 202. Revera enim Θεραπευταὶ erant, non quod vitia animi, ut harricatur ex EVSEBIO & PHILONE, SERAPIS, & nos quoque olim hanc insaniam insanivimus, sed corporis morbos curabant, & peritiam ὕλης ἰατρικῆς summam tenebant. Consentit FULLERVS cit. loco, qui tamen addit: Medicorum autem eam sectam, quam ἐμπειρικὴν vocant, quod experimentis

tantummodo niterentur, eos potissimum secutos arbitror. Nam τήσῃν, maximam & præcipuam τῆς ἐμπειρίας partem, tanquam fundamentum posuisse videntur. Siquidem Antiquorum observationibus plurimum dediti, ad communem vitæ usum (a quo remotissima habebatur causarum naturalium scientia, difficilis quidem illa & obscura) omnia referebant. Quæ vero minus apte IOSEPHO respondent, quando illos virtutem radicum & lapidum, quam ad rem Medicam afferant, sollicite scrutatos affirmat. Denique ab utraque, animæ simul & corporis medicina, dictos tueretur WILLEMER disp. de Essenis cap. I. §. 2. qui videatur: mihi nondum persuasit. Iusto autem longius progressus EPIPHANIVS; Essæos, PHILONI memoratos, Iesæos appellatos tradit, sive a nomine Jesu, cujus essent discipuli, ἢ διὰ τὸ τῆς ἐτυμολογίας τῶν ὀνόματος τῶν Κυρίων. Ἰησοῦς γὰρ κατὰ τὴν Ἑβραϊκὴν διάλεκτον, Θεραπευτὴς καλεῖται, ἥτοι ἰατρός καὶ σωτὴρ. sive ex notatione nominis, quo Dominus vocatus est. Jesus enim Hebraice Therapeutam, hoc est, Medicum ac Servatorem significat. Qui inde manavit error, quod EVSEBIUM secutos EPIPHANIVS, Therapeutas severioris disciplinæ Christianos fuisse crediderit, quam controversiam paulo post discutimus.

Ad §. II. pag. 31.

(2) Θεωρητικοὶ & πρακτικοί] Hæc Essenorum in duas velut familias distributio, copiosius infra §. XXIV. evolvitur: quo reservamus, quæ ad illam afferri possunt illustrandam.

Ad §. III. pag. cit.

(3) Congruunt cum doctrina Pythagoræ] Quod REIZIVS, in suis ad hæc verba Auctoris Annotationibus, ex IUSTINI lib. XX. cap. IV. testimonio, de Pythagoræ peregrinationibus conjectat, ipsum ex Aegypto in Chaldæam tendendo, Hebræos transiisse, & ab iis dogmata quedam sumpsisse, vel potius Babyloniam apud Judæos, captivitate detentos, commemoratum fuisse, in eo nos

nos facile habet consentientes. Quamvis enim de tempore, quò Philosophus clauit, non conveniat eruditus, & viri in Anglia doctissimi, RICHARD. BENTLEIVS, GVIL. LLOYDIVS, Episcopus Vigorniensis, & HENR. DODWELLVS, magno cum sententiarum divortio, in illud inquisiverint, vero tamen perquam est simile, cum in Olympiadis XLVIII. annum I. Chaldaica Urbis ac Templi incidat destructio, juxta VSSEBII calculum *Annal. Vet. Test. ad A. M.* 3416. p. 131. in quam etiam ætatem Scriptores veteres nativitatem Pythagoræ conjiciunt, ut Babylonem delatus Philosophus, captivos ibi Sacerdotes ac viros doctos Hebræorum convenerit, & quæ ipsius erat discendi cupiditas, multa ab iis hauserit, quæ in suam deinceps transtulit Philosophiam, utut paulisper inflexa & depravata. Quin immo, cum Mosis eum discipulis fuisse congressum, HUVETIVS persuasum habet *Dem. Evang. Prop. IV. cap. 2. §. 8.* ideoque IAMBELICHVM emendandum censet, & pro Μόχρς Φυσιολόγρς, ejus successoribus familiariter usum Pythagoram, IAMBELICHVS de *vita Pyth. lib. I. cap. 2.* memorat, Μόχρς, quod se in scriptis etiam Codicibus reperisse testatur, substituentum tradit, qui nempe Μόσχρς ipsissimus sit Mōses, משה/ Judaici quondam populi Imperator. Idem inculcat Interpretes IAMBELICHI, ARGERIVS, & SELDENVS *lib. I. de Jure N. & J. juxta Hebr. cap. 2.* Et si vero SCHEFFERVVS, STILLINGFLEETVS & MORHOVIUS, nimis lubrico hæc niti fundamento existimant, certum tamen est, CLEMENTEM ALEXANDRINVM & *lib. V. Stromat.* Pythagoræ apophthegmata ex Mosis hausta libris credidisse, & *lib. I. Stromat.* liquido testari, Pythagoram multa ex nostris transtulisse, in suorum dogmatum traditionem. Nec id abnuisse AMBRŌSIVM, ex *lib. III. ep. 20.* constat. Vide GROTIUM de *veritat. religion. Christ. lib. I. annot.* & SELDENVM de *Diis Syris Syntagm. II. cap. I.* qui mirificam illam Pythagoræ τετρακτὸν, ipsum Dei nomen esse τετραγέμματον suspicatur, cujus sibi a Daniele jam sene Pythagoras, cum in Babylonia degeret, no-

titiam comparavit. De qua Pythagoræ Τετρακτῖ, peculiari A. 1637. conscripta dissertatione, præclaram navavit operam GODEFRIDVS WENDELINVS, laudatus eo nomine VOSSIO de *Philosoph. Sect. cap. VI. §. 5.* quam WENDELINI diatriben, notis illustratam, denuo prælo subjecit, & sub censuram disputatoriam vocavit, Gedani A. 1716. MICH. STOBÆVS, Gr. & Ling. Orient. Professor ordinarius: & recentissime commentatus est IOH. GEORG. MICHAELIS *Observat. Sacrar. Exercit. VIII. p. 95 sqq.* ubi Pythagoram de doctrina Trinitatis perspectum aliquid habuisse, illudque sub Τετρακτῖ sua latere voluisse, quam tamen de Trinitate ideam, cum sua de mundo ex Deo emanante, opinione confuderit, evincere allaborat. Quo autem pacto Fanaticis præluserit Pythagoras, suisque placitis ansam subministravit Pseudo-Mysticis ac Paracelsitis, erudite COLBERG docuit in *Platonisch-Hermētischen Christenthum, P. I. cap. I. §. 2. pag. 4 sqq.* Quo etiam spectant, quæ singulis dissertationibus Academicis, De ἀνόδῳ seu adscensu hominis in Deum Pythagorico, D. IOH. FRIDEMANNVS SCHNEIDER, Halle A. 1710, De similitudine nostri cum Deo Pythagorico-Platonica, M. IOH. MICH. SONTAG, Jenæ A. 1699, De aureo femore Pythagoræ, ἀποθεώσεως ejus signo, THEOD. CRÜGER, Vitembergæ A. 1723, tradiderunt. Sed hæc obiter, ac ὡς ἐν παρόδῳ.

## Ad §. IV. pag. 31.

(4) Docebant communionem bonorum ] A. GELLIVS cit. loc. Omnes simul, qui a Pythagora in cohortem illam disciplinarum recepti erant, quod quisque familie pecunieque habebat, in medium dabant, & colebatur societas inseparabilis, tanquam illud fuerit antiquum consortium, quod re atque verbo appellabatur κοινόνιον, vitæ fortunæque communitas. LAERTIVS in *Pythag. lib. VIII.* ed. Henr. Stephani p. 312. ἐπέ τε πρῶτος (ὡς Φησι Τίμαιος) κοινὰ τὰ Φιλῶν εἶναι· καὶ Φιλίαν ἰσότητα· καὶ αὐτῶ οἱ μαθηταὶ κατετίθεντο τὰς εἰσίας, εἰς ἐν ποιεῖμενοι. Primus autem, TIMÆO teste, ami-



corum omnia communia dixit, amicitiamque aequalitatem. Ipsius quoque discipuli facultates omnes in unum deponebant, communesque faciebant. Idem, cum EX IAMBELICI cap. 17, 18 & 30. docuisset SCHEFFERVS de *Philos. Ital.* p. 155 sq. & ultimo loco IAMBELICHVM perhibere vidisset, si cui in illa societate persistere non placeret, ei integrum fuisse, bona sua, quæ in communionem intulerat, repetere, immo plura efferre; dissidium inter GELLIVM, qui inseparabilem dixerat societatem, & inter IAMBELICHVM, qui pænitidine ductis, sese separandi locum facit, oriturum ita componit, ut distinctionem admittat inter Pythagoreos, seu Mathematicos, & jam probatos, ac inseparabiliter receptos, & inter Pythagoristas, h. e. Acusmaticos, ac existimat, habuisse omnes consuetudinem, qui se in scholam dabant Pythagoricam, ut statim bona sua contribuerent in communionem, etiam priusquam plene, penitusque probati essent, ac recepti. Interea vero Acusmaticos illos fas habuisse tentare, atque videre, utrum sic vivere cum ceteris ex communibus possent, nec ne. Si difficile censerent, bona istos sua recepisse bona fide, immo plura accepisse, quam contribuissent.

Ad §. IV. pag. 31.

(5) *Commune marsupium habebant etiam Effeni*] Teste IOSEPHO lib. II. de bello Jud. cap. VIII. §. 3. p. 161. καταφρονηταὶ δὲ πλεῖστες, καὶ θαυμάσιον παρ' αὐτοῖς τὸ κοινωνικόν, ὅδ' ἐστὶν εὐρεῖν κτήσιν τινα παρ' αὐτοῖς ὑπερέχοντα νόμος γὰρ, τὰς εἰς τὴν αἵρεσιν εἰσιόντας, δημέουσι τῷ τάγματι τὴν ἑστίαν· ὥς ἐν ἅπασιν μὴτε πένιας ταπεινότητα φαίνεσθαι, μὴδ' ὑπεροχὴν πλεῖστες, τῶν δὲ ἐκαστὸν κτημάτων ἀναμεμιγνένων, μίαν ὥσπερ ἀδελφοῖς ἅπασιν ἑστίαν εἶναι. Quin & divitias contemnunt, & admiranda plane inter eos obtinet bonorum communio, neque quisquam apud eos inveniri potest, qui plura aliis possideat. Lege sancitur, ut qui isti sectæ nomen suum dare velint, facultates suas sodalitio communes facerent: adeo ut inter omnes, neque egestatis humi-

litas, nec opum vis immodica appareat, sed permixtis singulorum facultatibus, unum omnium sit, tanquam fratrum patrimonium. Quæ paulo post addit IOSEPHVS: χειροτονητοὶ δὲ οἱ τῶν κοινῶν ἐπιμεληταί, καὶ ἀδιαίρετοι πρὸς ἁπάντων εἰς τὰς χρεῖας ἕκαστοι, designatos autem communium rerum procuratores habent; & ad usus omnium singulos indiscretos: ex asse respondent iis, quæ SCHEFFERVS p. 157. EX IAMBELICI cap. 17. de Pythagoricis monuit, suos habuisse bonorum administratores, πολιτικὰς καὶ οἰκονομικὰς διδκτος, per quos, quæ ad victum & necessitates singulorum requirebantur, procuraverint. Sed quando paulo aliter de ipsis prodidit PHILO Opp. p. 689. εἴτα διὰ τὸν τῆς ἀθανάτης καὶ μακαρίας ζωῆς ἔμμερον τετελευτηκέναι νομίζοντες ἤδη τὸν θνητὸν βίον, ἀπολείπασιν τὰς ἐστίας νύκτας ἢ θυγατέραςιν, εἴτε καὶ ἄλλοις συγγενέσιν, ἐκαστῷ γνώμῃ προσκληρονομήμενοι, οἷς δὲ μὴ συγγενεῖς εἰσὶν, ἐταίροις καὶ φίλοις, præ immortalis beatæque vite cupidine, quasi jam hac mortali vita defuncti, facultates suas relinquunt liberis aut cognatis, ultero eis possessione cedendo, atque etiam sociis & amicis, si cognati desint: ita conciliari posse utrumque existimo, ut partem facultatum in commune contulisse, juxta IOSEPHVM credantur, reliquas autem fortunas, juxta PHILONEM, suis reliquisse necessariis.

Ad §. IV. pag. eand.

(6) *Neque vendunt, neque emunt*] Hæc & sequentia, IOSEPHVS cit. loc. prodidit, cujus saltem versionem dabimus: §. 4. Illis non est una civitas certa, sed domicilia habent multi in singulis: ac sue sectæ hominibus aliunde advenientibus, quicquid habent, æque patet, ac si eorum proprium esset, & ad eos, quos nunquam viderant, quasi maxime familiares, ingrediuntur. Quare cum peregre profisciscuntur, nihil omnino in victum tollunt; contra latrones tamen arma gestant. In singulis vero civitatibus certus quidam hospitum curator constituitur, qui vestes atque necessaria suppeditet. - Nihil inter se emunt, nec vendunt quic-

quicquam; sed egenti unusquisque e suis largiens, vicissim ab eo, quod sibi usui sit, accipit: & si nihil mutuo rependant, eos tamen, a quibuscunque velint, accipere nihil vetat. Rursus §. 6. p. 162. Et ceterorum quidem nihil est, quod sine curatorum mandato faciunt: duo autem ista in ipsorum potestate sunt, alios juvare, eorumque misereri. Nam dignis, quandocunque aliquid ab iis peterent, suo arbitrio cuique licet, ut & egentibus alimenta porrigere: sed ignatis aliquid donare, nisi iussu curatorum, non permissum est.

Ad §. IV. pag. 32.

(7) *Thesaurarios & alios*] Hæc respondent illis, quæ de Pythagoricis SCHEFFERVS, de Essenis IOSEPHVS monuit, citati Annotat. *præced. 4.*

Ad §. IV. pag. eand.

(8) *Vitia & instrumenta luxuriæ evitant*] Huc refer, quæ SCHEFFERVS de *Philos. Ital.* p. 843. fide Veterum tradit, & testimoniis firmat, Pythagoreos tam ab ovis abstinentissime, quod nutritiam plurimum, & genituram uberem præbeant, & Venerem concitent, quam ab esu carniū cujuscunque animalis, quod earum esus corpus reddat obesum, & animum obtundat moleque sua obruat. Caute tamen addit, posteriorem de prohibitis carnibus legem, non omnes in universum Pythagoræ discipulos, sed Theoreticos solum summos obligasse. Itarestringit IAMBlichVS *lib. I. cap. 24*: ἰδίᾳ τοῖς θεωρητικωτάτοις τῶν φιλοσόφων, καὶ ὅτι μάλιστα ἀκροτάτοις καθόπαζ περιήγει τὰ περιττά, μηδὲ ἐμψυχον μηδὲν μηδέποτε ἐσθίειν εἰσηγόμενος, propterea vero maxime theoreticis Philosophis, & maxime perfectis penitus interdixit Pythagoras usu superfluatorum, neque animalibus cuiquam ex eis ullo tempore vesci permisit. Idem PORPHYRIUS de non edendis carnibus *lib. I. cap. 27.* perhibet, diserte adjiciens, hanc legem iis non esse latam, qui artes tractant illiberales, neque qui corpus exercent, non militibus, non nautis, non qui practi-

cam, seu actuosam vitam susceperunt. Ut carniū abstinētia non tam ad religionem, quam ad animi servandam videretur serenitatem. Idem de victu tenui & perquam modico Essenōrum testatur PHILO de vita contemplativa pag. 691. ἐγκράτειαν δὲ ὡσπέρ τινα θεμέλιον προκαταβαλόμενοι τῇ ψυχῇ, τὰς ἄλλας ἐποικοδομᾶσιν ἀρετάς. Temperantia, tanquam fundamento in anima jacto, virtutes ceteras superstruunt. Et paulo post p. 692. σιτοῦνται δὲ πολυτελὲς ἔδην, ἀλλὰ ἄρτον εὐτελῆ, καὶ ὄψον ἅλεις, ἅς οἱ ἀβροδιαίτατοι παρεργύσιν ὑσσώπῳ, ποτὸν ὕδωρ ναματιῶν αὐτοῖς ἐστὶ. In cibatu utuntur nullo pretioso, sed pane simplici, sal vicem supplet obsonii: qui delicatiores sunt, hyssopum pro condimento adjiciunt, potum e fluentis hauriunt. ἅς γὰρ ἡ φύσις ὑπέστησε τῷ θνητῷ γένει δεσποίνας, πείναν τε καὶ δίψαν, ἀπομειλίσσονταί, τῶν εἰς κολακείαν ἐπιφύροντες ἔδην, ἀλλ' αὐτὰ τὰ χερήσιμα, ὧν ἀνευ ζῆν ἔκ ἐστι. Contenti placare dominas, a natura mortalibus ad-ditas, famem sitimque, absque omnibus lenociniis fruuntur rebus, sine quibus vivere non licet. IOSEPHVS de communi eorum convivio *lib. II. de B. J. cap. VIII. §. 5. p. 162.* verba faciens, ita habet: καθισάντων μεθ' ἡσυχίας, ὁ μὲν σιτοποιὸς ἐν τάξει παρατίθησιν ἄρτους, ὁ δὲ μάγειρος ἐν ἀγγείῳ ἐξ ἐνὸς ἐδέσματος ἐκάστῳ παρατίθησι. Vbi placide & quiete consederint, pistor quidem panes suo cuique ordine apponit, coquus vero singulis unum pulmenti ejusdem vasculum apponit. Hinc Idem §. 10. p. 164. longævus eos perhibet, ὡς τὰς πολλὰς ὑπὲρ ἑκατον παρατείνεν ἔτη, διὰ τὴν ἀπλότητα τῆς διαίτης καὶ τὴν εὐταξίαν, ita, ut multi ultra centesimum annum extendant aetatem propter victus simplicitatem, & adhibitam ab illis moderationem.

Ad §. V. pag. 32.

(9) *Oleum adeo fugiebant*] Ita fatetur IOSEPHVS c. I. §. 3. p. 161. κηλίδα δὲ ὑπολαμβάνουσι τὸ ἔλαιον, καὶ ἀλιφῇ τις ἄκων, σμήχεται τὸ σῶμα. Labis instar oleum habent, & si quis vel invitus unctus fuerit, corpus abstergit. Quale



quid de Pythagoreis proditum non memini. Præter luxum autem, ad quem olei usus apud Veteres spectabat, aliam hujus fugæ olei apud Essenios, rationem affert REIZIVS in *Not. ad Auctor.* quia Gentiles Diis infernalibus oleum consecrabant: noluisse ergo eo inquinari, quod Diabolo sacrum erat. De qua quid habendum, arbitrium esto penes Lectorem.

Ad §. VI. pag. 32.

(10) *Amabant vestes albas*] Hinc SOCI-  
CRATES apud ATHENAEVM lib. IV. cap. 18. Pythagoricos antiquos dicit λαμπρὰ τε ἐσθῆτι ἀμ-  
φιενυμένους veste splendida & velut lucente indu-  
tos: IAMBLICHVS VERO lib. I. cap. 21. ἐσθῆτι  
δὲ χερσίδαι λευαῖ καὶ καθαρεῖ, veste uti alba &  
munda, jussos ceteros a Magistris, memorat.  
LINEM autem amasse vestitum, contra a laneo  
& pellibus contexto abhorruisse docet SCHEFFE-  
RVS c. l. pag. 150 sq. De Essenis vix commode  
conciliari potest IOSEPHVS c. l. §. 3. pag. 161.  
quando affirmat: τὸ γὰρ ἀυχμεῖν ἐν καλῷ τίθεν-  
ται, λευχαιμονεῖν τε διαπαντός, squalere honori  
ducunt, & veste candida semper indui. Quo enim  
pacto cum sordibus candida convenit vesti?  
nisi ex subjecta ibidem nota dixeris: squalorem  
decorem putant, dummodo semper in veste sint can-  
dida: squalorem, non secus ac perpetuum candida  
vestis usum, honori ducunt. Mallet ego, per  
squalorem, mollitiem omnem & luxum vestium  
excludi, quo unctio pertinebat: hanc enim ea  
de causa repudiassent eos, mox tradiderat. Quam  
solemnis autem & amplissimus, in omni antiqui-  
tate vestium candidarum fuerit usus, ad desi-  
gnandam 1) dignitatem & eminentiam, Genes.  
XLI, 42. Esch. VIII, 15. unde Principes ipsis  
הַחַיִּים a הַחַרְדִּים candido dicti, & apud Romanos  
Candidati, qui honores & magistratus petebant.  
vid. CORNELII LAPIDE Comment. in Esch. VIII, 15.  
& PINEDA in Cohel. IX, 8. 2) sanctitatem &  
innocentiam, apud HESIODVM Op. & D. v. 197  
sq. quo passim referunt Interpretes, quod stola  
alba, licet per ludibrium, patiens indueretur

Servator, de quo vide BYNAEVM in *Christo pat.*  
Lib. III. cap. II. §. 10, II. p. 78 sqq. 3) lætitiā,  
unde publicas festivitates albatu celebrabant, &  
in nuptiis cum primis vestibus albis locus erat,  
ut IOH. IANZONIVS docet heilige Uitspannin-  
gen Tom. I. p. 172: notius est, quam ut proluxa  
egeat probatione.

Ad §. VI. pag. ead.

(11) *Non mutarunt eam*] IOSEPHVS ita  
effert: ἅτε δὲ ἐσθῆτας, ἅτε ὑποδήματα ἀμείβου-  
σι, πρὶν ἢ διαρραγῆναι τὸ πρότερον πάντα पासιν,  
ἢ διαπανθῆναι τῷ χερσὶ. Nec vestem, nec cal-  
ceos mutant, donec priora vel discissa omnino fue-  
rint, vel vetustate detrita.

Ad §. VII. pag. cit.

(12) *Jurejurando interdicunt*] De Pytha-  
gora LAERTIVS in vita, edit. Henr. Stephani  
p. 316. μηδὲ ὀμνύσαι θεῶς· ἀσχεῖν γὰρ αὐτὸν δεῖν  
ἀξιοπίστον παρέχειν. Jurare per Deos vetabat;  
quemque enim id studiose curare oportere, ut ex  
vite merito sibi fides haberetur. De Essenis IO-  
SEPHVS c. l. §. 6. p. 162. πᾶν τὸ μὴ θέν ὑπ' αὐ-  
τῶν ἰσχυρότερον ὄρκος: τὸ δὲ ὀμνύειν αὐτοῖς περι-  
σταται, χερσὶν τι τῆς ἐπιτοχίας ὑπολαμβάνοντες·  
ἤδη γὰρ ἤδη κατεγνώσθαι Φασὶ τὸν ἀπιστέμενον,  
διχα θεῶ. Quicquid ab ipsis dictum, firmitus est  
jurejurando: jurare autem ipsis supervacuum est,  
ita ut perjurio pejus æstiment. jamjam enim eum  
damnatum dicunt, cui absque Deo nequaquam cre-  
ditur. Ipsi tamen alios, ad se accedentes, no-  
menque societati suæ dantes, juramenti religio-  
ne obstringunt, teste eodem §. 7. p. 163. πρὸς  
τέτοις, ὀμνύουσι, μηδεὶ μὲν μεταδύναι τῶν δογ-  
μάτων ἐτέρως, ἢ ὡς αὐτοὶ μετέλαβεν· ἀφ' ἐξ-  
εσθαι δὲ ληθείας, καὶ συντηρήσειν ὁμοίως τὰ τε  
τῆς αἰδέσεως αὐτῶν βιβλίας, καὶ τὰ τῶν ἀγγέλων  
ὀνόματα. τοιαῖτοις μὲν ὄρκοις τὰς προσιόντας  
ἐξασφαλίζονται. Præterea, jurant quisque, ne-  
mini quidem se aliter dogmata proditurum, quam  
ipse acceperit: se vero abstenturum latrociniis, pa-  
trique reverentia servaturum sectæ suæ libros &  
Ange-

Angelorum nomina. Hujuscemodi quidem juramentis ad cætum suum venientes, sibi met devinciunt.

Ad §. VIII. pag. 32.

(13) *Eximie venerabantur suos Seniores*] LAERTIUS inter præcepta Pythagoræ c. l. p. 316. cum primis refert: τὰς τε πρεσβυτέρους τιμᾶν δεῖν· τὸ προηγούμενον τῷ χροῖναι τιμιώτερον ἡγεμένους. ὡς ἐν κόσμῳ μὲν, ἀνατολὴν δύσεως. ἐν βίῳ δὲ ἀρχὴν τελευτῆς· ἐν ζωῇ δὲ, γένεσιν φθορᾶς. Seniores honorandos; quod tempore præcederet, honorabilius existimantes; quemadmodum in mundo occasu ortum; in seculo principium fine; in vita autem generationem corruptione. De Essenis pariter IOSEPHVS c. l. §. 9. p. 164. τοῖς δὲ πρεσβυτέροις ὑπακένει, καὶ τοῖς πλείοσιν, ἐν καλῷ τίθενται· etate grandioribus, numeroque majoribus obtemperare, pulchrum esse ducunt: idque adeo inquit, ut cum decem confederint, uni alicui fas non sit loqui, si nolint novem. Senectutem tamen non ætatis metiuntur annis, sed quam in secta illa traxerunt moræ, diserte hoc docente PHILONE cit. loc. p. 695. πρεσβυτέρους γὰρ, ἢ τὰς πελυετέας καὶ παλαιὰς νομίζουσιν, ἀλλ' ἐτι κομιδὴ νέας πᾶδας, εἰάν ὅφει τῆς προαιρέσεως ἐρασθῶσιν, ἀλλὰ τὰς ἐκ πρώτης ἡλικίας ἐνεβήσαντας τῷ θεωρητικῷ μόρῳ φιλοσοφίας, ὃ δὴ κάλλιστον καὶ θεϊοτάτον ἐστίν. Nec enim Seniores ex annis æstimaunt, sed quantumlibet grandævos habent pro pueris, si sero institutum hoc complexi sunt, honorem vero senectutis tribuunt his, qui exercuerunt se a juventute in hac pulcherrima divinaque parte contemplativæ philosophiæ.

Ad §. VIII. pag. cit.

(14) *In quatuor ordines*] Hæc ad verbum deprompta sunt ex IOSEPHI c. l. §. 10. p. 164. ubi ita leguntur: διήρηνται δὲ, κατὰ χρόνον τῆς ἀσκήσεως, εἰς μόρας τέσσαρας· καὶ τοσῶτον οἱ μεταγενεσέεσσι τῶν προγενεσέων ἐλαττῶνται, ὥς ἐι ψάυσαι αὐτῶν, ἐκείνης ἀπολῦσθαι, καθάπερ ἀλλοφύλῳ συμφυσέντας. *Distincti autem*

sunt, juxta tempus, quo sese in ista disciplina exercuerunt, in quatuor classes: atque juniores adeo senioribus inferiores habentur, ut si aliquos eorum forte contigerint, illi, ac si alienigenæ sese commiscuissent, semet abluant.

Ad §. IX. pag. 32.

(15) *Pythagorici aquam potabant*] Quare IAMBlichVS lib. I. cap. XVI. αἰνίαν καὶ ὀλιγοσιτίαν, vini abstinentiam & ciborum paucitatem ipsis tribuit, quod vinum, victusque abundantia, rationi vim inferant, mentisque sinceritati ac integritati officiant. Sed discrimen hic probe observavit SCHEFFERVS cap. XIV. de Philosoph. Ital. pag. 149. & Contemplativos solum a vino abstinuisse, qui integritati mentis puritatisque maxime studebant, ceteris vero vini usum integrum fuisse, idoneis documentis evincit. Confer huc IOH. LUDOV. BOYE dissert. de legibus cibariis & vestiariis Pythagoræ, earumque causis, Jenæ 1711. §. 18. De Essenis pariter PHILO c. l. p. 696. οἶνος ἐν ἐκείναις ταῖς ἡμέραις ἐκ εἰσκομίζεται, ἀλλὰ διαυγέσατον ὕδωρ, ψυχρὸν μὲν τοῖς πολλοῖς, θερμὸν δὲ τῶν πρεσβυτέρων τοῖς ἀβροδιαίτοις. - οἶνος μὲν γὰρ, ἀφροσύνης φάρμακον. Vinum per illos dies, quos festos agunt, quinquagesimos quosque post septem hebdomadas, quibusque communi utuntur convivio, non præbatur, sed aqua limpidissima, ceteris frigida, calida vero his, qui inter seniores tractantur delicatius. - Nam vinum habent pro veneno, afferente dementia. Sed & ante hæc p. 692. ubi de victu ipsorum tenui agit, ποτὸν ὕδωρ ναματιαῖον αὐτοῖς ἐστίν, inquit, potum fluentis hauriunt.

Ad §. X. pag. cit.

(16) *Viebantur sacrificiis inanimatis*] Ita LAERTIUS in Pythag. p. 315 sq.: θυσίαις τε ἐχρητο ἀψύχοις· οἱ δὲ φασιν, ὅτι ἀλέκτορσι μόνον καὶ ἐρίφοις, καὶ γαλαθῆνοις, τοῖς λεγομένοις ἀπαλίσαις, ἤκιστα δὲ ἀγνασιν. *Sacrificiis utebatur*



tur inanimis. Sunt, qui dicant, solis gallis gallinaceis, & hœdis etiam lacteolis, quos teneros dicunt: agnis autem minime. Quæ quomodo conciliari possunt, alii viderint. Hoc certatim Veteres produnt, sacrificiorum rationem ipsum ab Aegyptiis & Chaldæis hausisse, docente SCHEFFERO p. 20 sq. 26. Quin & eundem hecatomben immolasse LAERTIVS perhibet p. 313. cum invenisset trianguli, quod ὀρθογώνιον appellant, subiectum latus tantumdem valere, quantum quæ illum continerent. Quæ omnia, ab animatis sacrificiis eum abhorruisse, negant. Rursus vero p. 316. fertur, σφάγια τε θεοῖς προσφέρειν καλύειν, μόνον δὲ τὸν ἀνώμακτον βωμὸν προσκυβεῖν, cruentis hostias Diis offerri prohibuisse, solamque aram, quæ esset sine sanguine, adorandam præcepisse. De Essenis testis est IOSEPHVS lib. XV/III. Antiqu. cap. I. §. 5. εἰς τὸ ἱερόν ἀναθήματα τε σέλλουτες, θυσίας ἐν ἐπιτελᾶσι διαφύροτῃ ἀγνεῶν ἄς νομίζοιεν, καὶ δι' αὐτὸ εἰργόμενοι τῷ κοινῷ τεμενίσματος, ἐφ' αὐτῶν τὰς θυσίας ἐπιτελᾶσι. In templum autem donaria dum mittunt, ibi sacra non faciunt, propterea quod lustrationes habeant sanctiores; hac de causa communi delubro arcentur, & sacra sua seorsim faciunt.

Ad §. XI. pag. 32.

(17) *Fatum in omnibus rebus* ] In Pythagoræ placitis denuo LAERTIVS p. 318. habet: διὸ καὶ προνοῆσθαι τὸν θεὸν ἡμῶν ἐμαρμένην τε τῶν ὅλων εἶναι, καὶ τὰ κατὰ μέρος, αἰτίαν τῆς διοικήσεως: hominibus eum Diis esse cognationem, unde & Deum nostri providentiam gerere. *Fatum quoque omnium, & eorum quæ sunt, per partes administrandorum causam esse.* Triplicem autem, quam Auctor profert, trium apud Judæos sectarum de Fato sententiam IOSEPHVS lib. XIII. Antiqu. cap. V. §. 9. his verbis completur: οἱ μὲν ἐν Φαρισαῖοί τινα, καὶ ἑ πάντα τῆς ἐμαρμένης εἶναι λέγασιν ἔργον, τινα δ' ἐφ' ἑαυτοῖς ὑπάρχειν, συμβαίνειν τε καὶ ἑ γίνεσθαι. Τὸ δὲ τῶν Ἑσσηνῶν γένος πάντων τὴν ἐμαρμένην κυρίαν ἀποφαίνεται, καὶ μηδὲν ὃ μὴ κατ' ἐκείνης

ψῆφον ἀνθρώποις ἀπαντᾶ. Et quidem Pharisei dicunt, quedam eorum quæ fiunt, non omnia, fati esse opera, esse enim & quedam in nostra potestate, ut fiant, aut non fiant. Esseni vero omnia in fati potestate esse affirmant, nec quicquam hominibus præter fati decretum accidere. Ejusdem de Sadducæorum doctrina testimonium supra jam Cap. præc. Annot. 13. citavimus; nec est, quod hic repetamus.

Ad §. XII. pag. 32.

(18) *Verba facere in schola quinque primis annis.* ] Sic denuo LAERTIVS c. I. p. 312. de discipulis Pythagoræ verba faciens: πενταετίαν τε ἡσύχαζον, μόνον τὸν λόγον κατακρόντες, καὶ εἰδὲ πῶς Πυθαγόραν ὁρῶντες, εἰς ὃ δοκιμασθεῖν. τὴν τεύθει δὲ ἐγίνοντο τῆς οἰκίας αὐτῆς, καὶ τῆς ὄψεως μετέχον. Quinquennium totum silebant, solum quæ dicerentur, audientes, ac donec probarentur, nunquam Pythagoram videntes. Hinc jam ad domum ipsius, adspectumque admittebantur. De ista Pythagoreorum ἐχεμυθία silentio SCHEFFERVVS cap. XII. p. 114 sqq. copiose agit, eamque observat geminam fuisse, alteram probatoriam ac præparatoriam, vel quinque, vel minus annorum, diserte perhibente A. GELLIO lib. I. Noct. Att. cap. 9. Jubebat certum tempus tacere, non omnes idem, sed aliud alios tempus, pro æstimato captu sollertia, sed non minus quisquam tacuit, quam biennium: alteram totam & omnimodam per omnem vitam, qua exteros profanosque omnes celabant, quæ sectæ suæ præcepta essent, vitæque instituta. De priori h. l. sermo potissimum est. De Essenorum silentio PHILO c. I. pag. 691. tradit, quod sex diebus in suo quisque σεμνείῳ seu ædicula sacra solitarie agant, septimo autem die in cœtum communem conveniant, & postquam juxta ætatis ordinem modeste accubuerunt, narum maximus & in eorum placitis versatissimus in medio reliquorum verba faciat, καθ' ἡσυχίαν δὲ οἱ ἄλλοι πάντες ἀκροῶνται τὸν ἔπανον, νεύμασιν ὄψεως ἢ κεφαλῆς παραδηλῶντες αὐτὸ μόνον, reliqui omnes auscultant

seculent per summum silentium, annutantes oculis tantum, aut capite. Rursus p. 696. ubi decentem perhibuit, totum, pergit, auditorium attentum auscultat in uno eodemque habitu, τὸ μὲν συνιέναι καὶ κατειληφέναι, νέυματι καὶ βλέμματι διασημαίνοντες· τὸν δὲ ἔπαινον τῷ λέγοντος ἰλαρότητι, καὶ τῇ σχέδην περιαγωγῇ τῷ προσώπῳ, τὴν δὲ διαπόρησιν, ἡρεμαιοτέρα, κινήσει τῆς κεφαλῆς, καὶ ἄκρῳ δακτύλῳ τῆς δεξιᾶς χειρὸς, intelligere se nutu vultuque indicans, probare vero hilaritate, ac exporrectis frontibus, interdum & dubitare herereque, moto leniter capite, summoque dextra digito. Pariter IOSEPHVS lib. II. de bello Jud. cap. VIII. §. 5. de illis testatur: ἔδὲ κραυγὴ τότε τὸν οἶκον, ὅτε θόρυβος μολύνει, τὰς δὲ λαλίας ἐν τάξει παραχωρεῖσιν ἀλλήλοις καὶ τοῖς ἕξωθεν, ὥς μυθήριόν τι φρικτὸν, ἢ τῶν ἔδον σιωπῇ καταφαίνεται. Neque vero clamor unquam, aut tumultus domum contaminat, sed loquendi vices ordine alii aliis concedunt: illisque, qui foris sunt, horrendi instar mysterii videtur silentium eorum, qui intus sunt. Quæ vero Idem c. l. §. 9. de illis testatur, δέκα γὰρ συγκαθεζομένων, ἔκ αὖν λαλήσειέ τις ἀκούων τῶν ἐνέα. cum decem confederint, non est ut unus aliquis loquatur, si novem inviti fuerint: ea rectius a IOSEPHO, ad reverentiam senioribus habitam, quam ad silentii studium cum Auctore nostro, & DRVSI, referuntur.

Ad §. XIII. pag. 33.

(19) *Essenorum initiatio*] Hanc initiandi rationem IOSEPHVS cit. loc. §. 7. prolixè describit, cuius solum dabimus versionem: Porro ei, qui hujus sectæ studio tenetur, non continuo patet ingressus, sed foris annum integrum manenti, genus idem vite præscribunt, & dolabellam, & cingulum, & vestem candidam tradunt. Postquam vero hoc temporis intervallo continentie suæ documenta dederit, propius quidem ad instituti communionem accedit, ac purioribus aquis, una cum ceteris, lustrari incipit: necdum tamen ad convictum admittitur, nam per duos ulterius annos, postquam

tolerantiam suam palam fecerit, mores ejus explorant: & si dignus apparuerit, tum demum in consortium admittitur. Priusquam vero communem cibum attingat, horrendis semet illis juramentis adstringit: primum quidem, pie se culturum Deum: deinde & jus servaturum cum hominibus: & neque se lesurum quenquam, sive sponte, sive ex imperato; injuriosos vero omnes odio perpetuo habiturum, & justis adiutorem fore. &c. Eadem fere ex IOSEPHO repetit PORPHYRIUS TYRIUS libro de abstinentia, quem evolvat, qui cupit. Consentit GEORGIUS CEDRENVS in Compend. Histor. edit. Paris. pag. 199. Juvat autem Hebræum audire testem, R. ABRAHAMVM ZACHVT, Salmanticensem, cujus in libro *Fuchasin* fol. קלט. col. 2. verba ita habent: כאשר ירצה אדם להכנס במנהגם אינם מקבלים אותו שנה תכף ומיד רק מאכילים ומשקים אותו שנה תמימה ונותנים בידם קרדום אחד ומלכישים אותם מלכוש לבן ואחר עבור שנה שוראים שיש לו מרות טובות מביאים אותו ביניהם ומלמדים אותם להטביל כרי שיתנהגו להיותם פרושים ואחר שתי שנים מכניסים אותם ביניהם וקורם שואכלו עמהם משבועים אותם שויכבדו את תשם יתכיר על כל הנמצאות ושיתנהגו עם הכל כמשפט באמת ובצדקה ושיתנהגו עם הכל כמשפט באמת ובצדקה וגם ישנאו את הרשעים: Cum aliqui ritum Essenorum ingredi volunt, non e vestigio recipiunt eos, sed cibum potumque per integrum annum illis præbent, dataque in manum securi quadam, indumento candido induunt illos. Finito anni spacio, ubi mores probos cognoverint, in medium sui adducunt illos, docentque lotiones, ut se juncti seu sancti esse adsuescant. Postea, absoluto biennio, demum in cætum suum introduciunt, & antequam cum illis comedant, eos adjurant, quod supra omnes res honorare Deum gloriosum, cum omnibus honeste, sincere, & juste vivere, improbos vero odio prosequi velint. Conspirant ergo in triennio præparationis auctores probati & veteres, ut frustra sint NICOL. SERRARIUS Lib. III. Triher. cap. IV. p. 217. & ALEX. ROSSÆVS Libro de Religionib. orb. p. 34. quando probationi novitiorum apud Essenos integros quatuor annos largiuntur.



Ad §. XIV. pag. 33.

(20) *Jusjurandum violat*] IOSEPHVS loco citato §. 8. ita habet: τὰς δὲ ἐπ' ἀξιοχρέοις ἀμαρτήμασιν ἰλόντες, ἐκβάλλουσιν τὸ ταύματος· ὁ δὲ ἐκκρίθεις, οὐκ ἴστω πολλανὴν μὲν διαφθείρεται. τοῖς γὰρ ὅρκοις καὶ τοῖς ἔθεσιν ἐνδεδεμένος, εἰ δὲ τῆς παρὰ τοῖς ἄλλοις τροφῆς δύναται μεταλαμβάνειν, πομφαγῶν δὲ καὶ λιμῶν τὸ σῶμα τηκόμενος διαφθείρεται· διὸ δὴ πολλὰς ἐλεησάντες ἐν ταῖς ἐσχάταις ἀναπνοαῖς ἀνέλαβον, ἱκανὴν ἐπὶ τοῖς ἀμαρτήμασιν αὐτῶν τὸν μέχρι θανάτου βάσανον ἡγάμενοι. Deprehensos vero in peccatis gravioribus ex ordine suo ejiciunt, isque cui contigit, e caeteris ejici, non raro mortem obit miserrimam. Nam juramenti & ritibus obligatus, ne aliorum quidem escis uti potest; sed dum herbas comedit, corpus fame tabescit, atque ita interit. Quam ob rem etiam ipsi plurimos miserati, extremum jam agentes spiritum receperunt; pro peccatis satis penarum, quod ad mortem usque fuerint cruciati, dedisse existimantes. Tanti constitit, juratam in initiatione fallere fidem, & tam misera eos, quos excommunicaverant, fors manebat. Quod autem de centenario judicum numero Auctor addit, pariter ex IOSEPHO hausit, qui statim post allegata verba, §. 9. ita pergit: judicia autem accuratissime exercent, & juste: & judicant quidem centeni ad minimum congregati: quod vero ab iis semel decretum fuerit, fixum manet & immobile.

Ad §. XV. pag. cit.

(21) *Adoravere adversus Solis ortum*] Ve-reor, ut quotidianus & perpetuus ex PHILONIS testimonio exculpi queat ritus, quando, post peractum commune epulum solenne, noctemque hymnis & piis colloquiis transactam, sub fin. libri cit. p. 698. eos memorat longe excitatiores, appetente die, τὰς δὲ ὄψεις καὶ ὅλον τὸ σῶμα πρὸς τὴν ἑω σάντες, ἐπ' αὐτὴν θεάσονται τὸν ἥλιον αἰσχροῦντα, τὰς χεῖρας ἀνατείναντες εἰς θρανόν, εὐημερίαν καὶ ἀλήθειαν ἐπέυχονται, καὶ ὀξύπνια λογισμῶν· verso ad auroream vultu, totoque

corpore, quamprimum solem orientem aspiciunt, felicem diem, & veritatem, perspicacemque mentem sibi comprecantur. IOSEPHVS autem §. 4. ita habet: πρὸς γὰρ μὴν τὸ θεῖον ἰδίως εὐσεβεῖς, πρὶν γὰρ ἀνασχεῖν τὸν ἥλιον, εὐὲν φθέγγονται τῶν βεβήλων, πατέρας δὲ τινὰς εἰς αὐτὸν εὐχαῖς, ὥσπερ ἱκετεύοντες ἀνατεῖλαι· ceterum erga Deum pietate sunt singulari: nihil enim profani ante solis ortum loquuntur, sed patria quaedam vota ei nuncupant, quasi ut illucescat, obsecrantes. Quæ fidem fere faciunt, solem orientem ipsos adorasse; cujus criminis reos peragit REIZIUS in suis ad h. l. Auctoris annotat. Quos tamen cum Judæos cogito, Codicem Sacrum diurna nocturnaque manu versantes, & illo quidem tempore florentes, quo gens ista a creaturarum cultu vel maxime erat aliena, ab idololatria quidem facile dixerò immunes. Nec PHILONIS verba hanc ipsis maculam adspargunt, quibus non solem adorasse, sed ad orientis solis conspectum, sibi mutuo fausta quævis comprecatos, testatur. Et hoc ipsum erat patrium illud carmen, IOSEPHO memoratum. Vnde quoque vir apprime doctus, DE BEAUSOERE in *Histor. dogmatum Manich. lib. IX. cap. I. §. 13. p. 601.* suscepto Essenorum patrocinio, a religioso solis cultu liberos pronunciat, & IOSEPHVM rite exponendum docet. Pariter SAM. PETITVS *Var. Lect. cap. 21.* eos ab idololatriæ crimine absolvit, lectionem apud IOSEPHVM in mendo jacere causatus, & loco, εἰς αὐτὸν, scil. τὸν ἥλιον, legendum monens εἰς αὐτὸ, nempe τὸ θεῖον, quod præcesserat. Demum BASNAGIUS *Hist. Jud. lib. II. cap. XII. §. 17.* mediam ingreditur viam, Essenos solem quidem adorasse negans, eo quod infensissimi idololatriæ olores, IOSEPHVS & PHILO, tantis ipsos encomiis nunquam mactassent, si cælicolis annumerandi fuissent; insignem tamen precibus versus solem fufis superstitionem admiscuisse largitus, quod, IOSEPHO teste, solem quasi obsecraverint, ut illucescat. Ceterum trita hæc olim erat calumnia Heliolatrias, qua primis quoque Christianis invidiam conciliare nitebantur Gentiles, quorum tamen causam TERTULLIA-

NVS, alique Ecclesiæ Doctores graviter perorant: ut in compendio docuit IOACHIM. HILDEBRANDVS in *rituali orantium cap. I. §. X sqq.* Potiori jure VOSSIVS de *Idololatria lib. II.* Solis cultum tribuit Persis *cap. IX. p. 178 sqq.* Emessenis *cap. V. pag. 169.* Phœnicibus & Syris mediterraneis, *c. V. p. 168.* Assyriis & Babyloniiis *p. 169.* Arabibus, Moabitibus, & Madianitis *c. VII. p. 172. c. VIII. p. 181.* Aethiopicibus *p. 184.* Marmaricis & Ammonitis *ibid.* Pœnis *p. 186.* Græcis & Romanis *cap. XII. XIII. XIV. XV. XVI.* denique gentium aliis toto pene orbe *c. XVII. p. 198 sq.* Bene quidem memini, virum in linguis Orientis versatissimum, THOMAM HYDE in *Historia religionis veter. Persarum cap. I. p. 9 sqq.* omnem movere lapidem, ut hanc a Persis maculam abstergat, & turpi, cultus civilis cum adoratione religiosa, confusione acceptam referat; quo colore a pyrolatria ipsos pariter absolvit *p. 10 sq.* Achille tamen vix alio, quam modernorum Persarum confessione nititur, quæ forte sanior est, quam priscorum praxis antecessorum. Attamen, quando *p. 22.* diserite perhibet: *Et quidem de eis peculiariter notari debet, quod veterum Persarum ecclesia & gens, sola sit & in toto terrarum orbe unica, quæ (excepta Israelitarum & Judæorum linea sacra) continuo & constanter, a suis primordiis seu incunabulis, & ab ipso diluvio ad hoc usque tempus, veri Dei notitiam & cultum, semper sine ulla temporum interruptione, retinuerit & adhuc retineat:* facile hinc colligitur, veteres ipsum æque ac recentiores Persas, ab omni Heliolatriæ labe liberare anniti. Hæc Helena est, quam universo isto, cetera doctissimo, commentario adornat & pingit. Idem tamen licet persuaserit laudato supra DE BEAUSOBRE, *c. I. §. 12. pag. 599 sq.* qui quidem vix aliis, quam HYDII armis ad defendendos Persas utitur, vereor ut eruditis ceteris persuadeat, testimonia Veterum æqua ponderantibus lance. Disparem enim Persarum ac Essenorum, in hac causa, rationem esse ad oculum patet. Quæ, licet ab Essenis aliena, divitiarum tamen non fuerit, in medium attulisse.

Ad §. XVI. pag. 33.

(22) *Ad servandum nomina Angelorum*] Ita quoque Angelolatriam ipsis impingit Auctor. Verba IOSEPHI ita habent: Juramento eos obstringi *συντηρήσεν ὁμοίως τὰ τε τῆς αἰρέσεως αὐτῶν βιβλία, καὶ τὰ τῶν ἀγγέλων ὀνόματα, pari reverentia se servaturos sectæ suæ libros, & Angelorum nomina*, loco supra cit. §. 7. Velut autem de veneratione aut cultu Angelorum, IOSEPHVS ne somniando quidem cogitavit, multo minus prodidit, sed nomina Angelorum æque ac libros suos, exteris & alienæ sectæ hominibus, non propalatuos, sed sibi servaturos, in se recepisse perhibet: ita IACOB. ODE *Commentar. de Angelis Sect. IX. cap. IV. §. 9. p. 947.* per Angelos non Spiritus, sed vel Præsides conventuum suorum publicorum, vel Emissarios aliunde ad ipsos, prope Alexandriam, accedentes, vel denique Ἀρχηγέτας ac Statores sectæ suæ, intelligendos esse erudite contendit, quorum nomina in vulgus spargere nefas fuerit, forsitan ut non ab instituti sui auctoribus invisum quod traherent nomen, sed a sanctimonia vitæ Esseni vocarentur. In quibus, ut veritati consentaneis, hætenus acquiescimus.

Ad §. XVII. pag. citat.

(23) *Solliciti erant in observando Sabbatho*] Quod probe observat Auctor, geminum ipsos servasse Sabbathum, ordinarium dierum, & magnum septimanarum, prius ex legis præscripto, posterius ex instituti sui superstitione; id quidem IOSEPHI nititur ac PHILONIS fide. Prior *lib. II. de B. J. cap. VIII. §. 9.* testatur: τῶς ἐβδομάσῃ ἔργων ἐφάπτεσθαι, διαφορώτατα ἰσθαίαν ἀπάντων. ὁ μόνον γὰρ τροφᾶς ἑαυτοῖς πρὸς ἡμέρας μίᾳς παρασκευάζουσιν, ὡς μηδὲ πῦρ ἐνάυοιεν ἐκείνῃ τῇ ἡμέρᾳ, ἀλλ' ἐδὲ σκευὴς τι μετακινήσαι θαρρῶσιν, ἐδὲ ἀποπατεῖν. Sabbathis manum operi admove, fugiunt maxime omnium Judæorum. Nam non solum pridie ejus diei cibum sibi præparant, ut illo die ignem non accendant;



dant; sed neque vas ullum loco movere audent, nec alvum exonerare. Die sexto cibos parare, & ignem Sabbatho non accendere, commune erat omnium Judæorum, & diserte præscriptum Exod. XVI, 23. XXXV, 3. item onus non tollere Jer. XVII, 22. & ab opere famulo abstinere Exod. XX, 9. Num. XXVIII, 18. Sed nec vasculum transferre, nec exonerare ventrem, utrumque Essenorum peculiare. Postremæ illius superstitionis causam SCALIGER *Elenci* cap. 28. p. 230 sq. in eo ponit, quod alvum exoneraturi Esseni, legem priscam Deuter. XXIII, 12, 13. de paxillo & de scrobicula fodienda, præse observarent. In Sabbatho autem cum σκεῦος tollere, aut transferre ipsis non liceret, σκαλίδα quoque, sive ferculum gestare nefas habebant, quo scrobiculam deprimerent, in quam egererent. Alias enim nullum tam joculare extabat ipsis præceptum, quo alvum Sabbatho levare prohiberentur. In hoc itaque ceteros superant Judæos. PHILO autem de Sabbatho ipsorum magno cit. loc. p. 695. ita tradit: ἔτοι τὸ μὲν πρῶτον ἀθεοῖζονται δι' ἑπτὰ ἑβδομάδων, ὃ μόνον τὴν ἀπλὴν ἑβδομάδα, ἀλλὰ καὶ τὴν δύναμιν τεθι- κότες· ἀγνὴν γὰρ καὶ ἀειπάρθενον αὐτὴν ἴσασιν· ἔστι δὲ προσέστιος μεγίστης ἑορτῆς, ἣν πεντηκοντάς ἔλαχεν, ἀγιώτατος καὶ φυσικατάτος ἀρεθμῶν, ἐκ τῆς τῆ ὀρθογωνίης περιγῶνς δυνάμεως, ὅπερ ἐστὶν ἀρχὴ τῆς τῶν ὅλων γενέσεως. Hi numeros in primis observando, post septem hebdomadas elapsas conventus suos instaurant, venerati non solum simplicem septenarium, sed & vim ejus multiplicem. castam enim sciunt hebdomada & semper virginem. Is dies profestus est maxima festivitatis, incidentis in numerum quinquagenarium sanctissimum & natura gratissimum, constantem ex vi rectangularis trianguli, quod est initium generationis rerum omnium. Post hæc celebritatem illius diei prolixè describit, & quibus sacris, conviviis, gaudiis peragatur, data opera exponit. Quæ de sanctitate septenarii, semper virginis, disserit PHILO, ex Pythagoreorum promanasse placitis, intelliges ex PETRI BVNGI numerorum mysteriis, Num. VII, p. 282 sqq. ubi septenarium nec

procreare numerum ullum, nec a quoquam procreari observat, ideoque imaginem esse principis & auctoris rerum omnium, Dei: eidemque inolevisse opinionem virginittatis, ut quæ sapientiæ præfecta putata est, utilisque Dea formandis credita adolescentium ingeniis, Minerva nominetur. - - Symbolice igitur sacris initiati Pythagorici semper virgini sine matre nata Minerva, septenarium assimilant, quia & illa nec partu est edita, sed ex Jovis orta capite &c. Quo autem pacto quinquagenarius ex vi rectangularis trianguli constet, ad oculum demonstravit laudatus BVNGVS num. L. p. 535. quia quinquagenarius numerus est potentia lateris oppositi angulo recto, contento ab illis duabus lineis, quarum radices constituunt 50. Sed in his non licet esse prolixioribus, quia directe non faciunt ad rem, sed PHILONEM solum illustrant. Frustra porro esse EVSEBIUM, BRVNUM, omnesque, qui Patrum secuti auctoritatem, Therapeutas Monachos esse censuerunt Christianos, indeque augurati sunt, per προσέστιον μεγίστης ἑορτῆς festum Dominicæ passionis, & per hebdomadatorum istud ἑπταήμερον, quod Pascha præcedit, intelligi, VALESIVS aliique evicerunt. Cum enim festum istud Pentecostes, bene monente Auctore nostro, septies quotannis Essenis rediret, nec vel de Paschate Christianorum, vel de passione Domini perspectum quicquam haberent sive PHILO, sive Esseni, palam est, citra causam hæc ipsis somnia obtrudi. Sed quicquid est istius, de Essenis Christianis, controversiæ, infra suo loco differemus.

Ad §. XVIII. pag. 33.

(24) Abstinerunt quoque connubiis] Circa matrimonium non idem omnes tenuisse Essenos, quod recte observat Auctor, copiose declarat IOSEPHVS, cujus propter prolixitatem, solam versionem damus ex c. l. §. 2. p. 161. Isti a voluptatibus, tanquam a scelere abhorrent, continentiam vero servare, & cupiditatibus non succumbere, pro virtute maxima auctant. Et ipsis quidem

quidem despectui habentur nuptiæ, alienos vero liberos, dum ad capessendas disciplinas molles adhuc sunt, suscipientes, pro cognatis suis reputant, suisque moribus informant: non tamen matrimonium, & legitimam ex eo successionem tollentes, sed sibi met a procaci mulierum petulantia caventes, nullamque earum uni viro fidem servare posse, persuasum habentes. Vicissim de illis, qui matrimonia inire consueverant, §. 13. p. 165. ita commentatur: Est & alius porro Essenorum ordo, qui cum prioribus quidem, quoad rationem vivendi moresque & instituta consentit, (per priores Theoreticos intelligens, Practicos per hos) sed in una de nuptiis opinione ab ipsis discrepat. Maximam enim vitæ hominum partem, quæ a successione pendet, eos amputare arbitrantur, qui a nuptiis absterneant; multo vero magis desitutum humanum genus quam citissime, si omnes in eandem de istis ire velint sententiam. Veruntamen sponsas per triennium probant. Cum autem ter purificate fuerint, ad explorandum, possintne parere? tum eas in uxores ducunt. At cum gravidis non coeunt, hoc ipso ostendentes, quod nuptias non voluptatis ergo, sed liberorum inopia fecerint. Fœminæ autem lavantur indusiis circum amictæ, quemadmodum viri, cum subligacula induerint. Vir summus, & post LUTHERVM, ferè sine pari, MARTIN. CHEMNITIVS in Exam. Concil. Trident. P. III. de celibatu Sacerdotum p. 87. memoratu dignum existimat, cum tempore Vet. Test. cœlibatus non esset in magna admiratione, quod, collapsa post Maccabæorum tempora religione, IOSEPHVS scribit lib. XV. c. 13, Essæos sectæ suæ rationem mutuatos ab illa vivendi ratione, quam Pythagoras Græcis monstrarat, & primum caput illius sectæ fuisse, ὑπερψίαν γάμος, contemptum conjugii. Et EVSEBIUS lib. VIII. de Prepar. Evang. ex PHILONE recitat multas Essæorum contumelias contra conjugium, & contra sexum muliebre, non abfimiles illis, quas HIERONYMVS ex THEOPHRASTO colligit. Cumque propter hanc speciem Essæi in magna essent auctoritate & admiratione, instituerunt quoque Scribæ & Pharisei, tanquam doctores

populi, peculiaria exercitia continentiae a conjugibus, aliqui quadriennium, aliqui octennium, aliqui decennium: & illo tempore gesserunt peculiaris purpuræ fimbrias, ut hominibus continentiae suæ professionem ostentarent. Ita enim EPIPHANIVS inter hæreses apud Judæos, ante Christum, describit Phariseos & Scribas lib. I. Tom. I. Utque solet superstitio tanquam gangræna serpere, tandem in ipsam etiam Ecclesiam Essæorum institutum irrepsit. Indeque laudatus CHEMNITIVS Monachatus originem, cum despectu conjugii in Aegypto primum disseminato, erudite arcessit. Quas vero ille, digito velut indice, apud EVSEBIUM notavit in sexum sequiorem Essenorum calumnias, ex ipso fonte plenius hauriemus, quæ c. I. EVSEBII cap. XI. in versione ita leguntur: Essæorum (Theoreticorum quippe) nemo uxorem ducit, quod mulier ejusmodi sit, quæ cum seipsam vehementius amet, ac zelotypia laboret immodica: tum viri quoque mores & facile transversos agat, & assiduorum blanditiarum illecebris ac lenociniis emolliat. Nam ubi verbis ad assentationem adulationemque compositis, ac reliquo simulationis artificio, tanquam in scena, oculos semel auresque illiniit, tum vero perinde ac circumventis subditis, ducem ipsum ac principem, animum eundem in errorem inducit. Quæ si liberos quoque suscepit, mox procacis confidentiaeque plena, quicquid simulate prius ac subdole insinuebat, id palam atque audacius loquitur, exutoque pudore omni, per vim extorquere conatur. Quæ quidem a societate aliena sunt omnia. Quisquis enim aut uxoris irretitus illecebris, aut cura liberorum, quadam natura necessitate implicatus est, is adversus alios idem, qui prius, esse non potest, sed plane aliud, hoc est, ex libero servus, sensim ac sine sensu efficitur. Atque hæc ex PHILONIS Apologia se mutuatum testatur EVSEBIUS. Ceterum quoque fœminis, huic instituto sectæque addictas, a pari continentia, nuptiarumque averfatione PHILO laudat c. I. p. 695. ubi de solenni & pentecostali differit convivio: συνεστῶνται δὲ καὶ γυναῖκες, ὧν πλεῖσαι γνηαῖαι, παρθενοὶ τὴν ἀγνείαν, ἐκ αἰνῆς, καὶ ἀ-



καθάπερ ἓναι τῶν παρ' ἑλλήσιν ἱερείων. διαφυλά-  
 ξασαι μάλλον ἢ καθ' ἐκείσιν γνώμην, διὰ δὲ ζῆλον  
 καὶ πόθον σοφίας, ἢ συμβίβην σπαράσσασαι, τῶν  
 περὶ σῶμα ἡδονῶν ἡλόγησαν, & θνητῶν ἐκγόνων,  
 ἀλλ' ἀθανάτων ὀρεχθεῖσαι, ἃ μόνη τίκτεν αἴψ'  
 ἐαυτῆς οἶα, τέ ἐστιν ἡ Θεοφιλὴς ψυχὴ, σπείραντος  
 εἰς αὐτὴν ἀκτίνες νοητὰς τῶν πατρὸς, αἷς δυνήσεται  
 θεωρεῖν τὰ σοφίας δόγματα. Adhibentur men-  
 sa femine quoque, anus pleraque sed virgines, non  
 coactæ castitatis, sicut apud Græcos quadam sacri-  
 ficulæ, sed sponte continentes præ amore sapientiæ,  
 cujus studio per totam vitam contemserunt volu-  
 ptates corporis, nimirum divinæ, non mortalis pro-  
 lis cupida, quam solæ Deo charæ animæ ex seipsis  
 pariunt, excipientes pro semine intelligibiles patris  
 radios, ut decreta sapientiæ contemplando percipe-  
 re valeant.

Ad §. XVIII. pag. 34.

(25) PLINIVS *Lib. V. Hist. Cap. 17.* ] Ut  
 eorum desiderio faciamus satis, qui PLINIVM  
 audire cupiunt, en verba ejus damus: *Ab occi-  
 dente litore Esseni fugitant, usque qua nocent,*  
 (hæc verba ab omni fere sensu destituta, ita re-  
 stituit SALMASIVS: *Ab occidente litora Esseni fu-  
 giunt, usque qua nocent.* Fugiebant enim litora  
 Esseni, ut interiora Judææ habitarent, ne puritati  
 ac tranquillitati vitæ, quam sectabantur, mariti-  
 ma commercia nocerent) *gens sola. & in toto*  
*orbe præter ceteras mira, sine ulla femina, omni*  
*Venere abdicata, sine pecunia, socia palmarum.*  
*In diem ex æquo convenarum turba renascitur,*  
*large frequentantibus, quos vita fessos ad mores*  
*eorum fortunæ fluctus agit.* Ita per seculorum  
 millia (incredibile dictu) gens æterna est, in  
 qua nemo nascitur. Tam fecunda illis aliorum  
 vitæ penitentia est. Testem Romanum audis,  
 Judaicarum rerum imperitum, & ex vulgi ru-  
 more summa imis miscentem. Forte tamen  
 potuit nonnullos poenitudo præteritorum ad  
 illud adegisse vitæ institutum, quo ante obi-  
 tum in ordinem & ad frugem se redituros  
 credebant.

Ad §. XIX. pag. 34.

(26) *Quando & a quo hæc Secta exclusa sit, difficile est dicere* ] Essenorum familiam non  
 ab uno quodam conditore, nec definito tempo-  
 ris articulo, sed sensim enatam, ac in Secta tan-  
 dem nervum invaluisse, ex iis colligitur, quæ  
 Capitibus superioribus de origine reliquarum  
 inter Judæos sectarum edisseruimus. Prima Es-  
 senis semina Chasidæi dederunt. Cum enim ex  
 gravissimis sub Antiocho & sequentium tempo-  
 rum calamitatibus, se paulo recepissent Judæi,  
 quiete ipsis paceque publica restaurata, & Hasi-  
 dæi magna sanctitatis gloria ac auctoritate inter  
 Judæos emicarent, orti ex his sunt פרושים *sepa-*  
*rati* illi, qui auctarium legis servantes, a reliqua  
 gentis suæ turba se eximebant; atque hi denuo  
 in duas veluti classes abierunt, in Φαρισαίους &  
 Έσσηνους, ut curate docuit SCALIGER *Elenchi*  
*cap. XXII toto.* Haud inepte HUMPHR. PRÉ-  
 DEAUX *Hist. Jud. P. II. lib. V. p. 79.* eos existi-  
 mat ex Phariseorum secta oriundos, quam cum  
 nimis in disciplina laxam, genio indulgere intel-  
 ligerent, aliquam velut Ordinis sui Reformatio-  
 nem suscepisse, & vivendi rationem paulo ad-  
 strictiorem minusque culpabilem ingressos, no-  
 vam condidisse sectam: ad eum fere modum,  
 quo Carthusiani in Papatu & Cistercienses, ex  
 communi Benedictinorum censu egressi, novos  
 Ordines instituerunt. Temporis articulum,  
 IOH. HELV. WILLEMER in sua *de Essenis* tra-  
 ctatione §. 16. p. 47. ex IOSEPHI *lib. XIII. An-*  
*tiquitat. cap. V.* utcunque eruere tentat. Cum  
 enim in illis exponendis diligenter versatus fuisset  
 IOSEPHVS, quæ domi forisque, in bello  
 adversus Demetrium, ac legatione ad Sparta-  
 nos Romanosque, præclare gessit ex Hasmonæis  
 Jonathan, Judæorum Princeps ac Pontifex Sum-  
 mus, statim subjungit: κατὰ τὸν χρόνον τῶν  
 τρεῖς αἰρέσεις τῶν Ἰσραήλων ἦσαν. Jonathan vero  
 fratri Judæ Maccabæo successit A. M. 3793. bel-  
 lum cum Antiocho Entheo contra Demetrium II.  
 Nicanorem gessit A. 3802. qua ætate celeberrimum  
 istud trihæresium Judæorum, justum jam acqui-

acquisiverat vigorem. Inde vero ad primam Essenorum assurgens originem, quinquaginta circiter annos retro numerat, eorumque natales in A. M. 3750. conjicit, ubi a diversis simul auctoribus secta fuerit excitata. Verum, quæ meris superstructa sunt conjecturis, eadem convelli possunt opera, qua fuerunt adstructa. Late ergo eorum indicasse originem sufficiat, cum ad curate definiendos temporis articulos progredi non deret.

Ad §. XIX. pag. 34.

(27) *Eos ætate Rechabitis æquales faciunt*] Nihil repetimus eorum, quæ de Rechabitis suo loco copiose sumus commentati. SERARIUM autem, qui SVIDAE auctoritate inductus, Essenos eosdem cum Rechabitis facit, & *Tribares. lib. III. cap. 9.* operose adstruere laborat, recte castigat Auctor noster: castigavit pariter SCALIGER *Elenchi cap. XXIII.* Nostri enim non peculiarem modo consuebant sectam, ædes incolebant, & agriculturam exercebant, a quibus omnibus Rechabitarum institutum erat alienum; quod tantum abest, ut hæreseos, vel vitiosæ ab avita Judæorum religione secessionis notam gesserit, ut a Deo potius, interprete Jeremia cap. XXXV. valde commendetur, singulæque ornatum benedictione, in obsequii proponatur exemplum; sed fidem commento isti habere, silentium quoque prohibet Scriptorum veteris Instrumenti Sacrorum, in quorum sive historicis Commentariis, sive dogmaticis tractationibus, errorumque discussionibus Prophetis, nec vola Sectæ nostræ extat, nec vestigium, quam tamen altum tacere, per omne istud a Mose ad Servatorem ævum, salva rerum in Ecclesia Judaica gestarum expositione, vix licuisset. Nec fraudi sit cuiquam, insignis Essenorum cum Pythagoræ placitis, quam Auctor paulo ante docuit, consensio. Vir doctissimus, IOHANN. FILESACVS, Theologus Parisiensis, *lib. III. Selectorum p. 141 sq.* totus quidem in eo est, ut Pythagoram invivendi norma rituque, cumpri-  
mis in secessione ab urbibus, & mansione in

tentoriis, Rechabitis æmulatum fuisse evincat. Vnde hariolari possis, quod disertè tueretur SERARIUS, Pythagora Sanctio antiquiores fuisse Essenos, atque ab his Pythagoram sua hausisse præcepta. Verum Rechabita ortu a Judæis distincti, gente pariter ac ætate multum distabant ab Essenis, quos *Ἰσδαίος μὲν γένος ὄντας* disertè perhibet IOSEPHVS. Pythagoræ vero æquales Jeremias, Ezechiel, atque Daniel, subducto temporum calculo, fuisse constat, Essenos contra longe posteriores, Maccabæorum demum ævo exortos.

Ad §. XX. pag. cit.

(28) *Aliquis ex Hebræorum Magistris*] Est is R. ABRAHAM ZACHVT, Salmanticensis in libro *יְהוֹשִׁעַן*, in cuius lemmate scribit: *הַנְּזִירִים הַנִּקְרָאִים אֵשֵׁינוס Nasiræi, qui & Esseni sunt dicti*; quod avide arripit SERARIUS *lib. III. Tribares. cap. 8 sq.* eosdem contendens Essenos cum Nasiræis, nec abnuat e nostris VALENT. SCHINDLERVS in *Lexico Pentagl. c. 618.* *Esseni*, inquit, *dicti fuerunt נְזִירִים separati, quod remoti a conspectu hominum, rerum contemplationi vacarent, & in interiori Judæa, ad occidentem vergente, degerent.* Ista vero nominis allusio nihil conficit. Fuerint licet Esseni reapse separati, distincto quippe loco, peculiari ritu, omnique studio, a reliquo Judaicæ gentis commercio segregati. Mosaica tamen Nasiræorum ætas, divina institutio, & instituti indoles ac ratio, toto cælo diversa, reclamant. Accedit, quod Auctor noster post SCALIGERVM urget, quod Nasiræis ex lege incumberet, templum ingredi & sacrificiis vacare, a quo Esseni excluderentur.

Ad §. XXI. pag. ead.

(29) *Qui vixit tempore Aristobuli*] Hæc de Juda Hessæo observatio Auctori petita est ex *DRVSIO de Hasideis p. 29*; ubi IOSEPHVS, inquit, nullam memoriam usurpat Hesserorum in bello, quod Judas & fratres ejus gesserunt cum Syro-



*Syro Macedonibus.* Hæſſeorum mentio primum in *historia Hebraica*, & apud IOSEPHVM de *Aristobulo*, ubi de *Juda Hæſſeo*, qui prædixit eadem *Antigoni*. Quæ bene habent, aut ortum Essenorum non declarant. Non enim tunc demum, aut paulo ante, Essenos constat ortos, quando primam eorum IOSEPHVS mentionem facit, sed tum jam floruisse. In *Hasmonæorum bello* nulla Essenorum memoria injicitur, quia ea tempestate nondum extabant. *Aristobulus* autem ille A. M. 3841. aut 3845. præfuit *Judæis*, cum integris quinquaginta annis prius *Jonathan A. O.* 3793. præſſet, qui Essenos jam sibi habuit æquales, ut ante hunc *Judam Hæſſæum* dudum & ortos fuisse & floruisse oportuerit Essenos.

Ad §. XXII. pag. 34.

(30) *Quod in N. T. eorum nulla injiciatur mentio*] Sub *Pharisæorum nomine*, Essenos sæpius in *Nov. Test.* comprehensos, censet *Vir doctus*, NICOL. FULLERVS *lib. II. Miscellan. Sacr. cap. III. p. 158 sq.* Quamvis enim non dicerentur *Pharisæi*, re tamen ipsa certe *Pharisæos* fuisse. Præterea juxta *SVIDAM* hos æque, ut *Pharisæos*, a cœtu reliquorum hominum sese separasse, purissimo vivendi generi se mancipasse, & in hac re ipsis *Pharisæis* fuisse *Φαρισαϊστέρας*. Quin inter utrosque nihil intercessisse discriminis, nisi quod *Pharisæi τὸ ῥητόν*, vel literam, una cum vetustis traditionibus retinuerint, *Esseni* soli literæ, repudiatis illis traditionibus, institerint. Verum, quod pace tanti Viri dixerim, plus longe intererat inter utrosque. Tota cultus Divini ratio, quam *Pharisæi* in templo, cœtuque communi & publico, sacrificiis & legis operibus servabant, *Esseni* vero, multis superstitionibus contaminatam, & a sacrificiis remotam, inter se peragebant, reſſemat. Nec externa quædam morum similitudo, diversi instituti homines facit eosdem, aut communi statim appellationi includit: sic enim *Esseni*, per ea, quæ copiose ante disputavimus, *Pythagorei* potius, quam *Pharisæi* essent habendi. Cumque tanto temporis hiatu,

a *Sectæ ortu* ad *Servatoris nostri ætatem*, vitæ consuetudine, *κνρίαις δόξαις*, & nominis cum primis discrepantia, utrique fuissent diversi, *Evangelistæ* insigni certe sive negligentia, sive ignorantia, in tradenda historia utrosque confundissent, & *Pharisæos* dixissent, qui tunc temporis, vel IOSEPHO teste, omnibus audiebant *Esseni*. Nec magis stringunt *JOH. HELVIC. WILLEMERI* rationes, quibus in *Disp. cit. §. VII. p. 30. & §. XIII. p. 39.* eandem cum FULLERO sententiam suffulcire nititur, quod *Salvator*, qui venerat servaturus τὸ ἀπολωλός *Luc. XIX, 10.* & sigillatim perditarum ovium curam gessit *Matth. XV, 24. Luc. XV, 6.* Essenorum quoque rationem habuerit: Quia ergo cum *Essenis* congressum *Evangelistæ* nullibi memorant, cum *Pharisæis* autem sermones sæpius miscuisse, pro no hinc alveo fluere, quod sub *Pharisæorum nomine* hi nostri subinde intelligantur. Esi vero facile largior, hos quoque homines *Christum αὐτοπροσώπως* convenisse, & ad poenitentiam invitasse, nulla tamen ejus rei mentio in *Evangelistarum Codice* injecta legitur, velut alias innumera *Christi gesta & dicta* consignari studio omiſſa fuisse *Johannes* perhibet c. XX, 30, 31. cum ea solum in *Commentarios* referri, pro imensa sua sapientia, *Spiritus Sanctus* curaret, quæ seire toti omnium sæculorum *Ecclesiæ* intererat. Nequicquam præſidium commento huic querit WILLEMERS in *Matth. XIX, 3 sqq.* ubi διαρρήδην *Pharisæorum* hujusmodi meminerit *Evangelistæ*, qui per *Textus* seriem sigillatim *Esseni* mereantur dici. *Christus* enim vers. 11, 12. discipulis suis, Essenorum sententiam in medium afferentibus, ita respondit, ut contemptum conjugii, atque vanissimam de perpetuo ac univetsali cœlibatu jactantiam Essenorum, solidissimis profigaret argumentis. Sed toto cælo errat. Omnis enim de divortiis & libello repudii *Judæorum* controversia, inter duas scholas, *Schamæanam & Hillelianam* agitabatur, nec omnino ad Essenos spectabat. Vnde SELDENVS *lib. III. de uxore Hebraica cap. XXII. p. 346.* ita παραφράζει *Controversia pridem orta est inter nos gra- viſſima*

vissima de repudiis; aliis tantum ea permitti משום דבר ערוה ob rem turpitudinis, seu turpem asferentibus; sic Sammaani: - aliis או משום דבר או משום ערוה tam ob causam aliam qualemcunque, quam ob turpitudinem; sic Hilleliani. Quid igitur tu sentis? Ab his controversiis, æque ac ritibus, prorsus alieni erant Esseni. Quibus ergo fiduculis ex hoc textu extorqueas, Phariseos quidem nominari, reapse tamen Essenos indigitari? Quis porro augeretur, discipulos, homines rudes, & Sectarum inter Judæos, discrepantiæ prorsus imperitos, Essenorum de Eunuchis sententiam tenuisse, vel Christo objecisse? Quin immo, non omnes matrimonium repudiabant Esseni, sed Theoretici solum, Practicis conjugia in usu habentibus, & foventibus: quorum de matrimonio sententiam supra jam edisseruimus. Locum ergo habent rationes, ab Auctore in medium allatæ, propter quas Essenorum in Nov. Test. nomen taceri, vero fit simile.

Alia vero quæstio est: An Christum conveniunt Esseni, & meliora fuerint ab ipso edocti? Negat omnino SCALIGER Elench. tribar. cap. XX. p. 154. unquam eos sermonem cum Christo conferuisse, utpote qui in vicis remotissimis incolerent. Dubitat DRUSIUS libr. IV. de trib. Sect. cap. XIX. p. 210 sq. addens: quod si tum aliqui fuissent Hierosolyma, non est dubitandum, quin adversati fuissent Christo, æque ac Pharisei & Sadducaei. Nam zelatores erant legis, ut qui maxime. Sed hac de re nihil decerno. Forte pauciores erant, ita ut nemo eorum unquam cum Christo congressus sit. Potest etiam fieri, ut in quiete ac silentio vitam transegerint &c. Contra vero WILLEMERS cit. disput. §. XIII. p. 42. absque hesitatione affirmat, Essenos a Christo sapius cum visos, tum hereticæ pravitatis convictos esse. In tantò Scripturæ silentio, quis tam audacter affirmaverit, vel negaverit, de quo, factumne sit, nec ne? liquido non constat. Palmarium WILLEMERSI argumentum, ex Christi cum eis disputatione Matth. XIX. habita, modo profligatum fuit: nec suppetit aliud, quod rem evin-

cat. Suadet tamen prophetici muneris amplitudo ac fides, quam Deo Patri præstitit Christus καὶ ὅλης τῆς Ἰσραήλ διαλάων Act. X. 37, 38. Cumque pastor ille œcumenicus, ad oves perditas cumprimis inquirendas missus, in locis desertis sæpe fuerit commoratus, fieri potest, ut cum Essenis quoque congressus, viam salutis recte ipsis tradiderit; etsi hoc taceant Evangelistæ. Præstat itaque, & modestiæ Christianæ magis convenit ἐπέχειν, quam certo asserere, quod nequeas probare.

Ad §. XXIII. pag. 35.

(31) In Epistolis tamen Pauli multa reprehensa legas] Doctissima hæc est magni CHEMNITII observatio, qui P. IV. Exam. Conc. Trident. p. 123 sqq. de Essæorum abstinentia, & quomodo illa in Ecclesiam irrepsit, diligenter commentatus, verba Pauli Col. II. 18 sqq. luculenter declarat. Verba ipsa, licet paulo copiosiora, quia tamen sententiam istam plane exhaustiunt, huc transferre non gravabimur. Diligenter contuli, inquit p. 124. b, hunc Pauli locum ad PHILONIS illam descriptionem, & deprehendi, verba in eo loco a Paulo ita posita, ut quasi intento ad fontem digito, monstrare voluerit, quod de illo Essæisantium instituto loquatur. Quia enim PHILO dicit, quosdam ob amorem σοφίας, neglecta corporis cura, per triduum, immo per sex sæpe dies, vix degustare aliquid; hoc Paulus ita exprimit: Habent speciem σοφίας, non habentes curam corporis. Et quod PHILO dicit, ipsos σώματα ἀνάγκης non dignas ducere, quibus aliquid temporis in die tribuant; hoc Paulus vocat ἀπειθείαν σώματος, gloriabantur enim, se soli anime vivere. PHILO dicit, ipsos institutum suum vocasse θεράπειαν, h. e. cultum, & se θεραπεύτας, h. e. cultores: illud vero Paulus in eo loco ἐδελο-σθησείαν, cultum peculiarem vocat. Cumque illi se vocarent ἱερείας, sicut titulus PHILONIS habet, quasi supplices, ratione humilitatis; Paulus ideo speciem ταπεινοφροσύνης taxat. Ipsum etiam verbum δογματίσας δαί, quod Paulus ibi usurpat,



ex PHILONIS descriptione sumptum est: illa enim Essenorum exercitia vocat σοφίας δόγματα. Et illa ipsa mimesis Pauli, μὴ γεύσῃ, ne gustaris, respicit ad id, quod PHILO dicit: vix post sex dies υπογέυσθαι necessarium cibum. Sicut & vocabulum πλησμονῆς, quod in descriptione illa PHILONIS extat, Paulus eo in loco usurpat. Et quia PHILO de theoriis ipsorum grandia philosophatur, ita ut concludat, ipsos esse celi cives, ac Patri ac Creatori omnium vere assistere; ideo Paulus dicit: Inflatus mente carnis in his, quæ non vidit, ἐμβατεύων. IOSEPHVS etiam scribit, Essæos jactare nomina quedam Angelorum, ideo Paulus in illo loco Angelorum etiam mentionem facit. Cumque ἀσκησις illa multis arrideret, & magnis præconiis extolleretur; Paulus I Tim. IV. dicit: corporalis exercitatio ad modicum prodest, pietas vero ad omnia utilis est. Rationes etiam Essenorum de potu aquæ, & abstinentie a carnibus, quasi usus vini & carnum per se (aliud est enim, loqui de crapula & ebrietate) sit venenum dementiae, & irritamentum concupiscentiæ carnis: Paulus quasi ex professo refutat, cum Timotheo prescribit, ne amplius aquam bibat, sed modico vino utatur propter stomachum. & cum de cibis dicit: omnis creatura Dei bona est, & nihil rejiciendum, si cum gratiarum actione sumatur. Applaudit his, & locum Col. II. cum Essenorum instituto, pari fere ratione, contendit SCALIGER *Elenchi c. XXVII. p. 213 sqq.* quanquam CHEMNITIVM, ne quid ab eo didicisse videatur, alto silentio premit. Verum, ut hæc omnia ingeniose dicantur, IACOBYM ODE tamen permovere non potuerunt, quin in diversum discederet, quando *Commentario de Angelis Sect. IX. cap. IV. §. IX. p. 944 sqq.* Paulum potius perhibet, non Essenorum illorum speciatim, sed Judæorum sui temporis opinionibus & erroribus sese, in hac ad Colossenses perscripta Epistola, opposuisse, ab illisque eos graviter dehortatum fuisse: 1) Quod Esseni non in Phrygia Pacatiana, cujus urbs opulenta erat Colossæ, sed in Aegypto, præsertim circa Alexandriam, sedes suas haberent, ut Colossensibus de Essenis quicquam constituisse, vix vero sit

simile: 2) Quod Essenorum Philosophia ad eum modum non fuerit composita, ut Paulus ob illam Colossenses admonere necessum habuerit v. 8. μή τις ὑμᾶς ἕξει ὁ συλαγαγὼν διὰ τῆς φιλοσοφίας καὶ κενῆς ἀπάτης, cum ab omni verborum captatione, rerumque vanarum disquisitione, sedulo abstinuerint: 3) Quod in hoc Cap. plura præsto sint rerum documenta, quibus probari possit, Paulum non Essenos speciatim, sed quoscunque sui temporis Judæos taxasse & perstrinxisse, v. g. v. 4. coll. 3, ubi Judæorum circumventionem Paulus vult caveri; item v. 8, ubi Philosophiæ secundum traditionem hominum & elementa mundi, refellit deceptionem inanem; porro v. 9, 10, ubi Christum opponit templo Judæorum, in cujus sanctuario habitaverat olim Schechina, evehitque supra eorum principes; adhæc v. 11-13, ubi mentionem facit & de circumcisione spirituali, quæ opponitur illi apud Judæos sine discrimine omnes usitata: & de spirituali suscitatione, quæ sit in baptismo per fidem, atque de vivificatione, quibus hactenus destituti erant Judæi increduli; denique v. 14 - - 17, ubi Apostolus ex deletione chirographi, placitis sive ceremoniis Vet. Test. quasi subscripti, conficit, Colossenses præceptis legis ceremonialis non subiectos, festis Judæorum non adstrictos, & iudicio illorum principum non amplius esse obnoxios &c. 4) Quod illa, quæ ibidem leguntur, non tam Essenis, quam Judæis congruant: non Essenis, quia a) illi neque re ipsa, neque præjudicatis suis opinionibus in alios affectabant imperium, quo ergo spectaverit istud μηδεὶς ὑμᾶς καταβραβεύτω? b) si etæ humilitati & cultui Angelorum reapse dediti fuisse Esseni perperam dicantur: quia c) quod Paulus ait, ἃ μὴ εἶωρακεν ἐμβατεύων, εἰκὴ φυσικὸς ὑπὸ τῆ νοῦς τῆς σαρκὸς αὐτῆς, indoli ac moribus Essenorum non respondet: Bene autem Judæis. N) quia Judæi, maxime Pharisei, conabantur Christianos illius temporis subicere legi Mosaicæ, atque ita in eos imperiose agere: D) quia Judæi circa hæc tempora, animi corporisque submissioni & cultui Angelorum erant cediti:

ditū: quia 1) in hos cumprimis descriptio v. 18. quadrat. Non æquo rationes hæc omnes pondere gaudent; eo tamen animum facile inclinant, ut non tam de Essenis, hoc capite perstriatis, quam de deceptoribus cogitet ex gente Judæica, qui Apostolo ubivis negotium faceiebant, & Christianos recens conversos in suam pertrahere nassam nitebantur. Hoc IOH. BRAUNIVS *Select. Sacr. lib. I. cap. VIH. §. 137 sqq.* demonstrat; & πολυμαθέστατος WOLFIVS, ὁ μακάρι-της in *Curis Philol. ad h. l.* veri simile esse negat, Paulum Essenorum hic meminisse, tanquam quorum ratio ab ipsis Judæis vix habebatur, unde nec in Novo Test. eorum fiat mentio. Nec id agebant Esseni, ut vel alios ad suum allicerent institutum, vel Christianorum turbarent circulos; illis ut obicem ponere, suosque tam sollicitè ab eorum seductione præmonere, Apostolus opus haberet. Hinc peculiarior quoque eorum δόγματα in Scripturis ex instituto, & data opera discussa & profligata, salva in b. CHEMNITII manes pietate, negamus. Rectius hoc sane dicitur, quam quando HUMPHR. PRIDEAUX *loc. cit. p. 80.* eos ideo in Scripturis silentio præteriri tradit, quia religionem sincere, absque hypocrisis & fraudibus amplexi, anam Servatori & rationem non præbuerint, eos perstringendi, ut Sectæ reliquæ. Sat enim multa reprehensione digna, v. g. contemptum templi & sacrorum publicorum &c. in illis hæcenus animadvertere licuit, ut luculenta affatim suppetiisset occasio, eos redarguendi.

Verum gravior expedienda hic nobis venit quæstio: Numne Christus & Apostoli ex Essenorum prodierint sodalitate? Hoc Deistas sui ævi affirmare, cum stomacho refert PRIDEAUX *p. 116.* eorumque deliria mascule refutat. Fallor, an commento huic anam præbuit NICOL. SERARIUS, qui Jacobum Apostolum, quem principem Apostolorum veteres dixerunt, fatente ASSEMANO *Biblioth. Oriental. Tom. III. P. I. p. 10. b.* Essenis adscribit, quem eo nomine depexum dedit SCALIGER *Elenchi cap. XXXI. p. 259.* Certe, quæ Christianam doctrinam a religione di-

stinguunt quacunque, de Messia Servatore mundi, de restauratione generis humani per Christi mortem, de duobus Novi Fœderis Sacramentis, de spirituali Christi regno per universum orbem expanso, de resurrectione mortuorum, & quæ sunt reliqua fidei nostræ capita, frustra requiras apud Essenos; mysteriorum horum omnium imperitos ac expertes. Quam utrorumque, in communione bonorum, consensionem forte in scenam producere possunt adversarii, ea nec omni tempore, sed exiguo solum ævo, nec in omni loco, sed sola Palæstina, cui πανολεθρία proxime imminebat, nec ex præcepto, sed libera voluntate Act. V, 4. servabatur Christianis, longeque dispari inter utrosque locum habebat ratione. Morum disciplina, in quantum ex naturæ lege illa formatur & innotescit, Essenis non cum Christianis modo, sed & cum omnibus fere gentibus, cultioribus sane, est communis, inultum tamen Christiana rursus distat ab Essena. Ut taceam, incredibilem Essenorum superstitionem a Christiano cultu prorsus exulare; ut insanus sit, qui nugis istiusmodi adstipuletur. Quod sigillatim attinet ad Jacobum, eum quotidie, unum ex omnibus, in intimum templi sanctuarium ingredi, ibique genibus flexis, pro peccatis populi supplicem Deo vota facere solitum, HEGESIPPI fide memorat EVSEBIUS *lib. II. Hist. Eccles. cap. XXIII.* indeque repetit THEODORIC. RVINARTVS in *Actis primorum Martyrum sinceris p. 3 sq.* quod quam ab Essenorum instituto fuerit alienum, ex superioribus ad oculum patet. Etsi vero illa HEGESIPPI & EVSEBII traditio, sublesta laborat fide, SERARIUM tamen, qui Ecclesiasticæ antiquitati, in hoc præcipue capite, tantum tribuit, nec fugere debebat, nec obloquentem experiri.

Ad §. XXIV. pag. 35.

(32) *Quidam sunt Practici, quidam Theoretici*]. Vereor, an curate satis PRIDEAUX *p. 94.* PHILONIS mentem perceperit, quando eum Essenos Judææ & Syriæ, Practicos, Essenos vero



Aegyptiacos & ceterarum provinciarum Theoreticos perhibuisse, tradit. Nec enim tam habitatione & patria, quam vitæ ac instituti ratione, distinguuntur. Accedit, quod IOSEPHVS, qui Essenis Judææ & Syriæ familiariter usus, in his utrorumque, cum Theoreticorum, tum Practicorum, mores & præcepta tradat. Fraudi fuit viro docto PHILO, qui *lib. quod omnis probus liber*, p. 678. quo de Practicis cumprimis agit, ita habet: λέγοντάς τινες παρ' αὐτοῖς ὄνομα Ἐσσαιῶν, πλῆθος ὑπὲρ τετρακισχιλίας, κατ' ἐμὴν δόξαν, ἐν ἀκριβεῖ τύπῳ διαλέκτῳ ἑλληνικῇ παρ' ὠνυμοὶ ὁσιότητος, ἐπειδὴ καὶ τοῖς μάλιστα θεωρητοῦνται θεῶν γεγονόσιν, ἃ ζῶσι καταθύοντες, ἀλλ' ἱεροπρεπεῖς τὰς αὐτῶν διανοίας κατασκευάζειν ἀξιοῦντες. In his (Judæis Palestinam & Syriam incolentibus) quidam nominantur Essæi, circiter quatuor millia, a Sanctitate dicti, quia summa religione Deo serviunt, non mactando victimas, sed suasmet ipsorum mentes componendo ad sanctimoniam. Hic vero PHILO tantum abest, ut Practicos solum delineet, ut utriusque potius generis omnes, in Palestina habitantes, Essenos describat. Rursus BASNAGIVS *lib. II. Hist. Jud. cap. XII.* tres eorum enumerat sectas, 1) quæ vicatim habitant, & urbium, hominumque commercium fugit §. 9. p. 536. 2) quæ nihil differat a primâ, nisi matrimonii approbatione & usu, §. 27. p. 555. 3) quæ ex Theoreticis conflata religionis, mysticam sectabatur doctrinam. Postremi isti violentam quandam mentis jactabant emotionem, quam furorem divinum seu Enthusiasmum dicebant; unde porro BASNAGIVS origines eruit contemplationis Mysticorum, raptuum Fanaticorum, viæ unitivæ, & essentialis cum Deo unionis, §. 28. p. 557. Velut autem in proluxa primæ sectæ descriptione, plurima miscet, quæ ad speculativos spectant Essenos, nonnulla etiam, quæ ad mediam sunt referenda: sic διχοτομία omnino præferenda videtur, cujus limites satis apte constituit Auctor, quando 1) Practicos incoluisse urbes tradit, teste IOSEPHO, qui μία δὲ, inquit, ἐστὶν αὐτῶν πόλις, ἀλλ' ἐν ἐκείνῃ μετοικᾶσι πολλοὶ, non una ipsis urbs est,

sed in singulis multi habitant, unde porta quoque Hierosolymæ fuit, quæ Hefsenorum dicebatur, ut IOSEPHVS habet *lib. V. de B. J. cap. XIII.* circa quam haud dubie confertim habitabant; cum ex adverso Theoretici, juxta PHILONEM, κομηδὸν οἰκοῦσι, τὰς πόλεις ἐκτρεπόμενοι, διὰ τὰς πολιτευομένων χειροθεῖς ἀνομίας, vicatim habitent, urbes ob familiaria civium earum vitia fugientes: 2) Practicos rei agrariæ, pecuariæ & opificiis deditos perhibet, secundum PHILONEM, qui c. l. p. 678. statim subnectit, ὧν οἱ μὲν γεωπονεῖντες, οἱ δὲ τέχνας μετιόντες, ὅσαι συνεργαίτιδες εἰρήνης, ἑαυτὰς τε καὶ τὰς πλησιάζοντας ὠφελοῦσιν, vivunt partim ex agricultura, partim ex opificiis, ita sibi ipsis, & proximo utiles; cum Theoretici meditando precandoque vitam transigant, ut ex superioribus constat: 3) Practicos prandium & cœnam cepisse ait, ut est apud IOSEPHVM, qui panem & unius edulii scutellam singulis appositam, post præces vero, depositasque vestes sacras, ad opera sua eos rediisse memorat usque ad vesperam, ubi ad cœnam confluentes, hospites quoque, τὰς ξένας, sui scil. ordinis, si qui peregre advenierint, adducunt; cum Theoretici jejuniis se macerantes, parcissimo utantur victu. Addo 4) discrimen utrorumque circa matrimonium, quod supra expositum, hic non repetimus: & 5) diversam studiorum rationem. Theoretici divinis sese ingerebant mysteriis, & sublimissima scrutabantur arcana, tum quoque Legi Mosaicæ operam dabant, Psalmisque & hymnis decantandis vacabant: Practici vero, philosophiæ partem ratiocinatoriam, ut parandæ virtuti non necessariam, relinquebant verborum captatoribus; eam quoque, quæ naturam scrutatur, disputatoribus, ut humano captu subliorem, nisi quatenus de creatore mundi, & ejus creatione differit: in sola autem morali se exercebant, sub pædoribus legibus patriis, quas non potest concipere humanus animus ἀνευ κατασκευῆς ἐνθεῶν, absque asslatu Numinis. Discunt autem sanctitatem, justitiam, curam rei vel domesticæ, vel publicæ, verorum bonorum malorumque scientiam, atque rerum indifferentium infuper,

insuper, quid expetendum, quid contra fugiendum, quæ triplici regula examinant, τῷ τε Φιλοθέῳ, καὶ Φιλαρέτῳ, καὶ Φιλανθρώπῳ, amore Dei, & virtutis, & hominum. Præterea illi quotidie, interdum nocturne, meditationi dediti sunt, practici autem cum primis recurrente die septimo, quo in Synagoga, aliis ex libro prælegit, aliis e peritioribus, quæ obscura sunt, exponit. Cetera ut plurimum utrisque sunt communia. Addo adhuc ex PHILONE c. l. quæ de labore ipsorum observat: *Tela, jacula, gladios, galeas, thoraces, scuta, nemo apud eos fabricat, sicut nec arma cetera, nec machinas, aut aliud quicquam bello utile: immo, ne ea quidem studia reperias ibi, quibus in pace facile abutuntur homines. negotiatores, institores, naucleros ne in somnis quidem viderunt, subtrahendo materiam avaritiæ.* Porro p. 679. *Quicquid lucrantur e quotidianis operæ mercedibus, (ergo mercimonia sua vendunt) non sibi quisque servat, sed in medium conferendo, cui-cunque volenti fruendi potestatem faciunt. Tum, si qui valetudinarii nequeunt victum querere, non negliguntur, paratum habentes e publico infirmitati subsidium, quam secure sustentant ex communi copia.*

Ad §. XXV. pag. 35.

(33) *Theoreticos fuisse Monachos Christianos*] Ad gravissimam, & fere principem in toto hæc Cap. devolvimur controversiam, inter Viros doctissimos magna animorum contentione, & doctrinæ apparatu, dudum disceptatam. Effenos practicos, non quidem omnes, longe tamen plurimos, salutarem Christi doctrinam amplexos, Theoreticos vero omnes Christianos fuisse, ex instituto sibi demonstrandum sumsit NICOL. SERARIUS, lib. III. *Triberesii cap. XVII. XVIII.* Cui adstipulatur BELLARMINUS lib. II. *de Monachis c. V.* BARONIUS *Annal. ad A. C. LXIV.* PETAVIUS in *Notis ad Epiphan.* pag. 53. TILLEMONTIUS in *Commentar. Ecclesiast. Historie inservient.* T. II. P. I. p. 167. NATAL. ALEXANDER *Hist. Eccles. N. T. Sec. I. Diff. XXII.* p. 230. HELYOT in *dissertatione, præmissa Histo-*

*ria Ordinum Monasticor. religiosor. militarium &c.* BERNARD. DE MONTEFALCON in *Observationibus ad Gallicam libri Philonis de vita contemplativa versionem*, EDMUNDVS MACLOT in *Hist. N. T. Parisiis 1712. in 8.* MATTH. GALENVS libro *de origine vite monastica*: PAPEBROCHIVS in *Tract. de Patriarchis Hierosolymitanis*, qui præliminaris est Tomi III. Actorum SS. Maji, *Parergo 2. fol. 5.* ubi PHILONEM quidem e primis Alexandria Christianis, a Marco institutis, mala fide Judæos fecisse putat, in Monachis autem, five religiosis habendos esse negat. Sed & ex Reformatis THOMAS BRUNO, *Dissert. de Therapeutis*, quam PAVLVS COLOMESIVS duabus epistolis CLEMENTIS ad Corinthios, a se editis, subjecit Londini, 1687. in 8. ISAAC. VOSSIVS in *Observation. variis* p. 46. BEVEREGIVS *Codice Canonum vindicato lib. III. cap. V. & alii.* Cum ipsis fecit Scriptorum veterum auctoritas, in quibus EUSEBIUS lib. II. *Hist. Eccles. cap. XVII.* toto probare fatagit, quod in Lib. de vita contemplativa, τὰς πρώτας κήρυκας τῆς κατὰ τὸ εὐαγγέλιον διδασκαλίας, τὰ τε ἀρχῇθεν πρὸς τῶν Ἀποστόλων ἔθνη παραδεδομένα καταλαβὼν ὁ φίλων τῶν ἔργα, primos illos Evangelicæ doctrinæ prædicatores, & ab Apostolis primum traditam disciplinam, complexus PHILO scripserit: unde primorum Christianorum mores apprime ibi delineari contendit. EPIPHANIUS *heresi XXIX.* quæ est *Nazaræorum*, postquam c. IV. Christianos a Jesu, Jessæos seu Essæos dictos asseruerat, c. V. p. 120, PHILONEM diserte affirmat, quæ de Essæis peculiari libro commentatur: τῶν τὴν πολιτείαν, καὶ τὰ ἐγκώμια διεξιών, καὶ τὰ αὐτῶν Μοναστήρια ἐν τῇ κατὰ τὴν Μαρίαν λίμνῃ ἰσορῶν περιοικίδι, & περὶ τινῶν ἐτέρων ἰσόρησεν, ἀλλὰ περὶ Χριστιανῶν, illorumque vite disciplinam, ac præconia celebrat, eorumque monasteria, quæ ad Marianam paludem circumquaque posita sunt, describit, non de aliis ullis, quam de Christianis ista narrasse. SOLOMENVS lib. I. *Hist. Eccles. cap. XII.* p. 419. in Monachatus primordia inquirens, ubi PHILONIS de Essenis narrationem in compendium miserat, subjungit: καὶ ὁ μὲν φίλων.



Φίλων ὡδέπη ἰσθρῶν, ἔοικεν ὑποφαίνειν τὰς κατ' αὐτὸν ἐξ Ἑβραίων χριστιανίσαντας, ἔτι ἰσθαίνοντες. Et PHILO quidem, cum ista ad hunc modum narrat, indicare videtur Christianos sui temporis, qui ex Hebraeis conversi, adhuc Judaico more vivebant, eorumque ritus custodiebant: apud alios enim hoc vitæ genus non reperiri. Idem HIERONYMVS scribit, Lib. de Scriptoribus Ecclesiasticis, cap. XI. ubi de PHILONE Judæo, quem inter Scriptores Ecclesiasticos retulit, quod eum in scriptis suis Christianos Ecclesiæ Alexandrinæ, a Marco institutæ, celebrasse credidit, ibidemque addit: ex quo apparet, talem primam in Christum credentium fuisse Ecclesiam, quales nunc Monachi esse nituntur & cupiunt. Tantorum itaque nominum auctoritate nixi, recentiores pronunciant, descriptos a PHILONE Essæos, Religiosos fuisse Christianorum, qui S. Marci ministerio, qui primus ad prædicandum Evangelium in Aegyptum missus fuerit, e Judaismo ad fidem Christi conversi, circa Alexandriam celebres habuerint sedes.

Huic autem commento se mascule opposuerunt SCALIGER in *Elenchi* cap. XXIX. & XXX. & in *Prolegomenis* ad opus de emendatione temporum f. 22. & lib. VI. p. 538. HOSPINIANS de *Monachis* lib. I. c. 6. CHAMIER *Panstrat. Cath. Tom. III. lib. 20. c. 22.* SCULTETVS in *medulla Patrum* P. III. p. 205. DALLÆVS de *Jejunio* lib. II. cap. 4. LIGHTFOOT T. II. *Opp.* pag. 852. ELONDELLVS de *Sibyllis* lib. I. cap. VII. p. 26 sq. BASNAGE c. I. cap. XIII. p. 558. PRIDEAUX c. I. p. III. Ex nostris quoque DORSCHÆVS *Indic. iniquitat.* p. 83. THOM. ITTIGIVS *Hist. Eccles. Sec. I. cap. IV. §. 15 sqq.* PAVLVS HEINIVS integra, quam supra citavimus, disputatione, & FRID. CAR. LINCK *cit. disput. Part. II. cap. 2.* quibus accedit b. IOH. ALBERT. FABRICIVS *Biblioth. Græc. Lib. IV. cap. IV. p. 113.* quin & ex ipsis Pontificiis, HENRIC. VALESIVS in *Not. ad Eusebii* *cit. loc.* p. 34. In ceteris, quas summo jure urgent, rationibus, prægnantissimas juxta ac evidentissimas subministrat temporum ratio,

& Therapeutarum religio. Suum de illis commentarium concinnavit PHILO, imperante Claudio, quando nec Ecclesia Christiana multam jam a Domini ascensione ætatem traxerat, nec Marcus in Aegyptum adhuc migraverat, qui primus Aegyptiorum doctor omnibus haberetur. Vnde ergo Christiani in Aegypto ante prodierunt, quam Evangelium de Christo ipsis annunciaretur? aut qua ratione PHILO ad veteres statum hujus ordinis libros provocare potuit, quibus sui temporis posteri inhererint, quando c. I. pag. 691. inquit: ἔστι δὲ αὐτοῖς καὶ συγγράμματα παλαιῶν ἀνδρῶν, οἱ τῆς ἀρεσκείας ἀρχηγέται γενόμενοι πολλὰ μνημεῖα τῆς ἐν τοῖς αἰδηγορμένοις ἰδέας ἀπέλιπον, οἷς καὶ ὡς περ τισὶν ἀρχετύποις χρώμενοι, μιμῶνται τῆς προαρέσκείας τὸν τρόπον. Habent etiam priscorum commentarios, qui hujus sectæ auctores multa monumenta reliquerunt, de allegoriis ejusmodi, ad quorum imitationem posteri se accommodant. Ad institutum autem monasticum quod attinet, Paulus Eremita, teste HIERONYMO in Viri elogio, sava, quam Imperatores Decius & Valerianus excitarunt, persecutione adactus, circa A. C. 250. in cretum secessit, vitæque asceticæ primus iniit rationem, quem Antonius, celebritate nominis Pauli invitatus, in eodem imitatus est deserto. Quando ergo HIERONYMVS in *vita Hilarionis eremita*, ante Paulum Monachum in Syria visum fuisse ullum diserte negat, ut in eo genuini Monachatus natales sint quærendi, frustra jam PHILONIS ætate, in Essenis theoreticis Monachi Christiani quærentur. In EVSEBIO confutando operam cum primis posuit BASNAGE §. XI. f. 567 sqq. & quibus se implicaverit difficultatibus, studiose demonstratum dedit. Hunc autem EPIPHANIVS, SOZOMENVS, HIERONYMVS & ceteri cæci secuti sunt cæcum ductorem, qui in avia & abrupta ipsos deduxit. Reclamat etiam religio, vitæque institutum. Nam & septimum quemque diem, i. e. Judæorum Sabbathum, summa Therapeutas religione coluisse testatur PHILO, quod tamen apud Christianos abrogatum Paulus memorat

Col. II, 16. & cum Dominica die, quæ prima est hebdomadis Apoc. I, 10. permutatum, ultima testatur antiquitas; licet Christianorum aliqui septimo quoque, una cum primo, sed libere, nec ubivis locorum, feriarentur: & quinquagesimum, exactis septem septimanis, προεόρτιον μεγίστης εορτής, diem veneratos fuisse, ex κακοζήλια annorum apud Judæos remissionis & Jubilæorum, qui prorsus ignoratur Christianis. Morem porro explicandi Scripturam Allegoricum omnino ipsis PHILLO tribuit p. 691. εντυγχάνοντες τοῖς ἱερωτάτοις γράμμασι, Φιλοσοφῶσι τὴν πάτριον Φιλοσοφίαν ἀλληγορῶντες, ἐπεὶ δὲ σύμβολα τὰ τῆς ρητῆς ἐρμηνείας νομίζουσι φύσεως ἀποκεκρυμμένης, ἐν ὑπονοίαις δηλεμένης, versantes sacra volumina, dant operam Philosophiæ per manus acceptæ a majoribus, scrutando ejus allegorias, quoniam sub apertis verbis latere credunt secreta naturæ, conjecturis explicanda probabilibus, quæ in Judæorum Cabbalam quadrant, a Christiana Sacrorum voluminum exegesi procul absunt: ut taceam, quæ illa, nascentis Ecclesiæ ætate, πάτριος fit Φιλοσοφία, explicari non posse. Binæ quoque preces statæ quotidie, mane ac sub vespere, reliquum tempus omne meditationi dicatum, vita eremitica, solitudini ac cellis inclusa, ac tot præterea ἐθελοδρησκείαι, Therapeutis usu receptæ, quomodo de primævis probari poterunt Christianis? Vinum pro veneno, dementiam afferente, habebant illi: quod tamen Timotheo, ad tuendam & confirmandam valetudinem Paulus commendat. Victus eorum carnes excludit, & τράπεζα καθαρά τῶν ἐν αἵματι, mensa pura erat a dapibus cruentis, pane solum, sale, ac hyssopo contenta p. 696. quibus tamen libere vescuntur Christiani 1 Cor. X, 25. & ad Dæmoniorum referunt dogmata, religionis obtentu cavere sibi a cibis, quos Deus in hominum condidit & destinavit usum, 1 Tim. IV, 3 sqq. Vt taceam, quod mirari subit Viros doctos, qui factum sit, ut Christianorum religionem, vivendique rationem, tot tantisque laudibus ferant Judæorum versutissimi, PHILLO & IOSEPHVS, ea ætate, qua Judaicæ gentis in Chri-

stianam odium vel maxime gliscebatur? Quod superest, insignis inferenda vis erit IOSEPHO, si Christianos dicamus, quos ille ad Judæorum refert trihæresum, Essenos.

Nova, ex superiori, emerfit controversia, non æque late patens, quæ, numne Therapeutæ PHILONIS, Essæi fuerint, necne? discutit & definit. Eosdem fuisse utrosque, sed Theoreticos, cum Auctore nostro affirmamus: eandemque tenetur sententiam SCALIGER, supra laudatis locis, HOTTINGER, in Hist. Eccles. N. T. Sec. I. Sect. I. pag. 10. & in Thes. Phil. Lib. I. cap. I. Sect. V. pag. 39. BLONDELLVS loc. ante cit. SPANHEMIVS in vita Marci Evangel. T. II. Opp. p. 283. & Hist. Eccl. V. T. Opp. T. I. p. 460. plurimique nostratum. Contrarium tenent HENR. VALESIVS c. loc. ad Euseb. & Sozom. qui Therapeutas Judaicæ quidem religionis cultores fuisse largitur, Essenos fuisse negat, & ad PHOTII in Biblioth. Cod. 103. provocat consensum, qui Judæorum Philosophos duplicis generis memorat, Theoreticos & Practicos, quorum illi quidem Esseni, hi vero Therapeutæ sint dicti. Huic accessit PAGIVS Criticæ Anti-Baron. ad A. C. 64. BASNAGE Annal. Polit. Eccles. ad A. ante Dom. 2. HANCKIVS de Scripturibus rerum Rom. P. I. c. 8. p. 46. & hac nostra ætate celeb. IOH. IOACH. LANGIVS in dissertat. de Therapeutis, Halæ Magdeb. A. 1721. publici juris facta, qui tam Judæos fuisse, quam cum Essenis eosdem, data opera negat. Affirmantium assertio, & ternario nititur hæresum apud Judæos numero, bis a IOSEPHO diferte adstructo, & communi eruditorum calculo probato; & collatione inter Therapeutas PHILONIS & Essenos IOSEPHI instituta, quos facile agnosces eosdem, si ea demas momenta, in quibus practici a theoreticis abibant in diversum. Argumenta negantium sunt, 1) quia PHILLO in toto illo libro de Vita Contemplativa, nusquam illos Essenos nominat: Eodem vero concludendi modo conficies, Therapeutas sectam inter Judæos nullam constituisse, quia nuspian IOSEPHVS, in sectarum recensione, eos nominat. Quin ex eo satis constat,



stat, utrosque ad eandem pertinuisse velut familiam, quia promiscue; nunc Esseni, nunc Therapeutæ, a Scriptoribus cœvis, ejusdemque gentis, & rerum apprimè gnaris, appellatur: 2) *Esseni quidem in Judæa tantum erant ac Palestina; Therapeutæ vero per omnem Græciam ac Barbariem erant diffusi, præcipue in Aegypto circa Maræotem degebant.* Neutrum, cum exclusione ceterarum regionum, vel ex PHILONE conficies, vel ex IOSEPHO, etsi PHILO conferri in Aegypto habitasse, sedemque tantum non principem habuisse memorat, ad quam ex Judæa & Syria confluerent ejusdem homines instituti: 3) *Quia IOSEPHVS cum de Essenorum secta duobus in locis ex professo differuerit, tamen de illis Θεωρητικῶς Essenis ne verbum quidem dixit.* Ejusdem hæc ratio momenti est, cum superiore, nec ex IOSEPHI silentio nominis, res ipsa sequitur neganda. Ut taceam, Therapeutarum placita non omnino sic præterisse IOSEPHVM pede, sed promiscue de Essenis, magis tamen de Practicis, locutum, & communi utrosque Essenorum nomine complexum fuisse: 4) *Multa Therapeutis attribuit PHILO, quæ ab Essenorum secta longe abhorrent; qualia sunt de mulieribus therapeuticis, & de patrimonio, propinquis & amicis sponte relicto.* Si vero repetas, quæ de momentis discrepantiæ inter Theoreticos Essenos & Practicos, supra cum Auctore monuimus, res erit in vado. Vtrique Esseni erant, sed in nonnullis vitæ rationibus a se mutuo discedentes, geminam quasi ejusdem sectæ familiam, non alienum prorsus ordinem, constituebant. Hætenus VALESIVS. Addit celeb. LANGIVS

5) *Cultum Numinis, qui purior erat apud Therapeutas, quam Essæos.* Illos ab omni idololatriæ immunes fuisse macula, hos versus solem orientem vota patria nuncupasse; illos nullum templo Hierosolymitano honorem habuisse, hos donaria illuc misisse. Sed ab Heliolatrias labe supra ipsos purgavimus, de donariis templi utrorumque morem pariter edisseruimus: 6) *Observationem religiosam numeri, & quidem septu-*

*plici: quæ singularis fuit apud Therapeutas, & illis, ut videtur, cum Essæis non communis.* Cur vero non communis? quia ὑποθέσει δελένοντα ita videtur. Quin utrique potius, legis Mosaiæ studiosi, multum septenario, & plus interdum, quam par erat, tribuebant. Reliqua discussione non egent.

Idem tamen Vir Clariss. alii adhuc disquisitioni locum fecit, quando *Therapeutas Philosophos fuisse censet gentiles, sed Judaizantes, e variis plagæ orientalis populis, in sectariam aliquam societatem coeuntes.* Plane singularis est in eo LANGIVS, viamque insitit a nemine hætenus tritam, quando Gentilibus adscribit, quos PHILO genti suæ accenser, & Mosaiæ legis perquam studiosos perhibet, & instituta Judaica sectantes. Admodum infirmum a Philosophia ducit argumentum, quod eorum vita omnis in studio sapientiæ fuerit posita, per manus a majoribus acceptæ. Nam & IOSEPHO ac PHILONI, & Christianis usu receptum est scriptoribus, Philosophiæ nomenclatura non Paganum solum, sed Judaicum quoque, immo & Christianum sapientiæ ac meditationis studium designare. Eisdem dicto faciet IOH. CASP. SVICERVS in *Thesauro Ecclesiast. b. v. p. 1438 sqq.* ubi de singulis Philosophiæ generibus loca plurima congerit, nobisque hic otium fecit. Nec firmiori nituntur talo, quæ ex universa tractationis apud PHILONEM serie eruere pro sententiâ sua nititur argumenta, quibus ut levioribus, brevitatis studio, non immoramur. Qui autem factum est, ut DIOGENES LAERTIVS, & quotquot gentilis Philosophiæ vel historiam texuerunt, vel Sectas percensuerunt, & curatissimo in iis studio sunt versati, cum pagani Scriptores, tum Christiani, hanc sectam ignoraverint, quam unus vidit LANGIVS? Vix aliunde id provenisse potuit, quam quod illi fidem historicam, Veterumque sequerentur auctoritatem, hic vero nubem, quam pro Junone amplexus est, ornandam pingendamque sibi duxerit pro virili. Sed hæc sufficiant de Essenis.

## LIB. I. CAPVT XIII.

## DE GAULONITIS ET HERODIANIS.

Ad §. I. pag. 36.

**D**e Gaulonitis pauci admodum sunt commentati, IOSEPHVS *Antiqu. lib. XVIII. cap. I. §. 6.* SPANHEM. *Hist. Eccles. Vet. Test. Tom. I. Opp. p. 463.* BVDDEVS *Hist. Eccles. Vet. Test. Tom. II. p. 1217 sq.* BEBELIVS *Antiquitat. Evang. & Jud. Art. XII. Sect. III. p. 861.* IOH. SAVBERT. *de Sacerdot. Hebr. cap. XXI. edit. Cren. p. 692.*

(1) *Quæ improprie Sectæ vocantur*] Recte Auctor noster has duas, non tam diversas religionis sectas, Ecclesiam in doctrina turbantes, quam factiones politicas appellat, pacem publicam & quietem reipublicæ, per studia partium civilia, in discrimen adducentes. Aequè ac de Gaulanitis SPANHEMIVS pronunciat: *factio hæc potius Civilis, quam Ecclesiastica.*

Ad §. II. pag. ead.

De Herodianis vero, post Scripturam Matth. XXII, 16. Marc. III, 6. & cap. XII, 13. EPIPHANIVS *Hæresi VII Judeor. Tom. I. Opp. p. 45.* PHILASTRIUS *in Catalogo hæresium n. 28. p. 13.* VALESIVS *Annotat. ad Euseb. lib. II. Hist. Eccl. cap. II. SERARIUS lib. de Herode tyranno cap. 23.* HARDVIN *de Nummis Herodiadum p. 96 sqq.* DRVSIVS *de trib. Sect. lib. I. cap. 3, 4. & lib. I. præteritor. p. 45.* SCALIGER *Elenchi cap. I. & in Animadvers. ad Euseb. p. 163.* CASAVBONVS *ad Appar. Annal. Exerc. I. n. V. p. 34.* SPANHEM. *Hist. Eccles. Vet. Test. Tom. I. Opp. p. 462.* LIGHTFOOT. *Harm. Evangel. P. III. Sect. 16. Tom. I. Opp. p. 470. & Hor. Hebr. in Matth. XXII, 16. Opp. Tom. II. p. 354.* PETITVS *Var. Lect. lib. II. cap. I.* HEINSIVS *Exercit. Sacr. ad Matth. II. p. 99.* HOTTINGER. *Thef. Phil. lib. I. cap. I. Sect. 5. p. 44.* PELARGVS *Quest. ad Matth. p. 182.* DILHERR. *Tom. II. Dispp. p. 315 sqq.* BEBELIVS *Antiquitat. Evang. & Judaic. Art. XII. Sect. III. p. 868 sqq.* BVDDEVS *Histor. Vet. Test. Tom. II. p. 1217 sqq.* STOLBERG. *Exercit. XII. de Herodianis p. 419.* IOH. SAVBERTVS *de Sacerdot. Hebr. cap. XXV. edit. Cren. p. 700.* IOH. IACOB. IENSENIVS *disput. de Herodianis, Jenæ, A. 1668. publice proposita & ventilata. Obiter quoque & ὡς ἐν παρόδῳ, sed solide WERNSDORFIVS disput. de fermento Herodis A. 1724. §. 15. p. 18 sqq.*

(2) *Subinde nominatur Judas Gaulonites*] Qui Galilæus dicitur Judas Actor. V, 37. ab IOSEPHO *lib. XVIII. Antiquitat. c. I. Γαυλανίτης ὄνῃρ, ἐκ πόλεως ὀνομα Γαμάλα, Gaulanites homo, Gamala ortus civitate, salutatur. Hinc LIGHTFOOTVS Centur. Chorogr. ad Matth. cap. XCI sqq. in illam descendit opinionem, aliquam trans Jordanensis regionis partem, etiam Galilæam dictam fuisse, ac Galilæum & Gaulonitem æquipolluisse. Sic Petrum, Andream, & Philippum Apostolos, fuisse Gaulonitas, e Bethsaida oriundos, Joh. I, 45. & tamen Galilæos dictos. Verum IOSEPHVS Galilæam & Gaulanitin sollicite distinguit, quantumvis Judam seditiosum & Galilæum appellet *Antiqu. lib. XX. cap. 3. & Gaulaniten lib. XVIII. cap. 1.* Neque tamen eapropter integras regiones loco movendas censet HADR. RELANDVS *Palestine lib. I. p. 181.* sed dicendum potius, Judæ duplex, immo triplex hæsisse nomen, ab urbe natali, a loco educationis, & habitationis. Ad eundem etiam modum CELLARIUS *Geogr. Antiqu. lib. III. cap. XIII. p. 634.* conciliat, Judam illum patria fuisse Gamalensem, urbs autem Gamala Gaulanitidis erat, habitatione aut conversatione Galilæum.*

Hb

Erat



Erat autem Gaulanitis extrema pars terræ Basan, trans Jordanem, vergens in meridiem, & confinis Galaditidi, quæ nomen sortiebatur a metropoli, Gaulon vel Golan dicta. Contra vero Galilæa erat septentrionalis pars terræ Canaan seu Palaestina, ab extremo Syrorum limite, inter Jordanem & mediterraneum mare, ultra lacum Genesareth producta; ac dividitur IOSEPHO *lib. III. de B. J. cap. 4. εἰς τὴν ἀνω, καὶ τὴν κάτω Γαλιλαίαν.* Judæos quoque Galilæam a regione trans Jordanem semper distinxisse probat citato loco RELANDVS, & addit: *qui contra sentit, auctores veteres proferat, qui Galilææ ullam omnino partem trans Jordanem locarunt:* ut *Lightfootianum* omnino corrumpat commentum. Ab hoc itaque Judæ, seu Galilæo, seu Gaulonita, (utroque enim nomine venit,) appellati sunt sectatores ejus Gaulonitæ, qui etiam Galilæi Luc. XI, 1. dici censentur, non tam regionis notione, quam factionis, quod a partibus starent Judæ Galilæi.

Ad §. III. pag. 36.

(3) *Differunt tamen* Commode, & ex vero Auctor noster geminam & distinctam statuit ἀπογραφὴν, eam, quæ sub ortum Christi facta, Luc. II, 1. memoratur, & illam, quæ extat Act. V, 37. quia α) prior illa, Augusti jussu, circa nativitatem Servatoris, & extrema Herodis tempora, per universam, quæ Herodi parebat, regionem, non ab aliquo Magistratu Romano, singulari cum imperio missa, peracta, sed in Augusti gratiam, ab ipso Rege Judæorum Herode, instituta fuit, ut conjicit BYNÆVS *lib. I. de natali J. C. cap. III. §. IX. p. 332.* Ast posterior, decem post priorem annis, legato Archelao, peracta est, atque intra Archelai patrimonium, & Tetrarchiam solum sterit, quæ tunc in formam provinciæ redigebatur, factaque a Magistratu Romano. Quirinus enim Syriæ summo cum imperio administrandæ Præfectus, illam moderatus est. Hinc β) prior illa non Romano facta est more, sed Judaico, ut quisque ad suam, patriamque tenderet urbem, nomenque

suum profiteretur, nec adeo τῶν ἑσίων ἀποτίμησις, tributū causa instituta, sed tantum τῶν ἀνθρώπων ἀπογραφὴ fuit, ut de Judæorum viribus constaret, & quantum auxiliorum Augusto subministrare posset Herodes; quales descriptiones apud socios Reges, sociasque civitates, Romanis non infrequentes erant. Posterior, præter hominum numerum, facultatum quoque censum egit, ut tributum ejus incolis capitatum injungeretur, unde nata seditioni ratio & ansa. Vnde porro γ) prior illa silentiō prætermissa IOSEPHO, quia nihil memorabile aut extraordinarium in illa contingeret, qui tamen posteriorem multis persequitur; eaque posterior simpliciter, & sine ulla adiectione, atque κατ' ἐξοχὴν, τῆς ἀπογραφῆς nomine venit, quod omnibus esset notissima, & recentior, & ob adjunctum censum multo gravior, cumprimis autem memorabilior, propter redactam tunc in formam provinciæ Judæam. Quando autem de priori Lucas habet: αὕτη ἡ ἀπογραφὴ πρώτη ἐγένετο ἡγεμονεύοντος τῆς Συρίας Κυρηνίᾳ, laudatus supra BYNÆVS p. 324 sqq. IOH. GEORG. HARWARTVM in *Chronol. cap. 241, 242.* securus, scite vertit, descriptionem hanc prius esse factam, quam præficeret Syriæ Quirinus, ut hoc pacto prior illa descriptio Herodiana, clare distinguatur a celebri illa posteriori, quam Præfectus Syriæ Quirinus peregit. Ita ergo capiendum, ac si diceretur: πρώτη ἐγένετο πρὸ ἡγεμονεύοντος κυρηνίᾳ, ut alias apud veteres Scriptores Græcos πρῶτος sæpe pro πρότερον ponitur. Alias enim nec calculus temporum congruit, nec ordo Præfidum Syriæ, quod Herodis tempore Quirinus nemo Syriæ, Romanorum nomine præficeret. Hinc porro idem Vir doctissimus prolixè & erudite refutat HENR. VALESIVM, qui *Animadvers. ad Euseb. Hist. Eccles. lib. I. cap. V.* utramque & Lucæ, & IOSEPHI descriptionem fuisse vult unam, saltem IOSEPHVM falli, quod eam demum post relegationem Archelai contigisse existimarit. Sed ipse fallitur VALESIVS, duas diversissimas descriptiones, tempore, modo, fine, & Magistratu diversas, invicem confundens, ac pro una habens.

bens. Hinc amplissimus eruditorum virorum senatus, BEZA, IOSEPH. SCALIGER, ISAAC. CASAVBONVS, DIONYS. PETAVIVS, IOH. DRVSIVS, HUGO GROTIVS, FRIDERICVS SPANHEMIVS, & alii, pro duplici calculum tulit descriptione, utramque ab uno factam Quirino, diversis temporibus: primam superstitē adhuc Herode Magno, alteram autem post Archelai exilium, cum Judæa in provinciam redacta, Syriæ attribueretur: & ad illam peragendam, Quirinum cum extraordinario imperio in Syriam, & ipsum Herodis regnum, missum, Saturninoque ordinario ejus Præsidi adjunctum, tanquam Cæsaris Procuratorem, quem admodum Saturnino collegam datum Voluminum, idem scribit IOSEPHVS. Quod bene haberet, & priorem textus Luc. II, 1. explicationem admitteret, modo constaret, Quirinum Herode adhuc vivente in Syriam fuisse missum. Quod cum nemo Veterum, nec ipse affirmet IOSEPHVS, quibus testibus Quirinus, Archelao relegato, demum Quintilio Varo successit, & ordinario functus magistratu, annis post priorem decem, descriptionem hanc peregit, innumeræ hinc nascuntur difficultates, haud facile superandæ, nisi Lucæ verba ad eum, quem BYNÆVVS tuetur, modum exponantur. Atque ista paulo plenius declaranda censuimus, propter insignem Interpretum dissensum pariter, ac loci dignitatem.

Ad §. IV. pag. 36.

(4) *Ita se habuit*] Hanc ita tradit IOSEPHVS lib. II. de B. J. cap. VIII. §. 1. p. 160. Coponio in Syriam missō, & Archelai in provinciam redacta regione, τις αὐτῆς Γαλιλαῖος, ἰδὼς αὐτοῦ, εἰς ἀπόστασιν ἐνῆγε τὰς ἐπιχθονίους, κακίαν, εἰ φόρον τε Ῥωμαίοις τελεῖν ὑπομένοντι, καὶ μετὰ τὸν Θεὸν οἶσθαι θνητὸς δεσπότης, vir quidam Galileus, cui nomen erat Judas, ad defectionem indigenas excitabat, ignavos dicens, si Romanis tributum pendere sustinerent, & post Deum mortales dominos agnoscerent. Censum enim il-

lum liberæ genti imponi, indigne ferebat Judas, servitutis Judæorum testem causatus, hinc tributa Romanis persolvenda, Cæsarem pro Domino habendum, aut pro ejus salute preces fundendas negans, ad gravissimam populum excitavit seditionem, specie quidem libertatis, re ipsa autem, ut IOSEPHVS advertit, οἰκείων κέρδων ἐλπίσι, privati lucri studio.

Ad §. & pag. eand.

(5) *Gaulonitæ, & etiam Galilæi*] Quo sensu & respectu utrumque obtineat nomen, ad §. II. observavimus. Numne verò peculiarem Gaulonitæ inter Judæos sectam constituerint, ambigue disputatur. Liquido affirmat IOSEPHVS *Antiqu. lib. XVIII. cap. 1.* ubi præter tres istas, Phariseorum, Sadduceorum & Essenorum memoratas a se sectas, addit: τῇ δὲ τετάρτῃ τῶν Φιλοσοφῶν ὁ Γαλιλαῖος Ἰδῶς ἡγεμῶν κατέστη, τὰ μὲν λοιπὰ πάντα γνώμῃ τῶν Φαρισαίων ὁμολογεῖσιν, δυσκίνητος δὲ τῷ ἐλευθέρῳ ἔργῳ ἐστὶν αὐτοῖς, μόνον ἡγεμόνα καὶ δεσπότην τὸν Θεὸν ὑπεληφότες. Θανάτων τε ἰδέας ὑπομένουν παρεληλαγμένους ἐν ὀλίγῳ τίθενται, καὶ συγγενῶν τιμωρίας καὶ Φιλῶν, ὑπὲρ τῶν μηδέναν ἀνθρώπων προσαγορεύειν δεσπότην. quartam introduxit Judas ille Galileus, hominum qui ceteroquin cum Phariseis sentiunt, sed libertatem sic amant, ut eam mordicus tueantur, Deum unum pro rectore & Domino habentes. Varias etiam mortes subeundas, cognatorumque supplicia & amicorum nihili faciunt, dummodo hominum neminem Dominum appellent. Vnde ultro intelligitur, nihil prorsus eos in religione innovasse, sed a Phariseorum stetit partibus, modo avitam tueri libertatem, Romanorumque amoliri jugum conatos, peculiarem composuisse societatem, cui venerabile Dei, ejusque imperii, prætexerent nomen. Seditionis itaque hominum globus potius, quam secta erat in Ecclesia. Porro Zelotæ nuncupati, per quos tandem pessundata fuit respublica Judæorum.



Ad §. V. pag. 36.

(6) *Quem sacrificiis ipsorum miscuit Pilatus, Luc. XIII, 1.* Nec hoc certum adeo & exploratum est, ac tradit GOODWINVS. Sunt enim, qui de Samaritanis accipere malunt, & de tumultu ad montem Garizim excitato, de quo IOSEPHVS lib. XVIII. *Antiqu. cap. V.* Nihil tamen vel hic legitur de sacrificiis, vel apud Lucam de Samaritanis, breviter, summoque cum iudicio observat SPANHEMVS, rem in medio relinquens. Cum prioribus tamen facit RICH. SIMON in *Notis ad vers. Gallic.* Ab utrisque discedit πολυμαθέατος WOLFIUS noster *Chris Philol. ad b. l.* homines istos non a Juda Galilæo, tanquam coetus sui primipilo appellatos censens, sed a patria Galilæos dictos, & præter omnem suam culpam neci datos esse. Quotiescunque enim in Nov. Test. memorantur Galilæi, toties intelligi observat homines vel gente, vel educatione, vel commoratione Galilæos: Christum vero vel eo nomine nuncium de cæde eorum allatum esse, quod & ipse talis esset. Immo Servatorem nostrum vers. 2. trucidatos hos cum reliquis Galilæis comparare, qui cum de aliis accipi non possint, quam de civibus patria Galilæis, etiam istos de his interpretari fas esse ducit. BERN. LAMY *Comment. in Harmon. Evangel. lib. IV. cap. 1. p. 300.* copiose in hanc historiam inquirens, tandem concludit, istam Pilati stragem editam fuisse in viros seditiosos, Judæ Galilæi quidem sectatores, quos in ipso Templo, mactando agno paschali intentos, Pilatus occiderit, cum ceteros Judæos, ne tributa Romanis penderent, seditiosis vocibus concitarent. Verum, si paulo curatius ad circumstantias attendimus, factum hoc non fuisse patet in Judæ Galilæi seditione, in qua Pilatus nondum provinciam rexit, sed Coponius: nec in motu Judæorum, ob signa, Cæsaris effigie conspicua, Hierosolymis illata constituto, ubi non cum Galilæis agebatur, nec inter sacrificia versabantur Judæi, nec in Samaritanorum tumultu, juxta Thirathabam, cum non Galilæorum, sed

Samaritanorum ista esset collectio, nec uspiam Galilæorum nomine Samaritani veniant. Fuisse ergo colligit DORSCHÉVS *interpellationis c. TRI-GLAND. p. 220 sq.* factum particulare, historiæ profanæ non annotatum, quo in Galilæos nonnullos, seditiosa agitantes forsitan ex vetere instinctu consilia, inter sacras operationes, Pilatus animadvertit paulo ante, quam istud Christo referebatur. IOH. REINHARD. RVS *Harm. Evangel. lib. V. P. I. Sect. 2. cap. XV.* post discussas ceterorum sententias, in ea demum acquiescit, quoniam Galilæi ad rebellandum magis proni erant, quam reliqui Judæi, contingere potuisse, ut his scelus, quod machinabantur, ἐγγυδιώκται id ausuri, sacrificio prius oblato, Numineque velut propitio id suscipere voluerint, quod tempestive rescivit Pilatus, eosdemque jugulavit sacrificia immolantes, atque sic bestiarum hominumque cruorem miscuit. Vtrique hæc posterior jungi poterit conjectura, neque tamen ad liquidum rem perduces, cum progredi ulterius non detur.

Ad §. VI. pag. 37.

(7) *Herodianos Hereticis accensent*] Herodianorum nota

α) Appellationem, quæ ab Herode aliquo ortum trahit, incertum autem, a quonam. Tres enim Herodes memorat historia sacra, quorum I. Herodes Magnus, & a patria Ascalonita, a facinore Infanticida dictus, filius Antipatri. II. Herodes Antipas, qui pariter Marc. IV, 14. Rex salutatur, Tetrarcha autem Galilææ, & regionis quoque trans Jordanem fuit, Ascalonitæ filius, qui Herodiadem rapuit, eaque de causa Johannem decollavit Baptistam. III. Herodes Agrippa, Herodis Magni ex Aristobulo filio nepos, qui Jacobum interemit, & Petrum carcere clausit Act. XII, 1. Qui a postremo nomen manasse censent, temporum repugnant rationi, quod illa tempestate, qua Christus ab Herodianis tentabatur, Agrippa imperio nondum esset admotus. Rectius sentiunt, qui ad Herodem Magnum, seu Ascalonitam, nominis referunt originem: & gra-

ver. causa sunt, cur ne dubitari quidem debere putem, ab Herode M. & nomen, & originem istos habuisse, iudice CASAVBONO c. l. p. 35.

β) Genus, quod in tres classes dispescunt doctores, ut vel gentem peculiarem, vel vitæ statum, vel religionis sectam, Herodiani designent. Gentem illos constituit DRVSIVS in præterit. ad Matth. XXII, 16. & in Commentario poster. ad voces Novi Test. cap. XXIII. Græcos perhibens, ab Herode, qui primus eos ex deserto ad locum habitatum traduxerit & educaverit, appellatos, qui in sectam redacti & Herodis natalem celebrarent, & eundem Messiam esse crederent. Ridiculo errore ex יוני הרסיאות columbis domesticis, sive cellaribus, Græcos fabricans Herodianos; quo ipsum nomine copiose & graviter castigavit BUXTORFIVS Lexic. Talmud. voce הרסי / הרסי fol. 630 sqq. Nominis celebritate DRVSIVS in eundem rapuit errorem BEZAM Not. majorib. in cap. XXII. Matth. Vitæ statum hoc nomine notari censent omnes, qui vel milites Herodis, vel aulicos & ministros ejus denotari putant: de qua sententia mox pluribus dispiciemus. Qui denique Sectam ex illis conflarunt, varia iisdem Πορνεῖα ἀνέσματα attribuerunt. N. Quod vel omnino, vel ex parte Sadducæis fuerint additi. Ita tradunt CORN. IANSENIVS Concord. Evangel. cap. 64. CONSTANT. L'EMPEREUR Annotat. in Bertram. de Republ. Hebræor. pag. 437. BEZA Not. major. ad Matth. XXII. GROTIUS in eund. loc. & alii. Quo autem minus huic subscribamus sententiæ, cum diserta eorum a Sadducæis distinctio Matth. XXII, 16. coll. 23. tum dogmatum diversitas prohibet, quod resurrectionem Sadducæi prorsus negarent, Herodiani, teste PHILASTRIO, confiterentur.

Ad §. VI. pag. 37.

(8) Herodem M. haberent pro Messia promisso] Hoc ἡ. dogma est, quod magno Patrum ac recentiorum consensu ipsis assignatur. Ita quippe TERTVLLIANVS de præscript. Hæretic. cap. 45. EPIPHANIVS supra cit. THEO-

PHYLACTVS in cap. III. & XII. Marc. EUTHYMIUS in Matth. XXII. VICTOR ANTIOCHENVS in Marc. XII. rursusque MENOCHIVS l. III. de Republ. Hebr. c. 16. p. 325. BARONIVS Apparat. ad Annal. Eccles. pag. 3, 7, 8. CASAVBONVS Exercitat. I. c. Baron. n. 5. IOSEPH. SCALIGER Animadvers. ad Euseb. p. 162. GROTIUS in cap. XVI. & XXII. Matth. & alii. Hi omnes Herodianorum κυρίαν δόξαν existimant, Herodem M. fuisse Messiam, τὸν ἐν πάσαις γραφαῖς νόμος τε καὶ προφητῶν προσδοκώμενον, ut EPIPHANIVS habet: quod in illo Judaicorum Regum successio finem habuerit, juxta promissionem Gen. XLIX. Jacobo factam. Quin & HIERONYMVS, licet in cap. XXII. Matth. sententiam istam, tanquam ridiculam perstrinxisset, tamen dialogo contra Luciferian. c. 8. Tom. II. Opp. p. 170. idem affirmat: Taceo de Judaismi hæreticis, inquit, qui ante adventum Christi, legem traditam dissiparunt: quod Dositheus Samaritanorum princeps, Prophetas repudiavit: quod Sadducæi, ex illius radice nascentes, etiam resurrectionem carnis negaverunt: quod Pharisei a Judæis divisi propter quasdam observationes superfluas, nomen quoque a dissidio susceperunt: quod Herodiani Herodem Regem susceperunt pro Christo. Ut vero taceam, hos omnes sublestam Patrum, ab Herodianorum ætate longe diffitorum traditionem secutos, nullo firmo niti fundamento; omnem profecto superat fidem, Judæos eo prolapsos dementiae esse, ut hominem alienigenam, nec Judæum, agnoscerent pro Messia, quem e tribu Juda, & quidem e progenie Davidis oriturum, Sacri Codicis noverant auctoritate Matth. XXII, 42. CASAVBONVS quidem & GROTIUS negant Herodem ἀλλόφυλον fuisse, quem STRABO lib. 16. ἄνδρα ἐπιχώριον, hominem Judæorum popularem dicit, & qui ipse apud IOSEPH. lib. XV. Antiqu. c. 14. proceres Judæorum in concione ἀνδρας ἐμοφύλους, ejusdem secum gentis appellat, quippe qui patrem & avum ex Idumæis Judæos factos, seu Ἰσδαωμένους habebat. Verum enim vero talem Profelytum pro Messia Judæi certe non expectabant, sed qui esset ex semine Davidis, &



ex radice Jessæ. Accedit, quod Herodes M. tum ob infanticidium, tum ob nimium Romanis placendi studium, tum ob exstructum templum Samaritanum, Judeis nimis esset exosus, ut pro Messia eum nunquam essent excepturi. Et quamvis aliqui ipsum, quamdiu in vivis esset, adulandi forte animo, pro Messia venditarint, omnem tamen excedit fidem, etiam post Regis obitum, hanc infedisse insaniam adulatorum animis, ut sumitis ad sacrificia, quod SCALIGER affirmat, in honorem Herodis obeunda, & ejus natalem colendum facerent, duraveritque hæc *Φαργὰ* tam longo post ejus funus tempore, cum res ipsa satis argueret, Herodem non fuisse Messiam, siquidem omnibus tunc temporis erat persuasum, Messiam in æternum duraturum, nec morti obnoxium futurum, Joh. XII, 34.

Ad §. VI. pag. 37.

(9) *Natalem diem superstitiosis sacris & festivitatibus* ] Hoc est, quod huic sectæ impingitur, cuique fidem facere videtur *Glossator PERSII ad Satyr. V. v. 180 sqq.* ubi in Scholiis, quæ vulgo ANNAEI CORNVTI habentur, ita commentatur: *Herodis diem natalem Herodiani observant, ut etiam Sabbathi, quo die lucernas accensas, & violis coronatas, in fenestris ponebant.* Unde PITHOEVS ad eund. loc. Hinc illa lucem accipient, inquit, quæ de Herodianis in S. historia legimus Matth. XXII. Marc. XII. Sed Interpretem hic mentem PERSII non affectum censet SAM. PETITVS *Var. Lect. lib. II. c. I.* ex cujus mente Satyricus non agit de Judæorum sectariis, sed de iis, qui Romæ Judaicam superstitionem amplectebantur, & dies feriatos aut festos gentis Judaicæ religiose observabant. Dies autem Herodis dicit PERSIVS, quod Herodes Rex, una cum posteris, Romæ satis notus & longe, quam Judaici ritus, celebrior, Judæorum genti nomen notamque facile conciliabat. Ut taceam, quod scire monuit Auctor, natalem Herodis M. festo quotannis ritu, etiam post Regis fata, celebratum universam ignorare antiquitatem, & in

*ὑποθεσέως* gratiam frustra fingi ab ejus patronis.

Ad §. VIII. pag. 37.

(10) *Certos gnathones in aula Herodis* ] Redit hic Auctor ad statum hominum, eamque proponit sententiam, quæ nobis vel maxime probabilis videtur. Fuerunt quippe Herodiani ministri Herodis, velut olim Antipatri, ita post hæc Herodis Antipæ, familiares ac domestici ejus, quo sensu alias βασιλικοὶ dicuntur Joh. IV, 46. aut οἱ ἐκ τῆς καίσαρος οἰκίας Phil. IV, 22. Ex ea quidem tempestate, Matth. XXII. homines de domo Herodis Antipæ, Phariseorum precibus locum facile dederunt, ut ad Christum una cum ipsis abirent, & si qua pote, captiosa eum quæstione illaquearent. Hinc Syro *ܐܘܬܝܬܐ ܕܗܪܕܝ* qui erant de domo Herodis, b. CHEMNITIO Palatini Herodis ab Aula Regis, vel Palatio dicuntur. Adeoque non secta quædam, nec factio fuit, ut Gaulonitæ, sed hominum status, ab officio, quod obibant, & ab hero, cui ministeria præstabant, nomen sortitus. Eos autem novam quandam religionem, ex Judaismo & Paganismo conflata, inolitos vel professos fuisse, quod ex nostris b. GERHARDVS Harm. Evangel. cap. CLIV, Belgæ in Notis ad suam versionem Bibliorum prioribus de An. 1589. & alii tuerentur, & Auctor noster addit, neutiquam apparet, omnique Veterum suffragio destituitur.

Ad §. IX. pag. 37.

(11) *Qui dimicabant pro censu Cæsari dependendo* ] Est hæc HIERONYMI, a SAM. PETITO adoptata sententia, homines hos servos fuisse, sive liberos Herodis & Archelai, qui tributis exigendis præerant. Sed minus verisimile videtur, exactores tributorum a Phariseis ad tentandum Christum fuisse adductos, cum sic facile fraus patuisset. Præterea distinctæ ditiones Herodis & Pilati non admittunt, ut Herodis exactores tributum colligerent Hierosolymis.

folymis. Maxime cum de pendendo tributo Cæsari quæratur, quod ad Herodianos tamen nihil plane attrinebat. Et quomodo Archelai servi tributis exigendis præfuisse potuerunt, postquam ipse Viennam missus fuit in exilium, ejusque familia fisco adjudicata? ut est apud IOSEPHUM lib. XVII. c. 15. Quæstionem autem de tributo, Christo movent utrique, ut si Servator pendendum negaret, hi statim ad Herodem deferrent, atque sic Christus capitis periculum incurreret, cum ditioni Herodis esset subiectus Luc. XXIII. 7. sin autem affirmaret, Pharisei populi Dei libertatem ei obicere, & invisum populo reddere possent. Quocunque ergo se verteret Dominus, in casses ipsorum prolapsurum credebant, quos ipse tamen pro immensa sua sapientia, responso prudentissimo feliciter elusit.

Ad §. IX. pag. 37.

(12) *Cavete a fermento Phariseorum & Herodis* ] Duo sunt, quæ ad h. l. monere operæ est pretium, alterum lectio, alterum sensus. Sunt, qui pro *Ἡρώδης* legunt *τῶν Ἡρώδιανῶν*. Verum & contra probatorum Codicum fidem, quod ex MILLIO constat, & præter mentem dicentis. Duo quippe diversa fermenti genera

caveri volebat, alterum quidem Phariseorum in schola, alterum Herodis in aula; alterum in doctrina publica, alterum in consuetudine & disciplina privata. Ergo non Herodianorum, sed Herodis fermentum suspectum illis reddebat. Hoc autem posterius *ἀνγίστατος* WERNSDORFIVS laudatæ supra disput. §. 34, 35. curate persequitur, & nil aliud fuisse evincit, quam Indifferentissimum, cum Pseudo-Politicismo, vel Machiavellismo conjunctum. Enim vero religionem omnem externe simulare, interne omnem ridere, vel etiam ex omni religione id, quod allubescit, aut spem utilitatis præbet, eligere, nullum inter veram & falsam religionem, sectarios & orthodoxos, discrimen agnoscere, veram fidem cum solida pietate insuper habere, honestatis tamen & sanctimonie speciem præ se ferre, ab aliisque exigere, religionem ex utilitate metiri, profundamque aliquando malitiam externæ pietatis ostentatione obtegere, prout denique spes commodi suggerit, omnium sese voluntatibus dare; id omne sigillatim de Herodianum moribus probaverat, & nervos atque artus esse demonstrat totius Indifferentissimi, cum Pseudo-Politicismo conjuncti, & omni ex parte fermenti alicujus indolem imitari, gravissime docet. Hoc itaque sibi vult fermentum Herodis.







# ANNOTATIONES

AD

LIBRVM II.

DE LOCIS.

CAPVT I.

DE TEMPLO.

Ad §. I. pag. 38.

**J**ubetur *Moses exstruere Tabernaculum*] Tria Tabernacula Sacra, cultui V. T. dicata, memorat Scriptura. a) Mosaicum prius, quod in deserto procul a castris, Moses exerebat. Hoc velut tentorium quoddam castrense, & quasi Prætorium erat, ante exstructum solenne hoc, de quo hic agimus, Tabernaculum, quod ipsum tamen pariter Exod. XXXIII, 7. *מִוֶּעַר* *Tabernaculum conventus* dicebatur, quia non tantum Deus ibi cum Mose congressus est, & gloriam suam Israelitis conspiciendam præbuit, verum etiam populus eo confluebat, si quid, religionis vel justitiæ causa, cum Mose agendum foret. Post *μοσχολατρείαν* enim Deus populo ita irascebatur, ut in columna nubis a castris recederet, & procul a populo, in deserto quasi figeret sedem. Huc itaque Moses Tabernaculum quoque transferebat extra castra, cui incumbere columna nubis, ex qua cum Mose loquebatur Deus, spectante & se incurvante populo coram Jehova. At in hoc tentorio neque cultus peragebatur sacrificiis, nec

populus ad illud adorabat, sed Dominum consulturus huc solum conveniebat, & oracula a Mose reddita percipiebat. β) Davidicum in monte Zion, quod arcæ fœderis tetenderat David, eam ut, magno cum tripudio ex ædibus Obed Edom accitam, juxta se collocaret 2 Sam. VI, 17. & 1 Chron. XVI, 1. Hoc tentorium nihil aliud, quam arcam fœderis continebat: altare autem holocausti cum universo cultu publico & solenni, Gibeone adhuc erat, ubi Tabernaculum conventus seu fœderis subsistebat, 1 Chron. XXII, 29. ubi etiam posthæc sacrificabat, Deoque supplicabat Salomo, 2 Chron. I, 3 sqq. Vnde intelligitur, cultum publicum non tam ad arcam, & locum, quo asservabatur illa, quam ad altare holocausti, & Tabernaculum fœderis Mosaicum, fuisse affixum. Quod autem BERNARD. LAMY lib. III. de Tabernaculo, de S. Civitate, & Templo ejus, sect. III. p. 341. tradit, Davidem non coram arca juxta ædes suas, nec in excelsu Gibeonis, ad tentorium fœderis, sed in area Arafne in monte Morijah, ubi postea Templum conditum est, immolasse & sacrificiis Deum placasse, id cum historia deportationis arcæ in domum suam 2 Sam.

2 Sam. VI. & 1 Chron. XVI. oppido pugnat, ubi, præter unicum illud sacrificium in Morjah, diserte memorantur sacrificia Davidis, eorum arca & tentorio eidem erecto, in monte Zion oblata. Ersi ergo cultus publicus, statusque in excelso Gibeonis persisteret 1 Chron. XVII, 39. 40. dubium tamen non est, quin cultum domesticum, quoad domi & Hierosolymis esset David, in hoc tentorio & coram arca peregerit, sapiusque ibidem sacrificaverit, donec tandem illa in recens exstructum Salomonis templum deferretur. Posthæc vero, quid de hoc tentorio Davidico sit factum, amplius non liquet. Forte & idem in thesauris templi, æque ut Tabernaculum fœderis, fuit asservatum. Privato ergo cultui Davidis & familiæ ejus, hoc Tabernaculum inserviebat. γ) Mosaicum denique, quod Tabernaculum Fœderis passim audit, & divino jussu, atque ad exemplar in monte ostensum, Moses ex voluntariis oblationibus paraverat, multaque eum pontipa erexerat, quodque tempore medium est inter duo memorata, istud quia ab Auctore nostro nimis tenuiter ac frigide tactum fuit, nos paulo copiosius delineabimus. Cujus proinde notamus.

I. Appellationem & encomia. Exod. XXVI, tot. & XXVII, 9-19. מִשְׁכַּן *habitationem* & אֹהֶל *tentorium* passim vocatur, cum primis vero cum adjuncto מוֹעֵד אֹהֶל *tentorium conventus*, quia eo populus ad Sacra publica convenire solebat Exod. XXX, 13. & XL, 22. etiam אֹהֶל עֵדוּת *tabernaculum testimonii*, Num. XVIII, 2. quod tabulas legis, in quibus Deus de voluntate sua testatus fuerat, contineret, ibique Deus perpetim restaretur, suæque ederet oracula. Hic subdoletritur BERNARD. LAMY c. 4. cap. III. sect. 3. p. 345. & corruptionis Hebræum Textum insinuat, ac si olim legerit אֹהֶל הָעֵדוּת, quia & Græca versio σκηνή μαρτυρίας, & Latina *tabernaculum testimonii* habet, at hodie in fontibus est אֹהֶל מוֹעֵד. Quæ sit verior lectio, vix dijudicari posse censet, atramen putat, vetustissimam, eamque verissimam esse illam, quæ expressa sit in versionibus. Quemadmodum autem perversis-

simum & falsissimum de lectione Textus Sacri judicium est, quod ex versionibus, paulo aliter legentibus petitur, quod contra ΕΥΔΟΝ. CAPPELLVM toties probatum fuit: ita, cum promiscue utramque appellationem Textus Hebræus usurpat, mirum non est, in versionibus quoque utramque promiscue adhiberi. Maxime autem ἐγκωμασινοὶ sunt tituli, quando Exod. XXV, 8. a Deo ipso מקדש *sanctuarium* dicitur, Græcis ἀγίασμα, in quo habitaturum Dominus pollicetur: porro יהוה יקדש *ἐξὸν Φογῆδον*, ut PHILO habet, tum quoque יהוה משכן *habitationem* *Jehova*, quod veluti Rex, ibi suam aulam, שכנה *sedem & thronum* haberet Exod. XXV, 8. XXVI, 1. Num. XVII, 13. Quo refer elegantissimam comparisonem Regiæ cum Sanctuario, ex Schem Tobh, apud EVIL. OVTRAM lib. I. de Sacrificiis cap. 3.

II. Preparationem, quæ hinc structuræ typum, hinc apparatus complectitur. Moses enim, ne quid circa illud suo indulgeret ingenio, universam ejus structuram, dimensiones & partes, curate sibi descriptas, & velut in idea & exemplari delineatas, ob oculos habuit, sollicite cavere jussus, ne a typo illo uspiam aberraret Exod. XXV, 9. 40. XXVI, 30. Vbi vero perquam est simile, Deum eo ipso tempore, quo rem quampiam faciendam verbis Mosi describebat, ejus simul oculis imaginem rei exhibuisse, hinc postquam singula, quæ facienda injunxerat, exposuisset, sub finem addit v. 40. *inspice harum rerum imagines, & omnia fac secundum exemplaria, quæ tibi conspicua facta sunt in monte.* Quæ observatio triplicem præbet usum: Typicum, quem Paulus Hebr. VIII, 5. docet, quod Tabernaculum universum typus foret rerum cælestium; Moralem, ut omnem in cultu rebusque sacris ἐθελοθρησκείαν cavere discamus, cum nec familiari Dei Mosi, nec sapientissimo mortalium Salomoni, in extruendo sanctuario integrum fuerit, ad suum quicquam componere ingenium, sed in minutissimis instructionem & imaginem a Deo sibi communicatam, necesse fuerit sequi; Elencticum contra eos, qui cum



MARSHAMO & SPENCERO existimant, Israelitas non aliud exemplar secutos in componendo sanctuario, quam templa, quæ oculis suis usurpaverant in Aegypto, aut quæ viderant apud Gentes: quam controversiam paulo post enucleabimus. Apparatum pretioso huic habitaculo præbebant voluntariæ populi oblationes, qui a Mose admonitus, ex spoliis Aegypti & suis met facultatibus, ultro copiose offerebat, quicquid ad omne hoc requirebatur negotium Exod. XXV, 1 sqq. Undecim donariorum genera ibi recensentur, auri, argenti, æris, hyacinthi, purpuræ, cocci dibaphi, byssi, pilorum e capris, pellium e melibus seu taxis, pellium rubicundorum ex arietibus, & lignorum Sittim. Præterea quoque ad vestitum Pontificis & Sacerdotum, ad oleum unctionis, ad sacrum thymiana, ad oleum candelabri, plures adhuc requirebantur gemmarum, aromatum ac olei species, liberalitate populi large subministratæ. Accedebat indictum populo tributum, dimidium sicii sacri, Deo ceu Regi pendendum, instituto Israelitarum omnium, a nato annos XX. & ultra, censu, nemine præter mulieres, infantes, ac servos excepto. Demum ad præparationem quoque spectant artifices, quos suo Spiritu, quem Judæi שפץ *virtutem* & *influxum divinum*, R. SALOMO quoque שכינה appellant, Supremum instruebat Numen, singula ut dextre & ingeniose elaborarent. Quin & suam conferebant operam mulieres, artis textoriæ, artis nendi & acu pingendi, tingendi, & componendi hyacinthum, purpuram, ac reliqua, apprime peritæ. Confer Exod. XXXV, 25. XXXVI, 2.

III. *Compositionem & structuram.* Componebatur hoc Tabernaculum 1) ex asseribus, auro undique obductis, & per vectes, ansulis transversim immixtos, junctis, ut quoties e re erat, erigi & dissolvi commode posset: 2) ex decem cortinis byssinis, purpureis, coccineis, artificiosissime fabricatis, & per laqueolos combinatis: 3) ex tentorio superiori, quod undecim componebant cortinæ caprarum: 4) ex tegmine, e pellibus arietum rubefactis, & e pel-

libus taxorum constante: 5) ex velo gemino, quorum interius, פרכת inter Sanctum & Sacrosanctum distinguebat, exterius vero ostio Tabernaculi obtendebatur: Illud Paulus τὸ δεύτερον κατὰ πέτασμα Hebr. IX, 3. dicit, cum hoc τὸ πρῶτον, prius & exterius esset, quod מסך audit: 6) ex atrio, quod cortinis byssinis, quinque cubitos in altum surgentibus, & ex columnis suspensis, cingebatur. Sic dimensio tabernaculi XXX cubitos in longitudine, XII in latitudine, & X in altitudine habebat: atrii vero longitudo C cubitis, & latitudo L protendebatur. Elegantissimam & Tabernaculi, & structuræ, omniumque partium ejus, delineationem æri incisam, oculis subjicit BERNARDVS LAMY, supra laudatus ad col. 355. Cui junge ADRIAN. A CATTENBVRCH, qui in *Syntag. Sap. Mos. lib. II. cap. V toto*, pag. 133. sapientissimam tabernaculi fabricam laudibus evehit, nec nisi divina ope perfectam fuisse, contra SPENCERVM tueretur.

IV. *Vindicias a criminationibus MARSHAMI & SPENCERI.* Hi enim, ne qua forte occasione suæ deessent sententiæ, Templi tam portatilis, quam fixi, in populo Dei originem, a Judæorum ruditate & gentium præcarum usu arcesunt: quod operose probare satagit SPENCERVS lib. III. de *Legibus Hebr. ritual. Dissert. VI. pag. 820 sqq.* octo cum primis rationibus: 1) A summa inter Gentiles templorum antiquitate, Tabernaculum multo antevergente, unde opinari liceat, Deum Judæis, cultus inter Gentes recepti formam impotenter expetentibus, ex more Gentilium templum indulsisse: 2) Ab essentiali Templi conceptu, qui sit, ut Dei habitaculum & domicilium credatur. Ideo Ethnici antiquiores, ex quorum ingenio Hebræorum vulgus sit æstimandum, templa sua plurimi fecerunt, quod eorum ope Deos semper in propinquo haberent, & si usus postularet, facile ac familiariter adeundos. Quid autem Deus, aut Angelus, Dei vicem & nomen gerens, in templo manu facto habitaret, nisi ut semet ipsum accommodaret ad populi puerilis & increduli modulum, qui Deum in proximo agentem, & rebus precibus-

cibusque suis, modo sensibili præsentem, postulasse videatur? 3) E dictis Scripturæ, quibus Deus negatur templo includi posse. Ita nimirum Gentilium fuisse opinionem, quasi Deorum potentia & gratia loco alligata sit, & ipsi ædium sacrarum septis includerentur. Ne itaque populus Israel, una cum Templo, hunc Gentium adoptaret errorem, & prout Athei Deum in cælo, sic Israelitæ Deum in Templo, clausum & circumscriptum somniarent, idcirco toties protestari & negare Scripturam, Deum in templo habitare, cum cæli cælorum non capiant eum, 2 Chron. II, 6. 1 Reg. VIII, 27. Jes. LXVI, 1. Act. VII, 47, 48. 4) E spontanea Templi utriusque erectione. Tabernaculum nullo explicato Dei iussu, sed populi præcipue studio ac voluntate esse erectum, Deumque id potius permisisse, quam præcepisse Exod. XXV, 1 sqq. Quin & Tabernaculum inter sacra illa plurima esse numerandum, quæ Deus solummodo toleraverit, & ex Aegypti ritibus in suum transfulerit cultum. Quia enim Amos V, 26. ait: *tulistis tabernaculum Moloch*, hinc colligi, ne Israelitæ, moribus Aegyptiis addicti, tabernaculum Molecho facerent, illudque ritu gentilitio & triumphali circumferrent; ideo Deum iis permisisse, Tabernaculum struere, & in ipsius honorem circumferre: 5) A religionis ethnicæ moribus & institutis. Gentium antiquiorum religioni congruum esse, ut templa primum inter eas usum & originem invenisse censeantur. Illas quippe heroas fato sanctos inter Numina retulisse, templaque & simulacra dedicasse. Cum itaque gentes antiquiores heroibus suis, haud ita pridem divinitate donatis, cultum exhibuerint, hinc ipsa religionis ethnicæ principia suadere, templa e ruditate gentium initia traxisse: 6) E templi tam portatilis, quam fixi novitate. Patriarcharum quippe tempore simplex & cerimoniis vacua exercebatur religio multis sæculis: unde autem factum, quod tempore Mosis tabernaculum, & tempore Salomonis templum, tanta cum ceremoniarum pompa & copia, religioni vel cultui adjiceretur? an, quod Deus simplicem Patriar-

charum cultum minoris jam æstimaret, & Regum humanorum ritu, splendido rerum apparatu & cultu, multa cum pompa præstito, demulceretur? absit, ut summa cæli majestas imaginatione tam vili & abjecta læderetur. Rationi & pietati magis consentaneum esse, credere, ut imbecillitati populi succurreret, seipsum & instituta sua ad mores receptos demisisse. Nempe Mosis tempore, Aegyptiorum & aliarum Gentium more, sic comparatum fuisse, ut Diis suis cultum, ex operosa rituum farragine constantem, exhiberent: 7) A ruditatis ethnicæ signis, in Templo conspicuis. Nam habitaculum *χειροποίητον*, ipsi Deo assignatum, indicio esse, illius auctores conceptus admodum crassos, & antiquioris ævi ruditatem olentes, de Deo habuisse: 8) Ex suffragiis ORIGENIS, MAIMONIDAE, & ELVVERII German. *Antiquit. lib. I. cap. 34.*

Tanti autem rationes istæ momenti non sunt, ut in assensum nos pertrahant. Nam in 1) nulla prorsus concludendi vis est. Licet enim largiamur, habuisse Gentiles & Aegyptios sua delubra ante Mosen, & exstructum ab eo Tabernaculum, N. falsum tamen & *ἀντίγραφον* est, Judæos hanc cultus in templis Numini præstandi & recepti formam impotenter expectivisse, ubi enim tales leguntur in Scriptura postulationes? & quo testimonio commentum hoc probabit SPENCERVS? quin, ut paulo post docebitur, Deus prius injunxit Mose fabricam Tabernaculi, quam populus de illo cogitaret: Sed 2. nec sequitur: ergo Deus, cum sibi Tabernaculum fieri juberet, ansam huic mandato ex Gentilium delubris arripuit. Erat hoc potius adminiculum cultus publici externum, ut certum populus haberet locum, quo conflueret, sacra facturus, Deumque veneraturus; nec tam imitari, quam arcere hoc pacto Deus volebat populum a Gentilium more & ritu, cum omnia aliter ac diverse hic se haberent, quam in Gentium delubris. Et quæ demum impietas est in hac sententia, Deum conscendisse prono ad idololatriam populo, & Tabernaculum & Templum exstrui sibi iussisse, modo ut in offi-



cio contineret, cum ipse tamen sanctissimo iustissimoque odio Gentilium templa abominaretur, eaque destruere, comburere & evertere serio mandavit? Num imitaretur Deus, sibi que fieri curaret, quod odio habet & abominatur?

2) Parum abest a blasphemia. Numne enim Deus, quando gratiosam suam praesentiam in Symbolis sensibilibus, v. g. in columna nubis & ignis, in gratiosa super Cherubim requiescentia, unde sensibus perceptibilia edidit oracula, in fumo & nube (1 Reg. VIII, 10, 11.) &c. populo exhibuit, semetipsum accommodasse dicendus est ad populi puerilis & increduli modulum? Quando itaque Deus se probe adfuturum promisit invocantibus, vel quando Exod. XX, 24. ubicunque locorum nominis sui memoriam sit conditurus, spem fecit, ibi se ad suos adventurum, iisque benedicturum; num id omne puerili saltem accommodatione dixit? Ejusmodi promissiones fundamentum substernunt huic conceptui, de peculiari Dei praesentia gratiosa apud suos, tantum abest, ut conceptus iste a Gentilibus procedat, ut a Deo ipso potius populo sit ingeneratus. Ad 3) distingue inter praesentiam circumscriptivam & repletivam, cum Scholasticis, & res erit in vado. Circumscriptive Deus nusquam adest, ut loco ambiatur & includatur, atque huc spectant citata dicta: Repletive autem in caelo & terra adest, teste ipso Jerem. XXIII, 24. Et quae rursus concludendi ratio: Scriptura negat, Deum in templis habitare, ergo tentorium conventus & templum ex superstitione Gentilium & imitatione templorum ethnicorum ortum traxit? In 4) utrumque est falsissimum, & Scripturae adversum, cum, quod proprio motu & suapte voluntate Israelitae ad fabricam Templi animum applicuerint, tum, quod ad praecavendum tabernaculum Molechi, Deus iis permiserit, ritu Aegyptio habitaculum sibi struere. Prius abunde refutatur ex Exod. XXV, 1 sqq. ubi, populo tabernaculum quoddam ne per somnium cogitante, Deus Mosi imperat, a) ut voluntarias tollat e populo oblationes, vers. 1-7. b) ut Domino sanctuarium praepararet, ipseque in-

ter Israellem habitet, vers. 8. c) ne tamen quid vel suo pte, vel populo arbitrio agat, monstrat ipsi תבנית ideam, & imaginem omnium partium, ad quam componi singula debeant: d) נאמר מִסֵּגֹגֹת singulas partes, vasa, & instrumenta Sanctuarii describit, tum ipsum quoque Tabernaculum ordine delineat, qua mensuras & quantitatem, materiam, qualitatem, modum & minutissimas circumstantias, voluntati divinae ut omnia respondeant: e) Spiritum suum Deus eo fine largitur artificibus, ut ad nutum & consilium Numinis, nequiquam vero ad Aegyptiorum templorum exemplum, singula componant: quae omnia Deum, totius instituti hujus auctorem, volentem jubentem innuunt, homines esse non permittunt. Posterius autem ex dextra loci vexati Amos V, 26. coll. cum Act. VII, 43. explicatione, quam erudite & copiose suppeditat WITSIVS *Miscellan. Tom. I. Lib. II. diff. V. §. VI sqq. p. 610.* pendet. Gravissime quidem Israelitis exprobratur idololatria, quando thesas seu lecticas cum simulacris Deorum circumgestarunt; at oppositum eidem fuisse Tabernaculum conventus, nec ibidem docetur, nec per legitimam elicitur sequelam. Genuinam autem rationem, cur Deus Tabernaculum aliquod, & post haec Templum in populo suo, sibi, nominique suo erigi voluerit, scite reddit laudatus WITSIVS *Aegyptiacor. lib. III. cap. X. §. 6 sqq. pag. 246.* In 5) nullus iterum nexus, nullus datur concludendi nervus. Pone enim, Gentilibus primam templorum exstruendorum rationem subministrasse, opinionem de heroibus suis fato functis, quorum animas oberrare credebant, iisque fanis & simulacris ejusmodi receptacula parare nitebantur, quod tamen nondum largimur; quis inde colligat, Dei quoque Templum ex eodem manasse principio, ejusque primum auctorem & inventorem non sapientissimum extitisse Numen, sed superstitione captos homines? Quae paulo ante ex Exod. XXV, elicuimus argumenta, contrarium omnino suadent. In 6) varia rursus conglomerantur falsa: v. g. a) quod Patriarcharum aetate religio & cultus omni vacaverit cerimo-

cerimonia. Nonne autem a primis Ecclesiæ in cunabulis, & sacrificiorum ritum, & in oratione procumbendi, manus expandendi, aliasque ceremonias obtinuisse legimus? Nec dubium est, quin longe plures in usu fuerint ritus, quam in tanta Scripturæ Mosaicæ concisitate indicari poterunt: b) Falsum quoque, ceremoniarum Leviticarum originem & causam, non ex divina voluntate & ordinatione, sed ex Gentium, Aegyptiorum cumprimis, insana ceremoniarum pompa, ortum traxisse. Diversum omnino universa docet Epistola ad Hebræos, quæ Leviticum cultum omnem repræsentandi & præfigurandi officio functum fuisse demonstrat, eam ob causam a Deo introductum & præscriptum, ut his velut rudimentis, his umbris & imaginibus, mysterium Christi & redemptionis-ejus ob oculos poneretur, ipsorumque fides ad Christum, oculatius velut & manifestius, quam antehac, manu duceretur. Ejusmodi *συνταβάσεις* divinæ, qualem SPENCERVS memorat, mentio in Scripturis injicitur nulla, nec firmo ullo doceri potest argumento. 7) in Deum ipsum est injurium. Sequitur enim, Deum, quando Exod. XXV, 8. præcipit, & quidem liberrimo voluntatis suæ arbitrio, non exoratus, vel permotus a populo: *faciant mihi sanctuarium, ut inter ipsos habitem*: conceptus admodum crassos, & antiquioris ævi ruditer, de natura divina prodere. Quod quam sit blasphemum, oppido liquet. Quicquid ergo sit, de fanis Gentilium, Diaboli instinctu, & idololatrarum consilio exstructis, ab illis tamen ad templum Judaicum, Dei jussu sanctissimisque auspiciis, sine mystico & typico erectum, colligere prorsus est nefas. 8) Veterum denique & recentiorum, in aciem a SPENCERO producta testimonia, tantum abest, ut aliquid evincant, ut multa post ortum ædium divinarum ætate subsistant; nec tam SPENCERIANI commenti veritatem, sed id solum docent, alios jam ante eum ad eandem inclinasse sententiam. Plura, qui contra eum dicta legere cupit, præter laudatum WITSIUM, BERNARDUM LAMIVM adeat c. l. pag. 310 sqq. & LEYDEKKER. de Republ. Hebr. p. 502 sqq. n. XII.

V. *Vsum & historiam.* Ita quippe perfectum Tabernaculum, locum inter castra Israelis tenebat medium, a triplici latere Levitarum, a fronte autem Mosis & Aaronis tentoriis cinctum, Num. III, 23-38. Porro tres Israelitarum tribus, Zabulon, Isaschar & Judâ, versus Ortum; tres vicissim, Naphtali, Asser, Dan, versus Septentrionem; tres rursus, Ruben, Simeon, Gad, versus Meridiem; demum tres ultimæ, Ephraim, Manasse, Benjamin, versus Occidentem, illud ambiebant. Atque hic ordo semper servabatur, toto XL annorum itinere, quando in statione quadam moram necebant, & tabernaculum erigebant. Sunt quidem, qui negant, tabernaculum, mutatis in deserto variis stationibus, toties solutum fuisse & erectum. Vrgent Amosi verba c. V, 25. *Num sacrificium & mincham attulisti mihi in deserto, quadraginta annis, o domus Israel?* Eum enim in finem erigebatur tabernaculum, ut sacrificiis Deus coleretur; hostiæ vero si oblatae sunt nullæ, erigendi tabernaculi causam & occasionem suppetiisse nullam. Prætor tamen ad veritatem est sententia, quæ, ubi statio esset diuturnior, erectum affirmat, cum eum in finem pararetur & componeretur in deserto. Sane poena, Coræ, Dathan, & Abiram coram tabernaculo fuit inflicta. Vnde mens Prophetæ eo tendit, quod populus, erecto licet tabernaculo, alienum a Deo gesserit animum, & vel clam secum idola gentium habuerit, vel mente adoraverit, indignus omnino, pro quo sacrificia offerrentur. Idque pudendo comprobatum dedit documento, quando in statione ultima, a Midianitis & Moabitis, mox ad turpissima Baal Peoris seduci se patiebantur idola; mox corpora sua Diabolo prostitutebant, & profanis mulieribus commiscebant. Vbi tandem, post excessum Mosis, Josua populum in terram Canaan introduxerat, prima subjugandarum provinciarum, & distribuendæ per singulas tribus portionis hereditariæ, proxima sacrorum cura fuit, ut certo ac stabili loco ac sede figeretur tabernaculum, nossetque omnis populus, quo se vertere singulis festis & alias deberet, quotiescunque sacra



sacra facere & sacrificia offerre, vel publica juberet, vel privata religio. Peracta itaque terræ distributione, Jos. XVIII, 1 sq. universa Israelitarum concio ad Josuam se congregavit, & sive auspicio divino & oraculo admonita, sive ex communi saltem consilio & consensu, tabernaculum Silunte erexit, sedemque Sacrorum ibidem fixit, quo loco, sub judicatu Eli, arcæ jacturam fecit, invito Numine in castra arcessitæ 1 Sam. IV, 4. & nunquam posthæc illuc reversæ. Inde multo tempore post, in urbem Nobam traducta fuisse, ex 1 Sam. XXII haud improbabiler colligitur: atque hinc rursus Gibeonem pervenisse, ibique sat longo intervallo perstitisse, certo intelligitur ex 1 Chron. XXII, 29. Quin adhuc Salomonis tempore ibi fuit 2 Chron. I, 3. & haud dubie ad exstructum usque Templum: quo demum ad umbilicum perducto, convolutum Tabernaculum sacris inservire desiit, & in thesauris Templi, cum vasis suis repositum ac asservatum fuit 2 Chron. V, 5. forte usque ad primam Templi vastationem, in qua simul interiit. Mirari autem subit, tot oppressorum Israelis, ab hostibus finitimis perpeffarum, vicibus & annis, tot etiam populi cladibus, nunquam tamen legi, hostes gentiles tabernaculum, sive Silunte, sive Gibeone, aggredi & diripere fuisse ausos, cum tamen spolia opima, tot vasis aureis subministrare potuisset; insigni providentiæ divinæ, pro Ecclesiæ conservatione & incolumitate, invigilantis documento.

Ad §. II. pag. 38.

(2) *Delineant statum Ecclesiæ militantis & triumphantis*] Spectant ista VI. ad *Ἀήλων* spiritualem, quam tabernaculum habuisse Paulus Hebr. VIII, 5. & c. IX, 1 sqq. disertè testatur. Quantum ex Scripturis intelligitur α) Christum, secundum humanitatem, β) Ecclesiam militantem, & γ) triumphantem, adumbravit. Christum *ἐνσαρκωθέντα* suis fore *שְׁמֵרָה* in Sanctuarium, promittitur Jes. VIII, 14. ipseque, de fran-

gendo, erigendoque templo locutus, *περὶ τῆς νοῦς τῆς σάρκατος αὐτῆς* differuisse perhibetur Joh. II, 19 sq. quin & Paulus eum tradit per majus & perfectius tabernaculum, non manu factum, h. e. non hujus creationis, introivisse in sancta. Huc quoque revocandæ sunt phrasæ istæ, Joh. I, 14. *Verbum caro factum est, καὶ ἐσκήνωσεν ἐν ἡμῖν* item Coloss. II, 9. quæ tota Divinitatis plenitudo in Christo dicitur *σωματικῶς* habitare. Quin etiam sigillatim velum, inter sanctum & sacrosanctum distinguens, Paulus Hebr. X, 20. affirmat Symbolum fuisse carnis Christi. Post hæc Ecclesiam, quæ domus Christi Hebr. III, 6. & domus Dei viventis 1 Tim. III, 15, salutatur, tabernaculum refert, variisque comparationis modis ansam subministrat. Denique etiam de triumphante Ecclesia pronuntiatur Apoc. XXI, 3. *ecce, ἡ σκηνὴ τῆς Θεῶς μετὰ τῶν ἀνθρώπων, tabernaculum Dei apud homines, apud quos ipse habitabit* &c. idque dilucidius vers. 22. explicatur, ubi, cum nullum Johannes templum videret in caelesti Hierosolyma, Dominus Deus & Agnus, Templum illius esse, affirmatur. Specialiorem typi hujus evolutionem, & quid significaverit proprie Sacrosanctum, quid Sanctum, quid *καταπέτασμα*, seu velum &c. curate persequitur, COCCII tamen *ὑποθέσει δαλέων*, WILHELM. MOMMA de *triplici Oeconomia Eccles. Tom. I. lib. II. cap. 9. §. 17 sqq. p. 163.* quocum BIERMANNVM confer in *Mose & Christo Lib. II. cap. III. edit. Belgicæ p. 374 sqq.* Quin immo Judæi quoque Allegoriam hic agnoverunt, ut ex PHILONIS *lib. III. de vita Moysi* apparet, in declaratione autem Typi mirum quantum cœcuentes, quando passim tres Tabernaculi partes delineare censent orbem tripliciter distinctum, ita, ut Atrium hunc terrestrem & sublunarem, Sanctum caelestem, qui sole, planetis & astris refulget, Sanctum Sanctorum autem angelicum mundum, adumbret, in quo Dei thronus est inter Cherubim, seu Angelos: ut R. MENASSE BEN ISRAEL, & Cabbalistæ copiose nugantur.

Ad §. III. pag. 38.

(3) *Eminent tres montes*] Vnum erat atque continuum montium jugum, quod Hierosolymorum sustentabat urbem, sed variis collibus distinctum, inter quos hi tres eminebant: *Zion*, qui altissimus omnium, versus ortum spectans, arcem Davidis, sedemque regiam sustinebat, & a quo super interjacentem vallem seu hiatum pons lapideus stratus in Templum ducebat: *Morijah*, depressior paulo, sed longe amplior cli-  
vus, in quo Templum, exstructum: & mons *Calvariae*, seu *Golgatha*, qui extra urbis portas, interjecta valle ab utroque pariter distinguebatur, ita ut eodem copularetur iugo petroso. Accedit mons *Acra*, ab arce dictus, quam Antiochus in hoc monte exstruxit, ut Templum infestaret; quæ arx a Simone capta & solo æquata fuit, teste IOSEPHO lib. XIII. *Antiqu. cap. II.* Mons hic inferiorem urbem sustinens, non directus, uti *Zion* erat, sed curvatus natura quidem excelsior, quam *Morijah*, a quo lata valle erat divisus, sed Simon dux & princeps Judæorum *Acra* altitudinem imminuit, valle repleta, ut Urbem Templo conjungeret & Templum eo magis emereret, teste IOSEPHO c. I. & lib. VI. *de bello Jud. cap. 6.* Ceterum de his montibus Hierosolymorum ex instituto egit RELANDVS *Palestine lib. III. p. 838, 846 sqq.* ubi cum CELLARIO & LIGHTFOOT contendit, & sigillatim de monte *Acra*, 850 *sqq.* Concisius SPANHEMIVS in *Topograph. Hierosolym. vet. Tom I. Opp. col. 48 sq.*

Ad §. eund. pag. eand.

(4) *Mons Tzion*] Hic mons, *Sanctus* & *mons Domini* dictus, ceteris excelsior, processit ab Austro in Aquilonem, in modum fere semicirculi; exporrectus vero in Ortum versus Cedron & vallem Josaphat. In hoc sita Jebus antiqua, eminentiore loco; in eodem quoque civitas & palatium Davidis 2 Sam. V, 7. quæ *Arx Zionis*, ἀκρόπολις, muro circumdata. Postea

& in angulo Orientali, e regione Templi, fuit regia Salomonis: tum quoque structura Salomonis, *Millo* vel *Mello* nuncupata, de qua mentione commentatur c. I. SPANHEMIVS. Ceterum hic sustinebat τὴν ἀνω πόλιν, urbem superiorem, eratque in longitudinem porrectior quam *Acra*, quæ τὴν κάτω πόλιν, urbem inferiorem sustinuit, teste IOSEPHO. Cingebatur ab eo latere, quo urbem terminat ad austrum & occasum, profunda valle, sic ut ab illis partibus adiri non potuerit. Præterea murum habuit, quem ἀρχαῖον appellare solet IOSEPHVS, quippe a temporibus Davidis exstructum, qui a parte septentrionali conspicuus erat tribus præcipue turribus, Hippico, Phasaelo, & Mariamne, quæ & ipsæ altissimæ erant, & ob altitudinem montis *Zion*, cui hic murus superstructus erat, altiores videbantur: Lib. VI. *de bello Jud. cap. 6.* Ex quo hic mons sedes religionis & reipublicæ evasit, per Pl. CXXXII, 13 sq. CXXII, 4. symbolicam appellationem Ecclesiæ præbuit, cum Israeliticæ Rom. XI, 26. tum Christianæ Psal. II, 6, 8. Joel. II, 23. Jes. I, 27. IV, 4. II, 3. Pl. LXXXVII, 5, 6.

Ad §. III. pag. 38.

(5) *Moriam premebat Templum*] Montem *Morijah* 2 Chron. III, 1. distinguendum RELANDVS pag. 853. docet, ab ארץ המוריה a regione *Moria*, in qua Deus montem aliquem, qui complures erant, se monstraturum Abrahamo dicit, ubi filium suum offerat Gen. XXII, 2. Ad austrum vallem habebat admodum profundam, e qua molem lapideam eduxit Salomon, aggestaque ad quadringentos cubitos terra, planiciem vertici montis, in quo Templum exstruendum erat, æquavit, & ita factum est, ut exterior arca cum solo Templi ferme æquaretur: teste IOSEPHO. Totam hanc planitiem vocarunt הרי הבית montem Templi. Quin etiam monet, hunc montem tractu temporis ampliatus fuisse, ut ejus planities magis magisque promoveretur, ipsi promovendæ structuræ: eumque cingebat murus in declivibus ejus lateribus circumqua-



que. Mischna Cod. Middoth cap. II. §. i. ita definit: Mons adis erat quadratus; ita ut singula latera essent cubitorum quingentorum. Maximum spacium erat ab Austro; proximum ei ab Oriente; tertium ab Aquilone; minimum vero ab Occidente. Eo loco, ubi majus erat spacium, major erat ejus usus; ubi confer omnino, quæ de dimensionibus istis cum cura commentatur ad b. l. p. 36 sq. CONSTANTINVS L'EMPEREVRE; quocum confer LIGHTFOOTVM Harmon. IV. Evangel. P. II. ad Job. II, 15. T. I. Opp. fol. 414 sq. ubi prolixam in dimensionibus montis Templi operam pariter ponit; in Descriptione autem Templi Hierosolymitani cit. Tomo p. 553. capite I. de situ montis Moriah; ex instituto agit. Memoratam porro montis planitiem, non omnimode planam fuisse ac æqualem Rabbinii tradunt, ut nulla ejus pars exuberaverit, sed latera ferme omnia fuisse depressiora, præsertim ab Oriente, adeo ut paulatim ascenderetur ad ipsum Templum, ejusve adytum, quo Ezech. XLII, 9. respicitur, ad quem locum R. SALOMO IARCHI probe annotavit: לפי שהיה הוֹרֵךְ וּמִשְׁפָּע לְפִי שֶׁהָיָה הוֹרֵךְ לְצֵד הַמִּזְבֵּחַ קוֹרָא לוֹ וּמִתְחַתּוֹ: quia mons paulatim assurgit a parte orientali, ideo vocat, locum Templo ab oriente proximum וּמִתְחַתּוֹ ab inferiori scilicet parte. Juvat huc transferre ex LIGHTFOOTI laudata descriptione Templi Hierosolymitani cap. VI. pag. 562. b. montis situm: Ita situs erat mons domus Domini, ab Urbe undique inclusus, & valido atque alto muro munitus & separatus a communi solo. Hinc erat Sion, seder regia, inde Hierosolyma, habitatio populi, interjacente Templo, ejusque ministerio, quemadmodum Ministerium erat mediatio inter Deum & populum. Murus qui hoc circumibat, habebat octo portas, splendide & ejusdem structure, exceptis septentrionali & orientali, quibus culmen impositum non erat aut æque altum, aut ejusdem rationis ac ceterarum culmina. Ad eas ab Oriente & Occidente erat præfractus gradibus aut aggeribus ad commoditatem populi, utque facilius adduci possent victimæ. Ad Austrum adeo præfractus non erat ascensus, nec minus tamen ac reliqui, arte facilior & acclivior factus fuerat. &c.

Ad §. III. pag. 38.

(6) Monti Calvarie] Hic extra urbem ad occasum erat situs, quo respexerunt turre Hippica, & portæ Vallis Sterquiliniæ, ac Fontis Syris גִּלְגֹּתָא Golgotha, & cum elisione literæ Golgotha, גִּלְגֹּתָא dicebatur, eamque posteriorem lectionem vindicat & studiose asserit ANTON. BYNAËVS de morte J. C. lib. III. cap. V. §. 24. p. 259 sq. Vnde autem nomen sortitus sit, ut νεανίς τόπος, cranii sive calvarie locus diceretur, num a cranio seu sepulcro Adami, primi mortalium, an quia sepositus fuit pœnis capitalibus, inter quas decollatio e præcipuis erat, laudatus Vir doctus sequi. §. 25. cum cura evoluit, rem omnem tandem in medio relinquens. Mortis regio quoque audiebat. Ultimis temporibus ab Hadriano deinceps intra mœnia conclusus fuit.

Ad §. III. pag. cit.

(7) Communi nomine Tzion dicti sunt] Non immerito queritur, cum Templum non in Zione, sed in Morijah extrueretur, qui factum, ut Zion toties celebretur sedes & habitatio Dei? Tres rationes tradunt Auctores: 1) quod a Davidis deductione arcæ e domo Obed Edom, usque ad consummatam Templi structuram, arca in monte Zion, in tabernaculo Davidico quiesceret, unde haud dubie David phrasin mutuatur Pl. CXXXII, 13 sq. LXXVIII, 60, 67 sq. XLVIII, 3, 4, 12. CXXXV, 21. 2) quod maximus omnium mons Zion, quæ præcipua urbis pars, quia regum regniq. sedes, non modo pro tota Hierosolymorum urbe, immo pro toto regno Mich. I, 13. IV, 11. Jes. III, 16 sq. sed etiam pro Templo, totoque cultu poneretur Jerem. LI, 10. Thren. V, 18. Psalm. CXXXVII, 3. 3) quod Morijah conjunctus Zioni, licet valle quadam ab ejusdem altissimo divideretur jūgo, pars Zionis haberetur: quam rationem, post Auctorem nostrum, RELANDVS tuetur Palestina lib. III. p. 854 sq.

Ad

Ad §. IV. pag. 38.

(8) *Hæc tria sunt notatu digna*] Generalis divisio Templi ad eundem se habuit modum, quo Tabernaculi fœderis, ita ut omnium interior pars versus occasum esset קרש הקדשים *sanctum sanctorum*; proxima קרש *sanctum*, quod ipsam complectebatur ædem; & extima אולם vel ארץ *atrium*, quod in Templo priori geminum erat, aliud Sacerdotum, Israelis aliud, seu promiscuæ plebis, 2<sup>a</sup> Chron. IV, 9. Hoc posterius, subsequente ætate, & Josaphati, ut putatur, tempore, in duas rursus dispelcebatur partes, atrium virorum, & atrium mulierum. Demum in templo posteriori Herodes adhuc addidit atrium gentium, immundorum & profelytorum, ita ut quatuor numerarentur atria. Præterea Templum complura cingebant ædificia & atria, de quibus posthæc sigillatim. De singulis his partibus ex instituto commentatur LIGHTFOOTVS in descriptione Templi Hierosolymitani T. I. Opp. & quidem de Sancto Sanctorum cap. XV. p. 586. de Sancto cap. XIV. p. 581. & de Atriis cap. XVI sqq. p. 590. Eandem structuræ Templi rationem Christianos observasse, ut in tres dispelceretur partes, προναος, seu ναῖος θησαυρον, porticum cum atriis, ναὸν seu ἐκκλησίαν, quæ & ναὸς, navem aut gremium Ecclesiæ, demum βήμα & ἱερατεῖον seu θυσιαστήριον sacrarium, apud Latinos Presbyterium, CAMPEG. VITRINGA de Synagoga Vet. lib. I. P. III. cap. 3. pag. 463 sq. scite observavit, addens, ut Hierosolymitano Templo similia viderentur. GVIL. BEVEREGIVS autem Annot. ad Can. XI. Concilii Nicæni I. T. II. Synodici pag. 71. tripartitam istam Templorum structuram, & elegantissima delineatam exhibet Ichnographia, & erudito, qua singulas partes, commentario persequitur, quocum conferri meretur LEO ALLATIVS pecul. tract. de Templis Græcorum, & de Narthece, edit. Coloniae 1645. Distributionis autem istius rationem BEVEREGIVS scite reddit a triplici hominum, qui has ædes stans temporibus ingredi solent, genere ac ordine. Nonnulli enim sacris initiati sunt, ac

proinde eo ingrediuntur, ut muneribus suis fungantur, & sacra peragant: alii non sunt consecrati, sed tamen fideles, qui eo se conferunt, ut sacris celebrandis interfint, & optatum exinde fructum percipiant: aliis autem fidelium cœtu interdicitur, quippe qui nondum baptizantur, vel ob graviora aliqua, quibus tenentur, crimina excommunicantur. Quamobrem, ne tres isti personarum ordines confunderentur, & sic confusio in ipsa sacrorum celebratione oriretur, propria loca singulis ordinibus assignentur, necesse est. Sacerdotes itaque βήμα, ut sacratissimum locum, sibi vendicarunt: fideles in ipsa Ecclesia congregati sunt: reliquis autem infima saltem Ecclesiæ pars, Narthex dicta, indulgetur, ut lectum Dei verbum audiant, & sic tandem digni evadant, qui in ipsum fidelium cœtum recipiantur. Quæ suo modo, ad tres istas Templi Hierosolymitani partes commode quoque transferri possunt.

Ad §. IV. pag. 38.

(9) *Sanctum Sanctorum*] Erat camera quadrata, cujus æqualis & longitudo, & latitudo viginti cubitorum sibi respondebat, altitudo triginta cubitorum: structa ex candido marmore, cujus tamen interiores parietes, asseribus ex cedro artificiosissime sculptis, tegebantur, ita quidem, ut tota latera auro obducta nitescerent. Quin etiam gemmis sculpturæ parietum distinguebantur, ut totum illud conclave auro & gemmis oculos perstringeret I Reg. VI, 16, 18, 29. Exterior autem facies nudum referebat marmor, tam apposite junctum, nullum ut ullibi fissuræ inter diversos lapides vestigium appareret. Celebris hic incidit quæstio: *an fenestris instructum, lucem admiserit?* in qua definienda variant Interpretes. In Tabernaculo fenestris caruisse intimum conclave, dubio caret, unde VILLALPANDVS & CAPELLVS ad eundem modum se habuisse Sanctum Sanctorum in Templo perpendunt. Contrarium autem affirmat R. IVDA LEO de Templo lib. II. cap. 23. §. 213. quia Scriptura



ptura I Reg. VI, 4. disertè affirmat חלונים fenestras domus, quæ toto isto Capite tam Sanctum Sanctorum norat, quam Sanctum. Sed nec vel structuræ perfectio & pulchritudo, vel usus facer conclavis istius aliter permittit, quam ut fenestris exornatum dicamus. Accedit, quod lampadum de die extinctio, de qua paulo post agemus, liquido arguat, diurnam lucem admisisse cum Sanctum, tum Sanctum Sanctorum. Cui enim usui lucebant illæ de nocte, & extinguiebantur de die, si interdiu utrumque conclave fenestris destitutum, iisdem ac noctu, tenebris obscuraretur? Quis enim credat, ut interiores solaretur tenebras, lychnuchum ardentes præbuisse faces nocti, denegasse diei, cum tamen utrobique rerum potiretur caligo? Interdiu autem, cum ob patentes fenestras nullus lampadum esset usus, mane extinguiebantur, rursusque accendebantur sub vesperam, quando fenestræ collustrare conclavia non possent. Hoc non obstante, RELANDVS *Antiqu. Hebr. P. I. cap. VII. §. 10. p. 68.* tam Sanctum, quam Sacrosanctum fenestras habuisse negat, quinque urgens rationes: 1) quod, quas חלונים fenestras ædi sacræ fecisse fertur Salomon, eas non in Sancto, multo minus in Sancto Sanctorum, sed in προῶν, ejusque fronte locare, congruum sit: 2) tres contignationes conclavium, ædem sacram proxime cingentium, his fenestris nimium obfuerint, de quibus I Reg. VI, 5. 3) tenebræ majestati Numinis, quod se in tenebris habitaturum dixerat, & æconomix illorum temporum, optime convenient, Exod. XIII, 22. XIV, 19. XIX, 16. I Reg. VIII, II. 4) sic exactior inter Templum & Tabernaculum convenientia eluceat: 5) nec sit, quod quis in tenebris cultum sacrum peragi potuisse neget: eodem enim modo in Templo fuisse peractum ac in Tabernaculo, in quo fenestræ nullæ fuerunt. Copiosius, pro negativa sententia, hæc & alia urget VILLALPANDVS in *Ezech. Tom. II. P. II. Lib. IV. cap. 34. f. 307 sq.* quæ in compendium redegit Clar. CHRIST. SIGISMUND. GREEN in *disp. Academ. de Deo caliginis incola*, quam sub meo

moderamine A. 1728. publice ventilavit Lipsiæ, §. 13. a qua tamen sententia cur nos in affirmantem posthæc discefferimus, rationes proxime indicavimus. Celebris præterea in hoc adyto lapis fuit marmoreus, in medio conclavis, trium digitorum altitudine, ex solo prominens, cui Salomo arcam fœderis, una cum arcis lateraliibus, imponebat. Ita R. BECHAI in *Commentar. ad Exod. XXV, 33.* testatur: היה מן הפרכת הארון והכפורת עם כרוביו מונח על אבן שתיה שהיתה במערבו של קרש הקדשים ולפני הארון צנצנת המן וצלוחית שמן המשחה ומקלו של אהרון אהרון שקריה ופרחיה ובגדיו של כהן גדול: *Intra velum intimum erat arca & propitiatorium cum suis Cherubinis, posita super lapidem foundationis, qui versus occidentem Sancti Sanctorum situs erat. Ante arcam vero urna Manne, paropsis olei unctionis, Aaronis baculus, idem amygdala & flores ejus & vestes Summi Sacerdotis.* Pariter R. DAVID KIMCHI *Comment. ad 2 Chron. XXXV, 3.* אבן היתה בבית קרשי הקדשים במערבו ועליה היה הארון מונח ולפניו צנצנת המן ומטה אהרון: *In Sancto Sanctorum, versus occidentem erat lapis, super quem posita erat arca, & ante eam urna Manne, & virga Aaronis.* De posteriori lapidis usu Mischna testatur, *Tract. Joma cap. V. §. 2. fol. 53. col. 2.* היתה ארון אבן היתה שם מימות נביאים ראשונים ושתיה היתה נקראת גבוהה מן הארץ ג' אצבעות ועליה היה נותן: *Ex quo abducta est arca, lapis ibi erat a diebus priorum Prophetarum, & lapis foundationis fuit vocatus; altus e terra tribus digitis, & super ipsum ponebat Pontifex Summus thuribulum.* Vnde liquet, & quo nomine venerit hoc monimentum, lapis fundamenti seu positionis, & quibus inservierit usibus sacris, in die expiationis. Integram illius texuit historiam, & peculiari comprehensam dissertatione An. 1720. edidit THEOD. HASAEVS, Theologus Bremensis, qui propriam hic fovet sententiam, fuisse hunc lapidem particulam petrae a Mose percussæ, quæ cum ob finem a Paulo πέτρα ἀκολεσθῆσα I Cor. X, 4. dicatur; unde quoque nomen שתיה potius

tius a Rad.  $\text{תנש}$  potavit derivari cupit, ut sit *lapidis potationis*, pars nimirum illius petrae, ex qua percussa Deus olim sitientem in deserto populum miraculose potavit. Quin & eundem in Templo secundo superfuisse tradit, 1) ut monumentum præberet arcae, 2) ut esset unicum venturi Messiae symbolum, 3) ut Pontifici M. in die expiationis thuribulum imposturo, inferviret. Præterea IOH. VAN DER WAYEN *Var. Sacr. p. 153 sqq.* erudite observat, Judæos visibili Messiae symbolo, arca fœderis, sub Templo secundo orbatos, hoc lapide jacturam aliqua ex parte suppleturos, Christum lapidem Ecclesiae angularem ac fundamentalem, hieroglyphice adumbrasse. Quas autem de eodem fabulas in Talmude spargunt Judæorum Magistri, recensitas lege a b. patruo meo, L. B. CARPZOVIO in *disp. quonam arca pervenerit? §. XI. Disputation. Academ. p. 85.* & omnino a ROB. SHERINGHAMIO in *cit. loc. Tract. Joma p. 103 sqq.*

Ad §. V. pag. 39.

(10) *Aureum Thuribulum*] Divum Apostolum sequitur Auctor, qui Hebr. IX, 3, 4. diserte perhibet: *post alterum velum autem erat σκηνή ἢ λεγομένη ἁγία ἁγίων, Tabernaculum dictum: Sancta Sanctorum, χρυσαῖν ἔχουσα θυμιατήριον, aureum complexa Thuribulum &c.* Gemina hinc emergit controversia: N) quidnam proprie nomine *θυμιατήρις* hic veniat Apostolo? Sunt, qui de altari suffitus exponunt, quorum sententiam amplectitur & tuetur LUDOV. DE TENA *Comment. in Epist. ad Hebr. cit. loc. difficult. IV.* urgens cumprimis, quod non tam intra Sanctum Sanctorum *θυμιατήριον* fuisse, quam sanctissimum hoc conclave altare istud habuisse Paulus perhibeat, scil. e regione positum in Sancto. Alii ita conciliant: Licet altare non in intimo adyto, sed ante velum in Sancto, sedem suam haberet Exod. XXX, 6. quia tamen istud velo adeo prope adstaret, ut *cit. loc. Exod.* dicatur ante propitiatorium esse, ideo visum fuisse, ad Sacrosanctum pertinere, maxime cum ex eo

depromeretur ignis introrsum ferendus, ut quodammodo ipsum altare introrsum ferri videretur. Ita REIZIUS *Notis ad Auct. nostrum.* Sed quam hæc sint coacta, & peregrina, quam Apostoli verbis adversa, nemo non videt, qui perpenderit, eodem modo & arcam, & thuribulum habuisse Sanctum Sanctorum, h. e. intra se. Accedit quod altare suffitus non *θυμιατήριον* vocetur, sed *θυμιαστήριον*, & cum addito *χρυσῶν* aureum. Paulo itaque memoratum *θυμιατήριον* vas erat suffitus aureum,  $\text{תנש}$  Thuribulum dictum, quocum Pontifex in die expiationis Sanctum Sanctorum ingrediebatur Levit. XVI, 12. Quæritur itaque 2) num perpetuo istud, æque ac arca, in Sancto Sanctorum fuerit asservatum? Ita opinari sunt ex veteribus AUGUSTINUS & ORIGENES, quos secutus est OECUMENIUS, ex recentioribus AR. MONTANUS & CAR. SIGONIUS, quos altare suffitus in Sancto Sanctorum erronee collocantes, mascule profligavit PET. CVNÆVS *de Republ. Hebr. lib. II. cap. IV.* Malunt itaque recentiores doctores, EVERTIUS *de Arca Fœderis cap. V. pag. 76.* MELCH. LEYDEKKERUS *de Republ. Hebr. lib. VIII. c. II.* & BRAUNIUS *Comment. in Epist. ad Hebr. c. I.* non ratione loci, sed usus, in Sancto Sanctorum Thuribulum hoc collocari. Verum nec istud satisfacit VEN. SALOM. BEYLINGIO, qui *Observat. Sacr. Tom. II. Num. XLVI.* prolixè & curate in hunc locum inquit, & longe plura ex usu hujus diei fuisse observat, quæ tamen Apostolus in Sanctissimo fuisse capropter non memorat: ideo ad Pauli institutum hic loci probe attendit, quod fuerit, ostendere, quid erecto in desertis Tabernaculo Moysis, Summus Sacerdos in adyto invenerit, quando intulit sanguinem expiationis, de quo solo, ceu præcipuo justificationis instrumento hic laborat. Quia ergo Thuribulum, solenni expiationis festo semel in penetrabile interius illatum, tandiu ibi relinquebatur, donec finita esset expiatio sanguinum adspersione, hinc Pontifex, cum sanguine ingressus, præter arcam fœderis, etiam *θυμιατήριον* ibi reperit, quod paulo ante, ad præpa-



randum adytum, iussus fuit istuc delatum in eo collocare. Hoc itaque die, dum peragebatur sanguinum sparsio, Thuribulum illic perpetuo aderat, nec nisi peractis solennibus asportari solebat. Duo porro cum essent vasa, ad ministerium suffitus adhibenda, alterum כף vel כוכא *acerra*, qua continebantur aromata, alterum מנחתה *foculus prunarum*, cui injecta aromata cremabantur, utrumque una voce comprehendisse Apostolum censent BRAVNIUS & DEYLINGIUS, ut locutio sit συνεχόμενον, partem ponens pro toto. Apud utrosque etiam videas figuram Acerræ pariter ac Thuribuli, a BRAVONIO cum primis *Select. Sacr. lib. II. cap. V. & VI.* copiose descriptam, & æri incisam ac delineatam.

Ad §. V. pag. 39.

(II) *Arca testamenti*] In describenda ea eruditam posuit operam IOH. BVXTORFIVS fil. in *historia Arca*, quæ *Exercitationum* prima est, in qua Rabbiorum oculos tam sollicitè expilavit, & quicquid huc apud Hebræos spectat, tam larga congeffit messe, ut vix spicilegio locum reliquisset videatur. Eadem in compendium misit patruus meus ὁ μακαρίτης, IOH. BEN. CARPZOVIVS, disputatione *de Arca Fæderis*, sub præsidio doctissimi FRISCHMUTHI, luci exposita Jenæ A. 1656. quæ in volumine Academicar. disputat. prima est. Eo nobis licet hic esse brevioribus. Notamus autem ejus

a) Nomen: ארון הברית *Arca Fæderis* vel *Testamenti* Jos. III, 14. 2 Chron. VI, 11. & in Novo Instrumento ἡ βασιλὴς τῆς διαθήκης Hebr. IX, 4. quo addito cum primis elogio, a profanis & quibuscunque aliis Arcis, longo dignitatis & sanctimonie intervallo discernitur. Ea enim non pignus modo erat Fæderis, quod cum gente sua, cum populo peculii, Deus pepigerat, sed tabulas etiam Fæderis Deut. IX, 9, 11, 12, 15. aservabat inclusas. Vnde alias quoque ארון העדות *Arca testimonii*, Exod. XX, 33, 34. & absolute עדות *Testimonium* Exod. XVI, 34. Lev.

XVI, 13. nec non cum adjecto עדות ישראל *Testimonium Israelis*, Psal. CXXII, 4. salutatur; ubi Arcæ nomen semper est subintelligendum. Et si de cetero hæc Arca summæ esset dignationis apud Judæos, & ארון אלהים quidem 1 Sam. III, 3. item ארון יהוה 1 Sam. IV, 6. 1 Paral. VIII, 11. quin etiam פני יהוה *facies Domini* Pl. XXVII, 8, 9. diceretur: ipso tamen essentiali, proprioque Dei nomine יהוה nusquam venit; quod quidem ex Hebræis R. IOSEPH ALBO *P. II. Ikkarim cap. 28.* & Sociniani tueri nituntur, ad loca Scripturæ Exod. XVI, 33. Num. X, 35. Psal. XXIV, 7, 8. XLVII, 6. CXXXII, 8. 1 Sam. IV, 7. 2 Sam. VI, 2. nequicquam provocantes. Sed curata locorum inspectio docet, nusquam hoc nomen absolute Arcæ tribui, sed Deum ipsum ubivis designare, apud Arcam speciali modo præsentem.

β) Materiam, ex qua fabricata erat, nimirum עצי שטים *ligna Sittim*. Ligna erant e terra Sittim, aut ut Jes. XLI, 19. dicitur, e regione שטה *Schitta* petita, quæ in campestribus Moab tribus aut quatuor circiter miliaribus a mari mortuo distabat, in qua ultima Israelitarum cis Jordanem fuit mansio Num. XXV, 1. Jos. II, 2. Hic pronascebantur ligna fortissima & imputribilia, & incredibilis levitatis ac pulchritudinis, teste HIERONYMO in *Cap. XLI. Jes.* & in *Cap. III. Joel.* qui similitudinem habere tradit arboris, quam spinam albam dicimus. Consentit SALMASIVS *Hyles Patrices* pag. 166. nullusque dubitat, quin Schitta Hebræorum idem sit cum Senton Arabum, quæ spina est Aegyptia in deserto nascens, THEODOTIONI recte ἀκανθός dicta. Alii malunt cedrum, quos tamen refellit HILLERVS, qui *Hierophyt. P. I. cap. XLVIII. p. 426 sqq.* Acaciam interpretatur. Negat rursus VITRINGA *Commentar. in Jes. XLI, 29 Tom. II. fol. 410. a.* quia spina Arabica ad eam nunquam proficiat crassitiem, ut columnæ & asseres tabernaculi ex ea confici potuerint; speciem autem cedri fuisse pronunciat, & quidem lætissimæ. Eaque sententia passim obtinuit; unde ABARBENEL quoque delectam cedri speciem fuisse perhibet, summa

miræ densitatis pariter ac miræ levitatis. IOSEPHVS lib. III. *Antiqu. cap. 6.* ἰσχυρὰ τὴν φύσιν vocat, καὶ σῆψιν ἔπαθεν δυνάμενα: quod cum LXX descriptione convenit, cui ξύλα ἄσκητα ligna imputribilia audiunt; quæ optime in cedros quadrant, tineis ac verustati non obnoxias, eaque de causa PLINIO inter arbores perpetuas atque immortales relatas. Quæ Judæi de hoc ligno disputant, vide apud BUXTORF. *Hist. Arcæ cap. 4. p. 47 sqq.* & CARPZOV. p. 18.

γ) Formam: quæ a Mose exacte descripta Exod. XXV, 10 sqq. quadrangularis erat, longitudine duorum cubitorum cum dimidio, latitudine & altitudine unius cum dimidio. Tota autem introrsum & extrorsum laminis aureis obducta resplendebat, ne quid ligni in ea conspiceretur. Aurea præterea corona, ad modum oris five labii, super operculi planiciem elevabatur, quæ universam arcam, velut corona capiti imposita, circumdabat. Tandem quatuor annuli aurei prope Arcæ angulos applicati, transmissos sustentabant vectes duos, quibus Arcæ portabatur in itinere a Cahathitis Num. IV, 15. etsi extra ordinem quandoque portarent eam Sacerdotes. Hic Vener. DEYLINGIUS cit. loc. §. 21. p. 434. monet, insigni errore, non a pictoribus modo, verum etiam a viris doctissimis, vectes Arcæ in ejus longitudine poni, cum in latitudine pingendi, ponendique fuissent. IOSEPHVS certe lib. III. *Antiqu. Judaic. cap. VI.* annulos καὶ ἑτέρον τοῖχον τῶν ἐπιμηκεσέων ex utroque longiore latere prominuisse perhibet: in qua sententia CARPZOVIVS quoque cit. loc. p. 22. acquiescit. Contradicit tamen RELANDVS in *Notis ad b. l. Josephi*, & laudatus DEYLINGIUS cum R. IEHVDA urget, quod, si secundum longitudinem Arcæ vectes fuissent locati, binis viris ex hac, & binis ex altera parte Arcam portantibus, non nisi spatium unius atque dimidii cubiti, quæ latitudo Arcæ erat, suppetuisse: quod duobus non suffecisset viris. Porro, Arcam secundum latitudinem suam in Sacrosancto collocatam, adeo ut Summus Sacerdos adytum ingressurus, inter vectes Arcæ per velum promi-

nentes, incederet, delineavit IOM TOBH in *Comment. ad lib. Mischnicum de Festo Expiationum c. V.* Verum si dicendum, quod res est, quia in Templo posteriori Arcæ inter deperdita habebatur atque desiderata, neque IOSEPHVS, nec alius quis ex Judæorum magistris habet, quod vel de Arcæ situ, vel de vectium sede, certum tradat & exploratum. Sacer autem Codex de utroque altum fileat. Vtraque ergo sententia æque est incerta; nisi quod IOSEPHI traditio symmetriæ rectius respondeat, nec prohibeat quicquam binos utrinque bajulos juxta se incedentes, si non intra vectes, sed ab exteriori eorum latere humeros submitterent. Quando porro NACHMANIDES angulos non superius, sed inferius, Arcæ additos fingit, ut cum portaretur illa, supra Sacerdotum capita emergeret, sequitur hinc, quod quando reponebatur Arcæ, vectes in terram fuissent prostrati, nec ita commode illa tolli potuerit. Sive ergo in media, five in superiori Arcæ parte colloces vectes, vero videbitur similis. Simili laborat incommodo MAIMONIDIS traditio, bajulos eam faciebus obversis introrsum, versus Arcam, & tergo extrorsum, tulisse: ubi non intelligo, quomodo priores pede retrogrado, vel etiam transverso, procedere, absque offensione potuerint. Inde vero, quia nec manibus contrectanda, nec curru vehenda, sed vectibus bajulanda erat Arcæ Num. IV, 15. X, 21. I Chron. XV, 11 sqq. æstimare licet peccatum cum Israelitarum, quando Philistæos imitati plastro impofuerunt, tum Vse, quando præpostere veritus, ne caderet, manu eam prehendere nihil dubitabat 2 Samuel. VI, 3. sqq.

δ) Finem Arcæ: quem ABARBENEL fuisse ait שיתן בה הערות וכרי שלא ישתכרו: ut in ea recondideretur lex & ne tabula frangerentur. Quem proximum, at minus principalem fuisse largior finem. Præcipuus autem erat Typicus, quem olim Sacerdotes & Levitæ populo cum cura exponere tenebantur, hodie vero Rabbiorum doctissimi, ob velum ipsorum oculis oppansum ignorant, frustra



quicquam ut de eo in commentariis ipforum quæras. Id quidem Magistri uno velut ore fætentur, שֶׁיָּקָר כָּר הַמִּשְׁכָּן הַזֶּה הָאָרֶץ: *quod radix & fundamentum totius Tabernaculi fuerit Arca cum Cherubim*: Typus autem Jesu Nazareni quod fuerit, de eo altum apud ipsos est silentium. Nos infra hoc exponemus. Præterea eo spectabat, ut illustre gratiosæ præsentiae divinæ inter Israelitas symbolum præberet, unde illa diserte כְּבוֹד / & cum addito, כְּבוֹד יְהוָה *gloria Dei* salutatur I Sam. IV, 21 sq. Psalm. XXVI, 8. Jes. LXIV, 11. Porro, ut responsa inde & oracula populo suo redderet sanctissimum Numen, Exod. XXV, 22. Numer. VII, 89. Denique, ut huc conversi præces funderent Israelitæ, & vota nuncuparent. Hæc fini ad Arcam mirabiles Deus edidit effectus, Israelitas pro meritorum diversitate, hinc fovens & defendens, hinc, æque ac hostes, graviter affligens, I Sam. IV, VI. 2 Sam. VI. Hinc a Rabbinis illa, una cum suffitu sacro, & baculo Moſis, inter illa numeratur cimelia, quæ & in beneficium, & in pœnam, populo cedebant. Confer in hanc sententiam R. BECHAI *Comment. in Legem fol. 84. col. 3.*

Ad §. V. pag. 39.

(12) *In ea Arca erant tria* ] Pergit nunc Auctor ad Arcæ e) Contenta, & celebrem illam dextre definit controversiam: Num Arca solas Legis tabulas, tam priores fractas, quam posteriores integras, recondiderit? An præter illas, Urnam quoque auream cum Manna & Virgam Aaronis asservavit? Prius I Reg. VIII, 9. & 2 Chron. V, 10. asseritur, ubi legis: *In Arca non erat aliud* רָקִשְׁתִּי לְחֹתֶם הָאֵלֹהִים *nisi dua tabula legis, quas posuerat in ea Moſes in Horeb, quando pepigit Deus fœdus cum filiis Israel, cum egrederentur de terra Aegypti*: Posterius Paulus affirmat Hebr. IX, 4. ubi de Arcâ testatur: ἐν ἧ τῶν χρυσοῦν ἐκδοῦν τὸ μάννα, καὶ ἡ ῥάβδος Ααρὼν ἡ βλαστήσασα, καὶ αἱ πλάκες τῆς διαθήκης, in qua continebatur Urna aurea, comprehen-

dens Manna, & Virga Aaronis, quæ germinaverat, & Tabula Testamenti. Locorum horum conciliatio summa exercuit ingenia, in iisque componendis, ut innumeros taceamus alios, defuderunt ex Pontificiis, ABULENSIS, RIBERA; DE TENA: ex Reformatis DRUSIVS *Comm. ad diff. cil. loca Exod. cap. XXVIII.* BUXTORFIVS *Hist. Arcæ c. V. p. 53.* LUDOVIC. DE DIEU *Animadv. in Epist. ad Hebr.* BRAUNIVS *Comment. in b. l. Hebr.* PET. IVRIEV *P. II. Histor. Crit. Cap. II. p. 236.* & HOTTINGER nepos, *Not. ad Auctorem nostrum*: ex Nostris BRÖCHMANDVS *Comment. in Hebr. cit. loc.* WALTHERVS *in Harm. Bibl.* IOH. MÜLLER *in Judaismo*, GERHARDVS *Comment. in Ep. ad Hebr.* GLASSIVS *Philol. S. lib. III. Tract. III. can. X.* IOH. QVISTORPIVS *Annot. Bibl. in N. T. p. 385.* GEORG. KOENIGIVS *in Vindictis sacris Loc. 144. p. 709 sqq.* CARPZOVIVS *c. l. p. 38.* DEYLINGIVS *c. l. §. 22. p. 435 sqq.* Operæ nos pretium facturos credimus, si potiores conciliandi rationes, quæ licuerit brevitate, recenscamus. 1) MICH. WALTHERVS & IOH. MÜLLERVS, ex Pontificiis RIBERA, relativum Apostoli ἐν ἧ, non ad propinquum nomen, τὴν κιβωτὸν, sed ad remotius, σκηνὴν, referunt, ut ea omnia in interiori tabernaculi parte, Sancto Sanctorum, non præcise in Arca fuisse, intelligatur. Sed verborum structura & ordo, hanc explicationem evertit. Per pronomen enim ἐν ἧ id venit intelligendum, super quo expansi erant Cherubim, teste vers. 5. ὑπερῶν δὲ αὐτῆς, scilicet τῆς κιβωτῆς, de qua hic erat sermo: at super Arca residebant Cherubim, non super tabernaculo. Vnde hæc sententia ab Auctore nostro deseritur. 2) CHRYSOSTOMVS & THEOPHYLACTVS, inter sæcula priora Salomonis, & ultima Apostoli distinguentes, illis quidem virgam & urnam Mannæ in Arca extitisse negant, affirmant autem fuisse posterioribus, quibus vixit Apostolus. Hos miror laudari a GERHARDO, postquam una cum Templo priore, incendio perierat Arca, & in posteriore inter quinque illa desiderata numerabatur. 3) GLASSIVS dupliciter Arcam considerari posse con-

contendit, vel stricte & proprie, pro eo solum corpore, quod propitiatorio testum fuit, vel latius, ut totum σύνολον notet, comprehendens non solum ipsum arcæ corpus, sed lateralialia quoque receptacula, seu arculam quandam, lateri arcæ conjunctam. Habuisse enim arcam ad latus eiusmodi receptacula, ex Deuter. XXXI, 26. & 1 Sam. VI. colligit. Priori ergo sensu eam 1 Reg. VIII. posteriori vero Hebr. IX. allegari credit. Huc proxime accedit 4) LVD. DE DIEV, BRAVNIVS, QVISTORFIVS, qui 𐤀 Hebræorum non in tantum, sed etiam *prope, juxta, apud*, designare contendunt, ut si minus in arca, juxta tamen illam, & ad latus exterius reposita cernerentur illa, quæ Salomoni Paulus addit. Verum, nec istud Paulina permittit oratio, quæ una, in eodem receptaculo, cum tabulis lapideis, urnam quoque collocat & virgam. Hinc GEORG. KOENIGIO, IANO DRVSIO, & Vener. DEYLINGIO tolerandum non videtur, ut voces ἐν ᾗ, in eodem loco, una eademque orationis serie ac nexu, aliam atque aliam sustineant significationem. Rectius itaque censetur 5) Vnam & Virgam, una cum Tabulis, in eadem repositas fuisse Arca; verum hanc quoque sententiam tuentes, non eodem omnes tramite incedunt. DRVSIVS & KOENIGIVS, illa vetustatis monumenta, quæ Salomoni Paulus addit, in arca fuisse largiuntur, non tanquam præcipua κειμήλια, in quorum gratiam arca potissimum sit fabrefacta, quæ prærogativa unis competat legis tabulis, sed tanquam accessoria, per occasionem saltem illata. Ut adeo 𐤀 istud 1 Reg. VIII. non absolute, sed κατὰ τι, reliqua excludat. IAC. ALTINGIVS *Comment. in h. l. Hebr.* & qui eum sequitur, DEYLINGIVS, de lege nihil aliud in arca fuisse tradunt, quam decem præcepta in tabulis scripta. Ita loca hæc ἐναυτιοφανῶν percommode conciliantur, inquit laudatus DEYLINGIVS. Quia vero de lege plane nullus est sermo, sed tantum de rebus arca comprehensis, præstat Auctoris nostri sententia: tempore Moysis tria illa simul in arca fuisse, Salomonis autem ævo solas tabulas testa-

menti arca continuit. Nimirum, ut GOODWINI mentem paulo planius declaremus, locus 1 Reg. VIII. de arcæ contentis, quando illam templo intulit Salomo, Pauli autem testimonium de arca, prout tempore Moysis sese habebat, accipi debet. Moses, urnam mannae coram testimonio; h. e. tabulis legis Exod. XVI, 33, 34. nec non virgam Aaronis Num. XVII, 10. ibidem collocare a Deo jussus, tribus istis mnemofynis arcam replevit, eo quidem ordine, quem Paulus docet, ut in illa, remoto operculo, primum urna mannae, ad latus tabularum locata, conspiceretur, deinde virga Aaronis, cum ramis suis, floribus & fructibus supra tabulas extensa, & infimo demum loco tabulae fœderis lapideæ, quæ fundum maxime tegebant. Posthæc vero, quocunque forte casu aut tempore, quod definire nostrum non est, priora duo ex arca extracta, nec illuc unquam reposita effecerunt, ut Salomonis ævo, 𐤀 tantummodo tabulae lapideæ in arca asservarentur. Sic neutri Textui vis infertur.

6) Numerum arcæ, quem pariter sollicitant Interpretes. Geminam enim fingunt Judæi, in Talmude Tract. 𐤀 𐤀 𐤀 cap. VI. in *En Israel* fol. 181. apud R. SALOMONEM *Comment. ad 1 Sam. IV.* & R. DAV. KIMCHIVM *ad eund. locum*, apud R. BECHAI *Comment. in Deuter. X, 1.* aliosque passim, unam scilicet, quæ tabulas integras complecteretur, & in Sanctuario manebat, alteram, quæ fragmenta tabularum contineret, & in bellum quoque efferebatur. Tractant hanc quæestionem BVXTORF. *Hist. Arca cap. III. p. 32.* & CARPZOV. *c. l. cap. V. §. 9. p. 44.* & pro una tantum, quam Bezaleel fabricatus est, calculum ferunt, alteram cum prorsus ignoret Scriptura. Ad Scripturam tamen quia provocant Judæorum Magistri, argumenta ipsorum paucis sunt diluenda. Vrgent 1) Deuter. X, 1, 3. ubi reliquis Sanctuarii vasis omisiss, tantum arcæ fit mentio, quam arbitrantur fuisse eam, in quam Moses tabulas fractas conjecerit, antequam Bezaleel alteram confecisset. *Resp.* Vnde vero probabitur, præter Bezaleelis, aliam præsto fuisse arcam,



cam, quæ citato loco memoretur, in universa enim tabernaculi exstruktionem non, nisi unius sit mentio. Quam ergo Moses hic fabricasse arcam e lignis Sittim legitur, per Bezalelem reliquosque artifices, totius structuræ architectos, parasse sibi intelligendus est. 2) Num. XIV, 44. unde ita colligunt: Si arca & Moses non recesserunt e medio castrorum, sequitur duas fuisse arcas, quia alia cum Israelitis pugnaturis educabatur. *Resp.* Israelitas arcam secum in castra deduxisse, gratis omnino, & præter fidem Scripturæ asseritur. Quin immo, quia invito Mose pugnatum contra hostes egrediebantur, arcam secum non habebant, quia *arca fœderis Domini & Moses ex castris non egrediebantur.* 3) Num. X, 33. coll. cum Num. II, 17. priori enim loco arca fœderis Israelitas via trium dierum antevivisse dicitur: posteriori autem præcipitur, ut tabernaculum in medio castrorum proficiscatur. Alia ergo arca cap. II. alia cap. X. indigitatur. *Resp.* Verba cap. X, ut recte observat ABARBENEL, non capienda sunt בכל מסעותיו de omnibus illorum itineribus, sed de prima duntaxat profectioe illa trium dierum. Cap. II. autem de eo agit, quod ordinarie alias fieri debebat. 4) 1 Sam. XIV, 18. ubi Saul ad Sacerdotem: *fac accedere ad arcam*, inquit: & 5) 2 Sam. XI, 11. ubi Vrias ait: *arca, Israel & Juda manent in operimentis*, unde liquet, unam arcam cum exercitu fuisse, alteram in tabernaculo mansisse. *Resp.* ad utrumque: hoc saltem inde elucet, arcam fœderis sæpe bellatores, ut militibus animum adderent, secum in castris, quamvis injussu Dei, eduxisse. Simile exemplum habes 1 Sam. IV, 3 sqq. unde tamen duas exsculpere arcas non licet.

η) Vindicias ab insultibus IOH. SPENCERI. Is enim, ut suam hic quoque intrudat opinionem, de Leg. Hebræor. lib. III. diff. V. tota, p. 745 sqq. Cistas Gentilium mysticas & sacras huc refert, & magno cum eruditionis apparatu evincere conatur, ritum arcæ fœderis non Gentiles ab Israelitis mutatos & imitados fuisse, sed Deum a Gentilibus, per sapientissimam quandam συνα-

τάβασις, acceptum in sacra sua transfuisse, & a sordibus idololatriæ atque superstitionis repurgasse. Ceterum cistarum apud gentes mysticarum originem, eandem cum idololatriâ ferre ætatem, cum ea cœpisse, & ex ejusdem natura ac indole ortum traxisse. Hoc ut evincat, septem instruit argumentorum classes, quas ordine lustrabimus. 1) Cistarum Gentilium antiquitatem urget, quarum quippe usus diu ante Mosis ætatem inter Ethnicos viguerit, partim quia & Aegyptios talem in Sacris suis habuisse cistam ex APVLEIO discimus, & Trojanes antiquissimos arcam quandam notæ sacratoris sibi servasse ex PAVSANIA constat, partim quia Veterum testimoniis evincitur, arcas in Græcorum, Romanorum, & Gentium pæne omnium ceremoniis obtinuisse: hinc rationem suadere arguit, ut hujusmodi religionis instrumenta legem Mosaicam antiquitate superasse dicamus. *Resp.* Nondum evicit SPENCERVS, quod probare intendit. Cum enim non APVLEII modo & PAVSANIÆ, sed Trojæ quoque dirutæ tempora, Mose longe sint inferiora, nec ullus produci queat Scriptor, vel testimonium fide dignum, quod Mosis ætatem superet, potius pro nobis faciet hoc argumentum, quam pro SPENCERO. Sed nullus præterea est argumenti nexus, si colligas: gentes fere omnes, Aegyptii, Trojani, Phœnices, Hetrusci, Græci, Romani, in arcarum mysticarum usum conspirant; ergo ille legem Mosaicam ætate transcendit. Pari argumento conficeres: gentes idololatricæ omnes, etiam antiquissimæ, in victimarum cadendarum usu conspirant, ergo sacrificia Gentilium, sacrificiis in Ecclesia Dei receptis, ipsius quoque Abelis & Caini, sunt antiquiora. Quod quam sit absurdum, nemo non videt. Satanas nimirum idololatrici cultus rationem a populo Dei mutuo, vel furto potius raptam, ad gentes varias disseminavit, & pari modo cistarum ritum familiarem ipsis reddidit, quod arcam fœderis tantæ videret apud populum Dei esse dignationis. 2) Ad originem cistarum istarum provocat, quæ ab intima cultus Gentilis natura potius, quam ab imitatione Judæorum

deorum sit arcessenda. Inventas quippe illas esse, hinc ut Sacrificuli mysteria sua a communi luce, & profano vulgi conspectu arcerent, hinc ut Numina sua defuncta illis recondere, ut ex EVSEBII lib. II. de Preparat. Evang. cap. I. & lib. X. cap. XII. de Aegyptiis cumprimis constet. *Resp.* Vnius rei plures possunt esse fines & usus. Vtique & istud imitari nitebatur Diabolus, ut, quemadmodum arca foederis studiose celabatur a populo, & in ea tabulae legis nemini mortali amplius, postquam semel illatae essent, conspicerentur, ita pariter Gentiles aliquam inde concinnarent velut disciplinam arcani, & ad modum tabularum foederis Dei, sua quoque mysteria, cistis inclusa, a conspectu vulgi prohiberent. Quod autem Numina, h. e. animalia sua defuncta, talibus includerent cistis, id prorsus ad superstitionem spectat gentilem, nec cum arca Dei quicquam habet commune, multo minus contra aetatem illius quicquam evincit. Quae enim haec est collectio: Gentiles, maxime Aegyptii, de quibus solis id constat, animalia illa, quae pro Numinibus coluerant, defuncta cistis includebant; ergo cistarum mysticarum apud Gentiles usus Mose est superior? 3) Nomen & characterem arcae foederis in rem suam vertit. Vocabulum ארון & communem notat cistam, & feralem, velut Genes. I. de loculo legitur Josephi: ergo arca foederis origo a cistarum duplici usu apud Aegyptios sacro derivatur. Praeterea signate appellatur arca Domini, arca Jehovae, foederis, testimonii, arca foederis Dei totius terrae Jos. III, 11, 13. quod non aliunde factum, nisi quod & Diis aliis suae essent cistae, adeoque hoc προσδιορισμὸν arca Dei veri, ab arcis Deorum Gentilium discriminaretur. *Resp.* Cum vocabulum ארון sit generale, quaecunque cistam denotans, mirum non est, illud & ad cistam sacram, sive foederis, & ad tumbam feralem Josephi, designandam adhiberi. Idem vero nomen ad cistam quoque numariam applicatur, 2 Chron. XXIV, 8, 10 sqq.; ergone & hoc arca foederis gentilem arguit originem? Nugae haec sunt, & tricae. Arca Domini vero quando salutatur, non tam cistis gentilium Deorum hoc elogio opponitur, quam a praesentia speciali & gratiosa veri Numinis ad hanc arcam, celebratur. Hinc nullus denuo in argumento est nervus. Pariter enim concluderes: Hierosolyma urbs Dei, urbs sancta, urbs magni Regis appellatur; ergo haec elogia sortita est ab urbibus, nomen suum a Gentilium deastris trahentibus, iisdemque dicatis, immo & ideo longe est recentior urbibus illis gentilibus. Quod nemo non videt absurdum. 4) Arcae foederis pulchritudine nititur ac splendore. Erat ex ligno pulcherrimo: tota intus & extra auro solido cooperta, limbo vel corona aurea ornabatur: operimento superbiebat aureo &c. Quod itaque Deus sub Vet. Test. non tantum pie, verum etiam splendide coli vellet, non ipsius naturae, sed gentium moritribuendum est, secundum quem omnia instrumenta sacra auro & gemmis, ebore & cedro splendebant, ut eo splendoris aucupio Deorum honori & cultui lenocinarentur. *Resp.* Non arcam modo Deus, sed & Sanctuarium, atque posthac Templum, omniaque ejus vasa, vestitum cumprimis & ornatum sacerdotalem Pontificis M. & quicquid ad Sacra pertinebat, pretiose & splendide construi & institui volebat, non ut ita Gentium sacris Sacra sua ne inferiora esse pateretur, quin adhuc redderet splendidiora; neque etiam, quasi Deus auro & gemmis, & ornatu externo, vanoque delectetur, sed ut hominum animis externo quoque apparatu magnifico, aliquam sacrorum venerationem insinaret, cultumque suum terrenis opibus, pompae ac splendori omni longe praestare doceret. Solent enim hominum mentes ad conspectum rerum pretiosarum attonitae haerere, tacitaeque illa veneratione prosequi. Cum itaque, quae exteriora sunt illa cultus Levitici instrumenta, non in Dei, sed hominum gratiam sint adinventae & effictae, iis juvare sanctissimum Numen voluit mentis humanae venerationem. 5) Momenta discrepantiae in subsidium vocat, quibus Deus Israelis suam a Gentilium cistis determinare voluerit. Horum quinque allegat SPENCERVS: a) In ar-



ca foederis nil nisi tabulae lapideae asservabantur, quarum una Dei veri cultum, altera morum puritatem docuit. Ast in arcis ethnicis nihil, nisi quod magicam aut impuram superstitionis gentilis naturam saperet, recondebatur: *b*) Arca Dei a solis bajulanda erat viris, Sacerdotibus quidem ac Levitis: arcae Gentilium nonnunquam etiam per Foeminas portabantur, docente MEVRIO: *c*) Israelitae ceremoniis sanctis, apertis & religioni congruis, honorem arcae Dei deferrebant: Gentiles autem arcas suas ceremoniis quibusdam magicis, & stuporem magis, quam religionem incutientibus, coluerunt: *d*) In arca Dei imagines Cherubinorum exterius impositae conspiciebantur; in mysticis Gentilium cistis simulacrum Numinis alicujus grandiusculum, aut imagunculae aliae, ut plurimum inclusae tectaeque servabantur: *e*) Arca Dei una tantum erat, Gentium plures & variae. Inde colligit: cum Judaeorum & Gentilium arcae sacrae, cetera simillimae, tot tamen insignibus circumstantiis ab invicem discreparent, satis liquere, arcam foederis e Gentilium moribus initia petiisse, aliis tamen & sacratioribus a Deo ritibus instructam. *Resp.* Quidni vero contrarium potius inde eliciatur? cum tantum detur discrimen inter arcam illam veri Dei unicam, & plures cistas mysticas Gentilium, sequi, ab una illa ritum mutuatos Gentiles, Satae instinctu, suas quoque arcas instituisse, easque pro sacrorum suorum varietate & multitudine diversas, ita ut cuique superstitioni sua quoque accommodata esset arca. Israelitica enim, ceteris omnibus antiquior, imitationi haud dubie locum dedit. *6*) A convenientia rursus ceremoniarum argutatur, & quod Israelitae ceremoniis ethnicis in illius honorem uterentur: *a*) quod arcam Dei plastro novo, bobus trahendo, gestandam imposuere, 2 Sam. VI, 2 sq. quo ipso Davidem mores gentium, in Deorum symbolis deferendis usitatos instituisse, manifestum est: *b*) quod eandem multa cum pompa & celebritate in populum quandoque ferrent, ut 2 Sam. VI, 3 sqq. item, cum Salomone arcam in templum deportaret e civitate David. *Resp.*

Vtrumque factum singulare, & alio prorsus susceptum erat fine, non ut animos Israelitarum zelo Dei accenderent, qua mente circumlatas Gentilium arcas memorat SPENCERVS, sed ut ad locum stabilem & certum, & ad mansionem diu duraturam, arcam foederis reponerent David pariter ac Salomo: plane ergo ἀπεροσδιόνυσα sunt haec exempla, quae huc non quadrant. Nec sequitur: arca foederis solenni ritu, & magna cum veneratione deferebatur in urbem David, posthac etiam in templum Salomonis; ergo more gentili, eodemque cum cistis mysticis ritu, in populum inferebatur. Accedit, quod prior ritus a Davide adhibitus, illegitimus, nec probatus Deo fuerit, cum curru impositam arcam bobus veheret, eoque nomine divinam provocaret vindictam: in posteriori autem transportatione, Sacerdotum humeris gestata, non autem curru vecta legitur; haec ut invita Minerva ad Gentillum morem trahatur. *7*) Limbum aureum obvertit, sive coronam illam, qua cingebatur arca, quamque ex ritu Gentilium petitam tribus evincere argumentis satagit SPENCERVS. Verum quicquid est istius demonstrationis, hoc tantum probat, Gentilibus festa & coronas in sacrorum usu fuisse, quod nemo tenere negaverit; illa autem festa, coronas illas, ideam & exemplar praebuisse limbo aureo arcae foederis, plane non evincit. Omnia in tota hac disputatione, tam lubrica sunt, tam incerta & dubia, ut mirari subeat, qua fronte SPENCERVS ea, tanquam magni momenti pondera, in rem suam vertere potuerit. Ceterum de cistis Gentilium mysticis, earumque circumgestaltunge, erudite commentatur BRAUNIVS *Select. Sacr. lib. IV. cap. X. §. 145 sq. p. 497 sq.*

*9*) Spiritualem adhuc & mysticam addimus arcae significationem. Eam quippe in Sanctuario collocatam, Christum referre in Ecclesia, ex Apocal. XI, 19. palam est, qui *1*) velut arca ex ligno & auro constabat, ex vili & pretiosa, humana quippe & divina compositus est natura: *2*) Legem Dei, cujus tabulas continebat arca, in se complectitur, tanquam τέλος νόμου Rom. X, 4. qui

qui τὸ ἀδύνατον pariter, ac τὸ διαιώνια τῷ νόμῳ; nostri loco implevit, Rom. VIII, 3, 4.  
 3) Deum sistit propitium & conciliatum, omnibus accedentibus ad ipsum Ephes. I, 6. III, 12. gratioseque annuentem desideriis nostris, æque ut super arca residebat Dominus, indeque responsa dabat consulentibus se: 4) in Ecclesia militante pariter ac triumphante, ut arca in Sanctuario inter Cherubim, in medio suorum præsens: 5) multis virtutibus, beneficiis & tutela suorum, inter suos æque ac hostes, ut arca in Israele, inclutus & conspicuus. Vide latius hæc persequentem BIERMANNVM, in *Mose & Christo lib. II. cap. IV.* edit. Belgicæ p. 387. concisus WILHELM. MOMMAM *Oeconom. Tempor. P. I. §. II. pag. 161.*

Ad §. VI. pag. 39.

(13) *Operculum hujus Arcae*] Attendimus ad ejus 1) Nomen. Dicitur כַּפֶּרֶת, quam vocem pro diversa radices notione, diversimode reddunt Interpretes. Qui enim ex Conjug. Kal derivant, *operculum* seu *operimentum* vertunt, in quibus est R. SALOM. ABEN-MELECH, & ABARBENEL: qui ex Conjug. Pihel, *propitiatorium* dicunt, iique rectius, quia Dagesch forte in ב, media radicali, Conjugationis Pihel index est & characteristicum: hinc Paulus Rom. III, 25. ἱλασθῆναι vocat, quem secutus LUTHERVS, ubique den Gnadenstuhl appellat. LXX Senes vero utramque nominis etymologiam jungentes, Exod. XXIV, 16. ἱλασθῆναι ἐπίθεμα exponunt, quos Belgæ imitantur, quibus het Versendeksel audit. Si ad usum & officium ejus attendas, utramque tuetur significationem, cum & arcam tegeret, & typico expiationis sanguine adaspergeretur, ut ita Deum, huic tegumento insidentem, Israeli reconciliaret.

2) Materiam: quæ זהב טהור *aurum purum*, h. e. מוקק שבעתים *septies defacatum*, ut ex Psal. XII, 7. explicat ABARBENEL, haud dubie ob rei dignitatem, & typicum ac mysticum respectum: atque adeo, non ligneum erat & auro

obductum, ut reliqua arca, sed solidum ex auro opus. Hinc Magistrorum scitum in Talmud יבוא זהב של יסקליהם הכפרת וכפר על יבוא זהב של ענלי: *veniat aurum propitiatorii, & expiet pro auro conflati vituli.*

3) Mensuram. Erat duorum cubitorum & dimidii longitudo ejus, & cubitus unus cum dimidio latitudo, dimensionem arcæ utrinque ex æse respondens, ut intra limbum ejus prominentem immisum, instar operculi arcam undiquaque clauderet & obtegeret. De crassitie nihil tradit Scriptura: Rabbin, apud R. SALOMONEM, טפח palmam ei assignant, ut quatuor digitorum latitudinem densitate, sive crassitie exæquaret. Id quod ex ponderis ratione nimium nobis videtur, cum tantæ crassitiei, longitudinis & latitudinis tabula, ex auro solido conflata, cum impositis duobus Cherubim, pariter multum ponderosis, vix sola, nedum una cum arca, a quatuor viris portari commode potuerit. Hinc vel unius digiti densitas ei sufficiat, modo tam fuerit robusta, ut in extremitatibus suis superimpositos Cherubim sustentare posset.

4) Figuram; de qua dissentiunt Interpretes. Christianorum plurimi, & in his cum primis Pontificii, arcuato & excavato opere, varioque ornatu, desuper arcam in altum surrexisse hoc operculum censent, ad eum, que opercula craterum, phialarum, poculorum, & aliorum ejusmodi vasorum pretiosorum conflata sunt, modum, quod CAIETANVS, VATABLVS, OLEASTER alique statuunt apud BONFRERIUM *Comment. in Pentat. f. 491.* & ad hunc modum æri incisa sistitur arca apud VILLALPANDVM & PRADVM, qui auctoritate sua multos alios in erroris societatem abriperunt. Rectius PHILO lib. III. *de vita Moysi*, operimentum hoc planum describit, & superficiei Geometricæ simile, ut arcarum tegmina solent. Falsum præterea est, quod quidam Cherubinatorum alis, quidam manibus eorum sustentatum propitiatorium volunt, cum contiguum potius arcæ esset, ut recte nobiscum ARIAS MONTANVS, TORNIELLV, RIBERA, BONFRERIUS, FOERSTERVS, & alii



sentiant, quod ipsa requirit Scriptura Exod. XXV, 19. & XXVII, 8, 9. precipiens, ut unus Cheruborum in uno, alter in altero propitiatorii latere extremo collocatus, expanderent duas alas superne, iisdemque operculum obtegerent.

5) Typum. Christi enim Servatoris symbolum praeuisse propitiatorium, ex Rom. III, 25. liquido constat, qui 1) ratione Officii tegit & expiat peccata nostra Psal. XXXII, 1. Dan. IX, 24. 1 Joh. II, 2. 2) ratione Inhabitationis divinae, totam in se habet Deitatis plenitudinem Coloss. II, 9. 3) ratione Coronae, Regia splendet maiestate Apoc. IV, 10 sq. 4) ratione Ritus, asperzione sanguinis hilaistici peccata populi delet ac tollit Lev. XVI, 14. Col. I, 14. 5) ratione Tutelae suos obumbrat, ut sub alis ejus habitent ac delitescant pii Psal. XXXVI, 8 sqq. Mal. IV, 2.

Ad §. VII. pag. 39.

(14) *Stabat Cherubinus*] Circa Cherubim magna rursus inter Interpretes intercedit dissensio.

a) Nominis ratio ab aliis composita, ab aliis traditur derivata: Multi enim vocabulum componunt, ex כ servili, seu comparisonis, & nomine רוב, multitudinem notante, unde hanc vocem מלכות גורלה לשון symbolum regni & magnitudinis esse cupiunt, PHILO ex Judæis, ex Patribus DIONYSIUS AREOPAGITA, CLEMENS ALEXANDRINUS, AUGUSTINUS, HIERONYMUS, ORIGENES, qui Cherubim a multitudine sive potentiae, sive scientiae vocatos volunt. Etsi vero improprie & metaphorice id nominis, ob eminentem dignitatem, Regi Tyri attribui videmus Ezech. XXVIII, 14. את כרוב ממשח הסוכך *tu es Cherub unctus oleo unctionis*, ut BVXTORFIVS c. I. p. 99. vertit, contra vero SEB. SCHMIDIVS ita reddit: *tu (es) Cherubus, expansio (magnifica) contegentis*: hanc tamen eapropter derivationem & originem vocis, utpote coactam nimis, minime admittimus. Magis adhuc ridicule CORN. A LAPIDE *Comment. in Exod. f. 540.* ex כ servili componit, &

רב *Rabbi*, ut כרוב idem sit, ac sapiens, potens, honoratus, gloriosus, sicut Rabbi. Quae adeo acuta est vocis investigatio, ut soli remanserit *Cornelio*, nec alium quenquam nata sit assertorem! Denique componunt Hebraei, qui ex lingua Aramaea seu Chaldaica arcessunt, ex כ similitudinis & רביא vel רוביא, qua voce in Babylonia *adolescens* vocatur, quod formam adolescentum, vel puerorum adultorum referrent. Atque hanc cum vocis originem, tum de figura Cherubim sententiam, Judæi neoterici fere omnes amplectuntur. Rursus qui hanc vocem derivant, & כ radicale statuunt, alii cum ABEN ESRA volunt כרובים in genere notare צורות *formas*, cum ex Ezechiele pateat, nomen hoc esse generale, כולל לכל צורה *omnem figuram comprehendens*. Ezechiel enim, quam cap. I, 10. dixerat figuram bovis, rursus cap. X, 14. faciem Cherubini appellat, ut vers. 20. quatuor ista, quae viderat animalia, Cherubinos vocat. Verum obstat, quod vox haec ventis quoque, quibus nulla est figura, & nubibus tribuatur, quibus Deus vehi dicitur, pariter vehi dicitur super Cherubim, iisque velut throno suo insidere, Psal. LXXX, 2. Hinc eorum nata est sententia, qui a Rad. רכב *equitavit, vectus fuit*, sive equo, sive curru, deducunt, ut כרוב per facilem pronamque literarum μετάθεσιν, idem sit ac רכוב *vehiculum*, quod Pl. CXL, 30. de nubibus usurpatur, quibus quasi vehitur Deus. Neque obstat, quod LORINVS & alii hic obijciunt, si haec detur licentia, eodem jure posse ex ככר derivari, unde ככיר *fortis, magnus*. Aliud enim est, pro lubitu vocem quocunque modo deducere, aliud manucente Scriptura, eam derivare. Posterior hic obtinere, ex 2 Sam. XXII, 11. liquet, ubi pro nubibus ponitur Cherub, וירכב על כרוב & *vectus est super nubibus*; cum ex adverso Angeli quoque vehiculum Dei dicantur Psalm. LXVIII, 18. Vnde Judæi quoque doctrinam de Angelis מנעשה המרכבה *opus vehiculi* appellant. Ita quoque per Cherubim quatuor animalia intelliguntur alata apud Ezechielem, quae alis vehi & volare apparebant: unde duarum harum

rum radicum affinitas & permutatio apparet. In hac itaque sententia CARPZOVIVS *loc. cit. pag. 34.* & post eum IACOB. GUSSETIVS *Comment. Lingu. Hebr. b. v.* acquiescit: Posterior, Deduco inquit, a כרכ. *Sunt nempe aut iidem, aut simillimi iis, quos Paulus dicit θεῶνες: quid enim differt thronus mobilis a curru regio? Vide quid Romanis proceribus sella curulis fuerit.* Hanc tamen literarum transpositionem, quam LVDOV. DE DIEV *Animadvers. in Gen. III, 24.* primus, quantum memini, sibi aliisque persuasit, ceu nimis violentam, recentissime repudiavit IAC. ODE *Comment. de Angelis Sect. I. cap. V. p. 73 sq.* ac rationibus pro hac derivatione in medium allatis satis fecit, ipse Cherubim ab exoleta radice כרכ, *potens, validus, robustus fuit, deducens, ut כרוכים vi suæ originis sint potentes, validi, robusti.* Gerte apud Syros כרובא id significat, & כרובותא potentiam ac vires notat. Eandem sententiam vir laudatus rationibus confirmat, & jam ante eum Vener. DEYLINGIVS *cit. loc. p. 443.* in medium attulerat, suamque fecerat. Quæ cum omnium vero sit simillima, in eadem nos quoque acquiescimus. Nec minor circa

β) Formam Cherubinorum est dissensus. Primo omnium pro certo habemus, Cherubos Mosaicos arcæ impositos, nec non in tabernaculo ac templo depictos, diversa omnino effigiatos fuisse figura a Cherubis, Ezechieli visis & descriptis. Vtrorumque discrepat descriptio, & in Mosaica quidem delineatione DEYLINGIVS duo observat momenta: primo, quod passas habuerint alas sursum versus, quodque alis suis obtexerint propitiatorium; deinde, quod facies habuerint obversas sibi mutuo, itemque ad propitiatorium conversas. Vnde conficit §. 36. *p. 444.* Cherubos Mosaicos fuisse ζωα πτερυγῶν, *animantia volueria*, teste IOSEPHO *Antiquitat. lib. III. c. 6.* Quæ vero reliqui corporis fuerit figura, ejus rei altum apud Mosen silentium est, addit, *nec a nobis accurate definiri potest.* His præmissis apparet, falli ac fallere PRADVM & VILLALPANDVM, quando propitiatorii Cherubinos ejusdem pror-

sus figuræ fuisse cum Ezechielis perhibent, eosque effigie humana in corporis habitu, ore, manibus & cruribus, alis binis, jubato thorace, atque ungulis bifidis vestitos depingunt, pro illa nimirum, quam fingendi sibi licentiam sumserunt. Sed nec, quia alati sistuntur, animantia volueria, toto corpore plumata, caputque corpus & pedes avis similes fuisse censemus. Et quid prohibet, quo minus in potioris cum Judæorum, tum Christianorum interpretum sententiam incedamus, & formam iis tribuamus humanam? Cherubinos enim, ubicunque memorantur, Angelos notare paulo post constabit. Hi vero, quando se conspiciendos præbuerunt, virorum vel adolescentum specie hominibus sese sistebant Marc. XVI, 5. Act. I, 10. Luc. XXIV, 4. Dan. IX, 21. Gen. XVIII, 2. XIX, 5. Hinc Cherubinos Mosaicos adolescentium retulisse formam credimus, sed alatorum. Illud autem oppido ridiculum est, quod R. BECHAI, R. SALOMO, & ex iis ARIAS MONTANVS censent, unum Cherubum mascula, alterum foeminea specie fuisse.

γ) Significationem Cheruborum Angelos sanctos designare, doctissimus ODE *c. l. §. V. p. 76.* in genere demonstrat, idemque porro *p. 78.* de Cherubis Ezechieliticis, tum quoque de Mosaicis *p. 86.* operose evincit, Judæorumque ac Patrum suffragiis *p. 92 sq.* confirmat. Hinc permodeste adversantes refellit sententias, Patrum nonnullorum, IRENAEI, HIERONYMI & AVGVSTINI, qui per quatuor animalia, ab Ezechiele & Johanne visa, repræsentatos fuisse quatuor Evangelistas statuunt *p. 94:* COCCEII, qui per Cherubinos Ezechielis, Ecclesiam ex omnibus Gentibus, per Mosaicos autem, qui arcæ foederis impositi, seu potius continenti opere ex arca surgebant, fideles adumbrari existimat, qui fiunt unum corpus cum Mediatore, per Spiritum ejus, *p. 96:* VITRINGAE, & qui ejus legerunt vestigia, LAMPII ac HENR. GOTTL. REIME, qui symbolo animantium & rotarum designatos esse ministros regni gratiæ, cum extraordinarios, tum ordinarios arbitrantur, *p. 98:* IOH. HENR. VR-



sini, qui Ezechieli representatam fuisse gloriam Dei in regno potentiae, & quatuor animalia esse omnia mundi regna iudicat, ubi Dan. VII. & Zach. I. quæ ab Ezechiele Cherubini dicuntur cap. X, 20. & XXVIII, 14. Prophetamque vidisse conversiones illorum, volvente providentiae rota, quæ & mirabili causarum serie concatenata est, & occulta fertur Dei nutu, non cœco fortunæ impetu, *p. 101*: CLERMONTII, qui Ezechieli figuratum fuisse existimat Chaldaeorum exercitum, ex septentrione adventurum contra Hierosolymiam, totamque Judæam instar magnæ nubis tecturum, animatum & agitatum Spiritu Dei, ut iram contra rebellem Israelis domum iuste susceptam exerceret, atque ductum a consiliariis Nebucadnezaris, figuratis per faciem hominis, a Principibus regni fœderatisque ducibus, heroibus, per faciem leonis, indefessis in labore bellico per faciem bovis, & perquam celebris in invasione atque rebus bellicis expediendis, per faciem aquilæ, figuratis, *p. 105*: denique HENRICI HVLSII, Cherubinos arcæ impositos, de quobus increatis Angelis, Filio & Spiritu Sancto interpretantis, in œconomia & missione occupatos, *p. 106*: & LIGHTFOOTI, qui per Cherubinos propitiatorii duas Christi naturas opinatus est adumbrari. Quæ huc transferre, & post curatum examen, denuo sub censuram vocare, nimis foret prolixum, tædiique plenum. Nobis, ut dicamus, quæ mens sit, Cherubi hinc Angelorum Genes. III, 24. Ps. XVIII, 11. hinc Electorum fidelium Apoc. V, 8, 9, 10. mentionem habent. In utrorumque medio Deus dominatur & habitat Dan. VII, 10. Ies. VI, 1 sqq. Apocal. I, 13. Matth. XVIII, 20. XXVIII, 20: utrorumque virtutes varia Cherubini forma refert: utrorumque, & in utroque Testamento facies in Christum, propitiatorium, unice sunt conversæ: &c.

δ) Vindicationem a spuria, quam ipsis SPENCERVS tribuit, origine. Quod enim ille de arcæ fœderis adeo operose asseruerat, id multo adhuc operosius *cit. loc. cap. III. p. 763 sqq.* de Cherubim demonstrare nititur, ab Aegypto ritu il-

los, arcæ impositos, primum trahere ortum. Istud constare contendit 1) ex Nomine, cum Cherubim fortes & potentes designent Ezech. XXVIII, 14. æque ac Aegyptii Deos suos, maxime Apim, a fortitudine & potentia celebrarent, unde par fuerit, ut imagines, Deo pro sede & folio positæ, Cherubim, sive fortes aut potentes dicerentur, ut perpetua manerent potentiae divinae monumenta, & Israelitæ in eo, qui inter Cherubim habitavit, fiduciam suam reponerent: 2) ex eorum Figura, quam talem describit *p. 774 sqq.* ut Cherubim simulacra aurea dicat, eaque multiformia, quæ vultum virilem, quaternas aquilarum alas, dorsa leonum vestita jubis, & vitulorum crura pedesque habuisse, ex Ezech. X, 20. & Apoc. IV, 6, 7. contendat: at Aegyptiorum simulacra & aurea fuisse, & multiformia, & vitulinam cumprimis referentia figuram *p. 780 sqq.*: 3) ex Uſu eorum symbolico & mystico, quo & ad Deum spectabant, qui inter Cherubim solium habebat Psal. LXXX, 1, 2. & potentissimus ita declarabatur; & ad Angelos, Dei velut apparitores, quorum etiam & scientiam, & potentiam plane singularem, forma sua varia adumbrabant; & ad Templum, in quantum sedem & solium Deo habitatori præbebant; & ad Populum, quem admonebant, solum Deum cultu religioso prosequendum, & omnem in eo fiduciam esse reponendam. Id autem manifesto a multiformibus Aegypti symbolis & hieroglyphicis originem trahere, instituta inter Hebræorum Cherubim, & Aegyptiorum hieroglyphica, collatione probare conatur *p. 788 sq.*: 4) ex Situ locali, quod sedem suam Cherubim, æque ut Aegyptiorum simulacra, in tabernaculo & templo perpetuo sortirentur: 5) ex Fine, secundum quem Cherubim Deo, & pro habitaculo, & pro throno vel tribunali erant, & pro vehiculo, & characteris aut signi vice fungebantur, quo Deus ille, cui templum dicatum erat, internosceretur: qui fines omnes Aegyptiam originem manifesto spirent. Ita vero omnia, ut & quæ de conjunctione arcæ & Cheruborum, apud eundem SPENCERVM *cap. VIII. p. 802.* de usu arcæ & Cheru-

Cherubim, conjunctim spectatorum *cap. IX. p. 811.* & de honoribus, arcae & Cherubis conjunctim tributis *cap. X. p. 814 sqq.* sequuntur, quam speciose etiam ornentur, pro illa, quam susceperat, evincenda sententia, ne speciem quidem vel umbram veri habent, perpetua laborant ἀσυλ-λογισία, profanam de Dei veri cultu & honore mentem auctoris pariter produnt, ac lectoribus inspirant, adeoque refutatione proluxa non egent, sed ad rei notitiam solum a nobis indicantur. Quæ tamen cum in partes traxerint IOH. CLERICVM *Comm. ad Exod. XXV. 18.* hunc depexum dedit toties laudatus DEYLINGIUS *c. l. §. 37. 38. p. 444.* quem evoluisse non pœnitebit.

Ad §. VIII. pag. 39.

(15) *Altare thymiamatis medium*] De eo lege Exod. XXX, 1-10. ubi plene מִזְבֵּחַ מִקְטָר מִזְבֵּחַ קֶטֶר *altare, quod sit accendendo suffitui sacro destinatum.* Quanquam enim מִזְבֵּחַ a mactando & sacrificando nomen trahat, paulo tamen generalius interdum quaecunque notabat aram; etiam μνημονεύειν illam, quam Rubenitæ, Gaditæ, & dimidia tribus Manasse, in memoriam communis religionis & communium sacrorum struxerant Jos. XXII, 10. ad usum tamen sacrificiorum nunquam adhibendam v. 23. Hinc Scriptura duplicis meminit altaris, quorum alterum מִזְבֵּחַ הָעֹלָה *altare holocausti*, in quo cremabantur victimæ, alterum מִזְבֵּחַ הַקֶּטֶר *altare thymiamatis*, in quo fiebat suffitus. Neque tamen ab omni prorsus usu sacrificiali erat remotum, quia cornua ejus semel quotannis, in festo expiationis, a Summo Sacerdote sanguine sacrificiorum conspergebantur Exod. XXX, 10. quod toties quoque fiebat, quoties pro Sacerdotis, aut totius populi peccato, expiatio peragebatur Lev. IV, 18. Cum primis autem a suffitu cognomen fortiebatur, ab ordinario & præcipuo quippe usu, quia suffitus aromatum non modo solennis & anniversarius a Pontifice M. in die Kippurim, verum quotidianus etiam, a

Sacerdotibus gregariis, cum sacrificio jugi, mane & vesperi in eo adolebatur. Demum, quia univ-  
ersa auro erat obducta, hinc *aureum* quoque altare vocatur Num. IV, 11. oppositum altari holocaustorum, quod quia ære obductum, *æneum* salutabatur Exod. XXXVIII, 30.

Materia communis huic altari erat cum arca fœderis, & mensa propositio-num: interior ligna Sittim, exterior aurum purissimum, de quibus nihil addimus iis, quæ dicta sunt supra. Discri-men tamen hic aliquod intercessisse creditur, inter Altare Tabernaculi, & Altare Templi Salomoneum. Illud præter aurum & lignum, nullam aliam complectebatur materiam: hoc autem Rabbini, & e Christianis doctoribus nonnulli, intime lapidibus refertum credunt, ita ut primum Salomo lapideum strueret altare, illud asseribus cedrinis tegeret, ac superne obduceret auro. Sic sentit R. LEVI BEN GERSOM *Comm. in I Reg. VI, 22.* אֲחֻשׁוֹב שִׁיְהִיָּה הַרְצֹן בֹּוה שְׁקוֹרֵם זֶה בְּנֵה מִזְבֵּחַ הַקֶּטֶר בְּאֲבָנִים וְצִפּוֹ עֲצֵי אֵרֹץ כְּמוֹ שֶׁעָשָׂה בְּקִירוֹת הַבַּיִת שֶׁהָיוּ שָׁל אֲבָן וְכִסָּה אוֹתָם בְּאֵרֹץ וְאַחֵר כֵּן צִפָּה אוֹתָם זֶה אֲרִיבְרוֹר הִיִּכ שִׁנְיָפִקָרִי, q̄uod antea construxerit altare suffitus ex lapidibus, eosque obduxerit lignis cedrinis, quemadmodum fecit in parietibus templi, qui erant ex lapidibus, textit vero eos cedro, posteaque obduxit auro: Consentit R. DAV. KIMCHI in *c. l. v. 20.* & extra dubium ponit SANCTIVS in *I Reg. f. 1043.* Hoc altare, inquit, sine dubio constructum erat ex lapide, alioqui cur tegeretur cedro? Idem censuit b. PFEIFFER. *Dub. Vexat. de locis sacris cap. 7. §. 6. p. 424.* Altare thymiamatis in tabernaculo ligneum, in templo lapideum erat, utrumque puro auro obductum. Fraudi ipsis fuit verbum צִפָּה, quod in Pihel est, obtexit, obduxit. Sed rectius IVNIVS, Belgæ, & Genevenses: pariter, ut totum sanctum, sic altare quoque in eo positum, quod ex cedro erat, obduxit auro purissimo. Nec status constructus hic requiritur, quem nec accentuatio, nec punctatio admittit, sed ita vertenda sunt verba: & obduxit quoque altare, quod ex cedro erat. Confer huc MATTH. POLI *Synopsin Script.*  
ad



ad 1 Reg. VI. 20. Confirmat hunc sensum versus 22, ubi nobilissimum memoratur tegumentum, quo lignum cedrinum hujus altaris fuit obductum. Vtriusque ergo materiae fit mentio: ligni & auri, de lapide altum utrobique est silentium. Et quid causae fuisset Salomoni, ut a structura, divinitus Mosi imperata, discederet? aut cur lapideam altari subterneret molem, quod nullum unquam sustentaret onus? Alia & longe dispar erat parietum ratio, quos lapideos tota aedis moles requirebat. Hoc ergo ejusdem cum Mosai-  
cō materiae fuisse existimo.

Figura hujus altaris ex quatuor composita partibus emergebat. Superior & I. erat **ἡ τεκτονική** seu *Tectum*, sive tabula plana & continua lignea, sed auro undique obducta, quæ recti ad instar, inferiores regebat partes, v. 3. Vulgata habet: *craticulam ejus*, æquæ ac LXX. *τὴν ἐσχαρίδα*, seu juxta Codicem Roman. *τὴν ἐσχαράν*, *cratem*. Verum nec vox **ἡ τεκτονική** cratem seu craticulam notat, nec altare sufficit eam, velut altare holocausti habebat. Vnde LYRA, CAIETANVS, & EUGVBINVS STEVECHVS corrigendam Vulgatam censuerunt. Hoc male habuit Pontificios interpretes alios, quibus Authentica Vulgatæ auctoritas est, ut contra Textus Hebræi fidem crate distinctum huic altari tribuerint tectum. Ita VILLALBAANDVS in *Ezechiel*. Tom. II. cap. 49. p. 339. Ponamus, inquit, *tectum altaris propter Hebraicam lectionem, & illud quidem in craticula modum factum fuisse, propter Septuaginta Interpretum auctoritatem & lingue utriusque peritiam, ac propter ipsius altaris formam, magis ipsis perspectam, quam aut CAIETANO, aut EUGVBINO potuerit esse, ac dicamus ab omni correctione immunem servandam imprimis esse Vulgatam Lectionem. Accedit hoc etiam IOSEPHI, testis oculati, testimonium Lib. III. Antiqu. Cap. 7. ἐπὶ τὴν ἐσχαράν χρύσεια & πρὸς ἀνέσσωσα, ἔχουσα κατὰ γωνίαν ἐκάστην τέσσαρον. (inerat craticula aurea supra superstans, habens in unoquoque angulo coronam). Latinus loci Interpres: super qua stabat focus, corona aurea circumquaque cinctus. Cratem autem superstantem dixit, quasi altari impositam, cui for-*

lasse consonat Scriptorum sententia de crate catenis & cornibus suspensa. Consentit BONFRERIUS in *Pentateuch*. f. 537. CORNEL. A LAPIDE in *Exod.* p. 568. TORNIELLEVS *Annal. Sacr.* T. I. p. 312. aliique, quibus religio fuit, Vulgatæ in discrimen adducere fidem. Verum, tam contra fontium auctoritatem, quam contra indolem rei. Nunquam enim **ἡ τεκτονική** reticulatum opus, aut cratem sive notat, sive connotat; & altare ipsum quotidiano combustionis periculo expositum fuisset. Si enim cinis per foramina ex superficie altaris Mosaii, quod intus concavum & mere ligneum diximus, superiori delabi debuit, qua arte satis potuit caveri, ne candentes desuper deciderent in cavitatem ligneam prunæ, lignumque adurerent aut læderent? ipsius quoque suffimenti quanta pars non ab igne consumpta, sed per foramina delapsa, cineribus commiscenda, fundum petiisse censenda esset? Sin vero interiorem hujus altaris partem lapideam dixeris, quod paulo ante negavimus, ne locus quidem delapsuro sive igni, sive cineri relinqueretur. Rectius omnino FORTVNAT. SCACCHVS *Sacror. Elæochrismat. Myrothec.* II. cap. XLVII. p. 533. pronunciat: *Certum igitur esse debet, nullam hoc altare habuisse cratem in superiori plano, in quo carbonēs, & thymiamata in suffumigium imponebantur, sed totum laminis aureis in superiora coopertum, & extitisse in ejus medio foculum aureum, corona circumdatum, non perforatum, sed integrum, intra quem carbonēs injicerentur cum thymiamate, quoties mane & vesperi offerretur: quo consumpto, ab illo sacro altari removebantur tam focus, quam carbonēs jam extincti, qui in illo erant. Provocat eum in finem ad IOSEPHVM, cui lib. III. Antiqu. cap. 7. in altari aureo ἐσχαρά χρύσεια foculus fuisse aureus, & quidem solidus, altare autem holocaustorum dixτω τὴν ἐσχαράν ἐμψέης, crate pro foculo superius instructum perhibetur. Vnde simul liquet, per ἐσχαράν focum potius, quam cratem a LXX indicari, eosque gratis sententiæ nostræ opponi: quod IOH. CLERICVS etiam monuit. Focum autem intelligimus, locum cui ignis imponebatur,*

tur, non thuribulum, seu vas aliquod sacrum, cui prunis repleto immitterentur aromata, quale SCACCHVS, alique bene multi somniant. TOSTATVS in *Exod. XXX. v. 6.* verba: *adolebit incensum super eo*, ita exponit: Non, quod poneretur immediate incensum super ejus planam superficiem, quæ cum esset cooperta laminis aureis, liquefieret aurum applicitis prunis, & pollueretur atque offuscaretur, quod inconueniens erat ad auri puritatem: sed fiebat aliter, scil. quod erat quoddam vas æneum, quod vocabatur ignis receptaculum, & aliquando nominabatur thuribulum &c. Sic novum denuo huic altari & vas obtruditur æneum, & ministerii genus, imponendi thuribulum istud & auferendi. Mirorque non CORNELIUM A LAPIDE modo, verum etiam CONRAD. PELLICANVM in *Exod. XXX.* HERMAN. WITSIVM *Miscoll. Sacr. p. 417.* GVIL. GOE-REE in *de Republick der Hebreën lib. I. p. 289.* FRANCISC. CARRIERE *Comment. in univ. Script. pag. 80.* LVNDIVM, & novissime BERN. SEB. CREMER. *Pœcil. Antiquit. Sacrar. Tom. I. p. 302 sqq.* in lapidem impegisse eundem. Liquefactionis periculum, de quo sollicitus angitur TOSTATVS, auro solido a superinjectis prunis metuendum erat nullum, & obfuscatio tecti, quam causatur, officium altaris quotidianum potius testabatur, quam ut in dedecus eidem cederet. Nobis velut in tectum continuum ac planum, & prunas injectas, & thymiamia superimpositum fuisse, dubium nullum est; ita ministerii universi ratio ac ordo mox planius ediferetur.

Tecto proxime junctus erat II. *ו* Limbus, de quo v. 3. ita jubet: *ועשית לו זר זהב סביב* & facies ei limbum aureum circumcirca. Hunc in Coronam verterunt multi, eorumque aliqui non in extrema altaris ora, sed in tecti medio collocant. At aliud omnino עטרה corona est, aliud *ו* cinctura, a Rad. *זר* quæ alias *dispergendi, ventilandi*, interdum autem per *ἀντιφρασιν* cingendi notionem habet, ut 2 Sam. XXII, 40. Pl. CXXXIX, 3. Erat itaque cinctorium, ex solido conflatum auro, quod tecto ita adhærebat,

ut in extremitate illud cingeret, & prohiberet, ne quid facile ab altari in terram devolveretur. Non nego, Hebræis triplicem illum limbum, circa arcam, mensam auream, & altare suffitus, triplicis coronæ, legis, regni, & sacerdotii, symbolum fuisse. Ita R. IOCHANAN in *Gemara Joma cap. V. fol. 72. col. 2.* pronunciat: *שלושה זרין נעשו בכלי הקדש של מזבח סימן לכתר כהונה ושל ארון סימן לכתר תורה ושל שלחן סימן לכתר מלכות שהשלחן הוא סימן לעושר מלכים* Tres efformati sunt limbi in instrumentis sacris, Altari, qui signum est coronæ sacerdotatis, Arca, qui signum est coronæ legis, Mensæ, qui signum est coronæ regni, quia mensa divitiarum regiarum signum est. quæ sparsim repetita leges apud R. SALOMON. IARCHIVM in *Exod. XXV, 25. XXX, 3.* R. BECHAI in *Legem f. III. col. 3.* & R. OBADIAM DE SAPHORNO in *Legem f. 39. col. 3.* Ast hoc ipso *ו* non coronam fuisse, aut ejus retulisse figuram affirmant, sed utrumque ipsis distat ut signum, & res quæ signatur. Ceterum SPENCERVS lib. III. *de legib. Hebr. Dissert. V. cap. I. sect. 7.* edit. Londin. p. 757 sq. coronæ notionem eo arripit libentius, quod in Gentilium quoque sacris, vasis, & altaribus, tales coronas & ornamenta ejusmodi reperit, unde thesin suam confirmare satagit, hoc pariter, ut cetera in sacris Hebræorum, ex ethnico ritu acceptum, & in cultum Judaicum a Deo, sapientissimo quidem consilio, fuisse adscitum. Sed si quid ex Antiquitate clarum est, hoc certe clarissimum, Coronam vel circulum, ab illo, in Hebræorum Sacris memorato, Limbo quam maxime distare. Coronæ honoris symbolum, limbi vavorum securitatis sunt subsidium, nec capropter, quicquid vel in circulum, vel in extremitate, corpus suum ambit, corona statim evadit. Sed fac etiam, magnam inter utrumque similitudinem intercessisse, ab Hebræis tamen hunc ritum ad Gentiles potius, quam ab his ad illos transisse, affatim ex illis apparet, quibus Diabolum Dei simiam, perversissimumque in sacris imitatore fuisse, viri docti dudum demonstrarunt, DILHERRVS de *Cacozelia Gentilium, T. II.*



*Disputat. Acad. n. IX. p. 162. & IOH. VAN DER WAYEN Var. Sacr. pag. 272, 288. in Dissertat. de Hirco Azazel.*

Ex tecto procedebant III. Cornua, ut Exod. XXX, 3. legitur: מִמֶּנּוּ קַרְנוֹתָיו *ex ipso erunt cornua ejus.* Ex eadem quippe conflata materia, quin & altari adeo coherētia, ut non adderentur demum aut affigerentur, postquam perfectum erat, sed ex quatuor ejus angulis surgerent, ac velut enascerentur. Ita R. LEVI BEN GERSOM *Comment. in Legem fol. 109. col. 4. למרנן מזה שאין ראוי לעשות הקרנות לבדם נפרדים ומונחים מזבח אבל ראוי שיהיה הקרנות: מזה המזבח:* *discimus inde, quod non conveniat facere cornua separatim, & altari deinde apponere, sed quod cornua debeant esse ex corpore altaris.* Circa figuram major est dissensus. De veris figuris cornuum taurinorum sive hircinorum, utriusque altaris cornua interpretatur FORTVNAT. SCACCHVS *loc. cit. Myrothec. II. cap. 65. p. 633 sq. & in eandem sententiam pedibus incedit SPENCER. c. 1. Diff. I. lib. III. cap. IV. sect. I. p. 562. quia novum hinc Dianæ, quam ornat, robur accedere opinatur.* Ad mentem autem CAIETANI & LIPPOMANNI *super Exod. XXVII. & XXX. & aliorum fuisse creduntur quidam velut radii, ad parvi cujusdam obelisci, vel potius balauftii acuminati, similitudinem, torno eleganter elaborati, atque ex singulis quatuor angulis decenter prodeuntes.* Rursus ARIAS MONTANVS ipso met fuisse putat superiores altaris angulos, in acutum extra aliquantulum prominentes. Porro IOH. IAC. CRAMERVS *de Ara exteriori templi secundi p. 65. & 67. altaris cornua non tam a figura denominari existimat, sed a robore potissimum, cujus cornu symbolum pariter ac instrumentum est, quod BORREMANSIUS quoque censet Var. Lect. lib. pag. 245. & b. THEOD. DASSOVIVS de Alt. exteriori Hierosol. templi §. 8.* Nec multum ab his dissentire existimo VILLALPANDVM, qui T. II. in *Ezech. pag. 335, 338. ita de illis commentatur: Eorum formam magis expressam cuperent alii, nos eam reddidimus in imagine, quam Scriptorum probavit*

*auctoritas. Nam CAIETANVS, quem laudavit LIPPOMANNVS, verbis hujus Textus (Exod. XXX, 3.) indicari arbitratus est, cornua hæc minime fuisse addititia, sed ex tegillis quatuor angularibus, officio pedum surgentibus, surgentia cornua quatuor in obelisci modum affabre elaborata. Ex quo fit, ut e recessibus surrexissent cornua judicentur. Asseribus enim (altare) undique cingebatur, in quorum recessibus tigna erigebantur quadrata, quibus affixi asseres continerentur, & a rectis angulis minime desisterent. Et tigna illa, quæ instar ossium animalis, altari erant inferne pedes, & sulcra altari præstabant, desuper cornua, quæ aureis quoque condecorabantur crustis & cælaturis.* Hanc delineationem VILLALPANDI, omnium minime coactam, & ex structura altaris promanantem, in expressa cornuum imagine imitantur SAVBERTVS, WITSIVS, & recentiores alii. Quibus hoc solum addimus, prominentias quasdam angulares fuisse in altum surgentes, sed figuræ non adeo certæ, eandemque eorum in utroque altari formam fuisse, nisi quod utraque altaris sui moli responderent, & robustiora altioraque essent in altari holocaustorum, minora in thymiamatis ara. Ceterum SPENCERO, simul & SCACCHIO, satisfecit CRAMERVS *cit. loc. p. 75.*

Pergimus IV. ad *Latera*, quæ asseres formabant lignei, auro exterius tecti. Num plana illa, an rerum quarundam imaginibus exornata fuerint, nostrum non est definire. Potuerunt fortasse cælaturæ nonnullæ, aut florum fructuumque ornamenta, latera illa distinguere; sed tacente Scriptura, quæ cetera Templi ornamenta non omnino filuit, quis certi quid definire auserit? VILLALPANDVS quidem, eumque secuti SAVBERTVS, WITSIVS, GOEREE, aquilæ leonumque alatorum &c. signa in lateribus altaris exprimunt, magis tamen animus propendet ad latera plana, præcæ simplicitati exactius respondentia. Sed nec probamus, quam iidem in latere altaris orientali collocant fenestram, ad cineres intra altaris finem decidentēs, inde auferendos, cum nullam in tecto fissuram, multo minus

minus craticulam, admiserimus. Aliud nos edocet Scriptura vers. 5 laterum ornamentum, *annulos aureos*, in receptaculum vestibus, quibus commodè altare bajularetur. Et annuli quidem, duorum laterum angulos occupantes, ut utrinque infra limbum propenderent, ex auro solido conflati, vestes autem ex ligno erant, auro vestiti, ad eundem cum vestibus arcae modum. Quod de Mosaico tamen altari solum capiendum docent auctores, Salomoneo autem defuisse, quod stabilem immoramque nactum sedem, istis itinerum adjumentis non indigeret.

Situm, locumque huic altari curate satis definit Deus vers. 6: ונתחה אחו לפני הפרכת אשר על ארון הערת לפני הכפרת אשר על ופones illud ante velum, quod super Arca testimonii est: ante propitiatorium, quod super testimonio, ubi conveniam te. In Sancto itaque, locum tenebat medium cum conclavis, tum inter mensam & candelabrum, ita tamen, ut paulo propius portæ, & a velo remotius confisteret. Hinc verba לפני הפרכת *coram velo*, ABA BEN-NEL & ABEN ESRA כנגד הפרכת מבחוץ e regione veli extrinsecus recte exponunt. Neque tamen satis de eo convenit inter eruditos. Quia enim Apostolus Hebr. IX, 4. *χρυσὸν θυμιατήριον*, de quo supra commentati sumus, intra velum, & in Sanctissimo collocat, multi illud de altari suffitus interpretati, hoc quoque, una cum Arca, in intimo constituunt adyto. Sic e Veteribus ORIGENES Homil. 8. in Exod. & 9. Levit. AUGUSTINUS in Exod. RUPERTUS TIVITIENSIS in Exod. lib. IV. cap. 9. tum quoque ARIAS MONTANUS l. 2. de sacris fabricis, CONRAD. BELLICANUS in Exod. XXX. qui loco Arcae Fœderis in Templo secundo, altare incensi aureum collocat, & CAR. SIGONIVS, quem PET. CVNAEVS castigavit lib. II. de Repub. Hebr. cap. 4. Sed & Recentiores omnes, qui in hoc caput inciderunt, confutandos sibi affirmantes sumserunt. Si enim conferas Cap. XL. Exod. 22-28. manifesto apparebit, extra velum hæc omnia posita fuisse, mensam, lychnuchum, &

altare incensi. Argumento etiam est, quod minorum ordinum Sacerdotes, qui nunquam ingrediebantur Sanctum Sanctorum, quotidie tamen in altari illo aureo incendebant suffitum, quod Zachariæ probat exemplum, qui de octava erat Sacerdotum classe, Abiæ, & tamen adolendi ministerium obibat Luc. I, 9.

Cultus ad hoc altare præstandus, vel *quotidianus* erat, vel omnino *solemnis* & annuus. Quatuor enim *quotidie*, sorte destinati, offerendo suffitui vacabant Sacerdotes, quibus manus & pedes lavandi ante erant, quam ad ministerium hoc sacrum accederent. Et primus quidem, dum mactaretur agnus sacrificii jugis, in Sanctuarium ingressus, cinerem ab altari sublatum, & vase quidam aureo exceptum, seponebat, totumque purgabat altare; hinc, mane quidem, peragebantur preces sacerdotum in לשכת הנוזת conclavi caso Templi posterioris, antequam ulla fieret oblatio. Mox duo alii Sacerdotes, alter ignem ex altari holocaustorum peritum, & ex argenteo in aureum thuribulum immissum ferens, alter thymiam, ad gradus porticus ex atrio junctim tendebant, dum Musicum pulsaretur instrumentum המגרפה Migrepha dictum. Præcedebat illos prior, quem memoravimus, collectos in vase cineres ex Sancto elaturus. Vbi ad altare pervenerant, alter thuribulum suum effundebat in tectum altaris, & diducebat prunas, & adorato Deo egrediebatur; alter, qui המקטיר / ad Præfetti sui signum & imperium thura pugillo effundebat super prunas, & discedebat. In trium horum societatem, quartus ab illo, cui suffimentum offerendum erat, ad sibi præstandam operam adscisciebatur. Tradunt præterea Magistri in Gemara Joma cap. II. §. 4. & R. SAL. IARCHI in Tamid cap. 5. fol. 66. col. 2. *וְהַמִּקְטִיר* non nisi semel per omnem vitam suffimentum adolere concessum fuisse, quia fortunatos rerum successus & singularem experiebantur benedictionem, qui hoc officio essent functi: hinc beneficium istud omnibus, vel certe pluribus, erat indulgendum, quos fors tetigisset. De instrumento Musico Migrepha, cu-



jus in Templo pulsati sonum vel Jerichunti exauditum tradunt Magistri, exponentem evolve DASSOVIVM disp. de Altari holocaustor. exteriori §. 20. sub fin. & SALOM. VAN TIL Dig. Sang-en Speelkonst der Hebreën P. III. cap. VI. §. 8. p. 504.

Solemnis autem suffiendi cultus, annuo Expiationis Festo, tum quoque septem ante hunc diem proxime antecedentibus, Sacerdoti Summo, vel ejus Vicario adeo erat proprius, ut vulgaribus, sive gregariis Sacerdotibus eum obire, integrum non esset. Vide *Mischna Joma cap. I. §. 2. cap. III. §. 4. cap. VII. §. 4.* Tum enim juncta erat suffitui, aspersio sanguinis ad altare aureum, a Summo Pontifice albis induto, cum tertia vice egressus esset Sanctissimo. Prima enim vice adolebat in illo suffimentum, secunda aspergebat sanguinem juveni, tertia hirci. Ab hujus vero sanguinis aspersione cum exiisset, iterum asperso statim juxta velum, quod Arcæ obtendebatur exterius, primo juveni, deinde hirci sanguine, ad altare antequam alias actiones susciperet, se conferebat. Ritus expiationis ex Lev. XVI. Num. XIX, 7. & Exod. XXX, 10. liquet, cujus tamen modum subobscurè in Scripturis traditum criminatur FORTVNAT. SCAECHVS c. l. *Myroth. II. p. 697.* quem non intellexisse se testatur, nisi adfuissent veterum Gentilium monimenta, quæ in Priapeo cultu receptam docuissent asperionem, ex galli gallinacei sanguine peractam: unde conjicit, eandem sanguinis irrorationem, quam copiose describit, apud Israelitas obtinuisse in sanctuarii, tabernaculi, altaris & reliquorum expiatione. Θεὸς τῆς ἀσβεστίας! Majori cum reverentia & accurate eum ex MAIMONIDE tradit DASSOVIVS de Altari exterior. Hierosolymitan. Templi §. 6. Post cornua, ad tectum quoque altaris septies aspergendum se convertebat Sacerdos Summus, postquam cineres & sordes prius removisset, ut auream laminam aspersus sanguis tangeret Lev. XVI, 19. Quæ copiosius ad ritum Festi Expiationis exponuntur. De vestitu saltem dissentiunt Interpretes. Gemino enim, cum

hoc die Pontifex uteretur, hinc aureo, hinc albo, viri summi IOH. VAN DER WAYEN Var. Sacr. pag. 243. & BRAVNIVS de Vest. Sacerdot. Hebr. lib. I. cap. 5. p. 88. §. 80. aureis vestibus indutum hæc peregrisse contendunt, sed contra fidem R. SAL. IARCHII ad Levit. XVI, 23. MAIMONIDIS, & Hebræorum passim, qui non in Sanctissimo tantum, sed & extra illud, in certis actionibus, cum primis in aspersione altaris suffitus, Pontificem albas usurpasse vestes testantur.

Thymiana in hoc altari adolendum, Deus ipse curate præscripsit Exod. XXX, 34 sqq. extra quod si aliud & diversum in eo accenderetur, id profanatio altaris, & abominatio coram Deo erat. Conficiendi modum MAIMONIDES in כלי המקדש cap. II. §. 1 sqq. ita tradit: Suffimentum conficiebatur singulis annis. De quo conficiendo præceptum, quod extabat, affirmativum erat: Et tu accipe tibi aromata &c. Ac in lege quidem expresse designantur quatuor illa aromata: stacte, onyx, galbanum, & thus: Cetera aromata ad illud adhibita, sunt constitutio Mosis e Sinai; Eaque numero undecim, myrrha, casia, spicanardus, crocus, cinnamomum, cortex odoratus, sal Sodomiticum & Ciphath Jordanis (herba in littore Jordanis nascens) ac herba quædam, quæ fumum elevabat, quam non noverant, nisi viri quidam noti, penes quos fuit hæc constitutio, alteri ab altero oretenus communicata. Addit pondus cujusque aromatis, & componendi modum MAIMONIDES. Ceterum in conficiendo hoc suffimento excelluisse legitur familia Abhtines, in Gemara Joma cap. III. fol. 38. col. 1. & in Schekalim cap. V. fol. 7. col. 2. Ei certe curæ, inter quindecim illos rerum sacrarum in Templo כמנין Praefectos, unus incumberebat. Et familiæ quidem Abhtines soli hoc constabat artificium, ut ab ea confecti suffimenti fumus sursum versus tenderet, velut baculus; unde hanc eum aliis communicare scientiam detrectavit. Et licet evocati Alexandria essent artifices, parandi suffimenti egregie periti, horum tamen suffimentum ita fumum emi-

emississe *ibid.* perhibetur, ut huc illuc depressus ille statim fuerit ac dissipatus.

Circa Finem demum ac scopum universi hujus in altari aureo ministerii, graviter hallucinatur MAIMONIDES, quando suffitum in eo factum perhibet, ad foetidos victimarum odores mitigandos vel depellendos: quem dum hoc nomine graviter castigaverit R. BECHAI *Commentar. in Leg. fol. 115, col. 3.* Absit inquit, ut tribuamus caput fidei precipuum, quod in mysterio suffitus est, cui similem facientem excisionis reum lex pronunciat, rationi huic imbecilli: mirari omnino subit, sectatores nactum fuisse HUGON. GROTIUM & IOH. CLERICUM in *Exod. XXX.* qui Deum suffimentum sibi adoleri iussisse credunt, ad discutiendum nidorem ex animantibus caesis, purgandumque aërem. Eundem errorem IOH. MARSHAMVS in *Canone Chronico Sec. IX.* edit. Lips. p. 211. inculcat, suffimentum jure fuisse, ad discutiendum nidorem ex victimis necessarium. Præterea, ut persuadeat, ab Aegyptiis ad Hebræos hunc ritum transiisse, ex *PLUTARCHO de Iside* observat, sacerdotes Aegyptios ter quotidie soli adolevisse, resinam sub ortum, myrrham meridie, *αῶφ*, circa occasum; idque ex Manethonis instituto. At enim vero altius assurgere hanc Levitici cultus partem, & altare aureum quidem Christum Mediatorem, suffitum autem in eo oblatum, preces adumbrasse sanctorum, ex *Apoc. VIII, 3* sqq. & *IX, 13.* intelligimus: quæ loca erudite ac pereleganter illustravit laudatus supra BRAUNIVS *Select. Sacr. lib. II. cap. VI. & VII.* p. 228, 245 sqq. ubi multa reperies ad suffiendi ritum, ex Hebræorum disciplina, scite congesta. Universum autem istud latifundium egregie exhaustit septem disputationibus A. 1699. *de Hebræorum altari suffitus*, Vitembergæ editis ac ventilatis, DAVID. GERTMANN, Hamburgensis; recentius adhuc BERN. SEBAST. CREMER *Antiqu. Sacrar. Poecil. T. I.* p. 297. ubi literalem, & p. 326. ubi mysticam, de altari suffitus, tractationem exhibuit; & recentissime CHRIST. LUDOV. SCHLICHTER *de Altari aureo Tabernaculi, ejusque mysterio*, libello

singulari *Symbolis literar. Bremens. T. II. P. III.* p. 401, sqq. inserto, dignoque præ ceteris, qui huc conferatur.

Ad §. VIII. pag. 39.

(16) *Mensa cum duodecim panibus propositionis*. De ea præceptum lege divinum *Exod. XXV, 23 - 30.* & *Levit. XXIV, 5 - 9.* Vbi diserte memoratur

α) Materia. Fabricata erat ex lignis Sittim, sed aureis laminis obducta, ut exacte responderet cum Arcæ Fæderis, tum altari thymiamatis, ex ligno interius paratis, sed auro undique obductis. Hinc R. SALOMONE teste, שלחן הזהב *mensa pura*, honoris causa dicta, & a reliquis mensis, quæ posthæc duodecim in Templo extitisse memorantur, longo dignitatis discrimine sejuncta fuit. Obduci enim jubetur זהב טהור *auro puro*, quod in septem auri speciebus, quas ex Gemara Hieros. *ad Cod. Joma fol. 41. col. 4.* BVXTORFIUS recenset *Lex. Talm. p. 646.* secundo loco ponitur, & definitur ibidem, quod in ignem conjectum, adeo defæcatum deprehenditur, ut de pondere suo nihil perdat.

β) Forma: quam hinc mensura constituit tabulæ, duos cubitos longæ & unam latæ; hinc fulcra quatuor pedum, unum cum dimidio cubitum altorum, quos clausura lignea, capitellis eorum imposita jungebat, ut rite subsisterent, & tabulam firmiter sustinerent; hinc ornatus limbi aurei, qui undique mensam cingebat in peripheria sua, eamque non modo exornabat, sed & muniebat, ne quid inde delaberetur. Jam cum duplex Hebræis cubitus esset, quorum alterum R. IEHVDA quinque, alterum R. MEIER sex palmis definiret, quorum dissidium in *Cod. Menachoth cap. XI. §. 5.* memoratur, tandem BARTENORA in *Not. ad h. l.* supputatis ex Gemara aliorum Rabbiorum suffragiis, הלכה *decisionem* communemque sententiam subjungit, qua R. MEIERI obtinuit sententiæ longitudinem hujus mensæ XII, latitudinem ejus VI palmis



constitisse. Porro quatuor innixa pedibus fuisse, tabula describitur vers. 24. quorum num illa fuerit figura, quam IOSEPHVS *lib. III. Antiqu. cap. 7.* tradit; & ADRIANOMIYS ac VILLALPANDVS delineavit, tacente Scriptura definire non audemus. Ornatus geminus additur v. 25. *מסגרת clausura*, & *זר וזה limbus aureus*, quorum prior taniam seu ligamen notat, tabulam cum pedibus ambientem & cingentem, posterior affabre elaboratam & prominentem cincturam, labii ad instar tabulam, supra taniam, ambientem. Accedebant annuli quatuor aurei, ad extrema clausura pedum & labii appensi, qui transmissos ligneos, sed auro obductos, sustentabant vestes, quin &, juxta IOSEPHI descriptionem, totam conjungebant mensam.

γ) Instrumenta seu vasa, usui mensæ in Sanctuario inservientia, vers. 29. subjunguntur quatuor: I. *קערות, τερεβλία*, juxta LXX. h. e. non duo catini maximi, quorum singuli sex propositionum panes complecterentur, ne pulvere læderentur, aut contaminarentur a mulsis, quod VILLALPANDVS fingit *Tom. II. Ezech. P. II. Lib. IV. cap. 57.* confutatus a SCACCHIO *Sacror. Elæochrism. Myroth. II. cap. 41.* non acetabula, ut Vulgata reddit; non receptacula quædam, in quibus pars aliqua similæ, ex qua panes conficiebantur, Deo ad altare offerretur, ut præter verum somniat SCACCHVS: sed scutellæ, quales v. g. posthæc Num. VII, 84. principes Israelis argenteas obtulisse memorantur, sive patinæ aureæ, panibus ex æsse respondentes, & singulæ singulos, in mensa repositos, recipientes: II. *כפות* quæ PAVL. FAGIYS *ad h. l.* vasa exponit, in quibus aromata conterebantur, ac si *mortariola* diceres, Vulgatus *phialas*, alii *thuribula*, Judæi Germani *Lassel*, æque ut PAGINVS, MÜNSTERVS, & TIGVRINI, *cochlearia* transferunt: demum verò rectissime *acerre* thuris dicuntur, singulæ unius pugilli, quibus thus, mensæ impositum, Deo consecrabatur: III. *קשרות* quæ perperam omnino a Vulgato *libamina*, a LXX. *σπονδία*, a b. LUTHERO, eodem fere sensu, *Kamen*, a VILLALPANDO

*opercula*, pro obtegendis æque panibus ac ture parata, vertuntur, cum juxta Judæorum sententiam, calami dimidiati fuerint aurei, inter panes sibi incumbentes interjecti, ne se mutuo contingerent, aut immediate superimpositi murescerent: IV. *מנקיות* quam vocem Græci *κυάθας*, Vulgatus *cyathos*, VILLALPANDVS per ipsa libatoria explicat, & fortasse, addit, *indicare hic voluit Textus, libationem hanc vini singulis Sabbathis factum fuisse tunc, cum panes inferendi erant in Sanctum.* Alii vero penitus perspicientes, nullam plane vini oblationem circa hanc mensam fieri consuevisse, diversam vocis notionem sectantur; alii quidem secundum etymologiam, cum TREMELLIO & Tigurinis, *Instrumenta purgatoria*, cum CAIETANO *scopulas*, ad repurgandam mensam idoneas; alii ex mente Rabbiorum fere omnium, *perticas* seu *furcas*, item *portatoria* interpretantes, quibus inserti calami suffulciebantur, ne panes comminuerent. Nobis tamen etymologica illa notatio magis arridet. Nimirum, cum hinc inde ambularent Sacerdotes in Sancto, non poterat non pulvis excitari, eoque cum mensa, rum panes obrui & fœdari, ut si plane non emundaretur & purgaretur mensa, pulvere & situ obsita fordesceret. Necessaria ergo erant instrumenta purgatoria, quibus quotidie, vel singulis saltem septimanis, cum imponerentur recentes panes, verreretur & mundaretur mensa. In hac sententia, ex origine vocis propullulante, tandem acquiescimus, donec edoceamur firmiorem. Quæ enim Rabbini huc afferunt, non nisi ipsorum ingenio nituntur.

δ) Vfus: ut super hac mensa *לחם פנים panis facierum* coram Domino rite disponderetur vers. 30. Vbi nolim cum Rabbinis, & TOSTATO AVELNSI, vocem פנים ad panes ipsos, eorumque aspectum referre, sed ad faciem potius Dei, in ejus præsentia & velut conspectu propositi panes, tanquam *memoriales* jacebant. Alias etiam *לחם תמיד panes sempiterni*, Num. IV, 7. *לחם המערכת panes dispositionis*, a decenti nimirum ordine, I Chron. XXIII, 28. &

in N. T. οἱ ἄγροι τῆς προθέσεως Matth. XII, 4. Marc. II, 26. Luc. VI, 4. appellantur, eodem sensu, quo Paulus Hebr. IX, 2. τὴν προθεσιν τῶν ἁγίων commemorat. Datum id erat negotii Levitis nonnullis, ut panes istos coquerent, qui אומני לחם הפנים *Artifices panum propositionis* dicebantur, suumque rursus ex Levitis habebant ממונה *Præfectum*, I Chron. XXIII, 28 sq. Temporibus Templi secundi in hoc opere præcipue excelluisse familiam *Garmo*, traditur in Cod. *Jo-ma cap. V. §. I.* de qua præterea in Cod. *Jo-ma cap. III. §. II.* perhibetur, illam artis suæ tenacem & invidam fuisse, quo factum est, ut narrante ad b. L. EARTENORA, cum alios etiam ab ipsis erudiri juberet Synedrium, illi contra institutionem detrectarent, ut remoti ab hoc suo munere, Judæis quibusdam Alexandrinis loco cedere coacti fuerint; sed hi, partim imperitia, partim male gerendo officium, ita res suas curarunt, ut satius multo duxerit Synedrium, quibusvis potius promissis, familiam hanc *Garmo* ad prisca munera revocare, quam ea diutius Alexandrinis committere. Præparabantur in Bethphage, quod ædificium erat, monti Templi inhærens, diversum omnino & aliud ab illo Bethphage, quod apud Lucam cap. XIX, 29. & Marc. XI, 1. extra muros urbis, ad radices montis Oliveri collocatur. Vide LIGHTFOOTI *Cen-tur. Chorogr. Matthæo præmissam cap. 37.* Hic itaque pinsebantur & subigebantur panes in massa, atque in formas illas ferreas imprimebantur. At ipsa coctio in atrio Templi peragebatur. Nimirum, si quis ex atrio mulierum per portam Nicanoris tenderet in atrium Israelis, ad dextram illi, seu ad Templi extremum latus septentrionale, ædificium magnum occurrebat, ad quod ut accederet, transeunda ipsi erat pars atrii sacerdotalis, qua victimas mactare consueverant. Dicebatur בית המוקד *domus foci*, quia perpetuus illic, noctu pariter ac interdiu, focus struebatur, cujus usus interdiu quidem erat, ut Sacerdotes nudis pedibus ministrantes, calefierent; noctu autem excubiis inserviebat, quæ hic loci primariæ habebantur. Quatuor autem

huic ædificio conclavia, pro quaternis ejus angulis, assignantur: conclave agnorum, in quo sex agni ad quotidiana sacrificia perpetim asser-vabantur; cui oppositum erat conclave, pro as-servandis lapidibus altaris, quod Græci Reges polluerant; tum conclave balneo instructum, ubi abluebantur illi, qui forte casum nocturnum erant passi; demum לשכת לחם הפנים *con-clave panum propositionis*, qui illic a familia *Garmo* coquebantur. Materia panum similago tritici erat lectissimi Lev. XXIV, 5. cujus duæ decimæ Ephæ pro singulis panibus, duodecim in mactris pinsebantur, & separatim subigebantur, ita tamen, ut hinc fermentum, hinc oleum, ab hac massa sollicitè arceretur. Suam singuli panes ut figuram fortirentur, laterum instar in typis atque formis fingeantur. Hanc autem figuram R. SALOMO ad Exod. XXV, 29. describit habuisse speciem cistæ apertæ in duobus lateribus, & fundum suum habentis inferius, super quem latera, velut parietes quidam, surgerent in altum. Longitudo decem, latitudo quinque erat palmorum, & crassities palmi unius, & cornua ad parietes accedebant, non tamen in altum erecta, sed ut יום טוב docet, reflexa introrsum. Ita præparati, & ad debitam effecti figuram, inferebantur furno, ubi justo tempore, ignis calore demum perficiebantur, & ad suam velut maturitatem perveniebant. Neque tamen ita ex furno calentes imponebantur mensæ, sed in his formis ferreis in Pronaon Templi deferebantur, ubi per totam noctem in mensa marmorea dispositi erant, nec prius auferebantur, quam postridie, ubi a Sacerdotibus inserti formis aureis, in Sanctuarium ipsum inferebantur.

ε) Ministerium circa hoc altare in auferendis panibus veteribus, & imponendis novis versabatur. Simulac Sabbathi die quotidianus agnus, una cum extraordinariis sacrificiis, cultum ejus diei inchoasset, quatuor Sacerdotes sanctuarium ingressi, ad australe mensæ latus consistebant; tum alii quatuor, bini senis panibus, & bini rursus singulis thuris acerris onusti accedebant,



debant, qui in opposito mensæ latere, inter ipsam nempe, & murum Sanctuarii septentrionalem stantes attendebant, dum priores illi Sacerdotes, veteres panes adimerent, in quorum locum hi novos statim suggererent, idque, quæ fieri poterat celeritate, ne mensa diu vacaret. Idem circa removendas veteres, & substituendas novas thuris acerras observabatur. Idque innui a Domino censent Judæi, quando præcipit, ut panes coram facie ejus *המזבח perpetuo*, & sine intermissione struantur Lev. XXIV, 8. Sublati veteres panes, & in atrio Sanctuarii mensæ aureæ impositi, tamdiu morabantur, donec, quæ sublata erant thura, sale tamen prius condita atque conspersa, solenni ritu, in altari holocausti concremarentur, juxta Lev. XXIV, 7. Hac peracta concrematione, panes veteres inter duas Sacerdotum classes, abeuntem alteram, & alteram advenientem, æquis partibus distribuebantur, a quibus solis, & ipso quidem Sabbathi die, in loco sancto, ad atrium Tabernaculi & Templi, erant absumendi. Jam quidem, quia versus 9. ita disponit: *panes vero Aaroni & filiis ejus cedent*, dimidia eorum pars ad Pontificem M. spectabat; is vero ultro illam Sacerdotibus cedebat, ut utraq; classis sex panes acciperet. Vniuscujusque ergo classis cum amplissimus esset Sacerdotum numerus, facile hinc colligitur, quam exigua ex illis portiuncula singulis obtigerit. Ast miraculum hic jactant Judæi, eamque sacro pani efficaciam tribuunt, tempore prioris Templi, ut portionem ejus vel ad pisi quantitatem sumtam, non tantum famem omnem sedasse, sed & ad satietatem usque cibasse quemvis affirmant. Comedendi autem erant die Sabbathi, nec nisi in Templo: per noctem enim conservatio panem reddebat profanum. Ceterum panum in mensa situs ita habebat, ut primus in utroque ordine, & infimus panis in sua patina aurea, secundum longitudinem suam, quæ mensæ latitudini exacte responderet, eidem immediate imponeretur, cui terni calami superimpositi, pro fundamento erant secundo pani, hujusque tres calami sustinerent tertium panem, & sic

porro, usque ad sextum & supremum, qui calamis nullis opus habebat. Inter singulos panes duorum palmorum spacium intercedebat: inter ipsos autem duos panum ordines, duæ thuris acerræ constituiebantur, si, quod contendunt Judæi, particula *על* cit. Cap. vers. 7. non *supra* notet, ut passim, sed *juxta* sit vertenda, ut Num. II, 20. & Exod. XX, 21. Ipsa demum mensa, ita instructa, medio in Sanctuario, si longitudinem conclavis spectes, sin latitudinem, ad latus septentrionale, erat constituta Exod. XXVI, 35.

Circa Comestionem ablatorum panum, quaestio occurrit haud proleteria: quo jure David 1 Sam. XXI, 6. aut precibus tentare Achimelechum, aut illos sibi panes vindicare potuerit, qui tamen excidii reum facerent illum, qui juris expertus illis vescitur? Hic præ ceteris commodissime respondet MYNSTERVS: Non liciti erant panes illi, nisi solis Sacerdotibus, tamen כפני נפשית *propter periculum animarum*, seu vitæ, poterant etiam profani homines illis vesci, sicut Christus etiam Matth. XII, 4. docet. Cum ergo in vitæ periculo versaretur David, fame alias periturus, licite comedere de illis poterat. Ad servandum enim hominem omnia conferenda esse statuunt Judæi, exceptis tantum tribus: idololatria, scortatione, & homicidio, juxta R. DAVID. KIMCHIVM ad loc. cit. Si quæras ulterius: num in tota civitate Nobe, præter propositionis panes, alii adfuerint nulli? KIMCHIVS duo regerit: 1) Davidem clam adiisse Achimelechum, nec innotescere aliis voluisse: 2) Urbem Nobe sacerdotalem fuisse, a solis Sacerdotibus inhabitatam. Horum omnium cibus erat sacer & ex Sacrificiis; at in panibus propositionis nullum committebatur sacrilegium, postquam jam thuris acerræ concrematae essent.

§) Mensa hæc aurea in memoriam nobis revocat, partim *κακοῦργων* apud Gentiles, partim Mysticam ejus significationem. Nam & Gentiles hunc mensæ ritum imitati, non modo mensas, quibus cibum capientes accumbabant, sacras habere consueverant, quia Deorum statuas, maxime in conviviis, illis inferebantur, veluti tu-

telæ mensarum & conviviorum Præsides, qui etiam inde Θεοὶ ἐπιτραπέζιοι dicti, cujusmodi Hercules ἐπιτραπέζιος apud STATIVM, unde porro tanta apud veteres Scriptores sanctitas mensæ tribuitur, ut in honestis verbis factisve, aut perfidia violare mensam, grande nefas esset; ut videre licet apud PITISCVM *Lex. Antiquitat. Roman. Tom. II. p. 180.* Verum etiam solennes habebant mensas, Diis religiose paratas, in quibus cumprimis celebratur mensa Curialis, posita Junoni, quæ Curis dicta est, a T. Tatio, societate cum Romulo inita: mensæ quoque Paniceæ, in quibus libare solebant, Veterum monimentis decantatæ: & vel maxime mensa Solis in Aethiopia quondam celeberrima, de qua ex HERODOTO, POMPONIO MELA, IULIO SOLINO, aliisque commentantem lege CAELIVM RHODIGINVM *lib. XXIX. Antiquar. Lect. cap. 4.* Sed præstat, missis profanis illis, usum mensæ Hebræorum Myisticum investigare, qui hinc *symbolicus* est, hinc *typicus*. Symbolum erat instructa hæc mensa providentiæ divinæ, huic populo advigilantis, & de victu prospicientis; ad quam recordarentur, quoad præteritum tempus, victus suppeditati in deserto, cum Deus cælitus ipsis Manna deplueret XL annis: recordarentur in præsens, Deum esse supremum patremfamilias, qui sterile & petrosam Cananæ solum frugibus tamen ornaret, ut quemadmodum pro numero XII tribuum Israelis, XII panes disponebantur coram oculis Domini, ita Deus XII tribubus istis tam large prospiceret, & præstantissimis eas frugibus cæli, solis, roris & terræ, sive vallium mactaret: recordarentur in futurum, quam vere panes in conspectu Dei essent expositi, memoriale Israelis, tam vere perpetuo curaturum Dominum, ut nullo laborarent defectu. Quæ LIGHTFOOTVS in *Spicilegio in Exod. Sect. XXXIX. Tom. I. Opp. f. 183. a.* uberius declarat. Typicam autem involvisse rationem, hanc etiam Sanctuarii partem, Paulus diserte docet, Hebr. IX. ubi inter ea, quæ adumbrativa forent in veteri cultu, suæque virtute conscientias emundare & perficere non valerent,

καὶ πρὸθεσιν τῶν ἄρτων, panes propositionis etiam numerat *vers. 2.* Breviter & nervose ista complectitur SPANHEMIVS *Observat. in Levit. b. I. Tom. III. Opp. f. 706.* Adumbrarunt, inquit, 1.) mystice Christum Jesum, verum panem vitæ, quo nutritus totus Israel Dei, tota Ecclesia in duodenario illo numero representata; hinc Christus se panem esse de cælo delapsam, quemadmodum idem per Manna fuit representatus: 2.) Umbra hic quædam fuit XII Apostolorum, quibus Deus usus est in œconomia Nov. Test. qui scilicet nutrent Ecclesiam pane vivifico Evangelii: 3.) Verbum Dei etiam vere panis est, vel cibus Job. VI. qui singulis Sabbathis renovatur, h. e. prædicatur, & cui adjunctum est thus nostrarum precum: 4.) Fideles singuli sunt veluti panes azymi 1 Corinth. V. 7. & veluti XII tribus Actor. XXVI. 7. panes quasi propositi coram Deo in Sanctuario, coram arca, panes facierum, h. e. semper præsentem Deo, quomodo Christus dicitur ambulasse in medio candelabrorum Apoc. I. Quæ, qui copiose explicata cupit, ad eat LUDOVICI WOLTERS, Sueci, geminam disputationem de Mensa & Panibus propositionis sub præsidio IACOBI RHENFERDII, Franequeræ An. 1703. ventilatam & publici juris factam, qua utraque totam rei ritusque historiam luculenter persequitur. Disput. II. autem *Sectiono III. p. 44 sqq.* mysticum totius apparatus sensum recludere, magno labore annisus est. Post hunc insignis commentarius CHRISTI LUDOV. SCHLICHTERI de Panibus Facierum, eorumque mysterio prodit Halæ in 4. An. 1737. qui de mensa & panibus, omnibusque quæ huc spectant, caerimoniis omnino videatur.

Ad §. VIII. pag. 39.

(17) *Lychnuchus ad alterum latus*] Candelabri sacri notamus 1) Structuram, a Deo Mosi descriptam Exod. XXV, 31-39. Componebatur illud cum ex scapo, qui lata & ampla nitebatur basi, cui MAIMONIDES tres רגלים pedes subjicit, tum ex sex calamis, quorum tres ex utroque scapi latere prodibant, singuli autem tribus

Nn

scyphis



scyphis seu phialis, amygdali dimidiati speciem referentibus, malo oblongo, & flore lilio, cui lampas ipsa imponebatur, ornati, ad æqualem cum scapo altitudinem surgebant, ut lampades eadem altitudine & linea sibi mutuo responderent. Ita Gemara exponit Cod. *Menachoth fol. 28. b.* & ex illa RASCHI *Comment. ad Exod. c. 1.* Ex auro purissimo constabat, & quidem מִקְשָׁה *opere difficili*; quod IOSEPHVS *lib. III. Antiquitat. cap. 7.* eumque secutus SCACCHVS *Sacr. Eleochr. Myroth. II. cap. 46.* fustum, sed intus cavum; LEYDEKKERVS *Lib. VIII. de Republ. Hebr. cap. 2. p. 508.* non concavum, sed solidum; LVNDIVS *de Sacerdotio Levitico lib. I. cap. 23. n. 7. pag. 116.* ex una & continente auri massa malleo ductum, interpretatur. Verum, ut מִקְשָׁה attenuatum in laminas, & malleo ductum aurum innuit, ita nihil prohibet, quo minus & concavum fuerit, & ex partibus seorsim elaboratis coagmentatum & consolidatum, ne amplius in partes suas posset resolvi. Ita tubæ argentæ Num. X, 2. jubentur fieri ex argento מִקְשָׁה, quas certe intus cavas esse oportebat. Vt potius מִקְשָׁה intelligendum sit de auro solido, quod non superinducitur ligno aut alii materiæ, velut erat aurum altaris & mensæ, ipsiusque arcæ fœderis, sed quod ὄλον aurum, sive ὀλόχευσον est. Circa verbum מִשְׁחָה *fiet* vers. 31. tricantur Magistri: RASCHI quidem, sine opera humana, divino prodiisse miraculo, & quidem מִלֵּיהּ *per se ipsum: quandoquidem Moses difficilem se præbebat circa illud (fabricandum)*; dicebat ei Sanctus Benedictus: *projice talentum in ignem, atque illud per se fiet; quocirca non est scriptum facies, sed fiet.* ABEN ESRA autem <sup>1</sup> insertum verbo tradit innuere decem candelabra, quæ facturus esset Salomo, suo tempore in Templo. Universum denique opus talento auri constabat, quod LEYDEKKERVS LX libris, BERNARDVS LAMY autem *lib. III. de Tabernaculo Mosaico Sect. III. p. 384.* ter mille siclis, h. e. centum septuaginta quinque marcis, cum duabus uncis & septem grossis definit, quod pondus sit circiter 6370. Ludoviceorum aureorum. Ceterum hæc

candelabri Mosaici descriptio satis in apicum ponit, lychnuchum Romæ adhuc in arca triumphali Titi Vespasiani conspicuum, multum recedere a Mosaico, quem RELANDVS *lib. de Spoliis Templi Hierosolym. p. 39.* crassitie & pondere, *p. 44.* numero ornamentorum, *p. 56* basi, & *p. 60.* figuris basi insculptis, ab hoc nostro discrepare, erudite docuit.

2) Instrumenta, quæ usibus candelabri inferiebant, erantque lampades, forcipes, & emunctoria, ex eodem auri talento parata. Scapi enim & ramorum capitibus seu floribus seorsim imponebantur נֵרוֹת *lampades*, vers. 37. rursusque amovebantur, prout vel itineris, vel reparandi ellychnii, aut affundendi olei, usus poscebat. Quod autem VILLALPANDVS vult, formam lucernarum oculo humano similem fuisse; aut quod contendit SCACCHVS *Myrothec. I. cap. XI. f. 56.* ex traditione Hebræorum, septem candelabri lucernas certis fuisse nominibus, Angelorum nimirum, qui adstare coram Domino dicuntur, signatas, ac propterea nequaquam promiscue candelabro impositas, sed suo quamque ordine & loco: fidem neutrum meretur. Idem porro SCACCHVS *cap. VII. fol. 34 sq.* formam amygdalinam lucernis his sacris tribuit, manubriolumque illis a tergo adscribit, quæ tamen non in medio, ut perperam eis affingit LAMY, sed in acuminata & extrema ora ellychnium haberent. Facile quoque a MAIMONIDE persuaderi mihi patior, ita fuisse dispositas, ut utriusque lateris lucernæ versus mediam ellychnia converterent, media autem Sanctum Sanctorum spectaret, eamque ob causam נֵר הַמַּעֲרִבִי *lucerna Occidentis* diceretur. Porro מַלְקָחִים *forcipes* quoque aderant, quibus ellychnium prenderetur, ubi vel protrahendum illud, vel orificio lucernæ inferendum, vel immittendum oleo esset. Vt plurimum quidem Interpretes emunctoria reddunt, quibus emungerentur, & a sordibus purgarentur lampades, prout R. IEHVDA LEO *lib. III. de Templo cap. 3. §. 11 sqq.* exponit, eumque secutus LVNDIVS *c. 4. n. 19. pag. 118.* Sed lucem hic nobis affundit locus Jec. VI, 6. ubi

ubi idem vocabulum usurpatur de forcipe ignis, qua prunæ candentes depromebantur ex igne. Denique מִנְחָה, quæ vasa pro recipiendis purgamentis supposita LYRANVS, cum aliis dicit, unde b. LVTHERVVS *Löschnapffe* interpretatur: nos, cum SCHINDLERO in *Pentaglotto*, receptacula ignis & myxi præcisi, adeoque *emuntoria* fuisse censemus; ad mundandas lucernas apprime necessaria. Addunt Rabbini, hinc *lecythos*, & vasa olearia, ut in promptu semper, & ad manus oleum esset, hinc ante candelabrum *lapidem* trium graduum, cui Sacerdos lucernas componens insisteret, & vasa quoque ac instrumenta reliqua, ad ministerium candelabri parata, imponebantur. Vid. LAMY c. l. p. 383. *fin.*

3) Vsum candelabri, & Sacerdotum circa illud ministeria. Ita quippe instructum, ad latus conclavis meridionale, & ingressuris in Sanctuarium ad sinistram, consistebat, e regione mensæ aureæ, ut lucem diffunderet in toto conclavi, obscuro alias futuro. Eo fine Lampades quotidie, mane ac vespere, adornabant Sacerdotes. Quod officium ABEN ESRA, Pontifici Summo tantum vendicat, fide locorum Exod. XXX, 7, 8. Lev. XXIV, 1, 2, 3. & Num. IX, 2, 3. quæ tamen non exclusive, sed cumulative Aaronem, sive Sacerdotem Summum nominare, ex Exod. XXVII, 20 sqq. intelliguntur, ubi Aaroni & filiis ejus, h. e. Sacerdotum ordini, id muneris tribuitur; quod & confirmat praxis 2 Chron. XIII, 11. An vero interdiu noctuque arserint lucernæ? ambigue traditur a Magistris. HECATAEVS AB- DERITA, cujus testimonium EVSEBIVS lib. IX. de *Præparat. Evangel.* servavit, in Altari æque ac in Candelabro *Φῶς ἀναπύσσειον*, ignem inextinguibilem luxisse perhibet; æque ac Exod. XXVII, 30. lucerna מִנְחָה jugiter lucere jubetur, pluraque alia suppetunt testimonia, pro perpetuo lucernarum igne. Contra vero, ex 1 Sam. III, 3. & 2 Paralip. XIII, 11. lampades sub vespere accensas, mane extinctas fuisse, colligitur; & Exod. XXX, 7. Moses officia Sacerdotum circa lychnuchum ita distinguere videtur, ut matutino tempore adornasse solum & composuisse lu-

ernas, vespertino autem accendisse illas credantur. Sed commode hæc conciliantur, si ex IOSEPHI mente lib. III. *Antiquitat. cap. 9.* dicamus, de die tres solum, mediam nempe, eamque perpetuam, cum duabus lateralibus illuxisse, vespere autem accensas omnes fuisse: idque inter sacrificii vespertini in altare illationem, & libaminis effusionem, statim cum incensione suffitus. Ita in Tentorio conventus. Alia vero ratio erat Templi, quod fenestris instructum, diurnam lucem admittebat, eamque ob causam diurnum lucernarum usum respuebat: quod supra jam monuimus. Media tamen lucerna, Occidentis dicta, etiam illic perpetuo lucebat, non ad usum collustrationis conclavis, sed ob dignitatem arcæ fœderis, & qui circa illam præsentem se exhibebat, Domini. Atque huc spectare credo, quæ de lumine illo perpetuo, quod ἀδιαλείπτως arderet in Sanctuario, paulo ante fuerunt allata. Atque huc pertinet, quod in Talmude Hierosolym. Tract. *Joma fol. 43. col. 3.* inter portenta excidii Templi & Urbis traditur, lucernam Occidentalem, XL annis ante vastatum Templum fuisse extinctam. Oleum præterea purissimum & maxime defæcatum Exod. XXVII, 20. Lev. XXIV, 1, 2. a Deo ipso requirebatur, oleum מִנְחָה *contusum*, ac ex contrusis oleis sponte fluens, non prælo aut mola expressum, quod amurca & facibus plenum est. Illud nec ingratum spargebat odorem, & præstantissimum erat, & solum ad lucernam sacram aptum. Ceterum probe observat SCHINDLERVS *Lex. Pentagl. in מִנְחָה* p. 1987. postquam ingressi erant Israelitæ in Terram Sanctam, oleum pro candelabri usu eos ex Thekoa, civitate tribus Judæ petiisse, quod præstantissimum omnium ibi nasceretur. Sed & peculiaris prunarum ardentium strues in altari holocausti alebatur, unde carbones depromebantur cum ad adolendum incensum, tum ad accendendas lucernas; ita quidem, ut Sacerdos ellychnium, peculiari vase ad candelabrum asservatum & huic usui destinatum, forcipe prehenderet, & ad altare holocausti pergens, de strue incensi accenderet, indeque ar-



dens in Sanctuarium inferret, & reliquas lucernas sex eodem inflammaret, teste R. IVDA LEONE *lib. III. cap. III. §. 12.*

4) Candelabrum hoc aureum Christum præfigurasse, LVNDIVS contendit *cit. loc. n. 16. p. 119.* verum ἀρεῇ γὰρ Φῆς. Christus enim sol potius est Mal. IV, 2. lumenque illud catholicum Joh. I, 9. VIII, 12. Luc. II, 32. ex se splendorem & lucem habens, omnibusque imperians, quam candelabrum, alieno ac mutuatio lumine egens. Vnde Apoc. I, 13. inter septem candelabra medius quidem obambulat, eaque lustrat Christus, non autem ipse in candelabris numeratur. Liquido vero Scriptura typum evoluit, quando Apoc. I, 12, 20. II, 5. *septem candelabra*, inquit, *sunt septem Ecclesie*; & divino vati Zachariæ, sub aurei lychnuchi symbolo, Ecclesiam Novi Testamenti exhibitam ac representatam cap. II, 4. testatur. Ecclesia ergo fert λύχνον, verbum nempe vitæ Phil. II, 16. Psal. CXIX, 105. immo Christum ipsum, quem prædicat, monstrat, in Verbo & Sacramentis offert, & hoc pacto lucet πᾶσι τοῖς ἐν τῇ οἰκίᾳ, Matth. V, 15. Eaque scite perquam cum candelabro, ratione materiæ, partium diversarum, & lucernarum cumprimis, confertur. Vide BIERMANN. *Mos. & Christ. p. 414 sqq.* edit. Belgicæ, & concisus MOMMAM *Tom. I. Oecon. Temp. §. 15. p. 162.*

Ad §. XI. pag. 39.

(18) *Saltem una fuit mensa &c.*] Præter quatuor ista, ab Auctore memorata, alia quoque intercedebant discrepantiæ momenta inter Tabernaculum & Templum, v. g. Tabernaculum duo habebat siparia, Templum unicum. Superabat quoque Templum Mosaicam σκηνήν, mensura ac amplitudine, numero vasorum sacrorum, eorundemque pretio, conclavibus, atriis, & pompa atque splendore: ut quantumcunque pretiosa esset habitatio Dei portatilis, a Mose suscitata, multum tamen illa superaretur a Templo Salomonis, in typum perfectioris longe gloriæ Ecclesiæ triumphantis, præ militante, quæ per-

egre versatur a Domino, & fide ac spe adhuc ad majus & perfectius habitaculum Dei manuducitur. Ceterum, quod de decem mensis, lychnuchis, & labris ab Auctore memoratur, ex 2 Chron. IV, 6 sqq. petitum est. Ast Rabbini, v. g. RASCHI & KIMCHI *ad b. l.* undecim numerant, connumerantes nimirum Mosis mensam, candelabrum, & labrum, & ex utroque latere uniuscujusque vasis Mosaici, quinque similia a Salomone confecta collocantes. Verum, quia Tabernaculum cum vasis suis, excepta solum arca, in peculiari Templi conclavi asservabatur, connumerari Mosaica vasa Salomoneis non debent, quia ea solum numerantur, quorum usus erat in Templo, non æque ea, quæ in memoriam reposita asservabantur.

Ad §. XII. pag. cit.

(19) *Atrium Sacerdotum*] Dicitur עֹרֵךְ כִּי כָל הַכֹּהֲנִים לְהַתְפַּלֵּל עֹרֵךְ *auxiliatus est*, שֶׁם כָּל־כָּל שֶׁלֶם נִעֹר בִּי אֱלֹהֵינוּ *quia, quisquis eo accederet precatum sincero animo, opem consequeretur apud Dominum Deum suum*, secundum Salomonis preces 1 Chron. VI, 16. ut rationem nominis reddit R. DAVID KIMCHI. Erat autem atrium Mosaicum, area proxime ante Tabernaculum, sub dio posita, longitudine C cubitos, latitudine L patens. Cingebatur cortinis byssinis, 5 cubitorum in altitudine, quæ ab utroque latere altitudinis, id est, australi & aquilonari, ex 20 columnis, at a latere Occidentali & Orientali, columnis 10, nixis basibus aneis, suspendebantur. In medio vero lateris Orientalis, atrii patebat ingressus 20 cubitorum, qui velo, ejusdem cum velo Tabernaculi materiæ & texturæ, tegebatur. Sacerdotum dicebatur, quia Sacerdotibus munia sua obeuntibus, & precaturis etiam, destinatum erat. Neque tamen prorsus populus ab eo arcebat, sed כְּשֶׁעָתָה וְתַנְפִּיחַ סְמִיכָה *tempore impositionis manuum, & agitationis rei oblatae*, in illud pariter admittebatur. Sæpe enim legas, de manibus pecudum mactandæ imponendis ab eo, pro quo offerebatur.

ur. Porro, cuius nomine תנופה seu agitatio partium sacrificii, sursum deorsum, & versus quatuor mundi plagas peragebatur, cuiusque pecus illo ritu mactabatur, is pariter coram altari se sistebat in atrio Sacerdotum. Et quidem unius solum atrii meminit Moses; verum posthæc, cum in terram Canaan perventum, & arca in Silunte reposita esset, aliud adhuc, in usum populi, atrium accessit. Ast in Templo, atrium Sacerdotum pars erat atrii intimi Orientalis, a scala Templi ad altare holocausti & amplius; dispescebaturque rursus in spacia varia, quorum proximum ad fores Templi circa scalas ab ortu ad occasum 22 cubitos, a meridie ad septentrionem 135 cubitos patebat, dicebaturque μεταξύ τῆς θύρᾳ καὶ τῆς θυσιαστηρίου, *intercapedo inter Templum & Altare*, in quo occidebatur Zacharias filius Barachæ 2 Chron. XXIV, 22. Matth. XXIII, 35. & quorsum respicitur Joel. II, 17. ubi Sacerdotes vere poenitentes flere iubentur בין המזבח והאולם *inter porticum & altare*, quia dicatum erat supplicationibus Sacerdotum, ad avertenda mala epidemica. In hoc spacium, sanctissimum in atriis, nemo admittebatur, nisi soli Sacerdotes, iique puri, absque labe, & quibus obeunda erant ministeria. Alterum spacium intra altare & atrium Israelis ab occasu ad ortum, XI cubitos æquabat, ubi haud procul ab altari, versus septentrionem, pyxis rotunda lignea consistebat, cui immittebantur sortes, inter duos hircos discernentes, die expiationis. Tertium spacium circa altare erat, stationes quippe mandandarum pecudum. Hinc quatuor gradibus descendebatur in atrium Israelis, de quo paulo post.

Ad §. XII. pag. 39.

(20) *Aeneum altare, sacrificiis sacrum*  
Altare holocaustorum triplex erat: Mosaicum, Salomoneum, & Templi secundi ultimum. I. Mosaicum ex lignis Sittim paratum, totumque exterius laminis æreis valide erat obductum; concavum autem interius, & explebatur, ubicunque exstrueretur Tabernaculum, vel ter-

ra, vel lapide rudi ac impolito, ubi sedes igni parabatur. Partes habebat varias: 1) ipsum Altaris ædificium quadrum, cuius longitudo æque ac latitudo quinque cubitorum, altitudo superioris partis trium erat: 2) Craticulam æneam, de qua insignis est doctorum dissensio, illam focum constituentibus aliis, cum BERNARDO LAMY lib. III. de Tabernac. Mos. cap. VI. Sect. I. p. 439 sq. & SCACCHO Myroth. II. cap. 71 sq.; aliis, cum LUNBIO lib. I. cap. XXXIII. n. 51. p. 181. in latere altaris, sub ambitum ejus medium ponentibus, ut & aerem & prospectum præberet inferiori basi altaris: 3) Circuitum, quem alii in summitate ejus, alii rursus circa medium collocant, & in quo deambulabant Sacerdotes, ministerio suo circa altare & sacrificia defuncturi: 4) Cornua, pariter ex ligno parata, & ære obducta, non ad ornatum solum, verum etiam ad usum, cum palmarium, aspergendi sanguinis, tum secundarium ἀσουλίας, de quo Auctor noster infra aget: 5) Annulos cum vestibus, ad portandam in itinere aram. Quibus 6) varia accedebant Instrumenta & vasa Exod. XXVII, 3. memorata, lebetes & scopæ, pelves, fuscinae & forcipes, quorum in ministerio altaris perpetuus erat usus.

II. Postquam autem Salomo augustiorem Domino ædem exstruebat, aliud quoque & grandius paravit Altare holocaustorum, quod viginti cubitos longum & latum, & decem cubitos altum, 2 Chron. IV, 1. VII, 7. 1 Reg. VIII, 64. non lapideum, quod cum Hebræis nonnullis contendit BIERMANN. in Mos. & Christ. lib. II. cap. 7. p. 425. sed totum fuit æneum, sive ad instar Mosaicum, lignum intus contineret, sive minus, de quo Scriptura fileat. Distabat a Mosaico, 1) amplitudine & mole, quo illud longe superabat, 2) opere reticulato, quo destituebatur, 3) ascensu & circuitu, qui unus in Mosaico, triplex in Salomoneo, 4) situ & loco, quem fixum habebat Salomoneum, qui idem creditur fuisse cum eo, in quo David aram quondam exstruxerat 2 Sam. XXIV, 25. toties autem mutabat Mosaicum. Ceterum de sede Salomonei incerta multa tradiderunt Judæi: v. g. in eadem Abra-



hamum suum extruxisse altare, in quo filium Isaacum immolaret Gen. XXII. in eadem Noachi sterisse altare, post diluvium ex arca egressi, & soteria Deo offerentis cap. VIII. in eadem sacrificasse Cainum & Abelem, & ante ipsos Adamum, statim atque a Deo creatus erat: quin etiam in eadem conditum esse primum hominem. Hinc Magistrorum scitum: *Factus est homo ex ipso sua expiationis loco.* Quæ cum aliis leges apud MAIMONIDEM *de domo electa cap. II.*

III. Tertium denique Templi secundi Altare, a reducibus e Babele Judæis recens extructum, eadem quidem cum priori collocabatur sede Esdr. III, 2, 3. diversum tamen a Salomoneo erat 1) Materia, cum illud ex ære, hoc ex lapide rudi & impolito constaret 1 Maccab. IV, 44 sqq. unde quotannis bis etiam dealbabatur: 2) Quantitate & mole, qua prius ita superabat, ut in infimo circuitu 32 cubitos longum, totidemque latum, & decem altum esset. Per clivum, sine gradibus, adscendebatur ad altare, qui ad meridiem ejus constitutus, longus erat 32 cubitos in ascensu, latus 16, & exiguo intervallo ab altari sejunctus: qui autem ascendebant Sacerdotes, ad dextram ibant, & postquam altare circumivissent, ad sinistram redibant: 3) Filo rubro, quod nullum legitur de priori, at memoratur cinxisse posterius, in ambitu medio, spargendi sanguinis locum docens Sacerdotes. Vt alia taceamus hujus altaris memorabilia, de quibus non constat, an æque deprehensa fuerint in Salomoneo, fufius autem intelliguntur ex curata hujus altaris descriptione cum vetere, in Cod. *Middoth*, CONSTANTINI L' EMPEREUR curis illustrato, tum recentiore, in b. DASSOVII elegantiperquam dissertatione *de Altari exteriori Hierosolym. Templi*, Vitemberg. An. 1697. cui junge LIGHTFOOTI *Descript. Templi Hierosol. cap. XXXIV. T. I. Opp. p. 630.*

Ex hoc Altari ignem omnem sacrum petitum fuisse supra subinde monuimus. Triplex autem in altari holocaustorum alebatur Ignis: 1) Sacer ille & perpetuus, *ἱερανοπέτης*, quem IOH. BVXTORFIUS fil. quidem in *historia ignis sacri*

*cap. II. p. 237 sqq.* appositis continuo lignis nutritum & altum negat, D. PFEIFFERVS autem *Dub. vex. ex Lev. VI, 5, 6. Loc. VI, p. 254 sqq.* gratiose quidem a Deo demissum, a Sacerdotibus autem alimentis materialibus conservatum fuisse asserit, & contra BVXTORFIVM tuetur; & de quo quinque memorabilia Judæi in Tract. *Joma c. I. sub fin. fol. 21. col. b.* tradunt: quod recubuerit in altari, sicut leo: quod purus & clarus fuerit, instar solis: quod flamma ejus solida fuerit & pura: quod humida æque consumferit, ac arida: denique, quod nullum emisserit fumum; & quem iidem inter quinque illa numerant, quæ abfuerunt a Templo secundo: 2) Ignis holocaustum, qui ex igne cælesti accendebatur, & appositis lignis fovebatur, lignis non oleæ aut vitis, quæ eidem inferre nefas erat, sed ficuum sylvestrium, & aliis, quo & victimarum consumebantur carnes, & pugillus muneris ac thuris, qui in illum conjectus adolebatur: 3) Ignis suffitus, e quo carbones ad suffitum sollemniter faciendum, petebantur. Nulli autem dubitamus, quin ab hoc altaris holocaustorum igne perpetuo, ritus hujus perpetui dimanarit ignis apud Gentiles, quem Virgines Vestales apud Romanos, Persæ item, ac aliæ gentes religiose servabant; nisi a Solis cultu eum derivare malueris, quo Persarum ignem perpetuum spectare, certius crediderim; quanquam illos tam a Solis cultu, quam a Pyrolatria, magno eum eruditionis apparatu, liberare ac absolvere conetur THOM. HYDE in *histor. religionis veter. Persar. cap. I. p. 5 sqq.* Denique in altari conspiciebarur Cumulus cinerum, *חֲמֵץ* pomum altaris dictus, in media mensa aggestus, & in rotunditatem coacervatus, in quem quotidie cineres matutino tempore congerebantur, ut licet 5 Ephæ singulis diebus de eo auferrentur, maxima tamen adhuc cinerum copia semper restaret: de quo vide DASSOVIVM laudata disputat. §. 18.

Demum hoc pariter altare mystice Christum adumbrabat, docente Paulo Hebr. XIII, 10. qui, in quantum per æternum Spiritum, semetipsam obtulit

obtulit Deo cap. IX, 14. & Sacerdos erat & Ultima; respectu æterni autem Spiritus, five Deitatis suæ, quæ donum sanctificat, & infinitum eidem pretium ac pondus addit, Altare est. Eodem sensu etiam Apoc. VI, 9. animæ mactatorum propter verbum Dei, dicuntur esse sub Altari; phrasi ex Levitico cultu deprompta, quo pecudes victimales ad pedem altaris jaciebantur, vel victimarum certe sanguis ad pedem altaris effundebatur. Altare autem Holocausti, non, quod HAMMONDVS cum aliis tenet, Suffitus, hic loci intelligi, eoque Christum designari, scite & nervose demonstrat CAMPEG. VITRINGA *Comment. in cit. loc. Apoc. p. 271.* Velut enim triplex hujus altaris erat usus, ut victimas in odorem fragrantiae Deo consumeret, prunas candentes suffitui in Sancto Sanctorum offerendo, & accendendis lucernis ignem subministraret, & imposita dona sanctificaret: ita Christus, robore æternæ Deitatis suæ suffultus Jesh. LXIII, 5. semetipsum in odorem *ευωδίας*, Deo obtulit *προσφοράν καὶ θυσίαν* Eph. V, 2. nobis Spiritum gratiæ & precum suppeditat Zachar. XII, 10. omnemque illuminat hominem, venientem in hunc mundum Joh. I, 9. & omnia munera nostra, Deo oblata, nosque adeo ipsos, sanctificat Hebr. II, 11. Joh. XVII, 19. Vberiore typi cum antitypo collationem vide apud BIERMANN. *cit. sapius loc. p. 428 sqq.*

Ad §. XII. pag. 39.

(21) *Et labrum*] Labrum æneum Tabernaculi, in Atrio stabat prope Sanctuarium, cujus descriptionem lege Exod. XXX, 18 sqq. & cap. XXXVIII, 8. Vocatur *כִּיֹּר* labrum, juxta LXX *ἀστὴρ*, eo quod hoc aquarum receptaculum Sacerdotibus inserviebat, manus pedesque loturis, antequam in Sanctuarium ingrederentur: juxta IOSEPHVM *πρεῖπον ἀστῆρος* aspersorium. Situm ejus definit Mischna Cod. Middoth, cap. III. §. 6. *הכִּיֹּר הָיָה בֵּין הָאוֹרֵם וְלִמְזֵכָהּ וּמִשְׁכָּן כָּלִי הַכִּיֹּר* Labrum erat inter Porticum & Altare, ac protrabebatur versus Austrum.

Circa labri materiam difficultatem insignem pepererunt verba capituli XXXVIII, 8. *בְּמִרְתָּח הַצִּבְאוֹת אֲשֶׁר צִבְחוּ בָתָח אוֹהֶל מִעֵר: De speculis exercitus mulierum, quæ in modum exercitus conveniebant ad ostium Tabernaculi convenitur.* Nimirum labrum ex ære conflatum, quod toties disertis verbis proditur a Mose, originem suam debuit oblati Domino speculis mulierum, quæ olim ænea fuisse, vel stannea ex PLINIO discimus L. XXXIII. *Hist. Nat. c. 9. & l. XXXIV. c. 17.* Erudite autem ex CYRILLO ALEXANDRINO observavit CLERICVS ad h. l. mulieres Aegyptias olim in usu habuisse, specula gestare, cum Templum adirent. Vnde colligere liceat, inter alia spolia Aegypti, multa quoque ejusmodi specula mutuo accepisse ab Aegyptiis Israelitidas, ex quibus liquefactis labrum hoc fuerit fusum. Sed fluctus in simpulo hic movet SCACCHVS *Myroth. l. cap. VIII. p. 41.* qui fieri potuerit, ut ex æneis speculis mulierum, quæ vigilabant & orabant, Deoque inserviebant ad ostium Tabernaculi nondum erecti, vas illud ad servandam aquam constructum fuerit? qua se ut expediat difficultate, asserit non ex speculis mulierum, sed ex ære, a viris sponte oblato, concham illam fuisse fusam, specula autem perfectæ jam & erectæ conchæ superimposita fuisse a mulieribus illis, quæ turmatim, religionis causa in die erectionis Tabernaculi, & per integros septem dies illuc confluebant, atque jejuniis, orationibusque, Tabernaculi ac ministrorum consecrationem prosequiebantur. Vnde præfixum *ב* in *בְּמִרְתָּח* non per *מִן* ex, sed cum exponit h. m. *Fecit concham æneam, & basin æneam cum speculis mulierum, quæ exercebant se ad portam Tabernaculi testimonii.* Verum ejusdem religionis socius BERNARDVS LAMY *Lib. III. de Tabern. Mos. Cap. VI. Sect. 7. pag. 463.* subtilitatem istam ridet, scrupulumque ita solvit: reipsa nondum erectum fuisse Tabernaculum, cum æneam concham pararet Bezaleel, sed antequam exstrueretur illud, & cum offerrent viri dona voluntaria, aurum, argentum, sericum &c. pias quoque mulieres specula sua obtulisse, quæ non tunc tem-



temporis, sed postea, cum scriberet ista Moses, officiis pietatis vacabant ad ostium tentorii conventus. Textui ergo inhærentes, non ex alio ære, a viris oblato, sed ex istis speculis, certatim a mulieribus ad apparatus sacrum allatis, coaluisse credimus hoc labrum. Ex vario autem metallo antiquitus specula fieri consuevisse, DOUGTHAEVS *Analect. Sacr. Excurs. XLIV. p. 124.* citatis hanc in rem Veterum testimoniis, abunde demonstravit. His omnibus missis, & tam speculis, quam mulieribus explosis, ita vertit CLEMENS, *mox citando Cap. II. §. XIII. p. 40. Et fecit labrum æneum, & ejus operculum æneum, cum figuris ornantibus, quæ ornabant ostium tentorii conventus. Ut ita indicet Sacer Historiographus, quod quemadmodum illud auleum, quod vicem januæ in Tabernaculo præstabat, Cherubinis, aliisque figuris, quæ ornatui erant, condecoratum erat, ita & in hoc labro, juxta illud, tanquam exemplar, easdem fuisse sculptas imagines.* quæ ibidem ulterius confirmat. Velut autem IOSEPHO vix tuta constat fides, æs illud auro pretiosius habitum fuisse *Antiqu. lib. VII. cap. 6. asserenti; sic pari fide figuram ex ipso discimus, lib. VIII. c. 2. labro hemisphæricam fuisse, rotundam nimirum ad modum dimidiæ sphaeræ, habuisse præterea basin, aptam ad excipiendam aquam ex vase profluentem, per mammas quasdam & epistomia, pro lubitu aperienda, quæ XII fuerint, ut lavare possent simul XII Sacerdotes.* Ceterum de hoc labro Mosi, de decem lavacris Salomonis, & de ejusdem mari æneo vide LIGHTFOOTI *Descript. Templi Hierosol. cap. XXXVII. Tom. I. Opp. p. 643 sqq.* Sigillatim de Mosi labro æneo in *Exod. XXX, 17-21. & XXXVIII, 8.* cum cura commentatus est HERM. GID. CLEMENS, Trajecti ad Rhenum, in 8. A. 1725.

Velut autem speculorum usum ad hoc labrum, inepta perquam & hebetè conjectura, eo transfert SCACCHVS *Myroth. I. cap. VIII. p. 42.* ut ante cælitus delapsum ignem, specula exterius circa concham ejusque basin apposita, exceptos solis orientis radios in altare holocaustorum re-

flecterent, iisque ignem in altari succenderent, quo cremarentur victimæ: Sic lavandi, ante sacrificia paranda, morem e Gentilium ritu ad Sacerdotes Hebræos transiisse, æque incerte, licet ampliori cum eruditionis apparatu, adstruere conatur SPENCERVS *de leg. Hebr. lib. III. diff. 3. cap. 3. sect. 2. p. 698 sqq.* a qua sententia non multum recedit CLERICVS *Commentar. in Genes. XXXV, 2. p. 230.* SPENCERVS illam ita ornat: 1) quia lotiones ante sacra, diu ante Mosén usu fuerint receptæ, siquidem Gen. XXXV, 2. Jacobi familia, sacris in Bethèle perficiendis se præparans, lavacro se purgasse, & mutasse vestes legatur; & DIODORVS SICVL. *Biblioth. Histor. lib. I. p. 63.* primos Aegypti reges (Mosè utique antiquiores) ubi surrexerant mane, prius lavasse, dein vestitos splendide, Diis sacrificatum ivisse perhibeat: 2) quia Judæis nullibi præceptum legitur, ut hac cerimonia in sacris obeundis uterentur, quam cum nihilominus adhiberent, certum est, exemplo gentium didicisse: 3) quia lotio Pontificis die expiationis, originis ethnicae haud obscuros præfert characteres &c. Sed *Resp. ad 1).* etsi non negamus, ante legem latam, & apud ipsos Patriarchas, lustrationum sacrarum ritum in usu fuisse, potuit tamen ille a primordiis sacrificiorum divini fuisse instituti, æque ut sanctificatio populi, antè legis promulgationem requisita, vestium & corporum lotionem peragi, a Deo ipso jubebatur *Exod. XIX, 10, 14.* Quid autem mos privatorum, ut non accederent ad Deum, nisi aqua pura abluti, ad solennem illam Sacerdotum lustrationem facit? *Ad 2).* sacerdotali isti ablutioni mandatum divinum temere denegari, cum diserte istud citatis locis *Exodi, & cap. XL, 32.* legatur. Reliqui autem populi lotiones & lustrationes, ex *Exod. XIX, 10.* & analogia lotionis sacerdotalis, in subsequentibus autem ætatibus, ex Prophetis quoque oraculis, eliciebantur. Sed nec certò constat, nec probari a SPENCERO potest, quemlibet vulgarem Israelitam, Mosaicis, primisque temporibus, lavari debuisse, antequam ad cultum Deo præstandum accederet. *Ad 3).* Lotiones Pontificis,

in die expiationis, nullum quod imitari potuerit, exemplum habet apud Gentiles, sed quod *SHERINGHAMIVS* *Not. ad Cod. Joma cap. 3. §. 3.* probe observavit, quinquies hoc die Pontifex toto corpore abluebatur, quia toties vestes suas aureas cum lineis, & vice versa permutabat, eumque in finem toties lustratione opus habebat; decies autem manus lavabat & pedes, quia ipse solus omnia sacra & sacrificia ejus diei peragebat, atque ad decem novas obeundas ministerii functiones, totidem præmittere lotiones necesse habebat. Si ergo in primam lustrationum sacrarum originem inquiramus, disertum quidem, ante legem latam, institutum divinum prostat nullum; fuga tamen *ἐθελοθρησκείας* dubitare nos non finit, quin huic vel illi Patriarchæ ceremonialis ejusmodi lotio divinitus fuerit injuncta, quæ in communem posthæc abiit ritum, donec in lege ceremoniali, tam Sacerdotibus, quam quibuslibet Israelitis, toties demandaretur. Inde vero, tam ante, quam post latam legem, ritus iste, qui rationi etiam perquam est consentaneus, transit ad gentes, inter quas peregrinabantur & commorabantur Patriarchæ, & posthæc Israelitæ; ab Ethnicis autem mirum non est, susceptum semel, variis deinde, & superstitionis accessionibus, & institutis humanis fuisse auctum.

Remotis ita spuriiis de usu hujus labri commentis, pergimus ad genuinum & verum usum, qui 1) *proximus & physicus* est, cum nudis pedibus incederent Sacerdotes, præterea victimis cædendis, excoriandis, dissecandis, & altari inferendis, ligna porro & ignes ac focos in altari curando, multum huc illuc discursarent, sordibusque, pulvere, ac sanguine inquinarentur & conspurcarentur, quod & contra decorum, & majestate ac sanctitate cultus ac sacrorum indignum erat, ut aquas in promptu haberent, quibus sordes abluere, manus pedesque munda, puerosque se semper exhibere ac sistere possent. Conjunctus huic erat 2) usus *mediatus & moralis*, qui in commonefactione Sacerdotum, pariter ac Israelitarum consistebat, ut

non purum modo corpus, sed puram *cumprimis* mentem Deo adferrent, nec peccatorum sordibus inquinati in Sanctuarium venire, aut coram altari comparere audent. *Jes. I, 16. Psalm. LXXIII, 13. 1 Tim. II, 8. Jac. IV, 8.* Hinc, qui externam abluendi cerimoniam usurpabant, sine tamen interna animi puritate, Domino non probabantur *Jer. II, 22.* 3) *Typicus* demum & *symbolicus* hujus labri usus, non tam immediate Baptisma præfigurabat, quod *SHERINGHAMIVS Comm. in Joma p. 49.* perhibet, quam Christum ipsum, qui venit cum aqua & sanguine *1 Joh. V, 6. Joh. XIX, 34.* & qui diserte *מקור נפתח* *labrum apertum* appellatur *Zach. XIII, 1.* a quo & baptismi, & asperfusionis conscientiæ *Hebr. IX, 23.* lavacrum, & fluentia Spiritus Sancti manant *Joh. IV, 10* sqq. Vide *BIERMANN. cit. loc. p. 437.*

Ad §. XII. pag. 40.

(22) *Atrium populi*] Hoc in Templo Salomonis, proxime ab atrio Sacerdotum versus orientem situm, duobus cum dimidio cubitis depressius atrio Sacerdotum, rursusque XI ulnis patens ab occasu ad ortum, CXXXV autem cubitis, a septentrione ad meridiem. Vide *Cod. Middoth cap. II. §. 6.* In hoc atrium omnes mares Israelitarum mundi, diebus Sabbathi, Novilunio & diebus Festis admittebantur; vocabaturque Atrium Israelis, eo quod in eo quotidie XXIV Israelitæ, Viri scilicet Stationarii, de quibus *Libro I.* actum, cultui assistebant, preces pro toto Israele fundentes. In hoc atrio VII numerantur conclavia: 1) Synedrii minoris XXIII-virorum, juxta portam Nicanoris ad sinistram, 2) Vestiariorum, qui Sacerdotum excubias agentium vestes servabant, 3) Synedrii magni in angulo orientali, ad latus meridionale, 4) Scaturiginis, ubi puteus, in usum Templi, 5) Lignorum, ubi post examen reponebantur ligna ad usum altaris, 6) Lavantium, cui contiguum erat conclave Sarvæ, ubi victimarum intestina lavantur, & pelles earundem saliebantur, 7) Salis, ubi



ubi falia ad usum Templi reposita, 8) Foci concameratum, כיפה, ut periculum abesset, ab igne dictum, ubi excubabant Sacerdotes, qui Templum custodiebant.

Ad §. XIV. pag. 40.

(23) *Suggestum aeneum pro rege* ] Nemini alii assidere licebat in Templo, sed aut erecti stabant, aut procumbebant in genua: quem morem imitatos Aethiopes LVDOLFVS memorat, *Hist. Aethiop. Lib. III. cap. 6. §. 26.* apud quos nulla in Templis subsellia videas, quia stare inter sacra consueverunt. Apud Judæos autem Regibus peculiare paratum erat sedile, quem tamen honorem MAIMONIDES ad solos restringit Davidicos Reges: אם נכנס לעזרה ודוה מורע דור יושב שאין ישיבה בעזרה אלא למלכי בית דוד בלבד שנאמר ויבא המלך: Cum intraverit atrium Sanctuarii, si est de semine David, assidet. Neque enim sedendi locus est in atrio, nisi regibus familiae Davidis tantum: sicut dicitur 2 Sam. VII, 18. Ingressus est rex David, & sedit coram Domino. Huic fini aeneum illum suggestum fieri curaverat Salomo 2 Chron. VI, 13. Vide CONSTANT. L'EMPEREUR in *Cod. Middoth* pag. 4. SCHICKARD. in *Jure Reg. Hebr. Cap. IV. Theor. XIII. p. 235.* & VITRINGA de *Synagoga vet. proem. cap. 4. p. 31 sq.* Mensura quoque suggesti hujus loco cit. Chronic. traditur, longitudine V. cubitos, latitudine totidem, altitudine vero III. exaequantis.

Ad §. XV. pag. citat.

(24) *Flamine in exteriori starent* ] Tum enim Atrium mulierum distinctum fuit ab Atrio Israelis. Nam tempore Régis Manassis non nisi duo adhuc Atria Templi memorantur, 2 Reg. XXI, 5. De eo ex instituto agit Mischna *Cod. Middoth cap. II. §. 5.* ejusque longitudo æque ac latitudo, par fuisse traditur, utraque CXXXV. cubitorum, & quatuor conclavia quatuor ejus

angulis tribuuntur, ad ortum brumalem conclave Naziræorum, ubi coquerent Naziræi eucharistica sua, detonderent capillos suos, eosque submitterent ollæ; ad ortum æstivum conclave lignorum, ubi Sacerdotes immundi ligna examinarent, & submoverent omne lignum, in quo erat vermis; ad occasum æstivum conclave leproforum; & ad occasum brumalem cella vini & olei, unde vocabatur לשכת בית שמנים conclave domus olei. Dicebatur autem עזרת נשים atrium mulierum, non quod ingressum arceret virorum, sed quod facinoræ propius accedere non permitterentur, adoraturæ vel verbum prædicatum, precesque publicas, cantusque audituræ. Confer de hoc atrio LIGHTFOOT. *Cent. Chorogr. Matth. præm. cap. XXIX. & in Descriptione Templi Hierosolym. cap. XVIII. Tom. I. Opp. pag. 592.*

Ad §. XVI. pag. cit.

(25) *Scala fuit quindecim graduum* ] Ita namque pergit cit. Mischna in *Middoth*: In summis lateribus læve ac planum erat atrium mulierum, sed id circumseperunt interno podio, ut mulieres superne prospicerent, viri autem inferne, ne miscerentur. Quod, quo sensu capiendum sit, CONSTANT. L'EMPEREUR ad h. l. declarat: Et XV gradus ascendebant ex ejus medio in atrium Israelis, respondentes quindecim gradibus, qui in Psalmis occurrunt: in quibus Levitæ caneant. Non erant gradus recti, sed gyrati, instar dimidii rotundæ aræ. Nimirum atrium hoc septem cum dimidio cubitis depressius erat atrio Israelis, decem cubitis atrio Sacerdotum, hinc ex atrio Israelis quindecim gradibus, per portam Nicanoris, descendebatur in hoc atrium. Hi gradus celebres cum primis erant cultu festi tabernaculorum, quo Levitæ Psalmos graduales, a Psalmo CXX. ad CXXXIV. assa voce & fidibus concinebant, ita ut singulis gradibus singuli destinati essent Psalmi. Ita præter RIMCHIVM, quem citat Auctor, etiam R. SAADIA GAON, eumque secutus ABEN ESRA, RASCHI, & Rab-

binos

binos secuti e Christianis HVG. GROTIUS, CONSTANT. L'EMPEREUR *ad cit. Mischn. SAL. VAN TIL Comment. in Psalm.* qui Psalmo CXX. peculiare de his quindecim Psalmis graduum T. II. p. 257. præmisit proœmium, quo hanc sententiam copiose tueri annititur. Contra vero GVLIELMVS IRHOVIUS in *Conjectaneis in Psalmor. titulos* §. 86. p. 122. שירי המעלות vertit *cantica ascensionum, i. e. reditus, seu redituum ex captivitate Babylonica, partim videlicet in ipso exitu decantata, partim in posterum in hujusce memoriam decantanda.* Erant scilicet inter ascendentes ex Babylonia & cantatores & cantatrices, & quidem numero 200. Esdr. II, 65. vel ut Neh. VII, 67. habetur, 245. ad iterum nempe molestias molliendas, reducesque consolandos & recreandos, Deum laudandum &c. Et postquam ad consensum Syri provocaverat, atque ex Midrasch Tehillim sententiam confirmaverat, addit: *Pluralis autem numerus מעלות usurpatur non adeo excellentiæ causa, quam quidem ad pluralitatem ascensionum indicandam, quam in subiecta annotatione dilucide docet.* Si summum Psalmorum interpretem, b. GEIERVM *ad Psal. CXX, I.* conferas, sex sententiarum classes deprehendes, in quas clarissimi se scindunt Interpretes. Vt adeo exploratum certumque non sit, quod tanto cum strepitu ii contendunt, quibus Talmudistarum irrefragabilis est auctoritas. Vir doctissimus HENRIC. AINSWORTH in *Annotat. ad Ps. CXX.* cum b. LUTHERO facit, quando Psalmum interpretatur *elata seu altiore voce decantandum, Ein Lied im hebern Chor,* & provocat ad 2 Chron. XX, 19. ubi Josaphatus memoratur hostes aggressurus, cum Levitis cecinisse, Deumque laudasse בקול גדול למעלה *voce magna & in altum elata:* vel excellentiæ hanc notam esse, quo sensu 1 Chron. XVII, 17. המעלה *excellensissimus homo, ipse nempe Messias dicitur.* Sed ut ad chorum Musicum Levitarum, in quindecim scalis atrii mulierum revertamur, commode ᾠδῶν cum Græcis vertit L'EMPEREUR, p. 71. & duplex ejusmodi observat Odeum graduale; unum inter Israelis

atrium & atrium Sacerdotum, alterum inter mulierum atrium & atrium Israelis: quod suo relinquimus loco.

Ad §. XVII. pag. 40.

(26) *Capsa eleemosynaria*] Circa eleemosynarum in Templo receptacula, distigue inter Gazophylacia, & inter Caplas nummarias. *Gazophylacium* vocabatur קרבן Corban, quæ vox alias donum ipsum, dein thesaurum ex donariis congestum, denique locum norabat, in quo thesaurus iste asservabatur. Is geminum erat conclave: aliud לשכת הכתר conclave, seu Corban ad restaurationem & refectionem Templi, unde sumtus petebantur, in structuram Templi & atriorum conservandam & reparandam: aliud לשכת לעבורת המקדש Corban ad parandum ea, quæ ad cultum divinum in Templo peragendum requirebantur, ut v. g. sacrificium jüge & libamina, lignum, thura, panes propositionis, vestes Sacerdotum &c. suppetere. Illud rursus duplex erat: Vel לשכת הכלים conclave vasorum, ubi reponebat, quisquis vas aliquod offerret, seu ferreum, seu æneum, seu argenteum &c. quod, si usui esse posset ad ministerium vel reparaturam Templi, in usum istum adhibebatur, sin minus, vendebatur, pretiumque ejus cedebat ללשכת ברוך conclavi pro reparatione Templi: Vel erat Corbona nummorum, ubi signata moneta inferebatur in usum Templi. Erat præterea aliud לשכת השאים conclave silentium, vel clandestinorum, ubi viri pii obtulerunt clanculum, unde enutirentur liberi piorum parentum, etiam clanculum. Multum enim tribuebant eleemosynis, clam aliis erogatis, adeo ut in Talm. Babyl. Tract. Chagiga fol. 5. col. I. cum R. IANNAI aliquem videret, nummum pauperi palam dantem, ei diceret: *præstat non dedisse, quam sic dedisse.* Vid. Mischn. Cod. Schekalim cap. V. §. 6. & ad h. l. Annotat. WÜLFER I p. 132 sq. Porro capse nummarie dicebantur שופרת tubæ, quod instar tubæ essent formatae, quæ ore angustiore præ-



præditæ, inferius dilatabantur; in quam arcæ denominationem, & arcam ipsam, egregie commentatur denuo WÜLFERVS *ad cap. II. §. I. p. 52 sq.* Harum, tredecim positæ erant in atrio mulierum, ad columnas fornicum, quarum nitidam delineationem dedit, æri incisam, RELANDVS *de spoliis Templi Hierosol. pag. 126.* Et ne promiscue immitterentur nummi, inscriptæ erant singulæ, quos nummos caperent, v. g. 1) pro scilo anni præsentis, 2) pro scilis anni præteriti, 3) pro pretio duorum turturum aut columbarum, 4) pro aliis oblationibus ex avibus &c. de quibus MAIMONIDES late exponit in שקלים *cap. II.* His cistis evacuandis peculiare destinatum erat conclave, quod נאר' עֶזְרָא שֶׁכָּה vocabatur. Atque de his capsis nummariis sermo est Luc. XXI, 1. ubi Jesus assidebat in atrio mulierum inter porticus prope tubas istas, duosque asses a vidua paupere immittas celebrabat. Nemo enim vacuus templum ingrediebatur, quin donarium aliquod secum afferret. Quem morem hodierni quoque servant Judæi, ut e Synagoga egredientes, aliquid, si vel unicus fuerit nummus, ærario sacro immitterant. Confer denuo LIGHTFOOTVM *Decad. Chorograph. Marco præm. cap. III. Tom. II. Opp. fol. 405 sqq.* Haud procul ab illo atrio erat Conclava cambiale, in quo tredecim mensis assidebant collectores scili. Postquam enim Deus Exod. XXX, 12 sqq. iusserat, ut quilibet annum ætatis vigesimum egressus, dimidium scili penderet, jus inde invaluit, ut ab annuo isto censu nemo se eximeret, sive Israelita, seu Profelytus, sive Sacerdos, seu Levita, seu mendicus; solæ mulieres, infantes, servi ac ancillæ immunes erant, sin autem ultro offerrent, accipere non detrectabant. A Gentilibus autem non accipiebatur, licet ultro offerrent. Quin & ubicunque per totam terrarum orbem dispersi agebant Judæi, dimidium scilum conferebant, eumque ex singulis provinciis collectum, quotannis Hierosolymas mittebant, unde sumptus depromebantur למקדש לעבודה in cultum Sanctuarii. Vocabatur השולחנים שכנת conclave nummulario-

rum, de quo vide Mischn. *Schekalim cap. I. §. 3.* & quæ ibi annotavit WÜLFERVS *pag. 17 sqq.* Præterea LIGHTFOOTVS *Hor. Hebr. ad Matth. VI, 2. c. l. p. 297.* monet, eleemosynam Judæorum ordinariam, & extra Templum, triplicem fuisse, לתמחוי Scutellæ, vel canistro publico, quo colligebatur לעניי עולם pro pauperibus mundi, cujuscunque gentis vel regionis, Tros, Rutulusve fuit: לקופה Cistæ eleemosynaria, qua colligebatur solum לעניי אותה העיר pro pauperibus istius urbis: Ex agro demum, vel anguli non demessi, vel manipuli relictæ, vel de reliquiis vindemiarum, vel de decimis pauperum: quæ *ibidem* vide.

Ad §. XVII. pag. 40.

(27) Totum atrium nuncupatur gazophylacium ] Ad hunc locum sufficiant, quæ LAMPE notavit *Comment. in Job. VIII, 20.*

Ad §. XVIII. pag. eand.

(28) צדקה eleemosyna significet justitiam ] Ita quidem Auctor noster gravissimum Judæorum errorem pingit & ornat, quando eleemosynas ipsis צדקה justitiam dici tradit a materia, quod ex juste partis, nostrisque adeo, non alienis, erogandæ sint facultatibus: quas tamen ab effectu potius ita nominare, quia eleemosynarum meritum justitiam nobis conciliare credunt, nos olim ex instituto demonstravimus, disputatione Lipsiæ A. 1728. *de Eleemosynis Judæorum publici juris facta, §. 26 sq.* Hoc passim inculcant Judæi in Bava Bathra fol. 10. a. lin. 3. asserentes, eleemosynam eripere hominem ex morte & judicio gehennæ: Et quando מצריקי ex Dán. XII. eleemosynantes, h. e. eleemosynas copiose largientes fulsuros sicut stellas in æternum, *ibidem* fol. 8. l. 3. eleemosynam expiare Israelem fol. 10. b. l. 4. & appropinquare facere redemptionem, *ibid. col. a. lin. 12.* tradunt. In compendium hæc misit MAIMONIDES, quando in Hilch. מתנות עניים *de Donis pauperum cap. X. §. I.* ita rhetorice:

ricatur: הצדקה סימן לזדק ורע אברהם אבינו שנאמר כי ידעתיו למען אשר יצור את בניו לעשות צדקה ואין כסא ישראל מתכונן ורת האמת עומדת אלה בצדקה שנאמר בצדקה תכונני ואין ישראל ננאלין אלא בצדקה שנאמר ציון כמשפט תפודה Eleemosyna est insigne iusti seminis Abrahami, patris nostri, sicut dictum est Gen. XVIII, 19. quoniam cognosco illum, quod praecepturus sit filiis suis, ut exerceant eleemosynas: nec regnum Israelis confirmabitur, nec vera religio stabilietur, nisi per eleemosynas; uti dictum est Jes. LIV, 14. per eleemosynam stabiliaris; nec Israelita redimendi sunt e captivitate sua, nisi per meritum eleemosynae, sicut dictum est Jes. I, 27. Zion redimetur per iudicium, & reduces illius per eleemosynam. Etsi enim in universa Scriptura vocabulum צדקה eleemosynae notionem non sustineat, quae gratis assumpta a Judaeis, & imaginaria est; ubicunque tamen iustitia in Codice Sacro occurrit, ad eleemosynam illi trahunt. Et quid dici posset in hanc sententiam clarius, quam quod Tob. XII, 8, 9. legitur: καλὸν ποιῆσαι ἐλεημοσύνην, ἢ θησαυρίσαι χρυσίον. ἐλεημοσύνη γὰρ ἐκ θανάτου ῥύεται, καὶ αὕτη ἀποκαθαρίζει πᾶσαν ἁμαρτίαν. οἱ ποιῶντες ἐλεημοσύνας πλησθήσονται ζωῆς. Supra tamen צדקה extollunt adhuc חסד sive beneficentiam, multumque disputant, quid inter utramque discriminis intercedat. Nervose perquam in Cod. Talmud. Succa fol. 49. col. 2. ita exponitur: Tripliciter beneficentia antecellit eleemosynas. Nam eleemosyna tantum sunt pecunia, & beneficentia quodque officiorum genus complectitur: eleemosyna tantum exercentur erga pauperes, sed beneficentia tam erga pauperes, quam divites: quin & eleemosyna non nisi apud vivos locum habent, at beneficentia tam apud vivos, quam mortuos. Novem porro eleemosynae gradus constituunt Judaei, quos ex MAIMONIDE cit. loc. §. 7 sqq. in citata disputatione §. 30. p. 34 sq. ordine recensuimus, nec huc transferre juvat. Id saltem addimus, IACOB. RHENFERDIVM Dissertatione I. de decem Otiosis Synag. §. 80. acriter tueri, stipem in Synagoga

erogare, & egenis distribuere, nefas fuisse, quod loci sanctitas obstaret; cum tantum tamen precium eleemosynae statuunt Judaei, & e Synagoga egredientes teruncium suum in capsam pauperum immittant.

Ad §. XIX. pag. 41.

(29) Vnum pro legaliter impuris ac peregrinis] Addit hic Auctor supra memoratis tribus, quartum scilicet Atrium Gentium, quod VI cubitis atrio mulierum, XVI cubitis atrio Sacerdotum, & XXII cubitis ipso Templo erat deprefsius. Vocabatur פרכר 1 Chron. XXVI, 18. pars exterior, quae foras spectat, quam vocem suburbiorum exemplo, quae extra civitatem sunt, scite declarat CONSTANT. L' EMPEREUR in Mid-doth p. 46. coll. p. 5. nec non בית הר mons adis sacra 2 Chron. XXXIII, 15. item חלל profanum scilicet atrium, patebatque promiscue omnibus, exteris quoque ac Gentilibus, impuris & peregrinis, iuxta ea, quae Salomo dixit 1 Reg. VIII, 41 sq. Area erat quadrata, 500 cubitos longitudine & latitudine explens; ac tempore Herodis quidem circumcirca splendidis ornabatur aedificiis ac basilicis, in quibus eminebat Porticus meridionalis, Porticus regia dicta, quod a Rege Herode esset exstructa. In eodem בית המדרש Gymnasium, seu Auditorium, בית הספר Bibliotheca publica occurrebat, & conclavia alia. Idque erat, ex quo Christus emtores & venditores eiecisse, mensasque trapezarum evertisse memoratur Joh. II, 14 sqq. Conf. huc LAMPE Comm. in h. l. p. 526. Sub nomine Templi enim hoc etiam exterius atrium comprehendebatur, quia cum aedificio Templi cohærebat, ejusque sanctitas urbis reliquæ sanctitati multo erat præstantior. Ibi porticus Salomonis erat, ubi Jesus ambulans, in Templo ambulasse dicitur Joh. X, 23. Plura de hoc atrio vide in LIGHTFOOT Centur. Chorograph. Matthæo præmissa cap. XXVIII. & in Harmonia IV. Evangel. ad Job. II, 15. Tom. I. Opp. p. 414 sq. Quicquid vero est istius Atrii gentium, Vir doctus in Symbolis literariis Bremensib.



*Tom. I. Dissert. III. tota p. 73.* e Templo plane proscriptis, idque 1) e numero atriorum in Codice Sacro extante, 2) a defectu testimoniorum Judaicorum, 3) a silentio IOSEPHI, 4) a situ, ab atriis longe remoto, & 5) a forma, ab atriis valde diversa, evincere sategit. Largitur tamen §. III. Gentibus locum patuisse in הר בית יהוה monte domus Dei, & §. XV. tam Ezechielem Cap. XL, 17, 20. חצר החיצנה atrium exterius, in Templi descriptione asserere, quam Johannem Apocal. XI, 2, αὐλὴν τὴν ἔξωθεν τῆς ναῆ, atrium exterius Templi affirmare, quod ἐδόθη τοῖς ἔθνεσι, gentibus sit indultum. Hoc itaque præcise negat, locum extitisse in illo Templi circuitu, cuius aditus populorum, suæ adhuc fidei professioni addictorum, congregationi fuerit concessus. In eandem sententiam Celeberr. IKENIVS, Symbolarum istarum collector gravissimus, *Dissert. IV. p. 105.* concedit, eamque ab auctoritate R. IEHVDAE LEONIS liberat, qui *Lib. II. cap. 4. num. 26.* הר הבית per חצר האומים atrium Gentium exposuerat. Et ne quid dissimilem, ipse LIGHTFOOTVS, qui *loc. cit.* copiose istud adstruxit, in Commentario tamen, quo *descriptionem Templi Hierosolymitani* ex instituto tradit, *Cap. XVI. Tom. I. p. 590 sq.* ubi de atriis Templi agit, hoc atrium Gentium alto silentio preffit, ut paulo ante *Cap. V. sect. 2. p. 559.* portam Parbar ejusque situm definierit, nulla tamen pariter atriis Gentium injecta mentione. Ita videas, CONSTANTINVM L' EMPEREVR *ad Cod. Middoth cap. I. sect. 4. p. 15.* tria solum atria agnoscere, illo quod Gentibus tribuitur, omisso. Vtraque tamen sententia, affirmans æque ac negans, facili negotio componi poterit, modo attendatur, num mons domus Domini ad Templum relatus sit, nec ne? Hunc enim, laudatus CONSTANT. L' EMPEREVR latius interdum sumi *p. 5.* interdum strictius *p. 11.* docet; totumque ejus ambitum, in quantum tetragonum quingentorum cubitorum, seu bis mille cubitos in circuitu comprehendebat, קדוש sanctum fuisse habitum, LIGHTFOOTVS *Tom. I. pag. 554.* evincit. Affirmantes itaque hoc atrium, mon-

tem sanctum universum referunt ad Templum; & quia Gentibus in hoc monte consistendi, verisque ad interiora Templi facie, preces ad Deum fundendi facultas erat facta, 1 Reg. VIII, 41 sqq. 2 Chron. VI, 32 sqq. hinc a Christianis, iisque gravibus ac eruditis viris, LIGHTFOOT, BASNAGIO *Exercit. c. Baron. p. 124.* SVRENHVSIO βίβλος καταλλαγῆς *p. 263, 299.* aliisque bene multis, ad imitationem atriorum interiorum, in quibus recutitis locus erat, Atrium Gentium vocatur. Vnde non omnes omnino Judæi istud ignorant, vel negant, sed præter R. LEON. IEHVDA, etiam R. ABRAHAM הרופא seu Medicus in *Schilte Haggibborim cap. XXV. בהר הבית in monte domus*, h. e. in atrio Gentium, Nummulariorum ponit conclave: cuius verba dedit, & sub censuram vocavit, WÜLFERVS *ad Cod. Schecholim cap. I. Sect. 3. pag. 20.* Negantes autem, non tam de re ipsa, quam de stricto Templi ambitu, quem ultra septum clathratum, & spacium antemurale patuisse negant, ut & de atriis hujus denominatione, quæ nec in Scriptura, nec in Judæorum monumentis a Gentibus definitur, decertant. Sic utrique sententiæ relinqui potest locus.

Ad §. XXI. pag. 41.

(30) *Ter exstructum est*] Duone, an tria sint numeranda Tempia Hierosolymitana, eodem in loco & exstructa, & diruta? dubie disputant nonnulli, & in ancipiti ponunt. Satis tamen in se plana est disquisitio, & facili negotio expedienda, modo commode declaretur. Judæi tantum non omnes duo saltem agnoscunt, Salomoneum & Zorobabelicum, adeo ut tertium demum a Messia suo expectent, duraturum in æternum. De singulis agemus seorsim.

I. David, quod pie instituerat, domum stabilem cultui, nominique Divino parare, a Deo ipso per Nathanem Prophetam prohibitus, tantumque opus ad Salomonem filium transmittere jussus, 2 Sam. VII. nihil tamen fecit reliquum, in congerendis iis, quæ ad tantam perficiendam molem facere videbantur. Hinc & ingentem auri,

auri, argenti, æris, ferri, aliarumque operi necessariorum rerum copiam collegit, filioque ante mortem, una cum accurata ædificii ἱερογῶφία, tradidit 1 Chron. XXIX, XXX. & postremo regni sui anno, omnes gentis profelytos, quorum numerus ad 153000. assurgebat, operi applicavit. Hi strenue incumbabant labori ad quartum usque Salomonis annum, cujus mense secundo jacta sunt ædis fundamenta, cumque in numerato habebant necessaria omnia, adeo feliciter res successit, ut octavo mense anni undecimi, universa absolveretur structura, 1 Reg. VI, 38. duodecimo vero anno, mense septimo, inter solennia festi Tabernaculorum, consecraretur 1 Reg. VIII, 2. 2 Chron. V, 3. Ex his itaque undecim vel duodecim prodeunt anni, in ædificando & exornando Templo Salomonis exacti: IV. in secandis lapidibus, exasciandis lignis, & præparando ad structuram apparatus: VII. cum dimidio in perficienda æde: & I. in expolienda ac aptanda ad dedicationem, & cultum in eo ἀδιαλείπως posthæc peragendum. Verum postquam subsequenti ætate varie spoliatum, idololatria pollutum, piorumque vicissim Regum studio repurgatum & instauratum fuisset hoc Templum, tandem anno XIX Nebucadnezaris, mense V, qui undecimus erat annus Zedekiz, ultimi e domo Davidica Regis Judæ, per Nebusar-Adanem exustum & vastatum est 2 Reg. XXV, 8 sq. 2 Chron. XXXVI, 19. Jerem. LII, 12. Aetatem ergo tulit CCCXX annorum, a perfectione sua ad excidium a Nebucadnezare illatum.

II. Cum vero Cyrus, juxta oracula divina, & captivo populo in patriam revertendi, & Templi restaurandi facultatem fecisset, eoque fine non modo delineationem novæ ædis, verum etiam vasa aurea, argentea, ænea, Hierosolymis olim cum captivo populo Babelem asportata, insignemque auri & pecuniarum vim reducibus dono dedisset Jer. XXIX, 10. 2 Chron. XXXVI, 22 sq. Esdr. I toto, hi primo statim anno altare refecerunt, in quo per septem menses victimas obtulerunt, donec secundo mense anni secundi fundamenta domus jacerent Esdr. III, 8. statim

tamen a Samaritanis, per totum Cyri tempus, impediti cap. IV, 5. Demum sub Dario, qui Artaxerxes etiam audit, Esdr. VI, 1. VII, 1 sqq. & juxta IOSEPHVM lib. XII. *Antiquitat. cap. 4.* Hytaspis, juxta SCALIGERVVM vero & FRANCISC. BVRMANNVM Nothus fuit, secundo anni regno, structura denuo inchoata, & quadriennio post, die 3 mensis Adar, anno sexto Darii, qui amplissimis donariis eam juvit, fuit absoluta Zach. I, 12. IV, 3, 5. cujus dedicationem, magno cum gaudio & largâ sacrificiorum oblatione celebratam, IAC. VSSERIVS *Annal. Vet. Testam. Tom. I. p. 161.* in A. M. 3489. conjicit. Opere ad umbilicum perducto, anno Darii septimo Esdras, anno autem vigesimo Nehemias, Hierosolymas ascendit Esdr. VII, 8. Nehem. II, 11. urbemque non modo mœnibus, sed cultum etiam, plebemque reducem legibus ac disciplina, in ordinem redegerunt, unde hi tres gentis ac patriæ restauratores, trito apud Judæos proverbio, passim junguntur: *Zorobabel Templum restauravit, Esdras Religionem & cultum reddidit, Nehemias Urbem ac mœnia reparavit.* Hinc variam hoc Templum expertum est fortunam, sub Xerxis imperio a Bagose, Regio in his terris Vicario vel Præfecto, gravissima XL drachmarum in unumquemque agnum immolandum multa prægravatum, sub Darii ultimi principatu, exstructo Samaritarum in monte Garizim Templo, insigni contumelia affectum, ab Alexandro M. per Jadduam Pontificem mitigato & conciliato, variis privilegiis ornatum, a Ptolemæo Lago temerario ingressu profanatum, ab Antiocho Epiphane cumprimis, Rege Syriæ spoliatum, pollutum, & indignis modis, una cum tota gente afflictum, a Juda Maccabæo, post triennii profanationem gentilem, repurgatum & solennissimo ritu consecratum 1 Maccab. IV. donec sub Romanis, Pompeji M. ingressu in Sanctissimum, profanatum, demum ab Herode M. splendidissime instauraretur ac exornaretur. Quæ Templi fata, ordine & copiose persequitur LIGHTFOOT. in *Descript. Templi Hierosol. cap. XL. Tom. I. Opp. fol. 661 sqq.*



III. Atque sic ad Herodis devolvimur Templum, cujus fabricam IOSEPHVS lib. XV. *Antiquitat. cap. XI.* descripsit. Quia enim Rex idolatricorum complurium fanorum erectione, insignem apud Judæos invidiam sibi conflaverat, hanc ut amoliretur & populi gratiam iniret, de consilio Sapientum, Hillelis, Schammai, & Menachem, qui magna apud ipsum gratia pollebant, anno regni XVIII. Templum Zorobabelis reparare & ampliare instituit. Oratione itaque præmissa causabatur, filios captivitatis, Cyri ac Darii Hytaspidis mandato constrictos, ultra LX ulnarum altitudinem Sanctuarium extollere non potuisse, quæ dimidia saltem pars sit altitudinis, ad quam Salomoneæ ædis pertigit culmen. Hunc itaque defectum ut suppleret, & priori hoc posterius quam simillimum redderet, LX ulnas eidem se adhuc additurum. Ingentibus itaque sumptibus, porticus & atria Zorobabelis destruxit, ac e fundamentis splendidissime reparavit, quin & Sanctuarium ac Sanctissimum, ab inferiori contignatione de novo exstruxit, immo & ipsam inferiorem contignationem decem ulnis exaltavit, multisque magnificis exornavit portis, fornicibus, ac deambulacris, ut in miraculis mundi hæc haberetur moles, & Judæi passim in proverbio jactarent: qui Templum Herodis non viderit, eum nullum unquam splendidum vidisse ædificium. Si ergo dicendum quod res est, non novum plane ac aliud, sed ipsum Zorobabelis fuit Templum, a Judæis recte בית השני Templum secundum dictum, sed ab Herode magnifice reparatum ac auctum. Hinc Scriptura ipsa duo solum templa agnoscit, הבית הראשון ædem priorem a Salomone excitatam, & הבית האחרון ædem posteriorem, a Zorobabele extructam, & per adventum Messiae in carne revelati glorificatam, quæ ipsa erat Herodis structura Hagg. II, 9. Egregie in hanc sententiam SELDENVS de Synedriis lib. III. cap. XIII. §. 8. inquit: *Advertendum autem, בית שני Templum secundum perpetuo ita vocari Zorobabelianum, ut non minus id, quod ante Antiochi profanationem fletit, & quod exinde a Maccabaicis instauratum*

*est, quam quod postea sub Herode innovatum legimus, contineret denotaretque, idque usque ad excidium urbis templique.* Neque enim Templum habebatur aliquod tertium, nedum quartum, sed primum tantum & secundum; licet Zorobabelianum hoc ita denuo dedicatum fuerit etiam, & instauratum ab Hasmoneis, atque dein reedificatum ab Herode. Etsi igitur LIGHTFOOTVS cit. loc. cap. X. pag. 570. Herodem non tam instaurasse, quam denuo ædificasse Templum contendat, & SAVBERTVS Prefat. in lib. LEONIS IUDAE de Templo novum plane, ac tertium dicat, immo licet IOSEPHVS cit. loc. §. 3. Herodem, sublatis veteribus fundamentis, alia jecisse & nova memoret, id tamen omne de atriis, portis, deambulacris & ornamentis exterioribus, quæ majori longe ambitu, quam reduces e captivitate, descripsit, non vero vel de ipso Sanctuario, vel de Sancto Sanctorum capiendum, cujus utriusque superior structura magnifice fuit aucta, fundamenta autem inconcussa manserunt atque immota. Denuo graviter SELDENVS cit. loc. pronunciat: *Summa est, Herodem nihil molitum esse, quo Templum fieret jam tertium, sed ut secundum, terminis undique ampliatis, & nomine, & re, sic maneret, pro eodemque haberetur, ut non omnino tertii nomen indueret: quod ex ipsius Herodis apud IOSEPHVM verbis demonstrat.* Quin & viros doctos, IOSEPHI circa magnificentiam hujus Templi fidem non immerito sollicitare, observat SPANHEMIUS Hist. Eccles. Vet. Test. Epochæ IX. Sect. X. Tom. I. Opp. p. 469. quod destructo pridem Templo, cum hæc scriberet, impune exaggerare potuerit gloriam ejus, ut & gentis Judæorum, pro more suo, gloriam extolleret, & Romanorum, qui evertissent, celebraret potentiam. Ceterum Herodes interioris Templi structuram mensibus XVIII, exteriora & connexa ædificia annis VIII, perfecisse fertur.

Ad §. XXII. pag. 46.

(31) *Quadraginta & sex annis ædificatum est hoc Templum*] Recte Auctor noster hæc verba

verba ad Herodis Templum refert, & calculos ponit. A cœpta Templi structura, anno Herodis XVII, vixit ille ad A. C. XVI. Hinc computatis annis circiter XXX. ad tempus illud, quo Judæi verba hæc ad Christum habuerunt, ante primum Pascha publici ministerii, exsurgunt anni XLVI completi. Verba itaque sic veniunt vertenda: *A quadraginta sex annis inde extructum est: h. e. Seit 46 Jahren ist dieser Tempel erbauet, und wird noch täglich daran gebessert, und du wilt ihm in dreyen Tagen aufrichten?* Sive, ut LIGHTFOOT. in *Hor. Hebr.* exponit: quadraginta sex annis jam extitit hoc Templum in ædificando; quotannis enim nova quædam addebantur ornamenta. Hanc interpretationem LAMPPIVS ad *b. l.* pluribus declarat & munit. Altera, quæ XLVI annos ad Zorobabelis Templum refert, & quam FRANC. VERMANNVS *Comment. ad Esdr. VI. p. 328. & in Hist. Ecclesiast.* eidem subjuncta *cap. XI. p. 501.* metur, variis calculi laborat incommodis, quæ laudatus LAMPPIVS in *Annotat. Commentarii sui in apricum* posuit. Quando autem mendacii & erroris Evangelistam ex istis verbis arguere nititur R. ISAAC in *חזק האמונה cap. XLIII.* quia Herodes XXXVII tantum annis imperaverit, Templum autem hoc VIII annorum spacio exstruxerit: dextre eum confutavit IAC. GUSSETIVS ad *b. l. pag. 401.* errorem hunc Judæis impingens, non Evangelistæ, ut si maligne tempus auxerint, quo Christi dictum magis suggillarent, hoc ipsum fuerit mendacium, non Evangelistæ peccatum, qui ex vero referat, quæ illi, siue vere, siue falso, ogganniebant. Ipse tamen GUSSETIVS posthæc, de Zorobabelis ædificio, Judæorum verba interpretatur.

Ad §. XXIII. pag. 41.

(32) *Superatum autem est a templo priore* ] Salomonæ ædis præ posteriore excellentia, tam ex numero operarum æque ac annorum, quibus utraque fuit excitata, quam ex impari auri copia facile colligitur. In priori namque Tem-

plo parietes & ornamenta omnia, auro gemmisque fulgebant, nec nisi aurca adhibebantur in ministerio vasa 1 Reg. VI, VII. 1 Chron. XXII, 14, 29. 2 Chron. III. in posteriore frustra hoc quæsieris, & vasa erant ænea. Accedit exterior facies, quæ LX cubitorum altitudine superabatur a priore, antequam ad parem magnificentiam eveheretur ab Herode; unde Hagg. II, 3. Deus ipse hanc ædem כבוד *nibili* reputari in oculis eorum, qui priorem adhuc viderant, testatur. Confer IOH. FRIED. MIEGII *Disp. de gloria Templi secundi* §. 3, 4. quæ repetita legitur in *Thesauro novo Philol. Theol. Tom. I. p. 1071.*

Ad §. & pag. eand.

(33) *Quinque rebus, quæ fuerunt sub templo primo, defeceruntque secundo* ] De istis proluxa est & anceps omnino disputatio, paucis hic repetenda. I. variat traditio, nec eodem modo quinaris iste a Magistris recensetur. In *Gemara Babylon. Massechet Joma cap. I. fol. 21. col. 2.* ita legitur: זה אמר רב שמואל בר אבין ואכברה מאי דכתיב וארצה בןואכבר וקרינו ואכברה מאי שנא דמחוסר הי אלו חמשה דברים שהיו בין מקדש ראשון למקדש שני ואלו הן ארון וכפורת וכרובים אש ושכינה ורוח הקדש אורים ותומים: Dixit RAF SAMUEL BAR ENIA: *Quare* (in verbis istis Prophetæ Hagg. I, 8.) *& delectabor in ea, & glorificabor: scriptum est ואכבר* (absque He finali) *legitur tamen ואכברה* (cum He paragogico?) *quid docet deficiens He? quinque res, quæ fuerunt in Sanctuario primo, & non fuerunt in Sanctuario secundo, nempe, arca cum propitiatorio & Cherubim, ignis celestis, præsentia maiestatis divinæ, Spiritus Sanctus Vrim & Thummim.* Hanc maiorum traditionem repetit ABARBENEL *Comment. in Hagg. fol. 277. col. 4. Fol. sequenti autem col. 1.* his adhuc addit candelabrum, mensam, ac omnia vasa Sanctuarii, cum aulaeis, tabulis, & reliquis rebus, quas Moses fecit in deserto, urnam item mannae, baculum Aaronis & oleum unctionis, quæ omnia in priori Templo abscondita credit,

Pp

nec



nec reddita in domo secunda. Vicissim in *Gemara Hierosolymitana Cod. Maccoth Cap. II. fol. 32. col. 1.* loco שכינה presentie majestatis divine, שמן המשחה oleum unctionis inter desiderata numeratur. Vtramque Gemaram conciliare studet SELDENVS lib. II. de Success. in Pontific. cap. IX. p. 245. ita, ut in arca foederis amissa, subintelligatur hoc oleum sacrum, quod in vase suo penes arcam asservabatur, & cum illa periit, nunquam restitutum; unde quoque nulla ex oleo sacro unctio locum habere potuerit sub Templo secundo. Sic tamen Hierosolymitani omittunt שכינה, & Templo secundo largiuntur, quam eidem denegant Babylonici. Rursus RASCHI ad c. I. Hagg. Vrim & Thummim seorsim numerans & pro duobus sumens, arcam omittit. Ceterum, num defectus literæ ך apud Haggæum defectus hujus probationem suppeditet, an pro סימן symbolo memoriali tantum habendum sit? disputari vide apud SCHICKARDUM in Jure Regio, & CARPZOV. ibid. p. 29. DILHERRVM Dispp. Tom. I. p. 728. & MEIERVM contra Clasingium p. 41. Tanti enim hæc inquisitio non est, ut huc transferatur. Pergimus ad traditionis.

II. Veritatem, quæ varie impugnatur, licet dispari scopo. Pontificii doctores, RIBERA, TORNIELLVs, alii, ut librorum Apocryphorum fidem tueantur, deperdita ista Chaldaicam cladem evasisse, perhibent. Novissime omnium BERN. SEBAST. CREMER Antiquit. Sacrar. Pæciles Tom. II. p. 5 sqq. quinque res istas sub priora Templi secundi tempora, eidem adfuisse existimat, post excessum autem ultimarum Prophetarum, ab Antiocho Epiphane direptas & ablatas, & nunquam illuc restitutas fuisse, unde thesûm generalem ita format: *Quinque memoratas res immo vero defecisse sub Templo secundo post tempora Malachie, aut circa tempora Antiochi Epiphani, neutiquam vero circa initia renovatae religionis & reipublice.* Quæ ipsa est R. ASARIAE EDOMAEI in Meor Enajim lib. III. cap. 51. sententia. Atque ista quidem media incedit via, & fundamentis nititur imparis quidem ro-

boris, nec tamen omnino rejiciendis, hinc paulo altius expendi meretur. Quia vero insignis circa res illas intercedit differentia, de singulis seorsim erit agendum. Sequitur ergo earum

III. Examen. Et α) de Arca quidem cum propitiatorio mitto fabulas, quibus ea vel ex 2 Maccab. II, 4 sqq. a Jeremia abscondita, vel a Josia una cum unguento sacro, baculo Aaronis, residuo Mannæ & oraculo Vrim & Thummim, in loco quem Salomo his usibus paraverit, addito ac secreto, sub humum occultata, nec nisi tempore Messiae revelanda ac restituenda, juxta En Israhel P. I. fol. 166. cap. 2. DAV. KIMCHIVM Comment. in 2 Chron. XXXV, 3. ABARBENEL, & alios, vel demum Romam in ultimo triumpho abducta perhibetur, prolixè in aciem productas & sub censuram vocatas a BVXTORFIO, Hist. arce fæder. cap. XXII, XXIII. & IOH. BENED. CARPZOVIO, pecul. disp. quonam arca pervenerit? in Volum. Dispp. Academ. p. 48 sqq. Nobis vero videtur simillimum, quod & Babelem a Nebucadnezare, in deportatione Jehoakimi, abducta, & inde a Cyro restituta, ac a filiis captivitatis, una cum ceteris vasis sacris, Hierosolymas reportata, ac in Templi secundi adyto collocata fuerit. Hoc suadet locus, quem in Gemara ad Cod. Joma cap. V. fol. 53. col. 2. K. ELIESER in hanc sententiam allegasse fertur, ex 2 Chron. XXXVI, 10. ubi Nebucadnezar Jehoakimum abduxisse memoratur Babelem בן חור כלל חמרת בית יהוה cum vasis desiderii domus Domini. Velut autem terra desiderii, desiderabilis ac præstantissima Psal. CVI, 24. Jer. III, 19. Zach. VII, 14 ager desiderii, omnium optimus ac præcipuus, Jerem. XII, 10. & ipse quoque sponsus spiritualis כלל מחמרים totus desideria, exoptatissimus & summe amabilis Cant. V, 16. audit, ita pariter vasa desiderii sunt pretiosissima omnium & vel maxime expetita, in quæ omne fertur desiderium. In ejusmodi Templi vasis, quis arcam cum Cherubim, quis mensam auream, quis altare incensi referri, immo primo loco haberi negaverit? Vnde quando hoc ipsum dictum in Seder Olam Rabba cap. XXV. edit.

MEIERI p. 72. in medium adducitur, statim additur explicatio, *וְהָיָה הַמִּזְבֵּחַ* per instrumenta desiderabilia domus Domini intelligitur arca. Undecim ergo ante annos, quam cremaretur sub Zedekia Templum, arca & vasa illa domus Domini præstantissima Babylonem abducta fuerunt, ut cum incendio periret Templum, illa una perire non potuerint, quod præsto non amplius essent. Ista vero Babele non abolita, non in alios conversa usus, sed ut trophæa de Deo Israelis ejusque populo, in Templum Regis Babelis translata, ibique asservata manserunt, donec Cyrus reducibus ea omnia redderet, Hierosolymas in novum Templum transferenda Esdr. I, 7-11. VI, 5. Nec obstat, quod obvertit MÜNSTERVS in Joseph. Gorionidis lib. I. cap. 17. & repetit BVDDEV'S Hist. Eccles. Vet. Test. Tom. II. p. 631. disertam arcæ, nec in ablatione, nec in restitutione vasorum Templi, mentionem fieri, quia institutum sacrorum Scriptorum id non ferebat, ut nominatim vasa omnia recenserent ac describerent, sed communi indicio illa complecti satis habebant. Qui enim omnia dicit, ille præcipua ejus generis e censu omnium nequitiam excludit, sed vel primo loco intelligi cupit. Ita constat de restitutione, & præsentia in Templo secundo. Jam in peremptoriam & irreparabilem eorundem direptionem est inquirendum. Temporibus autem Maccabaicis, & sequentibus, usque ad Romanam vastationem, in æde secunda non adfuisse ex Jerem. III, 16, 17. CREMERVS loc. cit. p. 17 sqq. copiose demonstrat, IOSEPHI quoque ac TACITI testimoniis confirmat, quin & Antiocho Epiphani istam Templi spoliationem tribuendam esse, ex Daniel. VIII, 11, 12. XI, 32, 36-39. & IOSEPHI narratione lib. XII. Antiquit. cap. 7. evincit: quæ cum erudite ab ipso sint confecta, in iis acquiescimus, Lectorem eo remittentes. Spem denique Judæorum recentium, in quam R. ABARBENEL Comment. in Dan. IX, 24. fol. 64. col. 1. suos erexit contribules, fore ut arca, cum ceteris vasis Sanctuarii, in Templo tertio, sub Messia restituatur, evertit omnino & prostravit FRISCHMUTHVS Disp. in

Jerem. III, 14 sqq. de non speranda arca fœderis restitutione, digna quæ in hoc argumento præ ceteris consulatur. Pergimus

β) ad Ignem sacrum ac caelestem, in altari holocaustorum perpetim in æde prima, conservatum & nutritum; circa quem eo minus nobis laborandum est, quo evidentius ille, cum destructione altaris & plenaria oblationum cessatione, in vastatione Templi primi cessasse colligitur. Etsi vero hunc quoque absconditum vel sub Manasse, vel ante Babylonicam destructionem, rursusque protractum e puteo, & restitutum altari secundo fabulantur Judæi 2 Maccab. I, 18 sqq. in Massechet Joma cap. IV. sub init. & apud IOSEPHVM GORIONIDEM, fatetur tamen ABARBENEL ad Hagg. I, ubi eandem adoptaverat traditionem, in dedicatione Templi secundi de novo cælitus non descendisse, quod perinde fuerit, ac si nullus adesset. Testimonia qui κατὰ τὸ πρῶτον legerè cupit, BVXTORFIVM adeat in Hist. ignis sacri cap. III. p. 246 sqq. CREMERVS equidem c. l. p. 77 sqq. hunc ignem sub Templo secundo pariter obtinuisse tueretur, ad Antiochi Epiphani persecutionem, qua penitus defecerit. Negat enim ignem cælitus delapsum, solum esse sacrum, sed quemcunque ignem, ad cultum jugem adhibitum, & ad consumenda holocausta & victimarum adipēs, ad adolendum suffitum & accendendas lucernas, ad coquendos panes propositionis, in altari perpetuo nutritum, hoc nomine venire, quia ignis iste ab altari sanctificetur, & a ministerio sacro sit inseparabilis p. 87. Hinc, quoties v. g. ab Achazo 2 Chron. XXVIII, 24. a Manasse 2 Chron. XXXIII, 4 sqq. & ab Ammone vers. 21 sqq. cultus veri Dei aboleretur, extinctum quoque ignem sacrum fuisse, quoties autem cultus denovo ab Hiskia cap. XXIX, 4 sqq. & Josia cap. XXXV, 3. 2 Reg. XXIII, 1 sqq. restauraretur, toties ignem quoque sacrum incepisse tradit. Pariter se rem habuisse in destructione altaris prioris, & initiatione posterioris Esdr. III, 2 sqq. Sed quod pace Viri docti dixerō, ignem ἁγία-ο-πῆν, vel ex שכינה & gloriosa Dei nube pro-



rumpentem, nec alium sacrum ac æternum appellari, & Lev. VI, 1 sqq. innui, ex Tabernaculi juxta ac Templi Salomonei initiatione Levit. IX, 24. 2 Chron. VII, 12. cum universa teneo & credo antiquitate, tam Judaica, quam Christiana. Talis itaque cum in Templo secundo, nullo plane indicio vel documento demonstrari queat, hac prærogativa illud orbatum citra hæsitacionem pronuncio. Quando vero Deus eum in cultus, sive prioris, sive posterioris Templi, reparatione populo non amplius indulgebat, ea tamen propter non profana erant sacrificia, ex communi accensa igne, sed quia victimarum sanctificatio fidei Hof. VI, 6. Hebr. XI, 6. in acceptis est ferenda, non sive altari, sive igni, quandoque fide offerebantur illa, ignis rite adhibitus, licet ex cælesti origine derivatus non amplius suppeteret, Deo acceptus habebatur: hinc grata Deo sacrificia in Templo secundo poterant offerri, licet igne cælesti destituerentur. Sequitur

γ) שכּינָה, sive Symbolum gratiosæ Dei præsentia, quam pariter in Templo posteriori desideramus. Non uno sensu hoc Sanctuarii *אַחֲרֵיכֵּן* accipitur. Tantum enim abest, ut gratiosam Dei præsentiam & inhabitationem ædi secundæ denegent Judæorum magistri, ut vel hodiernum, duobus legi divinæ pie operam dantibus eam largiantur, juxta illud R. CHANINAE fil. TERADION effatum: שנים שיושבין ויש בנייהם שנים רבּרי תורה שכּינָה שריוּה בנייהם *duo qui una sedent, & inter eos sunt colloquia de lege, Schechina quiescit super eos, id quod ex Malach. III, 16. probare satagit: in Pirke Abhoth cap. III. §. 2. quocum confer Christi dictum Matth. XVIII, 20. Hic autem, de præsentia divina externa in symbolo nubis manifestatione, vocem sumimus, qua & in Tabernaculi Exod. XL, 34. & in Templi Salomonei 1 Reg. VIII, 10 sq. inauguratione, conspicuam sese reddebat. In Templi autem posterioris dedicatione, Esdras & Nehemias hanc gloriam alto silentio premunt, qui tamen, accurati restitutæ Ecclesiæ Scriptores, hoc, quod ad summum suorum ac*

posterorum solatium valuisset, sicco non præterissent pedes, si adfuisset. Nec vola ejus rei nec vestigium in æde secunda, apud quenquam occurrit Scriptorum. Laudatus CREMERVS denuo p. 35 sqq. Schechinam, una cum arca, Babelem migrasse ex Ezech. I. Jerem. XXIV, 1. eandem cum populo Dei ex Babele reversam fuisse ex Hagg. II, 2-9. Jerem. XXXIII, 6-9. Mich. II, 12, 13. Jes. XLVIII, 14, 17. Zach. II, 5-17. Esdr. VIII, 21 sqq. demum vero Antiochi Epiphanis tempore disparuisse, ex arctissimo ejus cum arca nexu, evincere satagit, qui videatur.

δ) De Spiritu Sancto dispiciendum porro est. Hunc, si cum SELDENO lib. I. de Synedriis cap. XIV. eundem plane feceris cum שכּינָה, nihil est, quod seorsim de illo maneamus, postquam de ista mentem nostram aperuimus. Verum qui curatius, ex mente Judæorum utrumque distinguunt, & per Schechinam, præsentiam divinam, certo symbolo se manifestantem, per Spiritum Sanctum autem donum prophetiæ inferioris ordinis, quo tertia classis librorum Vet. Test. כתובים dictorum, exarata Judæis creditur, intelligunt, hoc sensu utrumque in Templi posterioris distincte numerant desideratis. At enim vero Prophetas domus secundæ, Haggæum, Zachariam, Malachiam, dono prophetiæ gavisos fuisse, in confesso est apud omnes, & sub auspiciis Novi Fœderis hoc dono fideles complures, v. g. Zachariam, Luc. I, 67. Simeonem senem cap. II, 26, 27. Agabum Act. XXI, 10. quin immo Pontificem etiam incredulum & impium, ratione officii tamen Joh. XI, 51. instructos fuisse constat: ut de eo sententiam ferre sit in proclivi.

ε) De Vrim & Thummim eo minus dubitamus, in æde posteriore defecisse, cum ne in priore quidem ultima attigisse tempora, valido probari queat documento. Post regnum enim divisum, nullum leges exemplum responsi ex pectorali, unde pius Josias Deum de recens inventa lege consulturus, non pectorale Pontificis, sed Huldæ prophetissam requirere necesse habebat,

bat, 2 Reg. XXII, 14. 2 Chron. XXXIV, 22. Templo itaque posteriori oraculum hoc in solidum denegamus, quicquid IOSEPHVS *Antiqu. lib. III. cap. IX.* ogganniat, qui ducentis ante suam ætatem annis, responsa non amplius reddidisse perhibet. Etsi vero vestes aureas in Templo secundo, vestibus prioribus æmulas, Pontifici paratas, iisdemque pectorale cum duodecim gemmis pariter appensum, non nego, hic tamen non de instrumento, sed de oraculo in pectorali, nobis est sermo. Vrgent, qui secus sentiunt, Esdræ & Nehemiæ auctoritatem, qui Sacerdotibus nonnullis de sanctis comedere prohibitum fuisse dicant, *donec Sacerdos consistat cum Vrim & Thummim* Esdr. II, 63. Neh. VII, 65. Sed enimvero contrarium omnino produunt verba, & defuisse tunc temporis Pontificem, *τῷ Vrim & Thummim* instructum, liquido testantur: quod ipsum quoque largitur CREMERVS p. 139. licet & postliminio hoc restitutum oraculum, & circa Antiochi Epiphanis demum furores ablatum fuisse, magno molimine tueatur. Ne quid faciamus reliquum, subjungimus adhuc

§) Oleum sacrum, quod memoratis quinque rebus Gemaram Hierosolymitanam addere, supra monuimus. Postquam enim Moses, divino jussu, istud confecerat, nunquam ab alio ququam in posterum reficiendum Exod. XXX, 32. vase conditum, cum reliquis cimeliis ad arcam affervabatur, & cum in itinere per deserta dissolveretur tabernaculum, curæ Eleazari concredebatur Num. IV, 16. Ita & in tentorio 1 Reg. I, 39. & in Templo 2 Chron. XXIII, II. custoditum, ut quoties usus postulare, Pontifici ad manus esset, paria tandem fata cum reliquis Templi cimeliis experiebatur; & quia lecythus unguenti hujus, tanti non erat pretii, ac vasa aurea, neglectim forte habita, in Chaldaica Templi vastatione periit, nec Babylonein fuit deportata. Denuo itaque parari, quia sub gravi comminatione erat interdictum Exod. cit. loc. vers. 32, 33. facili negotio inde colligitur, quod plane abfuerit a Templo secundo. Hoc ipse largitur

CREMERVS p. 114. §. 17. aliud tamen, ut in locum Mosaici, rite confectum & usurpatum evincat, verba interdicti restringit p. 106. *ad privatum usum, aut usum viri extranei.* Verum, si ad verba Mosis curate attendamus, distincte illa ac seorsim, primò iteratam confectionem, deinceps usum alienum ac privatum vetant, ut in gratiam adoptatæ hypotheseos, prius cum posteriori misceri & confundi, haud obscure appareat. Demum rursus sub Antiochi Epiphanis tempora, unctionem sacram desisse censet, quia primi, qui ab Antiocho Epiphane Pontificatum ingenti pecuniæ summa redemerunt, Jason & Menelaus, idque cum plena a Mose apostasia, & introductione Hellenismi, unctionem & inaugurationem Mosaicam parum curasse, videntur, proximi Pontifices, viri Maccabæi, non erant e Pontificali genere, deinde jus in Pontificatum a Regibus accipiebant, & hinc solenni unctionis & inaugurationis ritu facile carebant. Quæ bene se habent, modo probatum dedisset, primos a reditu, aut ab exstructione Templi secundi Pontifices, oleo sacro rite ac licite fuisse initiatos, quod demonstrari valide nequit. Josua sane, vestibus sacris indutus, & cidari munda ornatus, immo egregio a Filio Dei elogio mactatus, at oleo sacro inunctus non legitur Zach. III, 1 sqq. Manet ergo ratum, istud post primi Templi cladem, inter desiderata fuisse, nec unquam posthæc restitutum.

IV. Frustrâ speratam adhuc harum rerum restitutionem, in Templo tertio sub Messia, subnectemus. Auctor enim ספר חבקות רובל *libri pulveris aromatarii*, quem ANTON. HVLsius in *Theolog. Jud.* Latine conversum, eruditis illustravit pariter ac confutavit annotationibus, lib. I. P. I. p. 152. diserte promittit fore, ut quinque res istæ, quæ cum priori Templo perierant, ac in posteriori defecerunt, non restituantur modo, verum etiam quinque aliis prærogativis præclare augeantur, nimirum 1) luminis solaris incremento plane miraculoso, quia Messia adventu solis jubar trecenties quadragies ter splendidius illucescet, juxta Jes. XXX, 26. in Tar-



gum IONATHANIS: 2) splendore justorum, ad eundem numerum, per Jud. V, 31. apud eundem Chaldaem: 3) corona Moſis de monte Sinai per Exod. XXXIII, 7. 4) tympanis tripudantium per Jer. XXXI, 4. 5) annonæ abundantia & vilitate.

Ad §. XXIII. pag. 41.

(34) *Per בַּת קוֹל filiam vocis*] Tradit hæc Auctor fide Rabbiorum, qui in Gemara *Sota cap. IX.* apud WAGENSEIL. p. 1069. traditionem allegant: מַשְׁמַתוֹ נְבִיאִים הָאֲחֵרִים חָנִי זְכוּרָהּ וּמִלֵּאכֵי נִסְתַּלְקָה רוּחַ הַקֹּדֶשׁ מִיִּשְׂרָאֵל וְעֵרִין הָיוּ מִשְׁתַּמְשֵׁין בְּבַת קוֹל: *Prophetis posterioribus, Haggæo, Zacharia, & Malachia mortuis, recessit Spiritus Sanctus a Judeis; adhuc tamen Caestri Echo fruebantur.* Juxta hos itaque, id genus revelationis sub Templo secundo viguisse, & in locum Spiritus Prophetici, ab Israele ablati, successisse creditur. Verum quia etiam in V. T. locum interdum habuisse traditur, & Job. IV, 16. ac maxime I Reg. XIX, 11. huc refertur, præterea Paraphraſtes Chaldaeus ejus jam ad Num. XXI, 27. & Deut. XXVIII, 15. meminit, & R. SALOMO IARCHI ad I Sam. I, 23. illam, de nativitate & meritis Samuelis varicinantem; ad I Sam. XII, 5. rurfus ad I Sam. XX, 16. ubi divisio regni Davidi prænuſciabatur, sic ad 2 Sam. XXI, 6. ex Cod. Talm. *Jevammoth fol. 79. col. I.* item ad I Reg. III, 27. allegat; hinc longe altius alii affurgunt, in quibus DRUSIUS illam respectu Vrim & Thummim, quæ erat vox ex propitiatorio miſſa, dici existimat, quod in illius locum successit, & iccirco filia sive successor vocis dicatur. In quali constiterit ſono? & quomodo sese habuerit? varie rurfus disputatur. Mihi hæc se maxime probat explicatio: quia בַּת קוֹל nomini Jehovah juncta, in Scripturis tonitruum notat Pſal. XXIX. & alias, Deusque per tonitrua & fulgura majestatem suam ac præſentiam sæpe manifestare volebat, Exod. XIX, 16. Pſal. LXXXI, 8. hinc, quando post tonitruum audiebatur vox aliqua, quæ ut Echo aures feriebat,

vocabatur בַּת קוֹל *filia vocis*, quia vocis repercussæ instar habebat. Quando tonitruum, nulla alia voce aut repercussione comitatum, audiebatur, בַּת קוֹל simpliciter erat, at vero quando submiſſa vox, instar Echo post tonitruum inſonabat, tum בַּת קוֹל censebatur: quod dilucide ex Joh. XII, 28, 29. Act. IX, 3, 4. & Apoc. X, 3. intelligitur. Hanc itaque vocem vel compositam dixerim, quando præcessit tonitruum, vel simplicem, quando absque tonitruum, articulata vox de celo auditur, ut Matth. III, 17. XVII, 5. coll. 2 Petr. I, 17. Act. X, 13. XI, 7. ELIAS LEVITA post recensitam communem Magistrorum sententiam, subnectit: וְבִעֲלֵי הַקְּבֵלָה אוֹמְרִים שְׁהוּא קוֹל שֶׁל מֶלֶךְ אֶחָת הַנִּקְרָאת קוֹל וְאוֹרֵי כֵן הוּא: *Qui periti sunt artis Cabbalistica, dicunt, quod sit vox cujusdam virtutis divinæ, quæ vocetur בַּת קוֹל & fortassis ita est.* Ita ignorantiam suam proficitur. Vera itaque & genuina Filia vocis, est species revelationis divinæ, a prophetica revelatione distincta, quæ assa voce de rebus, quas hominibus patefacere Deus instituerat, edebatur. Illa in usu erat durante Templo secundo, ut P. FAGIVS in *Paraphras. Chald. Exod. XXVIII. circa fin.* commentatur, vel potius sub auspicia Novi Fœderis, præludium & significatio quedam vera illius vocis divinæ ac caestris, jamjam orbi imminenti ac revelandæ, innumo jam miſſæ, quæ scilicet erat Jesus Christus, Dominus noster ac Servator, cui & Bath Kol testimonium dabat Matth. III. & XVII. item Job. XII. Atque sic, ad eorum originem delabimur & auctoritatem, quam prorsus omnem proſcribit & conculcat LIGHTFOOTVS *Hor. Hebr. ad Matth. III, 17. Tom. II. Opp. p. 275 sq.* & hanc vocem partim pro fabulis habet Judaicis, partim pro præſtigiis Diabolicis. In eandem pedibus incedit sententiam DAV. KNIBBE *Hist. Prophet. lib. II. cap. 6. §. 10. p. 353.* & recentissime MÜNSTERVS, auctor disputationis, sub præſidio DANZII anno 1716. Jenæ, de *Filia vocis, nefanda divina amula editæ, §. 27. p. 47.* Velut autem Pseudo-Prophetarum imposturæ ac fraudes non omnem evertebant, etiam genuinorum Dei internunciorum

ac vatum revelationem ac varicinandi facultatem, ita nec Judæorum hinc impiæ, hinc ridiculæ de Bath Kol traditiones, revelationem omnem, distincta voce editam, in dubium plane adducunt aut e medio tollunt. Elumbe sane contra illam argumentum struit LIGHTFOOTVS, vir cetera in suo genere summus, quando: *credamne ego*, inquit, *Deum populo, tam dira apostasia laboranti, ita indulgentem, ut e celo cum iis familiariter colloqui dignaretur, atque iis oracula tam sublimia exhibere, tamque frequentia, ut non paria Prophetis?* Atqui vero Deus populo, tam dira apostasia laboranti, adeo se indulgentem præbuit, eidem ut Filium suum, humana carne indutum, mitteret, qui integro triennio & verbis suavissimis ac ponderosissimis, & prodigiis ac miraculis plane insignibus, gratiam ac regnum Dei offerret. Nonne hoc multo sublimius quid & majus erat omni prophetica revelatione? Præterea animadvertas quoque, celebriores vix ullos in V. T. ad populum Dei missos fuisse Prophetas, quam Eliam ac Elisam, cum in exultantissima prolapsus esset regnum Israel temporaria. Plane aberrat hæc collectio a divina œconomia, quæ perditissimis hominibus interdum maximas indulget bonitatis & clementiæ divinæ divitias, Rom. II, 4 sqq. Ea tamen propter non Judæorum adoptamus nœnias. Infans sit, nec Christiano nomine dignus, qui fabularum de Bath Kol patrocinium susceperit, easque tueri aut pro veris obtrudere fuerit ausus. Recte observavit Vir Celeberr. D. DANZIG, in præmissa disputationi laudatæ ad Respondentem epistola, Judæos tot Filias vocis de celo, vel monte Horeb, aut Sanctissimo templi Hierosolymitani, vel etiam aliunde intonantes finxisse, non alio fine, quam ut efficaciam vocis celestis ad Christi baptismum, & glorificationem in monte excelso peractam, calitus delapsæ, eumque Dei Filium proclamantis, infringant, omnique privent auctoritate. Quasi res foret quotidiana, nullius momenti, ad quam nemo mortalium attendere debeat: nedum, ut fidem adhibeat iis, quæ voce huiusmodi promulgantur, quoties suis parum conve-

niant dogmatibus. Talmudica enim בת קול nunc Deo indigna tradit, ut in Cod. *Berachot fol. 3. col. 1.* ubi Dei nomine, de vastato Templo & populi exilio, conquesta legitur, & in *Megilla fol. 3. col. 1.* ubi cum Jonathane Vzielide de translatione Chaldaica expostulavit; nunc ad dirimendas lites, inter doctores Schammæanos & Hillelianos, audita perhibetur, licet utrorumque verba sint Dei viventis, standum tamen esse effatis Hillelianis, in Cod. *Erubbin fol. 13. col. 2.* & *Berachot fol. 51. col. 2. circa fin.*; nunc non-veritatis causa, sed tantum ad honorem hujus vel illius Rabbini conservandum, egressa fertur, v. g. in confirmationem sententiæ R. ELIESARIS in *Bava Mezia fol. 59. col. 2.* & in honorem R. PERIDAE in *Erubbin f. 54. col. 2.* cum primis quando illa, totum mundum propter R. CHANINAM nutriri publicavit, in *Taanith fol. 24. col. 2.* nunc incredibilia & fabulosa pro certis v. g. de distantia cæli a terra, in Cod. *Pesachim fol. 94. col. 1.* prodit: unde Rabbini ipsi interdum ad Filiam vocis attendendum esse negant in *Bava Mezia fol. 59. col. 2.* Ista quidem omnia, & his similia, ad nugas referimus Judæorum; nihil tamen impediunt, quo minus vere quoque interdum divinitus audita vox fuerit, quam testimonia N. T. supra citata abunde confirmant, nec video, quid obstet, quo minus istud revelationis divinæ genus Filiam vocis vocare possimus. Removeatur abusus, & res ipsa, idoneis asserta testibus, in salvo ponatur. Sed, qui plura de illa cupit, adeat præter laudatam disputationem, EVXTORF. *Lex. Talmud. voce בת* p. 320. HOTTINGER. *Thef. Philol. p. 509.* LIGHTFOOT. *cit. loc. GALAEVM Dissertat. de Sibyllis p. 237 sq. WITSIVM Miscell. Sacr. Tom. I. p. 17 sq. DAV. KNIBBE Hist. Prophet. lib. II. cap. 6. §. 8. p. 350 sqq. NIC. GÜRTLER. Syst. Theol. Prophet. cap. II. pag. 26 sq. IOH. BENED. CARPZOV. Notis ad Schickardi Jus Regium cap. I. Theor. 2. pag. 23.* Cumque de ea diligenter & cum cura se acturum ad Massechet *Purim*, pollicitus sit nunquam satis laudandus Præceptor quondam noster, magnus WAGENSEILIVS in *Sota p. 1071.* ex ani-



mo dolemus, insignem illum in Purim Commentarium, quem ad umbilicum se perduxisse plus vice simplici memorantem audivimus virum summum, post ejus tamen fata disparuisse, nec ab heredibus inter λείψανα fuisse reperi-

Ad §. XXIV. pag. 42.

(35) *Qui verificetur prophetia Haggai cap. II, 9.* ] Vt Templi posterioris præ priori dignitas & eminentia plane intelligatur, cum dicti sensus ex contextu erüendus, tum subnectendæ vindiciæ sunt adversus Judæos. Postquam Propheta, surgente templi ædificio, senes illos advocasset, qui prius templum viderant, & hoc, quod extruebatur, nullius instar esse pronuntiasset, indeque acerbissimus optimorum virorum luctus obortus fuisset, tandem ut eos solaretur, Haggæus fore prænunciat, ut Templum, quod jam vilissimum in oculis adspicientium compareret, ad splendorem maximum, gloriamque summam emergat, priusque Salomoneum multis post se paralangis relinquat. Hoc ut evincat, 1) magnificum præmittit exordium, dum brevi cælum ac terram, mare & continentem, signis undique conspicuis commovenda prædicit; 2) fore enim, ut in hac perturbatione gentes quoque, ex omni terrarum angulo, plurimum commoveantur, atque tum חמרת הגוים *desiderium omnium gentium* exhibeatur: de qua commotione LUDOVIC. CHRIST. MIEGIVS, disput. de venturo, post commotiones externas, internas, desiderio gentium Hagg. II, 6, 7. copiose commentatus est, quæque in laudato *Thesauo novo Tom. I. p. 1076.* inserta legitur: 3) tum itaque gloriam, in hoc ipso, quod modo erigebatur, Templo orituram, ומליתו כבוד את הבית הזה & hanc ipsam domum gloria implebo, per memoratum desideratissimi omnium gentium solatii adventum: 4) hanc vero gloriam auri & argenti fulgore, pondere & copia, non absolvi, quæ quidem sint in manu Dei, sed viliora, quam quæ splendorem huic domo concilient vers. 9: 5) longe quippe ma-

jorem posterioris hujus Templi gloriam futuram, præ priori, quod auro & gemmis abundabat, גדול כבוד הבית הזה האחרון מן הראשון, dum eum in carne exciperet manifestatum, in quo omnis gloria, felicitas, & dignitas sit, δόξα, ὡς μονογενὴς παρὰ πατρὸς (Joh. I, 14.) immo in quo κατοικεῖ πᾶν τὸ πλῆρωμα τῆς θεότητος σωματικῶς (Col. II, 9.) unde 6) pax spiritualis per universam diffundatur Ecclesiam, וכמקום הזה אתה שלום. Ne enim temporalis intelligatur, eventus obstat, cum pax in Templo posteriori fere nulla fuerit, certe non perpetua & constans. Spiritualem autem, שלום שר princeps pacis, cælestis Salomo, erat allaturus Jel. IX, 6. Psalm. LXXII, 7. Vnde liquido constar, quod major hujus ædis gloria in eo consistat, quod ille sit adventurus, & αὐτοπροσώπως in illo docturus, qui spes erat ac desiderium omnium gentium; quam Messiae circumscriptionem ipse, quondam R. AKIBA, celebratissimus inter veteres Judæos doctor, teste Scholiasta ad *Sanbedrin cap. II.* agnovit & falsus est. Cum ergo prioris ædis dignitas in eo potissimum fuerit sita, quod suam Deus præsentiam symbolo visibili & externo, cum nubis & ignis, tum oraculi ad quæsitâ respondentis, in ea manifestaret; quid augustius & magnificentius de hac posteriori poterat prædici, quam veram & substantialem Filii Dei in carne revelati præsentiam præsto eidem futuram, quam tot seculis expectassent, tot votis ac suspiriis expetiissent? Hanc etenim Templo posteriori gloriam, ceu apicem omnis eminentiæ ac dignitatis, prænunciabat quoque posthæc Malachias cap. III, 1 sqq.

Judæi, ut lucem ac robur hujus vaticinii eludant, varie contra illud insurgunt. I. Ad tertium Templum, sub venturo Messia ædificandum, hoc testimonium spectare contendunt R. ISAAC ARAMA, ABARBENEL, alique recentiores. Sed omnino contra Prophetam, qui הבית הזה hanc, quæ ob oculos versabatur, ædem exserto velut digito monstrabat, quam struebat Zorobabel, Judæi tanquam nihili habebant, seniores deslebant. Immediatam quippe &

& luculentam inter Templum hoc Zorobabelium, הכיה הזה האחרון / & inter prius Solomoneum oppositionem instituit Haggæus, & huic quidem externæ, illi autem spiritualis & internæ gloriæ maiorem attribuit gradum.

II. De Herodiani Templi magnificentia oraculum exponit R. SALOMO BEN MELECH in סכלל יופי ad h. l. præeunte Talmude in loco mox citando. Verum α) refragatur textus, quide eo agit Templo, in quo pacem Deus sit daturus. Ast sub Herodiano Templo, neque pacem Judæi, neque libertatem habuerunt, sed stragibus, minis, variisque concussionibus, tum ab Herode, ejusque progenie, tum a Romanis Judææ Præfectis misere fuere divexati. Velut ergo pacem spiritualementem, ita spiritualementem quoque gloriam divinus vates canit, quam splendore externo Herodes huic ædi conciliare non poterat. Sed & β) Herodianum omnino Templum erat, quod suo Messias adventu & præsentia illustrabat. Hinc vero spiritualis redundabat gloria, quæ ad omnes sese diffunderet gentes, eapropter com-movendas.

III. De duratione Templi posterioris hanc gloriam intelligendam cupiunt Talmúdici, qui in Cod. Baba Bathra cap. I. fol. 3. col. a. ita tradunt: Major erit gloria domus hujus præ priori: disputatum ea de re inter R. ASAMVELEM; seu, ut volunt alii, inter R. IOCHANAN, & R. ELIESEREM; ille gloriosius fore בבנין in structura: hic בשנים in annis, seu duratione statuit. Eodem provocat SAL. BEN MELECH cit. loc. qui ex Scholiaste in cit. loc. Talmud. prodit, prius 410 annis solum, posterius 420 stetit. Sed ipse R. ISAAC in Chissuk Emunah hoc argumentum explodit: Horum sententiæ, inquit, obstat, quod Scriptura non ait, amplior erit fabrica hujus domus, aut duratio hujus domus, verum, major futura est gloria domus hujus: nec enim, quod domus postrema annis decem diutius stetit quam domus prima, ea tanta gloria erat, ut Propheta ideo in ea verba erumperet, quæ expressit. Amplius, si maxime domus secunda saculo integro diutius stetisset, quam domus prima, atque etiam stru-

ctura ejus duplo fuisset magnificentior præ Templo priore, quomodo eam ob causam Scriptura dicere potuisset, maiorem futuram gloriam posterioris domus præ priore? cum gloria, quæ in Templo priore habitaverat, non habitavit in secunda? quæ hætenus recte se habent. Decennii enim discrepantia tanti non erat, ut Deus cælum, terram, mare, aridum commoturus prædiceretur. Sed nec recte calculus subducitur, cum & ipsum Salomonis Templum, 420, immo 427 annis stetisse, SCALIGER & CALVISIUS probatum dederint.

IV. Absurdus denique est R. ASARIAS in Meor Enajim fol. 160. quando Templi secundi gloriam in eo collocat, quod reges exteri, Persæ & Medi, sacrificiis & oblationibus suis illud honorarint, tum & imprimis Alexander M. cum omnes gentes armorum suorum strepitu commovisset, Hierosolymam veniens pacem eo attulerit, Templo ac Pontifici honorem exhibuerit. Hinc Alexandrum desiderium Gentium esse perhibet. Velut autem priori Templo rex Tyri, regina Arabiæ, aliique exteri thesauros suos obtulerunt, ita, quod sapius jam monuimus, non in externo, sed spirituali ac interno splendore, gloria Templi ponenda est. Quo autem jure Alexander M. desiderium gentium audiat, qui earum potius exitium, & Dei inter illas flagellum dici meretur, & quem infortunium hominum Arabes appellant? Confer post MARCKIUM, aliosque in h. l. Commentatores, IOH. FRID. MIEGIVM de gloria Templi secundi, in Thesauo Novo T. I. p. 1071. IAC. GVSSSETIVM advers. Chissuk Emunah P. I. cap. 34. p. 233. IOH. HILPERTVM, Sanctæ Linguae Prof. Publ. Helmstädiensem, in disput. de gloria posterioris Templi, Helmstädii An. 1653. ventilata, & HIERON. WIGAND BIEL disp. de Templi posterioris præ prioris gloria, Vitemb. An. 1715. publicata.

Ad §. XXV. pag. 42.

(36) Nec unquam cum Hierosolymitano re-staurari potuit ] Postrema Templi everfio,



quia cum Romano Urbis excidio conjuncta, a multis tradita, & in vulgus nota, concise descripta legitur ab HERMANNO WITSIO in elegantissima Hierosolymorum historia, *P. II. Miscell. Sacr. Exerc. XI. §. 75.* cui nihil est, quod addamus. De prohibita tamen restauratione hæc reperi merentur. IULIANVS Apostata, ut & ægre faceret Christianis, & vaticinia Christi de nunquam instaurando Templo Hierosolymitano mendacii convinceret, Judæis Templum ædificandi non copiam modo fecit, sed mandato etiam injunxit, sumtus operi ex publico præberi jubens. Inter hæc vero, dum rebellis turba fundamenta jacere molitur, noctu ingens terræ motus exortus, lapides ex veteris Templi ruinis avulsos sursum excussit, & cunctos una cum contiguis ædificiis dispersit. Terror ex eo non mediocris invasit Judæos; fama quoque ejus miraculi plures excitati, ex longinquis regionibus eo loci convenere. Hinc aliud accidisse fertur prodigium, testibus quamplurimis confirmatum. Ignis enim cælitus demissus cuncta opificum instrumenta consumpsit. Itaque cernere erat, malleos, scalpra, ferras, secures, ascias, cuncta denique ad opus faciendum necessaria, flammis absumi. Et ignis quidem toto die hæc omnia depascebatur. At cum ne sic quidem ab instituto desisterent, tertium successit miraculum: quippe sequenti nocte σφαιρίδες σωεῖς ἀκτινοειδεῖς signa crucis radiantia in illorum vestibis impressa apparuerunt, quæ orto die conspicati, frustra abstergere aut eluere conabantur. Sic Templum, quod moliebantur reficere, funditus eversum est. Testes rei, non Christiani modo sunt, SOCRATES *lib. III. Histor. Eccles. cap. 20.* SOZOMENVS *lib. V. XXI.* CHRYSOSTOMVS *Orat. 3. contra Judeos*, GREGORIUS

NAZIANZENSIS, Imperatori σὺν ἄρχεπος *Orat. II. invektiva*, sed & e Judæis R. DAVID GANZ in *Zemach David P. II. fol. 36. num. 368.* & ex Gentilibus AMMIANVS MARCELLINVS *lib. XXIII.* non longe ab initio. Horum fide fusius ea exponunt laudatus WITSIVS *Exerc. XII. §. 32. p. 374.* OSIANDER *Hist. Eccles. Cent. IV. p. 342.* BASNAGE *lib. VI. Hist. Jud. cap. XIV. Tom. IV. pag. 1257 sqq.* Seculo sequente A. 530. IVSTINIAN. Imperator splendidissimum Templum Hierosolymis Virgini Deiparæ extruxit, quod PROCOPIVS *de ædific. Justin. Orat. V.* copiose persequitur: eandem tamen cum Judaico Templo obtinuisse sedem, non perhibet. Contra vero A. C. 636. Hierosolyma post biennii obsidionem a Saracenis capta, Homar, a Muhammete tertius, eodem in loco, ubi Templum a Tito dirutum fuerat, Muhammericæ religionis fanum ædificari jussit. Quod feliciter, ex animi sententia consummatum, opulentis possessionibus ditavit, ut ad facta tecta conservanda, ad luminaria ceterumque cultum abunde semper esset. Extant vero in eodem Templi ædificio, intus & foris, ex opere Musaico Arabici idiomatis literarum vetustissima monumenta, quæ illius temporis esse creduntur, quibus & auctor, & impensæ, & cæpti absolutique operis tempus, declaratur. WITSIVS *§. 39. pag. 380.* & recentissime SIMON OCKLEY *Hist. expugnationis Syrie P. I. in vita Omar Alwakidi edit. Belgicæ p. 254 sq.* Confer etiam EVTYCHII *Annal. Tom. II. p. 287.* Quomodo autem pœnitentia ductus Deus, lacrimetur, & super se exclamet Væ! quod permiserit vastationem Templi, ex Judæorum testimoniis prodit, & refellit GEORG. ELIEZ. EDZARDVS in *Berachoth cap. I. Not. 10. p. 152 sqq.*

## LIB. II. CAPVT II.

## DE SYNAGOGIS, SCHOLIS, ΠΡΟΣΕΤΧΑΙΣ.

Ad §. I. pag. 42.

**Vocabulum Synagoga** ] Vox συναγωγή est ἀπὸ τῆ συναγειν, congregare, colligere, & apud ATHENÆVM quidem & HESYCHIVM, in stri-ctiori significatu accipitur, ut συναγειν sit τὸ μετ' ἀλλήλων πίνειν, invicem compotare, & συνα-γάγειον sit τὸ συμπόσιον, convivium. Ast apud alios auctores latius patet, ut συναγειν idem sit ac συναθροίζειν aggregare, congregare in unum, & συναγωγή notet πάντα συναθροισμὸν, omnem congregationem & coacervationem plurium in unum, quo spectat Auctoris nostri generalis vo-cis explicatio. Denique apud auctores Græcos specialiter, omnis hominum cætus, qui ex instituto est, sive judiciorum, sive publici con-silii, sive rerum sacrarum gratia, hoc nomine venit. Præterea observatur, τῆς LXX ita insti-tuisse, ut Hebræam vocem ערה per συναγωγήν transferrent, paucis Textibus exceptis. ערה au-tem deducta vox ἀπὸ τῆ יעו condicere, conve-nire facere, qualemcunque notat hominum cæ-tum aut congregationem, sive totius multitu-dinis sive partis illius. Immo, non hominum tantum, verum etiam animantium. Jud. XIII, 8. examen apum in cadavere leonis dicitur ערה רבורים, τοῖς LXX συναγωγή μελισσῶν. De hominum tamen ad se accedentium conventibus proprie & ordinario usurpatur hoc vocabulum, ast ita, ut nulla habeatur ratio conditionis hu-jus conventus, sitne bonus an malus, sacer an civilis. Sane David Psalm. XXII, 17. meminit ערה מרעים συναγωγῆς πονηρουμένων, societatis malignantium, & Moses factionem Coræ, Dathan & Abiram diserte vocat יהוה על הנוערים ערה eorum, qui conspiraverant contra Jehovam, Num. XXIII, 3. Falsus autem omnino est in eo AUGVSTINVS, quando in enarrat. Psalmi LXXX. congregationem Judæorum solum vult

Synagoga dici, Christianorum vero Ecclesiam, & in Psalm. LXXXVII. scribit: nostram Apostoli nun-quam dixerunt Synagoga, sed semper Ecclesiam. Evolvat Jac. II, 2. ubi Christianorum cætum συναγωγήν vocat. Et Patrum, in eadem no-tione vocem usurpantium, IGNATIUM cumprimis & CLEMENTIS ALEXANDRINI testimonia, exhibuit SVICERVS *Thesauro Eccles. h. v. p. IIOS.* Apud Rabbinos, quod Græce dicitur συναγωγή, exponitur per קהל & קהילה / inter quæ tamen aliquid intercedere discriminis observat ELIAS LEVITA in Tisbi v. קהל / ut קהל idem valeat ac צבור congregatio populi, cætus, Ecclesia, קהילה vero urbem designet, in qua commora-tur קהל seu Ecclesia. Quod vereor, ut usu vo-cis comprobetur. Cum enim in titulis libro-rum Rabbinicorum nihil frequentius legatur, quam ויניציא / בקק פאדואה in civitate sancta Paduana, vel Venetiana, certum est, Judæos non urbem Christianam sanctitatis ornare elogio, sed cætum suum ibi habitantem. De vocibus קהל & ערה commentantem lege CAMP. VI-TRINGAM de Synagoga vet. lib. I. P. I. cap. I. p. 78 sqq. qui porro cap. IV. p. 116. sollicite in-culcat, paria cum illis facere vocem כניסה / כניסה & כניסה / ita tamen, ut כניסה multitudinem collectam in unum, conventum sacrum, ast הכניסה בית & in Plur. כניסות domum congregationis, seu loca statuta notet, in quæ convenire solent ad sacra facienda. His accedit tertia vocis Synagogæ notatio, quam ex creberrimo scriptorum Christianorum usu, scite observavit SAM. MARESIVS Syllog. Disput. Se-lect. P. II. p. 704. ubi ex instituto, sed concise, de Synagogis agit, §. 9. ita inquires: *Vt autem Synagoga in Scripturis, modo cætum, modo locum ei destinatum sonat, ita apud scriptores Ecclesiasti-cos, saepe significat gentem Judaicam, legalia se-ctantem & profitentem, oppositè ad Ecclesiam Chri-stianam,*



*stianam; quæ fruïtur luce Evangelii; haud plane ab simili modo, quo Paulus Gal. IV, 22. & sqq. op-  
ponit montem Sinai veræ Sioni, Agarem Saræ, &  
Hierusalem terrestrem celesti. Huc facit inter  
Opera AVGVSTINI Tomo VI. libellus elegans,  
quem tamen negant eruditi, Augustinianum esse,  
qui inscribitur: De altercatione Ecclesiæ & Syna-  
gogæ. Verum ista vocis significatio hujus loci  
non est.*

Ad §. II. pag. 42.

(2) *Tempus, quo cæperint Synagogæ*] Ob-  
scuram & implicatam de Synagogarum origine  
disquisitionem operose instituit laudatus VI-  
TRINGA c. l. lib. I. P. II. tota p. 271 sqq. Nos  
distinguendum censemus inter locum statum  
conventus publici ad sacra peragenda, & inter  
Synagogas Judaicas presse dictas. Ille sane ab  
ortu Ecclesiæ & propagati generis humani ar-  
cessendus est, atque eo spectat testimonium Gen.  
IV, 26. *tunc cæptum est invocari nomen Jehovæ*,  
scil. in solenni cætu, cum hætenus sacris dome-  
sticis Patres familias fuerint contenti; nec du-  
bium, quin Abraham & ceteri Patriarchæ cer-  
rum destinarent locum, sacris publice peragen-  
dis, quod haud obscure proditur Gen. XIII, 18.  
donec exstrueretur jussu divino tabernaculum  
in deserto. Verum loca ista non erant proprie  
dictæ Synagogæ Judæorum. Istas enim necesse  
est ad ea solum referas tempora, quibus locus  
sollemnis & status sacrorum, primo Tabernacu-  
lum, postea Templum jam esset exstructum.  
Quando autem, post occupatam & forte divi-  
sam terram promissionis, tribus Ruben, Gad &  
Manasse, in partibus trans-Jordanensibus suas  
repetebant sedes, nec sacra publica in tentorio  
conventus cis Jordanem aliter posthæc frequen-  
tabant, nisi diebus festis, ea ut supplerent, in  
ditionibus suis, oppidatim haud dubie conse-  
crabant loca statâ, in quibus singulis Sabbathis  
ad lectionem legis populus conflueret, & com-  
munes funderet preces. Oratoria certe erant,  
in quibus populus vacabat sacris & e verbo Dei

erudiebatur: quæ si Synagogas dixeris, sat an-  
tiqua earum erit origo. Huc spectant etiam  
posteris temporibus loca illa, in quibus, post  
scissionem regni Israelitici, pii Israelitæ *μοωχο-  
λατρείαν* Jerobeamicam detestantes, cum Hiero-  
solymas ad sacra facienda tendere, Regum ty-  
rannide prohiberentur, Sabbathis & noviluniis  
coibant in cætum, ut sincera divini cultus &  
mysteriorum doctrina a Prophetis imbueren-  
tur; quo fine captivus quoque populus ad Eze-  
chielem conveniebat cap. XXXIII, 30 sq. Acroa-  
teria ista interdum eadem cum Scholis Prophe-  
tarum & Gymnasiis, interdum alia ab iis, & di-  
stincta erant; ut paulo post videbimus. Bene  
quidem memini, Virum apprime doctum &  
in hac inquisitione valde sollicitum, CAMP. VI-  
TRINGAM *toto cap. IX. p. 380.* id agere, ut Syn-  
agogas sub Regibus Judæis, usque ad captivi-  
tatem Babylonicam, cognitâs & receptas fuisse  
neget, *cap. XII. autem, p. 413.* in eo esse, ut de-  
monstret, post reductionem Judæorum ex capti-  
vitate Babylonica, Synagogas in Canaanee natas  
esse, tempore tamen incerto: sed nimis anguste  
ille Synagogarum nomenclaturam coarctat, per-  
petuo ac moderno quoque illarum usu reclama-  
nte. Certe IOH. MARCKIVS *Sylloges Dissert. in N. T. Exerc. XVI. p. 447.* in locum, ex Actis  
mox citandum, ex instituto inquirens, Synago-  
garum ortum *ad tempora quæque post Moysen pri-  
ma refert §. VII. p. 455.* quibus ejus *Pentateuchum  
nacti, per urbes a Cananeis occupatas habitaverunt  
Judæi, & Sabbata sua observarunt, & iisdem  
conventus sacros in locis ad hos aptis habuerunt:*  
rursusque §. XI. p. 462. novem argumenta, quæ  
pro recentiori origine Synagogarum adducun-  
tur, solide refellit, totumque istud latifundium  
haud proletaria opera exhaurit.

Testimonium Act. XV, 21. ab Auctore in  
partes vocatum, abunde quidem docet, Syna-  
gogas, ea certè tempestate, multorum jam sæcu-  
lorum atatem tulisse, temporis tamen articulum,  
quo cæperunt, in medio relinquit. Recte de  
eo VITRINGA p. 272. pronunciat: *Dubium ta-  
men hætenus manet, a quo tempore hæ. γεγεναι-  
σθαι*

ἀρχαίαι, antiquae etates initium ducant, si ad earum primum principium respicias. De eo enim in sanctis literis & profanis nihil ita accurate definitum est, ut absque sollicita hesitatione, & metu pœnitentie possis respondere.

Alterum ex Psal. LXXIV, 8. testimonium VITRINGA Cap. X. p. 396. sub incudem vocans, haud gravatim largitur, post AQUILAM, qui h. l. מוערי אל כל per πᾶσας τὰς συναγωγὰς ἰσχυρῶς reddidit, viros doctos, DIODATVM, Belgas, COCCEIVM, LVTHERVVM, & inprimis FULLERVVM, disertam Synagogarum mentionem hic deprehendisse, ipse tamen Θεῶν Φυλάττω cupidus, p. 403. primo quidem cum ABEN ESRA & IARCHIO de Templo, ejusque variis conclavibus interpretatur: *Licebit igitur, inquit, per מוערי אל omnia loca conventus Dei, intelligere augustissimum Templum, cum splendidissimis atriis, & magnificis structuris exedrarum, ut a Salomone ingentibus sumptibus paratum est. Hæc erant מוערי אל בארץ loca conventus in terra Canaan, quippe quibus Deus se præsentem exhibebat populo suo: posthæc vero sensum vocum longius extendens, per מוער talem locum hic denotari censet, in quo Deus se singulari modo solitus erat manifestare. Hujusmodi autem loca fuisse, in quibus Deus Patriarchis aliisque sanctis viris, etiam extra Tabernaculum apparuit, & in quibus titulum, sive altare ponere, usu erat receptum, quo prætereuntes commonefierent, ibi potius Deum adorare quam alibi. Atque hæc loca omnino intelligi posse censeo per מוערי אל loca conventus Dei, concludit. Verum, quam frigida, quam aliena, quam peregrina hæc sint omnia, quis non primo statim intuitu intelligit? De vastatione eorum locorum Psaltes conqueritur, in quibus ordinarie congregationes sacræ instituebantur. Quis autem vel fando accepit, in loco v. g. ubi Jacob cippum posuit Bethеле, & posthæc altare struxit, vel ubi Moses, post devictos Amalekitas, aram erexit, vel ubi Gideon suum struxit altare &c. posthæc confluxisse populum, ut faceret sacra? Necessæ ergo est, ut Synagogas cogitemus. Postquam enim vers.*

præc. 7. מושכן מקדש Sanquarium Dei, & מושכן habitaculum nominis Ipsius, igne combustum deplorasset David, nunc ad reliqua מוערי אל loca publica cultus divini, & quidem בארץ in tota terra Israelis progreditur; quæ erant Synagogæ. Hinc Anglicana quoque translatio, Synagogarum vocem adhibuit. Vide SIMEON. DE MVIS in hunc locum.

Ad §. III. pag. 43.

(3) *Continebat 480 Synagogas*] Ita disertè Talm. Hierosol. Cod. Megilla ad cap. III. fol. 73. col. 4. ארבע מאות ושמנים בתי כנסיות בארץ ישראל quadringenta & octoginta Synagogæ fuerunt Hierosolymis. Alibi quidem Talm. Babyl. Cod. Cetuvoth fol. 105. col. 1. numerus variat, magnus tamen ubique, & fidem excedens. VITRINGA Proleg. cap. 4. p. 28. ita componit, quod, cum Hierosolyma non minus esset sapientiæ sedes, quam gentis metropolis, plura ibidem, satis magno numero extructa fuerint Gymnasia, quæ adjunctam sibi habuerint Synagogam, in qua תלמידים Scholares, unius quidem gentis, sed diversis oriundi locis, cum popularibus suis, si qui forte adesse cuperent, sacra sua matutina & vespertina celebrarunt. Nec mirum, tot Hierosolymis tribui Synagogas, cum in urbe Bitter, quæ celeberrimam, post excidium Urbis, Academiam complectebatur, 400 memorantur Synagogæ & velut Collegia; quæ sub Hadriano, in cruenta Urbis vastatione, omnes fuerint everse, de quibus legere est in Cod. Gittin fol. 58. col. 1.

Ad §. IV. pag. 43.

(4) *Dicitur συναγωγή Λιβερτινων Act. VI, 9.*] Operose in hunc locum commentatur VITRINGA lib. I. P. I. cap. XIV. p. 253 sqq. ubi tria expedire satagit: 1) An tot Synagogæ, quot hic memorantur gentium nomina, an vero unica tantum hic indigitetur Synagoga, Libertinorum nimirum, qui Libertini e Cyrenaica, Alexandria, Cilicia



Cilicia & Asia originem traxerint? ubi prius contra SELDENVM tuetur, quia copula *et* posteriori-interpretationi obicem ponit: 2) Vtrum Synagoga stricte sic dicta, seu Oratoria intelligantur, an Gymnasia integra & Academiae? ubi posterius amplectitur, tum quia Judaei, Synagogis singulis Hierosolymitanis junctam fuisse tradunt בית מדרש *Academiam*, tum quia adversarii, cum Stephano congressi, ex disciplina scholastica potius prodiisse censendi sunt, quam simpliciter ex Synagoga: 3) Quinam sint illi Libertini, quorum Synagoga hic recensetur? ubi Libertinos gentem notare negat, liberos autem proprie dictos designare statuit, qui e servitute manumissi erant in libertatem. Hos, cum HVG. GROTIUS, fuisse existimat Judaeos origine, qui in Italia, aut Romae, Gentilium servitiis addicti, & ab illis libertate donati erant, & cum iis liberos Romanos aut Italos, Judaismo, ut Profelytos iustitiae initiatos. Probat sententiam a) ex nomine Λιβερτινός, a Luca adhibito: β) ex combinatione horum cum Alexandrinis, Asianis, Cyrenaeis, Cilicibus, quos constat omnes fuisse Judaeae gentis homines, sed extra Judaeam oriundos, vel habitantes, qui tamen sua Hierosolymis habuerunt Gymnasia. His juncti Libertini, ejusdem cum illis generis fuisse censentur, manumissi Romani vel Itali, qui tamen, etsi procul abessent, charitatem religionis hoc certo demonstrare voluerunt argumento, ut Gymnasium sui nominis Hierosolymis haberent: γ) ex testimoniis PHILONIS, JOSEPHI, TACITI, qui ejusmodi Libertinorum Romanorum exertam faciunt mentionem. Eandem tenet sententiam FRID. SPANHEMIVS *Miscellan. Sacrae Antiquitat. lib. III. Tom. II. Opp. fol. 320.* qui tamen posthac, nimis indulgens ingenio, in Textu mavult legi Λιβερτινός, non de Libyis Africanis, sed de Judaeis intelligens, qui Iberiam, Colchidem ac vicina loca frequentes incolerent, quibusque esset sua Hierosolymis Synagoga. Quam tamen in Textum licentiam, etiam in IAC. GOTHOFREDO in *Cod. Theodos. Tom. III. p. 221.* castigavit b. WOLFFIVS *Curis Philol. in h. l.* ipse VITRINGAE ac-

cedens, multasque recentiores alias in medium afferens, & rejiciens opiniones. Nobis ea se probat conjectura, non adeo multum a VITRINGAE mente deflectens, Libertinos fuisse posteros eorum, quos Pompejus M. Hierosolymis captis, in captivitatem abduxerat, quique postea ab heris suis fuerunt manumissi, & libertate donati. Hi, cum per suam, vel parentum aut majorum servitutem, viderentur excidisse jure & privilegiis civium Hierosolymitanorum, quibus solis Templum erat pro Synagoga, sibi suisque, sub Latino Libertinorum nomine, non immemores prioris suae calamitatis, hanc specialem Synagogam exstruxerant, ut in eo vacarent, ritu patrio, cultui divino.

Ad §. V. pag. 43.

(5) *In aliis urbibus & tractibus terrae*] Immo vero, non in variis, sed & in omnibus oppidis, villis & locis, ubi plures Judaeorum familiae sedes suas fixerant, Synagogas quoque suas habuisse dixerim. Hinc, quando LIGHTFOOTVS in *Centur. Chorogr. Matthaeo praemissa cap. XCVIII. num. 3.* rursusque in *Horis ad Marc. I. 38. n. 2, 3.* urbibus magnis saltem, vel munitis, Synagogas largitur, villis & pagis denegat, vehementer eo nomine vapulat IACOB. RHEINFERDIO *Dissert. I. §. XVII. p. 272 sqq.* ubi tam villarum, quam oppidorum Synagogas luculentis evincit Judaeorum testimoniis, quibus villarum Synagogas vendi posse, oppidorum vero, quia publicae sint, nullo modo posse vendi, edicunt Magistri.

Ad §. & pag. eand.

(6) *Vbi saltem decem viri Israelitae commoventur, opus sit Synagoga*] LIGHTFOOTVS *Hor.-Hebr. ad Matth. IV. 23.* ubi de Synagogis commentatur, allegato MAIMONIDIS, quod Auctor noster pariter citat, testimonio, de בשרותן "decem otiosis Synagoga ex instituto agit, eosque ita ordinat: Tres priores summum habue-

habuerunt imperium, & vocabantur כר של confessus triumviralis, quorum erat, de litibus inter membra Synagogæ emergentibus determinare, & de rebus pecuniariis, furtis, damnis, restitutionibus, de virgine rapta, de homine virginem alliciente, de admissione Profelytorum, χειροθεσία, variisque aliis, sententiam ferre: sique erant Ἀρχισυνάγωγοι, qualis Jairus Marc. VI, 22. Quartus & quintus erant Professor Theologiæ, ejusque Interpres. Singuli enim Doctores assignatum sibi habebant Interpretem, cui ille submisit & voce leni susurrabat in aurem; quæ Interpres, clara voce, collegio vel populo in terra sedenti, edissererebat: quo a quibusdam refertur locus Matth. X, 27. ὁ εἰς τὸ ἔς ἀκούετε, κηρύσσετε ἐπὶ τῶν δωματίων. Sextus fuit Minister Synagogæ publicus, שליח צבור Nunciarius Ecclesiæ, ἄγγελος τῆς ἐκκλησίας, ut Apocal. II. & III. dictus: nec non חזן הכנסת Episcopus congregationis, quia ipse non prælegit, adstitit tamen legenti, summa cura observans, ne quid falso aut incongrue legeretur, revocansque & corrigens, si quid lapsum: Tres sequentes erant דיכונים, penes quos cura pauperum erat, ac eleemosynarum, quas duo per civitatem colligebant, שני גבאי צדקה duo exactores eleemosynæ dicti, tertius qui distribuebat. Decimus tandem Professor linguarum, sive תורגמן / qui vel singula verba e fontibus Hebrais populo exhibebat vernacula, vel aliquando etiam in Chaldaicam paraphrasin exspaciabatur. Ita LIGHTFOOTVS, eumque secutus SAVBERTVS *Palestra Theol. Philol.* p. 379 sq. qui nonnulla, ab illo prætermissa, supplevit. Ista vero aniam suppeditarunt controversiæ, vergente superiori sæculo, in Belgio agitata. Cum enim CAMPEG. VITRINGA, Theologus Franequeranus, An. 1685. Partem II. *Observationum Sacrarum* ederet, in tractatu de *Archi-Synagogo* rejiciebat recensitam LIGHTFOOTI decem otiosorum explicationem. Hunc itaque refutans Collega, IACOB. RHENFERDIVS in dissertationibus suis de *X. otiosis Synagoga*, Franequeræ editis A. 1686. non modo in iis, quæ communia cum LIGHTFOO-

TO habet, errasse VITRINGAM, verum novis etiam erroribus LIGHTFOOTI παροράματα cumulasse, tradebat. Respondit VITRINGA, edito A. 1687. libro singulari de *Decem Viris Otiosis, ad sacra necessaria veteris Synagogæ curanda deputatis*: cui statim anno sequenti RHENFERDIVS. reponebat *Specimen animadversionum in V. Cl. Decemviros Otiosos*. Inde vero VITRINGAE, qui re curatius expensa, nonnihil de sua sententia immutaverat, subnata est occasio, doctissimum conscribendi commentarium de *Synagoga vetere*, A. 1696. quem, in hoc cumprimis capite, non sine insigni emolumento, ubivis consulimus. Sed, ut & audiat altera pars, RHENFERDIVS *Dissert. I. de X. Otiosis Synagoga* §. XX. post coacervata Hebræorum omnia de hoc argumento testimonia, sequentes inde elicit, & LIGHTFOOTO ac VITRINGAE opponit, conclusiones: N. Hos decem otiosos omnes ejusdem ordinis & dignitatis fuisse, eandem omnium rationem, idem officium, neque ulla ratione inter se distinctos: ב. Illos nulla negotia tractasse, artem nullam exercuisse, nihil denique egisse, quo sibi victum quærerent, & familiam sustentarent: ג. Fuisse addictos Synagogæ, in qua statio illis assignata fuit, & ipsi munere suo functi sunt, adeo ut extra illam, nihil illis agendum, curandumve esset: ד. Munus autem illorum nullum aliud fuisse, quam ut sese quotidie, mane & vespere, tempore precum in Synagoga præsentessisterent, ad numerum denarium, qui legitimum demum cœtum constituit, conficiendum: ה. In specie vero, debuisse primos & assiduos semper esse in Synagoga, ut simul alius quisquam etiam solus ingrederetur, legitimum cœtum inveniret, cum quo preces suas ad Deum funderet: ו. Fuisse autem Synagogæ stipendiarios, seu ære publico ad id conductos, & liberaliter sustentatos: ז. Porro fuisse probos & pios homines, qui rebus omnibus relictis, precibus tantum, & lectioni Scripturarum vacarent: ח. Tandem denique, hos decem בטלנים fuisse proprios urbibus magnis, adeo ut in minoribus oppidis, pagisve non invenirentur. Hinc demum colligit Vir exactæ



actæ diligentia, nullum eorum, quos ex Judicibus, Ministris Synagogæ, Diaconis, Interpretibus, vel denique Professoribus, ad Decemviratum hunc supra protraxit LIGHTFOOTVS, numero בטלנים comprehendi, verum ab Otiosis istis longe fuisse distinctos. Nec diffitendum, potiores RHENFERTIO constare rationes, quam sequacibus LIGHTFOOTI, quas laudatis dissertationibus, quæ in ejusdem *Operibus Philologicis*, Trajecti ad Rhenum An. 1722. junctim editis, p. 234 sqq. recusa leguntur, exposuit & solide confirmavit, iis ut omnino standum censeamus. Vltimas tamen VITRINGÆ curas, in hos decem otiosos Synagogæ viros, prioribus castigatiores, lege in ejusdem *de Synag. Vet. Lib. II. cap. VI* sqq. pag. 530. Nobis his immorandum non est, nisi quod

I. ratio sit reddenda, propter quam decem isti ad Synagogam oppidanam requirantur? Nimirum, quod quasdam preces, quæ ad sanctificationem Nominis Divini pertinent, cujusmodi sunt *Kaddisch* & *Barechu*, absque numero decem hominum recitare non liceat, quia scriptum est: *Sanctificabor בתוך in medio filiorum Israel*, Lev. XXII, 32. Vox תוך medium, ajunt Magistri, ad congregationem cœtus spectat, notatque hic numerum denarium: nam id vocabulum alibi junctum reperitur cum voce ערה, quæ cœtum notat. Dicitur enim Num. XVI, 21. *separate vos מתוך העדה הוזהר e medio hujus cœtus*. Cœtus vero ערה/ notat homines numero decem, quia decem exploratores terræ Canaan, Josua & Calebo exemptis, vocantur ערה Num. XIV, 27, 28. Tot fidiculis opus erat, ut Scripturæ extorquerentur decem viri otiosi. Testimonia in re tam futili allegare supersedemus, cum eadem larga manu dederit VITRINGA lib. I. P. I. cap. XII. p. 234. Sed &

II. hinc colligimus, cum, quot millia otiosorum hominum una Hierosolymorum urbs, vel Bitter, vel alia paulo grandior, pro numero tot centenarum Synagogarum, aluerit, si unaquæque earum decem requisiverit: tum, quam immanes sumtus in cultum Judaicum fuerint impensi, tot

sustentandis Sacerdotum, Levitarum, virorum stationariorum, otiosorum, aliorumque in Templi & Synagogarum ministerium necessarium, familiis; ut decimas taceam, primitias, censum annuum sacrum, victimas porro cum statas, tum temporarias, ligna quoque comparanda, donaria & vota voluntaria, ceteraque id genus innumera, quæ in rem sacram conferebantur, ut haud paulo minoris constituisse videatur pretii, quam hodie cultus Pontificius, ubi vel maxime viget.

#### Ad §. VII. pag. 43.

(7) *In Synagogis mulieres separate a viris sunt*] Hæc in cultu publico reverentia, non Essenis modo usu erat recepta, de quibus PHILO *de Vita contemplativa* p. 691. exponit: τὸ δὲ κοινὸν τῶτο σερμῆσιον, εἰς ὃ ταῖς ἐβδόμας συνερχονται, διπλῆς ἐστὶ περιβολῆς. ὁ μὲν εἰς ἀνδρῶνα, ὁ δὲ εἰς γυναικοῦτιν ἀποκειθείς. Id commune sacrarium, in quo septimo quoque die conveniunt, septo clauditur duplici, separatis virorum & mulierum cœtibus &c. Sed in quibusvis servabatur Judæorum Synagogis, ex lege veterum, quam ex Talmud. Cod. Succa fol. 51. col. 2. BUXTORFIVS in *Synag. Jud. cap. XIV. p. 291 sq.* his verbis allegat: *Peculiarem habent mulieres Ecclesiam, quæ a virorum Ecclesia clathratis fenestris separatur*. Huic rei hanc in Talmude dant causam: olim convenisse viros & mulieres eodem in loco, ita ut mulieres in sedilibus ad parietes affixis sederent, viri in inferioribus: cum hinc varie levitates oriuntur, constituisse, ut mulieres interius, viri exterius essent; sed cum nec hac ratione sibiula poni posset, ordinasse, ut mulieres exterius, viri intus congregarentur: cum ne sic quidem huic malo medelam afferri viderent, tandem hoc remedium invenerunt, ut mulieres seorsim, & viri seorsim orarent. Idque confirmarunt ex Propheta Zacharia (cap. XII, 12-14.) plangetque terra, familia singula seorsim: familia domus David seorsim, & mulieres eorum seorsim &c. nempe in separata & distincta Ecclesia; idque modestia, pudicitia & castitatis causa: facile enim in pravas incidunt cogitatio-

gitationes, si omnes promiscue steterint. Agit nimirum Gemara de gaudio festi Tabernaculorum, & a minori argumentatur ad majus: quod si enim in planctu separatio virorum a mulieribus est necessaria, quo tempore tamen pravæ cupiditates hominibus minimum dominari solent, quanto magis eadem in lætitia erit necessaria, ubi pravæ libidines in homine ut plurimum rerum potiuntur. Nec dubium, quin hodiernus Judæorum mos hinc fluxerit, porticibus Synagogas intus cingendi, quæ locum mulieribus, cultui sacro interesse cupientibus, a viris sejunctum præbent: de quo legatur LEO MYTINENSIS de ceremoniis Judaicis cap. X. §. 4.

Ad §. VIII. pag. 43.

(8) *Christus in iis docens confedit*] Testibus Evangelistis, Matthæo, cap. IV, 23. obivit totam Galileam Jesus, διδάσκων ἐν ταῖς συναγωγαῖς αὐτῶν, καὶ κηρύσσων, docens in Synagogis ipsorum & prædicans Evangelium regni. Luca, IV, 16 sqq. de Synagoga Nazarethana, Johanne, VI, 59. de Capernaïtica, idem affirmantibus. Cum enim ad docendum, quicumque eruditionis aliquam famam aut fiduciam habens, admitteretur, quod VITRINGA de Synag. Vet. lib. III. P. I. cap. VII. p. 725 sq. evicit, Christo celeberrimo doctore, qui tanta apud omnem populum & auctoritate, & gratia oris pollebat, denegare istud hostes ejus non debebant, quantumvis Magistri axioma, per χειροθεσίαν Doctorum Judaicorum, non esset consecutus. Hinc non in Synagogis modo, verum etiam in Templo se docuisse profitebatur Joh. XVIII, 20. ἐγὼ παρήρσις ἐλάλησα τῷ κόσμῳ, ἐγὼ πάντοτε ἐδίδαξα ἐν τῇ συναγωγῇ, καὶ ἐν τῷ ἱερῷ, ὅπῃ πάντοθεν οἱ Ἰδαῖοι συνέρχονται &c. Sic & Matth. XXVI, 5. quotidie vobiscum sedi, διδάσκων ἐν τῷ ἱερῷ, sive in Synagoga Templi, sive in Atrio mulierum, quo confluere solebat multitudo, sive alibi locorum in Templo, prout ferebat occasio, ut Joh. VIII, 20. X, 23. Confer Matth. XXI, 23. XXIII, 1. coll. cap. XXIV, 1. Luc. XIX, 47. XXI, 37. Vnde nec

Apostoli in Synagogis docere prohibebantur, ut Lucas in Actis, cap. XIII, 5, 15. & alias persæpe, testatur. His enim usibus dicatæ erant Synagogæ 1) precibus ad Deum publice fundendis, 2) sacrae lectioni Moïsis & Prophetarum, Actor. XV, 21. 3) explicationi Scripturæ, & concionibus ad plebem habendis: ut uberius docuit MARESIUS supra laudatus §. XVII. p. 706 sq.

Ad §. VIII. pag. 43.

(9) *Ἀρχισυναγωγος, Synagoga Princeps*] Pergit Auctor ad Præfectos & Ministros Synagogæ, in quos de industria inquisiverunt duumviri laudatissimi, VITRINGA de X. Otiosis cap. XIX. p. 236. & RHENFERDIUS in investigatione Præfectorum & Ministrorum Synagogæ, Opp. Philol. p. 480. Primas in his tenuit ראש הכנסת, Chaldaice ריש כנישתא ἀρχισυναγωγος, vel ἀρχων τῆς συναγωγῆς, Synagoga Princeps, alias etiam ראש הקהל item ראש צבור interdum quoque חבר העיר Doctor civitatis dictus, cujus erat, singulis in Synagoga suum impertire munus, ac discernere, quis Prophetas explicaret, quis exponeret super lectione Schema, quis descenderet coram arca, precesque præiret, ut concise, at recte eum definierit R. SALOMON IARCHI ad Megilla fol. 27. col. 2. princ. fuisse, המתעסק בצרכי צבור qui procurat negotia civitatis. Observat autem RHENFERDIUS §. 29 sq. p. 502. hodie nomen illud ראש הכנסת tantum non exolevisse, cum aliis ejusdem dignitatis nominibus permutatum, & quia idem plerumque rectoratus in Academia munere fungitur, sæpe ראש ישיבה caput vel Rectorem Academiae dici, quia interdum litigantibus jus dicit, אב בית דין Praesidem judicii, quia nonnunquam de licito & illicito, de impuritate &c. & de casibus conscientiae respondet, דיין Judicem salutari. Horum in Synagoga vetere plures, cum primis autem tres fuisse, contra RHENFERDIUM, VITRINGA contendit c. I. p. 240 sqq. quem vide. Idem, jam ante VITRINGAM, asseruit MARESIUS, c. I. §. 23. p. 708. ubi: nec singulis Synagogis,

Rr

gis,



gis, inquit, singuli praeerant Archisynagogi, sed simul plures: ut plures ἀρχιεγῆς sub Summo Sacerdote, sive Magno Pontifice in Templo ministrabant Matth. II, 4. XVI, 21. & alibi saepius. Etenim Jairus, qui ὁ ἀρχισυναγώγος appellatur, Luc. VIII, 49. εἰς τῶν ἀρχισυναγώγων dicitur, Marc. V, 22. & plures ἀρχισυναγώγοι ejusdem Synagogae Antiochena commemorantur Act. XIII, 15. & Synagogae Corinthiaca Archisynagogi duo nominantur, Crispus & Sosthenes, quorum plures adhuc alii Luca innominati, collega esse potuerunt.

Ad §. VIII. pag. 43.

(10) Aedituum Synagogae] שלוח & חזן  
 ὑπηρέτης Luc. IV, 20. Minister est Synagogae, diserte exponente IARCHIO ad Megilla Cap. העיר / בני העיר ubi inquit: חזן הכנסת שמש הצבור Chazan bakhkeneseth est Famulus coetus, לענות אמן שהיה שלוח והיה שלפני התיבה גומר ברכתו והן לא היו יכולין כולן לשמוע קולו: ad respondendum Amen. Quod Minister (coetus) qui est ante pluteum, absolveret benedictionem suam, neque omnes vocem ejus possent audire. Et ELIAS Levita in Tisbi voce Chazan: מצאתי ששלוח הצבור ר"ל שמש הקהל נקרא: inveni legatum coetus, i. e. Famulum coetus vocari Chassan. Vocis originem non a verbo חזן vidit, quod cum Hebraeis LIGHTFOOTVS cupit, qui Inspectorem & ἐπίσκοπον inde procudit, sed ex Arabismo derivat RHENFERDIVS Opp. Phil. p. 323 sq. ut primo & proprie Custodem notet, cujus fidei atque curae aliquid est commissum, & in specie cui loca custodienda conceduntur, ut horti, urbes, & loca publica, unde quoque Hebraeis per שומר explicetur. Hinc officium hujus aeditui, seu ministri Synagogae constituit in eo, ut statis temporibus eam aperiat & claudat, ejus libros ac tapetes, & quae sunt reliqua supellectilia vel ornamenta, deponat, recondat, atque omni fide ac diligentia asservet, & similia per omnia obeat munia, qualia aedituus curat in Ecclesia Christiana. At enim vero paulo amplius procedit VITRINGA de Synagoga

Vet. Lib. III. P. I. cap. I. pag. 890. & tempora distinguens, τὰς חזנים antiquis temporibus viliora modo in Synagoga obisse ministeria largitur, clausisse & reclusisse Synagogas, librum legis ex arca depromisse, & in eadem recondidisse, Synagogam mundasse, luminaria accendisse, tubas inflasse, lecturos evocasse, & sudario agitato monuisse coetum, ut responderet Amen (quod prolixè evicerat RHENFERDIVS p. 508. & 511.) sed τὰς שוחרי צבור Legatos Ecclesiae olim fuisse, qui Ecclesiae praebant in fundendis recitandisque precibus. At cum tempore invaluisse consuetudinem in multis Synagogis, eamque satis antiquam, ut ipsis illis Chassanim actus honoratioribus illi precum recitandarum commissi sint, & hi Chassanitis subordinati sint in celebrioribus Synagogis alii quidam minoris ordinis ministri, quasi tu Hypodiaconos dicas, quibus viliora haec ministeria mandata sint. Atque sic procedente tempore dignitatem Chassanitarum crevisse: inter שוחרי צבור itaque, & חזנים intercessisse discrimen, quod p. 891 sq. probat: rursusque p. 905. recentiori aetate, utramque appellationem promiscue usurpari docet.

Pergit in ordine Praefectorum Synagogae RHENFERDIVS Cap. II. p. 525 sqq. & proximum ab Archisynagogo locum assignat τῷ סניף Senioribus, qui singulari honoris titulo etiam ממונים על הצבור constituti super coetum audiunt, ad quorum curam ea pertineant, quae ordinem & salutem totius Synagogae spectant. Hi enim cum Archisynagogo de summa rei deliberant; hi cum sapientibus edicta, quae universos obligent, promulgant; hi primum, & a ceteris distinctum locum in Synagoga occupant. Iidemque, postquam lingua Syriaca inter Judaeos invaluit, פרושים Pastores nominabantur p. 539 sq. quin & טובי העיר boni civitatis, aut addito numero שבעה טובי העיר septem boni civitatis: interdum גרולי הקהל vel גרולי העיר majores civitatis, aut majores coetus: quos omnes eosdem esse, qui una cum Archisynagogo commissum sibi coetum gubernant, Vir doctus p. 544 sq. evincere satagit. Rursus VITRINGA de חזנים

קנים quos cum Presbyteris Ecclesiæ confert, lib. III. P. I. cap. I. p. 613 sq. de פרנסים seu Pastoribus Cap. II. p. 621. & de ממונים seu Praefectis Cap. III. p. 645. sententiam dicit. In quo autem officium & auctoritas Presbyterorum horum Synagogæ constiterit, RHENFERDIUS, fide Judæorum, Cap. III. edisserit p. 557 sq. & cum VITRINGA acriter contendit: quos mutuo conferre juvabit. Nobis enim prolixioribus hic esse non licet.

Ad §. IX. pag. 43.

(II) *Differunt Scholæ a Synagogis*] Hanc inter כנסיות בתי מדרשות Synagogas, & מדרשות בתי מדרשות Academias seu Scholas publicas differentiam copiose iterum discussit VITRINGA Lib. I. P. I. cap. V. p. 133. ita quidem, ut celebrioribus Synagogis junctum fuisse Gymnasium, seu בית מדרש censeat, in quod viri docti ad docendum aut disputandum convenerint; quæ scholæ, ut Synagogarum appendices, hoc ipso nomine Synagogæ aliquando signatæ sint. Fallor, aut hoc ipsum est, quod in Talmude Hierosol. ad Cod. Chetuvoth fol. 53. col. 3. asseritur, Hierosolymis unamquamque Synagogam habuisse domum libri, & domum doctrinæ, בית ספר למקרא, & בית תלמוד למשנה Scripturæ, & domum doctrinæ pro traditionibus. Conf. LIGHTFOOT. Centur. Chorogr. Mattheo præmiss. cap. 36. Tom. II. Opp. p. 197. Huc pariter spectat distinctio, qua in Mass. Schabbat fol. 3. col. 1. Synagoga dispescitur in כנישתא superiorem, quæ sacris destinata & quasi Templum erat, & in inferiorem, quæ בית המדרש audit, in qua doctores publice profitebantur, & ad discussionem difficultum questionum homines confluebant. Probabile tamen existimat VITRINGA, locis minus frequentibus unum idemque ædificium, tam communibus exercitiis religionis, quam institutioni scholasticæ inservisse, cum non licuerit Judæis ubique ita esse beatis, ut Gymnasium sibi habuerint a Synagoga distinctum. Cum vero מדרש allego-

rica sit expositio, בתי מדרשות domus disquisitionum, non tam ab hoc modo subtiliore commentandi practico, quam a recepta consuetudine disputandi, sive etiam explicandi textum, per modum questionum & responsionum, aut accuratiore sensus Scripturæ Sanctæ investigatione, hoc nomen suum sortitas esse credit pag. 139. Porro pag. 140. discrimen observat inter בית רבנן domum Doctorum, seu Academiam, & בית רבן domum Magistri, h. e. scholam trivialem. Hic temperare mihi non possum, quin ex MAIMONIDE, scitum veterum, de necessitate scholarum trivialium, adscribam. Ita autem ille Hilchoth Talm. Torab cap. II. §. I. מושיבין מלמדי תינוקות בכל מדינה ומדינה בכל פלך ופלך ובכל עיר ועיר וכל עיר שאין בה תינוקות של בית רבן מחרימין את אנשי העיר ער שמושיבין מלמדי תינוקות ואם לא חושיבו מחרימין את העיר שאין העולם מתקיים אלא כהכל פיהם של תינוקות של בית רבן: In omni ditione, omni vico, & urbe denique omni, constituere solent, qui pueros doceant. In quacunque autem urbe non sunt pueri, qui ludum literarium frequentent; illius incolæ anathemate feriunt, donec constituent ludimagistros. Quod si verò ne tum quidem illos instituant, locum illum vastant; quia mundus non subsistit, nisi propter habitum puerorum scholæ.

Num iudicii quoque locus fuerit in Synagoga? ambigue disputatur. Affirmat LIGHTFOOTVS Hor. Hebr. ad Matth. X, 17. ut & in Chron. temporum & ord. Text. Nov. Test. Tom. II. Opp. p. 85. fideque Cod. Sanhedrin cap. I. bal. 2. confirmat, ubi flagellatio שלשה בכר של auctoritate confessus seu iudicii triumviris in Synagoga peracta dicitur. Hoc iudicium in unaquaque Synagoga obtinuisse tuetur, ad quod spectaverit cognitio & sententia de rebus pecuniariis, de furtis, damnis, restitutione, mulctis & rebus aliis, exceptis tamen criminalibus seu capitalibus. Jus enim vitæ & necis ipsis non competeat, verum supplicium solum corporis afflictivum, ut flagellatio verberum XXXIX. Hinc illustrat LIGHTFOOTVS verba Salvatoris Matth.



X, 17. Marc. XIII, 9. in *Synagogis* flagellabunt vos, & quando Paulus 2 Cor. XI, 24. quinques fuit cæsus. Hoc ipsum quando negat RHEMERDIVS *Dissert. I. de X. Otiosis Synagoga* §. 30 *sqq.* Opp. Philol. p. 285. & ex Talm. Babyl. Cod. *Cbetuvoth fol. 105. col. 1.* distincte recenset *בתי דין* domos judiciorum, *בתי כנסיות* Synagogas, & *בתי מדרשות* Academias seu Gymnasia: ita utramque partem facile componi posse arbitror, alteram recte negare, quod judices triumviri ex Otiosis fuerint Synagogæ, & in conclavi ab Oratorio seu Synagoga distincto, juri dicundo vacaverint; nec minus recte alteram affirmare, & unamquamque Synagogam celebriorem hoc instructam fuisse magistratu, & in eodem seu communi Synagogæ ædificio locum & conclave huic judicio fuisse distinctum, pœnasque in atrio inflixisse, quod Nov. Test. testimonia liquido affirmant.

Ad §. IX. pag. 44.

(12) *Inter domum Sammai, & domum Hillelis*]. Ad celeberrimam Scholarum inter Judæos distinctionem devolvimur, *בית הלל* domum Hillelis, & *בית שמאי* domum Schammai, quæ utraque Herodis M. tempore insigni famæ pariter celebritate floruit, ac frequentia auditorum. Hi enim duo fuerant, qui cum Herodes & Antonius Hierosolymas obsiderent, populo persuaserunt, ut Herodem reciperent, in urbem introducerent, Regemque constituerent; unde Rex ipsos honoravit & in amicis suis habuit, cum ceteros omnes, qui odium adversus eum prodiderant, totumque adeo Synedrium, gladio jugularet; teste IOSEPHO GORIONIDE *lib. V. cap. XIII. init. & cap. XXIV. circa fin.* Idem porro Schammæum discipulum facit Hillelis *הלל* nempè *של הלל הוקן* alii contra tenent Schammai præceptorem, Hillelem discipulum fuisse, sed cum magistrum suum multo superaret, ad evitandam invidiam Babylonem se contulisse, ibique summa cum celebritate docuisse, donec fatis concessisset Schammai. IAC. ALTINGIUS in *Schilo lib. IV. cap. 7. T. V.*

Opp. fol. 78. b. *sq.* Hillelis historiam ex Talm. Cod. *Pesachim cap. VI. fol. 66. col. 1.* & R. DAV. GANZII *Tzemach David ad A. 3728.* ita contexit: Hillelem patria fuisse Babylonium, imbutum eo doctrinæ genere, quod in Babylonia vivebat, quum quadragenarius demum inde discesserit. Hierosolymam postquam appulisset, nullo fere fuisse loco, utpote qui rotos quadraginta annos legem docuerit ex egestate, ut vitam toleraret; doctorem fuisse non publicum, cui id muneris demandatum foret auctoritate publica, sed privatum, qui extra Academiam ejusque Collegia (quæ filii Bethiræ moderabantur, defunctis Schemaja & Abtaljone) nonnullorum institutioni vacabat: adeoque, ut plures alliceret discipulos, sibi quæ lautior pararet fortunam, novum illud doctrinæ genus, Babylone allatum, in *δευτεράσεις* consistens, prurientibus ad nova, minusque obvia juniorum ingeniis, instillasse: hac arte paulatim nomen sibi & æstimationem aliquam parasse inter suos, perque ipsos innotuisse Academiæ Doctoribus summis, quibus nihil de ipsius nomine, vel patria, vel conditione, videtur ante constitisse. Ab istis arcessitum, rogatumque de quodam ritu, respondisse quidem prompte & accurate, sed magna cum arrogantia, & Doctorum istorum contemptu. Atque hoc pacto summum obtinuisse in schola Hierosolymitana locum, non tam a filiis Bethiræ, dignitate & munere motis, quam a discipulis, aliisque novitatis studio, aut opinione sapientiæ, ipsi conciliatis. Adeptum tantum fastigium, unice operam dedisse, tum ut prædecessoribus, filiis Bethiræ, & omnibus sapientibus Hierosolymitanis detraheret, & exprobrata ipsis pigritia, ignorantia matre, institutionem ipsorum in odium, aut saltem fastidium adduceret, tum ut in suæ sapientiæ admirationem omnes raperet, ceu qui non sine Numine Babylone venisset, ad solam legis notitiam, proximorum Doctorum sordidia oblitteratam, postliminio restituendam, tum denique, ut traditionum auctoritatem assereret, & in arce collocaret; quo scopo primum Scriptura non est utilis ad confirmationem, nisi quatenus

quatenus ratiunculis quibusdam a se suffulta esset &c. Rursus idem *ALTINGIUS in Histor. Academiæ. Hebræar. cit. Tom. Opp. fol. 244. b.* concisus ita de eo refert: Hillel potissimum a frequentia auditorii commendatur, cui aliquot discipulorum millia adscribunt, & ex his octoginta magni nominis; agmen quidem ducente Jonathane Vzzielide, paraphraste Prophetarum, claudente vero Johanne Zacchæi filio, Magistri in rectura scholæ, una cum ejusdem filio Simeone, qui Christum puerum in templum delatum, ulnis suis excepit, successore: quemadmodum utrique, ac parenti Simeoni in primis, Gamaliel Senior, Apostoli Pauli præceptor, surrogatus fuit. Hæc dignitas mansit in familia Hillelis usque ad excidium urbis. Quod de claris ejus discipulis memorabatur, in *Sepher Juchasin* & ex *Gemara* apud *BYXTORF. Lex. Targ. Rad. הלל* plenius ita legitur: Hilleli fuisse octoginta (ex præcipuis nimirum) discipulos: *triginta ex illis fuisse dignos שתשרה עליהם* ut quiesceret super ipsos divina presentia, sicut *Moses: triginta alios fuisse dignos שתעמר להם חמה כיהושוע* quorum causa consisteret sol, ut propter *Jehosua*. Viginti autem fuisse mediocres, quorum maximus fuit *Jonathan Vzielis filius*, & minimus *Rabban יוחנן בן יוחנן* *Jochanan ben Saccai*. Quantæ ergo dignationis fuerit horum omnium Magister? Ceterum quando *AEARBENEL in Daniel. fol. 22. col. 3.* alique cum Judæorum, tum Christianorum, doctores passim hunc Hillelem seniore *מבית דוד* de domo Davidis oriundum asseverant, id ita restringit *R. NISSIM in historiis Talmudicis fol. 58. col. I.* הלל היה מזרע דוד מאמו ואלה מאביו Hillel fuit de semine Davidis per matrem suam, & non per patrem suum. Quin potius ex Benamine ortum duxisse, demonstrat *ALTINGIUS Schilo cap. XV. lib. III. pag. 65. b.* Temporis rationes, quibus Hillel floruit, studiose composuit *LIGHTFOOTVS in Chronic. temporum & Textuum Nov. Testam. Sect. VIII. Opp. Tom. II. pag. 5 seq. & in Hor. Hebraicis ad Matth. II, I. eodem Tom. p. 256 sq.* ita, ut ascen-

derit Hierosolymas, & cathedram capefferit centum annis ante excidium Urbis, teste Talm. *Cod. Schabbath fol. 15. col. I.* quadraginta annis rexit Academiam, diemque obierit circa annum Christi duodecimum aut decimum tertium. Ex centum istis annis, si demas annos 32 & dimidium vitæ Christi, & 40 annos intercedentes inter mortem Christi, atque Urbis excidium, supersunt anni 27 Hillelis ante natum Salvatorem. Natus est ergo Christus circa annum 27 præsidatus Hillelis in Synedrio. Adeo pauper fuisse fertur primis XL annis, ut quotidiano manuum labore victum sibi acquireret, partique pretii dimidium in studia sua juvanda, dimidium in sui suorumque sustentationem impenderet, ut proverbio locum daret: *עני היית יותר מהלל* numquid fuisti pauperior Hillele? *Cod. Joma cap. III. pag. 35. b.* ut & effato in *En Israel P. I. p. 103. col. 4. num. 27. הלל מחיב את העניים* Hillel pauperes dijudicabit & condemnabit, si nimirum paupertatis obtentu studium Scripturæ neglexerint. Ipse enim cum esset pauperrimus, ut legem audiret & addiscesset, dimidiam mercedis partem infumebat. Hinc vocem quoque auditam fuisse super Hillelem, *שראו לשכינה שתחול עליו* quod dignus sit, ut super eum habitet presentia divina, in *Juchasin p. 55. col. 2.* Et ne dubites de summa & incomparabili Hillelis sapientia & eruditione, en in *Massechet Sopherim cap. XVI. balacha 9.* testimonium, seu fide, seu exceptione omni majus: *Dicunt de Hillele: non reliquit ullum verbum sapientum, quod non didicerit. Didicit omnia genera linguarum, etiam locutionem montium, collium, & vallium: locutionem lignorum & herbarum: loquelam ferarum & jumentorum: locutionem demonum, & omnes parabolas didicit. Omnia ista cur? propterea quod dictum est (Jes. XLII, 21.) Dominus voluit propter justitiam suam, magnificabit legem, & illustrabit. Ad Rectoratum Academiæ Hierosolymitanæ, quo pacto, exorta lite, an Pascha impellat Sabbathum, nec ne? cum Doctorum nullus respondere posset, ipse vero prompte ac solide pro affirmativa sententiam*  
*Rr 3* ferret,



ferret, communi omnium calculo euectus fuerit, prolixè expositum lege in Gemara Cod. *Pe-sachim cap. VI. p. 66. in princ.* Idem constituit & ordinavit פרוזבול *Perozbol*, quod, quid sibi velit, copiose explicavit BARTOLOCCIVS *Biblioth. M. Rabb. artic. הלל Tom. II. fol. 787 sq.* qui multas etiam Hillelis sententias confertim exhibet *pag. 791 sq.* quas vide. Idem postea *pag. 797.* Hillelem hunc seniore caute distinguendum docet ab הלל הנשיא *Hillele juniore principe*, qui decem ab isto generationibus distat, & EPIPHANIO teste *lib. I. contra hæreses Tom. II. p. 127. num. 4.* edit. Parisiensis A. 1622. morti proximus fidem Christi suscepit, & sub medicinæ specie, ab Episcopo Tiberiensi, in cubiculo baptizatus memoratur. Tempore Constantini M. Imperatoris obiisse fertur, circa A. C. 320. Nihil illi cum nostro seniore, de quo jam agimus. Huic in Academia præfectura Collega dabatur מנחם / vir doctus, quem Spiritum Propheticum habuisse dicunt, quo Herodi M. & jam puero, regiam dignitatem, & accepto regno, triginta regiminis annos prædixit. Verum non ita multo post, relicta Academia, in aulam Herodis se contulit, in cujus locum suffectus est שחמאי *Schammai*. Hillel Nafi seu princeps erat, Schammai אב בית דין *pater domus judicii*, seu primarius in decidendis litibus Senator. Hinc uterque apud Judæos semper junguntur, sed oborta inter eos æmulatione, scholam scholæ opposuerunt. Dissensio inter utramque scholam incepit die 9 Adar; ad quam diem Judæi in Calendario suo anniversarium jejunium indicunt. Hinc in decidendis de ceremoniis legis, & controversiis religionis, in partes adversas & ipsi discesserunt, & magis adhuc discipuli eorum, nec ulla inter eos ratio inveniri potuit, qua discordantes sententiæ componerentur. Quin ad sanguinis usque profusionem sævitum est inter utrosque, usque dum Bath Kol ediceret: & hæc, & illa verba sunt Dei viventis: Hillelis tamen sententia standum esse, Cod. עירובין *cap. I. p. 13. post med.* & Talm. Hieros. Cod. *Berachoth fol. 3. col. 1.* Hinc priusquam prodiret Bath Kol

in Jafne, ex æquo amplecti licuit alterutrius scholæ decreta: at exinde, quicumque transgressus fuerit decreta scholæ Hillelianæ, reus erat mortis. At tantum abest, ut diremtæ fuerint dissensiones atque acrimoniarum inter utramque scholam, ut acerrime potius illæ fuerint per aliquot sæcula continuatæ, sæpiusque ad eadem & sanguinem ventum. Præcipua dissensionum capita aliis ad numerum ternarium, aliis ad octodecim referuntur momenta, de quibus lege SYRENHVSIVM *Præfatione ad P. IV. Mischnæ*, Tractat. עריות *de testificationibus I. col. 2.* ubi XVIII differentiarum, & XVIII consensus momenta inter utrosque, ordine recensita videbis. Confer etiam de hoc dissensu HACKSPANIVM *ad Lipmanni Nizzachon p. 288 sqq.* Attentionem cum primis meretur effatum Hillelis, quo in Gem. *Sanbedrin cap. חלק* venturum Messiam negat: להם משיח לישראל שכבר אכלוהו בימי חזקיהו מלך יהודה: *Non futurus est Israelii Messias, qui ipso modo potiti sunt temporibus Ezechie regis Judæ.* Hinc concludit R. IOSEPH ALBO, si sententia MAIMONIDIS vera esset, fidem de futuro Messia esse legis fundamentum, numerandus esset hic Hillel inter apostatas, & deficientes a religione, quibus non est pars in sæculo venturo: Idem tamen ipsum excusat in *Ikkanim orat. I. cap. I.* *Non credidit R. Hillel futurum Messiam, sed tamen ideo inter apostatas recensendus non est, quia Messie adventus Mosaica legis fundamentum non est, uti scripsit MAIMONIDES, utpote quæ sine eo consistit.* Confer huc ANTONII HVLSII *Theologie Jud. P. I. p. 12 sq.* Porro referendus huc esset Codex Biblicus Hillelis, qui normam olim præstitit corrigendis Codicibus reliquis, quemque Hilleli seniori CYNÆVS tribuit *lib. I. de Republ. Hebr. cap. 18.* & SCHICKARDVS *de jure regio Cap. II. Theor. 5. p. 100.* Sed quia potiori fide BUXTORFIVS illum ad Hillelem הנשיא, seu Juniorem refert, qui Sæculo IV. post N. C. floruit in Judæa, & nepos fuit R. IEHVÐAE sancti, missum illum hic facimus. Vide de eo CARPZOV. *in Not. ad cit. loc.* SCHICKARDI. De domo seu schola Hillelis autem

tem & Schammaj, post allegatos ALTINGIVM, BARTOLOCCIVM, LIGHTFOOTVM, vide SE-  
RARIVM in *Minervali lib. IV. cap. 7.* & in Rab-  
bin. II. scrup. 6. IOH. HENR. OTHONEM in  
*Hist. doctorum Mischnicorum p. 76 sqq.* edit. Am-  
stelodam. novæ notisque auctæ: RHENFER-  
DIVM *disp. de fictis Judaorum hæresibus §. 22 sqq.*  
*Operum Philol. p. 86.* HOTTINGERVVM denique  
*Theauri Philol. p. 42, 43.*

Ad §. X. pag. 44.

(13) *Scholas colliculis incumbentes habuit*]  
Quemadmodum scholæ Prophetarum sæpius,  
vel in locis desertis, ut 2 Reg. VI, 1. vel in mon-  
tibus, locisque excelsis, qui contemplationi &  
meditationi rerum divinarum optime conve-  
niunt, sive in urbibus, sive extra urbes extrue-  
bantur, quod HIERONYMVS *Epist. ad Rusticum,*  
*p. 16. Tom. I. & ad Paulinum fol. 37.* jam obser-  
vavit, unde Elias & Elisa, celeberrimi suæ æta-  
tis, & miraculis clari Prophetæ, multum age-  
bant in monte Carmel, 2 Reg. II, 25. IV, 25.  
1 Reg. XVIII, 20, 21. nec dubium, quin eo re-  
spexerit Salomo, Prov. IX, 2, 3. testatus, sapien-  
tiam domum suam ædificasse, & vocasse quosque  
prætereuntes בנפי מרומי *in pinnaculis*  
*celsoforum urbis*, eo quod tunc temporis cultor-  
es literarum edita urbium aut agrorum loca  
elegerint, in quibus scholas suas aperuerunt: Ita  
posthæc, in extruenda Synagoga, hoc inprimis  
præceptum inculcarunt Magistri apud MAIMO-  
NIDEM *Hilcoth Tephilla cap. XI. §. XI.* כשבנו  
בית הכנסת אין בונים אותה אלא כנכחה  
של עיר: quando Synagogam extruunt, non ex-  
truunt eam, nisi in alto civitatis, idque probant  
ex Prov. I, 21. *in summo celebrium urbis locorum*  
*sapientia clamat:* ומגביהים אותה ער שתהא  
Perducunt autem  
ædificium ad illam altitudinem, ut altior sit omni-  
bus istius urbis conclavibus: quod denuo probant  
ex Jes. IX, 9. & ad exaltandum domum Dei nostri.  
Vnde scitum Doctorum in Gem. Cod. *Schabbath*  
*cap. I. fol. II. col. I. princ.* כל עיר שגגותיה

נבוהים מכית הכנסת סופה חריבה: *Omnis*  
*civitas, cujus tecta altiora sunt adibus Synagoga,*  
*finis illius est vastatio.* Rationes hujus moris ha-  
buerunt 1) reverentiam sacrorum: tantum enim  
venerationis deberi censuerunt suis Oratoriis, ut  
illa eminere supra ceteras civitatis structuras.  
Facit quippe ad decus ædis divinæ, ut altior ac  
excelsior sit structura ædificiis quibuscunque hu-  
manis: 2) imitationem Templi. Cum enim  
Synagogas suas Templo quam simillimas redde-  
re studeant, mirandum non est, ipsos Synago-  
gis spectabilem assignasse altitudinem, cum Tem-  
plum ædificatum esset in monte, cujus vertex  
supra universam emerget civitatem. Confer,  
de Scholis & Synagogis in agris, LIGHTFOOT.  
*Hor. Hebr. ad Matth. IV, 23. Tom. II. Opp. 280.*  
& VITRINGAM *de Synag. Vet. lib. I. P. II. cap. 7.*  
*p. 351.* de earum altitudine eundem VITRINGAM  
*cap. II. pag. 213 sq.*

Ad §. XI. pag. 44.

(14) *Dicti sunt dare*] Hoc jam GLASSIVS  
noster observavit *Phil. Sacr. lib. III. Tractat. 3.*  
*Can. 15. pag. marg. 273 sq.* ubi in locum, ab Au-  
ctore ex Prov. IX, 9. citatum, erudite commen-  
tatur. Addimus exemplis ab eo productis, ad-  
huc Joh. XVII, 8, 14. ubi Deus verba sua Christo,  
& Christus eadem dedisse discipulis legitur,  
quando Christus eis tradidit doctrinam, a Patre  
acceptam. Idem quoque accipiendi vocem in  
notione *discendi* ibidem excutit, & ex Prov. I, 3.  
probat: לקחה *ad accipiendum eruditionem in-*  
*telligentiæ.* Hinc לקח *doctrina,* Deut. XXXII, 2.  
Prov. IV, 12. Referenda præterea huc sunt  
verba מסר *tradidit,* & קבל *Kibbel accepit,* re-  
cepit, manibus, vel mente, unde duplex doctri-  
næ Judaicæ genus nomen sortitum est, Masora  
& Kabbala; de quo hic dicendi locus non est:  
nominis tamen rationem evolvunt GLASSIVS  
*lib. I. Tr. I. p. 19. & lib. II. P. I. Tract. II. Sect. III.*  
*Art. VII. p. 302. & HOTTINGER. Thef. Philol.*  
*lib. I. Cap. III. Sect. IV. p. 396. & Sect. V. p. 434.*  
& multi alii.

Ad



Ad §. XII. pag. 44.

(15) Προσευχῇ differant ab ipsorum Scholis vel Synagogis] Προσευχῇ idem est, ac οἶκος vel τόπος τῆς προσευχῆς, domus aut locus precat-ionis, quod convenit cum Hebræorum בית הלל domo orationis, seu προσευκτηρίῳ seu oratorio, quo sensu Christus ait: ὁ οἶκος μὲν οἶκος προσευχῆς κληθήσεται domus mea domus precat-ionis vocabitur Matth. XXI, 13. Princeps hic quæstio est: Vtrum Proseucha Judæorum idem cum Synagogis fuerint, an diversa ab his, sive loca, sive ædificia? Nihil definire audent GOODWINVS noster, æque ac HENR. VALESIVS Annotat. ad Euseb. pag. 27. Alii vero in alterutram liquido descendunt sententiam; utrarumque differentiam statuentibus IOH. DRVSIO Annot. ad Act. XVI, 13. DAN. HEINSIO Exerc. Sacr. ad cit. loc. p. 305. IOH. HOORNBECKIO Miscell. Lib. I. p. 288. utrasque autem pro eodem sacro loco habentibus, HVG. GROTIUS Annot. in Act. XVI, 13. & ad Matth. IV, 23. PAVLO ARINGHIO Tom. I. Romæ Subterraneæ lib. II. cap. XIII. p. 232. DOMINICO MACRO Hierolæx. fol. 500. & HERM. CONRINGIO Antiqu. Academ. pag. 124. Nobis posterior, nec absque causa, placet sententia, quam probamus 1) ex communi tam Synagoga quam Proseuchæ descriptione, a PHILONE Judæo data. Ille enim lib. III. de vita Moysi, p. 530. τὰ γὰρ κατὰ πόλεις προσευκτηρία τί ἕτερόν ἐστιν ἢ διδασκαλεῖα φρονήσεως καὶ ἀνδρείας, καὶ σωφροσύνης, καὶ ὁσιότητος, καὶ συμπάσης ἀρετῆς, ἣ κατανοεῖται καὶ καθορθεῖται τότε ἀνθρώπινα καὶ θεῖα. Destinata enim oppidatim sacris precatationibus loca, quæ Proseuchas vulgo nominant, quid aliud sunt, quam scholæ, in quibus prudentia, fortitudo, temperantia, iustitia, pietas, sanctitas, omnisque virtus discitur, quæcunque ad humana, divinaque negotia requiritur. Rursus lib. de legatione ad Cajum p. 801. eandem de Synagogis dat delineationem, celebrans, ventuisse Augustum Imperatorem, necubi Judæi prohiberentur εἰς τὰ συναγωγία συνέχεσθαι· μὴ γὰρ εἶναι ταῦτα συνόδους ἐκ μέθης καὶ παροι-

νίας, ἐπὶ συστάσει, ὡς λυμαινέσθαι τὰ τῆς εἰρήνης, ἀλλὰ διδασκαλεῖα σωφροσύνης καὶ δικαιοσύνης, ἀνδρῶν ἐπιδητεούντων τὴν ἀρετὴν, in Synagogis convenire: non enim hæc esse Bacchanalia, vel seditio-  
 forum conventicula, turbanda pacis causa: sed scholæ iustitia temperantiaque, in quibus studium virtutis floreant. En easdem pietatis ac virtutis scholas, cum Proseuchas, tum Synagogas. Patrem vocum ἰσοδυναμίαν viri docti apud PHILONEM multis locis observant, quæ huc transferre nimis esset prolixum: 2) Ex iisdem in utraque sacris, quæ prælectione ac interpretatione legis Mosaicæ, precibus ac votis, eodem profus modo, utrobique peragebantur, ut descriptio sacerorum cum in Synagogis Act. XV, 21. tum in Proseuchis cap. XVI, 13 sq. & apud PHILONEM passim demonstrat: 3) Ex diserta appellatione MAIMONIDIS, qui Hilch. Tephilla cap. II. §. I. ita habet: כל מקום שיש בו עשרה משראלי צריך להכין בה בית שיוכנסו בו לתפלה בכל עת תפלה ומקום זה נקרא בית הכנסת: Vbicunque sunt decem ex Israele, ibi necesse est, ut ædificetur domus, ad quam se recipiant ad orationes, tempore precum (en Proseuchas!) & domus hæc vocatur Synagoga. Nunc, quid discriminis repererint viri docti inter utramque, dispiciemus. α) HENR. VALESIVS illud ex frequentia & paucitate Judæorum, ibi habitantium, derivat, nec nisi majores & illustriores Proseuchas, dictas fuisse Synagogas admittit. Vnde beatus Lucas Synagogam quidem Judæorum ait fuisse Thessalonica: Philippis autem Proseucham, propterea quod pauculi ibi essent Judæi. De majoribus & illustrioribus Proseuchis locus est apud PHILONEM in legatione ad Cajum. Atqui hoc est τὸ ἐν ἀρχῇ λαμβάνειν. Si enim Synagoga idem est cum Proseucha, quod demonstravimus, Lucas idem quoque de Thessalonicensium ac de Philippen-  
 sium Oratorio, dispari licet nomine, affirmavit. Potius PHILO locis allegatis testatur, Judæis κατὰ πόλεις, singulis civitatibus, immo πανταχόθεν τῆς οἰκουμένης, ubique in toto orbe suas esse Proseuchas: licet non negaverim, eas pro loci, ætusque Judaici amplitudine, vel conditione opum,

opum, splendidiore alias, alias tenuiores fuisse. Hinc, evidentia rei adactus, VALESIVS addit: non negaverim tamen, Proseuchas posse etiam dici Synagogas. β) IOH. DRVSIVS lib. V. Præterit. p. 183. aliam differentia rationem reperisse sibi videtur, quod Synagogæ in urbibus essent, Proseuchæ extra mœnia. Huc respicit Auctor noster, quando hoc nihil probare obvertit. Synagogas enim in agris olim exstructas fuisse LIGHTFOOTVS in Matth. supra cit. ex Glossa Talmudica ad Cod. Beracoth fol. 2. col. I. & ex RABENV ASCHER in eundem Tractat. fol. 69. col. 3. docuit. γ) Novam, eamque tantum non ridiculam, rationem discrepantiæ DRVSIVS L. I. Præterit. p. 44. & SCALIGER in Epist. ad BUXTORFIVM Lib. III. Epistol. 244. ex Inscriptione vetere, quæ ita habet: P. CORFIDIO. SIGNINO. POMARIO. A. PROSEVCHA. eruere satagunt, Judæos in Proseuchis suis poma vendere consuevisse, unde huic nomen Pomario hæserit. Sed funditus figmentum istud evertit CHRIST. BORNITIVS de Synagogis veter. Hebræorum, Dissert. III. §. XI. neque emtionem ac venditionem in Synagogis vel Proseuchis locum habuisse, ex MAIMONIDE docens, neque hanc Inscriptionem in Judæum, Romanis insignitum nomini-bus quadrare, liquido demonstrans. Idem visum fuit circa hanc Inscriptionem STEPH. LE MOYNE Var. Sacr. P. II. p. 75. licet ipse sub dio Proseuchas Judæorum eas quidem, quæ ante urbes frequentabantur, fuisse arbitretur. Demum δ) SAM. PETITVS Var. Lect. lib. II. cap. XI. p. 170 sq. causatur, Judæorum Proseuchas fuisse ἐν τόπῳ ὑπαίθρῳ. Supponunt hæc verba locum ex EPIPHANIO, qui diserte de Neapoleos Samaritanorum proseucha loquitur. At quantum inter utrosque intercesserit circa sacra discrimen, nemini non est obvium & perspectum. Præterea EPIPHANII verba, ἐν αἰεὶ καὶ αἰθρῳ τόπῳ, non tam loca aperta sub dio, sed in aperto notant, ita ut solitaria ruri essent, aliaque non contingerent ædificia. Hinc EPIPHANIO ἔξω τῆς πόλεως, ἐν τῇ πεδιάδι, & ἐν αἰεὶ καὶ αἰθρῳ τόπῳ paria faciunt. Et quid demum hæc omnia

ad Judæorum Synagogas, de quibus nullus est sermo? Hinc corruiT IACOBI GOTHOFREDI conjectura, quam Commentar. ad lib. XVI. Cod. Theodos. Tit. VIII. de Judæis, Cælicolis & Samaritanis Leg. XIX. p. 236. his verbis exponit: Scimus sane, Judæos aliquando militia cælesti aras erexisse & dedicasse, quos etiam Sophonias & passim Propheta ob hanc idololatriam reprehendunt, quod eorum Proseuchæ essent ἐν ὑπαίθρῳ αἰεὶ, seu preces funderent sub dio in aperto. vide EPIPHANIVM in Massaliana heresi, TERTVLLIANVM de pudicitia, cap. 16. cujus rei ratio repetenda ex I. Reg. II. vide & exemplum in Daniele cap. 6. Velut autem Judæos ex Babylonia reduces, cum idololatria majorum ante captivitatem, nihil habuisse commune, liquido constar, ita cælicolarum opprobrium, modo Judæis, modo Christianis, incerto æque indicio, ac immerito imputatum fuisse, erudite docet CHRIST. KORTHOLTVS in Pagano obrectatore, lib. II. cap. II. p. 273. ubi in cælicolas & Vranolatriam studiose inquirat. Sane si ob Proseuchas ἐν ὑπαίθρῳ αἰεὶ exstructas, idololatriæ rei fuissent Judæi, nunquam certe Paulus talem locum, ad sacra peragenda, cum comitibus frequentasset, & vel speciem saltem idololatriæ præbuisset, aut suspicioni locum dedisset. Sed ista sufficiant: cetera minoris sunt momenti. Hoc autem observasse operæ pretium existimo, eundem cum Proseuchis apud primos Christianos usum habuisse τὰ ὑπερῶα, cœnacula superiora Act. I. 13. ut auscultationi verbi & precibus ibi yacarent. Et in memorato quidem Lucaῖ ὑπερῶῳ suo tempore tradit CYRILLVS Hierosolym. Cateches. XVI. extitisse τὴν ἀνωτέραν τῶν Ἀποστόλων ἐκκλησίαν, superiorem Apostolorum Ecclesiam. Quin & illa sacris usibus apud Judæos destinata semper fuisse, perhibet IOH. PEARSONIVS lect. I. in Act. Ap. §. 7. Opp. Posth. p. 31. unde sapientes quoque suos בני עליי filios cœnaculi appellarint.

Ad §. XIV. pag. 45.

(16) Ad fores harum προσευχῶν confluxisse] Quia hic §. cum præc. XII. immediate coheret, S s dividia



dividiæ non fuerit, cum quoque §. XIII. præmittere. Sunt enim, qui Proseucham de tugurio interpretantur, ubi stipem efflagitabant mendici, & in hunc sensum citata ab Auctore verba IVVENALIS capiunt THOMAS FARNABIVS in suo *ad Juvenalem Commentario*, IANVS LAVRENBURGIVS in *Antiquario* p. 361. nec admodum repudiant conjecturam IOH. HOORNBECK *Miscell. lib. I. p. 288.* & CHRIST. BORNITIVS *Diss. III. de Synagoga vet. Hebr. §. XI.* Vtrumque autem vocis *προσευχῆς* significatum conciliare nititur ADR. TVRNEBVVS *Adversar. Lib. I. cap. XIX.* quod mendici fores, velut Templi, sic Proseucharum interdum occuparent, in eisque cubarent, unde Proseuches nomen in contemptum abiisse. In eandem fere sententiam abijt STEPH. LE MOYNE *Var. Sacr. P. II. p. 74 sq.* In conciliationem istam VITRINGA *lib. I. P. I. cap. 4. p. 119.* curatius inquirens, IVVENALIS forte verba eo trahi posse largitur, ita tamen, ut nunc viros doctissimos consentire fateatur, Proseucham Judæorum notare Oratorium. Pluribus de illa agens Vir doctus, p. 122. locum Luc. VI, 12. & p. 124. alterum illum Act. XVI, 13. cum cura excutit: quo remississe Lectorem, sufficiat. Nostri enim uterque non est instituti. Quin & in posteriorem sollicitè inquisivit BALTH. STOLBERGIVS *disput. de Proseuchis Judæorum*, Vitembergæ A. 1682. publice proposita, cui alteram junge WILH. ERN. TENZELII *disputat. de Proseuchis Samaritanorum*, ibidem, eod. anno, publici juris factam.

Ad §. XIII. pag. 44.

(17) *Stando, genua flectendo, sedendoque precari*] Circa gestus precantium, non una & constans inter Judæos obtinuit ratio. Stando precatos fuisse, recte observat Auctor, unde quoque עמידה statio pro precibus, in adagio allegato, & alias passim, usurpatur, & in Talm. Cod. *Beracoib fol. 26. col. I.* Abrahami exemplo probatur, de quo Gen. XIX, 27. legitur: *surrexit Abraham mane ad locum; ubi steterat coram*

Domino: ואין עמידה אלא תפלה stare autem nihil aliud significat; quam orare. Et præcipit LIGHTFOOTVS *Hor. Hebr. in Matth. VI, 5. T. II. Opp. fol. 298.* ex MAIMONIDE hæc observat requisita: 1) ut stet orans, 2) ut faciem Hierosolymam versus convertat, 3) ut caput operiat, 4) ut oculos figat deorsum. Hinc R. MOSES MIKKOTZI in *libro præcept. magno, Hilc. Tephilla, fol. 100. col. 3.* ex effato R. IOSE requirit: העומד בתפלה נותן עיניו מלמטה כאילו מביט לארץ ויהיה לבו פגנו מלמעלה כאילו הוא עומד בשמים כענין שנאמר נשא לבבנו את כפים אל בשמים ואומר שויתי ה' לנגדי: תמיד Qui stat in oratione, demittet oculos suos deorsum, ut qui intuetur terram: cor autem ejus conversum sit sursum, tanquam consisteret in celo, q. d. Attollamus corda nostra cum manibus ad Deum in celo. (Thren. III, 41.) & rursus: propono Dominum mihi assidue, (Psal. XVI, 8.) Idque quia ibidem inter requisita orantis ponitur, ואין עמידה stare in tremore & timore. Porro MAIMONIDES in *Hilc. Tephilla cap. V. num. 3.* ita præcipit: Qui constitutus est extra terram Israelis, convertat faciem suam versus eam, sicubi orat. Qui degit in ea, dirigat faciem Hierosolymam versus. Qui Hierosolyma est, versus templum. Qui in templo, versus Sanctum Sanctorum. Ritus illum servasse quoque DANIELEM, constat ex cap. VI, 10. Sed & quomodo manus pedesque in statione ista componere debeant precantes, præcipere neglexerunt. R. MOSE MIKKOTZI cit. loc. Qui orat, debet disponere pedes suos unum juxta alterum, instar Angelorum, q. d. & pedes eorum pes rectus (Ezech. I, 7.) Sensus simplicissimus est: duo pedes videntur unicus esse. Et hoc moris est, ut reponat manus suas super cor, unam penes alteram. Porro MAIMONIDES c. l. cap. V. num. 5. Ne quis oret cum pera, ולא כראש מגולה neque capite relecto, neque nudis pedibus, si nempe mos popularium illius loci sit, ut non stent coram magnatibus, nisi pedes calceati.

Humiliationis religiosæ in precibus triplex erat apud Judæos ritus: קרדה Kidda, inclinatio capitis

capitis & humerorum, הכריעה incurvatio ad genua; quæ erat quasi geminatio seu duplicatio corporis, denique השתחוה prostratio toto corpore facta, cum expansione manuum & pedum. Atque huc referunt verba Davidis Psal. XCV, 6. *venite נשתחוה ונכרעה בכריעה prostratione adoremus, & incurvemur nos: genua flectemus coram Deo creatore nostro*: ubi, omissa Kidda, quartus venerationis religiosæ ritus additur, cuius nomen, *geniculatio*, obviam mihi factum non est, verbum autem demissam genuum flexionem notat. Judæi namque Templum ingressi, in bene mundato pavimento, ex quo nulla vestium inquinatio erat metuenda, prostrati, expansis manibus in terra adorabant versus Sanctum Sanctorum, deinde stantes orabant, & tandem ultimo devotionis actu, ad genua se flectebant, aspiciendo semper ad Sanctuarium, & mox retrorsum cedendo exhibant, & deinde lateraliter, facie interim in Sanctuarium intenta: posteriora enim illuc obvertere nefas erat. Conf. Talm. Cod. *Schebbuoth fol. 16. col. 2.* & Cod. *Megilla fol. 22. col. 2.* Loco prostrationis in ingressu sæpe adhibebatur tantum הכריעה incurvatio ad genua: prostrationi autem præmittebatur קרה inclinatio capitis & humerorum, unde sæpe legitur ויקר וישתחוה ליהוה & inclinavit caput, & prostravit se Deo. Nam quamvis Kidda erat levior capitis inclinatio, & a profundiori reverentia remōtior, aliquando tamen ea profundior illam reverentiam immediate præcedebat, & ad illam ferme extendebatur, ut Exod. XXXIV, 8. Ast in prima templi dedicatione a propiori הכריעה in proximam profundiorē reverentiam descendebatur, in totam longitudinem procidendo, 2 Chron. VII, 3. & incurvarunt se faciebus in terram super pavimento, & adorando prostrarunt se, i. e. ad medium corporis incurvarunt se, & deinde super pavimento lapideo Templi se prostrarunt adorando, ita ut quasi duplex esset actus, sed quasi junctim præstitus, ut scite exponit vir eruditissimus THOMAS HYDE in *Hist. religionis veterum Persarum cap. I. pag. 8.* In incurvatione illa primum ad

latus sinistrum corpus deprimebant, postea ad dextrum: inde rursus caput, & sese elevantes. Ritus hunc nuncupabant תן שלום dare pacem. Vbi autem quinta vice כריע peregerant, movebant sinistrum pedem, dextro sequente, & sic tres passus retrocedebant, ita locus fiebat השתחוה seu prostrationi, a qua ipsa etiam oratio ita fusa, nomen sortita, נפילה prostratio dicebatur. Vide MAIMONID. cit. loc. num. IO, II. Distinctionem inter Kidda & Hischebachavaah fuse quoque exponit AINSWORTH *Comment. in Exod. IV, 31.* Huc spectat inter decem templi miracula relatum, quod in *Pirke Abboth cap. V. num. 5.* concise memoratur: עומרים צופים ומשתחווים רוחים stabant coarctati, & adorabant dilatati. Nimirum, quando in diebus festis solennioribus, maxime in die Expiationis, universa confluebat Israelis multitudo, in capacissimo Templi Atrio tanto numero aderant, ut stantes se mutuo comprimerent, quando autem in terram prosternebantur, peccatorum confessionem recitaturi, tantum omnibus & singulis suppetebat spacium, ut alter ab altero quatuor cubitis distaret, ne quis alterius confessionem intelligeret. Idem in Cod. *Joma* quoque traditur. Ceterum præcipua & perquam ambigua, circa השתחוויה adorationem-prostrationis controversia hæret. Quia enim, eodem fere ritu externo, hæc veneratio principibus, aliisque in dignitate constitutis deferebatur hominibus, ut Gen. XLII, 6. 2 Reg. IV, 37. distinctionem quidem inde, inter adorationem divinam & civilem intellexerunt, in quo autem illa momento sit sita, aut quo indicio externo una ab altera discerniretur, in dubio est, cum idem utrobique vocabulum legatur, idem corporis situs conspiciatur. Aliqui Judæorum omnem in mente adorantis tantum sitam fuisse existimant distinctionem: verum ita spectatoribus adhuc dubium hæssisset. Attamen R. SALOMO IARCHI *Comment. ad Lev. XXVI, 1.* ita glossatur: כפשוט ידים ורגלים היא ואסרה התורה לעשות כך חוץ מן המקדש: Prostratio religiosa fit cum expansione manuum & pedum: unde



*prohibet lex sic facere extra Sanctuarium seu Templum.* Judæi mentem ejus ita exponunt, prohiberi solum ejusmodi prostrationem, coram *אבן משכה lapide effigiato*, & picto, sive deaurato, nisi in Templo, in quo erant tales lapides cælati & cæsi, ubi & Cherubim; & tamen prostratio adhibebatur coram illis, non ad illos: nam in Templo non erat merus idololatriæ, ut in aliis locis. Verum hoc pacto scrupulus non evellitur, quia promiscue ubivis locorum homines quoque prostratione venerabantur. Mihi ergo, si recte capio *יִרְכָּא*, distinctio in eo videtur fuisse sita, quod religiosa adoratio cum *פְּשֻׁט-יְרִים וְרַגְלִים expansio manuum pedumque* esset conjuncta, civilis ea destitueretur. Confer denuo THOMAM HYDE *c. l. 6 sqq.* ubi tamen nihil certi definit.

In genua procubuisse adoratuos, quod paulo ante tetigimus, frequentissimis Scripturæ testimoniis & exemplis confirmatur, Salomonis 2 Chron. VI, 13. 1 Reg. VIII, 54. Esdræ c. IX, 5. Danielis c. VI, 10. Pauli Eph. III, 14. & de cultu, Messiae vero Deo, exhibendo legitur Ps. XXII, 30. Jes. XLV, 23. coll. Rom. XIV, 11. Phil. II, 10. quin & de cultu idololatriæ Jes. XLIV, 15 sqq. XLVI, 6. De sessione autem inter precandum, vix suppetit exemplum, præter Davidis ab Autore allatum, de quo multi adhuc dubitant Interpretes, illudque *יָשָׁב* permanendi, perseverandique sensu, Davidem mansisse coram Jehova, notare malunt cum *SERARIO & SANCTIO*. Judæi apud R. DAV. KIMCHIVM in 2 Sam. VII, 18. contra sessionem Davidis dubium movent, ab Angelorum exemplo, qui stantes Deum celebrasse leguntur. SEB. SCHMIDIVS peculiari quaestione hanc phrasin excutiens, *Comment. in b. l. p. 350 sq.* in propria sedendi notione acquiescit, sedentemque coram Deo Davidem orasse, & cum eo quasi collocutum fuisse, eo lubentius concludit, quod & idem sedendi verbum 1 Chron. XVII. de ipso repetitur, & Moses orasse sedens super lapide in monte Exod. XVII, 22. perhibetur: morem tamen in precibus hic connotari existimat. Moses sessionem admittit R. SALOMO *ad loc. cit.*

miratus saltem, quod non super culcitram ac pulvinar, sed super lapidem confederit: dixisse autem eum: Israelitæ constituti sunt in angustiis, hinc & ego cum ipsis ero in angustiis. Et de genuflexione orantium, etiam apud Gentiles usu recepta, conferri meretur *SANCTIVS Comment. in III. Reg. c. VIII. v. 54. not. 57. f. 1095 sq.* In genere autem de precantium gestibus ex instituto egit IOH. SAVBERTVS cap. III. dissertat. *de ritu precandi veterum Hebræorum*, quæ in *Palæstra Theol. Philol. p. 89 sqq.* exhibetur. Quicquid autem ex omni antiquitate gentili huc facere videtur, studiose congestit MATTHÆVS BROVERIVS DE NIEDEK JCTUS, *de populorum veterum ac recentiorum adorationibus*, Amstelædami in 8. anno 1713.

Ad §. XIII. pag. 44.

(18) *Notat prædicationem, non precationem*] Conciones in sacris publicis, apud Judæos, ad populum habitas, & exempla Scripturæ testantur, Nehem. VIII, 4, 8. Luc. IV, 23. Matth. XXVI, 5. Act. XIII, 5. XV, 21. &c. ut Prophetas taceam, toties a Deo concionari iustos Jes. XL, 1, 2, 6. LVIII, 1. &c. & doctorum Judæicorum libri, ex *רִישוֹת homiliis* publice in Synagoga recitatis, constati. Totum hoc argumentum occupavit VITRINGA, & tantum non exhaustit, ut quicquid huc spectat, haurire inde liceat, *lib. III. de Synag. Vet. P. I. Cap. V. p. 669.* de concionum Synagogicarum indole & natura, ex nominibus illarum *רִישוֹת / אֲנָרוֹת / & כִּבּוּשִׁים* æstimanda; de earum circumstantiis, loco, tempore, & occasionibus, *cap. VI. p. 685.* de personis, quibus vel debitum, vel concessum fuit, concionari *cap. VII. p. 695.* denique de adoptione hujus ritus in Ecclesia Christiana *cap. VIII. p. 712.* magno cum eruditionis apparatu agens. B. patruus meus, IOH. BENED. CARPZOVIVS *Introduct. in Theolog. Judaicam*, præmissæ RAYMONDI MARTINI pugioni fidei, *cap. X. §. 9. p. 81.* de Homiletica Judæorum Theologia pariter tractat, & apparatus huc conquiri observat

observat ex omni Theologiæ genere, ne Kabbalisticis quidem mysteriis exceptis, quibus exorinare soleant homilias illi, qui captata populari aura laudem profundioris doctrinæ aucupantur. Potissimum vero e mythica Theologia mutuo materiam dicendi arripere tradit רשנים *concionatores*, quod non valere conciones existiment, nisi Talmudicis fabulis & portentosis narrationibus sint refertæ. Quem morem ne sanioribus quidem Judæis probari, R. MOSIS MAIMONIDIS testimonio confirmat.

Ad §. XV. pag. 45.

(19) *Triplex Amen ab eo, sed male, usurpari*] De triplici hoc Amen vitioso, Judæorum effatum, ex Cod. Talm. Beracoth fol. 47. col. 1. repetit BVXTORF. Lex. Targ. h. v. col. 115. **אמן חטופה** Amen acceleratum est, quod accelerate & festinanter effertur, quasi cum A brevissimo, & accentu in ultima: vel quod ante absolutam orationem præmature respondetur: **אמן קטופה** Amen amputatum, a quo ultima littera Nun in pronunciatione quasi succisa & amputata est, ac si diceretur Ame. **אמן ישומר** Amen pupillare, sive orbum, quod præcedente benedictione, ceu patre, caret, quando scilicet quis inconsiderate & animo aberrante respondet Amen, non ad præviam Sacerdotis benedictionem vel orationem, sed ad murmura populi. Nec impune laturos, qui vitium hic fecerint, veteres Hebræi hac c. l. addita gnome confirmant: **כל העונה אמן יתומה יהיו לו בנים יתומים / חטופה יתחטפו ימיו / קטופה יתקטפו ימיו / כל המאריך באמן יאריכון לו ימיו ושנותיו: quicunque respondet Amen pupillare, ejus liberi erunt pupilli: acceleratum, accelerabuntur vel celeriter transibunt dies ejus: qui vero prolongat sive diu moratur in pronunciatione Amen, prolongabuntur dies ejus & anni ejus.** Non nimium tamen morari debebat populus in productione Amen, id enim pro superstitioso errore reputatum fuit. Vnde in cit. Tract. Beracoth fol. 57. col. 1. pronunciant: **כל העונה אמן יותר מראי**

**אינו אלה טועה** quicunque respondet Amen magis, quam satis est, id nil nisi error est. Contra vero, quicunque & firma mentis fiducia, & vocis contentione, Amen dicit, magnam consequitur mercedem, ut est in libro Musar cap. IV. fol. 42. **כל העונה אמן בכל כחו פותחין לו שערין** quicunque dicit Amen omnibus viribus suis, ei aperiuntur Portæ paradisi: sicut scriptum est: & ingredietur gens iusta שומר שומר אמונים h. e. qui dicunt Amen omnibus viribus suis, omni intentione & devotione, Jef. XXVI, 2. Ceterum post BVXTORFIVM, LIGHTFOOTVS quoque Hor. Hebr. ad Matth. VI, 13. Tom. II. Opp. p. 302. & SHERINGHAMVS Not. ad Tract. Joma cap. III. §. 8. p. 63. ex Mass. Joma c. 1. & ex Gemara Hierosol. Tr. Beracoth fol. 13. col. 3. observant, non responsum fuisse Amen in domo Sanctuarii, sed post recitatam confessionem Sacerdotis, in festo Expiationis, tum quoque post alias precum formulas, והן עונן אחריו ברוך שם כבוד מלכותו respondebant illi: **בenedictum sit nomen gloria regni ejus**: idque, quia Sacerdos Summus nomen Dei τετραγεγαυματων suismet literis protulerat. Constituisse autem Mosen, ut cum ipse sacrum Dei nomen recenseret, populus benediceret: quod R. SALOM. IARCHI ad Deut. XXXII, 3. ita probat: **כשאקרא ואזכיר שם יי אתם הבן גדל לאלהינו וברכו שמו מכאן שעונין ברוך שם כבוד מלכותו אחר ברכו שבמקדש** Cum ego protulero nomen Domini, vos magnificate Dominum, & benedicite nomen ejus, atque hinc est, ut post pronunciatum Dei nomen respondeant: **Benedictum sit nomen gloriosum regni ejus, post benedictionem in Sanctuario**: Doxologiæ autem huic pro more addiderunt: **עולם ועד** in seculum & in aternitatem. Inde concludit LIGHTFOOTVS: Prout Amen non omnino publicis precibus in Templo responderunt, ita raro etiam subjunxerunt precibus privatis. In Synagoga quidem a populo responsum est Amen, ad preces fusas a Ministro; itemque domi, patrifamilias benedicienti aut oranti: at rarius, aut nunquam quidem, privatim quis orans, hoc suis precibus subjunxit:



quod tamen nondum satis video probatum; cum vel maxime postremis temporibus usu esset receptum, ut ad preces alterius cœtus responderet Amen, per 1 Cor. XIV, 16. Sed nec Paulum a ritu patrio & Judaico multum recessisse arbitror, quando suasmets preces vel *δοξολογίας*, voce Amen obsignavit Rom. IX, 5. XI, 36. XV, 33. XVI, 27. 2 Cor. XIII, 13. Gal. I, 5. VI, 18. 1 Tim. VI, 16. &c. De legitimo autem Amen pronuntiandi modo, lege cautelas Magistrorum apud VITRINGAM lib. III. P. II. cap. 18. p. 1093 sqq. Plura qui de voce Amen, ejusque usu & significatione cupit, adeat GOMARVM Opp. Tom. II. pag. 83. & 127. IAC. ALTINGIUM in Jerem. XXVIII, 6. T. I. Opp. p. 828. b. DILHERR. Elect.

p. 288 sqq. & omnino LAMPE in Johan. I, 52. Tom. I. Comm. p. 490 sqq. SVICERVM Observ. Sacr. cap. XI. p. 291 sqq. HEIDEGGERVM Dissert. Tom. I. Diff. XVII. §. 32. & quos larga manu exhibet ACOLUTHVS de Aquis amaris Cap. III. p. 298 sq. Num vero iuramentum præstet hoc vocabulum, varie disquisiverunt viri docti, & contra negantem FULLERVM lib. I. Miscell. Sacr. cap. 2. asseruerunt WAGENSEILIUS in Sota p. 379. EL. VEIELIUS peculiari dissertatione, & novissime IVSTVS CHRISTOPH. DITMARVS Annotat. ad Maimonidis Hilcoth Schevuoth cap. II. p. 53. E nostris, post GLASSIUM, confer PFEIFFER. in Quinquagena locor. Hebraicor. & Exoticor. Nov. Test. Loco XLIII.

AD

## LIB. II. CAPVT III.

## DE PORTIS HIEROSOLYMAE.

Ad §. I. pag. 45.

*Portæ in circuitu Hierosolymæ novem fuere*]

Has non eodem omnibus sive ordine, sive situ & loco, sive nomine recenser, nemo mirabitur, qui illas pro iterata Urbis hinc destructione, hinc reparatione, varias subire potuisse vires, secum perpenderit. Apud Nehemiam Capp. III. & XII, vel novem, vel undecim in toto ambitu numerantur. I) *פֶּתַח הַצֶּמֶר* Porta ovium, seu gregis, τοῖς LXX προβατικὴ dicta, quia prope adjacebat pecorum forum, vel in usum sacrificantium, juxta SPANHEMIUM, vel potius in domesticum & communem usum, juxta HOTTINGERVM, cum, quæ sacrificiis destinarentur pecora, in montem Templi adducebantur Matth. XXI, 12. Joh. II, 15. Circa situm non convenit inter Auctores. SPANHEMIUS in Topograph. Hierosol. Opp. Tom. I. p. 50. ad Ortum locat; LIGHTFOOTVS Harmon. IV. Evangel. ad Joh. V, 2. Tom. I. Opp. p. 531. versus Meri-

diem; HOTTINGERVS nepos Not. ad hunc locum Auct. p. 394. ad Occasum, & ea quidem parte, quæ meridiei propinqua. Hunc enim situm ordo Portarum nominatarum poscere videtur Neb. III, 12. Hanc SPANHEMIUS eandem censet cum Porta, quam Gemath horti vel hortorum IOSEPHVS lib. VII. αλώσ. cap. 6. dixit; HOTTINGERVS vero eam, quam idem lib. VI. cap. 6. Portam Ἐσσηνῶν, non sane Essenorū, sed ipsam Portam *פֶּתַח*, vocat. FRANCISCVS MONCAEIVS, paulo post citandus, hanc fuisse existimat, de qua Jerem. cap. XVII, 19 tradit, Portam filiorum populi audivisse, per quam ingrediuntur Reges Judæ & egrediuntur. Destinatum quippe fuisse solenni fere Regum Judæ in urbem ingressui, sive inaugurationis in regnum, sive nuptiarum, sive victoriæ, sive qua alia publicæ festivitatis causa instituto. Quo scilicet modo Francorum Regibus primum initiatis, etiamnum usitatum quoque sit, per Dionysiacam Portam Parisiis ingredi, per eandemque, cum mortui sunt, efferri. Hinc

Hinc porro colligit, Christum, omnium Regum Judæ maximum, eadem illa porta, palmarum triumphali pompa, magnaue populi, festis eum acclamationibus excipientis celebritate, in Urbem inductum fuisse, Matth. XXI. Hinc ad eandem, & Davidem digitum intendere, Psal. XXIV, 7, 9. & Zachariam vatem cap. IX, 9. Et ne temere se hoc amplecti videatur: *Cur id credam, addit, facit, quod Christum ex Evangelistis didicerim, ab Jericho, quæ urbi Jerusalem Orientalis erat, profectum venisse Bethaniam, mox Bethphagem prætergressum, per montem oliveti, in urbem solenni illa pompa intronissum fuisse. Quod per eam Portam omnino factum oportuit, quæ Orientem versus, atque ideo ad urbem Jericho, iter haberet.* Probaticam autem Portam paulo ante ita collocaverat, ut a meridie propius ad Orientem vergeret. Hanc porro Portam Gregis vere totius urbis augustissimam & principalem fuisse, auguratur p. 98. b. ex illo, quod in urbis instauratione per Nehemiam, cum ceteræ urbis Portæ, aliis atque aliis restituendæ & ædificandæ cesserint, hanc Magnus Pontifex Eliasib, solam sibi, suisque fratribus, Sacerdotibus peculiariter instaurandam receperit: quodque sola omnium, ab Summo illo Pontifice & Sacerdotibus sanctificata fuerit Neh. III, 1. Quæ pro ingenii fecunditate ulterius ornat MONCÆIVS: evicta enim non dedit. II.) שַׁעַר הַמִּזְרֵה *Porta Orientalis* Nehem. III, 29. dicta quoque *Aurea*: quam tamen SPANHEMIVS Templi Portam verius fuisse largitur, quæ in porticum Orientalem, hinc in atrium Israelis, ab Oriente duxit. De qua ad §. sequ. dicendi erit locus. III.) שַׁעַר הַמַּיִם *Porta aquarum*, a Porta fontis distinguenda Neh. III, 13, 26. XII, 37. ducens ab ortu Regiæ Salomonice ad stagnum Salomonis, & Rogel, priori australior. Hinc aqua in Templum ducebatur. LIGHTFOOTVS vero in *Disquisitione Chorograph. Johanni præmissa, cap. V. §. 5. Opp. Tom. II. p. 590.* dictam mavult, quod aquæ ex Templo superflua, descendentes in vallem interjacentem inter Templum & Hierosolimam, per istam sese Portam evacuarint & effluerint.

Hanc nonnulli cum Porta Siloë faciunt eandem. IV.) שַׁעַר הַסּוּסִים *Porta equorum*, Neh. III, 28. & sæpe alias, plerisque ad Orientem Regiæ & Templi collocatur, ducens ad Cedron & aquas, media inter duas superiores; aliis, sed male, ad Septentrionem, cum Orientem versus locet Jeremias cap. XXXI, 40. Nomen sortita vel a propinquo equorum foro, vel, quod mavult SPANHEMIVS, quod regios equos hac aquatum ducerent in torrentem Cedron. V.) שַׁעַר הַדִּשְׁנָה *Porta piscium* Neh. III, 3. Diversimode iterum locatur: aliis ad Septentrionem, inter Portam Beniamini & Veterem, prope forum piscarium; aliis vero bene multis, & per 2 Chron. XXXIII, 14. potiori jure, ad Occasum in civitate Davidis, qua parte murum instauravit Manasses. *Et pisces copiosi commodius ex mari magno, ab Occasu, quam ex remotiore lacu Galilee inferebantur*, inquit SPANHEMIVS, qui in genuinum ejus situm sollicite inquirat. VI.) שַׁעַר הַיְשָׁנָה *Porta vetus*, quæ antiquissimis diebus exstructa, & a Babyloniiis non omnino diruta fuerat Neh. III, 6. Inter Occasum & Septentrionem sita, Cæsaream, Tyrum, & Sidonem duxit, unde etiam inter Portam piscium & illam Ephraimi collocatur Neh. XII, 39. quæ posterior ad Septentrionem. Eadem Adrichomio, quæ *Porta Judicii*, ducens ad Golgotham, seu Calvariæ locum, unde per eandem ad crucis supplicium eductus Salvator Matth. XXVII, 31 sqq. *Porta Jebustitarum* quoque vocatur. VII.) שַׁעַר הַגִּבְיָה *Porta vallis*, Neh. III, 13. HOTTINGERO ad Ortum sita videtur, SPANHEMIO contra in Occidentali Acræ parte, seu ducens ad profundam vallem inter Urbem & Golgotham; seu proxima valli, quæ Urbem utramque discrevit; seu verius, ad vallem Raphaim, quæ ab hac parte fuit. VIII.) שַׁעַר הָאֲשָׁפוֹת *Porta sterquilini* c. I. 14. Hæc denovo HOTTINGERO Orientalis videtur, quia ad Ortum vallis Hinnom erat, in quam sordes exportabantur ex Urbe; SPANHEMIO ad Occasum spectans, quia media inter Portam vallis, & Portam fontis, Neh. II, 13, 14. III, 13, 14, 15. Atque hanc eandem facit Vir summus cum Porta Esseno-



Essenorum, cujus supra ex IOSEPHO meminimus; quæ ab occidua primi muri parte erat. IX.) שַׁעַר הַעַיִן *Porta fontis*, itidem ad Occasum, procedendo scil. ad Austrum; qua parte fons Gihonis erat, & aquæductus regii, ut diserte legitur 2 Chron. XXXIII, 14. X.) שַׁעַר הַפֶּנֶת *Porta anguli*, sæpe in historia Sacra citata, 400 cubitis distabat a porta Ephraimi, qua parte Joas Israelis ruinam fecerat 2 Reg. XIV, 13. 2 Chron. XXV, 23. XI.) שַׁעַר אֶפְרַיִם *Porta Ephraimi*, haud longe a turri Psephina, ad Boream, ducens in regionem Ephraim, urbi aquilonarem. Neh. VIII. & XII. & in libb. Regum & Chronicorum. XII.) שַׁעַר בְּנִימִן *Porta Benjamin*, sita ad angulum inter Ortum, & Septentrionem. Duxit ad sylvas Benjamin, unde ligna inferebantur, & in regionem ipsam, urbi partim ad Ortum, partim ad Septentrionem. *Inferior* quandoque appellata, ne confunderetur cum שַׁעַר בְּנִימִן הָעֶלְיוֹן *Porta Benjamin altiore* Jerem. XX, 2. quæ SPANHEMIO una ex Portis Templi fuisse videtur. Præter has memorantur in Scripturis aliæ, Porta nempe *Mandati*, vel *Visitationis*; Porta *Carceris*, Porta *ferrea*, Porta *pluvie*, Porta *ficilis*, Jerem. XIX, 11. De his in genere SPANHEMIVS: *Portæ Orientales ducebant ad montem olivarum, ad Jordanem, ad mare mortuum, & Hierichuntem. Ita Australes in Judeam Australem, Idumeam, Aegyptum: Occidentales in regionem maritimam: Septentrionales in Samaritida; hinc in Galileam, Syriam Damascenam &c.*

Ad §. I. pag. 45.

(1) *Natatoria Bethesda*] In etymologiam nominis Bethesdæ curiose inquisivit LAMPE *Comment. in b. l.* variasque in Notis aliorum in medium protulit sententias. Ipse, cum Syro, *Beth-Cbesda*, sive בֵּית חֶסֶד *locum misericordie* dictam fuisse censet; cui tamen HOTTINGER. *in b. l.* Auctor. illam præfert, quæ hoc nomen idem esse ac בֵּית שֵׂהָנָה *locum ovium*; tradit. Sane, si prior obtineat vocis origo, ætatem ultra

cepti miraculi initia ferre non potuit, ut admodum recens tunc temporis fuerit. Præterea oves maclandas in hac κολυμβήθρα lotas fuisse, quod Auctor existimat, prolixè negat LIGHTFOOTVS *Hor. Hebr. ad b. l.* qui nihil tale circa bestias immolandas observatum, unquam se legisse apud Hebræos meminit, quin homines potius immundos in Bethesda lavari solitos credit, ut per ablutionem purificarentur. Hinc quinque Porticus, tot fuisse ait introitus, per quos immundi descendebant in aquas, & in quibus ante ablutionem vestes deponebant, & post resumebant, ut semper protecti essent a pluviis. Et forsan in tot introitus & descensus distributi sunt immundi, pro diversitate immunditiarum, ut eadem immunditia polluti, in eandem Porticum convenirent. Idem porro LIGHTFOOTVS in *Harmonia IV. Evangel. P. III. Tom. I. Opp. p. 532.* hanc piscinam cum eandem esse putat cum piscina Salomonis, IOSEPHO memorata, tum aquam hausisse ex fonte Siloam. Hunc etenim ad meridionalem Urbis plagam situm, duabus piscinis aquam suppeditasse, quarum altera sita fuerit ad Occidentalem Sionis plagam, dicta Siloam; altera ad Occidentalem urbis Hierosolymitanæ plagam, dicta a fundatore Salomonis, & nunc a miraculo Bethesda. De miraculo, ægrotis ibidem præstito, vir doctissimus utrobique fusius disserit, qui evolvetur; junctis iis, quos & in Biblioth. Bremensi *Class. VII. pag. 83.* HASAEVS, & laudatus supra LAMPIVS ad b. l. citavit. Hodiernam hujus lacus faciem IOH. COTOVICVS *Itiner. Hierosolym. & Syriac. p. 258.* ita describit: *Est quadrata oblonga, ex lapidibus quadratis, aqua fere mensura concisis & politis, constructa, profundissima quidem, & tot ædificiis circumsepta, ut conspici nequaquam possit, præterquam ab ea parte, qua Orientem spectat, ubi per murum altum pedes quinque, & fundum, & situm omnem, facile intuearis. Aquis hodie caret, estque partim sterquilinum, & immunditiarum receptaculum, partim cucurbitis, & oleribus culta, viridarii loco habetur: cujus longitudo CL. plus minus passus, latitudo triginta continet. Et quin-*  
que

que porticibus, olim apertis, & multitudine languentium, qui sanitatis causa expectabant aquae motum, continuo refertis, duae tantum hodie ab Occidente patent, reliquis ad Aquilonem obturatis, ædibusque plurimis desuper constructis. Conspirat cum eo HENR. MAVNDRELLI delineatio in Itinerario Hierosol. edit. Gallicæ p. 181. data, nisi quod tres adhuc ostendi porticus a latere Occidentali superstitēs memoret, ipsamque piscinam, hodie siccam, ex altero latere portæ S. Stephani, ex altero aræ Templi contiguam tradat.

Ad §. II. pag. 45.

(3) *Quod attinet Portas Templi*] Has ordine exponit LIGHTFOOTVS in *Descript. Templi Hierosol. cap. 2 sqq. Tom. I. Opp. p. 556.* ex quo hæc dare operæ pretium fuerit. I.) *Porta Orientalis*, supra quam picta erat urbs Shushan, regia sedes monarchiæ Persicæ, unde porta ipsa nomen trahebat, שַׁשָּׁן dicta. Super hanc confessus erat viginti triumviralis. Vocatur eadem *Porta Regis* 1 Chron. IX, 18. quia rex Salomo eam ædificaverat, ut & murum, qui in eo latere erat, immenso quidem labore & sumptu, constructo fundamento immanibus lapidibus, ex ima parte profundissimæ vallis, quæ monti subjacebat. Et per hanc portam Christum & discipulos ejus e Templo egressos statuit LIGHTFOOTVS, sedisse in monte Oliveti e regione hujus portæ, & prospexisse magnificam Templi structuram, Christumque ex ea occasione de ejus ruina disseruisse Matth. XXIV, 1 sqq. Sacerdos vaccam rufam mactans in monte Oliveti, directe ante Templum, cum sanguinem spargeret, hanc portam intuebatur. Hinc, ne prospectum ejus versus Sanctum Sanctorum impediret, non eadem, cum reliquis portis Templi, altitudine eminebat, sed quatuor cubitis depressior erat. Confer *Disquisit. Chorograph. Johanni præmissam, cap. VI. §. III. Tom. II. Opp. p. 591.* II.) שַׁעֲרֵי הוֹלָה *Porta Hulda* binæ in latere Templi meridionali, quod respiciebat Hierosolymam, ita erant sitæ, ut a se invicem & utrinque a duobus angulis

muri ex æquo distarent, Orientali nempe & Occidentali. Nominis ambigua est & obscura origo, utrum ab הוֹלָה / quod *mustelam* notat, vel ex שַׁעֲרֵי הוֹלָה hoc est commune solum, vel ex Prophetide Hulda dicatur, cujus tanta fuit apud Judæos dignatio, ut dicant, neminem unquam seu virum, seu feminam, sepultum fuisse intra mœnia Hierosolymæ (si excipias domum David) præter hanc solam. III.) *Porta Schallecheth* 1 Chron. XXVI, 16. fuisse perhibetur prope viam ascendentem; quæ ascensio est celebris illa Salomonis, ad Templum venientis 1 Reg. X, 5. 2 Chron. IX, 4. Dicebatur *Porta egestionis*, propter viam, quæ ex lata & profunda valle aggesta fuerat ad Regis palatium: erat enim hæc ordinaria Regis ad Templum via. Tempore autem Herodis vocabatur שַׁעֲרֵי קוֹפּוֹנִי *Porta Coponii*, a Coponio Præfide Romano, qui Magister Equitum, una cum Cyrenio, ab Augusto missus fuit, ut cum illo præesset Judææ. De via autem, a Regia ad Templum per hanc portam ducente, narrant Magistri, quercubus & tilis utrinque constam fuisse, ut & sustentarent aggestam humum viæ, ne deflueret, & umbram atque amœnum Regi ambulacrum præstarent. Huc trahunt verba Jes. VI, 13. *erit decimatio, & redibit, & comedetur, ut tilia vel ut quercus prope Schallecheth*, i. e. ut ordines arborum, ad latera aggestæ hujus viæ. IV.) *Porta Parbar* פַּרְבַּר 1 Chron. XXVI, 18. ad Occidentem sita, & portæ Schallecheth vicina. Nomen vel כַּלְפֵי בַר *exteriorem plateam* notat, ut multi volunt Judæi, vel idem ac פַּרְוֹר *suburbium* 2 Reg. XXIII, 11. quia ducebat εἰς τὸ πρὸς ἄστυον, ut habet IOSEPHVS. Hanc autem designari urbis partem censet LIGHTFOOTVS, quæ vocatur Millo, eratque vallis ad Occidentem montis Morijah, in qua Hierosolyma & Sion concurrebant, & quæ completa fuit ædificiis a Davide & Salomone 2 Sam. V, 9. 1 Reg. XI, 27. & pars habita suburbiorum Sionis, distincta per murum a Sione, quamvis pars Sionis, & ad eandem pertinens. V.) *Porta Thedi* שַׁעֲרֵי תְּדִי, vel *Thadde*, in medio muro Septentrionali una, æque distans ab Orientali angulo,



angulo, & ab Occidentali. Rationem nominis geminam reddit LIGHTFOOTVS. Habet significationem הצנע obscuritatis, aut pudoris, & vel eo refertur, quod Sacerdotes, qui gonorrhœam noctu passi fuerant, illuc exibant ad balneum, non sine pudore & dejectione vultus: vel ad Actores & Poetas, quando dicitur: טיירי ופיוטי רגילי ברו קמי ריש גלותא *Tragedi & Poetæ utebantur ea ante initium captivitatis.* Duæ erant notæ, quibus hæc a ceteris omnibus porta distinguebatur, 1. quod superiora ejus ornamenta & conclavia non æque pulchra essent, ac reliquis, sed tantum supra illam murus emineret, murique pinnæ: 2. quod non esset ordinarius & communis omnibus transitus, sed quibusdam in casibus tantum. Atque hæc sunt quinque illæ Portæ muri exterioris Templi, de quibus Mischna Tract. Middoth cap. I. §. 3. חמשה שערים היו להר הבית שני שערי חולדה מן הדרום משמשין כניסה ויציאה קיפונוס מן המערב משמש כניסה ויציאה טרי מן הצפון לא היה משמש כלום שער המזרחי שבו רואה כהן גדול שורף את הפרת *Quinque erant in Templi ambitu Portæ: duabus nomen Chulde, quas ab Austro ad ingrediendi egrediendique usum statuerant: porta autem Kiponos, ab Occidente sita, eodem spectabat: porta vero Teri (LIGHTFOOT Thedi) ab Aquilone nulli erat usui; porta denique Orientalis, per quam intuebatur Sacerdos, dum combureret vaccam.* Porro, murus interior septem continebat portas, ut ibidem §. 4. Mischna exponit: Septem erant Porta in atrio magno: tres ad Aquilonem; tres ad Austrum, una in Oriente. Ad Austrum erat שער הרלק porta ardoris; huic succedebat שער הקרבן porta oblationis; tertia ordine erat שער המים porta aquarum. In Oriente erat שער נקנור porta Nicanor; quæ duo habebat conclavia: unum a dextra, alterum a sinistra: unum erat conclave Pinchasi vestiarii, alterum conclave טֹרַת צִנְוִיָּוִי, sive Crustulario destinatum. §. 5. Ad Septentrionem erat שער הנציץ porta prominentiæ, forma pergula cujusdam, supra quam edificatum erat cenaculum, ita ut Sacerdotes superiori loco excubias

agerent, Levita vero inferiori. Eidemque ostium erat, quo ad spacium intermurale pergerent. Huic succedebat שער הקרבן porta oblationis; tertia dicebatur בית המוקד locus incendii. De singulis commentantem lege, si plura cupis; CONSTANTINVM L' EMPEREVR Notis ad II. cc.

Ad §. III. pag. 45.

(4) *Portæ munitissimæ fuerunt*] Vt ingressum hostium arcerent, præcipuas in Portis munitiones struxerunt Veteres, unde non modo pro munimentis portæ ponuntur, sed & portæ chalybeæ & vectes ferrei Psal. CVII, 16. coll. Jes. XLV, 2. dicuntur; etsi nonnulli phrasin hanc a portis carcerum depromptam malunt. Possidere portas inimicorum suorum, solennis olim benedicendi formula erat Genes. XXII, 17. XXIV, 60. quæ notabat, hostes vincere, imperium in eos obtinere, munitas eorum civitates occupare, hinc jus ipsis dicere, legesque ferre. Porta mortis, & Porta sepulchri pro potestate mortis ac sepulchri ponuntur: Psal. IX, 14. exaltare aliquem ex mortis portis, est a summis periculis eum eripere, per quæ in potestatem mortis certo redigendus videbatur: Psal. CVII, 18. ad mortis portas pertingere dicitur ille, qui jam in mortis redigendus est potestatem. Porta inferni pro tota Satanæ potentia sumitur Matth. XVI, 18. Porta sæculi sunt Reges & Magnates, qui potentia & auctoritate excellunt, Psal. XXIV, 7, 9. Confer GLASSIVM Rhet. Sacr. Tr. I. cap. XII. p. 390 sq. Hinc porro pro ipsis civitatibus, aut pro urbis incolis accipiuntur Portæ, ut Deuter. XVI, 5. Psal. IX, 15. LX, 18. LXII, 10. CXXII, 2. Vide denuo GLASS. c. I. p. 464.

Ibidem.

(5) *Fora judiciaria erant*] Prope Portas in populo Dei locum solennem fuisse ac publicum, judiciis destinatum, ut sententiæ promulgatæ in omnium venirent notitiam, exeuntium illac & ingredientium, ex Scriptura affatim liquet,

quet, v. g. Amos. V, 15. *constituite in porta iudicium*: Zach. VIII, 16. *veritatem & iudicium pacis iudicate in portis vestris*, h. e. in locis tribunalium: Deuter. XXI, 19. *producent illi filium immorigerum ad Seniores civitatis ejus, & ad portam loci sui*, h. e. ad Senatum Urbis: Cap. XXII, 15. *producent virginitatem puella ad Seniores civitatis, ad portam*: Jud. V, 11. *tunc descenderunt ad portas populus Domini*, h. e. tunc iterum iudicia administrata fuerunt. Job. V, 4. XXIX, 7. XXXI, 21. Thren. V, 14. Psal. CXXVII, 5 &c. Prov. XXIV, 7. XXII, 22. ubi reprehenduntur *conterentes pauperem in porta*, i. e. in iudicio, atque adeo, specie juris. *In porta sedentes sunt Iudices, aliique viri primarii, & Senatoria dignitate conspicui*. Quando autem David 2 Samuel. XVIII, 24. *בין שני השערים* inter duas portas urbis confedissee memoratur, SEB. SCHMIDTUS Comment. in b. l. de Porta urbis, & de Porta iudicii, intelligendum mavult, quam cum SANCTIO, de urbis propugnaculis, eorumque portis introrsus & extrorsus, exponere. Nam locus iudicii, quod recte addit, *prope portam urbis esse solebat, & inde Porta etiam dicebatur*. Super portam Templi Orientalem confessum fuisse Senatus viginti triumviris, supra observavimus Annot. 3. n. l. Cum primis vero FRANCISCUS MONGAEIVS, qui ex controversia de Vitulo Aureo Aaronis celebris est, in hoc argumentum erudite & cum cura inquisivit, in Appendice ad paraphrasin Cantici Canticorum, Parisiis in 4. editam A. 1587. ubi p. 88 sqq. *de portis civitatum Judae, & de fori, iudiciorumque in iis exercendorum antiquo more, rebusque aliis ad portarum in*

*universum historiam spectantibus*, copiose disseruit. *Erant autem in hunc usum*, inquit p. 100. a. *præter amplissimas porticus, adjacentes ipsis portis, subdiales plateæ, sive aræ latissima: qualem ad portam gregis pertinuisse illam modo diximus, quæ aræ & platea Orientalis vocabatur: qualis item platea portæ aquarum, & platea portæ Ephraim censenda sint, de quibus in libro Nehemia mentio est*. Verum plateæ istæ, non tam Senatum asserunt portis, quam introeuntibus in Urbem viam pandunt. Hinc exactius huc spectat, quod in aciem posthæc produxit, utrumque, cum ex Ruth. IV, 1. tum ex Genes. XXIII, 18. exemplum, quorum posterius, inter vetustissimas quoque gentes hunc morem, iudiciorum in portis, viguisse probat. Quando vero Lothum *sedentem in porta civitatis Sodoma* Genes. XIX, 1. iudicem egisse opinatur, ut si quis, sive peregrinorum, sive civium, ejus patrocinio, ab aliorum oppressione & injuria, in tanta populi iniquitate, opus haberet, sua omnes sedulitate atque opera, domo denique, opibusque adjuvaret, in eo vereor, ut doctorum virorum impetret consensum. Vesper enim in porta sedens, vix juri dicundo vacasse credendus est, nec temere & proprio ausu iudicis invasisse partes dici potuisset, quod homines nefarii eidem exprobrabant vers. 9, si pro officii & dignitatis ratione tale quid fuisset molitus. Conciones porro in portis, in ipsisque adeo portarum foribus, veteri illo ævo haberi consuevisse, p. 104. probare fatigit, quin & turrium vocabulo portas ipsas nonnunquam designari p. 105, b. tuerur. &c.

AD

## LIB. II. CAPVT IV.

## DE LVCS ET EXCELSIS.

Ad §. I. pag. 46.

*Nulla templa struxerunt*] Ante Tabernaculum, divinis auspiciis a Mose exstructum in

deserto, prisci avi fidelibus Templum, vel ædem quandam, in sacrorum usu fuisse, & altum silet Scriptura, & uno fere ore viri docti negant. Ante diluvium, templum aliquod, sive semini

Tt 2

sancto,



sancto, five idololatriis & Cainitis cultum fuisse, ne hariolandi quidem superest locus. Noachus, ut gratam Deo mentem testaretur, cultumque veri Numinis inter suos restauraret, altare quidem, nullum autem templum erexisse legitur Genes. VIII, 20. idque secuti exemplum posterii, Abrahamus cum primis & Jacobus, solis altaribus contenti, templo condendo animum nunquam adjecerunt. Jacobum quidem, in voto Numini Bethelae nuncupato, tale quid mente voluisse colligi posset ex ejus verbis Genes. XXVIII, 22. *Et lapis hic, quem cippum statui, יהיה בית אלהים* vertetur a me in domum Domini; verum eo sensu, quo subdilem locum, in quo somnum ceperat, pariter בית אלהים domum Domini, & שער השמים portam caeli affirmaverat vers. 17. Recte igitur ABEN ESRA, מקום קבוע לתפלה locum fixum precibus exponit. Quo sensu Targum ONKELŌSI quoque vertit: *Et lapis iste, quem posui in titulum, תהי רחמי פלח* תהי רחמי פלח erit, super quem serviam, coram Domino. Hinc redux ex Mesopotamia, exstructo ibidem altari, oblatisque sacrificiis, absque æde sacra, voti religionem exsolvit c. XXXV, 7. Hoc sequiorum temporum fideles, ex majorum Theologia, & catechesi πατροπαράδοτα haussisse, statuit ABRAH. HEIDANVS lib. VI. de origine erroris cap. IV. p. 308. Nam Adamum monuisse Deum, ne sibi ædem aliquam strueret, cui hoc universum, & magnum illud celum, omnia a se condita intra se complectens, esset Templum. Inde pronepotes ejus, quibus mens melior, eandem sententiam, & ex eodem fonte, aliarum quoque gentium ab initio Theologos, eundem ritum, colendi Deum sine templis & imaginibus hausisse. Unde illud Zenonis, Theodori, aliorumque Græciæ Sapientum, ἱεγὼς θεῶν μὴ οἰκοδομεῖσθαι. Quin & ex eadem origine, vetustissimorum Celtarum, five Germanorum morem derivat, de quibus TACITVS in libro de Germania: Neque cohibere parietibus Deos, neque in ullam humani oris speciem assimilare, ex magnitudine celestium arbitrantur: lucos ac nemora consecrant, Deorumque nominibus appellant secretum illud, quod sola reverentia vi-

dent. Hinc, ante exstructum Tabernaculum, nullum toto orbe cognitum visumque fuisse Templum, multa cum fiducia asserit PETRVS IVRIEV Histor. Crit. dogmat. & cultuum, P. II. cap. I. p. 201. Mosē observans, quando Deut. VII, 4, 5. & XII, 1, 2. populum jubet, Gentilium evertere statuas, altaria & lucos, nihil prorsus addere de delubris, quæ certe non tacuisset, si præsto fuissent. Nec gentilis templi prius in Scriptura mentionem fieri monet, quam Jud. XVI, 23 sqq. & 1 Sam. V, 2. ubi de eodem utrobique templo apud Philistæos agitur Dagonis. Ex his itaque colliges: primam ædium sacrarum originem a tabernaculo Mosaico esse arcessendam, quam posthæc, trita sibi κακοχρησία, ad idololatræ quoque sacra transfulerunt Gentiles. Atque istam quidem sententiam omni carere dubio crederem, nisi par doctorum in Anglia intercederet virorum. Alter horum, EDMUNDVS DICKINSONVS in Physicæ Veter. & vera cap. XIX. §. XXIV. p. 297. Jacobum patriarcham statuit, ubi terram Josēn, in Aegypto incolendam, gratia Pharaonis acceperat, non solum altare propediem strui, in quo solitas victimas immolaret, sed & tabernaculum five templum fabricari curasse, in quo Dei nomen publice atque solenniter invocaret. Quod quanquam Moses haud commemorat, attamen credendum esse, Israelitas multo ante servitutem suam templa vel ædes sacras exstruxisse, tum rei suæ publicæ firmitate, tum Aegyptiorum simul & Idumæorum, qui vicini & cognati fuerunt, usu & exemplo: hinc porro Josephum, multitudinis auctæ habita ratione, plures inter ipsos ædes sacras erexisse: demum Israelitas, posteaquam divites & opulenti fierent, & ad immensum numerum creverint, primarium quoddam Templum condidisse, quod Deus innuebat se habitasse ante ascensum filiorum Israelis ex Aegypto, 2 Sam. VII, 6. Vbi tot legis figmenta, quot somniat ille templa. Ex divina, Abrahamo Gen. XV, 13 sqq. facta, revelatione, assiatim constabat Jacobo, semen suum non stabiles & mansuras sedes, firmamque rempublicam in Aegypto nacturum, sed

sed & inde olim egressurum, & interea temporis dura perquam servitute premendum, ut de exstruendis templis cogitasse eum, credibile certe non fit. Porro, cum nec Aegyptiis, nec Idumæis ea tempestate templa essent, horum usu & exemplo, ad paria molienda, incitari non poterant Israelitæ. In libro Jobi enim, ad quem, quoad Idumæos provocat DICKINSONVS, nec vola templi nec vestigium comparat. In Aegypti quoque idolis vindictam se exerciturum minatur Deus Exod. XII, 12. delubra autem filer, quia nulla erant. Josephum complures struxisse ædes Deo vero sacras, plane ex ingenio effingitur: & 2 Sam. VII, 6. tantum abest, ut Deus in Aegypto, in primario quodam se habitasse templo asserat, ut potius neget, se cum illo, tum postero tempore, in templo quodam fuisse cultum. Alter est IOH. SPENCERVS, qui lib. III. de legib. Hebræor. ritual. Dissert. VI. cap. I. pag. 820 sqq. in susceptæ hypotheseos patrocini-um, ex instituto tuerur, Ethnicos in ædibus quibusdam sacris, templorum nomine donatis, Deos suos coluisse, diu antequam Salomonis templum, aut Mosis tabernaculum strueretur. Quod ut evincat, cum ad divina, tum ad humana provocat testimonia. Posterioris generis longe sunt recentiora, quam quæ ad Mosis asfurgant ætatem, aut rem reddant confectam. In prioris classis argumenta inquisivit BVDDEVS Hist. Eccles. Vet. Test. per. I. Sect. III. p. 387 sqq. eademque solide retrudit; Lev. XXVI, 30. per חמנים non templa Soli dicata, sed statuas subdiales, Num. XXXIII, 52. per משכית lapidem effigiatum intelligi debere contendens: Beth Peor tamen omisit, e cujus regione Mosis sepulchrum obrigit Deut. XXXIV, 6. Ponamus vero, ædem idololatricam designari, nihil tamen cogget, ut antiquior illa credatur tabernaculo, jam ante 39 annos excitato ad montem Sinaj. Tot lustrorum ætate subsequente, Israelitarum morem imitari potuerunt Moabitæ, & Baal Peori suo quandam pariter ædiculam parare. Ut taceam, pericopam istam post fata Mosis, a recentiori, licet Θεοπνεύσω, manu adjectam, re-

gionem illam descripsisse a facie illius temporis, quo colophon imponebatur Pentateucho, minime vero ab illa tempestate, quæ erectum tabernaculum Mosaicum antecessit. Reliqua Spenceriana longe sunt recentiora, quam ut sententiam nostram infringant.

Ad §. II. pag. 46.

(2) *Hi montes sacri sunt Celsa ista* ] במה pl. במות loca editiora, montes atque colles in genere, ut 2 Sam. I, 19, 25. notant. Quia vero non Noah modo, in montanis Ararath Genes. VIII, 4, 20. & Abrahamus, divinis auspiciis, in monte Morijah cap. XXII, 2. sacrificiis Deum coluerant, verum posthæc etiam prisca religio colles & montes passim sacris dicaverat, factum hinc est, ut במות cumprimis delubra designarent, cum vero Deo, ut 1 Reg. III, 2, 3. tum idolis consecrata. Ante constructum Tabernaculum, impune in montibus sacra faciebant fideles, æque ac in lucis, exemplo Abrahami Gen. XIII, 18. & Mosis Exod. XXIV, 4, 5. post conflatum autem altare æneum, diserte caverat Deus Lev. XVII, 3, 4. ne alibi, quam אל פתח אורה ad ostium tabernaculi conventus victima juguletur. Interdum tamen divinam hic intercessisse videmus dispensationem, postquam jam inhabitabant terram promissionis, ut præter Tabernaculum, aliis quoque in locis sacrificia rite offerrent. Gideon, ubi excelsa destruxerat & lucos, divino jussu sacrificium obrulit in summitate petrae, & quidem ex lignis luci, quem succiderat, Jud. VI, 26. & Samuel in Mizpa holocaustum ferebat Domino, cum solennis sacrorum locus in Kirjath Jearim ea tempestate constitutus esset, 1 Sam. VII, 1, 2, 7, 9. pariter Bethlehemi 1 Sam. XVI, 2 sqq. Judei, teste R. SALOMONE IARCHIO Comment. in Deut. XII, 8. hoc dubium ita solvunt, ut partim votiva & spontanea, quæ pro lubitu Deo sacrabant, in excelsis rite oblata censeant, minime vero sacrificia statâ, & quæ ex lege & debito erant mactanda: partim excelsorum usum interea temporis obtinuisse



credant, dum tabernaculum certam, fixamque non haberet sedem. Hinc licita fuisse excelsa primis quatuordecim ab ingressu in Canaan annis, quibus subacta & divisa fuit terra; porro, ex quo tempore vastata fuit Schilo; rursus, ex quo in urbe Nob & in Gibeon commoratum est tabernaculum, permissam fuisse oblationem in excelsis, ut idem TARCHIVS notat *ad cit. loc. v. II. & ad I Sam. IX, 13.* post extructum autem Hierosolymis templum, excelsa penitus fuere interdicta, juxta Eund. *ad 2 Chron. VI, 2.* Quando autem populus æque ac ipse Salomon Gibeone sacrificasse legitur 1 Reg. III, 2, 4. eo quod hoc esset excelsum præclarum & magnum; laudatus R. SALOMO מִזְבֵּחַ de altari accipit, & explicat מִזְבֵּחַ, Deo, cuicumque lubuerit, ædificasse altare in summitate tecti sui aut atrii, commentus: *excelsum autem magnum* dicit altare æneum esse, quod fecerat Moses in deserto, ac fixum erat primo in urbe Schilo, posthæc ætate Eli, in urbe Nob, demum tempore Saulis, Gibeone. His gemella tradit ABARBENEL *in b. l.* Sed manifesta est loci detorsio, nec comma 2. patitur, מִזְבֵּחַ commate 4. pro altari æneo poni. Rectius habet Hebræorum regula apud DAVID. KIMCHIVM: *Licita fuerunt excelsa, ex quo devastata est Schilo, usque dum ædificata est domus perpetua, seu Templum.* Vnde SEB. SCHMID. *Comment. in 1 Reg. III, 2.* a reatu omni liberat ac absolvit eos, qui ante extructum Templum sacra fecerunt in excelsis. Hoc satis inde liquet, non ejusdem omnia excelsa generis fuisse: alia licita, in quibus citra omne idololatriæ commercium; pii Israelitæ ante extructum Templum, sacrificiis & cultui vacabant, ut *cit. loco*; alia ubi idolis cum peregrino cultu sacra fiebant, qualia tempore Achasi, Manassæ & aliorum regum impiorum. Hinc utrumque de pio Josaphato legas, & quod abstulerit excelsa, alienis scilicet Diis sacra 2 Chron. XVII, 6. & quod non abstulerit, in quibus nempe Deo vero sacrificaretur cap. XX, 33. Idque vel maxime stante ac vigente Templi cultu. Vbi tamen inficiandum non est, in vitio hoc poni Ase, aliisque qui-

busdam regibus probis, quod seu metu popularis offensionis, seu neglectu accuratioris disciplinæ, excelsa tolerarint, tertè abolenda. Vnde Siracides cap. XLIX, 4. *πλημείλειαν* appellat, tolerantiam excelsorum, qua omnes se obstrinxerint reges Judæ, præter Davidem, Ezechiam & Josiam, qui illa dissiparunt 2 Reg. XVIII, 4. XXIII, 8. Quando autem Elias in monte Carmelo sacrificavit 1 Reg. XVIII, 23. dubium nullo est, quin Deo annuente, immo jubente id sit factum. Quando vero Jerobeam 2 Reg. XII, 31. excelsa constituit in Dan & Bethel, ad manifestam ea spectabant apostasiam, nec Deo poterant non esse invisæ & exosæ.

Ad §. III. pag. 46.

(3) *Mos initiandi Montes & Lucos*] Lucorum religio pariter templa antecessit, & cum montibus sacris ut plurimum fuit conjuncta. Frequentissimus quippe mos ferebat idololatrarum, ut idolo erecto, sylvam lucumque plantarent, aut ultro oblatum rei divinæ rite peragenda dicarent. Sed &, ubi aberat idolum, nunquam lucus sine religione & metu, ob præsentem Deos, Heroumque animas, lucis habitantes opacis, ut habet VIRGILIUS, adibatur. Si tibi occurrit, vetustis arboribus, & solitam altitudinem egressis, frequens lucus, & conspectum celi densitate ramorum, aliorum alios protegentium submovens, illa proceritas sylvæ, & secretum loci, & admiratio umbræ, in aperto tam dense atque continue, fidem tibi Numinis facit: ait SENECA *Epist. XLI.* Hinc talia nemora Diis sacrata, arisque & statuis exornata, quin & a Diis nomen fuere sortita. Sic apud LIVIUM lucum Ferentina, lib. VII. cap. XXV. legis: & lib. XXIV. cap. III. ubi de urbe Crotone: *Sex millia aberat ab urbe nobile templum, ipsa urbe nobilior, Lacinia Junonis, sanctum omnibus circa populis. Lucus ibi frequenti sylva, & proceris abietis arboribus septus, leta in medio pascua habuit, ubi omnis generis sacrum Deæ pascebatur pecus, sine ullo pastore: separatimque egressi cujusque generis greger, nocte*

nocte remeabant ad stabula, nunquam insidiis ferarum, non fraude violari hominum, magni igitur fructus ex eo pecore capti: columnaque inde aurea solida facta & sacrata est: inclitumque templum divitiis etiam, non tantum sanctitate fuit. Rursus lib. XXXV. cap. LI. circa templum Apollinis Delium, fanum lucumque memorat ea religione, & eo jure sanctum, quo sunt templa, quæ *Afyla* Græci appellant. In originem hujus religionis si inquiras, ad *κακοηλίαν* redeundum erit Diaboli, sive Abrahami pietatem, lucum Deo vero consecrantis Gen. XXI, 33. sive priscum morem veterum depravantis, quo templis nondum exstructis, sub dio & arboribus orabant & sacra peragebant. Jam Gen. XIII, 18 in quercubus Mamre, quæ sunt in Hebron, Abrahamus cultui divino altare struxisse fertur, qui locus diu post Christum natum, ab Ethnicis, Judæis & Christianis, precum causa adiri solitus, memoratur *SOZOMENO lib. II. Hist. Eccles. cap. 4.* donec a Constantino M. exturbata superstitione sive Gentili, sive Judaica, templum vero Numinis supremi cultui, juxta Ecclesiæ leges, ibi consecraretur. Perverfa igitur Patriarcharum piorumque veterum imitatione, Gentiles ritum adoptarunt, de quo *PLINIVS lib. XII. Hist. Nat. cap. I.* de arboribus verba faciens: *Hec inquit, fuere Numinum templa, priscoque ritu simplicia rura etiam nunc Deo præcellentem arborem dicunt. Nec magis auro fulgentia atque ebore simulacra, quam lucos, & in iis silentia ipsa adoramus. Arborum genera Numinibus suis dicata perpetuo servantur, ut Jovi esculus, Apollini laurus, Minervæ olea, Veneri myrtus, Herculi populus. Quin & Sylvanos Faunosque, & Dearum genera sylvis, ac sua Numina, tanquam & calo, attributa credimus.* Aliam præterea rationem jungunt viri docti, quia cum idololatria fœdæ ut plurimum spurcæque conjunctæ erant libidines opacas arbores sylvarumque densarum umbras electas fuisse eis *Φιλοσαρκίας ἀφορμήν* ad occasionem lascivie, ut s. *CYRILLVS* observavit, ut sub specie religionis eo tutius concupiscentiis carnis litarent. Demum etiam fabulabantur,

arbores ejusmodi Nymphas olim fuisse a Dæmonibus adamatas: quales *Hamadryades*, quercubus congenitæ, parique cum illis fato, aut florentes, aut caducæ, ut est apud *NATALEM COMITEM in Mytholog. lib. V. cap. XI.* Vide *IOH. HENR. VRSINI Sacror. Analect. Vol. II. c. XXIX. p. 99 sq.* Israelitæ vero, quia cum idolomania finitimarum gentium, lucorum quoque abominaciones adsciscabant, severis Deus legibus prohibuit, lucos ejusmodi vel plantare, vel tolerare, *Exod. XXXIV, 13. Deut. VII, 5. XII, 3. XVI, 21.* Hoc non obstante, cum populus rebellis in istius communionem sceleris tamen rueret, tot adversus se cum querelas Prophetarum, Deique minas, tum justas provocavit pœnas *Jes. LVII. Ezech. XVI, 13. Os. IV, 13.* Confer huc *IOH. CVNR. DIETERICI Antiquitat. Bibl. pag. 266. & 275.*

Ad §. III. pag. 46.

(4) *Arbores sacrari*] Ista, quia ab instituto nostro sunt aliena, legantur apud *GER. IOH. VOSSIVM lib. V. de Idololatr. cap. 45, 47. CAELIVM RHODIGINVM in Læction. antiquis, & alios.*

Ad §. V. pag. 47.

(5) *Idolum subinde sumit nomen Luci*] Erudite hanc observationem illustrat & probat *SELDENVS de Diis Syris Syntagm. II. cap. II.* & liquido evincunt dicta 2 Reg. XXI, 7. ubi Manasse in domo Domini simulacrum vel sculptrile *האשרה* posuisse legitur, h. e. idolum in luco cultum: 2 Reg. XXVII, 10. ubi statuae & luci erecti dicuntur in omni colle excelsso, & super omnem arborem frondosam: *Os. IV, 13. Ezech. VI, 13. Jes. LVII, 5. Jud. VI, 25, 28.* In quibus singulis non tam nemora, quam idola lignea intelligenda veniunt. Scite in hanc sententiam commentatur *IOH. OWENVS Theologum. lib. V. cap. VI. §. 6. Lucorum duo genera fuere: naturales scilicet erant nonnulli ex arboribus confitis, quibus longe lateque per totum terrarum orbem in sacris suis*  
*usi*



usi sunt idololatræ. Talis erat lucus iste, quem excidit Gideon, Jud. VI, 28. qualesque in excelsis plantare, mos erat. Fuere etiam artificiales luci, seu naturalium imagines & similitudines fictæ; quæ sedibus sacris intulerunt, & in cultu religioso aliquo modo usi sunt. Talis ille lucus erat, quem e domo Dei extraxit & combussit rex Josias, 2 Reg. XXIII, 6. quod hic vocatur simpliciter האשרה lucus, cap. XXI, 7. dicitur האשרה פסל sculprile seu imago luci. Loca autem, quæ de excindendis vel excisis lucis agunt, eatenus solum intel-

ligenda esse monet CALOVIVS *Bibl. Illustr. ad Jud. II, 13*, qua se profanatio extendebat, h. e. qua sub formali cultus idololatrici spectantur. Loca enim ipsa materialiter considerata, luci, excelsa, & similia, non diruebantur, sed idola, simulacra, statuae, & quicquid ad cultum spectabat idololatricum. Ideoque modo Numen aut idolum & simulacrum ista vox per metonymiam, quia in lucis colebatur, modo lucos ipsos, denotasse videtur.

AD

## LIB. II. CAPVT V.

## DE ASYLIS.

Ad §. I. pag. 47.

*Hæc Asyla*] Nomen Asylorum prius evolvendum est, quam ad rem veniamus. Dicuntur I. Hebræis עיר מקלט *urbes receptus*, vel *refugii*, ad quas supplices homicidæ eum se in finem recipiebant, ut ultori sanguinis, vindictæ cupido, subducti, vitæ & saluti suæ prospicerent. Apud Josuam cap. XX, 9. עיר המועד *urbes publice constitutæ nuncupantur*, h. e. exponente RASCHIO, הרומנה העורות לכך *urbes præparationis, quæ ad id constitutæ erant & præparatæ, ut scilicet involuntarium reciperent homicidam: quocumque* דאב. קימחי consentit: שהיו נוערים שם כל מכה נפש בשגגה *co quod congregarent se ibi omnes occidentes hominem per errorem*. II. Græcis τοῖς ἐβδομήκοντα, nunc πόλεις φυγαδευτηρίων, *civitates refugiorum*, nunc φυγαδεῖα Num. XXXV, 15. rursusque vers. 27, 28. πόλεις καταφυγῆς audiunt, sensu ubivis eodem. Apud profanos, Græcos æque ac Latinos, loca illa ἀσύλα, *Asyla* appellantur, ἀσυλίαν seu *immunitatem* & jus præstantia, quo quis, ob loci sanctitatem & religionem, ita fruebatur, ut nullam viam, vindictam, aut injuriam pateretur. HIE-

RONYMVS demum Num. XXXV, 6. *oppida in fugitivorum auxilia separata*, vers. II. *præsidia fugitivorum*, vers. 13. *urbes ad fugitivorum subsidia*, vertit. Duplex autem vocis traditur origo: vel a σύγειν *trahere*, ut ἀσύλον sit velut ἀσυγον, locus unde nemo abripi vel ad supplicium trahi possit; vel a σῶλη, *spolium*, quia eo qui confugissent, hos spoliare non liceret. Vide BARTHII *Advers. lib. IV. cap. 12*. GYRALDI *Syn- tagm. Deor. cap. XVII. p. 474*.

Ad §. I. pag. 47.

(2) *Differunt ab Asylis gentium*] Recte hoc discrimen observat Auctor. Quamvis enim ab Hebræis ad Græcos, ab his ad Romanos, Asylorum transit institutum, dispar tamen utrobique ratio erat. Apud Græcos, primum omnium Cadmum ferunt, dum Thebas conderet, Asylum aperuisse, ad quod fugientes sine discrimine, servi aut liberi, ab omni pœnâ erant immunes. Malunt tamen alii ab Herculis accessere nepotibus, veritis insidias eorum, quos avus afflixerat, hinc Athenis primo Templum Misericordiæ in medio foro constituuisse, unde nullus

nullus posset abduci; teste *SERVIO ad lib. VIII. Aeneidos*: post quod in Rhæteo littore fuit Asylum Ajacis, & in Sigæo Achillis, ut est apud *STRABON. lib. III. ALEX. AB ALEXANDRO genial. diar. lib. III. cap. 20. POTTERVM Archæolog. Græc. lib. II. c. II.* Id imitatus gentis Romanæ conditor, de quo *LIVIVS lib. I. cap. VIII. Asylum aperit Romulus: eo ex finitimis populis, turba omnis sine discrimine, liber an servus esset, avida novarum rerum, perfugit.* Callido id egit Romulus consilio, ad multiplicandam gentem, ut quisquis advena illuc confugisset, reciperetur in civitatem, inter Capitolium & arcem, loco qui inter duos lucos dicitur, ut *c. I. LIVIVS* habet. Differunt autem Asyla Gentium ab Hebræis, cum exulum genere, tum immunitatis jure. Apud Romanos tribus hominum generibus erat perfugium: servis, obæratīs, maleficis. Omnes complectitur *TACITVS Annal. lib. III. cap. 60. Complebantur templa pessimis servitorum: eodem subsidio obæratī adversum creditores, suspectique capitalium criminum receptabantur.* Confer de servis & maleficis *PLUTARCH. de superst. p. 166: de obæratīs, eundem de vitand. usur. p. 828.* ubi de Diana Ephesina, præsidium debitoribus præstante, affirmat. Apud Hebræos solis illa patebant occisoribus involuntariis. Apud Gentiles, Romanos cum primis ab initio V. C. citra ulteriorem five criminis inquisitionem, five reorum pœnam, recipiebantur omnes, modo ut numerus gentis cresceret; hinc *LIVIVS* superioribus addit: *idque primum ad cæptam magnitudinem roboris fuit.* Apud Judæos, curate instituto cædis examine, & si judicio Senatus, a sanguinis reatu innocentes perfugī pronunciarentur. Etsi non nego, sequioribus temporibus, in causas perfugii inquisitum pariter fuisse apud Gentiles, ut vel punirentur rei, vel dederentur, aut certe amoverentur; quod copiose probavit *H. GROTIUS de Jure B. & P. lib. II. cap. XXI. §. 5.* Quod ad Auctorem nostrum observandum, quando sub finem paragraphi, sacella, seu sacra loca omnia, tam reis, quam innocentibus patuisse affirmat.

Sed de Ethnicorum Asylis vid. *SAM. PITISCVS Lex. Antiqu. Roman. b. v. p. 194.* & quos larga manu ibidem citavit, auctores alii; item *WILHELM. GODEFRAEVS*, aliique in *Annotation. ad loc. cit. LIVII.*

Ad §. II. pag. 47.

(3) *Per errorem, aut incaute, aut fortuito* Fundamentum, cui universum Asylorum jus innititur, cædes est involuntaria, ab homicidio destinato caute distinguenda. Vnde Hebræi cædem aliam fieri dicunt בצירה cum venatione, vel de industria כזרון cum protervia, כוונה cum intentione; aliam autem בשגגה cum errore, & בלא כוונה sine intentione. Vtramque erudite persequitur *IOH. IAC. CRAMER Theol. Israel. lib. III. de Goële, cap. I. p. 342.* quem huc evoluisse, non pœnitebit. Involuntarii homicidii rationem explicat *ABARBENEL Comment. in Legem fol. 373. col. 3. זה אופנים מהשגגות אשר בעכורים יהיה פטור מן המיתה ביאר כאן בדרך כלל שנקרא שוגג אשר יכה את רעהו בבלי דעת ולפי שהדעת הוא בלב האדם ועקוב הלב מכל ואנוש הוא מי ידענו לכן נתן עליו האות המורה על אמתתו והוא אמרו ולא שונא לו מתמול שלשום כי כהיום שאינו שונא ידענו שהכחו בבלי דעת: Modos homicidii involuntarii descriptos. (Numer. XXXV, 22, 23.) in quibus occisor liber est a morte, hic (Deut. XIX, 4, 5.) generaliter comprehendit sub errante, qui percutit socium suum absque scientia (vers. 4.) Quoniam vero scientia sedem habet in corde hominis, cor autem fraudulentum supra omnia, & mortiferum est, quis cognoscat ipsum? (Jer. XVII, 9.) Eapropter dedit Deus signum, quo de veritate ejus constat, quando addit (vers. 4.) & non oderit eum heri & nudius tertius. Colligimus enim, si quis cum odio non habuerit, percussisse absque scientia, sive per errorem. Ad innocentiam itaque percussoris duo requiruntur: 1) ignorantia, qua percussor occisum in periculo versari, seu adstitisse, seu iri tactum, planè ignoravit, quod volunt phrasēs כבלי דעת absque*



que scientia, בפתע inopinato, & similes; 2) absentia odii, ut facta sit cædes בלא איבה sine odio, inimicitia, & insidiis, qua si percussor careat, dolorem post facinus, non gaudium percipere eum oportet. Addit CRAMERVS §. XIII. p. 352. ad omnimodam excusationem, 3) ut occisor sit in vocationis suæ exercitio, ut Deut. XIX, 5. casus formatur. Neque tamen eapropter homicida involuntarius omni plane culpa vacabat. Velut enim aut incuriæ aut imprudentiæ, vel negligentia vel alius erroris culpam admisit, ita injuste talis, ad Pontificis M. obitum usque, exilii daret pœnam, si ab omni plane labe coram Deo innocens haberetur ac purus. Mavult quidem ABARBENEL cit. loc. in beneficium & protectionem vertere hoc exilium, sed rectius R. BECHAI in pœnæ loco habet, quanquam mirioris: unde Judæi, apud CRAMERVUM §. XVII. p. 356 sqq. caute definiunt, quo casu exulare teneatur ejusmodi occisor; h. e. pœnæ sit obnoxius, quo minus; quas tamen confectari minutias, nostri non est instituti. Qui de cæde involuntaria, diversisque ejus speciebus, plura cupit, adeat SELDENVM de jure N. & G. juxta disciplinam Hebræor. Lib. IV. cap. II.

Ad §. II. pag. 47.

(4) *Concessum confugere ad altare* ] Recte Auctor noster colligit utrumque, & ante urbium refugii constitutionem, tutum talibus homicidis receptum præbuisse altare, & quia unum in universa terra solum prostabat altare, quod assequi non omnibus miseris, in remotioribus Palæstinæ oris, datum erat, hinc urbes delectas, & per totam terram distributas fuisse complures, ἀσυλίας privilegio munitas, quæ promptum facilemque præberent accessum. Et de altari quidem, loca Exod. XXI, 14. 1 Reg. II, 25, 28. 2 Reg. XI, 15. juxta Targum, dubitare non finunt: hinc diserte MAIMONIDES Hilc. רוצח המזבח קולט שנאמר בחורג בדרך cap. V. מעם מזבחי תקחנו למות מכלל שהחורג בשגגה אינו נהרג במזבח לפיכך חורג בשגגה

וקלטו מזבח וחרגו שם נואל הרם חרי זה נהרג עליו כמו שהרגו בתוך עיר המקלט; Altare locus erat refugii legitimi, quia dicitur de homicida proterve agente (Exod. XX, 14.) ab altari meo tolles illum, ut moriatur. Vnde eliciendum plane, homicidam ex errore, ad altare interficiendum neutiquam esse. Quare si homicidam ejusmodi, qui ad altare confugerat, ibi occiderat vindex sanguinis, is ejus nomine morte plektendus erat, perinde ac si in urbe refugii eum occidisset. Vbi quidem varia monent Magistri: 1) non præbuisse altare tutelam, nisi Sacerdoti, in ipso altaris tecto sacra operanti; 2) nec vel cornua altaris, vel tactum laterum, multo minus viciniam aliquam, securitatem aliquam præstitisse, nisi tectam, vel superficiem ejus superiorem; 3) nec moram ibi trahere permissum fuisse occisori, sed traditis ei custodibus, traditum eum fuisse in urbem refugii, ei idoneam: ut SELDENVS habet cit. loc. p. 491 sq. edit. Argentoratensis. Quæ Rabbiorum commenta, ut præter Scripturam excogitata, merito explodimus: contra vero censemus, jus confugiendi ad altare, ante constitutionem urbium refugii magis viguisse, post illas autem constitutas, valde limitatum fuisse ac restrictum. Prope Tabernaculum enim aut Templum, & in ipsis Hierosolymis, si quis cædis reus fieret, illuc confugere potuisse, probabile est. Inter Christianos mos iste, licet serius obtinuit, cujus rei exemplum lege apud GREGORIVM NAZIANZEN. Orat. XX. in laudem Basilii M. Tom. I. Opp. f. 353. edit. Paris. 1630. de muliere, contra vim intentatam, ad sacram mensam, tanquam ad Asylum confugiente; constitutionem autem THEODOSII, in Edicto, de his, qui metus causa ad Ecclesiam, ubi a simili argumentatur Imperator: Si statua complexus, inquiens, propter regiam majestatem, tantum præsidii miseris conciliat, quantum opus debet esse paratum, qui salutis causa ad sacrosancta altaria confugiunt? Pateant proinde trepidis magni Dei templa, famulos fugientes communis suscipiat ara &c. Nobis igitur moderantibus imperium, sacrosancta altaria miseris Asylum con-

*constituimus ac definimus.* Plura de ἀσυλία templorum, altarium, locorumque sanctorum in jure cum civili, tum ecclesiastico, Pontificio maxime leguntur, quorum abusus gravi & prolixa confutatione retundit IOH. HOORNBECK *Theol. Pract. P. I. Lib. III. cap. I. pag. 252 seq.* edit. Lipsienf. 1698.

Ad §. III. pag. 47.

(5) *Horum Asylorum sex erant*] Ad urbium numerum quod attinet, non convenit inter doctores. MAIMONID. in Hilc. *Rotzeach cap. VIII.* & qui, ex Hebræis pariter ac Christianis, eum sequuntur, SELDEN. *cit. loc. cap. II. pag. 488.* REIZIVS in *Not. ad Auctor.* & alii, præter sex istas, ceteras XLII. Levitarum urbes æque homicidam in tutum recepisse tradunt, sed cum triplici discrimine, nimirum 1) quod sex istæ excludere homicidam non potuerint, potuerint vero ceteræ: 2) istæ percussori immune dederint domicilium, in his vero patri familias commorationis pretium pendere exul debuerit: 3) istæ, gnaros & nescios juris, qui se securitatis, vel alia de causa eo receperant, admiserint, hæc autem nescios juris non protexerint. Verum infirmo admodum tibicine hæc nititur assertio, & triplex illud discrimen plane ex ingenio Rabbiorum est confictum. Quia enim, post definitas urbes refugii, pergit Scriptura Num. XXXV, 6. & ultra has, dabitis quoque quadraginta duas civitates, perperam argutatur MAIMONID. הקישין הכתוב כולן זו לזו לקלוש *ita pares fere facit Scriptura universas simul sibi invicem, quantum ad jus Asyli.* Qua refugii enim privilegium, sex priores a XLII posterioribus Textus segregat & distinguit, aggregat vero & comparat utrasque ratione habitationis, quod illæ pariter cum his, Levitarum habitationi dicatæ fuerint ac destinatæ. Ut fallacia committatur a MAIMONIDE, quæ apud Logicos *compositionis & divisionis* appellatur. Eandem nobiscum sententiam tuetur, & sex tantum urbes refugii agnoscit CRAMER. *cit. loc. cap. III. §. 26.*

*pag. 418.* Sex autem istarum, quæ haud dubie jure illo gaudebant, tres trans, ac totidem cis Jordanem erant sitæ. Trans-Jordanenses erant: בצר Bezer, interdum quoque בצרה Bozra dicta, ex tribu Ruben; trans Arnonem fluvium, longiusculo intervallo, in Moabitidis planitie sita, caute distinguenda a Bozra Idumæa Jof. XXXIV, 6. רמותר Ramoth in Gilead, XV miliaribus a Philadelphia versus Occidentem, distinguenda a רמות Ramoth Austri I Sam. XXX, 27. sita in Δαργώμα, sive australi parte tribus Judæ, eadem atque Ramath Negeb. Nostram, quia Syris Damascenis eripere tentarint reges Samariæ I Reg. IV, 22. conjicit RELANDVS *lib. III. Palestinae p. 967.* inter Damascus & Samariam fuisse sitam: גולן Golan, quæ Jof. XXI, 27. גלן scribitur, urbs in Basan, data dimidiæ tribui Manasse, Deut. IV, 43. & sacerdotalis, & Levitica, & refugii. EVSEBIUS suo tempore villam prægrandem in Batanæa, Gaulon dictam, memorat: IOSEPHVS vero Batanæam a Gaulonitide distinguit, cujus urbem primariam Γαυλάνην dicit *lib. I. de B. Jud. cap. IV.* Ab hac enim urbe, tota circumjecta regio Gaulonitis, vel Gaulonica dicta fuit, cujus pars superior, inde a Libano monte, ad lacum Gennefareth usque, inferior autem a littore Gennefareth ad Gadarum urbem vulgo definitur. Cis Jordanem, in ipsa Palæstina, prima in tribu Naphtali erat קדש Kadesch, urbs magna & munita, & ob agri adjacentis ubertatem affluens annona: distinguenda a Kadesch Judæ Jof. XV, 23. Media שכם Schem, in montanis Ephraim sita Jof. XX, 7. XXI, 21. Hanc quando EVSEBIUS *Onomast. ad voc. Τεγέβινθος*, a Neapoli distinguit, alii utramque faciunt eandem, RELANDVS *cit. loc. p. 1004 sq.* ita conciliat, ut Schemi partes alias periisse, alias novas accessisse credat, donec Neapolis, ab loco antiquæ Schem, aliquo intervallo distans, emerferit. Ultima חברון Hebron, in media fere tribu Judæ sita, & a Patriarcharum commorationibus, a Davidis regia, priusquam imperium in totum Israël obtineret, aliisque antiquitatis documentis, illustris. Juxta eam



quercus Mambre Gen. XIII, 18. vallis Chebron cap. XXXVII, 14. dicta olim Kirjatharbe Gen. XXIII, 2. Jos. XV, 13. Integro septennio ante Tzoan, urbem Aegypti condita Num. XIII, 22. data fuit Calebo Jos. XIV, 13. Quin & HIERONYMVS *Comment. ad Matth. XXVII.* illuc collocat Adami sepulchrum. Tres priores per Mo- sen Num. IV, 43. posteriores per Josuam, cap. XX, 7. in hos usus separatae fuerunt & constitutae, eo tamen usu, quem definit Mischna Mass. *Maccoth cap. II. sect. 4.* donec ternae istae in terra Israel nondum essent electae, ternas illas ultra Jordanem non recepisse fortuitum occisorem: ex quo vero ternae illae constitutae fuerunt in Palestina, has quoque priores juris exercitium fuisse indeptas. Præterea in Gemara *ad h. loc. fol. 9. col. 2.* observant Magistri, dispositas fuisse utrasque, *uti duæ series in vinea. Scilicet Chebron in Juda, e regione Betzer in solitudine, Sichem in monte Ephraim e regione Ramoth in Gilead, Cadesch in monte Naphtali e regione Golanis in Basan.* Ampliori emolumento gaudet observatio laudati supra CRAMERI cap. III. §. 25. Deum Asyla constituisse non extra terram Israelis, sed בְּתוֹךְ *in medio ejus* Deut. XIX, 2. idque duplici de causa, 1) ne remota nimis extra patriam fuga, homicidam anxium facilius vindici objiceret; 2) ne in discrimen religionis incidere ille, si vitam a vero cultu remotus, inter idolatras agere coactus fuisset, & expulsus, ne hereditati Jehovah adhereret; & cui quasi injectum fuisset, *abi, servi Dñs alienis*, I Sam. XXVI, 19. Sapientissime ergo Deum prospexisse, ut Levitarum urbes Asyla præberent, ex quorum ore cultum legemque assidue haurire potuit, quique legis divinæ custodes, sanctius præstituri erant, accuratiusque, quæ Dei lex circa homicidas profugos, & Asyla, voluit observata.

Ad §. IV. pag. 47.

(6) *Deut. XIX, 3. parabis tibi viam*] Velut oppida illa fere cuncta, in montibus erant sita, ut e longinquo conspici possent, sic viam ad ea

ducentem his verbis Deum instrui jussisse credunt Magistri, ut nulla fugienti remora objiceretur. Si forte humilior alicubi terra, vel torrente, aut fluvio aliquo intercepta erat, pontem sternere tenebatur magistratus, ne fugitivus hæreret percussor, ac præter spem, a vindice sanguinis occuparetur. Viæ latitudinem non minorem XXXII cubitorum fuisse, COCCÆVS ad Mischnæ Mass. *Maccoth cap. II. sect. 5.* perhibet, & ubicunque ista in bivia scindebatur aut trivium, properantis fugam מִן הַסִּיחָה / סִּיחָה, *Hermas*, quibus conspicuo charactere, מִקְלָה / מִקְלָה / *Refugium, Refugium*, inscriptum erat, direxisse. Addit MAIMONID. *cit. loc.* quod singulis annis, quarta decima mensis Adar, qui Februario nostro ex parte respondet, emissi fuerint, qui vias illas, hyemalibus corruptas imbribus, repararent, pontesque reficerent, tempestatum injuria labefactatos aut excussos. Quæ ab Auctore nostro probe sunt annotata. Præterea referenda erant ad Asyla, Suburbia, mille cubitorum intervallo ab istis distincta, ita quidem, ut ulterius hæc, per duo cubitorum millia, versus quamque orbis plagam procurrerent. Probat hoc ex Num. XXXV, 4, 5. IOH. CHRISTOPH. WICHMANSHAVSEN disput. *de præsidiariis Levitarum urbibus* §. V. p. II. ubi locum rite explicatum vindicat, & contra CLERICVM cum primis tuetur.

Ad §. V. pag. 48.

(7) *Duo aut tres sapientes*] Hæc rursus fide MAIMONIDIS Auctor tradit, in Hilc. *Rozach cap. V. §. 8.* ubi ita sancitur: Quando occisor involuntarius ex Asylo ducebatur ad forum delicti, rursusque audita causa reducebatur in Asylum, duo discipuli sapientum illi adjungebantur, qui arcerent ultorem sanguinis, ipsique errorem exponerent, ne in illum involaret, aut in itinere eum perimeret. Asserit hæc MAIMONIDES ex sententia Mischnæ Mass. *Maccoth cap. II. §. 5.* Ista vero commode cum Scripturæ effatis coherere, valde dubitat CRAMERVS *loc.*

*loc. cit. cap. III. §. 22. p. 415.* Antequam enim homicida Asylum est affecutus, vindex eum impune occidit, neque aliter salutem ejus prospici potuit, quam celeri fuga, aut Magistratus interventu. Cum vero a Senatu retraheretur, factoque judicio reduceretur, nequaquam vindex ipsum aggredi fuit ausus, quoniam Magistratus jam se interposuit, cujus auctoritatem insuper habere nefas fuit. Ministri itaque publici vindicem arcere satis potuerunt, ut eruditorum suadela opus non esset. Pari fide nituntur, quæ MAIMON. *cap. VII. §. 1.* habet: Discipulo migrante in Asylum, migrare quoque debet ipsius Magister cum eo, quia dicitur Devter. XIX, 4. *Et vivet.* Faciunt itaque, ut vivat, vita autem Sapientum & sapientiæ studiosorum absque doctrina legis, ut mors reputatur. Ita quoque cum Doctore exulante, transfertur ipsius schola in Asylum. Quæ ingenium sapiunt Rabbinicum.

Ad §. V. pag. 48.

(8) *Vindici, percussorem insequenti*] Cum universum Asylorum privilegium ad retundendam spectaret Goelis violentiam, prohibendamque innoxii sanguinis effusionem, pauca de hoc sanguinis addimus ultore. Dicitur גואל הָרֵם *Vindex sanguinis*, eratque proximus agnatus, כל הָרֵם גואל הָרֵם *qui heres est legitimus, is Goel est sanguinis.* Vbi plures erant sanguine juncti & hæredes, omnibus quidem officium incubuit, ut de vindicta cædis essent solliciti, non tamen omnibus, ut homicidam persequerentur; quod contra secus sentientes tuetur, & unum solum Goelem asserit, CRAMER *cap. II. §. 3. p. 363.* Officium ejus situm in eo erat, ut homicidam cum voluntarium, tum involuntarium persequeretur, eumque apprehensum extra refugii civitates, impune occideret. Magistratus vero auctoritate intercedente, qua occisor coram judicio sisti debuit, vel homicida ad Asylum confugiente, & innocentiam obtendente, negotium Goel urgere, accusatoris partes agere, & homicidam ad poenam & condemnationem

querere debebat. Hoc enim Goeli ex officio incubuisse, ex Num. XXXV, 31, 32. ex instituto probat CRAMER §. 20 *sqq.* Rite porro condemnatum homicidam, & pro voluntario declaratum, Judices in potestatem tradiderunt vindicis, ut occideretur Devter. XIX, 12. Hunc five manu interfecit vindex Num. XXXV, 19. five occidendum aliis tradidit, ex Goelis auctoritate sententiâ exequentibus. Si nolit autem vindex, aut non satis idoneus sit ad occidendum homicidam, aut nullus occiso sit vindex, Senatus homicidam, exigentibus id facti circumstantiis, gladio interficit, ait MAIMONIDES Hilc. Rozeach *cap. IV.*

Ad §. VI. pag. cit.

(9) *Modus inquisitionis ita se habuit*] Processus integer circa talem fugitivum, ex Num. XXXV. Devter. XIX. & Jos. XX. ad hunc modum eruitur: Goeli cum ex veteri lege jus esset, homicidam, ubicunque locorum eum deprehenderet, citra intervenientem judicis condemnationem, occidendi, citatis ille passibus, suscepta ad urbem prædiciariam fuga, vitæ & salutis suæ consulebat. Delatus ad eam, stans ante portam Jos. XX, 4. Senioribus pro tribunali sedentibus, causam suam perorare, & quibus de causis innocentem se reputaret, urbisque privilegio fruiturum se censeret, exponere tenebatur. Recte *ad cit. loc.* Josue observat ABARBENEL: ועם היות שאנשי העיר לא ידעו האמת אתר אם לא צוה שיאספו אותו העיר וכאשר ירדף גואל הָרֵם אחריו לא יסגורוהו בירו *Licet quoque viri urbis illius (Asyli) nesciant, vera an falsa (profugus) protulerit, præceptum tamen est, ut in urbem eum reciperent, & si vindex eum persequatur, ne ipsum in hujus manus concluderent.* Senatus ergo asyli, audita causa, homicidam, five fontem, five insontem tutabatur & recipiebat, donec a Senioribus fori delicti repeteretur, a quibus, actore vindice, & adhibitis testibus, causa omnis curate & summo studio disceptabatur. Ab his, si mortis censeretur reus, occidendus traditur vindici, aut per superius dicta,



cta, a magistratu capite plectitur; si exilii, eo reducitur, ut habitet ibi, donec moriatur Sacerdos Summus Num. XXXV, 28. Equidem R. SALOMO IARCHI verba de absolutione ab exilio exponit, & vult fisci eum coram iudicio, ut יפטר מגלות *liber pronuncietur ab exilio*, vel יתחייב גלות *reus exilii censeatur*: verum res ipsa loquitur, reum cædis ad mortem traditum, innocentem vero exilio fuisse mulctatum. Quin immo, non honorifice tantum exceptum a Senioribus Asyli, sed sede quoque ac habitatione gratuita, absque ullis suis sumptibus ac mercede, innocentem fuisse locatum apud KIMCHIVM in Jos. XX, 4. tradunt Magistri, quia diserte dicitur h. l. & *dabunt ei locum*, nimirum gratis: præterea Seniores Asyli prospiciebant ei de officio, quo se honeste sustentaret, vitamque toleraret, ut ex Deuter. XIX, 4, 5, elicatur. Victum enim in exilio ipse sibi parare debebat occisor; maritus tantum uxori exulanti cibum procurabat, non item herus servo, qui sibi manuum labore eum comparabat, & quicquid lucrabatur præterea in exilio, non sibi, sed Domino acquirebat. Hæc MAIMONIDES c. l. qui quando cap. VII. addit: *discipulo migrante in Asylum, migrare quoque debet ipsius Magister cum eo, quia dicitur Deuter. XIX, 4. & vivet. Faciunt itaque ut vivat, vita autem Sapientum & sapientie studiosorum, absque doctrina legis, ut mors reputatur. Ita quoque cum Doctore exulante, transfertur ipsius schola in Asylum: vix fidem inveniet apud alios; qui non cæca traditionum veneratione sunt fascinati. Occisor vero innocens, a Iudicibus fori delicti salvus & incolumis Asylo redditus, intra pomeria & agrum suburbanum, ad Sacerdotis Magni usque mortem, tutum se continebat, quem tamen ex descriptis limitibus egressum, vindex sanguinis invadere & impune perimere poterat, per Num. XXXV, 26, 27.*

Ad §. VIII. pag. 48.

(10) *Morte præsentis Pontificis terminatum sit* ] Probe observat HACKSPAN. Not. Phi-

lol. ad Num. XXXV, 25. P. I. p. 503. Judæos in Talm. Hierosol. Tract. Joma perperam ex c. l. Num. colligere, mortem Pontificis expiasset homicidium per imprudentiam admissum, quia mors Pontificis, exilii tantum terminus, non homicidii expiatio, statuitur in Scriptura. Alia typi est adumbratio, quam statim indicabimus, quæ tamen typo ipsi vim antitypi non conciliat. Tricantur porro Judæi in persona Pontificis, eaque designari tradunt 1) את כוהן גדול המשוח בשמן המשחה *Sacerdotem Magnum, unctum oleo unctionis*, cui Scriptura hoc privilegium largitur, 2) את המרוכה בכגרים *Pontificem auctum seu initiatum vestibus octo Sacerdotis Summi, qui idem est officio ac dignitate, cum præcedente, tempore saltem diversus, cum a Josiæ regis tempore perierit oleum sacrum, ut non unctione amplius, sed sola vestium inductione inaugurari posset, 3) את כוהן גדול תעובר *Sacerdotem Magnum ministrantem, qui vices obit Sacerdotis Magni in die Expiationis casum nocturnum passi, 4) את הכוהן שעבר *Sacerdotem, qui loco Pontificis, propter maculam forte contractam, ad ministerium tantisper inepti, ministraverat; qui uterque solum ad tempus ministerioungebatur, Vicario nomine, nec nomine גדול כוהן unquam insignitur. Apud MAIMONIDEM tamen c. l. cap. VII. quivis horum quatuor, si moriatur, reducit homicidam in patriam; cui, quod ad posteriores duos attinet, calculum denegamus. Hujus vero mortem, exulanti homicidæ facultatem, impune redeundi in patriam fecisse, Scriptura testatur Numer. XXXV, 32. Jos. XX, 9. adduntque Rabbini, sive aliquot in Asylo exegerit annos, sive unum saltem diem ibi vixerit; quin & eo legem extendunt, ut si moriatur Pontifex, antequam in exilium deportatus sit homicida, liber sit ab exilio, verum si ante sententiam dictam mortuus fuerit Pontifex, ejusque in locum alius suffectus, & postea sententia demum pronuncietur, homicidæ non nisi post mortem novi Pontificis redeundi locus fuerit, quia iudicium, eò jam electo, fuerit finitum; apud MAIMONIDEM c. l. Sed & tales fingunt casus,***

casus, quibus nunquam redire potuerint occisores, si v. g. homicidæ causa absolvatur, nec eo tempore adsit Sacerdos Magnus; vel si Sacerdotem Magnum interimat, nec alius jam fuerit constitutus; vel si ipse Pontifex per casum fortuitum homicida evadat, nec alius sit Pontifex &c. Ne tamen precibus exulantis homicidæ mors Pontificis forte acceleretur, לפיכך אימותיהן של כהנים מספקות להן מחילה וכסות כרי שלא יתפללו על בניהן שימותו propterea Sacerdotum matres illis victum & amictum sufficiunt, ne filiorum suorum mortem precibus accelerent, ut est in Massech. Maccoth cap. II. §. 6. Alii tamen in Gemara ad b. l. fol. II. col. 1. id a Sacerdotum matribus factum autumant, ut homicidæ pro vita Pontificis orarent, absque quo enim fuisset, Sacerdos fuisset mortuus, cum pro sæculo suo Deum rogare, ne tristes hujusmodi casus immitteret, debuisset. Vide COCCIVM in Excerpt. Gemara ad c. l. §. 5.

Sed majus operæ pretium est, causas proferre, propter quas mors Pontificis exilio finem imponeret, eumque patriæ, bonisque suis restitueret. Has reddunt varias, ut plurimum lubricas & leves, Judæorum Magistri, conferuntque exhibet ABARBENEL in Leg. fol. 321. col. 1. R. DAV. KIMCHI in Jos. XX, 6. R. BECHAI in Leg. fol. 203. col. 3. & ex Christianis SIMEON DE MVIS Var. Sacror. ad Num. XXXV, 28. Adde MAIMONIDEM in More Nebhochim lib. III. cap. XL. Christianorum meditationes vide apud Interpretes, & in his apud CORN. A LAPIDE, ANDR. MASIVM in Jos. aliosque. Non nego, ad cædis humanæ immanitatem declaran-

dam hoc pertinuisse, ut homicida, tanquam impurus, intra Asylum delitesceret, quin & ad iræ & vindictæ mitigationem apud occisi propinquos: princeps tamen causa typicus est ad Magni Pontificis nostri, Christi mortem respectus, qua & nostra expiavit peccata, & libertatem nobis omnimodam peperit, & in bona, peccatis nostris deperdita, restituit & reduxit. Hunc nemo, quod sciam, copiosius ac solidius declaravit citato sæpius CRAMERO Theolog. Isr. P. I. Lib. II. Cap. V. p. 434 sqq. digno, qui præ ceteris omnibus evolvatur.

Istam denique, de urbibus refugii, tractationem, ex instituto peregerunt ex Judæis Talmud. Tract. Maccoth, quem observationibus suis, & ex Gemara excerptis, præter versionem Latinam, illustravit IOH. COCCIVS; & MAIMONIDES in P. IV. Jad Chasaka lib. XI. Hilcoth Rozeach Vschemirath Nephesch, Interpretes quoque Judæi ad Num. Deut. & Jos. loc. cit. passim allegati: Ex Christianis, præter laudatum toties CRAMERVM, qui hic utramque facit paginam, HOORN-BEECK Theol. Pract. lib. III. cap. I. SELDENVS de J. N. & G. lib. IV. cap. II. quibus adde HVG. GROTIUM in Num. XXXV, 15. & Deut. XIX. atque PETR. GVNÆVM de Republ. Hebr. lib. I. cap. 7. IOH. BIERMANNVM in Mose & Christo lib. I. cap. VIII. p. 191. edit. Belg. E nostris vid. LVNDIVS in Jüdischen Heiligthümern suo loco: RITTERSHVSIVS pecul. tract. de Asylis & eorum juribus, IOH. CHRISTO. WICHMANSHAVSEN Disp. de præfidiariis Levitarum urbibus, Vitembergæ, An. 1715.







# ANNOTATIONES

AD

## LIBRVM III.

### DE DIEBVS ET TEMPORIBVS.

#### CAPVT I.

#### DE DIEBVS, HORIS, SEPTIMANIS

#### ET ANNIS.

Ad §. I. pag. 49.

**D**e distributione dierum, horarum, septimanarum ] In hanc de industria inquit PAVLVS SHERLOGVS, Jesuita Hibernus, in *Antiquitatum Hebraicar. Dioptra lib. II. Dissert. I.* cujus *Sect. III. p. 220 sqq.* de tempore differit in genere: *Sect. VII. p. 238.* de diei initio, ex variarum Gentium ritu: *Dissert. IV. Sect. IV. p. 346.* de Judæorum anno cum lunari, tum solari: *Sect. V. p. 352.* de mensibus apud Hebræos, annoque sacro & profano. Magis adhuc commendari hic meretur LEONIS ALLATII *de mensura temporum antiquorum, & præcipue Græcorum*, Exercitatio, a BARTHOLD. NIEVSIO, Colonia Agripp. An. 1645. in 8. edita, quæ quicquid de dierum & noctium, de mensium porro ac annorum divisionibus, denique de horologiis, clepsydriis, deque aliis temporum dimetiendorum regulis, notatu dignum est, erudite discussit & explanavit. Alia quidem methodo ac ratione,

sed & curatius longe id egit WILHELM. LANGIVS *de annis Christi, lib. I toto*, cujus *cap. II. p. 8.* de tempore, ejusque mensura, *cap. III. p. 17.* de die, ejusque varia divisione, & horis, *cap. IV. p. 39.* de hebdomadibus cum Judæorum, tum Christianorum, de feriis quoque, fastis, profestis, comitalibus diebus, *cap. VI. p. 61.* de anno, *capp. seqq.* de cyclis &c. magno cum eruditionis apparatu tractavit. Ex nostris adde b. AEGID. STRAVCHII *breviarium Chronologicum*, quod *lib. I. cap. II.* de horis, *cap. III.* de vigiliis, *cap. IV.* de diebus, *cap. V.* de mensibus, *cap. VI.* de annis &c. concise, sed magna cum accurate institutione. Conferri quoque poterit BERN. LAMY *de Templo Hierosolym. lib. VII. cap. VII. p. 1261 sqq.* quo de temporum mensuris apud Hebræos, de dierum, mensium, annorum, initio, duratione, renovatione, agit. Quin & IOH. SELDENI *de Anno Civili veterum Judæorum* dissertatio huc spectat, Lugduni Batav. anno 1683. in 8. recusa.

Ad





שני פנים שעות שוות ושעות עקומות  
ונקראות זמניות. השעות השוות ישתנה  
מנינם ולא ישתנה שיעורם והשעות הזמניות  
בהפך לא ישתנה מנינם אלא ביום או  
בלילה יב שעות לא פחות ולא יותר אבל  
שיעורם משתנה: *Horæ sunt duum generum,*  
*horæ æquales, & horæ obliquæ, seu inæquales, quæ*  
*temporales dicuntur. Et horas quidem æquales*  
*quod attinet, mutatur numerus earum, sed non*  
*mutatur mensura; at, quod concernit horas tem-*  
*porales, seu inæquales, vice versa non mutatur nu-*  
*merus earum, siquidem interdum æque ac noctiu*  
*duodecim horæ sunt, non pauciores, neque plures,*  
*verum mensura earum mutatur.* Hinc adagium  
fluxit R. IOS VAE, vel R. IV DAE, filii BABAE, in  
Mischna יבמות cap. XVI. §. 3. לא כל אדם  
ולא כל המקומות ולא כל השעות שוין  
*non omnes homines, nec omnes loci, nec omnes horæ*  
*sunt æquales.* Vnde vero, hæc diei civilis parti-  
tio in XII partes æquales, originem hauserit,  
erudite inquit LANGIVS cap. III. p. 33. eam-  
que ex Lunæ cum Sole conjunctione arcessit.  
Antiqui enim, cum viderent, lunam interea,  
dum sol circulum suum absolvit, duodecies cum  
sole coniungi, & ab eodem recedere: circulum  
solis in XII partes diviserunt, quas Græci postea  
δωδεκατημόρια vocarunt. Et quodlibet horum  
menstruo spacio solem absolvere crediderunt.  
Quoniam vero menstruum spacio XXX die-  
rum erat, quo luna cursum suum absolvere vi-  
debatur, quodlibet dodecatemorium, juxta die-  
rum rationem, in partes XXX diviserunt. Hinc  
circulus solis in partes CCCLX, & post illum  
omnis circulus, dispescitur. Partem quamlibet  
gradum vocabant, quod tantum diurno spacio  
sol progrediretur. Juxta hanc rationem lunæ  
itidem circulus in partes 360 divisus fuit, quem  
XXX diebus, juxta antiquos absolvebat. Quo-  
vis ergo die XII gradus, sive partes conficit. Et  
sane tantum in 11 primis & 27 secundis &c. erra-  
runt. Cum igitur quovis die 12 gradus luna  
pergeret, diem in duodecim quoque partes dis-  
tribuerunt. Quam demonstrationem ibidem  
ab objectionibus eorum, qui exactam esse ne-

gant, vindicat: easdem porro p. 35 sq. Græcis &  
Romanis asserit horas. Sed de horis differendi,  
Auctor noster, paulo post §. V sqq. occasio-  
nem subministrabit.

Ad §. III. pag. 49.

(4) *Profestus - Festus*] De hac dierum  
apud Romanos distinctione ita habet MACROB.  
lib. I. Saturnal. cap. XVI. Numa, ut in menses an-  
num, ita in dies mensem quemque distribuit: dies-  
que omnes aut festos, aut profestos, aut intercisos  
vocavit. Festi Diis dicati sunt: *Profesti homini-*  
*bus ob administrandam rem privatam publicamque*  
*concessi: Intercisi Deorum hominumque communes*  
*sunt. Festis insunt sacrificia, epulæ, ludi, feriæ:*  
*Profestis, fasti, comitiales, comperendini, stati, præ-*  
*litales: Intercisi in se, non in alia, dividuntur. Il-*  
*lorum enim dierum quibusdam boris fas est, qui-*  
*busdam fas non est, jus dicere &c. ubi post hæc de*  
*divisione festorum & profestorum dierum latius*  
*& ex instituto, exponit.* Apud Hebræos vete-  
res, dies festos quoscunque מקרא קדש indictio  
Sanctitatis præcedebat, qua per Præconem re-  
nunciabatur, ne quid operis illis diebus fieret,  
vi legis Divinæ Lev. XXIII, 2. dic Israelis poste-  
ris: festa solennia Domini (מועדי ירוה) qua  
proclamabitis indictionibus Sanctitatis, hæc ipsa  
sunt &c. in quorum recensione identidem illud  
repetitur vers. 7, 8 sqq. *indictio Sanctitatis, nul-*  
*lum opus facietis.* De hac vero indictione San-  
ctitatis, Sabbathis & Festis singulis præmissa, co-  
piose, immo scrupulose nimis, commentatus est  
VITRINGA de Synagoga Vet. Lib. I. Part. II.  
cap. 2. p. 287, & p. 291. negat, indictionem San-  
ctitatis eo tetendisse, ut populus commoneretur,  
illum diem sancte & religiose esse transigendum,  
eamque quandam quasi invitationem populi, ad  
solennia & stata religionis exercitia, isto die fre-  
quentanda, celebrandaque fuisse; rursus tamen  
p. 295 sq. Sabbathi otium indictum, Judæos ad  
preces, laudes Dei, meditationes sacras, & alia  
pietatis exercitia, cum publica, tum privata, for-  
titer impulsisse contendit: quæ ibidem videan-  
tur.

tur. Nos addimus, similem indicendi & proclamandi ritum, a Gentilibus quoque adoptatum, tradi MACROBIO *loc. cit.* Et ideo per præconem (seu, ut MEYRSIYS emendat, & legere jubet, per præciam) denunciabatur, ne quid tale ageretur (diebus scilicet festis, quod profestis fas erat:) & præcepti negligens multabatur. Præter multam vero affirmabatur, eum, qui talibus diebus imprudens aliquid egisset, porco piaculum debere; prudentem expiare non posse, Sævola Pontifex affirmabat. Sed de otio, ac celebratione Sabbathi ac Festorum, alias ex instituto dicemus, suo loco.

Ad §. IV. pag. 49.

(5) *Nocturnæ vigiliæ*] Vigiliæ apud Judæos non agnoscit Auctor, nisi quatuor, quarum tamen gemina obtinuit, pro temporum diversitate, ratio, ut nunc tres numerarent, nunc quatuor. Verustissima est divisio tripartita, quam DAVID KIMCHI confirmat in *Psal. LXIII. 7.* ואשמורת הם עתות הלילה שארם מקי בהן משנתו והם שלש וכן וארזל שלשה: משמורת היו הלילה: Et *vigiliæ sunt tempora noctis*, quibus homo a somno evigilat: suntque tres: Atque ita Rabbini nostri felicitis memorie dixerunt: tres sunt *vigiliæ noctis*. Huc facit etiam tritum illud: אשמורת שלישי היא של לילה: *Vigilia est tertia pars noctis*. Harum prima a vespertino crepusculo pertingebat ad noctem mediam Job. IV, 13. Thren. II, 19. secunda a nocte media ad gallicinium primum Jud. VII, 19. tertia ab hoc gallicinio ad ortum usque solis, quæ dicta est אשמורת הבקר / *vigilia matutina*, qua Dominus prospiciebat e columnâ ignis ad castra Aegyptiorum Exod. XIV, 24. Quando vero per Pompejum Romanis subjugati erant Judæi, more illorum quatuor *vigiliæ* sive sponse, sive coacte numerarunt Matth. XIV, 25. Marc. VI, 48. quarum 1. fuit ἡ ὥφθ, quæ finiebatur nona vespertina. 2. μεσονύκτιον, quæ duodecima. 3. ἀλεκτηροφάνια, quæ tertia matutina. & 4. πρωί, quæ hora sexta absoluebatur Marc.

XIII, 35. Ita HIERONYMVS *Comment. in c. I. Matth. Stationes*, inquit, & *vigiliæ militares in terna horarum spacia dividuntur*. Et AVGVSTINVS *lib. IV. quæstion. super Numeros, quæst. 4.* Quas Φυλακὰς (câp. III. vers. 6.) Græcus dixit, has nostri Interpretes alii custodias, alii excubiâs interpretati sunt. Sed mirum, nisi *vigiliæ* melius dicantur; quæ solent in castris ternarum horarum observationem habere. Unde scriptum est: quarta autem *vigilia* noctis venit ad eos, ambulans super mare, hoc est, post nonam horam noctis; post tres videlicet *vigiliæ*. Etiam THEOPHYLACTVS in *cit. Matth. loc. ad militarem originem*, quæ Romanorum fuit, hanc *vigiliarum dispensationem* refert: εἰς τέσσαρα διαίρειται ἡ νύξ παρὰ ταῖς Φυλάσσεσιν ἐκ διαδοχῆς στρατιώταις, ἀνὰ τρεῖς ὥρες ἐχέσης ἐκάστης Φυλακῆς in quatuor nox partes apud excubantes ex successione milites distribuitur, ut unaquæque *vigilia* tres horas accipiat. Acquiescit in hac, ex more Romano hausta, quadripartita divisione, CAROLVS MARIA DE VEIL in *Explicat. literali Evangel. Matth. cap. I. & AEGID. STRAVCHIVS Breviar. Chronol. lib. I. cap. III.* ubi de *vigiliis* ex instituto, *quæst. IV. p. 47.* inclinationis politiæ Judaicæ tempore, Romanorum morem, in *vigiliis* ordinandis, Judæos imitatos fuisse largitur. LIGHTFOOTVS quidem *Hor. Hebr. in Matth. c. I.* jam ab antiquo, Judæos in quatuor partes noctem divisisse contendit, nec tamen nisi tres numerasse, quod quartam partem aut *vigiliam*, non tam pro nocturna, quam pro matutina æstimarent. Erant ergo, inquit, revera quatuor *noctis vigiliæ*, at tres tantum *profundæ noctis*. Cum ergo dicatur, Gedeonem Midianitas invasisse *vigilia noctis media* Jud. VII, 19. intelligendum est de *vigilia* ista, quæ erat quidem totius noctis secunda, at *profundæ noctis media*; a finita scilicet *vigilia prima ad mediam noctem*. Quod vellem, auctoritate Judæorum muniisset. RASCHI enim in *b. l.* tres saltem *vigiliæ* militares ea ætate observat, inquires: שכן דרך בנו ניסות להעמיד שומרים אלו ושמו שלוש הלילה הראשון ואלו שלוש השני ואלו שלוש האחרון;



:החורון: Ita quippe fert mos militum, ut constituentur vigiles, istos quidem, qui custodiant primam tertiam noctis partem, alios, qui secundam tertiam partem, alios, qui ultimam tertiam. Paulo luculentius adhuc R. DAV. KIMCHI in b. l. cujus solum dabimus versionem: *Dividebant vigilias noctis in tres partes. Custodes ab initio noctis vigilabant ad tertiam partem noctis, quæ finis erat vigiliæ primæ, & initium vigiliæ mediæ: tum custodes primi cubitum ibant, & alii surgebant de somno suo ad custodiam. Atque hoc sibi vult Textus, cum ait: Cum constituendo constituerent custodes, tum venit Gideon ad castra.* Gideonem itaque invasisse castra hostium existimat, eo pse, quo stationes vicēsque permutabant vigiles, momento, sub initium vigiliæ mediæ, proxime ab hora noctis duodecima, ut nos putamus. Potior certe Judæis semper fuit tripartita vigiliarum divisio, quod & genti esset propria, ac a majoribus tradita, & quarta vigilia a Romanis obtrusa, nimisque matutina. Sed de Romanorum vigiliis castrensibus, cum cura commentatus est LIPSIVS lib. V. de militia Romana Dial. IX. De vigiliis autem Christianorum sacris, cum Sabbathicis, tum festivalibus, vide TOB. PFANNERI *Observation. Ecclesiastic. P. II. Observ. II. p. 97 sqq.* Præterea elegantem, doctamque de *Vigiliis & lucubrationibus Veterum* dissertationem CHRISTOPH. CELLARIUS edidit, Halis Magdeb. A. 1699. in qua de Judæorum noctis divisione parcius, de Romanorum copiosius dissertuit, omnium autem copiosissime de lucubrationibus, & deputanda studiis partē quadam noctis egit, ad calcem quoque pauca, de Christianorum & festorum dierum vigiliis, subjecit.

Ad §. V. pag. 50.

(6) *In quatuor partes*] Diem Judæis in horas XII æquales, quæ minores dicebantur, dispesci, supra monuimus *Annotatione 3.* Nunc ad quadrantes diei pergit Auctor, Scripturæ non ignotos, quando Neh. IX, 3 רביעית היום *quadrantem diei* memorat. Duodecim enim diei

horæ, a solis ortu ad occasum, in quatuor partes æqualiter distantes distribuebantur, quarum singulæ nomen trahebant ab illa hora, ad quam unaquæque immediate sequebatur, sic ut *prima*, a sole Oriente diceretur ad horam tertiam, quæ nobis nona est, *tertia* proxime a nona, ad duodecimam, *sexta* post duodecimam, ad tertiam pomeridianam, *nona* post tertiam, ad solis occasum. Ad hos quadrantes Christum quoque in parabola Matth. XX respexisse, facile largior, verum ita, ut primus quadrans *ἅμα πρῶτῳ*, secundus *πρὸς τὴν τέτταρτον ὥραν*, tertius *πρὸς ἕκτῃν*, & ultimus *πρὸς ἑννιάτῃν*, dicatur. Quæ autem versu 6. de hora XI leguntur, ad horam minorem potius referenda esse censeo, quam ad quadrantes. Hanc equidem, quadrantes diei putandi & appellandi, rationem flagellat Auctor noster §.sq. VI. in TOLETO, sed vereor, ut satis solide, & cum ratione. Nam quod contendit, eos, qui nobiscum sentiunt, horam primam facere, non invenire, in eo frustra est ΕΟΘΩΙΝVS. Sane, qua primum vice conduxit pater familias operarios, & in vineam misit, ea haud dubie prima est hora, non quarta, quod ille ait, noctis vigilia. Vnde operarii illi non modo οἱ πρῶτοι vers. 10. dicuntur, verum etiam sese, τὸ βάρος τῆς ἡμέρας (minime vero τῆς νυκτός) καὶ τὸν κόπον αὐτῶν pertulisse conqueruntur vers. 12. Recte vero ista hora πρῶτῳ vocatur a Servatore, quia cum diei initio cœpit. Horam porro undecimam non excludimus, quod præter verum causatur Auctor, sed secundum computationem horarum diei minorem efferri dicimus. Auctor ex adverso, horam tertiam cum primo quadrante coincidere ratus, primam ablegationem, cum secunda vers. 2. 3. temere confundit, vel plane absorbet, novumque fingit quadrantem, qui nunquam obtinuit, horam nempe undecimam. Porro, cum quinquies facta memoratur conductio, ex quinque vicibus quatuor exsculpere quadrantes, invita Minerva allaborat. Hinc se torquet circa operarios horæ undecimæ, & explicationem profert, quæ in mentem non venit Salvatore. Vt taceam, postremos hos operarios minime

nime ultimum diei quadrantem, sed μίαν solum ὥραν laborasse, vers. 12. Bona itaque cum venia Auctoris, statim recensione sub initium facta, quam ante nos cum alii plures tenuerunt, tum laudatus supra CAR. MARIA DE VEIL *ad h. l. Matth. & nostris* IOH. REINH. RVS *Harmon. Evangel. lib. V. P. I. Sect. 3. Cap. 21. T. II. p. 1006.* Juvat hic ex EVSEBII QVIO audire, quo indicio & modo Turcæ, quibus horæ nullæ sunt, diem in quadrantes dividant. Ita autem ille *Epist. I. Legat. Turc. pag. 26.* Talismanos habent, hominum genus, templorum ministerio dicatum. Hi mensuris utuntur ex aqua, quibus, postquam adventare auroram cognoverunt, clamorem tollunt e celsa turri in eum usum constructa, quo homines ad venerandum Deum hortantur & arcessunt. Idem faciunt medio tempore inter exortum solis & meridiem; & item inter meridiem & occasum: postremo, sole occidente, voce utuntur acutissima, eam non injucunda modulatione vibrantes, quæ longius, quam credi possit, exauditur. Sic totus dies Turcis in quatuor spacia dividitur; majora aut contractiora, ut anni fert tempus.

Ad §. VII. pag. 51.

(7) *Conciliantur Evangelistæ, circa passiones Salvatoris nostri*] De hora crucifixionis Christi adeo dissentiunt, ob hæc diversa Evangelistarum testimonia, summa ingenia, ut CASAVBONVS *contra Baronium Exercitat. XVI. cap. 110.* expectandum esse Eliam pronunciet, qui τὰ ἀποκα Scripturarum solvat, atque interim verbi divini certitudinem, tam in iis, quæ non capimus, quam in iis, quæ capere videmur, humiliter esse adorandam. Summa tamen sententiarum huc redit, ut I. alii textum Johannis corrigant, cumquæ Johannes scripserit: ὥρα δὲ ὥσπερ ἔκρη, legendum velint: ὥρα ἢ ὥσπερ τρίτη, ut hoc pacto ex asse conspiret cum Marco. Ita legere Codicem perverustum Cantabrigiensē, qui THEOD. BEZAE fuit, MILLIUS *in Not. ad Job. XIX, 14.* perhibet, nec non IOACHIMI CAMERARII, ut ipse testatur *Not. ad Marc. XV, 25.*

Ita pariter legisse in ipso αὐτογράφῳ Johannis, in Ecclesia Ephesina asservato, auctor tradit Chronici Alexandrini: quod tamen commentum, æque ac prætersam notarum arithmeticarum Γ' cum 5' permutationem, laudatus MILLIUS strenue confutat. Adstipulantur tamen correctioni huic Johanneæ THEOD. BEZA, IOH. BOISIVS, PAVLVS COLOMESIVS, & cum primis ANTON. BYNAEVS *lib. III. de morte Christi, Cap. IV. §. 43. p. 187.* Ex veteribus quoque cum iis facit NONNVS, ita παραφράζων· ἢ δὲ τιτανομένη τρίτῃ θανάτῳ Θεοῦ ὥσπερ, erat autem protensa tertia letifera hora: ab HEINSIO jure castigatus in Aristarcho. Vicissim WILHELM. LANGIVS *lib. II. de annis Christi cap. XI. p. 433.* Marcum in mendo jacere causatus, cum pro Ε, extritis lineis binis inferioribus, Γ irrepleverit, ὥρα πέμπτη pro τρίτῃ legendum esse, insolita hactenus licentia comminiscitur. II. Alii vero utramque lectionem sartam tectam servant, nunquamque componunt, sed modo haud uno. α. LVDOVICO DE DIEV *ad cit. loc. Marc.* eorum placet sententia, qui sextam horam Johannis accipiunt Romanorum, addo & nostro, more, tertiam vero apud Marcum, Judæorum. Existimat ergo, accusationes Sacerdotum durasse a summo mane, ad horam fere Romanorum sextam, quæ Judæorum prima erat. Inde usque ad Judæorum tertiam, quæ Romanorum nona erat, contigisse ea, quæ crucifixionem antegressa sunt: ipsa tertia fuisse crucifixum. Inde usque ad sextam, quæ Romanorum XII est, contigisse, quæ post crucifixionem, tenebras dicit antecessisse. Inde fuisse tenebras usque ad nonam. β. IACOB. LYDIUS *in florum sparsione ad pass. J. C. p. 194.* utrumque Evangelistam locutum fuisse existimat de hora Judaica, Marcum de tertia, Johannem de sexta, sed non utrumque de uno ac eodem actu. Marcum accipiendum de actus crucifixionis initio, cum Judæi σταύρωσιν suam ingeminarent, & Pilatus Christum virgis caderet, Johannem autem de ipsa patratione & in crucem actione. Illud enim hora tertia Judæorum, h. e. nona Romanorum, hæc vero, sexta Judæo-



rum, h. e. duodecima Romanorum contigisse. Eandem quoque Auctor noster viam insistit. Denique γ. cum NICOL. DE LYRA asseruisset, apud majores suos consuetudinem obtinuisse, dividendi diem in quadrantes quatuor, quorum singuli tres horas complectebantur, eaque ratione factum, ut rite hora dicatur tertia, quæ etiam sexta fuerit: CAESAR BARONIUS, Cardinalis, hanc amplexus sententiam *Annal. ad A. C. XXXIV. n. 157.* prolixè perorat, tandemque concludit: *Quod igitur Johannes ait, horam fuisse quasi sextam, cum Pilatus sententiam in Christum jam dicturus esset, sic accipiendum est, ut ultima hora primæ diei partis, quæ tertiæ dicta est, jam cepta esset, & proxime jam inchoanda foret secunda pars diei, quæ sexta est nominata; sicque merito ab Evangelista dictum, fuisse tunc horam quasi sextam, nondum videlicet tertia absoluta. Ac ita eandem novissimam horam primæ partis diei fuisse terminum ejus, jam desinentis, & secundæ partis, quæ sexta dicta est, jam proxime incipientis, quæ ipsa hora Dominus noster a Pilato sententiam mortis accepit, ac paulo post cruci affixus est.* Ita vero horas, cum diei quadrantibus, Evangelistas in tanti momenti narratione, invicem commisuisse, eoque ipso obscuritatem adeo insignem historiæ intulisse, vero perquam absimile videtur. Nos itaque a partibus stamus LUDOVICI DE DIEV, ita, ut ceteros Evangelistas in horarum numero Judæorum, Johannem autem Romanorum morem sequi dicamus. Sexta enim Romanorum desinens, erat Judæorum prima incipiens. Vnde eodem recidit, siue dicas, Christum in Prætorio Pilati condemnatum fuisse ad mortem, hora sexta Romanorum jamjam finita, siue id factum fuisse asseras circa ortum solis, cum Judæis iustaret hora diei prima; πρῶτη enim erat, quando Christus in Prætorium deducebatur Joh. XVIII, 28. Fueruntque adeo tres integræ horæ elapsæ a spacio illo, quo Christus in Prætorio Pilati ad mortem fuit condemnatus, usque ad initium crucifixionis. Nec mirum, quod Johannes horarum computum secundum Romanos hic loci instituat. Versatur

enim in narratione rerum, in Prætorio Romano, ac a Præside Romano gestarum; conveniebat ergo, ut cum Romanis calculum duceret horarum. Confer in hanc sententiam GEORG. ELIEZ. EDZARDVM in *Cap. I. Tract. Berachoth not. 91. pag. 256.*

Ad §. VIII. pag. 51.

(8) *Horæ templi, siue horæ precationis* ] FUSE & ex instituto has exponit MAIMONIDES in *Jad Ehas. Lib. II. Hile. Tephilla Vbirchat Cohanim.* Preces nempe privatas, oblationibus Templi, veteres Judæi coordinarunt, erantque tres ordinariæ, 1) שחרית / *matutina*, cujus tempus est, ab ortu solis, usque ad horam diei quartam: 2) מנחה / *respondens vespertinæ oblationi quotidianæ*; ad horam nonam cum dimidia: 3) ערבית / *vespertina*, ab initio noctis, usque ad primum auroræ radium. Sabbathis autem, noviluniis, & festis diebus, accedebat 4) מוסף / *ad-dita*, cujus tempus est post precem matutinam, ad horam usque diei septimam: die denique jejunii, seu propitiationum, adjiciebatur adhuc 5) נעילה / *q. d. oclusoria*, quod tum ocluduntur & velut obferantur cæli portæ super solem, qui absconditur, ejusque tempus est circa solis occasum, sic ut ante perficiatur, quam sol occidat. Priores tres indicatas credunt a Davide Psal. LV, 18. Hæc cit. *loc. cap. III. §. 1-6. cap. I. §. 8 sqq.* & MAIMONID. qui tamen *cap. I. §. 1.* probe observat, licet oratio ipsa sit de necessitate, & מצות עשה *præceptum affirmativum*, attamen אין מנין התפלות *neque numerus precum de lege est*, ואין משנה התפלה *neque obligatio ad hanc vel illam precem*, ואין לתפלה זמן קבוע מן התורה *nec tempus certum & definitum precum.* Porro *cap. III. §. 2.* observat, orationem illam, quæ Mincha dicitur, esse vel ordinariam, מנחה קטנה *Mincha minor* dictam, vel extraordinariam, quæ מנחה גדולה *Mincha major* audiebat, quando scilicet vespera Paschatis incidebat in vesperam Sabbathi, cujus tempus erat ab hora sexta & dimidia,

midia, usque ad nonam cum dimidia. Hinc liquet, orationem, cujus gratia Petrus & Johannes in Templum ibant Act. III, 1. Mincham minorem fuisse, quæ respondet oblationi vespertinae, בין הערבים *inter duas vespertas*, h. e. medio tempore inter meridiem, & solis occasum, quando sol incipit inclinare, & recedere a linea meridiana, idque tempus medium erat hora nona completa juxta Judæos, tertia vero pomeridiana juxta nostram computationem.

Ad §. IX. pag. 51.

(9) *Derivate sunt horæ Canonice* ] Memoratas precandi horas Judaicas, PETRVS COMESTOR *Hist. Scholast. cap. IX. de visionibus Danielis*, cum horis in Papatu Canonice ita confert: *Tribus horis orabant Judæi in die, scilicet, hora tertia, sexta, & nona: In tertia orabant, quia tunc eis datus est decalogus in Syna; in eadem orat Ecclesia, quia tunc est datus Spiritus Sanctus super Apostolos: In sexta orabant, quia tunc erectus est serpens æneus in deserto; in eadem orat Ecclesia, quia tunc est Christus suspensus in ligno: In nona orabant, quia tunc dedit petra aquam in Cades; in eadem orat Ecclesia, quia tunc de Christo lanceato exiit sanguis & aqua.* Quas Judæorum orandi rationes, unde hauserit COMESTOR, plane me fugit, nisi ex ingenio confinxerit suo. Ceterum PAYL. SHERLOGVS *Antiqu. Hebr. Libr. II. diff. I. Sect. 7. p. 242.* operose inquit, num septem, an vero octo definiendæ sint horæ Canonice, ita nimirum, ut matutina cum laudibus, duas conficiat? calculum tamen fert pro numero septenario, qui respondeat tribus diurnis apud Judæos precibus, & quatuor vigiliis nocturnis. Sed & BARTHOLOM. GAVANTVS *in Thesaur. sacr. rituum* de horis Canonice multa subicit, & T. II. quidem *Sect. IV. p. 44.* de proprio ritu singularum horarum Canonice, *Sect. X. p. 181.* de cerimonijs ad horas Canonice adhibendis, præcipit: *p. 303.* dubium, de recitandis horis Canonice, solvit: & *in Enchiridio p. 129.* regulas miscellas de horis Canonice, ex omni jure Pontificio congestit, unde

hauriat, cui ea cognoscere volupe est. Huic, qui plura cupit, GISEBERT. VOETIVM jungat, *Select. Dissp. P. III. p. 1056, 1068:* & ANDR. RIVETVM *Cathol. Orthod. Tr. II. qu. 35. pag. 543 sqq.* Ad nostrum enim institutum non faciunt directe.

Ad §. X. pag. 51.

(10) *Horologia Solaria* ] Horologiorum 1) incomitior modus antiquissimus ille erat, qui pedibus umbram admetiebatur, nempe horam sextam putandam, cum ad sex pedum longitudinem umbra protendebatur &c. cujus totum schema habes *Tom. I. Opp. BEDAE* circa finem, tractatu *de mensura horologii.* Hinc apud SYRIDAM *δεκάπυς σκιά*, decem pes umbra celebratur, pro hora diei decima, nostræ respondente pomeridianæ quartæ, qua ordinarie epulatum est a priscis, docente ERASMO *Chiliade III. Cent. IV.* adagio: *decem pes umbra.* Quanquam ea tempestate, horas in Græcia cognitæ adhuc fuisse, operose neget CLAVD. SALMASIVS *Plin. Exercit. in Solinum p. 445 sqq.* PLINIVMQUE, quando Anaximandrum horologia sciatherica primum invenisse perhibet, sinistra τῶν σκιῶν interpretatione deceptum, refellat. Quando itaque apud veteres Græcos diei ratio sic inibat, ut ἐξάπυς σκιά, diceretur, ἐπιδάπυς, δυοδάπυς, ἐννὰπυς, δεκάπυς, ἐνδεκάπυς, δωδεκάπυς, & sic deinceps partes diei numerarentur ab umbræ mensura, pedibus comprehensa, eos non horas collegisse vult SALMASIVS, ex umbrarum magnitudine, verum id tantum didicisse, quantum diei a mane ad meridiem superesset, quantum a meridie ad vespertinam itineris restaret, soli faciendum. Largitur tamen illos, eadem fere ratione, umbrarum modulis diem partitos fuisse, ut postea horis dispersitus est: horarum saltem observationem nondum receptam fuisse, aut cognitam. Ab hac rudiori temporum dimensione, transitum & perventum est 2) ad Horologia culti operis, quæ horarum spacia styli in medio fundo sui proceritate discriminabant. Stylus ille γνῶμων dicebatur, a quo in subjectam tabulam,



lam, sive æneam, sive marmoream, duodecim lineæ ducebantur, literis, numerorum indicibus, terminatæ: A. B. Γ. Δ. E. 5. Z. H. Θ. I. IA. IB. Quamcunque ergo lineam umbra gnomonis tangebat, ea diei hora intelligebatur esse, literæ numero ad lineam appposito indicata. Quando ergo AVSONIVS in *Ephemeride vers. 95.* inquit: *Sofia, prandendum est, quartam jam totus in horam Sol calet, ad quintam flectitur umbra notam:* per *notam*, literam intelligit lineæ adjunctam, numerumque horæ indicantem. Priores sex horæ, usque ad meridiem, rebus agendis dabantur; reliquæ vero, post meridiem, corpori curando. Hinc eo, quo sequuntur, ordine, ac serie, vocem ζῆσι efficiunt, quo admonemur vivere, hoc est, genio indulgere. Tale Romæ, quod primum horologium statutum est, alii in Capitolio, nonnulli in æde Dianæ, positum fuisse volunt. In foro postea aliud constitutum constat, quod ex Sicilia advectum fuit, quo una tota urbs diu contenta fuit. 3) Demum, quoniam horologia, ad solis cursum directa, diebus nebulosis atque per noctes, suum denegabant officium, clepsydræ usus invaluit, vasis nimirum, e quibus interpositæ aquæ sic destillabant, ut horarum incrementa docerent. De his vide CASSIODORVM *lib. I. Variar. formula 45. & 46.* HENRICVM SALMVTH in *P. II. memorabilium Pancirolli tit. 10. de Horologiis*: SALMASIVM *loc. cit. pag. 450.* ubi simul, quid inter clepsydram, & horologium hydraulicum discriminis intercedat, edocet. Hanc discrepantiam LEO ALLATIVS etiam *de mensura temporum cap. VI. p. 50 sqq.* prolixè exponit, posthæc etiam *pag. 56 sq.* Oratores ad clepsydram declamasse demonstrat, unde apud Latinos, *aqua heret, & aquam perdere*, in proverbio dicatur. 4) Horologia autem rotata, quæ campanæ strepitu sonoro, etiam distantes admonerent, quamvis diei hora percurreret, veteribus omnino incognita fuisse, inde patet, quod SENECAE, PLINII, IVVENALIS, aliorumque veterum Scriptorum testimoniis constet, quod potentiores ex servorum grege, dominæ ex ancillarum tur-

ba, certis id darent negotii, ut horologia crebro visitarent, & quam umbræ facerent horam, denunciarent. Immo inter regii palatii Ministros erat, quem de horis diei & noctis referre oportebat. Hinc ad novissima usque tempora Sinas, ejusmodi horologiorum usu caruisse, ex societatis suæ, qui legationes illuc obire, narratione, testis est PAVL. SHERLOGVS *cit. loc. pag. 245.* ubi, in primam harum machinarum inventionem & auspicia, curiose inquirat. Turcas pariter, ut horologia in publico haberent, suæ ætate nondum adduci potuisse, refert AVGER. GISELEN. HVSBEQVIVS *Epist. III. p. 159.* quod, si publicus & vulgaris eorum esset usus, aliquid de ædituorum suorum redditibus, & prisce ritus auctoritate, diminutum iri arbitrentur.

Ad §. X. pag. 51.

(II) *In Solario Achazi*] Ad Achasi solarium quod attinet, α) sunt, qui cum CAIETANO, ARIA MONTANO, MARIANA, & Auctore nostro, censent, vicem styli seu gnomonis gradus præbuisse, totam vero machinam dimidii orbis, dimidii cylindri instar habuisse, ita quidem, ut singulis horis umbra singulos gradus ascenderet ante meridiem, post meridiem descenderet: SHERLOGVS sæpius nobis laudatus *pag. 248.* non horas modo integras, sed & semihoria, vel sesquihoras singulis lineis fuisse notatas censet, adeoque cum non per X horas, sed per X gradus retrocessisse umbra dicatur, retro solem conversum fuisse quinque horis justæ mensuræ, quæ X requirebat gradus, vel lineas: miraculum porro, non in umbra solum, verum in ipso quoque retrocedente sole, evenisse: β) SALMASIVS *loc. cit.* sententiæ suæ in hærens, quod ea ætas horologia sciotherica adhuc ignoraverit, Achasi solarium æquinoctialibus solum diebus, in XII partes dividendis, inservisse tradit: qua ratione, velit nolit, verum ac genuinum horologium solare largitur: γ) IOSEPH. SCALIGER in *Prolegom. ad Canones Isagog. Chronologia* gradus palatii Achasi significari contendit: horologium autem

autem hic loci frustra commentos esse Judæos. Et huc fere accedit sententia Doctoris cujusdam Anonymi, in *Biblioth. Brem. Tom. I. fol. 840 sqq.* non gradus sciatherici, sed gradus scalæ, ex arce Sionis in Templum tendentis, indigitari, ab Achaso & metu Assyrii regis destructæ ac remotæ, & ab eodem, cessante periculo, reparatæ, unde *כֹּחַ עֲזָחָהּ* gradus Achasi dicantur. Vmbra itaque Templi decem tunc implevisse pontis, aut ambulacri regii gradus, sive plures fuerint, sive minus, unde colligere licet, post meridiem signum istud & prædictum, & editum fuisse. Univerſum tamen miraculum ita eludit, ut sensum verborum Prophetæ hunc faciat: sequenti die, redeunte iterum umbra in eundem locum, superstitem adhuc Regem futurum. Ita nimirum instituit: *Promissio divina erat clara: Regem perendie in Templum reversurum. Hæsitabat Rex, vel morbi acerbitate compulsus, vitam sibi eousque propagatum iri dubitans. Symbolum igitur Divina sponſionis in re tam difficili, a Propheta præ sollicitudine exquirens, a Propheta accipit, redeuntem diem crastinum. Quam certo dies crastinus redeat, & quam certo die crastino, circa idem tempus, umbra illuc revertatur, & quam certo, tempore illo redeunte Rex sit superfuturus, tam certo perendie illum in Templum reversurum, ac per gradus illos in domum Domini denuo commeaturum. Quam sit Deo facile, diem revocare, ut redeat, ut in eundem locum, ubi pridie hæserat, umbra revertatur, tam facile esse Deo, redere Regi sanitatem, ut cum redeunte valetudine in Templum perendie revertatur.* Quo sane pacto egregie illuſisset Regi Propheta, istud definiens signum, quod erat in questione. Scire Rex avebat, num crastina luce superstes adhuc sit futurus? responſum autem ferebat, futurum omnino, si postero die redeuntem in eundem scalæ locum, sub hoc ipsum tempus, umbram videret: quod adeo est elumbe, ut Viro docto, ne miraculum agnosceret, in mentem venire potuisse, miraculum fere sit. Expetebat Rex *מִוֶּחַל* miraculum, omnes naturæ vires longe excedens, signum recuperandæ valetudinis, 2 Reg.

XX, 8. quale *מִוֶּחַל* Achaso ipsi quondam obtulerat & denunciaverat Deus Jef. VII, 14. Immo tale *מִוֶּחַל* signum, quod non indicium modo præberet denunciata valetudinis, sed quod etiam *הַמִּוֶּחַל* prodigium, & miraculum sit futurum, divinam cum Prophetæ missionem, tum oraculi originem & fidem confirmans, uti discrete appellatur 2 Chron. XXXII, 31. Respondet Propheta, signum fore, ut retrahat Deus umbram graduum, quæ descendit in gradibus Achasi, retrorsum decem gradus, *וְחָשַׁב הַשֶּׁמֶשׁ עֶשְׂרֵי מַעֲרוֹת כְּמַעֲרוֹת אֲשֶׁר יָרַדָּה* ut retrocedat Sol decem gradus, in gradibus, per quos descenderat Jef. XXXVIII, 8. Quo nescio, quid clarius & significantius dici potuisset. Qualem autem prodigium in eo erat situm, si umbra crastino die in eundem, statò tempore, rediret locum, quem hodie tenuerat? Et quo demum documento Rex confirmabatur de veritate promissionis divinæ, de qua sibi hodie constare cupiebat, si crastino demum die eam erat expecturus? Ut taceam, crastini diei, cui tota hæc superstructa incumbit interpretatio, nec volam in Textu, nec vestigium comparere. Sed quanto studio picta hæc & exornata sententia, tanta contentione & fide refutata legitur a Viro candido BERNH. PETR. KARLIO *Tom. IV. Biblioth. Bremens. p. 635.* Auctor denique istius interpretationis juxta, ac dissertationis, HERMANNUS VON DER HARDT proditur a Vener. Abbate MOSHEMIO in *Annotat. ad Augustini Calmeti disquisit. Biblicar. P. IV. p. 325.* ubi simul sententiam Auctoris succincte & perspicue exponit, ita tamen, ut suum ab illa disſensum haud obscure significet. δ) Hac itaque ratione devolvimur ad mentem laudati CALMETI, qui proluxa dissertatione, magno cum doctrinæ apparatu in hoc inquisivit argumentum, rejectisque aliorum opinionibus, ipse demum p. 320. in ea acquiescit, quod umbra in solario Achasi, decem lineis, miraculoso modo, ad preces & oraculum Prophetæ retrocesserit, nec opus esse, ut modus rei gestæ uberius declareretur. ε) IOH. CLERICVS *Comment. in 2 Reg. XX, 9.* quicquid



de gradibus vel solarii, vel aliis quibuscunque, afferri consuevit, in medio relinquit, & id unum solum, non sine stomacho, & coniectis in Interpretes conviciis, urget, miraculi quicquid hic evenierit, in sola quærendum esse umbra. In eandem, ante eum, sententiam, quanquam ambigue, & nihil certi definiens, de umbræ miraculo disputat GER. IOH. VOSSIVS *de Orig. & Progr. Idolol. lib. II. cap. IX.* 2) Doctissimus VITRINGA *Comment. in Jes. XXXVIII, 9.* rem omnem ita complectitur: 1) Partitionem diei in horas *καρινὰς*, sive populares, qua lucem cujusque diei in XII partes seu uncias secabant, satis esse antiquam, ut ad Achasi ætatem omnino ascendere queat. quod HERODOTI testimonio probat: 2) Gradus tamen istos Achasi, qualescunque fuerint, non fuisse sciotherici in XII partes, sive horas divisi, quia Propheta optionem dedit Regi, nūm umbram velit ascendere, vel descendere per gradus: si itaque in medio tunc umbra constiterit, habuisse tamen X gradus ante & retro, eoque necesse esse, gradus hos ad captandam solis umbram destinatos, numerum vicenarium excessisse: 3) Hos itaque Achasi gradus usui Astronomico inservisse, quem ab Assyriis vel Babylonis perceperat Ahas, ad metiendum solis profectum, vel discernendas temporum inæqualitates ordinatos. Ceterum in dubio relinquit, cujus generis sciothericum fuerit, an videlicet medio gnomonis, conversionem, ascensionem, descensionem, & altitudinem solis, per umbræ conversionem & longitudinem demonstraverit? num vero ædicula fuerit, in hunc usum parata, soli se ab Oriente ad Occidentem convertenti obversa, in qua gradus qualescunque alii, solis ascensum & descensum exhibentes, dispositi essent? Propendet tamen in hanc sententiam, fuisse genus sciotherici, sive heliotropii gnomonici, quia quod hic dicitur de graduum ascensu vel descensu, ex eo clarissime intelligi potest: licet sciothericum illud in multo plures divisum fuerit gradus, ac horaria nostra. 4) Tandem quando ad τὸ κεινόμενον, & causæ caput venit, in suspensio hæret, nec defi-

nire audet, num effectum hoc editum fuerit in motu telluris (sive ejus respectu in motu solis) retroacto, an solum in umbra, quam sententiam in reverentiam, quam verbo Dei debemus, incurrere negat. Quin eo demum inclinatur, ut Prophetam, qui veram hujus retrogradationis causam ac indolem probe perspectam habuerit, miraculum tamen hoc, populari modo κατὰ τὸ φαινόμενον explicare potuisse, salva rei veritate, perhibeat; qui tamen popularis modus, quantum a genuina rei gestæ indole recedit, tantum detrahit auctoritati Scripturæ. 7) Mea denique sic fert ratio, N. scalarum quarumcunque potius, quam sciotherici, intelligendos esse gradus, cum vel horarum, vel solarii, in utroque loco nulla, & ne minima injiciatur mentio, ut mirari satis nequeam, quo fascino hæc opinio viros graves & eruditos abripere potuerit. Ipse fatetur HIERONYMVS in *Jes. XXXVIII, 8.* se primum a SYMMACHO inductum, in eam incidisse sententiam, in quam deinceps pedibus fere omnes inceserunt. *Datur signum, ut sol X gradibus revertatur: quos nos, juxta SYMMACHVM, in lineas & horologium vertimus, qui gradus intellexit in lineis, ut manifestiorem sensum legentibus faceret.* Et sane in *Hexaplis MONTFAUCONI ad b. l. Jes. במעלות* SYMMACHVS vertit ἐν ὡρολογίῳ. Non ortum urgebo & ætatem sciathericorum recentiorum, in qua demonstranda multæ sunt tenebræ, longæ ambages: sed silentium Scripturæ, quæ iteratis vicibus graduum, horarii vero cujusdam, aut graduum temporis dimetiendo destinatum, nullibi mentionem facit. 8. Solem declinantem ad occasum, decem scalarum istarum gradibus induxisse umbram, hinc a scalæ situ, hinc a Templi monte oriundam, & mox progressuram amplius, ni miraculum intervenisset: 9. Solem vero, insolito prorsus ac miraculoso Dei nutu ac imperio, iter, quod emensus jam eo die fuerat, retrorsum fecisse, ut umbra ab obscuratis gradibus, per solis redeuntis radios, depelleretur. Hoc ipsa Jesaiæ verba loquuntur, quæ ita verto: *הנני משיב את-צל המעלות* ecce ego avertam, removebo, umbram

*graduum*, אשר ירדה במעלות אחז כשמש *quæ descenderat in gradibus Achasi, per solem retrorsum retractum*, seu retrogradum, *decem gradibus*. ותשב השמש: *Et reversus est sol decem gradibus, in gradibus istis, per quos dudum descenderat*, eosque luce sua destituerat. Verbum enim שוב non revertendi modo, & redeundi, sed & avertendi, discedendi, abscedendi, & in Hiphil, *removendi* notionem sustinere, ex Psal. IX, 4. Jes. XLIII, 13. Thren. I, 13. & Lexicis atque Concordantiis liquet. Ita plana fluunt omnia, nec dubio relinquitur locus: nisi unum hoc obvertas, mirum videri, idem verbum שוב bis repetitum in Textu, oppositam, *redeundi* quippe, & *amovendi*, significationem nancisci. Verum, velut in Scriptura hoc non infrequens est, ita sensus uterque ex rei natura & indole, hic manifesto evincitur. Sole enim redeunte, gradusque X quos descendendo deseruerat, denuo illustrante, non potuerunt tenebræ antegressæ, prioresque umbræ non dispelli & removeri. Nec officit, quæ forte in contrarium urgeri poterat, facta Regi optio, num descendere umbram, an ascendere malit? Descendere enim, si Rex elegisset, naturale fuisset, nec מופת futurum. Istud autem ut probe intelligebat Hiskias, quod responsione prodir: *facilius est umbræ, ut pergat X gradibus: non; sed regrediatur umbra retrorsum X gradibus*: sic omni tamen non caruisset miraculo, si justo celerius per gradus istos descenderet umbra. ה. Miraculum ergo in retroacto solis cursu contigisse censemur, cui diserte tribuit Scriptura: *& reversus est sol decem gradibus*; ut humani quid passus videatur vir summus, VOSSIVS, quando *cit. loc.* pronunciat: *nec in Regum libris, nec in Propheta Jesaia, legere est, solem retrocessisse, sed umbram*: per umbram autem cedentem ac dispulsam, retroacti solis effectum solum indicatum fuisse. ה. Ista vero lucis redeuntis collustratio scalarum sive graduum, quamvis successive sit facta, neutiquam tamen vel X vel V horarum indiguit mora, nec diem duplo ceteris

reddidit longiorem, in quo multi desudant nōdo solvendo, sed vel unius horæ, & contractiori forte spatio, peragi potuit. Quicquid autem vel a CLERICO, vel apud CALMETVM, immutato ac inverso solis itineri, ex rationibus physicis objicitur, eadem omnipotenti manu, qua patratum fuit miraculum, inhiberi & averti potuit, ut nulla totius machinæ cælestis metuenda fuerit confusio sive inversio: æque uti, ex diei in duplum productione, apud Josuam cap. X, 13. ejusmodi incommodum emerfit nullum.

Ad §. XI. pag. 52.

(12) *Hebdomas diaria, Hebdomas annalis*] שבוע *Hebdomas*, 1) proprie est spatium septem dierum, quod inde ab orbis incunabulis inter homines observatum, & haud dubie ex creationis hexaëmero ortum est, unde Auctor libri *Cofri* p. 26. & 89. edit. Buxtorf. derivat, omnesque gentes citra ullam dissensionem in septimanam septem dierum conspirare tradit. Vocatur alias septimana dierum Dan. X, 2, 3. & cum sit mentio festi שבועת *septimanarum* Exod. XXXIV, 22. Deut. XVI, 9, 10, 16. Interdum quoque a Sabbatho, cujus causa cyclus hebdomadicus primum institutus est, hæ hebdomades שבתות *Sabbatha* vocantur Levitic. XXIII, 16. Deinde 2) datur quoque Hebdomas annorum, id est, septem annorum intervallum, cujus perspicuam descriptionem subministrat Moses Lev. XXV, 18. *numerabis tibi septem hebdomades annorum, septem annos, septem vicibus, & erunt tibi dies septem hebdomadum annorum novem & quadraginta anni*, quibus exactis annus quinquagesimus Jobelæus erat. Idem voluit VARRO apud GELLIVM lib. III. Noct. Attic. cap. 10. quando se jam duodecimam annorum hebdomadem ingressum esse affirmat, h. e. octogenario se majorem dicit. Eadem vocis acceptio, idemque calculus obtinet Dan. IX, 20. ad quem locum, cum Commentatores, tum Chronologi, omnes suas explicuerunt opes, quorum omnium inire censum, & supervacaneum foret, & nimis prolixum.



lixum. Conferri tamen potest STRAVCH. *breviar. Chronol. lib. IV. cap. 29. p. 824.* & WILH. LANGIVS *de annis Christi Lib. II. cap. IX. p. 416.* qui ab aliis vel copiose tradita, vel ambigue disputata, in epitomen redegerunt.

Ad §. XII. pag. 52.

(13) *Menses Solares*] Ad difficiles, de Judæorum mensibus, annis, embolismis, & putandi ratione, nunc devolvimur nugæ, quas in compendium mittere, & quantum licebit, clariori perfundere luce, nitemur. Ex mensibus annus enascitur & pendet, quorum cumprimis notandum est discrimen. *חַרְשׁ לַבְּנָה Mensis Lunar*is est temporis spacium, quod ad revolutionem lunæ in proprio orbe; vel a synodo, seu conjunctione cum sole, in synodum; vel ab apparentia lunæ post hanc synodum, usque ad apparentiam post alteram synodum, elabitur. Hinc Mensis lunaris triplex æstimatur: Periodicus, quo luna integrum suum orbem absolvit, a puncto Zodiaci excurrens, & per reliqua signa permeans, ad idem punctum revértitur; synodicus, inter duas luminarium conjunctiones proximæ interceptus, cum a sole proficiscitur, & ad eundem redit; & Illuminationis, primum scilicet apparentis lunæ, post duas synodos proximæ. *חַרְשׁ הַשֶּׁמֶשׁ Mensis Solaris*, est spacium, quo sol integrum Zodiaci signum, motu proprio, ab occasu nempe ad ortum, absolvit. Denique *Mensis Civilis* est systema dierum, quod in usu civili variæ gentes diversimode, & nonnunquam pro arbitrio observant. Aliæ enim aliis usæ sunt, hæ quidem lunaribus, illæ solaribus, ut paucae admodum, non gentes modo, sed & civitates, in statuendis mensibus consentirent. Apud Judæos ab antiquo obtinuit, ut menses lunares in usus suos converterent, quorum singuli cum 29 diebus, horis 12 & חֲלָקִים seu punctis minutis 793 constent, duplicis generis menses statuerunt, alios חֲסִירִים *cavos*, qui 29 sunt dierum, alios מְלֵאִים *plenos*, qui triginta, alternis vicibus unum alterum excipientes. Quo ELIÆ

BEN MOSIS, Karraitæ, spectat effatum, apud SELDENVM *de Anno Civ. Jud. c. IV. p. 21.* pronunciantis: שָׁנָא חַרְשׁ פָּחוֹת מִכֹּס יוֹם וְלֵילָא non esse mensem, cui pauciores, quam dies 29, nec cui plures, quam 30. Unde anni lunaris 354 dies, cum horis octo, & חֲלָקִים 876 emergunt, cum solaris 365 sit dierum cum sex horis; observante MAIMONIDE in Hilcoth *Kiddusch Hachodesch* seu *de sanctificatione Neomeniæ cap. VI. §. 4.* Ne vero, qui in lunaribus deficiunt anno solari dies, confusionem pariant, & turbatam temporum seriem reddant, medellam adhibuerunt Judæi, & annum lunarem ad solaris revocare aggressi sunt formam modumque, interkalando interdum mensem integrum, qui mensem Adar proxime excipit, indeque אָדָר אֶחָד alter Adar appellatur. Hinc ipsis enata distinctio inter שָׁנָא פשוטה *Annum Communem*, & שָׁנָא מעוברת *Annum Interkalarem*, quæ efficit, ut universo annorum calculo nihil decedat, etiam si singulorum annorum variet formam. Idque Hebræi dicunt סוד העיבור *secretum* seu *arcanum embolismicum*, a Deo Adamo traditum, & ab eo propagatum ad sera Patrum tempora, ut fusc exponitur in Jalkut *Parascha I. num. 4. §.* iste est liber generationis: quocum confer פרקי R. ELIESER *cap. VIII.* Fallor, an huc respexit MAIMONIDES, quando *c. l. cap. I. §. I.* Judæis menses lunares tribuit, annos autem solares, inquiens: חֲרָשֵׁי הַשָּׁנָה הֵם חֲרָשֵׁי הַלְּבָנָה שְׁנֵאמַר עוֹלַת חַרְשׁ בְּהַרְשׁוֹ וְנֹאמַר הַחַרְשׁ הַזֶּה לָכֶם רֹאשׁ חֲרָשִׁים כֵּן אָמְרוּ חֲכָמִים הִרְאָה לוֹ חֻקָּהּ לְמֹשֶׁה בְּמִרְאָה הַנְּבוּאָה דְּמֹות לְבָנָה כִּי רָאָה וְקָדֵשׁ וְהַשָּׁנִים שֶׁאֵנָּה מַחֲשָׁבִין הֵם שְׁנֵי הַחֲמָה שְׁנֵאמַר שְׁמוֹר אֶת חַרְשׁ הָאֵבִיב: *Menses anni sunt menses luna, prout dicitur: holocaustum novilunii in mense suo: Et alibi dicitur: mensis hic erit vobis initium mensium. De quo ita sciunt Magistri: Sanctus ille benedictus monstravit Mosi in visione Prophetica speciem luna, prout apparet, quando sanctificatur. Anni vero, quibus computamus, solares sunt. Ita enim dictum est: observa mensem Abib, sive frugum maturefcentium, a quo porro Festum septimanarum,*

rum, הקציר *Festum messis* dictum, & Tabernaculorum, quod est החסיף *collectionis frugum* pendet. Hinc ABEN ESRA in *Exod. XII.* ubi contra R. IVDA PERSAM disputat, diserte pronunciat: והשנה באמת היא לשמש לכרה כי הוא המוליד זמני קור וחום וקיץ וחורף תקופת השנה *Et annus vere est solius solis, quoniam ipse producit temporum varietates, hyemem, aestatem, autumnum, ver, quae sunt 4 revolutiones anni.* Licet itaque a luna sol mensium accipiat divisionem, cum ipsa per singulos menses lumine renovetur, eosque ad se invicem fecernat, annus tamen a sole constituitur; ut recte pronunciat MAIMONIDES, menses anni esse lunares, annos vero Judæis computari solares. Hinc per embolismum anni lunares quoque ad solarium normam revocantur. Quod autem, post annum lunæ interkalarem, temporis residuum adhuc superest, adeo ut intra 19 annos, septem fiant interkalares, quibus exactis, omnes lunationes ad eandem horam redeant, in qua prius fuerant; inde fit, ut spacium intra 19 annos comprehensum, Hebræi cyclum faciant decennovennalem, quem מרחור dicunt, in quo septem annos embolismicos, & duodecim statuunt communes. Hoc pacto lunares anni ad solares rediguntur. Universum interkalandi modum, in septem annos in tabulam redactum, ob oculos posuit SELDENVS *c. l. cap. VI. p. 31.* copiosissime autem definivit citandus mox BAR-TOLOCCIVS §. 3. *p. 404 sq.*

Auctori autem nostro non damus, quod contendit, Patriarchas veteres ante Aegyptiacam μετοικεσίαν, menses solares adhibuisse, post egressum autem, lunares: quo ipso computus facer in discrimen adduceretur. Annis enim solaribus in computatione uti Judæos mox audivimus, licet in Festorum Sacrorumque ordine, ac celebratione, lunæ moderamen sequerentur. Atque huc argumentum spectat, ex historia diluvii petitum; æque ac alterum illud SCALIGERI, quod David & Salomo XII tantum Præfectos Militum & Annonæ, in aula constituerint, non tredecim, quot lunarium mensium numerus in-

terdum posceret. Vtrumque enim hoc ad annum solare pertinet, qui duodecim solum numerat menses, triginta singulos dierum, cum §. επαναγομένους. Quam quidem alias tetigimus controversiam *Introd. ad libb. Vet. Test. P. I. cap. II. §. 7.* Quod superest, integrum & uberrimum qui in hunc §. commentarium cupit, IVLIVM BARTOLOCCIVM adeat, qui *Biblioth. Rabb. Tom. II. p. 392 sqq.* de anno Hebræorum solari & lunari, ejusque mensibus cavis & plenis, copiose præcipit, cyclorum & Neomeniarum rationem exponit, quin & integrum Judæorum Calendarium, plenis explicatum annotatque *p. 351 sqq.* exhibet; quale in compendio quoque SELDENVS *c. l. cap. VII.* explicatius autem & curatissime SPANHEM. *Tom. I. Opp. Chronol. Sacr. P. I. cap. XII. p. 47 sqq.* tradit.

Huc denique quæstio spectare videtur: Quales in vetustissima & prima ab O. C. historia memorentur anni? Quia enim per multa sæcula Patriarcharum protenditur ætas, quod fidem excedere videbatur, hinc alii menstruos statuerunt annos cum Aegypitiis, refutati LACTANTIO *lib. II. Instit. Divin. cap. XIII.* alii annum solare in duos, demum in quatuor alii secarunt annos. Ita PLINIVS *lib. VII. cap. XLIV.* refert, idque incertæ temporum tribuit: *annum enim alii, æstate unum determinabant, & alterum hyeme: alii quadripartitis temporibus, sicut Arcades, quorum anni trimestres fuere: quidam lune senio, ut Aegyptii: itaque apud eos aliqui, & singula millia annorum vixisse produntur.* Sed & istas profligavimus nugas *c. l. Introd. cap. IV. §. 5.* & ante nos LEO ALLATIVS *de Mens. Tempor. cap. IX. p. 83 sqq.* ubi data opera GEORGII HERVARTI explodere satagit opinionem, qui quadrimestres tuetur annos, sed in Græcorum cum primis computi rationem excurrit, quem vide: sunt enim hæc ab instituto nostro aliena.

Ad §. XIII. pag. 52.

(14) *Post reditum ex Babylone*] Quod Auctor tradit, mensibus Hebræorum nomina sua, eaque



eaque Chaldaica, post captivitatem demum Babyloniam accessisse, in eo fidem sequitur ABEN ESRAE, sed minus tutam. Ille nimirum, paulo post superius citata verba, ita habet: ומשה לא הזכיר בתורה שנספר יב חדש או יג רק אמר בחדש שנמצא אביב בו נחל לספור והוא יקרא ראשון בין שתהיה השנה מ"ב חדש או יג וככה כהוב בחדש השני בחדש השלישי וכלם על דרך חזה ונסן ואייר סיון וכל שמות החדשים אינם לשון קדש כי אינם לשון כשרים על כן לא תמצא במקרא כלוב אחר מהם ולא בכל המקרא רק בנבואת זכריה דניאל ועזרא ומגלת אסתר שהיו בגולה וככה פירוש בחדש הראשון שיקרא *Et Moses non commemoravit in Lege, quod numerarem 12 menses, aut 13, sed tantum dicit: In mense, quo invenitur Abib (spica) incipietis numerare, & ipse vocabitur primus, tam si sit annus 12 mensium, quam si sit 13. Et sic scriptum est: in mense secundo, in mense tertio &c. Sed Nisan, Ijar, Sivan, & omnia nomina mensium, non sunt nomina Hebraica, sed Chaldaica, idcirco non inveniuntur unum ex eis scriptum in sacris literis, sed tantum in vaticiniis Zachariae, Danielis, Esrae, & voluminis Esther, quae fuerunt (scripta) in captivitate. Sic itaque explicabis: in mense primo, qui vocatur Chaldaice Nisan. Eadem inculcat R. BECHAI Comment. in Legem f. 74. col. 3. Sed probe memor ABEN ESRA, quam parum haec respondeant libris Regum, seipsum veluti corrigens, statim subjicit: רק מצאנו בלשון הקדש שנקראו ג' חדשים בדרך אחרת ירח וירח וזו בירח האיתנים בירח בול verumtamen invenimus in lingua sancta tres menses alio modo vocatos fuisse, nempe mensem Ziv, mensem Ethanim, mensem Bul. Si Sacrum Codicem evolvimus, utrumque deprehendimus, & ex ordine eos, tam in primis, quam ultimis Scripturae libris, vocari: mensem primum Genes. VIII, 13. Exod. XL, 2, 7. secundum Genes. VII, 11. Num. IX, 11. tertium 2 Chron. XV, 10. quartum Jer. LII, 6. quintum Jerem. c. I. vers. 12. sextum Hagg. I, 1. 2 Chron. V, 3. septimum Gen. VIII, 4. 2 Chron. V, 3. octavum 1 Reg. XII, 31. nonum*

1 Chron. XXVII, 12. decimum Genes. VIII, 5. undecimum Deuter. I, 3. duodecimum 2 Reg. XXV, 27. & peculiaribus insigniri singulos nominibus, ita ut appelletur I. ניסן Nisan Nehem. II, 4. Esther. III, 1. qui idem ac Abib Exod. XIII, 4. respondens ex parte nostro Martio: II. אייר Ijar, qui & Ziv, 1 Reg. VI, 1, 37. nostro Aprili: III. סיון Sivan Esther. VIII, 9. nostro Majo: IV. תמוז Tammuz, nostro Junio: V. אב Ab, nostro Julio: VI. אלול Elul Nehem. VI, 16. nostro Augusto: VII. תשרי Tisri, qui & Ethanim, 1 Reg. VIII, 2. nostro Septembri: VIII. מרחשון Marchesvan, qui & Bul, 1 Reg. VI, 38. nostro Octobri: IX. כסלו Caslev, vel Cisleu, Nehem. I, 1. Zach. VII, 1. nostro Novembri: X. טבת Thebeth Esther. II, 16. nostro Decembri: XI. שבט Schebbath, nostro Januario: XII. אדר Adar, Esth. III, 7, 13. nostro Februario maximam fui partem adaequandus. Unde liquet, nonnulla eorum, ut Abib, Ziv, Tisri & Ethanim, Marchesvan & Bul, & forte alia quoque, Moysi & Salomonis non ignota fuisse ævo.

Ad §. XIV, pag. 52.

(15) Suum annum auspicabantur] Quicquid sit de eo anni tempore, quo conditus est mundus; habita nimirum illius climatis ac regionis ratione, quam protoplasti incoluerunt; five ortus ejus in æquinoctium autumnale conjiciatur, five in vernale, quod sententiarum divorcium, ex Judæorum mente IVL. BARTOLOCC. loc. cit. p. 436 sqq. & IOH. MEYERVS de Temporibus & Festis Hebræor. P. I. cap. I. pag. 4. ex Christianorum sententia GVIL. SALDENVS Otior. Theolog. lib. II. Exerc. I. p. 213. exponit; five denique in æstatem, quæ GERARDI MERCATORIS opinio, a IOH. GERH. VOSSIO Isagog. Chronol. Diff. II. p. 4. discussa & profligata est: certum satis hoc ac exploratum est, duplex apud Judæos anni obtinuisse initium, vetustissimum a mense Tisri seu Septembri, recentius, post egressum ex Aegypto, a mense Nisan seu Abib, qui nobis Martius est, a Deo ipso institutum

tum Exod. XII, 2. De qua nova anni forma laudatus commentatur MEYERVS c.-l. cap. VI. p. 35. qui etiam cap. VIII. p. 41. de novissima anni Judaici forma, a R. Hillele Hannasi introducta, erudite præcipit. Hinc est, quod multi Christianorum geminum Judæis annum tribuant: *Politicum* a mense Tisri incipientem, in Jobelai celebratione, nundinationibus, rebusque civilibus observatum, & *Ecclesiasticum*, qui mense Nisan cœperit, juxta quem omnes festivitates celebratæ sint; ille forum, hic templum moderabatur, ut habet LEVSDENIUS *Philol. Hebræo-Mixt. Diff. XXXIV. p. 236. OVTREIN de clangore Evangelii Diff. XI. p. 207. IAN. DRVSIUS lib. I. Observat. cap. XIII.* ita paucis rem complectitur: *Annum Hebræi duplicem habent; unum, qui a Nisan incipit, alterum, qui a Tisri: hunc vulgarem appellant, illum sacrum. Vulgarem Aegyptii, sacrum Moses instituit. Hujus anni initium est Nisan, ut diximus; quo mense Hebræi egressi sunt ex Aegypto. Quocirca Moses eum voluit esse caput mensium. Sacrum autem ideo vocant, quod in sacris, iisque, quæ ad rem divinam pertinent, eo utantur. Qua de re locus insignis extat apud IOSEPHVM Origin. lib. I. cap. 4. ad quem si adibis, cognoscas, ex eo, annum vulgarem in foro semper usitatum fuisse. Quapropter nonnulli annum civilem cum vocant. &c.* Judæi certe ad hunc diem Calendaria sua a mense Tisri inchoare solent.

Ceterum Talmudici tract. ראש השנה statim in fronte Cap. I. *Mischna I.* ita præcipiunt: *ארבעה ראשי שנים הם באחד בניסן רה למלכים ולרגלים באחד כאלול ראש השנה למעשר בחמרה רבי אליעזר ורבי שמעון אומרים באחד בתשרי באחד בתשרי ראש השנה לשנים ולשמיטין וליוכלות ולנטיעה ולירקות באחד בשבט ראש השנה לאילן כדברי בית שמאי בית הלל אומרים בחמשה עשר בו Quatuor sunt annorum principia: primo die mensis Nisan, Regum, & Festorum, principium anni est; primo die mensis Elul, novus annus est pecoris decimandi. R. ELIESER & R. SIMEON in primum Tisri incidere statuunt; primo die*

*mensis Tisri est caput anni ad figendos annos, & intermissiones, & Jubileæ, simulque novus annus est plantationis omnium arborum, & herbarum. Quartum denique anni principium incidit in primum mensis Sebat, quod est pro arboribus, secundum sententiam scholæ Schannmæ, Hillelis vero schola decimo quinto die statuit. Prolixe in hanc Mischnam commentantur BARTENORA & MAIMONIDES, Judæi, ac HOVTINGIUS, Christianus. Summa vero huc redit: 1) Annus Regum est, a quo Judæi supputabant annos Regum suorum, ut si v. g. in Januario electus Rex esset, proximo tamen Martio secundus regiminis inciperet annus; siquidem stante florenteque republica, in more habebant positum Judæi, in suis Contractibus, Diplomatis, & omnibus publicis instrumentis, annum Regis addere, ab eoque supputare; unde hæc Aera quoque שטרות Contractuum appellatur. Idem quoque est Annus Festorum, seu Ecclesiasticus, quod ab hoc mense solennitates Festorum numerare incipiebant, scil. 14. luna mensis primi seu Nisan erat Pascha, hinc post 50 dies Festum ingruerat Septimanarum; septimo a Nisan mense, die X erat festum Expiationis, die XV festum Succoth seu Tabernaculorum &c. Vnde liquet, quo jure, quæve injuria, doctores supra laudati, annum sacrum a civili distinguant, cum utriusque juxta ea, quæ dicta sunt, idem sit principium: 2) Annus decimandi pecoris est novilunium Augusti, a quo Judæi numerabant annos & menses, quibus novum pecus natum erat, ut decimas rite penderent: 3) Annus annorum, quo cum orbe condito anni & tempora cœperunt; Annus dimissionis, quo post sex γεωργίας annos, agri & vineæ septimo relinquebantur incultæ; Annus Jobelai, quo possessiones ad Dominum redibant, & servi Hebræi manumittebantur Lev. XXV. Annus plantationis arborum & herbarum, a quo supputabant tempus, quo teneræ arbores & herbæ plantatæ fuerant, ut annum impuritatis rite numerarent: nam arbor per tres annos immunda censebatur, ערלה præputiatum quasi proferens fructum, quo vesci nefas erat Lev. XIX, 2: iste, inquam, omnis a Tisri capiebat*



batauspicium: 4) *Annus arborum* erat auspici-  
germinationis arborum, ante vel post diem XV  
Januarii, unde iudicium fiebat de licito vel illi-  
cito fructuum esu. Quod capiendum est de  
arboribus, quæ bis quotannis fructus proferunt,  
ubi de fructibus, quæ ante Ianuarium maturesce-  
bant, decimam dabant pro anno elapso, neque in  
ea decimatione comprehendebantur fructus, qui  
post Ianuarium maturescebant, ut sunt citri, po-  
ma aurea, & similia acidorum genera fructuum.  
Quas autem Judæi de anni principio fabulas spar-  
gunt, de Deo pro tribunali sedente, & tres lu-  
strante libros, non malo, quod ego censeo, ani-  
mo, sed ea fini confictas, ut homines ab impie-  
tate ad meliorem frugem, & a securitate ad se-  
riam conscientiarum curam revocent, quo sepul-  
chreta visitandi mos ipsorum pariter spectat; eas  
qui cognoscere avet, LEVSDENIUM consulat

c. l. p. 239. & cum primis BVXTORFIVM, qui  
*Synagoga Jud. cap. XXIII.* copiose ista persequi-  
tur, & *cap. XXIV.* universum Judæorum ritum,  
quo ineuntis anni festum celebrent, ex instituto  
exponit.

Atque ista quidem de Annorum auspicio, ex  
Judæorum disciplina. Aliter senserunt gentes  
aliæ, de quibus CENSORIVS *de die natali cap.*  
*XXI.* perhibet, quod aliis a novo sole, i. e. a bru-  
ma, aliis ab æstivo solstitio, plerisque ab æquinoctio  
verno, partim ab autumnali æquinoctio, quibusdam  
ab ortu Vergiliarum, nonnullis ab earum occasu,  
multis a Canis exortu, incipere Annus naturalis vi-  
deatur. Discussit hoc argumentum LEO AL-  
LATIVS c. l. *cap. XVI.* ibique Athenienses post  
solstitium æstivum, Aegyptios ad Caniculæ fidus  
exortum, quo Nilus ingruere consuevit, annum  
inchoasse, erudite docet.

AD

## LIB. III. CAPVT II.

## DE FESTIS ET CONVIVIIS.

Ad §. II. pag. 53.

*Convivia ordinaria vocabantur ארוחת*]

Duo genera conviviorum Auctor facit:  
*ארוחה*, quod tenuius, atque *משתה* / quod lau-  
tius. Prius, ab *ארה* iter fecit, Jer. XXXIV, 8.  
vi originis & etymologiæ, *viaticum* notat, sive  
cibarium, quod itineris causa vel datur, vel ca-  
pitur; velut Jeremiæ, carcere soluto, militiæ  
Princeps dabat *ארוחה* cibaria, & munuscula, &  
dimisit eum, Jerem. XL, 5. ubi cibus non ad præ-  
sentes epulas apponebatur Prophetæ, sed daba-  
tur auferendus, & in quotlibet prandia dividen-  
dus in itinere, bene monente GVSSETIO in  
*Comment. L. Hebr. ad h. v.* Porro victum te-  
nuem, & facile parabilem designat, quo sensu  
Prov. XV, 17. legitur, טוב ארוחת ירק *præstat*  
*ferculum olæris præ bove saginato.* Denique, pro

ordinario cibi demenso, Joachimo e vinculis li-  
berato, a Rege Babelis destinato 2 Reg. XXV, 30.  
& Jerem. LII, ult. usurpatur, & *ארוחת המיר*  
*victus perpetuus*, seu quotidianus & ordinarius  
appellatur. Vix ergo deprehendes, convivium,  
quamvis tenue, hac voce notari, nisi ex sensu  
verbi Rabbinico *ארה* derivaveris, quod inter-  
dum *prandio excipi*, observante BVXTORFIO  
in *Lex. Targum. b. v.* significat. Ad mentem  
Auctoris forte magis apposite, cum *ארוחה* vo-  
cem *סעורה* permutaveris, quæ in Scriptura qui-  
dem exulat, apud Rabbinos & Talmudicos au-  
tem frequentissime occurrit, quibus *בעל*  
*הסעורה* Dominus convivii, Convivator audit.  
Hinc Magistrorum scitum in *Beracoth fol. 43.*  
*כל חמקיים שלש סעורות בשבת ניצול*  
*משלש פורעניות* quicunque servat tria prandia  
(licet privata, solito tamen lautiora, & convivio  
non

Ad §. III. pag. 53.

62

Zz                  IX,



IX, 19, 22 sqq. XVI, 3, 5. 2 Sam. VI, 19. 1 Reg. VIII, 65. liquet. Ritus autem gentilem, sacrificia celebrandi convivia, jam in Aegypto, Exod. XXXII, 6. & apud Moabitas Num. XXV, 2. conspicuum & receptum, 10H. GVIL. STVCKIVS in *Convivalibus*, tum & de *Sacris sacrificiisque Gentilium* p. 145. b. sq. tradit.

Ad §. IV. pag. 53.

(4) *Primevæ Ecclesiæ Christiani suas Agapas*] Agapæ Christianorum an ab hac origine sint derivandæ, dubium multis visum. Sunt enim, qui Christianos has epulas instituisse credunt, exemplo a Gentilibus tracto, qui sacrificiis peractis convivari quondam solebant, idque ad mutuum civium concordiam, benevolentiamque firmandam, unde mensam quoque sacram habebant, eique Jovem *Ἐπίον*, *Hospitalem*, & Herculem *Ἐσπερίον*, *Mensarium* præfuisse censebant. Profanum itaque hunc ritum in melius transfudisse Agaparum institutum, primos Christianos BEDVLIVS SCOTVS perhibet in *Collectaneis* ad 1 Cor. XI. ERASMVVS in *Schol. Epistolæ Hieronymi ad Eustochium*, IVSTELLVS ad Canon. XI. Concil. Gangrensis: quin & Faustus Manichæus, *Christianos sacrificia Paganorum vertisse in Agapas*, dicebat apud AVGVSTINVM lib. XX. contra *Manich.* Mos tamen Agaparum, quia primum tenuit Hierosolymis, apud Christianos novitios, qui, quanta poterant animi contentione, se a cerimoniis impiarum gentium disjunxerunt, ideo rectius omnino a Judæis primordia Agaparum capiuntur, quibus cumprimis Christi auctoritas & exemplum accedit, qui summa cum discipulis suprema cœna, charitatem ipsis hoc præcipue charitatis argumento, Joh. XIII. commendavit. Mos itaque epulandi post peracta sacrificia, primo omnium Divino jussu inter Judæos viguit, ab his transit ad Aegyptios, ab his porro ad alios populos gentiles. Agapæ autem ex eodem derivari poterunt Divinæ in Vet. Test. institutionis fonte, per piam scilicet imitationem, accedente hinc Christi auctoritate, charitatem commendand-

tis, hinc Ecclesiæ exigentia & rei necessitate, cum partim non haberent Verbi Ministri, unde victum peterent, partim nec Ecclesia, unde tot pauperibus, captivis item, & exulibus propter nomen Christi, subsidia vitæ surrogaret. Hinc factum est, ut ad mensam sacram, cibum potumque afferrent ditiores, a Ministris Verbi, exulibus, pauperibus, ipsis denique Sacræ Cœnæ convivis absumendum. Cum Agapis conferre liceat veterum Romanorum Charistia, de quibus ita commentatur VALERIVS MAXIMVS lib. II. cap. I. §. 8. *Convivium etiam solenne majores instituerunt, idque Charistia appellaverunt, cui præter cognatos & affines nemo interponebatur: ut si qua inter necessarios querela esset orta, apud sacramensæ, & inter hilaritatem animorum, fautoribus concordie adhibitis, tolleretur.* Sed de Agapis, qui plura cupit, consulat BEBELIVM *Antiquit. Eccles. Sec. I. Art. II. §. 14. pag. 28. & Sec. III. Art. IV. §. 1. p. 837.* GABR. ALBASPINAEVVM lib. I. *Observat. Eccles. XVIII.* ubi illas cum Sacra Cœna conjunctas fuisse operose negat, BALTH. STOLBERGIVM *Dissert. V. in Volum. p. 280.* SCHVRZFLEISCHIVM *Diss. de veteri Agaparum ritu An. 1690.* ITTIGIVM in *Enneade Exercitat. Theologic. Dissert. VI. §. LII. p. 433. & in Theologia Ignatiana Thes. LI.* HOORNBECK. *Vet. & Nov. P. I. p. 587 sqq.* & ante omnes IOSEPH. BINGHAMVM, qui *Origin. Eccles. Lib. XV. cap. VII. Vol. VI. p. 500 sqq.* ex instituto de Agapis tractat, §. VII sq. in earum tempus, §. IX. in abrogationem, Conciliorum decretis factam, (de qua Idem conferri poterit *Vol. III. p. 337. & Vol. IX. p. 150 sqq.*) denique etiam §. X. in Gentilium, propter easdem, jactas in Christianos calumnias, erudite inquit, dignus omnino, qui evolvatur.

Ad §. VII. pag. cit.

(5) *Salutatio aut verbis fiebat*] Salutationes Judæi veteres solennibus quidem & conceptis verbis, sed non iisdem ubique, efferebant. Hinc mox dicebant: יהוה עמך *Dominus tecum* Jud. VI, 12. & si plures compellarentur, יהוה עמכם

עמכם Dominus vobiscum, cui respondebatur: יהוה יברכך benedicat tibi Dominus, Ruth. II, 4. hinc Angelus ad Mariam Luc. I, 28. ὁ Κύριος μετὰ σε: mox, שלום אהה quod idem est, ac שלום לך pax tibi, 1 Sam. XXV, 6. Jud. VI, 23. XIX, 20. 2 Sam. XX, 9. 1 Chron. XIII, 18. Luc. XXIV, 36. Joh. XX, 19. XXI, 26. unde quoque in literis, a pacis voto auspiciū capiebant, ut Esdr. IV, 17. ושלום וכעת quod vel maxime Apostoli in Epistolis suis observarunt: mox, ברכת יהוה אלכם benedictio Domini super vos, ad quod responsum ferebant: ברכנו אתכם בשם יהוה benedicimus vobis in nomine Domini, Psal. CXXIX, 8. Et in illam quidem formulam: Pax tibi, & χαῖρε, prolixè commentatus est ANTON. BYNAEVS de Natali J. C. lib. I. cap. I. §. XVI. p. 49 sqq. in alteram: Dominus vobiscum, in Ecclesia Christiana quoque receptam, & apud nos in Reformatione retentam, ac servato Romanæ ecclesiæ termino, Salutatio dictam, SE-RARIUS in c. l. Ruthæ quest. XII. fol. 46. CELADA fol. 197. SEVERIN. BINIVS Tom. IV. Concilior. ad Concil. Braccarense I. provinc. f. 424. IOHAN. BONA, de Divina Psalmodia, cap. XVI. §. XVII. & in Rebus Liturgicis lib. II. cap. V. p. 344. cum primis PETR. DAMIANVS integro libro de Dominus Vobiscum conscripto, qui in opusculis ejus est XI. Quamvis autem Judæi in Zennorena fol. 335. col. 1. & in Medrasch Ruth Rabba fol. 45. col. 2. salutationes inter tria illa referant, quæ in inferiori & terrestri judicio decreta, rata habeat judicium superius ac cæleste; quin & ad illam pronus quilibet esse debeat, juxta monitum RIBBI MATHIAE filii CHARASCH in Pirke Avoth cap. IV. n. 15. הוי מקרים כל אדם כשלוש preuenias salutatione omnes homines: immo Gemara Berachoth cap. I. apud EDZARD. ad b. l. p. 59 fin. illum, qui salutatus non resalutat, prædonem declaret ex Jes. III, 14. mirari tamen subit, qua de causâ & Elisa ministro Gehasæ 2 Reg. IV, 29. & Salvator discipulis Luc. X, 4. obvios salutare prohibuerit, idque cum ad promptam celeritatem, tum ad sacram ἐχρησθῆσαν, seu taciturnitatem, refertur apud

IOH. HENR. VRSINVM *Analector. Sacr. lib. I. cap. XIII. p. 13 sq.* Conf. ad hunc Lucæ locum BALDVINI WALAEI *Comment. p. 652.* Porro formulam, in Scriptura Sacra sæpius obviam: interrogare aliquem de pace, scite exponit DRV-SIVS *Annot. ad Jud. XVIII, 15.* eamque pariter ad salutationes recte refert.

Ad §. VII. pag. 53.

(6) *De osculatione pedum*] ἐβραϊσμός WAGENSEILIVS *Comment. in Sota p. 286.* ubi varia Judæorum oscula discussit, tandem subdit: Quod pedibus datur osculum, subjectionis & devotissimi cultus signum est, eoque R. AKIBAM, cum XXIV millibus discipulorum, ex Academia reducem, ab uxore & socero exceptum legimus in Cetuboth fol. 63. a. Nec minus R. ACHAM concionantem, cultu hoc humillimo, ipse malus demon affecit, si fides iis, quæ traduntur in Bava Batra fol. 16. a. Et ejusmodi quidem venerationis τεκμήριον, pedum osculo significatum, non insolitum fuisse inter Judæos, LIGHTFOOTVS in *Hor. Hebr. ad Matth. XVIII, 9.* tradit, utut multum verear, ut exempla ab ipso allata, ex Matth. c. l. & 2 Reg. IV, 27. istud evincant, cum tangere & amplexari pedes, ab osculo pedum, merito distinguatur. HOTTINGERVVS potius ad b. l. Auctor. & RVS *Harm. Evang.* paulo post citandus hunc morem aut nunquam, aut rarissime, casu prorsus extraordinario, apud Judæos obtinuisse censent. Eo magis mirari subit, scriptores quosdam Pontificios eo usque procedere audaciæ, ut præter omnem Scripturæ ac Veterum fidem, Christum lotos discipulorum pedes Johan. XIII, 5. etiam deosculatum fuisse perhibeant. Testem ejus rei NOVARINVS in *Johanne expens. pag. 164.* b. Veronicam allegat, quam divinitus id cognovisse, ex vita ejus refert. Neque dubitavit LAVRENT. IVSTINIANVS de *triumphali Christi agone cap. III. p. 431.* cum lotionem pedum, & extersionem, etiam eorundem exosculationem conjunctam fuisse. Immo tam fortiter Christi oscula discipulorum pedibus im-



pressa nonnulli narrant, ut adhuc illorum notæ in Apostolicorum pedum reliquiis videantur: velut RAYNAVDVS *optim. vit. fin. pess. cap. IX. pag. 660.* de pede Bartholomæi, Aquis Sextiis apud Salyos in Parthenone asservato, testatur: quas naviæ explosit THOM. ITTIGIVS *Ennead. Dissert. IV. §. XVI. p. 218.* Ceterum Romanorum Imperatorum nonnulli pedum osculum admiserunt, immo postularunt. De Caligula & Diocletiano id ex DIONE & SENECA observavit LOHMEIERS *Dier. genial. Dec. I. Diff. X. pag. 368.* idemque Maximini Junioris arrogantia, in *vita cap. XI.* tribuit CAPITOLINVS: in *salutationibus*, inquit, *superbissimus erat, & manum porrigebat, nonnunquam etiam pedes:* additque, id nunquam passum esse Senioremaximum, sed dixisse: *Dii prohibeant, ut quispiam ingenuorum pedibus meis osculum figat!* Plura ejusmodi cultus civilis, per osculationem pedum, Imperatoribus ac Principibus exhibiti, exempla produxit CHRIST. BECMANNVS *Notit. Dignit. Illustr. Diff. VI. Cap. II. §. 7. pag. 170.* Idem vero §. V. & VI. pedum osculum, quod Pontifex Romanus deferri sibi requirit, discusserat, originem hujus ritus in prætenso vicariatu Christi & successionem Petri collocari observans, & ideo crucem crepidæ Papali intextam docens, ne Pontifici adeo, quam cruci id honoris fieri videatur. Quem Papæ fastum a Protestantibus toties objici, indigne ferens GRETSERVS *Comment. in CODINI cap. XIV. de Officiis Ecclesie & Aula Constantinopol. p. 256.* perquam frigide diluit, exemplo Imperatoris Turcici, cujus togam, ultimamque vestium oram deosculari, tam Gerlachius Theologus Lutheranus, quam Legati Belgici non detrectaverint. Jam, ut e diverticulo in viam redeamus, ad osculum pedum, quod peccatrix Luc. VII, 38, 45. Jesu figebat, IOH. REINHARD. RVS in *Harmon. Evangel. lib. IV. cap. XII. Tom. I. p. 978.* probe quidem annotavit: *deosculabatur porro ex vera humilitate pedes Jesu, ardentem adversus Jesum amorem & reverentiam, cujus causa solebant Veteres aliorum pedibus oscula figere, testatura:* sed nondum

fatisfacit. Hoc ipso enim peccatricem non civilem, sed Divinum omnino cultum, detulisse Christo arbitror, quem Messiam Servatorem mundi, & peccatorum perfugium, vera fide agnovit. Hunc ἀσπείδιστον venerabatur, cui contriti cordis sui, cum serius de admissis dolor, tum ardens in promissum, atque nunc exhibitum Messiam, fiducia, probe sint perspecta, qui intima prostrata mentis suspiria & desideria intelligeret, & cui soli jus competeret veniam indulgendi. Id enim omne, fidei ejus præconium, & gratiosa Christi absolutio vers. 50. supponit. Velut ergo pia femina, a resurrectione Dominum sibi obviam factum, prosternendo se in terram, & amplexando pedes ejus, religioso & fiduciali prosequerentur cultu Matth. XXVIII, 9. quidni idem dicamus de osculo peccatricis, pedibus Christi libato?

Ad §. VII. pag. 54.

(7) *Plerumque osculo ordinario*] Osculorum diversitatem vel ex occasione & causa, qua libabantur, vel ex modo & loco, quo figebantur, æstimamus. Priora ex DRVSIO recenset Auditor paragr. sequi: & paucis comprehensa leguntur in *Bereſchith Rabba ad Genes. XXIX, II, 12. Sect. 70.* כל נשיקה להפלות בר מן תלת נשיקה של גרולה/ נשיקה של פרקים/ נשיקה פרישות *omnis osculatio est ad fatuitatem* (lascivium, unde in Glossa explicatur per פריצות proterviam seu lasciviam) *exceptis tribus, quæ sunt: Osculum magnificentie & dignitatis, quale i Sam. X, 1. Osculum compitorum, i. e. occurſus, quale Exod. IV, 27. & Osculum separationis vel discessus: ut Ruth. I, 14. Genes. XXXI, 8.* Additur ibidem, R. TANCHVMAM adjecisse quartum, נשיקה של קרובה *Osculum propinquitatis, quale Gen. XXIX, II. & XLV, 15. BVXTORFIVS in Lexic. Targum. b. v. p. 405.* DRVSIYM notat, qui perperam *Osculum precum* seu precationum addit, perversa vocis תפלות lectione deceptus, Addam tamen ego his tribus 4) Osculum exploratorium Genes. XXVII, 26. 5) Idololatricum, quod

quod commodè ad fatua referas, 1 Reg. XIX, 18. & 6) nefandum illud proditorium Matth. XXVI, 48. Luc. XXII, 47, 48. cui adde 2 Sam. XX, 9. Et idololatrica quidem oscula Gentilium, post SANCTIVM *Comment. in 3 Reg. XIX, 18. n. 60.* erudire persequitur LOHMEIER. paulo ante citat. p. 339. qui porro Osculum venerationis & homagii p. 362. (ubi in locum Psal. II, 12. *osculamini filium in transitu commentatur*;) & Osculum lasciviae & fatuitatis p. 372. & p. 382 sq. illustrat. Posterioris generis exempla ex Talmude collegit, & in ordinem digessit WAGENSEILIVS loco *supra cit.* observans, *Capiti impacta oscula*, affectus esse, quo parentes, liberos suos, praeceptores, discipulos suos, aut socii socios excipere consueverint: *Manus osculum* honoris esse & reverentiae, quin modestiam quoque indicare, unde quibusdam in locis receptum, ut quovis Sabbatho ineunte, liberi matrum manus osculentur: *Oris osculum*, quod *סוּמָא נֶגֶד סוּמָא* *פה על פה* fit, proprie tantum sponso & sponsae convenire, aliis vero tam familiaribus esse non licere. Quo pertinet observatio R. ABRAH. ABEN. ESRAE in *Gen. XXVII, 26.* & R. MOSE BEN NACHMAN *fol. 26. col. 2.* verbum *נשיקה* & *נשק* constructum cum *ל*, notare osculum in manu, humero, vel collo: at cum *ב*, osculum in ore: quod tamen non ubivis locum habere, Concordantiae docent.

Ad §. VII. pag. 54.

(8) *Osculum sanctum, osculum amoris, osculum pacis*] Hæc Christianorum veterum sunt oscula publica & solennia, de quibus concise DILHERRVS commentatur *lib. II. Elector. c. IV.* copiose autem TOB. PFANNERVS *P. II. Observ. Eccles. III. p. 131.* qui eorum rationem §. VI. modum §. VII. & varietatem tradens, §. XII. peractis precibus, §. XIII. in accessu ad S. Cœnam, §. XIV. post eam peractam, §. XXI. & post Baptismum, libata exponit, §. XXV. osculum Codicis Evangelii, §. XXVI. quin & vinculorum martyrum, §. XXVII. januarum quoque templi subjungit; cur autem, & quibus diebus ante

Pascha, illud omissum fuerit, §. XVI. docet, & contra ALBASPINAËVM evincit. Ista enim al-  
legasse sufficit, cum nostri non sint instituti. Conferri quoque poterit SAGITTARIUS *Hist. Passion. p. 390 sqq.* HOORNBEËCK *Vet. & Nov. lib. I. cap. X. p. 305. & cap. XVIII. §. 10. pag. 534.* ubi moris istius abrogatio simul p. 537. notatur. Addit præterea, IOSEPH. BINGHAMVS in *Origin. Eccles. osculum in ordinatione Episcoporum Vol. I. pag. 169. in ordinatione Presbyterorum Vol. I. p. 290. & Vol. II, p. 187. in sponsaliorum solennitate Vol. IX. p. 321. usitatum, demumque observat, Conciliorum auctoritate, corruptam dandi mortuis osculum pacis, rationem correctam & sublatam fuisse, Vol. X. p. 66. Hic in mentem venit recordari moniti Judæorum in *Baal Chasidim n. 236.* vivos tantum osculandos esse, non mortuos: *לאדם שמת לו בנו או בןו אל נשק אותם ואל יניח אשתו לנשק אותם כי מקצרי נמותם ובנותיהם ימי בניהם* *Nemo demortuum filium aut filiam osculator, aut uxori suæ id facere concedat: hæc enim res reliquit quoque liberis præmaturæ mortis causa est.* Forte tamen liberis integrum fuit, parentibus defunctis oscula infigere, qualia pietas Josepho in patrem indulgit *Gen. L, 1.* de quo exemplo vide CARPZOVIVM *Not. ad Schickardi Jus Reg. cap. VI. theor. 19. p. 410 sq.**

Ad §. IX. pag. ead.

(9) *Lotio pedum ante discubitum*] Vsu hoc adeo erat receptum, ut propter neglectum istud humanitatis officium, Christus Phariseum, Simonem, publice redargueret *Luc. VII, 44.* Hinc *Gen. XVIII, 4.* Abraham, & *cap. XIX, 2.* Lothus, inter cetera hospitalitatis munia, adventantibus peregre hospitibus aquam offerunt, pedibus lavandis: & *Jud. XIX, 21.* Levita, liberalis senis in urbe Gibeæ ædes ingressus, pedes ante lavabat, quam cibum caperet. Geminam hujus ritus causam reddit HOTTINGERVS *Nep. ad h. l. Auctoris, 1)* quia calceos cavos, tibialia non gestabant Veteres, sed tantum soleas, unde iter facientium pedes pulvere admodum consper-



aspergebantur, 2) æstus proficiscentes valde delassabat, quare ad reficiendum, aqua nihil gratius iis erat. Sed adhuc aliam 3) addit SCALIGER lib. VI. de Emendat. Temp. p. 534. quia in lectis discumbentes epulabantur, propterea prius depositis soleis lavabant, ne scilicet pulverosis pedibus strata inquinarent. Sed diversa hic agitur quaestio, probe discernenda: altera: num peregre adventantibus ex via, aqua fuerit ad pedilavium exhibita? altera: num pedum lotio discubito & cenam ordinarie præcesserit? Priorem allegata hæcenus exempla docent: posterior, quam Auctor affirmat, dubio adhuc Marte disceptatur inter eruditos. Morem Judæis ordinarium fuisse, pedes ante accubitum lavare, tuentur IOSEPH. SCALIGER loc. citat. p. 570 sq. CASAVBONVS Exercit. XVI. c. Baron. n. 22. & e nostris QVISTORPIVS Annot. Bibl. in Job. pag. 157. Negat autem BVXTORFIUS dissertat. de cena Dom. pag. 302 sq. in Judæorum libris, hujus moris nec volam nec vestigium reperiri notans, & SCALIGERO, ad testimonia nonnulla provocanti, satis faciens: cumque posthæc, SCALIGERVM vindicaturus LVD. CAPPELLVS in Animadvers. ad Buxtorf. de Cena Exercitat. pag. 206. adversus ipsum insurgeret, BVXTORFIUS tamen in vindictis dissertationis suæ de S. Cena p. 373 sq. negativæ adhuc inhæsit, eamque ab insultibus adversarii strenue liberavit. Sane si ex Judæorum suffragiis ferenda sit sententia, a BVXTORFII omnino partibus erit standum. Cum quo LAMPIVS etiam facit Comment. in Job. XIII, 4, 5. Tom. III. p. 13 sq.

Ad §. IX. pag. 54.

(10) Per servos, & per vilissimos domus] Et si ad affundendam manibus aquam, **הכל כשרין** omnes sunt idonei, etiam surdus, stultus, & minorennis, immo vel simia, ex MAIMONIDIS sententia apud BVXTORF. cit. loc. §. 32. p. 406. alia tamen *πρόδοσις* ratio est, ubi lavandi pedes & fricandi opera in ministros redundabat, quod & Christi docet exemplum Joh. XIII. ejus-

que explicatio comm. 13 sqq. & humillimæ subjectionis formula, qua suam inserviendi promptitudinem probare satagebat Abigail i Samuel. XXV, 41. Atque huc referre quoque malim factum Abrahami Genes. XVIII, 4. aquam solum afferri curantis, pedilavii autem ministerio non defungentis, quam cum SEE. SCHMIDIO in b. l. Patriarchæ istud tribuere humilitati, indignum se æstimantis, ut tantorum hospitem pedes ipse tangeret, quemadmodum Johannes baptista ad Christi majestatem, animæ oculos attollens, indignum se censuit, qui corrigiam calceamenti ejus solveret. Annon enim longe fuisset indignius, servis lavandos eos tradere, quos sublimiores credidisset, quam ut eos tangere sibi fas esse censeret? Quin patrem familias agebat, qui ejusmodi ministeria hospitibus procurabat, non ipse obibat. Vix enim crediderim, eum statim primo conspectu hospites istos, peregre adventantes, qui fuerint agnovisse, cum nescius Angelos hospitio excepisse, a Paulo prædicetur Hebr. XIII, 2. Vix etiam prandium appariturus videtur Filio Dei ac Angelis, quos naturali cibo nec indigere, nec vesci, probe intelligebat. Vna ob stare videtur compellatio vers. 3. **וְאֵלֶּיךָ** cum (,) quod in nominibus Deo propriis numerari largior: sed dubium tollit DRVSIUS, forte (.) in (,) versus contendens, propter Rebhiah, Accentum majorem: ut omnes tres compellasse viros dicatur: *Domini mei*. Quæ si cui minus satisfaciant, facile suo quemque abundare sensu sinam. Ad Abigailis verba, quæ ex R. LEVI BEN GERSOM, & MAIMONIDE notavit HOTTINGERVS b. l. Auctoris, uxoris fuisse officium, mariti faciem, manus, pedes lavare, & quæ LIGHTFOOT. Hor. Hebr. ad Joh. XIII, 5. addit, idem ministerium a filio patri, & a servo heris præstitum fuisse, bene quidem habent in se, menti tamen & scopo faminae non respondent, quæ non servis Davidis, sed hero se nupturam pollicebatur. Est ergo in verbis istis **ἐξεδείκνυτο**, forte non infrequens ista tempestate. Nam proverbiali locutione abjectissima obsequia per pedum

pedum lotionem indicabantur, velut **PLUTARCHVS** in *vita Pompeji*, *Tom. I. Opp. pag. 658.* de Favonio refert, quod haud destiterit Pompejo inservire, ut dominis servi, *μέλεις νίψας ποδῶν, usque ad pedem ablutionem.*

Ad §. X. pag. 54.

(II) *Τὸν νεφέα vertimus pelvim*] Vtrumque notat *ἀνεψή*, tam pelvim, seu malluvium, ut hic loc. liquido probat, & **SVICERVS** in *Thef. h. v. p. 410.* & voce *ἀνέψ* p. 276. edocet, quam ipsam pedum lotionem, ut ex **IAC. GOARI** *Eu- chologio Græc. p. 745 sq.* constat, ubi *ἀπολαύσις τῆς θεῆς καὶ ἱερῆς νεφέας*, officium divini & sacri pedilavii exhibetur. Hebræis *עריכה* & *ספל* pelluvium dicitur, de quo hic loci in annotationibus disputat **LAMPE** p. 16. cujus materiæ fuerit? & postquam apud homines tenuioris fortunæ, scitilia in usu fuisse docuerat, horum quidem morem Servatorem nostrum secutum fuisse, **CLEMENTEM ALEXANDRINVM** ipse secutus affirmat.

Ad §. XI. pag. cit.

(12) *Hydriæ, quæ memorantur Job. II, 6.*] Quæ de hydriarum istarum materia, capacitate, figura, ceterisque circumstantiis ambigue disceptantur apud Interpretes, loci hujus non esse censentes, procul habemus, de illarum solum solliciti usu. Positas memorat Evangelista, *κατὰ τὸν καθαρισμὸν τῶν Ἰσδαίων, secundum seu ad purificationem Judæorum.* Non sane ad Baptismum Profelytorum peragendum, quod perperam contendit **IAC. ALTINGIVS** *Dissert. Phil. hept. VII. 7. §. 32.* confutatus **IOH. ANDR. DANZIO** de *baptismo Profelytor.* §. 35.; nulla enim in nuptiis initiandorum Profelytorum cura locum habebat: Nec ad purificationem sacram & religiosam hominum legaliter immundorum, quod **BERN. LAMY** censet, *Comment. in Harm. Evang. Lib. II. cap. X. p. 109 sq.*; illa namque nec honestati responderet, cum in propatulo hydriæ pro-

starent, ubi in conspectu convivarum immundo fas non erat, sese exuere, & aquis immergere, nec vasorum capacitati, quæ tanta non erat, ut totum hominem caperet: Sed ad *καθαρισμὸν* civilem & domesticum, ut inde deprompta aqua, vasis minoribus adferretur, ad purgandas subinde manus, calices, & utensilia alia. *Earum usus esse solet*, inquit **ARIAS MONTANVS**, in *conviviis Judæorum, ad lavandum manus, & calices, & vasa omnia diligenter: idque maxime observabatur in nuptialibus conviviis, quæ ad letitiam pertinebant, quod puritas letitiæ comes sit.*

Ad §. XII. pag. cit.

(13) *Moab est olla lotionis meæ*] Adagialiter dictum in eos, quos ad vilissima adhibemus servitia, velut pollubrum, pedibus lavandis substratum, ut post **HENRIC. AINSWORTHVM**, noster exponit **GEIERVS** hoc loco. Pariter **DEL RIO** *Adag. Sacr. P. II. adag. 82. p. 71.* qui sensum facit: tam vilium servitiorum loco futuri sunt mihi Moabitæ, quam sunt vasa, quibus pedes abluo. Paulo arctius sensum restringit **FORTVNAT. SCACCHVS** *Sacr. Elæochrism. Myroth. I. cap. XXXV. pag. 177.* cui, *Moab olla pelvis meæ*, idem est, ac: *Moab vas calefaciens aquam lavacri mei, five, Moab solum lavacri mei, quod nimirum ab his aqua in foliis ministraretur.* Insignem enim mancipiorum ex Moabitis copiam tunc temporis inservivisse credit Israelitis, qui uterentur illis ad aquam ferendam in urnis, foliisque balneariis, quales olim Josua Gibeonitas constituerat in populo Dei. Operam porro ludit uterque, in concilianda vel pallianda Vulgaræ lectione vitiosa: *Moab olla spei meæ*: castigata a **SIXT. AB AMAMA** *Antibarb. pag. 784. §. 941.* Longius ab his recedit **SAL. VAN TIL** *Comment. in h. l. de devicta Moabitarum regione* exponens, in qua impura e gentibus devictis mancipia, veluti sordes, deponenda & congreganda sint, ita ut illa immundorum, profugorum, & vilissimorum hominum, perditissimam & infimam fecem, in Terræ Sanctæ gremio non tole-



tolerandam, complectatur. Sed prior expositio simplicior est, minusque coacta.

Ad §. XIII. pag. 55.

(14) *Effusio olei*] Judæi convivas excipientes honoratiores, vel balsamo, vel unguentis fragrantibus capite perfundebant, ut olfactus non minus, quam gustus reficeretur, & variorum nidor ciborum, vel molestia quoque, ex graviore hospitum frequentium exhalatione, oriunda dispelleretur, ac omne demum fastidium abstergeretur. Quod enim ante laudatus GEIERS Comment. in Cohel. IX, 8. probe observat, nobis septentrionalibus hæc pinguedo capiti illita magis haberetur pro sordibus, quam ornamento quodam, aut amenitate: verum illi meridionales populi, ob sudores graveolentes crebros, causasque alias, crebro etiam suaveolentibus utebantur oleis ac balsamis, quæ guttatim in capita convivarum stillabant, quo sic cerebrum ac spiritus jucunda reficerentur fragrantia. Hinc ad exhilarationem quoque facere censebatur, cum suavi odore spiritus mirabiliter excitentur. Frequentia ritus istius vestigia exhibent Sacræ literæ, quando v. g. David Psalm. XXIII, 5. divinam celebrat clementiam, qua velut balsamo quodam, in caput suum destillante, reficiatur: Salomo quoque Coh. IX, 8. deprompta inde locutione, ad hilarem mentis in Deo quietem, gratumque temporalium usum, hortatur: Amos porro cap. VI, 6. luxum & carnalem suorum securitatem, delineat: æque ac Sap. II, 7. mollities sæculi istius hac phrasi describitur. Et in Novo Instrumento, Matth. XXVI, 6. pia femina isto honoris genere Christum prosequabatur, qui Luc. VII, 44. neglectum sui ac vilipendium, ex omissa unctione, exprobrat Simoni. Quin etiam Jejunantes Christus jubet ἀλείψον τὴν κεφαλὴν Matth. VI, 17. ne suam aliis jactare videantur pietatem, sed hilares appareant, nullamque sibi denegantes corporis curam. Nec caput modo, sed & pedes Christi inunctos lege Luc. VII, 38. Joh. XII, 3.

Egit de hac unctione convivali, paulo ante excitatus SGAECHVS Myrothec. I. cap. 37. pag. 185sq. ex nostris DILHERRVS Disput. Academ. Tom. I. Disp. XIII. §. 2. p. 403sq. Gentilium autem ritum copiose exposuit STUCKIUS lib. II. Antiqu. Conviv. cap. 25. & lib. III. cap. 15. COELIVS RHODIGINVS lib. XXVII. Antiqu. Lect. cap. 24. & 26. Romanorum, PLINIVS lib. XIII. Hist. Nat. cap. 1. & 3. DEMPSTERVS ad Rosini lib. V. Antiqu. p. 867sq. Persarum, BRISSONIVS lib. II. de Reg. Pers. p. 217. Pedum quoque unctionem apud Græcos usitatam, ATHERNÆVS testatur lib. XV. Deipnosoph.

Omisit Auctor noster nonnullas conviviorum ceremonias, quas suis locis inferere, dividie non fuerit. Ad præparationem pertinet etiam *Ordinatio ad accubitum*. Hanc interdum ipse procurabat convivor, velut Josephus locum dabat cuique fratrum, juxta ætatis annos vel majores vel minores, Gen. XLII, 33. & sicut Samuel primum locum assignat inter convivas Sauli, 1 Sam. IX, 22. quandoque verò ipsi convivæ eligebant πρωτοκλισίαν Luc. XIV, 7. antequam disponderet ipsos convivor, Matth. XXII, 11. Luc. XIV, 9.

Ad §. XIV. pag. 55.

(15) *Transseunt ad gratiarum actionem*] Postposuit hic Auctor benedictionem ciborum. Postquam enim accubuerant, precibus & gratiarum actione panem consecrat pater familias, vel qui vices ejus obibat, sic ut inter lotionem manuum & consecrationem, nihil dicat ille, tangat, aut agat. Sane in conviviiis solennibus, populus non solebat prius comedere, quam Samuel cibis benedixisset 1 Sam. IX, 13. quem morem Judæi inter tria præclara referunt inventa Mosis, Deut. VIII, 10. notante CASAVBONO Exerc. XVI. n. 63. Verba quidem Mosis gratiarum actionem post cibum sumtum præcipere videntur, Judæi autem de benedictione ante cibum exponunt, copulam ἰ in verbo וְכַרְכַּת postquam reddentes, hoc sensu: & comedes ac satiaberis, postquam benedixeris Dominum Deum tuum

*tuum* &c. Nempe Mosen hæc jussisse, ut nihil cibi vel potus assumatur, nisi antecedente precatone, quod nusquam alibi in Lege præscriptum sit. Docent enim Magistri, quicumque ulla re creata fruitur sine præcedente benedictione, furtum committere. Deum autem esse Dominum omnium, neque quicquam citra ejus veniam contrectare & usurpare fas esse, furis & raptoris hoc esse. Sed precatone antecedanea peti a Deo licentiam, ut de suo patiatur alimenta consequi. Confer in Deut. VIII, 10. IAC. ALTINGIUM *Commentar. Tom. I. Opp. pag. 368.* Hinc conceptæ ipsius formulæ sunt recitandæ, non solum cum panem & vinum comesturi sunt, sed etiam, cum fructus & bellaria. Cum præstantius vinum apponitur, habent ברכת טוב cum aromata afferuntur, recitant ברכת המזמר; cum suave odoramentum, ברכת המושק; cum obsonia & varia ciborum genera, ברכת הזפרפרה. Idem in historia Evangelica observare licet, ubi Christus panibus in manus sumtis, oculisque in cælum levatis, devotis precibus benedixit Marc. VIII, 6. Matth. XIV, 19. Joh. VI, 11. Magistrum posthæc imitatus est Paulus, quando cum sociis in navi cibum capere instituebat Act. 27, 35. ceteraque Christianorum cohors I Cor. X, 30. I Tim. IV, 4. *Non enim discumbitur, priusquam oratio ad Deum prægustetur*, TERTULLIANVS de sui ævi fidelibus inquit, *Apolog. cap. XXXIX.* Quando autem Auctor ברכת היין benedictionem vini hoc §. præmittit, & ברכת הלחם benedictionem panis seu cibi §. sequi. subjungit, certæ regionis vel gentis sequitur morem. In Germania enim poculum epulis præmitti, in Italia vero benedictionem vini convivium claudere, observat WAGENSELIUS in *Sota p. 809.* indeque pugnantes invicem, BUXTORFIVMATQUELEONEM MVTINENSEM, conciliare satagit: ex quo transferre huc liceat elegans monitum R. IOSVÆ, filii LEVI, quod in Gemara *Sota ad Cap. 7. excerpt. 27.* legitur: אין נוהנין כוס של ברכה לברך אלא לטוב עין: Non traditur poculum eucharisticum ad benedicendum, nisi ei, qui ingenui vultus est, quod ex

Prov. XXII, 9. probatur. Morem Judæorum hodiernum, & benedictionis formulas, BUXTORF. edisserit *Synag. Jud. cap. VII. & XII.* PAVLVS FAGIVS cum in libello *precaton. Judæorum*, tum in *Commentar. in Targum Deuter. VIII, 10.* LEO MVTINENSIS de *cerimon. Jud. P. I. cap. 9.* SCALIGER lib. VI. de *Emend. Tempor. fol. 536.* DILHERR. lib. I. *Elect. cap. XII.* Quin & Gentilibus hoc usu receptum fuisse, testis est ATHENAEVS lib. VI. *Deipnosoph.* Naucratis etiam, cum jam discubissent, furrexissent rursus in genua, sacrorum ministro preces patrias recitante, nec non Calecutanos, aliasque gentes id pietatis genus observare, docet STUCKIUS lib. II. *Antiqu. Conviv. cap. 36.* Quorsum libationem vini referunt, de qua vide LIPSIVM *Antiqu. Lect. lib. III. p. 153.*

Sicco quoque pede præterit Auctor *ciborum distributionem*, cujus observatio varia Scripturæ loca illustrat. Mos enim fuit antiquus, certas ciborum, potulentorumque portiones singulis convivis apponi. Confer HEIDEGGERI *Histor. Patriarch. P. II. Exercit. XX. §. XXIII. pag. 658.* ubi ex hoc ritu, locis Scripturæ Luc. X, 42. & Psal. XVI, 5. lucem affundit. In convivio Josephi, quo nondum agnitus, fratres in Aegypto excepit, apponunt ipsi seorsim, & fratribus seorsim; & Joseph accepit משאות partes, sive fercula ex iis, quæ sibi apposita habebat, misitque ad illos, & multiplicavit partem Benjamin, quinque partibus supra reliquorum fratrum fercula Genes. XLIII, 32 sqq. Ejusdem moris Orientalium, qui posthæc Græcorum quoque fuit & Romanorum, meminit DRVSIUS ad *Cohe. V, 17. & ad Jobi XX, 29. & cap. XI, 2.* Ita Samuel mandat coquo, ut המנה portionem illam, seu armum apponeret Sauli convivæ honorationi I Sam. IX, 23. Sic Elkana in convivio sacro, Peninnæ filiisque ejus dat partes, Hannæ vero dat partem unam delectam, I Sam. I, 4, 5. Et Christus ipse tam panes, quam pisces ἐμέγισσε Marc. VI, 41. Huc forte referas משפר portionem illam carnis, quæ in publico Davidis convivio, populo distributa legitur 2 Sam. VI, 19.



& 1 Chron. XVI, 3. nec non מנחם seu fercula ista, e convivii missa egenis Neh. VIII, 10. & Esth. IX, 22. Confer huc, quæ CASAVEONVS ad Theophrasti Charact. p. 362. allegavit, de donis amicis absentibus, e convivii mitti solitis. Sed de ritu *missuum* quoque HEIDEGGERVS commentatur, paulo ante citatus.

Ad §. XV. pag. 55.

(16) *Dicitur הכובע concisor, fractor* ] Post ea, quæ REIZIVS ad Auctorem *b. l. not.* 10. de oraculi Davidici Psal. X, 3. detorsione attulit, observare liceat, verbum כובע apud Rabbinos communiter adhiberi de prima scissione panis integri in prandio, ejusque distributione, quæ fit cum speciali benedictione, & certis ceremoniis, de qua ita sciunt Magistri: כעל הכית כובע כרי שיכצע בעין יפה Pater familias primus scindit panem, ut scindat oculo bono, in Beracoth fol. 46. col. I. Vide BUXTORF. Lexic. Targum. *b. v.* & quæ in Synag. Jud. cap. 12. huc faciunt.

Ad §. XVI. pag. eand.

(17) *Condiunt bonis comparationibus & similibus* ] Pergit ad colloquia mensalia Auctor, quæ, ut plurimum & de jure, vel ingenium sapiebant, vel pietatem instillabant. Etsi enim, inter edendum, dum cibus adhuc manditur, mutuo colloqui vetant, ne quid in asperam arteriam decidar, & suffocationis periculum imminuat, unde nec sternutantem salvere jubent, ut est in Orach Chajim num. 170. מאן רעמיש בנו מיכליה אסור למימר ליה אסתה מפני סכנה: sternutanti inter edendum non dicere licet: Afutha, Salus, propter periculum: muta tamen non erant convivia, sed piis, acutisve sermonibus condita. Prophetam enim Eliam epulis semper interesse, & singulos homines peculiarem Angelum habere, qui apud mensam perpetuo affideat, & auscultet, qua ratione preces concipiantur, quid dicatur, & quis denique in mensa mo-

duus fervetur, Judæi existimant. Si de verbo Dei, & sacrosancta lege sermo habeatur, ab illorum latere non discedit, sed cum illis manet, & suavem salubremque experiuntur cibum: si vero garriant, & futilibus fabulis tempus terant, recedit ab illis, & in locum illius malus angelus succedit, qui variis illos inter se jurgiis committit, pugnas, immo pugnos ciet, in morbos a cibo capto conjicit &c. referente BUXTORFIO *cit. loc. p. 252.* Huc sane pertinent saluberrima Servatoris nostri monita, in convivii sparsa Matth. IX, 12 sq. XXVI, 10 sqq. Luc. VI, 31 sqq. VII, 40 sqq. XIV, 3 sqq. Joh. XIII, 12 sqq. & alia, quæ memoriæ prodita non sunt. Eodem vero num referenda sint Proverbia Salomonis, dubium adhuc videtur. Ita quidem contendit FERDIN. QVIRINVS DE SALAZAR, qui in Isagoge, Commentario in Proverb. præmissa, magno & verborum, & doctrinæ, rerumque apparatu, demonstrare contendit, Salomonem, pro veterum more, convivales hic descripsisse sermones. Ita enim priscis usu fuisse receptum, ut convivia sua non ferculorum tantum varietate, sed eruditis quoque sermonibus, ænigmatibus, parabolis, & quæstionibus condirent, ex ATHENÆO probat, eumque in finem ad PLATONIS cumprimis, XENOPHONTIS, & PLUTARCHI συμπόσια provocat, quæ etiamnum doctorum hominum manibus teruntur. Isti ut fidem conciliet commento, tum sermonis indolem & rationem urget, quod totus Proverbiorum liber ex ejusmodi contextus atque conflatus sententiis videatur, quæ in Sapientum cœnis jactari consueverunt, videlicet ex paræmiis, strophis, parabolis, & ænigmatibus; tum seriem ac ordinem libri. Postquam enim prioribus novem capitibus exhortationem ad perdiscendam sapientiam complexus, thesin libri proposuit Salomon, apposite perquam sapientiam per prosopopœiam quandam inducit, cap. IX, 1 sqq. convivium exhibentem, & viros sapientissimos ad dicendum proferentem. Tres autem collocutores facit, Salomonem cap. X--XXIX, Agurem cap. XXX. & Lamuelem cap. XXXI. & ne mimium exerceat

scat Salomonis sermo, post cap. XXIV. statim Aguris & Lamuelis sententias collocat auctor: quibus, denique cetera Salomonis dicta, a cap. XXV. ad XXIX. subnectit. Inscriptionem causatur capitis XXV. cum ordinem suadere, quæ sequentia Salomonis dicuntur Proverbia, quæ transtulerunt, h. e. loco suo moverunt, & alio collocarunt, viri Ezechiaë. Post hunc, easdem tibias inflavit IACOBVS LYDIVS in Cæna Domin. *litteratorum*, quæ inserta legitur Crenii fasciculo opuscul. X. num. XLVI. pag. 442 sqq. ubi Proverbiorum librum recte appellari posse perhibet Convivium, aut Canam Salomonis, in qua audire liceat sacros δειπνοσοφισαs. Salomonem, Agurem, Lamuelem, parabolas sententiasque omnigenas proferentes. Reliqua ad SALAZARIS modum instituit. Illum vero nos sub censuram vocavimus in *Introduc. ad Libr. Biblic. Vet. T. P. II. cap. IV. §. 5. p. 178 sqq.* ubi, si placet, vide. Ceterum, Græcos, inter fercula philosophari, consuevisse testatur MACROBIVS *Saturnal. lib. VII. cap. I.* Agathonis, inquiens, convivium, quia Socrates, Phædros, Pausanias & Erisymmachos habuit, sic & cæna, quam Callias doctissimus dedit, Charmadam dico Antisthenem & Hermogenem, ceterosque his similes, verbum nullum nisi philosophum sensit: contra vero indigne fert, Isocratem Græcum oratorem, cum in convivio a sodalibus oraretur, ut aliquid in medium de eloquentiæ suæ fonte proferret, hac venia deprecatum fuisse: quæ præsens, inquit, locus & tempus exigit, ego non calleo; quæ ego calleo, nec loco præsentia sunt apta, nec tempori. Ipse porro modum, & cancellos velut definit, intra quos sermones ejusmodi eruditi continere se debeant in cæna. Egregie POLLUX *lib. VI. cap. XIX.* ubi de variis convivorum circumstantiis: τῶν μὲν τοι συμποτικῶν, ἀνιγμὰ καὶ γέιφος· τὸ μὲν παιδείαν ἔχεν, ὁ δὲ γέιφος καὶ σπυδὴν· καὶ ὁ μὲν λύσας, γέρας ἔχε κρείων τινα περιφορέαν· ὁ δὲ ἀδυνατήσας, ἀλμης ποτήριον ἐκπίειν· ἐκλήθη δὲ ἀπὸ τῶν ἀλιευτικῶν γέιφων. Inter convivalia sunt, *enigma* & *griphus*, & illud quidem ludum, hoc vero & *serium* quid habebat. Qui solvisset, primum referebat

carnium quoddam ferculum, qui vero non potuerat, poculum murie elibere necesse habebat. *Dictus est autem a griphis piscatoriis.* Hinc intelligis, addita ænigmatibus fuisse præmia in convivii, si qui acu rem tangerent, & pœnas in eos, qui solvere nequirent. Romanos præterea Anagnostas adhibuisse mensis, & bibliothecis instruxisse triclinia, testis est SENECA, qui *lib. I. de tranquill. vitæ cap. 9.* Pterisque, ait, ignavis etiam servitium literarum, libri non studiorum instrumenta, sed cœnationum ornamenta sunt. De quibus uberius præcipit IOSEPHVS LAVRENTIVS *de convivii Veterum p. 169. Tom. IX. Antiqu. Græcar. Grævii.*

Ad §. XVII. pag. 56.

(18) *Prolixam appendens orationem*] In gratiam eorum, quibus libelli precationum Judaici ad manus non sunt, orationem hanc apponemus integram, sed ex versione solum Latina: Hebraicam qui cupit, p. FAGIVM adeat supra citatum. Post verba enim: בָּרוּךְ הוּא וּבָרוּךְ שְׁמוֹ benedictus sit ipse, & benedictum sit nomen ejus, in hanc sententiam pergit: Benedictus sit Dominus Deus noster, Rex mundi, qui pascit totum mundum bonitate sua, gratia, misericordia, & miserationibus. Ipse est, qui dat cibum universæ carni, quoniam in æternum misericordia ejus, & propter bonitatem ejus magnam, nunquam defuit nobis, neque deerit cibis in æternum & ultra, propter nomen ejus magnum; quoniam ipse cibatur & alit omnes, benefacit omnibus, atque parat cibum omnibus creaturis suis, quas creavit: benedictus sis tu Domine, qui pascis omnia. Gratiâ agimus Tibi Domine Deus noster, eo quod hereditare fecisti patres nostros terram desiderabilem, bonam & spaciosam: & pro eo, quod eduxisti nos, Domine Deus noster, de terra Aegypti, ac redemisti nos de domo servitutis: pro fœdere item, quod obsignavisti in carne nostra: atque pro lege tua, quam docuisti nos: pro statutis quoque tuis, quæ nota fecisti nobis: proque vita, gratia & misericordia, qua propitius es nobis: atque pro esu cibi,



cibi, quo tu cibus & pascis nos jugiter, omni die, omni tempore, omnique hora. Pro omnibus, inquam, Domine Deus noster, gratias agimus tibi & benedicimus tē. Benedictum sit nomen tuum, in ore omnis viventis semper, in aeternum & in perpetuum, sicut scriptum est: cum comederis & satiatus fueris, benedicas Domino Deo tuo, in terra bona, quam dedit tibi. Gratias itaque agimus nomini tuo magno, Selah! in veritate: benedictus sis tu Domine, pro terra & pro cibo.

Miserere, Domine Deus noster, nostri, Israelis scilicet populi tui, Hierusalem quoque civitatis tuæ, & Zion tabernaculi gloriæ tuæ, regni item domus David, Messia tui, atque domus magnæ & sanctæ, pro qua invocatur nomen tuum. Deus noster, pater noster, rex noster, pastor noster, cibator noster, gubernator noster, sustentator noster, & refocillator noster. Respirare nos fac Domine Deus noster cito, ex omnibus tribulationibus nostris. Ne obsecro, Domine Deus noster efficias, ut necesse nobis sit, vel munus, vel mutuum accipere a carne & sanguine, sed sufficiat nobis manus tua plena, aperta, sancta & ampla, ut non erubescamus & confundamur in aeternum & ultra. Readifica quoque Hierusalem civitatem sanctam, cito in diebus nostris. Benedictus sit Dominus, qui extruit per misericordias suas Hierusalem, Amen. Benedictus sis tu Domine, Deus noster, rex mundi, Deus pater noster, rex noster, dominus noster, creator noster, redemptor noster, formator noster, sanctificator noster, sanctificator Jacob, pastor noster & pastor Israelis, rex bonus ille, qui benefacit omnibus. Deus, qui omni die benefecit, benefacit, & benefaciet nobis. Ipse est, qui retribuit nobis: ipse est, qui etiam retribuet nobis in perpetuum, gratiam, misericordiam & miserationes, refocillationem quoque, liberationem, prosperitatem, benedictionem, salutem, consolationem, alimoniam & sustentationem, misericordiam, vitam, & pacem, atque omne bonum, ita ut nullo bono egeamus. Misericors ipse regnabit super nos in aeternum & ultra. Misericors ipse benedictus sit in calis & in terra. Misericors ipse laudetur in generationem & generationes: glorificetur a nobis in aeternum & in

perpetuum. Celebretur a nobis perpetuo in secula seculorum. Misericors ipse gubernet nos cum gloria. Misericors ipse confringat jugum gentium a collis nostris: ipse ducat nos erectos in terram nostram. Misericors ipse mittat nobis benedictionem copiosam super domum istam, & super mensam, de qua comedimus. Misericors ipse mittat nobis Heliam prophetam, memor sit boni, & benedicat nos unumquemque ex nobis nominatim. Misericors ipse benedicat patrem meum, dominum meum, patrem familias istum, matrem meam, dominam meam, matrem familias istam, ipsos inquam & domum eorum, & semen eorum, omniaque, quæ habent: sicut benedicti fuerunt patres nostri, Abraham, Isaac & Jacob, omni genere bonorum, sic quoque benedicat nos omnes simul benedictione perfecta: unde dicamus, Amen. In excelsis docebunt pro eo, & pro nobis meritum, ut sit in custodiam pacis. Capiamus ergo benedictionem a Domino, & justitiam a Deo salutis nostræ, inveniamusque gratiam & intellectum bonum in oculis Dei & hominum. Misericors ipse dignos nos faciat diebus Messie, & vita seculi futuri, magnificans salutes regis sui, & faciens misericordiam Messie suo, David & semini ejus, usque in seculum. Qui facit pacem in excelsis suis, ipse faciat pacem super nos, & super universum Israel: unde dicite, Amen. Circa ultima verba, quando benedicens incipit: capiamus ergo benedictionem &c. dextram manum, qua poculum tenet, in altum elevat. Quæ §. sequ. Auctor tradit, ad verbum ex FAGIO deprompta sunt, nec habent, ad quod aliquid moneatur.

Ad §. XIX. pag. 56.

(19) *Quibus, tanquam pars altera S. Sacramenti N. T. consecratur* ] Hoc pariter a FAGIO didicit Noster, qui S. Cænæ institutionem & verba, ex ritu Judaico passim derivat; magni nominis sectatores nactus, IOSEPHVM SCALIGERVM, qui in illustri opere de temporum emendatione non tam probat sententiam, quam pro more, dictatoria imperat auctoritate, libro cum primis

primis VI. LUDOVIC. CAPPELLVM, HVGONEM BRVGTHONVM, HVGONEM GROTIUM in differt. *de Commun. S. Cœna, ubi non est Pastor*, p. 21. edit. Londin. An. 1683. cum primis vero IOH. BVXTORFIVM fil. *Differt. VI. p. 282.* qui licet SCALIGERVVM, ex Postcœnio paschali Sacram Cœnam exsculpentem, convellat, cœnamque Christianam, post penitus peractum epulum paschale, institutam evincat, in eo tamen totus est, ut dicta & gesta Servatoris in Sacra Cœna obvia, v. g. fractionem panis p. 312 sqq. ex Judaico ritu arcescat. Quod vero ipsis non largimur. Licet enim Servator unam vel alteram benedictionem adhibuerit, patriis gentis moribus haud absimilem, longe tamen augustius est Sacræ Cœnæ mysterium, quam quod a Judæorum hauserit instituto. Ipse Dominus καινήν διαθήκην appellat, Matth. XXVI, 28. Conf. Hebr. IX, 15. Vbi vero Testamentum Novum, & certis ritibus sancitur, ibi ritus ipsos non pridem receptos, sed nove introductos esse consequitur. Accedit, quod μετὰ τὸ δεπνῆσαι, postquam cœnasset, totamque absolvisset cœnam paschalem Christus, Sacri epuli Sacramentum instituisse memoretur Lucæ cap. XXII, 20. & Johanne cap. XIII, 2. teste, δέπνῃς γενομένῃς, cœna peracta discipulorum pedes laverit, sic ut lotio ista inter cœnam Paschalem & inter cœnam Dominicam media fuerit interjecta. Vnde liquido patet, frustra esse GOODWINVM, quando benedictione ultimi de cœna paschali calicis, partem alteram Sacramenti Nov. Test. consecratam fuisse contendit. Denique cum Cœna Christiana, ad finem sæculi perennatura, in Paschatis locum successit 1 Corinth. V, 7, 8. facili negotio colligitur inde, quod ante, quam facta & transacta fuerant omnia, quæ ad celebrationem paschatis requirebantur, locum habere non potuerit surrogatio ista. Novum enim Sacramentum, nisi vetere abrogato, non conditur. Quibus, & aliis, rationum momentis, consummatissimus Theologus GOTTLIEB WERNSDORFIVS, in dissertatione, qua recentiores de Cœna Domini controversias, A. 1710. Vitembergæ sub censuram vocavit, a §. 21-33:

solide evicit, cœnæ nostræ originem mere divinam esse, unde quoque τράπεζα κυρίου, & δέπνον κυριακόν Paulo salutetur, quæque non ab instituto quodam, vel ritu, hominum voluntate invecito, sed in solidum ac simpliciter, a sapientissima Christi ordinatione sit deducenda.

Ad §. XX. pag. 56.

(20.) *Cantant Hymnos & Psalmos*] De Judaico psallendi post cœnam paschalem ritu, quem obiter & ὡς ἐν παρόδῳ tetigerat FAGIVS, erudite præcipit BVXTORFIVS §. 84. p. 324 sq. PAVLO BVRGENSI accedens, Hymnum h. l. notari, qui a Psalmo CXIII. ad CXVIII. inclusive, continua serie pergit, & Judæis הלל Hymnus κατ' ἐξοχήν vocatur. Hunc notat, in duas dividi sectiones, ita ut prior ex Psalmo CXIII. & CXIV. recitetur ante cibum, posterior ex Psalmis quatuor reliquis, canatur post comestum agnum, exhausto poculo cœnæ paschalis quarto & ultimo; cui aliam præterea præcationem, quam ברכת שיהי benedictionem carminicam dicunt, subjungant; de qua confer, quæ HOTTINGERVVS in hunc Auctoris paragraphum monuit. Quantumvis autem Christus Sacram suam Cœnam, post esum agni demum instituerit, fieri tamen potuisse existimat, ut solitam Hymni illius decantationem distulerit ad absolutam quoque cœnam suam; quia, cum in Plurali dicatur ὑμνήσαντες, probabiliter hinc intelligatur, ipsos una Hymnum aliquem omnibus notum cecinisse. Spectat huc etiam, quod CLEMENS ALEXANDRINVS *Pedagogi libro VI. cap. 4.* ubi de Christianorum psallendi post convivium disciplina egerat, paulo ante finem addit: αἰλλὰ καὶ ἐν τοῖς παλαιοῖς Ἕλλησι, παρὰ τὰς συμποτικὰς ἐνοχίας, καὶ τὰς ἐπιφειαζέσας κύλικας, Ἑβραίων κατ' εἰκόνα ψαλμῶν, ἄσμοι τὸ καλόμενον σκολιὸν ἤδετο· κοινῶς ἀπάντων ἅμα Φωνῇ παιανίζοντων ἔσθ' ὅτε δὲ καὶ ἐν μέρεϊ περιελιττόντων τὰς προπόσεις τῆς ὥδης· οἱ δὲ μισοικώτεροι αὐτῶν, καὶ πρὸς λύραν ἤδον. Ceterum apud Græcos quoque veteres, in conviviis ad compotandum comparatis,



Et rorantibus poculis, ad Hebraicorum Psalmorum similitudinem, canticum quod appellabatur σκολιόν, canebatur, communiter omnibus voce simul Paena clamantibus, Et nonnunquam etiam per cantici vices propinationem circumagentibus. Qui autem erant ex eis Musice paulo peritiores, etiam ad lyram canebant. Propius huc facit, quod de Christianis TERTULLIAN. *Apologet. cap. XXXIX.* postquam de precibus ante discubitu verba fecerat, superius allata, testatur: *Post aquam manualet & lumina, ut quisque de Scripturis sanctis, vel de proprio ingenio potest, provocatur in medium, Deo canere: hinc probatur, quomodo biberit: æque oratio convivium dirimit.*

Ad §. XXI. pag. 57.

(21) *Sine qua nullus Profelytus* ] Quæ de Profelytorum Baptismo, dudum ante Christiani baptismi institutionem, Judæis recepto, in causæ subsidium vocat Auctor, supra discussa sunt ad *Libum I.* ubi de Profelytis; nec ad probandam Cœnæ originem Judaicam faciunt quicquam.

Ad §. XXII. pag. cit.

(22) *Est illorum positura sive situs* ] De Veterum accumbendi ad triclinia more, copiose commentati sunt viri docti. De Hebræis sigillatim EVXTORF. *cit. loc. §. 23 sqq. p. 306.* & ANTON. BYNAEVS *de morte J. C. lib. I. cap. III. §. 21 sqq. pag. 204.* De Romanis & Græcis, HIERON. MERCVRIALIS *lib. I. de arte gymnastica cap. XI. p. 33.* LIPSIVS *lib. III. Antiqu. Lection. p. 144 sq.* CIACCONVS *de Triclinio p. 99.* THOMASIN. *de tesseriis hospital. cap. XIX.* ALSTORPHIVS *de lectis Veter. p. 107 sqq.* CASALIVS *de Conviviis veter. p. 140.* Nos ea delibabimus, quæ nostri censebimus esse instituti. I) quær. *Vtrum ab antiquo accubuerint mensæ Hebræi, an assederint?* Posterius citra hæitationem affirmamus cum DRVSIO ad *Genes. XXXVII, 25.* ADRIANO A CATTENBVRCH *Synt. Sap. Mos. lib. V. cap. II. Sect. I. §. 2. p. 262 sq.* quia passim sedisse legun-

tur cibum capientes *Gen. XXVII, 19. XXXVII, 25. XLIII, 33. Exod. XVI, 3. XXXII, 6. Jud. XIX, 6. Ruth. II, 14. 1 Sam. XX, 5, 24 sq. XXV, 34. 1 Reg. XIII, 20. Prov. XXIII, 1. Jerem. XVI, 8. Ezech. XLIV, 3.* Hinc PHILLO *in lib. de Josepho p. 376.* ad historiam *Genes. XLIII, 33.* scite observat: μήπω τῶν ἀνδρῶν ἐν ταῖς συμποτικαῖς συνάσαις κατακλίσει χρωμένων, *nondum recepto more ab hominibus ejus ætatis, accumbendi in conviviis.* Secus quidem sentit ISAAC. CASSABONVS c. *Baron. Exerc. XVI. cap. 22.* accubitu in gente Dei usque viguisse, ex *Amos. II, 8.* & *Ezech. XXIII, 41.* demonstrans, quibus addi præterea posset *Prov. VII, 14, 16.* & *Esther. I, 6.* ubi de reclinatoriis aureis; item *cap. VII, 7. 1 Sam. XXVIII, 23.* *Amos. VI, 4.* ubi vā dicitur accumbentibus in lectis eburneis, qui extendunt se super spondis suis, & comedunt agnos pingues: sic Judith super pellibus humi stratis recumbit, *cap. XII, 15.* Sed rectius longe HVGOGROTIVS ad *Matth. XXVI, 20.* pronunciat, apud Judæos accubitu in lectis haud dubie serius cœpisse, Assyriorum, ut credibile est, exemplo, quin Græcorum, ac postremo Romanorum exemplo increbuisse. Hinc nostra sic fert ratio, accumbendi ritum in gente sancta, ante Reges ortos plane ignotum, sub Regum imperio ab Assyriis, Persis aliisque gentibus adscitum, apud delicatulos & molles homines obtinuisse, donec tandem post reditu ex Babele, & sequiori ætate in communem consuetudinem abiret. Hinc apud Evangelistas verba, ἀνακῆσθαι, κατακῆσθαι, συνανακῆσθαι, itemque ἀνακλίνειν & κατακλίνειν, quæ accubitu notant, passim leguntur, ubi de conviviis est sermo. Et clarissimum Hebræi perhibent testimonium, quando in *Tosephoth Berachoth fol. 42. col. 1.* pronunciant: ישיבה שלנו הוי קביעות לנו כהסבה רירחו *sessio est nobis hodie consueta, ut accubitus olim illis.* II) quær. *Quomodo composuerint se cœnantes in accubitu?* Curate satis modum delineavit Auctor in hoc §. In cœnaculo mensa collocabatur, vel quadrata, vel rotunda, quæ aut uno saltem pede fulciebatur, aut duobus, frequentius vero

verò tribus. Circum mensam lecti erant, *מטות* a reclinando dicti, quos *tricliniorum*, sive *tricliniaries*, aut etiam *discubitorios* appellabant, ut a *cubiculariis*, in quibus somnum capiebant, discriminarent. Fiebant forma varia, sed plurimum quadrata, longi paulo amplius, quam statura sit hominis. Insternebantur porro aulæis, purpura, aut alia veste stragula, pro copia aut inopia convivoris. His stragulis injiciebantur *pulvini tricliniaries*. In iis accumbebant, reclinata supera parte corporis in cubitum sinistrum, infera in longum porrecta ac jacente; capitibus quidem semper introrsum ad epulas, pedibus vero extrorsum porrectis. Quin inclinatio in brachium sinistrum adeo erat recepta, ut *הסיבה הימנית* *accubitus in dextram non conferetur accubitus* apud BUXTORF. §. 34. Situs autem iste neque erat plane jacentis, neque plane sedentis, sed partim sedentis, partim jacentis; unde Hebræis quoque *היכב* *accumbere*, & *ישב* *sedere*, promiscue de illo usurpatur. Primus decumbebat ad caput lecti, cujus pedes porrigebantur pone dorsum secundi: secundus vero occiput obvertebat ad umbilicum primi, pulvillo interjecto, pedes jacebant ad tergum tertii: & sic deinceps tertius, sic quartus. Saturati pariter interdum unum in latus, nonnunquam supra dorsum supini, sæpe more sedentium se componebant. Judæorum testimonia lege apud BUXTORFIVM §. 33. qui §. 37. quoque observat, olim singulos accubuisse in lecto suo seorsim, & ad mensulam suam, peculiarem, posthæc vero omnes cinxisse mensam unam & communem. III) quæritur, quia Marc. XII, 39. *πρωτοκλισίας* in conviviis sit mentio, *Quinam honoratior inter accumbentes fuerit locus?* De Romanis ita pronunciat LIPSIVS p. 146: Si tres convivæ in uno lecto, medius dignissimus: proximus honore, summus. Si quatuor, medium censei arbitror, proximum a summo: si duò tantum, dignissimus summus fuit. De Judæis Gemara *Berachoth* cap. VII. tradit: *Quomodo se habebat accubitus? quo tempore erant duo lecti, præcipuus accumbebat primo loco, & alter in-*

*fra eum: quo tempore erant tres lecti, præcipuus accumbebat primo loco, secundus supra illum, tertius infra illum, ut jaceret ad ejus genua.* Paria habet MAIMONID. *Berachoth* cap. V. Hinc itaque de cœna Servatoris, ultima BARONIUS con-jicit, Christum & Apostolos tribus lectis accubuisse: in uno cubuisse ipsum cum Johanne & Petro: reliquos in duobus jacuisse quinos. Id improbat CASAVBONVS, & putat, illis quatuor potius assignandos, quod quisque lectus trium convivarum capax fuerit. Uterque suæ indulget conjecturæ. Ceterum peculiari dissertatione de *Accubitu ad agnum paschalem Hebræorum*, ex instituto egit DASSOVIVS, Vitembergæ, 1698. quam huc contulisse non pœnitebit. De honoratiore autem loco, pro diversitate gentium, diversimode pronunciat, ex SALMASIO, BALDWIN. WALAEVS ad *Joh. XIII, 23.* & ADR. A CATTENBURCH c. l. §. 3. p. 263. IV) quær. *An, quæ virorum, eadem & mulierum in accubitu ratio fuerit?* MERCVRIALIS p. 34. existimat, apud Romanos, a Pompeji M. ætate usque ad Galieni, atque etiam Constantini Imperatoris tempora, omnes fere, atque etiam mulieres cœnantes simul accubuisse, quod ex OVIDIO probat; apud Græcos vero, CICERONE teste, nunquam mulieres accubuisse; quin & apud Romanos, diverso situ mulieres a viris accumbentes cœnasse existimat: non solum, quod honestatis atque dignitatis utriusque ratio ita postulasse videatur, sed quia in Romanis Lapidibus, in quibus mulieres cum viris accumbentes repræsentantur, illæ certe figura quadam ab ipsis aliquomodo diversa, quasque sedentes, & nulli alteri rei cubitis innixæ accumbentes, & edentes conspiciuntur. Et ad eum modum intelligendus est VALERIUS MAXIMVS lib. II. cap. I. quando de Romanis, *cum viris cubantibus*, inquit, *sedentes cœnitabant femine.* De Judæis autem PHILO, quando mulieres senes in conviviis festivis una cum viris epulatas fuisse memorat, ita pergit: *διανέμονται δὲ ἡ κατάκλισις χωρὶς μὲν ἀνδράσιν ἐπὶ δεξιά, χωρὶς δὲ γυναικῶν ἐπὶ ἐναντιομα, discubitus ita distribuitur, ut seorsim viri dex-*  
trum



trum latus, seorsim mulieres sinistram teneant. *Lib. de Vita contemplativa* p. 695. Qui tamen mos Essenis proprius, vereor, ut ceteris Judæis fuerit communis. Mulieres vero in conviviis interdum admittas, liquet ex Jobi I, 4. ubi sorores suas semper in conviviis secum habebant filii: interdum ab iis exclusas fuisse, ex 1 Sam. XXV, 18 sqq. coll. cum vers. 36. colligitur, ubi a mariti Nabalis convivio abfuisse Abigail videtur. De epulo paschali MAIMONIDES in *Hilchoth Chamez Vmazza* cap. VII. §. 8. ita tradit: **אשה אינה צריכה הסיכה ואם אשה חשוכה היא צריכה הסיכה** *femina non obligabatur, ut accumberet; si tamen esset femina honorata, accumbere debebat.* Porro in *Hilchoth Korban Pesach* cap. II. §. 4. ita perhibet: *Non constituebant sodalium paschale ex feminis, & servis, aut infantibus, & servis, ne leviter inter se agerent: sed constituebant sodalium ex meris feminis, etiam in paschate secundo, & ex meris servis.*

Ad §. XXIII. pag. 57.

(23) *Johannes in sinum Jesu* ] Nimirum accumbentium alter ad alterius genua pertingebat, ut R. SALOMO IARCHI ad *Gemar. Pesachim* cap. X. fol. 108. col. 1. notat: **כל אחד נשען על ברכי חברו** *quilibet innitebatur genibus alterius.* Hinc qui infra alterum cubabat, accumbere dicebatur in illius gremio vel sinu. De hac phrasi juvabit audire SALMASIVM apud WALAEVM paulo ante cit. *Vxores vel amicae apud Romanos semper in sinu mariti vel amatoris discumbere solita, hoc est, infra ipsum.* Nec enim aliter potuit ex ratione discumbendi, qua in sinistram latus jacuere. IVVENALIS: *Et gremio jacuit nova nupta mariti: H. e. infra maritum. Quem maxime amabant, sive masculus, sive mulier esset, cum infra se semper collocabant, i. e. in sinu ipso.* - - Hinc *ἐπίσῳδος* pro amico intimo Græcis, & qui quasi in sinu recumbit. Non dignioris hic locus & magis honorati, sed magis dilecti. Vnde intelligis, quo pacto arctio inter Jesum & Johannem familiaritas ex hoc situ co-

gnoscat. Frustra autem est HIERONYMVS, quando *lib. I. adv. Jovinian. cap. 14.* tenerioris dilectionis causam in *virginitate Johannis* quaesivit. Aliter sensisse videtur *Comment. in Cap. ult. Zachar.* ubi ita pronunciat: *Idcirco amatur a Domino, quia optimum habebat profundum, & recubuerat super pectus Jesu, & hauserat sapientiam.* Sed de hoc singulari Jesu in Johannem amore confer, quæ commentatur GERHARDVS in *Harmon. Evang. cap. CLXXII.*

Ad §. XXIII. pag. 57.

(24) *In sinu Abraham* ] De sinu Abraham ex Patribus Græcis copiose commentantem vide SVICERVM *Thef. Eccles. h. v. p. 138 sq.*

Ibidem.

(25) *In sinu Patris* ] Huc rursus confer, quæ SVICERVS ex CHRYSOSTOMO cumprimis *cit. loc.* de sinu Patris affert, & LAMPE in *h. l.* Cumprimis GERHARDVS mox citatus notat, in sinu Patris dici Filium 1) propter arctissimam ipsius cum Patre cognationem, 2) propter æternam a Patre generationem, 3) ardentissimam dilectionem, 4) plenissimam omnium participationem, 5) secretissimorum communicationem: quem vide, cum ista explicare hujus non sit loci.

Ad §. XXIV. pag. cit.

(26) *Mensæ perfecte circulares fuerunt* ] Contra vero, Hebræorum mensas, si non omnes, maximam tamen partem, fuisse quadratas, DASSOVIVS *cit. Disp. Thef. V. p. 21 sq.* docet; qui & Auctori nostro, licet non nominet, curate satisfacit *Thef. I. §. 2. p. 5.* quia voces **הסיכה** & **מיסכ**, non tam præcise circuitum & ambitum circularem indicant, sed æque ac ipsum nomen **סביב** / de circuitu quadrato etiam adhibentur, quando sanguis dicitur spargendus circum altare holocaustorum, quod tamen quadratum erat, & corona dicitur circa mensam panum facierum facienda, quæ mensa itidem non rotunda, sed quadrata.

quadrangula erat. Tandem concludit DASSO-  
VIVS: licet accubitus circularis in usu fuerit for-  
tassis, non tamen videtur tam fuisse communis,  
quam accubitus quadratus. Apud Gentes autem  
varias mensarum figuras exhibent STUCKIUS  
lib. II. *Antiqu. Conviv. cap. XVI. sqq.* ROSINUS  
lib. V. *Antiqu. Rom. cap. XXVI.* & DEMPSTER.  
*Notis ad eund. LIPSIVS lib. III. Antiqu. Lect. p.*  
*144 sq.* Circulares vero mensas apud Roma-  
nos, IACOB. SPONIUS delineavit in *Miscellan.*  
*erud. Antiquit. Dissert. de Tripodibus, Figura 5.*  
*& 7. p. 118.* Pedibus quoque innixæ, tantum  
erant a terra elevatæ, ut locus sub iis esset cani-  
bus Marc. VII, 28. imino & Regibus devictis Jud.  
I, 7. nostris tamen mensis longe depressiores, al-  
titudine cubitus unius cum dimidio, qualis men-  
sa erat sacra Exod. XXV, 23. Cubitus au-  
tem sacer sex constabat palmis, h. e. 24 di-  
gitis: adeoque commode ad huiusmodi men-  
sas accumbebatur, inprimis cum & lecti  
essent humiles, & sine fatigatione conscende-  
rentur.

Omisit Auctor *Cœnacula*, quæ ὑπερῶα diceban-  
tur Act. I, 13. IX, 37. XX, 8. nec non ἀνώγειον Marc.  
XIV, 15. Luc. XXII, 12. quia in superiore ædium  
parte erant, ita ut scalis eo ascenderetur. Hinc  
Hebræis עליה quasi *ascensus*, audiebat *cœnaculum*  
2 Reg. IV, 11. 2 Sam. XIX, 1. 1 Reg. XVII, 19, 23.  
1 Chron. XXVIII, 11. Sed & הדר המטות *orcu-*  
*lectorum* 2 Reg. XI, 2. Talmudicis vero בית  
המטות *locus lectorum*, & Græcâ voce τραπεζα-  
ριον nominatur, quod plures contineret le-  
ctos. BVXTORF. cit. *Diff. §. 35. p. 308.* Confer  
Jerem. XXII, 13, 14. & Jud. III, 20 sqq. ubi cœ-  
naculi speciosi fit mentio, amplius fenestris in-  
structi, ventisque pervii; & superius contextum  
vides, ita ut supra tectum erigi potuerint aræ  
2 Reg. XXIII, 12. immo & cancellos tectum ha-  
buisset, ut lumen diurnum eo copiosius penetra-  
ret, ex Achasæ exemplo patet, qui per cancel-  
los ejusmodi in cœnaculum delapsus memora-  
tur 2 Reg. I, 2.

Ad §. XXV. pag. 58.

(27) *Mos detrahendi calceos* ] Hunc mo-  
rem, Christo quoque usu receptum, probat AN-  
TON. BYNAEVS de *Calceis Hebr. lib. II. cap. I.*  
§. 8. ex Luc. VII, 38. ubi poenitens foemina la-  
crimis rigasse pedes ejus, & capillis capitis sui  
terfisse, & osculata fuisse pedes ejus, & unxisse  
unguento legitur; quæ non in calceatos, sed  
nudos quadrant pedes: tum quoque ex pedi-  
lavio Christi, Joh. XIII, 4, 5. quod Apostolo-  
rum, mensæ accumbentium, nudos omnino re-  
quirebat pedes. Cur autem Pascha, per Exod.  
XII, 11. calceatis pedibus comedendum fuerit,  
magno cum doctrinæ apparatu idem discussit Vir  
eruditissimus citato loco §. I. p. 155. iis plura ad-  
dicere ut opus non sit. Ad primum sane & Ae-  
gyptiacum pascha hoc pertinebat, æque ac san-  
guinis ad postes forium ædis allinendi præce-  
ptum, extra Aegyptum, & in Terra Sancta nun-  
quam repetendum. Sed & LIGHTFOOTVS ex  
Rabbinorum monumentis *Hor. Hebr. in Matth.*  
XXVI, 20. hunc morem, ut discalceati mensæ ac-  
cumberent Judæi, pluribus exposuit. Roma-  
nis quoque, ac ceteris gentibus id familiare  
fuisse, ut cœnaturi soleas deponerent, post cœ-  
nam vero reposcerent atque resumerent, idque  
ipsam requisivisse munditiam, ne soleis inquina-  
tis lectum conspurcarent, LIPSIVS docuit lib.  
III. *Antiqu. Lect. p. 145.* Hinc PETRVS GIAC-  
CONVS de *Triclin.* & FVLVIVS VRSINVS ta-  
bularum marmoreas ari incisâs ob oculos ponunt,  
in quibus pueri visuntur, qui calceos cœnaturis  
detrahunt, & convivæ, qui nudis pedibus accum-  
bunt.

Omisit porro Auctor *Lotionem manuum post ci-  
bum sumtum*, de qua ita præcipit MAIMONID.  
in *Hilchoth Berachoth cap. VII. §. 11, 12.* Si desi-  
nerent edere, removebant mensam, & everrebant  
locum, ubi comederant; deinde lavabant manus  
suas. Fortassis enim relicta ibi erant mica, olive  
habentes quantitatem, quæ conculcari non debe-  
bant, nec super illas lavari. Sed mica non haben-



tes olivæ quantitatem, poterant manu perdi. Cum allatæ essent illis aquæ ad lavandum, quicunque benedictionem post cibum recitabat (præcipuus conviva) lavabat manus suas primo loco, ne accumberet præcipuus manibus sordidis (& expectaret), donec alius lavisset; postea reliqui convivæ suo ordine lavabant demum, neque in eo querebant honorem, nec in pontibus, nec viis (uter præcederet).

Ad §. XXVI. pag. 58.

(28) *Paterfamilias, Dominus convivii*] Commode Auctor distinguit inter בעל הבית oimodeσπότην seu herum; & inter בעל משתה ἀρχιτέκτων, qui lecticis, cibis, potui, & reliquis ad epulum necessariis, recte curandis & distribuendis præerat, Magister convivii, & Strategus Latinis dictus: ut apud PLAUTUM Stich. Act. IV. Sc. IV. Strategum te hodie facio huic convivio: Ad Plauti Persam Act. V. Sc. I. GRUTERVS: quod, inquit, apud Romanos & Græcos obtinuit, ut in convivii Magister aliquis crearetur, Hebrais quoque fuisse usitatum; colligo ex Jesu Sirach, cap. XXXII. Si summus convivii magister es constitutus, ne te supra alios efferas, sed quasi unum ex illis præbeas; habeto curam eorum, atque ita confide. Et cum tuo munere perfunctus fueris, commendationem adeptus; quiesce: ut lateris eorum causa, ornamentique gratia coronam accipias. Vbi & hoc animadvertito, solitam dari coronam, rei bene administratiæ signum &c. Quod idem tamen in MALDONATO acerrima censura mox citandus perstringit CASABONVS. Hic leges bibendi præscribatur, & VARRONI Modimperator, HORATIO Arbiter, PLAVTO Dictator, Græcis Συμποσίαρχος, Βασιλεὺς, Στρατηγός appellabatur. Hæc autem Magisteria, seu regna vini sortiebantur & ellegebant talis in omni convivio, ubi iactus Veneris proprius fuit Magistro creando: unde HORATIVS: - quem Veneris arbitrum Dicit bibendi. Vide LIPSIVM sæpius citatum p. 149. Num vero Symposiarcha ille, & Modimperator idem sit cum Architriclino, dubitatum video a nonnullis, nec immerito.

Architriclinus enim ministerium obibat, Arbiter ille legebatur ex hospitibus. Sane ab Architriclino CASABONVS Exercit. XIII. adv. Baron. cap. XIX. Præfectum morum distinguit, qui in nonnullis civitatibus publice apponi solitus convivis in solennioribus epulis. Apud Græcos id obtinuisse, & censores istos ὀφθαλμοὺς dictos fuisse, ex ATHENAEI lib. X. probat, GAVDENTII autem de more Judæorum eodem commentum explodit. Hunc liquido sequitur Auctor noster.

Ad §. XXVII. pag. eand.

(29) *Antiqui Judæi hospites erant*] Primam hospitalitatis laudem in Scriptura meretur Melchisedek, qui Abrahamo ejusque exercitui, e prælio reduci & fesso, panem & vinum attulit, eosque refecit Genes. XIV. Hunc ipsemet secutus est Abrahamus ac Lothus cap. XVIII, XIX. qui data opera viatores, ut illos exciperent, ad ostium expectabant, commendati hoc nomine, & in exemplum imitationis propositi a Paulo Hebr. XIII, 2. Hos alii deinceps multo numero secuti, velut senex ille in urbe Gibeæ, ignotum excipiens Levitam Jud. XIX, 17, 20. Hinc suo velut jure poscebat David, ut de opiparo, quod paraverat Nabal, convivio, sibi & comitibus largiretur partem 1 Sam. XXV, 4, 8 sqq. Vnde posthæc inter pietatis exercitia atque τεκμήρια fidei plus vice simplici Christianis commendata legitur Φιλοξενία Hebr. XIII, 2. Tit. I, 8. 1 Petr. IV, 9. Sed & inter monita Judæorum in Pirke Avoth cap. I. §. 5. laudatur IOSE filii IOCHANANIS sententia, qui solitus sit dicere: פתח לרחוק פתח ביתך esto domus tua aperta ad plateam, h. e. interprete BARTENORA, similis domui patris Abrahami, cujus domus aperta erat versus quatuor plagas mundi, ut undecunque adventantibus hospitibus aditus pateret, nec ostium querere quis necesse haberet. In Bava Bathra fol. 93. col. 2. laudatur mos Hierosolymis receptus: Mappa expansa erat in loco publico: quamdiu mappa illa erat strata, viatoribus licebat ingredi; si sublata esset, non ingrediebantur.

tur. Celebris ille SCHAMMAI pariter in *Pirke Avoth* cap. I. §. 15. inculcabat discipulis suis: **חן** **מקבל את כל אדם בסבר פנים יפות** *excipe quemvis hominem aspectu vultus pulchri*, h. e. vultu sereno & benigno.

Ad §. XXVII. pag. 58.

(30) *Ex illo trito*]. Plenius hæc leguntur in BVXTORFII *Florilegio Hebr.* p. 114 sqq. ubi Judæos hodie communiter conclavibus suis hos rhythmos inscribere tradit: **ביום ראשון חורר** *die primo hospes*: **ביום שני טורר** *die secundo onus*: **ביום שלישי סרר** *die tertio factor*: **ביום רביעי בורר** *die quarto fugitivus esto*: **ביום חמישי קרר** *die quinto: abi calvaster*: **ביום ששי מרר** *die sexto amare clamat* scil. hospes. Addit BVXTORFIVS tria priora olim tantum fuisse usitata: sed his postremis temporibus fuisse aucta.

Ad §. XXIX. pag. 59.

(31) *Canonii illi Laodicensis Concilii*]. Canon XXVII ita habet: **ὅτι & δὲ ἱερατικῆς, ἢ κληρικῆς, ἢ λαϊκῆς, καλεμένους εἰς ἀγάπην, μέλει αἰεὶν, διὰ τὸ τὴν ὕβριν τῇ τάξει προστεῖσθαι** *quod non oportet Sacerdotes, vel Clericos, vel Laicos, ad Agapas vocatos, partes tollere, eo quod ignominia inuratur ordini sacerdotali.* Quod BALSAMON ita exponit: Quoniam ex iis, quæ erant in convivio apposita, quidam acumbentes partes sumebant, & per luxuriam domum auferabant, & hinc eorum, qui convenerant, condemnatio profecta est, sæpe etiam contentio inter eos excitata, Patres definierunt, ne hoc amplius fiat, ad sacerdotalis Ordinis contumeliam. Addit ZONARAS, esse id hominis abdomini dediti atque improbi argumentum: ejusmodi autem esse, fideles, sacros præsertim, haud decere. Quæ longe alia & diversa est ab iis, quas Auctor allegat, sanctio- nis ratio.

Ad §. XXX. pag. cit.

(32) *Judei cœnam sub vespere - - lautissime pararunt*]. Jentaculum adeo in usu non erat Judæis, ut in vitio ponatur Principi, mane comedere Cohel. X, 16. & compotatoribus, mane potum redintegrare Jes. V, 11. Hinc Petrus satis valide ex matutino tempore abstinentiam a vino probat Actor. II, 15. Nisi forte pueros excipias, nec non mercenarios ac servos, quibus summo mane dispertiri cibum materfamilias perhibetur, forte tamen serius ab illis abstinentum Prov. XXXI, 15. & laborantibus per noctem discipulis, summo mane Christus paraverat epulum Joh. XXI, 3, 9, 12. Etsi vero Judæi hodierni valetudini conducere ducunt, prius aliquid edere, quam matutino tempore suum aggrediantur opus; tribus enim, ajunt, & sexaginta morbis fel infestatur, quibus omnibus panis bucella, & cyathus vini, jentaculi loco medeatur; quibus vero vinum desit, aquæ sufficere cyathum apud BVXTORFIVM in *Synag. Jud.* cap. XI. p. 232. ante tertiam tamen matutinam, quæ nobis nona est, religioni ducebant, cibum capere, quod eousque sacrificium matutinum durare censebatur. Hinc Targum cit. ex Cohel. locum ita effert: *Principes tui mane comedunt panem, antequam offerant sacrificium juge matutinum*: Et paulo post ad vers. 17. ita habet: *Postquam obtulissent juge sacrificium, in tempore edebant panem &c.* Prandium porro ipsis omnino erat usitatum, unde ad prandium Josephus invitat fratres Genes. XLIII, 16, 25. probantque loca I Reg. XX, 16. Actor. X, 10. ubi circa horam sextam Petrus γεύσασθαι appetivit. Sic Judæi ad vesperam jejunasse dicuntur Jud. XX, 26. 2 Sam. III, 35. unde ordinarie pransos fuisse liquet. Hinc ex Talmud. Tract. *de Sabbatho* cap. I. fol. 10. col. 1. monitum BVXTORFIVS observat citato loco, ut hora quinta, quæ undecimæ nostræ respondet, prandium sumatur: si quis retardetur, morbum facile & debilitatem concipit. Corpus enim alimentum suum in



tempore naturaliter postulat; quod si non consequatur, suis ipsius membris pascitur, perinde ac ursus hyeme, esca deficiente, proprias manus pedesque fugit. Denique manifesta in Nov. Test. ἀδείξας καὶ δείπναι distinctio Luc. XIV, 12. cap. XI, 37. Actor. X, 9, 10. satis edocet, eo tempore & circa meridiem, & circa vesperam, cibum capere solitos fuisse Judæos. Cœna denique post sacrificium iuge vespertinum adornabatur, ut a Sacris redeuntes, cibo se reficerent. Hinc 3 Maccab. V, 12. media hora decima adfuisse ad cœnam regiam invitatos, perhibetur. Etsi serius quoque cœnabant operarii: sic rure demum rediens servus, cibum capit Luc. XVII, 8. immo circa undecimam conducti, unam laborant horam, ac tum demum, domum reduces, ad cœnam se componunt Matth. XX, 9 sqq. De legitimo cœnæ tempore apud Atticos & Romanos, confer SALMASIVM in *Solin.* p. 456. b. E. Velut autem Græci ac Romani, meridianum cibum soli & seorsim, eumque levem & facilem fumebant, ut de Plinio Majore COECILIUS lib. V. *Epist.* 3. & de seipso SENECA *Epist.* 83. testatur, vespere autem tum majori epularum apparatu, tum in familiarium ac amicorum convictu, lautius largiusque se excipiebant apud PLINIVM lib. III. *Epist.* V. sic Judæos idem in more positum habuisse Auctor cum aliis tradit, quod tamen vereor, ut idoneis edoceri queat documentis. Prandio namque excipiebatur Christus a Phariseorum principe Luc. XIV, 1. Cœna enim si fuisset, intempestive quæstionem, de violatione Sabbathi, movisset Salvator vers. 3. & convivia meridiana memorantur in Scripturis & apud Judæos. Nisi quod exeunte Sabbatho, pro more gentis lautiores fuisse cœnas, LIGHTFOOTVS EX MAIMONIDE memorat *Hor. Hebr. in Johān.* XII, 1.

Ad §. XXXI. pag. 59.

(33) Poculorum istorum trium] Paulo aliter recenset THOM. GATAKERVVS *Adversarior. Miscellaneor. Posthūm. cap. V. Opp. Tom. I. p. 442.*

de calice Tribulationis, cap. VI. p. 466. de calice Consolationis, & cap. VII. p. 469. de calice Salutis ac benedictionis, multo cum lectionis ac doctrinæ apparatu agens. Nos Auctorem sequemur. כוס ברכה ποτήριον τῆς εὐλογίας, est poculum, quod apud Judæos in festivis & solennibus epulis, postquam paterfamilias illud libasset, omnes in mensa præsentes gustabant. In libro: כל כל num. 25. fol. 21. col. 4. אחר ברכה חיון שותה כל אחד מהם מכוס של ברכה מלא לונמוי: post consecrationem vini bibit unusquisque accumbentium ex poculo benedictionis haustum. Longe tamen aliam hoc poculum rationem habebat in Conviviis Judæorum, ut per illud consecratio fieret totius epuli, aliam in Sacra Cœna, ut nimirum interveniente per verba institutionis benedictione Divina, efficax illud sit medium μεταδοτικόν & exhibitivum sanguinis Christi, ad remissionem peccatorum. Ut frustra sit, cum Auctore nostro, GATAKERVVS, quando verba Pauli 1 Cor. X, 16. huc trahit. Ipse, licet Calvinianus, nobiscum facit BVXTORFVS dissert. de Sacra Cœna Domini §. XLVI. p. 310. Dubitandum non est, inquiens, Christum hic nequaquam vulgari & Judæis sueta (aut saltem non sola) sed sua singulari, & quidem antebac ab ipso non usurpata εὐλογία, atque ad rem presentem accommodata, usum fuisse, per quam Symbola Sacramentalia sanctificavit, atque ab usu communi ad usum novum & mysticum separavit, constante ex precibus, & gratiarum actione. Et postquam §. XLVII. p. 311. εὐλογίαν & εὐχαριστίαν apud Evangelistas promiscue usurpatam, συνονύμως hic accipi demonstraverat, quod Hebræum בָּרַךְ utrumque significet, & quod unius sacræ actionis duæ sint partes, precatio scilicet & gratiarum actio, porro subjicit: Ita, cum duobus his verbis promiscue utuntur Evangelistæ, ideo procul dubio factum, quod Christus in hac ברכה & gratias egerit Deo pro instantis redemptionis beneficio, & per gratiarum actionem, adjunctis cum ea precibus, symbola benedixerit, b. e. sanctificavit, & ad mysticum usum separavit. Hinc ista omnia, quæ de poculo benedictionis in Sacra Cœna Chri-

Christianorum copiose commentatur GATAKERVUS, abs *כוס הכרכה* Judæorum sunt aliena.

*כוס תנחומים* Poculum Consolationis apud Jerem. XVI, 7. legitur, ubi post gravissimas Judaico populo denunciatas calamitates, subjicitur, neminem futurum, qui mortuos sepeliat, aut superstites soletur. *Non frangent eis panem super luctum, ad consolandum eos super mortuos, neque Poculum consolationis propinabunt eis ob patrem matremve ullius eorum defunctam.* Quod enim Romanis & Græcis, ritu licet dispari, usu receptum erat epulum ferale, id nec ab Hebræorum moribus erat alienum, unde HIERONYMUS ad cit. loc. Jerem. monet, moris esse, lugentibus ferre cibos, & preparare convivium, quæ Græci *πένθημα* vocant; & a nostris vulgo appellantur parentalia, eo quod parentibus iusta celebrantur. Hinc videas, quod post funeratum Abnerum convenerint, qui convivium funebre inirent cum Davide, quod ipse tamen distulit ad occasum solis usque 2 Sam. III, 35. & Ezech. XXIV, 17. *לחם אנשים* exponitur cibus afflictorum, ob mortem alicujus funestam. Huc Salomonis quoque verba trahuntur Proverb. XXXI, 6. *Date siceram merentibus, & vinum his, qui amaro sunt animo* &c. Sic IOSEPHVS lib. II. de B. J. cap. I. Tom. II. pag. 147. auctor est, Archelaum defuncto patre Herode, *ἐπιτάφιον ἰσῆασιν πολυτελῆ*, lautum epulum funerale populo parasse: additque morem gentis, *ἔθος δὲ τῶτο παρὰ Ἰουδαίοις πολλοῖς πένιαις αἰτίον, διὰ τὸ πλῆθος ἐστῆν ἐν αὐτοῖς ἀνάγκη, εἰ γὰρ παραλίποι τις, εἶχ' ὅστις* hic autem mos multos apud Judæos ad inopiam redegit, quod necessitate tenerentur, populum convivio adhibendi: id enim qui omitteret, pro impio habebatur. Et solent vulgo Judæi lugentibus ob mortuum, primo die mittere cibum, & convivium ad ipsos venire, ut aliis quoque se curæ esse videant, quando ob luctum obliviscuntur pane suo vesci. Sed de epulo isto ferale erudite commentatur GEIERUS de luctu Hebræor. cap. VI. §. 20 sqq. Quo tamen cum GATAKERO p. 467. referre convivium Jobi cap. XLII, II.

haud abs re dubito, quia necessarii & familiares convivatum eum convenientes, gratulatione potius, quam consolatione defungebantur. Ita perperam huc trahit poculum, quod morti additis, & ad supplicium prodeuntibus propinatum aut porrectum, fufius prosequitur. Ceterum, qui lugenti ab amicis porrigebatur, Consolationis Calix dici consueverat.

*כוס ישועה* Poculum Salutis celebratur Psal. CXVI, 13. quod GATAKERVUS cum *כוס הכרכה* seu Poculo benedictionis temere confundit, quin & Calicem gratulationis interpretatur. Illud vero, cum SIMEONE DE MVIS, maxima Interpretum pars de poculo libaminis exponit, quasi diceret David: solenniter Deo gratias agam in conventu sacro, ubi persolutis, instructisque epulis eucharisticis, libabo in honorem Dei poculum salutis consuetum, quo profitear, me non humana ope, sed solius Dei virtute ac praesidio mirabiliter salvatum esse. Alludi ergo ad ritus sacrificiorum Pacificorum, in quibus vini pars quædam libabatur Deo, reliquum sacrificantibus cedebat: quod tamen valide probari nequit. Hinc intelligere mavult DILHERRUS lib. I. Elektor. cap. XII. p. 71. de conviviis solennibus, in atrio templi celebrari, votivisque & eucharisticis sacrificiis jungi solitis; in quibus calix gratiarum actionis, salutem calix audierit, ad quem Divinus respiciat Psalter. SALOM. VAN TIL ad b. I. ad salutem, Christi redemptione partam refert, phrasin autem petitam pariter censet a calice conviviorum sacrificialium, quem cum consueta gratiarum actione, & beneficiorum Dei celebratione tollere consueverint: ut calix salutem sit poculum, super quo Deus salutis cum gaudio celebratur. Ista tamen interpretatio b. GEIERO ad b. I. minus probatur, quia nulla calicis ejusmodi eucharistici libatio alias occurrit in Scriptura; unde poculi vocabulum figurate potius accipiendum docet, ut Psal. XXIII, 5. pro affluentia bonorum omnium a Deo præceptorum. Pariter GLASSIUS de calice gratiæ & amoris, sive solatii Divini; ESTIVS de calice confessionis ac laudis, figurate exponit. Huc vero



vero num poculum geniale, boni ominis, & cum voto salutis in conviviis nostris conjunctum spectet, merito dubitatur. Morem illum in universum serio improbat, & rationibus impugnat GISE. VOËTIVS *Dispp. Select. Tom. III. p. 1216 sqq.* vindiciasque sententiæ suæ adornat *p. 1220. quin & Tom. IV. p. 500.* eam denuo tuetur, & *p. 503.* appendice, ad Disputat. de Ebrietate a se editam, pluribus munire nititur. Ethnicam quidem soteriorum originem docet DANHAVER. *Hodof. Phenom. X. p. 1220.* edit. de A. 1666. & abusum improbat *Lact. Catech. P. II. pag. 446.* hunc tamen a moderato & licito usu caute distinguendum, nec ritum istum in se, velut damnablem & vitiosum, proscribendum alii contendunt. Abominabilis autem nonnullorum in Veteri Ecclesia fuit consuetudo, qua poeulis in nominibus & salutem Angelorum atque Sanctorum se mutuo inebriarunt, castigante AUGUSTINO *Serm. CXXXII. de tempore, T. X. Opp. p. 1102. B. & CAESARIO Homil. VI. p. 46.* edit. Baluzii, cujus in *b. l.* consule notas *pag. 124 sq.* Sed hæc obiter, cum directe huc non spectent. Inter pocula, in Scripturis memorata, occurrit etiam

כוס היין החמה Calix vini furoris, seu calix tribulationum, de quo David Psal. LXXV, 9. canit: *Siquidem calix in manu Domini, & vinum turbidum in eo, cujus abundat mistio:* & Jeremias vaticinatur cap. XXV, 15 sqq. coll. Job. XXI, 20. Jes. LI, 22. ubi sensu metaphorico, confluxus & abundantia suppliciorum omnium significatur; quo loca de calice passionum Christi *Math. XX, 22. Luc. XXII, 42.* pariter sunt referenda. Scite in locum Jesaïæ LI, 17. VITRINGA: *Vinum, poculo contentum, atque adeo ipsum poculum, significat mala, calamitatesque gravissimas, aptas hominem de statu mentis dejicere ac deturbare, animumque ejus redigere in statum stuporis, ἀνοησίας, insensualitatis: qui effectus est gravium judiciorum, æque ac vini meri, inprimis toxicati ac sæculenti, ex magno poculo hausti. Emblemata recepti usus est in scriptis tam Novi, quam Veteris Fœderis.* Quod superest, qui de varia calicis in Scriptura significatione, distinctione & descriptione cognoscere plura cupit, adeat WILH. ERN. EWALDI *Emblem. Sac. Lib. III. Exercit. I.* ubi multa huc facientia, studiose congesta.

AD

## LIB. III. CAPVT III.

## DE SABBATHO.

Ad §. I. pag. 59.

**Vox שבת** a quo nostrum Sabbath] Etymologiam vocis Sabbathi vel insulam ac peregrinam, vel genuinam & ritam, observarunt doctores. Prior APIONIS Judæi est, qui teste IOSEPHO *lib. II. contra Apion. cap. 2. T. II. f. 470.* (edit. Haverkamp.) ex Aegyptiaca lingua arcessit, in qua vox inguinis morbum notet. *Exadto enim, inquit, sex dierum itinere, inguinum ulceribus affecti sunt, & hac de causa septima die quie-*

verunt, incolumes constituti in regione, quæ nunc Judæa vocatur: & appellaverunt eam diem Sabbathum, servata Aegyptiorum voce, τὸ γὰρ ἑβδῶνος ἄλλος καλεῖται Αἰγύπτῳ Σαββάτων, vel juxta SPANHEMII lectionem Σαββῶ, nam inguinis dolorem Aegyptii vocant Sabbathosin: quam traditionem ibidem paulo post absurditatis arguit IOSEPHVS, & quam ante σαββάτων dixerat, σαββῶ appellat. Nec multum hinc abludivit IUSTINI *lib. XXX. cap. I.* & TACITI *lib. IV. Hist. cap. I.* fabula, Sabbathum dictum & jejunio con-

consecratum, quoniam illa dies majoribus Judaeorum famem, erroremque finierit. Denique PLUTARCHVS *lib. IV. συμποσιακῶν problem. 5.* Sabbathum a *σάβος*, Græco Bacchantium epitheto, deducit. Posterior ex Hebraismo petitur, ubi a verbo שבת *quievit, cessavit, & שבת cessatio, requies, & hinc Sabbathum*, dies cessationi ab operibus destinatus, ipso Mose docente Gen. II, 2, 3. Exod. XX, 8-II. שבתון Exod. XVI, 23. & Lev. XXIII, 39. quam vocem LXX Interpp. adoptantes, numero plurium plerumque *σάββata* efferre consueverunt.

Varie autem Sabbathi vox accipitur: 1) Proprie & originaliter, pro Cessatione ab opere. Ita KIMCHI in *lib. Radic. שבת* inquit, ענין הכטלה והפסק הרבה *significationem cessationis* habet, cum res definit: & IOSEPHVS *lib. I. Antiqu. cap. I. §. I.* edit. cit. hoc modo: *δηλοῖ δὲ εὐνάπαισιν, κατὰ τὴν Ἑβραίων διάλεκτον, vox: Sabbathum, requiem, Hebraeorum lingua notat.* Vocatur idem 2) pro Tempore quietis, quod in orbem perpetuo recurrens, cessatione ab opere consecratum est: idque vel dies est, vel annus. Sabbathum diei vel cujuscunque hebdomadae est, dies ejus ultimus seu septimus Exod. XX, 10 sq. vel certi mensis, quod solennibus festorum feriis divinitus Lev. XXIII. est praefinitum. Sabbathum anni est septimus quisque annus, quo & a debitis, ab Israelita exigendis Deut. XV, 1. & ab iis in servitute retinendis vers. 12. & a terrae cultura, erat cessandum Lev. XXV, 4. 3) per Synecdochen pro tota Septimana, ut Luc. XVIII, 12. *ἡσέσω δις τὴν σαββάτην*, h. e. qualibet septimana. Notionis rationem reddit R. MOSES BEN NACHMAN *Comment. ad Lev. XXIII.* כי בעבור שיש בכל שבוע ימים שבת אחת וחשבון הימים ממנו יקרא שבוע אחר שבת אחד *Quia unicuique septimana unum est Sabbathum, & dies hebdomadis ex eo incipiunt numerari, inde factum est, ut primum Sabbathum diceretur septimana prima.* 4) pro Requite vitae aeternae, ubi Sabbathum a Sabbatho celebrabitur Jes. LXVI, 23. verusque agetur *σαββατισμός τῶ λαοῦ τῆς Θεῆς*, Hebr. IV, 9. De origine Sabba-

thi, quam sicco Auctor noster praeteriit pede, graviter hallucinatur MARSHAMVS in *Canone Chron. ad sac. IX.* edit. Lips. p. 196 sq. & SPENCERVS *de Legibus Hebr. Ritual. lib. I. cap. IV. Sect. II, 12.* ex Aegyptiorum, vel Gentium institutis, uterque solennitatem ejus arcessens. Illi quidem, Aegyptios vetustissimos temporum artifices, primos omnium hominum invenisse menses & annos, orbemque dierum hebdomadicum a planetarum numero derivasse censens, verosimile esse judicat, sacrum septimi cujusque diei cultum, lege Mosaica institutum, hinc in religionem Hebraicam publice receptum esse. Hic vero, Deum sibi diem aliquem consecrari voluisse contendit, quod haec institutio moribus olim receptis conveniret, & nihil in se haberet, quod nimia sua insolentia rudem populum irritare posset. Sabbathum igitur ad idololatriam eradicandam institutum fuisse, & huic usui variis rationibus inservisse. Deum autem, aetate creationem & diluvium sequente, Sabbathum non instituisse, quod aetate illa crimen idololatriæ non vigeret, & homines propter recentem creationis & diluvii memoriam, unum Deum mundi creatorem colerent, nec opus haberent Sabbatho, quod creationis memoriam restauraret. Vtrumque pro merito castigat IOH. MEYERVS *de temporibus sacris & festis Hebr. cap. IX. p. 174.* rectiusque Sabbathi originem, hinc ex opere creationis, per Exod. XX, 11. hinc ex opere redemptionis, per Deut. V, 15. derivat. Non longe hinc discedit summus WAGENSEILVS, quando in *confutatione carminis Lipmanni* p. 558. prolixa de Sabbatho Judaico disquisitione commentatur, ac de origine ejus ita praecipit: Deum aeternum, postquam septimo die finem creationis fecisset, enixe voluisse, ut tanti operis memoria inter mortales conservaretur. Quamobrem rei hujus symbolum, septimam diem, primos homines in pretio habere, atque illo, cessando paulisper ab aliis negotiis, mundi creationem animo recolere, quia & ad idem faciendum, ex sese nascendos & minores exhortari, praecipisse. Dum vero Aegyptiaca pressi servi-



servitute Israelitæ; magna laboris pensa, citra ullam quiescendi veniam, quotidie cogerentur absolvere, tum quidem omnem Sabbathi cultum penitus intercidisse, eamque unam Judæorum curam fuisse, ut die & noctu opus continuando, fœva Aegyptiorum verbera effugerent. Quam obrem cum Deus ex hoc ergastulo ipsos eduxisset, sui que juris postliminio redderet, mox simul plane obsoletam & antiquatam inter Judæos de Sabbatho colendo legem in usum reduxisse. Qua occasione simul visum ei fuerit, augere veterem legem, eamque nunc, præter creationis hujus universi, jam amplius ipsius ex Aegypto educationis, symbolum insuper facere; ut posthac, celebrando Sabbathi diem, Judæi in mentem assidue sibi revocarent, tum illam Dei post finitum creationis opus quietem, tum suam quoque a fervilibus in Aegypto laboribus quondam liberationem. Quod ex Exod. XXXI, 16, 17. & Deut. V, 19 sqq. probat, & utramque festivitatis hujus rationem scite connectit.

Ad §. I. pag. 60.

(2) *Sabbathum magnum Joh. XIX, 31.* שבת הגדול dicebatur proprie, quod proximum est ante Pascha; ut ex *Orach Chajim num. 430.* docet Buxtorf. *Lex. Targum. b. v. pag. 2323.* Hinc in *Schülchan Jor. fol. 33. col. 2.* שבת הגדול שלפני פסח קורין Sabbathum, quod ante Pascha, Sabbathum magnum appellatur: idque propter miraculum, quod accidit patribus ipsorum in Aegypto. Sed & magnum dicebatur Sabbathum, quod in primum diem festi aliqujus solennis incidebat: duplicabatur enim solennitas concursu Festi & Sabbathi in unum eundemque diem, simulque ratio cessandi ab opere servili propter Sabbathum, & propter Festum; quin & פסח קורא sacra panegyris eo erat frequentior & sanctior. Hinc rationem reddunt passim Interpretes, cur dies, mortem Christi excipiens, μεγάλη ή ημέρα εκείνη τῷ σαββάτῳ Sabbathum magnum Johanni audiat Joh. XIX, 31. Concurrerant enim duo Sabba-

tha, cum hebdomadale, tum paschale, sive dies pascharis primus, qui æque ac ultimus, vel maxime habebatur sanctus Lev. XXIII, II, 15. Quamquam enim Joh. VII, 37. ultimus Festi tabernaculorum dies pariter dicatur μεγάλη ήμέρα τῆς εορτῆς, quia תעצבון seu dies congregationis sanctæ erat: expressa tamen, in loco nostro mentio τῷ σαββάτῳ, Sabbathum requirit in diem primam azymorum incidens. Equidem IOH. REINH. RYs *Harm. Evang. Tom. III. P. I. p. 516. & Tom. III. P. I. p. 1345 sq.* cum LIGHTFOOT, & qui hunc sequitur, ANTON. BYNÆO, Sabbathum intelligit, quo Dei jussu manipulus primitialis solenniter offerebatur Lev. XXIII, 10 sqq. quos tamen HOTTINGERVS *Not. ad b. l. Auct.* & LAMPIVS cumprimis in *Joh. cit.* jure refellunt, quia manipuli oblatio vers. II. die profesto, proximo nempe a Sabbatho peragebatur, eoque die domum ex Festo abire cuivis, si luberet, fas erat. Ut taceam, si sententia LIGHTFOOTI firmo staret talo, illum diem, quo Christus actus in crucem est, primum Pascharis fuisse, nec parasceven Sabbathi magni, sed festum, summa religione colendum, cum tamen Johanne cap. XVIII, 28. teste, eos se die vererentur Judæi Prætorium intrare, ne polluerentur, & a comestione agni paschalis arcerentur.

Ad §. II. pag. 60.

(3) *Tempus inter duo Sabbatha, vel interjectum inter Sabbathum* ] HOTTINGERVS in *Not. ad b. l. Auct.* 1) lectionem citati Textus Act. XIII, 42. sollicitat, & vocem εἰς expunctam cupit, quam tamen tantum non omnes habent Codices: 2) Non tam spacium inter duo Sabbatha interjacens, quam sequens Sabbathum interpretatur; a) auctoritate interpretum Syri, & Vulgati, qui habet: rogabant, ut sequenti Sabbatho loquerentur: b) quia vers. 44. eventus hunc sensum confirmat: τῷ δὲ ἐρχομένῳ σαββάτῳ κ. τ. λ. c) quia, observante LVD. V. CAPPELLO, μεταξὺ interdum pro μετόπισθεν, vel μετέπειτα sumitur, ut ex IOSEPHO lib. VI. de B. J. c. 6.

c. 6. constat. Nec ERASMVVS modo habet consentientem, verum etiam recentissime MILLIVS, qui in *Prolegom. ad N. T. num. 1364.* eis quidem retinet, auctoritate & consensu Codicum morus, ceterum nil aliud hic intelligi contendit, quam proxime sequens Sabbathum, unde in *Var. Lect. ad h. l.* ex Scholiis exponit, *eis τὸ μεταξὺ, τῷ τέτρω, eis τὸ ἑσόμενον.* Verum obstat vox *μεταξὺ*, quæ non subsequens, sed interjecti significationem habet: & τὸ σάββατον hic non diem septimum, sed Synecdochice totam septimanam norat, ut Luc. XVIII, 12. Petierunt igitur, ut in subsequens septimanam, quæ inter Sabbathum illius diei, & inter sequens Sabbathum interjecta imminerebat, hæc verba Gentilibus clarius exponerentur. Vnde recte vertit LUTHERVS: *Zwischen-Sabbaths:* recte quoque Auctor complexum dierum profestorum, τὸ μεταξὺ σάββατον vocari tradit. Accedit, quod nec Judæis illo tempore, diebus septimanæ profestis, secundo nimirum & quinto, siue Lunæ & Veneris ad lectionem publicam legis convenire, inusitatum esset, ut est in Cod. Hierosol. *מגלה fol. 75. col. 1.*

Ad §. III. pag. 60.

(4) *Sabbathum confertur Reginæ*] Quæ de vestibus pretiosioribus, Sabbatho soli destinatis, ad h. l. notavit REIZIVS, ex BVXTORFII *Synag. Jud. cap. XV. pag. 298.* sunt petita. Quia enim Jes. LVIII, 13. de Sabbatho præcipitur: *וְכָבַדְתָּו & honorabis eum* diem, modum honoris habendi in Talmud *Schabbath fol. 113. col. 1.* exponunt: *שלא יהא מלבושך של שבת* *שלא יהא כמלבושך של חול* *ne vestimentum tuum Sabbathinum sit sicut vestimentum tuum profanum, vel quotidianum.* Judæi enim ditiores peculiare habent vestes, quas extra Sabbathum non induunt. Sabbathum enim מלכה *reginam* appellaverunt: si vero vestes reginæ alio tempore induantur, quam ubi coram regina comparetur, dedecus admittitur, & regina ludibrio habetur. Hinc R. CHANINA, vespera Sabbathi decenter

ornatus stabat, & dicebat: *venite, egrediamur in occursum Sabbathi reginæ.*

Ad §. IV. pag. 60.

(5) *Incipit hora sexta vespertina pridie*] Proprios Sabbathi limites, a sole occidente ad solem occidentem, definit LIGHTFOOT. *Hor. Hebr. ad Matth. VIII, 16.* recteque monet, pridie Sabbathi nemini licere opus aliquod incipere, nisi idem quoque perficere queat מבעור יום *dum adhuc est dies, i. e. אם השמש* *dum adhuc sol nondum occidit.* Vespera Sabbathum præcedente, si quis conspecta una stella laborare pergat, liber est a reatu, (nam adhuc dies est) si vero, conspectis duabus, laborem continuet, reatum contrahit (tum enim dubitatur, an dies sit) si expectat, donec conspiciantur tres, tunc plane peccat (quia haud dubie nox est) juxta Talmud Hierosol. Tract. *Berachoth fol. 2. col. 2.* Hic ergo tria observanda sunt temporis momenta: ערב השבת *vespera Sabbathi*, ab hora tertia pomeridiana Parasceves, ביאת השבת *introitus Sabbathi*, ab hora vespertina sexta vel ab occasu solis, & בין השמשות *spacium inter solis occasum, & noctem interjectum, inter soles dictum,* quo dubium est, num tempus illud sit de die, an de nocte: de quo *cit. loc. LIGHTFOOTVS* pluribus agit. Post vesperam itaque externum opus nullum amplius peragunt, sed mature Sabbathum inchoant, aliquid illi de præterita hebdomade concedentes, Synagogam adeunt, preces fundunt, præparationem agunt, expectantes ita ביאת השבת *ingressum Sabbathi.*

Ad §. IV. pag. ead.

(6) *Præparatio Sabbathi*] Ex hodierno Synagogæ more, BVXTORFIVS *cit. loc.* quinque ad præparationem Sabbathi momenta requirit: 1) ciborum ad usum Sabbathi præparationem & instructionem: 2) mensæ aptationem: 3) lotiqnem, si minus totius corporis, faciei tamen, manuum ac pedum, aqua calida; quo barba

Ccc

tonfura



tonfura & unguium refectio (non absque superstitione peragenda, quam *ibidem* p. 297. legas) pertinet: 4) vestium Sabbathinarum inductionem: 5) lucernarum Sabbathicarum accensionem & adorationem: quæ huc transferre superfedemus. Quia verò lotionem vix tribus verbis attigit, liceat ex R. IEHVDA LOEW, fil. ISAAC הנהגת האדם *de officiis hominis c. XXIII.* ubi observatio officiorum Sabbathi describitur (edit. Fürth. A. O. 451. h. e. C. 1691. in 12.) addere, lotionem in vespera Sabbathi, שיריה סמוך לשבת *ita ut Sabbathum proxime antecedeat*, peragenda esse geminam, alteram quando exuit vestes quotidianas, alteram ut augmentum Sabbathi sibi conciliet; addendam quoque esse immersionem tertiam, si impuritatem forte ex casu nocturno contraxerit, quin immo si בעל תשובה *in agenda pœnitentia sit occupatus, יטבול יד טבילות* quatuordecim immersionibus esse abluendum.

Ad §. V. pag. 60.

(7) *Appellant Cœnam Puram*] Meminit hujus Cœnæ Puræ AVGVSTINVS *Tract. CXX. in Job. Tom. IX. fol. 554.* inquit: *Acceleratam vult intelligi sepulturam, ne advesperasceret: quando jam propter Parasceven, quam cœnam puram Judæi, Latine usitatus apud nos vocant, facere tale aliquid non licebat.* Vbi tamen ex GASAVBONI *Exercit. XVI. c. Baron. cap. CVI.* observamus a) non tam ex antiquitate Judaica, quam gentili, hanc appellationem promanasse, qua Latini Patres nonnulli, imitatione Gentilium, *παρασκατον*, seu Judæorum Parasceven vocarunt cœnam puram, ut adeo, quod Rabbini. *ערוך* Græcis *παρασκευὴ* dicitur, idem illud Patribus nonnullis Latinis dicatur Cœna Pura: β) Quamvis autem promiscue usurpentur vocabula, in re ipsa tamen ingens fuisse discrimen. Nam in ritibus Paganorum cœna pura appellabatur cœna, illis apponi solita, qui *in casto* (nempe Cereris) erant, quod Græci dicunt *ἀγνεύειν* vel *παραγνεύειν*. Erant autem, pro diversitate

sacrorum, ritus diversi, & multiplex ciborum observatio. (Addimus hic CASAVBONO, quod cœna pura illis esset, quæ animalium carnibus careret, oleribus tantum, & terræ natis contenta, quam ideo Græci, *cœnam sine sanguine*, PLAVTVS *Capt. I. 2. v. 86. cœnam terrestrem* appellant: quod APVLEIVS innuit, *sub finem Asclepii* inquit: *hoc optantes, convertimus nos ad puram, & sine animalibus cœnam:* & eodem alludit SPARTIANVS *Did. Juliani cap. 3. Sæpe nulla existente religione, oleribus, leguminibusque contentus, sine carne cœnavit.* Vid. VRSIN. *ad Ciaccon. de trichin. p. 189. SCALIGERVM de Emendat. Temp. VI. p. 569. EVLENGER. de Conviv. lib. I. cap. II.*) Contra vero in Hebræorum ritibus nihil ejusmodi fuisse legimus. Habuerunt sane etiam apud hos Parascevæ magnarum festivitatum suas observationes, sed delectum aliquem ciborum fuisse, ultra legem Mosaicam, quæ omnes ex æquo adstringebat, non legimus. γ) Adeoque ex his liquet, Parasceven Judæorum a Latinis Patribus, TERTVLLIANO, AVGVSTINO, IRENAEI Interprete veteri, & aliis, nec non ab iis Judæis, qui AVGVSTINI tempore in Africa erant, Cœnam Puram fuisse dictam, appellatione translata e ritibus Gentilium, *ἀνολόγως*, secundum analogiam, non quia eadem essent observationes. Addo testimonium TERTVLLIANI *lib. I. ad Nationes cap. XIII. Vos certe estis, qui etiam in laterculum septem dierum solem recepistis, & ex diebus ipsum praelegistis, quo die lavacrum subtrahatis, aut in vesperam differatis, aut otium & prandium curetis: quod quidem facitis exorbitantes & ipsi a vestris ad alienas religiones.* Judæi enim festi, Sabbathæ, & cœna pura, & Judaici ritus lucernarum, & jejunia cum azymis, & orationes litorales, quæ utique aliena sunt a Diis vestris. Confer præterea DV FRESNE *Glossar. Latinit. h. v.*

Ad §. VI. pag. 60.

(8) *Nefas fuit, Judicibus considerare*] Ita *Mischna Sanhedrin cap. IV. §. I. sub fin.* definit, quia

quia in capitalibus judiciis sententia condemnatoria non nisi posttridie perfertur, לפיכך אין דנין לה בערב שבת ולא בערב יום טוב: Idcirco nec pridie Sabbathi aut festi exercentur: nam alioqui, ut rationem addit Gemara, decisio iudicii in Sabbatho existeret. Quod apud MAIMONIDEM Hile. Sanbedrin cap. XI. §. 2. uberius declaratur, sententiam capitalem in Parasceve non ferri, quia executio ejus non derur die sequenti, five Sabbathi, five festi. Afflictionem autem iudicii ejus, & dilationem post Sabbathum prohiberi. Ita posthac quoque Imperatores Christiani, die Dominica vel Festo, causas cognoscere, sententiam ferre, aut judicia exercere, nefas pronunciarunt, Cod. IUSTIN. lib. 3. tit. 12. de feriis, l. 3. & Cod. THEODOS. lib. 2. tit. 8. de feriis l. 1.

Ad §. VI. pag. 60.

(9) Opificibus illicitum fuit operari] Ita RIMCHI in Michlol fol. 221. e Mischna decisum affert: היתה מן אומנות שלש אומנות עושין מלאכה בערבי פסחין ער חצות: Ex omnibus artibus tres artifices exercent artem in parascevis paschatum ad medium ipsius parasceves: nimirum חוטים sartores, רצענים cerdones, calceolarii, & ספרים scribæ. Histamen CASABONVS Exercit. XVI. §. 17. addit חנונים caupones, qui tabernas ac popinas exercent, ex Fuchasin p. 26. unde colligit, aliis quoque artificibus integrum fuisse, artem suam exercere in Parasceve.

Ad §. VII. pag. 61.

(10) Preparationem Sabbathi suis manibus promoveri] Repetit hoc, & inculcat citatus supra R. IEHVDA LOEW de officiis hominum cap. XXIII. haud procul ab initio, quemvis virum licet honoratum & in dignitate constitutum, ipsum tamen res necessarias domi suæ לכבוד שבת in honorem Sabbathi præparare debere, five ad accendendam lucernam, five ad sternendam mensam, five ad lecti compositionem pertineant,

quantumvis servis abundet. Quod ex Talmudis Tract. de Sabbatho fol. 119. & Tract. Kidduschin cap. 2. uberius declarat BVXTORFIVS Synagoga cap. XV. pag. 296. pium Rabb Chasdam olus minute concidisse, doctissimos Rabbam & Rabb Josephum ligna fidisse, Rabbi Siram ignem accendisse, Rabb Nachmanem domum everrisse, & totam mensam supellectilem præparasse &c.

Ad §. VIII. pag. cit.

(II) Tinnitu tubæ vel cornu] De hoc ritu, post Gemaram Tract. Schabbath fol. 35. col. 4. fusius egit MAIMONIDES in Hile. Schabbath cap. V. §. 18, 19, 20. cujus verba, quia prolixiora sunt, Latine reddidisse sufficiat: In omnibus provinciis atque urbibus Israelitarum, vespera Sabbathi sexies clangebant: clangebant autem loco excelso, ut sonum omnes homines ejus regionis & suburbii percipere possent. (Nimirum, ut in Gemara, & Glossa R. SALOMONIS traditur, in altissimo civitatis loco tectum fuit planum, & in ipso templo מִכְרַךְ השבת tectum Sabbathi 2 Reg. XVI, 18. ad id paratum, ut ex illo Minister Synagogæ buccinam inflans, Sabbathum indicaret.) Quando primum clangebatur, tum illi, qui in agris reperiebantur, ab aratione, sarritione, atque aliis agrestibus operibus, prohibentur. Qui urbi propinquiore, non licentiam illam intrandi habent, priusquam remotiores accesserunt, quando una omnes urbem intrant. Tum adhuc tabernæ aperte, & tabule mercatorum locis suis relinquebantur. Quando vero altera vice clangebatur, remotæ sunt tabule & clausæ tabernæ: hæc tamen cibi calidi, & olla super foco relinquebantur. Clangore tertio edito (ollæ) removebantur, & (favillis) obtegebantur cibi, atque lucerne incendebantur. Tum expectat tantum, quantum requiritur ad minutum piscem assandum, aut ut panis in furno coquatur: & (tribus illis clangoribus, tres alios superaddit, atque tum) sonum æqualem, fractum, denuo æqualem edit, cessatque. Primus clangor edebatur in Mincha tertia parte elapsa, quando sol jam occidebat. Ita quoque Sabbatho



*batbo exeunte, stellis ortis, cum in finem clangebatur, ut quisque ad opera agenda licentiam acciperet. Clangendi autem officium* *תָּזוּן מִיִּשְׂרָאֵל* *Ministri Synagoge fuisse, ibidem asseritur.*

Ad §. VIII. pag. 61.

(12) *Notificant per ædituum* ] Non clangore tubæ, sed indictione publica ante ædes, & proclamatione, ut singuli a labore cessent, seque *להכנסת כלה* *ad ingressum sponsæ, h. e. ad Sabbathum, formosæ sponsæ instar adveniens, honorifice excipiendum componant, teste* *בִּיְרוֹסְטוֹרְפִי* *Synag. cit. loc. p. 299 sq.* Vbi quidem *רֵיזִיבִּי* *ad h. l. Auctor.* sæpius se observasse monet, ædituum tum circumire, & instar Romani *παθδάρχ* seu lictoris, fores percutere, *ἐκχερίαν* autem proclamare, nunquam audivisse. Nil tamen prohibet, quo minus, pro locorum & regionum diversitate, varii quoque inter Judæos obtineant ritus. *LEO MVTINENSIS* certe *de cerimon. Judæor. modern. P. III. cap. I. §. 12.* vel clamore, vel signo alio, intimari Sabbathum tradit.

Ad §. IX. pag. cit.

(13) *Ibi superstitiosi, hic sacrilegi sunt* ] *MAIMONIDES* quidem in fronte *Hilcoth Schabbath*, quinque solum præcepta allegat, quibus religio hujus diei contineatur, duobus affirmantibus: 1) *לשכוח בשבועי* *die septimo esse quiescendum:* 2) *לקרש את יום השבת בזכירה* *diem Sabbathi cum recordatione esse sanctificandum:* & tribus negativis, 3) *שלא לעשות בו* *ultra terminum itineris Sabbathi non esse progrediendum,* 5) *שלא מלאכה* *nullum opus eo die esse faciendum:* 4) *שלא לצאת חוץ לגבול* *neminem mulcta esse afficiendum.* Malefana tamen Magistrorum solertia, in infinitas fere observationes illa excreverunt, quarum sat amplum dedit specimen *ANTON. HVLSE* *in Theol. Jud. P. I. p. 240 sqq.* ex *MAIMONIDES* loc. cit. pariter, ac ex *Orach Chajim*, superstitiones Rabbiorum arcessens: v. g. *Num liceat ali-*

*quid calefacere die Sabbathi?* quod ad focum fieri licitum negant, ad solem affirmant: *Num liceat educere jumentum in locum publicum in Sabbatho?* ubi licitum pronunciant educere jumentum freno ligatum, cuique jumento proprio, eique custodiendo, apto; prohibitum, si jumentum ducatur freno, quod ipsi non convenit, vel ineptum est ad illud custodiendum, v. g. si os equi ligetur fune, vel asinus catena equi, aut felis loro; quia, quod cuivis proprium & accommodatum non est, id oneris loco censetur, quod ferre jumentum hoc die prohibetur: *Num fricare aut atterere manibus vestimentum aliquod liceat, quod post lotionem exsiccatum obrigit?* ubi *מותר* *licitum* dicunt, si intentionem aliam non habeant, quam ut illud mollesciant, *אסור* *autem, seu illicitum, pannum linteum, quia hunc qui fricant, nitidum efficere intendunt, quod opus est dealbantis, Sabbatho prohibitum:* *Num abstergere lutum liceat hoc die, quod adheret pedi?* licitum credunt, si fiat inter terram & parietem, illicitum ad parietem propter ædificium, & ad terram, ne foveam implere videatur, quod Sabbatho prohibetur: quæ ratio etiam vetat, ne in Sabbatho, ventrem quis exoneret in agro recens proscisso, quia multæ ibi sunt foveæ. Gravissima cumprimis est disceptatio: *Num capere & elidere pulicem, aut pediculum liceat in Sabbatho?* ubi definiunt, pulicem aut pediculum de terra aut de vestimento tollere *אסור* *illicitum* esse, sed si cuti adhæreat & mordeat, venari quidem licere, necare tamen non licere: ubi tamen excipiunt, *מותר להורגה כינה* *pediculum impune necare licere, idque ideo, quia pediculi capiti insultant, ubi pulices non reperiuntur.* In gratiam tamen pulicem, parcendum quoque pediculis, ne vestes suas excutens, occidat pediculum, & eadem opera occidat pulicem. Hinc *R. ELIESER* pronunciat, *ההורג כינה כשבת כאילו הורג גמל* *qui pediculum elidit in Sabbatho, similis qua reatum est illi, qui occidit camelum, si scilicet hoc non de capitis, sed vestimentorum pediculis intelligatur.* Similes hujus furfuris Judæorum superstitiones lege apud

RVXTORFIVM *Synag. Judaic. cap. XVI. p. 350 sqq.* At enim vero ipsas incantationes Sabbatho fieri permittunt Judæi apud EDZARDVM, *ad Avoda Sara cap. II. p. 337.*

Ad §. X. pag. 61.

(14) *Iter Sabbathicum*] De itinere Sabbathico, seu ut Talmudici vocant, תחומי השבת intervallorum Sabbathicorum terminis, CASP. WASERVS lib. I. *de mensuris Hebr. cap. XII.* & post hunc prolixius commentatus est SELDENVS lib. III. *de Jure Nat. & Gent. cap. IX. p. 317 sqq.* curatissime omnium FRISCHMUTHVS pecul. disput. *de via Sabbathi*, cui MICHAELEM WALTHERVM Sen. junge, pariter *pecul. Dissert.* Ut Interpretes taceam, qui σαββάτης ὁδὸν Actor. I, 12. passim illustrarunt. Est autem via Sabbathi locorum spacium, quantum licuit Judæis, sine peccato, tempore Sabbathi conficere. Duplex obtinuit hujus itineris mensura, major, quæ Mosaica sancita creditur auctoritate, & minor, quæ ex Scribarum scitis promanavit. Prior XII miliarium fuisse perhibetur, quia totidem complexa sint Israelis in deserto castra, extra quæ egredi prohibuit Moses: posterior, bis mille cubitorum. Vtramque complectitur & edificat MAIMONIDES c. l. cap. XXVII. §. 1. היוצא חוץ לתחום המדינה בשבת לוקה שנאמר ארצא איש ממקומו ביום השביעי. מקום זה הוא תחום העיר ולא נתנה תורה שיעור לתחום זה אכל חכמים העתוקו שתחום זה הוא חוץ לשנים עשר מיל כנגד מחנה ישראל. וכך אמר לחם משה רבנו לא תצאו חוץ למחנה. ומר כרי סופרים שלא יצא אדם חוץ לעיר אלא ער אלפים אמה אכל חוץ לאלפים אמה אסור שאלפים אמה הוא חוץ לעיר. *Qui egreditur extra limites provincie die Sabbathi, vapulatur, quia dicitur* (Exod. XVI, 29.): *nemo egrediatur e loco suo, die septimo.* Ille locus est terminus urbis (seu spacium, intra terminum illum, protensum). Nulla vero lex definit hunc terminum, attamen Sapientes statuerunt (ex legis interpretatione) ut terminus sit

XII miliaria, juxta mensuram castrorum Israelis. Nam & sic jussit Moses Magister noster: Non egrediemini e castris. Verum ex Scribarum scitis (manavit illud) quod non liceret homini urbe exire ultra bis mille cubitos, nam spacium illud pro suburbio habetur Num. XXXV, 4 sqq. Alii, quos sequitur Auctor noster, ad Josuam referunt, qui cap. III, 4. præcipit: Spacium erit inter vos & inter arcam, quasi bis mille ulnarum in mensura; non appropinquabitis ad illam (propius) ut sciatis viam &c. ad quæ verba R. DAV. KIMCHI glossatur: שחתיו יכולין לילך ולהתפלל בשבת לפניו ut possitis ire, & orare ante arcam in Sabbatho, futurum enim, ut in obsidione Jerichuntis diem Sabbathi sint acturi, ut ex Tanchuma mysticam affert expositionem. Istud tamen refutat ABARBENEL, bene monens, per כאלפים אמה non mensuram præscribi definitam, sed indefinitam, non tam cubitis, quam oculis dimetiendam. Atque istam quidem, pro itinere Sabbathi, mensuram tantum non omnes, Judæi pariter ac Christiani, tenent, unde Targum in *Esther. I, 16.* החפיקנה למטר שבין ויומי טבא ברין רלא להלכא בר מתרין אלפין אמן *mandatum nobis est, observare Sabbathi & dies festos, adeo, ne ultra bis mille cubitos ambulemus.* Sic ELIAS Levita in *Tisbi voc.* תחם תחום שבת הוא pariter ex Jos. c. l. definit: terminus Sabbathi est iter bis mille cubitorum: quod tamen ita moderantur Talmudici, ut urbis spacium non computetur, sed iter extra urbem intelligatur. Totam enim urbem licere peragere homini in Sabbatho, etiamsi fuerit amplissima, etiam ut Ninive; idque sive muris cincta esset, sive minus. Ita pariter fas esse, ex urbe egredi, per bis mille cubitos in quamlibet plagam; saltem non ultra. In varie autem dimetienda urbe, pro diverso ejus situ, & computando itinere Sabbathi, tricas Judæorum enodavit, & iconibus illustratas oculis subjecit, laudatus supra SELDENVS. De distantia porro montis olivetii ab urbe Hierosolymorum, præter WASERVM, cum cura egit LVD OV. DE DIEV ad Act. I, 12. ubi hunc locum quoque cum



cum Johan. XI, 18. erudite componit. Confer præterea, DRYSIVM lib. II. *Observat. cap. 9. & lib. III. cap. 12.* LIGHTFOOTVM *Comment. in Act. Tom. II. Opp. p. 753 sq. coll. cum Hor. Hebr. in Act. I, 12. p. 688.* ERASM. SCHMIDIVM *Not. ad Act. I, 12. & CARTWRIGHT. Not. ad Exod. XVI, 29.*

Ad §. XII. pag. 61.

(15) *Sabbathulum, ita vocarunt additamentum*] Dicitur Rabbiniis שבת / & in eo consistit, ut de diebus profanis, sexto nempe & primo, ipsi Sabbatho aliquid adjiciatur, ne Sabbathum lege Divina statutum, violetur. Hoc ordinarie & ratione situs, Tiberiensibus & Zephorensibus Judæis obigit, illis in valle, his in monte sitis. Inde dictum Rabbi ROSE: יהי חלקי שבת מכוני שבת כמכריא וכמוצאי שבת — fit pars mea cum ingredientibus Sabbathum in Tiberiade, & cum egredientibus a Sabbatho in Zephore. In libro Musar f. 88. col. 2. ratio dicti additur: Tiberias sita erat in valle, ita ut non conspiceretur ipsis amplius sol, quasi dimidia hora ante occasum ejus, idcirco lucente adhuc sole Sabbathum inchoabant, & adjiciebant ad sanctum (nempe partem diei communis). Zephore urbs sita erat in vertice montis, ut solem adhuc conspicerent lucentem, dum alii occideret, ideoque longius protrahabant Sabbathum, quam alii, & adjiciebant de profano ad sanctum (i. e. partem diei sequentis ad Sabbathum). Idem tamen, vi traditionis majorum, incumberebat omnibus, ut aliquid quietis de profanis diebus, & in auspicio, & in egressu, Sabbatho adjicerent. Id autem in gratiam fieri defunctorum impiorum, quorum animæ ex inferis ad Sabbathi quietem quoque veniunt, BVXTORFIVS docuit *Synag. Jud. cap. XV. p. 305. & cap. XVI. p. 336.* quæna vide. Ab illa autem Sabbathi prolongatione distingue מוסף לשבת additamentum Sabbathi, quod certis ritibus & precibus absolvitur, ordinario & statuto cultui Sabbathi matutino superadditis, de quibus legatur HVALSIVS *Theolog. Jud. lib. I. P. II. p. 314.*

Ad §. XIII. pag. 62.

(16) *Nullis cibis parandis eodem die*] Interdictum de non coquendo cibo, ad tempus Mannæ tantum pertinuisse, & perperam a Judæis ad omnia æva fuisse extensum, Auctoris sententia est, a REIZIO æque ac HOTTINGERO in *Not. ad h. l.* atro carbone notata. Et si enim ad hoc interdictum Exod. XVI, 23. Mannæ solum sit mentio, quia alium Israelitæ, in deserto vagantes, cibum non habebant, partim tamen nullum posthæc in Sacris literis vestigiū deprehendo legis illius post ingressum in Canaan sublata, partim generalis est legis ratio, quia coquere cibum labor est, qui turbat quietem Jehovæ, unde h. l. additur: *quies, quies sancta erit. Jehovæ die crastina, quod cocturi estis, coquite &c.* Sive ergo Manna coquatur & ad cibum paretur, sive carnes aut esculenta alia, eadem inde emergit turbatio quietis sacrae. Accedit, interdictum de non accendendo igne in die Sabbathi, etiam in terra Canaan viguisse, nec eapropter coqui potuisse cibos.

Ibidem.

(17) *Die Sabbathi jejunare*] Hunc Gentilium errorem recte reprehendit Auctor, ejusque geminum ostendit fontem, quorum prior ad rem propius accedit, quam posterior. Didici enim ex Nov. Test. vix tanta constitit Ethnicis notitia, inde ut enata videri queat opinio, die Sabbathi Judæos jejunare. Nihil autem minus in usu est Judæis, quam jejunium Sabbathicum, cum hoc die vel maxime genio indulgere & comessari soleant, immo partem feriæ Sabbathi haud postremam in eo ponant, quod laute vivant. Idque ne absque Scripturæ auctoritate facere videantur, provocant ad Jes. LVIII, 13. *Sabbathum vocabis עונג שלח העשה, Sabbathum deliciarum, nempe, ut deliciis omne genus repleamur.* Quæ verba licet commode interpretetur ABEN ESRA, קראת שבת ענג שלא תעשה בו מלאכה ושתה ענג הנפש בשמוע דברי הורה *vocabis Sabbathum delicias, ne in eo opus facias.*

facias, sed anima potius delicietur audiendo verba legis: in alia tamen omnia detorquet R. DAV. KIMCHI: מצות עשה לענוג הנזק כיום השבת במאכלים טובים: *Præceptum affirmativum* hoc est, ut corpus die Sabbathi delicias agat, optimis cibus vescendo. Sic quando Deut. XVI, 14. dicitur: *lataberis in festivitate tua, tu & filius tuus, & filia tua, & servus tuus, & ancilla tua* &c. id de edendo & bibendo exponunt, ita tamen, ut omnia in Dei fiant honorem. Licet ergo hoc die laute vivere, sed eo saltem animo, ut meritum Sabbatho honorem deferas; non vero ultra facultates, quia hinc futurum sit, ut Sabbatho tecum reputes, longe tenuiores fore diei sequentis epulas, ac proinde moerore afficiaris, nec in Sabbatho læteris; ut habet BVXTORF. *Synag. c. l. p. 312.* Hinc MAIMONIDES in *Hilc. Schabbath cap. ult.* statim ab init. quatuor die Sabbathi observanda inculcat: זכור memento, Exod. XX, 8. שמור custodi, Deut. V, 12. כבוד honorem Sabbathi, & עונג voluptatem: tandem §. 12. observat: אסור להתענות ולזעוק ולהתחנן *prohibitum est, Sabbatho se affligere (jejunio) clamare, precari, implorare Dei misericordiam: etiam in maximis angustiis, propter quas alias totus cæsus jejunit & clangit, nemo jejunit & clangit in Sabbatho, nec in diebus festis.* Exceptionem tamen addit: *præterquam urbis causa, quam gentes obsederunt, vel ob inundationem fluvii, vel navis causa, quæ naufragium patitur, propter quæ clangunt in Sabbatho, ut auxilium illis feratur, & precantur, & implorant misericordiam Dei super ea.* Alium præterea casum observat BVXTORF. c. l. p. 332. in quo die quoque Sabbathi, ad vespæram usque, cibo abstinere & jejunare licet, si nimirum quis triste somnium viderit, utpote librum legis ardentem, domus, trabes, & coassationes collapsas, dentes excussos, & id genus alia somnia, infortunium portendentia; quia tale somnium mœsticiam causatur homini, quam minuit jejunium, dum cogitat, omne malum, quod somnium ipsi portendit, merito jejunii sublatum iri. Vnde Rabbinii dicunt: יפה תענית לחלום כאש לנעורת אפילו

כשבת pulchrum est jejunium post somnium malum, ut ignis stipula, etiam in Sabbatho. Verum ad delicias Sabbathicas ut redeamus, MAIMONID. c. l. §. 7. eas ita exponit: אי זהו עונג זה שממרו חכמים שצריך תבשיל שמן ביותר ומשקה מכושם לשבת הכל לפי ממנו של אדם *Quenam sint deliciae? hæc, cum dicunt Sapientes, necessarium esse præparare esculenta quam maxime opipara, atque potulenta aromatibus condita propter Sabbathum, omnia hoc pro cujusque facultate.* Et omnis, pergit, qui multus est in expensis Sabbathicis, inque apparatu multorum atque lautorum ciborum, ecce hic laudandus est. Hinc tria convivium per Sabbathum quilibet celebrare tenetur, etiam si pauper sit, nocturnum nempe, nocte Sabbathi, post solis occasum; matutinum, die Sabbathi post horam XII, Judæis sextam; & vespertinum, post horam tertiam pomeridianam, Judæis nonam; §. 9. Quæ ne gratis instituta censeantur, præmium addunt Magistri: כל המקיים שלש סעודות בשבת ניצל משלש פורעניות *quicunque servat tria convivium Sabbathi, liberabitur a tribus penis, nimirum a doloribus Messia, a judicio Gehennæ, & a bello Gog & Magog.* Abstinendum insuper inculcant a multo cibo ac potu בערב השבת in vespæra Sabbathi, die Veneris, ab hora tertia secundum MAIMONIDEM, juxta alios vero per totam diem, ut majori aviditate cibum capiant Sabbatho. Quin immo juxta §. 14 sqq. תשמיש המטה מעונג שבת הוא *concubitus maritalis pars est deliciarum Sabbathi-carum: adeo quidem, ut תלמידי חכמים הבריאים משמשין מלילי שבת ללילי שבת eruditi sani εὐνοίαν γαμικὴν præstent a diebus Sabbathi ad dies Sabbathi, seu quovis Sabbatho.* SELDENVS itaque, quando in hanc Gentilium criminationem incidit, de Jure N. & G. lib. III. cap. XV. p. 369 sq. hanc ejus rationem reddit, quod Romani omnes Judæorum festivitates, adeoque jejunia quoque solennia, acceperint pro Sabbathis, quia hoc nomen tritissimum erat, ex qua Neomeniarum, Jejuniorum, & Sabbathorum confusione evenisse censet, ut Judæos crederent, diebus Sabbathi jejunare. Ceterum de luxu Sabb-



*Sabbatario*, ad illustranda quædam loca Scripturæ, Mischnæ, & Patrum ecclesiæ, erudite *dissert* Vir apprime doctus, & Collega mihi conjunctissimus, HENRICVS SCHARBAV *Observat. Sacr. P. III. num. VII. p. 541 sqq.* Adde, quæ de illo congeffit SPENCERVS *de Legibus Hebr. Lib. I. cap. IV. Sect. X. n. 3. p. 75.* & EDZARD. *ad Berachoth cap. I. n. 32. p. 192 sq.*

Ad §. XIV. pag. 62.

(18) *Solum ignem pro operibus Tabernaculi*] Hic iterum vapulat utrique Glossatori suo Auctor, & jure merito, cum illa legis *תשכן*: in omnibus habitationibus tuis, diserte ad privatas Israelitarum ædes, non ad Sanctuarium spectet. Recte itaque Judæi, cum ad omnem ignem privatum, tum ad ignem punitivum sceleratorum, referunt, ut quantumvis comburii sententiam quis tulerit a iudicibus, Sabbatho tamen cremandus non sit, ut est apud MAIMONIDEM *c. l. cap. XXIV. §. 7.* Bene FRANCISC. IVNIUS verba legis *תשכן* eo die cultui meo tantum incumbite, ac ne cibos quidem vobis necessarios parate: vide *cap. XVI, 24.* Accedit, quod nullum opus in Sanctuario, ex Rabbiorum scito, Sabbathum violet: hoc enim die Sacerdotes ligna imposuerunt altari, sacrificia mactarunt, excoriarunt & obtulerunt, aliaque peregerunt opera satis molesta & laboriosa, citra violationem Sabbathi, ut paulo post §. XVII. ipse largitur Auctor, quia hæc omnia ad cultum, & ad ipsum Sabbathi faciunt honorem: quidni eadem fini ignem accenderent in Tabernaculo? In privatis vero ædibus, tempore frigoris, si vel propter infantes, vel senes, igne vel hypocausto calefacto opus habent, Christianum aliquem ad id conducunt, vel pridie ita præparant & disponunt, ut sponte accendatur, ne violent hoc præceptum.

Ad §. XV. pag. 62.

(19) *Pulicem elidere, vel venari*] De his, & aliis hujus furfuris superstitionibus, supra An-

not. (13.) jam egimus. Fusius illa prosequitur R. MOSES MIKOTZI in *lib. Præceptorum magno, præcepto negativo LXV.* unde addimus sequi. Non ambulandum super herbam, ne pedibus eam evelas, nec conscendenda arbor, aut aliquid suspendendum in eam, ne ramum aliquem frangas. Poma Sabbatho decerpta comedi non debent, præsertim si circa caudam pomi aut piri aliquid arboris remanserit. Non ascendendum in equum, aut aliud jumentum, ne arrodatur. - Sinapi die Sabbathi non commiscendum aqua aut vino, nec ponendum pecuniam ad ignem, ut illud asser. Non lavandum corpus Sabbatho, præsertim aqua calida, sicut & sudor prohibetur abstergi, sed vespere manus, pedes & facies lavari possunt: Sabbatho autem nec manus lavari debent. Et quicquid publice fieri prohibetur, id nec in conclavi licitum est. - Reptilia, quæ mordent & interficiunt, ut sunt muscæ, crabrones, scorpiones, serpentes, canes furiosi, Sabbatho occidi possunt, præsertim si ferantur in hominem: secus, si quieti sedeant, aut fugiant hominem. Prohibitum est legere apud lucernam, nisi duo simul legant. - Si incendium Sabbatho incidat in atrium, nihil eripiendum est præter cibum, qui eo die necessarius est, & præter vasa atque vestes, quibus Sabbatho opus habuerint. Potest & theca auferri, in qua sacer liber est, nec curandum, si etiam in eadem theca pecunia fueris, & illam simul asportaveris. Sabbatho navi abire non permittitur, cum natatoris speciem præ se ferat. Si autem triduo ante Sabbathum illam ingressus fueris, non opus est, ut Sabbatho egrediaris. Curru quoque Sabbatho vehi prohiberis, non obstante, quod gentilis agat jumentum. - Prohibitum est, auferre sellam ab equo vel asino, sed solvere poteris cinctorium, & si tunc abjecerit sellam, tua non interest. - Si gentilis propter Israelitam fecit ignem, aut accendit lampadem, non poterit Israelita uti lumine illo & igne illo, & habere commodum ex eo, per quod Sabbathum est violatum. Secus, si gentilis propter se illa fecisset. Et si gallina edat in die solenni ovum, non licet comedere illud eo die. - Prohibitum est usus omnis instrumentorum, quin & non licet percutere.

percutere tabulam, aut ludere cum nuce, aut tin-  
nere cum nola, ~~in~~ vel puerum a fetu compefcas.  
Lectus Sabbatho non est sternendus &c. Confer  
etiam, quæ SCHICKARDVS de Jure Regio cap. V.  
Theor. XVIII. & ad hunc locum CARPZOVIVS  
notavit p. 385 sq.

Ad §. XVI. pag. 62.

(20) *Die Sabbathi vim vi repellere*] Ca-  
stra fequi, & cum fedes fuas armis tueri, tum  
alienas terras invadere & occupare, integrum  
fuiffe Judæis, ex Vet. Teft. hiftoria affatim li-  
quet. Eos porro apud Gentiles quoque stipen-  
dia mereri, nifi adverfus cives bellum geratur,  
licite potuiffe, h. GROTIUS compluribus ex-  
emplis probatum dedit *Annot. ad Luc. III, 14.*  
Sic de ftipendiis militum Hebræorum, prolixè  
commentatum legè MENOCHIVM lib. VI. de  
Republ. Hebr. cap. XIV toto, fol. 591 sqq. Sed  
quia prius Sabbathi religione prohibebantur ar-  
ma tractare, hinc factum, ut hoc die victi, bis  
præda, hoftium evaderent, ut ex IOSEPHO Au-  
ctor noster exponit; cui adde 1 Maccab. II, 34  
sq. Hinc rebus fuis cautius confulere edocti,  
bellum gerere Sabbatho, fi neceffitas poftulet,  
nulli dubitarunt. Mattathias certe fuis perfuafit,  
& manfit inde apud illos, καὶ σαββάτοις, ἐπὶ τοῖς  
ῥησιν, μάχεσθαι, etiam Sabbathis, ubi neceffitas  
poftularet, bellare, ut eft apud IOSEPHVM Anti-  
quit. lib. XII. cap. VI. §. 2. edit. Haverkamp.  
Ita quoque Jonathas, Bacchidi die Sabbathi fe  
adorienti, ὡς ἔμαρχόμενον ἐκείνη τῇ ἡμέρᾳ, διὰ  
τὸν νόμον, tanquam eo die non pugnaturum, pro-  
pter legis reverentiam, armis gravem intulit cla-  
dem lib. XIII. cap. I. §. 3. Vnde MAIMONIDES  
Hilc. Melachim cap. VI. §. 12. definit: Obsident  
urbes gentium etiam Sabbatho, & præliantur cum  
illis Sabbatho, quia dicitur (Deuter. XX, ult.)  
donec illa defcendat; ubi perinde eft, five bellum  
fit legale, five ultroneum: quæ verba cum cura  
executit, & cum contraria videantur iis, quæ idem  
MAIMONIDES in Hilc. Schabbath protulerat,  
mutuo componit CARPZOV. ad Schickard. Jus  
Reg. cap. V. Theor. XVIII. p. 387 sq. Huc nimi-

rum res omnis redit: 1) quamvis pro fe, & pro  
tutela vitæ, fi ab hoftibus impetantur, pugnare  
concefferint, ipfi tamen hoftem adoriri, vel  
etiam munimenta, quæ illo die is ftrueret, de-  
turbare aut demoliri nefas habebant: 2) in obfi-  
dionibus, ubi bellum effer ultroneum, tribus mi-  
nimum diebus ante Sabbathum, obfidionem in-  
cipiebant, & fi intra triduum non occupetur illa,  
etiãfi Sabbathum incidat, illam continuabant,  
quia Deut. XX, 20. dicitur: usque ad occupa-  
tionem ejus, continuo urgendam eſſe: in legali  
autem & demandato bello nullum dubium fuit,  
quin Sabbatho geri poſſit, exemplo Jerichuntis,  
ut Seder Olam Rabba cap. XI. fol. II. col. 2. testa-  
tur: ר' יוסי אומר יום השבת היתה מלחמתה  
של יריחו ושל עי ושל גבעון R. IOSE ait,  
die Sabbathi fuiſſe prælium Jericho, & Aj, & Gi-  
beonitis. Ad quem locum vide, quæ annotavit  
IOH. MEYER p. 369. De Judæorum militia  
Sabbathi, quoque confer HOORNBECK de con-  
vin. Jud. lib. VII. cap. V. p. 508.

Ad §. XVII. pag. cit.

(21) *Christus sanavit die Sabbathi*] Et ſic  
adhuc docent Judæi in Jalkut Rubeni fol. 123.  
col. 2. Conſervatio vitæ Sabbathum pellit, idque ex  
hac ratione. Nam vita noſtra eſt inſtar maris, &  
lex inſtar femina. Jam vero notum eſt, quod fe-  
mina mari ſubdita ſit, adeoque lex obligata eſt, ut  
faciat, quod vita Iſraelitarum conſervandæ conve-  
niens eſt. Et ſic quoque dicitur (Ezech. XX, II.)  
quæ faciet homo, & vivet per illa. In Tanchu-  
ma fol. 27. col. 4. R. ELIESER concludit a minori  
ad majus: ſi enim circumcifio, quæ ad unum tan-  
tum hominis membrum ſpectat, Sabbathum pellit,  
quanto magis periculum vitæ, quod ad totum ho-  
minem ſpectat, pellere poteſt Sabbathum: ומרפאין  
איתו כשבת adeoque hominem Sabbatho ſanare  
licet. Plura in hanc ſententiam congeſſit CHRIST.  
SCHOETTGEN. Hor. Hebr. ad Matth. XII, 10.  
& confer quæ huc attulit BVXTORF. Synag.  
cap. XVI. p. 365. nec non EDZARD. ad Avoda  
Sara cap. II. p. 51 ſq. 368.

Ddd

Ad



Ad §. XVII. pag. 63.

(22) *Opera absolute necessitatis*] De defensione sui, & propulsatione intentatæ necis, ita definiunt Magistri in *Tanchuma fol. 76. col. 1. Quem milites vel latrones persequuntur, מחלל השבת is profanare potest Sabbathum, ut eripiat animam suam.* De imminente autem pecudi mortis periculo, idem statuisse veteres Judæos, Christus testis est Matth. XII, 11. nec erat, qui mendacii aut falsi eum argueret, donec R. LIPMANN in *Nizzachon* criminaretur, quod juri

ipforum contraria & consuetudini ipforum repugnantia ipsis affinxerit. Posthæc certe secus statuerunt in Talmude, unde MOSES MIKOTZI loco supra cit. diserte affirmat: *Si pecus in foveam ceciderit, manibus educi non debet, sed pascere illud ibi, donec transierit Sabbathum.* Sed BVXTORFIVS cit. loc. p. 353. probe monet, posterioris ætatis Judæos, ad invidiam Christo conciliandam ita statuisse, cui etiam sententiæ GVSSE-TIVS inhæret ad *Chiffuk Emunab* cap. XLV. p. 331. b. quos vide.

AD

### LIB. III. CAPVT IV.

## DE PASCHATE ET FESTO AZYMORVM.

Ad §. I. pag. cit.

*Vox ea, origine Hebraica est*] Circa etymologiam vocis α) errarunt Patrum nonnulli, qui ex Græca arcēssunt origine, ac si descenderet a verbo πάσχειν, in quibus est CHRYSOSTOMVS *Homil. V. in Epist. I. ad Timoth. Πάσχα λέγεται, ὅτι τότε ἔπαθεν ὁ Χεῖρος ὑπὲρ ἡμῶν, Pascha dicitur, quia Christus illo tempore pro nobis passus est: ex Latinis TERTVLLIANVS lib. adv. Judæos, cap. X. sub fin. Adjecit, inquit, Pascha esse Domini, id est, passionem Christi.* Hanc autem derivationem merito reprehendit AVGVSTINVS *Epist. CXIX. β.* Recte opinati sunt, qui ab Hebræo פסח Græcum πάσχα derivarunt. Sed nec hi eodem omnes tramite incedunt. Rabbaniſtæ enim vocem פסח in transeundi, transiliendi, notionem accipientes, transiſionem interpretantur, quod Angelus vastator transierit domos Israelitarum, eas relinquens intactas. Quod respondet verbis Exod. XII, 13, 17. Karræi autem in condonandi significatu acquiescunt, cum salendi notio in פסח non cadat, bene autem miserendi, quod ex Jes. XXXI, 5. probant, ubi

וְהַמָּלִיט פֶּסַח וְהַמָּלִיט condonando & eripiendo. Sic R. AARON BEN ELIAHV in מצוות ס' MSCto, *Tract. de Paschate*, apud IOH. GÖTHOF. SCHV-PARTH de *Seſta Karræor. cap. IV. §. XIII. p. 133 sq.* Sunt, qui dicant, de significatione פסח eam ob causam, quod fuerint Aegyptiorum domus Israelitarum adificiis permixtæ, saltum fecisse devastatorem a domibus Israelitarum ad domus Aegyptiorum. Verum hoc minus probabile est, quod res hæc vocetur saltus: saltus enim non cadit in vocem פסח, sed significatum habet condonandi atque miserendi, eundem quem (Jes. XXXI, 5.) condonando atque eripiendo: quia condonavit primogenitis Israelitarum, conspecto sanguine super superliminare, & super duos postes, neque permisit ingredi devastatorem in domos ipforum, ut percuteret. Quin & Rabbaniſtæ non omnino omnes absunt ab hac significatione, teste R. ABENDANA in *Supplem. Comment. R. SAL. BEN MELECH ad Exod. XII. f. 18. col. 2.* Istudque פסח ABARBENEL ad cit. *Jes. loc.* exponit: שִׁירָחַם עֲלֵיהֶם וַיִּמְלֵט misericordia sua atque auxilio illis advenit. Sed prævalet trita, & propria verbi notio, ex qua Deus ipse hoc vocabulum explicat, allegante Auctore

Auctore nostro. Curate ita definit SEBAST. SCHMIDIVS *de Pasch. P. III. cap. I. pag. 275.* *Pesach* in Festi significatione non transitum ipsum notare; a transitu tamen nomen sortitum esse, & quidem primario a Sacrificio Præterirefico, quo Dominus motus, peccata comedentium agnum paschalem præteriit, cui appendicis loco accesserit in Aegypto, ea nocte, qua Deus domos Israelitarum, sanguine Paschatis signatas, sine cæde præterivit.

Ad §. II. pag. 63.

(2) *Sumitur in Sacris Literis*] Vel enim proprie accipitur, & Sacrificium notat Præterireficum Exod. XII, 27. quo phrasæ spectant: facere Pascha Domino, mactare Pascha, ut Num. IX, 2, 3. facient filii Israel Pæsch in tempore suo: *decimo quarto die mensis hujus inter duas vespertas facietis illud suo tempore; juxta omnes ritus suos, & juxta omnes ceremonias suas facietis illud.* Vnde liquet, ipsum Sacrificium, in Aegypto oblatum, quod effecit, ut præteriret Angelus percussor, primam & propriam esse vocis significationem. Vel *improprie*, ubi 1) Festum designat, quod Azymorum dicebatur, septemque diebus integris durabat, ut Exod. XXXIV, 25. & Luc. XXII, 2. appropinquabat autem Festum Azymorum, ἡ λεγομένη πάσχα Joh. II, 13. VI, 4. quæ metonymica vocis usurpatio est, ab adjuncto, & sub initium festi celebrato Sacramento: 2) Agnum paschalem, per metonymiam materiæ, quia sive agnus, sive hædus, sacrificio Paschali destinata materia est, ideo ipsius Sacrificii nomine venit: 3) Sacrificia festalia pacifica, quæ primo Paschatis die, ad lætandum in Domino, offerebantur, ut Deuter. XVI, 2.

Patribus Christianæ Ecclesiæ, Pascha pro festiuitate sumtum, aliud Judæorum est, aliud Christianorum. Illud Διαβατήριος ἑορτή vocabatur, ut GREGOR. NAZIANZ. *Epist. LIV. τὴν ἀγίαν τῇ πάσχα ἡμέραν τῶν ἐκείθεν ἀγαθῶν, οἶδα μυσταγωγίαν, ἑορτὴν ἔσαν διαβατήριον, Sanctum Pascha diem futurorum bonorum symbolum esse scio,*

*ut qui transitus festum sit.* Hoc Πάσχα ἑορτή, ut in notatione temporis frequenter legitur, τῇ πάσχα ἑορτῇ, Festo Paschatis. Duplex autem Christianis Pascha est, unum *σαυρώσιμον*, quo Christus in crucem est actus, alterum *ἀναστάσιμον*, quo resurrexit ex mortuis; de quo utroque copiose commentatur post LEONEM ALLATIVM *de Dominicis & hebdomadibus Græcorum*, CASP. SVIGERVS *Sacrar. Observation. Cap. III. p. 61 sqq.*

Septem autem Paschata præcipua, a Mose ad Christum, memorat Scriptura: 1) in Aegypto, ad primam ejus institutionem Exod. XII, 21 sq. 2) in deserto Sinai Num. IX, 2. 3) quod Josua instituit in Canaan Jos. V, 10. 4) tempore Regis Hiskia, in publica Ecclesiæ reformatione 2 Chron. XXX, 1. 5) sub Josia 2 Chron. XXXV, 1. 6) a reducibus ex captivitate Babylonica, celebratum in novæ urbis templi restauratione Esdr. VI, 19. 7) quod Christus ea nocte edit, qua fuit proditus Luc. XXII, 8 sqq.

Ad §. III. pag. cit.

(3) *Circa vespertam decimi quarti diei mensis primi*] Tempus celebrati Paschatis geminum est: *Ordinarium*, dies XIV mensis Nisan, qui & Abib dicitur, atque principium anni Ecclesiastici constituit, ut ex Exod. XII, 6. patet: vel *Extraordinarium*, quod non nisi in certo casu, suum habet locum, definitum a Deo Num. IX, 11. ubi ii, qui immundi, vel in via longinqua extra Palæstinam abessent, jubentur mense secundo, die decimo quarto & sequentibus Pascha, cum Azymorum Festo, post celebrare, secundum omnes leges ac ceremonias, ac si mense primo id agerent cum tota multitudine. Vnde simul concluditur, quod ultra mensem secundum differri Pascha non potuerit, ob quascunque demum causas. Erat enim mensis secundus indulgentiæ datus, quam ultra, quam fas est, protendere non licet. In his itaque duobus temporum momentis, si Pascha celebrari non potuit, homo excusatus videtur in annum inte-



grum. Quando itaque Hiskias 2 Chron. XXX, 2, 15. mensis secundi eodem die, hanc solennitatem egit, frustra est ABARBENEL, *Diff. de principio anni* causatus, annum fuisse interkalarem, ubi Rex, loco gemini mensis Adar, duplicem statuerit mensem Nisan, alteroque mense Nisan Pascha celebraverit, ut hoc pacto nihilominus illud in statum incideret tempus. At enim vero mensis secundus solum in Textu memoratur, absque ulla nominis facta mentione; duplicem autem Nisan altum silent cum Divina, tum Rabbinorum monumenta. Fuit ergo indultus a Deo Festi terminus in casu extraordinario, quem Scriptura diserte versu 3. allegat.

Ad §. III. pag. 63.

(4) *Secundum ipsorum Sacramentum*] Sacramentumne, an Sacrificium Pascha fuerit? magna animorum contentione, inter Nostrates ac Pontificios doctores fuit disceptatum. Sane in Scriptura זבח *Sacrificium* diserte appellatur Exod. XII, 27. XXXIV, 25. Istud tamen quia ab omnibus reliquis sacrificiis multum abit, & Sacramentum Veteris Fœderis alterum (prout stylo Ecclesiastico, media illa gratiæ oblativa & exhibitiva appellari consueverunt) constituit, hinc doctores nostri *Sacrificium Sacramentale*, vel *Sacramentum Sacrificiale*, genus in Paschatis definitione constituunt, quo & a ceteris Vet. Test. sacrificiis distinguatur, & in ordinem simul, classemque Sacramentorum collocetur, denique & e censu Sacramentorum Nov. Test. eximatur, cum in Nov. Test. aliud nullum, præter id, quod Christi morte semel peractum fuit, Sacrificium locum habeat, teste Epist. ad Hebr. VII, 27. IX, 28. Quia vero Pontificii assertionem istam in rem suam vertere, & pro sacrificio Missæ illam allegare, irritum licet conatu aggressi sunt, hinc nostratum alii sacrificium dicere Pascha simpliciter recusarunt. AVG. VARENIUS disp. *de agno paschali*, concl. 24 sqq. ad calcem Comment. in Exod. p. 446 sq. agnum paschalem זבח fuisse, sub notione mactationis solennis, ad-

mittit: non tamen fuisse זבח contendit, sub notione speciali sacrificii, proprie dicti; unde ad nullam sacrificiorum classem, quas ordine recenset, posse referri. Pariter b. DORSCHÉVS in disp. *de agno paschali*, quæ *Mysariæ Missæ* ejusdem legitur subjuncta, §. 50. p. 406. aliquam agni paschalis celebrandi actionem sacrificialem fuisse, contra Pontificios operose negat, quia 1) agnus ille sacramentalis, non a Sacerdotibus, ut ad unum omnia sacrificia proprie dicta, sed a patribus familias mactabatur: 2) ejusdem oblatio nullum requisivit altare: 3) circa illum consecrandum nullus adhibitus est ritus sacrificialis: 4) nullum sacrificium verum, legitimum, Deoque placens, in Aegypto fieri potuit, per Exod. VIII, 26: 5) sacrificiis, ex animalibus Deo factis, adeoque agnis etiam matutinis & vespertinis, imponebantur peccata populi, & hoc ritu expiabantur; quod ab agno paschali aberat: 6) sacrificiis ignis profanus non competebar, sed sacer ac coelitus delapsus; agnus paschalis autem culinari igne assabatur. Satisfacit etiam objectionibus illis, quæ a denominatione Paschatis petuntur, quando זבח קרבן nec non θυσία, זבח προσφορά salutatur. קרבן enim in commune δῶρον, sive id notare observat, quicquid vel Deo, vel hominibus donatur; & locis quamplurimis ad res non sacrificatas accommodari: זבח autem quamcunque σφαγήν, mactationem designare, unde verbum זבח etiam Pythonissæ tribuitur 1 Sam. XXVIII, 24, quando Sauli convivium ex vitulo paravit. Interim admittit, agnum paschalem aliquas similitudinis conditiones cum sacrificiis communes habere, licet proprie dictum sacrificium non sit. Vt taceam, rationes DORSCHÉI fere omnes, ex Paschate depromptas Aegyptiaco, in Pascha seculorum non quadrare: novem enim discrepantiæ momenta פסח מצרים מפתח דורות *Pascha Aegyptiacum a Paschate seculorum*, in terra Canaan celebrato, distinguere, Magistri alias observarunt; de quibus suo loco. Hinc negativam sententiam ita mitigat SEB. SCHMIDIVS *de Pasch. P. III. cap. II. p. 283*, ut inter Sacrificium proprie dictum, & inter

ter Sacrificium *strictè* dictum, curate distinguat. Prius Paschati largitur & affirmat, idque definit mactationem sacram, & religionis causa susceptam, sub certis quibusdam ritibus, divinitus præscriptis: Posterius negat, istudque tradit illas sacrificiorum species complecti, quas sacrificia, de quibus carnis aliquid atque adipis super altare ponebatur, & offerebatur Domino, pro impetratione bonorum spiritualium, aut ecclesiasticorum simul, constituiebant. Hujusmodi sacrificium Pascha non fuisse, ejus affatim docet institutio. Nihil enim de carne, nihil de adipe, (in Paschate Aegyptiaco) nihil de visceribus, altari imponebatur, aut Domino offerebatur; tota vero pecus paschalis, tanta quanta fuit, cum capite, pedibus, cauda, visceribus affabatur & comedebatur. *Proprie* tamen dictum Sacrificium fuisse, probat *α*) ex nomine זבח, quod in Scriptura nusquam, nisi de sacrificio *proprie* dicto, mactationis sacræ & religionis causa susceptæ, usurpatur. Velut ergo *proprie* dicitur זבח התורה *sacrificium eucharisticum* seu confessionis Lev. VII, 12. זבח שלמים *sacrificium pacificorum* Levit. III, 1. ita pariter זבח פסח *sacrificium præteritionis* Exod. XII, 27. *β*) Ex actibus sacrificialibus, qui sunt mactatio sub devota aliqua formula atque intentione, usus sanguinis, seu illinendo postes, seu effundendo ad fundum altaris: *γ*) Ex ratione typi. Negari enim nequit, quod Sacrificium Paschale typus fuerit verissimi ac vel maxime proprii sacrificii Christi, quod pro nostra obtulit salute. Inde Joh. XIX, 36. non erat frangendum sacrificio redemptorio os ullum, quia in sacrificio paschali typico, ne os ullum frangeretur, cautum erat. Huc refer quoque I Cor. V, 7. Nescio, an multo sit accuratior distinctio MARPERGERI *de agno ad aræ corn. lig. Cap. IV. §. IV. not. p. 474 sq.* ubi eandem tractat questionem, sed inter sacrificium *verum* dispelcens, & *merum*, prius affirmat, posterius negat. Neque tamen quicquam inde lucratur BELLARMINVS, pro Missæ sacrificio sic argumentatus: Celebratio agni paschalis figura expressa erat celebrationis Eucharistiæ:

Sed illa immolatio quædam erat victimæ Deo oblata: Ergo celebratio Eucharistiæ immolatio esse debet victimæ Deo oblata, ut sic figura respondeat figurato. Sed distinguendum hic est inter actum sacrificii, ejusdemque materiam. Sacrificii actus etiam in celebratione Paschatis non constitit in oblatione Deo facta; totus enim agnus cedebat in cibum Israelitarum, unde hoc a sacrificiis *strictè* dictis longo discriminetur intervallo. Vti autem materia illius erat pecus sacrificialiter mactata, cujus sanguis spargebatur in remissionem peccatorum, ita materia Cænæ est τὸ σῶμα, τὸ ὑπὲρ ὑμῶν διδόμενον, καὶ τὸ αἷμα, τὸ ὑπὲρ ὑμῶν ἐκχυνόμενον Luc. XXII. Datur ergo convenientia figuræ cum figurato, sed quæ non ex indole sacrificiorum *strictè* dictorum, sed ex natura sacrificii paschalis tantum promanat, quæ sola hic requiritur. Ex Reformatis, sacrificium fuisse negat REIZIUS *Not. ad b. l. Auctor.* utrumque fuisse affirmat HOTTINGER. *Not. ad b. l.* Media nobis videtur via, si dicatur, non fuisse Sacrificium ordinarium, ex ordine scilicet sacrificiorum reliquorum, pro peccatis oblatorum, sed Sacramentum, attamen pro indole ac natura Veteris Testamenti, sacrificialibus ac umbraticis cerimoniis ornatum, & indutum. Ipse sane Judæi Agnum hunc inter Sacrificia minoris sanctitatis referunt, & in eadem cum oblatione animalis decimati, & animalis primogeniti classe collocant, juxta MAIMONID. *de oblation. cap. I. §. 17.*

Ad §. IV. pag. 64.

(5) *Quibusvis in locis habitationum suarum*] Hinc agnum paschalem inde ab Urbis & Templi desolatione, mactare amplius non audent, quia Deut. XVI, 2. diserte præcipitur: *Non poteris immolare Pascha in qualibet urbium tuarum, sed in loco, quem elegerit Dominus Deus tuus, ut habitet nomen ejus, ibi immolabis Pascha, vespere ad solis occasum.* Vnde nec isti Judæi, qui terram Canaan, & Hierosolymas incolunt, hodie ibi agnum paschalem comedunt, quia de-



structum est Sanctuarium & Altare, ut nullam plane amplius victimam offerant. Contra vero azyma ubivis terrarum comedunt, nec illa paschali alligata esse credunt agno. Vnde denuo pater, agnum illum, præter Sacramenti indolem, rationem quoque obtinere sacrificialem. Sacrificia enim a Templo pendent Hierosolymitano, nec offerri hodie possunt, nisi in illo: contra vero Sacramenta mere ac pure talia extra Terram Sanctam administrantur, ut exemplo est Circumcisio. Quod si ergo Agnus paschalis non esset, nisi Sacramentum, ut circumcisio, tum æque extra Terram Sanctam quam intra illam, locum haberet.

Ad §. V. & VI. pag. 64.

(6) *Ritus & ceremonie usurpatæ*] Quatuor cyathorum, ceterorumque rituum ordinem & modum BVXTORF. exposuit *Synag. Jud. cap. XVIII. p. 408.* SEB. SCHMID. *de Pasch. P. II. p. 239 sqq.* ubi ex Schulchan Aruch *Seft. 469 sqq.* præcepta Judæorum Latine reddidit, & ex recentioribus LVNDIVS, aliique suis locis, ut iis describendis superfedere possimus. Sunt enim ista recentioris instituti, & Magistrorum placitis magis, quam Scripturæ auctoritate suffulta. Cum primis BARTOLOCCIUS *Biblioth. Rabbin. P. II. p. 736 sqq.* curatus & copiosus est in percensendis primo vetustis, hinc quoque recentioribus Judæorum ritibus, in Cœna Paschali usurpatis.

Ad §. VIII. pag. cit.

(7) *Paschalis pecus, vel agnus, vel hædus*] Equidem PAVLVS BVRGENSIS in *Exod. XII, 5.* agnum tantum admittit, hædum illicitum pronunciat, *partim* quod Christus cum agno quidem comparatur, sed nunquam cum hædo, quin, quod indignum sit, eum cum hædo conferri, *partim* quod *Exod. XII, 5.* non utriusque pecudis licentiam faciat, sed sumendam eam dicat, agnum nimirum, *מן* ex agnis & hædis, h. e. ex

promiscuo utrorumque grege, agnum pascen-tem cum agnis & hædis; ut de loco potius, quam de specie intelligatur. In societatem erroris abripuisse videtur ille magnum GERHARDVM nostrum, quando in *LL. Theol. Loc. XXII. §. 31.* contra LYRANVM tuetur, *non hædi, sed agni, & quidem solius, usum in hoc Sacramento fuisse receptum.* Sed BVRGENSEM hoc nomine notavit SEB. SCHMID. *de Pasch. P. I. cap. I. p. 48. & P. III. cap. IV. p. 315 sq.* nec tanti sunt illius rationes, iis ut assurgamus. Institutio quippe divina, primo commune ponit vocabulum *וה* pecus parva, quod mox ad duas distinctas restringitur species, sive sit agnus, sive hædus: ubi phrasis ipsa BVRGENSI refragatur, quæ non habet: *de agnis & hædis*, in uno scilicet grege unitis aut permistis, sed *וה* pecus parva, *מן הכבשים* de agnis, *וה העזים* & de hædis, aut disjunctive potius, seu de agnis, seu de hædis, ut distincti adeo innuantur greges. Et praxis ipsa reclamatur, quando 2 Chron. XXXV, 7. discrete legitur: *Josias largitus est filiis populi sui pecudes gregales, agnos & filios caprarum, in usum Paschatum.* Nec typica obstat ratio, cum Christus a Paulo 1 Cor. V. nec agnus appelletur, nec hædus, sed *πάσχα ἡμῶν*, pro nobis immolatum, ut tam agni, quam hædi typo locus detur. Hircus autem uterque, Expiationis die Lev. XVI. typum præbebat Christi, ut de aliis, ex hircis aut capris, sacrificiis nihil dicam. Quidni ergo hædus anniculus, cum hirco non comparandus, Christum potuerit adumbrare? ut contra SPENCERVUM recte colligit IOH. MEYER. *de tempor. & festis Hebr. P. II. cap. XII. §. 49. p. 284.* Judæorum autem nugas, a SPENCERO in scenam revocatas, ideo præceptum fuisse Israelitis, ut oves & hædos tantum, in solemnitate Paschatis usurparent, quod Aegyptii ab utrisque, quibus autem præcipue, religiose sibi temperarent, quin immo mense Nisan vel maxime lætarentur & sacrificarent signo Arietis, idem solide discussit & profligavit MEYERVS *cit. loc. §. VIII sqq. p. 258.*

Ad §. VIII. pag. 64.

(8) *Tota communitas vocabatur Φεατεία*] Hebræis כְּבוֹרָה appellatur, *sodalitium*, quod numerum complectitur hominum, comedendo uni agno destinatum, quem IOSEPHVS lib. VI. de bell. Jud. cap. IX. §. 3. edit. Haverk. pag. 399. recte definit, ἐν ἑλασσον ἀνδρῶν δέκα (μόνον γὰρ ἐν ἑξῆσι δαίνυσθαι). πολλοὶ δὲ καὶ σὺν ἑκοσίῃ αἰθεροῖζονται, ex hominibus nunquam paucioribus decem (solum enim epulari non licet) sepe etiam viginti conveniunt. Ille vero numerus ante constituendus erat, quam agnus mactaretur, quia Exod. XII. dicitur: *pro ratione pecudis numerabitis*, juxta MAIMONID. in כֶּרֶן פֶּסַח cap. II. ab init. Plures tamen poterant *sodalitates* in uno conclavi Pascha comedere, saltem ut distinctum unaquæque occuper locum, nec una cum altera temere confundatur, *ibid.* cap. VII. §. 3. Istud vero *sodalitium* constare non poterat, simul ex feminis, & servis, neque ex infantibus & servis, neque ex solis infantibus, neque ex solis ægris, neque solis senibus, neque solis lugentibus, neque solis profelytis, licet ex solis feminis, & solis servis constare posset, licet etiam ægroti, senes ac lugentes & profelyti interesse societati paschali possent. Poterant etiam esse tot personæ in uno *sodalitio*, ut quælibet tantum ad olivæ quantitatem: (qui tamen numerus vicenarium longe excederet:) poterant porro, qui nomina *sodalitio* dederant, discedere ab illo ante mactationem agni, non vero post illam: immo, si quem in *sodalitio* tolerare nollent, v. g. si esset epulo, partem ipsi divisam ac seorsim dabant: fide MAIMONID. cit. cap. II. Si, qui ad *sodalitium* pertinebant, tardius accederent, modo tres adessent, poterant cœnam paschalem auspicari, juxta Lexicon *Aruch* fol. 43. col. 3.

Ad §. IX. pag. 64.

(9) *Masculus*] *Partim* ob sexus præstantiam, qui femininum antecellit, velut in omni fere viventium genere, quod cibo idoneum est, ma-

sculus feminae præfertur: præstantiora autem Deo sunt offerenda, nisi aliud lex jubeat: *partim* ob convenientiam typi cum antitypō, non tam ratione sexus, alias enim ea in omnibus obtinuisset sacrificiis, secus tamen factum in vacca rufa Lev. XIX. quæ insignis fuit typus Christi, nulla habita sexus ratione; sed in præstantia cibi sitam. Quemadmodum enim pecus mascula solidum, præstantem, & gratum cibum præbet, sic Christus præstantissimus animarum nostrarum est cibus. vid. SEB. SCHMID. c. l. p. 324. Falsum autem prodere SPENCERVM, quando masculum institutum esse perhibet, quod Gentilium plerique, etiam Aegyptii, generis feminini victimas immolarint, solide docuit ex HERODOTO MEYERVS cit. loc. §. 13. pag. 263.

Ad §. X. pag. 65.

(10) *כל שנתו בן שנה*] Quam Auctor noster distinctionem observat inter בן שנה, cui jam annus impletus est, & בן שנתו, qui agit annum primum, licet nondum absolverit, eam ex sententia R. IESYAE in medium profert ABEN ESRA, sed & confutat, vix autem solido satis fundamento. Tutius ad Num. VII. provocatur, ubi sæpius בן שנתו repetitur, & annus tamen intelligitur completus.

Ad §. X. pag. cit.

(11) *Illud exponunt sic*] כל שנתו בן שנה *Toto anno suo*, primo nimirum, licet nondum compleverit, dicitur anniculus, ac si diceret Scriptura: *qui natus est anno illo*, juxta RASCHIVM ad Exod. XII, 6. Hinc appellationem illam ab octavo a partu die, ad annum usque Judæi extendunt, sed reclamante rei veritate. Paucarum enim hebdomadam agnus non est filius anni, seu annum natus. Rectius itaque alii censent, agnum notari, qui jam annum implevit, tantum tamen anno primo nondum addidit, ut pro secundo reputari possit. Quod institutio probat. Vult ea, ut si domus aliqua



aliqua minor sit, quam quæ agno comedendo sufficeret, pater familias vicinum suum sibi adjungeret. Ista vero sodalitiæ amplificatione quid fuisset opus, si pecus paschalis ab octavo die usque ad annum suffecisset? Commodius fuisset, si agnum decem aut duodecim dierum sumfissent, qui a paucis hominibus consumi potuisset. Sunt tamen, qui hoc restringunt ad annum pecoris. Quod enim supra docuimus, prima dies mensis Elul (qui in nostrum ingruit Augustum) Judæis caput fuit anni, ad decimanda animalia. Quodsi ergo agnus aliquis ante Augustum superioris anni esset natus, h. e. ante annum pecoris, juxta hanc sententiam idoneus fuit habitus ad Pascha. Talem quippe agnum, ante octo menses jam natum, ejus certe fuisse magnitudinis, ut a duobus, tribus, quatuorve hominibus, nisi valde voracibus, absumi non posset. Sed quoniam ista ætatis ac annorum supputatio plane est inusitata, rectius agnus *filius anni* ille censetur, qui a nativitate sua annum impleverit, & XII jam vixerit menses. Vnde quoque factum, ut Talmudici Doctores societati paschali non pauciores, quam decem homines adscribant. Idem autem, quando agnum, qui annum jam excessit, פסח לקרבן פסח illegitimum ad oblationem paschalem pronunciant, in Cod. *Sevachim* fol. 25. col. 2. & Cod. *Bechoroth* fol. 12. col. 1. superstitiose nimis literam premunt. Hanc autem ætatem Deum statuisse existimant, ob cibi perfectionem. Ita nempe nec nimis tenera & flaccida est caro, nec condensata nimis, sed justam nacta consistentiam suam, & velut in flore constituta, ad cibum gratissima. Quod nostrates ad antitypum Christum, scire referre solent.

Ad §. XI. pag. 65.

(12) *Perfectus, integer* ] H. e. ut ABEN ESRA & RASCHIVS exponunt בלחם מים absque nevo & defectu. Requiritur ergo a) Sanitas, ut non sit morbida pecus, sed sana & læta. Præterquam enim, quod morbidarum pecudum caro ingrata hominibus est, turpe censetur, res

abjectas Sacris dicare, quo nomine male audiunt Judæi Mal. I. 8. quod offerrent גורלר agrotum seu languidum. Quin, quod omnium maxime ejusmodi pecus minus foret idonea, repræsentando agno Dei immaculato, Christo: b) Integritas membrorum & perfectio corporis, ne ex ipso parru, defectu aliquo in membris suis laboret: c) Absentia omnis defectus, per casus alios, aut externam vim illati, ne membrum aliquod distortum sit aut detruncatum: d) Ut sit ejusmodi, quales optimæ sunt & vendibiles, in quibus ne emtor quidem, aut ut est apud Malach. princeps, cui muneri offeratur, desiderare quid aut culpæ jure queat. In instituti rationes inquirat SEB. SCHMID. c. 1. p. 321.

Ad §. XII. pag. 65.

(13) *Vsque ad decimum quartum ejusdem mensis* ] משמרת sive custodia agni per quatri-duum, diserte præcipitur Exod. XII, 3, 6. & quidem ad בקר inquisitionem: opus quippe habebat agnus, ut perquireretur de nevo, quatuor diebus ante mactationem, inquit ad vers. 6. RASCHIVS. Verum, quia multi peregre accedebant Hierosolymas, non ita diu ante Pascha, ita ut multi die decimo mensis nondum adessent, sufficiebat separatio cujuscunque diei, quæ mactationem Paschatis antecederet. Ipsa quippe separatio, præcepto divino necessaria erat; alit temporis determinatio in hominis arbitrio sita, quando commode fieri ea poterat. Conf. MARPERG. de agno ad are cornua lig. Cap. III. Not. ad §. VII. p. 264 sqq. Addiderunt Judæorum Magistri destinationem certo ritu & conceptis verbis peractam, separari pecudem in sacrificium paschale; & manifestandum erat domesticis, ne circa agnum istum committerent quid, quod non deceret. Atque ista eo valuit destinatio, ut non liceret pecudem destinatam cum alia quadam permutare, aut aliam in ejus surrogare locum. Immo si casu eveniret, ut pecus destinata amitteretur, & alia in ejus locum destinaretur, nihilominus si prior inveniretur, præferenda ideo erat,

erat, quia prior destinata. Sin vero agnus destinatus, nomine Paschatis mactari non posset, sanctificabatur tamen, nec in profanum convertebatur usum.

Ad §. XIII. pag. 65.

(14) *Inter duas vespervas* ] Quidnam sibi velit phrasis Exod. XII, 6. בין הערבים varie explicatur, cum a Judæis interpretibus, tum a Christianis, ita ut fateatur ABEN ESRA, esse hanc קשה מלה *vocem difficilem intellectu*. RASCHI notare dicit illas horas, quæ sunt בין עריבת inter commixtionem diei ac noctis. Istam vero commixtionem diei, incipere ab initio septimæ horæ (quæ nobis prima post meridiem) quia Jer. VI, 4. dicitur, *umbra vespertinae inclinarunt*: commixtionem autem noctis a principio noctis putandam, siquidem ערב dicat caliginem & tenebras, per Jcf. XXIV, II. Hunc refutans ABEN ESRA, angustius longe spacium definit, quia ערב & הערבים passim in Scriptura, quin & de ipso Paschate promiscue dicatur. In Duali autem dici ערבים, quia duæ sint vespervæ: una Solis, quæ est tempus occasus ejus infra terram, altera occasus lucis ejus, quæ in nubibus apparer. Inter eas vero intercedere *spacium horæ & trientis fere*. Tunc redibat casum nocturnum passus in castra: tunc accendebat Aaron lucernas; quæ loca antea obverterat R. SALOMONI. Istud vero temporis intervallum, quod mactandis tanto numero agnis non sufficeret, hinc traditionem ferre, ut inciperent mactare a momento, quo planum esset unicuique homini, solem declinasse ad latus occidentale; dici tamen בין הערבים *propterea, quod pleraque tamen Paschata tum mactata sint, & hic sit terminus temporis, ut nemo expectaret usque ad vespervam lucis solis*. Quo pacto, quod una manu eripuerat, altera rursus largitur. Ex Christianis, ANDR. RIVETVS *Comment. ad b. l.* tam vespere, quam mane dici observat ratione solis, quem sequitur & antecedit. Sicut autem mane vocatur pars prima diei, etiam post ortum solis; ita vespervam appellari, par-

tem postremam dici, etiam ante occasum solis. Cum ergo sol, decursa magna parte diei, ad occasum vergit, v. g. sub horam tertiam a meridie, quæ nona Hebræis dicebatur, vespervæ vulgo dici solet, quæ prior est juxta stilum Scripturæ. Posterior autem vespervæ sequitur occasum solis, sicut aurora illius ortum antecedit. Ergo inter duas vespervas, h. e. inter solem ad occasum vergentem, & solem occiduum, debuit agnus immolari. Quod, ni fallor, idem est ac ערב בין השמשות *vespervæ inter duos soles*, qua ante Sabbathum primum decem res creatas memorant Magistri in *Pirke Abboth cap. V. §. 6.* ad quem locum digitum intendit Auctor noster. In eodem temporis articulo acquiescit AVGUST. VARENIVS *Disp. de agno paschali §. 16.* subjuncta *Comment. in Exod. p. 441 sq.* postquam præmissas Judæorum excusserat sententias, tandem definiens, primam vespervam incipere ab hora Judæorum nona, h. e. ab exacta tertia postmeridiana; alteram, ab undecima exacta. Hoc autem intervallum esse *inter duas vespervas*, seu כבא השמש, quod & alias ערוב, item ἐσπερσµὸς dicitur. SEB. SCHMID. *de Pasch. P. I. p. 53 sqq.* copiose in hanc phrasin inquirens, primo ex Judæorum sententia observat, mactatos esse agnos paschales statim post sacrificium jüge, istudque sacrificium eo citius, hora scilicet octava, quæ nobis pomeridiana secunda est, perfici potuisse, ut sat temporis pro paschalibus pecudibus mactandis superesset. Porro: phrasin illam, בין הערבים, partim vi Partic. בין tempus intermedium inter duas vespervas designare tradit, ceu duobus terminis interclusum, partim illud præcise notare spacium, quod est a sole inclinante, & terminatur in ipso noctis initio. Hoc itaque pacto definiri extremam partem diei decimi quarti, usque ad ingruentem diem XV mensis Nisan, cujus initium a nocte ingruente putandum sit. Tandem p. 65. concludit, *inter vespervas h. l. imperare*, mactationem suscipi debere ante occasum solis, assignando illi, ab occasu solis retro numerando, tot horas, quot mactatio commode peragenda requirat, & quot



necessarias esse ipsa Ecclesia deprehenderit & judicaverit; quin si casus poscat aliquis, ultra anteriorem terminum vespere, tempus mactationis & in partem meridiei extendi queat, non autem ultra solis occasum differri, cum in honorem XV diei festalis, satius sit anticipare, quam differre. Istas quidem sententias fere omnes, ex prolixo Talmudici Tract. *Pesachin* loco fol. 55. ab init. scite illustrat EDZARDVS ad Tract. *Avoda Sara*, cap. II. Not. 33. p. 236 sq. & licet sensum pharseos ad certum horæ momentum non restringat, confert tamen horam mactationis agnorum paschaliū, cum hora mortis Christi. Hinc itaque liquet, de tempore satis convenire inter omnes; quod IOSEPHVS dīserte lib. VI. de B. J. cap. IX. §. 3. definit, *Θύσαι μὲν, inquit, ἀπὸ ἐννάτης ὥρας μέχρι ἐνδεκάτης, a nona quidem hora ad undecimam agnos mactant*: ancipites solum hæsisse de cominoda pharseos explicatione, & dando idoneo temporis spacio, quod ad mactanda & præparanda tot agnorum millia sufficeret. IOSEPHO enim *ibid.* teste, sub Cestio Procuratore, ducenta & quinquaginta sex millia, & quingentas numeravere hostias paschales, eo temporis articulo mactatas: quantum pecudum hominumque copiam, nec tempus capere potuisse, nec in atrio templi locum, multis fuit visum. Sed ex ista se difficultate scite expedivit IOH. MEYER. c. I. §. 43 sqq. ex Talmud. Tract. *de Paschate* cap. V. *Mischna* 5, 6, 7. observans, Pascha fuisse mactandum juxta tres classes, sive turmas aut catervas. Si intrasset prima caterva, & impletum esset atrium, clausisse portas atrii, dum omnes absolvisset: post ejus discessum, ingressam esse catervam secundam; & post hanc, demum tertiam. Quod *ibidem* uberius declaratum vide. De ipsa vero mactatione, & exoriatione, atque viscerum repurgatione consulantur SEBASTIAN. SCHMID. P. III. cap. IV. §. 2. pag. 332 sq. & MARPERGER. tractat. *de agno ad aræ cornua ligando* cap. IV. §. 23. pag. 435. & Annotat. pag. 574 sqq.

Ad §. XV. pag. 66.

(15) *Comedi cum herbis amaris*] Mandatum divinum habet Exod. XII, 8. על מרורים *אכלוהו cum amaritudinibus comedent illud*. Quænam autem sint amaritudines istæ, varie definitur. Longius a tramite discedit AMBROSIVS, quando amaritudinem animæ intelligit; cibo enim corporali junguntur, ore manducandæ. Nimis etiam late vertit b. LUTHERVS: *bittere Salsen*, quod retinuerunt Belgæ, addentes in margine, *cum amaris herbis vel rebus*. R. SALOMO, omnem herbam amarā hoc nomine venire tradit. VARENIUS supra laudatus §. 32. pag. 452. responder, herbæ amaræ, in Aegypto satis notæ, ubi sub crasso aere, & in soli, ab exstagnante Nilo humore, embammata amarissimarum herbarum, etiam in pauperculi cujusque apponebantur mensa, in quæ tangebatur panis buccella. Judæi uno ore passim tradunt, in tryblio acerarium ex intybis, lactucis agrestibus, & aceto facto embammate, locum bellariorum tenuisse, & cum his embamma aceti, in quod azyma, & amara illa olera intingebantur. MÄIMONIDES *de fermento & azyzo* cap. VII. §. 12 sq. nominat lactucas, hederam, raphanum, petroselinum, chærephyllum & nasturtium: sive autem quis omnes illas herbas amaras ederet, sive aliquam tantum earum speciem, perinde fuisse. Singularis autem hic est SEB. SCHMIDIVS *de Pasch.* P. I. cap. I. p. 78 sqq. & postquam observaverat 1) vocem hanc in universa Scriptura nullibi gratam notare amaritudinem, aut in cibo hominibus usitatam, contra vero afflictissimos conqueri, se amaritudinibus saturari, ut Thren. III, 15. Job. IX, 13. hinc eos calculum non merori, qui de lactucis accipiunt, aliisque herbis, in cibo, aut cum cibo usitatis: 2) contra vero hoc vocabulum cum cognatis sæpissime *fel* notare, v. g. Job. XX, 14, 25. XVI, 13. inde tandem concludit, quod in manducatione agni paschalis felle etiam debuerint vesci; non puro quidem, sed aceto, aut alio liquore permisto.

Nec

Nec absurdum esse dicere, ipsum pecudis paschalis fel fuisse sumendum. Idque exemplo potionis illustrat, in passione Domini, Salvatori oblata, ubi acetum felle mixtum propinabant, ut illaderent ipsi, eumque torquerent. Satis ista quidem SCHMIDII sententia, & ab ingenio se commendat, & a novitate, nec haber, quod ei obvertatur, nisi quod ab omni prorsus antiquitatis calculo destituitur. Forte dixerit quis, fel ad excrementa referendum potius, quam ad edulia, indeque a ciborum genere excludi. PLINIVS certe l. XI. H. N. cap. 37. ubi de felle: *est autem nihil aliud, quam purgamentum pessimi sanguinis, & ideo in materia ejus est.* Vbi in edit. Gronovii A. 1669. ad marginem notatum legitur: *fel, aque optimi, atque pessimi sanguinis, excrementum est.* Vnde herbam amaram, ob saporem cum felle comparandam, & vel nomen inde sortitam, intelligere malim. Lactucam agrestem intolerabili fere amaritudine gaudere, Botanici tradunt, rursusque PLINIVS lib. XIX. cap. VIII. ubi varia lactuce genera recenset, *pessimum autem genus, inquit, cum exprobratione amaritudinis, appellavere πικίδα.* Sane Judæos hodiernum, ubi agnum paschalem, extra Terram Sanctam, domumque electam comedere nefas est, videas in epulo paschali acetarium apponere, è lactucis, hedera, raphano, petroselino; chærephylo, nasturtio, & juxta patellam cum aceto collocare, in memoriam herbarum amararum, cum quibus majores ipsorum agnum paschalem comederunt. Ita vetusta gentis fert traditio & consuetudo.

Ad §. XVI. pag. 66.

(16) *Quod vocabant חרוסת* Pulmentum Charofeth constabat ex pomis, pyris, amygdalis nucibus, sicibus, malis citreis & aliis, quæ cum vino & aromatibus coquebantur, juxta MAIMONID. de fermento & azymo cap. VII. Fufius istud describit BUXTORFIVS dissert. de Cæna Domini §. XIV. n. 6. p. 291. & Synag. Jud. cap. XVIII. edit. 1661. p. 407. Quæ autem de pul-

mento isto, inter ipsum & CAPPELLVM, disputata sunt, lege in Vindic. Exercit. de Cæna Dom. §. 44. pag. 367 sqq. Huc enim ea transferre, nostri non est instituti.

Ad §. XVII. pag. 66.

(17) *Nempe Festum azymorum* ] Conjectum quidem fuit initium hujus Festi cum epulo paschalis solennitate, quæ non nisi in Azymis perfici potuit, in se tamen ab illa distinguebatur. Supra jam §. III. & IV. Auctor noster, duo distinctionis membra in medium protulit, cui tertium adde, quod Festum istud agni paschalis adjunctum sit, sed separabile, quia primum in Aegypto Pascha comestum fuit, sed absque Festo, quod egressi Israelitæ in itinere celebrare non potuerunt; probe observante SEB. SCHMIDIO de Pasch. P. III. pag. 412 sq. coll. pag. 116. Cur autem septem dierum esset feriatio, varias afferunt rationes. ABEN ESRA ait, per septem dies Deum azyma imperasse, ut azymum comederent, a die quo egressi ex Aegypto, usque ad diem, quo mare sunt ingressi. ABARBENEL, Deum hac ratione populum docuisse testatur, recolendam esse memoriam miraculi, quod Deus Israelitas eripuerit a percussione primogenitorum: primum diem azymorum Israelitis egressum ex Aegypto, septimum vero diem lacerationem maris Suph in memoriam revocasse, quando Aegyptii sunt submersi: si vero diem unum duntaxat celebrare jussisset, non fuisse rem perceptam, quum multi homines unum diem, aut biduum transigere queant, sine pane, aut casu aliquo panem non comedere. Ideo Deum septem dies instituisse, integrum scilicet dierum circulum, ut si eo continuarent fermenti remotionem, & azymorum comestionem, cognoscerent, hoc esse festum Domino. Et hæc de causa putat, singulis diebus azymorum Deum septem agnos offerri voluisse, pro numero septem dierum Festi. Alia causatur MAIMONIDES in More Nevoch. P. III. cap. 43. nec non R. BECHAI in Legem fol. 179.



col. i. quos vide. Primo & septimo Festi hujus die, qui ex æquo erant festi, sancta convocatio indicta, & opus servile prohibitum fuit Levit. XXIII, 7. 8. Deut. XVI, 8. Hodie præterea, ob ספק החורש *dubium Kalendarum*, secundus & octavus dies primo & septimo equiparantur, & reliqui dies intermedii, tertius, quartus, quintus, sextus vocantur חולֵי המועד *dies profesti solennitatis*. Vide IOH. MEYER. *cit. loc.* §. 40 sqq. p. 280.

Ad §. XVIII. pag. 66.

(18) *Gradus præparationis ad festum*] De Fermenti Abolitione ex instituto egit MAIMON. in Hile. Chametz Vmazza, seu de fermentato & azymo, ex quo potiora delibabimus momenta. I.) Quia Exod. XII, 15. expurgatio fermenti ex ædibus, primo die iungitur, MAIMONIDES *cap. II. §. I.* ex traditione majorum illam censeri docet XIV Nisan, quæ una in hebdomade azymorum includitur. Hinc lucem sceneratur phrasis Evangelistarum, qui Matth. XXVI, 17. Marc. XIV, 12. *primo die azymorum*, de parando Paschate discipulos Christum perhibent confutuisse. II.) Postquam ergo ingruit dies XIV, prima statim nocte fermentum perquirunt, per omnes ædium angulos, ubi nimirum solitum est asservari. In ceteris, ubi alias fermento non est locus, v. g. infra pavementum, supra tectum, in bovili, paleario, cellis, promptuario, macello &c. non inquirunt, vel superficialiter tantum, si aliqua subsit dubitatio. Ista vero ne frustra fieri videatur investigatio, si domi sciant panem fermentatum non adesse, de industria in reconditas domus partes, micæ aliquot veteres & duras spargere consueverunt, ut habeant, quod inveniant, & sic præcepto satis faciant. Istam autem inquisitionem, non ad solis lumen, aut lunæ splendorem, aut facum flammam, sed ad lucem candelæ peragunt, cum illa ipsæ quoque rimulæ domus collustrari queant, quod radiis solis aut lunæ plerumque denegatur, & sine incendii periculo rimis applicari: *cap. II. §. 3. 4sq.* Initium autem inquisitionis fit cum hac oratione:

*Benedictus sis, o Deus & Rex noster æterne, qui sanctificasti nobis præceptum de repurgatione fermenti.* III.) Si decima quarta mensis Nisan incidat in Sabbathum, præmittunt perquisitionem fermentati ad vespertam tertiæ decimæ lunæ, & relinquunt sufficientem portionem pro cibo usque ad horam quartam Sabbathi. Quodsi post prandium aliquid de fermentato supersit, mente istud annihilant, postea recondunt in vase, cooperiunt diligenter, & custodiunt usque ad exitum primi diei festi Paschalis, postea comburunt. IV.) Peracta investigatione, omne, quod repererunt, fermentatum reponunt in capsâ, aut alio loco tuto, ne a muribus corrodi possit; reservatur autem, pariter in loco muribus inaccessio, tantum panis fermentati, quantum sufficiat familiæ ad vescendum, usque ad quintam horam diei XIV; tum paterfamilias Chaldaice inquit: כל חמירא דאיכא ברשותי רחמיתיה ודלא חמיתיה ליכטל ולהוי כעפרא דארעא: *Omne fermentatum, quod in mea potestate est, quod vidi, aut quod non vidi, nullum sit, vel sit veluti pulvis terræ.* V.) Die sequenti hora quinta comburunt illud, iterumque dicunt: *Omne fermentatum, quod est in mea potestate, quod vidi aut quod non vidi, רבערתיה ודלא כערתיה quod sustuli, aut quod non sustuli, nullum sit, & reputetur sicut pulvis terræ.* Cap. III. & IV. VI.) Ne autem odor quidem fermenti domi remaneat, generalem instituunt ablutionem omnium vasorum & utensilium domus, געלה כלים *expurgationem vasorum* dictam. Biduo namque ante Pascha quam diligentissime abluuntur omnia vasa culinaria, ex ligno, stanno, ære, ferro; immo quæ transire possunt per ignem, igne magno succenso, in eo ignescere faciunt, & sic purgant, reliqua, ignis impatientia, in aqua fervente, in aheno magno, bene defricata eluunt. VII.) Fermentatum denique, in lege prohibitum provenire tradunt ex tritico præstantissimo, vel ex hordeo, vel ex spelta, vel ex avena, vel ex fecali; itaque ex quinque istis frumenti speciebus azymum quoque panem confici volunt.

Ad

Ad §. XIX. pag. 67.

(19) *Animæ exciso ex Israele*] Circa Pœnam כרת seu Excisionis e populo Dei, tantum occurrit sententiarum divortium, ut hæsitant multi, cuinam tuto calculum adjicere debeant parti. Ex Pontificiis BELLARMINVS *de Sacrament. l. I. cap. 17.* forenses censet pœnam & judicalem, refutatus a CHAMIERO *Panstrat. Tom. IV. lib. III. cap. III. num. 17 sqq.* Idem tamen cum illo tuetur PISCATOR in *Comment. ad Gen. XVII. 14.* quia eo sensu, quod morte plectendus sit transgressor, phrasis hæc alias sumitur Exod. XXX, 33, 38. XXXI, 14, metaphora ab arboribus sumpta, quæ exstirpatione & excisione e terra, deleri consueverunt. Ita quoque primum sentiebat CHRIST. THOMASIVS in *Jurisprud. Divina lib. III. cap. VII. §. 137 sq.* at mutata posthæc mente, cum in altera ejus libri editione, tum in *Observat. Halens. XXVII. §. 51 sq.* recte quidem ex Genes. XVII, 14, colligit, τὸ *excindere* non semper capitis pœnam inferre, simul autem frigide existimat, excisione designari vel occultum Dei judicium, vel rationem naturalem, qua homo adeo luxuriosus, ut nullam legum matrimonialium observet, plerumque ineptus sit ad generandam sobolem, & mortem sibi ultro acceleret, argumento Lev. XX, 20, 21. Demum in *cit. Jurisprud. Div. §. 140. Not. b.* anceps hærens, concludit, ulteriorem disquisitionem hanc controverſiam mereri. Contra vero maxima Judæorum turba excisionem כרת Divina manu infligi censet, dispari tamen pœnæ genere & modo. Rabbinorum hac de re sententias, ex ABARBENELIS dissert. *de Excidiū Pana*, in *Comment. ejus ad Legem Num. XV, 32.* (quam Latine conversam in BVXTORFII *Tract. de Sponsal. & Divort.* sub calcem, legere licet) in compendium misit, unoque obtutu exhibuit HOTTINGER, in *Jure Hebræor. p. 340 sqq.* Alii in morte præmatura & *ἑλκῶς*; in orbitate alii, ac reluctantè hinc deletionè nominis ac posteritatis in populo Dei; alii demum, cum MAIMONIDE, in morte temporali simul ac æterna ponunt:

postremo alii de exclusionè civili e republica, aut excommunicatione Ecclesiastica exponunt, cum quibus Auctor noster facit, excisionis pœnæ æquipollere censens phrasin Novi Fœderis τὸ ἀποσυνάγωγον ποιεῖσθαι, Joh. XVI, 2. Nec abnuat SEB. SCHMIDIVS *Tract. de Circumcisione p. 191.* qui, licet largiatur, primariam excisionis rationem, in spiritali, æternaque pœna constituisse, necessarium tamen consequens, & externum velut ejus signum fuisse existimat, exclusionem civilem atque sacram: siquidem nec Ecclesia ad communia sacra admittere potuerit, quos extra communionem noverat gratiæ, hæreditatisque cælestis; nec respublica Civilis utique, quæ in Theocratia Judaica cum Sacra tam arcte uniretur, tolerare ut civem, qui legibus, institutisque Divinis vivere detrectaret. Pœnam itaque complectitur spiritualem & æternam, quæ contentiores mediorum gratiæ & Sacramentorum manet, & consistit in privatione gratiæ Divinæ ac vitæ æternæ, quæ haud dubie exterius promulgabatur per excommunicationem Ecclesiasticam. Cui si accederet ex justo Dei judicio mors *ἑλκῶς* vel immatura, aut etiam sterilitas, & nominis ac familiæ deletio, pœna accessoria potius censeretur debebat, quam ordinaria & semper cum כרת conjuncta. Vide, post SELDENVM, SIXTIN. AB AMAMA, BVXTORFIVM, HOORNBECKIVM, LEYDEKKERVUM, & alios, patruelem meum, haud ita pridem vitæ pie functum, D. FRIDER. BENEDICT. CARPZOVIVM diss. *de Pœna Excisionis, jure positivo universali in incestas nuptias statuta*, Vitembergæ An. 1738, qui recentissime, & cum cura in hoc argumentum inquisivit.

Ad §. XX. pag. cit.

(20) *Hic tria quæri*] Ut ad quæſita ista dextre respondeatur, præmittenda est trita Judæorum distinctio inter פסח מצרים לפסח חורון *Pascha Aegyptiacum & Pascha Seculorum*, seu sequentium ætatum, quam Mischna Cod. פסח cap. IX. §. 5. MAIMONIDES in fine



*Hilc. פסח / ABARBENEL Comment. in Legem fol. 150. col. 1. & Magistri reliqui, omnium autem copiosissime & evidentissime ELIAS BYZANTINVS tradit in Adderet Eljabu, de Paschate cap. I. & IX. cujus solum versionem damus, ex MEYERICO. l. §. 38. p. 278 sq. Pascha Aegyptiacum & Pascha generationum in novem rebus discrepant: 1) Quod Pascha Aegyptiacum decimo die mensis, Pascha vero generationum die quarto decimo demum fuerit preparatum: 2) Quod sanguis Paschatis Aegyptiaci fuerit impositus superliminari, & duobus postibus, sanguis autem generationum affusus ad altare: 3) Non indicavit nobis Scriptura, quid egerint cum adipe Paschatis Aegyptiaci, quem forte comederunt, quia hactenus non sunt admoniti de comestione adipis. Ast generationum Pascha impositum est altari: 4) Pascha Aegyptiacum fuit comestum a puris & impuris, sed Pascha generationum a solis puris fuit comestum, juxta illud Num. XVIII, 11. Quisquis mundus erit in familia sua, comedet illud: 5) Pascha Aegyptiacum debebat comedi a viris & mulieribus, sicut scriptum in Massebeth Nephasboth, sed Pascha generationum comedi debebat a viris adultioribus, sicut dicitur Exod. XXIII, 17. Deuter. XVI, 16. Compareto omnis mas tuus: 6) Pascha Aegyptiacum comedebatur in festinatione, juxta illud Exod. XII, 11. Ita vero comedite eam, lumbis vestris succincti &c. Sed Pascha generationum in tranquillitate: 7) In Paschate Aegyptiaco non erat Halleluja vel Canticum; sed Pascha generationum celebrabatur cum Hymno, juxta locum Jes. XXX, 29. Illud canticum futurum est vobis, ut noctis, qua sanctificatur festum: 8) Pascha Aegyptiacum non celebrabatur cum convocatione sancta, generationum Pascha celebrabatur cum convocatione sancta: 9) Pascha Aegyptiacum mactabatur & comedebatur in loco profano, Pascha generationum vero in loco electo, quemadmodum scriptum Deuter. XVI, 5, 6. Non poteris mactare Pascha intra aliquam e portis tuis, quas Dominus Deus tuus dat tibi: sed ad locum illum, quem Dominus Deus tuus elegerit &c. Rursus vero in his conveniebat Pascha Aegyptiacum cum Paschate Sæculorum: 1) Vtro-*

bique comedi poterat a pluribus familiis simul junctis: 2) In utroque agnus debebat esse a grege desumptus, masculus, absque ullo vitio, & annum unum solum habere: 3) Fermentatum in utroque excuti debebat: 4) Paschata utraque debebant non absque gaudio celebrari.

Ad §. XX. pag. 67.

(21) *A Sacerdotibus*] Ita quidem, vi loci allegati, censet Auctor, & nonnulli e Pontificiis, ut CASP. SANCTIVS, & NICOL. SERARIUS, sed contra Scripturam & consensum Judæorum. Quando enim 2 Chron. XXX, 16. & c. XXXV, 11. Sacerdotibus & Levitis mactatio tribuitur, ratio diserte additur: quia multi erant in cotu, qui non sanctificaverant se, idcirco Levitæ erant super mactatione Paschatum NB. pro omnibus immundis, ad sanctificandum Jehovahi. Excusatur ergo factum hoc extraordinarium; ut taceam, neutrum ex his locum Sacerdotibus mactationem, sed sanguinis solum adspersionem, quæ actio erat sacerdotalis, tribuere. Rectius itaque existimatur, patremfamilias cum proprie dictum, qui familiam suam secum habebat, & cum ea Pascha celebrabat, tum locum-tenentem, quem conjunctæ quædam familiæ sibi præfecerant, mactationem peregrisse. De Paschate Aegyptiorum id palam est ex Exod. XII, 3 sqq. ubi promiscue Israelitæ, qui agnum seligere & custodire, eundem quoque mactare jubentur, sanguinemque postibus illinere; maxime cum vers. 7. præcipitur: & mactabunt eum tota congregatio Israelis &c. De Paschate Sæculorum hoc ipsum tueretur LIGHTFOOT. Hor. Hebr. in Matth. XXVI, 19. qui traditionem Magistrorum adducit: Israelitæ mactat, & sanguinem recipit Sacerdos, & proxime assistenti dat, & ille proximo, qui phialam plenam (sanguine) recipiens, vacuam ei dat. Nec dubium est, in ultimo Christi Paschate, agnum mactasse discipulos, qui nec Levitæ erant, nec Sacerdotes. Vnde liquet, patribusfamilias non exclusive hoc demandatum fuisse ministerium, quin eodem alii ex domesticis & focis defungi

fungi quoque potuerint, modo ritus satis essent periti.

Ad §. XX. pag. 67.

(22) *In Atrio Templi*] Scilicet in Paschate Sæculorum. Huc spectabat הרכבתו *impositio agni in humerum*, decantata in Mass. *Pesachim* Cap. VI. §. 1. quando Die Azymorum primo, supra a nobis notato, innumeri fere agni, funibus pedes colligati, humeris patrumfamilias, vel quibus id datum negotii erat, in Atrium Templi deferrebantur, ut ab Israelitis, in tres catervas distributis, ibidem mactarentur. Vide MARPERGER. *de agno ad ara cornua lig. cap. III. §. 13. p. 211 sq. coll. cum p. 302.*

Ibidem.

(23) *Comedit in privata domo*] Locus assationis & comestionis, privata domus erat cujusque patrisfamilias aut societatis. Vbi quidem diversas societates in iisdem ædibus, quin & in eodem conclavi, comedere potuisse, supra monuimus: idque Hierosolymis necessitas postulabat, ubi innumera Judæorum multitudo, ex universa, ubicunque terrarum degeret, confluebat gente. Aedes autem privatas, velut prima institutio Exod. XII, 46, ita Christi probat exemplum.

Ad §. XXI. pag. cit.

(24) *Duabus cœnis, altera alteram immediate insequenti*] Est hæc controversia, quam contra JOSEPHVM SCALIGERVVM copiose & erudite peroravit BVXTORFIVS fil. in *Historia Cœnæ Domin.* §. XIV sq. p. 286 sq. & contra insultus LVDOV. CAPPELLI uberius declaravit in *Vindictis Exercitat. de Cœna Domini* p. 338 sqq. Univerfam paucis recensebimus:

I. SCALIGER lib. VI. de *Emendat. Temp.* ita sentit: α) Duplici Cœna sanctos fuisse Judæos, in ritu agni paschalis. In priore hostiis immolatis vescabantur, eaque appellabatur חגיגה *festivitas*, eratque Sacrificium illius diei; in altera cane-

bantur quædam εὐχαριστικά, eaque dicebatur סעודה מפסח / δειπνον ἀπολυτικόν, cœna *dimissoria*. In hac offerebatur in tryblio acetarium, ex intybis & lactucis agrestibus; ex quibus affuso aceto embamma conficiebatur, in quod azyma, & amara illa olera intingebantur. Vocabatur חרוסת. Primam offam azymam paterfamilias in illud intingebat, & devorabat. Mox cuilibet convivæ tortæ azymæ frustum ordine porrigebat, qui pariter intingebant, & sub certa ברכתא comedebant. β) censet, Cœnam illam ἀπολυτικήν, quasi in suam cœnam commutasse Christum. Primam ergo cœnam fuisse, esum agni; alteram, azymorum, tanquam mensarum secundarum, & ἐπιχώμων cœnæ paschalis. In hac posteriori institutum esse a Christo Sacramentum Cœnæ.

II. Regerit BVXTORFIVS, de Duplici Cœna in ritu agni paschalis, altum esse apud Scriptores Judæos silentium. Et largitur quidem, sed alio modo ac ordine, duplicem cœnam, cum Judæi Paschatis vespera, antequam agnum comederent, primo ordinariam cœnam peregerint, in qua חגיגה / seu sacrificium Festi comedebatur; deinde agnum paschalem cum azymis & herbis amaris absumerint, quia non nisi saturis agnum sibi comedendum esse tradunt Judæi; immo post agnum paschalem nihil amplius gustare licebat, quo suavitas carnis agni tanto diutius palato inhæreret, & per eam quoque memoria præceptorum & beneficiorum Dei. Sed omnia ista ferula in una cœna & mensa simul apponebantur, saltem ut ordo in vescendo observaretur. Quæ porro de acetario & חרוסת / de bellariis quoque cœnæ dimissoriæ habet SCALIGER, ea ad meliorem ordinem revocat, & accurate tradit BVXTORFIVS p. 291 sqq. Istud nempe embamma חרוסת non oleribus amaris spissabatur, quod vult SCALIGER; sed res ita habet: statim ab initio epuli paschalis apponebatur quoddam pulmentum, e pomis, pyris, nucibus, ficibus, amygdalis, malis citreis, & aliis similibus confectum, cui vinum vel acetum immiscent & incoquant, cum multis aromatibus, quibus illud spissa-



spissabant, ut lateris speciem præ se ferat: cin-  
namomum quoque, zingiber ac similia, crasse  
contusa superinijciunt, ut paleam & lutum refe-  
rat. Hoc sibi pacto in memoriam revocant, ma-  
jores suos in Aegypto palea & luto laborasse, la-  
teresque confecisse: idque est חרסח. Deinde  
acetarium e lactucis, hedera, raphanis, petroseli-  
no, charephyllo, nasturtio &c. apponunt: huic  
addunt patellam cum aceto, ut in eam herbas il-  
las intingant, & sibi in memoriam revocent, ma-  
jores suos agnum paschalem cum herbis amaris  
comedisse.

Hinc utriusque sententiæ differentia elucet:  
1) quia non distinctæ cœnæ, Agni, & Azymorum,  
sed una fuit & conjuncta: 2) quia agnus non pri-  
mo, & ab initio cœnæ, sed in fine ejus comestus  
est, postquam præmisso cibo Chagigæ, famēs  
jam expleta & depulsa esset: 3) post cœnam agni,  
nulla amplius mensa vel convivium agitabatur,  
sed addito poculo gratiarum actionis claudeba-  
tur: 4) quia nulla επίκωμα, seu bellaria apposita  
sunt in Cœna Paschali.

Quod itaque ad institutionem Cœnæ Domi-  
nicæ attinet, censendum utique est, quia Agnus  
in cœna paschali clauderat mensam, ita ut nihil  
cibi amplius post Agnum capere liceret, Salva-  
torem immediate post cœnam paschalem, eam-  
que plene absolutam, plane novo ritu ac institu-  
to suam Sacram Cœnam sancivisse, ut ita Novo  
Sacramento abrogaret Vetus: atque huc spectant  
verba apud Lucam, Johannem & Paulum, μετὰ  
τὸ δειπῆσαι; adeoque neque mensas secundas  
convertisse in suam cœnam, neque cœna paschali  
adhuc durante, instituisse Sacramentum Cœnæ,  
sed postquam cœna paschalis tota esset peracta,  
δέπνυς γενομένης surgit Dominus e cœna paschali,  
& ad pedilavium discipulorum se accingit Joh.  
XIII, 2. & vers. 12. postquam eorum pedes la-  
vit, vestesque suas resumit, iterum accumbebat  
ad Sacram Cœnam instituendam, ut adeo inter  
Cœnam Paschalem, & inter institutionem Cœ-  
næ Dominicæ interjecta fuerit lotio pedum di-  
scipulorum, a Christo peracta. Ita BUXTOR-  
FIVS.

Contra vero ea, HOTTINGERVS nepos, ad  
b. l. Auctoris nostri Not. 23. Cœnam, Johanni cap.  
XIII, 2. memoratam, una cum pedilavio, Pascha  
antececessisse credit, 1) cum nullam agni paschalis  
faciat mentionem, quam tamen ceteri Evangeli-  
stæ non omittunt; 2) cœna illa habita dicatur  
πρὸ τῆς ἑορτῆς τῆ πάσχα vers. 1; 3) qua ratione  
colligere poterant discipuli, Christum ad Judam  
dixisse: ἀγόρευσον, ὃν χρεῖαν ἔχομεν εἰς τὴν ἑορ-  
τὴν. Verum, ut e silentio Evangelistæ conclu-  
dere non licet, cum nec Sacræ Cœnæ mencio-  
nem injiciat Johannes, quam tamen ceteri cele-  
brant omnes; ita, si sententiam amplectaris,  
quam Nostratium fere omnes tenent cum GER-  
HARDO in Harmonia Evangel. quod Christus  
uno die Judæorum Pascha anticipaverit, vel  
quam SEB. SCHMIDIVS Tract. de Pasch. P. III.  
p. 398 sqq. tuetur, quod duobus diebus ante Ju-  
dæorum Pascha, Christus suam Pascha antici-  
pando celebraverit, agnumque paschalem feria 5.  
sub vesperam mactari fecerit, cum suis Judæi  
die 7, seu Sabbatho sub vesperam mactaverint;  
reliquæ duæ, ab HOTTINGERO allatæ ratio-  
nes, nihil solidi evincunt. Hanc autem Cœnam,  
Johanni vers. 1. memoratam, cum ultima Domini  
Cœna Paschali eandem fuisse, aut certe in ean-  
dem incidisse vesperam, LAMPIVS Comment. in  
Joh. XIII, 1. solide evincit, discussis, quæ in con-  
trarium moveri solent, argumentis. Sacræ Eu-  
charistiæ porro originem ex ritu Judæorum pa-  
schali repetendam non esse, erudite demonstra-  
vit SALOM. DEYLING, Observation. Miscellan.  
Tom. IV. Exercit. IV. p. 221 sqq. ubi, quæ ad  
BUXTORFII quoque sententiam monenda erant,  
modeste exposuit.

Ad §. XXII. pag. 68.

(25) *Judeis proverbium est*] Huc refer,  
quæ magnus GLASSIVS de προλήψει historica  
Grammat. Sacr. lib. IV. Tract. II. observ. XXVIII. p.  
marg. 753. rursusque de prolepsi nominum pro-  
priorum Tract. III. observ. X. p. 798. inculcavit.  
Quocum conferri potest SANCTIVS Comment.

in 2 Sam. XII. n. 52. pag. 708. Affinem autem huic, canonem Judæorum alium, tradit & exponit SVRENHVSIVS in βίβλῳ καταλλαγ. lib. I. Theſ. LIII. pag. 33.

Ad §. XXIII. pag. 68.

(26) *Dimittendi captivum quemdam tempore Paschatis* ] Tria controversiæ momenta circa hunc ritum ventilari solent: I. Numne hic mos Festo Paschatis proprius, an vero omnibus solennibus Festis fuerit communis? Quoniam Matthæus, Marcus, & Lucas, in genere & absque restrictione ajunt: κατὰ δὲ ἑορτὴν, unde Syrus reddidit ܡܠܟܐ ܘܕܢܐ in omni festo, æque ut Arabs, quos secutus THEODOR. BEZA, vertit: *singulis Festis*, scilicet solennioribus, Paschatis, Pentecostes, & Tabernaculorum. Ita quoque COCCIVS, & CASAVBONVS contra Baroñ. Exerc. XVI. cap. 19. E nostris pariter ERASMV SCHMIDIVS ad Matth. XXVII. 15. qui eam ob causam Articulum omissum causatur, quia κατὰ distributionem notat, ut in καθ' ἡμέραν, *singulis diebus*, κατ' ἐνιαυτὸν, *quotannis*, κατὰ πῶλον, *oppidatim* &c. At enim vero ANTON. BYNAEVS de morte J. C. P. III. p. 94. LIGHTFOOTVS in Hor. HENR. MULLERVS in Jesu patiente cap. XCVI. de solo Paschate intelligunt, nec immerito. Nam α) Johannes, cap. XVIII. 39. diserte ad hoc Festum restringit, ἐν τῷ πάσχα, β) quia ἑορτὴ, κατ' ἐξοχὴν de Paschate dici consueverat, quod caput erat Festorum omnium, sub anni principium primo mense ferriari solitum.

II. Num a Romanis, an vero a Judæis hic mos ortum traxerit? HUGO GROTIUS a Romanis hoc esse censet, quoniam LIVIO teste, *lectisternii indicti diebus, vinetis dempta vincula; religioni deinde fuisse, quibus eam opem Dii tulissent, vinciri*. Ad hoc exemplum ab Augusto hanc gratiam concessam fuisse populo Judaico existimat, idque mandatis Procuratorum fuisse comprehensum. Aequè ut Christiani Imperatores, Valen-

tinianus, Theodosius & Arcadius, generali lege Judicibus mandarunt, ut primo die Paschali, omnium in carcere clausorum, nisi ob certa crimina, quæ lex enumerat, vincula dissolverentur. In eandem sententiam pedibus incedit GERH. IOH. VOSSIVS Harm. Evangel. lib. II. cap. V. §. 4. 5. Rursus e nostris IOH. HENR. VRSINVS Val. I. Analect. Sacr. Lib. I. cap. XLI. p. 52. eumque secutus HENR. MULLERVS c. l. a vicinioribus Græcis aut Ionibus, hanc consuetudinem arcessit. In Græcia enim religionis causa capitis damnatos pœnæ exemptos, vinculisque exsolutos fuisse, ex ACHILLE STATIO, PLATONE, & PAVSANIA constat. ANTON. BYNAEVS c. l. p. 99. in dubio relinquit, a Romanisne manaverit, an a Judæis, quoniam de consuetudine ea, tam apud FLAV. IOSEPHVM, quam Scriptores alios, qui de moribus Judaicis & institutis agunt, nihil omnino reperitur. Sed sufficit reperiri in Sacris literis: unde demum rectius GERHARDVS in Harm. Pass. cap. XI. CALOVIVS Bibl. Illustr. ad Matth. XXVH. 15. aliique nostratium, ex Johanne, Judæorum hunc fuisse ritum, evincunt. Ita quippe Johannes ἐστὶ δὲ συνήθεια ὑμῶν, ἵνα ἕνα ὑμῶν ἀπολύσω: unde liquet, hanc consuetudinem a Judæis ipsis ortam, aut certe, ante subactionem Romanorum, passim usurpatam, & a Romanis indultam ac Cæsaris decreto confirmatam fuisse; unde Lucas ἀνάγκην appellat, ex Cæsaris privilegio Procuratori incumbentem.

III. *Quæ ritus hujus ratio fuerit, & quid significaverit?* Vbi ultimâ Auctoris nostri causa potissimum obtinet, a LVDÖV. DE DIEV, & CALOVIO probata, ut memoriam liberationis suæ ex Aegyptiaca servitute, ubi velut in domo carceris conclusi fuerant, eo evidentius hoc Festo recolerent Judæi. Dimissio ergo captivi,educti olim ex captivitate Aegyptiaca populi, monumentum erat. Improbant tamen hunc ritum Interpretes, ut impunitas daretur malefico, capitis reo, atque hoc pacto peccandi licentia invehetur, contra Proverb. XVII. 15. Lex Mo- sis quidem fuit χωρὶς οἰκτισμῶν, Hebr. X. 28.

Eff

ut



ut nec ex Lege, nec a Deo profectus, satis inde appareat.

Ad §. XXV. pag. 68.

(27) *Primo die Azymorum*] De hoc primo Azymorum die, supra diximus ad §. XVIII. Annot. 18. Num. I. LUDOV. DE DIEV ad Matth. XXVI, 17. hoc dubium: Quomodo dies Parasceves, qui ex lege erat XIV mensis Nisan, quo non edebatur, sed mactabatur agnus paschalis, vocetur primus Azymorum, quum certum sit, septem tantum ex lege fuisse Azymorum dies, quorum primus erat decimus quintus, postremus vigesimus primus? cum cura excutiens, post allegatas duas BEZAE rationes, tandem in SCHINDLERI nostri observatione acquiescit, qui in *Lex. voce ערב* ait, Talmudistas id ita interpretari, ut jubeant id fieri ab initio horæ decimæ, & deinceps, hoc est, duabus horis ante solis occasum. Recte ergo & septem tantum dies dicuntur fuisse celebrati, & diverso respectu octo. Septem dies integri, octo vero, si duarum etiam illarum horarum ratio habeatur: quæ quum ad diem XIV pertinerent, is eo respectu Azymorum primus bene dicitur. Quod fortassis voluit IOSEPHVS, qui *Antiqu. lib. II. cap. V.* Azymorum Festo dies octo attribuit. Sed quicquid sit de duabus istis horis, mallem ego affirmare, quod septem dies feriat, & quibus azymis tantum vesci licebat, fuerint: octo, quibus cum azymis parandis, & expurgando fermento, ipsis res erat. Sic nulla ejusmodi opus est elabendi rima.

Ad §. XXVI. pag. cit.

(28) *Concessum fuerit secundum Pascha*] De hoc ita præcipit Mischna Tract. Pesachim cap. IX. §. 3. *Quid discriminis est inter Pascha primum & secundum? Primum obligavit ad id non-videbitur, neque invenietur* (fermentum in domo): *sed Secundum comeditur quidem cum azymo, potest tamen fermentatum cum eo esse in domo.*

*Primum obligatum est ad Hallelujah magnum, dum comeditur; Secundum autem non obligatum est ad Hallelujah magnum, dum comeditur. Verumque tamen obligatum est ad Hallelujah magnum כעך כעך dum fit; & comeduntur assata cum azymo & amaroribus, & solvunt Sabbathum.*

Ad §. XXVII. pag. 69.

(29) *Analogia inter Paschalem agnum & Christum*] Universum hoc Festum Judæi ad memoriam referunt liberationis, Patribus ex Aegypto factæ, & ad spem similis ex præsentī captivitate liberationis, gloriosæque in Terram Sanctam reductionis; sed alium longe scopum ei fixit Scriptura, sub Agno paschali Christum, sub Azymis sinceritatem sanctimoniam ac pietatis adumbrari 1 Cor. V, 6 sqq. Ceterum duæ hic notandæ, ac probe discernendæ sunt theses: N. Agnus paschalis typice Christum referebat; quam post WILH. MOMMAM *Oeconom. temp. Lib. II. cap. IV. §. 10 sqq.* & BIERMANNVM in *Mose & Christo lib. IV. cap. II.* egregie & ex instituto declaravit cum EDZARD. ad *Tr. Avoda Sara cap. II. Not. 33. p. 234 sqq.* tum SALOM. DEYLING. *Observat. Sacr. Tom. IV. Exerc. XVI tota p. 838 sqq.* 2. Celebratio agni paschalis, ejusque comestio non erat typus Sacræ Cænæ. Hoc quidem contendit BELLARMINVS, & pro sacrificio Missæ ita argumentatur: celebratio agni paschalis figura expressa erat celebrationis Eucharistiæ; sed illa immolatio victimæ erat, Deo oblata; ergo celebratio Eucharistiæ, immolatio victimæ Deo oblata esse debet, ut figura respondeat figurato. Verum solide respondet SEB. SCHMIDIVS de *Pasch. p. 291. partim* quatuor esse terminos in argumento, cum in Majore celebratio agni paschalis pro epulo paschali, cum primis pro comestione actu, cum connexis; in Minore, pro mactatione agni, cum immediate connexis, accipiatur. Nam ratione mactationis non erat figura expressa Eucharistiæ, & ratione comestione, non est immolatio victimæ, Deo oblata: *partim* negando, quod comestio agni fuerit

fuerit typus disertus comestionis sacramentalis in Cœna. Distingue enim inter comestionis actum, & objectum. Objectum illius, agnus paschalis typus utique erat objecti Eucharistiæ,

corporis & sanguinis Christi: at non ipse actus, quorum ille corporali, hic sacramentali comestione absolvitur, adeoque toto genere differunt.

AD

## LIB. III. CAPVT V.

## DE FESTO PENTECOSTES.

Ad §. I. pag. 70.

*Vocatur Πεντηκοστή*] Tradit Auctor festi hujus I. Denominationem Græcam, cui consonat Hebraica appellatio, חג המשימים *Festum quinquaginta dierum*, a festo Paschatis numerandorum. Plures tamen apud Judæos, præeunte Scriptura Sacra, nactum fuit titulos insigniores. Vocatur enim חג השבועות *Festum septimanarum*, quia septem septimanas a die altero Paschatis, h. e. a die 16 Nisan numerabant, quæ in summam coactæ, 49 dies conficiunt, quibus exactis, die 50 hoc Festum celebrabatur. Idem dicebatur חג הקציר *Festum messis*, quia finita messe celebratum, Deoque gratiæ agebantur pro benedictione frugum terræ, Exod. XXIII, 16. Lev. XXIII, 10. Judæis Hebraizantibus passim salutatur עצרת *interdictum, detentio, convocatio*, quod vocabulum strictioris observantiæ diem indicans, cum in Lege, Levit. XXIII, 36. Numer. XXIX, 35. de festis Azymorum & Σηνοπνυγίας tantum legatur, a Magistris tamen Pentecostes Festo singulariter appropriatur, respectu Paschatis, a cujus die 2 five die 16 Nisan numerari jubentur Deuter. XVI, 9, 10. 49 dies, quarum עצרת five clausulam constituit dies 50, quæ Pentecostes est. IOSEPHVS *Antiqu. lib. III. cap. X. §. 6. ἀσπερδαν* Hebræis dici notat, explicationem statim addens, σημάδιαι δὲ τῷ Πεντηκοστήν, significat autem id nominis Pentecosten. Ceterum de hac *Azereth* nomenclatura, evolatur MEYER de festis dieb. Hebræor. cap. XIII. §. 2 sqq. &

cap. XVI. §. 15 sq. & doctissimi BERNARDI annotationis ad IOSEPHI loc. cit. edit. Haverkamp. p. 178 sq. ubi copiose de hac voce commentatur.

Ad §. II. pag. cit.

(2) *Secunda dies Paschatis*] Pergit Auctor ad II. Computationem, quam recte & commode instituit. Mandaverat quippe Deus, ut a *crastino Sabbathi*, qui erat 16 dies mensis Nisan, sibi numerarent septem Sabbatha, sive quinquaginta dies. Quintus decimus dies Nisan, erat *Sabbathum* festi Paschalis, religione Sabbathica transigendum. Die proximo 16 extante segete, demetebant manipulum hordei maturi, qui in Sanctuario coram Domino a Sacerdote agitabatur. Antequam hæc esset oblatio manipuli facta, in segetem non licuit immittere falcem, nec spicam viridem, nedum igne tostam comedere. Ab illo die sexto decimo, qui crastinus erat primi diei Paschatis, sive Sabbathi Paschalis, numerabantur septem Sabbatha, seu septem Hebdomadæ, quarum primus dies iste fuit sextus decimus. Tot septimanis instituta fuit messis, illico post manipulum agitatam, primum hordeacea, dein triticea, quæ erat expedienda, & fructus in horrea convehendi, ante illarum septem Hebdomadam finem. Ex hac dierum supputatione, laudatus MEYERVS rationem arcessit instituti, illudque sanctissimo Numini vindicatum. c. l. §. 9. postquam §. 6 sqq. contra SPENCERVM disputaverat, qui de Leg. Rit. lib. I. cap. XXVI. Sect. III.



& lib. III. cap. VIII. Sect. II. licet nullum, quod Festis tribus solennioribus Judæorum respondeat, vestigium apud profanos Scriptores reperire potuerit, aliquam tamen Gentilismi labem, ut septimanarum solennitati adspiceret, levissima certe argutatur conjectura. *Sabbatha Judæorum omnia, vel tempora solennia, numero septenario definita, ad idololatriam extirpandam apprimè fuisse accommodata.* Eoque cum primis refert *Sabbathum septimanarum, aut Festum Pentecostes, post septem a Paschate septimanas observandum.* Cui rectè opponit MEYERVS, solum Deum arbitrum esse temporum, qui adeo accurate definivit menses, septimanas & dies, Psal. LXXIV, 16. Dan. II, 21. Act. XVII, 26. Hujus itaque solius in voluntate nobis est acquiescendum.

Addimus, quam Auctor noster sicco pede præterit, III. *Feriationem* hujus solennitatis. Erat quippe Festum *יום אחד* unius diei, docentibus Magistris in Cod. *Menachoth fol. 65. col. 1.* & in *Bereschith Rabba fol. 114. col. 3.* in captivitate tamen, & regionibus extra Palæstinam, ubi de dierum computo non adeo certi erant, factum est *שני ימים* duorum dierum. Licet itaque magno cum gaudio, & cultu singulari celebraretur, non tamen, velut Pascha & Scenopegia, per 7 dies integros durabat, sed uno die, ad summum biduo, absolvebatur. Vir πολυμαθής, BERNARDVS ad IOSEPHI loc. cit. ita definit: *Unicus dies felicitas hæc fuit, quicquid Viri docti in contrarium dissertant, donec seculo altero post scriptam Mischnam, Judæamque derelictam, Computistarum Rabbanicorum suspicio, aut ignorantia biduum adseverasset. Vide Colbo fol. 58. b. c. & Menachoth fol. 65. T. Bab. & paulo post, hanc suspicatur causam fuisse translati tituli Azereth, a reliquis Festis in Pentecosten, quod unicum diem ea celebritas sumeret, cum Paschalia & Scenopegia septimanam totam, aut supra explicarent.*

Ritus autem atque Sacrificium Festi 1) novum requirebat *Pacificum*, respectu nempe habito ad illud Pacificum, quod festo Paschatis fuerat oblatum. Absolvebatur istud *duobus panibus agitationis*, ex duobus decimis unius Ephæ, de no-

vis fructibus terræ. Vnde hoc Festum quoque *Festum primitiarum*, Num. XXVIII, 26. *Festum messis* Exod. XXIII, 16. & *Festum primitiarum messis triticeæ* audit. Conf. RASCHI ad Num. cit. loc. Panes isti ad altare quidem offerebantur, & coram altari a Sacerdote agitabantur, sed, quia fermentati erant, non imponebantur altari, sed toti cedebant Sacerdoti. Quemadmodum enim primitiæ hordeaceæ messis per manipulum consecrabantur, Domino in Paschate oblatum, ante quam falcem immittere ipsis in segetem esset integrum: ita hi duo panes, confecta messe, Deo offerebantur in primitias, ut iis universa peracta messis Deo consecraretur. Etsi enim messis jam peracta erat, & frumentum in horrea collectum, nemini tamen licebat quicquam inde comedere, antequam hi duo panes agitati essent coram Domino. Ipsam תנופה seu *agitationem* factam fuisse tradit RASCHI ad Lev. XXIII, 11. elevatione ac demissione, motioneque antroriorum & retrorsum, fursum ac deorsum, confecta: antrorsum quidem & retrorsum, ad cohibendum malignos Spiritus: fursum vero ac deorsum, ad umbras terrificas prohibendas: quæ Rabbinarum inanis est superstitio. 2) Ultra statuta Neomeniæ Sacrificia, requirebatur bos juvenecus, duo arietes, septem agni, duo agni alii, cum suis pacificis & libaminibus, ac hircus demum in Propitiatorium Levit. XXIII, 18 sq. Num. XXVIII, 27 sqq. quæ omnia juxta legem rite macanda, & hinc adolenda, hinc a Sacerdotibus comedenda erant. Cerimonix autem Festi ita habebant: a. Tubarum illud clangore intimabatur & sanctificabatur, quo sic convocaretur cætus: b. Nul- lum hoc die servile aut molestum opus fieri fas erat, sed sacris solum exercitiis, & cultu publico peragebatur, æque ut Sabbathum Lev. XXIII, 21. c. Magno cum gaudio & tripudio totius populi celebrabatur, Deuter. XVI, 11. Gaudio, non carnali & mundano, sed religioso, cujus materia Deus gratus erat, quo insimul recordari debebant, se fuisse servos in Aegypto vers. 12. Etsi enim hujus rei memoriam refricabant quovis Festo Paschatis, quamdiu tamen Deus ipsos non

non deduxerat usque ad montem Sinai, ibidemque in fœdus adsciverat, ut sibi forent populus peculii, nondum videbantur habere alios legitimos dominos, præter Aegyptios. Sed fœdere illo publicato die Pentecostes, & decem verbis promulgatis, nullum Regem & Dominum amplius agnoscebant, præter unum Deum summum, quod beneficium non poterat non magnum excitare gaudium.

Ad §. IV. pag. 70.

(3) *Et oblatio eucharistica fuerunt, & signum collectæ messis* ] Pertinent ista ad IV *Causam & Finem* instituti festi. Hunc equidem MAIMONIDES in *More Nevachim P. I. cap. XLI.* legislationem fuisse causatur. Pentecoste enim ipsa dies est, qua Lex de monte Sinai data. Hinc, quia visio illa manifestati Dei, non nisi unum diem duravit, ideo & memoria ejus quotannis per unicum saltem diem celebrabatur. ABAR-BENEL autem *Comment. in Legem fol. 262. col. 3.* haud gravatim quidem largitur, quod in Festi Septimanarum die Lex sit lata, Festum tamen in ejus præcise memoriam institutum esse negat. Veram enim ejus causam esse initium messis tritici. Quemadmodum enim Festum Tabernaculorum circa finem collectionis proventuum agebatur, sic initio collectionis eorum Festum Septimanarum, ut in utroque laudes celebrarent ejus, qui panem dat omni carni. Sed quid obstat, quo minus unum finem alteri jungamus, ut primario quidem pro felici messe, terræque ubertate gratam testarentur mentem, hinc etiam ut Legis recordarentur, patribus olim hoc die latæ? Christiani certe doctores posterius hoc cum primis tenent & urgent. Ex quibus tamen duumviri Hebraice doctissimi, WOLFGANG. FRANZIVS de *Interpret. Script. Orac.* 121. & SALOM. GLASSIVS *Exeges. in Epist. Pentecost. Act. II, 1. Part. III. p. 454.* caute monent, ne quis vel in Festi Pentecostes celebratione Legem esse promulgatam, vel in recordationem promulgatæ Legis Pentecosten fuisse institutam & celebra-

ram, existimet, cum vera hujus Festi causa finalis fuerit Minchæ novæ oblatio ad celebrandum Jehovam pro beneficio sustentationis corporalis &c.

Ad §. V. & VI. pag. 70.

(4) Δευτερόπρωτον σάββατον, *Luc. VI, 1.* ] De vero difficillimæ hujus vocis, cui חַבֵּר אֵין בְּמִקְרָא non alia similis est in sacris, & quæ ἀπαξ λεγόμενη, etymo & sensu, tres præsto sunt dissertationes, IOH. FRISCHMUTHI, HENRICI MÜLLERI, & SEB. SCHMIDII, quæ & sententiarum circa illam divortium pandunt, & universum rei latifundium exhaustiunt. Primus horum, Auctori nostro adstipulatur, & *cap. II. §. 2 sqq.* interpretationem istam, quam primus indagavit & prodidit SCALIGER, perspicue declarat, ac Rabbiorum suffragiis munit. Deus quippe Lev. XXIII, 10. præcepit, ut manipulum frugum offerat populus מחרת השבת *posttridie Sabbathi*, h. e. diei primi Paschatis, quod sæpius jam fuit monitum. Ab illo vero die secundo Paschatis, quo falx, oblato manipulo, in messem mitti incipiebat Deut. XVI, 9. septem שבועות septimanæ erant numerandæ, donec Festo Septimanarum novum munus, triticeæ nempe primitiæ, offerretur. Inde factum est, ut omne tempus inter duas concatenatas illas solennitates, Paschatis & Pentecostes intercedens, memoriam illius diei secundæ Paschatis secum ferret, & Hebræi calculum ineundo illius facerent mentionem. Illud itaque Sabbathum, quod ab illo secundo die Paschatis proximum erat, δευτερόπρωτον audiebat, secundum δευτεροδευτερον, tertium δευτεροτριτον, & sic amplius. Notat ergo hæc vox, πρῶτον ἀπὸ τῆς δευτέρας τῆ πάσχα, Sabbathum primum post Omer, vel manipulum, posttridie Paschatis oblatum; quo tempore spicas in agro fuisse idoneas, quæ manibus friarentur, regionum istarum conditio neminem finit dubitare. Discedit quidem ab hac sententia BERNARDVS loco *supra cit.* sed inter varias fluctuans interpretationes, nec inveniens, ubi pedem figat.

Fff 3

Ad



Ad §. VII. pag. 71.

(5) *Differentiam inter ipsorum messem & nostram*] Hæc faciunt ad retundendam 108. MALDONATI Φλυαρίαν, qui *Comment. ad Luc. VI. 1.* fictum arbitratur, in Palæstina eo tempore, propter vehementem calorem, segetes soliras fuisse maturescere. Quia enim sub æquinoctium Sol, cum in Arietem ingreditur, vertici Palæstinorum, utpote Aequatori multo viciniorum, fere tam propinquus est, quam nobis tempore Solstitii, adeoque eis tunc calor non minor, quam nobis, ipsis diebus canicularibus, nihil causæ est, cur id confictum criminetur Jesuita. Consentit ABARBENEL, qui *Commentar. in Leg. fol. 262. col. 2.* disertè pronunciat, ita tulisse indolem terræ Israelis, cujus fructus erant præcoces, ut messis hordeorum postridie Paschatis inchoaretur. Addimus

V. Festi hujus translationem in Ecclesiam Christianam, per solennem Spiritus Sancti effusionem Act. II. ubi lex fidei egressa est e Zione, &

verbum Domini ex Hierosolymis Jes. II, 1. Inde primitiæ Spiritus effusæ sunt in Sanctos, totaque sanctificata messis. Quemadmodum etiam die XVI Nisan, qui ipse est dies resurrectionis Christi, manipulus primitiarum Domino offerebatur; in N. T. hoc ipso die docebatur, Christum primitias esse dormientium 1 Cor. XV, 20. messemque universam velut inchoasse & aperuisse sua resurrectione, ipsum ut sequeretur omnis fidelium turba &c. Confer BIERMANNVM, eosque, qui typos V. T. ex instituto interpretati sunt. Quanto autem in pretio primitiva Ecclesia hoc Festum habuerit, ex EVSEBII constare poterit testimonio, qui *lib. IV. de vita Constantini cap. LXIV.* Constantinum, ultimo hujus festivitatis die, mortalium numero exemptum memorans, eam τὴν μεγίστην ἐορτὴν τῆς δὴ πανσέλης καὶ παναγίας πεντηκοστῆς ἐβδομάσιν μὲν ἐπὶ τετμημένῃς, μονάδι τ' ἐπισφραγισομένης, maximam solennitatem vocat, veneranda & sacratissima Pentecostes: quæ septenario hebdomadum numero decorata, unitate obsignatur.

AD

## LIB. III. CAPVT VI.

## DE FESTO TABERNACVLORVM.

Ad §. I. pag. 71.

*Vocabulum Græcum - - Hebraice dicitur]*

Appellatio Festi est חג הסוכות *Festum tentorium*, structorum ex ramis frondentibus, quæ Israelitæ religionis causa, & jussu Divino, septem diebus quotannis incolebant. In N. T. vocatur Σκηνοπηγία, Joh. VII, 2. seu Tabernaculorum exstructio. Origo & ratio cum denominationis, tum festivitatis ipsius, a Deo ipso traditur Lev. XXIII, 42. Aegypto quippe egressi Israelitæ, ex Ramesses, urbe Aegypti (Genes. XLVII, 11.) Succothas pervenerunt, in vicum Aegypti vicinum, a Tabernaculis ita vocatum,

quorum istic materia fuit copiosa. Hic primum Israelitæ, ædibus carentes, opere levissimo ex arborum frondibus tentoria sibi exstruxerunt, & in illa se receperunt. Exod. XII, 37. Vocatur etiam juxta nonnullos, Exod. XXIII, 16. חג הקציר *Festum messis*, quod post omnium proventuum terræ, olivarum, vini, & frumentorum collectionem, celebraretur: etsi rectius alii ad Festum Pentecostes id nominis referant, ut *Cap. præced. §. I.* notavimus. Sed hoc nostrum alias quoque חג האסיף כצאת השנה *Festum collectionis in exitu anni*, & Exod. XXXIV, 22. חג האסיף תקופת השנה *Festum collectionis in revolutione anni* appellatur, quia in Teku-

pha, seu revolutione anni civilis, cum vetus finiret, & novus inciperet, die 15. mensis Tisri sqq. celebrabatur. Cur tamen ita dicatur, quaerit & excutit MEYERVS *de temp. sacr. & festis Hebr. P. II. cap. XVI. §. 9.* cum die decimo quinto novi anni, seu medio mense Tisri, non in fine unius, & initio alterius, fuerit celebratum, longeque convenientius dixisset Scriptura: **כראש השנה** *initio anni?* rationemque reddit, quod Tekupha seu conversio anni illud notet punctum, in quo praecise annus solaris definit, quod non est idem cum primo novilunio, seu die 1 Tisri. Demum Talmudistis **נאר' עֲשׂוֹחֵנּוּ חג** *Festum salutatur*, quia nullum apud Judaeos festum tanta cum celebritate ac hilaritate observatum fuisse tradunt. Vnde hoc inter tria illa **רגלים** *Festa anniversaria* maximo illis loco habetur, cujus summa praeter ceteris esset exultatio.

Ad §. II. pag. 71.

(2) *Quantum ad haec Tabernacula* ] Praecipuum hujus Festi requisitum erat, Tabernaculorum cum exstructio, tum per octiduum inhabitatio. a) Materia eorum erant *spathi palmarum, & rami arboris dense, & salices torrentis*, juxta legem Lev. XXIII, 40. quibus Nehem. VIII, 15. *folia olivae, & folia ligni oleagini seu refinosi, & folia myrti, & folia palmarum, & folia ligni umbrosi*, adduntur. Vbi tamen inter Tectum tentorii, ejusque Parietes caute distinguunt Magistri. Parietes quippe ex quibuscunque poterant compingi ramis, sed in Tecto construendo admodum sunt superstitiosi, distinguentes inter **סכך כשר** *tectum legitimum*, & **סכך פסול** *tectum profanum*. In Talmude Mafsech. Succa cap. I. §. 4. hanc ponunt **הכלל** *regulam generalem*: *Omni eo, quod immunditiei obnoxium, neque a terra productum est, non tegunt: rebus autem immunditiei non subjectis, & e terra provenientibus, tegere permissum est*. Hanc fuse interpretatur, simulque controversiam, quae Rabbanitis cum Karraitis hic intercedit, edisserit IOH. IAC. CRAMER, in Not. ad b. l. quas in-

tegras suo in hunc Codicem Talmudicum commentario inseruit FRIDER. BERNH. DACHS. MAIMONIDES Hile. *Succa cap. V. §. 1.* circa materiam Tabernaculorum requirit, **שנעקר מן הארץ ואין ריחו רע ואינו נושר ואינו נובל תמית** *Vt sit avulsa a terra, non male olens, nec ex ejusmodi genere, cujus folia cito solvuntur ac defluunt.* β) Structura eorum, nulla quidem lege divina, aut Magistrorum male sedula cura restringitur, & definitur, quod ultra viginti cubitos non assurgere, nec infra X palmos deprimi, quod non intra domum, neque sub arbore frondosa, sed sub dio erigi, tectumque ita construi debuerit, ut non nimis compactum vel crassum, pluviis, radiisque solaribus liberum permittat transitum; ut cap. I. & II. Cod. Succa praecipitur. Quae eo spectabant, ut testarentur, se, posthabitis iis omnibus, in quibus alias homo fiduciam suam collocare solet, puta domo valida, omnibusque ad vitam necessariis bene prospecta, in pauperculum nunc commigrare rugurium, sola protectione atque sustentatione Divina fretos, ac proinde eandem cum piis olim patribus, absque omni sede fixa in deserto palantibus, fidem profiteri. Quae Rabbiorum testimoniis confirmat laudatus DACHS in Cod. Succa p. 527. γ) Incolatum in his tentoriis ita paucis complectitur MAIMONID. in Hile. Succa cap. V. §. 5. *Praeceptum de incolendo Tabernaculo quid exigit? ut quis edat, bibat, ac commoretur in Tabernaculo per integrum septiduum, die nocteque, eo plane modo, quo domi suae ceteris anni diebus facere consuevit. Per integrum itaque septiduum homo domum suam non nisi pro sede accidentaria, Tabernaculum vero pro fixa habeat oportet, quia dicitur: in Tabernaculis commorabimini septem diebus, Lev. XXIII, 42.* Hoc fine suppellectile omnis generis, vasaque pulchra Tabernaculo inferunt Judaei; ne quid tamen nimis hac parte fiat, R. ISAAC BEN ARAMA in Comment. in Legem f. 198. col. 2. cavit: *Vulgo in Tabernaculum nil transferunt praeter lectum, mensam, scamnum atque candelabrum: id quod miram nobis suppeditat admonitionem, ne scilicet ho-*



mo nimirum studeat ad augendis opibus suis. Sufficere enim ei possessionem rerum maxime necessariorum tantum, per totum illud tempus, quo in hujus mundi vestibulo, quod non nisi habitaculum accidentarium est, degit &c. Nec otio vel luxu diffluendum ipsis erat in Tabernaculis, sed in Legis studio, seriaeque beneficiorum Divinorum meditatione tempus collocandum. Tria cum primis pietatis exercitia in tentoriis erant peragenda: 1. gratiarum actio, pro coniectis frugibus, 2. commemoratio beneficiorum, quæ in deserto, populo Israelitico contulerat Deus, 3. admonitio conditionis humanæ, quod in terris peregrini fumus, patriam in cælis habituri manentem. δ) Duratio hujus solennitatis septem dierum ambitum continetur. Hinc die septimo, prandio finito, supellestilia convalescere, atque in domum denuo referre Judæi incipiunt: & licet tentorium non penitus dissolvant, deserunt tamen, minuunt & spoliunt, ut majori cum lætitia novum Festum, שמיני עצרת dictum Lev. XXIII, 36. Num. XXIX, 35. excipiant. Nam שמיני רגל בפני עצמו *dies octavus Festum singulare est*, definiunt in Gem. Babyl. *Succa fol. 48. col. 1.* Et si nihil dubitat DACHS *cit. loc. p. 530.* hunc diem pro clausula festi Tabernaculorum accipere, unde nomen עצרת / quod LXX eleganter ἑξόδιον vertunt, adeptus est, quia Festum, eo usque deductum, coercet & claudit. Eandem Auctor noster sententiam tenet *infra §. IX.* Confer Vener. DEYLINGII *Observat. Miscellan. Exercit. XX. pag. 877.* maxime §. II. & III. ubi octoemeron hujus Festi tuetur, vocab. עצרת illustrat, locum autem Joh. VII, 37 sq. ex instituto exponit.

Ad §. IV. pag. 71.

(3) *Ramorum fasciculum tulerit*] Iste ramorum fasciculus לולב Lulabb dicitur, de quo, ut & de malo citreo, copiose præcipit Mischna *Mas. Succa cap. III.* ELIAS LEVIT. in השבי b. v. exponit per surculos supremos, qui sunt in capite arboris Palme; & in voce Hoschaana: fa-

sciculi salicum torrentis, quos tollunt in festo Tabernaculorum, vocantur הושענות Hoschuanoth, eo quod clamant super ipsis הושענה i. e. הושיענה saluum fac, obsecro. Solent autem ita duas dictiones componere, brevitatis causa, dicendo הושענה. Nimirum fasciculum ex ramis palmæ, myrti, & salicis, quisque sibi parabat, colligatumque funiculis aureis & argenteis, vel aliis vittis, toto festo manibus gestabat. Huic addebat אתרוג pomum Assyrium; id enim per פרי עץ הדר fructum arboris decore Levitic. XXIII, 40. intelligunt. Fasciculum dextra, pomum sinistra, olim Templo superstitere, per integrum Festi sepiduum gestabant, & hodiernum in illius memoriam gestant. Cum primis autem Lulabh quassabant, ad omnes quatuor mundi plagas, nec non sursum & deorsum ter propellentes, ac iterum reducentes, & quotidie altare, frondibus coronatum salignis, ramosque versus id porrigentes, semel circumire solebant, identidem ingeminantes Psalmi CXVIII, comma 25. אנה יי הושיענה נא / אנה יי הצליחה נא septimoque die septies id faciebant, in memoriam captæ Jerichuntis, ut est in Gem. Hieros. *Succa fol. 54. col. 3. hal. 3.* Quotidie, cum abibant, dicere solebant לך מזבח יופי רך מזבח יופי pulchritudo tibi, o altare, pulchritudo &c. Quia vero die septimo vox illa Hoschianna toties audiebatur, inde dies ipse הושענה רבא Hosanna magnum vocabatur: quod Auctor noster monet §. 10. Eumque notari censent Interpretes Joh. VII, 37. per μεγάλην τῆς ἑορτῆς. Solennem hanc diei septimi festivitatem data opera, & copiose exponit SVRENHVSIVS in βίβλῳ καταλλαγῆς *ad cit. loc. Joh. p. 353 sqq.* Quanta autem mysteria in Lulabh venari soleant Judæi, ipsorum testimoniis exponit DACHS *ad Cod. Succa cap. III. §. 8. not. 1. & p. 537.* Denique in verbis Matthæi XXI, 9. ab Auctore excitatis, verbum ὡσαννά adverbialiscere, idemque valere, quod in Romanorum acclamandi formulis: *Felicitate!* censet CRAMERVS apud DACHS *inc. III. Succa §. 9. not. 3. p. 251.* nominis vero Substantivi rationem inducere, existimat DACHS *cap. IV. §. V.*

§. V. Not. 5. p. 332. Adagialiter ab exultante turba accipi, facile largimur, ita tamen, ut Psalmi verba in Christo impleta testaretur, & hoc sibi vellet: Accinimus hymnum Hosanna filio Davidis, eique cultum hujus festi venerabundi consecramus. Confer etiam, si placet, CAROLI MARIAE DE VEIL *Explicat. literal. Matth. ad cap. XXI, 8, 9. itemque Marci ad cap. XI, 8.* ubi & verborum hymni interpretationem reddit, & morem veterum confert, quo, arborum frondes gestantes, hospitem peregre adventantem excepisse docet. Quomodo autem trina Lulabhi agitatio in formam crucis, typum crucis Christi gesserit, exponit EDZARD. *ad Avoda Sara c. II. p. 247 sq.* Quando denique Christianorum Festum Palmarum, Syris Festum Hosannarum appellatum, in Orientali Ecclesia institutum sit, scilicet circa A. C. 500, disputat, & evincit ASSEMAN. *T. I. Biblioth. Orient. p. 23 sq.*

Ad §. V. pag. 72.

(4) *PLUTARCHVS illudens Judæis*] Juvat audire PLUTARCHVM, cum ad eum viri docti certatim hic provocent, unus hanc, alteram ille, particulam decerpentes. Ita autem ille Συμποσιακῶν *Lib. IV. Probl. 5. Tom. II. Opp. pag. 671.* τῆς μεγίστης καὶ τελειοτάτης ἐορτῆς παρ' αὐτοῖς (τοῖς Ἰουδαίοις) ὁ καιρὸς ἐστὶ καὶ ὁ τρόπος Διονύσιου προσήκων· τὴν γὰρ λεγομένην Νηστειὰν ἀκμαζόντι τρυγητῶ τραπέζας τε προτίθενται παντοδαπῆς ὀπάρας, ὑπὸ σκηναῖς, καὶ καθιδιάσιν ἐκ κλημάτων μάλιστα καὶ κιττῶ διαπεπλεγμέναις, καὶ τὴν προτέραν τῆς ἐορτῆς σκηνὴν ὀνομάζουσιν· ὀλίγαις δὲ ὑπερὸν ἡμέραις ἄλλην ἐορτὴν ἐκ ἀνινυμάτων, ἀλλὰ ἀντικεῖς βιάχῃ καλυμέναν τελῶσιν· ἐστὶ δὲ καὶ κραδηροφορία τις ἐορτὴ, καὶ θυρσοφορία παρ' αὐτοῖς, ἐν ᾗ θυρσοὺς ἔχοντες εἰς τὸ ἱερὸν εἰσίσσιν· εἰσελθόντες δὲ ὁ, τι δρῶσιν, ἐκ ἴσμεν· εἰκὸς δὲ βακχεῖαν εἶναι τὰ ποιούμενα καὶ γὰρ σάλπιγγι μικραῖς, ὥσπερ ἀργεῖσι τοῖς Διονυσίοις, ἀνακαλόμενοι τὸν θεόν, χερῶνται· καὶ κιθαρίζοντες ἕτεροι προσίσσιν, ὅς αὐτοὶ λεῦϊτας προσονομάζουσιν, εἴτε παρὰ τὸν Λύσιον, εἴτε μάλ-

λον παρὰ τὸν ἔνιον τῆς ἐπικλησεως γεγεννημένης. Quæ GVILIELM. XYLANDER ita vertit: *Maxime & perfectissime Judæorum solennitatis & tempus, & modus, cum Bacchi Sacris congruit. Quod enim ipsi vocant Jejuniū, id sic celebrant, ut maxime fervente vindemia proponant mensas, in quibus exposita sint omnis generis fruges: & sub Tabernaculis desident, potissimum e palmitibus & edera quæ contexuntur, & diem, quæ Festum antecedit, Tabernaculariam nominant. Paucis vero post diebus, aliam festivitatem non obscure, sed omnino aperte Baccho nuncupatam celebrant. Est etiam solenne apud eos festum Gradephoria, a palmitibus gestandis, & Thyrsophoria, ubi thyrsos gestantes in Templum intrant. Quid intus faciant, ignoro: credibile est, Bacchi ab iis sacra peragi. Nam & tubis exiguis, sicut Argiui Bacchanalibus utuntur, ad evocationem Numinis: & alii progrediuntur citharis ludentes, quos ipsi Levitas appellant, sive a Lysio, sive ab Euio (utraque vox Baccho congruit) ita dictos. Quam crassa Judæorum rituum & sacrorum ignorantia, vel doctissimi Gentilium laborent, hoc documento discas. Quot enim fere lineas hic legis, tot errores. Et 1) quidem recte, & ex vero, maximam & perfectissimam hanc Judæorum solennitatem dicit, sed graviter hallucinatur, eam cum in Bacchum intorquere nititur: 2) Nunquam vel Jejuniū vocant, vel in Festo Tabernaculorum celebrant Judæi, cum laute potius vivant: 3) In contexendis tentoriis, palmitibus hederam admiscet, quæ omnino ab iis exulabat: 4) Diem, quæ Festum antecedit, Σκηνὴν h. e. Πικνὸν appellari tradit, cum universum potius Festi septiduum hoc nomine veniret: 5) Θυρσοφορίαν, post Tabernaculi festum, in aliam rejicit solennitatem, quæ toto tamen festo, ejusque die cumprimis ultimo, rerum potiebatur: 6) Quæ de tubis & citharis nugatur, a solenni & splendida Judæorum Musica longe superantur: 7) Quid quæso, demum, absurde magis excogitari poterat, quam nominis Levitarum originitio? Adeo, vir cetera doctissimus, quadrata miscet rotundis, nec habet, vel ubi pedem figat, vel unde Bac-*



chi commento colorem conciliat; ut quantum, in Antiquitatibus Judæorum enarrandis, Gentilium tribuendum sit testimoniis, liquido hinc intelligatur. Hunc, eique connexum alium, de Sabbatho errorem PLUTARCHI, atro carbone notat, nec tamen confutat, sed indicasse satis habet, Vix summus PETRVS CVNAEVS de Republ. Hebr. lib. II. cap. XXIV. in fine.

Ad §. VI. pag. 72.

(5) *Vocatum est Dies Palmarum*] Diem Festi ultimum & maxime solennem, *Hosanna* magnum dictum fuisse, monui supra Not. 3. & Auctor inculcavit infra §. 10. Eundem autem etiam עֲרֵבִים חַג festum palmarum seu salicum potius Judæis audivisse, mallem testimonio Rabbini demonstrasset Auctor, quam HOSPINIANI & MUNSTERI. Hanc etenim Festi appellationem, apud ipsos non meminisse me legisse. Ex καλο-ζήλια vero quadam, Ecclesiam sequioris ævi Romanam, hac parte Judæos imitam fuisse, cum appellatione *Dominicæ in ramis palmarum*, tum palmarum consecratione, dubium adhuc est. De Dominica ista, laudatum evolve HOSPINI-ANVM de Festis Christian. p. 72 sq. consecrandi autem ritum docet BARTHOL. GAVANTVS in Thef. Sacror. rituum p. 220 sqq. Mavult tamen IOH. ANDR. SCHMID. in Hist. Festorum & Dominicor. p. 113. Christianam hujus Dominicæ appellationem a frondibus palmarum & olivarum derivare, quas nempe Christo, Hierosolymas ingredienti Matth. XXI. populus in via sternebat. Sed & in Ecclesia Græca, hanc Dominicam ἐορτήν τῶν βαίων Festum ramorum, ἡμέραν τῆς βαϊφύας Diem gestationis ramorum, & sine addito alio βαϊφύ-εον, ramiferam, vel palmiferam salutarī, quia populus magnæ pompæ apparatu, ramis olivarum, palmisque, in cruces ac alias formas confectis, in ramis appensis, diem Dominicum celebrat, LEO ALLATIVS Dissert. de Dominic. & Hebdomad. recentior. Græcor. §. 20. idoneis comprobat documentis.

Ad §. VII. pag. cit.

(6) *Ad rationes hujus festi*] Vtramque Festi Tabernaculorum rationem, ad lætitiā & eucharistiā refert MAIMONID. in More Nevochim P. III. cap. 43. quo Festorum causas exponit: 1) quod exire jubeantur ex ædibus suis, ad habitandum in Tabernaculis, eremitarum more, qui cum magno dolore & molestia in desertis commorantur, id non ad nudam tendere recordationem miseræ conditionis majorum in deserto, per Lev. XXIII, 43. sed & ad gratam celebrationem, quod posterī, Terram Sanctam inhabitantes, ab ista conditione translati sint, ad habitandum in domibus pictis, in loco optimo ac pinguisimo totius terræ: 2) quod post collectas fruges celebrent, id per Exod. XXIII, 16. eo spectare, quia tum requies tibi est, & respiratio a tuis negotiis; quod etiam ex ARISTOTELIS lib. VIII. Ethic. cap. 9. illustrat, exemplo Gentilium, qui sacrificia solennia, cætusque & conventus publicos habuisse perhibentur post collectionem fructuum & proventuum, quasi essent sacrificia pro respiratione facta. Paulo aliter inflectit ABARBENEL Comment. in Legem fol. 266. col. 2. duplex huc accommodans Festi præceptum, alterum de tentoriis inhabitandis, in memoriam præteriti beneficii per Lev. XXIII, 42. alterum de Lulabh propter præsens beneficium singulis annis, רָל לַת שִׁכְחָה וְהוֹדָאָה אֵלֶיךָ עַל אֲסִיפַת הַתְּבוּאוֹת כּוֹסֵן הָהוּא הֵיוּ נִאֲסָפוֹת מִן הַשִּׁירָה: i. e. tribuendam esse Deo laudem & confessionem propter collectionem proventuum, qui hoc tempore convecti erant ex agro. Plus æquo autem ingenio suo indulget LIGHTFOOTVS, quando in Harmon. IV Evangel. in Luc. III, 21. Tom. I. Opp. fol. 341. primariam originis ac instituti hujus Festi rationem hanc edisserit. Cum Moses diuturno jejuniō atque precatione Deum, propter fabricatum vitulum, iratum placaverat, & quas confregerat ipse, Legis tabulas denuo instauratas acceperat, una cum auctoritate, Tabernaculi de novo erigendi, propter istud peccatum aliquandiu impediti, deci-

mo mensis Tisri, i. e. ex nostro computo, 22 vel 23 Septembris, a monte descendens, latus de pacato Numine, & recuperato ejus favore apportat nuncium; qui deinde dies, in perpetuam reconciliationis atque expiationis memoriam, solennis habebatur. Populus autem, cum jam intelligeret, figendum esse Tabernaculum, Dei inter eos habitantis sedem, nec inde, scilicet a monte Sine, abeundum esse, donec istud opus absolutum esset; castra ponere, & tentoriis adversus adventantem hyemem se munire inceperunt, atque opus lati aggrediuntur. Atque hæc erat solennitatis origo. Cui vellem, LIGHTFOOTVS fidem, vel saltem umbram ex Scriptura conciliasset, quæ ne verbo quidem hujus rationis meminit, vel ortus. Licet vero hodie extra terram promissam dispersi agant Judæi, cum tamen adhuc Festi finem observant, ut pro frugibus terræ, victu & amictu, tam quoque pro securis habitationibus, humillimas Numini Supremo decernant grates.

Ad §. VIII. pag. 72.

(7) *Sacrificia præscripta sunt Num. XXIX, 13, 14*] Vix alia totius anni festivitas tanto celebratur sacrificiorum numero, qui integro septiduo, una cum quotidianis, ultra 200 excurrit. Primo die offerebantur, præter quotidiana, 13 juveni, 14 agni, arietes 2, & hircus unus, quorum numerus idem per integrum septiduum manebat, excepto, quod juvencorum numerus, uno quotidie minueretur, ita ut in universum 70 existerent juveni. Oblationis autem victimarum istarum eum constituerant ordinem, ut unaquæque ex XXIV classibus Sacerdotum, in Festo tum ministrantibus, suas in victimis partes haberent, quem prolixè descriptum lege Tr. *Succa cap. V. Mischna 6.* & apud MAIMONID. *Hilc. Temid. Vmusaph. cap. X. §. 12.* Præter ista sacrificia, magno numero alia adducebantur a populo, quæ עֲוֹנוֹת *Holocausta comparitionis* audiebant. Juxta legem enim Exod. XXIII, 15. & Deut. XVI, 16. רִיקָם *vacuis* Deum adire non licebat, sed quilibet juxta donum ma-

nus sue, & benedictionem, qua Deus ipsi benedixerat, secum afferre debebat holocausta quadrupedum vel avium, & qui id facere neglexerat, non saltem transgressionis præcepti affirmativi, sed & negativi, reus censebatur, juxta MAIMONID. *Hilc. Chagiga cap. I. §. 1.* Præterea septem illis diebus libari solebat aqua super altare, ita quidem, ut cum libamine vini, ad jube sacrificium matutinum pertinentis, illa aqua super altare effunderetur. Libabatur autem aqua ad cornu altaris australe occidentale, supra ambitum altaris medium, ut descenderet usque ad illa foramina, hunc in finem in illo cornu fabricata. Nam ampulla aurea, continens tres logos, replebatur aqua ex amne Siloah, quæ si per Portam aquarum afferretur, instabant rubas, sono plano, fracto, & iterum plano; deinde ascendebat Sacerdos altare, respiciendo ad sinistram, & effundebat aquam elata manu ex ampulla in cyathum, vel tubum argenteum occidentale (nam rubus orientalis erat pro libamine vini) ut aqua ad pavementum altaris per istum tubum descenderet, & sic ulterius in torrentem Kidron derivaretur. De quibus omnibus MAIMONID. præcipit citat. *Hilc. Temid. Vmusaph. cap. X §. 3 sqq.* Sigillatim autem, de libatione aquæ in Festo Tabernaculorum, a Judeis Rabbinitis sub Templo secundo demum introducta, erudita dissertatione Vir summus, CONRAD. IKENIVS, in *Symb. literar. Bremens. Tom. I. P. II. p. 160.* curate omnia complexus est, quæ memoratu digna in Judæorum & Christianorum scriptis sparsim leguntur. Accedebat Musica, a Levitis, dum offerrentur victimæ, suavissime decantata: & singulis septidui diebus psalmi erant proprii dicati: secundo quippe Ps. XXIX. tertio Ps. L. quarto Ps. XCIV, 16. quinto *ibid.* v. 8. sexto Ps. LXXXI, 7. septimo Ps. LXXXII, 5. Quin etiam post oblationem sacrificii vespertini, solebant singulis diebus, usque in feram noctem, tibiis canere, citharis, nabliis, & cymbalis, & saltare atque canere assa voce, quam lætitiarum celebrabant præcipui sapientes, Synedrii Assessores, Seniores & pii alii, spectantibus mulieribus,



bus, & viris, qui sedebant in peculiaribus ambulacris in Atrio mulierum, hunc in finem fabricatis. MAIMONID. Hile. *Lulabb cap. VIII.* §. 12 *sqq.*

Ad §. VIII. pag. 72.

(8) *Juxta numerum LXX nationum*] Nimirum LXX nationes, totidemque linguas, in universo orbe dari, ex Gen. X. conficiunt Judæi, unde quoque de Candidatis in Synedrium cooprandis requisiverunt, ut sint *יורעים בשבעים לשון* שלא תהא סנהדרין שומעת מפי המתור גמן; *periti LXX linguarum, ne opus habeat Synedrium audire ex ore interpretis*, ut R. MOSES MIKOZI habet in *Sepher Mizvoth Gadol præc. affirm. XCVII.* Huc ergo respici LXX hujus Festi juvenicis, contendit Gemara Babylon. Cod. *Succa fol. 55. col. 2.* eorundemque quotidiana diminutione; quam tamen R. ISAAC BEN ARAMA in *Akedath Jizchak fol. 198. col. 4.* ad diminutionem sæcularium negotiorum apud unumquemque hominem refert, donec in uno Deo suaviter acquiescat, atque sic vitæ sæculi futuri particeps evadat. Contra vero HENRIC. AINSWORTH *Annotat. ad Num. XXIX, 17, & 36.* sensum diminutionis istius mysticum in eo ponit, ut quotidie decrescant in peccatis; tum quoque, ut paulatim animi ipsorum a Leviticis sacrificiis avocarentur, & offerre semet ipsos hostiam Deo acceptabilem discerent Rom. XII, 1. Hinc Christum quoque, die Festi ultimo, populum a carnalibus ejusmodi observationibus avocatum, ad se arcessivisse unum Joh. VII, 38, 39. Quod superest, de LXX populis terræ, & LXX linguis, totidemque Angelis, qui singulis gentibus præfecti sint, conferri meretur BOCHART. in *Phaleg lib. I. cap. XV.* edit. Francof. p. 60 *sqq.*

Ad §. IX. pag. eand.

(9) *Peculiare quidem festum fuit*] De die octavo supra jam diximus *Annotat. (2).* Nimirum Festum Tabernaculorum, quod die 15 mensis cæpit, die 21 mensis, qui septimus erat Festi,

& Hofanna Rabba dicebatur, finiit. Dies 22 Azereth dicebatur, Lev. XXIII, 36. quod tamen nomen diei septimo Paschæ pariter tributum Deut. XVI, 8. legitur. Et in nominis quidem *עצרת* vim ac notionem; eum cura inquiri MEYERVS de *Tempor. sacris & Festis cap. XVI.* §. 15, 16, 17. nec hæsitat, octavum festi Tabernaculorum diem eo insignire. Pariter DACHS in *Succa* supra citatus; nec Judæi, licet eum peculiare constituent Festum, sive cultum peculiarem, sive scopum ac finem proprium, allegare de hoc die possunt: nisi hoc urgeant, die 22 Tifri primitias fructuum ferotinorum adductas, & gratias pro iis Deo fuisse actas, qui communis tamen totius Festi scopus erat. IVL. BARTOLOCCIUS tamen *Biblioth. Rabb. P. H. p. 431.* peculiare hoc constituit *Festum collectæ, in quo colligebantur pecunie pro sacrificiis.* Et si paulo post p. 692 *sqq.* ubi ex instituto de hoc septimo die agit, eum nullibi in Scriptura *הוא festum salutare* observat. Quando vero Auctor §. X. diem octavum *Hofanna Rabba* appellatum perhibet, rationes turbat, conferens in octavum, quæ septimo solum diei competeabat, nomenclaturam.

Ad §. XI. pag. 73.

(10) *Vltimam sectionem Pentateuchi, incipiuntque primam*] Novum hoc Festum erat *הוא festum gaudii legis* nuncupatum: alias quoque *ברכה* dictum, quia eo die caput penultimum Deuteronomii, benedictionem populi Mosaicam complexum, in Synagoga legitur. BVXTORF. in *Synag. Jud. cap. 27.* ita de eo tradit: *De hoc Festo nihil in Lege habetur, sed a Rabbini institutum est, ut de Dei benignitate latarentur, qui illos iterum per annum unum in lege studere, & exerceri permiserit, legisque lectionem & expositionem hoc die absolvi, quæ est ejus miseratio, concesserit.* In quem autem ingruat diem, octavumne, vel nonum Scenopægorum, anceps inter eruditos & dubia est quaestio. Pro octavo, cum Auctore nostro, calculum fert LVDQV. DE DIEV in *Joh. VII, 37. &*

LEYDEKKERVS *lib. IX. de Republ. Hebr. cap. VII. p. 564. b.* pro nono BVXTORFIVS laudato loco, cui nos adstipulati sumus in *Crit. Sacr. P. I. cap. IV. §. 4. p. 144.* Dies quippe 23 mensis Tisri auspiciū dabat anniversariæ lectioni a Gen. I. festusque habebatur, שמחת תורה dictus. LVNDIVS *lib. V. Antiqu. Jud. cap. 27. §. 18.* utramque ita conciliare nititur sententiam, ut Templo & Sacerdotio superstitē, solennitatem istam octavo die observatam censeat, nonoque libertatem revertendi domum exteris factam, quia plures, præter octo, festivitatis hujus dies solennes Scriptura ignorat: ex Rabbīnorum vero scito, sequioribus temporibus lætitiā illam in nonum translatam fuisse diem. Verum nonum diem omnino Scriptura ignorat, qui non ejusdem, sed Magistrorum auctoritate Festis est adscriptus, ut ex ejus silentio nullum pro octavo die depromi possit argumentum. In *Beth Joseph* quidem *cap. 669.* vetustissima Festi origo ex I Reg. III, 15. arcessitur, sed fide perquam dubia. BAROLOCCIUS paulo ante laudatus *p. 694.* (ubi pariter in d. 23 mensis Tisri hoc festum figit) h. l. ita declarat: velut Salomo venit Hierosolymam, stetit coram arca, obtulit holocausta, & fecit convivium universis famulis suis, ita Judæos, postquam hoc die coram armario constituerunt in Synagoga, preces recitarunt, lectionem legis, lecta Parascha ברכות compleverunt, officia per insequentem annum exercenda sub hasta vendiderunt, & domum repeterunt, parato ibi convivio, splendide epulari. Alii ritus istius vestigia deprehendere sibi videntur Neh. VIII, 9. & IX, 1 sqq. Cum enim primo Tabernaculorum die populus fletet ob Moabitidas, quas uxores duxerant, Nehemias & Esdras lugere vetuerunt, luctumque in 24 diem mensis, qui decimus a principio festi Tabernaculorum erat, distulerunt, ut die 23 h. e. nono Festi, *Latitiam Legis* celebrarent. Sed iterum Legis Lætitiā pridie illos celebrasse supponitur, apud Nehemiam non affirmatur. Quando porro BVXTORFIVS eos, ultimam cum prima legis sectionem combinasse, præ-

euntibus Rabbīnis tradit, ad retundendam Diaboli calumniam; in eo inusitati nihil egisse videntur, cum VITRINGA *lib. III. Part. II. c. VIII. de Synagoga vet. p. 967.* ex MAIMONIDE, aliisque doceat, Judæos sectionem unius cujusque Sabbathi, cum sectione sequentis Sabbathi ita conjungere consuevisse, ut horis matutinis sectio illius Sabbathi absolveretur, vespertinis autem initium caperetur sectionis sequentis Sabbathi, & sic pariter diebus Lunæ & Jovis: sequenti autem Sabbatho lectio illa a capite repeteretur & integra absolveretur. Tempore tamen hæc diverforum textuum lectio differebat, quod in Festo Lætitiæ Legis, illa eodem tempore matutino continuaretur, quæ ceteris Sabbathis matutino & vespertino determinabatur conventu. In legendi autem ordine; R. BENIAMIN TVDELENSIS in *Itinerar.* edit. l'Empereur *p. 114 sq.* in Aegypto disparitatem se deprehendisse testatur, ita ut Judæi Babylonii in sua Synagoga legem singulis annis absolvant, eundem cum Europæis Judæis ordinem servantes, at in Israeli-tica terra nati, singulas sectiones in tres tractatus discescentes, legem triennio demum ad finem perducant. Quomodo demum hoc die, officia ecclesiastica, ea cum primis, quæ ad legis lectionem pertinent, renoventur, & publica auctionis lege vendantur, pecunia vero inde collecta in scholæ, sartæ testæ servandæ, pauperumque usus convertatur, copiose exponit laudatus BVXTORFIVS *cit. loc.*

Ad §. XII. pag. 73.

(II) *Magna cum sollemnitate & lætitiā, aque abundantiam ex torrente Siloah* } Festum hoc erat lætitiæ, qua omnia reliqua festa longe superabat. Ita diserte MAIMONID. in *Hilc. Lu-labb cap. VIII. §. 12.* אָעפֿי שכל המועדות מצוה לשמוח בהן בחג הסוכות היתה במקדש יום שמחה יתירה שנ' ושמחתם לפני ה' אלהיכם שבעת ימים: *Quonquam præceptum sit de omnibus festis, ut in iis lætemur, attamen in festo Tabernaculorum, templo stante, tempus fuit abundantioris*



tioris letitia, q. d. (Lev. XXIII, 40.) & letabimini coram Domino Deo vestro septem diebus. Unde Nehem. VIII, 9 sq. Nehemias & Esdras populum, omni verborum apparatu, ad gaudium excitant. Rationem effusioris hujus hilaritatis reddit R. ABRAHAM SEBA in *Tzeror Hammor* fol. 139. col. 1. quia paulo ante, in die Expiationis, remissionem omnium peccatorum suorum consecuti fuerant. Hanc autem letitiam suam in Templo haud uno in apicem ponebant documento: I. Epulis ex sacrificiorum Eucharisticorum carnibus paratis, quas læto convivio hilares coram Domino consumebant, juxta Deuter. XXVII, 7. II. Decantatione solenni Hymni *Hallel*, Psalmos sex, a CXIII ad CXVIII complexi, de quo supra diximus. Memorabile autem est, Judæos, teste Gemara *Pesach* fol. 118. col. 1. ob argumenti dignitatem, maximi eum facere, quia summorum beneficiorum memoriam refricant: 1) exitus ex Aegypto, Psal. CXIV, 1, 2. 2) scissionis maris rubri, *ibid.* vers. 3. 3) legislationis, *ibid.* vers. 6. 4) mortuorum resurrectionis, Psal. CXVI, 9. 5) dolorum Messiae, Psal. CXV. III. Gestatione & agitatione fasciculi *Lulabh*, de qua supra: IV. Libationis aquarum; *מיין נישן* dictæ, de qua pariter supra Not. 7. dictum, juxta illa, quæ de ea in *Mischna Succa* cap. IV. §. 9. & apud MAIMONIDEM in *Hilc. Temid. Vmufaph. cap. X. §. 7.* traduntur. Eaque cerimonia, vel ad petendam a Deo pluviam, pro fecunditate telluris necessariam, quia hoc festo Deum circa pluvias totius anni decernere statuunt, juxta R. LEVI BEN GERSOM ad 2 Sam. XXIII, 16. vel potius, ad obtinendam Spiritus Sancti effusionem, per Jes. XII, 3. tanta cum religione observabatur, ut diserte Talmud Hierosol. perhibet in *Succa* fol. 55. col. 1. hal. 1. V. Tripudio & saltatione procerum, spectante omni populo peracta, quam a MAIMONIDE in *Hilc. Lulabh. cap. VIII. §. 12 sqq.* ex instituto descriptam, Latine solum dabimus, unde constat, quibus Scripturæ fundamentis eam suffulciant: *Vespere primi diei festi parabant locum in Sanctuario, pro mulieribus superius, & pro viris infe-*

rius, ne hi miscerentur cum illis; & incipiebant letari ab exitu diei festi primi, & prosequiebantur omnibus profestis diebus per integrum septiduum. Incipiebant post iuge sacrificium, quod fiebat inter duas vespertas, letabantur diu nocturne. §. 13. Quomodo autem peragebatur hæc letitia? tympanum pulsabant, cythara caneant, Nabliis quoque, & Tintinnabulis personabant. Unusquisque secundum artem, qua pollebat, vel pulsu, vel flatu, Musica instrumenta tractabat. Subsiliebant, plaudebant manibus, complodebant, saltabant; quilibet, prout sciebat, saltabat, & cantica atque laudes caneant. Hæc autem letitia Sabbatum non propellebat, aut etiam diem festum. §. 14. Præceptum erat exercere hanc letitiam, ad quam non admittebantur plebei, aut alii sine delectu, sed Magnates, Sapientes, Academicarum Rectores, Synedrii Assessores, viri pii, Seniores, & factores bonorum operum. Isti subsiliebant, complodebant, instrumenta Musica tractabant, & letabantur in Sanctuario, in diebus profestis Tabernaculorum. Verum toti populo, viris & mulieribus, permissum erat visu frui hac letitia, eamque audire. §. 15. Quoniam letitia, qua homo letatur, dum præceptum adimplet ob Dei amorem, qui præcepit illud, servitus magna est, & omnis, qui prohibet seipsum ab hac letitia, dignus est ut ea defraudetur, q. d. (Deut. XXVIII, 47.) pro eo, quod non servisti Domino Deo tuo in letitia, & in bonitate cordis. Et omnis, qui offert mentem suam, & attribuit gloriam sibi ipsi, & gloriosus est in oculis suis, in locis istis peccator & stultus est. Et super hoc admonet Salomon, & dicit (Prov. XXV, 6.) ne decorum ostendas te coram Rege. §. 16. Et omnis, qui humiliat seipsum, & in istis locis vile reddit corpus suum, iste est magnus, honorabilis, inserviens præ amore. Sic enim dicit Rex David (2 Samuel. VI, 22.) vilior sum amplius præ hoc, & ero humilis in oculis meis. Neque ulla est magnificentia & gloria, nisi coram Domino letari, q. d. (2 Sam. VI, 16.) & Rex David viriliter agebat, & saltabat coram Domino &c. Hinc tantum abest, ut vitio daretur viris gravibus, ut potius, quo elegantius quis saltaret,

aret, eo id magis ei ad laudem valeret: unde certus quidam templi Præfectus, R. Gamaliel a Judæis hoc nomine valde celebratur, quod scite præ ceteris saltare, & inter saltandum, nescio quid de terra levare & tollere, calleret. Hinc autem promanavit decantatum istud inter Judæos dictionum: **מי שלא ראה שמחת בית השואבה לא ראה שמחה מימיו** *qui nunquam vidit gaudium domus haustionis, non vidit unquam gaudium omnibus diebus vite sue.* Hoc enim solenni nomine, **שמחת בית השואבה** *letitia ob haustionem aquæ*, infanum fere tripudium istud veniebat.

Ad §. XIII. pag. 73.

(12) *Jerobeam*] Novum hoc, & profanum Jerobeam institutum, indicat Scriptura 1 Reg. XII, 32, 33. ubi consule Commentarios. Excelentiori autem & longe sanctiori hoc Festum condecoratum foret *αὐχμηατὶ*, si valide demonstrare ac evincere posset, quod hariolatur LIGHTFOOTVS Tom. I. Opp. p. 246 sqq. Festo Tabernaculorum & natum fuisse Christum Servatorem, & posthæc baptizatum. Verum hanc controversiam discusserunt, qui cum SAL. VAN TIL, de Natali Christi commentati sunt.

AD

### LIB. III. CAPVT VII.

## DE FESTO BVCCINARVM ET NOVLVNIO RVM.

Ad §. I. pag. 73.

*Possit vocari dies novi anni*] Redeunt huc, quæ supra jam monuimus *ad Cap. I. hujus Libri §. ult. Annot. (15).* Geminum Judæis putabatur Anni initium, ita ut cum mense Tisri annus Civilis, cum mense Nisan, Ecclesiasticus, inciperet. Neque existimandum est, institutione anni ecclesiastici, sublatum esse annum civilem, cujus omnino semper, & in sacris, & in republica, præcipua habebatur ratio. Hinc Festum Tabernaculorum, incidens in mensem Tisri, celebrari jubetur **בצאת השנה** *in exitu anni*, item **תקופת השנה** *in revolutione anni*, h. e. vertente anno Exod. XXXIV, 22. Pariter anni Sabbathici & Jobelæi auspiciabantur a mense Tisri Levit. XXV, 3 sqq. Interim videas, diversimode in Scriptura initium anni putari. Mensis Nisan non modo Exod. XII, 2. & XIII, 4. diferte primus constituitur, **ראש חודש ראשון הוא** *verum etiam* 2 Reg. XXV, 8, 25. Jer. XXXIX, 3. Templum dirutum dicitur mense quinto, qui

*Abb* audiebat, & quintus erat a Nisan. Sic duodecimus mensis vocatur *Adar* seu Februarius Esther. III, 13. & cap. VIII, 12. ubi rursus *Nisan* seu Martius censetur primus. Ista Rabbini conciliant trita hac observatione: **שנים הוא ראשון לחדשי השנה ושתרי הוא ראשית השנה** *quod Nisan sit principium mensium anni, sed Tisri principium anni*: unde ABEN ESRA & ABARBENEL *ad Exod. XXIII, 15.* ubi de exitu anni, notant **היו מונים השנים מתשרי לתשרי** *veteres numerasse annos a Tisri ad Tisri.* Itaque utriusque principii anni vestigia in Scripturis occurrunt; Civilis, cujus exordium est a mense Tisri, ubi nimirum de annis agitur; & Ecclesiastici seu Sacri, a Nisan, quando sermo est de mensibus. Ex his lucem capiunt verba Auctoris nostri.

Ad §. II. pag. cit.

(2) *Suum habebat festum*] Neomeniam nempe, seu Novilunium, **ראשי חודשים** *initia mensium,*



*mensum*, Num. X, 10. XII, 11. Horum observantiam

I. *Tempus*. Quoniam enim mensum initium diversimode supputari potest, *vel* secundum calculum Astronomicum, a tempore Synodi, sive conjunctionis solis & lunæ, *vel* a tempore *Φάσγος*, seu apparitionis lunæ, cum nempe radios solares eluctata, se videndam præbebat hominibus; hinc in diversum abiere Karraitæ & Rabbanitæ, in quo temporis momento fixerint Novilunium veteres, num Astronomicè, in conjunctione lunæ cum sole, an in *Φάσγος* lunari? Hebraei certe Palæstini, stante Templo, ab apparitione lunæ mensem auspicabantur. Hinc diligenter attendebant ad lunæ exortum, quæ cum ab aliquibus hominibus deprehensa erat, ocyus illud nuntiabant Præfecto Synedrii, quod testes illos diligenter examinabat; &, si erant idonei, Synedrium toti genti notum faciebat diem Neomeniæ, ex quo cetera pendebant, cum Festa menstrua, tum anniversaria. Satis equidem peritum erat Synedrium magnum, ad cognoscendam noctem, qua luna apparitura erat nova; nullum tamen ea de re ferebat iudicium, nisi ex ore duorum testium constaret, se vidisse novam lunam; ab ejus enim apparitione inchoabant mensem. Hinc fiebat, ut multi Hierosolymæ eam in rem invigilarent, qui conspecta nova luna statim abibant, ut testimonium ejus perhiberent. Eratque Atrium magnum Hierosolymis *בית יעקב* *Beth Jaazek* dictum, de quo LIGHTFOOT. in *Cent. Chorograph. Matthæo præmissa cap. XXXV. Tom. II. Opp. p. 197. col. 1.* ex *Rosch Haschanah cap. II. hal. 3.* docet, in quo testes examinabantur, & lauto excipiebantur convivio, ut lubentius illuc, ejus rei gratia accederent.

II. *Consecrationem*, hinc a Deo factam, legibus de observanda Neomenia rogatis Numer. X, 10. XXVIII, 11. hinc a Synedrio promulgatam. Huic enim, cum post examen testium liquido constaret, novam lunam conspectam esse, Præsides Synedrii clara voce exclamabant: *מקורש* *consecratus est* scil. Novilunii dies, statimque buccinarum sono Neomenias Festum inti-

mabatur. Quo facto testes illi, vel alii nuncii, & præcones, confestim currebant, ut tota regio quam primum Neomeniæ diem cognosceret. Quin ut eo citius ejus rei notitia totam permearet regionem, noctu jubebant aliquem curriculo contendere ad montem oliveti, cum fasciculo ligni maxime combustibilis, & alia materia, quam ibi accendebat, & varie agitabat, donec alium videret similiter facientem, in aliquo colle, & sic reliqui. Ita quidem per universam regionem res brevi spargebatur; verum cum Cuthæi (Samaritani & hostes Judæorum) intempestivo tempore idem facerent malitiose, decretum est, ut præcones, ad illud significandum per universam terram egrederentur. Ita Mischna tradit in *רש"י השנה cap. II. §. 3 sqq.*

III. *Solemnitates*, quæ sunt α) Clangor tubarum, qui in Templo tubis argenteis edebatur compluribus, juxta Num. X, 10. & quo partim Festum Novilunii proclamabatur, partim augustiora reddebantur sacrificia, hoc die offerenda, quæ eapropter etiam *Sacrificia clangoris* dicebantur. Hinc Psal. LXXXI, 4, 5. *clangite in Novilunio buccina, in interlunio die festi nostri, nam statutum Israël id est, iudicium Dei Jacob.* Quamquam hoc dictum alii ad Novilunium mensis Tisri referre malint. Quando ergo Auctor noster §. IV. communibus Noviluniis buccinas inflasse Judæos negat, non absolute hoc capiendum, sed ratione modi clangoris, & instrumenti. In anni enim initio clangebant cornu arietino, seu *שופר* *buccina*, in ordinario autem Novilunio *חצוצרות* *tubis argenteis*. β) Oblatio sacrificiorum ejus diei, Numer. XXVIII, 11 sqq. fuse descriptorum: γ) Sabbathismus, quo cessabant ab omni opere servili. Etsi enim Lev. XXIII. ubi recensentur Festa solennia, quibus proclamanda erat indictio sanctitatis, *nullum opus facietis*, Noviluniorum nulla fit mentio, unde VITRINGA de *Synag. Vet. Lib. I. P. II. c. 1.* Sabbathismum hunc negat, & Novilunia a ceteris Festis, quæ Sabbathorum nomine veniunt Jes. I, 13. distinguit: attamen his diebus emere & vendere nefas fuisse, æque ac in Sabbathis, ex Amos. VIII, 5. affatim

affatim patet. Quin & reliquæ hujus diei occupationes satis edocent, diebus Novilunii Judæos ab omni opere se abstinuisse, eosque feriatos ac festos habuisse; quod probe observatum est ab Auctore nostro: δ) Conventus sacri. His enim diebus pariter ad Tabernaculum, & posthæc ad Templum se conferebant, non tantum ut sacrificiorum solennitati interessent, verum etiam, his ut preces jungerent, & gratiarum actiones. Vel etiam, intermisso domestico opere, adibant Prophetas, aut Doctores publicos, ut ab ipsis in mysteriis Divinis, cultu Numinis, aliisque rebus sacris, instituerentur Jes. I, 12 sqq. Ezech. XLVI, 1 sqq. Jes. LXVI, 23. ε) Gaudium. Inter Judæos quippe, nova luna conspecta non modo plaufibus & clangoribus publicæ excipiebatur, verum isto quoque die privati quicunque lætum omnem & mœsticiam procul habebant, eumque epulis, sive sacris, sive communibus, hilariter transigebant. Hinc Num. X, 10. Neomeniæ inter tempora hilaritatis, publicæ & privatæ recensentur: & Hof. II, 13. interminatur Deus populo suo, *se aboliturum omnem hilaritatem ejus, Festum ejus, Novilunium ejus, & Sabbathum ejus.* Et de conviviiis ex 1 Sam. XX, 5. constat.

IV. *Rationes & Originem* Neomeniarum. SPENCERVS ex Gentilium idololatrarum moribus & institutis arcessit, quem tamen operose & data opera IOH. MEYERVS confutavit P. II. *de Tempor. Sacris & Festis Hebr. cap. XI. p. 238.* dignus, qui hic conferatur. Velut autem originem perantiquam ac vere divinam huic solennitati vindicat Scriptura Sacra, sic recte inserviisse perhibetur 1) ad recolendam & celebrandam gubernationem mundi Divinam, & signate quidem, quod lunam fecerit ad præfecturam noctis, & ad indicanda stata tempora: 2) ad expiationem delictorum mensis præteriti, quo Sacrificium spectabat Expiatorium: 3) ad dedicandas Deo mensis primitias, & ad deprecandum Numen, ut felix faustusque integer decurrat mensis: 4) ad refricandam memoriam clangoris buccinæ, tempore legislationis Sinaiticæ auditi: 5) ad

libertatem populo asserendam, cujus symbolum buccinæ clangor erat, ut Lev. XXV, 9.

V. *Typicam adumbrationem:* quam 1) Luna, quatenus in se consideratur ut luminare magnum, & quod in tenebris micat, quodque a parvis initiis sensim crescit, refert ad Christum, lumen mundi, lucens in tenebris Jos. I, 4, 5: 2) Luna ad Solem relata, infert ad Ecclesiam sub Nov. Test. quæ lucem omnem ac splendorem a Sole, Christo mutuatur: 3) Novæ Lunæ ortus ad Evangelii doctrinam in Nov. Test. habet. Quæ singula fuscæ & cum cura declarat IOH. D' OVTREIN *de clangore Evangelii Dissert. XII. pag. 293 sqq.* quem in his plurimum secuti sumus. Paulo aliter typicam hujus Festi rationem exponit BIERMANNVS in *Mose & Christo lib. IV. cap. I. p. 603 sq.* edit. Belgicæ: & WILHELM. MOMMA *Oecon. Tempor. lib. II. cap. XI. §. 93. p. 219.*

Ad §. III. pag. 73.

(3) *Respectu sacrificiorum*] Recte & distincte Auctor noster utriusque Festi Sacrificia recenset, ita ut in Kalendis mensis Tisri, seu principio anni, offerrentur in univrsum juvenci tres, agni anniculi sedecim, & arietes duo, hirci item duo, juxta Numeror. *citato loco.*

Ad §. IV. pag. 74.

(4) *Inflabant buccinas*] Ita MAIMONIDES in Hile. Schophar. Cap. I. §. 1. *Præceptum legis affirmativum est, audire clangorem buccinæ novi anni principio, secundum id, quod dicitur* (Numer. XXIX, 1.) *dies clangoris vobis erit. Buccinam autem, quæ inflatur, his ipsis anni principiis, sive in festo Jubileo, esse oportet Cornu Arietis incurvatum.* Cornu Arietis requirebatur, in memoriale Arietis pro Isaaco oblato Genes. XXII, 13. cujus sacrificio sibi partam credebant expiationem; incurvatum esse debebat, ut commoneferent, corda coram Deo requiri incurvata & humiliata. Hoc autem cornu cum inflabatur in sanctuario, ab utraque parte junctas sibi habebat tubas, חצוצרות/ utrum-



utrumque latus illius, qui cornu arietinum inflabat, claudentes; eo tamen cum discrimine, ut sonus cornu arietini frequentius & diutius audiretur, quam tubarum, quia inflatus cornu hoc Festo speciatim præceptus erat, non vero ille tubarum; porro, ut cornu sono producto, tubæ verò sonis accisis inflarentur. Verum extra Sanctuarium cornu arietinum solum inflabatur in Synagogis; ita tamen, ut qui extra Synagogam constitutus, clangorem attento animo perciperet, crederetur huic præcepto satis fecisse, si vero animus intentum ad id non habuerit, non satis faceret. Si denique hoc Festum incideret in Sabbatum, non inflabantur cornua in eo loco, ubi non erat Synedrium. Sed cum Hierosolymis adhuc esset Synedrium majus, omnes inflabant cornua Hierosolymis, quin & in quacunque urbe, quæ ad Hierosolymitanum litem pertinebat, audiebantur cornua inflata. Destructa autem Hierosolyma, in omni loco, ubi erat Synedrium, cornua inflabantur, & quidem in eo Synedrio inflabantur, quod fugebat Novilunium: ut habet MAIMONID. cit. loc. cap. II. §. 6-9. Ita vero solebant inflari cornua, ut primo formaretur sonus planus, hinc fractus (ubi tres soni gementes, & unus ejulans formabatur) & postremo iterum formaretur sonus planus. Qui soni tribus vicibus repetebantur, arque sic soni edebantur triginta: cap. III. §. 2, 3. Solebant etiam in Synagogis, ante inflationem cornuum, legere Scripturam, & cum Scripturæ Sacræ exemplar iterum esset in arcam repositum, Minister Synagogæ stabat, & dicebat: *Benedictus sis tu, Domine Deus noster, Rex mundi, qui sanctificavit nos præceptis suis, & præcepit audire sonum cornuum!* & omnis populus respondebat: *Amen!* Deinde dicebat Minister: *Benedictus sis, tu Domine Deus noster, qui in vita conservavit nos!* & omnis populus respondebat: *Amen!* Tunc triginta vicibus inflabat cornu, hoc ordine, ut primo, post preces, cum finita esset benedictio quarta, quæ agebat de regno Dei, inflaret cornu; deinde post benedictionem quintam, quæ agebat de recordatione Dei, quod populi sui recordaretur,

iterum inflabat cornu; denique post benedictionem sextam, quæ agebat de ritu inflandi cornua, iterum inflabat cornu. §. 10. 11.

Ad §. VI. pag. 74.

(5) *Tres opiniones existunt*] Rationes buccinationis §. V. & VI. varie redduntur ab Auctore. Ut autem imitationem Gentilium a SPENCERO in scenam productam, verum a IOHANN. MEYERO lib. II. de Temporib. Sacr. & Fest. Hebr. cap. XIV. §. 8. p. 303. solide profligatam, relinquamus intactam, ABARBENEL ad Lev. XXIII, 24. fol. 264. col. 2. septem adfert rationes, quas Deum respexisse putat, dicendo: זכרון תרועה לכם *memoria clangoris esto vobis*: 1) Libertatem, quæ etiam finis erat clangoris in anno Jubilæo, quo pro omnibus inhabitantibus terram libertas publicata est. 2) Proclamationem regni Regis, sicut in unctione Salomonis clangebant buccina, dicendo: vivat Rex Salomo, 1 Reg. I, 39. quasi hoc die clangoris dixissent: Dominus Rex noster est, ille salvabit nos, salve nunc Rex. 3) Excitationem ad resipiscentiam, & subjugationem Satanæ, sive זר הרע *figmenti cordis mali*. 4) Recordationem ligationis Isaac, & substituti arietis. 5) Memoriam legislationis, cui aderat vox buccinæ fortissima, cum patres in deserto Dei gubernationi sunt subjecti & liberi facti, Deique peculium ex omnibus populis Exod. XIX. 6) Spem recollectionis captivitatum tempore futuro, quando Dominus Rex erit super totam terram. 7) Spem resurrectionis mortuorum, Jes. XVIII, 3. Velut autem sexta ratio fallaci Judæorum nititur somniò, de imminente adhuc Messæ adventu, tertia ridiculum plane commentum, clangore buccinarum Satanam pelli, supponit, & quarta precario assumpta est, ex hypothesi Judæorum: hinc laudatus MEYERVS §. X. p. 307. alias subministrat, ut scil. 1. buccina excitarentur, sicut ad resipiscentiam, ita ad gratitudinem pro præcedentis anni beneficiis, & 2. designaretur buccina Evangelii, & anni Domino accepti, juxta Psal. LXXXIX, 16. *beatus est populus,*

lus, qui agnoscunt clangorem. PAVLVS FAGIVS in Lev. XXIII, 24. repudiata quarta ABARBENETIS ratione, probabilius censet hoc fuisse consilium Spiritus Sancti. In hoc septimo mense plures esse festos dies, quam in ullo alio mense, ac totum propemodum mensem festum esse, quin & tempus admodum idoneum ad celebranda festa, quippe quod tunc omnes fruges terræ, non tantum frumenta, sed & poma, & vina, & alia frugum genera, de agris essent collecta, præterea ab hoc mense inchoari numerationem anni Sabbathici, pariter anni Jubilæi; hinc cum multum omnino in hujus mensis observatione situm esset, voluisse Spiritum Sanctum primum ejus diem festo, otio, clangore, & sacrificiis insignem reddere, ut ex initio mensis ipse notabilior fieret. Quod iis congruit, quæ Auctor noster §. V. in medium attulit.

Sed nec silentio est involvendus hujus diei Cantus, MAIMONIDI memoratus Hilc. *Tamid* cap. VI. Cantabant Levitæ ad sacrificia novi anni Psalmum LXXXI, & si primus dies caderet in diem septimanæ quintum, in quo ordinarie singulis septimanis hic Psalmus canebatur, bis illum repetebant. Deinde ad sacrificium vespertinum diei primi novi anni, Levitæ canebant Psalmum XXIX. In Psalmo LXXXI. mentio fit clangoris cornuum, & primo populus excitabatur ad laudes Dei canendas: deinde Dei laudabatur auxilium, quod Judæos eripuisset ex Aegypto & variis calamitatibus; denique populus ad obedientiam Deo præstandam, & ad benedictionem Dei, obedientibus promissam, expectandam admonebatur. In Psalmo autem XXIX. eleganter ostenditur vis & efficacia Evangelii, per quod Deus corda hominum vehementer movet. &c.

Porro memorandus est novi anni Suffitus. Ita MAIMONID. de *Siclis* cap. IV. Solebat in novo anno mensis Nisan confici suffitus novus, ea quantitate, ut per annum integrum sufficeret, & si quid superabundabat exacto anno, solebat artificibus in templo laborantibus, loco mercedis, dari. Sed de thymiamate, atque suffitu lucu-

lenter supra egimus, ad Lib. II. Cap. I. §. VIII. Annotatione 15.

Pertinent huc quoque novi anni Decima. Primo enim die mensis Nisan decimæ pendebantur ex frugibus, leguminibus, & oleribus, docente MAIMONID. de *Decimis secundis* cap. I. §. 2.

Accedebant novi anni Vota, Promissa, & Preces. Vota hoc die nuncupabant in hunc modum: *Hodie nos corrobore, hodie nobis benedictionem largiaris, hodie nos exalter, hodie nos quæras in bonum, hodie audias clamorem nostrum, hodie cum misericordia & beneplacito accipias preces nostras, hodie nos sustententes dextera justitiæ tuæ.* Quæ vota, majoribus impressa literis, leguntur in Libro Precum, *Præge* in fol. fol. 37. p. 2. Promissa quoque hoc die faciebant varia, teste MAIMONID. de *Votis* cap. X. §. 4. Vovebant enim vel abstinentiam a cibo & potu certo, aliquot hujus anni diebus vel mensibus; vel abstinentiam a certis vestibus, vel a certis ædibus c. l. cap. IX. §. 15, 16. vel ab alterius consortio cap. VI. & VII. Inter Preces, primaria erat, quæ incipit in singulis paragraphis a verbis: *אבינו מלכנו Pater noster, Rex noster*, quæque minori typo expressa legitur in *Machsor*, seu Libro Precum Francofurtensi in 4. fol. 20. col. 2 sq. Deprecantur omne genus mala in novo anno, ut avertantur poenæ divinæ, ut arceantur male cogitationes & consilia prava hostium, ut hostes deleantur, ut ora calumniatorum occludantur, ut avertantur morbi, ut pestis, gladius, fames, & quicquid corrumperet, averruncetur, ut deleantur peccata &c. Præterea orant, ut Deus concedat poenitentiam, ut ægrotos sublevet, ut Judæos scribat in librum vitæ, in librum redemptionis per Messiam sperandæ, in librum providentiæ & sustentationis, in librum condonationis. Precantur porro, ut Deus germinare faciat germen justitiæ, sive Messiam, ut cornu salutis seu Messiam erigat in Israele, ut manus Judæorum impleat benedictionibus, ut fenestras cæli aperiat precibus, ut parcat Judæis & illorum infantibus &c. Sed & momenta addunt, propter quæ Deus orationem anni auspicalem exaudire debeat: Exaudiat quippe propter



propter nomen suum gloriosum, propter misericordiam suam, &c.

Memoratu quoque digna est *Apertio Thesauri* in Templo. Solebat quippe in novo anno mensis Nisan, æque ac in novo anno mensis Tisri, conclave Templi aperiri, in quo thesauri erant depositi, quod conclave alias non modo occlusum, sed & obsignatæ omnes ejus januæ erant sigillis. Reponebantur autem in illud sici, qui ex qualibet urbe mittebantur per delegatos in Templum, quibus simul dabantur denarii aurei, in mercedem deportationis. Quum advenirent illi sici Hierosolymam, reponebantur in illud conclave, & de istis sicis implebantur tres cistæ majores, quarum quælibet continebat novem sata argenti, (seu tres circiter modios argenti,) & quod istæ cistæ non caperent, illud seorsim in eodem conclavi reponebatur. Quum autem aperiretur thesaurus, implebantur ex istis cistis tribus majoribus, tres cistæ minores, quarum quælibet continebat tria sata argenti, (seu unum modium circiter,) & extra thesaurum collocabantur, ut inde promerentur, quæ ad publicas necessitates requirebantur. Quodsi autem argentum illud, quod in tribus cistis minoribus reponebatur, consumtum esset, denuo replebantur secunda vice ante Festum Pentecostes, & denique tertia vice in novo anno Tisri. Quodsi autem sici, in tribus cistis majoribus contenti, non sufficerent usque ad novum annum mensis Nisan, solebat de reliquo thesauro istius conclavis suppleri, quod deerat: teste MAIMONIDE *de Sicis cap. II. §. 4 sqq.*

Quæ denique de Deo, Kalendis Tisri, pro tribunali sedente, & sententiam in hominum peccata ferente, comminiscuntur Judæi, a BVXTORFIO fuisse tradita *Synag. Jud. cap. XXIII. p. 481.* & a IOH. D' OVTREIN *cit. loc. p. 229 sq.* concisus repetita, ea huc transferre, meris fabulis nixa, merito superfedemus.

Subnectimus denique *Typicam* Kalendarum Tisri *Adumbrationem*. Symbolum præbebat hoc Festum novi, acceptique Domino anni Jes. LXI, 2. & LXIII, 4. quando tuba Evangelii so-

nare, septemque Spiritus Dei super totum orbem emitti debebant, ad convocandum omnes Apoc. V, 6. Breviter ita declaratur: 1) Quem admodum die primo erat convocatio sanctitatis sono tubarum, & clangore cornu, sic Apostoli, tubarum ad instar, sub initium Novi Test. clangore Evangelii, Judæos æque ac Gentiles, ad sanctum a peccatis suis otium, & Sabbathismum, convocarunt: 2) Clangore tubæ anni intimabatur auspiciis, pariterque tuba Evangelii annus Dei gratosus Jes. LXIII, 4. Luc. IV, 18 sq. 3) Ad sonum tubæ Israelitæ exultabant Domino, sed & fidelibus Nov. Test. incumbit, ut novum Servatori suo acclament Hymnum Apocal. V, 9 sq. Psal. XLVII, 7 sqq. 4) Israelitæ buccinæ sono ex veterno suo ad veram poenitentiam excitabantur, nec minus nos sono doctrinæ Nov. Test. excitamur surgere de somno Rom. XIII, 11. Ephes. V, 14. 5) Sacerdotes hoc festo non modo cornu arietinum, sed & tubas Mosaiicas argenteas inflabant; sic & officium Ministrorum verbi postulat, ut & Evangelium, & Legem Mosaicam, duas tubas, duas tabulas legis sedulo inculcent, & utroque verbo peccatores ad Deum adducant. Proluxius ista persequitur D' OVTREIN *cit. loc. p. 232 sqq.* & BIERMANN. in *Mose & Christo, lib. IV. cap. V. p. 655.* edit. Belg. concise WILH. MOMMA *Oeconom. Tempor. lib. II. cap. XI. §. 96. p. 220.*

Ad §. VII. pag. 74.

(6) *Observatu digna sunt in Noviluniis* ] Difficiles istas Judæorum nugas de Novilunii inventionem & computationem, quas Auctor noster a §. VII. ad §. XXII. curate satis, & dilucide exponit, nostras non facimus; verum iis, quibus eas cognoscere volupe est, ex BARTOLOCCIO *Biblioth. Rabb. P. II. p. 398 sq. coll. p. 582 sqq.* ubi proluxa Kalendarii Judaici elucidatio exhibetur, ex IOH. MEYERO *de Tempor. Sacr. & Fest. Jud. P. I. cap. IX. p. 52. coll. P. II. cap. XI. §. XI sq.* & ex SELDENO *de anno civili Jud. cap. XV. p. 82.* hauriendas relinquimus.

Ad §. XXII. pag. 76.

(7) *Virum Salvator noster anticipavit Pascha?* Anceps ac difficilis est quaestio: Num Salvator noster, uno & eodem cum Judæis omnibus die, an diverso, Pascha suum ultimum & σωτισμον celebraverit? Univerſam istam ut declinet controversiam, nodum hunc Gordium ita ſcindit MARC. ANTON. DE DOMINIS, de republ. Ecclesiast. P. II. cap. VI. num. 275 sq. ut Christum agnum paschalem comedisse plane neget, & communem tantum ac vulgarem cœnam valedictoriam cum discipulis absumuisse contendat: preparasse quidem Apostolos cœnaculum magnum stratum: sed nullus Evangelistarum, inquit, est, qui dicat, in illa ultima cœna, Christum cum discipulis agnum legalem comedisse: neque ulla habemus in ipsis Evangeliiſ indicia comestionis dicti agni: valida tamen habemus in contrarium &c. Verum diserte discipuli Christo τὸ πάσχα παρασκευάσας in diversorio perhibentur Matth. XXVI, 17, 18, 19. Marc. XIV, 12, 14, 16. & quid elarius in hanc sententiam dici poterat, quam cum Christus his epulis accumbens, ita ad suos factus: ἐπιθύμια ἐπεθύμησα, τῆτο τὸ πάσχα φαγεῖν μετ' ὑμῶν, πρὸ τῆς μετὰ θανάτου λέγω γὰρ ὑμῖν, ὅτι ἐκέτι ἔσθ' ἐμὴ Πάσχα ἐξ αὐτῆς, κ. τ. λ. Luc. XXII, 15, 16. coll. vers. 7, 8, 11, 13. ut gratis & temere hæc asseri ab Archiepiscopo Spalatenſi, liquido appareat. Recentissime tamen ista sententia gravissimos naſta est patronos, NICOL. TOYNARDVM in Harmon. Evang. f. 107. & Notis ad illam fol. 149. NANVM TILLEMONTIUM, IOH. HARDVINUM, DV PIN T. XIX. Biblioth. fol. 126. & BERN. LAMY in Harmon. b. I. & pec. tractatu histor. de l'ancienne Pâque des Juifs à Paris 1693. 8. postquam An. 1690. priorem ejus in Harmonia assertionem peculiari dissertatione sur la dernière Pâque de Jesus-Christ, à Paris in 8. impugnauerat IEAN. FIENVD: nostro vero tempore OEDERVVM in select. Bibl. Theol. P. 62. p. 152 sqq. & cum primis Vener. SAL. DEYLINGIUM, qui Observat. Miscellan. Exercit. IV. §. 20. sqq. pag. 239. Christum cum discipulis,

agnum paschalem ante mortem comedisse, & diserte negat, & rationibus firmare operose nititur. Contra vero ea communi fere consensu, univerſa Ecclesia Christiana, tam Orientalis, quam Occidentalis, paschalem Christi cœnam προαγώνιον agnoscit & fateritur: sed quo die illam peregerit, gravissimo sententiarum divorſio in partes discedit. Et 1) Græci quidem, Judæos omnes, ex præſcripto Legis, luna XIV mensis Nisan, Christum vero, qui νέγιος νόμος, luna XIII maſtaſſe ac ediſſe agnum paschalem tradunt, ut, quod præcipue contendunt, non in azymo, sed fermentato pane, Euchariſtiam institutam eſſe, obtineant. 2) Latini contra, qui panem adhibent infermentatum, Salvatore, una cum Judæis omnibus, luna XIV Pascha celebraſſe cupiunt, ut poſt CAESAR. BARONIVM, FRANC. TOLETVM, TOSTATVM ABELENSEM, IVLIUM BARTOLOCCIUM magno conatu propugnat, & Græcorum rationes ſingulatim deſtruere ſatagit, P. II. Biblioth. Rabbin. fol. 752 sqq. Verum etiam e Reformatis, in eandem sententiam diſcedunt HUGO BROVGTIONVS, IOH. CLOPPENBERGIUS, SAM. BOCHARTVS, IOH. LIGHTFOOTVS, FRANC. BYRMANNVS, alique plures. Cum quibus e Noſtris faciunt, DANHAVER. Chriſtoſoph. p. 217 sq. & Laſſi. Catech. P. IX. p. 183. CALOV. Bibl. Illuſtr. in N. T. Tom. I. fol. 435 sq. IOH. GVIL. IANVS in Annotat. ad Eusebii Oration. de die Dominico pag. 19. IOH. REINH. RVS Harmon. Evang. lib. V. P. II. Sect. I. ſubſ. 4. cap. XIV. T. III. p. 502 sqq. Præ ceteris eam tuetur & pro virili ornat ex Reformatis ANTON. BYNÆVS de morte J. C. lib. I. cap. I. §. 20. p. 29. quem ante omnes citamus, quod copioſe præ ceteris hanc controversiam perorat. Sunt demum 3) haud pauci, qui cum Græcis faciunt, quod Jeſum, diem a Judæis receptum, velint anticipaſſe: ſed alio modo instituunt. Conſent enim, Dominum luna XIV ſecundum Legem, Judæos vero poſtridie, maſtaſſe ſuum Pascha, adeo ut Judæi Pascha demum comederint poſt mortem Salvatoris. Ita e Reformatis SEB. MVNSTE-



RVS, IOSEPH. SCALIGER, ISAAC. CASABOV-  
NVS, GER. IOH. VOSSIVS, LVD. CAPPELLVS,  
WILH. LANGIVS, IOH. HENR. HEIDEGGE-  
RVS, alii, quibus, ex nostratibus, ante omnes  
accensendus est IOH. GERHARDVS *Harmon.*  
*Evang. cap. 166. in Matth. XXVI, 1, 2. edit. Ge-*  
*revent. P. II. p. 332 sqq.* ubi cum cura hanc quæ-  
stionem tractat. Disparēs tamen assignant cau-  
sas, cur Pascha suum diverso die celebrayerint  
Judæi. Alii, cum PAVLO BVRGENSI, Ju-  
dæos Festum in diem Sabbathi sequentem reje-  
cisse putant, propter majorum traditionem, qua  
festum Paschatis, quod anno illo in feriam sex-  
tam incidebat, differebatur in sequens Sabba-  
thum, ne concurrerent duo Sabbatha magna.  
Sed DIONYS. PETAVIVS aliam reddit rationem,  
propter quam Judæi Pascha a legitimo die in  
sequentem contulerint, quod ultimis temporibus  
apud Judæos inconstans & mutabilis esset  
Neomeniarum definitio. GER. IOH. VOSSIVS  
ideo factum censet, quia Judæi Pascha suum ce-  
lebrare noluerint ante æquinoctium. IOH. COC-  
CEIVS eo tempore, quo Festa indicebantur, a  
Senatu secundum lunæ Φάσιν accidisse putat, ut  
quidam Pascha iterarent, cum alii a συζυγία seu  
conjunctione luminarium, alii ab apparitione  
computarent mensis dies; indeque arcessunt  
causam, cur Pascha alio die Christus, alio cele-  
braverint Judæi. Ita quoque LVD. CAPPEL-  
LVS tenet, celebrasse tunc temporis Judæos Pa-  
scha die XV ἀπὸ τῆς Φάσεως, Christum autem  
etiam die XV ἀπὸ τῆς συνόδου, quæ τὴν Φάσιν  
præcedit, integro ut minimum die. WILHELM.  
LANGIVS diversitatis causam ex discrimine Kar-  
ræorum & Talmudicorum eruere satagit. No-  
bis, cur eidem adstipulemur sententiæ, quæ  
Christum pridie, Judæos postridie, Pascha com-  
edisce statuit, cum primis fidem facit, & au-  
ctor est S. Johannes, qui eandem liquido tue-  
tur. Nam α) Joh. XIII, 1, 2. pedilavium Chri-  
sti contigisse dicitur πρὸ τῆς ἑσπέρης τῆς πάσχα:  
β) Cap. XVIII, 28. Judæi, qui Christum ex ædi-  
bus Cajaphæ duxerunt ad Pilatum, ingredi nō-  
luerunt in Prætorium, ἵνα μὴ μιανθῶσιν, ἀλλὰ

ἵνα Φάγῃσι τὸ πάσχα: γ) Cap. XIX, 14. dies.  
quo Jesus crucifixus est, vocatur παρασκευὴ τῆς  
πάσχα: δ) Ibid. com. 31. Judæi perierunt a Pi-  
lato, ut crucifixorum corpora de crucibus de-  
ponerentur, ne in iis manerent Sabbatho, ἐπεὶ  
παρασκευὴ ἦν, quoniam erat Parasceve, ἣν γὰρ  
μεγάλη ἡ ἡμέρα ἐκείνη τῆς σαββάτου, ideo nimi-  
rum, quia in unum diem congruerent Festum  
Paschatis & Sabbathum. ε) Quis denique credide-  
rit, post comestum agnum paschalem, tota nocte  
in cognoscenda causa sanguinis confedisce Syne-  
drium, & Sacerdotes, & die XV mensis Nisan, seu  
feria prima Festi Azymorum, quæ adeo feriata,  
solennis, & in Templo cultu tantum erat insū-  
menda, huc illuc Christum Judæos duxisse, &  
in crucem egisse? majoremque Sabbathi inse-  
quentis, quæ fuisset secunda dies Azymorum,  
religionem Josepho Arimathensi, Nicodemo, &  
mulieribus Christum uncturis fuisse, quam die  
primo Festi, qui admodum sancte, & ut Sabba-  
thum magnum, ordinarie celebrabatur? quo  
tamen die, & crucifixorum corpora de cruce  
deponere, & Christum sepulcro condere fas  
fuerit. In declaranda autem sententia ista ad  
COCCEIVM, & LVD. CAPPELLVM DE DIEB. acce-  
dimus, ita ut discrimen inactati agni, a diverso  
dierum mensis computo, vel a συνόδῳ, h. e.  
conjunctione luminarium, vel a Φάσει seu appa-  
ritione, arcessatur. Non semper, quo die συ-  
ζυγία & interlunium est, Luna nova apparet.  
Cum ergo lege definitum non esset, an primus  
Novilunii dies ille sit, quo luna e solaribus radiis  
eluctari primum incipit, & apparere, an vero ille,  
quo primum incipit digredi a sole, post suam  
cum eo conjunctionem; hinc potuit Novilu-  
nium utroque modo figi, atque ita Pascha per  
duos dies comedi legitime, vel secundum com-  
putum Astronomicum, in die conjunctionis lu-  
minarium, vel secundum lunæ Φάσιν, fide te-  
stium probatam, & a Senatu indictam, quæ con-  
junctione posterior est, uno minimum die. Cau-  
sa ergo diversitatis, inter Judæorum & Jesu Pa-  
scha fuit, quod Jesus juxta naturalem computum  
conjunctionis, tempore legitimo, comederit  
suum

suum Pascha, atque alios, quibus ἀπὸ τῆς Φάσως mensis initium erat, uno antecesserit die. Neque insolitum adeo, binis diebus celebrare Festum, apud Judæos fuisse, quoniam de vero tempore non erant satis certi, non solum ex hodierna Judæorum praxi patet, quando **VXTORF. Synag. Jud. cap. XIX.** testatur, ipsos secundo die Pascharis eadem omnino ratione ferriari & Deum colere, quo pridie, idque, quia dubium & incertum hodie apud eos est, quo die Nisan Novilunium contingat, ac proinde, quisnam XIV sit dies Nisan; verum ex eo etiam constat, quod veteres, si qui erant a Judæa remotiores, binos dies observarunt, quia latebat illos, quo die Hierosolymis indicta erat Neomenia, ex qua reliqua Festa pendebant, teste ejus rei **MAIMONIDE de die festo Cap. VI. Sect. 14.** Hoc observato, gravissima contra hanc sententiam in fumum abit objectio, Christi agnum non in Templo matatum, ejusque sanguinem ad altare non sparsum: quia omnino per duos dies Sacerdotes matabant pecudes paschales, & spargebant in Templo, aliis secundum conjunctionem, aliis secundum Φάσιν Festum putantibus.

Ad §. XXVIII. pag. 77.

(8) *Inquinari potuissent introeuntes Prætorium*] Non stringit hæc Auctoris ratio, metu pollutionis curiam ingredi noluisse Judæos, quia hoc die Parasceves pro tribunali sedere, Judæis nefas erat. Rem enim omnem a se amoliebantur, & ad Pilatum deferebant, ne sententiam mortis ferrent in reum. Quin immo jam tulerant eam in Christum, paulo ante in Synedrio. Hinc propior additur a Joh. cap. XVIII, 28. ratio, ne scilicet ingressu in Prætorium polluerentur, eamque ob immunditiam ab esu Paschatis arcerentur. Quod enim supra monuimus, Judæi omnes, a sacris suis alienos, immundos censebant, qui solo tactu impuritatem propagarent. Hinc, ex foro domum redeuntes, lavari solebant Marc. VII, 3, 4. quoniam in loco publico ἀλλόφυλοι conveniebant frequentes, quorum

contactu contaminari se insecios quoque posse verebantur. Ex hac opinione Petrus tres Cornelii Cæsareensis nuncios, ad se missos, præ foribus alloquitur, nec in ædes intromittit, immunditiam veritus, priusquam illos esse, de quibus a Deo præmonitus erat, cognovisset pro certo, Act. X, 21 sqq. Inde est, ut posthæc οἱ ἐν περιτομῇ disceptarent cum Petro, quod ad præputiatos ingressus, cibum cum illis cepisset cap. XI, 23. quia nimirum Judæi Ἰουδαῖοι habuerunt pro immundis, quorum ex contactu labes quædam contraheretur. Hoc respectu, teste **MAIMONIDE Hilc. Issure Biab cap. 4.** Magistri decreverunt, Gentiles sine discrimine omnes pro iis esse habendos, qui perpetuo sanguinis profluvio laborant, quoties de munditia & immunditia questio sit, h. e. adeo pro immundis, quorum inquinaret contactus. Eamque persuasionem nec ipsi, ex Judaismo conversi, Christiani exuere poterant. Gentilis itaque cum esset Pilatus, cum servis suis ac militibus, quorum contactu se contaminatum iri existimabant hi Judæi, ideo recusabant ingredi, ne ad celebrandum Pascha redderentur inepti: rursus, puros a contagio gentilis ac profanæ immunditiei servare se volebant, ἵνα Φάγωσι τὸ πάσχα.

Ad §. XXIX. pag. 78.

(9) *Potestas in rebus capitalibus ipsis abrogata non erat*] Judæos Christi tempore, in rebus capitalibus, nondum omni exutos fuisse potestate, Auctor tradit. Idem propugnat **ANTON. BYNAEVS de morte J. C. lib. III. cap. I. §. 14.** magnum Judaici populi Senatum, sub ipsis quoque Procuratoribus Romanis, ea gavissimum potestate fuisse, quæ ad jus vitæ & necis sese extendit, eamque tamdiu fere perdurasse, ac Vrbs, Templumque superfuit. Quando autem Judæi istud sibi juris esse negant Joh. XVIII, 31. id non ad Festi solennitatem, & ad mentalem, quam Auctor noster gratis fingit, reservationem, referendum esse creditur, sed ad discrimen causarum. Cognovisse enim Judæos, senten-



sententiam mortis tulisse in fontes, quin & excusos fuisse adhuc ista tempestate, in causis sacris atque religionis: ast seditionem, læsæque majestatis crimen, neutiquam ad Judaici Senatus, sed ad Romani Præsidis pertinuisse tribunal. Hujus ergo criminis reum peregrisse Jesum Judæorum proceres, ideo quod apud animum suum perpenderent, Jesum sua doctrina miraculisque obnoxios sibi reddidisse innumeros, quorum incurrere invidiam, rem periculosa plenam aleæ cernebant, si de Jesu supplicium sumerent ipsi. Populi ergo ut declinarent invidiam, per Procuratorem Romanum tollendum eum e medio, consultum duxisse. Hinc seditionis & affectari regni crimen impegisse, ut non ad Judaicum, sed Romanum spectaret reus forum, supplicioque & more gentili pœnas lueret. Longe tamen aliud perhibet constans Judæorum in utroque Talmude traditio, de ademptis Synedrio judiciis capitalibus, annis XL, vel, quod contendit IOSEPH. SCALIGER *Animadvers. in Chronol. Eusebii fol. 182. col. 1.* annis LXI ante Hierosolymorum excidium, Archelao nimirum Viennam relegato. Tractat hanc questionem, ex mente Talmudicorum CARPZOV. *ad Schickardi Jus Reg. cap. IV. Theor. XIV. pag. 252 sq.* & citatis in eandem sententiam Auctoribus compluribus, inter id, quod de jure fieri licebat, & quod de facto, vel in tumultu, vel ob צורך שעה necessitatem quandam temporariam, quam se putabant, pro re nata, expedire posse, sibi sumebant. Ananus sane Pontifex, qui mortuo Festo, ejusque successore Albino adhuc in itinere agente, tempus opportunum se natum ratus, Synedrium convocavit, statutumque coram eo fratrem Jesu Christi, Jacobum, & una quosdam alios, lapidandos tradit: sed hæc causa fuit, cur Pontificia dignitate exueretur. Hinc citata Judæorum ad Pilarum verba, absolute capienda censemus de jure, & Judæorum cum in S. Codice, tum in Pandectis Talmudicis, propria stamus confessione, quæ in causa, in oppo-

brium gentis vergente, plurimum ponderis habet. Sed & facilis est ad BYNAEI argumenta responsio. Obvertit nimirum α) teste IOSEPHO, tam comiter Judæos habuisse victores Romanos, ipsos ut τοῖς πατέροις ἔδει καὶ ἱεροῖς χεῖσθαι, patriis moribus & sacris uti permitterent. Id vero nil prohibet, quo minus judicia capitalia ipsis subtraxerint. Vrget β) necesse omnino fuisse cognitionem Judaicam in causis rituum, jurisque apud Judæos divini, quarum ignari prorsus erant Romani Præsides, immo religionem eorum omnem superstitionem credebant & ineptam. - Demus enim, cognitionem delictorum, in causa religionis & sacrorum, admissorum institutam fuisse a Judæis, pœnam tamen capitalem irrogare integrum ipsis non erat. Atque huc spectat sententia Senatus Judaici, de interficiendis Apostolis in Templo docentibus Aët. V, 26 sqq. quam tamen si executioni dedissent, auctoritate Præsidis Romani haud dubie fecissent usi. Refert huc γ) quod eum in finem Senatus populi Judaici suos habuerit στρατηγὸς τῆς ἱερῆς, Præfectos Templi, quibus parebant ὑπηρέται, publici judicii ministri Aët. IV, 4. III, 6. Bene, ad avertendos a Templo tumultus publicos, & securitatem publicam conservandam, quod liquido apparet ex Aët. XXI, 31 sqq. non vero ad capitalia de fontibus supplicia sumenda. Opponit δ) Stephani exemplum, quem examinatum, causamque dicere jussum, ἐκβαλόντες ἐξω τῆς πόλεως, ἐλικοβόλην Aët. VII, 58 sqq. Istud tamen per tumultum esse factum, & quidem violata Præsidis Provinciæ auctoritate, THEOD. BEZA censet, ad judicium zeli autem refert H. GROTIUS. Multa certe iis temporibus Præsides studio negligebant, ne male fidam gentem prorsus exulcerarent. Itaque sive connivente, tumultuosis his temporibus, Romano Præside, sive eo absente factum fuerit, ad ea pertinet exempla, in quibus sibi juris aliquid arrogabant Judei. Leviora sunt reliqua, & ex jam dictis facile diluenda.

## LIB. III. CAPVT VIII.

## DE FESTO EXPIATIONVM.

Ad §. I. pag. 78.

*[Ita dictum]* Pluribus hoc Festum nominibus venit. Dicitur namque 1) *יום הכפורים* *Dies Expiationum*, & observante quidem ABARBENEL, כלשון רבים *in plurali*, quia, licet de omnibus diebus solenniibus dicatur, quod illis expientur peccata, Dies tamen Expiationum longo illos post se intervallo relinquat, quod expiatio omnium dierum totius anni, eo die perageretur: 2) *יום כיפור* / voce Chaldaica, *Dies kar' עֲזוֹחָהּ*, dies totius anni præcipuus ac summus, unde tractatus Mischnicus, qui solennitatem hujus diei exponit, *מסכת יומא* inscribitur, quem erudito commentario illustravit ROBERT. SHERINGHAMVS, Cantabrigiensis: 3) *שבת שבתון* *Sabbathum Sabbathorum*, Lev. XVI, 31. quod inter ceteros feriatos dies emeretur: 4) *יום צום רב* *Jejunium magnum*, apud ABEN ESRAM & alios Rabbinos, quo *Νηστείας* appellatio, *ἐξόχως* & eminenter dicta, spectat Act. XXVII, 9. *διὰ τὸ καὶ τὴν Νηστείαν ἡδὴ παρὰ ἑλκευμέναι*: in quem locum confer *Biblioth. Bremens. Class. I. Fasc. I. p. 20 sq. & Class. II. Fasc. 6. p. 995.* nec non ALBERTI *Observ. Philol. pag. 273.* 5) *יום סליחה ורחמים* *Dies remissionis & prosperationis*, apud Talmudicos & Rabbinos, a beneficio, quod remissione peccatorum a Deo, hoc die consequantur. Frequentissima tamen Diei Expiationis est appellatio, quod hæc præcipuum hujus diei esset *εργον*, ut Pontifex, suæ pariter ac universi populi delicta, toto anno commissa, certo statoque ritu, & typico per omnia cultu, expiaret.

Ceterum, quod probe observavit IOH. MEYER *de Temp. Sacr. & Fest. Hebr. P. II. c. XIV. §. I.* hunc diem, summæ licet sanctitatis, inter festos tamen non referri, quoniam non cum lætitia, sed in luctu & jejunio transigebatur; sed postquam hircus dimissus, & certa signa ade-

rant, quod Deus peccata remisisset, magnum excitabatur gaudium, & hac de causa RABBEAN SIMON fil. GAMALIEL in Mischna Cod. *Taanith cap. IV. §. 8.* hunc diem accensuisse *ליום טובים* *diebus festivis.*

Tempus feriatiōis hujus diei erat, a vespere noni diei Tisri, ad vesperam decimi, Lev. XXIII, 32. Eo autem major ceteris Sabbathis, diebusque feriatis, hæc erat solennitas, quod Expiationis Diem dimidia sexta ordiuntur, & finiunt cum dimidia septima hora, exactis 25 horis: cum ceteris omnibus, 24 solum horæ essent consecratæ. Rationes diei & mensis ABARBENEL *Comment. in h. l. Pentat. fol. 265. col. 3.* has allegat: α) Quia R. ELIESER, & Doctores Judaici censent, cum initio mensis Tisri mundum condicæptum, & die 6 absolutum, die 7 feriatum fuisse, die 10 autem Adamum, primum peccatum & patrasse, & expiasse, adeoque hunc diem statum fuisse a legislatore Israelitis pœnitentialem, ut conversi ad Dominum imitarentur Adami exemplum, & misericordiam a Deo impetrarent. β) Quia Abraham eo die circumciscus fuerit, & propter hoc fœdus filii ejus sanctificati. γ) Quia, juxta Magistrorum sententiam in *Pirke R. ELIESER*, Moyses primo die mensis Elul seu Augusti, ascendit in montem Sinai, ut acciperet tabulas Legis posteriores, ibique permansit XL dies & noctes, quæ completæ sunt Die Expiationis, ideoque hic dies residuus, est dies remissionis & expiationis, sicut eo expiatum est peccatum Israelitarum, in vitulo aureo commissum. δ) Quod hoc die sederit Moyses in cavitare petreæ Exod. XXXIII, 22. videritque gloriam prætereuntis Dei; inde acquisivit sanctum hunc diem, in diem resipiscentiæ, remissionis & expiationis. Istæ vero causæ omnes cum ingenio solum nitantur Rabbiorum, solido nullo suffultæ fundamento,



mento, præstat in Divino acquiescere beneplacito, cujus nobis rationes non constant: si quæ tamen assignanda fuerit, eo demum recumbet, quod cum hac anni tempestate fructus omnes collegissent Israelitæ, hoc die publica testatum facerent pœnitentia, indignos se omnibus esse beneficiis, iisque ex mera Numinis clementia gaudere ac bonitate, quam supplices venerabantur, ut bonis collectis cum gaudio ac benedictione frui, sibi liceret. Ni forte arcessenda huc sit occasio, quam instituendæ huic festivitati, peccatum & interitus præbuit duorum filiorum Aaronis, Nadab & Abihu Lev. X, 1. Tantam enim cum transgressionem, tum stragem, ut posthæc cavendam moneret Legislator, majoremque Sanctuario suo conciliaret reverentiam, præcipiebat, ut ex hoc tempore Pontifex, non quotidie, sed uno quotannis die, summa cum veneratione, magnaue solennitatis ac ceremoniarum pompa, Sanctissimum ingrederetur Lev. XVI, 2. Conf. SPANHEM. *Observat. in Levitic. h. l. T. III. Opp. pag. 672.* Tanta autem hujus diei dignitas censebatur, ut ex BAR CHAMA traditione in Gem. Babylon. *ad Cod. Joma cap. I. fol. 20. col. I.* Satan omnibus 364 anni diebus facultatem habeat, impetendi Judæos & accusandi, hoc autem uno die, qui est 365, facultate ista destituatur.

Ad §. II. pag. 78.

(2) *Quæ concernunt populum*] Totius populi erat, hoc die ad cœtum sacrum confluere, animasque suas affligere & humiliare jejunio, ac abstinencia ab omni carnali oblectamento aut voluptate Lev. XVI, 29 sqq. idque sub pœna excisionis e populo suo cap. XXIII, 29 sq. Monet quoque MAIMONIDES *de Festo Expiation. cap. III. §. 6, 7.* populum, quando pronunciat Pontifex nomen יהוה quod decem vicibus in illo Festo memorabatur, procidisse in genua, expandisse manus & pedes, devotionis ergo: sicut etiam in singulis precibus, in hoc Festo populus ceciderit in faciem: juxta Eundem *de precibus cap. V. fin.*

Ad §. III. pag. eand.

(3) *Quæ concernebant Sacerdotem tantum*] Pontificis Summi solenne ac solitarium erat hoc die ministerium. Huc 1) refertur in Cod. *Joma cap. I. sect. 1.* quod Pontifex integro ante hunc diem sepiduo, ab ædibus suis separatus, & in conclavi quodam Sanctuarii, *Parbedrin* dicto, custoditus fuerit, ne forte ab uxore sua pollutus, cultuique inidoneus redderetur. Eaque propter alius quoque eidem surrogabatur Vicarius, qui partibus ipsius fungeretur, si quid impuritatis forte pateretur ex casu nocturno. Singulis horum dierum exercebatur in cultu illius diei, spargebat sanguinem de sacrificio jugi, accendebat fuffitum, præparabat lampades, & incendebat sacrificia quotidiana, ut eo expeditius Diei Expiationis operibus vacare nosset. Tertio & septimo die, aspergebatur cinere vaccæ rufæ. Destinabantur quoque Seniores quidam ex Synedrio, qui ordine omnem cultum ac ministerium Diei Expiationis prælegerent, & in memoriam revocarent. Die 9 qui proxime hoc Festum antecedebat, deducebant eum mane, per Portam templi Orientalem in Atrium, & juvencos, arietes, agnos ac oves præterire faciebant, ut melius inde cognosceret, quid sibi faciendum esset. Hinc Seniores Synedrii tradebant eum Senioribus Sacerdotum, qui ipsum in Conclave Abtines deducebant, ut ibi fuffitum rite peragere disceret. Post conjurabant ipsum, ne quid innovaret in cultu aut omitteret. Sub vespere non permittebatur multum edere, ne somnus noctu ipsi obreperet, ob periculum casus nocturni. Eumque in finem juniores quidam Sacerdotes ei adjungebantur, quibus vel ipse pericopam Scripturæ explicabat, quando doctus erat, vel explicatam ab alio quodam Sacerdote audiebat, si minus doctrina polleret. Hæc viri, ad tantum ministerium, erat præparatio. 2) Oriente ergo Die Expiationis, sub auroram surgebat Pontifex, & in Atrium, *Happaryah* dictum, se conferebat, depositisque vestibus ordinariis, sese totum בשבילה *immersendo* abluebat; hinc quo-

quoque manus ac pedes בקירוש h. c. quinquies singulorum repetita sanctificatione expurgabat; vestibus sanctis indutus, ad ministerium hujus diei sese accingebat. Vbi statim mactabat quotidianum sacrificium, comburebat ejus membra, offerebat thymiama, & peragebat totum illius diei ministerium ordinarium. Idem præstabat respectu juvenei, & septem agnorum extraordinarii sacrificii. His peractis denuo manus ac pedes abluebat. Dein deponebat vestes aureas, in balneo se abluebat, & lineas induebat vestes, huic diei constitutas Lev. XVI, 4. atque tum demum peculiaribus hujus diei ministeriis defungebatur. 3) Primum quidem ibat ad proprium suum juvenecum, Lev. XVI, 6. qui erat inter Templum & Altare, impositaque capiti ejus utraque manu, confessionem edebat, quæ in Cod. *Joma* cap. III. §. 8. his concepta verbis legitur: *Obscuro Domine, deliqui, rebellis fui, & peccavi coram te, ego & domus mea. Obscuro Domine, remitte nunc & delicta, & rebelliones, & peccata, quæ deliqui, & in quibus rebellis fui, & quæ peccavi, coram te, ego & domus mea, juxta quod scriptum est in Lege Moysi servi tui: quoniam in die hæc expiabit super vos &c. & ipsi respondebant post illum: ברוך שם כבוד מלכותו לעולם ועד Benedictum sit nomen gloriosum regni ejus in secula seculorum.* Hinc relinquebat juvenecum suum sub manu custodis.

Ad §. IV. pag. 78.

(4) *Duos illos hircos stitit*] Juvat Pontificis ante pertexere ministeria, quam ad hircorum contemplationem descendamus. Ea cum ordine recensuerit LIGHTFOOTVS in *minist. templi Hierosol. cap. XV. Tom. I. Opp. p. 744 sqq.* hinc paucis repetemus, adjectis tamen, & insertis hinc inde variis, ab illo prætermisiss, quæ ad uberiorem faciunt declarationem. Peractis, quæ diximus, 4) Pontifex ibat conjectum sortes in duos hircos, ad Euro-aquilonarem partem Atrii, infra Altare constitutos. Sortes erant ordinarie duo nummi aurei, ejusdem crassitie, quorum alteri inscriptum erat: ליהוה pro De-

mino, alteri לעזאזל pro *Asafele*. Juxta libr. *Siphra P. II fol. 168. col. 1.* olim hæc sortes ex buxo confectæ erant, ultimis autem temporibus ex auro; nunquam tamen diversæ, ita ut una ex argento, altera ex auro constaret. Hæc in pyxidem injiciebantur, in quam Sacerdos utramque poterat manum una immittere, dictam קלפי. Duo hirci coram eo collocabantur, unus ad dexteram, alter ad sinistram. Ad dexteram Pontificis stabat סגן, proximus a Pontifice inter Sacerdotes dignitate; ad sinistram ראש בית אב Princeps familie paternæ. Tum Sacerdos Summus movens urnam, duas illas sortes extrahebat, ac in qua manu fors pro Jehova reperiebatur, illam elevabat, & postea sortem dexteræ manus hirco a dextris stanti, & sortem sinistræ manus hirco a sinistris stanti, imponebat. Tum alligabat purpuream vittam; לשון זוהרית linguam coccineam dictam, quia instar linguæ lata erat & formata, capiti hirci emissitii, eumque illo in loco collocabat, ex quo erat emittendus; alterum vero hircum eo mittebat, ubi eum oportebat mactari. Et expectabant, ex quo capiti hirci alligata erat vitta purpurea, donec fieret alba, vi promissionis Jes. I, 18. Ita nempe factum dicunt tempore Simeonis Justi, & sortem hirci emissitii semper in dexteram Pontificis venisse. 5) Ita dispositos hircos relinquebat, & ad suum rediens juvenecum, impositis iterum manibus, alteram confessionem edebat, iisdem verbis cum priore conceptam, nisi quod post: *ego, & domus patris mei*, hæc adjicerentur verba: *& filii Aaronis, sanctus tuus populus.* Postea mactabat juvenecum, capiebat sanguinem, & dabat eum agitandum cuipiam, ne concreceret. Ipse fumebat thuribulum, plenum prunis, de altaris exterioris acervo lignorum depromtis, atque ex vase allato implebat manus thymiamate, quod injiciebat disco. Thuribulum prunarum manu dextra capiebat, & discum thymiamatis sinistra. Ita ingrediebatur prima vice in Sanctum Sanctorum, & ad arcam accedebat, quo in loco deponebat prunas suas, effundebat thymiama in manus suas, id imponebat prunis, & expectabat, donec



donec totum conclave fumo repletum esset: tum retrorsum recedebat ex Adyto, facie ad Arcam obversa. Egressus, brevem hanc fundebat precatiunculam: *o Domine Deus, placeat tibi, ut hic annus habeat tempestivas pluvias, nec patere, sceptrum tuum discedere a Juda, nec populum tuum Israellem carere victu, nec preces transgressorum venire coram te.* 6) Tum egressus, capiebat sanguinem juveni, qui eo absente agitarus fuerat, ne concreveret, eumque inferebat loco Sanctissimo, *secunda vice* ingressus, atque aspergebat octies, semel superius, septies inferius intra vinctes arcæ; ita tamen, ut guttulæ sanguinis in terram caderent, non vero Propitiatorium attingerent, & in aspersione superiori altius, quam erat altitudo Propitiatorii, sanguis emitteretur, vola manus terræ obversa, in aspersione autem inferius facta, sanguis coram Propitiatorio, in libero aëre digito spargeretur, vola manus cælo obversa, ut in *Lex. Aruch f. 129. col. 4.* docetur. Hoc facto exhibat, & reliquam sanguinem lanci in loco sancto injiciebat, & egrediebatur. Porro 7) mactabat hircum, & ingressu *tertio*, sanguinem ejus in locum sanctissimum inferebat, spargebatque octies, ut cum sanguine juveni fecerat. Egressus, eum in loco sancto deponebat, sumtumque juveni sanguinem octies adaspergebat ante velum, idemque cum sanguine hirci faciebat. Postea, iis in cratere uno aureo mistis, adaspergebat altare aureum, incipiens ab Euro-aquilonari angulo, & absolvens in angulo Euro-noto obverso. Circumitis angulis, corpus ipsum altaris, femoris paulisper cineribus, ut aurum appareret, septem vicibus in superficie adaspergebat, atque exhibat, reliquumque sanguinem affundebat ad occidentale latus basis altaris holocaustatum. Atque iste quidem Hircus expiabat peccata omnia contra legem, tam levia quam gravia, tam ex ignorantia, quam ex proæresi commissa, tam cognita, quam incognita; inprimis peccata idolatriæ, incestus, & effusionis sanguinum, tum quoque immunditiæ, si v. g. in immunditie Templum essent ingressi, &c. juxta MAIMONID.

*de penitent. cap. V. & de erroribus cap. XI. §. 9. & juxta lib. Siphra P. II. fol. 171. col. 1. & f. 176. col. 2. & fol. 184. col. 2.* 8) His rite peractis, ibat, ut emitteret hircum emissitum. Primum manus ei imponebat, atque hanc recitabat confessionem, quæ ab Auctore nostro traditur §. VI. eaque omnes peccatorum species illi imponebantur: unde quoque in *Siphra P. II. fol. 187. col. 1.* scribitur, quod hircus emissarius expiet peccata Sacerdotum, Levitarum, & Israelitarum, sicut juvenis Sacerdotis Summi expiabat ipsius peccata, familiæ & Sacerdotum, & hircus pro peccato populi immolatus expiabat peccata Israelitarum. Finita Confessione, deducebatur hircus in desertum ab homine idoneo, i. e. mundo, sive Sacerdos esset, sive Israelita. Distabat circiter XII milliaribus (Anglicis scilicet) Hierosolyma, præceps & altum promontorium, quod vocant nomine *פס* / sive id nomen proprium ei fuerit, quod nonnulli contendunt, sive commune omnibus altioribus rupibus. Erant autem tabernacula decem, ab urbe Hierosolyma usque in desertum exstructa, quorum quodlibet ab altero passibus bis mille distabat, & in quolibet tabernaculo homines erant, qui virum, hirci ducem, cibo ac potu volebant reficere, si cuperet. Solebant etiam nobiliores Hierosolymæ, hircum comitari ad primum tabernaculum: hic parati erant alii, comitaturi eum ad proximum, atque ita usque ad ultimum. Ab ultimo demum tentorio eum prorsus non comitabantur ad ipsam rupem, sed in aliqua distantia subsistebant, ut viderent, quid facturus esset. Cum eo pervenerat ductor, detrahebat coccineam vittam a capite hirci ex interstitio cornuum, eamque disrumpebat mediam. Dimidiam partem alligabat rupi, alteram rursus cornibus hirci revinciebat. Denique hircum impellebat in præcipitium, qui priusquam ad fundum pervenisset, in varias partes crepabat. Ita munere suo defunctus, redibat ad proximum tentorium, ubi subsistebat, donec nox appeteret. Interea temporis 9) Pontifex M. post emissum hircum, ad suum redierat munus, & dividebat in partes juven-

juvencum, & hircum, quem mactaverat, & cuius sanguinem intra velum intulerat. Imponebat eorum viscera altari, ut comburerentur, sed membra cuiuspiam tradebantur, ut aveherentur extra Hierosolymam, ubi comburebantur, juxta Levit. XVI, 27. Tandem dicebant Pontifici: *hoc tempore hircus pervenit in desertum*: & tum ibat in Atrium mulierum, ubi ad pulpitem legebat unam aut alteram sectionem Legis, ut Levit. XVI, tot. & cap. XXIII, 27-32. Tempus, quo hircus in desertum pervenerat, ita definit Mischna Cod. *Joma cap. VI. §. 8.* innotuisse Hierosolymis: in ea via varias fuisse pilas lapideas dispositas, & viros in eorum fastigio stitisse, cum albis linteis. Vbi hircus pervenerat in desertum, qui ibi stabat in proxima pila, sursum deorsum agitabat linteum suum, & sic reliqui ordine, usque ad urbem, quo sic res momento deferebatur. R. ISMAEL vero miraculo tribuit, vittam nempe coccineam, ejusdem cum illa, quam inter cornua gestabat hircus, materiæ & formæ, alligatam fuisse valvis templi, & statim ac hircus in desertum pervenerat, illam exalbuisset. Vbi ex Gemara Babylon. *Rosch Haschana fol. 31.* laudatus LIGHTFOOTVS observat, per totos XL annos ante destructionem Hierosolymæ, vittam rubram nunquam evasisse albam; cum vero hæc immutatio signum esset remissionis peccatorum, juxta Jef. I, 18. ita se morte dignos reddidisse intelligebant, effuso sanguine Christi, exacte XL annis ante excidium Urbis, ut criminis hujus veniam non assequerentur. 10) Posthæc Pontifex M. perlectis sectionibus istis Legis, & recitatis præterea octo precibus, abluebat manus & pedes, exuebat lineas vestes, in balneo se lavabat, sacerdotales vestes induebat, abluebat iterum manus & pedes. Offerebat arietem unum pro se, alterum vero pro populo, & septem agnos in addiditias hujus diei oblationes. Tandem offerebat quotidianum sacrificium vespertinum. 11) His peractis, manus & pedes denuo abluebat, sacrisque vestibus exutus, in balneo corpus lavabat, induebat lineas vestes, manus & pedes abluebat. Ingressus quartum, e loco sanctissimo

repetebat Thuribulum, & discum, quæ ibi repositæ fuerat. 12) Postea, ablutis manibus pedibusque, exutis lineis vestibus, in balneo loto corpore, induebat sacerdotales vestes, abluebat manus & pedes, ingressusque in Sanctuarium, offerebat vespertinum thymiam, relictisque lucernis exhibat. Atque tum denique, ablutis manibus ac pedibus, exutisque sacerdotalibus vestimentis, ordinaria assumebat, & ad ædes suas abibat, universo persequente populo. Eamque diem fastam habebat, quia sibi incolumi ex Sanctissimo exire licuerat.

Inde liquet, quater hoc die Pontificem in Sanctissimum introisse, ut hactenus indicavimus, & confirmat MAIMONIDES *de Ingressu in Sanctuar. cap. II. §. 1, 2, 3.* adeoque, cum Moses Lev. XVI, 34. & Exod. XXX, 10. *אחת בשנה* semel quotannis, & Paulus Hebr. IX, 7. *ἀπαλῆ καὶ ἐναυτὸν* ingressum dicit, numerus ille monadicus ad diem totius anni unum restringendus est. Ita Israelitæ ter quotannis in Templo se stitisse perhibentur, licet vel sexies uno die Templum intrassent. Pariter semel quis baptizatus esse dicitur, licet ter sit immersus, quia hi actus homogenei & continui habentur pro uno. Numerus autem sparsionum sanguinis omnium hoc die ad 43. assurgit, octies nempe in Sanctissimo, ex sanguine juvenci, toties ex sanguine hirci, fedecies contra Velum, quatuor vicibus ad Cornua Altaris interioris, ex sanguine hirci & juvenci commixto, septies super Altare Holocausti. Victimæ porro XV hoc die ab uno offerebantur Pontifice: XII holocausta, & XIII sacrificia piacularia: sic ut essent agni 9. arietes 2. hirci duo, & juvenci duo. *De ingressu in Sanctum Sanctorum Pontificis Hebræorum Summi*, prolixè commentatus est PASSOVIVS disp. publica Vitembergæ An. 1692; quam evolvat, qui plura cupit.

Ad §. IV. & V. pag. 78.

(5) *Posterior vocatur hircus Azazel*] Gravissimum hoc argumentum, præter ceteros ex instituto discusserunt SAM. BOCHARTVS Hie-



roz. Tom. I. lib. II. cap. LIV. toto, IOH. VAN DER WAYEN *Var. Sacror. Dissert. II. p. 139 sqq.* STEPHAN. LE MOYNE *Varior. Sacr. Tom. II. p. 649 sqq.* BIERMANN. *Moses en Christ. lib. IV. cap. VI. p. 662.* edit. Belgicæ, BERN. SEBAST. CREMER. in *Typolog. P. II. Comment. literali & mystico in Levit. XVI, 1. & Num. XXIX, 7-11.* ex quibus potiora nunc in compendium mittemus. Nomen hirci legitur Lev. XVI, 7, 8, 10, 26. &c. & cum præfixo quidem, ut hircus לעוזל Azazeli destinatus seu dicatus indicetur. Vbi α) de nomine לעוזל, ejusque ortu pariter ac significatione, prorsus non convenit inter doctores. Hebræis passim hoc nomine notatur mons asper & confragosus, augustus & celsus, quo hircus deducebatur, in deserto prope montem Sinai situs, *mons caprinus* velut dictus, eo quod hircus Expiationis eo emitteretur. Ita cum Talmudistis, Arabes, & e Christianis VATABLVS ac OLEASTER. Inde componunt vocem ex עז caper, & חזל abiit, ut idem sit ac: עז חזל hircus quem dimittit, quem abigit, scil. Jehova, aut Sacerdos jussu Dei, ut exponit WAYEN §. CV. p. 186. Hanc tamen derivationem explodit BOCHARTVS, quia vocab. עז fœmin. non hircum, sed capram notat, neque cum verbo masculino componi potest. Sed & mons ille Azazel, & sacre & profanæ Geographiæ plane est ignotus, nullibique monstrari potest, nec a quoquam descriptus, quod impossibile omnino foret, si tantæ solennitatis fuisset ac celebritatis. β) Alii itaque hircum ipsum emissitium hoc nomine vocatum contendunt. Vnde LXX τῶν ἀποπαισίων interpretantur. Ex horum mente verba Mosis ita sunt reddenda: Aaron jacet fortis super duos hircos, sortem unam Domino, h. e. in hircum Domino mactandum, & alteram in Azazelem, i. e. in hircum, in desertum abiturum & deducendum. Vnde SYMMACHVS alteram sortem jactam dicit εἰς τῶν ἀπερχόμενον, in hircum abeuntem: atque huc referunt, qui ita sentiunt, superiorem vocis originationem, cui DAVID DE POMIS quoque in *Zemach David h. v.* adstipulatur. Verum obstat partim ordinis

& narrationis turbatio. Quomodo enim id nominis statim huic hirci imponeret Legislator, ubi nihil hucdum de emissionem ejusdem, unde nomen esset petatum, edixisset? partim absurdum correlationis. Si enim Azazel est nomen hirci emissitii, vi vocum ac structuræ necessario sequitur, alterum hircum, qui immolabatur, nomen יהורל gessisse. Vna enim fors exibat לעוזל hircus, qui Azazel dictus est, altera יהורל hircus, qui immolandus erat, & vi relationis Jehova dictus sit. quod falsum. γ) BIERMANNVS, æque ac SPENCERVS de *Legib. Hebr. ritual. Dissert. VIII. pag. 992 sq.* illi adstipulantur sententiæ, quæ per Azazelem intelligi contendit Diabolum; non, ac si unus ex hircis Diabolo sit immolatus, alter Deo, ritu licet dispari, & sic Deus ac Diabolus pari loco invicem oppositi & habiti fuerint, cum & hic hircus Deo esset sacer; sed quia voluntate ac jussu Dei exponeretur hic hircus, ad torquendum Diabolum, & ut ipse a Dæmone torqueatur. Probat prior sententiam δ, quod ex communi Judæorum consensu nomen hoc sit Angeli mali, qui Azazelem eundem faciunt cum Sammaele, Angelo mortis. eaque propter ζ. veteres quoque Christiani per Azazelem Diabolum intellexerint, teste ORIGENE lib. VI. contra Celsum. ζ. quia verba Textus perspicue doceant, alterum hircum sorte Deo fuisse adjudicatum, alterum Diabolo. Vti enim יהורל is est, cui hircus immolandus erat destinatus, sic vi correlati Azazel pariter is erit, cui emissitius dicatus erat, Deo oppositus. η. quia faveat etymologia vocis, compositæ ex עז robur, & חזל quod prateriit, discessit, ut vox hæc notet virtutem, quæ discessit & abiit, seu ut SPENCERVS exponit, sortem illum fugientem aut abeuntem, h. e. creaturam principem, quæ principatum non servavit, sed defecit: quod quam apprimè in Diabolum quadret, idem demonstrare satagit SPENCERVS. Hanc vero, ceu perabsurdam nominis explicationem, refellit BOCHARTVS. Nam i. istud, quod ab initio removerat, hircum hunc Diabolo fuisse consecratum, in exegefi sententiæ manifesto asserit, & confirmat, dum

dum per sortem, hircorum alter Deo, alter Diabolo addictus fertur. Quam autem hoc a mente Dei alienum, & impium sit, ad expianda peccata victimam unam, Deo immolandam, alteram Diabolo, ad excruciandum, fuisse destinatum, ex *Cap. sequ. commate 7.* liquido patet, ubi exserte & severe prohibet Deus, Damonibus litare. Quin & ipse hircus, qui vivus emittebatur, fisti jubetur coram Domino *cap. XVI, 10.* ut uterque hircus Deo esset devotus, in offerendi ratione ac modo solum, alter ab altero distinctus. Nec 2. ullo plane vestigio aut indicio tale quid prodit Scriptura, hircum emissitium ad torquendum Diabolum, & ut torqueatur a Diabolo, fuisse destinatum. Ceteræ rationes omnes vel incertæ sunt ac lubricæ, vel ex fabularum Judaicarum lacunis haustæ, ut mirari subeat, subacti iudicii viros, in quibus etiam WAYENIVS est §. *CIV* *sqq. p. 185.* & WILHELM. MOMMA *Oeconom. temp. P. I. cap. XI. lib. II. §. 35. p. 205.* hanc sententiam serio tuendam in se fuscipere potuisse. δ) STEPH. LE MOYNE ex adverso, nomine Azazel Deum ipsum designari autumat, in cujus nominibus quoque sit *אל עז Azazel*, Deus fortissimus. Hircos itaque illos in honorem solius Dei fuisse oblatos: alterum *ליהוה* sub ista benigna relatione nominis Jehovæ, qui hoc cum primis nomine Judæis se manifestaverat, & promissionum suarum implemento apud illos se commendaverat; alterum *לעזאזל* Deo fortissimo, Deo, qui ratione Numinum gentilium, solus erat *שרי* & *אל* / & *עז* / potens, robustus, fortis, sufficiens, sed nondum erat Jehova, nec respectu Gentium se Jehovam manifestaverat, Ethnicos vocando, & benedictionibus suis cumulando, secundum promissionem Abrahamo factam. Cum ergo hircus emissarius repræsentaret oblationem factam in gratiam Gentium, & illius in desertum deductio, fuerit symbolum & typus Evangelii, quod ad gentes usque remotissimas & ferociiores pervenit, quarum peccata sanguine Christi deleta sunt, sicut peccata Hebræorum; dicendum existimat Vir doctus, oblationem factam Azazeli, esse oblationem Deo ipsi

factam, qui ratione Ethnicorum nondum vocabatur *יהוה*. Sed mutuatiæ & prorsus incertæ, quin immo falsæ sunt hypotheses, quæ ingeniosæ licet conjecturæ huic substernuntur. Obstat eidem 1. vocis Originatio. In compositione vocum non videas facile, unius vocis literam in alteram inferi mediam & intrudi, ut h. l. voc. *אל* suum *עז* inter-duo 7 medium inferre fingitur. Præterea Deus quidem *עז* *robur* fidelium, non vero *עז* vel *עז* vocatur: 2. Oppositio duarum sortium, quæ duas, sibi que oppositas requirit partes, sive distincta objecta, ita ut hircus unus cum Domino consecraretur, alter non posset pariter Domino, sed alii personæ, objecto, vel fini fuisse destinatus: 3. Inconvenientia nominum. Neque Deus unquam vel in Scriptura, vel apud Judæos, Azazel est dictus; neque nomen *יהוה* respectu Judæorum, & Fœderis gratiosi inter Deum & homines, sed respectu essentiae Deo competit: 4. Gratis præterea & citra ullum fundamentum, verbum Evangelii, sub Azazele adumbratum fuisse fingitur, cui somnio nullus conciliari potest color. ε) BOCHARTVS denique originem vocis in Arabismo quærit, ubi verbum *Azala* est *remove, separare*. Hinc duplicata litera *Dsal*, quæ duplicatio frequentissime apud ipsos locum habet, *Azazel* inde enasci, quæ vox *ἀναχώρησις*, *separationem, secessionem* notet. Cum ergo sortes jacerentur, alter hircorum Domino destinabatur in sacrificium, alter *πρὸς ἀναχώρησιν*, ad *secessionem, separationem, & abductionem* in loca remota & dissita deserti. Eaque nobis potior ceteris omnibus videtur sententia, quam statamus, donec meliora edoceamur.

Ad §. VII. pag. 79.

(6) *Capiunt gallum gallinaceum*]. Riturum hunc modernum copiose describit BVXTORFIVS *Synag. Jud. cap. XXV. p. 508 sqq.* Judæis autem eundem inculcat *ספר הנהגת האדם cap. XXXIV. statim a principio*, jubetque, ut *בערב יכ* in Parasceve Diei Expiationis, post preces matutinas in Synagoga fufas, illa expiatio peragatur:



tur: monet etiam, quod ex *ל* seu initialibus litteris formula solennis, *זה חילפתי זה תחתי זה כפרתי* hic sit permutatio pro me, hic sit loco mei, hic sit expiatio pro me, prodeat verbum *חתך* secare, abscindere, *והוא החותך חיים* tum ille abscindit vitam: verum BVXTORFIVS nomen dicit esse Angeli, huic rei praefecti. Formulam expiationis fusius exponit *ספר מנהגים* seu Rituale Amstelodam. in 4. An. 1662. fol. 45. col. 2. *fin.* *זה חילפתי זה תחתי זה כפרתי זה התרגנו* *ילך למיתה ואני אלך לחיים טובים עם כל ישראל* hic sit permutatio pro me, hic in locum meum succedet, hic erit expiatio mea: hic galus ibit in mortem, ego autem ad vitam felicem sum iturus, cum toto Israele, Amen. Superstitionem illam quoque EDZARDVS reperit in Berachoth cap. I. p. 185. & refellit p. 186. 190. Reliqua apud laudatum BVXTORFIVM videantur: sunt enim recentioris & superstitionis instituti.

Ad §. VIII. pag. 79.

(7) *Sis pro nobis peripsema*] Integer SVI-DAE locus ita habet: *Περίψημα, κατάμαγμα. ἢ ὑπὸ τὰ ἴχνη ἀπολύτρωσις. ἕως ἐπέλεγον τῷ κατ' ἐνιαυτὸν συνέχοντι τῶν κακῶν περίψημα ἡμῶν γεννῶ· ἢ τοι σωτηρία, καὶ ἀπολύτρωσις· καὶ ἕως ἐνέβαλον τῇ θαλάσῃ, ὥσπερ τῷ ποσειδῶνι θυσίαν ἀποτινύοντες.* Quæ AEMIL. PORTVS ita vertit & supplet: Purgamentum, quicquid spongia purgatum excipitur. Ipsa sub vestigiis existens, i. e. jam praesens redemptio. Sic acclamabant illi de malis ac sceleratis hominibus, qui quotannis comprehensus detinebatur, & reipublicæ malorum lustralis hostia destinabatur: esto nostrum purgamentum, i. e. salus & redemptio, & in mare sic ipsum conjiciebant, quasi Neptuno sacram hostiam immolantes & persolventes.

Ad §. IX. pag. cit.

(8) *Qua utebantur Gentiles*] Eidem sententiæ novissime accedit BEAUSOBRE in Annot. Gall. ad Nov. Test. b. l. eamque IOHANNIS vel

ISAACI TZETZIS carmine Græco egregie illustrat. Athenis duos quotannis viros, unum pro viris, alterum pro feminis, seu juxta HESYCHIVM, virum & feminam, singulos scil. pro sexu suo, immolabant, qui *Φαγμανοὶ, καθάρματα, σύμβαλχοι* dicti; atque de publicis hanc in rem sumtibus nutriti. Hi septies, colaphis, scillis, ficibus agrestibus, aliisque cadebantur, ac per civitatem, suspensas de collo caricas, ii, qui pro viris, nigras, qui pro feminis immolabantur, albas gestantes, manu caseum, mazam, itidemque caricas ferentes, ad tibiarum cantum, ejusmodi modulus *καθάρσις*, & *Φαγμανός*, indeque homo *καθαροῦτης* dicebatur, ducebantur, tandemque cremabantur, atque eorum cineres in mare spargebantur. MEYRSIVS *Atticar. Lection. lib. V. cap. XXII. Tom. V. Antiqu. Græcar. col. 1880. & in Græcia feriata lib. IV. Tom. VII. Antiqu. Græc. col. 787.* Apud Gallos similiter, aliquis ex egentissimis ad lustrationem annuam donis persuadebatur, qui publicis per annum cibis alebatur, & solemnem expiationis die accedente, extra urbis pomeria saxi obruebatur: observante ERASMO Roterod. & HVG. GROTIUS ad 1. Corinth. IV, 15. Confer Auctores, quos larga manu ad h. l. *πολυμαθέας* citavit in *Curis Philol.* WOLFFIVS.

Ad §. X. pag. 80.

(9) *Typum & antitypum*] Comparat solum Auctor noster Pontificem, cum antitypo Christo, quod bene habet. Sed necesse est, ut typicam quoque hircorum expiationis ad Christum relationem meditemur, quæ varie a variis instituitur. 1) ORIGENES *Hom. IX. in Levit.* duobus hircis designari autumat duo genera hominum, proborum & fidelium, ac improborum, quorum illi a Christo Pontifice ac Judice universali, Deo in sacrificium destinantur, hi in desertum, ac tenebras exteriores projiciuntur. Quin & lapsos, hinc homines, hinc Angelos, designare eos censet, quorum illi, tanquam hircus immolandus, accepti sunt a Domino, ut ex illis Ecclesiam sibi colligeret, hi tanquam hircus Aza-

zel, sint rejeſti, & a Chriſto in triumpho ducti. Sed coacta hæc eſſe, nec bene ſibi reſpondentia, quis non videt? 2) Alii ad duas in Chriſto naturas, cum Auctore noſtro *num. VI.* accommodant, ita ut hircus immolandus Humanam reſpiciat immolandam & occidendam, hircus emiſſarius Divinam, paſſionis expertem. 3) Theologus quidam Anglus geminum adumbrari credit modum diſtinctum, abolitionis peccatorum, ita ut emiſſarius hircus fugam delineet, merumque peccati, maſtaturus vero abolitionem peccati per poenitentiam. Quæ quam abſurda licet ſit comparatio, adeo ſe tamen probavit SPENCERO, illam ut ceteris omnibus anteponat. 4) WILHELM. MOMMA *c. 7.* hircum Azazel, quem Diabolo expoſitum & deſtinatum, æque ac BIERMANNVS credit, figuram exhibuiſſe perhibet rebellantium Judæorum. Improbi enim, in Sacris hirci vocantur, Matth. XXV, 33. in quibus rebelles Judæi principatum teneant. Vt hircus ille ſiſtebatur vivus coram Domino, ita Judæi ſoli Deo olim viſi ſunt vivere; ille mittitur in deſertum Azazeli, hi dimiſſi & diſperſi ſunt per gentes, Deoque hujus ſæculi, h. e. Azazeli obediunt, qui ipſos *ἐτύφλωσε*, 2 Cor. IV, 4. Ille mittebatur per manum viri opportuni, hi per Cæſarem Romanum; ille portabat ſuper ſe omnes pravitates, defectiones, & peccata filiorum Iſrael, hi pariter portant, verum non expiatorie, ſed ſub Dei juſtitia vindicativa, tam inſigniter ac longo intervallo pro peccatis luunt; ac ſi omnium Iſraelitarum poenas ferrent. Tandem, ut hircus ſiſtebatur, ad expiandum ſuper illo, ita & hi in ſanguine Teſtamenti ſunt ſanctificati, ſpesque eſt, fore, ut totus adhuc Iſrael ſalvetur, Rom. XI, 26 ſq. Quæ denuo longe ſunt petita, nec uno nomine impingunt. Eandem tamen ſententiam WAYENIVS *c. l. §. CXXXV ſqq.* copioſe tuetur, & paulo aliter pingit, hircum Azazel gentem Judaicam repræſentari, Chriſtum rejeſcturam, & a Chriſto atque communione Dei olim, aliquot ſæculorum decurſu, rejiciendam; quam apud ipſum legas. 5) BIERMANNVS

utrumque hircum typum quidem Chriſti conſtituit, ſed ſub duplici relatione, quam Chriſtus habuit, hinc ad Deum Patrem, quem morte ſua expiavit, hinc ad Azazelem, ſeu Diabolum, hoſtem quocum Chriſto erat dimicandum. 6) Commodius HERM. WITSIVS in *Doctr. Fæderum lib. IV. cap. VI. p. 673.* immolatum hircum, adumbratſe cenſet veram peccatorum expiationem, quæ ſit effuſione ſanguinis; emiſſum vero, conſequens & effectum hujus expiationis, in abolitione peccati, ne amplius coram Deo compareat. 7) Omnium optime uterque Chriſtum retuliſſe creditur, ſed ſub diverſis comparationis partibus. *Immolatus* erat ſacrificium pro peccato, *חטאת*/ Chriſtus pariter, quem Deus peccatum fecit, 2 Cor. V, 19, 25. Illius ſanguis inferebatur, ad expiationem in Sanctuarium; Chriſtus, verus Pontifex, non per ſanguinem hircorum aut vitulorum, ſed per proprium, ſemel ingreſſus eſt Sanctum, æterna redemptione reperta, Hebr. IX, 12. *Hircus Azazel* portabat peccata totius populi, ſibi impoſita; & omnium hominum peccata Deus *הפגיע* incurrere fecit in Chriſtum, Jeſ. LIII, 4, 6, 10. Ille tradebatur in manum viri deducendus; Chriſtus traditus in manus peccatorum Jeſ. LIII, 8. ad mortem, non ſorte, ſed deſtinato Dei conſilio Act. IV, 27 ſq. Ille conviciis, execrationibus, ſputis, & verberibus oneratus abigebatur; quæ omnia Chriſtus ſuſtinuit, dum in Calvarie montem eſſet deducendus, dorſum ſuum percuſſoribus præbens, & genas inimicis &c. Jeſ. L, 6. Ille peccata populi procul auferebat, ne in conſpectum amplius venirent; ita Chriſtus peccata noſtra procul a nobis removit Pſal. CIII, 12. Cum primis huc conferri meretur Vener. BERNH. WALTH. MARPERGERI tract. vernaculus, *das groſſe Sühn- und Sünd-Opfer des groſſen Verſöhn-Tages*, qui expiationem hujus diei cum antitypo, expiatione Chriſti ſtudioſe confert, ſimul quoque ſortes jaſtas, hircum utrumque, & præcipuas hujus diei cerimonias, ex Talmudicis & Rabbinicis monimentis ſollicite illuſtrat.



## LIB. III. CAPVT IX.

DE ANNO SABBATHICO, SEV QUIETE  
SEPTENNALI.

Ad §. I. pag. 80.

**Annus Sabbathicus**] Vocatur passim שְׁמַטָּה  
Intermissio, שְׁמַטָּה שְׁנָה *Annus intermissionis*  
Deuter. XV, 1, 2, 9. & שְׁבַת שְׁבַתָּה לְאָרֶץ *Sabbathum cessationis terra* Lev. XXV, 3. Incipiebant autem computationem illius anni, a die X mensis septimi seu Tisri, qui erat dies Expiationis, cujusvis anni septimi, & usque ad Eundem diem anni sequentis, siue octavi putabant, ut annus integer prodiret; ut vult BIERMANN. in *Mose & Christo lib. IV. cap. VII. p. 679. edit. Belg.* Contra vero ea, MAIMONID. in *Schemitta & Jobel cap. IV. §. 6. & cap. X. §. 3.* numerandi initium in primum mensis Tisri diem conjicit, quocum facit etiam MEYERVS mox citandus §. VIII. pag. 339. Ceterum, quemadmodum שְׁבַת tam diem notat septimum hebdomadis, quam integram septimanam, ita quoque שְׁמַטָּה & Annum intermissionis significat, & integros septem annos, h. e. totius hebdomadis annualis complexum, eodem modo, quo *lustrum* dicitur Latinis quinquennium.

A quo autem tempore, post ingressum in terram Canaan, numerare annos, & observare Schemittam cœperint, dubia est inter Judæos sententia. MAIMONIDES in *Schemitta & Jobel cap. X.* ita definit: ומֵאִמְתִּי הַתְּחִלָּה לַמִּנּוֹת מֵאַחַר אַרְבַּע עֶשְׂרֵה שָׁנָה מִשְׁנַכְנְסוּ לְאָרֶץ שְׁנָה שְׁנִים תּוֹרַע שָׂרָךְ וְשִׁבְעַת שָׁנִים כְּבוֹשׁ הָאָרֶץ: וְשִׁבְעָה בַחֲלוֹק: A quo tempore autem exorsi sunt numerare? Post XIV annos, quum ingressi fuerant terram, quemadmodum dicitur: sex annis seminabis agrum tuum &c. (Lev. XXV, 3.) Septem annos impenderunt subjugationi terræ, & septem annos distributioni. Istam autem traditionem certo destitui Scripturæ fundamento, causati

ABARBENEL, RALBAG, R. ASARIA, & alii apud MEYERVM lib. II. de *Temp. Sacr. & Fest. Hebr. cap. VI. §. 4 sqq.* ubi fule in hanc questionem inquiritur, in diversum discedunt, & exactis primis septem post ingressum annis, Schemittam observari cœptam censent; a quibus tamen in tantum abit MEYERVS, ut præter annos subjugationis, etiam requisitum fuisse tempus divisionis opinetur, quia vix incipere potuerit periodus anni Sabbathici, antequam terra sorte fuerit distributa: quæ sententia rationi omnino exactius respondet. Conferatur Idem in *Annotat. ad Seder Olam cap. VII. p. 372 sq.* ubi pariter, ex Magistrorum mente, hæc controversia copiose disceptatur.

Ibidem.

(2) *Annus Sabbathicus signum erat*] Pertinet hoc ad §. V. ubi ex instituto Festi rationes considerantur.

Ad §. II. pag. cit.

(3) *In ἀγεωργία, agriculturæ cessatione*] Dicitur שְׁמַטָּה הָאָרֶץ quies terræ, toto anno agris & vineis indulta Exod. XXIII, 10, 11. Lev. XXV, 3 sq. Prohibebatur quippe seminatio, vitium amputatio, messis & vindemia, sub poena flagellationis triginta & novem verberum. Neque de arborum radicibus licebat auferre herbas noxias, neque arborem sterilem licebat plantare anno septimo, neque folia vel ramos aridos arboribus adimere &c. Contra vero, licebat in anno septimo semina ventilare, ut illo finito seminarentur, arbores quoque signare minis, & lapides circumponere, ne laderentur a bestiis &c. MAIMONID. c. I. cap. I. §. 1-10. Licita quoque

que fini in agros portatio, non tamen ut stercorearent agrum, sed fimetum in eo struerent, *cap. III. §. 1 sq.* Etsi vero integrum non erat possessori agrorum, eos totos obsepire, vel fores hortorum oppeffulare, sed liberum cuique concedere aditum, liberamque decerpendi & fruendi omnibus facultatem facere oportebat, licebat tamen fossam facere in agro, vel sepimentum construere in anno septimo, si ad viam publicam pateret *ibid. §. XIII, XIV.* ubi plures ejusmodi videas tricas.

Ad §. II. pag. 80.

(4) *In remissione debitorum* ] שטרו כספיה / nominum scilicet, sex annis elapsis contractorum, remissio *Deuter. XV, 2 sqq.* Nulla hoc anno debita exigebantur a debitore Israelita, cui plane illa erant remittenda, bene autem a Gentili vel advena. Non vero ex Lege Moſis obtinebat debiti remissio, (quia in *Exodi & Levitici cc. II.* nulla ejus fit mentio) nisi eo tempore, quo in usu erat annus Jobelæus, sive in terra, sive extra terram Israelis, & agri redibant ad proprietarios. Sed tamen ex constitutione Sapientum deinceps etiam, cum annus Jobelæus defuisset, adhuc obtinebat debiti remissio. *MAIMONID. c. I. cap. IX. §. 2, 3.* Si quis etiam cum altero pacisceretur, ut anno septimo non remitteretur debitum, tamen remittebatur, quia nemo destruere jus anni septimi poterat *ibid. §. II.* Contra vero, si quis debitum negaret anno septimo, & illo finito vel fateretur debitum, vel testibus convinceretur, ei non remittebatur *§. 8.* ita, si quis mutuo daret alteri, & solutionis terminum figeret decem annorum, non remittebatur anno septimo *§. 9 sqq.* ubi plures hujusmodi casus, in quibus cessaret remissio, proponuntur. Si quis alteri vellet restituere debitum post annum septimum, debebat ille, qui mutuo dederat, dicere: Remitto ego. Sin vero instaret alter, dicens: Tamen volo, ut accipias; licite ille accipiebat. Poterat etiam dicere debitor: dono dedi tibi has pecunias; & tunc poterat ac-

cipere creditor, *§. 28 sq.* Num vero remissio illa in fine solum septimi anni, & quidem in festo Tabernaculorum, locum habuerit, quod contendit *MAIMONID. c. I. §. 4.* an in toto potius septimo anno, quod probabilius censet, & ex phrasi Mosaica מָקַץ שְׁבַע שָׁנִים probat *MEYERVS c. I. §. XVI, XVII. p. 334.* legi potest *ibidem.* Idem porro *MEYERVS §. XX. p. 335.* erudite discepat: An illa debita ita remissa fuerint Israelitis, ut post annum Sabbathicum exigere licuerit, an vero omni ratione fuerint remissa? Vbi, contra vulgarem Hebræorum sententiam, quod absoluta & perpetua debitorum remissio hic fuerit mandata, ut nulla unquam eorum sequeretur solutio; vero censet similis, remissionem non fuisse perpetuam, sed pro illo septimo duntaxat anno exactionem intermissam, debito manente, & sequentibus annis reposcendo. Ita namque ratiocinatur: Quemadmodum non exigebatur proventus ab agris, ita neque debitum a debitore exactum, quod ejusmodi anno, quo nihil ferebatur & metebatur, homines præsertim tenuioris fortunæ, non essent solvendo: ut autem sequentibus annis licite redibant ad agrorum culturam, ita etiam debitum exigere poterant, nempe a divitibus, non autem pauperibus, juxta *Deuter. XV, 7-11.* Velut autem illa, ab agrorum cultura, postliminio cæpta, ad remissionem debitorum collectio, propter summam comparatorum disparitatem, plane nihil evincit, cum proventus terræ, cultura eliciendus & promovendus, ad sustentationem gentis, & decimarum, primitiarumque oblationem, omni prorsus tempore necessario requirebatur, & negligi non poterat, excepto anno septimo; ita stamus adhuc sententia Hebræorum, quam supra quoque insinuavimus, quia hæc exceptio in fraudem cederet legis, & immunitatis privilegium eriperet obaratis, si anno octavo ad solutionem denuo adigerentur.

Refertur huc a quibusdam etiam שְׁלוּחַ עֲבָרִים *dimissio servorum* Israeliticorum, qui sex annis præcedentibus servierant, & hoc anno manumittebantur; quod ex *Exod. XXI, 2. Deut.*



XV, 12. probare nituntur. Verum laudatus MEYERVS c. l. §. 22 sqq. in hanc quæstionem ex instituto commentatus, ex Exod. & Deuter. cc. 11. & Jerem. XXXIV, 14. nec non ex ratione anni Jobelai Lev. XXV, 10 sqq. solide demonstrat, manumissionis fervorem annum inde ab initia servitute, minime vero juxta computum anni Sabbathici, fuisse numeratum, & si forte eveniret, ut manumissio in annum Sabbathicum incideret, illam tamen non vi Schemittæ, sed privilegio peculiari, citatis locis divinitus servis Israeliticis indulto, locum habuisse, Quomodo autem, cognatum huic manumissioni, ἐν αὐτίο φανὲς Exod. XXI, 7. & Deut. XV, 12. ex mente Rabbiorum componi debeat, R. MENASSEH BEN ISRAEL docet *Conciliat. in Exod. b. l. quæst. XXXIX. p. 156.* Potiori jure ad ritus hujus anni pertinet, solennis prælectio Deuteronomii, a Rege vel Pontifice, stante in suggesto ligneo, in Atrio Templi, coram tota concione filiorum Israel, clara & distincta voce peracta, juxta Deuter. XXXI, 10 - 14. de qua copiose rursus disputat MEYERVS c. l. cap. IX. §. 67-73. p. 200.

Ad §. III. pag. 81.

(5) *Qua re vesci potuerint, eo durante* Recte Auctor noster provocat ad benedictionem sexti anni, Levit. XXV, 20, 21. promissam. Præterea res sponte natæ in anno septimo, cibum cuius præbebant. Quicquid enim crescebat vel ex feminibus, quæ ante annum septimum in agrum ceciderant, vel quicquid ex radicibus succis succrescebat, vocabatur ספִּיח *sponte natum* (ex Levit. XXV, 5. ספִּיח קציר) sive esset herba, sive olus a seipso crescens. הכר id omne licite comedebatur, secundum legem, quia dicitur Lev. XXV, 6. וְהָיָה שְׁבַת הָאָרֶץ לָכֶם לֶאֱכָלָהּ: erit fructus Sabbathi ipsius terræ vobis ad comedendum. Non vero demetebatur, sicut fruges in aliis demetebantur annis, ut ederentur. MAIMONID. *Hilc. c. cap. IV. §. 1.* Qui autem religiosiores erant, & metuebant, ne aliqua seminata essent; &

venditarentur pro sponte nascentibus, non nisi fructus arborum, & illas herbas, quas paucissimi seminabant, in anno septimo edebant, v. g. rutam, asparagum, & similia, non autem olera, fruges, & legumina §. 3. ubi plures de rebus sponte natis constitutiones legas. Fructus arborum anni septimi, quorum comestio concedebatur, alio, quam reliquis annis, modo tractare conveniebat, secundum illud Scripturæ Levit. XXV, 5. עֲנִי נְיֹרָךְ לֹא תִכְצֹר *uvæ intermisisse tuæ vineæ ne vindemiato.* Hinc v. c. ficus anni septimi non rescindebantur falcula consueta, nec siccabantur in loco solito; uvæ non calcabantur in torculari, olivarum in trapeto non fiebat confractio; & sic circa ceteras quoque res, recepti ceteroquin moris facienda erat immutatio. §. 21, 23. Anno septimo omnium sponte nascentium usurpatio cuique concessa erat, ita, ut nec vineam occludere, nec agrum obsepere, nec totum proventum uni soli vindicare sibi liceret, bestiarum quoque pecudumque depastiones erant liberrimæ juxta legem Exod. XXIII, 10, 11. Quin & fructuum anni septimi venditorum peculiaris erat sanctitas, diversa & alia a ceterarum rerum Deo sacratarum sanctitate. Aliæ enim sacræ res, quod ex Lev. XXVII, 13 sqq. discimus, si secundum æstimationem Sacerdotis, addita insuper pretii parte quinta, redimantur, profanam naturam induunt, subeunte in locum illarum pretio. At fructuum anni septimi venditorum pretium sacrum est, & ad cibos tantum parandos usum præbet, nec illi fructus venditi sacri esse desinunt, sed veterem indolem servant. Non igitur fas est, pretio fructuum anni septimiolvere debitum, aut despondere sibi uxorem, aut tonsorem vel nautam conducere, sed illo unice esculenta emere oportet. Jam, cum v. c. emitur illo pretio fructuum, caro, ea caro religiosa sit, nec minore sanctimonia comedenda est, quam ipsi anni septimi fructus. At, si hac carne pisces quis compareret, tum caro sacra esse desinit, pisces vero religionem contrahunt; si piscium cum oleo fiat permutatio, oleum sanctimoniam accipit, quam pisces amittunt; si pro oleo

oleo mel paretur, mel sacrum evadit, oleum tale esse definit, unde si quid istorum omnium finito anno septimo superfit, primi tantum fructus, & ultimum mel, ad remotionem obligantur. MAIMONID. *cap. VI. §. 6 sqq.* Demum fructibus anni septimi haud ultra illud tempus vesci licet, quo species eorundem in agris non amplius comparent, juxta id, quod legitur Levit. XXV, 7. *jumenti tui, & cujusque bestiae, quae est in terra tua, esto totus proventus illius ad comedendum.* E quo inferas, tam diu homines domi suae licite fructibus frui, quoad bruta illis ipsis fructibus vesci possunt in agris. Simulac vero brutis illorum comedendorum copia nulla est, homines quoque comestione prohiberi. Atque hoc Magistris vocatur *ביעור של פירות* *remotio fructuum anni septimi.* Nempe, residuum ex illis fructibus segregare, aut in fluenta projicere, aut alio quovis modo abolere oportet, si nulli adsint pauperes, inter quos distribui possint. Proinde, si quis v. c. secum habeat ficus anni septimi, potest licite eas comedere, donec illarum arbores hoc fructu destituuntur: nam cum hae ficubus carent, domesticæ quoque ficus illicitæ evadunt. *cap. VII. §. 1 sq.* Prout porro fructus anni septimi, sic & pretium, quod quis ex venditione eorum tenet, semovere oportet. Vnde si quis vendat malogranata, pecunia ex eorum venditione collecta, exterminanda est, quamprimum arbores malogranatis orbæ sunt. Hinc pro illis nummis vel emendus est cibus, & in tria prandia pauperibus distribuendus: vel nummi ipsi in mare projiciendi erunt, si non reperiantur cibi: §. 7, 8. Sed & regio Judaica, quoad remotionem fructuum anni septimi, est in triplici differentia. Vnam partem constituit Judæa proprie dicta. Alteram, totus qui est trans Jordanem, tractus. Tertiam, Galilæa superior & inferior, cum contermina Tiberiade. Quoties ergo de præsentia, aut absentia fructuum sermo est, non universam Judaicam regionem intelligere oportet, sed ejus tantum partem: unde cum fructus aliqui in Judæa defecere, non prod-

est id ad illorum ibi comestionem, etiamsi trans Jordanem agri aut arbores iis adhuc onerantur. §. 10 *sq.* Hæc ex MAIMONIDIS Hile. *Schemitta Vejobel* decerpere & huc transferre visum fuit, ut lacunam, ab Auctore circa sponte nascentia anni septimi relictam, quadantenus expleremus.

Ad §. IV. pag. 81.

(6) *Ne mutuum erogarent*] Hi autem violabant mandatum divinum Deuter. XV, 9, 10. Istud vero præceptum, de mutuo dando pauperi, ab HOTTINGERO, *Juris Hebræor. Leg. LXVI. p. 78.* uberius explicatum leges, ubi tritum illud Magistrorum scitum subnectitur: *שהאר מרחק ונמאס ונתעב ונאלח ותשוקץ ער שקרוב להיות מואוס במאוס עא א* *Hominem remotum, contemptum, abominabilem, fetidum, & ita esse detestabilem, ut non multo sit inferior idololatra, si opibus pollens, manum suam ab hoc præcepto retrahat.*

Ad §. V. pag. cand.

(7) *Rationes instituti hujus Festi*] Rationes istæ, aliæ censentur morales, aliæ typicæ. *Morales* sunt, α) ut discerent Israelitæ, se ac universam terram, ad Dominum pertinere, ejusque esse peculium Lev. XXV, 23. Agros itaque suos, cum velut feudum a Domino possederint, necesse habuisse, ut eorum proventus Deo sacros esse agnoscerent, iisque in honorem supremi Domini territorii, summa cum veneratione & gratitudine fruerentur. β) Vt agri quoque interdum quiescerent, nec omnis eorum fertilitas, usu annuo exhauriretur. γ) Vt ad misericordiam, erga pauperes & ære alieno obrutos exercendam, manu velut ducerentur. δ) Vt majori & temporis impendio, & animi contentione, in studium legis incumberent, cum toto anno a cultura vinearum, hortorum & agrorum vacarent. ε) Vt ab anxia de victu sollicitudine avocarentur, totique fide ac *πληροφορία*, a pro-



videntia penderent Divina Matth. VI, 31. *Typica* vero hujus anni ratio ad Christum ipsos remittebat, verum Noam, requiem ipsis a laboribus allaturum Genes. V, 29. & ad annum remissionis, quem Fideles in N. T. sint acturi, quibus Messias procuraturus sit 1) quietem ab operibus legis, & difficili cerimoniarum iugo, ut in ipso requiem sint habituri animarum suarum Matth. XI, 28 sq. 2) remissionem debitorum omnium, quam ipse, solvendo, quæ non rapuerat Psal. LXIX, 5. sit acquisiturus: 3) Spiritum charitatis & beneficentiæ, ut pauperibus panem frangamus, & exules in domum recipiamus; vestientes nudos &c. Jes. LVIII, 7. Quo fine in prima statim Ecclesia Christiana Diaconi ordinabantur, qui publicam pauperum curam gererent, Act. VI. 4) communionem omnium bonorum spiritualium, ut quemadmodum proventus hujus anni omnibus essent communes, ita pariter fructus gratiæ & Spiritus in N. T. omnibus futuri sint communes, divitibus æque ac pauperibus, summis & imis. Vide BIERMANN. *supra citat.* p. 684 sq. & MEYERVM c. l. §. 34. p. 340. Quo autem pacto ABARBENEL ostenderit, annum Sabbathicum symbolum fuisse cessationis Dei ab opere creationis die septimo, ut homines semper essent memores Sabbathi, idem MEYERVS docuit §. XI. p. 332.

Ad §. VI. pag. 81.

(8) *Fundatam esse sententiam R. ELIAE* ] Hanc, gemina exercitatione Academica, studiose discussit CHRIST. REINECCIUS, *Traditio ELIANA de sex durationis mundi millenariis* Lips. A. 1702. Paucis hæc habe: I.) *Traditio ipsa* in Talm. Babyl. Cod. *Sanhedrin* cap. XI. fol. 97. col. I. & Cod. *Avoda Sara* cap. I. fol. 9. col. I. his concepta verbis legitur: תנא רבי אליהו ששת אלפים שנה הוא עלמא שני אלפים תורה שני אלפים תורה שני אלפים ימות המשיח וכעונותינו שרבו יצאו מהם מה שיצאו: *Traditio domus ELIAE est: mundus durabit sex annorum millia: duo millia sunt inanitatis, duo millia*

*Legis, & duo millia temporis Messie. Sed propter peccata nostra, quæ multa sunt, abierunt ex illis, quæ abierunt.* Hanc ita exponit R. GEDALIAH BEN IECHAIAM שלשה הקבלה fol. 24. col. 2: *In cap. XI. Sanhedrin proditum est, a domo ELIAE traditum circumferri: sex annorum millia perdurabit orbis. Duobus millibus annorum dominabitur inanitas, h. e. Lege vacuus erit orbis: isque habitus ejus fuit ad annum usque LII ætatis Abrahami. Duobus annorum millibus dominabitur Lex; quorum annorum finis incidit in annum centesimum & septuagesimum secundum, post desolationem Templi secundi, qui fuit annus O. C. quater millesimus. Duobus millibus dominabitur Messias, i. e. æquum erat, ut Messias (post elapsa annorum millia quatuor) veniret, sed propter peccata nostra etiamnum moras agit. In eundem sensum, sed ampliori verborum apparatu, & pleniori bis-millenarii medii computo, hanc traditionem exponit RASCHI Comment. in Tract. Sanhedrin fol. 92. col. 3. In prima ergo periodo, vacuus fuit mundus Lege, non omni, cum cordibus hominum impressa vigeret, & a Deo oretenus tradita, ac per Patriarchas propagata; sed scripta, donec Moses literis eam Divino jussu consignaret: In media, sub æconomia legali, Ecclesia Judaica agebat, quam dudum præterisse; hoc ipso, ultro largiuntur recutiti: In ultimam ימות המשיח dies Messie incidere denuo fatentur, quos tamen, ob gentis impietatem & peccata, nondum apparuisse, desperabundi, nec habentes, quod veritati obvertant, causantur. Domesticis itaque armis Judæos oppugnans HOORNBECKIUS lib. II. de convinc. Judæis c. I. p. 180 sqq. Messiam dudum venisse, ex traditione ista solide evicit, eamque ab exceptionibus MENASSEH BEN ISRAEL liberavit. II.) Fundamentum quidem fabulæ susternere nituntur Judæi ex Scripturis: alii, cum Kabbalistis ex Gen. I, 1. ubi sexies repetitum N, toties quippe pro mille accipiendum, sex mille annorum ætatem mundo tribuat; alii, ex sex creationis mundi diebus, ita, ut tot annorum millenarios duraturus sit mundus, quot conditus est diebus,*

ut ABARBENEL *Comment. in Genes. Sect. I. & copiose contendit* R. MENASSEH BEN ISRAEL *lib. III. de resurrect. mort. cap. IV. pag. 270 sq.* sed quam lubricum utrumque sit, & ruinofum, nemo non videt. III.) Etsi vero istam ELIAE traditionem, multi priscae Ecclesiae doctores, IRENAEVS, IVSTINVS MARTYR, VICTORINVS, LACTANTIUS, ORIGENES, AVGVSTINVS, alii, calculo & suffragio suo munie-

runt, ita ut CORN. A LAPIDE *Commentar. in Apoc. XX. p. 299.* hanc ut communem sententiam, ita probabilem conjecturam appellet: PAVLVS PEZRONVS tamen in *defense de l'Antiquité de tems, Chap. II. §. 4. p. 83 sqq.* eam origine sua incertam, inventione novam, argumento fallam, & distributione temporum absurdam, evincere sategit, quem licet non per omnia sectandum, evoluisse non poenitebit.

## AD

## LIB. III. CAPVT X.

## DE ANNO JOBELAE O.

*Quandoquidem in Disputatione Seculari, quam anno 1730. a. d. 7. Jul. de Anno Jobelæo secundum disciplinam Hebræorum, ex Levit. XXV. conscriptam, Respondente doctissimo tum Juvene, CHRISTOPH. GOTTHELF STEMLE-RO, pro Cathedra in Academia Lipsiensi, publico eruditorum examini subjecimus, omnem hujus Capituli & doctrinae ambitum, qua fieri potuit, brevitate, emensi sumus, eam huic Auctoris nostri Capiti subungere libuit, ut amplissimarum viceungeretur Annotationum, & suppleret, qua Auctor reliquit intacta.*

## §. I. Jobelæi 1) Etymologia &amp; Appellatio.

Nominis יֹבֵל & origo traditur diversa, & dispar significatio. Vt enim ludicras aut inanes imperitorum hominum conjecturas, quibus vel ad nomina, quæ fingunt, Divina, Jao & Elva, vel ad Latinorum jubilandi verbum, hanc vocem referunt, jure suo pratermittamus, in tres cumprimis classes vel familias abeunt viri docti, qui nominis natales exponunt. I.) Suppetit Hebræis verbum יָבַל fluxit, in longum dimanavit, quod solum in Conjug. III. tam activa legitur in Scripturis, הוֹבִיל produxit, deduxit, quam passiva הִבֵּיל productus est, & nomina peperit

יֹבֵל / יֹבֵל / יֹבֵל fluctus, aquarum fluentia, tum etiam יֹבֵל proventus terra. Ad hanc radicem Jobelæi nomenclaturam passim revocant Philologi in Lexicis, SANCTES PAGNINVS, IOH. AVENARIVS, VALENT. SCHINDLERVS, & alii, nec tamen una omnes ratione. Aliis nimirum יֹבֵל vi vocis est sonitus & clangor tube protractior, ut AVENARIO & SCHINDLERO, per Exod. XIX, 13. cum protrahetur הַיֹּבֵל clangor, ipsi ascendent in montem, ubi mox vers. 16. & 19. per קוֹל vocem buccinæ, Jobel explicatur. Alii ad reducendi notionem restringunt, in quibus est FVLLERVS *lib. IV. Miscell. Sacr. cap. 8.* ubi annum יֹבֵל interpretatur τὸ ἔτος τῆς ἀναγωγῆς, annum reductionis: reducebat enim annus ipse omnes ad vetustas sedes, agrosque suos, ad antiqua hereditatum jura, & primas vivendi conditiones, unde quoque e PHILONE ἀποκατάστασις seu restitutionem dicit, quod anno quinquagesimo res ac personæ apud Judæos, universa in loca pristina restituerentur, sive reponerentur. Quæ in ABEN ESRAE recumbunt sententiam, cui ad Lev. XXV, 10. יֹבֵל idem est ac שלוח missio, dimissio, remissio, æque ac CHISKVNI, qui id nominis, לשון שלוח mittendi, vel remittendi notionem obtinere tradit. Eandem quoque suam fecit, & paulo interpolatam ita exposuit,



suit, e Pontificiis IOH. MORINVS *lib. I. Exercit. Biblic. VI. cap. IV. §. 5. p. 115 sqq.* Jobelæum dici, quod unicuique proventum hereditatis sue appor-  
tarét, & unumquemque in hereditatem reduceret. Quæ interpretatio, ratione prioris membri, falsa prorsus & inepta est, cum proventus funde-  
rum suorum colligere, fibique solis servare, Jo-  
belæi lege prohiberentur potius possessores. FVLLE-  
RO autem adstipulatur e nostris VARE-  
NIUS, qui disp. *de Sabbathico & Jubileo in Israel*,  
quæ *Decadibus in Exod.* subjuncta legitur, §. I.  
p. 461. ita exponit: *Quod adducebat agris quie-*  
*tem, servis libertatem, debitoribus cum pignore*  
*dominium utile, & fundi pignorati possessionem,*  
*erat יובל seu Jubileus in Israel, ein allgemeines*  
*Wiederbringungs - Jahr.* Consentit pariter  
MEYERVS *de tempor. S. & Festis Hebr. P. II.*  
*cap. XVIII. §. 3. p. 342.* nisi quod absurdam MO-  
RINI expositionem, de apportato hereditatis  
proventu, simul admisceat.

## §. II. Alia Etymologia.

II.) Aliam Hebræorum Magistri viam in-  
gressi, יובל Arabicum dicunt vocabulum, &  
arietem notare, per Synecdochen vero partis,  
cornu arietinum, quo inflato, annum quinquage-  
simum promulgarum fuisse, persuasum ha-  
bent. Ita partim Talmudici tradunt, in ראש  
השנה *cap. III. fol. 26. col. I.* ubi R. AKIBA, cum  
iter in Arabiam faceret, דכרא arietem, se ap-  
pellari audivisse perhibet יובל Jobelam: par-  
tim Chaldæus interpres, IONATHAN, qui quod  
Jof. VI, 5, 6. קרן היובל cornu Jubilei appella-  
tur, קרן דכרא reddit, & שופרות יובלים buc-  
cinas Jobelim, dicit שופריא דקרן דכריא bucci-  
nas e cornu arietino: partim Lexicographi, vt  
KIMCHIUS, *Præfatione in ספר שרשים* / qui  
Talmudistarum testimonium repetit: partim  
Commentatores passim. Pro cornu tamen arie-  
tis, vel buccina pronunciant ABARBENEL in *Le-*  
*vit. XXV, 9. fol. 268. col. 4.* LANIADO in כלי  
יקר seu *Commentario in Prophet. prior. ad Jof.*  
*c. I.* & DAV. DE POMIS in צמח דוד seu *Lexico,*

qui קרן של איל interpretatur cornu arie-  
tis, annumque Jobel dici autumat a nomine buc-  
cinæ vel cornu, cujus sono intimabatur. Ho-  
rum auctoritate moti, in eandem pedibus inces-  
serunt sententiam, e Christianis, duumviri He-  
brææ antiquitatis juxta ac linguæ peritissimi,  
IOH. BVXTORFIVS in *utroque Lexico*, & IOH.  
COCCEIVS, qui ad confirmandam traditionem  
istam cum Jof. VI, 4, 5, 8. & Exod. XIX, 13. tum  
ampliolem vocis notionem adhibet & usum.  
Contra vero ea, sententiam istam vehementer  
exagitavit MORINVS *cit. loco*, solide vero, &  
insigni cum eruditionis apparatu, impugnavit  
vir ad miraculum doctus, SAM. BOCHARTVS  
in *Hieroz. P. I. Lib. II. cap. XLIII. p. 425 sqq.*  
veritus, ne commentum hoc sit Rabbiaicum,  
eo quod & aries Arabibus nusquam vocetur Jo-  
bel vel Jobela, & cornu arietinum ad celebra-  
tionem anni Jobelæi adhibitum fuisse, idoneo  
nullo demonstrari queat documento.

## §. III. Denuo alia.

III.) Denique fautores etiam nacta est eru-  
ditissimi ANDR. MASII conjectura, qui in *Com-*  
*mentar. in Jof. VI, 4.* vocem Jobel perantiquam  
esse ratus, inde a primo Musicorum instrumen-  
torum inventore Jubal deducit, aequæ ac Lati-  
norum jubulum & jubilare. Putat autem, voces  
quascunque, canoras illas quidem & grandes,  
sed rusticas, duras & agrestes, quasque ululan-  
tes significare, quales inchoata illa, sed non per-  
fecta, primi artificis instrumenta edebant, hoc  
est, quales sunt tubarum & buccinarum rauci  
clangores: quod cum plausu excipit, & scite  
pingit BOCHARTVS, eoque sensu משך היובל  
Exod. XIX, 13. & קרן היובל ac שופרות היובלים  
Jof. VI, 5, 6. esse existimat tubas, vel cornua soni  
grandis & protracti, rustico more, atque annum  
Jobel, cujus promulgatio fiebat tali cornu vel  
tuba. Neque hic abludit a BOCHARTO suo,  
quem ubique fere sequitur, IOH. CLERICVS  
*Comment. in Levit. XXV, 4.* ut tamen alio indu-  
tam schemate sistat sententiam, hariolatur, radi-  
cem

cem. יובל significasse apud antiquissimos Hebraeos, *clangere tuba*, aut quid simile, unde factum sit nomen *Jubalis*, qui cytharam & organa invenit. Hinc quoque potuisse יובל *tubam* derivari: quam tamen, cum BOCHARTO, arietinam fuisse negat. Quæ omnia, qua asseruntur facilitate, eadem merito rejiciuntur.

#### §. IV. Etymologia ex nostra sententia.

Nos inter tot tantosque viros arbitrari non ausi, quæ tamen nobis maxime se probet etymologia, citra cujusquam insectationem, paucis exponemus. Tertia sane sententia, meris innixa conjecturis, lubricitate sua ruit, magisque ingenium sapit, quam rei veritatem: præterquam, quod *Jubalis* nomen, a Rad. יבל derivatum, facile largiamur. Media ita confecta est a magno BOCHARTO, eidem vix quisquam ut adstipulari amplius ausit. Nimisque hic aurem præbuisse Rabbiniis Buxtorfium credimus, & Cocceium, illis ut suum adjicerent calculum. Locum ergo tuetur prima, quæ & linguæ nititur analogia, & locorum parallelorum concentu tantum non exigitur, & simplicitate sua se commendat. Quandoquidem enim הוביל proprie est *in longum deduxit* seu *protraxit*, ut aquarum fluentia, hinc הוביל dicimus vocabulum rei suæ attemperatum, quod *sonum longe productum*, & intimationi anni libertatis fere proprium, denotat: unde porro, per metonymiam signi, ipse quoque annus hoc nomine venit. Planum hoc est ex vocis constructione & usu. Exod. XIX, 13. במשך הוביל *cum trahetur sonus*, vel si ex Jos. VI. suppleatur ellipsis, הוביל הקרן *cum productiore sono inflabitur cornu Jobelaum*, illi *ascendent in montem*: ita enim apposite קרן הוביל dicitur, cornu his usibus, talique sono & cantui appropriatum Jos. VI, 5. והיה במשך הוביל *fiet autem, dum adhuc traxerint cornu Jobelai*, seu soni in longum producti, qualis in publicatione Jobelai edi solebat. Sic etiam vers. 4, 6, 8, 13. שופרות יובלים *buccine clangoris Jobelaorum*, appellantur. Recte ita-

que שנת הוביל annus clangore ejusmodi solenni promulgandus, eodemque sensu יובל simpliciter vocatur Lev. XXV. & XXVI. Contra vero, siye buccinae, siye reductionis aut restitutionis, siye missionis, dimissionis ac remissionis, amplectaris notionem, vel absurda prodibit, vel impropria, & per ambages evolvenda explicatio, si Scriptura dixisse perhibeatur: *cum trahetur buccina*, vel *restitutio*, seu *missio* ac *dimissio*, item, *cornu buccinae*, aut *remissionis* ac *restitutionis*, & *tuba buccinarum*, *remissionis* aut *restitutionis*, juxta loca modo allegata. Hinc adstipulatur nostræ sententiæ R. SALOMO, qui de hoc anno ad Levit. XXV, 10. ita glossatur: יובל שמה על שם תקיעת שופר *Jobel est nomen ejus, propter clangorem productum buccinae*. A certo autem vel ritu, vel facto, statuta tempora, solennitates & festa, nomina fuisse sortita, exemplo פסח Exod. XII, 13, 27. / יום פורים / תרועה כוכה / Num. XXIX, 1. aliisque passim constat, nec eget probatione. Nec dimoveri nos patimur a veritate sententiæ nostræ, iis, quæ obijciuntur: nimirum 1) dudum ante Jobelai vel celebrationem, vel institutionem, alia longe significatione, vocem hanc legi Exod. XIX, 13. ubi sonus ille majesticus, Divinam comitatus & intimans revelationem, הוביל appellatur: quod CLERICVS cumprimis obvertit. Verum quid obstat, quo minus sonum ejusmodi productum, propriissima & nativa sua voce Moyses redderet הוביל cujus modus ac ratio posthæc, illo maxime tempore, quo literis ista mandabat sacer scriptor, ex intimatione anni Jobelai satis erat perspecta? Clangorem enim angelicum, in augusta supremi Legislatoris manifestatione auditum, nulloque instrumenti Musici adminiculo editum, ut populo suo quodammodo, & maxime sequiorum temporum Israelitis, significaret Spiritus Sanctus, tali usus est voce, quæ & origine sua rem apte exprimeret, & a ritu ipsis cognito petita, & intellectu omnibus esset obvia. Si etiam πρόληψιν dixeris, illa quidem in Scripturis adeo est frequens, cumprimis in nominibus propriis, aut appellativis ejusmodi, quæ ritui



cuidam solenni sunt appropriata, ut ad probandam illam vel GLASSII sufficere possit *Philol. Sacr. lib. IV. Tract. III. Observat. X. pag. marg. 799 sqq.* Quod porro 2) οἱ ἐξ ἐναντίας urgent, ex Jos. VI. ubi שופרות הויכלים leguntur, in eo τὸ ἐν ἀξίᾳ petunt, qui buccinas e cornu arietum paratas vertunt, quod quam faciant inepte, ex קרן הויכל pater. Buccinae autem hac descriptione notantur, quibus clangores producti & in longum tracti, pro more intimationis Jobelæi, edebantur: qui, quantumvis ex nulla haecenus facta celebratione Jobelæi, bene tamen ex Mosaisca institutione, constabant.

S. V. Jobelæi 2) *Annus & Tempus.*

A nomine ad rem ipsam progredimur, dum secuturi Scripturae Sacrae, quae universam de solennitate ista constitutionem Divinam, Lev. XXV. 8 sqq. ceu in propria sua exhibet sede. Vbi primum est, curata Temporis definitio, in quod Annus Jobelæus incidat. Satis quidem perspicue mentem suam supremus legislator explicuit comm. 10: וקרשם את שנת החמשים וְ sanctificabitis annum quinquagesimum, & comm. 11: וכל הוא שנת החמשים שנה Jobelæus hic est, annus quinquagesimus esto vobis. Vnde liquet, proxime a Jobelæo exacto, numeratos fuisse XLIX annos plenos; quibus superatis, sequens quinquagesimus sanctificabatur in Jobelæum, ita ut inter utrumque Jobelæum anni XLIX intercederent integri, & Jobelæus annum Sabbathicum cycli septimi exciperet. Huc spectat uberior illa temporis declaratio, comm. 8. & 9. suppeditata, quae ita sancit: Numerabis tibi septem septimanas annorum, septem annos septem vicibus, ita ut tempus septem septimanarum annorum sint tibi quadraginta novem anni: tunc facies, ut personet cornu clangoris mense septimo, die decimo ejus mensis: die Expiationum facitote, ut cornu personet in tota terra vestra. Et sanctificabitur &c. Sensum horum verborum quia non eodem omnes mo-

do, & minus commode nonnulli sunt affecti, hinc gravis exorta fuit inter viros doctos controversia: Vtrum, exactis XLIX annis plenis, totus quinquagesimus Jobelæo dicatus fuerit? an potius quadragesimus nonus huic solennitati inservierit, qui tamen quinquagesimus dicatur, quia toti cyclo Jobelæo connumeretur praecedens Jobelæus, qui ipse quinquagenarium numerum absolvat, atque sic Jobelæus semper incidit in Sabbathicum? Magnae utrinque auctoritates, illustria nomina, & graves prostant rationes, inter quas eligere, quam partem sequaris, adeo difficile videtur, ut vel ipse CLERICVS ἐπέχεν maluerit, quamvis in posteriorem se propendere sententiam non neget. Pro anno quinquagesimo, a praecedentibus XLIX distincto, militant post EVSEBIUM, HIERONYMUM, AUGUSTINUM, & recentioribus TOSTATUS ABULENSIS, TORNIELLVS, IAC. BONFREYVS, MENOCHIVS, FAGIVS, IVNIUS, DRVSIUS, PARAEVS, WILLETVS, BAILIVS, BVCHOLZERS, BEROALDVS, HOTTINGERS, SCHINDLERVS, CALOVIVS, PFEIFERS, DIETERICVS, HVLSIVS, LEYDEKKERS, LEVSDENIVS, quorum argumenta confertim exhibet, dilutis adversae sententiae momentis, IOH. MEYERVS cit. loc. §. 4 sqq. urgens cum primis FLAVII IOSEPHI auctoritatem, qui lib. III. *Antiqu. Jud. cap. XII. §. 3.* ab iisdem stat partibus. Rursus autem pro XLIX anno, qui simul & Sabbathicus fuerit, & Jobelæus, sententiam dicunt IOSEPH. SCALIGER, DIONYS. PETAVIVS, SETHVS CALVISIVS, EVNTINGVS, MOESTLINVS, CODOMANNVS, MERCATOR, VERO EMMIVS, YSSERIVS, IAC. CAPPELLVS, NATAL. ALEXANDER, SPANHEMIVS, HELVICVS, THVMIVS, BEHMIVS, CLOPPENBURGIUS, AEGID. STRAVCHIVS, IAC. GVSSSETIVS *Comment. Linguae Hebr. voce שמטה* p. 866. quorum rationes, ordine ac data opera, edisserit ac ornat studiosissimus SCALIGER affectator, CALVISIVS *Isagog. Chronol. cap. XXV.*

## §. VI. ex nostra sententia.

Prolixa nunc nobis ineunda esset disceptatio, qua prior sententia, quam sequimur, rationibus munienda, alterius vero & destruenda forent momenta, & propulsandi insultus. Sed brevitatis rationem habentes, rem omnem paucis quibusdam observationibus complectemur. I. Quomodo geminum habebant annum Judaei, alium Civilem, qui a mense Tisri, alium Ecclesiasticum, qui a mense Nisan, ducebat initium: sic annus Sabbathicus, aequae ac Jobelaeus, idem erat cum Civili, hoc saltem intercedente discrimine, ut Sabbathicus a Kalendis, Jobelaeus a die decimo mensis Tisri, putaretur. Vtriusque asserti ratio liquido proditur in Textu. Prioris, quando commate 9. anni quadragesimi noni mensis septimus ille numeratur, in cujus diem decimum יוֹם seu Festum Expiationis incidebat: aut a Kalendis Nisan, mensibus sex diebus decem, Festum Expiationis abest. Juxta illum ergo computum, initium anni, nempe sacri, a quo festivitatum Judaicarum, & in his etiam diei Expiationum, pendebat ratio, ducebatur a Nisan. Posterioris, respectu anni Sabbathici, ratio ex comm. 3, 4 & 5. liquet, ubi a Sabbathico sementem aequae ac messem, aut vindemiam, removet Legislator. Messiem itaque cum inde a mense Nisan & amplius, sementem a mense Tisri & porro, auspicarentur in Palaestina Judaei, necesse habebant, ut a Tisri hujus anni putarent initium, nisi benedictionem messis sextae neglectim habere, & ab ejus collectione prohiberi vellent, quod commatibus 21, 22. omnino refragatur. Ad Jobelaeum porro quod attinet annum, illius auspicia in solennem ejus incidere promulgationem, clangore buccinae die Expiationis peragendam, comm. 9. nemo facile in dubium vocabit. Ideo enim universam tuba personabat terram, ut ex hoc temporis momento annum libertatis pendere, omnes intelligerent. Nec nisi in principio illius, solennis proclamatio locum habere poterat. In utroque consentientes habemus Judaeos tantum non

omnes, quorum Magistri in Talin. Tract. ראש השנה cap. I. Mischna I. ubi quatuor anni definiunt initia, inter alia sic pronunciant: בחדר בתשרי ראש השנה לשנים ולשמיטין ולירקות: Prima die mensis Tisri initium est anni pro annis Civilibus, & pro Sabbathicis, & pro Jobeleis, pro plantatione & oleribus. Idem MAIMONIDES repetit atque inculcat הלכות שמטה ויובל cap. X. §. 4. שהרי מתשרי הוא המנין לשמיטין ולירקות: Ecce a mense Tisri computus instituitur annorum & Sabbathicorum, & Jobeleorum. In eo quidem MAIMONIDES in diversum discedit, quod in expositione hujus Mischnae tradit: etiamse jura anni Jobelai tantum incipiant a decimo die Tisri, quemadmodum dixit Deus Bened. Levit. XXV, 9. sed a principio anni incipiebat computus Jobelai, & servitus servorum deficiebat, per Lev. XXV, 13. Velut autem posterior locus sententiam Mosis Aegyptii non probat, ita vero longe videtur nobis propius, quod initium hujus anni a clangore illo, & intimatione publica & solenni, sit ducendum. Sed enim vero gravis hic intercedit auctoritas Theologi, meritis in Ecclesiam insignis, b. SEBAST. SCHMIDT, qui Part. I. de Paschate cap. I. in loc. Exod. XII, 2. pag. 17 sqq. omnem movet lapidem, ut priscis temporibus non nisi unum asserat apud Judaeos annum, illamque in Civilem & Ecclesiasticum distinctionem, captivitate Babylonica faciat sequiorem. Velut enim nomina mensium, suffragantibus R. MOSE BEN NACHMAN, R. BECHAI, & ABARBENELE, demum ex captivitate Babylonica in Palaestinam allata fuisse censet, ita reduces quoque ex Babylonia Judaeos, pro Persarum & Chaldaeorum more, quem & ipsi adoptaverint, primos in Tisri novum aliquod anni constituisse perhibet initium, a quo demum tempore annus Civilis sive recentior a Septembri, Ecclesiasticus sive antiquus ab Aprili inchoari ceperit, cum a condito mundo usque ad captivitatem Babylonicam, Judaei annum non novissent, nisi unum & simplicem, ejusque non aliud, quam a mense Nisan principium. Verum



rum ex supra dictis ad oculum patet, saltem Sabbathici ac Jobelæi anni, si minus alterius cujusdam, initium, inde a Mosis, latæque in deserto Legis temporibus, longe fuisse a mense Nisan remotum. Ut taceam disertam novi anni institutionem, Exod. XII, 2: *Mensis hic vobis caput esto mensium: Primus ille vobis erit inter menses anni.* Quod enim SCHMIDIVS de verbis istis contendit, constitutiva non esse, sed indicativa solum, quibus Deus consenserit & confirmaverit, ut deinceps eadem consuetudo, annum a mense Nisan auspicandi, etiam in ecclesiasticis retineretur, & observaretur, istud & verbis ipsis refragatur, quæ imperativa esse ex toto Contextu liquet, & nervum totius orationis incidit. Quæ enim emphasis esset hujus sermonis: Primus hic semper anni mensis vobis fuit, & erit adhuc in posterum, ideo quoque in illo Pascha celebrabitur? quæ profecto friget oratio. Neque quicquam allegat tanti momenti SCHMIDIVS, ut a recepta Judæis pariter ac Christianis sententia, de duplici Judæorum anno, Civili & Ecclesiastico, inde ab exitu ex Aegypto usitato, nos avocare valeat: quicquid sit de Karræis, quorum consensum SCHMIDIVS jactat, auctoritatem autem nos tantam non agnoscimus, quæ verbis Scripturæ sit anteponenda. Paulo aliter sententiæ nostræ adversatur MELCH. LEYDEKKERVS, qui, velut in grandi *de Republ. Hebræor.* opere, multa minus accurate, & ex ingenio magis, quam ex vero adstruxit, ita quoque *lib. V. cap. XIII. Observat.* I. p. 317. ab universa tam Judæorum, quam Christianorum epocha in diversum abit, quando in mense Tisri usum Jubilæi incepisse quidem largitur, sed non ipsum annum Jubilæum. Diserte enim habetur, quod Jubilæa indicarentur mense VII a Nisan computando, id est, anni Sacri. Unde colligas Jubilæa ad annos Sacros, non Civiles pertinuisse. Et ratio est, quod Jubilæus annus spectaret quam maxime memoriam liberationis ex Aegyptiaca servitute, quæ in Nisan contigit. Quin hinc forte arbitrari licet, annum Jubilæum non expirasse in Tisri, sed in mense Nisan, unde incepit numerari septimus

iste mensis, quo tuba Jubilæi audita fuit. Plura hæc assertio & ἀνακόλῃδα complectitur, & ἀτοπα ac absurda, quam ut impetret fidem. Quæ enim 1) est consequentia: quia Jobelæa indicarentur mense VII a Nisan computando, ideo ad annos pertinere Sacros, non Civiles? Mensem enim septimum numerat Moses, non anni Jobelæi, cujus initium in mensem Tisri conjicit, sed anni Sacri, cujus computum inde ab exitu ex Aegypto, passim sequi solet Scriptura. Jobelæi vero auspicia, ejusdem sanctificatione & indictione publica, statuere priora, absurditate non caret: statuta quoque & sanctiones ejus, ad rem civilem potius ac forensem, quam ad festorum, cultusque Divini spectabant rationem. Nec propria ulla Jobelæo festivitas, aut cultus memoratur sacer & sollemnis, quæ tamen sola ratio annos constituit Sacros. Et licet sanctificari, h. e. e cetero annorum censu & usu segregari & eximi dicatur, non tamen ea propter Ecclesiasticus erat, & festivitati cuidam dicatus. Quis porro colligat 2): quia annus Jobelæus spectabat memoriam liberationis ex Aegyptiaca servitute, quæ in Nisan contigit, hinc idem quoque a mense Nisan incepit? Pari jure conficeres, quia Festum Tabernaculorum, memoriam primorum in Succoth exstructorum tentoriorum renovabat Levit. XXIII, 42. coll. Exod. XII, 37. & Numer. XXXIII, 5. quæ paucis post exitum diebus, in mense Nisan fuerunt structa, ideo in Nisan fuisse celebrandum: id tamen Scriptura refert ad mensem Tisri, paucis post diem Expiationis diebus. Quin immo, si ista valeret ratio, sollemnitatis quoque & usus Jobelæi ad mensem Nisan potius spectaret, quam ad Tisri, quia illò mense facta est liberatio ex Aegypto: ast secus sancit Scriptura. Annon etiam 3) frivola est & absurda, illa LEYDEKKERI inter annum Jobelæi, & usum Jobelæi distinctio? Annus enim, propter usum illum peculiarem, & quoad ille patet, Jobelæus dicitur ac habetur. Si itaque ad sex solum menses, a Tisri ad proximum Nisan, usus patuit Jobelæi, annus quoque Jobelæus sex solum mensium fuit, non ultra. quod absurdum.

absurdum. Per totum sane annum Jobelæum, ejusdem protendebatur usus, neque ullum in Scripturis vestigium extat, quod doceat, sex mensibus prioribus, nomine solum, non re ac effectu, sex posterioribus autem, actu quoque & usu, Jobelæum fuisse hunc annum. Quodsi tandem 4) anno XLIX, tanquam ultimo cycli Sabbathici, medio ingrueret, inde a mense Nisan, Jobelæus, qui rursus anno L medio, nempe ad mensem Nisan finiebatur, otium adhuc indulgendum terræ erat a fine anni Jobelæi, h. e. a mense Nisan quinquagesimi primi, usque ad mensem Tisri, qui sementem denuo admittebat, cum præcedente Tisri non seivissent, nec adeo haberent, quod post mensem Nisan, h. e. exacto anno Jobelæo, meterent, cum tamen sex isti menses nec ad Sabbathicum amplius, nec ad Jobelæum spectarent annum, sed novam cycli Jobelæi auspicarentur epocham, nec adeo quieti, sed culturæ terræ essent dicati. Et, quo demum pacto 5) LEYDEKKERVS quinquagesimum explicabit annum, diserte in Lege memoratum, & a septem septimanis annorum, seu ab annis XLIX civilibus, *πρωτος* distinctum? Si a mense Nisan putaverit initium Jobelæi, sex mensibus integris coincidet cum Sabbathico ultimo, nec ab eodem erit distinctus, quod tamen Lex requirit: Sin a Nisan anni proximi a Sabbathico, sive quinquagesimi, sex mensium intercapedo, a mense Tisri ad Nisan, inter utrumque annum, Sabbathicum intercedet & Jobelæum, quem tamen Scriptura arctissime copulat, nec nisi decem dierum intervallo disjungit. Atque sic, duplex cyclus Jobelæus anno integro, quadruplex bienio, & sic amplius, sæculum superabit, omnesque Chronologicæ turbabit rationes: quas tamen curate sibi constare, inter alia voluit supremus Legislator.

Sed ut e diverticulo in viam redeamus: II. *Annum Jobelæum a septem septimanis annorum distinctum, adeoque non cum Sabbathico eundem, sed eum fuisse censemus, qui quadragesimum nonum proxime insequeretur.* Ita diserte Lex definit comm. 8. & 9. ut fere dubio locum non re-

liquisse videatur. Primo enim numerare שבע שנים שבחן *septem septimanas annorum, septem annos septies*, jubet, ut plene absolvantur *השע ארבעים שנה* *quadraginta novem anni*. His omnino exactis, cum principio anni quinquagesimi, præmissis XLIX non comprehensi, clangor demum buccinæ, & intimatio Jobelæi comm. 10. præcipitur. Accedit, quod comm. 11. præceptum de non seminando & metendo, & sanctio de sponte natis, Jobelæo diserte adjiciatur, qui si semper ingruisset in Sabbathicum, ex hujus jam Lege vers. 4. & 5. a semente & messe arcebatur, nec nova sanctione, ad eundem cum Sabbathico modum, ordinari opus habuisset. Frustra sunt, quando *οι εχ εναντίας* contendunt, connumerari præcedentem Jobelæum, qui quinquagenarium suppleat & absolvat numerum, atque sic præsentem Jobelæum in quadragesimum nonum, h. e. in Sabbathicum ejus cycli ultimum, incidisse. Quæ enim unius Jobelæi, eadem & alterius, omniumque porro sequentium Jobelæorum, in computo est ratio. Hoc autem pacto, si Jobelæus semper auspicaretur epocham suam, non posset simul esse ultimus præcedentis epochæ: alias enim partim bis numeraretur, tam in fine præcedentis, quam sub initium novi cycli, partim omnis ejusmodi epocha duos complecteretur annos Jobelæos, auspicalem alterum, alterum finalem. Ast in hunc modum numerasse videtur RODOLPH. HOSPINIANSVS, quando de *Origine Fæstor. Jud. cap. IX. p. 43.* ita pronunciat: *Annus igitur, qui hunc (XLIX nimirum) proxime sequebatur, erat quinquagesimus, & totus Sabbathicus. Ab hoc si ad alterum Jobelæum numeres exclusive, habebis tantum XLIX annos: & sic numeratur in hoc vers. 8. Sin vero utrumque, priorem & posteriorem includas, deprehendes annos L, & sic numeratur vers. 10. eodem capite (Lev. XXV). Hæc ratio numerandi nobis quoque hodie usitatissima est: octiduum enim nominamus hebdomadam, quia dominicam utramque numeramus. Bis peccat his verbis HOSPINIANSVS: semel, quando utrumque Jobelæum uni eidemque connumerat epochæ, quo pacto*



quilibet Jobelæus bis numeraretur; & rursus, quando simili, ab octiduo petito, rem illustrat, quod perquam est dissimile, cum inadæquata hebdomadæ sit appellatio, quando octiduum vocatur, cycloque hebdomadali alterutra dominica, prima nempe includatur, primumque diem constituat, sed numerus quinquagenarius in definienda Jobelæorum epocha proprie sumatur, tum quoque a cyclo Jobelæo vers. 8. textus memorato, uterque excludatur Jobelæus annus, versu autem 10. posterior solum, excluso priorē, connumeretur, ut L prodeant anni. Cyclos enim Jobelæus solidorum erat L annorum, ita ut duo cycli integrum constituerent sæculum.

III. *Dispar ergo erat cyclos Sabbathicus, a cyclo Jobelæo, ita ut annus Jobelæus cyclum Sabbathicum non ingrederetur, sed inter duos Jobelæos septem cycli Sabbathici decurrerent intermedii.* Ita disertis verbis affirmat MAIMONIDES cit. loc. cap. X. §. 7. שנת יובל אינה עולה ממנן שני השבוע אלא שנת תשעה וארבעים שמיטה שנת חמישים ויובל. ושנת חמישים ואחת תחלת שש שנים של שבוע וכן בכל יובל: Jobelæus annus non resultat ex calculo annorum septimanæ (seu Sabbathicorum, ita ut in ultimum Sabbathicum incidat Jobelæus, quia dispar est utriusque מנן computus ac cyclus) sed annus quadragesimus nonus est Sabbathicus, & annus quinquagesimus est Jobelæus. Annus autem quinquagesimus primus initium est sex annorum septimanæ sequentis (novi scil. cycli Sabbathici). Atque ita se res habet (ita iniri debet computus) in singulis Jobelæis. Facere ergo non possumus cum accuratissimo alias Chronologo, sed SCALIGERI partes in hac controversia secuto, b. AEGID. STRAVCHIO, qui lib. II. Breviar. Chronol. cap. IV. p. 189. talem subministrat definitionem: Cyclos Jobelæus est septem cyclorum Sabbathicorum, seu quadraginta novem annorum Lunæ-solarium systema, perpetuo in orbem recurrens &c. Ex hypothese ita pronunciat STRAVCHIVS: sed secundum ductum Scripturæ, septem cyclos Sabbathicos, annus Jobelæus excedit, & quinquagesimum occupat, neutri

Sabbathico cyclo, neque priori, neque posteriori, inclusum. Hinc fit, ut XIV hebdomadæ hebdomadam annos saltem conficiant XCVIII, geminus vero cyclos Jobelæus biennio illas superet, & sæculum expleat totum.

IV. *Duobus itaque annis continuis, nimirum XLIX Sabbathico, & sequente Jobelæo, ab agrorum, vinearum, hortorumque cultura cessatum fuit, vi commat. 3. 4. & 11. citra tamen famis periculum, quod benedictio anni XLVIII arcebat.* Est hoc in argumentis adversæ partis haud postremum, fame laboraturam fuisse terram, si integro biennio relinqueretur inculta. Hoc SETHVS CALVISIVS urget in Isagog. Chronolog. cap. XXV. Jubilæus, inquit, annum Sabbathicum in XLIX sequi non potest, quia duo anni Sabbathici continuarentur, quibus agricultura non exerceretur, cujus rei nullum in sacris literis, vel historia Judæorum datur vestigium vel exemplum: & unde triennii spacio, absque collectione frugum, vitam tolerare potuissent? & præterea pugnaret etiam cum expresso Dei mandato, quod jubebat anno octavo, seu eo anno, qui annum Sabbathicum sequebatur, in agro sementem fieri, fruges tempore messis, & uvæ in vindemiis colligi, Levit. XXV, 22, Resp. 1) Celebrati anni Jobelæi mentio exacta in historia sacra fit nulla, unde non mirum, hanc quoque circumstantiam, de biennio quieti terræ dato, silentio involvi; quæ tamen ipsa in Lege de Jobelæo satis perspicue exponitur: 2) Illam porro triennii neglectam & emissam frugum collectionem, Divina pensabat benedictio, quam indubiæ veritatis promissio, annis Sabbathicis vers. 20, 21, 22. subjuncta, accedente Jobelæo in quadriennium sperare jubebat suffecturam, eaque curis ejusmodi carnalibus obicem ponebat. Fons ille bonorum inexhaustus, qui septem fertiles annos in Aegypto, ea coronabat frugum abundantia, quæ septem sterilibus annis, æque ac sementi anni septimi Genes. XLI, 34 sqq. large sufficiebat, eorumque præterea solabatur inopiam, qui peregre advolantes, annonam emptum in Aegyptum adveniebant, tantam quoque frugum copiam effundebat messe quadrage-

— sima

lima octava, quanta populo alendo annis Sabbathico, & Jobelaeo, & usque ad messem quinquagesimi primi, satis erat: 3) Tandem & illa de restauranda agrorum cultura constitutio, ad annum octavum quidem refertur in Lege, nullibi vero ad annum L, qui erat annus quietis, ex praescripto Legis. Nimirum, una cum novo annorum Sabbathicorum cyclo, agrorum etiam cultum redintegrabant: illius vero auspicia in quemque octavum, & in LI incidebant annum, minime vero in quinquagesimum, qui ex cyclo Sabbathico prorsus excludebatur, ut supra fuit demonstratum.

§. VII. Jobelai 3) Solennis Intimatio, α. clangore buccinae.

Satis de tempore, & forte ad nauseam. Sequitur publica & solennis Jobelai intimatio, a qua capiebat initium. Illam comm. IX. his verbis lex praecipit: והעברת שופר תרועה בחרש והשכני בעשור לחרש ביום הכפרים תעבירו שופר בכל ארצכם: Tunc facies, ut personet cornu clangoris mense septimo, die decimo ejus mensis; die expiationum facitote, ut personet cornu in tota terra vestra. Quatuor sunt in his verbis, quae considerari merentur: 1) Quali tuba sint usi? 2) Quem ediderint cantum? 3) Quis tubam inflaverit? & ubi? 4) Quo tempore?

I. quali Tuba?

1) Communi vocabulo שופר effertur Tuba illa, cujus Rad. שפר decorus, pulcher fuit, ad declarandam genuinam tubae hujus rationem, & a ceteris buccinis differentiam, parum fert subsidii. Tubae illae argentae, quibus Moses Num. X, 2. universam ad se convocare jubetur concionem, חצוצרות vocantur, & quia ibidem additur, quod sint כסף מקשה opus solidum, ex argento fusum, cum ex adverso Jos. VI. quae appellatae fuerant קרן הויבלים / mox vers. 5. dicantur קרן הויבל / hinc inter utrumque vocabulum, tubaeque genus, id statuunt do-

ctores intercessisse discriminis, quod שופר cornea fuerit, חצוצרה ex aere vel argento efficta. Ita HIERONYMVS Comment. in Hos. V, 8. lib. II. sub init. Tom. VI. Opp. fol. 10. b. Buccina pastoralis est, & cornu recurvo efficitur, unde & proprie Hebraice שופר, Graece νεγανίην appellatur. Tuba autem de aere efficitur vel argento, qua in bellis & in solennitatibus concrepabant. Et e recentioribus CAMPEG. VITRINGA lib. I. de Synagoga Vet. P. I. cap. X. p. 203. Buccina de cornu arietis, tuba de metallo formabatur, quam signate descriptam invenies a IOSEPHO Antiqu. lib. III. Cap. XII. Sed utramque materiam, pro temporum varietate, buccinae nostrae tribuit VALENT. SCHINDLERVS, qui in Lex. Pentagl. h. v. שופר inquit, Tuba, quae olim fiebat ex cornu bubulo, sicut nunc ex aere, ejusque usus erat in bellis & solennitatibus: νεγανίην. Paulo aliter, & ni fallor, curatius distinguit utramque, IOH. D' OUVREIN Dissert. V. de clangore Evangelii, ad Num. X, 1-9. pag. 85: Ego existimo, vocem חצוצרה non nisi de tubis, ex metallo conflatis, usurpari, שופר autem generaliori gaudere significato, & indiscriminatim designare buccinam ex cornu, vel tubam ex argento vel aere conflata. Quae procul dubio ratio est, quod LXX Interpretes vocem שופר quibusdam in locis transferant per σαλπιγγος, in aliis vero per νεγανίην. Et si dicendum quod res est, amplissime vocis שופר patet usus, ut utramque & materiam admittat, & notionem: ubi vero utraque vox mutuo jungitur, v. g. 2 Chron. XV, 14. ubi utriusque generis tubae ובשופרות ובחצוצרות cantatum fuisse legimus, forte etiam Hos. V, 8: תקעו שופר כנבעה חצוצרה ברמה clangite buccina in Gibeā, tuba in Ramah, aliquod necesse est inter utramque agnoscere discrimen, ita ut חצוצרה proprie tubam, שופר buccinam designet. Ita sane accipiunt Hebraeorum Magistri, quando in Tract. ראש השנה Cap. III. Mischn. 3. principio novi anni, inflatam faisse dicunt שופר buccinam, & שתי חצוצרות מן הצדדין duas tubas ab utroque latere, ita quidem ut שופר sonitum ederet diuturniorem, חצוצרות autem non aequae productum: qualis distinctio rursus Misch-



na 4. ubi de tubarum cantu in jejuniis præcipitur, & alias sæpius redit. Sententiam autem, quæ intimatione Jobelæi corneam tribuit buccinam, firmat cit. loc. ex Jos. VI, 4, 5. dubium tamen, ex quali cornu fuerit parata? Pro arietino, absque hæsitatione calculum ferunt, qui vocem יובל arietem exponunt. Ita COCCEIUS: & curatus ille ac sedulus Musicæ Hebræorum investigator, SALOM. VAN TIL, de Poësi & Musica Veter. Hebr. P. III. cap. VI. §. 3. p. 486 seq. Talmudistæ cit. loc. Mischna 5. pronunciant: שוה יובל לראש השנה להקיעה ולברכות parilis tum Jobelæi, tum novi anni observatio est, quoad clangorem, & benedictiones: unde consequitur, velut cornu arietino clangebant sub anni principium, ita tale quoque in intimatione Jobelæi esse adhibendum. Etsi vero statim subiungunt: רבי יהודה אומר בראש השנה חוקעין בשל זכרים וביובלות בשל יעלים R. IEHVDA dicit, quod in initio anni clangebant de arietibus, & de rupicapris in Jobelæo; probe tamen ad eund. loc. observarunt R. OBAD. DE BARTENORA, & MAIMONIDES, הלכה decisionem non esse secundum R. IEHVDA, sed in eo recumbere, quod tam in novo anno, quam in die Expiationis anni Jobelæi, clangere debuerint buccina de ariete masculo incurvato. Rursus MAIMONIDES in יר cit. loc. §. II. definit, eandem per omnia buccinam fuisse, qua tam in Novo Anno clanxerint, quam in Jobelæo, quemadmodum etiam eadem fuerit clangoris ratio. Clarius adhuc Idem in שופר הלכות שופר cap. I. §. 1: שופר שתוקעין בו בין בראש השנה בין ביום הכיפורים: ביוכל הוא קרן הכבשים הכפוף: Buccina, quam instant, tam in novo anno, quam Jobelæo, cornu est arietinum incurvum. Eamque communem Judæorum sententiam esse, PAVL. FAGIVS ad Lev. XXV, 9. testatur, ubi simul rationem addit: Et dicunt, propterea debere esse cornu arietinum, ut coram Deo in memoriam revocetur colligatio & immolatio Isaac, facta in monte Morijah, atque illius recordatione ipsis benefaciat, preces exaudiat, &c. Quantum enim meritum ex קרבן עקירה ריצחק sacrificio ligationis Isaaci redundat

re statuant Judæi in universam gentem suam, e libro Sohar fuse declarat R. MENACHEM REKANATI in מעמי המצות fol. 29. col. 2. ubi inter alia addit: ועקירת יצחק מעליה לישוראל לארכרה לה בכל יומא בגלותא רתנין עליוהן מכל מערערין בושין Expedit etiam Judæis, ut quotidie in hac captivitate memoriam recolant ligationis Isaaci, quia illa protegit eos ab omnibus casibus malis. Verum graviter hic interpellat BOCHARTVS loco supra cit. qui varias contra cornu arietinum rationes expromit: 1) Nusquam legitur in sacris Scriptoribus, quinquagesimum annum promulgatum fuisse cornu יובל Jobel, sed בשופר תרועה tuba clangoris, quo nomine cornu arietis designari, credat Judeus Apella, non ego. Atqui vero, tubæ istæ clangoris, in numero plurium Jos. VI. diserte היובלים שופרות קרן היוכל appellantur. Vnde patet, peculiare buccinas Jobelæo fuisse dicatas, quibus תרועה clangor Jobelæus edebatur; sive ex arietis, sive ex alio factæ essent cornu. 2) Veterum certe buccinæ, ex boum erant, non ex arietum cornibus: quod ex DIONYSIO HALICARNASSEO, & ex VARRONE, probare satagit. Sed fuerint apud Gentiles bubula cornua forte magis in usu, quod unum probant prolata testimonia, apud populum Dei tamen cornua arietina more fuisse recepta, ex IOSEPHO, idoneo rerum suarum & locuplete teste, liquet, qui Antiqu. lib. V. cap. VI. §. 5. de Gideonis militibus agens, tales & ipsis tribuit buccinas, & istius sæculi apud Judæos mori: ἐκόμισεν δὲ πάντες - - ἐν τῇ δεξιᾷ, καὶ κέρας ἐχέοντο δὲ τὰς ἀντὶ σάλπιγγος. Gestabant autem omnes in dextera cornu arietinum, illo enim vice tubæ utebantur. Instat adhuc 3): Neque vero id commodum esset, cum sit omnino solidum, (cornu arietis,) neque cavum quidquam habeat, in quo flatus recipiatur. At enim vero, transfigat hic prius BOCHARTVS cum PLINIO, qui lib. XI. Hist. Nat. cap. XXXVII. cornua quadrupedibus omnibus cava testatur, & in mucrone demum concreta esse, exceptis cervis, quibus tota solida, & omnibus annis decidua sint. Sed missa PLINII auctoritate, sint ita per naturam,

ram, ut vult BOCHARTVS, excavari tamen arte poterant, & in buccinae formam effigiari, quales buccinas hodiernum Judæi habent, quas ex arietum cornibus sibi fieri, studiose procurant. Ipso ergo facto ac exemplis, tales fieri posse, evincunt. Ut taceam, arte cornua tractari, secari, extendi, emolliri, & in quamcunque volueris formam fœdigi, commode posse. BOCHARTVS autem, quando pro bubulo cornu, in hos usus adhibito, fert calculum, toti obloquitur Judæorum Synagogæ, quæ cit. loc. Mischna 2. ita definit: כל השופרות כשרין חוץ כשל פרה omnes buccinae (ad clangorem novī anni, æquæ ac Jobelæi, cui per omnia conveniebat,) sunt legitime, præter cornu vaccinum: Rationem Gemarici addunt, ex vitulo aureo, propter quem graviter puniti fuerunt: universalis enim Magistrorum regula erat, quod accusator non potest fieri procurator; jam accusator erat שופר של פרה buccina taurina. Id quod HOVTINGIVS quoque ad h. l. observavit. Nos, ut in re incerta, & levioris forte momenti, nihil definimus, ita facile inducimur in eandem sententiam, quam universa tenet antiquitas, & cui quod opponamus, solidi nihil habemus.

### §. VIII. 2. quali Clangore?

Quæritur 2) qualem ediderint Clangorem? quod satis dignoscere & declarare eo minus proclive est, quo magis in abscondito latet universa Musicæ Hebræorum ratio. Duplici verbo clangorem tubæ reddunt Judæi, תרועה ab תרוע personuit, clauxit, & תקיעה a Rad. תקע clauxit, plausit, complofit. Discrimen inter utrumque statuunt Philologi tale, ut תקיעה sonum fixum & æquabilem, תרועה autem clangorem fractum & inæqualem notare censeant. Ita LIGHTFOOTVS de ministerio Templi Hierosol. cap. VII. Sect. II. Tom. I. Opp. fol. 696. b. Cantus tubæ, inquit, primum erat unius tenoris & longus, deinde fractus & tremulus, tum iterum longus & uniformis sonitus. Hos sonitus Judei vocant תקיעה / תרועה, תקועה, quod in com-

pendiis Scripturæ sic exprimunt תרועה. Sacerdotes juxta Mischnam, תקעו והריעו תקעו canebant, fractum sonum edebant, canebant; liceat enim sic ea verba vertere, donec plenius ostendam, quid significent. Cum primis notandum, quod sequitur: Sacerdotes nunquam tuba canebant, quin tres hosce sonitus exprimerent. Idem ergo in clangore Jobelæi observant. Pariter distinguit OVTREIN cit. loc. p. 77: תרועה præsertim notat clangorem fracti & inæqualis soni Num. X, 5, 6, 7, 9. Nam alias etiam clangebatur sono fixo & æquabili, quod verbo תקע significatur. Quamvis vox תרועה etiam generalem cujusvis clangoris notionem possideat. Nec omnino nulla utriusque verbi distinctio ex Scripturis elucet. Licet enim unum alteri jungatur Numer. X, 5: תרועה ותקעתם & si clangetis sono fracto, s. e. SCHMIDIVS vertit: quodsi clangetis conclamatione, mox tamen comm. 7. unum alteri opponitur: תרועה ותקעו ולא תרועה clangetis æquabili sono, sed non fracto, ubi rursus SCHMID. clangetis quidem, sed non conclamabitis. Distinctis namque modulationibus tubæ monebant, quando vel Principes solum evocarentur ad Mosen, vel movenda essent castra, vel tota congregari deberet concio. Interim quod ad Jobelæum attinet, tribuitur ei שופר תרועה buccina soni fracti, comm. 9. Ast apud Talmudicos תקיעה sonus æquabiliter productus illi assignatur, unde liquet, utrumque mutuo, sed per vices, fuisse junctum. Porro, cum eadem clangoris ratio esset, tam in principio anni, quam in Jobelæo, huc quoque trahemus, quæ de priori præcipiunt Magistri in ראש השנה, cap. IV. §. ult. unde simul de utriusque vocis differentia judicare licet. Sic autem verba habent: סדר תקיעות שלש שלש שעות תקיעה כנ' תרועות שעות סדר תקיעות שלש שלש שעות תקיעה כנ' תרועות שעות כשלש יבכות: Ordo clangorum ter repetitur, & singulus ordo ex tribus componitur. Quantitas תקיעה clangoris æqualis & producti est instar trium תרועות clangorum fractorum, quantitas autem תרועה est instar trium vociferationum, longe adhuc concisiorum. Multa scilicet subtiliter hic disputant Talmudici, quæ per-



spicue satis enodare integrum non est. Interim hinc colligas, peculiarem adhibitum fuisse clangendi modum, qui, jubilantium ad instar, primo in longum protraheretur, mox variis elationibus & depressionibus frangebatur, seseque velut collidebat, quem rursus sonus simplex & continuus excipiebat; idque per vices decore repetebatur, ita ut in longum produceretur ille cantus. Jungebantur autem, quod jam supra tetigimus, huic cornu, quando inflabatur במקדש in Sanctuario, duæ חצוצרות tubæ, utrumque latus illius, qui cornu arietinum inflabat, cingentes; eo tamen cum discrimine, ut sonus cornu arietini frequentius & diutius audiretur, quam tubarum, quia inflatus cornu hoc, & tubarum festo, præcise præceptus est, non vero ille tubarum. Verum extra Sanctuarium, solum hoc cornu arietinum inflabatur, idque in Synagogis, sic tamen, ut si, qui extra Synagogam constitutus erat, clangosem attento animo perciperet, præcepto huic crederetur satis fecisse. Quem scitum & elegantem fuisse cantum nulli dubitamus, multumque absimilem ululatu, quem inflato cornu, miserandum in modum, hodierni edunt Judæi in anni principio; cui fini buccina in adibus Ministri Synagogæ servatur.

### §. IX. 3. *cujus Ministerio?*

Restat, ut inquiramus 3) in eum, qui buccinam inflaverit? Neminem diserte nominat Scriptura, ita tamen verba struit, ut facile intelligatur, eum, qui publica auctoritate sacra moderatur, & preces præit in cœtu, ad inflandam buccinam quoque teneri. Vnde VITRINGA *loc. cit. lib. III. P. II. Cap. XXI. p. 113 sq.* operose demonstrat, דָּוִדָּן sive Synagogæ Diacono atque Ministro istud incubuisse officium. Vbi tamen recte addit: Festo novi anni, addo etiam Jobelæi, hoc officium inflanda buccina in antiqua Synagoga præstari solitum fuit ab honoratissimis Synagogæ viris, qui summo erga religionem affectu studio, honori sibi ducebant, sacris inservire, spe mercedis, inde in ipsos redundaturæ: cumque mo-

rem apud Germanos etiamnum observari tradit R. IACOB B. A. *damnans Hispanorum teporem & irreverentiam circa Sacra, qui mercede aliquem de platea hominem conducunt, ad buccinam inflandam.* Recte inquam: etsi enim ordinarie, & ubi alius clangendi peritus abesset, hoc officium ad Ministrum Synagogæ spectabat, quilibet tamen, hanc artem edoctus, istud pietatis opus peragere poterat, immo debebat, unde a pueris buccina clangere docebantur. Ita veteres Hebræorum Sapientes *cit. loc. Mischnæ* præcipiunt: מי שברך ואחר כך נתמנה לו שופר חוקע ומריע וחוקע שלש פעמים כשם ששליח צבור כך כל יחיד ויחיד חייב: Ir, qui benedicit, & postea ipsi datur buccina, clangit חוקע, & edit sonum tremulum ומריע, iterumque clangit tribus vicibus. Quemadmodum Minister Synagogæ, sic quisque privatus tenetur. Non nego, verba ultima, ab expositoribus, BARTENORA & MAIMONIDE, ad recitationem referri benedictionum, paulo ante memoratarum, ad quam unusquisque e privatis obligetur. Verum, cum unicuique oranti, clangendi officium hic demandetur, & ad idem præstandum obligetur quilibet privatus, quod præstat שליח צבור, non video, cur hæc verba ad clangorem non æque spectent, ac ad orationem. Ut taceam, vel hanc ipsam ob causam inde a pueris institui Judæos, ut scite clangere discant, velut *cit. loc. Mischnæ 8. פתאום* præcipitur: אין מעכבין את החנוקות מלהקיע אבל מתעסקין עמהן עד שילמרו: Non prohibent pueros minores (qui tamen adolescentiæ sint propinqui) a clangendo, sed etiam operam dant, donec bene addiscant, nimirum, ut in expositione addit MAIMONIDES, ut buccina clangere sciant, atque sic posthæc officio suo satis facere norint, cum advenerit novi anni principium. Vnde satis intelligitur, in Jobelæo cornu inflatum fuisse primum a Lectore, sive ordinarius is fuerit, sive aliquis ex honoratioribus in cœtu: hinc a præcipuis, clangere peritis, demum etiam a ceteris, ita ut toties repetitus clangor in longum produceretur tempus, nominisque יובל impleteret mensuram. ABARBENEL quidem

quidem ad Apostolos seu Legatos Synedrii, clangendi officium restringere videtur, quando in התורה *ad b. l. fol. 268. col. 4.* observat: *Ita præcipitur in Jobelæo, ut clangant buccina* רל ששלוחי בית דין ירועו ויעבירו קול שופר: *h. e. ut Legati Curia clangant & transire faciant sonum buccinae &c.* Sed ita interpretor, publica auctoritate destinatos & missos fuisse Legatos Curia, qui initium clangendo facerent, quos tamen deinceps ceteri clangendo exciperent Israelitæ. Idque per universam terram, & ubivis locorum, ubi Synagoga erat, per omnes terminos terræ Israeliticæ. Rem omnem perspicue & paucis complectitur MAIMONID. הלכות שמטה ויוכל *cap. X. §. 10:* *Præceptum adfirmativum est, clangendum esse buccina decimo Tisri die, quando annus Jobelæus feriendus est.* ומצוה זו מסורה לבית דין תחלה וכל יחיד ויחיד לתקוע שנאמר תעבירו שופר *Et hoc mandatum traditum curie primum fuit. Singuli vero buccina clangere debent, unde dicitur vers. 9: transire facietis tubam: & quidem novenis vicibus clangunt, uti in auspicio anni fieri receptum est.* ומעבירין שופר בכל גכול ישראל: *Atque hanc buccinam per omnem terminum Israeliticum transire curant.*

#### 4. quo Tempore ?

Tandem etiam 4) Tempus explicate definitur in Lege: כיום הכפרים *die Expiationum*, ad finem suum vergente, cum expiatio peracta esset, atque dolor istius diei in letitiam mutari inciperet, ex sacrificiis Deo acceptis, publico quasi testimonio, quando mutaretur coccineus color funiculi in album, ut LEYDEKKERVS observat *de Republ. Hebr. lib. V. cap. XIII. Observat. ad §. 6. p. 321.* Et FRID. SPANHEMIUS fil. *Observat. in Levit. XXV. Tom. III. Opp. p. 709.* Incipiebat, inquit, ab ipso die Expiationum, quo proclamabatur, & quasi redibant in gratiam cum Deo. Hinc nimirum intelligere debebant Judæi, ad eum modum, quo admissorum veniam gratis essent consecuti a Deo, se quoque fratribus nomina remit-

tere, ex servitute emancipare cives suos, ac liberos dimittere debere, qui ipsi spirituales indepti fuissent libertatem. *Atque ita, non nisi placato Deo, ac remissis peccatorum debitis in foro Divino, & interna animarum libertate firmata, externa libertas & a debitis immunitas intimabatur in Israel: inquit VARENIUS Disp. de Sabbatho & Jubileo §. 22.*

#### §. X. Jobelæi intimatio, β. proclamatione solenni.

Hunc tubæ clangorem comitabatur solennis & publica libertatis proclamatio per universam terram, de qua Lex ita sancit *comm. 10:* וקראתם את שנת החמישים שנה וקראתם ררור בארץ לכל ישובה: *Et sanctificabitis annum quinquagesimum, & proclamabitis libertatem in terra omnibus habitatoribus ejus.* Mirari subit, qui factum, ut notabilem hunc ritum silentio involverint Commentatores, quo vel maxime tamen Jobelæi peragebatur intimatio. Vbi enim remiserrat buccinæ & tubarum sonus, locumque articulata voci dederat, שלוח בית דין Commissarius velut, & Apostolus Curia, auctoritate publica ad id instructus, solenni formula in Synagoga, & Anni Jobelæi dedicabat auspicia, & ejusdem prælegebat privilegia & jura. Nec dubium, quin universa Jobelæi sanctio Divina, distincta & elata voce, a Commissario illo fuerit prælecta: ut alias moris erat, verba solennia v. g. in Paschate, in oblatione primitiarum &c. ex ipsa Legis litera depromi. Addit R. SALOMO IARCHI *ad voc. וקראתם b. l.:* בכניסתה מקרשין אותה בבית דין ואומרים מקורשת השנה: *In ingressu ejus (anni hujus) sanctificabant illum in curia, dicentes: sanctificatus sit hic annus.* Fides sit penes auctorem: mihi sanctificatio illa prælectione publica verborum Legis comprehensa videtur. An Præcones aliqui, per vicos & plateas quoque, elata & publica voce, ררור libertatem hujus anni proclamaverint, compertum non habeo: a verbo tamen קרא / Textusque circumstantiis id alienum non est, unde קריאה proclamatione



clamatio solennis, Præconis voce peracta, dici consuevit. Quod autem LEYDEKKERVS cit. loco, proclamationem illam factam fuisse per Sacerdotes, persuasum nobis cupit, id falsa nititur hypothesi, ac si Jobelæus ad annum Sacrum pertinuerit, non ad Civilem, quam unam conjecturæ rationem allegat, & ab omni antiquitatis suffragio destitutum, merito exploditur.

### §. XI. Jobelæi 4) Privilegia & Jura.

Nunc ad id, quod caput rei est, devolvimur, ad Jura & Privilegia anni Jobelæi. Horum alia Jobelæo sunt cum anno Sabbathico communia: α) *Quies terra*, β) *Remissio debitorum*, γ) *Mannmissio servorum*: aliud Jobelæo proprium, δ) *Avitarum possessionum*, quæ venditæ & alienatæ fuerant, ad pristinos & legitimos heredes reversionis. Ordine de singulis, ac seorsim agemus.

### §. XII. (α) *Quies terra.*

De terra otio ita Lex sciscit comm. XI: וְלֹא תִזְרְעוּ וְלֹא תִקְצְרוּ אֶת סְפִיחֶיהָ וְלֹא תִזְרְעוּ: כִּי יוֹבֵל הוּא קֹדֶשׁ: חִתָּה לָכֶם מִן הַשָּׂדֶה תֹאכְלוּ אֶת תְּבוּאָתָהּ: Non seminate, nec metite sponte nascentia ejus, neque vindemiare uvas intermissarum vinearum ejus. Quippe Jobelæus est, sanctus esto vobis: ex quocunque agro comedetis proventum ejus. Vbi ante omnia tenendum est, quod recte observat MAIMONIDES cap. X. §. 15. jura anni Jobelæi, quod ad agriculturæ cessationem attinet, prorsus congruere cum legibus anni Sabbathici: quicquid circa culturam terræ anno septimo prohibitum est, idem quoque illicitum esse in Jobelæo, vicissim etiam, quicquid licet in septimo, id ipsum integrum quoque esse in Jobelæo: parem etiam rationem esse cum fructibus tam septimi, quam quinquagesimi anni, quoad comestionem, venditionem, atque remotionem. Illinc ergo repetenda erunt, quæ huc spectant. Velut septimo, ita pariter anno Jobelæo, quies omnino permittenda erat terræ: toto hoc terram aratro verte-

re, agrum conferere, runcare aut pastinare vineam, nefas fuit. Quod sponte nascebatur, fundi aut vineæ domino, non falce aut scirpicula rescicare, non metere, non vindemiare concedebatur, sed quicquid ejus erat, præter dominum, cujus nulla erat exclusio, servi, ancillæ, mercenarii, inquilini, peregrini, & bestię adeo ac jumenta sibi, jure optimo vindicabant. Et quia Lex, tam agentibus verbis comm. 2. quam prohibentibus comm. 4. hac de re agit, ideo quisquis transgressor in Jobelæo opus aliquod fecerit, quod ad terræ aut arborum culturam pertinet, licet oblique solum & indirecte, quale est v. g. lapides ex agro tollere, eumve stercoreare, ab arboribus verrucas, folia arefacta, ramos item putres auferre, ad vermes averruncandos conspergere arbores pulvere, & sulphure eas suffumigare, adversus avium morsunculas tenellas arbores fœtore, acoreve imbuere, & his similia, ille affirmativi ac negativi pariter præcepti violati reatum contrahit, & ex Magistrorum sententia, flagrorum pœnam pròmeretur. Multa scrupulosius hic disputant Hebræorum Legisperiti, ut transgressionem occupent, & casus dubios solvant; quæ ex MAIMONIDE omnia huc transferre nimis foret molestum, tædiique plenum: qui vero cognoscere cupit, confertim ac ordine recensita leget, in viri de antiquitate Hebræica præclare meriti, præceptoris quondam ac hospitis nostri, etiam post fata venerandi, IOH. CHRIST. WAGENSEILII disputatione circulari de Anno Jobelæo, secundum disciplinam Hebræor. An. 1700. publice proposita. Multa in his, præter Scripturæ auctoritatem, alia præter necessitatem præcipiunt Magistri, alia ex ipso Legis argumento, per pronam consequentiam, intelliguntur. Nobis nunc sufficiat observasse, quod frugum hoc anno sponte nascentium libera omnibus fuerit usurpatio, modo alia, quam ceteris annis, ratione tradarentur, quia metere, vindemiare &c. interdictum. Hinc v. c. ficus anni septimi & Jobelæi, non rescindebantur falcula consueta, nec siccabantur in loco solito; uvæ non calcabantur in torculari, olivarum in trapezo non fiebat confectio,

fractio, & sic circa ceteras quoque res, recepti ceteroquin moris facienda erat immutatio, ne messis, vel vindemiae, aut ordinariae collectionis speciem praeberet. Porro, quia libera omnibus erat sponte natorum comestio, hinc nec vineam occludere, nec agrum obsepere, nec totum proventum uni soli vindicare sibi licebat, bestiarum quoque pecudumque depastiones erant liberri-  
mae, ita quidem, ut fructibus comestioni humanae dicatis, bestias aut jumenta cibare, nefas quidem haberetur, si tamen suoapte motu v. c. ad ficum accedant, & fructibus deciduis fruatur, si aves vescantur uvis, & sic porro, nemo abigere debebat, ne violaretur praeceptum *comm. 7.* Et quia eodem commate praecipitur: *jumentis tui, & cujusque bestiae, quae est in terra tua, esto totus proventus illius ad comedendum*, hinc colligitur, fructibus hujus anni haud ultra illud tempus vesci licere, quo species eorundem in agris non amplius comparent, ita ut tamdiu homines domi suae licite vescerentur fructibus, quoad bruta illis ipsis fructibus vesci possent in agris: simulac vero brutis illorum comedendorum copia nulla esset, homines quoque comestione prohiberentur. Atque istud est, quod Hebraeorum doctores *ביעור של פירות שביעית* *remotionem fructuum anni septimi* vocabant. Nempe residuum ex illis fructibus segregare, aut in fluentia projicere, aut alio quovis modo abolere oportebat, si nulli adfint pauperes, inter quos distribui possint. Quod tamen, pro diversitate regionum, diversimode intellectum cupiunt. Terram enim Judaicam tripliciter partiuntur. Vnam partem constituit Judaea proprie dicta: alteram totus, qui trans Jordanem est, tractus: tertiam Galilaea superior & inferior, cum contermina Tiberiade. Quoties ergo de remotione fructuum disputant, non universam Judaicam regionem intelligere oportet, sed ejus tantum partem: unde, cum fructus aliqui in Judaea defecere, non prodest id ad illorum ibi comestionem, etiamsi trans Jordanem agri aut arbores iis adhuc onerarentur. Sic definitur in Massech. *שביעית cap. IX.*

*Misehn. 2.* & apud MAIMONID. *Hilcoth Schemittab cap. VII. §. IX. & X.* Sed haec sufficiant de ista Legis parte.

### §. XIII. (β) *Debitorum remissio.*

Sunt, qui huc etiam referunt *debitorum remissionem*. Ita SPANHEMIVS supra laudatus in *Lev. XXV.* inter jura, utrique anno, tam Jobelaei, quam Sabbathico communia, remissionem debitorum secundo loco ponit. Pariter ex nostris VARENIVS *cit. loc. §. 24. p. 477.* *Effectus illius קריאה*, inquit, *erat ררור seu plenaria libertas, per quam debitor ab obligatione & servitute immunitatem, plenarium oppignoratii feudi dominium, usumfructum, liberrimumque redditum ad hereditatem in Israel recipiebat, ex Lege de Jobel v. 10. m. 2. & v. 13. annus iste Jubileus est, quisque reddito in possessionem suam.* Sed & IOH. ADAM. OSIANDER *Diff. de Jubilao Hebraeor. Christianorum, Academicorum §. 24. p. 24 seq.* hoc ipsum ex instituto tuetur, & praeter VARENIUM argumentum, ex voce *ררור* petitum, IOSEPHI urget calculum, qui *lib. III. Antiqu. Judaicar. cap. X.* disertè habeat, quod in anno Jobelaei debitoribus debitum remittatur. Nec absque Hebraeorum auctoritate ita statuunt, in quibus MAIMONID. *Hilcoth Schemittab Vejob. cap. IX. §. 2.* ita tradit: *אין שמיטת כספיים נורגת מן התורה אלא בזמן שהיוכל נורג שיש שם שמיטת קרקע. שהרי ישוב הקרקע לבעליו בלא כסף. ודבר זה קבלה הוא. אמרו חכמים בזמן שאתה משמיט קרקע אתה משמיט כספם בכל מקום בין בארץ בין בחוצה לארץ. ובזמן שאין שם שמיטת קרקע אין אתה משמיט כספיים בשביעית: אפילו בארץ.* *Nulla pecuniae remissio usitata erat ex Lege, nisi quando Jobelaeus annus celebratur, quia tum remittebantur fundi. Tum enim redibat fundus ad possessorem suum (primum ac hereditarium) absque pecunia. Atque haec quidem per- vulgata est traditio. Sapientes quoque nostri ita definiunt: quo tempore fundum restituis, eodem debita quoque remittes omni in loco, seu intra, seu*



extra terram sacram: quo autem tempore fundum non restituis, debitum quoque haud remittis in anno septimo, utut in Palestina degas. Contra vero ea, magnus WAGENSEILIVS noster Disp. de Anno Jubileo §. 63. p. 26. statuit: In hoc annus Jubileus & annus Sabbathicus differunt, quod in Sabbathico anno debitorum contractorum fit remissio, quæ in Jubileo minime obtinet. Contra in Jubileo anno, servi libertatem consequuntur, & agri prioribus possessoribus cedunt, quod secus est in anno Sabbathico. Hoc quoque discrimen notandum, quod agrorum ad veteres dominos re-  
versio, paulo post initium anni Jubilei conceditur, at debitorum remissio sub finem tantum Sabbathici anni locum invenit. Et recte quidem ita, ex mente veterum Hebræorum, pronunciat, Quæ enim 1) debitorum remissio diserte imperata legitur anno Sabbathico Deut. XV, 2. de illa in Lege Jobelai altum est silentium, ut, præter Scripturæ mentem ac auctoritatem, intrudant secus sentientes in Jobelæum, quod proprium est Sabbathico. Quam autem b. VARENIUS רורו libertatem vrget, illa non extendenda ultra est, quam subjuncta permittit explicatio Mosai-  
ca, adeo ad servos solum, maxime subulatos spectat, nullo autem jure ad debita contracta. Inde quoque Mischna, mox citanda, quicquid est istius remissionis, ad annum solum Sabbathicum refert, de Jobelæo altum fileat. Sed 2) nec possibile quidem illa erat, quocunque demum modo numeres Jobelæum. Si eundem facias, cum Sabbathici cycli ultimo, anno XLIX. remittuntur quidem eo debita, verum non ex Jobelai Lege, quæ nihil tale præcipit, sed ex jure Schemittæ, quæ tali privilegio gaudet. Sin autem nobiscum, Jobelæum post Sabbathicum constituas anno L. jam remissa erant debita præcedente anno, nec suppetebat amplius, quod posset remitti. Hinc nobis quoque 3) Magistrorum suffragatur calculus, qui apud MAIMONIDEM cap. X. §. 16. ita habet: וְתוֹרַה שְׁבִיעִית עַל הַיּוֹבֵל שֶׁהַשְּׁבִיעִית מִשְׁמַט כֶּסֶפִּים וְלֹא יוֹבֵל וְיֹתֵר יוֹבֵל עַל הַשְּׁבִיעִית שֶׁהַיּוֹבֵל מוֹצִיא עֲבָרִים וּמִשְׁמִיט קֶרֶקַע: Superat annus septimus

Jobelæum in eo, quod ille debita remittat, non autem Jobelæus: rursusque habet illud Jobelæus præ septimo, quod servos in libertatem educat, & quod fundos restituat. Nec obstat IOSEPHI auctoritas, quam obvertere diximus OSIANDRVM. Etfi enim ille cap. XII. §. 3. edit. Haverkamp. pag. 184. de anno Jobelæo perhibet: ἐν ᾧ οἱ τε χρεῶνται τῶν δανείων ἀπολύονται, in quo debitores a mutuo liberantur, a quo seductus Clariss. BERNARDVS. Annotat. ad h. l. hunc annum ob-  
eratos solvere tradit: tantam tamen IOSEPHO fidem non habemus, quæ ab allegatis nos dimovere queat momentis. Hallucinarum fuisse in multis, & hinc ex oscitantia, hinc ex malitia, præter Scripturæ fidem scripsisse nonnulla, dudum observarunt viri docti, qui suam de ipso sententiam exposuerunt, in quibus RICH. SIMONIVS Histor. Critic. V. T. lib. I. cap. XVII. edit. Lat. p. 91. verius IOSEPHO, inquit, ob-  
jicitur, ipsum parum exactum esse, se Scripturæ sensum simpliciter & pure redditurum pollicitus, se-  
pissime tamen longe ab eo discedit, glossas addit, pro libitu detrahit, ac textum suis commentis accommodat. Vno verbo, suas opiniones ipsi Dei verbo antepont. Vtraque tamen sententia ita componi posse videtur, ut discrimen statuarur, inter mutua pecuniarum, & inter mutua fundorum, ubi nimirum, ob contractum æs alienum, vel quacunque de causa, oppignorati fundi transferant in potestatem mutuantis. Posteriora illa remittebantur in Jobelæo, qui gratui-  
tam fundi restitutionem secum ferebat, non in Sabbathico, qui restitutionem ejusmodi ignorabat; unde quoque laudatus supra WAGENSEILIVS §. 47. observat: Debitum pro quo res immobilis in hypothecam, aut mobilis res in pignus data est, ex anno septimo non consequitur remissionem, sed prius illud, cum fundi restitutione arctissime connexum, ad Jobelæum referebatur. Priora vero ad Sabbathicos tantum pertinebant, quorum remissionem ita definit Talmud שְׁבִיעִית משמט את המלוה בשטר ושלא בשטר Annus septimus remittit mutuum, tam sub chirographo, quam non sub chi-  
rogra-

*rographo.* Atque in hanc sententiam superius MAIMONIDIS interpretor testimonium, ut præter mutuum fundorum, de alio intelligatur nullo. Sic ipse sibi constabit.

§. XIV. (γ) *Servorum emancipatio.*

Communis denique, tam Jobelæo, quam Sabbathico erat anno, *servorum manumissio*: sed insigni cum discrimine. Si quis enim ex Israelitis, vel seipsum vendidisset, ob summam rerum omnium inopiam, vel a Curia magna, ob admis- sum furtum Exod. XXII, 3. aut ob conflatum æs alienum, 2 Reg. IV, 1. Matth. XVIII, 25, 30. in servitutem esset datus, sex annos ad suum servire tenebatur, septimo exibat in libertatem, vi Legis Exod. XXI, 2 sqq. Deut. XV, 12 sqq. Septimus autem ille, num ab initio servitutis sit putandus, nulla habita Schemittæ ratione, an vero ad cyclum Sabbathicum restringendus, idemque omnino cum anno Sabbathico fuerit? anceps est inter antiquitatis Hebrææ peritos quæstio. Prius tenent ABEN ESRA in Exod. XXI, 2. MAIMONIDES in Hilcoth עכרים cap. II. §. 2, 3. FAGIVS & VATAEVS in Deut. XV. MÜNSTERVS atque CLARIVS ad Deut. XXXI, 10. qui servum ejusmodi sex annos servire debuisse integros, nisi mors Domini interveniret, existi- mant, locumque hic Schemittam habuisse negant. Posterius vero, haud ita pridem erudite adstru- xit, & septimum annum dimissionis ipsum esse annum Sabbathicum, rationibus munire fategit Theologus Harderovicenus, BERNARD. SEB. CREMERVS in Tetrade Prophetico - typicarum Exercitation. p. 5 sqq. dignus, qui in hanc rem consulatur. Res ipsis Judæis dubia, nec satis est explicata, atque in *Jalkut SCHIMEONI ad cit. loc. Exod. fol. 84. col. 3. num. 311.* in medio relinquitur: nos vero ad priorem sententiam cum doctissimo MEYERO accedere, Cap. præced. Annot. (4) sub fin. testatum fecimus. Sin vero servus ejusmodi anno septimo exire recusaret, & amore uxoris liberorumque suorum, æternæ se addiceret servituti, perforatæ aure ejus ad po-

stem subula vers. 5 sq. ei nec Sabbathicus, nec rediens in orbem septimus annus, reddere vale- bat libertatem. Reddebat tamen Jobelæus, ex Lege Lev. XXV, 39. cum facultatibus attenuatus frater tuus apud te, se vendat tibi, ne exerceto eum servitute servili. Tanquam mercenarius, tanquam inquilinus esto apud te; usque ad annum Jobelæum serviet apud te. Tunc egredietur a te ipse, & liberi ejus cum eo; ut revertatur in fam- iliam suam, & in possessionem patrum suorum revertatur. Quia servi mei sunt, quos eduxi e terra Aegypti, ne venduntor venditione servili. Ne dominium exerceas in eum per sevitiā, sed timebis a Deo tuo &c. Geminum ergo benefi- cium afferebat Jobelæus servis: 1) ut liberaret vel maxime הנרצעים servos subulatos, quos præter mortem sive suam, sive heri sui, in li- bertatem asserere poterat nemo. 2) ut faculta- tem ipsis faceret, uxorem quoque ac sobolem secum educendi, quam anno septimo egressi re- linquere cogeantur hero, si illam duxissent, hanc generassent, tempore servitutis Exod. XXI, 3, 4. Lex equidem Jobelæi uxoris mentionem facit nullam, sed solum liberorum, commode tamen *Jalkut* monet: תלמוד לומר הוא ואשתו Traditio habet, ipse egredietur, & uxor ejus, & liberi ejus. Hic etenim annus suæ quemque reddebat familiæ, nec minus uxori fa- vebat quam liberis, illamque vel ideo quoque dimittebat, ne servus uxoris jactura redimen- dam respiceret libertatem. Peculiarem denique huic privilegio ritum addit MAIMONIDES c. X. §. 14: מראש השנה עד יום הכפורים לא היו עבדים נפטרים לבתיהן ולא מתעברין לאדוניהן. אלא עבדים אוכלין ושותים ושומחים ועמרותיהם בראשיהם. כיון שהגיע יום הכפורים תקעו בית דין בשופר נפטר עבדים לבתיהן: Inde ab anni initio (a primo die mensis Tisri) usque ad Expiationum diem, servi nec domum dimittebantur, nec tamen servi- tia heris suis præstabant: verum edebant illi, bi- bebant, genio indulgebant, omniumque tempora coronis erant redimita. Quamprimum autem dies Expiationum illuxerat, tuba Syndrium ca- nebat,



nebat, & tum libere dimissi servi suos repetebant lares.

§. XV. (δ) Avitarum possessionum restitutio.

Quod ultimum tandem, & Jobelæo proprium est privilegium, fundorum hereditariorum ad pristinos possessores suos reditus, copiose & κατὰ μέγεθος traditur in Lege vers. 14 -- 34. cujus summa capita, ordinis ac perspicuitatis causa, distincte exponemus. I.) Comma 23. ita disponit: והארץ לא תמכר לצמיתת כי לי הארץ & terra ne venditor mancipi, mea enim est illa terra. Postquam enim Deus terram Israeliticam, per tribus, sorte distribuisset, eamque cum tribuum ac familiarum, tum possessionum atque mansionum distinctionem, stabilem ac perennem esse iussisset, fas nec tribui, nec patrifamilias aut privato fuit, sedes suas migrare, cum aliis permutare, atque primævos intervertere ac turbare hereditariorum terminos ac limites fundorum. Vnde Nabothus religioni sibi ducebat, vineam avitam, & hereditario jure a majoribus ad se transmissam, vel pretio vendere, vel commutatione cum alio fundo facta, Regi cedere I Reg. XXI, 3. Vrgente tamen paupertate, extremæ necessitatis telo, si aliter vita tolerari non posset, ad comparandum victum vendere licebat, saltem ne לצמיתת in excisionem, juxta ONKELOSVM & IONATHANEM absolute, simpliciter, in perpetuum, h. e. interprete R. SALOMONE, לפסיקה venditione decisa, abscissa & sempiterna, seu ut LEYDEKERVS cit. loc. p. 320. a. exponit, ut venditor plane rescinderet jus suum, illudque traderet alteri: ea nimirum lege, ut ab hereditate pristina in perpetuum abscederetur fundus, & penes emtorem maneret in sæculum. Si quis secus faxit, uterque, tam venditor, quam emtor, præcepti negativi violati rei fiunt, isteque contractus ipso jure nullus habetur, sed in Jobelæo redit ad priorem ac legitimum dominum fundus: tradente MAIMONIDE cap. XI. §. 1, 2. II.) Omnis ergo alienatio fundi hac fiebat lege,

ut venditor vel beneficium reluitiois sibi reservaret, vel si redimere non valeret, in anno Jobelæo gratis, & citra interveniens pretium vel λύτρον, illum recuperaret. Quod ne alterutri, sive emtori fraudi esset, sive venditori, rationem inibant annorum, quibus instans adhuc aberat Jobelæus, & secundum æstimum usus annorum illorum, pretium definebant: כי מספר הבואת הוא מכר לך: nam numerum proventuum ille vendit tibi, ait Legislator commate 16. III.) Redempturus itaque agrum, simulac invenerit manus ejus נאולתו, quantum ad ejus reluitioem satis erat, vers. 26. redire poterat ad ejus possessionem, ita tamen, ut ex Magistrorum sententia, apud MAIMONID. cap. XI. §. 10. minimum biennii fructum perciperet emtor: ad definiendum autem λύτρον, æstimat usum annorum, quibus emtor illum possedit, atque usus valore detracto, quod ex soluto pretio superest, reddit emtori. Si quam possessor temporarius fecerat fundi meliorationem, conseverat eum v. g. arboribus, aut quocunque alio cultiorem reddiderat modo, par erat, ut tam in reluitioe, quam in anno Jobelæo, sumtus impensi a vetere domino, ad quem revertebatur, refunderentur, juxta MAIMONIDEM §. 8. qui rationem addit: ממכר חזור ולא השבח nam res vendita redit, sed non melioratio. Ceterum, quod venditori depauperato, idem redimendi jus erat propinquis ejus, eo quod dicitur vers. 25: ובא גאלו הקרב אליו tunc accedens vindex ejus, qui propinquus est ei, rursusque vers. 49: או דרו או בן דרו יגאלנו aut patruus ejus, aut filius patruus ejus redimat eum. IV.) Ista vero reluitio, si vel ob rem angustam domi impossibilis, vel neglecta fuisset, pensabatur anno Jobelæo, cujus beneficio, ipso jure ager ad pristinum revertebatur dominum, nullum interveniente pretio. Nec obstabat, si ab emtore denuo venditus, possessorem suum vel centies mutaverit, ad primum tamen & hereditarium, anno Jobelæo, redibat dominum, quia dicitur Lev. XXVII, 24: בשנת הובל ישוב השרה לאשר קנהו מאתו לאשר

**לו אחות הארץ:** *In anno Jobelæo revertetur ager ad eum, a quo emerat ipsum, ad eum, cujus erat possessio terra.* MAIMONID. cap. XI. §. 15. V.) Par erat ratio donationis, ut si quis ex liberalitate alicui dono dederit agrum suum hereditarium, illa tamen donatio, anno Jobelæo exspiret, & pristinum ager repetat possessorem, quia, quod vers. 13. generaliter definitur: **תשבו איש אל אחותו** *quisque revertitor ad possessionem suam*, haud dubie quoque prædia donata concernit, eaque heredi suo reddit. MAIMONID. §. 19. VI.) Paulo aliter se res habet cum ædibus, quas inter, fitas in urbe muro cincta, & inter domos villares, aut fitas in urbibus, quæ mœnibus non cinguntur, insigne intercedebat discrimen: Qui vendiderat domum in urbe, quæ muro clauderetur, is quidem ipse, sed non æque propinqui ejus, plena facultate gaudebat, redimendi eam a die, quo vendita fuit, intra menses duodecim, ita tamen, ut universum pretium, quod accepit, citra imminutionem, emptori restituat. Si redimere vel neglexerit, vel non valuerit, manebit illa in potestate emptoris in sæculum, nec beneficio Jobelæi gaudebit, aut ad primum unquam revertetur possessorem, per vers. 29, 30. Quod pariter in donatione obtinebat, ut dono data domus, nisi intra duodecim menses redimatur, ejus propria evaderet ac maneret, cui hoc munus obtrigerat. MAIMONID. cap. XII. §. 1, 2, 4. VII.) Contra vero, domos villares, aut in urbibus fitas, quas murus non ambiebat, si venditor, intra XII menses redimere cuperet, id sibi habebat integrum: quin & post exactos XII menses, usque ad annum Jobelæum eadem redimendi, quocunque vellet tempore, facultate gaudebat, ita ut pretium secundum usum definiretur. Sin vero intra istud quoque tempus omitteretur redemptio, in Jobelæo, eodem, quo agri, beneficio, domus ejusmodi gratis, sine pretio, restituebatur, juxta vers. 31. & MAIMONID. cit. cap. §. X. VIII.) Hic tamen tricantur Judæi, ut nullam civitatem pro vere muro cincta habendam censeant, nisi quæ talis erat, cum Josua Palæstinam occuparet:

quæ enim post illud tempus mœnibus communitæ fuerunt, naturam villarum retinere contendunt apud MAIMONID. §. XV. quod vereor, ut menti legislatoris respondeat. Similiter quoque, Hierosolymitanæ urbis domos, in plenam proprietatem incolarum concessisse, negant. IX.) Speciale denique privilegium in his indulserat Deus Sacerdotibus atque Levitis, ut cum venderent domum aliquam muris cinctæ civitatis, jus haberent perpetuæ redempturæ vers. 32. Hac tamen cautione adhibita, ut qui redimit, sit ex Levitis, aut discedat emptor a vendita domo, & civitate possessionis illius in Jobelæo: nam domus civitatum Levitarum sunt possessio eorum inter filios Israel. vers. 33. Contra vero agros suburbanos civitatum illorum vendere, nefas omnino erat, **כי אחות עולם הוא להם** *quia possessio perpetua est eis.* vers. 34. MAIMON. cap. XIII. §. 7.

#### §. XVI. Jobelæi 5) Observatio in Palæstina.

Velut observatio Jobelæi tantum ad Terram Sanctam spectabat, extra quam locum habere non poterat, ita pro triplici, quam Judæi statuunt, Palæstinæ occupatione, triplicem quoque faciunt annorum Jobelæorum computum. **ביאה ראשונה** *ingressionem primam* Talmudici sub Josua, **ביאה שנייה** *ingressionem secundam* post captivitatem Babylonicam, sub Eldra, **ביאה שלישית** *ingressionem tertiam* sub Messia sperandam, tradunt. a) Hinc ergo *primam* ducunt ab ingressu primo, auspiciis Josuæ facto, epocham, cujus numerandi initium a quarto supra decimum anno faciunt, teste MAIMONIDE, qui cap. X. §. 2. ita perhibet: **ומאימתי התחילו למנות מאחר ארבע עשרה שנה משנכנסו לארץ שנאמר שש שנים תורע שרך ושש שנים תזמור כרמך עד שיהיה כל אחר מכור את ארצו:** *Quis est terminus, a quo numerare incipiunt? a XIV anno adventus in Terram Sanctam, unde dicitur vers. 3: per sex annos conferes agrum tuum, & per totidem putabis vineam tuam, donec singuli terre sue partem internoscere queant.* Nimirum



mirum septem annos in subigenda terra, & totidem insumebant in dispartienda illa tributum, qui omnes in cyclum non veniunt. Hinc juxta Judæorum epocham, apud MAIMONID. *cit. loc.* annus XXI. ab ingressu, qui orbis conditi fuit MMDX. primus fuit Sabbathicus, ac septem posthæc septenis numeratis annis, celebratus fuit primus Jobelæus, qui cum anno congruit LXIV. post occupatam terram. Oppido ergo falluntur, qui apud HOSPINIANVM *de orig. Fest. Judæor. cap. IX. p. 44. a.* inde colligunt, annum illum (decimum quintum ab ingressu) Jubileum primum fuisse. Cum enim, ita pergit HOSPINIANVS, a sententia illa non multum alienus, tum primo requiem adepti essent, sine dubio legis Dei memores, & grati, lato illo libertatis clangore terram personaverunt. Jobelæus enim cyclum suum non auspicabatur, sed finiebat, & in Scriptura quinquagesimus, non primus, numeratur. Sed nec, quo usque hæc periodus duraverit, eodem omnes definiunt modo. MAIMONIDES *cit. cap. §. 10.* ita tradit: משגלה שבט ראובן ושבט גר וחצי שבט מנשה בטלו היוכלות שנאמר וקראתם דרוך בארץ לכל יושביה בזמן שכל יושביה עליה והוא שלא יהיו מעורבבין בשבט אלא כולן יושבים כתקנן: Ex quo abducta in captivitatem fuerunt tribus Ruben, & Gad, & dimidia Manassis, cessarunt Jobelea, quia dicitur vers. 10: Et proclamabitis libertatem in terra universis ipsius incolis, illo scilicet tempore, quo omnes in ea fuerunt, idque eum in finem, ne tribus invicem permisceantur, sed omnes ordine habitent. Finem ergo primæ Jobelæorum observationis, in migrationem conjicit populi trans-Jordanensis, quando Rex Assyriorum, subacta regione trans Jordanem, Galilæa quoque & tribu Naphtali domita, populum Israeliticum abduxit captivum, & in colonias Assyriorum & Medorum distribuit, perpetuo serviturum 2 Reg. XV. 2 Chronic. XXVIII. PETR. CVNAEVS autem, vir in Hebraica antiquitate versatissimus, & Jctorum Varro, lib. I. de Republ. Hebr. cap. VI. longius illam producit usque ad Sanctuarii prioris desolationem, quæ fa-

cta per Assyrios est. Exin deserta incultaque Palestina jacuit per annos septuaginta. Finem ergo nactam censet legis agrariæ observationem tempore Zedekiae 2 Reg. XXV. & 2 Chron. XXXVI. Duplici tamen ratione componi hoc dissidium, atque conciliari poterunt partes: partim, si Jubelæos cessasse dicamus apud utrumque populum, pro utriusque captivitate & exilio, apud Israelitas quidem, quando per Tiglath-Pilasserum 2 Reg. XV. apud Judæos autem, quando per Nebucadnezzarem, subjugati fuerunt & captivi abducti 2 Reg. XXV. partim, si Judæos, abductis Israelitis, numerasse quidem Jobelæos atque Sabbathicos censeamus, licet jura Jobelæo propria, non amplius observarent. β) Hæc etenim ratio fuit Jobelæorum in epocha secunda. Postquam nimirum patriam repetiissent, soluta captivitate Babylonica, reduces Judæi, Jobelæi quidem in computo, sed non in observatione solennitatis ac privilegiorum, rationem habuerunt. Ita rursus MAIMONID. §. 3. docet: אף על פי שלא היתה שם יובל בבית שני מינין היו אותו כרי לקדש שמיטות: Quamvis non celebraretur Jobeleus sub templo secundo, numerarunt tamen eum, propter Sabbathicorum annorum sanctificationem. Templum itaque secundum, quod per annos 420 solum tectumque permansit, octo Jobelæos reddidit cyclos, cui, traditione sic perhibente, vastitas illata fuit finito anno Sabbathico, & anno XV Jobelæi noni ineunte. LXX autem annorum captivitatis ratio habetur nulla, æque ut excisa posteriori æde sacra non Jobelæos, sed Sabbathicos solum numerare solent, ad hunc usque diem annos, incipiendo ab initio anni excidii feralis, ut rursus MAIMONIDES habet §. 4. γ) Quam denique spem foveant de futuro in patriam reditu sub Messia, ac de tertia epocha, MAIMONID. cap. XII. §. 16. his prædixit verbis: וכן לעתיד לבוא בכיאה שלושית בעת שיכנסו לארץ יחזילו למנות שמטין ויובלות ויקדשו כתי ערי חומה ויתחייב כל מקום שיכבשוהו במעשרות שנאמר והביאך יי' אלהיך אל הארץ אשר ירשו אבותיך וירשתה מקיש

מקיש ירושתך לירשת אבותיך. מה ירשת  
אבותיך אתה נוהג (בה) כחידוש כל הדברים  
האלו את ירושתך אתה נוהג בה כחידוש  
כל הדברים האלו: *Ita quoque facient* (æque ac  
in ingressu secundo sub Eldra) *sub ingressum*  
*tertium, cum congregabuntur in terram, tum Sab-*  
*bathicos & Jobeleos annos numerare incipient,*  
*tum domos urbium manibus munitarum consecra-*  
*bunt, tum omnis, quem subegerint, locus decimas*  
*exsolvere tenebitur, idque sibi vult, quod dicitur*  
*Deut. XXX, 5: Et introducet te Jehovah Deus*  
*tuus in terram, quam possederunt majores tui, ut*  
*illam possideas. Itaque comparatur hereditas tua*  
*cum patrum tuorum, quæ enim & a patribus tuis*  
*hereditate accipies, & quæ ipse tu hereditario pos-*  
*sidebis, novam omnia induent faciem.*

#### §. XVII. Jobelæi 6) Cause Morales.

Supereſt, ut quæ ritus hujus, Legisque fue-  
rint causæ, indagemus. Harum aliæ Morales  
observantur, aliæ Spirituales ac typicæ. Mora-  
les ad hunc modum edisserit MAIMONIDES in  
More Nevochim P. III. cap. XXXIX. ex versione  
BUXTORFII p. 454: Præcepta illa quod attinet,  
quæ enarravimus in Halachoth ויובל illa  
partim data sunt propter misericordiam erga ho-  
mines omnes in universum, illorumque respiratio-  
nem ac refocillationem, sicut dicitur: (Exod.  
XXIII, II. Lev. XXV.) In septimo vero relinques  
eam atque deferres, & comedent pauperes populi  
tui, residuum autem eorum comedet bestia agri &c.  
& ut terra ita deserta & relicta tanto uberiores  
fructus proferat: partim in specie, in gratiam  
servorum & pauperum, in remissione argenti, &  
manumissioni servorum: partim ad conservatio-  
nem sustentationis & victus hominum perpetuam:  
ut, quod terra semper penes dominos suos manere  
debeat, nec vendi potuit, sicut dicitur: (Levit.  
XXV, 23.) Terra autem non vendetur absolute:  
ut scilicet hoc pacto facultates hominis penes ipsum  
& heredes ejus maneat. Quæ vereor, ut ac-  
curate satis scopum referant mentemque Legis-

latoris. Haud dubie exactius definiunt Christia-  
ni, quibus potius videtur, voluisse Deum his  
de Jobelæo constitutionibus 1) sui quidem ve-  
nerationem populo inculcare, & jus suum *av-*  
*τοκρατορικόν* in universam tueri terram, ejus  
solum proventus ac usum, eumque pro sua sa-  
pientia circumscriptum ac definitum, minime  
autem gentium absolutum ipsis dominium in-  
dulserit, quod diserte indicat vers. 23: *כי לי*  
*הארץ כי גרים ותושבים אתם עמרי:* *Mea*  
*enim est illa terra, quippe peregrini & inquilini*  
*vos estis apud me:* 2) modum ponere ambitioni  
& nimie habendi cupidini, ne opulentiores præ-  
dia omnia & possessiones alienas sensim invade-  
rent, destituendis tandem egenis portione in Isra-  
ele; adeoque viam intercludere, ne divites oppri-  
merent egentiores, eosque vel sub jugum mitte-  
rent, vel patrium linquere adigerent solum. Id  
quod Jes. V, 8. severe detestatur Dominus: *Væ his,*  
*qui conjungunt domum ad domum, agrum ad agrum*  
*copulant, donec non sit locus, ut collocemini vos*  
*soli in medio terra!* Quibus gemella lege Mich.  
II, I, 2. Atque huc spectat reditus ille posses-  
sionum ad pristinos in ea quoque tribu domi-  
nos: 3) æqualitatem aliquam & proportionem  
servare in populo, ne invidiæ ac murmuratio-  
ni egentiorum, vel oppressioni ac ambitioni  
opulentiorum, facile pateret locus. Huc fa-  
ciebat servorum manumissio, & reditus ad fa-  
milias cujusque suas: 4) tranquillitati consu-  
lere reipublicæ, servorum in statum liberum &  
in avitas possessiones restitutione. Nam nihil  
magis turbare potest rempublicam, inquit SPAN-  
HEMIUS loco supra laudato, quam numerus &  
copia servorum, tum inopia, quæ homines alias  
liberos in servitute detinet. Hinc natum aliquan-  
do bellum servile, coeuntibus servis, quod olim po-  
pulum Romanum affixit: 5) tribuum cumpri-  
mis & familiarum inter Judæos curatum servare  
discrimen, ut suo tempore constaret Messie  
venturi cum tribus, tum familia, illa ex Jude,  
Gen. XLIX, 10. hæc ex Davide 2 Sam. VII, 12 sqq.  
Psalm. LXXXIX.



*Causa Spiritualis.*

*Spiritualis* autem atque typica significatio annum gratiæ & libertatis, Christi morte partum ac redditum, explicate adumbrat, quem clarissimo ipse vaticinio prædixit Jesh. LXI, 1, 2, 3. & cap. LXIII, 4. שנת גאולה *annum redemptorum meorum* appellavit. Tum etenim Servator noster liberavit omnes, qui mortis metu per universam vitam servituti erant addicti Hebr. II, 14, 15. Joh. VIII, 36. redditumque paravit ad avitam regni cælorum possessionem, qua per peccatum excidimus Joh. XIV, 2, 3. Eph. III, 12. Hic annus clangore tubæ Evangelicæ, & intimatione solenni, Apostolorum & præconum verbi facta ministerio, promulgatur Zach. IX, 9, 14. Rom. X, 18. Col. I, 28. Spectat huc cum primis observatio viri ἐβραϊστῶτας, IOH. LIGHTFOOT, qui *Harmonie IV. Evangelist. P. III. ad Luc. IV, 19. Tom. I. Opp. p. 484.* pro certo habet ac tueretur, annum mortis Christi sensu literali ac proprio Jobelæum fuisse, Judæos autem forte consulto in scriptis suis Jobelæos adeo confudisse, ut eluderent manifestam harmoniam antitypi typique in morte Christi anno Jobelæi. Tandem subdit: *Cum autem Deus Christi redemptionem vivis adeo coloribus in hoc typo delineasset, Jubileos ita ordinavit, ut ab incepta prima eorum numeratione, eorum plurimi singulari quodam eventu insignes, præter liberationes forent, eorumque postremus fuerit ipse annus mortis Christi, ut acute observat BROUGHTONIVS, qui confessionem quoque hac super re antiqui Sohar, seu R. SIMÉONIS BEN IOCHAI adducit: כה תהא שכינתא ררור פרות ושנית לישראל: Majestas Dei erit Israeli in Jubileo, libertas, redemptio, finitrixque Sabbathi.* Verum cum BROUGHTONII lucubrationes non sint ad manus, implica-

tissima autem Jobelæorum sit Chronologia, vehementer cuperem, ut rationes temporum paulo dilucidius descripsisset LIGHTFOOTVS. Sed ne hic longiores simus, & membra omnia, quibus annus Jobelæus annum gratiæ N. T. repræsentavit, figillatim percenseamus, otium nobis fecit solertissimus typorum indagator, IOH. BIERMANNVS in *Mose & Christo, lib. IV. cap. VIII.* edit. Belg. p. 692 sqq. ubi nimis fere operosam & luculentam typi cum antitypo collationem exhibuit. Sed & SPANHEMIVS cit. loc. p. 710. in Hebræorum Jobelæo umbram sibi reperisse visus est hereditatis æternæ, & ingressus in gaudia sempiterna, quam verbis sequentibus delineat: *Hujus hic luculenta fuit imago. I) quia futurus tum dicitur clangor tubarum, ineunte æterno Jubileo I Corinth. XV, 52. I Thess. IV, 6. II.) quia futura est in celis a laboribus mercenariis quies, & a servitute omni Apoc. XIV, 13. tempus scilicet quietis & lætitiæ, & libertatis, ubi Manna paratur sine labore Sap. XVI, 20. & c. III.) quia futurus tum reditus ad primam possessionem, id est, ad paradysum, ex quo ejectus homo per peccatum. IV.) quia futura tum cessatio omnium debitorum, hinc anxietatis omnis, quæ nascitur in obeatibus ex metu creditorum. V.) quia tum futura in æternum jubilatio & exsultatio Jesh. LXVI. Psalm. LXXXIX, 5. Zach. IX, 9. VI.) quia tollenda tandem erit distinctio servorum & dominorum Col. III, 24. tum servus erit par domino, una omnium gloria, uno eodemque denario in singulos distribuendo Matth. XX, 9, 10. Scita hæc est utriusque comparatio: quò minus autem typum dicamus innatum, & Jobelæi solennitate a Deo indicatum, silentium prohibet Scripturæ Sacræ, cujus clara & perspicua desideramus vestigia, istam quæ innuant & evincant applicationem.*

AD

DE FESTO PVRIM, ET FESTO  
ENCAENIORVM.

*vocabulum Perficum* ] *Vocabulum peregrinum tantum in libro Estheræ le- III, 7. IX, 26. & in numero plurium, IX, 24, 26, 29, 31, 32. Ad primum interpretatur RASCHI: הוא הגורל הכתוב מפרש ומחו חפור הוא ה. e. Sors. Scriptura quid sit Pur, nempe Sors, conjici scil. quonam in mense ipse prospera fortu- fset. Inde nimirum Festo nomen hæ- rtes jecerat Haman, ut omnes Judæi mensis duodecimi Adar, h. e. Novilu- rii, per universam Regis Ahasveri di- erentur & exstirparentur, velut immi- Regis rescripto, omnibus provinciis um fuit. Verum vertit fortuna, & adæorum internecionem speraverant in Judæorum manus inciderunt, & genti homines, cum decem Hamanis lati, postridie etiam trecenti ibidem nt. Reliqui vero Judæi, passim in re- , 75 millia hostium interfecerunt, quoque 13 die contigit, at 14 quie- deo in perpetuam rei memoriam con- Reginæ cumprimis literis & auctori- unitum fuit, ut 14 & 15 diem mensis s agerent; ita tamen, ut primus dies solennius celebretur, quam secundus: diebus Judæi se de inimicis suis ulti, que tristitia in hilaritatem & gaudium rant, & ut dies isti, dies lætitiæ atque fient, quos vertente semper anno, so- rarent honore, ut est Esther. cap. IX. ec edisserit WILHELM. SCHICKAR- one de Festo Purim Tubingæ habita-*

*Celebratio Festi* ita habet: I. Pridie Festi, die nempe XIII mensis Adar, *jejunium* celebrant, non quidem ex præcepto Dei, sed מררנן *Rabbino- rum*, quod præceptis Divinis æquipollet. Hoc faciunt exemplo Estheræ, unde quoque תענית אסתר *jejunium Estheræ* appellant. Quamvis enim Regina, non hoc die, sed primo mense Nisan, nec unico tantum die, sed continuato tri- duo jejunarit, una cum gynæceo suo, & omni Synagoga Susensi; præstare tamen dicunt hodie, quando facti memoria recolitur tantum, ut velut in Tragædia, protasis & epitasia haud nimis lon- ge divellantur. Itaque regulariter, pridie lauti- tiarum, evacuunt stomachos inedia, ut bene sobrii attentius prælectionem libri Estheræ auscul- tent. Quodsi tamen Sabbatho incidat Purim, retrahunt jejunium ad feriam quintam, ne scilicet



cet Veneris die, quo Sabbathicus cibus coquitur, & necessario prægustandus est, inediam parum religiose servant. Recentiores circa hoc jejunium controversias, exponit & Rabbinorum suffragiis dirimit SCHICKARD. *cit. loc. Not. s. p. 491*. Sequitur II. *Lectio* libri Estheræ, quæ cum nocte inchoatur, quamprimum stellæ promicant. Tum gaudii testandi causâ candelas accendunt, & חזן volumen Estheræ explicat, instar *Sepher thorab*, aperit, & a principio ad finem usque, sine intermissione, perlegit. Multum tricantur Magistri in Mass. *Megilla* tum circa Lectorem & lectionem ipsam, tum circa Codicem, ex quo illa peragitur, quas nânias ibidem cognoscas. Præmittuntur a Præcentore lectioni res præcatiunculæ: una, quia digni sunt habiti, hæc Sacra tractare; altera, quod miraculose Deus olim majores conservavit; tertia, quod huc usque vixerint, ad eam festivitatem. In ipsa lectione, quinque libelli loca, quantum potest altissima voce, stentor ille proclamatur, adeo ut hac immani vociferatione pueri ac mulieres exterritæ consternentur. Causas clamoris sciscitatus SCHICKARDVS, ex ore senis cujusdam Rabbinî tres intellexit, læticiam scilicet, attentionem juniorum, & somnolentorum per vices excitationem, quia hæc noctu peraguntur. Cum ad catalogum decem filiorum Hamanis est ventum, festinant homines-uno-halitu-continuato-sine-interpiratione-instal-alicujus-longissimæ-dictionis pronunciare, quod similiter animam omnes efflarint illi, uno eodemque momento. Quotiescunque Haman nominatur, auditores clamant, שמו ימח שמו *deleatur nomen ejus*, vel ex Prov. X, 7. שם רשעים ירקב *nomen impiorum putrescat*. Quin & pueri ad hoc nomen insignem edunt strepitum, malleis & pistillis, ad id factis, scamua certatim pulsantes, ac si caput sui quondam hostis ita tunderent, ut præ ictuum fragore nil aliud exaudiat. Finita lectione, omnes & singuli dicere tenentur: ארור המן *maledictus sit Haman*, benedictus מרדכי *Mardocheus*: ארור זרש כרכה אסתר *maledicta sit Zerefch, benedicta vero Esther*: Zere-

schæ enim nomen fuisse uxori Hamanis ex Esth. VI, 13. intelligitur: ארורים עובדי עז כרכים *maledicti sint omnes idololatrae, benedicti omnes Israelitæ*: ונם כרכונה & ipse quoque Charbona, שאל ידו נתלה המן *cujus manus suspensus est Haman*. Vbi tamen suam erga Christianos acrimoniam produnt, & in eos has diras detorquent. Ad hanc autem lectionem auscultandam omnes sunt adstricti, cujuscunque fuerint conditionis vel ætatis, Sacerdotes, Levitæ, Israelitæ, servi, nothi, spurii, Profelyti, Nethinæi, hermaphroditi &c. quia omnes fructum illius miraculi perceperunt; mulieres quoque, quia per mulierem, Estheram id factum fuit; demum pueri a teneris huc sunt assuefaciendi. Finita lectione domum quisque suam repetit, & in cœna non tam carnibus, quam lacticiis vescuntur. Exorto sequente die 14 Adar, summo diluculo in Synagogam se denuo conferunt, Hamanis historiam iterum relegend, eodem ritu complosionis, quo heri: & sic pietate se satis defunctos arbitrantur. III. Quod superest Festi biduum, conviviis, crapulæ, otio, & ludis, quin & saltationibus locant. Quin & in Talm. Tract. *Megilla fol. 7. col. 2.* diserte tradunt: *Tenetur homo in Festo Purim eo usque inebriari, ut nullum discrimen norit, inter maledictionem Hamanis, & benedictionem Mardochei.* Vespera cum primis secunda, vino calefacti, induunt viri feminarum vestes, & hæ vicissim illorum, & sic personati discursitant instar infantium: idque cum Legge Mosis prohibitum legatur Devter. XXII, 5. ad solum adulterandi animum prohibitionem restringunt, sibi autem hoc Festo licitum istud pronunciant למען שמחה *letitiæ ergo*, & לכבוד יום טוב *in honorem festivitatis*. Demum IV. מתנות *dona* sibi invicem amici mittunt, discipuli præceptoribus, domini servis, majores minoribus, maxime ditiores pauperibus, ut & ipsi pro conditione sua digne Festum celebrare possint. Vix autem alia sunt munera, præter esculenta & potulenta. Hoc sine in prima vespera stipem liberaliter conferunt in Synagoga divites, ac sequenti mane summo distribuunt inter egenos;

nos, hac tamen lege expressim addita, ut comparent inde edulia, ac totam absumant in celebritatem Festi tantum: reos namque fieri profanatae solennitatis, quicumque in alios usus convertere ausint. Vide, præter laudatum SCHICKARDUM, BVXTORF. *Synag. Jud. cap. XXIX. p. 553.* & BARTOLOCC. *Biblioth. Rabb. Tom. I. p. 693.* qui istas Judæorum ineptias copiose sunt persequuti, quibus IOH. LEVSDENI adde *Philol. Hebræo-mixtum Dissert. XL. p. 305.* ubi easdem æri incisas oculis subjecit.

Ad §. III. pag. 83.

(2) *Festum Initiationis*] Hebræis חֲנֻכָּה Initiatio, Dedicatio, a חָנַן initiavit, instruxit, dedicavit, legiturque tam de domo privata Deuter. XX, 5. quam de Templo, 1 Reg. VIII, 63. ita חֲנֻכַּת הַמִּזְבֵּחַ initiatio altaris celebratur Num. VII, 10. Græci ἑγχεσμία dicunt, ab ἑγκαινῶν, innovo, vel, rem profanam facio sacram. Confer, quæ de nomine Festi erudite congestit LAMPE *Comment. in Job. XX, 22.* ubi pariter sex Encænina memorat, solennia Judæis, e quibus tamen sola huc spectat initiatio Hasmoniaca.

Ad §. IV. pag. cit.

(3) *Est Festum initiationis altaris*] Recte Auctor natales hujus festi a Juda Maccabæo arcessit, qui annis circiter 162 ante C. N. in memoriam initiati altaris istud instituit, 1 Maccab. IV, 59. Ille enim, postquam Græcos sub Antiocho Epiphane Hierosolymorum vastatores, qui Templum polluerant, & sacrum oleum perdiderant, vicisset, urbem recuperasset, Templumque denuo consecrasset, in insignis istius beneficii recordationem, festum quotannis octiduanum, a die 25 mensis Cislev incipiendo, cum lætitia & gaudio celebrandum, edixit. IOSEPHVS *lib. XII. Antiqu. Jud. cap. VII. §. 8.* edit. Haverkamp. p. 617. Festi primordia ita edisserit: *Egit Judas cum civibus per octo dies instaurationem sacrificiorum in Templo, nullum omittens lætitia genus, sed*

*magnificis splendidisque sacrificiis eos excipiens, hymnis etiam & psalmis Deum quidem honorans, populares vero oblectans. Tantum autem gaudii ceperunt ex hac rituum restitutione, libertate religionis post multum temporis inexpectato recuperata, ut legem posteris fecerint, quotannis solennes agere dies octo, ob res Templi restitutas: & ex eo tempore in hodiernum usque diem celebramus id solenne, quod dicitur Φῶτα lumina, seu Festum luminum, חֲנֻכַּת הַנֵּרוֹת Accensio lucernarum Judæis vulgo dictum: ἐκ τῆ παρ' ἐλπίδας οἶμα, ταύτην ἡμῖν Φανῆναι τὴν ἐξ ἑστίαν, τὴν προσηγορίαν δέμενοι τῇ ἐορτῇ, hac festivitati, ut opinor, indita appellatione, quod illa nobis ex insperato affulserit agendi potestas. Sed rectius observant viri docti, ab usu lucernarum plurimarum, quibus hoc Festum celebrari consuevit, id nominis ei hæsisse; ut mox pluribus audiemus. Quanquam alii ex Judæis malint ex miraculo, circa oleum in repurgatione Templi purum inventum, patrato, hoc nomen derivare, de quo copiose commentatur SELDENVS *lib. III. de Synedriis Hebr. cap. XIII. §. 9.* Originem autem Festi, nonnulli Judæorum pariter ac Christianorum, ad victoriam Judithæ referunt, cujus certe commemoratio hoc Festo contineatur. Attamen hæsitant in definienda Juditha, an filia Merari intelligatur, ob victoriam in decollatione Holofernus celebris, an filia Hasmoniaca, ob simile in Nicanorem facinus decantata? Quod commentum denuo erudite discussit & exposuit laudatus SELDENVS *cit. loc. §. X. & XI.* Fidem certe non meretur hæc sententia, quam eidem quoque detrahit BVXTORF. *in Synag. Jud. cap. XXVIII. circa fin. p. 552.* Quæ autem de ista quæstione controversia fuit agitata, inter PETR. DAN. HVETIVM negantem, quod ulla festivitatis, ex facto Judithæ oriundæ, in Hebræorum libris occurrat memoria, & IOH. FRIDER. BREITHAVPTIVM affirmantem, laudatus memorat LAMPIVS *in Not. c. I. p. 685.**

*Celebratio Festi non tam religioso, quam Sardanapalico peragitur more, comedendo, genio suo indulgendo, & in diem vivendo. Præcipuus autem*



autem & necessarius ejus ritus est candelarum accensio. Candelabrum quippe, septem sive lampadibus olei puri, sive cereis instructum, suæ quisque domi habet, & ita accendunt, ut nocte prima accendant lampadem, sive candelam unam, secunda duas, tertia tres, & sic porro per integrum septiduum, singulis diebus unam addendo. Libentius oleo utuntur olivarum, quia miraculum circa oleum contigit, quod tamen si ad manus non fuerit, ejus in locum cereos surrogant. Mulieres autem lucernas has accendunt, quia & illæ comprehensæ in isto miraculo fuerunt: aut quod mulieres quoque conati fuerint inimici sub potestatem redigere, & ad superstitosum suum cultum perducere, sed a Deo miraculose præservatas: addunt nonnulli, quod miraculum acciderit per miraculum Juditham. Eaque lucernarum accensio adeo est necessaria, ut si pauperi cuidam non suppetat, quod comedat, nisi ex collecta stipe, emendicet aut vendat vestimenta sua, ut oleum & lucernas sibi comparet ad festivitatem rite celebrandam; juxta MAIMONID. Hile. *Chanucca* cap. IV. Eadem tamen accensione omnis Festi celebritas absolvitur, cum opera his diebus, velut Sabbatho, aut in ceteris festis, non sint prohibita, modo non ad lampadem festi fiant, sed ad usum domesticum alio utendum est lumine. Legunt hoc die in Synagogis Num. VII. caput, quo dedicatio Tabernaculi describitur. Ex traditione enim se nosse perhibent, quod structura Tabernaculi die 25 mensis Kislev sit absoluta, & eodem quoque miraculum olei contigerit. Hunc ergo diem ita


censeri, ac si Sanctuarium de novo esset consecratum, postquam a Græcis fuerat pollutum.

Ad §. V. pag. 83.

(4) *Loquitur Johannes*] Ad Joh. X, 22. in *Horis Hebr.* notat LIGHTFOOTVS, notanter addi: ἐν ἱεροσολύμοις. Non enim, ut Pascha, Pentecoste, & Scenopegia, hoc Festum Hierosolymorum urbi erat adstrictum, sed ubivis locorum celebrabatur per totam regionem. Maxime, cum non certa requireret sacrificia, quæ extra Templum offerre nefas erat, sed sola lectione statæ sectionis legis, & cum primis accensione lucernarum absolveretur, quæ ubivis locorum poterat obtinere. Confer etiam, quæ copiose ad h. l. commentatus est FRANC. GOMARVS *Opp. Tom. I. p. 440.* ubi ex instituto de Encaniis: ex diserte autem addita temporis notatione, καὶ χαμὼν ἦν, curate definit, in cujus dedicationis memoriam, hoc Festum fuerit observatum.

Quia denique interdum usu venit, ut solenne Christianorum festum, quo Nativitatis Christi memoriam celebrant, in eosdem cum Encaniis Judæorum dies incidat, fuerunt nonnulli, qui hanc Festi nostri in hoc tempus conjiciendi occasionem causamque Christianis primitivis fuisse autumant, de quorum sententia LAMPIVM consule in *Not. ad l. c. p. 687.* & WOLFIVM in *Curris Exeget. ad eund. loc. p. 912.* ubi simul uterque Auctores larga manu suppeditant, qui de hoc Judæorum festo fuerunt commentati.





# ANNOTATIONES

AD

LIBRVM IV.

## DE IDOLOLATRIA.

CAPVT I.

### DE INITIO IDOLOLATRIAE.

**V**ltimam idololatriæ originem investigaturi, ad tria attendere momenta necessum habent, ad ætatem, auctorem, & causam ac modum. *Ætatis* duas constituimus periodos, alteram ante diluvium, alteram post restauratum, Noachidarum amplificatione & cultura, orbem. Priorem in dubium vocarunt nonnulli, ex veteribus *CYRILLVS ALEXANDRINVS lib. III. contra Julian.* & *LACTANTIUS lib. II. Instit. Divin. cap. XIV.* ex recentioribus *IOH. OWENVS Theologumen. lib. III. cap. III. §. 5. coll. lib. II. cap. III. §. 16.* & *IOH. FRANC. BVDDEVS Hist. Eccles. Vet. Test. Per. I. Sect. I. §. 36. & Sect. II. §. 12.* homines antediluvianos in atheismum potius, quam superstitionem prolapsos, causati. *Scelere idololatriæ adstrictos fuisse, nullum testimonium extat, nullum probabilis conjectura faciendæ fundamentum,* inquit *OWENVS.* Verum, cur Cainitis quoque idololatriam tribuamus, cum *IOH. HENR. HEIDEGGERO in Hist. Patriarch. P. I. Exerc. VIII. p. 245.* certas, gravesque habemus causas. Quando enim in *ψευδοδιδασκαλίας πει*

fui animadvertit Judas Apostolus, istud cumpri-  
mis in vicio ipsis ponit vers. 11. *ὅτι τῇ ὁδῷ τῆς καὶν ἐπορεύθησαν.* Velut autem *ὁδὸς κυρίας* Jer. VI, 16. Actor. XVIII, 25, 26. & alias passim, veram de religione & cultu sententiam notat, alias quoque plenius *ἡ ὁδὸς τῆς δικαιοσύνης* dictam, 2 Petr. II, 21, sic opposita eidem seductorum *ὁδὸς*, haud dubie & ad errores mentis, & ad depravationem cultus, erit referenda. Nec dubitare finit gravis sanctissimi Numinis querela, de abundante super terram hominum malitia, & quod terra corrupta esset coram Domino, omnisque caro viam suam corruerit, adeo ut diluvio immisso totam hominum universitatem delere constituerit, Genes. VI, 5, 11, 12, 13. Jam in corruptelis viæ religionis, perditissima est creaturarum veneratio, docente Paulo Rom. I, 22, 23, 25. Hanc itaque a tanto scelerum cumulo abfuisse, quis facile credat? Accedit comparatio depravati cultus, inter tempora diluvium antegressa, & idem subsecuta Genes. VI, 4, 5. VIII, 21. quin & inter ista, atque ætatem, quæ Novi Fœderis



felicitatem orbi attulit 2 Petr. II, 5, 10 sqq. Posteriores autem ista, cum idololatriæ βδελύγμασι vel maxime laborarent Jos. XXIV, 2. 1 Corinth. XII, 2. Ephes. II, 1, 2. IV, 17, 18. eandem ab antediluvianorum perversitate minime alienam fuisse, haud obscure colligitur. Vt licet cultus idolorum nulla diferta mentio injiciatur a Mose, ille tamen liquido constet ex allatis. Adstipulatur ANTON. CREGTVS, quando in *revelatore Arcanor. cap. IV. p. 229 sq.* observat, eodem fere tempore, quo in sanctissima Sethi sobole הוהא coeptum est invocari nomen Dei, ab impia Caini posteritate coeptum quoque esse, profanis cultibus nomen Dei profanari. Post diluvium autem, idololatriæ, infaustis auspiciis in orbem postliminio velut revocatæ, periodum, citra hæstationem ad confusionem labii, & primam gentium dispersionem Genes. XI, 9. coll. cum X, 24. referimus. Ab Ecclesiæ gremio ejectis aut avulsis mortalibus, traditionis male tenacibus, & opum, potestatis, tyrannidis cupidine abreptis & actis, in depravationem cultus, tandemque in idololatriam prolabi, admodum fuit proclive. Testatur quoque omnium ætatum & gentium exemplum. Quamquam vero annum & cardinem, quo invec̃ta in mundum sit, haud temere definimus, attamen non ita multo post secessionem in varias orbis partes, ortum cepisse ex Jos. XXIV, 2, 15. & Jobi XXXI, 26, 27. satis apparet. Abrahami certe ætate, longe lateque rerum potentem idolorum cultum, diu ante coepisse oportuit.

Pergimus ad *auctorem*. Hunc, juxta cum ætate, omnino ignorari contendit BVDDVS c. l. p. 242. Lubenter, inquit, *fatemur, ignotum nobis esse, quando, aut quo auctore, idololatria introducta sit: id saltem constare, factum id post diluvium, antequam Abrahamus patrios lares deserere a Deo juberetur*. Sed bene ponderatis, quæ præmisimus, argumentis nulli dubitamus, prioris Cainum, posterioris, infaustam Chami propaginem, Nimrodum, constituere parentem, ita tamen, ut non diffiteamur, eorum posteros, ubi semel coeptum erat a veritatis tramite declina-

re, quo longius in errore progredierentur, eo quoque absurdius cultum instruxisse. Vterque imperium & dominium in homines affectabat, exstructa urbe, & exercita in eos, qui contra ipsorum niterentur molimina, tyrannide & savitia Genes. IV, 17. X, 8 sqq. Ne itaque veri Numinis timore ad rectam alii perducerentur viam, & ad veram reverterentur Ecclesiam, novam & ad emolumentum suum compositam invenerunt superstitionem, qua in officio subditos eo continerent facilius, & ad suam conformarent voluntatem. Istud tyrannis, novumque molientibus regnum, solenne ac in more positum esse, Jerobeami 1 Reg. XII, 28 sqq. & Muhammedis exemplo, aliisque similibus evincitur. Cum itaque a primæva & genuina jam deflexissent mortales, religione, & incerto huc illud fluctuarent turbine, quid obstabat, quo minus Satanas illos in abominabilem Deo idolomaniam conjiceret, maxime quando cum spurcitie, libidine, vagisque cupiditatibus, illa esset conjuncta? Cainum quidem, licet novos ritus suo arbitratu usurpasse largiatur OWENVs lib. III. cap. III. §. 3. ab idololatriæ tamen crimine absolvit. Neque enim, inquit, Caino eatenus hominem exuere possibile erat, ut alios sibi Deos fingeret, post expressam & apertam istam, quæ eum inter & Jehovaham, omnium creatorem intercesserat, communicationem. Sed nec opus habebat ille, hominem exuere, verum postquam fœderi Divino, & puriori cœtui nuncium miserat, suoque tantum honori & commodis, geniique cupiditatibus consulere constituerat, cur non eadem protervia, si minus Deos alios fingere, verum certe Deum, sub solis, astrorum, quin & imaginum symbolis, venerari & colere potuerit? Quod ad sequiorem diluvio idololatriam attinet, ejus primordia EVSEBIUS in Chron. p. 13. CEDRENVs Comp. Histor. cap. XXXVI. EPIPHANIVS & SVIDAS, a Serugo arcessunt, Regu filio, ex Semi progenie oriundo: sed omni prorsus destituti colore, nisi quod is in proximis esset Abrahami majoribus, quos idolis serviisse Scriptura testatur. Reliqua fabulis superstructa nituntur. Potuit ergo Serug idolo-

idolorum cultu correptus fuisse, eam autem primum introduxisse, unde probabitur?

Occasionem denique, causamque huic vesanæ subministrasse censet Auctor noster infinitam Dei & incomprehensibilem majestatem, natamque hinc fluctuationem & ignorantiam, quinam summus esset & verus Deus, cui sacra facere cupiebant? Eruditissimus VOSSIVS lib. I. de Orig. & progressu Idolol. cap. IV. hominum partim ignorantiam causatur, & vincibilem quidem illam, partim cultus, quem necessarium agnoscebant, a Deo creatore ad creaturam translationem. Nobis tres jungendæ videntur esse causæ: separatio ab Ecclesia, & oratio verbi divini, quod in puriore solum coetu sonabat, & crebris Dei apparitionibus confirmabatur subinde, & dilucidius exponebatur: extrema humani ingenii circa res divinas, non cæcitas modo & corruptio, sed in absurdos quoque, crassosque errores propensio, quo Paulinum spectat oraculum Rom. I. 21, 22, 23, 25. a VOSSIO egregie illustratum: Satanae denique deceptio & instinctus, qui solet corrumpere τὰ νοήματα impiorum, eosque seducere a simplicitate & puritate verbi 2 Cor. XI, 3. Nec multum refragabimur MAIMONIDI, quando Hilc. de Idololatria cap. I. §. 1. initium criminis factum fuisse censet a cultu Solis, Lunæ & siderum; modo Enosum sceleris, cujus ipse eum arguit, purum pronunciaverimus. Placent, quæ huc affert HEIDEGGERVS c. I. §. IV. pag. 248. Proclivis fuit talis suggestio Satana: Deum in caelo, velut specula quadam edita, sedentem curare caelestia: at inferioribus Diis, filiis, ministris suis, eum in finem creatis, mandavisse curam sublunarium, ut inferiores mundi partes regerent, & res hominum benigne juvarent. Hos in sublimi locatos, quotidie conspici oculis, eorum virtutem & influxum percipi: proinde religiose colendos, eorundemque intercessione Numen, quotidianis peccatis infestum, placandum & reconciliandum esse. Præterea summum illud Numen, tanquam ἀνέφικτον ἁλόγατον, nec videre, nec comprehendere potuerunt. Tum etiam majores posteris suis maxima Dei miracula, quæ vel viderunt, vel audive-

runt ipsi, tradere neglexerunt. Unde prono impetu deflexerunt ad cultum eorum, quæ videri poterant, & quorum maxime beneficiis juvari se animadverterant, Solis, Lunæ, ceterorumque id genus. Post secuta fuit Θρησκεία Ἀγγέλων, veneratio Geniorum, seu Dæmonum: hinc Heroum, & hominum præclaris facinoribus inclutorum: donec tandem ad cultum prolaberentur statuarum, imaginum, arborum quoque & herbarum, immo brutorum, reptilium, & abjectissimarum rerum. Hinc, quicquid est paganæ superstitionis, ad duo summa revocat capita SELDENVS de Diis Syris Prolegom. cap. III. a princ. ad cultum Siderum, & ad cultum Dæmonum. Paulo aliter haud ita pridem instituit vir in Galliis, ingenio & doctrina pollens, PLUCHE dans l'histoire du Ciel lib. I. cap. I. p. 25 sqq. In Aegypto cum primis, quo Chami filius Mizraim delatus, sedem cum suis fixit, cum Deos, tum simulacra eorum, necessitati temporum, & ruditati gentis, ortum suum debere perhibet. Ante enim, quam scribendi artificium excogitaretur, magistratus atque Sacerdotes, certis quibusdam symbolis & figuris populum monuisse, quid e re sua, quid e salute reipublicæ foret. Prima omnium censet signa Zodiacalia, a primis Aegypti colonis, non tam inventa fuisse, quam per traditionem accepta & conservata. Hinc ex astrorum observatione, Nili cognovisse exundantiam, a qua omnis Aegypti fertilitas pendet & felicitas, & qua anni tempestate illa immineat, qua vicissim aquæ subsideant, locumque sementi ac messi faciant, per symbola quædam v. g. solis, terræ, ventorum, caniculæ &c. incolis provinciae significasse. Ex his symbolis Anubim Ἄνουβι / Sphingem Σφίγγι / Osiridem Ὀσίριδι / Serapidem, Ἰσίδι, Horum, aliaque id genus, & nomina enata fuisse, & ænigmata, homines officii sui admonentia, & facillima intellectu, quæ tamen sequiori ætate omnia in Numina degenerarint. Conjecturas exponit Vir doctus, sed ingenium spirantes, nec a veri specie multum recedentes, quas qui cognoscere cupit, commentarium illum evolvat. De origine autem & causis idololatriæ, post alle-



gatos jam OWENVUM, BVDDEVUM, HEIDEGGERVUM, GERH. IOH. VOSSIVM, & SELDENVUM, vide EDOARD. HERBERTVUM DE CHERBVRY *de religione Gentilium, errorumque apud eos causis* cap. II. *sqq.* IOH. CVNR. DIETERICVUM in *Antiquit. Bibl. Vet. Test.* p. 547 *sqq.* PETRVM IVRIEV *Hist. Crit. Dogmat. & Cult. P. III. cap. II.*

Ad §. II. pag. 84.

(1) *Hac generali formula: Dii, Deæque omnes* ] Non propter incertitudinem solum, sed & compendii gratia, & ne quem, in tanta Deorum turba recensenda, oblivioni forte traderent aut omitterent, post specialia ad eam rem, de qua agebatur, invocata Numina, confuso & communi complexu reliqua omnia his verbis comprehendisse, docet SERVIVS ad VIRGILII *cit. Georgic. lib. I. vers. 21.* ita commentatus: *Post specialem invocationem, transit ad generalitatem, ne quod Numen pratereat, more Pontificum, per quos, ritu veteri, in omnibus sacris, post speciales Deos, quos ad ipsum sacrum, quod fiebat, necesse erat invocari, generaliter omnia Numina invocabantur.* Ita pariter PLAVTVS in *Pænulo Act. V. Sc. 4.* *Dii, Deæque omnes, vobis habeo merito magnas gratias.* Plura in hanc sententiam leges, ex CICERONE, LIVIO, SENECA, aliisque priscis Scriptoribus collecta, apud BARNAB. BRISONIVM *lib. I. de Formulis*, edit. Mogunt. p. 54.

Ibidem.

(2) *Altare ejusdem Inscriptionis, Actor. XVII, 23.* ] De ara, Athenis Ἀγῶν τῶ Θεῶν dicata, cujus argumento Paulus Atheniensibus ignorantiam quidem veri Dei tribuit, aliquam tamen non denegat notitiam, tot fere sunt sententiæ, quot Interpretes. Conferatur πολυμαθέστατος WOLFIVS, qui in *Curis Philol. b. l.* cum doctorum labores, tum opiniones diversas confertim exhibet; cui adde STEPHANI CLOTZII *Prefation, ad Theolog. naturalem §. V sq.* ubi cum cura hunc locum excutit, tandemque in ea sen-

tentia acquiescit, Athenienses, sive a Sibyllis, sive a Philosophis, sive a Judæis edoctos scivisse, verum Deum esse absconditum, sublimem, invisibilem, ineffabilem, incomprehensibilem, & inde occasionem accepisse, erigendi aram ignoto Deo, h. e. incomprehensibili, nobisque quoad naturam abscondito, & ineffabili. Vulgata quoque alia fuit apud gentes opinio, in intimis templi Judaici penetralibus, quæ præter Summum Sacerdotem videbat nemo, esse Numen aliquod, quod notum licet fuerit quoad nomen Judæis, apud exteros tamen & profanos prorsus ignotum sit & ineffabile. Ignotus igitur ille Deus, est maximus ille cæli terræque opifex, quem Atheniensibus Paulus hac oratione commendat, & ad cujus venerationem illos tam sancte & sollicitè hortatur. Verum itaque Deum indigebant, sed qui incertus ipsis ac ignotus erat, quia dicere non possent, utrum foret Saturnus, an Jupiter, vel Mars, vel quo tandem vocabulo gauderet. Eodem tendit supra laudatus VOSSIVS *lib. I. cap. II. pag. 8.* æque ac DAN. HEINSIVS *Exercit. Sacr. lib. V. cap. X. fol. 207.* causamque allegat, quia Judæi τετραγεδύματον Dei nomen non efferebant vulgo, ne gentium ludibrio exponeretur, vel etiam in populo Dei vilesceret; nec gentes ex cultu Judaico, qui ab Deorum gentilium cultu plurimum distabat, certi quid colligere poterant: hinc Deum summum Atheniensibus fuisse ignotum, interim aliquo modo cognitum: cognitum confuse & potentia, ignotum distincte & actu. Quæ ad explanandam Pauli orationem sufficere existimo.

Ad §. III. pag. 85.

(3) *HIERON. ad Tit. I, 12.* ] Ille Inscriptionem fuisse perhibet: DIIS. ASIAE, ET. EVROPÆ. ET. AFRICAE, DIIS. IGNOTIS, ET. PEREGRINIS: & addit: *verum, quia Paulus non pluribus indigebat Diis ignotis, sed uno tantum ignoto Deo, singulari verbo usus est, ut doceret illum suum esse Deum, quem Athenienses in ara titulo prænotassent.* In eadem fere sententia acquiescit ISAAC. CASAVBONVS

Annor.

*Annot. in ATHENÆVM lib. IX. c. 3.* Licet vero essent aræ, ejusmodi inscriptione ornata: ΘΕΟΙΣ. ΑΣΙΑΣ. ΚΑΙ. ΕΤΡΩΠΗΣ. ΚΑΙ. ΔΙΒΤΗΣ. teste PAVSAN. in *Atticis lib. I.* & PHILOSTRATO l. VI. c. 2: Paulus tamen id sibi fuisse credendus non est, ut titulum mutaret adversus πολυθεότητος assertores, qui falsi eum hoc nomine haud dubie postulassent, maxime cum LVCIANVS in *Philopatriæ* inscriptioni Paulinæ adstipuletur, eamque sub finem dialogi denuo illustret. Hinc OECUMENIVS *Comment. in Act. XVII.* hanc inscriptionem plenius exhibet, ejus ut posterius membrum in singulari efferatur hoc modo: ΘΕΟΙΣ. ΑΣΙΑΣ. ΚΑΙ. ΕΤΡΩΠΗΣ. ΚΑΙ. ΔΙΒΤΗΣ. ΘΕΩ. ΑΓΝΩΣΤΩ. ΚΑΙ. ΞΕΝΩ. Ultima ergo verba Paulum retinuisse, & in usus suos vertisse: quod tamen denuo aliis improbat.

Ad §. IV. pag. 85.

(4) *Vt tegeretur nomen Deum Tutelarium*] Romanis maxime in usu positum fuisse, ut Deos Tutelares silentio premerent, liquido docet PLINIVS lib. XXVIII. *Hist. Nat. cap. II.* VALERIVS FLACCVS, inquit, auctores ponit, quibus credat, in oppugnationibus ante omnia solitum, a Romanis sacerdotibus evocari Deum, cujus in tutela id oppidum esset: promittique illi eundem, aut ampliore locum apud Romanos, cultumve. Durat in Pontificum disciplina id sacrum constatque ideo occultatum, in cujus Dei tutela Roma esset, ne qui hostium simili modo agerent. Qui ergo venerari illos cuperent, Deos patrios indigetes appellasse, ne nomen proderent, testis est BRISSONIVS cit. loc. pag. 50 sq.

Ad §. IV. pag. cit.

(5) MACROBIUS *Saturnal. lib. III. cap. 9.*] Toto isto capite, de carmine, quo evocari solebant Dii Tutelares, ex instituto agit MACROBIUS, & ita præfatus: Constat enim, omnes urbes in aliqujus Dei esse tutela, moremque Romanorum arcum & multis ignotum fuisse, ut, cum obsiderent

urbem hostium, eamque jam capi posse considerent, certo carmine evocarent Tutelares Deos: quod aut, aliter urbem capi posse, non crederent, aut, si posset, nefas æstimarent, Deos habere captivos: tandem carmen ipsum his conceptum verbis prodit: Si Deus, si Dea est, cui populus, civitasque Karthaginiensis est in tutela, teque maxime, ille qui urbis hujus popoli que tutelam recepisti, precor, venerorque, veniamque a vobis peto, ut vos populum, civitatemque Karthaginiensem deseratis, loca, templa, sacra, urbemque eorum relinquatis, abique his abeatis, eique populo, civitati que metum, formidinem, oblivionem injiciatis, proditique Romam, ad me meosque veniatis, nostraque vobis loca, templa, sacra, urbs acceptior, probatiorque sit, mihi que, populoque Romano, militibusque meis præpositi sitis, ut sciamus, intelligamusque. Si ita feceritis, voveo vobis templa, ludosque facturum. Huic aliud jungit carmen, quo urbes aut exercitus hostiles devoveri solebant, quod qui cupit, ibi legat.

Ad §. V. pag. 85.

(6) *Essentiale Dei nomen יהוה eloqui*] VOSSIVM quoque hanc rationem urfisse, supra Annotatione 2. observavimus. Univerfam autem istam, de pronuntiatione nominis τετραγεσµµατος, litem ex instituto peroravit IOH. BENED. CARPZOVIVS fil. *Disp. Academ. VIII. p. 287 sqq.* unde paucis repetemus, quæ ad summam rei spectant, quia distincte & solide in ista disquisitione versatus est. I.) Duplicem hoc nomen admittit punctandi rationem in Scriptura Sacra hinc, si absque voce ארני ponatur, per Scheva & Kametz, hinc, si vel præcedat, vel sequatur ארני/ cum Cateph-Sagol & Chireck, quo pacto 222 vicibus in Scriptura legi observant Masorethæ. Illius puncta sunt propria, hujus mutuatitia; utraque vero a viris Θεοπνεύσις profecta. II.) Hinc orta est controversia, de genuina pronuntiatione vocis, quæ diversas in partes rapuit doctores, ita ut pro efferendo per Adonaj nomine, acriter pugnarent AR. MONTANVS,



TANVS, MERCERVS, GEVALERIVS, SCHINDLERVS, SIXT. AMAMA, SCALIGER, DRVSIVS, BUXTORFIVS, alii, pro diserta vero *Jehova* pronuntiatione, calculum ferrent THOM. FVLLERVS, FRANC. GOMARVS, IOH. LEVSENIUS, & passim adhuc e nostratibus plurimi, tanto quidem cum fervore hanc litigii ferram reciprocantes, ut DRVSIVS defensores lectionis *Jehovah*, per ignominiam *Jehovistas* appellaret, pars adversa DRVSIVM & asseclas, *Adonistas*. III.) Ut autem de statu causæ rite constet, non quaritur de possibilitate metaphysica, an possit? sed de morali, an debeat propriis suis literis & punctis, nomen efferri? Censent etenim Judæi, & cum his BUXTORE, DRVSIVS, AMAMA &c. veram pronuntiationem nominis, quæ olim locum habebat in Sanctuario, & a Sacerdotibus proferebatur, in *Simeone Justo* penitus desuisse, & GALATINVM atque FAGIVM, lectionis *Jehova* primos exiisse parentes, quod tamen *ἐγκλημα* cum hypothesi, de genuina punctorum antiquitate & origine, componi non potest. Porro, non quaritur, de rigore Judaico, qui capitis supplicio, vel mortis pœna, lectionem *Jehova*, & Jehovi interdiktam pronunciant: suis literis efferentem hoc nomen, tam vivicomburio dignum proclamantes, Tr. *Avoda Sara* f. 17. b. *fin. sq.* quam a felicitate futuri sæculi prorsus excludentes, Tract. *Sanhedrin* fol. 90. a. & MAIMONID. *ibid.* fol. 120. b. *med.* Sed de usu antiquo, quamnam lectionem usus, & ipsa postulet punctatio? IV.) Circa hanc itaque quæstionem stamus pro lectione nominis, per *Adonaj* & *Elohim*, quam Judæi הלכה למשה מסיני traditionem *Mosis de monte Sinaj*, a Mose & viris Θεοπνεύστοις perpetuo usu adhibitam, ad Synagogam magnam & sequiora tempora transmissam, quin immo in Ecclesia Patriarcharum jam introductam perhibent, non ex superstitione, sed ex *εὐλαβείᾳ* quadam ac religione, quam Mosis ac ceteri Scriptores Sacri non improbarunt, sed ipsamet scriptione sua retinendam docuerunt. Eaque sententia probatur CARPZOVIO pag. 301 *sqq.* a) ex præfixis, in quibus, si

qua ex literis מוכלכ tetragrammato præmittitur, semper illa ad rationem vocis *Adonaj* punctatur, v. Psalm. LXVIII, II. לִיחֹה אֲדֹנָי (β) ex literis כְּנֹרְכַפַּת, quæ initio dictionum, post ultimam præcedentis vocis quiescentem, adspirant & raphantur, ac sine Dageschi leni scribuntur, nisi accentus distinctivus Dageschi requirat; contra vero dageschantur ordinarie, post literam mobilem. At post יְהוָה tam nudum, quam cum præfixis positum, semper dageschantur, manifesto indicio, quod præcesserit mobilis, quæ est in אֲדֹנָי / non יְהוָה in יְהוָה (γ) ex permutatione punctorum nominis יְהוָה propriorum, cum mutuatis Elohim, quæ nullibi occurrit, nisi cum vel præcedit, vel sequitur ipsum nomen אֲדֹנָי. Nullibi absolute scriptum legitur Jehovi, nullibi ita, si junctum sit cum Elohim: rursus nullibi offendas אֲדֹנָי יְהוָה / aut אֲדֹנָי יְהוָה / sed semper Adonai Jehovi, & vice versa, ne scilicet idem nomen bis pronuncietur: δ) ex antiquissimis Scripturæ interpretationibus, Græcis & Chaldaïs, qui ita legerunt. In Targumim semper hoc nomen exprimitur consueta illa nota יי, quam tamen nunquam Jeja, medum Jehová, sed vel Adonaj, vel Elohim efferunt. In Græcis autem, vel per κύριος, quod est Adonaj, vel θεός, quod Elohim est, nonnunquam etiam per ipsum Ἀδωνάϊ reddunt, nunquam per Ἰωσά. ε) ipse Christus & Apostoli ita pronunciarunt. In concionibus suis Syro-Chaldaica utebantur dialecto, nunquam tamen hoc nomine usi, sed ejus loco Adonaj substituentes, quod apparet ex allegationibus dictorum V. T. v. ex Deuter. VI, 16. הָאֵל יְהוָה אֱלֹהֵינוּ אֵלֶּיךָ כִּי תִשָּׁעֶיךָ קוֹלֶיךָ מִן הָאֵל אֲדֹנָי Matth. IV, 7. Quod David dixerat Psal. CX, כָּאֵם יְהוָה לֶאֱדֹנָי / id Matth. XXII, 44. redditur, εἶπεν ὁ κύριος τῷ κυρίῳ μου. Cumque jam Christi tempore, capitale haberetur, efferre כְּאֲדֹנָיִי הָשֵׁם nomen ineffabile, propriis suis literis, qui factum, ut nullibi vel Christo, vel Apostolis, lis moveretur de ejus pronuntiatione, cum tamen omnia conquirent Judæi, quo invidiam Servatori & calumniam con-

conflarent? ζ) primitivæ ecclesiæ Patres non modo non pronuntiaverunt, sed talia quoque epitheta addiderunt, quibus monerent, a lectione secundum proprias literas, in hoc nomine esse abstinendum. Dixerunt hoc nomen ἀνεκφώνη-  
τον καὶ ἀλεκτον, THEODORETUS ἄφρασον, EV-  
SEBIUS ἀρρήτον καὶ ἀφθεγκτον, HERMES ἀπόρ-  
ρητον, καὶ ῥηθῆναι μὴ δυνάμενον: non quod in se, & sua natura tale esset, sed quod nec soleat, nec debeat ita legi, ut scribitur. Quæ pro lectione nominis secundum proprias literas suas, ab adversæ partis patronis produci in medium solent, ibidem p. 316 sqq. allegata ita dilauntur; nullum ut dubium rei superfit, modo notetur, ab Judæorum superstitione longissime nos abesse, urgentes verum & antiquum lectionis usum, ab usum damnantes Judaicum. Confer huc doctissimam SIXTINI AB AMAMA dissertationem de nomine tetragrammato, in ejus *Anti-Barbaro Biblico* pag. 297 sqq.

Ad §. VIII. pag. 85.

(7) *Solem, Lunam & Stellæ*] De idololatrico horum omnium cultu, multo cum eruditionis apparatu, vir summus GERH. IOH. VOS-  
SIVS toto lib. II. de *Orig. & Progr. Idolol.* commentatus est, ejusque ultimam antiquitatem ex Deut. IV, 19. Job. XXXI, 26, 27. cap. III. adstruxit: quomodo porro a Judæis, sub Belis & Baalis nomine, Soli delatus cap. IV. ab Ammonitis, sub schemate Molochi, cap. V. ab Assyriis & Babylonis, sub nomine Beli, cap. VI. a Moabitibus, cap. VII. VIII. a Persis, sub Mithræ nomine cap. IX. ab Aegyptiis, sub nomine Osiridis, cap. X. ab Aethiopibus, sub nomine Assabini cap. XI. a Græcis & Romanis, sub Apollinis, Phœbi, variisque aliis nominibus cap. XII. sqq. ex instituto docuit. Pergit posthæc ad Lunam, divinis honoribus cultam, cap. XVIII. - XXIX. quin & ad Stellæ cap. XXX. & quidem cum ad erraticas, seu planetas, tum ad fixas, cap. XXXV. Porro cap. XXXVII. inquit, priusne æthera coluerint Gentiles, an sidera? & quomodo cæ-

lo divinitatem tribuerint, cap. XXXVIII. sqq. exponit. His aliquid superaddere, cum idem sit, ac post Homerum Iliada scribere, sufficiat, rerum harum cupidum & studiosum eo remittere, ut ex pleno quasi alveo hauriat, quantum volupe est. Concisus de Heliolatria, sed passim, sparsimque egit, IOH. SELDENUS, in utroque de *Diis Syris Syntagmate*, & ANDR. BEYERUS in suis ad b. l. *additamentis*, nec non ABRAH. HEIDANUS lib. VI. de *origine erroris* cap. VI. p. 330. & IOH. HENR. HEIDEGGERUS Tom. II. *Histor. Patriarch. Exerc. I.* §. 37. p. 33 sq. Ejus quoque cultus, quomodo, & quibus initiis, inter Christianos omnino, jam temporibus Leonis M. irrepsit, & quo artificio per Heliolatriam a Stephanesco abrogatus fuerit, limatumque ea de re iudicium, lege apud IAC. THOMASIVM de *precibus anatol.* §. 192 sqq. Veteres autem Persas ab Heliolatria absolvit THOM. HYDE de *Veter. Persar. Relig.* pag. 5 sqq. rursusque p. 22 sq. in eo totus est, ut solam Persarum gentem antiquissimam, sinceram religionem ab Abrahamo acceptam, constanter & unice, sine ulla interruptione, retinuisse, & ad hunc usque diem illibatam servare demonstret. Quo demum pacto Sol Dei referat emblemata, IOHAN. HENR. VRSINUS docuit *Theol. Symbol.* n. 29. p. 42 sq. n. 35 sqq. plura de adoratione ejus subijciens. Qua autem figura in hieroglyphicis, Aegyptiorum vetustissimi, & a gentium dispersione proximi, Solem designaverint, adumbrare allaboravit Msr. FLVCHE *Hist. du Ciel* p. 56, 61 sqq.

Ad §. VIII. pag. 86.

(8) *אור & Vr Chaldæorum Gen. XI.*] Vr Chaldæorum, patria fuit Abrahami. Sive autem sita illa fuerit inter Tigrin & Nisibin, ubi eam collocat AMMIAN. MARCELLINUS, sive in Babylonia, uti visum EVPOLEMO, apud EVSEBIUM de *Præparat. Evang. lib. IX. cap. 17.* qui eandem esse credit cum urbe illa, quæ alias *Vranie*, nec non *Camarina* dicebatur; certum est, nomen sortitam fuisse ab igne, Solis symbolo, quem



quem pro Deo coluerunt. Pertinent huc, quæ tradit MAIMONIDES P. III. *More Nebuchim* cap. XXIX. ubi ex versione BVXTORFII ita habet: Notum est, Abrahamum patrem nostrum educatum esse in fide Zabæorum, qui statuerunt, nullum esse Deum præter Stellas. Sed cum indicavero tibi in hoc Cap. libros ipsorum, qui nunc inter nos extant translati in linguam Arabicam, & annales ipsorum antiquos, ac exinde sententias illorum produxero, videbis, quod expresse dicant, Stellas esse Divinas (vel, Deos minorum gentium) & Solem esse Deum magnum. Ita dicunt quoque, reliquos quinque Planetas esse Deos, sed duo luminaria esse majores. Invenies quoque, illos clare dicere, Solem regere mundum superiorem & inferiorem. Sic reperies quoque in dictis ipsorum libris & annalibus, quod de Abrahamo in hunc sensum scribant: Cum Abrahamus, qui educatus est in Cuthia, a vulgo dissentiret, & diceret, quod præter Solem alius sit creator, incepisse illos, sic & sic ipsi objicere, & inter alias objectiones meminerunt quoque operationum Solis evidentium & manifestarum, in hoc mundo: Abrahamum autem respondisse eis, justi estis, h. e. recte dicitis, quia Sol est instar securis, quæ est in manu cadentis ipsa. Deinde meminerunt quoque objectionem quarundam, quas ipse movit contra illos. Et tandem scribunt, quod Rex ipsum incarceraverit; sed hoc nihil obstante ipse perrexerit in carcere sese illis opponere. Quo circa Regem, cum timeret, ne regno suo detrimentum inferret, hominesque a religione sua abduceret, ipsum in fines usque Orientis, confiscatis omnibus ejus bonis, ablegasse. Alia est Rabbinorum fabula: Abrahamum aliquando patris idolorum cultu obruti icunculas confregisse: reprehensum ergo a parente; sed magnanimiter respondisse: idola vana stultorum figmenta esse: Deum creatorem cæli & terræ solum, religioso venerandum esse cultu. Thærachum rem Regi exposuisse; hunc arcessisse Abrahamum, exprobrasse ipsi in Deos audaciam, jussisse, ut Ventum, Solem, aut aliud quoddam Numen adoraret. Idem vero ab Abrahamo responsi tulisse Regem, quod Thærachum. Ira ergo concitum Nimrodum,

jussisse, satellites regii mitterent Abrahamum in fornacem, multo instructam rogo, quo clucesceret, num Abrahami Deus iis instructus esset viribus, ut ab igne illæsum præstare posset cultorem? Mandata Regis statim executos esse scelerum regionum ministros: Abrahamum vero nullatenus ab igne tactum, tandem a Nimrodo dimissum, alias petiisse terras. Eo enim intendere digitum Deum, cum dicit Gen. XV, 7. *ego sum Dominus, qui eduxi te מאר כשדים*/quasi dicat, e fornace Chaldæorum. Auctores traditionis, testesque producit, tum quoque fidem ejus argumentis impugnat CHRISTIAN. WAGNER, differt. *de Vr Chaldæorum* A. 1681 Lipsiæ publice proposita Cap. I. Sect. I. porro autem Cap. II. p. 51 sqq. genuinum urbis Vr situm, locumque exponit, & Cap. III. p. 74. sollicite inquit: cur vocata fuerit patria Abrahami, Vr Chaldæorum? digna omnino, quæ huc conferatur.

Ad §. VIII. pag. 86.

(9) *Inmo Deus Nachoris*] Respicit ad Gen. XXXI, 53. ubi pactum mutuo sancitum, Laban confirmat invocatione Dei Abraham, & Dei Nachor. Vbi RASCHI glossatur, per אלהי אברהם Deum Abrahami, intellexisse קרש אלהי Deum sanctum, per אלהי נחור Deum Nachoris autem אלהי חור Deum profanum. Vero tamen cum simile non sit, jurasse ipsum per Deum verum, eumque cum idolo majorum composuisse, potius dicendum fuerit, quod Deum Abrahami & Nachoris, quem uterque adhuc in Vr Chaldææ colebant, sive, quod idem fuerit, Deum patris ipsorum, Thærach, invocaverit. Thærach autem Dii, erant אלהי אחרים *Dii alieni*, teste Josua cap. XXIV, 2. Sic Auctori nostro veritas constabit, Deum Nachor non alium fuisse, quam אור ignem.

Ad §. eund. pag. eand.

(10) *Mare, Venti, Aether, Terra, Fructusque Terræ*] De maris cultu vide VOSSIIUM supra

pra laudatum, *lib. II. cap. 74, 77, 82.* De aeris & ventorum *cap. 84. & lib. III. cap. 3, 4.* De terræ *lib. VII. cap. I.* De ætheris *lib. VII. c. 10.* De mundi, seu naturæ, *lib. VII. cap. 2.*

Ad §. VIII. pag. 86.

(II) *Homines bene meriti*] De cultu Heroum ac Heroinarum idem præcipit VOSSIVS *lib. VII. cap. 8, 9, 10.* Et conferri huc meretur IOH. FILESACI, viri quondam in Galliis doctissimi, *Select. lib. III. p. 67. in Apotheosin vivorum* commentatio, perquam elegans, & WOLFG. CHRISTOPH. WIGANDI disput. *de affectatione ἀποθεώσεως*, Lipsiæ A. 1710. edita & ventilata,

cujus *Seçt. I. historica*, exempla illustriora recenset, *Seçt. II. moralis* in causas inquirat.

Ad §. eund. pag. ead.

(12) *Crocodili, Serpentes, Glires, Feles, Canes,*] De quadrupedibus, avibus, piscibus, serpentibus & insectis, ab Aegyptiis huic vel illi Numini dicatis, memoratus VOSSIVS agit *lib. VII. cap. 14.*

Ibidem.

(13) *Cepæ, & Allium*] De iis, sacratis Numini videatur VOSSIVS *lib. V. cap. 48.*

AD

## LIB. IV. CAPVT II.

### DE MOLOCHO, ADRAM MELECHO ETC.

Ad §. I. pag. 86.

*Nomen suum ducit a מלך regnavit*] Recte & cum communi consensu interpretum, qui hoc idolum *Deorum hominumque Regem* referre tradunt, unde THEODOTION & SYMMACHVS sæpe hoc Numen per βασιλῆα & ἄρχοντα reddunt. Nec inepte hinc arcessitur, quod in vetustissima Phœnicum Theologia, summus Deorum βασιλεὺς θεῶν singulariter appellatur, unde Græci Poetæ, maxime HOMERVS, hanc nomenclaturam hauserunt. Causam autem suam perorans contra *Aemilianum*, L. APVLEIVS, nomen βασιλέως a PLATONE convenientissime tributum censet ei, qui *totius rerum naturæ causa, & ratio, & origo initialis, summus animi genitor, æternus animantium sospitator, assiduus mundi sui opifex est.* *Apolog. I. circa fin.* Non uno autem modo vocabulum effertur, *Lev. XVIII, 21. Moloch*, æque uti *Lucas Act. VII, 43. Μολόχ* reddidit. Sed & *Milcom* audit 1 Reg.

XI, 5, 7. Syrus & Arabs scribunt מלכום *Melcom*. Hinc locus etiam, in quo peragi solebant Molochi sacrificia, *Malken* dicebatur, 2 Sam. XII, 31.

Ad §. I. pag. cit.

(2) *Adram Melech, & Anam Melech, Dii Sepharvaïm*] Iste Deum honoratum, est enim אדר vel אריר *magnificus*, hic Deum oraculi sonat, ab ענה *respondere*; 2 Reg. XVII, 31. Ceterum, quod statim ab initio monebat Auctor, Molochum non Ammonitarum solum, sed & Moabitarum Deum fuisse putari, id bene habet: modo addamus, primo ac proprie ad Ammonitas pertinuisse hoc idolum, unde diserit שקץ עמונים *abominatio Ammonitarum* in Scriptura 1 Reg. XI, 5, 35. & 2 Reg. XXIII, 13. salutar: posthæc a Moabitis quoque fuisse adoptatum, quia de Moabitarum rege, filium suum super murum immolante, perspicue docet Scriptura 2 Reg. III, 27. Neque tamen hi primi fuere

Ppp

Molo-



Molochi cultores: sed Syros primos humano sanguine Molochus litasse, testis est *PLUTARCHVS* περὶ δεσποδαιμονίας. A Syris ad Phœnices cultus iste transit, qui Molochus pariter victimas humanas mactarunt, teste *PORPHYRIO* & *EUSEBIO*. Hoc fecuti sunt Carthaginienses, apud *PAVLVM OROSIVM*, *MINVCIVM FELICEM*, & *TERTVLLIANVM*. Denique, *SELDENO* asserente de Diis Syris, longe lateque diffusa est ista barbaries, & infantes seu pueri erant hostiæ communes, & nefanda illa sacra e Syria in Europam videntur migrasse, & in Africam.

Ad §. II. pag. 86.

(3) *Esse unum idemque idolum* ] Verum dicit Auctor, fatisque ex *Jeremiæ* oraculis confirmat; latius tamen Baalis nomen & Numen patuisse credo, quam Molechi. Fuit enim communis quædam appellatio omnium, aut plurium certe idolorum principum, unde non modo collective Baalim, in Scriptura pro variis idolis, *Jud. II. II. III. 7. VIII. 33. I Sam. VII. 4. &c.* verum etiam specificè Baal-Peor, Baal-Sebub, nominantur.

Ad §. III. pag. cit.

(4) *Invenimus tantam Planetarum confusionem* ] Hinc enata Gentilibus sunt non modo idola, ex pluribus Numinibus composita, quæ *IAC. SPONIVS* *Miscell. erud. antiqu. Sect. I. Art. I. pag. 1 sequi.* in Aglibolo & Malachbelo, *Art. IV. p. 13 sqq.* in Hermanubi, Herm-Heracle, & Herm-Harpocrate fistit: verum etiam Signa Panthea, quæ omnes Deos, aut saltem plurimos referebant, quale elegantissimum æri incisum idem exhibet & exponit *Art. V. p. 19 sq.* Ita *LUCIANVS* in *de Syria Dea, post med. T. III. Opp. (Basil. edit. A. 1563.) p. 720.* se in Syriæ templo quodam vidisse perhibet *Junonis* simulacrum, de quo addit: ἔχει δὲ τὴν καὶ Ἀθηνᾶν, καὶ Ἀφροδίτην, καὶ Σεληνάην, καὶ Πέην, καὶ Ἀγέτιμειδον, καὶ Νεμείον, καὶ Μοιρέων. Habet vero quippiam

& *Minerva*, & *Veneris*, & *Luna*, & *Rhea*, & *Nemesis*, & *Parcarum* &c. Ceterum istam, cum Deorum, tum Planetarum, permissionem & compositionem neminem felicius extricasse & composuisse invenio *GER. IOH. VOSSIO*, quando *lib. VII. de Idolol. cap. II. p. 156.* probe observat, quod Phœnicum Molochus non modo sit Deorum *ἡρόνος Saturnus*, verum idem quoque cum Poetarum Saturno, Jove & Apolline. Quin & per *ἡρόνον* auctorem & parentem temporum intelligendum, Solem nimirum, teste *MACROBIO* *lib. I. Saturnal. cap. 22.* Hæc tria itaque pro supremo Numine præscam in Oriente gentilitatem coluisse, 1) naturæ totius Auctorem, 2) mox Naturam ipsam, ejusque virtutem & efficaciam, & 3) Solem: & nominasse Assyrios Belum, h. e. בעל Dominum, Phœnices Molochum, h. e. מלך regnantem; eundem Aegyptios coluisse sub nomine Amun seu Ammonis. Pro Saturno quidem calculum ferunt plerique, & ex Phœnicum Annalibus, ex *PLATONE* & *IVSTINO*, istud adstruere satagunt: maxime *IVRIEV Hist. dogmat. & cult. P. IV. Tract. II. cap. 3. & 4. p. 570 sqq.* totus in eo est, ut Syriorum Molochum eundem fuisse evincat, qui Græcis & Romanis Saturnus. Quemnam autem per Saturnum intellectum cupiant, in eo omnis versatur controversia. Non sanè regem Italum, nec Jovis Cretici patrem, neque Adamum aut Noachum, quod contendit *HVETIVS*, & laudatus *IVRIEV cap. VI. & VII. p. 581 sqq.* neque fidus Saturni cælestis: sed naturam cælestem, vel ipsum Solem, docente *SERVIO*, qui in *lib. I. Aeneid.* ita commentatur: *Assyrios constat Saturnum Junonemque coluisse, quæ Numina etiam apud Afros postea culta sunt. Vnde & lingua Punica Bel Deus dicitur. Apud Assyrios Bel quadam sacerorum ratione, & Saturnus & Sol vocatur: hinc etiam eundem, quem Soli, Saturno pariter honorem deferebant. Confer. in eandem sententiam, qua Saturni nomine Sol designari asseritur, VOSSIVS loc. cit. lib. II. cap. IV. p. 165, 168. & cap. XIII. p. 189. & cap. XI. p. 185.* ex veteribus autem *MACROBIVS* *lib. I. Saturnal. c. XXII.*

sub

*sub fin.* qui *cap. seq. XXIII.* Jovem quoque & Assyriorum Adad, eundem esse cum Sole, confirmat. Pari ratione & ad Saturnum, & ad Solem, hoc idolum pariter, ac cultum cruentum, refert BRAVNIUS *Select. Sacr. lib. IV. cap. VIII. §. 109 sq. p. 456 sq.* Nec abnuir OWENVS *Theologum. lib. V. cap. VII. p. 348 sq.* Etsi vero sunt, qui aliis quoque Diis, Marti nempe, Jovique, eadem Sacra & τεκνοφόνος τελετάς, auctoritate veterum Scriptorum, factas asserant: potiora tamen Saturno destinata fuere, siquidem hunc, ceu reliquorum Deorum omnium Præsidentem & Principem velut agnoscebant. Pro Marte quidem R. LEVI BEN GERSOM in *Levitic. XVIII, 24.* pronunciat, qui rubicundus, Deus ignis credatur, & in tabulis Astrologorum Aegyptiacis, Moloch appelletur: sed notatus eo nomine a IVRIEV *cit. loc. cap. III. p. 570.* Vide Auctoris nostri *paragr. quintum.*

Ad §. IV. pag. 87.

(4b) *Beel Samen*] Pariter ASSEMANVS *Tom. I. Biblioth. Or. p. 327. in Nota* observat, Syros Jovem nomine Beelsecemin Domini calorum designare.

Ad §. V. pag. cand.

(5) *Statua Molechi*] In delineatione simulacri convenit inter doctores Judaicos, & memorato ab Auctore testimonio ex *Jalkut SCHIMEON*. Addi potest in eandem sententiam R. DAVID KIMCHI in *2 Reg. XXIII, 10, II. & R. SAL. IARCHI in Jerem. VII, 31.* qui ita habet: הוּא הַמִּלֵּךְ שֶׁהָיָה שָׁל נַחֲשֵׁת וּמִסִּיקִין אוֹתוֹ מִתַּחְתּוֹ וְיָדָיו פְּשׁוּטוֹת וְנִסְקוֹת נֹתֵנִין אֶת הַיָּלֵד עַל יָדָיו וְהוּא נִכּוֹה וְנוֹהֵם וְהַכּוֹמְרִים מְקִישִׁין בְּתוֹפִים שְׁלֵא וְשָׁמַע הָאֵב קוֹל הַבֵּן וְהַכּוֹמְרִים: Fuit Molech (idolum) ex are factum, quod ab inferiori ejus parte succendebatur; erant autem illius manus protense atque candentes, quibus infans imponebatur, ipseque comburebatur atque gemitabat; sacrificuli autem tympana pulsabant, ne pater clamorem filii sui audiret, ejusque visce-

ra commoverentur. Aeneam fuisse statuam (non, quod vult LYRA, cupream) cum SALOMONE contendit LUDOVIC. VIVES, qui ut hoc obtineat, æneam statuam Saturni Carthagine extitisse, ex DIODORO SICULO tradit, quæ manus habuerit supinas supra terram, sed quibus ignis subesset, cujusmodi statuas Hispani testantur reperi- tas in illis Americæ insulis, quæ Africam contra spectant, ut earum habitatores, illi pariter deditos fuisse superstitioni, colligere inde par sit. Tantus porro idoli hujus splendor emicuisse perhibetur, ut oculos intuentium perstringeret, & propemodum obcecaret. Hinc MACROBIUS, paulo ante citatus, idoli hujus insigne visum fuisse testatur, radiis inclinatis, quibus monstraretur, vim cali in radiis solari- bus esse, qui in terram demittuntur. Quod autem, post CYRILLUM in *Amos V, 26.* THEOPHYLACTVS & OECUMENIVS in *Act. VII, 42.* splendori huic addunt, habuisse Molochum λίθον διαφανή καὶ ἐξαίρετον, εἰς ἑωσφόρον τύπον, ἐπὶ μετώπῳ ὄντος, lapidem pellucidum ac preciosum, in modum luciferi, extrema frontis parte, id ita castigat VOSSIVS *lib. II. cap. V. pag. 169.* ut errori ansam præbuisse censeat vitiosam versionem Græcam, quæ 2 Sam. XII, 30. pro מַלְכָּם Malcam, Regis ipsorum, proclivi errore legerit Μολχόμ, æque ut Vulgata Melchom, & hoc pacto ex corona Regis Ammonitarum, coronam effinxerit Numinis Ammonitarum: hinc haud immerito in dubium vocat, quicquid illi de gemma, mirum coruscante, in capite supremo Molechi fabulantur. Quid? quod splenduisse statuam vix aliter credere liceat, quam igne candentem & pellucidam? Ita quippe SCHIMEON in *Jalkut* post verba ab Auctore nostro prolata, fol. 6r. col. 4. statim addit: והיה מסיק מכפנים עד שהיו ידיו נעשית כאור: Erat autem incensus Molech interne, usque dum manus ejus rutilarent sicut lumen. Extra sacrificii enim solennia, & ubi aberat flamma, statuam a fumo & igne sordidam & squalentem apparuisse, vix potest dubitari.



Ad §. V. pag. 87.

(6) *Septem sacella exstructa Molecho*] Circa sacella ista, sive conclavia, non convenit inter doctores. N. In usu & oblatione, diversa tradit SCHIMEON in *Falkut*, ab illis quæ R. D. KIMCHI loco *supra cit.* docet. SCHIMEON ita recenset: *Avem offerens, primum subibat sacellum; ovem offerens, secundum; arietem, tertium; vitulum, quartum; juvencum, quintum; bovem, sextum; filium denique, septimum.* KIMCHI ex adverso juvencum omittit, & ita exponit: *Qui similam offerebat, ei aperiebant primum conclave; qui pullos columbarum, ei secundum; qui ovem, ei tertium; qui arietem, ei quartum; qui vitulum, ei quintum; qui bovem, sextum; qui filium suum, ei septimum.* ב. Sacella SCHIMEON extra statuum constituit, in quæ ingrederentur oblaturi; at ex mente KIMCHII, statua ipsa septem ejusmodi complectebatur receptacula, in quæ hostia immittebatur, cui utraque respondet idoli delineatio, quam & ex Rabbiniis *Tab. I.* & ex KIRCHERO *Tab. II.* oculis exhibuit BRAVNIUS ad pag. 476. Ast immisus in tale ventris Molochi receptaculum, perperam fingitur puer, qui manibus ignitis statuæ potius imponebatur comburendus. א. Sacella ista plane in dubium vocat doctissimus SELDENUS *Synt. I. de Diis Syris cap. VI.* paulo post init. *Vereor*, inquit, ut fidem suam liberent, qui septem Molochi conclavium auctores primi extiterint; anne a Mithræ sacris illa didicere? Mithræ enim septem sacra erant portæ, Planetarum numerum referentes, de quibus CELSVS apud ORIGENEM *lib. VI. cap. III. §. I.* Contra vero VOSSIUS loco ante cit. BRAVNIUS §. II.4. p. 461 sq. alique, hoc ipso argumento conficere laborant, Soli sub Molochi nomine truculenta istiusmodi sacra fuisse facta, quia utrique septem portæ, sive sacella tribuuntur. Vbi obiter, & ὡς ἐν πλεόονω moneo, HERODOTVM *Historiar. lib. I. cap. 131.* Mithram Persarum a Sole distinguere, nec aliam & diversam a Venere Græcorum censere: in quam ejus sententiam erudite inquit Vener. MOSHEMIUS

*Annotat. ad Cudworthi Systema intellect. Tom. I. cap. IV. §. 16. p. 326 sq.* Num itaque utrumque idolum, & Persarum Mithras, & Syriorum Moloch, aliquam hac parte convenientiam habuerit, ut velut septem portæ Mithræ, sic septem receptacula fuerint Molochi? an perperam ad Molochum translatus sit, quod ad Mithram tantum pertinuit, in tanta doctorum fluctuatione, definire proclive non est.

Ad §. VI. pag. cit.

(7) *Vnde locus ille vocabatur תפת*] Ita sane R. DAV. KIMCHI *supra citat.* nominis rationem reddit: ולמה נקרא תפת. תפת שהיו מנהגן בתופים שלא ישמע אביו קול הנער! ורחם עליו ויחזור בו! At, qua de causa dicitur Tophet? quod strepitum fecerint tympanis, ne pater audiret vocem pueruli sui, & ipsius misereatur, & resipiscat. Paria habet IARCHI ad *Jer. VII. 31.* & ad stipulatur SELDENUS *c. I. p. 172 sq.* Tophet vero a תוף i. e. tympano petunt; quod, ne lamenta illa, & gravissimi ejulatus a parentibus exaudirentur, tympanis, dum sacra fiebant, vicinia personaret. Verum HENRIC. HVLSIUS de *vallibus Prophet. sacris, Exercit. XV. §. 16. p. 404.* vocem vel a תוף tympano, vel a טף parvulo, quod parvuli ac pueri ibidem adolebantur, derivandam negat, sed a תפת quæ apud Arabes hodie notat mundavit, sacra fecit, apud Chaldaeos autem exactionis justitiæ notionem habet, quæ utraque significatio accommodata loco fit. Non enim decere causatur, negligere radicem plenam, cum ea in lingua aliqua Orientali nobis adhuc servatur. Longe autem exactius rei gestæ illa de tympano derivatio congruit, nec radicale, ת ultimum censendum, sed nominis formativum, ut a trita explicatione in diversum discedere, necesse non sit. Hinc negantes alii obvertunt, si vox a תוף tympanum descenderet, ד dageffandum fuisset, ad compensandam litteram mobilem abjectam. Sed, in nominum priorum formatione, analogiam ad regulas Grammaticas non semper exigi, constat. Ceterum

rum de loci, in quo nefanda illa peragebantur sacra, conditione, recte habet, quod c. l. KIMCHIVS perhibet: אמרו רז"ל אף על פי שהיו כל בתי עז כירושלים המולך היה חוץ לירושלים. Dicunt Sapientes nostri p. m. quamois qualibet delubra idololatriæ fuerint in civitate Hierosolymitana, Molech tamen fuit extra civitatem. Amœnitatem autem illi, alii tribuunt summam, alii denegant omnem. LIGHTFOOTVS certe Hor. Hebr. & Talm. Centur. Chorogr. Mattheo præmisse cap. XXXIX. Tom. II. Opp. p. 200. pro abjecto & foedissimo loco vallem Tophet habet, atque vel solo nomine, abominandam & ita describit, quod fuerit totius urbis sentina, quo confluit fordes omnis, atque omnimoda spurcicies. Erat, inquit, ut probabile est, commune urbis sepulcretum, si modo intra tantillam ab urbe distantiam jam sepelirent, juxta Jerem. VII, 32. sepelient in Tophet, usque dum non sit amplius aliquis locus. Eratque illic perpetuus ignis, quo absumebantur ossa, reliquaue sordida, ne urbi essent nausæ atque contagioni. Attamen HIERONYMVS ad Jerem. cap. VII. & XXXII. plane contrarium suadet, atque vallem Gehinnom amœnam potius, nemorosam, omnibusque deliciarum generibus refertam memorat: & ad Matth. X. scribit: Hec vallis erat parva campi planities, irrigua erat & nemorosa, plenaque deliciis, lucusque in ea idolo consecratus erat. In tantam autem demeritiam populus Israel venerat, ut deserta templi vicinia, ibi hostias immolaret, & rigorem religionis delictis vincerent, filiosque suos Dæmoniis incenderent, vel initiarent. Irrigabat quippe vallem fons Siloe, e radice montis Sion scaturiens, & aquam suam claram, dulcem atque uberrimam, quæ cum silentio placideque fluebat, in omnes terræ hujus partes mittens. Adversas istas ut componamus sententias, distinguimus tempora, monentes 1) tempore invalescentis idololatriæ & cultus Molechi in regno Judæ, hanc vallem, urbi vicinam, ob amœnitatem loci delectam fuisse his sacris, cum, licet montana & excelsa alias destinarentur idolis, montes tamen Hierosolymam cingentes admodum tristes essent & asperi,

quos fertilitas & amœnitas hujus loci longe vincebat, quapropter ille multo colebatur honore & reverenter admodum, sed ritu gentili, habebatur. 2) Postquam autem Josias hanc vallem profanavit, accensisque in ea cadaveribus impuram & execrabilem reddidit, ex hoc tempore eam induit faciem, atque ad hos adhibita est usus, quos commemorat LIGHTFOOTVS. Cumque, post reditum e captivitate, Judæi urbem restaurarent, omnemque idololatriam acerrimo prosequerentur odio, profanationem vallis hujus, a Josia olim cœptam continuarunt, ne pristina illuc postliminio revocaretur idololatria. Vnde pariter Christi ac Apostolorum tempore, impura & foedissima vallis fuit, ad infernalis carceris delineationem & appellationem scite accommodata. Ad eundem modum HENR. HVLSTIUS c. l. §. 14 sqq. p. 403. hanc vallem ob amœnitatem primo idololatriæ dicatam, hinc a Josia abominabilem redditam, demum tempore HIERONYMI, sibi relictam, adeoque jucundam & nemorosam fuisse docet.

Ad §. VI. pag. 87.

(8) *Quod notat lamentari*] In nominis Gehinnom interpretatione sequitur Auctor sententiam Judæorum, in quibus KIMCHIVS cit. loc. הנם שהיה התינוק מנהם וקול נהמותיו עולה דבר אחר הנם שהיו הכומרים אומרים יהנה: לך יערוך לך יתבסם לך: Hinnom (dicitur) quia puerulus strepitum facit, & vox ejus adscendit. Alii putant, dici Hinnom, quia sacrificuli dicunt, prosperum tibi est, suave tibi est, jucundum tibi est. Consentit IARCHI ad Jerem. VII, 31. הנום על שם נהמת הין Hinnom appellatur, propter fremitum filii. Rectius his HIERONYMVS ad cap. X. Matth. a pristini possessoris, vel hominis nomine appellationem valli hæsisse tradit: appellabatur locus ille Gehinnom, i. e. vallis filiorum Hinnom. Hoc Regum volumen, & Paralipomenon, & Hieremias scribunt planissime. Ita nimirum Jerem. VII, 31. legimus: ובנו כמות התפת אשר בניה בן הנם Et edificarunt excelsa





של גיהנם *gradu infimo inferni agitur in Beth Israel, fol. 54. col. 3.*

Ad §. X. pag. 88.

(12) *Virum pueri in hac oblatione combusti sunt igne, an vero tantummodo Molecho consecrati & initiati* Non proletaria est hæc quaestio, circa quam in utramque partem impingunt complures. Judæorum Magistri nonnulli, ut majorum suorum mitigent sævitiam, soli translationi per ignem, seu lustrationi locum relinquunt. Ita MAIMONIDES Hilc. עכ"ם de Idololatria cap. VI. Sect. 5. postquam Sect. præced. de prohibita translatione liberorum per ignem egerat, ita pergit: *Quomodo agebant? accendebant ignem magnum. Sumebat aliquis de semine suo, & tradebat Sacerdotibus ignem colentibus. Hi Sacerdotes reddiderunt filium patri suo, postquam in manus eorum traditus fuisset, ut eum per ignem traderet permissu ejus, Sacerdotis. Pater filii traducit filium suum, permittentibus Sacerdotibus, per ignem. Traducit autem eum pedibus (i. e. nudis pedibus eum, transire cogit) ab una extremitate ignis ad aliam, per medium flammæ. Non, quod eum combusserint Molocho, quemadmodum filios filiasque suas aliis idolis combusserunt. At totus hic cultus, qui fiebat Molocho, absolvebatur sola transitione per ignem. Largitur itaque combustionem interdum factam, sed non Molocho, verum idolis aliis. Ne vero liberi, ex translatione ista, detrimenti quid caperent ab igne, matres oleo Salamandræ pedes eorum inunxisse fingunt Talmudici Cod. Sanhedrin cap. VII. ne igne læderentur. Vide BRAVNIVM §. CXXIV. p. 473. Quin immo patrem, parvulum humeris gestantem traduxisse, ex nonnullorum sententia refert SELDENVS c. l. p. 168. De lustratione exponit quoque IARCHI ad Lev. XVIII, 21. Hoc modo idololatria perficitur. Filium suum tradit pater sacrificulis. Faciunt duas pyras magnas ignis, & traducunt filium inter duas pyras ignis. Adstipulatur quoque R. LEVI BEN GERSOM ad 2 Reg. XXIII, 10, 11. Ejusmodi sane februa-*

*tionem interdum obtinuisse, exemplo impii Regis Achazi patet, qui filium traduxisse per ignem narratur 2 Reg. XVI, 3. vita tamen eum non privasse ex eo liquet, quod vers. 20. filius patri in regnum successit. Vnde LXX illud העביר בנא Lev. XVIII. παρασχεῖν ἐν πυρὶ, igne purificare vertunt. Ejusmodi מעביר בנו ובתו בנא traducens filium vel filiam suam per ignem, Devter. XVIII, 10. τῶς קסמים hariolis jungitur. Contra vero alii, liberorum unum revera cremabant, ut reliquis bene esset. Hujus crudelitatis clarissima prostant testimonia, 2 Reg. XVII, 31. Psal. CVI, 37. Jerem. VII, 31. Hinc Auctor Sapient. cap. XII, 5, 6. XIV, 23. ista majorum suorum sacra τεκνοφόνως τελετὰς appellat. Recte itaque Auctor noster utrumque apud idololatrias obtinuisse modum contendit. Quodsi enim aliquod valde premeret, vel immineret ac timeretur infortunium, istud morte liberorum redimere, atque Deos iratos sibi his sacris nefandis conciliare laborabant. Aequè uti PORPHYRIUS περὶ ἀστροχῆς lib. II. testatur, in magnis cladibus vel bellorum, vel æstus, vel pestilentia, sacrificasse Gentiles charissimorum quempiam Saturno. Hinc non quovis tempore, cremabant filios, sed ubi vel respublica periclitaretur, velut de Karthaginensibus LACTANTIUS de falsa religione lib. I. cap. XXI. refert, eos Saturno humanas hostias solitos immolare: & cum victi essent ab Agathocle Rege Siculorum, iratum sibi Deum putavisse: itaque ut diligentius piaculum solverent, ducentos nobilium filios immolasse: vel ubi familia, vel paterfamilias in angustias redactus esset, ut humano sanguine placandam Nemesis divinam crederent. Eandem de duplici Molocho cultu sententiam SELDENVS tenet l. c. & copiose tuetur BRAVNIVS §. 120. p. 469 sqq. & §. 124. p. 473 sqq. uterque etiam VOSSIVS, DIONYSIVS in Not. ad cit. loc. Maimonid. de Idolol. & pater ejus GERH. IOHANNES, qui lib. II. de Idolol. cap. V. p. 168. mentem suam ita expromit: Equidem existimo, ubi solum translationis meminit Scriptura, signari non cremationem, sed tantummodo deductionem duos inter ignes. Interea fatemur, præter*



præter hanc februationem, quæ in familiis omnibus, rebus etiam prospere fluentibus, obtineret, fuisse etiam vivicomburium carissimorum pignorum, & quidem ex flore populi; quo in magnis calamitatibus placari Deum posse, arbitrabantur: quod posthæc uberrime & erudite demonstrat.

Ad §. XIV. pag. 89.

(13) *Quod opinio, Deo placendi per sacrificium filiorum suorum*] Infandorum sacrorum origo, partim ex Diaboli *μισανθραπία*, partim ex Gentilium *κακοζήλια*, partim ex superstitione & angoribus conscientiae facinorosorum hominum, est arcessenda, qui cum Nemesis divinam poenas a se deprecari, sanguine suo luendas timerent, alium surrogarunt, sibi que charissimum sanguinem, liberorum quippe, in quorum crudeli obitu haud parum poenarum darent ipsorum parentes. Quo autem Diabolus sanctitatis speciem immani huic cultui induceret, Abrahami exemplum, cujus fama in gentes emanaverat, imitandum proposuit. Percrebuerat quippe, Abrahamum Summi Numinis jussu, ejusmodi ritum instituisse, ut ceu nobile & eximium sacrificium, liberi Deo immolarentur, idque in filio, quem tunc unicum habebat, eumque charissimum, primo omnium & consummasse, & insignem hoc facto tam gratiam apud Deum iniisse, quam reportasse laudem. Tangit hanc originem IOH. MICH. DILHERVS sub finem dissertationis de *Cacozelia Gentilium* Tom. II. *Disput. Academ.* p. 283. & uberius declarat IVRIEV supra laudatus sub finem *cap. VIII.* p. 590. Cum primis huc facit PHILONIS BYBLII locus, quem EVSEBIUS integrum nobis servavit *lib. IV. de Preparat. Evangel. cap. XVI.* qui ex FRANCISCI VIGERI interpretatione ita habet: *Saturnus, quem Phœnices Israellem nominant, quemque post obitum, in astrum ejus nominis consecrarunt, cum illis in locis regnaret, ac filium unigenitum ex Nympha quadam indigena, nomine Anobret suscepisset, eumque propterea Jecidem appellatum, quod ea vox apud Phœnices unigenam etiamnum significet; cumque teterrima belli*

clades universam in regionem incubuisset, illum ipsum, regio cultu ornatum, ad aram, ab sese prius erectam & instructam, immolavit. Eadem ex PORPHYRII de *Judeis* libro, iisdem fere verbis protulerat EVSEBIUS *lib. I. Preparat. Evangel. cap. X.* edit. Colon. p. 40. Quæ singula, si fabulosa detrahantur circumstantiæ, quam exacte in Abrahamum, ejusque יצחק seu unicum filium, Isaacum, quadrent, Auctor noster §. XV. scite docuit. Quemadmodum enim Jephthæ, filiam unicam immolantis exemplum, ansam dedit Scriptoribus gentilibus, paria de Agamemnone, ejusque filia Iphigenia, excogitandi; cui concinit Idomenæi, Cretensium Regis factum, qui in patriam, e Trojano bello redux, Neptuno tempestatem immittenti, omne id, quicquid sibi, navi egresso, primum obviam iret, ceu victimam immolaturum vovit, cumque filius natu maximus, primus occurreret, eundem Neptuno obtulit: ita cogitare in proclivi est, inclutum hoc Abrahami sacrificium imitari voluisse Gentiles, ac ex *κακοζήλια* in truculentiam istam degenerasse. Confer HÆTII *Demonstrat. Evangel. Propos. IV. cap. III. §. 2. p. 116.*

Ad §. XVI. pag. 89.

(14) *Amosi V, 26.*] In hunc locum cum cura inquirens BRAVNIVS §. 161. p. 515. hanc ejus non incitam reddidit paraphrasin, quam huic inquisitioni præmittere, non abs re fuit visum: An mihi per XL annos sacrificia obtulistis in deserto? minime gentium. Vitulum potius, (ut addit Stephanus) simulacrum Molochi, vel regis vestri, Chiun, Solis, fecistis, ipsiusque tabernaculum portastis, per patres vestros in deserto. Ita & vos hodie, cum omnibus fere patribus vestris, postquam terram occuparunt, seduli fuistis imitatores patrum vestrorum. Coluistis non minori fervore, diligentia, impietate & idololatria, eundem Molochum, eundem Chiun regem vestrum, Solem cum exercitu cali. Immo, ulterius progressi estis; impietatem patrum vestra impietate superastis: pueros enim vestros

vestros Molochus obtulistis, quod de patribus vestris in deserto non auditum est. Memores estote, scelera & impietatem patrum vestrorum in deserto me gravissime punivisse, ut uno die tria millia hominum trucidata fuerint: tandem in deserto omnes, præter Josuam & Caleb, periisse. Graviori vos persequar poena. Abducam vos captivos, ultra Damascum, Babylonem usque, ubi, non XL sed integros LXX annos, miserrimam victuri eritis vitam. Sic hæc verba non agunt de solis Israelitis in deserto, ac si illi, qui errarunt in deserto, soli tulissent Molochi tabernaculum, sed posteros cumprimis illorum redarguant, quibus corripiendis proferebantur.

Ad §. XVIII. pag. 89.

(15) *Bajulatio tabernaculi illius notat cultum*] BRAVNIUS, qui cum cura in dictum Amos V, 26. & Stephani Act. VII, 43. inquirat, velut probe observat, סכּוּת in numero plurium legi, ex indole linguæ sanctæ tamen, commode non nisi de uno exponi posse tabernaculo; eodem sensu, quo Psal. XLIII, 3. & LXXXIV, 1 Psaltes nomine plurali utitur, משכנותי tabernacula Dei celebrans, quod tamen non erat nisi unum, ut exacte respondeat effato Stephani, qui unam tantum refert σκηνην: ita bajulationem tabernaculi Molochi, ex ritu pagano, quo cistas mysticas, adiculas, thesas, & in iis simulacra Deorum circumferre in pompa consueverunt, erudite illustrat cap. X. c. l. §. 145 sqq. p. 497. Porro §. 149. p. 501 sq. Deastrum colere, idem esse docet, ac tabernaculum ejus ferre, ut Israelitæ in deserto, vitulum aureum conflando, sacrificia & hostias eidem offerendo, festumque magna cum solennitate celebrando, tabernaculum Molochi portasse recte dicantur. Quin & rationi consentaneum existimat, ipsos vitulum aureum, ad majus gaudium & celebritatem festi, in pompam detulisse, quod sine feretro, thesa, atque tabernaculo fieri non poterat; quo pacto revera ipsius tabernaculum portarint. Alii tamen, & in his cumprimis BEDA in Act. l. c. & IVNIUS AC TRE-

MELLIVS in Amos. figurate, exponere malunt, populum Israeliticum ad Gentilium idololatriam primum, non quidem externo aliquo ritu, sed tacite & in corde, Molochum coluisse atque adorasse, ut ejus simulacrum mente atque animo, tanquam tabernaculo inclusum, spacio quadraginta annorum secum tulerint. Quam sententiam cum pingat, suamque faciat IOH. COGCEIVS, BRAVNIUS utramque expositionem ita conciliat, ut Israelitas initio quidem, in deserto, colendo vitulum aureum, Molochum revera, externe & factis adorasse & portasse, postea autem, spacio XL annorum, tacita mente atque corde coluisse contendat. Demum vero GOTT. IAHN paulo post citando cap. III. §. 7. Tabernaculum Fœderis, a Bezaleele fabricatum intelligi mavult, quod inique tractatum & ad idolorum Gentilium superstitionem perperam adhibitum, Amos cum Stephano conqueratur. Verum ejusmodi Tabernaculi Fœderis profanationem nullibi legimus, quam Spiritus Sanctus non tacuisset, sed criminis reos peregisset Israelitas. Vt in superiori acquiescere sententia præster.

Ad §. XIX. pag. 90.

(16) *Ἡ κατοχή τῆς Tabernaculi Mosaici*] Quemadmodum Tabernaculum Dei fuit portatile, ἱερὸν φορητικόν, ut PHILO appellat de vita Mosis lib. III. p. 665. cum in deserto, spacio quadraginta annorum, deinde in ipsa terra Canaan, e loco in locum deportatum fuerit, de quo supra commentati sumus ad Lib. II. Cap. I. §. 1. cumprimis num. V. ita Gentiles sua habuerunt σινασμοῦσα & ναὺς ζευγηφορημέναι, fana portatilia: quo pacto PHILO apud EVSEBIUM Preparat. Evangel. lib. I. cap. X. p. 35. vetustissimum apud Phœnices Deum memorat Ἀγρότηρον vel Ἀγρότην, & καὶ ἑόρτιον εἶναι μάλα σεβάσιμον, καὶ ναὸν ζευγοφορημένον ἐν Φοινίκη, cui simulacrum eximio cultu dedicatum est, addito quoque in Phœnice templo, quod ab aliquot jugatorum boum paribus gestabatur.



Ad §. XXI. pag. 90.

(17) *Equos & currus*] Facit huc, quæ tradit ISIDORVS lib. XVIII. *Origin. cap. XXXVI. Quadrigas Soli, bigas Lune, & trigas Inferis, sejugas Jovi, desultores Lucifero & Hespero consecraverunt.* Plura in hanc sententiam citat Veterum testimonia VOSSIVS lib. II. *de Idolol. cap. XXXI. p. 234.* Vnde annulorum sigilla quædam, Solem cum quadrigis exorientem referebant, ut Amphitruonis sphragisma describitur apud PLAVTVM in *Amphitr. Act. I. Scen. I. vers. 264.* De Persarum equo, quem Solis appellabant, CVRTIVS nos edocet lib. III. *cap. III.* eosdemque equum sacrificare solitos, Massagetæ pariter ac Armenios, VOSSIVS ex HERODOTO, TROGO, & XENOPHONTE memorat, lib. II. *cap. IX. p. 180.* Romanos autem Soli equum dedicasse, quod ALEXANDRI AB ALEXANDRO auctoritate prodit Auctor, me legisse non memini; etsi de Circensibus equis, qui ludis Circensibus parabantur, varia legi possunt apud SAM. PITISCVM *Lex. Antiqu. Roman. b. v. Tom. II. fol. 731.* Hinc solertissimus SAM. BOCHARTVS, *Hieroz. P. I. Lib. II. cap. X.* ex instituto *de equis, Soli consecratis* agens, præter citatas a VOSSIO gentes, quibus Rhodios, Spartanos, Aethiopes addit, Romanos tamen alium fileat. Ita quoque IOHAN. DOUGHTEIVS *Analect. Sacr. in loc. citand. p. 313.* de Persis & Rhodiis verba faciens, nil habet de Romanis. De Persis autem, equos albos Soli consecrantibus, ita ut eorum alios mactarint, alios in honorem Solis nutrierint, erudite & prolixè agit IVRIEV P. IV. *Hist. Dogmat. & Cult. Tract. VII. cap. II. p. 723 sqq. & cap. X. pag. 797.*

Ibidem.

(18) 2 *Reg. XXIII. n.*] Hos Solis equos, currusque, ex metallo fusos, Solique dedicatos, prioresque subinde, ut Gryphes fingi solitos, memorat TH. HYDE *Histor. religion. Persarum cap. IV. p. 117.* Contra vero ea in hunc locum cum cura inquirens laudatus BOCHARTVS ob-

servat, veros vivosque intelligi debere equos, non sculptas equorum effigies, ut recentiores interpretes cupiunt, quod cum verbis Sacri Textus satis convenire negat vir summus. Idem quoque monuit GASP. SANCTIVS *Comment. ad b. l.* Hi Soli dicuntur dati, vel suo tempore mactandi, vel, ut volunt Hebræi, mane cum pompa deducendi versus Orientem. Equos enim Soli sacros, summo mane decurrisse, tradunt Rabbini, spacium inter Templum & suburbia Hierosolymorum, ad Ortum sita, ut orienti Soli occurrerent. Testimoniis in hanc sententiam a BOCHARTO in medium productis, addimus IARCHIVM, qui in *b. l.* ita habet: אותם המשתחווים לחמה היו להם סוסים מוכנים לצאת לקראת החמה בבקר *Illi, qui Solem adorabant, habebant equos, qui parati erant, ut egrederentur mane obviam Soli.* Quanquam alia, præter traditionem, antiquitatis monumenta ipsos destituant. Locum autem, his equis servandis & nutriendis dictum, *Parvarim* dictum, præter BOCHARTVM, uberius illustrat LIGHTFOOTVS in *descript. Templi Hierosolymitani Cap. V. Sect. II. Tom. I. Opp. p. 560.* IARCHIVS contra suam ingenue fateatur ignorantiam: *Parvarim לא ידעתי מה הם Nescio, quidnam illa fuerint.*

Ad §. XXIII. pag. cit.

(19) *Per Chium intelligendus est*] Gemina in hanc vocem disputatione Academica, & multo cum eruditionis apparatu, inquisivit GOTTLIEB IAHN *de כיון ex Amos. V. 26.* Vitembergæ An. 1705. qui post BRAVNIVM §. 128. p. 479 sqq. statim *cap. I. §. 3.* temeritatem castigat eorum, qui PAGNINI, VATABLI, & ROB. STEPHANI auctoritate moti, a trita lectione discedunt, & כון vel כונים *liba, placentas*, substituunt, quasi Amos ejusmodi intellexisset placentas, quibus impressa fuit imago magnæ cujusdam stellæ, ut fuerit רפוס הכוכב מלכת השמים *typus stellæ, quæ regina cali dicitur, ut exponit IARCHI. KIMCHIVS pariter per Cassanum exponit, & ita declarat: Sunt species ciborum, quæ* *apient*

aptant & offerunt operibus cali, atque sic dicitur Jerem. VII, 18. & XLIV, 19. facimus ipsi placen-  
tas. Nec inepta foret interpretatio, per צִיִּון  
צִלְמִיכָם intelligere placentam imaginum vestra-  
rum, h. e. placentam, cui impressa erat imago  
Deorum vestrorum; modo lectio eam admitte-  
ret salva. Hinc rectius aliis nomen proprium  
censetur, juxta alios Saturnum, alios Sirium, seu  
stellam canicularem, alios Solem designans. Et  
BRAVNIVS quidem pro Sole sententiam dicens,  
§. 138. p. 488. concludit, per *Melech Chiun*, sive  
ut habet Stephanus, *Remphan*, & per ipsius  
צִלְמִיכָם imaginem, intelligendum esse vitulum au-  
reum, quem, instigante populo, in deserto con-  
fecerat Aaron. IAHNVS autem pro Saturno  
dimicans, Molechum a Chiun distinguit, ne in-  
conveniēns dicti admittendus sit sensus: porta-  
tis Solem & Solem cap. I §. II; Auctoris autem  
nostri, de Hercule, conjecturam §. 5. profligat,  
vocem Hebræam cum Aegyptiaca, *Chon* vel  
*Chor*, temere confundentem. In eo satis con-  
venit inter doctores, Chiun & Remphan vel Re-  
phan, unum idemque notare. Sive itaque Sa-  
turnum designet, sive Solem, quæ nomina in  
idem quadrare subjectum, ex MACROBIO su-  
pra observavimus, quæ rem ipsam & peccati in-  
dolem, perinde res fuerit; modo observetur,  
Amosum genti Israeliticæ non eam modo, quæ  
tunc temporis vigeat, idololatriam exprobrare,  
nec solam, quæ XL annis in deserto exercebatur,  
sed perpetuam ipsorum prævaricationem, apo-  
stasiam, & a sincero cultu defectionem, inde ab  
exitu ex Aegypto usque ad illum diem, objice-  
re, ut e vers. 51. ut & ex Ezech. XX, 10 sqq. liquet.  
Distincta enim sunt accusationis capita, quod ne-  
que tum in deserto uni Deo servierint, & ex il-  
lo tempore non raro eo idololatriæ & impietatis  
procefferint, ut Molochi & Deastrorum aliorum  
tabernaculum portaverint, falsumque adoptave-  
rint cultum. Quæ ex data superius verborum  
paraphrasi patent. Plura qui in hunc locum  
cupit, auctores adeat, a doctissimo WOLFIO  
in *Curis Philologicis*, ad h. l. Act. larga manu sup-  
peditatos, in iisque conciliandis ingenium ex-

erceat. Nobis hic prolixioribus esse non li-  
cet.

Ad §. XXVII. pag. 91.

(20) *Sub nomine Tammuz*] Eruditam de  
eo instituit disputationem toties laudatus BRAV-  
NIVS c. l. cap. V. & VI. p. 409. ita tamen, ut  
incerta & fabulosa vix discernere liceat ab ex-  
ploratis & veris. KIRCHERVS quippe in *Sca-  
la magna lingue Coptice* docet, Tammuz lingua  
Aegyptiaca notare *absconditum*: ταμὺτ enim *ab-  
scouphonem* notare, ἐφθαμὺτ apud Coptas esse:  
*absconderunt*, Consentit MANETHOS, linguæ Ae-  
gyptiacæ callentissimus, qui teste PLVTARCHO,  
hanc vocem, τὸ κεκουμμένον καὶ τὴν κρύψιν, signi-  
ficare indicat. Fabulæ quoque circumstantiæ  
nomini respondent. Tammuz enim, qui Phœ-  
nicibus Adonis, Aegyptiis Osiris est, puer fuisse  
traditur, non Aegyptiis patria, sed in Pala-  
stina natus, quem bis natum veteres tradunt.  
Primo quidem ex matre Semele, deinde ex fe-  
more patris, vel quod in spem fuerit nutritus,  
vel quod a Titanibus fuerit discerptus, & a ma-  
tre resectus, ut revixerit, tradente ARNOBIO  
*contra Gentes*. Quæ cum de Baccho etiam per-  
hibeantur, notandum, ea omnia, quæ de Adoni,  
Osiri, Serapi, de Hercule, de Aesculapio, de  
Plutone, de Jove, de Baccho, & aliis ejusmodi  
traduntur, de Tammuz omnia esse intelligenda,  
cui nomina ista omnia fuerunt data. Vixisse  
perhibetur annis 28, non tamen semper eodem  
in loco: sex enim menses apud Venerem in Cæ-  
lo, sex menses apud Proserpinam in Inferno.  
Varia habuit post mortem sepulcra, inter alia  
arca plumbea inclusus in Nilum, vel in Nili fon-  
tem, conjectus est. Tandem resurgit, ex aqua  
tibiis suscitatus, repertus summam parit lati-  
tiam. Tria itaque in solennitatibus ejus mo-  
menta veniunt observanda: ἀφαισιμός sive  
mors, ζήτησις cum luctu, ἐύγησις cum latitia:  
mensis Junius ei dicatus. Hinc explicandum  
venit, quod Ezech. VIII, 14. legitur: *Ece Sede-  
bant mulieres, plangentes Tammuz*, vel ut HIE-  
RONYMVS vertit: *plangentes Adonidem*. Vide



SELDEN. *de Diis Syris Syntagm. II. cap. XI. p. 330.* ejusque Glossatoris BEYER *Additament. p. 312 sqq.* IVRIEV *P. IV. cap. VI. p. 681 sqq.* & IOHAN. MARSHAM *Canon. Chronicum edit. Lips. p. 31.* e Nostreis VRSINI *Analect. Vol. II. Lib. II. cap. XIV. XV. p. 63 sqq.* Judæi in literis exoticis plane rudes non nisi fabulas spargunt, alii aliis absurdiores. MAIMONIDES in *Mora Nevochim P. III. cap. XXIX. edit. Buxtorf. p. 426.* ex Zabiorum traditione ita nugatur: Fuit Pseudo Propheeta, nomine Thammus, qui, cum vocaret Regem ad colendos septem planetas, & duodecim signa Zodiaci, a Rege ignominiose interfectus sit. Vnde illa nocte, qua interfectus fuit, omnes imagines ab extremitate terræ convenerint in palatio, quod in Babylonia imagini magnæ aureæ, imagini videlicet Solis, inter calum & terram pendenti, erectum erat. Ibi imaginem illam (Solis scilicet) in medio procidisse, reliquis imaginibus in circuitu ejus circumstantibus, ac Thammusum deslere vel plangere, & quid ei contigerit, narrare cœpisse; reliquas imagines plorasse, & tota nocte lamentatas esse: aurora vero ascendente, omnes simul avolasse, & in templa sua in extremas terræ oras reversas esse. Hinc consuetudinem introductam esse, ut primo die mensis Thammus (h. e. Junii) lamententur, lacrimentur, plangent & lugeant propter Thammusum. Reliqui Judæorum Magistri, ut SAL. IARCHI &c. de oculis liquefactum plumbum stillantibus in imagine calefacta, nugantur, nec certi quicquam ex illis elicies. Ritus totius solennitatis Auctor satis copiose & curate tradidit, cui nihil addimus, nisi quod ex Aegypto, a Bybliensibus & Alexandrinis, arcessita in Judæam sit idololatria ista; & quod Tammuz fuerit Joseph in Aegypto, ut ingeniose BRAVNIVS *lib. IV. cap. VII. p. 428 sqq.* demonstrat. Hic enim verè abscondus latuit. Abscondus in puteo, in quem a fratribus conjectus: abscondus in domo Potiphari, abscondus in carcere, tandem abscondus parenti Jacobo, totique familiæ, a primo momento, quo a fratribus fuit venditus, donec se ipsis manifestaret. Sed & abscondus forte dictus, quod circa abscondita versaretur: ne-

mo enim in abdita profundius penetravit. Eorum habuit singularem notitiam, ea felicissime exposuit, quamobrem Zophnat Paneach, *occultorum interpres* a Pharaone nuncupatus. Si itaque ullus unquam fuit, qui Tammuz, i. e. abscondus dici meretur, is certe Josephus. Nec minus gaudium ipsius *ἐυχνοῖς* in Aegypto patri, totique familiæ attulit, quam plandum & luctum ante excitaverat ἀφαισίους. Consentiant pariter, quæ de Josepho post mortem arcæ plumbeæ incluso, & in Nilum conjecto, donec ante egressum ex Aegypto a Mose evocaretur, fabulantur Judæi. Reliqua vide apud laudatum Auctorem.

Ad §. XXXII. pag. 92.

(21) *Sed potius literalem sensum probo* ] Vtrique verborum interpretationi locum concedit VITRINGA *Comment. in b. l. Jesf.* & primo quidem nefandam illam superstitionem, quæ Aegyptum & Phœniciam fere totam occuparat, sed & multos ex Judæis in assensum partesque suas rapuerat, (plangendi nimirum Adonidem, seu Osiridem occisum, immenso autem gaudio prosequendi postliminio inventum) a Propheta his verbis perstringi existimat, ut gentem Aegyptiam hoc nomine notaret, ejusque superstitionem false rideret. Ritus autem ex LUCIANO *de Dea Syria*, CYRILLO & PROCOPIO *in b. l.* ita describit: Contexebatur vas aliquod ex papyro, forma rotundum, ut caput hominis referret; cui includebatur epistola, qua Bybliensibus significabatur, repertum esse Adonin, perditum ante & extinctum, quem illi lugebant; & rediisse ex inferis. Hoc vas, sive hic urceus, consignatus committebatur mari, & spacio septem dierum deferabatur Byblum in Phœniciam, absque ullius hominis directrice ope; ut, si vera sit traditio, a Dæmone, cui cura fuerit hujus superstitionis, cursus ejus per mare dirigi debuerit. Qui urceus papyraceus, postquam Byblum pervenisset, & lecta esset epistola, solvebatur luctus superstitionis mulierum ob interitum Adonidis, & convertebatur in gaudium ac tripudia ob inventum

ventum Adonidem. Ita hic locus *παράλληλος* est excusso superius oraculo Ezechielis. Velut autem hanc nonnullorum interpretationem admittere posse existimat VITRINGA, ita simplicem sensum, quem Auctor noster præfert, rectius cum sequentibus cohærere existimat, si ita exponas: Tu, qui legatos mittis per mare (sive Nilum, qui Aegyptiis mare dicebatur, & varios Nili alveos, lacus, paludes; sive, per mare Arabicum:) navibus papyraceis. Integrum itaque sensum ita fluere: Cum vos Aegyptii (i. e. tu, qui mittis) soleatis lembis & naviculis scirpeis, velocibus & celerrime motis, legatos mittere vel epistolas, qui mandata celerrime deferrent ad Nomos, vel fœderatos populos: parate lembos, & instruite naves מלכאים קלים nuncios leves (scirpæ enim & papyraceæ illæ naves, ce-

lerrime movendæ, paucos capiebant, quales describit HELIODORVS) quæ mea quoque mandata, sive meum hunc nuncium deferant ad varios Nomos, per Nilum, ejusque alveos, ut & per lacus ac paludes, de gravissima calamitate, Assyrio imminente. Quæ expositio, quo est simplicior, eo melior.

Quod superest, de Molocho, præter allegatos a nobis VOSSIVM, SELDENVM, BRAVNIVM, IVRIEV, evolve HOTTINGERYM de legibus Hebræor. n. CCVIII. p. 306 sqq. FRANC. BURMANNVM in Lev. XVIII, 21. edit. Belgicæ p. 598. OWENVM Theologum. lib. V. cap. VII. p. 348. & tres disputationes Academicas CHRISTIAN. SAM. ZIEGRA de crudelissima liberorum immolatione, Molocho facta, ad illustrandum loc. Act. VII, 43. Vitembergæ ventilatas anno 1684.

## AD

## LIB. IV. CAPVT III.

## DE BAAL - PEORE, BAAL - TSEPHONE, BAAL - ZEBVB, BAAL - BERITH, BEL, ET DRACONE.

Ad §. I. pag. 92.

*Hoc nomen commune factum est aliis idolis*]

Quia Jud. II, 11. בעלים dicuntur, numero multitudinis, hinc cum Auctore nostro colligunt nonnulli, nomen Baal omnibus Diis Syriæ esse commune. Immo omnium gentium simulacra Baalim dici asserunt Hebræi, שהם כהון לעובדיהם quia sunt Domini eorum, qui eis serviunt. Non ideo unius idoli venerationem, sed superstitionem omnem & cultum arbitrarium, quibuscunque Deastris delatum, sub Baalis nomine exagitare censetur Scriptura. Et huc mens tendit Auctoris nostri. Verum hic intercedit OWENV'S Theologum. Lib. V. cap. V. §. 2 sqq. & cap. VI. §. II. appellativum hoc nomen negans, cum proprium sit uni Soli, quem Phœnices μόνον θεῶν θεόν, & βεελσαμην, domi-

num cali dixere. Idque duplici argumento conficere nititur: 1) quod Jud. X, 6. בעלים nominatim recensentur, & a Diis Syriæ, Sidonis, Moabitæ, Ammonitarum & Philistæorum distinguuntur: Jud. II, 13. autem, ubi prima hujus idoli mentio facta est, singulariter id nomen enunciatur, certum aliquod idolum designans: 2) quod ex verbis Eliæ I Reg. XVIII, 21. si Jehova Deus est, sequimini eum, sin autem Baal, eum sequimini, recte colligatur: quemadmodum Jehova proprium nomen erat Dei Israelis, ita Baal falsi illius Dei, quem coluerunt idololatræ. Baalim autem in numero plurium dici, a simulacrorum multitudine, ei idolo erectorum. Omne enim simulacrum Baalis, fuisse Baalem. Inde Baalim fuisse, quamvis is, quem respexerunt omnia, unus fuerit; & Baalim & Baal, indiscriminatim usurpari. Verum tanti hæc momenta



ponderis non sunt, ut a sententia, quam clarissime insinuat Scriptura, nos dimoveant. Nos, ut media incedamus via, nomen Baal omnibus omnino omnium gentium Deastris convenire quidem negamus, cum ab Astharoth, & Melech Hasschamajim omnino distinguatur, æque ut Osiris ab Iside apud Aegyptios, Venus a Jove ac Saturno apud Græcos & Romanos. Duo enim rerum principia, & Solem, & Terram, distincte venerabantur Gentiles. Pluribus tamen hoc nomen competere Diis, quos Israelitæ falsos adoptarunt, ex Scripturæ testimoniis haud obscure intelligitur. Distinguendum itaque censeo inter *appellationem universalem*, omnibus idololatrarum Deastris communem, quam Baali denegamus; & *specialem* seductæ gentis Israeliticæ *vocis usurpationem*, quæ hoc uno vocabulo plura Gentilium idola designabat. Hinc, quando Jud. X. τοῖς Baalim ad latus junguntur alii, id ita explicandum est, quod præter idola, hætenus inter Israelitas cognita, alia illi adoptaverint, a finitimis gentibus adscita. Nec inde, quod Baal in singulari memoratur Jud. II, sequitur, quod unum tantum idolum coluerint, sed quicquid Baalis nomine inter ipsos veniebat, Astharoth seu Deabus contradistinctum. Demum ex I Reg. XVIII nil solidi evincitur. Ille enim Baal ibidem intelligitur, quem Jesabel introduxerat, & universa venerabatur natio: quis autem eapropter negaverit, plures fuisse Baalim alios? Istud demum elumbe est effugium, quod Baalim dicantur in Scriptura, a multitudine simulacrorum unius idoli. Quis enim dixerit, unam Virginem Deiparam venerantes Pontificios, propter innumera fere & diversa quoque Mariæ simulacra, colere Marias? quis Russos affirmaverit plures venerari S. Nicolaos, propter toties expressam & oculis objectam unius Nicolai imaginem? Paris ἀνυπολογίας insimularetur Scriptura, si diceretur, cum unus tantum fuerit Baal, illam tamen Israelitas arguere, quod complures adoraverint Baalim, ob multiplicata idoli simulacra. Idolum enim non a simulacro, sed a Deastro, quem referre putatur, nomen trahit.

Vnum autem Solem Baalis appellatione designari, ex 2 Reg. XXIII, 5. refellitur, ubi adolevisse dicuntur, Baali, Soli, Lunæ, Planetis, & toti militiæ cælesti: ubi liquido distinguitur Sol a Baale, æque ac a Luna & Planetis. Non nego, Solem Phœnicibus generali nomine vocatum fuisse Baal, & contracte Βᾶλ & Βῆλ, teste PROCOPIO GAZÆO in 3 Reg. cap. XVI. Adstipulatur PHOTIVS Biblioth. cod. 242. ἔτι Φοίνικες καὶ Σύροι τὸν Κρόνον Ἡλ καὶ Βῆλ, καὶ Βολάδην ἐπωνομάζουσιν, quod Phœnices & Syri Saturnum El, & Bel, & Bolathen cognominaverint. Successu tamen temporis, Baal commune multorum idolorum cognomen factum, & quia variis Baal cognominibus distingueretur, hinc evenit, ut in Scripturis toties culpentur Israelitæ, quod servierint בְּעִלִּים Baalim multis ac diversis. Consentit SELDENVS cit. loc. p. 196. Postremo autem & in simulacra alia, sive astrorum, sive regum, quorum memoria posteris longe carissima, τὸ Βαὰλ sive Βὲλ, ad augendum, qua fieri potuit, seu corporis celestis seu demortui honorem, est impie derivatum.

Ad §. I. pag. 92.

(2) I Cor. VIII, 5.] Quod REITZIVS in Not. ad b. l. Auctoris, & ante ipsum IOH. HENRIC. HEIDEGGERVS Labor. Exegetic. in b. l. pag. 65. contendit, per θεὸς λεγομένους ab Apostolo, Angelos, potestates ac principatus innui, ita ut ad πολυθεΐαν gentium non respiciatur; id per oppositionem Apostoli diserte refellitur. Egerat enim vers. 4 sq. de idolis hujus sæculi eorumque respectu multos esse dixerat λεγομένους θεὸς, εἴτε ἐν ἑράνῳ, εἴτε ἐπὶ τῆς γῆς, siquidem Baalim ac Dominos plures, cum in cælo, tum in terra venerabantur Gentiles, quibus nomen Dei impertiebantur: vers. 5. autem Christianorum de Deo sensum & cultum superioribus illis opponit: ἀλλ' ἡμῖν, nobis Christianis autem, qui ab Ethnicorum idololatria longe recedimus, εἰς θεὸς ὁ πατὴρ - καὶ εἰς κύριος ἰησοῦς χριστός, κ. τ. λ. Adstipulatur perspicacissimus WOLFFIVS Cur. Exeg. in b. l. Ad solos Gentiles, inquires, eorum-

eorumque Deastros, sive Deorum sive Dominorum nomine appellentur, respici, ex eo manifestum est, quod Apostolus per vocem ἡμῶν illis opponat Christianorum cætum, quatenus ex Judæis & Gentilibus erat collectus. Idem evincit Pauli institutum. Hoc enim eo pertinebat, ut εἰδῶτα i. e. Deastros nihil esse, adeoque nullam eorum, proinde nec immolatitiorum, curam haberi a Christianis debere evinceret. Propterea in memoriam iis revocat doctrinam fidei præcipuam, ipsis receptam, nempe unum esse Patrem, & unum Dominum Jesum Christum. - Jam facile patet, ad scopum Apostoli nihil facere, si eum de Angelis, aut Magistratibus, aut Doctoribus Judæorum, qui vel a Christianis, vel a Judæis, Deorum, Dominorumque nomine appellari soleant, hic cogitasse credamus &c. Quod itaque GROTIUS jam, atque SELDENUS de Diis Syris p. 201. visum est, per κυρίως alludi ad בעלים Gentilium, id recte hic quoque inculcar Auctor noster.

Ad §. II. pag. 92.

(3) *Jupiter, idem cum Baale idolum*] EVSEBIUS lib. I. Præpar. Evang. cap. VII. ex SANCHUNIATHONIS libris, APHILONE BYBLIO conversis, disertè docet, quod, qui Phœnicum lingua dicebatur Βαάλ, Ζεὺς παρὰ Ἕλλησι, apud Græcos Jupiter fit. Idem evincit SELDENUS de Diis Syris p. 197. ex I Reg. XVI. & 2 Reg. X. ubi rex Achabus, in focii gratiam, Ithobalis, Sidoniorum regis, fanum in Samaria Baali sacrasse memoratur. Belus autem ille Phœnicus Sidoniorum, Ζεὺς Θαλάσσιος, Jupiter marinus erat, teste HESYCHIO. Præcipuum tamen hujus Belis seu Jovis nomen, a cælis ductum erat, Βεελσαμὲν, ut PHILO BYBLIUS cit. loc. habet, h. e. בעל שמים / ὃ ἐστὶ παρὰ Φοίνιξι κύριος ἄσπερος, quod apud Phœnices idem est, ac Dominus cæli: id ipsum vero est Jupiter Olympius, qui antiquissimo Pœnorum nomine Numen Vranum dicebatur.

Ad §. III. pag. 93.

(4) *Baal-Peor creditur fuisse Priapus*] Ita sane HIERONYMUS lib. I. in Jovin. cap. 12.

Phegor in lingua Hebræa Priapus appellatur: & in Comment. ad Os. IX, 10: Ipsi autem educti ex Aegypto, fornicati sunt cum Madianitis, & ingressi sunt ad Bahal-Phegor, idolum Moabitarum, quem nos Priapum possumus appellare. Denique interpretatur Beel-Phegor idolum tentiginem habens, id est, in summitate pellem, ut turpitudinem membri virilis ostenderet. Respicitur nempe ad defectionem Israelitarum, Num. XXV, 2 fqq. memoratam: quocum confer Jos. XXII, 17. Psal. CVI, 28. Os. IX, 10. Rursus HIERONYMUS in Os. IV, 14. Istiusmodi idololatria erat in Israel, colentibus maxime feminis Beel-Phegor, ob obsceni magnitudinem, quem nos Priapum possumus appellare: ubi plura in hanc sententiam leguntur. Paria tradit ISIDORUS lib. VIII. Origin. cap. XI. quod de Diis gentium agit, ubi ita commentatur: Beelsegor interpretatur simulacrum ignominia. Idolum enim fuit Moab, cognomento Baal, super montem Fegor, quem Latini Priapum vocant, Deum hortorum. Fuit enim de Lampsaeco, civitate Helleponti, de qua pulsus est, & propter virilis membri magnitudinem in numerum Deorum suorum cum Græci transtulerunt, & in nomine sacraverunt hortorum, unde & dicitur præesse hortis, propter eorum fecunditatem. Verum hanc idoli interpretationem repudiat OWENUS cit. loc. cap. IV. §. 4. quia tempore egressus Israelitarum ex Aegypto, vel ingressus in Canaan, nondum natus erat Priapus: Lampscænus scilicet Ponticus, qui ob flagitia, patria pulsus, in Deorum postea numerum relatus est. Etiam stupra ista ad idoli sacra pertinuisse negat OWENUS, cum in ipsis castris Israeliticis nonnullos in se facinus illud admisisse, probat Zimri & Cosbi notissima ἐνστασις. Aequè SELDENUS Synt. I. cap. 5. p. 161 sq. Phegorem hunc eundem cum Priapo, & libidinem in sacris ejus fuisse, negat; neque tamen affirmat aut definit, quis ille fuerit. Cognomentum Pehor certe a monte trahit, in quo huic Baali ædes extructa erat. Num. XXIII, 28. enim mons Moabiticus, absolute Pehor vocatur: & Deut. XXXIV, 6. Beth-Pehor, seu ædes illa idololatræ commemorat.



moratur: idolum denique, in hac æde cultum Num. XXII, 41. sine addito, Baal simpliciter vocatur. A loco itaque sacrorum & cultus, hic Baal nomen fortiebatur. Interim tamen mons ipse a detestando & fædo ritu appellari potuit, uti solenne verustis erat Orientalibus, a nobilioribus factis, visionibus, cultu & usu cum primis, nomina locis, regionibus, montibus indere, ut Morijæ, Bethelis, & id genus exemplis compluribus probatur. Hinc nondum satis causæ est, ut cum sibilo omnem istam veterum traditionem, de sacris obscenis ibidem peractis, explodat OWENVS, inquiens: *Valeant igitur erudite sordes, quas hic congerunt viri docti.* In fordida enim vocis Pehor significatione conspirant Judæi, quando verbum פֶּהּ *aperiendi, sive dissidendi* notionem sustinere tuentur, licet dispari exponant modo. Nec enim, vel Spiritus Sanctus auspicia narrationis istius Num. XXV, 1. a scortatione cum Moabitarum filiabus cepisset, hac voce universam βδελύγματα istius indolem comprehensurus, vel Israelitæ tanto furore in abominationem illam ruissent, nisi obscenitas sacrorum gentem oriosam & salacem in spurcitiei hujus communionem traxisset. Nec aliena ab aliis Gentilium sacris stupra fuisse, satis inter eruditos constat. Et si vero eundem cum Priapo Lamplaceno, Baal-Peorem non facimus, ob insigne, quod utrumque disjungit, temporis intervallum: quia tamen haud alia æque obscena inter Græcos & Romanos sacra erant cognita, quibuscum conferri possent Peoritica ista, ac Priapea, hinc non tam eadem utraque, quam sub posteriorum schemate ac similitudine, priora describi ac repræsentari, ab interpretibus censenda sunt. Vnde obscenitatem illis utrisque largitur quoque IVRIEV *Hist. Dogm. & Cult. P. IV. Tr. I. cap. 2. toto.* Quæ denique IOSEPHI SCALIGERI de hoc Deastro, בעל רעם *Jupiter Tonans* quoque dicto, fuerit conjectura, exponit & refutat VOSSIVS *lib. II. de Idolol. cap. VII. p. 175.* ubi copiose, & ex instituto de hoc Numine agit.

Ad §. III. pag. 93.

(5) *Idolum* כִּמּוֹש Chemosch *Jer. XLVIII, 7.]* Princeps Moabitarum Numen Chemosch, seu, ut LXX vocant, χαμώς fuisse, ex citato loco Jer. collato commate 13, satis liquet. Hoc autem idolum idem esse cum Baal-Peore, HIERONYM. in *Jes. XV, 2.* docet: *In Nabo erat Chamos idolum consecratum, quod alio nomine appellatur Beel-Phegor.* Quod tamen in medio relinquere, quam pro certo affirmare maluit SANCTIVS in *Jer. cit. loc.* VOSSIVS certe *cap. VIII. p. 176.* Nebo urbem interpretatur, a filiis Ruben Num. XXXII, 38. exstructam, in qua Numen ejusdem nominis colebatur, verum a Chamos diversum. VITRINGA in *Jes. XLVI, 1.* Belum Solem dicit, Nebo Lunam, reginam cæli alias vocatam; unde liquet, quam incerta istud omne & dubia tradatur ab HIERONYMO fide. PHILONIS autem, ad quæ Auctor provocat, verba *lib. II. allegoriar. legis,* ira habent: χαμώς ἐμυνέμεται, ὡς ψηφάλλομαι ἰδιον δὲ τῆ μη ἐρώτος τὸ ἔργον τῆτο, Chamos exponitur, quasi palpatio, quod proprium est non-videntis: quod in inanem rursus recumbit hariolationem. De Chamos vide SELDEN. *Synt. I. cap. V. in fine,* de Nebo *Synt. II. cap. XII.*

Ad §. IV. pag. cit.

(6) *Baal-Tzephon]* Id nominis occurrit Exod. XIV, 2. & ex Rabbīnorum sententia, SELDENVS *Synt. I. cap. III. p. 123.* definit idolum, sive κατὰ μαγείαν τύπον fuisse, a Pharaonis Magis ad cælestium corporum posituras fabricatum, & juxta sinum Arabicum collocatum, observandi & retinendi utique Israelitas, irretiendi, & a destinata, divinitusque data profectioe avertendi, vim habens magicam. Ita prodidit ABEN-ESRA, & paraphrasis IONATHANIS vertit צֶפּוֹן טֶפֶח *idolum Tzephon.* Nimirum, quia Exod. XII, 12. miraculosa Dei virtute, everla & deleta fuerant omnia Aegyptiorum idola, RASCHI ad cit. loc. glossatur: הוּא נִשְׁמַר מִכָּל אֱלֹהֵי

אלהי מצרים כרי להטעות שיאמרו קשה  
 יראתן ועליו פירש איוב משגיח לנזיר  
 : ויחברם *Iste ex omnibus Aegyptiorum Diis erat  
 relictus, ut ille eos (Aegyptios) in errorem indu-  
 ceret, ipsique dicerent: durus est eorum timor*  
 (h. e. fortis ac robustus est Israelitarum Deus)  
 ac de isto exponit *Jobus* (cap. XII, 23.) *qui multi-  
 plicat gentes & perdit illas.* Rectius autem lau-  
 datus observat SELDENVS, Baaltzephon oppi-  
 dum fuisse, quod præter hunc locum, in quo  
 topographia commorationis Israelitarum tradi-  
 tur, ex Num. XXXIII, 7. & I Chron. IV, 33.  
 patet. Præterea, quando Auctor nomen istud  
*Baalem Speculatorem*, velut Jovem Statorem, in-  
 terpretatur, SELDENVS potius *Baalem Septen-  
 trionalem* reddit, non a צפה cum Hebræis, sed  
 a צפון derivans, quod plagam septentrionalem  
 notat.

Ad §. V. pag. cit.

(7) *Baal-Zebub, Dominum muscarum* ]  
 Accaronitarum hoc idolum fuisse, responsa &  
 oracula interrogantibus reddens, ex 2 Reg. I, 2.  
 constat. זכור muscam Hebræis notat, cum  
 proprie, ut Coh. X, 1. זכורי מות *musca mortifera*,  
 tum figurate, ut hoc nomine hostes deno-  
 tentur Judæorum, qui Judæam invasuri, & huc  
 illuc vagaturi erant, nec in uno loco permanfu-  
 ri Jes. VII, 18. Radix Hebræis periit, a BO-  
 CHARTO autem Hieroz. P. II. lib. IV. cap. 9. ex  
 Arabismo revocata *Saba*, quæ notat, incertis se-  
 dibus divagari, nec in uno loco consistere, quod  
 muscarum est proprium: unde Arabibus, homo  
 inconstans & vagus, adagialiter *Musca inconstan-  
 tior* appellatur. Baal-Sebub itaque *Deum  
 muscarum*, FLAV. IOSEPHVS τὸν Αὐλάγων Θεὸν  
 Μύαν Accaronitarum Deum, *Muscam*, æque ac  
 LXX & Græci Patres, interpretantur. Circa  
 hoc idolum quæritur:

I. *An Judei, per ironiam, verum idoli nomen  
 ita corruperint, & in opprobrium verterint?* Af-  
 firmant aliqui ex Judæis pariter ac Christianis.  
 Quoniam enim inter Templi Hierosolymitani  
 miracula refertur in *Pirke Abboth cap. V. §. 6. 7.*

quod nulla conspecta sit musca in loco macta-  
 tionis tot victimarum, hinc existimat SCALI-  
 GER, proprio suo nomine hoc Accaronitarum  
 Numen dictum fuisse בעל זכור *Deum victi-  
 marum*, ast in contumeliam idoli, & per con-  
 temtum, Judæos inde eudisse / בעל זכור simili  
 ratione ac ex Bethel, postquam idololatria istic  
 ad lapidem, ubi recubuerat Jacob, exerceri cæ-  
 pit, fecere Beth-aven, *domus vanitatis*, vel ini-  
 quitatis. In quam sententiam COCCIVS etiam  
 concedit; inclinat vero OWENVS cap. V. §. 5.  
*Forfan in idololatrarum opprobrium, ἐπίθετον ad-  
 ditum est, ut sit Deus, qui muscas curaret, vel qui  
 ne muscas abigere potuerit.* Et denuo veri dissi-  
 mile esse negat, muscarum infestationem idolis  
 & idololatræ hac voce esse exprobratam. Ean-  
 dem interpretationem VOSSIVS lib. II. de Idolol.  
 cap. 4 amplectitur, & GROTIUS in Matth. X, 25.  
 Sed probe observat SELDENVS Synt. II. cap. VI.  
 p. 302. α) Ahaziam, idoli hujus cultorem, non  
 sane insultare voluisse ignominioso nomine ora-  
 culo, quod consultum cupiens, eadem appella-  
 tione designabat 2 Reg. I. β) Europæis quoque  
 Jovem, & Herculem, sub eodem fere nomine  
 fuisse cultum. Arcades enim solenni sacrificio  
 τὸν Μυιάγων, *Deum muscarum depulso-  
 rem* quotannis reddere solebant propitium; quomodo &  
 Elei, Olympico certamine, Jovem Ἀπόμυιον,  
 teste PAVSANIA in Arcadicis, & Eliacorum lib.  
 priore. Quin & sacra Muscis annua fieri solita  
 in Apollinis Aetii fano, tradit AELIANVS de  
 Animalib. lib. XI. Has rationes mutuatur, no-  
 visque aliis auget, contra explicationem vocis  
 ironicam IVRIEV P. IV. Tr. IV. cap. 3. p. 628 sq.  
 Hinc veritati magis consonum videtur, apud  
 ipsos Accaronitas id nominis obtinuisse, nec  
 tam contemptus, quam honoris & elogii causa  
 inditum fuisse idolo. Quin & THOM. HYDE  
 Hist. de Vet. Persar. Relig. cap. V. p. 131. idolum  
 ejus magnum fuisse dicit culicem metallicum,  
 telesmatice confectum apto tempore, scilicet sub  
 fausto aspectu Jovis, aut Planetæ, cui subsunt  
 muscæ, & ex apta materia, cum precibus & pro-  
 prio suffitu &c. Fuisse ergo apud populum



τῷ Chemofch, & ejusmodi alios, hocce Telefina idem, quod apud Græcos Ζεὺς Ἀπομυιος, *Jupiter muscarum abactor*. Quodsi eas aliquando non abigebat, tum danda opera, ut precibus, & suffitu, & libationibus, & aliis cerimoniiis melius placeretur.

II. *Ob quam itaque causam muscarum Deus audit Beelzebub?* DRVSIVS in Matth. XII, 24. GREGORII NAZIANZENI & PROCOPII GAZÆI auctoritate haud dubie inductus, ita appellatum dicit, a similitudine, quam habuerit muscæ: Nam veteribus, addit, mos fuit, ut statuas Deorum sculperent ea forma, quæ corpore hominem referebat, capite autem & facie animal aliquod, puta aut avem, aut leonem, aut muscam: vel contra facie humana referebat cetera parte corporis aliquod animal: quod PORPHYRII firmat testimonio ex libro quidem περὶ τῶν ἐμψύχων ἀποχῆς. Sed mera id nititur conjectura. Alii ergo a virtute dictum existimant, quod abigendis muscis hoc Numen præesset: quod profanorum auctorum testimonia suffulcire videntur. Ita nimirum PLINIVS lib. XXIX. Nat. Hist. cap. 6. Nullum animal, inquit, minus docile existimatur, minorisve intellectus: eo mirabilius est, Olympiæ sacro certamine, nubes earum, immolato tauro, Deo quem Myiodem vocant, extra territorium id abire: ad quem locum vide DALECHAMPIVM in Notis. Morem ejus sacrificii ab Hercule profectum narrant, qui, cum in Olympia rem sacram Diis faceret, muscarum infesta multitudo, Jovi Ἀπομύω sacris factis, ultra Alpheum illas abegit. Ex hac historia Μυιάδῃ, sive Ἀπομύιον Θεὸν Jovem fuisse intelligimus. Hinc Latinis Patribus Beelzebub quasi *Princeps muscarum* dicitur, quod nimirum hic Deus muscas abigeret a suo templo. Facilius hoc mihi persuaderi patior, quam quod BEDA opinatur, dictum fuisse, quod propter multa & frequentia in templo ejus sacrificia, muscæ per examina, quasi Deum agnoscences, eo confluerent.

III. *Quodnam gentium Numen retulerit Baal-Zebub?* Passim Jovem Muscarium credunt, ut ex hactenus dictis apparet, & Auctor noster

§. VI, tuetur; cui favet, quod Matth. XII, 24. Ἀρχὸν τῶν δαιμονίων salutatur. Imperium enim in Deos ceteros tenere Jovem, Gentiles censebant. Ast IVRIEV cit. loc. p. 631. δαιμονίων seu Dæmonum appellationem de Diis Manibus, sive Inferis, h. e. de malis Geniis frequentius usurpari observans, quam de bonis, *Principem Deorum Inferorum* interpretatur, eaque propter Plutonem retulisse, curate probat, quod Judæorum blasphemix apprime respondet, qui phrasi ab Ethnicis mutuo petita, Servatorem malos Genios per Beelzebub, principem eorum, ejicere criminabantur.

Ad §. VII. pag. 93.

(8) *Quædam Græca exemplaria N. T. legunt* Βεελζεβυλ] Recte ita legere, partim probatiorum Codicum concentus, partim Interpretum confirmat approbatio. Hanc scripturam ego omnino retinendam censeo, DRVSIVS ad b. l. inquit, tantisper dum quis probaverit, eam a Scribis corruptam fuisse, & non ab usu & vulgo. Nam, si ab usu est illius temporis, & Evangelistæ eam retinuerunt, cur nos mutabimus? Judæi, acerrimi, post reditum e Babylonia, idolorum ofores, una litera mutata, convicium Accaronitarum Numini faciebant, pro זבוב musca restituentes זבול stercus, ut Beelzebub idem valeat ac Ζεὺς Κοπριεύς, *Jupiter Stercorarius*. Hac mea conjectura est, quam puto veram esse, & ita opto Deum animæ meæ propitium, rursus DRVSIVS ait cit. loc. Et in eo satis convenit inter doctores. Nam ut a Zebul, habitaculum, duceretur hoc nomen, ratio nulla reddi potest, addit OWENVS §. VI. Sic alias Scriptura, in contemptum & derisionem, idola gentium נְלִילִים res vanas & nihili, & גִּלְגָּלִים Deos stercoreos, appellare consuevit. Cur autem Ἀρχὸν τῶν δαιμονίων approprietur hoc nomen in N. T. causam reddunt eruditi, fieri per metaphoram, quia Diabolus ille princeps, reliquorum malignorum Spirituum integra post se trahit examina, more muscarum velut in aere volitantia.

Ad §. VIII. pag. 93.

(9) *Baal-Berith erat Deus Sichemitarum*

FRANC. BYRMANNVS *Annot. ad Jud. VIII, 33.* hunc Baalem Deam censet, cultam cu Deam *Federalem*, quam loco veri Dei, qui solus cum Judæorum gente fædus pepigerat ad montem Sina, quique potiori jure *Deus Fæderis* ipsorum nominari merebatur, venerabantur. Sive ita appellaretur a fædere, quod Sichemita cum Abimelecho in æde ejus pepigerant cap. IX, 4. sive juxta alios, quæ in urbe Berith, seu Berytus, in Phœnicia, inter Byblum & Sidonem interjecta, ab antiquo colebatur. Si prior obtineat interpretatio, *Jupiter Fæderatus*, seu *Federalis* cum hoc Baale erit conferendus, de quo LILIVS GYRALDVS *Hist. Deorum Syntagm. 2. colebatur*, inquit, & *in fæderibus sancendis, apud Græcos Εὐφροῖος Ζεύς*, a juramento videlicet appellatus: cui apud Romanos *Jupiter Lapis* aut *Lapideus* respondebat, ejus formula apud APVLEIVM *lib. de Deo Socratis*, ita habet: *Quid igitur jurabo per Jovem Lapidem, Romano vetustissimo more?* FESTO enim teste, fædus inituri lapidem manu tenebant, dicentes: *Si sciens fallam, me Diespiter, salva urbe arceque, bonis ejiciat, ut ego hunc lapidem.* Si posterior, Deus hic fuit Berytiorum seu incolarum urbis Phœniciæ vicinæ, Berytus nuncupatæ, e quibus cultum ejus didicerunt Israelitæ. BOCHARTVS *Chanaan cap. XVII. p. 859.* Baal-Berith dicit idolum Berith, seu Beryti urbis, e qua oriundus Sanchoniathon. *Ex quo fit verisimile, fædus aliquod initum, aut Gedeonis commercium frequens cum Berytio, homino magni nominis, occasionem dedisse idololatriæ Judæis alioquin prorsus ignotæ: neque enim alibi Baal-Berith nominatur uspiam.* Porro docet, Deæ, non Dei nomen fuisse apud Phœnices, & a poeta NONNO Beroen efferri. Neque novum videri cuiquam debere, Baal hic esse femininum. LXX enim frequenter τὴν Βααὶλ, τῇ Βααὶλ & τοῖς Βααλῖν dicere: quin & Paulum idem facere, quando Rom. XI, 4. ait: ἐν ἑαυτοῦ γόνυ τῇ Βααὶλ. Hebræos autem Deorum

sexus nescire, nec vocem habere, quæ Deam sonet, adeo ut Astarte diserte Deus vocetur I Reg. XI, 5, 33. Quin & apud Gentiles Deos utriusque sexus habitos fuisse, monet IAC. SPONIUS *Miscell. erud. antiquitatis Sect. III. n. 74. p. 104.* Ac Luna aliquando in nummis habitu virili exprimitur, tuncque Deus Lunus audit, ejus meminit SPARTIANVS in *Caracalla*. Sic Liberum & Liberam, alia numismata: Sic Venerem masculam statuæ quædam exhibent, vetusque poeta CALVVS confirmat: *pollentemque Deum Venerem.* Ita SPONIUS *Fortunam Barbatam* exhibet, ut virilis illa non minus esset, quam muliebris. Demum vero IVRIEV *l. c. cap. II. p. 620.* novam ex SANCHONIATHONE exsculpit & in lucem profert conjecturam, Deam Berith Græcorum esse Cybelen, matrem Deorum, & sub hoc fabularum involucro virtutem Dei productivam in creatione latere, immo Verbum, quod condidit mundum: quæ, longe admodum petita, qui cupit, legere potest apud laudatum auctorem.

Ad §. IX. pag. 93.

(10) *Quod attinet Belum & Draconem*] Præter *Apocryphum Danielis continuatorem*, fabulam de Dracone recitat quoque IOSEPHVS BEN GORION *lib. I. cap. XIV.* cui tamen minus recte convenit cum *Scriptore Apocrypho Danielis*. Ille sub Dario, hic sub Cyro collocat. Longe aliud hic Draconi a Daniele paratum deleterium memorat, quam alter. In Apocryphis Daniel ob interfectum Numen in lacum leonum conjectus est, de qua ne γεῦ quidem apud GORIONIDEM. Differunt quoque de ingluvie Draconis quotidiana, quæ *Apocrypho* traditur σεμιδαλέως ἀετῶν β. καὶ πρῶτα μ. καὶ ὄνις μετρηταὶ ζ. IOSEPHO autem juvenis, X arietes, C pulli columbarum, & LXX panes subcinericei, & X amphoræ (כרי Caddai) vini. Interim SELDENVS *Synt. II. cap. XVII.* erudite conjectat, quia serpentes seu Dracones inter recondita gentium imprimis fuerint habiti, ARISTOTELES quoque



que libro *περὶ θαυμασίων ἀνυσμάτων* memoria prodiderit, in Mesopotamia serpentes dari, qui indigenas non lædant, advenas autem vehementer infestent, fieri omnino potuisse, ut incolæ & accolæ, hi ut malum averruncarent, illi ut gratias rependerent, serpentem adoraverint.

Præterea gulosum hunc Deum quisquis primo finxerit, non absque Scriptura fecisse. Nam Jer. LI, 44. cultum Beli notatum legerat: *visitabo quoque Bel in Babylone, & extraham de ore ejus omne quod devoravit.*

AD

## LIB. IV. CAPVT IV.

## DE DAGONE.

Ad §. I. pag. 94.

**A**b umbilico in piscem deserit] Juvat hic audire R. DAV. KIMCHI in I Sam. V, 4. ad quem remittit Auctor noster, ita tradentem ex mente Magistrorum gentis suæ: אמרו כי דגון מטבורו ולמטה היה צורת דג לפיכך נקרא דגון ומטבורו למעלה צורת אדם כמו שאומר ושהי כפות ידיו כרותות אל המפתן והיו פרושו רק דגון נשאר עליו צורת דג נשאר עליו: Dicunt (Sapientes) quod Dagon ab umbilico & inferius habuerit formam piscis, eaque propter nominatus sit Dagon, ab umbilico autem superius formam hominis, quemadmodum (textus) inquit, & dua palma manuum abscissa (inveniebantur) super limine, & hoc volunt verba sequentia: tantum Dagon relictus erat super ipso, h. e. sola forma piscis relicta erat super ipso: quod versione & calculo IONATHANIS Chaldæi firmat. Consentit ABARBENEL, nisi quod, præter fidem Textus sacri, pedes quoque idolo tribuit humanos. Quando autem RASCHI eidem דמות דגון similitudinem piscis, R. LEVI BEN GERSOM figuram hominis tantum largitur, hic de superiore, ille de inferiore corporis parte locutus videtur. Quidam Codices Græci cum ABARBENELE facientes, legunt vers. 4. καὶ ἀμφότερα τὰ ἔχνη τῶν ποδῶν αὐτοῦ ἀφηνευσμένα, & dua plantæ pedum erant ablata; sed rectius Va-

ticanus, & cum eo editio Lamberti Bos Franquerana An. 1709. legit χειρῶν, manuum, quod respondet Hebræo. Doctissimus VOSSIVS bene habet: erat semihomo, ac semipiscis: quem tamen, illam de pedibus fabulam, adoptasse miror, dum addit: ceterum erant ei & pedes humani, quasi ad caudam adnati: quod auctoritate vitiole versionis τῶν LXX suffulcit. Piscis figura representat vim hujus Numinis in maria, ut complexu suo contineat tum Lunam, seu Lunum, ut principium activum, tum mare, ut passivum, inquit VOSSIVS lib. II. cap. 76. SELDENVS, qui copiosissime & pererudite de Dagon commentatur Syntagm. II. cap. 3. p. 262 sqq. illum cum σιόβην confert, quem Berosvs, APOLLODORVS, & Polyhistor apud EVSEBIUM memorant biceps animal, cetera piscem, e cujus cauda adnascebantur pedes, humanis similes. Vox ei humana: ex mari autem Erythræo emergens, Babyloniam pervenisse ajunt, occidente vero Sole in mare rediisse, moremque hunc quotidie, velut ἀμφιβίων servasse. Ab eo homines omnifarias artes, literas, agriculturam, ædium sacrationes, architecturam, & leges politicas didicisse, nec non quicquid ad vitam civilem pertinet. Simulacrum ejus usque ad Berosi tempora, id est ad initia Græcæ monarchiæ perdurasse. Quæ in Dagonem quadrant, ex humana & marina figura mixtum.

Ad

Ad §. II. pag. 94.

(2) *Primum aratri frumentique usum*] Hæc altera vocis est interpretatio PHILONIS BYBLII, qui Dagonem Cæli filium tradit, nomenque a דגן frumentum traxisse perhibet, Δαγὼν δὲ ἐστὶ Σιτῶν, Dagon, quod idem est ac frumentum, eo quod frumentum invenerit. Aratri etiam repertor habebatur, ideoque Ζεὺς Ἀρόρειος, quasi *Jupiter Aratrius* dictus. Eandem vocis notionem amplectitur BYRMANNVS ad *Jud. XVI. 23.* eo quod Atergatis, Dercetis, Derceto, quæ Dea est marina Syrorum, in forma piscis Aſcalone coleretur, Dagon vero Aſdodi vel etiam in Gaza, ubi Simſon in templum Dagonis deductus, illud diruisse memoratur. Sed hallucinatum fuisse PHILONEM docet SELDENVS: & PETR. IVRIEV P. IV. *Hist. Dogmat. & Cult. Tract. IV. cap. V. p. 643.* distinguendum monet inter SANCHONIATHONIS verba, & PHILONIS glossemata, quæ ex ingenio addidit. Ad posteriora refert hanc etymologiam, quod PHILO nosset, דגן frumentum notare, hinc de suo eum adiecisse, quod Dagonis nomen sit Σιτῶν, ei tributum ob rationes supra allatas: in quo tamen falsus sit, cum a דגן vel דגה piscis verius derivetur. Idemque pag. 646. Dagonem eundem esse cum Neptuno evincere laborat, quem Phœnicii, littus maris incolentes, & insigni cum emo-

lumento commercia maritima exercentes, ceu maris præsidem coluerint.

Ad §. III. pag. cit.

(3) *Illi, quibus Dagon exponitur - - errare possint*] Hanc quidem sententiam serio inculcat SAM. BOCHARTVS P. I. *Hieroz. cap. VI. sub fin.* SANCHONIATHONIS cum primis auctoritate motus, scriptoris Phœnicii antiquissimi, Jephthæ Judici συγγεῖνος, certius longe gentis suæ sacra tradentis, quam multo recentiores Hebræorum Magistri. Sed hallucinatum in eo iterum fuisse PHILONEM, demonstrat SELDENVS supra laudatus, & assentiens SCALIGERO, eum ex mala vocis שרר interpretatione, nomen omnipotentis Dei in SANCHONIATHONIS Annalibus deprehensum, transmutasse in agrum aut agrestem, & in Ἀγρότην vertisse docet, ut quem Σιτῶν vertit, melius & ad rem Ἰχθυῶν fuisset dicendus. Recte alias BOCHARTVS in *Chanaan cap. XIV. p. 832.* Etymologum veterem, & qui hunc sequitur, PHAVORINVM, castigat, quando ex Βητάγων Saturnum Phœnicium exsculpit, cum corruptum potius sit vocabulum ex בית דגן, quomodo templum Dagonis appellabatur, non solum ab Hebræis, & Phœnicibus 1 Sam. V, 2, 5. 1 Chron. X, 10. sed & a Judæis Hellenistis, ut 1 Maccab. X, 83. i. e. τὸ ἱερόν Δαγῶν, ut explicatur cap. XI, 4. Quod obiter censui annotandum.

AD

## LIB. IV. CAPVT V.

## DE VITVLO FVSO.

Ad §. I. pag. 94.

[*late recensetur Exod. XXXII.*] Historiam Sacram ex instituto exponit, & quæ circa illam fabulantur Judæi, studiose congerit BOCHARTVS P. I. *Hierozoici lib. II. cap. XXXIV.* unde transcribere superfedemus. MVHAMME-

DIS de illa nānias ex *Corani Azora XX.* latine exhibet SELDENVS mox citandus, quas ibidem lege.

Ad §. II. pag. cit.

(2) *In similitudine Vituli adorarint*] Bovem aureum, quam Vitulum, mavult SELDENVS

Rrr 3

Syntagm.



*Syntagm. I. cap. IV. ab init.* quod, quem <sup>לעז</sup> dicit Moses, per <sup>דוד</sup> exponit David Ps. CV, 21. eandemque sententiam tuetur <sup>иврїев</sup> P. III. *Tract. peenul. cap. I. p. 503.* ubi, voc. <sup>לעז</sup> bovem quoque commode notare, observat. Ex auro fufum memorat Scriptura, quod contra FRANCISC. IVNIVM urgemus, qui *Not. ad Exod. XXXII, 4.* perperam ita commentatur: *Quamvis non tam existimari possit vitulus iste totus ex auro fuisse confectus, quam auri laminis tantummodo obductus, cetera ligneus, ut quem Sacra litera tradunt combustum atque in cineres versum.* Falso in cineres combustionem versum tradit, quem Scriptura in pulvisculum concussum, prius autem non ligneum, sed <sup>כסף</sup> fufum ex auro memorat. Circa causam autem externam vituli vel bovis figuræ, in partes eunt Interpretes. N. Sunt, qui existimant, Aaronem putasse, Deo bovis imaginem placituram magis, quia boum sacrificiis maxime delectaretur. Quasi vero honori sibi ducturus fuisset, se sub eodem cum victimis suis schemate repræsentari. Et bovis imagini veros ac vivos boves mactari & adoleri, quis ferat? B. In contrarium euntes alii, Aaronem maluisse credunt Deum fictitium populo suo ridiculo schemate exhibere, ut eum sic ab idololatria averteret. Sed ipsum serio rem egisse, docent omnes Textus circumstantiæ. Et si idololatrio illudere hac figura voluisset cultui, quomodo vel pati potuisset, supersticiosum populum, bovem hunc Deum vocare, qui ex Aegypto eos eduxisset; vel coram idolo Præconis vocem, festum Domino celebrandum, edicere? J. Sub initium Sæc. XVII. FRANCISC. MONCAEIUS apologiam edidit pro Aarone, *Aaron Purgatus, sive, de Vitulo Aureo libri duo*, inscriptam, & Francofurti An. 1675. in forma 8. Lipsiæ quoque An. 1689. in forma 12 recusam, nec non *Criticorum Sacrorum Tom. VII.* edit. Francofurt. p. 3274. insertam, proscriptam autem & damnatam per Officium Inquisitionis Romæ, die 7 Sept. An. 1609. ac in Indice librorum prohibitorum Romæ, ex typographia Camera Apostolicæ An. 1640. edito, ex Ecclesia penitus eliminatam:

omnino prout CORN. A LAPIDE *Comment. in Exod. XXXII, 4.* prædixerat auctori. Is Aaronem hunc bovem finxisse fingit ad exemplar Cherubi, cui Deum insidentem viderat, cum Senioribus appareret Exod. XXIV, 10. Angelum quippe præcessurum Israelitas, & in terram Canaan introducturum, cum promississet Deus Exod. XXIII, 20. nihil aliud egisse Aaronem contendit, quam quod Moses facturus erat, erecto vitulina forma Cherubo, tanquam signo Divinæ præsentiae, populum deducens. Hunc autem Cherubum, contra mentem Pontificis, populum adorasse. Velut autem Deum Cherubo fuisse vinctum, eoque vituli specie, nusquam legitur: ita commentum istud Doctor Sorbonicus, VIORIVS, graviter & ex instituto confutavit, libro An. 1609. edito, cui titulus: *Destructio Pseudo-Cherubi MONCAEI.* 7. Auctor *Mirabilium Scripturae*, sub AVGVSTINI nomine, lib. I. cap. XV. id omne ad Iosephum refert, quod Aegyptii bovis simulacrum juxta sepulcrum Iosephi statuerint, quia bos viro in agricultura cooperatur. Cui sententiæ in speciem favet, quod cultus Serapidis, vel Sarapidis, quem cum Apide eundem faciunt, a Veterum nonnullis, ut & ab Auctore nostro, ad Iosephum refertur. Hanc sententiam cumprimis ornare instituit VOSSIVS lib. I. de Idolol. cap. XXIX. p. 113 sq. Verum BOCHARTVS c. I. p. 338 sq. Iosephum Aegyptiorum Apim fuisse, aut sub bovis imagine ab iis cultum, prolixè & recte negat. Iosepho enim mortuo, propter accepta ab eo beneficia, divinos honores fuisse exhibitos, Moses altum silet, quin potius posthæc alium surrexisse memorat Regem, qui Iosephum non noverat, Exod. I, 8. i. e. qui nulla ejus, nec fratrum & posterorum, ratione habita, gravissimam in eos tyrannidem exercuit. Huic Regi successit alius, Israelitis æque infensus, quem in populi sui gratiam, gravissimis Deus plagis afflixit, & tandem sub aquis demersit, cum omnibus copiis suis. Vnde mutuum inter Judæos & Aegyptios odium in plura sæcula duravit. Iosephum ergo pro Deo in Aegypto cultum fuisse, ab omni vero abludit neque

neque Serapidis apud eos cultus fuit ita vetustus, nec ulla in Aegypto ejus mentio, antequam ex urbe Pontica, Sinope adveheretur: quæ fusc ibidem profequitur BOCHARTVS, & post eum, quod ad Josephum attinet, IVRIEV *cap. VI. pag. 521.* Ipse demum *h. pag. 345.* & post eum HERM. WITSIVS *Aegyptiacor. lib. II. cap. II. p. 61 sqq.* vitulinæ illius superstitionis originem, ex Aegypto recte arcessit, ubi vituli & boves in plurimo cultu fuerunt. Cum enim Apidem & Mnevin, sacros boves, a Memphitis & Heliopolitis pro Diis cultos constet, Hebræos autem tam in Aegypto, quam inde in libertatem assertos & eductos, Aegyptiorum idololatriam deperiisse, ex Jos. XXIV, 14. & Ezech. XX, 7 sq. & cap. XXIII, 3, 8, 19. palam fit: pronum hinc est colligere, ad hujus superstitionis similitudinem, ab Aarone vitulum aureum fuisse conflatum. Vterque ut hoc obtineat, tria demonstrat: 1) boum cultum adeo apud Aegyptios antiquum fuisse, ut Israelitarum ex Aegypto exitum antecesserit: 2) Aegyptios non viva solum animalia, sed eorum quoque imagines coluisse: 3) Israelitis etiam in hac ipsa re Aegyptiorum κακοζήλιαν exprobari. In qua sententia recentiores fere omnes acquiescunt: eamque fusc declarat IVRIEV *c. I. cap. II, III, IV, V. sqq.* Quando autem Patres, LACTANTIUS *lib. IV. cap. X.* HIERONYMVS *in Hof. IV.* AUGUSTINVS *in Psal. LXXIII.* BASILIUS SELEVCIENSIS *Orat. VI.* TERTULLIANVS *adv. Judeos cap. I.* AMBROSIVS *de Penitentia lib. I. cap. VIII.* OPTATVS MILEVITAN. *lib. III.* ISIDORVS HISPALENS. *Originum lib. VIII. cap. XI.* caput bovis, aut vituli aureum ab Aegyptiis cultum tradunt, cum tamen Scriptura nullibi de solo capite, sed de integro vitulo decies diserte id affirmet, BOCHARTVS *p. 346.* non tam illos Scripturæ vel ignaros, vel adversos, eidem ut in os contradicerent, censendos existimat, sed Synecdochice potius locutos, bovis aut vituli capite, tanquam parte insigniori, bovem ipsum aut vitulum designantes.

Ad §. III. pag. 95.

(3) חרט *stylo sculptorio*] A חרט / quod apud Syros est, *sculpsit*; descendit חרט *stylus*, partim quo scribitur in pugillaribus, ut Jes. VIII, 1. partim, quo aliquid cælatur & sculpir. LXX in genere verterunt, εν τῇ γράφῃ. Et R. SALOMO ita exponit, quod Aaron primo in tabula stylo depinxerit formam vituli, deinde artificibus tradiderit, ad ejus similitudinem ut idolum facerent. Quo faciunt, quæ *ad b. l. vers. 4.* annotavit CARTWRIGHTVS. Nec abnuere videtur DRVSIUS, qui notionem רפוס *forma, moduli seu typi*, huic voci tribuit: *si fundebatur*, inquires, *ad quid stylus, sive scalprum, aut scalpellum? expende.* ABEN ESRA scribit, חרט significationem habere רמות *similitudinis*, quod in superiorem redit sententiam. R. SALOMO vero, præter allatam, aliam subministrat interpretationem, ut ויצר apud Mosén notet *ligationem*, quæ fit בחרט *linleo*. Sic חרט esset *velamen*, ut Jes. III, 22. & 2 Reg. V, 23. ad quem utrumque locum evolve Michlol *Jophi*. Prævit IONATHAN in *paraphrasi Chaldaica*. Hanc ejus explicationem amplectitur BOCHARTVS, & *p. 335.* hunc verborum sensum reddit: *Et e manu eorum acceptum illud aurum in marsupio recondidit, Et fecit ex eo fusilem vitulum.* Sed cum tritam de cælo sententiam operosius refutaverit, argumenta ejus expendit & discussit IOH. CLERICVS *Comment. ad b. l.* Nos notioni styli inhæremus, cum propter radicem, quam apud Syros *sculpendi* significatum habere supra monuimus, tum propter cognatam vocem חרת *exaravit, sculpsit, insculpsit*, inde scriptura tabulis lapideis insculpta dicitur חרת הלחות *tabulis insculpta* Exod. XXXII, 16. Jam verò literæ ו & ח, unius organi facile inter se permutantur. Ad objectam vero fusionem prona est responsio, cum ex auro collato constaretur vitulus, ille, qui rudior prodierat e forma, cælo scalptorio poliebatur & efformabatur. Vulgatus fontes plane negligens, vertit: *quas cum ille accipisset,*



*pisset, formavit opere fusorio &c.* Nihil minus מרר quam opus fusorium notat, nisi cum DRV-  
sio accipias de forma sive typo. Stylo autem hoc, notas candidas, quem in bove vivo, Api aut Serapi observabant Aegyptii, expressisse in idolo Aaronem, quod contendit Auctor noster, id ut susceptæ semel sententiæ velificaretur, finxit.

Ad §. IV. pag. 95.

(4) *Nihil notat, quam caput bovis*] Utut gratis hæc fingatur etymologia ab Auctore, nominis tamen elementis curatius respondet, quam compositio VOSSII loco *supra cit.* qui vocem Serapis conflatur ex שרר *bos*, & אב *pater*. Inde Josephum dici *Apim* credit, uti vocetur Genes. XLV, 8. *pater Pharaonis*: & si conferas vocem שר *Princeps*, nasci inde Serapim, *Principem patrem*, cum præfuerit toti Aegypto; vel Serapim, *bovem patrem*, h. e. patrem regni Aegyptiaci, symbolo bovis signatum. Velut autem literarum א & ב reclamatur diversitas, ita quæ de capite bubulo monuit BOCHARTVS, supra attulimus *sub finem annotationis 2.*

Ad §. V. pag. cit.

(5) *In honorem memoriamque Josephi*] Hanc Auctoris sententiam supra notavimus *Annot. 2, Lit. ג*, & quibus labore incommodis, ex BOCHARTO docuimus. Eandem improbat IOH. HENR. HEIDEGGERVS *Hist. Patriarch. Tom. II. Exerc. XX. Sect. III. §. 20, 21, 22. p. 639 sqq.* & ante ipsum ANDR. RIVETVS in *Gen. XLI. Exercit. CLX. Tom. I. Opp. p. 612.* ubi contra hanc, de Josepho sub Api aut Serapide culto, opinionem tria urget ex ipsa historia Sacra: 1. quod, si Aegyptii Josephum mortuum inter Deos suos retulissent, immo Deorum maximum consecrassent, non permisissent ejus corpus a populo Israelis assevari, & tandem deferri ab ipsis in alienam terram: 2. quod vix potest intelligi, quomodo alteri generationi, sub qua afflictus fue-

runt Israelitæ, incognitus fuerit Josephus, quod Exod. I. dicitur: 3. quod debitari non debeat, si tale quid factum fuisset, quin aliquid in historia Sacra, aut Prophetarum scriptis, ad superstitionem illam vel damnandam, vel præcavendam, a Spiritu Sancto indicatum fuisset, cum præsertim Israelitæ tam proni essent ad idololatriam, & Aegyptiacam etiam fuerint imitati. Summus quidem nostratium Theologorum, ABRAH. CALOVIVS, has RIVETI rationes *Comment. ad Genes. XLI, 56. p. 1261 sq.* infringere & subruere alaboravit, sed vereor, ut solide satis. Vnde hæc traditio a IOH. FRANC. BVDDEO *Histor. Vet. Test. Per. I. Sect. III. §. 23. p. 446 sq.* etiam profligata, & *Per. II. Sect. I. §. 36. p. 762.* assertum fuit, Serapidis cultum longe post Josephi tempora in Aegyptum investum esse, quippe cuius nec HERODOTVS, qui de Aegyptiorum Diis tam multa scripsit, meminere.

Ad §. VI. pag. cit.

(6) *Ad peccata Israelitarum in hac μοσχονία vituli fictione*] Prior sane & potior est populi impietas, qui & Aaronem ad idolum fabricandum incitavit, & vitulum fustum idololatriæ plausu primus excepit: *Hi sunt Dii tui, o Israel, qui ex Aegypto te eduxerunt.* Quibus verbis cultum utique transitivum innuebant. Nec enim adeo inopes mentis erant, ut se ab hoc idolo, heri fuso & conflato, erutos fuisse crederent: sed sub hoc symbolo & schemate externo, Deum verum, quocum paulo ante sædus pepigerant, colere se credebant. Quod Aaron probe intelligens, Festum non vitulo, sed Jehovæ proclamabat, quod vituli illius cultum ad Deum verum pertinere, ac in eo terminari crederet. Attamen nec excusationem culpæ meretur Aaron, qui impio plebis dementis desiderio annuit, media ad conflandum idolum excogitavit, vitulum fudit & spectatum proposuit, quin &, cum videret, illum a populo tanto plausu excipi, extruxit coram eo altare, festum proclamavit in crastinum, & postriedie obtulit idolo holocausta.

Recte

Recte VISORIVS *adversus MONCAEIVM* f. 34. Duo mala fecit Aaron: unum, quod idololatriæ seculus, animo & cogitatione tantum conceperant, re-ipsa & facto perpetraret; alterum, ut quod privato errore facturi videbantur, publica auctoritate facerent, dum ab eo, qui multitudini summo cum imperio præerat, idolum acceperunt, circa quod debaccharentur. Interim Judæi varias commenti sunt fabulas, ut culpam ab Aarone amoliantur, quas in compendium misit RASCHI *Comment. in Exod. XXXII, 4.* ubi ita habet: כיון שהשליכו לאור בכור באו מכשפי ערב רב שעלו עמהם ממצרים ועשאוהו בכשפים ויש אומרים מיכה היה שם שיצא מתוך רמוסי בנין שנתמכרך בו במצרים והיה בידו שם וטט שכתב בו משה עלה שור עלה שור להעלות אורנו של יוסף מתוך נילוס והשליכו הכור: ויצא העגל: Postquam projecerant aurum in ignem in catino, venerunt præstigiatores turbe illius miscellaneæ, qui simul cum illis ascenderant ex Aegypto, & fecerunt illum vitulum conflatilem præstigiis suis. Sunt etiam, qui dicant, quod Micha fuerit ibi, qui exierat ex serie structura ædificii, in quo ipse compressus erat in Aegypto, & quod in manu ejus fuerit nomen ἀνελκόμενον, ac lamina, in qua scripserat Moses verba ista: ascende bos, ascende bos, ut extraheret arcam feralem Josephi ex Nilo, & quod projecerit Micha illam laminam, cui nomen Dei inscriptum erat, in medium catini, unde egressus sit vitulus. Hic varia conglomerantur Judæorum figmenta, quibus alias sigillatim culpam tam populi, quam Sacerdotis Summi, extenuare & emollire nituntur: Videlicet 1) non Israelitas, sed miscellam potius Aegyptiorum turbam, primum fuisse consilii istius auctorem, velut *ad vers. 4.* RASCHI perspicue docet: ולא נאמר אלה אלהינו מכאן שערב רב שעלו ממצרים הם שנקלהו על אהרן והם שעשאוהו ואחר כך הטעו אהרן: Non dicitur: isti sunt Dii nostri sed אלה אלהינו isti sunt Dii tui, o Israel, unde liquet, quod multitudo illa miscellanea, quæ ascenderat ex Aegypto, juxta Exod. XII, 38. sese congregaverit adversus Aaronem, &

quod turba illa fuerit, quæ fecit illum vitulum, quæque postea secum una in errorem traxit populum Israeliticum. 2) Quod præstigiatores Aegyptiaci in hac turba effecerint, ut ex auro in catinum projecto, Diaboli ope prodiret vitulus: unde Aaron fratri exprobranti, crimen purgat *vers. 24.* & projecit illud in ignem, quasi diceret, juxta RASCHIVM: nec putavi, quod egressurus esset vitulus iste, qui tamen præter spem ac expectationem meam, præstigatorum arte egressus est. 3) Quod in his, cumprimis Micha fuerit, cujus præstigiis res omnis fuerit confecta. Quod ut intelligatur, ex *Gur Arje* fol. 115. col. 1. repetenda est fabula, quod scilicet Aegyptii in ædificiis, regi Pharaoni exstruendis, acceperint parvos Israelitarum liberos, eosque lapidum instar, muris impegerint seu imprefferint, quo viso dixerit Moses Deo: an æquum est, ut isto modo filii Abrahami, Isaaci & Jacobi traherentur ab Aegyptiis? Deus autem ei responderit: omnes isti liberi, si mansissent superstites in mundo, evasis-sent apostatæ. Si tu dictis meis fidem non habes, accipe unum ex illis, (& in vivis serva) ac videbis, quidnam ipse factururus sit. Tunc Moses accepit Micham: is ipse fecit vitulum conflatilem, ac sculptile (de quo Jud. XVII, 3, 4.) ac propterea ipse appellatus fuit מיכה, quoniam נתמער impressus fuit seriei structura ædificii, quod Aegyptii faciebant. Sic mendacium mendacio tegunt Rabbini, ne perpluat. 4) Immo quod sanctissimo & ineffabili Dei nomini hanc vituli productionem tribuant. Addit 5) RASCHI *ad vers. 5.* & vidit Aaron, quod esset in vitulo Spiritus vitæ: nam dicitur Psalm. CVI, 20. in figuram bovis, qui comedit gramen. Vidit itaque Aaron, quod opus Satanæ prospere cessisset, quocirca nec ipse ausus est, repellere illos omnino: Hinc 6) circumspecte locuturi Aaronem: non hodie, sed cras erit festum Domino, quia sperabat fore, ut eoipse die rediret Moses ex monte, antequam Israelitæ vitulum Divino prosequerentur honore; atque hunc RASCHI vocat sensum Scripturæ literalem. Porro, cum diceret Aaron: festum erit Domino, in men-



te habuisse illum, festum revera Domino celebrandum fore, quia certo sibi persuaserit, quod venturus esset Moses, & Israelitæ verum Deum culturi. Præter hæc RASCHI 7) allegoricam ex ויקרא רבא profert explicationem: res multas vidisse Aaronem: vidisse, quod Hur, filius sororis suæ, qui idololatrias redarguerat, ab ipsis interfectus esset: vidisse quoque & cogitasse: satius est, ut mihi imputeretur peccatum, quam Israelitis: vidisse amplius & cogitasse: si illi extruant altare, hic adferet fasciculum, iste lapidem, atque ita reperietur opus eorum momento temporis absolutum; aut si ego ædificavero illud, moram nequam in extructione, donec Moses veniat &c. Quæ omnia, etsi invita veritate, citra fundamentum, & reclamante historia sacra nugantur, affatim tamen docent, quam anxie colores undecunque conquirant, quibus tanti criminis maculam, vel a gente sua abstergant, vel obducant, ejusque in alios conjiciant culpam. Sed & in Ecclesia Christi magni nominis doctores famæ Aaronis deesse noluerunt, populi violentiam causati. Ita BERNHARD, Epist. 83. Aaron, inquit, sceleratis tumultuantis populi clamoribus, contra voluntatem suam cessit. THEODORETVS Quæst. in h. l. Exod. formare vitulum, necessario coactum fuisse, perhibet; & AVGVSTIN. lib. XIV. de Civ. Dei cap. XI. non consensit inductus, ait, sed cessit obstrictus. Sed mille mortes subire potius oportuit tantum Dei servum, quam in illud scelus consentire, nedum auctoritate sua cultum profanum approbare.

Ad §. VI. pag. 95.

(7) *Non sit uncia perversitatis vituli illius* ] In Gemara Sanhedrin fol. 102. col. 1. ex R. ISAACI effato ita habet: Non est vindicta aliqua, quæ invadit mundum, in qua non sit vigesima quarta pars libra vituli primi, sicut dicitur Exod. XXXII, 34. cum visitavero, visitabo in eos peccatum eorum. Quin & nugantur Judæi, Israelitas istos, qui præsentem adfiterunt monti Sinai, atque audierunt legem inde a Deo publicatam,

evasuros sicut Angelos, nunquam generaturos filios, nec unquam morituros, sed similes Angelis futuros, nisi fatale illud per vitulum aureum intervenisset crimen. Hinc in Avodab Sarah fol. 5. col. 1. dicunt: Nisi patres nostri peccassent, nos non venissemus in mundum, sicut dicitur: ego dixi, vos Dii estis, & filii Altissimi omnes. At corrupistis opera vestra; ergo moriemini, sicut homines. Vide LIGHTFOOTI Hor. Hebr. in Johan. X, 35. Tom. II. Opp. fol. 646. Citata ab Auctore MOSIS GERVNDENSIS verba, plenius excitata leges apud BOCHARTVM c. 1. p. 354.

Ad §. VII. pag. 96.

(8) *Populusque confedit ad edendum & bibendum &c. vers. 5, 6.* ] Notandum venit insigne, quod hac parte inter sacrificia intercedit, discrimen. Epulas enim sacrificiales nec Holocausta admittebant, quæ igne absumberantur integra, nec Expiatoria, quorum pars cedebat Sacerdotibus, quibus solis vesci de illis licebat: sed Pacifica, quorum partem aliquam offerentes pro jure suo retinebant, ut amicis, si visum esset, invitatis, agitarent convivium. Legem habes Deut. XII, 7. XVI, 11. Exemplum, 1 Samuel. IX, 13. Ad quem locum RASCHI benedictionem epulis eucharisticis præmissam, his verbis repetit: ברוך אתה יי אלהינו מלך העולם אשר קדשנו במצותיו וציונו לאכול הזבח: Benedictus tu, Domine, Rex mundi, qui sanctificavit nos in præceptis suis, ac præcepit nobis, ut comederemus sacrificium.

Ibidem.

(9) *Combussit, commoluitque in pulverem* ] In tenuissimam ejusmodi scobem comminutum a Mose vitulum, ut aquis innataret, dum Textus commemorat, ii, qui Chemiæ aliquam inde accedere dignitatem & laudem existimant, Mosen Chemicæ artis apprime peritum inde colligunt. Ita EDMUND. DICKINSONVS in Physica Vet. & Nova cap. XX. §. 4. p. 317 sqq. totus in eo est,

ut Alchymistam faciat Mosen, hanc primo loco rationem allegans, quod ille igne Chémico aurum brevi tempore in valde subtilem atque solubilem calcem redigere calluerit, adeo ut in aqua fluviali dissolvi, & ad bibendum dari potuerit. Hinc, quando contundendo vitulum, Moses dicitur comminuisse in pulverem, id ex phraseologia Chemica vult exponi, qua ea dicuntur contundi & teri, quæ in subtilem naturam rediguntur, quacunque id ratione fiat. Porro, quando Moses ait, se illum pulverem projecisse in torrentem, quî descendit de monte Horeb, id metonymice dictum cupit, pro aqua, de illo torrente sumta, in qua Moses pulverem istius vituli dissolvendo disperferit. Jam cum certum sit, ut calx auri solubilis efficiatur, quod arcano quodam pulvere, vel liquore injecto fiat, artem viri sapientissimi, referendæque naturæ peritissimi notitiam requiri, quæ si in Mose fuerit, ut fuisse ex hoc facto liquido apparet, nihil superesse contendit Anglus noster, quam ut Chémix perquam ille censeatur fuisse peritus. Vero ista omnia, quam ruinoso nitantur fundamento, primo statim aspectu patet, proluxa ut non egeant confutatione. Potius censendum, Mosen vitulum istum in ignem projectum, in rudem, informemque redegissee auri massam, quod Textus comburendi voce notat, cum revera vitulus aureus abolitus sit igne, & vitulus esse desierit: hanc porro massam auream illum eliminasse, & in tenuissimam attrivisse scobem. Artem autem, aurum sic eliminandi, Hebræos non fugisse, ex IOSEPHO apparet, qui *Antiqu. lib. VIII. cap. II.* Salomonis equites memorat *Ἰνῆμα χρυσίου*, scobem auream quotidie capillis sic inspersisse, ut Solis repercussu illuminati splenderent. Quomodo TREBELLIVS, Gallienum crinibus suis auri scobem aspersisse, & SPARTIANVS, Commodum Imperatorem capillo semper fucato & illuminato fuisse, tradit. Eadem arte Mosen vitulum attrivisse & in scobem contudisse, Chaldaus & Syrus interpretes exponunt. WAGENSEILIVS in *Sota p. 1129.* ubi Magistrorum sententias de scobe aurea enarraverat: *Ceterum, in-*

quit, est inter Scripturæ doctrinæ, quomodo comburendo, tundendoque, aureus vitulus in pulverem redigi potuerit: nam id artificium vulgo incognitum habetur, solique Chymici ejus scientiam jactant.

Ad §. VII. pag. 96.

( 10 ) *Dispersit per torrentem*] Cur aqua torrentis, hujus auri pulvere conspersa & permixta, potaverit Israelitas Moses, non convenit inter Interpretes. Judæi passim id ideo factum censent, ut ex prodigioso quodam potus hujus effectû, idololatriæ reos cognosceret, ad eum ferre modum, quo Sacerdos adulteras aquæ amaræ potu dignoscebat Num. V, 27. Ita R. SALOMO ad Exod. XXXII, 20. Tribus mortis generibus judicati sunt Israelitæ ibidem: 1. Dum adfuerunt testes ac præmonitio facta est, gladio puniti sunt, veluti puniri solent viri urbis seductæ, quia illi multi sunt: 2. Vbi testes sine præmonitione, tum affecti sunt plaga: dicitur enim: & Dominus affecit plaga populum: 3. Quando autem nec testes adfuerunt, nec præmonitio, hydropse puniti sunt, nam exploravit illos aqua, eorumque ventres intumuerunt, non secus atque uxores declinantes. Paulo aliter inflectit MONCAEIVS lib. II. Aaronis purgati cap. VIII. ubi post epotam illam aquam, eos tradit, qui idololatriæ rei erant, percussos fuisse ignominiosis ulceribus, ex quibus discerni potuerint idololatræ, ut in eos Moses, sine infantium periculo, posset animadvertere. Aaronem porro fingit, jussu Moïsi, omnes Israelitas ad se vocasse, & nudatos vestibus suis inspexisse, an vestigia quædam in eorum corporibus apparent scabiei aut ulcerum, atque ita separasse reos. Eamque fuisse nudationem ab Aaronem factam propter ignominiam, id est, propter ignominiosum illud idolum, cujus sit mentio vers. 25. PETRVS COMESTOR *Histor. Exodi cap. LXXIII.* NAVCLERVS *Chronol. Generat. 27.* & alii nonnulli contendunt, reorum omnium barbas ex hoc potu deauratas evasisse, eo quod aurum barbis ipsorum per miraculum adhereret, nec abstergi se pateretur. Quod figmentum, vetusto car-



mine ex SELDENO arcessito, repetitum lege apud WAGENSEILIVM citato loco. Sed sanior his est HIERONYMI sententia, symbolicam huius consilii causam fuisse, ut inde stercoreos ejusmodi Deos contemnere discerent, qui in secessum emitterentur. Consule huc denique BOCHARTVM c. l. p. 351 sqq.

Ad §. VIII. pag. 96.

(11) *Fecit duos vitulos aureos*] Jeroboam vitulos suos ad imitationem Aaronici composuisse, nihil dubitat laudatus toties BOCHARTVS c. l. p. 354. & utrosque ita invicem contendit: Aaronis propter Moysis absentiam, Jeroboami vituli, quia Vrbs Sacra Israelitis jam erat inaccessa; ut Aaron, ita Jeroboam vitulorum cultum in Aegypto didicerat, ubi multos annos exegerat sub Aegypti Rege, Sefaco 1 Reg. XI, 40. Nec minus de Jeroboami vitulis, quam de Aa-

ronico dictum: hi sunt Dii tui, o Israel, qui ex Aegypto te eduxerunt 1 Reg. XII, 28. Quin ut huic, & ita illis, festi dies consecrantur, & offeruntur victimæ. Sed ut Moses vitulum Aaronis, ita Josias vitulum, quem in Bethele Jeroboam erexerat, altare etiam & excelsum locum, destruxit atque combussit, & in pulverem comminuit 2 Reg. XXIII, 15. Addo, Israelitarum crimen, sub Rege Jeroboamo, multa cæde fuisse expiatum. Nam loco ter mille vituli cultorum, quos interfecerat Moses, Abia Rex Judæ, postquam Jeroboamo & Israeli vitulorum cultum exprobraverat, tanta eos clade fregit, ut unico prælio corruisse legantur virorum quingenta millia 2 Chron. XIII, 8, 17. Quam comta vero oratione, vitularum aurearum, *δαμάλεις* enim LXX vocant, & IOSEPHVS, cultum popularibus suis persuaserit Jeroboamus, IOSEPHVS lib. VIII. *Antiqu. cap. VIII. §. 4. p. 445.* ita edisserit, ac si a concionantis ore Regis pependisset.

AD

## LIB. IV. CAPVT VI.

### DE ASTHAROTH, AMMONIA JUNONE, REGINA CAELI, ET DIANA EPHESINA.

Ad §. I. pag. 96.

*Asthoreth*] Nomine plus uno in Scriptura Sacra venit, & mox *Asthoreth* audit, idolum Sidoniorum 1 Reg. XI, 5, 33. 2 Reg. XXIII, 14. mox in numero plurium *Asthareth* Jud. II, 13. X, 6. quod alias quoque Devter. I, 4. nomen proprium loci est, ab idolo forte inditum. LXX efferunt *Ἀσδερν*, quod imitantur Latini, M. TVLLIVS lib. III. *de Nat. Deorum*, TERTULLIANVS in *Apologet. cap. XXIV*. Præterea IOSEPHVS lib. I. *contra Apion.* & Græci passim. Sed Jud. X, 6. etiam LXX habent *Ἀσθωθ*, quos ibi sequitur Latina Vulgata. Sed nec genus semper idem servari circa Astarten, SELDE-

NVS *de Diis Syris Synt. II. cap. II. p. 238 sqq.* observat, cum *Elohi Zidonim* Deus Sidoniorum in Sacris literis appelletur, quæ Dea fuerit. *Neque enim sexum idolorum, Scriptura Sacra, nec prisca mysteria gentium, distinguunt:* quod Veneris, Lunæ & Lunæ, Baalis ac Beli exemplis erudite confirmat. Astarten tamen Deam, non Deum, creditam fuisse, extra omne dubium collocat RIVRIEV in *Histor. Dogmat. & Cult. P. IV. Tract. V. cap. I. p. 667*. Vult præterea SELDENVS p. 232 sqq. nomen *אשרת* lucus, idem esse cum *עשתרת* *Asthoreth*, quia variè in lucis, qui antiquitus, præ aliis locis, uti & montes, sacris destinabantur, illa colebatur Astarte; immo, quia sculptile, & ligneum ejus erat simulacrum. Probat

ex 2 Reg. XXI, 7. ubi de Manasse legitur: *posuit quoque פסל האשרה sculptile Astartes in domo Domini*, ubi non sane locus arboribus confusus, sed simulacrum intelligendum venit. Sic quoque 2 Reg. XVII. de novis Samariæ incolis fertur: *erigebant statuas & lucos in omni colle excelsus, & subter omnem arborem frondosam*: ubi denuo non lucus, sive nemus quoddam sub arbore frondosa, sed omnino simulacrum, idque ligneum, designatur. Hinc colligit vir summus, simulacra lignea תִּשְׁתֵּי Asthoreth dicata, *Ascherim* & *Ascheroth* seu lucos appellata fuisse, ut & ad nomen simul alluderetur, & tam impari divinitati materie, contumelia ipso vocabulo exprimeretur. Provocat præterea ad R. D. KIMCHIVM, qui in Rad. אֲשֵׁר / omne lignum, quod colitur, אֲשֵׁר dictum esse scribit. Neque alios, quam Astartes Sidoniæ Prophetas, illos vult fuisse, qui *luci Prophetæ* 1 Reg. XVIII, 19. vocantur. In eandem, cum SELDENO, sententiam pedibus incedit laudatus modo IVRIEV p. 671. ita tamen, ut Ascheroth Dianæ respondere censet, Astharoth Lunæ: quanquam, ne sic quidem sibi constet. Etsi vero facile largior, tam in lucis & sub arboribus frondosis facta fuisse Astartæ Sacra, & ejus simulacrum ligneum fuisse, forte auro obductum, nomen tamen appellativum אֲשֵׁר / cum proprio עֲשֹׁתוֹת unum esse ac idem, pace viri doctissimi, persuaderi mihi non patior 1) ob disparitatem elementorum ע & א, ac insertum nomini medio ת: 2) ob loca, in quibus אֲשֵׁר ab idolo distinguitur, v. g. 2 Chron. XV, 16. ubi de Maacha, Asæ Regis matre, refertur, quod idolum sacraverit לאֲשֵׁר in luco; quo omnia spectant testimonia, quibus idola sub arboribus & in lucis culta perhibentur, Jes. LVII, 5. Os. IV, 13. Ezech. VI, 13. &c. quibus commodam quidem, sed frustra quærit, conciliationem SELDENVS: 3) ob usum vocis a LXX Interpret. receptum, qui τὰ ἄλση ἀπὸ τοῖς ἀγάλμασι lucos ab idolis & statuis passim distinguunt: 4) ob 2 Reg. XXI, 7. ubi פסל האשרה idolum luci in Templo positum memoratur, quod simile intelligitur ei, vel idem

cum illo, quod in lucis quoque & excelsis colabatur, quo refer Jud. VI, 25, 28. ubi Gideon destruxisse legitur altare Baalis, & succidisse האֲשֵׁר lucum, qui super illud erat; ubi per עֵלִיךָ vel lucus intelligitur, qui juxta altare erat plantatus in atrio, vel sculptile illud, quod in luco coli consueverat, & super hoc altare collocatum erat.

## Ad §. II. pag. 96.

(2) *Lunam sub hoc nomine* ] Lunam sub Astarte, & quod idem est, Junonem fuisse cultam, probat VOSSIYS lib. II. de Idolol. cap. 21. p. 207. α) ex ortu, quia Astarte cæli laudatur, quod idem Lunæ est elogium, β) ex figura, quod caput bubulum Lunæ sit insigne, ut ejus cornibus Luna curvata in cornua repræsentetur, quod pariter Astartæ tribuitur: γ) ex diserto LVCIANI Samosatensis, adeoque Syri, testimonio, cujus in *de Dea Syria* hæc sunt verba: ἐστὶ δὲ καὶ ἄλλο ἱερὸν ἐν Φοινίκῃ μέγα· τὸ Σιδωνίοι ἔχουσι· ὡς μὲν αὐτοὶ λέγουσι, Ἀστάρτης ἐστὶ Ἀστάρτην δ' ἐγὼ δοκέω σεληναίην ἔμμεναι, est autem & aliud templum in Phœnicia magnum, quod Sidonii habent, atque ut ipsi dicunt, est Astartes. Astartem autem ego puto Lunam esse. Contra vero ea FRANCISCVS FLORIDVS lib. II. Subscivar. Lect. cap. VII. errare censet LVCIANVM, nec Lunam, sed Venerem in Astarte cultam contendit. Citat hoc sine PLAVTVM Mercatore Aet. IV. sc. 5. ubi: *Diva Astarte*, inquit, *hominum Deorumque vis, vita, salus: rursus eadem, quæ est Pernicies, mors, interitus: mare, tellus, calum, sidera, Jovis quæcunque templa colimus, ejus ducuntur nutu; illi obtemperant &c.* manifesto Venerem describit. Quæ tamen TAUBMANVS inter PLAVTO supposita refert p. 1503. & 1505. Sed & complura pro Venere Græcorum testimonia prostant, FLORIDO atque VOSSIO laudata: & CICERO loco supra cit. *Quarta Veneris*, inquit, *Syria, Tyroque concepta, quæ Astarte vocatur, quam Adonidi nupsisse traditum est.* Vtramque tamen sententiam commode ita com-



ponit VOSSIUS: *Græcis quidem Venus est Lucifer, seu Hesperus, Orienti autem Venus potius est Luna, ut & Astarte eadem sit ac Luna.* Vtramque etiam, & Venerem, & Lunam designasse Astarten, SELDENVS observat p. 244. & p. 246. inquit: *Minervæ, Junonis, Veneris, Lunæ nomina sunt ita, cum ad Asiaticos Deos respexeris, confusa, ut qui Minervam Belisamam, Junonem Belisamam, Venerem aut Lunam dixerit, idem semper ipsum dixerit.* Quæ ipsissima descripsit verba KIRCHERVS *Oedip. Synt. IV. cap. XIII. pag. 320.* sed studiose celato nomine SELDENI, ne ab hæretico suppetias petiisse videretur. Ista vero Numinum ac nominum confusio quondam frequentissima erat, ut quæ divinitas hoc nomine veniret apud Græcos, eadem confunderetur cum alia apud gentes alias, teste universa mythologia Gentilium.

Ad §. III. pag. 97.

(3) *Regina cæli, de qua fatur Propheta Jer. VII, 18. XLIV, 17.* Circa מלכת השמים in suspenso hæret IAC. ALTING. in *Jer. VII, 18. Tom. II. Opp. p. 719 sq.* & utramque allegans sententiam, quarum altera *reginam cæli* vertit, & Lunam interpretatur, quemadmodum Molech Solem, ita ut viri Solem coluerint, mulieres Lunam, altera *res cælestes* seu exercitum cæli reddit, & omnia sidera designari autumat: utri suum adjicere calculum debeat, non definit. Pariter R. DAV. KIMCHI inter utramque arbitrari non ausus, מלכת hinc מעשה השמים exponi tradit, hinc מלוכה לשון *sensu regni.* R. SALOMO autem, cum IONATHANE Chaldaeo, *Reginam cæli* tueretur, & כוכב הגדול Stellam magnam dicit. Ex nostris SEB. SCHMID. ad *Jer. VII, 18.* rem in dubio relinquit, vocem Melecheth non pure Hebraicam existimans, sed assumptam ab iis gentibus, unde iste cultus acceptus a Judæis: verum ad *Cap. VIII, 2.* paulo liberius mentem suam expromens, sub cultu Melecheth quorumvis astrorum cultum intelligi existimat. Deum subjicit: *Fortè idololatras viderunt & obser-*

*varunt non tantum peculiares virtutes solis, lunæ & aliarum stellarum, sed ordinarium eorum cursum, qui superius ligans imperium arguebat, superiorem aliquam virtutem agnoverunt: cumque Deo non negarent, quod hic Rex calorū esset, istam virtutem mediam fecerunt inter Deum & astra, & Reginam dixerunt calorū: quæ sub se immediate haberet quæcunque alia astra, cultus astrorum sub ejusdem comprehensus est.* Nemo nostratium, quod sciam, copiosius hoc caput excussit IOH. HENR. VRSINO, qui *Quæstion. Biblic. lib. II. cap. XXI.* quænam Melecheth cæli? & qui ejus cultus? *capite sequenti XXII.* quænam & quales placentiæ, oblatae Reginae cæli? *cap. XXIII.* quis ortus, progressusque fuerit hujus Reginae cæli cultus? *cap. XXIV.* an Collyridiani S. Mariæ divinam naturam tribuerint? eamque, ut Deam, verè existentem coluerint? *cap. XXV.* quanam imagine culta fuerit a Judæis Regina cæli? inquirens, Melecheth cæli Venerem Vraniam adstruere allaborat. Nos quemlibet suo abundare sensu passim, Auctoris nostri adhuc sententia stamus, eandem Lunam interpretati. Etenim 1) ubi communis astrorum cultus redarguitur, diserta Solis, Lunæ, omnisque calorū exercitus fit mentio, v. g. Deut. IV, 19. XVII, 3. 2 Reg. XXI, 3, 5. XXIII, 4, 5. Jer. VIII, 2. XIX, 13. Zeph. I, 5. Act. VII, 42. a quo cultus Reginae cæli, tanquam peculiaris & distinctus, seorsum recensetur: 2) Luna Deæ cælestis, & Reginae cæli nomine passim veniebat, apud Phœnices ac Syros Astarten, seu Venerem, apud Ægyptios Idem, apud Romanos & Græcos Dianam ac Junonem designans, quod multo cum eruditionis apparatu VOSSIUS demonstrat *lib. II. cap. XXI. sqq.* & consentit SELDENVS: quo simul refer, quæ de Deorum Gentilium confusione supra monuimus: 3) כונית placenta Reginae cæli oblatas memorat *cit. loc.* Jerem. Dianæ vero, quæ est Luna, easdem oblatas BRAVNIUS docet *Select. Sacr. lib. IV. cap. IX. §. 128.* 4) Consentit HIERONYMVS, qui in *Jer. VII, 18.* ita commentatur: *Omne genus ostendit sacrificii Reginae cæli, quam Lunam debemus accipere: sed nec dissimu-*

lo, eum ibidem addere: *vel certe militia celi, ut omnes stellas intelligamus.* Quæ tamen posterior explicatio ratione, quam primo loco produxi, profligatur.

Ad §. V. pag. 97.

(4) *Coli sub forma ovis* ] Est quippe *עשתרת* *fætus*, in Plur. *עשתרות* Deut. VII, 13. & XXVIII, 4. unde SEB. SCHMID. conjicit, *Astboretb fuisse idolum, cui cura gregum & fætificationis adscripta fuit; sive figura etiam pecoris aliqua illi afficta sit ultro, vel ex Diaboli apparitione, sive non: Comment. in Jud. II, p. 182.* Forte vir magnus istud hausit ex R. DAV. KIMCHIO, qui nomen Astartes ex eo pariter arcessit, quod ovis figura coleretur, quam opinionem sequitur etiam MARINVS BRIXIANVS. Idem monet GVLIELMVS ROBERTSON *Thesaur. Lingue S. p. 792.* & Veneris Multimammæ simulacrûm fuisse tradit, quæ ob prolis fæcunditatem colebatur, & omnium viventium nutrix haberetur. Præterea est & nomen imaginum inquit, *ovium formam habentium, ut KIMCHI notat, quas pro deabus colebant Sidonæi & Philistæi Jud. II, 13. 1 Sam. XXXI, 10.* Istam tamen KIMCHII de ovis figura opinionem repudiat VOSSIVS cap. XXI. p. 208. a. quod nulla prorsus Veterum auctoritate nititur: ipse SVIDAM secutus, quo teste *Ἀστὴρ ἀπὸ τῆ ἀστὴς ἐπωνυμίαν, ab astro appellationem habet: non quasi vox sit originis Græcæ, sed quia & in Orientis linguis simili, vel non multum absimili ratione, fidus nuncupetur: unde & posterior pars Persicæ vocis, Zoroaster, vel Zoroastris.* Rectius laudatus supra VRSINVS: *Qua; inquit, imagine fuerint ista idola apud Judæos, & nostra cumprimis Regina celi, divinare impossibile est.* Et paulo ante: *certe esse pronunciaverat, Judæos ipsa cælestia lumina per se, quasi Numina veneratos fuisse, eoque fine ad Deut. IV, 18, 19. Job. XIII, 25, 26. Jer. II, 2. provocaverat.*

Ad §. V. pag. 97.

(5a) *Idola posita in tectis ædium* ] Sententiæ hujus testem, Auctor bene allegat, R. SAL. IARCHIVM, qui ad Lev. XXVI, 30. ita commentatur: *מִיָּד עַל שְׁמַעְמִירִין עַל הַגָּנוֹת וְעַל שָׁם: שְׁמַעְמִירִין כַּחֲמָה קְרוּיִין חַמְנִים: Chammānim erant species quedam idolorum, quæ constituebant super tecta, & quoniam illa collocabant in Sole, vocabantur a voc. חַמָּה חַמְנִים quasi Dii Solares.* Mavult tamen vir summus, IOSEPH. SCALIGER ad CATVLL. non tam idola hoc nomine designata fuisse, quam Fana, quæ *πυρᾶθεία*, juxta SVIDAM *πυρᾶα*, sempiterni foculi, juxta AMMIAN. MARCELLINVM in *Hist. Julia* audiebant.

Ad §. VII. pag. cit.

(5b) *Facies ejus erat cornuta* ] Quandoquidem Exod. XXXIV, 29, 35. de Mose, descendente de monte Sinai, recentique a colloquio & commercio Numinis, legitur: *כִּן קָרַן עוֹר מִשֶּׁה* *quod radiaret cutis faciei Moysi*, adeo scilicet splendida, ut & frons, & nasus, & os, & mentum radios velut emitterent, hinc ambiguitate voc. *קָרַן* inductus Vulgatus, reddidit: *quod cornuta esset facies sua.* Sed &, ante illum, AQUILA vertit: *μεγαλόδης ἦν, cornuta erat.* Ab hoc errore manavit & absurdus mos pictorum, qui etiamnum Mosen effigiant cornutum, & æque absurdi nummi recentiores, alii cum Moysi facie barbata & cornibus arietinis, auribus tenus inflexis instructa, cum torque insuper, sive collari, cui addita Inscriptio: *מֹשֶׁה*: pars averſa verba primi præcepti exhibet: *לֹא יִהְיֶה לָךְ אֱלֹהִים אֲחֵרִים לְפָנָי* qualis HOTTINGERO memoratur in *dissert. de nummis Hebraeor.* subjuncta tractatui de *Cippis*, THOM. BARTHOLINO lib. de *Unicornu* cap. I. IOH. SELDEN de *J. N. & G. lib. II. cap. VI. f. 191* alii cum facie Moysi barbata, capite capillato & crispo, ita tamen, ut in fronte e capillis, cornua recta antroorsum protendantur, cum Inſcriptione in collari:



collari: משה / parte autem averſa, eadem, quæ est in nummo præcedente. Vulgatam caſtigavit SIXTIN. AMAMA *Anti-Barb. Biblic. libr. II. p. 361.* utriusque vero generis nummos ſub examen vocavit pec. diſſertatione D. CARPZOVIVS, *de nummis effigiem Moſis cornutam exhibentibus*, quæ in volumine diſput. Acad. tertia eſt, qua ſuppoſitiſ illos evincit α) ex barbara Inſcriptionis diſtinctione, dum diſtinctis lineis משה - נ - פני & ע - ל פני divulſerunt, β) ex Judæorum erga crucem odio. Cum enim crucis figura in collari Moſis ſit expreſſa, quis adeo delirabit, ut nummos iſtos Judæis tribuat? γ) ex pugnantia cum lege Divina, imaginum formationem prohibente Exod. XX, 3. &c. δ) ex facti falſitate, quod Moſes cornua nunquam habuerit. Licet enim Judæi Moſi קרני הורו cornua magnificentia tribuant, quibus Angelum mortis Sammaelem, cum ad eum occidendum miſſus a Deo eſſet, occæcaſſe legitur in *Debbarim Rabba fol. 302. col. 4.* quod tamen ſenſu exponenda ſit fabula, laudatus CARPZOV. *ibid. p. 126 ſq.* docet. Sed quando recentiſſime ERASMVVS FROELICH, Jeſuita, in *Annalib. regum & rerum Syria, Tab. XIX. num. 2.* inter nummos Judæorum ſpurios, eundem æri inſculptum exhibuit, eosdem quidem circa ſcripturam nævos, crucem quoque in collari expreſſam ſtitit, eum tamen puduiſſe credo erroris cornuum æque ac Vulgatæ, hinc ſatis formoſam, ſed cornibus plane orbam delineavit Moſis faciem, nummique in *Prolegom. appendice p. 91.* hanc dedit deſcriptionem: *Caput nudum Moſis barbati, cum pectore veſtito; in ora veſtis, collum ambiente, legitur משה Moſe, & character X.* Quæ forma quædam eſſe videtur literæ Tau Samaritanæ vel Aegyptiæ; ea ſalutis litera cum ſit, forte ad erectum in eremo æneum ſerpentem alluditur, qui e ſimilis formæ lignea cruce pendens, ſuſpicientes ſanabat Numer. cap. XXI. In averſa parte hic ſolus verſiculus 7. Capitis V. lib. Deuteronomii, in numo male ſeparatis literis, legitur &c. Eo magis ſubit mirari, qua fronte IVL. BARTOLOCCIVS *Biblioth. Rabbin. P. IV. f. 157 ſq.* excuſare auſus fuerit cum Vulgatam:

*Appoſite igitur, inquit, a Vulgata vertitur, quod cornuta eſſet facies Moſis: tum piſtores, quorum cauſam ita perorat: Ut autem Moſes inter alios Vet. Teſtamenti dignoſceretur Prophetas, conſueverunt piſtores ejusdem frontem duobus ſplendoribus, inſtar cornuum, hinc inde prominentibus penicillo ornare, non autem frontem ſancti legiſlatoris duobus cornibus vitulinis, aut arietinis, ac ſi vitulus vel aries aliquando fuiſſet, deturpare, ut in quodam nummo æreo, ſecundum hanc Jovis Hammonis figuram vidi &c.* ubi expreſſam nummi HOTTINGERIANI & SELDENIANI delineationem ſubjungit. Ceterum inde fluxit inſanus Gentilium error, qui Bacchum ſuum, maxime in expeditione Indica, cornutum traderunt, ſub cujus nomine Moſen eos coluiſſe VOSSIVS *lib. I. de Idolol. cap. 30. p. 115.* HVE-TIVS *Demonſtrat. Evang. Propoſ. IV. cap. IV. §. 3. p. 133.* aliique demonſtrarunt; hinc Liberum illum Arabicum ταυρόκερον, κερκόφερον, βύκερον, tauricornem, cornigerum, bicornem appellarunt. Quin & quando eidem Libero ſocium canem dederunt, ex Moſis hiſtoria prognatum eſt: canis enim Hebrais כלב dicitur, eodemque Calebi nomine veniebat fidelis Moſis ſocius, qui ſolus cum Joſua, ceteris Terræ Sanctæ exploratoribus, populum turbantibus ſeſe opponebat, ſolus quoque cum illo terram ingreſſus eſt: de quo pariter CARPZOV. commentatur p. 119. de Jove autem Ammonio cornuto Idem videatur p. 122 ſqq.

Ad §. VIII. pag. 98.

(6) *Diana Ephesoꝝum Act. XIX, 28.* ] Η Ἀρτεμις, eadem in Gentiliſmo habitæ cum Luna, quæ priſcis Jana, indeque Dea - Jana, vel Diana dicta fuit. Colebatur per univerſam quidem Aſiam, maxime vero Ephesi, quæ urbs inde νεωρόκος vocabatur, quod non modo ſeſe plane Dianæ conſecraret, verum etiam templum ejus curaret Act. XIX, 35. Ex νεός, Attice νεώς, Templum, & κορύν, quod eſt κορμῶν καὶ καλλύειν, ornare, inſtruere, & addere ſpeciem pulchritu-

*abritudinis* prodit *ἡρώδης*, *editumus*, qui aedes & res sacras curat. Hunc vero titulum velut exponit, sic Ephesinæ cum aliis quoque urbibus communem fuisse, cum primis Smyrnenfi, docet Vener. DEYLINGIUS P. III. *Observat.* 39. §. 18. p. 301. Templum autem Dianæ Ephesinum celeberrimum erat, & inter septem mundi miracula connumeratum, quod Amazones partibus his Asiæ potitæ, consecrasse dicuntur. Fundamentum hujus templi DIONYSIUS AFER ex ulmeis lignis Amazonas fecisse tradit, eo quod locus esset palustris & aquosus, eum in finem huic usui dicatus, ne terræ motus sentiret. PAVSANIAS quidem lib. VII. negat, Amazonas hujus templi fuisse conditrices, quod a Cræso, Lydorum rege, & Epheso, Caystri fluvii filio, a quo etiam urbs Ephesus nomen accepit, conditum affirmat. Contra vero ea, HERACLIDES ab Amazone quadam urbem nominatam perhibet: qui tamen addit, aliis *ἀπὸ τῆς ἐφέσεως*, a *permissione* seu *concessione* dictam, eo quod Hercules Amazonibus eam terram permiserit, a Mycala monte Joniæ, usque ad Pitana Aecoliæ urbem. Primus templi hujus architectus celebratur Chersiphron: sed alius quidem auxit in majus. Quod cum Herostratus, homo ad alia honesta ineptus, ex hoc facinore nomen immortale captans, exussisset, aliud Ephesi præstantius extruxerunt, collato ad id mundo muliebri, & suis facultatibus. Tota Asia minor in extructionem templi hujus magnam vim pecuniæ contulit, & quadringentos annos extructione infumfit, teste PLINIO locis ab Auctore nostro citatis. Tria istius templi celebritatem auxisse memorat PAVSANIAS lib. IV. 1) magnitudinem, qua cetera omnia mortalium opera superavit, 2) Ephesiorum civitatis splendor, 3) ipsius Deæ inter Gentiles majestās. Habuit hoc templum simul jus Asyli, ad spacium diversis temporibus diversum. Alexander Asylo stadium largitus est, seu spacium CXXV passuum geometricorum; Mithridates, quantum sagitta ab angulo tecti templi emissa contingeret, quod stadio fuit paulo amplius: Antonius

id duplicavit, partemque urbis asylo adjecit. Denique visum hoc fuit damnosum, & maleficis urbem hoc pacto in potestatem dedi, ideoque abrogavit Augustus Cæsar, ut habet STRABO lib. XIV. Ceterum de Templo hoc Ephesino, post ERASMVVM SCHMIDIVM *Not. ad h. l. Act.* confer, quæ laudatus commentatur DEYLINGIUS §. IV. p. 285 sq. Simulacrum Dianæ, quod in templo Ephesino constitutum erat, non agnoscebatur, cujus esset materiæ. Plerique ex ebreno fuisse tradunt, MVTIANVS, ter Consul, viso eo scripsit, vitigineum esse, & nunquam mutatum, licet septies templo restituto, apud PLINIUM lib. XVI. cap. XL. Ipsi sacerdotes, cum materiam vel ignorarent, vel nosse nollent, & ob antiquitatem ejus etiam originem nescirent, *Διοπετὲς καλῖται ἀ τῷ Ζεφὲ* delapsum mentiti sunt, sed falso, cum artificem ejus Canetiam PLINIUS loc. cit. prodat. Absurde Vulgata reddidit *Jovisque prolis*, quod SANCTIVS tamen excusat *Comm. in h. l.* legisse interpretem causatus *Διὸς παῖδος* Jovis filia. Dianam quippe Jovis satum conceptam credebant Gentiles. Potiori tamen fide SVIDAS in *Διοπετὲς*, auctor est, ut quo majorem auctoritatem Deorum simulacris conciliarent artifices, illa a Deo missa, vel cælitus delapsa mentirentur. Ita sacerdotes Asiatici de Pessinuntio simulacro, & Romani de suis Ancilibus sunt fabulati; & Palladis signum, sive Palladium, quod Illi fuisse existimabatur præsidium & ornamentum, descendisse creditum est e cælo: ut hodiernum fingere solent Papicolæ de quibusdam Deiparæ simulacris, quorum est ignota origo. Confer denuo DEYLING. §. VI. p. 287 sqq. qui æri incisam Dianæ sistit imaginem. Sacerdotes denique hujus idoli *ἑυρέχης* esse oportebat, qui *Μεγαλόβουχοι* dicebantur, & in magno habebantur honore, quibus virgines addebantur collegæ.

Ad §. IX. pag. 98.

(7) *Quid fuerint hæc delubra argentea?* ] *Ναὺς ἀργυρῆς* templa argentea, *Act. c. l. vers. 24.*

Ttt

memo-



memorata, non uno omnes modo exponunt. Quidam tabulas putant, sive laminas, in quibus periculi depulsi Deorum beneficio monimentum in templis, pro more suspenditur, quod apud gentes frequentatum fuisse CICERO docet, quando *Act. VII. in Verrem*, tabularum pictarum, & argenti bene facti meminit. Quo pertinent anathemata, in gentiliū Deorum templis suspensa, de quibus BERNEGGERVM vide, *Idoli Lauretani demolit. cap. VI. p. 53 sq.* Dudum jam Palæstinis id in more positum fuisse, mures & ani aurei testes sunt, qui cum arca fœderis in capsulis inclusi, expiandi criminis causa, a Philistæis ad Israelitas missi leguntur I Sam. VI. Talia ergo monimenta periculi aut morbi depulsi, Sospitali Dianæ consecrata, ex argento cælabat Demetrius. Verum ista sententia, licet probetur BEZÆ, doctorum virorum calculum non meruit, cum nullo probari possit exemplo, *ὡς ἀνέστη* ejusmodi *ὡς* fuisse dicta. Mavult ergo CASAVBONVS, ædículas hic loci intelligi, ex argento vel auro factas, in quas recondabantur Dianæ parva simulacra, quæ vulgo ab aliis emebantur, qui Dianam Ephesinam visebant. Certe loculamenta illa, vel capsæ, quibus includebantur & continebantur imagines, si stabiles essent, ut in templi fabricis, aut ararum pegmate signis instructæ nichos dicebantur, si mobiles, quæque a collo suspensæ circumferebantur, *ἐπισφαισθεκα* audiebant. In his aliquid, aut religionis causa, aut pro amuleto gestari solitum, quod a Diana turbæ delusæ sacerdotes ejus impertiebantur. Tales literas Ephesias fuisse existimant, magnæ virtutis creditas; vocari autem ædículas illas *templa*, quia in illis, quasi parvis templis & receptaculis, a Dianæ aris aut manibus accepta sacra, sive ad abigenda maleficia, sive ad obtinenda bonæ fortunæ dona, includebantur. De ædícula, in qua signum collocabatur, ac celebri pompa circumferebatur, HENR. HAMMONDVS *ad b. l.* accipit. Eandem sententiam comprobat & erudite exornat BRAVNIVS *Sel. Sacr. IV. cap. X. §. 145.* ubi ad cistas mysticas provocat Gentiliū, eoquæ arculas refert,

quibus secum defererebat Rahel Teraphim patris sui Gen. XXXI. item *ὡς ἱερὸς* ædículas, quas Jeroboam confecit duobus vitulis suis in Dan & Bethel, teste IOSEPHO, quin & Pontificiorum *ciboria & sacristia*. SANCTIVS denique *in b. l.* censet, quia magna olim erat gloria templi Ephesini, & propter antiquam religionem, & propter nobilitatem materiæ, artisque præstantiam, inde verosimile esse, Demetriū, qui copiosam artificum apud se familiam alebat, fingendis aut conflandis magni templi, Dianæque Ephesiæ simulacris operam dedisse, quod illi opus & quæstui erat, & gloriæ. Illustrat hoc SANCTIVS exemplo ædis Lauretanæ, & domus montis Serrati, quarum imagunculas, aut cælatas in laminis, aut conflatas ex metallo, homines, ut Jesuitæ videntur, pii, religionis causa, aut domi habent in sacriariis, aut secum circumferunt. Quare, ubi augusta ejusmodi templa sunt, assidere observat artifices, qui vel ex ebore, vel alia nobili materia fingunt, aut ex auro constant illas effigies, quas deinde peregrinis hominibus venales proponunt. Ab hac sententia parum vel nihil abest SALMASIVS, cui *ὡς ἀγυγγοῖ* hic dicuntur parvulæ effigies argenteæ ad instar templi factæ, quæ templum Dianæ Ephesiæ representabant: vel templorum potius *ἐκδοκασμὸς*. Frustra sunt, qui aliter accipiunt, Dictatoria edicit auctoritate ac voce SALMASIVS! Eaque præ ceteris nobis sententia arridet.

Ad §. XI. pag. 98.

(8) *Viris interdicitur gestare vestimenta muliebria Deut. XXII, 5.* Ita quippe MALMONIDES P. III. *More Nevuchim cap. XXXVII. p. 447.* (edit. Buxtorf.) præceptum de non gestando vestimento ex diversis generibus confecto, ea de causa datum existimat, quod illa tempestate Sacrificuli idololatrici vestimenta ex lana & lino composita gestarent: pariter prohiberi, ne mulier induat vestimenta viri, quod apud idololatrias mulieres gestarint vestimenta quidem muliebria, quando consistebant coram stella Veneris,

neris, contra vero eadem induerint thoracem æneum, & arma bellica, ubi constiterint coram stella Martis. Censet præterea, permutationem illam vestium excitare concupiscentiam, & ad scortationem occasionem præbere; ideo hoc loco prohiberi. Licet vero hoc MAIMONIDAE testimonio abusus SPENCERVS lib. II. de legib. Hebr. cap. XVII. Sect. I. p. 406. suam exornet Helenam; Deum lege ista, ritum aliquem Zabiorum religione sacrum, vetuisse: a vero tamen non abest, qui gentibus idololatricis in more id positum fuisse, in sacris nonnullis, affirmat. De Phœniciis testis est SERVIVS ad Aeneid. lib. II. Veneris in Cypro simulacrum est, inquit, corpore & veste muliebri, cum sceptro. & natura virili, quod Αἰγυπτίον vocant: cui viri in veste muliebri, & mulieres in virili veste, sacrificant. Eodem ritu Assyrios Venerem coluisse IULIVS FIRMICVS perhibet de error. profan. religion. p. 6. Ita MACROBIVS lib. III. Saturnal. cap. 8: apud Asiaticos idem obtinuisse contendit, & PHILOCHORIVS Venerem affirmat esse Lunam, & ei sacrificium facere, viros cum veste muliebri, & mulieres cum virili. Vt alias taceamus gentes, quarum exempla larga manu subministrat SPENCERVS: unde LYRANVS in h. l. pedibus in istam incedit sententiam. Prohibetur hic, ajens, quod mulier non portet arma viri, quod pro tunc superstitiosum esset: quia gentiles mulieres, in sacris Martis, portabant arma viri, & in sacris Veneris viri portabant ornamenta mulierum, &

instrumenta carum, utpote colum, fusum, & similia. Atque ideo subditur: abominatio est apud Deum, qui hoc facit. Abominatio enim in Scriptura communiter capitur pro idololatria, seu pro aliquo ad idololatriam pertinente. Sed vero eandem Gentilium abominationem in Christianam quoque alicubi irrepsisse Ecclesiam, ex Concilii VI. in Trullo habiti Canone LXII. liquido patet, quo sanciant Patres, μηδένα ἀνδρα γυναίκεϊαν εὐλην ἐνδιδύσκεισθαι, ἢ γυναῖκα τὸν ἀνδράσιν ἀεμόδιον, ne vir ullus deinceps muliebri veste induatur, vel mulier veste viro conveniente: ad quem omnino confer BALSAMONEM & ZONARAM apud BEVEREGIVM Synodici P. I. p. 231. Sed nec altera, quam cum MAIMONIDE rationem affert Auctor noster, negligenda omnino est, quod ex promiscuo vestium usu, tam indecora sexus confusio, quam ad libidinem proclivitas oriatur. Non videntur tibi contra naturam vivere, qui commutant cum feminis vestem? SENECA quærit Epist. CXXIII. ad Lucilium. Et PHILPP. CAMERARIVS Oper. subcisiv. Centur. III. cap. 76. In lege divina, inquit, non absque gravi causa; tam arcta prohibitio est, ne in vestitu talis confusio fiat, ut unus sexus ab alio dignosci & segregari nequeat, & libidinibus, & aliis inhoneſtis actionibus, hac ratione, veluti fenestra aperiatur. Pariter R. SALOMO ad h. l. mulierem sine haud alio virilem habitum sumere contendit, quam ut tectius scortetur.

AD

## LIB. IV. CAPVT VII.

DE ALIIS DIIS, QUI REFERVNTVR IN  
SACRA SCRIPTVRA.

Ad §. II. pag. 98.

(1) Ezech. VIII, 10, 12.] חררי משכית Cu-  
bicula imaginis, æque ut משכית אבן Lapis effi-

giei, i. e. figuratus Lev. XXVI, 1. dicta, Concla-  
via censentur Templi fuisse abdita & secretiora,  
in quibus, tempore rerum potentis idololatriæ,  
adeoque annis ante direptionem ultimis, totus  
ido-



idolorum exercitus, a Gentilibus adscitus, & in parietibus depictus, sculptusve cernebatur & colebatur. Quia etiam a sordidis & impuris animalibus non abstinerunt, velut Jes. II, 20. dicitur, quod adorarint talpas & vespertiones; quæ ab Aegyptiis adsciverant idola. Mavult tamen *SANCTIVS in h. l.* superstitionem & idolatriam istam non tam in Templo peractam, quam in Templo solum Prophetæ representari, cum fieret in domesticis latebris seniorum Israel, quia v. 12. diserte perhibetur: *vider, fili hominis, quæ Seniores domus Israel faciunt in tenebris, unusquisque in abscondito cubiculi sui.* CORN. A LAPIDE hæc oportanea quasi sacra in cubiculis Sacerdotum peracta putat, qualia multa fuerint in atrio Sacerdotum: *VRSINVS noster Quest. Biblic. lib. I. cap. XIV. p. 63.* IVNIUM secutus, Mithriaca hic describi censet mysteria, quæ in speluncis subterraneis peragebantur, ubi parietes variis monstrosis picturis erant exornati, ut ex *EVEILO, PORPHYRIUS docet de Nympharum antro.* Hinc cubicula illa extra Templum locat, & uberius illustrat.

Ad §. III. pag. 99.

(2) 2 Reg. XVII, 30, 31.] Huc referendus integer est locus ex Gemara Babylon. Mass. סנהדרין capite VII. quod in Mischna incipit: מיתות ארבע edit. Bomberg. A. 1520. Tom. VI. fol. 63. col. 3. אמר רב יהודה אמר רב אנשי ככל עשו את סכות בנות ומאי ניהו תרנגולת אנשי כות עשו נרגל ומאי ניהו תרנגל אנשי חמת עשו את אשימה ומאי ניהו ברחא קרחא העינים עשו את נכה ואת תרתק ומאי ניהו כלב וחמור והספרות שורפן את בניהן ואת בנותי הן לאדרמלך וענמלך אדרי ספרות ומאי ניהו חפרד והסוס אדרמלך דאדר ליה למרי בטעונה וענמלך רענו למריה Dixit R. IVDA ex ore alius Rabbini: Viri Babel fecerunt Succoth Benoth. Ecquid est illud? Gallina. Viri Cuth fecerunt Nergal, id est, Gallinam. Viri Hemath fecerunt Asina, hoc est, Hircum calvum. Avita fecerunt

Nibbas, & Tharthak, sive Canem & Asinum. Sepharvaim combussere filios suos & filias suas Adramelech & Anamelech, sive Mulo & Equo, ex quibus ille Adramelechi nomine venit eo, quod sit magnificus domino suo in opere: hic vero audit Anamelech, quia mansuetus est domino suo in praelio. Repetuntur hæc totidem verbis in Falkut, ut & a Rabbinis, licet cum quodam discrimine: indeque hausit Auctor noster §. sq. IV. Sed ad rem ipsam, quod attinet, longe ab his discedunt triumviri doctissimi, IOH. SELDENVS Synt. II. de Diis Syris cap. 7. GERH. IOH. VOSSIUS l. II. de Idolol. cap. 22. & H. GROTIUS in h. l. nugas has Hebræorum existimantes, & סכות בנות quidem, quod proprie sonat tabernacula filiarum, non idolum fuisse, sed templum putant Veneris Vranix, in quo puellæ, corollis redimitæ, hospites operiebantur, quibus, soluta mercede, & invocata Venere, corporis sui facultatem faciebant. Eidem sententiæ suam adjicit calculum *IVRIEV Histor. Dogm. & Cult. Eccles. P. IV. Tr. V. cap. 7. p. 690.* templum Veneris hac appellatione notari persuasus, quin & ulterius progressus, ab Hebræo Benoth vel Venoth, nomen Venus arcessens: posthæc vero, erudita digressionem, duplicem Græcis Venerem fuisse cultam observat, Vraniam, quæ casta, matrimonii & puerperii præses, nec alia, quam Juno Syriaca, seu Astarte; & *Babyloniam* seu *Phœniciam*, quæ projectæ lasciviæ revera Venus *παῖδνμος, volgiuaga*: huic itaque posteriori templum fuisse extructum putat, *Succoth Benoth* appellatum. Verum, quod pace tantorum virorum dixerim, meliori videntur fundamento inniti, qui Succoth Benoth de idolo ipso explicant, quam qui de idoli solum delubro. Cum enim Sacer Textus doceat, Samaritanos sibi fecisse Deos, eosque collocasse in domo excelsorum, & extemplo Succoth Benoth subjungat, intelligi non potest, quomodo fanum in domo excelsorum collocari potuerit. Frustra hic est *IVRIEV*, quando verbum עשו in Textu v. 30. urget, & ita vertit: *Babylonii fecerunt tabernaculum*, h. e. templum Veneris. Idem enim verbum

bum singulis Diis, eodem commate & sequenti, præmittitur: *fecerunt Nergal, fecerunt Asima, fecerunt Nibhchas & Tartack* &c. ubi Deos sibi fecisse, & in excelsis reposuisse, ex commate 29. evidens est, non fana Deorum. Qui autem hoc nomine idolum notari censent, gallinam quidem retulisse perhibent, sed non ubique sibi constant. ABARBENEL gallinam vivam intelligit, quæ Babylonis loco Numinis fuerit; licet in subsequen- tibus anceps hæreat, num vivam, an gallinæ imaginem statuere debeat? ATHAN. KIRCHERVS Tom. I. *Oedip. Aegypt. Synt. IV. pag. 362.* certam aliquam Siderum congeriem intelligit, five ea fuerit Plejadum, Hyadum, aut Vergiliarum, simulacrum nempe gallinæ cum pullis, cui placentas obtulerint cultores, ut ita hoc idolum idem fuerit cum מלכת השמים: cui concinit IOH. FRISCHMUTHVS in disput. *de Melechet Celi*, anno 1663. Scriptura sane ipsa idolum hoc explicans per רמות similitudinem, & צורה figuram, liquido testatur, non vivam, sed effigiatam, cultam fuisse gallinam. Cum autem vel maxime exercitum cælorum colerent Gentiles, vero haud ab simile est, Succoth Benoth fuisse simulacrum gallinæ cælestis, in signo Tauri nidulantis, alias Plejadum, vel Succularum nomine venientis, eo quod antiqui Aegyptiorum, Chaldaeorum, & Arabum Astrologi, cum frequenti corporum cælestium observatione deprehendissent, eam Zodiacy partem, quæ Taurus dicitur, maxime vitalem esse, utpote in qua Sol constitutus, omnia vitali calore, humoreque repleat, in ea aliquid supra naturæ conditionem latere existimarunt. Et quandoquidem non ignobilis Tauri istius pars sit gallina; huic potissimum ista accepta ferenda esse, credidere. Quo factum, ut apud Aegyptios & Græcos, insigniores quævis solennitates mense isto, quo oriuntur Plejades, celebratæ sint. PLUTARCHVS quoque tradit, sacros fuisse Aegyptiis gallos æque ac gallinas. Mamertini quoque ac Selinuntini, numismatibus suis gallinæ imprimere figuram, non dubitarunt; ut hodie in Joachimicis Hennebergicis fieri consuevit. Absonum itaque non est, Plejadum sidus Ba-

byloniis fuisse sacrum, quod סכות בנות nomine coleretur.

נרגל Nergal, Cuthæorum idolum, Judæis Gallus fuisse censetur, H. GROTIUS in *h. l.* Dea, in forma gallinæ silvestris culta; SELDENO autem *cap. VIII. p. 317.* ignis perennis, in septis a Cuthæis religiosissime servatus. Hinc esse dicit *πυραδεῖα*, sempiternos scilicet Magorum foculos, AMMIANO MARCELLINO in *Juliani Hist.* celebratos. Igni huic in sacris carmen accinebant, quod Theogoniam complectebatur. Inter accinendum, virgis myrtinis ignem tanges, suscitabant & fovebant. Huc nomen accommodat SELDENVS, ex ניר aut נר & גל quod vel ex גלגל, vel ex גלגל descendat, compositum, ut vel fontem ignis lucisve, vel ignem aut lucem versatilem, vel denique *πυραδεῖα* notet. Confert porro cum hoc idolo, ignem Persarum inextinguibilem, quem in sacrariis illis, ceu Solis symbolum, servabant. Huc quoque spectare arbitratur חמנים pyrahea illa, quæ Josias destruxisse legitur 2 Chron. XXXIV. ut &, quando Lev. XXVI, 30. Deus minatur: *ego eliminabo excelsa vestra, & exterminabo חמנים* h. e. idola, Solis honori dicata. Quæ omnia denuo adoptat, & sua facit IVRIEV *c. l. Tr. IV. cap. VIII. p. 654.* Solem, nomine Nergal, designatum & cultum, citra hæitationem, affirmans. Et ea quidem, quæ de Solis cultu in præsidium interpretationis suæ in medium afferunt, in vulgus nota sunt; num vero idolum Nergal rectius exponant, quam Judæi per Gallum, nondum liquido constat.

אשכנא Aschima, Hamathitarum Deus, quis fuerit, se non capere fatetur SELDENVS *cap. IX. p. 317.* Hebræi plerique Hircum fuisse volunt; quibus ad stipulatur HVG. GROTIUS, qui Jes. XXXIV, 14. in subsidium vocat: & ABEN ESRA *Præfat. ad Esther.* scribit, Samaritanos Pentateuchum his verbis auspicari: *in principio creavit Aschima.* Sed ob inveteratum in Samaritanos odium, hæc rectius creditur calumnia Judæorum. In hodiernis enim Codicibus Samaritanis nihil tale legitur. Ceterum IVRIEV *c. l. p. 654.*



Deum Panem, Faunos ac Satyros huc referens, in Hirci figura representatos, Judæorum sententiam illustrat, sed minime probat. Eaque ne ipsi probatur ELIAE Germano, qui, ubi in *Tisbi* voc. **אשמן** observaverat, hanc vocem nomini **אן** subjunctam, senem desipientem & culpabilem notare, ad hunc locum 2 Reg. XVII. provocat, atque **אשמן** *Simiam* exponit: **שהוא הקוף וכן נקרא כלעז שימיון** quod *Simiam* notat, ita quippe vocatur lingua vulgari: quæ repetita leges apud DAVID DE POMIS in *Zemach David* h. v. fol. 17. col. 2. postquam **אשמן** interpretatus fuerat, **חיש בלתי צמר והוא כמו קרח** *Hircus absque lana, qui velut calvus est.* Judaicum ista explicatio sapit acumen, si vetustissimo Orientis idolo nomen aptaveris Latinum. Laudatus IVRIEV nomen compositum censet, ex **אש מן** ut vel idem sit ac **אש שמיא** ignis celestis, vel **אש יומא** ignis diurnus, quotidianus sive perpetuus ignis, qui Sol est, cuius symbolum ignis. Incerta sunt hæc omnia & lubrica, ut libera, quidvis amplectendi, optio cuius detur.

**נבח** *Nibbchas*, Havæorum numen, Canis imaginem retulisse creditur Rabbinis, & quidem vehementer latrantis, ut vult ABARBENEL. Derivat enim a **נבח** quod est, *latravit.* Ita sane pingebatur Aegyptiorum Anubis, qui eapropter VIRGILIO *Aeneid. VIII. vers. 698. latrator Anubis* audit. Ad quem locum SERVIVS: *Anubis dicitur latrator, quia capite canino pingitur.* Hunc volunt esse Mercurium, quia cane nihil est sagacius. Consentit PLUTARCHVS *de Iside cap. VI.* qui Anubim sub canis figura in hieroglyphicis representatum ait, quod vigilantia symbolum esset canis: eum autem esse Mercurium, qui vel maxime Hermopoli Aegypti, quæ Mercurio dicata erat, sub canis schemate colebatur. In his autem, quo minus acquiescat IVRIEV d. l. cap. IX. p. 656 sq. causa est, quod superstitionem istam a Meridie ad Orientem penetrasse, persuaderi sibi non patitur, maxime quod moratiores gentes tantum non omnes stolidi riderent numina Aegyptiorum. Denuo itaque ad Solem re-

fert Nibhrhasum, quia **בהק** Chaldæis *lucere* notat, & **נבהק** *lucidus.* Mox tamen elementorum disparitati diffusus, a **פוז** derivat, quod Hebræis est *leviter diffudit*, Chaldæis *salit, cucurrit, festinavit.* Quod in Solis velocitatem quadrare existimat, qui *rapidus, festinans, subsiliens*, jure optimo dicatur.

**תרתק** *Tartak*, Asini figuram retulisse creditur Judæis. Hoc eo minus probat IVRIEV cap. X. p. 657. quod apud nullam omnino gentem inter idola locum unquam habuerit asinus. In Aegyptiorum quidem Theologia symbolica Typhoni asinum fuisse assignatum observat, tantum tamen abfuisse, ut adorarent, ut abominationi potius haberent. Digna sunt, quæ huc referantur PLUTARCHI verba *de Iside & Osir. cap. XIV. Tom. II. p. 362.* ὄνον δὲ κατακηρυττίζοντες κοπτεται, διὰ τὸ πυρρὸν γεγενῆσθαι τὸν Τυφῶνα, καὶ ὁνόδη τὴν χεῖραν. Βασίλειται δὲ καὶ Λυκοπολίται σάλπιγγιν ἢ χεῶνται τοπαράπαν, ὅς ὄνω φθεγγόμεναις ἐμφερές· καὶ ὅλως τὸν ὄνον, ἢ καθαρόν, ἀλλὰ δαιμονικὸν ἡγεῖσθαι ζῶον εἶναι, διὰ τὴν πρὸς ἐκείνον ὁμοιότητα κ. τ. λ. *Asinum de præcipitio deficiunt Coptitæ, propterea quod rufus, & asinino colore fuerit Typho, & Busritæ ac Lycopolitæ omnino usu tubarum abstinere, quod harum sonus voci asinina sit similis: planeque animal illud non mundum, sed gentis peculiare putant, ob similitudinem, qua ei cum Typhone convenit, &c.* Conjicit inde IVRIEV, quia **רתק** apud Chaldæos est *currus*, fieri posse, ut **תרתק** currum Solis designet, aut Solem, curru vectum. Literarum autem affinium **ך** & **ק** proclivem frequentemque esse permutationem.

**אדרמלך** *Adramelech* Mulum, **ענמלך** *Anamelech* Equum representasse tradunt Judæi; etsi KIMCHI *Adramelech* Pavonis effigie, *Anamelech* Phasiani aut Coturnicis, cultum tradit. Istos tamen unum idemque esse numen, cum Molecho conspirans, existimat SELDENVS. Consentit OWENVS *Theologum. lib. V. cap. VII. §. 9.* *Adramelech מלך אדריר regem magnificum, & Anamelech עונת מלך regis responsonem* interpretatus, a quo scilicet responsa oracularia petie-

petierint. Longe ab his discedit THOM. HYDE *Hist. Vet. Persar. Relig. cap. V. p. 130.* qui Anamelech interpretatur *Pecus-Rex*, ab *Ana* seu *An*, quod semper collective, seu quasi pluraliter usurpatur, pecudes minores, oves scilicet & capras, notans. *Hec erat constellatio*, inquit, *illa, quæ a Cepheo, Aethiopum Rege denominata, ejusve pars, in qua, ex Orientalium sententia, est Al-Rai, i. e. Pastor, & Ganam, i. e. pecudes, quæ etiam Olug-Bego vocantur Stella gregis.* Post alia, in declarationem rei adjecta, addit demum, istam constellationem Anammelech, Sidoniis alio nomine dictam fuisse Astharoth, ab *Astbara*, i. e. grex. IVRIEV *d. l. p. 658.* sub utroque latere censet Saturnum, quin & utrumque referre Solem, regem universi, qui astris lumen, terræ virtutem fecificam largitur.

Ad §. VI. pag. 99.

(3) נִסְרוֹךְ *Nisroch*] Numen erat Assyriorum, templum ejus, ut videtur, in Nineve, inquit SELDENVS *de Diis Syr. Synt. II. cap. X.* de quo præterea, quæ 2 Reg. XIX, ult. & Jesh. XXXVII. Scriptura tradit, omnia alia se nescire fatetur. BEYERVS *in Additament. ad h. l. p. 309.* ex נִסְרוֹךְ coaluisse putat, quasi *avis Noachi*, columba nimirum, Assyriis culta. Sed & ex KIRCHERO refert, symbolum ejus naviculam fuisse, quam arcam Noæ, & in ea Janum, representasse conjicit; quia historia Noachi, diluvium, arcæ quies & reliquiæ fuerint Orienti notissimæ. Consentit RASCHI, qui *in Jesh. c. I. LVIII.* id nominis asserem Noæ notare tradit, quia נִסְרוֹךְ Chaldaïs vel Assyriis asser sit. IVRIEV *c. l. cap. XI. p. 663.* mavult *aquilam* hoc nomine designari, Jovemque Belum, Assyriis religiose cultum, sub hoc symbolo latere: quam conjecturam eruditis observationibus ornat. Nobis sufficit, aliorum in medium protulisse conjecturas, cum certi nil habeamus, quod in tanta rerum obscuritate probemus.

Ibidem.

(4) רִמּוֹן *malogranatum*] Laudatus ante SELDENVS ab hac vocis interpretatione desle-

ctit, eam potius a verbo רִמַּם arcessens, ut altum, & excelsum notet, idemque sit cum *Elicun* Phœnicum Numine. In quibus acquiescit IVRIEV *p. 659.* & ex PHILONE BYBLIO apud EVSEBIUM *lib. I. de Præpar. Evang. cap. X.* ὁψιστος interpretatur, ut Solem denuo designet, *Belsamen* dictum. Sed alia gravior hic intercedit questio, de genuino verborum Naamanis sensu. Ille postquam 2 Reg. V, 17. stipulatus fuerat, nulli Deorum sacra se posthæc facturum, præterquam Domino, Deo Israelis, Medico suo, quem unum verum Deum agnoscebat ac venerabatur, comm. 18. 19. subjicit: *Rem hanc condonabit Dominus servo tuo, cum venerit dominus meus* (Rex Syriæ) *ad fanum Rimmon, ad adorandum ibi, & ille innitatur super manum meam, & ego incurvabo me in fano Rimmon, in flexione corporis mei in domo Rimmon, condonabit dominus servo tuo, in hac re: cui annuit Propheta, inquit: Abi in pace.* Quod enim IOH. CLERICVS *ad h. l.* sentit, hac responsione, Prophetam nec probasse, nec improbasse, quod dixerat Naaman, trita Scripturæ phrasi refellitur. Quando enim Servator dicit: πορεύεαι εἰς σιχὴν Marci V, 34. Lucæ VII, 50. VIII, 48. & probat, quæ dixerat vel egerat alter, & a peccato pronunciat immunem. In triplicem autem sententiam rapitur deprecatio Syri. In his omnium minime toleranda est, quæ Elisam suasorem statuit hypocriseos, ut simulato solum cultu, quoniam inter idololatrias aliter non liceret, Naaman-idolum veneraretur, cui nuncium jam miserat. Acerrimus enim simulationis osor Deus Psal. V, 7. quomodo ferre aut suadere potuisset hypocrisin, in gratiam idololatrarum data opera peractam, & per omnem vitam continuatam? confer Matth. X, 33. Media illa est, quæ in præterito incurvandi verbum vertit, ut Naaman condonari sibi petat id, quod ante conversionem commiserat, hoc sensu: *Rem hanc condonabit mihi dominus, quod, cum venit dominus meus in domum Rimmon, ad adorandum ibi, & innixus fuit super manum meam, ego etiam adoravi in fano, in hac adoratione mea in domo Rimmon condonabit dominus servo tuo.* Ita, post complures alios, & nostris D. IOH.



FRID. MAYERVS *im reisenden Lutheraner*. Quò minus autem eidem nostrum adjiciamus calculum, obstat 1) 1) conversivum, quod notionem Præteriti ordinarie convertit in Futurum, ut de facto non tam ante patrato, sed in posterum indulgendo, sit sermo: 2) uberrima facti descriptio. Si de idololatria solum ante commissa loquatur Naaman, quid tanta opus erat verborum pompa & circuitione, cum satis fuisset dicere: Condonet mihi dominus, quod antea coram Rimmonē me prostravi, & pro Deo colui, non tantum in illius fano, sed extra quoque illud? quid opus quoque fuisset mentione venientis in sacellum heri sui, Regis, ac si Rimmonis fanum nunquam solus intrasset, sacra facturum absque Rege. Tertia denique præsidium quærit in generali verbi השתחוה adorandi, sive corpus inclinandi, significatione. Proprie enim id notat *procumbere in terra*, sive inclinato corpore venerari & salutare: sumiturque pro ratione personæ rei que gestæ, vel pro *adoratione religiosa*, quæ soli Deo competit, nec tantum gestu fit, sed imprimis animo & corde, ut Psal. XLV, 12. XCV, 6. vel pro *civili veneratione*, qua Orientales homines in summa dignitate constitutos prosequiebantur, ut 2 Sam. XVI, 4. Gen. XXIII, 7. 1 Reg. I, 31. 2 Sam. XIV, 33. Non de priori loqui Naamanum, præmissa comm. 17. stipulatio ejus affatim edocet; sed de posteriori, quæ officii causa sibi incumberebat, cum adoraturo Regi, in sacello ministerium præstare & adesse deberet. Mens itaque huc redit, ut condonaret sibi Dominus, quando posthæc, pro officii ratione, Regi in sacellum ingredienti & adoraturo, præsto esse necesse haberet, & ipse quoque in fano isto, non tamen idolo, sed hero suo, quem manibus suis sustentare aut elevare debebat, civili solum incurvatione se prosterneret. Gestum itaque corporis solum excusat, & ne in sequiorem raperetur sensum, deprecatur, cum mente sua, præter Jehovam Israelis, Numen veneraretur nullum. Obverti quidem posset, hoc pacto ambiguum verbi *incurvandi* sensum reddi, quod mox religiosam notet adorationem, quando de

Rege legitur, mox civilem, quando de Naamane: sed præterquam, quod non infrequens id in locis est, ubi idem verbum de diversis repetitur subjectis, aut repeteri deberet, ut Joel. II, 13. sufficit hic, in generali primaque verbi notione subsistere, quæ gestum corporis notat, qui pro disparitate objecti, cui præstatur, vel civilis est, vel religiosus. Si porro urgeatur, ejus rei veniam petere opus non fuisse Naamani, quæ in se nihil habebat peccati; SEB. SCHMIDIVS *Annotat. in b. l.* concise & curate omnem difficultatem ita componit: Condonare *Hebrais est*, non imputare in culpam, quod secundum rigorem imputari posset, *non habere pro peccato, quod in se, seu ex lege æterna peccatum non est, sed ex lege positiva. Nimirum ex lege positiva Judæis non erat licitum, tum ingredi in idoleum, tum in eo incurvare se civiliter, propter scandalum, quod inde accipi potuit. Neutrum tamen ex lege æterna, seu in se peccatum est, sed per accidens tantum. Itaque rogat Naaman, ut non adstringatur ad istam ceremoniam Judaicam, nec accidens istud imputetur in peccatum.*

Ad §. VI. pag. 99.

(5) *Nebo, idolum Assyriorum, Jerem. XLVIII, 1.* Addi potest Jesh. XLVI, 1. Non autem idolum, hoc nomine notari credit IVRIEV *Hist. Dogmat. & Cukt. P. IV. Tr. I. cap. II. p. 562.* sed vel montem, vel fanum in hoc monte exstructum, vel locum, in quo Moabitæ Deus sua reddebat oracula & responsa. Statim tamen Nebo eundem esse dicit cum Baal-Pehore, in quantum ille oracula edebat: quæ mens est HIERONYMI in Jesh. XV, 2. & cap. XLVI, 1. THOMAS HYDE *de Relig. Vet. Perfar. cap. II. p. 67.* Mercurium intelligit, Deorum interpretem, quia, cum Authore nostro, a Rad. נבנב vaticinari nomen derivat. CAMP. VITRINGA *Comment. in Jesh. XLVI, 1.* per Nebo designari credit Junonem, sive Lunam, Reginam cælorum, a Babylonjæ ac Mesopotamenis, & ab Assyriis quoque ac Syris omnibus, sub nomine Veneris

Cælestis

Cælestis cultam, quæ alio nomine נִרְבָּה dicatur. Nomen promanasse credit ex נִרְבָּה provenire, pululare, & forte, geminata significatione, fructuosum, frugiferum, fertilem reddere: quod attributum Lunæ veteres agnoverunt. Addit porro Vir doctus: *Quæ HIERONYMVS hic habet de*

*Nebo, Moabitarum monte, digna non sunt relatu; & miror, alicujus rei facta esse a SELDENO. Ita quilibet pro ingenii fecunditate suæ indulget conjecturæ: nobis vero, in re adæo incerta, inter tantos viros arbitrari non licet.*

AD

## LIB. IV. CAPVT VIII.

DE PECVLIARI ORACVLORVM  
ET XPHMATISMΩN RATIONE.

Ad Inscript. Capit. pag. 100.

**Χρηματισμῶν** *ratione*] Hoc vocabulum, cum cognatis, oraculis & responsis, sive vere divinis; sive quæ pro divinis frustra habebantur, ita est appropriatum, ut cum Deus ipse homines alloquitur, dicatur *χρηματίζειν*, & ii, quos ita compellat, *χρηματίζεσθαι*, sermo demum, qui pronuntiatur, τὸ κεχρηματισμένον, Luc. II, 26. & *χρηματισμὸς* audiat. Vide post Lexicographos, e Nostri DANHAVER *Theol. Conscient. Proem. Tom. I. pag. 1. ex Reformatis ANTON. CREGVTVM Revelat. Arcan. Cap. XII. p. 520 sq.*

Ad §. I. pag. cit.

(2) Πολυμερῶς καὶ πολυτρόπως *Hebr. I. 1.*] Ex vero istud pronunciare Apostolum, Scripturæ assatum docet, quæ tot vices, modosque Divinorum oraculorum exhibet, ut vix enumerari satis, vel in ordinem redigi queant. Nos in *Introd. ad Libb. Vet. Test. P. III. cap. I. §. 6. p. 14.* generatim complexi Divinam revelationem, triplicem diximus: *Civilem*, per sortes, cujus exempla in Achane Jos. VII, 14. in Saule & Jonathanē 1 Sam. XIV, 42. in Jona, cap. I, 7. in Apostolis, Act. I, 26. regulam vero Prov. XVI, 33. conspicimus; *Sacerdotalem*, per Vrim & Thummim, de qua suo loco, quantum satis est, egi-

mus; & *Propheticam*, quæ in varias rursus abit classes. Quantum Moses memoriæ prodidit, apparuit Deus Adamo bis, ante lapsum, & post lapsum; Caino bis, ante fratris cædem, & post illam; Noacho bis, ante diluvium, & post diluvium; decies Abrahamæ; Isaaco bis; Jacobo septies; Mosi frequentissime, & aliis sine numero: Erantque visiones istæ trium generum; aliæ prorsus *Mutæ*, in quibus vox nulla audiebatur, sed symbolum duntaxat apparebat, velut columna nubis & ignis, retrogradatio umbræ in solario Ezechiae &c. aliæ *Vocales*, in quibus nulla apparebant oculis signa externa & sensibilia, sed per voces Deus sese communicabat, aut immediate, aut per Angelos, velut 1 Sam. III. vox Dei a Samuele audiebatur, nullo symbolo oculis subiecto: & Joh. XII, 28. aliæ denique *Mistæ*, quæ ex utroque constabant, scilicet ex symbolo oculis exhibito, & ex voce aures feriente, qualis Genes. XXVIII.

Ad §. II. pag. cit.

(3) *E medio Cherubinorum*] כַּפֹּרֶת enim, sive *operculum* supra arcam, duobus Cherubim obumbratum, sedes erat oraculorum Divinorum, per Exod. XXV, 22. ita ut, cum ingrederetur Moses Tabernaculum, & consuleret oraculum, audiret vocem מְדַבֵּר loquentis ad se de Propi-

Uuu

tiato-



tiatorio, quod erat super Arcam testimonii inter duos Cherubim, & loquebatur ei Num. VII, 89. Non, ac si vox cælitus veniens, audiretur ex Propitiatorio, quod P. FAGIVS censet in *Targum ad b. l.* cum eo ipso potius loco, supernaturaliter formaretur: nec ab Angelo produceretur, quod ABVLENSIS affirmat, *quest. XXII. & XXIX. in cap. VII. Numeror. & quest. IV. in cap. I. Levit.* Cherubim eum in finem expansis alis fuisset contendens, ut spacium illud tegetetur super Propitiatorio, in quò fuerit *corpus æereum formatum, & ab Angelo ad tempus assumtum, ut voces inde formarentur*, quandoquidem, ex natura rei, voci repugnet, a Deo creari; cum omnino divina formaretur potentia. Vnde recte ABARBENEL ad *Exod. XXXI, II.* **היה נבואה של משה מעל הכפרת מכן שני הכרובים ולא על ידי מלאך כאשר הנבואים כלם:** *Prophetia Moysi e medio Cherubim non est facta per Angelum, uti reliquorum Prophetarum.* Confer Num. XII, 6, 7, 8. Sublimissimus ille Prophetiæ gradus, quo ceteros vates Moses antecelluit omnes, vocatur **פה אל פה** ore ad os, quod familiarissimum erat colloquium Divinum, quo Moses cum Domino, de facie ad faciem, absque alio internuncio & medio, de ore ad os, interrogando & respondendo, explicando & replicando, disertis verbis utebatur, quemadmodum amicus amicum alloquitur, libera nimirum *παρρησία*, intimique commercii familiaritate, ut non attonitus exhorresceret Moses, animoque & corpore concideret, quod Abrahamo ac Danieli evenisse Genes. XV, 12. Dan. X, 8. legitur. De quo vide, quæ commentati sumus, *Introduct. c. I. §. VII. p. 17 sq.*

Ad §. II. pag. 100.

(4) *Angelos*] Angelorum ministerio, ad revelationes cum hominibus communicandas, Deum frequenter usum constat, velut Danieli Angelus aditans visionum interpretationem indicavit cap. VII, 16 sqq. VIII, 16 sqq. IX, 16 sqq. ut & Zachariæ Sacerdoti Johannis natalia, ac

Mariæ virgini Messiae ortum, Gabriel prædixit Luc. I. conf. Apoc. XXII, 6, 16. De quo revelationis genere denuo confer *cit. loc. pag. 19 sq.* Quibus adde, quæ IACOB. ODE *Comment. de Angelis Sect. VIII. cap. I. num. VII. p. 739.* assert, ubi eorum simul notat errores, qui vel Deum non loqui, nisi Angelorum ministerio; vel Prophetas non accepisse visiones & Prophetias suas a Deo, nisi per Angelos; vel, quod sigillatim SPENCERVS contendit, Angelum, Dei nomen & personam præ se ferentem, e pectoralis oraculo, Pontifici consulenti responsa dare solitum fuisse; tradiderunt.

Ad §. eund. pag. ead.

(5) *Quatuor Prophetiæ, seu Divine revelationis gradus*] Immo undecim Prophetiæ gradus, ex Magistrorum mente, recenset MAIMONIDES in *More Nevoch. P. II. cap. XLV. p. 316 sqq.* quos inde repetitos, sub censuram vocavimus, in *Introduct. c. I. p. 14.* iisque doctorum Christianorum diversas subjecimus revelationis distinctiones, quas huc transcribere superfedemus.

Ad §. III. pag. cit.

(6) **נבואה** *Prophetia*] Formam Prophetiæ, tam in perceptione rerum revelatarum, quam in earum cum aliis facta communicatione, consistere *ibidem §. XIV. & XV. p. 35 sqq.* docuimus. Jam de visionibus, quarum Auctor noster mentionem facit, addo, in duas dispesci classes, cum *aliæ* vigilantium essent, *aliæ* dormientium, sive somniantium. Vigilantibus denuo visiones objiciebantur *vel* per signa externa, Prophetarum sensibus oblata, ut significarent aliquid, quod Deus revelatum cupiebat, ut rubus ardens a Mose visus Exod. III. signum erat eternum, Ecclesiæ Judaicæ afflictionem in Aegypto notans, quæ ureret illam, verum non consumeret: *vel* per signa interna, intrinsecus impressa, sive per species in phantasia de novo productas, aut certo modo dispositas, & ad finem certum deter-

determinatas ac ordinatas, *sive* per species intelligibiles, immediate intellectum afficiendo, & movendo supra sphaeram activitatis suæ, ita ut modo extraordinario homines ea intelligerent, quæ per se, & propria intellectione nunquam consequi valerent, unde potentia ad tam altum intelligibile elevabatur, non proprio suo rationis, sed per revelationem & influxum celestem. Istæ porro visiones, quomodo tam quoad motus, quam quoad gradus, insignem admitterint diversitatem, copiose edisserit laudatus supra CREGVTVS c. l. p. 503 sqq. De dormientium insomniis Prophetis, idem CREGVTVS p. 505 sq. & post eum, HERMANN. WITSIVS egit *Miscell. Sacr. lib. I. cap. V. toto*, cui adde, quæ nos in *Introd. c. l. §. VII. p. 16.* observavimus, & cum primis contra TOLANDVM disputavimus p. 477 sq.

Ad §. IV. pag. 100.

(7) *רוח הקדש Inspiratio Spiritus Sancti*

Hic Prophetiæ seu revelationis Divinæ gradus est virorum Θεοπνεύστων, qui, citra somnia & visiones, facultatem supernaturalem super se quiescentem senserunt, qua excitante & suggerente, verba laudis & confessionis, velut in Psalmis, vel alia Divina oracula, ut in Salomoneis, scripserint vel locuti sint. Hac ipsa vero distinctione, inter Prophetiam & Spiritum Sanctum Judæos haud levi afficere injuria Davidem, Jobum, Salomonem & Danielelem, ex Prophetarum eos ordine eliminantes, alibi nos observavimus *Introduc. P. I. cap. II. §. IV. & P. III. cap. I. §. XXV. num. IV. p. 71.* nec non *Crit. Sacr. P. I. cap. III. §. IV. p. 138 sqq.* Eam enim ob causam, quod hi solum *רוח הקדש* per Spiritus Sancti suggestionem internam, non *כנבואה* per Prophetiæ influxum & donum, monumenta sua exarant, nec ipsos pari cum Prophetis dignatione habent, nec libros ipsorum Propheticos censent, sed in inferiorem vaticiniis, *כתובים* *hagiographorum* classem rejiciunt. Sane præter jus, fasque, Jobum quippe Deo collocutum, &

Prophetam fuisse constat ex cap. XLII, 4, 5. Davidem Petrus Actor. II, 30. Danielelem Christus Matth. XXIV, 15. Prophetæ encomio ac titulo diserte ornant, idemque Salomoni denegandum non esse, ex insomniis Divinis, 1 Reg. III, 5 sqq. IX, 1. verbo Domini ad ipsum, æque ac alios Prophetas factio 1 Reg. VI, 11, 12. XI, 9 sqq. sublimibus quoque de Christo essatis, quæ Proverb. VIII. & per universum Canticum Cantorum edidit, liquido constat. Sed &, quod in primis huc facit, Prophetia omnis a Spiritu Sancto allata fertur, 2 Petr. I, 21. & τὸ πνεῦμα τὸ ἄγιον per Jesaiam Prophetam oracula edidisse perhibetur Actor. XXVIII, 25. Quæ, utut Judæos non convincant, quia Novi Fœderis defugiunt auctoritatem, Christianos tamen, de futilitate distinctionis illius, diserte monent. Ut taceam, libros omnes Θεοπνεύστους Veteris Instrumenti, ad λόγον προφητικόν, 2 Petr. I, 19. & ad Propheticum Ecclesiæ fundamentum Ephes. II, 20. referri.

Ad §. V. pag. cit.

(8) *Hominem in ἐκστασι abripuerit*] Ita contendit MAIMONIDES, integro sensuum ministerio perceptam fuisse Prophetiam ullam, in *Moro Nebuchim P. II. cap. XLV.* diserte negans. Vigilantes autem, & sensibus gaudentes integris, vaticinatos Prophetas sæpius, ex Scriptura liquet. Jeremiæ certe jugum, collo impositum, in quo fudit oracula, cumque frangeret ligneum adversarius ejus Hananja, ferreum in lignei vicem locumque substituit, ac denuo vaticinatus est cap. XXVII, XXVIII. integrum sensuum ministerium requirit. Nec est, ut obvertas, MAIMONIDEM non de oraculis edisserendis, sed de percipiendis solum loqui; cum exempla præsto sint complura, in quibus Divina oraculorum communicatio nullam mentis emotionem, quantum ex Scriptura intelligitur, comitem habuit. Πρωτον autem ψεύδος MAIMONIDIS est, quod Spiritum Domini, quando dicitur, quod in hominem quandam irruerit Spiritus Domini, vel



induerit cum Spiritus Domini, vel quiescat super ipsum Spiritus Domini, aut fuerit cum ipso Dominus, non gradum Prophetiæ, sed præparationem solum, & viam ad Prophetiam, notare perhibet. Exempla enim, quibus evincere assertum nititur, liquido edocent, MAIMONIDEM, Spiritum heroicum cum prophetico, temere permiscere. Istæ enim phrasæ & de heroibus, strenuisque imperatoribus, & de Prophetis passim leguntur, sed dispari adhibitæ sensu, ita ut, quando Spiritus Domini heroem insigni animi, corporisque robore instruebat, liberatorem Israelis, quando interpretem voluntatis Divinæ, curata rerum sublimium vel futurarum cognitione imbuebat, eamque ut aliis impertiretur, impellebat, vatem redderet ac Prophetam.

Ad §. VI. pag. 100.

(9) *Cessarunt sub templo secundo*] Ita Magistri definiunt, in LIPMANNI *Nizzachon* p. 159. *לֹא הָיָה נָבִיא בְּבֵית שֵׁנִי non fuit Propheta in templo posteriori.* Quod tamen ita restringit Auctor libri *Cofri* P. III. num. XXXIX. p. 215. edit. Buxtorf. & num. LXV. p. 238. ut annis XL adhuc durasse censeatur in Senioribus, *הַנְּעֻזִּים בְּכֶחָה הַשְּׂכִינָה שְׁהָיָה בְּבֵית ראשון qui instructi fuerunt virtute תְּשֻׁכָּה-Schechina, seu præsentiæ divinæ, quæ fuit sub templo primo, in secundo autem, inter quinque res desideratas defecit: Prophetiam enim habitualement tam arcte connexam tradit cum Schechina, ut absente illa, necessario quoque cessare debuerit Prophetiæ facultas. Reliqua, quæ ad excessum ultimorum Prophetarum, tum quoque ad sequiorum temporum vaticinia, Hyrcani Ethnarchæ, Simonis Maccabæi, Jaddi Pontificis, Menahemi & Judæ Maccabæi faciunt, vide discussa a WITSIO *Miscellan. Sacr. lib. I. cap. XX. 100, p. 260 sq.* & in *Introduct. nostra c. l. p. 73 sq.**

Ad §. VIII. pag. 101.

(10) *Referendum illud Act. XIX, 2.]* Bona cum Auctoris venia, longe alio spectare credi-

mus, quæ Act. XIX, gesta narrantur. Ibi enim quæritur de Spiritu Sancto, prout sub auspiciis Nov. Test. effundebatur super Fideles, in donis extraordinariis & miraculosis, prout eventus ipse declarat comm. 6. quod, cum Paulus manus his viris imponeret & oraret, superveniret Spiritus Sanctus ipsis, eo certe modo, ut linguis loquerentur & vaticinarentur. Vnde nonnulli phrasin ajunt esse ellipticam, & supplendam per verbum *ἐκχυρόμενον*, hoc sensu: *nescimus, Spiritum Sanctum esse effusum*, nempe tam large, ut donis suis singulariter se manifestarit. Vide PEARSONVM ad *Symbol. Apostol. p. 543.* & SCHOETTGEN. in *Notis ad Lamb. Bos de Ellipsis. Gr. L. pag. 64.* Haussisse autem Auctor noster sententiam suam videtur ex LIGHTFOOTO, qui in *Hor. Hebr. ad Job. VII, 39. ἔπεω γὰρ ἦν πνεῦμα ἅγιον*, verba ista ex receptissima gentis sententia arcessit, de discessione Spiritus Sancti post mortem Zachariæ & Malachiæ, ac si dicerent Ephesi isti: de discessione Spiritus Sancti post mortem novissimorum Prophetarum audivimus quidem, de redonatione autem ejus nihil hucdum percepimus. Sed 1) vix ex Textu liquet, discipulos Ephesinos ortu ac gente Judæos fuisse, & Judaicis imbutos traditionibus: quid si Græci fuerint? Licet enim tincti essent baptismate Johannis, istud tamen beneficium, illa tempestate, tam Ethnicis obtingebat, ad Christi castra transeuntibus, quam Judæis. Sane Epistola ad Ephesios tales describit Christianos, qui ante conversionem Gentiles fuerint, non Judæi. Ut taceam, Spiritum Sanctum a dono Prophetiæ inter Judæos tanto distingui intervallo, ut libri, qui ejus influxu consignati ferebantur, ad peculiarem, & a Prophetis segregatum *תּוֹבִיטָה* *כתובים* *τῶν* ordinem revocarentur. Superesse itaque, ex Judæorum mente, Spiritus Sancti *χάρισμα* potuit, extincto licet dudum Prophetiæ dono.

Ad §. eund. pag. ead.

(11) *Mysterium Trinitatis in nomine יהוה observari]* Hæc ut eo planius intelligantur, ipsum

ipsum audire libet FAGIVM, titut paulo copio-  
sius cit. loc. ita commentatum: Hoc nomen יְהוָה  
Trinitatis mysterium continet, ut veteres Judei,  
qui Christum præcesserunt, dixere in suis traditio-  
nibus. Nam per י Jod, intelligitur Pater, qui est  
principium & origo omnium rerum. Per ה He,  
Filius, per quem omnia, quæ facta sunt, esse cape-  
runt. Per ו Vau, quæ est Conjunctio copulativa,  
intelligitur Spiritus Sanctus, qui est amor & nexus  
utriusque, qui ab utroque procedit. Geminatur  
autem ה propter duplicem naturam, quæ est in  
Christo. Per primum ה, natura Divina intelli-  
gitur: per ה postremum, natura Humana. Hoc  
nomen יהוה / dicebatur Hebræis שם המפורש  
i. e. nomen expositum, sive declaratum: aut no-  
men, quod exponitur. Exponebatur enim ab eis  
per nomen duodecim literarum אב כן ורוח  
אב ב. e. Pater, Filius, & Spiritus Sanctus.  
Item per nomen quadraginta duarum literarum:  
אב אלהים בן אלהים רוח הקדש אלהים  
i. e. Pater Deus est, Filius Deus est, Spiritus Sanctus Deus est.  
tres in uno (hoc est, in una substantia) unum in  
tribus (id est, una essentia). Eadem concisus  
tetigit BVXTORF. Dissert. V. de nominibus Dei  
Hebraicis §. 28. p. 260. Vterque autem procul  
dubio hausit ex PETR. GALATINI de arcanis  
Catholice veritat. lib. II. cap. X. ubi allegatis RAB-  
BENV HAKKADOSCH in גלי רוייה verbis, fidem  
dictis conciliare nititur. Verum laudatus BVX-  
TORFIVS in Lex. Hebr. min. ad vocem יְהוָה eru-  
dita excursionem facta, GALATINI fidem sollicitat,  
p. 162. addens: magnum operæ pretium esset, hanc  
expositionem posse ex Rabbiorum libris firmari.  
Licet enim Judæorum Magistri, Christi ἐνσέ-  
µασι antegressi, mysterium SS. Trinitatis te-  
nuerint, his ipsis tamen GALATINI verbis idem  
edisseruisse, creditu vix adeo proclive est. Ce-  
terum, quo pacto in nomine יהוה Deus & Syn-  
edrium ejus, h. e. ternarius personarum nu-  
merus, designari Judæis credatur, docet ED-  
TARDVS in Tractat. Berachoth cap. I. Not. 39.  
pag. 200.

Ad §. IX. pag. 101.

(12) Deum omnia creare in litera ה] Duæ  
posteriores Auctoris interpretationes lucem ac-  
cipiunt ex Annotat. præced. Huc etiam refer,  
quod illustri Auctore Kabbale denudatæ Tom. II.  
P. III. Tract. II. cap. XVII. §. 4. p. 313. ex R. IITZ-  
CHAK, Lorjensis, tractatu de revolutionibus ani-  
marum observavit, in Gen. I, 31. & fuit vespera,  
& fuit mane, dies הושי' sextus, literam ה ab-  
undare, quia non adhibita fuit in denominatio-  
ne ceterarum dierum. Hoc autem ipso deno-  
tari, quod hora quinta Parasceves Sabbathi, quæ  
designatur per ה istud abundans, major super-  
addita sit mundo sanctitas, mundique inceperint  
in sublimiores gradus ascendere. Sed hæc  
somnia sunt Kabbalistarum, quæ forte ne ipsi  
quidem intellexerunt.

Ad §. X. pag. 101.

(13) Tertius gradus fuit Vrim & Thum-  
mim] De hoc revelationis & oraculi genere,  
quantum satis est, supra diximus ad Lib. I. Cap. V.  
§. II. Annotat. 12. quibus non attinet hic addere  
plura.

Ad §. XIV. pag. 102.

(14) Quartus gradus fuit כה קול Filia  
Vocis] Operæ nos pretium facturos credimus,  
si paulo curatius de celebri isthoc oraculo com-  
mentemur. Ejus itaque notamus

α) Nomen. in quo, sunt qui putant, vocem  
כה prorsus abundare, unde Syrus, Hebr. III, 15.  
& Act. XII, 22. simplicem Φωνήν, ὁρῶν ap-  
pellavit. Itaque LIGHTFOOTVS in Harmon.  
Tom. I. Opp. p. 348. c. 2. non semper necessarium  
dicir, ut vocis Hebrææ כה significationi presse  
insistatur. Rectius autem affirmaveris, empha-  
sin in hoc nomine latere, ut sermo vel oratio  
Filia Vocis appelleretur, quia a voce proficiscitur,  
& velut in lucem editur. Notatur ergo oracu-  
lum quoddam, e voce caelesti prognatum, qua-



lem vocem Deus ad montem Sinai edebat coram populo. Rursus alii Bath Kol interpretantur, כול בַּת קוֹל *Prophetiam sonoram vocalem*, seu *Prophetiam, clara voce editam*: attamen אֲבִיבָה / tanquam distincto revelationis Divinae gradu; discernitur a Judæis Bath Kol, & in locum potius Prophetiæ successit. Ut itaque dicamus, quod res est, quia כֵּן & בַּת Hebræis proprie id notat, quicquid ab alio descendit, atque ex eo suum habet ortum, consequens est, ut vi vocis, כול בַּת קוֹל sit revelatio; ex voce sonora orta. Hinc GLASSIUS *Rhetor. Sacr. lib. I. cap. X. p. 251.* SPENCERVS *de Vrim & Thummim Dissert. VII. cap. I. §. I.* & HAMMONDVS *ad Matth. XVII. 5.* Bath Kol vocem ex tonitruo provinentem, ejusque quasi filiam, interpretantur. Sanè Joh. XII. 29. qui vocem audierant cælo delapsam, tonitruo audire sibi visi sunt, quemadmodum & alias קול tonitruo designat Exod. IX. 23. Jer. X. 13. inprimis Psal. XXIX. 3 sqq. unde & in Apoc. IV. 8. tonitrua & voces junguntur, & cap. X. 3. tonitrua voces edidisse dicuntur. Verumtamen, licet voces istæ cælitus demissæ, graves essent & majestaticæ, a tonitruo tamen alienæ. Et licet קול nonnunquam tonitruo designet, rursus tamen sonum quoque articulatum, sive vocem articulatam & distinctam sæpius notat. In Apocalypsi vero, ubi פִּנְיָהּ וְשִׁבְעִים conjunguntur, immo פִּנְיָהּ וְשִׁבְעִים elseuræ perhibentur, voces intelliguntur inarticulate, seu soni meri. Alii itaque malunt, ita editam esse hanc revelationem, quasi sit nata ex alia voce, cujus exemplar sit echo. Quam sententiam ita eloquitur SERVATIUS GALLÆVS *Dissert. de Sibyllis p. 237 sq.* quando tonitrua nulla alia voce, aut percussione audiebatur, קול simpliciter dicebatur: at vero, Quando submissa vox, instar echo, post tonitrua audiebatur, קול בַּת קוֹל appellabatur. Ita ergo dicta fuisset, quod non ipsa Dei vox, sed illius percussio & representatio in ea perciperetur. Ita in חֲסִידוֹת ad Gemaram Cod. Sanhedrin f. II. ab init. explicatur; eoque spectat, quod alias Bath Kol idem sit, ac resonantia & soni percussio. Eaque est

propriissima vocis hujus significatio, ut Vocis Filia sit echo, quæ ejus est quasi partus, imago & exemplar. Ita definiunt BXTORF, *Lex. Talmud. p. 320.* HOTTINGERVS *Thef. Philol. lib. II. cap. 3. Sect. II. pag. 542.* & DRUSIVS *ad Matth. III. 17.* Etsi DRUSIVS apud GALLÆVM p. 238. hoc nomine respectum vult haberi ad oraculum Vrim & Thummim: hoc enim erat vox ex propitiatorio missa; eo autem ablato, ejus loco Bath Kol venit, vocis illius quasi successor.

β) Definitionem itaque hujus oraculi si requiras, ex mente Judæorum fuit revelatio quædam Divina, temporibus quidem jam antiquissimis, potissimum tamen sub Templo secundo, usitata, & ex omnibus revelandi modis, unice Judæis, ex singulari gratia, in testimonium gratiæ suæ præsentis a Deo relicta; facta voce, vel de cælo, vel ex adyto Templi, vel aliunde etiam proveniente; interdum etiam ex qualicumque dicto augurali & ominoso, sive ex libris, sive ex colloquiis obviorem defumta: qua in rebus dubiis admonerentur, controversiæ ipsorum deciderentur, ipsique de re ignota redderentur certiores. Ita describit DANZIUS infra citandus, §. 20.

γ) Auctor ejus credebatur Deus O. M. velur in Megilla fol. 3. col. I. perhibetur, Filiam Vocis ad IONATHANEM VSIELIDEM, cum transferret Prophetas, dixisse: *Quisnam est ille, qui revelavit arcana mea filiis hominum? Cui ille: Ego sum ille, qui revelavi mysteria Tua hominibus.* Notum ac manifestum est coram Te, quod non in honorem meum fecerim, neque in honorem patris mei, sed in Tui honorem feci, ne amplius multiplicarentur inter Israelitas controversiæ. Cumque amplius revelaturus esset Targum Hagiographorum, prodiiit Filia Vocis, & dixit ipsi: *Sufficiat tibi! Quare? eo, quod continetur illis determinatum tempus Messie.*

δ) Unde autem proveniret hæc Vox? varie traditur. In Cod. Chagiga fol. 14. col. 2. ex cælo prodiiisse narratur. Rabban IOCHANAN BEN SACCAR testatur, se in somnio, juxta cum aliis, accubuisse in monte Sinai, & editam esse ipsorum causa

causa Filiam Vocis de cælo. Similiter in urbe Jericho atque Jafne, Bath Kol de cælo edita esse perhibetur; ibi Hilleli, hic Samueli parvo testimonium præbens, quod uterque dignus sit, in quo habitet רוח הקודש *Spiritus Sanctus*, ut est in Cod. *Sanhedrin fol. II. col. I.* item in *Sota f. 48. col. 2.* Alia vice, ex adyto Templi audita est. In Talmud enim Hierosolym. Tr. *Chagiga c. 2. §. 2. f. 77. col. 2.* testatur R. ELISA, BEN ABYIA, Apostata, se, cum transiret locum Sanctissimi, audiisse prodeuntem exinde Filiam Vocis, pœnitentiæ locum ipsi denegantem. Huc etiam pertinet famosa illa & celebris vox, quæ traditur, paulo ante Hierosolymæ vastationem, ex adyto Templi prodiiisse, & inclamasse: *Migremus hinc*: testibus IOSEPHO Belli *Jud. lib. VII. cap. 12.* & TACITO *Histor. lib. V. cap. 13.* Denique in Filiam Vocis verterunt superstitiosi homines, quicquid forte ominosum, a quocunque prolatum audirent, velut in Hierosol. *Schabbath fol. 8. col. 3.* narratur: R. IOCHANAN & R. SCHIMEON, filius LAKISCH, desiderabant videre faciem Samuelis Babylonii: hinc inquirunt, נלך אחר בת קול *sequamur auditum Bath Kol*: Scholam itaque transcentes, audiverunt vocem pueri (legentis I Sam. XXV, 1.) & *Samuel mortuus est*. Hoc notarunt (tanquam signum) sic enim evenerat ipsi. R. IONAH & R. IOSEH ascensuri erant, visitatum R. ACHA ægrotantem: *Sequamur*, inquirunt, *auditum Bath Kol*. Audierunt vocem feminæ cujusdam, vicinæ suæ dicentis: *extinctæ est lucerna?* cui illa: *ne extinguatur, nec extinguantur lucernæ Israelis.*

ε) Quid de illa censendum, inter Christianos ambigunt eruditi. LIGHTFOOTVS *Hor. Hebr. ad Matth. VIII. 17. Tom. II. Opp. p. 275.* eam partim fabulis Talmudicis accenset, partim præstigiis Diaboli fert in acceptis. Et in eandem sententiam pedibus incedit DANZIUS in disput. Jenæ 1716. publice defensa, §. 27. p. 47. Contra vero, post alios bene multos, VITRINGA *Observat. Sacr. lib. VI. cap. X. p. 360 sqq.* vocem illam veram fuisse demonstrat, non imagina-

riam, altam, gravem, sonoram, humana majorem, in aere formatam & publice exceptam, eoque refert יהוה אלהים קול נא *vocem Domini Dei*, qua post admissum peccatum protoplastos, in horto Eden, ad causam dicendam evocavit Gen. III, 8. vocem Sinaiticam Exod. XX, 16. ἡς οἱ ἀκούσαντες παρητήσαντο, μὴ προσεθῆναι αὐτοῖς λόγον, Hebr. XII, 19. illam quoque Dan. IV, 28. vocem cælo lapsam; porro, in baptismo Christi ad Jordanem, ubi Φωνὴ ἐκ τῶν ὑγρῶν λέγασα audiebatur Matth. III, 17. eam denique, quæ Joh. XII, 28. memoratur, & quæ a Saulo percepta Act. IX, 3, 4. XXII, 9. perhibetur. Nos, ut mediam teneamus viam, exempla suadent hætenus in scenam producta. Plurima in his esse fabulosa, quæ in Talmude traduntur, ultro lubentesque largimur, quia nec sibi constant, & crassa interdum mendacia, Deoque indigna continent, fidemque, immo superstitionem tantum non superant, quando v. g. in solius R. CHANNÆ honorem, quotidie de monte Horeb Filiam Vocis proclamasse, quin & ex R. IOSES traditione, eam tribus quotidie vicibus, columbæ instar fremere, & in qualibet noctis vigilia vastationem Urbis ac Templi Hierosolymitani deplorare, nugantur: quæ & alia, laudatus DANZIUS in præmissa disputationi epistola profert. Ea tamen propter plane illam explodere, & ad gerras Siculas remittere omnem, merito religioni ducimus, maxime propter exempla Novi Fæderis, a VITRINGA allegata. Tribus vicibus Servator optimus, in inauguratione ad officium Propheticum Matth. III, 15. in plena hujus officii functione, & discipulorum confirmatione, Matth. XVII, 5. 2 Petr. I, 17, 18. denique quando urbem Hierosolymam solenniter ingressus, Rex Israelis proclamabatur Joh. XII, 13. vocis cælestis testimonio ornabatur, quam quo minus Filiam Vocis dicamus, ratio nulla apparet. Licet enim ordinarii tum defuissent Prophetæ, canonque Vet. Test. esset conclusus, Deus tamen tamdiu πολυμερῶς καὶ πολυτρόπως loquebatur ad Ecclesiam, donec ultimo loqueretur per Filium Hebr. I, 1. Vnde facile per-



persuaderi nobis patimur, alia quoque exempla, Christo anteriora, & inter Judæos, stante adhuc Templo, decantata, veritatem tueri, licet innumera ab ipsis traduntur fabulosa. Quæ contra hanc sententiam, cum quadam veritatis specie, obverti possunt, studiose congesta & ornata lege in disputatione DANZIANA p. 47 sqq. in quibus præcipuum est, quod Deus, post Canonem Vet. Instrumenti constitutum, immediatas revelationes, continuas & ordinarias denegaverit. Unde Malachias simpliciter ad libros Moſis ablegat cap. III, 22. & immediate post se, Eliam venturum prænunciat vers. 23. quem in Johanne baptista exhibitum, Marcus & Lucas in Evangelis, primo loco describunt, atque ita Novum cum Veteri Fœdere apte connectunt. *Resp.* Valet argumentum adversus revelationes Canonicas, ad canonem fidei ac morum perpetuum pertinentes, in quarum numerum ac censum, neque Vrim & Thummim, neque Bath Kol refertur: hæc tamen non prohibent, quo minus Deus, usque ad Filii in carnem adventum, *πρότερον* loqueretur Hebr. I, 1. editaque interdum voce de cælo, voluntatem suam patefaceret mortalibus. Ad oracula autem Novi Test. maxime Joh. XII. regeſunt: has cælo delapsas voces, militare potius contra Bath Kol, quæ si sub Templo secundo frequens adeo & trita fuisset, statim illam agnovisset turba, neque vel tonitru, vel Angeli sermonem, interpretata fuisset. Sed *Resp.* promiscua populi turba non magis Filia Vocis adsueta erat, quam Samuel, quem nomine suo compellabat Dominus in Sanctuario, 1 Sam. III, 7. sed erat hæc piorum, sanctorumque Sacerdotum quorundam instructio. Populus itaque stupebat ad hanc vocem, nec habebat, quo referret. Forte etiam hostes Christi operam dabant, aliudque populo persuasum ibant, ne *תש* Bath Kol testificatio auctoritatem Domino conciliaret. Vide, præter citatos a nobis Auctores, de Filia Vocis, DAVIDEM KNIEBE, Belgam, qui lib. II. cap. VI. §. 7. sqq. tamen cum LIGHTFOOT & DANZIO eam negat, & §. 9. copiose impugnatur.

Ad §. XV. pag. 102.

(15) *Legem oralem*] Bene habet ab Auctore prolata Legis, in *Scriptam & Orale*, distinctio, eamque nil obstat, quin respectu ad modum, mediumque conservandi & ad posteros propagandi habito, duplicem dicamus, minus autem commode, si ad argumentum & rem ipsam attendas. Teste enim MAIMONIDE *Prefat. ad Seder Seraim*, Lex oralis *תורה שבעל פה* non nisi explicatio Legis scriptæ censetur. Cum quippe præcepta omnia, Moſi concredita, & per Moſen tradita, cum explicatione darentur, ipsa præcepta Moſes literis consignavit, explicationem autem viva voce subjunxit. Lex itaque scripta, *תורה שכתב* Pentateucho comprehensa, DCXIII. complectitur præcepta: eorum vero adjuncta explicatio, Lex erit oralis. Illam complecti dicunt substantiam faciendorum & fugiendorum; hanc modum, circumstantias, & expositionem. Curate autem observavit Vir clar. ANDR. GEORG. WAHNER *Antiqu. Hebr. Sect. II. §. 15 sqq.* doctrinæ viva voce traditæ quinque summa esse capita: I. *פירושים על משנה עה מקובלים מפי משה* *Explicationes præceptorum ab ipso Moſe acceptas*, quæ quidem per ratiocinia ex ipso Pentateucho elici potuissent, ni Moſes ore propagare e re duxisset: hinc nulla ipsis unquam nota lis fuit. Talis explicatio v. g. est, quod verba Exod. XXI, 24, 25. *oculum pro oculo, dentem pro dente &c.* non de pœna talionis, sed de multa pecuniaria sint accipienda. II. *הלכות למשה מסיני* *Traditiones seu decisiones Moſis ex Sinaj*, quæ certæ sunt præceptorum cautele, quarum nulla in Pentateucho vestigia reperiuntur, Moſen tamen agnoscunt auctorem. Tales sunt, quod lora phylacteriorum nigra esse debeant, quod Pentateuchi volumina atramento scribi debeant &c. eisque, propter Moſis auctoritatem, nemo Rabbanitarum quisque contradicere audent. III. *דין שהוציא על דרכי סברה* *Casuum decisiones per ratiocinia*, quæ non a Moſe acceptæ, sed post illum sunt factæ. Huic fini tredecim illis argumentandi modos

modos dedit, quorum beneficio Pentateuchus fit explicandus, quibus si rite uterentur, casuum dubiorum decisionem ex ipso Pentateucho sint inventuri. In his autem, pro diversa ratiocinandi facultate, sententiarum divortia emerferunt. IV. *נדרות*. Scita Doctorum, quæ Prophetæ & sequiorum temporum Doctores successively decreverunt, ut *סמי לתורה* sepimentum facerent Legi, atque homines, licitis quoque abstinere iussi, ab illicitis longius arcerentur. Tale sepimentum est, quando Legem de infligendis quadraginta plagis Deut. XXV, 3. ad plagas triginta novem revocarunt: de qua decisione EVXTORFIVS ex instituto egit in *Epist. dedicatoria*, præmissa libro de *Abbreviatur*. Hebr. V. *תקנות*. Constitutiones Doctorum, quibus per Prophetas, ceterosque Doctores, honesto, decoro, iuribus singulorum, & civitatum, pluribusque ejusmodi ad præcepta divina non pertinentibus rebus, prospectum fuit. De his MAIMONIDES *Prefat. in Mischnam*. Istæ autem constitutiones Ecclesiasticæ duplicis sunt generis 1) *חובות*, quæ obligant omnes in universum Israelitas, quales v. g. lectio libri Esther, accensio lucernæ in Sabbatho, incensio lucernæ in Festo Encæniorum &c. 2) *חובות אין*, non obligantes præcise, sed adiaphoræ. Tales sunt *סנהנים* consuetudines, qui sunt certi ritus & ceremoniæ, quæ a scitis & constitutionibus illo respectu differunt, quod non legi publicæ Doctorum, sed vel unius, vel paucorum religiosorum arbitrio, originem debeant. Hinc mirum non est, pro regionum diversitate has quoque consuetudines in nonnullis differre. Alias enim observant Judæi Poloni, alias Germani, alias Lusitani. De traditionibus Mosaicis posthæc laudatus WAEHNERVS latius agit *ejusdem Sect. II. §. 658 sqq.* De decisionibus autem, licito & illicito, §. 664 sqq.

Ad §. XV. & §. XVI. p. 102.

(16) *Talmud Hierosolymitanum*. (17) *Talmud Babylonicum*] In antecessum hic & obiter notamus, ex DRVSI sententia *Not. major*.

ad *Exod. XXV, 18*, Targum & Talmud, minus recte in genere Neutro dici, cum subintelligatur *Liber*. Vñ tamen passim obtinuit Neutrum. Ceterum de utroque Talmude, post EVXTORFIVM *Synag. Jud. cap. III. pag. 53 sqq.* PODCKRIVM in *porta Mosis p. 80. § 105.* CARPZOV. *Not. ad Schickardi Jus Reg. cap. V. Theor. XVIII. pag. 396.* & *Introduct. ad Theol. Judaic. cap. V. §. 4. p. 17.* VOISIN *Observat. in Raym. Martini. Pugionis Fidei proœmium p. 26. (28.)* IOH. HOORN-BEECK contra *Judeos lib. I. toto*, IOH. LEVSDEN *Philol. Hebræo-Mixti Disput. XII. XIII. XIV. XV. PRIDEAUX Hist. Jud. P. I. Lib. V. ad A. ante C. N. CCCCXLVI. edit. Gall. p. 129.* IVL. BARTOLOECIVM *Bibliothec. Rabbin. Tom. III. de Mischna p. 77. de Gemara p. 349.* DANIELEM LE ROY *Joodsche Oudheden in opzicht van hunne Mondwet en Talmud, P. II. tot. p. 235 sqq.* novissime & copiose præceperunt IOH. ANDR. EISENMENGER *entdeckten Judenthums I. Th. VIII. cap. p. 293.* IOH. CHRIST. WOLFIVS *Biblioth. Hebr. P. II. Lib. IV. p. 657.* & doctissimus WAEHNERVS *Antiqu. Hebr. Sect. II. §. 28. p. 256 sqq.* Nos præcipua rei momenta in compendium mittentes, notamus, quæ ad originem, ætatem, distinctionem, structuram, fata inter Judæos atque Christianos, & usum modernum spectant.

a) *Originem* Talmud, ex consignatis tandem, & in unum corpus congestis, traditionibus oralibus trahit. Cum emergente Phariseorum secta, sub Templo secundo, distinctio in *Legem Scriptam* & *Oralem*, rerum potiretur, nullus non Phariseorum, ut vitæ sanctimonia, sic excellentia singularis doctrinæ inclarescere gestiebat. Suis ergo quisque discipulis certam constitutionem, sub Oralis Legis prætextu tradebat, quam non scripto, sed ore tantum propagare fas erat, ne Lex Oralis confunderetur cum Scripta. Interim sibi discipuli, quæ a præceptoribus tradita acceperant, in pugillares, memoriæ causa annotabant. In his multa, a majoribus accepta, quæ ritus & consuetudines antiquorum vere, & quales omnino erant, describerent, plura vero noviter excogitata, talia tamen omnia,



quæ illo tempore strictim in ea secta credebantur observanda esse, & Christo in terris agente, nomine legis Mosaicæ, sed oralis, cum maxime valebant. Atque ita oretenus tantum in Scholis, per quædam sæcula docebantur & tradebantur posteris. Post Templi vero & Urbis desolationem, etsi in Babylonia & Judæa, quædam Scholæ & Academiæ superessent, in quibus studium traditionum Pharisaicarum vigeat; vidit tamen celebris Mischnæ compiler, R. IEHVDA HAKKADOSCH, durante tamdiu exilio, tandem Orale Legem interituram omnem, itaque collegit, quas undecunque acquirere potuit, schedas, quibus sibi discipuli, ex ore Magistorum, traditiones jam olim consignaverant, atque ex iis systema illud composuit, quod *Mischna* inscribitur. Vberiores hujus traditionum libri, cum explicationes, tum disceptationes, Doctores Academici suppeditaturi, *Gemaram* adjecerunt, primo *Hierosolymitanam*, hinc post aliquot sæcula, *Babylonicam*, ex quo utroque, Mischnæ & Gemaræ commentario, insigne istud *Talmudicum* emerfit corpus.

β) *Aetas*, pro partium diversitate, singulis est propria. *Mischnam* A. DXXX. æræ contractuum, qui fuit CL. ab excidio Templi, lucem adspexisse tradunt, Auctor libri *Cofri P. III. Sect. 67.* edit. Buxtorf. p. 247. & R. ASARIAS in *Meor Enajim cap. XXIV. p. 95.* a quo tamen alios deflectere, & ad annum D. æræ contractuum referre, observat R. DAV. GANZ in *Zemach David ad A. 978.* edit. Vorst. p. 108. BARTOLOCCIUS c. l. p. 78. temporum rationes ad hunc modum init: RABENV HAKKADOSCH nascitur A. C. CXX. principatum in Synedrio obtinet A. C. CL. annos habens 30. circa annum X. Imperii Antonini Pii. Hoc tempore videtur studiose cepisse colligere schedulas antiquarum traditionum, Imperatoris auctoritate suffultus, quas paulatim in ordinem redegit, in hoc labore annos 39 infumens, donec tandem absolverit A. C. CXCIX. ætatis suæ 67. imperii Commodi VII. sub quo Imperatore vivere desiit, infra quinque ultimos imperii ipsius annos, h. e. inter A. CLXXXIX.

& CXCIV. cum esset ætatis annorum ad summum 74. Plerique Christiani doctores, cum WOLFIO c. l. p. 670. & 681sq. & WAEHNERO p. 257. §. 29. in eo acquiescunt, sub Imperatoribus Antonino Pio, Aurelio, Vero & Commodio, congestum opus, & sub finem sæculi secundi a N. C. ad umbilicum perductum, in usu esse cepisse. *Gemara Hierosolymitana* R. IOCHANAN agnoscit auctorem, quem nonnulli eundem esse credunt cum RABBAN IOCHANAN ZACCHAI. Celebratissimus inter suos Doctor, discipulus R. HILLELIS & SIMEONIS illius, qui Jesum ulnis complexus susceperat, elogium meruit in Mass. *Sopherim cap. XV. hal. 8.* si cæli pergamentum, omnes arbores pennæ, totus oceanus atramentum, & omnes homines scribæ essent, non tamen suffecturos, describendæ omni sapientiæ, quam a præceptoribus suis hauserit. Magnam ipsi celebritatem conciliavit Rectura Synagogæ Hierosolymitanæ, totis 80. annis administrata. Hic, una cum RAF & SAMVELE, duobus discipulis R. IEHVDAE SANCTI, Hierosolymitanam compilasse creditur Gemaram circa A. C. CCXXX. Ita cum aliis BUXTORFIVS in recensione Talmudis, lib. de *Abbreviaturis Hebr. p. 229.* LIGHTFOOTVS autem *Centur. Chorograph. in Matth. cap. 81. Tom. II. Opp. p. 221.* in sæculum IV. post C. N. rejicit, ideo, quia frequens ibi Diocletiani fit mentio, quem tamen alii diversum faciunt ab Imperatore. IOH. MARSHAMVS in *Can. Chronico p. 159.* ad sæculum V. pertinere censet. Adhuc recentiorum statuunt MORINVS, IS. VOSSIVS, & PEZRONVS. Totum hoc sententiarum divortium exponit WOLFIVS §. 17. p. 684. Media autem, quam tutissimam existimamus, via incedit WAEHNERVS §. 232. p. 335. definiens, quod circa sæculi post Christum natum tertii finem, vel sæculi IV. initium, hic liber sit compositus. Demum *Gemara Babylonica* a R. ASCHE, Præfide scholæ Soranæ incepta, aliis absolvenda, interveniente fato, relicta fuit, cujus historiam R. GEDALIA in שלשלת הקבלה fol. 35. col. 1. de R. IOSE, qui ultimam operi manum admovit, ita tradit: Anno 24. dignitatis suæ, ipse & Syne-

*Synedrium ejus, cum omnibus sapientibus generationis illius, ac schola ejus, absoluerunt scribere, & obfignare Gemaram Babylonicam, quam scribere orsi erant ASCHÉ & RABBINA socius ejus: tunc autem erat annus 4260. contractuum 811. & obfignatae Mischnæ 311. Triplex æra illa respondet A. Chr. D. in quo BARTOLOCCIVS & Christiani plerique omnes, MORINO excepto, acquiescunt. WAEHNERVS §. 235. non repugnamus illis, inquit, qui primis sæculi VI. annis, hoc opus ad finem demum perductum esse existimant. Qui id autem recentius faciunt, illi quidem vanis conjecturis indulgere nobis videntur. De MORINO confer WOLFIVM §. 19. p. 686.*

γ) Operis *Distinctio* ex allatis patet. Bafin velut ac fundamentum constituit *Mischna*, Lex quasi secundaria & oralis, stylo Hebræo, satisque puro consignata, veterumque, & Christo anteriorum, Doctorum traditiones ac placita comprehendens. Sequitur *Gemara Hierosolymitana*, stylo impuro & conciso, illam hinc discutienti, hinc novis accessionibus augens. Istam vero, cum obscura nimis & imperfecta crederetur, copiosior excepit interpretatio & ventilatio in *Gemara Babylonica*, quæ summam inter Rabbanitas ad hunc diem obtinet auctoritatem. Neque tamen censendum, Gemaram, cum sit velut commentarius *Mischnæ*, omnes ejus Codices illustrare. Hierosolymitana ordinis V. nullum, ordinis VI. solum Codicem נרה explicat, reliquos autem Codices habet. Babylonica ex ordine I. solum Codicem ברכת, ex II. Codices omnes, excepto שקלים, ex III. omnes, ex IV. omnes, exceptis עריות & אבות, ex V. omnes, exceptis מורה & קנים, ex VI. unum Cod. נרה exponit.

δ) *Partitionem & Structuram* Talmudis, præter supra laudatum BVXTORFIVM, & BARTOLOCCIVM p. 81. copiose & erudite persequitur WOLFIVS cap. II. & III. p. 693 sqq. consile WAEHNERVS §. 32. p. 258. Sex quippe *Mischnæ* sunt סדרים *Ordines*, seu *Partes*: I. זרעים *de Seminibus*, cujus XI. codices: II. מעער *de Festis*, cujus XII. codices: III. נשים *de Vxoribus*,

qui VII. habet codices. IV. נויקין *de Damnis*, cujus X. codices. V. קדרשים *de Sacris*, cujus XI. codices. VI. טהרות *de Munditie & Purificationibus*, cujus XII. codices. Plura qui cupit de singulis, citatos adeat auctores.

ε) *Fata* Talmudis, cum prospera, tum adversa, inter *Judeos*, exponens WOLFIVS capite IV. p. 914. post Doctorum Gemaricorum pariter ac Academiæ hystoriam, dissidia commemorat §. XIII. pag. 927, quibus partim invidia, honorisque cupiditate ducti, Rabbanitæ veteres contra se mutuo exarserunt, partim cum Karæis colliserunt. Inter Christianos vero, quæ expertum sit Talmud, fata capite V. p. 930. edisserit, & quæ controversiæ, de abolendo Talmude, inter ipsos, magna animorum contentione agitata, sed & quæ ejus a Christianis curatæ sint editiones, recenset. Magnus quoque WAGENSELIUS præfatione ad *Tela ignea Satanae* p. 10 sqq. quam ab imperitis Pontificibus, eorumque administris sævitum sit in Talmud, enarrat, ejusque contra ipsos causam perorat. Pontifices sane roties illud, non modo in Indicibus Expurgatoriis e republica literaria proscripserunt, verum etiam cremari jusserunt. Gregorius IX. sæc. XIII. omnia Judæorum volumina, & in his cum primis Talmud, ad rogum condemnavit; idemque eodem sæculo Innocentius IV. continuavit: quod ipsum anno ejusdem sæculi 39. fieri quoque jussit Ludovicus, rex Galliarum. Post inventam artem typographicam, Julius III. novo Edicto in Talmud inquiri, & A. C. 1553. tempore Festi Tabernaculorum, per omnes Italiæ urbes, illud exuri curavit. Rursus A. 1559. Paulus IV. una cum Romanæ Inquisitionis Senatu, idem fieri præcepit. Hos in eadem infamia secuti sunt Clementis IV. Honorii IV. Johannis XXII. Pii IV. Gregorii XIII. & Clementis VIII. decreta; ac ingens denique Pontificiorum doctorum turba, quibus e recentissimis JULIVM BARTOLOCCIVM accessisse miramur. Confer LEVSDENVM *Disp. XV. c. 1. §. IX. p. 115.* Contra vero ea Talmudis patrocinium susceperunt IOH. BVXTORFIVS fil. in *Præfat. Lexico*  
Xxx 2 Patris



Patris Chald. Talmud. & Rabbinico præmissa, WAGENSEIL. cit. Præfat. THEODOR. HACKSPAN. de usu libror. Rabbinicor. cap. II. n. 76. pag. 345. IOH. MÜLLERVS Judaismi P. II. cap. X. p. 1487. MICH. DILHERR. in atrio lingue S. additam. 5. n. 8 sqq. ANDR. SENNERT. in Præfat. Rabbinismi, HERMANN. CONRINGIVS in Præfat. ad Tract. de numis Hebræor. LEVSDEN. citat. loc. HENR. MÜHLIVS in apologia Talmudis, AVG. PFEIFFER. in Theol. Jud. Exerc. I. Tb. 40 sqq. alique complures.

§) Usus sane haud contemnendum præstare deprehenditur iis, qui in sua recte vertere commoda didicerunt. Nam & in rituum Judaicorum cognitionem, & in legum nonnullarum, in Scripturis concise expositarum, sensum nos immitit: & arma haud proletraria, ad perfidiam Judæorum debellandam, subministrat. Multa paucis complectitur vir summus, BUXTORFIVS, quando in cit. Præf. Sunt in Talmude, inquit, multa Theologica sana; sunt in eo multa fida antiquitatis Judaicæ collata veluti rudera & vestigia, ad convincendam posterorum Judæorum perfidiam, ad illustrandam utriusque Test. historiam, ad recte explicandos ritus, leges, consuetudines populi Hebræi prisca, plurimum conducentia. Sunt in eo multa Juridica, Medica, Physica, Ethica, Politica, Astronomica. Sunt in eo illustrata ex antiquitate proverbia, insignes sententiæ, acuta apophthegmata, scite prudenterque dicta innumera, quæ lectorem vel meliorem, vel sapientiore, vel doctiorem reddere possunt. Sunt in eo multa vocum myriades, quæ, vel voces in Scripturæ Sacre usu raras, illustrant & native explicant, vel totius lingue Hebrææ & Chaldaee usum insigniter complent & perficiunt. Sunt denique in eo quamplurima, ad infinita N. T. loca, quoad voces, phrasas & historiam, insigniter illustranda, maximum momentum habentia.

Ad §. XVIII. pag. 102.

(18) Vocem קבלה De Kabbala denuo ordine, & multo cum doctrinæ apparatu, com-

mentatus est IOH. CHRIST. WOLFFIVS Biblioth. Rabb. Vol. II. Lib. VII. p. 1191. qui Auctores quoque de illa ex instituto agentes p. 1228. subjecit, quibus adde disputationem IOH. CHRISTIAN. SENSTII de Kabbala Judæorum, Rostochii anno 1702 ventilatam. Nos

a) Notionem evolvimus, qua a verbo קבל in Pihel, recipere, suscipere descendens, ab auditu acceptionem notat, ut exponit REUCHLINVS. Respondet itaque Masoræ, quæ traditionem designat rerum, quas quis alteri ore five voce communicat, & quasi in manus tradit. Vsu tamen invaluit, ut Masora de Criticâ usurpetur Biblica, quæ circa corticem literæ sacre versatur, Kabbala vero circa sensus abstrusos & mysticos, quos varia compositione, divisione, & transpositione vocum vel literarum venatur. In hac arte periti, & in interpretandis ex ea variis mysteriis, eruendisque abditis sensibus exercitati, מקובלים Hebræis dicuntur.

β) Definitionem e multis hanc amplectimur, quæ rem denominatam, ut hodie se habet, & ex libris Judæorum Kabbalisticis hauritur, optime declarat. Est itaque scientia recentiorum Judæorum occulta, occupata circa voces, literas, puncta, atque accentus, vel quatenus ex iis mysteria nova, ad sensum plerumque mysticum facientia, illi eruunt, vel iis etiam, aut collo appensis, aut alio illicito modo usurpatis, miraculosos effectus edunt, cumque Angelis familiarem conversationem inire se posse confidunt. Liquet hinc, quod Kabbalam neque pro vetustissima Divinorum mysteriorum propagatione παρὰ παρόδω, & pro genuinis traditionibus, sub æconomia veteris Instrumenti locum habentibus, cum CAMPEG. VITRINGA habeamus lib. I. Observat. Sacr. p. 124 sq. neque de mystico intellectu earum rerum, quæ in sacris libris latent, accipiamus, cum PET. CVNÆO lib. IV. de Republ. Hebr. cap. VIII. sed in sensu trito & vulgari, quo a Judæis accipitur, & in ipsorum commentariis docetur. Nescio enim quam, illi, qui honorifice adeo de Kabbala sentiunt, & ab WOLFIO §. VI. p. 1197 sq. in scenam produ-

cuntur,

cuntur, *disciplinam arcani* comminiscuntur, Scripturæ Sacræ ignotam, nec facile conciliabilem cum effato Moſis, Deuter. XXX, 11 ſqq. coll. Rom. X, 6. Licet enim oralis interpretatio oraculorum Divinorum tum æque obtineret, ac hodie; illa tamen nec ſolis vel Prophetis, vel Sacerdotibus reſervata, ſed fidelibus omnibus, pro diſpari licet cognitionis meſura, erat communis, nec aliud & diverſum ab eo, quod in libris Prophetiſcis legitur, complectebatur. Quod denique IAC. ALTINGIUS *Heptade V. Diſſert. Theol. Tom. V. Opp. p. 118.* contendit, eam Kabbalæ ſpeciem, qua ex literis myſteria eruuntur, Deum ipſum agnoſcere auctorem, quod nominibus אברהם & שרה / item יהושע / יחונת / יחוסף / קין & id genus aliis evincere ſatagit, id recentiorem Kabbalam potius dixerim, *ναροζηλία* quadam imitatum fuiſſe, quam ut Deum eandem adhibuiſſe, ſuoque velut exemplo conſecraſſe & docuiſſe, credam. Velut enim *ὁνομαθεσία* primæva in univerſum, ita nominum quorundam mutatio, ſymbolica erat & ſignificativa, neque tamen ad regulas Kabbaliſticas adſtricta, & pro re nata velut ſponte emergens. Ita porro, quæ *πολυμαθεύματος* WOLFIUS §. VII. & VIII. copioſe & erudite diſputat, fuiſſe in populo Judaico, ante C. N. veritates, ex Sacro Codice hauſtas, & in Nov. Teſt. aliquando in pleniffima luce collocandas, interea vero temporis ſermonibus Doctorem quovis tempore nonnihil illuſtratas; ea facile & ultro largior, atque ipſe ex Rom. XVI, 25, 26. 1 Cor. II, 7-10. Coloſſ. I, 26, 27. confirmo, Kabbalam tamen vel dicta fuiſſe, vel habita nego, niſi vocabulum ad ampliſſimum extendas ſignificatum, ut quamcunque oralem denotet institutionem, explicationis gratia literæ ſcriptæ adjectam. Iſta vero notio nec hodie voci competit, nec unquam credo competiſſe, donec idoneis doceatur exemplis.

γ) Originem ergo Kabbalæ, nulli dubitamus multo recentiorem aſſignare, ex Philoſophia Gentilium, hinc Pythagorica, hinc Platonica arceſſendam, ita tamen, ut ex ſacris Moſis ac Prophetarum documentis multa iis admixta fuiſſe

non negemus, quia, qui eam excolebant & tradebant, in explicando vel illuſtrando Codice Divino operam ponebant. Hinc in *Sohar*, aliisque vetuſtis commentariis Scripturæ, methodum Kabbaliſticam videas obſervatam. Nec nego, quæ de Aegyptiorum ſapientia, in ſubſidium vocata, reſert IAC. BASNAGE *lib. III. Hiſt. Jud. cap. XIX. p. 933.* Verum eſt, inquit, *Judeos Kabbalam ſuam accepiſſe ab Aegyptiis, ſed non niſi longo poſt Moſen tempore, & poſt victorias per Alexandrum M. reportatas, ſub imperio Ptolemæ Philadelphi, qui magnam Judeorum copiam in regiones ſuas alliciebat, & commercii cum illis frequentius habendi anſam ſuppeditabat.* Hoc ſenſu commodè PETRVS ALLIXIUS in *Judicio Eccleſiæ Judaicæ c. Vnitarios pag. 363.* Kabbalam recentiorem mixturam appellat, ex antiqua traditione Synagogæ, & notionibus Platoniorum ac Pythagoreorum, qui ſua ab Aegyptiis acceperant, natam. Vnde facile intelligi & conciliari poſſunt, quæ laudatus toties WOLFIUS p. 1207 ſq. pronunciat: *Noſtro judicio negari non poteſt, eſſe in ea quedam ſapientiæ Divinæ, & Patriarchis olim ac reliquis viris ſanctis cognita, excoltaque ſemina, quæ procedente tempore, cum profana gentiliſque doctrina, primum quidem Barbarica, tum vero & Græcanica, hoc magis ſunt permiſta, quo major Judæis in captivitate Babylonica, & poſt eam, neceſſitas imponebatur, inter gentes verſandi, & ſe ad eorum inſtituta accommodandi.* quibus ſubſcribere nulli veremur.

δ) Divisionem Kabbalæ ELIAS Levita in *Tisbi b. v.* hanc tradit: וחיה נחלקת לשני חלקים: עיונית ומעשית: illa diſtinguitur in ſpecies duas, Theoreticam, & Practicam. Theoretica denuo vel Artificialis eſt, ſeu Symbolica: vel Inartificialis, ſeu Dogmatica & Realis. Priorem denuo in tria velut capita diſpeſcunt: במטריאה *Gematriam*, נטריוקון *Notaricon*, & תמורה *Temura*, voce ſymbolica a literis initialibus גמט גמט comprehenſa. Quia vero literarum hinc tranſpoſitio, hinc valor arithmeticus, longe latius patet, ideo tredecim ejus modos recenſent *Judei*, & in his cumprimis R. MENASSEH BEN IS-



RAEL in *Conciliatore*, *quest. L. in Exod. p. 170.* edit. Amstelodam. quem hac vice sequemur duccem. Est ergo, juxta illius explicationem, I. species נוטריקון *Notarikun*, ut ille legit, quæ docet ex singulis cujusque vocabuli literis, totidem formare voces, v. g. ex בראשית has exculpunt voces: בראשונה ראה אלהים שיקבלו *in principio vidit Deus, Israelitas Legem suscepturos*, unde colligunt, mundum creatum Legis gratia, quam Israel accepturus esset. Ita, quo loco Jacobus filio Josepho dedisse dicitur tunicam פסים *e frustulis*, hac voce innui volunt quatuor ejus infortunia, quæ sunt מרנים, פוטיפר, כוחרים, ושמעאלים, *Potiphar, Mercatores, Ismaelita, & Madianita.* Huc porro referunt, quando unum vocabulum in bina dissolvitur, v. g. ex בראשית fit ברא *creavit sex*, nimirum, sex dies creationis, aut sex extrema mundi, summum, imum, & quatuor latera: tum quoque, quando eandem literam bis ponunt in diversis vocabulis, ut ex שמים *cali*, fiat אש מים *ignis & aqua*, indeque cum PLATONE probant, calum ex igne & aqua esse compositum. II. צירוף *Ziruph*, i. e. *Combinatio*, cum literæ ejusdem vocabuli variis modis transpositæ, nova & diversa formant vocabula. Sic בראשית per metathesin est תשרי *primo Tisri*, unde colligunt, mundum fuisse creatum mense Tisri seu Septembri. Sic, quando Genes. VI. Noah dicitur gratiam invenisse in oculis Domini, id viri nomine indicari credunt, quia voc. נח *Noah* transpositum, est חן *gratia*: contra, ubi de ער legis, quod fuit malus in oculis Domini, nomen ער *Her* per transpositionem reddit רע *malum*. III. גמטריא *Gematria*, numerorum valore nititur: nam cum literæ Hebraicæ simul & numeri sint, omnes res continent: quod R. MENASSEH, PYTHAGORAE & PLATONIS calculo confirmat. Ita in בראשית eundem deprehendimus valorem numericum ac in בתורה *lege formavit*: unde conficiunt, Legem fuisse causam instrumentalem in condendo mundo. Interdum ad numerum, quem vocis alicujus literæ producant, unitas ad-

jicitur, quam vocant כולל, quia pro tota voce ponitur: v. g. ברית *fædus*, valet 612: adjcto כולל 613: hinc ajunt, idem vocabulum, quod Legem denotat, sexcenta etiam & tredecim præcepta designare, quibus Lex constat. IV. צורה *Forma*, aut *Figura*, quæ formis nititur characterum. Has enim a Deo ipso inventas & traditas, mysteria continere censent, cum non temere vel sine causa, hanc aut illam, huic vel illi literæ attribuisse figuram credendus sit. Ita Legem a litera ב incipere volunt, quia hæc litera tribus constat lineis, i. e. tribus ווים *Vavim*, quæ si scribas literis suis, hoc modo: וואו, valent ter XIII, seu triginta novem, quem numerum facit quoque יהוה אחד *Deus unus*, qui solus sit creator. V. ראשי תיבות וסופי תיבות *Principia verborum & Fines verborum*: cujus exemplum sit Deuter. XXX, 12. מי יעלה לנו השמימה *quis faciet nos ascendere in calum?* quatuor initiales vocum literæ responsionem reddunt, vocabulo מילה *circumcisio*, quatuor finales formant venerabile Dei nomen יהוה *Jehova*, ita ut eadem verba & quæstionem contineant, & responsionem: *quis nos evehet in calum?* Resp. Dominus per circumcisioem. Aliquando etiam תוכי תיבות *media verborum* literæ huic usui accommodantur. VI. תמורה *Permutatio*, quæ docet ה sumere pro ו/ ש pro ב/ atque ita in ceteris. Hanc auctoritate Scripturæ niti contendunt, quia Jeremias cap. XXV. ne irritaret Regem, nomen בכל artificiose mutavit in ששך, duo ש pro duplici ב, & ל pro ו/ ponens. Hujus tria faciunt Alphabeti, α) אֶת־בֶּשׂ *Atb-basch*, β) אֶל־בָּם *Al-bam*, & γ) אֶת־בָּח *Atb-bach*, quæ delineata ob oculos ponit, & exemplis illustrat, laudandus mox HACKSPANIUS §. XX. *sqq. p. 297.* VII. חסר ומלא *Defectiva & Plena*. Videtur quippe orthographiæ ratio in Scriptura Sacra semper habenda, quæ tamen nonnunquam negligitur: ut, cum אלה *Deus*, cum ו scribendum, Deut. XXXII, 17. tamen sine eo scribitur: לא אלה *non Deus*: pari ratione אלהי in forma regiminis, aut cum affixo, semper defective scriptum invenias, præterquam duobus locis, quæ

Maforethæ notarunt. Rationem ejus dant Kabbaliftæ, quia Lex sine punctis vocalibus data est, ex mente Judæorum, ad eum modum, quod hodie conspiciuntur Codices, quos in Synagogis punctis destitutos usurpant, hinc, ubi vox aliqua occurrit, cujus literæ non adstringant ad certas vocales, licere, quæcunque libeat, puncta eidem adscribere. Ita vox כלות semper cum ן scribitur; at Num. VII, 1. illud abest, ubi Kabbaliftæ dicunt כלת כתיב Calat scriptum fuisse, & notare Sponsam, ob inclusum mysterium. VIII. סתומות ופתוחות Clause & Apertæ, quæ in contextu Biblico literis פ & ס indicantur: quo etiam loca Piskata referunt, & quæ Maforethæ de literis apertis in fine, & clausis ab initio, vel in medio vocis, observarunt. IX. קרי וליקרי קרי Legitur, nec scriptum est, scriptum est, nec legitur, de quibus nos in Critica Sacra multa diximus. X. אותיות קטנות de literis, in Scripturæ textu, vel magnitudine ceteras superantibus, vel exiguitate non æquantibus, quæ eodem spectant cum præcedente observatione. XI. חילוק Variatio, qua literarum una pro altera ponitur, ut Genes. XIII, 2. in אהלה tentorium ejus, ultimum ה loco ן scribitur, nec non quando literæ האמנתו sub finem vocum redundant, aut superflue sunt, in illis singulis mysteria venantur Kabbaliftæ. XII. נקודות Puncta vocalia, Vbi rursum, inquit R. MENASSEH, mysterium in eo est, quod inter ea quinque Reges, quinque Ministri, unus Minister ministrorum appellatur, observante CORDOVERO. Provocat hoc fine ad nomen tetragrammaton, quod interdum Jehovih punctatur, quod non forte fortuna factum sit. Alibi quoque puncta superflua literis adscribi, ut Deut. XXX, ult. in duabus vocibus לָנוּ וְלִבְנֵינוּ nobis & filiis nostris, quæ cuncta aliquid abditum notare censet. XIII. טעמים Accentus Musici, quorum alii Reges, alii Serviles sunt; nonnulli inter periodos aut partes earum distinguunt, ubi apud Latinos commata ac puncta; alii rursum connectunt, prout sensus cujusque loci exposcit. Difficultas autem ex his oritur, quod nonnullis locis

connectenda separantur, aut separanda connectuntur, ut Num. XXVII, 3. ubi in Sobar multa secreta occultari dicuntur. Huc quoque geminam in Decalogo accentuationem referunt. Ac in ista quidem Theoretico-artificiali Kabbala copiose ac erudite versatur HACKSPANIUS Exercitat. de Kabbala, subjuncta ejusdem Miscellaneis Sacris, tota Sect. I. p. 282 sqq. Quæ in Theoretica Inartificialis dicitur, seu Dogmatica, doctrinas a majoribus acceptas, & ad res Divinas potissimum spectantes, cultoribus propinat, nec tam ingenio excolitur, quam memoria comprehenditur ac nititur. Dividitur in Opus מרכבה Mercava, & בראשית Bereschith, quorum illud ad Theologicam & Metaphysicam, hoc ad Physicam & naturam rerum perspicendam, pertinet. Tradit decem ספירות Sephiroth, quæ Arborem Kabbalisticam constituunt, & haud dubie perfectiones & attributa Dei, relationes Divinas & ideas, causas rerum omnium exemplares exhibent, hinc autem ab auctoribus, hinc Judæis, hinc Christianis, ad alia sive mysteria Theologiæ, sive dogmata Philosophica, pro cujusque ingenio sunt applicatæ. In his explicandis æque ac delineandis prolixam posuit operam CHRISTI. KNORRIUS L. B. A ROSENROTH in Kabbala Denudata, Volum. I. cujus cumprimis P. IV. explicationem tradit Arborum sive Tabularum quinque Kabbalisticarum generalium pag. 193 sqq. Practica demum Kabbala ad superstitione ac impie peragenda opera progreditur, dum cultores ejus vel per שם המבורש seu nomen tetragrammaton, vel per certas voces, aut locos Scripturæ Hebraicæ, certo modo pronunciatos vel scriptos, morbos abigere, Dæmones expellere, aut ad præstandam sibi operam permove, ignem & incendia extinguere, & mira alia præstare, impie ac superstitione aggrediuntur. Spectant huc amuleta, קמיעות vocata, scutum Davidis אגלה appellatum, & id genus alia, ab accuratissimo WOLFIO c. I. §. III. p. 123. singillatim discussa, magnæque auctorum caterva illustrata. De Agla seu scuto Davidis conferri etiam potest IOH. WÜLFERVS in Theriaca Jud. p. 74 sqq. ubi figuram



ram ari incisam oculis subiecit; quam peculiari tabula variam exhibuit, & ex instituto explicavit disput. *de clypeo Davidis* DAV. THEODOS. LEHMANNVS, Vitembergæ An. 1708. cui adde EDZARDVM *ad Avoda Sara cap. II. p. 353.* qui p. 346 sq. Kabbalam practicam esse Magicam demonstraverat; & SAVBERTVM *Oper. Posthum. p. 257.* Detestabilem venerandi nominis *תעצא-  
גאוןאבא* abusum recensuit & profligavit IOH. PASCHIVS, disputatione *de Schem Hamme-pho-  
rasch*, Vitembergæ publici juris facta anno 1685.

e) Vsum denique Kabbalæ diversimode delineantur artis periti, sive Judæi, sive Christiani, ut vix invenias, ubi tuto pedem figas. Quam magnifice de illa sentiant Judæi, R. MENASSEH BEN ISRAEL loco *supra citato*, ex libro *Sohar* ita declarat: Legem, corpore velut assumpto, venisse in mundum: illud corpus historiam esse, cui qui animam, i. e. mysteria inesse non arbitratur, eum dignum non esse, qui partem habeat in altero mundo. Corpore ergo solos gaudere ignorantes, sapientes solam animam considerare, & alios sapientes, animam hujus animæ. Hinc tres velut ordines & gradus enasci eorum, qui operam dant Legi: stupidiore solum corticem externum, i. e. historiam considerare, eosque ob bonum propositum servari, tamen non intelligant penitiora Legis secreta: aliis sufficere, expositiones præceptorum & cerimonias nosse, quam scientiam Judæi *Mischna* nuncupent, vel *Legem oralem*, quia ea ore & memoria Sapientum continetur: alios denique incumbere indagandis altissimis Legis mysteriis, quæ vocibus, literis, punctis, atque accentibus musicis comprehendantur. Primos *מארי מקרא* *Dominos Scripturæ*, medios *מארי משנה* *Dominos Lectionis*, ultimos *מארי קבלה* *Dominos Kabbalæ*, R. SIMEONI BEN IOCHAI in *Sohar* salutari. Hos traditiones eruer, quæ docent secretas Legis expositiones, quasque Moses, ex ore Domini acceptas, sapientibus revelavit, illi posteris suis. Qui in *Mischna* occupantur, hos comparat apothecariis, qui potion-  
es & medicamenta sua ex variis simplicibus pa-

rantes, cum vires eorum ipsi ignorent, tantum præscriptum Medicorum sequuntur: ast Kabbalæ studiosos esse instar Doctorum, qui causas & rationes eorum, quæ agris præscribuntur, intelligunt. Verisimile autem esse, Mosén, ter XL diebus in monte commoratum, triplici huic studio per illud tempus incubuisse, impenso unicuique eorum XL dierum spacio. Hæc fusius ibidem declarata, legere licet: unde intelligitur, quantum sapientiæ fastigium Kabbalæ assignent. Ex Christianis pariter sunt, qui non inanem prorsus aut sterilem hanc scientiam existimant. In his cumprimis THEODORICVS HACKSPANNIVS, supra laudatus, *Sectione II. tota p. 34 sqq.* egregios prorsus usus illam subministrare cenet, eumque in finem varia, & bene multa in medium affert Scripturæ loca, quæ ope Kabbalæ, vel pro asserenda, in gravissimis de Sancta Trinitate, de Messia, aliisque mysteriis, veritate, vel ad eruendam, illustrandamque Judæorum mentem, sive erroneam, sive sanio-rem, vel ad explicanda doctrinæ vitæque instituta, a Magistris inculcari solita, facere posse videntur: quæ legisse, & in suos vertisse usus, neminem poenitebit. Vir copiosissimæ lectionis, & subacti iudicii, IOH. CHRISTO. WOLFIUS *cit. loc. cap. III. §. VIII. p. 1238.* quicquid de usu Kabbalæ prædicatur, ad quatuor summa revocat capita, ita ut usum 1) Hermeneuticum præstet; quem tamen ipse §. XI. p. 1242. Judæo magis quam Christiano profuturum existimat, si de genuino ejus sensu sollicitus, ad lectionem Novi Test. lucem in tenebris quærens, adduci se patiatur: 2) Dogmaticum, ut præcipuæ & fundamentales veritates divinæ, circa varia doctrinæ Christianæ capita, inde cognoscantur; quem & ipse, tanta obscuritate, verborumque caligine, premi arbitratur, ut Oedipo opus habeat, & vix cuiquam in eo acquiescere sit datum: 3) Elencticum, sive Pædagogicum, qui refutandis impiis Judæorum erroribus, vel iisdem ad veritatem agnoscendam perducendis, inserviat; quem non omnem negat, cum exempla suppetant Judæorum, qui argumentis Kabbalisticis se ad fidem permotos esse,

se, professi sunt. 4) Historicum, quem omnium certissimum esse pronunciat, quandoquidem Kabbala non inficiandum exhibet testimonium & cœcitat, & superstitionis, & impietatis Judaicæ, atque adeo & iudiciorum Divinorum, quæ infelicissimam gentem, in memoriam sceleris nefandi, a maioribus in Christum perpetrati, & ab ipsis eorum posteris hodie pertinaci *αυληγοαγδια*, & conviciis horrendis continuati, reducere possint. Quæ nemo æquus rerum æstimator in dubium vocabit. Num autem ex Kabbala fir-

ma peti possint argumenta? discussit DILHERR. *Dispp. Volum. II. p. 344 sq.*

5) Auctores, qui de Kabbala sive ex instituto, sive data alias occasione, commentati sunt, quominus recenseam, otium mihi fecit laudatus toties WOLFIVS §. XII. p. 1243 sq. qui paulo ante jam §. III. p. 1232 sqq. erudite tradiderat, quæ de Kabbala *denudata* CHRISTIANI KNORRII, LIX. BAR. DE ROSENROTH, memoratu digna sunt, allatis in medium, quæ vel vitio ei dederunt, vel in laude posuerunt viri docti.

AD

## LIB. IV. CAPVT IX.

## DE TERAPHIMIS.

Ad §. II. pag. 103.

*Vox תרף in genere notat*] Radix תרף apud Hebræos intercidit; apud Arabes autem *Taraphâ* superstes, bonis, commodisque vitæ affluxit, & in 4. Conjug. *bona & comoda vitæ suppeditavit*, significat; apud Syros, *percontatus est, indicavit*: hinc ergo תרפים sunt imagines, percontari solitæ, ut indicent desiderata, & responsa ferant. Mittimus ergo, quas alienas, & spurias omnino, vocis origines in medium attulit DILHERR. *Dispp. Volum. II. num. XIII. de Teraphim p. 346 sq.* Et si vir Hebraice apprime doctus, CAMPEG. VITRINGA *Comment. in Jes. II. 8.* de nomine nihil se certi habere fateatur, & repudiata eorum sententia, qui a רפא *sanare*, derivant, ac si Teraphim sint *Diî Servatores*, tandem subnectat: *licebit itaque illud ignorare, usque quo certiora edocti fuerimus.* Illam tamen, ex רפא derivationem serio tuetur IVRIEV *Hist. Dogmat. & Cult. P. III. Tract. II. cap. III. p. 458.* & loco מרפוס, permutatis literis מ & ת, תרפים dictos censet, *Deos Sospitatores.* Conjectura tantum est SEB. SCHMIDII *Comment. in 1 Sam. XIX, 13.* תרפים esse ex voce שרפים *Se-*

*raphim.* Quia enim Angeli nuncii Dei sunt, ipsius voluntatem hominibus denunciantes, eorumque custodes, cultos fuisse videri, tanquam arcanorum revelatores, hominumque custodes, atque sic fuisse, ceu Deos Penates. Fieri tamen potuisse putat, ut Teraphim licite haberentur in ædibus, non propter cultum, sed ad repræsentandos Angelos. Quod ultimum vix locum habere potest, cum propter præsentissimum seductionis, abusus & idololatriæ periculum, tum quod imagines sculptas omnes, maxime Angelorum vel formæ humanæ effigiem referentes, abominarentur Judæi. Rursus in *Comment. ad Jud. XVII, 3. p. 1348.* & *vers. 5. p. 1351.* & *Quest. III. p. 1369.* derivationem illam prorsus silentio premit, rem ipsam autem ita exponit, fuisse Teraphim Lares, Deos minorum gentium, ad imitationem Angelorum, ministrorum Summi Dei, & custodum hominum atque domuum. A priori tamen sententia non absuit GAFFARELLVS *Curiositat. inauditar. cap. III.* qui Teraphim, Cherubimorum ac Seraphinorum figuras dicit, a Labano & reliquis Orientalium gentibus pie cultas, quibus Deus voluntatem suam patefecerit: cui haud dubie præludit MONCAEIVS *lib. I. de*

γγ

Vitulo



*Vitulo aureo, cap. XVIII. & XX.* ubi Teraphim haud alios ac diversos a Cherubim fuisse contendit. Priori tamen satisfecit ANDR. RIVETVS *Exercit. CXXXII. in Genes.* Eadem opera idem profigatur IOH. SPENCERI commentum, qui *de Leg. Hebr. Rit. Dissert. VII. de Vrim & Thummim lib. III. cap. III. sect. VII.* usitatam τῷ S. in T. permutationem, insignesque, quibus hæ voces in Scriptura convenire videantur, circumstantias, temere urget. Verum ut taceam, immane quantum rei significatæ discrimen, hanc vocum permutationem liquido destruere, cum ex sanctissimis Dei ministris, abominandos producat mali Dæmonis interpretes; dici quoque non potest, quæ sit Seraphim, Spirituum quippe, effigies atque figura, nullo omnino indicio Jes. VI. præterquam quod alati fuerint, prodita, nisi peregrinam, sive hominum, sive aliam quamcunque, iis affinxeris.

Ad §. II. pag. 103.

(2) 1 Sam. XIX, 13.] Hic facile convenit inter interpretes, Teraphim sive totos, sive ex parte solum, formam retulisse hominis, quia mariti loco reposuit in lecto Michal: saltem discrepant in eo, num idolum fuerit, an vero aliud simulacrum quodcunque, ab idololatria & cultu immune, quod Teraphim nomine hic venit. Idolum fuisse negant, qui insignem Davidis pietatem illud in ædibus non toleraturam fuisse statuunt, R. DAV. KIMCHI in *b. l.* R. MOSES BEN NACHMAN in *Genes. XXXI, 19.* & ANDR. RIVETVS *Exercit. CXXXIII. in Genes.* RIBERA in *Hof. III. num. 21. p. III.* peculiare in aciem producit commentum, Michalem ex variis hinc inde rebus fecisse statuam homini similem, quales tauris obijci solent in circo, aut in hortis poni ad aves terrendas, vestibus scilicet virilibus, palea aut fœno oppletis, & humani corporis membra simulantibus, unde & pellem pilosam capturum posuisse ad caput ejus, videlicet ut rufos Davidis capillos imitaretur. Verum, nec temporis angustia ejusmodi μόρφωσις Michali per-

misisse videtur, nec ratio reddi potest, unde simulacro illi nomen Teraphim accesserit? Nec majorem meretur fidem figmentum R. IACOB. ABENDANAE in *Spicilegio* ad R. SALOM. BEN MELECH *Michlal Jophi b. l.* uxores antehac solitas fuisse, comparare sibi maritorum suorum imagines, ut illorum figura oculis semper observaretur, idque ex magnitudine amoris sui erga eos: & ex harum imaginum genere etiam fuisse Teraphim Michalis, ex amore vehementissimo erga Davidem facta, atque sic nil impii in iisdem fuisse; quare Michal illa in locum Davidis substituerit, quod eam externa specie referrent. Vehementissimum autem Michalis erga Davidem amorem fuisse, vix sibi persuadeat, qui 1 Sam. XXV, 44. coll. cum 2 Sam. III, 13 sqq. & 2 Sam. VI, 20 sqq. probe perpenderit, nisi vagos Michalem amores fovisse, ex 1 Samuel. XVIII, 20. colligas. Verum, cum in universa Scriptura Teraphim idola designent, causam nullam video idoneam, propter quam hic loci a trita vocis notione deflecteré debeamus. Fieri enim potuit, quod R. LEVI BEN GERSOM *ad b. l.* hariolatur, ut Michal ex ædibus paternis (vel undecunque demum) inscio Davide, idola ejusmodi, æque ut Rahel inscio Jacobo, attulerit & clam secum asservaverit. Vel, ut LUTHERVS *ad b. l.* ingeniose exponit, idolorum nomen genere in statu ampliacionis, ab usu priore, quo, tempore avitæ superstitionis, cultui abominando inservierit; ea autem ætate imaginem istam forte in angulo quodam ædium neglectam delituisset, in memoriam priscae idolomanias; velut hodie, in repurgata a sordibus Papalibus Ecclesia, multa pristinae superstitionis Pontificiæ vestigia, tum publice prostant, quam privatim, citra tamen ullam idololatriæ communionem.

Ad §. eund. pag. ead.

(3) ὁμοεικέλιον, *colere, servire*] Eandem verbi Græci derivationem probat IVRIEV *cit. loc. cap. III. §. III. pag. 457.*

Ad

Ad §. III. pag. 103.

(4) *Docent Rabbini*] Absurdam hanc sententiam, ex *Pirke R. ELIESERIS cap. XXXVI.* apud *VORSTIVM* p. 220. hausitam, & in *IONATHANIS Pseudo-Vsclidis Targum Gen. XXXI, 9.* æque ac ab *ELIA Levita in Tisbi* repetitam, & a *NICOL. LYRANO in Genes. XXXI. & Jud. XVII.* & *ALPHONSO TOSTATO in Commentaria c. I.* relata, explodunt magnus *LUTHERVS* noster *Tom. XI. Vitemberg. Germ. fol. 216.* *VORSTIVS* ad citatum *R. ELIESERIS locum*, & saniores fere omnes. Propius ad veritatem accedit *HERM. WITSIVS*, quando *Aegyptiacor. lib. I. cap. VIII. §. II. p. 38.* definit, fuisse simulacra quædam parvula, sæculis antiquissimis frequenti in usu, in sacris primum ædiculis seposita; quæ Spiritus cuiusdam, sæpius impuri, præsentia animata, oracula fundere solebant: Larium instar, & Penatum domesticorum. *Quæ descriptio*, inquit, *colligi potest ex Genes. XXXI, 19 sq. Ezech. XXI, 21. Zachar. X, 2. 2 Reg. XXIII, 24.* Imagines vero istas, non adeo parvulas semper fuisse, ex *1 Sam. XIX, 13.* liquet, unde hominis staturam fere ex æquasse colligitur. Magis illa se nobis probat sententia, quam post *AVG. PFEIFFERV* disput. *de Teraphim*, *Vitembergæ anno 1663. publicata, Thef. XIV. IVRIEV cap. III. p. 457 sq.* tuetur, Teraphim Lares fuisse, sive Deos Tutelares & Domesticos, ad humanam effigiem, mole tamen varia, majores alios, alios minores, nec ex eadem confectos materia, qui responsa reddebant consulentibus, & bonorum omnium affluentiam procurare cultoribus suis, mala vero quæcunque averruncare, credebantur. *Ezechiel. XXI, 21.* Rex Babel Teraphim interrogasse, disertis verbis perhibetur, & *Zach. X, 2.* Teraphim vanitatem loqui traduntur. Porro lacrymis, clamore & querimoniis acerbissimis jacturam suorum Teraphim prosequabatur Micha, *Jud. XVIII, 22 sqq.* non secus, ac si de omni posthac sua, suorumque actum sit prosperitate. Confer cap. *XVII, 13.* & vehementissimam Labanis, ob ablatos Teraphim, indignationem,

Ad §. V. pag. cit.

(5) *Ab Astronomis conficiebantur*] Est hoc commentum Rabbiorum, in quibus *RASCHI ad 2 Reg. XXIII, 24.* ita commentatur: *תרפים צלמים שמדברים על ידי כשפים והעושה אותן צריך לכיון שער אמת ושנה אמת אמתן צריך לכך* Teraphim fuerunt imagines, loquentes arte magica. Fabricantibus eas necesse fuit observare certam horam, certumque annum, huic rei convenientem. Quæ eadem repetit *ad Ezech. XXI, 21. & Hof. III, 4.* Alii ulterius progressi horologia seu instrumenta ænea inde conflarunt, ut cognoscerent inde horarum partes, & cognoscerent simul futura, beneficio astrorum: quorum sententiam *ABEN ESRA ad Genes. XXXI. R. BECHAI ad Ezech. c. I. & R. DAV. KIMCHI ad 1 Sam. XIX, 13.* allegat; postremus autem addit, horologium ineptum fuisse, ut a Michale in lecto positum, mentiretur Davidem. Quicquid autem loquebantur, Diaboli ope proferebant. Et ista de constellatione fabula, Rabbiorum commentum est. Originem autem horum idolorum ab Aegyptiis arcessit, indeque ad Hebræos manasse, pro certo habet *ATHANAS. KIRCHERVS Oedipi Aegypt. Tom. I. Synt. IV. cap. III.* Hoc avide arripuit *SPENCERS*, & ad Zabios suos refert, atque Teraphim imagunculas sacras censet, pectorali insertas, quæ consultæ responsum ferrent. Vtrumque refutat *WITSIVS Aegyptiac. lib. I. cap. VIII. §. 3 sqq.* atque a Syris & Chaldæis potius originem repetit, quod *cap. III. Lib. II. p. 71.* copiose probat: *SPENCERO* vero sequentibus capitibus libri II. ex asse satisfacere laborat. Quomodo autem *IOH. HENR. HOTTINGERV* lib. I. *Histor. Oriental. cap. VIII. p. 284.* Teraphim Syrorum, cum Arabum sive Sabæorum *Tilsemath*, vulgo *Talisman* componere & conciliare satagat, ibidem legi potest, cum nostri non sit instituti, prolixius in illa inquirere. Denique, cujus sæpe jam mentionem fecimus, *IVRIEV cap. IV. p. 461. νενοταφίων* voce, qua *LXX* Michalis Teraphim designant, permotus, Teraphim ad Arcam Fœderis, cum duobus



Cherubinis quadantenus representandam, antiquius adhibitos censet. Vices autem Cherubimorum, imagines illustrium in familia virorum, quales v. g. Noah & Semus erant, sustinuisse credit. Ultimos ædium recessus ejusmodi *νεοτάτια*, cum majorum imaginibus exornasse, eamque successu temporis sibimet conciliaſſe auctoritatem statuit, ut dictas primogenitorum clarissimorum ceras, quas homines male creduli sollicitè primum asservaverant, temporis succes-

ſu adoraverint, immo tandem de rebus dubiis & obscuris, evocatis solenni ritu, mortuorum manibus, interrogationes ad easdem instituerint. Quæ, utut splendido eruditionis apparatu picta, eadem tamen, qua adstruuntur, rejici possunt facilitate, ad examen quoque paucis vocata, a IOHAN. CHRISTOPH. WICHMANSHAVSEN, disp. de *Teraphim*, Vitembergæ An. 1705. publico examini exposita §. XIII.

AD

## LIB. IV. CAPVT X.

## DE PECVLIARIBVS GENERIBVS INTERDICTÆ DIVINATIONIS.

Ad §. II. pag. 104.

*Primus est* [מעון] Bona fide allegat Auctor RASCHIVM c. l. qui tamen alias ad Deut. XVIII, 10, in aliorum, quam sua, mavult acquiescere explicatione, ita commentatus: עקיבא אומר אלו נותני עונות שאומרים עונה פלוגת יפה להתחיל וחכמים אומרים: אלו אוחזי העינים R. AKIBA dicit, Meonem sunt illi, qui dant tempora, qui dicunt, tempus istud opportunum ad aliquid incipiendum. Magistri autem dicunt: sunt, qui tenent oculos. Quod enim Auctor paragr. sequ. probe observavit, varias patitur hoc nomen originis conjecturas. Sunt enim α) qui ab עין oculus derivant, quia præstigiatores oculos spectantium fascinos tenent, ut falsum pro vero videant. Inde namque est עין Ajan, observavit oculis, & עיין oculis observans 1 Sam. XVIII, 9. & עיין præstigiatus, præstigiis usus est. Hanc sententiam tueretur CAMP. VITRINGA Comment. ad Jes. II, 6. & Observatores, Contemplatores, Visores reddit, ita tamen, ut ad Augures extendat, qui de cælo servant; ad Haruspices, qui exta inspiciunt; ad Astrologos judicarios, qui ex siderum inter se, &

ad homines σχέση disciplinam Propheticam faciunt; & in genere ad omnes, qui ex naturalibus aut fortuitis casibus, inter quos fortilegia, augurii & prædictionum materiam desumunt. Est enim hoc divinationis genus varium, addit, & verba: לא תעוננו reddit: non servabitur de cælo. Paria repetit ad cap. LVII, 4, ubi tamen haud abs re observat, vocem hanc stylo Scripturæ ad quoscunque falsos doctores referri, quod ex Jerem. XXVII, 9. Mich. V, 11. probat, nec injuria addit: Omnes doctores, qui in Divinis rebus tradendis, discedunt a verbo Dei, & delusi ab imaginatione, signis aut ratiociniis falsis, fictisque deludunt alios, hoc nomine appellantur. Verum accommodatio hæc est, ab ampliacione petita, a prima vocis & genuina notione, probe discernenda. Ast β) ABEN ESRA ad Lev. XIX, 26. ceteras recensens derivationes, mavult ab ענן nubes arcessere, quia Præstigiator, וסתכל בעננים וכרמותם אִסְפִּית נubes, earumque figuram & motum, indeque de rebus futuris vaticinari gestit. Adstipulatur Auctor noster, & post eum IAC. GUSSETIVS Comment. L. Hebr. voc. ענן. Denique γ) aliis placet origo ex עין / עונה statum tempus, ut עיין obser-

observavit commoda res gerendi tempora, indixit, quæ cuilibet negotio apta sit futura hora. Accedit his b. LUTHERVS, qui Levit. cit. loc. vertit: *ibr sollt nicht auf Vogel-Geschrey achten, noch Tage wehlen*: Deut. loc. cit. & Jer. cit. loc. *oder ein Tagewehler*. Pariter GVIL. ROBERTSONVS in *Thef. Lingu. Sacr.* vocabulum עֹנִין exponit *Observatores, qui tempora negotiis agendis opportuna observant: ut Mathematici, Astrologi, Genethliaci, & id hominum genus, de quibus Paulus ad Galat. IV.* Cui ipse quoque interpretationi meum adicere calculum nullus dubito, cum Astrologi peculiari gaudeant nomine, אַשְׁפִּים dicti Dan. II. 2. Cum primis hanc sententiam suo munit calculo vir doctissimus, NICOL. FVL- LERVS lib. I. *Miscellan. Sacr. cap. XVI.* qui, postquam מעֹנִין ab עֹנִין & עֹנָה, quod sit καίρως, *opportunitas, & עַת קְבוּעָה tempus statutum, derivaverat, ita definit: מעֹנִין igitur is est, qui constituta & definita tempora boni vel mali, leti vel tristi, prosperi vel calamitosi eventus, in omni negotio aggrediendo, videlicet in vita instituenda, itinere suscipiendo, conjugio contrahendo, legatione obeunda, bello gerendo, reliquisque tot ac tam variis casibus, privatis & publicis, qui mortalibus accidere solent, ex arte præscire, & consulentibus se prædicere posse profitetur.* Posthæc in eorum incidens sententiam, qui vocem ab עֹנִין nubes deducunt, tum מעֹנִינִים / si verbum e verbo exprimere volueris, plane *Nebulones* sonare, scite observat, ἀπὸ τῶν νεφέλων, vel a nebulis nuncupatos, nempe quod insignes essent impostores, variisque strophis & offuciis, more præstigatorum (ut & alii transulere) callide, obscure, aut ambigue responsum, mendacia sua velarent, quasi totidem nebulis: atque ita nihil aliud quam nebulas, hoc est, fumos hominibus passim venditarent. PAUL. FAGIVS tamen ad *Paraphr. Chald. in Lev. XIX, 26.* nihil definire ausus, omnes tres producit expositiones æque ac origines, ac מעֹנִין eum esse dicit, qui tener oculos, h. e. qui agit præstigiatorem, vel qui nugatur ex astris, qui computat & observat tempora, horas, momenta, & hunc diem

pro fausto, alium pro infausto habet. Aequè in incerto fluctuat IAC. ALTINGIVS *Comment. in Deut. XVIII, 10. & in Jer. XXVII, 9. Tom. I. Opp. p. 561. b. & 825. b.* omnes tres, cum etymologias, tum vocis interpretationes, in medium afferens, nec habens, quod liquido affirmet. Denique MART. DEL RIO *Disquisit. Magic. lib. I. cap. II. p. 5.* generalem amplectitur notionem, & עֹנִין quibuslibet Auguribus & Conjectoribus accommodari *Jer. cit. loc. & Mich. V, 2.* perhibet, etiam Onirocriticis: *quia hoc genus ad omnia pertineat.* Sed falsum in eo esse haud obscure colligitur, quia hoc nomen ut plurimum ceteris divinationum artificibus jungitur, satis hoc ipso edocens, peculiarem & distinctam superstitionis speciem illud designare.

Ad §. V. pag. 104.

(2) *Non invenio rationem, cur ipsi Orientem* Putida est Auctoris hariolatio, Orientalem, ceterasque mundi plagas, a situ vel statione Planetarii, nomina fuisse sortitas Hebraica, quæ certe omnem Planetariorum superstitionem multum antecesserunt: Nimirum קִידֶם Kiddem, in Pihel, est *prævenire, præcedere, priorem esse*, unde קִידֶם Orientis notionem haud dubie ab ortu Solis obtinuit. Sol enim oriens, in quacunque terrarum parte, occupat orientales partes, tam loco, quam tempore, & Occidentem a tergo relinquit, cui Auster ad dextram est, Septentrio ad sinistram. Alias in Scriptura, a situ Palæstinæ, plagæ orbis sæpe describuntur, ut *Jes. IX, 11. Syri מקדם ab Oriente*, seu ante, & *Philistæi מאחור ab Occidente* seu a tergo, quia Terra Sancta Chaldæos & Syros ab Oriente, & quasi ad faciem, Philistæos veluti post se, & ab Occidente habuit. Eodem respectu mare plagam occidentalem notat, quia mare magnum, sive mediterraneum, Judæam habitantibus in occasu est. Vbi confer, quæ solertissimus GLASSIVS observavit *Rhetor. Sacr. Tr. II. cap. VII. p. 565.* Sed hæc obiter & ὡς ἐν παρόδῳ.



Ad §. VI. pag. 105.

(3) *Secundus est מנחש Augur, Vates* ] Verbum נחש in Pihel, *expertus est, experimento didicit, auguratus est*, accipi tam in bonam partem censetur, notione indagandi, ubi quis ex rerum ponderatis secum circumstantiis, observatisque eventuum indiciis, aliquid conjiciendo assequitur, experimento discit, & sagacitate sua ad paria facta accommodat, ut Gen. XXX, 27. Laban se experimento didicisse perhibet, Domini benedictione se frui, ministerio Jacobi: ubi tamen R. SALOMO & ABEN ESRA Labanem putant adhibuisse auguria, quia Teraphim domi habebat: contra ONKELOS vertit נסיתי *expertus sum*: Gen. XLIV, 5, 15. de scypho Josephi affirmant ejus servi, quod herus נחש ינחש *divinando divinat eo*, ubi denuo ONKELOS ברקא מברק בה *inquiringendo inquit pro eo*, TREMELL. *experiendo experiens discet*, æque ut R. LEVI מנסה *exponit, tentat aut probat*, quasi diceret, vos probare voluit per illum scyphum, quales sitis, quocum ex asse consentit ABEN ESRA; contra vero LXX *οἰωνοῦντες οἰωνίζεσθαι ἐν αὐτῷ, augurio auguratur in eo*, & HIERON. *in quo augurari solet*: 1 Reg. XX, 32. de nunciis Benhadadi supplicantibus, haud dubie in bonam partem usurpatur: *Et viri ינחשן augurati*, prudenter scrutati sunt & conjecturam fecerunt, quando Ahab fratrem nuncupabat Benhadadum: *quam in malam, cum omnia captare, & auguria sectari notat, quo sensu Deus Lev. XIX, 26. prohibet: non augurabimini*, & quando de Manasse legitur 2 Reg. XXI, 6. *ועונן ונחש & prestigiis usus est, & auguria cepit*: 2 Reg. XVII, 17. Hinc נחש *augurium, observatio signorum & ominum*, Num. XXIII, 23. XXIV, 1. & מנחש *augur, ominum captator*. Non autem eorum probamus sententiam, qui cum MOSE GERVNDENSI, aliisque nonnullis Hebræis, de anguriis explicant, quæ ex avium volatu & garritu captantur, sicut cum corvi ejulatu præfagire quis contendit hominis mortem: talis enim rectius מביט בעופות *dictur*. Nugæ quoque sunt ABEN ESRAE ad

Levit. XIX, 26. כִּי נָחוּשׁ בַּצִּוְרוֹת וּבַמַּקְלוֹת וּבַמַּעֲשִׂים וּבַחֲנוּעוֹת וּבַיָּמִים וּבַשְּׁעוֹת: *probatio hæc fit figuris & baculis, & operibus, & motionibus, & diebus, & horis*. Nec hilo præstantior est R. SALOM. IARCHII interpretatio: אלו המנחשים בחולרה ובעופות פתו נפלה מפיו: צבי הפסיקו בדרך: *Illi augurium capiebant ex mustela, & avibus: & dicunt, Buccella ejus cecidit ex ore ejus, Capreolus occurrit ei in via*, quæ repetit ad Deut. XVIII, 10. adhuc novum addens sinistrum omen: *Baculus ejus cecidit e manu ejus*. Quæ conspirant iis, quæ ex R. DAV. KIMCHI libro Radic. Auctor allegat. Præstat eorum sententia, qui hujus generis augurium ad signum aliquod, sibi met ipsi constitutum, vel aliunde oblatum, restringunt, v. g. si evenerit mihi sic & sic, faciam hoc, & si non evenerit, non faciam. Ex ejusmodi enim signo experimentum, de eventu dextro vel sinistro, se capturos confidunt. Frustra autem P. FAGIVS ad Lev. c. 1. hoc illustrare satagit exemplo Elieseris Genes. XXIV, 14, 43. & Jonathanis 1 Sam. XIV, 6 sqq. Divinitus enim suggesta ipsorum animis hæc erant signa, fiduciam ipsorum eventu suo confirmatura. Sunt denique, qui Augures ejusmodi adhibuisse putant æneum lituum, indeque originem vocis esse, quia נחשת *as* dicitur. Sed nullo conjecturam colore incrustare valent.

Ad §. IX. pag. cit.

(4) *Tertius est מכשף Prestigiator, Gesticulator* ] A כשף in Pihel *prestigiis usus est*, sed apud Arabes, *detexit, revelavit*, descendit מכשף juxta Hebraismum, *Prestigiator*, qui arte magica sub oculis rem aliquam mutat, & sunt interprete ABEN ESRA ad Exod. VII, II. משנים העין *qui mutant rem naturalem ad aspectum oculi*, seu quoad speciem externam, adeoque oculos fallunt: quod magis Pharaonis tribuunt, quando virgas in serpentes transmutasse, præ se ferebant: ex Arabismo autem est rerum arcanarum revelator, quales jactabant se Chaldæi illi, a Nebucadnezare ad indagandum

gandum & explicandum somnium Dan. II, 2. acciti. Talmudici Cod. *Sanhedrin cap. VII. §. II.* non qui illudunt oculis, sed veneficiis res ipsas mutant, hac voce notari censent, quando ita definiunt: **מכשף זה העושה מעשה ולא** *Præstigiator est, qui rem patrat, non qui ludit oculos*: statimque addunt: **העושה מעשה חייב האוחז את העינים פטור** *qui rem patrat veneficiis, reus est, qui oculos ludit, liber est.* Ipsam veneficii perpetrationem eisdem pariter tribuit **אבארבנל** *ad Deut. XVIII, 10.* ubi ipsos ait corpora disponere vel præparare ad suscipiendum **רשמי המשפיעים** *impressione influentium & destruentium*, puta Dæmoniorum, quorum virtute sua faciunt opera, ut mox subnectitur. **מאמוןידע** *rem omnem in fraudes transmutat*: & primo quidem, Magos istos celeri manuum suarum motione oculos spectantium fefellisse ait, ut res aliud, quam revera esset, appareret; atque ideo dictum, **בלהטיהם** / quod idem sit, ac **בלהט החרב המתהפכת** *instar flammæ gladii vibrati*, seu huc illuc agitati. Posthæc autem refert, Doctores dicere, eos ope Dæmonum oculos hominum præstrinxisse, ut id quod revera non fecerunt, fecisse viderentur, atque ideo **בלטיהם** *occultis mystificationibus suis.* Ait igitur, Magos videri in opere serpentum motiones suas exercuisse, sed in sanguine ac ranis mystificationibus usos esse, atque ideo illic vocem **בלהטיהם**, hic autem **בלטיהם** esse usurpatam. Concludit autem, opus Magorum fuisse **שקר וזיוף** *mendacium & falsitatem*: h. e. meram illusionem: quo ipso Talmudistis in faciem contra dicit.

His junguntur in Textu **חרטומי מצרים** *Magi Aegyptiorum*, quos **ABEN ESRA** definit, *rerum naturæ peritos, qui sciunt principia & naturas rerum omnium, cunctaque, quæ occultis rationibus fieri solent.* Quo pacto Physicos innueret, quorum est, abditas rerum causas scrutari. Id vero commentum refutans **FULLERVS lib. V. Miscell. Sacr. cap. XI.** vocem ab Hebræo **חרט** deducit, ut **ח** sit hæmanticum. Istud autem,

cum stylum notet, aut cælum artificis, quin & ipsam picturam, cælaturam, sculpturam, hinc **חרטם** conjicit notare eum, qui superstitiosos quosdā characteres, picturas, imagines, figuras, aliaque ejusmodi notissima magices subsidia adhibebat, in nefariæ divinationis suæ operibus exequendis. Quæ mihi magis probantur, quam quæ habet **L' EMPEREUR in Paraphr. Jach. in Dan. II, 2.** inter Mecaſſeph & Chartum hanc intercedere differentiam, quod ille ope Diaboli opera sua perficiat, hic vero abutatur **רכרים טבעיים** *rebus naturalibus*, ut observat **ABARBENEL.** Sed de **חרטמים** integra legatur & erudita diatribe **DAV. MILLII, Dissertat. Select. VIII. pag. 221 seqq.**

Ad §. X. pag. 106.

(5) *Qui fuerunt* **ἱαυῆς καὶ ἱαυβῆς**, 2 Tim. III, 8. ] Hos Pseudo-IONATHAN in Targum *Exod. VII, 11.* diserte appellat **יבוס וימבריה** *Janes & Jambreth, Aegyptios magos.* Istos vero **ARTAPANVS** apud **EVSEBIUM lib. IX. Præparat. Evang. cap. 27.** **ἱερεῖς τὰς ὑπὲρ Μέρου**, *Sacerdotes in urbem Memphim*, **GRÆGOR. ABULPHARAIUS in Hist. Dynastiar. p. 17.** Mosis præceptores facit, quibus a filia Pharaonis traditus fuerit, in omni sapientia instituendus. Plura, qui de illis cupit, post **IOH. ALBERT. FABRICIUM in Codice Pseudepigrapho Vet. Test. p. 813 sqq.** & in *Codice Apocrypho Nov. Test. p. 249. & 342.* adeat **IOH. CHRIST. WOLFIVM in Curis Phil. & Crit. ad h. l.** qui Auctores, de nobili isthoc pare fratrum agentes, larga manu suppeditant. Huic adde **CHRIST. ARNOLDVM in Spicilegio ad IOH. HENR. VRSINI de Zoroastre &c. tractatum p. 44 sq.** **GVIL. WHISTONVM**, qui Paulum hæc nomina, ex Constitutionibus Apostolicis, in suam transtulisse nugatur Epistolam, nos castigavimus **P. III. Critica Sacra cap. II. pag. 870.** eademque ex **Θεοπνευσία** comperta habuisse Apostolum, asseruimus.



Ad §. XI. pag. 106.

(6) *Quartus est חֲבֵר Incantator* ] Deut. XVIII, 11. plenius legitur: חֲבֵר חֲבֵר *conso-*  
*cians societatem.* Alias חֲבֵר est, *conjunxit, co-*  
*pulavit:* sed ubi de incantatione occurrit, expli-  
cari solet de iis, qui incantando & adjurando  
serpentes, aut alia animalia noxia consociant, ut  
iporum opera quis sine noxa uti queat: quo  
sensu Psal. LVIII, 6. de incantatore serpentis  
legitur. Ita R. SAL. IARCHI *ad cit. loc. Deut.*  
definit: שִׁמְצָרָה נְחָשִׁים או עֲקָרִים או שָׂרָר  
חֲבֵר *qui congregat serpentes aut*  
*scorpiones, ceteraque animalia in unum locum.*  
Paulo latius vagatur MAIMONID. *de Idolol. cap.*  
*XI. §. II. חֲבֵר אי וְרו חֲבֵר Qualis est incantator?*  
*Qui verbis utitur nulli genti usitatis, & nihil signi-*  
*ficantibus, stultitiaque hac aliis it persuasum, ver-*  
*ba ista prodesse. Ita dicunt: si quis hac, vel ista*  
*profatus sit coram serpente, aut scorpione, nihil*  
*damni dabit: vel si protulerit in virum, nocere is*  
*non poterit.* Vbi plura de incantationibus vul-  
nerum, legendo e Lege comma aliquod, §. 14.  
At enim Rabbini magno consensu docent, esse  
ejusmodi Magos, qui certis carminibus & in-  
cantationibus vel animalia noxia, ad noxam vel  
inferendam, vel avertendam, congregant; vel  
etiam, qui consortium habere cum Daemonibus  
censentur. Huic explicationi adstipulatur BO-  
CHARTVS Hieroz. P. II. lib. III. cap. 6. Supra  
laudatus tamen DAV. MILLIVS, licet largiatur,  
hoc hominum genus serpentes & animantia ven-  
enata colligasse §. XI. p. 233 sqq. aliam tamen  
nominis vim ac notionem esse contendit, cum-  
que radix חֲבֵר *artissime connectere, copulare,*  
*ligare* notet, Exod. XXVI, 3. XXXVI, 18. Os. IV.  
Psal. CXXII, 3. חֲבֵרִים Magos dicit, qui non  
modo sociare sibi, sistere, & adducere, quæcun-  
que vellent, sed etiam constringere efficaciter,  
& ligare solebant, atque ita nocendi vim adime-  
re, & ad officium redigere posse credebantur.  
Censebantur quippe apud Gentiles Magi, Deos  
iplos posse ligare & cogere, unde δεισμὸς δεῶν,  
*Deorum vinculum, certa dicebatur incantationis*

species, ut ex GAULMINI *Notis ad Lib. de vita*  
*& morte Moysi* p. 189. constat. Eaque ligandi  
potestas non magicis tantum tribuebatur carmi-  
nibus, sed & herbis quibusdam, singulari cura  
conquisitis: quin & licia torquebant, factisque  
inde ligaminibus utebantur hi Magi.

Ad §. XIII. pag. 106.

(7) *Quintus est שֹׂמֵל אוֹב Consulens Obb,*  
*seu Pythonem* ] אוֹב *utrem* notat, & quando  
Job. XXXII, 19. Elijah sermonibus plenum  
se esse jactat, ut venter ejus sit vini instar effe-  
vescentis, & novos utres rumpentis, inde con-  
jiciunt viri docti, אוֹבוֹת *Huriolos* esse, quorum  
venter a Spiritu tanquam uter inflatus, non nisi  
agre eos loqui permittat. Vnde LXX hoc voc.  
Hebræum plerumque per ἑγγαστήμιον red-  
dunt, æque uti IOSEPHVS Endoream illam  
cap. 15. Græcis vocabantur Pythones, ἀπὸ τοῦ  
πυθόνος, *a sciscitando*, quod de futuris, oc-  
cultisque consulebantur. Erant autem πυθόνες,  
*Pythones*, tam, qui Spiritu ipsos obsidentem,  
utero gerebant, quorumque vox hac ipsa de  
causa exibat tenuis, exilis, acuta, instar pipien-  
tis: quam, qui per Spiritum se obsidentem evo-  
cabant Manes e terra, & pulvere excitandos, &  
demissa, stridula, ac acuta voce utebantur: per-  
inde, ut ipsæ Vmbræ evocate ex Inferis, voce  
sonabant exili, tenui, languida, quæ ab omni-  
bus intelligi non poterat: hinc Jes. XLVII, 4.  
dicitur: *Et erit tanquam Pythonis, e terra vox*  
*tua, & ex pulvere loquela tua pipiet.* Vide, quæ  
post SELDENVM de Diis Syris Synt. I. cap. 2. &  
ANT. VAN DALE de Idololat. p. 649. אוֹבוֹת  
erudite commentatus est CAMPEG. VTRINGA  
Comment. in Jes. II, 6. & VIII, 18. MAIMONI-  
DES Hilc. עֲבוֹרַת כְּכֻסִּים וּמִזְלוֹת seu de Idolol-  
atria cap. VI. §. 2. ita definit: *Est, qui consistit,*  
*ut offerat certum suffitus genus: is manu sua vir-*  
*gam vibrat myrteam, ac recepta quedam incanta-*  
*tionis verba profert: mox consulit alium, quasi*  
*loquentem secum, & interrogatis respondentem e*  
*terra,*

terra, voce submissa admodum; quam auribus percipere non valeat, sed cogitatione tantum assequatur. Paulo aliter exponit PETR. IVRIEV in *Histor. Dogmat. & Cult. Part. III. cap. V. &*, qui ejus sententiam adoptavit, Vener. SALOM. DEYLINGIUS *Observat. Sacr. P. II. p. 198.* qui voce מַן vas aqua plenum intelligunt, unde Latinis poculi quoddam genus Obba dictum sit, in quo Manium simulacra apparuerint Necromantum artificio, eodemque tempore obscuram & exilem vocem e terra prodiisse contendunt, quasi a Manibus editam. Tale vas quo utebantur in divinationibus Magi, quia Græce γάση vocabatur, hinc istud divinandi genus Græcis γασσομαντεία audiebat. Hanc γασσομαντείαν autem ita describit CASP. PEVCERVS de divinationibus pag. 299 sq. Statuebantur vasa vitrea, rotunda, aquis conferta limpidissimis, & circum collocabantur accensi cerei: cumque evocatio Daemonis occulto murmure absoluta & quæstio recitata esset, adhibebatur puer impollutus, aut mulier prægnans, quæ vitra accurate diligenterque intueretur ac circumspiceret, rogaretque, imperaret & flagitaret responsa. Ea tandem imaginibus, quæ per tersam politamque speculorum superficiem ex aquis, quadam διαυδάσει refractione, refulgebant, Diabolus exprimebat. Juxta eum igitur, hæc divinatio non voce, sed picturis, responsa expediebat. A qua tamen Idem pag. 258. Εγγασσιμύθους, & Εγγασσιμάντης distinguit, tanquam Pythonem in pectore gerentes, quod intra sese pectori ventrive inclusos Spiritus vaticinos haberent, qui vel suggerebant, vel vinctis, compressisque obfessorum linguis, ipsi efferebant ac proloquebantur, requisita præcitate vaticinia. Vnde, si utramque distinguas, componere IVRIEV cum priori sententia licebit. Ista tamen omnia non satis faciunt laudato DAV. MILLIO, qui *Dissert. VII. p. 195.* ex instituto in hoc divinandi genus inquirens, illud νεκρομαντείαν dicit, qua Manes evocabantur, ut de rebus futuris aut dubiis consulti, responsa darent. Ita namque νεκρομάντης definit PEVCERVS p. 292. qui, sacrificiis solenni ritu institutis & peractis, diris atque execra-

tionibus, ab inferis Manes educebant, cumque exiissent ac comparuissent, percontabantur. Vocabatur hoc opus ἐπικλησις τῶν ἀνθρώπων ψυχῶν, evocatio humanarum animarum. Probat MILLIUS sententiam 1) ex 1 Sam. XXVIII, 8. 2) ex Jes. VIII, 19. 3) ex Jes. XXIX, 4. firmatque Rabbiorum suffragiis. Porro §. X. p. 207. per מַן intelligit tam Manes elicitos & reductos, Lev. XX, 27. & Jes. l. c. quam Necromantem ipsum, qui Manes eliciebat, eosque confusilebat, per Jes. VIII, 19. Tandem Rabbiorum addit observationes: a) Quod Magus, qui educit Manes, eos quidem videat, sed nihil audiat: b) Ille vero, in cujus gratiam anima reducit, audiat quidem, sed nihil videat, ut Sauli accidit: 3) Quod alii denique, quorum id nihil interest, nec videant, nec audiant quicquam. Denique eum, qui Manes consulit per evocationem, ita distingui tradit a רורש המתים Consulente mortuos, ut hic sit, qui post jejunia præmissa, in sepulcro pernoctat, ut per somnia, aut etiam alio modo, a Manibus moneatur, de rebus, quas scire expetit.

Ad §. XIV. pag. 106.

(8) *Sextus est ידעני Magus*] Quod Auctor noster observat, id magna confidentia tradunt Judæi, ejusmodi Magum ita dici, ab officulo quodam avis, cui nomen ידוע Jiddoa, quod suo imponat ori, ut exinde id ipsum loquatur, homine tacente, & in furorem ac זעזעסון abrepto. Ita MATMONID. loco supra citato cap. VI. §. 3. Avem autem istam DIONYS. VOSSIVS in *Not. ad h. l. Maimon.* ait esse, quam THEOCRITVS in *Pharmaceutria* vocat ἰγγα, Latini motacillam nuncupant. Rursus ABARBENEL in *Jes. VIII. & R. SALOMO BEN MELECH in Michlat Jophi ad Lev. XX, 27.* non ad avem, sed ad bestiolam, cujus nomen ידוע Jaddua, referunt, quæ juxta R. OBADIA DE BARTENORA ad *Cod. Sanhedrin cap. VII. th. 7.* quoad vultum, corpus, manus, ac pedes, forma humana gaudeat: unde sua hauserit P. FAGIVS ab Auctore excitatus. Quas verè  
Zzz nugas



nugas dixeris, cum a ידע scivit ortum trahat vocabulum, unde LXX per Εὐδωκην Sciolum subinde reddunt. NIC. FULLERYS supra laudatus exponit προγνώσκειν δι' ἀστρονομίας, ob artificiosissimam, illustrissimam & accuratissimam futurorum contingentium præsciendi & prænunciandi rationem. Tam admirabilis siquidem est celestium motuum ἐνταξία, calorū autem ipsorum tam sublimis & late conspicua majestas, horum denique scientia, quæ Astronomia dicitur, tanta subtilitas, quam ministram se adhibere in divinationibus suis jactitabant Astrologi, ut eminentissimum ipsis dignitatis gradum conciliarit. Eas vero verborum ampullas viro docto excidisse miror, cum nihil probent. Magnus LUTHERVS noster vertit ein Zeichendeuter, qui ex superstitionis rerum notis & conjecturis res futuras edisserere gestit, veluti qui ex horoscopi inspectione, lauri crepitu, manuum vel faciei lineamentis, vel similibus divinat. CAMPEGIO VITRINGÆ Comment. in Jes. VIII, 19. ידעני est ipse Spiritus multiscius, præsentium aut futurorum gnarus, fatidicus, qui credebatur obsidere ventrem (paria enim ipsi facit cum אוב) valet idem, quod Δαίμων, & δαίω, vel δαίω, scio, cognosco. Licet vero facile largior, & ipsum Spiritum fatidicum, & Magum ex suggestionē illius respondentem, hoc nomine venire, nullus tamen dubito, quin ידעני & distinguatur ab אוב & latius pateat, & divinum quidem notet, ignota superstitione oracula, velut ex propria scientia promentem. Taceo alia, quia omnia incerta.

Ad §. XVI. pag. 107.

(9) *Septimus est חורש אל-המתים* Hi sunt Necromantæ, de quibus paulo ante præcipimus Annotat. 7. Duplici autem modo superstitionem peragebant. Alii, postquam jejuniis se macerarunt, noctu ad busta defunctorum videntes, ibique juxta ossa majorum sopore oppressi, mira se in somnio vidisse prædicabant. Alii umbras, sive mortuos evocabant, ut ab illis edocti, de occultis & futuris monebantur.

Ejusmodi enim fraudium architecti audacter jactabant, subditas imperio suo esse animarum regiones, & quas vellent, posse rursus superam traducere ad lucem. Ita Medea apud OVIDIUM Metam. VII. v. 107. jubeoque tremiscere montes, Et mugire solum, omnesque excire sepulcris. Et apud CICERON. Tuscul. Quæst. I, 16. Unde animæ excitantur obscura umbra, aperto ostio, Alti Acherontis, falso sanguine imagines mortuorum. Vide quæ huc spectantia KIRCHMANNVS habet de Funer. III. cap. 23. E Judæis MAIMON. de Idolol. cap. XI. §. 15. præter illam, quam primo loco produximus, rationem, aliam jungit: Sunt alii, qui certo vestis genere induti, verba consueta proferunt, & ex more suffitum faciunt, hinc soli dormiunt, quo mortuus, quem expetunt, accedat, ac in somnis sermonem secum habeat. Ad quæ verba DIONYS. VOSSIUS, ita quoque vocari monet, qui carmine, virga, circulo magico (ut mittam, inquit, herbam Osiritim, viscus lyncis, oculos draconis, & alia id genus sacramenta dæmoniaca) animas se excire ab inferis arbitrantur, ut ab iis non in somnio, sed vigilantes accipiant responsa, sive per os cadaveris recentis ac calidi, sive etiam eo absente: remittitque ad GEORGIUM RAGVSEIVM, Theologum ac Medicum Patavinum lib. II. de Divin. epist. VII. Obscenum denique modum addit IARCHI ad Deuter. XVIII, 11. esse talem, qui ascendere facit mortuum per membrum suum virile (בוכור) quique consulit cranium. Clarius spurciciem illam exponit BUXTORF. Lex. Targum. voc. זכור fol. 669 sq. ubi ex Cod. Sanhedrin fol. 65. col. 2. definit: אחד המעלה בוכור ואחר המעלה בגלגולת מה בין זה לזה Python alius est, qui ascendere facit mortuum per virilitatem, alius, qui ascendere facit per cranium. Quæritur: quænam est inter hunc & illum differentia? R. SAE. IARCHI, exponit: מעלה ומשיב את המת על זרורו educit ex sepulcro, & collocat mortuum super membrum virile suum. Hoc modo magiam exercebant, & per mortuum divinabant. Quæ lascivum sapiunt Rabbiorum ingenium, nec ullo probantur documento. De cranio

cranio autem mortui, in explicanda superstitione Pythonis, MAIMONIDES *de Idolol. cap. VI. §. 2.* ita perhibet: *Ita est, qui cranio mortui arrepto, illud suffitu imbuat & incantet, donec praeventem audiat vocem, quae exeat axillis, & respondeatur ei.*

Ad §. XVII. pag. 107.

(10) *Hoc jam spectrum non fuisse Samuelem*. Bene habent momenta, quibus personatum illum Samuelem, Diabolicum fuisse spectrum, Auctor demonstrat. Quibus adde 1) quod fatetur, se ascendere factum & excitum esse per incantationem sagae; quod verus Samuel nunquam edixisset, si iubente Deo venisset: 2) Samuel hic vers. 16. non loquitur, tanquam a Deo missus, quod omnino verus Samuel fecisset, nec ullam Jehovah facit mentionem, tanquam cujus nomine loquatur: 3) Nullam plane spem facit veniae vel misericordiae, sed durissima legis concione ad desperationem adigit; quod nullus Propheta unquam fecit: 4) Ipsa fatetur incantatrix, quod *Dii ipsius*, h. e. Dæmones ascenderent, satisque docet Scriptura, falsam hanc fuisse Saulis opinionem, quasi ipse sit Samuel. Dubium, quod e Textu obverti posset: comm. 15 sq. Scripturam ipsam vocare Samuelem, nec ullo proderet indicio, quod personatus solum Samuel appareat: ita diluit SEB. SCHMIDIVS *Comment. in h. l. p. 913*: non vocare Scripturam, nisi postquam Saul vocaverat, petens cum sibi evocari. Hinc ita exponendum esse Textum: *& dixit mulier: quem ascendere faciam tibi?* h. e. qualis esse debet, quem per artem meam evocare soleo? in quali forma vis sistam tibi Spiritum seu Deum meum? *& dixit Saul: Samuelem ascendere fac mihi*, h. e. in forma Samuelis ascendere fac mihi. *Et vidit mulier ascendentem*, h. e. quem incantatione sua ascendere fecerat, *Samuelem*, non sane verum, sed Diabolum in forma Samuelis. Vocat ergo Scriptura Samuelem sensu alieno, non suo: alieno, qui revera erat, etiamsi fraus & super-

stitio non ita aperte se prodebat. Quæ magni interpretis malui, quam meis, eloqui verbis. Idem posthæc *quest. V. in h. l. p. 922.* solide & operose negat, Diabolo in animas sive damnatas, sive beatas, eam competere potestatem, ut e sedibus suis eas evocare, easque in terris praesentes sistere queat: nec ejusmodi in defunctorum corpora facultatem ei esse concessam. BALTHASARI BEKKERO autem, *Lib. II. der betoverde Werelt cap. XXIII. §. 5 sqq. pag. 147 & Lib. III. cap. VI. §. 8 sqq. p. 39.* universam illam apparitionem & historiam, in fabulam vertenti, satis fecit IOH. VAN DER WAYEN in refutatione BEKKERI Belgica §. 1369 *sqq. p. 529.* quem contulisse sufficiat. In universam autem de *Spectro Endoreo* pericopam, peculiari commentatus est disputatione IOH. ERNEST. GERHARDVS An. 1663. & IOH. HENR. HEIDEGGERVS *Dissertat. Select. Tom. I. num. X. p. 259. de Pseudo-Samuele*: quibus iunge DIETERIC. *Antiqu. Biblic. p. 657.* & PFEIFFER. *Dub. Vex. Loc. LXXVII. pag. 377.* aliosque bene multos.

Ad §. XVIII. pag. 107.

(11) *Consulens baculum suum Hof. V, 12.* ] מַקְלֵי שׁוֹמֵר duplici ratione explicatur: 1) ut lignum pro imagine lignea, & baculus pro simulacro ex stipite facto, per metonymiam materiae accipiatur, ut Jer. II, 26. *Dicunt ligno: pater meus es, & lapidi: tu peperisti me.* Atque huc referunt istud TIRVLLI *lib. I. Eleg. X. ad suos Lares: Neu pudeat, prisco vos esse e stipite factos, Sic veteris sedes incoluistis avi.* Tunc melius tenuere fidem, cum paupere cultu Stabat in exigua ligneus ade Deus. Ita post R. SALOMON. IARCHIVM, explicat MERCERVS, & copiosius ANDR. RIVETVS in *h. l. Tom. II. Opp. p. 599.* ubi lignum & baculum pro eodem habet, quin & contentim sic appellari censet idola, statuas quippe ligneas, stipite factas. Ast 2) Auctor noster, sic etiam SELDENVS *Synt. I. de Diis Syris cap. 2.* Prophetam insectari arbitratur παῖδες μαυρεῖαν, quæ apud Orientales frequenti erat in



usu posita, eamque ita describit THEOPHYLACTVS: virgas duas statuentes, carmina & incantationes quasdam submurmurabant; deinde virgis, Dæmonum operatione aut effectu cadentibus, considerabant, quonam utraque earum caderet? antrorsumne, an retrorsum? ad dextram, vel sinistram? sicque tandem responsa dabant insipientibus, virgarum casu pro signis usi. Alium ex TACITO *Lib. de moribus German.* subministrat modum MART. DEL RIO *Disquisition. Magicar. lib. IV. cap. II. Quæst. 7. Sect. 3.* qui satis copiose de illa divinatione agit: & ex recentioribus HENNINIUS ad TOLLIVM *Epist. V. Itinerar. p. 217 sq.* Quomodo autem cunque se habuerit modus, quem apud gentes diversas omnino variasse facile crediderim; id tamen mihi satius videtur, posteriorem hanc de *ραβδομαντεία* sententiam, priori interpretationi esse præferendam, mentique Prophetæ exactius respondere, quia verba nimis sunt restricta, & ita habent: *Populus meus lignum suum interrogabit, & baculus ejus annuntiabit ei: nam Spiritus fornicationum errare facit eos, & fornicati sunt a Deo suo.* Vbi posterius hemistichium generale quidem est, quo ratio redditur prioris: prius autem ad certam quandam divinationis superstitionis & idololatricæ speciem determinatur & restringitur.

Ad §. XVIII. pag. 107.

(12) *Βελομαντεία*, vaticinatio per sagittas] Vocatur כחצי קלוקל *magia sagittarum*, seu divinatio per sagittas, quam scita dissertatione, de *magia sagittarum* ad Ezech. XXI, 16. Vitembergæ A. 1675. expeditit IOH. CLODIUS. Nos observamus, 1) illam ab HIERONYMO & THEOPHYLACTO, ab HVG. GROTIQ. & Auctore nostro, aliisque passim, cum *ραβδομαντεία* perperam confundi, & pro eadem haberi, quæ tamen & ex nomine, & ex procedendi modo, diversa agnoscitur: 2) non uno omnibus modo describi. Alii volunt, Augures aciem ferri sagittæ adeo acuisse & expolivisse, ut in splendenti cu-

spide, velut in crystallo vel ungue, futura cognoscerent. Sic paria fere fecerit cum *κατοπτρομαντεία*, notione verbi קלוקל, quod *acuere* vel *polire aciem* significare creditur. Ita R. DAV. KIMCHI & ABARBENEL in *Comment. ad cit. loc. Ezech.* Alii vim verbi ex levi & veloci motu explicantes, ita declarant, Nabuchodonosorem dubium, utram urbem, Rabbatham an Hierosolymam prius adoriretur, sagittas aliquot collectas, sive manu in altum jecisse, sive, quod veri magis est simile, arcu in aerem ejaculatum fuisse, earumque casum, dextrorsumne, an sinistrorsum recidissent, observasse, eo quidem consilio, ut forte experiretur, num Hierosolyma, quæ ad dextram sita, an Rabbatha, quæ sinistram tenebat, oppugnanda prius foret. Sic MART. DEL RIO paulo ante cit. loco, CORN. A LAPIDE, HECTOR PINTVS *Comm. in Ezech.* & alii: eaque sententia ob *comma sequ. apud Ezech.* vel maxime probabilis videtur, quod in bivio constitutus Rex, augurio ad dextram suadente, Hierosolymæ oppugnationem suscepturus memoratur. Alium denique modum, sed a Textu plane alienum, prodit HIERONYMVS in *b. l. Stabit rex in ipso compito, & ritu gentis sua oraculum consulat, ut mittat sagittas suas in pharetram, & commisceat eas inscriptas, sive signatas nominibus singulorum, ut videat, cujus sagitta exeat, & quam civitatem debeat oppugnare.* Hanc autem Græci *βελομαντεία*, seu *ραβδομαντεία* nominant. Juxta illum itaque, sagittam cum inscripto Hierosolymæ nomine primum extraham fuisse oportet: quem sequitur FRIEDLIVS *Comment. in b. l.* nec multum abludit IVNIVS: 3) In urbe Mecca, a se expugnata Muhammedem reperisse, in domo Cāaba, Abrahami & Ismaelis statuas, manu sua sagittas, ad fortitionem aptas, tenentes. Has vero abominatum Muhammedem, statuas illas deleri jussisse, quod pii illi senes sagittarum fortitionem nunquam fuerint sectati: referente ISMAEL. ABV'LEFEDA in *vita Muhammedis cap. LI. sub fin.* Ad quem locum observationem IOH. GAGNIERII in *Notis pag. 108.* adscribere liceat integram, quia

quia facit ad institutum. Ita autem habet: „Erat hoc genus sortilegii illiciti, quod fufe explicat Vir Cl. POCCOCK. Specim. Hist. Arab. p. 96. 97. Interdicitur Al-Cor. Sur. V. vers. 4. Quod vero partitionem facitis per sagittas- sortitionis, hoc vobis illicitum est. Vbi addit GIELALO'DDINVS: „Erant numero septem, & apud Aedituos Ca'abæ adservabantur. Notis quibusdam erant insignitæ; & illas vivificabant. Quodsi (per istas notas, seu signa) aliquid faciendum juberent, id faciebant, si vero id fieri vetarent, ab eo abstinebant.„ Hactenus GAGNIER. At LUDOVIC. MARACCIUS ad cit. loc. Alcorani p. 194. præter testimonium GIELALO'DDINI, jam allatum observat, sagittas illas pinnis & cuspidē caruisse. Sed in re obscura, ista sufficiant.

Ad §. XIX. pag. 107.

(13) Extis bestiarum rei certitudinem experiri] Aruspex, ἱεροσκόπος, θουοσκόπος, Σπλax-χοοσκόπος, est, qui aram, victimas, & exta diligentius inspiciebat, ut futura prædiceret. Hinc & Extispices dicti, qui postquam hostia immolata est, & dum adhuc palpitarent exta, observabant, an situ naturali posita, sana, integra & vegeta, vel aucta; an vero tabefacta, morbida, pallida, ulcerosa, languida, livida, quibus dein portendebant. OVIDIUS Metam. lib. XV. vers. 136. Protinus ereptas viventi pectore fibras Inspiciunt, mentesque Deum scrutantur in illis. Ita SENECA in

Thyeste IV. vers. 755. Erepta vivis exta pectoribus tremunt, Spirantque venæ, corque adhuc pavidum salit; At ille fibras tractat, ac fata inspicit, Et adhuc calentes viscerum venas notat. Maxime observabant, an aut absit aliquid, aut superfit. Quippe infelicissimum erat, si aliqua pars abesset, atque exta pestifera dicebantur. Repente extis vidimus, ait PLINIVS lib. XXVIII. cap. II. adimi capita vel corda, aut geminari, vitima stante. Vbi caput v. g. jecinoris, venarum hepatis truncus est, aut portæ ingredientis, aut cavæ prodeuntis. Hinc CICERO lib. II. de Divinat. cap. XV. Caput jecoris ex omni parte diligentissime considerant: si vero id non est inventum, nihil putant accidere potuisse tristius. Latum e contrario habebatur omen, si jecur duplicatum. ut est apud SVETONIUM in Augusto cap. XCV. num. 2. Immolanti omnium victimarum jecinora replicata intrinsecus ab ima fibra paruerunt. Copiose de his præceperunt STRUVIUS Antiqu. Rom. cap. VI. p. 289. STUCKIUS de Sacrific. p. 192. BLENGERIUS de Sortit. cap. VII. alique paganarum antiquitatum scrutatores. Singulos autem, universo hoc Capite memoratos divinos, adeo in ancipiti ponit, & dubios reddit BALTH. BEKKER in der betoverde Werelt, toto libro III, nihil ut reliquum faciat, quod credas aut affirmes, omnem movens lapidem, ne ex illis, commercium hominibus nequam cum Diabolo intercedere, colligatur.







# ANNOTATIONES

AD

LIBRUM V.

## DE CONSISTORIIS SEV CONSESSIBVS.

CAPVT I.

DE CVRIIS FORENSIBVS, ET  
CONSISTORIO ECCLESIASTICO.

Ad §. I. pag. 108. & §§. seqq.

*Quædam res Ecclesiasticas, & quædam res Civiles & publicas dirigebant*] Duas diversas statuit Auctor Curias apud Hebræos, *Ecclesiasticam* alteram, alteram *Civilem*, & utramque distinguit α) Assessoribus, ut prior e Sacerdotibus, posterior e Senioribus populi, componeretur; β) Causis, quæ in illa religiosa, in hac civiles, cognitæ fuerint; γ) Effectu, ut excommunicationem illa, poenasque, quas hodie Canonicas dixeris, hæc corporis, fortunarumque afflictivas, inflixerit; δ) Nominibus, ut prior Syndrium, posterior diceretur Synagoga. Ne vero gratis hæc asseruisse videatur, probare satagit 1) ex *Deuter. XVII*, 8, 9, ubi graviores causæ per provocationem devolvi jubentur ad Sacerdotem & Levitam, tum quoque ad Judicem: & vers. 12. ubi poena capitis sancitur in illum, qui auctoritatem & sententiam Sacerdotis defugiat in iudicio, aut Judicis: manifesta inter iudicium Ecclesiasticum & Saculare seu civile, indicata distinctione: 2) Ex 2 *Chron. XIX*, ubi Josaphat

vers. 5. oppidatim curias & tribunalia constituisse, vers. 8. autem Sacerdotes & Levitas iudices ordinasse perhibetur, ibi civilia, hic ecclesiastica fora populo præficiens: unde quoque vers. 11. Amariam Sacerdotem Summum, Præsidentem constituit in rebus Ecclesiasticis, Sabadium autem filium Ismael, Principem in domo Juda, h. e. Directorem curiæ civilis, in cognoscendis causis regis, sive politicis: 3) Ex *Jerem. XXVI*, 8. ubi iudicium Ecclesiasticum, nimirum Sacerdotes, Prophetæ & omnis populus, prehensisse memorantur Jeremiam, necique addictum, in vincula coniecisse, vers. 16. autem, principes populi, maxime vers. 24. Ahikam, filius Saphan, Jeremiam absolvisse, e manu turbæ & imminente cæde eruisse traduntur: ubi rursus distincta intelligis iudicia, alterum alterius sententiam corrigens & emendans: 4) Ex Nov. Test. ubi Matth. XXI, 23. & XXVI, 3. Ἀρχιερεῖς atque πρεσβύτεροι τοῦ λαοῦ, tanquam diversi ordinis & confessus viri, mutuo opponuntur. Sic Matth. X, 17. συνέδριον & συναγωγή, tanquam curiæ diversæ, diserte allegantur. Eandem binorum in republica Judaica summo-

premorum judiciorum distinctionem, in Ecclesiasticum & Civile, vir doctissimus tuetur CONSTANT. L'EMPEREUR *Notis ad Cod. Middoth cap. V. Sect. III. p. 187. & ad BERTRAMVM p. 389.*

Hanc tamen Auctoris sententiam, uterque ejus Commentator, REIZIVS & HOTTINGERVS impugnatur, & distinctum hunc negat confessum, rationibus non contemnendis. Nos, ut media incedamus via, & veritati litemus, distincte pronunciamus: A.) Dividi quidem Hebraeis judicia, in *supremum*, ad quod provocare licebat in causis gravioribus, & *inferiora*, quae oppidatim constituta, lites leviores dirimebant; de quibus infra differendi erit locus: duas autem supremas Curias, Ecclesiasticam & Civilem, assessoribus, causis & effectu distinctas, prout Auctor distinguit, Scriptura pariter ac universa Hebraeorum antiquitas ignorat. Hinc & nos B.) ab Auctore discedimus, *partim* ratione numeri, cum unum saltem fuerit Dicastrium summum, non plura Deut. XVII, 8, 9. inferiora & oppidana quidem plura Deut. XVI, 18 sq. non autem, nisi unum supremum, cujus sententia omnino in causa quacunque erat standum: *partim* ratione subiecti, sive Assessorum. Suprema enim curia ex tribu Levi & ceteris tribubus, sive ex Sacerdotibus, Levitis & Judicibus, h. e. reliquis judicii Assessoribus, componebatur Deut. XVII, 9. & quemadmodum LXX Seniorum Senatus, Moisis tempore Num. XI, 16 sqq. ex omni tribu Israelis colligebatur, ita posthac pariter tam Sacerdotum ac Levitarum, quam Seniorum aequales in hoc Senatu erant partes: unde quoque in Synedrio, quod Christum propter impactam Templi violationem, & propter haeresin, capitis damnabat, & Pontifices ac Sacerdotes, & Seniores atque capita populi concurrebant, teste historia Evangelica: *partim* ratione objecti sive causarum; quia cum in ecclesiasticis ac religiosis, tum in civilibus quaestionibus, sententia ab uno petebatur Synedrio M. nec immerito. Non enim alias, nisi Divinas & Mosaicas respublica Judaica leges agnoscebat. Si ergo quaestio religionis in controversiam veniret, Synedrium de-

cidebat ex ore Sacerdotum, qui legem custodiebant Malach. II, 8. fin civilis, vel admissum crimen, iterum juxta leges Mosaicis pronunciabatur, quarum interpretatio tam apud Sacerdotes stabat, quam Judices, legis peritos. Unde quoque Levitae per universam Judaeam habitabant dispersi, ut oppidana judicia, in singulis civitatibus, exactos & bene gnaros haberent legis interpretes: *partim* ratione effectus, cum summus Senatus tam excommunicationem, quam capitis poenam, vel fustigationem quoque irrogaret, ut Christi & Stephani, nec non Apostolorum exemplo, Actor. IV. & V. liquet. Hinc C.) facile diluitur, quod ex citatis dictis, pro sua sententia colligit Auctor. Deut. XVII. enim Sacerdotes, Levitae & Judex junguntur in uno judicio, nulla vero ratione tanquam distinctorum collegiorum Assessores mutuo opponuntur. 2 Chron. XIX. oppidanæ curiae Synedrio M. sive curiae provinciali opponuntur, tanquam distinctae, causa vero omnis, tam civilis, quam ecclesiastica, ad Synedrium M. deferri jubetur, nec eidem Consistorium Ecclesiasticum ad latus jungitur. Quod vero Amarja rebus sacris, quae Jehovaham concernebant, Sabadia civilibus praesideret, id non duas diversas curias, sed duas saltem classes, duos ordines causarum in eadem curia (*zwey Departements und Expeditiones*, ut hodie loquimur) evincit, ita ut decisivam in ecclesiasticis Pontifex, in civilibus Sabadia ferret sententiam, communicatis tamen consiliis. Quae cum Jeremia cap. XXVI. acta, non judicialiter, sed per tumultum facta, ad duplicem evincendam curiam, plane nihil conferunt, alias enim totus populus una in Ecclesiastico confesso votum habuisset vers. 8. & in Politico confesso pariter, & Synedrio sacro contradixisset vers. 16. utrobique enim universus populus memoratur. Testimonia demum Novi Foederis, utrosque, & Sacerdotes, & Seniores populi, in unum potius concilium compingunt, quam ut separent & divellant. Denique Matth. X, 17. aliud est Apostolorum, tanquam reorum, examen atque condemnatio, quae non in sacris publicis, sed in Syne-



Synedrio peragebatur, aliud sententiæ executio & pœna, quæ ad prostituendos Apostolos, & avertendum plebis applausum, in loco publici conventus sacrorum, in Synagoga, vel juxta eam, infligebatur. D.) Alia tamen fuit regiminis Judaici facies post Urbis desolationem & gentis cladem, ubi negari nequit, controversias religionis relatas fuisse ad בית רין של כוהנים concilium Sacerdotum, & Scripturæ interpretum, aut Rabinorum, quod BARTENORA memorat in *Annot. ad Mischn. Tr. יומא cap. VI. §. 3.* civiles autem בית רין domum judicii, vel ישיבה confessum judicii diremisit, qui ex gravibus & doctis viris omnium tribuum & ordinum constituebatur. Multa in hanc rem studiose congeffit VITRINGA *Lib. II. de Synag. Vet. cap. IX. pag. 550 sqq.* Quemadmodum hodieque alii sunt ordinarii Rabbinii & legis Interpretes, qui in Sacerdotum velut locum successerunt, & in causis religionis sententiam ferunt, alii פרנסין Gubernatores, Principes politici, qui lites dirimunt civiles. Vide BUXTORF. *Lex. Targum. b. v. p. 1822.* E.) Jure denique HOTTINGERVS in *Not.* insignem Auctoris ἀβλεψίαν redarguit, qui §. V. Synagogam M. cum Synedrio M. temere confundit. Differunt omnino 1) *Ætate*: cum Synedrium a Mose institutum, ad Christi usque tempora, immo ad excidium usque Urbis & reipublicæ duraverit, Synagoga M. ab Esdra natales cepit, & desierit in Simeone Justo, qui Alexandro cœvus erat: 2) *Officio & functionibus*. Illud causas graviores religionis, causas belli & pacis, regiminis item publici, & lites, per appellationem huc translatas, tractabat; hæc in religionis puritatem, Codicis Sacri integritatem, & vitæ sanctimoniam morumque censuram incumberebat, tam servandam, quam ad posteros transmittendam: 3) *Numero Assessorum*. Synedrii Assesores erant LXX, Synagogæ CXX. Quamquam hos non una, & eodem tempore, sed successive, quoad hic confessus duravit, Senatui huic interfuisse, alias fuerit a nobis ostensum, ubi simul docuimus, fieri omnino potuisse, ut multi Assessorum utrique Collegio navarint ope-

ram, ita tamen, ut ipsa Collegia distincta essent, diversaque utriusque munia. Vide *Criticam nostram Sacr. P. I. cap. V. §. IX. ex 9. 3. pag. 213.* Denique F.) adhuc addere juvat, Judæos quoque בית רין של שלשה יושב על הכסא Synedrium calesse statuere e tribus constans, sedens super throno, atque judicans mundum, prout quilibet meretur, apud R. IOSEPHVM BEN GEKATILIA in *Schaare Orab fol. 34. b. fin.* quando nimirum tria illa nomina El, Elohim, & Jehova in Scriptura junguntur, quo ipso Sacrosanctam Trinitatem ipsos luculenter fateri asserit, ipsorumque suffragiis demonstrat GEORG. ELIEZ. EDZARDVS in *Berachoth cap. I. num. 39. p. 200 sqq.*

Ad §. VI. pag. 109.

(2) *Vocabant נשיא, Principem, seu Judicem supremum*] נשיא ante desolationem Urbis, & stante adhuc republica Judaica, Synedrii M. Præses ac supremus Director, post gentis autem cladem, supremus scholarum Judaicarum Rector, dicebatur. Cum enim Curia Juridicæ, post reipublicæ destructionem mutarentur in Academiæ, & Synedria post everisionem Hierosolymæ facta manserint recta in Palæstina, jurisdictione tamen iis adempta, hinc, cum Judicibus jus amplius dicere denegatum esset, id inceptum docere, unde, qui ante judicii sive dicasterii summus erat moderator, נשיא/ idem post hæc pro summo scholarum Judaicarum Rectore habitus fuit, postquam Curia formam acquisiverunt Academiarum: ut laudatus VITRINGA docet *Lib. I. P. I. cap. VII. p. 162 sq.* & SELDENI suffragio firmat. In Babylonia autem נשיא & ראש הגולה Caput exilii æquipollebant, quia ibi in exilio agebat Schola sive ישיבה. Sapissime hic honoris titulus cum nomine proprio concrevit, velut v. g. Hillel Hannasi passim dicebatur. Hic ergo supremum in consensu Patrum locum tenebat. Confer denuo VITRINGAM *lib. II. cap. V. p. 522.*

Ad §. VI. pag. 109.

(3) *בית דין* *Patrem Diaconii*] *Pater Curia vel Senatus* est, qui dextrum Prædis latius clauderat, & in causis judicialibus primus sententiam dicebat. Principe ergo inferior erat, attamen ita ut summa ejus esset auctoritas in controversiis decidendis, cum *חכמים* seu ceteri Assessores in ejus sententiam fere omnes pedibus irent. Vide SELDEN. *Lib. II. de Synedr. Hebr. cap. VI. §. 1.* Hodie vero, ubi eadem apud Judæos obtinet dignitas, haud eodem ubivis modo administratur. Francofurti ad Moenum *ב"ר* litigantibus jus non dicit, sed tantum de licito & illicito, de immunditie, & similibus casibus conscientia, pronunciat: sunt quippe ibi alii, juri dicundo præfati, *דיינים* *Judices* dicti, qui sex numero, neque tamen omnes simul, sed per vices bini vel terni, hoc munere funguntur. Alibi vero *ב"ר* etiam jurisdictionem exercet, teste BYXTORFIO & LEONE MUTINENSI. Et hujus generis sunt omnes illi, qui Principum quorundam indultu in Germania, ubi Judæis in causis plerisque, tam religionis, quam civilibus, suo jure vivere datur, per integras regiones causas cognoscunt, & quasi Prætores Provinciales jurisdictionem habent. Ita R. MEYER *Francfurter*, RHENFERDIO *Dissertat. pag. 504.* memoratur, ante hos triginta circiter annos in Clivis Abh Beth Din fuisse, inde Confluens fuisse evocatum, ubi Judæis, per universum Archi-Episcopatum Trevirensis dispersis, jus dixerit. Quæ autem controversiæ circa hunc titulum inter viros doctos IACOB. RHENFERDIVM & CAMPEGIVM VITRINGAM interceserit, in scriptis ipsorum *αποβόλοις* lege: apud priorem *de decem otiosis Synagoga cap. III. §. 24. pag. 201:* apud posteriorem *de Decemviris otiosis p. 281 sq.* quibuscum confer quæ Idem *de Synag. Vet. Lib. II. cap. X. p. 576 sq.* monet.

Ibidem.

(4) *ב"ר* *Vicarius seu Pontifex secundus*] De eo sufficiant, quæ supra annotavimus ad

*Lib. I. Cap. V. §. XVII. Annotat. 26.* Bene quoque habent, quæ huic loco adseruit IOH. HENZ. REIZIVS in Not.

Ad §. eund. pag. ead.

(5) *Falsum est*] Contrarium adeo ruetur IOH. GERH. MEVSCHENIVS, ut peculiari potius diatriba, Pontificem Max. *נשיא* *Directorem* Synedr. Magni fuisse, contra Virum illustrem, SCHWARZKOPFIVM Cancellarium, evincere annisus sit, subjuncta ejus *Nov. Test. ex Talmude illustrato p. 1184 sqq.* Dudum autem scitum hoc profligavit SELDENVS *lib. II. de Synedr. cap. XV. §. 14.* & omnino vereor, ut calculum mereatur Hebræorum, qui Principem semper ex familia Davidis oriundum fuisse, contendunt. Sic R. DAVID GANZ in *Tzemach David ad A. O. 3725.* ubi de Hillelis magni præsidio egit, disertè pronunciat: *Moris enim erat Hierosolymis, ut, licet regnum penes familiam Assamoneorum, & mox Herodis, esset, הנה תמיד היה נשיא מבית דוד, semper tamen Princeps esset ex familia Davidis. Rex enim belli dux erat, ceteraque regni negotia administrabat; quæ vero ad legem, ceremonias, atque judicia attinebat על פי הכוהן הגדול והנשיא מבית דוד היו נעשים* ex Summi Sacerdotis, & Principis ex familia Davidis, sententia gerebantur. Si ex familia Davidis, quomodo Sacerdos M. quem ex prosapia Aaronis ortum trahere oportebat? & quomodo Sacerdos M. & Princeps mutuo distinguuntur, utraque dignitas si penes eundem esset? Affinis huic, licet non idem cum illo, error est Cardin. BARONII, qui *Annal. ad A. C. XXXI. הנשיא* *Principem* etiam *Ἀρχιερέα*, Pontificem Max. dictum contendit, atque hoc commento Luc. III. 2. ubi conjunguntur Pontifices simul bini, Annas & Caiphas, quorum posterior eo tempore sedem solus tenuit, componere & expedire nititur, cum prior *Ἀρχιερέως* appelletur a Luca, quod Synedr. M. Princeps esset. Istud quidem effatum CASABONVS *Exercit. XIII. c. BARON. Tom. V. & MONTACUTIVS Analect. Exerc. VI. Sect. V.*

Aa a a

cum



cum sibilo exploferunt, ejus tamen sententiam, licet paulo emendatam & correctam, adoptavit, & rationibus nonnullis munire aggressus est doctissimus SELDENVS *lib. I. de success. in Pontif. Hebr. cap. XII. p. 371.* Nullo enim idoneo scriptorum vetustiorum testimonio comprobatum unquam est; Synedrii Principem salutatam fuisse *Ἀρχιερέα*: universa autem, quam SELDENVS tam operose iniit, probandi ratio, possibilitatem solum suadet, Principes autem Synedrii reapse *Ἀρχιερέων* nomine appellatos unquam fuisse, nullo documento evincit. Ea tamen propter negandum non est, Summum Sacerdotem ad Synedrium M. ut plurimum pertinuisse. Sane apud Mosen Sacerdotes liquido ad illud referabantur Deut. XVII, 9. quidni Pontifex Supremus? & historia Evangelica, maxime passionis, in Senatu Summo toties eorum mentionem in-

jicit. Auctor vero noster haud dubie nititur auctoritate MAIMONIDIS, qui in Hile. סנהדרין *cap. II. §. 4. & 5.* ita definit: *Non adsciscitur Rex Israelis in Synedrium, quoniam non permittitur (cuiquam) ab eo (Rege) dissentire aut contradicere verbo ejus אכל מושיבין כהן גרול און בחכמה היה ראוי attamen adsciscunt Pontificem Max. si modo sapientia ejus dignitati respondeat.* Eo itaque res omnis redit, conjunctam non semper fuisse cum Pontificatu supremo Affessuram in Synedrio, quanquam *ὡς ἐπὶ τὸ πᾶν* Pontifex Concilio magno adscriberetur, nisi insigni laboraret in lege & literis ruditate, quales sacris præfuisse nonnullos inficiari non audent Judæi. Regem autem a Synedrio exclusum fuisse, copiose docet SELDEN. *lib. II. de Synedr. cap. IX. §. 7.*

AD

## LIB. V. CAPVT II.

## DE EXCOMMUNICATIONE.

Ad §. I. pag. 110.

*Tres erant excommunicationis gradus* ] Tresne, an bini solum sint excommunicationis apud Judæos gradus, ambigue disceptatur inter Antiquitatum peritos. Auctor noster tres statuit, ut Judæi & Christiani passim: at vero COCCHEIUS in *Excerpt. Gem. Sanhedr. cap. I. §. 9. not. 5.* SELDENVS de *Jur. Nat. & Gent. Lib. IV. cap. 8. p. 533 sq.* fursusque *lib. I. de Synedriis cap. VII. p. 56.* & HOTTINGERVS *Not. ad Auctor.* duo tantum genera agnoscunt, 1) quia ממש fere æquipollet *אין ממש* eademque in utrumque segregatum formula pronunciata in Talmude & apud Rabbinos legitur: 2) quia solennitas & ritus utriusque prioris excommunicationis, in Talmude & apud Magistros traditur, de tertii autem gradus ritu, vel formula, vel exercitio,

altum ubique est silentium. Censet autem SELDENVS, quia aliqua horum vocabulorum differentia in votis, rebusque aliis intercessit, inde factum, ut imperiti solennem excommunicationis gradum, a prioribus distinctum, ex ממש exculpserint. Denique *διχοτομίαν*, sed *ὡς ἐν παρῳδῳ*, SELDENVM securus, tuetur etiam CAMPVITRINGA *lib. III. de Synag. Vet. P. I. cap. IX. p. 739.* Et si vero, tantis derogare aut contradicere nominibus, nos non audemus, tritam tamen *τρίχοτομίαν* eo usque amplectimur, donec certis rerum argumentis de superiore sententia convincamur. Quod autem nulla apud Judæos formulæ vel ritus tertii generis delineatio reperitur, forte inde est, quod infrequens admodum ממש esset inter Judæos, & vix usurparetur, quod BONAV. CORN. BERTRAM. *cap. VII. p. 84.* testatur: *hujus anathematis non ita semper*

*semper nota est nobis ratio, usus est etiam rarissimus; cuius rei rationem infra suo loco reddemus: vel etiam, quod a formula חרם non, nisi paucis forte mutatis vel interjectis, abiret. Tres autem hos gradus obtinuisse, testis est ELIAS LEVITA in Tisbi voc. שמחה, ubi discrete definit: Tres sunt species excommunicationis, Niddui, Charem, & Schammatha. Niddui consistebat in segregatione; quodsi ita non respiceret, devovebant eum per Charem. Quodsi autem nec tum respiceret, devoverunt eum per Schammatha. Schammatha autem idem denotat, ac si dicatur שם מיתה ibi mors, quae longe a nobis absit. Idem affirmat DAVID DE POMIS, cuius tamen longe inferior est auctoritas, in Lexico h. v. & celebris ille R. GERSON, cuius infra §. IX. fit mentio. Ex nostris: adstipulatur, fide MAIMONIDAE, THEODOR. DASSOVIUS Antiquitatum Hebr. Hafniae A. 1742. in 8. edit. cap. XXI. §. XI. p. 174.*

Ad §. II. pag. 110.

(2) *A Judeis dicitur Niddui*]. Prima hæc & levissima est excommunicationis species, נרדו separatio a cætu Ecclesie: a Rad. נרה in Pihel, procul removere, expellere, segregare: hinc Menaddeh excommunicans, Memuddeh excommunicatus, Hitnaddah, vel Nithnaddah excommunicari; estque certis legibus restricta transgressoris, a conversatione hominum, ad certum tempus, separatio. Vide Buxtorf. Lex. Targum. h. v. p. 1303. Infigebatur autem illa ob XXIV. causas, quas sparsim ex Talmude congestas, ita recenset MAIMONID. Hile. Talmud Thora cap. VI. p. 22. nimirum 1) si quis contemnit Rabbium vel Sapientem, etiam post mortem ejus: 2) spernens בית דין שליח nuncium judicii: 3) qui conviciatur hominem liberum, eumque עבד servum per contumeliam appellat: 4) qui ad tempus condictum non comparuit coram iudice: 5) qui spernit præceptum unicum Scribarum, ne dicam Legis divinæ: 6) qui latæ adversus se sententiæ immorigerum se præbet: 7) qui non abolet de bonis suis, quod alteri

noxam inferre poterat, v. g. canem mordacem, scalam fragilem: 8) qui fundum suum vendiderat Gentili, nec resarciret damnum quodcumque, inde redundans in proximum suum Israelitam: 9) qui testimonium dicit in tribunalibus Gentilium: 10) Sacerdos mactans, qui non deposuerat donanda Sacerdotibus ceteris: 11) qui profanat diem feriatum secundum in captivitate, tametsi id esset ex consuetudine: 12) qui opus aliquod facit pridie Paschatis, post meridiem: 13) commemorans nomen Dei frustra, aut per juramentum vanum: 14) adducens alios ad profanationem nominis divini: 15) adducens alios ad esum rerum sacrarum extra locum sacrum: 16) qui annos supputaret, & menses præfigeret, extra terram sanctam: 17) labi faciens cæcum: 18) retardans alios a faciendo Legis opere: 19) mactans, qui permiserat pecudem laceratam exhiberi: 20) mactator, qui non ostendit coram Sapiente cultrum suum: 21) difficilem se præbens ad discendum: 22) qui repudiavit uxorem, eamque vel denuo assumsit, vel conversationem cum ea coluit: 23) Sapiens malæ famæ & estimationis: 24) excommunicans eum, qui tale quid non meruerat.

Formulam, qua usi sunt in hac excommunicatione, talem memorat MAIMONID. citat. loc. cap. VII. p. 23. col. a. פלוני יהיה כשמתא N. N. fit in excommunicatione. Si autem excommunicatio fieret בפני המנורה coram excommunicato, formula hæc erat: כשמתא פלוני זה בשמתא præsens N. fit in excommunicatione. Cum nomen excommunicandi non constaret, dicebant: הרוג בשמתא גברא homo ille fit in excommunicatione. Quando autem excommunicatio peragebatur בפני דא non coram, sed denunciabatur absenti, tunc hoc fiebat vel verbis, per alium quempiam, vel publicabatur scripto per Scribam publicum, idque scriptum dicebatur כתב של נרדו vel פתחא של נרדו. Fiebat autem hæc excommunicatio non solum auctoritate publica, sed etiam, pro ratione causæ, privatim a privato. Sic si quis nomen Dei in vanum assumsisset, is, qui audierat, obligabatur ad eum excommuni-

Ad. aa 2. candum,



candum, quod si non fecerit, ipse reus erat excommunicationis.

Ad §. II. pag. 110.

(3) *Ea separatio triginta dierum erat*] Durabat hæc excommunicatio spacio mensis, five XXX dierum, si resipiscat: sin minus, duplicabatur ad sexaginta, aut triplicabatur ad XC dies. Si nec tum resipuerit, secunda specie puniebatur, quæ est חרם. Vbi tamen bene distinguendum est inter נרוי & inter נזיפה seu *objurgationem*, aut præcedaneam admonitionem, quæ erat saltem septem dierum, & præcedebat excommunicationem, fiebatque, quando quis in dignitate constitutus delinquentem increpabat: et si Epicureissimum statim absque præmonitione excommunicarent, affirmante R. ASCHER *Comment. in מועד קטון fol. 36. col. 2.* Si quis autem intra dictum septiduum supplex non fiebat, sed pertinax in malitia sua persistebat, tunc condemnabatur ad Niddui, atque XXX dies ad conversionem concedebantur, & licet intra hoc spaciū ad bonam mentem rediret, non tamen statim absolvebatur, sed quandoque pecuniæ quandam summam pendere tenebatur, inprimis si læserat Sapientem, teste MAIMONIDE in Hile. *Talmud Thora cap. VI. §. 6.* Si supplex המנודה ad preces confugeret, tum intra hoc tempus fuit solutus, privatim quidem, si excommunicatio privatim esset facta; publice, si publica fuerat excommunicatio. Solvebatur autem vel præsens, cui dicebant: לך ומחול לך *absolutus es, & delictum tibi est remissum*: vel absens, per nuncium aut schedulam, docente rursum MAIMONIDE d. l.

Ad §. III. pag. 110.

(4) *Sub istius tamen separationis conditione*] Pergit Auctor ad effectum hujus excommunicationis, ut a commercio & consuetudine hominum transgressor excluderetur, donec ad bonam mentem rediret. Huc spectant, quæ

Gemara in *Moed Katon fol. 15. col. 1.* & ex illa MAIMONID. *cit. loc. cap. VII. §. 1 sqq.* tradit, ut intra hoc tempus excommunicatus tondere ac lavare se, instar lugentis prohiberetur; non admittebatur in confessum ordinarium Decemvirorum, qui ad circumcisionem peragendam, connubia stabilienda, libellum repudiū dandum, solenniores preces ad Deum fundendas, & alia solennia requirebatur; non assidebant ei, nisi intra quatuor cubitorum spaciū, exceptis tamen ejus domesticis, uxore & liberis, שמתרין עמו quibus *permisum fuit, eum accedere*: quin &, si ita visum esset Senatui, interdici ipsi poterat, ne convivio trium interesset, nec si mortuum haberet, eum quis sepeliret, nec si filius ei pareretur, eum quis circumcideret. Attamen docere alios, & doceri poterat, verum separatim, in loco, ubi docere alias non consueverunt; in Templum quoque ingredi ei licebat, at certo ritu, ut cognosceretur excommunicatus esse. Ceteri, qui ingredientem ita notatum viderent, dicebant ei: השוכן בבית הזה יתן בלבבך ותשמע לדברי חבריך ויקרבוך *qui inhabitat hanc domum, indat animo tuo, ut obtemperes verbis sociorum tuorum, & restituant te.* Si quis moriatur in excommunicatione ista, non lugent propter eum, neque funus deducunt, verum בית דין טוקלין את ארונו *domus judicii-lapidat loculum ejus*, ut est in Gem. *Moed Katon cap. III. fol. 15. col. 1.* quod tamen ibidem statim explicat R. IEHVDA: non ac si saxorum cumulum super eum congererent, instar tumuli Achan, sed iudices mittunt, & ponunt saxum aliquod super loculum ejus, ut doceant, cujuslibet excommunicati, qui in sua excommunicatione moritur, tumulum esse lapidandum.

Ad §. IV. pag. cit.

(5) *Qui vocatur Judeis חרם*] Voc. חרם & verbum החרים *devovit, consecravit*, notat in genere separationem, vel remotionem, æque ut verb. קרש in Pih. *consecravit Domino*, quia omnis consecratio in remotione ab usu communi & pro-

profano, & destinatione ad usus sacros, consistit. Vnde Arabibus *charama* est prohibuit, & *charamon* notat sacrum, quod non est promiscui usus. Ita **חרם** *res Deo devota*, sive consecrata, & ab usu communi & profano segregata est, atque pro diversitate rei & devotionis factæ, vel in bonam partem, vel in malam sumitur. In bonam, pro re Deo dicata & consecrata, Lev. XXVII, 28 sq. Num. XVIII, 14. in malam, pro re, quæ detestanda, execranda, excludenda, adeoque, e medio tollenda est Deut. VII, 26. Quædam enim Deo consecrabantur, ut ex oculis hominum removerentur, adeoque occidebantur; quædam vero ad usus sacros destinabantur, vel in rei gestæ memoriam in Templis asservabantur; de utrisque autem vox hæc in Scriptura usurpatur. Vernacula nostra distinguit, ut alia notio sit verbi *verbanen*, alia verbi *heiligen*. Quando autem excommunicationem vox **חרם** notat, indefinite nonnunquam & generaliter pro qualibet sumitur excommunicatione, quo sensu ELIAS LEVITA in *Tisbi* pronunciat, tres esse species **חרמות** *anathematum*: pressius autem & curatius accipitur, pro altero anathematis gradu, qui **נִדְדוּי** Niddui opponitur, & graviolem execrationem involvebat, in quam incidebat, qui in Niddui penitentiam agere recusabat, & multis cum diris ac execrationibus, ex Deut. XXVIII. & aliunde excerptis, peragebatur.

Ad §. VI. pag. 110.

(6) *Ἀνάθεματά & ἀναθήματα, donaria Diis consecrata*: SVIDAS quidem utramque notionem unicuique harum vocum assignat, καὶ τὸ ἀνατιθέμενον τῷ θεῷ, καὶ τὸ εἰς ἀφαισµὸν ἐσόμενον, & illud donum, quod Deo dicatur, & id, quod de medio tollendum est: utrumque enim, utroque vocabulo dici, addit. Curatius autem distinguit SALMASIVS Exercit. Plinian. p. 767. a. diserte pronuncians: Nusquam ἀνάθημα apud Græcos in malam partem accipitur: nec illi unquam ἀνάθεμα dixere pro ἀνάθημα. Ut hinc

liqueat, aliud esse ἀνάθεμα, aliud ἀνάθημα, licet contra sentiant Viri in his literis doctissimi. Ἀνάθεμα enim proprie separatum ac semotum designare, auctoritate Apostoli probat, qui Rom. IX. ait: *ἡυχόμεν γὰρ αὐτὸς ἐγὼ ἀνάθεμα εἶναι ἀπὸ τοῦ χριστοῦ*, i. e. *separatus & alienatus a Christo*. Contra vero ἀνάθημα pro donario, ac re templo dicata, sumi. Nec de omni re, quæ Diis consecrabatur, Græcis usurpari observat, sed de illo tantum genere donorum, quæ suscipi poterant, aut in excelsis & conspicuis statui, ut essent templis ornamento, ut phialæ aureæ & argentæ, tripodes, acerræ, corollæ & similia: quod ex Luc. XXI, 5. probat. Eaque uberius exequitur, ita tamen, ut ἀνάθεμα non execrationem, sed solum separationem & segregationem ab aliquo corpore & societate notare, idemque esse τὸ ἀναθεματίζειν, & τὸ ἀφαιρεῖν, evincat. Quicquid autem sit ejus rei apud scriptores profanos, apud Ecclesiasticos tamen has voces partim confundi, partim satis accurate distingui, idoneis docuit testimoniis IOH. CASP. SVICERVS Thes. Eccles. h. v. T. I. f. 268 sqq. THEODORETUS enim in Jesh. XIII. T. II. pag. 59. rursusque in Sophon. I, 7. p. 865. & in Rom. IX, 3. p. 73. τὸ ἀνάθημα æque ac ἀνάθεμα duplicem sustinere affirmat significationem, ac partim quod Deo dicatum, partim quod ab eo alienum est, notare. Contra vero HESYCHIO ἀνάθεμα est ἐπιδέας, ἀποκλίνων, maledictus, excommunicatus, ἀνάθημα autem, κόσμημα, donarium, ornamentum. CHRYSOSTOMO quoque Hom. XVI. in Epist. ad Rom. ἀνάθημα id est, quod Deo consecratur, & a quo quis propter reverentiam abstinet: ἀνάθεμα vero, quod a Deo & ab Ecclesia alienatur, & a quo quis propter communionis periculum recedit. ZONARAS & ex eo BALSAMON, ad Can. III. Concilii in Templo Sophie p. 263, utramque significationem ita componit: *Quemadmodum donaria, Deo oblata, separantur a communibus & humanis rebus: ita etiam ἀνάθεμα factus, excinditur & segregatur a cætu fidelium, consecratorum & dicatorum Deo, & ab ipso Deo, atque destinatur Diabolo, seque*

Ad aa 3

ipsum



*ipsum ei consecrat.* Vtramque vocem uberius copiose persequitur SVICERVS, qui videatur. Est autem ἀνὰ θεῶν ab ἀναθεῖσθαι, *removere, separare*, ἀναθεῖναι vero ab ἀναθεῖναι, *dedicare, consecrare.*

Ad §. VI. pag. 110.

(7) *Gradum, distinctum a primo* ] Haud uno nomine חרם a נרוי distinguitur. 1) Formula: Charām enim conceptis & expressis fiebat maledictis ac execrationibus, quarum nulla prorsus in Niddui mentio fiebat. 2) Effectu: qui חרם Charām notatus, nec docebat alios, nec doceri poterat, sed solus tantum, ne doctrinæ suæ oblivisceretur, literis operam navabat; verum המנורה & docere alios, & cum aliis simul operam dare studiis quivit, modo quatuor cubitorum spacio invicem distarent. 3) חרם נרוי constrictus, non conducebat, nec conducebatur, quod utrumque integrum erat excommunicato per נרוי. 4) Cum חרם מוחרם nullum commercium, nulla consuetudo erat habenda, at vero cum המנורה conversatio non, nisi certis legibus fuit prohibita. 5) חרם fieri non poterat, nisi a pluribus, & ad minimum a X virorum coetu, נרוי vero ab uno solum privatim fieri, immo aliquis seipsum per נרוי obligare ac solvere poterat.

Ibidem.

(8) *Quando ea denunciabatur* ] Solennia hujus excommunicationis ita habebant: 1) Proclamabatur coram tota Synagoga, congregatis omnibus Ecclesiæ capitibus & Senioribus, aut ad minimum X viris. 2) Incendebantur candelæ, ac maledictionis formula finita, repente extinguiebantur, in signum, quod excommunicatus luce cælesti sit indignus. 3) Inflabant cornua, sive buccinas, ad majorem tum reo, tum coetui ecclesiastico incutiendum terrorem; quanquam id nonnunquam, etiam in denunciando Niddui, fieri moris esset. 4) Pronunciabatur in illum hæc solennis formula, quam exhibet MAIMONID. in Hilec. Talmud Thora cap. VII. פלוני מוחרם

N. N. *דע-  
votus atque maledictus habeatur.* In illo sit execratio, in illo sit juramentum, in illo sit anathema. Quibus verbis, quicquid horrendi, sive Dei vindictam, sive hominum odium, averfationem, detestationem, immo omnia, quæ esse possunt adversa, tali homini devoto imprecabantur. Quin & nonnunquam multo longiori, & maledictionum ac execrationum myriadibus referta utebantur formula, qualem ex antiquo Codice MSC. excerptam, exhibet BVXTORF. in Lex. Targum. p. 828. cui addere solent capituli XXIX. Deuter. comm. 18, 19, 20. Quin & superiori adhuc ampliorem anathematis formulam proponit SELDENVS lib. IV. de Jure Natur. & Gent. juxta discipl. Hebr. cap. VII. p. 524 sqq. ex libro כל בו in qua plurima leges Angelorum nomina, & Astrologica, aliaque superstitiosa.

Ejusmodi מוחרם seu per Charām excommunicatus, & tot onustus diris ac execrationibus, ab omnimoda fere consuetudine fuit exclusus; adeo ut illi quoque, qui familiariter cum illo conversarentur, aut cibum potumque cum eo caperent, licet ultra quatuor cubitos essent remoti, aut ullam ejus curam agerent, labem ab ipso traherent, & gravissime mulctarentur.

Denique terminus hujus anathematis non erat fixus & definitus, ut in Niddui, sed si spes penitentiae superesset, המוחרם hoc anathemate tamdiu continebatur, donec conversus se solvi petiisset. Hoc nisi fiebat, lata judicis sententia excommunicatus manebat, & vel per aliquot annos ita constrictus perseverabat. Solutio denique hujus anathematis iisdem verbis & ritibus fiebat, ut in Niddui; hoc saltem observato discrimine, quod Niddui ab unoquoque, sive privatim, sive publice excommunicationem peregisset, solvi potuerit: חרם autem a tribus vulgaribus viris tantum solvi poterat, sin autem vir gravis & sapiens esset, is unus, aut cum socio, solvere poterat.

Ad

Ad §. VI. pag. III.

(9) 1 Cor. V, 5. & 1 Tim. I, 20.] Vix persuaderi nobis patitur, fuisse secundum hanc anathematis Judaici speciem, Paulinam illam excommunicationem, cit. loc. adhibitam, sed quemadmodum disciplina Ecclesiæ Novi Test. a disciplina vetere actu differt, multa tamen ex illa mutuo petit & imitatur, sic excommunicationes Paulinæ ad imitationem potius anathematis Judaici institutæ sunt, quam ut paria omnino facerent cum illis. Non me fugit, VITRINGAM supra cit. cap. X. totum in eo esse, ut excommunicationem in Ecclesia Christiana Apostolica, ad exemplum Synagogæ fuisse receptam evincat, eoque fine post Matth. XVIII, 15. 2 Thess. III, 14. Rom. XVI, 17. etiam ad 1 Cor. V. provocare pag. 757. cui 2 Joh. vers. 10. & 3 Joh. vers. 10. jungit. Velut autem ultro largior, Apostolicam Ecclesiam præventem habuisse Judaicam, quod unum urget VITRINGA, ita utramque excommunicationem eandem fuisse, quod Auctor contendit, nego. Quæ doctissimus WOLFIVS in *Curis ad 1 Cor. V, 5.* suffragia summorum virorum pro excommunicatione Paulina allegat, bene habent, sed excommunicationem non Judaicam, verum Christianam defendunt. Huc demum faciunt, quæ Vener. PFAFFIVS de *Origin. Juris Eccles.* p. 71 sqq. contra SELDENVM, & ante ipsum SALDENVS *Orior. Theolog. lib. III. Exerc. II.* p. 456 & 464. de traditione in potestatem Satanae disputat: quibuscum confer, quæ pro afferenda excommunicationis Christianæ origine Divina, accuratissimus FECHTIVS in aciem produxit argumenta, libri de *Excommunicat. Ecclesiast.* §. IV. p. 5 sqq. rursusque, quæ de traditione in potestatem Satanae monuit §. XXXVII. pag. 97 sqq.

Ad §. VII. pag. cit.

(10) *Tertius excommunicationis gradus*] Ad tertium excommunicationis Judaicæ gradum, אָנָתָא dictum, Auctor pergit, ejusque tradit 1) Etymologiam geminam, cum alii vocem

compositam censeant ex אָנָתָא / quod apud Rabbinos nomen Dei tetragrammaton designat, & אָנָתָא venit, ut hoc sibi velit: Dominus certissime veniet & ulciscetur. Id Syriace a Paulo expressum legi 1 Corinth. XVI, 22. מָוֹתָא *Moran Etho, μαρὸν ὁ θς.* Verum, licet Apostolus ad anathema quoddam Judaicum digitum intendat, Schammatha tamen Paulino vocabulo reddi vix dicerem, cum commodior suppetat originatione, neque vocabulum אָנָתָא in compositione, nominis Divini notionem habeat, velut simpliciter positum apud Rabbinos. Alii cum ELIA Germano cit. *Annot. 1.* ex אָנָתָא ibi, & אָנָתָא mors componunt, ut innuat, hujus excommunicationis reum morte dignum esse, & morti tradi. Alii idem esse volunt, ac אָנָתָא יהוה *desolatio erit*, quæ allusio potius, quam vera vocis originatione est. Optime derivatur a Rad. אָנָתָא, quæ licet in Scriptura non legatur, in Targumim tamen, in Talmude & apud Rabbinos occurrit, notione *exclusionis, separationis, & segregationis.* Apud Arabes superest verbum *Schamtd*, quod in secunda conjugatione anathematizandi notionem habet, in qua origine VAL. SCHINDLERVS, CONSTANT. L'EMPEREVR, GOLIVS, aliique viri docti conspirant. 2) Discrimen hujus a præcedentibus gradibus excommunicationis collocatur in eo, quod hæc sit extrema, eaque gravissima species anathematis, qua homo post omnia, incassum tamen, adhibita mediâ, humanæ societatis juribus, legibus, officiis, commerciis exclusus, judicio divino tantum relinquebatur ac destinabatur. Huc exactissimi judicii Theologus, IOH. FECHTIVS respicit, quando loco citato §. 3. nullus dubitat, quo minus majoris excommunicationis, ut apud Judæos, ita quoque apud Christianos, fuerint gradus, unus severior altero, qui tamen non tam differrent quoad vim & vinculum anathematismi, quam quoad solemnitatem & terrorem, eo quod unus, quam alter, plures minoresve adjunctas haberet imprecationes & execrationes publicas. Nulli ergo, nisi qui graviter peccasset, & contumaciter, spretis omnibus adhortationibus, & reliquis castiga-



castigationibus, quin & insuper habitis prioribus gradibus excommunicationis, in peccato suo persisteret, fuit hæc pœna inflicta. Immo, juxta tritum apud Hebræos proverbium, homo talis fuit, tanquam pinguedo illita candenti fornaci, quæ statim in fumos abit, nec unquam recolligitur; sic talis excommunicatus in Ecclesiæ cœtum nunquam se iterum recipit, verum pertinax in sua malitia & impœnitentia persistit, adeoque spes omnis conversionis decollavit. Eaque causa est, propter quam supra *Annot.* 1. dixi, infrequentem admodum שמתה fuisse inter Judæos, & vix usurpata. Non enim temere, aut statim, Antistites Ecclesiæ hanc homini peccatori denunciare solebant pœnam, sed præmissa & sprete נִיפָה seu admonitione, hinc inflicto Niddui, & תִּשְׁ חַרָּם anathemate, & tentatis prius omnibus, quibus ad frugem revocari posset peccator. Quæ si frustra essent omnia, hoc demum excluderetur maledictio, & iustissimo Dei iudicio relinqueretur. Refert huc BONAV. CORN. BERTRAM *de Rep. Hebr. cap. I. p. 21.* Chanochi, septimi ab Adamo, cum Caini posteros in pejus ruere, & Dei filios seu populum Dei in dies magis magisque ab antiqua puritate desciscere vidisset, anathema illud solenne, Apostolo Judæ Epist. comm. 15. memoratum. De quo tamen eo magis dubito, quo clarius Apostolus verba ista inter vaticinia, nequaquam inter execrationes, refert: προσφύτευσεν δὲ καὶ ταῖς inquit. Propius ad verum accedere videntur, qui horrendam, a BVXTORFIO *supra cit.* in medium prolatam, formulam ad Schammatha referunt, qua vix asperior concipi posse videtur, cum omnem pœnitentiæ ac veniæ locum excommunicato intercludat, quando inter alia habet: וְלֹא יִהְיֶה תְּקוּמָה לְמַפְלָתוֹ neque ulla sit resurrectio ruina ejus: quod profecto & voluntati Divinæ, & voto Ecclesiæ, directe adversatur. Omne enim anathema ad peccatoris tendit conversionem juvandam, Paulo teste 1. Cor. V. 5. neque illa penitus, quoad peccator in vivis est, desperanda est apud quenquam, cui vel in confinio mortis indulgeri ea potest a Deo, quod conver-

sus in cruce latro docet. Hinc omnem peccatori reditum ad pœnitentiam, & per illam ad finem Ecclesiæ, obstruere, ab officio Ecclesiæ est alienum. Sive itaque adhibitum unquam ab Ecclesia hoc anathema fuerit, sive minus, iniquum certe censemus, & charitati adversum. Quod tamen non obstat, quo minus, ceu distinctum a superioribus, excommunicationis genus a Judæis existimetur. In libro *Tanchuma* cit. a BVXTORFIO *Lex. Targum. p. 2464.* trium anathematum diserta fit mentio, quando de anathemate Cuthæorum affirmatur, וּמַחֲרִימִין וּמְשַׁמְתִּין & anathemate Chæram, & Schammatha, & Niddui excommunicaverunt Cuthæos. quo faciunt etiam, quæ sequuntur.

Ad §. IX. pag. III.

(11) *Sub pœna ternæ illius excommunicationis* R. GERSOM, natione Gallus, & tantæ inter suos auctoritatis, ut communiter מִנְחָה לְחַרְגֵּי הַגּוֹלָה lumen captivitatis diceretur, qui A. C. 1070. diem obiit, excommunicationis pœnam statuit in eos, qui alienas literas resignarent. Egit de illa BVXTORF. *Institut. Epistol. Hebr. cap. VI. §. III. p. 55 sqq.* indeque tria excommunicationis Hebraicæ genera demonstrare sategit. Formulas ejus varias attulit, earumque abbreviaturas interpretatus est pag. 59. Resignare מִנְחָה בְּחַרְגֵּי אִסּוּר nefas est per anathema R. GERSOM, luminis captivitatis: istud autem anathema explicatur בְּנַחֲשׁ per Niddui, Chæram, & Schammatha.

Ad §. X. pag. cit.

(12) *Quatuor gradus erant in Ecclesia Græca* Vix est inter recentiores Scriptores, qui majori cum accuratone & doctrinæ apparatu, hos pœnitentium ordines, & censuræ Ecclesiasticæ gradus profecutus sit, quam IOSEPHVS BINGHAM *in Origin. Eccles. lib. XVIII. Tom. VIII.* edit. Grischov. pag. 108 sq. Cui jungi poterit ex nostris IOH. BARTHOLD. NIEMEIERI *de Disciplina Ecclesiast. Diss. III. §. 35. p. 114 sqq.* qui

in compendium misit, quæ prolixè alii tradiderunt. Egit de iisdem GABR. ALBASPINAEVUS lib. II. *Observat.* XXII. *sqq.* p. 200 *sqq.* HOORN-BEECK *Vet. & Nov. lib. I. pag.* 121. SVICERVS *Observat. Sacr. cap. I. p.* 7. Et cui non dictus Hy-las?

Ad §. X. pag. III.

(13) *Observant quintum gradum*] Contra quintum hunc gradum statim ab initio, laudatus disputat BINGHAM §. I. & quatuor solum contra GVIL. CAVEVM asserit. Ex adverso GVIL. BEVEREGIVS *Annotat. ad Canonem XI. Concilii Niceni I. Synodici Tom. II. p.* 71. b. tres tantum agnoscit; τῆς περὶ κλαίωντας, *lugentes*, non tam pœnitentes censens, quam pœnitentiæ potius candidatos: quanquam posthæc non gravatim quatuor, cum ceteris, gradus admittit.

Ad §. XI. pag. cit.

(14) Σύστασις, *assistentia*] Ordine retrogrado progreditur Auctor, & primo loco ponit, quem alii quartum & ultimum dicunt pœnitentiæ gradum. Erant autem συνιστάμενοι, *consistentes*, quibus permissum erat, consistere cum fidelibus ad altare, & in communibus precibus se jungere, videreque oblationem fieri; nec dum autem oblationes suas facere, nec Eucharistiæ participes cum illis fieri licebat. Interim Catechumenis, & reliquis pœnitentibus dimissis, ipsi manebant, nec templo egrediebantur, nisi sacris omnibus finitis; hinc Sacræ Eucharistiæ administrationem & consecrationem adspiciebant, ipsi tamen Sacramenti expertes. In eo enim gradus hujus sita erat disciplina, ut cum reliquis fidelibus omnia haberent communia, solo jure oblationum, & sumendæ Eucharistiæ excepto.

Ad §. XII. pag. cit.

(15) ὑπόπτωσις, *submissio*] ὑποπίπτοντες, vel etiam γονυκλίνοντες, *substrati*, vel genu flecten-

tes dicti, propius ad locum fidelium, cum Catechumenis tertii ordinis accedebant, pone ambonem, intra septa Ecclesiæ constituti, sed ita, ut fideles neque contingerent, neque iisdem permiscerentur. Audiebant lectionem sacram, & Scripturæ interpretationem; participes etiam fiebant precum, quibus, orantibus Catechumenis, interesse datum erat. Ast cum ad mysteriorum dispensationem propius esset accedendum, antequam, dimissis Catechumenis, & ipsi secederent, denuo velut etiam sub ingressum templi fecerant, humi in faciem lamentabundi se prosternebant; ac tum Episcopus, Sacerdotesque reliqui accurrebant, manibusque ad illos, humiliter prostratos, expansis, peculiare & ad Catechumenos non spectantes, orationes super eos recitabant; quibus auditis, ab ulterioribus fidelium orationibus & sacris arcebantur, vel potius dimittebantur. Hic rigidissimus erat gradus, & adeo durus, ut fere solus μετανοίας, *pœnitentiæ* nomine, cum apud alios, tum apud BASILIVM M. veniret, & in eo constituti, simpliciter οἱ ἐν μετανοία, *pœnitentes* vocarentur; quia erant notissimi, & maxima actuum pœnitentialium pars ad eos pertinebat, dum in hac essent statione, in qua bene multis, nunc XV, nunc XX, annis perseverabant.

Ad §. XIV. pag. 112.

(16) Ἀκρόασις, *auditio*] Audientes non ad cœmeterium tantum, verum intra portam templi admittebantur, in narthece, seu porticu templi, post Catechumenos, consistentes. His integrum quidem erat, sermones sacros & prælectionem Biblicam audire, sed exire debebant ante, quam preces communes inchoarentur, & Sacræ Eucharistiæ dispensationem adspicere non poterant. Hæc enim cum ingrueret, voce Diaconi Catechumeni dimittebantur, & cum iis quoque pœnitentes, atque tum fores τῆς ναῆ clauderentur, intusque fiebat Eucharistiæ celebratio. Vox Diaconi erat: *Ite, Missa est*; a qua

Bb bb

procla-



proclamatione *Catechumenorum Missa* nomen fortita est, quorum dimissio, reliquorum etiam, quibus τὸν πρῶτον obire licebat, quique post Catechumenos stabant, dimissionem secum trahebat.

Ad §. XV. pag. 112.

(17) *Προκλῆσις, præfatio*] Erat luctus extra portam Oratorii, quando peccatores in vestibulo prostrati jacebant, & cum luctu & lacrimis fideles ingredientiæ obsecrabant, ut pro se misericordiam Dei elicerent. Quamdiu quis pœnitens in hoc gradu esset, id quod frequenter per tres integros durabat annos, non solum a fidelibus, sed etiam a Catechumenis separatus, magnoque in squalore constitutus, sublata coma, cilicio contextus, lacrimas fundebat, iisque limina, per quæ in Ecclesiam ingrediendum erat, irrigabat. Provolvebantur hi tales ad genua fidelium, sacros conventus obeuntium, cum lamentatione miseris modis eosdem implorantes, ut deprecatione pro se interposita, commiserationem & veniam sibi impetrarent. Ante autem, quam pœnitentes hunc προκλήσεως gradum inirent, manus impositionem ab Episcopo & Clero fortiebantur, ut per eam hominum ad pœnitentiam admissorum animis gratia illabere-  
tur, qua accenderentur ad pœnitentiam alacriter peragendam; unde illa non sine orationibus, & Cleri apud Deum intercessione peragebatur, ut qui pœnitentiam ingressi essent, animis non frangerentur, sed magna constantia & firma spe, stadium suum decurrerent. Plura lege apud citatos auctores.

Ad §. XVI. pag. cit.

(18) *Cain primo excommunicationis gradu fuisse punitus*] Cainum excommunicatum a Deo, & lepra percussum, eaque insignitum fuisse nota, persuasum habet CAMPEG. VITRINGA *Comment. in Jes. LIII. 4. Tom. II. fol. 667. b.* Potiori tamen jure excommunicationem negat HEIDEGGER. *Hist. Patriarch. P. I. Exerc. V. §. 38. p. 197.* cum nihil in historia Mosaica appareat, præterquam exilium & mutatio soli patrii, in quo cultus Dei viguit, conjuncta cum maledictione. Egressum autem a facie Dei, MERCERVS & DRVSIVS *Not. maj. in Genes. IV. 14.* de dejectione a favore & præsidio Dei, commodè exponunt; etsi CALOVIVS de loco accipere mavult, quod cum priore explicatione non pugnat.

Ibidem.

(19) *A tribus impuritatis speciebus*] En verba FAGII *ad Numer. V. 2.* ex quibus liquet, illam de tribus excommunicationis generibus cum tribus castris collationem, nihil prorsus ad ipsum spectare. *Tria, inquit, secundum Hebræos, castra erant: videlicet castra Dei, i. e. Tabernaculum, castra Levitarum, & castra Israel.* Leprosi ab omnibus arcebantur, immundi per fluxum, a primis duobus excludebantur, pollutus vero super mortuo, sive anima, ut Hebraismus habet, solum a Tabernaculo arcebatur. Mera ergo hæc, nec solida Auctoris est allusio, quam tamen ION. HENR. REIZIVS *in Not. ad h. l.* adjecta tabula, & ulteriori declaratione, pinxit & ornavit.

AD

LIB. V. CAPVT III.

DE COLLEGIO, SEV CONSESSV CIVILI, QVAS  
PERSONAS ID REQUISIVERIT.

Ad §. I. pag. 112.

*Etsi non in pœnam hominum*] Distinguitur hic saltem iudicium Dei a iudicio humano, forum poli, a foro soli, multaue dari delicta docetur, quæ in foro poli animadversionem incurrunt, in foro tamen soli impune committuntur. Jobus appellat עון פלילים cap. XXXI. ii. iniquitatem iudicum, dignam, in quam iudices animadvertant, quæ ne ab hominibus quidem impunitatem consequatur, nedum coram tribunali divino. ALBERTO SCHVLTENS *Comment. in b. l.* ubi cum cura in vocem inquit, עון פלילי est crimen arbitrarium, quod arbitri vel mitissimi condemnare debeant. Vtriusque autem fori hujus distinctionem, gemina dissertatione, ex instituto discussit GISEBERT. VOETIVS *Tom. IV. Select. Disput. V. & VI. p. 62.* quarum posteriori, per singula decalogi præcepta eundo, discrimen istud evoluit. Judæis dicuntur בית המעלה seu העליון *domus iudicii superior*, seu cælestis, & בית הדין שלמטה *domus iudicii inferior*, seu terrestris: & pœna, ex folius Numinis placito infligenda (qualis erat v. g. pœna כרת excisionis) ביד שמים *manu Dei* sumenda ferēbatur.

Ad §. IV. pag. 113.

(2) *Hebr.* נשיא / *Græce* "Ἀρχων, *Princeps*] Supra de eo diximus, *ad Libri hujus Cap. I. Annot. 2.* quæ non repetimus. Juvat autem de universo Synedrii M. consessu MAIMONIDEM audire, sed brevitatis studio Latine versum, qui *Hilc. Sanhedrin cap. I. §. 3 sqq.* ita tradit: *Senatus major in Sanctuario erat, & vocabatur Sanhedrin Magnum. Numerus illorum erat LXXI. sicut*

*dicitur (Num. XI, 16.) congrega mihi LXX viros de Senibus Israel. His Moses præfuerat, sicut dicitur: & stabunt ibi tecum. Ecce in summa LXXI. Qui grandior sapientia, ceteros omnes antecellebat, eum faciebant Præsidem, seu Caput consessus. Is ipse est, quem eruditi ubique terrarum appellant NASI, h. e. Principem, isque præest loco Mosis Magistri nostri. At, qui inter LXX Senatores, annorum ratione natu maximus erat, eum collocabant a dextris illius, vocabantque ABH BETH DIN, h. e. Patrem Consistorii. Ceteri LXIX sedebant ordine promotionis & dignitatis suæ; quo quisque major in sapientia, quam Collega suus, eo locabatur propius ad sinistram Principis. Circumsidebant autem dimidiam quasi aream semicirculariter, ut eos ambo Præsides, Princeps & Pater, omnes simul in conspectu haberent. Consessum hunc delineavit SELDENVS lib. II. de Synedriis cap. VI. §. 1. In eo autem MAIMONIDEM erroris arguit COCCEIVS *ad Sanhedrin cap. IV. Not. 11.* quando præstantiorem ceteris propiorem perhibet sedisse ad Principis sinistram. Quia Principi medio, ad dextram Pater Senatus assidebat, ad lævam חכם Sapiens, qui tertius dignitate erat. Hos autem tres ex Glossa ita describit: הנשיא הוא היה בעל הדרשה ומלמד תורה כרבים *Princeps est, qui interpretanda publice legis auctoritatem habet: אב"ד הוא הגדול שבדיינים שהדיינים נפסקין על פיו Pater Senatus, is iudicum antecessor, cujus ore lites deciduntur: חכם הוא הגדול שבחכמים שנושאים ונותנים עמו בהלכה ויורע טעמי תורה ויושב לשמאלו של נשיא Sapiens is dicitur, qui inter Doctores præcellit, cum quo de agendis communicatur, peritus sensuum & rationum legis. Is ad lævam Principis sedet. Quis singulis honor sit habitus, ibidem ex Horajoth docet COCCEIVS:**

Bb bb 2

Principi



Principi intranti omnis populus assurgit, neque residunt, priusquam ipse jubeat. Pater Senatus ubi intrat, duobus hinc inde ordinibus surgentibus excipitur. Sapiens quando intrat, unus surgit, alter sedet. Hoc ut intelligatur, tenendum est, tres Candidatorum, seu discipulorum Sapientum ordines, quemlibet viginti tribus constantem viris, coram confessu semicirculari Patrum conscriptorum assedisse, de quibus rursus videatur SELDENVS *cit. loc. §. 2.*

Ad §. V. pag. 113.

(3) *Testium ad minimum duo erant, Deut. XIX. 15.* In religionis negotio unum sufficere testem ad quaestionem habendam, perperam tradit TREMELLIVS *Not. ad Deuter. c. l. comma 16*, notatus eo nomine, & e *vers. 15.* valide confutatus a GERHARDO *Comment. in b. l. p. 1177.* Ceterum Mischna *Cod. Sanhedrin cap. IV. §. 5.* modum terrorem incutiendi testibus, ne mentirentur, ita definit: *Testes rei capitalis intro vocatos admonebant, ne quid ex conjectura aut rumore dicerent, etiamsi ex ore testis aut hominis fide digni audisse se affirmant: item: forte ignoratis, nos pervestigaturos tandem vos esse inquisitione & indagatione. Ne sitis nescii, aliter se habere judicia, quae de pecunia, quam quae de capite habentur. Nam in illis, pecunia data, peccatum piari potest: in his, si quid deliqueris, sanguis rei & seminum ejus ad finem usque saeculi tibi imputatur. Qui autem a testimonio in judiciis, seu פסולין inidonei arcebantur: feminae, servi, minores, fatui, surdi & muti, caeci, impii, impudentiores, propinqui, falsi ante convicti, de illis vide SELDENVM c. l. lib. II. cap. XIII. §. II.*

Ibidem.

(4) *Scribarum, seu Notariorum duo erant* De his denuo Mischna c. l. §. 3. ita habet: *Coram illis (Synedrii Assessoribus) a dextra & laeva stabant duo Scribae, qui absolventium & condemnantium annotarent sententias.* R. IEHVDA

ait, tres: unus, qui absolventium, alter, qui condemnantium; tertius, qui utrorumque verba consignaret.

Ad §. VI. pag. cit.

(5) *Hebraeis vocantur שוטרים* Contra ANTON. CREGVTVM in *Revelat. Arcanor. cap. XXVI. p. 896 sq.* Schoterim & Schopphetim eodem fuisse contententem, CARPZOVIVS *Not. ad SCHICKARDI Jus regium Cap. IV. Theor. XIV. p. 241 sq.* consentientibus fere omnibus cum Judaeorum, tum Christianorum suffragiis, evincit, utrosque eo dignitatis gradu distasse, ut שופטים Judices essent, qui sententiam dicerent, שוטרים Officiales, qui judicata executioni mandarent, & populum ad obsequium cogerent. Ita certe ABARBENEL *Comment. in Legem fol. 364. col. 4.* distinguit: Schopphetim sunt Judices, qui causas decidunt, sive in judiciis capitalibus, Synedrio puta Viginti-triumvirali, sive in judiciis pecuniariis Synedrii Triumvralis, sive denique sint tres illi Judices tantum, quos diximus in parvis civitatibus constituendos. Schoterim autem sunt exactores populi, quorum functio in hoc consistit, ut cogant homines ad observantiam decreti constituti a Judicibus. MAIMONIDES *Hilc. Sanhedrin cap. I. ab init.* eos dicit Lictores, manibus tenentes baculos & lora, stantesque in conspectu Judicum, discurrentes quoque per forum & plateas, adeuntes tabernas, ad ordinanda pretia & mensuras, ac verberantes eos, qui perverse agunt: omne autem, quod agunt, ex sententia Synedrii agere perhibet, & quae male geri vident, ad Senatum perferre. NICOL. FULLERVS *Miscellan. Sacr. lib. III. cap. XIX.* in eadem sententia acquiescit, & Apparitores scite interpretatur. Hanc tamen vim vocis minus affecti videntur LXX, quando שוטרים Γραμματεῖς, sapius etiam Γραμματοεισ-αγωγείς appellant, Scriptorum vel Literarum Introductores. Imposuit hac versio magno AUGUSTINO, ut Schoterim, pueritiae in Judaica gente, dum sub Mose ageret, Praefectos existimaret. Hoc sibi vult, quando *lib. XVIII. cap. XXXIX. de Civit. Dei* mentem ita expromit: *Moses in populo*

populo Dei constituit, qui docendis literis praeessent, priusquam divinae legis ullas literas nossent. Hos appellat Scriptura Grammatosagoges, qui Latine dici possunt Literarum Inductores, eo quod eas inducant, vel introducant in corda discipulorum. Missa vero puerili institutione, alii Graecos interpretes ita excusant, ut Εισαγωγῆς τῶν γεγραμμένων, Inductores dici observent, qui actiones & causas ad Iudices introducerent. Eadem ergo vocis notione Γραμματοεισαγωγῆς, designare putant litium notores, qui causas inducerent. Verum nec ista, vel Rabbiorum explicationi, vel functioni muneris respondent, ut Graecos interpretes rectius dixeris vim vocis aequae ignorasse, ac Vulgatum Latinum, qui nunc Magistros vertit, nunc Doctores, alibi, qui docerent vos singula. Praestat publici juris ministros, cum PAVLO FAGIO reddere in Deuter. I. Ita enim Christus ipse reddidisse creditur, quando Matth. V, 25. ἵππηγέτην dicit שטר / τῷ κειτῇ oppositum. Ita quoque IOSEPHVM Antiqu. lib. IV. cap. VIII. exposuisse vocem, viri docti observant. Auctor noster ex Luc. XII, 58. per Μεγάτογα, Officiale illustrare mavult, quod tamen eodem reddit. FULLERVS, voce Jurisconsultis Graecis usu recepta, Εμβισαγῆς, sive Εμβισαγῆς dicit. Melius certe utrumque Evangelistae vocabulum τῷ שטר respondet, quam τῷ חזן / quod nonnulli apud doctiss. WOLFIVM in Curis ad h. l. censuerunt: cum חזן reos in vincula coniecisse, in iisdemque detinuisse non legatur, quod tamen τῷ ἵππηγέτη apud Matthaeum, & τῷ Μεγάτογι apud Lucam, asseritur, τῷ שטר autem ex officio compete-  
bat.

Ad §. VII. pag. 113.

(6) Advocatus dicebatur בעל ריב] Probe distinguendus est בעל ריב Moderator, seu Patronus cause, ab איש ריב Litigante, seu parte litis, sive litem aliis intendat, sive in jus ab aliquo vocetur. Jeremias sane, quando c. XV, 10. se איש ריב ואיש מרון Virum litis, virumque

rixæ se deplorat, non causarum Patronum seu Advocatum agebat, sed virum designat, cui omnes fere regionis incolæ litem intendant. At Pontificis Maximi, in jus vocati, Mandatarius, sive Procurator, sigillatim אנטלר Enteler vel Entoler dicebatur, in quam vocem copiose & cum cura inquirat SELDENVS lib. II. de Synedr. cap. X. §. 7. & 8.

Ibidem.

(7) Stabat a dextra partis in jus vocata.] Versus dextram Judicis reus, at juxta dextram rei, Actor stabat in Judiciis apud Hebræos, & ut COCCIVS quidem & GROTIVS ad Zach. III, 1. sed absque idoneo testimonio tradiderunt, accusatores reum statuebant ad laevam suam, hoc ipso declaraturi, causa se illo superiores esse; unde phrasis petita Psal. CIX, 6. praefice super eum impium, & Satan (ὁ ἀντίδικος, adversarius) adstet ad dextram illius (coram tribunali quippe divino, reum ipsum agens, scelerumque convincens). Pariter Zach. III, 1. actor stabat ad dextram Pontificis Josuæ, coram Deo ipsum accusans. Rursus autem Advocatus quoque a dextris rei consistebat, cum causam ejus peroraret, unde trita phrasis: esse alicui ad dextram, quæ idem valet ac, prope alicui adesse, in clientelam ac patrocinium eum suscipere, causamque ejus tueri, Psal. XVI, 8. Etsi phrasis quoque petita esse possit e bello, vel certamine, ubi militi tyroni, vel formidoloso duellanti, a dextris sistitur miles veteranus, aut intrepidus heros, opem, si necessitas exigit, promptissime laturus. Ad priorem adagii usum alludit David Psalm. CIX, 31. Dominus adstet a dextris pauperi, ut salvam faciat animam ejus &c. ad posteriorem Psalm. CX, 5. Dominus a dextris tuis vulneravit reges, tempore vindictæ suæ: Psalm. CXXI, 5. Dominus obumbrabit tibi a dextris tuis: huc refer etiam visionem Stephani, cui Jesus stans a dextra Dei apparebat Act. VII, 55. etsi hoc non sit ad dextram Stephani.

Bb bb 3

Ad



Ad §. VIII. pag. 113.

(8) *Sententia de causis per Judicem hoc modo ferebatur*] Disertis verbis hoc definitur in Mischna, *Sanhedrin cap. III. §. 7. Re confecta* (causa satis cognita, & deliberata sententia, collectisque suffragiis, de quibus *ibid. in §. præc. 6.*) partes intro vocantur. *Qui natu maximus est inter Judices, partibus nomine compellatis, alteri quidem ait: איש פלוני אתה זכאי Tu N. N. innocens es: Alteri autem: איש פלוני אתה חייב Tu N. N. obligaris, seu condemnatus es. Quare non licet cupiam Judicium egresso, dicere: ego secundum te judicavi, collega mei te condemnarunt. Sed quid facerem? Collega mei numero me vicerunt. Hoc, qui fecerit, in eum competit illud: Prov. XI, 13. qui prodit arcanum, calumniator est. Vniversum autem iudicii processum ita delineat SELDENVS lib. II. de Syn. cap. XIII. §. 3. Auditis testibus, & seorsim ac per se examinatis, suffragia ferebant sive absolvendo, sive condemnando, quæ, cum rationibus suis, colligebant Scribæ. Sententia condemnationis lata, Synedrii in locum, procul a Synedrio situm, duci jubebant reum, ubi pœnam capitalem subiret, juxta illud Lev. XXIV, 14. *educ blasphemum extra castra: neque differenda erat iudicii executio, אלא יתרן ביום sed die suo*, quo damnatus est, *morte erat plectendus*. Reliqua infra redibunt, ab Auctore allegata Cap. VI.*

Ad §. IX. pag. cit.

(9) *Romani sententiam suam ferebant tabellis*] Romani iudicii morem probe exponit Auctor. Post actiones enim, ab utroque oratore peroratas, cum jamjam mittendi essent in consilium iudices, tres unicuique iudici dabantur tabellæ ceratæ, una absolutionis, altera condemnationis, tertia ampliacionis, quarum unam mitteret in urnam. Atque liberum erat, quam quisque vellet, ex illis tribus in urnam conjicere, sine ullo invidiæ metu: erat enim ita ocul-

tum suffragium, ut nesciretur, favissetne, an nocuisset reo: ita tutum, ut abesset suspicio ambitus, aut corruptelæ. Qui ergo absolvere reum cupiebat, in cistam sive cistellam, sive, quod alii volunt, in sitellam, injiciebat tabellam, notatam litera A, quæ absolutionis notam insculptam referebat: unde CICERONI pro Milone cap. 6. hæc litera *salutaris* vocabatur, cujus indicio reus peccato absolvebatur. Contra *tristem* dicit *ibidem* literam C vel K, quia condemnationis notam in tabella ferebat, quam immittebant ii, qui reum de peccato, de quo accusabatur, condemnabant. Denique si non satis constaret, absolvendusne an condemnandus reus esset, tabellam ampliacionis immittebant, cui N. L. inscriptum, symbolum *Non Liquere* innuens. Vide apud POLLETVM For. Rom. lib. IV. cap. 15. & lib. V. cap. 8. MANVTIVM de Legibus cap. 22. & ante omnes GRAEVIUM Thes. Antiqu. Roman. Tom. XI. p. 877. F.

Ad §. IX. pag. 114.

(10) *Idem Græci utebantur*] His lapillus absolutorius  $\psi\eta\phi\omicron\varsigma$   $\sigma\acute{\omega}\lambda\omicron\varsigma\alpha$ , damnatorius  $\kappa\alpha\theta\acute{\alpha}\lambda\omicron\iota\varsigma\alpha$ , audiebat. Perorata enim utrinque causa, Magistratus qui iudicio præsidebat, suffragia iudicibus dabat. Et de  $\theta$  quidem ad citatum PERSII locum Scholiastes: *Judices*, inquit, *literam Theta apponunt ad eorum nomina, quos supplicio afficiunt*. Confer GVIL. BVDAEVM Comment. Gr. Ling. f. 226, 227. & IAN. RVTGERSIVM lib. V. Var. Lektion. cap. XVII. p. 502. Contra vero eâ SVIDAS Lex. h. v.  $\psi\eta\phi\omicron\varsigma$   $\mu\acute{\epsilon}\lambda\alpha\iota\upsilon\alpha$ ,  $\eta$   $\kappa\alpha\tau\alpha\delta\iota\kappa\alpha\lambda\acute{\omicron}\zeta\omicron\varsigma\alpha$  λευκή δὲ, ἡ  $\delta\iota\kappa\alpha\iota\upsilon\sigma\alpha$ . *Calculus niger erat ille, qui reum condemnabat, albus vero, qui justificabat*. Item, absolutorii erant  $\psi\eta\phi\omicron\iota$   $\acute{\alpha}\tau\epsilon\tau\omicron\iota$ , integri damnatorii  $\tau\epsilon\tau\epsilon\eta\mu\acute{\epsilon}\nu\alpha\iota$  perforati. Urna in quam immittebantur,  $\kappa\alpha\delta\delta\iota\sigma\kappa\omicron\varsigma$ , illud autem, per quod urnæ impositum calculi descendebant,  $\kappa\eta\mu\acute{\omicron}\varsigma$  vocabatur. Vnde liquet, non eundem apud omnes morem obtinuisse in Græcia.

Ad

Ad §. X. pag. 114.

(11) *Apoc. II, 17.*] A Græcorum judicium suffragiis depromptam hic phrasin esse, viri docti dubitant, quia Filius Dei calculum album victori dandum promittit, qui tamen in foro Græco non absolvendis dabatur, sed magistratui, qui præerat judicio. Observant præterea, Dominum hoc calculi albi beneficium conjungere eum eo, cujus in præcedente oratione mentionem fecerat, esus de manna occulto. Mavult ergo H. GROTIVS, hac promissione alludi ad Olympionicas vel Hieronicas, qui, quando solenni cum pompa urbem patriam ingrediebantur, simul honorarias tesseras accipiebant, cum quibus iis potestas fiebat epuli publici, ad perpetuam vitæ suæ sustentationem. Facit cum eo SAM. PETITVS *Var. Lect. c. VIII.* ubi rem clarius adhuc exposuit. Præterea HENR. HAMMONDVS observat, *Romanos quoque Casares, in ludis, quos ad Græcorum imitationem populo dabant, suas habuisse tesseras ligneas, quibus inscriptum fuerit frumentum, discus, servi, vestes, easque in populum fuisse projectas, ex quibus qui aliquam acceperat ab Imperatoris ministris, eam offerens, illico recipiebat, quod in ea consignatum erat.* Hunc omnium longissime a scopo aberrare dixerim, cum non de temere ac forte fortuna oblati beneficiis, sed de remuneratione gratiosa victorum, sit sermo. Denique ut illa devitet dubia, CAMPEG. VITRINGA *ad h. l.* Dominum respexisse arbitratur ad utrumque ritum, & judiciale & triumphale; quem vide. Ante ipsum utrumque pariter junxit GVIL. SALDENVS: *Otiol. Theol. lib. I. Exerc. VIII. §. 5. p. 177.* nec separari facile poterit uterque, cum Christus & esus de manna, & calculi albi, conjunctam faciat mentionem. Quam autem STEPHANVS LE MOYNE *Annotat. ad Varia Sacra p. 681.* postquam de absolutorio in judiciis calculo dictum exposuerat, conjecturam addit, de lingua coccinea, die Expiationis Judæorum hirci capiti alligata, quæ, si Numen propter sacrificium placatum esset, miram & subitam albedinem induc-

bat; ea & lubrica omnino ac incerta, & coacta perquam ac longe petita est, ut suo merito a nobis explodatur.

Ad §. XI. pag. 114.

(12) *Matth. XII, 41.*] Gemina phræsis interpretatio h. l. obtinet: *altera*, ex judiciorum consuetudine petita, juxta quam assurgere solent, qui in cæribus publicis aliquid sunt dicturi; *altera*, ex articulo resurrectionis, ut sensus sit: *resurgent cum natione* in judicio extremo. BEZA, rejecta priori, propter præpositionem *μετά*, posteriori adstipulatur: recte notatus eo nomine ab ER. SCHMIDIO *ad h. l.* qui probe observat, non de communi Ninevitarum, cum gente Scribarum ac Phariseorum resurrectione, sed de peculiari actione judiciali sermonem esse, quam Ninevitæ cum Scribis & Phariseis instituent: quo Auctoris quoque nostri sententia redit. Hunc enim sensum sequentia verba: *καὶ κατακρινῶσιν αὐτήν*, omnino requirunt. Præpositio autem *μετά*, vel idem valet ac *κατά*, vel in sensu primo ac proximo designat, *surgent cum hac generatione*, tanquam partes litigantes, quæ ambæ in judicio stare solent.

Ad §. XI. pag. 114.

(13) *Psal. I, 5.*] Cum cura in h. l. inquisivit THOM. GATAKERS *Adversar. Miscell. lib. I. cap. IV. Opp. T. I. p. 196.* dignus, qui evolvatur: cui jungi poterit CASP. SVICERVS *Thef. Eccles. voc. ἀνίσταμαι T. I. f. 359 sq.* & concise SIMEON DE MVIS *in h. l.* Explosio quippe errore eorum, qui impios resurrecturos ex his verbis perperam negant, vel ad geminam respicitur resurrectionem, aliam ad vitam, quæ Luc. XIV, 14. *ἀνάστασις τῶν δικαίων* audit, aliam ad condemnationem, sive ut Joh. V, 28. effertur, *ἀνάστασις ζωῆς*, & *ἀνάστασις κρίσεως*, h. e. *κατακρίσεως*, a quarum priore excluduntur impii: vel, quod cum Auctore nostro probamus, verba idem volunt ac: *non consistent in judicio*, quod



amplius est, quam *causa cadere*. Ea quippe futura est improborum in die illa conditio, tam anxia, tam animi, consiliique omnis expers, ut ne oculos quidem attollere contra sustineant, sed in angulum quemvis, aut terræ cavernam, aut

rupis fissuram, libentissimi condere se exoptent, modo ne coram facie Domini Jesu Christi, tunc in solio confidentis, cogantur comparere; Jes. II, 21. Apoc. VI, 15 sq.

AD

## LIB. V. CAPVT IV.

## DE NUMERO CVRIARVM CIVILIVM.

Ad §. I. pag. 114.

[*Senatus supremus, & Collegium minus*] Vocabulum סנהדרין appropriatum est apud Hebræos Curiae Magnae, sive Supremae: sed frustra fuerunt Rabbini, qui ex Hebraismo vocis originem arcessere annisi sunt, eamque compositam esse in *Pesiktha Zotertha fol. 45. col. 3.* tradiderunt, ex סן quod *legem* notet, & הדרין *haderin* aut *hederin*, quod idem sit, ac *repetentes, versantes*: dictumque fuisse collegium Iudicum *Sanhedrin*, quia constiterit מהדרין ex repetentibus & versantibus legem divinam: quæ vigilantium sunt somnia. Alii æque absurde, confessum hunc Iudicum ita dictum perhibuerunt, quod in eo esse debeant שונאים הרת פנים *odiosos habentes acceptionem vultus*, sive respectum personarum in iudicio. Rectius omnino ELIAS GERMANVS fatetur, in *Tisbi h. v. esse plane Græcum vocabulum*, ex Græco συνέδριον inflexum & formatum. Postquam enim Alexander M. arma victricia in Syriam usque & Judæam intulerat, factum hinc est, ut quamplurima Græca vocabula civitate donarentur Hebraicæ, velut ipsa Græca lingua utebantur politiones & cultiores. Ingentem talium vocabulorum silvam DAVID COHEN DE LARA parvo volumine in forma 8. congeffit, inscripto עיר רויך *Urbs Davidis*. Idem posthæc usu evenit multis vocabulis Latinis, ubi sub Romanorum redacti sunt potestatem Judæi. De voce autem

*Sanhedrin* erudite commentatur SELDENVS lib. II. de *Synedriis cap. III. §. I.* ad quem recurrit, qui plura cupit. Id vero nominis de triplici usurpatur dicasterio. 1) de Collegio supremo LXXI. Iudicum, quod Hierosolymis in templo residebat: 2) de Collegio XXIII. Iudicum, quod in singulis institutum erat urbibus: 3) de Collegio trium virosum, in parvis civitatibus, & vicis. Communi quoque appellatione בתי דינים *Domus iudiciorum* salutantur.

Ad §. IV. pag. 115.

(2) *Gebenna fuit vallis horrenda*] De Gebenna supra diximus ad Lib. IV. Cap. II. §. 6. & 7. quibus nil attinet, plura addere.

Ad §. V. pag. cit.

(3) *Ratione numeri iudicum*] Ita disertè Mischna Tract. *Sanhedrin cap. I. §. 6.* Synedrium M. LXXI. Iudices habuit, וקטנה *sed inferius* aut minus, tres & viginti. Vnde constat, LXXI. fuisse istius Synedrii Iudices? ex eo, quod dicitur Num. XI, 16. congrega mihi LXX. viros ex Senioribus Israel. His Moses junctus erat, cu tibi LXXI. Vnde quoque בית דין של עמ *Domus iudicii LXXI. virorum* passim appellatur. Quem numerum contra eos, qui LXXII. exsculpere & Collegio huic adscribere Assessores conati sunt, valide asseruit SELDENVS cit. loco §. VIII. Minorum

norum autem Judiciorum numerum XXIII. futiliter Judæi probare *ibidem* satagunt ex Num. XXXV, 24. coll. cum Num. XIV, 27. & Exod. XXIII, 2: quem late expositum lege a SELDENO lib. II. cap. V. §. 2. Nec enim hæc nugæ adscribi merentur.

Ad §. VIII. pag. II6.

(4) Collegium minus divisum erat] Judiciorum minorum institutio arcessitur passim ex Deut. XVI, 18. quem locum diligenter & cum cura excussit SELDENVS loco *mox cit.* §. I. Quia enim in singulis totius Judææ urbibus judicia constituenda præcipiuntur, hinc eruntur כתי רינים *Concilia tam שלשה ושלשים* *של* *Viginti-trium-viralia*, quam שלשה *של* *Triumviralia*. Id enim ad nauseam usque inculcant Magistri אין בית דין שקול מוסיפין עליהם עוד אחר *Synedrium non debere esse aqua lance libratum, ideoque adjiciendus unus, ut numerus fiat impar; ut, quemadmodum sententia capitalis in neminem ferenda erat, ex Num. XXXV, 30. & Deut. XVII, 6. nisi testes, qui de facto pronunciarent, unico plures essent, ita nec ferretur a Judicibus, qui pronunciabant de Jure, nisi etiam pars condemnatoria plusquam unico, absolutoriam superaret. Viginti-trium-viraliū bina Hierosolymis erant: alterum ad introitum atrii in Templo, alterum ad introitum montis Templi. In reliquis quoque urbibus, in quibus minimum centum & viginti patres familias habitabant, talia reperiebantur Synedria, ne alias quilibet, litis causa, Synedrium magnum, Hierosolymis confidens, adire cogeretur. Præterea MAIMONID. Hile. *Sanbedrin cap. I. §. 5.* Sapientes promotos, & in lege apprime peritos, in ea urbe requirit, in qua Synedrium viginti-trium-virale locum habere possit: *Quæcunque fuerit urbs, cui deessent bini Sapientes illustres, quorum alter potis esset docere & sententiam pronunciare in Lege universa, alter satis sciens esset ad audiendum, interrogandumque, in ea non collocabatur Synedria (XXIII viralia) tametsi in ea essent**

mille Israelitæ. *Synedrium, quod in se habuerit duos ejusmodi, alterum Auditioni idoneum, alterum Locutioni, pro Synedrio quidem sumendum. Si vero tres ejusmodi in se habuerit, Synedrium erat mediocre: si autem quatuor, Synedrium erat sapientie.* Triumviraliū denique judiciorum alia ex auctoritate publica habebantur, alia ex partium arbitrio, ubi actus aliquot jurisdictionis tantum voluntariæ exercendi erant. *Mischna Cod. Sanbedrin cap. III. §. I.* ita sancit: *Litigantium pars altera sibi eligit unum, & unum altera, & utrique illi eligunt sibi adhuc unum, seu tertium.* Laudi tamen habebatur, si Triumviri ejusmodi sibi adsciscerent Confessores veluti & testes judicii ac Adjutores. Hinc numerus eorum ad XI interdum assurgebat. *Oportebat autem, ut cuncti illic confidentes in foro תלמידי חכמים וראויין* *discipuli Sapientum essent, & judicis idonei, ut MAIMONID. habet c. l. cap. II. §. 13.*

Ad §. IX. pag. II6.

(5) לשכת הנזית *Conclave casura*] Cum redux ex captivitate populus Templum restaurasset, ad Templum, in usus Synedrii, splendissimam adjecit aulam, quæ, quia ex lapidibus pretiosis, & artificiose dolatis atque accisis erat constructa, *Conclave casum* appellabatur. De ejus situ, ad Orientemne, an ad Occidentem fuerit constructum, disputat CONSTANT. L'EMPEREUR *Not. ad Cod. Middoth p. 185 sq.* habitum autem, modumque exponit SELDENVS lib. II. cap. XV. §. 4. & post eum CARPZOV. *Not. ad Schickardi Jus Reg. cap. I. Theor. 2. p. II sq.* Hujus enim ea traditur fuisse ratio, ut & partem complecteretur sacram, & profanam, seu religione solutam: ac illa quidem, qua confidere non licebat cuiquam, nisi soli Regi ex domo David, sed posteriori ævo jam diu sublato, in atrio Israelitarum existeret, hæc vero in חיל *antemurale*, & exteriorem Templi ambitum promineret. Bina etiam ostia, quorum per alterum in profanam, per alterum in sacram partem introibatur, habebat. Alii tamen ita conciliant,



cilant, amplissimum istud conclave duas habuisse partes, alteram conclave cæsum, alteram antemurale dictam, in quarum priori tanquam ordinaria, diebus profectis, in posteriori diebus feriatis assidentes jus dixerint Senatores, juxta illa, quæ in Gemara *Sanhedrin cap. X. §. 1.* leguntur, apud COCCEIUM *b. l. p. 82.* Illud autem conclave utrosque limites, terræ Benjamin & terræ Judæ complectebatur, situm quippe dimidium in finibus Judæ, dimidium in finibus Benjamin, quæ duæ tribus in monte Morijah, ubi Templum constructum erat, determinabantur. Hinc ZELTNERO in disputat. *Schilo nodis solutus* inscripta, nova enata est dicti classici Gen. XLIX, 10. & verborum cumprimis מְכִינֵי רִגְלֵי explicatio, supra a nobis in scenam induta ad Lib. I. Cap. I. §. 8. Annotat. 12. Sollicite autem annotarunt Magistri, XL annis ante secundum Templi excidium, quod in XXX Christi annum quadrat, migrasse Synedrium מלשכת הגזית e conclavi casi lapidis in tabernas, e tabernis porro in Hierosolymorum urbem inferiorem, porro in urbem Jabhne, & sic amplius, donec post decem migrationes plane exspiraret. Sed de migrationibus illis denuo consulatur SELDENVS *cit. loc. §. VII. sqq.*

Ad §. IX. pag. 116.

(6) *Qui dicitur λιθόστρωτον*] Mirari subit, quo pacto limatissimi vir judicii, SELDENVS, in eam inclinare potuerit sententiam, ut §. IV. Judæorum Senatum in מלשכת הגזית seu cæsi & dolati lapidis conclavi causam Christi cognovisse existimet, & Pilatum sententiam capitis in ipsum tulisse: idque ipsum esse λιθόστρωτον, Johanni memoratum. Certe postquam inde Synedri, ut expulsi migrarant, non ita dissimile est, etiam Pilatum illuc se cum eis ad judicium Christi, ut speciosius saltem etiam Synedri ipsi ejusdem fierent participes, contulisse, inquit p. 378. edit. Belgicæ. Si enim anno Christi trigesimo, Synedrium M. ex splendido suo conclavi in tabernas migravit, juxta ea, quæ Annotat. præced. monui-

mus, quomodo Christum in hoc conclavi examinare potuit & capitis damnare, quod in ædibus Pontificis factum memorat Matthæus cap. XXVI, 57 sqq. æque ac Lucas cap. XXII, 54. aut num vero videtur simile, Pilatum, causa Christi cognita, in Templi Atrium se contulisse, ut sententiam in eum ferret? In provinciis, tribunal Præsidis Romani constitutum ante ipsius Prætorium erat, æque ut in castris, Act. XXIII, 12, 16, 17. & cap. XXV, 6. Hinc Pilatus, postquam sermonem Judæorum minacem audiverat, ἤγαγεν ἔξω τὸν ἰησοῦν, foras extra Prætorium eduxit Jesum, ibique, non in Templi Atrio, ἐκάθισεν ἐπὶ τῷ βήματι, sedit pro tribunali, Romanorum Præsidum more, qui pronunciare non solebant, nisi pro tribunali sedentes. Hinc locus ille λιθόστρωτος, non *Lischkath baggazith*, sed *ταββαθα* nominari consueverat, eo quod esset locus editior, lapidibus stratus. Alias quidem *Lithostroton* dixere veteres pavimentum, ex lapidibus expolitis, variis coloribus, varioque ordine dispositis, figuras diversas exhibens, quale opus Præneste in Fortunæ Delubro primus fecit Sylla Dictator, CLXX circiter annis ante C. N. bene monente IAC. SPONIO *Miscell. Erud. Antiquitat. Sect. II. Art. VIII. p. 38.* hic autem in genere censemus, pavimentum ex lapidibus structum, eoque paulo excelsius reliquo solo, notare: In eandem tamen, cum SELDENO, sententiam concedentes, CASAVEONVS ad SVETON. *Jul. Caf. cap. XLVI.* & IOH. LIGHTFOOTVS *Hor. Hebr. in Job. XIX, 13.* eadem opera castigantur ab ANTONIO BYNÆO *de morte J. C. lib. III. cap. IV. §. 34. pag. 170 sqq.*

Ad §. IX. pag. 116.

(7) *Sub portis urbium*] In portis urbium judicia exerceri, judicesque causas dirimere consuevisse, supra docuimus ad Lib. II. Cap. III. §. 3. Annot. 5.

Ad §. X. pag. cit.

(8) *Ratione potestatis, auctoritatisque*] Differentiam Minorum judiciorum a Supremo, Auctor

Auctor porro eruit e dispari cognitione causarum. Trium enim generum statuebant actiones: דיני קנסות *judicia mulctatitia*, seu causas criminales ex lege, nec tamen capitales: דיני נפשות *judicia animarum*, seu causas capitales, in quibus ultimum irrogabatur supplicium: & דיני ממנות *judicia pecuniaria*, & causas mere civiles: sed & quæ cuique foro cognitio & sententia competeret, curatè definiebant. Soli supremo Synedrio, Cod. *Sanhedrin cap. I.* reservatas fuisse perhibent causas sequentes: 1) de Tribu, quæ vel tota, vel maximam partem, ad idololatriam defecisset: 2) de Pseudopropheta, quo respexisse Salvator creditur, quando Luc. XIII, 33. *non contingere*, ait, *ut Propheta pereat extra Hierosolymas*, ubi Synedrium M. contra vates seductores pronunciabat: 3) de Summo Pontifice, si admisset aliquod crimen: 4) למלחמה הרשות *de bello אוטואגέτω seu arbitrario*, cui מלחמה *bellum præcepti* opponunt, quod cum Amalekitis, & septem gentibus Palæstinæ gerere divinitus erant jussi: 5) de Vrbe (Hierosolymorum) vel Atrio (Templi) amplificando: 6) de Synedriis, seu Judicum confectibus, in singulis tribubus instituendis: 7) de urbe quacunque, universalis apostasiæ damnanda: 8) de vitiis, quæ a sacerdotio arcerent, unde MAIMONIDES testatur, hoc continuum & principale hujus confessus fuisse negotium, ut Sacerdotes dijudicet, & dispiciat de natalibus & vitiis Sacerdotum: 9) de successione Summi Pontificis: 10) de omnibus gravioribus causis, de quibus ceteris Synedriis non liquebat, aut quæ inde per appellationem delatæ essent ad Concilium Supremum. Quin & eo usque progreditur MAIMONID. in Hile. *Melachim cap. I. §. 4.* & Hile. *Sanhedrin cap. V. §. I.* ut jus eligendi reges Synedrio magno vindicet. Verum recte observat CARPZOV. ad *Schickardi Jus Regium cap. I. Theor. 2. p. 16 sq.* omnium Israël regum exemplis constare, illos vel per expressam electionem divinam creatos esse, vel per successionem, vel per vim ac tyrannidem regnum occupasse, vel a Gentiliū regibus constitutos fuisse, prout Pharaō

Joakimum 2 Reg. XXIII, 34. & Nebucadnezar Zedekiam cap. XXIV, 17. regno præfecerunt.

Rursus in Cod. *Sanhedrin cap. I.* foro triumvirali permittuntur judicia civilia, de rapinis & læsione, de damno vel dimidio damni, de restitutione dupli, quadrupli & quintupli, de vi, de seductione, de diffamatione: contra verò judicia capitalia ad forum pertinent viginti-triumvirale.

Ad §. X. p. II6.

(9) *Accipiebat appellationes a Judiciis minoribus*] Appellandi, ac deferendi causas ad judicia majora, modum ac processum Cod. *Sanhedrin* in *Mischna cap. X.* & in *Gemara*, ita definiunt: Si de re quapiam, litigantibus opus est consilium exquiri, consulunt domum judicii, quæ est in civitate ipsorum. Si satis in ea Synedri a majoribus sunt instituti, sententiam ferunt, sin minus, eunt ad civitatem proximam. Istius urbis Synedrium si satis est institutum a majoribus, sententiam fert, sin minus, vadunt ad Domum judicii, quæ Hierosolymis est ad portam montis Templi. Quod si nec hoc perspectam habeat sententiam, vadunt amplius ad Domum judicii, quæ est ad portam atrii: si & illud sententiam ferre nequeat, vadunt ad Conclave cæsi lapidis, sive ad Synedrium M. Vnde patet, ex singulis Judææ civitatibus, difficiliora quæque relata fuisse, ad ea Synedria, quæ Hierosolymis sedebant, donec devolverentur ad supremum. Sed de causis per appellationes ad Synedrium M. deductis, progressuque appellationum copiose rursus disseruit SELDENVS *lib. III. de Synedr. cap. II. toto.*

Ad §. XI. pag. citat.

(10) *Quo tentabant pseudopropheta*] De judicio pseudoprophetæ SELDENVM consule *lib. III. de Synedr. cap. VI. toto.* Quæ Auctor hic monet, ille §. III. dilucidius ita exponit: Si complura prædixerat vates temerarius bona, quorum pars tantum aliqua evenisset, nec omnia,



in pseudoprophetis habebatur: si famem, pestem, bellum, id genus alias calamitates, seu mala prædixerat, tamen non evenirent, pseudopropheta nihilominus neutiquam censebatur. Vbi enim bona prædicta non evenirent, ideo arguebatur deceptor, quia regulariter quodcumque decrevit Deus de bono eventuro, id aliter se habere nequit, quia sententiam ipse non rescindit. Secus autem se res habet in calamitatibus prædictis, quoniam tardus ad vindictam & misericors est Deus; & forte poenitentia ducti ii, in quos prædixerat, ad bonam mentem redierant, ideo prophetia ejus mendacii non erat damnanda. Hinc scitum illud: כָּרַבְרִי כָלֵכֵר יִכְחֵן הַנְּבִיאָה *ex bono tantum prædicto Propheta dijudicabatur*: quod loco Jeremiæ probatur, ab Auctore prolato. Addunt præterea aliud criterium: נִכְיָא שְׁהָעִיר לוֹ נִכְיָא אַחֵר שְׁהָיָא נִכְיָא הָרִי הוּא כְּחֻקָּה נִכְיָא *Propheta, qui testem sibi habet Prophetam alterum (jam probatum) præsumitur esse Propheta verax.* Omnes autem pseudoprophetae convicti, ex sententia duntaxat Synedrii M. strangulatione pledebantur.

Ad §. XII. pag. 116.

(II) *Viguit quoque in interregnis*] Gravis hic, & capitalis agitur controversia: Num ab antiquo, ac inde a Mosis & Judicum temporibus, decantatum istud Synedrium M. obtinuerit? Id ex instituto, dataque opera impugnandum, negandumque sibi sumsit IOH. VORSTIVS pecul. diatriba, de Synedriis Hebræorum, Rostochii anno 1651. edita, cujus §. 39 sqq. mentem suam ita expromit, ut Synedrium M. eam, quam Rabbinus describunt, faciem habitumque induisse probet, sub Hasmonæis demum, & post profanationem Templi, ab Antiocho Epiphane factam. Hinc §. 21 sqq. per singulas temporum epochas eundo, demonstrare satagit, nullum ejusmodi Senatum supremum, vel a Mose fuisse institutum, vel sub Judicibus & Regibus viguisse. Coactum enim a Mose LXX Seniorum Conci-

lium Num. XI, 16. & dudum ante in populo Israelitico locum habuisse, & Mosis non ad latus positum, aut ad dijudicandas graviores controversias institutum, verum ad allevandum ipsi onus murmurantis ac rebellantis populi, subordinatum fuisse, velut levamen. Porro §. 33. Josuæ & Judicum præcipuam fuisse docet auctoritatem inter Hebræos, Synedrii autem M. nullum ista ætate, & ne minimum in Scriptura vestigium deprehendi. Sane, si bellum gerendum esset cum hostibus, Judicum id factum fuit auspiciis, aut universus populus coit in unum, quemadmodum tum fecerunt, cum contra unam Benjamitarum tribum arma moverent tribus reliquæ. Suprema item judicia ab ipsis administrata fuisse constat, exemplo Deborah Jud. IV. nec non Samuelis 1 Sam. VII, 16. Licet itaque in singulis civitatibus Judices & Præfecti essent, qui causas cognoscerent Deut. XVI; difficiliore tamen casus vel ad Sacerdotes deferabantur ad locum Sanctuarii, vel ad Judicem, καὶ ἐξοχὴν ita dictum. Hinc Eli duplici nomine graves causas decidebat, & quod Sacerdos Summus esset, & quod Judex. Nulla istis temporibus mentio Synedrii M. Hinc, cum Regem sibi exposceret populus, non repudiabat auctoritatem Synedrii M. sed filiorum Samuelis, qui patri successi, vestigia ejus non premebant; hinc rogabat: *Da nobis regem, qui judicet nos, sicut universæ habent nationes* 1 Sam. VIII, 5. Quid regium sibi deposcere judicium opus habuissent, si penes Synedrium M. ea tempestate summa fuisset judiciorum potestas? Posthæc ad Reges deferabantur lites, ut ex 2 Sam. XV, 2 seqq. 1 Reg. III, 16 sqq. 28. & aliis locis, liquido intelligitur. Denique Josaphatus supremum ali-quod constituisse legitur judicium Hierosolymis 2 Chron. XIX, 8 sqq. sed aliud longe, nec tale, quale Synedrium M. describitur a Rabbinis. Ex quibus omnibus denique conficit VORSTIVS §. 39. Synedrii M. natales ad Hasmonæorum demum ætatem esse rejiciendos. Præluserat forte VORSTIO, HERMANN. CONRINGIUS, edita A. 1648. disputatione de Republica Hebræorum,

rum, cujus §. XXXVII. verosimilius sibi videri ait, Synedrium magnum aliquod constitutum demum esse post captivitatem Babylonicam, & quidem maxime Hasmonæorum tempore, idque ad effigiem Senatus a Josaphato Rege olim compositi, cujus fit mentio in Paralipomenis. Recentiorein adhuc originem ei tribuit DIONYSIVS PETAVIVS lib. II. de doctrina temporum cap. XXVII. fol. 156. & a Gabinio demum arcessit, qui a Pompejo in Judæam missus, restituto Hyrcano, populoque in quinque partes distributo, totidem constituit Synedria, summum Hierosolymis, cetera Gedars, Amathunte, Jerichunte, & Samphoris: quam in rem testem laudat IOSEPHVM lib. XIV. Antiqu. cap. X. & lib. I. de bello Jud. cap. VI. Cum primis autem IOH. FRISCHMUTHVS libro de Rege eligendo & depouendo, postquam inde a §. LIII. in Synedrii hujus natales paulo accuratius inquisivisset, tandem §. LX. aliquot argumentis negat, Judicum, Samuelis, & Regum temporibus, confessum illum Synedrialem extitisse, ortumque ejus demum ad tempora Esræ, & ceterorum ex Babylonica captivitate redeuntium refert. Novissime omnium Reverendiss. Scanix Bleckingiæque Episcopus, HENRICVS BENZELIVS, in dissertatione de Synedrio M. Rabbīnorum ad examen revocato, quæ Syntagmatis disputation. ejus Tom. II. p. 181 sqq. legitur, postquam varias Rabbīnorum in describendo illo ἀντιλογίας urserat, & singulis reipublicæ Judaicæ ætatibus illud denegaverat, demum §. X. p. 205. concludit, se non omne prorsus negare Synedrium M. cum de eo toties in Nov. Test. fiat mentio, sed temporibus solutam captivitatem Babylonicam sequentibus tale quid tribuit. Vti vero non adeo præcise patere existimat, quomodo idem comparatum fuerit, quantæque ejus potestas; ita neque de tempore, quo inceperit, certo constare credit. Verum cum Græcæ linguæ suam debeat originem ipsa vox סנהדרין & hæc insuper lingua tum demum Judæis frequens esse cæperit, quando res eorum cum Regibus Syriæ atque Aegypti fuerint commixtæ, hisce utcunque temporibus na-

tales Synedrii non sine ratione assignare posse, sibi videtur.

Contra vero ea, & Mosaicam illi originem, & perennantem in republica Hebræorum usum tribuunt, cum Rabbīni tantum non omnes, tum peritissimi antiquitatum Judaicarum & Christianis scrutatores, SELDENVS lib. II. de Synedr. cap. IV. §. 2. CVNÆVS lib. I. de Republ. Hebr. cap. XII. PAVL. FAGIVS Not. ad Numer. XI, 16. IOH. DE VOISIN Observ. ad Proëm. Pugionis Fidei fol. 14 sq. GALATINVS lib. IV. de Arcan. Cathol. verit. cap. V. SIGONIVS lib. VI. de Republ. Hebr. cap. VII. MENOCHIVS lib. I. de Republ. Hebr. cap. VI. quest. 5. LEVSDENIVS Philol. Hebræo-Mixti Dissert. XLVI. p. 317. alique passim: unde operæ nos pretium facturos existimamus, si paulo curatius in ætatem Senatus istius (veritatem enim ejus historicam, Novum pariter Fœdus ac IOSEPHVS, in dubium vocare non sinunt) inquiramus. Salva itaque in viros doctissimos, qui secus statuunt, pietate ac reverentia, sententiam nostram distincte proponemus. I.) Mosen, divinis auspiciis, Concilium ejusmodi LXX Senatorum instituisse, ex tribus Scripturæ testimoniis, Exod. XVIII, 22. Num. XI, 16. & Deuter. XVII, 8 sqq. passim probatur, horumque medium cum primis, solennem ejus originem, ultimum divinitus imperatam continuationem, liquido evincit. Seniorum quidem populi, τῶν ἀρχαίων αὐτοκρατορία, etsi jam in Aegypto Exod. III, 16. IV, 29. & post egressum, in deserto Exod. XVII, 5. XVIII, 12. XIX, 7. & XXIV, 1, 9. ubi numerus septuagenarius iis additur, præclara erat & spectata, nondum tamen in commune aliquod & populo præfectum coaluerant Collegium, donec jussu Numinis Numer. XI, 16. in unum velut corpus compingerentur. II.) Post excessum Mosis, eadem regiminis obtinuit ratio in populo, tam Josua rerum potiente, quam post herois fata, quoad pristini superstites essent Assessores, Jos. XXIV, 31. Jud. II, 7. Ab isto tempore, altum quidem de hoc Senatu in Sacris literis silentium est, & fieri potest, ut ingruente creberrima gentis in Deum rebellionē, & Sacro-



rum depravatione, aliquam illé auctoritatis, iustitiæ, prudentiæ ac sanctimonix fecerit iacturam, maxime si epidemica illa labe inficerentur quoque Assessores: penitus tamen intercidiſſe eum ut credamus, cum populi ad frugem subinde redeuntis, obsequium Numini de novo præstitum, tum piorum Judicum, Samuelis cumpri-  
mis, tenacissimum legis divinæ studium prohibet; nec ipsa patitur necessitas, populum tot oppressionum ac ἀναρχίας annis, absque Magistratu, absque iudicio, absque publicorum criminum vindice, solutumque omni lege & obsequio, vixisse. Quod vero Debora, quod Samuel, quod alii demum Judices, jura dixisse populo leguntur, tam non evertit Synedrium, quam non evanuit illud Moſis ac Joſuæ auctoritate, cum uterque graviorum casuum decisionem a Deo edoctus promulgaret, salva inter hæc Synedrii opera, populo navata. Et spectant huc, quæ non inepte ad hoc dubium GOODWINVS S. sq. XIII. regessit. III.) Quid vero de Regum dicamus imperio, quod tantum abest, ut Concilium hoc sustulerit, ejus ut ope vel maxime in obsequio subditos contineret. Eorum plurimi, si Salomonem excipias, vitam in armis agebant, & cum tutari fines, tum ulterius proferre annisi, judiciis & juri dicundo vacare non poterant. Judiciorum itaque, tam urbicorum, quam supremi istius, subsidio, lites in adeo numerosa gente dirimebant. Quis vero Saulem, dum aurem adhuc præbebat Samueli, quis Davidem, virum secundum cor Dei, facientem πάντα τὰ θελήματα τοῦ Θεοῦ (Actor. XIII, 22.) quis Salomonem, quis pios Deique reverentes alios, dixerit, adeo neglexisse Moſaicam constitutionem, ut supremo isthoc iudicio carere regnum malent? De Joſaphato disertè testimonium perhibet Spiritus Sanctus 2 Chron. XIX. quo & instaurasse Synedria, & rem serio agere ipsis injunxisse perhibetur; eandemque mentem Hiskix, Joſuæ, aliisque piis Regibus hæſiſſe, quis dubitaverit? IV.) In captivitatem Babylonicam demum abreptus populus, Sacrorum quidem pariter ac reipublicæ splendorem amisit, Judices tamen & Se-

niores, æque ac Prophetas, divino beneficio, tum quoque retinuit, a quorum ore penderet, quorumque moderamine & consiliis miseriam suam solaretur. Chaldaus Cantici Canticorum Interpres Synedrium sane captivo quoque populo asserit, ad Cap. VI, 1. ita commentatus: ומרי עלמא קבל צלותהון כרענה ונחת לכבל לסנהדרין דחכימיה ויהב רוחא לעמיה Dominus sæculi suscepit orationem eorum cum placentia, descenditque in Babyloniam ad Seniores Sanhedrin, & dedit odorem populo suo. Pariter R. SALOM. IARCHI vaticinium Jacobi Genes. XLIX, 10. de Aechmalotarchis in Babylonia interpretatur, ad verba: non recedet sceptrum a Jebuda, glossam adjiciens: מרוד ואילך אלו ראשי גלות שבבל שרורים את העם בשבט שממונים על פי המלכות A Davide ac deinceps, hi sunt Principes captivitatis, qui Babylone fuerunt, quique dominati sunt super populum sceptro, ac præpositi erant auctoritate regia: quibus gemina leguntur in Gemara Cod. Sanhedrin cap. I. fol. 5. a. Unde liquet, ex Judæorum traditione ac mentē, in captivitate Babylonica umbram quasi mansisse Senatus illius supremi. V.) Post reditum e Babele restauratum hoc Concilium, vel ipsi largiuntur οἱ ἐξ ἐναντίας, licet de tempore sentiant diversum, & monumenta testantur eum Sacra, tum IOSEPHVS & sequiora Judæorum. Conf. Esræ VII, 25 sq. X, 5 sqq. 1 Maccab. XII, XIII, XIV. & historiam Evangelistarum, nec non Acta Apostolica. Ut huic epochæ non opus sit multum immorari. VI.) Nec obstat, vel Scripturæ post facta Joſuæ silentium, quod in aliis majoris momenti factis observare, rei tamen, a Deo diserte institutæ, veritatem eapropter negare non licet; vel Rabbiorum in delineatione Synedrii dissensus, qui isti hominum generi, in gravissimis antiquitatis monumentis tradendis, perquam est familiaris, cum sufficiat universalis in asserenda Senatus hujus veritate concentus. VII.) Etsi vero illam Synedrii formam, quam Talmudistæ describunt, vel ab incunabulis ejus obtinuisse, vel per omnium sæculorum tractum, servatam fuisse, nulli contendimus, in ultima forte tempora aptius,

aptius, quam in media quadrantem: res tamen ipsa, vel ob insignes externi habitus diversitates, vel ob hiatus nonnullos, e medio tolli & negari non potest. Nam neque cultus divini eadem omni ætate, maxime in captivitate Babylonica, fuit conditio, ista tamen cerimoniarum, circumstantiarum, factorum nunc felicium, nunc adversorum, diversitas nihil prohibet, quo minus cultus, ratione substantiæ idem, in populo Deo dicato perseveraret: quod idem de Synedrio affirmare licet. Confer huc SELDENVM *lib. II. de Synedr. cap. XV. §. V.* ubi de intermissionibus Synedrii erudite agit. Sed æquis rerum arbitris ista sufficere, persuasum habeo, ut plura, quæ præsto sūnt, his addere non sit opus.

Ad §. XII. pag. 116.

(12) *Vsque dum eam Herodes tolleret*] Herodes quippe, Antipatri filius, in regium solum a Romanis evectus, non tantum manus intulit Aristobulo atque Hyrcano, Pontificibus, & quicquid de Hasmonæorum sanguine supererat, extinxit, sed nec Synedrio M. pepercit, cujus Assessores, non quidem omnes, ut viris magnis passim persuasum est, præcipuos tamen interemit, excepto Samea, qui Herodi olim in jus vocato, regnum prædixerat; testibus IOSEPHO, Talmude, & Christianis Scriptoribus passim. Sed vel maxime hic consulendus est SELDENVS *loco citato*, qui verum a falso discernit, & quæ perperam adjiciuntur, liquido demonstrat.

AD

## LIB. V. CAPVT V.

### DE QUALITATIBVS, QVAE REQVIREBANTVR A JVDICIBVS, ET MODO ELECTIONIS.

Ad §. I. pag. 117.

*Justitiam*] At enim vero Saulem in bello contra Amalekitas admonitum fuisse, perhibent Magistri, per Bath Kol: *אל תהי צדיק מדין* ne sis nimium justus: ut ex Pirke R. ELIESER citat ABARBENEL *Comment. in 1 Samuel. XV, 5. fol. 105. col. 4.* Cui forte geminum erit, quod L. Cassii, Prætoris Romani tribunal, propter nimiam severitatem scopolus reorum dicebatur: teste VALERIO MAXIMO *lib. III. cap. VII. Rom. §. 8.*

Ibidem.

(2) *Amorem veritatis*] Hanc adeo in Judice requisiverunt Aegyptii, ejus ut simulacrum in pectore gestaret judiciorum Præses, teste AELIANO, qui *Hist. Var. lib. XIV. cap. XXXIV.* ita refert: *Δικαστὰ καὶ τὸ ἀρχαῖον παρ' Αἰγυπτίους*

*ιερεῖς ἦσαν ἦν δὲ τῶν ἀρχῶν ὁ πρεσβύτατος, καὶ ἐδίκαζεν ἅπαντας· ἔδει δὲ αὐτὸν εἶναι δικαιοτάτον ἀνθρώπων καὶ ἀφειδέστατον· εἶχε δὲ καὶ ἄγαλμα περὶ τὸν αὐχένα ἐκ σαρκοφύλλου λίθου, καὶ ἐκαλεῖτο τὸ ἄγαλμα Ἀλήθεια. Apud Aegyptios a prima antiquitate, qui judicabant, Sacerdotes erant. Eorum autem Princeps fuit, qui ceteros ætate anteibat. Ille in omnes jus dicebat. Eum autem esse oportebat omnium ὃ justissimum, ὃ parcentem nemini. Gerebat autem de collo imaginem ex Sapphiro, eaque imago Veritas dicebatur. Consentit DIODORVS SICVLVS, qui *Biblioth. Histor. lib. I. p. 31.* ubi de rebus Aegyptiorum agit, memorat *Ἀρχιδικαστὴν, ἔχοντα τὴν ἀλήθειαν ἐξηγετημένην ἐκ τῆ τετραχέλης, Summum Judicem, qui haberet de collo pendentem veritatem.* Et paulo post denuo: *ἐφόρει δὲ ὅστος ἐπὶ τὸν τετραχέλιον ἐκ χρυσῆς ἀλύσειος ἡγετημένον ζώδιον τῶν πολυτελεῶν λίθων, ὁ προσηγορεῖσιν ἀλήθειαν· τῶν δ' ἀμφισβη-**



Φισβητήσεων ἔρχοντο ἐπειδὴν τὴν τῆς αἰληθείας εἰκόνα ὁ Ἀρχιδιάκῃς προσθεῖτο. Gestabat autem ille in collo ex aurea catena pendens e lapillis pretiosis simulacrum, cui Veritas nomen: hoc autem Veritatis simulacrum Iudiciorum Principi aptum, causas cognoscendi auspiciū fuerat.

Ad §. II. pag. 117.

(3) *Judei plures addunt*] Ita quippe præcipiunt in Gemara Sanhedrin cap. I. fol. 17. col. i. אין מושיבין בסנהדרין אלא בעלי קומה ובעלי חכמה ובעלי מראה ובעלי זקנה ובעלי כשפים ויודעים בשבעים לשון שלא תהא סנהדרין שומעת מפי התורגמן: Non cooptant in Synedrium, nisi qui sit egregia statura, & sapientia, & forma, senex, magis non rudis, callens LXX linguas, ne opus sit, Synedrium per interpretationem audire. Hæc paulo plenius repetit MAIMONID. Hilc. Sanhedrin cap. II. init. Addit etiam his requisitis alia nonnulla MOSES MIKOLZ in Libro Præcept. magno, Præcept. affirm. XCVII. יהיו מנוקים מכל מומי הגוף ויהיו בעלי חכמה בעלי עושר בעלי כשפים שידעו לבטל כישוף ויודעים בשבעים לשון שלא תהא סנהדרין שומעת מפי המתורגמן: Sinto immunes ab omni labe corporis: sunt sapientes, divites, prestigiatores, qui sciant prestigias & incantationes amoliri; sunt periti septuaginta linguarum, ne opus habeat Synedrium audire ex ore interpretis. Quod ad linguarum attinet notitiam, communis est Hebræorum sententia, septuaginta esse gentes, septuaginta linguas, & Angelos totidem, gentibus singulis præfectos: quam, & affiniem Patrum Ecclesiæ de LXXII linguis traditionem, sub examen vocavit BOCHART. in Phaleg lib. I. cap. XIV. p. 60 sqq. qui tandem p. 65. observat, in Scripturis præter Hebræam, viginti circiter numerari. De Iudice autem Hebræo ita definit R. IVDAŠ, nisi sint in urbe duo minimum, qui LXX linguas loqui sciant, & unus, qui intelligat, Concilium in ea locum non invenire. Tales, autem Jafnen quatuor habuisse jactant, R.

ELIESAREM, R. IOSVAM, AKIBAM & SINEONEM THEMANITEN. Quod ad ætatem spectat, distinguunt in זקנה בעל senio venerandum virum, qui locum in Synedrio vel maxime habet, & in מופלג בשנים זקן ultimæ senectutis hominem, qui excluditur, quia æque ac סריס Eunuchus, crudelior esse solet: nec non improlis, aleator, fœnerator. &c. Confer de requisitis Synedrorum SELDEN. lib. II. de Synedr. Hebr. cap. IX. toto: IOH. COCCEIVM Not. ad Massechet Sanhedrin p. 18. & SCHICKARD. Jur. Regii Cap. II. Theor. VI. p. 128.

Ad §. III. pag. cit.

(4) *Tria subsellia inferiorum*] Subsellia ista laudatus SELDENVS delineavit & ob oculos posuit c. I. cap. VI. §. 2. modumque ac rationem cooptandi Assessores, §. 3. exposuit. Sedebant quippe Discipuli isti Sapientum seu Candidati, in transversum hemicycli istius, quem formabat Synedrium XXIII virale, & unumquodque ex his subselliis XXIII תלמידים complectebatur. Ex his legebantur ipsimet Assessores viginti-trium-virialium Synedriorum. Sin autem supplendus esset locus in Synedrio M. sollemior & ordinarius mos erat, ut ex illo viginti trium Synedrio, quod ad atrium Templi affidebat, velut e promtuario jurisconsultorum virorum, successores evocarentur. Evocabantur nempe e minoribus per urbes & provincias Synedriis, viri præstantiores in Synedrium illud alterum, Hierosolymis ad montem Templi collocatum, demortuis nimirum, aut summo collegis. Hinc, ut successores, in Synedrium, quod ad atrium Templi sedem habuit, evecti. Adeo, ut neminem præter spectatissimos, multoque rerum forensium usu exercitatos & subactos, adsciscerent in Synedrium M. Ast, cum rebus turbidis agitaretur respublica, Victores vel Reges Judææ, & penes quos summa potestas erat, præter ordinem cooptabant Assessores, quos vellent.

Ad §. IV. pag. 117.

(5) *Facta est ἐπιθέσει τῶν χειρῶν, impositione manuum*] Univerſam initiationis ſolemnitatem ac rationem, ſupra. diſſeruimus ad Lib. I. Cap. VII. §. 3. Annot. 7. unde, quæ huc faciunt, repetantur. A כמך, innixus fuit, impoſuit, fulciuit, eſt כמיכה χειροθεσία, manuum impoſitio, quæ vel religioſa eſt, cum capiti victimæ, una cum peccati confeſſione, utraque manus vel offerentis, vel Sacerdotis imponeretur, de qua erudite commentatus eſt GUILIELM. OVTRAM lib. I. de Sacrificiis cap. XV. §. 6 ſqq. vel civilis, ad conferendam dignitatem, facultatemque ſive docendi, ſive iudicandi, quæ huius eſt loci. Non vero eodem apud omnes ſine ac effectu adhibebatur. Alios quippe, in dignitatem docendi, ac ligandi, h. e. inhibendi, & ſolvendi, h. e. permittendi, atque hoc pacto ad caſus conſcientiæ, & dubia ſacra deſiniendi, & velut in Doctoratum Theologiæ univerſæ, creabant. Alios, in Theologiæ capitum aliquot tantum particularium explicandorum facultatem creabant. Alios, quod frequentiffimum erat, poteſtate, licentia, ſive potius capacitate, cauſas qualescunque cognoscendi, donabant, Doctores ſic Juris ac Theologiæ ſimul creantes. Aliis denique, cauſis aliquot tantum, veluti pecuniariis, ſed non capitalibus, permiſſis. Ex ipſa tamen ejusmodi creatione, non iudicalem quis nanciſcebatur aliquam poteſtatem, quam ex ipſa creatione ſola actu exercere poſſet, ſed ex creatione ejusmodi tantum capax fiebat præſedurarum iudicarum, atque ut inde in Iudicum Collegia ac Synedria, ſive majora, ſive minora poſſet, nec aliter rite, cooptari: docente MAIMONIDE Hilc. Sanhedrin cap. IV. & SELDENO lib. I. de Synedr. cap. XIV. pag. 302 ſq. edit. Belg.

Ad §. IV. pag. cit.

(6) *Niſi præſentibus quinque aut tribus Iudicibus*] Hoc ita exponit MAIMONID. at. loc. & ex eo repetit BVXTORF. Lex. Targum. voc.

כמיכה ſol. 1498. A temporibus Hillelis nemo poteſt promovere, niſi facultate accepta a Principe Synedrii magni. Princeps autem Synedrii non poteſt promovere, niſi præſente רון בית אב Patre domus iudicii, & hic viciffim non, niſi præſente Principe. Qui vero facultatem promovendi accepit, non poterat illud facere, niſi adhibitis duobus teſtibus. Nam promotio non poteſt peragi a paucioribus, quam a tribus. Non poterat hic actus exerceri extra terram Iſraelis ulla ratione, unde requirebatur, ut & Promotor, & Promotus eſſent in terra. Si autem uterque eſſet in terra, poterat etiam quis abſens per nuncios, vel per epiſtolam, aut ſcriptum teſtimonium promovendi.

Ad §. IV. pag. 118.

(7) *Aut manu fiebat, aut nomine tantum*] Ita diſerte definit MAIMONID. c. l. §. II. וכיצד היא הכמיכה לרורות לא שושככו ידיו על ראש הזקן אלא שקורין לו רבי ואומרים לו הרי אתה כמך ויש לך רשות לרון Quomodo autem facta eſt ordinatio ab omnibus retro ſæculis? non (tantum) ut imponant manus promovendo, ſed etiam, ut illum edita voce Doctorem declarent, & ei dicant: ecce, tu es promotus, & eſt tibi poteſtas iudicandi. LIGHTFOOTVS equidem ex MAIMONIDE, male intellecto, perſuaſerat ſibi, quod circa atatem Chriſti, Judæi non amplius per manuum impoſitionem, ſed per nudam declarationem, qua quis Doctor renunciatur abſque ullo addito ſymbolo ſive cerimonia, promotionem peregerint. Quem tamen hoc nomine confutat VITRINGA lib. III. de Synag. Vet. P. I. cap. XV. p. 836 ſq. & tempore Servatoris, in terra verſantis, utrumque promovendi ritum obtinuiſſe probat. Ibidem quoque p. 838. contra HERM. WITSII eſſatum, quaſi gemina obtinuiſſet ordinatio per manuum impoſitionem, alia ad Senioratum, ſive Doctoratum, alia & ſuo tempore ſequens., ad Aſſeſſuram in Concilio, diſputat, eamque nullo vetuſtatis teſtimonio evinci poſſe docet.

Dd dd

Ad



Ad §. VI. pag. 118.

(8) *Impositiones manuum*]. Velut סמך & סמך vicinum, conjunctum, proximum, & apud Grammaticos, constructum, in regimine positum, pariter סמיכות & סמיכות vicinitatem, approximationem, adhesionem, & apud Grammaticos,

constructionem nominis cum nomine, apud Logicos *Categoriam Relationis* notat: ita in Synagoga, manuum impositione peractam, in Magistrum sive Doctorem promotionem designat, unde סומך promotor, ὁ χειροθετῆς, סומך promotus in Rabbinum: pro diversitate rei, de qua sermo est.

AD

## LIB. V. CAPVT VI.

## DE COMMVNIBVS CERIMONIIS IN OMNIBVS CAPITALIBVS IVDICIIS.

Ad §. II. pag. 118.

*In quibusvis causis deliberationibus uti*]. In iudiciis pecuniariis, sive absolutoria esset, sive condemnatoria sententia, moris erat, ut eodem finirentur die, quoties scilicet de lite satis liqueret; in capitalibus vero, si sententia esset absolutoria, eodem quidem die finiri res poterat, si condemnatoria, in crastino erant finienda, sed nec ultra crastinum, quando aut nil, præter sententiarum calculum, in foro faciendum restaret, aut cuncti in damnatoriam satis consentirent, sententiæ pronuntiatio erat differenda: unde hæc talia iudicia pridie Sabbathi, aut pridie festi aliquis non exercebant, ne scilicet sententia condemnatoria in biduum differretur, sive ultra crastinum. Nam Sabbatha ac dies festi, Iuridici non sunt, nec poenæ in iis affligendæ, quæ statim sententiam sequi solebant. Quod si ergo quis pridie Sabbathi capitalis criminis accusaretur, custodiæ eum tradebant usque in feriam primam sequentis hebdomadis, atque tunc de eo cognoscere incipiebant. Confer SELDENVM lib. II. de Synedr. cap. X. §. 2. Hinc intelligis, cur Syne- drium ad capitis damnandum Christum, postero die, matutino tempore denuo in concilium con- uenerit apud Pontificem Matth. XXVII, 1. Marc. XV, 1. Luc. XXII, 66. cum tamen antegressa no-

te, causa cognita, in condemnatoriam assessores pedibus iussissent omnes, dicentes, ἐνοχος θανάτου ἐσὶ, Matth. XXVI, 66. coll. Marc. XIV, 64. quia eodem, quo audiretur reus, die ad mortem tradi non poterat, sed damnationis publicatio in crastinum erat differenda. Quam autem perperam & contra canones, Senatus Judaicus pridie Sabbathi, atque in ipso festo, capitale iudicium exercuerit, jam monuit LIGHTFOOTVS *Hor. Hebr. ad Matth. XXVII, 1.*

Ad §. IV. pag. 119.

(2) *In capite populi*, 1 Reg. XXI, 9.] Vereor, ut ritus, sistendi capitis reum in loco eminentiori, ex hoc loco valide satis evincatur. Alii enim, honoris causa, in confesso illo Nabothum primum tenuisse locum censent, velut ABARBENEL verborum horum hanc reddit rationem, כִּי הָיָה אֵרֶם נֹכַח erat enim vir honoratus, in dignitate constitutus: alii vero de loco omnibus conspicuo exponunt, ut SEBAST. SCHMIDIVS interpretatur, sistendum & producendum Nabothum ante universum populum, in iudicium: nam qui reus erat, quive testes, illi prodire & coram omni populo sedere, suamque causam dicere cogebantur, aut testimonium. Nec in subsidium vocare licet ληθόντων Pilati, Gabbatha

tha dictum, quia in eo βήμα, tribunal erat, e quo pronunciabatur sententia in reum, de quo supra dictum, ad Cap. IV. §. IX. Not. 5. & 6.

Ad §. V. pag. 119.

(3) *Sanguis tuus super caput tuum*] Inter verba solennia, jam ab antiquo apud Hebræos, habebatur formula: *Sanguis tuus sit super te*, h. e. cædis tuæ culpa in te redundet, nemini, præter te ipsum, in acceptis sit ferenda. Ita Lev. XX, 9. *Qui maledixerit patri suo, aut matri suæ, morte morietur, patri suo aut matri maledixit, כו רמיו sanguis ejus sit super eum*: Jos. II, 19. *Quicumque egressus fuerit de porta domus tuæ, כמו בראשו sanguis ejus sit super caput ejus*, h. e. sibi impu- tet, non nobis, si occidatur, & nos erimus inson- tes: *quicumque autem fuerit tecum in domo, כמו בראשו sanguis ejus sit super caput nostrum*, nos culpam præstabimus, nos rei cædis ipsius eri- mus, si quis eum laeserit. Itaque 2 Sam. I, 16. 1 Reg. II, 44 sq. Vnde IARCHI verba cit. apud Josuam ita παρὰφράζει ראשו על הריגתו על הוּא יגרום מיתתו culpa cædis ejus sit in capite ejus, quia ipse sibi mortis suæ causa fuit: & denuo: כמו בראשו הוּא הריגתו culpa cædis ejus sit in capite nostro. Huc phrasis quoque spectat: *ponere sanguines in sua domo*, h. e. do- mum, seu familiam cædis reatu involvere, atque obstringere Deut. XXII, 8.

Ad §. VI. pag. cit.

(4) *Marcus VI, 27. nominat Σπικυλάτωρα*] Diversimode scribitur: *speculator* & *spiculator*, & pro diversitate lectionis gemina quoque nomi- nis derivatio traditur, & significatio. Prio- rem a *speculando*, posteriorem a *spiculis* deducunt. Priori Auctor inhæret: & favet auctor Glossarii veteris, cui *speculator* est ἐπόπτης, κα- τὰσκοπος. Secus autem habet IULIUS FIRMI- CUS lib. VIII. cap. XXVI. *Speculatores faciet, qui nudato gladio, hominum amputant cervices*. In historia Romana est miles prætorianus, seu ad

Imperatorum custodiam conscriptus. Præfeti autem custodiæ regiæ, juxta Judæorum, Aegy- ptiorum, Chaldæorum, & Romanorum mores, solebant eos interficere, quos Rex morti damna- verat, quod probe ad h. l. observavit HENRI- CUS HAMMONDVS. Rabbinis ספיקולר / & ספיקולר ספיקולר spiculator, ubi BYXTORFIVS Lex. Targ. h. v. p. 1533. explicat: *sic dicti sunt Satelli- tes Principum, quibus etiam fontes tradebantur oc- cidendi*: quod ex Targum Genes. XXXVII, 36. SENECA, aliisque auctoribus, confirmat. Con- sentit Scholion, ex THEOPHYLACTO in Novo Testamento IOHANNIS GREGORII huic loco adjectum, quod σπικυλάτωρα exponit, τὸν δῆ- μιον στρατιώτην, ὃς πρὸς τὸ Φονεύειν τέτακται.

Ad §. VII. pag. cit.

(5) *Præco publicus, clamans*] Depromta hæc sunt ex Mischna Cod. Sanhedrin cap. VI. §. 1. ex MOSIS KOTZENSIS libro *Præceptorum magno*, & ex MAIMONIDE Hilc. Sanhedrin cap. VI. unde hausit, quæ in eandem sententiam tradidit, SELDEN. lib. II. de Synedr. cap. XIII. §. 3. Nec est, quod adjiciamus, præterquam quod Romanis usu pariter receptum fuerit, ut, cum ad supplicium traheretur reus, causa mor- tis & crimen omnibus denunciaretur spectatori- bus, vel per præeuntem præconem, qui elata vo- ce populo nunciaret delictum, ob quod suppli- cium de aliquo sumendum esset, vel per titulum tabulæ inscriptum, sive illa præferretur fonti, sive de collo ejus appenderetur aut superimponere- tur. Dudum hoc a PETRO FABRO *Semestr. lib. II. cap. VIII.* IVSTO LIPSIO *de Cruce lib. II. cap. XI.* HUG. GROTIO *ad Matth. XXVII, 37.* BRISSONIO *de Formulis lib. V. p. 489.* aliisque, est observatum. Quando ergo Christum de cru- ce suspendendum, non tam præco antecessit, quam ἐπιγεαφῇ cruci appensa prodidit, Matth. XXVII, 37. Marc. XV, 26. Luc. XXIII, 38. Joh. XIX, 19. morem hinc intelligis non Judæum, sed Romanum, æque ut supplicium ab ipso sumtum est gentile.



Ad §. VIII. pag. 119.

Ad §. IX. pag. cit.

(6) *Ne exfors foret futuri sæculi*] Cum decem cubitis a pœnæ loco reus abesset, Deo confessionem eum edere jubebant, שכל המתוהר יו ש לו חלק לעולם הבא *quisquis enim confitetur, illi in futuro sæculo fors erit*, ex effato Mischnæ Cod. *Sanhedrin cap. VI. §. 2.* idque probatur exemplo Achanis Jos. VII. 19. unde probandi nervus ita eruitur: ומנן שיכפר לו וירוי: unde constat, expiassse eam confessionem peccatum ejus? שנאמר ויאמר יהושע מר עכרתנו היום הזה יעכר ה' כיום הזה inde, quia dicitur: & inquit Josua: quid turbasti nos? turbabit te Dominus hoc die: היום הזה אתה עכור ואי אתה עכור hoc die turbaberis, non in futuro sæculo. Additur ibidem: quod si nesciat reus, quomodo edenda confessio sit, sic jubetur dicere: היום הזה מיתת כפרה על כל עונותי sit mors mea expiatio pro omnibus peccatis meis. Monet tamen ad hanc Mischnam MAIMONIDES, mortem Achanis ex speciali mandato pro illo tempore, & extra ordinem peractam fuisse: Lex enim nostra neminem condemnat mortis, propria ipsius confessione, neque Prophetæ alicujus dicto, quod tale peccatum commisit: decisionem ergo hic non esse juxta R. IEHV DAM S. Ceterum Mischna Tract. *Sanhedrin cap. XI. §. i.* postquam omni Israelitæ futuri sæculi sortem esse pronuntiaverat, hanc tamen eorum, qui exsortes vitæ æternæ futuri sint, exceptionem addit: Qui negat, in vitam revocandos esse mortuos: Legem esse a celo: Epicureus. R. AKIBA ait: Is quoque, qui libros extraneos legit: qui adsusurrat plagæ hæc verba Exod. XV. 26. omnem morbum &c. ABBA SCHAVL: Is quoque, qui nomen Dei אֱלֹהִים suis literis pronunciat. Porro §. II. exempla addit, trium Regum, Jeroboami, Achabi & Manassis, & quatuor idiotarum, Bileami, Doegi, Achitophelis, & Gehasi, quos exsortes pronunciat vitæ æternæ: etsi contradicitur de Manasse, propter 2 Chron. XXXIII. vers. 13.

(7) *Quominus cruciatum sentiret*] Longe alia de causa, morte plectendis vinum ac siceram porrigi jubet Salomon Prov. XXXI. 6. non ut inebriarentur, sed ut haustu vini refecti, animo intrepido & præsentī fœralem exciperent cladem. Hinc tamen manasse existimant viri docti morem, quo reis, capitali supplicio afficiendis, in sequioribus reipublicæ Hebræorum temporibus, vinum exhiberetur medicatum, ut rationis exuerent usum, horroremque ac dolores supplicii minus perciperent. Confer GEIERVM *Comment. ad c. l. Prov.* Omnem tamen hanc, de turbato per vinum myrrhatum reorum ingenio traditionem explodit, & fabulis Judaicis accenset, vir doctus, IOH. PHIL. HEINIVS *Dissertat. Sacr. cap. X. §. XIII. p. 144.* cujus sententiam sequens annotatio illustrabit.

Ibidem.

(8) *Marc. XV, 23.*] De οἶνω ἐσμυρρισμένῳ, quo Christum in crucem agendum potare gestiebant milites, conf. BYNÆVM lib. III. de morte J. C. cap. V. §. 26: prolixa enim & intricata est disputatio. Placet SAM. BOCHARTI sententia, qui Hieroz. P. I. lib. I. cap. XXVI. vinum myrrhatum pro medicato habet, quia מֵר Hebræis & Syris, primo myrrham significat, deinde etiam aroma quodvis. Vnde Græcorum μέγον factum est, quod non solum myrrhinum, sed & unguentum quodvis sonat. Quam porro conjecturam subnectit Auctor noster, eam ita pingit CASAVBONYS *Exercit. XVI. cap. 80*: Propinatum quidem Domino est vinum, idque myrrhatum; in quo erat specimen humanitatis: sed illud durum & crudele fuit, quod fel poculo infuderunt; quo scelere, quicquid inesse videbatur facti humanitatis, scelerate corruerunt. Observant Hebræi, hoc officium puniendis præstari solitum ab honestis & nobilebus matronis. Satis constat, non defuisse piæ feminas, quæ Christi doctrinam amplexæ, illi cupie-

cupiebant, & casum miserantes Evangelistæ, sequebantur Luc. XXIII, 27. Videtur ab his sanctis mulieribus vinum myrrhatum Christo paratum fuisse consuetudine gentis: sed cum accedere ad Dominum non possent, ac ne honestas quidem, opinor, pateretur; vinum preparatum militibus tradiderunt, Domino porrigendum. Illi, ut erant proni ad omne scelus, felle immixto poculum mulierum piarum corruerunt. Ad hanc faciendam conjecturam, mihi præiverunt ipsa Evangelistæ verba: quæ & beneficium matronarum, & malefium militum, si diligenter expendantur, diserte expriment. Marci οἶνος ἐσμυγνισμένος, ipsissimam ejus poculi consuetudinem, & factum mulierum ob oculos ponit. Matthæus, qui appellat acetum, & quidem felle mixtum, scelus militum detestabile commemorat. Ita evenit in hac historia, quod passim toto Evangelio potest observari, ut sese Evangelistæ divinitus adjuvent, invicem suas narrationes supplæant atque interpretentur. Sane potiore illa fidem merentur, meliusque cohærent, quam cum alii vel lectionem sollicitant, & loco ὄξος apud Matth. ponunt οἶνον, vel in notione vocum trlicantur, ut ANTON. BYNAEVS ὄξος, non acetum stricte dictum, sed vinum acidum notare, & χολήν, non verum fel, sed

amarorem esse tradit; COCCÆVS, Matthæum, vinum corruptum acetum dicere, rem amaram, bilem contendit. Huc etiam inclinat EDZAR-DVS ad Avoda Sara cap. II. pag. 400 sq. ut myrrha una cum felle admixta dicatur porui, & vinum fuerit acidum, quod indistincte, & vinum & acetum appelletur Judæis, ut ipsorum testimoniis probat.

Ad §. X. pag. 120.

(9) Humo condebantur] Fide MAIMONTIS Hile. Sanhedrin cap. XV. §. 9. traditur, quod trabea suspendiosi, saxa quibus lapidandus interiiit, gladius quo quis decollatus, & linteam, quo strangulatio peracta fuit, נקברין כהפישור נקברין אהל לא נקבר עצמו sepelienda erant propius ad morti traditum, sed non in eodem, quo ille, sepulcro, & quidem, ne infausta rei memoria supersit &c. Hinc verò color conciliari poterit fabulæ, de inventa Salvatoris nostri cruce ab Helena, Constantini M. matre, haud procul a loco crucifixionis e terris eruta: si scilicet moris Judæorum tenaces quoque fuerunt milites Romani, aut curatores funeris, Josephus & Nicodemus, id urserunt.

AD

## LIB. V. CAPVT VII.

### DE POENIS ET SUPPLICIIS CAPITALIBVS.

Ad §. I. pag. 120.

Quatuor mortis genera in usu erant] Ita diserte definit Mischna Tract. Sanhedrin cap. VII. §. I. מיתות נמסרו סקילה שריפה ר' מיתות נמסרו סקילה שריפה הרג וחנק quatuor supplicia capitalia senatui tradita sunt: lapidatio, ustio, interemptio quæ fit gladio, & strangulatio. Ordine verborum gravitas suppliciorum indicatur, ut primum sit omnium gravissimum. Hinc BARTENORA ad b. l.

Mischna explicat: Lapidatio gravior est combustione, & hæc duæ graviorēs strangulatione. Et hinc colligimus pro eo, qui duorum suppliciorum capitalium condemnatus est, quod graviore affici debet. Quæ auctoritatem conciliant §. II. Auctoris nostri. Verba autem in Targum Ruth cap. I, 17. ad quæ Auctor provocat, paulo aliter, & ita habent: ארבע דיני מותא לחייבין רגימה אבנא וקטילה נורא וקידת נורא וצליבת קיסא: Quatuor judicia mortis in nocen-

Da da 3

tes:



tes: *injectio lapidum, crematio ignis, interfectio gladii, suspensio ligni*: quæ ob illa, quæ de modo pœnas istas irrogandi, paulo post sequentur, sunt observanda. Tres priores pœnæ, lapidatio, combustio & gladius, diserte memorantur in Lege, strangulationis nulla in Scripturis facta mentione, juxta SELDEN. *lib. II. de Synedr. cap. XIII. §. 4.* Sed quidni hæc referamus Deuter. XXI, 23. & exemplum septem filiorum Saulis, suspensorum a Gibeonitis, 2 Sam. XXI, 1 sqq. Fide autem MAIMONIDIS, Mosaica docet traditio, שכל מיתה האמורה בתורה כהם היא *quod omne mortis infligenda in Lege genus, simpliciter & sine adiectione aut determinatione aliqua dictum, significet strangulationem.* Quo confirmatur effatum R. SALOMONIS, ab Autore §. III. prolatum.

Ad §. VI. pag. 120.

(2) *Num Judeis tempore eo, quo crucifigebant Salvatorem nostrum, fuerit permittum jus vitæ & necis?* Vexata hæc est quæstio, circa quam in partes discesserunt viri docti. Talmudistæ & Rabbin, eosque secuti BUXTORFIVS *Lex. Targum. p. 514 sq.* CASAVEONVS *contra Baron. Exercit. XVI. cap. 71.* CONSTANT. L'EMPEREUR *in Not. ad Bertram. de Republ. Jud. cap. 13.* jus vitæ & necis, XL annis ante everisionem Hierosolymæ, ademptum Judæis fuisse statuunt, idque verba Seniorum populi diserte confirmare, Joh. XVIII, 31. Pilato regerentium: *ἡμῖν οὐκ ἐξέστιν ἀποκτενεῖναι ὁδεῖναι.* Traditur namque in Cod. *Avoda Sara cap. I. fol. 8. col. 2.* quoniam XL annis ante extremam Urbis desolationem, judicia capitalia Synedrîo adimerentur a Romanis, hinc illud edixisse: *præstat, migremus de loco in locum, ne rei fiamus.* In loco enim solenni τῷ Sanhedrin tenebantur, fontes morti adjudicare; ast si illic non fuerit Synedrîum, nimirum in לשכת הגזית / judicia capitalia exercere non tenebatur. Ideo tum migravit Synedrîum e conclavi cæso, & consedit in tabernis. Quia immo IOSEPH SCALIGER

*Antinadvers. ad Euseb. num. 2086.* diu ante privatos hac potestate Judæos pertendit, annis scil. LXI ante Hierosolymorum destructionem, missis in exilium Archelao, Judæaque in formam provinciæ redacta, & per Procuratoras, seu Rationales Cæsaris administrata. Contra vero ea, SELDENVS *de Synedr. lib. II. cap. XV. §. XI.* IOH. CHRISTOPH. WAGENSEILIVS *in Carmin-Lipmanniani Confut. p. 299 sq.* aliique viri graves, ea quoque potestate, quæ se ad jus vitæ necisque extendit, toto fere tempore, quoad Templum incolume fuit, Synedrîum polluisse credunt, cit. autem loco Joh. Judæos ob festi religionem sibi fas non esse perhibuisse, occidere quenquam, ne judicio capitali polluerentur, & inepti ad comedendum agnum paschalem, impuritate sanguinis redderentur. ANTON. BYNAEVS *lib. III. de morte J. C. cap. I. §. 14. pag. 27 sq.* in eadem perstat sententia, quia IOSEPHVS *lib. II. contra Apion.* diserte testatur, quod Romani, uti reliquos devictos populos, ita Judæos etiam, permiserint τοῖς πατέροις ἔθελαι καὶ ἱεροῖς χρῆσθαι, patriis moribus & sacris uti. Inter causas vero distinguit: & si quis in religionem peccasset aut sacra, aut crimen blasphemiae commisisset, in eum portuisse Synedrîum animadvertere censet, carcere, flagellis, quin & ipsa morte, ut constet Pauli exemplo, quem Festus hæreseos postulatam judicare noluerit, nisi Hierosolymis Act. XXV, 20; Apostolorum, de quibus occidendis deliberatum in Synedrîo, ac severius in eos statutum fuisset, ni intercessisset Gamaliel Act. V, 26 sqq.; Stephani tandem, quem ἐκβαλόντες ἔξω τῆς πόλεως, ἐλιθοβόλαιν. Ast in crimine seditionis, læsæque majestatis, ac scelerum omnium, quæ adversus leges Romanas admittebantur, causæ cognitionem, & reorum condemnationem, non ad Judaicum Senatum, sed ad Romani Præsidis pertinuisse tribunal. Eo itaque sensu negare dicit Judæos, potestatem statuendi de capite Jesu sibi adesse, quia seditionis ac læsæ majestatis crimen ei impingebant.

Attamen, quia verba Judæorum, ex Johann. XVIII, 31. allegata, reum qualemcunque occidendi potestatem ipsis denegant, aliud nobis adhibere liceat moderamen, quo litem istam commodissime componi posse existimamus. Distinguiamus quippe inter causæ cognitionem, & sententiæ capitalis vigorem ac executionem. Causæ cognitio, quin & sententiæ capitalis adversus fontem pronunciatio, tunc temporis in potestate adhuc erat Judæorum, unde diserte jus suum urgent: *habemus legem, & ex illa lege morte plectendus hic est*: quin & in Synedrio, ex crimine blasphemiae, capitis in ipsum supplicium statuunt. At, ubi lata erat sententiā, recognoscenda illa, confirmanda, & executioni demum mandanda erat a Romano Præsidi; unde Christum, post latam in ipsum sententiā, Pilato adducunt, causæque cognitionem, rite a Synedrio institutam, præmittunt Joh. XVIII, 30. *ille si non esset maleficus, tibi eum non tradidissimus*. Cumque vererentur, Pilatum in Christum, ob asperius in Templum dicta, non tam severe, ac ipsi cupiebant, animadversurum, statum quæstionis malitiose immutant, & crimen politicum adversus Cæsarem, & tranquillitatem publicam, eidem impingunt: diserte inter hæc falsi, non hoc saltem tempore, ob religionem Festi, aut ob criminis adversus leges Romanas solum perpetrari, sed reum omnino nullum, capite plectere fas sibi esse. Quod ex gemina liquet negatione, *ἐν ἑξέσει εἰδέναι*, quæ ex Græcæ linguæ genio, universaliter & fortius negat, hoc sensu: non licet omnino in quemquam nobis capitali supplicio animadvertere. Alias enim, si adhuc integrum ipsis jus vitæ & necis fuisset in criminibus religiosiis & ecclesiasticis, uti sane potuissent facultate, a Pilato sibi facta; dum ait: *λάβετε αὐτὸν ὑμεῖς, καὶ κατὰ τὸν νόμον ὑμῶν κείνατε αὐτόν*. ad quæ verba, ironice prolata, facultatem hanc sibi superesse omnino negant, animadvertere in quenquam. Sic optime conciliabitur historia, nec fides omnis derogabitur testimoniis antiquitatis, quæ judicia capitalia perhibent ademta.

Momenta BYNÆI facili negotio diluuntur. 1) IOSEPHI testimonium non stringit; quibus enim licuit, patriis moribus & sacris vivere, iis nihilominus ademta esse potuit potestas suprema, animadvertendi capitaliter in fontes, æque ut jus belli & pacis. 2) Exemplum Pauli, causæ cognitionem Hierosolymis, & a Judæis institutam probat, de pœna capitis autem nihil evincit: Apostolorum Act. V. denuo sententiā condemnatoriam integram facit Synedrio, verum non executionem: Stephani autem, per tumultum actum, nihil probat. Urget præterea LIGHTFOOTVS *Hor. Hebraic. in Matth. XXVI, 3.* verba Salvatoris Matth. X, 17. *παράδοσθαι ὑμᾶς εἰς συνέδρια*, quæ tamen nihil prorsus efficiunt sententiæ nostræ: tum quoque metum Pauli, qui tam parum ausus est, Synedrio se credere, ut ad Cæsarem potius provocaret. Sed tumultum & infidias timebat Paulus, maxime quod rescivisset, aliquot viros voto se obstrinxisse, cibum ante se non sumturos, quam e medio eum sustulissent, quod certe per vim ac tumultum, neutiquam vero jure quodam moliebantur, quod in ipsorum non erat potestate.

Ad §. XI. pag. 121.

(3) *Modus lapidationis ita habuit*] Quemadmodum uniuscujusque supplicii capitalis, ita lapidationis locus semper extra urbem erat: tum, ne Senatus videatur cædibus delectari; tum, ut spacium sic prorogetur pro innocentia damnati reperienda, proferendaque; tum, quia dictum: *educ blasphemum* Lev. XXIV, 14. Alrus autem hic locus fertur in Mischna Cod. *Sanbedrin cap. VI. §. 4.* duorum hominum staturam, & quidem proceram. Vbi abest reus ab hoc loco quatuor cubitos, vestes ei detrahunt anteriores, usque ad verenda: mulieris etiam posteriora denudata nonnulli tradunt, verum SELDENVS *lib. II. cap. XIII. §. 4.* fide Mischnæ ac MAIMONIDIS perhibet, feminas non alibi nudatas, quam in pectore, quod in saxum illidendum erat. Confer Mischn. *Sanbedrin cap. VI.*

§. 3.



§. 3. Sed & testes deposuisse vestem suam superiore laxamque, quo expeditius & absque impedimento pœnam exequi possent, constat ex Act. XXII, 20. *Modus supplicii duplex habebatur, aut dispari saltem modo irrogari solebat lapidatio: alterò, qui cit. loc. Mischnæ exponitur, quo reus סבית הסקילה ex loco lapidationis, ita pronus in terram, lapidibus stratam, præcipitabatur, ut mors ejus inde expectaretur, atque hunc רחייה impulsione, appellabant, quem, si ex eo mortem nondum oppetisset, statim excipiebat alter, proprie סקילה seu lapidatio dictus, ubi testes ingens saxum levarunt, eorumque alter in pectus rei illud immitteret, ex quo si nondum occubuisset, alter testis alium in ipsum projecit lapidem, quem tota spectatorum concio sequebatur. Vtrumque denotari volunt Judæi verbis Exod. XIX, 12. כי סקול יסקל או ירה ירה aut lapidibus injectis obruetur, aut jaciendo jaciatur, h. e. ita præceps in terram e sublimi detur, detrudatur, projiciatur, ut sic vita privetur. Ita omnino verbum ירה R. SAL. IARCHI interpretatur, per ישרך למטה לארץ deorsum mittatur in terram, simili sensu, quo verbum hoc adhibetur Exod. XV, 4. curvus Pharaonis & exercitum ejus ירה בים projecit in mare. Vt idem notet ac Græcis πίπτειν, jacere, projicere, præcipitare, ut sit proprie projiciendo seu præcipitando e sublimi protrudatur. Verum aliter hunc locum Græci reddiderunt: ἐν γὰρ λίθοις λιθοβοληθήσεται, ἢ βολίδι κατατοξευθήσεται, lapidibus obruetur, aut jaculo seu sagitta ex arcu emissâ transfigetur. Consentiant ONKELOS, & ARABS, IONATHAN autem, & Hierosolymitana Paraphrasis, sagittas ignitas addunt. Sic & LUTHERVS: oder mit Geschoss erschossen werden. & Belgæ: ofte sekerlick door schoten werden. Adstipulantur ex Latinis ARIAS MONTANVS, VATABLVS, TREMELLIVS. Ea- que interpretatio a Spiritu Sancto probatur, Hebr. XII, 20. καὶ θηρίον δίγη τῷ ὄρει, λιθοβοληθήσεται, ἢ βολίδι κατατοξευθήσεται. Ex ipsis Judæis ABEN EZRA id tenet, si reus minus apprehendi, & sic vel detrudi, vel lapidari*

posset, jaculo confodiendum fuisse. Sed uri in Vulgata totum hoc posterius membrum omittitur, ita in compluribus Codicibus Græcis idem desiderari, observavit SELDENVS lib. I. cap. V. pag. 39. Licet vero aliud JCTi Hebræorum ad loc. Exod. velint, ea tamen propter nec vis Paulino Textui inferenda, nec erroris ipse postulandus est. Univerſum tamen hunc lapidationis processum impugnat, & nihil aliud esse, præter insulsam fabulosarum circumſtantiarum farraginem, evincit laudatus paulo ante HEINIVS Dissert. Sacrar. lib. I. cap. X. §. 14. pag. 146 sq. quia exemplis lapidatorum, in Scriptura obviis, prorsus repugnat. Sive enim blasphemi in deserto Lev. XXIV, 14. sive Achanis Jos. VII, 25. sive Nabothi 1 Reg. XXI, 10, 13. sive Zachariæ sacerdotis 2 Chron. XXIV, 21. sive Stephani Act. VII, 58, 59, 60. supplicium contempleris, lapidibus omnes a tota concione petitos & obrutos deprehendes, minime vero de colle sive rupe præcipitaros. Velut autem testimonium ex Exodo, imperite ac ἀπεροσδιονύσας huic trahitur, quod bestiam justo propius ad montem accedentem, eminus vel lapidibus petere, vel jaculis aut sagittis trajicere injungit, quia hominibus eodem loci appropinquare fas non erat, quod in lapidandum non quadrat, quem præ manibus habebant, & coram cum ipso agebant; ita ex allatis constat, quam inique verba Mosis torqueant, saltem ut Magistrorum consulant traditioni. Quare nec ipsi dubitamus, non alio modo, quam immissione lapidum in reum, ita tamen, ut testes primi in ipsum conjicerent, lapidationem fuisse peractam, per Deut. XVII, 7.

Ad §. XII. pag. 122.

(4) *Suspensus est, usque ad occasum Solis* ] Ita disertè sancit Mischna paulo ante citat. כל הנסקלין נתלין lapidati omnes suspenduntur, ex sententia R. ELIESERIS. At Sapientes ajunt: non suspenditur, nisi blasphemus & idololatra. Mas suspenditur, faciem populo obversus: mulier, faciem conversa ad arborem. COCCOEIVS ad h. l.

§. 9. mōnet, suspēdium lapidatorum praeceptum cēferi Deut. XXI, 22, 23. Non igitur *כרוך שהמלכות עשה* sicut a regibus fieri solent, viros suspēdunt; sed mortuos; idque vergente ad occasum sole, ita ut uno ligante alter solvat, ad praecepto de suspēdionē satisfaciendum. Quae iterum nūq̄ sunt Magistrorum. De suspēdionē enim mortuorum legitur quidē exemplum Jos. X, 25, 26. sed gladio cælorum, minime autem lapidatorum, e quibus nullum proferre poteris, post mortem suspēsi: vivos autem suspēdi ex ligno consuevisse, ex Deuter. XXI, 22, 23. Jos. VIII, 23, 29. Num. XXV, 4. & 2 Sam. XXI, 6, 9. liquet. Sed & hic committi Talmud poterit cum IOSEPHO. Gemara enim suspēdisse ipsos, quasi in puncto occasus solis, pertendit: IOSEPHVS autem lib. IV. Antiqu. cap. 8. μένας δι' ὅλης τῆς ἡμέρας, eis θείαν τῶν ἀπάντων, θάπτεισθαι νυκτός, toto die in spectaculum omnium mansisse testatur, noctu sepeliendum, h. e. ante occasum solis. Nisi dixeris, non in trabe suspēsum, sed in terra prostratum, ejusmodi maleficum spectaculo fuisse; aut posteros derogasse quid de more majorum.

Ad §. XIII. pag. 122.

(5) *Combustioni destinati decem erant* ] Quemadmodum facinorosos ceteris suppliciis tollendos, ita quoque igne interimendos, ex fide Mischnæ, curate recenset Auctor, æque ac SELDENVS lib. II. cap. XIII. §. 5. qui tamen monet, pœnam ignis in delictis ejusmodi incestuosus locum tantum habuisse, quoties quis concubitu ita peccaret, *superstite adhuc uxore sua*. Ea autem mortua, obnoxium eum fuisse Excisioni, in omnibus incestus peccatis. Hinc, quæ in filiam Sacerdotis Levit. XXI, 9. pœna statuitur, locum habere Rabbinī non dicunt in libera, sed aut in desponsata, aut in domum ducta. Vnde R. OBAD. DE BARTENORA in Mischn. Sanhedrin cap. IX. §. I. non aliam dicit filiam Sacerdotis ob scortationem condemnari combustionis, nisi quæ adulteravit.

Ad §. XIV. pag. 122.

(6) *Modus combustionis fuit duplex* ] De priori comburendi modo R. ELEASAR fil. SADOCK, in Mischna Sanhedrin cap. VII. §. 2. exemplum commemorat filiae Sacerdotis, quæ scortata, ac eapropter, aggestis circumquaque fascibus cremiorum, combusta fuerit: verum *ibidem* quoque de hoc supplicii modo additur, ex ignorantia Synedrii profectum, adeoque illegitimum fuisse, *כפני שלא היה בות רין של אותה* quod *Senatus ejus temporis rudis statutorum fuerit*, Sadducæorum quippe hæresi infectus, τῷ ῥητῷ Scripturæ presse inhærens, & traditionum πατεροπαράδοτων imperitus. Nec enim alius comburendi modus, ordinarie locum habebat, quam qui cit. loc. Mischnæ ita traditur: *Damnatus fimo immergitur usque ad genua. Tum linteum durum molli involvitur. In collo ejus circumdatur, atque in diversa hinc inde a duobus trahitur, eo usque, donec os biscat. Quo facto, filum candefactum (ex plumbo liquefacto & fusili) ori ejus illiquatur, quod in viscera ejus descendens, cibum ustulet.* Quod si reus ope strangulationis ante extinguatur, quam plumbum candefactum immittatur, nondum satisfactum censebant praecepto, sed aperiant os enecati forcipe, & metallum candens ori illiquant. Hunc combustionis processum ab exemplo filiorum Aaronis Lev. X, 6. arcessunt, de quibus dicitur: *Fratres vestri, universa domus Israel deplorabunt combustionem, quam incendit Dominus; qui tamen igne divino interius solum enecati, exterius autem illæsi manserant.* Hanc autem pœnæ rationem elegerunt, mortis accelerandæ causa. In omni enim genere, mortem & faciliorem, & minus turpem selegerunt, vi praecepti: *Diliges proximum tuum, sicut teipsum. Et quia unusquisque, si mortis condemnatus esset, eligeret mortem leviolem, & minus cruciantem, idcirco nos idem præstare debemus in aliis, ut, si quis lapidationis condemnatus sit, uno obruatur lapide; & si combustionis condemnatus sit, etiam ipsum comburimus eo, quo diximus, modo: ut ad h. l. Mischnæ commentatur MAIMONIDES.*

Ee ee

Ad



Ad §. XV. pag. 122.

(7) *Hujus decollationis modus*] In Mischna cit. loc. §. 3. ita sancitur: *Institutum de puniendis gladio, tale est: Caput ejus ense præsecabatur, quomodo jussu regio fieri assolet. R. IEHVDA ait: indecorum hoc quidem est (quando eum occidunt erectum, ut decidat, ut BARTENORA supplet:)* sed caput impositum trunco, securi præcidebatur. *Responsum ei est: turpius hoc genere mortis nulum est.* Vbi uterque monet Glossator, decisionem non esse juxta R. IEHVÐAM, sed juxta sapientes, qui non ex jussu regio, sed ex Legis præscripto Levitic. cap. XVIII, 3. hanc ope gladii peractam interemptionem probant.

Ad §. XVII. pag. 122.

(8) *Modus strangulationis ita fuit*] Convenit Auctor cum Mischnæ cit. paragrpho, nec est, quod addamus. Hoc solum, cum SELDENO lib. II. cap. XIII. §. 4. observare liceat: a capitalibus pœnis abstinentiores se debere esse, profiteri Magistratos; unde vocare solebant, velut convicio, Synedrium, quod morti intra septennium quempiam tradidisset, סנהדרין חבלנין *Synedrium destructorium*, fide Mischnæ, Cod. Maccoth cap. I. Interim tamen pro facinorum frequentia, reos morte, quocunque tempore legitimo, damnabant; ita tamen, ut eodem in die binos neutiquam judicaret, nisi idem utriusque facinus, eademque pœna, ut adulteri, & adulteræ.

AD

## LIB. V. CAPVT VIII.

## DE POENIS NON CAPITALIBVS.

Ad §. II. pag. 122.

*Vincula, compedes, manica &c.*] Quatuor cumprimis vinculorum genera, Græcis usitata, quin & Romanis, ad Judæos quoque translata memorat SAM. PETITVS ad leges Atticas lib. V. tit. IX. eorumque differentiam exponit, ποδοκἀκην, ποδοσάβην, & παυσικάπην, πεντεσύριγγον. ποδοκἀκη lignum erat, quo pedes constringebantur, quod expertus Paulus & Silas Philippis, ubi τὰς πόδας αὐτῶν ἠσφαλίσατο εἰς τὸ ξύλον, Act. XVI, 24. ποδοσάβη, quo pedes & manus: παυσικάπη, quod collo injiciebatur, & πεντεσύριγγον ξύλον, quod quinque habebat foramina, per quæ pedes & manus, & collum immittebant. Carcerem apud Romanos triplicem fuisse, Vrbanum, ut sunt turres, Rusticum, ut sunt ergastula, & Castrensem, quando captivi trahebantur carenati, observat IVST. LIPSIVS Comment. ad lib. III. Annal. TACITI p. 147. Apo-

stolorum cum vinctorum, tum militibus appofitis custoditorum, qualis in vinculis fuerit conditio, vide in Act. V, 18, 23. XII, 4, 6. XVI, 24. De variis carcerum generibus apud Græcos conferat, cui volupe est, IOH. PHIL. PFEIFFERI Antiquitat. Græcar. lib. II. cap. 24.

Ad §. III. pag. 123.

(2) *Tenebatur pœna*] Illustrari hoc poterit ex Act. XII, 19. ubi Herodes, cum Petrum custodia elapsū intelligeret, ἀναγκάσας τὰς φύλακας, ἐπέλευσεν ἀπαχθῆναι, inquisitione facta de custodibus, jussit eos duci, ad supplicium scilicet, ut non inepte interpretatur BEZA. Eodem metu Philippis percussus commentariensis, vim sibi inferre tentavit, vinctos effugisse suspicatus, Act. XVI, 27. Atque confer Leg. XII. ff. de Custod. Reor.

Ad

Ad §. III. pag. 123.

(3) *Liberam custodiam*] Εα, Φυλακή αἰεσμος dicta, non unius erat generis. Vel enim reus Consuli, Prætori, Aedili, interdum & Senatori, etiam non e magistratu apud Romanos, committebatur, si esset illustrior. Ita SALLVSTIVS bell. Catilin. pag. 37. *Senatus decrevit, ut abdicato magistratu Lentulus, itemque ceteri, in liberis custodiis haberentur*: itaque Lentulus, P. Lentulo Spinthori, qui tum Aedilis erat, Cethegus Q. Cornificio, Statilius C. Cafari, Ceparius Cneo Terentio Senatori, traduntur. Conf. TACITVM Annal. lib. VI. cap. III. HIERONYM. adv. Vigilantium. Sint ergo non tetro aliquo carcere, sed amena & libera custodia, tanquam Patres quidam ordinis Senatorii. Vide LIPSIVM in TACIT. Annal. cit. loc. pag. 254. Vel apud vades, de qua nunc non attinet dicere. Denuo vid. LIPSIVM ad TACIT. Annal. lib. VI. p. 254.

Ad §. IV. pag. cit.

(4) *Tam reum, quam militem tenet*] Erat hæc custodia militaris, ita comparata, ut is, qui in noxa esset, catenam manui dexteræ alligatam haberet, quæ eadem militis sinistram vinciret, custodiæ ejus præfecti. Catenæ autem longiuscule erant, ut ambulare, incedere pariter, non incommode possent. Exemplum habes in Paulo Ad. XXVIII, 16, 30. Probat ATHENÆVS lib. V. cap. XI. Ρωμαίων δὲ στρατηγὸς μὲν Παμφυλίας κοῖντος ὁ ἵππιος παραδοθεὶς ἀκολοθεῖ δέσμιος. Μάνλιος δὲ Ἀκύλλιος ὁ ὑπατευκὴς, ὁ τὸν ἀπὸ Σικελίας κατὰ γαγὼν θέρια μρον, συνδότην ἔχων ἀλύσει μακρὰ βασάνην πεντάπηχυν, πεζὸς ὑπὸ ἱππέως ἔλκεται. E Romanis vero, Prætor Pamphyliæ Q. Oppius (ita pro Hippus, corrigit LIPSIVS) deditione acceptus, sequitur in vinculis. Manius autem (denuo ex emendatione LIPSII) Aquilius Consularis, qui de Siculis triumphavit, colligatum secum habens longa catena Bastarnam quendam quinque cubitorum, pedes ab equite trahitur. Addo utrumque, ad quem Au-

ctor noster provocat SENECAE locum, quia rem egregie illustrat. Ita autem Epist. V. habet: *Quemadmodum eadem catena & custodem* (mavult *custodiam* LIPSIVS, ita enim ipse captivus dicebatur) *& militem copulat, sic ista, quæ tam dissimilia sunt, pariter incedunt.* Et lib. I. de tranquillitate vite cap. 10. inquit: *Omnes cum fortuna copulati sumus. Aliorum aurea catena est, & laxa: aliorum arcta & sordida. Sed quid refert eadem custodia universos circumdedit, alligatique sunt etiam, qui alligaverunt.* Nisi tu forte levio-rem in sinistra catenam putas. Plura in hanc rem dabit laudatus LIPSIVS in Comment. ad TACITI lib. III. Annal. p. 147 seq. quocum confer BARN. BRISSONIVM de formulis lib. V. p. 473sq.

Ad §. VI. pag. ead.

(5) *Restitutio*] Hæc pœna fuit furti, quod non capite, sed multa, plectebatur, vi legis Exod. XXII, 1 sqq. Quam necessaria illa, secundum Judæos fuerit, ut non offeratur oblatio pro reatu, nisi prius restituatur ablatum, vel possessori, vel Sacerdoti, testimoniis ex Talmude & MAIMONIDE allatis probat LIGHTFOOT. Hor. Hebr. ad Matth. V, 23. cui adde SCHOETTGEN. Hor. Hebr. in Luc. XIX, 8. Non uno autem modo peragebatur restitutio, verum alia gravior erat altera. α) Qui ex conscientiae stimulis, proprio motu restituebat ablatum, ultra non tenebatur, partim quia sic ad spontaneam restitutionem invitandi erant fures, partim quia is tantum Exod. c. I. vers. 9. ad restitutionem dupli tenebatur, quem condemnabunt Dii. Αστ, qui seipsum condemnat, immunis est a pœna. β) Quod si quis testibus legitimis esset convictus, rem furto abstulisse, duplum rependere tenebatur proprietario, v. g. si denarium furatus sit, duos solvit, si asinum aut camelum, aut vestimentum, duplum ejus pretii dabat. γ) In peculatu ovium atque pecorum minorum restitutio quadrupli lege sancita erat. δ) In armentorum boumque furto, quintuplo restituendum erat ablatum, ex lege Exod. XXII, 1. cuius di-



verſitatis ineptam reddit cauſam R. IOCHANAN filius ZACCAI, quam vide apud R. SALOMONEM in *b. l.* Cauſa vero exaſperata pœnæ in animalibus mundis eſt, quod hæ brutorum ſpecies ſacrificiis idoneæ, magisque ex uſu ſacro æſtimari ſolitæ fuerint, quam immundorum, aut jumentorum.

Ad §. VIII. pag. 123.

(6) *Habac. II, II.* ] Ita locum exponit R. SALOMO: *האבנים אשר גולת תועקנה מן הקיר* Lapidēs, quos rapuiſti, clamabunt ex pariete, & tignum e ligno reſpondebit ei, lapidi ſcilicet e regione ejus ambo clamant.

Ad §. IX. pag. cit.

(7) *Talio: erat ea æqualis retributio* ] Græcis *ταυτοπαθεια*, ARISTOTELI τὸ ἀντιπαινον-θός, alias Jus *ἀποδοθῆναι* dicta, non tantum præcepto ac lege divina, ſed exemplis quoque in Scriptura comprobatur, quin & in gentes varias emanavit, velut Rhadamantus in SENECAE *Herc. furente Act. III.* ait: *Quod quisque fecit, patitur: auctorem scelus repetit, ſuoque premitur exemplo nocens.* Hoc autem jure adæquata fuerit 1) instrumenta instrumentis, Sap. XI, 17. ut quæ fuerunt delectamenta homini peccanti, evaderent instrumenta Domino punienti, velut ignem alienum igne luerunt filii Aaronis, Lev. X, 2. ſuffocationem ſuffocatione, adeoque aquam aqua Aegyptii Sap. XVIII, 5. beſtiarum cultum beſtiarum dentibus iidem cap. XI, 16. comam ducentos ſielos pretio æquantem, comæ ſuſpendio Abſolom, patibulum patibulo Haman Eſth. VII, 10. 2) Damna damnis, ſpolia ſpoliis, Jeſ. XXXIII, viduitatem afflicta viduitate compenſatam Exod. XXII, 24. ſanguinem ſanguine, quemadmodum *Julius Caſar*, qui terrarum orbem ſanguine impleverat, ipſe tandem ſanguine ſuo Curiam implevit. 3) Tempora temporibus, loca locis expiata, dies XL totidem annis Num. XIV, 34. agrum crudelitatis conſcium, ruben-

tibus ſanguinis notis I Reg. XXI, 19. deſertum deſerto Gen. XXI, 14. foveam fovea Dan. VI, 24. 4) Meſuram meſura, ex oraculo Chriſti Matth. VII, 2. cædes Vriæ cæde domeſtica mulſtatur, libidinis furta ſolis conſpectu 2 Sam. XII, 9 ſqq. pretium triginta ſielorum totidem ſielis: tanti enim veniebant triginta Judæorum venditi, quanti unus ab iis emtus Salvator, juxta IOSEPHVM lib. VI. de B. J. cap. XII. Late hoc jus perſequitur, & exemplis illuſtrat Miſchna Cod. סוטה cap. I. §. 7, 8, 9. Conf. H. GROT. lib. II. de Jure B. & P. lib. II. cap. XX. §. 32. & e noſtris cūprimis DANNHAVER. *Hodoſ. Phenom.* VIII. edition. de A. 1666. p. 700 ſqq. Huc Judæorum pertinet ſcitum במירה שאדם מורד לו מורדיו בה מורדיו, qua homo metitur, remetiuntur ei, in Miſchn. cit. loc. quod rotundius ita efferunt Rabbini: מרה כנגד מרה meſuram, pro meſura. Quæ huic reſpondent, exempla pariter, ac Græcorum teſtimonia & adagia, vide in IOACH. ZEHNRI *Adagiis ſacris*, Cent. II. adag. 61. & Cent. III. adag. 10.

Ad §. eund. pag. eand.

(8) *Hebræis placet Talio ſimilitudinis* ] In foro Judaico pœna talionis, *השלמה* dicta, non afflictiva corporis, ſed compenſativa æris erat, non per ſimilem pœnam corporis, ſed per æſtimationem pecuniariam peracta. Hinc inter judicia pecuniaria, a Triumviris exercenda, primo loco ponunt *חבלות* judicia de læſione. Illa in Miſchna Cod. *Bava Kama cap. VIII. §. I.* expendantur, læſionisque compenſationem æſtillant בנזק בצער ברפוי בשבה ובכושט in damno, in dolore, in curatione, in ceſſatione, & in ignominia. Ad quem locum CONSTANT. L'EMPEREUR, doctiſſimis annotationibus ſuis, MAIMONIDEM, leges Exod. XXI, 23. Levit. XXIV, 20. Deut. XIX, 21. de multa pecuniaria ſolum exponentem, graviter & ſolide refutat. Liquido enim Talmudiſtarum ſtatuta a lege divina deſlectunt, licet colorem non inveniant, quo palliare perversam interpretationem poſſint. Sed

Sed prolixiora hæc sunt, quam quæ huc transferri queant; unde ad ipsos remississe sufficiat fontes.

Ad §. XI. pag. 124.

(9) *Aut fiebat virgis, aut flagellis*] Duplex erat flagellatio apud Judæos: **מלקות רחוקות** flagellatio legalis, quæ & a numero plagarum **מלקות ארבעים** flagellatio quadraginta plagarum dicitur; & **מכת מרורה** fustigatio contumacia, nec non **מכת ררבנן** fustigatio Rabbinica, quæ non in Lege præcepta, sed Rabbino- rum scito erat definita. De priori notamus I) Delicta, quibus infligebatur. MAIMONIDES in Hilcoth Sanhedrin cap. XVII. generatim ea persequitur, cap. XIX. copiose & sigillatim. In genere huic pœnæ subjacent delicta, quæ in præcepta incurrunt negativa; nimirum α) quæ interdictum violant, quod **כרת** excisionem animæ minatur, qualia MOSES AEGYPTIVS cap. XIX. viginti & unum numerat, & in Mischna Maccoth cap. III. §. 1. 2. 3. 4. recensentur. β) quæ interdictum, quod **מיתת כורי שמים** mortem **Θανάτων**, a **כרת** distinctam, interminatur, v. g. si Sacerdos egrediatur e Sanctuario tempore cultus præstandi, qualia juxta MAIMONID. sunt XVIII. γ) quæ interdictum operis, v. g. de vestibus ex lana & lino non conficiendis, aliisque intermitten- dis, lædunt, suntque numero LXVIII. δ) quæ interdictum transgrediuntur, quod transit in mandatum, nisi fecerit mandatum, quod in eo comprehenditur. aut ε) interdictum quodvis aliud, quod pœna capitis, vel compensatione damni dupli, quadrupli &c. non sancitum est &c. II) Modum, qui Deut. XXV. 2. reum in terram prostratum, apud Magistros vero columnæ, seu palo terræ infixio ita alligatum tradit, ut carnem, seu corpus incurvum attingeret palus, & huic quasi infixus videretur, dum medio corpore inclinatus in palum incumberet flagellandus. Hinc non in altum surgens columna, sed bipedalis erat palus, cui incumbere poterat reus. Vni- versam vapulandi rationem Mischna in Codice

Maccoth cap. III. §. 12 sqq. ita definit: *Quomodo flagellant illum? alligat aliquis duas manus ejus columnæ ab utroque latere: quo factò minister Synagoga (חזן הכנסת) prehendit ejus vestes, nihil moratus, sive rumpantur illæ, sive dissolvantur, donec pectus ejus denudaverit. Pone illum lapis positus, in quo minister Synagoga consistit, habens in manu sua lorum vitulinum duplicatum, cujus plica una in duas abit, duæ in quatuor. Duo autem lora ascendunt & descendunt in eo (laxari possunt & contrahi). Manubrium palmi longitudinem habet, ipsum quoque lorum latum est palmum, tam vero longum, ut ad umbilicum pertingat. Tertiam plagarum partem antrorsum, duas vero reli- quas retrorsum ei infligit. Neque vero erectum flagellat aut sedentem, sed inclinatum, secundum illud (Deut. XXV. 2. en conciliationem, modi Rabbanitarum, cum Scriptura): & prosterne- eum iudex. Cedens una manu cedit, quantis potest viribus. Interim Præco hæc verba recitat (ex Deut. XXVIII, 58. 59.): Si non curaveris fa- cere &c. mirabiles faciet Deus plagas tuas &c. quam pericopam idem repetit. Porro (ex Deut. XXIX, 9.): Et observabis verba fœderis hujus. Claudit tandem verbis (ex Psal. LXXXVIII, 38.) Ille vero misericors expiabit peccatum: quæ iti- dem repetit. In eandem sententiam describit MAIMONIDES Hilc. de Synedriis & Panis cap. XVI. §. 8 sqq. hoc solum addens, tres adfuisse supplicio iudices, quorum supremus tempore flagellationis legat ex Deut. XXVIII, 58 sq. me- dius numeret plagas, & tertius dicat ad lictorem: **הכה** percutite. De numero plagarum mox ad paragr. sequi dicemus. Nunc addimus de poste- riori, illam baculo vel fuste peractam, nec defi- nitum habuisse plagarum numerum, sed ab arbi- trio judicum dependisse, & pro delicti ratione nunc auctum, nunc imminutum fuisse, ita ut ad necem usque fontis interdum procederetur: **מכין אותו עד שתצא נשמתו** cadunt eum, do- nec animam exhalet: teste BUXTORF. Lex. Tar- gum. fol. 1252. & COCCIO Not. ad Mischn. Mac- coth cap. III. p. 123.*



Ad §. XII. pag. 124.

(10) *Tantum 39 impegerunt*] Verberum numerus diferte ad XL restringitur Deut. XXV, 2. Juxta hanc legem infra quadragenarium numerum cædi poterat, qui pro reatus & personæ conditione a Synedrio determinabatur; sed non ultra, propter difertam prohibitionem. Hinc ne quadraginta plagas forte excederent, XXXIX solenni ritu infligebant, flagro ab Auctore *paragr. sequ.* recte descripto. IOSEPHVS eapropter appellat plagas *μῖα λεπτάς τεσσαράκοντα*, & Paulus *τεσσαράκοντα παρὰ μίαν* 2 Cor. XI, 34. Hebræi efferunt *ארבעים חסר אחת* *quadraginta, minus una.* Atque hoc erat *סיג לתורה* *sepimentum legis*, tantopere Judæis celebratum, ubi plus, minusve observabant, quam in lege erat præscriptum, saltem ne legis literam transgrederentur. Refertur hoc inter monita virorum Synagogæ magnæ: *עשו סיג לתורה* *facite sepem pro lege*, in *Pirke Abboth cap. I. §. 1.* ad quem locum conf. FAGII & LEVSDENI *Annotat.* Cumprimis vide SELDEN. *lib. II. de Synedr. cap. XIII. §. 6.* & ante omnes τὸν πᾶν, BVXTORFIVM in *præfatione* ad PHIL. MORNAEVUM, ante libellum *de Abbreviaturis.* Monet, præter ea, quæ diximus, SELDENVS, *partim*, si quis inter cædendum, fimo aut urina sua se conspurcasset, liberum eum fuisse, propter verba Deuter. XXV, 2. *ne contemptibilis fiat frater tuus, in oculis tuis: partim*, quod nullam infamiae notam hæc poena inusserit, sed illa affectus *חורר* *rectitudini suæ*, seu statui priori in integrum sit restitutus, nec crimine commisso exprobrandus, quia, cum fuerit verberatus, ecce tunc etiam, ex effato Scripturæ, frater tuus est.

Quin &, qui excisioni, poenæ *כרת* divinitus infligendæ, obnoxius fuerat, indeque verberibus affectus, solvebatur inde excisione sua. Etiam Pontifex M. licet a Triumviris, aliisque Synedriis rite verberatus, *חורר לגדולתו* *restituatur in majestatem suam*, nedum Sacerdotes reliqui. Hoc tamen in *ראש הישיבה* *Synedrii Principe* ita temperatur, ut ille sic verberatus, *אינו חורר לשרותו* *haud restitueretur ad præfecturam suam.*

Ad §. XVI. pag. 125.

(11) *עקרבim* *scorpiones*] Tertium hoc flagellationis genus, Tyrannicum nuncupat CARPZOVIVS *Annot. ad Schickard. Jus Regium Cap. II. Theor. VII. p. 147.* & ex Rabbis in cit. loc. 1 Reg. XII, 11. eleganter illustrat. Ex quibus R. DAVIDEM KIMCHIVM audire lubet: *עקרבim* *קשים משושים שהם עוקצים בקוצים שבהם* *Scorpiones graviores sunt flagellis, quia pungunt spinis illis, quas habent additas, & IONATHAN CHALD. reddidit spinas aculeatas.* Ne quis ergo scorpions somniet, sed spinas aculeatas intelligat, quibus Gideon seniores urbis Succoth flagellabat Jud. VIII, 16. vel calcaria aut aculeos ferreos, flagelli loris in extremitate insertos, qualibus in Papatu cutem lacerare solent flagellantes. Commode rem & luculenter exponit ISIDORVS *lib. VI. Etymolog. cap. ult. Virga sunt extremitates frondium, arborumque; si lenis, virga est; si autem nodosa, vel aculeata, scorpio rectissimo nomine vocatur, quia arcuato vulnere in corpus infligitur.* Confer ANTON. GALLONII *de Sanctior. Martyrium cruciatibus*, edit. Antwerpiens. p. 200.

LIB. V. CAPVT IX.

DE SUPPLICIIS, AB ALIIS NATIONIBVS  
ADSCITIS.

Ad §. I. pag. 125.

*Propria Romanis erant*] Crucis supplicium, apud Judæos æque ac apud Romanos vel Græcos, usu fuisse receptum BARONIUS contendit *Annal. Tom. I. A. XXXIV. num. 92.* SIGONIUS de *Republ. Hebræor. lib. VI. cap. VIII.* LIPSIVS de *Cruce lib. I. cap. II.* GRETSEVS de *Cruce lib. I. cap. XIX.* laudatus modo GALTONIVS *cap. I. p. 2.* & qui hos sequuntur, alii plures: addito discrimine, ut Romani facinorosos clavis per manus ac pedes adactis suffixerint, Judæi funibus alligaverint. Tribus nituntur argumentis: α) quia Moses, jubente Deo, cultores Baal-Pehoris suspendit, Num. XXV, 4. β) quia reges Cananæorum Jos. VIII, 29. X, 26. & posterius Saulis 2 Sam. XXI, 9. suspensi memorantur ex ligno: γ) quia Paulus illud Deuter. XXI, 22. applicare ad Christum Galat. III, 13. vix commodè potuisset, nisi crucifixio in lege innuatur. Verum rectius, Judæis priscis incognitum crucis supplicium asseruerunt; CASAVBONVS *Exercit. XVI. c. Baron. num. LXXVI.* HOORN-BEECK *c. l. cap. XV. num. XI. p. 395.* IOH. NICOLAI *Annot. ad c. l. Sigonii p. 489.* & quotquot alii, doctissimi CASAVBONI vestigia legerunt. Ita vero vir summus silentium urget Judæorum: *Si nullum veteris linguæ Hebræorum est verbum, quod crucem proprie dictam significet: si nullum verbum actioni crucifixiendi proprium: si denique in toto Vet. Test. nullum extet certum de eo supplicii genere testimonium: sequitur, quod illi populo fuerit olim ea penæ forma incognita.* Sane præter memorata superius capitis supplicia, crucem universa ignorat Judæorum antiquitas. Et facile diluuntur, quæ allata fuerunt momenta. Ad α) & β) non crucifixionem, quæ nullis fidi-

culis inde extorqueri poterit, sed laqueo peractam in arbore vel stipite præfocationem, describi. Quam enim plerique hic fingunt, humi factam strangulationem, posthæc vero ex utroque brachio factam suspensionem & ostentui expositionem, nullo probare possunt idoneo documento. Sed hic obiter, & ὡς ἐν παρόδῳ inquirere liceat, quinam Num. XXV, 4. memorentur suspensi? De primatibus capiunt Interpretes passim, unde SEBAST. SCHMIDIVS vertit: *Sume omnia capita populi, & suspende ea Jehova coram sole.* Ante ipsum, pariter CALOVIVS in *Bibl. Illustr. h. l.* GROTIUM notans, primores populi suspensos existimat. Secus autem sentiunt VATABLVS & GROTIUS, omnes quidem principes convocandos arbitrati, ut sententiam dicerent in fontes, sed suspensos solum eos, qui deliquerant. PAUL. FAGIVS etiam in *h. l.* verba Hebræa ita intelligenda esse negat, ac si principes essent suspendendi; sed eos convocandos fuisse, ut iudicium ferrent contra transgressores, Pronomen *eos* referendum non ad principes, sed ad populum, h. e. ad eos, qui ex populo deliquerant. Hac expositione præeuntes sequuntur Hebræos. R. SALOMO glossatur: *Accipe nunc omnes Principes populi, לשפוט את העוברים לפעור* ad iudicandum eos, qui colebant idolum Peor. Ita Targum Hierosolymitanum pariter, ac quod IONATHANI adscribitur, licet ampliori verborum apparatu edisserunt. R. LEVI BENGERSOM in *Pentateuch. fol. 197. col. 4.* *Accipe omnes Principes populi, nempe Iudices, qui erant Tribuni & Centuriones, & Præfecti quinquagenis, & Decuriones, ut isti iudiciâ exerceant in idololatrias: & suspende peccatores Domino in oculis congregationis, ut reliqui crudiantur.* In eandem sententiam incedit ABARBENEL in *Pentateuch. fol.*



fol. 310. col. 3. Sed salva res est. Tam ex primoribus, quam ex populo complures scelere isto se contaminasse, ex historia liquet, nec præter fontes, animadvertendum in alios erat. Omnes tamen in univertsum principes deliquisse, vero non fit simile, & reclamat vers. 5. Hinc ex principibus Moyses suspendit reos, & vers. 5. iudices infantes excitavit, ut in vindicando scelere admissio satisfacerent officio. Qui plura cupit, adeat CHRISTOPH. CARTWRIGHTI *mellificium Hebraicum lib. I. cap. III. ad b. l.* Ut autem e diverticulo in viam redeamus, γ) restat objectio. Nisi eadem suspensionis & crucis ratio fuerit Christi, cum illis ex Vet. Test. memoratis, quomodo Deuter. XXI, 22 sq. de maledictione suspensi pronunciatum, applicari & pertrahi queat ad Christum Gal. III, 13? Sed respondeo, non propter identitatem supplicii applicationem institui, sed propter similitudinem abominationis. Quia enim utrobique suspensio fit in ligno, nuda autem suspensio tantum secum fert abominationem, ut maledictio censeatur suspensus, multo magis abominabilem redditum fuisse suspensum de cruce, acerbiori longe modo, & graviori supplicio; unde argumentum maledictionis hic, quam ibi, certius est, magisque manifestum.

Ad §. II. pag. 125.

(2) *Arbori, seu palo simplici*] Præter KIPINGIVM de *Cruce Exercit. XII.* stipitem simplicem sine ligno, transverso, *crucem* veteribus dici, negat quoque SALMASIVS de *Cruce Epist. II. p. 422 sq.* sed præter rem, cum istam vocis *στυγών* notionem idoneis documentis evicerit BYNÆVS lib. III. de morte J. C. cap. V. §. 9. & ante ipsum CASAVBONVS loco supra citato contra BARONIUM. De pœnis autem capitalibus quando agitur, stipitis infixionem, & ad crucem affixionem, longe diversa fuisse supplicia constat. Interdum quidem junguntur, tanquam utrumque ex omnibus suppliciis acerbissimum, ut in *Apologetico* TERTULLIANI: *crucibus & stipitibus imponitis Christianos*: hoc tamen ipso a

se mutuo distinguuntur. Quantis autem, & quam variis cruciatibus Martyres, palis sive stipitibus affixos vel alligatos, torserint Gentiles, strictim exponit GALEONIVS c. l. cap. I. p. u.

Ibidem.

(3) *Posterior rursus est triplex*] Triplicem hanc Crucis figuram IVSTVS LIPSIUS lib. I. de *Cruce cap. VII. VIII. IX.* ex quamplurimis Patrum testimoniis & allusionibus exculpit; aliam nimirum *decussatam* ad formam literæ X, ubi in medio sui uterque palus transversim junguntur; aliam sine capitello, *commissam*, cum ligno erecto brevius alterum superne, & in ipso capite, committitur, sic ut nihil promineat, ad formam literæ T Græcorum & Latinorum; aliam denique *immissam*, quæ capitata, ad instar mali navis, cum antenna sua, & quando ligno erecto transversum alterum injungitur atque immittitur, sed ita, ut ipsum secet. Verum, uti CLAVD. SALMASIVS supra laudatus pag. 431. definitiones has LIPSI, ut fatiles, frivolasque ridet; ita dubitari potest, an crucis species olim fuerit triplex. Sane IOSEPH. SCALIGER in *digressione de literarum Jonicarum origine*, ad EVSEBII Chron. num. 617. in lib. X. negat, decussatam crucem in usu olim fuisse. Nullo etenim idoneo comprobari posse testimonio, nec aliunde ejus chatam fuisse formam, quam ex ISIDORI *Origin. lib. I. cap. III.* iisque Patrum allegoriis, quæ Jacobum in benedicendis Josephi filiis, decussatumponentem manus suas, ad crucem Christi digitum intendisse tradunt. Sed & commissam crucem docti explodunt, eosque Patres, qui literam T crucis figuram referre perhibent, vel ad eminentiam illam ligni erecti supra transversum, non multum attendisse, vel præscam ac vetustam respexisse volunt literæ T figuram, de qua ISAAC. VOSSIVS de *translatione LXX Interpretum cap. XXIX.* testatur, eam in vetustis Græcorum monumentis *στυγοειδῆν* fuisse, crucisque exacte retulisse figuram, quamvis in hodierno Græcorum alphabeto apex superior desideretur. Hinc, quia

quia cruces olim ad figuram hominis fabricatae erant, qui brachia expandit, & cujus caput eminet, censendum omnino, tales fuisse, ut rectum lignum emeretur, aliquantulum supra transversum. Immo in cruce necessarius fuit ille vertex, ait SCALIGER *cit. loc. in litera Tau*, quod ἀβλα & titulus criminis in eo affigeretur. Vna ergo tantum remanet forma crucis, scilicet immixta. Nos tamen, ad ductum Auctoris, illustrabimus singulas.

Ad §. III. pag. 125.

(4) *Crux decussata*] Hanc Patres ex Gen. XLVIII, 13, 14. elicuerunt, ubi Jacobum, quando Iosephi filius transversis & obliquatis manibus ita benedixisse memoratur, ut dextram poneret super caput Ephraimi, qui stabat ad sinistram ejus, & sinistram imposeret Manassi, qui versus dextram ejus constitebat, crucis formasse figuram existimant. Loca TERTULLIANI, HIERONYMI, ISIDORI, & DAMASCENI, huc facientia congestit LIPSIVS & ANTON. BYNÆVS *de morte J. C. lib. III. cap. V. §. 10.* quæ huc transferre superfedemus. Erudite de illa MOLANVS commentatur, *libro III. Hist. Imagin. cap. LVII.* Minus autem commodè Andrea nam, a martyrio Andreæ dici, COMBEFISIVS in *Notis ad HIPPOLYTVM de XII Apostolis* monuit, quod HIPPOLYTVS Andream, Patrem in Achaja, in olea arbore rectum cruci affixum tradiderit. Confer ITTIGII *Hist. Eccles. Sæc. I. cap. VII. Sect. V. §. XX. p. 454.* Hanc demum crucis formam tempore Constantini M. qui signum X e cælo visum, Labaro suo inscripsisse, ab EVSEBIO aliisque Veterum narratur, vel maxime celebrari cœpisse, a vero non est alienum.

Ad §. IV. pag. 126.

(5) *Crux commissa*] Istam comminiscendi, Patribus ansam subministravit oraculum Ezech. IX, 4. quam autem perverse ac inepte, CAMPEG. VITRINGA *Observatt. Sacrar. lib. II. cap.*

XV. contra HVETIVM, & recentissime HENRIC. BENZELIVS *Syntagm. Dissert. I. p. 110 sqq.* erudite docuerunt. Elegans quidem est apud LVCIANVM in *judicio Vocalium* locus, in quo humanum genus queritur de litera Tau, quoniam tyranni ad imitationem illius efformarunt crucem; unde commissam in supplicio crucifixionis, si minus ubique, frequenter tamen, obtinuisse colligas locum. Sed ludere LVCIANVM in propatulo est. Demum GOROPIVS BECANVS *Hieroglyphicorum Lib. XVI. p. 247 sq.* literam T crucis referre figuram, copiose demonstrare satagit, & p. 250. crucem Christi ejusdem fuisse figuræ perhibet, talemque crucifixi Sospitatoris imaginem, in ære descriptam, oculis subjecit; indeque *Hermathena lib. V. p. 108.* crucem Christi multis rationibus Tau vocari, evincere contendit. Attamen virum eruditum, luxuriantie ingenio, nugas ut plurimum egisse, in vulgus notum est, nec opus, ut exemplis demonstretur.

Ad §. V. pag. cit.

(6) *Crux Christi, ex qua pependit benedictus Salvator noster*] Nec potuit fuisse alia, propter πῑλῶν, quem ὁ Πιλάτος ἔθηκεν ἐπὶ τῇ σταυρῇ Joh. XIX, 19. & quidem ἐπάνω τῆς κεφαλῆς Christi crucifixi Matth. XXVII, 37. Aliud præterea lignum cruci addunt scrutatores antiquitatis. Primus quippe, FRANCISCVS NANSIVS *ad NONNI paraphrasin in Joh. XIX, 18.* in crucis stipite arrectario suppedaneum fuisse observat, πῆγμα, in quo pedes affigebantur; idque IRENAEI testimonio confirmat. Sed negant, qui rem paulo curatius pensant, & fefellisse NANSIVM existimant sedile lignum, cui inequitabat crucifixus. Id enim, ex IVSTINI MARTYRIS, IRENAEI, & TERTULLIANI testimoniis constare perhibet SALMASIVS, in medio arrectarii stipitis impactum fuisse lignum eminens, cui infidebat is, qui cruci affigebatur. Agnoscunt sane istud vetusti Ecclesiæ Doctores, qui ea vixerunt tempestate, qua crux in usu adhuc vulgari fuit. Multus in ea disputatione est

Ef ff

BYNÆVS



BYNÆVS toties laudatus §. XI. XII. p. 230 sqq. ubi profligato suppedaneo, calculum fert pro sedili. Pariter GERH. IOH. VOSSIVS *Harm. Passion. lib. II. cap. VII. §. 28.* Si quis quærat, inquit, utrum potius censeam in Christi cruce fuisse, sedilis excessum, an suppedaneum: de priori dixerō: idque ob TERTULLIANI & aliorum auctoritatem, qui vixere, cum crux obtineret. Suppedaneum vero qui certo agnoverit in cruce Dominica, aut Turonensem habemus neminem. Immo neutrius mentio est apud Veterum ullos, qui de cruce inventa ab Helena, & forma ejus crucis egerunt. Solum enim meminere stipitis recti, antennæ & tituli. Quam autem luculentis, variisque crucifixio Christi præfigurata fuerit typis, copiose exponit EDZARD. *ad Avoda Sara cap. II. p. 226. usque 243. nec non p. 374.*

Ad §. VI. pag. 26.

(7) *Cedebant fontem*] In adjectis crucifixioni probris, primo loco memorat Auctor flagellationem, quæ Romano more, ab Judaica illa, capite præcedente descripta, multum differt. Illa solennis erat crucifixionis antecessor, & raro in crucem dati, nisi sic purpurati, inquit LIPSIVS *de Cruce lib. II. cap. II.* quod ibidem LIVEI, EVRTIL. IOSEPHI, ac aliorum testimoniis probat. Ex hoc more FRANC. VATAEVLVS, IOH. DRVSIVS, & alii permulti existimant, Pilatum iussisse, ut Jesus, antequam suffigeretur cruci, caderetur flagellis. Rectius vero EDMUNDVS MERYLLVS *Not. Philol. in Pass. Christi ad cap. XIX. Job. num. 10.* Pilatum ideo Christum flagellasse perhibet, ut voluntati Judæorum quodammodo satisfaceret, eumque castigatum dimitteret: ita enim apud Lucam, cap. XXIII, 22. ipse ait: *παideύσας αὐτὸν ἀπολύσω.* Respexit enim hic Pilatus morem Judæorum, qui flagellatum dimittebant liberum, immo restituebant in integrum. Quo itaque & iram populi placaret, & innocentem dimitteret, flagellandum eum pronunciat. Ita quoque magnus noster GERHARDVS. Obvertit autem BYNÆVS *lib. III. cap. IV.*

§. 5. ex more Romano flagellatum Jesum, quia mox cruci esset dandus, Matthæi & Marci testimonio nixus, quod Pilatus Jesum *φλαγελλώσας παρέδωκεν, ἡα σταυρωθῆναι.* Vtrumque jungit GERH. IOH. VOSSIVS *lib. II. Harm. Passion. cap. V. §. 13.* Id a Pilato factum, partim, quia sic mos ferret Romanus, ut, qui crucifigendi essent, prius flagellis cederentur: partim etiam, quod speraret, hoc supplicio posse emolliari duros Judæorum animos. Velut autem in hac conciliatione, membrum unum evertit alterum, sic ad BYNÆI testimonium respondeo, alium esse ordinem rerum gestarum in historia passionis Christi, aliam flagellandi rationem. Hanc Johannes reddidit ipsis Pilati verbis, unde quoque post flagellationem, innocentem Christi adhuc testabatur Prætor, & producens illum in conspectum, dicebat: *ecce homo!* ut sic animos sanguinem sitientes, expleret & flecteret; illum autem tradunt Matthæus c. XXVII, 26. & Marc. XV, 15. Triaporo momenta circa flagellationem Christi, laudatus VOSSIVS excutit: 1) virginis casus, an flagellis? quod de flagellis affirmat, ob vocem *φλαγελλώσας*, Matth. XXVII, 26. Marc. XV, 15, ut fallatur MALDONATUS, qui pro virginis fert calculum: 2) de numero plagarum, quem Romano more incertum fuisse pronunciat, quicquid LANGEVLVS de 5475 verberibus, alii aliter definiant: 3) quo corporis situ? num procumbens, an stans? ubi stantem & columnæ alligatum, flagella sustinuisse probat, & quæ de ista tradantur columna, producit. Ceterum, de flagellatione Servatoris, præter eos, qui in historiam passionis commentati sunt, evolvat HOOBNBEECK *Vet. & Nov. Tom. I. p. 396 sq.*

Ibidem.

(8) *Injiciebant humeris illius crucem portandam*] Patibulatus eo nomine audiebat, qui patibulum gestaret, hoc est furcam, sive stipitem erectum, in summo habentem ramos bifidos, quibus cervices inferebat furcifer, manibus deinde ad eam deligabatur. Is, sic procedens, a carnifice,

fice, vel conservis, ut acceleraret gressum, stimulis pungebatur, vel virgis cædebatur. Romanis autem consuetudinem fuisse, ut ne aliis crux imponeretur, quam qui illi erant affigendi, LIPSIVS *lib. II. de Cruce cap. V.* ARTEMIDORI & PLVTARCHI testimoniis confirmat. Romano itaque more Iesus Hierosolyma egreditur ad supplicii locum, βαράζον τὸν σταυρὸν αὐτῆ. Ast, quia Servator vigiliis, flagellis, inprimis vero agone ad Olivetum, largoque sanguinis profluvio lassus, defatigatusque, deficere sub opere crucis, quam vix ac ægre per Urbem tulerat, videbatur, milites Simonem Cyrenæum, temere & casu arreptum, adegerunt, ut crucem bajularet. Num solus, an sociam præstans operam & simul cum Christo? dissentiunt Interpretes. Pictores ad eum modum historiam effingunt, ut priorem crucis partem Christus ipse, posteriorem gerat Simon. Sed magis verisimile censet VOSSIVS *lib. II. Harmon. cap. VI. §. 7.* totam in Vrbe a Christo bajulatam, extra Urbem vero in Simonem translata: ORIGENEM, ATHANASIVM, HIERONYMVm, AVGVSTINVM, LEONEM M. aliosque Veterum in eandem sententiam citans. Copiosius adhuc hanc controversiam perorat BYNAEVS *lib. III. cap. V. §. 17.* & cum VOSSIO facit.

Ad §. VI. pag. 126.

(9) *A Romanis vocatur Titulus, aut Elogium*] De hoc titulo supra, jam pauca prælibavimus *ad Cap. V. §. VII. Annot. 5.* integra autem tractatione illum persequutus est HONORATIVS NICQVETVS libris II. *Titulus Sanctæ Crucis* inscriptis. Hic mos non semper constabat Romanis. Nonnunquam enim contenti fuerunt *superdictione*, id est, ut Præconis præeuntis voce populo nunciaretur crimen, ob quod supplicium de aliquo sumendum esset. Interdum autem scriptam adhibebant tabellam, & elogium, quod vel præferebatur, vel appendebatur damnatis e collo. Hoc in supplicio Iesu observatum memorant Evangelistæ, satisque indicant, hunc titu-

lum non ipsi cruci inscriptum, sed tabellæ fuisse separatæ, atque cruci posthæc impositæ, quam tabellam SALMASIVS λεύκωμα fuisse vult, tabulam albam, nigris literis, non miniatis, quod aliis visum, notatam. Contra vero NICQVETVS *lib. I. cap. VI.* dealbatum titulum largitur, *cap. VII.* autem, literis miniatis inscriptum contendit.

Ad §. eund. pag. ead.

(10) *Christus passus est nudus*] Prorsus nudos consuevisse crucifigi fontes, profani assatim testantur Scriptores, eandemque sententiam ad Christum crucifixum passim referunt Patres. Inter Pontificios tamen multi disputarunt, Christum linteo præcinctum, & verenda velatum, in cruce pependisse. Passionem quippe Christi fuisse dicunt voluntariam, nec alia pati decrevisse, quam quæ decerent: propterea vitasse, quicquid honestati repugnaret, quale fuisset, si a matre & feminarum aliis, conspiceretur prorsus nudus. VOSSIVS autem, qui *lib. II. Harmon. Pass. Cap. VII. §. 3.* copiosus est in hac inquisitione, plane nudum crucis supplicium sustinuisse existimat Christum. Ad gravitatem enim passionis pertinuisse, si mors ejus maxime fuerit ignominiosa: opprobrium vero auget, si nullo fuerit tectus velamine. Interim pictorum probat pietatem, qui pudori consultum cupientes, Christum verenda contextum piungunt. Consentit BYNAEVS *cap. VI. §. VIII. p. 293 sq.* Christum plane nudum, quales natura in vitam inducit, educitque, in crucem actum asseverans, eoque nomine GERHARDVM nostrum, qui *Harmon. Evang. in Pass. cap. XIII.* Christo publicæ honestatis causa relictæ fuisse feminalia linea tradiderat, confutans. *Quis enim cogitare potest, inquit, Romanos milites, supplicii crucis ministros, insoliti quiddam circa Jesum egisse, ac partes, quas tegi voluit natura, vel linteo tectas, vel feminalibus fuisse, cum homines in crucem dari prorsus nudi solerent?* Vnde absurditas, immo impudertia elucescit Ordinis Dominicanorum, qui Papæ Johannis sive XXII, sive XXIII, (diversimode enim



numerant) praesidio & auctoritate nixi, saeculo XIV. eo progressi sunt dementiae, ut contra Franciscanos, Christum nudum pependisse in cruce asserentes, magno supercilio & animorum motu pertenderent, Christum in cruce pependisse, ornatum in capite corona regia & aurea, indutum vero praetexta, id est, toga purpurea, usque ad talos demissa, & limbis aureis praetextata, insuper & cinctum zona, aureis bullis insigni, pedesque calceis deauratis seu bracteatis circumdatum. Talem scilicet Christum crucifixum Johannes, & cum eo Dominicani, etiam pingi, & in templis suspendi curarunt, testante BULLINGERO in *M. S. historia Jobi* XXII. sua etiam aetate multis in locis visas esse imagines tales Domini crucifixi, vetustate propemodum erosas. Confer IOH. HENR. HEIDEGGERI *Histor. Patrus Per. V.* §. 129. p. 158.

Ad §. VII. pag. 126.

(11) *Serrae dissectio*] Non tam inter ordinaria Romanorum supplicia, quam inter crudelitatis tyrannorum exempla, serrae dissectio refertur. Ita sane SVETONIUS Caligulam, *sevitiam ingenii* per hoc etiam, inter alia crudelitatis documenta, ostendisse perhibet, quod multos *honesti ordinis viros, deformatos prius stigmatum notis, ad metalla, aut ad viarum munitiones, aut ad bestiarum condemnavit, aut bestiarum more quadrupedes cavea coercuit, aut medios ferra dissectit: in vita cap. XXVII.* Ast Orientalibus familiare hoc fuisse supplicium, testis est HERODOTVS lib. VII. p. 454. & Judaei in Africa rebellantes Romanos & Gracos, a vertice discidere medios, teste DIONE lib. LXVIII. pag. 786. De Iesae autem ferra dissecti, quod fingitur, martyrio, prolixè nos egimus, *Introduct. ad libb. Vet. Test. Prophetie. cap. II. §. 2. p. 96 sq.* ubi legant, qui plura cupiunt. E recentissimis tamen doctoribus, IOH. BRAUNIVS *Comment. in Hebr. XI, 37.* fuisse contendit aliquod supplicii genus, quo fontes ferra dissecabantur; eumque in finem ad 2 Sam. XII, 31. provocat, ubi David devictos

Ammonitas, Urbis Rabba & reliquarum Ammoniticae regionis Urbium incolas, subiecisse memoratur ferris & tribulis ferri, & transire fecisse per fornaces laterum &c. Noster quoque BRENTIVS *Comment. in b. l.* omnino occisos eos his instrumentis arbitratur; & SANCTIVS Jesuita, inter scelera Davidis hanc refert crudelitatem, Rabbanque putat expugnatam esse, antequam Nathan venisset ad Davidem, & hic poenitentiam egisset. Mitius autem sentit SEB. SCHMIDIVS *Comment. in b. l. pag. 544.* ferram, tribulos, & alia ejusmodi torturae instrumenta humi posita fuisse existimans, ut dentes sursum erecti essent; quibus impositi Ammonitae semel aut iterum, ut vulnera alta non facerent, signarent tamen corpus & cruciarent, atque aeternam in corpore gererent memoriam, ne rebellarent contra Davidem, simulque omnibus videntibus, ignominia ista appareret. Vnde potius ad exasperati victoris excessum, quam ad poenas ordinarias referre malim. De loco *Hebr. XI, 37.* nos pariter mentem aperuimus, *loco mox allegato.*

Ad §. VIII. pag. cit.

(12) *Damnatio ad bestias*] Auctores seditionis & tumultus, populo concitato, bestiis obijciebantur: talibusque nulla erat missio: *Leg. 38. ff. de penis.* Qui autem ad bestias dabatur, si ferra confecisset, & certamine poenam luisset, crimine solutus erat. Vide BULENG. *de Venat. cap. XXXIII.* SVDAEVM in *Pandect. pag. 240. l. FABRVM Semestr. lib. II. cap. XI.* Sed neque tenuiores cives Romanos, neque Latinos quoque Libertinos, immo ne servos quidem, quae hominum extrema conditio est, florente republica Romana, tali supplicio damnatos aut affectos credit SAM. PITISCVS *Lex. Antiqu. Roman. Tom. II. p. 273. a.* ab Afris autem primum usurpari coepisse.

Ibidem.

(13) *Vocabantur Bestiarii*] Ita dicebantur, qui cum bestiis pugnabant, sive iudicis sententia bestiis,

bestiis quis objiceretur, five ad id conductus, aut alioqui confusus viribus, & virtutis ostendendæ causâ, ultro in arenam descenderet. Malefici autem & captivi adeo exhorruerunt hoc genus supplicii, ut multi sibi necem consciverint, ne bestiis objicerentur: teste *SENECA epist. 70.*

Ad §. VIII. pag. 126.

(14) *Cum bestiis depugnavit Ephesi, 1 Cor. XV, 32.* Insignem Auctorum sylvam, de hac *ἡγεμονία* Paulina, exhibuit *WOLFIVS in Curis ad b. l.* qui tamen cum *MAIO & DEYLINGIO*, certamen cum ferinis hominibus intelligit: nec aliter *BEAVSOERE in Annotat. Gallicis ad N. T. b. l. p. 399.* hunc totius commatis sensum faciens: *Ni Deus ipse mihi spem immortalitatis dedisset, stolide satis & imprudenter agerem, cum feris bestiis me committens; nisi testimonia resurrectionis haberem & argumenta, divina omnino, non humana:* per bestias pariter homines efferatos describi censet, qui omnem fere humanitatem exuerunt, eo sensu, quo *IGNATIUS in Ep. ad Rom.* milites, quorum custodiæ mandatus erat, *Leopardos* appellat, quibuscum in universo itinere, per mare, per terram, sibi sit conflictandum.

Ad §. eund. pag. eand.

(15) *Christianos in primitiva Ecclesia exercuit* *ARNOBIUS lib. I. advers. Gentes p. 14. Ad extremum nos feris & beluarum laniatibus objectatis.* Bestiis autem objectabantur, cum venationes darentur: alias enim non licebat. Hinc, cum *Polycarpum* ad leonem postularent, respondit Proconsul, fieri hoc non posse, quia venationes peractæ erant, teste epistola *Smyrnenfis Ecclesiæ* apud *EVSEBIUM lib. IV. Hist. Eccles. cap. 15.* unde factum, ut vivus cremaretur martyr. *TERTVLLIANI*, ad quem Auctor remittit, *Apologet. cap. XL.* locus ita habet: *Si Tiberis adscendit in mania, si Nilus non adscendit in arva, si celum stetit, si terra movit, si fames, si lues, statim: Christianos ad leones. Et Exportat. ad castitatem*

*cap. 12. ait idem: Ne modo non sint; qui exclament: Christiani ad bestias.*

Ad §. IX. pag. 127.

(16) *Proverb. XX, 26.* ] Acutissimus interpres, *MART. GEIERVS in b. l.* figuratum hic agnoscit sermonem, per metaphoram, quam in priori hemistichio Salomon inceperat, ex rusticâ continuatam. Inductis quippe plaustrorum rotis supra triticum, in area dispositum, grana excutiebantur e folliculis, quæ paleæ postmodum ventilatione prorsus difflabantur. Fruges namque, usui hominum aptandæ, solebant vel excuti baculo, vel exteri tum ungulis boum, maxime in Judæa, *Deut. XXV, 4.* tum tribula. Hæc autem tribula duplex erat: vel tabula sola, lapidibus ferrovæ asperata, quæ imposito auriga, vel pondere aliquo grandi, trahebatur jumentis junctis; vel ex asseribus dentatis cum orbiculis, quod vocatum est plostellum Punicum; in quo quis sederet, atque agitare trahentia jumenta. Hoc ipsum instrumentum posterius *HIERONYM. ad Amos. I, 3.* describit, esse plaustrum, quod rotis subter ferreis atque dentatis volvitur, ut excussis frumentis, stipulam in area conterat, & in cibos jumentorum, propter sæni sterilitatem, paleam comminuat. De quo copiose *FVLLER. lib. VI. Miscellan. cap. 12.* Hunc ergo æconomicum rotarum plaustri usum ad tritum, etiam apud Israelitas obtinuisse, ex *Jes. XXVIII, 27* sqq. *XXV, 10. XLI, 5. Amos. I, 3. II, 13.* constat: ad quorum locorum priorum explicationem, ista hic repetiisse juvat. Hinc itaque depromptam esse allegoriam, curate docet laudatus *GEIERVS*, & hunc verborum reddit sensum: Sicut agricola, paleas a granis separaturus, rotam multoties redire facit, vel convertit super manipulos substratos, ut hoc modo secernantur ea, quæ fruges hominum alias faciunt esui ineptas; ita rex sapiens talia subinde instituit examina, tales actus judiciales, tales executiones, quibus subditi inutiles ac perniciosi secernantur a probis, turbatores a tranquillis



quillis, impiosque per rotæ inductionem, hoc est, rigorosam quæstionem & examen, a probis segregatos ventilat, & e medio tollit. Sensum moralem, ejusque applicationem, uberius exponit THOM. CARTWRIGHTVS *Comment. in hunc locum.*

Ad §. IX. pag. 127.

(17) *Apud Græcos hoc supplicii genus* ] Non tam ad cæcandos maleficos adhibebatur, quam torturæ potius instrumentum erat, quo & severe castigabantur servi, & examinabantur rei. SVIDAS, ad quem provocat Auctor, luculenter & erudite hanc machinam exponit, quem, instar omnium audivisse, sufficiet. Vocem τροχισθεῖσα torta interpretatur βασανισθεῖσα, cruciata, & ἀπὸ τῆ τροχῆ a rota dici docet, ὅτι ἐν ὄγκῳ βασανισθὲν, καὶ διατεῖναι τὰ σώματα, quod est instrumentum tortorium & corpora distendens. Probat ex ARISTOPHANE in *Pace* p. 449. v. 16. Schol. Annotat. 12. ubi de servo transfugere parato dicitur, ἐπὶ τῇ τροχῇ γ' ἔλαυνον μαστιγόμενος, in rota ligatus trahatur, flagris casus: ἔγω γὰρ οἱ δέλοι ἐπὶ τροχῇ δεσμέμενοι ἐτύπτοντο, sic enim servi, rota alligati, verberabantur. Et rursus ARISTOPH. in *Pluto* p. 43. v. 17. ἐπὶ τῇ τροχῇ γὰρ δέισ' ἐκεῖ σπασόμενον εἶπεν ἃ πεπαισθημένος. In rota enim ligatum oportet te illic tortum declarare facinora, quæ callide fecisti. Pariter APULEIUS *Metam.* lib. III. p. 79. nec mora, cum ritu Gracienfi, ignis & rota, tum omne genus flagrorum inferuntur; & lib. X. p. 326. nec rota, vel equuleus, more Græcorum, tormentis ejus apparatus jam deerant. Sed & in tormentis martyrum sævissimum mortis genus erat rota, ubi martyr rotæ radiis ita illigabatur, ut miserum corpus, dum innecteretur radiis, cum summo cruciati frangeretur, exollaretur, & exvertebaretur; hinc tundeatur quantum poterat; porro rotabatur in gyrum, & tanta volubilitate circumagebatur, ut effunderentur viscera, ac membra omnia miserum in modum divellerentur; tandem subiciebatur

ignis, ut ita radiis flammæ contrahentibus cremaretur. Hinc apud TERTULLIANVM *sermentitii* dicti sunt Christiani, a sermentis congestis ad cremationem, cum essent in rota; item *semaxii*, ut est *Apologet. cap. L.* *Letet nunc semaxios appelletis, quia ad stipitem dimidii axis revincti, sermentorum ambitu exurimur.* Ita nimirum fiebat illigatio, ut axi esset proxima, quo pacto magis inflectebatur corpus. Confer CULACIUM *Observat. lib. III. cap. 28.* TERNÉBVM *Adversar. lib. IV. cap. 3. & lib. VII. cap. 16.* HERALDVM in ARNOB. l. II. p. 82. TIRAQUELLVM & COLERVVM in ALEXANDRI AB ALEXAND. *Dier. Genial. lib. III. c. 5.*

Ad §. X. pag. 127.

(18) καταποντισμός, *Submersio in ponto* ] Hoc inter supplicia Judæis recepta primus intulit HIERONYMVS, qui ad *Matth. XVIII. 6.* secundum ritum provincie, ait, loquitur (Christus) quia majorum criminum ista apud veteres Judæos pena fuit, ut in profundum, ligato saxo, demergerentur. Verum non sine causa DRYSIUS lib. I. *Præter.* p. 40. addit: Fides penes HIERONYMVM esto. Nam inter genera suppliciorum, quæ in ea gente usurpata, nulla mentio demersionis. Attamen in hac sententia minus sibi constitisse DRYSIUM, ex lib. III. *Observat. cap. XXIII.* apparet, ubi disertè: In consuetudine apud veteres Hebræos positum fuit, ut, qui crimen aliquod gravius commiserat, is, si deprehensus esset, in profundum saxo ingenti alligatus, demergeretur. Id cognoscimus ex HIERONYMO &c. Pariter CASABONVS in *Notis ad N. T. b. l.* asserit, καταποντισμὸν etiam Palæstinis & Græcis, erga sceleratissimos homines usurpatum, sed diversimode. Palæstinos saxum submergendis alligasse: Græcos reum in plumbeum vas conjecisse, quod posterius ex ATHENÆO lib. XIV. probat: prioris autem fidem nullo ullius Scriptoris testimonio fecit. Scriptorum certe Judaicorum, vel aliorum, qui gentis istius ritus exposuerunt, nullus supplicii istius mentionem fecit. Vnde HOORN-

REECK lib. I. Vet. & Nov. cap. XV. p. 390. Romani, inquit; Græcique habuerunt in usu καταποντισμόν: vel si forte apud vicinos Syros quoque usitatus, & vel hinc derivari illa Christi locutio potuerit, vel simpliciter petita sit ab eo, quod obvium, quique modus extinguendi facilis, certusque cunctis apparet: certe in Judæorum judiciis non fuit usurpatus: quare locutio illa inter paroemias, quales in sermone Christi frequenter occurrunt, referri potest. Pariter LIGHTFOOTVS in Hor. Hebr. ad h. l. annotat: Quod Christus hic de genere mortis, forsan nullibi, certe nunquam apud Judæos usitato, loquitur, aut in aggravationem rei id facit, aut in allusionem ad submersionem in mari mortuo, in quo mergi quis non potuit absque pondere aliquo, ei appenso, & in quo quid submergere, communi phrasæologia notabat, abjectioni, odio, atque execrationi devovere. Sane proverbialem hic agnoscere loquendi rationem, similes suadent locutiones v. g. projectionis peccatorum in profundum maris Mich. VII, 19. submersionis libri prophetici, appenso lapidis pondere, in Euphratem Jer. LI, 63, 64. quibus omnimoda memoriæ ejus deletio & irreparabilis oblitio innuitur, ut h. l. mens Servatoris eo redeat: præstare homini, ut prorsus extinguatur, nec ulla unquam ejus fiat memoria, & si fieri possit, redigatur quasi in nihilum, ut esset, ac si nunquam fuisset, quam ut scandalum per eum veniat, æternis gehennæ ignibus luendum. Græcis autem illam submersionis in Ponto poenam usu receptam fuisse, CASAVBONVS supra laudatus idoneis evicit documentis: nec de Romanis dubitare nos finit SVETONIUS, qui Augustum, ministros superbe avareque in provincia grassantes, oneratis gravi pondere cervicibus præcipitari iussisse in flumen, testatur in vita cap. 67. Ita CICERO parricidium punitum perhibet Orat. pro Roscio Amer. Quanto, inquiens, majores nostri sapientius supplicium in parricidas singulare excogitaverunt, ut quos natura ipsa retinere in officio non potuisset, ii magnitudine pœnæ submoverentur, insui voluerunt in culeum vivos, atque ita in flumen dejici &c. Sed culeo post-

modum sub Imperatoribus, quatuor animalia, canis, gallus, vipera, & simia, una sunt conclusa, quæ hoc ordine & numero habet Lex Pompeja de Parricidiis dicta, JUSTINIANVS Imperator §. alia deinde lex. I. de publ. Judic. recenset. Vide MARC. ZVERIVM BOXHOENIVM Quæst. Rom. 36. p. 117 sq.

Ad §. XI. pag. 127.

(19) τυμπανισμός] Hunc GROTIUS, & alii viri docti, exponunt de crudeli quadam distensione; quemadmodum pellis tympani extenditur fidiculis, ut graviores sonum edat, ita & homines per tyrannos trahi & distendi solitos fuisse, ut hac crudelitate, tanquam per torturam, cruciarentur ad mortem usque. Ita ante ipsum jam ERASMVS & BEZA. Contra vero ERASM. SCHMIDIVS observat, τὰ τυμπανα notare fustes, sive baculos, quibus tympana pulsantur: postea in genere quosvis fustes sive baculos, quibus aliquem percutimus: ex τύπανα, τύπτω, ἔτυπον, ἔπειθέσει τὸ μ. Inde τυμπανίζειν, τυπάνοις vel τυμπάνοις cadere: hinc apud Paulum Hebr. XI, 35. illud ἐτυμπανίσθησαν exponit, sie sind geprügelt worden. Consentit CAMERARIUS, qui τυμπανίζεσθαι ait pulsationis & jactationis fuisse supplicium. Sequuntur hi SVIDAM, qui τύπανα exponit, ξύλα, ἐν οἷς ἐτυμπανίζον, ligna, sive fustes, quibus aliquem cadebant: ἐχεῶντο γὰρ ταύτη τῇ τιμωρίᾳ, hoc enim supplicio Judices olim in maleficos utebantur, quod Græci tympanisium, Latini, fustuarium vocant, interprete AEMILIO PORTO. Acquiescant in hac sententia ex recentissimis commentatoribus IOH. BRAUNIVS, Reformatus, & SEBAST. SCHMIDIVS, nostras. Contra vero HENRIC. STEPHANVS, τύπανον, inquit, significat palum, ad quem alligati fustibus contundebantur fontes. Reus ita palo κεμασθεὶς funibus alligatus & distentus, ξύλῳ πλήσσειται καὶ ἐκδέρεται, ligno percutiebatur, & excoriabatur, quin tanta crudelitate cadebatur, ut toto dorso pellis quasi extracta fuerit: atque sic



sic percutiebatur ad mortem. Sic differebat τυμπανισμός a fustigatione, ἀπὸ τῶν μαστίγων, quia fustigatio non ad mortem, ille vero ad necem usque peragebatur. Quæ nobis potissima videtur vocis & supplicii expositio. A qua tamen multum abit Scholion CHRYSOSTOMI in IOH. GREGORII Novo Testam. b. l. juxta quod τυμπανισμός λέγεται ὁ ἀποκεφαλισμός, tympanismus vocatur decollatio, & a Paulo ad Johannem Bapt. ac Apostolum Jacobum respicitur, capite truncatos. Additur tamen ex OECUMENIO, illud ἐτυμπανισθῆσαν idem esse, ac διὰ ῥοπαλίων ἀπέθανον, clavis percussī interierunt, qui alias etiam ῥοπαλισμός, percussio, quæ sit clava dicebatur. Msr. DE BEAUSOBRE tamen Observat. in b. l. per decollationem exponit, auctoritate inductus HENR. VALESII, qui apud EUSEBIUM lib. V. Histor. Eccles. cap. l. ubi Imperatorem L. Verum, Præfidibus Viennensibus & Lugdunensibus in mandatis dedisse memorat, omnes, qui Christianos se profiterentur, ἀποτυμπακνισθῆναι, vertit, ut gladio cederentur, eamque verbi notionem, in subiecta annotatione vindicare satagit. Sed ridet hanc interpretationem CLERICVS ad HENR. HAMMONDI Annot. ad Hebr. XI, 35. qui admodum prolixè in hanc vocem commentatus, crediderim, inquit, proprie intelligendum de iis, qui fustibus ad mortem usque cæsi sunt. Præ ceteris omnibus hic evolvi meretur THOM. GATAKERVS Adversar. cap. XLVI.

Ad S. XI. pag. 128.

(20) Quam Hebræi vocarint צֶנֶק ] Audiamus IVNII in Jer. XXIX, 26. verba integra: Hebraicam vocem, quæ nusquam alibi legitur, penuria Latinitatis ita sumus coacti reddere (in scapha) ut nefarius iste zelus gradatione aliquatenus

explicetur. Est enim vox Hebræa composita, significans genus illud cruciatus, cujus meminit PLVTARCHVS in Artaxerxe: Compungebantur due scaphæ pari commensu inter se respondentem, ita ut corpus hominis inditum quasi in vagina esset, (extantibus capite, manibus, pedibusque). Quod genus cruciatus, sive ad custodiam atrocissimam, sive ad quæstionem, sive ad necem offerretur vinctis, præbatur illis mel temperatum lacte, & in vitis etiam infundebatur in qs, unde viverent (immo quoque, unde succrescerent vermes, qui intus corpus rodebant): quæ ibi PLVTARCHVS copiose narrat. Quamobrem Hebræi, ex forma cruciatus & victus, una voce dixerunt Naviculas fugentis, quia homo in binas naviculas hoc pacto inditus alebatur fuctu, & hac appellatione angustissimum quemque carcerem durissimumque designarunt: qualis hodie videtur in muris, quem Galli vocant Caligam, a similitudine illius sacci, ubi fit & percolatur aromates, quod vinum Hippocraticum appellatur. Non ergo IVNIVS, a Jeremia Naviculam fugentis propriè indigitari censet, ut verba ejus accepisse videtur & Auctor noster, & IAC. ALTINGIVS Comment. in b. l. Jerem. Tom. I. Opp. pag. 835. b. sed figurata hac descriptione arctissimum solum ac molestissimum describi carcerem putat. Hebræi vero, ut R. SALOMO צֶנֶק per צֶנֶק compedem, ABARRENEL per instrumentum, cui manus includunt, æque ut R. DAV. KIMCHI apud Auctorem nostrum, definiunt. DAVID DE POMIS in Zemach David b. v. exponit כָּל אֲשֶׁר בּוֹ קוֹשֶׁרִים הָיִים clausuram, qua manus constringuntur. MERCERO est nervus, cippus, truneus, habens manicas, quibus captivi includuntur & torquentur. Vincula manuum aut pedum rectius intelliguntur, quam si quis memoratam somniet Naviculam fugentis.





# ANNOTATIONES

AD

## LIBRUM VI.

### DE RITIBVS MIXTIS.

#### CAPVT I.

#### DE CIRCVMCISIONE.

Ad §. I. pag. 129.

**D**uo Sacramenta] Exactius Auctor noster duo tantum Vet. Test. Sacramenta statuit, quam Glossator ejus REIZIVS EX EYRMANNO plura numerat, ex trito Reformatorum principio, quasi Sacramenta sacra tantum sint signa. Distinguendum omnino est inter symbola adumbrativa, & inter media gratiæ Divinæ oblativa & exhibitiva, quæ Sacramentorum nomine proprie veniunt. Horum forma interna in unione consistit sacramentali rei terrenæ ac visibilis, cum re cælesti & invisibili; quæ unio in Vet. fœdere adumbrativa erat, in Novo formalis & effectiva: quod fufius Theologi in scholis suis inculcant.

Ad §. II. pag. cit.

(2) *Signum atque sigillum fœderis*] Omni-  
no Paulus Rom. IV, II. & σημεῖον τῆς περιτομῆς,  
*signum circumcisionis* memorat, & idem signum

σφραγίδα τῆς δικαιοσύνης τῆς πίστεως, *signaculum  
justitiæ fidei* appellat: ea tamen propter Refor-  
mati non obtinent, quod contendunt, omnem  
circumcisionis indolem ac naturam in significan-  
do solum positam fuisse, idque, quia quævis Sa-  
cramenta nuda sint signa rerum, etiam absen-  
tium, figuratarum. Signum nempe erat Cir-  
cumcisio, non ratione naturæ sacramentalis,  
sed ratione externæ administrationis, quod in  
membro genitali perageretur, & hoc pacto si-  
gnaret semen benedictum, ex populo Israelitico  
proditurum, in quo omnis gratia Judæis obtin-  
gat. Paulina tamen propositio ita venit expli-  
canda: signum circumcisionis non est nudum  
signum, sed ejusmodi, quod signaculum sit ju-  
stitiæ fidei, eam de novo exhibens & obfignans.  
Quin & signum est aliquod in corpore, signans  
corpus, & a gentibus præputiatis, tanquam ma-  
nifesto indicio, distinguens. Rursus autem,  
quando Apostolus hoc signum circumcisionis  
vocat in prædicato σφραγίδα τῆς δικαιοσύνης τῆς  
πίστεως, tum insigne notandum est discrimen  
inter

Gg gg



inter sigilla Dei, & inter sigilla hominum. Intercedit quidem inter utraque convenientia quædam, quod, quemadmodum sigilla hominum custodientia faciunt, ut aliquid custoditum & asservatum sit, nec possit sine sigilli læsione, & violentiæ illatæ manifestatione, quicquam dimoveri, ita sigilla Dei asservent & custodiant corda fidelium, ut Deo consecrata & dedita mancant, nec mundo mancipentur. Ast præterea, sigilla Dei conferunt bona, quæ custodiunt, eademque augent, muniunt, & valide corroborant: quod exemplo Spiritus Sancti patet. Ille pariter *σφραγίς*, signaculum sive sigillum est, quo a Deo fideles obsignantur, 2 Cor. I, 22. Eph. I, 13. IV, 30. sed, velut Eph. III, 16. explicatur, tale signaculum, quod hominem interiorem donis suis mæstat, insignibusque incrementis auget & conservat. Pari ratione circumcisio divinum erat signaculum, fidem Abrahami quidem, quam jam habebat in præputio, effective adaugens, confirmans & corroborans, ast infantibus actu illam conferens, collatamque postea muniens & confirmans. Pluribus ista persequitur SEBAST. SCHMID. *de Circumcis. P. III. cap. I. p. 310 seqq. & cap. VI. p. 476 seqq.* Quo autem pacto, Apostolica illa descriptione, geminus circumcisionis finis principalis, alter, qui gratiæ salutaris est collatio, alter, promissionum gratiæ obsignatio, demonstratur, CALOVIVS docuit *Theol. Apost. Rom. Oraculo XXXVIII. p. 138. ubi §. 8. pag. 140.* simul ostendit, disparem esse rationem Abrahamæ, & infantium circumcidendorum; quod illi fuerit circumcisio signaculum iustitiæ acceptæ, his medium accipiendæ pariter & obsignandæ.

Ad §. III. pag. 129.

(3) *Circumcisio multis gentibus usurpabatur*] Cupide hunc paragraphum arripiunt SPENCERVS *de legibus Hebræor. ritual. Lib. I. cap. IV. Sect. IV. p. 74 seqq.* & MARSHAMVS *Canon. Chron. Sæc. V. p. 47 sq.* edit. Lips. uterque inde concludere satagens, Patriarchas inter Aegyptios versatos, circumcidendi ritum ab iisdem

didicisse; quos solide refutavit SAM. BASNAGIVS in *Exercit. Historico Crit. ad BARONII Annales A. XXXV. num. XXIX. p. 118 sqq.* cum divina institutio Gen. XVII. non gentilem imitationem, sed divinam voluntatem, pro fundamento habeat. Vnde ab hoc Sacramento gens Judæica, *περιτομή* dicta, a gentibus, quæ *αγοθυσία* appellantur, distinguitur Rom. III, 30. quod fieri non posset, si ex gentili ritu, per imitationem illud Judæi acceperant. Tandem tamen cum in scenam revocasset MARSHAMI & SPENCERI sententiam TINDALIVS in libro cui titulus fecit: *Christianismus mundo coævus*: D. MIDLETON, Bibliothecæ Cantabrigiensis Præfectus, epistolam ad D. WATERLANDVM, Canonicum Ecclesiæ Cathedralis S. Pauli Londinensem, exaratam publici fecit juris, Londini in 8. A. 1731. qua suum TINDALIO cum antecessoribus calculum addens, Judæos circumcidendi ritum ab Aegyptiis mutuo petiisse statuit. Cui citata Anglorum scripta ad manus non sunt, excerpta ex iis, huc facientia, leget in *Bibliotheca Britannica Tom. I. P. II. A. 1733. p. 328 sqq.* refutationem autem istius opinionis paulo post pag. 346 sqq. Recentissimam pariter *Spenceriani* commenti discussionem vide in IOH. RVDOLF. FISCHERI *Observat. in varia Scriptura Sac. loca T. I. P. II. n. V. p. 73 sqq.* & antiquiorem IOBI LVDOLFI in *Commentario in Hist. Aethiop. lib. III. cap. I. num. 3. p. 269 sq.* Ceterum Colchos, Aegyptios, Aethiopes & Troglodytas circumcidendi morem a Judæis didicisse, & posthæc inter suos adhibuisse, testes sunt auctores gravissimi, de Colchis & Aegyptiis HERODOTVS in *Euterpe*, & ORIGENES *lib. V. contra Celsum*, de Troglodytis PHOTIVS in *Biblioth. num. 250.* & DIOD. SICVLVS *lib. III. cap. 3.* Aethiopum porro circumcisionem, non improbat modo, sed mortiferam quoque esse, nec inter adiaphora habendam, pronunciat, & rationibus adstruere satagit CLOPPENBURGIUS *Spicilegii Scholæ Sacrificior. cap. IV. Tom. I. Opp. p. 77 sq.* Verum de Habessinibus copiose IOBVS LVDOLFVS *Hist. Aethiop. Lib. III. cap. I. n. 19.* agit, cujus verba, cum multa

multa in compendio exhibeant, huc transferre juvabit: Circumcisionem non Judæi tantum, sed etiam aliæ gentes & olim usurparunt, & etiamnum usurpant, sine scientia originis, aut cultus alicujus sacri cogitatione. Aegyptios illam primitus instituisse, vel ab Aethiopibus didicisse: dehinc ad alias gentes, Colchos, Phœnices, Syros, mansisse, vetustissimi Historicorum, ignoratione veræ originis, tradiderunt. (HERODOT. in Thalia cap. 104.) *Alnajab*, gens Aethiopum, cultis lapideis circumcisonem peragit. *Homeritas*, ex quibus nostri *Habesini* oriundi, inter alios expresse nominat EPIPHANIVS. (hær. XXX. §. 30.) *Vt taceamus Troglodytas, Nigritas*, aliasque innumeras gentes, quæ vel causam ejus ignorant, vel munditiem prætexunt (apud HERODOTVM d. L. II. c. 27.) vel circumcisonem generationi utilem esse fingunt, (PHILO Judæus cap. peculiari de Circumcisione, has & plures alias rationes affert): vel quod illis præputium longius & propterea præcidendum sit, ut probabiliter THEVENOTIVS scribit (in itinere Orient. P. I. cap. 32.) ne scilicet puri illi Musulmanni saccato humore, quem tamen in vesica gestant, polluantur. Nec MŪHAMMEDES imitatione Judæorum illam Arabibus suis tradidit, sed repletam reliquit, nec ullam in toto suo Alcorano illius fecit mentionem. Ad hæc permagna est inter Judæorum, & aliarum gentium circumcisonem differentia: hæ enim genitalia tantum circumcidunt, illi vero pelliculam etiam unguibus lacerant, ut glans plane detegatur, deciduo utrimque præputio &c. quæ in erudito Commentario in Hist. Aethiop. p. 268 sq. uberius declarat, & testimoniis idoneis confirmat. Quod autem denuo ad originem circumcisonis attinet, prorsus singularis hic est HERO SIBERSMA, in *de Lamp en Ligt voor 't Oude en Nieuwe Israel*, cap. I. pag. 9 sq. quando Deum Abrahamo circumcisonem in pœnam congressus cum Hagare ancilla injunxisse docet, qui tam pudendo, cruento & doloroso animadversionis genere culpam adulterii in membro luerit, quo peccaverat: etsi sanctissimum Numen postmodum, pro immensa erga suos misericordia, castigationem istam in signum

fœderis converterit. Quæ tamen sententia, etsi forte novitatis gratia se commendat, tor gravissimis premitur incommodis, & Scripturæ adeo adversatur, ut vix assensum apud eruditum, piumque lectorem impetraturam confidam.

Ad §. IV. pag. 129.

(4) *Carnis, cordis, labiorum, aurium*] Diverſæ vocis acceptiones facile in ordinem rediguntur. Circumcisio enim vel proprie sumitur, pro amputatione præputii, vel sacramentaliter, ut de Johanne legitur Luc. I, 59. ἡλθον περιτεμεῖν τὸ παιδίον. vel mystice ac spiritualiter, pro cordis emundatione, & subjugatione carnalium concupiscentiarum, quo pacto fit sine externa præputii amputatione, unde quoque Col. II, II. περιτομή ἀχειροποίητος vocatur, & περιτομή χειρὸς. vel denique metaphorice, de circumcissione cum labiorum, ubi quis sibi temperat a peccatis linguæ, tum aurium, ubi quis resistantiam adversus auditum verbi deponit, quo sensu Stephanus Act. VII, 51. auditores suos incircumcisos cordibus & auribus dicit, quod indurati verbum ejusque auditum repellerent. Ceterum, quo sensu Græcis Patribus περιτομή καρδίας Rom. II, 29. & ἡ κατὰ σὰρκα περιτομή distinguatur, exponit, ipsorumque verbis illustrat SVICERVS Observat. Sacr. cap. III. p. 56.

Ad §. VI. pag. cit.

(5) *Tempus erat dies octavus*] Ita Lex præcise definit Gen. XVII, 12. *filius octo dierum circumcidetur*, & Lev. XII, 3. *die octavo scilicet a partu, circumcidetur caro præputii ejus*. Hinc Judæi colligunt, si quis infantis sui circumcisonem ultra octavum diem protrahat, quod singulis diebus peccetur, ideoque sanciant, ut כִּיתָן negligentem patrem cogat, in *Schülchan Aruch. Sect. 261*. Ex quo consequitur, quod omnis mas, qui octavum diem excessisset, inprimis qui jam adoleverat, sine mora circumcidendus fuerit, quamprimum id commode fieri poterit,



tuerit, ita tamen, ut qui informationis capaces erant, prius informarentur, atque tum Sacramentum in vera fide perciperent. Tricantur tamen circa diem octavum Magistri, & in Mischna *Sabbath cap. XIX. §. 5.* ita definiunt: *Infans circumciditur die 8, 9, 10 & 12. non antea, non postea. Quomodo* (hoc intelligendum est?) *Ordinarie die octavo. Si natus sit inter soles* (i. e. in crepusculo vespertino) *circumciditur die nono. Si in crepusculo vespere Sabbathi, circumciditur die decimo. Quodsi dies ille, qui Sabbathum excipit, sit festus, circumciditur die undecimo. Quodsi duo dies in principio anni Sabbathum excipiant, in duodecimum differtur circumcisio.* Nimirum, qui nascitur inter soles, dubium est, utrum die an nocte nascatur? Circumcisio autem non poterat administrari noctu, uti MAIMONID. in Hilc. מילה cap. I. §. 8. docet: *Non circumciditur unquam, אלה ביום אחר עולה השמש שנאמר ביום השמיני ולא בלילה nisi de die, orto jam sole, sicut dicitur Gen. XVII, 12. die octavo, non nocte.* Ideo differunt hujus infantis circumcisionem in diem sequentem, qui a natali nonus est.

Ad §. VI. pag. 130.

(6) *Licet cum Sabbatho coincideret*] Trita est apud Judæos regula: מילה רוחה את השבת circumcisio pellit Sabbathum, ita ut cultus Sabbathi non impediatur circumcisionem. Est enim hæc actio sacra, & medium salutis, adeoque vel maxime Sabbatho congrua; quo Christi spectat effatum Joh. VII, 22 sq. Quomodo autem juxta illa, quæ Not. preced. ex Mischna sunt allata, nunc pellat Sabbathum, nunc non pellat, ex MAIMONIDIS Commentar. in cit. loc. Mischnæ clarius exponit SIXTIVS AB AMAMA *Anti-Barbari Bibl. lib. III. p. 611 sq.* Alia tamen ratio est partim itinerum, partim morborum. In itinere enim, post exitum ex Aegypto, universus populus Israeliticus XL annis distulit circumcisionem Jos. V, 5, 7. rursus vero Zippora in ipso itinere filium suum circumcidere coacta

est Exod. IV, 25, 26. Itaque distinguunt Judæi inter necessarium ac divinitus injectum iter, quod moram non patitur, & circumcisionem differt; & non necessarium, qualis reditus Zipporæ cum infantibus ad patrem erat, cui præceptum de circumcisione utique præferendum est. Ita quando morbus, si vel maxime in se non periculosus, reddebatur tamen per circumcisionem, differenda illa erat. Atque inde generalis emergit regula: ubicunque timendum erat vitæ periculum, ibi differendam fuisse circumcisionem; neque enim Deus per eam occidere hominem, sed servare volebat.

Ad §. VII. pag. cir.

(7) *Rationes, cur Deus noluerit anticipari diem octavum*] Hanc quæstionem ita occupat & definit SEB. SCHMIDIVS de Circumcis. P. III. cap. VIII. qu. 2. p. 522. Tutissimum sine dubio est, ad divinam voluntatem decurrere. Deus namque non in sua tantum voluntate liberrimus est, sed & sapientissimus. Sapientie itaque ejus omnis humana sapientia cedere, & in voluntate ejus omnis voluntas humana acquiescere debet. Eandem posthæc rationem cum tueretur & uberius declararet ANTON. WYNAEVS in dissert. de Circumcis. Jesu Christi, subjuncta tract. de die Christi natali, §. X. pag. 17. acerbe in ipsum invehitur laudatus supra FISCHERVS *Observat. IV. p. 50 sqq.* ipse tamen pariter in sapientissimam Dei voluntatem recumbens. Ne tamen Judæi nihil hic dixisse videantur, R. BECHAI in Gen. XVII. hanc diei rationem reddit, quod sanguis circumcisionis sit sicut sanguis sacrificiorum, qui ante octavum diem legitimus non fuit; quod, præter acumen Rabbinicum, nihil solidi completitur: alii in Kol Bo Sect. 73. hanc, ut ante circumcisionem fœdus Sabbathi super infantem veniret. Sanius MAIMONIDES in More Nebuchim P. III. cap. XLIX. Quod, inquit, octavo die fieri jubetur circumcisio, ideo factum est, quia omnia animalia, quando recenter in lucem sunt edita, propter summam humiditatem nimis sunt debilia,

debilia, & fere non aliter, quam si adhuc in utero matris essent, idque usque ad finem septem dierum, post quos demum incipiunt numerari inter videntes aerem hujus mundi. Annon vides in bestiis idem quoque observari? sicut dicitur: septem dies erit cum matre sua: quasi ante illos dies esset abortivum. Sic itaque & homo circumciditur demum post completos septem dies. Res hac plana est, & definita; idcirco ne des locum aliis conjecturis. Ita nimirum parcere Deus voluit tenerimis humanis partibus, nec quamprimum egressi ex utero essent, doloribus circumcisionis afficere; sed & parentes eo citius, de salute infantum suorum, certiores facere, si non ultra octavum diem salutis medium, circumcisio, differretur.

Ad hanc de tempore disquisitionem, jure suo referenda est quæstio de tempore durationis: Quousque Sacramentum circumcisionis durare debuerit? Quam WAGENSEILIVS in confutatione carminis Lipmanni, quæ in telis igneis Satanae legitur, p. 551. ex Genes. XVII, 4 sqq. solide definit, quamdiu Abrahami posteris, per generationes ipsorum, terram Canaan essent possessuri. Cohæret enim fœdus circumcisionis perquam intime cum promissione de multiplicandis Abrahami posteris, & de ampla regione, honoribusque maximis, iis concedendis, fuitque nota quædam discriminis, qua illi a reliquis gentibus dignoscerentur. Vnde consequens est, deleta Judæorum republica, & amissa terra Canaanæ, fœdus hoc simul expirasse, immo Messiae temporibus nullatenus convenire, quo secundum Prophetarum prædictiones, sublato inter Judæos, Abrahami sanguine cretos, & gentes alienigenas discrimine, utrique factis agminibus Messiae adherere, & omnia deinceps communia habere debebant. Hoc, ne ullo modo dubium relinquatur, Fœdus insuper Novum facit, quod Veteri speciali antiquato, Deus Messiae interventu, cum mortalibus quibuscunque constituturum sese, nominatim est pollicitus. Accedit decisio Concilii Apostolici Hierosolymitani Actor. XV. & succedens ἀχειροποιήτος περιτομή Coloss. II, 11.

quæ illam sustulit in carne Galat. V, 16. Neque adversatur, quod carnis circumcisionem ברית עולם fœdus æternum, Deus appellavit; etenim vocem עולם non semper æternitatem absolutam, nullo tempore terminandam, sed longam durationem significare, Judæi haud gravatim concedunt, probantque ex locis Exod. XXI, 6. Psal. LXI, 5. Cohel. I, 10. Jes. XXXII, 14. &c. uberiusque docuit CHRISTO. SONTAGIVS in dissert. de עולם periodico & יום eterno, Altorfii An. 1695. publicata. Triplicem autem, pro temporum diversitate, rationem obtinuit circumcisio, utpote quæ sub Vet. Test. necessaria; in Novo, exortis Pseudo Apostolis, ut & hodie, noxia; sub initium Novi Fœderis inter adiaphora relata, ad tempus libere retinebatur, ita tamen, ut circumcisio nihil esset, & præputium nihil esset, sed observatio mandatorum Dei, 1 Cor. VII, 19. Non ergo mirum, Paulum, cum Lystram & Derben delatus, Timotheum Græco patre satum offendisset, Christianorumque cætui adscriptum, itineris comitem adscivisset, circumcidisse; ubi ratio additur, διὰ τῆς ἰσδαίης τῆς ὄντας ἐν τοῖς τόποις ἐκείνοις, Actor. XVI, 3. Idem tamen Apostolus, haud ita multo post, cum falsi ingressi essent fratres, Christianam libertatem exploraturi & prodituri, dum Titī necessariam urgerent circumcisionem, ne ad momentum cessit, & circumcissione Titum, in confessionis, doctrinæ, & hæreticæ contradictionis casu, carere voluit, ἵνα ἡ ἀλήθεια τῶ εὐαγγελίου διαμείνη apud Galatas, cap. II, 3 sqq. & cap. V, 3.

Ad §. VIII. pag. 130.

(8) *Modus circumcidendi*] Hunc qui scire avet, a BVXTORFIO curate descriptum leget in *Synagog. Jud. cap. IV. p. 95 sqq.* Tres hic notandæ veniunt circumstantiæ insigniores: I. Personarum, quæ sunt infans circumcidendus, מוהל פּעִיטוֹמֵיט, qui circumcisionem peragit, בעל ברית seu סוֹכֵר *Susceptor*, sive *Compater*, & Elias Prophetæ. II. Actuum, quorum alius est α) preparatorius; ingressus in Synagogam, ritus-



que observandi, β) formales; quibus ipsa circumcissionis substantia comprehenditur, ut sunt 1. מילה *præputii amputatio*, 2. פריעה *resectio*, seu denudatio glandis, 3. מציצה *exsuctio* sanguinis: γ) consecutivus; obligatio vulneris, & impositio emplastri. III. Verborum, seu benedictionum, quæ diversis actibus diversæ junguntur. Nos de singulis, ordine quem Auctor subministrabit, pauca monebimus.

Ad §. VIII. pag. 130.

(9) *Scutellam arena plenam*] Inter pueros, qui cum Susceptore una ingrediuntur Synagogam, & Circumcisorum proximè adstant, est etiam aliquis, qui scutellam cum arena manu tenet, in quam מורה, abscissum præputium statim projicit, ita docens fore, ut semen hujus pueri multiplicetur, velut arena maris, juxta Genes. XXII, 17.

Ibidem.

(10) *Sellam otiosam pro Elia*] Hunc etenim existimant simul cum puero ingredi, & altera sella sedere, ut observet, an circumcissionis fœdus rite administratur. In libro Kol-Bo Sect. 73. quam, licet prolixior, Latine convertit SEB. SCHMIDTUS de Circumcis. p. 245 sqq. ita hunc ritum tuentur: *Quod solent adornare sellam Elie, non est res vana. Nam in Medrasch invenimus istius fundamentum consuetudinis, quando legimus ibi: hora, qua dixit Elia: Zelando zelavi pro Domino Zebaoth, quia transgressi sunt fœdus tuum filii Israel (1 Reg. XIX, 10.) dixit ipsi sanctus & benedictus Deus: in aeternum tu zelum exercebis pro me adversus errantes super revelatione nudatis (per scortationem) quia scriptum est (Numer. XXV, 11.) Pinchasus, filius Eleasar, cum zelum exercuit meum &c. similiterque zelum super fœdere circumcissionis: per vitam enim tuam, non inibunt filii Israelis fœdus circumcissionis, nisi tu videris oculis tuis. Hinc disposuerunt Sapientes nostri, ut paretur illi sella: quandoquidem ille sit Angelus fœderis, quem vos desideratis, ecce venit.*

(Malach. III, 1.) Dicitur illa sedes, כסא אליהו *sella Elie*. Sellam illam dum sternunt ac disponunt, clara voce & disertis verbis dicere oportet: כסא אליהו זרז *hæc est sella Elie*; id enim nisi expresse dicatur, circumcissioni non interest, ceu non invitatus. Et ut ad extremum usque circumcissionis patienter expectet, sedile illius, nisi triduo exacto, loco suo non movetur.

Ad §. eund. pag. ead.

(11) *Veniet Elias, & omnia enodabit*] Tristum Judæis dictærum est, quando in quaestionem incidunt dubiam, quæ decidi non potest: רא תהא מונח ער שיבוא אליהו *hoc relinquitur in medio, donec veniat Elias*: depromptum ex Mischna Bava Metzia cap. IV. §. 4. fin. Huc pertinet symbolum, ex ראשי תיבות conflatum, תיקן / quod in Talmude sæpe recurrens ita exponitur: תשבי יתרץ קשות ובעיות *Thesbites solvet objectiones & questiones*. Ante dies Messia enim adventurum credunt Eliam, ut res in orbe præparet, homines ad excipiendum Messiam disponat, & multa dubia, quæ nulli Sapientes solvere potuerunt, explicet. Quam vanam de reditu Elie spem Judæorum, oraculo Malach. IV, 4. perperam intellecto superstructam, discussit WAGENSELIVS Confut. Carminis R. Lipmanni p. 539 sqq. Qua corpus vero, an qua animam sit rediturus, de quo non convenit inter Judæos, ex illorum mente ambigue disputat CARPZOV. ad Schickardi Jus Regium cap. VI. Theor. 20. p. 452 sqq. qui Christianorum de hoc reditu commentationes, larga manu subjunxit.

Ad §. IX. pag. cit.

(12) *Qui testis, autceptor, aut compater est*] ELIAS in Tisbi hac voce, ab Auctore citatus, vocem סנרק adeo domesticam genti suæ esse ait, ut in nullo Scriptorum eam legerit, nec Lexicon Aruch ejus mentionem faciat. Judæos Italicos eum vocare בעל ברית in lingua Italica קומפארני Compari, in Germanica געווארן Gevatter.

*Gevatter.* Quæ R. DAVID DE POMIS in suo *Zemach David b. v.* fideliter exscripsit. Officium autem ejus est, ut invigilet, quo omnia rite & legitime administrantur. Hinc pius, probus ac honestus vir fit, cujus causa tanto lubentius adveniat Elias: & ita quoque fiet, ut puer ipsi similis evadat.

Ad §. IX. pag. 130.

(13) *Mos susceptores instituendi in baptismo* te] Velut baptismi, ita quoque rituum ejusdem originem, ex Judaismo perperam arcessere Auctorem, alias jam observavimus. IOSEPHVS VICECOMES *Observat. Ecclesiast. de antiquis baptismi ritibus lib. I. cap. XXX.* hunc ritum diligenter excutiens, tandem ab Apostolis incepisse p. 183. hoc modo argutatur: Nam, cum ab incubulis nascentis Ecclesiæ Christi, fidem in baptismo profiteri, maloque Daemoni ac pompis ejus nuncium remittere, etiam infantibus receptissimum fuerit: necesse est, ex eo tempore fuisse aliquos, qui, quod pueris per ætatem non licebat, sua diligentia & opera præstarent. At hi, quocunque tandem nomine appelles, non nisi Susceptores fuerunt. Quæ ratio cum non stringat, maluerunt alii primum Susceptorum in Ecclesia, quorum apud antiquissimos Patres fit mentio, ortum in medio relinquere cum HOORNBEECKIO P. I. *Vet. & Nov. p. 500.* GVIL. SALDENVS quoque *Otiol. Theolog. lib. III. Exercit. VII.* erudite hoc saxum voluit, nihilque de natalibus ritus definiens, §. VI. & VII. p. 534 sq. tandem statuit, illius usum juris tantum humani, non divini, nihilo fecius tamen necessarium esse, nec temere omittendum: præterea §. II. p. 531. istam loci Jes. VIII, 2. detorsionem, quam Auctor allegavit, valide impugnavit. DALLÆVS lib. I. *de cultibus Latin. religios. cap. II. p. 10.* Susceptorum sive Patrino- rum officium, quod in usu fuisse apud Christianos secundi sæculi exeuntis docet TERTVLLI- ANVS *de Bapt. cap. XVIII. p. 264.* perperam inter baptismi ceremonias censeret existimat: quæ vero de inepta Patrino- rum interrogatione & respon-

sione monet DAVID CALDERWOOD, videantur in *Altaris Damasceni cap. X. p. 606 sq.* edit. Batavæ de anno 1708. Nec enim ista hujus præcise sunt loci.

Ad §. X. pag. cit.

(14) *Parentes dant infantibus suis sua nomina*] Originem ὀνομαδοσίας in circumcissione peractæ, SEB. SCHMID. tract. *de Circumcis. P. I. p. 86.* ab Abrahami circumcissione arcessit, vi verborum Genes. XVII, 5. Hinc arbitramur, pergit, etiam in populo Israelitico postea inolevisse morem, ut infantibus nomina in circumcissione eorum imponerentur. Cujus consuetudinis documentum habemus in circumcissione Johannis baptistæ Luc. I. & cæpta ea forte est ab ipso Abrahamo Genes. XXI, 3, 4. Et hodie quidem in benedictione altera a τῷ מִוְּהָר nomen imponitur. Ista vero benedictio apud BVXTORFIVM cit. loc. p. 99 sq. ita habet: Domine Deus noster, Deus patrum nostrorum, corrobora puerum hunc, & parentibus suis conserva, sitque nomen ejus in populo Israelis (hic primum puero nomen indit) Isaac filius Abrahami: latetur & gaudeat pater eo, qui ex lumbis ejus prodiit, deleatur mater ejus fructu ventris sui, juxta id, quod scriptum est (Proverb. XXIII, 25.) gaudeat pater tuus & mater tua, & exultet, que genuit te. A Propheta (Ezech. XVI, 6.) etiam dicitur: & transivi propter te; & vidi jacentem te in sanguine tuo, & dixi tibi, cum esses in sanguine tuo, vive; dixi, inquam, tibi in sanguine tuo, vive &c. Alia afferitur benedictionis formula in Kol-Bo, quæ ita habet: Deus noster, & Deus patrum nostrorum, mitte sanitatem vitæ & misericordiarum puero huic, ut nominetur nomen ejus in Israel N. fil. R. N. quemadmodum sanasti aquas Maræ per manum Moysi, & aquas Jerichuntis per manus Elise: sic sana puerum hunc cito, & in tempore brevi.

Ad §. XII. pag. 131.

(15) *Redeamus ad ceremonias Judeorum*] In his miror Auctorem sicco præterisse pede פריעה



**פריעה** *retectiōem, denudationem*, quam R. BECHAI in *Exod. IV.* adeo necessariam tradit, ut propter eam solam neglectam, reus quis mortis evadat; licet ex illa longe graviores & acutiores puero dolores accedant, quam ex circumcisiōe ipsa. Hinc illud Judæorum ex MOSE KOTZENSI & MAIMONIDE scitum: **מל ולא**: **מל**: **פרע את המילה כאלו לא מל** *qui circumcidit, & non membranam denudat, perinde est, ac si non circumcidisset.* Hanc laudatus MOSES KOTZENSIS in libro *Præcept. magno fol. 115.* ita describit: *Totum præputium, quo tegitur glans, absciunt, donec hæc tota appareat. Deinde retegunt teneram pelliculam inferiorem unguibus in utrumque latus, donec caro glandis videatur, postmodum exsugunt, ut sanguis locis illis pressis extrahatur, ne infans periclitetur.* Abscisso nimirum præputio, & in arenam scutellæ projecto, ubi manans ex vulnere cruor paululum cohibitus est, **מורה** hamatis suis pollicum unguibus resectam, sive obtusam illam cuticulæ, glandem integrentis partem, in duo discerpens, & retrorsum veluti decorticans, convolvit, ita ut glans omnimode retegatur & denudetur. Probant illam Judæi 1) ex *Exod. IV. vers. ult.* ubi vocem pluralem **מולות** *circumcisiones*, in uno puerulo Mose adhibitas, de gemino ejus actu, amputatione, & denudatione exponunt. 2) ex *Jos. V. 2.* ubi Deus mandavit Josuæ, ut filios Israel **שנית** *secundum* circumcideret, quibus verbis partem alteram circumcisionis, nempe denudationem imperatam credunt Josuæ, de qua Abraham nullum mandatum acceperat; licet alii hæc parte Rabbini contradicant, & Abrahamum jam denudationem a Deo edoctum fuisse perhibeant. Quin & 3) idéo adhibendam eam esse dicunt, ut non amplius attrahi queat præputium, & ut eo evidentiorē in carne relinquat notam. Verum expulso universo commento illo, SEB. SCHMIDIVS *de Circumcis. P. III. cap. V. p. 398.* hæc quoque a detorsione vindicat loca, & rationes refellit. Jam ante ipsum FRISCHMUTHVS disp. *de circumcisiōe Zipporæ in Exod. IV. 24 sqq.* solide hunc profligaverat ritum *cap. II. §. 8 sq.* Attamen

supra laudatus FISCHERVS *Observat. III. in diversa Scriptura loca p. 44.* FRISCHMUTHVM confutans & RVSIUM in *Harmoni. Evangel. T. I. p. 199 sq.* contententes, ex **ἐπισπασμῷ ἀνεῶσθαι** ortum traxisse hanc denudationem, longe antiquius ejus indicium reperisse sibi videtur *Genes. XXXIV. 25.* ubi urens dolor, & plenaria vitam tutandi imbecillitas, apud Sichemitas, non ex circumcisiōe solum, sed vel maxime ex **פריעה** ortum traxisse, innuatur. Naturæ autem rei hunc ritum convenire existimat, quia ad exsuctionem sanguinis & obligationem vulneris quam maxime conducatur. SCHICKARDVS *de Jure regio Cap. V. Theor. XVII. p. 329.* potius censet, diruptionem hanc pelliculæ Rabbinos introduxisse, ut differrent ab aliis gentibus circumcisis, quam tamen veram ritus illius causam fuisse dubitat CAREZOV. *Annot. ad h. l.* ad impediendum epispasnum potius, causam ejus & originem referens. Etsi vero, in re obscura, rationes ad liquidum perducere non datur, in hac tamen, tanquam probabilissima omnium conjectura malumus acquiescere, quam invita, vel tacente certe Scriptura, ad primam circumcisionis vel institutionem, vel proximam ei referre ætatem.

Minister circumcisionis ordinarie vir est, ex Israelitis, in casu tamen necessitatis, feminas quoque Judaicas, communi calculo, censeri aptas ad peragendam circumcisionem, luculentis ipsorum suffragiis, copiose comprobatur GEORG. ELIEZER EDZARDVS in *Tract. Avoda Sara cap. II. Not. 65. p. 301 sqq.* Christianorum autem, de circumcisione a muliere peracta, sententias prolixè discutit SEB. SCHMIDIVS *P. III. cap. III. p. 370.* ubi simul observat, quod hodie circumcisos Judæorum, illorum Chirurghi potius sint, quam viri docti & familiæ Leviticæ.

In *Jelammedenu fol. 4. col. 4.* septem creati perhibentur circumcisi. Sed R. GEDALIA in *Schalscheleth Hakkabbala fol. 6. b.* quatuordecim enumerat ex *Pirke Abboth* R. NATHANIS, hoc ordine: Adam, Seth, Noah, Sem, Melchizedek, Jacob, Joseph, Job, Balaam, Samuel, David, Jeremia,

remia, Serubabel, quibus ex *Vajikra Rabba Sect. 4.* Moses connumeratur. Videatur WAGENSEIL. in *Sota Cap. I. pag. 199.* His vero a Turcis accensetur Mahummedes, qui ab ISMAEL ABVLFEDA in *vita Muhammed. cap. I.* circumciscus fertur natus.

In *Pirke R. ELIEZER cap. XIX. edit. Vorstii p. 65.* R. ZEHIRA inquit: *Quinque sunt præputia in mundo, quatuor in homine, & unum in arbore.* In homine 1) præputium auris, juxta Jer. VI, 10. *incircumcisa est auris illorum:* 2) præputium labiorum, prout dicitur Exod. VI, 12. *& ego præputiatus labiis:* 3) præputium cordis, quia dictum est Deut. XI, 16. *& circumcidite præputium cordis vestri:* 4) præputium carnis, quia dicitur Genes. XVII, 11. *& præputiatus masculus, qui non circumciderit carnem præputii sui.* Vnum in arbore, juxta illud Lev. XIX, 23. *cum veneritis in terram, & plantaveritis omne lignum cibi, aufere- tis præputia fructuum illorum.* Quod postremum tamen R. ZERIKÀ ita restringit: *Lignum hic memoratum non est, nisi lignum vitis &c.* Ibidem p. 66. R. IOHANNES ait: *Quicumque comedit cum præputiato, is veluti cum cane edit. Vti canis non est circumciscus, sic & præputiatus non est circumciscus. Quisquis accedit ad præputiatum, is veluti mortuum contrectat. Quicumque lavat se cum illo, is quasi cum leproso se lavat. Sunt enim in vita sua, tanquam mortui, & in morte sua, veluti cadaver agri; neque illorum præcatio ingreditur coram Sancto Benedicto, atque de iis ait Psal. CXV, 17. annum mortui laudabunt Deum? sed Israelitarum preces, quia sunt circumcisi, ingrediuntur coram Sancto Benedicto & de illis dicit vers. 18. Nos vero laudabimus Deum ab hoc tempore usque in sæculum Hallelu-Jah! Ex quo colligere licet, quo loco, & in quo pretio Judæi habeant Christianos.*

Nec vivis tantum puerulis adhibetur circumcisio, sed si quis etiam ante octavum diem incircumciscus moritur, in cœmeterio demum supra sepulcrum circumciditur, ut probrum præputii ab ipso auferatur, nec sepeliatur cum ipso, כי ערלה חרפה היא לו quia præputium opprobrium

ipsi est, ut ratio additur in *Schülehan Aruch.* Sed nullæ super circumcisionem ejus concipiuntur preces: verum imponitur ipsi nomen, ut, cum in mortuorum resurrectione, una cum ceteris Judæis, vitæ restituetur, & quisque patrem, matrem, & suam familiam agnoscat, hic quoque infans a parentibus ex nomine suo agnoscat.

Ad §. XIV. pag. 131.

(16) *Anima exscindetur ex populo suo*] De pœna כרת supra diximus ad *Lib. III. Cap. IV. de Paschate, Annot. 19.* nec est, ut ea hic repetamus. Jungatur SEB. SCHMIDIVS P. I. p. 187 sqq. & SELDENVS lib. I. de *Synedriis cap. VI.*

Ad §. XVI. pag. cit.

(17) *Parentes, pœnæ obnoxii fuerint*] Plectendus utique reus, qui est contemptor Sacramenti: dum infans adhuc tenellus est, non ipse, sed parentes, aut qui eorum loco, circumcisionem curare debebant, sed neglexerunt; in adulta vero ætate, ipsimet incircumcisi contemptores. Vnde patet, pœnam hanc infantes, ante diem octavum morte præstina abreptos, & citra culpam incircumcisos, plane non ferire. Ex Judæorum tamen sententia אין הכרח תלוי החרתו אלה בערל עצמו pœna excisionis spectat tantum ad ipsum incircumciscum: docente ex ipsorum commentariis SELDENO c. l. p. 46 sqq.

Ad §. XVII. pag. 132.

(18) *Sibi præputium arcessiebant, 1 Corinth. VII, 18.*] Hoc argumentum post IOBVM LVDOLFVM Commentar. in *Histor. Aethiop. Lib. III. cap. I. num. IV. pag. 270 sqq.* copiose & erudite discussit GABR. GRODDEK. pecul. disput. de *Judæis præputium attrahentibus ad 1 Corinth. VII, 18.* quam & CHRISTI. SCHOETTGEN. *Horis Hebr. & Talmudicis in Nov. Test. p. 1159.* recusam subjunxit, & CONRAD. IKENIVS *Thesauo Novo Theol. Philol. Tom. II. p. 793.* inferuit. Nos ex Hb hb utro-



utroque pauca delibabimus. A verbo מִשָּׁךְ *trahere, attrahere*, Rabbinii derivant משיכות *attractionem, protractionem*, quod ad illum actum refertur, quo cutis genitalibus attrahitur, & משיכים *attracti* dicuntur, siue attractum præputium habentes: quo fere solo sensu hæ voces in ipsorum scriptis occurrunt. Apud Græcos vocabula ἐπισπᾶσθαι, & ἐπισπασῆναι idem notant, eodemque sensu Paulus adhibet: περιτετμημένους τις ἐκλήθη, μὴ ἐπισπᾶσθω. Forte apud Latinos *Recutiti* appellatio, qua MARTIALIS Judæum insignivit, omnium optime iis respondet. Duplici autem ratione ἐπισπασμὸν fieri, Judæi contendunt: vel *per naturam*, si quis in tenella ætate circumcissus, ejus tamen sit roboris ac vigoris naturæ, ut sponte ei præputium iterum succrescat, quales Israelitas, quos Josua שנית *iterato* circumcidere a Deo jubebatur Jos. V, 1. fuisse, nonnulli existimant, quorum tamen refellitur conjectura commate 5. ubi vera ratio exponitur; vel *arte Medica*, ubi mediante aliquo instrumento Chirurgico, subducta atque distenta pellicula, novum sibi præputium quis comparaverat, eoque glandem denuo contexerat. Hujus criminis Achanem Jos. VII. occisum, in Tract. Sanhedrin fol. 44. col. 1. & Jehojakimum, impium Regem Judæ, in Tanchuma Talmudistæ insimulant; quin & DRVSIVS Not. in 1 Cor. VII, 18. tales attractos notari censet Jerem. IX, 25. quos Deus visitare velle minatur בעררים מוֹלִים *circumcisos in præputio*, aut, ut ille exponit, *circumcisos cum præputio*, h. e. qui licet circumcisi, præputium tamen habeant, quod sibi attraxerint. Eos quippe omnes libidinis causa sibi attraxisse præputium credunt. Potior autem spurcitiei hujus ratio erat, vel metus persecutionis, vel superstitio. Judæi enim, qui tempore Antiochi Epiphanis dirissime vexabantur, si se Judæos negarent, circumcisorum genitalium nota prodebantur: hinc ut Gentiles se mentiri possent, & sic persecutionem effugerent, arte quadam sibi præputium attrahebant, 1 Maccab. I, 16. Ita quoque, cum Romani rebus in Judæa potirentur, Judæi hostium injuriis agitati & vexati, eodem

artificio religionis suæ professionem dissimulabant. Rursus Apostolorum tempore, multi eorum, qui ex Judaismo ad Christianismum conversi, probrosam sibi in Christianismo circumcisionem fore rati fuerant, ex superstitione præputium reducebant; quos cit. loc. Paulus notat. Sed & eundem morem apud Samaritanos obtinuisse EPIPHANIVS memorat libro *de Mensur. & Ponderibus Tom. II. Opp.* (edit. Colonienf. siue potius Lipsiensis An. 1682.) p. 172. ut quisquis Judæorum ad Samaritanos deficeret, is novo prius præputio comparato, nova circumcisione initiatur, quemadmodum vicissim, qui a Judæis ad Samaritanos confugiant, novam suscipiant circumcisionem. Quanquam apud Judæos non nova amputatio, sed sanguinis solum fœderalis sparsio, h. e. פריעה necessaria esset iis, qui a Samaritanis jam essent circumcisi. Potissima de modo est controversia, quem EPIPHANIVS ita describit: τέχνη τινὶ ἰατρικῇ, διὰ τῆς καλῆς σπασίσης τὴν τῶν μελῶν ὑποδερματίδα ὑποσπασθέντες, ραφόντες τε, καὶ κολλητικοῖς περιδευσθέντες, ἀγκυρωσίαν αὐτῆς αὐτὴν ἀποτελῶσι. *Medica quadam arte, eoque quem spasterem vocant, glandis cuticulam attrahentes confuunt, ac glutino circum adstringunt, atque ita præputium recuperant.* IOBVS LVDOLFFVS autem in hanc, de modo, inquisitionem cum cura incumbens, postquam HIPPOCRATIS, & præstantissimorum Medicorum evicerat auctoritate, abscissum semel præputium nulla refarciri posse arte, distinctione rem expedire conatur, ita ut quicquid est istius attractionis, non ad præcisam pelliculam referat, sed ad פריעה *denudationem*, quæ vel naturæ bonitate interdum obliteretur, cujus rei exempla profert, vel arte reparatur, si utraque particula ruptæ pars parumper refriceatur & vulneretur, quæ vulneratio tantum bene obligata, etiam sine emplastro, multo magis eo adhibito, denuo consolidari possit, eodem modo, uti fissura labiorum curatur. Hinc Judæos in *Bereschith Rabba* affirmare, quod denudatio præputii, glandem tegentis facta, quater vel quinque consolidari, totiesque rursus rumpi, & sic Judæus

Judæus in verum circumcisionis statum restitui possit, ne עריל *præputiatus* vocetur. Laudatus modo EPIPHANIVS auctor est, Esavum detestandum hoc excogitasse artificium, ut eo facilius Deum ejurare, acceptamque a majoribus religionem negare posset; unde natam illam Dei vocem existimat: Esavum odio habui, Jacobum autem dilexi. Quod unde EPIPHANIVS hauserit, mirum videtur BUXTORFIO *Lex. Talmud.* p. 1276 sq. qui hætenus se de eo, in Hebræorum libris, nihil reperisse fatetur. Denique, hoc crimine si quis se contaminasset, si ad Hebræorum legem reverti velit, ex sententia R. IEHV-

DAE, non amplius circumcidendus fuit, מפני הסכנה *propter periculum*, vel sterilitatis, vel vitæ; reliqui tamen Magistri, uno velut ore, omnes denuo circumcidendum decreverunt, מפני מה נפלו *etiam centies, si opus fuerit*, neque aliquod periculum metuendum esse, quia tempore Ben-Cotzibe, Pseudo-Messia, ii quoque, qui sibi præputium adsciverant, si ad eum se contulissent, actu fuerunt circumcisi, citra ullam ipsorum noxam; ut est in Gemara Babylon. Tract. Jevammoth cap. VIII. fol. 72. Præterea prohibebantur attracti, quoad tales essent, comedere de תרומה / seu *primitiis Sacerdotum*.

AD

## LIB. VI. CAPVT II.

DE ΑΠΑΡΧΗ, PRIMITIIS FRUCTVVM FRVGVMQVE,  
ET PRIMOGENITIS.

Ad §. I. pag. 132.

*Consecratio sequentium*] Primitiæ pecorum, frugum, omniumque proventuum Deo erant sacræ, eo fine, ut usus succedentium pecorum, frugum, omniumque proventuum, & possessori licitus, & sub divina esset benedictione: quo Paulus respicit Rom. XI, 6. *si primitiæ sanctæ, etiam massa sancta est.* Atque hic ritus sanctificationis primitiarum tantam fert ætatem, ut Cain & Habel jam de primitiis frugum & pecorum Deo sacrificium offerrent, Genes. IV, 3. Vnde antiquissimis etiam temporibus ad Gentiles hic mos emanavit, ut de Græcis HOMERVS *Iliad. lib. I.* de Romanis autem PLINIVS testatur *lib. XVIII. Hist. Nat. cap. II.* Numam jam ordinasse, novas fruges, vel vinum, non ante usibus patere possessoris, quam sacerdotes primitias inde Diis consecrassent. In genere autem triplicis erant generis primitiæ: 1) Hominum, quo omnes primogeniti spectabant, de quibus jam actum, & sub finem Capitis tractatio recurret: 2) Frugum,

vel arborum, vel agri: 3) Brutorum, sive gregum. Primitiæ frugum rursus in triplici erant differentia, *vel arborum, vel terræ nascentium, vel areæ.*

Ad §. II. pag. cit.

(2) *Primos arborum fructus, Levit. XIX, 23, 24.*] Verba legis clarissime rem omnem definiunt: *Cum veneritis in terram istam, & plantaveritis arborem ad cibum, & præputiabitis præputium ejus, fructum ejus, tribus annis erunt vobis præputiata: non comedetur. Anno autem quarto erit omnis fructus sanctitas laudationum Domino. Sed anno quinto comedetis fructum ejus, ut augeat vobis proventum suum: ego sum Dominus Deus vester.* Hinc intelligis, 1) ad arbores Terræ Sanctæ hoc præceptum spectare, in quam venturi erant Israelitæ, licet ABARBENEL generatim de quavis terra intelligit, quam habitaturi essent, & in ea plantaturi: MAIMONIDES tamen ad Cananæam restringit, stante in ea Ta-  
Hb bb 2  
berna-



bernaculo vel Templo: de vite autem placuit Rabbiniis, eam ubivis locorum obligare ad redemptionem anni quarti: 2) Non tamen promiscue ad omnes arbores in Cananæa, sed eas solum, quas plantassent Israëlita, sive occupata terra, sive nondum occupata. Quicquid plantatum fuit ante Israelis adventum a Cananæis gentibus, immune fuit; quemadmodum de cetero proventu terræ, sic quoque de fructu quarumvis arborum sine scrupulo edere licuit Jos. V, 11. 3) Fructus priorum trium annorum ערלוּת *præputium* ejus vocatur, & ABEN ESRA interprete, integra phrasis notat, *estimatus erit fructus, seu præputium*, res inutilis & noxia, quemadmodum cum per metaphoram præputium labiis, auri, cordi adscribitur, noxium quid significatur. Idque integro triennio, a primo mensis Tisri, ad eundem diem anni quarti. 4) Exactis tribus annis præputii, & idcirco immunditiei, quibus a vescendis illis abstinendum fuit, annus quartus iniens finiebat omnem illum præputii & impuritatis horrorem, licentiamque ad escam dabat, sed religiosam. Hanc solis Sacerdotibus vendicant ABEN ESRA & ABARBENEL; at MAIMONIDES & ceteri Doctores, possessoribus liberam faciunt, intra tamen Hierosolymorum mœnia, & ab omni, quam adduxerant familia, in festivis epulis absumendam, pari jure cum decimis secundis Deut. XII, 18. XIV, 23. Gaudium autem requirebatur in esu fructus quarti, una cum solenni gratiarum actione, & laudibus decantatis, coram largitore omnium Deo, ideo קרש הלולים *sanctitas laudum* vocantur. 5) Fructus anni quinti, uti sequentium omnium, erant fruitionis privata, dicebanturque חול *profanum*, commune, sive privati usus, neque Sanctuarii legibus obnoxium. Causas hujus præcepti, cum ex Judæorum, tum ex Christianorum mente, plurimas recenset IACOB. ALTINGIUS *Heptad. V. Dissert. IV. in h. l. Tom. V. Opp. pag. 135 sqq.* in quibus placet cum primis, quam HENRICVS AINSWORTHVS in *Annot. ad h. l. Anglicis* subjecit: *Legis ista de præputiatis aut impuris fructibus, Deus docuit suum populum*

*contagium suorum peccatorum, ex quo primus homo comedit de fructu vetito. Propter quod peccatum terra fuit maledicta, Genes. III, 17. neque homines jus habent comedendi de proventu ejus (nam pollutis & infidelibus nihil est mundum Tit. I, 15.) donec fuerit sanctificatum verbo Dei & precibus, 1 Tim. IV, 5. Ita fructibus quarti anni, qui fuerunt sancti Domino, docuit ipsos sanctimoniam & gratitudinem: uti etiam primitiis, decimis &c. quas singulis annis dabant Domino, docuit ipsos, ut Deum honorarent sua substantia &c. Proverb. III, 9, 10.*

Ad §. III. pag. 132.

(3) *Varie fuerunt species* ] Terræ nascentium primitiæ, quæ quotannis exsolvi debebant Sacerdotibus, diversæ fuerunt. 1) Postridie Paschatis, sive die 16 Nisan, manipulus primitiarum messis, coram Domino agitabatur, Levit. XXIII, 10 sqq. 2) Die Pentecostes duo novi panes, sive panes agitationum Deo afferebantur Levit. cit. cap. vers. 17. Numer. XXVIII, 26. 3) Sub finem messis, pariter die Pentecostes, oblationem ferebant de primitiis similaginis in placenta Numer. XV, 20 seq. 4) Primitiæ aræ duplices erant; α) septem frugum, quibus abundabat Judæa, & de quibus Auctor paulo post §. V. agit; β) frumenti, musti, olei, quarum primitiarum modum & mensuram Deus non definiverat, sed cuiuslibet patrisfamilias pietati liberam fecerat, daret, quantum vellet. Posthæc vero Sapientes ex Ezech. XLV, 13. constituerunt, ne quis infra sexagesimam totius messis, sive proventuum partem pro תרומה penderet. Qui autem liberalis erat, quadragesimam pendebat. Hinc in Tract. תרומות, de Primitiis, cap. IV. Mischna 3. legis: עין יפה *oculus bonus*, seu liberalis, *dat partem quadragesimam, sed juxta scholam SCHAMMAI, tricesimam: הבינונית qui mediocriter, quinquagesimam: והרעה qui parcissime, sexagesimam.* Ad quem locum Auctor noster etiam provocat infra §. X. Licet vero lex sigillatim definiat, quarum frugum solvendæ sint primitiæ Deuter.

XVIII,

XVIII, 4. *primitias frumenti, olei & musti tui, & primitias tonsuræ tuæ dabis*: Judæorum tamen Magistri, Sacerdotum commodis inservientes, mandatum illud ad omnia terræ nascentia fere extenderunt; apud MAIMONID. Hilc. *Terumoth cap. II. §. I.* canonem generalem exculpentes: כל אוכל ארם הנשמר שגורלו מן הארץ: חייב בתרומה: *Omnis cibus hominis, qui affer- vatur, & cujus incrementum est ex terra, obno- xius est oblationi primitiarum.* Ratio statim ad- dicitur: *Præceptum est affirmativum, ut primitias solvant de eo (omni quippe cibo) quia dictum est (cit. loc. Deut.) primitias frumenti tui, musti tui, & olei tui mihi dabis.* Ecquid est frumentum, mustum & oleum? cibus hominis, qui ex terra crescit, & qui Dominum habet, quia dicitur, *fru- mentum tuum.* Ergo & his similia sunt oblationi obnoxia. Excipit tamen MAIMONID. §. 6: *Ole- ra etsi sint cibus hominis, non tamen tenentur dare decimas, nisi ex statutis ipsorum (scil. Sapientum) propterea, quod dictum est de Decima: decimato proventum sementis tuæ Deut. XIV, 22. scilicet proventum frugum & similia. Sic videtur quo- que mihi esse idem iudicium de Terumoth: nam de iis dicitur: frumentum tuum, mustum tuum, & oleum tuum, & que sunt similia ipsis. Obla- tio de oleribus est etiam ex statutis Sapientum, ut decima ipsa.* Inde ne mireris, quod superstitio- si sanctuli decimarint etiam τὸ ῥόδον, καὶ τὸ ἀνῆθον, καὶ τὸ κύμινον, mentham, & anethum, & cuminum, quos Christus notat Matth. XXII, 23. Vi legis enim, ejusmodi olera a primitiis erant immunia: tenebantur autem ad illas, ex decre- to Magistrorum.

Ad §. IV. pag. 133.

(4) *Thenupboth & Therumoth*] Ita DAVID DE POMIS in *Zemach David* voc. תרומה f. 92 a. di- stinguunt שם תרומה הרמה עם נענוע בערבע כנפות הארץ / ובזה"ש הפרש ממנה לתרומה שזו למעלה ולמטה היה הכוון מרים אותה / לא לצרירה *Vocab. Tenupha elevatio, est oblatio*

hinc inde portata, & quodammodo ad quatuor mun- di plagas ventilata, seu agitata: & in hoc diffe- rebat ab oblatione Teruma, quæ solum sursum & deorsum levabatur, non autem ad latera moveba- tur. Porro R. SÂL. IARCHI ad Exod. XXIX, 24. Tenupha factam testatur ei, qui Dominus est quatuor mundi plagarum, atque agitationem istam remorata fuisse & cohibuisse pœnas, Spi- ritusque malos: Teruma autem, quæ elevabat Sacerdos & demittebat donum, factam ei, qui cæli ac terræ est Dominus, eamque Vmbras ter- rificas abegisse. Eadem repetit ad Levit. XXIII, II. & antrosum ac retrorsum mota fuisse dona ait, ad cohibendum malignos Spiritus, sursum autem ac deorsum agitata, ad Vmbras terrificas prohi- bendas. Hanc vocum differentiam etiam BVX- TORFVS docuit in *Lex. Hebr. min. voc.* תרומה. Sed plura de תרומה & תרומה ratione, differen- tia, & mystica cumprimis at typica significatio- ne, dabit EDZARDVS in *Tr. Avoda Sara cap. II. not. 33. p. 226 sqq.* quem huc contulisse non pœ- nitebit. Aliam præterea distinctionem Mischna inculcat Cod. מנחות de muneribus cap. V. §. 5. & 6. inter הגשה adductionem oblationum, qua sacri- ficium ad altaris cornu meridionale occidentale adduci debebat, juxta Lev. II, 8. & inter תרומה agitationem, qua sacrificium agitabatur in qua- tuor mundi plagas: & alia sacrificia dicuntur postulare adductionem, & non agitationem; alia adductionem & agitationem simul; alia neu- trum: quæ ibidem recensita vide. Hic loci au- tem תרומה speciatim oblationem notat separa- torum fructuum, qui jam elaborati & perfecti erant ad usum hominis. Quando nempe fru- mentum erat excussum, ventilatum & purifica- tum, separabatur ab eo pars aliqua pro Sacerdote; pariter de musto, oleo, aliisque, hominis cibo servientibus. Diversis itaque tractatibus in Talmudis P. I. de תרומות *Oblatione Primitia- rum* ex fructibus, rursusque de בכורים *Primi- tivis Fructibus*, P. V. autem de בכורות *Primo- genitis* præcipitur.





utantur, utrumque locum de Paulo huc respicere existimat. Mihi potius ad *sanctificandi* verbum, הקריש alludi videtur, quod, quæ sanctificabantur, ab usu vulgari & communi segregata, cultui divino aut usibus sacris destinarentur, velut de primogenitis Num. III, 13. de Sacerdotibus Exod. XXIX, 1. de Sabbatho Exod. XX, 5. Deut. V, 12. Neh. XIII, 22. Jer. XVII, 22. de vasis sacris Exod. XXIX, 36 sq. XXX, 29. XL, 9 sqq. de hominibus ad Deum appropinquare gestientibus Exod. XXIX, 22. & sexcentis id genus aliis, usurpatur. Quod itaque Exod. XXIX, 1. de Aarone & filiis ejus, ut sacerdotio fungerentur, a LXX interpretibus adhibetur: *ἀγιάσεις αὐτὸς, ὥστε ἱερατεύειν μοι αὐτὸς*, ad citata loca apprime quadrare censeo: æque ac verba Salvatoris, de Apostolis Patrem deprecantis, Joh. XVII, 17. *ἀγιάσον αὐτὸς, sanctifica illos*, CHRYSOSTOMVS in CORDERII *Catena in Johann.* commode ita exponit, οἶον, ἀφορίσαι αὐτὸς τῷ λόγῳ καὶ τῷ κηρύγματι, quasi dicat, *segrega eos ad verbum & prædicationem*, ut isthæc exorata sanctificatio, destinationem & instructionem ad officium Apostolicum rite obeundum, designet.

Ad §. VI. pag. 133.

(8) תרומה גרולה *oblationem elevationis magnam*] Græcis ἀφαιρέμα μέγα, & ἀφορισμὸς μέγας dicebatur, & consistebat in prima ablatione & oblatione fructuum elaboratorum, antequam penderetur decima. Vocabatur *oblatio magna*, quia de universa massa ante dabatur, quam ex illa decerperentur decimæ. Post enim allatam תרומה גרולה / solvebatur ex residuo decima prima Levitis, מעשר ראשון dicta: de hac Levitæ rursus pendebant decimam Sacerdoti, quæ מעשר יהוה *oblatio Domino destinata*, item decima de decimis, Num. XVIII, 26. audiebat, ut Auctor bene monuit & Cap. sequ. uberius declarabitur. De origine autem vocis תרומה non convenit inter eruditos, quam R. DAVID KIMCHI a רום derivat, & Hebraicum תרומה a Rabbiniis ad hanc oblationem tractum & ap-

propriatum existimat, MAIMONIDES autem *Comment. in Mischnæ תרומות* a peculiari radice תרם arcessit, quæ sit *tollere, remove, auferre*, a qua BUXTORFIVS etiam deducit in *Lex. Targum. p. 2650 sqq.* Hoc certe verbum Auctores Mischnæ frequentissime usurpant, quando hanc primam fructuum elaboratorum ablationem describunt, sive priscis Judæis in usu fuerit, sive minus.

Ad §. VII. pag. 134.

(9) *Possunt Bicurim comprehendere sub Terumah Gedolah*] Fluctus in simpulo movet Auctor, controversiam in medium proponens: Num primitiæ (בכורים) sub Teruma Gedolah comprehendantur, an ab ea distinguendæ sint? Resp. Scriptura distinguit, quando Lev. XXIII, 10. & cap. II, 14. primitias spicarum, & manipulum primitiarum messis appellat, & ante oblationem magnam offerre jubet. Teruma autem, quod jam aliquoties inculcavimus, non in spicis, sed de elaboratis, & ad usum hominum jam præparatis fructibus exhibebatur: utraque ut & tempore, & materia, & forma, multum inter se differrent. Contra vero Rabbini, הבכורים *primitiva*, nomine Teruma quoque complectuntur. Testem laudo omni exceptione majorem, MAIMONIDEM, qui in Hile. Terumoth cap. XV. §. 20. ita ex tripode pronunciat: תרומה גרולה ותרומת מעשר והחלה *primitiæ majores, & primitiæ decimarum, & placenta, & primitiva, nomine תרומה primitiarum veniunt.* Probat de singulis: de primitiis decimarum ex Num. XVIII, 26. de primitiis magnis ex Num. XV, 20. ubi *primitiæ horrei Terumam magnam designent, de placenta ibid. auferetis placentam in Terumam: de primitivis ex Deut. XII, 27. ubi per תרומה ירין oblationem manuum tuarum primitiva intelligantur.* Idem urget in Hile. Bicurim cap. III. §. 1. ubi diserte repetit: וכבר בארנו שה בכורים קרוין תרומה *Primitiva vocata fuisse Teruma dudum demonstravimus, loco scilicet mox citato.* Hinc facilis est responsio:



ex phrasi Scripturæ, Biccurim vocantur aristæ oblatæ, cum Teruma ex fructibus elaboratis, non confundendæ; aut ex phrasi Rabbiorum, Biccurim nomine Teruma pariter veniunt.

Ad §. X. pag. 134.

(10) *Isque illiberalis, qui non trigessimam*] De his, quæ in hoc paragraph. præcedunt, supra diximus ex Talmude, Annot. 3. nec est, quod adjiciamus. De Pharisæis autem citatus EPIPHAN. Heres. XVI. quæ Judaismi III. est, §. I. p. 34. inquit: ἀπεδεκάτην δὲ τὴν δεκάτωσαν τὰς ἀπαρχὰς ἐδίδον, τριακοντάδας τε καὶ πεντηκοντάδας. Decimarum decimas dabant; primitias offerebant trigessimas & quinquagesimas. Duplices ergo pendebant primitias, & medias, & summis ampliores, a Magistris definitas. Quod si verum est, (adnotat ad hæc verba DIONYS. PETAVIUS,) egregia illorum liberalitas extitit, utpote qui præfinitum a Magistris terminum τῶν τεσσαρακοσῶν superaverint.

Ad §. XI. pag. cit.

(11) *Modus dependendi has primitias*] Paulo plenius ex MAIMONIDIS Hile. Biccurim cap. IV, §. 16. & 17. descriptam dabimus hanc festivitatem: כיצד מעלין את הכורים. Quomodo adducunt Israelitæ primitiva Hierosolymas, ad Templum? Resp. Omnes civitates, quæ ad aliquam stationem (in urbem scilicet stationariam, quam Præfectus illius stationis inhabitabat) conveniunt, conferunt se ad urbem stationis suæ, ne singuli singulatim, ascendant, q. d. in multitudine populi consistit gloria regis (Prov. XIV, 28.) Conveniunt itaque & pernoctant in platea urbis, adesseque ob tentorium impurum non ingrediuntur (ne forte impuri redderentur & ad sanctum hoc opus peragendum inhabiles, si forte domus illa, aut Synagoga sepulcro fuisset inædificata, aut aliam contraxisset immunditiem): mane autem exclamat Præfectus illius stationis: surgite, ascendamus Zionem ad Dominum Deum nostrum, Jer.

XXXI, 6. Bos autem pro sacrificio pacifico, illos anteibat, cornubus deauratis, capiteque corona olivagina redimito, quo primitiva hæc e septem illis speciebus esse notabatur, in quibus olea principem tenebat locum. Is autem, qui tibia cecinit, quod instrumenti Musici genus R. LIPMANN. ad Mass. Eracin cap. II. §. 3. ad sacrificiorum oblationem adhibitum fuisse docet, ante faciem eorum ibat, donec Hierosolyma proxime attigissent, inter eundem vero semper sibi acclamabant: letitia perfundor per illos, qui mihi dicunt, abeamus ad domum Domini, Psal. CXXII, 1. Singulis vero diebus non nisi duas diei partes absolverunt, (non toto die iter facientes, sed duabus saltem de die partibus). Quando urbem Hierosolymitanam proxime sunt affecuti, Legatos ad cives urbis ablegaverunt, qui id illis facerent notum; interea primitiva sua coronarunt, ornamentisque decorarunt, atque recentia si quedam præter sicca inter primitiva essent (nam jam supra MAIMONIDIS cap. II. §. 5. monuerat, incolas ab Hierosolymis non longinquos, ficus & uvas recentes, magis vero diffitos, ficas passasque attulisse) visui obverterunt. Obviam tunc principes, antistites, & arariis præfecti, illis ex urbe prodierunt, pro ratione advenientium, magno numero, si multi advenissent; parvo, si pauci. Statim atque omnes, portas Hierosolymorum fuerunt ingressi, recitare occæperunt ex Psal. CXXII, 2. pedes nostri steterunt in portis tuis, o Jerusalem! Omnes opifices Hierosolymitani coram illis consistentes, salute eos exceperunt, dicentes: fratres nostri, viri hujus vel illius loci, salvos vos venisse gaudemus. Ita in urbis medium penetraverunt, tibicine agmen præeunte ad montem Templi usque. Pede bucsque promoti, singuli canistrum humeris imposuerunt suis, dicentes: Hallelujah; laudate Deum in sanctitate sua, & quæ sequuntur, usque ad verba: omnis anima laudet Dominum, Hallelujah! Psalm. CL, tot. Hac ratione in monte processerunt canendo, usque ad Atrium, in quod postquam perventum fuit, Levitæ concinerunt: extollam te Domine, quia evexisti me &c. Psal. XXX, 2 sq. Rite igitur ut omnia peragerentur, septem ceremonias

*cipiet Sacerdos corbem e manu tua, quibus ver-  
bis agitatio Sacerdotis innuitur. 7) Pernocta-  
tionem denique requiri probant ex Lev. VII,  
16 sq. ubi legitur: *Pacificæ votiva vel spontanea  
comedantur eopse die, quo offeruntur, crastino au-  
tē, quod residuum fuerit de eo, etiam comedetur.*  
Ergo includitur nox inter diem oblationis &  
crastinum, Hierosolymis transigenda, quia ex-  
tra Urbem comedere nefas erat.*

(12) *Primitias hominum & bestiarum sibi adscribit Jehova Exod. XIII.*] Quia Deus omne primogenitum de hominibus & de brutis in Aegypto occidens, Israelitis pepercerat, hinc diserta lege omne primogenitum in Israele, tam de hominibus, quam de brutis animantibus sibi jure vendicabat ac sanctificabat in omne ævum Exod. XIII, 1 sqq. Et de bestiis quidem mundis, & altari ac oblationi congruis, constituit, ut mactarentur & in sacrificium offerrentur Num. XVIII, 15 sq. De hominibus autem, & immundis animalibus, ut ære vel certo pretio redimerentur, quod sacerdotibus cedebat. Quin asinorum, vel alias immundorum animantium primitias agno redimere, vel occidere licebat. Velut autem mundorum animalium primogenita altari consecrabantur, ita primogeniti hominum Deo pariter, ejusque ministerio addicebantur, donec Dominus tribum Levi, loco primogenitorum adoptaret Numer. VIII, 14 sqq. de qua surrogatione supra dictum, ubi de Sacerdotibus. Redimendus tamen, quinque scilorum pretio, erat primogenitus, junctis redemptioni sacrificiis, ut Luc. II, 22. videre est. Quomodo autem hodie primogenitorum peragatur apud Judæos redemptio, EVXTORFIVS *Synagoga Judaica cap. VI.* toto prolixè docuit, ubi legas. Qui olim circa ipsos obrinuerint ritus, MAIMONIDES in Hilc. בכורות lib. IX. in Gad exposuit, ibique de primogenitorum separatione cap. I. §. 1 sqq. mactatione & comestione §. 8 sqq. in altari oblatione cap. V. §. 9, 10. hominum red-



emtionem &c. ex instituto egit. Prolixioribus enim nobis esse non licet.

Ad §. XIII. pag. 135.

(13) *Omnia nos docent*] Primitiarum cum primis oblatio, solennis erat testificatio, omnes nostras fruges, omnem messem, ex una Dei benedictione esse: hinc Deo primo offerendæ fuerunt illæ in gratiarum actionem, pro acceptis a Deo beneficiis. Sed & præfiguratio erat missionis Spiritus Sancti ἀπαρχὴν τῆς πνεύματος, Rom. VIII, 23. quæ incidere debuit in eundem diem, quo lata lex, & per eam spiritus serviturus. Sic etiam præfiguratæ primitiæ novæ Ecclesiæ, & Apostolici muneris, & novi panis, quo pascuntur primum fideles Judæi, tum Gentiles Act. II. & X. Denique figura est sanctificationis nostræ, seu novitatis vitæ, & novorum fructuum spiritualium, quos operatur missio Spiritus Sancti. Typicam autem & moralem primogenitorum filiorum, Deo consecratorum, rationem larga manu suppeditatam vide a WILH. MOMMA *Oeconom. Tempor. Lib. II. cap. IV. §. 25 sqq. pag. 114.*

Disputandum hic quoque esset contra SPENCERVM, qui *de Legib. Hebr. Lib. III. Dissert. I. cap. IX.* leges de primitiis, Deo solvendis, latas fuisse contendit, ut Israelitæ donis illis, quibus aliæ gentes, & ipsi forsitan in Aegypto, fictitios Deos colebant, Deo vero honorem exhiberent, eique, non Soli, Ifidi, vel Cereri, se terræ fruges debere testarentur. Id ut evincat, 1) gentes antiquas Diis suis, ritu solenni, primitias

obtulisse docet: 2) morem illum legibus, de primitiis Deo sacrandis, occasionem & materiam præbuisse, persuadere satagit: 3) objectionibus potioribus satis facere nititur. Ista quidem omnia si pro merito discutere aggredermur, proluxa nobis scribenda foret tractatio, quæ nec hujus loci est, nec nostri instituti. Gentiles primitias Deo consecrassent, in confesso est & proluxa testimoniorum ac exemplorum recensione non eget; neque tamen causæ suæ quicquam lucratur inde SPENCERVS, cum huc demum omnis redeat quæstio: num oblationem primitiarum a populo Dei Ethnici acceperint, an ab his didicerit ille? Ante vero, quam in errorem cultus abrepti homines, idolis vel gentilismo operam darent, in Adami familia, primitiarum consecratio, Deo vero facta obtinuit, ut Caini & Abelis exemplo palam sit Gen. IV, 3, 4. Abelis autem sacrificium fide Deo placuisse, cum Paulus diserte perhibeat Hebr. XI, 4. liquido inde patet, oblationem istam expressa summi Numinis suffultam fuisse institutione. Primum itaque ortum ritus iste, primitias Deo consecrandi, a sapientissimo Numinis arbitrio & mandato traxit haud dubie, minime ex hominum ingenio vel gentili instituto. Qui etsi mature satis, & ante Mosis legem transire ad gentes potuit, sanctissimæ tamen voluntati & revelationi primæ inhaerisse denuo in lege multo rectius & proclivius creditur Deus, quam ut ab Ethnicorum abusu, divinam hujus ritus sanctionem ad superstitionem suam impie transferentium, illam innovandi arripuisse dicatur occasione. Verum istis diutius immorari non libet.

AD

## LIB. VI. CAPVT III.

## D E D E C I M I S.

**D**uplices erant Decimæ, *Ecclesiastica*, quæ divino iussu Levitis & Sacerdotibus, tum quoque pauperibus pendebantur, Lev. XXVII, 30. Num. XVIII, 20. Deut. XIV, 22. & *Politica*, sive *Regales*, quæ tributorum ad instar Regibus debebantur 1 Sam. VIII, 15. De prioribus autem hoc Capite agitur. Quemadmodum enim primitiæ, sacrum velut vectigal, quoddam erat de primis frugibus; ita decimæ pariter ejusmodi quoddam tributum, quod de omni facultate & substantia, secundum decimam partem, Domino exsoluebatur. Primitiæ Deo exsoluebantur in gratitudinis professionem pro frugibus & fertilitate terræ; decimæ Sacerdotibus, salarii velut loco, & ad ipsorum sustentationem, quod in cultu Dei omnem transfigerent vitam. Accedebat, quod tribus Levi nulla inter fratres suos parte gauderet ac possessione in terra Cananæa Num. XVIII, 20 sq. Aequum ergo erat, ut Israelitæ, qui portionem hereditatis tribus Levi possidebant, inque suos vertebant usus, fratribus Levitis, de usufructu velut hereditatis ipsorum, decimas penderent. Et si antiquissimum esset jus decimarum, dudum ante legem, ab Abrahamo, decimas Melchisedeko exsolvente Gen. XIV, 20. Hebr. VII, 2. & a Jacobo, decimas omnium facultatum suarum Domino spondente Gen. XXVIII, 22. agnitum & observatum. Vnde ad gentes quoque emanavit.

Ad §. II. pag. 135.

(1) *De his omnibus decimas solverunt*] Satis perspicue lex ita definit Levit. XXVII, 30. *Omnis decima terræ, de semine terræ tuæ, aut de fructu arboris, Domino est, sanctitas Jehovæ*: Sententiarum tamen divortium hic obtinuit. Ad fructuum omnium, quin & vilissimorum ole-

rum hortenarium, modo cibo inservirent hominum, decimationem, obligatos hac lege fuisse Hebræos, nonnulli ex Judæis affirmant in *Jalkut parascha בחקותי* fol. 200. col. 3. communem urgentes regulam, quæ in *Mischna מעשרות de Decimis cap. I. §. I.* legitur: כל שהוא אוכל ונשמר ונרוליו מן הארץ חייב במעשרו: *Omne esculentum, quod custoditur, & ex terra capit incrementa, decimis est obnoxium*: & ex Christianis IOH. STEPH. MENOCHIVS de *Republ. Hebr. lib. II, cap. 4.* IOH. GERHARDVS *Comment. in Deut. p. 897. & 765.* SIXTIN. AB AMAMA *Comment. de Decimis Mosaicis*, præmissio ejus *Anti-Barbaro Bibl.* & alii plures. Hos & generale præceptum, de omni proventu terræ Deut. XIV, 22. XXIV, 12. & Servatoris verbum movet, ταῦτα ἔδεσ ποιεῖσαι, καὶ κείνα μὴ ἀφιέναι, Matth. XXIII, 23. Alii tamen ad tria solum frugum genera, olei, musti, & ejus quinque enumerant species, frumenti, imperatam divinitus decimationem restringunt; de leguminibus autem, & seminibus hortenariis, ut sunt ceparum, allii, porri, nigellæ rapæ, & his similibus, non tam ex præscripto legis, quam Doctorum decreto, decimas olim fuisse solutas, contendunt. Ita MAIMONID. Hilc. מעשרות cap. II. §. 6. diserte pronunciat: *Quamvis olera sint cibis hominis, tamen illa decimationi non sunt obnoxia, nisi ex Sapientum decreto, quia dictum est, Deut. XIV, 22. de decima proventus seminis tui. Vbi id, quod proventus nomine venit, & huic simile, intelligendum est, sed olera sub hoc non intelliguntur.* Pariter ABARBENEL *Comment. in Legem fol. 360. col. I.* decimas tantum ad frumentum, oleum & mustum refert: & R. SAL. IARCHI ad Lev. XXVII, 30. verba: *de semine terræ*, tantum de frumento accipit; reliqua vero: *de fructu ligni*, denotare ait mustum & oleum.



oleum. Ex Christianis, BEZA Not. ad Matth. XXIII. IAN. DRUSIVS Præterit. ad h. l. ISAAC. CASAVBONVS Exercit. I. contra Baronium n. 9. & alii bene multi idem tuentur. Nos presse inhærendum existimamus literæ legis, ut & illam ad tria frugum genera decimarum restrictionem, Scripturæ derogare, & omnia in universum terræ nascentia iis comprehensa minime fuisse pronunciemus, sed quicquid decimarum lex requirit, ad ea saltem referamus, quæ semen agri supponunt, studiumque ac laborem hominum, in plantatione & propagatione requirunt, reliqua vero, quæ in Cananæα αὐτομάτῃν ac sponte succrescebant, & citra coloni operam obviam erant, exemta a decimatione fuisse credamus. Ita enim & Decima Lev. XXII, 30. & תבואה seu proventus terræ, unde illa exsolvebatur, Deut. XIV, 22. ad semen terræ σπῆτος, nec temere revocatur. Hoc sententiarum velut moderamine præmissio, ad dicta, quæ obverti solent, facilis est responsio. Matth. XXIII, 23. non istud in vitio ponit Christus, quod decimarent Pharisei & Scribæ mentham, & anethum, & cuminum, hoc enim ἔδει ποιῆσαι, oportebat ipsos facere, nec observatione juris illius laudem merebantur Luc. XVII, 10. verum quod in his minutis iustitiam quærent, ceterisque se hominibus præferrent, gravissima inter hæc negligentes præcepta, quibus incumbere vel maxime erat opus, hoc erat, quod vae! Christi provocabat. Phariseus Luc. XVIII, 12. sese iactans, ἀποδεκτῶ πάντα, ὅσα κτῶμαι, non tam decimando delinquebat, quam decimas de illis quoque, de quibus vi legis non tenebatur, five reapse ac vere solvens, five præter verum, verbis tantum prodens, & maxime, quod in illis superbiret; seseque super publicanum efferreret, immo Deum velut debitorem sibi reddidisse crederet. Juvat hic audire ARIAM MONTANVM, quia ad rem facit: *Sapientum omnium, qui de religionis & mandatorum observatione scripserunt, communis sententia est, non deberi decimas, nisi ex fructibus terræ: quia sic scriptum est: fructus terræ tuæ decimabis. Sed hos non satis*

exacte solet decimare populus terræ; unaque ex illius notis hæc est, ut in Lib. Benedictionum Cap. VI. traditur; in libro vero de Nidda Cap. VI. excipiuntur a decimationis debito ova, & pisces, & lac, & caseus, quia non sint fructus terræ, sed fructus aquæ, aut fructus fructuum: sed, ut ibidem docetur, qui integriorem legis observationem profitentur, omnia hæc etiam decimant. Eam igitur observationem sibi hac professione gratulatus Phariseus. Exemplum denique Israelitarum, temporæ Hiskiae larga manu decimantium, quod ex 2 Chron. XXXI, 5. SIXT. AB-AMAMA & VARENIVS urgent, non tam legis censo interpretamentum præbere, quam liberalem gentis pietatem probare, bona mente afferentis, quicquid ei obviam veniret. Aequè ut majores ipsorum in deserto, ad exstructionem tabernaculi ampliore, quam necessitas postulabat, apparatus afferebant Exod. XXXVI, 5 sqq.

Ad §. III. pag. 135.

(2) *Species decimarum*] In his recensendis variant iterum Interpretes, etsi in re ipsa maximam partem conspirant. מעשר ראשון Decima Prima erant, omnium confessione, decima pars proventuum, quæ statim post primitias aræ, de proventibus detrahebatur, & dependebatur Levitis Numer. XVIII, 21. Hoc docet ABARBENEL in Num. I, 26. והוא שנתן ללוים כל מעשר בישראל והוא מעשר ראשון שנתן להם חלק עבודתם גם וגם במקום הנחלה שהיה להם לנחול הארץ. Dum Levitis omnem decimam dedisse Dominus dicitur, intelligendum id est de Prima Decima, quam partim mercedis vice, partim loco hereditatis, in terra Canaan obtinendæ, acceperunt. Decimas Secundas volunt nonnulli dici Decimas Decimarum, Levitis jam exhibitarum, quæ pendebantur Sacerdotibus Num. XVIII, 26 sqq. Neh. X, 38. Levitæ enim, cum acceperant ab Israelitis decimam proventuum partem, in suos eam convertere usus prius non poterant, quam decimam illius partem exsolvisent Summo Pontifici, ut inter ceteros divideret

videret Sacerdotes. Hac detracta, quæ super-  
erant, Levitis erant *חולין communia*, & quasi pro-  
fana, in quovis loco, attamen puro, consumen-  
da, teste ABEN ESRA. Atque hæc *מעשר מן המעשר* Decima de Decimis Num. cit. loc. item  
Decima sanctitatis 2 Chron. XXXI, 6. dicebatur.  
Sed quod probe observat Auctor noster §. IV.  
& V. hæc, cum Decima secunda non est confun-  
denda, nec a colonis præstabatur Sacerdotibus,  
sed a Levitis. Coloni autem, post Terumam  
magnam & Decimam primam, alteram nunc de  
residuo frugum suarum separabant Decimam, quæ  
proprie ac recte *מעשר שני* Decima secunda, δε-  
κάτη δευτέρα Tob. I, 7. vocabatur, & nec Levitis  
pendebatur, nec Sacerdotibus, sed quam quis-  
que colonus comedebat Hierosolymis, instructo  
convivio in atrio templi, ad quod Levitas & Sa-  
cerdotes hospites invitaret; vi sanctionis divinæ  
Levit. XXVII, 30 sqq. & Deuter. XIV, 22 sq.  
Quando autem vel impeditior erat via longior-  
ve, vel decima nimis larga, quam sine maximis  
impensis eo deportare colonus nequibat, huic  
difficultati occurrens legislator præcepit, ut ad-  
æraret eam, & ex pecunia inde redacta vinum,  
oleum, mustum, victimasque Hierosolymis de-  
nuo coemeret, ut ex illis laudatum epulum in-  
strueret; hac tamen addita cautione, ut quin-  
tam adhuc partem adjiceret: cujus TOSTATVS  
ABVLENSIS causam reddit, ne Judæi sæpius ten-  
tarent redimere, sed decimas retinerent. De  
hac Auctor agit §. V.

Ad §. VI. pag. 136.

(3) Decima pauperum anno tertio] De ea  
lex sancit Deut. XIV, 28. *A fine trium annorum  
educes omnem decimam proventus tui in anno ipso,  
& repones in portis tuis.* Ad quæ verba ABEN  
ESRA notat: *זה של שלש שנים יקרא מעשר עני* hæc decima tertii anni vocatur decima paupe-  
ris, h. e. ut Græci efflerunt, *πταχοδεκάτα*. Un-  
de annus quoque tertius, *שנת המעשר* annus  
decimarum Deut. XXVI, 12. dicebatur, quæ no-  
menclatura primo & secundo anno minime hæ-

rebat. Hæc non Hierosolymas deferebatur, ut  
prima & secunda; sed a quolibet colono in por-  
tis suis, post Terumam magnam, & Decimam pri-  
mam, decima reliquorum proventuum pars se-  
parabatur, ut Levitæ, Profelyti, orphani & viduæ  
eam caperent. Hoc indicat Auctor *sub fin.* §. V.  
*Verum tamen non quovis triennio &c.* Hinc ne-  
que tres eo anno decimæ simul fuerunt solutæ,  
quod ABVLENSIS vult; neque prima peremta,  
ut SCALIGER, VARENIUS, & alii contendunt;  
sed secunda, quæ aliis annis colono cedebat, an-  
no tertio in populo Israelitico dispensabatur.  
Consentit IOSEPHVS lib. IV. *Antiqu. cap. VIII.*  
§. 22. *ταῖς δὲ δεκάταις δυσὶν, ἃς ἔτις ἐκάστη προῖ-  
πον τελεῖν, τὴν μὲν τοῖς Λευίταις, τὴν δ' ἑτέραν  
πρὸς τὰς ἐνωχίας, τρίτην πρὸς αὐταῖς κατὰ τὸ  
ἔτος τρίτον συµφέρειν εἰς διανέμησιν τῶν σπανι-  
ζόντων, γυναῖξί τε χήραις καὶ παῖσιν ὀρφανοῖς.*  
Præter duas decimas, quæ quotannis solvere præ-  
cepi, alteram quidem Levitis, alteram vero ad epu-  
landum, anno quoque tertio conferatur, ad  
distribuenda, quæ desunt, mulieribus, viduis, &  
pueris orphanis. HADR. RELANDVS quidem  
hæc IOSEPHI verba in *Annotat. ad eadem*, eo  
trahit, inde ut conficiat, tertias has decimas non  
easdem fuisse ac secundas, sed ab iis diversas,  
quia dicantur *τρίτη πρὸς αὐταῖς*. Verum, ut  
mihi videtur, a primis & secundis IOSEPHVS de-  
cimas tertias distinguit quidem, non autem cu-  
mulat vel auget, sed quæ prioribus annis Levi-  
tis, & in epulas impendebantur, tertio in paupe-  
res, viduas & orphanos erogatas fuisse indicat,  
salva tamen Teruma, & decima prima, quæ quot-  
annis erat necessaria. Confer ad h. l. doctissi-  
mam EDVARDI BERNARDI observationem,  
quæ universum de Decimis argumentum illustrat,  
a SELDENO tamen, SCALIGERO, aliisque vi-  
ris summis, in diversum discedit. Tertia hæc  
decima Tobix quoque audit, cujus cap. I, 7. ita  
legis: *τὴν πρώτην δεκάτην ἐδίδαν τοῖς υἱοῖς Ἀα-  
βὼν, τοῖς θεραπέουσιν ἱερουσαλήμ· τὴν δὲ δευτέ-  
ραν δεκάτην ἀπεπρατιζόμεν, καὶ ἐπορευόμεν, καὶ  
ἐδαπάνων αὐτὰ ἐν ἱεροσολύμοις καὶ ἕκαστον ἐνι-  
αυτὸν καὶ τὴν τρίτην ἐδίδαν οἷς καθήκει, καθὼς  
ἐνετεί-*



ἐνετείλετο Δεβώρα ἡ μήτηρ τῆ πατρός μου. *Decimam primam dedi filiis Levi, ministrantibus in Hierosolymis, secundam autem decimam divendidi, & abii, & expendi ea in Hierosolymis singulis annis: & tertiam dedi, quibus competebat, quemadmodum mandaverat Debora, mater patris mei &c.* Hanc ergo, æque ac IOSEPHVS, τέτην vocat, non quod super alias binas tertio quoque anno solveretur: sed quod alterius plane generis & conditionis esset a secunda, utcunque in ejus locum succederet. Hanc certe sententiam nostram valide confirmavit, & ab omnibus dubiis liberavit, IOH. CONRAD. HOTTINGERVS *de Decimis Judæorum Exercit. VIII. pag. 182 sqq.* Querit adhuc BONFRERIUS *Comment. ad Deut. XIV, 28.* an epulæ ex hac decima pauperibus instructæ fuerint, ita ut conferens quoque cum iis comederit, an vero a quovis paupere sua portio in domum relata? Recte affirmat posterius, ad stipulante TOBIA & IOSEPHO. Neque enim tertiæ hæ decimæ constitutæ erant ad hilaritatem, sed ad solandam solum pauperum indigentiam, ne vel mendicare, vel alienigenis infervire cogerentur.

Omisit, quod mirari subit, Auctor noster solennem illam *ורוי המעשר* *Decimarum Confessionem*, a legislatore Deuter. XXIV, 12 sq. diserte præscriptam, & a Judæis inter præcepta affirmativæ relatam. Edebatur non nisi post annum, quo decimæ pauperum solutæ erant, die ultimo Paschæ festi, *במנחה* *circa vespæram*, & quidem *לפני יהוה* *coram Domino*, h. e. in Templo, ante portam Nicanoris, ut phrasin exponunt Judæi in Gemara Hierosol. *Sota fol. 17. col. 4.* Eam præcedebat *ביעור* *remotio frugum*, ut quivis Israelita omnes fruges decimationi subjectas, e sua potestate removerit, & quodlibet donum, quibus debetur, tradiderit, ut bona fide in confessione dicere queat: *removi Sanctum e domo mea.* Ipsam confessionis formulam scita paraphrasi exposuit Mischna Cod. *מעשר שני* *cap. V. §. 6, 7, 8.* ubi evolvatur: nimis enim proluxa est, quam quæ huc transcribi queat.

Ad §. VII. pag. 136.

(4) *Decimabant quoque sua pecora*] Appellatur quidem hæc *מעשר בהמות* *Decima bestiarum*, ultra tamen boum vaccarumque armenta, & ovium atque caprarum greges, ad alia brutorum animantium genera non extendebatur, sed literæ legis presse hic inhærendum esse censebant Doctores, in Mischna *בכורות* *cap. IX. §. 1.* definientes: *מעשר בהמה נזוג בבקר וצאן* *bestiarum decima non nisi in bobus & ovibus obtinet.* Quod idem MAIMONIDES in *Hilc. Becoroth* *cap. VIII. §. 1.* paulo copiosius confirmat. Dicta autem animalia omnia, citra ullam sive inquisitionem, num integra sint an mutila, sive exceptionem, decimationi obnoxia erant, ita ut ad Mischnæ *c. l. §. 4.* ita glossetur R. OBAD. DE BARTENORA: *Mischna dicit, omne intrat stabulum, ad includendum omne, quod more quadrupedum init & initum est: & quod destinatum ad separandum illud ad idololatriam, aut quod jam cultui isti inservivit, & domum meretricis, & pretium canis, & obturatum, & androgynus, hæc omnia, etsi sint inepta ad sacrificandum, nihilominus intrare debent stabulum ad decimandum, quandoquidem nihil cautum est in lege, de eo, quod vitium contraxit de decimis, juxta id, quod (1. c.) dicitur: לא יבקר בין טוב לרע non disquiratur inter bonum & malum.* Excipitur tamen *ibid. §. 3.* a decimis, quod emrum est, vel dono datum; quod quomodo intelligendum sit, MAIMONID. *ad l. c. Mischnæ* exponit. Paria habet R. BECHAI in *Legem fol. 122. col. 3.* *Decimam de pecude, quam sibi acquisiverat, aut secum habebat, nemo tenebatur solvere, sed de eo, quod in suo grege progignebatur. Quin & agni, quos in foro emit, ab onere decimandi erant immunes.* Ex supra dictis autem liquet, vapulare hic TOSTATVM ABVLENSEM, quando *ad Lev. XXVII, 32.* de camelis quoque, equis & asinis, decimas solvisse contendit Judæos, quia alias horum animalium armenta in fraudem decimarum augeri potuissent, neglectis ovibus aut bobus, ex quibus tam frequentes decimæ erant separandæ. Neque

que enim vel lex divina huic sententiæ favet, vel Rabbiorum calculus, quem R. BECHAI cit. loc. ita fert: *אנו לומרין מעשר דהמה מקרבן* nos ex sacrificiorum natura discimus, *quanam animalia obnoxia fuerint decimationi.*

Ad §. VII. pag. 136.

(5) *Modum decimandi pecora*] Si quis habeat diversos greges, per sexdecim milliaria (si enim ultra distarent, non conjungebantur, & longius distiti immunes erant a decimatione) ab invicem separatos, illos in medio conjungere, atque in unum stabulum cogere debebat paterfamilias. Hinc modum decimationis ita describit Mischna c. l. §. 7. *Faciunt in illo (stabulo) ostium parvum, ne accadat, ut duo simul exire possint, numerantque virga: unum, duo, tria, quatuor, quinque, sex, septem, octo, novem; decimum quod exit, minio tingunt, dicendo: הרי זה מעשר* ecce hæc est Decima. Eaque numeratio, & distincta Decimæ signatio & destinatio, adeo habebatur necessaria, ut si omitteretur, aut non rite perageretur, irrita caderet decimatio. Hoc notari tradunt Judæi, phrasi *עבר תחת השבט* transire sub virga, atque eo duo adhuc referunt Scripturæ dicta Jerem. XXXIII, 13. & Ezech. XX, 37. Verum vir summus, SAM. BOCHARTVS *Hierozoici P. I. Lib. II. cap. XLIV. p. 459.* verbis istis, numerationem a villico, præsentem hero institutam, cum pecudes caulam ingrediuntur, indicari existimat. Solebant enim, qui accurati erant, pecus bis quotidie, mane, dum ad pascua vadit, & vespere, dum inde revêritur, numerare. Quo Vir laudatus verba quoque legis Lev. XXVII, 32. refert.

Ibidem.

(6) *Extra portam stant canes*] Vnde hæc hauserit GOODWINVS, plane me fugit, cum de canibus, extra portam latrantibus, apud MAIMONIDEM & IARCHIVM, ad quos provocat Autor, quin & apud ceteros, qui hoc argumentum edisserunt, Judæos, altum sit silentium, Hinc

obelo hunc locum jam transfixit HOTTINGERVS in Notis ad GOODWINI hæc verba p. 874.

Ad §. VIII. pag. 137.

(7) *Decimato propterea, ut ditescas*] In *Pirke Abboth. cap. III. §. 13.* ex effato R. AKIBAE, *מעשרות כיון לעושר* Decimæ sunt sepimentum pro divitiis, quod ita exponit BARTENORA: *עשר תעשר עשר כשכור שהתעשר* quia (Deut. XIV, 22.) scriptum est: *decimando decimatis, igitur decimato, ut ditescas.* LEVSDENVS ad AKIBAE dictum, Autoris nostri observationem confirmat, *Judei religiosiores*, inquit, *hodie loco Decimarum, de omnibus lucris pendunt eleemosynas, scil. decem florenos de centum, & viginti de ducentis &c.* Si quis ergo decimas, vel eleemosynas, legitime distribuat, ejus divitiis non facile damnum inferetur.

Ad §. IX. pag. cit.

(8) *Tempus anni, a quo decimas computabant*] Aliud observatur tempus, quo decimatio peragebatur, de quo Mischna *Becoroth cap. IX. §. 5.* denuo ex R. AKIBAE sententia definit: *Tres aræ sunt ad decimanda pecora: in dimidio Festi Paschatis, dimidio Festi Pentecostes, & dimidio Festi Tabernaculorum: h. e. die XV ante Pascha, XV ante Pentecosten, & XV ante festum Tabernaculorum: Aliud, ex quo computabantur decimæ. Pro pecorum decimatione primum diem mensis Elul constituerunt, sic ut ovis eo anno nata diceretur, quæ inter initium unius Elul, & initium alterius nata esset: juxta Mischnam Becoroth cap. IX. §. 5. & MAIMONID. Hile. Becoroth cap. VI. §. 7. Principium anni נטיעה plantationis arborum, novilunium erat mensis Tifri, ita ut, post tres annos præputii arborum exactos, anno demum quarto, mense Schebar, juxta Beth-Schammai die mensis primo, juxta Beth-Hillêl autem, cujus sententia receptior est, die decimo quinto, decimæ fructuum solverentur. Messis denique gemina erat: hordeacea prior,*



prior, in mensem Nisan ingruens, qui ideo etiam **חֹמֶשׁ** vocatur Exod. XIII, 4, quia in illo hordei spicæ ad suam perveniebant maturitatem. Hinc altero post festum Paschatis die, qui erat XVI mensis Nisan, manipulus ex hordeo demetebatur, **עֹמֶר תְּנוּפָה** manipulus agitationis dictus Levit. XXIII, 15. Hic dies erat **רֵאשִׁית קִצִּיר** primitiæ messis vers. 11. ante cujus agitationem & oblationem falcem in segetem immittere non licebat. Posterior messis triticea, quæ extendebatur prope ad festum Pentecostes, quod inde festum messis Exod. XXIII, 16. audiebat, & in quo ex novo tritici proventu duo panes, in gratiarum actionem, pro feliciter absoluta messe, offerebantur. Festum autem Pentecostes incidebat in mensem Sivan, sic ut totum messis tempus intra duo illa festa, Paschatis & Pentecostes, vel a dimidio Nisan usque ad dimidium Sivan, & sic intra duos menses, absolveretur. Quæ autem Rabbiorum trica, & subtiles interveniant disputationes, expositas lege ab HOTTINGERO de Decimis Exerc. IV. p. 67 sqq. Citatum porro ab Auctore locum Talmudis ex **רֵאשִׁית הַשָּׁנָה** supra integrum produximus ad Lib. III. Cap. I. §. XIV. Annot. 15. ubi videatur.

Ad §. XI. pag. 137.

(9) *Populus omnes in genere decimas negligeret*] Facit huc, quod habet MAIMONIDES in Hilc. Maaser Scheni cap. XI. §. 1. In diebus Jochananis Pontificis Max. qui floruit post Simeonem Justum, emisit Synedrium M. ad inquirendum (de Decimis) in singulis provinciis terræ Israelis, invenitque omnes, quoad separationem Thrumæ magnæ, diligentes esse, verum decimam primam, secundam, & pauperis, vulgus non separabat, sed sibi ipsi retinebat; idcirco postea decretum erat, nullis in decimistribuendam esse fidem, nisi hominibus fide dignis, fructus vero plebejorum seu vulgi semper pro dubiis habendos esse: quibus idcirco dicentibus, hi aut illi fructus sunt decimati, non habebatur fides, quorum inde fructus **רְמָנִי** dubii vocabantur. Depromsit ista MAIMONI-

DES ex Gemara Sota cap. IX. §. 10. cujus verba in medium attulit WAGENSEIL. in Sota p. 936 sq. Idem Jochanan abrogasse legitur confessionem decimarum, in Mischna Sota cit. loc. & Maaser Scheni cap. V. §. 15. ne invita & reclamante veritate, Israelitæ verba confessionis: **וְדָדִי** dedi quoque de eo Levitæ, pronunciarent, cum post reditum e Babylone, ex Esdræ decreto, nihil amplius decimarum penderent Levitis. Cum enim Esdras, cum reduce populo patriam repetiturus, in castris prope flumen, quod Ahavam alluit, congregatos ad se populares suos lustrasset, atque ad populum & Sacerdotes animadvertisset, conqueritur ipse: **וּמִבְנֵי לֵוִי לֹא מָצָאתִי שָׁם** at ex filiis Levi neminem inveni ibi, Esdr. VIII, 15. Velut enim frequentissimus Judæorum numerus Babylonicam terram relinquere, & in vastatam redire patriam recusabat, ita plurimi quoque Levitarum in Judæam ascendere, & sacris ibi fungi detrectabant: Hinc Esdras multavit Levitas suo tempore, ne ipsis darentur decime primæ, sed Sacerdotibus, quia volebant cum ipso repetere Hierosolymas, ut legitur in Gemara Jevammoth fol. 86. a. & Gemara Cetubhoth fol. 26. a. Ne itaque præter verum jactarent Israelitæ, Levitis decimas se solvisse, universam confessionem abrogare maluit Jochanan. Conf. laudatum HOTTINGER. de Decimis Exerc. VI. §. 8. & Exerc. IX. §. 17.

Ad §. XII. pag. 138.

(10) *In rebus dubiis, quas vocabant רְמָנִי*] Voce **רְמָנִי** Rabbini expriment rem dubiam seu ignotam, de qua certo non constat, num ex ea decimæ sint datæ, nec ne? Componitur ab illis, ex **רָמָא** & **מָנִי** quid illud? estne decimatum, annon? diciturque de frugibus **עַם הָאָרֶץ** plebejorum. Cum enim, ut modo dictum, homines circa solvendas decimas negligentiores essent, hinc factum, ut religiosiores ægre quicquam e foro compararent, nisi de frugum istarum decimatione certiores essent facti, minus autem religiosi, fruges de decimis dubias, citra ullum

ullum scrupulum coemerent. Vtrisque ergo ut consuleret Jochanan & Synedrium M. statuit, ut omnes fruges ab *עם הארץ plebeis* emtas, pro *רמאי dubiis* haberentur, de quibus Trumam decimarum, & Decimas secundas, non vero Trumam magnam, Decimas primas, & Decimas pauperum solvere tenebantur. Habes integrum tractatum Talmudicum *רמאי* inscri-

ptum, qui in Seder *זרע* sive primo ordine est tertius.

Ad §. XII. pag. 138.

(11.) *Matth. XXIII, 23. Luc. XVIII, 12.* De utroque hoc Scripturæ loco, mentem nostram supra ad §. II. Annot. I. exposuimus, nec est, quod hic addamus.

AD

## LIB. VI. CAPVT IV.

### DE MATRIMONIO.

Ad §. II. pag. 138.

**D**uas uxorum species] Geminæ omnino priscis Hebræorum nonnullis erant uxores, quarum palmaria, non tam *נשה*, quod commune potius mulierum est attributum, quam *אשה* virago dicitur Genes. II, 23. viro nupta, secundaria *פלוש concubina*. Vnde videas Cethuram, secundam Abrahami uxorem, utroque nomine venire, tam *אשה* quam *פלוש* Genes. XXV, 1, 6. & 1 Chron. I, 32. cum Sara *אשה* solum audiat, nunquam *פלוש*. Id quod jam AUGUSTINVS observavit lib. XVI. de Civ. Dei cap. XXXIV. Ceterum, quia mas quivis matrimonio aptus, ex Judæorum sententia, jure tenetur ad procreationem sobolis, & multiplicationem generis humani, *שכר המוסף נפש אחר* *בישראל כאילו בנה עולם* quia, quisquis animam unicam adjecerit Israeli, est quasi qui mundum edificat, MAIMONID. Hilc. *אישות* cap. XV. quod fusc, multisque testimoniis probatum ivit SELDENVS lib. V. de Jure N. & G. cap. III. & lib. I. Vxor. Hebr. cap. IX. quin & in *Schülchan Aruch*, libro *Aben Haæzer* cap. I. præcipitur: Nemo hominum est, qui non obligetur ad uxorem ducendam, ut crescat, & multiplicetur genus humanum: quicunque autem Israelita liberis operam non dat, est velut homicida, quin & similitudinem

(qua creatus est homo) minuit, atque in causa est, ut *שכינה* majestas Divina ab Israele recedat: hinc quoque potestatem faciunt in jure suo unicuique (præter Regem & Pontificem) uxores ducere, quocunque velit, modo habeat, unde alantur. Vnde MAIMONID. c. l. cap. XIV. Licet homini, inquit, ducere, quot voluerit uxores, etiam centum, sive simul, sive unam post alteram. Neque impedire potest uxor ejus, quam ante habuerit, modo scilicet ei suppetat, quo singulis victum, vestitum, ac debitum conjugale præstet. Modum tamen ac finem ut statuere norint, monebant Sapientes, quaternarium uxorum numerum ne quis, præter Regem, excederet, ut qui contra faceret, imprudens nimium atque majorum monitis & consilio inobsequens haberetur. Id quod tamen, non tam præceptum, quam *עצה טובה* consilium bonum, nuncupatur. R. JOSEPH KARO in *Schülchan Aruch* c. l. §. 10. ita commentatur: Vbicunque loci mos obtinuit, ut uxor ducatur tantum unica, non licet aliam uxori superinducere. RABBAN GAMALIEL etiam anathemate interdixit, ne quis uxori aliam superinduceret, nisi tantum ex lege, de ducenda fratria fratri sine liberis demortuo superstite: quod idem obtinere voluit etiam in sponsalibus. Sed constitutio ejus passim vim non habuit. Quæ omnia tamen Magistrorum placita, ex consiliis, monito aut præscripto eorum,

Kk kk



eorum, qui pro tempore & loco Judais præfuerunt, non autem ex legis sacræ interpretatione manarunt, qua nullum præstitui uxorum numerum, receptissima inter ipsos sententia est. Unde liquet, quam longe dudum discesserint a genuina præcepti VI sententia, quam Christus Matth. XIX. ex ipsa conjugii institutione, ad unius mariti cum una uxore copulationem, diferte restringit.

Ad §. II. pag. 138.

(2) *A נשח oblitus fuit, quasi Obliviosæ di-  
ctæ*] Vtramque originis rationem, ab Auctore allatam, BVXTORFIVS quoque allegat in *Lex. Min. Hebr. b. v.* Posteriores DRVSIUS cum primis urget *Observat. lib. II. cap. XVII.* aliamque addit derivationem a nomine אנשים *virī*, per aphæresin literæ primæ, quod mulieris caput sit vir. Quo spectat Apostoli effatum Ephes. V, 23. Atque hanc vocis originem probat DANZIVS in *Literatore §. 55.* Cave autem putes, id nominis nuptis tantum tribui uxoribus, quia non minus de virginibus, vel cœlibatum colentibus, quam de maritatis legitur Genes. XXXI, 35. Esth. II, 3, 8, 9, II. Job. XLII, 15. Jes. IV, 1.

Ad §. III. pag. cit.

(3) *Vocabant פילגשים uxores secundarias*] Est hæc derivatio ELIÆ Levitæ in *Notis ad DAVID. KIMCHII Radices*, unde etiam derivat vocem Latinam *Pellex*, a qua est Græca *παλλακή*. Ita quoque MERCËRVS ad *Genes. XXII, 24.* notat, Hebræos velle, concubinam dici פלגש quasi פלג אשה *dimidium uxoris*. Probare eandem videtur HENR. AINSWORTH. *Notis ad Genes. XXII, 24.* ubi Hebr. פלגש exponit *an half wife, or a divided, and secondary wife*, quæ ad concubitum admitteretur, neutiquam vero ad honorem, & regimen familiæ. Sed ingenii lusus est, nec rem dat expeditam. DAVID DE POMIS in *Zemach David b. v.* ita describit: אשה שהיא לחשמש המטה בלתי כטובה וקרושין אשר

בניה אינם יורשים נכסי אביו אכל שולחים אותם עם מתנות *Vxor concubitus gratia, absque scripto ducta, & ancilli subarratione; cujus filii non succedunt patri in hereditate, sed datis muneribus ablegantur.* Quæ in sequentibus Auctor noster sigillatim persequitur.

Ad §. IV. pag. 139.

(4) *Differentia inter has concubinas & uxores primarias*] In Gemara Hierosol. ad *Tit. Cetubboth cap. V. fol. 29. col. 4.* ita definitur: נשים בכתובה ובקרושין פלגשים בלא נשים בכתובה ובקרושין פלגשים בלא נשים בכתובה ובקרושין *Vxores sunt cum pactis dotalibus, & sponsaliorum solemnibus: concubinae neque his, neque illis.* Id vero licet obtinuerit post legem, ante legem tamen eam differentiam observatam esse, minime liquet. Quin potius hoc intercessisse solum discrimen videtur, quod concubina quidem esset vera uxor, mutuo consensu delecta, perpetua vitæ ac thori focia, sed quæ dignitatis longe minoris, & obscurioris generis esset, quam maritus. Unde nec liberi ex ea sublati, hereditatem adire poterant eandem, quam uxoris non-concubinæ; atque talis erat ancilla, cui nupserrat herus. DRVSIUS vero *Annotat. ad Genes. XXV, 1.* ita dispefcit: Vxorum aliæ primariæ erant, aliæ secundariæ. Primariæ exempli causa, Rahel & Leah: secundariæ, Bilha & Zilpa. Vtriusque liberi legitimi censebantur, & patris hereditatem adibant. Rursum, aliæ legitimæ erant, & aliæ illegitimæ, quas *concubinas* appellant, quæ cum viro sine dote & cerimoniis legitimis conveniebant; unde filii earum in hereditatem paternam non succedebant. Cethuram tamen, quæ sane פלגש Abrahami Genes. XXV, 6. dicitur, legitimam omnino dixerim uxorem, licet secundariam, forte ex ancillarum grege delectam. Unde LYRA quoque observat, in Scriptura uxorem quandoque vocari concubinam, ut Jud. XIX, 2 sqq. ubi vers. 1. jungitur utrumque: אשה פלגש *uxor secundaria*: æque ut 2 Samuel. XV, 16. Davidis decem נשים פלגשים memorantur. Quod autem non eodem, cum

cum uxoribus primariis, dignitatis gradu & loco haberentur, ex i Reg. XI, 3. liquet, ubi Salomoni DCC fuisse perhibentur נשים שרות uxores principes, at CCC פלגשים pellices, inferioris longe ordinis ac dignitatis. Ejusmodi uxores secundariæ leguntur ante legem, Abrahami Gen. XX, 6. Nachoris cap. XXII, 4. Jacobi cap. XXXV, 22. Eliphasi cap. XXXVI, 12. post legem autem, Calebi 1 Chronic. II, 46, 48. Manassis 1 Chron. VII, 14. Gideonis Jud. VIII, 31. Davidis & Salomonis II, cc. Rehabeami 2 Chron. XI, 21. Conferri huc potest SELDENVS de Jure N. & G. lib. V. cap. VII. ubi in differentiam illam prolixè inquiri; nec non ADR. A CATTENBVRCH Synt. Sap. Mos. lib. V. cap. I. §. 22 sqq. p. 258 sq.

Ad §. VI. pag. 139.

(5) *Neque donum, neque scriptum daretur*]

Bene quidem, juxta illa, quæ ex Talmudis & Rabbiorum sententia in medium afferri solent. At enim vero ABARBENEL hic in diversum discedit, & auctoritate nixus R. SALOMONIS, tritam Talmudis lectionem in mendo cubare observans, Concubinas ductas fuisse perhibet בלא כתובה per legitima sponsalia, sed בלא כתובה absque dotis descriptione & assignatione. Hinc Concubinas veras fuisse uxores contendit, quia desponsatæ, alias fuissent meretrices, quæ lege divina a populo Dei arcebantur. Prolixam ejus, contra MOSEN NACHMANIDEM disputationem, Comment. in Jud. XIX. insertam, latine exhibet & calculo suo munit IOH. BVXTORF. fil. dissert. de Sponsalibus & Divortiis §. 17 p. II sqq. dignus omnino, qui huc conferatur. A communi enim tam Judæorum, quam Christianorum mente abit, nec sine ratione.

Ad §. VII. pag. cit.

(6) *Liberi concubinae dono emittebantur*]

Rursus ex traditione Hebræorum, & exemplo Abrahami. Sed quid fiet de filiis Jacobi, ex Bilha & Silpa, פלגשים certe sublatis, qui & pari,

cum ceteris ejus filiis, censu veniunt Gen. XXXV, 25 sq. & hereditatem paternam ac avitam, æque cum ceteris, adierunt? Vnde liquet, hoc discrepantiæ momentum non apud omnes & ubique, locum habuisse. Magnus itaque SELDENVS de Success. in bona defunctor. cap. III. hereditatem paternam proli concubinarum a Rabbiniis negatam se comperisse negat, desectens in eo a supra citato DAVIDE DE POMIS, IOHANNE DRVSSIO, IOHANNE PINEDA de rebus Salomonis lib. II. cap. III. & viris doctis aliis: DAVIDEM KIMCHIVM ad 2 Samuel. IX, 7. secutus, qui Saulis, ex Rizpa Concubina filios, cum Mephibosetho, ejusce ex Jonathane filio Nepote, in paterna bona succedere debuisse contendit, si perduellionis crimen non intervenisset. Alia ratio est spuriorum, ex meretrice natorum, de quibus eod. cap. paulo post agit SELDENVS: locum denique Jud. IX, 2. de Jephta, ab hereditate paterna excluso, excutiens.

Ad §. eund. pag. ead.

(7) *Duas paternæ hereditatis portiones*] De hac Primogenitorum prærogativa, statim in limine diximus ad Lib. I. Cap. I. §. I. Annotat. i. unde non repetemus.

Ad §. VIII. pag. ead.

(8) *Intervallum temporis*] De eo BVXTORFVS de Sponsal. & Divort. §. 67. brevissimis ita habet: De tempore, quo desponsati manent, usque ad completionem matrimonii per nuptias, nihil certi constitutum lego. Ex LEONE MUTINENSI tamen adjicit, quæ P. IV. cap. III. Historiæ suæ scribit: Quidam ita desponsati manent per integrum annum: alii per semestre; plus scilicet vel minus, pro voluntate, vel commoditate partium contrahentium. De nubendi ætate autem, qua matrimonium contrahere fas sit, Judæi cavent, ne minores se desponsent. Hinc filia XII annos & menses sex, filio tredecim annos & diem unum, ad majorem ætatem definiunt



ætatem, qua conjugium ineundi facultatem faciunt. Festinant autem ad matrimonium, idque exemplis Scripturæ probare satagunt, contententes regem Judæ Ahasum anno ætatis X conjugium iniisse, cui anno XI natus sit Hiskias filius; Josiam pariter annos habentem XIII, uxorem duxisse, ex qua anno XIV Eliakimum sustulerit successorem. Conf. R. DAVID GANZ in *Zemach Dav. ad A. Millenarii IV. 199. & ad b. l. VORSTII Observat. p. 241.* ubi GANZIUM corrigit. Cumprimis autem, quia in *Seder Olam Rabba p. 3. & Annot. MEYERI ad b. l. p. 256 sq.* Rebecca annos nata XIV nupsisse perhibetur Isaac, amant plerumque hanc ætatem puellæ apud Judæos, & si proci adsint ac faveat occasio, eodem ætatis anno lubentissime nubunt.

Ad §. VIII. pag. 139.

(9) *Decem menses, ac per hos intelligunt annum dierum*] Ita nimirum Gen. XXIV, 55. exponit ad b. l. R. SALOMO: *Didio ימים dies hic significat annum, veluti Lev. XXV, 29. diebus erit redemptio ejus. Sic enim dabant virgini tempus duodecim mensum, ut sibi prepararet ornamenta sua.* Rursusque ad verba: *אין עשר* aut decem, ita glossatur: *Decem menses: Quodsi dixeris, dies ipsos hic intelligendos esse, non annum tempus, respondeo: non solere eos, qui aliquid petunt, rem parvam petere; ac si non volueris concedere annum integrum, da nobis maximam partem ex illo tempore.* Probat suo calculo hanc explicationem IAC. CAPPELLVS *Observat. in Gen. b. l.* verba Textus ita vertens: *Resideat apud nos puella annum, aut menses decem: & addens: Quod vocem menses supplemus, facimus id auctore Chaldeo Interprete: quod autem vocem ימים vertimus annum, eo facimus, quia significat annum, quoties durationem temporis significat, sine numerata durationis nota.* In eandem sententiam pedibus incedit HVG. GROTIUS ad b. l. Rectius autem DRVSIUS in *Notis major. ad b. l.* verba *אין עשר ימים* notare censet, *diebus aliquot, saltem decem, q. d. ad minimum decem, quo etiam*

LXX tendunt, vertentes, *ἡμέρας ὡς εἰς δέκα, dies circiter decem; vel, ad decem dies.* Ceterum Idem *Animadversion. lib. I. cap. I.* alias non insolens esse observat in Scriptura, ימים annum notare; quod aliunde etiam constat, & exemplis probari potest, ad hunc Genes. locum autem non quadrat. Ceterum ex hoc loco morem fluxisse sequentibus sæculis apud Hebræos, ut moram aliquam traheret sponsa in ædibus paternis, ante consummationem matrimonii, recte colligit ADRIAN. A CATTENBURCH in *Synt. Sapient. Mosaiæ lib. V. cap. I. §. XIV. p. 253.* negat autem, eundem apud Chaldæos antiquitus usu fuisse receptum, nec petitionem illam Eliezeris spacium illud intercurrentis sponsalia & nuptiās indicare, sed prodere tenerum matris & fratrum amorem, aversantium tam festinatum discessum. Non dubium autem est, quin utriusque rei indicium, hoc rei gestæ momentum in apricum ponat.

Ad §. IX. pag. 140.

(10) *Ritus contrahendi matrimonium*] In gratiam eorum, qui non nimium in Judæorum scriptis sunt versati, e re fore censemus, explicationem præmittere vocabulorum, in causis matrimonialibus usu receptorum. Vocabulum שרוּכין, a שָׁךְ in Pihel, quod est *tranquillum reddere, placare*, in materia sponsalium autem spondere, affinitatem vel nuptias inter aliquos conciliare, internuncium & proxenetam inter duas partes agere, vel adhibere, magna cum cura explicavit BUXTORF. de *Sponsal. & Divortiis §. LI. p. 68. sq.* observans, eam notare desponsionem privatam, cui opponatur voc. קְרוּשִׁין. *desponsatio solennis, quæ fit coram testibus & adhibita consecratione.* Velut itaque שרוּכין sponsiones ejusmodi privatas, negant esse ratas & efficaces, nisi accesserint קְרוּשִׁין sponsalia solennia & publica, ita vicissim prohibent sponsalia publica inire בְּלֵא שרוּכין *sine conciliatione ejusmodi privata, h. e. ne quis temere & subito ad aliquam de præsentī sibi desponsandam provolet, cujus statum & conditionem non antea exploraverit, cujus animum & volun-*

voluntatem non prius tentaverit, & tum honesto ambitu, tum amicabili sponſione ſibi conciliarit. קדושין itaque, *desponsatio solennis*, est a קרש in Pihel, quod apud Rabbinos, actum consecrationis sponſæ ad conjugium, ſive *desponsare*, *despondere* ſignificat, unde אשה מקורשת & מתקורשת est *mulier desponsata*. Integer, qui *de sponſalibus* agit, tractatus Talmudicus, קדושין inscribitur: idem porro vocab. rem ipsam, per quam fit desponsatio, velut annulum, aut donum, quò desponsatur puella, designat. Eodem sensu, a Chaldæo verbo ארס *desponsare*, est אירוס / Plur. אירוסין *desponsatio*, *sponsalia*. Hæc utraque vocabula desponsationem notant eo sensu, quo sunt mentio & repromissio nuptiarum futurarum; item *contractum sponsaliorum*, qui etiam לקוחין audit, velut *sumtiones*, *acceptiones*, quia iisdem ducebatur uxor. Ab his distinguuntur נישואין *nuptie*, a נשא *nubere*, uxorem ducere, in Hiphil השיא *despondere filium*, vel *filiam*, id quod parentum est, qui faciunt, ut ducat filius uxorem, & nubat filia marito, in Niph. נשא *nubere*, accipi, quod sponſæ est. Hinc נשוא & נשוי *uxoratus*, *conjugatus*, in Fæm. נשואה *nupta*, quibus opponuntur פנוי *otiosus*, *cælebs*, & פנויה *innupta*. Notat itaque vocab. נשואין / *consecrationes*, quæ fiunt sub חופה, quando mutuae promissiones in conjugium, solenniter & publice confirmantur. Hinc sponſa statim post consecrationem sub חופה, vocatur נשואה / etiamſi cum illa nondum fiat congressus, qui nunc primum licitus est, non ante. Itaque licet nondum vel a viro cognita, vel in domum mariti sui sit ingressa, היא אשת איש est uxor viri: & qui rem cum ipsa habet, excepto marito ipsius, reus est supplicii capitalis, a domo iudicii insigendi: & si maritus, seu sponſus ejus velit eam, licet nondum vel cognitam, vel domum ductam, repudiare, oportet ut id faciat libello repudii, inquit MAIMONIDES Hile. אישות cap. I. §. 3. Sponſa itaque ארוסה vocatur, donec in thalamum, seu domum mariti traducatur sponſus ארוס: tempore nuptiarum, quæ per septem dies durant, Sponſus dicitur

חתן Sponſa כלה. Nuptiis celebratis est אשת איש נמורה *uxor viri mera & absoluta*. Nuptiæ quoque appellantur לחופה *deductio in domum aut thalamum*, quem ritum mox uberius illustrabimus. Demum שטר in genere quasvis literas contractus, specialius autem instrumentum matrimoniale, & hinc plenius שטר שטר כטובה *contractum sponsalitiū*, vel *instrumentum dotale* notat, quod scribendum & confirmandum est ante introductionem in thalamum. כתובה *dos* est, unde integer tractatus Talmudicus, כטובות, *de jure dotium* profat.

Recte autem Auctor, ex mente Judæorum, tres definit modos, quibus desponsari queat uxor, ita ut ex MAIMONIDIS decisione, concubitu & instrumento literarum id fiat, secundum legem Mosaicam, pecunia vero, secundum verba Scribarum. Pecuniam, vel rem pecuniæ æquivalentem, non minoris esse pretii volunt, quam פרוטה *Pruta*, qui nummulus sit exiguus, ponderis dimidii grani hordeacii, ex argento puro: de quo videtur SELDENVM *de Jure Nat. & Gent. lib. VI. cap. 2.* edit. Argentorat. pag. 702. Libello, ſive scripto fiebant sponsalia, ubi arrha aut pretio, ſive dato, ſive neglecto, verba ejusmodi a sponſo coram testibus idoneis inscriberentur, ipseque libellus sponſæ ab eo traderetur, ita tamen, ut nec sponſa insciente inscriptio fieret. Nam si insciente ea inscriberetur libellus, tametsi traderetur scienti, sponsalia irrita habebantur. Hunc modum Scriptura niti, ex opposito evincere conantur. Divortium enim, quo conjugia dissolvuntur, libello peragebatur ex lege Deut. XXIV, 1: ergo, ut sponsalia, quibus contrahuntur, libello itidem fierent, æquum æstimarunt. Formulam autem Contractus sponsalitiū SELDENVS exhibet *Vxoris Hebr. lib. II. cap. II. p. 96.* edit. Francofurt. pluresque BUXTORFIVS sub finem diff. *de Sponsal. & Divort. pag. 156 sqq.* Desponsationem per concubitum pariter probare satagunt ex cit. Deut. XXIV, 1. ubi legitur: *cum acceperit vir uxorem, & coierit cum ea*, &c. Adhibitos porro testes, observat



**EVXTORF.** §. 47. p. 67. non actui concubitus, sed stipulationi, qua testabatur sponsus, se hoc concubitu, in loco segregato perficiendo, hanc sibi desponsare. Hujus tamen desponsationis usus a majoribus interdictus, eodem fere apud Judæos loco, quo clandestinae nuptiae inter Christianos, habetur; idque sub poena verberationis, & quidem ut **BARTENORA** ad *Mischnam Kiduschin* cap. I. §. i. commentatur: **שלה יהיו בנו ישראל פרוצין** ne Israelita hac in re impudici fiant. Monet porro **EVXTORF.** ad sponsalia rite peragenda requiri, ut fiant **בפני עדים** in conspectu testium, minimum duorum §. 46. ne mulier desponsetur, nisi voluntarie, virum tamen ad sponsonem cogi posse invirum §. 49. ne fiant in platea §. 50. licite contrahi posse per Legatum seu Procuratorem §. 52. adhibendam quoque esse benedictionem seu consecrationem, his conceptam verbis: *Benedictus sit Dominus Deus noster, rex mundi, qui nos praeceptis suis sanctificavit, & a scortatione separavit, qui desponsatas nobis prohibuit, & per nuptias ac desponsationem ductas, concessit. Benedictus sit Dominus Deus, sanctificans Israel: §. 56.* Annulo quoque, loco nummi argentei, desponsationem confirmari §. 57. tandemque accedere **שמחת אירוסין** festivitatem sponsaliorum, sive convivium, §. 59.

Ad §. IX. pag. 140.

(II) *Quem sua lingua dicunt חופה tabernaculum*] De חופה Hebræorum peculiari disputatione egit **CARPZOVIVS**, quæ in Volum. *Disputationum Academicarum* num. X. pag. 399 sqq. legitur. Nomen Chupa, vel cum Kübbuz & Dagesch, Chüppa, ut *Jes. IV, 1. Joel. II, 16. Pl. XIX, 6.* derivatur a חָפָה operuit, obtexit, & operimentum notat, seu obtectiōnem. A Rabbinis transfertur 1) ad Tegmen illud thalami, quo sponsus simul cum sponsa velut obteguntur, h. e. ad conclave interius, in quod ante nuptias perfectas, atque undiquaque absolutas, deductio fiebat. Vnde solennis actus nuptialis est כניסה

לחופה *introductio* sive ingressus in Chuppam, seu in conclave interius, ubi thalamus erat nuptialis: 2) ad Velamina sponsæ pariter & sponsi, cindone, aliaque simili materia confecta, quibus monilia & lemnisci, aliaque id genus, pro utentium lubitu, appendebantur: 3) ad Tentoriolum, quo sponsus & sponsa obumbrari olim, hodieque in ipsa nuptiarum festivitate, consueverunt. Hinc vel ipsæ nuptiæ hoc nomine veniunt, ut v. g. קרוא לחופה *invitatus ad nuptias* dicatur. Est itaque Chuppa conopeum vel tentoriolum expansum, & quatuor perticis, a totidem pueris eas tenentibus, sublevatum, sub quo sponsus & sponsa, a Rabbino ipsis adstante, certis ritibus ac ceremoniis copulantur. Deus autem ipse phrasin ex hoc ritu mutuatus videtur *Ezech. XVI, 8. Joel. II, 16. & Psalm. XIX, 6.* Quam solide demum ac erudite, ex hoc Chuppæ ritu, ἐπισυναγισμὸν Mariæ Luc. I, 35. laudatus **CARPZOVIVS** declaret, *Sectio posterior* citatæ disputationes p. 426. uberius docebit.

Ad §. X. pag. cit.

(12) *Ritus nuptiales*] Hos, post **EVXTORFIVM** *Synag. Jud. cap. XXXIX.* **CARPZOVIVS** cit. *disp. cap. III. §. II sqq.* fusius exponit, paulo arctius a nobis comprehendendos. Dum sublimis tenetur sub dio Chuppa, sponsus a viris aliquot huc invitatis primum, postea quoque sponsa a mulieribus, itidem ad hoc rogatis, deducitur, singulis, qui adstant, acclamantibus: **ברוך ה' benedictus, qui venit.** Accedens sponsa tribus vicibus sponso circumducitur, vi verborum *Jerem. XXXI, 22. femina circumdabit virum.* Hanc acceptam dein sponsus semel ipse circumducit, & ad latus dextrum collocat, per *Psal. XLV, 10.* Sponsæ autem oculis velum obtendunt mulieres, quæ usque ad Chuppam deduxerant, præ pudore, ut sponsum ne adsipiat, Rebecca pudici ingenii exemplo *Gen. XXIV, 65.* Constituta ita sponsa ad dextram sponsi, faciem habet uterque ad meridiem obversam, tergum autem

autem septentrionem versus, idque benedictionis & procreationis multorum filiorum causa. Sponsus Sponsæ manumprehendit, cætu, qui invitatus adest, frumentum in illos conjiciente, & acclamante פרו ורבו ex Gen. I, 28. quo ipso pacem ac abundantiam inter novos conjuges denotari volunt, juxta Psal. CXLVII, 4. Quia solent etiam ditiores pecuniam pro pauperibus, frumento adperso immiscere, & simul projicere, quam pauperes postea colligunt. Hinc Rabbi, qui Chuppæ solennibus præest, toga indutus, sponsæ sub Chuppâ adstat, ejusque caput velo sponsi sacro, quod *Talles* vocant, tegit, ac benedictionem sponsalitiâ, ברכת ארוסין / adhibito vini vel cerevisiæ poculo recitat. Finita illa, poculum sponso ac sponsæ bibendum porrigit, atque mox, accepto a sponso annulo pronubo, par testium advocat, quærens: probusne sit annulus, & an פרתה שוה nummuli valori sit exæquandus? id illis affirmantibus, in testium præsentia sponsus annulum digito sponsæ indici induens, ait: הרי את מקורשת לי בטבעת זו כרת משה וישראל: *En, desponsata mihi es hoc annulo, secundum ritum Moysi & Israelis.* Annulo tradito, præsentibus duobus aliis testibus, pacta dotalitia clara voce præleguntur, juxta instrumentum supra recensitum: atque tum denique sequitur ברכת נישואין benedictio nuptiarum, a priori illa sponsalitiâ caute distinguenda, quam pari, cum priore, modo, adhibito vini aut cerevisiæ poculo, recitant, additis postea septem benedictionibus, quas SELDENVS exhibet de *Vxor. Hebr. lib. II. cap. XII.* Post hanc alteram benedictionem, sponso ac sponsæ altera quoque vice, poculum vini propinatur, qui ubi sub Chuppæ umbra ebiberunt, sponsus prius illud poculum, post priorem benedictionem allatum, quod manu adhuc tenet, confringit, ad parietem allidens, si virginem ducat, in terram vero projiciens, si viduam: idque in memoriam templi Hierosolymitani devastati. Fracto poculo Chuppâ solvitur atque ad convivium nuptiale seceditur:

Ad §. X. p. 140.

(13) יוֹלֵי טָם שִׁמְפָּנוֹס; *fili thalami Matth. IX, 15.* Confer parallel. Luc. V, 34. Dicebatur שושבינים *focii, comites, amici* sponsi ac sponsæ, ac Jud. XIV, 11. מרעים, ubi שִׁמְפָּנוֹס verterunt LXX. Joh. III, 29. autem פִּילֵי טָם שִׁמְפָּנוֹס, æque ut αἱ παρανύμφαι virgines vocantur רעות *sociæ ac amicæ sponsæ* Psal. XLV, 15. Ista enim loca omnia dubium non est, quin huc alludent. *Narrant Judæi, collocatis in cubili conjugibus, hos sodales extra thalamum stetisse, ac deinde in thalamum regressos, ad cognoscenda signa illa, de quibus agitur Dent. XXII, 17.* inquit H. GROTIUS ad *Matth. cit. loc.* Fide nituntur hæc utriusque Gemaræ, cujus ad *Tract. Cethuboth cap. I.* verba SELDENVS *lib. II. de uxore Hebr. cap. XVI.* produxit. Sed dubium omnino est, num tam obsceno functi sint in Judæa officio, cujus apud Galilæos, eos puduerit. Potius de iis, quæ ad apparatus lætitiæque sponso- rum attinebant, eos prospexisse crediderim, quin & in societatem gaudii venisse, & suavis jocis atque colloquiis, lusibusque, nuptiarum solennitatem ornasse; quod exemplo fociorum Simsonis haud obscure colligitur. Aliquod tamen discrimen, inter יוֹלֵי טָם שִׁמְפָּנוֹס & Paranymp- phum, eruit ex MAIMONIDE, FRID. ADOLPH. LAMPE in *Joh. III, 29.* ita ut Filiorum thalami nomen latius patere censeat, quam שושבין seu Paranympbi, domum ducentis sponsam. Provocat hoc sine ad Jud. XIV, 11. ubi triginta juvenes Simsoni delectos fuisse omnes credit Filios thalami, inter quos tamen unus præ reliquis, ut Paranympbus seu השושבין eminuerit. Et huic distinctioni favere ait discrimen, quod inter Johannem baptistam ac reliquos discipulos intercessit. Quæ utut timidiuscule dicta, a vero tamen parum abesse videntur. HENR. HAMMONDVS ad *Matth. ac Joh. loc. cit.* licet eosdem faciat יוֹלֵי טָם שִׁמְפָּנוֹס & פִּילֵי שִׁמְפָּנוֹס, præeunte tamen IVLIO POLLUCE, uni ex illis prærogativam præ ceteris tribuit. Illustrat

ex



EX PHAVORINO, quod φίλοι νύμφης sint, qui τῷ ὀχήματι ἅμα τῇ νύμφῃ καὶ τῷ νυμφίῳ ὄχονται, eodem curru vehuntur ac sponsus & sponsa, vel etiam eos comitabantur περὶ, pedibus, & aliquam circa nuptias curam, in gratiam sponsi suscipiebant. Porro ex Græcorum Liturgiis observat, Paranympchos in Ecclesia Græca fuisse mediatores inter sponsum & sponsam, & operam suam contulisse, ut vinculo connecterentur maritali; unde in Liturgia Matrimonii, dicatur unus ex iis ἀλλάσσειν τὰ δακτυλίδια, permutare annulos, qui ideo vocatus sit σύντεκνος, vel barbara voce, corrupta ex Latina compar, κωμφοδός. Definitur a SIMEONE Thessalonicensi, ὁ τῆς ὁμοφροσύνης καὶ ὁμονοίας ἀνάδοχος, qui castitatem ac amorem inducere inter sponsum & sponsam aggreditur, καὶ διδάσκαλος τῆς ὁμοφροσύνης, καὶ ἀγαθῆς συζυγίας γεινόμενος, & magister est concordiae, & bonae conjunctionis; atque is erat susceptor in matrimonio ac baptismate, & in Ecclesia pro sponso spondebat. Ante omnia conferendus est CHRIST. SCHOETTGEN *Hor. Hebr. ad Job. III. 29.* qui larga manu contulit, quæ huc faciunt. Mihi satis est, Amicum Sponsi, & alterum Sponsæ, Filios thalami antecelluisse, ut Johannes discipulos reliquos.

Ad §. XI. pag. 140.

(14) *Formula hujusmodi benedictionis* ] Paulo aliter ex Pandectis Talmudicis eam exhibet SELDEN. *lib. II. de uxore Hebr. cap. XII.* ubi plura de illa monet.

Ad §. XII. pag. 141.

(15) *Quatuor Claves sunt in manu ejus* ] De numero Clavium in manu Dei, non convenire inter Judæos, Auctor libri נשמת חיים fol. 148. col. I. docet, cum Judæi מרכאי Orientales, Babylonii nempe, in Talmudis Cod. Sanhedrin fol. 113. col. I. & Cod. Taanith fol. 2. col. I, 2. très tantum ei largiantur של חיה partus, של גשמים pluvia, & של תחיית המתים resurrectionis mor-

tuorum: מערבי vero Occidentales cum Targum Hierosolymit. ad Gen. XXX. 22. quatuor enumerent: Quatuor sunt Claves, quæ in manu Dei repositæ sunt, & quas neque Angelo, neque Seraphino committit, nempe מפתח מטרæ Clavis pluviae, מפתח פרנסה Clavis cibationis, מפתח קבריו Clavis sepulcrorum, & מפתח עקרה Clavis mulieris sterilis. Provocat ad hanc traditionem HAMMONDVS ad Act. XIV. 17. & quoad pluviam uberius illustrat; nec non vir in Orientali literatura apprime versatus, CAR. HENRIC. ZEIBICHIVS, *Diff. de Christo, vero Deo* κλειδωχῶ, §. 3.

Ad §. XIV. pag. 141.

(16) *Tempus nuptiarum* ] Cumprimis caverunt Judæorum Sapientes, ne pridie Sabbathi, nedum ipso Sabbatho, aut alio die festo, nuptiæ celebrarentur, מפני כבוד שבת ob reverentiam Sabbathi, atque ne ex apparatu epulari, sive initio Sabbathi, sive fini proximante, forte violaretur dies sanctus; ut est in Mischna Moed Katon cap. I. §. 7. & apud MAIMONIDEM in Hile. נישות cap. X. Diem hebdomadis autem, nuptiis destinatum, ita definit Mischna in Tract. Cetubboth cap. I. §. I. Virgo deducitur feria quarta, & vidua, quinta feria. Nam his in hebdomade sessiones habentur forenses in urbibus, oppidisque, feria secunda, & feria quinta, adeo, ut si quid habeat Sponsus, quod in Sponsæ virginitatem objiciat, forum ei statim liceat adire. Sensum hujus constitutionis uberius declarat SELDENVS *lib. II. Vxor. Hebr. cap. XI.* De septenario autem dierum, quibus שמחה הנשואין letitia nuptialis, h. e. epulum & solennitas nuptiarum celebratur, luculentus testis est R. ELIASSER, qui in suis Pirke cap. XVI. ex edit. Vorstii p. 33. ita tradit: R. IOSI inquit: Vnde discimus, convivium nuptiale esse septem dierum? A patre nostro Jacobo, qui cum duceret Leam, instituit convivium septem dierum, prout dicitur: comple septimanam hujus (Gen. XXIX. 27.) Convenerunt autem omnes viri istius loci, ut benignitatem præstarent

starent Jacobo, juxta illud vers. 22. & congregavit Laban omnes homines istius loci, & paravit convivium &c. Plura in hunc Genesios locum vide apud SELDENVM lib. V. de Jure N. & G. cap. 5. circa fin. & cumprimis apud HEIDEGGER. in Hist. Patriarchar. Tom. II. Exerc. XV. §. II. p. 433. Negat tamen, de tempore septiduii convivii accipiendum hunc locum ADRIANI CATTENBURCH Syn. Sap. Mos. Lib. V. cap. I. §. XVIII. p. 256. cum non pauci Interpretes hebdomadem annorum intelligant; quæ tamen interpretatio Jud. XIV, 17. liquido refellitur, ut cum Auctore nostro adhuc faciamus.

Ad §. XV. pag. 141.

(17) Ἀρχιτέκλωνος Joh. II, 19.] Ejus officium GAVDENTIVS, Episcopus Brixianus, Tractat. IX. ad hunc modum exponit: Nuptiæ apud Judæos cum fierent, unus (quantum ex traditione comperimus) dabatur de Sacerdotali ordine, qui morem disciplina legitime gubernaret, curamque pudoris ageret conjugalis, simul & conviviorum apparatus, ministros atque ordinem dispensaret; & hoc pro officio, Architriclinus, h. e. triclina Præpositus diceretur. Non assentitur GAVDENTIO CASAVBONVS Exercitat. XIII. c. Baron. §. XIX. eum confundere ratus Architriclinum cum Præfecto morum, qui in nonnullis civitatibus publice apponi solitus sit convivis, in solemnibus epulis. Pariter BELA ad b. l. a Magistro Convivii distinguit Architriclinum, qui totum convivium curabat, quemque Græci Ελέατρον vocabant, ἐπιστάτην τῆς ὅλης διακονίας, προγέυστην, prægustatorem, & προδέντην dictum, cujus officium erat, dapes convivis apponere; quod ex ATHENÆO illustrat; sed vereor, ut cum Judæorum moribus convenerint Græci, nec non, ut Ἀρχιτέκλωνος idem sit, qui Gen. XLIII, 16. אֲשֶׁר עַל הַבֵּית vocatur, quod ibidem censet BEZA. Et si hanc vocem, una cum more convivandi a Romanis ad Judæos transiisse existimat LAMPIVS in b. l. Joh. qui alia de hoc officio affert.

Ad §. XV. pag. 141.

(18) Fortuna bona] Ita vocem quoque interpretatur ELIAS GERMANVS in Tisbi h. v. מוֹל, planetam notat, sidus, astrum, & per metonymiam effectus, influentiam celestem: quia ergo felicitatem vel infelicitatem inferiorum dependere credunt Judæi ab influxu siderum, hinc fortunam quoque, fatum, providentiam, hac voce notarunt. Trita ergo gratulantis vox erat: מוֹל טוב Fortuna bona! cum prospera quævis personæ, vel negotio, comprecaretur. Vnde non tam ad sobolis procreationem, quæ Auctoris conjectura est, quam ad omnigenam conjugii prosperitatem, hanc formulam referre malim. Annulo pronubo eandem insculpi solere, observat quoque BUXTORFIUS diss. de Sponsal. & Divort. §. 57. & exponit: faustum felixque sit.

Ad §. XVI. pag. 142.

(19) Instrumentum literarum] De dote scribenda ita constituit Mischna Tr. Cethubboth cap. V. §. 1. Et si dixerint, virgo exigit ducentas (zuzas) & vidua centum, tamen si addere voluerit (sponsus) etiam centies centum (zuzas) addat. Tandem subjicitur: R. MEYER dicit, si quis diminuerit virgini ducentas, & viduæ centum, הָרִי כַעֲלֵת זֶנֶת וְכַעֲלֵת זֶנֶת sicuti matrimonium meretricum est. Zuzam autem (זוז) Denario Romano argenteo æqualem faciunt, & Syriaca Nov. Test. versio pro Drachma Matth. XV, 24. & Luc. XV, 8. substituit. Ejusmodi zuzæ, quia multum æris habebant admistum, argento suo, quartæ parti sicli argentei, singulæ erant æquales; at si argenteæ totæ essent, binis singulæ æquiparabantur siclis. Quinquaginta ergo siclos virginalem dotem cum lex ipsa constituat Deuter. XXII, 29. hinc colligunt, ducentas zuzas quinquaginta siclos conficere, centum autem zuzas viginti & quinque valere siclos. Inde numerus argenti, pro dote dandi, fuit conflatus. Si autem sponsus doti adderet incrementum, distinguebatur



ita, ut hoc כתובה תוספה *incrementum dotis*, illa vero עיקר כתובה *dos principalis seu dos ipsa* nuncuparetur: quæ & in libello dotali semper erant discriminanda. Confer denuo SELDEN. lib. II. *Vxor. Hebr. cap. IX.*

Ad §. XVII. pag. 142.

(20) *Copia hujus instrumenti dotalis*] Tale quoque שטר כתובה *instrumentum dotalis*, Hebraice ac Latine lege apud BYXTORFIVM sub finem differt. *de Sponsal. & Divort. p. 162 sqq.* & apud SELDEN. *cit. loc. cap. X.*

Ad §. XVIII. pag. cit.

(21) *Vxor a marito tria pascere poterat*] Memoratis ab Auctore, tribus istis secundum legem officiis mariti, uxori præstandis, septem alia, ex majorum placitis, addunt Rabbini, 4) עיקר כתובה *ut dotem principalem*, in instrumento dotalitio definitam, ei præstet: 5) ut medicinæ sumtus, sicubi uxor ægrotaverit, suppetat: 6) ut redimat eam, si fuerit capta: 7) ut funebres in ipsam sumtus irroget superstes: 8) ut alatur ipsa ex ejus bonis, & in ædibus ejus degat post mariti mortem, quamdiu vidua fuerit, nec dotem acceperit: 9) ut filia ejus, ex ipso suscepta, ex illius bonis alantur, usque dum fuerint desponsata: 10) ut masculi ab eo suscepti, succedant in dotem ejus, præter partes, quas cum fratribus insuper capiunt hæreditatis paternæ. Sex ista doti principali adjecta, dotis conditiones seu appendices vocantur. Rursus uxor marito quatuor debet officia. 1) ut opera manuum ejus in commodum mariti ac potestatem veniant: 2) ut quicquid ei casu post nuptias accederet, mariti fieret: 3) ut qualiscunque substantiæ uxoris, dum superstes fuerit, usus fructus in mariti cederet commodum: 4) ut ipse superstes uxori, velut hæres succederet. Vid. SELDEN. lib. III. *Vxor. Hebr. cap. IV.* ubi capitibus sequentibus singula ista uberius persequitur. De familiari autem uxoris opera, marito præstanda,

ita præcipit Mischna Tract. Cethubboth cap. V. §. 5. *Hæc sunt opera, quæ uxor faciet marito suo: molet, coquet panem, lavabit, coquet, lactabit infantem suum, sternet illi lectum, & operabitur in lana.* Si unam servam illi introduxerit, non molet, nec panem coquet, nec lavabit; si tres, non sternet illi lectum, nec operabitur in lana; si quatuor, sedebit בקתורה *in cathedra.* R. ELIESER autem dicit, etsi introduxerit illi centum ancillas, imponunt illi, ut operetur in lana, שהבטלה *luxuria: quia otium dat occasionem luxuriæ:* verum annotante MAIMONIDE, decisio non est juxta sententiam R. ELIESERIS. Quæ singula sibi explicanda sumsit SELDENVS *cit. lib. cap. X.*

Ad §. XVIII. pag. 142.

(22) *Debitam benevolentiam, 1 Cor. VII. 3.*] Tritam, plenamque lectionem contra MILLIVM, eosque, qui simpliciter ἐφελῆν legunt, solide tuetur doctissimus WOLFIUS in *Curis Exeg. ad h. l.* Rationem vocis εὐνοίας scite reddit ERASMVS SCHMIDIVS: εὐνοίαν nominat caste, tum quia ex animo erga conjugem benevolo, ejusque amante potius, quam ex astu libidinis proficisci debet: tum quia ab utroque conjugē, sine morositate, absque studio τῷ ἀποσεσῆν alterum, ceteris paribus, de quibus v. 5; præstari debet.

Ad §. XIX. pag. cit.

(23) *Tegmine, in signum subjectionis*] Velatas apud Hebræos incessisse virgines, uxores ac viduas, Scriptura plus vice simplici, sine tamen diverso, affirmat. Leges ibi כסות עינים *tegmen oculorum* Saræ exhibitum Gen. XX, 16. ריר *velamen* sponsæ spiritualis Cant. V, 7. Ruthæ viduæ המטפחת *peplum*, cap. III, 15. צעיף *linteolum*, seu vittam regendæ faciei aptam, ὀφεισθον. seu ὀφεισθιον Gen. XXIV, 65. & alia, in ornatum & ob fastum adhibita velamina Jef. III, 22. quæ studiose discussit SAM. FRIDER. BUCHERVS disput. de הפיוות נשים seu *velato Hebræorum*

*braorum Gynecaeo, Vitembergæ A. 1715.* Com-  
mode huc referimus, quæ ERASM. SCHMIDIVS  
in I Cor. XI, 10. commentatur: More antiquo  
femina, sive virgines, sive maritata, si in publi-  
cum prodirent, aut viris obvia fierent, caput ob-  
velabant, modestiæ, reverentiæ, & pudoris causa.  
Maritata quidem in signum, quod sub potestate  
viri essent, unde nubere vel nupsisse dicebantur illi,  
cujus potestati sese honesto matrimonio subjecissent.  
Huic enim Nuptæ sive Velatæ testabantur, sese sub-  
jectionem debere: virgines vero, quia sub potestate  
parentum vel tutorum erant, & ut pudoris signum  
esset &c. Varia quoque, & erudita de hoc ve-  
landi more affert ADRIAN. A CATTENBURCH,  
Synt. Sap. Mos. lib. V. cap. I. §. XV. sq. pag. 253.  
ubi in Gen. XX, 16. simul inquit. Duplex  
autem velaminis genus in nuptiis adhibitum, ob-  
servat SELDENVS lib. II. cap. XV. alterum, quo  
sponsorum capita, ut flameo obtecta, alterum,  
quod in ipsa benedictione nuptiali eos, velut  
tentoriolum portatile obumbrabat. Posterius  
חופה dictum, supra excussimus. Velatas ita-  
que sponfas, cum verecundiæ causa, tum in si-  
gnum subjectionis & defensionis incessisse, pas-  
sim produnt Interpretes. Quam autem turpe  
existimatum fuerit filiabus Israeliticis, nudo ca-  
pite, nec velatas, in publicum prodire, CARP-  
ZOVIVS docuit in Schickardi Jus Reg. cap. V.  
Theor. 17. pag. 356 sq.

Ad §. XIX. pag. 142.

(24) Ἐπὶ τῆς κεφαλῆς ἐξστίαν ἔχειν, I Cor.  
XI, 10.] Præter rem, ac perperam, Apostoli  
verba ad ritum, velo sponfas obnubendi, trans-  
ferri censet, laudatus modo CATTENBURCH:  
contra vero ea facit cum Auctore nostro potior  
interpretum pars, ἐξστίαν pro velamine posi-  
tam consentientium, signatum nempe pro signo;  
licet in explicatione signi, a se mutuo paulisper  
discedant. GLASSIVS Rhetor. Sacr. Tract. I.  
cap. 18. pag. marg. 466 sq. I Cor. XI, 10. inquit,  
velamen capitis mulieris dicitur ἐξστία, potestas,

quia signum & testimonium potestatis est, non acti-  
ve, sed. passivè acceptæ; comprobatur nimirum eo  
signo, se sub viri potestate esse: per metonymiam  
catachresticam. Idem paulo ante pag. marg. 49.  
asserens, ita declarat: Congruum sane signum, cum  
caput velamine tegatur, ut inferius a superiori:  
perinde, ut uxor sub potestate viri, ut superioris,  
constituta esse, ejusque protectione & tutela frui  
debet. Quocum conferri phrasis matrimonialis  
potest Ruth. III, 9. alas mariti expandi super ux-  
orem, h. e. hanc quasi obvelari illius potestate, tute-  
la & patrocinio. Magnam interpretum in hac  
sententia acquiescentium nubem affert IOH.  
FRID. MAYERVS in Eclogis Evangelicis ad F. Mi-  
chael. edit. Venerandi Neumeisteri P. II. p. 656  
sq. & ampliorem adhuc WOLFIUS in Curis Phi-  
lol. ad h. l. suum uterque calculum iisdem adji-  
cientes. Quem tamen alii præterierunt, addam  
vastæ eruditionis & acerrimi judicii Criticum,  
CLAUD. SALMASIVM in Epist. de Casarie viror.  
& mulierum comâ p. 693 sq. ubi mentem suam  
ita promit: Per ἐξστίαν Apostolum intellexisse ve-  
lamen, extra controversiam est, cum de eo inter  
omnes constet. Inde & ἐξστία in quibusdam  
Glossis Sacris exponitur velamen. Per κάλυμμα,  
ex OECUMENIO explicat in Glossa, IOH. GRE-  
GOR. in N. T. cum Scholiis Græcis h. l. Cur au-  
tem ἐξστία velaminis significationem hic habeat,  
paulo subtilius inquirens SALMASIVS p. 695 sq.  
viri capite libero & detecto ἀντεξστίας suæ  
indiciū & argumentum præferre existimat, &  
Hebræo verbo פרוע ex Lev. XIII, 14. illustrat,  
hinc ita inferens: Cum igitur liberum dicatur  
caput apud Hebræos, id est פרוע quod velamen  
non habet, contrarium de eo, quod velatum est,  
convenit dici, ut nimirum pro subiecto & obnoxio  
habeatur. Quod non est liberum, sub alicujus po-  
testate est. Cum velamen autem prohibeat caput  
dici & haberi, esseque liberum, merito Paulus  
ἐξστίας nomine velamen appellavit, quia nota est  
subjectionis, & proinde quasi potestas imposta est  
capiti, dum in causa est, ne liberum sit. Ita ex  
Hebræorum sententia locutum esse Apostolum



ratiocinatur, quia longe aliter de tegmine capitis fenserint Romani & Græci, qui libertatis insigne pileum esse voluerunt.

Ad §. XIX. pag. 142.

(25) *A verbo ררר, subdidit, subjecit, potestate usus est*] Vereor, ne memoria lapsus Auctor, duas hic confuderit radices, quarum altera ררר extendit, notat, expandit, unde ררר peplum, ab expansione dictum, altera ררה dominatus est, subegit, subjecit: etsi prius verbum Psal. CXLIV, 2. & Jes. XLV, 1. etiam subigendi, & subjiciendi notionem, ex Lexicographorum nonnullorum mente, metaphorice sustineat. Apud Jesaiam tamen, verbum רר pariter ex ררה derivat, & infinitivum Pihel esse existimat, VITRINGA Comment. in b. l. æque ut Jes. XLI, 2. ררר autem in Psalmo, extendendi sensum obtinere potest; unde b. GEIERS in Commentar. quoque vertit, qui expandit: maxime cum R. NATHAN per ורקיע פרישה expansionem aut deductionem exponat. Nomen ררר certe vel subjiciendi potestatem habere, vel paria cum Græco ἐξουσία facere, nunquam probabitur.

Ad §. XX. pag. 143.

(26) *Admissus est libellus repudii*] Lex de divortio Deut. XXIV, 1 sq. legitur, ubi non modo permittum illud volunt, sed lege quoque imperatum. Ideo Pharisei Matth. XIX, 7. diserte perhibent, *Mosen mandasse*, dare libellum repudii, eamque dimittere. Verum duplex uxorum genus erat, in quo illud locum non habebat: alterum earum, quæ præreptæ virginittis falso, idque in judicio capitali, accusabantur, de quibus Deut. XXII, 19. lex sancit: *habebit eam in uxorem, nec poterit dimittere eam cunctis diebus suis*: alterum earum, quæ vi comprimentibus nuptæ, de quibus ibidem vers. 29. legitur: *nec poterit eam dimittere cunctis diebus suis*.

Ad §. XXI. pag. ead.

(27) *Fundamenta & rationes repudii*] Triplex de iis sententia recensetur in Mischna גיטין seu de divortii cap. IX. §. 10. qui totius tractatus ultimus est, his verbis: Schola SCHAMMAI dicit: nemo repudiabit uxorem, nisi in ea repertum fuerit quid inhoneſti, uti scriptum Deut. XXIV, 1. quoniam invenerit in ea turpitudinem rei. Schola HILLELIS dicit, etiam, si combusserit decoctum ejus, uti scriptum est ibid. quoniam invenerit in ea turpitudinem rei. R. AKIBA dicit, etiam, si illa pulchriorem inveniat aliam, uti scriptum est ibid. si non invenerit ea gratiam in oculis ejus. Nimirum Schola SCHAMMAI nittur voce ערוה rei inhonestæ; schola HILLELIS, voce רבר, ut quæcunque res non probaretur, causam præberet divortii: R. AKIBA demum formæ venustate, si non invenerit gratiam in oculis mariti, præ pulchriore alia: decisio autem est juxta scholam HILLELIS, observante Glossatore utroque, BARTENORA & MAIMONIDE. Hinc longa est injuria, longæ ambages, ut levissima de causa vel culpa, vel etiam ob nullam, uxori repudium mitterent. Prolixe in eas inquisivit SELDENVS lib. III. Vxor. Hebr. cap. XVIII sqq. & EVERTORF. cit. toties dissertationis §. 88 sqq. Aliæ quippe repudii causæ sunt, ex quibus fiebant uxores illicitæ maritis, five ex ipsa lege, five ex sancitis majorum, & propter quas necessario repudiandæ, idque plerumque sine dote; aliæ, propter quas saltem impudicæ, turpesve haberentur uxores, atque ideo etiam merito repudiandæ, tametsi non necessario, aut ex sententia fori; aliæ denique, ubi five forma, five ætas, gestus, aliave res quæcunque levicula uxoris, marito displiceret, adeo ut non inveniret ea gratiam in oculis ejus. Ita tamen repudiata uxor dotem, & res suas sibi semper habere debuit. Demum etiam in Præfat. libri Zohar p. 8. col. 2. & ad Exod. fol. 107. col. 1. legitur, velut ex majorum traditione acceptum, morem fuisse Israelitis, quotquot in militiam profecturi erant, non ante proficisci, quam libello uxores dimiserant. Id non

non modo R. SALOMO, & R. DAVID KIMCHI ad 2 Sam. XII. repetunt, hac tamen addita cautela, libellum istum divortii non prius vim suam sortitum fuisse, quam si maritus in bello obiecit; verum etiam HIERONYMVS confirmat, in Tradit. Hebraic. ad 1 Samuel. XVII. 18. (ubi pater Davidi, in castra proficiscenti, ait: *Et fratres tuos visitabis in pace, ואת ערובתם חקח* & pignus eorum sive arrham vel sponsonem eorum tolles aut capies,) inquit: Pignora in h. l. Hebraei libellos repudii intelligunt. Siquidem usum illius gentis fuisse ferunt, ut quando ibatur ab eis in pugnam, libellos repudii uxoribus darent, ut si contigisset, virum in praelio capi, & in captivitatem duci, mulier ejus, expectatis tribus annis, si vir ejus non redisset, alium duceret virum. Hoc applicant plerumque Rabbinii ad factum Davidis, commissum cum uxore Uriæ, quem in bellum iturum, pariter libellum repudii Bathsebae dedisse credunt, cujus argumento David se ab adulterii crimine immunem futurum crediderit: 2 Samuel. XII. Conf. SELDEN. cap. XIX.

Ad §. XXI. pag. 143.

(28) *Traderet uxori*] Has, aliasque plures repudii conditiones, requirunt Judæi, ne temere ad illud provolarent mariti, & innumera inde orirentur scandala. Ita sane ABARBENEL ad Deut. XXIV, 1 sq. Ad offendicula ista vitanda & removenda, inquit, præcepit Deus, ne homo uxorem suam expellat, nisi cum libello, eoque multis conditionibus limitato, testibusque adhibitis ratificato. Hæc enim eo faciunt, ne res hæc nimis facilis sit marito: & si forte in ira & indignatione animum inducat, uxorem suam expellere, ut actio hæc gravis & difficilis fiet in oculis ejus, atque interea animus ejus placetur: ne item mulier occasionem habeat, falso & mendaciter dicendi, se expulsam esse. Ilis gemella fere tradit MAIMONIDES in More Nevuch. P. III. cap. XLIX. Vnde observat BVXTORF. Synag. Jud. cap. XL. hæc de causa hodie æque rara esse inter ipsos divor-

tia, ac inter Christianos, si non rariora. Quodsi vero adulterii causa repudium quis uxori mittere velit, tantæ remioræ non fiunt. Talem libellum vocant גט המצות libellum præcepti, qui etiam peculiari quadam arte scribendus sit.

Ad §. XXII. pag. cit.

(29) *Formula libelli illius*] Vocatur libellus iste כריתות ספר libellus abscissionis vel discissionis, גט פטורין libellus dimissionis, אגרת פטורין epistola dimissionis, ספר תירוכין libellus expulsionis: nititurque præcepto divino Deuter. XXIV, 1. & scribet ei libellum repudii, quem tradet in manum ejus: unde conficiunt, non nisi libello repudii scripto, mulierem posse dimitti: & hunc libellum reapse quoque in manum ipsi esse tradendum. Hodie adhuc requirunt, observante BVXTORFIO c. l. Synagoga p. 643. ut duodecim præcise lineis, nec pluribus, nec paucioribus constet: eo quod גט in numeris XII valeat. Id curate refertur in tabula ænea, libellum repudii comprehendente, in Mischna SVRENHVSII P. III. p. 324. Et Veteres quidem in Mischna Gittin cap. IX. §. 3. hac formula utebantur: הרי את מותרת לכל אדם Ecce, tu eris licita viro cuicumque. Atque hic est inter te & me libellus repudii, relictionis epistola, ac instrumentum dimissionis, adeoque tibi liberum sit, cuicumque velis nubere. Posthæc plures accesserunt formulæ, & verba solemnia, ut videre est apud Auctorem nostrum, apud SELDENVM lib. III. cap. XXIV. & apud BVXTORFIVM Synag. c. l. & sub finem dissertationis citatæ pag. 164 sq. Modum tradendi libellum uxori, BVXTORFIVS in Synag. p. 644 sqq. pariter prolixè exponit, totumque repudii delineat actum, ex quo liquet, libellum repudiatae non relinqui, sed ubi traditum accepit, mox a Rabbinio, negotii directore ac præside, repeti, & שתי וערב forma crucis dilacerari & discindi, postmodum dimissæ injungi, ne intra tres menses alteri nubat. Libellum autem uxori ideo non restitui, ne quis



forte contentiosus scrupulosius eum examinet, & aliquid inveniat, quo in dubium eum vocare & illegitimum facere conetur.

Ad §. XXIII. pag. 143.

(30) *Scriptus est a Notario*] Licet scribendi facultatem haberet tam ipse Maritus, quam Procurator ejus, quod passim fatentur Rabbini, usu tamen invaluit, ne scriberet, nisi Notarius, ut haud injuria AVGVSTINVS lib. XIX. *contra Faustum Manichæum* cap. XXVI. perhibeat, nefas fuisse has literas exarare, nisi scribis, legis apprimere peritis. R. SALOMO autem ad Hof. I, 10. ab Auctore excitatus, obiter saltem Scribæ mentionem facit, his verbis: *Res similis est Regi, qui iratus est uxori sue, arcessivit Scribam quendam, ut veniret ac scriberet ei libellum repudii, antequam veniret Scriba, reconciliaretur uxori &c.* Vnde colligere non licet, a Notario præcise libellum ejusmodi fuisse exarandum.

Ad §. XXIV. pag. cit.

(31) *Recepta apud Romanos consuetudo fuit*] Aliud erat apud Romanos *Repudium*, quo sponsalia dissolvebantur, hac formula solemniter: *Tua conditione non utor*: aliud *Divortium*, quo aut vir uxori, aut uxor marito, vel præsentem, vel absentem, nuntium remitteret; hujus formula erat: *Res tuas tibi habeto*: juxta CAIVM ff. XXIV. 2. 1. Vxori exeunti reddebatur, quicquid in domum mariti secum attulerat, claves autem ei adimebantur. Multa, de divortii formula, tradit BARN. BRISSONIVS lib. VIII. *de Formulis* p. 722. quem vide. Nemo autem ante annum DXX. ab V. C. divortium cum uxore fecisse perhibetur. Qui primus fecit, Spurius Carvilius Ruga fuit; qui M. Pomponio, C. Papi-rio, vel ut aliis placet, M. Atilio, P. Valerio COSS. uxori nuntium nova de causa remisit, quod eam sterilem esse diceret, seque quærendorum liberorum causa uxorem habere jurasset.

DIONYS. HALICARNASS. II. pag. 96. A. GEL-  
LIVS N. A. IV. 3. VALERIUS MAX. II. 1. 4.  
Ceterum, nec maritus solum uxorem, sed uxor  
quoque maritum pro lubitu dimittebat tam apud  
Romanos, quam Græcos, maxime Athenienses,  
quibus, ubi maritum reliquit uxor, ἀπολείψις,  
ubi uxorem vir ejecit, ἀποπομπή dicebatur.  
CONF. IOS. SCALIGERVM *Animadvers.* ad EV-  
SEB. num. 2015. & SELDENVM *de Jure N. & G.*  
lib. V. cap. VII. Scilicet uxor non poterat dice-  
re ἀποπέμπειν τὸν ἄνδρα, quod uxor nupta de-  
duceretur in domum mariti, nec ejicere eum ex  
illis ædibus poterat, quarum illa domina non  
erat; at ἀπολείπειν relinquere eum, atque ab il-  
lius ædibus recedere poterat. Morem divortii  
Græci describit IOH. PHIL. PFEIFFERVS lib.  
IV. *Antiqu. Græcar.* cap. XXIII. p. 658.

Ad §. XXIV. pag. 144.

(32) *Et apud Hebræos valebat*] Id vero  
plane contra leges Judaicas invaluisse testatur  
IOSEPHVS, quando lib. XV. *Antiqu. Jud.* cap.  
VII. §. 10. Salomen, Herodis, Antipatri filii, so-  
rorem, annis aliquot ante C. N. libellum repudii  
marito Costobaro misisse, memorans, subdit: ὁ  
κατὰ τὰς Ἰουδαίας νόμους ἄνδρὶ μὲν γὰρ ἔξεσι  
παρ' ἡμῶν τὸτο ποιεῖν, γυναίκεϊ δὲ οὐδὲ διαχω-  
ρισθεῖσθαι κατ' αὐτὴν γαμήθηναι, μὴ τὴν πρότε-  
ρον ἀνδρὸς ἀφιέντος: contra quam ferunt Judeo-  
rum leges. Nam viro quidem apud nos id facere  
licet, neutiquam vero femina, quæ sponte discesse-  
rit, alteri nubere fas est, nisi prius a marito dimit-  
tatur. At enim vero, de facto Salomes, senten-  
tiam lege SELDENI lib. III. *Vxor. Hebr.* cap. XIX.  
& BUXTORFII cit. *Dissert.* §. 86. qui tamen ad-  
dit: *Quamvis mulier non possit ita, ut vir, pro suo  
arbitrio, libellum repudii viro mittere; potest ta-  
men, in ceteris causis & casibus, a viro libellum  
divortii petere, immo quandoque ad eum sibi dan-  
dum, Judicis etiam interposita auctoritate, co-  
gere.*

Ad

Ad §. XXVI. pag. 144.

(33) *Quam vocabant Rabbini נרוניא* [ELIAS in *Tisbi* v. מה שהאשורון] *id, quod affert uxor marito suo tempore nuptiarum.* Quando Judæi derivare nituntur ex Ezech. XVI, 33. dubitat ELIAS, jure ne id fiat, cum inter mercedem meretricis, Ezechieli memoratam, & id, quod uxor marito affert, insigne intercedat discrimen. Quæ ad verbum transcripsit DA-

VID DE POMIS in suo *Zemach*. Curatius definit ex MAIMONIDE, BVXTORF. in *Lex. Targum. h. v.* facultates, quas affert uxor ad maritum suum, sive sint bona immobilia, sive mobilia, sive servi, licet scriptæ sint in instrumento dotis, tamen non vocari כתובה sed נרוניא: quo etiam ornamenta, monilia, & pretiosa sponsa refert. Omnium exactissime תוכה *dotem*, a נרוניא peculio sponsæ illato, seu paraphernis discernit WAGENSEIL. in *Sota cap. IV. Mischnæ* §. I. p. 551 sqq. quem consulat, qui plura cupit.

AD

## LIB. VI. CAPVT V.

## DE SEPULTURA.

Ad §. I. pag. 144.

*Claudit oculos mortui*] Ritum hunc Judæis familiarem confirmat ABEN ESRA ad Genes. XLVI, 4. כן מנהג החיים על המתים *hæc consuetudo erat viventium circa mortuos.* Rationem reddunt eam, quod cum morientes apertis oculis expirent, qui, ut postremo omnium perficiuntur, ita primi signa mortis & argumenta proferunt, quia Spiritus, ingruente morte, extinguuntur; ita ut in illa parte, quæ in viventibus maxime fulget, post mortem maxima appareat deformitas. Pii autem & fideles rectius dicuntur oculos mortuis clausisse, ut significarent, eos dormire, suo tempore resurrecturos: rebus quidem humanis defunctos esse, sed rursus aperiendos eis esse oculos, in mortuorum resurrectione. Magnam tamen hic adhibendam esse cautionem, monent Magistri in Mischna tract. *de Sabbatho cap. XXIII. §. 5.* אין מעמצין את המת בשבת ולא בחור עם יציאת נפש והמעמצ עם יציאת נפש הרי זה שופך דמים: *Non claudunt oculos mortui in Sabbatho, neque in profesto die, dum exit anima.* Nam qui claudit oculos in exitu animæ, ecce hic est homicida, ei similis re-

putatur, quia, ut glossatur R. OBAD. DE BARTENORA, *per rem exiguam festinat mortem ejus.* Nam motu leviculo, ut habet ibi Gemara, *acceleratur mors: instar candele extinguibundæ, in quam si quis manum suam imposuerit, statim extinguitur.* Erudite de hoc ritu commentatur SELDENVS lib. II. de *Synedr. cap. VII. §. 12.* ubi Romanis & Græcis idem in more positum fuisse, idoneis evincit testimoniis: cui GEIERVM junge, *de luctu Hebræor. cap. V. §. 6.* & quos magno numero ibi alios allegavit Auctores. De Gentilium idem observantium ritu, evolvi meretur doctissimus KIRCHMANNVS lib. I. de *Funerib. Roman. cap. VI. p. 45 sqq.* de Christianis primorum sæculorum PAUL. ARINGHVS lib. I. *Rome Subterr. cap. XXI. §. 12 sqq. p. 69.* qui Christo in cruce defuncto, indeque sublato, idem supremæ pietatis officium virginem Deiparam præstitisse §. 15. satagit demonstrare.

Ad §. II. pag. cit.

(2) *Lavabant cadaver*] Aqua calida, cui hodie addunt flores chamæmeli & rosas siccas, studiose abluitur mortuus, ut purus & mundus sit,



fit, cum peccatorum ratio coram iudice supremo erit reddenda. Conf. GEFERVM c. l. §. VII. Addit BVXTORFIVS *Synagog. Jud. cap. XXXV. p. 699.* ablutionem istam a quibusdam domi peragi, antequam esseratur funus; in nonnullis autem locis, præsertim ubi magna copia confertim habitant Judæi, in cœmeteriis tabulæ, quam *מִטָּה* lectum vocant, impositum in certam quandam ædiculam, quæ est in cœmeterio, deferunt, in qua eum abluunt, & post ablutionem loculo includunt. Post ablutionem, os hians tenui fasciâ constringitur, nasusque ac omnia foramina corporis obstruuntur, cum deformitatis, tum tetrici odoris avertendi causa. Genitalibus hoc pariter more receptum fuisse, docet DOVGTAEVUS in *Analect. Novi Test. Excurs. LII.* De Christianis, HIERON. SOPRANES, in  *Davide, Digress. secunda de funere Hebræor. cap. IV. p. 465.* ubi non contemnenda quoque de Paganis asserit.

Ad §. II. pag. 144.

(3) *Ablutio pollutionis accersitæ ex contactu mortui*] De his, quid fieri fas sit, diserta Deus lege docuit Num. V, 2. & XIX, 11 sqq. nec non, ubi circa Paschatis solemnitate ejusmodi ingruat impuritas Num. IX, 6 sqq. Quomodo ex lege illa, de expiatione immundi ex attactu mortui, sacrificium pro defunctis recentiores exsculpant Judæi, verbis R. SAMUEL Cohen de Pifa, in *Zaph-math Pakneach cap. XIV.* docet CARPZOVIVS differt. de *Vacca rufa P. II. cap. II. p. 90.*

Ad §. II. pag. 145.

(4) *Lotio pro mortuis, 1 Corinth. XV, 29.*] In difficilem hunc, & vexatissimum locum, qui sententias Interpretum collectas cum *ἐπιτάφιος*, legere avert, adeat & Nostri SEB. SCHMIDIVM *Disp. de Baptismo super mortuis*, quam posthæc etiam ab objectionibus vindicat *Diff. de Sabbatho δευτεροπνεῦμα* statim ab initio: ex Reformatis FRIDER. SPANHEMIVM fil. de *Veterum propter mortuos baptismo, diatriba*, quæ Lugduni Batav.

prodiit in 8. An. 1673. posthæc etiam *Opp. Tomo III. P. I. p. 577.* inserta conspicitur; & succin-  
de, sed curate tradentem IOH. HENRIC. HEIDEGGERVM *Laborum Exegetic. in h. l. pag. 163.* Nos in brevem mittemus epitomen, quæ hic dici solent. Sunt 1) qui ad locum administrati baptismi verba referunt, quod super mortuorum sepulcris, Martyrum monumentis, & in cœmeteriis baptizarent; cuius tamen ritus idonei ex universa antiquitate testes produci possunt nulli. Alii 2) de vicario baptismi pro amicis & consanguineis, morte interceptis, antequam tungi potuissent, explicant, cum quibus facit §. III. & IV, qui rursus dubiæ admodum fidei est, nec adstrui valide potest. Denum alii 3) de Clinicorum baptismi dictum capiunt, qui in mortis instanti baptizabantur, idque ob spem resurrectionis, unde CAPPELLVS verba *ὕπὲρ τῶν νεκρῶν*, reddit: *sub mortis tempus.* Velut autem mos iste, vitio non carens, tempore Apostolorum nondum usu erat receptus, ita nec eum Paulus calculo suo munivisset & approbasset. Tandem 4) nonnulli baptismum *ὕπὲρ τῶν νεκρῶν*, quasi ellipticum, suppleant voce *ἐγὼν*, pro operibus mortuis abluendis, in spem vitæ æternæ, vel, ut sint quasi mortui, vel commortui Christo, per hanc immersionem, juxta Rôm. VI, 3, 5. quæ tamen dura nimis & frigida est verborum interpretatio, D. Paulo plane inusitata. Discedit ab his 5) SEB. SCHMIDIVS, qui in *cit. Disp. §. 37.* mentem ita exponit: *Quia resurrectio mortuorum certo futura est; immundi fiebant, quicunque tangebant mortuos, atque baptizabuntur super illis, ut ritu isto profiterentur, se propter resurrectionem mortuorum credere omnino, immundos peccato gravissimo reddi, quicunque minus pie & honeste mortuos tractarent, & ablutione a peccato opus habere: se quidem testari, non tetigisse mortuos ex animi levitate, sed casu, aut necessitate quadam; & si per errorem aliquid factum, quod fieri non debuisset, a Deo humiliter petere, ut quemadmodum ipsi corpus abluerent, sic Deus propter Messiam, unicum Mediatorem, ipsorum animam & corpus ab omni peccato purificaret.* Proxime accedit

cedit interpretatio COCCERII, quæ tamen in quantum differat, in vindiciis laudatus SCHMIDIVS demonstrat. Eandem BERTRAMI interpretationem, quæ Apostolum de lotionibus Hebræorum, propter pollutionem ex mortuis contractam, *Lucubrat. Franktallens. cap. VIII.* exponit, suam quoque fecit & scite pinxit laudatus supra HEIDEGGERVS. Attamen plures una suppetunt rationes, quæ vereri suadent, ut causam lustrationis Judaicæ, ob impuritatem ex mortuis contractam, Apostolus hic peroret. Placet itaque 6) sententia SPANHEMII omnium facilima, & menti Paulinæ maxime accommodanda, quod baptismus innuatur propter martyres, & Christianos strenue vita functos, suscipiendus. Qui enim Christiani mortem sive violentam, sive ex morbo naturalem, in spem beatæ resurrectionis animo forti subierant & intrepido, multos inducebant Gentiles, qui ejusmodi mentis constantiam & robur in infidelibus suis nunquam visam, mirabantur in Christianis, ut ad fidem Christi & baptismi desiderium excitarentur. Hæc sententia 1) Verbis ac phrasi Apostoli ex asse convenit. Ita enim plana & simplicissima fuit oratio Paulina: οἱ βαπτίζομενοι, qui baptizantur, ad baptismum accedunt, illoque iniciantur, ὑπὲρ τῶν νεκρῶν, propter mortuos, eorum causa, impulsu, sive propter ea constantiæ, spei & gloriationis exempla, quæ in sanctis demortuis fuere admirati. Nam & ὑπὲρ Græcis pro διὰ, ἕνεκα, χάριν, quomodo τὸ ἕν Hebræorum, cui ὑπὲρ respondet, usitatissime est propter. Adeoque sensus dicti hic erit: τί καὶ βαπτίζονται, quid adhuc quotidie ad baptismum hoc impulsu (scil. propter mortuos) accedunt multi, si nulla omnino resurrectio est expectanda? 2) Congruit etiam scopo & argumento Apostoli. Neque enim fuit solatium aliud majus morituris, sive Christo, sive pro Christo, inter gravissimos corporis cruciatus & sepulcri horrores, quam a fiducia resurrectionis. Vnde frustra fuisset, & horum fiducia, & aliorum scil. τῶν βαπτίζομένων imitatio, si nulla resurrectio. Hinc, τί ποιήσῃ, quid facient? quid fructus, quid lucri ex baptismo

suo, hoc intuitu suscepto, reportabunt? Innuens, non absurdos modo esse tales, sed & miseros, siquidem illi mortui, quorum scilicet intuitu & ipsi transissent in Christi disciplinam, ἀπώλοντο, periere? Multos autem subinde Gentiles, martyrum, sola immortalitatis consequendæ spe contentorum & suffultorum, constantia, resurrectionis professione, mortisque & cruciatuum contemptu, ad fidem Christi amplexandam permotos fuisse, historia persecutionum & Scriptores Ecclesiastici affatim testantur.

Ad §. V. pag. 145.

(5) *Pollinctura corporis*] Hebræos ab Aegyptiis hunc didicisse ritum, fidem facit exemplum Josephi, supremo hoc officio patrem Jacobum honorantis Genes. L, 3. Atque tum quidem necessitas istam corporis condituram exigebat, quia ex Aegypto in Cananæam, haud modico itinere, & per regiones calidas erat transportandum: posthæc autem in Regum quorundam funeribus adhibita legitur, ut post mortem regis Asæ, 2 Chron. XVI, ult. in pompam & splendorem: denique pietatis & venerationis causa usurpabatur circa Christi in cruce denati corpus, cujus honori Nicodemus Joh. XIX, 39 sq. centum libras myrrhæ & aloes impendisse fertur: quo piæ mulieris etiam referendus est conatus, Christum cœnæ assidentem inungentis, ipsius ut pollincturæ præveniret, quod factum Servator elogio suo ornat, & contra invidiam ac suggillationem Judæ tuetur, Matth. XXVI, 10. Istum tamen morem nec perpetuum Judæis, nec apud omnes receptum fuisse, exemplum evincit Lazari Bethaniensis, cujus demortui corpus medicatum fuisse (uti POMPON. MELA lib. I. cap. IX. appellat) putredo & fœtor prohibet, die post mortem quarto illud invadens Joh. XI, 39. Hæc apud Judæos observantur: Apud Aegyptios autem triplicem obtinuisse condiendi corpora rationem, testis est HERODOTVS medio libro secundo, ex quo sua mutuatus est SCHICKARDVS de Jure Regio cap. VI. Theor. XIX. pag. 411 sqq.

Mm mm

Con-



Consentit DIODORVS SICVLVS *lib. I. cap. XCI.* qui ita perhibet: Sepulturæ triplex est conditio: sumtuosissima, mediocris, & vilissima. In primam argenti talentum infumitur; in secundam, viginti minæ; in ultimam perexiguæ sunt impensæ. Libitinarii, qui funus curant, artem a maioribus acceptam faciliunt. Hi cuiusque rei, in funus impendendæ, consignatione mortuorum domesticis oblata, quomodo exequias celebrari velint, sciscitantur. Vbi de omnibus inter ipsos convenit, acceptum inde cadaver ministris, ad usitatum hoc munus constitutis, tradunt. Hinc procedendi modum prolixè ac ordine delineat. Hanc demum artem eo valuisse testatur, ut singula membra suam habeant integritatem, & palpebrarum etiam ac superciliorum pili, adeoque tota corporis species invariata persistat, & formæ pristinæ effigies agnoscatur. Hinc multi Aegyptiorum, addit, in magnificis apud se ædiculis majorum cadavera asservantes, tam expresse multis ante suam nativitatem sæculis defunctorum facies contemplantur, ut singulorum complexum corporis ac lineamenta faciei contuentes, mirifica voluptate, non secus ac si adhuc secum vivant, afficiantur. Hæc condituræ istius ratio, quam CICERO etiam confirmat, *mortuos ab Aegyptiis condiri & domi servari* testatur *Tusculan. Quæst. lib. I.* Sed & alium præterea corporum conditorum usum DIODORVS *cap. XCIII.* docet: Hic etiam mos ipsis est, inquit, ut parentum cadavera denatorum pro creditis oppi-gnorent: qui nexos non repignorant, improperium hos maximum, & post excessum e vita sepulturæ privatio, consequitur. Qui denique sepulcro condendi apud ipsos mos obtineat, Idem *cap. XCII.* tradit. Plura qui de unctione ferali apud gentes varias cupit, KIRCHMANNVM ad-eat *lib. I. de Funer. Roman. cap. VIII. & IX. p. 58 sq.*

Ad §. VI. pag. 146.

(6) *Cremabant cadaver, ossa urna conden-tes, Amos. VI, 10.]* Ita quidem Auctor existi-

mat, cujus excitato oraculo alii, idem tenentes, funus regis Assæ addunt, super quo combustè-runt combustionem valde magnam 2 Chron. XVI, ult. Et ABVLENSIS in 1 Reg. XXXI. *quæst. IV.* præcise definit, combustionem tantum in funere regio receptam fuisse, ita ut non tota cremaren-tur corpora, sed eatenus tantum, ut carnes dif-fluerent, servatis ossibus; vel ut solummodo am-burerentur, ut diutius odorem conceptum cada-vera, suffitibus afflata, retinerent. Quicquid au-tem est istius sententiæ, id omne SCHICKAR-DVS *cit. loc. p. 422 sqq.* & GEIERVS *de Luctu cap. VI. §. 2 sqq.* explodunt, ad exempla pariter ac dicta Scripturæ, scite respondentes. Obser-vant autem, lectum emortualem cum aromati-bus tantum deflagrasse. Multum quippe diver-sa fuisse Hebræa busta & Romana. Hebræos su-pellectilia tantum, & quidem magnatum sive im-perantium, Romanos vero ipsa corpora cremas-se. In funere regis apud Hebræos rogos strue-batur, selectissima myrrha & plurimo thure re-fertus, qui accensus absolvebat omnia, quæ regi in quotidiano usu, quoad decumberet, & chara fuerant. Non ulli parcebatur sindoni, non pre-tiosis peristromatibus, non aulæis, non cervicali-bus; ipsæ seilæ regales cremabantur, solo sceptro & corona exceptis, quæ tamen recondebantur una cum cadavere. Vnde MAIMONID. *Hilc. Malachim cap. II. §. 1.* non utuntur, inquit, ulla supellectili regia, sed cum rex moritur, combu-runt universam coram ipso. Ast apud plebejos supellectilem, qua in morbo usus erat defunctus, velut pulvinaria, lintheamina, vascula &c. una cum defuncto sepeliebant. Non enim decere putabant, ut quis alius istis post obitum posses-soris utatur. Præcipiunt tamen Sapientes, cave-re, ne quid facile una defodiatur, quod aut pre-tiosum sit, aut honestius, utiliusque possit ege-nis erogari. Adstipulatur sententiæ de com-bustis, in funere Judæorum regio, aromatibus ac utensilibus, citra tamen cadaveris combu-sionem, KIRCHMANNVS *lib. III. cap. VI. in fine, p. 248 sq.*

Ad

Ad §. VII. pag. 146.

(7) *Sepulcretum*] Sepulcra sua Hebræi partim in agris, & extra urbem, partim domi suæ, vel in urbe habebant. Vtriusque exempla affatim suppetunt in Scriptura. In agri spelunca Abraham condidit Saram Genes. XXIII, 16. quod posthæc commune & patrum Patriarcharum sepulcretum evasit cap. XXV, 9. XLVII, 30. XLIX, 29 sqq. L, 13. Sic extra urbem Nain efferebatur juvenis demortuus sepeliendus Luc. VII, 12. pariter extra urbem Lazari Bethaniensis erat sepulcrum Johan. XI, 30 sq. nec non Elisæi 2 Reg. XIII, 21. extra urbem in sepulcris degebant obfessi Matth. VIII, 28. Huc pertinet horti, extra urbem siti, velut Josephus Arimathensis in horto sibi excidi curaverat sepulcrum in saxo, Matth. XXVII, 60. quod haud dubie nec ipse primus, nec solus instituit. Ast intra urbes sepulcra regia quoque memorantur, velut קברי דוד *sepulcra Davidis*, h. e. domus Davidis, ad Austrum Hierosolymæ, non longe a muro Zionis Australi sita, evidenter colliguntur ex Neh. III, 16. Licet enim hodie monumenta regia, extra Hierosolymam, in tractu ejus Aquilonari, ostendi consueverint, testè MAVNDRELLO in *Narrat. Itiner. Hierosol.* p. 97. incertam tamen pariter modernæ Hierosolymæ sedem, a veteri haud parum diversam, ac traditionis fidem esse constat. Hebræus, quem in cippis Hebr. produxit & Latine vertit HOTTINGERVS, p. 43 sq. in monte Zionis monstrat speluncam, in qua tumulati sunt Reges domus Davidis; ad quem locum vide HOTTINGERI *Annotat.* Porro 2 Reg. XXI, 18, 26. intra urbem sepulcra regia memorantur, Manassis & Ammonis, in horto domui regie contiguo. Quo forte etiam referendum est sepulcrum Samuelis, quem considerunt כְּבוֹדוֹ בְּרָמָה *domi sue in Rama* 1 Sam. XXV, 1. nec non Joabi, qui 1 Reg. II, 34. sepultus fertur כְּבוֹדוֹ *domi sue* in deserto: ubi vix credendum est, sepulcra in ipsis ædibus sub tecto fuisse, propter oriundam inde immunditiem Leviticam, juxta Numer. XIX, 16, 18. quapropter synecdo-

chice per domum rectius intelligitur id omne quod ad domum pertinet, eidemque cohæret ac proin etiam area, vel hortus, in cujus forte angulo exteriori tale quoddam exstruxerunt monumentum, ut scite colligit GEIERVS c. l. §. IX. ubi multa de sepulcris Hebræorum affert. Idem §. X. contra MENOCHIVM & SANCTIVM, asserentes, sepulcra publica, in quibus cuilibet jus fuerit tumulari, in usu fuisse negat.

Ad §. VII. pag. cit.

(8) *Facies ejus loci hæc fuit*] Mischna integra in *Bava Bathra* cap. VI. §. 8. ita habet: *Interius in spelunca faciet quatuor cubitos super sex, & aperiet in ea octo foveas, tres ab hac, & tres ab illa parte, & duas e regione: longitudo fovearum erit quatuor cubitorum, altitudo autem septem, & latitudo sex.* R. SCHIMEON dicit, *intra speluncam sex super octo faciet cubitos, & tredecim foveas aperiet in medio illius, quatuor ab hac, & quatuor ab illa parte, & tres e regione, & unam ad dextram portæ, & alteram ad sinistram; at supra os speluncæ atrium faciet, sex super sex cubitis in mensura feretri, at in medio illius aperiet duas speluncas; unam ab hac, & alteram ab illa parte &c.* Explicationem verborum subministrant Glossæ BARTENORAE & MAIMONIDIS. Velut autem sepulcra omnia ejusdem vel amplitudinis fuisse vel structuræ, nemo facile dixerit, sic magni nominis viri eadem perhibent ut plurimum in rupibus aut cryptis, magno sumtu & labore excavari & excindi consuevisse, ut AVGUST. VARENIUS contendit *Comment. in Jes. P. II. Orat. XI. p. 213 sq.* quin & parata ad modum ædicularum probe munitarum, in quibus plures essent loculi, subinde in eam ductarum altitudinem, ut crypta una alteri esset imposita: quod innuit Mischna, & confirmat Jes. XXII, 16. Ad hunc vero modum excisa monumenta, aut ex integra rupe excavata fuisse negat SALMASIVS *Plinian. Exercit. in Solinum* p. 849 sqq. sed fornicata, & ex structura facta evincit, & cumprimis de Christi Domini, æque ac



Lazari sepulcro p. 851. b. ita commentatur: *De rupe vix verisimile est, in ea incisum fuisse Dominicum monumentum. Hortus fuit, in quo sub terra constructum illud monumentum, non saxosus nec scruposus, sed qualem decuit horti agrum esse, in quo nulla rupe, nec rupine. Sed nec terram ipsam horti ὑπόπετρον fuisse credibile est. Speculunca illa, sive Crypta manu facta, quæ monumenti usum præbebat, structura & fornice constans, horti solo suberat. In ipso solo foramen, cui lapis impositus operculi vicem, in horti area illud erat monumentum, sub terra lapide quadrato septum, & fornice tectum, foramine desuper patente, quod saxo advoluto operiebatur &c. Ceterum spaciofa integrarum familiarum sepulcra Romanis dicebantur Loci Communes, de quibus legi meretur TAVB-MANNVS ad PLAVTI Casine Prologum p. 366. cui iunge QVENSTEDIVM in Sepult. Veter. cap. X. pag. 226.*

Ad §. VII. pag. 146.

(9) *Solebant ingens saxum apponere*] Hic ex præcedentibus repetenda sunt, quæ de saxo sepulcri ex SALMASIO attulimus. Januis quoque instructa fuisse Conditoria, quibus vel aperiretur aditus, vel clauderetur, prout usus ferebat, iisque Janitores interdum appositos, KIRCH-MANNVS docet lib. III. cap. XV. p. 436 sq. IOH. HIERON. SOPRANES digressione II, quæ ritus Hebræorum in funere exponit, subjuncta ejusdem Davidi, cap. VII. p. 508. ita instituit: Ostia speculuncæ non una se ratione habuisse omnia: alia enim ad latus fuisse aperta, alia superne, & posteriora formam habuisse putei. Christi ergo Domini sepulcrum, quod duplicem credit specum fuisse, exteriorem & interiorem, duplici ostio clausum fuisse, utroque ad latus: at Lazari superne patuisse, propterea lapidem in hujus sepulcro superpositum dici, in Christi vero advolutum ad ostium. Prius de Christi monumento Textus confirmat Matth. XXVII, 60. posterius autem Scriptura non admittit, quæ Joh. XI, 44. egressum sepulcro mortuum testatur, linteis pedes manusque vincum. At si putei ad instar,

lapide superimposito, excavatum fuisset sepulcrum, extrahendus potius fuisset, quam ut vinculo egredi licuisset. Idem porro cap. VIII. p. 512. duplicem facit sepulcrorum ingressum, alium ad vestibulum, alium ad conditorium. Hunc lapide fuisse clausum, non illum. Hinc, quando apud Matth. c. I. advolutum fertur saxum magnum ad ostium monumenti, non ostium intelligi totius sepulcri, sed interioris, relicto libero ingressu ad vestibulum, quia mulieres ingressæ in monumentum dicuntur Marc. XVI, 5. & vidisse revolutum lapidem & Angelum sedentem super eum: *Quomodo enim ingressæ, quærît, si non intelligimus, lapidem tantum ad conditorium ipsum advolutum, primo vestibulo patente?* Sed nec ista Textui satis respondent. Ante enim, quam ingrederentur monumentum, animadvertisse traduntur vers. 4. lapidem devolutum: Angelum enim devoluto ab ingressu monumenti lapide, aditum aperuisse, teste Matthæo cap. XXVIII, 2. qui idem quoque cap. XXVII, 60. Josephum testatur lapidem τῇ θύρᾳ τῆς μνημείας, ostio sepulcri, exteriori sane, advoluisse, quin & vers. 66. obsignato lapide, ingressum sepulcri custoditum & prohibitum memorat. Quæ monuisse grave non fuit, ne quis temere fidem habeat Jesuitæ, hæc & alia velut e tripode pronuncianti.

Ad §. VIII. pag. cit.

(10) *Sepulcra dealbata*] Haud parum rursus hallucinatur SOPRANES, quando cap. VII. pag. 510. Hebræorum sepulcra dealbata, quorum Christus mentionem facit Matth. XXIII, 27. de magnifica mole conditoriis superstructa exponit, nec levi tantum calce aut gypso illita, sed marmoreis crustis plane circumdata: ita nimirum, ex CICERONE verba Servatoris declarare, aggressus. Non nego, sepulcris Hebræorum cippos, ædiculas, aliaque superimposita interdum fuisse monumenta, viatoribus obvia, satisque sumtuosa: hoc autem sibi sermonem Christi velle, evictum non dabit Jesuita. Quomodo enim splendida ejusmodi structura, apud Lucam cap. XI, 44. dici

dicī possent *μνημεῖα ἄδηλα*, *monimenta non apparentia*? Verum conciliandis his Evangelistarum locis haud poenitendam impendit operam *POCOCKIUS Not. ad Portam Moſis cap. V. p. 73sq.* quem tutiſſimum fuerit ſequi. Scite enim, & magno cum doctrinæ apparatu, *τάφους κεκοιναμένους*, *ἐξωθεν ὡραῖας*, apud Matthæum, ac *μνημεῖα ἄδηλα*, apud Lucam, idem valere, ex Judæorum more demonstrat. Nimirum ſepulcra juxta Numer. XIX, 16. tantam hominī affricabant impuritatem, ut qui ea tetigerit, Levitica immunditie, ſeptem diebus laboraret. Hæc impuritas, juxta Judæos eſt *בוקעת ועולה בוקעת ויורדת* *perrumpens & ascendens, perrumpens & descendens*, i. e. ſurſum ac deorſum ſe diffundens, ut obambulantes æque pollueret, ac circumambulantes. Hanc ut præcaverent, ſepultis plerumque cippos erigebant, *נפשות* dictos, vel certe *ציין* ponebant, ſecundum Ezech. XXXIX, 15. & 2 Reg. XXIII, 17. ſignum, & cadaveris ſive ſepulcri indicem, ita ut nullum apud Judæos ſepulcrum absque indicio quodam, ſive *ציין*, ſive *נפש* relinqueretur, partim ob perpetuum immunditiei contrahendæ religioſioribus metum, alias oriturum, partim ob manifeſtum damnum, quod hoc neglecto, Terra Sancta in eundem redacta fuiſſet ſtatum cum profanis gentium terris, quæ ex Magiſtrorum ſententia adeo immundæ erant, ut qui eas calcaverit, immo vel in aerem ejus caput & majorem corporis partem immitteret, immundus ipſe evadat. Quin & lege ſancitum erat, ſi quis forte invenerit ſepulcrum, vel mortuum, aut de mortuo quicquam, quod obumbratione polluit, eum teneri ſignum juxta ipſum ſtatueri, ne aliis in offendiculum cedat. Immo & ipſe Senatus rem tanti momenti ſibi curandam duxit, ideoque ſtatis temporibus, *בחוץ של מועד* *diebus profectis ſolemnitatis* cujuſdam, prodibat e domo judiciī, ad ſignanda ſepulcra, ſi forſe monumenta tempeſtas, vel aqua deleviſſet, in ſignum viatoribus, ſive illac prætereuntibus, ne per locum pollutum tranſirent. Signant autem calce, quam aqua maceratam effundunt ſuper locum immunditiei.

Hinc ergo patet, *τάφους κεκοιναμένους* fuiſſe, qui recens calce affuſa erant dealbati; rurfus *μνημεῖα ἄδηλα*, ſepulcra, quorum ſigna deleviſſet tempeſtatum aut aeris, vel ætatis injuria, ut dignoſci ſtatim a prætereuntibus non poſſent. Ἄδηλα, utpote gramine & herbis obducta, ὡραῖα, *ſpecioſa* hominibus apparebant, adeo ut iis inambulantes incauti polluerentur, ea *κονία*, *calce* aqua temperata, pro more ſignabantur. Non enim ideo, quod *κεκοιναμένα* eſſent, ὡραῖα videbantur, ſed contra, quod ſpecioſa, herbis forſan virentibus teſta atque veſtita, adeoque ἄδηλα, nulla latentis immunditiei nota inſignita, calce in cautelam notabantur. Quodſi quis dealbata, atque opere albario incruſtata ad ornatum putaverit, totam ſimilitudinis vim evertet. Neque enim iſtiusmodi ornatus immundiciem ſepulcri tolleret, ſed omnibus manifeſtam redderet, & ne propius accederent, admoneret, ut ulteriori cautela opus haud fuiſſet. Jam vero Chriſtus, qui intimos cordium reſceſſus perſpectos habuit, tales depingit, qui exterius nihil niſi ſanum & ſpecioſum, nihil quod hominibus ſuſpicionem moveret, inſtar ſepulcri, herbæ qua tegitur, grato oculis virore fallentis, præ ſe ferentes, plani intus fraudis & verſutiae erant, quibus ne ulterius hominibus imponerent, hæc ejus redargutio *κονίας* ſeu calcis in ſignum affuſæ inſtar erat, quæ immundiciem ipſorum omnibus ob oculos poneret.

Ad §. VIII. pag. cit.

(II) *Prov. X, 7.*] *ἐνφνημία* hæc eſt, Hebræis uſu recepta, quando piorum, ſapientum, aut bene meritorum mentionem faciunt defunctorum, *זכרונו לברכה* *memoria ejus ſit in benedictione*, ſeu piæ memoriæ: vel plenius ita: *זכרונו לחיי העולם הבא* *memoria ejus ſit ad vitam futuri ſæculi*, abbreviate *זלזה*: cum quibus paria facit; *עליו השלום* ſeu *ע"ה* *super eum pax ſit*, quieſcat in pace. De quibus evolve *BYXTORF. de Abbreviatur.* ſuis locis.



Ad §. IX. pag. 146.

(12) *Ordinaria ipsorum Epitaphia*]. Elegans de Epitaphiis apophthegma est in Talmude Hierosolym. Tract. אין עושין *cap. 2.* נפשות לצדיקים רביהם הם זכרונם *non faciunt epitaphia iustis: verba enim ipsorum ipsis memoriam conservant.* De epitaphiis autem, variisque Judæorum monumentis, legi meretur mole exiguus, sed rerum copia refertissimus, HOTTINGERI de *Cippis Hebraicis* libellus, notis brevibus atque eruditis instructus. Confer, quæ de epitaphiis Judæorum commentatus est GER-  
EVS de *luctu cap. VI. §. 25.*

Ad §. IX. pag. 146.

(13) *De loco sepulture*] Locum resurrectionis fore terram Israelis, seu Terram Sanctam uno omnes ore affirmant Rabbini, quorum testimonia larga manu attulit DASSOVIVS *de resurrection. mortuor. cap. VI. §. 2. p. 172 sqq.* Locum autem, ubi in Palæstina sint prodituri mortui, alii Montem olivarum definiunt, alii Vallem Josaphat, apud eundem *p. 186.* Priorem sententiam calculo suo munit PARAPHRASTES CHALDAEVS *in Cant. Cantic. VIII, 5.* כר יתון מיתאי עתיד להתבועא טור משחא וכל מיתאי דישראל עתידין למפק מתחותיה ואפילו צדיקאי רמיתו בגלותא עתידין למיתו אורח כוביא מלרע לארעא ונפקין מן תחות טור מיתאי: *quando reviviscent mortui, Mons olivarum findetur, & omnes Israelitæ mortui inde prodibunt, justique quoque, qui in captivitate mortui sunt, exibunt de imis montis olivarum partibus.* ABARBENEL vero *Comm. in Proph. fol. 43. col. 3.* Vallem Josaphat assignat. Sed utraque sententia parum ab invicem secedit.

Ad §. IX. pag. cit.

(14) *Viam subterraneam expedire dignetur*] Decantatissimum Judeorum dogma de גלגול *volutatione* subterranea mortuorum extra

Judeam, ut in Terra Sancta resurgant, domesticis ipsorum testimoniis comprobavit, post BUXTORF. *Synag. Jud. cap. III. p. 35 sqq.* & HOTTINGER. *Fascic. Dissertat. I. §. 22. p. 42.* laudatus DASSOVIVS *cap. VI. §. 3. p. 187 sqq.* In his R. MEIER BEN GABBAI in *Afod. Hacc. fol. 53.* ira arguitur: Fortassis propterea opus habebunt justis, ire per cavernas subterraneas ad Terram Sanctam, ubi foras prorumpent & ascendent, ut aptentur corpora resurgentium ad subsistentiam & aternitatem mediante anima sancta, ad quod non fuissent apti, si prorupissent in terra polluta. Ne tamen subterranea ista corporum circumrotatio nimium justis afferat dolorem, Deum ipsis cavernas parare fingunt, per quas deveniant ad terram Israelis. Ita in *Tanchuma fol. 22. col. 2:* Dixit ad eum (R. CHANINAM) R. SIMON: si hoc ita est, (quod morientes in terra extranea duplici morte moriantur) peribunt justis, in terra extranea sepulti. Absit autem; Deus enim Bened. facit ipsis cavernas instar speluncarum profundarum, per quas se volvunt, & veniunt, donec ad terram Israelis pertingant. Posteaquam eo pertigerunt, Deus Bened. indit illis spiritum vitalem, ut subsistant, juxta illud: & educam vos ex sepulcris vestris populum meum, & introducam vos in terram Israelis; & postea: & indam vobis Spiritum meum & vivetis (Ezech. XXXVII, 13). Sunt, quos fabulae istius puduit, unde ABARBANEL in *Daniel. fol. 50. col. I.* & R. MENASSEH BEN ISRAEL *lib. II. de Resurrect. cap. 2.* hanc volutationem, quam etiam המחלות dicunt, allegorice intelligendam, cupiunt, cum alias pugnaret cum resurrectione apud Ezechielem descripta, quippe quae extra Terram Sanctam contigerit: alio serio, & secundum literam ita credere plerosque, testatur cura sepulturae in Palaestina, & saepe mihi, inquit laudatus BUXTORFIVS, retulerunt Judaei, opulentiores suae gentis & pietati addictiores, vel hoc solo nomine in terram Israelis proficisci, ut post mortem corporibus suis quietem concilient. Ita certe de MAIMONIDE, eum vel in Palaestina fatis concessisse, vel si, quod alii volunt, Cairi in Aegypto diem obiit, cadaver tamen

tamen ejus in Terram Sanctam transportatum, demumque sepulcrum ejus in monte Nebo A. 1655. repertum fuisse memorant: de quibus WOLFIVM consulas in *Biblioth. Hebrææ P. I. p. 836 sq.* De isto denique volutationis figmento, ἐπιγίσιον & confutationem lege DASSOVII S. 6. pag. 198 sequi.

Ad §. X. pag. cit.

(15) SALOMO IARCHI ad Gen. XLVII, 20.] Integra SALOMONIS verba dabo, sed brevitatis studio, Latine: *Ne queso sepelias me in Aegypto: futurum enim est, ut pulvis ejus fiant pediculi. Præterea illi, qui extra Terram Sanctam moriuntur, non resurgunt in vitam, אלה בצער גלגול מחרת nisi per angustiam subterraneæ revolutionis. Tandem vereor, ne faciant ex me Aegyptii idolum.*

Ad §. XI. pag. cand.

(16) *Convivium funebre* ] Prima vespere, qui luget, cibo suo non vescitur, sed amici accedunt, cibum suum secum afferentes: idque, quia 1) lugens circa curam mortui occupatus, non cogitat de cibo sibi parando, 2) lugentes inde consolationem capiunt, cum vident, se aliis curæ cordique esse, eosque sibi condolere, 3) Deus luctum Ezechieli prohibens cap. XXIV, 17. dixit: *Et panem hominum ne comedas.* quæ verba quomodo huc trahant, vide apud BUXTORF. *Synag. Jud. cap. XLIX. p. 708.* Sed enim vero IOH. HIERON. SOPRANES digress. II. de Hebr. *funere cap. II. p. 521 sq.* ex Jer. XVI, 16. caute distinguendum docet inter funebria convivia, quæ ab ipsis mortui cognatis instruebantur, & ad quæ reliquos propinquos & familiares convocabant; & inter panem lugentium, five cibum, quem consolatores præparabant, & in lugentium domum inferebant: atque hunc morem existimat Judæis proprium, & vix ulla in alia gente usu fuisse receptum. Præter hunc cibum lugentium, cap. V, VI, VII. p. 524 sqq. tres ob-

servat sepulcrales epulas: *Cenam mortui*, quæ ad sepulcrum deferrebat, & ibi relinquebatur, quasi illa mortuorum Manes & Vmbra vescerentur; quam superstitionem a Gentilibus mutuo petiisse & imitatos quoque Judæos fuisse, ex Sirac. XXX, 18. colligit: Græcis enim in usu fuisse, testis est LVCIANVS mox citandus p. 766. *τρέφονται δὲ ἅρα ταῖς παρ' ἡμῶν χοαῖς, καὶ τοῖς καθαγιστομένοις ἐπὶ τῶν τάφων, aluntur enim (defunctorum umbra) nostris libationibus, inferiisque, quæ sepulcris inferuntur &c.: Epulum sepulcrale*, quando dapes defunctis saltem libatæ, a vivis postmodum absolvebantur, quo Tob. IV, 18. refert, & publicam ciborum distributionem in honorem defuncti, ab opulentioribus solum institutam, qualem IOSEPHVS lib. II. de bello Jud. cap. I. de Archelao, Herodi patri exequias celebrante, & septem diebus epulas populo prolixè exhibente, memorat: & *Convivium funebre*, quod domi agitabatur post aliquanto, quam defunctus esset sepultura mandatus, ab ipsis cognatis & amicis mortui, & nonnunquam singulis annis vel mensibus, statâ & solenni celebritate, in defuncti memoriam repetebatur; quod 2 Sam. III, 31. innui censet. Hoc Græcis *περίδειπνον* audiebat, nec nisi exacto triduo a morte propinqui, parabatur. Labet hic ridentem audire LVCIANVM *περί πένθους*, circa fin. *Tom. I. p. 774 sq.* *ἐπὶ πᾶσι τέτοις τὸ περίδειπνον, καὶ πάρεσιν οἱ προσήκοντες, καὶ τὰς γονέας παρὰ μνηστῆρας τῶν τετελευτηκότων, καὶ πέθουσι γεύσασθαι, ὡς ἐκ ἀηδῶς, μὰ Δί, ἔδ' αὐτὰς ἀναγκαζομένους, ἀλλ' ἤδη ὑπὸ λιμῶν τριῶν ἐξῆς ἡμερῶν ἀπνηδονήκους.* Posthæc omnia superest Exequialis Cæna. Jamque adsunt necessarii, ut defuncti parentes consolentur, suadentque, uti cibum capiant: quanquam illi per Jovem, non illibentes ad id compelluntur, quippe perpetuum jam triduum enecti fame. Sed vereor, ut tria ista epula, apud Hebræos æque ac apud Gentiles, passim in exequiis obtinuisse, SOPRANES evincat. Primum ipse largitur, ex pagana superstitione manasse, nec moris apud Judæos fuisse universos; medium pariter vel paucorum erat, vel

cum



cum ultimo idem; ultimum frequentius, aut non omni tempore, nec apud omnes. Ceterum de funeralibus apud Judæos conviviis, consuli quoque poterit IOH. NICOLAI *de luctu Christianor. cap. XXIII. §. 2. p. 160.* Vinum tamen apponere lugentibus suadent Judæi, ex effato Salomonis, Prov. XXXI, 6, 7. attamen modum definiunt apud MATIMONID. Hilc. *לכל* *de luctu cap. XIII.* ultra decem pocula in æde funebri a nemine exhaurienda esse, tria ante convivium, tria super mensa, & quatuor finito convivio; ne quis inebrietur. Cavent præterea, ne vitris albis, sed coloratis potus porrigatur, ne confundantur pauperes, quorum vinum ignobilius esse solet.

Ad §. XII. pag. 147.

(17) *Seipfos secabant*] Recte Auctor noster feritatem hanc lugentium a Gentilium ritu derivat. Ita enim Græcorum luctum perstringit LUCIANVS loco cit. p. 767: οἰμωγαὶ δὲ ἐπὶ τῆτοις, καὶ κωκυτὸς γυναικῶν, καὶ παρὰ πάντων δάκρυα, καὶ εἴδηα τυπτόμενα, καὶ σπαραττομένη κόμη, καὶ Φοινισσόμεναι παρειά· καὶ πρὸ καὶ ἐσθῆς καταρρήγνυται, καὶ κόμης ἐπὶ τῇ κεφαλῇ πάσσεται. Accedunt ad hæc mulierum ejulatus, omnium certe lacrymæ, pectorum planctus, comæ dilaniatio, genarum cruentatio. Aliis autem & vestis discerpitur, & pulvis capiti inspergitur &c. οἱ μὲν γὰρ χαμαὶ κυλινδῶνται πολλάκις, καὶ τὰς κεφαλὰς ἀράττῃσι πρὸς τὸ ἔδαφος. Nam illi (lugentes) humi voluntantur sæpe numero, & capita solo allidunt. Vbi strictim complectitur, quæ Auctor figillatim prosequitur. Idem de Romanis prodit SERVIVS in *Aeneid. III.* VARRO dicit, mulieres in exequiis & luctu ideo solitas ora lacerare, ut sanguine ostenso Inferis satisfaciant. Quem tamen morem Atheniensibus suis jam olim Solon, & Romanis Decemviri severe interdixerunt. In XII Tab. scriptum memorat CICERO de *Legib. lib. II. cap. 23.* Mulieres genas nō radunto. AVGVST. & VRSIN. ad *Leg. XII. Tab. §. 44.* Barbarus hic ritus transiit quoque ad Hebræos, & gemino in Scriptura vocabulo

insignitur, altero *התגורר* incidit semet ipsum, sævam in seipsum fecit seu unguibus, seu cultellis, aliisve instrumentis invasionem, a *גור* turmatim venit, depopulatus est, altero *שרט* incidere ad sanguinem usque, lacerare scalpello, aperire, scarificare. Vsurpantur autem in interdictis divinis Lev. XIX, 28. XXI, 5. Deut. XIV, 1. His non obstantibus, mos tamen peregrinus in populo Dei invaluisse intelligitur ex Jer. XVI, 6. XLI, 5. XLVII, 5. XLVIII, 37. Ex quibus testimoniis concludit GEIERVS de *luctu cap. X. §. 2.* Philistæos, Moabitas, Gentilesque ceteros, Israeli conterminos, ejusmodi luctus testificationibus indulgisse, quibus assimilari populum suum nolebat Dominus: quemadmodum sacrificuli Baalis I Reg. XVIII, 28. eo ipso, dum ob silentium sui Numinis consternati, extrema quasi doloris ferii indicia prodebant, pariter *incidebant se cultellis & lanceolis, usque dum effunderetur sanguis.* Vnde liquet, adhibita in tali incisione fuisse, præter ungues dentesve proprios, sæva ejus generis instrumenta. Plura qui cupit, adeat IOH. GEORG. MICHAELIS *Observat. Sacr. qui Exercit. II. tota p. 131 sqq. de incisura propter mortuos data opera differit.*

Ad §. XIII. pag. 147.

(18) *Sibi ipsis calvitiam faciebant*] Circa caput, in luctu usitatum erat: 1) ut lugentes illud ex affectus vehementia, priore suo ornatu aut tegumento orbarent, &, velut discindebant vestes, sic etiam detraherent pileum; unde Deus Lev. X, 6. sacerdotibus interdicit, ne capita sua nudent in luctu, fuerumque tiararum ornamentum detruderent: 2) ut lugubri alio mox involverent peplo vel tegmine, quod Davidis exemplo constat, qui 2 Sam. XIX, 5. filium lugens Absolomum, *וּנָחַל* operuit faciem suam, clamavitque voce magna: 3) ut cum primis calvitium, vel capillorum evulsione, vel capitis tonsione, contraherent. Ita Jobus, post nuncios tristissimos, tandem surgit, vestes lacerat, & rotondit caput suum cap. I, 20. Sic Jes. XXII, 12. & *וּנְחָל* *calabit*

cabit Dominus exercituum in die illo ad fletum & ad planctum, & ad calvitium, & ad cincturam sacci. Confer Jerem. VII, 29. XVI, 6. XLI, 5. Ezech. VII, 18. Am. VIII, 10. & GEIER. de luctu cap. VIII. §. 6. & cap. XI. §. 4 sqq. Rationem autem capitis seu demessionem comæ, inter solemniam domus funereæ & officia pietatis erga defunctos, prolixè exponit BOCHARTVS Hieroz. P. I. Lib. II. cap. XLV. pag. 481 sq. ubi comarum tonsionem in luctu non minus receptam fuisse probat, quam evulsionem, ut nihil obtineant, qui Jobum loc. cit. ob subitum πένθος non tonsionem, sed vulsuram adhibuisse existimant cum COCCIO. Chaldaus sane forcipe, DRUSIVS tonsione usum fuisse Jobum perhibent, ad calvitium sibi induendam. Ex profano Gentilium more, ritibus lugentium addi posset 4) capitis allisio ad parietes & fores, teste SVETONIO in Aug. cap. 23. n. 4. Adeo consternatum ferunt, ut per continuos menses caput interdum foribus illideret: & SENECA de ira lib. I. cap. XVI. Quid opus est, se in columnas impingere? Plura dabunt CASAVBONVS in SVETONIUM & CAPITOLINUM, & TURNEBVS Adversar. lib. XII. cap. V. Apud Hebræos autem tale quid obtinuisse, non memini legisse.

Ad §. XIV. pag. eand.

(19) *Ibant nudo capite*] Apud Romanos, superstites filii caput operiebant, filia aperebant, in funus parentis prodeuntes. In ritus causas inquirens PLUTARCHVS *Question. Romanar. XIV. An quod patres*, inquit, *tantumquam Deos a maribus suis coli convenit; quos tamen eosdem filias nudas luctu prosequi magis deceat? An ea lugenti accommodata sunt, quæ sunt inusitata?* Consueverunt autem magis aperto capite mulieres, atque viri contra operto in publicum prodire. Apud Græcos enim, si quid adversi acciderit, ut mulieres tondere, sic viri comas alere consueverunt, quod viros tondere, mulieres vero promissiores habere crines moris est. Contra vero Hebræis, caput nudare in luctu nefas habeba-

tur. Ita MAIMONID. Hilc. מכלל cap. V. §. 19: מניין לאכל שאסור בפריעה הראש שהרי נאמר לחזקתו לא תעטה על שפם מכלל ששאר האברים חייבין בעשיפת הראש: Unde est, quod lugenti prohibita capitis nudatio? nimirum, quia Ezechieli dictum (cap. XXIV, 17.) non operies barbam: prorsus itaque lugentes reliqui tenebantur operire caput. Et quidem sudarium illud, quo operiebant caput suum, operiebat etiam ex parte labium lugentis, juxta id, quod cit. loc. dicitur: barbam seu os ipsum operies: ubi ONKELOS exponit: sicut lugens sese operit. Contra Auctorem itaque pronunciat MAIMONIDES, & operuisse caput lugentes perhibet: quod Davidis etiam exemplum, tam Absolomi cladem, 2 Sam. XIX, 4. quam miseram suam lugentis sortem cap. XV, 30. & oraculum Jeremiæ cap. XIV, 3, 4. luculenter probat. SOPRANES digress. I. p. 358 sqq. allatis in utramque sententiam rationibus, eas ita componere gestit, ut velare caput, lugubrem fuisse habitum largiatur, sed non qualicumque modo, verum prorsus insolito, cooperiendo totum undique & obvolvendo, pallio scilicet, vel toga, a cervice super caput adducta, quod in quotidiano usu non fiebat. Quando autem Pontifici Levit. XXI, 10. præcipitur, ne caput suum discooperiat, aut vestimenta scindat in suorum funere, id non evincit, alios nudo capite in luctu incessisse, sed cavet, ne Sacerdos tiaram suam a capite avellat, cum sacra operto facerent capite, multo minus illud capillo decalvet, quia oleo sanctitatis fuerat initiatus Lev. X, 6. Restat itaque, non nudo, sed obvoluto capite, luxisse Hebræos.

Ad §. XV. pag. cit.

(20) *Ibant nudo pede*] Discalceati etiam prodibant in publicum, qui versabantur in luctu; unde David exul incedebat יחף sine calceis 2 Sam. XV, 30. atque Achab metu percussus & pœnitens I Reg. XXI, 27. discalceatus incedebat, & ut IOSEPHVS de ipso lib. VIII. Antiqu. cap. 7. habet, γυμνὸς τοῖς ποσὶ διήγεν. MAIMONID.



Hile. כֶּחָל cap. V. §. 6. ita disputat: *Vnde est, quod lugenti prohibita sandaliorum assumptio? eo quod Ezechieli (ad dissimulandum luctum) dictum fuit: calceum tuum appones pedi tuo: unde generatim cuius (calceos in luctu) prohibitos fuisse elicitur. Si quis iter faciat, calceos induit ac abit: ast, cum in urbem se recipit, eosdem rursus deponit.* Conf. huc GEIERVM de luctu cap. XV. §. 4, 5. & ANTON. BYNAEVVM de calceis Hebr. lib. II. cap. V. §. 7, 8.

Ad §. XVI. pag. 147.

(21) *Obvelabant labia*] Redeunt hic, quæ de obvelatione capitis paulo ante Annotat. 19. diximus, quibus adde GEIERVM cap. XI. §. 5.

Ad §. XVII. pag. cit.

(22) *Diffuebant vestes suas*] Ad subitam magni doloris causam, excitati ex occurfu aliqujus calamitatis, aut ex injuria Numini facta, violentas vestibus injiciebant manus, & scindebant in partes, lacinijs aliquandiu pendulis relictis, ut hoc pacto cor suum dolore laceratum testificarentur. Obtinebat hæc scissio 1) propter blasphemias in Deum aut Sacra sparsas, exemplo Caiphæ Matth. XXVI, 65. 2) propter iniquitates proprias, indignissime adversus Deum admissas, ejusdemque minas ac vindictam, 2 Reg. XXII, 11, 19. 1 Reg. XXI, 27. 3) propter iniqua aliorum adversus nos dicta vel facta, ut cum rex Syriæ ab Israelitico curationem lepræ postulasset, 2 Reg. V, 7. aut cum Athalia, se a regno pulsam fremebat cap. XI, 14. 4) propter ingens infortunium, sive nostrum, sive nostrorum, v. g. cum Jephtha filiam sibi habet obviam idcirco brevi immolandam Jud. XI, 13. cum Machabæus paratam sibi, suæque genti stragem intelligit, Esth. IV, 1. 5) In funere charorum, v. g. Josephi Gen. XXXVII, 29, 40. filiorum simul plurium Job. I, 20. regis, charissimique Jonathanis 2 Sam. I, 11. &c. Duplex autem cum obtineret apud antiquos vestimentum, in-

terius unum, alterum exterius, quorum illud כְּתוֹנָה חִיטָּוִן, tunica, hoc מְעִיל יְמָרְיוֹן, pallium, toga, dicebatur, scissionem hanc lugubrem modo pallium experiebatur, modo tunica, modo utrumque. De pallio, sive veste exteriori vide Job. I, 20. II, 12. Gen. XXXVII, 34. de tunica 2 Sam. XV, 32. de utraque Esdr. IX, 4. quo Pontificis Cajaphæ quoque referendum est exemplum, qui Matth. XXVI, 64. τὰ ἱμάτια vestimentum exterius, & Marc. XIV, 63. τὰς χιτῶνας αὐτοῦ tunicam interiorem, adeoque utramque vestium, propter indignationis vehementiam, lacerasse legitur. Copiose de hac scissione commentatur GEIERVS de luctu cap. XXII. §. 9 sqq. & §. 15. ruptionem hanc manibus peractam, non adhibito cultro, aut forfice fuisse factam, demonstrat, §. 16. autem SOPRANEM notat, qui digress. I. cap. II. §. 12. scissuram vestium, utpote densarum sapius, beneque compactarum, non de dissectione in partes, sed de violenta diffibulatione, diloricatione, aut detractione intelligendam, perperam censuerat, cum verbum קָרַע de hoc actu passim usurpatum, talem non admittat sensum. Eundem quoque Romanis & Græcis, in usu fuisse morem, præter SOPRANEM digress. III. cap. 7. p. 539. KIRCHMANNVS docet de Funer. Roman. lib. II. cap. XVII. extremo pag. 241 sequ.

Ad §. XVIII. pag. cit.

(23) *Lumbos cingebant cilicio*, Genes. cap. XXXVII, 34.] Saccus & cilicium plerumque junguntur, & de veste crassiore, abjecta, & lugubri accipiuntur. MENOCHIVS l. VIII. Reip. Hebr. c. 6. Qu. 4. hæc duo vel idem fuisse vel certe inter se affinia censet, ejusdem quippe materiæ ac rationis. Erat enim saccus tunica villosa, sive cilicina, ex hircorum sive caprarum pilis, subinde etiam nigris, texta, eaque arcta & talaris, ad pedes usque demissa, quæ insuper balteo ejusdem generis, absque ornatu ullo, curi arcte adstringebatur, unde σάκκος τεῖχινος, saccus cilicinus Apoc. VI, 12, & cap. XI, 3. simpliciter σάκκος

σαῦκος dicitur. Duo de hoc vestimenti genere observari vult VITRINGA ad *Jes. XX, 2. p. 595. b.* alterum, quod saccus ille lugentium sæpius confectus videatur ex pilis nigris, qui color macroris est indicium, uti alba vestis lætitiæ, quod ex Apoc. VI, 12. colligit; alterum, quod in gravi luctu saccus ipsi carni ἀμείσως fuerit adstrictus, velut 1 Reg. XXI, 27. & 2 Reg. VI, 20. quod tamen in omni casu obtinuisse, affirmare non audet. Præterea Prophetas veste villosa fuisse indutos, exemplo Eliæ probat 2 Reg. I, 8. & Johannis baptistæ Matth. III, 4. perinde ac Apoc. XI, 3. duo testes, tempore corrupti status Ecclesiæ, dicuntur concionaturi esse in saccis. Rurum hunc arcessit ab Elia, Elisa, Prophetisque iis similibus, qui corruptis reipublicæ & Ecclesiæ temporibus, publici erant præcones pœnitentiæ; ad quos proin pertinebat, summam in disciplina morum præ se ferre severitatem & austeritatem, ut publice testatum facerent, se renunciassæ sæculo, luxui, libidini, vitiisque carnis, & hoc nomine hominibus sui temporis exemplo essent. Vfos itaque fuisse veste cilicina, non tanquam lugentes, sed ut præcones pœnitentiæ, & interioris ac veræ sanctimonix, laudatus existimat VITRINGA. De lugentium autem sacco, post alios, ex instituto agit GEIERVS de luctu cap. XXII. §. 6 sqq. eumque aliquando supra togam talarem atque laxam, lumbis adstringi, interdum autem supra carnem, immediate imponi consuevisse observat ex Job. XVI, 15. & citatis supra locis. Qui autem cilicii usus in castris fuerit, & apud nautas, SALMASIUS exponit *Exercit. Plinian. in Solinum p. 347.* Miror, Auctorem hic præteruisse *femoris percussione*m, inter signa luctus relatam Ezech. XXI, 12. in quam erudite commentatur IOH. DOVGTEIUS *Analect. Sacr. Excurs. CLXX. p. 459.*

Ad §. XIX. pag. 147.

(24) *Musici*] Τῆς αὐλητῆς, tibicines adhibitos in Jairi Archi-Synagoga ædibus fuisse, ad funus filioli, testatur Matthæus cap. IX, 23.

SCHICKARDVS tamen in *Jure Regio cap. VI theor. 19. p. 418.* ritu Hebræo id factum negat sed Romano. Apud veteres enim Hebræos nullum eorum vestigium, licet curiose inquisiverit, deprehendere se potuisse testatur. Consentientes eidem viros doctos complures in scenam producit GEIERVS, in eandem & ipse sententiam incedens cap. V. §. 16. Secus ACHVGOGROTIUS in *Matth. cit. loc.* statuit, qui a Judæis hoc Musicæ genus ad gentes manasse opinatur. Accedit tamen SCHICKARDO, HENR. HAMMONDVS ad h. l. & instrumenta Musica in luctu numerari inter ἀκασα, ex Eccles. XXII, 6. mōnet. Cantum lamentationis obtinuisse largitur ex Jer. IX, 17. Amos VI, 15. Jer. XXXIV, 5. XXII, 18. sed assa voce, non junctis instrumentis. Distinguit ergo tempora, & Christi ætate hunc morem a Romanis, qui rerum potiebantur, ad Judæos transiisse, docet ex IOSEPHO lib. III. B. *Jud. cap. 15.* ubi de expugnatione Joppes exemplum profert. Hac adhibita restrictione, intelligendum existimo EVERH. FEITHIVM, quando *Antiqu. Homer. lib. I. cap. 13. §. 4. magnus utique tibiæ in funere usus*, inquit, *non apud Græcos & Romanos solum, sed & apud Hebræos: uti constat ex Matth. IX, 23.* Apud Romanos autem *Siticipes* appellabantur, qui apud *sitos* canere soliti erant, hoc est vita functos & sepultos: illosque habuisse proprium genus tubæ, a ceterorum differens, testis est GELLIUS lib. XX. cap. 2. Erudite in hos commentatur KIRCHMANNVS de *Funer. Rom. lib. II. cap. IV. & V.* tubisque ac tibiis cecinisse eos evincens, p. 143. probe observat, discrimen istud, GELLIO notatum, in eo consistisse, quod sicut tibus, ita quoque tubas, ceteris longiores ac latiores adhibuerint, quo gravior, nempe lugubris, emitteretur sonus, quales in antiquorum sepulcris exsculptæ videntur.

Ad §. XIX. pag. 148.

(25) *Fœminæ, eodem fine conductæ*] Erant hæ *המקוננות* lamentatrices, Jer. IX, 17. laudatæ, de



de quibus MAIMONID. Hilc. **כל** cap. XII. §. I. החסד כבוד המת הוא לפיכך כופין את היורשין ליתן שכר מקוננים והמקוננים וסופרין אותו. ואם צוה שלא יספורו אותו: *Planctus vergit in honorem defuncti, ideo tenentur heredes mercedem solvere planctoribus & planctricibus, ut eum plangent. Sin autem præceperit (defunctus) ne plangent eum, id intermittunt.* Duo hinc discimus: 1) quod utriusque sexus hominibus hoc demandatum fuerit officium, æque ut Amos V, 16. memorantur **יודעי נהי** *periti lamenti*: 2) quod, ubi testamento caverit mortuus, ne hoc fieret, pariter omitti potuerit. Opponitur enim *ibid.* apud MAIMONID. sepulture, quæ, licet prohibita esset a defuncto, juris tamen divini sit, ut illa defungi necessario incumbat. Quod vide quomodo conciliaveris cum sententia R. IEHV-**בא**E, qui in *Cetubboth fol. 46. col. I.* scilicet, lamentatricum ad minimum unam adhibendam funeri fuisse uxoris, a pauperrimo etiam inter

Judæos. 2 Chron. XXXV, 25. dicuntur **השרים** *cantores & cantatrices*, lessum super Josiæ morte concinentes. Observat GEIERS cap. V. §. 19. Præficas istas fuisse **חכמות** *sapientes*, vel solerter instructas ad nānias scite decantandas: quin & ex Jer. IX, 20. conjicit, formulam lessus forte fuisse: *ascendit mors per fenestras nostras &c.* cui addi posset ex Thren. V, 15 sqq. *cessavit gaudium cordis nostri &c. cecidit corona capitis nostri &c.* Etsi certò persuasum habeo, non idem apud omnes obtinuisse carmen, sed pro persona, dignitatis, ac meritum ratione, suas cuique laudes proprias fuisse. Ita Romanis *Præfice* dicebantur, mulieres, quæ pretio conductæ ad tibias funebres caneant lamentabile, & inconditum carmen, ad deplorandum & collaudandum mortuum, apprime accommodatum: de quibus cum innumeri præceperint, tum imprimis vide KIRCHMANNVM de *Fun. Rom. lib. II. cap. VI.* MOREST. *Pomp. Feral. lib. II. c. 29.* & GYRALDVM de *Var. Sepel. Rit. cap. XII.*

## AD

## LIB. VI. CAPVT VI.

## DE IVRE IVRANDO.

Ad §. I. pag. 148.

**S**epe fiebat elevatione manuum versus cælum] Nimirum, cum Deum jurisjurandi testem advocarent prisca mortales, eum, veluti manu ad cælum, ejus sedem porrecta, digito ostendebant. Sic jurato Deum in partes vocans Abraham Gen. XIV, 22. ait: *Levo manum meam ad Dominum, Deum excelsum, possessorem cali & terre &c.* ubi recte R. SALOMO glossatur: **לשון** *שיבועה מרים את ידו לאל עליון* Formula juramenti est: *attollo manum meam ad Deum excelsum.* Hinc in paræmiam abiit, ut *manum efferre*, vel, *manum levare ad Dominum*, idem sit, ac jurare. Sic enim qui levabat manum, in-

dicabat, Deum se præsentem agnoscere, & veritatis testem, ac perjurii vindicem arcescere. Confer MART. DEL RIO *Adagial. Sacr. Tom. I. Adag. XVI. p. 20.* & WILHELM. MOMMÆ *Oeconom. temp. Tom. I. Lib. II. cap. VI. §. 30. p. 127.* Hinc Deus ipse juramenti verba ab hoc ritu mutuatur, Deut. XXXII, 40. Ezech. XX, 5, 6. Apoc. X, 5. Vnde liquet, & vetustissimum hunc jurandi ritum fuisse, & sanctissimum, quem Deus ipse usurpare dignatus sit, & in N. quoque Test. non abrogatum. Præterea, manus elevatio, & preces significat Psal. CXLI, 2. 1 Tim. II, 8. & petitionem attentionis Jes. XLIX, 22. Vtrumque locum hic habet. Elata ad cælum manu jurans, tam Deum invocatur testem, quam attentionem

tionem ejus petit, ut testis. Apud Gentiles idem jurantium ritus. Hoc videas in numo insigni Imperatoris Diocletiani, quem exhibet EZECH. SPANHEMIVS *ad IULIANI Orat. I. p. 60.* in quo conspiciuntur ille Imperator, & ejus Collega Maximianus, sinistra pariter orbem terrarum tenentes, at dextra, ejusque prioribus digitis elatis, concordiam sibi invicem jurantes. Ita VIRGIL. *Aeneid. lib. XII. 195 sqq.* Sic prior Aeneas: *sequitur sic deinde Latinus, Suspiciens calum, tenditque ad sidera dextram: Hac eadem, Aenea, terram, mare, sidera juro &c.*

Ad §. II. pag. 148.

(2) *Jurans ponebat manum suam subter femore alterius*] IOSEPHVS hic a Mose discedit, qui servum solum manum suam heri femori supposuisse testatur: ast ille *lib. I. Antiqu. cap. XVI. §. 1.* obstrictionem fidei servi ita describit: *γίνονται δ' αὐταὶ τῶτον τὸν τρόπον· ὑπὸ τῆς μηρῆς ἀλλήλων τὰς χεῖρας ἐπαγαγόντες, ἕπειτα ἐπικαλῶνται τὸν θεὸν μάρτυρα τῶν ἑσσομένων·* illa vero hoc modo obligata erat: manus invicem femoribus supposuerunt, dein futurorum testem Deum invocant: quod symbolica ritus hujus significationi refragatur. De ratione ritus divortium deprehendimus sententiarum. Maxima Hebraeorum pars ad reverentiam Sacramenti circumcisionis refert, quod sigillum erat foederis Divini, cum Abrahamo pacti. Ita R. ELIESER *in Pirke cap. XXXIX. ab initio*, inquit, *prisci illi jurabant in fœdus circumcisionis, ante legem latam.* Et explicatius R. SALOMO *ad b. l. לפי שהנשבע צריך ליטול בידו חפץ של מצוה כגון ספר תורה או תפלין והמילה היתה מצוה ראשונה לו וכאח לו על ידי צער והיתה חביבה עליו ונטלה* Quoniam is, qui juramentum præstat, opus habet, ut manu sua accipiat rem pretiosam præcepti, v. g. librum legis, aut præcum. Circumcisio autem fuit ei primum præceptum, eaque per afflictionem (dolorem) ei evenerat, ac (propterea) ipse illam dilexit, eamque suscepit. Illustrat quippe ex ritu hodierno, quo jurans apprehendere

tenetur librum legis, aut sacrum alium, in quo nomina Divina sunt scripta, eaque apprehensio vocatur נְקִירַת חֶפֶץ: ita servum regionem heri pretiosissimam, circumcisione consecratam, manu supposita, tetigisse. Hunc in finem *in Bual Hatthurim* Kabbalistica allegatur ratio, quia נח ירך per Gematriam idem valet ac מילה circumcisio. Vero tanten vix videtur simile, posteros circumcisionem sancte observantes, hoc Abrahami patris institutum missum esse facturos, si tale quid ex mente Patriarchæ significasset. Hinc alia incedentes via prisci Ecclesiæ Doctores, in ea fuerunt sententia, ritu illo innui magnam prophetiam, quod scilicet Christus, Dominus celi & terræ, in ea carne venturus esset, quæ de illo femore propagata est, ut loquitur AUGUSTINVS *lib. XVI. de C. D. cap. XXXIII.* Hebræi quippe, sicut per uterum & lumbos, ita etiam per femur significant generationem. Itaque apponere manum ad femur, idem esse putant, ac jurare per Messiam, qui ex illo femore nasciturus erat. Ita HIERONYMVS, AMBROSIVS, AUGUSTINVS, PROSPER, THEODORETVS, alii: ex nostris POLYCARP. LYSEVS *in Iosepho, ad Genes. XLVII, 29. p. 447.* Verum ne sic quidem pii Israelitæ intercidere passi fuissent symbolum & velut Sacramentum, quod solennem complecteretur de Messia professionem. Itaque recentiores alii certius arbitrantur, ritum illum testificationem fuisse obsequii, & devotionis jurantium inferiorum, erga superiores. Herus enim postulabat hoc a servo, & cap. XLVII, 29. pater a filio, ut iustitiam quiddam & more receptum, quod explicatione nulla indigeret. Ita confidenter exponit ex Judæis ABEN ESRA: *Perinde esse, ac si diceret Dominus: si tu sub potestate mea es, adeoque paratus ad jussa mea capeffenda, pone manum tuam sub femore meo: quo dicto Dominus sedere solebat, posito femore super jurantis manum.* Qui autem jurabat, sic dicebat: ecce, manus mea sub femore tuo: fateor, me tibi esse obstrictum, ad faciendum voluntatem tuam. Eamque consuetudinem adhuc in India obtinere contendit. In hac sententia RIVETVS acquiescit *Exercit. CXI. in b. l.*



& plures allégat, eidem qui adstipulantur. Idem tenet HEIDEGGERVS *Hist. Patriarch. Tom. II. Exerc. III. §. 60.* indeque elicit, *fuisse hunc morem receptum tum temporis inferiorum jurantium erga superiores.* Hoc satis elucet, humilitatis & subjectionis indicem potius hunc ritum fuisse, quam mysterii symbolum. Conjungi tamen has rationes omnes posse, censet CALOVIUS in *Bibl. Illustr. h. l.* Quod denique, vir cetera doctissimus, IACOB. PERIZONIUS, in *Epistola, præmissa DITHMARI in MAIMONIDEM de Jurejurando Commentario*, haud procul a fine, hariolatur; quia ea fuerit apud Hebræos femoris significatio, ut totam familiam, cognationem, atque omnes consanguineos symbolice notaret, hinc illos, qui in promittendo & jurando alterius femur contingebant, declarare voluisse & promittere fidem & necessitudinem, quæ inter consanguineos, seu inter fratres & cognatos, qui ex eodem exierunt femore, naturaliter esse solet & debet: id mihi longe petitum, & ab exemplis Scripturæ videtur esse alienum. Hanc sane necessitudinum fidem jurato promittentes Jacob & Laban cap. XXXI, 44 sqq. 54. ritum tamen, hoc tempore vel maxime vigentem, non adhibuisse leguntur.

Ad §. III. pag. 148.

(3) *Jurabant, stando coram altari* 1 Reg. VIII, 31. Vt major jurisjurandi religio incesferet homines, in Templo & ad Aram interdum illud præstabatur. Ibi enim locorum, ubi destinatio Deo cultus & sacra agebantur, Deum vel maxime præsentem, testemque adesse credebant. De Hebræis fidem facit Auctor ex 1 Reg. VIII, 31. Sed nodo non caret ille locus. Primo VATABLYS observat, in verbis: **וּבְנֵי אֱלֹהֵי מִזְבֵּחַ** subintelligendum esse nomen **אִישׁ** h. l. & venerit vir juramenti ante altare tuum in hanc domum, ut intelligatur is, cui sive a Judice, sive ab Actore, delatum sit juramentum: cum aliàs Fæmin. **אִלְהָ** cum verbo Mascul. **בָּא** construi nequeat. Deinde nondum satis hinc liquet, juramentum coram Altari præ-

stitum fuisse. Rabbini, quos inspexi, ABARBE-NEL, R. SALOMO, alii, altum silent. Ex Christianis sunt, qui affirmant. Ita SEB. SCHMID. ad h. l. Videtur omnino, vi hujus phræseos dicendum, quod licet ex aliis urbibus juraturi, juramentum præstare Hierosolymis coram Altari non coacti sint: id tamen Hierosolymis, ubi prope erat Templum, factum fuerit; aut saltem peti potuerit a deferente, ut in Templo coram Altari Domini juraretur. Forte etiam, quando extra Templum juramenta præstita fuerunt, nihilominus, sicut orans, sic jurans, versus Templum se vertit: ut hac ratione manifestum esset, ipsum Deum, templum inhabitantem, jurare &c. Velut autem, quod secundo loco conjicit celeberrimus interpres, non est **לפני מִזְבֵּחַ** coram altari, æque ut Daniel cap. VI, 10. facie Hierosolymas & ad Templum conversa preces fundens, non tamen eapropter coram altari precatus fuisse dici potest: ita prius lubrica nititur conjectura, nec præter Auctoris Videtur, alio gaudet fundamento. Pari fiducia affirmat FRANCISC. BYRMANNVS h. l. interdum Israelitas in Templo, coram Altari, solemniter jurasse perhibens; non quidem proxime Altari adstantes, sed in Atrio Israelitarum, e regione Altaris constitutos. Verum absque teste idoneo, absque auctoritate ulla, hoc ex ingenio asserit, & perperam ad Athenienses, Pænos, ac Romanos remittit, ex quorum moribus ritum, in populo Dei religiosum, nemo solide probaverit. Hinc frustra quoque est HVG. GROTIUS, quando Textui subjicit: *facto altari jurare, mos omnium prope gentium*: addo enim, *excepta Judaica*, in qua, præter Sacerdotes, tangere altare ceteris nefas erat. In tanta itaque rei incertitudine, IVNIUS & TREMELLIUS jurandi ritum ex his verbis exsculpere non audent, satis habentes ea figurate exposuisse, h. m. *Synecdochice*, quasi dicat: in causis omnibus dubiis, quæ hominis inquisitione pervestigari non possunt, ut ea sunt, in quibus lex ad jurisjurandi religionem remittit Exod. XXII, 8. & II. Num. V, 15. & alibi, tu, qui omnia nosti, justum judicem te declara. Pari-ter LVC. OSIANDER ita *παραφράζει* Si quis injuria

*injuria affecerit proximum, & tamen juramento id negarit, nec poterit testibus convinci, ideoque, qui damnum accepit, supplicabundus coram altari tuo querelas effuderit, tuamque opem imploraverit &c. tum exaudi.* Rectissime omnium: nec enim de jurejurando, coram altari recitato, sed de viro juramenti, sive expiationis, sive divinæ vindictæ causâ, ad altare accedente, sermo est. Rem tamen denuo, velut exploratam, magna cum παρρησία tradit THOMAS HYDE in *Hist. Religion. Veter. Persarum* cap. I. p. 12. Si quis solemniter juramento adigendus erat, inquiens, nempe apud Persas, id fiebat coram igne in eorum ara ardente, uti Judæi idem faciebant, sistendo solemniter jurantes coram Altari Hierosolymitano, cum igne ardente super eo. Quorum prius velut haud gravatim admittimus, & huc spectare largimur, ita posterius vehementer cuperemus, ut evictum dedisset. De Ethnicis dubium nullum relinquunt testimonia, non a GROTIUS solum, sed aliis quoque viris doctis allata. Luculentum in his, illud est ex PLAUTI Rudente, *Act. V. Scen. II. 46 sq.* GR. *Tange aram hanc Veneris.* LA. *Tango.* GR. *Per Venerem hanc jurandum est tibi.* LA. *Quid jurem?* GR. *Quod jubebo:* ubi confer, quæ notavit TAVBMANNVS. Sic Hannibal se, patris voluntate & Jussu, ad aram adductum, eamque tenentem jurasse affirmat, nunquam se in amicitia cum Romanis fore: apud NEPOTEM in *Hannib. cap. II.* Pariter apud Christianos tæto altari jusjurandum præstitum fuisse, auctor est CHRYSOSTOMVS *Homil. IX. in Act. Apost.* haud procul a fine, ubi in jurandi temeritatem invehens, σὺ δ' ὁ μνησθένος, inquit, τῆς ἱερᾶς ἁψασθαι τραπέζης τολμᾶς, ἥς ἐδὲ πᾶσιν ἱερῶσιν ἁψασθαι θέμις, καὶ ὅτως ὀμνύνα; tu, qui initiatus es, audes sacram mensam tangere, quam nec omnibus Sacerdotibus tangere licet, & sic jurare? Nobis nunc sufficiat, illustre subjicere perfidiæ Papalis documentum, quando Paschalis Papa ad altare stans, Imperatori Henrico fidem gravissimo ac solemniter adstrinxit juramento, execrationibus atrocissimis, si fidem falleret, pessima sibi quæque imprecatus. Testis est BARONIVS

*Annal. ad A.C. 1111. num. 26.* tenentem consecratam hostiam, eamque dividentem, ac altera ejus parte sumta, alteram Imperatori tradentem, hanc recitasse formulam, Pontificem: *Sicuti pars hæc vivifici corporis divisa est, ita divisus sit a regno Christi Domini nostri, qui pactum hoc violare tentaverit.* Attamen Papa, libertate recuperata, jusjurandum istud in Concilio Lateranensi An. 1116. publice rescidit, extortum fuisse causatus. Confer ex ipsis Pontificiis, FRANCISCI PAGI *Breviar. Pontif. Roman. Tom. II. Sec. XII. p. 554 sqq.* & FLEVRY *Hist. Ecclesiast. Tom. XIV. p. 130 sqq.*

Ad §. IV. pag. 149.

(4) *Jurans dicitur confiteri Deum*] In hunc certe sensum Judæi præceptum, de non jurando in vanum, exponunt apud HOTTINGERVM *Juris Hebr. Leg. 32. p. 43.* Ratio hujus præcepti est, ut sciant homines, cordibusque suis imprimant, & fidem in cordibus suis corroborant, כי האל ב'ה אשר בשמים ממעל וקיום לעד אין קיום כקיום Dei benedicti, qui in celis superne vivit, & quem testem adornat, subsistentia nulla sit similis.

Ibidem.

(5) *Objectum legitimum juramenti erat solus Deus*] Ita recentiores Judæi sanciant. MAIMONID. *Hilc. שבועות cap. XI. §. 1.* מצות עשה שישבע מי שנתחייב שכועת בבית רין בשם Præceptum affirmativum est, ut cuicumque præstandum fuerit in foro juramentum, is juret per nomen Dei. Nam jusjurandum in nomine Magni & Sancti, est species cultus divini, & honor atque sanctificatio magna est, jurare in nomine ejus. Unde nec nomini Dei, aliam rem quamcunque, ad latus jungi patiuntur a jurantibus, אחר להשבע nefas est, jurare per rem aliam, una cum nomine Dei. Scilicet, quisquis associaverit aliquam rem aliam in jurejurando, cum nomine Sanctissimi illius & Benedicti, exstinguatur e mundo. Neque enim Nomen, præter solum illud bene-



*benedictum, habetur, quod dignum sit, cui communicetur gloria, per illud jurandi, ut præcipit MOSES KOTZENSIS Præcept. affirm. 123. Eandem tamen, quæ nominis proprii est, religionem & reverentiam esse tradunt cognominum Divinorum, v. g. per nomen ejus, qui est gratiofus, qui misericors est, qui longanimis &c. ut MAIMONIDES cit. Cap. docet. Vbi tamen, quid Gemaristæ ad Cod. שבועות fol. 35. col. 1. fin. de valore & pondere juramenti per cognomina ista, tricentur, videre poteris apud GEORG. ELIES. EDZARDVM ad Cap. II. Avoda Sara Annot. 56. p. 287 sq. Ceterum non possunt per alium jurare Judæi, præter solum Deum, si genuinam de juramento sententiam tueantur, quam ex R. ABRAHAMI mente, ita edisserit R. BECHAI Comment. in Pentat. fol. 90. col. 2. העובר על השבועה כאלו מכחיש וכופר בשם יתברך כי כוונת השבועה כאשר השם אמת כן יהיה דברי אמת ואם לא וקיים דברו הרי זה כמכחיש את השם יתברך: Quisquis pejerat, is quasi Deum mendacem facit, eumque inficiatur. Quippe jurisjurandi ea significatio est, (quod jurans profitetur;) quemadmodum Deus ipsa est veritas, sic & verba mea vera sunt. Quodsi igitur verba non impleat, ecce, Deum quodammodo efficit mendacem.*

Ad §. IV. pag. 149.

(6) *Vox Hebr. נשבע passiva est*] Hoc & RIVETVS monuit Comment. in Exod. XX, 7. T. I. Opp. fol. 1279. Verbum in Niphal potius jurejurando adstringi significat, quam jurare: quia nemo jurare debeat, nisi ad id impulsus legitime. A septenario autem numero jusjurandum Hebræis appellatur, quia septem ut plurimum testes adhibebantur antiquitus, ad confirmationem juramenti, exemplo Abrahami, qui jurejurando suam Abimelecho regi fidem adstringens, septem agnas statuit, ad solemne rei documentum Gen. XXI, 30. Quem etiam morem imitatos fuisse Arabes, qui fœdera pacturi, septem lapides in medio positos, sanguine inungebant, testis est HERODO-

TVS Lib. III. ab init. Hinc pariter in Jure Canonico lege cautum est, ut purgatio, quæ Canonica dicitur, septem testium auxilio perageretur, Can. XII. XIII. Cap. II. quæst. V. Hinc PETRVS BUNGVVS in Numeror. Myster. num. VII. p. 311 sqq. Vocatur & numerus juramenti, inquit. Hinc apud Hebræos jurare dicitur septenare, quasi per septem obtestari.

Ad §. V. pag. cit.

(7) *Jurare per creaturas*] Quam profane ac temerarie Gentiles, v. g. Socrates per hircum, canem, anserem, Demosthenes per terram, per fontes, per fluvijs, per latices, Scythæ per ventrem & acinacem, per Spatham, Aegyptii per cape & allia, Gentes pene omnes per caput, Romani cumprimis per caput & salutem Imperatoris, æque ac Aegyptii per caput Regis, Persæ ἡ τὸν Μίθραν, per Solem, alii aliter jurare soliti sint, copiose docuit IOHANN. FILESACVS Selector. libr. II. qui jurisjurandi religionem complectitur, cap. II. p. 77. cui adde IOH. BAPTIST. HANSENIVM lib. de jurejurando Veterum cap. XX. XXVII. XXVIII. Non minus profane MYHAMMED, jurando per cælum Surat. XCI. 5. per solem & lunam ibid. c. I. 2. per stellam Surat. LIII. 1. & LVI. 77. per alias res inanimatas Surat. LII. 1 sq. modum suis præivit. Quin immo, Deum inducit jurantem, per ventos, per nubes aquosas, naves, Angelos, per montem Sina, librum Corani, domum exaltissimam, per auroram, per noctes decem, per feminas extrahentes & excavantes profundum, per calamum, ficum, olivam, & plura ejusmodi. Surat. LXI. LXVI. LXXVIII. XCV. XCVI. immo per Dæmonem, Surat. LXXXVII.

Ibidem.

(8) *Judæi præprimis jurabant*] Hanc per creaturas jurandi temeritatem, in Judæis atro carbone jam notarunt, LIGHTFOOT. Hor. Hebr. ad Matth. V, 33. SELDENVS lib. II. de Synedr. cap.

cap. XI. §. 7. & GEORG. ELIEZ. EDZARDVS in cap. II. Avoda Sara, Annot. 56. p. 286. quos evolvat, quem talia juvant. Nobis hic liceat geminum observare momentum. N. quod ista per cælum, per terram, per templum &c. jurandi consuetudo, ex locis Scripturæ male intellectis, ortum forte traxerit, v. g. Amos. VI, 8. *Juravit Dominus Deus per animam suam*, inquit *Jehova Deus Zebaoth*, & cap. VIII, 7. *Juravit Jehova per excellentiam Jacob*: quod R. DAV. KIMCHI primo quidem recte exponit, idem valere ac si dixisset: *per meipsum juravi, quia Deus sit excellentia Jacobi*; mox tamen addit, posse etiam designare juramentum Dei בבית המקדש *per templum*, quod proprie sit excellentia Jacobi; unde posthæc manavit formula jurandi המעון הזה *per habitaculum hoc*, i. e. per templum, quod etiam efferebatur הכולל *per templum*, ut legitur in *Juchasin* fol. 56. col. 1. & in init. Cod. *Cerithuth Rabban* SIMEON BEN GAMALIEL testatur, זה מנהג בישראל *sic mos fuit in Israele*. Ita, quia Josephus Genes. XLII, 15, 16. *per vitam Pharaonis* jurasse legitur, consuetudo invaluit posthæc, quam R. BECHAI loco supra citato edisserit: *Apud Aegyptios in hunc usque diem ea consuetudo est, ut si quis בחיי המלך per vitam Regis juret, nec jusjurandum servet, pejerans ultimo supplicio afficiatur, nec vitam redimere possit, si maxime tantum, quantum ipse aequat, auri pondus offerat, quippe quod Regem propalam contempsisse judicatur*: quæ, iisdem fere verbis, R. ABEN ESRA quoque perhibet. Erat quippe hoc summum, ac inviolabile Sacramentum. Ita quoque Vrias Davidi jurat, וחי נפשיך *per vitam tuam*, & *per vitam animæ tuæ*, 2 Sam. XI, 11. paulo autius ITHAI GITTHAEVS: וחי אדני *per vitam Dei*, & *per vitam Domini mei Regis*, cap. XV, 21. Similem juramenti formulam exculpit R. DAV. KIMCHI ex Jes. VIII, 20. לתורה ולתעורה *ad legem & ad testimonium*, ubi ille: כאדם האומר *jusjurandum hoc est, cum homo dicit, per legem erit istud sic vel sic*. Hinc forte ortum, ut jurantes Judæi libro legis manum imponant, id-

que solum pretii esse statuant jusjurandum, cetera vilipendant. ב. quod monemus, est, quod ejusmodi per creaturas juramenta, neminem obligare censeant Judæi recentiores. Diserte MAIMONIDES Hilc. שבויעה cap. XII. *Si quis juret per cælum & per terram, perque solem & similia, quamvis non intendat jurare, nisi per illum, qui creavit ista, tamen non est juramentum. Et sic etiam, si quis juret per prophetam quendam e numero prophetarum, aut per librum quendam hagiographum codicis sacri, etsi non intendat jurare, nisi per illum, qui misit prophetam istum, aut per eum, qui præcepit, ut liber iste codicis sacri scriberetur, tamen non est verum juramentum*. His gemella habet MOSES KOTZENSIS in *Lib. Præceptor. magno, Præc. negativo* 241. fol. 70. col. 3.

Ad §. VI. pag. 149.

(9) *Si autem per donum super eo, tenebatur*] Perspicue hæc exponit LIGHTFOOT. in *Horis ad h. l.* quasi pro nihilo fuisse apud Judæos, jurare המעון הזה *per Templum*, & המזבח *per Altare*, unde se obstrictos non sunt opinati; at vero, si קרבן *Korban* jurarent, vinculo indissolubili se mancipatos censuisse; e. gr. si quis sic juraret: *per templum*, aut *per altare*, aurum, pecora, bona mea, tibi non proderunt, licuit tamen juranti, si vellet, per hæc ei prodesse; at, si sic juraret: *Korban templo aurum meum, Korban altari pecora mea*, hoc nullo modo fuisse violandum.

Ad §. VII. pag. cit.

(10) *Juramento Korban*] Conferri denuo meretur LIGHTFOOT. ad *Matth. XV*, 5. ubi vocem קרבן rem sacratam, atque usui sacro dicatam exponit, ut ita Κορβαν ac Δῶρον ipsum; idem faciant; nec hoc sibi velit, rem istam in usus sacros dicatam esse, nec etiam, sese obligare ita jurantem, ad eam sacrandam, sed ab ista re solum obligando cohibere, cui negandæ tali formula est usus: v. g. si a filio alimoniam posceret egenus pater, respondet filius iracundus & cum



contemtu: sicut res sacrata sit, quodcunque e  
meis bonis tibi prodesse queat. Res autem sa-  
crata non erant in usus communes & profanos  
erogandæ. His itaque verbis, licet irreveren-  
ter prolatis, obligatum tamen censebant Judæi  
filium, ut patri indigenti nequaquam licuerit  
succurrere. Ad dicanda sua in sacros usus per  
hæc verba nullatenus tenebatur; ad non juvan-  
dum patrem autem tenebatur inviolabiliter. Sen-  
su haud multum diverso *POCOKIVS* Not. Mi-  
scell. ad portam Moysi p. 414. Korban in hac lo-  
quendi forma idem vult valere ac *קרבן* vetitum  
prorsus, ut perinde sit, ac si diceret *קרבן*  
*מקרבן* non minus vetitum quam Korban attinge-  
re. Casum ita format: Pater ad inopiam lapsus,  
filii opem exposcit. Respondet filius, voto se  
impediri, quo minus hoc præstet. Provocat pa-  
ter ad mandatum Dei, promissis & minis undi-  
que munitum, quo sibi in filii bona id juris con-  
cessum, quo a nemine mortalium spoliari de-  
beat. Opponit filius traditionem Sapientum,  
qua ipsi votum suum, vel hujus, vel alius cujus-  
vis mandati neglectu ac contemtu, præstandum  
docent, ideoque sedulo cavere jubent, ne ad pa-  
trem aliquid ex bonis suis commodi perveniat.  
Hoc est, quod ipsis impropere Christus: *καὶ ἐκ  
ἀφίετε αὐτὸν ἕδεν ποιῆσαι τῷ πατρὶ αὐτῆς ἢ τῇ  
μητρὶ αὐτῆς, ἀκυρῶντες τὸν λόγον τῆς Θεῆς τῇ πα-  
ραδόσει ὑμῶν, ἢ παραδόκατε.* Denique sunt, qui  
Korban juramentum esse censeant, cum Auctore  
nostro, & *BENED. ARIA MONTANO* in *h. l. Nov.  
Test.* Plura qui cupit, adeat *SELDENI* de *Jure  
N. & G. lib. VII. cap. II.* & *WILH. MÖMMÆ*  
*Oecon. Tempor. Tom. II. lib. III. cap. V. §. 139 sqq.*  
Nobis quid videatur, distincte proponemus.  
*N. VI* vocis *קרבן* a *קבר* appropinquavit, accessit,  
significat munus, quod appropinquantes Deo of-  
ferimus, sive cruentum sit, ut victimam, sive in-  
eruentum, ut *δῶρον*, ex voto Deo oblatum. Tri-  
plicem autem notionem obtinet, & partim omne  
illud notat, quod Deo dicatum & consecratum  
est; unde omnino Naziræi *קרבᾶν αὐτὰς ὀνομά-  
σαντες τῷ Θεῷ* δῶρον δὲ τῷτο σημαίνει κατὰ ἐλ-  
λήνων γλῶτταν, seipsos Korban nominaverunt,

Deo: significat autem hoc vocabulum Donum in lin-  
gua Græca, interprete *IOSEPHO* lib. IV. Antiqu.  
cap. IV. partim thesaurum, ex donis collectum, ut  
Luc. XXI, 4. *ἀπαντες γὰρ ἔτοι ἐκ τῆ περισσεύον-  
τος αὐτοῖς ἔβαλον εἰς τὰ δῶρα τῆς Θεῆς*, in thesau-  
rum Dei: partim ærarium eleemosynarum, *γαζο-  
φυλάκιον* nuncupatum, ut Matth. XXVII, 6. summi  
Sacerdotes inquirunt: *ἐκ ἕξει βαλεῖν αὐτὰ εἰς  
τὸν κορβανᾶν, ἐπεὶ τιμὴ αἵματός ἐστι.* Sic pari-  
ter vocem exponit *IOSEPHVS* libro II. de Bell.  
Jud. cap. IX. §. 3. *μετὰ δὲ ταῦτα ταραχὴν ἐτέ-  
ραν ἐκίνησε (ὁ Πιλάτος) τὸν ἱερὸν θησαυρὸν, κα-  
λεῖται δὲ κορβανᾶς, εἰς καταγωγὴν ὑδάτων ἐξ-  
ναλίσκων.* Posthac autem alium tumultum excita-  
vit (Pilatus) sacrum thesaurum, isque Korbanas  
appellabatur, in constructionem aquæ ductus impen-  
dens. Nisi inter *κορβᾶν* & *κορβανᾶν* distinguere  
velis, ejus tamen utriusque vocis eadem vis  
est. Erat quodque in Templo *שכח קרבן* Con-  
clave Korban, quod in eo essent agni, sacrificio  
jugi destinati, & aliud adhuc *שכח קרבני ברק*  
*הבית* Conclave τῶν Korban, consecratorum instau-  
rationi templi. Sed ut ad rem ipsam redeamus,  
*B.* Korban num ad juramenta referendum sit, an  
ad votum? ambiguum videri potest. Auctor  
noster ad juramenta refert, æquæ ac *MAIMONI-  
DES* Hilc. de jurejurando cap. VI. §. II sqq. ubi  
varios hujus juramenti casus format; *LIGHT-  
FOOT.* autem citato loco ad vota spectare censet.  
Si dicendum, quod res est, sæpe votum concur-  
rebat cum juramento, ut esset votum jurato con-  
firmatum. Vbi tamen distinguendum censemus  
inter id, quod est voti, & id, quod accessit jura-  
menti. Erant enim tales quoque votendi for-  
mulæ, absque juramento, v. g. si quis diceret:  
*הקדש יהי כל מה שאני עושה מלכוח ער*  
*אבנא* sacrum esto, quicquid paravero in futu-  
rum, quantum ad os patris, ut est apud *COCCE-  
IVM* in *Excerpt. Gem. Cod. Sanhedr. cap. VII. §. 5.*  
Not. 9. ubi votum habes in *הקדש יהי* absque  
tamen juramento. *B.* Sensus formulæ apud in-  
terpretes eodem fere redit, licet diversimode ef-  
feratur. In verbis enim: donum seu res sacra  
sit, qua ego tibi profum, aut qua tu utilitatem ex  
me

me capias, aperta est beneficii, a parentibus petiti, cum indignatione quadam, negatio, & subsidii conferendi recusatio, quasi filii ægre ferentes, quod a parentibus molestia afficiantur, & variis petitionibus macerentur, & continuis largitionibus debilitentur, cum ipsi habeant familiam, cui sit prospiciendum, in votum ruant præcipites, videntes: *munus sit, quicquid ex rebus meis attigeris, utilitatis causa.* Licet, quod supra inculcatum fuit, nec res istæ consecrata sint, nec ita posthæc habeantur, sed ut solum denegentur petentibus. Quin immo filius, qui se nullam utilitatem patri daturum voverat, ne quidem alteri dono quid dare poterat eo animo, ut patri prosit; ut est in Tract. *Nedarim cap. V. §. 6.* ubi vide BARTENOR. & MAIMONID. in c. l. 7. Pari valore pater, eadem formula, liberis alimenta negare, immo ipsa hereditate excludere poterat, teste Mischna in *Nedarim cap. IX. §. 10.* *קונם אי אתה תהנה כשלי* quoniam si mortuus sit pater, heres ejus est filius, si in vita & post mortem suam pater interdixerit filio bonis suis, non erit heres, patre mortuo. ה. Denique in solenni formula: *קונם שאיני נהנה לערלים* Voveo, quod nullam utilitatem sim percepturus ex præputiatis: *קונם שאיני נהנה למולים* Voveo, quod nullam utilitatem sim percepturus ex circumcisis &c. per omnes fere Codices Talmudicos mendum irrepsisse, ut negative legant *שאיני* / quod affirmative legi debebat *שאני* / magna cum cura & operose observavit & emendavit EDZARD. ad *Avoda Sara cap. II. pag. 292 sqq.* ubi simul in hoc voti genus, ejusque genuinum sensum, copiose inquisivit.

Ad §. VIII. pag. 149.

(11) *Comitata sit execratio*] Fallor, an huc spectat juramentum, quo Judæi nonnulli ἀνεθεματίσαν ἑαυτοὺς, devoverant sese, nihil gustaturos prius vel comesturos, quam e medio sustulissent Paulum Actor. XXIII, 12. Scite SANCTIVS in h. l. Act. sensum verborum ita eloquitur: Devoverunt se, i. e. diris se, ac Dæmonibus, aut aliis similibus infortuniis tradiderunt; vel, optarunt sibi, ad Synagogam, piorumque conventum aditum præcludi, si jejunium ullo modo solverent, ni Paulo prius e vivis sublato. Hanc devovendi rationem ex 1 Sam. XIV, 24. arcessit, ubi Saul adjuravit populum, ne quis panem comederet usque ad vesperam, donec ultionem sumferit ab hostibus.

Ibidem.

(12) 1 Samuel. XIV, 44. 1 Reg. XX, 10.] ABARBENEL ad 1. c. Sam. contra reliquorum Interpretum consensum, hanc jurisjurandi formulam esse negat, maledictum autem, vel execrationem esse tueretur, q. d. *Ita faciat mihi Deus, ut non respondeat mihi ad quæsitæ, & ita addat, facere iteratis vicibus, si non moriatur Jonathan.* Pariter ad 1. c. Reg. sensum ita reddit: *Ita faciant mihi Dii, secundum id, quod a te postulavi, h. e. vicem mihi reddant, & adhuc addant rependere mihi mala, præter ea, quæ a te postulavi &c.* Sed nil obstat, quo minus execratorium vocari queat juramentum, quo laudatus supra SANCTIVS tendit, quando ad loc. cit. Samuel. opinatur, aliquid subaudiri execratorium, ut in aliis sæpe jurisjurandi formis.



## LIB. VI. CAPVT VII.

DE MODO SCRIBENDI, MASORETHIS,  
IPSORVMQVE OPERE.

Ad §. II. pag. 150.

**D**e auctoribus & inventoribus literarum ]  
Copiose & erudite hoc argumentum discus-  
sit GER. IOH. VOSSIVS lib. I. artis Grammaticæ  
cap. IX. X. XI. & in epitomen coegit de IV. Ar-  
tib. Popular. cap. II. §. 8. Vetustis versibus Tro-  
chaicis, sed incerti Auctoris, quos refert LILIVS  
CYRALDVS dialogo I. de Histor. Poetar. p. 9 sq.  
omnes literarum inventores comprehenduntur  
hoc modo:

Primus Hebræas Moyses exaravit literas:  
Mente Phœnices sagaci condiderunt Atticas:  
Quas Latini scriptitamus, edidit Nicostrata:  
Abraham Syras, & idem repperit Chaldaicas:  
Ips arte non minore protulit Aegyptias:  
Gulfilas promisit Getarum, quas videmus, lite-  
ras.

Primus quidem literarum & scriptionis inven-  
tor & auctor Adamus, censetur AUGUSTINO  
Quest. 69. in Exod. ubi disputat, qui sint γεγραμ-  
μένων εἰσαγωγῆς. Nonnullis, inquit, videtur, a  
primis hominibus literas cepisse, & productas esse  
ad Noë: & inde ad populum Israel. Ita SVI-  
DAS in voce Ἀδάμ τὰς τέχνας, καὶ γεγραμ-  
τά. Rursus Phœniciis hæc gloria passim tribui-  
tur a Gentilibus. PLINIVS lib. V. cap. XII. Ipsa  
gens Phœnicum, inquit, in gloria magna literarum  
inventionis, & siderum, navaliumque ac bellicarum  
artium. Quando autem Phœnices primi literas  
invenisse, & Phœnicum literarum omnium antiquis-  
simarum dicuntur, res ita conciliari potest, quod  
Phœnices ipsimet sint Cananæi, unde literarum  
Phœnicarum, tum veteres Hebræarum prorsus sunt eæ-  
dem. Cum ergo Abrahamus ex Chaldaea in Ca-  
naanem migraverit, ibique cum posteris ege-  
rit, donec terra ista in patriam cederet Israelitis,

detulit ille secum literas, si non prius jam Phœ-  
nices, sive Cananæi, scribere noverint. Cum-  
que in magna esset, etiam apud Gentiles regio-  
nis incolæ, auctoritate, velut princeps Dei Ge-  
nes. XXIII, 6. factum hinc est, ut Abrahami lite-  
ras & artes addiscerent Cananæi, & ipsius eva-  
derent disciplinæ alumni. Græci autem haud  
dubie, & veterum omnium consensione, a Cad-  
mō Phœnice literas suas acceperunt, unde Cad-  
mearum ipsorum literarum, ad Jonicas proxime acce-  
dere HERODOTO perhibentur. Figuram au-  
tem Cadmearum, sive Jonicarum potius litera-  
rum exhibet SCALIGER in Digressione de literis  
Jonicis, ad numer. Eusebianum 1617. Latini suas  
literas ab Evandro Arcade habent, vel ab ejus  
matre Nicostrata, quacum in Italiam appulit, te-  
ste TACITO Annal. XI. Vt adeo literarum &  
scriptionis non modo artificium, sed & figura ac  
modus, primo in sedibus familiæ Adami, & Pa-  
triarcharum antediluvianorum commorata sint,  
post diluvium a Setho in novum orbem transla-  
ta & propagata, inde in Chaldaeam, atque ex hæc  
per Abrahamum in Canaanem seu Phœniciam  
sint transportata. Ex Phœnicia Cadmus, Theba-  
na in Bœotia arcis conditor, detulit ea in Græ-  
ciam, unde a Bœotis acceperunt Arcades, & ex  
Arcadia in Latium migrarunt. Ita VOSSII fe-  
runt rationes, a quibus parum discedimus nos in  
diversum. Si minus Adam, incertus sane au-  
ctor, incerta ætas, Mose tamen longe prior. In  
tanta vero rerum caligine & vetustate, certi  
quid definire a temeritate non multum abest.  
Ita sane animatus sum, ut, cum urbium condendarum,  
operis ferrarii, quin & Musicæ, aliaque  
inventæ, diluvium multo antecessisse Genes. IV,  
17 sqq. memorentur, hoc tam præclarum, & ad  
commoda generis humani juvanda aptum natum

*lingua* literarum, haud multo sequius existimem. Quis enim credat, mundum priorem, ultra sedecim sæcula, scriptione omni & literarum monumentis caruisse? licet nec libro Henochi, nec Sethianis columnis, nec aliis id genus fabulis adstipulemur. Hinc literas, ante Mosen fuisse ab Abrahamo e Chaldæa in Canaan, indeque a Jacobo in Aegyptum traductas, probat F. M. B. AB HELMONT in *Alphabeti Hebraici delineatione*, p. 14 sqq.

Ad §. II. pag. cand.

(2) *Firmiore fundamento statuitur Moses*]

Hanc, post alios, ornandam, tuendamque sibi sumsit sententiam IOH. HENR. VRSINVS T. I. *Analect. Sacr. lib. VI. cap. I. p. 327.* & fusius confirmare satagit, in universa illa de *Zoroastre, Hermete Trismeg. & Sanchoniathone* tractatione, maxime *Exercit. III. Sect. 2. pag. 191.* ubi Adamum, & *Sect. 3. p. 203.* ubi Sethum & Sethianos, literas ignorasse, suae ætate omnem scientiarum ambitum orali solum institutione ad posteros propagasse propugnat. Recentissime Vener. HENR. BENZELIUS *Syntagm. I. Dissertat. p. 160 sq.* licet in incerto fluctuat, in tantum tamen sententiæ huic accedit, ut literarum usum ante Mosis ævum, fuisse neget. Etsi vero facile damus, primum fuisse Mosen scriptorem, cujus monumenta ætatem tulerunt, & ad seram transmissa sunt posteritatem, totis tamen bis mille annis & amplius, genus mortale scriptio- nis subsidio caruisse, persuaderi nobis non patimur. Quod enim BENZELIUS cum aliis urget, longævitatæ beneficium librorum defectum compensasse; istud tamen, velut mortalibus omnibus commune fuisse, valido satis nullo evictum hætenus est argumento, cum rectius alii censeant, Deum privilegium istud sanctis Patriarchis, iisque gratiose indulgisse, quibus id datum erat negotii, ut doctrinam salutarem ac revelatam posteros docerent, reliquos autem angustiori longe ambitu vivendi spacium descripsisse; ita nil prohibet, quo minus & viva voce,

præsentés coram, & literarum monumentis absentes instruerent. Moses sane Act. VII, 22. in omni Aegyptiorum sapientia institutus perhibetur, adeoque literas dudum inventas, & scripta exarata, in Aegypto adhibuit. Quin & ante Mosen, Iosephus in Aegyptum translatus, a Davide Psal. CV, 22. principes, edocuisse morem suum, & seniores sapientiam memoratur, quod per nudam oris traditionem, absque literarum scriptorumque subsidio factum, vix vero videtur simile. Graviter itaque, PETR. DAN. HUVETIUS *Demonstr. Evang. Propos. IV. cap. XIII. p. 282.* STEPH. MORINUS *Exerc. I. de lingua prim. p. 151 sq.* cum primis vero Venerab. LOESCHERUS *Comment. de causis L. H. Lib. II. §. 17. p. 218 sq.* literarum ortum Mose dudum anteriorem demonstrant, eumque in finem postremus ad Job. XIX, 23, 24. provocat, ubi scribendi, librorumque, ante Mosis ætatem, fit mentio, cui quidem dubio, laudatus VRSINUS *Exerc. III. de Sanchoniath. Sect. 4. p. 222.* occurrere annis est, verum ita, ut minus satis fecerit eruditus. Demum vero ADRIAN. A CATTENBURCH *lib. I. Synt. Sap. Mos. cap. III. §. VIII. p. 19.* citra hæsitacionem pronunciat, quemadmodum divinæ bonitatis documentum sit, quod genus humanum scientia significationis verborum, & facultate, ea pronunciandi, cum ipso ortu fuerit imbutum; ita non hic substituisse concludit Dei beneficium, sed & porro accessisse donum, exprimendi verba, characteribus vel literis, absque vocis sono. Quæ licet ex mera asseruntur conjectura, pia tamen illa est, & talis, cui locum facile dandum existimamus.

Ad §. III. pag. cit.

(3) *Materia, cui inscribatur*] De hac ex instituto & prolixè egit, laudatus supra VRSINUS in *Aristarchi five de arte Grammat. lib. I. cap. 35 sqq. p. 44.* ultra quem non est, ut expetas plura. In compendio idem argumentum pertractat HEVMANNUS *Conspect. reip. literar. cap. 3.* & paulo copiosius adhuc, laudatus A CATTEN-



EVARCH, *cit. lib. cap. III. p. 19 sqq.* docetque, in rupibus & saxis, in foliis vel corticibus arborum, in lamellis plumbeis, in linteis voluminibus, in tabulis ceratis, in ebore, in ære, in intestinis animalium, in charta vel papyro, in pellibus & membranis, priscos mortales scribere consuevisse.

Ad §. III. pag. 151.

(4) *Instrumento quodam ferreo*] Consultatur denuo VOSSIUS, eique jungatur IOHAN. SCHEFFERVUS *de stylo*, statim a capite libri. De utroque styli usu, scite canit PRYDENTIVS hymno 9. *de Cassiano Martyre*: *Inde alii stimulos, & acumina ferrea vibrant, Qua parte aratis cera sulcis scribitur: Et qua secti apices abolentur, & aquoris hirti Rursus nitescens invenitur arca.* Quod autem VOSSIUS ex NICOL. TRIGAVLTII *Expediit. Sinic. lib. I. cap. 14.* observat, apud Sinenſes, in scribendo usum esse penicilli, quem atramento tingunt, quique fit e pilis leporinis, id haud inique in multos intorſeris ſæculi nostri scriptores ineptos, quos a scribendo abstinuisse præstitisset.

Ad §. IV. pag. cit.

(5) *Voluminibus papyri aut membranarum*] Voluminis antiqui figuram ære exprefſam, ac multa alia, hoc argumentum illuſtrantia, & vix ab ullo alio obſervata, habes apud ISAAC. VOSSIUM in *Obſervat. ad CATVLIVM* p. 54. Dicitur autem Hebræis, *volumen מגלה* a verbo גלל, *volvere, convolvere* &c. æque ut a נסך *expandit*, est מסכת *volumen*, ex folio expanso convolutum; ab antiquiſſimo more, quo libri in membranis aut chartis plicabilibus ſcribebantur, quas ſuper cylindrum, ſeu axem ligneum in orbem circumvolvebant, ſicut telæ radio textorio circumvolvi ſolent; quod hodiernum in libro Legis, ad uſus Synagogæ publicos adhibito, videre licet. *Liberius* quidem a S. Amore, qui IOH. CLERICVS est, in *Epist. X. Theol.* p. 267. veteres nonniſi libris volubilibus uſos

ſuiſſe negat. Præter pugillares enim, habuiſſe quoque libros membranaceos, qui *muſſæ* nomine apud Latinos, & *σματος* apud Græcos veniunt, qui ex multiplicibus foliis; ex utraque parte ſcriptis conſtruebantur, haud ſecus ac hodie libri noſtri ſolent, qui ex multis conſtant foliis, aliis ſuper alia ſtructis ac inter ſe compactis. מגלה ergo & ספר ita vult diſſerre, ut ספר generalior fit, & tam volubiles libros, quam qui involvi non poſſunt, complectatur; מגלה vero volubiles, qui plagulis ad plagulas agglutinatis, in longam paginarum ſeriem extentis, & in rotulum convolutis, conſtabant. Hinc porro concludit, *Psal. XL. 8. ספר מגלה* per hypallagen dici, pro ספר מגלה / nec tam *volumen libri*, vel *librum involutum*, quam potius *librum volubilem*, ſeu *volumen*, exponendum eſſe. De his ſi ferenda ſit ſententia, ספר a contentis, ſive materia dicitur, ex verbo ספר *recenſuit, narravit*, quia recenſionem completitur rerum quarumcunque, velut Gen. V. 1. expoſitio, ſive liber generationum Adami, ruruſque liber, ſive commentarius bellorum Domini, Num. XXI. 14. laudatur; & Deus, delectis ex gente captiva Judaica juvenibus, intelligentiam largitus fuiſſe fertur ככל ספר וחכמה Dan. I. 17. unde quoque pro epiſtola uſurpatur 2 Reg. X. 1. Eſth. III. 12. מגלה vero, a forma voluminis externa, quia juxta R. MORDECHAI-NATHAN in *Concordantiis*, omnia vocabula ex verbo גלל deducta, ſunt גלגול וסכוב לשון notionis convolvendi & circumdandi. Nec dubitare ſinit Zach. V. 1. ubi מגלה עפה *volumen volans* conſpicitur, non convolutum, ſed apertum, idque longum 20 cubitorum, & latum 10 cubitorum, unde veterum voluminum magnitudo æſtimari poſeſt. Vtrumque ergo quando jungitur vocabulum, non unum idemque notat utrumque, quod viſum eſt IOH. HENR. MAIO *Differt. Sacr. I. §. 7. p. 10.* ſed emphatice *volumen recenſionis ſacræ*, ſive oraculorum divinatorum, designat. Idem vero, quando a Paulo Hebr. X. 7. *νεφελὴς βιβλίου* appellatur, CLERICVS *cit. loc.* hypallagen denuo

denuo intrudit, ut dicatur pro βιβλίον κεφαλίδος, & ita vocari credit volumina, ob figuram summitatum rotundarum baculi, cui circumvolutæ erant membranæ. Has enim extremitates rotundas κεφαλίδας fuisse dictas, ex EUSTATHIO probat, ut κεφαλὶς βιβλίου, nihil sit aliud, præter *volumen*. Hoc vero dilutum mihi videtur. Primò meminerimus, locutum hic fuisse Paulum cum LXX. ut scriptores N. T. sæpe in more habent positum. Porro, cum κεφαλὶς, SVIDA interprete, idem sit ac ἑλληνικὸν *volumen*, quod etiam ex Ezech. II, 9. III, 1, 2, 3. liquet, ubi LXX מנלה per κεφαλίδα exponunt, haud absurde dixerim, voluminis voce totam Scripturam, in quantum Davidis ætate prostabat, pro gentis & linguæ genio denotari, κεφαλίδα vero partem seu librum aliquem singularem designare, ut secundum literam reddendæ sint hæ duæ voces in libello quodam codicis sacri, illustria ejusmodi de Christo vaticinia legi consignata. Alii malunt per κεφαλίδα βιβλίου, *initium Scripturæ Sacræ* intelligere, ut ad præclarum, de semine mulieris oraculum Genes. III, 15. respiciatur: quod suo loco relinquimus. Quod vero antiquissimis temporibus, Mosis ac posthæc Davidis, libros extitisse CLERICVS contendit, non convolutos modo, sed nostrorum quoque similes, ex pluribus foliis sibi mutuo impositis compactos, id nec Latinorum, nec Græcorum conficiet auctoritate, quorum quippe ætas ac literaturâ ad Mosis & anteriorem plane non affurgit antiquitatem. Ceterum מנלה Judæis κατ' ἐξοχὴν vocari libellum Estheræ, quod a primis ille temporibus seorsim, & peculiari volumine, in Synagogæ & festi Purim usum, & quidem sine ullis distinctionum notis consignari consueverit; quali antiquissimo exemplari se gavissimum BVXTORFIVS memorat *de Origin. Punctor.* p. 49. id alias jam in *Introduct. ad lib. V. T. P. I. cap. XX. §. I. p. 351 sq.* monuimus, æque ac מנלה חמש *quinque libellos*, Canticum, Ruth, Threnos, Ecclesiasten, ac Esther, dici a Judæis Germanis, & plerumque jungi observavimus *ibid.* cap. XI. §. I. p. 195 sq.

Ad §. V. pag. 151.

(6) *Quasi totidem areolis*] Hebræi volumina sua scribebant lineis, non per longitudinem totius membranæ deductis, sed multis spaciis & columnis, quasi totidem areolis, a se invicem distinctis, ut paginas quodammodo, non autem folia nostra referrent. Hinc Jerem. XXXVI, 23. signanter רלחות *januæ* dicuntur, propterea, quod multarum januarum, una serie collocatarum speciem exhibent. R. DAV. KIMCHI exponit רפין *folia* vel *paginas*: recte quidem, sed nimis frigide rationem reddit: לפי שנתחיים ונסגרים כרלחות *quod, velut januæ, aperiantur & claudantur*; cum rectius ita dici existimentur a figura externa, quia folia vel paginae librorum habeant formam ostiorum, vel januarum. Mirari tamen subit, qui factum sit, ut IAC. ALTINGIVS *Comment. in b. l. Tom. I. Opp. p. 893.* in eandem incesse sententiam, & רלחות vocari folia existimaverit, quia sint instar januæ, quæ super cardinem suum movetur, ut claudat spacium quod videbatur, quando illa vertuntur: quod in totum magis quadrat volumen. Potius columnæ istæ, unius voluminis plures & distinctæ, formam januæ referunt, imprimis, si, ut fieri solebat, per lineas ductas includebantur & distinguebantur.

Ad §. VII. pag. eand.

(7) *Quod attinet Masorethas*] De Masorâ & Masorethis nos cum cura egimus *Critic. Sacr. P. I. cap. VI. p. 283.* cui si jungas copiosam tractationem, quam doctissimus IOH. CHRIST. WOLFFIVS *Bibliotheca Hebræa libro III. de Masora p. 460.* instituit, vix erit, quod in hoc argumento desiderare amplius possis. Recentissime quoque Vir Clar. ANDR. GEORG. WAERNERS *Antiqu. Hebr. Vol. I. sect. I. cap. XXXVI. p. 93.* eidem incubuit labori, nobis ut prolixioribus esse hinc non liceat. Istud tamen, ad retundendas variorum objectiones, negligere non possumus, quin paucis repetamus, trium ætatium



tum viris Masorethas constare. *Primi* erant *Viri Synagoga magnæ*, qui, cum in eo essent, ut reduci ex captivitate Babylonica populo de emaculatis Codicibus prospicerent, eoque sine Canonem Ver. Testa nenti componerent, scriptaque genuina a subreptitiis & spuris discernere, eadem simul opera Textum sacrum recensuerunt, quæ in exempla minus exacta irrepserant mendæ, correxerunt, veramque ac sinceram lectionem Codicibus reddiderunt. Quam ut sanctam rectam servarent in posterum, observationes quasdam textuales, ex quotidiana Sacri Codicis lectione enatas, circa versuum numerum ac ordinem, circa voces rariores vel insolito constructas nexu, circa anomala, & irregulariter punctata vel scripta, & id genus alias, in chartam coniecerunt, & ad suos pariter ac posterorum usus adhibuerunt. Hæc prima Masoræ initia, eaque satis rudia fuerunt & tenuia. Atque de his bene monet Auctor noster §. IX, quod hoc Collegium ad minimum XL annis perstiterit, atque in Simeone Justo, sub Alexandri M. imperio desierit. CXX. complectebatur Assesores, sed qui non una eademque vice & ætate congregarentur, verum alteri succederent alteris. *Intermediæ* sunt סופרים *Scribe* & Numeratores, qui partim ab Antiochi Epiphaniis ætate, partim subsequenter, ad natum usque Servatorem nostrum, sæculis in eandem incubuerunt curam. Hi Doctorum veterum schedas diligenter conquirebant, inque suos vertebant usus, ac novis subinde annotatis augebant; horum porro auditores idem premebant institutum, ita quidem, ut thesaurus iste ex doctorum virorum industria & ingenio, nova singulis ætatibus caperet incrementa, & ab aliis subinde aliter adornaretur ac instrueretur. *Tertii* denique sunt *Doctores Tiberienses*, qui sub finem V. aut initium VI post C. N. sæculi, in Academia Tiberiensi confluentes, libros Masorethicos undique conquisiverunt, mutuo contulerunt, in meliorem ordinem redegerunt, suis novisque locupletarunt inventis, & ultimam velut limam manuumque huic doctrinæ generi adhibuerunt.

Equidem recentiores quoque Magistri, maxime a sæculo XI & amplius, suam pariter Masoræ operam addixerunt nonnunquam, & a majoribus prætermissa, a se autem observata adiecerunt. Masorethas tamen eos non dicimus, quod levis eorum opella, hanc doctrinæ partem nec ex instituto tractaret, nec insigniter juvaret & ornaret. Nisi forte duumviros, Ben Ascher & Ben Naphthali, hoc encomio digneris, quorum variantium lectionem syllabus haud proletriam in hac palæstra solertiam probat.

Ad §. X. pag. 152.

(8) *Opera ipsorum, munusque* ] In eo nimirum Masoretharum versabatur labor, ut 1) Canonem componerent, cujus sparsa hactenus volumina seorsim in Doctorum manibus hærebant: 2) scripta Canonica ad authentica exemplaria recognoscerent; πρωτότυπα enim, licet dudum periissent, authenticam tamen auctoritatem obtinebant illa, quæ a viris Θεοπνεύστοις; qui Synagogæ magnæ præfuerant, approbata erant & recepta: 3) Codicem in suas partes, Legem scilicet, Prophetas, & Hagiographa, juxta Luc. XXIV, 44. librosque in sectiones, Sidras, Parafchas & Haphthoras, dispecerent: 4) Criticis annotationibus suis lectionem genuinam adversus corruptelas pariter, ac male sanam sciolorum Criticem munirent & confirmarent. Hæc vero notationes *partim* versantur circa Textus sacri versus sive commata, quos & numerarunt, & juxta varias ipsorum affectiones in vocibus ac literis, considerarunt: *partim* circa voces, quarum tum genuina scriptio & lectio, tum situs & locus, tum structura, & vel cum aliis vocibus conjunctio, vel cum servilibus literis compositio, tum significatio, si ambiguitate laborent, fuit notata: *partim* circa literas, quarum mox qualitas in figura, majuscula an minuscula, inversa aut suspensa, mox quantitas in numero expensa: *partim* circa literarum puncta, tam vocalia, quam accentualia.

Ad §. XI. pag. 152.

(9) *Castigabant libros Canonicos ab omni errore*] Hæc verba ita sunt mitiganda, ut de errore solum particulari, in Codicibus quibusdam, non universali Scripturæ, veniant intelligenda, juxta illa, quæ in *Crit. Sacr. P. I. cap. III. §. 3. p. 91 sqq.* caute & copiose sumus persecuti.

Ibidem.

(10) *Et versus*] Versuum distinctionem, una cum Auctore nostro, Buxtorfius etiam Masorethis tribuit, *Tiberiad. cap. XI. p. 27.* Nos autem primis librorum sacrorum Scriptoribus

vindicavimus *cit. loc. cap. IV. §. 5. sect. 2 sqq. pag. 153.*

Ad §. XIV. pag. 153.

(II) *Vocales non agnoscunt auctores Masorethas*] Recte ita statuit Auctor, modo distincte formetur status quæstionis. Non enim quæritur: num extiterint Vocales eodem cum literis, seu Consonis tempore? sed, an per puncta literis adscriptæ & expressæ fuerint, ante Tiberienses, & quo tempore adscribi cæperint? Nos primævam punctis vocalibus antiquitatem asseruimus *Cap. V. §. XI. p. 242 sqq.* nec pœnitet nos sententiæ, licet recentiore ipsi ætatem recentissime denuo affinxerit Clariss. WAEHNERVS *cit. supra loco, §. 213 sq.*

AD

## LIB. VI. CAPVT VIII.

DE METATIONIBVS TENTORIORVM ET CASTRIS  
ISRAELITARVM.

Ad §. II. pag. 153.

*Custra distinguebantur in tres partes*] Universam castrorum Israelis rationem, eamque sapientissimam, Moses delineat Numer. II. atque ex eo haud ita pridem concise quidem ADRIAN. A CATTENBURCH in *Syntagmate sapientiæ Mosaicæ lib. IV. cap. IV. sect. 2. p. 240 sqq.* sed copiosius & data opera enarravit BERNHARD. LAMY, Congregationis Oratorii Presbyter, in splendidi, *de Tabernaculo Fœderis, de S. Civitate Jerusalem, & de Templo ejus, operis L. III. p. 323 sqq.* Paucis ac summam nos cuncta complectemur. I.) Omnem exercitum Israelis Scriptura in quatuor partitur castra, secundum quatuor orbis plagas, quorum singulis tres comprehendebantur tribus, quarum una principalis totis castris præerat. Versus orientem, respectu tabernaculi fœderis, exercitus Judæ, qui præter suam, tribum

quoque Sebulon & Isaschar comprehendebat; versus meridiem, exercitus Ruben, cum tribu Simeon & Gad; versus occidentem, exercitus Ephraim, cum tribu Manassis & Benjamin; versus septentrionem, exercitus Dan, cum tribu Asser & Naphtali, castra metabatur. Hi exercitus, versus quatuor mundi plagas constituti, amplissimam aliquot miliarium aream in medio includebant, in cujus medio rursus *Tabernaculum Fœderis* erat expansum, cum columna nubis super Sanctissimo, ita quidem, ut ejusdem ingressus, atrium, & altare holocausti versus Orientem, Sanctum in medio, & Sacrosanctum versus Occidentem esset situm. Circa tabernaculum, ex omni parte, castra Levitarum erant, sed justo ordine disposita, ita ut versus ortum Solis ad dextram Moses, ad sinistram Aaron; versus meridiem Cahathitæ, versus septentrionem Meraritæ; tandemque post tergum Sacrosancti versus

Pp pp



sus occidentem, Gersonitæ castra haberent fixa. Non ergo quatuor illa castra, in quæ Levitæ cum Sacerdotibus dividebantur, posita erant in angulis tabernaculi, sed tenebant latus unum quadraturæ ejus, quæ circumscribebat castra Dei. Veluti enim Prætorium apud Romanos, media occupabat castra, ita Tabernaculum fœderis apud populum Dei: ut diserte præcipitur Num. II, 2. *מִן־הַמֶּדֶבֶר לְאַהֲלֵי מִנְּכָר* e regione circa tentorium conventus castra metabuntur filii Israel. Vbi circumspecte dicitur: circa quidem tabernaculum tendant Israelitæ, quod undique cingebant; ast e regione, quia eorum castra non jungebantur cum castris Dei, sed quæ non erant de tribu Levi, minimum bis mille cubitis a tabernaculo Dei distabant; pariter ut in itinere, intervallum bis mille cubitorum inter castra Israelis & tabernaculum distabat, unde Jos. III, 2, 3. diserte proclamatur in populo: *Quando videritis arcam Domini Dei vestri, & Sacerdotes stirpis Leviticæ portantes eam, vos quoque consurgite & sequimini præcedentes, sitque inter vos & arcam spatium cubitorum duum millium, ut procul videre possitis, & nosse, per quam viam ingrediamini, & cavete, ne appropinquetis ad arcam.* Inde colligunt Rabbini, in castris simile intervallum requiri inter castra Dei, & Israelitarum; velut R. SALOMO ad Num. II, 2. diserte ad cit. loc. Josuæ provocat, ut hoc probet. Porro hinc conficiunt Judæi, universam castrorum mensuram fuisse, duodecim miliaria, tam in longitudine, quam in latitudine. Non autem definiunt, quæ illa sint miliaria, num passuum, an cubitorum? Probabiliter tamen de cubitis intelligenda sunt, cujus mensuræ frequentissimus est usus in Scriptura, & in hoc ipso argumento. Juxta Targum Pseudo-IONATHANIS, castra Dei, h. e. tabernaculum, cum circumjacentibus Levitarum & Sacerdotum castris, quatuor miliaria occupabant; eorum autem area erat sexdecim mille cubitorum, junctis scilicet his quatuor miliaribus, duodecim reliquis, quæ tenebant castra Israelitarum. Istud tamen, Mosai- cum e regione, ita interpretatur CAIETANVS,

quod non terga, sed facies castrorum disponentur versus tabernaculum: & institutus est talis situs, ad honorandum tabernaculum. Scitam universorum castrorum Israelis delineationem dedit EDVARD. BERNARDVS. *Notis ad IOSEPHI Antiqu. lib. III. cap. XII. §. 6.* edit. Haverkampii Tom. I. p. 187. quæ cum data hæcenus descriptione curate consentit. II.) Quod ad tentorium Israelis materiam attinet, BERN. LAMY cit. loc. p. 340. illa censet ex pellibus confecta fuisse, quæ diu durant propter pilos, ex quibus imber defluit, & perinde, ut vestes Israelitarum, non detrita sunt. Eaque Israelitæ, qui vitam pastoritiam agebant, & ex pecoribus victum capiebant, de facili parare poterant in Aegypto, aut pelles certe magno numero, quæ hunc in finem in stationibus itineris aptarentur, secum asportare. Tum & secum deduxerunt armenta, quæ partim in sacrificiorum, partim in victus usum vertebant; ex quorum pellibus tentoria quoque parare subinde poterant nova, vel vetera instaurare & amplificare. Ex ramis & foliis arborum sua tabernacula Israelitas contexuissent, innuit PHILO, cum de secunda eorum statione in deserto in Elim loquens, observat multas ibi arbores fuisse, quasi dicere voluerit Moses, ex arboribus decerptas frondes ad constanda tabernacula; verum ibi tantum mentionem facit LXXII palmarum, quæ erant in Elim Exod. XV, 27. Interim, licet de omnibus id admittendum non sit, cum in quavis statione, de novis frondibus prospicere sibi necesse habuerint, nec vel pluviarum ac imbrium vim, vel solis æstum cohibuissent a scenitis, sive incolis suis; facta tamen ex ramis arborum tabernacula saltem quædam, maxime ab initio, cum pelles nondum in tabernaculorum usum aptassent, vero sit simile inde, quia deinceps Festum Scenopegias in memoriam habitationis per XL annos in tentoriis fuit institutum, cujus solennitatem tabernaculis, ex frondibus arborum constructis, dedicare consuevisse, supra suo loco percepimus. III.) De forma tentorium Israeliticorum idem LAMY cit. loc. conjecturam capit, partim

partim ex Romanorum tentoriis, partim ex tabernaculo Dei, quod quadrangulum erat, partim ex commoditate & capacitate, fuisse illa quadrata, quod illius formæ structura capiendis & disponendis sarcinis magis idonea sit quam rotunda. Denique laudatus toties LAMY p. 339. D. militari sepimento, fossa, & terreo aggere includit castra Israelitarum, immo etiam circumfluentibus aquis, ut miraculum denotetur, quod Paulus I Cor. X. 4. celebrat: in quo tamen ingenii figmento, nec ipse sibi constat, nec nos habet consentientes.

Ad §. V. pag. 145.

(2) *Quemadmodum in foris, emebatur vendebaturque*] Ita nimirum habet IOSEPHVS, paulo ante citatus §. 5: ὁδοὶ τε διὰ μέσων ἐτέμνηντο καὶ κόσμος ἦν ἀγορᾶς, καὶ τῶν πολυμένων ἑκάστον ἐν τάξει διέκειτο, καὶ δημιουργοὶ τέχνης ἀπάσης ἐν τοῖς ἐργαστηρίοις ἦσαν. ὁ δὲνὶ τε ἄλλῳ ἢ πόλει μετανασταμένη καὶ καθιδεσμένη ἔσκε. Inter ea (tribuum tentoria) patebant viae. Forum etiam adornabatur, resque venales suo quaque loco dispositae erant: & omne genus opifices suas habuerunt officinas, atque civitatis, huc illuc commeantis, imaginem, plane referebat. Quæ scite ex ingenio sic picta & aucta videntur. Sane, quæ Auctor noster de Institoribus Cerealibus garrir, liquido falsitatis arguuntur, quando recordamur, populum præter Manna, & semel coturnicum carnes, alium in itinere cibum nullum gustasse.

Ad §. IX. pag. ead.

(3) *Secundum colores gemmarum in pectorali*] De vexillis, eorumque signis diserte legitur Num. II, 2. *Quisque ad vexillum suum cum signis, juxta familias suas, castra metabuntur Israelitæ.* Ad quæ verba RASCHI commentatur: *Unicuique vexillo erit signum, nimirum mappa colorata ei appensa erat. Color unius, non erat similis colori alterius, sed uniuscujusque signi color erat idem, qui erat lapidis pretiosi, qui insitus erat*

pectoralis; & hoc modo cognoscet unusquisque vexillum suum. Istud vero uberius persequitur Pseudo-IONATHAN in Targum hoc modo: Qui castra habebant sua versus Orientem, habebant insignia trium eorum, referentium tres lapides, qui erant in pectorali, sardium, topasium, & pyropum; & adscripta inibi nomina tribuum Judæ, Isaschar & Sebulon; in medio autem hæc verba: *surge Jehova, & dispergantur inimici tui, & osiores tui fugiant a facie tua:* eratque inibi depicta imago catuli leonis, pro principe filiorum Judæ, Nahasson, filio Aminadab. Vexillum exercitus Rubenis pariter insignia gerebat trium colorum, referentium alterum ordinem in pectorali, chrysoprasium, saphirum, & adamantem, inibique inscripta nomina trium tribuum, Rubenis, Simeonis & Gadis: in medio vero ecce! hæc verba: *audi Israel, Dominus Deus noster Deus unus est:* picta quoque figura hinnuli, aut, ut alii Targum vertunt, cervi. Pingenda quippe fuerat forma juveni; sed Moses immutavit, cervumque pro bove indulxit, ut caveret occasionem cogitandi de vitulo. Vexillum castrorum Ephraim trium colorum erat, referentium tertium ordinem lapidum in pectorali, cyanum, achatem, & amethystum; inscripta porro nomina tribuum, Ephraimi, Manassis, & Benjaminis: inque medio hæc verba: & *nubes Domini erat super ipsos de die, quando proficiscebantur e castris:* picta demum inibi erat forma pueri. Vexillum castrorum Dan, tribus coloribus referebat ultimum lapidum ordinem in pectorali, beryllum, thalassium, sardium & jaspidem. Nomina juncta tribuum Dan, Naphtali & Asser; inque medio hæc verba: *cum vero quiesceret illa, dicebat: revertere Jehova ad myriadas, ad millia Israelis.* Picta quoque erat figura serpentis vel aspidis. Erigebantur ergo vexilla, ubi singulæ tribus posituræ erant castra, & ibi statuebant tentoria, quæque על דגל juxta vexillum suum. Erant quoque singulis tribubus propria אותות signa, unde juxta signa domus patrum suorum, castra metatus quisque legitur. Nec tribus modo integræ, sed



& familiæ & cognationes, habebant propria sua signa, quibus a se invicem distinguebantur. Sed quænam illa familiarum fuerint signa, nemo facile dixerit. Neve quis objiciat, omnem imaginum usum interdictum a Deo fuisse Israelitis, unde vexilla ista locum habere non potuerint; respondet MAIMONIDES tract. *Avoda Sara cap. III. sect. 12.* non prohiberi formare propter ornatum (modo ne ad idololatriam.) imaginem, præterquam hominis, sed solum in forma protuberante, quales sunt figuræ gypseæ, aut marmoreæ. Sin autem figura sit depressa, vel coloribus distincta, aut intexta operi textorio, licita habebatur. Forma itaque hominis in vexillo Ephraim cum texta esset, potuitque esse depressa, licite & impune adhibebatur. Sed & ceteris tribubus, præter memoratas quatuor, ex benedictione ultima Jacobi, sua quibusque signa tribuunt Judæi: 1) vexillo Gad, turmam seu exercitum, propter verba Gen. XLIX, 19. *Gad accinctus præliabitur ante eum*; 2) vexillo Simeon, urbem, nempe Sichem, in memoriam interfectionum per fraudem, incolarum Sichemi; 3) vexillo Manassis, monocerotem, sive Rhinocerotem, propter verba Deut. XXXIII, 17. 4) vexillo Benjaminis, lupum, ob verba Gen. XLIX, 27. 5) vexillo Affer, oleam, symbolum pinguedinis, quam huic tribui portendebat vaticinium Jacobi cit. loc. 20. *Affer, pinguis panis ejus, & præbebit delicias regibus*; 6) vexillo Naphtali, cervam, ob vers. 21. *Naphtali cervam emissa*; 7) vexillo Issachar, solem atque lunam, testes & indices peritiæ in astris, a qua laudantur Issacharitarum I Chron. XII, 32. 8) Sebulonis vexillo, navem, symbolum mercaturæ. Quæ tamen, nisi ingenii Rabinici, fide nituntur nulla. Ceterum qui de vexilli apud Orientales usu & erectione, & quomodo Jes. XI, 10. Christus, ejusque Evangelium vexillo erecto comparetur, legere avet, adeat ARNOLDI BOOTII *Animadvers. Sacr. lib. I. cap. V, VI, VII, VIII.* &c. & recentissime WILH. ERN. EWALDI *Emblem. Sacr. lib. I. Exercit. III. pag. 25 sqq.*

Ad §. XI. pag. 155.

(4) *Ab HIERONYMO dissentit AUGUSTINVS*] Iste tam magnorum luminum dissensus, in diversa quoque traxit partes sequentium, ita tamen, ut vicerit HIERONYMVS, ejusque expositionem passim sequantur omnes, cum Augustinianam sententiam prope publica deleverit oblivio. Tertia denique, quam ex veteri membrana prodidit CASP. BARTHIVS *Adversar. lib. XI. cap. 23.* leonem Marco ereptum donat Johanni, vicissim hujus aquilam transcribit Marco; quæ ab omni doctorum suffragio destituitur. Conferri huc meretur, qui totum istud latifundium exhaustit, IACOB. THOMASIVS *Dissertationum sive Programmatum potius Academicorum, num. XXXVIII. p. 423.* & copiosius adhuc disputat. A. 1667. Lipsiæ publicata, quæ insignia quatuor Evangelistarum ex instituto excutit, & una sufficere potest. Nostrum enim non est, his immorari.

Ad §. XII. pag. cit.

(5) *Ratione nubis, quæ ipsos comitabatur*] Non unam, sed septem nubes præsto fuisse Israelitis, per desertum vagantibus, Targum in *Cant. II, 6.* tradit, cujus solum versionem damus: *Cum Israelita in deserto vagarentur, septem nubes circumdabant eos, quatuor ad quatuor mundi plagas, ut ne oculus malus eos fascinarer. Una supra eos, ut ne sol & æstus, aut imber & grandis eos laderet. Alia infra eos, quæ eos portaret, uti nutritus infantem in sinu suo. Alia præcurrebat eos itinere trium dierum, ad depri-mendum colles, & exaltandas valles, & interimendos omnes serpentes ignitos & scorpiones, qui in deserto fuere, & explorabat eis locum idoneum ad pernoctandum & commorandum.* Ne vero absque Scriptura hæc venditari existimes, habes quoque in Tanchuma in Parascha בשלח fol. 19. col. 4. rei indicium. Prima probatur ex Exod. XIII, 21. Altera, ex Num. XIV, 14. Tertia, ibid. ver-

verbis: & in columna nubis. Quarta, ex Num. XIX, 19. Quinta, ex Exod. XL, 36. Sexta, ibid. vers. 37. Septima, ibid. vers. 38. Mirari autem subiit, qui factum sit, ut Angeli, ductoris in nube, nullam Auctor iniecerit mentionem. מטטרון Metatron ille Judæis audit, de quo multa rhetoricatur R. BECHAI *Comment. in Legem fol. 105. col. 4.* nomenque vel ab origine Græca derivat, ut מטטרון *Μητρώνα*, h. e. מלח Legatum notet, vel a Chaldaica, in qua מטרת idem sit ac משמרת custodia, על שהוא שומר העולם על שהוא שומר ישראל quia, qui Custos mundi est, etiam custos Israelis vocatus est. Licet vero prior derivatio BVXTORFIO non tam probatur, quam laudatur *Lex. Targum. h. v. p. 1192.* posterior adstipulatorem nata est Judæum, R. KEMPER in *Comment. ad LL. II. in porta de Metatore*, qui ex Hebræa Rad. נטר custodivit deducit, ut Custodem notet: neutra tamen satisfacit doctissimo Sueco, ANDREAE NORRELIO in *Phosphoro orthodoxæ fidei veterum Kabbalistarum ex libro Sobar p. 5 sq.* qui vocem hanc ad Latinum Mediatoris vocabulum reducere satagit, fassus tamen, se hanc originationem pro vera haudquam venditare, hoc tamen exploratum habere, Metatronem, qua dignitatem, officium ac merita eundem esse cum nostro Mediatore. Illustri auctor *Kabbale denudata Tom. I. p. 528.* observat, id nominis si scribatur cum ן/ nempe מטטרון Schechinam denotare, sed sine ן/ Angelum, legatum Schechinæ: hinc Exod. XXIII, 21. ubi dicitur: quia nomen meum in medio ejus, intelligi Schechinam, quæ in ipso occulta sit. Denique eandem facit hanc vocem, cum Latina Metator, IAC. CRAMERVS in *Theol. Israel. P. II. Exercit. in Exod. XXIII, 20-23.* ubi postquam Latine vocis vim ac usum ex vetustis Scriptoribus curate exposuerat §. XV. pag. 103. tandem §. XX. p. 110. ita Metatronem Judæorum describit: Metator est, quia in deserto, ut Dei legatus, Israelitis iter carpentibus præiit, castris locum assignavit, & mansiones commodas ostendit & præparavit, ut singuli locum suum nossent, haberentque: id quod in columna nubis & ignis præstitit &c.

Præiit ei cit. loc. BVXTORFIVS, eaque haud dubie firmissima est sententia. Etsi vero Judæos Messiam in Metatrone designatum voluisse, satis liqueat ex elogiis, quo ipsum ornant; recentiores tamen certe, ejusdem cum Deo essentia esse negant, Angelum Deo inferiorem statuentes, æque ac Judæi in Talmude, eundem in numerum vulgarium Angelorum referunt, quin & virga ignea pulsatum blasphemant. Copiose de hoc Angelo Metatore BVXTORF, Fil. egit *Histor. Arca Fœderis cap. XIV. p. 131 sqq.* & post alatas prolixas & perplexas Rabbiorum sententias, quibus perquam magnifice de hoc Angelo statuunt, tandem concludit, aliquid sublimius hic notari, quod a Deo quidem exiverit, & missum sit, tale tamen simul fuerit, cui Divina nomina, attributa & opera competeabant, & propterea cum Patre verus sit Deus. Ita quoque GEORG. ELIES. EDZARDVS ad *Tract. Berachoth cap. I. Annot. 64. p. 229 sq.* postquam Rabbiorum suffragia de hoc Angelo Metatore larga manu attulerat, tandem p. 237 sq. concludit, & rationibus evincit, ex Judæorum mente, Deum illum esse, & legatum tamen a mittente personaliter distinctum, ut unius in Deo essentia plures certo statuerint personas. Rursus tamen eo ineptiarum prolabantur, ut cum Pseudo-IONATHANE ad *Genes. IV, 25.* Metatron Henochum faciant, & alia de ipso blaterent indigna, ut facile appareat, posterioris ævi Judæos hic non habere, ubi pedem figant.

Ad §. XIV. pag. cit.

(6) *Tubis edebant sonum fractum*] De tubis, earumque usu, cum supra nonnulla tetigimus ad *Lib. III. Cap. VII.* ubi de Festo tubarum, tum plura dabunt SAL. VAN TIL in *de Digt- Sang- en Speel- Konst der Ouden Hebreën P. III. cap. VI. pag. 476 sqq.* & IOHANNES D' OVTREIN de *clangore Evangelii Dissert. V. sqq. pag. 79.* Hic notamus, quatuor cumprimis temporibus & occasionibus, editum in Israele fuisse tubarum clangorem: 1) Ad convocationem & congregationem,

Pp pp 3

nem,



nem, sive totius cœtus, sive solorum Principum, ad ostium Tabernaculi conventus; ubi תקיעה æquabilis edebatur clangor, & quidem cum una solum tuba, quando convocabantur Principes, sive capita chiliadum Israelis; duabus, cum populus universus in concilium evocaretur, Numer. X, 4: 2) Ad profectionem castrorum, ut cum castra movere, stationemque pristinam deferere deberet populus, novumque aggredi iter, ubi varius erat tubarum clangor, ex quo intelligeret Israel, quod huic vel illi exercitui, aut his vel illis castris e populo esset agendum, num quiescendum, an proficiscendum, ut *paragr. preced.* ex Num. X. docuit Auctor: 3) Ad prælium contra hostes ineundum, quod mediante תרועה sono concitato & varie fracto intimabatur: 4) Ad intimandas & celebrandas festivitates Num. X, 4.

Ad §. XIV. pag. 155.

(7) *Hebræi duplicem clangorem esse statuunt*]. Nimirum a) תקע תקע *fixit, infixit*, item *clanxit, plausit*, ut Proverb. XVII, 18. & 1 Sam. XIII, 3, est nomen תקוע tuba, & תקע clangor, & תקיעה clangor tubæ, sono fixo & æquabili: rursus ב) הרוע lata personare, latum edere sonum, est תרועה / quod aliquando notat *vociferationem* seu *jubilationem*, quæ lætantium fit ore, ut 2 Sam. VI, 15. 2 Chron. XV, 14. Job. VIII, 21. aliquando *clangorem* buccinæ vel tubæ, eumque fracti, concitati, & inæquabilis soni, ut Levit. XXIII, 24. XXV, 9. Numer. XXIX, 1. LIGHTFOOTVS de ministerio Templi Hierosolymitani cap. VII. sect. 2. diversas clangoris istius species ita dispescit, ut cantus tubæ primus esset unius tenoris & longus, alter fractus & tremulus, tum iterum longus & uniformis: hos Judæi vocant תרועה / תקועה / תקה / quod in compendiis Scripturæ sic expriment תת. Sacerdotes juxta Mischnam Tamid תקעו והרועו והקעו *canebant, fractum sonum edebant, demumque clangorem producebant.*

Ad §. eund. pag. ead.

(8) *Belli causa unctum*] משוח מלחמה *Vinctus belli* duplici sensu dicebatur. 1) Dux ille belli, quem respublica in subitaneo periculo exercitui præciebat, eumque extraordinarie ungebat, ut hoc velut signaculo, ad fortitudinem animaretur, quod peculiarem virtutem oleo sanctificationis tribuerent, ut ex MAIMONIDE docet SCHICKARDVS in *Jure Regio cap. I. Theor. IV. p. 77.* 2) Sacerdos castrensis, prælii causa consecratus, qui hoc nomine specialiter unctus erat, ut cohortatione sua universo exercitui animos inderet, ceteros autem, qui abessendi privilegio gauderent, solenniter dimitteret, Deuter. XX, 1 sq. MAIMONIDES in libro המצוות *præc. affirm. 191. fol. 73.* plenius & distinctionis causa eum appellat כהן משוח מלחמה *Sacerdotem ad bellum inunctum*, ejusque duas esse ait partes, a) ut orationem, in lege ipsa præscriptam Deut. XX, 5, 6, 7. e libro prælegat, & discedere jubeat ædificantes, plantantes, novos maritos, timidos &c. ב) ut superaddat alias subinde oratiunculas, cordium ad bellum excitatorias, quibus milites permoveat, ut periculo se exponant pro religione, ad serviendum Deo, & custodiendum præcepta ejus, utque vindictam sumant de hostibus, qui Terram sanctam infestant. Huic adjungebatur Sacerdos alius vulgaris, voce polens, & alii Præcones, qui hæc ipsa, quæ diceret, cominus audita, singuli suis cohortibus repeterent eminus, & late diffusis: idque per vices, ita ut, quando unum versum unctus belli recitasset, eundem Sacerdos substitutus, voce, quantum poterat, clarissima, toto populo divulgaret, & sic per singulos procederent versus. Hæc tamen omnes perhibent, locum saltem habuisse in bello ultroneo; ast in bello legali omnes omnino exivisse in castra, etiam sponsam e cubili, & sponsam e thalamo suo. Bellum enim duplicis erat generis: alterum מלחמת מצוה *bellum præcepti*, ad quod ex præcepto divino obstringebantur, & מלחמת הרשות *bellum ultroneum*, pro eorum, qui rebus præessent, arbitrato sive gerendum,

rendum, five pratermittendum. De utroque uberius commentatur SELDENVS *lib. VI. de Jure Nat. & Gent. cap. XII. ab init.*

Ad §. XV. pag. 156.

cæ fugisse provinciam, reges autem XXXI. bel- lum elegisse, eoque occubuisse. E Christianis hæc repetunt SELDENVS *cit. loc. cap. XIII. p. 772.* SCHICKARDVS *de Jure Regio cap. V. Theor. XVI. p. 306.* & WAGENSEILIVS *in Sota Misch- na cap. VIII. p. 844 sq.*

Ad §. XVI. pag. cit.

(10) *Dissecando bestiam, & inter partes transeundo*] Modum feriendi fœderis, per car- sum divitumque pecus, Deus ipse prævit, Gen. XV, 9 sqq. in fœdere, quod pepigit cum Abra- hamo; forte quodque servatum a Jacobo in vi- ctima illa, quæ post fœdus Labanicum est immo- lata, & ex cujus reliquiis δούσιον instructum fuit & fœderale convivium cap. XXXI, 54. Posthæc luculentum istius ritus testimonium legitur Jer. XXXIV, 18. Hinc manavit ad gentes, & belli Trojani tempore jam obtinuit, ut Q. SEPTIMI, five DICTYOS CRETENSIS testimonio liquet, quod cum valde sit perspicuum, & ad rem faciat, ex *lib. I. de bello Trojano* huc transferre non grava- bimur: Chalcas, filius Nestoris, præscius futuro- rum, porcum marem in medium forum afferri ju- bet, quem in duas partes exsectum orienti, occi- dentique dividit, atque in singulos nudatis gladiis, per medium transire jubet. Deinde mucronibus sanguine ejus oblitis, adhibitis etiam aliis ad eam rem necessariis, inimicitias sibi cum Priamo per re- ligionem confirmant, neque prius se bellum deser- turos, quam Ilium, atque omne regnum eruisent. Paribus Romani, cum populo Albano fœdus san- cientes, usi ceremoniis leguntur apud LIVIUM *Annal. lib. I. cap. XXIV.* ubi memorabile a Fe- ciali pronunciatum carmen perhibetur: *Audi Ju- piter, audi Paterpatrâte populi Albani, audi tu po- pulus Albanus, ut illa palam prima postrema, ex il- lis tabulis cerarum recitata sunt, sine dolo malo, uti- que ea hic hodie rectissime intellecta sunt: illis la- gibus populus Romanus prior non deficiet. Si prior defecerit, publico consilio, dolo malo: tu illo die Jupiter, populum Romanum sic ferito, ut ego hunc porcum feriam: tantoque magis ferito, quan- to ma-*

(9) *Pacem debebant offerre*] Ita diserte MAIMONIDES *Hilc. Melachim cap. VI. §. 1. אין עושין מלחמה אם אדם בעולם עד שקוראין לו שלום אחד מלחמת הרשות ואחר מלחמת מצוה* *haud unquam cuiquam bellum inferitur, nisi pace ei prius oblata, five lege divina imperata, five ultronea expeditio fuerit. Quod probat ex Deut. XX, 10.* Illa vero pacis oblatio, juxta MOSEN KOTZENSEM *Præc. affirm. 118.* tres molestas complectebatur condiciones: 1) *שוקבלו שבע* *ut pacem impetrantes gentes VII. præce- pta Noachidarum susciperent,* 2) *שיהיו למס עובר* *ut fiant tributarii,* 3) *שיהיו עבדים ככושיים* *תחת יד ישראל לעשות ככל אשר יצווה המלך* *ut sint servi humiliati sub manus Israelitæ- rum, & omnia facere parati, quæ rex jusserit.* Ab hac tamen pacis oblatione excepti erant Moabi- tæ & Ammonitæ, quibus solis pax non offeren- da, concedenda tamen, si ultro eam rogarint; exemplo Davidis, qui Hanonem, novum Am- monitarum Regem, per legatos salutavit & con- solatus est 2 Sam. X, 2. Quo minus autem pax eis offerenda sit, prohibere legem Deut. XXIII, 6. *non quæres pacem vel bonum eorum, ullis diebus tuis in sæculum.* Ceterum, juxta legem ante al- latam, MAIMONID. *c. l. §. 5. R. BECHAI Com- ment. in Legem fol. 225. col. 4. & En Israel fol. 53. col. 4.* Josuam ante invasionem terræ Canaan, ad incolas ejus tres misisse memorant Epistolas, qua- rum prima scriptum esset: *כל מי שרוצה להשלים יבוא וישלים* *quisquis pacem inire cu- pit, veniat, & paciscatur;* secunda: *כל הרוצה להפנות יפנה* *quisquis se alio vertere velit, ver- tat;* tertia: *כל הרוצה לעשות מלחמה יעשה* *quisquis belligerare voluerit, conserat prælum.* Quin & fuisse e gentibus Cananæis, quæ singulis subscriberent: Gibeonitas enim pa- cem iniisse, Gergefæos alio se vertisse, & in Afri-



to magis potes, pollesque. Inde phraſes, ſancire ſœdus, a ſanguine, icere, ferire, percutere ſœdus, ab animali percuffo & occiſo, originem traxiſſe, poſt alios BARNAB. BRISSONIVS lib. IV. de Formul. p. 399. docuit. Sed nec uno modo ſanguine ſanciebantur ſœdera inter gentes, verum humanum quoque ex membris ſuis eliciere ſanguinem, hauſtumque ſœderis velut ſigillum conſtituerunt. De Scythiſ LVCIANVS reſert in Toxari, & POMPON. MELA lib. II. cap. I. Ne ſœdera quidem incruenta ſunt: ſauciant ſe, qui paſciſcuntur, exentumque ſanguinem, ubi permiscuer, deguſtant. Et de Catilina SALLVSTIVS: Euer, qui dicerent, Catilinam humani corporis ſanguinem, vino permixtum, in pateris circumtuliffe, Inde, cum poſt exſecrationem, omnes deguſtauiſſent, ſicut in ſolemnibus ſacris fieri conſuevit, aperuiſſe conſilium ſuum. De Mediſ, Lydiſque, Naſamoniſ, Armeniſ & Iberiſ paria perhibet ALE-

XANDER AB ALEXANDRO lib. V. cap. III: alioſ multoſ ut taceamus.

Ad §. XVII. pag. 156.

(II) *Fraus Gibeonitarum communi opinione major ſit*] De hiſ dubium movet MAIMONID. Hilc. *Melachim* cap. VI. §. 5. cur aſtu, doloque petierint pacem, gentem ſeſe procul diſſitam ſingentes, cum tamen recta via pervenire ad hoc, quod cupiebant, potuerint? & reſponder, hoc ideo ab ipſiſ patratum, quod ablata antea pacem non accepiſſent, ſed alto ſupercilio ſpernentes, exciſionem meruiſſent. Nec ſpreverunt modo, ſed percuffo cum Iſraelitiſ ſœdere obtinuerunt quoque, ut tueri eoſ adverſuſ inſurgenteſ quinque regeſ Cananæorum Joſ. IX. & X. tenerentur Iſraelitæ. Arabes autem quo pacto fraudem hanc Gibeonitarum deſcribant, vide apud HOTTINGER. *Smegmat. lib. I. p. 509 ſq.*

AD

## LIB. VI. CAPVT IX.

### DE MENSURA.

Ad §. I. pag. 157.

*Menſuræ Hebræiſ uſitate*] De menſuriſ Hebræorum veterum multi erudite præceperunt, e quibuſ nominari merentur, BEN. ARIAS MONTANVS *Antiquitatum Judaic. libro VII. Tubal-Cain* inſcripto, qui *Crit. Anglic. edit. Francofurt. Tom. VI. fol. 645.* ſubjunctuſ legitur: IOH. BAPTISTA VILLALPANDVS *Commentar. in Ezechiel. Tom. III.* qui inſcribitur: *Apparatuſ Urbis ac Templi Hieroſolymitani, Part. II. Lib. I.* ubi de ponderibuſ & menſuriſ, capitibuſ VI Geometrice agit, a p. 249-328. *Lib. II.* de ponderibuſ & numiſmatiſ Romanorum, Græcorum, Hebræorum promiſcûe, diſputationibuſ IV, a p. 329-431. *Lib. III.* exponit de Romanorum, Græcorum, Hebræorum menſuriſ, a p. 433. uſque ad

*finem.* ATHANAS. KIRCHERVVS de ponderibuſ Orientalium veterum præcipit in *Oedipo Aegypt. Tom. I. Part. II. Claſſ. 3. cap. 5. p. 161 ſqq.* CASP. WASERVVS de *Antiquiſ Hebr. menſuriſ libb. III. Crit. Angl. cit. loc. fol. 1033.* EDWARD. BERNARD, in conciſa, ſed exacta, & multo cum judicio & ſtudio concinnata, explicatione *menſurarum tam concavarum, quam diſtantium, quæ ad calcem Commentarii Anglic. in vaticin. Hoſeæ* EDWARDI POCOCCI exhibitur: STANISLAVS GRSEPSIVS, de *menſuriſ Hebræiſ tam aridorum, quam liquidorum, ſub finem Faſciculi II. Opuſculor. THOM. CRENI p. 397.* & qui haud ita pridem huic ſtudio inſudavit, BERNHARD. LAMY, Congregat. Orator. Presb. in ſplendido *de Tabernaculo Fœderiſ, de ſancta civitate Jeruſalem, & de Templo*

*Templo ejus opere, Parisiis in folio 1710. excuso, cap. VIII. fol. 93.*

Ad §. I. pag. 157.

(2) *Duarum fuerunt specierum*] Alij aliter dispescunt. Auctoris partitioni ansam præbuit duplex quantorum mensurandorum species. Est enim quantitas alia *continua*, cujus partes sibi invicem junguntur & cohærent, velut ædificiorum, viarum &c. alia *discreta*, cujus partes distinctos habent terminos, nec sibi cohærent, v. g. frumentum, liquida &c. Generale vocabulum, quo Hebræis, Chaldæis atque Syris *metiri* vel *mensurare* effertur, est מֶדֶד, quod ædificiis proprie, synecdochice aliis quoque rebus dimetiendis accommodatur. Hinc nomen מֶדֶד vel מֶדֶה vel מֶדֶן mensura continuorum, modius, velut ex adverso מְשֹׁרָה est discretorum. Nonnunquam pro instrumento mensorio, quod alias quoque קו dicitur, poni consuevit, ut Lev. XIX, 35. *nec exerceto perversitatem במֶדֶה in mensura*, ne scilicet Funiculus sive Arundo, justo sit vel longior, vel contractior. Ceterum a verbo isto elegantissimæ natæ sunt phrasæ paræmiales: v. g. *Metiri aquas certa mensura*, quod de Deo dictum, notat, quod sapientissime globum terra-queum composuit & gubernat Job. XXVIII, 25. *Idem pugillo aquas metitur*, Jes. XL, 12. dum nullo prorsus labore maxima & minima curat: *in sinum metitur*, cum peccatoribus admetitur pœnam prolixè & cumulate, velut sine numero dantur, quæ in sinum vel gremium solent profundi. *Eadem metiri mensura*; quod est, par pari referre, מֶדֶה מֶדֶה, sive ut Hebræi loquuntur, כִּנְגַר מֶדֶה מֶדֶה, quod Christus ita effert: ἐν ᾧ μέτρω μέτρετε, ἀντιμέτρηθήσεταί ὑμῖν Matth. VII, 2. &c.

Ad §. II. pag. cit.

(3) *Granorum hordeaceorum*] Ita cum Hebræis, ARIAS MONTANVS cit. loc. ab init. pronunciat: *Fuit & ponderis & mensura prima æstimatione ex bordei granis. Sex enim bordei grana,*

*simul conjuncta ea parte, qua crassiora sunt, digitum unum pollicem constituunt.* Indeque factum existimat, ut hordeo nomen שְׂעֹר / quod Latine *putatio, cogitatio & quantitas* significat, imponeretur. Istud autem primum mensuræ initium repudiat BERNARD. LAMY p. 94. quia granorum tritici in mensuris sacris nulla fiat mentio, sed digitorum. Neque vero Scripturæ illam tribuit ARIAS, quæ licet in partienda mensura, infra digitum non descendit, locum tamen reliquit Hebræorum Magistris, in primum quantitatis continuæ principium inquirendi, cui grano hordeaceo in crassitudine, aptius aliud non invenerunt. Vnde BERNARDVS, Anglus, quoque digiti latitudinem definit, *quantum spacium faciant sex bordeola.*

Ad §. III. pag. cit.

(4) *אֶצְבַּע Digitus, seu latitudo pollicis*] Hujus in Scriptura semel tantum fit mentio Jer. LII, 21. ubi crassitudo columnarum ænearum אֶרְבַּע אֶצְבָּעוֹת *quatuor digitis* polluisse memoratur. Est hæc definitæ mensuræ species, pars pedis decima sexta, & sic minima mensurarum continuarum, quæ quia per digitos, tanquam suum principium declarantur, *filia digitorum* appellantur. Et recte quidem de pollicis latitudine Auctor, cum ceteris doctoribus, exponit. Quia vero nomen Hebræum non magis dicit majorem digitum, sive pollicem, quam minimum, LAMY intelligere mavult digitum communem. Quin quatuor istos digitos, qui latitudine sua crassitie columnarum æquiparantur, censendos esse statuit *quatuor transversos digitos, inter quos pollex non numeratur.* Qui scrupulus quoque, a FRANC. IVNIO injectus, vellicasse videtur Auctorem nostrum. Quia tamen inter latitudinem pollicis & minimi digiti, notabilis intercedit diversitas, nihil certi hac mensura definiretur, si promiscue de digitis acceperis. Præstat itaque, communi stare sententia, quam Hebræi passim tumentur. Inde varia rursus nata adagia. *Metiri digitis*, pro, rem ad pulvisculum excutere, & accu-



curatius fere expendere, quam par erat: *Transversum digitum non secedere*, pro, exade ductum sequi, ne vel minimum a regula aberres. *Extremis attingere digitis*, cum levissime aliquid tractatur &c.

Ad §. IV. pag. 157.

(5) *Palmus*] **פַּלְמָה** Hebræis audit, Græcis *παλαμῆς*, de quo R. IECHAIAS in *Schalchelet Hakkabbala*, **פַּלְמָה הַמִּזְמִינָה כְּכֹל מִקוֹם ר' : מִזְמִינָה** mensura *Theophach omni loco est spacium quatuor digitorum*, & quidem exponente R. DAV. ID. KIMCHI, **רְבֹעוֹת מִזְמִינָה** digitorum *coherentium* seu *conjunctorum*. Quinam autem Rabbini *Palmus dolens* qui *Palmus ridens* vocetur, infra monebitur *Annot. 9.* HIERONYMVS modo *Palmum*, modo *quatuor Digito*, modo *tres Vncias* reddit: *Palmus* enim *tres Vncias* habet, *quatuor* autem *Digito*s. Græcis appellatur *δοχμή*, ἀπὸ τῆς δέχεσθαι, *ab accipiendo*, sive *comprehendendo*, & *δακτυλοδόχη*, quasi *comprehensio* per *quatuor* *digito*s. *Exod. XXV, 25.* coronæ aureæ, qua præcingenda erat mensa, altitudo præcipitur esse **פַּלְמָה**. Confer etiam *2 Chron. IV, 5.* & *1 Reg. VII, 26.* Adagialiter quoque, pro brevi & exiguo alicujus rei modulo adhibetur, quando *Psal. XXXIX, 6.* David conqueritur, Deum dies sibi dedisse **פַּלְמָה** *palmos*, h. e. brevissimos, quibus non plus ævi superfit, quam est *palmus*. Porro *parvulos palmorum*, *Jeremias* perquam brevissimæ staturæ & tennerrimos appellat, *Ehren. II, 20.* horrendam ævi sui famem depingens, in qua matres comederint liberos suos adhuc *palmares*.

Ad §. IV. pag. ead.

(6) *Major vocatur* **אֵילָן**] Illam, quam *Auctor* adhibet, inter *Palmum* majorem & minorem, distinctionem *GVIL. BYDAEVVS* dicitur adinvenisse; & eo facit, ut *Latinus Interpres* vetus concilietur & excusetur, qui utramque mensuram, **פַּלְמָה** & **אֵילָן** communi *palmi* vocabulo reddit, quam curatius expresserunt Græci, illam

*παλαμῆν*, hanc *σπιθαμῆν* exponentes. Et multum omnino utraque differt. **אֵילָן** & *Chaldaïs* atque *Syris* **אֵילָן**, tribus constat palmis, sive digitis duodenis, vel novem pollicibus, & ut R. DAV. KIMCHI in libro *Radicum* definit, tantum continet intervallum, quantum est digitis expansis, inter pollicem & digitum minimum sive auricularem, quæ *Spithama* est, *Latinis Dodrans pedis*, vel simpliciter *Dodrans*, mensura novem constans uncis. Hujus mensuræ, & in longitudine, & in latitudine, fuisse perhibetur *pectorale Pontificis*, cui inditum erat *Vrim- & Thummim* *Exod. XXVIII, 16. XXXIX, 19.* Præterea *Goliath* altus fuisse perhibetur sex cubitos, & *spithamam*, *1 Sam. XVII, 4.* Quando autem *Jes. XL, 12.* Deus dicitur cælos expandisse **כֹּרֶת סְפִיְתָמָה**, tum idem est, ac levissimo negotio. Versatur enim *Propheta* in celebranda Dei majestate & omnipotenti virtute, qua ad stupendas cum excitandas, tum sustentandas moles, nullis opus habet machinis, sed quasi pugillo & palmo, mare & cælos constituit, & adhuc conservat. Juvat perspicuam & solidam torius commatis paraphrasin, *Theologi accuratissimi, IOH. GEORG. DORSCHER*, hic inferere, quam in *Disput. XIII. Pentadecadis ex Psal. CX. §. 49. p. 465.* subministrat: *Deus vastissimas & profundissimas totius Oceani aquas tam facile continet, quam facile homo paucas aquæ guttas pugillo complectitur. Totus ergo Oceanus Deo res est adeo parva, quam est aqua, quam vola vel pugillo metimur & stringimus. Idem cælos palmo ponderavit. Palmus est extensa manus, ab extremo pollice, usque ad minimum digitum; quod si contrahas manum, fit pugillus: q. d. sicut Atlas a Poetis fingitur, cælum humeris sustinere, ita vere Deus, cæli mundique Atlas, immo creator, non humeris, sed palmo, seu manu sua supposita, non tantum metitur, sed & appendit, librat, & quasi ponderat, ingentem illam molem & vastitatem: &c.* In eandem sententiam, elegantissimam lege, licet explicationem verborum vernaculam, in *GEIERI de omnipræsentia Dei Medit. XXXI. p. 607.* Ast *VITRINGA Comment. in b. l.* per *spithamam* intelligit canonem

nem, & mensuram perfectissimi iudicii, quæ est perfecta ratio, summæ potentie iuncta, quæ in nullo Ente est, quam in Deo. Hoc ut evincat, provocat ad Jerem. X, 12. Jobi XXVI, 13. Psal. XXXIII, 6. tanquam ad parallela. In iis quidem locis, sapientie divinæ creatio cælorum tribuitur, spiritus autem apud Jesaiam per sapientiam illam directe non explicatur.

Ad §. V. pag. cit.

(7) **פֶּדֶם** *Pes*] **Ab ARIA-MONTANO** inter mensuras Geometricas refertur, idem faciens ac **פֶּדֶם** *Pes*, juxta **ARIAM** duobus, juxta Auctorem nostrum, quatuor constans Palmis minoribus. In dimensione templi Ezechielis legitur cap. XLI, 6. atque tot peperit difficultates, ut **VIL-LALPANDVS**, & Interpretes passim, obscuritatem loci, ex hac voce oriundam, gravissime accusent. Rever. **IOH. FRIDER. STARCKIVS** in *Comment. ad h. l.* **פֶּדֶם** *pedes* reddi posse negat, quia Angelus non pedibus, sed cubitis, metitur. Hinc ipse *vices* exponit, & cubacula certis vicibus distincta designari observat, quorum numerus ad XXXIII assurrexerit. Vterque vocis significatus crebro Scripturæ usu confirmatur; hic tamen præferendus posterior. Certe *Pedis* mensuram laudatus supra **EDVARD. BERNARDVS** in *Mensuris Distantium* §. IX. priscis Orientalibus plane denegat, inquit: *Hebræi, Chaldæi, Persæ, Arabes, Aegyptii, & reliquis quasi orbis, saltem brachio suo, ejusque partibus sunt usi, quod urbanus equidem factum, & facilius & accuratius, ad reliqua intervalla comprobanda.*

Ad §. VI. pag. 157.

(8) **אֶמָּנָה**, *Cubitus, Vlna*] Quæ dicitur **אֶמָּנָה** *Vlna*, appellatur etiam **אֶמָּנָה**, quod utrumque vocabulum hinc sensu proprio, cubitum, sive os brachii extensum, ab ima manu ad brachii curvaturam, quo osse innitimur, designat, hinc translato sensu mensuram denotat cubitalem, quæ a brachii flexu ad digiti medii supremam

usque partem putatur. In genere pro quacunque mensura ponitur, ut Jerem. LI, 13. *advenit cubitus avaritiæ tuæ*, h. e. tempus, quo Deus terrimæ avaritiæ, & nefando quæstui modum ac mensuram fixit. *Statuit enim Deus modum peccato, quamdiu tolerare velit, priusquam ad vindictam procedat, ut Genes. XV, 13.* inquit **IAC. ALTINGIVS** ad *h. l.* Tom. I. p. 942. b; ubi mensuram avaritiæ, cum Ephæ impietatis Zach. V, 6. confert. **SEB. SCHMIDIVS** autem exponit: *Venit finis tuus, quem meruit mensura, impleta avaritia, oppressione, & depredatione multorum populorum, tyrannice tractatorum.* Sed prior expositio ponderosior æque ac simplicior est. Hinc etiam proverbialia manarunt, v. g. *eadem tibi mensura, eodem cubito metientur*, quo jus talionis describitur: item, *κατὰ πῆχυν ἐπέδιδε*, juxta *cubitum profecit*, de eo, qui profecit maximis accessionibus: etsi aliter reddant alii, de eo nimirum, qui promotus esset ad majora, aut qui ordine legitimo progreditur, tanquam si dicas, a minoribus ad majora paulatim, & *κατὰ πόδας* processit. Ceterum, antiquissima hæc deprehenditur fuisse mensura, ante diluvium jam usurpata, qua nimirum arcæ modus a Deo Noæ præscriptus legitur Genes. VI. Posthæc universum opus Tabernaculi eadem in deserto est definitum, Exod. XXV sqq. Sacerdotalium urbium suburbana, milienos in ambitu cubitos ex his continebant Numer. XXXV, 4. Bis mille cubitorum spacium inter Israelitas & arcam, viarum ductricem, erat præfinitum Jos. III, 4. Denique tota Templi, atque aliorum, quæ a Salomone perfecta sunt, ædificiorum fabrica, hujus mensuræ rationibus constabat 1 Reg. VI sqq. Sed & lignum ad Mardochei necem ab Hamane paratum, L cubitis altum fuisse, bis commemoratur Esther. V, 14. & VII, 9. Ezechielis quoque templum ad cubiti mensuram æstimabatur cap. XL sqq. Et Zacharias volumen volans, viginti cubitorum longum, & decem latum, visum sibi refert cap. V, 2. Huc etiam **WASERVS** cap. VI. *Pygmeos* refert, a cubiti mensura, extremæ Indiæ incolas, quos *ternos dodrantes non excedere* **PLINIVS** memorat;



& MÜNSTERVM notat, qui Ezech. XXVII, n. per *Gammadim* tales homunciones designari existimaverat.

Ad §. VI. pag. 157.

(9) *Continet Pedem & dimidium, seu sesquipedem* ] Vt Judæi metiuntur, sex טפחים Palmis constat, h. e. Digitis viginti quatuor. Est enim mensura duplo major, quam אמה tribus constans Palmis; adeoque semicubitalis. Ita MAIMONIDES ad Massech. עירובין de commissionibus termini Sabbathici, statim ad cap. I. Mischn. I. Præterea scito, inquit, quod quevis Vlna, cujus in Erubhin, in Succab (cujus Mischna I. præcipitur, quot ulnis patere debeat Tabernaculum in latitudine & altitudine) in Kelajim fit mentio, sit שש טפחים בכל אמה כינונית אמה כינונית כל שש טפחים בכל אמה כינונית Vlna media, h. e. quod habeat sex Palmos in omni loco. Idem repetit R. OBAD. DE BARTENORA ad h. l. sed uberioris explicationis gratia adhuc addit: Palmus vero omnis habet quatuor Digitos in pollice (h. e. 4. pollices) nisi quod nunquam metiendum sit טפח טפח per Palmum Dolentem, h. e. ejusmodi palmum, in quo non reliquet quicquam laxationis, inter digitos pollicis, unum & alterum, sed constricti sint, ut unus alterum tangat: nonnunquam vero danda sit aliqua laxatio inter pollicem & pollicem, ut alter alterum non tangat, qui palmus vocatur טפח שוחק Palmus Ridens, h. e. non adeo constrictus & rigorosus. Posthæc paulo latius exponit, quo tempore metiendum sit per Palmum dolentem seu strictum, quo iterum per Palmum dolentem, seu latiore, quæ huc transferre non facit ad rem. Hic itaque est πῆχυς μέγας communior cubitus, seu אמה האיש אמה cubitus viri Deut. III, 11. ἑξάδοκος, sex palmorum, qui frequentissime occurrat.

Ibidem.

(10) *Cubitus sacer* ] Communis Rabbinarum sententia fert, velut geminum Siclum, ita geminum pariter obtinuisse Cubitum in mensuris, Communem, de quo hactenus dictum, & Sa-

crum, qui duplo fuerit major. Verum non eodem modo declarant. R. ABRAHAM הרופא in libro שלטי הנכורים cap. LXXII. (quem locum Buxtorfius quoque produxit in Histor. Arca Fæd. cap. VII. p. 85.) ita habet: Sciendum, Cubitos, de quibus Rabbini nostri loquuntur, non fuisse omnes aequales, & ejusdem generis. Nam Cubiti altaris aurei, cornuum, ambitus, & fundamenti seu fundi ejus, fuerunt quinque Palmorum, secundum R. IEHVDA in Talm. Menachot cap. XI. Mischna §. Et hi vocantur אמות קטנות Cubiti parvi. Verum Cubiti structura templi, & reliquarum rerum sacrarum, fuerunt sex palmorum, secundum sententiam R. MEIR, quam omnes sequuntur. His cubitis dimensus est Moses Tabernaculum, & vocantur אמות של משה Cubiti Moysi; item, אמות כינוניות Cubiti mediocres: quod in Sanctuario cubiti fuerint his aliquanto majores &c. Juxta hanc interpretationem, Cubitus communis fuerit quinque palmorum, sacer vero sex; quam metiendi rationem etiam ARIAS-MONTANVS tuetur, cubitum legalem sex palmorum, communem autem quinque tantum fuisse asserens, atque secundum posteriorem, lectum Ogi, Regis Basan, h. e. sepulcrum aut loculum ferreum, ut ipse interpretatur Deut. III, 11. metitur, ita ut in longum ferme XLV, in latum autem XX continuerit palmos. In eandem sententiam concedit WASERVS cap. VI. illam vero opinionem, quod communis Hebræorum cubitus, palmis duntaxat tribus, sacer vero, utpote duplo major, palmis sex definiatur, non alio niti observat fundamento, quam a paritate Sicli, qui vulgaris duplo minor, sacer duplo major sit æstimatus. Atqui geminum statuentes cubitum, ad Scripturæ provocant auctoritatem, quæ altitudinem columnarum ænearum Salomonis 1 Reg. VII, 15, XVIII cubitis, sacris nempe, 2 Chron. III, 15, vero, XXXV cubitis, communibus quippe, duplo minoribus, definiat: porro Ezech. XLIII, 13. mensuram altaris describat, cubito, cubito & palmo; unde eliciunt, cubitum Babylonicum minorem fuisse Hebræo five Sacro, uno palmo. Denique in subsidium vocant 1 Reg.

I Reg. VII, 10. ubi lapides fundamenti Templi, mensurati cubito sacro, habuisse perhibentur octo cubitos, sed profano, cubitos decem. Verum quicquid est istius distinctionis, id omne BERNARDI LAMY pag. 96 sq. explodit, nec nisi unum cubitum in Scripturis constanter adhiberi contendit; quia alias in omnibus Scripturæ locis, ubi cubitorum fit mentio, animus merito anceps fluctuaret, cum nullibi Scriptores Sacri admoneant, quis Cubitus ipsis innuatur, Sacerne, an Communis. Hinc IOSEPHVS quoque distinctionem illam ignorat. Loca autem illa, pro evincendo gemino cubito in medium prolata, facili negotio invicem componit. In libro Regum quæque columna alta statuitur XVIII cubitorum, Paralipomenis, ambæ simul junctæ XXXV habuisse dicuntur cubitos, uno scilicet dimidio vel ad caput, vel ad pedem singularum relato. Apud Ezechielem genus mensuræ definiri ait, scilicet in mensura cubiti, qui in palmos dividitur. Lapides vero fundamenti, cui Templum innitebatur, omnes quidem innuisse grandes, dispares tamen, alios X, alios VIII cubitorum. EDVARD. BERNARDVS ita conciliat: *Instauratores Templi secundi, cauti nimis, Pollice uno auxerant Cubitum veterem, sive Mosaicum. Aurifabri etiam, sub Herodibus, modulis vasum sacrorum, dimidium pollicem addiderant. Masiata Celim cap. XVII. §. 9. Cubitus denique ἐπτάδωκος direxit Templum Propheticum, Ezech. XL.* Verum nulli dubitamus, LAMIO nostrum adjicere calculum, & geminum cubitum Rabbimorum saltem commentum censemus. Cum enim adeo dissentiant duplicis cubiti patroni, ut inter πεντάδωκον, ἑξάδωκον & ἐπτάδωκον fluctuent ancipites, testimonia vero Scripturæ commodam patiantur interpretationem, non est, cur in tantam nos immergamus hæitationem, ex qua emergere vix datur. Vnus Ezechielis locus nimium favere videtur sententiæ priori: inquam eundem rapit quoque WASERVS. Sed omne dubium tollit Propheta, quando cap. XLI, 8. הקנה מלך plenitudinem calami, diserte definit שש אמות sex cubitis, absque ullo palmi addi-

tamento; nec dubium est, quin eadem in tota ædificii, partiumque ejus commensuratione, obtineat ratio. Hinc superius data ad cap. XLIII, 13. sufficiat responsio, quam LAMIVS uberius confirmat Lib. V. cap. VII. sect. 4. p. 825. Quod denique de Cubito Regio, qui trium digitorum longitudine superaverit Cubitum communem, Auctor addit, nullo Scripturæ nititur fundamento, a STANISLAO GRSEPSIO tamen cit. loc. p. 412. magna confidentia asseritur his verbis: *Apparet Reges antiquitus pondera & mensuras suas habuisse, quæ peculiari nomine Regiæ dicebantur; nec id apud Hebræos solum, sed & apud alias gentes Regibus usu venisse, credendum est. Nam & HERODOTVS scribens de rebus Persicis, cubiti quoque regii meminit, quem vulgari cubito dicit majorem tribus digitis fuisse. Majores mensuræ apud Hebræos, Regiæ peculiariter dictæ, sicut & pondera, sesquiplam habuerunt proportionem ad minores mensuras, quas minores communes cum aliis sue gentis hominibus habuerunt. Batus regius major sesquibatam minorem capiebat &c.* Quæ omnia, ut ex Scripturis probasset, optarem. Conster enim HERODOTO sua fides de Persis: de Hebræis tamen nondum video evictum.

Ad §. VIII. pag. 158.

(II) חבל Funiculus, Funis] Interdum diserte restringitur addita usus nota, חבל המרה Funiculus mensorius, Zach. V, 2. ut plurimum autem vocis notio, ex Contextu, aut substrata materia est petenda. Varie enim accipitur: vel pro agrimenforum instrumento, quo Josua terram promissam tribus Israel dispartitus est cap. XVII sqq. Ita Amos. VII, 17. dicitur: & terra tua dividetur funiculo, h. e. aliis in possessionem cedit: vel meronymice pro regione, vel tractu, ut Deut. III, 4. & cepimus totum funiculum, h. e. regionem Argobi, Zeph. II, 5. ut habitatoribus funiculi maris, i. e. regionis maritimæ: vel pro cætu & societate, ut I Sam. X, 5. funiculus, h. e. globus, seu turba Prophetarum appellatur: vel, pro portione hereditaria, sive



possessione, funiculo velut definita, quomodo *funiculus possessionis Dei* Deut. XXXII, 9. Dei peculium salatur. Confer Pl. XVI, 6. LXXXVII, 55. Unde Michæ II, 5. *projicere funiculum* dicitur, pro hereditatem partiri. Recte autem monet Auctor, justam ejus longitudinem ignorari, quia aliis contractior erat, aliis productior. Ex HERODOTO enim & PLINIO de Persis, EXTRAONE de Aegyptiis, quibus utrisque familiaris perquam & frequens erat funiculi sive τὸ σχοῖνός mensura, affatim constat, ejus longitudinem, in quibusdam locis CXX stadiis, in aliis XL in aliis LX in aliis XXX constituisse. Sic Jos. XVII, 15. Manassi dicuntur *decem funiculi* accidisse, ejus incertum est, quot stadia complexa sit hereditas.

Ad §. IX. pag. 158.

(12) קנה *Arundo, Calamus*] קנה proprie est calamus aquaticus, seu arundo in ripis limosis plurimum nascens, unde *arundo quassata* Jes. XLII, 3. *arundo a ventis agitata*, Matth. XI, 7. & I Reg. XIV, 15. nec non, in *arundinis quassata scipione considerare*, 2 Reg. XVIII, 21. Jes. XXXVI, 6. Ezech. XXIX, 6. elegantissima metaphora, in adagiis usurpatur. Præterea calamus aromaticus est Exod. XXX, 23. quem quidem WASERVUS saccharum producere perhibet: calamus quoque in candelabro sacro Moysi, propter externam similitudinem Ex. XXV, 29. Hic loci autem periticam notat mensuriam, dimetiendis structuris & agris idoneam, sex cubitos longam, juxta ea, quæ ex Ezech. XLI, 8. paulo ante differuimus. Sin vero, cum Rabbinis & WASERO, commati 5. capitis XL. inhærere cupias, juxta ea, quæ supra Annot. 9. observavimus, loco priore palmos strictiores, posteriore laxiores intelligas, & hoc pacto palmum unum sex cubitis adjiciens, facillime utrumque Prophetæ locum conciliabis. Quia Græcis & Romanis decem pedes producta erat, μέτρον δεκάπεν Decempeda vocabatur. Contra vero ea, Cannam Hebraicam ἐξωνήχυν, sex cubitorum, sive 36. palmorum; h. e. novempedam facit ED. BERNARDVS cit. loc. §. 18. & a

Decempeda Græcorum ac Romanorum §. 19, 20. distinguit.

Ad §. X. pag. 158.

(13) *Minima hujus generis fuit צער Passus*] Passuum quidem naturalium ac proprie dictorum, stata nulla est & fixa mensura, quia non æquali homines omnes incedunt gressu, sed breviores alii, alii longiores conficiunt. A Geometris autem ad certam & definitam passus revocatus fuit distantiam, ita ut passus Hebraicus pedibus quinis æquetur. Isque *passus major* vocatur, seu Geometricus, ad quem verba referas 2 Sam. VI, 13. Ab hoc distinguitur *passus minor*, qui proprie *gressus* est, quantum nimirum spaciū in progrediendo intercedit, inter digitos prioris pedis & calcaneum posterioris, quod duos pedes habet & semis, quodque est dimidium passus majoris, & פשע vocatur 1 Sam. XX, 3. ubi adagialiter spaciū perexiguū notat, quo præsentissimum capitis sui periculum David scite describit. Vocatur etiam a Rabbinis פסיעה / cum elementorum permutatione, & מפשעה.

Ad §. XI. pag. ead.

(14) Στάδιον, *Stadium*] Vti Aegyptii Schœnis locorum intervalla metiebantur, quibus singulis stadia tribuebantur XL; & Persæ Parasangis, quæ singulæ stadia Attica continebant XXX vel passuum Persicorum, Hebraicorumve tria millia; ita Græci stadiis, quorum singula CXXV passuum, PLINIO auctore, vel pedes DCXXV teste COLUMELLA, utrosque quippe Romanos, complectebantur. SVIDAS ita definit: στάδιον κατὰ μῆκος ἔχει πένδας ἑ. *stadium in longitudine habet pedes sexcentos*. In putando stadio Græco miram demonstrat industriam ED. BERNARDVS §. 22. ubi simul observat, FLAV. IOSEPHVM loca sacra stadiis ejusmodi Græcis dimetiri, sicut eadem milliaribus, sive signis Romanis, EVSEBIUS, HIERONY-

μvs, & IOH. PHOCAS describit. In Novo Fædere Luc. XXIV, 13. de discipulis Emaunticis memoratur, die resurrectionis Dominicæ eos profectos fuisse εις κώμην. απέχσαν σταδίοις εξήκοντα ἀπὸ ἱερουσαλήμ, in pagum distantem stadia sexaginta ab Hierosolyma. Rabbinī, Syra voce אסטרוֹן & אסטרוֹת efferunt, & Græcorum morem ac mensuram imitantur. Taludicorum stadium ריס vel רוס vocatur, *curriculum*, ab Hebr. רוץ *currere*, & 625 פסיעות gressuum minorum sive pedum, ac 125 passuum æstimatur. Videntur hac voce ad locum certaminis digitorum intendere, qui stadii nomine pariter venit, quo Paulus respicit, quando ad τὸς ἐν σταδίῳ τρέχοντας, eos, qui in stadio currunt, 1 Cor. IX, 24. provocat. Vnde stadium Olympicum, stadium Laodicenum &c. dictum. Ἰππικὸν στάδιον, *Circus equestris*, quatuor stadia complectebatur, quale adhuc Constantinopolitanum, & alia visuntur. Sic Hippodromium Oenomai, quatuor stadia longum, unum latum &c. In N. T. præter citata loca, stadiorum fit mentio Joh. VI, 19, XI, 18. Apoc. XIV, 20. XXI, 16.

Ad §. XII. pag. 158.

(15) *Milliarium est spatium mille passuum, plurium tamen apud Hebræos*]. A numero mille passuum cuiusvis populi, nomen sortita est hæc distantia, ut *milliare* sive *milliarium* Romanis, μίλιον vel μυριάδιον Græcis, eademque voce Hebræis מיל & מילא diceretur. Pro diversitate ergo passuum, qui genti uni majores, alteri minores in usu erant, disparitas putanda est milliariorum. Hebræis porro cum passus recepti essent duplices, majores, qui proprie passus dicti, & minores qui gressus erant, ut supra Annot. 13. monuimus, hinc duplicis generis enata sunt millaria, *majora*, secundum passus æstimata, & *minora*, secundum gressus. Vnum itaque majus duo conficiebat minora. Hinc intelligi potest MAIMONIDES, quando Hilc. Tephillath cap. IV. ארבע מילין quatuor millaria metitus, dicit: שהם שמונה אלפים אמה *que*

octo mille cubitis constant. מיל enim quarta pars תש פסיעות erat, quæ octo mille cubitos, seu gressus continebat; itaque milliare duo millia gressuum, h. e. passus majores mille complectebatur. Quando vero WASERVVS cap. IX. §. 2. observat, Veteres quia spacium milliare lapidibus & cippis signabant, Hebræos מצבה & מצבת / Latinos vero cippum & lapidem pro milliari accepisse; nisi quis forte malit de statuis Mercurialibus intelligere, quas ad monstrandam iter facientibus viam, κατὰ χώρας olim erexerunt. De Romanis facile largior, quod apud FLORVM, LIVIVM, VALER. MAXIMVM, aliosque probæ notæ scriptores veteres, nil frequentius est, quam quod ad Lapidem itinera metiantur. Hebræis autem iste vocum usus plane ignoratur. Monumenta quidem erigebant & lapides, verum nec viarum indices, nec mensurarum testes, sed ad memoriam rei gestæ conservandam & ad posteros propagandam; quale de Jacobo Gen. XXVIII, 22. XXXV, 14, 20. de Mose Exod. XXIV, 4. de Samuele 1 Sam. VII, 12. aliisque bene multis, memoratur. Vt frustra sit, qui hanc lapidibus & statuis apud Hebræos vel notionem tribuit, vel consuetudinem. Milliaris autem mentionem injicit Christus, quando Matth. V, 41. *si quis te angariabit ad milliare unum, abi cum eo duo*, ut significet, Christianos a vindictæ cupiditate tam procul abesse debere, ut duplices potius plagas, sive incommoda ferre malint, quam malum malo rependere.

Ad §. XII. pag. citat.

(16) *Apud quos vox ככרה*]. Ter hoc vocabulum, & semper voci ארץ junctum, in Scripturis legitur, Gen. XXXV, 16. XLVIII, 7. & 2 Reg. V, 19. nec tamen satis liquet, quid proprie notet. Duplex enim circa illud controversia agitur. una: utrum sit vocabulum simplex, an cum כ servili & præfixo compositum? altera: quis proprie ejus sit sensus? Compositam credit Auctor, secutus MERCERVVM, PAV-



LVM FAGIVM, atque hi KIMCHIVM. Alii, absque præfixo servili, nomen simplex statuat, ab הככר multiplicavit, cui adstipulatur WASE-  
RVS, quasi ἀντιφραστικῶς exiguum terræ spa-  
cium notet; quod longe petiturum videtur. Do-  
ctissimus FULLERVS *Miscell. lib. II. cap. XV.* vo-  
cem ככר per metathesin unius literæ, idem  
esse vult ac רכבה, equitatio, cursus equestris,  
quia Græcorum Hippodromum, de quo mox,  
habuit in mente. Sed convenientior nobis vi-  
detur sententia LVDOVICI DE DIEV, qui ככר  
agrum designare observat, quem Rabbini כר  
dicunt, ut hic in forma constructa arum desi-  
gnet, sive tantam agri longitudinem, quantam  
CC-fulcis efficit arator. Quocum paria faciunt  
TREMELLIVS & IYNIUS, pro spacio exiguo,  
sed ignoto habentes. Nobis, cum definire di-  
stantiam non detur, communi quodam vocabu-  
lo, quale est iugerum, circumscribenda videtur,  
ut הארץ ככר circiter agrum terra notet.  
Præterea, sensum vocis multum implicarunt in-  
terpretes. LXX Græci reddiderunt: ἐγένετο δὲ,  
ὥσιν αἱ ἡγγισε χαβραθὰ τῇ ἐλθεῖν εἰς ΕΦραθὰ,  
ubi χαβραθὰ ipsum est Hebr. ככר: sed pau-  
lo plenius mentem suam exponunt c. XLVIII, 7.  
ἐγγίζοντός μου κατὰ τὸν ὑπὸ δόξμον χαβραθὰ  
τῆς γῆς, τῇ ἐλθεῖν ΕΦραθὰ, appropinquante me,  
secundum Hippodromum, Chabrata terra, ut ve-  
nirem Ephrata, ut via Hippodromi designent,  
quantum restiterit viæ ad urbem Bethlechem, a  
loco mortis & sepultura Rachelis. Multum  
insudat Hippodromi spacio excutiendo HEIDEG-  
GER, in *Hist. Patriarch. P. II. Exerc. XIII. §. 21.*  
Sed laterem lavat, qui vel Jacobum, vel Mosen,  
Hippodromum cogitasse somniat, licet omnino  
tanto agri spacio Interpretes Græci cippum Ra-  
chelis a Bethlehemo abesse declarent. Res au-  
tē ipsa reclamation, cum uterque locus plus quam  
unius Hippodromi intervallo fuerit disjunctus.  
Arabs sane vertit *milliare terra*: idemque sta-  
tuunt Hebræorum nonnulli, quos tamen R. BE-  
CHAI auctoritate MAIMONIDIS confutat, qui  
suis se oculis vidisse testatus sit, non esse inter sta-  
tuam Rachelis & Bethlechem, ne quidem *milliare*.

Hinc etiam testis αὐτόπτης, R. BENIAMIN TV-  
DELENSIS in *Itinerario p. 47.* distantiam illam  
esse ait כחצי מיל dimidium circiter *milliare*:  
quod Hippodromi stadium multum adhuc exce-  
dit. Vulgatus inepte vertit: venit verno tem-  
pore, quod calculo suo approbant CORN. A LA-  
PIDE, & PERERIVS, quasi diceretur: juxta  
tempus, quo terra cibum & segetes profert, id-  
que tempus non de autumno, sed vere intelli-  
gunt. Dudum ante hos, hanc interpretationem,  
ex aliorum suæ gentis mente, recensuit, & quæ  
non fit פשוטו sensus loci literalis, repudiavit R.  
SAL. IARCHI ad Gen. XXXV, 16. Vt autem ta-  
ceam, laudatum supra HEIDEGGERVM satis  
evicisse, Jacobum autumno potius, quam vere,  
Bethlehemum venisse; textus diserte docet, non  
de tempore, sed de spacio itineris, locique di-  
stantia, sermonem esse; & suffragatur parallelia  
2 Reg. V, 19, ubi viæ distantia liquido innuitur,  
quando Gehasi narratur infecutus esse Naama-  
nem, cum abiisset ab Elisæo הארץ ככר quasi  
tractum terra. Urget hoc argumentum excita-  
tus jam IARCHIVS, additque: existimo ego, quod  
(istud ככר) sit nomen mensura soli, ut puta spa-  
cium milliaris, vel amplius, sicut tu dicis: צמר  
כרם iugerum vineæ (Jes. V, 20.) item: חלקת  
שרה partem agri: ita in ambulatione hominis  
datur nomen mensura ככר ארץ spacium terra.  
Etsi vero circa milliaris spacium mihi non con-  
veniat cum R. SALOMONE, quod nimis mihi  
censetur remotum, reliqua tamen, quæ affert,  
sententiam meam, quam supra produxi, confir-  
mant.

Ad §. XIII. pag. 158.

(17) *Quædam mensura aridorum, & quæ-  
dam liquidorum*] Quemadmodum continuo-  
rum dimensio, propria & generalissima voce,  
מרה, ita discretorum, שורה vel משרה appel-  
latur. Est autem שור in sensu simplici & pri-  
mo, principatum tenere, in metaphorico, dime-  
tiri, quia dimensio quædam quasi rerum divi-  
dendarum princeps & dominus est. Generalis  
vocis significatus observatur Lev. XIX, 35. ne  
per-

*perverſitatem exercitote in diſpoſitione* (agrorum ſcilicet, vinearum, vel ſpaciolorum) *in pondere* (ſive trutina vel libra) *ובכמונה* aut *in menſura*, aridorum vel liquidorum. Sic I Chron. XXIII. 29. Levitæ dicuntur conſtituti ad rationem menſuræ, h. e. quantitatis aridorum & liquidorum, quæ ad ſacræ faciendâ adhibebantur, v. g. farinæ, olei, vini, & aliarum, ad oblationem munerum requiri ſolitarum, rerum, ut juſtam præceptamque continerent menſuram. Quando autem Ezech. IV, II, 16, 18. denunciatur Judæis, eos in funeſta obſidione Hieroſolymitana, aquas bibituros *במסורה* *in menſura*, dira ſiti, horridaque fame, eos miſere cruciatum iri, ſignificatur. Menſuras apud Græcos & Romanos, ita diſpeſcit IAC. SPONIVS *Miſcell. Erud. Antiqu. Sect. IX. p. 305.* culleum, amphoram, urnam, congium, fuiſſe tantum liquidorum: modium, tantum aridorum: ſextarium, heminam, quartaria, acetabulum, cyathum, ligulam, utrorumque. Idem porro ex Scheda, PITHOEI manu exarata, menſuras ita diſtinguit: *Cochlear habet dimidiam drachmam: Cochlearia tria Concham faciunt: Conchæ octo cyathum: Cyathi novem, heminam: Heminae duæ ſextarium: Sextarii ſex, congium: Congia quatuor, modium: Modius unus & ſemis, urnam: Urnæ duæ, Amphoram: Urnæ tres, Cadum ſeu Artabam: Modii quindecim, Gomor: Gomor duo, Corum.* Quæ lucem affundunt iis, quæ ſequuntur.

Ad §. XIII. pag. 158.

(18) *Certo teſtarum gallinacearum mediocriſ magnitudinis numero*] Principium menſuræ liquidorum apud Judæos, eſt ביצה h. e. capacitas ovi gallinacei mediocriſ, quod rurfus in quinque partes, tanquam unciolas, dividitur. Ita definiunt Magiſtri in Traſt. כלים *de Vaſis* (non Chelaim, ut perperam allegatur ab ARIA MONTANO, indeque vitioſe tranſcribitur a BERN. LAMY cit. l. Sect. III. p. 103.) cap. XVII. Miſchn. 6. כביצה שאמר לא גדולה ולא קטנה הלא בינונית *quando dixerunt* (Magiſtri), *inſtar ovi,*

*non magnum, nec parvum, ſed mediocriter intelligunt.* Ad quæ verba MAIMONIDES commentatur: *Notum eſt, quod menſurandi modi per quantitatem ovi, inſtituti ſint ex Lege, ſicuti dictum eſt, quod ovi quantitas polluit immunditiæ cibi.* Ita Miſchn. 5. cit. loc. de malogranato; & Miſchn. 8. de oliva pronunciat, utrumque in genere menſuræ nominatum, nec magnum, nec parvum, ſed medioere deſignare. Quod autem de pollutione cibi monet MAIMONIDES, explicatur ab ipſo ad traſt. ערלה *de arborum præputiis cap. II, Miſchn. 4.* ubi ex ſententia HILLELIS in genere edicit, *edulia polluta non polluere alia, niſi in iis inveniantur quantitas ovi:* hæc enim cenſebatur minima, unde ad conſtituendum menſuræ cujuſvis principium fuit relata in cavis. Num vero vaſ quoddam minutæ menſuræ, antiquitus in uſu fuerit, quod a forma externa, Ovum appellabatur, quod vult GERSEPSIVS cit. l. p. 434. an ſaltem ex ovorum capacitate æſtimatæ ſint menſuræ majores, quod vero magis videtur ſimile, nunc non definimus; licet facile damus, veteres inter pocula cyathum habuiſſe, formam ovi referentem, quod ATHENAEVS & HESYCHIVS teſtantur, unde tamen vaſ menſuræ minimæ nondum conſtat.

Ad §. XIV. pag. cit.

(19) *Intelligo id juxta menſuras Wintoniæ*] Ita Auctor noſter, æque ac EDVARD. BERNARDVS, uterque Angluſ, ad patriæ ſuæ menſuras, pondera & nummos, pariter BERN. LAMY ad Gallicas rationes, iſta omnia revocat & componit, ſatius facturi omnes, ſi, ut exteris conſulerent, vel antiquis Græcorum aut Romanorum menſurandi & æſtimandi modis fuiſſent uſi, vel deſcriptionibus ejusmodi generalibus mentem ſuam declaraffent, quas caperent omnes.

Ad §. XV. pag. 159.

(20) *Cabus continebat tantum קב* *Inter τὰ μέτρα ξηρά, aridorum menſuras, minima Hebræis*  
Rr rr



brais est Cabus, quæ sextam continebat partem Seæ vel Sati, & tantum capere perhibetur, quantum continere possunt testæ ovorum gallinaceorum XXIV, & homini sobrio diurni cibi mensura æstimabatur. Quando autem 2 Reg. VI, 25. tam dira Samaritas pressisse fames memoratur, ut quarta pars Cabi stercoreis columbarum quinque siclis argenteis venderetur; adeo in diversas rapuit sententias hæc narratio Interpretes, ut perfectis omnibus, vix invenias, in quo acquiescas. Stercus columbinum in cibum verere, quod plerique hic factum credunt, licet horrenda fames adigere potuisset obfessos, frustra tamen id tentatum fuisse perhibent alii, quod in columbinis excrementis, calidissimis omnium, nihil supersit, quod ab homine digeri, aut in nutritionem corporis expectari possit. Hinc alii eo prolabantur, ut stercore isto Samaritanos non pro cibo, sed pro lignis, usos fuisse censcant, cum tempore obsidionis lignatum exire non liceret. Verum reclamat Textus, juxta quem non frigoris, sed famis, quærebatur levamen. KIMCHIVS, R. DAVIDIS parens, novam invenit viam, ita explicans: *Est quarta pars ejus, quod est in ventriculo columbarum, nempe frumenti. Evolabant enim columbæ, & in agris comedebant frumentum; reverse in urbem capiebantur ac interficiebantur: homines autem frumentum illud ex ingluvie earum colligebant ac vendebant, ut inde durante obsidione viverent.* Ita quidem קב poneretur pro קבה ingluvie, ventriculo, atque חריונים stercoreis, pro comprehenso in ingluvie frumento. Quæ velut coacta sunt & dura, ita vix fidem invenit commentum. Quot enim columbarum ingluviem evacuasle oportuit, ad unum implendum Cabum? & tot occisis in dies columbis, quamdiu duraturus fuisset iste mercatus? Denique ut permutationem vocis חריונים cum רביונים taceam, quam vecundia causa intrudunt Judæi, aliasque præteream explicationes; vasti vir ingenii & infinitæ lectionis, SAM. BOCHARTVS integro Cap. VII. lib. I. Hierozoici, P. II. in hunc locum data opera inquirens, profligatis septem sententiis,

ipse demum cibum vilissimum hoc stercoreis columbini nomine indigitari existimat, & genus ciceris exponit, magnoque cum doctrinæ apparatu ex Arabismo tuerur. Paulo aliter CASPAR. NEVMANNVS *Dissert. Epist. ad LEIBNITIVM* p. 21. mavult purgamenta leguminum & frumentorum intelligere, columbis alias projicere solita. Nos primæ adhuc, utut tritissimæ, verbis tamen Textus omnium optime respondentem, inhæremus interpretationi, ad id, quod obvertebatur, regerentes, urgente Saguntina ejusmodi fame, miseros mortales, non tam quid alimentum præbeat corpori, quam quod lantanem expleat stomachum, querere, atque istud interdum deglutire, quod primum est obvium, licet alias a natura sit alienum.

Ad §. XV. pag. 159.

(21) *Abstulerunt mulieres*] De garrulitate mulierum, præter dictarium ab Auctore citatum, quod in Gemara Mass. Kidduschin fol. 49. col. I. legitur, frequens Hebreis est proverbium: הריבור מצוי בנשים *Loquacitas reperitur in mulieribus.* Cui jungas, quæ ex profanis scriptoribus notarunt Christiani, ZEHNERS Cent. II. Adag. 55. p. 340. DEL RIO Adag. Sac. I. p. 572. VALESIANA p. 96. VELLOSO Comment. in Judith. Præfat. \*\*. PINEDA Comment. in Job. XXV, 4. pag. 418.

Ad §. XVI. pag. 159.

(22) *Omer continet*] Hujus mensuræ capacitas diserite definitur Exod. XVI, 37. והעומר עשירית האיפה הוא *est autem Homer decima pars Ephæ:* unde Paraphrastis Chaldaei עשרון יOSEPHO ὁ Ἀσσαρῶν transfertur, quin & Num. XV, 4. עשרון Decima ἀπλῶς, & κατ' ἐξοχὴν vocatur. Ephæ ergo cum definiatur LXXX Cabis, h. e. capacitate testarum ovorum gallinaceorum CCCCXXXII; Homerem capere inde colligitur, Cabum cum dimidio, & quintam Cabi partem, seu quantum capiunt testæ ovo-

ovorum XLIII & quinta ovi pars. Descendit vocabulum vel ab עמר ministerio alicujus, uti, vel commodum ex aliqua re percipere, ut sit Homer quasi, mensura subministrando & percipiendo Israelitis victui quotidiano serviens: vel ab עמר quod est manipulus frugum, ut mensura sit, continens tantum granorum, quantum communiter ex manipulo frugum excuti potest. BARTENORA Comment. ad Cod. חלה cap. II. Mischn. 6. ita definit: Omer erat decima pars Ephæ: Ephæ continebat tria Sata, Satum autem sex Cabos, unde fiet, ut XVIII Cabi sint in Ephæ: Cabus continet quatuor Logos: decima pars LXXVII efficit Logos, & decima pars duorum Logorum efficit quintam ovi partem & ovum, quia Logus conficit sex ova. Monet autem simul, non eandem omni tempore hujus mensuræ fuisse rationem, quia in terra Canaan, sextam partem addiderint majores mensuris; unde factum, ut Omer, qui in deserto valebat septem Logos, & ovum cum quinta parte ovi, posthæc Hierosolymis valeret sex Logos. Porro cum venerunt Zippori, addiderunt sextam mensuris Hierosolymitanis, ut sex Logi fierent quinque, & hanc esse quinquies quartam partem farinæ, de qua ad conficiendam חלה placentam dicto loco præcipit Mischna. Ceterum Homer, Græcis Γομῶς, non aridorum solum, sed & liquidorum fuisse mensuram, decem Cotulas capientem, ex Ezech. XLIV, 13, 14. liquet, ubi de primitiis olei sermo est, statimque subjicitur: ὅτι αἱ δέκα κότυλαι εἰσι γομῶς, quia decem Cotylæ sunt Gomor: quod in Hebræo legitur, decem Bath sunt Homer.

Ad §. XVII. pag. cit.

(23) סאה Seah, Σάτον, Satum] Σάτα juxta SVIDAM, quod est Chaldaicum סאתה. Est tricesima Cori, & tertia pars Ephæ, quandoquidem XXX Sata Corum, & III, Epham præcise ceperunt: singula vero tres Homeres, & Homeris trientem, sive sex Cabos, vel quantum capiunt testæ ovorum gallinaceorum CXLIV. Gen. XVIII, 6. Abraham uxorem jubet tria Sata

simile, pro tribus hospitibus parare; Levitic. XXII, 14. quinta partis Sati fit mentio; 2 Reg. VII, 1, 16, 18. Elisa prædicebat, fore ut postero die Satum similæ uno statere, & duo Sata hordei tantidem venirent, quod & ita evenit. Matth. V, 15. τρεῖς μῶδαι fit mentio, quod Syrus Interpretæ סאתה satum exponit; unde simul constat, stante posteriore Templo, eandem in usu fuisse mensuram. Et hinc Interpretes Latini vulgo reddunt modium, respectu habito ad modium Atticum, vel Syriacum, vel Babylonicum, vel Arabicum, cui exacte & præcise respondet סאה Hebræorum. Quando autem de mensura agri dicitur, Seah conficit quinquaginta ulnas per quadratum, inquit BARTENORA ad Mischn. I. Cap. III. in Tract. פאה de angulo: unde intelligi potest, quod I Reg. XVIII, 32. dicitur, Eliam circa altare suum canales effodisse, quantum soli caperent duo Sata seminis. MAIMONID. Not. ad Mischn. 2. Cap. II. tract. כלאים de Heterogeneis ita pariter definit: Spacium Sati est spacium quinquaginta cubitorum, per quadratum, cujus spacii mensura conficit duo millia & quingenta cubitorum; & totum spacium per computum Geometria erit duo millia cubitorum & quinquaginta, tam per lineam circularem, quam quadratam, aut triangularem, aut cujuscunque figura.

Ad §. XVIII. pag. cit.

(24) סאתה Ephæ continet tria Sata] LXX Interpretibus διφί, vel ὕφι, 3 Sata explebat, 18 Cabos, 72 Logos, 6 Hinnos, 288 Rebiitas, & 432 Ova. Tantum nimirum capiebat in aridis, quantum in liquidis Bathus, velut Ezech. XLV, II. diserte dicitur: Ephæ & Bath mensura unius sunt, ad tollendas decimas Chomeris pro Batho, & decimam partem Chomeris pro Ephæ. Juxta Chomerem enim erit mensura tua. Chaldaeus pro Ephæ Hebræorum ponit סאתה tria Sata, Exod. XVI, 37. Hinc colligit R. SALOMO, decimam partem Ephæ capere, quantum capiunt testæ ovorum 43, & quinta pars testæ. Et tantum quidem accipi solebat pro oblatione pla-

Rr rr. 2 cente,



centæ, חלה dictæ, & pro Minchis, seu oblationibus cibariis. Frequentissima ejus in Scripturis fit mentio, quando v. g. Rutha Moabit, ex spicis collectis & excussis, Ephā invenisse memoratur, Ruth. II, 16. Eandem hordei mensuram Gideon in panes coxit, Angelo se allocuto proponendos Jud. VI, 19. Tantumdem farinae Hanna, Samuelis mater, obtulisse sanctuario legitur I Sam. I, 24. Tantum polentæ David, fratribus in militia agentibus, a Jesse patre, ad Tribunalum deferre jussus est I Sam. XVII, 17. Sic Jes. V, 10. in prædicta terræ sterilitate, semen Chomer Epham producturum minatur. In Novo Test. per σάτα ῥελα describitur a Christo Matth. XIII, 33. Hinc colligit ARIAS MONTANVS, regiam & maxime communem ac celebrem hanc fuisse mensuram, ceterarumque mensurarum omnium rationes continentem, ad publica etiam commercia maxime omnium usurpatam; cum primis, quod, cum de mensuris vel æquis vel iniquis agitur, hujus tantum generis, tanquam ceterorum exemplaris, fit mentio, ut Deut. XXV, 14. *Non erit in domo tua Ephā & Ephā, verum Ephā integra & justa erit tibi.* Conf. Prov. XX, 10. Amos. VIII, 5.

Ad §. XIX. pag. 159.

(25) לחת *Lethech* continet quindecim *mensuras*] Definiente KIMCHIO, RASCHIO, & Judæis ceteris, est חצי חומר *dimidia pars Chomeris*, quæ alias Hebræis אררוך / Græcis ἡμίκορος, HIERON. *semicorus* dicitur, quod geminam Lethecam caperet Corus vel Chomer. Hinc apparet, continuissē illam V Ephas, Sata XV Chomeres XXV, Cabos XL. Ejus fit mentio Os. III, 2. & *mulierem adulteram comparavi miki Chomere bordei & Leteca*; ubi per Chomerem Corus intelligitur, per Lethecam vero Semicorus, sive dimidius Chomer. Hebræis æstimatur *justum asini onus*.

Ad §. XX. pag. ead.

(26) חומר *Chomer*] Quia LXX Interp. toties pro χόμος, inscite & ambigue posuerunt γόμος,

tantum turbarum dederunt EPIPHANIO & THEODORETO. Valet autem XXX modios Hebraicos, X Ephas, II Lethecas, DCCXX Logos, & Hebræis *justum æstimatur onus cameli*: quod contra Auctorem notamus. Est enim sacrarum mensurarum maxima, sicut מקור Rabbiniarum. Confer Levit. XXVII, 16. Num. XI, 32. Ezech. XLV, II. Non tam a חומר *asinus*, quod Auctori cum aliis placet, quam a חומר & חומר *cumulus, acervus*, appellatur Jud. XV, 16. Exod. VIII, 14, 10. Hab. III, 15. quod tantum frumenti, quantum mensura illā capiebat, justum cumulum faciat: unde ISIDORVS: *Chomer*, inquit, *a similitudine collis sic vocatur. Conceruati enim modii triginta, instar collis videntur, & onus cameli efficiunt*: Lib. XVII. *Origin. cap. XXV. fin.*

Ad §. XXI. pag. cit.

(27) כור *Corus*, eadem mensura fuit cum *Chomer*] Juvat sane huc afferre observationem STANISLAI GRSEPSII cit. *supra loco p. 397*: *Hoc saltem interest, quod Chomer est vox antiquior, & Hebræis usitator, & ut ita dicam, magis vernacula. Corus autem, quem Hebræi Cor dicunt, vox non perinde antiqua videtur, nec ita Hebræis usitata. Non enim vel in Mosis libris, vel apud Prophetas, usquam reperitur, præterquam apud Ezechielem, cap. XLV, 14. Esdras, cap. VII, 22. & in libris Regum, I cap. IV, 22. V, II. ac 2 Paralip. II, 10. & XXVII, 5. & videtur ad Hebræos ab externis pervenisse, quibus, ut apparet, magis usitata, quam Hebræis fuit: id quod ex scriptis IOSEPHI, & Septuaginta translatione colligi potest. IOSEPHVS enim Græce scribens, Cori voce sæpe utitur, Chomer autem vox, nusquam in scriptis ejus reperitur. Septuaginta vero pro Chomer, sæpe Corum interpretantur; quod satis arguit, externis vocem hanc magis notam & usitatam fuisse, contra quam Hebræis, quibus vocem Chomer magis usitatam & vernaculam fuisse constat. Idem tamen utramque vocem notare, Doctores omnes fatentur. Adhuc vero laudatus GRSEPSIUS pag. 399. observat, quod decima Cori pars, etiam Corus*

Corus dicatur, sicut decima talenti, talentum. Hinc componere nititur IOSEPHVM, cum Sacris literis. Quod enim I Reg. V, II. traditur, Salomonem Tyrionum regi quotannis. præbuisse viginti millia Coros tritici, IOSEPHVS pro viginti millibus scripsit duo millia, decem Coros pro singulis Coris computans; quod ex alio IOSEPHI loco fusius declarare satagit. Verum in HAVERKAMPI editione IOSEPHI, lectio FLAVII cum Textu Sacro ex asse conspirat, quando lib. VIII. Antiqu. cap. II. §. 9. ita habet: *στὴς μὲν αὐτῷ κατ' ἔτος πέμψας δισχυρίας κόρας, καὶ τοσάδης ἐλαίης βάδας*. Mittens quotannis tritici quidem viginti Cororum millia, oleique totidem Batos. Meliorum Codicum fide, hanc lectionem, in locum vocis *δισχυρίας*, perperam positam mendosis editionibus, se restituisse testatur IOH. HUDSON Annot. ad b. l. Operam ergo ludit GRSEPSVS, utriusque numeri conciliatione: quod obiter noto.

Ad §. XXII. pag. eand.

(28) *In rebus aridis metiendis*] Nec hoc per omnia fidem meretur. Corus enim tam liquidarum quam siccarum rerum mensura erat, restibus melioris notæ interpretibus omnibus. Vnde in cit. I Reg. loco, qui in Codice Hebræo cap. V, commate 25. legitur, כור tam de חטים tritico, quam de שמן כתית oleo contuso, adhibetur.

Ad §. XXIII. pag. cit.

(29) *לוג continet sex Ova*] Minima Hebræorum in liquidis, post Ovum, mensura est לוג & Syr. *לוגה*, unde enatam esse Latinorum *Lagena*, & Græcorum *λαγύνη* vocabulum, magno consensu passim viri docti tradunt. Vide GER. IOH. VOSSII *Etymolog.* p. 279. a. Comprehendit hæc mensura sex ovorum communium capacitatem; vigesimam quartam partem Sex vel Sati, & duodecimam Hinis, adeo ut XXIV Logi æquales fuerint Sex, & XII Logi æquales Hini. Captu pronior est hæc descri-

ptio, illa MAIMONIDIS, quam Not. ad cap. VIII. *Mischu.* §. Tract. פנה subministrat, quam ob nominis in gente sua celebritatem, adscribimus: *Dicimus, mensuram illam, quæ continet quatuor digitos super quatuor digitos, & in altitudine continet duos digitos ad septem denas digitorum, hic autem digitus, quo mensurat quantitatem eam, est ex digitis manus, pollex, quando in concavo continet istam, quam diximus quantitatem, sive ea sit figuræ quadratæ, aut circularis, aut triangularis, aut alius figuræ, esse eam dicimus לוג Logum: & quarta ejus pars vocatur רביעית, & dimidia pars רביעית vocatur שמינית octava pars; קב Cabus continet quatuor Logos. Vnde simul colligitur, Logum in quatuor, quin & in octo partes, tanquam uncias subdividi consuevisse.*

Ad §. XXIV. pag. 159.

(30) *הין conficit 72 Ova*] Creberrimus hujus mensuræ usus, in vini & olei rationibus exponendis, occurrit in Scriptura; v. g. Exod. XXIX, 40. ubi decima pars Ephæ similaginis miscebatur quarta parte Hinis, olei contusi, & libaminis quartæ partis Hinis vini, in agnum offerenda præcipiuntur: Cap. XXX, 24. ad conficiendum unguentum sacrum, præcipitur afferri Hin olei olivæ: Num. XV, 9. fit mentio dimidii Hinis olei, & vers. 7. trientis Hinis vini, & vers. 4. quadrantis Hinis olei: Ezech. IV, II. propheta populo horribilem, in diuturna obfessione Hierosolymorum, famem sitimque minatus, prædicit fore, ut aquam ad mensuram bibat, sextam partem Hinis, de tempore in tempus statum. HIERONYMVS *Comment. in Ezech.* cit. loc. definit: *Hin duos Choas Atticos facit, quos nos appellare possumus, duos sextarios Italicos.* Rabbinis continet Hin XII Logos, dimidiam partem Sati, seu modii Hebraici, sextam Ephæ seu Bathi, tres Cabos, 48 Rebiitas, 72 Ova. Hinc dimidius Hin tantum capiebat, quantum 36 ovorum testæ; triens Hinis, quantum capiunt 24 ovorum testæ; quadrans, quantum

Rr rr 3

capiunt



capiunt 18 ova. Ab ED. BERNARDO mensura  
ram liquida censetur, quam sicca.

Ad §. XXVIII. pag. ead.

Ad §. XXV. pag. 159.

(31) **Βάτος, Bathus**, ejusdem erat quantitatatis cum *Epha*. Ejusdem in liquidis capacitatis fuisse, cujus in aridis fuit *Epha*, ex Ezech. loc. cit. patet. In liquidis continebat VI Hines, five LXXII Logos. Quando autem mare æneum Salomonis I Reg. VII, 26. bis mille Bathos capiebat, ait 2 Chron. IV, 5. tria millia comprehendisse perhibetur, gemina suppetit conciliandi ratio. Alii enim, cum ABARBENELE, bis mille Bathos liquidorum, tenere censent ter mille aridorum, eo quod cumulus ex aridis additus mediæ parti totius excepti æqualis sit. Alii vero bis mille numeratos credunt ordinarie, qui ex instituto regis inferebantur, cum alias totum mare usque ad summitatem ejus capere posset ter mille; uti componit WASERVS. GRSEPSIVS p. 422. hic iterum Bathum regium & communem distinguit, cujus mutuo sesquipla fuerit proportio, unde componi possit numerus uterque: quod est τὸ ἐν ἀρχῇ λαμβάνειν.

Ad §. XXVII. pag. 160.

(32) **Ξεστός, Sextarius**. Nomen apud Græcos vetustiores non obvium: *Ξέστην* autem e Romana dictione corrupta formatam esse sequioribus temporibus, GALENVS testatur lib. I. de compositione medicamentor. secundum genera: ubi differre perhibet τῆς Ξέστης neque mensuram, neque nomen apud vetustiores Atticos reperiri, sed una cum imperio Romano utrumque in Græciam pervenisse, quamvis mensura impar sit Romanæ. Purioribus Græcis κοτύλη, *Cotyla* major & Attica ejus loco usurpari consuevit, utpote quæ ad sextarium proxime accedit. Juxta ED. BERNARDVM §. 17. sexta pars est Congii, duas Cotylas continens, tam rei humidæ, quam siccæ mensura, qua triticum, oleum, aqua, mel, ponderari ac æstimari consuevit.

(33) **Χοίνιξ, Chœnix, mensura**. Cum ipsum vas denotat, tum rem vase dimensam, five liquidam, five aridam; utrisque enim inservit. Sed variæ fuerunt Chœnices, & disparis magnitudinis, de quibus erudite præceperunt EYDAEVS de *Asse*, ejusque partibus lib. V. p. 538 sqq. WASERVS de *Mensur. Hebr. lib. II. cap. 3.* ED. BERNARD. §. 19 sq. Harum minima *Chœnix Opilionum* dicebatur, eratque bilibris; porro *Attica*, quæ villicorum censetur, trilibris, quam & Aegyptiam BERNARDVS dicit; hanc ἡμερήσιον τροφήν, *cibarium frumenti diurnum* existimatam SVIDAS perhibet, five frumenti mensuram, quam unus homo quotidie absumere possit. Evidenter hoc patet, ex computo HERODOTI, qui de Xerxis exercitu, quem maximum adversus Græcos duxit, ejusque victu, verba faciens in *Polymnia* seu lib. VII. p. 508, tandem subdit: εὐρίτω γὰρ συμβαλλόμενος, εἰ χοίνικα πυρῶν ἑκάστος τῆς ἡμέρης ἐλάμβανε, καὶ μηδὲν πλέον, ἑνδεκα μυριάδας μεδίμνων τελεομένας ἐπ' ἡμέρῃ ἐκάστη, καὶ πρὸς τεμπλοσίαις τε ἄλλας μεδίμνας καὶ τεσσαράκοντα: siquidem ut *Chœnicem* frumenti quisque in singulos dies acciperet, & nihil amplius subducta ratione invenio centena dena millia medimnum quotidie absumi potuisse, & trecenta præterea quadraginta medimna. Vnde apparet, Chœnicem victum hominis fani diurnum fuisse reputatam. Inde Corinthios χοινικομέτρους Apollinem Pythium appellasse existimant, quod servos multos, isthoc dimenso nutriri solitos, possiderent. Hinc illa quoque Attica κατ' ἐξοχήν μέτρον dicebatur. Denique *Chœnix Italica* erat, *Vinitorum* cognominata, quæ pendebat uncias tritici duodequingenta, h. e. libras quatuor, unde quoque quadrilibris dicta. Porro *Chœnix Georgica*, tritici Romanas uncias quingenta pendebat, quia mensuræ Georgicæ ratione sesquialtera Atticis erant majores. Vltimo *Chœnix Militaris*, pendens Romanas uncias LXXX, dimensum erat diurnum ingenuis olim militibus, quæ Hebræorum Cabo exacte respondebat.

Ad

Ad §. XXIX. pag. 160.

(34) Μετρητής, *Metreta*, *Joh. II, 6.* ] Hic in nuptiis Canæ Galilææ, appositæ memorantur sex ὕδρια λίθιναι, ἀνὰ μετρητὰς δύο ἢ τρεῖς, *singula capientes circiter duas aut tres Metretas*: aut, si inæquales fuerint, sensu disjunctivo, ita ut una altera esset capacior, & nonnullæ duas, aliæ tres caperent mensuras. Quia vox μετρητής a LXX pro Hebræorum כֶּבֶת *Batho* ponitur 2 Chron. IV, 5. is vero 18 aut 20 mensuras aquæ

communes cepisse censetur, talis hydria duobus tribusve Bathis constans; dimidii dolii, quod Ohma dicitur, seu quod excedit, capacitatem habuisse censetur *LAMPPIO in b. l.* Sane de Attica Metreta passim traditur, sextarios septuaginta duos continuisse, quam Batho quoque mensuram tribuit *IOSEPHVS lib. VIII. Antiqu. cap. 2.* Ex instituto in *Hydriarum sex Joh. II. capacitatem* commentatus est *MATTHÆVS HOSTVS*, cujus dissertatio *Tom. VII. Criticor. Sacr. p. 1441.* legitur inserta.

AD

## LIB. VI. CAPVT X.

DE MONETA HEBRAEORVM CVPREA, ARGENTEA,  
ET AVREA.

**A**d supra memoratos Auctores *Cap. præced. Annotat.* 1. qui omnes etiam de Nummis Hebræorum scripserunt, addi poterunt *ATHANAS. KIRCHERVS*, de Nummis veterum Hebræorum, Chaldæorum, Syrorum, in *Oedip. Aegypt. Tom. I. Part. 2. class. 2. cap. II. disquisit. 3. §. I. & 2. pag. 88-102.* *EDVARD. BREREWOOD*, cujus de *Ponderibus & Pretiis veterum numorum* liber *T. VI. Critic. Sacr. p. 1093.* legitur: *HERMANN. CONRINGIUS*, cujus de *Nummis Hebræorum paradoxæ* *Helmstadii* prodierunt *A. 1675.* *IOH. HENR. HOTTINGERVS* de *Nummis Orientalium, Hebræorum maxime, ac Arabum*, quæ dissertatio *Cippis Hebraicis* subjuncta est *p. 89.* *ADRIAN. RELANDVS*, cujus de *Nummis veterum Hebræorum Samaritanis* dissertationes quinque *Trajecti lucem* adspexerunt anno *1709.* quibuscum conferri merentur, ex recentissimis, *ERASMI FROELICH, Lojolitæ, Annales Compendiarii Regum & Rerum Syria, Nummis veteribus illustrati, Prolegom. P. V. pag. 74. & Tab. XVIII.*

Ad §. II. pag. 160.

(1) λεπτόν, *Minutum, seu quadrans ultimus, Luc. XXI, 2. Marc. XII, 42.* ] Est æs minutum, dimidium quadrantis, ut ex Marco liquido constat. A Syro שמונה *octans*, seu pars octava Assarii redditur. Ponderabat Semidrachmam, valebatque denarii Romani partem octuagesimam, ut quadrans quadragesimam. Assarius vigesimam; interprete *BREREWOODO cap. 2.* פרוטה *nummus minimus Judæorum, a פרט particulatim, singulatim aliquid agere, hinc הפורט סלע est, qui in minutos nummos mutat Siclum. Observat autem BYXTORF. Lex. Targ. b. v. duplicem fuisse Prutam, aliam argenteam, aliam ex ære, adeo vero vilem, ut in partes minores non divideretur; æquivalet enim dimidio grano hordeaceo, juxta MAIMONID. Hilc. שקל capite primo.*

Ad §. III. pag. eand.

(2) קודעאנטס, *Quadrans* ] *Palestinis קררנטס / Babylonis vero קונטרן* dicitur; *Assarii*



farii quadrans, duo λεπτά valens, juxta EDVARD. BERNARDVM. Ast BREREWOOD quartam partem Assis notare mavult, dimidium Assarii, ponderans Drachmam. Quando autem Matth. V, 26. dicitur: *Non egredieris e carcere, εως αν εναποδως τον εσχατον κοδεκέντην*, donec solvas ultimum Quadrantem, integra restitutio innuitur, cui nihil quicquam desit. Est itaque phrasis proverbialis, qua rigida ad ultimum usque nummum per solutionis exactio indicatur, ita, ut ne quadrans quidem, vel vilissimi numismatis quicquam remittatur.

Ad §. IV. pag. 160.

(3) Ασδριον, *Affarius vel Affarium*] De hujus valore MAIMONID. Hile. שקלים cap. I. ita præcipit: סלע סלע valet, quatuor דינרין Denarios: מעה מעה, duo פונדיון pondiola: פונדיון, duo איסרין Affaria: פרוטה, unam oðavam Affarii. Pondus autem unius מעה est sedecim hordeorum: pondus איסר Affarii, hordeorum quatuor: פרוטה, dimidii hordei. Locum autem citatum ex Matth. X, 29, ex proverbiali locutione Hebræorum, qua dicunt באיסר affario, de re minimi precii & quasi nihili, collata Mischna Tract. חרלין cap. ultimo, egregie illustrat Buxtorf. Lex. Targum: hac voce pag. 175 sq.

Ad §. V. pag. 161.

(4) גרה Gerah, erat vigesima pars Sicli] Ita diserite definitur cit. loc. Exodi, & Levitic. XXVII, 5. Nummorum argenteorum levissimus inter Hebræos, cujus pondus, ex mente præstantissimorum Magistrorum, ita definit RALBAG in Exod. XXX, 13. גרה הוא במשקל יו' גר גרי שעורה כינונית לפי מדה שקבלו הגאונים: Gerah pondere æquat sedecim grana hordei circiter, prout excellentissimi Doctores nostri prodiderunt. In vocis Gerah etymologiam prolixè inquirat WASERVS lib. II. cap. 13.

Ad §. VI. pag. 161.

(5) אגורה Agorah] Legitur 1 Sam. II, 36. eritque omnis residuus in domo tua, veniet ad incurvandam se illi כסף לאגורה pro nummo argenti, & pro torta panis &c. ubi tanta posteritati Eli pauperies prædicitur, ut pro minimo numulo argenteo ventura sit, incurvatum se coram Zadoko Sacerdote, quod implerum legitur 1 Reg. II, 26. & 2 Reg. XXIII, 9. Moneta fuisse argentea, hinc intelligitur, & Scrupulum argenti a FORSTERO, Minutum argenti a PAGNINO vocatur; ejusdem ponderis ac valoris cum Gerah. Ab אגר colligere, coacervare, Chaldæis vero mercari, mercede conducere, & locare, derivatur, de qua WASERVS lib. I. cap. 15. & lib. II. cap. 14. consulendus est.

Ad §. VII. pag. 161.

(6) קשיתא Keschitah] Si signatus fuit nummus, imaginem Agni retulit impressam, unde nomen quoque sortitus est, quemadmodum Γλαῦνες Athenis, vel ἄς aliis Græcis dicebantur. Posses conferre cum nostris Cruciatis Joachimicis, ratione nominis a figura petiti, non ratione valoris. Vetus autem hic nummus Chaldæorum aut Arabum fuisse videtur, ut ex tribus locis, quibus ejus fit mentio Genes. XXXIII, 19. Jos. XXIV, 32. & Job. XLII, II. liquido apparet. Vir summus, SAM. BOCHARTVS Hierozoic. P. I. p. 433 sq. rejecta notione agni, quia nuspiam, ubi de ovium pastu, proventu, immolatione agitur, hæc vox comparet, Keschitah interpretatur sinceram monetam, quæ & justum habeat pondus, & ἀνιβηλος esset, immo quod ex auro & argento purissimo constata esset, & in qua pondus rigide & exacte observetur. קושט enim Hebræis veritas est Psal. LX, 6. & קשית Chaldæus sæpe adhibet pro vero, genuino & sincero. Hinc existimat, licet in Numis τὸ ἀνιβηλον ubique requiratur, potuisse tamen unam quandam speciem præ ceteris קשיתא nominari, quæ ex purissimo esset argento,

argento, nihil admistum habente metalli alieni. In medio relinquit, cujus fuerit valoris: rejicit autem Rabbinos, qui obolum minutum inducere, quia vero non sit simile, agnatos & amicos Jobi, qui gratulatum accedentes, Kefitham singuli ei obrulerunt, vile adeo ac exiguum donum dedisse. Ob hanc ipsam rationem, ovem mavult Jobo a singulis amicis oblatam, quam nummulum unicum, ADRIAN. A GATTENBVRCH *Synt. Sap. Mos. lib. V. cap. V. §. VI. p. 286.* ALBERT. etiam SCHVLTENS in *Commentar. in Job. cit. loc.* agni notionem pariter respuit, quod nullum, ne in vicinis quidem linguis, Chaldaica, Syriaca, Arabica, Aethiopica, Samaritana, illius significationis vestigium compareat; ipse vero *massulam auri* exponit *ad stateram exacti*, quamvis summa ipsa nec dum finiri queat. Contra vero HOTTINGER. *diff. de nummis OO. p. 110.* nummos hoc nomine notari existimat, quibus agnorum sive ovium insculpta fuit figura. Sed debilibus militat argumentis, quibus BOCHARTI & SCHVLTENSII sententiam præferendam duco.

Ad §. VIII. pag. 161.

(7) כסף Ἀργυρίου, *Argenteus*] Proprie *Argentum* significat, quando autem sensu specifico, pro nummo sumitur, velut Gen. XX, 16. XXIII, 16. XLIII, 21. 2 Sam. XVIII, 11sq. Siclum denorat, & cum Chaldaeo nummo סלע & סלעא / cum Hebræo autem שקל paria facit. Hinc in *Schalscheleth bakkabbala fol. 88. col. 2.* regula generalis traditur: כסף האמור בתורה הוא כסף שקל והוא כ' מעות *quoties Argentum in Lege exprimitur, Siclum notat, i. e. viginti obolos.* Valore scilicet aut pondere, non moneta. Recte enim præcipit FROELICHIVS infra citandus, p. 83: *Nonnunquam loco Sicli argentei ponitur Argentum, Hebraice כסף, attamen hoc vocabulum ante Macchabeorum tempora usurpatum, vel de rudis argenti pondere, vel de argentea aliarum gentium moneta accipiendum censeo.* Attamen post illa tempora, eidem respondet in N. T. ἀργύριον, argenteus scilicet nummus Judæorum, qui Siclus est, unde EUSEBIUS lib. X. *Demonstr. Evang. cap. IV.* ubi a

Zacharia prædictum Judæ scelus memorat, τεράκοντα σάτρεας nominat, quos mox, ex AQUILAE & SYMMACHI versione, per τεράκοντα ἀργύρους, *triginta argenteos* exponit. Siclum enim Sanctuarii, ejusdem ponderis fuisse cum statere tetradrachmo Græcorum, monet GRSEPSIVS *cit. loc. p. 356.* Quocum tamen confer, quæ paulo post *Annotat. 12.* ex FROELICHIO de pondere Sicli trademus. At enim vero ἀργύριον Actor. XIX, 16. ubi de nummis Græcis sermo est, Drachmam Atticam valet. Græci enim pecuniarum summas numerabant Drachmis, velut Judæi Siclis, Romani Sestertiis, nos hodie Imperialibus, sive uncialibus. De Græco quidem ἀργύριον Matth. XXVI, 15. & capite XXVII, 3 seqq. diversum sentiunt viri docti, IOACHIMVS CAMERARIVS & THEODOR. BEZA; ἀργύρια idem valuisse perhibentes, ac Minam Atticam, centenariam videlicet, i. e. centum drachmarum Atticarum, sive Romanorum denariorum. Hoc itaque calculo, juxta BEZAM, Christus proditus fuisset coronatis Francicis trecentis. CAESAR BARONIVS *ad A. G. XXXIV. n. 15.* ἀργύρια singula valuisse argenti libram contendit, adeoque pretium illud sanguinis fuisse vel librarum argenti 30, vel aureorum coronatorum trecentorum, probare variis rationibus nititur. Sed huic opinioni multa graviter opposuit ISAAC. CASAVBONVS *Exercit. XVI. cap. 8 sq.* eamque argumentis explosit haud contemnendis, ἀργύρια Siclos fuisse demonstrans, cum כסף & שקל equipolleant. Hinc iudicium quoque ferre licet de sententia GRSEPSII, qui p. 389 sq. ita argutatur: *Si quidem τεράκοντα ἀργύρους scriptum haberemus, necessario intelligeremus triginta Argenteos. Verum cum τεράκοντα ἀργύρια scriptum sit, possumus intelligere triginta summulas, ut ita dicam, hoc est triginta Siclorum auri pretia. Nam quod non triginta denarii hic intelligere debeamus, res ipsa arguit. Constat enim, pecunia illa agrum emptum esse, in sepulturam peregrinorum. Triginta autem denarii emi non poterat: quid enim tantillo pecunie emas? nam triginta denarii non multo plus valent quatuor taleris:*

SS SS qua-



quapropter hic triginta αἰγυγίαι accipiemus, pro pretio triginta Siclorum auri. Utebantur autem tunc Judæi, ut constat ex Evangeliiis, Romana moneta. Romanis autem Aurei didrachmales erant; quapropter XXX Aureorum hujusmodi pretium trecentos superat denarios &c. Si hoc non est, quadrata miscere rotundis, nescio quid demum sit. Argenteos enim nummos cum aureis permutat, Siclos singulos in Denarios convertit, quorum singuli drachmæ æquipollebant, h. e. Sicli quadranti, nummos ex thesauro Templi depromptos, pro vulgari Romanorum moneta habet, ex iisque aureos didrachmales procudit, & denique in τετράδρακτα αἰγυγίαις tritatur, ubi bene monente ERASMO SCHMIDTO, voce νομίσματα subintellecta, Textus est supplendus. Tandem ante GRÆPSIUM, jam BARONIVS precium agri obverterat, hujus ut vitula illum arasse constet. Cur autem ager hic non potuit emi precio tantillo, cum Jeremias agrum, uti videtur, non malum precio emerit argenteorum septendecim? capite XXXII, 9. Forte autem sterile solum, quod εἰς ταφὴν sufficiebat, nec admodum amplum terræ spacium, largius pretium non exigebat. Communi ergo Interpretum sententia, cum HENR. HAMMONDO, aliisque viris gravissimis inhæremus, per nummos argenteos in μισθῷ ἀδμίας Judæ τῷ προδότης, Siclos intelligentes, de quibus mox uberius erit dicendum.

Ad §. IX. pag. 161.

(8) Διδραχμον, Didrachmum, Matth. XVII, 24.] Erat nummus argenteus, duas valens Drachmas, h. e. dimidium Sicli; dimidium Stateris, quadrantem Vnciæ. Pendebant enim Judæi, ex lege divina Exod. XXX, 13. quotannis dimidium Siclum sanctuarii, singuli ab anno vicesimo ætatis ad sexagesimum, in usus sacros, maxime ad conservationem Templi, impendendum. Ast, post reditum e captivitate, cum semisiclorum tanta ipsis non suppeteret copia, diversa nummorum specie annum illud tributum

pensitasse memorat Mischna tract. שקלים cap. II. §. 4. וכשעלו ישראל מן הגולה היו שוקלין דרבנות חזרו לשקול סלעים חזרו לשקול רבנות חזרו לשקול סלעים ובקשו לשקול דינרים Cum e captivitate rediissent Israelitæ, loco Sicli sui Darbonoth (monetam Persicam, quæ ipsis tum erat in usu, & cujus dimidium pro semisiclo suo quisque pendebat) offerebant, dein Selaim, tum Thabaim, (cujus pretium erat פלגות סלעין dimidium unius Sela) & volebant tandem Sicli loco offerre Dinarim, quartam Sicli partem æquivalentes, quam tamen census sacri defraudationem nummularii reprimebant. Confer WULFERYM ad hunc locum. Cum autem Pompejus M. Aretam, Arabiæ Petrææ regem vicisset, & Hierosolymam Templumque occupasset, anno ante N. C. LXI, reditus hos Templi in ærarium Senatus, populique Romani transtulit; a quo tempore διδραχμον singulis Judæis indixerunt Romani, quotannis de quolibet capite pendendum in Capitolium. Census iste per certas personas, quales hic οἱ τὰ διδραχμὰ λαμβάνοντες dicuntur, quotannis colligi solebat, & Romam transferri. Errat itaque EDWARD. BREKEWOOD cap. I. ubi h. loc. tributum Romanum designari negat, quia id Romanis nummis pensitatum fuerit, juxta Matth. XXII, 17 sqq. Romanos autem nummos denariis majores non percussisse. Verum distinguere hic liceat inter tributa Romanis solvi solita, ex prima institutione, & ex recentiori sanctione. Posterioris generis erat census ille, de quo Matth. XXII. agitur: ast hoc tributum translatum erat e Templo ad ærarium Romanum, hinc secundum primam ejus institutionem quoque tam valorem, quam nummi genus integrum reliquerunt Romani, & in ea moneta assumerunt, qua erat institutum.

Ad §. X. pag. cit.

(9) Στατήρ, Stater.] Græco nomine Siclum Hebræorum notat, stateri Attico pondere omnino æqualem. Duo enim continebat didrachma, adeoque tributo pro duobus, Christo &

& Petro, pendendo sufficebat Matth. XVII, 24. Erat quippe nummus argenteus τετραδραχμος, quatuor drachmas valens. Quare autem hic loci, pro se & Petro tantum, non etiam pro reliquis discipulis, tum se comitantibus, διδραχμον pependerit Salvator, causa est, quia ipse tantum & Petrus, ut apparet ex Matth. IX, 1. VIII, 14. cives Capernaumitani erant. Exigebatur autem census ab unoquoque in loco suæ sedis. Reliquorum vero discipulorum quisque in sua civitate διδραχμον illud quotannis pendere necesse habuit, si domicilio alicubi fuerint gavisi,

Ad §. XI. pag. 161.

(10) Δηνάριον, Denarius ] Nummus argenteus, plane Romanus, aut lupam Romuli, aut sapissime, præter bigas, quadrigasque, & notam sui X Romæ caput ostentans, cum Consule ἐπ' αὐτῷ, anno V. C. CCCCLXXXIV. primum percussus. Ultimis temporibus Cæsaris imaginem & inscriptionem referebat, teste Matth. XXII, 19. EDVARD. BERNARDVS §. 25. quadruplicem reperit denarium: Gordianicum, Consularem, Tiberianum, & Vespasianicum, quorum differentias, secundum cuiusque pondus & valorem, curate ibidem evoluit. HOTTINGERVS p. 102. vocem דנר apud Hebræos, varie accipi observat, 1) pro quolibet nummo meliori post Siclum, 2) pro nummo aureo, vel argenteo, quorum ille 25 denarios argenteos valeat: ubi de valore denarii, ex Hebræorum Magistris plura. Argenteus quartam partem Sicli valebat & ponderabat. Quæ autem Auctor noster de Denario Sacro & Vulgari monet, mox in descriptione Sicli discutientur.

Ad §. XII. pag. 162.

(11) זוז, erat quarta pars argentei Sicli]. Quadrantem Sicli valere, hinc ex versione liquet; velut Chaldeus 1 Sam. IX, 8. quartam partem Sicli, נון exponit, & Syrus idem nomen Luc. XV, 8. pro δραχμή ponit: hinc ex

diserta Judæorum definitione, v. g. ELIAE GERMANI in Tisbi, & KIMCHI ad Ezech. XLV, 12. ubi uterque Zuzam per drachmam explicant. Drachmæ ergo Atticæ, & denario Romano par fuit. In Mischna tract. מנפ cap. VIII, §. 8. ducentis Zuzim determinatur victus annuus honestus homini pauperi, quantum qui habet, si mendicet, excommunicandus sit: ubi R. OBAD. DE BARTENORA monet, Sapientes ducentarum Zuzarum redditus seu proventum sufficere aestimasse pauperi; quod ad vestitum & alimentum, per totum annum. Valent autem CC. Zuzim, quinquaginta Siclos.

Ad §. XIII. pag. cit.

(12) שקל Siclus] Hujus, quia prolixior est discussio, notamus I. Appellationem. A Rad. שקל appendit, libravit, ponderavit, est שקל Scheckel, Siclus; cum pondus notans, & quidem definiente RASCHI in Exod. XXI, 32. חצי אונקיא dimidiæ uncie, quo ponderandi sensu legitur Exod. XXX, 23. 1 Sam. XVII, 5, 7. Amos. VIII, 5, 2 Sam. XIV, 27. tum celeberrimum monetæ genus. Vnde CONRINGIUS supra laudatus cap. IV. pag. 23. probe monet, Sicli vocem proprie pondus significare τετραδραχμον, atque ita omnis generis metallo adjici posse; ac a IOSEPHO sæpe æri jungi, si illud ejus fuerit ponderis; hinc vero, saltim post solutam captivitatem, aut partem jam per Hasmonæos libertate, hoc nomine ἀπλῶς usurpatam fuisse monetam argenteam, eodem IOSEPHO teste.

II. Valorem. Pondus Sicli recte definivit RASCHI per semiunciam, sive quatuor drachmas, ut IOSEPHVS, HIERONYMVS, HESYCHIUS, & tantum non omnes prodiderunt, qui de eo verba fecerunt. Licet autem LXX שקל sæpe reddunt διδραχμον, ut Genes. XXIII, 15. Exod. XXI, 32. Lev. XXVII, 3 sqq. non tamen de drachma Attica, sed Alexandrina sunt intelligendi, quæ Atticæ dupla fuit, ut didrachmum pondere Alexandrino, tetradrachmum esset At-



rico. Siclus ergo Israelitarum, Atheniensium Stateri omnino par fuit, eaque de causa interdum SYMMACHO & AQUILAE *σάτης* redditur: juxta nostram monetam exacte conficit dimidium Vncialem. EDVARD. BERNARDVS §. 34. qui curatius loqui maluit, inquit, *Mosis Siclum perpendunt granis bordeolis 320 argentum sane purum, Tyriumque: Siclum vero adis secunda, quam Selam proclivius nuncupant, granis bordei medio-cribus 384.* ER. FROELICH, mox citandus, ita tradit: *Siclus integer pondus granorum CCXXIX. quam proxime exaequat: grana vero hic sumimus libra Veneta, quæ eadem Norimbergensis, Pharmacopolis etiam nostratibus usitata - - Est ista libra divisa in Vncias XII, more Romano, Vncia in Drachmas VIII, Drachma in Grana LX.* Mox porro observat: *Nummi Attici argentei τετραδραχμοι, granis LV. Hebraici Sicli pondus fere excedere observantur.* Ex diversa igitur granorum æstimatione diversus etiam eorum numerus prodit.

Porro III. *Figuram.* Altera nimirum facie Vrnæ refert, in qua Manna servabatur in sanctuario, cum inscriptione: *שקל ישראל* Siclus Israelis, altera Virgam Aaronis efflorescentem, cum lemmate: *ירושלים הקדושה* Hierosolyma Sancta. Vrnæ Mannæ, ne cum calice aperto, in nummis nonnullis male expresso, confundamus, sollicitè & eruditè monet RELANDVS *Dissert. II. p. 5 sqq.* Post VILLALPANDVM, KIRCHERVM, HOTTINGERVVM, aliosque, recentissime genuinos Siclos, æri incisos oculis subjecit ADRIAN. RELANDVS, & ERASM. FROELICH, Jesuita; in *Annalibus Regum & rerum Syriæ Tab. XVIII.* quorum explicationem supra exhibuit Prolegom. P. V. cap. 4. Ex quibus omnibus apparet, inscriptos illos esse literis priscais rotundis, quas perperam eruditi quidam cum Samaritanis confundunt. Vnde, CONRINGIVS ex instituto sibi probandum sumit cap. VII. *nullum nummum Assyriis, aut Hebræis literis inscriptum, esse bonæ notæ, aut multum vetustum: Cap. VIII. non posse certis argumentis demonstrari,*

*nummos, qui Samaritanis characteribus sunt inscripti, captivitate Babylonica esse antiquiores: Cap. IX. omnes Samaritanis literis inscriptos nummos, esse Hasmonæorum & Herodum ætate cufos.* Consentit FROELICHVS. Proleg. P. V. cap. I. *Characterẽ Samaritano inscripti sunt nummi omnes sub Macchabæis signati, quales tenemus citra dubium antiquos.* Contra vero Numismata, Assyrio characterẽ insignia, quotquot ego viderim, vidi autem complura; omnia recentioris esse manus fabricam deprehendi, & procul ab ea, quam epigraphæ mentitur, vetustate. Enim vero, HOTTINGERVVS *Dissert. III. §. XI. p. 132 sq.* tamen fluctuat, & utrisque antiquitatem largitur.

IV. *Distinctionem.* Auctor noster, cum superioris ætatis doctoribus Christianis, CASP. WASERO, aliisque, in quorum societatem BEN. ARIAS MONTANVS in Ephron, seu de Siclo, se abripi tamen non patitur, duplicem statuunt Siclum, Sacrum, five sanctuarii, & Communem, qui alias quoque Regius appelletur, & quorum ille ponderis duplo hunc superaverit. Ita Rabbimorum, Patrumque veterum auctoritas suasit, qui ex verbis Levit. XXVII, 25. *omnis æstimatio tua fiet secundum Siclum sanctuarii*, geminum hunc Siclum exsculperunt. HOTTINGERVVS p. 124. allatis utriusque sententiæ momentis, licet propter constantem Hebræorum traditionem fluctuet, in eam tamen magis propendet, non nisi unum obtinuisse Siclum. Ast CONRINGIVS cap. X. p. 95. data opera negat, Siclum alium Sacrum, alium Profanum, olim in usu fuisse: eundemque Viri docti nostræ ætatis BERN. LAMY lib. I. cap. VIII. sect. IV. p. 105 sq. FROELICHVS cit. loc. p. 84. ANT. BYNAEVS de morte J. C. lib. I. cap. 4. p. 363, alique bene multi, omnino, & jure, explodunt. Siclus enim Sanctuarii in Levit. cit. loc. dicitur, quia in sanctuario asservabantur ponderum & mensurarum exempla, ad quæ cuncta a Sacerdotibus exigebantur, ad quorum quippe officium pertinebat, ut essent *מורה וזרה לכל* super omne pondus atque mensuram; nulla vero ratione, quod geminus

nus esset Siclus, & ille Sanctuarii esset duplo gravior Profano. Certe, cum non sacrâ tantum, sed & profana, Siclo sanctuarii æstimentur; Siclique pars dimidia nunquam appelletur Siclus profanus, communis aut regius, sed inscriptionem ferat **הצית השקל** / *Sicli Dimidii*; illius porro nec MAIMONIDES nec IOSEPHVS, nec fide digni alii meminerint scriptores verusti; nec ullus etiam unquam visus fuerit profanus, cum omnes, quotquot reperti sunt, semunciae Romanæ antiquæ, sive Talero Imperiali dimidio ex æquo respondeant; & nihil demum certî afferant viri docti, qui distinctionem illam sequuntur: Hinc omnino concludimus, olim in usu non fuisse duplicem Siclum, quorum alter duplo gravior altero fuerit, sed unum, qui Siclus Sanctuarii dictus, in omnibus tamen contractibus, emtionibus, & negotiis civilibus rerum potiebatur.

V. *Materiam.* Aereos quoque tuetur FROELICH. p. 83. *Sicli Hebrais erant*, inquit, *nummi argentei & anei*: solide tamen CONRINGIVS cap. IV. p. 20 sq. evicit, nummos omnes Hebræorum, qui dicti sunt Sicli, fuisse olim argenteos. Quos Vir doctus Tab. XVIII. n. 5, 6, 9, 12, 13, 14, 21, 22. &c. produxit, & Proleg. p. 87 sq. explicavit, nummos Judaicos fuisse largior, Siclos nego: quin & eam ob causam voc. **כסף** *Argentum*, cum Siclo permutari supra docuimus, quia Sicli, præter argenteos, non erant in usu. Quando autem IOSEPHVS Siclum æri addit, ponderis causa id eum facere, non quod Sicli anei in hominum manibus versarentur, a nobis jam monitum est. Vnde constanter, & uno fere ore viri eruditi Siclum definientes, nummum argenteum dicunt.

VI. *Subdivisionem.* Vt enim Siclus cynosura erat, ad quam reliqui nummi examinabantur & æstimabantur, ita ille pariter proportionatam subdivisionem in partes admittebat. Habebat quippe semisses, trientes, quadrantés. Semisses, sive semisiclus Hebræis dicitur **בקע** Genes.

XXIV, 21. Exod. XXXVIII, 26. vel **חצי שקל** Exod. XXX, 13, 15. Triens Sicli, **השלישית השקל** erant annum tributum, templo secundo ab Hebræis, civili decreto exhibitum Neh. X, 32. Quadrantem Hebræi **רובע** vel **רביעית** vocant, cujus diserta fit mentio I Sam. IX, 8. Denique in **מעות** *Meas* sive oboles XXIV Siclum Rabbini diviserunt, mente quidem, ut Siclos in tetradrachmas Græcas, & denarios Romanos eo facilius resolvere possent, non vero moneta signata.

Ad §. XIV. pag. 162.

(13) **זהב**. In genere quamlibet notat pecuniam, cujusvis materiae vel formæ, prout nos certam pecuniæ summam, sive argento, sive auro pendatur, *Aurcos* sive *Aurum*, Germ. *Gulden* appellamus. Hoc sensu legitur 2 Samuel. XXI, 4. *non agitur mihi cum Saule על זהב de pecunia*: Ies. XLVI, 6. *prodigunt זהב aurum*, h. e. nummos & facultates suas. Quo referre licet I Petr. I, 18. nos non redemptos esse **φθαρτοῖς ἀργυρίῳ ἢ χρυσίῳ** corruptibili pretio, *argento vel auro*. Hoc sensu Rabbini est frequens. Speciatim autem certum nummorum aureorum genus designat, sive Denarios aureos, qui æquipolleant nostris Ducatis, sive Siclos aureos, qui didrachmum aureum erat I Chron. XXI, 25. asserente HOTTINGERO p. 130 sq. Priorés dicebantur **דינר** *Denarius*, qui aureus valebat 25 Denarios argenteos, juxta Hebræos apud eundem HOTTINGER. p. 102. SICE D. BERNARD. §. 28. **דינר של זהב** *aureus Judeorum denarius* pendebat æque didrachmum argenteum, valuitque juxta contra 25 denarios argenteos, in præstantia auri, ut 25 ad 2. Sed de posteriori disceptatum fuit inter HOTTINGERVM & CONRINGIVM, ut prioris epistola, in *Paradoxis* CONRING. p. 13. & posterioris responsio *ibid.* p. 26. docet. Attamen caute observavit CONRINGIVS, de pondere, non de nummis sermonem esse, quod ipsa verba fontium requirunt, **שקלי זהב משקל שש מאות** *Siclos auri, pondus sex-*  
*cent-*



centorum. Nec enim ea ætate moneta signata utebantur Judæi; nec Sicli ex auro unquam fuerunt conflati. Confer, quæ contra Siclum aureum disputat WVLFRVS ad Mischnæ *de Siclis cap. II. §. I. pag. 51.* ubi locum vexatum ex i Chron. scite exponit & vindicat. Commode ARIAS MONTANVS in *Ephron: Non putamus auream monetam aliquam fuisse, quæ Siclus diceretur: neque æream etiam. Quamquam non inficias ibimus, fuisse aureas & æreas monetas, verum aliis nominibus dictitatas.* Ceterum quia disparum numerum exhibet posterior lib. Sam. cap. XXIV, 24. ויקן רור את הנורן ואת הכקר & emit David aream & boves, in argento Siclis quinquaginta, BERN. LAMY cit. loc. cap. IX. sect. 6. p. 127. fontes sollicitat, ut sunt Pontificii in convicium textui sacro faciendum proni. Subolet mihi, inquit, antiquarium aliquem, cui quinquaginta Sicli videbantur summa exigua, notas numericas depravasse, & Siclos argenteos in aureos mutasse. Sed parum emunctæ naris fuisse videtur LAMYVS, cum hoc ipsi suboleret. Non enim notis numericis, sed integris vocibus Sacri Scriptores numeros exprimunt, quò minus corruptelæ vel lapsui locus relinquatur. De auro autem & argento, consensus testatur Græcorum & Latini interpretum, IOSEPHI, & Commentatorum. Vterque autem conciliationem liquido subministrat. Primo emit David aream, cum bovis & instrumentis, L Siclis argenti, cum solum meditarietur sacrificium, quod memoratur in libro Samuelis. Posthæc autem, ubi vidit Deum placatum, templumque ibi ædificare constituit, uniuersum montem, cum adjacenti regione, sexcentis Siclis auri sibi acquisiuit, ut diserte monet Scriptor Paralipom: quod nec ipsum R. DAVID KIMCHIVM fugit.

Ad §. XV. pag. 162.

(14) אררכון / *de quo Esr. VIII, 27.* אררכון / uterque vel idem nummus ἑγχαφος est, i Chron. XXIX, 7. Esr. II,

69. & VIII, 27. &, velut cum Auctore nostro ED. BREREWOOD censet, Persicus, a Dario nomen habens, ut idem sit, ac Daricum Persarum aureum dixeris. Nam & Darius Hytaspis filius tunc regnavit, cum hi nummi aurei Esdræ tempore oblati dicuntur in templi structuram; & ab illo Dario procusos fuisse aureos optimos, HERODOTVS testis est, qui eam quoque ob causam Darici dicebantur, quod PLVTARCHO teste, in altera facie, Darii imaginem exhiberent. Valebat Daricus & Philippeus nummus, inquit ED. BERNARDVS §. 38, aut nummus in scenis Græcanicis PLAVTI, & Alexandreus, & absolute χρυσός (qua voce LXX אררכון reddunt) inter Scriptores Atticos, argenti drachmas Atticas 20 suo pretio, didrachma 10 aut 5 stateres argenteos: nec non 5 Darici æque potuerunt in mercatura contra 100 drachmas Atticas, quæ sunt mina tota argenti. Et paulo ante: Pondere autem duarum drachmarum Atticarum argenti, pretio libuit decuplo, sive quanti viginti drachmæ argenteæ, cudebantur olim σατρες χρυσοί, sive Darici, qui iidem nuncupantur ἀδαχνοί, אררכונים. De his vide, si placet, HOTTINGER. p. 103. & WASSER. lib. II. cap. XVI. Confer denuo WVLFRVM ad loc. paulo ante cit. p. 50. qui inter Judæos non satis constare monet, num pretio æquales fuerint Darcon & Darchemon, ABEN ESRA & KIMCHIO diversam ponderis rationem statuentibus, aliis tamen secus sentientibus.

Ad §. XVI. pag. 163.

(15) מנא מנא, Mina, libra seu pondo] Hebraea auri Mina continet C Drachmas Hebraicas, seu, ut Auctor noster bene habet, C Siclos, h. e. ducentas Drachmas Atticas. EDUARDO BERNARDO autem Mina Hebraica, sive Prophetarum, valet duas cum dimidia libras, sive 240 Drachmas Atticas: Talmudica Rabbiorum C Drachmas. Vbi tamen non modo inter Minam auri & argenti, docente Auctore nostro, & BREREWOODO cap. IV. verum etiam inter veterem & novam, caute distinguas, quarum hæc vilior

vilior & levior est illa, ut WASERVS præcipit  
lib. II. cap. XVII.

Ad §. XVII. pag. 163.

(16) *Secunda summa fuit ככר Talentum* ] Talenti argentei ratio facili negotio investigatur ex cit. loc. Exodi, unde intelligitur, quod MMM Sicli, sive hodierni 1500 Vnciales vel Taleri, talentum conficerent, duplum nempe talenti Attici; talentum vero auri, duodecies argentum superabat, & ex WASERI cap. XVIII. computo, æquivalet duodecies mille aureis hodiernis Hungaricis, sive CXX. auri libris. ED. BERNARDVS §. 68. calculos ita ponit, ut Ciccar, seu talentum Hebraicum argenti valeat libras Sterlingias 343  $\frac{2}{3}$ ; auri vero 4125 libras Sterlingias, ad abacum FL. IOSEPHI: verum ex modo Mosis Legumlatoris, 450 libras Sterlingias talentum argenti, aureumque contra libras Sterlingias 5400.

Ad §. XVIII. pag. citat.

(17) *Hebræi, etsi tandem receperint usum signatorum nummorum* ] De prima, monetæ signatæ apud Hebræos, ætate, discrepant sententiæ. Multi viri insignes, quia Siclorum frequens apud Mosen, ante Regum tempora, & sub Templo priori sit mentio, & tractatæ ab Israelitis monetæ cusæ vestigia Gen. XXXVII, 28. 2 Chron. XXXIV, 14, 17. occurrunt, ab antiquissimis temporibus signatos nummos in populo Dei obtinuisse, nulli dubitarunt. CONRINGIUS cap. VI. p. 58. sero admodum signasse æs suum Hebræos contendit, & cap. IX. p. 77. a Demetrio Nicatore demum, factam fuisse Simoni Ethnarchæ potestatem cudendi pecuniam ex I Maccab. X observat. BERNARD. LAMY cit. loc. pag. 109. usque ad Esdræ ætatem ubique in Codice Sacro emtionis & venditionis contractum, interventu ponderationis peractum animadvertens, inde concludit, prius quoque Hebræos pecunia signata usos non fuisse. Demum

ADRIAN. RELANDVS Diff. I. de nummis Samaritanis pag. 7 sqq. non Abrahami tantum ævo Gen. XXIII, 16. sed & Davidis I Chron. XXI, 25. & Jeremiæ cap. XXXII, 9. tempore, aurum argentumve ad stateram expendi consuevisse observans, colligit inde, ætatem nummorum cuforum ad tempora Templi secundi tantum spectare. In eandem pedibus incedens sententiam ERASM. FROELICH Proleg. P. V. cap. 2. in Macchabæorum ætate primam figit monetæ apud Hebræos cusæ originem: *Compensatis*, inquit, *momentis omnibus, certi nullo modo sumus, ante Macchabæorum principum ætatem Hebraicos nummos, proprio gentis typario & caractere signatos fuisse; quando nec e Sacro Instrumento, nec e nummis ipsis testimonium afferri pro antiquiore monetæ satis firmum potest; ast pro Macchabæorum nummis utrumque potest.* Quia vero nemo diligentius & exactius in hoc argumento versatus est laudato RELANDO, qui p. 49 sqq. etiam cum FORTVNATO SCACCHO in arenam descendit, quod is signatæ monetæ usum, inde ab Abrahami ævo inter Hebræos fuisse adeo certum putavit, ut lib. II. cap. III. Myroth. Sacror. Eleocharism. dicat, illos, qui id negant, media in luce cæcutire: vestigia viri doctissimi paucis legemus. 1) Varia monetarum nomina in Scripturis obvia urserat SCACCHVS. Ad quæ reponit RELANDVS, nomina ista pondus notare, nullum æri signum impressum, v. g. ככר massam simpliciter significat, שקל certam ponderis speciem, גרל minutum pondus. 2) Ad IOSEPHVM provocaverat SCACCHVS, qui lib. III. Antiqu. cap. I. prælium describens inter Josuam & Amalecitas, multum auri & argenti inventum fuisse in castris Amalecitarum, vasa etiam ærea, πολὺ δὲ ἐπίσημον πλῆθος ἐκατέρων, magnam etiam pecunie ex utroque metallo signatæ numerum. Regerit RELANDVS, per ἀργύριον ἐπίσημον, non præcise numismata, sed argentum factum & vasa argentea designari: quin, quod præter fidem Mosis, ex ingenio suo effinxit FLAVIVS, nec fidem hic meritis, nec examen. 3) Memorari Gen. XXIII. & alibi, Siclos argenti expresso illo-



illorum numero, quod de rudis argenti frustulis, nullo signo publico cufis, intelligi posse SCACCHVS negaverat. Ast omnino illa ætate Siclos frustula fuisse affirmat RELANDVS, certo pondere, 20 scilicet Gerarum nota & definita &c. Nos, licet inter tantos viros arbitrari non ausimus, quam tamen fovemus sententiam, paucis, sed modeste, exponemus. α) Verum quidem est, & appensum fuisse argentum apud veteres Hebræos, & monetas nomina a ponderibus sortitas, quin & pondera denotasse. β) Mirari præterea subit, qui factum sit, ut nulus huc dum repertus sit nummus, sub Templo priore cufis, sed ad unum omnes victorum arbitrio ac imperio abolitos esse, cum tamen in nummophylaciis principum ac virorum doctorum, vetustissima Persarum, Græcorum, Romanorum, aliarumque gentium numismata conspiciantur asservata. γ) Nulla denique definiri vel ætas potest, vel Regis aut Principis Judaici epocha, qua cudi cæperit in populo Dei pecunia. At enim vero, δ) quia absque insigni molestia fieri non potuit, ut in negotiatione rerum vilis pretii, ad stateram appenderetur argentum, & ε) RELANDVS fatetur, Siclorum frustula argenti, notam impressam ponderis 20 Gerarum habuisse, quod dubium non est, quin auctoritate publica sit factum: ζ) nec existimandum est, vel Salomonem, virum suæ ætatis sapientissimum, vel ex posteris regem aliquem, præclarum istud & utilissimum mercaturæ subsidium penitus neglexisse, maxime cum Salomonis ævo, tam immensa auri argentique vis undiquaque in Judæam comportaretur, quam multum Israelitis commercii cum exteris intercederet, η) ipsique ab aliis gentibus, Aegyptiis, Assyriis, Babylonis, quibuscum semper eis erat negotium, signatam pecuniam acciperent Judæi, qua in gente & patria sua, multo cum fructu utebantur: Ex his θ) utique vero sit simile, ipsos & finitimarum gentium nummos in quotidianum vertisse usum, & tam salutare institutum imitatos, signatos pariter domi procurasse nummos, licet, (ad modum au-

reorum Hispanicorum veterum,) rudi perquam Minerva, solisque forte ponderis ac valoris notis insignirentur. Cumprimis vero ι) symbolæ Israelitarum, ad restorationem Templi collatæ, 2 Reg. XII, 9, 10. XXII, 4, 9. 2 Chron. XXXIV, 9, 14, 17. & cistæ sacrae per angustum foramen superne immissæ, & quando aperiiebatur cista, non appensæ, sed numeratæ, monetam signatam haud obscure arguunt. Quod autem κ) reduci e captivitate populo facultas monetam eudendi prius non indulgeretur, quam jugum Persarum, Græcorum ac Syrorum excussisset, ut obvertebat CONRINGIVS, id nec mirum cuiquam videri debet, nec prohibet, quo minus ante captivitatem, cum sui adhuc esset juris, eadem fuerit usus. Ita media nos incedere credimus via, nec spuris, qui obtruduntur, nummis fidem habentes, nec gentem politioem, omni signata pecunia, tot sæculis plane orbantes.

Ad §. XIX. pag. 163.

(18) *Siclus Sanctuarii æquavit duos Siclos Communes*] Quicquid est istius, de Siclo duplici, Sacro & Communi, commenti, paulo ante jam *Annot. 12. num. IV.* explosimus, & facilem habent, quæ pro illo in medium proferuntur momenta, discussionem. Qui plura desiderat, IOH. WULFERYM conferat ad *Mischna* tractat. שקלים cap. I. §. I. p. 3 sqq. qui & in *Addend.* pag. 168. recentiorum Judæorum, hanc utriusque Sicli distinctionem repudiantium, calculum adjicit.

Ad §. XX. pag. cit.

(19) κέσμα Joh. II, 15.] Ἀπὸ τῆ κέσμου, quod est in minuta frusta concidere, est κέσμα, minutissima nummorum species, quæ cum Prutha fere paria facit. Vide *SVIDAM b. v.* Nimirum, qui longius habitabant ab Urbe, ut vel ob viæ longinquitatem, vel ob decimarum copiam, decimam secundam, in nativa sua specie

cie afferre comimode non possent, qua Hierosolymis vescerentur, licentiam a Deo nacti fuerant Deut. XIV, 24 sqq. ut fruges domi venderent, allatoque earum pretio, Hierosolymis similes venditis res emerent, easque in loco sancto absumerent. In ipso autem Templo, sive potius in monte aedis sacrae, ejusque atriis multi erant, qui ex isto commercio quaestum faciebant, alii pecora eo deferentes, quae venientibus ex remotiore loco venderentur, & decimae secundae vicem subirent, alii minutum aes permutantes cum argento, ex dissitis regionibus allato. Multa de hac mercatura & nummorum permutatione legis in Mischna tract. *Maafer Scheni cap. II, III, sqq.* & apud MAIMONID. Hilc. *Maafer Scheni cap. IV. §. 1 sqq.* Quam autem avaritiam & fraudem hic exercuerint Sacerdotes, pluribus exponit LAMPIVS *ad cit. loc. Joh.* Sed praeter haec, Mischna tract. *והקדש cap. I. §. 3.* monet, a vigesimo quinto mensis Adar ad principium usque mensis Nisan, nempe circa Paschatis festum, in Sanctuario נוממולאריס Nummularios confedisse, ad Siclorum pensilationem excipiendam, quia eo tempore didrachma pro tributo annuo solvi consueverint. Et olim quidem, Sacerdotes ipsos semisciclam a populo accepisse, ex 2 Reg. XII, intelligitur, donec in suspicionem fide eorum tracta, arcam quandam rex Joas erexisset, in quam ipse populus pecuniam deferret. Ast tempore Christi, Nummularios non alios fuisse admissos, non inepte credit FRANC. LUCAS BRVGENSIS *ad Matth. XXI.* quam qui Sacerdotibus certum penderent tributum pro concessio loco tam fructuoso, ad quaestumque accommodato. Vnde Sacerdotibus quoque integrum non erat, avaritiae & fraudibus ipsorum modum statuere, quia partem lucri capientes, in societatem sceleris veniebant.

Ad §. XXI. pag. 164.

(20.) Κεραμισαί, Κολλυβισαί, Τραπεζίται] Haec tria vocabula promiscue passim usurpan-

tur, seque mutuo exponunt, unde HESYCHIVS: Τραπεζίτης, κολλυβιστής, κεραμιστής, δανειστής, *mensarius, argentarius, nummularius, fenerator*: interdum tamen aliquod admittunt discrimen. Τραπεζίται, *Mensarii* publico fungebantur & perquam honesto munere, cujus dignitatem graviter tueretur SALMASIVS *de fanore trapezitico pag. 545.* Horum officium erat pecuniam moderato faenore tam elocare, quam mutuo dare petentibus, nummos porro probare, & falsos a veris distinguere, unde Graecis quoque Αεγυρογνώμονες & Δοκιμασται dicti, ut Idem *de usuris docet pag. 511 sq.* Sed & auctioribus Mensarii praerant, pretia rerum venditarum colligebant, & redigebant. Apud eos cujusque generis res deponebantur, quia publicae fidei erant veluti sequestres. Idcirco & promittebant, se soluturos, aut reddituros pro aliis res quasctunque mobiles, vel immobiles: ut Idem habet *de modo usurarum cap. XVI. p. 722.* Apud eorum mensam pecuniae deponebantur custodiendae & faenebres locabantur. Atque huc respicit Christus apud Lucam cap. XIX, 23. *Cur non dedisti argentum meum ἐπὶ τραπέζαν; καὶ ἐγὼ ἐλθὼν σὺν τόκῳ ἀνίστατό ἐπραξα;* *Mensario? ut ego veniens cum faenore exegissem eam?* Κεραμισαί, *Nummularii*, illorum erant famuli, mensae ab ipsis praefecti, προεσηκότες τῆς τραπέζης, & ἐπὶ τῇ τραπέζῃ καθήμενοι, ut idem Vir summus docet *de trapezitico fanore pag. 580.* Horum minor erat dignatio, officium autem, si dextre illo fungerentur, non minus honestum. Aequae ut supra *ad Lib. I. Cap. II. num. 5.* de Publicanis monuimus, Quaestorum Romanorum officium perquam honorificum fuisse Publicanorum, qui ab illis erant constituti, aliquanto vilius, ast cum exactores avaritiae, fraudibus, ac tyrannidi dediti essent, odium toti ordini suo apud gentem Judaicam confasse: ita cum Trapezitis & Argentariis quoque res habet. Hinc Κολλυβισαί & Κεραμισαί, qui in permutandis nummis majoribus ac praestantioribus, cum minoribus ac villioribus invidiam sibi contraxe-

Tt tt

runt,



runt, & odiosam exercuerunt facnerationem, quod immodico quæstu & inhonestis fraudibus rem suam faciebant. Velut enim πολλυβοϛ æque ac κέρμα, minutum nummum dicit, ei præcipue rei inservientem, ut pecunia major, sive aurea sit, sive argentea, in plures ejusmodi æreos divisa, distribueretur atque erogaretur petentibus, docente denuo SALMASIO *de Vsuris cap. XVII. pag. 494 sequ.* sic ista permutatio multis interdum cum fraudibus erat conjuncta, & minus longe pretii reddebat permutantibus,

pro majori & nobiliori metallo. Hoc erat, quod propudiosum id vitæ genus reddebat: *injusta enim omnia, ut turpia, sic indecora sunt*, CICERONE judice *de Offic. lib. I. cap. 27.* eoque magis Atrium vel Templum profanabat, quo exactiorem loci sanctitas justitiam requirebat. Quam autem Collybiæ, in hac nummorum permutatione, præter jus fasque exercuerint avaritiam, denuo WULFERTVS exponit ad Mischnæ *de Siclis cap. I. §. 6. p. 42 sq.*

S. D. G.





# MANTISSA DE SACRIFICIIS.

## SECTIO I. DE PRIMA SACRIFICIORVM ORIGINE.

### *Status Quaestionis.*

**C**æsis hostiis, & oblatiis muneribus Deum colendi ratio, peruetusta est, eandemque cum sacrorum religione fert ætatem: quibus autem auspiciis sit orta, & utrum ad Deum auctorem referenda, an in humanis habenda sit inventis, dubia & anceps est quaestio, non heri demum aut nudiùs tertius, a viris doctis varie, disceptata.

II. Si sententiarum censum ineamus, in tres cumprimis familias abeunt & partes. *Prima* eos complectitur doctores, qui Sacrificiorum originem ex arbitrio sacrificantium arcessentes, Abelem, Noachum, ceterosque mortales, qui ante Legem victimis Supremum Numen coluerunt, nullo Dei explicato jussu, sed pia animi sui inductione, istud præstitisse contendunt. Ita, post Judæos, R. LEVI BEN GERSOM *Comment. in Genes. IV, 3.* & ISAAC ABARBENEL *Comment. in Leg. fol. 228. col. 2.* Sociniani statuunt & Arminiani, SIM. EPISCOPIVS *Lib. I. Instit. Theol. de*

*Theolog. Nat. cap. II. HVG. GROTIUS ad Genes. IV, 3. & Annot. ad lib. V. pro verit. Rel. Christ. §. 8. STEPH. CVRCELLAEVS Instit. Rel. Christ. lib. III. cap. XI. §. 10. tum quoque PETR. CHAVVIN de Relig. Nat. P. II. cap. IV. & ex Anglis IOH. SPENCERVS lib. III. de Legibus Hebr. Rit. Diff. II. cap. IV. p. 669 sqq.*

*Media* eos, qui ad mandatum divinum, disertamque institutionem eandem referunt, novumque Theologiae, post lapsum a Deo revelatae, articulum de Sacrificiis asserunt, quo doctrina, de justificatione gratuita hominis peccatoris, per & propter meritum sanguinis & mortis Servatoris nostri, Jesu Christi, declarata, & velut ob oculos posita fuerit Patriarchis & fidelibus Vet. Test. Sic Nostrates tantum non omnes, FRANZIUS *Schol. Sacrif. Disp. II. § 58 sqq. p. 28. BVDDEVS Hist. Eccles. Vet. Test. Per. I. Sect. I. §. 30. pag. 143 sqq. IOH. HENR. MAIVS Dissert. Sacrar. Loc. VIII. cap. II. p. 554 sqq. & Vener. SALOM. DEYLING. Observat. Sacr. P. II. Observ. IV. p. 40 sqq. Ex Reformatis IOH. CLOPPENBURG.*



Schol. *Sacrif. cap. II. Tom. I. Opp. fol. 10 sqq.* IOH. HENR. HEIDEGGER. *Hist. Patriarch. P. I. Exerc. V. §. 14. p. 156.* ANDR. RIVETVS *Exerc. XLII. in Genes. Tom. I. Opp. fol. 171.* GVIL. SALDENVS *Otiar. Theol. lib. II. Exerc. VI. §. 3. p. 327.* HERM. WITSIVS *Oecon. Feder. lib. IV. cap. VII. §. 6.* PETR. IVRIEV *Hist. Crit. Dogmat. & Cultuum P. I. cap. XII. pag. 81 sqq.* SAM. BASNAGIVS *Exercitat. Historico-Critic. c. Baronium ad A. XLIV. num. 86. p. 677 sqq.*

Postrema denique, quæ ob silentium Mosis & universæ Scripturæ, rem omnem in medio relinquit, nec certi quid, circa natales hujus cultus, definire audet. Talem εποχήν elegit GVIL. OVTAM *lib. I. de Sacrificiis cap. I. §. 6. p. II.* quem primæ sententiæ fuisset, neque tamen, palam illam tueri, usum fuisse, ex eo intelligitur, quod speciose perquam refellit mediæ, nec minus operose primæ classis adstruit argumenta.

III. Jam ut ὕστερον πρότερον committamus, tertia classis jure merito exploditur, quia Sacrificiorum, non modo cultum, sed & adumbrationem typicam in suspenso relinquit, cujus utriusque tamen fidem non fluctuare, & ancipiti circumagi contemplatione, sed liquido sibi constare, & firmo niti oportet talo.

IV. Inter priores vero disputantium partes alterutri cum sit accedendum, istud, in quo cardo vertitur quæstionis, rite est definiendum. Non itaque quæritur: num Sacrificia legis fuerint naturalis, & cum cultu ipso mentibus hominum per naturam insculpta? quod perperam contendunt Pontificii, BELLARMINVS *de Missa lib. I. cap. XX.* GREGOR. DE VALENTIA *de Missæ Sacrificio lib. I. cap. IV.* & alii, contra quos curate disputat citato loco RIVETVS: Ita namque abrogari non potuissent vel antiquari, cum lex naturalis immobilis sit ac æterna; Nec de eo: an ex indultu Dei, aut tacita saltem directione, primitus sint suscepta? Vnde enim de indultu illo constare potuisset sacrificantibus, ut tuto in illo acquiescere potuerint?

Sed istud est, de quo disputatur: num ex diserto Dei mandato, & clara disertaque institutione sacrificandi religio promanarit? an vero ex libero hominum piorum, Deum placare, vel grata mente prosequi cupientium, arbitrio & consilio, primum traxerit ortum, quod Deus dein ratum esse jussit, suoque munierit calculo? Nos cum EVSEBIO *Demonstrat. Evangel. lib. I. cap. X.* a Divina institutione, mandatum explicatum, & disertam promissionem complexa, Sacrificiorum originem derivamus.

#### *Probatio sententiæ nostræ.*

V. Probamus α) ex Apostolica de Habelis sacrificio testificatione Hebr. XI, 4. quod fide obtulerit, Deique ornatus sit suffragio. Fide enim nihil peragitur, nisi quod ipsius Numinis sit monitu, eo quod fides & ex verbo est Rom. X, 17. & disertam Dei promissionem requirit, cui innitatur, nisi in temerariam degenerare velit persuasionem. Absque χηματισμῶ enim, quo Deus revelasset, Sacrificiis se coli velle, nulla fuisset ἐλπιζομένων ὑπόστασις, fidesque omnino nulla, per Hebr. XI, 1. Nec est, ut vel cum SPENCERO *p. 671.* excipias, acceptionem sacrificii Habelis probæ ipsius vitæ tribui Genes. IV, 7. 1 Joh. III, 12. fidemque operibus probatam ab Apostolo intelligi; vel cum IVRIAEŌ metuas, ne eodem argumento Caini quoque oblationem Deo æque acceptam evincas, quod & ille divino jussu sacra faceret: quam argutationem etiam BVDDEO fucum fecisse miror, ut hunc in aciem producere locum dubitaret *p. 144.* Nam & illa testimonia, Habelis quidem personam describunt, rationem vero, propter quam sacrificium ejus Deo placuerit, non reddunt, ut fallaciam committat SPENCERVS, quam dicunt non causæ, ut causæ: & Sacrificium Deo acceptum est, non verbo solo sive mandato, sed fide verbo innixâ, & oblata per promissionem bona apprehendente, Jes. I, 11 sqq. Psal. L, 9 sqq. qua destitutus Cain externo solum opere defungebatur. Ratum itaque firmumque manet, fide

Habe-

Habelem offerre non potuisse, nisi verbum supponas, cui fides ejus superstruatur. Nec magis proficit SPENCERVS, quando voces captat, & utriusque fratris Ferta, non *debita*, sed *δῶρα* ab Apostolo appellari tricatur, unde pateat, Abelis oblationem e pio voluntatis propriæ motu potius, quam legis alicujus præscripto prodiisse. Verum *δῶρα* esse possunt, etiam quæ indefinite imperata, pio motu cordis, absque coactione offeruntur, licet non absque verbo, sed juxta verbum ferantur. Sic procul dubio *δῶρα* erant, quæ Israelitæ ad extruendum Tabernaculum, & paranda vasa Sanctuarii ferebant Exod. XXV, 2. XXXV, 5 sqq. 29. explicato tamen Dei jussu ab illis poscebantur. Dicuntur itaque *δῶρα* ob spontaneam ultroneamque oblationem, & ratione cultoris offerentis, non autem ratione regulæ ac normæ, quasi nudum fuerit hominum arbitrium.

VI. Vrgemus β) ἐθελοθρησκείας periculum, nullo non tempore Domino invisæ. In hoc potissimum momento discrepantia elucet, inter cultum Deo placentem, & inter ἐθελοθρησκείαν, quod ille & ex fide præstatur, & divinæ voluntatis revelatione nititur, ex qua constat, cultum istum voluntati Numinis respondere; hæc τὰ ἐντάλματα καὶ διδασκαλίας τῶν ἀνθρώπων sectatur Coloss. II, 22, 23. quarum παράδοσις irritam reddit τὴν ἐντολὴν τῆς Θεῆς Matth. XV, 3, 6. Quicquid ejus rei est, planta est, quam Pater cælestis non plantavit, sed eradicabit vers. 13. Sacrificia ergo rite oblata cum Deo placuisse Scriptura testetur, recte inde colligitur, quod non ingenio humano, sed divino præcepto suos debeant natales. Obvertit SPENCERVS pag. 672. HENR. HAMMONDI copiis suffultus, Apostolum ἐθελοθρησκείαν sensu non malo intellexisse, quem tum demum obtineat, cum cultum notat schismaticum vel hypocriticum, id est, cultum ritibus privatis & ab usu Ecclesiæ dissidentibus, vel cerimoniis indifferentibus, magna cum religionis opinione peragendum. Ceterum Ecclesiam, Judaicam æque ac Christianam, cerimo-

niis diversis, & ingenio tantum humano excogitatis, cultum nullo non tempore præstitisse, nec eapropter divinam incurrisse vindictam. Sed prona est ac facilis ad utrumque responsio. Quicquid sit de voce ἐθελοθρησκείας, quæ forte trahi nonnunquam posset in sensum μέσον, vocis tamen usus, in verbis Paulinis, sequiorem omnino innuit significatum. Tota enim orationis compages & συνάφεια docet, in malam partem hic accipi, ubi colorem designat, quo seductores illius ævi falso jactatam sapientiam suam pingere & ornare solebant: nec in bonam partem intorqueri potest, si conferatur cum iis, quæ proxime ei adstant. Neque vero de ritibus adiaphoris, & circumstantiis Sacrorum, in Ecclesiæ arbitrio & potestate sitis, sed de substantia cultus hic agitur, ubi de Sacrificiis est sermo. Hanc necesse est, Deus ipse ut definiat, asserente Christo Matth. XV, 9.

VII. Militat nobis γ) rationis insufficientia, ad excogitandum cultum Deo congruum & acceptum. Licet enim & natura dicat, Deum non tacita solum mentis veneratione, sed etiam externo ritu & opere esse honorandum, & omnibus gentibus, extra revelationis divinæ commercium positus, hoc usu sit receptum: Deo tamen dignas, gratasque fore insontium animalium cædes, carniūque, extorum, & adipum nidore & concrematione peccata nostra expiari, vel Deum ritus, merum sanguinem olentes, cultus & obedientiæ loco habiturum esse, nulla vel excogitare potuit ratio, vel certa esse, id ratum quoque Numini, & acceptum esse futurum. Regerit SPENCERVS: 1) Sacrificia, non ut animalium cædes, sed ut animi Deo devoti & obstricti signa esse spectanda, quo intuitu Patriarchæ, ex innatis bonitatis & gratiæ divinæ notitiis, sibi facile persuadere potuerint, Deum hujusmodi munus, grato & devoto animo oblatum, benigne accepturum: 2) quo minus pecudis oblata caro cum Dei naturæ conveniat, eo magis illam primorum hominum ruditati respondere. Verum neutra sat prægnans est ratio. Non enim de animo



offerentis, sed de substantia cultus, & de delectu muneris quaeritur, quo pacto ratio sibi relicta, animalium carnes, sanguinem ac adipem Deo Spirituum vel placando, vel honorando congruere, potuerit judicare; quod demonstrari nequit. Nec ruditas primæ ætatis, ab acumine rationis, hac ultima mundi senectæ de cultu Numinis sollicitæ, multum superatur, neque Deo pariter congruit, quod mortalium congruit ruditati.

VIII. Denique δ) a relatione typica ad Christum, argumentamur. Sacrificia non Mosaica tantum, sed Patriarcharum quoque, typi erant cum translationis nostræ in hostiam nostram noxæ, tum expiationis peccatorum, sacrificio Christi peragendæ: eoquæ nomine Hilaistica erant, in quantum adumbrata iisdem, & fide apprehensa expiatio Christi imputaretur offerenti, teste cum primis Epistola ad Hebræos. Neutrum itaque cum ratio sibi relicta perspectum habeat, necesse est, ut ipse Deus de tali expiationis medio & modo, revelatione quadam homines reddiderit certiores. Excipit SPENCERVS p. 673: homines ante legem, pia quadam simplicitate ductos, victimas obtulisse, non quod certo persuasi, sed spe lata suffulti essent, benignum Numen, respectu ad eorum dona, pio affectu oblata habito, veniam offensæ concessurum, eosque in pristinam gratiam recepturum. Quod ex Ethnicorum sententia pateat, qui e naturæ simplicis instinctu judicantes, victimas eundem apud Deum, quem dona apud iratos Principes, locum gradumque habere, credidisse videntur. Sed responderetur, 1) si pia ista simplicitas congruens fuit divinæ voluntati, non simplicitas, sed summa fuerit prudentia; sin' vero minus, errori hominum annuisse dicitur Deus, quod oppido absurdum: 2) neque Habeli, piisque ante legem sacrificantibus, titubans spes aliqua, sed ea tribuitur fides, quæ ἐλπιζομένων ὑπόστασις, πραγμάτων ἔλεγχος & βλεπομένων esset, Hebr. XI, 4, 7. coll. 1. Ut taceam 3) cultum Deo acceptum, non spem latam quidem, sed dubiam, cui

innitatur, verum immotam animi πλῆροφροσύνην requirere, vacillare ac hæsitare nesciam, Rom. XIV, 5.

#### Refutatio Adversariorum.

IX. Nunc audiat & altera pars, & prodeant in lucem argumenta, quibus adversæ sententiæ nituntur patroni. Primo, silentium causatur Scripturæ. Ne susurrum quidem Legis alicujus, (inquit SPENCERVS num. V. p. 670.) de Deo Sacrificiis honorando, primis hominum patribus data, per totam Scripturam percipere licet. *Omni verò probabilitate caret, Scriptores Sacros ejusmodi legem, si qua fuerit, tanquam rem parvi momenti, tacite præterire voluisse.* A silentio vero Mosis, ad negationem rei, quæ evidentibus indiciis aliunde colligitur, concludere non licet. Plura omnino & magna sunt, quæ in tanta scriptionis concisitate, rerumque consignandarum copia, sicco Moses præterit pede, quæ hanc ob causam tamen, in dubium vocare, integrum non est. Nusquam illæ Henochi vaticinium, nuspian Lothi labores, contra perversos Sodomaeorum mores, nuspian pii Noæ monita recenset, de quibus tamen ex Epist. Judæ vers. 14. & 2 Petr. II, 5, 7, 8. liquido constat. Caini vero & Abelis sacrificia cum eo solum consilio tegerit, ut natum inde odium, nefariumque patricidium induceret, opus non erat, Sacrificiorum pandere originem, quorum ὡς ἐν παρρησίᾳ solum injiciebat mentionem.

X. Secundo, disparem sacrificiorum Caini & Abelis urgent materiam, diversis eorum facultatibus & studiis maxime respondentem. Nam Cain agricola, de frugibus terræ, Abel autem pastor, de primogenitis gregis, munus Johovæ afferentes, probabili conjecturæ locum faciunt, eos sacrificia in spontaneum solum grati animi testimonium, Deo labores ipsorum dispares secundanti, obtulisse, & rationem iis, non minus sacrificandi cultum, quam oblatum munus, subministrasse. Ista vero conjectura superioribus refellitur argumentis, quæ ex præscripto & mandato

dato Numinis eos obtulisse evincunt: quod cum generali conceptum esset formula, facultatem cuique fecit, quas vellet & in promptu haberet, primitias adducendi, quas pro diverso utique vitæ instituto, alter de proventu agrorum, alter de pecoribus suis, Deo consecravat. Delectus ergo primitiarum in cujusque arbitrio situs erat, ipsa vero sacrificii religio & ritus, imperio nitebatur divino.

XI. *Tertio*, in aciem producunt diserta Scripturæ oracula, quibus Deus negat, se majoribus Israelitarum quicquam de sacris offerendis, in mandatis dedisse, nimirum Jes. I, 12. & Jerem. VII, 22. Sed salva res est. Vterque locus non negat sacrificandi institutionem, aut perversam improbat apud Judæos sacrificandi rationem & modum, cum absque fide & poenitentia offerentes, suo se satis fecisse crederent officio, modo externo defuncti essent opere ac ritu, de obedientia præceptis Dei præstanda parum solliciti. Obedientiam itaque spiritualem, & interiorem in sacrificiis ipsorum requirit religionem, non originem divinam, quæ omnino, postquam ex Aegypto excesserant, ex lege ceremoniali affatim constabat: quam, nisi cum Jeremiæ loco perperam committere velimus, necesse est, ut extra dubitationis aleam ponamus.

XII. *Quarto*, ad omnium gentium provocant consensum, quo Sacrificiorum ritus toto orbe sit receptus. Nullus certe, ex sola pendens revelatione, cultus in omnes ita transit gentes, ut universali calculo gaudeat & assensu. Gentes itaque cum tantum non omnes Sacrificiis Deos colere consueverint, primum inde est colligere, sola natura duce & magistra in eo fuisse usos. Sed tantum abest, ut hoc argumentum pro humanis sacrificiorum auspiciis militet, idem potius ut pro divina institutione, apud SPENCERVM, num. VII. p. 674. videas allegari. Hic etenim cultus a gentibus receptus fuit ex vetustissima traditione, quam a statoribus quæque suis ad posteros transmissam, antiquitatis venera-

tione tuentur. Statores autem illi, dubium non est, quin ante γλωττοσύγχυσιν Babelicam, in vera Ecclesia eam didicerint, atque sic ex divina hauserint institutione, verum applicatione pessima, ad Idola & Dæmonem transfulerint, aliisque ex ingenio, vel Diaboli instinctu promanantibus ceremoniis audiam, turpiterque depravatam, tradiderint posteritati. Accedit Satanæ, impudentissimi Dei simiæ, κακοζηλία, quæ ejusmodi quoque cultoribus suis sacrorum rationem suggessit, qualem verum Deum Ecclesiæ præcepisse habebat compertum. Vt taceam, frustra & falso asseri, sacrificandi religionem nulli non hominum generi communem esse, vel semper fuisse. Nulla olim sacrificia cognita, vel in usu fuisse veteribus Germanis, IULIUS CAESAR testis est lib. VI. de bello Gallico, quod ipsum de Barbaris Americanis, sub Christianorum jugum nondum missis, ii perhibent, qui mores ipsorum scriptis delinearunt.

XIII. *Quinto*, suffragium Veterum jactant, qui pro humano sacrificiorum ortu calculum tulerunt, v. c. Constitutionum Apostolicarum lib. VI. cap. XX. IVSTINI MART. *Responsion. ad Orthodoxos Qu. 83.* item CHRYSOSTOMI *Homil. XII. ad Pop. Antiochen.* quorum testimonia GROTIUS, OVTRAMVS, SPENCERVS, ῥητῶς allegant. Velut autem ne harmonico quidem Patrum quinque sæculari assurgimus consensui, in quaestionibus Scripturæ adversis, ita multo minus unius vel alterius auctoritate, a tramite recti nos dimoveri patimur. Et si veterum effatis esset standum, in promptu essent EVSEBII de *Præparat. Evangel. lib. I. cap. X.* ATHANASII, aliorumque, pro divina institutione, pronunciatæ quæ sententiam nostram egregie confirmant. Quæ dum excitavit laudatus SALDENVS p. 328. testimonia, otium hic nobis fecit.

*Originem Sacrificiorum, quo pacto Deus cum hominibus communicaverit?*

XIV. Asserta nunc divina Sacrificiorum origine, proximum est, ut, qua ratione Deus hanc fecit,



suam, de cultus istius ratione ac modo, voluntatem testatam fecerit hominibus, indagemus. WILHELMVS MOMMA ad instinctum & impulsu Spiritus Sancti internum id omne refert, cui externum accesserit testimonium Dei, igne de caelo oblata consummentis. Confer *Oeconomia Tempor. Lib. I. cap. IV. §. 11.* ubi ita habet: *Is, qui in omnibus sanctis ἐστὶν ὁ ἐνεργῶν καὶ τὸ θέλειν, καὶ τὸ ἐνεργεῖν Phil. II, 13.* num & hoc velle in illis non sit operatus? Fidem dedit, (est enim Spiritus fidei) in qua obtulerunt, & voluntatem offerendi non dederit? Hic internus Spiritus Sancti instinctus, haec interna ejus illuminatio, vocis & loquela instar fuit ad animum fidelium. Ita, ut dixit Spiritus Philippo Apostolo: *i, & accede ad currum Eunuchi, Act. VIII, 29.* & ut dixit Petro: ecce, tres viri quaerunt te, *Act. X, 19.* (confer *Act. XI, 12.*) non sane externe ad aures, sed interne ad animum, ita etiam fidelibus dixit, sanctosque jussit ire, & in fide sacrificia offerre. Ad hunc internum Spiritus Sancti instinctum, accessit externum de calis signum, *συνεπιμαρτυροῦντος* ita *θεῶς σημεῖος*, contestificante Deo signis, *Hebr. II, 4.* quod innuitur *Genes. IV, 4.* quod de *ἐμπνεύσματος* exponit. Et paulo post, *§. 12:* Spiritus Sanctus interne illos egit, ut offerrent. Deus igne de caelo oblatum consumpsit, & testatum fecit, se tali fidelium actione delectari. Igitur, ut acti a Spiritu Sancto locuti sunt olim *οἱ ἅγιοι θεῶν ἀνθρώποι*, sancti Dei homines, *2 Petr. I, 21.* ita acti a Spiritu Sancto *θυσίας προσήνεγκον*, victimas obtulerunt sancti primitivae Ecclesiae, filii & heredes. Verum, quo minus ipsius sententiae accedamus, prohibet 1) Fidei origo, *Rom. X, 17.* quae non tam ex instinctu interno, quam ex praedicatione & audito verbo externo, ordinarie pronascitur: 2) Voluntatis ipsorum norma. Cum Deus in illis velle operaretur, opus erat, ut istud velle ad disertum verbi regulam & normam esset compositum; alias enim discernere non potuissent, utrum propriae voluntatis hic motus, an Dei operantis esset instinctus? 3) *πληροφροσύνης* defectus, antequam offerrent, quae tum demum accessisset, cum Deus igne caelesti absumeret obla-

ta: 4) Emergens absurdum circa sacra hypocritarum, qualis Cainus. Quo cum premi se animadverteret MOMMA, infeliciter se extricare nititur *§. 13.* hoc pacto: *legitur autem & Cain obtulisse, qui tamen Spiritum Dei non accepit. Obtulit sane, at non actus a Spiritu Dei bono, sed a Spiritu Dei malo (confer 1 Sam. XVI, 14, 15.) a carnis sensu & a mentis concupiscentia, &c.* Ast durum dictum est, eundem qui Deo placuit, & a Deo sanctis suis fuit revelatus, sacrificandi ritum & cultum, Diabolum pariter ac carnis sensum, docuisse Cainum. *ψυχικὸς γὰρ ἄνθρωπος*, qui est carnis sensus, & *δέχεται τὰ τῷ πνεύματος τῷ θεῷ*, qualia erant Sacrificia *1 Corinth. II, 14.* Neque maligno Genio, cultus Deo placentis, ratio & modus, ante revelationem patet. Potius Cain diserto Dei mandato se morem gesturum, vel simulavit, vel censuit, sed absque fide, & ut Pontificii loqui amant, ex opere operato.

XV. Necessse itaque fuit, ut fides primorum sacrificantium diserto niteretur & mandato divino, & promisso gratiae. Perquam ergo mihi arridet sententia doctorum virorum, Deum in Paradiso, quando Protevangelium de semine mulieris, contrituro caput serpentis, promulgabat, sacrificii signaculum promissioni addidisse, atque ita modum praevisse, omnemque Sacrificiorum praescripisse ritum. Illam post CLOPPENBURGIUM, adoptarunt SALDENVS cit. loc. p. 330. FRANCISC. BURMANN. *Wet ende Getuigenisse pag. 522.* LEYDEKKER. *de Republ. Hebr. lib. I. cap. II. p. 10. a.* ubi simul adversae sententiae patronos stringit, HEIDEGGER. *in Libert. a lege cibaria c. CIRCCELLAEVM cap. III. §. 4. p. 36.* E nostris dudum ante CLOPPENBURGIUM, ita sensit b. LYSERVS *in Genes. III. p. 371. coll. cum 325 sq. & in Gen. VIII. p. 218.* eumque secuti sunt BVDDEVS, DEYLINGIUS p. 46. IOH. WOLFG. JAEGERVS *Dissert. de Cultu Dei in Vet. Test. per Sacrificia varia pag. 8.* alique bene multi. Ita vero statuimus a) ob tunicarum pellicearum ortum, quibus Deus primos homines amiciens Genes.

Genes. III, 21. unde illas petiit? non nisi ex ma-  
ctatis pecudibus: cur maclatæ pecudes? ad of-  
ferendum victimas, iisque adumbriandam & ap-  
plicandam protoplastis piacularem seminis pro-  
missi mortem. Quo ipso demum intelligebant,  
quid sibi promissio ista velit. β) Ob symboli-  
cum istarum tunicarum usum. Non enim te-  
gendæ nuditatis causa tantum tunicas eisdem  
Sanctissimum Numen aptavit, sed & easdem pro-  
pitiationis symbolum esse voluit, qua nuditas  
tegeretur peccatorum, ut ex Jes. LXI, 10. &  
Apocal. III, 18. liquet. Hinc arcessenda vide-  
tur lex illa Lev. X, 8. qua Sacerdoti conficiendi  
pellis addicitur victimæ Holocausti, quod Ada-  
mus forte Sacerdotis partes obiret, Deo ipsum

de singulis ritibus curate instruente. γ) Ob fœ-  
deris antiqui sanguine factam dedicationem  
Hebr. IX, 18. Etli enim Apostolus de fœdere  
loquitur, per Moſen ad montem Sinai pacto,  
istud tamen non novum, sed vetëris, cum proto-  
plastis initi, erat solum repetitio, ejusdem cum  
illo ritus, usus, fructus. Promissioni ergo de  
venturo semine mulieris, junctum fœdus, san-  
guine sacrificali dedicari oportebat. δ) Ob re-  
missionem *χωρίς αἵματος* *χυσίας*, quæ Sacrificio-  
rum est character, nunquam locum habentem  
Hebr. IX, 22. Quæ ut obtingere posset lapsis  
parentibus primis, sanguinem poscebat victima-  
rum, ejusque sparsionem.

## SECTION II.

## DE SACRIFICIORVM DIVISIONE.

*Sacrificia ante Legem.*

**D**udum itaque ante Moſen locus erat Sacrifi-  
ciis, quibus tamen Mosaica institutio pau-  
lo alium induebat habitum ac modum. Hinc  
prima nascitur distinctio Sacrificiorum ante Le-  
gem, eorumque sub Lege. Vtraque ad divinæ  
revelationis componebantur regulam ac nor-  
mam, attamen priora *ante Legem* 1) certo respec-  
tu libera erant, nulli loco, tempori, aut homi-  
num ordini alligata, Genes. IV, 3, 4. 2) nec  
ea necessitatis lege injecta, ut procul his  
*ἱλασμός* non concederetur: 3) nec denique, aut  
jugi ad instar premebant, aut maledictionem præ-  
ferebant, eamve quotidie ingeminabant, aut cum  
convitiis peccata exprobrabant, sed maximam  
partem eucharistica erant, & votiva, ut Genes.  
VIII, 20. XV, 9 sqq. quæ ad fidelium confir-  
mationem & consolationem faciebant, velut  
pignora gratiæ divinæ, & bonæ conscientiæ *ἐπι-  
ρωτήματα*, 1 Petr. III, 21.

*post Legem.*

*Post Legem* longe adstrictiora, 1) ad certos ca-

sus, tempora, loca, & ad Sacerdotium Leviti-  
cum pertinebant, singula suis limitibus & legi-  
bus circumscripta, de quibus valebat, quod  
Deut. IV, 1 sqq. XII, 1, 5, 6 sqq. Num. XV, 39  
sq. & passim inculcatur: 2) ad expiationem ad-  
missorum, & emundationem a noxa & culpa,  
necessario requisita: 3) pars erant pædagogicæ  
fervilis Gal. III, 23 sq. IV, 1. & jugi *ἀβασάντης*  
Act. XV, 10.

*Sacrificia post Legem varie distinguuntur.*

II. Hæc denuo non uno modo dispescuntur, &  
ut MAIMONIDES tract. *de Oblation. cap. I.* docet,  
vel *publica* erant, quæ a tota offerebantur Eccle-  
sia, erantque Holocausta, Sacrificia pro peccato,  
& duo Sacrificia pentecostalia, ab animalibus  
sumta; vel *privata*, nempe Holocaustum, Sacrifi-  
cium pro peccato, Sacrificium pro reatu, & Sa-  
crificia salutaria, sive pacifica. Planius autem  
sacrificiorum diversitatem Christiani Doctores  
explicant, vel *ratione finis & usus*, ut alia sint  
Expiatoria, alia Eucharistica; vel *ratione subje-*  
*ctorum*, in quorum commodum offerebantur, ut

*Uu*

alia



alia sint pro privatis, alia pro personis publicis, sive sit Pontifex, sive Magistratus, sive universus cœtus; vel *ratione principii*, ut alia essent imperata & necessaria, ut pro puerperis, leprosis, impuritate alia contaminatis, alia vero voluntaria, pro cujusque arbitrio & facultate; vel *ratione temporum*, quæ vel Quotidiana, vel Sabbathica, vel Festiva erant. Verum simplicissima & generalis divisio generum est, quam Scriptura ipsa distinctis subministrat nominibus, ut alia sint *עולות Holocausta*, quæ tota cremabantur; alia *שלמים* Salutaria, sive *Pacifica*, quæ pro variis beneficiis, sive jam impetratis, sive demum obrinendis offerebantur; alia *חטאות* Sacrificia pro peccato, sive *Piacularia*, quæ pro peccatis involuntariis commissis mactabantur; alia *אשמות*, quæ pro admissa noxa, sive illa dubia, sive certa, cadebantur. His accedebant *מנחות Ferta*, munera, quæ ex farina, vel panibus & placentis, oleo & vino constabant, & animalium victimis diversimode jungebantur. Ista vero omnia, communi *קרבנות* vocabulo comprehenduntur, in quantum *קרבן* in genere *προσφορὰν* dicit, & omne id notat, quod Deo pro ara offerebatur.

### *Sacrificia Holocausta.*

III. *עולה Holocaustum*, (dictum ab *עלה ascendit*,) erat, quod totum aræ impositum, igneque solutum, maximam sui partem sursum ascendebat. Talia late patebant, & partim vi legis divinæ, partim ex voto & arbitrio hominum, quacunque demum de causa, immolabantur. Ex lege offerebant holocaustum, Naziræus, sive funere inquinatus, sive voto suo perfunctus Num. VI. porro, quotquot a lepra, quotquot a sanguinis, aut genituræ morbo fluxu purgandi erant Lev. XIV. XV. mulier quoque post puerperium Lev. XII. Pontifex in festo Expiationis Lev. XVI. omnesque adultiores Israelitæ, tribus majoribus festis, ad Sanctuarium confluentes, coram Deo apparituri Deut. XVI, 16. quod Holocaustum genus Judæis

*עולות ראיות Holocausta apparitionis* audiebat. Ex voto autem & arbitrio hominum oblata quod fuisse, ex Psal. LXVI, 13 sqq. LI, 20, 21. & aliis exemplis constat.

### *Sacrificia Pacifica.*

IV. *שלמים* Sacrificia Salutaria, item *Pacifica* & *Eucharistica*, a *שלם retribuit, pace & felicitate usus est*, nomen sortita, ita dicebantur, vel quia ex hoc sacrorum genere Deus, offerens, & Sacerdos, suam quisque partem sortiretur, vel, quia quasi symbola pacis erant, & amicitie, inter Deum, Sacerdotes, & offerentes. Inter hos enim tres dividebatur hoc sacrificium, ita ut *הדם והאמורים היו למזבח וחזה ושוק לכהנים והבשר לבעלים sanguis & exta Aræ cederent, pectus & armus Sacerdotibus, pellis & caro Offerentibus*, observante R. LEVI BEN GERSOM ad Lev. III, 1. Alii a *שלום pace & prosperitate* appellata existimant, ut quæ semper de rebus prosperis fieri solerent, impetratis jam, aut impetrandis; aut *quoniam afferunt mundo pacem*, ut ad cit. loc. R. SAL. IARCHI exponit. Tria autem genera *שלמים* memorantur in Scripturis: 1) *נרבה Voluntarium*, quando proprio pio motu quis ductus, præter necessitatem præcepti, Domino sacra faciebat. 2) *נדר Votivum*, quando voto quis vel seipsum, vel animal quoddam mundum, ad offerendum obstrinxerat. 3) *תודה Eucharisticum*, pro bonis impetratis, & præsertim fiebant ab his, qui vel e periculis gravioribus liberati erant, vel magnis beneficiis affecti, ut Noa Genes. VIII, 20. ut Manassés, patriæ regnoque suo redditus 2 Chron. XXXIII, 16. ut David Psal. CXVI, 16, 17. Huc quoque referuntur *איל הנזיר aries Naziræi*, & *שלמי חגיגה ושמחה salutaria festiva & letifica*, festis solemnioribus offerri solita, Deut. XVI, 2, 10 sqq.

### *Sacrificia Piacularia.*

V. *חטאות Piacularia* pro peccato involuntario, vel ex ignorantia commissio. Ea duplici genere-

generis faciunt Judæi. Aliud חטאת קבועה *Sacrificium piaculare definitum*, quo talia contra leges prohibentes inficiorum aut imprudentium facta expiabantur, qualia si conscientiorum fuissent, exitio divinitus inferendo, כרת dicto, luenda essent; de quibus constitutio Numinis legitur Lev. IV, 2. Et quatuor quidem hujus peccati conditiones ponunt Judæi, 1) ut contra legem prohibentem, 2) incogitato fieret; 3) in facto ipso confisteret, non dictis tantum, aut cogitatis, 4) quale, si a sciente volente patratum fuisset, peccantis exitio, & poena כרת excisionis e populo suo, fuisset luendum; quæ vero dictis & cogitatis, per imprudentiam peccabantur, pœnitenti cuivis, sine sacrificio, condonabantur. Aliud עולה ויורד *Ascendens & Descendens*, h. e. majus, minusve erat, pro facultatibus nempe & arbitrio offerentis expiandi, ut cui v. g. nec agnæ, nec capellæ facultas esset, hic unum turturem, columbæve pullum, piaculi nomine sacrificaret, de quo Levit. V. præcipitur; eratque leproforum, si convalescent, puerperarum, post puerperium finitum, &c.

#### *Sacrificia pro Reatu.*

VI. חטאת *Sacrificia pro admissa noxa* offerri solita. Ante vero, quam ad hujus generis sacrarum explicationem progrediamur, expedienda erit quæstio: *Quæ inter חטאת & חטאת intercedat differentia?* adeo quidem implicata, ut GUSSETIO *Comment. L. II. ad voc. חטאת* p. 100. desperata videatur explicatu. Novissime tamen, omni ingenii contentione in hoc discrimen inquisiverunt duumviri doctissimi, HERMANN. VENEMA *Dissertation. Sacrar. Lib. II. cap. VI. §. 18. p. 322.* & longe copiosius BERN. SEBAST. CREMERVS in *Antiquit. Sacrar. Pæcili Tom. II. Specul. III. pag. 75 sqq.* quorum legentes vestigia, mysterium istud indagabimus. Et VENEMA quidem contendit, חטאת in gravioribus passim delictis, חטאת in levioribus locum habuisse: v. g. cum Pontifex, totus cœtus, aut Princeps se contaminasset, חטאת obtinuisse, non חטאת Lev. IV. porro cum quis de peccato

certior erat factus, vel ejus convinci poterat, חטאת oblatum fuisse, ubi autem res dubia, nec juris aut facti certa esset noticia, חטאת expiasset; illud in convictione per testes, hoc in spontanea peccati confessione, fuisse requisitum. Denique observat, in חטאת oblatos tantum fuisse masculos, non in חטאת: quæ quidem aliquod, verum non omne exponunt discrimen. Ulterius progressus CREMERVS, 1) Ad discrimen vocum attendit, & omnem quidem חטאת suum observat habere חטאת reatum, æque ac reatus quovis comprehendatur peccato, quod ex Lev. IV, 13, 22, 27. & V, 2 sqq. probare satagit, חטאת tamen restrictam habere significationem, nec notare nisi violationem fœderis, sive respectu Sacerdotis, pervertendo aliquid de rebus sacris, Sacerdoti ex fœdere officii debitis, sive respectu proximi, in non servandis contractibus de deposito & mutuo, & restitutione rei perditæ, accedente mendacio & perjurio: vel etiam ex Lev. XIX, 20 sqq. in violatione fœderis matrimonialis, si quis vitium intulerit servæ desponsatæ, nec dum manu missæ: 2) Ad discrimen utriusque Sacrificii; quod חטאת præcise sacrificium notet conscientiosum, ut vocat, hoc est tale, quod ex solo conscientiæ instinctu offerretur, cogente hominem, ut reatum suum, quem clam hæcenus habuerat, confiteretur, ejusque expeteret expiationem, quod ex Lev. IV. XIX, 20 sqq. & Esth. X, 18, 19. demonstrat, hinc ad חטאת Nasiræi transfert Num. VI, 9 sqq. ubi denuo expiationem violati fœderis urget, ex nexu conscientiæ expetitam; pariter ad leprosi hostiam Lev. XIV, 12. quæ חטאת dicatur, quia lepra signum & testis fuerit violati fœderis divini & humani, & ex Judæorum sententia, non nisi fœderatis Dei, nunquam peregrinis, infligeretur. Hæc illi: quibus probe ponderatis, subjungere licet illud Comici: *Fecistis probe, incertior sum multo, quam dudum.* Nos ita procedimus: omne istud differentię genus ex sapientissimo legislatoris arbitrio pendere, ad certas autem expiationum classes legibus fuisse revocatum, 1) in delicto dubio, cujus incerta erat conscientia, Lev. V, 17, 18. 2) in in-



quinatione Naziræi Num. VI, 12. 3) in vi illata servæ desponsatæ cap. XIX, 20 sq. cui Sacerdotum ex Babele reducum illegitimum, cum extraneis uxoribus, matrimonium affine est Esdr. X, 19. 4) in incognita sacrorum defraudatione Lev. V, 16. 5) in interversione rei alienæ, vel concreditæ, vel casu repertæ, vel vi extortæ, & jurato abnegatæ Lev. VI, 2 sqq. Hinc enata est Judæorum distinctio inter **שם תלוי** *Sacrificium pro noxa dubia*, primi nempe generis, ex memoratis, & inter **שם ורתי** *Sacrificium pro noxa certa*, quod tam ad corporis quasdam immunditias, quam ad noxas proprie dictas, rite expurgandas adhibebatur, quo reliqua dicta genera quatuor spectant. Præterea rituale utriusque Sacrificii discrimen legibus sancitur, ut v. g. ad **אריה** arietes semper, agnive masculi, ad **אשה** tales plane nulli usurparentur; præterea sanguis ex **אשה** altarium cornibus, aut ex **אשה** lateribus altaris adspargeretur; denique **אשה** universo Judæorum cœtui imperata essent, **אשה** solum privatis.

#### *Ferta.*

VII. Denique **מנחות** *Ferta*, dona farinacea huc spectant, quæ ex farina triticea aut hordeacea constabant, quorumque aliis libamen vini accedebat, aliis non item. Oleo autem subigenda erant, eademque semper conjungenda cum aliquo victimarum genere, nunquam citra victimam danda. Victimæ autem, quibuscum Deus Ferta conjungi semper voluit, erant omnia totius cœtus, omniaque hominum singulorum Holocausta, & Sacra salutaria, ex grege vel armento lecta, sed nulla ex volatilibus data, nisi quando volatilia ista quadrupedi substituta essent, nulla quoque Sacrificia piacularia, nisi a leproso

data. Ferta, vini libamento aucta, sale quoque semper condienda erant Lev. II, 13. (Fallor, an ex hoc instituto, ut Minchæ sale & oleo semper subigerentur, ritum suum per *κακοζήλιαν* mutuati sint Syri Monophysitæ, quo panem Sacræ Coenæ non nisi cum oleo & sale temperatum adhiberi jubent, ut ex domesticis Doctorum istius gregis testimoniis docuit EVSEB. RENAUDOTIVS *Liturgiar. Oriental. Tom. I. p. 191. & Tom. II. Dissert. prelimin. XXIII. & post hunc ASSEMANVS Biblioth. Orient. Tom. II. pag. 144. b. & 182 b. sqq.*) Ea vero, quæ absque vino afferebantur, vel totius Hebræorum cœtus erant, ut Omer primitiarum, coram Deo agitatus Levit. XXIII, 11. duo panes, quos die Pentecostes offerunt ibid. vers. 17. panesque facierum in sanctuario Exod. XXV, 30. vel singulorum hominum erant, ut Fertum initiationis sacerdotalis, Fertum patellarium, cui thuris pugillus addendus, Fertum fontis, qui, cum piaculi reus esset, nec agnam tamen, nec capellam, nec par turturum aut columbarum, quo se purgaret, consequi poterat, ac Fertum zelotypiæ, quod vir zelotypus ad uxoris stuprum coarguendum, pro ea offerendum curabat. Præterea voluntaria Ferta quinque Judæi numerant, Fertum similæ incoctæ Lev. II, 1. Fertum in patella plana coctum ibid. vers. 6. Fertum in sartagine frictum vers. 7. Fertum in clibano; furnove pistum vers. 3. & placentarum quoddam genus, **רקיקין** dictarum ibid. quæ quidem oleo delibatur, minime vero perfusa erant.

De singulis istis Sacrificiorum generibus, erudite commentatur GVIL. OVTRAM *de Sacrificiis lib. I. cap. X - XIII. & cap. VIII. §. 3 sqq.* strictim & concise WILH. MOMMA *Oeconom. Temp. lib. II. cap. XI.*

## SECTIO III.

### DE SACRIFICIORVM RITIBVS.

**E**tsi sua victimis singulis, eaque varia & diversa erant solemnia cum verba, tum facta, ge-

nerales tamen quosdam observare juvat ritus sacrificiales. Horum aliqui peragebantur ab *Offerrentibus*,

*rentibus*, ut 1) Victimarum Oblatio, quæ in atrio Sanctuarii, ante altare holocaustorum solemniter coram Deo sistebantur: 2) In nonnullis sacris, pecudum sive in altum Elevatio, quæ תרומה dicebatur, sive versus quatuor mundi plagas Agitatio, quæ תנופה, 3) סמיכה Manuum Impositio, quæ cum certa conceptaque formula, sive confessionis, sive precum, sive laudis & gratiarum actionis erat conjuncta. Aliqui vero spectabant ad *Sacerdotes*, ut (1) Macratio, quæ in quadrupedibus cultro, gulari, arteriam asperam, venarumque jugularium partem maximam perfecando, in avibus, ungue caput avellendo, peragebatur: (2) Sanguinis adpersio, quæ pro diversitate victimarum variabat, & vel ad altaris latera, vel ad ejusdem cornua, vel intra Sanctuarium fiebat: (3) Pellium detractio: (4) Partium prosectio, & separatio adipum: (5) Salitura eorum, quæ super altare erant adolenda: (6) Instruem lignorum magnam super altari projectio & dispositio. Quibus FRANZIVS noster, ὁ παναγίτης, *Schol. Sacrific. Disp. IV. sqq. p. 61.* (7) Conciones sacrificales, & offerentium a Sacerdote instructionem, de antitypo Sacrificiorum, ejusque rita & fiduciali applicatione, accenset. Denique (8) in Sacris salutaribus Epulum accedebat sacrum, ex carnibus residuis victimæ paratum.

1) *Oblatio Viva.*

II. In his itaque ritibus, qui ab Offerente peragebantur, primum locum tenet *Oblatio*, sive *Representatio*, qua victima rite lecta, ante aram holocaustorum, in atrio Sacerdotum, Domino sistebatur. Hoc sine præcipitur, quisque ut immolaturus, victimam suam ad ostium Tabernaculi ducat, & Domino sistat, Levit. XVII, 4, 5, 9. coll. cap. I, 3. IV, 4, 14. XII, 6. XIV, 23. XV, 14, 29. &c. In Templo posteriori præfessatio illa fiebat ad portam Nicanoris introrsum; eratque adeo necessaria, ut mulieres quoque, quæ alioquin omnino arcebantur atrio, si victimam adducerent, necesse haberent in hoc

ingredi, & in propria persona sistere Domino. Hanc demum adductionem nomen dedisse sacrificiis, ut קרבנות dicerentur, ab הקריב adduxit, censet BERN. LAMV de *Tabernac.* p. 447. Tribus de causis id factum existimo: a) ut prius victima, quam cadatur, curate adspiceretur a Sacerdote & examinaretur, num integra, labisque omnis expers, & idonea sit Sacrificio, an vitio quodam laboret, quo rejectanea censeatur, & ab altari arceatur? β) ut hac representatione Domino sanctificaretur, h. e. ab omni usu profano, censuque communi exempta, altari destinaretur, Deoque traderetur: γ) ut ab omni loco alio, sive privato, sive publico, Sacrificiorum religio removeretur, & ad locum Sanctuarii, cultusque publici, revocaretur. Ne quis tamen in oblationis voce triceretur, distinguit OVTRAM *lib. I. cap. XV. §. 4.* inter oblationem victimæ adhuc viventis, de qua hic sermo est, & oblationem sanguinis atque ablegminum, in ignem altaris immisorum; sive, quod eodem redit, inter victimæ oblationem mox macandæ, quæ erat offerentis, & victimæ jamjam macatæ, quæ Sacerdotis erat. Notandum præterea, quod, quando hostiæ piaculares totius cœtus nomine fierent, Senatores, populi personam referentes, victimam ad aram ducerent, Deoque sisterent, Lev. IV, 14 sq.

2) *Agitatio & Elevatio.*

III. Sequitur תרומה & תנופה *Elevatio & Agitatio*, de qua supra quædam monuimus, sed pro re nata, paucis ad *Lib. VI. Cap. II. §. 4. Annot. 4.* Pariter duplex hæc erat, vel hostiæ vivæ, quæ a solo fiebat Sacerdote, vel partium ac segmentorum macatæ, in qua offerens & Sacerdos juncta opera agebant. Aequipollere utramque vocem, perperam contendit HISKVNI, & promiscue interdum acceperunt LXX Interpretes, sed rectius distinguit ABEN ESRA ad *Exod. XXIX, 27.* אין יונה כמו יורם כי יורם למעלה ולא יונה *Agitatio non est idem, quod Elevatio: nam elevatio fit sursum, non autem agitatio.* Vnde



passim ita distinguunt Rabbinī: התרומה *Elevatio* מוריד ומוריד *facit ascendere, & descendere*: sed התנופה *Agitatio* מוליך ומביא *removet & reducit*. Prior peragebatur in altum elevando & demittendo: posterior extendendo antrorsum & retrorsum, dextrorsum & levorsum, h. e. ab oriente in occidentem, & a septentrione in meridiem. In Pacificis nimirum totius Ecclesiae, hircum, atque duos agnos Levit. XXIII, 20. & in Piaculari leprosi, agnum Levit. XIV, 12, 24. ab offerente accipiebat Sacerdos, & agitabat Domino: ast in consecratione Aaronis & filiorum ejus Exod. XXIX, 22 sqq. in omnibus sacrificiis eucharisticis Levit. VII, 30, 34. similiter de ariete eucharistico Nasirai Numer. VI, 20. partes nonnullae victimarum ab utroque agitabantur. Ita R. SALOMO ad Exod. XXIX, 24. describit: *In hac agitatione occupantur Sacerdos & Offerentes. Nam Sacerdos ponit manum suam sub manu offerentium (partibus istis repleta & onusta) atque ita movet sive agit. Ceterum in hoc ritu (consecrationis sacerdotalis) Aaron & filii ejus offerentes erant, & Moses Sacerdos.* Hinc toties שוק התרומה & שוק הפסחא *pectus agitationis, & armus elevationis* junguntur in disciplina sacrificiorum, quia duae istae partes praeter ceteris huic ritui erant dicatae. Ritus autem hujus agitationis hodie adhuc vestigium quoddam servat Judaei. Cum enim ex Synagoga sua discessum faciunt, finitis omnibus precationibus, sic ultimo loquuntur: עושה שלום במרומיו הוא יעשה עושה שלום עליו ועל כל ישראל אמן *Deus, qui facit pacem in excelsis suis, ipse faciat pacem super nos, & super universum Israel, Amen.* Hanc orationem cum dicunt, tribus passibus retrocedunt, inclinando se dextrorsum, levorsum, & antrorsum: tantumque huic precationi tribuunt, ut putent, Deum hinc non tantum sibi, sed universo quoque orbi benedicere. Conf. PAVL. FAGIVM in Exod. XXIX. ubi Judaeorum de agitationis hujus fructu & significato somnia pandit.

3) *Manuum Impositio.*

IV. Spectat porro huc סמיכה *Manus Impositio*, de qua, in alio prorsus negotio ad Lib. V. Cap. V. §. IV. Annot. 5 sqq. jam verba fecimus. Hic notat religiosam manus impositionem vel *χειροθεσίαν*, quando offerens, ad ostium Sanctuarii, sive ante aram constituta victimae capiti, manum utramque imponebat, confessionem suorum peccatorum edens, conceptasque preces devota mente fundens. Ita MAIMONID. Hilc. Korbanoth cap. III: *Omnibus victimis, quae a quopiam privato offerebantur, sive ex precepto, sive ex arbitrio offerrentur, oportebat ipsum imponere manus, dum vivebant adhuc, exceptis tantum primitiis, decimis, & agno paschali.* Verum publicis quoque, pro toto coetu cæsis hostiis nonnullis, adhibebatur hic ritus. Requirebatur itaque, ad omnia singulorum hominum holocausta Levit. I, 4. ad sacra pacifica cap. III, 2, 8, 13. ad sacra pro peccato facta, ex quadrupedibus cap. IV, 4. Idem de sacris pro noxa sive reatu factis, pronunciant Judaei, negant autem de sacris volatilibus, iisque quæ jam excepit MAIMONIDES. Peragebatur autem a domino victimam offerente, qui ipse imponere debebat, nec licebat id per alium facere, si victimæ essent privatae: sin pro tota congregatione offerrentur, tum Deputati seu Vicarii erant, nomine totius coetus hoc ritu defungentes: denique si plures una sacrificium idem offerrent, oportebat unumquemque sigillatim manus victimæ imponere. Interim ad solos mares, Israelis fatu oriundos, eosque adultos, sensibus & intellectu satis valentes, hanc cerimoniam restringunt; ad mulieres autem, pueros, extraneos, servos, surdos, cecos, aut fatuos, pertinuisse negant. Peragebatur in atrio, ubi fiebat presentatio, adeo ut si manus imposuisset victimæ, qui eam adducebat, antequam esset in atrio, impositionem iterare deberet: si vero offerens esset extra atrium, sed intro manus protenderet, & victimæ intra atrium constitutæ imponeret, satis esset: quod etiam circa

circa leprosum observabant in porta Nicanoris. Præterea hoc ritu defungentes, occidentem, sive Sanctuarium versus faciem oculosque convertabant, ob adjectas preces, quas non, nisi facie ad Sanctuarium versa fundere oportebat. Num ambas manus imposuerint, an alterutram solum? disputant Judæorum Doctores, neque desunt, qui in utrasque abierint partes: omnes tamen in eo acquiescunt, ut dicant, sive una, sive utraque imponeretur, offerentem certe **בכח**, ut præcipit MAIMONIDES, *totis suis viribus*, & quanto potest conatu, imponere debuisse. Quod ipsum indicat verbum **סמך** *innixus fuit, incubuit*, si construitur cum part. **על** / sin absolute ponitur, *fulcivit, sustentavit*, & usurpatur de Simsone, columnis templi Dagonis graviter innixi, ut corrueret Jud. XVI, 29. de homine innitente baculo, ne labatur Jesh. XXXVII, 17. & sensu morali, de piis, quando tota mentis fiducia Deo, ceu rupi & petrae suæ innituntur Psal. LXXI, 6. *Manum ergo imponere*, idem est, ac cum pondere ac onere alicui inniti. Targum IQNATHANIS, quod unam tantum manum vult impositam fuisse, ita sciscit: *imponet dexteram omnibus viribus*. MAIMONIDES: *debebat, inquit, imponere ambas manus, idque quam maxime vi poterat*. Porro, inter duo cornua capiti quadrupedis imponebantur. Nec autem muta hæc erat cerimonia, sed, quod jam tetigimus, explicata eidem semper jungebantur verba, quæ rem susceptam declarabant, eique congruebant, ita ut **סמכה** vel precandi, vel imprecandi ac devovendi, vel confitendi peccata, vel Deum celebrandi, & gratiarum actionis formulam secum ferret, pro conditione & qualitate sacrificii, quod peragebatur. Formulam confessionis, in die Expiationis, pro toto cœtu recitatam, supra exhibuit Auctor noster Lib. III. Cap. VIII. §. 6. & nos Annotat. 3. & 4. adiecimus reliquas: tritissima vero, in Sacrificiis privatorum, a MAIMONIDE in *Maase Korban cap. III.* hoc modo traditur: **אנה השם חטאתי עויתי פשעתי עשיתי כך וכך** *Obsecro Do-*

*mine, peccavi, deliqui, rebellavi, hoc & illud feci, nunc autem conversus sum per penitentiam, sitque hostia hæc expiatio mea.* Nullus autem dubito, quin olim, quando purior Judæis constabat religio, clariorque sacrificii mediatorii Christi cognitio, explicatio & amplior fuerit admissorum deprecatio, ac disertam fidei fecerit mentionem, & translationis culpæ in hostiam coram Deo unice valentem, Messiam, ex cuius solius, non animalis oblatis, virtute, offerens remissionis peccatorum solatium fiducialiter sibi applicaverit. Eo demum universus hic spectabat ritus, ut offerentis cum culpa, tum pœna in victimam transferretur, eaque in locum vicemque surrogaretur peccatoris. Non omnino abludit, nimis licet rudis, nec plena explicatio, quæ in *Nizzachon* veteri apud WAGENSELIUM in *telis igneis Satane h. l. pag. II.* in hunc sensum legitur: *Quando homo pecudem sacrificat, in animo suo secum cogitat: ego magis bestia sum, quam hæc præfens. Etenim ego peccavi, & ob peccatum, quod ego commisi, hanc offero. Scilicet magis æquum erat, ut homo qui peccaverat, quam ut bestia mactaretur. Sic igitur homo ope sacrificii penitere occipit.* Rectius vero dicemus, quod offerens & confessus agnosceret, se mortem commeruisse: quia vero mediante **סמיכה** peccata sua veluti trans mittebat in victimam, pro ipso morituram, hinc se quoque a pœna sperabat immunem fore, illam vero sequi delictum, ejusque pœnam per illius mortem posse atque sumi. Hæc phrasæ Scripturæ pertinent, ex hoc ritu illustrandæ, 2 Sam. I, 16. *sanguis tuus sit super capite tuo* &c. 2 Sam. XII, 13. *Dominus העביר transire fecit seu transtulit peccatum tuum, non morieris.* Esth. IX, 25. de Hamane: *revertatur cogitatio ejus mala, quam cogitavit contra Judæos, super caput ejus* &c. Psal. VII, 17. *revertetur labor ejus in caput ejus, & super verticem ejus violentia ejus descendet.* Ezech. XXXIII, 4. *sanguis ejus super capite ipsius erit:* & si qua sunt hujus generis loca alia. Cum primis autem hoc ritu adumbrabatur mysterium translationis peccatorum nostrorum in Christum,



istunt, vadem nostrum ac hostiam, tam in acquisitione salutis, quam in applicatione. Præfigurabatur enim, Deum peccata nostra, a nobis ablata, coniecisse in Christum, victimam vicariam & piacularem Jesh. LIII, 6. ut cum reatus, tum supplicium nostrum a nobis auferretur, ac sustineretur ab ipso. Sicut etiam aggravabat victimam is, qui omni suo robore innitebatur eidem, sic peccatorum onus aggravabat Christum, dolor in caput ejus redundabat v. 4. cum Deus eum, qui peccatum non noverat, redderet pro nobis peccatum &c. 2 Cor. V, ultim. Hinc etiam intelligebatur, quomodo nos peccata nostra, manu fidei rejicere debeamus in Christum, qui tulit ea in corpore suo, 1 Petr. II, 24. Nam ut manu tangenda victima, sic fidei manu apprehendendus est Christus, victima pro nobis factus. &c.

(1) *Maectatio.*

V. Sacerdotis nunc erat שחיטה *Maectatio*, quam liber Talmudicus חולין præcipit, & pecu-  
liaribus libellis שחיטה ובריקה *maectatio* & *in-*  
*quisitio*, rei scilicet maectatæ, inscriptus, tradit  
explanate. Post impositas enim victimæ man-  
us, peractasque rite preces, continuo cæden-  
da erat pecus, & ita quidem, ut in vas pecudis  
jugulo subjectum omnis emanaret sanguis. Ista  
itaque maectatio peragebatur להחליך ולהביא  
הסכין *ducendo* & *reducendo cultrum* maectato-  
rium, ut duplici saltem ictu, vel secatione, quam  
הלכה והכאה *abitus* & *reditum* cultri per ju-  
gulum tracti appellabant, & gulæ & arteriæ  
asperæ, ac venarum denique jugularium partem  
maximam persecarent; de qua vide MAIMONID.  
Hilch. *Maase Korban. cap. IV.* Nam cavend-  
um erat, ne si lente occideretur hostia, sanguis  
intro revocatus in illa sisteret, & quibus caro  
comedenda deinceps erat, hi sanguinis esu pol-  
luerentur. Vt ergo proclivius patrari posset  
victimæ cædes, prope boreale latus altaris, in  
atrii pavimento fixi erant annuli quidam, quibus  
injici pecudum maectandarum colla, vel, ut aliis

placet, pedes alligari & constringi solebant.  
Hos Talmud curatè describit, Cod. *Middoth*  
*cap. III. Mischn. V.* ad quem locum omnino con-  
fer, quæ CONSTANT. L'EMPEREUR notavit  
*pag. 119 sq.* Aves autem ad altaris cornua Sa-  
cerdotis ungue cædendæ erant. Nempe, quæ  
Holocaustis erant destinatæ, ad cornu ejus Euro-  
australe sic cædebantur, ut capita a corporibus  
avellerentur; ast vero Piaculares ad cornu No-  
tozephyrinum ungue secabantur, caput autem  
iis non penitus avellebatur. Modum cum cura  
exposuit, & nitida icone ob oculos posuit THEO-  
DOR. DASSOVIVS in disput. A. 1697. Vitem-  
bergæ publicata, cui titulum fecit *Avem ungue*  
*sectam, inque Sacrificium oblatam, ad illustranda*  
*commata Levit. I, 14 sqq. & c. V, 7 sqq.* Quam  
longe autem hinc, Gentilium in jugulandis ho-  
stis, abierintritus, edisserit LAMY de *Tabernac.*  
*& Templo lib. III. cap. VI. Sect. IV. p. 449.*

(2) *Sanguinis Aspersio.*

VI. Imolationem continuo excipiebat *San-*  
*guinis Aspersio*, Sacerdotibus adeo propria, ut  
cum, certo casu, alii etiam Israelitæ maectatione  
posset defungi, sanguinem tamen spargere,  
præter Sacerdotem, fas esset nemini. Pro sa-  
crificii autem & temporis diversitate, dispar-  
erat ritus & locus. Enim vero, aliæ erant vi-  
timæ, quarum sanguis in Sanctuarium feren-  
dus erat, quales totius cætus hostiæ omnes pia-  
culares, pro re nata immolatæ Levit. IV, 16.  
hircus pro eodem cætu, & juvenis pro fami-  
lia Pontificis, uterque die Expiationis cæsus,  
Lev. XVI, 14, 15. denique juvenis piacularis,  
Sacerdoti Maximo imperatus Lev. IV, 5. Reli-  
quæ autem omnes victimæ ita offerebantur, ea-  
rum ut sanguis cornibus altaris exterioris, alia-  
rum autem lateribus ejus adspargeretur. Nam  
quoties victimæ ex bobus, ovibus, caprisve le-  
ctæ maectabantur, aliquantum sanguinis, singu-  
lis aræ cornibus Sacerdotis digito illinendum erat,  
reliquum aræ basi affundendum; quo in loco,  
in angulo nempe Notozephyrino, duo pate-  
bant

bant foramina, per quæ in ductum subterraneum, inde in fluvium Kedron fluxit. Porro sanguis ille, alius supra mediam aram, alius infra spargebatur. In quo ne errori esset locus, filum coccineum mediam cingebat aram, quod Cod. *Middoth cap. III. Mischn. i. סיקרא חוט של הכבד* vocatur, להכבד הרמין העליונים לרמין התחתונים *ad discernendum inter sanguines superiores, & inferiores.* Sparfiones quippe ad spacium quinque cubitorum supra filum, dicebantur superiores, quæ vero ad quinque cubitorum spacium infra filum, inferiores audiebant. Superiores erant de avibus, quæ in Holocausta cædebantur: inferiores autem de avibus piacularibus, quo pertinet etiam sanguinis affusio reliquarum omnium victimarum. Atque hæc sanguinis aspersio, ritus omnium sanctissimus erat, quippe quo vita animæ hostiæ Deo reddi censebatur pro anima rea, Lev. XVII, 11 sq: Vt autem spargi posset sanguis, cavebant Sacerdotes, ne concreveret, eumque in finem in phialis acuminatis exceptum, sedulo agitabant & baculo atterebant, vel cochleari commovebant, volvebantque, ut liquidum tenuemque conservarent: ut pluribus exponit ROBERT. SHERINGHAMVS in *Joma cap. IV. §. 3. p. 86 sqq.*

### (3) Pellium Detractio.

VII. Suscipienda nunc erat *Pellium Detractio*, quæ ut esset expeditior, ad boreale aræ latus, *Mischna Cod. Middoth cap. III. §. 5.* octo memorat columnas lapideas, iisque transra interjecta, in quibus singulis tres uncorum ferreorum lineæ erant fixæ, ut victimæ grandiores de uncis supremis, minores de mediis, minimæque denique de infimis suspensæ, pellibus commode exui possent. De excoriandi modo ita habet MAIMONID. *Hilch. Maase Korban. cap. V. §. 18 sq.* Hostiis primum detrahebatur pellis, tum exta extrahabantur: nec detrahebatur pellis, usque dum sparsus fuerat sanguis. Excipi debent hostiæ pro peccatis illæ, quæ cremabantur,

quibus omnino pellis non detrahebatur, ideo quia de his dicitur Levit. VIII, 17. cum pelle & carnibus &c. - Hic videant Jūdæorum Magistri, quomodo hoc componi possit cum effato Talmudis tract. *Sebbachim cap. XII. f. 103. a.* ubi de מזבח altari dicitur: אין לו עור בכל מקום: ei nullo in loco cedit pellis. Sed pergit MAIMONIDES: *Victimarum sanctiorum seu publicarum, seu privatarum, pelles Sacerdotum erant: scriptum est enim Lev. VII, 8. Sacerdos, qui offert holocausti victimam, habebit pellem ejus: victimarum autem minus sanctarum pellis redibant ad dominos.* Porro, *cujus holocausti carne altare non obtinebat, ejusdem nec pellem consequabantur Sacerdotes.* Quo pacto autem Sacrificium pelle nudatum typum gesserit Christi denudati, erudite exequitur HENR. SCHARBAV *Observ. Sacrar. P. II. Observ. II. p. 245 sqq.*

### (4) Sectio Victimarum.

VIII. Ventum nunc est ad *Profectionem Victimarum*, unde exta ipsa, ex fibris hostiarum dissecta, Gentilibus *profecta* dicebantur. Hebraeis אמורים vocantur, incerta vocis origine, quia quam ex BAAL ARVCH denominationis rationem profert BVXTORF. in *Lex. Targ. b. v. p. 124 sq.* inutilis est. Erant autem exsecta victimarum, ex quadrupedibus lectarum, ablegmina, adeps nimirum, qui operit intestina, ambo renes eorumque adeps, cum adipe ilibus adhærente, reticulum jecoris, cum particula quadam jecoris; quibus accedit ex genere ovillo, cauda integra una cum articulis, ad renum regionem pertinentibus. Ovium enim in Syria, Aegypto & Arabia perquam grandes pinguesque esse caudas, quam ob causam Deus voluerit in Sacrificio eucharistico, ex ovibus sumto, caudam sibi adoleri, BOCHARTVS docuit lib. II. *Hieroz. cap. XLV. p. 494 sqq.* Inter hæc autem ablegmina, num cor & cerebrum numerari debeant? nonnullis dubium est visum. Operæ ergo se pretium facturum credit IOH. GEORG. MICHAELIS, si in Holocaustis



stis & sacrificiis avium, cor ac cerebrum simul oblata, aut in Sacrificiis pro peccato, pro reatu, & in Pacificis, excepta fuisse ab altari, peculiari exercitatione evinceret, quæ *Observ. Sacr.* ipsius est *Prima*, p. I. Ista porro victimarum dissectio etiam ad membra corporis pertinebat, ita ut in Holocaustis quadrupedum, pecudis caput, crura, armi, reliquaque omnia majora membra ab aliis dividerentur, atque in his pedes & interanea, aqua rite lavarentur Lev. I, 9. Singulorum quoque hominum Pacificis armus dexter, una cum pectusculo, pariter arieti Naziræi armus alter exsecandus erat; quippe quæ partes primo cum ablegminibus agitandæ erant, hinc ab eis auferendæ, & sacerdotibus in victum dandæ. Atque hic redit agitatio, quæ partes victimarum a Sacerdote in offerentium traditæ, deinde manibus Sacerdotis manibus offerentium suppositis, elevabantur, demittebantur, & quæquæ versus porrigebantur. Ista erat partium תנופה seu *Agitatio*, ab illa viventium ac integrarum victimarum agitatione, quam supra indicavimus, distincta.

(5) *Salsura.* (6) *Illatio in Altare.*

IX. Partes autem istæ, in ara adolendæ, sale prius adspersi & condiri debebant. Sed hunc ritum peculiari reservamus tractationi, nunc ad ablegminum & partium ad *Altare Delationem* & *Projectionem* progressuri. Jam Holocausta totius cætus, rite profecta, vinumque ac Ferta his addenda, certum quendam numerum Sacerdotum ad aræ clivum attulisse, memorant Judæi, ita ut juvenæcorum profecta, ferta ac libamina, XXIV, arietum, XI, agnorum autem hædorumque, VIII, agnos autem, ad sacra quotidiana adhibitos, alias novem, alias decem, alias undecim, alias duodecim Sacerdotes, pro varia temporum ratione, ad aram apportarent. Etsi vero nulli dubitamus, certum in adolendis Sacrificiis ordinem, in tantâ Sacerdotum turba fuisse servatum, nec vel uni totum impositum fuisse onus, vel promiscue & pro lubitu accurrisse sin-

gulos credamus: ista tamen quæ magna cum pompa hic tradunt Rabbini, citra ullum Scripturæ vestigium aut fundamentum, ex ipsorum promanasse ingenio persuasum habemus, quæ qui cupit, in compendium redacta cognoscere poterit ex *OVTRAMI de Sacrific. lib. I. cap. XVI. §. 12.* Istis autem, in struem ignis magnam, super altari, partibus dispositis, adstitisse Sacerdotes, & fuscinis adhibitis cavisse, ne qua victimæ pars vel a strue decideret ac devolveretur, vel intacta ab igne, vel semiambusta restaret, sed quicquid illatum fuerat, integrum flammis absumeretur, vero sane simile videtur.

(7) *Conciones Sacrificales.*

X. Haud abs re, WOLFGANG. FRANZIUS supra laudatus conjicit, accessisse *Conciones Sacrificales*, quibus Sacerdos conficiens his, qui offerebant, beneficia passionis ac mortis Christi explicabat, typum in Sacrificiis ob oculos positum, ad antitypum in futuro Messiae sacrificio exhibendum applicabat, fidemque ipsorum instruebat, dirigebat, & confortabat, quin & pias preces suggerebat ac præibat. Nullum quidem in Scripturis concionum talium, vel præceptum prostat, vel exemplum satis luculentum, sex tamen rationibus, quinque ex Veteri, & una ex Novo Fœdere depromtis, pius doctusque Vir, id liquido evincit. Non enim Sacrificia mutas fuisse cerimonias, nec profuisse ex opere, quod ajunt, operato, sed fide in Messiam, pro omni totius mundi noxa olim sacrificandum, nitentibus & offerentibus salutes exhibuisse fructus, adeoque necesse fuisse, ut veteres sub Sacrificiis expendere passionem Christi, & manu velut ad has meditationes a Sacerdote conficiente ducerentur, valide probat 1) ex materia Concionum Adamicarum, quam Protevangelium, de semine contrituro caput serpentis præbebat, 2) ex historia Abrahami, qui per fidem vocatus auscultavit Deo, ut abiret in locum, quem accepturus erat pro hereditate &c. Hebr. XI, 8, 9. 3) ex Psal. CX. quem de Christo loqui, Matth.

Matth. XXII, 43 sq. diserte traditur, 4) ex Jel. LIII. 5) ex Dan. IX. 6) ex Hebr. VII - - X. His calculum suum addit, utut FRANZII nomine silentio studiose presso, ANDR. RIVETVS ad Gen. XLVI, Exercit. 170. mox post princ. Tom. I. Opp. p. 645. a. Additas fuisse, inquit, Sacrificio preces, & commonefactiones; invocationem nempe publicam nominis Dei, & explicationem causarum ad familia adificationem, pro certo habendum est; quia veterum Sacrificia putandum non est fuisse muta spectacula, qualia fuerunt spectacula theatra Ethnicorum, post inuictam superstitionem, sed signa sacra, quibus verbum institutionis iungebatur. Quæ, iisdem fere verbis, paulo saltem concisius, repetiit HEIDEGGER. Histor. Patriarch. Tom. II. Exerc. XXI. §. I. p. 671.

(8) *Epulum Sacrificale.*

XI. Colophonem Sacrificiis imposuit Convivium solemne & sacrum, ex carnibus victimarum residuis paratum. De omnibus enim שלמים omnibus præterea piacularibus, nisi quorum sanguis in ædem sacram inferendus erat, de agno paschali, de fœtu masculi primogeniti, & de pecore decimato, instruebantur epula. Sed & his distinctæ ac variæ rationes erant & leges. Victimis enim piacularibus aut pacificis totius cœtus, nemini, nisi Sacerdoti, ejusque filio vesci licuit, nec nisi intra Sanctuarium, purumque habentibus corpus Lev. XXII, XXIII. Cessit præterea Sacerdotibus caro omnis fœtus primogeniti, armusque dexter & pectus de Pacificis hominum privatorum, quibus de ariete Nasiræi armus alter, isque coctus, accessit. Verum his omnibus, ubivis intra Hierosolymam, non Sacerdotibus tantum ipsis, & ipforum filiis, vesci licuit, sed etiam uxoribus ac filiabus, aut nondum nuptis, aut repudiatis, viduisve, paternam in familiam revocatis, modo vel nullos omnino liberos, vel a Sacerdote genitos haberent; ut secundum ABEN ESRAH ad Lev. XXII, 13. contra MAIMONIDEM, pronunciat OVTRAM cit. loc. cap. XVII. §. 4. p. 182. Quin & tota sacer-

dotalis familia, vernæ quoque & servî pretio emti, comedere de iis poterant, sed non mercenarius aut inquilinus. Reliqua autem, post ablatas Sacerdotis partes, caro Pacificorum, offerentibus cedebat, eaque vesci viris, feminisque Israeliticis, ubivis intra Hierosolymam licuit Deuter. XII, 6, 7, 12. XIV, 26 sq. XVI, II. XXVII, 7. Discrimen tamen facientes Rabbinî inter Sacrificia leviora & sanctiora, idem obtinuisse tradunt in Epulis sacrificialibus, ita ut leviorum convivium in quavis ædè privata, ast Hierosolymis, sanctiorum autem epula non habuisse locum statuant, nisi in Templo, teste MAIMONIDE in Hilch. Maase Corbanoth cap. II. §. 5. Etsi vero SPENCERO non damus, quod lib. III. de Legibus Hebr. cap. II. Dissert. II. cap. II. sect. II. p. 663. obiter saltem, & ως εν παρόδω inspergit, patres veteres id, ante alia, in Sacrificiis curasse, ut ad convivii naturam quam proxime accederent, & Deus cibo & potu gratissimo exciperetur, quam perversam hypocritarum opinionem Dominus ipse Psal. L, 12, 13. graviter profligavit; homines tamen sacris epulis refectos, in communionem altaris venire, quia de Sacrificiis comedunt, Paulus diserte affirmat I Cor. X, 18. Hinc est, ut immundus quisque a sacris his epulis, sub excisionis pœna, divina lege arceretur Lev. VII, 20, 21. Ex hoc etiam fonte OVTRAM cit. loc. §. VI. p. 184. morem derivat, ut quisque victimam piaculari prius faceret, quam salutarem, seu pacificam, quoties utrumque illud genus eodem die immolaret, Exod. XXIX, 14, 22. quod hoc pacto hostia piaculari prius purgaretur, gratiamque apud Deum recuperaret, quam saluari vesceretur. Quod denique Diabolus, sueta sibi κακοζηλία, hunc etiam morem suis persuaserit, ut peractis Sacris, convivium pararent ex iisdem, post MICH. DILHERRVM de Cacozelia Gentilium cap. XII. Disputat. Academ. Tom. II. p. 270. viri docti passim observarunt. De quibus Gentilium Epulis Sacrificialibus, evolvi poterunt IOH. SAVBERTVS de Sacrific. cap. XXVI. & EVERH. FEITHIVS Antiqu. Homer. lib. I. cap. X. §. 7. Vicissim ab istis Judæorum



Conviviis sacris in Templo, fluxisse primorum Christianorum Agapas, CONST. L' EMPEREVR censuit in *Middoth cap. II. sect. 6. p. 81.* laudatus DILHERRVS cit. loc. p. 279: & recentissime LAMMY cit. loc. lib. V. cap. X. sect. I. p. 865. quas tamen, verustissimorum Scriptorum fide, ex charitate potius primorum Christianorum, & prolixa in refocillandos pauperes, & exercendam communionem ac dilectionem mutuam voluntate, arcessunt HOORNBECK *Veter. & Nov. libr. I. cap. XX. pag. 587 seqq.* & IOSEPHVS BINGHAM *Origin. Ecclesiast. libr. XV. cap. VII. §. 6 sqq.*

Vniversam de Sacrificiis Judæorum disciplinam, ex Judæis ex instituto tradidit, MAIMONIDES, in *Hilch. Maase Hakkorbanoth*, & in *Temidin Vmusaphin*, qui in *Jad Chasaka libri VIII* sunt *Tract. V. & VI.* & quos Latine conversos notis illustravit LVDOV. COMP. DE VEIL, ejus labores THOM. CRENIVS *Tom. VI. Fascic. Opuscul. pag. 282, 425.* inseruit: & ABARBENEL in *Præfat. Comment. in Leviticum*, quam pariter Latine versam L. C. DE VEIL, MAIMONIDI de Sacrific. adjecit: ex Christianis, post toties excitatum OVTRAMVM, LVNDIVS in *Jüdischen Heiligth. lib. III. cap. 33 sqq.*

## SECTIO IV.

### DE PECVLIARIBVS CIRCA SACRIFICIA CONSTITVTIONIBVS DIVINIS.

#### I. DE SACRIFICIORVM OMNIVM CONDIMENTO SALE.

##### *Salsura Sacrificiorum 1) Necessitas:*

**O**mnem Mincham, omnem pariter ex animantibus victimam, non nisi sale conditam, offerri sibi supremus Legislator jussit Lev. II, 13. ut qui insullum offerrent sacrificium vel munus, irritum agerent & nefas. Istud porro ne antiquaretur præceptum, aut in desuetudinem abiret, repetiit multo post tempore Deus *Ezech. XLIII, 24.* Hinc HOTTINGERVS *Juris Hebr. Lege 127. p. 168 sqq.* necessitatem hujus condimenti ex Hebræis adstruit, & tria fuisse loca solemnia in Templo docet, unde sal peteretur: Conclave salis, & in clivo, sive ascensu altaris, & in capite seu fastigio altaris. In primo saliebant membra sive partes animantium inferendas altari: in medio, partes victimæ, in ignem mox immittendas; in supremo manipulum, & thus, & munerum partes comburendas, & holocausta avium. Nec enim singuli offerentes sal simul afferebant, sed sal sacrificiorum pariter ac ligna, communi totius cætus

sumtu, ex annuo videlicet dimidii fisci censu, comparabantur.

##### *Num Sal in Mensa panum propositionis?*

II. Sed &, quia inter vasa illa aurea, quæ mensam panum propositionum ornabant, memorantur *קערות* / quæ ut plurimum vertuntur *scutellæ*, patinæ profundiores, & alias sæpius quoque v.g. *Exod. XXV, 28. XXXVII, 16. Num. IV, 7. VII, 15, 19. &c.* recurrunt, nec doceri potest, cui usui imposita hæc vasa fuerint mensæ aureæ, inde VILLALPANDVS in *Ezech. XLI. T. II. lib. IV. cap. 57.* & FORTVNAT. SCACCHVS *Myrothec. P. II. cap. XLI. p. 492 sq.* Salina interpretantur. Quia nimirum sal fœderis ab Israelitis Deus exquirebat, nullumque aliud in tota tabernaculi supellectile vas, ad saltem servandum memoratur, SCACCHVS inde conjicit, his vasis aureis, sive salinis mensæ sacræ, una cum thure & panibus propositionis, saltem fuisse impositum, qui semper esset coram Domino.

Lau-

Laudat in hanc sententiam, quam altum filet Scriptura, PHILONEM, qui *lib. III. de vitâ Mo- sis* p. 669. diserte testatur: *ἡ δὲ τεράπεζα τίθεται πρὸς βορείους, ἐφ' ἧς ἄγροι, καὶ ἄλεις, mensa autem posita est versus septentrionem, super quam panes & sales.* Addi posset usus salis, quando thura panibus priscis imposita, & cum novis permu- tando, in altari holocausti a duobus Sacerdoti- bus cremanda, non nisi sale condita & permista, in memoriale panum, tanquam ΠΥΝ sacrificium ignitum, Deo offerre licebat. Vide MAIMONID. Hilch. *Temidin cap. IV. §. 10.* Non ab- surda esset hariolatio ista, modo Scripturæ quo- dam niteretur fundamento, quæ mensæ aureæ fabricam, apparatus, & usum studiose delinea- vit, nullum autem salis in ea vestigium ullibi prodit. *רצק* autem Rabbinī passim formas interpretantur, seu talia instrumenta, quæ non tam ad mensam, quam ad usum conficiendorum panum requirebantur, ut in illis vel massa ad certam figuram formaretur, vel cum ipsis massa jam formata, in furnum poneretur, vel denique, ut furno panes extracti, in his formis ad crasti- num diem conservarentur: ut allatis Hebræo- rum testimoniis luculenter exponit LVDOVIC. WOLTERS in *Disput. I. de Mensa & Panibus pro- positionis*, sub præsidio RHENFERDII, Frane- queræ An. 1703. publicata, §. XXVI. pag. 22 sqq. Vide quæ nos supra *ad Lib. II. Cap. I. §. VIII. Annot. 16. γ.* commentati sumus. PHILONIS equidem non omnem defugio auctoritatem, nec in BONFRERII pedibus incedo sententiam, qui *ad Levit. XXI, 14.* rituum templi planē ignarum ipsum pronunciat. Quem tuto secutus Vir in- dustrius, CHRIST. LVDOVIC. SCHLICHTERVS *de Panibus Facierum* P. I. p. 50 sq. PHILONEM testem αὐτόπτην fuisse negat, sed, quæ de ritibus sacris in templo Hierosolymitano observatis habet, ex fama, aliorumque relatione tantum accepisse caulatur, cum ipsemet Alexandria in Aegypto vi- xerit, quin immo textum Hebræum non legerit, vir in lingua illa parum versatus. Istud vero ἔγνημα ipsius PHILONIS verbis liquido refel- litur, quibus in τῷ περὶ προνοίας de Providentia

*libro* diserte testatur, se per Ascalonæ urbis fines iter fecisse, ad precandum & sacrificandum in Templo. Fragmentum ingens istius libri serva- vit EVSEBIUS *lib. VIII. de Preparat. Evangel. cap. XIV*, integrum autem ab interitu vindica- vit, & novæ PHILONIS editioni Londinensi in- seruit THOMAS MANGEIUS, ubi verba apud EVSEBIUM p. 398. edit. Colonienf. sive potius Lipsienfis An. 1688. & apud PHILONEM MAN- GEII *Tom. II. p. 647.* ita habent: τῆς Συρίας ἐπὶ θαλάττῃ πόλις ἐστίν, Ἀσκάλων ὄνομα· γενόμενος ἐν ταύτῃ, καὶ ὃν χρόνον εἰς τὸ πατερῶν ἱερὸν ἐσελ- λόμεν ἐυχομένός τε καὶ θύσων, quæ VIGERIVS sic vertit: *Urbs quædam est Syriæ maritima (Ascalonem vocant) ubi, quum aliquando versa- rer, quo tempore patrium in templum precationis & sacrificii causa proficiscebar*, reliqua. Ex his citra controversiam evincitur, PHILONEM sive semel in vita, sive iteratis vicibus, Hieroso- lymam, quam ἱερόπολιν toties, & ἀγίαν πόλιν ap- pellat, adiisse, templum & quæ in eo fierent sa- cra, suismet oculis usurpasse, & testem eorum αὐτόπτην omnino fuisse. Quando autem ille, salem panibus facierum in mensa propositionis additum, locō supra citato perhibet, ab ipso so- lo rem mihi persuaderi non patior. Vel enim thura, quæ tacet ille, cum sale permiscuit, nec distincte ac recte tradidit; vel si fides ipsi con- stet, istud solum sequitur, ultima demum atate, pro arbitrio scioli cujusdam Pontificis, sal adjectum fuisse, cum antehac nunquam id vel lege sancitum, vel more fuisset receptum. Salem itaque cum panibus propositionum jugi- ter coram Domino positum, cum & Scriptura ignoret, & universa taceat Judæorum antiqui- tas, ex ingenio inferre Sanctuario, religioni du- cimur. Istam vero observationem, de PHILO- NIS circa ministerium & vasa templi auctori- tate, non injucundam fuisse autumo, vel intem- pestivam.

## 2) Salsuræ Species.

III. Ad speciem salis quod attinet, multum discedunt Hebræi, atque hos secuti Interpretes



e Christianis doctiores, ab iis, qui salem hic cogitant culinarem. In Tract. enim Talmudico *Menachoth cap. II.* exponunt: *וַיִּזְכֹּר מֶלֶךְ זֶה מֶלֶךְ סְדוֹמִית* *salies*, imperat Scriptura: *sed quo sale?* Resp. *sale Sodomitico*. Id vero alii de bitumine, alii de sale vero, sed ex bitumine cocto ac producto interpretantur. HERMANN. VON DER HARDT *Ephemerid. Philol. Discurs. IX. pag. 143 sqq.* bitumen intelligit lentum, coloris nigri, ex fundo lacus Asphaltitis propullulans, ejusdemque superficiei innatans, adeo ut *λίμνη Ἀσφαλτίτης*, lacus *Asphaltites*, Hebræis *יַם סוּף* dictus, cognomentum inde traxerit *יַם הַמֶּלַח* *maris bituminosi*. Vocabulum enim *מֶלַח* utrumque notare contendit, tam *sal*, unde communis orta sit opinio, *sal*, quo nostros condire cibos solemus, in Templo fuisse usurpatum, quam *bitumen*, cujus in confinio & agro Sodomæ, ante ejus everisionem, complures erant fontes, & magna vis propullulare & lacu Asphaltite solet, undisque innatare. Istud vero accensum, ad modum succini ardere, & suavem ex se spargere odorem. Duplici ergo de causa victimis omnibus fuisse adjectum: partim, quod facile flammam conciperet, & cum aliis communicaret: carnes enim adolendas, ut eo facilius consumerentur, adpersas fuisse hoc bitumine, quod ob pinguedinem suam ignem velocius concipiebat, & in flammam prorumpens, oblationem comburebat; partim, ne ex crematis carnibus vel farina, ingratus oriretur factor, qui præsentium, maxime Sacerdotum, nares pungeret, eosque ab ara depelleret; cum potius suavis ex sacrificiis odor deberet ad Deum mitti, unde toties sacrificiis a Mose additur character, *וַיִּזְכֹּר מֶלֶךְ זֶה מֶלֶךְ סְדוֹמִית* *odoris Deo grati*. Fufius ista auctor persequitur, & multis, pro more, rhetoricationibus pingit, solidis autem rationibus non firmat, nec primus sententiæ hujus inventor, quam dudum ante ipsum LIGHTFOOTVS in *Hor. Hebr. & Talm. Cent. Chorogr. in Matth. cap. V.* in scenam introduxit. Habent tamen viri docti, quod in illa jure meritoque reprehendant. Velut enim *מֶלַח* *sal* Hebræis notat,

sive fossile, sive coctile, nec ullo idoneo probari potest exemplo, idem quoque vocabulum *bitumen* notare, quod ordinarie & ubique *זָמַח* appellatur, quando v. g. bitumine, calcis vice utebantur conditores urbis & turris Babylonicae, Genes. XI, 4. quando Moyses mater eodem oblevisse narratur arculam, quæ filium infantem in aquis vehebat Exod. II, 2. & quando putris bituminosis referta dicitur vallis Sittim, in regione Sodomæ Genes. XIV, 10. velut etiam verbum *מֶלַח* *sale condivit, salivit*, nusquam per universam Scripturam, *bituminavit* designat: ita pariter apud Græcos, *ἢ ἄλς*, vel *τὸ ἄλς*, semper & ubique, tam apud LXX, quam apud profanos Scriptores, *Sal* proprie dictum significat, nullibi *bitumen*, quod LXX nomine *Ἀσφάλτης* reddunt: ita quoque perpetua collatio versionis Græcæ cum fontibus Hebræis docet, quotiescunque in Hebræo legitur *מֶלַח*, semper illud LXX exponere per *ἄλς*, nullibi per *Ἀσφάλτον*, quo ex adverso semper & ubivis vocabulum *זָמַח* exponunt. Hinc sole clarius liquet, geminam illam & æquivocam notionem, sive bituminis potius significationem, voci *מֶלַח* præter jus fasque, & præter genium ac usum linguæ Hebrææ, gratis obtrudi. Nec obverti potest terræ ratio propè Sodomam, & ipsum mare Asphaltitis, quod quando *מֶלַח* *יַם* Genes. XIV, 3. vocatur, mare potius bituminosum, quam salsum sit dicendum. Hoc enim est *τὸ ἐν ἀρχῇ λαμβάνειν*. Cur enim non *salsum* κατ' ἐξοχήν dicatur hoc nomine, eo quod hoc mare salugine & amaritudine omnia alia maria longe superet? Sane LXX eo loco *τὴν θάλασσαν αἰλῶν*, non vero *λίμνην Ἀσφαλτίτην* vertunt. Verum est, quod mare illud scatens bitumine, protrudat tum a bituminosi maris fundo, tum a litoribus, limum crassum, pinguem, lentum, sulphureum, nigricantem, & vehementer coherentem, eaque de causa recte dicatur *λίμνη Ἀσφαλτίτης*, sive *Ἀσφάλτης*: ast, quando *יַם הַמֶּלַח* appellatur, non tam ad bituminosas, quam ad saluginosas partes respicitur, præsertim cum e bituminis illius genitrice terra, ac limo ebulliente, salugo enascatur adeo

adeo adstringens, ut nec piscibus, nec ulli quidem reptili tolerari possit, quod Geographus Nubienſis *Clim. III. Part. V.* recte observavit, & aquæ salſuginosæ omnino tribuit. Quamquam, si fides sit *SALMASIO ad SOLIN. fol. 433. col. 1.* amaræ sint hujus maris aquæ, ast plane non salæ, & mare salſum dicatur ob sterilitatem & desolationem, æque ut מלוח *desolationem* Hebrais notat, quo sensu etiam mortuum vocetur. Vereor tamen, ut consentientes habeat *SALMASIUS* arbitros satis rerum peritos. *IOSEPHVS* sane *lib. IV. de B. J. cap. VIII. §. 3.* edit. Haverkamp. lacum Asphaltitin & Tiberiadis mutuo opponit, quod ille sit ἀλμυρώδης καὶ ἄγονος, *salſus & sterilis*, Tiberiadis vero aqua γλυκεῖα καὶ γόνιμος, *dulcis & fecunda*; & paulo post §. 4. ubi lacus Asphaltitis indolem ac rationem ex instituto describit, λίμνην πικρὰν vocat καὶ ἄγονον, *amaram & infæcundam*, amariciem ex falsedine oriundam liquido docens. Deinceps quoque extra dubium positum non est, quod tanta cum fiducia *HARDTIUS* supponit, ea suavitæ & fragrantia polluisse bitumen, cum adoleretur, ut omnem nidorem carniū & adipum absorberet & depelleret. Bitumen enim accensum tam suaviter olere, fide dignis demonstrari oportebat documentis, cum ex aduerso sulphur, nitrum, & picis gluten, ex quibus conflatum est bitumen, gravissimum potius exhalent factorem. Quin immo bitumen illud, quod in pharmacopoliis, a loco natali Judaicum dicitur, & Theriacæ admiscetur, tantum abest, ut gratum odorem spiret, ut potius intolerabili molestum sit fæditate. Quo evicto, tota Viri corrui argumentatio, & usus quem adpersi bituminis fingit. Quid autem fiet de sale Sodomitico, quod universa loquitur posterioris Templi antiquitas? Resp. Non opus est, ut simpliciter idem faciamus cum bitumine, sed salem potius intelligo, e mari Sodomitico arte elicitum & excoctum. Sicut enim salium est varietas, ita sal Sodomiticus dicitur, qui ex aquis Sodomiticis seu maris Asphaltitis, arte extrahitur, prout salem nitrosum, sal Ammoniacum, & alia ejus

generis, οἱ ἱατρῶν παῖδες norunt. Propterea autem sal esse non desinit, & virtutem quandam sal congruam exserere, etiamsi usum culinarem non per omnia præstet. Amarior enim ille sal, quam qui humanis usibus conveniret, fuisse videtur, uti qui e bituminosis, nitrosisque halitibus, amaritudinem non minus, quam falsedinem contraxit, cui simile videri queat alumen atque nitrum. Et hoc sensu admittere possumus, sal Sodomiticum victimis & Minchis fuisse adpersum temporibus Templi posterioris, licet non constet, aut inde sequatur, annon hæc, quam præ manibus habemus, lex divina, sal culinarem requisiverit.

### 3) Salsura Rationes.

IV. Restat, ut ad rationes progrediamur, propter quas sale condiri Sacrificia Deus voluerit? Vbi *MAIMONIDES in More Nevachim lib. III. cap. XLVI.* crassam prodit ignorantiam, quando in disciplina sacrorum apud Gentiles ullam salis mentionem fieri, aut usum fuisse negat, ideo Deum adhiberi Sacrificiis omnibus sal, præcepisse. Contrarium enim ex profanorum Scriptorum documentis apparet. Sal Θεοφιλέστατον, *Diis carissimum* appellat *PLATO*, & in vulgus nota sunt mola salſa, & salſæ fruges Veterum: unde *PLINIUS lib. XXXI. H. N. cap. VII.* Salis, inquit, maxime in sacris intelligitur auctoritas, quando nulla conficiuntur sine mola salſa. Sinon itaque apud *VIRGIL. lib. II. Aeneid.* aræ se destinatum fingens, apparatus Sacrificii ita describit. Jamque dies infanda aderat mihi sacra parari Et salſæ fruges. Ad quæ verba *SERVIVS* annotat: Salſæ fruges, sal & far, quæ dicitur mola salſa, quæ & frons victima, & foci adſpergebantur, & cultri. Hinc in contrarium discedens *SPENCERVS lib. III. de Legib. Hebr. Dissert. II. cap. II. pag. 662.* FRANCISCI VALESII adſtipulatur ſententiæ, & quia mortalium omnium antiquissimi salem addiderint Sacrificiis, eundem quoque in lege Moſaica Deum approbaſſe & retinuiſſe cenſet. Cum enim legem traderet Deus, inquit, id egisse vide-



videtur, ut cultum publicum a ritibus novis & superstitionem olentibus liberaret, eumque ad simplicitatem Patrum ævo receptam reduceret, qua nempe populi Hebraici ruditas & pervicacia paterentur. Sed quamvis forte concedi queat, quod tamen nondum est evictum, jam Patriarcharum sacrificiis salem fuisse additum, non tamen inde sequitur, hanc fuisse rationem, propter quam Deus hanc legem conderet. Quin immo ulterius foret inquirendum: cur Deus in prima Sacrificiorum disciplina, Patriarchis, immo protoplastis tradita, salem adhiberi voluerit? Absurdus hic est SPENCERVS, quando persuasum nobis cupit, Patres ante Moysen res tantum ad cibum bonas Deo obtulisse, & id ante omnia curasse, ut Sacrificium ad convivii naturam quam proxime accederet, & Deus cibo ac potu gratissimo exciperetur. Nam 1) ita supponitur, Patriarchas ex suo pte ingenio & arbitrio Sacrificiorum rationem ac modum excogitasse, quod tamen secus se habere, supra evicimus: 2) Falsum est, omnia ex cibis petita fuisse, quæ Deo obtulerunt, cum thuris ipse SPENCERVS h. l. faciat mentionem, cujus in cibo usus nullus est: 3) Falsum præterea, Deo in Sacrificiis mensam, structam, & epulas fuisse paratas, quam sententiam MARPERGERVS de Agno, plus vice simplici rejecit.

*Salsura Sensus Mysticus.*

Sunt ergo, qui mysticum sectantes sensum, figuratum fuisse Christum tradunt. Hic enim verissimum Sal est, hic solus reddit nos sapidos, i. e. gratos Deo, hic vere præservat a corruptione, instar salis, tum animam nostram, tum etiam corpus per futuram resurrectionem, unde Aegyptii condiebant sale corpora defunctorum. Præterea verbi divini symbolum esse credunt, quo salimur, i. e. mundamur & sanctificamur. Nam verbum Dei salis instar penetrat, incidit, mordet, immunditiam abstergit, vulnera sanat, corruptionem arcet, &, quod etiam sal facit, pinguedinem & fecunditatem inducit. Vid. SPANHEM. in h. l. Levit. Tom. III. Opp. fol. 624.

Sunt autem istæ allegoriæ & accommodationes ingenii humani, quarum sensus ex lege demonstrari nequit.

*Sensus Moralis.*

Nos moralem potius respectum subesse divinæ huic sanctioni censemus, qui officii sui admoneret offerentes, & in Nov. Test. commodam admittit applicationem, a Spiritu Sancto luculenter ostensam. Sal nimirum symbolum est I.) constantiæ & incorruptibilitatis, unde non modo amicitia condendæ & firmandæ sal olim adhibebatur, ut constantem fore illam & immarcescibilem ita innueretur, verum etiam *Sal fœderis* diserte appellatur Lev. II, 13. qui adspargebatur muneribus & victimis. Hoc etenim sensu, cum toto genere humano fœdus gratiæ in Christo, ejusque Sacrificio expiatorio pepigit Deus, se fore hominibus propitium & gratiosum, si Christum, ejusque Sacrificium fide apprehenderent, sibi que applicarent. Hoc Sacrificium Christi in vetere æconomia repræsentabatur, ejusque fructus applicabatur fidelibus per symbola & typos Sacrificiorum legalium: & ne quis dubitaret, Deum fœderis sui firmam habiturum esse rationem, memoremque futurum, sal, nota perennitatis & stabilitatis, adjiciendus erat omnibus sacrificiis, partim ad significandam incorruptibilitatem ac æternitatem fœderis Dei, quam alias Deus suavissimis confirmaverat promissionibus Jes. LIV, 9. 10. Psal. LXXXIX, 29. & CXI, 9. Jerem. XXXIII, 20, 21, 25. ut firma fiducia offerens apprehenderet sacrificium Christi, immoti fœderis divini immotum fundamentum; partim, ad monendum populum, incorrupte & constanter servandum esse fœdus Dei, ut adeo *Sal fœderis* esset, qui adhibendus erat in oblationibus secundum fœdus Dei, sive secundum id, quod Deus præceperat in fœdere suo. Inde porro *Fœdus salis*; ברית מלח Numer. XVIII, 19. de lege fœderali, inviolabiliter servando, & 2 Chron. XIII, 5. ubi regnum datum dicitur Davidi & semini ejus fœdere salis

lis a Deo, h. e. irrevocabili, incorruptibili; firmo & perpetuo, quia sal corruptionem arcet, & carnes aliaque servat incorrupta.

Sal II.) prudentiæ spiritualis symbolum est, qua intus conditi esse jubemur, ut vigorem fidei perpetuo servemus; Deoque ac hominibus accepti simus. Hoc itaque condiri oportet, tam sacrificia nostra spiritualia, quia, quod sine scientia offertur, insipidum & insulsum est, quam sermones nostri, ex monito Pauli Coloss. IV, 6. ubi per gratiam atque salem prudentia designatur pia & religiosa, a Spiritu Sancto dimanans, quæ cor primum, deinde linguam hominis atque sermonem dirigit, ad loquendum cum salubritate, interprete IOH. DAVENANTIO in *Epist. ad Coloss. b. l. pag. 437.* Sacrificiis itaque additus, monebat offerentes officii sui, ut & ad sacra sua probe attendentes, λογικὴν λατρείαν præstarent Rom. XII, 1. & seipsos Deo hostiam sistentes, corde ac ore puro accederent, nec salem fatuum exhiberent Marc. IX, 50.

Sal denique symbolum est III.) præconii Evangelici, quo sensu Christus Matth. V, 13. Apostolos τὸ ἅλας τῆς γῆς appellat, *Sal terræ*, quia per prædicationem verbi divini, homines a corruptione carnis purgant, eosque Deo, cui antea non placebant, sapidos & acceptos reddunt, prohibentque, ne aliquando in pristinam recidant corruptionem; sicuti sal a rebus salitis arcet putredinem, a qua etiam in posterum eas præmunit, & cibos, qui insulsi erant, sapidos reddit. Quando autem *Sal terræ κατ' ἐξοχὴν* dicuntur Apostoli, per terram hic universum orbem intelligi monet WOLFIVS in *Curis Philol. ad b. l. pag. 81.* contra LOMEIERVM *Dier. Genial. Dec. I. Diff. VII.* &, qui hunc sequitur, AMELIVM *P. II. pag. 331* Judæam tantum intelligi cupientes ideo, quia illi primum doctrina Evangelii fuit oblata. Sed vero, cum Apostoli gentium doctores a Christo fuerint constituti, quam ob rem etiam comm. 14. τὸ Φῶς

τῷ κόσμῳ salutantur, rectius amplior vocis notio τῆς γῆς asseritur. Porro, quia oppositum salis est fatuitas, sive insulitas, in quam si sal, acrimonia & virtute salendi deperdita, degeneraverit, nulli amplius est usui, adeo quidem, ut, cum aliæ res corrumpuntur & putrescunt, alicujus certe sint usus, sal vero ἐὰν μωρανῇ, si infatuatus & insulsus factus fuerit, nihil amplius profit vel valeat, & ne quidem ad terram, aut sterquilinum, i. e. ad finem conficiendum aptus sit Luc. XIV, 35. sed foras abjiciatur & proculcetur: hinc Christus simili isto innuere voluit, ministros Ecclesiæ, quibus officium incumbit, sinceræ doctrinæ prædicatione, & sanctæ vitæ exemplo, salendi alios, si ipsi insipidi fiant, fidem nimirum & bonam conscientiam amittentes, vix unquam ad resipiscentiam revocari, ita ut in peccatis computrescant, & omnibus merito detestabiles fiant. Aequè ut sal insipidum ad Sacrificium adhiberi, aut in Sanctuarium inferri non debebat. Et ad hoc Christi verbum respexit ECEBOLIVS Sophista, qui cum fidem Christianam sapius abnegasset, postea resipiscentiam simulans, ante portam Ecclesiæ se pronum abjecit, vociferans: πατήσατέ με, τὸ ἅλας τὸ ἀνάισθητον, *conculcate me, salem infatuatum*, teste SOCRATE lib. III. *Histor. Eccles. cap. XIII.* Denuo autem hic excludimus HARDTII glossema, qui cit. loc. pag. 149. bitumen suum intrudit, verba in hunc sensum exponens, Apostolos *sal terræ* dici, ut sint instar salis Sodomitici, sive bituminis, quo arte inter se compingantur & uniantur homines. Bitumen enim infatuari, sive insulsum reddi, nunquam deprehenditur. Ad rem propius spectat, si dicamus, Sacrificiis omnibus salem adjici jussum, quia omnibus, inde ab antiquo, juxta illa, quæ supra ex FRANZIO observavimus, præconium Evangelicum erat jungendum a Sacerdote, de vero Novi Fœderis sacrificio olim exhibendo, & de rita ac salutare virtutis Sacrificii applicatione.



V. Denique locus superest, ex difficillimis Nov. Testam. Marc. IX, 49. *πᾶς γὰρ πνεῦ ἀλισθήσεται, καὶ πᾶσα θυσία ἀλλ' ἀλισθήσεται, κ. τ. λ.* Circa quem quot capita, tot sensus. IOH. CLOPPENBURGIUS *Schola Sacrific. Spicileg. cap. III. Tom. I. Opp. pag. 74.* data opera in hæc verba inquirens, confutato SCALIGERO, sibi tamen ipsi parum constat. *Vel* enim de verme non morituro, qui fomitem faciat ignis æterni, verba exponit, & ita vertit: *totus enim* (ὁ σκόληξ, de quo mox præcesserat) *igne salietur*, ut per particulam ætiologicam γὰρ, arctissime hoc comma cohæreat cum præcedente. Sic *igne saliri*, ipsi est fomitem facere ignis æterni. *Vel* ad antecedens remotius vers. 42. refert, ut de homine intelligatur, offendiculum ponente parvulis, qui *totus igne salietur*, & hinc præstare ipsi, si appenso saxo molari projiceretur in mare: *totus enim*, omnibus membris perfectus, æterno igne cruciabitur. Verba autem sequentia, per conjunctionem καὶ, ita accipit, ut τὸ καὶ sit particula adversativa, qua consilium illud salutare, quod ter præcessit inde a vers. 43. concludatur per antithesin illius conclusionis huiusmodi: *omnis autem hostia sale salietur. Bonum est sal istud, quasi dicat, melius autem est, saliri sale fœderis ad vitam æternam, quales sale fœderis aspersas hostias vos ipsos Deo offeritis, mortificantes membra vestra terrestria, manum, pedem, oculum, quæ vos scandalizaverint, id est, sollicitaverint ad offensionem unius ex parvulis istis.* Posterior explicatio sat commodum reddit sensum, modo ne offendant, quod ad geminum sermo referatur subiectum, alius ad damnandos, alius ad salvandos; præterea, quod πᾶς totus reddatur, cum in eodem commate 49. omnem notet, & istud καὶ, in eodem commate adversative per autem vel attamen exponatur, quod sapius tamen membra ejusdem orationis conjungit. Magnus itaque DORSCHÉVS *Comment. in IV. Evangelist. ad b. l. pag. 526.* post discussas alias interpretationes, totum sermo-

nem ad unum refert subiectum, illos nempe, qui ingredi volunt regnum calorum. Omnis talis debet igne quodam affligi, & sale tribulationis, juxta Pauli effatum 1 Corinth. III, 14, 15. In vers. 48. & 49. geminum intelligit ignem, illum, qui destinatus est hominibus Deo sacrificandis, & ignem æternum. In vers. 49. talem intelligi censeret salicionem, quæ sit in hac vita, quæque est ignis sacrificialis & præservativus. Metaphoram autem desumptam censeret a Chirurgis, quando illi amputant manus, aut aliud quoddam corporis membrum, sanguinem ferro ignito restinguunt; hanc esse quasi quandam salicionem per ignem; sic quando in spiritali sanatione versamur, oportere quoque adesse ignem illum. Dominum autem serio monere Apostolos, ut probe attendant, ne quem scandalizent, sed, quantum possent, purificent. Quando enim ipsi præbituri sint occasionem scandalii, fore eos sal insulsum, adeoque neque pro se, neque pro aliis futuros utiles. His gemella tradit in *Commentario in Marcum*, seorsim edito a IOH. FRID. MAYER, Kilonii An 1690. Denique D. IOH. PETR. GRÜNENBERG, peculiari dissertatione, *de salitura ad ignem æternum*, Rostochii An. 1702. ex instituto in hunc locum inquisivit, eumque de damnandis solum accipiens, in hunc exposuit sensum: *Omnis enim πνεῦ igni, vel ad ignem salietur*, æque ut olim *omnis victima sale saliebatur*. Vbi quidem per *salem*, verbum correptionis, per ἀλίζω, *salire*, verbo correptionis perfricare aliquem, significabit. Cum ergo præcesserit: *in gehenna, in igni inextinguibili, vermem eorum*, qui scandalis & alios & semetipsos corrumpunt, *non mori, ignem eorum non extinguere*, statim sequitur: *unusquisque enim eorum, qui in gehennam abjiciuntur, (si forte, cur vermis & ignis eorum non extinguatur, dubites aut quæras) ad ignem salietur*, i. e. per verbum correptionis, olim spreum, nunc sentiendum, perfricabitur, velut sale, atque ita præparabitur, flammam concipere

pere æternas non tantum, sed & tolerare incorruptus ut possit. *Et omnis victima* ad gehennam damnata, *salietur sale*, nimirum verbo correctionis & emendationis, olim spreto, nunc sentiendo, cum dolore æterno Joh. XII, 47, 48. *Bonus* quidem *ille sal est*, verbum nempe correctionis: *si vero*, vitio præcipue offerentis & proponentis, *sal iste factus fuerit insulsus*, expers scilicet effectus, hominem emendantis, *quam in re illum condietis?* h. e. quomodo vos Apostoli salem istum, verbum correctionis inter homines distributuri, qui illum sæpe per vestrum vitium, exemplum & neglectum, velut insulsum redditis, atque ita prædicandum a vobis emendationis verbum suo fructu orbatis, facietis, ut neglectus, vel prave adhibitus, aut exemplo vestro infirmatus sal, novum robur in animo hominis acquirat? Jubeo igitur: *habete in vobis salem*, qui vos ipsos, & alios mutuo emendet, fraterne corripiat, & a scandalis & gehenna præservet, *& inter vos paci studete*, ne ita verbum illud proferatis, ut alios astute ac malitiose mordeatis, devoretis, & in vos concitetis. Vt adeo sal sit idem, ac verbum, quod a Christo prædicatum, dicitur reprobos judicaturum, & condemnaturum esse

in judicio extremo Johan. XII, 48. verbum, quod torquere dicitur homines Apocal. XI, 5. sicut & reprobi & iræ divinæ subjiciendi dicuntur, esse hostia *θυσία*, ἢ *θύς ὁ Θεός*, Ezech. XXXIX, 17, 19. Satis ingenii & acuminis hæc explicatio spirat, & pronum fundit sensum. Quia tamen ista salis interpretatio pro arbitrio adoptatur, & innumeri eorum, qui damnantur, verbo correctionis nunquam fuere admoniti, quod tamen contigisse omnibus per vers. 49. oportuisset, nec per omnia de damnationis causa & modo, verum omnino etiam vers. 45, 47. de ingressu in cælum Christo pariter sermo est; simplicior, minusque coacta nobis videtur explicatio DORSCHER, qua tamdiu stamus, donec aliam percipiamus solidiorem.

De Sale qui multa confertim legere cupit, ex omni antiquitate congesta, disputationem ISR. CLAUDERI adeat *de Sale*, sub præsidio IOH. CHRISTER. SAGITTARII Jenæ ventilatam anno 1650. De bitumine autem prolixa legitur descriptio apud STRABONEM *Geograph. lib. XVI.* (edit. CASAUBON. An. 1587.) pag. 511 sq.

## II. DE FERMENTO ET MELLE, ARCENDO AB ALTARI.

I. Mellis quidem & fermenti usus non omnis ab oblationibus excludebatur. Vtrumque enim Sacerdotibus primitiarum nomine afferre tenebantur Israelitæ Levit. II, 12. panesque agitationis in primitias Domino fermentatos ferebant, die Pentecostes Levit. XXIII, 16, 17. Sic etiam in Eucharisticis placentas azymas, & lagana azyma, diserte placentæ fermentatæ impositas afferre jubentur cap. VII, 13. Melle pariter ac fermentato vesci licebat Sacerdotibus, etiam in loco sacro; hinc oblata mellea, & fermentata dona, Sacerdotibus cedebant in vium, nec repudiabantur. Id tamen, quod

tam sollicitè sanctissimum Numen Levit. II, 12. cavit, hoc erat, ne tale quid altari inferatur, Domino accendatur, aut Sacrificii ratione veniat in Sanctuario.

II. Causam interdicti, Legislatori constituisse gravissimam, non est quod dubitemus. Hanc autem varii varie fingunt, ex testimoniis Scripturæ demonstrare non valent. Plurimi ad monita vitæ, & moralia præcepta, quicquid est istius rei, referunt. Talia BOCHARTVS in *Hierozoic. P. II. col. 530.* ex Patribus, & HOTTINGERVS de *Legibus Hebraeor. p. 166.*



ex Judæorum monumentis, multa in medium protulerunt. IOHAN. DE MEY *Comment. Phys. in Pentateuch. ad Levit. II, 13. pag. 129*: Arce-ri a sacris iussit Deus mel, & fermentum, quia mel voluptatis carnalis, fermentum malitiae symbolum est, 1 Corinth. V, 7, 8. Constat quippe, teste ARISTOTELE, ob voluptatem saepe homines improba agere, & ob dolorem res honestas posthabere. Unde fit, ut qui Dei sit futurus amicus, voluptatis contemptor, & doloris patiens esse debeat. Eodem tendit OVTAM de Sacrif. Jud. lib. I. cap. VIII. §. IX.

III. Malunt alii historicam urgere rationem, Deum ab altari mel removisse, ut sua Sacrificia ab Ethnicorum profanis sacris liquido separaret. Hoc post BOCHARTVM citat. loc. SPANHEMIUS *Observat. in Levit. h. l. Tom. III. Opp. fol. 624. allegat.* Inter gentes enim mellis libatio Diis Inferis, & Heroibus fatis fun-ctis, pene propria & peculiaris habebatur. Unde Deus ipse exprobrat Judæis idololatriam, quod simulam, oleum, & mel, in odorem suavitatis, Deastris suis & Idolis obtulerint Ezechiel. XVI, 18, 19. Hanc suam Helenam pin-git ac ornat SPENCERVS lib. II. de Leg. Hebr. cap. IX. sect. II. num. 2. ubi de mellis usu, in sacris Gentilium, multa erudite congeffit, ut obtineat, ex Ethnicorum consuetudine, Deum vel mutuo petiisse sacrorum suorum ritum, vel occasionem nactum fuisse, ad instituendas cerimonias Leviticas; hinc mellis favum in altare suum venire noluisse, ut suorum sacra ad pri-mariam revocaret simplicitatem. Verum hæc ratio si militaret, 1) ad mel tantum specta-ret, quid autem fieret de fermento, cujus prohibitio, ex ritu gentili derivari non aque posset? 2) Eodem autem jure, sal pariter, farina, thus, ejusque generis alia, in Gentili-um sacrificiis nunquam non adhibita, arcen-da fuissent ab altari, cum eadem ratio eandem producat conclusionem.

IV. Non caret specie illorum sententia, qui physicam huic interdicto subesse causam existi-mant; eo quod fermentum corruptionem involvit, cum in omni putrefactione & cor-ruptionem operetur fermentatio; mel vero ex rebus etiam impuris colligitur, modo dul-cedinem habeant, quam delibant apes, quæ & ipsæ ex cadavere aliorum animalium possunt generari. Deum autem partim poscere dona ejusmodi, quæ optima sint, & in integritate, non in corruptione, constituta; partim omnem corruptionem & impuritatem natura-lem, cum a cultu suo, tum a cultoribus re-movere. Vtut autem scita ista sit medita-tio, Sanctissimo tamen Numini genuinam hanc fuisse condendæ legis rationem, nemo teme-re affirmaverit.

V. Eodem piæ meditationis titulo venit cau-sa Theologica, quam laudatus SPANHEMIUS primo loco profert, hoc interdictum ad Chri-stum spectasse contendens, qui vere panis vi-tæ, expers fermenti, corruptionis & peccati. Ita Christi oblatio in cruce, condita non melle, sed felle amarissimo, unde herbe amaræ præscri-pte, quæ essent comedendæ cum pane azymo Exod. XII, 4. Quæ vere omnia dicuntur, hac tamen lege præfigurata fuisse, nunquam poterunt evinci.

VI. Ne itaque nos pudeat, sacram profite-ri ignorantiam, ubi Deus nos mentem suam ignorare voluit. Vbi rationes decretorum, legum, institutorum suorum Deus ipse siluit, ibi τίς ἔγνω τὸν Κυρίου, ἢ τίς συμβολὸς αὐτῷ ἐγένετο; Roman. XI, 34. Tutissime ergo di-cemus, causas legis istius fuisse arcanas, nec certo reddi a nobis posse. Si tamen inter sensum mysticum, a Spiritu Sancto intentum, & inter accommodationes humanas distinxeris, locum habebunt piæ ejusmodi meditationes.


Scriptu-

Scriptura enim ipsa 1 Corinth. V. fermentum, tanquam symbolum malitiæ, hypocriseos, contaminationis ex alienis peccatis, exponit, & in ritu expurgationis Paschalis adumbratam typice fuisse docet remotionem omnis nequitie ejusmodi, quam jugis feriatio Christianorum, & cultus Nov. Testam. non patiatur. Hinc facile colligas, quemadmodum in Novo Testam. Deus omne fermentum a Fectis, & ab altari suo exclusit, ita pariter ab accessu suo in precibus, cultu, auditu verbi & sacris Nov. Testam. omnem prohibere malitiam, & quicquid fermento adumbrari potest. Est illud

quoque symbolum superbiæ & fastus. Jam pariter odit Deus omne superbum; superbis obstitit, humilibus dat gratiam, 1 Petr. V, 5. Mel prohibitum, quia & ipsum fermentandi vim habet. Primis enim diebus fervet, seque purgat, vigesimo die coalescit, mox obducitur tenui membrana, qua fervoris ipsius spuma concrefcit. *Sed nec in oblationibus spiritualibus placet Deo mel humane eloquentie, seu humani sermonis 1 Corinth. II, 4. quæ presidia Gentilium fuere, ut denuo monet SPANHEMIVS. Sed ista sufficiant.*







I.

ז ק ה

SIVE

# ELEEMOSYNAE IVDAEORVM

EX

ANTIQUITATE IVDAICA DELINEATAE

A. D. X. Septembr. A. C1810CCXXVIII. in Auditorio Paulino Lipsiens.

*Dissertatione publica assertæ.*

RESPONDENTE

M. GOTTLIEB LVDOVICO ASTERO

KOETSCHENBRODA-MISN.

## §. I. Instituti ratio.

Insignem plane, antiquitates Judaicas, earumque uberem & luculentam cognitionem, præstare usum, per universum, quo late patet, Theologiæ ambitum, & præ ceteris in explicandis innunferis Scripturæ Sacræ locis, nemo facile in dubium vocaverit. Prostant hujus rei tot testimonia, quot sunt elogia, quot laudes, quot commendationes hujus studii, vel integris justisque commentariis traditæ, vel, ut usu venire plerumque consuevit, præfaminum loco, disquisitionibus ejusmodi, ex antiquitate sacra institutis, præmissæ. Ego vero aut suspensionem incurrerem, animi, de felici quem fecerim, delectu, exultantis, aliisque persuadere cupientis, aut actum agere viderer, si jam nonnulla de

Eleemosynis, ad res Judaicas maxime pertinentibus, commentari aggressus, in eundem excurrere campum sustinerem. Methodi tamen & ordinis rationem redditurus, id ante omnia mihi dari postulo, veritates historicas non adeo evictas ac ostensivas esse, ut omnem oppositi formidinem excludant. Niruntur enim testimoniis, relationibus, auctoritate & fide aliena magis, quam propria, quæ fallere omnino possunt, tanto quidem facilius, quanto longius a nostris temporibus distant, indeque firmas, indubitasque conclusiones ducere non semper licet, sed ad illud inprimis tunc respiciendum est, quod rationibus maxime probabilibus suffultum, similitudinem veri, demonstrationi proximam, præ se fert. Hoc de rebus veteris rei publicæ Judaicæ quoque, immo de Eleemosy-

NIS

nis eorum, צדקה appellatis valere existimó. Ideoque hujus denominationis veram indolem, rationemque hac dissertatione expositurus, ita procedam, ut primo omnium, ~~et~~ *adaquata definitione nominali, conceptum vocis צדקה figente*, ac ad mentem ipsorum Judæorum composita, falsas, tam a Judæorum Magistris suppeditatas, quam a viris Christianæ Ecclesiæ eruditissimis approbatas, de origine ac emphasi hujus denominationis sententias removeam, atque sic dicta Scripturæ Sacræ utriusque fæderis, ab ipsis in partes suas tracta, vindicem, veriore interpretationem seligam, argumentisque maxime idoneis corroborare allaborem, hinc tales quoque attingam sententias, quales instituto succurrent: *denum de re ipsa, ejusque differam ritu.*

## §. II. Eleemosynarum 1) Appellatio צדקה.

Judæorum Doctores, Eleemosynas, hoc est, dona pauperibus data, appellasse צדקה, neminem, nisi in his rebus plane hospitem, fugit. Fidem huic rei faciunt innumera veterum ac recentiorum Judæorum testimonia & effata, maxime vero R. BECHAI in הקמח כר *titulo* צדקה, & insignis juris patris restaurator R. MOSES MAIMONIDES in יד חזקה libri VII. הלכות מתנות זרעים inscripti, tractatu II. qui מתנות עניים inscribitur: qui data opera hoc argumentum excutientes, haud alio fere, quam צדקה nomine, piam illam in pauperes liberalitatem insigniunt. Cum primis Lexicographos audire juvabit, in quibus R. ELIAS LEVITA in Tisbi b. v. p. 191. הרגילו ר"ל לקרא למתנת עניים צדקה וכן פירשו וצדקה תציל ממות: צדקה תרומם נוי: צדקה *appellare solent, qua in significatione exponunt illud, Proverb. X, 2. XI, 4. justitia (h. e. eleemosyna) liberat a morte, item, cap. XIV, 34. justitia (eleemosyna) exaltat gentem.* Additque paucis inrerjectis: וקראו הצדקה כלשון הננים *Christiani autem Eleemosynam vocant Almosen, quod a Græcis desumptum est.* Sic DAVID DE POMIS צמח רור

b. v. postquam vocem istam, *justitiam* notare docuisset, addit: ומורה גם מתנה שנותנים רניאל ר' *notat etiam donum, quod damus pauperibus, Dan. IV.* Pariter Chaldæos Interpretes, hac voce ad Chaldaicum inflexa, צדקה & צדקה, nec non צדקה eleemosynarum sensu sæpius usurpare, BVXTORFIVS docet *Lex. Chald. & Rabb. b. v.*

## §. III. Nomen צדקה / omni beneficentia non competens.

Neque tamen omni Eleemosynarum generi nomen צדקה imposuisse, inde mihi videntur, quoniam MAIMONIDES, & alii, quorum loca adducit SELDENVS de Jur. Nat. & Gent. L. 6. C. 6. p. m. 724. septemplex statuunt genus eorum, quæ pauperibus, ex lege sacra sive Hebræis civili, debebantur. Primum est פאה *angulus*, secundum est לקט *spicilegium*, tertium vero עליות *racemationes*, quartum פרט *particulæ uvarum, five acini decidui*, & de his quatuor præcipit omnino lex divina Levit. XIX, 9, 10. De quinto, quod est שכחה *oblivione relictum*, habetur præceptum Deut. XXIV, 19. De sexto, scilicet מעשר עני *decima pauperum* agitur Deuter. XIV, 28. Septimum denique est צדקה *Eleemosyna.* Et has tanquam species septem, sub uno illo conceptu generaliori מתנות עניים *munerum pauperibus dandorum* comprehendere solebant.

## §. IV. Probatio ex Deuter. XV, 7 sq.

Ad specierum harum septimam צדקה, trahunt Hebræi locum Deuter. XV, 7 sqq. ubi vocabuli צדקה nulla quidem fit mentio, res ipsa tamen, seu officium erga pauperes, satis perspicue inculcatur. Quodsi enim penitius inspiciamus verba, simulque cum versu proxime sequenti undecimo conferamus, haud difficile est, inde eruere, quod non de mutuo, (de hoc enim versus 8. præcipit,) sed potius de dono, fratri egeno dando, agatur. Sic namque ordo & scopus



scopus totius locutionis optime sibi constat. Sub initium statim capitis Deus sancit quædam de anno septimo remissionis: cum vero hoc ipso anno omnia debita & mutuo data essent remittenda, addit sapientissimus Legislator, se ideo non probaturum, si quis ob instantem forte annum hunc septimum non succurreret fratri suo egeno; sed præcipit unicuique pro abundantia suarum virium seu opum, erogationem subfidiorum donorumque pauperibus, & quidem indefinitam vers. 7. & 11, mutui quoque dationem, si miseria proximi egeni id postulet, vers. 8. Accedit, quod mutuuum, si jam præsens sit annus septimus remissionis, non amplius pro mutuo, sed pro donato sit habendum.

#### §. V. צרקה specialius distincta.

Si itaque sumamus hunc locum, tanquam a Judæorum Magistris ad probandas suas צרקה adductum, si porro in distinguendis מתנות seu donis pauperum, sequamur MAIMONIDIS ordinem, quem, cur hac in re Scripturæ Sacræ vestigia præmentem, deserere debeamus, nulla subest ratio, si, inquam, septem illa modo adducta membra dividendia, ea qua par est, ac curatione, sibi invicem opponamus, statim videbimus, septimum, quod nomine צרקה venit, sic a reliquis sex generibus differre, ut non æque in eo aliquid dandum certo determinetur, ac in sex prioribus modis, sed indefinita tantum, ad nullum locum, ad nullum tempus, ad nullam personam, ad nullum numerum restricta erga pauperes liberalitas, a Deo tamen non minus, quanquam sic indefinite præcepta, insinuetur.

#### §. VI. Significatio vocis impropria.

Hæc vocis צרקה significatio non propria, non primitiva, non, ut ita dicam, originaria est, sed pro impropria, figurata, secundaria, merito habetur, cum linguæ purioris Hebraicæ, antiquissimæ, qualem Sacro Códici indubitate asserimus,

consideratio nos doceat, radicem צרק *justum esse*, & inde derivatum nomen צרקה *justitiam* perpetuo Scripturæ Sacræ usu denotare; cujus usus pleniorum explicationem paulo post subministrabo. Videre licet præter alios de hac significatione Cl. GVSSETIVM *Commentar. Lingu. Hebr. pag. 710.*

#### §. VII. צרקה in S. Codice quaesita.

Disquisitione itaque! haud indignum existimant illi, qui lumen accendere historiæ Judaicæ satis tenebræ, sibi datum crediderunt, qua ratione eo devenerint Judæi, ut Eleemosynas nomine illo plane honorifico צרקה *justitia* expresserint. Enim vero, quandoquidem inter omnes de ratione hujus denominationis non satis constet, in eo tamen plurimi, quos mihi quidem adire licuit, amice conspirant, Judæorum Magistros hanc denominationem ex ipsis Scripturæ Sacræ locis, numero non paucis, in quibus quidem ea significatio, quam §. V. posuimus, vocis צרקה obtineat, aut saltem actum erogandi stipem, si non donum ipsum denoret, in commentaria linguamque suam transfuisse.

#### §. VIII. Ἀγχαρος & mere Rabbinica.

Vnus fere Angelus, de antiquitate Judaica apprime meritis, HUMPHREDVS PRIDEAUX in MAIMONIDE de jure pauperis apud Judæos cap. X. not. 3. pag. 106. in diversum discessit, cuius ut exactius percipiamus mentem, verba ipsa audiamus: Vox צרקה proprie & primario tantum justitiam significat, nec aliquo alio sensu unquam in Scripturis legitur; cum vero eo tempore, quo Talmudici constitutiones suas de Eleemosynis tradiderant, lingua Hebræa vocem non suppedicaret, quæ eas proprie significaret, ob defectum, quem tunc, utpote post excisas Hierosolymas, dissipatamque gentem, passa fuerat, vocem צרקה ob convenientiam, quæ inter Eleemosynarum largitionem & justitiam intercedit, ad eas significandas assumebant, (*justum enim est, pauperibus succurrere,*

maxi-

maximumque viri iusti insigne est) & hinc primum obtinuit apud Iudæos, ut hæc vox æque Eleemosynas ac iustitiam significaret; MAIMONIDES autem, vel, quod hoc non adverteret, vel potius, quod proposito suo inserviret, quasi hæc vocis significatio non tantum apud recentiores Iudæos reciperetur, quin etiam eadem primario & antiquo in usu esset, cum præstantiam & necessitatem Eleemosynarum hic probaturus sit, eos Sacra Scriptura textus, in quibus iustitia per vocem צדקה expressa, aut laudatur, aut nobis exercenda commendatur, quasi pro largiendis Eleemosynis facerent, huc adducit. Hoc etenim sensu MAIMONIDES ad Genes. XVIII, 19. ad Ies. LIV, 14. & ad Cap. I, 27. Cap. X. §. 1. porro ad Ies. XXXII, 17. Deuter. XIII, 17. Jer. L, 42. Deuter. XIV, 1. §. 2. & sic amplius provocat. Hanc doctissimi Angli sententiam sequi nunc animus est, non certe quoad omne assertum, sed in quantum negatur, vocem צדקה in ipso Sacro Codice Eleemosynarum significatum admittere. Eo enim tutius ab ejus partibus stare nos posse arbitror, quanto facilius ad ipsa Scripturæ Sacra loca, ab affirmativæ sententiæ patronis in suam causam allata, responderi potest.

#### §. IX. Non obstat Gen. XVIII, 19.

Et primo quidem loco, MAIMONIDES, quod dixi, in hunc sensum profert Genes. XVIII, 19. ubi verba ipsius Dei sic fluunt: *Et cognovi cum, scilicet Abrahamum, quod præcepturus sit filiis suis, & domui suæ post se, ut custodiant viam Domini לעשת צדקה ומשפט*. Horum verborum sensum planiorem, veriore, atque menti Spiritus Sancti convenientiorem, quam quæm cupit MAIMONIDES, ut ostendam, ad varia mihi attendendum esse video momenta, quæ si fuerint conjuncta, id, quod debent, satis evincunt.

#### §. X. Vera notio voc. צדקה evoluta ex Genes. cit. loc.

Adest in allato loco vocabulum צדקה, quod quidem in suas MAIMONIDES trahit partes,

atque adeo operæ pretium erit, genuinam significationem, quam in Scripturæ Sacrae locis optimi quique Hebrææ linguæ Interpretes ei assignant, & res ipsa assignare jubet, querere, quoniam hæc quoque in reliquis locis, ad quæ provocat MAIMONIDES, & suæ causæ patroni, vindicandis valebit. Nimirum צדקה nomen substantivum a radice צדק / uti §. VI. jam brevibus monui, primaria ac propria sua significatione, omne id notat, quod est iustum; Hoc vero, uti recte definitur, per complexum omnium virtutum moralium, sumtarum cum relatione hominis cujusque ad ceteros homines; & hanc iustitiam *universalem* apposite, ut puto, vocat IAC. THOMASIVS, *philos. pract. Tab. 24.* Tum etiam speciali quadam ratione, designat eas tantum virtutes, seu quod idem est, eorum tantum officiorum exercitium, quæ ad conservationem alterius plane necessaria sunt, hinc ab altero stricto jure exiguntur, ac absque exceptione sunt præstanda, id quod iustitiam *particularem*, sive unam iustitiæ speciem constituit. Altera enim species concernit æquitatem, quæ non minus est & dicitur iustitia, cum ad omne æquum, homo quisque alteri præstandum, non minus sit obligatus, ac ad officia jure stricto debita, & necessaria, hoc tantum discrimine, ut id, quod æquum est, non semper ex tanta convictione de obligatione præstetur, nec præstari possit, quanta quidem officium quoddam juris stricti, adeoque sæpe intermittantur officia æquitatis, non quidem ex defectu obligationis, sed ex considerationis defectu propriæ obligationis.

#### §. XI. Vberior declaratio.

Ita sane utrumque conceptum, tam generalem, quam specialem, voci צדקה inherentem in sacris literis semper invenimus. Universallem sive generalem, quam diximus, iustitiam, appellari צדקה / vel ostendunt dicta Salomonis, regis sapientissimi, quæ in Proverbiis ejus de iustitia occurrunt. Hanc enim intelligit, quando ait: כן צדקה לחיים Cap. II, 19. &



Cap. XIV. 34. צדקה תרומם גוי, sic infinita alia loca, quæ Concordantiarum usus facile sup-  
 peditabit. Atque hæc ipsa universalis justitia, recte quoque appellatur Justitia Legalis in scho-  
 lis Theologorum, cui amissæ a nobis, per pec-  
 catum paradisiacum, successit secundum æco-  
 nomiam divinam, Justitia illa Evangelica, h. e. Christi Servatoris, quæ per gratiosam Dei im-  
 putationem, ac per appropriationem fidei, fit nostra, & talis est צדקה illa, quæ Abrahamo imputatur, Genes. XV, 6. Quæ ideo quoque appellatur justitia Dei, Rom. I, 17. δικαιοσύνη τοῦ Θεοῦ, quæ a Deo maxime misericordie patre pro-  
 pter Christum, homini confertur sive imputatur per veram fidem, uti elegantissime explicat CAL. GLASSIUS *Philol. S. L. III. Tract. I. p. 104.* Hæc est causa justificationis nostræ: & sic sensu sano admitti potest, quod quidam dicunt, צדקה interdum sumi in Scriptura Sacra pro causa justificationis nostræ, si nempe de justitia Christi sit sermo. Quæ ideo etiam causa est, cur piis & justis per fidem in Christum, tribuatur justitia quædam inhæsitiva, quanquam inchoata tantum atque imperfecta, scilicet serium divinæ voluntati conformiter vivendi studium, quod docet GEIERVS *Commentar. in Psalm. CXII, 3.* Immo huc respicit צדקה illa, quæ ipsi Deo per ἀνθρώποις παρὰ Θεοῦ tribuitur, ac, si recte modo & θεοπροπῶς explicetur, cum non possit esse æquatoria, quæ est inter æquales, sed tantum rectoria, quæ est inter superiorem & inferiores, monente BVDDEO *Theol. Dogm. L. II. C. I. §. 37.* tunc recte quoque dispescitur, in vindicativam & remunerativam, quarum utraque Deo expresse asseritur in sacris literis sub nomine צדקה: prior Psalm. VII, 18. posterior Psalm. XXXI, 2. Et hoc sensu generaliori, opponitur quoque צדקה quando de hominibus usurpatur, תום integritati, pietati, h. e. officiis erga Deum immediate directis Psalm. VII, 9. quanquam negandum non sit, צדקה quandoque Scripturæ usu, hæc officia erga Deum immediata includere, teste REIZIO *Not. ad GOODWINI Mos. & Aar. L. II. Cap. I. §. 18. not. i.* Sed &

speciali significatu צדקה interdum est pro justitia solum juris stricti, quod patet, si ejusmodi justitiæ juris stricti descriptio, §. anteced. allata, conferatur cum verbis Jesai. V, 15. In probanda altera speciali significatione, totum esse video VITRINGAM, virum Hebræarum literarum peritissimum, qui *L. III. P. I. C. 12. de Synagoga Vet.* postquam divisionem justitiæ quandam, nostræ fere analogam tradiderat, & GROTIUM secum sentientem adduxerat, his principiis superstruit diffusam satis probationem istius significationis, juxta quam צדקה est pro æquitate, h. e. pro ea animi virtute, qua quis alteri tantum tribuit, quantum recta ratio, cum amore in alterum latissime explicata suadet, vel uti MAIMONIDES in *Morè Nevoch. Part. 3. C. 53.* loquitur, pro eo quod solius virtutis & honestatis causa aliis facimus, vel quod idem est, pro beneficentia, si sumatur, uti vult DRUSIUS *Quæst. Hebr. L. 2. C. 6.* quem in suam causam allegat VITRINGA, multis insuper adductis Scripturæ Sacræ locis, hanc significationem præ se ferentibus, quorum plurima (omnia enim sub examen vocare instituti ratio non permit-  
 tit) id quod debent, adstruunt. Quamobrem me probatione hujus posterioris specialis significatus vocis צדקה supersedere posse arbitror, cum hætenus VITRINGÆ, cum quo postea præ ceteris pugna mihi erit, assentiar, eidemque largiri facile queam, hunc usum vocis צדקה obtinere; sicut & solidissima sunt, quæ de indole & significatu vocis חסד & de differentia ejus ab ipso conceptu vocis צדקה habet *loc. cit. pag. 794 sq.* Eas vero, quas ex priori significatione vocis צדקה speciali, trahit conclusiones, ad determinatam iterum speciem, scilicet Eleemosynam, refellendi statim locus mihi erit.

§. XII. *Conjunctio voc. צדקה cum voc. משפט.*

His de ambitu vocis צדקה disputatis, si ad scopum meum ac dictum, contra MAIMONIDEM vindicandum, propius accedere voluero, addere

addere omnino debeo, observationem IAC. GVSSETII plane singularem, quam habet de copulatione Biblica vocum צרקה & משפט *Comment. Ling. Hebr. p. 710.* Scilicet *phrasin regiam* hæc duo sibi juncta per copulationem vocabula constituere ait, h. e. de functionibus regiis plerumque dici: rationem autem phrasios inde ducit, quoniam משפט ad severitatem exercendam, צרקה vero ad bonitatem sæpius relata reperiantur; regium autem esse, severe punire malos, & benigne subvenire oppressis, hoc quidem solum alios quoque tentare posse, sed illud in sola suprema potestate situm esse, addit. Et recte sese hæc omnia habere, indoles utriusque harum vocum extra conjunctionem non solum docet, sed si jam sint conjunctæ, alio modo sibi invicem ἀντιβῶς opponi (tautologicam enim copulationem, sine ratione quis assereret) non possunt, nisi hoc modo, quo vult GVSSETIVS, cum namque משפט notet *judicium*, quo secundum dictata juris stricti pronunciatum, & jus vere dictum, uti alias, p. 881. monstrat GVSSETIVS, tunc certe צרקה quæ extra conjunctionem, eundem conceptum includit, juncta voci משפט non potest non in sensu specialiori, tali scil. qui contra distinctus est iudicio seu justitiæ juris stricti, h. e. pro æquitate & bonitate accipi. De regiis autem functionibus plerumque dici, sufficientem, ut puto, rationem iterum tradit: quanquam enim omnibus omnino hominibus datum sit, certo modo exercere צרקה & משפט, *eminenter* tamen hoc spectat ad maiestatem Regis, summique magistratus. Accedit inductio locorum, ubi Regibus tribuuntur hæc duo, sic David dicitur administrasse צרקה ומשפט omni populo 2 Sam. VIII, 15. idemque de se proficitur Psalm. CXIX, 121. Quin immo Deus ipse tanquam Rex regum, summo qui gaudet in creaturas jure, se ipsum manifestat עשה משפט וצרקה Jerem. IX, 23. Et Messiam venturum, tanquam firmantem ממלכתו במשפט וצרקה Jesaias Cap. IX, 6. conf. Jerem. XXIII, 5.

§. XIII. *Significatio vocis צרקה apud voc. משפט.*

His fundamenti loco jactis, nunc eo tutius transire licebit ad locum, quem præ manibus habemus, Genes. XVIII, 19. Hic, etiamsi utroque vocabulo צרקה ומשפט rem unam junctim designari, cum aliis Interpretibus plurimis, dicere nihil prohibeamur, tamen si vel maxime distinguenda illa, & distinctim exponenda veniant, nulla tamen necessitate adigimur, ut posterius צרקה ad Eleemosynas præcise restringamus. GVILIELM. ROBERTSONVS in *The-sauro Lingu. Sacr. p. 867.* ita distinguit, ut *justitiam facere* sit, quod verum, rectum, & justum est, facere; amare Deum, eum glorificare, etiam inprimis, tanquam eum, qui justificat improbum; proximum amare, & ejus justificationi operam dare; *judicium facere* autem, discernere veritatem & mendacium, & facientibus veritatem agglutinari, recedere autem a facientibus mendacium. Nos, præmissa συναφεία Textus, ita instituimus, ut GVSSETII vestigiis pressius inhæreamus. Agitur quidem hic, non tam de imperantium, quam civium pariumque officiis, ab Abrahamo familiæ instillandis, sed & hæc ad eundem dispesci possunt modum. Nimirum, si contextum nostrorum verborum, non quidem solum quoad proxima verba, sed quoad totum etiam caput, uti boni interpretis est, circumspeciamus, duo præcipue, hoc capite contineri momenta videmus, *primo* quidem confirmationem promissionis, quæ antea dicta erat de filio e Sara nascituro, *tum* etiam vaticinium de instante incendio urbium Sedom & Gomorra, Abrahamo revelatum ab Angelo ירהו. De hoc altero momento statim causa impulsiva hujus revelationis traditur, hoc quidem sensu: Fortassis, inquit Dominus, miraris, Abrahamæ, quod duo mei comites proficiscantur Sedomum versus, vers. 16. ego vero solus remaneam tecum, clare itaque tibi exponam causam, quomodo enim celare te hanc rem possum, vers. 17. Scio



probe, te, cujus posterius permulti & potentes erunt, vers. 18. omnem navaturum esse operam, ut hoc exemplum, quod in Sedom statueretur, commendetur toti tuæ posteritati, & ab una generatione ad alteram transmittatur, tanquam testimonium iræ divinæ ardentissimæ, ac severissimorum suppliciorum, impiis certo imminuentium, cujus occasione tu præcipies filiis tuis, & domui tuæ post te, ut custodiant viam, seu quod idem est, voluntatem Domini Dei tui, legē patefactam, faciendo justitiam & iudicium vers. 19. Et hoc fit, administrando omnia & singula officia juris stricti, necessaria, ipsa lege omnium insita cordibus, debita, quorum intermissio conscientias reddit ἀναπολογήτως Rom. I. 20. tum sincero erga Deum amore, timore & pietate, tum etiam non fucato erga homines amore, quippe ex quo omnia, quæ ad conservationem proximi faciunt, officia promanant, quo urgente, jus cuique suum tribuitur, omnis vero læsio & injuria, qualis erat חטאת סדם tollitur ac inhibetur: denique etiam exercendo officia æquitatis, honestatis, benignitatis, ad quæ amor proximi quemque obligat, per §. X. adeoque צדקה sunt, uti illa nomine משפט injunguntur. Sequitur tunc ipsa revelatio, de causa perditionis harum urbium, malitia scilicet incolarum gravissima vers. 20. & pœnæ jamjam ab illis ob hanc causam sumendæ vers. 21 sq. Ad hanc explicandi modum, Eleemosynā non omnino excluditur a צדקה hic imperata, sed nec illam solam designat, verum longe patet latius, & ad quæcunque charitatis exercitia refertur. Ita e nostris b. BRENTIUS *Comment. in b. l.* exponit, e Reformatis ANDR. RIVETUS *Exerc. XCIII. in Genes. Tom. I. fol. 360.* per justitiam & iudicium in genere intelligens, quæ a Deo præscripta sunt in utraque legis tabula, duasque illas voces conjunctas, ubi agitur de omnium hominum communibus officiis, id notare censens, quod rectum & justum est; quo comprehenduntur, quæcunque in lege Dei præscribuntur. Sed & in eadem interpretatione acquiescere video Judæo-

rum Magistros. Etsi enim illorum plurimi, qui Genesin commentariis illustrarunt, ABEN ESRA, R. SAL. IARCHI, ABARBANEL, BECHAI, quin & Jalkut SIMEONIS, specialem harum vocum explicationem sicco prætereunt pede, versio tamen Judæo-Germanica, apud VRIEIBSCH impressa, h. loc. ita reddit: *Denn ich weiß, er wird befehlen seine Kinder, und seinem Haus nach ihm, daß sie Gottes Weg sollen halten, und thun was recht und gut ist.* Pariter Commentarius Germanicus Judæorum צדקה ויראתיה inscriptus, vulgo Zenorennā dictus, verba Domini h. l. ita παραφράζει: *Denn Abraham ist fromm, und gebietet seine Kinder מצות והורה*: quo ipso non legis verba solum, sed vel maxime sensum & contenta, intellecta cupit.

#### §. XIV. Locus Jes. I, 27.

Jesaiæ tamen, si minus Mosi, coævam evicturum se credit MAIMONIDES significationem Eleemosynarum, voci צדקה competentem, provocans ad Jes. I, 27. ubi Deus gratiose pollicetur: *Zion במשפט צדקה & revertentes ejus בצדקה*. Hinc enim probaturus instantem Judæorum, quam sperant, liberationem, nonnisi merito Eleemosynarum ipsis procurandam esse, & vulgatum verparum dictiterium: *גדולה צדקה גאולה נאולה* tam magna est Eleemosyna, ut acceleret redemptionem, confirmaturus, vocem צדקה ad stipem erogandam pauperibus trahit. Idem tenent LXX, qui justitiæ vocem ἐλεημοσύνη reddunt, quos securus est CHRYSOSTOMVS. Verum quando hic occurrunt iterum iudicium & justitia sibi juncta, paulo accipienda sunt alio sensu, ac Genes. XVIII, 19. Denuo enim observatione GVSSETII standum, regiam hanc esse phrasin, quod vel ex prædicato haud obscure intelligitur. *כרה redimere, liberum facere* denotat, teste Script. Sacr. usu, & consentientibus LXX Interpretibus, qui hanc vocem per λυτῆσθαι vertunt. Redimere vero nemo potest, nisi qui viribus pollet plane singularibus, quales sunt imperantium. Idque si

de redemptione corporali fit sermo, ab hominibus præstanda. Hic vero Deus redimit, eaque redemptio est spiritualis, quod scopus totius huius capitis, sive concionis, & cumprimis v. 24. liquido ostendit. Hortatur Iesaias, mandato divino, Zionem sive populum Israeliticum ad poenitentiam, ita, ut initio peccata eorum reprehendat, deinde rejiciat iustitiam eorum hypocriticam, sacrificiorum copia, cultusque externi, ex opere operato præstiti, frequentatione jactatam, tunc exigat veros fructus poenitentiae, bonaque opera, postremo corruptioni eorum aliud promittat remedium, nimirum spirituale illam, magnam redemptionem, per *judicium & iustitiam*, adventu Messiae revelandam, ita ut שבים *revertentes*, pii servantur, impii vero intereant, uti accurate docuit BRENTIVS *Comment. in Jes. ad b. l.* Deus itaque redemptor est, הארון יהוה צבאות אב יר ישראל vers. 24. æque ut infra Cap. XLV, 25. Propheta inquit: *in Jehova justificabitur & gloriabitur totum semen Israelis.* Non ergo, redemptio illa Zionis, merito iustitiae, quam fecerit Israel, accepta erit ferenda, quod R. SALOMO, R. DAVID KIMCHI, & ceteri Judaeorum Interpretes hic somniant, nec merito Eleemosynarum, juxta MAIMONIDEM, sed immensae bonitati ac misericordiae divinae, per Hof. XIV, 3. Mich. VII, 18, 19. &c. Hanc vero dum futuram Deus promittit per *judicium & per iustitiam*, particula כ *modum* redemptionis indicat, qui tantum abest, ut vel iustitia operum sit futurus, vel Eleemosyna, sed potius *judicium*, quo Deus damnat peccatum, peccatorem, & omnem iustitiam mundanam, & sic demonstrat sanctitatem suam, & per *iustitiam*, illam nimirum, quæ coram Deo valet, & per quam nos ipsi reddimur iustitia coram Deo, 2 Cor. V, vers. ult. quamque Christus perfectissima legis impletionem pariter, ac passionum mortisque tolerantia præstitit absolutam, numerisque omnibus perfectam. Conf. Jes. XI, 5. LIII, II. Ita Christiani Interpretes passim illustre hoc vaticinium, & recte quidem exponunt, in quibus recentissime VITRINGA

hoc comma ex præcedente vers. 26. eleganter declarat, & per iustitiam & iudicium intelligenda παθήματα J. C. quatenus iis facta est ενδειξις τῆς δικαιοσύνης τῆ Θεῶ, Rom. III, 25. fuscè demonstrat.

#### §. XV. *Alius locus Jesh. LIV, 14.*

Idem Propheta Cap. LIV. vaticinatur de felicitate spirituali Ecclesiae N. T. fructuque, quem ex præstita & peracta redemptione Christi, juxta Cap. præced. LIII. sit perceptura. Hinc fausta illa acclamatio vers. 1. *letare sterilis &c.* palmarium constituit tractationis illius momentum, per totum caput reliquum uberius & κατὰ μέγος declarandum. In felicitatis autem istius spiritualis partibus, haud infimum tenet locum ea, quam commate 14. pollicetur. בצרקה תכנני *in, sive, per iustitiam firmaberis.* Sed qualis hic iustitia intelligenda veniat, de eo non satis convenit inter Interpretes, quorum tamen nullus, quod iterum Judaei somniant, hic invenire sibi visus est. Ipse VITRINGA, qui in hoc argumento a partibus stat Judaeorum, hæc verba longe aliter, quam de Eleemosynis, sumenda docet, modo laudato *in Jeshaiam Comment. in b. l.* Tres affert explicationes, & per iustitiam intelligi hic loci posse ait, vel obedientiam Jesu Christi, totius Ecclesiae basin, vel regimen iustum, sub quo nulla timenda oppressio; vel denique iustitiam, h. e. studium omnis virtutis, ab incolis hujus spiritualis Hierosolymæ colendum & exercendum. Mediam harum explicationum eligendam censet, ideo, quia hæc iustitia opponatur עושק *oppressioni*, insuper quoque supponatur Ecclesia hæc, jam liberata & vindicata, in statum libertatis & salutis posita. Neque refragari adeo huic interpretationi, meum est, quamvis etiam de iustitia Christi commode accipi possit, cum VARENIO *ad b. l.* Mihi sufficit, quod Eleemosynæ significatus a nemine Interpretum, præter MAIMONIDEM, hic obrudatur, nec salva sensus amplitudine in Textu locum habere possit.



§. XVI. *Locus* Psalm. XVII, 15.

Vnicum adhuc locum, quem allegat MAIMONIDES ad probandam suam sententiam, quam nihil hæc allegatio probet, nisi iudicium Rabbincum, inspicere liceat. Sunt verba Davidis Psal. XVII, 15. in quibus צַדִּיק non potest significare Eleemosynas, quoniam plane non extat in hoc toto versu: adest quidem בָּצָר *videbo faciem tuam*. Vbi traditionem habent Iudæi Talmudistæ, sic R. BEN SYRAE *Perusch. IO. Alph. I.* dicente: Hebræorum senes referre, Davidem quotidie fecisse Eleemosynas, hinc quoties in Synagoga ivisset, dixisse: in iustitia videbo faciem tuam, h. e. in Eleemosynis. Tale vero figmentum pari, qua excipitur, explodi quoque facilitate poterit, nec contextui psalmi responderet. Contra vero ea, quod probe observavit MART. GEIER *Comment. in b. l.* abstractum cum præfixo ב ponitur pro concreto, vel adjectivo, ut quemadmodum *consiliarius בשכל in intelligentia*, i. e. ac intelligens I Par. XXVI, 14. *vox Domini in vehementia* i. e. ac vehemens, Psal. XXIX, 4. ita ego in iustitia perinde sit dictum, ac ego justus ac innocens, ratione hujus persecutionis & calumniarum, *intuebor faciem tuam*, quæ hæcenus a me absconsa fuit; quanquam non desint, qui cum b. HENR. HOEPFNERO in *Commentario MSCto in b. l.* iustitiam imputatam hic quoque intelligant, ut fide in Messiam justus coram Deo reputatus David, & præmiis temporalibus atque æternis dignus habeatur. Malim tamen priori inhaerere sententiæ, quæ iustitiam causæ coram hominibus, tribuit Davidi. Porro *visio vultus divini*, quam sibi pollicetur justus ille, cum de gratioso hujus vitæ, tum de glorioso aspectu futuræ, exponi potest. Vultus enim, quæ serenus est, symbolum est favoris, & per metaphoram Deo accommodatur, ad significandam ejus gratiam sive misericordiam, quam videndam præbet in verbo & sacramentis, tanquam in speculo, I Cor. XIII, 12. quamque ipso demonstrat opere, cum expetitam speratamque fert opem, suosque solatio, auxilio, &

gaudio spiritali refocillat. Cumprimis autem visio vultus Dei, eaque beatifica expectatur in altera vita. Et ad hanc cumprimis spectare videtur verbum בְּחַקֵּי in *evigilare*, h. e. postquam evigilavero a somno mortis, in futura resurrectione. Quamquam & istud a visione gratiosa, quam diximus, non omnino sit alienum. Somnus enim alius crucis est, quando pii calamitatibus, velut densa nocte oppressi jacent, ita ut gratiam divinam in cordibus, tam manifesto non sentiant, & videantur sibi a facie Dei projecti; expergiscuntur autem, quando gratiæ divinæ radiis denuo collustrantur, novaque solatii & auxilii perfunduntur luce. Ut ille ex his omnibus prodeat verborum sensus; ego vero, licet ab hostibus impiis, qui rebus tamen utuntur secundis, contemtum habitus, & tantum non oppressus, justus tamen coram hominibus, atque innocens in hac causa, vultum tuum gratiosum, super me denuo exsplendescentem intuebor, & hic quidem interno cordis solatio & gaudio, externaque ope vultus tui recreabor, demum vero in perfecta & numeris omnibus absoluta beatitudine Spirituum perfectorum (Hebr. XII, 23.) a facie ad faciem te videbo, quum post consummatum mortis somnum, in læta justorum resurrectione evigilavero ad imaginem tuam, plenissime in me restaurandam. Vnde apparet, nullum significationi Eleemosynarum in hoc dicto superesse locum.

§. XVII. *Alius locus* Psalm. CXII, 9.

Feliciori profecto ingenio, hanc Judæorum sententiam tuetur e Christianis Vir laude nostra major, CAMP. VITRINGA, qui partim argumenta Biblica Judæorum maxime speciosa, sua facit, partim nova addit, *Traët. de Synagog. Veter. L. III. P. I. C. 12. p. 739 sqq.* Non absque omni ratione profert versum nonum Psal. CXII. Ex quo id saltem probare satagit, quod צַדִּיק *justitia ejus*, scil. pii, qui *dispergit, dat pauperibus*, hoc loco sumatur pro actu illo, quo quis pauperibus opitulatur. Nihil enim evidenti-  
esse

esse pronunciat, quam actum illum dispergendi (liberaliter erogandi egenis etiam ignotis) & pauperibus dandi, hic vocari iustitiam, quæ in perpetuum dicatur permanens, h. e. cuius actionis piæ fructus in omnem æternitatem sit duraturus. Sed paulo curatius in hanc evidentiam inquirere licebit. Ita concludit Vir doctissimus: quoniam vocabulum צרקה immediate sequitur actum pauperibus dandi, duobus vocabulis synonymis jam expressum; ergo hoc ipsum vocabulum צרקה denotat hoc loco hunc actum dispergendi & pauperibus dandi. Ne probabilem quidem, multo minus evidentem video huius argumenti nexum. Ex contextu quidem sensus vocum eruendus est, sed hic ipse ex utraque parte contrariatur potius, quam favet VITRINGÆ. Præcedunt duo verba פור & נתן, utrumque denotat actum dandi pauperibus, quamvis etiam hæc duo ne de solo quidem actu dandi pauperibus, aut de largitate in communicandis solis bonis terrestribus cum egenis, sed de omni *χαρίσματος*, omni studio in proximum collato, accipi posse haud inepte contendat IOH. SOCCÆIVS ad h. l. Quare vero tertium synonymum itidem actum hunc exprimens addatur, non video. Obstat sane suffixum י, pro quo si esset ה demonstrativum voci צרקה præfixum, tunc paulo firmior esset sententia VITRINGÆ. Suffixum autem satis probat significationem generalem; cum י eius non respiciat actum dispergendi, sed pium ipsum, qui dispergit, eo quidem sensu: disperfit, dedit pauperibus, iustitia ejus, quam hoc ipso dispergendi & dandi actu demonstravit, permanens est in perpetuum. Adeoque distincta satis sunt iustitia, sese manifestans hoc vel illo actu, & ipse actus, quo manifestatur iustitia. Etsi etiam cum GEIERO, aliisque plurimis Interpretibus, concedamus explicationem צרקה per *beneficentiam*, nihil inde nostræ decederet sententiæ. Non enim omnis beneficentia, aut omnis æquitas, hoc actu dispergendi, & pauperibus dandi, absolvitur. Quanquam etiam nihil prohibet, quo minus hic æque ac vers. 3. illius Psalmi, intelligatur

iustitia generalis, quatenus in regenitos & renovatos cadit, vel quod idem est, omne bonum opus, collective sumtum, uti vult IVNIVS ad h. l. Sunt enim hæc phrasæ exactissime parallelæ, ut recte inde colligatur, eodem utrobique sensu vocem, phrasinque esse sumendam. Prædicatum עמרת לער patitur non solum explicationem VITRINGÆ, hoc modo: fructus huius piæ actionis in perpetuum est duraturus; sed & scopus totius psalmi hunc ipsum sensum suadet. Continentur nimirum eo *μακαρισμοί* duo, alter vers. 1. *beatus vir timens Dominum*, cuius beatitudinis rationes vers. 2, 3, 4. afferuntur, inter quas illa quoque vers. 3. *iustitia ejus permanens est in perpetuum*, alter vers. 5. *beatus misericors*, & huius beatitudinis iterum adducuntur rationes, versibus sequentibus usque ad finem, quarum illa vers. 9. iterum est: *iustitia ejus stabit in perpetuum*. Vtrique ergo hæc iustitia habet promissionem remunerationis gratiosæ perpetuæ. Nihil tamen hoc consensu damus sententiæ contrariæ, cum, licet demus, iustitiam & benignitatem munifici & pii, stabilem mansuramque post se trahere remunerationem, inde tamen nondum sequatur, voce צרקה Eleemosynas designari: id quod proprie erat demonstrandum.

§. XVIII. Collatio cum loco Pauli 2 Corinth.  
IX, 2.

Et sic quoque Paulus, allegans hunc locum 2 Corinth. IX, 9. a partibus nostris stabit. Verba ita habent: *καθὼς γέγραπται ἐσκόπεισεν, ἔδωκε τοῖς πένησι, ἡ δικαιοσύνη αὐτῆς μένει εἰς τὸν αἰῶνα*. Vbi non nego, IOH. HENR. HEIDEGGER. in *Analysi exegetica ad h. l. pag. 246.* pro VITRINGA pronunciare: *Eleemosyna iustitiæ nomine venit, quia iustitiæ, charitatis imprimis, fructus est*. Verum hæc nondum evincunt, etiam Paulum h. l. *δικαιοσύνην* Eleemosynarum notione adhibuisse. Cur enim non *ἐλεημοσύνην* potius dixit Apostolus, si illam indigitavit, sed inusitata *δικαιοσύνης* voce expressit? sed nec ista



ista mens Pauli, circa hanc vocem fuit. Eodem omnino scopo hæc verba allegat, quo protulit David. Exhortaturus quippe Corinthios, ad promptam largamque Eleemosynarum collectionem, inter cetera adhortationis suæ argumenta hoc Davidis urget oraculum, quo suis persuadeat, sese justitiæ suæ, ejus haud exiguum pia illa liberalitas præbeat documentum, fructus constantes uberrimosque esse percepturos. Clariss. HERMAN. REINERS in *Exercitatione de vocum Justi & Justitiæ multiplici sensu*, quæ *Biblioth. Bremens. Class. VI. Fascicul. III. n. I. p. 385 sqq.* legitur, §. 9. p. 405. copiose in hunc locum inquit, justitiamque a Paulo ex Davidis oraculo commemoratam vel de omni opere justo ex vers. præced. vel de justitia Christi fide apprehensa, & de jure restipulandi promissa bona fæderalia, vult exponi. Nos priori explicationi inhærentes, proprietatem vocis δικαιωσύνης urgemus, & in illa acquiescimus.

§. XIX. *Locus Dan. IV, 24.*

Præcipuum sententiæ suæ robur collocat VITRINGA in Danielis cap. IV, 24. *Quare, rex, consilium meum tibi placeat, ut peccata tua in justitia abrumpas, & iniquitates tuas in miseratione afflictorum: si futura sit diuturnitas tranquillitati tue.* Hic ille Achilles est, quo nituntur ac ferociunt Judæi, & qui cum illis eidem patrocinantur opinioni. Hic enim in vocabulo צרקה invenisse sibi videntur, actum pauperibus dandi, immo donum ipsum. Nec nego, in eundem sensum verba arripuisse LXX, qui vocem justitiæ vertunt εν ελεημοσύνης. Sed explofit hanc sententiam omnium novissime D. IOH. HENR. MICHAELIS *Annot. uberior. ad Hagiogr. in b. l.* quatuor potissimum argumentis. Posse quidem, ait, Eleemosynas vocari צרקה, sicut & Syris, Arabibus, Chaldæis, atque Rabbinis vocatur, quoniam, si per fidem fit, justitiæ argumentum & fructus est. At vero in quæstione jam non est, quid fieri possit, sed quid factum fere sit. Et tunc recte huic loco significatum justitiæ asserit, 1) quia is est proprius &

nativus huic voci, ex ipsa ejus, quam habet, etymologia: 2) fundatus est in usu Biblico, cum e contrario Eleemosynæ notionem, si controversum hunc, de quo sermo est, locum excipias, nunquam vox ista in Sacro Codice habeat; quæ ratio tam diu inconcussa stat, donec probeatur contrarium: 3) accommodatio personæ, ad quam hic sermo instituitur; quamvis etiam liberalitas maxime erga pauperes regem omnino deceat, tamen apprime justitia ei convenit, & quasi propria virtus est: 4) aptius responder antitheto, peccatis, quicquid peccatis contrarium est, notatur, nempe justitia tum generalis sive boni & recti studium, tum specialiter dicta, seu ea, quæ suum cuique tribuit. Liceat addere quintum argumentum, æque profligans sententiam Judaicam, si reliquis jungatur. Scilicet duo conjungit Daniel, justitiam, & beneficentiam erga pauperes, uno eodemque versu: hæc si sumantur ex hypothesi Judaica, sensu plane synonyma forent, quæ tamen synonymia esset omnino otiosa & tautologica, si ne accidentali quidem differat ratione, quales in sacris literis non sunt citra necessitatem fingendæ. Sed nec locum tuebitur explicatio isthæc synonymica, si & rite applicuerimus ea, quæ sparsim annotavit Celeber. MICHAELIS, & verba ipsa paulo attentius fuerimus contemplati. Probe utique tenendum circa vocem פרק / illam notare *abrumpere*, redimendi autem significatum plane non admittere, licet hunc ipsi tribuant in versionibus suis Interpretes, Vulgatus, Græcus, Arabs, Syrus, idque ex usu quidem Chaldaico, sed omnino perperam, quia nusquam in Scriptura Sacra peccata hominis dicuntur redimi. Confirmat eandem observationem IAC. GYSSSETIUS, concedendo quidem huic voci notionem *redimendi*, usu Chaldaico, sed rem redemptam in omnibus a BUXTORFIO in *Lex. Talm. Chald.* allatis exemplis, quibus obtineat significatus redimendi, semper personam, aut rem, uti loquitur, substantialem esse constituendam, nusquam vero peccata, vel debita, vel pœnas, confidenter pro-

pronunciat, atque sic nostrum quoque locum vindicat *Comment. Lingu. Hebr. sub voc. צרק*. Contra vero, *abrumpendi* notio ex locis verbi parallelis constat. Pari enim sensu adhibetur Genes. XXVII, 40 de jugo, quod a cervicibus vi excutitur: Exod. XXXII, 3 de ornamentis aureis, quibus Israelitæ se spoliassent, & quæ ab auribus avulsisse leguntur, ut Aaroni traderent, in vitulum aureum conflanda: Ezech. XIX, 12. de fructibus, qui ab arbore diripiuntur: Zachar. XI, 16. de animalium ungulis, quæ confragosa locorum asperitate abrumpuntur. Hinc collige, id intendere consilium Prophetæ, ut quemadmodum aures ornamento orbatæ, arbor fructibus spoliata, animalia ungulis destituta, collum jugo ereptum, ab illis rebus libera atque immunia deprehenduntur, quæ vel ornatum atque commodum, vel detrimentum sua præsentia attulisse videbantur; ita opus esse Nebucadnezari, ut peccata, quibus hætenus, vel tanquam superbæ alimentis, vel tanquam voluptatum illecebris, vel tanquam tyrannidis sive incitamento, sive instrumento, plus justo indulgerat, quam possit, occissime a se abrumpat, avellet, & abjiciat, nisi velit, ut jugum, quo aliis hætenus gravis fuerat, proprias illi fauces elidat. Fuerant autem חטאת *peccata*, quæ abrumpenda suadet Daniel, & quibus subordinate addit עוונות *iniquitates*, superbia, tyrannis, injustitia, sævitia, defectus misericordiæ benignitatisque, dum forte enormibus oneravit tributis subditos, afflixit viduas, & paupertatis eorum causam præbuit, quæ vitia Nebucadnezari vere adhæsisse, tradit FRANZIVS *Tract. de Interpret. Script. Sacr. p. 529*. His ergo justitiam, moderationem, æquitatem, & clementiam erga afflictos & oppressos opponit Propheta, suadetque, ut *peccata justitia abrumpat*, & qui hætenus pendenda morum corruptela, extremam Numinis offensam incurrerat, vitæ in melius mutatione, peccatorum filum abrumpat, & in eam invigilet curam, ut æquitate & justitia præcedentem vim ac tyrannidem, benefactis & liberalitate, avari-

tiam superiorem ac oppressionem egenorum superet aut penfet.

### §. XX. Loci alii citati.

Sufficere hæc ad evertendam hypothesin Judaicam de origine appellationis Eleemosynarum צרק prorsus confido. Quæ enim alia ex Proverb. XI, 18. Hof. X, 12. Proverb. XXI, 21. Deut. XXIV, 13. ex Jes. LVIII, 8 &c. a R. ELIA LEVITA, a VITRINGA, & ceteris hypotheseos istius patronis in eundem sensum proferuntur loca, quin & ab ipso GEIERO in *Comment. ad Daniel. IV, 24*. item a BVXTORF. *Lex. Talm. sub voce צרק* & a GVSSETIO *sub ead. voce* exemplorum vice citantur, ex dictis facile dijudicari possunt. His enim excutiendis, amplius immorari, brevitatis studio prohibemur.

### §. XXI. Locus Matth. VI, 1. adjectus.

VITRINGA, aliis adhuc instructus argumentis, impugnât PRIDEAVXIVM, & cum hic statuisset, appellationem Eleemosynarum צרק eo demum tempore, quo Talmudici constitutiones suas traderent, obtinuisse, ille tantam huic appellationi assignat antiquitatem, quæ si non coævâ ipsi Sacro Codici, certe parum ab illo sit remota. Ego vero quamquam assertionem PRIDEAVXII hanc, absolute quidem defendendam mihi non sumam, id tamen, quod supponit VITRINGA, probare non possum, neque vim argumentorum, quæ profert, sentio. Id quidem, quod intendat defendendo antiquitatem significationis צרק pro Eleemosynis, facile auguror. Juvare hoc videt ipsa argumenta Biblica, ut si concedatur antiquitas denominationis modo dictæ Sacro Codici coævâ, nulla prægnans satis suppetat ratio, cur ipsam in Sacro Codice etiam inveniri, negare quis auit. In hunc itaque finem urget lectionem variantem, Matth. VI, 1. προσέχετε τὴν ἐλεημοσύνην ὑμῶν μὴ ποιεῖν ἕμι- προσθεῖ τῶν ἀνθρώπων. Vbi in probatissimis  
Ααα αα &



& antiquissimis quibusdam Codicibus pro ἐλεημοσύνην, uti hodie omnes fere editiones, excepto BEZA, habent, esse δικαιοσύνην dudum viri eruditissimi observarunt. Inde infert VITRINGA, jam ætate Christi vocabulum תְּרֵצָה familiari & frequente sermonis usu receptum fuisse pro Eleemosyna, cum δικαιοσύνην hoc loco pro Eleemosyna positum esse, nemo negare possit. Pariter sollertissimus MILLIUS non dubitat, quin Matthæi תְּרֵצָה δικαιοσύνην reddiderit. Interpres, & ἐλεημοσύνην, e margine Codicis cujusdam in Textum irrepsit. Supponit enim, Matthæum Hebraice scripsisse, unde conversum ab alio sit ejus Evangelium in sermonem Græcum. Sed ut istam quæstionem, ab instituto quippe alienam, nunc procul habeamus, utraque lectio suos nacta est defensores. δικαιοσύνην, post BEZAM, tuentur VITRINGA p. 783 sqq. & b. noster GOTTFR. OLEARIUS *Observat. XVIII. in b. l. Matthæi, §. 1. & 2. 'Ελεημοσύνην* LIGHT-FOOT. in *Hor. Hebr. & Talm. ad b. l.* ERASM. SCHMIDIVS *Not. in b. l.* ubi BEZAM copiose refutat, & laudatus ante CLAR. HERM. REINERS c. I. §. X. p. 410. Nec satis causæ est, cur a trita ἐλεημοσύνης lectione recedamus. Legerint duo Codices, a BEZA consulti, alteram vocem, illi nec ætate, nec numero, nec auctoritate reliquos vincunt Codices, æque vetustos, qui consentientem in STEPHANICIS, ALDINIS, ERASMI, & ceteris editionibus lectionem, quam nos tuemur, confirmant. Ut satis temerarie & gratis asseratur a VITRINGA, quod Codicibus minoris auctoritatis & antiquitatis hanc vocem, nunc insertam videamus. Ipse non diffitetur BEZAM, plures vetustos Codices ἐλεημοσύνην legere, & ROB. STEPHANVS, licet in catalogum variantium lectionum δικαιοσύνην intulerit, Textui tamen inserere non fuit ausus. Sed nec contextus aliam, quam ἐλεημοσύνης, hic patitur vocem. Liquido enim de una eademque re, eademque exprimenda voce, prioribus quatuor commatibus præcipit Salvator, circa quam nunc fugienda cavendaque prohibet, nunc observanda jubet. Cum itaque singulis versibus ἐλεημοσύνην

nominarit, cur non æque primo? aut num rite se haberet oppositio commatis 1. & 2, nisi utrobique eadem vox legatur, circa quam versatur ἀντίθεσις? Cum ergo & Codicum numero atque consensione, hæc lectio alteram vincat, & a contextu omnino exigatur, & proprietati linguæ Græcæ exactius respondeat, quid demum nos moveat, ut pro altera illa calculum feramus? Non certe Patrum quorundam, ne sibi ipsis quidem hac parte constantium, auctoritas, qui vel corrupto ejusmodi uti potuerunt Codice, vel ex LXX Interpretum Græca translatione, cujus dictioni adfuerant, promiscue utramque vocem usurpare. Et credendum omnino, sciolum quendam, ex promiscuo δικαιοσύνης & ἐλεημοσύνης in versione Græca usu, ad marginem illam vocem, ceu æquipollentem allevisse, quæ posthæc genuinam & primariam lectionem, librorum imperitia, in paucis quibusdam Codicibus, loco movit & e Textu ejecit. Quæ cum ita se habeant, ut habere persuasi sumus, istud quidem VITRINGAE argumentum prorsus evanescet.

§. XXII. תְּרֵצָה in libri TOBIAE versione Hebraica.

Aliam, sed imbecilliolem longe, rationem depromit VITRINGA ex versione Hebraica libri TOBIAE, in qua aliquoties occurrat vocabulum תְּרֵצָה tam apposite pro Eleemosynis usurpatum, Cap. II, 14. IV, 8, 9, 10, 11. XII, 9. ut nullum ipsi sit dubium, quin in editionibus Chaldaicis priscis, omnino iisdem locis repertum fuerit. TOBIAE autem librum ante ætatem Christi Domini compositum & Chaldaice exaratum censet. Nostrium nunc non est, per singula eundo loca, curatum eorum examen instituere, & dispicere, quo jure, quave injuria, in TOBIAE Hebræo, תְּרֵצָה, Eleemosynæ notionem sustineat: id enim nunc nihil facit ad rem. Sufficit Hebraicam libri versionem, Apostolorum ætate longe sequiorem, & recentiorum omnino esse, ac vulgo creditur, ut nihil ex illa solidi,

solidi, de phraseologias ætate, concludi queat. Ipsum autem VITRINGÆ argumentum, ex arena funiculum nectit, merisque innixum conjecturis, prorsus nihil evincit. Quæ enim ista est consequentia: quia vocabulum **קָרָצַ** tam apposite ad Eleemosynas in recentiore versione Hebraica est accommodatum, colligi datur, idem in Chaldaica editione iisdem in locis comparuisset? Quis argumenti hujus nexus, quæ sequelæ necessitas est? Aequè certe probabile est, extitisse in Chaldaico exemplari **ענין חנינה** / uti Daniel. IV, 24. legitur, quod Hebræus Interpres suo tempore, quo dudum invaluerat usus vocis **קָרָצַ** pro Eleemosyna, tam apposite, tamque signanter per **קָרָצַ** vertere potuit, quam si hæc ipsa vox in Chaldaico idiomate fuisset adhibita. Non vero ita, ut in Daniele, sed reapse **קָרָצַ** Chaldaicum **τοβίαν** legisset, nunc demonstrandum erat doctiss. adversario, nisi τὸ ἐν ἀρχῇ λαμβάνειν velit videri.

§. XXIII. An **קָרָצַ** in versione τῶν Ὁ'?

Verum omnem exceptionem superare pronunciat doctissimus Synagogæ Veteris conditor, quod LXX Interpretes vocabulum **קָרָצַ** tam in lege Mosæica, quam in ceteris Vet. Test. libris aliquando verterint per **ἐλεημοσύνην** misericordiam a Deo exercendam, immo & per **ἐλεημοσύνην**, vera notione *eleemosyna*, quomodo nunc a nobis accipitur, pro dono nimirum in pauperem, ex misericordia, collato. Et hoc sane argumentum omnium maxime stringeret, ac antiquitatem tantam vocis **קָרָצַ** pro Eleemosynis usurpatæ, quantam illi dat VITRINGA, evinceret, si ultimum assertionis suæ momentum, extra dubitationis aleam posuisset. Demus autem ipsi, versionem illam Alexandrinam, licet diversis temporibus, nec ab uno auctore concinptam, ante tamen ætatem Christi absolutam fuisse universam: largiamur etiam, τὰς Ὁ. **קָרָצַ** in codice Hebræo, sæpe reddidisse **ἐλεημοσύνην**, immo & in illis locis, in quibus aptius **δικαίωμα** quadrasset, ut Deut. XXIV, 13: fateamur deni-

que, hanc translationem hæud raro hebraizare, seu dictione uti ejusmodi, quæ & in structura atque compositione, & in nova vocibus indita significatione, indolem sermonis Hebræi nimum quantum, interdum etiam contra nativum linguæ Græcæ genium, sectatur, uti fufius hæc docuit Præses Critic. Sac. Codic. Hebr. P. II. C. II. Sect. I. §. 5. ἐκθ. 3. p. 508. Ille tamen adhuc me vellicat scrupulus, quod, quæ dicit de vera notione Eleemosynæ, quomodo nunc a nobis accipitur, pro dono scilicet in pauperem, ex misericordia collato, nondum demonstratum dederit. Vnum instar omnium, producit exemplum, ex Daniel. IV, 24. τὰς ἀμαρτίας σὺ ἐν ἐλεημοσύναις λύτρωσαι, ubi Chaldaicum **קָרָצַ** **ἐλεημοσύνας** reddiderunt. Cum autem vocis **קָרָצַ** sensum, in hoc Danielis loco, paulo ante declaraverimus, eumque non de stipe, pauperibus eroganda, verum de benignitate, clementia, & moderamine imperii ac morum accipiendum, pristinaeque arrogantia, tyrannidi, ac injusta oppressioni opponendum esse edocuerimus, satis hinc patet, nihil ad rhombum facere hoc exemplum, quod **ἐλεημοσύνην** quidem a τοῖς LXX pro **קָרָצַ** positam, eamque notione misericordiae & benignitatis (qua sæpe etiam de Deo hoc vocabulum usurpant Alexandrini) hic adhibitam demonstrat, in proprio autem, donorum in pauperes collatorum, sensu usurpatam ab ipsis fuisse, nondum evincit. Ea enim significatione vocem **ἐλεημοσύνης** Interpretes ibidem pro **קָרָצַ** posuerunt, quem textus authenticus requirit, cui illi operam navabant, non quem viri docti τῇ ὑποθέσει δαλεύοντες, eidem hodie injungunt.

§. XXIV. Vocis **קָרָצַ** genuina origo, ex mente LIGHTFOOT.

Sed quis in tanta rerum caligine certi aliquid de prima hujus appellationis origine definire præsumat? Accedamus potius ad veram hujus denominationis mere Rabbinicæ, uti jam liquet, rationem, & tunc fortassis, de incunabulis



lis ejus, hariolari aliquid inde licebit. LIGHT-FOOTVS causam, quæ moverit Judæos Talmudistas appellare Eleemosynas צרקה / in superstitione eorum quærit, quod passim crediderint, in Eleemosynis vel maxime repositam esse causam suæ justificationis coram Deo: *Hor. Hebr. Talm. ad Matth. VI, 1. Et ad Luc. XI, 41.* denuo pronunciat, fontem phariseos esse perversum illud dogma, de merito bonorum operum, cum primis Eleemosynarum, quod testimoniis Talmudicis, de justificatione & expiatione per Eleemosynas, cumulate allatis demonstrat, idque tam alte animis ipsorum inhæsisse docet, ut in ejus gratiam, innumera Script. S. loca, ubi celebrantur laudes & beatitudines justitiæ, ex præjudicata opinione, ad Eleemosynas, illi applicarent.

§. XXV. ex sententia VITRINGAE.

Hæc etsi non sine magna veri dicuntur similitudine, multosque in eandem, cum LIGHTFOOT, sententiam pertraxerunt, VITRINGAE tamen non satisfaciunt, qui propiorem, non ex opinione vulgi petitam, sed ex ipsa vocis צרקה indole, & ex conceptu ejus reali, invenisse sibi visus est. Prolixe in hunc finem pag. 789 seq. commentatur, vocem צרקה in Script. S. haud raro latius accipi, & benignitatem ac misericordiam significare, cum stricte alias pro justitia ponatur: hinc facile consequi existimat, quod quis μετοnymικῶς partim actum, quo quis stipem erogat pauperi, partim donum ipsum in pauperem collatum, insigniverit titulo צרקה misericordiae, liberalitatis. Huc redeunt, quæ fuscè disputat de origine hujus metonymicæ, quam dicit, significationis. Et recte quidem concluditur, quod si צרקה interdum usurpatur pro misericordia, pro liberalitate, pro beneficentiâ, pro æquitate, cur non & metonymice pro actu misericordiae, liberalitatis, æquitatis, beneficentiæ, immo & pro dono, quod confertur ex misericordia, adhiberi interdum potest? Recte quoque asseritur a IOH. GREGORIO, DRVSSIO, PRI-DEAVXIO, BVXTORFIO, COCCEIO, quos

citat VITRINGA, quod Eleemosyna vocetur justitia, quoniam justum est pauperibus dare. Verum ista ex mente quidem tantorum virorum dicuntur e Christianis, non item ex intentione Judæorum, quam ex omnibus allatis ipsorum testimoniis, & effatis evincere nondum potuit VITRINGA.

§. XXVI. ex nostra sententia.

Propius itaque ad mentem Judaicam accedere sententia LIGHTFOOTI, nostrum jam erit disquirere, & probationem, qua eam firmat, sub examen vocare, ut demum veram hujus notionis, quo Rabbinis vocabulum צרקה pro Eleemosyna venit, causam & originem eruamus. Palmarium, quod in aciem producit, argumentum LIGHTFOOTVS, petatum est a superstitionissimo & corrupto Judæorum dogmate, de merito Eleemosynarum. Et sane rem fere omnem conficit hoc argumentum, maximamque allatæ hypothese conciliat probabilitatem, modo vis ejus satis explicetur, quam ipse quidem LIGHTFOOTVS non adeo persequitur. Ad duo potissimum momenta redit probatio, quorum prius est: an Judæi in Eleemosynis quæsierint causam justificationis suæ coram Deo? posterius: an צרקה aliquando a Judæis accepta sit pro causa impetrandæ coram Deo misericordiae, aut justificationis? quæ si fuerint expedita, nihil planius tunc fluere, quam quod Judæi Eleemosynas vocaverint צרקה tanquam causam justificationis, mihi quidem videtur. Certe, quoad prius membrum probandum, hæc doctrina, quam alte infederit animis eorum, loquantur, innumera Talmudicorum scriptorum loca, quæ LIGHTFOOTVS *Hor. Hebr. & Talmud. ad Matth. VI, 1.* larga manū suppeditavit, unde transcribere, cum liber in omnium sit manibus, merito superfedemus. Nos, primo, in genere observamus, quod ex R. IOSEPHI ALBO *Ikkarim Orat. IV. C. 36.* constat, Judæos, ut malis operibus poenam, sic bonis mercedem, apud Deum statuere, temporalem & æternam, sed cum

cum hoc discrimine, ut utramque retribuat vel *לפי שורת הדין* ex ordine iudicii, vel *על צר החסר* pro ratione misericordiae. Quando Deus agit juxta ordinem iudicii, tum poena malis operibus debita est *נצחיו* aeterna, merces bonis operibus debita *זמניו* temporalis, non aeterna: contra vero ea quando Deus agit pro ratione misericordiae suae, poenam malis operibus irrogat temporalem & finitam, mercedem bonis retribuit aeternam & infinitam. Cum itaque solos Judaeos Deus citet ad thronum gratiae, gentes autem omnes, haereticos, Epicureos, Karraōs, & Sadducæos ad thronum iudicii, hinc soli Judæi, qui Judaicæ fidei fundamentis constanter adhererint, mercedem Eleemosynarum quoque aeternam referunt, & infinitam, coram throno misericordiae, cum Gentilium Eleemosynis nonnisi temporalis merces constet. Quod enim *גוי* quoque bonorum operum aliquam consequantur mercedem, in MENASSEH BEN ISRAEL *Conciliator. Quest. II. in Deuter.* copiose demonstrare satagit. Jam quod ad Eleemosynas attinet, iis virtutem justificandi & salvandi tribuere Judaeos, ex *Bava Bathra* liquido constat, ubi Eleemosynam eripere hominem ex morte & iudicio Gehennae fol. 10. a. lin. 3. & *מצריקי* ex Daniel. XII. *eleemosynantes*, h. e. eleemosynas copiose largientes, *fulsuros sicut stellas in aeternum*, fol. 8. lin. 3. *eleemosynam expiare Israelem*, fol. 10. b. lin. 4. & *appropinquare facere redemptionem*, ibid. col. a. lin. 12. tradunt. Sic in *Berachoth* fol. 55. col. 1. (quod testimonium etiam apud LIGHTFOOTVM legis) mensa hominis per Eleemosynam nunc æque expiat, sicut olim altare per sacrificia. Et quid dici posset in hanc sententiam clarius, quam quod Tob. XII, 8, 9. legitur: *καλὸν ποιῆσαι ἐλεημοσύνην, ἢ θησαυρίσαι χρυσίον. ἐλεημοσύνη γὰρ ἐκ θανάτου ῥύσεται, καὶ αὕτη ἀποκαθαρεῖ πᾶσαν ἀμαρτίαν. οἱ ποιῶντες ἐλεημοσύνας καὶ δικαιοσύνας πληροῦσονται ζωῆς.* Præterea huc spectant precum formulæ pro defunctis ab LIGHTFOOT ex *Erubbim S. Miscellaneis Cap. XL. Tom. II. Opp. p. 219 seq.* ex Judæorum Liturgia, Venetiis im-

pressa, citatæ, in quibus *Eleemosynas* vovent, quarum efficacia anima defuncti ligetur in fasciculo viventium, cum anima Abrahami, Isaaci, & Jacob, Sara & Rebecca, Rachelæ, & Lea, ceterorumque justorum virorum & justarum faminarum, qui versantur in horto Edenis &c. His adde, quæ de efficacia & virtute Eleemosynarum tradit sollertissimus SAMUEL BASNAGE *Histor. Judaicæ Tom. III. Lib. V. Cap. XVI. §. 12 seq. p. 772.* Derivandam quidem falsam hanc de Eleemosynis opinionem esse ex communi illo & generali, quem de perfecta Legis impletione fovebant, errore, nemini dubium erit. Arrogabant enim sibi, typho Pharisaico inflati Judæi, perfectam legis Mosaicæ, quoad omnia ejus præcepta, quæ tam affirmativa, quam negativa, ad numerorum 613. assurgere credebant, impletionem, eaque mereri se remunerationem a Deo, existimabant: quod dogma ipsis jure tribui, ex instituto probat GEIERVS *dissert. de conformitate Judæo-Papistica in loco de Lego §. 1. & HERM. WITSIVS Præfat. ad GVIL. CAVE Antiquitat. Patr. edit. German. p. 21 seq.* Sed cū speciatim, præ omnibus aliis bonis operibus, tantum statuerint pretium Eleemosynis, nemo facile dixerit, nisi hæc forte fuerit causa, quoniam Eleemosynam adeo inculcare & toties urgere Deum in lege cernerent Judæi, aut quoniam indefinitam Eleemosynam haberent pro opere supererogationis. Posterius membrum vero, quod vox *צדקה* Judæis interdum veniat pro causa justificatrice, vel solus ostendit locus quem affert itidem LIGHTFOOT. ex *Hieros. Talm. Tr. Peab. fol. 15. 2. Et erit tibi in justitiam.* Et ipse hoc largitur VITRINGA. Atque adeo relinquitur, quod ante suscepimus demonstrandum.

#### §. XXVII. Vberior declaratio.

Immo clarissime mentem suam produnt, qua Eleemosynas appellant *צדקה*, dum in probanda hac nomenclatura ex Scriptura Sacra talia plerumque in suas partes trahunt loca, quibus



צדקה dicitur prämio affici, remunerationem consequi, redimere ex morte & a peccatis, qualia sunt Psalm. CXII, 9. Dan. IV, 24. Prov. XI, 4, 5, 6. & alia, quibus minus recte intellectis, non effecerunt, sed inferunt suam de merito Eleemosynæ præconceptam opinionem. Ea itaque ipsis non indulgit, ut Eleemosynas considerarent tanquam speciem misericordiæ, aut beneficæ æquitatis, adeoque etiam tanquam partem justitiæ, ad quam obligati essent, quod vult V-TRINGA, sed impulit potius eos, amplius quid, quam obligationem, meritum scilicet respicere, idque hac sua denominatione צדקה insinuare, ejusque porro præsidium in Sacro Codice quærere, id quod ex conditione locorum, ad quæ provocant, satis patet, & idem quoque argumentum intendere LIGHTFOOTVS, verbis a me sub finem §. XXIV. allatis, mihi quidem videtur.

#### §. XXVIII. Actus vocis צדקה.

Cum itaque ex perverso Judæorum dogmate, usus vocis צדקה pro Eleemosynis, derivandus veniat, hinc ab ætate corruptæ doctrinæ, ad ætatem hujus notionis, aliqualem valere consequentiam, nemo temere in dubium vocaverit, ita quidem, ut crescentibus in dies erroribus, demum hæc quoque denominatio quotidiano usu invalesceret. Non ideo dici poterit, quod statim cum origine corruptelarum in doctrinâ, orta simul perversa hæc sit appellatio. Certe initia errorum in dogmatibus fidei Judaicæ, nisi altius adhuc ascendere velimus, a tribus istis in vulgus notissimis sectis sunt arcessenda, maxime quidem Phariseis, quos de justitia & justificatione coram Deo sic statuisse, quod is, qui ple-raque, licet non omnia, mandata divina saltem observaverit, nihilominus justus sit apud Deum, adeoque ex merito operum suorum, docet DREVSIUS de sectis Judæor. L. II. C. 14. In ceremoniis imprimis, traditiones superstitione plenas jactabant, iisque nimium tribuebant, teste historia Evangelica, in iis Servatoris optimi con- cionibus ac disputationibus, quibus hypocrisin

ipforum, nævosque doctrinæ atque cultus perstringebat. Pharisei ergo ementita sua sancti- monia, ac rigida satis vivendi ratione, commu- nem plebis admirationem sibi conciliabant, ce- teras autem sectas, ab ipsis dissentientes auctori- tate sua premebant, ita ut non multo post ex- cidium Hierosolymitanum ipsi fere soli rerum potirentur, & Academiarum & Synagogarum Rectores passim Pharisaismo patrocinarentur, majorumque suorum traditiones in dies auctas, & falsa dogmata, hinc ore, hinc scripto, ad po- steritatem transmitterent, donec ex illis com- pilatis, Sæculo a N. C. II medio, Mischna, III, Gemara Hierosolymitana, exeunte V. aut in- eunte VI, Babylonica, conflaretur. Ab ipsis itaque traditionibus & commentationibus Rab- binorum, quæ utroque continentur Talmude, arcessenda videtur origo notionis צדקה pro Eleemosynis, cum nullibi in Codice Sacro, quod hætenus evictum dedimus, bene autem in his constitutionibus Talmudicis, vocabulum hoc sensu usurpatum legatur. In hanc itaque sen- tentiam, si explicentur verba PRIDEAUXII su- pra allata, & per tempus, quo Talmudici con- stitutiones suas tradiderint, intelligatur tempus, quo quisque Rabbi sua, vel majorum placita au- ditoribus suis proposuit, & ad posteros trans- misit, ante compositum & absolutum Talmud, tunc nobiscum plane consentiet. Quemadmo- dum nec nobis adversatur, in designanda no- tionis hujus causa, quam in ignorantia apud Ju- dæos, post excisas Hierosolymas, linguæ He- brææ ponit, ut cum vocabulo, proprie Eleemosynas significante, destituerentur, aliud, im- proprio quidem sensu, ad hos usus accommo- darent.

#### §. XXIX. 2) Necessitas Eleemosynarum.

Ex his itaque, quæ modo diximus, de neces- sitate Eleemosynarum, ex Judæorum mente con- stare affatim poterit. Hanc autem MAIMONI- DES in הלכות מתנות עניים Cap. X. §. I. his verbis amplius inculcat: חייבין אנו להזהר במצות

במצות צדקה יותר מכל מצות עשה. שהצדקה סימן לצדק וזע אברהם אבינו שנעמר כי ידעתיו למען אשר יצוה את בנו לעשות צדקה. ואין כסא ישראל מתכונן זרה האמת עומרת אלא בצדקה שנאמר בצדקה תכוננו. ואין ישראל נגאלין אלא בצדקה שנאמר ציון במשפט תפרה ושביה בצדקה: *Obligamur nos magis cauti esse in observando præcepto de Eleemosyna, quam in observandis omnibus aliis præceptis affirmativis: quoniam Eleemosyna est insigne iusti seminis Abrahami, patris nostri, sicut dictum est Gen. XVIII, 19. quoniam cognosco illum, quod præcepturus sit filiis suis, ut exercent Eleemosynas: nec regnum Israelis confirmabitur, nec vera religio stabilietur, nisi per Eleemosynas, uti dictum est Ies. LIV, 14. per Eleemosynam stabilietur; nec Israelita redimendi sunt e captivitate sua, nisi per meritum Eleemosynæ, sicut dictum est Ies. I, 27. Zion redimetur per iustitiam, & reduces illius per Eleemosynam. Rursusque Cap. VII. §. I. ita habet: מצות עשה ליתן צדקה לעניי ישראל כפי מה שראוי לפני. אם היתה יד הנותן משגת. שנאמר חפתח את ירך לו ונאמר והחזקת בו גר ותושב וחי עמך ונאמר ורוי אחין עמך: *Præceptum affirmativum est, ut dentur Eleemosyna pauperibus Israelis, juxta quod pauperi conveniens est, si modo datoris facultates ad hoc sufficiant: nam dictum est Deuter. XV, 8. liberaliter aperies ei manum tuam: item dictum est Levit. XXV, 35. suppetias feres ei, licet sit peregrinus, vel inquilinus, ut vivat tecum: & iterum Levit. XXV, 36. ut vivat frater tuus tecum. Rursus §. 2. definit, qui videt pauperem mendicantem, & claudit oculos suos contra eum, nec dat ei eleemosynam, transgreditur præceptum negativum, per id quod legitur Deut. XV, 7. Immo §. 10. poenam statuit transgressori: si quis sit, qui non vult dare Eleemosynas, vel minus dat, quam eum decet, Synedrium coget eum ימכין אותו מכת מרדות cadetque eum verberibus rebellionis, donec det, quantum ab eo dandum iudicant: occupent etiam bona ejus, eo ipso inspiciente, & accipiant ex iis, quantum decet eum dare, pigrorentque pro Eleemosynis, immo licet sit vespera**

*Sabbathi. autem, plaga contumacia, seu rebellionis, quæ opponitur מלקות verberationi legis Deut. XXV, 3. instituta; ex Rabbiorum placitis ortum trahit, nullique vel numero vel modo alligata est, sed pergit, donec casus respiscat, unde sæpe ad mortem usque peragebatur: ut de illa copiose commentatur PRIDEAUX Not. ad b. l. p. 76 sqq.*

### §. XXX. 3) Eleemosynarum Distinctio.

Distinguuntur porro Eleemosynæ apud Judæos haud uno modo. *Primo enim VITRINGA, ex MAIMONIDIS cit. Tract. C. I. §. 7. dona pauperum dispescit in certa & statuti juris dona, pauperibus debita, quæ sub initium tractationis nostræ ex SELDENO recensuimus, & in libera sive arbitraria, quorum modus a Deo ipso determinatus non est, sed cujusque reliquit liberalitati & charitati Deuter. VI, 10, 11. quæque sunt, de quibus nos hic agimus: de Synag. c. I. cap. XIII. p. 807 sqq. de qua distributione nihil nunc addo, cum supra jam sit recensita & exposita. Curate porro distinguunt inter חסד seu גמילות חסדים beneficentiam, & inter צדקה Eleemosynas stricte sic dictas. Quid discriminis inter utramque intercedat, post MAIMONIDEM in More Nevoch. Part. III. C. LIII. NIC. FVLLE- RVM Miscell. Sacr. L. I. cap. 8. & COCCÆIVM ad Sanhedrin p. 131. & 158. copiose & anxie inquirat laudatus toties VITRINGA cap. XII. pag. 794 sqq. breviter autem & argute exponit Tract. Talm. Succa fol. 49. col. 6. בג' רברים גרולה גמילות חסדים יותר מן הצדקה שהצדקה בממונו גמילות חסדים בין בממונו בין כנופו צדקה לעניים גמילות חסדים בין לעניים בין לעשירים צדקה לחיים גמילות חסדים בין לחיים בין למתים: Tripliciter beneficentia antecellit Eleemosynas. Nam Eleemosyna tantum sunt pecunia, & beneficentia quodque officiorum genus complectitur: Eleemosyna tantum exercentur erga pauperes, sed beneficentia tam erga pauperes quam divites: quin & Eleemosyna non nisi apud vivos locum habent, at beneficentia tam apud vivos, quam*



quam mortuos. Audire demum etiam juvat ex MAIMONIDE, quomodo gradu differant apud Judæos Eleemosynæ, quam distinctionem ille Cap. X. §. 7 sqq. prolixè exponit. Summus quippe, quo non alius datur superior, 1) est, cum quis corroborat manum Israelitæ, qui deprimitur, & dat ei donum vel mutuum, vel faciat cum eo commercium, vel adinveniat ei aliquod negotium, ut corroboret manum illius; qui probatur ex Levitic. XXV, 35. Proximus ab hoc gradus est, 2) cum quis dat Eleemosynam pauperibus, ita ut nec cognoscat ipse, cui dat, nec pauper, a quo accipit, qualis est Eleemosyna למקדש שהיתה במקדש quæ datur in Conclavi silentium, quod erat in Templo, ubi nimirum viri misericordes ponebant eleemosynas suas cum silentio, pauperesque filii proborum nutriebantur iis in silentio. Proximus huic gradus erat, 3) cum quis Eleemosynam immittat לתוך קופה של צדקה in cistam eleemosynariam. Proximus ab hoc, 4) cum, qui dat, cognoscit, cui dat, at pauper non cognoscit, a quo accipit, qui gradus cum primis obtinet, si המכונים הצדקה Curatores eleemosynæ non recte administrarent provinciam suam. Gradus huic proximè inferior 5) est, cum cognoscit pauper, a quo accipit, at qui dat, non novit, cui dat. Proximus ab hoc gradus 6) est, cum quis dat pauperi manu sua, priusquam ille petiit. Proximus ab isto 7) est, cum quis dat pauperi postquam petiit: hoc denuo inferior 8) est, cum quis dat pauperi minus, quam ei convenit dare, cum vultu benigno. Infimus denique gradus est 9) cum quis ei dat cum molestia; quanquam huic ultimo Eleemosynarum generi, vix aliquod statuunt pretium.

#### §. XXXI. 4) Eleemosynarum Materia.

Si de materia dispiciamus Eleemosynæ, partim de facultatibus quaeritur, ex quibus fit largitio, partim de eo, qui in elargiendo habetur, modo. Facultates vel legitimæ sunt, divina benedictione, modoque legitimo acquisitæ, vel injuste partæ. De opibus injustis largiri pau-

peribus, tantum abest, ut in laude ponant Judæi, ut potius vulgari proverbio ejusmodi Eleemosynis illudent, dicentes: נִפְסָה בְּחַמְרֵיָּם ipsa adulteria committit pro pomis (i. e. lucro leviculo) & dividit illud malis, h. e. pauperibus & ægrotis, Eleemosynæ causa, ut iis peccata redimat, ut ex Vajikra Rabba Sect. III. in princ. & ex Schemoth Rabba Sect. XXXI. in fine hoc adagium repetit, & in eos dici, qui de rapto, furto, aut injustitia, Eleemosynas erogant, ut Sacerdotes olim cæcum & claudum Deo offerebant, declarat Buxtorf. Lexic. Talmud. fol. 405 sqq. ubi simul monet, alios loco נִפְסָה eodem sensu legere נִפְסָה quasi a נָפַס. De injuste partis tamen, distributionem inter pauperes injectam fuisse LIGHTFOOTVS Hor. Hebr. ad Luc. XIX, 8. docet ex Cod. Sanhedrin fol. 25. col. 2. quod per istam distributionem restitutio, si vero & genuino possessori fieri illa non posset, aliquo modo compensari crederetur: ut non tam isthæc Eleemosyna meritoria, quam satisfactio sit quædam pro injusto lucro. De justis autem legitimisque facultatibus, ex Magistrorum scito, tenetur quisque erogare egenis כפי השגת ידו pro ratione facultatum, quas habet: hanc autem proportionem ita definiunt apud MAIMONID. C. VII. §. 5. si quis det quintam partem facultatum suarum, præceptum de Eleemosynis præstat in gradu summo: si det decimam partem facultatum suarum, præceptum præstat in gradu mediocri: si vero minus det, quam decimam partem, tum est vir עין רעה oculi mali, i. e. avarus. Tritum enim apud Judæos est, ut liberalem ac beneficum עין טוב virum oculi boni ex Prov. XXII, 9. contra vero avarum aut malevolum עין רע virum mali oculi ex Deut. XV, 9. Proverb. XXIII, 6. XXVIII, 22. dicant, qua cum PRIDEAUX ad cit. loc. MAIMONIDIS p. 76. phrasin Novi Testam. confert, indeque vult intelligi, quid sit ὀφθαλμὸς ἀπλῆς, Matth. VI, 22. Luc. XI, 34. rursusque ὀφθαλμὸς πονηρὸς, Matth. VI, 23. XX, 15. Marc. VII, 22. Luc. XI, 34. Quin & ulterius ipsorum progrediebatur liberalitas, ut לפי מה העני

העני שחסר העני *pro ratione illius, quod pauperi de-*  
*est*, ditioribus injunctum esset ei dare, v. g. si  
 pauper egeat vestimentis, tenentur illi vestire  
 eum; si egeat suppellectilibus, comparabant ei;  
 si non habeat uxorem, despondebunt illum  
 uxori, & si sit femina, elocabunt eam viro;  
 insuper, si in more fuisset pauperi, ut antea ve-  
 heretur equo, & servus curreret coram eo, &  
 jam pauper factus, ab illo splendore sorteque  
 lauta ille exciderit, comparabunt ei equum, quo  
 vehatur, & servum, qui currat coram eo, nam  
 dictum est Deut. XV, 8. *Commodabis ei quan-*  
*tum sufficiat indigentia illius, in ea re, qua indi-*  
*get*: ubi tamen hanc addunt cautelam: *tibi au-*  
*tem mandatum est, tantum illius indigentiae subve-*  
*nire, non autem teneris eum locupletare, ut est*  
 apud MAIMONID. *cit. loc. §. 3.*

§. XXXII. 5) *Modus colligendi Eleemosynas.*

Modum etiam conferendi, vel colligendi Elee-  
 mosynas, latere nos noluit MAIMONIDES, sed  
 Cap. IX. copiose illum exponit. Quamvis enim  
 ex lege sacra primitus obligarentur singuli, ege-  
 nis, pro horum inopia, & illorum abundantia,  
 Eleemosynam præstare, nihilominus eo tandem  
 res devenit, ut certi Eleemosynarum constitue-  
 rentur Collectores, נכאי צדקה dicti. Ita nimi-  
 rum a Chald. גבי *exigere, colligere*, nomen tra-  
 hebant, licet muneris ipsorum ratio in Eleemo-  
 synis non modo exigendis & colligendis, verum  
 etiam rite administrandis & distribuendis, esset  
 sita. Horum originem VITRINGA inde arces-  
 sit, quod, cum stata ac ordinaria egestati paupe-  
 rum levandæ media, Eleemosynæ nimirum quas  
 vocant, debitæ, certæ, statuti juris, legeque  
 ipsa determinatæ, jam præscripta essent, & præ-  
 starentur, Israelitæ ad liberalitatis & æquitatis  
 munera extraordinaria, in pauperes simul con-  
 ferenda, tardiores fuerint, ut necesse esset, per  
 certos viros illa colligere: hinc non existimat,  
 ante μεταμεσίαν Βαβυλῶνος, inter Judæos Elee-  
 mosynas ad pauperes sustentandos a statis Col-  
 lectoribus, certis temporibus, fuisse congestas,  
 sed vel in captivitate, vel post captivitatem, ne-

cessitate fuisse adactos ad Eleemosynas liberas  
 illas, & arbitrarias exigendas, quoniam magna  
 tunc pauperum copia laborarint; quæ viri do-  
 cti conjectura non est contemnenda. Erant  
 autem illi נכאי צדקה seu *Collectores Eleemosyna-*  
*rum* duplicis generis. Alii nimirum collige-  
 bant pecuniam singulis vespers Sabbathi, da-  
 bantque singulis pauperibus alimentum, quan-  
 tum sufficiat pro septem diebus וזו היא הנקרא  
 קופה atque hoc vocatur *Kupha*, seu Eleemosyna  
 Cistæ apud MAIMONID. §. I. Rursus alii erant  
 נכאי צדקה Collectores, qui accipiebant quotidie ab una  
 quaque domo frustra panis, omniaque ciborum  
 genera, vel etiam fructus, vel pecuniam, ab  
 uno quoque, qui sponte dabat, pro eo tempore,  
 & vespere, quod collectum est, inter pauperes  
 distribuiebant, dabantque singulis eorum alimen-  
 tum, quantum sufficiat pro eo die וזה הנקרא  
 תמחוי & hoc vocatur *Tamchoi*, i. e. Eleemosyna  
 Catini, §. 2. Observat porro §. 3. *Kupham* in  
 quacunque congregatione Israelitica, seu Judæo-  
 rum, locum habere & obtinere, sed *Tamchoi*  
 non ubivis locorum usu esse receptum. Hic  
 vero insigne sententiarum divortium inter viros  
 doctos deprehendo. LIGHTFOOTVS quippe  
 ad Matth. VI, 2. collectionem לקופה in *cistam*  
*pauperum* institutam fuisse tradit per duos Par-  
 nasim, iidem נכאי צדקה dictos, quibus ter-  
 tius addebatur, ad ejus distributionem. Con-  
 tra vero ea, laudatus sæpius VITRINGA c. XIII.  
 p. 811. & 814. hic in diversum secedit. Velut  
 enim sententiam LIGHTFOOTI de *decem Otiosis*  
*Synagogæ*, ut & quæ de diversis Synagogæ offi-  
 ciis & muniis ille tradiderat, in *Archisynagogo*,  
*observationibus novis illustrato*, & Francqueræ  
 A. 1685. edito, correxit, & perstrinxit, sic & ea-  
 dem occasione, quæ LIGHTFOOTVS de *Gab-*  
*baim*, quod iidem fuerint cum *Parnasim*, com-  
 mentatus fuerat, confutavit. Tantum autem  
 abest, ut ita lectoribus omnibus, primis annis  
 & meditationibus suis satisfaceret, ut acerri-  
 mum potius adversarium IACOB. RHENFER-  
 DVM provocaret, qui editis II. de *decem otiosis*  
*Synagogæ* disputationibus A. 1686. in 4. & LIGHT-



FOOTVM, & æque VITRINGAM ex instituto refelleret. Inde subnata est doctissimo VITRINGAE occasio, ut rē paulo altius expensa, exasciarum illud *de Synagoga vetere* opus tribus libris constans A. 1696. luci publicæ exponeret, postquam jam A. 1688. RHEXFERDO librum singularem *de decem Viris Otiosis, ad Sacra necessaria veteris Synagoga curanda deputatis*, ipse repouisset, cui RHEXFERDVS A. 1689. *Archisynagogum Otiosum ἀνοικονόμητον* regesserat. Hoc certum, quod in laudato amplissimo de Synagoga Vetere commentario, VITRINGA in quam plurimis momentis mentem, in superioribus scriptis expositam, immutavit, veritati locum dederit, & in aliis RHEXFERDO accesserit, in aliis tamen ab eodem adhuc abierit in diversum. In his postremis est, quod pag. 814. VITRINGA idoneis sane testimoniis ex MAIMONIDE, & aliis probatum dat, quod hi Collectores, æque ac Collectores Eleemosynæ Catini fuerint homines privati, plane ad Synagogam non pertinentes, in quorum quidem potestate collectio & distributio Eleemosynæ arcæ fuerit, ita tamen, ut nihilominus suprema potestas, & cura Eleemosynarum harum resederit, apud *בית דין Synedrium* cujuscunque loci, non apud Synagogam, nisi quod illud hanc suam etiam auctoritatem, & curam demandare potuerit Doctori summæ auctoritatis, qui sacris Synagogæ præfidebat, *Ἀρχισυνάγωγος* plerumque dictus, quique hoc ipso in sua persona *בית דין* repræsentabat. Inde negat etiam, quod dixerat LIGHTFOOTVS, in Synagoga fuisse collectas has ipsas Eleemosynas, sed ostiatim, vespere Sabbathi, ivisse ipsos *גבאים*, ex testimoniis Talmudicis demonstrat. Demum vero pag. 815. largitur, quod si ejusmodi Præfectus non adesset, tum recidisse illam potestatem disponendi de collectis Eleemosynis in *פרנסים Pastores Synagogarum*, qui & alias haud dubie non raro, una cum Præfecto Synagogæ, aut constitutis Eleemosynarum Collectoribus, de illarum usu deliberaverint. Rursus autem RHEXFERDVS *Diss. I. de decem Otiosis Synagoga* §. 76 sqq. du-

dum probaverat *גבאי צדקה* seu Diaconos Eleemosynarum, neque ex ordine Otiosorum illorum lectos, quod assertum undecim rationibus destruit & refellit, neque eosdem cum *פרנסים* §. 89 sqq. fuisse, licet post multa erudite & subtiliter disputata, §. 102. largiatur, voce *פרנסים* interdum, licet rarius, illos notari Diaconos, qui cibis colligendis, cibandisque pauperibus erant præfecti, cum *גבאים* vero haud temere confundendos. Ex quibus apparet, circa Collectores Eleemosynarum tandem sub finem disputationis, satis inter hos duum viros convenisse, utrumque tamen a LIGHTFOOTI traditione paulo discessisse. Colligere inde facile possumus, quæ fuerit *קופה* nempe arca portatilis, hoc ipso multum distans a notissimis illis *שופרות* in templo Hierosolymitano, numero tredecim, positus, quibus non dona pauperum, sed dona Templi inferebantur, quas fusc explicat SELDENVS *Jur. Nat. & Gent. Lib. IV. Cap. 5.* & eleganter delineat, ærique incisas oculis subicit ADRIANVS RELANDVS *de spoliis templi Hierosolymitani* pag. 126. Demum etiam ad modum pertinet monitum, quo cavetur, ne cum ostentatione, sed in occulto potius erogetur. Vnde in *Bava Bathra fol. 9. col. 2.* *גדול העושה צדקה בסתר יותר ממשה רבינו* qui Eleemosynam in occulto dat, major est ipso Mose, magistro nostro: rursusque in tract. *Chagiga fol. 5. col. 1. R. IANNAI* vidit quendam, nummum pauperi dantem palam, cui dixit: *מטב רלא יחבתליה* præstat non dedisse, quam sic dedisse. Quæ non inepte conferuntur cum Salvatoris monito Matth. VI, 1.

### §. XXXIII. 6) Objectum Eleemosynarum.

Hi denique, qui fruebantur Eleemosynis, non eodem omnes censu habebantur ac loco. Distinguebant nimirum Judæi, pauperes suos in *עניי עולם pauperes mundi*, & in *עניי העיר pauperes urbis istius*. Pauperes mundi erant non modo Judæi, sed & Proselyti domicilii, immo etiam Ethnici, advenæ scil. vagabundi, qui in urbem

urbem aliquam venirent, irent, redirentve: atque horum erat Eleemosyna תמחוי scutellæ sive catini; pro pauperibus autem civitatis, erat Eleemosyna arcæ ipso vespere Sabbathi, quo colligebatur, illis pro hebdomada integra distribuenda. Non dissentit hic VITRINGA, quam Eleemosynam arcæ iterum duplicem statuat, cum pro pauperibus civitatis ipsius, tum pro pauperibus terræ Canaan, quibus, collectis ex omnibus dispersionis Judaicæ locis, sive ex universa διασπορᾷ pecuniis, subinde subveniebatur. Hunc etenim morem, transmittendi Eleemosynas pauperibus in terra Canaan commemorantibus, satis antiquum, & statim post Judæorum dispersionem invaluisse, ex HIERONYMO probat, & pro diversitate illas percipientium, duas quoque arcas in Synagoga positas fuisse observat. Ordinem præterea habebant, quo pauperes censerent, unumque alteri anteponerent. Teste siquidem MAIMONID. cap. VII. §. XIII. pauper, qui est propinquus, sive sanguine junctus, præferatur omnibus hominibus; pauperes propriæ familiæ præferantur pauperibus propriæ civitatis, & pauperes propriæ civitatis præferantur pauperibus alienæ civitatis, nam dictum est Deut. XV, II. *liberaliter aperies manum tuam fratri tuo, pauperi tuo, egeno tuo in terra tua*: ubi primum de propinquis, medium de pauperibus familiæ, tertium de concivibus exponunt. Rursus C. VIII. §. XVII. ita præcipit MOSES ille AEGYPTIVS: si sint ante oculos multi pauperes, vel multi captivi, & non tantum sit in loculo eleemosynario, quantum vel nutriat, vel vestiatur, vel redimat eos omnes, tum præferent Sacerdotem Levitæ, Levitam Israelitæ, Israelitam profano, profanum spurio, & spurium collectitio, & collectitium ei, qui e conjugio ortus est illegitimo, eumque, qui e conjugio ortus est illegitimo, Nethinæo, & Nethinæum Profelyto. Nethinæus enim educatur nobiscum in Sanctuario; Profelytus autem præferendus est servo manumisso, quia ille fuit in numero maledictorum (per Genes. IX, 25. ubi Canaanis posteritati maledictum iungitur). In hos namque novem ordines discescebant Doctores Mischnici Cap. IV. Sect. I. tract. *Ridduschin*, omnes eorum stirpes, qui Babylone ascenderunt, & reduces terram sanctam inhabitaverunt, ut essent 1) כהני Sacerdotes, 2) לוי Levitæ, 3) ישראל Israelitæ, 4) חלולי Profani, sive ad sacerdotium inepti, 5) צורי Profelyti, 6) חרורי Liberti, sive servi manumissi, 7) ממוירי Nothi, 8) נתיני Nethinæi, 9) שתוקי Spurii, certæ matris, at patris incerti, 10) אסופי Collectitii, qui in plateis expositi inveniuntur, patre matreque incertis oriundi: quod post SELDENVM & alios, PRIDEAUX quoque, ad hunc locum MAIMONIDIS, probe observavit.





## II.

## יהוה שוכן בערפל

## DEVS CALIGINIS INCOLA

EX PHILOLOGIA ET ANTIQVITATE SACRA.

*Disputatione publica in Auditorio Paulino*

A. D. I. Octobris Anno MDCCCXXVIII. propositus

RESPONDENTE

M. CHRISTIAN. SIGISMVND. GREEN.

*Proœmium.*

Quoties pristinum Israeliticæ gentis florem intuemur; quoties innumera, & supra omnem humanæ rationis captum posita, beneficia, quæ Deus eidem exhibuit, curatius consideramus; quoties jura illa, quibus præ ceteris omnibus gavisa est populis, perlustramus: (Conf. HENR. HVLSII *Comment. in Israelis prærogativas ac bona sub V. T.*) toties Divinæ misericordiæ, sanctitatis, sapientiæ, justitiæ, & clementiæ magnitudinem extollendi atque mirandi uberrimam occasionem nanciscimur. Deus quippe omnes gentes posthabuit, solum Judæorum populum in peculium sibi ascivit: Deut. VII, 6. XXVI, 18, 19. Esavum justo persecutus odio, Jacobum contra paterno amore fuit amplexus: Rom. IX, 13. In gentes iram suam effudit, Psalm. LXXIX, 6. Judæis vero gratiæ & misericordiæ divitias larga manu donavit, ut ad illos ἡ ὑιοθεσία, καὶ ἡ δόξα, καὶ αἱ διαθήκαι, καὶ ἡ νομοθεσία, καὶ ἡ λατρεία, καὶ αἱ ἐπαγγελίαι, Rom. IX, 4. pertinerent. Gentēs manu fortissima expulit, malis affecit, & e terra sua ejecit, Psalm. XLIV, 3. sed vitem suam ex Aegypto proficisci fecit, Psalm. XXC, 9. eandemque ibi plantavit.

Horum, aliorumque quam plurimorum, beneficiorum caput, summam, & principium si

rimamur, Moses jamdudum in eo, quod Deus inter Israelitas gratiose habitaverit, iisdem singulari modo propinquus fuerit, seque illis mirifice manifestaverit, collocavit. Hic enim vir Dei, ante obitum suum populo Judaico omnia Dei beneficia in memoriam revocaturus, eundemque ad perpetuum veri Dei cultum serio exhortaturus, palmarium inde argumentum, Deut. IV, 7. depromit: כִּי מִי־גִוִי אֲשֶׁר-לוֹ אֱלֹהִים קָרִיבִים *Quæ magna enim gens, cui Deus propinquus apud ipsam, sicut Jehovah noster in omnibus.* Quæ enim unquam gens fuit, cui Deus unquam tam propinquus fuerit, quam quidem Israeliticæ? Nulla profecto. Hanc suam præsentiam voce variisque apparitionibus inter eam Jehovah declaravit. Locutus is est cum iis פָּנִים בְּפָנִים *a facie ad faciem* in monte e medio ignis, Deut. V, 4. Ipse רַבְּרוּ מִנִּיךְ *annunciat verba sua* Jacobo, statuta & judicia sua Israeli לֹא-עָשָׂה כֵן לְכָל-גִּוִי *non facit sic ulli genti.* Psalm. CXLVII, 19, 20. Propinquus fuit, non immediate solum, sed etiam mediate per Prophetas πολυμερῶς καὶ πολυτρόπως, Hebr. I, 1. ad Judæos loquendo. Respondit ipsis per sortes, ut in Achane Jos. VII, 14. in Saule & Jonathane I Sam. XIV, 42. in Apostolis Act. I, 26. satis conspicimus. Revelavit se per *Vrim & Thummim* e pectorali Summi Sacerdotis Exod. XXII, 30. de quo vide AVG. PFEIFFER Dub. Vex.

*Vex. Cent. I. L. C. p. 241. Cent. II. L. LXXVIII. p. 380. Cent. III. L. XXIII. p. 476. BVXTORF. fil. Exercit. III. p. 268 sqq.* Apparuit Prophetis suis במראה per visionem, בחלום per somnium, בחירות per enigmata, בתמונה per figuram, פה פה per allocutionem oralem, quarum præcipuas revelationum species ipse Deus Num. XII, 6, 7. 8. consignari voluit. Vide Præsidis nostri *Introduc. in Lib. Can. V. T. P. III. c. I. p. 34 sq.* item *Crit. S. P. I. c. I. p. 38 sq.* GLASSIE Philol. L. I. tr. IV. sect. I. Can. I. p. m. 311.

At vero non tantum voce sua & verbis, sed variis simul factis patratisque miraculis suam præsentiam Jehovah manifestavit. Si modo eorum, quæ per viam ex Aegypto, per deserta inviaque loca, patravit, miraculorum recordari licet, tot ac tanta se nobis offerunt, ut eorum multitudinem lingua nec eloqui, nec mens eorum magnitudinem satis mirari possit. Ipse Davides eadem tanti momenti judicavit, ut integris quibusdam canticis Psalm. LXXVIII. & CV. eadem prædicaret.

Quo vero eo minus de Divina præsentia dubitarent Israelitæ, ipse עמוד ענן columnam nubis certissimum adestentiæ suæ gratiosæ symbolum constituit. In hac nube perpetuo habitavit, gentemque suam interdum in itinere anteivit & comitatus est Exod. XIII, 21. E nube Angelus Domini hostes profligavit Exod. XIV, 19 seqq. In nube cum Mose ad tentorium collocutus est Jehovah Exod. XXXIII, 9. Num. XI, 25. In nube descendit in montem Sinai Exod. XXIV, 16. XXXIV, 5. In nube super arcam fæderis requievit Lev. XVI, 2.

Hæc ipsa cum ערפל caligo illa sit, in qua Sanctissimus Deus habitasse aliquoties dicatur, nunquam sine sancta mente debitaque attentione eandem considerare, piaque admiratione celebrare merito tenemur. Nobis certe nunquam non hæc caliginosa Dei habitatio illis miraculis annumeranda visa fuit, quæ posteri & omnes gentes plenis buccis extollere a Davide Psalm. XCVI, 1, 2. jubentur. Cum itaque indulgen-

tissimi parentis nostri jussu, hic quoque Lipsiæ, æque ut ante aliquot annos Vitembergæ, in *Disp. de ὑπογχαμμῶ Christi piis in passione relicto ex I Pet. II, 21.* novum aliquod diligentia specimen patronis exhibendum, temporisque, in Academiis impensi, ratio sit reddenda, rei dignitate ac utilitate moti, יהוה שוכן בערפל Deum Caliginis Incolam, pro ingenii viriumque nostrarum modulo, considerandum nobis sumemus.

Antequam vero rem ipsam aggrediamur, hunc ipsum caliginis incolam supplici voce invocamus, ut luce sua mentem nostram illuminare, Spiritu suo tenebras discutere, suoque verbo, quod semper נורא לנתיבותי ואור נר-רגלי *lucerna pedi & lux semitæ* fuit nostræ, Psalm. CXIX, 105. nunc quoque in omnem veritatem nos ducere dignetur. Fæcit Jehovah, ut in omnibus viis nostris verbo ejus, ὡς λύχνος φαίνοντι, 2 Petr. I, 19. attendere, in luce coram Deo sincere ambulare, omnes errorum tenebras per omnem vitam evitare, τὰ ἔργα τῶ σκοτίας simul deponere, τὰ ὄπλα τῶ φωτός magis magisque induere, Rom. XIII, 12. omni nisu contendamus, pergamus, allaboremus.

### §. I. Accessus ad translationem.

Nunc itaque, bono cum Deo, rem ipsam aggressuri, & paulo penitius, ea tamen, qua fieri poterit, brevitate, יהוה שוכן בערפל Deum caliginis incolam consideraturi, haud immerito ad sapientissimi Regis, Salomonis, effatum convertimur. Hic enim clarissimis verbis, coram toto populo Judaico, hæc differit: I Reg. VIII, 12. יהוה אמר לשכן בערפל Jehovah dixit se habitaturum esse in caligine.

### §. II. Occasio verborum I Reg. VIII, 12.

Recordatus erat Deus clementissimus suæ promissionis, & suum verbum stabiliverat, quod locutus est Davidi, de ædificanda nomini Johovæ æde cogitanti: Tu non ædificabis domum,



*sed filius tuus, exiturus e lumbis tuis, edificabit nomini meo domum* 2 Sam. VII, 12, 13. Hic enim Davidis filius, Salomo, divinæ promissionis paternique mandati bene memor, omnes sapientiæ suæ thesauros, omnes divitiarum copias, omnem auri argentique vim non solum augendæ Principum, quos a latere habuit, eminentiæ, aulæ suæ magnificentiæ, & Regii palatii splendori, sed maxime extruendæ & exornandæ, Deo vero dicatæ, ædi summo studio impendere voluit. Quod quidem institutum tanta cum cura executus est, ut neque magnificentius aliud post se reliquerit monumentum Templo Hierosolymitano, quod & stupenda mole, & incomparabili structura, & immensa auri argentique, quæcoruscebat, vi, in orbis miracula, eorumque principem fere locum, meruit referri innumeris doctorum hominum elogiis decantatum, ut Præfles noster loquitur, in *Introduct. ad Libb. Bibl. V. T. P. II. c. IV. p. 165.* qui ibidem excitat IAC. IEHVD. LEONEM *de templo Hierosol.* IOH. LUNDIVM *im Jüd. Heiligth. L. II. f. 237 sq.* CASP. CALVOER *in Ritual. Eccl. P. II. cap. 2. p. 27.* TH. CRENIUM *Fasc. VI. & VII. opuscul.* quibus adde D. SAM. REYHER *Mathefis Mos. p. 628.* M. MICH. CHRIST. LYDOVICI *de templo Salomonis ad 1 Reg. VI, 1, 2.* Hujus ædis fundamenta postquam anno quarto imperii sui 1 Reg. VI, 1. in monte Morijah 2 Chron. III, 1. Salomo jecerat, per integros septem annos extruendum, parandum, ornandum, perficiendum hoc ædificium continuavit, donec anno undecimo imperii sui ultimam adjiceret operi manum; penitus stupendum hoc palatium absolveret, perfectumque relinqueret. Cum itaque nihil restare videretur, quam, ut solenniori ritu domus hæc divino cultui dedicaretur, cives suos hunc in finem Hierosolymam congregavit. Quo vero in hac Templi initiatione ordine omnia agerentur, ante omnia arcam fœderis, adhuc in urbe Davidis in medio tentorii, a Davide ipsi parati, 2 Sam. VI, 12. 1 Paral. XVI, 1. asservatam, in Templum, ejusque Sanctum sanctorum, apportari bene curavit. Ad sedem exgo suam, inter

sacrificia, tripudia, sonorasque voces, arca delata, (cujus in deportatione in Templum aut Hierosolymam ex ædibus Obed-Edom Psalmus XXIV, an XLVII. decantatus fuerit? tangit B. X-TORF. *Exercit. de Hist. Arc. Fœd. c. I. p. 5, 15, 17.* IOH. LORINVS in *Comment. in Psalmos Tom. I. f. 333 sq.*) *יהוה את-בית ירוה* *nubes domum Domini implevit*, ita, ut Sacerdotes propter nubem stare non possint, *כי מלא כבוד יהוה את-בית ירוה* quia gloria *Jehovæ* domum impleverat. Orta inde in animis Israelitarum admiratione, stupore, terrore, confusione, omnem ipsis scrupulum eximens Salomo, nec insolens aut inauditum aliquid inter Israelitas esse, ut nubes aliqua inter eos conspiciatur, demonstrat. Deum enim gratiosam præsentiam suam nube declaraturum esse, ex ipsa ejus promissione evincit, quandoquidem dixerit *יהוה בשכן* *se in caligine habitaturum esse.*

§. III. *ערפל* *nubes est, in qua Deus olim habitavit.*

Hæc itaque verba consideraturi, ante omnia de *ערפל* nobis dispiciendum est, & expendendum, quæ aut qualis *caligo* hac ipsa voce indicetur. Nos, ut paucis nos expediamus, commodissime *ערפל*, cujus incola Deus dicitur, *de columna nubis*, qua olim Deus Israelitas ex Aegypto in terram sanctam ducturus, in monte Sinai, super tentorium & operculum arcæ fœderis præsentiam suam demonstravit, explicari posse non sine causa judicamus.

*Probatio α) ex aliis locis V. T.*

Vrgemus enim, α) hanc vocem *ערפל* in aliquibus locis V. T. pro illa ipsa nube adhiberi. Juvat hic ad solennem illam, e monte Sinai factam, legis promulgationem respexisse. Ibi enim *Jehovah* in *ערפל* nube apparuisse diserte Exod. XIX, 9, 16. asseritur. Hanc autem *ערפל* eandem nubem, qua alias habitavit Deus, non solum ipsa vox *ערפל*, de eadem nube ante adhibita, & Scriptura Sacra silen-

*plentium*, quæ Deum præter illam, quam semper adhibuit nubem, aliam ibidem exhibuisse non commemorat; sed etiam doctissimorum, rei veritatem studiose investigantium, virorum luculenta testimonia, a LVNDIO loc. citat. L. I. c. XI. f. 45. allata, ac aliæ rei circumstantiæ clarius evincunt. Cum vero Mosen in eandem nubem intrasse Scriptura Sacra referre velit, his verbis exprimit, Exod. XX, 18. **וַיִּבֶן מֹשֶׁה נֹגֵשׁ הָעֶרְפָּל וַיִּשְׁמַע שֵׁם הָאֱלֹהִים** & accessit Moses in caliginem, in qua Deus erat. Quo eo majorem asserto nostro fidem faciamus, probe notandum est infra Exod. XXIV, 18. Mosen **בְּתוֹךְ הָעֶנָן** in medium nubis ivisse affirmari. Hinc **עֶרְפָּל** eandem nubem denfam, in qua Deus in montem descendit Exod. XIX, 9, 16. ex qua Mosen vocavit, Exod. XXIV, 16. fuisse, non male colligimus. Accedit, quod **עֶנָן** cum **עֶרְפָּל** Deut. IV, II. V, 19. a Mose conjungatur, atque adeo unum per alterum egregie explicetur. Nec enim putandum esse judicamus, hic unum alteri opponi, & **עֶרְפָּל** ab **עֶנָן** distingui & separari. neutiquam. Deus enim in utraque legis publicatione in **עֶנָן** in montem descendit, quæ tamen *nubes* usque adeo densis tenebris obscurata fuit, ut hæc ipsa *nubes* recte **עֶרְפָּל** simul diceretur. Quæ quidem interpretatio eo minus absurda aut nimis longe petita censenda, quandoquidem Davides Psalm. XVIII, 10. *nubes*, quas Deus inhabitavit, **עֶרְפָּל** appeller, de quo loco infra commodior dicendi occasio erit. Optime LVNDIUS rem explicat, qui PHILONEM, nubem hanc candidam & lucidam asserentem, cum BUXTORFIO fil. eandem pro caliginosa & tenebricosa venditante, conciliaturus, utrumque recte simul de eadem nube, diverso tamen respectu, dici posse contendit. Bene thesin suam exemplo a nube, tempore tempestatum tonitruumque orta, illustrat, quæ ex una parte sole illustrata lucida, ex altera vero parte valde obscurata nobis sistitur. Hoc evictio subjicit loc. cit. lib. I. cap. X. f. 37. §. 3. *Wenn Gott was sonderliches mit dem Volcke vorgehabt, daß er bey Tage das Feuer in der Wolcken, als seine Herrlichkeit, hat wollen blicken*

*lassen, daß alsdenn die sonst gantz lichte Wolcke gantz dunckel geworden, damit dem Volcke ein Schrecken eingejagt, und die Herrlichkeit des Herrn, das Feuer in der Wolcken, desto eigentlicher und schrecklicher gesehen würde, wie man Exod. XIX, 16 sq. XX, 21. Deut. IV, II. V, 22. siehet; da wird eben von der Wolcke gesagt, daß sie sehr dunckel und schrecklich anzusehen gewesen sey; wie Finsterniß und Dunkel, eben wie er auf die Egypter im rothen Meer donnerte und blitzte, Exod. XIV, 24. Psalm. LXXVII, 18, 19. und NB. auf diese dunckle Wolcke siehet Salomo I Reg. VIII, 12. Ex his ergo satis cognoscimus, **עֶרְפָּל** commodissime non solum posse, immo vero debere de nube illa, in qua Dei gloriam alias habitasse novimus, accipi & explicari.*

*Probatio β) quod **עֶנָן** per **עֶרְפָּל** explicatur.*

Quæ quidem interpretatio eo propius menti loquentis Salomonis accedere videtur, quandoquidem ex ipsius textus nostri visceribus hoc satis validum depromere possuntus argumentum, si attendimus, eundem Salomonem **עֶרְפָּל** per **עֶנָן** ita interpretari, ut hæc vox illius synonymum æstimeretur. Nam vers. 10. legitur, quod **הָעֶנָן** domum Domini impleverit, hanc cum videret, respondit Rex, hanc Dei ordinariam esse habitationem, quia Deus dixerit, se velle in **עֶרְפָּל** habitare. Nunc itaque, si ad divinum illud verbum, quo se in caligine habitaturum esse promiserat, attendimus, non aliam, præter nubem illam, in qua alias habitavit, fuisse edocemur. Dederat Deus Israelitis præsentiae suæ symbolum, columnam nubis, qua illos ita in terram sanctam duxerat, ut, quoties quiesceret populus, *nubes* tentorium, quod Moses erigi curaverat, obtegeret Exod. XL, 34. In tentorio arca fœderis asservabatur cum propitiatorio, quod supremi Jehovæ scabellum rectissime nominabatur. Statim enim, cum arcam fieri juberet Deus, promisit, se illic Mosen convenire & cum eo loqui velle ex propitiatorio inter duos Cherubim **אֲשֶׁר עַל-אֲרוֹן הָעֵדֻת** quod



quod est super arcam testimonii Exod. XXV, 22. Ibi vero fuit in nube, quia Mosi dixerat, Aaroni non omni tempore in Sanctum intra velum intrare licere ante propitiatorium, quod supra arcam, ne moreretur, כִּי־כַעֲנַן אֶרְאֶה עָלֶיךָ הַכֹּפֶרֶת quia in nube apparebo super propitiatorium, Levit. XVI, 2. Cum vero huiusmodi præsentiæ divinæ, inter Israelitas versantis, evidentissima & continua fuerit velut sedes & thronus arca fœderis, fieri non potuit, quin hæc ipsa nubes, simul cum arca, in Templum migraret, eandem sequeretur, & Templum impleteret. In hunc sensum Buxtorfius fil. verba vers. 10, II. trahit, in Exercit. I. de Arca Fœd. c. X. p. 109. sic, inquit, postquam Salomon templum & domicilium Dei stabile edificasset, & in illud per sacerdotes arcam intulisset, dicitur: nubes replevit domum Domini. Add. IOH. BÉNED. CARPZOVII Diff. de Arca Fœd. p. 7. & 22. sq. Quæ quidem sententia exinde magis corroboratur, quod in eadem nube כְּבוֹד יְהוָה gloria Jehovah, æque ac in nubis columna, Exod. XVI, 10. habitasse dicitur. Consistentem præterea ADRIAN. RELANDVM adducere juvat, hæc loquentem Antiqu. S. Hebr. P. I. c. V. §. XXVII. p. m. 48: Supra arcam & alas Cherubinorum erat illustre præsentiæ Divinæ symbolum, columna nubis, quæ absoluto tabernaculo locum illum sanctissimum inhabitavit, Levit. XVI, 2. & ibidem conspicua adhuc fuit tempore Samuelis, Psalm. XCIX, 7. & postea in templo primo, non vero in secundo, quod Arca Fœderis caruit. conf. Ezech. X, 3. XI, 22. Hanc nubem cum Salomo Templum implevisse videret, hanc esse illam עֶרְפֶּל, quam Deus perpetuam & ordinariam habitationem suam se adhibiturum promiserit, affirmat. Inde clarum & perspicuum omnino esse judicamus, per עֶרְפֶּל columnam illam nubis intelligi debere.

Probatio γ) ex Div. promissione.

Cui horrorandæ sententiæ & illud accedit, quod Salomo ex Divina promissione: יְהוָה אֱמַר / demonstret, Deum in caligine habi-

tare. Dum vero verba illa, quibus Jehovah, se caliginis incolam exiturum, promisit, evolvimus, vel ex ante dictis patebit, de nube, olim inter Israelitas conspicua, sermonem esse. Bina potissimum se nobis offerunt loca, quæ divina verbum, de habitatione ejus in caligine, declarant. Prius assertum Exod. XIX, 9. exhibetur, ubi Jehovah Mosi indicat se כַּעֲנַן in densitate nubis descensurum, ac audiente populo cum illo collocaturum esse. Erat illa densa nubes, in qua Deus apparebat in monte Sinai, quæ, ut supra demonstravimus, עֶרְפֶּל appellatur. Posterior locus nobis sistitur, Lev. XVI, 2. quo Deus, se כַּעֲנַן in nube super propitiatorio appariturum esse, Mosi dixit. Huc provocat, auctoritate libri Siphre, RASCHI Comment. ad hunc loc. inquit: כִּי אֶרְאֶה עָלֶיךָ אֶרְפֶּל כַּעֲנַן אֶרְאֶה עָלֶיךָ שְׁנֵי יָמִים בְּסִפְרֵי sed ubinam dixit (istud Deus, ad quod h. l. provocat Salomo? Resp. Lev. XVI, 2. ubi diserte inquit) nam in nube appareo super propitiatorium. Ita quidem docetur in Siphre. Super propitiatorio vero eandem nubem, pro qua nos pugnavimus, visam fuisse, in eo ad unum fere omnes antiquitatum gentis Hebrææ investigatores, gravissimis moti causis, consentiunt. Cum itaque Deus se in עָנָן, Salomo vero eundem in עֶרְפֶּל habitaturum esse, dixerit, hanc caliginem cum illa nube unam eandemque fuisse discimus.

Probatio δ) ex præfixo ה emphatico.

Nec tandem illud prætereundum esse censemus, quod ה emphaticum עֶרְפֶּל præfixum fuisse, puncta nos edoceant. Hæc enim litera, ה היריעה cognitionis seu notitiæ ab Hebræis dicta, rem notatu dignam jamque notam indicare solet. Dum enim ה significatum intendit, & indicat, hanc ipsam eandemque caliginem esse, sine dubio ad antecedentem עָנָן & ad כְּבוֹד יְהוָה quæ Templum implevit, vers. 10, II. remittitur, & hanc ipsam caliginem, in qua Deus habitare voluit, illam nubem fuisse, quæ pari modo ה illo emphatico vers. 10. notabatur, edocemur.

§. IV. *Incola hujus Caliginis est verus  
Deus יהוה*

Considerata nunc ערפל, ad habitationis hujus Incolam descendendum esse intelligimus. Hic vero est Deus verus, unus in essentia & trinus in personis, quem Salomo nomine tetragrammato יהוה indicavit. *Nomen illud, etiam ex sententia Hebræorum, soli Deo proprium est, & creaturis incommunicabile, unde quidam putant, vocatum esse שם המפורש b. e. שם מבורך* nomen separatunt, nulli, nisi Deo, conveniens & attributum: reliqua Dei nomina, ab operibus ejus desunta, communicari aliquando cum creaturis; hoc vero desuntum a Dei essentia, ejusque rationem divine plane exprimens, nulla ratione communicari, ut BUXTORFIVS, provoeans in hunc finem ad MAIMONID. *Doctor. Perplexor. P. I. cap. LXI*, testatur, in *Exerc. de Arc. Fæd. c. l. p. 6.* qui copiose alias de hoc nomine commentatus est, &, quicquid ad illius discussionem facit, sollicitè congestit, *Dissertat. V.* quæ est de *Nominibus Dei Hebræicis §. 6-35.* Hac itaque voce יהוה ille Deus indicatur, cujus gloria Templum impleverat, i Reg. VIII, II. cujus nomini hoc Templum sacrum erat, qui in eodem habitare volebat, vers. 13. cui preces supplices offerebantur, vers. 22. qui preces vocantium exaudire, vers. 30. iisdemque auxilio adesse volebat, v. 32. qui nec in cælo superiorem, aut in terra inferiorem, alium Deum, aut æqualem agnoscit, vers. 23. & solus est verax & misericors, v. 23. quemque prolixius Salomo *loc. cit.* & 2 Par. V. & VI. describit. Est יהוה caliginis incola, qui Israelitas interdum in nube præcessit, Exod. XIII, 21. ex eadem respexit, & Aegyptiis terrorem incussit, Exod. XIV, 24. juxta cujus sermonem (quem in, per, & ex columna nubis indicarat Exod. XL, 36.) profecti & castrametati sunt Israelitæ, Num. IX, 18. quem Moyses, arca proficiscente, alloquitur: קומה יהוה *surge Jehovah*, Num. X, 35. coll. Psal. CXXXII, 8. Conf. M. VAL. FRIDERICI *Diff. de Columna Ignis ac Nubis c. I. §. 3.*

§. V. *terminative, Messias.*

Licet verò in eo Christianorum & Judæorum Doctores, si non omnes, certe plurimi amice conspirent; magna tamen controversia orta fuit circa motam quæstionem, quæ Deitatis persona singulariter & terminative sub hoc symbolo fuerit? Nos, ut aliorum sententiis non immoremur, cum BUXTORFIO *loc. cit. c. XIV. p. 125 sq.* CALVÆRIO in *Gloria Mosis Dissert. I. c. l. §. 10. p. 24 sq.* FRIDERICI *l. c. cap. I. §. 5.* aliisque innumeris, gloriosum Servatorem nostrum Jesum Christum, caliginis hujus incolam fuisse affirmamus. Virgemus ante omnia cum BUXTORFIO, effatum D. Pauli I Cor. X, 2, 4. & v. 9. quæ Israelitæ Christum tentasse dicuntur. Respicit Paulus ad res gestas Num. XXI, 4 sq. consignatas. Ibi locuti sunt contra Deum & Moysen, tanquam eos, qui ipsos ex Aegypto eduxerant in desertum, ut ibi morerentur. Hoc refertur *loc. cit.* ad Christum, ex quo patet, Christum illum ipsum fuisse, qui eos ex Aegypto eduxerit, Deus vero, qui id præstiterat, in columna nubis eos eduxit, Exod. XIII, 21. Postea novum inde argumentum depromimus, quod Exod. XIV, 19. Angelus Dei, & Exod. XIII, 21. ipse Deus in nube illos antecessisse dicitur, unde patet, Angelum fuisse illum magnum fæderis Angelum, Malach. III, 1. Angelum faciei Jes. LXIII, 9. immo ipsam faciem Dei, Exod. XXXIII, 14 sq. Quid autem opus est prolixiore demonstratione, cum id dudum prolixius & solidius, cum viris ante excitatis, Venerab. SAL. DEYLINGIVS in *Progr. de Angelo Israelitarum per desertum ductore* edit. A. 1722. & in *Observat. S. P. I. obs. XXX. p. 140 sq.* LUNDIVS *loc. cit. L. I. c. X. §. 15. f. 40 sq.* & vel sexcenti alii, (in quibus præ ceteris vide IOH. IAC. CRAMERI *Theologia Israelis P. II. Dissertat. I. in Exod. XXIII, 20-23. & Dissertat. II. in Exod. XXXIII, 1-6, 12 - fin. & Cap. XXXIV, 5-10. pag. 247 seq.*) invictis plane rationibus probatum dederint.



§. VI. *Actus & modus inhabitandi שכן.*

Tempori potius inservientes, de actu & modo inhabitandi שכן mentem nostram paucis exponamus. Sapienter omnino Salomo querit: Numne Deus habitabit super terram? En celi & celi calorum non comprehendunt Te, Jehovah, I Reg. VIII, 27. Deo nimirum, cum is infinita sua essentia cælum & terram impleat, Psalm. CXXXIX. non potest proprie habitatio quædam certa, definita & limitibus circumscripta assignari. Interim tamen Scriptura Sacra Deum ibi habitasse innuit, ubi peculiari modo præsentiam suam gratiosam miracula patrando, suos defendendo, ex ærumnis eripiendo, solatio erigendo, ad Prophetas, si minus facie ad faciem, ut ad Moysen, aliis tamen modis, πολυμερῶς καὶ πολυτρόπως loquendo, manifestare solet. Habitare dicitur Deus in excelsis, in Zion & Ecclesia, in contritis cordibus Psalm. LXVIII, 17. CXXXII, 13, 14. CXXXV, 21. Jesai. LVII, 19. Ezech. XXXVI, 27. Joh. XIV, 23. 2 Cor. VI, 16. quo præsentis Dei gratiosa manifestatio, actio, defensio, illuminatio, consolatio, salvatio &c. intelligitur. Cum nubes gloria repletet templum, dicebat Salomo: I Reg. VIII, 12. Dominus dixit, se habitare in caligine, h. e. hoc signo testatur, se præsentem esse, ut præclare GLASSIUS scribit, in Philolog. S. L. V. Tr. I. c. VII. p. 1589 sq. Sicut ille, qui in domo aliqua habitat, eandem erigit, curat, a ruinis præservat, defendit: ita Deus, cum Israelitas in peculium sibi ascivisset, eosdem defendebat, gratia sua speciali dignabatur, salvos ubique & incolumes præstabat. Hinc inter eos שכנה habitationem suam habere cum ipse promisit, Exod. XXIX, 45. tum opere satis ipse testatum fecit. Quod vero ad hanc שכנה huiusque materiam attinet, multa de eadem Judæorum Doctores rhetoricari solent. Sunt, qui Deum nubem quandam, ad suam gloriam, primo creationis die condidisse asserunt, hanc tamen turbidam fuisse atque crassam, ut adeo de illa Scriptura S. testetur, tenebras super abyssi faciem fuisse. Post e vestigio eodem die lucem

creasse, quæ Gloria Dei dicatur. Ambo illa statim facta fuisse, ut inservirent ad faciendum diem & noctem, luce quippe apparente factum esse diem, stante nube illa densa & tenebricosa circa eam, & lucem abscondente, factam esse noctem. Hanc lucem ideo Deum creasse, ut usus ejus esset in diebus creationis, donec crearentur luminaria, postea vero absconditam fuisse & obsignatam lucem illam, ut ea Deus uteretur tempore necessitatis erga amicos suos, quia viderit, non decere, ut ea utantur impii. Hanc itaque שכנה causatum illud primo a Deo emanans, eximios illos viros, scil. sapientes Judæorum; vocasse ABARBENEL ait. Ipse vero non vult nubes istas gloriosas & ignes visibiles, in quibus Deus apparuit, fuisse illud emanatum a Deo primum, sed aliquid ab eo derivatum & emanans, ut BUXTORFIVS observavit, loc. cit. pag. II4 sq. ubi prolixius rem prosequitur. Alii aliter locuti, sibimetipsis misere contradicunt, lepidas fabulas ex ingenio de שכנה cudunt, ut adeo in re seria ludere, &, quid ipsi sæpius voluerint, ignorare videantur. Nec etiam temporis aut instituti nostri ratio permittit, ut in præsentiarum nobili illi controversiæ, inter CEL. HARDTIUM & CALVOERIUM, circa materiam hujus nubis & caliginis, quæ Dei שכנה dicitur, agitata, nos immittamus. Vide HARDTII Ephemerid. Philol. Diss. V. p. 86 sq. it. Ephemerid. Illustr. p. 93 sq. Hunc refutavit Cel. CALVOER in Gloria Moysi Dissert. I. cum quo faciunt IOH. IAC. CRAMERVS in Theol. Israel. P. II. cap. V. §. VII. p. 60. IOH. MARCKIUS in Exercit. Bibl. Dissert. VIII. §. XV. CHRIST. MUNDENIUS in Commentar. de Columna Nubis & Ignis. Hoc simplicissimum esse cum BUXTORFIO loc. citat. de Arc. Fed. cap. XI. p. 115. existimamus, ut dicamus, nubis & ignis illius שכנה materiam ex nihilo tum a Deo, pro sua omnipotentia, pro illa hora & ad certum tempus fuisse miraculose & extraordinarie creata & producta, &, quam diu ipsi libuit, illis pro signis & symbolis gloriosis gratiosa suæ præsentie uti, conservata, postmodum iterum procul dubio in nihilum redacta: neque ne-



cesse est, ut ultra hæc de illis inquiramus, quia Scriptura non plus de iis nobis revelavit: Extra hanc sapere velle, est periculosum & temerarium. Nobis sufficit, quod teste Scriptura S. Divina שכנה nubes illa fuerit, quæ Tabernaculum & Templum implevit, postquam Sacerdotes arcam eidem intulerant. Vnde non solum tentorium vel sexcentis in locis κατ' ἐξοχήν משכן, sed etiam Templum, in monte Morijah hunc in finem extructum esse, ipse Salomo 1 Reg. VIII, 13. 2 Paral. VI, 2. testatur, ut Deus ibi habitet. Ita, observante iterum GLASSIO loc. cit. p. 1590. quando Exod. XXIX, 45. dicit Deus שכנתי בתוך בני ישראל habitatio in medio filiorum Israel, Chaldaeus vertit: Et collocabo שכנתי presentiam seu majestatem meam in medio filiorum Israel, 1 Reg. VIII, 12. Dominus dixit: se habitare in caligine. Chald. Jehovæ bene placitum est collocare שכנתי presentiam seu majestatis apparitionem in Jerusalem. Dei quoque שכנה perpetuo in templo Hierosolymitano conspicuam fuisse, quam diu Arca Fæderis ibi habitavit, sublata vero arca, hanc quoque שכנה cessasse, omnes fere Judæi pariter, ac Christiani, uno quasi ore affirmant. Secundum enim templum, auspiciis Zorobabelis, a Judæis, ex captivitate Babylonica reversis, conditum, his quinque, Arca Fæderis, Igne cælesti, Vrim & Thummim, Oleo sacro, & שכנה caruisse, inter omnes constat: vide RELANDI Antiqu. Hebr. P. I. C. VIII, p. 70. DRVSII Observat. Lib. XV. cap. XVI. f. 1474. Licet vero his destituto templo secundo non exigua pristini splendoris pars decessisse videatur, nihilominus ex vaticinio Haggæi Cap. II, 9. יהיה כבוד הבית הזה גרול יהיה כבוד הבית הזה gloria Templi hujus secundi major dicenda erat, quam prioris, si in eodem antitypum hujus שכנה, immo, ipsum hujus Incolam, humana vestitum natura, nempe Jesum Christum, apparuisse perpendimus. vid. Ven. D. DEYLINGII Observat. S. P. III. obs. XXI. Hic enim fuit vera arca & ἱλαστήριον, Hebr. IV, 16. (iterum DEYLING. loc. cit. P. II. obs. XLI. item P. III. obs. XLVI.) ἐν αὐτῷ κατοικεῖ πᾶν τὸ πλῆ-

ρωμα τῆς θεότητος, non in nubibus, cerimoniis, umbris, velut inter Cherubinos, sed vere, essentialiter & σωματικῶς, Col. II, 9. super hunc Spiritus S. habitavit, Jec. XI, 1. LXI, 1. Hic suam שכנה ita habuit inter homines, ut Johannes de illo prædicet: ὁ λόγος σὰρξ ἐγένετο, καὶ ἐσκήνωσεν ἐν ἡμῖν, Joh. I, 14. In hoc itaque fuit vera σκηνή & שכנה, quam illa in priori templo repræsentavit, qua Christus ad templum suum venit, Mal. III, 1. Luc. II, 22. Marc. XIV, 49. & in carne gratiose se manifestavit, 1 Tim. III, 16. Confer, FRISCHMUTHI disp. de gloria Templi secundi, GOODWINI Mos. & Aar. L. II. c. I. §. XXIV. LUNDII loc. cit. L. I. c. XIV. §. 7. f. 66 sq.

#### §. VII. Probatio ex Psalm. XVIII, 10.

Ex his itaque dictis satis clare ac perspicue patere existimamus, Deum caliginis incolam recte salutari. Dixit id non solum Salomo, sed dudum pater ejus, Davides, Divino agitatus veritatis spiritu, testimonio suo comprobavit. Hunc enim amice cum eodem conspirare discimus, dum Psalm. XVIII, 10. evolimus, & Davidem, hæc de Deo fatentem, percipimus: וּפַרְלֵי חַתּוֹת רַגְלִי caligo sub pedibus ejus fuit. Cum recte omnino BASILIUS de Psalmorum libro dixerit: ἐνταῦθα ἐν θεολογίᾳ τελείᾳ, hic reconditus est perfectæ Theologie thesaurus: Homil. in Psalm. I. Tom. I. p. 109. quandoquidem universam omnino doctrinam cælestem tradit, adeo quidem copiose, ut nihil eorum, quæ credenda, facienda, & speranda in toto Codice traduntur, reliquum faciat, ut graviter admodum Præses noster loquitur, in Introduct. ad Lib. V. T. P. II. c. III. §. VII. p. 113; hic quoque Psalmus de Divina majestate, potentia, sapientia, justitia, misericordia, de hominis statu miseriæ & gratiæ, aliisque doctrinæ cælestis capitibus, solidissime nos instruit. In eo nunc est Davides, ut Deo pro exhibitis sibi beneficiis, & ereptione ex omni totius vitæ periculo, gratias decentes agat, & Divinam clementiam pia mente lætoque ore



celebret: Multi quidem, quod non ignoramus, cum AUGUSTINO, hunc Psalmum de Christo, & quidem resurgente, ducti in primis Apostoli ad Christum applicatione, Rom. XV, 9. Hebr. II, 13. interpretari solent. Postquam vero hujus Psalmi titulus & conclusio vers. 51. Davidem de propriis suis calamitatibus locutum esse declarant, & auctor hujus Cantici vers. 22. seqq. studium & progressum pietatis promittat, quæ quidem in Christum non quadrant, quippe qui, propter inhærentem ἀναμαρτησίαν, quotidianis pietatis incrementis opus non habebat, malumus cum aliis hunc Psalmum πρώτως, & secundum sensum literalem, non de Christo, sed de Davide interpretari. De cetero sensu mystico & typice ad Christum hunc Psalmum aliquo modo commode applicari posse, & multa de Christo & Ecclesia, mystico ejus corpore, eodem contineri, non negamus. Certum enim est, Davidem, etiam in calamitatibus, & ex iisdem liberatione, Christi typum præbere. Recte adeo GESNERVS in *Comment. ad Psalmos David.* f. 164. edit. Vitemb. 1609. ad hunc Psalmum scribit: *Davidis res ita comparata sunt, ut nusquam fere sola, sed semper cum Christi rebus & officio juncta ac permixta inveniuntur, eo, quod Davidem Christi typum gerit.* Condidit Davides hoc ἐκείνιον εὐχαριστῶν finito cum hostibus prælio, & decurso fere fidei vitæque stadio, quod historia 2 Sam. XXII. demonstrat: idque hoc ordine, ut primum calamitates, quas expertus est, postea vero Dei auxilium validissimum describeret. Hoc Jehovah auxilium, quo eo magis extolleret, magno verborum pondere, selectisque sermonis emphasibus, יהוה cum cælorum fragore, & tremendo terræ motu, orta tempestate tristissima, auditis tonitribus, emissoque fulgure, adventantem sistit. Huic gravi, & majestati Divinæ convenienti, descriptioni densissimæ subpedibus ejus caliginis vers. 10. mentionem iniecit: וְעַרְפַּל תַּחַת רַגְלָיו & caligo sub pedibus ejus fuit. Ante omnia quæstio movetur: An revera Deus in ejusmodi caligine Davidi, contra hostes pugnaturus, visibili specie

adstiterit, hac sua caligine, tanquam præsentiae suæ symbolo, terrorem hostibus incusserit, atque hoc modo eosdem in fugam conjecerit? Inter alios præcipue SAL. GESNERVM, ad hanc quæstionem affirmando respondentem, habemus, *loc. cit. f. 168. Tametsi, inquit, in historia Davidis non rectatur ejusmodi liberatio, facta per fulmina & tempestates, id tamen non satis est causa, quod id factum esse negare velimus: præsertim cum 2 Sam. XXI. quod immediate hunc Psalmum antecedit, quatuor commemorentur acerrima prælia, cum Philistinis commissa, quæ brevissime saltem recitantur, modo & ratione reportata victorie non satis expressa. Ac cum ipsa historia commemoret, Davidem jam senio confectum, viribus debilitatis, imparem fuisse insolite magnitudini & robori gigantum Palaëstinorum, dubium non est, quin isti gigantes Raphaia divina potentia sint confusi.* At vero dubium omnino poterat esse de tempestatibus ortis, emissis fulminibus, & apparitione Dei in caligine, præsentiae suæ symbolo, ad suppressendos hostes, si consideretur, nullam hujus miraculi unquam mentionem fieri, nec volam aut vestigium in omnibus Davidis bellorum & victoriarum recensitionibus apparere. Cum enim alias, quoties præter ordinem per miracula hostes fuerunt victi, distincte ac perspicue singula consignari voluerit Deus, credibile vix esse potest, omnia hæc, notatu dignissima, silentio fuisse occultata & plane omissa, si re vera ita gesta & peracta essent. Vt adeo satis causæ id nobis videatur, quare ita factum esse, si non simpliciter negemus, saltem adhuc dubitemus. Interim tamen non negamus, sæpius Davidem a Deo robore fuisse armatum, Deum eidem singulari modo, v. g. 2 Sam. V, 24, 25. &c. gratia sua affuisse, hostes ejus gigantes per Davidem, ejusque debiles & exiguos milites, vicisse, atque hoc ipso magnum & admirandum potentiae suæ exemplum Deum dedisse, hoc utique lubentes concedimus. Quod vero Deus tonitribus Philistæos, ut olim tempore Samuelis, 1 Sam. VII, 10. vicerit, & immediate in caligine, ut olim contra Aegy-

Aegyptios, Exod. XIV, 20, 24. pugnaverit, ta-  
eente Scriptura S. & nos affirmare religioni du-  
cimus. Senio confectum Davidem cum Philis-  
tinis pugnavisse verum est: at, quemadmodum  
Davides, cum נָעֹר, adolescens debilis, adhuc  
esset, Goliathum vicit, 1 Sam. XVII, 33, 49.  
quid obstat, quo minus eidem Deus mediate per  
manus suosque milites, nec immediate in cali-  
gine adstans, atque fulgura & tonitrua in hostes  
vibrans, Philistaeos subjugaverit? Nihil etiam  
inde gloriæ & majestati Divinæ decedere me-  
tuendum est. Optime locum hujus Psalmi no-  
strum explicari posse confidimus, si, cum eo-  
dem GESNERO, Davidem vers. 10. retro ad his-  
toriam liberationis ex Aegypto, Exod. XIV, 24.  
quo beneficio Ecclesia omnium temporum  
se se consolari consueverit, respexisse, con-  
temdamus. Illud præterea huic observationi  
adjicere liceat, quod Davides vers. 10. quo  
Deum caliginis incolam ait, ad Dei super mon-  
tem Sinai adventum Exod. XIX, XX. remittere  
nos videatur. Hæc dum meditamur, GEIE-  
RUM volventes, nobiscum sentientem legimus  
atque scribentem in *Comment. ad Ps. Dav. f. 236.*  
*ad b. l. Iterum (ut vers. 9.) alludit (Davides)*  
*ad descensum illum Dei majesticum in Sinai,*  
Exod. XX, 21. Deut. IV, 11. *ubi circa montem, ad*  
*medium usque cali exardescentem, dicuntur fuisse*  
*tenebræ, nubes, וְעָרַפַּל & caligo.* Nec adeo  
alienus est ab hac interpretatione ipse GESNE-  
RVS, ut potius l. c. scribat: *Simpliciter hic sta-*  
*tuimus, Davidem in descriptione tempestatis nota-*  
*re, calum nubibus subito obductum, Deique præ-*  
*sentiam certissimo argumento ostensam fuisse: qualis*  
*erat illa præsentia in monte Sinai, Exod. XIX. ubi*  
*densissima nubes montem operuit, & Dominus sese*  
*in cacumen montis demisit, ad colloquium cum*  
*Mose.* Sensus itaque hujus loci huc forte redi-  
bit, ut indicet, hostes, cum quibus bella gesse-  
rit, terrore fuisse agitados, æque ut Israelitas ad  
conspæctum caliginis in monte Sinai, Exod.  
XX, 19. & suppressos, ut Aegyptios Exod. XIV,  
20 sq. prope mare rubrum. Immo vero, si  
quis sensui literali inhærere, atque hæc omnia

in bellis Davidicis, orta caligine, gesta fuisse, de-  
fendere velit, nec adeo absurdam, aut nimis  
longe petitam, explicationem tueretur, si hæc  
ad nubem, in qua Deus super arcam habitavit,  
applicaret. Exinde, quod *caligo sub pedibus Dei*  
fuisse dicitur, argumentum erui posset. No-  
tum enim est, Arcam Fæderis ideo, quia Deus  
super eam habitavit, הָרוֹם רַגְלָיו *scabellum pe-*  
*dum Dei*, 1 Paral. XXVIII, 2. & alias appellari:  
conf. FLACII *Clavis* in voce: *scabellum*. Cā-  
ligo itaque, forte ideo sub pedibus Dei fuisse di-  
citur, quia in scabello pedum se conspiciendam  
hostibus exhibuerit. Illud etiam huic senten-  
tiæ patrocinari videtur, quod vers. 11. רָכַב  
עַל-כְּרוּב *Cherubino insidens* sistatur: Deus enim  
se præsentem futurum ex arca, superna in nube  
e medio Cherubinorum, qui in operculo arcæ  
fuerunt, promisit, Exod. XXV, 22. Lev. XVI, 2.  
& re ipsa Num. VII, 89. præstitit. Vnde non  
uno in loco Deus nomen accepit יֹשֵׁב הַכְּרוּבִים  
*sedentis vel habitantis inter Cherubinos*, ut BVX-  
TORFIVS observavit *Exercit. de Arc. Fæd. p. 9.*  
104. conf. *Psal. XC, 2. XCIX, 1. 1 Sam. IV, 4.*  
&c. add. LVNDIVS *loc. cit. L. I. c. XIII. f. 58 sq.*  
IOH. CHRISTOPH. WICHMANNSHAUSEN *Dis-*  
*sput. de operculo Arcæ Fæd. propitiatorio pag. 27,*  
33 sq. WITSII *Miscell. T. I. L. II. Diff. 1. p. 440.*  
Accedit, quod Israelitæ, bella gerentes, Arcam  
Fæderis sæpissime castris suis inferre consueve-  
rint, & hac præsentem, hostes feliciter vicerint.  
Ideo arcam hanc יְיָ אֵרֶן *arcam fortitudinis*  
Domini 2 Chron. VI, 41. Psalm. LXXVIII, 62.  
CV, 4. CXXXII, 8. salutari, BVXTORFIVS *loc.*  
*cit. p. 3.* non male judicat, quod Deus per eam,  
fortitudinem & potentiam suam exercuerit in  
bello. Super hanc arcam, Deum in columna  
nubis habitasse, ante demonstravimus. Hanc  
vero nubem, quam præsentia suæ symbolum  
sibi gratiose fecerat, quoties singulare justitiæ,  
potentia & majestatis suæ specimen edere con-  
stituerit, mirum in modum caligine fuisse re-  
pletam, varia, partim ante excitata, loca de-  
monstrant. Insignem itaque probabilitatis gra-  
dum hæc explicatio attingit, si quoque per ca-  
liginem



lignem sub pēdibus Dei, nubem illam, densissima interdum in praelio caligine impletam, Davidem indicare voluisse, statuatur. Fieri hoc modo potuit, ut, quoties hostes tenebras & caligines nubis, inter Israëlitarum castra apparentis, aspexerint, excæcati fere, omnique usu lucis destituti, in tenebris erraverint, terrore concitati, Jud. VII, 9 sq. 2 Reg. VI, 18. capti, & si non occisi, certe ad perpetuam captivitatem damnati fuerint. Deus non solum quoad pedes, sed quoad totam essentiam in caligine habitasse vers. 12. nos edocet: *ישת חשך סתרו סביבותיו* posuit tenebras latibulum suum, circuitus suos tentorium suum, tenebra aquarum nubes calorum, ut adeo, quasi dux exercituum, in medio Israeliticorum castrorum, in tenebris, tanquam in tentorio suo, habitasse indicetur. Voce ערפל ejusmodi caliginem indicari, quæ omnem oculorum usum ambulanti- bus adimat, & proinde varias miseras iis efficiat, loca parallela testantur. Tenebri- cosis semper caliginibus maria, propter crebri- ores exhalationes, tegi, ut quasi nubes perpetuo iis incubare videatur, & proxime adjacentia loca velare, constat: has tenebras Spiritus Sanctus ערפל Job. XXXVIII, 9. appellat. Vnde adeo Deus dum res, in reconditis locis gestas, describere vult, eas in ערפל esse dicit, Job. XXII, 13. aut quoties crassissimam, ut ita loquar, gentium ignorantiam innuere vult, ערפל populos tege- re Jesh. LX, 2. ait; aut quoties omnis generis miseras, ærumnas, pericula, calamitates, quibus homines immorigeros misere castigavit, in compendio exhibere cupit, diem nubis & cali- ginis ערפל יום se iis immisurum, Joel. II, 2. Zeph. I, 15. lucem in ערפל mutaturum, Jer. XIII, 16. minatur, & tempus summæ mi- seriae ערפל יום fuisse Ezech. XXXIV, 12. fatetur. Ex his, quæ adduximus, locis, Deum non solum חשך & ענן, sed, quoties significa- tum intendere vult, ערפל adhibere discimus. Quæ quidem si ad locum, quem consideravimus, rite applicentur, non exiguam lucem eidem as- ferent, & partim tenebras, quæ hostes terruerunt,

ut liberationis Davidicæ causam, partim etiam ho- stium, quæ insculta est, stragem & miseras ineffa- biles, ut ejus effectum, eo felicius demonstrabunt.

#### §. VIII. Probatio ex Psalm. XCVII, 2.

Atque sic Davidis effato Deum caliginis incolam, nos satis quidem valide probasse confidi- mus. Restat, ut ad aliud, quod ex Ps. XCVII, 2. nobis suppeditatur, argumentum descendamus. Hæc vero ibi leguntur: *סביבו ענן וערפל* in circuitu ejus nubes & caligo conspiciuntur. In eo plurimi conveniunt Interpretum, quod hic Psalmus vaticinium de Christo, & ejus regno, contineat. Quod cum ex aliis argumentis, tum ex Apostoli testimonio, Hebr. I, 6. probave- runt. Vnde CALOVIVS in Bibl. Illustr. Tom. I. f. 1075. hunc locum strenue contra GROTIUM defendit, & non solum applicationem, sed soli- dam demonstrationem Deitatis Christi ab Apo- stolo ex hoc Psalmo institui, luculenter docet. Psaltes, thesin suam vers. 2. יהוה מלך Jehovah regnat, ita probat, ut ante omnia Regis maje- statem exponat, ita quidem, ut primum ענן סביבו וערפל nubem & caliginem circa eum esse scribat. His verbis Prophetam ad horrendam illam caliginem, tempore promulgationis Legis in monte Sinai ortam, qua non solum ענן Exod. XIX, 16. XXIV, 15, 16. sed & ערפל Exod. XX, 21. Deut. IV, 11. V, 19. circa Deum fuisse confirma- tur, respexisse, cum GESNERO, CALOVIO, plerique existimant. Nec male: quandoquidem Stephanus Actor. VII, 38. Christum, cujus regnum hoc Psalmo describitur, ibidem, בענן ערפל in nube & caligine apparuisse, atque le- gem promulgasse, non obscure indigitavit. Huic tamen explicationi hoc adjiciamus, ut Psal- tem non ad solam hanc apparitionem Christi, in nube & caligine tantum, sed ad omnes omnino Messiae revelationes, respexisse contendamus. Fuir סביבו ענן nubes circa Regem nostrum Je- sum Christum in monte, Matth. XVII, 5. Marc. IX, 7. cum ascenderet in celos, καὶ νεφέλη ὑπέ- λαβον αὐτὸν ἀπὸ τῶν ὀφθαλμῶν αὐτῶν, Act. I, 9.

in nube redibit ad iudicium extremum, tunc  
 ὕψονται τὸν υἱὸν τῆ ἀνθρώπου ἐρχόμενον ἐπὶ τῶν  
 νεφελῶν τῆ ἡρᾶς, Matth. XXIV, 30. conf. Dan.  
 VII, 13. Apoc. XIV, 14. Habent cives ejus nu-  
 bes, quæ justitiæ pluviam emittunt, Jes. XLV, 8.  
 sub quibus aequæ, ut olim Israelitæ, Psal. CV, 39.  
 tuto delitescere, Jes. IV, 5. queant. Rex noster  
 præterea ערפל in circuitu habet, qua caligine  
 armatus, ex justo judicio impiis dies ענן וערפל  
 nubis & obscuritatis, Joel. II, 2. immittit, ut  
 dies adventus sit ענן וערפל nubis & caliginis,  
 Zeph. I, 15. Temperare nobis non possumus,  
 quin GEIERI luculentam explicationem inferamus,  
 in Comment. ad Psalm. David. ad h. l. f. 1684.  
 scribentis: Pertinet & hoc (nempe ערפל) ad  
 describendam Dei majestatem plane tremendam, ac  
 impervestigabilem, ita, ut terror & consternatio  
 incutiat, cuius appropinquaturo; siquidem, ut  
 lux notitiæ & gaudii, ita caligo horrois ac igno-  
 rantie ut plurimum solet esse symbolum, unde &  
 ערפל pro insauro terrificoquo solet poni,  
 Ezech. XXXIV, 12. Joel. II, 2. Zeph. I, 15. At-  
 que hac de causa etiam descendente Deo in Sinam,  
 Exod. XIX, 9. XX, 21. XXIV, 16. Deut. IV, 11.  
 Hebr. XII, 18. circa montem, ad medium usque  
 calis exardescentem, dicuntur fuisse tenebræ, nu-  
 bes, ערפל & caligo, occultanda velut majestatis,  
 arcendæque curiositatis causa, ferme sicut Regum  
 Magnatumve conclavia tapetibus vel aulæis ob-  
 duci solent, nec temere cuius pateat accessus vel  
 introspectio. Sedet Rex noster in caligine, tan-  
 quam in tribunali suo, ut ex eo leges civibus  
 ferat, Exod. XIX, XX. ut casus dubios decidat  
 Exod. XVIII, 23. Num. XXVII, 5. Locutus est  
 mysteria, quæ quasi caligine oblecta, non nisi  
 ab Apostolis capiuntur, Matth. XIII, 9. ut hi  
 postea σοφίαν θεῶν ἐν μυστηρίῳ τῇ ἀποκαλυφθείσῃ,  
 I Cor. II, 7. nobis revelarent, quæ explicatio  
 est HIERONYMI in Ezech. cap. XL. Caligo fuit  
 circa Christum, qui est Rex a caelesti suo Patre  
 in monte sancto constitutus, Psalm. II, 6. cum,  
 e cruce pendens, intensissimos dolores patere-  
 tur, tunc enim σκότος ἐγένετο ἐπὶ πάντων τῶν  
 γῆν, Matth. XXVII, 45. multasque caliginis ex-

plicationes exhibet LORINVS Comment. in Psal.  
 Tom. II. f. 819. Non sine causa Psaltes ערפל  
 cum ענן conjungere videtur, ut scilicet utro-  
 que cives suos, æque ut olim Israelitas, Exod.  
 XIV, 10 - 24. Regem defendere ac tueri de-  
 claret.

§. IX. Conciliatio phraeor: Deus in  
 Luce habitat.

Ex his itaque, quæ diximus, Deum Caliginis  
 incolam esse, satis clare patebit. Huic tamen  
 sententiæ Davides, Psalm. CIV, 2. Paulus, 1 Tim.  
 VI, 16. Johannes, 1 epist. I, 5, 7. contradicere  
 videntur. Illi enim Deum Lucem esse, in Luce  
 habitare, Luce se vestire, clare & perspicue affir-  
 mant. At vero in salvo res est, & hi amice  
 omnes inter se conspirant, modo ipsam divinam  
 essentiam, ab ejusdem visibili, externa, & accel-  
 foria habitatione, & presentie symbolo, probe  
 distinguamus. Symbolum enim externum  
 presentie divinæ est ערפל caligo, ipsa vero es-  
 sentia Dei, quæ eandem inhabitat, est אור lux,  
 non sine pondere & causa ita denominata. Hæc  
 mens fuit LORINO, loc. cit. Tom. I. f. 231. dum  
 lucem, in qua Deus habitare dicitur, cum GRE-  
 GORIO & HIERONYMO, de Deo secundum se  
 exponi debere scribit. Solide & nervose GLAS-  
 SIUS in Philol. Sacr. L. V. Tr. I. cap. VIII. p. 1613.  
 loquitur: Quando Deus Lux dicitur 1 Joh. I, 5.  
 majestas, sanctitas, perfectio, & beatitudo ejus  
 notatur, sicut luce caelesti, ad nos transmissa, nihil  
 pulchrius & clarius, nihil purius est, nihil magis  
 letificat. Audiamus ABARBENELEM ita disle-  
 rentem: Deus Benedictus in Scriptura cognomina-  
 tur אור Lux, sicut dicitur Psalm. XXXVI, 10.  
 Quin imo non solum Propheta cognominantur Dei  
 gloriam nomine lucis, sed & sapientes Gentiles  
 tradiderunt, quod sit אור מוחלט lux absoluta.  
 Postquam ad PLATONEM & ABYCHAMADI Li-  
 brum Luminarium Divinorum, provocaverat,  
 ita pergit: Ex quibus ipsorum dictis liquet, quod  
 Deus benedictus sit Lux absoluta, & aliis omnibus  
 lucem communicet. Et hæc ipsa etiam est sententia  
 Kabba-



Kabbalistarum, qui vocant Deum אור קדמא Lucem primam, aeternam, אור צח Lucem purissimam, אור צוחצח Lucem splendidissimam, quia visum ipsis fuit, nomen lucis melius exprimere, ejus naturam & essentiam, quam alia nomina, quæ verba exhibet BUXTORFIVS in Hist. Arc. Fæd. Cap. XIII. p. 121 sq. Id ipsum SANDÆVS non solum non cognovit, sed etiam ex voce trilitera אור mysterium SS. Trinitatis eruere voluit, in Theol. Myst. p. 206. Quare vero Deus Lux dicatur, præter alios DORSCHÆVS egregie his verbis exponit, in Pentadec. Diss. prælim. ad 1 Timoth. VI. 16. §. 30. p. 19: Consideretur porro 1) admiranda lucis etiam creatæ excellentia & majestas: 2) stupenda ejusdem claritas & puritas, tum ratione subjectorum, quibus inest, tum ratione affectionum, quas edit, tum ratione effectuum, quos producit. Perpendatur 3) summa lucis efficacia & fecunditas: 4) mira ejus pulchritudo & venustas, & ineffabilis lucis jucunditas, & delectabilitas, & conferantur cum essentia Divina lucis, quæ incomparabiliter, & infinitis excellentior, purior, fecundior, pulchrior, jucundior est, quam omnis creata lux, & aliquatenus caliginosa vestigia inaccessæ illius claritatis, & divinissimæ lucis patebunt. Quomodo vero Deus dicatur in luce habitare, iterum DORSCHÆVS loc. cit. explicat: Hæc Lux est ipse Deus, unde ἀθανάτοτατος in ea habitare dicitur Deus. Deus enim proprie domum non habet, in qua habitet, sed est in se ipso. Nec aliter explicat Johannes, qui, postquam 1 epist. I. v. 5. dixerat: ὁ θεὸς ᾧ ἐστὶν ἡ σκότης ἐν αὐτῷ οὐκ ἔστιν ἡ σκότης: eundem Deum v. 7. ἐν τῷ φωτί esse docet. Hic πατὴρ τῶν Φωτῶν Jac. I, 17. ab æterno generavit Filium, qui est ἀπὸ φωτός τῆς δόξης, Hebr. I, 3. quia est נורה רמן נורה lumen de lumine, Deus verus de Deo vero, uti a Syris appellatur, in Rituali SEVERI, Alexandrini Patriarchæ, p. 61. & alibi, ut legimus apud BUXTORF. loc. cit. p. 136. Dicitur autem quam maxime ὧς τὸ ἀληθινόν Joh. I, 9. propter officium suum, quo fungitur. Conf. GLASSIUS l. c. p. 1614 sq. CHRIST. MAT-

THIÆ conciliatio dictorum Script. S. L. III. §. 82. p. 97 sq. GEIER. de omnipresentia Dei Medit. 30. p. 509 sq. POLYC. LYSER. Harm. Evang. c. 101. f. 1867 sq. Auctor libri Cosmi p. II. §. I. p. 77. edit. Buxtorf. Basl. DANNHAVER. Hodof. pag. 216, 224. &c. Evidentum itaque esse credimus, Deum; pro varietate respectus, & Lucis & Caliginis Incolam dici posse.

#### §. X. Cause, quare Deus caliginis incola:

##### 1) ejus Incomprehensibilitas.

Illa divina lux cum tanta luce radiet, ut nec mens ulla ullius hominis perfecte comprehendere valeat, maluit inter homines in caligine habitare, ut intelligerent homines, Deum æque minus mente, ac caligines oculis comprehendere posse. Huc respicit haud dubie ABARBENEL apud BUXTORFIVM loc. cit. p. 123. hæc loquens: Quemadmodum lucem solis, propter summum ejus splendorem & claritatem, oculus humanus non potest videre, quamvis causa sit, ut res videantur; & si homo propius & fixe eum intueri velit, oculi ejus percutiuntur & hebetantur, ut nec illud amplius videre queat, quod alias videre potuit: Sic non potest intellectus humanus apprehendere Deum, secundum veritatem suam, & si terminum suum egrediatur, apprehensio ejus confunditur, aut moritur, ut olim BEN ASSAI. NB. Vnde in libris Prophetarum dicitur, quod sit velum separans circa lucem divinam, & quod sit abscondita in nube & caligine, sicut David ait: Nubes & caligo circa eum, Psalm. XCVII, 2. item: posuit tenebras latibulum suum, Psalm. XVIII, 12. Et hoc ipso sensu dicit Habacuc cap. III. vers. 4. splendor illius ut lux Solis קרנים מירו לו splendores radii a manu ejus sunt ei, & ibi est absconditio fortitudinis ejus, quia lucem a se habet, non aliunde mutuata, propter summam tamen ejus claritatem & fulgorem, eam absconditam esse, quia scilicet occultatur, & absconditur ab oculis hominum.

§. XI. 2) *Ejus Invisibilitas.*

Supra, GEIERVM audivimus observantem, Deum, sicut Reges & Magnates aulæis conclavia obducentes, in caligine habitare, ne temere cuivis pateat accessus aut introspectio. His verbis haud obscure inter causas, propter quas in caligine Deus habitet, ejus essentia *invisibilitatem* referendam esse insinuavit. Est enim Deus ἀόρατος, 1 Tim. I, 17. qui de se ipso testatur: *לֹא יֵרָאֵי הָאָדָם וְיֵחִי* Nullus homo me videbit, & vivet, Exod. XXXIII, 20. Bene sentit Auctor libri Cosmi P. IV. §. III. pag. 277 sq. dum scribit: *Qui visum habet debilem, non videt, nisi veluti lucem subobscuram & exiguan, qualis est inter duas vespervas, instar vespertilionis, cujus oculi sunt lippi vel suffusione laborant, non videt nisi umbram; qui visu pollet acri & forti, videt quidem solem, sed solem ipsum, pleno fulgore splendentem, nullus oculus intueri potest: si quis id facere pertinacius tentaverit, excæcabitur.* Atque hæc propria illa gloria Domini, regnum Domini, & majestas Domini, quæ nomina lex divina usurpat. Hinc itaque caligine se cinxit. Caligines enim prohibent, quo minus ea, quæ iisdem occultantur, conspici possint. Vnde Spiritus S. res absconditas, & a nemine visas in עֲרַפֵּל jacere, Job. XXII, 13. & κρυπτὰ τῷ σκότειας esse, 1 Cor. IV, 5. dicit. Egregie illustrare possumus exemplo Mosis. Si enim ejus facies usque adeo radiavit, ut filii Israelis non potuerint intueri in faciem ejus, 2 Corinth. III, 7. & ideo ipse velo eandem tegere cogeretur, quia timuerunt cum accedere: Exod. XXXIV, 29 sq. multo magis Deus, postquam inter Judæos singulari modo habitare constituerat, in caligine habitare voluit, ut inde colligeremus, neminem ejus essentiam spiritualem oculis corporeis, nisi per miraculum eleventur, videre posse.

§. XII. 3) *Ejus Majestas.*

Merito ad causas excellentiam & majestatem Divinam referri arbitramur. Nec vero nego,

nec nescio, BUXTORFIVM loc. cit. cap. XIII. p. 119. LVNDIVM loc. cit. L. I. cap. X. §. 17. f. 41. aliosque, gloriam Dei, in qua Deus apparuit, proprie de igne, luce, & fulgore ex eo radiante, accipere, atque hanc maxime gloriosum apparentis illic Dei symbolum fuisse, asserere. Quam tamen observationem, etsi suo loco relinquamus, nihil roboris sententiæ nostræ derogare, judicamus. Quoties enim Deus singulare majestatis suæ specimen edere voluit, in densa caligine apparuit populo suo. Præstat ad solemnem promulgationem legis, e monte Sinai factam, respicere, de qua LVNDIVS hæc observat loc. cit. §. 3. f. 37: *Da Gott, bey Offenbarung des Gesetzers, seine Herrlichkeit sonderlich majestätisch, und erschrecklich wolte sehen lassen, da wird sonderlich von der Wolcke gesagt, daß sie sehr dunckel und erschrecklich anzusehen gewesen, wie Finsterniß und Dunckel &c.* Juvat iterum ad GEIERI verba, loc. cit. f. 1684. supra excitata, respicere, quæ hæc erant: *Pertinet עֲרַפֵּל ad describendam Dei majestatem plane tremendam, ac impervestigabilem, ita, ut terror & consternatio incutiatur cuivis appropinquaturo &c.* Liceat huic VILLALPANDVM addere, hæc scribentem, in Ezechiel. Tom. II. P. II. cap. XXXIV. f. 308. lit. A. *Nubem ad majestatis gloriam & indicandam presentem, & ab humanis oculis contegendam, aptissimum fuisse instrumentum censebimus.* Quod quidem argumentum pluribus exemplis & testimoniis illustrare & confirmare facile possemus, si per temporis, in quod incidimus, angustiam liceret.

§. XIII. *Plures cause recensentur.*

Hæc ipsa vero causa est, quæ nos movet, quare nec aliis causis eruendis aut investigandis nunc insistamus. Sunt, qui Deum ideo in caligine habitasse ajunt, ut mysterium incarnationis Jesu Christi indicetur: ut genti Israeliticæ, alias ad idololatriam quam maxime proclivi, omnis occasio hujus sceleris præscindatur, quod metuendum omnino erat, si Deus sub

Ddd dd forma



forma creaturæ apparuisset, quandoquidem illam pro Deo colere, aut simulacrum ejus fingere potuissent: ut *œconomia veteris fœderis* declaratur, quo sub umbris & typis colendus erat Deus: ut pii intelligant, sibi etiam *caligines miseriarum* & tenebras crucis imminere: ut cognoscamus potentiam & sapientiam Dei, secundum quam nos Deus in illa tempora reservat, ut sæpius in *tenebris ambulare* videamur, nec exitum viarum nostrarum videamus, donec tandem hæc ipsa Dei gratia ad felicem finem omnes res nostras dirigat. Has, & hujus generis plures, ab aliis allatas, pias meditationes adjicere possemus, si nostri instituti ratio permitteret.

§. XIV. *An Fenestra in Sancto Sanctorum fuerint?*

Nos, dum *Deum in caligine* super operculum arcæ habitasse, & in primo Templo suam præsentiam declarasse, supra vidimus, in nobilem illam incidimus controversiam: An scilicet Deus etiam hoc modo in caligine habitare voluerit, ut nullæ *fenestræ* in Sancto Sanctorum templi Salomonæi fuerint? Nec desunt, qui cum R. IVD. LEONE, *Lib. II. c. 23. p. 152. de templo Hierosol.* edit. Saubert, LVNDIO *loc. cit. L. II. c. 6. f. 261.* aliisque, fenestras omnino in Sancto Sanctorum fuisse affirmant, nec omnino omni fundamento destitutas rationes allegant. Alii contra, cum VILLALPANDO in *Ezech. T. II. P. II. L. IV. cap. XXXIV. f. 307 sq.* RELANDO *Antiqu. Hebr. P. I. c. VII. §. X. p. 68.* fenestras ibi fuisse fortiter negant. Hic RELANDVS ad objectionem, quam etiam LVNDIVS affert, e I Reg. VI, 4. petitam, qua חלונים *fenestras* aedi sacræ fecisse dicitur Salomo, responder: 1) fecisse quidem Salomonem aedi fenestras, non tamen inde effici, in parietibus Sancti Sanctorum fuisse, potuisse enim in fronte Pronai locari. Addit 2) tres contignationes conclavium, ædem sacram proxime cingentium, his fenestris nimium obesse, de quibus I Reg. VI, 5. & 3) tenebras

majestati Numinis, quod se in iis habitaturum dixerat, & æconomia illorum temporum optime convenire, provocans ad Exod. XIII, 22. XIV, 19. XIX, 16. I Reg. VIII, 11. atque ita 4) majorem inter templum & tabernaculum convenientiam existere. Nec 5) esse, quod quis in tenebris dicat cultum sacrum peragi non potuisse. Eodem enim modo illum in templo peragi potuisse, ac in tabernaculo, in quo fenestræ nullæ fuerunt. Hæc quidem RELANDVS habet. Dum VILLALPANDVS in eo est, ut pari modo fenestras in Sancto Sanctorum fuisse neget, ante omnia 1) dubium, ex I Reg. VI, 4. depromptum, sibi explodendum sumit, ita quidem, ut hoc loco vocem בית *domus* non totum Templum, sed tantum Atria & Sanctum, & reliquas partes, Sancto Sanctorum contradistinctas, comprehendere contendat. Immo, ex hujus capitis vers. 17. probat thesin suam, ubi domus quadraginta cubitorum fuisse dicitur, domus vero illa, cui quadraginta cubiti fuerunt, non complexa est simul oraculum, seu Sanctum Sanctorum, quia alias sexaginta cubiti vers. 2. fuissent. Vocat etiam in partes suas proxime antecedentem vers. 3. quo Porticus ante domum פני היכל בית fuisset dicitur, at vero hæc ipsa domus, ante quam Porticus immediate erat, erat Templum, Sancto Sanctorum contradistinctum, atque huic ipsi domui vers. 4. fenestras insertas fuisse dicitur. Ut adeo clare pateat, ex hoc loco fenestras in oraculo probari non potuisse. Hoc evictò, 2) addit, si, quæ de tabularum seu exedrarum circa templum altitudine, firmis rationibus & testimoniis Sacræ Scripturæ I Reg. VI, 5. & aliorum confirmata sunt, attentius expendantur, nullum superesse videri fenestris in oraculo locum. Quod si fenestris eguisset pars illa, quid, queso, inquit, Architectum coegisset, cubicula illa circa oraculum extruere? Postea 3) absurda quædam ex affirmantium sententia fluere tacite innuit, dum scribit: Quid queso fenestris opus habuisset oraculo? An ut videri possent ex superioribus atriorum canaculis, quæ ibi latere oportebat? An ut viderent

vent introcuntes arcam, Cherubinos, & Dei thronum? An vero ut exteriori pulvere conspergerentur interiora, quæ nulli licebat abstergere? Præterea 4) voluntati & œconomix Divinæ magis conforme fuisse censet, si fenestras ibi fuisse negetur. Deum supra propitiatorium in nube habitare voluisse & caligine, Lev. XVI, 2. undecertum & exploratum cuilibet esse debere ait, id omne, quod propitiatorio inerat, occultum esse debuisse, & omnibus invisum, ipsi etiam Sacerdoti summo, de cujus ingressu in Sanctum Sanctorum, præter alios ritus, Deus indixit Levit. XVI, 11, 12, 13. ut, assumpto thuribulo, & positis super ignem aromatibus, nebula earum & vapor operiat oraculum, quod est supra testimonium, ne moriatur. Sed, quid, queso, fumus operiret oraculum, si multiplici fenestrarum lumine illustraretur? Si quis contra 5) quærat: Quid fumo erat opus, si nullum aliud lumen illustrabat oraculum? Respondet ad hoc dubium, rationem petendo a convenientia templi cum tabernaculo. Ibi enim Levit. XVI. sermo est de tabernaculo, quod, quia perpetuis conglutinatis constabat asseribus, & multiplici operiebatur tegumento, Exod. XXVI, 1, 7, 15 sq.: neque in oraculo neque in anteriori domo Sancti habuit fenestras, & nihilominus fumum offerri Dominus præcepit. Conf. SAM. REYHERI *Mathes. Mosaic. pag. 641.* Atque adeo, ad prioris similitudinem, omnino, & in templo factum fuisse confirmat. Ideo vero summum Sacerdotem cum thuribulo in Sanctum Sanctorum ingressum fuisse putat, non ut fumo impediret, quominus radii solares, per fenestras incidentes, tegenda manifestarent, sed ut impediret, quominus in ipso ingressu, aperiendo vela lumen aliquod incideret, & oraculum illuminaret, quod propter reverentiam & loci sanctitatem, tenebris contegendum erat. Cum enim templi & tabernaculi anterior pars candelabro & septenis lucernis, & copiosiore lumine, in templo simul per fenestras, illustraretur, fere impossibile videbatur, ut, ingrediente Pontifice, ac propterea ostii velum & valvas aperi-

reflexum lumen impediretur, ut pars aliqua lucis interiora non illuminaret, atque adeo interiora aliquis videre posset, haud secus quam irradiante quantumvis citissimo fulgoris lumine aliqua cursim conspiciuntur: huic igitur incommodo providere voluisse videtur Dominus, fumi nebula, in ipso introitu, thymiamate exusto procuranda. Tandem 6) sententiæ suæ firmum argumentum ex Ezech. XLI, 17. conciliare allaborat. Ibi enim fenestras in Templo fuisse quidem legitur, sed tantum עַרְהֲבִיתּ usque ad domum interiorem nempe Sanctum Sanctorum. Postquam posuerat, quod ante probavit, loc. cit. cap. XI. f. 29. in hac visione Prophetæ templum Salomonis in visione oblatum fuisse, & hic demonstraverat ex Neh. III, 1, 8. Jos. XV, 5, 47. & alias, particulam עַר, si ad locum referatur, semper finem aut terminum significare, nec quicquam præterea; infert, hic quoque terminum designari, ultra quem non procedat funiculus, pars aut fors. Atque hac ratione inquit, si Ezechielis verba interpretemur, hic erit sensus: Et fenestra per totam anteriorem domum extendebantur, & usque ad domum interiorem exclusive, &c. ne ulla superesse posset dubitandi ratio, subjungit verbum illud: & forinsecus. Juvat hic REYHERVM loc. cit. in partes nostras vocare, qui, oraculum, inquit, in intimiore templi parte adornatum fuit, adeoque nullis fenestris præditum - in ipso etiam oraculo nullæ fuerunt lampadēs, unde Salomo in consecratione hujus templi expresse dicit: יְהוָה אֱמַר לִשְׁכֵּן בְּעֶרְפֹּל Dominus dixit in caligine se habitaturum, 1 Reg. VIII, 12. 2 Paral. VI, 1. Hæc ille. Horum argumenta, si paulo curatius consideramus, parum abest, quin in assensum nos trahant, ut horum negantium opinionem propius, quam affirmantium sententiam, veritati accedere fateamur. Quamvis autem id nobis non sumamus, ut in re tam ardua, dubia & incerta, certi quid nostro asserto sita vere, nostramque sententiam, tanquam certam, apodictice & indubitate veram, aliis obtrudere conemur; si quis enim fortiora nobis proferre poterit



poterit argumenta, faciles & pronos nos habebir, in nostra deferenda, & altera recipienda opinione: quamdiu autem hæc VILLALPANDI, KELANDI, aliorumque sententia firmo niteretur fundamento, tam diu inde argumentum pro *Dei habitatione in caligine* petere nobis liceat.

§. XV. *Imitatio Diaboli, caliginosam habitationem affectantis.*

Cum Diabolum sæpissime perversum & infelicem Divinorum institutorum imitorem fuisse inter omnes constet, hic etiam detestandum ejus Deum immitandi, hominesque misere decipiendi, studium satisprehendimus. Hic enim princeps tenebrarum, postquam Deum, qui lux ipsa est, in caligine habitaturum intellexerat, se pariter in caligine habitare hominibus persuasit, atque adeo, ut ab iisdem in tenebris & caligine colatur, impetravit. Ex innumeris testibus, quorum nubem facili negotio excitare possemus, nunc IOH. OLDERMANNVM producemus, in *Diff. de specularibus veterum C. I. §. II. pag. 4 sq.* scribentem: *Quædam earum (nempe ædium, quas gentes, postquam architectura coli cæpit, extruxerunt) plane clausæ non nisi lucernis illuminabantur; aliæ uno alterove exiguo foramine lumen admittebant. Primi generis fuere Delubra & Adyta Gentilium vetustissima, undique clausa & tecta. Quam ob rem recte in Etymologico Magno SYLBVRGII nuncupantur οἶκοι σκωτεινοί. Ad hunc usque diem templa Gentilium pleraque in Sina & regno magni Mogolis pro veteri more fenestris carent. De iis DAPPERVS: „Die Pagoden „sind finstere Lœcher, darein kein Licht kœmmt, als „durch die Thüre, sintemahl sie keine Fenster haben.“ Ejusmodi olim fuerunt non pauca Americanorum templa. Immo vero, ut eo magis in caligine habitaturus malus ille genius videretur, sacra in densis lucis & sylvarum tenebris sibi peragenda ordinavit. Quod adeo manifestum est, ut IOH. GOTTLÖB NIMPTSCH in disput. de *Sacris Gentium in montibus* sub præsidio FRID. GOTTH. FREYTAG habita, §. VII. pag. 9 sq. scri-*

bere nullus dubitet: *Lucos ab Aegyptiis, Græcis, Romanis, veteribusque Germanis plantatos, & variis ritibus Diis consecratos fuisse, tam notum est, ut rem sine dubio supervacaneam ageret, qui eorum exemplis diutius immoraretur.* Neque adeo nos iisdem diutius immorabimur, quandoquidem hic ante aliquot annos DIETER. DRESLERVS, olim Aegyptios, Græcos, Romanos, & Germanos in lucis & caligine sylvarum Deos suos coluisse, solide demonstravit, in *Disp. de lucis religioni Gentilium destinatis* Lips. 1720. hab. §. IV. p. 7 sqq. Huic autem malo ex orco genio non solum in locis caliginosis, sed etiam, tempore tenebrarum, nocturna festa ipsi destinata & celebrata fuisse legimus. Quis est, qui Aegyptios pervigilationibus, orationibus & sacrificiis nocturnis integras interdum noctes, præsertim in Mysteriis Isis, consumpsisse, ignoret? uti tradit APVLEIVS *Lib. ult. Milesiar.* item OVIDIVS *L. I. Amor. Eleg. 8.* Nec non Græci cum aliis festis, Sacra Eleusinia Cerealia, Cotyttia, Bacchanalia, Panathenæa, Vulcanalia, Promethea, Athenis & alibi nocturno tempore facibus accensis, turpissimisque sceleribus peractis, peregerunt. Conf. MEVRSIVM de *Festis Græc. L. VI. THEOPHRASTVM de Charact. Ethic. c. 4. PFEIFER. Antiqu. Græc. L. I. c. 43. p. 105.* Celebrarunt Romani in caligine Bacchanalia sua, quæ, etsi primis temporibus quoque diurna fuerint, postea tamen in nocturna mutata esse, ALEXAND. AB ALEXANDRO tradit, in *Genial. Dieb. Lib. VI. c. 19.* add. BLONDI FOROLIVIENSIS *L. II. de Roma triumphante* AELIAN. *V. H. L. III. c. 41. ROSINI Antiqu. Rom. L. IV. p. 416.* ut alia copiosius a IOH. GEORG. WEBBERO exposita, in *Diff. de Sacris Nocturnis breviter delineatis*, silentio prætereamus. Hæc & alia plura, Diabolum quoque, in caligine habitare voluisse, sufficienter demonstrare judicamus. Quibus & hoc addi meretur, quod Diabolus responsa sua ex occultis & caliginosis tenebris ediderit. Idem in Delphico contigisse quondam oraculo ex STRABONE, scribente Auctores certi memorant *Divinum ipsum domicilium profundam & curvam*

*curvam speluncam esse, non admodum late patentem ore, atque hinc auram reddi sacro afflante Numine, AVUS noster GEORG. GREEN quondam observavit, in Diss. II. de Sibyllis cap. II. Plura hac de re ANT. VAN DALEN de oraculis Gentil. suppeditabit.*

§. XVI. Conclusio.

Sed pessimum hunc æternæ caliginis incolam mittamus, ad propitium contra *Caliginis Incolam*, Patrem luminis nos convertamus, eidemque pro infinita sua nunc & alias nobis concessa

gratia laudes & æternas gratias agamus. Hæc enim ad considerationem *Dei Caliginis Incolæ* in medium attulisse sufficiant. Plura quidem rei dignitatem postulasse non nego, plura tamen afferri temporis angustia, & virium nostrarum imbecillitas denegavit. Nobis interim hic quoque ad augendam Dei nostri clementissimi gloriam & amplificandum ejus honorem aliqua, pro virili, contulisse suffecerit. Huic interim *Caliginis Incolæ* in posterum etiam vias nostras commendamus, studia nostra commitimus, & nos totos paternæ ejus curæ tradimus & consecramus.



EPISTOLA PRAESIDIS  
DE SCHECHINA

AD

CLARISS. DN. RESPONDENTEM.

Quam proprio Marte elaboratam, cum orbe erudito communicas dissertationem, ex intimis Theologiæ Judaicæ penetralibus haustam, insigni doctrinæ ac ingenii apparatu instruxisti. Præclarum ejus rei documentum præbet, scita illa de *Schechina* tractatio, quam Judæorum implicant ambages, & Christianorum quorundam minus commodæ obscurant explanationes, tu autem nervose & curate delineasti. Non immerito, literaturæ Talmudicæ inter Christianos facile princeps WAGENSEILIUS ad *Sota* p. 83. pronunciat: *quid per שכנה* Judæi proprie intelligant, explicatu est difficile. Sunt quidem, qui copiose & exacte satis de illa commentati, totum istud argumentum uberius edisseruerunt, in quibus THEODOR. HACKSPANIVS nostras, ad *Lipmanni Nizzach. c. II. not. II3 sqq.* e Reformatis NICOL. FYLLERVS, Anglus, *Miscellan. Sacr. lib. II. cap. IV.* & CAMPEG. VITRINGA *Observ. Sacr. Lib. I. cap. IV.* principatum tenent. Vnde mihi animus nunc non est, actum agere, horumque expilare scriinia:

non tamen ab instituto fuerit alienum, rem omnem in compendium mittere, quidque de illa observatum mihi fuit, paucis exponere. Itaque *Schechina* Dei inter homines habitationem designat, sive symbolo aliquo externo conspicuam, sive virtute solum sua & operatione, sese exerentem. Quod perinde fuerit, ac si dixeris, Numen ipsum sanctissimum interdum hoc nomine venire, alias vero symbolum istud, quo præsentem se exhibet Deus. Nec grave est, utriusque fidem facere asserti, quod tamen ordine instituemus inverso. Quando enim Exod. XXV, 8. Deus enunciat: *Et faciant mihi Sanctuarium, ושכנתי בתוכם* & habitabo in medio ipsorum, vetustissimus interpres Chaldaeus ONKELOS, ex gentis suæ disciplina ita vertit: *בתינוכי בתוכם* & collocabo *Schechinam* meam inter eos. Pariter, ubi Exod. XIII, 21. in Hebræo est: *ויחה הוֹדָךְ לפניהם* & Dominus incessit ante illor, Pseudo-IONATHAN habet: *ואיקר רשכינתא רוי* & gloriosa *Schechina Domini*. Neque frequentius aliud his Pa-



raphraestis est, quam ut pro: **יושב הכרובים** dicere soleant: **רשימתיה שריא בני כרוביא** *cujus Schechina inter Cherubinos habitat*, vel **רשימתיה שריא על מן כרוביא** *cujus Schechina supra Cherubinos habitat*, 1 Sam. IV, 4. 2 Sam. VI, 2. 2 Reg. XIX, 15. In his, & id genus sexcentis aliis locis, de symbolo intelligo externo, quo præsentiā gratiæ suæ Deus manifestabat. Sed non cum iis facio, qui integram columnam voce *Schechina* indignant. Aliud namque est vehiculum quasi symboli gloriosi, nubes densa & opaca, aliud ipsum præsentiæ divini documentum, ignis in nube inclusus. Hoc symbolo toties Deus est usus, quo præsentiā suam demonstratam daret. Cum Mosē ex rubo ardente vocaret, in igne se manifestabat Exod. III, 2. Pariter, cum senioribus in monte Sina, Exod. XXIV, 10. rursusque cum Ezechieli, externo se vestitum symbolo, conspiciendum præberet, ignem, splendorem ac lucem exhibuit Ezech. I, 4. X, 4. Et quotiescunque *Gloria Domini* apparuisse legitur, quod circa promulgationem legis, in consecratione tabernaculi Mosæici, templorum item Salomonei ac Serubbabelici usu venit, nunquam sine igne apparuit Exod. XXIV, 16 sq. XL, 34. 1 Reg. VIII, 10 sq. 2 Chron. V, 14. cap. VII, 13. Quo & ignem refero, qui in Apostolorum sive verticibus, sive linguis coruscavit, cum Spiritus Dei ipsos suo se afflare Numine, suis instruere donis, externo quodam declaratum cuperet elemento Act. II, 3. Ignis itaque fulgentissimi jubar cum laturus non esset oculus humanus, æque ac ad radiantis splendorem faciei Mosi hebetabatur, providē illud clementissimus Israelis ductor & assertor, densa & opaca velavit ac circumdedit nube, ut citra mortalium noxam inter ipsos versari, & ante suum incedere populum posset. Ut liquido appareat ex his, quæ dicta sunt, non universam ex nube & igne conflata columnam, neque nubem ipsam, sed inclusum eidem ignem, præcise augustum præsentis Numinis symbolum præbuisse. In quo consentientes habeo Judæorum Magistros.

Sapientissimus fere illorum, qui primus omnium, SCALIGERO iudice, nugari desiit, MOSES MAIMONIDES diserte testatur, in *More Nebuchim*, P. I. cap. 64. per gloriam Domini, quæ ipsa est Schechina, significari interdum splendorem quendam creatum, quem Deus quasi prodigii, vel miraculi loco, ad magnificentiam suam ostendendam alicubi habitare fecit: quod ex citatis jam Exod. XXIV, 16. & XL, 35. demonstrare satagit. MAIMONIDIS sententiam sub incudem vocans, ABARBENEL *Comment. in Exod. XL, 34. f. 224. col. i.* suo confirmat calculo, inquiens: **הנר כיאר שכבוד יי אינו עני אבל הוא רביר ומא לאש באורו וזוהר וזוהר והעני היה סביבו כמו שהעני הוה תמיד סביב האש וכמו שהלפרים האשים נראים מתוך העננים היה כבוד יי הרומה לאש בתוך העני והערפל:** *Ecce clarum est, Gloriam Domini non fuisse nubem, sed rem igni similem ratione luminis ac splendoris sui. Nubes autem circa eum fuit, velut fumus semper est circa ignem. Et quemadmodum lampades ignitæ apparent de medio nubium, ita fuit Gloria Domini similis igni, in medio nubis ac caliginis.* Et hætenus quidem de *Schechina*, quando symbolum visibile, gratiose præsentis **רשימתיה שריא** designat.

Rursus autem Deus ipse est **שכינה**, quando toties ferme pro **אלהים** vel **יהוה**, immo pro pronomibus ad Deum referendis, a Targumistis vox ista adhibetur, quoties habitare, ascendere, descendere, transire, venire, dicitur, aut aliquid facere corpori proprium, ut naturam corporis, per hanc vocem, a Deo removerent. Ita quando *Schechinam* quiescere super Prophetas, quin & super homines pios, ad Legem scrutandam in unum congregatos affirmant Magistri. Prout RIBBI CHELPETHA pronuntiavit in *Pirke Abboth cap. III. §. 6.* **עשרה שיושבין ועוסקין בתורה שכינה שרויה ביניהם** *decem, qui una sedent & occupati sunt in Lege, Divinitas quiescit inter eos*: quod ex Psalm. LXXXII, 1. evincit; idemque porro, de quinque, ex Amos. IX, 6. de tribus, ex Psalm. LXXXI, 1. de duobus, ex Mal. III, 16. tandem-

que

que de uno, studio legis operanti, ex Exod. XX, 24. demonstrare nititur. Eodem sensu Talmudistæ statuunt in Tract. *Pesachim* fol. 56. col. I. בקש יעקב לגלות קץ הימים לבנו: *voluit Jacobus (morti vicinus) revelare filiis suis, finem dierum (captivitatis, qua nunc premuntur Judæi) verum tum recessit ab eo Schechina, cumque prohibuit, quo minus edisserere hoc mysterium valeret. Huc etiam spectat, quando תהי שכינה ubique locorum esse tradunt, quod R. HOSCHAJA ex Neh. IX, 6. evincere annisus est: cujus tamen verba, ex Bava Batra fol. 25. col. I. prolixiora quam quæ commode referri huc possint, integra & cum versione, laudatus ab initio hospes quondam, ac præceptor noster, etiam post fata venerandus, exhibet WAGENSEILIVS. Id enim, nisi de essentia Dei immensa, nullisque locorum spaciis circumscripta, explicare non poteris. Vnde recte MAIMONIDES loco supra cit. concludit: nomine glorie Dei, hoc est תהי שכינה interdum significari essentiam & veritatem Dei: ut cum Moses Exod. XXXIII, 18. ait: monstra mihi quæso, Gloriam tuam, qui pro responso audiuit vers. 20. non videbit me homo & vivet: ex quo apparet, Gloriam, cujus mentionem fecit, nihil aliud esse, quam essentiam Dei, quam honoris causa Gloriam appellavit. Non me fugit, ABARBENELEM loc. cit. in eo Magistrum suum MAIMONIDEM deserere; immo confutare, quod hæc sententia verborum Moïsis, tanto Propheta sit indigna, si a Deo precibus impetrare ausus fuisset, verbis istis: fac, quæso, videam Gloriam tuam, ut ipsam Dei intueretur essentiam, oculis eam corporeis lustraturus. Modo enim distinxisset ABARBENELEM, cum LIPMANNO in *Nizzachon* n. 189. inter שכינה, ipsam Dei essentiam, & inter השכינה גילוי ejusdem per symbolum externum manifestationem, res omnis fuisset in vado. Deum ipsum certe, sive faciem, gloriamque Dei, sed exteriori symbolo vestitam, conspicari cupiebat Moïses. Hic omnino planior MAIMONIDAE est explicatio, cit. loc. lin. 49 sqq. quam ABARBENELIS, qui suam denique*

expromens mentem, *Schechinam* definit העלול הראשון ממנו יתברך כי הוא התחלת דרכיו *causatum illum primum, ab ipso Deo Bened. productum, quia hic est initium viarum ejus; ac principium creaturarum ejus.* Rursusque, post rejectam MAIMONID, juxta ac R. MOS. NACHMANIDIS sententiam, denuo inculcat lin. 53/q. אבל קראו שכינה אותו העלול הנמצא ממנו יתברך ראשונה ולהיותו מכלל הנמצאים וראשית לכלם בקש משה השגתו ונמנעה ממנו בעוד בחיים חיותו כמו שאמר Verum *Schechinam* vocarunt sapientes nostri majores felicitis recordationis, illum ipsum factum seu effectum, emanantem ab ipso Deo Bened. primum. Et quia est ex ordine Entium, reliquorumque omnium principium, ejus Moïses quasi apprehensionem: quæ denegabatur ipsi, quamdiu adhuc inter vivos ipse viveret: profit dicebat ei Dominus: certe non videbit me ullus homo, dum vivit. Quæ dubium non est, quin ex vetustissima Judæorum Theologia hauserit ABARBENELEM, in qua quæ de Filio Dei, ex Prov. VIII, 22 sqq. recte tradebantur, ipse occæcata & impura mentē suā non est assecutus, cum Bileami asina hic elocutus, quæ non intelligebat.

Cum enim Judæi veteres, Christo Servatōri, visibiliter in terris versanti suppare, horumque majores, tres in Sacrosancta Deitate ὑποστάσεις diserte agnoverint & venerati sint, quod alias fuscè probatur, ultimo demum loco quæritur: Quænam sanctissimæ Trinitatis persona, nomine שכינה ipsis fuerit designata? Vbi quidem, de Filio Dei ὑποστατικῶς id nominis prædicari, nullum relinquunt dubium testimonia illa, quæ Angelum ductorem Israelis per desertum, efferunt voce שכינה. Unus instar omnium sit mihi testis R. BECHAI, *Comment. in Leg.* fol. 86. col. 2. qui in hanc sententiam edidit: כי השכינה עמהם בכל הגלויות ועל זה נאמר ויסע מלאך האלהים שהיתה ישועת הים על ידו והוא שנאמר עליו כי שמי בקרבו והוא ארון הולי ארץ שהזכיר רוד ואמר מלפני ארון חולי ארץ מלפני אלוה יעקב:



יעקב: Nam Schechina cum illis, in omnibus exiliis fuit, propterea dicitur de ea: profectus est Angelus Dei Exod. XIV, 19. Per quem salus maris ipsis facta est: de eo quoque dicitur: nomen meum est in medio ejus cap. XXIII, 21. Is est Dominus tremefaciens terram, de quo David loquitur: coram Domino tremefaciente terram, coram Deo Jacobi, Psalm. CXIV, 7. Angelum autem illum faciei Domini; qui Israelitas antegressus, ex Aegypto, & per desertum duxit, Filium Dei fuisse, Theologi nostrates passim & ad oculum demonstratum dederunt, e quibus nunc nominasse sufficiat IOH. GERHARDUM in Exeg. Loc. III. de S. S. Trinitat. myst. §. 136 sqq. Et parum quidem dubii de eo superest. Verum etiam Spiritum S. שכנה appellatum fuisse, R. ELIAS LEVITA haud gravatim largitur, & argumentis confirmat, ita scribitur in Meturgeman. fol. 154. col. I. קראו רוח לרוח הקדש שכנה על שם שהוא שכן על הנביאים וכן ותחי רוח יעקוב פירש רש"י. Rabbini f. m. Spiritum S. Schechinam vocant, eo quod quiescit super Prophetis. Unde factum, ut quod in Hebræo Textu Gen. XLV, 27. de Jacobo dicitur: revixit Spiritus Jacobi, SAL. IARCHI interpretatus sit: habitavit super eo Schechina. Et recte quidem ad illa provocat loca, quæ Schechinam super Prophetis quiescisse testantur. Nec diffitetur heros, BUXTORFIVS Lexic. Targum. b. v. p. 2396. Rabbinos quandoque שכנה & רוח הקדש promiscue usurpare; quod exemplis etiam demonstrat. Quando autem mox subjungit: alibi שכנה & רוח הקדש distingui; ad dubium illud, quod ex eo movet, quod שכנה in quinque illis rebus fuerit, quæ in posteriore templo desiderabantur, quibus tamen רוח הקדש non annumeretur, unde sequatur, רוח הקדש in templo secundo adfuisse, abfuisse autem שכנה, nec adeo unum notare alterum; solide respondet VITRINGA cit. loc. §. 4. pag. 156 sq. qui simul, pro Spiritu S. accipi omnino רוח שכנה, mascule tuetur. Nec est, quod bene dictis nos adjiciamus: Id unum moneo, quan-

do Judæi Schechinam perhibent incubuisse Prophetis, & vaticinandi facultatem impertuisse, Petrum Apostolum signate describere; cujus in divinis Personæ id opus fuerit, testantem, quod ὑπὸ πνεύματος ἁγίου φερόμενοι ἐλάλησαν οἱ ἅγιοι θεοῦ ἀνθρώποι 2 Ep. I, 22. Non hic me fugit discrimen, quod inter רוח הקדש & inter הכנאות constituant Magistri, alibi fusius a me expositum, sed nostræ sententiæ id nihil adversatur.

Superest, ut quid Kabbalists notet Schechina, quam in superiorem, quæ illis כינה vocatur, prudentia, & in inferiorem, quæ dicitur מלכות regnum dispescunt, edisseram: sed vaga illa sunt, ac pro ingenio auctorum incerta, & ab illustri Kabbala Denudata Auctore hac voc. p. 711, 715 sq. enucleate tradita & congesta, ut his immorari merito supersedeam: maxime cum Epistolæ modum dudum excefferim.

Vela itaque contrahō, litusque legens, Deum veneror immortalem, quod tibi quoque, Doctissime ac Pereximie GREENI, magna cum assiduitate sacris literis operam navanti, sua præsto esse שכנה, eaque studia tua juvare, novis indies incrementis augere, & ad istud, quod tenes, doctrinæ culmen provehere dignatus est. Exerit enim in te sese venerandi Avi tui, Parentisque virtus, quorum ut ille in illustri specula positus, aulam Dresdensē ingenti cum laude per plures annos docuit, hic vero divini beneficio adhuc superstes, doctrina, qua pollet eximia, consiliis, vigiliis, laboribusque strenue Ecclesiam juvat, ita tu utriusque vestigia non minori alacritate premis, pluribusque datis specimenibus, quantum orbi erudito virum pollicearis, demonstras. Jamque exemplum coram videre mihi videor illius, quod olim Venufinus Poeta cecinit: Fortes creantur fortibus, & bonis: Est in juvenis, est in equis patrum Virtus: nec imbellem feroces Progenerant aquile columbam: quoties te, pulcherrimis ausibus ad avitum paternumque decus grassantem, nec lento gradu procedere, sed plenis cursibus festinare, animadverto. Macte virtute ista & con-

contentione animi, quæ ad summa quævis adi-  
tum tibi pandit! macte pietate sincera & ἀν-  
τιπολιτισ, quam non ad pompam & spectaculum,  
sed ad veritatis divinæ normam, recteque fa-  
ctorum conscientiam exigit atque componis!  
hanc tibi mentem præpotens servet Numen,  
tuisque clementissime annuat cœptis, & pro

immensa benignitate sua eo te propediem con-  
stituat loco, in quo industriæ, doctrinæque in  
Academiis collectæ, ubertim explicare queas  
fructus; in Ecclesiæ commodum, tuorum solati-  
um, tuumque ipsius emolumentum. Ita Deus  
te servet.

## III.

## יהודי במקום קודש

S I V E

DISCALCEATIO RELIGIOSA  
IN LOCO SACRO

AD EXOD. III, 5. ET IOS. V, 15.

*Dissertatione Philologica D. II. Jun. CIOICCCXXIX. eruditorum discussioni proposita.*

RESPONDENTE

M. AVGVSTINO GOTTHELF BARTSCHIO

DOHNA-MISN.

*Proœmium.*

Tanta eruditæ rituum præscorum indaginis  
copia est & ubertas, nihil ut in Veterum  
institutis & moribus adeo videatur abjectum &  
exile, quod non rite explicatum, suisque ac-  
commodatum locis, aliquam, & sæpe insignem,  
afferat utilitatem. Quid vilius videri poterat, cal-  
ceorum vel usu, vel ornatu vel, neglectu, in quo  
fuse declarando operam ponere, haud aliud fue-  
rit, quam ingenio & otio suo abuti? istud ta-  
men argumentum duumviri, iudicio, auctorita-  
te & doctrina præstantes, BENED. BALDVINVS,  
Ambiensis, de Calceo antiquo & mystico, & ANT.

BYNÆVS, Belga, de Calceis Hebræorum, Lugd.  
Bat. 4. 1724. post HIERON. SOPRANEM in Da-  
vide, digress. I. de re vestiaria Judæor. cap. VI.  
pag. 380 sqq. persona sua adeo non censuerunt  
indignum, ut justis potius commentariis illu-  
strarint. Vicissim ἀντιπολιτισ, sive calcei ex-  
tractionem, tantum abest, ut neglectum habea-  
mus, ut in doctrinæ apparatu haud postremum  
illa teneat locum. Vsu nimirum recepta erat I.)  
in denegata juris Levirorum observantia, ubi  
divino auspicio & jussu, Deut. XXV, 9, 10. mu-  
lier spretæ injuriam formæ ita vindicabat, ut  
Leviri solveret calceamentum, qui posteritatem  
fratri, nominisque memoriam excitare recu-  
sasset,

Eccce

fasset,



fasset, & in eum expueret, quod extremæ ignominiae symbolum erat & testificatio: quem ritum copiose tradiderunt Doctores Talmud. *Mass. יבימות cap. XII. MAIMONIDES P. II. חזקה יר Hilcoth יבום וחליצה cap. IV. & R. ISAAC. KAKO in Arba Thurim P. III, cap. 69. f. 40 sqq. e Christianis SELDENVS de uxore Hebraea lib. I. cap. XIV. p. 96. Hinc inofficiosi ejusmodi fratris ædibus quædam velut infamiae nota inurebatur, illa ut summo cum opprobrio בית חלוץ הנעל domus viri, cui calceus extractus fuit, posthæc audiret. Huic affinis erat II.) usu receptus inter Israelitas, in emtionibus & venditionibus, tradendi & possessionem cedendi modus, ut vir calceum suum solveret, daretque emtori, quo signo rata judicabatur illa juris in alterum translatio, cujus rei exemplum legimus Ruth. IV, 7. quem, a præcedente caute distinxit, & uberius delineavit, ritum, b. d. IOH. BENED. CARPZOVIVS Coll. Rabbin. in Ruth p. 191 sqq. Porro etiam III.) ad publicam luctus spectabat testificationem, discalceatum foras prodire, ut charorum & necessariorum funera deflentes, velut vestibus ruptis nudum pectus, ita sepositis calceis nudatos pedes ostentarent:*

quod ex Ezech. XXIV, 17, 23. viri docti demonstrare satagunt. Vid. GEIERVS de luctu Hebraeor. lib. I. cap. XIV. Vnde quoque inter externa se-riæ pœnitentiæ documenta referebatur, nudis pedibus incedere, quod ex Chaldaica paraphrasi I Reg. XXI, 27. & ex IOSEPHI testimonio lib. VIII. Antiqu. cap. VII. evinci consuevit. Hinc etiam IV.) captivi & victi, vel in exilium migrantes, tam ad inopiam suam, quam ad miseriam & calamitatem demonstrandam, calceis destituti & nudipedes viam carpebant, 2 Samuel. XV, 30. Jes. XX, 2, 3. Denique V.) reverentiæ symbolum erat, divinis omnino auspiciis susceptum, ut in locum sanctum delati, vel ad visibilem Numinis supremi præsentiam, calceos detraherent, nudisque consisterent pedibus. Qui postremus, missis jam superioribus, ritus, nostram nunc exercebit industriam: in quo ita versabimur argumento, ut *Sectione I. Textuali* oracula sacra, quibus ille sua debet incunabula, philologicis observationibus illustremus: *Sectione autem II. rituali*, ex antiquitate Hebraea huc arcessamus, quæ ad eundem rite pernosendum spectare videntur. Faxit Deus feliciter!

## SECTIO I. TEXTVALIS.

Illustriæ duo præsto sunt Scripturæ testimonia, quibus calceorum extractionem, ab ipso imperatam Numine fuisse legimus, alterum, quo Moysi, Exod. III, 5. alterum quo Josuæ c. V, 15. religiosa isthæc injungebatur cerimonia. De utroque seorsim agemus.

Postquam nimirum Moyses, μέγιστα πλῆτον ἡγεσάμενος τῶν ἐν Αἰγύπτῳ θησαυρῶν, τὸν ὀνειδισμὸν τῆς Χρυσῆς, aulae regiae turbis & pompæ se subduxisset, & quadraginta fere annorum moram, in otio & secessu, apud Jethronem socerum suum, sacerdotem Midianis, traxisset, rei pastoritiæ & familiari operam navans, tandem

aliquando, non sine provida Numinis directione, cum grege suo ad montem altissimum, Horeb, desertur, ibique vocationem suam, & iusta divina de liberando populo Israelitico capessit. Quod cum mirabili prorsus ac inusitata conjunctum fuit visione. Rubum enim lucidissimis flammis ardere, neque tamen detrimenti quid ex igne capere cernit, hinc spectaculi novitate in admirationem raptus, apud se constituit, propius accedere, & quicquid istius rei esset, coram contemplari. Verum istud a Deo facere prohibitus legitur Exod. III, 4, 5. ubi verba ita habent:

וַיֵּרָא יְהוָה כִּי-סֵד לְרֵאיוֹתָ *vidit vero Jehova, quod secederet ad videndum*] Verbum רָאָה amplissimam *videndi*, cum compositis, notionem obtinet, & ubi de hominibus usurpatur, partim visionem sensualem, quæ sit oculis corporis, partim mentalem, qualis Prophetis perquam erat familiaris, qui inde quoque רָאָה *Videntes* audiebant; partim experimentalem notat, quo sensu idem est, ac percipere, frui, experiri. Deo vero, non nisi ἀποκαλύπτεις tribuitur, ejusque 1) curam, fallique nesciam, rerum omnium notitiam, Exod. XXXII, 9. 2) gratiosam approbationem, Gen. I, 4, 10, 12, 18 &c. cap. VII, 1. 3) actuosam providentiam & curam circa homines, vel res creatas Gen. XVI, 13. XXII, 8. 4) favorem ac miserationem, indeque promanantem opem & liberationem Exod. III, 7. Psal. IX, 14. X, 14. &c. & 5) cum affectu opposito, iram & vindictam divinam, designat Ezech. XVI, 50. Hab. III, 6. Hic prima verbi vis locum habet, conjuncta cum quarta, qua interiora mentis verba & animi recessus scrutabatur in Mose, cumque ille apud animum suum dixisset vers. 3. *vadam, & videbo visionem hanc magnam, quare non comburatur rubus*, omniscius cordium scrutator, cum perspectissima hæc sibi habuit, juxta Pl. CXXXIX, 2. tum, ut accessus ille cum debita animi reverentia fieret, curavit, & saluberrimo Mosen monito instruxit & præparavit. Vt adeo hæc Dei visio, partim exactam propositi & cogitationum Mosis cognitionem, partim gratiosam, ne irreverenter ac improvide ad hoc mysterium irrueret, sibi que sua culpa damnum aliquod arcesceret, curam involvat. Porro, quando in eodem commate recurrit hoc verbum de Mose, secessuro לְרֵאיוֹתָ *ad videndum*, hinc ocularem ignis hujus miraculosi lustrationem, hinc curiosam, in modum causasque ejus, inquisitionem involvit, qua inscrutabilia scrutari Moses aggrediebatur. Nomen τετραγέγραμματος & ἀνεκφώ-  
στον וַיֵּרָא, quod copiosam, & ad rem no-

stram nihil nunc facientem postulat tractationem, non discutimus, ad EVXTORFIVM, LVD. CAPPELLVM, b. IOH. BENED. CARPZOVIVM, aliosque complures, qui multo cum eruditionis apparatu, & integris tractationibus, abunde id præstiterunt, remisisse contenti. Velut autem illud Deo vero essentiale, eique cum nulla creatura commune est, quod contra Socinianos, H. GROTIUM, CLERICVM & Reformatos quosdam, dudum solide evictum dederunt Theologi nostrates, ita hoc loco personaliter Filium Dei, Mose se hoc schemate visibili revelantem, designat. Denique verb. סֵד *recedere, declinare, dvertere*, interdum ad animum refertur, eumque, ubi affirmatur, plerumque refractarium & rebellem notat, & paria facit cum cognato verbo סָרָה, proprie autem & primario motum de loco ad locum indicat; & hic quidem, tam de Mosis proposito ac intentione, vers. præc. 3. quam de actu, propioris versus rubum accessus, adhibetur. Si ad terminum a quo referas, Mosen a loco pasturæ suæ, & a grege discedentem, ad rubum ardentem, gradum promovisse innuit: velut R. SAL. IARCHI ad vers. 3. interpretatur: מִכָּאן לְהֵתְקֵרֵב שָׁם *hinc ad propius accedendum illuc*: quanquam usus verbi quoque ferat, ut simpliciter capias, cum versus rubum, mentem gressusque suos intendisse.

וַיִּקְרָא אֱלֹהִים מִתּוֹךְ הַסֵּה *vocavit cum Deus de medio rubi*] Verbum קָרָא in genere, φωνεῖν, *vocare; clamare* notat, determinate autem, pro ratione circumstantiarum, modum & adjuncta vocationis seu clamoris involvit, atque, ut taceamus reliqua, *partim* clara & sonora voce, præconis ad instar, proclamare, velut vox clamantis in deserto Jes. XL, 3. & cap. LVIII, 1. publica & sonora peccatorum increpatio describitur, *partim* nomine quem compellare, Ruth. I, 20, 21. I Sam. III, 4, 6, 8, 10. *partim* imperare, & cum auctoritate aliquid edicere, Esdr. VIII, 21. Jer.



XXXVI, 9. significat. Eaque tria connotata emphasin verbi hoc loco constituunt, ut Deum indicet, & clare ac sonore, & diserto nomine, & cum imperio acclamasse Mosen, eumque vocasse. Sociniazat autem hic CLERICVS, quando *Comment. ad b. loc.* clamandi verbo addit: *organo Angeli*. Qui enim apparebat in rubo, idem quoque ex rubo clamabat. Cum ergo יהוה & אלהים apparuisse, a Mose perhibeatur, frustra ministerium Angeli ingeritur. סנה rubus, *dumetum*, ab exolera Rad. סנה / cuius propago superest apud Arabes سِنَّه *siccitatem, sterilitatem pati*, unde Arabici montis Sinai ortum trahit nomen, vel a rubi copia, qua abundat, vel quod lapides in eo inventi, expressam rubi figuram praeferrent, adeo quidem, ut etiam in fragmentis lapidum istorum figurae rubi appareant, confirmante EPHODAEUS, qui testem αὐτόπτην se jactat, apud BUXTORF. in *Lex. Hebr. b. v.* Descriptionem. Filii Dei Moses ab hoc rubo petit Deuter. XXXIII, 16. ubi שוכני סנה *habitatorem rubi* appellat. Non absurde FRANC. MONCAEIVS in *Histor. apparition. cap. III.* non rubum aliquem unicum & solitarium hic notari perhibet, verum rubetum totum, aut potius fruticetum, rubis, dumis, & id genus stirpibus affinis, permixtum confertum: quod ex phrasi *de medio rubi* probat, frutice tam gracili nullum, consideratione aliqua dignum quod sit, si solus spectetur, medium habente. De fruticeto itaque condensa aliquo fuerit intelligendum. Vocab. סנה *medium*, saepe tamen laxiori sensu, in, intra notat, nec praecise centrum, seu medium; ab utroque extremo aequaliter distans designat, quin & interdum redundat, vel integro sensu e versione exulare potest, observante SAL. GLASSIO *Philolog. Sacr. L. III. Tr. I. can. 38. pag. marg. 149.* Quod hic locum habere censeo. Intra rubum Filius Dei gratiosae praesentiae suae symbolum reddebat conspicuum, adeoque ex rubo, ex hoc symbolo, proclamabat. Simul

etiam hoc vocabulum falsitatis arguit ARTAPANVM, qui apud EVSEB. de *Prapar. Evang. lib. IX. c. 27.* hanc apparitionem ita factam fuisse tradit, *ut repente succensus e terra ignis erumperet, qui, tametsi locus, ab omni ligno, aliaque materia igni pascendo apta, vacuus esset, ardere tamen non desineret. Quo prodigio Moses, cum exterritus fugeret, voce divinitus immissa admonitus fuerit, ut in Aegyptum expeditione suscepta, Judeos liberaret &c.* Quae cum fide historiae sacrae non uno modo pugnant.

וַיֹּאמֶר מֹשֶׁה מֹשֶׁה & dixit, *Mose, Mose*] Ita nimirum, quid Dominus e rubo proclamaverit, edisseritur. Nomine Mosen compellat, ut attentum & dicto audientem faciat; nomenque repetit, ut sisteret ille gradum, nec pergeret eundo, donec divina excepisset iussa. Ita nimirum fert genius linguae sanctae, ut ex Gen. XXII, II. I Sam. III, 10. &c. liquet. CHRISTI SCHOTANVS *Biblioth. seu Hist. Sac. V. T. Tom. II. p. 17.* de iterata hac Mosis compellatione ita habet: *inclamat eum Deus suo nomine bis: id ut animum perturbatum confirmaret, ut quidam volunt: potius, ut pro imperio, obsequii necessitatem indicaret: & ut ad discendum attentior sit, tanquam ad Dei tribunal citatus.* Nomen autem Mosis, unde dictum sit, & quid notet, nostrum nunc non est persequi, de quo qui plura cupit, adeat ABARBENELEM in *Exod. II, 10. fol. קכו.* (quam ejus dissertationem Latine versam exhibet BUXTORF. fil. *Dissertationum ex ABARBENELE versarum sexta, pag. 486.*) b. CALOVIVM *Comment. in Gen. Prolegom. p. 108 sq. & Bibl. Illustr. Tom. I. p. 208.* BEYERVM *ad ditament. ad SELDENI de Diis Syris p. 20 sq. HUVETIVM Demonstr. Evang. Propos. IV. c. XIII. §. 4. p. 288.* CLERICVM *Comment. in Exod. II, 10. & Dissert. de Lingua Hebraica §. II.*

וַיֹּאמֶר ה' הִנְנִי qui respondit: *en adsum!*] est promittitudinis, attentionis & obsequii formula, ut  
Gen

Gen. XXII, II. XXXI, II. Jef. VI, 8. Confer b. GLASS. *Philol. lib. III. Tr. V. can. 15. p. 466 sq.* IOH. TARNOV. in *Cap. LIII. Jeseia pag. 413.* Nec abs re addit RIVETVS in *b. l. T. I. Opp. f. 768.* indicari hac responsione animum præsentem & imperterritum. Nam cum stupenda esset visio, e medio ardentis rubi vocem audire, res fuit per se, quæ potuit terrorem incutere. Pauci, sane fuerunt inter sanctos, qui audita Dei voce in visione aliqua, perterriti non fuerint. Itaque necessarium fuit, extraordinario modo Mosen fuisse præparatum a Deo, ut in tali occasione, & tali loco non fuerit expavescens. Confer Dan. X, 9.

Verf. V. וַיֹּאמֶר אֶל-תִּקְרַב הָלֵם cui dixit (Dominus:) *ne appropinques hic* ] ne propius accedas. תִּקְרַב appropinquavit, accessit, accessum tam localem, eumque mox amicum, Num. XXXI, 41. mox hostilem Pl. XXVII, 2. Deut. XX, 10. quam mentalem designat, Zeph. III, 2. hic autem simplicem & intransitivam, propius accedendi, vim habet, quod ex addito adverbio locali הָלֵם *hic, hac,* intelligitur, ut Ruth. II, 14. וְגַם הָלַם accede *hic.* Nec verba difficultate quadam laborant. De sensu autem quæritur: num absolute hæc appropinquandi prohibitio capienda sit, ne omnino accederet, sed ibi pedem figeret, ubi nunc consistebat: an conditionate, ut arceatur solum ab accessu propiore, donec solvisset calceamenta, quibus depositis integrum sit, propius accedere? RIVETVS absolute intelligendam esse pronunciat denunciationem, ne appropinquaret, nempe propius, quam tum erat. Voluisse enim Deum, ut sisteret gradum, in eo loco, in quo non tam procul esset, quin videre posset vel audire, id enim ipsi necessarium erat: sed nec tam prope etiam, ut videretur velle scrutari curiosius majestatem. In eundem sensum ABEN ESRA exponit: השׁעם עמור במקומך ואל תקרב *sensus est: subsiste in*

*loco tuo, nec accede ad rubum, quia ibi ignis est.* CLERICVS inter utramque fluctuat, & in Versione conditionalem expositionem sectatur: *ne hic ita accedas, sed exue e pedibus calceos,* in Commentario absolutam: *ne hic veneris, sta in eo loco, in quo es, & calceos etiam exue, atque a te abjicito.* Nobis adverbium locale additum, rem expedire videtur. הָלֵם enim locum præsentem, quem quis tenet, ac pede premit, significat, ab הָלַם *contudit, obtudit,* unde MÉRGERO dicitur הָלַם *quasi ubi consistit pedis percussio.* Istud autem, in sermone apparentis Domini, haud dubie locum rubi, quem symbolum divinæ majestatis collustrabat, non autem locum remotiorem, quem gradu suo tum tenebat Moses, quadam adhuc intercapedine a rubo sejunctus, designat. Ibi ergo locorum, ubi tum gradum fixerat ad vocem Domini Moses, calceos exuere jubetur, quia, quo pergeret propius ad locum apparitionis, eo sanctior sit ipsi censenda regio. Ast sepositis calceis, non in ipsum quidem dumerum se ingerere, a quo flammis & igne prohibebatur, prope tamen rubum venire & consistere par erat, ut coram velut, nec de longinquo, cum Deo colloqui, & singula exacte percipere posset. Non ergo a propiore accessu simpliciter, sed hinc a calceato incessu, hinc a dumeto ipso arcebatur, dum integrum tamen ei esset, haud longe ab illo consistere, & visionem illam cominus conspici.

שׁל-נְעֻלֶיךָ מֵעַל רַגְלֶיךָ, exue calceamenta tua de pedibus tuis ] נָשַׁל exuit, extraxit, decessit, ejecit, remotionem & avulsionem violentam personæ vel rei, e loco suo notat, adeoque de expulsionem gentium e sedibus suis Deut. VII, 1, 22. immo & Judæorum 2 Reg. XVI, 6. de excussione frugum maturarum, v. g. olivarum ab arbore Deut. XXVIII, 40. de excussione ferri a ligno manubrii, in securi Deut. XIX, 5. denique de extractione calcei hoc loc. & Jos. V, 15. usurpatur: nec est, quam



quam hic requiras, peculiaris quædam emphasis. Porro, a **נָעַל** *clausit, observavit, calceavit*, est nomen **נָעַל** *calceus*, Plural. **נָעָלִים** & **נָעָלוֹת** ut Jos. IX, 5. **נָעָלוֹת בָּרוֹת** *calcei inveterati* seu detriti. Ab eadem radice quoque **מָנַעַל** dicitur, & Deut. XXXIII, 25. legitur: **וְנָחַשֶׁת מִנְעָלָיִךְ** *ferrum & as, calceus tuus*. Vir multæ lectionis ANTON. BYNÆVS de calceis Hebr. lib. I. cap. 6. §. 4 sq. vocem **נָעַל** primo ac proprie *soleam* notare, ex duplici contendit ratione, 1) ex origine **נָעַל**, quæ *possulo*, vel *sera claudere* significet, unde **מָנַעַל** *sera*, *possulus* fit. Idem quoque verbum *vinculo constringere* atque *calceare* notat, quia olim soleæ vinculis circa pedem ligabantur: hinc vocem **נָעַל** pro solea usurpari, quasi vinculum dicas, quod constringit pedem, ut quod in soleis præcipuum est, pedem vinculis constringere, ipso nomine notarent: 2) ex Interpretum expositione; cum apud IONATHANEM in Legem, & Interpretem Hierosolymitanum, **נָעַל** respondet voc. **כַּנְרִל** vel **כַּנְרִילָא** / quam ipsissimum esse Græcorum vocabulum *σανδάλιον*, & *soleam* designare, ex EVXTORFII *Lex. Talm.* & R. DAV. COHEN DE LARA consistet. Vtut vero ad primum Viri docti argumentum regeri possit, idem in calceum quadrare, qui corrigiis ac vinculis suis æque constringitur, ac solea; ad alterum, vocis **כַּנְרִל** notionem, apud Chaldaeos & Talmudicos, communem tam sandaliis esse, quam calceis, unde LXX quoque pro voce **נָעַל** nunc *σανδάλιον* legunt, nunc *ὑπόδημα*, promiscuum utriusque usum satis ita prodentes: certe ex usu de vocis genuina notione æstimandum venit, quem penes arbitrium, est, & vis & norma loquendi. Vfus vero *calceamenti* notionem; apud Hebræos, vocis **נָעַל** adeo asseruit, ut haud aliam præter hanc norint, qua calceum reddant. Quod enim Jes. III, 18. occurrit voc. **עֲכָסִים** Plur. **עֲכָסִים**, quod vernacula Bibliorum versio *calceos pretiosos* reddit, ornamenta potius muliebria pedum, seu compedes sunt, ut viri

docti in commentariis docuerunt. Si ergo firma sint Viri docti argumenta, quibus adstruere laborat, calceos Hebræorum soleas fuisse, quibus plantarum calces tantum infimæ teguntur, cum cetera propè nuda & terebibus habenis juncta essent, ista quoque vocis notio hoc ipso erit evicta. Sed de re ipsa in Sect. II. videbimus. Nunc trita *calcei* notioni insistamus **נָעַל** a Rad. **נָגַל** *obtrektavit, calumniatus est*, cum in translata & impropria acceptione varie significet, hic primam & propriam *pedis* notationem retinet, tanquam subjecti, cui calceus ordinariè induitur & adhæret. Particula composita **מֵעַל דֶּ-סוּפֵר**, haud obscure calceum insinuat, cum si solea intelligenda foret, quæ infra pedem plantæ ejus supponitur, potius **מִתַּחַת רַגְלֶיךָ** dicendum fuisset. Compositæ autem particulae **מֵעַל** ea vis est, ut & situm calcei ordinarium, quo pedem ambit, & undecunque *superius* tegit, & situs hujus mutationem, calceique extractionem *de* pedibus, involvat.

**כִּי הַמָּקוֹם אֲשֶׁר אָתָּה עוֹמֵד עָלָיו אֶרֶץ-קֹדֶשׁ** *quia locus ille, cui tu insistis, terra sanctitatis est*] A Rad. **קוּם** *stare, subsistere*, item *insurgere, exsurgere*, est nomen **מָקוֹם** *locus*, in quo quid subsistit, *spacium*, quod tenet & occupat persona vel res, ibi locata; quæ communis ac prima vocis significatio huc ita quadrat, ut proximam totam, circa rubum pariter ac circa Mosen, regionem includat. Quod loco Dei, apud Rabbinos sæpius voc. **מָקוֹם** ponatur, quia loca omnia, præsentia, potentia, & providentia sua complectitur, aliunde constat, nec huc pertinet. Partic. **עוֹמֵד** a Rad. **עָמַד** *stetit, perstitit, permansit*, primam & propriam retinet significationem, & situm Mosis præsentem describit. Qui, ad rubum progrediens, voceque ex rubo edita, ulterius procedere prohibitus, & miraculo rei attonitus, gradum sistebat, & immotus stabat, ad vocem acclamantem, rubumque ardentem unice intentus. **אֶרֶץ** *terra, humus*,  
ab

ab אֲרָם *rubuit*, item *nituit*, *pulcher fuit*, unde quoque dictus est אֲרָם *homo*, quia ex terra rubicunda primum a Deo formatus est. Quamquam vir πολυμαθέστατος, & Aethiopicae literaturae in Germania stator, IOHVS LVDOLFFVS. in *Hist. Aethiop. lib. I. cap. XV. n. 16 sqq.* accitis ex lingua Aethiopica subsidiis, evincere allaboret, neque *terram*, cuius minima sit pars, quae rubet, neque *hominem*, a rubedine denominari, sed a perfecta & absoluta elegantia, ceu opus creatoris absolutissimum. Quae Idem in *Commentario in h. loc. no. 107. p. 207 sq.* copiosius persequitur, & testimonio Talmudico, ex *Baba Mezia* confirmat. Vnde quoque BOCHARTVS Rad. אֲרָם de nitore, splendore, & candore exponit, & verba Thr. IV, 7. אֲרָמוֹ עָצָם מִפְּתִינִים quae alias verti solent, *rubuerunt ossa praemargaritis*, ita transfert: *lucidiores corpore erant praemargaritis*. Velut autem non negaverim, verbum אֲרָם in & cum suis derivatis, notionem pulchritudinis & nitoris habere, quod ex affinis linguis constat, ita vicissim rubedinis significatio, ex Gen. XXV, 30. Ies. I, 18. &c. in aprico est, ut quae ex utrisque connotatio in derivatis praevaleat, citra omne dubium nondum satis fuerit demonstratum. אֲרָם אֲרָם אֲרָם autem *Terra Sanctitatis*, in statu constructo ex genio linguae sacrae eadem vi ac notione dicitur, ac *Terra Sancta*, vel ut Lev. VI, 20. אֲרָם אֲרָם *locus Sanctus*. Radix אֲרָם & אֲרָם *consecratus fuit, sanctus est*, & in Pihel אֲרָם *sanctificavit, ad usum sacrum preparavit & segregavit*, varia complectitur momenta: sigillatim 1) ab usu communi, & a reliquis sui similibus segregationem, ut de agno paschali, e grege seligendo, de vasis ad usus sacros dicatis, de primogenitis, e reliquorum sui similium censu eximendis, usurpatur: 2) ad usum sacrum ac sublimiorem, mancipationem & destinationem, v. g. in sanctificatione Sabbathi, donariorum & votivorum sacrorum, & cumprimis sacerdotum: 3) peculiarem ad cultum aut servitium Dei

praeparationem, velut quando populus Exod. XIX, 10. lustrationibus, poenitentia & abstinentia sanctificari, h. e. ad rite excipiendum Dominum praeparari jubetur. Quo referas, quando Joel. II, 15. sanctificari jejunitum, h. e. non modo edici & proclamari, sed & populus rite ad illud praeparari dicitur. Inde nec eodem ubivis sensu, אֲרָם *sanctus* & אֲרָם *sanctitas, res consecrata vel sancta*, dicitur. Est nimirum sanctitas *alia* inharens, quae vel absoluta est, & numeris omnibus perfecta, qualis in Deo, vel in suo genere talis, ut angelorum & beatarum mentium, ex creatione, confirmatione, ac dono divino, vel inchoata, multumque adhuc imperfecta, quae hominum piorum est & justificatorum, ut in scholis Theologorum copiosius docetur: *alia σχετική* ac relativa, quo sensu אֲרָם *commune* seu *profanum*, & אֲרָם *sanctum*, sibi mutuo opponuntur, habito nimirum respectu, vel ad separationem e communi grege sui similium, ut populus Israeliticus, sanctus Exod. XIX, 6. Deut. VII, 7. & sanctitas Dei Psal. CXIV, 2. dicitur, quia divino beneficio, a gentibus aliis delectus & separatus, Deoque mancipatus, & ejus cultui dicatus erat, vel ad destinationem ad usus sacros, prout sacerdotes, vasa sanctuarii &c. hoc elogio maerantur; vel denique ab adjuncto, quod ad loca sacra spectat. Nullus quippe locus ex se, & natura sua sanctus est, sed gratiosa Numinis electione, ad cultum destinatione, vel revelatione. Ista vero omnis vel ordinaria est, in iis scilicet locis, quae ordinario Dei cultui dicata & consecrata erant, quo pacto Deus *Terram Sanctam*, in hereditatem populi peculii, sibi quae ipsi asseruerat Zach. II, 12. Levit. XXV, 23. *urbem sanctam* in sedem cultus sui delegerat Dan. IX, 24. *montem sanctum* in locum quietis & commorationis suae destinaverat Psalm. XV, 1. XLIII, 3. XLVIII, 2. Joel. II, 1. Ezech. XX, 40. *Tabernaculum & Templum sanctum* in habitaculum suum & domicilium praeparaverat Exod. XXVIII, 29, 35. Lev. XVI, 2, 3.



1 Reg. VI, 16. VII, 50. &c. unde קָדֶשׁ קָדְשִׁים *sanctum sanctorum* axioma suum, nomenque traxit: vel extraordinaria, quando Numen clementissimum, ad certum & breve tempus, visibili quodam præsentiæ & gratiæ suæ signo vel manifestatione, illustriorem locum reddidit, qualis Berhelis Gen. XXVIII, 17. montis Horeb h. l. & illius regionis, in qua ante urbem Jericho princeps exercitus Dei Josuæ apparebat Jos. V, 15. sanctitas erat. In summam itaque ut contrahamus, quæ dicta sunt, sensus verborum huc redit: hic ipse, quem pedibus calcas, locus, & circumjecta regio vicina, per illustrem hanc & plane singularem apparitionem & manifestationem divinam, terra sancta redditur, quæ attentionem mentisque reverentiam, Domino sese revelanti exhibendam, externis quoque venerationis signis, manifestari cupit. ANDR. MASIUS *ad sequ. loc.* Josuæ ita hæc verba edisserit, quasi diceret Dominus: *memineris, te coram Deo ipso stare, iisque, quæ & vider, & porro audies, consilium voluntatemque summi Numinis tibi declarari.*

*Alter*, quem huc spectare diximus, locus est Jos. V, 13 sqq. Postquam enim Josua, cum universo populi exercitu, Jordanem miraculo exsiccatum trajecisset, gentem præputiatam solenni circumcisionis ritu, Deo initiaffet, atque nunc in eo esset, ut Jerichuntem, urbem Cananæ principem, obsidione cingeret, Filius Dei, in ipso rerum gerendarum initio, oblata perquam augusta visione, simul eum & certa fiducia firmare, & ab insolente arrogantia prohibere, demum & docere volebat, non suis viribus, suæque prudentia nitendum ei esse, sed Numinis solum consilio, robore ac virtute. Is ergo cum esset בְּיַרְיִחוֹ *in Jerichunte*, non certe intra urbem, quæ clausis portis, custodiisque ac præsidio munita, neminem admittebat, sed in agro Jerichuntino, æque ut cap. X, 10. hostes cecidisse legitur Josuæ בְּגִבְעוֹן *in Gibeone*, h. e. in agro Gibeonitico, & oppugnandæ urbi lo-

cum opportunum ivisset forte speculatum, aut alioqui in agro suburbano versaretur, augustæ formæ Heros, strictum manu ensen tenens, videndum se ipsi obtulit, & nihil tale cogitanti obviam stirit. Insolito hoc spectaculo nihil perterritus, præsenti & infracti animi imperator, audacter ad ipsum pergit, & in hæc verba, quæ aut pugnam, aut amicitiam plane decernant, eum compellat: *num noster es, an adversariorum?* Ad quæ armatus populi sui moderator respondet: *non*, vel neuter sum, quem tu existimas, nec Hebræus, neque Cananæus, immo ne homo quidem, *sed ut Princeps exercitus Dei huc accessi.* Tum religione percussus Josua, in terram venerabundus procidit, religiosumque ipsi exhibens honorem, ejus sibi jussu humillime expetit, dicens vers. 14.

מַה אֲדֹנִי מְרַבֵּר אֶל־עַבְדּוֹ *quid est, quod Dominus meus loquitur ad servum suum?*] Ab inusitata Rad. אָרַן / quæ ex derivato nomine אָרַן *basis, fundamentum*, notasse æstimatur *suscipuit, sustentavit*, est אָרַן *Dominus*, quasi sustentator & columen dictus; quod nomen frequentissime in Scripturis, cum Deo, tum hominibus, vel honoris causa, vel domini & possessionis jure, tributum legitur. Evolvantur Lexica & Concordantiæ, quæ conferta manu loca subministrant. Hic ergo, ubi Filius Dei Josuæ se patefecerat, & quocum ipsi colloquium ac res esset, exposuerat, ipse quoque Josua religiosæ adorationis ritu jam profecutus eum fuerat, *Domini* compellatio haud dubie, & agnitæ a Josua divinæ personæ majestatem, & honorem supremo exercitus cælestis Duci habitum involvit, humillimæque venerationis ac obsequii symbolum præbet. Huic Domino, apposita perquam σκέσει, se submittit, tanquam עַבְדּוֹ *servum ejus*. Ab עָבַד *servivit, servitutem exegit, servire fecit*, item *coluit, operatus est* &c. descendit עָבַד *servus*, quod ubi de homine prædicatur, seu servum Dei, seu servum hominum designat, quin & improprie, demissio-

nis & humilitatis symbolum est 1 Reg. XII, 7. Josua vero Principis exercitus Dei servum se pronunciat, partim ratione cultus, quem fide, amore & adoratione ei deferat, partim ratione officii, quod bella Domini sub hoc imperatore strenue gerendo, se impigre executurum spondebat, partim ratione promptissimæ voluntatis, ad parendum divinis jussis, partim ratione auxilii & adjutorii divini, quod servus ipse a Domino suo, in subigenda, suisque distribuenda terra promissa, se consecuturum sperabat. Quando vero interrogat: **מָה דְּבַר יְהוָה** quid loquens est, seu quid edicit Dominus meus? non curiose rimatur arcana Domini consilia, nec ad colloquium Messiam provocat, sed informari se ac institui cupit, in iis, quæ divinis auspiciis agere ipse debeat. **דְּבַר** enim, & in Piel **דִּבֵּר** locutus est, non simplicem tantum loquelam, sed cum variis interdum connotatis, & hic quidem, cum imperio, & pro auctoritate edicere notat, prout par est, Principem exercitus supremum imperare. Ita Gen. XII, 4. **מִגְרָוִית אַבְרָם** ex patria sua, **דְּבַר אֱלֹהֵי יְהוָה** pro eo, ac ipsi praeceperat Dominus: idem c. XVII, 23. post acceptum de circumcissione mandatum, mares omnes, qui ipsi erant, copse circumcidebat die, **כַּאֲשֶׁר דְּבַר אֱלֹהִים** quemadmodum edixerat ei Deus: Exod. I, 17. timebant obstetrices Deum, nec faciebant **כַּאֲשֶׁר** quemadmodum praeceperat ipsis rex Aegypti: cap. XIX, 8. postquam Moses Israelitis omnia Dei mandata exposuisset, una omnes voce respondebant: **כָּל אֲשֶׁר דְּבַר יְהוָה נַעֲשֶׂה** quicquid praecepit Dominus, faciemus, conf. Lev. X, 5. Numer. V, 4. 1 Sam. XVI, 4. &c. Eodem sensu Josua divina sibi expetit jussa, edicat Dominus, quid sibi observandum, agendumve sit, quo demandata rite defungatur provincia, & voluntatem Dei exequatur. Sibi jussa capeffere, & promptissimum præstare obsequium mandatis ejus constitutum esse, modo ex ipso intelligat, quid fieri velit. Quo sensu alias,

1 Sam. III, 9, 10. *Domini loqui, & servi audire, relative opponuntur.*

Verf. XV. **יֹאמֶר שִׁיר-צָבָא יְהוָה אֱלֹהֵינוּ** Tum respondit Princeps exercitus Domini Josue] Tres sunt radices cognatæ, significatû convenientes, **שִׁיר**, **שָׂרָה**, & **שִׁיר** principatum tenere vel gerere, de principatu contendere, unde descendit **שִׁיר** princeps, qui cum imperio & auctoritate inter suos versatur, & supra alios eminet. Hinc & Deo tributum legitur, cum primis Messia, qui Dan. VIII, II. **שִׁיר-צָבָא הַשָּׁמַיִם** Princeps exercitus calorum, & hic, Princeps exercitus Domini, salutatur. **צָבָא** enim exercitum, militiam, it. tempus militia notat, & in Plur. **צִבְאוֹת** nominibus Dei sæpissime jungitur, ipsum vero vocab. seorsim ac absolute positum, nomen Dei non constituit; quod contra ORIGENEM ac HIERONYMUM, EVXTORFIVS egregie docuit *Dissertat. V. de Nominib. Dei Hebraic. §. 56 sqq.* Duplex autem cum detur, pro diversitate Ecclesiæ militantis & triumphantis, exercitus Dei, vel ipsis testibus Judeis, qui inter **צִבְאוֹת מַעֲלָה** exercitus superiores, & **צִבְאוֹת מַטָּה** exercitus inferiores, sollicite distinguunt; nihil obstat, quo minus de utroque, Christo subjecto, ejusque signa sequente, intelligamus: ita tamen ut h. l. potissimum ad exercitum in terris militantem, & cum primis ad Ecclesiam Israeliticam respiciatur. Ita enim Israelitæ olim, *exercitus Dei* diserte appellabantur Exod. XII, 41. & VII, 4. Vnde ANDR. MASIVS ad verf. præc. commodè *παραστῆς* Summus populi Dei Imperator, cujus nutu & moderatione ista, quas tu ducis, copia reguntur & gubernantur. In quo sanius judicat IOH. CLERICO, qui hic, æque ac Exod. XXXII, 34. & XXXIII, 14. creatum, & inferioris quidem ordinis aut potestatis Angelum intelligendum esse censet, nec videre se perhibet, cur Angelo, nomine Dei venienti, adorationis honor exhiberi non potuerit, modo ne quasi Deus coleretur.

Fff ff

Vnde



Vnde quoque ab EVSEBIO *Hist. Eccles. Lib. I. cap. 2.* hunc Principem exercitus Dei τὸν Λόγον esse contendente, in diversum discedit. Velut autem Angelum, Israelis ductorem, qui praeivit castris, unigenitum Dei Filium, ipsumque τὸν Λόγον esse, data opera & copiose evicit e Reformatis D. IOH. IAC. GRAMERVS *Theologiae Israelis P. II. Disput. I. in Exod. XXIII, 20 sqq. p. 1 sq. & Disput. IV. in Exod. XXXIII. & XXXIV, 5 sq. p. 247.* idque ipsis Judaeorum suffragiis ita munivit, ut quid sub veri quadam specie reponi possit, non videam: ita fuccinctas hujus loci, sed solidas omnino adornavit vindicias b. CALOVIVS *Tom. IV. System. Theol. p. 128. & 252.* eumque divini exercitus Principem, Filium Dei esse demonstravit, Dominum exercituum, quem omnes angeli, ceu Ducem ac Dominum suum venerantur Psal. XCVII, 7. Hebr. I, 7. Perquam autem absurde, ex his ipsis verbis probare satagit MAIMONIDES in *Morae Nevochim P. II. cap. 42.* istud omne, quod hic de Josua narratur, in visione prophetiae ipsi contigisse, quia in fine negotii dicitur, quod fuerit Princeps exercitus Domini. Hoc sane ipsum est, unde contrarium intelligas. Nemo enim, ex creatorum angelorum ordine ac censu, Princeps dici potest universi exercitus Domini, qui sub nullius, praeterquam τῷ Λόγῳ signis militat. Et falsum omnino est, quod ibidem supponit, ac edocere nititur toto isto Cap. MAIMONIDES, quod quando alicui angelus revera apparuisse vel locutus esse dicitur, istud omne de visione prophetiae intelligendum veniat. Saepe namque Angelum federis increatum Mal. III, 1. in V. T. apparuisse, nec in phantasia hominum piorum, sed visibili specie ac schemate indutum oculis ipsorum se exhibuisse ac objecisse, ex curata liquet discussione locorum, quae tales visiones exponunt. Equidem R. LEVI BEN GERSOM *Comment. in b. l.* idem cum MAIMONIDE tenet, istud omne in visione prophetica Josuae ostensum, non autem

revera & actu fuisse gestum, ut hic describitur: sed ex alia longe ratione, quam prolixè huc arcessere & profligare ab instituto nostro est alienum.

Reliqua Textus verba, cum superiori Exodi dicto, ex asse conveniunt, nisi quod illic ארמתי קרש קרש dicitur, hic simpliciter legatur קרש דוא sanctitas est, & qui illic omittitur, hic adjiciatur eventus, his verbis:

וַיַּעַשׂ יְהוֹשֻׁעַ כֵּן fecitque Josua sic] עשה amplissimum facienda, parandi, acquirendi, curandi, aptandi &c. notionem habens, exactam hic relationem involvit, ad praecedens Domini mandatum, & Josuae obsequium, Domini jussis curate ac impigre respondens, designat. Quod confirmatur adverbio comparativo כֵּן addito, quod a Rad. כן aptare, formare, disponere, derivatum, quando adverbialiter usurpatur, vel praecedenti particulae כ, כאשר, כמו &c. παρόμοιος, ἀπόδοσις reddit, tale, sic, ita, similiter &c. vel absolute positum, ad universam refertur praecedentem narrationem. Quod hic loci obtinet, ut sensus sit: quaecunque Dominus jusserrat, ea promte ac alacriter ita executus est Josua, ut obsequium, quantum quidem humanae datum est fragilitati, hero suo probaret. Complectitur ergo haec phrasis: 1) Josuae ad obsequendum promississimam voluntatem, qua nihil moratus, quid ogganniret caeca ratio, nec in ritus demandati causas scrupulose inquirens, ad extrahendos calceos, e vestigio se accinxit: 2) factum ipsum, ad jussum Imperatoris supremi compositum: 3) junctam externae actioni reverentiam animi, qua religione visionis motus, humillimum Domino praesenti atque conspicuum semet reddenti, cultum exhibuit, 4) seque totum imperio supremi exercitus duci mancipavit, ut quaecunque posthac expedienda sibi gerendaque forent, non nisi divino nutu, auspiciis ac virtute ageret.

Ita quidem discussis, quae ad literam Textuum intelligendam faciunt, succedit

## SECTIO II. RITVALIS.

§. I. *Moses & Josua calceati, pro more  
Judæorum.*

Mosen & Josuam, ordinarie calceatos inces-  
sisse, ex his locis patet, quibus calceos exuere  
& deponere, cum nihil tale antea cogitassent,  
nec eum in finem calceos induere potuerint,  
jubentur. Idque ex recepto apud Judæos mo-  
re, quibus Græcorum & Romanorum posthæc  
respondit consuetudo, ut passim in communi  
vita, calceos induti, egrederentur. Accedit,  
quod prior in itinere, posterior præterea in  
expeditione bellica versaretur, quæ utraq; ra-  
tio calceos denuo requirebat. Iter enim fa-  
cientes, pedes adversus aspera viarum calceis  
muniebant, quod ex Exod. XII, II. Deut. XXIX, 9.  
Jof. IX, 5, 13. patet. Et castra sequentes, sive  
expeditionem suscipientes, pedum securitati  
calceis æque prospiciebant, ut ex I Reg. II, 5.  
ex Jes. V, 27. (ubi exercitus armatus, & calceis  
instructus describitur,) & ex cit. Josuæ loco,  
intelligitur. Quod enim Scipioni, Catoni,  
Germanico, & Phocioni, apud PLVTAR-  
CHVM & TACITVM, laudi datum est, quod  
etiam in castris, relictis pedibus essent, id ad  
Hebræorum mores nihil facit, & inter suos  
quoque, tanquam insolitum & singulare, fuit  
observatum. Sed & in communi vita, quod  
dixi, calceorum usus in populo Dei passim ob-  
tinuit. Jesaias enim a Deo jubetur, in signum,  
quod omnes admirentur, & portentum futuræ  
calamitatis, excalceatus incedere cap. XX, 2.  
quod neminem in admirationem rapuisset, nisi  
novum & insolitum fuisset, pedibus nudis am-  
bulare. Et Amosi VI, 8. pauperes pro calcea-  
mentis suam vendidisse libertatem non legeren-  
tur, nisi quotidiano in usu, etiam apud egenos,  
fuissent calceamenta: quo etiam facit Sirac.  
XLVI, 22. Quin & universus ille ritus, Ruth.  
IV, 7. memoratus & perantiquus, ad confirma-  
tionem contractus sive in redemptione, sive in  
permutatione, ut vir extraheret calceum suum,

daretque alteri, locum habere non potuisset,  
nisi calceis promiscue ac ordinarie Hebræi fuif-  
sent usi.

§. II. *Judæi soleis non incedebant: contra*

BYNÆVM.

Verum aurem hic vellicat supra laudatus  
doctissimus BYNÆVS, inficiatus omnino, cal-  
ceos gestasse Hebræos, nudas ipsis soleas relin-  
quens. Vt fidem sententiæ conciliet, 1) vocab.  
Hebræorum *לעל* urget, quod aptissime in so-  
leam quadrat, a ligando & vinculis constrin-  
gendo dictum: 2) promiscuum apud LXX &  
IOSEPHVM, usum vocum, τὸ ὑπόδημα & σαν-  
δάλιον 3) morem perverstum, ad mensam ac-  
cubituris, maxime hospitibus, pedes lavare, aut  
ad hos usus, aquam præbere Genes. XVIII, 4.  
XIX, 2. Luc. VII, 44. cujus moris origo ex so-  
leis Hebræorum sit arcessenda. Scilicet, cum  
soleis uterentur prisca Hebræi, quæ plantam  
pedis solummodo tegerent, cum reliqua pars  
nuda esset, & teretibus habenis juncta, fieri vix  
potuit, quin pulvere atque luto macularentur  
pedes, quos lavare primum officium fuit. Vt  
autem speciose ista dicantur, tanti tamen non  
sunt, ut in assensum nos rapiant. Vocem quip-  
pe *לעל* calceum non minus, quam soleam no-  
tare posse, paulo antè observavimus, quod illa,  
vi etymologiæ suæ, non prolixos lororum no-  
dos, teretesque requirat habenas, quas ex hy-  
pothesi toties inculcat BYNÆVS, sed clausum  
quid designet, a *לעל* clausit, quocunque instru-  
mento, seu sera, seu pessulo, seu corrigia. Un-  
de Jud. III, 23. & 2 Sam. XIII, 18. de clausis &  
obseratis foribus, Cant. IV, 12. de horto clauso  
legitur; & *לעל* sera est, ubi frustra lora so-  
mniaveris & habenas. Calcei ergo cum clau-  
dantur corrigia, quæ in proverbium rei vilissi-  
mæ, & exigui admodum pretii, Abrahami jam  
ætate abierat, Gen. XIV, 23. & posthæc quoque  
in usu erat Jes. V, 27. nulla prorsus necessitas  
cogit, quæ soleas, earumque lora evincat. Nec

Fff ff 2

secus



secus se res habet cum vocabulis ὑποδήματος & σανδαλῖς, quæ promiscue usurpantur, & nunc de soleis, nunc de calceis cavis adhibentur, quod vir doctiss. ipse *eod. cap. §. 9 sqq.* propugnat, & lectio tam Novi Fœderis, quam profanorum Scriptorum confirmat. Nec σανδάλιον seu σάνδαλον præcise soleam notat, quod BYNÆVS contendit, sed teste HESYCHIO, calceamentum muliebre, unde apud LVCIANVM Hercules legitur παίεσθαι τῷ σανδαλίῳ ab Omphale: hinc ad virorum quoque habitum translatum est: & ὑπόδημα, licet ab ὑποδῶ, *subligo, subtus ligo*, deriveretur, calceamentum tamen æque ac soleam designat, & ὑποδεῖσθαι paria facit cum Hebræorum verbo *לבוש*, calceare se, seu calceari. Nihil ergo hinc solidi ac firmi elicueris, ad evincendas Hebræorum soleas: maxime cum IOSEPHVS & LXX interpretes, ad quos provocat BYNÆVS, his vocibus eo uterentur sensu, quò passim suo ævo veniebant, ubi calcei cavi jam in usu erant. Unde si tempus & operam ludere, animus esset, hoc ipsum ex Græcis translatorum vocabulis depromptum argumentum, contra sententiam BYNÆI, eodem vigore intorquere possem, quo ab ipso pro sua hypothesei urgetur. Denique circa rationem tertiam, ex more lavandi pedes, ante epulas, committitur elenchus non causæ ut causæ, si cum philosophis loquamur. Copiose hunc morem persequitur, & exemplis ex omni antiquitate, tam sacra quam profana, illustrat IOH. GVIL. STVCKIUS *Antiquit. Convivial. L. II. cap. XXXIII.* ejus tamen originem ad soleas, ab Hebræis gestari tantum solitas, nullo indicio refert. Sed duplex fuit causa, cur pedes lavarent accubaturi, idque humanitatis officium præstarent hospitibus, cum primis peregre venientibus: altera refectiois, altera munditiæ. Cum enim in Asia, totoque Oriente, ex insigni calore pedes dolerent, & æstu inflammarentur iis, qui in aprico incesserant, aut iter fecerant, in refectiois parte habebatur, frigida perluere pedes, itineris labore lassos & calidos, æstumque temperare, ne inter epulandum, dum cibo

reficeretur corpus, & salibus ac festivis colloquiis pasceretur animus, dolore vel æstu pedum cruciaretur hospes. Præterea in accumbendi ritu, non abditos sub triclinio pedes habebant, ut nobis moris est, qui ad altiores assidemus mensas, verum expositos, & in propatulo jacentes. Ne ergo vel nauseam moverent cibum capientibus sordidati calcei, vel inquinarent luto aut pulvere adhærente five accumbentes, five ministros, exuebant eos ac seponebant, pedibusque nudis, iisque puris ac bene lotis, quin & interdum unguento delibutis, accumbebant: unde in promptu erat peccatrici Luc. VII, 38. Christi pedes, utpote nudos, lacrymis rigare, & crinibus suis abstergere. Quod de Romanis certe, egregie probatum dedit BEN. BALDVINVS *de calceo antiqu. c. II.* edit. Amstel. A. 1667. p. 105 *sqq.* Tantum itaque abest, ut pedilavii ante mensam consuetudo soleas evincat, ut circa utrumque potius calceamenti genus, tam quod plantam tantum, quam quod integrum muniret pedem, locum habuerit.

### §. III. *Judeos calceis usos esse; probatio.*

Quamvis itaque omnem solearum usum Hebræis veteribus denegare nolumus, præter illas tamen, calceos quoque cavos gestasse, qui pedem superius tegerent, firmiter habemus persuasum. Ea quidem nobis non suppetunt, five ex nummis, five ex gemmis, five ex marmoribus & statuis, antiquitatis subsidia, quæ calcei Hebræi figuram, rationem ac modum, plane edoceant, qualia Græcorum ac Romanorum præsto sunt monumenta, cum tot iteratæ gentis Judaicæ clades, quibus in homines non modo, verum in omnem etiam ipsorum suppellectilem, immo & in memoriam sævitum fuit, illa ætatem ferre, & ad nostra perdurare tempora prohibuerint: res ipsa tamen rationibus haud contemnendis demonstrari posse videtur. Quarum *prima* ex pervetusta calceorum ad pedem applicatione depromenda est. Verbum

שלף enim, *extraxit, detraxit, strinxit*, proprie extractionem e theca cava, sive receptaculo, quo undique clauderetur & tegebatur, significat. Sic adhibetur de gladio, qui e vagina extrahitur Jud. III, 22. VIII, 10, 20. XX, 2, 15. 1 Sam. XVII, 51. &c. item, de jaculatore sagittam extrahente e pharetra Job. XX, 25. Hinc חרב שלף est *gladius evaginatus* seu strictus, Num. XXII, 23. Hoc itaque verbum, calceo exuendo appropriatum, extractionem pedis e receptaculo suo, quasi e vagina, hoc est, ex calceo, superius ac inferius pedem ambiente & tegente involvit, nec nudas soleas, sed calceos cavos ple-nosque necessario supponit, ac requirit, quando Ruth. IV, 7. legitur: *mos autem iste erat olim in Israele, in redemptione, & in permutatione, ad confirmandum omne negotium* שלף איש נעלו ונתן שולף ut *extraheret vir calceum suum, & daret alteri &c.* id quod eodem verbo cognatus Eli-melechi vers. 8. fecisse legitur. Frustra id applicueris ad soleam, cui nec immittitur pes, nec effertur vel extrahitur, sed quæ solutis habenis ultro a planta pedis decedit. Eadem fere vis verbi שלף est, quod *extrahere, eruere, exuere*, sonat, & sive proprie, sive figurate pro liberatione ex periculis & ærumnis, accipiat, extractionem tamen ex eo, quod undique cingebat, innuit, v. g. lapidis ex muro, Levit. XIV, 40, 43. animæ ex mortis faucibus, Ps. CXVI, 8. Hinc חליצה Plur. חליצות *exuvie*, 2 Sam. II, 21. Jud. XIV, 19. מחלצות *vestes mutatorie* Jes. III, 22. Zach. III, 4. Pedem ergo calceo, ex omni parte ambienti, insertum & velut inclusum, *extrahere* notat, quando de exuendo calceo Deut. XXV, 9, 10. Jes. XX, 2. usurpatur; quod denuo de solea commode vix dicere queas. Quæ facili negotio, uberius declarari & pingi posset ratio, nisi sua statim radiaret luce. *Alteram* Chaldæorum & Rabbiorum suppeditat explicatio. Quamvis enim in utroque textu nostro, Targum vocem סין adhibeat, a סין & סין vel סון *lutum, cænum*, descendente, quæ munimen pedis, quo lutum platearum calcamus, *calceum quemvis* designat, nihil tamen

Rabbinis frequentius est, quam כות הרגלים *domum pedum* pro calceo dicere, quia pes in calceo, velut herus in domo sua habitat & commoratur, quod in soleam nudam plane non quadrat; & Talmudici, ex Chaldæorum dialecto אפנתא h. e. *obstragulum, superiorem partem calcei*, per Synecdochen partis, pro calceo integro ponunt, quando Cod. Taanith fol. 12. col. 2. legitur כיומי אפנתא *cum essent induti calceis &c.* quod locum habere omnino nequit, nisi superius quoque tectum Hebrææ genti calceum vindices. Chaldæus itaque Paraphrastes, quando Ruth. IV, 7, 8. pro Hebræo נעל habet נרתיק יד וימניה *vaginam vel chirothecam manus suæ dexteræ*, manifestum quidem in eo committit errorem, quod manum in pedem, calceum in chirothecam, transmutat, cum tamen manui nuspiam, semper autem pedi, quotiescunque occurrit in Scriptura, נעל applicari legatur: in eum tamen errorem, similitudine officii & formæ utriusque, inductus videtur, quod qualis est נרתיק vagina, vel theca manibus, talem pedibus præstet calceus, undique scilicet pedem ambiens, & superius inferiusque, ut manum chirotheca, regens & claudens. נרתיק enim, Buxtorfio in *Lex. Targum.* interprete, est *theca, vagina, arca, res qualibet cui aliquid includitur*, calceo cavo, non soleæ designandæ respondens. Tercio provocamus ad 1 Reg. II, 5. ubi David indignabundus de Joabo memorat, quod Abnerum filium Ner, & Amasai filium Jether occiderit, effuderitque sanguines belli tempore pacis, & posuerit sanguines belli in cingulo suo, quod circa lumbos ejus, וכןעלו וכןעלו *in calceo suo, qui in pedibus ejus erat*. Conspersisse vult, sanguine occisorum, tam balteum & vestimenta sua, quam calceos pedum, & in utrisque cruenta cædis indicia secum circumtulisse. Pone hic soleas, & nihil vel falsum dixerit David, cum solearum ultra plantam tanta non promineret crepido, quæ maculas sanguinis recipere, & cruentas ostentare posset cædis notas: calceum autem cavum diserte locus evincit, cujus obstragulum, seu



partem superiorem, sanguis occisorum large perfuderat, iisque maculis ficarium prodiderat. *Quarto* urgemus Jes. XI, 15. ubi Deus pollicetur, se ita exsiccaturum Euphratem, וְהָרַרְתִּי וְהַרְרִיתִי ut calcet eum quilibet calceis, h. e. simplice & intransitiva significatione, ut calcari calceis & vado transiri possit, tanquam vel totus, vel majorem partem exsiccatus. Hujus nec loci est, nec instituti, sensum vaticinii operose eruere & tradere, quem qui cupit, adeat Commentatores: nobis nunc sufficit observasse, phrasin illam de calceis cavis, non de soleis exponi posse. Vbi enim exsiccatur flumen, tam grande quidem atque limosum, quale Euphrates, udum manet solum, & paludosa humus, ut soleis transiri non possit, sicco pede, bene autem calceis cavis, qui pedem muniunt, ne aquis vel fordibus inquinetur. Plura, præsertim ex Novo Instrumento addere argumenta, supersedemus, cum & hæc aquis lectoribus satisfactura censeamus, & Christi ac Apostolorum tempora, a Mosis vel Josuæ ætate, nimis grandi temporum intercapedine & hiatus disjungantur, ut parum ad rem nostram, quæ ad ultimam spectat antiquitatem, facere videantur.

*S. IV. Discalceationis a Deo injunctæ rationes, ex mente Judæorum.*

Homines ergo Hebræi, qui calceorum usui erant adfueti, quando calceos exuere, & discalceati consistere vel incedere jubebantur, peculiarem eamque fonticam subesse oportuit causam. Quæ quidem in utroque Textu nostro in sanctitate loci ponitur, quæ calceorum sordes respuat, nudosque & puros requirat pedes. Quicquid est istius rei, magni nominis apud Hebræos interpretes, DON ISAAC ABARBENEL *Comment. in Exod. fol. קל. col. 4.* in meras transmutat allegorias, quasi Deus demandata calcei extractione, tam Mosen quam Josuam docere voluerit, frustra utrumque esse, cum carnalibus suis consiliis & cogitationibus, quas ille de liberanda & educenda ex Aegypto gente sua, hic

de capienda urbe Jerichuntis, virtute humana & naturali modo, secum volverent: quin immo exuendas esse & deponendas curas istas, quia locus iste sanctus, seu terra sancta est, h. e. negotium, quod uterque intendat, עֲנֵן אֱלֹהִים ut opus divinum, & a providentia divina perficiendum. Istud tamen quam coactum, & longe sit quæsitum, ac ideo a textus historici simplicitate alienum, nemini non patet. Paulo exactius R. BECHAI in *ביאור על התורה fol. סה. col. 1. fin. & 2.* pericopam Exodi exponere gestiens, triplicem copiose edisserit sententiam, ita ut juxta sensum literalem admoneatur Moses, de exuendis calceis, propter sanctimoniam loci, & ne leviter vel arroganter attollat caput suum coram majestate divina, juxta id, quod infra ipsi dicitur Exod. XXIII, 21. porro, ut secundum sensum mysticum & spirituales admoneatur, ut exuat & a se deponat החומריות *materialia* seu *corporalia*, & quicquid ad animalem pertinet hominem, quo capax fiat prophetiæ, & lumen intellectus consequatur: demum secundum sensum Cabbalisticum, ut innuatur, majestatem divinam duplici modo revelari, in igne nigro & in igne albo, eo quod complectitur illa tam judicium, quam misericordiam &c. Præterea hoc pacto Mosi declarari, quod in loco isto promulganda olim lex sit, scripta igne nigro in superficie alba, unde verba illa אֲרַמְתָּ קֶרֶשׁ idem velle ac אֲרַמְתָּ סִמּוּכָה לקֶרֶשׁ *terram, quæ propinqua sit sanctitati*, eamque esse montem Sinai, de quo scriptum legitur Psalm. LXVIII, 18. *Dominus in illis, (Deus) Sinai in sanctuario.* Hæc ille, qui licet in sensu literali sat prope accedat ad scopum, in ceteris tamen longius deflectit. Apud R. SALOMONEM, & R. DAVID. KIMCHIVM, quin & in *Jalkut SCHIMEONI* frustra requires, quæ ad rem nostram faciant. PHILO Judæus περὶ Πυράδων p. 370. ab AARBENELIS commentis haud procul abir, prohibitum Mosis accessum interpretatus, ac si dixerit Dominus: μὴ πρόσθους τοῦ ἁγίου διασκέψῃς, ne accedas ad talem cogitationem, ut rerum causas, humano intellectu

tellectu eruere & scrutari te posse confidas: περιεργείας γὰρ καὶ φιλοπραγμοσύνης μείζονος ἢ κατ' ἀνθρώπινην δύναμιν τὸ ἔργον· nam huic curiositati satagenti humana vires non sufficiunt; porro, locus, in quo stas, sanctus est: ποῖος τόπος; ἢ ὁῦλον ὅτι ὁ αἰτιολογικός, ὃν μόνου τῆς θείας ἀνῆψε φύσεσιν, ἀνθρώπων ἔδνα νομίσας ἱκανὸν εἶναι αἰτιολογίας ἐφαύσασθαι κ. τ. λ. qualis locus? nimirum ad rationes causarum pertineus, qui tantum divinarum naturarum est, quod Deus neminem mortalem dignetur causarum notitia &c. Pariter IOSEPHVS *Ἀρχαιολογ. Lib. II. cap. XII.* rem gestam omnem eo refert, quasi Deus curiositatem Moysi hoc velut symbolo reprimere, & ne ulterius scrutaretur, prohibere voluerit, novum addens, de loci sanctitate commentum, quod mons ille celsissimus, licet pascuis esset commodissimus, herbis utpote optimis & saluberrimis abundans, inaccessus tamen manserit, nunquam ante depastus, διὰ τὸ δόξαν ἔχειν, ἐνδιατρίβειν αὐτῷ τὸν Θεόν, & τολμῶντων ἐμβατεῦσιν εἰς αὐτὸ τῶν ποιμένων, quod vulgo persuasum haberent, Dei Numen ibi habitare, unde religio fuerit pastoribus, in illum ascendere. Unde & Deus, τὸ τε θάρος αὐτῆς, τολμήσαντος παρελθεῖν εἰς χωρίον, εἰς ὃ μηδεὶς ἀνθρώπων πρότερον ἀφικτο, διὰ τὸ εἶναι θεῖον, ἐσήμανε, καὶ συνέβηεν, τῆς φλογὸς ὡς πορρωτάτω χωρεῖν, καὶ ἀρκεῖσθαι μὲν οἷς ἑώρακεν, ἀγαθὸν ὄντα καὶ μεγάλων ἀνδρῶν ἐκγονόν, πολυπραγμονεῖν δὲ μηδὲν τέτοις περισσότερον, & temeritatem ejus reprehendit, qui non sit veritus, locum sacrum, adeoque hominibus hactenus inaccessum calcare, & consuluit, ut quam longissime a flammis abscederet, & sibi met quidem hac visione satisfaceret, non indignus ea, propter suam ac majorum suorum virtutem, habitus, ceterum ulterius nihil curiose inquireret. FRANC. MONCAEIVS loco supra cit. hanc IOSEPHI, de sanctitate montis, traditionem sub examen vocans, bene observat, eum propius Ethnicorum sensui & moribus accommodare se voluisse, utpote quibus *Grace Antiquitatum suarum Libros* peculiariter scriberet. Sic etenim Ethnicos sensisse & locutos fuisse de plerisque

fuis montibus & lucis: immo & visa sylva aliqua, situ & verustate paulo horridiore, & praeter modum opaca, religione fere tactos fuisse, Dei alicujus domicilium esse, conjecturam hinc ducentes: quod veterum Poetarum testimoniis confirmat, IOSEPHI autem additamentum illud ex ipsis sacris literis refellit.

#### S. V. ex Christianorum Interpretum.

Ira quidem Judæorum Magistri, de discalceatione injuncta, locique sanctitate, & quæ imperii hujus causa sit, commentantur. Christianorum nunc audire juvat sententias, quas in compendium missas, CHRIST. SCHOTANI loc. cit. p. 17. verbis exhibemus: *Quod autem calceamenta exuere jubetur, id varie accipiunt Interpretes.* Nam primo, inferiores affectus subijci debere rationi. Hos scilicet ad terram & terrestria depresso esse. Secundo, mortua opera deponenda esse, quia calceamenta sunt e pellibus animalium, quamvis Hebræi Moysi calceamenta, quibus in solitudine utebatur pastor, straminea seu juncea fuisse velint, uti notat D. RIVETVS. Tertiò, significari vincula cupiditatum terrenarum, quia calceamenta corrigiis vinciuntur. Quarto, argumentorum formulas & syllogismos, quos ratio humana torquet adversus doctrinæ celestis veritatem. Quinto, quiescendum esse in tractatione rerum celestium, illique indormiendum. Nam cubitum euntes, calceos deponunt. Sexto, juri suo eum cedere debere, seque totum Deo tradere, qui ad eum accedit: quemadmodum calceum tradebat, qui cognati uxorem & hereditatem cedebat alteri. Septimo, puritatem animi corporisque requiri in eo, qui Deo appropinquat. Nam calceamentis sordes & pulvis inhaerescunt. Octavo, quod THEODORETVS etiam de quorundam opinione refert, ἵνα γυμνοῖς τοῖς ποσὶν ἀγιάτῃ τὴν γῆν. Ultimo, notari, quod in cultu Mosaico & templo nudis pedibus ministrandum esset. Ipse paulo post mentem suam ita expromit SCHOTANVS, ut Mosen, pedem nudare, & nudo pede terræ insistere, jussu existimet, ob loci re-

verentiam



verentiam & Dei. - - Subjectio simul fuit, & summa humilitatis demissio: unde se composuit in eum morem, quo solebant sacra facturi. Verum, sacra facientes, ea quidem tempestate calceos deposuisse nudosque incessisse, nunquam probabit SCHOTANVS. ANDR. MASIVS, Josuam calceamentum exuere, nudisque pedibus insistere, jussum tradit, ut ipse mens religione percellatur, promoveaturque etiam atque etiam præsentie majestatis divina opinione, ac proinde attentior sit ad visionem, tanquam rem divinam expendendam cogitatione, & secum diligenter pertractandam, tum verba, sicut Dei oracula, penitus percipienda, & ut verissima certissimaque amplectenda; quæ alioqui vanissimis somniis similia videri, & proinde neglecta excidere facile potuissent. Ita pariter IACOB. SALIANVS *Annal. V. T. ad A. O. C. 2543. n. XXXVIII. T. II. p. 35.* ad attentionem & venerationem Mosis excitandam, id omne accommodat: monebat ergo, inquietus, Dominus Mosen, ne curiose, aut parum religiose, ad divinum miraculum perscrutandum accederet, sed persuasum haberet, arcanum quiddam, ac divinis plenum mysteriis apparari, quæ summam reverentiam ac venerationem exigent. Ceteri Pontificii passim, ut ISIDOR. CLARIVS, GVIL. ESTIVS, IOH. MENOCHIVS, IACOB. TIRINVS, mandatum de exuendis calceis ita intelligunt, ut majori veneratione Moses ad illum accederet locum, quem Deus jam sua præsencia sanctificaret: addit quoque TIRINVS, ex Nazianzeno, EPIPHANIO, Nysseno, PROCOPIO & BERNARDO, moralem aliquam significationem, eum, qui per orationem, vel contemplationem, vult accedere ad Deum, debere & maxima reverentia id facere, & carnales omnes curas cogitationesque, ac mundi affectus, seponere. Ab his vero, cur in diversum discedat, idoneam fatisque pregnantem se reperisse causam, credit DIDACVS DEL CASTILLO ET ARTIGA, de ornatu & vestibus Aaronis, in cap. XXVIII. *Exod. vers. 37. illat. 261. p. 433. b.* hunc injiciens scrupulum, cur Deus, licet toties post hæc Mose apparuisset, nunquam tamen, perinde

ut hic loci, servo suo præcepisse inveniatur, pedes exuere calceis? Hinc urget: si calceamenta deponere, cultus & religionis exhibeat signum, cur idem Deus, cum e rubo loquitur, cultum ei præcepit, & religionem exegit, quam non postulavit, cum in cacumine montis Sinai Mose apparere, dignatur? utrobique idem est Deus: ergo idem cultus & veneratio ei debetur? Quare ergo in rubo, majori cultu venerari, quam in monte, desiderat Deus? Quod ipse dubium ita solvit: Quia Deus in medio rubi apparens, divinum verbum intra semper Virginis Mariæ claustra, cujus erat typus, præsignabat. Ut ergo, quanti Dei Filius sacratissimam matrem faceret, ostenderet; majorem cultum in rubo existens exegit, quam in vertice montis, quando legem populo sanciebat: quia rubus typus erat Mariæ, & ubi Mariæ adhuc figurate est præsens, majori reverentia venerari vult Deus, quam si ea abesset. In montis vertice, quamvis tonitrua, fulgura, & ignis, Dei majestatem tremendam exprimerent; illic tamen Deus erat sine matre. Quid ergo mirum, quod tremendus appareat, & quod ritum deponendi calceos, non intimet in signum venerationis & cultus? at cum in rubo divinitatis fulgeret celsitudo, saltem in typo aderat Mariæ: merito ergo religiosior cultus, ferventior devotio, & sacratior reverentia exigitur. Quia ubi Verbum matris gaudet consortio, majorem petit reverentiam, etsi in figura, & in umbra mater sit, quam si solus esset. Hæc Complutensis Doctor Theologus, Chlamyde Malacitana condecoratus; primarius liberalium artium publicus Professor, & S. Theologiæ sæpe publicus Regens: tum in alma Abulensi Ecclesia S. Scripturæ Canonicus Magistralis, sanctæ Inquisitionis fidei Censor; tandem Carthaginensis primo, deinde Truxillensis Ecclesiæ, in partibus Indiarum, Antistes: qui unus inter suos tam fuit oculatus, ut Mosen, ob majorem typi Mariæ reverentiam, calceos exuere jussum perspiceret. Sane, quod alii, per calumniam suæ impingi Ecclesiæ, clament Pontificii Doctores, ac si pari, cum Deo, vel religiosiori etiam cultu prosequantur Mariam,

tiam, ejus confessum hic habemus reum. Nimirum, ubi Deo, vel in figura saltem ac in typo, adest Maria, ibi merito *religiosior cultus, ferventior devotio, & sacratior reverentia* exigitur, quam ubi solus apparet. Etsi vero me non fugit, esse in Patribus, qui rubum ardentem, seu typum ac figuram, ad incarnationem Christi transfulerint, quæ tamen inde emergit consequentia: ergo *Verbum ibi matris gaudet consortio, & majorem petit reverentiam, quam si solus esset?* Num enim tum adfuit τῷ Λόγῳ mater ejus? Non sane αὐτοπροσώπως, quia multis demum sæculis post, mundum conplexit: sed nec in figura & umbra, quia isthæc accommodatio typica nullo scripturæ testimonio, nec divina gaudet auctoritate, sed privato tantum ac proprio doctorum quorundam veterum ingenio nititur, & est ἰδίας ἐπιλύσεως 2 Pet. I, 20. Ergo nec aliter τῷ Λόγῳ in ista apparitione adfuit mater ejus in typo & figura, nisi in cerebro privatorum doctorum, qui repræsentationem illam typicam excogitarunt. Quid autem fiet de discalceatione, Josuæ iisdem fere verbis demandata, ubi typi Mariæ nulla subesse potuit ratio? Hanc enim sub viri armati schemate adumbrari, non nisi absurde dixeris: aut eandem reverentiæ & cultus testificationem exigit ab eo Filius Dei. Hinc studioso silentio hunc locum, ex asse parallelum, premit Mariolatra, ne propria cadere cogatur vineta. Huic nihilominus tam lubrico fundamento tanta superstruitur idololatrici cultus moles, ut Mariam vel supra Dei Filium, benedictum in sæcula, extollant, vel majorem cultui τῷ Λόγῳ reverentiam & religionem addant, si vel in umbra Filio suo adfuerit Maria, quam ubi ille est solus. Judicent hinc, quibus Dei honos, & reverentia oraculorum Scripturæ, Jes. XLII, 8. XLVIII, 11. Philipp. II, 9, 10, 11. curæ cordique est: nos autem in orbitam redeamus.

#### §. VI. ex nostra sententia.

Ex variis istis, tam Judæorum, quam Christianorum sententiis liquet, in enucleando dis-

calceationis imperatæ ritu, geminam doctores iniisse viam, literalem aliam, quæ verbis Textus pressius inhæret, aliam mysticam, quæ, ex demando actu, intelligendum aliquod sive mysterium, sive monitum esse, edocerent. Quid autem obstat, quo minus utramque jungamus, & Moſen æque ac Josuam, calceos exuere jussum dicamus, primo, ut cum reverentia & animi humilitate, non tanquam ad naturale quoddam spectaculum, sed ut ad Deum, sibi manifestarum & loquentem, accedere discerent, locumque propter hanc patefactionem divinam, & quoad illa duraret, sanctum reputarent, qui externis symbolis conspicuum ac perceptibile redderet Numen, nec mente profana vel oscitante, sed animo ad cultum & venerationem Numinis composito, velit adiri. Ante nimirum, quam compellaretur ex igne Moſes, nihil ille cogitabat divini, sed igne elementari forte correptum autumans dumetum, suo indulgebat ingenio, cumque miraculi quid subesse suspicaretur, suæ solum satisfacere curiositati studebat. Pariter Josua heroem conspicatus armatum, sibi que tantum non imminentem, ultra humanam sortem eum non æstimabat, sed intrepide accedens, quærensque, quibus ille partibus sit addictus, hostiumne, an Israelitarum? vel dextram jungere, vel manus cum illo conferere instituit. Nunc autem divinitus uterque admonitus, aliam induit mentem, & cogitationibus ad præsens Numen conversis, cum sancto adſtat horrore, Deum cogitans ignem esse consumentem, quem nemo mortalium prælio vincat, cum humili obsequii promptitudine, vocanti Hero & Imperatori ad nutum se sistens paratum; cum religiosa denique attentione, qua jussa & sermones Domini recte percipere nitebatur. Hæc prima est & simplicissima ratio, ex historiæ circumstantiis, & mandati divini verbis, ultro elucens. Secundo docebantur hoc ritu, toti a Deo pendere, nec suæ quicquam dare sapientiæ, fortitudini, aut rerum gerendarum peritiæ, verum ita se tradere Domino, ut qui mancipati, non aliud cuperent, institue-



rent, cogitarent vel agerent, quam quod ex ore Dei haurientes, edocerentur. Hoc scite nonnulli eliciunt ex eo, quod, qui olim juri suo renunciabant, idque cedebant alteri, perantiquo ritu calcei exuri, alterique traditi, testatum facerent, per Ruth. IV, 7. Hoc itaque mandato, tam Mosi, quam Josuæ, significasse Dominum, ut jure suo velut cedant, & semet ipsos abnegent, totosque divinæ voluntati & vocationi permittant. Satis erudite, sed vereor, quod æque satis tuto. De forense enim ritu illo demonstrari solide nequit, vel ista ætate, ante *υποθεσίαν* eum jam obtinuisse, vel si apud alias forte locum habuerit gentes, Mosi sic de eo constituisse, ut hanc Dei mentem ex hoc symbolo statim assequeretur. Potius ita statuo, cum insignia prorsus molimina utrique essent suscipienda, humanis consiliis æque ac viribus longe superiora, Deus statim in limine rerum gerendarum, hoc velut specimine, docere ipsos voluisse, quomodo obsequii tantum gloriam sibi relictam censere deberent, cum talem ipsis imperaret ritum, cui ante non adfuerat, & cujus causas vix alias modo perspicere, nisi divinam præsentiam & voluntatem. Huic morem gerere ipsos oportebat, *ἰδὲν προσανατίθεσθαι παρὲν καὶ αἵματι*, neque scrupulosius in rationes inquirere; unde cognoscerent, eadem obsequii & subjugandæ rationis promptitudine ac sinceritate, in tantis negotiis gerendis, quæ mox Deus ipsis demandaturus erat, fore verendum, satis habentibus, si de divina constaret voluntate & assistentia, quicquid demum humanæ videretur rationi. Quicquid enim istius est mandati, non ad præsens modo apparitionis mysterium, sed & ad insculturam spectasse existimo vocationem & functionem, in qua perpetim primæ istius revelationis divinæ, ipsos meminisse decebat. Hæc plana sunt & simplicia, quæ facili negotio assequi poterant tunc temporis Moses & Josua, cum ceteræ discalceationis demandatæ rationes, quas comminiscuntur Interpretes, dum viris istis in mentem vix potuerint venire. Qualis est, quando v. g. *SVI-*

*DAS in voce ὑπόδημα*, sensu allegorico notari ait *τὸ σαρκινὸν φρόνημα τῷ ἰδίῳ θελήματι*, carnalem sensum propriæ voluntatis, atque in hanc sententiam textum Exodi illustrat: quando BERNHARDVS *Sermon. de Virgine Deipara, in Apoc. XII. signum magnum &c. Tom. II. Opp. fol. 124 b.* sensu spirituali ita exponit, qui velit sacra mysteria rimari, debere prius cunctis se terrenarum & carnalium curarum desideriis exuere: merito quidem, inquit, *admiraris, Moses sancte, & curiosus desideras intueri: verumtamen solve calceamenta de pedibus tuis, & involucria pone carnalium cogitationum, si accedere concupiscis*: in quam sententiam alias complures Patrum interpretationes cumulat MART. DEL RIO *Adagial. Sacr. V. T. n. LX. p. 55.*: quando THEODORETUS *Quest. 6. in Jos. Tom. I. Opp. f. 200.* Josuam hoc mandatum accepisse perhibet, ut vera esse crederet promissa Domini, sibi facta: *quemadmodum fui cum Mose, etiam ero tecum, τὰς χεῖρας, ὧν ἤκασεν ἐκείνος, ἀνέβη καὶ ἔτος, ἵνα θαυσαλεώτερος γένηται, ὡς τῆς αὐτῆς ἀξίας τετυχηκώς*, propterea, quæ audierat Moses, audit & iste, ut confidentior evadat, velut eandem dignitatem affecturus: demum, quando ex recentioribus, ANDR. RIVETUS *Comment. in Exod. loc. cit.* istud omne ex more illustrat Veterum, quo mancipia, seu servi ad herum suum accedentes, nudis pedibus incedebant, ut testarentur subjectionem suam, reverentiam & timorem, unde fit, quod *nudare pedes*, signum sit servitutis & reverentiæ; voluisse ergo Deum, Mosén ad se accedentem, induere animum humilem, & ad omnia Domini vocantis mandata paratum: & quæ aliæ id genus sunt explicationes, satis ingenii, at veritatis parum complexæ.

#### §. VII. Discalceatio Sacerdotum Hebræorum in Templo.

In ceteris discalceationis hujus, a Deo injunctæ, causis, hanc etiam vult esse THEODORETUS, ut in ritum perennem cultus Levitici & in exemplum abiret futurorum Sacerdotum, Ita

Ita nimirum ille *quest. VII. in Exod. T. I. Opp. f. 79.* προπαιδύεται, πῶς χεῖ, τὰς ἱερέας ἐν τῇ σκηνῇ λειτουργεῖν· γυμνοὶς γὰρ καὶ κύνειοι ποσὶ τὰς λειτουργίας ἐπετέλεον, καὶ τὰς θυσίας· prædece-  
tur hoc mandato divino, qua ratione oporteat Sa-  
cerdotes in tabernaculo deservire. Nudis enim  
pedibus illi ministeria divina peragebant, & sacri-  
ficia. Inde quæstio emergit ardua & anceps :  
an pedibus nudis, ministerio sacro, in taberna-  
culo & templo functi fuerint Sacerdotes, nec  
ne? Quam citra hæsitacionem affirmat TIR-  
NVS, quando *Comment. in Exod. c. l. hinc veri-*  
*similiter*, inquit, *mos ille ad Judæos, aliasque gen-*  
*tes emanavit, pedes excalceandi in ingressu Tem-*  
*ppli. Quod de Sacerdotibus Judæorum certo con-*  
*stat, ex cap. XXX. & XL. Exodi.* Idem confi-  
denter ex TIRINO exscribit DIDACVS DEL  
CASTILLO *loc. cit. p. 473. n. 4.* Ex recentio-  
ribus Papistarum doctoribus idem, sed ampliori  
cum eruditionis apparatu, confirmat BERNH.  
LAMY *lib. VII. de templo Hierosolym. Sect. III.*  
*p. III9.* Et Hebræorum quidem Magistri omni-  
no tuentur, Sacerdotes nudis pedibus super pa-  
vimento sterisse, & sacris operatos fuisse, adeo  
quidem, ut si quis inter ministrandum, vel su-  
per vestem aliquam, aut aliud instrumentum,  
quod casu ibi jacebat, aut super bestiam, aut  
super agnum, immo vel super pedes focii, forte  
constitisset, totum sacrificium eapropter illegi-  
timum censeretur. Hinc cum eveniret, ut vi-  
scerum doloribus, ex algore pedum, crebro la-  
borarent Sacerdotes, peculiarem habebant ממונה  
על החולים *Præfectum agrotorum, seu Medicum,*  
qui valetudinis ipsorum ageret curam. Testi-  
monia ex Talmudis Cod. *Sebbachim*, & MAIMO-  
NIDE, in asserti utriusque fidem, protulit mi-  
ræ vir industriæ IOH. BRAVNIVS *de vestitu Sa-*  
*cerd. Hebr. lib. I. cap. III. §. 3. pag. 44 sqq.* quæ  
huc transcribere merito superfedemus. Idem-  
que e Reformatis tenent, quotquot Judæorum  
hic sectantur auctoritatem, laudatus BRAVNIVS,  
BYNÆVS *de calc. Hebr. Lib. II. cap. 3. §. 2 sqq.*  
*p. 171.* MELCH. LEYDEKKERVS *de republ. He-*  
*braor. Lib. X. cap. III. §. IV. pag. 591. a. & alii.*

Nec contemnendis plane utuntur rationibus,  
calceos Sacerdotibus denegantes, ita ut in eorum  
sententiam pedibus ire, nec nos defugiamus.  
I.) enim, ubi vestes Sacerdotum Hebræorum  
memorantur in scripturis, Exod. XXVIII. &  
XXXIX. altum de calceis est silentium. Non  
ne præterit, in rebus facti & historicis, a silen-  
tio Scripturæ firma non duci argumenta. At  
secus se habet, in præceptis & mandatis divinis;  
ubi præcise verbo Domini inhærendum, neque  
quicquam illi vel addendum est, vel detrahen-  
dum Deut. IV, 2. quod circa universum cultus  
Levitici apparatus, adeoque & circa vestitum  
Sacerdotum, locum habere nullus dubito, per  
Exod. XXXIX, 43. Si enim calceatos Deus vo-  
luisse Sacerdotes, pedum munimenta, æque  
ac feminalia, commemorasset. Nec tacuisset  
illa Moses, ad icona seu typum, in monte sibi  
visum, componere singula jussus Exod. XXV, 40.  
si tale quid monstratum sibi meminisset. Hinc,  
juxta Hebræorum disciplinam, יוֹתֵר כְּנָדִים *red-*  
*undans vestibus* fuerit Sacerdos, irritumque red-  
diderit ministerium suum, si calceis indutus,  
præter legis præscriptum, illud obisset. II.)  
pedilavium Sacerdotibus imperatum, idem evin-  
cere videtur. Eum enim in finem mare æneum  
in atrio sanctuarii repositum Exod. XXX, 19, 20.  
memoratur, ut Aaron & filii ejus manus suas ac  
pedes suos lavent, quando ingressuri sunt taberna-  
culum conventus, ne moriantur: vel quando ac-  
cessuri sunt ad altare administrandum, ut offerant  
thymiana Domino. Si calceati incessissent, nec  
opus pedilavio, nec metus fuisset, ne inquinarent  
Sanctum. Suffecisset enim, mundos ha-  
buisset pedes, cum tegumentis eos munirent, &  
calceos probe absteris-  
se, aut bene perpurgatos  
servasse. Nudi quippe pedes, non calcei la-  
vantur aquis. Verum, quia mactantes victi-  
mas, facile conspergebantur pedes sanguine, aut  
in atrio discursitantes, nudis pedibus sordes col-  
ligebant, lege Deus cavit, ne ἀνίπτοις χεῖρσι καὶ  
ποσὶ ad se appropinquarent. Velut itaque nu-  
dos lavabant pedes, non rectos, manibusque  
nudis peragebant ministerium sacrum, sic ἀνι-  
πτόητοι



πόδῳτος quoque obambulabant in tabernaculo & templo. Quod ex eo quoque firmatur, quod Talmudici Cod. *Middoth* cap. I. §. 6. peculiare memorant Conclave in templo בית המוקד *Focarium* dictum, quo Sacerdotes, contra frigus hybernium, nudos solabantur pedes. *Ab ardendo nomen habet hæc structura*, doctissimus ad h. l. glossatur CONSTANTINVS L' EMPEREVR p. 22. שמורות רולקים כה תמיד *quod ibi perpetuo lignorum strues arderet: idque in usum Sacerdotum, quo paratum semper haberent ignem, quandoquidem discalceatis pedibus in loco sancto versari tenebantur.* Accedit III.) constans totius antiquitatis Judaicæ suffragium, quæ uno ore ἀνυποδησίαν Sacerdotum in templo affirmat, & in rebus & quæstionibus ritualibus, non est omnino nihili. Testimonia vide a BRAVNIO & BYNÆO collecta, suisque digesta locis. Derivant autem hunc ritum ex utroque Textu nostro: non quasi Deus mandato, de exuendis calceis, Mosi & Josuæ dato, idem Sacerdotum institutum sanxerit, quæ THEODORETI mens fuit, sed argumento מקל וחומר *a minori ad majus* ducto, inde elicientes. Si enim ista loca, in quibus stabant Moses & Josua, sancta fuerunt, ob præsentiam Dei, ad breve saltem tempus, & uno vel altero solum documento manifestatam, quid non de tabernaculo & templo dicendum, ubi Deus sedem velut suam & domicilium fixerat, & gratiosam præsentiam ac majestatem suam augustiori longe modo manifestaverat? Jussus ergo Moses calceos extrahere, ob loci sanctitatem, in eandem humilitatis ac reverentiæ significationem facile pertraxit Sacerdotes. Vide Gemaram Babylon. *Beracoth* cap. IX. fol. 62. b. Hinc in antiquissimo commentario שמות רבה seu glossa magna in *Exod.* sub fin. Par. 2. regula generalis hinc struitur כל מקום שהשכינה נגזלת אסור כנעילת הסנדל *omnis locus, in quo divina majestas se patefecit, prohibet usum sandalii vel calcei, idque quia Mosi & Josuæ dictum est של נעלך & additur: וכן הכהנים לא שמשו במקדש אלא יחפים & sic sacerdotes non ministrant in templo, nisi dis-*

*calceati.* Atque ista quidem sufficere posse arbitror, ad evincendum ἀνυποδησίας sacerdotalis in templo ritum, cum quæ a BRAVNIO §. XI. p. 60. additur ratio: discalceatum incedere apud Hebræos, signum fuisse humilitatis & abjectissimi animi coram Deo, unde totus populus discalceatus comparebat coram Domino, diebus jejunii, cum primis magno illo Expiationum Festo, יום הכפורים five יומא dicto: non tam ab eruditione, quam a pondere, & concludendi nervo destituatur, & vix in topicis locum habere possit argumentis. Pari enim valore hinc confeceris, vestitu etiam fordido, cilicio & sacco Sacerdotibus fuisse utendum, quia is penitentium & humilium coram Deo habitus erat: cum tamen ministros suos, maxime Pontificem, splendide ornatos cuperet Deus.

#### *Discalceatio Judæorum omnium in Atriis.*

Verum non est, ut his diutius immoremur. Istud tamen silentio prætermittendum non est, Talmudistas ulterius progressos, nefas pronunciasse, si quis unquam, quisquis ille fuerit, munito pede pavementum premeret Atriorum. Scita eorum in Cod. *Beracoth* & *Jevammoth* leguntur, citata BRAVNIO §. 4. pag. 47. quæ in compendium ita misit MAIMONIDES: לא יכנס אדם להר הבית במקלו או במנעל שברגליו או באפגרתו ובמעות הצרורין לו בשריו *Nemo in montem templi veniat cum baculo, aut calceamentis pedum, neque cum mantica, aut pecuniis linteo involutis; Hilcoth בית הככירה* cap. 7.

#### §. VIII. A GVSSETII objectionibus vindicata.

Ast hic interpellat IACOB. GVSSETIVS, haud obscurum inter Philologos nomen, *Commentar. Lingu. Hebraic. voc. שלל* pag. 861. G. discalceationem five Sacerdotibus, five Israelitis ceteris, in Templo observatam fuisse negans. Rationes quidem pro calceorum usu nullas plane allegat, satis habens, eorum destruxisse

struxisse argumenta, qui ἀνυποδυσάου tuentur. Hinc α) eam ex textibus nostris perperam colligi tradit ideo, quod hic ea locorum sanctitas designetur, qua Filius Dei Deus ibi praesentiam personae suae sistebat, ut cum servo suo ore ad os loqueretur. Tale quid, pergit, non convenit tabernaculo vel templo, ejusve atrii, ubi mera umbra & typus erat prerogativa praee aliis locis. Quare inepte Rabbini, eorumque nimis creduli lectores, hinc deducunt, pedes nudandos fuisse in templo, tum a Sacerdote, tum a Laico. Qui vero minus conveniret tabernaculo, ubi pariter Filius Dei, Deus, praesentiam personae suae sistebat, ut cum servo suo, ore ad os loqueretur? Num latere potuit GYSSETIVM, quod toties πῆνός asseritur, ut ex Lev. I, 1. Num. I, 1. XII, 5. XIV, 10. Deut. XXXI, 15. &c. patet? Et annon ordinarie in tabernaculo sua edebat oraacula Dominus ex propitiatorio, tanquam e folio majestatis suae? Annon sistebat in templo Salomonis praesentiam suam, cum impleveret gloria Domini universam aedem? 1 Reg. VIII, 10. II. Quin amplior tabernaculi & templi sanctitas, praee sanctitate locorum, ubi Deus semel tantum apparuit, facile intelligitur ex eo, quod utrumque templum, tam portatile, quam fixum, memoriae nominis sui consecrasset, ubi descensurum ad populum, eique benedictionem largiturum, pollicitus fuerat Exod. XX, 24. ubi sedem velut fixerat, ut habitaret, ubi constans & perpetuum super propitiatorio symbolum praesentiae suae exhibebat, ubi non uni Moysi vel Josuae, sed accessuris omnibus praesentem se sistebat. Vnde quoque utrumque, operoso & solenni ritu, inaugurari & consecrari voluit, quae omnia, de illis apparitionum singularium locis, frustra affirmaveris. Ad alterum illud, ex silentio Scripturae, argumentum β) regerit: at primo, nihil ergo ad Laicos hoc spectat. Nec sane de Israelitis, sed de Sacerdotibus & Levitis sermo est, quando discalceatio ex hoc silentio demonstratur. Deinde ad rem quod attinet, si calceos non requisivit, ait, etiam non vetuit: liberi manent igitur, ut iis qui vellet, uteretur aut abstine-

ret. Porro supponendum est, calceatos fuisse alibi Sacerdotes: nam Israelitae vulgo calceati erant. Jam vero id Deus non prohibet in sacris, relinquit ergo eis calceos suos. Silentium enim est pro consensu, & nihil mutat in statu rerum. Enimvero, quis nervus argumenti hujus, a silentio legis petiti, & quae vis concludendi sit, supra docuimus §. praeced.: unde liquet, Deum non liberum reliquisse calceorum usum Sacerdotibus, quibus exacte praescripserat, qualia vestimenta induere, & quibus carere deberent, cum ministerio fungerentur sacro, quando calceos filuit. Pluribus enim vestibus, aut aliis Sacerdotes, in officii sui partibus obeundis, non utebantur, quam Deus jusserat. Omnino autem inepta est illa GYSSETII illatio, a vestitu Sacerdotum communi ad sacrum instituta. MATMONIDES enim Hilcoth המקדש cap. X. Sacerdotes extra ministerium, vestitos incessisse innuit כורים instar Laicorum. Discrimen itaque inter vestes Sacerdotum sacras & vulgares didicisse poterat ex laudati BRAVNI Lib. II. de vest. Sacerdot. Hebr. cap. XXV. ubi vir doctissimus, statim §. I. p. 842. infit: Ad ministerium tantum in templo soli Sacerdotes vestibus sacris utebantur, non alibi, nec alio tempore. Domi forisque, in Synedrio, in consiliis, & ubique locorum extra templum, incedebant vestibus vulgaribus, cum Summus tam reliqui Pontifices, unusquisque pro libitu suo & pro opibus, ut a reliquis hominibus discerni neutiquam potuerint. Inde factum est, ut etiam Paulus Apostolus, Pontificem Maximum non noverit Act. cap. XXIII. quod ex vestibus, a reliquis judicibus, discerni non potuerit. Idem etiam innuitur Ezech. XLII, 14. & XLIV, 17, 18, 19. ubi expresse mandatur, ut Sacerdotes finito ministerio, cum vellent exire ad populum, vestes ibi relinquerent, & vulgaribus vestirentur. Quod, nonnullis interjectis, ex IOSEPHO etiam demonstrat, Sacerdotes τὴν ἱσθῶν ἐσθῆτα solum adhibuisse in liturgia seu ministerio sacro, extra vero illud ἐσθῆσιν ἰδιωτικῶς, vestibus plebejis usos fuisse, perhibente. Hinc etiam vestes sacras in templo asservatas fuisse, cap. XXIV.



§. 10 sqq. BRAVNIUS copiose edisserit, & *vestiarii templi* §. 13. pag. 837. describit. Quæ haud parum impingere GVSSETIVM edocent, quando Sacerdotes calceatos fuisse perhibet in templo, quod ita incederent, in vita communi & extra templum. Denique, quod argutatur ille, silentium non esse pro consensu, in rebus præcepti, ex eo liquet, quod præceptis nihil addendum, nihil detrahendum, toties diserte inculcat scriptura. Tandem etiam γ) traditionem Rabbiorum, de morbis viscerum, quos ex pavimenti frigore sibi sæpius contraxerint nudipedes Sacerdotes, falsitatis postulare nullus erubescit. Id enim, quod *Oseas cap. VI, 6. ait, Deum velle misericordiam, & non sacrificium, semper verum fuit: & ut ex eo Christus Matth. XII, 7. potuit probare jus, vellendi spicas ab esuriente, die Sabbathi, eadem facilitate inde colligimus, licuisse necessaria ad sanitatem vestimenta sumere. Heic, sodes, hyemis rigores cogita. Bella profecto ratio, facta historica eludendi, si legalia iis opponas dicta Scripturæ. Hoc argumento pariter negaveris, Davidem, urgente fame ac inopia, panes propositionis, lege sibi interdiktos, poposcisse & manducasse, quod tamen historicus facit I Sam. XXI, 6. & Christus ipse, testantur, quia scilicet contra legem. At enim vero plura sunt, quæ hic castigari merentur. Factum enim discipulorum, spicas vellentium & comedentium, extraordinarium erat & singulare, quod Christus excusat: quid vero hoc, ad ordinarium & solennem vel calceorum usum, vel *διυποδησίας* ritum in templo? Nec omnino ex oraculo Prophetico *Oseæ*, Salvator, jus vellendi spicas ab esuriente, demonstrat, sed discipulorum fami consulentium factum quidem, alio extraordinario ejusmodi exemplo, quod de Davide modo allegavimus, excusat ac tuetur, & utroque docet, necessitatem ad legem non adstringi: verba Prophetæ autem procacitati Pharisæorum, in condemnandis infontibus discipulis, opponit, ut loci docet inspectio. Fidem præterea Mischnicarum traditionum, ex templi adhuc stantis ætate ac disciplina promanantium,*

simplice ac mera negatione evertere, nunquam valebit GVSSETIVS, utut Gemaricos Doctores, ætate multo sequiores, fabulas aniles adspersisse complures non negaverim. His vero accensendam esse traditionem illam, de Sacerdotum morbis, & constituto illis Medico, quam Mischna Cod. שְׁקָלִים cap. V. ad nos propagavit, rationibus validis adstruxisse oportebat GVSSETIVM, si fidem ille, negans factum, impetrare cupiat, contra Judæorum Magistros, id affirmantes. Et omnino misericordiæ opus erat, juxta *Os. VI, 6. Medicum præficere Sacerdotibus, qui valetudinis ipsorum curam ageret, cum gravi perquam ministerio illi defungerentur. Porro, contra hyemis rigores paratum erat remedium, בֵּית הַמִּקְדָּשׁ / cuius paulo ante mentionem fecimus. Sed ista sufficiant, cum quæ sit ratiocinationis GVSSETIANÆ imbecillitas, satis sit in aprico. Quas denique ineptias prodidit PLVTARCHVS lib. IV. *Symposiakov*, habitum Summi Pontificis apud Hebræos ad modum sacrificulorum Bacchi componens, eique *κορδαίνας, crepidas, seu cothurnos* tribuens, dudum a BRAVONIO lib. I. cap. III. §. 4. & 13. p. 67. & a EYNAEO lib. II. cap. III. §. 6. p. 178. copiose fuit monitum & profligatum, ut in iis repetendis non censeam opus esse prolixitate.*

#### §. IX. Κοκοζήλια Gentilium, Hæreticorum, Pontificiorum.

Supereſt, ut de *κοκοζήλια*, cum Gentilium, tum religiosorum in Papatu, aliorumque, qui de Ecclesia cenſeri voluerunt, pauca ſubjiciamus. Jam inter Pythagoræ ſymbola, apud IAMBELICHVM de vita Pythag. ſymb. 3. locum habet illud: *διυποδντες δὺς, καὶ προσνύμει, discalceatus ſacrifica & adora.* Virgines Veſtales Romæ nudis pedibus ſacrificaffe, ex FLORI lib. I. cap. 13. intelligitur: quod & matronas Romanas, ad ædem Veſtæ tendentes obſervaffe, OVIDIVS lib. IV. *Faſtor.* teſtatur. Dianæ porro ſacra nudis pedibus peracta, memorat SOLINVS *Polyhiſtor.* cap. XVII. Idem a Græcis ſæpius factum,

factum, ex CALLIMACHO hym. in Cererem VI, 125. & VALERIO FLACCO lib. II. discimus. Cumprimis spectant huc Nudipedalia Sacra, festum apud Græcos, Romanos & Barbaros receptum, quo ad obtinendam a Numinibus opem, nudis pedibus incedere oportebat. Quod TERTULLIANVS Apologet. cap. LX. Gentilibus ita exprobrat: Denique, cum ab imbribus æstiva biberna suspendunt, & annus in cura est, quidam quotidie pasti, statimque pransuri, balneis & cauponis, & lupanaribus operati, Aquilicia Jovi immolatis, Nudipedalia populo denunciatis. Quorum quidem multiplicem ac varium usum, BALDVINVS de calceo ant. cap. XXIII. p. 224. copiose edisserit, originem autem a Judæis arcessendam esse negat SAM. PITISCVS Lex. Antiquit. Roman. h. v. T. II. p. 282. Sic hodiernum apud Turcas crimen esse, morte piandum, si quis calceato pede intraverit Moscheas, GEORG. DOYSA Itin. Constantinop. p. 36. aliique itinerariorum scriptores referunt. Pariter Brachmanes, apud Indos, Pagoda, i. e. templa aut delubra Deorum suorum, nisi detractis calceis, non ingredi, ob sanctitatem, testis est ROGERIVS lib. II. de Braminum ritibus & religione cap. 10.

Ecclesiam turbasse olim Hæreticos, mordicus huic superstitioni adhærentes, perhibet AVGVSTINVS de hæres. ad QuodvultDeum, Tom. VI. Opp. f. 27. n. 68. Est alia hæresis, nudis pedibus semper ambulantium, eo quod Dominus dixerit ad Moysen vel ad Josue: solve calciamentum de pedibus tuis. Et quod Propheta Jesaias nudis pedibus iussus fuerit ambulare. Inde ergo hæresis est, quia non propter corporis afflictionem sic ambulant, sed quia testimonia taliter intelligunt. Qui forte iidem cum illis sunt hæreticis, quos PHILASTRIUS Hæres. LXXX. in eandem prorsus sententiam describit & allegat. Sic etiam de Aegyptiis Monachis refert CASSIANVS lib. de hab. Monach. cap. 40. hoc factum Moysi in exemplar, sancte sibi imitandum, delegisse. Idem legatus Christianorum Aethiopum, apud DAMIANVM A GOES, de patriis moribus testatur:

Nobis non datur potestas adeundi templum, nisi nudis pedibus, neque nobis licet in ipso ridere, loqui, obambulare, quia templa similia sunt monti Sinai, ubi Dominus dixit Moyse: solve calceamentum.

Denique huc referenda est Monachorum in Papatu superstitio, qui nudis pedibus fastum calcantes, altero fastu turgent, & opinione meriti singularis, Deum sibi debitorem imaginantur. In quos decantatum illud dudum cufum fuit epigramma: Cordula nodosa, pes nudus, cappa dolosa, Hec tria nudipedes ducunt ad tartara fratres. Quos ex merito, hoc nomine perstringit RIVETVS in cit. loc. Exod. T. I. Opp. f. 769. Attamen HIERON. SOPRANES in Davide digress. I. cap. V. §. 3. sub fin. p. 380. hanc suorum superstitionem probat, quod nudis pedibus, religionis causa, veri Dei cultores incedant in publicis supplicationibus, & exemplo illustrat S. Caroli Borromei, qui, cum pestis Mediolani grassaretur, indicta sæpe publica supplicatione, nudis ipse pedibus incedebat, & alii plures ad pastoris exemplum. Verum probe observavit, & ex domesticis Pontificiorum testimoniis evicit insignis Theologus, NICOL. HUNNIUS Apostaf. Eccles. Rom. §. 342. n. T. p. 349. rursusque §. 349. p. 356. & §. 736. p. 735. ex more Ethnico, pessimoque veterum hæreticorum exemplo arcessivisse, & in sua transulisse sacra Papiastas, ut partim ad averruncanda pericula & mala, partim in deletionem peccatorum, & acquisitionem sanctitatis, nudis pedibus incedentis.

#### §. X. contra CLERICVM asserta.

Restat, ut ad extremum tueamur, quod diximus, ex κακοζήλια exemplorum sacrorum, quæ tractavimus, hoc institutum promanasse ad Gentiles. Dudum hoc observavit IUSTINVS MARTYR, qui in Apolog. II. circa fin. p. 95. τὸ ὑπολύεσθαι, inquit, ἐπιβαίνοντας τοῖς ἱερεῖς, καὶ τοῖς αὐτοῖς τῆς θεσηκένοντας κέλευσθαι ὑπὸ τῶν ἱερατευόντων, ἐκ τῶν συμβάντων Μωσεί, τῷ εἰρημενῷ



μένω προφήτη μαθόντες οἱ δαίμονες ἐμισήσαντο, quod sana eorum ingredientes calceos deponunt, & cultores eorundem idem facere, sacerdotes jubent, per imitationem ejus, quod Mosi Propheta, quem diximus, acciderat, instituerunt demones. Indigne hoc dictum fert, & improbat vir celeberr. IOH. CLERICVS Comment. in loc. cit. Exod. p. 24.

Mosénque more Aegyptio calceos exuisse, persuasum nobis cupit. Huic ergo mori, ait, non a Mose instituto, sed dudum recepto, sese hic adtemperavit Deus, quod & sapius alias fecit. Ac sane, ut Mosi, Aegyptiis moribus adfucto, reverentia major injiceretur, maxima signa externa reverentiae huic loco exhibere eum oportuit. Rursusque, paucis interjectis, pergit: nec mihi credibile fit, Deum, qui est, ut loquitur Christus, spiritus, corporeos ejusmodi ritus unquam non modo institutum, sed ne probaturum quidem institutos fuisse, nisi infirmitati hominum se accommodare voluisset, & erga eos more humano agere. Certe ubi primum magis sapere homines ceperunt, temporibus Messiae, eos omnes abrogavit.

Ista quidem ex MARSHAMI & SPENCERI hypotesi, alias quoque viro docto adamatae, propullulasse palam est, quam data opera complures confutarunt. Nos satis habemus observasse, 1) nullam hic locum habere potuisse συγκατάβασην, ubi non Mosi ingenio vel consuetudini adtemperat se Deus, sed novam ei cerimoniam imperat. Nec enim Moses more Aegyptiaco calceos ultro extrahit, sed nihil tale cogitans aut molitus, extrahere a Deo jubetur. Nimis perspicue ex verbis ipsis elucet, mandatum Dei eadem complecti, non nudum assensum, vel accommodationem Numinis ad institutum quoddam humanum. Expendatur sal-

tem utriusque loci colloquium, & sole clarius elucescet, quod diximus. Gratis praeterea 2) asseritur, dudum receptum fuisse hunc morem. Quin immo a moribus ac institutis Aegyptiorum alienum id erat, discalceatum venerari Deos. Sacerdotes enim apud Aegyptios ὑπόδηματα βύβλινα, calceos papyraceos gestasse, testatur HERODOTVS lib. II. cap. VII. Phœnicum autem mystas, lineos habuisse, ex HERODIANI lib. V. cap. XIII. constat. Rursus APPIANVS de bello civili lib. V. diserte affirmat, Alexandrinis sacerdotibus ὑπόδημα λευκόν, calceos albos fuisse, καὶ λαλῶσι Φαιάσιον, quos Phœcasia appellant: de quibus uberius commentatum lege BALDVINVM de calceo ant. cap. XIV. pag. 188 sqq. Ut frustra sit, qui discalceationis religiosae ritum ab Aegyptiis arcessit. Denique 3) corporeos ejusmodi ritus instituisse Deum, non ut infirmitati hominum se accommodaret, verum ut sub externa ejusmodi παιδαγωγία spiritualium mysteriorum typos ac umbras exhiberet, Epistola ad Hebraeos ad oculum demonstrat. Eosque temporibus Messiae non ideo abrogavit, quia tum primum magis sapere homines in spiritualibus & divinis ceperunt, sed quia corpore & substantia exhibita, vel adveniente, par erat, cessare umbram Col. II, 17. Hebr. X, 1. Ut taceam 4) non ritum perennem ac duraturum, hoc praeepto Mosi vel Josuae dato, Deum sancire, vel apud hos homines dudum receptum, rati habere tamen & adoptare voluisse, verum pro praesentis tantummodo temporis ratione utrique injungere, quid factu sit, opus. Nos autem gradum hic sistimus, gratias Deo laudesque decernentes perennes!



IV.  
DISSERTATIO  
DE SYNAGOGA CVM HONORE  
SEPVLTA\*.

Prooemium, de nomine Synagogæ, & ratione  
instituti.

Varium ac amplum *Synagogæ* nomen, postquam a civilibus ad cætus sacros, e foro castrisve ad Ecclesiam translatum est, magnum ex frequenti in divinis literis usu, hausit splendorem. Non enim Græcis tantum LXX Interpretibus admodum existimatum fuit conveniens, quo, præter profanos, sacros inprimis & ad religionem spectantes, denotarent conventus; uti ex Lev. IV, 13. VIII, 4. Num. XX, 10. &c. videre est: sed augustissimo quoque Novi Instrumenti Auctori non indignum fuit visum, quod in Canonice auctoritatis fastigium, crebra Christi & Apostolorum usurpatione, evehere-  
tur. Atque tum quidem primo in nativa significatione sua sanctam designat & ad cultum Numinis convocatam concionem, Actor. XIII, 43. Mox ad locum relatum, templa notat & fana, quibus tum sacris operabantur, tum literas tradebant Hebræorum Magistri. Vid. Matth. IV, 23. VI, 25. Act. VI, 9. XIII, 42. XVIII, 7. &c. Qua quidem ratione si accipiatur Synagoga, hanc admittere distinctionem bene multis creditur, quod alia superior כְּנִישָׁתָא עֲלִיּוּתָא vel ἐκκλησία salutata, precibus maxime & sacris obeun-

dis fuerit dicata: inferior altera בית המדרש vel ἀνωκαθημερινόν dicta, humanitati ac philosophiæ domicilium præbuerit, ut ex Mass. Schabbas fol. 3. col. 1. Hierosol. probat SAVBERTVS in *Palestra Th. Philol.* p. 378. In suspenso hic hæret LIGHTFOOTVS, loco mox citando, annon superior Synagoga pro Synedrio sit habenda? nemini tamen, quantum memini, nec ipse sibi, persuadere id potuit. In eo autem non constare sibi videtur HOTTINGER, in *Enn.* quando *cap. V. Comp. Theol. Jud. sect. 2.* in Synagoga dicit & preces & præconium verbi & catechizationem & συζητήσεις amicas institui consuevisse ab eruditissimis, quibus promiscue aditus patuerit; statim vero *sect. 3.* Synagogis proxime conjunctas fuisse docet Phrontisteria publica, Scholas & Academias; ubi enim diebus sive festis, sive profestis, sacra in Synagogis peracta fuerint, ad Scholas properatum fuisse. Verum enim vero grande hic sententiarum divortium deprehendo, quod vel doctissimos viros in transversum egit, ut alii quandam inter hæc duo differentiam agnoverint; utramque alii pro eodem venditaverint loco. Cum enim προσευχῶν distincta a Synagogis subinde tam in Scriptura, Act. XVI, 13. 16. quam PHILONE & IOSEPHO mentio fiat; non defuerunt, qui illas sacris peragendis, has vero addi-

\* Propter argumenti affinitatem, bene cupientis suavis Amici, subnectere adhuc liceat dissertationem, in Academia Altorfina a me conscriptam, & sub moderamine consummati Theologi, & præceptoris mei venerandi, CHRISTOPHORI SONNTAGII, publice pro rostris, d. 22 Febr. A. MDCCLXXIII. discussam & defensam, de *Synagoga cum honore sepulta*. Hanc si refingere, limare, & ubi opus erat, locupletare, ut animus erat, instituissem, verendum erat, ne alius plane, ac diversus ab hoc, prodiret labor. Talem ergo exhibeo, qualis primo lucem adspexit, Lectorem Benevolum, qua par est humanitate, rogans, ut juvenilem lucubrationem pro ætatis ratione æstimet, æqui bonique consular, & conatui faveat, si minus respondeat expectationi.



addiscendis bonis literis destinatas fuisse autumarent. Ita IOH. DRVSIVS existimat *Annot. in loc. cit. Aët. & Prætorior. lib. V. p. 183.* & DAN. HEINSIVS *Exerc. Sacr. p. 305.* Contra vero, cum communis utrique descriptio, idemque ut plurimum assignetur usus, secus visum fuit viris laudem ultra invidiamque positis, HVG. GRO-TIO *Annot. in cit. loc. Aët. & ad Matth. IV, 33.* & HERM. CONRINGIO *Antiqu. Acad. p. 124.* ut & τῷ πᾶν BVXTORFIO, ut ex descriptione Synagogæ in *Lex. Talmud. fol. 1055.* apparet. Hac alii dissensione moti, ancipites hærent, & cum in se ambigua non habeant, quo se ver-tant, ἐπέχου malunt, quam alterutri sententiæ nomen dare; quod facit magnus VALESIVS *Annot. Euseb. pag. 27.* & IOS. SCALIGER in *Fragmentis operi de Emend. Temp. annexis p. 25.* quanquam posterior in priorem propensior sen-tentiam videatur. Scripturas si consulimus, pa-rum certe discriminis inter utramque observa-mus; siquidem & in Proseuchis & in Synagô-gis tam orasse, Matth. VI, 5. quam ad institu-tionem in divina humanaque sapientia conflu-xisse homines, Matth. IV, 23. Luc. IV, 16 sqq. Aët. XVI, 13, 14. evincunt. Verum inter hæc summa eruditi orbis nomina, ob ingenii pariter tenuitatem ac ætatis verecundiam non nostrum, tantas componere lites. Ceterum peculiari dis-sertatione hanc quæstionem excussit, & a ne-gantium partibus haud infeliciter stetit BALTH. STOLBERG. de *Proseuchis Judeor.* Vitemb. 1687. Quæ vero alias circa Synagogam notari meren-tur, in compendio exhibet LIGHTFOOT. *Hor. Hebr. ad Matth. IV, 23. pag. 247.* Non autem ædem tantum Synagogam nuncuparunt veteres, sed ad totam simul Judaicam Ecclesiâ, a Novi Test. populo eam discernentes, id nominis transfulerunt. Quam in sententiam ita HIE-RONYMVS: *Salvator noster, inquit, Sororis ejus (scil. Ecclesiæ) est filius; id est, Synagoga. Duæ quippe Sorores sunt, Ecclesia & Synagoga. Sal-vator ergo, ut diximus, filius Synagogæ sororis, vir ecclesiæ, sponsus ecclesiæ, fratruculis est sponsæ suæ: Homil. II. Origen. in Cantic.* Hanc itaque

cum sustinet significationem, totam exterioris cultus faciem exprimit, & sub matronæ habitu ac forma, ad Scripturæ genium & phrasin, si-stitur; ita tamen, ut pro diversitatis suæ ratio-ne, variam quasi experta fortunam, mox de-sponsata Deo, mox repudiata; jam decumbens, jam plane mortua, tumuloque audiat condenda. Sic scilicet, dum ab adulterinis idololatriæ se continens complexibus, puram verbi doctri-nam & illibatos servabat cultus, virginis legitur appellatione a Deo cohonestata Jef. XXXVII, 22. XLVII, 1. Jerem. XVIII, 13. Amos V, 2. Quin immo ea plane dignatione ac loco illam habuit benignissimum Numen, ut Christi, cujus tot in sacrificiis typos & umbras exhibebat, sanguine mundatam connubiali sibi fœdere jungeret, Os. II, 19. & sponsæ titulo insigniret, Jef. LXI, 10. LXII, 5. Vid. Cant. Canticor. & Psalm. XLV. per tot. ejusque se profiteretur maritum Jef. LIV, 5. Os. II, 7, 16. Sed enim, ubi a marito nefarie discedens, hinc impia & scelerata vita, hinc idololatria & hæresi, tanquam gravissimo se adulterii crimine contaminaret, & adultera & repudiata, iustoque Dei judicio rejecta Ezech. XVI, 15 sq. 32 sq. 38. immo συναγωγή τῆς Σατα-væ Apoc. II, 9. appellatur. Egrege declarat ista HIERONYMVS *Epist. ad Ruffin.* Quod au-tem, inquiens, *adultere & meretrices Synagoga & Ecclesia dicantur in Scripturis, nulla dubitatio est, & hoc prima fronte videtur esse blasphemum. Ceterum si recurramus ad Prophetas, Osee scilicet, qui accepit uxorem fornicariam, & generat filios fornicationis, & deinde adulteram; & ad Eze-chielem, qui Hierusalem, quasi meretricem, ar-guit, quod secuta sit amatores suos, & divarica-verit omni transeunti pedes, lupanarque in loco celebri extruxerit: animadvertemus, Christum ideo venisse, ut meretrices donaret matrimonio, & de duobus gregibus unum ovile faceret, medio-que pariete destructo, in easdem caulas oves prius morbidas congregaret. Et rursus Comment. in Jef. L, 1. ubi Propheta verba commoda peri-phrasi illustrans, Deum ad Judæorum populum ita loquentem inducit: Putatisne mea duritia matrem*

matrem vestram, terrenam Hierusalem esse projectam, & quod ego mentis rigore dederim ei libellum repudii, & non potius, quod verum est, intelligitis, illam suo a me vitio recessisse? - Vnde adulteram matrem vestram ultra tenere non potui: sed volentem abire permisi. Præter hæc vero alia se adhuc ratio offert, cui suum acceptum ferre repudium tenetur. Licet enim nulla matrimoniales tabulas transgressione violasset; umbris tamen ac figuris involuta, ad ea saltem tempora pertinebat, quibus clara exhibitum corporis species obscuras typorum nebulas solveret, & innaginum tolleretur usum, quarum ipsa jam præsto esset substantia, juxta Hebr. VIII, 5, 6, 13. X, 1. Col. II, 17. Hinc adeo factum est, ut, adveniente in carne Christo, aboleretur Synagoga, destrueretur tabernaculum, ac medium discinderetur velum. Vnde istæ prognatæ formulæ sunt, quibus diem obiisse, bustoque concedendam Synagogam sancti Patres dicebant. Huc spectant, quæ AVGVSTINVS habet *Epist. XIX. ad HIERON. cap. 2. p. 74.* ubi inter alia: Jam enim, inquit, cum venisset fides, quæ prius illis observationibus (Legum puta Cerimonialium) prænnunciata, post mortem & resurrectionem Domini revelata est, amiserant tanquam vitam officii sui. Et ista TERTVELLIANI l. III. contra Marcion. cap. 23: Vbi tunc filia Sion derelinquenda, quæ nulla hodie est? Vbi civitates exurendæ, quæ jam in tumultibus? Ne vero contumeliose eadem post fata quasi haberetur, sed & ab hæreticorum prohiberetur calumniis, & in honore ejus esset memoria; efferri quidem, sed honorifice & religiose sub Novi Test. auspiciis debuisse docent. Ita quippe pergit eir. loc. AVGVSTINVS: Veruntamen, sicut defuncta corpora necessarium officiis deducenda erant quodammodo ad sepulturam; nec simulate, sed religiose: non autem deferenda continuo, vel inimicorum obtrectationibus, tanquam canum morsibus projicienda. Proinde nunc, quisquis Christianorum, quamvis sit ex Judeis, similiter ea celebrare voluerit, tanquam sopitos cineres eruens, non erit pius deductor, vel bagulus

corporis; sed impius sepulture violator. Et paulo post eod. cap. pag. 76. cum illa dixisset, quæ significationis gratia præcepta sunt, ut circumcisio & cetera, revelatione gratiæ latius innotescente necesse fuisse aboleri, eo quod justificare neminem potuerint, subjungit: Non tamen ideo fuerant, tanquam diabolica gentium sacrilegia fugienda; etiam, cum ipsa gratia jam cœperat revelari, quæ umbris talibus fuerat prænnunciata: sed permittenda paulum, eis maxime, qui ex illo populo, cui data sunt, venerant. Postea vero, tanquam cum honore sepulta sunt, a Christianis omnibus irreparabiliter deferenda. Vnde phrasin mutuatus Cardinalis BONA: In Christiana Ecclesia sensim magis magisque separationem a Judæis factam fuisse, pronunciat, donec Synagoga honorifice sepulta fuerit. *Rer. Liturg. lib. I. cap. 20.* Quibus pie admodum ac erudite docetur, quis Synagogæ primis N. T. temporibus usus, quæ moderatio Christianorum fuerit, qua & infirmorum vitare offensionem, & calumnias maleficatorum hominum retundere allaborarint. Hanc itaque liberam & a necessitatis opinione remotam cerimoniarum legis Leviticæ usurpationem, quam honestæ sepulture nomine appellat AVGVSTINVS, paulo altius repetere & sub examen vocare hac dissertatione constituimus: non quod id nostris tribuamus viribus, ut tanto nos labori pares existimemus; sed ut pietatem iis probemus, quorum nobis auctoritate standum, & animo linguaque faventibus conatum. Omnem vero totius operis ἐργασίαν ita partiemur, ut *Sectione Priore*, honorificam quarundam cerimoniarum Synagogicarum, per adventum Christi abrogatarum, v. g. Circumcisionis, Nativitatis, Sabbathi, Paschatos usurpationem: *Sectione Posteriore* honorificam aliarum quoque cerimoniarum, v. g. abstinentiæ a suffocato & sanguine, periocharum Biblicarum prælectionis, oblationum, jejunii, ædificationis templorum, encæniorum &c. in Apostolico aliisque factam conciliis sanctionem, liberam retentionem & quodammodo adhuc superstitem imitationem



tationem expendamus. Divinum autem supplices veneramur Numen, ut oris tantum operis successus prosperos quam elementissime concedat.

## S E C T I O I.

DE LIBERA CERIMONIARVM QVARVNDAM IVDAICARVM, PER ADVENTVM CHRISTI ABROGATARVM, v. c. CIRCUMCISIONIS, NASIRAEATVS, SABBATHI ET PASCHALTOS VSVRPATIONE.

§. I. *Libera cerimon. Jud. usurpatio tempore N. T.*

Inter alia, quæ Novum a Vet. T. distinguunt, diversitatis momenta, haud postremum occupat locum, quod adumbrativam cerimoniarum Leviticarum observationem Christus, infirma illa mundi elementa morte sua abolens, sustulit, & tanquam melioris testamenti mediator, præstantioris cultus ipse & minister extitit & auctor. Hebr. VII, 22. VIII, 5, 6. Hinc adeo, quanta cum religione sectari eas antea, ceu necessarias & adhibere conveniebat; tanto postea studio fugiendæ erant, utpote non inutiles modo, sed illicitæ omnino & plane mortiferæ: maxime si cum opinione meriti conjungerentur. Graviter proinde eo nomine intonat Apostolus Col. II, 20 sq. *si mortui estis cum Christo ab elementis mundi, quid quasi viventes in mundo dogmata facitis? Ne tangeris, neque gusteris, neque contrectes, quæ sunt omnia in corruptionem abusu juxta mandata & doctrinas hominum.* Conf. Gal. IV, 9. Cujus vestigiis insistens AUGUSTINVS, HIERONYMO *ὁμολῶντος*, aperte profiteretur: *Proinde sicut tu e contrario loqueris & licet reclamante, sicut scribis, mundo libera voce pronuncias: ceremonias Judæorum & perniciosas esse & mortificas Christianis; & quicumque eas observaverit, sive ex Judæis, sive ex gentibus, eum in barathrum Diaboli devolutum: Ita ego hanc vocem tuam omnino confirmo, & addo: Quicumque eas observaverit, sive ex Judæis, sive ex gentibus, non solum veraciter, verum etiam simulate, eum in barathrum*

*Diaboli devolutum. Epist. ad HIERON. supra cit.* Nihilo tamen secius primis N. T. temporibus, quibus adhuc dum nec scandalum ex iis nascebatur infirmis, nec perversa hæreticorum varieties libertate Christiana in velamen nequitiae abutebatur, sub adiaphorias specie libere easdem adhibebant doctores, vel certe tolerabant. Cum enim Apostoli id sibi datum negotii scirent, ut plantata a Christo Ecclesiæ pomæria firmarent, ampliusque protraherent; divino hanc libertatem consilio sunt tutati, ut partim omnem cultus Levitici cessasse necessitatem pariter ac usum, passim inculcarent, partim ubi e re Ecclesiæ esse videbatur, libere eundem in ceterorum ædificationem usurparent. Non quasi minus recte in hoc doctrinæ capite sibi constarent, & aliud scriptis ederent, oreque proferrent, aliud in praxi servarent: sed ut proximo placentes in bonum, in ædificationem Rom. XV, 2. infirmitati neophytorum ex Israele, quibus offendiculum ex omnimodo ejus neglectu vel etiam contemtu non poterat non oboriri, se accommodarent; bene gnari, omnia sibi licere, sed non prodesse omnia, & potestatem quidem nactos se esse a Domino, verum *εἰς οἰκονομίαν, καὶ ἂν εἰς καὶ αἰεσσῶν*. 2 Cor. XIII, 10. Vnde Paulus, quando de adiaphororum usu loquitur, suo hanc *συντάξι* exemplo confirmat: *Quamvis liber sim ab omnibus, omnibus me ipsum servum feci, ut plures lucrifaciam. Vnde factus sum Judæis, quasi Judæus, ut Judæos lucrifacerem: Iis, qui sub lege sunt, quasi sub lege essem &c. Iis, qui exleges sunt, exlex &c. Factus sum infirmis, quasi infirmus,*

mus, ut infirmos lucrificarem. Omnibus factus sum omnia, ut omnino aliquos saluos facerem. I Cor. IX, 19 - 22. Præclara ejus rei testimonia Acta exhibent Apostolica, quorum aliqua paulo curatius expendere, præsentis ratio fert instituti: ita tamen, ne brevitatis, quos constituimus, limites excedantur.

## §. II. (α) Circumcisio.

Primo quidem loco memoranda nobis venit Circumcisio, quam præclaris de benedicto femine promissionibus munitam, Deus cum Abrahamo fædus pangens, ipsi posterisque demandavit. Gen. XVII, 1-14. Nihil hic moramur IULIANVM, qui apud CYRILLVM T. VI. p. 354. Ἀβραάμ, Ἰσαὰκ, Ἰακώβ, ὄντες χαλδαῖοι, γένος ἱερεῶν καὶ θεεργικῶν τὴν περιτομὴν ἔμαθον, Αἰγυπτίοις ἐπιξενωθέντες; Patriarchas inter Aegyptios versatos circumcidendi ritum ab iisdem didicisse tradit. Nec a IOH. SPENCERO lib. I. de Legib. Hebr. aut MARSHAMO, Equite Anglo, in Canone Chronico, idem nobis persuaderi patimur; refutato hoc nomine utroque a SAM. BASNAGIO in Exercitat. Historico-Critic. ad BARONII Annales, quas Acta Erudit. recensent A. 1692. mens. Apr. p. 155 sq. Clarior nobis divina institutio est, quam ut ritus hujus originem profanam aut gentilem suspicemur. Hæc enim, præterquam quod sigillum esset justitiæ fidei Rom. IV, 11. & Judæos, qui propterea peculiariter appellantur circumcisio, a gentibus, quæ præputium dicuntur, Rom. III, 30. distingueret: efficax inprimis medium erat atque organum receptionis in fædus Dei, regenerationis atque salutis; nec adeo ordinarie, citra æternæ beatitudinis dispendium, juxta illud: incircumciscus excinditor, Gen. XVII, 14. a quoquam temere negligenda. Quæ enim BELLARMINVS contra circumcisionis efficaciam deblaterat, opèrose confutata & explosa vide a b. GERHARDO Locot. Theol. XXI. §. 65 sqq. At vero, postquam N. T. auspicia nova sibi poscerent gratiæ sigilla, & baptisumus, ceu περιτομὴ Χριστοῦ ἀχει-

ροποιήσας in circumcisionis vicem locumque succederet Col. II, 11. antiquata urique illa & abrogata est, cum ubi præterierunt vetera, omnia facta sunt nova, 2 Cor. V, 17. Hinc est, quod Paulus ad Galatas: Ecce ego, inquit, dico vobis, quod si circumcidamini, Christus vobis nihil profuturus sit, cap. V, 2. &c. Vana proinde minusque tuta esse refugia, quo Judæi ceterique, circumcisionis perpetuitatem asserentes, se recipiunt, GERHARDVS edocet Loc. Theol. XXII. §. 21. p. 528. & PFEIFER. Dub. vex. p. 718. Rectius omnino saniusque, uti de Sacramentis in genere, sic præcipue de Circumcisione, postquam de ejusdem sub V. T. necessitate loquutus fuisset, edisserit AUGUSTINVS Epist. CCIII. ad Maximin. Donatistam p. 870. Hoc Sacramentum ipse Dominus, quamvis evacuaverit crucifixus; tamen natus accepit. Non enim signacula illa damnata sunt; sed succedentibus opportunioribus decesserunt. Nam sicut circumcisionem absculit Domini primus adventus: sic baptismum auferet secundus adventus.

## §. III. Diversa circumcisionis Judæor. ratio, tempore diverso.

Quanquam autem hac ratione lex Mosis jam mortua erat, & ceremonialium, quæ typum Christi gerebant, vis adventante corpore desierat: nondum tamen erat mortifera; adeoque observari a Judæis poterat, modo non sub opinione necessitatis urgeretur, inquit nervose CALOV. Bibl. Illustrat. ad Act. XXI, 19. Triplicem ergo pro temporum diversitate rationem obtinet circumcisio; utpote quæ sub V. T. necessaria; in Novo exortis Pseudapostolis, uti & hodie, noxia; sub initium autem Nov. Testam. inter adiaphora relata, ad tempus libere retinebatur; ita tamen, ut circumcisio nihil esset, & præputium nihil esset, sed observatio mandatorum Dei I Corinth. VII, 19. Non ergo mirum, Paulum, cum Lystram & Derben delatus, Timotheum Græco satum patre offendisset, Christianorumque cætui adscriptum, itineris comitem



delegisset, ad se receptum circumcidisse: additur enim ratio, *διὰ τὰς ἰσθμῶν τὰς ὄντας ἐν τοῖς τόποις ἐκείνοις* Act. XVI, 3. ne scilicet Judæi, in quorum conversione utilem ipsius operam Paulus sibi pollicebatur, consuetudine commercioque ejus abstinere, quem noverant incircumcisum. Hinc Apostolus, ne a consueto Judæis more, cum scandalō certissime juxta vers. 3. orituro descisceret, hunc Synagogæ habuit honorem, ut ad evitandam infirmorum offensionem, in usum ac ædificationem Ecclesiæ, libere & sine ulla necessitatis opinione vel specie Timotheum circumcideret. Idque pie sane atque circumspicte: non tamen ea propter majore statim in his rebus dijudicandis lumine perfusus, quam ceteri Apostoli; quo nomine merito CALOVIO vapulat GROTIUS; cum licet Petrus non recto hic pede inceserit, quando conversatione cum Ethnicis in Judæorum gratiam abstinuit Gal. II, II. talis tamen in conversatione error lumini Apostolico in rebus fidei & dogmatibus circa adiaphora nihil derogaret; uti ex Apostolorum Θεοφορία 2 Petr. I, 21. Matth. X, 19. Joh. XIV, 13. & Concilio Apostolico Act. XV. patet. Idem tamen Paulus haud ita multo post, cum falsi ingressi erant fratres, κατασκοπήσαι Christianam libertatem, & servituti legum ceremonialium liberam Christi gentem καταδελώσασθαι; dum Titi necessariam proclamarent circumcisionem: ne ad momentum cessit τῇ ὑποταγῇ, ac si ipsis subjectus, ad illorum præscriptum necessario in re indifferente agere teneretur. Circumcisione igitur Titum, in confessionis, doctrinæ & hæreticæ contradictionis casu, voluit carere, ἵνα ἡ ἀλήθεια τῆς εὐαγγελίας διαμείνῃ apud Galatas, quam ipse causam subnectit Gal. II, 5. coll. 3, 4. aperte testatus, ea si quis mente sub necessitate suscipiat circumcisionem, totius legis cum obligatione obstrictum teneri, cap. V, 3. Nec enim tum de adiaphoro tam res agebatur, quam de articulo fidei, Christiana libertate nimirum, quam contra adversariorum machinationes & cuniculos sartam tectam Apostolus servabat. Vide

BALDVINI *Commentar. in Galat. II. pag. 779. & 785.*

#### §. IV. Circumcisio apud alias gentes.

Denum vero, quando adhuc hodie frequens circumcisionis apud Aethiopes Abyssinos usus est, non adeo cum vitio conjunctus is ipsis videtur, quin civilem saltem ac mere politicam obtineat rationem, inter sacros ritus omnino non amplius referendus. Sequiorem ergo ipsi, Apostolicæ in hoc capite doctrinæ tenacissimi, suspensionem deprecantur, interprete CLAUDIO Rege Aethiopiæ, qui in *Confessione fidei*, ex versione viri illustris & in Aethiopica literatura principis IOBI LVDOLFI ita habet: *Quod vero attinet rationem circumcisionis; non utique circumcidimus sicut Judei; quia nos scimus verba doctrinae Pauli, fontis sapientiae, qui dicit: & circumcidi non prodest, & non circumcidi non juvat; sed potius nova creatio, quæ est fides in Dominum nostrum Jesum Christum. - - Verum Circumcisio est apud nos secundum consuetudinem regionis, sicut incisio faciei in Aethiopia & Nubia, & sicut perforatio auris apud Indos. Id autem, quod facimus, non (sit) ad observandas leges Mosais; sed tantum propter morem humanum.* Quibus & hæc addit argumenta LVDOLF. in *Annot. IO. ad h. l.*: *quod perficiatur privatim a muliercula, arbitris remotis. Quid, quod etiam semellis aliquid, quod superfluum naturæ putant, abscindatur; unde pateat, morem magis profanum, quam religiosum esse.* More itaque patrio illam adhibent, citra ullam necessitatis ad salutem opinionem; verum ut antiquissimum ritum, quem longe ante N. T. tempora, & ante quam ad Ecclesiæ gremium (opera, quod ferunt, Matthæi & Matthiæ Apostolorum, nec non Eunuchi Candaces) accederent, procul dubio e Mosais scriptis, licet non immediate, haustum receperunt. Sequor hic auctoritatem Veterum: *ὦτα δὲ*, inquit hanc in rem ARTABANYS apud EVSEBIUM in *Prepar. Evang. lib. IX, c. 27.* τὰς Αἰθίωπας, καί τε οὗτος πολέμιος, ἔσθαι τὸν Μωυσῆν,

Μωϋσῆν, ὥς καὶ τὴν περιτομὴν τῶν αἰδούων παρ' ἐκείνους μαθεῖν ἢ μόνον δὲ τῆς, ἀλλὰ καὶ τῆς ἱερεῖς ἅπαντας. Cui adstipulatur FRIPHANIVS contra Ebionem disputans, *Heresi XXX, num. 33.* τί δὲ καυχᾶται Ἐβίων περιτομὴν, ὅποτε καὶ οἱ εἰδωλολάτραι καὶ μαγεῖς τῶν Αἰγυπτίων περιτομὴν ἔχουσιν; quibus cum adjunxisset gentes adhuc alias, subjicit: τῶν δὲ οἱ πλείους ἢ διὰ νόμον τῶτο ποιῶσιν, ἀλλὰ ἀλόγῳ τινὶ συνθείᾳ, quorum plurimi non per legem hoc (circumcidendi nempe institutum) observant, sed irrationabili quadam consuetudine. Idem HERODOTVS testatur in *Euterpe*, & alii. Horum mihi potior fides est, quam ut a MICRAELIO me dimoveri patiar, quando *Syntagm. Hist. Eccles. lib. III. Sect. II. p. 641.* more Judaico infantes eos circumcidere affirmans, superstitionis modernorum Judæorum opinionem ipsis affricat; maxime cum paulo ante Christianam quidem religionem, sed Judaicis ceremoniis corruptam, Æthiopes superiores, Abyssinos dictos, profiteri tradat. Æquius utique de illis rectiusque judicat IOH. BUNO in *Annot. ad CLYVERI Introd. Geograph. l. VI. cap. 9. p. 584.* ubi eundem circumcisionis ritum recensens, utrumque testamentum, inquit, sic conjungunt Abyssini, ut nonnullos ritus Judæorum retineant, una cum ritibus Christianorum; quamquam pro sacro & religioso hunc ipsis morem haberi, minus accurate statuisse idem videatur. Sed & in eandem sententiam pedibus quasi ivit HILDEBRANDVS in *Ritual. Baptismi p. 62.* dum non ex necessitate quidem Abyssinos, hoc tamen sine adhibere circumcisionem in utroque sexu affirmat, quod hac velint innuere, se Abrahæ filios per fidem Christi factos. Nec mirum, cum eidem magnus etiam VOSSIVS patrocinetur, qui DAMIANVM A GOEZ secutus, eadem plane tradit *Disp. XVII. de Baptism. Thes. 19. p. 215.* adjiciens illos hac nota a nationibus incredulis velle discerni. Frustra certe; quod & Colchis ea ac Ægyptiis, teste HERODOTO in *Euterp.* & ORIGENE *lib. V. contr. Celsum*, & Troglodytis, ut AGATHARCHIDES affirmat *lib. V. cap. 3. in Biblioth. PHOTII num. 250.*

fit communis. Conf. DIODORVS SICVLVS *lib. III. cap. III.*

### §. V. (β) Nasiræatus.

Synagoga, dum in vivis esset, pars haud postrema erat, quæ votis Deo factis absolvebatur; sponte quidem ac ultro susceptis, at juxta divinæ legis præscriptum ac normam exsolvendis. Nasiræatus ab abstinentia audiebat, quod a vino omnique sicera abstinere, comam alere, & ab impuro contactu sedulo sibi cavere, eo qui se Domino h. e. לשמירת השם uti ABEN ESRA exponit, ad cultum Numinis eo expeditius ob-eundum obstrinxerant, tenebantur. Conf. Num. VI, per tot. Neque tamen unius generis hujusmodi erant devoti: aliis, qui Nasirai saculi vel perpetui dicebantur, ab utero per omne vitæ spacium religione hac obstrictis, qualis Simson Jud. XIII, 5. XVI, 17. & Samuel 1 Sam. I, 11. commemoratur; quibus in N. T. Joh. Baptista Luc. I, 15. æque ac ejusdem in V. typus Elias propter 2 Reg. I, 8. 1 Reg. XIX, 19. ex mente GROTH Not. ad Matth. III, 3. accensendus; aliis ad certum saltem temporis, ut plurimum 30 dierum, tractum se obligantibus, qui temporarii vel Nasirai dierum appellabantur. Conf. MAIMON. par. 3. in הלכות נזירות & LVNDIVS in den Jüdischen Heiligthüm. Lib. III. cap. 53. Non vero solam hoc votum continentiam spectabat Judæorum; sed ulterius porrigens ad Christum sese referebat, utpote qui sacrosanctus, a peccatoribus & omni immunditie segregatus, Dan. IX, 24. Deo Patri consecratus ac redemptioni generis humani destinatus Ps. XL, 7 seqq. corporis sui victima purificationem nostram explevit. Eph. V, 2. Hebr. IX, 26. Inde non immerito huc trahunt Ναζωραῖος denominationem Matth. II, 23. Patres æque ac recentiores Theologi, magno numero allegati CALOVIO *Bibl. Illustr. ad b. l.* quantumvis in Syriaca paraphrasi vox נזיר non per 1 Zain, ut Jud. XIII, 5. verum per 3 zode scribatur: nec inconcinne τίτλων crucis Christi huc



huc accommodet ERASM. SCHMID. *Annot. ad Job. XIX, 19. Quamvis enim Christus non præstiterit votum illud, quod Nasiræi præstare solebant, Numer. VI, 2. fuit tamen verus Nasiræus, videlicet et sanctus, innocens, immaculatus, & a peccatoribus separatus* Hebr. VII, 26. ut bene monet GERHARD. *Comment. in Matth. p. 318.* Equidem contrarium hic sustinet LVNDIVS c. l. p. 696. dum omnes Christum Nasiræatus leges observasse contendit, diluere conatus, quæ in contrarium urgeri poterant, argumenta; meris tamen ipse conjecturis nixus.

§. VI. *Libera εὐχῆς μεγάλης usurpatio.*

Satis hinc clarum est, hanc quoque exhibita specie cessasse umbram, nec ad N. T. observationem pertinere, ad quæ per τὰς ἀβαστάπτας Veteris leges homines adstringebantur. Ne qua tamen contemptus suspicio in zelum veterum ac religionem caderet, sed cum honore & hic componeretur ritus, Paulus libere eodem traditur defunctus Act. XXI, 24, 26. Is, cum hominem sola in Christum fide coram Deo justificari, nihil vero quicquam in negotio salutis ab operibus juvari doceret; legem itaque moralem, tantum ut viva demonstretur fides, servandam, cerimonialem autem nullius amplius necessitatis, liberæ saltem observationis esse contenderet: infirmioribus suspicio, malevolis vero & traductoribus calumniæ inde nascebatur occasio, quasi improbata tota lege Mosaica, gentilissimum quendam & Epicuream peccandi licentiam introductam velleret. Ita sane, postquam Hierosolymas venisset, referebant fratres: *Informati sunt de te (Judei) quod apostasiam a Mose doceas eos, qui per gentes sunt, omnes Judæos: dicens, eos non debere circumcidere filios suos, μηδὲ τοῖς ἔθουσιν περιπατεῖν, neque secundum receptos mores incedere, Act. XXI, 21.* Has ergo ut effugeret calumnias, & neutiquam hostili in patrios se ritus animo ferri, tot conversorum Judæorum millibus, qui omnes ἡλωταὶ τῆς νόμῳ erant, v. 20 ostenderet; Jacobus & omnes

Presbyteri suaflores erant, ut necessariæ defensionis causa non equidem judaizaret, & gentes ἰουδαῖον cogeret (quod acriter ipse in Petro taxaverat Gal. II, 14.) sed ἀδιαφόρως ea faceret, quæ alium, quam qualis falso delatus apud ipsos fuisset, demonstrarent. Dicto itaque audiens Paulus *assumfit viros* (illos quatuor devotos v. 23 seq.) *insequentique die cum illis mundatus intravit in templum, denuncians impletionem dierum mundationis, usque quo adferenda esset pro unoquoque illorum oblatio* v. 26. Diversus equidem hic abit CAIETANVS & PETITVS, uterque Paulum ipsum votum concepisse negans, cum sumtus tantum in reliquos quatuor viros Nasiræos impendisse dicendus sit. Siquidem ex PETITI observatione *Lib. I. Var. Lect. c. 3.* alii, qui voto non tenebantur, si nomen suum apud Sacerdotes professi, Nasiræis quibusdam requisitos ad sacrificia purificationis & tonsuram capitis sumtus suppeditarent, hunc inde fructum caperent, ut & ipsi hoc pacto per impensarum in sanctos erogationem sanctificarentur. Sed graviter confutat eos CALOV. *l. c. p. 930.* seniorum consilium, facti ipsius descriptionem & scopum Apostoli urgens, quæ omnia a voto Paulum excludi non patiuntur. Addit porro & istud CALOVIVS, quod Act. XVIII, 18. legatur hoc votum Paulus fecisse. Ubi tamen ingens constituta ipsi adversaria est cum eruditis. Ipso enim non dissimulante CALOVIO, voti expletio non alibi locorum, quam in templo adeoque Hierosolymis, ex lege temporaria & consuetudine Judæorum peragi poterat, ut adeo rasuram, si ex voto fuerit, Paulinam Cenchreæ suscipere, fas minime fuisset. Utut quidem facile hoc dari queat GROTIO, etiam pro Nasiræatu (verum non Pauli, sed Aquilæ) h. l. intelligendo pugnant, εὐχὴν nonnunquam κατ'ἑξοχὴν Nasiræatum denotare, qui ideo a PHILONE *Lib. de vitis p. 864 seq.* & in aliis locis, μεγάλη εὐχή vocatur: non tamen generalem ea significationem, qua quodvis etiam profanum & civile votum notat, ea propter exuisse, nec in alio, quam Nasiræatus significatu, occurrere credenda.

da. Quod vero eos, qui extra Judæam agebant, præcepta hæc talia non obligasse dicit, id a scopo ac mente Apostoli alienum est, quippe qui id dabat operam, ut legis se observantissimum ipso facto doceret. Et si non observavit leges, cur caput rasit? Si vero ex lege voti rasit, cur in loco incongruo, nec Hierosolymis, quo jubebant leges? Hæc certe rationes tantum habere ponderis magnis viris visæ sunt, ut non sacrum hoc Nasiræatus, sed civile quoddam aliud Act. XVIII, 18 intelligi vorum existiment; quos inter nomen suum profitetur doctissimus SALMASIUS, eumque sequutus LVNDIVS, superiori § citatus. Media has inter b. GEIERI sententia est, qua votum omne sive sacrum, sive civile h. l. abesse censens, SAM. PETITI explicationem approbat, quod Apostolus, *quia hæcenus Corinthi comam aluerat pro Corinthiorum more, nunc vero Hierosolymam profecturus, eandem deposuerit, caputque strictim ad Judæorum consuetudinem totonderit, siquidem sibi cum Judæis nunc rem fore non poterat dubitare.* Vide de luctu Hebræor. cap. VIII. §. 4. p. 201. Sed ut e diverticulo in orbitam nos recipiamus, Paulum purificationem & *πεοοφορεν* tam probasse in aliis, quod impensarum erogatione ostendit, quam ipsum adhibuisse, ex hæcenus dictis apparet; quod varium inde in Ecclesiam emolumentum redundare videret. Nam & pudorem incutiebat adversariis, & confirmabat infirmos, & legitimum adiaphororum docebat usum. Indifferens enim eo tempore hoc votum cum annexis erat, quia cum Templi demum excidio evanuit sacrificiorum inter Christianos ex Judæis usus: immo per sæcula aliquot nonnulli ex Christianis talibus, maxime Nasiræi, tam ritualia, quam reliqua Judaica, quantum extra templum fieri potuit, diligenter observarunt, uti CALOV. ad Act. XXI, 19 demonstrat. Sacrificiorum quidem & oblationum solennem per Messiam ejusque mortem sublationem prædicat Daniel cap. IX, 27, non tamen simultaneam, sed successivam & definito tempore futuram. Nam cum morte Christi non extemplo desierunt sacrificia quoad ex-

ternum actum materiale, licet desierint quoad jus, quoad usum præfigurandi, & quoad fructum antehac a sacrificiis manantem, ut nervose & accurate loquitur in Comm. in h. l. GEIERVS.

### §. VII. (γ) Sabbathum.

Ad hæc spontanea, statæ quoque sacra, quam maxime ad Synagogam pertinent, quæ sacratos dies atque tempora comprehendunt. Familiam quasi ducit Sabbathum, eo circumspiciendi cura a Judæis celebratum, quo severiori Dei mandato observationi ipsorum ac memoriæ in præcepto tertio fuit demandatum. Quod antequam expendamus, præmittenda inprimis est ista consideratio, quæ cerimoniale ejus a morali distinguit, & singulatim declarat, in quantum ad Synagogam (in præsentia, qua mortua ac sepulta dicitur, significatione acceptam) referenda, atque in quantum ceu moralis legis præceptum omnes obligat, & tam late patet, quam ipse se decalogus extendit. Hanc autem b. Avi malumus, quam nostris exponere verbis; qui *Isagog. in LL. Symbol. Catech. Min. sect. II. m. 2. p. 969 seqq.* ita habet: *הַשַּׁבָּת יוֹם* consideratur dupliciter: formaliter & materialiter; formaliter est dies ultima in hebdomade seu septimana, incipiens a vespere & durans usque ad alteram vespere; materialiter vero est certus dies, cultui divino & exercitiis religionis publicis solenniter destinatus. Priori modo cerimoniale quid est, & ad solum V. T. pertinet; posteriori vero modo morale quid, siquidem hæc voluntas Dei est, ut in singulis hebdomadibus aliquis dies cultui publico & exercitio verbi destinetur, ut b. BALDVINVS in *Casibus Consc. l. 2. c. 13. cas. 2. p. 475.* etiam id declarat. His gemella sunt, quæ paulo ante ad Art. VII. *Abus. A.C. m. 2. p. 751.* inculcaverat, quæ brevitate studio adscribere supersedemus. Conferri huc etiam potest IOH. AD. OSIANDER in *Observat. ad GROTII de Jure B. & P. lib. 1. cap. i. ad th. 17. obs. 4. p. 302.* ubi perspicue demonstrat, quæ tertii in decalogo præcepti cerimonialia, quæ moralia sint, refutatis contrariarum



sententiarum argumentis. Sufficiat nobis annotasse, quod, cum sapientissimus legislator aliquem hebdomadis diem cultui suo posceret, septimum præ ceteris Judaicæ Ecclesiæ definire placuerit: partim quidem, ut illustrem illam a creationis opere quietem divinam (Gen. II, 3) hic dies in memoriam vocaret Exod. XX, 11. partim vero, ut monumentum esset liberationis ex domo servitutis Ægypti, & ὁμηγήριον ad debitas supremo Numini pro concessa requie agendas grates Deut. V, 14 seqq. partim, ut simul futura per Christum, ex Satanæ tyrannide & laboribus peccati, ereptionis, typum gereret, & redemptionis Sabbathum, a Christo in sepulchro agendum, præfigureret; quo haud obscure dicta respiciunt Exod. XXXI, 13. Ezech. XX, 12. Non itaque mirum, tam rigidam circa hoc præceptum Judæorum disciplinam fuisse, ut in ejus transgressores severissima lapidationis pœna animadverterent; quod infelici exemplo ille lignorum bajulus expertus est Lev. XXIV, 10 seqq. Hæc autem, quibus modis contracta fuerit profanatio, quidque licuerit Sabbatho peragere, quidve minus, in compendio docet Buxtorf. *Lex. Talm. voc. שבת fol. 2323.* & fusius declarat LUNDIVS *Jüdisch. Heilighth. lib. V. cap. VI. per tot.* Rationem vero, cur Sabbathi violatio pœna capitis luenda fuerit, GROTIUS reddit *l. II. de Jure B. & P. cap. XX. §. 45. 2.* At enim vero, postquam Dominus Sabbathi in carne adventasset, istam ad diem septimum restrictionem, una cum reliquis ejus ceremonialibus typicisque significationibus (hactenus nempe recensitis; alias enim adhuc qua materiale suum Sabbathum æternæ beatorum in cælo quietis, ubi *Sabbathum erit ex Sabbatho Es. LXVI, 23.* & *Sabbathismus populo Dei relictus Hebr. IV, 6, 9.* typum ac figuram gerit) sustulit, & suo suorumque docuit exemplo, remisisse jam rigorem, & ad materiale potius Sabbathi in posterum respiciendum, quam ut de formali ejusdem specifico, seu κατ' εἶδος tali, adeo sollicita cura habeatur. Quare, cum mox ipse Matth. XII, 10. mox discipuli l. c. v. 2. a Phariseis violati Sabbathi rei peragerentur,

causam graviter dicebat Salvator, genuinam divini cultus rationem ex Hof. VI, 6 demonstrans. Ut enim loco se adstringi Novi T. non patitur libertas Joh. IV, 20, 23. ita nec tempore certo, sub necessitatis quadam, ad salutem facientis, lege circumscribitur: sed Ecclesiastica relictum hoc est potestati, diem, quæ visus fuerit, sacris dicare. Ὁρθοδοξοτάτως ergo augusta Aug. Confessio *Art. VII. Abus. p. 42.* ejusque *Apolog. p. 152.* diei Dominicæ determinationem ad ordinationes & constitutiones Ecclesiæ refert; sedulo cavens, ne Synagoga veluti postliminio reducatur, aut necessarii ad salutem cultus ejusmodi habeantur. Clarissima enim Apostoli sententia est, Col. II, 16. *Nemo vos judicet in cibo aut potu, aut respectu Festi, aut Novilunii, ἢ Σαββάτων, aut Sabbathorum; quæ sunt umbra rerum futurarum; at corpus est Christi.* Merito proinde hæreseos notam incurrerunt Novatianorum aliqui, quod Presbyterum quendam, a quo etiam Sabbatiano- rum ipsis appellatio hæsit, Sabbathum κατὰ τὰς Ἰσδαίς σαβανίζοντα sequuti fuerant, de quibus, si ad sanam mentem redeant, quo pacto recipiendi sint, Canon sciscit *VII. Concil. Constantinop.* Rectius omnino orthodoxa Ecclesia adiaphoriam hanc agnovit, & relicto septimo, ad diem primum transtulit Sabbathici munia cultus; sive ex divina institutione, quod DANNHAVER. contendit *Disp. VIII. Decalog. §. 7.* sive Apostolorum auctoritate, ut judicat BALDVIN. *lib. II. Cas. Consc. c. 13. Cas. 2. p. 433* seqq. certe tamen eatenus Christiana libertate; ut licet actu primus hic dies post sui determinationem *mutatus* deinceps non legatur, *mutabilis* tamen in se sit, nec indifferentiam suam amittat. Conf. adhuc CARPZOVII *Ifagog. l. c. & p. 320.* Causas vero, cur in locum Sabbathi successerit dies primus, IUSTINVS MARTYR exponit *Apol. II. ἐπειδὴ πρώτη ἐστὶν ἡμέρα, ἐν ἣ ὁ Θεὸς τὸ σκότος καὶ τὴν ὕλην τρέψας, κόσμον ἐποίησε καὶ Ἰησοῦς Χριστὸς ὁ ἡμέτερος Σωτὴρ τῇ αὐτῇ ἡμέρᾳ ἐκ νεκρῶν ἀνέστη.* Fusius easdem explicatas lege a GERHARDO *Locor. Theolog. XV. §. 141.*

§. VIII. *Sabbathum quando abrogatum?*

Nec tamen adeo e vestigio aut in solidum abrogatum hoc fuit cerimoniale, quin per sat longum temporis spacium liber ejusdem in N. T. obtinuerit usus. Hoc A&A testantur Apostolica, quæ Paulum narrant, postquam cum itineris comitibus Perge digressus Antiochiam Pisidiæ advenisset, suum Sabbatho honorem habuisse, & Synagogam ingressum lectioni legis & Prophetarum reverenter auscultasse; mox & rogatum ab Ἀρχισυναγῶγῳ, de Evangelio felici admodum eventu verba fecisse cap. XIII, 13 seqq. Pari quoque veneratione Sabbathum Philippis prosequutus cum suis fuisse legitur cap. XVI, 13. Tum quidem, ut commodam Evangelii de Christo prædicandi occasionem nancisceretur, implicatosque cerimoniis suis Judæos ab earum necessitate revocaret: tum ut non omnimodo hostem se temporariæ legis esse, externa hac professione ostensum daret, & quomodo honorifice pariter ac libere divina cerimoniarum præcepta tractari debeant, factio doceret. Hujus deinde imitata exemplum primitiva fidelium N. T. Ecclesia utrumque sacrum habuisse diem, & μίαν (h. e. πρώτην coll. Luc. XXIV, 1. cum Marc. XVI, 9.) τῶν σαββάτων Act. XX, 7. seu κυριακὴν ἡμέραν, diem Dominicam Apoc. I, 10. & ἡμέραν τῶν σαββάτων, seu Judæorum Sabbathum, communi creditur consensu. Non quidem consueto aliis pro hac sententia argumento nitimur, e *Constitutionibus Apostolicis* desumpto, quarum *Lib. VIII, c. 33.* & *VII, c. 24.* præcipitur, ut servi σαββάτον καὶ κυριακὴν σχολάζωσιν ἐν τῇ ἐκκλησίᾳ, διὰ τὴν διδασκαλίαν τῆς εὐσεβείας. Dubia nobis admodum & incerta earum est auctoritas, cum centonem rerum atque rituum ab ætate Apostolica & gravitate remotorum completantur, docente GERHARDO *Conf. Cathol. lib. I. part. II. cap. VII.* nec abnuentibus Pontificiorum doctioribus, e quibus Card. BONAM allegasse sufficiat, qui *Lib. I. Rer. Liturg. c. 8. n. 4.* ante-Constantinum M. sub Ethnicis Imperatoribus collectas eas arbitratur. Graviora ad-

sunt nomina, quibus peculiaris Sabbathi Judæici, a primis Christianis celebrati, cultus evincitur. Solide multumque in hoc argumento versatus est LUDOLFVS, qui *Histor. Æthiop. L. III. cap. I. n. 9.* multa hanc in rem testimonia producit, & *Commentar. ad Hist. b. l. p. 275.* ad GARR. ALBASPINAËVM nos remittit, qui *Observat. de veter. Eccles. ritibus Lib. I, c. 13.* longe plurium suffragia addit: quibus, uti fidem denegare, proterviæ, ita quicquam addere, audaciæ esset. Quæ enim ex *Canon. XXIX. Concil. Laodic.* qui Sabbatho ἰσθαῖζεν prohibet, in contrarium urgentur, discussa omnia *cit. Comment. p. 276.* videbis. Docet porro eruditissimus Vir, hunc hodiernum morem Habessinīs solennem esse, primæ Ecclesiæ consuetudini acceptum ferentibus, quod & Dominicam & Sabbathi diem cultu sacro insumant: licet certis invicem modis utriusque feriatio discriminetur. Falsum enim esse, quod de prohibitione ullius, vel minimi etiam operis, in Sabbatho peragendi, TZAGA-ZAABI *Confessio fidei* affirmat, Idem *c. l. p. 3.* demonstrat. Porro etiam integram pro feriatiōe Sabbathi Epistolam adducit Anonymi cujusdam Jacobitæ ad Regem *Susneum p. 493 seqq.* Istud tamen in præsentī annotare liceat, cum *c. l. p. 276.* a GREGORIO suo hoc modo probatum fuisse Sabbathi cultum memorat; quia *Apostoli non revera illud abrogaverint; non enim sequi, diem Dominicam Apostoli instituerunt, ergo Sabbathum abrogaverunt:* minus accurate hæc ab Æthiope fuisse asserta, siquidem non de priori adeo clara in scriptis Apostolicis mentio habeatur, quam de posteriori, ut ex Col. II, 16. Gal. IV, 10. patet; adeoque Sabbathi abrogatio evidentiora in Scripturis argumenta, quam diei Dominicæ constitutio agnoscat.

§. IX. (δ) *Pascha.*

Præter Sabbathum non exiguam Synagogæ dignitatem Festorum conciliabat celebratio, ad divinorum oraculorum præscriptum instituta. Primas *Pascha* tenet, ea nocte ejusque in noctis



μνημόσυνον celebratum, qua Ægyptiis ferali, de inimicis vindictam, quietem a laboribus, a servitute liberationem, ab imminente interitu ereptionem ac salutem, toti Judæorum genti Angelus attulit ultor. Id quod venerabili insuper Paschalis agni Sacramento ornatum, uti, quibus peractum modis fuerit, exponere præsentis non est loci; a Mose plus satis Exod. XII. Deut. XVI. Mosisque sequutis normam GERHARDO L. L. *Tb. XXII. cap. IV.* & DANNHAVERO *Mysteriosoph. Sect. II. §. 22 seqq.* explicatum: sic id inprimis paulo curatius est expendendum, quam venturi corporis gesserit imaginem, & quomodo ad illam, nullis hominum vel Angelorum satis deprædicandam linguis, humani generis redemptionem respexerit, quæ immaculati illius, in nostramque salutem immolati Agni sanguine, ad mortalium expiationem æque, ac profligationem hostium, in tempore est peracta. Hebr. X, 1. 1 Cor. V, 7. Exod. XII, 46. coll. cum Joh. XIX, 36. 1 Petr. I, 19. Hic finis erat, hic scopus, ad quem præter sacramentalem fœderis confirmationem, actualemque per esum agni gratiæ & justificationis collationem, tam recordatio liberationis Ægyptiacæ, innoxiique per Israëlitas exterminatoris Angeli transitus, quam omnis gratiarum actio, toraque festivitas est referenda. Non enim habemus, cur viri cetera doctissimi & in Hebraica antiquitate haud mediocriter versati IOHANNIS SPENCERI, Angli, ad stipulemur sententiæ, qua plerasque legis, Paschatis præcipue, ceremonias velut rerum cælestium συναγχαΐας a Deo institutas esse negat, affirmantium sententiam non validiore argumento, quam conjectura tenuique similitudine niti, pronuncians, cum in Christi vita vel morte nihil fuerit, quod in agno affato depingi vel adumbrari potuerit: *Lib. II. de legibus Hebræorum cap. IV. Sect. I. p. 235.* Hæc namque, uti allegatis Scripturæ dictis e diametro repugnant; sic falsum SPENCERI principium, quod de toto V. T. cultu fovit, spirant: primariam nempe legum rituumque Mosaicorum rationem, pertinaciam Judæorum fuisse, moribus receptis nimium ad-

hærentium, quos non salubrius ab idololatria Deus revocare potuisset, quam ista συγκαταβάσει, qua ritus ethnicos, magnam partem ab Ægyptiis desumptos, sed paululum repurgatos, indulgeret; ut vero typi rerum spiritualium essent, hunc secundarium saltem & accidentalem, nec adeo omnibus communem fuisse finem. Quod ejus πρώτον ψεύδος nihil miramur plurimorum nec incelebrium virorum studia adversus ipsum concitasse; quos inter nominandus inprimis HERMANNVS WITSIVS in *Miscellan. sacris* passim, & IOHANN. MEYER. Theologus & Professor Geldrozutphanienensis in diatribe *de origine & causis festorum Judaicorum*, ubi ex instituto contra SPENCERVM agit; nec non CHRIST. WORMIVS *l. i. de corruptis antiquitatum Hebræarum apud TACITVM & MARTIALEM vestigiis*; IOHANNES item VAN DER WAEYEN in *variis sacris* p. 248 *seqq.* & SALOMON A TIL, V. D. Minister & Scholæ Dor-dracenæ Professor, in *atrio gentium omnibus infidelibus aperto*, ubi p. 108 *seqq.* primum istud principium SPENCERI refellit, & divinam legis Mosaicæ cerimonialis originem prolixè propugnat. E nostratibus sua contra ipsum tela emisserunt præ ceteris b. CARPZOV. *ad Schikardi* ח"ב p. 44 *seqq.* & D. CHRISTFRIED WAECHTLER. qui aliquot Epistolis sparsim editis, varia SPENCERI argumenta excussit & profligavit, de quibus summatim videri possunt *Acta Erudit. Lips. A. 1693.* passim. Sed hæc obiter; in viam redeundum. Fuit autem eadem & hujus, quæ reliquarum cerimoniarum conditio, ut Synagogæ veluti propriâ esset adstricta, qua sublata ipsius quoque usurpatio cessaret. Ut enim cetera, quæ ex supra citatis Scripturæ locis peti possunt testimonia, taceam, evidenti inprimis argumento divina hanc abrogationem providentia demonstravit, cum ipsum hoc Paschatis festum in excidii Judæorum verteret occasionem, qua gens tota intra unius urbis mœnia conclusa, pars fame pestique consumpta, pars in mutuas effusa cades, pars hostium præda, in ipsis Templi juxta ac Reipublicæ

ruinis,

ruinis, deleteretur. Hæsit tamen in Christi gente festi hujus religio; ut, licet nulla prorsus ratione id necessarium statuerent Christiani, cum honore tamen sepeliendum existimarent. Hinc tum salvis adhuc Judæorum rebus, tum post totius Reipublicæ interitum, eodem cum Judæis tempore Pascha, ad Evangelii doctrinam relatum, celebrabant; uti haud obscura ejus rei vestigia in sacris pariter ac ecclesiasticis scriptis conspiciuntur. Exemplo rursus Paulus est, acerrimus ille quidem Christianæ libertatis vindex, sedulus tamen & ipse priscorum rituum observator. Hunc Acta tradunt c. XVIII, 21. tanta hoc festum veneratione prosequutum fuisse, ut illius gratia Epheso solveret, & rogantibus ut maneret, id denegare, reditum pollicitus, quam Hierosolymis abesse mallet. Δεῖ με πάντως, inquit, oportet me omnino festum venturum agere Hierosolymis, ne scilicet scandalo Judæis, remora esset Evangelio. Ceterum per ἑορτήν h. l. synecdochice & κατ' ἑξοχήν Pascha designari, tam parallelia docet ex Matth. XXVI, 5. Marc. XV, 6. Luc. II, 42. Joh. V, 1. (ubi Pascha intelligendum IRENAEVS demonstrat lib. II. c. 39.) I Cor. V, 8. (ubi ad ἑορτάζειν simpliciter & sine restrictione positum, ζύμης παλαιᾶς averruncatio, & usurpatio ἀζύμων requiritur): quam collatio hujus loci cum Act. XX, 6. ubi, cum præter spem ac expectationem Paulus, excitato Ephesi a Demetrio tumultu cap. XIX, 21, 23 seqq. iter suum prosequi non posset, tantam nexuisse moram dicitur, ut post azymorum demum dies Philip-  
pis enavigare ei liceret; quod indicio est, proxime imminuisse azymorum festum, cum per Macedoniam ad sanctam tenderet urbem.

§. X. De Paschate, varii generis observationes.

Eo vero minus hæc in dubium vocamus, quo frequentius eundem primitivæ etiam Ecclesiæ, Apostolorum haud dubie exemplum imitatur, morem solennem referunt auctores. Non sane temere aut falso Apologia A. C. de Eccles.

p. 154. Apostoli, inquit, jusserant Ecclesias servare Pascha, cum fratribus converſis ex Judaismo. Ubi non diffiteor, esse, quæ effatum hoc reddere possint dubium, non exigua momenta, quæ eo valuerunt, ut eruditissimis etiam viris contrarium persuaderent. Certe DIONYSIVM PETAVIVM l. II. de doctrina temporum cap. 57. permoverunt, ut IOSEPHVM SCALIGERVVM, virum in tantum æstimandum, in quantum ingenii acumen & doctrina intelligi potest, acriter perstringeret, quod is tum Apostolos, tum qui eos centum annis postea secuti sunt, Pascha semper Judæice, h. e. eodem cum Judæis die celebrasse, ex EVSEBIO & NICEPHORO CALLISTO affirmarit de emendat. temp. l. II. p. 250. edit. Genev. 1629. Sane si ætatem, quam jactant, Canones ferrent & Constitutiones Apostolorum, victas Apologia dare manus, herbamque porrigere cogeretur. Illi enim Can. VII. Clericum, Pascha ante vernum æquinoctium celebrantem deponere jubent, quo juxta BALSAMONEM οἱ Θεῖοι Ἀπόστολοι συνεορτάζεν ἡμᾶς μετὰ Ἰουδαίων & Θέλων; hæc vero lib. V, cap. 16. affirmant, quod Christiani μηκέτι παρατηρέμενοι μετὰ Ἰουδαίων εορτάζεν, non amplius festum cum Judæis agere deprehendantur. Sed quid de sanctionum harum ætate ac auctore sentiendum, sat omnibus constat, suspectam esse admodum, nec tantam, quæ primis Ecclesiæ scriptoribus conferri, nedum anteponi queat. Quid? quod & Apologia constitutionem quandam Apostolicam, pro se facientem, ex EPIPHANIO allegat Her. XXX. par. 10. quæ plane in diversum a priori discit? Quam cum contra Audianos explicat EPIPHANIVS, pacis & concordie studio statuisse, ait, Apostolos, ut quamdiu οἱ ἐμπειρίτοιμοι Christiani Hierosolymis præfiderent, ab iis ceteri ne dissentirent. Aut igitur pugnantia invicem, & adversis quasi frontibus concurrentia constituerunt Apostoli, aut allegatarum Constitutionum altera nomen suum non tueretur. Firmior omnino Nicænorum Patrum fides est, qui in epistola Synodica ad Ecclesiam Alexandrinam & Aegypti &c. hanc circa Pascha initam in Concilio concordiam  
Iii ii 3 testantur,



testantur, ut omnes per Orientem fratres τῆς με-  
 τὰ Ἰουδαίων τὸ πρότερον ποιῶντας, qui *Judeorum*  
*consuetudinem ante in eo festo servando imitati*  
*fuerint, συμφάνως Ῥωμαίοις jam Romanos se se-*  
*quunturos promiserint, apud SOCRATEM Hist.*  
*Eccles. lib. I. c. 6.* Accedit etiam EUTYCHII  
 (quod LVDOLF. loc. supra cit. hanc in rem al-  
 legat), Patriarchæ Alexandrini, testimonium,  
 qui in *Annalibus suis* p. 365. & 449. *Christiani,*  
*inquit, cum esset Pascha Judeorum, celebrabant*  
*& ipsi Pascha.* Et uade tandem orta sub finem  
 Sæculi II. tanta fuissent circa Paschatis celebra-  
 tionem dissidia, Orientis inter & Occidentis Ec-  
 clesias, nisi Asiaticæ XIV. una cum Judæis egis-  
 sent, inde a Johanne & Philippo Apostolis hunc  
 morem arcessentes; cum Occidentales a Petro  
 & Paulo traditum sibi Pascha non *σαυρώσιμον*, sed  
*ἀνασώσιμον* dicerent, non alio, quam Dominico  
 XIV. lunam subsequente obeundum? Grave uti-  
 que hinc schisma, idque primum in Ecclesia  
 N. T. ortum, accedente imprimis impotente  
 Victoriszelo, quod EUSEBIUS *H. E. l. V. c. 24.*  
 SOCRATES *l. V. H. E. c. 22.* & SOZOMENVS  
*lib. VII. c. 19.* recensent. Quod num sponte ac  
 ultro, Orientalibus causam suam deferentibus,  
 mitigatum fuerit, ut NICEPHORVS, sublesta  
 alias fidei scriptor, affirmare videtur *lib. IV. c. 39.*  
 num vero, quod majorem veritatis speciem ha-  
 bet, in Nicæno demum Concilio compositum  
 sit, salva Apologiæ sententia in medio relinqui-  
 mus. Dubium tamen non est, quin causæ su-  
 perfuerint sat graves, notabilisque, quantum ad  
 hoc attinet, Ecclesiarum dissensio, quæ & ipsas,  
 ut emendationem peterent, & Nicænos Patres  
 ad sepulturam ritus antehac libere usurpati, per-  
 movit: ut præter allegatum SOCRATEM, EV-  
 SEBIUS *de vita Constant. M. lib. III. cap. 16 seqq.*  
 & THEODORETVS *lib. I. c. X.* testantur. Non  
 multo vero tempore post, idem Synodi Nicæ-  
 næ decretum suffragio suo confirmavit, & sub  
 excommunicationis pœna servandum voluit  
*Concilium Antiochenum* sub Constantio, Constanti-  
 ni M. filio, coactum *Can. I.* qui legi meretur una  
 cum *Annotationibus* viri clarissimi BEVEREGII

in *h. l. & in Can. VII. Apost. p. 29. & 188 seq.*  
 Cum enim Audæani, vel, ut EPIPHANIVS  
 effert, Audiani, qui alias a dogmate etiam An-  
 thropomorphitæ audiunt, haud longe post Ni-  
 cænam Synodum deliria sua spargerent, & inter  
 alia cum Judæis etiam Pascha agere vellent:  
 τῆς ἐν ᾧ καὶ οἱ Ἰουδαῖοι ποιεῖσι παρ' αὐτοῖς  
 ἄζυμα, τότε αὐτοὶ φιλονεικῶσι τὸ πάσχα ἄγειν,  
 ut explicat EPIPHANIVS *har. LXX. num. IX;*  
 e re Ecclesiæ fore putavit Synodus, ut obviam  
 iis iretur, Nicænaque roboraretur auctoritas, &  
 pœna contra transgressorum temeritatem muni-  
 retur. Fluxit autem ab errore hæreseos nomen,  
 quo τεσσαρεσκαίδεκάτη, *Quartodecimani* ap-  
 pellati sunt: contra quos nominatim, nisi abjurata  
 hæresi in communionem ne recipiantur, *Conci-*  
*lium Laodicenum canonem* sancit VII. ad quem  
 conf. ARISTENVS & EPIPHANIVS *har. l. par. I. & l. c.* Quin & porro eadem Laodicensa  
 Synodus, quam BEVEREGIVS in *Not.* sub Va-  
 lentinianiano & Valente Impp. annò CCCLXV.  
 habitam suspicatur potius, quam pro certo af-  
 firmat, paria Nicænis decrevit, dum, quæ a Ju-  
 dæis vel hæreticis mittuntur, festiva accipere &  
*συνοετᾶζεν αὐταῖς, festum agere cum eis, Can.*  
*XXXVII. & παρὰ τῶν Ἰουδαίων ἄζυμα λαμβάνειν,*  
*vel eorum impietatibus communicare, Can. XXXVIII.*  
 vetat. Synagogæ ergo, quoad hanc partem,  
 funus Provinciales Occidentis Synodi Sæc. II.  
 pararunt, extulit Oecumenica I. Nicæna, cippo  
 veluti ac marmore honoravit tum Antiochena,  
 tum quæ Laodiceæ habebatur. Neque tamen  
 hoc pacto omnes adeo sopitæ sunt hæ lites, ne  
 recrudescerent subinde & revocarentur. Ut  
 jam præteream errorem, quem a quibusdam Occi-  
 dentalibus Episcopis circa diem celebrationis  
 commissum, divinoque correctum miraculo, ex  
 MARIANO SCOTO, & SIGEBERTO, fide  
 narrat dubia BVCHOLZERVVS in *Chronol. ad*  
*Annum Ch. 417.* certum est, sub Justin. imperio  
 Sæc. VI. dissensionem inter Hispanicæ & Galli-  
 canas enatam esse Ecclesias; quod illæ XII. Kal.  
 Aprilis, hæ vero XIV. Kal. Maji Pascha celebra-  
 dum putarent; teste BARONIO *Tom. VII. ad*  
*An.*

*An. DLXXX, num. 12.* Tum & in Anglia sæculo sequenti Anglos inter & Scotos hæ exarserunt rixæ: Scotis die Dominica, quæ a XIII. Luna usque ad XX. prima occurreret, Pascha suum agentibus; Anglis vero cum Catholicis ceteris diem Dominicam, quæ a XIV. Luna usque ad XX. prima obveniret, ei festivitati dicantibus: quas ex Anglorum tandem sententia Synodus aliqua diremit, referente KORTHOLT. *H. E. Sæc. VII. Sect. II. cap. 2. p. 271.* Sed his

de Paschate, ne iusto simus prolixiores, addere plura non licet. Simul hæc quoque circa usurpationem cerimoniarum liberam sufficiant; non quod non plura in sacris exempla occurrant, cum vel de Pentecoste amplissimus pateret campus, in quem nostra excurrere posset dissertatio; sed quod primas saltem lineas ducere, & intra cancellos disputationis nos continere, constitutum fuerit.

## SECTIO II.

DE HONORIFICA ALIARVM CERIMONIARVM  
IVDAICARVM, V. G. ABSTINENTIAE A SVFFOCATO ET SANGVINE, PERIOCHARVM BIBLICARVM PRAELECTIONIS, OBLATIONVM, IEIVNII, AEDIFICATIONIS TEMPLORVM, ENCAENIORVM,  
ETC. IN APOSTOLICO CONCILIO, ALIBIQUE, FACTA SANCTIONE, LIBERA RETENTIONE, ET QVODAMMODO ADHVC SVPERSTITE IMITATIONE.

§. I. *Synagoga Jud. ceremonie quædam, sanctionibus Conciliorum retentæ.*

Demortuæ cum Synagogæ ducendum esset funus, non privato tantum consilio Apostoli, eorumque legentes vestigia Ecclesiæ quædam, honorifico velut comitatu illud prosequutæ, liberaque cerimoniarum usurpatione divinam earundem originem sunt veneratæ; sed etiam publico totius Ecclesiæ consensu hic ipsi honos habitus est, ut subinde per pias Conciliorum sanctiones, qua certas observationes, in usum revocaretur, & pro re nata temporumque ratione aliquam obligationis speciem nancisceretur; in quantum ejusmodi Conciliorum decretis obedientia esset præstanda. Quanquam enim circa Concilia in Pontificiorum castra nulli transcamus, nec in Canonica ac infallibilis auctoritatis fastigium ea elevemus, multo minus a Romani Pontificis confirmatione hanc obtinere *ἀνθεντικῶν*, dicamus: non tamen vilipendimus auctoritatem eorum, nec Ecclesiastica judicia subter-

fugimus, (ut immerentibus id nobis imputat BELLARMINVS in *Præf. Lib. de Concil.*) sed Conciliorum in Ecclesia Dei saluberrimam auctoritatem esse cum AVGVSTINO *Epist. CXVIII.* profiteamur. Non unam tamen omnium indolem esse, sed aliter de prima illa N. T. Synodo Act. XV. delineata, aliter de reliquis insequentibus statuendum judicamus. *Istam* cum viri θεόπνευστοι constituerent, quibus τὸ πᾶς καὶ τὸ ἅγιον Spiritus Sanctus immediate ingerebat Matth. X, 18. quique vere de decreto suo affirmare poterant: *visum est Spiritui S. & nobis* vers. 28. ab omni prorsus errore ac labe aliena; judicariam omnino paremque Scripturæ auctoritatem obtinebat. Hæc vero ad sacrarum literarum normam unice revocandæ sunt & examinandæ, quibus si conveniant, conscientias eorum, quorum in gratiam sunt coactæ, obstringunt; secus vero obligatione carent. Propterea hanc quoque nobis ordinis legem in hac Sectione ponemus, ut Apostolicum istud primumque Concilium fundamenti loco habeamus, ad cujus exemplum  
uti



uti orthodoxa reliqua composita omnia fuerunt, componi certe debuerunt; sic ex eodem ceu fonte promanarunt, quæ in reliquis in Synagogæ honorem fuerunt sancita. De cetero vero omnes, cum Pontificiis, GROTIUS, aliisque circa appellationem, aliaque hujus Concilii momenta intercedentes nobis controversias procul habebimus; utpote ab instituto nostro alienas, & a Theologis gravissimis, DANNHAVERO & SCHELGWIGIO integris tractatibus, DÖRSCHEO peculiari diatribe contra GROTIUM, & MOEBIO disputatione *de sanguinis esu*, ut & a GERHARDO *Conf. Cathol. L. I. part. II. cap. X. fol. 485 sq.* solide discussas: ea saltem in medium prolaturi, quæ in rem nostram faciunt, & hujus inprimis loci sunt & argumenti.

## §. II. *Abstinentia ab Idolothytis.*

Ansam Concilio, Cerinthi (juxta EPIPHANIVM *hæres. XXVIII.*) & ceterorum in Antiochena Ecclesia turbatorum, præbebat perversitas, qui cum Christo nomen dedissent, & Evangelii se jactarent præcones, Synagogam restitutam volebant, circumcisionem, reliquasque, quæ ex ea pendebant, cerimonias, ac legis opera, ad salutem necessaria esse, contententes. His cum contrarium Paulus & Barnabas sustinerent, & solanos fide justificari sine legis operibus dicerent, *συζητήσις* haud exigua inde est orta, non nisi publico totiùs Ecclesiæ judicio componenda. Hæc itaque, convocato Hierosolymis Concilio, in quæstionem controversam inquiri: quæ uti non de cerimoniali solum, sed & morali lege agitabatur, an ejus impletio ad justificationem & salutem necessaria sit? (uti contra secus sentientes prolixè probant Theologi supra citati, & CALOV. *Bibl. Illustr. ad Gal. II. 2.*) ita, qua utrumque etiam membrum, fuit definita, & generatim quidem sancitum, *nullum imponi debere legis onus*; speciatim autem qua moralem legem *scortatio* (non exclusis tamen reliquis præceptis) interdicta; qua cerimonialem vero, *idolothyta, sanguis, & suffocatum* prohibita fue-

runt vers. 28, 29. Quia enim occasio a cerimoniis erat enata, eæque ad praxin pietatis recte instituendam, virandumque scandalum potissimum facere videbantur; idcirco operosior aliquanto circa cerimonialia decisio requirebatur. Primo itaque ab *idolothytis* abstinendum censent. τὰ εἰδωλόθута autem, quæ Jacobus paulo ante sententiam dicens, τὰ αἰσιγήματα τῶν εἰδώλων, *contaminationes simulacrorum* vocarat, notant *cibos ex carnibus, quæ εἰδώλοις ἐθύοντο, & postea ad convivium adhibebantur*: uti paucis, sed accurate, describit ERASMVVS SCHMIDIVS *Not. ad I Corinth. VIII, v. 1.* Cum enim ex Judaismo conversi Christiani, ἐν τῇ διασπορᾷ Jac. I, I. I Petr. I, I. gentibus permisti habitarent, & hæc de immolatis in Deorum sacrificia carnibus, quas omnem ex idololatriæ suæ lege non comburebant, convivium pararent, docentibus HOMERO *Odyss. Γ. p. m. 90. vers. 36. & p. 98. vers. 19 sqq.* & DIONE CHRYSOSTOMO *Orat. III. de regn. (edit. Morelli p. 52)*: usu sæpe veniebat, ut ad ea Christianos, tanquam vicinos, sæpe etiam affines & consanguineos, invitarent. Ad hæc ergo accedere quidam non dubitabant, existimantes cum Apostolo, *Idolum nihil esse in mundo*, I Cor. VIII, 4. quidam religioni ducebant, veriti, ne si de Gentilium comederent sacrificiis, in partem ipsorum idololatriæ venirent, ac in *Diabolorum se inferrent consortium*, quod Paulus prohibet I Cor. X, 20 sq. adeoque in moralem simul & cerimonialem per Exod. XXXIV, 15. Num. XXV, 1, 2, 3. impingerent legem. Hos itaque, qui dubii hærebant, Concilium confirmat, & ab ejusmodi conviviis abesse Christianos jubet: non quasi directe hoc legi morali contra veniret, utpote quæ de idolothytis vitandis speciatim nihil sanxit; aut quod, si extra casum confessionis ac scandali fieret, idololatriæ id esset affine, quod Apostolus I Cor. VIII, 4, 8. & cap. X, 25 sqq. diserte negat; sed quia dubia quicquam conscientia facere, & scandalum aliis præbere, aut Gentilium applaudere superstitioni, nefas ducebat. Vnde non male ORIGENES *contra CELSUM lib.*

*lib. VIII.* abstinere ab immolatiis dicit, non simpliciter, quod res illæ malæ sint factæ; sed ob justas causas. Quas causas expositorum CLEMENS ALEXANDR. in hanc sententiam verba facit: Αφεκτέον τῶν (τῶν εἰδωλοθύτων) & δεδότας. & γὰρ ἐπὶ τις ἐν αὐτοῖς δύναμις· διὰ δὲ τὴν βδελυγίαν, οἷς ἐπικατανόμασαι μυσάττομεναι· καὶ προσέτι διὰ τὴν ὀλισθηρὰς τὰ πολλὰ ὑπολαμβανόντων ὑδαρότητα, οἷς ἡ συνείδησις ἀσθενῆσαι μολύνεται. Ab his abstinendum est, non quod pertimescamus: (non est enim in eis aliqua potentia) sed propter nostram conscientiam, quæ sancta est, & propter demonum odium, quibus illa sunt dicata, aversemur: & præterea propter eorum, qui multa procliviter discernunt, ac veniuntur imbecillitatem, quibus infirma polluitur conscientia. *Pedagog. lib. II. cap. 2. pag. 143. edit. Colon. 1688.* Has CLEMENS ex doctrina Veterum rationes affert Synodalis hujus de Idolothytis decreti, quod suis subinde inculcavit Apostolus I Cor. X, 14, 20, 21, 28. quodque tam rigida erat observationis, ut martyrium subirent potius, quam, persecutorum Ecclesiæ voluntati morem gerentes, idolothytis vescerentur. Ita Valerian, de immolatiis manducare recusantem, quia Christiana esset, nec sibi omnino licere testaretur, maculatam refert GROTIUS ex *Martyrologio quodam.* Et IULIANVS apostata, ut ægre faceret Christianis, cibos omnes in foro venales polluit sacrificiis, quæ Diis imolata erant, ut sic Christiani cogerentur immolatiis vesci, nisi fame perire vellent. Quæ dum THEODORETUS refert, subjungit: *Quæ cum viderent Christiani, etsi non poterant non gemere, lamentari, & scelera illa impense detestari; tamen eisdem vescuntur, legi Apostolica obsecuti, ita jubenti: Quicquid in macello venditur, comedite &c. Lib. III. H. E. cap. 14.* Exempla complura & sententias Veterum satis severas collegit VOETIUS *Part. IV. Disp. Sel. p. 249.* Quin & tyrannorum aliqui eo progressi sunt crudelitatis, ut talibus vesci carnibus, vinumque ex libationibus haurire nolentes vi adigerent, in terramque prostratis & in illorum ora hamis in-

fertis vinum infunderent, & injicerent carnes, teste BALSAMONE *Schol. ad Canon. XIV. PETRI Archiepiscopi Alexandrini:* quorum in solatium, ut sine mora in Ecclesiam reciperentur, si tyrannorum de manibus elapsi ad suos redierint, Canon sanxit III. *Concilii Ancyr. & citat. Canon PETRI æque, ac Can. I. Epist. GREGORII THAVMATURGI Archiepiscopi Neocæsar.* ad quem legi merentur, quæ haud contemnenda notavit BALSAMON, prolixiora tamen, quam quæ huc commode transferri possint. Contra verò illi, qui temere & data opera cibis, idolorum cultibus immolatis, gustu illicita presumptionis utebantur, ab Ecclesiæ cætibz ex constitutione *Can. XIX. Concilii Aurelian. II. arcebantur.* At postquam sequenti tempore liberiores Ecclesiæ spirare auram inciperet, nec tam frequens amplius cum Gentilibus commercium Christianis intercederet, cessante legis usu, ipsa antiquata est & cessavit.

### §. III. Abstinencia ab esu sanguinis.

Gravior aliquanto & intricatior ad nostra usque tempora de esu sanguinis controversia est agitata. Cum enim & hujus abstinenciam sententia Apostolica injungat Christianis, crucem fixit eruditis, utrum in honorem Synagogæ tantum (ad quam sanguinis prohibitio per Lev. III, 17. Deut. XII, 23. haud dubie referenda) & ad vitandam infirmiorum offensionem fuerit sancita; an ideo, quod ex primæva naturæ lege & famosis Noachidarum præceptis perpetuam ea obtineret obligationem? Vetus enim, & bene nota inter Judæos fabula est, de septem Noachidarum præceptis; quorum sex, Adamo a Deo promulgata, & in reparatione generis humani septimo, quod Noacho ac posteris ab Adamo vel Noacho oriundos, adeoque & ipsis, si sub jugum redigantur Judæorum, Ethnicis sub mortis pæna imponenda, ut ex MAIMONIDE recenset & explicat SCHICKARDVS in *7<sup>o</sup> Cap. V. Theor. 17. p. 333.* latiusque *Comment. in hunc loc.*



CARPZOVIVS deducit; omnium-vero amplissime declarat SELDENVS in eruditissimis suis *de Jure Nat. & Gent. juxta disciplinam Hebræorum* libris. Hæc ergo fundamentum præbere Synodali huic decreto visa sunt iis, qui obligationis perpetuitatem, diversis licet ex principiis, nec eodem fine, propugnant. Hos inter nomen suum profitetur CLAVD. SALMASIVS *libr. de senore Trapezitico p. 438.* HUGO GROTIUS *Annotat. in cap. IX. Genes. & SCHICKARDVS loc. cit. ut & in Bechinath Happeruschim p. 84.* Sed & THOMAS BARTHOLINVS, Medicus Hafniensis, peculiari disquisitione ejusdem patrociniū suscepit; adversarium nactus Theologum, æque Hafniens. D. IOH. WANDALINVM, qui disputatione *de sanguinis & suffocatorum esu inter Christianos haud illicito* BARTHOLINI argumentis ex assè satisfecit. His vel inter primos etiam annumerandus est STEPH. CYRCELLÆVS, celebre illud inter Remonstrantes nomen, qui singulari *Diatriba, de esu sanguinis inter Christianos*, quæ Tomo Opp. p. 943. compareret, sanguinis esum distincte *prima a mundi creatione usque ad diluvium; secundo a diluvio usque ad legem Moysi; tertio a lege usque ad Christum; quarto denique a Christo usque ad finem mundi* illicitum fuisse, probare satagit; refutatus tamen & ipse a Theologo Calviniano, IOHAN. HENRIC. HEIDEGGERO, tractatu *de libertate Christianorum a lege cibaria veteri* A. 1662. in lucem emisso. Jam vero quod ad ipsam attinet quæstionem, longe nobis firmiter eorum videtur sententia, qui temporariam hujus interdicti obligationem defendunt. Largimur quidem, Noachum ac posteros speciatim sanguine a Deo fuisse prohibitos, Gen. IX, 4. Quis autem ideo neget, legem hanc ceremonialis fuisse partem; & ad solam pertinuisse Synagogam? Num forte proxima a diluvio tempora legis moralis promulgationi propria, ab omnibus vero ceremonialibus adhucdum libera fuerunt & immunia? Prius uti Paulus negat Rom. II, 14, 15. quando moralem per inscriptionem in corda humana promulgatam dicit: Ita posterius Moses refel-

lit, dum etiam ante hoc datum præceptum, imo longe ante inundationem, Synagogam sensim auspicia cepisse, introductis sacrificiis docet Gen. IV, 3, 4. VIII, 20. Frustra namque EPISEOPIVS l. I. *Inst. Theol. de relig. natural. c. II.* sine ullo præcepto divino, rationis rectæ solius instinctu, antediluvianos sacrificiorum ritum suscepisse contendit; refutatus hoc nomine & castigatus a CALOVIO *Cōns. Armin. c. 8. §. 6. p. 181.* cum septem ad manus sint argumenta, quibus divinum de sacrificando Patriarchis mandatum fuisse datum, solide demonstratum dedit GERHARD. *Loc. Tb. XVI. §. 14.* At enim vero ad sacrificiorum observationem, sanguinis quoque abstinentiam referendam esse, ex Lev. XVII, 11. patet, ubi Jehova: *Ego destinavi vobis sanguinem in altari ad expiationem faciendam pro animabus vestris. Quia enim sanguis in altari ad expiationem destinatus est peculiariter, hinc eo respectu omnis sanguis ab esu humano interclusus est, quamdiu illa destinatio durat. Durat autem tantum ad Messie usque αἵματις τοῦ αἵματος*, Hebr. IX, 21. uti infert b. DORSCHÉVS. Quod luculentissime, ne ullus dubitationi locus relinquatur, Levit. III, 17. confirmatur, ubi abstinentia a sanguine & ab adipe conjungitur, & utraque statutum æternum vocatur, sed NB. *in generationibus vestris* (Judæorum tantum) & *in omnibus habitationibus vestris*. Non ergo aliam aut diversam a sacrificiis obligationem hæc a sanguine abstinentia obtinet, sed temporariam & ceremonialem. Deinde vero, quando ad FERTVLLIANI auctoritatem, aut LEONIS Imperat. *Novellam, si ex evaγγέλιος* provocant, parum in his fulcris causæ suæ præsidii eos reperire, supra laudatus DORSCHÉVS ad oculum demonstravit. Nec est, quod ex facilitate hujus abstinentiæ universalem ejus obligationem evincere conentur. Complures enim aliæ quoque Synagogæ ceremoniæ, v. g. abstinentia ab adipe, non adeo magna difficultate laborant; nec tamen hodie obstringunt. Nec ad postremum, quando hæc abstinentia cum πορνεία conjungitur, ejusdem statim utrumque præceptum generis est

est & naturæ. Non enim in vitio ponebatur Ethnicis scortatio, sed ex ipsorum iudicio res erat indifferens & libera; quin immo honori ducebant, si qua multos haberet amatores. Cum ergo idem cum paganis jugum trahere interdicendum esset Christianis; scortatio quoque, ceu Gentilium quoddam adiaphorum, reliquis vere indifferenteribus conjungitur, ut utrumque vite-  
tur. His inductus rationibus, ipse non dubitavit SPENCERVS, ad temporaria hoc etiam Apostolicum præcepta referre, *peculiari in Act. XV, 20. dissertatione, subjuncta lib. II. de legib. Hebræor.* qua tum illam de Noachidarum præceptis, tum eorum improbat opinionem, qui datum id decretum arbitrabantur zelo, quo Mo-  
saica omnia Judæi prosequabantur, hisque adeo quatuor ad lucrifaciendos Judæos interdictum Gentilibus fuisse censent, donec parta per Christum a legis jugo libertas clarius innotesceret. Vnde non ab omni ipse abest errore, dum, ne suæ desit causæ, sed susceptæ semel hypothesi etiam hic inserviat, non aliam ob causam quatuor hæc prohibita in decreto Apostolico fuisse tradit, quam quod idololatriæ causæ, comites ac signa essent, locumque præcipuum in gentium ritibus & institutis obtinerent, a quibus proinde ex gentilismo ad Christum conversis abstinendum omnino fuerit. Ita dum Θεῶν Φυλάττειν vir doctissimus allaborat, non potest veritatem sapissime non insuper habere. Nobis firmum itaque ratumque est, iis, quæ temporariam saltem, & ad Judæorum rempublicam restrictam habent obligationem, præceptis, hoc etiam de sanguinis prohibito esu esse accensendum. Stamus sententia Aug. Conf. quæ peccare negat, qui nunc præceptum istud non observant, quia ne ipsi quidem Apostoli voluerunt onerare conscientias tali servitute, sed ad tempus prohibuerunt propter scandalum. Art. VII. Abus. p. 43. Dudum enim ista præcepti hujus ceremonialis observatio, his Synodi temporibus, per N. Test. unicum Christi sacrificium erat sublata; quam dum revocarent Apostoli, & Christianis denuo injungerent, non sane id agebant, ut legis ceri-

monialis, cujus vis jam evanuerat, nec ad Christianam Rempubl. unquam pertinuerat, quandam velut perpetuitatem assererent aut conciliarent: sed ut concordiam inter Judæos, sanguinem valde abhorrentes, & Christianos eo magis firmarent, nec hi, satis alias jam illis invisi, jure tales esse viderentur; tum etiam, ut Judæorum neophytorum subveniretur infirmitati, qui remota scandali occasione frequentiores pariter ac lubentiores ad veram Christi fidem convertebantur; denique, ut eo evidentius a Gentilium moribus atque institutis Christiani distinguerentur. Sanguinem enim Gentiles ingurgitare consuevisse, ex TERTULLIANO, in Apolog. probat sæpe laudatus DÖRSCHÉVS loc. cit. ubi ad Pentadecad. suæ Disp. Th. X. th. 25. p. 287. simul remittit. Accessit & ista ratio haud postrema, quam e visceribus Textus eruit GERHARDVS: quia scilicet jam olim legibus ceremonialibus assueverant (Christiani) & quia singulis Sabbatis lex Mosaica in ipsorum Synagogis adhuc legebatur. Mirari tamen subit non immerito, diutius hunc morem viguisse, quam Apostolica sanctio, quæ ad ea saltem respexit tempora, quibus Judaica duratura erat Respubl. primo intenderat. Sic enim Canone LXIII. Apostol. Clericum deponi, Laicum segregari legimus, si Φάγη κρέα ἐν αἵματι ψυχῆς αὐτοῦ ἢ θνητάτων, ἢ θνησιμάτων, comederit carnes in sanguine animæ suæ, vel quod a feris captum, vel morticinum fuerit. Quem licet canonem facile demus una cum ceteris per sæculum & amplius ab Apostolorum ætate abesse: negari tamen nequit, esse antiquum scriptum, & continere aliqua non inutilia de antiqua forma gubernationis Ecclesiæ; quod magni nostri CHEMNITII de Canonibus Apostolicis iudicium est, in oration. de lectione Patrum, præmissa L. Theol. pag. 1. Immerito enim novitatem illis objicere virum clarissimum, DALLÆVM lib. III. de Pseudepigraph. Apost. solide & prolixè docuit peritissimus antiquitatis Ecclesiasticæ scrutator REVEREGIVS in Prefat. Annot. in Can. Apost. ubi ex Synodis ante Nicænam habitis, quarum acta afflictissimorum



temporū injuria & turbis perierunt, eos profluxisse, & a diverso auctore, sæculo circiter tertio, collectos fuisse, demonstrat. Hinc non indigni visi sunt, quos confirmaret *Concil. Oecum. VI. seu Trullanum Can. II.* Morem ergo veterum, sententiamque circa sanguinem etiam hic allegatus Canon docebit; quem speciatim repetit *Concil. Trull. Can. LXVII.* & suis quoque temporibus vult observatum. Quorsum referendus etiam est *Canon II. Concil. Gangreni*, quem a GROTTII detorsionibus liberavit DORSCHVS. Certe inter tentamenta persecutorum, Christianis; ut a religione desciscerent, adhibita, botulos cruore distentos memorat TERTVLLIANVS in *Apologet. advers. Gentes fol. 10, II.* & MINVCIVS FELIX in *Octavio fol. 21.* Nobis homicidium, inquit, nec videre fas, nec audire; tantumque ab humano sanguine cavenius, ut nec edulium, pecorum in cibis sanguinem, noverimus. Ac plena Patrum scripta sunt observati sequioribus etiam temporibus hujus præcepti; quorum testimonia cum magno numero, ut alios præteream, congeffit nunquam satis laudatus BEVEREGIVS *Annot. ad Can. LXIII. Apost.* nec non ELMENHORSTIVS *Comm. ad MINVCII Octavium fol. 53 sqq.* & ipse CVCCELLAEVS, *loc. cit. cap. XIII. pag. 974.* religioni nobis ducimus illorum serinia expilare.

#### §. IV. Abstinentia a suffocato.

Eadem vero, quæ sanguinis, etiam τὸ πικτὸν seu suffocati ratio est. Vocis quidem hujus lectionem nequicquam sollicitat CVCCELLAEVS *Diatr. de esu sangu. cap. XI. Tom. Opp. p. 969 sq.* ex quibusdam Patrum locis, in quibus repetito hoc Apostolorum decreto nulla specialis suffocati, sub sanguine nimirum ab iis comprehensi, mentio facta est, sententiæ patrociniū quærens. Verum demus, quibusdam antiquis Codicibus hanc contigisse corruptelam; unde de omnibus id probabit? Aut annon Patrum potius lectio, infinitis alias corruptelis obnoxia, in dubium vocanda, quam Scripturæ, cujus ut vel

unus apex pereat, impossibile æterna veritas pronunciat *Matth. V, 18?* Sed causæ intervendum erat CVCCELLAEVS, qui quia suffocati abstinentiam ad moralem vel naturalem legem commode referre, vel totum Christianum orbem; qui impune suffocatis vescitur, eapropter damnare non poterat, in accusationem vertitur Scripturæ, & Textum corruptum proclamat; nihil veritus severam Christi comminationem, in dementes aliquid Scripturæ libro emissam *Apoc. XXII, 19.* cum nec ipse tamen, in sua N. T. editione vel expungere hanc vocem ausus sit, vel in subjectis Textui Variantibus Lectionibus ullum aliter legentem Codicem producere potuerit. Nec Oxoniensis editio, quæ ex Theatro Scheldoniano A. 1675. prodit, & quotquot unquam reperiri poterant, lectionum variationes ex plus centum MSS. Codd. congeffit, in alio quoquam, præter exemplar Cantabrigiense quoddam, quod BEZÆ fuerat, omissam hanc vocem deprehendit. Retinemus ergo, ceu divinam & Θεόπνευστον, consuetam πικτὸν lectionem, eamque hoc modo declaramus: Erat Græcis, Gentiliumque aliis hoc in more positum, ut carnes in deliciis haberent, in quibus data opera aservatus erat in enecatione sanguis, ut ita cum eo sanguine, intus retento, coquerentur. Hoc ergo cum præcepto de abstinentendo a sanguine e diametro esset adversum, eidem & alias, & h. l. ab Apostolis conjungitur. Longo deinceps post hæc intervallo *Concilium Aurelianense II.* idem revocavit, eosque, qui bestiarum moribus extincto, vel quolibet morbo aut casu suffocato vescuntur, ab Ecclesiæ cætib; arcuit *Can. XX.* Quod superest, observandum etiam, quando posterioribus sæculis idem Apostolicum decretum & observatum & confirmatum legitur, non tam eo id factum fuisse consilio, ut Synagogæ honos haberetur, quippe quæ dudum sepulta erat atque mortifera; quam ut hanc veluti partem confessionis externæ de sua religione ac fide tuerentur; nec vel tyrannorum minis cederent, vel adversariorum technis ac fraudibus circumveniri se paterentur.

§. V. *Textus Biblici Praelectio.*

Atque ea quidem sunt, quæ in honorem Synagogæ Apostolicum Concilium sanxit. Præter hæc vero & alia occurrunt quamplura, in insequentium Sæculorum Synodis definita, vel etiam continuo nec interrupto usu ad nostra usque tempora transmissa, quæ suum Synagogæ si non ortum debent, locum tamen etiam in ea tenuerunt. Quæ tamen non ob legis cerimonialis, ad quam quondam pertinebant, auctoritatem; sed prorsus libere & concordi Ecclesiæ suffragio, citra ullam infirmorum fratrum offensionem, fuerunt recepta; quod ad τὰξιν καὶ ἐν-σχημοσύνην, immo nonnulla ad uberiores quoque οἰκοδομήν facerent, & divino cultui, uti quondam dicata, sic maxime consentanea essent. Huc pertinet *Textus Biblici Praelectio* in conventibus sacris. Judæis enim solemne fuisse, ut, cum sacris operarentur, singulis Sabbathis certa ex sacro Codice pericopa publice prælegeretur, Petrus docet Act. XV, 21. ubi *Mosen* affirmat *ex generationibus antiquis per urbes habere, qui prædicent illum, dum in Synagogis per omne Sabbathum legatur;* & exempla commonstrant Nehem. VIII, 5 seqq. Luc. IV, 16 seqq. Actor. XIII, 15 &c. commemorata. Hinc illæ פְּרָשִׁיּוֹת seu Sectiones Legis, & הַפְּטָרוֹת seu Lectiones Propheticae enatae sunt, quibus definita Praelectionum harum pensæ continebantur. De quibus ne plura dicamus, remittimus lectorem ad LIGHTFOOTVM *Hor. Hebr. ad Luc. IV. p. 760 seqq.* qui de modo, persona & circumstantiis legendi reliquis accurate differit; & ad PFEIFFERVM *Critic. S. cap. I. §. 12 seqq. & 18.* qui in compendium misit, quæ circa enumeratas sectiones notam merentur. Hunc deinceps ritum in Ecclesiam manasse, testis est TERTULLIANVS, qui *Apol. advers. gentes cap. 39.* Cogimur, scribit, ad divinarum literarum commemorationem, si quid presentium temporum qualitas aut præmonere cogit, aut recognoscere; certe fidem sanctis vocibus pascimus, spem erigimus, fiduciam figimus,

*disciplinam præceptorum inculcationibus densamus.* Et primo quidem Veteris tantum Testamenti prælectiones consuetas, post vero his etiam Textum Novi Testamenti adjectum fuisse, ex *Concil. Laodicensi* intelligitur, quippe quod *Can. XVI. εὐαγγέλια* (vel secundum ARISTENVM: εὐαγγέλιον καὶ Ἀπόστολον, adeoque totum N. T.) μετὰ ἐτέρων γεφῶν ἀναγινώσκεσθαι, in Sabbatho decernit. BALSAMON quidem & ZONARAS ἐτέρας istas γεφῶς de solis precibus interpretantur, adjicientes, nec Evangelium, nec aliam ullam Scripturam in Ecclesia die Sabbathi legi consuevisse, antequam constitutio ecclesiastica- rum cantionum esset completa: sed minus accurate hoc eos asserere, sæpe laudatus LVDOL- FVS ostendit *Comm. in H. Æthiop. l. III. cap. I. p. 275.* cum id sibi velit Canon, *Paraschas legis Mosæicæ & Haphtharas tantum more Judaico antea lectas fuisse; omisis lectionibus Evangelicis: Voluisse ergo Patres Laodicenos, ut etiam legatur Novum Testamentum.* De die Dominica dubium non est, quin lecta fuerint utriusque Instru- menti monumenta, cum testem ejus rei omni exceptione habeamus majorem, IUSTINVM MARTYREM, qui *Apol. II.* in memorabilissimo illo, quo plurimos primitivæ Ecclesiæ ritus conjunctim recenset, loco, inter alia etiam hæc habet: καὶ τῇ τῇ ἡλίᾳ λεγομένη ἡμέρᾳ, πάντων, κατὰ πόλεις ἢ ἀγῶν μενόντων, ἐπὶ τὸ αὐτὸ συν- ἐλευσις γίνεται, καὶ τὰ ἀπομνημονεύματα τῶν Ἀποστόλων, ἢ τὰ συγγράμματα τῶν προφητῶν ἀναγινώσκειται, μέχρις ἐγχωρεῖ; ubi exertis verbis tam Apostolorum, quam Prophetarum lectio- nem memorat. Post hanc vero, cum προεσὼς *Præses* orationem quandam sacram ad populum habuerit, tum demum meminit precum; ἐπειτα ἀνίσταμεθα κοινῇ πάντες, καὶ εὐχὰς πέμπομεν, deinde, finito scilicet sermone sacro, una omnes *consurginus & preces fundimus.* Unde simul etiam constat, longe ante Laodicenam Synodum, jam Sæc. II. Apostolica scripta æque ac Prophe- tica in Ecclesia publice prælegi consuevisse. Quem ritum adeo tenaciter sacra servavit disci- plina,



plina, ut nec hodiernum conventus ullus habeatur sacer & publicus, in quo non tempori locoque conveniens aliquis Scripturæ textus legatur.

### §. VI. Oblationes ad Altare.

Divina cum cautum esset lege, *ne quis coram Domino compareret*, Exod. XXIII, 15. XXXIV, 20. moris erat, ut præter sacrificia igne absumenda, ⲓⲛⲓⲛⲓ seu sacrificia cibaria, vel donaria de terræ frugibus, oleo imprimis & farre, ad altare offerrentur, quibus gratum pro victu & sustentatione vitæ animum erga Deum testarentur: de quibus conf. Lev. II. XXXIII, 16. Num. XV, 19. & passim; quo etiam Christus respicit, quando Matth. V, 23. muneris ad altare oblati mentionem facit. Sed eundem quoque ritum Christianis etiam communem fuisse, fida tradit antiquitas. Hi enim, Apostolici præcepti memores 1 Cor. XVI, 2, singulis Dominicis templum ingressi, oblationes seu sacrificia ferebant, teste IUSTINO MARTYRE loco supra alleg. ubi preces Sacræ Cænæ administrationem inscutam enarrat, & mox subiungit: *Οἱ εὐποροῦντες δὲ καὶ βεβλόμενοι, κατὰ προαίρεσιν ἕκαστος τὴν ἑαυτοῦ, ὃ βέβηται, δίδωσι καὶ τὸ συλλεγόμενον παρὰ τῶ Προεσῶτι ἀποτίθεται, καὶ αὐτὸς ἐπιχερεῖ αὐτῶν ὁρφάνοις καὶ χήραις, καὶ τοῖς διὰ νόσον, ἢ δι' ἄλλην αἰτίαν λειπομένοις, καὶ τοῖς ἐν δεσμοῖς ὄσι ξένοις, καὶ ἀπλῶς πᾶσι τοῖς ἐν χρεῖᾳ ὄσι, κηδεμῶν γίνεται.* Idem TERTULLIANVS confirmat Apolog. cap. 39. Immo in vitio ponebatur, si quis ἀσύμβολος ad Sacram Synaxin accederet, & de aliena oblatione communicaret. Hinc AUGUSTINVS Sermon. 215. de Tempore: Oblationes, inquit, quæ in altaribus consecrantur, afferte; erubescere debet homo idoneus, si de aliena oblatione communicat. Et CYPRIANVS, opulentas quidem viduas, sed tenaces & conferre recusantes, increpans: *Locuples & dives es, ait, & Dominicum celebrare te credis, quæ Corbonam omnino non respicis, quæ in Dominicum sine sacri-*

*ficio venis, quæ partem de sacrificio, quod pauper obtulit, sumis.* Lib. de Opere & Eleemos. p. 155. Ab his distinguebantur alia, quæ licet ad altare offerrentur, sacrificii tamen appellatione non gaudebant. Hoc discrimen Canon III. Apost. ostendit, dum cavet, ne quis præter panem & vinum purum, ceu *παρὰ τὴν τῆ Κυρίας διάταξιν τὴν ἐπὶ τῇ θυσίᾳ*, aliud quid aræ inferat: novæ autem spicæ & maturæ uvæ ad aram quidem Sacerdoti portentur, verum *ὡς θυσία, ἀλλ' ὡς ἀπαρχὴ καρπῶν νέων*, ut Scholiastes in HARMENOPVLI Epitom. can. sect. 2. tit. 2. glossatur. Sic etiam incensum & oleum ad altare tempore sanctæ oblationis ferebantur, verum *ὡς χάριν θυσίας*, ut restringit BALSAMON, ἀλλ' εἰς φωταγωγίαν τῆ ναῆ, καὶ εὐχαριστίαν τῆ ἀληθινῆς φωτὸς καὶ θεῶ. Omnes tandem fructus alterius primitiæ non super altare, sed in domum Episcopi aut Presbyteri, mittebantur, secundum Canon. seq. IV. Hoc nempe tempore nulla adhuc stipendia ministris Ecclesiæ constituta erant, sed ex ejusmodi oblationibus, ut & ex primitiis, ab auditorum singulis, allatis, magna cum frugalitate alebantur, 1 Cor. IX, 13. Unde *πᾶσαν ἀπαρχὴν* ad Episcopum ferre, & Presbyteros, & Diaconos, εἰς διατροφὴν αὐτῶν, præcipit Constit. Apostol. l. VIII. cap. 30. idemque sibi salarium esse HIERONYMVS affirmat Ep. II. Si autem ego Domini pars sum, & funiculus hereditatis ejus, quasi Levita & Sacerdos vivo de Decimis; & altari serviens, altaris oblatione sustentor, habens victum & vestitum, his contentus ero, & nudam crucem nudus sequar. Easdem vero adhuc hodie oblationes in usu esse Abyssinis, Cel. LVDOLFVS ex Liturgia Æthiopica demonstrat Comm. ad l. 3. p. 379. ubi thus recenset, & panem eucharisticum, & vinum & oleum; & balsamum, & vela, & libros lecturæ, & instrumenta sanctuarii, ut Christus Deus noster illis retribuatur in Hierosolyma caelesti. Sed nec Romana Ecclesiā exolescere hunc ritum sivit; tantistamen conspurcatum vitiis, ut defectionem ejus ad Judaismum ex eo per testimonia DVRANDI, & MARTI-

NE DE ROA probet NIC. HVNNIVS in *Rom. Ecclef. Apostasia* §. 599. p. 472. Ceterum hic obiter notamus, oblationem, stilo Veterum ipsam S. Synaxin sæpe designare. Ita namque Can. XLIX. Laodicen. & Conc. Trullani Can. LII. in quadragesima, exceptis Sabbatho & Dominica, nec non Annunciationis Festo, ἀγρον προσφέρειν prohibetur: contra ἡ τῶν προηγιασμένων ἱερὰ λειτουργία perfici præcipitur. Tantum scilicet his inclinatis temporibus a piscatoria primæ Ecclesiæ simplicitate Orientalis maxime Ecclesia recesserat, ut jejunii tempore consecrare sacra Cœnæ symbola religioni duceret, ideoque die Sabbathi aut Dominicæ tantum consecraret, quantum celebrationi eucharistiæ per totam hebdomadam sufficere putabat. Unde præsanctificationum ministerium erat S. Cœna, ex pane, uti jam aliquot diebus ante consecrato, sic repetita benedictionis non indigo, instituta; uti MICHAELIS Patriarchæ Constantinop. verbis LEO ALLATIVS apud BEVEREGIVM l. c. p. 156. fufius exponit. Panem itaque offerre, est S. Cœnam consecrare & celebrare. Non tamen propterea habent, quod in hac appellatione sibi plaudant Pontificii, loca illa Patrum & Conciliorum, quæ S. Cœnam sacrificium, victimam, oblationem &c. vocant, pro se allegantes: quia uti in reliquis locis, ita in præsentibus Canon. ad sacrificium laudis respexerunt Patres: quo etiam ratio BALSAMONIS Canonici Trullano subjuncta alludit: τὸ δὲ προσάγειν τῷ Θεῷ θυσίαν, πανηγυρίζειν ἐστὶ τὸ δὲ πανηγυρίζειν ἕδεν τι ἄλλο ἐστίν, ἢ χαρμονή. Multum circa hanc denominationem occupata fuit Apolog. A. C. de vocab. Missæ p. 272. & b. GERHARDVS Conf. Cathol. lib. II. Part. II. Art. XV. p. 1210. ubi decem vocabuli hujus, S. Eucharistiæ accommodati, respectus orthodoxos exponit.

### §. VII. Jejuniū.

Circa Jejuniū licet multa suppeditet antiquitas, quæ non inutiliter DALLÆVS de Jejun.

concessit, & GERHARDVS T. I. *Disp. Acad.* p. 1065. aliique: ea tamen hic potissimum sub censuram vocanda, quæ ad Synagogæ faciunt sepulturam. Ante vero, quam ad sanctiones Conciliorum progrediamur, distinguimus inter Jejunii substantiam κατ' εἶδος spectatam, ejusque accidentia; rem & rei modum. Illa uti divino in S. literis mandato gaudet Joel. I, 14. II, 12. probatisque nititur exemplis, ut Ninivitarum, Jon. III, 4. Davidis 2 Sam. I, 12. XII, 16. Josaphati 1 Paralipom. XX, 30. Danielis cap. IX, 3: sic tanquam externum exercitium & bonum aliquod opus, non quidem meritorium gratiæ, aut satisfactorium pro pœna temporali, (quod Papistæ mallent apud BELLARM. lib. IV. de Penit. cap. IV.) sed pædagogicum ad veram pietatem, coërcitivum carnis & testificatorium pœnitentiæ externum, Ps. CII, 5. ad moralem legem, in qua directe & per se non præcipitur, saltem reducendum, liberæque & non inutilis esse observationis, statuendum. Mollus autem ejus atque accidentia libera sunt & indifferentia, & sicubi determinata deprehenduntur, ad Synagogam referenda; uti Levit. XVI, 29. statum & anniversarium in die expiationis Jejunium Judæorum genti demandatur. Confer August. Conf. Art. V. Abus. de discrimine cibor. p. 31. Hoc sibi vult AVGVSTINVS, quando Epist. 86. ad Casulanum ita scribit: Ego in Evangelicis & Apostolicis literis video, præceptum esse Jejuniū; quibus autem diebus non oporteat jejunare, & quibus oporteat, præcepto Domini vel Apostolorum non invenio definitum. Et SOCRATES, postquam Ecclesiarum circa jejuniū quadragesimale diversitatem exposuisset, subjungit: Quoniam nemo de ea (sc. jejunandi ratione) præceptum literarum monumentis præditum potest ostendere, perspicuum est, Apostolos liberam potestatem in eadem cujusque menti & arbitrio permisisse, ut quisque nec metu, nec necessitate inductus, quod bonum sit, ageret; Lib. V. H. E. c. 21. Hinc ergo intelligitur, quo pacto servatum in Ecclesiâ Jejunium ad Synagogam debeat referri; quatenus vel expressa



pressa in ceremoniali lege restrictio, vel introducta Judæorum consuetudo, certum tempus, locum, modumve determinavit. Ita huc pertinet, quando omnibus licet aliis Sabbatho tamen, aut diebus festis jejunium non indixerunt. Sic enim habet MAIMONIDES cap. I. Halachoth Taanijoth §. 6: אין נחרין תעניות על הציבור ולא בימים טובים וכו' בשבתות ולא ביום טובים Non decernunt jejunium publicum diebus Sabbathi, nec diebus festis &c. & §. 7: וכן אין נחרין תענית נחתלה בראשי חרשים או בחנוכה ופורים או בחולו של מועד: Atque sic jejunium quoque non decernunt in noviluniis, nec in dedicatione, nec festo Purim, nec in die profesto solemnitatis. Idem ex aliis locis probat & confirmat, exceptumque docet pro infornio jejunium Sabbatho etiam licitum, cum alias Sabbatho jejunare nefas esset, LIGHTFOOT. Hor. Hebr. ad Matth. IX, 14. p. 318. & Matth. XII, 1. p. 340. Idem vero diu in Ecclesia Orientali obtinuit, ut Sabbatho & Dominica a jejunio abstinere. Unde Canon Apost. LXIX. Clericum die Dominico aut Sabbatho jejunantem, deponere, Laicum segregare jubet; uno tamen Sabbatho, quod Pascha proxime antecedit, & quo Christus in sepulchro quievit, excepto, utpote quod jejunio dicatum fuit. Hunc Canonem stricte observari voluit Concil. IV. generale Constantinop. quod Can. LV. eum in Romanorum etiam Ecclesia inconcussè vires habere decernit. Ita Sabbathum nunquam nisi in Pascha jejunandum, ait etiam TERTULLIANVS de jejuniiis: & privilegium donatum Sabbatho a primordio mundi dicit veniam jejunandi. Advers. Marcion. lib. IV. Hunc si quis aspernabatur morem, Christicida habebatur. Ita namque in Epistola ad Philipenses, IGNATIO adscripta: Εἰ τις κυριακὴν ἢ σαββατον νηστεύει (πλὴν ἐνός σαββάτου τῆς πάσχα) ἕτος χειροκτόνος ἐστίν. Imperite hic BALSAMON rationem Canonis redditurus: Τὸ σαββατον, inquit, & νηστεύομεν, ἵνα μὴ δόξωμεν ἰσθαλίζοντες. Judæos enim pariter a jejuniiis Sabbatho abstinuisse, MAIMONIDES modo docuit. Non ergo per hunc ritum separare se a Judæis

primi Christiani potuerunt, quem ab illis desumerant. Felicius rationem inquisivisse videtur omni laude major BEVEREGIVS Not. ad h. l. qui ex EPIPHANIO Her. 42. par. 3. observat, propter Marcionistarum, aliorumque tunc temporis exortas hæreses, institutum videri, utpote qui Sabbatho jejunium propterea sanxerunt, ne Deo a Judæis culto, qui eo die requievit, honorem exhibere, vel ritibus illius uti viderentur. Certe postquam hæc deleta hæresis esset, Sabbatho jejunare Occidentales præsertim Ecclesiæ non incongruum judicarunt. Sic SOCRAATES c. l. sua jam tempestate Romæ omni Sabbatho jejunare populum scribit. Et Concilio Elibertino anno Dom. CCCV. habito, errorem placuit corrigi, ut omni Sabbathi die jejuniorum suppositionem celebremus. Can. XXVI. Ubi additio FRANCISCI SYLVANI apud CARANZAM in Summa Concil. p. 46. observat, solere jam olim Sabbatho jejunari in Ecclesia Romana, quam Hispania, ubi Concilium istud celebrabatur, imitata sit. Paria sancit Concil. Agathense c. 8. apud CARANZAM p. 234. Placuit etiam ut omnes Ecclesiæ filii (exceptis diebus Dominicis) in quadragesima etiam, in die Sabbathi, sacerdotali oratione & discretionis communione jejunent. Quod deinceps jejunium in meram superstitionem degeneravit, ut, quomodo hodie Romana Ecclesia istud observat, discrimine ciborum, continuatione ad vesperam, jejunio quadragesimali & jejunio quatuor temporum, plane eam judaizare solide ostenderit NICOLAUS HVNNIVS Apostas. Rom. Eccles. §. 600 seqq. qui paulo ante etiam §. 171 - 177, prolixè ostenderat, quibus alias etiam incommodis & absurdis prematur.

#### §. VIII. Augusta Templi structura.

Summa Synagogæ dignitas maximam partem ex augusta Templi structura, quæ ipsos Christi discipulos in admirationem rapuit, Marc. XIII, 1. pendebat; quæ ne in Templi destructione uno velut ictu collapsa intercideret, sed in honore ampli-

amplius esset, libera apud Christianos sacrarum ædium imitatio effecit. Recte enim Cardinalis BONA *Rev. Liturg. lib. I. cap. 20. §. 4.* scribit: *Christianorum templa sic olim erant disposita, ut veteris templi Hierosolymitani, quantum fieri poterat, similitudinem quandam præ se ferrent, & ad illius formam proxime accederent.* Hæc autem Hierosolymitani templi erat structura, ut tribus potissimum partibus, juxta sententiam R. IOSEPHI KIMCHII ex allegatione Filii Comm. in *Jer. VII. 4.* absolveretur. Prima *אולם* Vestibulum erat, varia Atria, *חור* profanum seu Gentium, *חיל* antemurale *עזרה* auxilii Mulierum scilicet, Israelitarum & Sacerdotum complectens. Media, in quam Propylæum ferebat, *היכל* seu ipsa *Ædes* vel Sanctum vocabatur, per 40. in longitudine, & 20. cubitos in latitudine se diffundens, ac solis patens Sacerdotibus, sacrificiis reliquisque muniis suis intentis. Postrema, *רכיז* *Adytum* vel Sanctum Sanctorum dicta, arcam fœderis, urnam Mannæ, virgam Aaronis, lenticulam olei unctionis, & arcam cum aureis Philistæorum munusculis continebat, nec mortaliū ullum nisi Summum Pontificem, una quotannis vice, intra se admittebat. De quibus singulis distincte egit PFEIFER. in tractatu de locis sacris, inserto *Dub. vexat. p. 410 sqq.* ubi, qui ex instituto & fusius in partes has inquisiverunt, complures & gravissimos allegavit auctores. Sed pari etiam apparatu & eadem ratione exstructa prima Christianorum templa fuisse, prolixè declarat, & omnes speciatim partes persequitur eruditissimus BEVEREGIVS *Annotat. ad Can. Concil. Niceni XI. p. 71 sqq.* Vt enim SIMÉON Thessalonicensis de templo habet: *ὁ Θεὸς ἅπας ναὸς τριανκῶς θεωρεῖται τοῖς πρὸ τῆ ναὸς φημι, καὶ τῷ ναῷ, καὶ τῷ βήματι.* Prima ergo ab ingressu pars *Ναὸς* *ἱερός* vel *Πρόναος* dicebatur, quæ *Προπύλαιον* proxime excipiens, præter *κολυμβήθεα* seu effossum lacum, in quo convertendi salutari fonte tangebantur, varias pœnitentium stationes comprehendebat: nominatim τῶν κατηχεμένων, seu eorum, qui nondum ba-

ptizati concionibus sacris instituebantur; τῶν χειμαζομένων, h. e. juxta ARISTENVM *Schol. ad Can. XVII. Syn. Ancyr. ὑπὸ πνεύματος πονηρῆς κατεχομένων*, qui a Spiritu maligno vexabantur, (quæ tamen explicatio minus probatur BALSAMONI & ZONARÆ), leproforum etiam & ἀλογενσαμένων, seu eorum, qui ratione carentia animalia inierant, & ob crimina atrociora excommunicatorum *per alleg. Canon. τῶν ἀκρωμένων* etiam, quibus auscultationi orationis interesse, minime verò precum & S. Communionis participes esse licebat. Hanc mediā excipiebat, *Ναὸς* vocata, quæ *σάσιον* τῶν ὑποπιπτόντων seu pœnitentium prostratorum, de quibus legi ineretur *σοζομένων lib. VII. H. E. cap. 16. & συνισαμένων* seu consistentium, quibus, quum Carechumeni & ceteri publica Diaconi voce exire jubebantur, cum fidelibus persistere licebat, quanquam a Sacramento adhuc arcerentur; & πιστῶν seu fidelium, continebat, qui baptizati nulloque externo contaminati flagitio, sacris omnibus participabant. Tertia demum *βῆμα* tribunal, suggestum; item *θυσιαστήριον* altare, a potiore sui parte, & *ἱερατεῖον* vel τὰ ἅδυστα, sacrarium & adytum dicta, solis patebat Clericis, & cum dona sua ad sacram mensam ferrent, Laicis etiam; & τὴν ἀγίαν τεράπεζαν, venerandis mysteriis dicatam; *Θρόνον* seu sedem Episcopi; & σύνθρονον seu Sacerdotum subsellia conspicienda præbebat. Vbi tamen prætereundum non est, quod observat LVDOLFVS *Commentar. lib. III. 49. pag. 367.* accipienda scilicet hæc esse de Basilicis & Cathedralibus Ecclesiis, quæ Episcopos atque Presbyteros suos habebant. Minores enim Synagogis Judæorum similes erant, quarum mediū verum *βῆμα*, id est, excelsior locus instar suggesti visitur, quo per gradus ascenditur, idque *Habestini* & *Coptita* Hebraico vocabulo *היכל* *Heikel* adhuc vocant, atque in eo sacram cenam celebrant, & ad fores stantibus ministrant. Vnde simul clarum est, non ante quartum a nato Christo sæculo imitationem fuisse susceptam, cum priorum temporum diritate tenuiores Christiano-



rum res fuerint, quam ut amplas ejusmodi ædes exstruere, vel exstructis tranquille uti potuerint. Inde tum saltem ad Synagogarum morem ἐπισυναγωγὰς habuerunt, de quibus vide Vener. BUCHER in den Hauptgründen des Fanatismi cap. III. §. 3 sq. p. 80 sq.

### §. IX. Encenia.

Nec vero templorum tantum structuram mutuo quasi a Judæis sumserunt Christiani; sed *Dedicationes* quoque eorum & *Encenia*, haud infimam Synagogæ partem, sunt imitati. Cum enim ad apicem deducta ædificia futuris initianda essent usibus, certis id ritibus ac solenni more peragebatur: eratque hæc הנוכה seu inauguratio tum privatis, Deut. XX, 5. tum publicis maxime ædificiis; iisque partim profanis, ut regie Davidis Psalm. XXX, 1. & murorum Hierosolymæ Nehem. XII, 27. partim sacris, communis, quæ Domino consecrata, per has cerimonias a civilibus usibus separabantur, & publicis destinabantur sacris. Sic Dei jussu tabernaculum dedicatum legitur Exod. XL, 34. muneribusque & sacrificiis Principum inauguratum. Num. VII. Templi autem Hierosolymitaniter facta solennis consecratio describitur 1 Reg. VIII, 63. Esr. VI, 16. 1 Macc. IV, 52. & 2 Macc. X. quibus quarta accessit, anno VII. ante natum Christum, ab Herode, post amplificatum a se magnificentiusque reparatum templum secundum, adornata, & anniversario ritu repetita, ut ex Joh. X, 21. apparet. Conf. Vener. Dn. Præsidis *Titulos Psalmor. Diatr. ad Fest. Circumcis. pag. 178.* ubi Psalm. XXX. an in publicam domus sanctuarii, an sedis regie dedicationem compositus sit, solide discutit. Horum itaque ad exemplum, Christiani etiam, quum a vehementissimis persecutionibus paulatim se receperant, & sub Constantino Magno inprimis, glorioso pietatis vindice, clarior Ecclesiæ lux affluisset, templa, quæ erexerant, Deo conse-

crare æquum judicarunt. Ipse Imperator, cum amplissimam Hierosolymis ædem exstruxisset, magna cum solennitate ingentique Episcoporum confluxu, eandem inaugurasse, amplisque ornasse muneribus & Salvatore dicasse, memoratur ab EVSEBIO lib. IV. de vita Const. cap. 43 seqq. & ATHANASIO Apolog. ad Constant. Alia ejusdem templorum Encenia & Oratoriorum dedicationes idem recenset EVSEBIUS lib. X. H. E. cap. 3. Hunc sequuti Episcopi, templa quisque sua initiarunt; quod vel GREGORII NAZIANZENI oratio in novam Dominic. Enceniorum gratia habita, & quinque ejusdem argumenti inter sermones de tempore AUGUSTINI demonstrant; allatisque veterum exemplis juxta ac auctoritatibus ex instituto probat DIETERICVS Conc. III. Encan. Vol. sonderbare Predigten pag. 143 seqq. Hinc etiam in Synodis aliqua consecrationum harum facta fuit mentio; velut Concilium Oecumen. VII. Canone VII. irritas pronunciat templorum inaugurationes ἐκτὸς ἀγίων λειτουργῶν, absque sanctis reliquiis Martyrum peractas, & denuo repeti cum reliquiis ejusmodi & consuetis precationum formulis jubet; eum quoque, qui prius illegitime consecraverat, ὡς παραβηκνῶτα τὰς ἐκκλησιαστικὰς παραδόσεις, deponit. Tantum enim jam desciverat a simplicitate prisca istorum temporum Ecclesia, ut, dum Synodum VII. Constantinopoli habitam An. DCCLIV. (quæ omnes absolute imagines privatim publiceque condemnauerat & ejece- rat) hæc ceu vera Septima Oecumen. Anno DCCLXXXVII. primum Constantinopoli cæpta, dein Nicæam translata, corrigere allaboraret, vitium in contrarium curreret, explosisque prioris Concilii decretis imaginum cultum stabiliret; explosa rursus ipsa & exhibitata in Concilio Francofurt. An. DCCXCIV. Mansisse interim ad hunc usque diem in Græca Ecclesia illibatum Canonis hujus valorem REVEREGIVS ad hunc loc. ex Euehologio ostendit. E Judaicæ quidem Ecclesiæ sacris dedicandi hunc

hunc manasse ritum. *Jus Canonicum docet de Consecrat. dist. I. cap. 17.* Et POLYDOR. VERGILIUS *lib. VI. cap. VIII. pag. 513.* Felix III, inquit, instituit, ut a solis Episcopis dedicarentur templa, essetque ille dies festus anniversarius. Et illud ex imitatione Hebræorum, qui, ut supra ex testimonio IOSEPHI ostendimus, eum quoque festum diem agebant. Et primis quidem sæculis satis pietati conformiter; at postquam Anti-Christus in templo Dei sedem fixit; sacraque omnia idololatria & ἐθελοθρησκείαις contaminavit; mirum non est, hunc etiam ritum in theatricum plane spectaculum, vanasque & superstitiosas ceremonias degenerasse; cuius modernam inter Pontificios rationem exposuit DURAND. *lib. I. Rational. divin. offic. cap. 6. n. 2, 3.* approbavit & defendit BELLARMINUS, *lib. III. de cultu Sanctor. cap. IV. & lib. I. de beat. Sanctor. cap. 20.* exagitavit GERHARDVS, *Loc. Theolog. XXIX. §. 435. & §. 479.* & ad probandam Romanæ Ecclesiæ apostasiam perquam commode adhibuit NICOL. HUNNIUS *de Apost. Rom. Eccles. §. 585. & §. 591.* Paucis & istud hic adjiciendum, Deum infidelium ac hujus sæculi, qui verum supremi Numinis cultum a suis sibi ferme ubique deferri voluit, eundem Ethnicis ritum persuasisse, ut omnis ædes sacra a magistratu, præeunte Pontifice, dedicaretur. Hinc sana nominata, quod Pontifices in sacrando fati sunt finem, VARRO inquit, *lib. V. de ling. Latin.* Vid. LIVIUS *lib. 34. cap. 52.* ubi Junonis Sospiræ in foro olitorio, Fauni item & Fortunæ Primigeniæ in colle Quirinali uno anno dedicatas ædes recenset. Modum autem & solennem dedicationis formulam BRISSONIVS exhibet, *de Formul. lib. I. pag. 114 sqq.* Videat hic iterum SPENCERVS, quomodo dictis suis fidem conciliet, quando illud e constrina dictum: Diabolus est Dei simia; vanum & a vero alienum appellat, Ethnicosque e sacris Judæorum desumptos ritus esse; prolixè negat *de Vrim & Thummim cap. IV. Sect. 13. pag. 226.* cum vel per memoratas dedicatio-

nes, ut innumera alia taceam, confutari queat.

#### §. X. Ritus alii, ex Synagoga ortum ducentes.

Restant adhuc varia, pari deducenda filo, nisi brevitatis legem nobis posuissimus. *Χε-ροθεσία* enim, quam nostræ hodiernum Ecclesiæ in Ordinatione, Baptismo & Absolutione privata servant, Synagoga suos debuisse natus, evinci facile posset: sed sufficiant, quæ de hoc ritu collegit BEVEREG. *ad Can. LXVIII. Apost. & Can. X. Nicæn.* GERHARD. *Locor. Theolog. XXVI. §. 159. & Loc. XXIII. §. 267.* SCHERZER. *Systemat. Theol. Loc. XXV. §. 14.* Sic & Instrumenta Musica e Judaica Ecclesia ortum ducunt; sed & de his videantur PFEIFERVS *Dub. Vex. Psalm. IV. pag. 559.* Venerab. Præses. *Titul. Psalmor. ad Domin. XII. Trinitat. pag. 591 seqq. & Diatr. seqq. pag. 604. item ad Domin. II. Epiphan. pag. 214.* GEIERVS *Commentar. in Psalmos passim.* DIETERICVS *Conc. VII. Encæn. pag. 253 seqq.* Quibus addi potest VOSSIVS *de IV. artib. popular. cap. 4. pag. 36 seqq.* Sic etiam, ut Vnctionem, Confessionem & alia præteream; instituenda fuisset Legis Forensis ad Moralem reductio, præstita jam a GERHARDO *Locor. Theolog. XVI. §. 30 sqq.* FRIEDLIEB. *Medull. Theolog. fol. 175.* SCHERZER. *Systemat. Loc. IX. §. ult.* Inquirendum etiam in sententiam doctissimi LIGHTFOOTI fuisset, qua Baptismum, Johannis demum tempore innotuisse negat, cum plurimis annorum retro centuriis & notus, & frequentissimo apud Judæos usu receptus fuerit Baptismus; in ipsissimum eundem, quo nunc apud Christianos obtinet, finem nempe, ut per eum admitterentur Proselyti in Ecclesiam; idque late postmodum deducit, & e veteribus Hebræorum monumentis probare satagit Hor. *Hebraic. ad Matth. III, 6. pag. 218 seqq.* Ostendendum quoque, quo pacto ceri-



monie Leviticæ, utpote ad primam Decalogi tabulam reducibiles, specialem legi morali explicationem ac determinationem temporariam addiderint, suamque ex illa originem habuerint. Tandem etiam circa famosam illam dispiciendum fuisset controversiam: Num sepulta Synagoga reducenda iterum & suscitanda unquam sit? quod Judæi sperant, & Chiliastræ veteres existimant, modernique requunt, refutati ab *August. Confession. Art. XVII. Venerab. Domin. Præsidente, Animadvers. in Fa-*

*natic. §. 79 seqq. GERHARDO in Disputat. II. & III. de novis Fanaticis Pars. II. Disputat. Theolog. pag. m. 1010 seqq. & 1034. DIETERRICO de Fanaticismo Chiliastrarum, adjecta Mysteriolog. pag. 456 seqq. CARPZOVIO Commentar. ad SCHICKARDI ח"ב cap. I. Theor. I. pag. 30. aliisque. Nos, colophonem dissertationi huic imponentes humillimas Supremo Numini gratias decernimus; ab æquo autem & benevolo lectore erratorum veniam de facili nobis pollicemur.*

S. D. G.





# INDEX I.

## LOCORVM SCRIPTVRAE SACRAE.

*Signum (.), refertur ad GOODWINVM. Signum (\*), indicat locum  
data opera illustratum.*

GENESIS.			CAP.	VERS.	PAG.	CAP.	VERS.	PAG.
CAP.	VERS.	PAG.	III,	4. 5.	770 fqq.	XXXII,	26-29.	103*
III,	21.	705	XII,	2.	452	XXXIII,	7.	248
IV,	3, 4.	114, 115*		3, 6.	400	XXXIV,	29, 35.	97†. 511 fqq.
	26.	308		5.	398*	XXXV,	3.	62†. 392
XII,	3.	4		6.	65† fqq. * 401 fqq. *	XXXVIII,	8.	287 fqq.
	22.	148†. 652		8.	402 fqq. *	XXXIX,	29.	103*
XIV,	23.	149†		15.	67†. 405*	XL,	22.	249
XVII,	14.	405		18.	345			
XVIII,	4.	365, 366*		27.	395	LEVITICVS.		
	19.	729 fqq.	XIII,	1, 2, 11.	2 fqq.	II,	13.	720
	22.	44†		9.	193 fqq. *	VIII,	33.	95
XIX,	1.	331	XIV,	2.	496 fqq.	X,	6.	95*
	2.	365	XVI,	23.	390		8.	705
	27.	322		33, 34.	260	XVI,	13.	260
XXI,	10.	2	XIX,	12.	584*		34.	437
XXII,	17.	46†. 330		15.	449	XIX,	23, 24.	132†. 611 fqq.
XXIII,	16.	695 fqq.		22.	4		35.	680 fqq.
XXIV,	2.	148†. 653	XX,	18.	751	XX,	9.	579
	55.	139† fqq. 628*		21.	59†	XXI,	2, 3.	97† fqq. *
	60.	330		24.	252		10.	95*, 649
XXV,	33.	2		26.	71		12.	60
XXVII,	1 fqq.	3	XXI,	24, 25.	528	XXIII,	6, 27, 32.	345
	29.	2	XXIII,	8.	361		10, 11.	70†. 412
XXVIII,	22.	332	XXIV,	5.	4	XXIV,	1-3.	283
XXIX,	27.	141†. 632 fqq.	XXV,	1 fqq.	252*		5-9.	277 fqq. *
XXX,	27.	542		8.	249	XXV,	8 fqq.	450 fqq. *
XXXI,	30, 34.	103		23-30.	277 fqq. *	XXVI,	30.	97†. 333, 511
	53.	480		31-39.	281 fqq. *	XXVII,	21.	614
XXXIII,	19.	161†. 688	XXVIII,	4, 39.	72		30.	619 fqq.
XXXV,	16.	158†. 679 fqq.		41.	67		32.	136†. 623.
XLIII,	32.	369	XXIX,	22.	95	NUMERI.		
	33.	2	XXX,	1-10.	271 fqq.	II,	17.	264
XLIV,	5, 15.	542		6.	275*	IV,	3.	91
XLVII,	29.	148†. 653		7, 8.	283		15.	261
XLVIII,	7.	679 fqq. *		10.	437	VI,	2-8.	152-155*
	14.	3		13.	249	VII,	89.	522
XLIX,	3.	2		18 fqq.	287 fqq. *	IX,	2, 3.	283, 395
	7.	16†. 131*		32.	301*	X,	5.	457
	10.	3†. 9, 19*		33, 38.	405		21.	261
			XXXI,	14.	405		33.	264
			XXXII,	20.	96†. 506 fqq. *		35.	260
				24.	95†			XIV,
I,	II.	157†.						



# INDEX I. LOCORVM SCRIPTVRAE SACRAE.

CAP.	VERS.	PAG.	CAP.	VERS.	PAG.	CAP.	VERS.	PAG.
XIV,	44.	264	VI,	26.	333	VI,	22.	271
XV,	37, 38.	197 fqq.	VII,	1.	44†	VIII,	9.	262 fqq.*
XVIII,	2.	249		19.	347, 348*		12.	749 fqq.*
	19.	720 fqq.	XIV,	11.	140†, 63†		31.	654 fqq.*
XXV,	4.	591*	XVII,	5.	103	XII,	11.	125†, 590
XXXVIII,	16.	68†		9.	118	XVIII,	21.	493 fqq.
XXXIII,	52.	333	XIX,	21.	365		23.	334
XXXV,	6.	339					26, 28	89†
DEVTERONOM.			RVTH.			XX,	10.	149†, 659
III,	4.	677	IV,	7.	770, 781	XXI,	9.	578
VII,	13.	511	LIB. I. SAMVELIS.			LIBER II. REGVM.		
VII,	26.	557	III,	1.	122	II,	9.	139†, 3
X,	1, 3.	263	IV,	7.	260		12.	15†
XII,	18.	118		21 fqq.	262	IV,	29.	363
XIV,	28.	621 fqq.*	V,	4.	500	V,	17.	519 fqq.
XV,	7 fqq.	727 fqq.*	VII,	1, 2.	333		19.	679 fqq.
	19.	614	X,	5.	677	VI,	25.	159†, 682*
XVI,	5.	330	XIV,	18.	264	XI,	12.	57
XVII,	12.	551		44.	149†, 659	XII,	31.	334
XVIII,	4.	614	XVI,	11.	57†	XVI,	3.	487
	10.	487	XIX,	13	103†, 538*	XVII,	30, 31.	48†, 516 fqq.*
XXI,	11 fqq.	44	XX,	3.	678	XXI,	7.	335 fqq. 509
	17.	2	XXI,	6.	280*	XXIII,	6	47†, 336
	22.	592	XXV,	1.	643		11.	490
XXII,	5.	98†, 514 fqq.		4†.	366	XXVII,	10.	335
	8.	579	XXVIII.	6, 8.	107†, 547*	LIB. I. CHRONIC.		
XXVIII,	4.	511	XXX,	7.	75	V,	1, 2.	2
XXXII,	2.	319	LIB. II. SAMVELIS.			IX,	18.	329
	9.	678	I,	16.	579, 711	XV,	11 fqq.	26†
	15.	6	VI,	2 fqq.	260, 261, 266	XVI,	3.	370
	40.	652		13.	678	XXI,	25.	693
XXXIII,	5.	6*		19.	369	XXIII,	28.	273
	16.	157	VII,	18.	44†, 324		29.	681
	26.	6	VIII,	18.	70	XXVI,	18.	293
IOSVA.			XI,	11.	264	XXIX,	7.	694
II,	19.	579	XII,	13.	711	LIB. II. CHRONIC.		
III,	4.	389		31.	596	V,	10.	262 fqq.*
V,	1.	610	XVIII,	24.	33†	VII,	3.	323
	13 fqq.	776 fqq.	XXI,	4.	693	XIII,	5.	720 fqq.
VIII,	29.	591		9.	59†	XVI,	ult.	642
IX,	6.	156†	XXII,	11.	268	XIX,	5, 8, 11.	55†
X,	26.	591	LIBER I. REGVM.			XXIV,	22.	285
XX,	9.	336	I,	39.	57, 58	XXX,	2.	5
LIB. IVDIC.			II,	34.	643		16.	406
V,	11.	331		44 fqq.	579	XXXI,	5.	620
VI,	25, 28.	335 fqq. 509	III,	2, 4.	334*	XXXV,	11.	406
						ESDRAS.		

# INDEX I. LOCORVM SCRIPTVRAE SACRAE.

CAP.	VERS.	PAG.	CAP.	VERS.	PAG.	CAP.	VERS.	PAG.
ESDRAS.			LXXIV,	8.	42, 43†. 309*	XXV,	10.	597
II,	63.	301	LXXV,	9.	382	XXVII,	9.	97†
	69.	694	LXXVI,	10.	114†	XXVIII,	27.	597
NEHEMIAS.			LXXXI,	4, 5.	74†. 424	XXX,	29.	135†
			LXXXIV,	7.	144	XXXIII,	18.	119
			LXXXIX,	21.	57	XXXVIII,	8.	352 fqq.*
III,	3, 13, 14, 15, 28.	327	XCV,	6.	323	XL,	12.	673, 674 fqq.
VII,	65.	301	XCVII,	2.	758 fqq.*	XLI,	10.	597
VIII,	10.	370	XCIX,	1.	39†	XLII,	4.	4
				6.	69, 70*	XLIV,	2.	6
ESTHER.			CII,	12.	44†	XLVI,	6.	693
I,	8.	58†	CVII,	18.	330	L,	6.	441
IX,	22.	370	CIX,	6.	565	LI,	22.	382
	25.	711		7.	113, 114†	LII,	4 fqq.	441
				31.	113†. 565		6.	712
IOBVS.			CX,	5.	565	LIV,	14.	733*
XVI,	13.	402	CXII,	9.	734 fqq.*	LVII,	5.	335
XX,	14, 25.	402	CXVI,	13.	381*	LVIII,	13.	390 fqq.
XXI,	20.	382	CXVIII,	27.	361	LX,	2.	758
XXII,	13.	758	CXXI,	5.	565	LXI,	1 fqq.	468
XXVIII,	25.	673	CXXII,	2.	330		2.	428
XXXI,	11.	563		4.	260	LXIII,	4.	428, 468
XLII,	11.	381	CXXXII,	8.	260	LXIV,	11.	262
				13 fqq.	256	LXVI,	23.	383
PSALMI.			PROVERBIA.			IEREMIAS.		
I,	5.	114†. 567 fqq.*	I,	3, 21.	319	II,	22.	289
II,	5.	68	IV,	10.	44†	VII,	18.	97†. 510*
VII,	17.	711		12.	319		22.	703
IX,	14, 15.	330	VIII,	23.	68	XII,	16.	758
XV,	1.	38†	IX,	2, 3.	319	XVII,	19.	326
XVI,	3.	4		9.	44†	XX,	2.	328
	5.	369	XX,	26.	127†. 597 fqq.	XXV,	15.	382
	6.	158†	XXXI,	6.	381	XXVI,	8.	55†
	8.	565	COHELETH.			XXIX,	26.	128†. 600*
XVII,	15.	734*	IX,	8.	368	XXXIII,	13.	623
XVIII,	10.	755*	X,	17.	63*	XXXIV,	18.	156†
XIX,	5, 6.	140†. 630				XXXVI,	6, 8, 18.	148 fqq.*
XXIII,	5.	55†. 368	IESAIAS.			XL,	5.	53†. 360
XXIV,	7, 8, 9.	260, 327, 330	I,	12.	703	XLIV,	17.	97†. 510*
XXVI,	6.	25†		27.	732 fqq.*	XLVIII,	7.	93†. 496
	8.	262	III,	18.	774	LII,	24.	98
XLV,	8.	4	VI,	13.	329	EZECHIEL.		
	15.	631	XI,	15.	782	I,	10.	155†
XLVII,	6.	260	XIV,	30.	2	IV,	11, 16, 18.	681
	7.	428	XVII,	8.	97†	VI,	13.	335
LX,	10.	55†. 367 fqq.*	XVIII,	2.	92†. 492 fqq.*	VIII,	10, 12.	99†. 515 fqq.*
	18.	268	XXII,	1.	122		14.	491
LXII,	10.	330						XVI,
LXVIII,	18.	268						



# INDEX I. LOCORVM SCRIPTVRAE SACRAE.

CAP.	VERS.	PAG.	CAP.	VERS.	PAG.	CAP.	VERS.	PAG.
XVI,	18.	630	IX,	9.	327, 468	XXI,	9.	71†. 416
XX,	5. 6.	652		14.	468		12.	326
	37.	623	XIII,	1.	289	XXII,	16, 17.	31, 37†. 246,
XXIII,	41.	57†						247*. 690
XXVIII,	14.	268	MALACHIAS.				19.	161†
XXXIII,	4.	711	III,	21.	2		23.	613
XXXIV,	12.	758					32.	208
XLI,	6.	675	I,	7. 8.	136†. 621 fqq.	XXIII,	2.	144
XLII,	9.	256					5.	25† fqq. 198 fqq.*
XLIII,	13.	676 fqq.	I,	16.	132†. 610		15.	5*
							18.	149† fqq. 657
DANIEL.			LIB. II. MACCAB.				23.	138†. 620
IV,	24.	736 fqq.*	VI,	19.	127† fqq.		27.	644 fqq.*
VI,	10.	322					29 fqq.	201 fqq.*
IX,	20, 24.	51†. 355	LIB. III. MACCAB.				35.	285
			V,	12.	380	XXIV,	1.	329
HOSEAS.						XXVI,	3.	134
II,	13.	425	II,	23.	161*, 799		5.	313
IV,	13.	335	IV,	23.	319		6.	368
V,	12.	547 fqq.	V,	13.	721*		15.	689 fqq.
XIII,	11.	8		21 fqq.	115†		17.	68†. 404. 410*
				22.	87. 88†*. 480*		28.	373
IOEL.				26.	688		64.	650
II,	2.	758		41.	679		65.	96
	16.	630	VI,	1.	737 fqq.*	XXVII,	1.	578
	17.	285		17.	368		3.	689 fqq.
AMOSVS.			VII,	2.	673		15.	409*
I,	3.	597	VIII,	11.	57†		25.	119†
II,	8.	57†	IX,	11.	17†. 130		26.	126†. 594
	13.	597		15.	140†. 631		32.	113
V,	25.	253	X,	23.	148†. 651		34.	119† fqq.
	26. 89†. 252. 488. 489*			12, 13.	53†		37.	579
VI,	6.	368		17.	55†		39, 48.	120†
	10.	642		27.	311		60.	146†. 644
VII,	17.	677	XI,	29.	160, 161†. 688	XXVIII,	2.	664
MICHAS.				19.	30			
II,	5.	678	XII,	41.	114†. 567*			
			XIV.	9.	17	V,	22.	43†
HABACVC.			XV,	5.	150†. 657 fqq.*	VI,	14.	17
II,	11.	123†. 588	XVI,	18.	116†. 330		22.	311
				19.	144		27.	119†. 579
ZEPHANIAS.			XVII,	5.	526		40, 41.	64† fqq. 369
I,	15.	758		24.	161†. 690 fqq.	VII,	3.	24†. 185, 186*
II,	5.	677	XVIII,	6.	598 fqq.		4.	25†. 187, 188*
				18.	144	VIII,	15.	37†. 247*
HAGGAL.			XIX,	3-12.	232 fqq.*	IX,	49	722 fqq.*
II,	9.	42†. 304 fqq.* 755	XX,	1-12.	52†. 348*	XI,	28.	132
				22.	382		39.	375
ZACHARIAS.				35.	132		42.	160†. 687
III,	1.	113†. 565						XIV,

INDEX I. LOCORVM SCRIPTVRAE SACRAE.

CAP. PAG.			JOHANNES.			CAP. PAG.			ACTA APOSTOLOR.		
	VERS.	PAG.		VERS.	PAG.		VERS.	PAG.		VERS.	PAG.
XIV,	12.	404	I,	14.	254, 755	XIX,	34.	289	I,	12.	389
	63.	650		18.	57† 376	XX,	16.	140	II,	13.	321
XV,	1.	578		25.	48. 49				III,	3.	766
	15.	594	II,	6.	54† 199 367*				IV,	5.	42
	23.	119† 199 580 199*		13.	395				V,	15.	51† 379
	25.	51† 349 199*		14.	293				VI,	36.	4
XVI,	26.	579		15.	163† 326, 696 199.				VII,	1.	51† 351
	5.	644		19.	14† 633				VIII,	6.	432
				20.	41† 296 199.*				IX,	11.	40†
I,	5.	12†	III,	1.	119				X,	4.	432
	15, 24.	160 199.		5, 10.	48				XI,	27.	441
II,	1.	36† 242 199.*		29.	631				XII,	37.	36† 241 199.
	23.	2		34.	4				XIII,	9.	309 199.*
	46.	136	IV,	9.	29†				XIV,	43.	89† 252, 488 199.*
III,	1.	28		10.	289				XV,	51.	605
	19.	17		20.	31† 213				XVI,	55.	565
IV,	18.	428		27.	130				XVII,	58.	432
	20.	43† 314		46.	246				XVIII,	27.	41*
V,	34.	631	VI,	4.	395				XIX,	40.	17
VI,	1.	70† 413*	VII,	37.	384				XX,	30.	17
VII,	34.	30		38.	73†				XXI,	9.	51†
	37, 38.	55† 368		49.	23†				XXII,	21.	431
	38, 45.	364*		20.	40†				XXIII,	23.	431
VIII,	44.	27† 199		33.	31					19.	586
X,	4.	363		36.	468					2.	133† 614 199.*
	39.	19† 146.		22.	83† 472					42.	60† 384 199.*
	42.	369		23.	40† 293					21.	308 199.
XI,	44.	132, 644 199.*		9.	49†					28, 29.	808*
	45.	170		13.	527 199.					3.	605, 798
	52.	144		2.	67† 373, 408					13.	44† 320
XXII,	58.	113† 565		5.	54†					22.	125†
XXIII,	1.	36† 244*		9.	188					27.	586
	33, 34.	116† 571		15.	54†					23.	84† 199, 476 199.*
XIV,	1.	380.		23.	57					18.	158 199.* 800 199.
XV,	2.	130		2, 3.	468					21.	805
XVI,	22.	57†		8.	67† 405					2.	524*
XXVIII,	11.	23†		8, 14.	319					8, 9.	43†
	12.	25, 138† 190, 620		17.	615					14.	689
XIX,	23.	697		13.	99 199.					24.	513 199.*
XXI,	1.	40† 292		31.	120† 199.* 431 199.					28.	9†
	2.	160† 687			582 199.*					35.	512
XXII,	20.	373		39.	409*					21 199.	800
	42.	382		1, 10.	28					23.	159 199.*
	66.	578		13.	116† 570*					3.	19† 146*
XXIII,	11.	8† 63, 64*		14.	51† 349 199.*					5.	87
	22.	594		19.	579						
	27.	581		23.	72						
	38.	579		31.	60† 384*						
					Mmm mm						
											XXII,



# INDEX I. LOCORVM SCRIPTVRAE SACRAE.

CAP.	VERS.	PAG.
XXIII,	6.	29†
	8, 9.	181*
	12.	659
XXIV,	5.	162
	24.	19
XXV,	13.	18
XXVI,	28.	18
XXVII,	9.	433

## AD ROMAN.

I,	I.	133†. 174 fqq. 614
IV,	II.	601 fqq.
V,	6, 7.	21†. 167 fqq.*
VIII,	9, II.	69
	17.	4
X,	18.	468
XI,	6.	132†. 611
	16.	4
XIII,	II.	428

## I AD CORINTH.

I,	20.	119
III,	21, 22	4
IV,	13.	79†
V,	5.	110†. 559
	7, 8.	373
VII,	3.	142†. 634
	18.	132†. 609*
VIII,	5.	92†. 494 fqq.*
IX,	24.	679
X,	2.	258 fqq.
	16.	380
XI,	10.	142†. 635*
	26.	64†
XIV,	29.	136
XV,	29.	145†*. 640 fqq.*
	32.	126†. 597
XVI,	22.	11†. 559

## II AD CORINTH.

I,	22.	602
V,	ult.	712
IX,	2.	735 fqq.*
XI,	34.	590

## AD GALAT.

CAP.	VERS.	PAG.
I,	I.	175
II,	3.	605
III,	13.	592
V,	3.	605

## AD EPHES.

I,	13.	602
III,	12.	468
	16.	602
IV,	30.	602
V,	14.	428

## AD PHILIPP.

III,	5.	145
IV,	22.	246

## AD COLOSS.

I,	15, 18.	4
	28.	468
II,	integ.	35†. 233 fqq.*
	9.	42†. 254, 755
	11.	603
	22, 23.	701

## I AD TIMOTH.

I,	15.	44†
	20.	559
III,	2.	144†
	13.	13†
	15.	254
IV,	3.	35†
V,	9.	144†
	23.	35†

## AD TITVM.

III,	7.	4
	9.	38

## AD HEBRAEOS.

I,	I.	100†. 521, 528
	3.	4
II,	14, 15.	468
III,	6.	254
IV,	9.	383

CAP.	VERS.	PAG.
V,	11, 12.	55
VII,	3.	55
	8.	54
	25.	65
IX,	3.	250
	3, 4.	39†. 259-263*
	7.	437
	10.	94
	14.	287
	15.	373
	23.	289
	26.	92
X,	7.	662 fqq.
	19.	65
	22.	94
XI,	4.	700 fqq.*
	35.	127†. 599 fqq.
XII,	22.	4
XIII,	21.	210

## JACOBI.

II,	2.	8†. 63
-----	----	--------

## I PETRI.

I,	18.	135†. 693
II,	9.	4
	24.	712
III,	9.	4

## I JOHANNIS.

I,	5.	759
II,	1.	113†
V,	6.	289

## JVDAS.

v. II.		473
15.		560

## APOCAL.

I,	13.	284
II,	17.	114†. 567
V,	6, 9.	428
VI,	9.	287
X,	5.	653
XXI,	3.	254
XXII,	16.	2

# INDEX II. VOCVM HEBRAICARVM.

א	אב בית דין	109†. 313, 553	בית	315	הביא	114 fqq.
	אביב	624	בכורים	615 fqq.	הגשה	613
	אבנט	72	בכירה	2	הוביל	449
	אבן משכית	515	במות	333	הושענה	416
	אגורה	161†. 688 fqq.	בן בנכג	5†. 32	היז	159†. 685
	אדמה	774 fqq.	בני פשוטים	2	הלכה	712
	אדון	776	בן שנה	65†. 399	הלום	773
	אדרכון	162†. 694	בעל כרית	130†.	הנס	87†. 485 fqq.
	אדמלך	518 fqq.	606 fqq. בעל זכוב	93†. 497.	העביר באש	487
	אהל מועד	249	בעל משתה	58†. 378.	הפגיע	44†
	איב	106†. 544	פער	93†. 495 fqq.	השיא	629
	אור	85, 86†. 479 fqq.	בעלים	493	השתחווה	323
	אורים ותמים	76 fqq.	בצדק	734	התגורר	648
	איסור	160†. 688	בצע	55†. 370	זבח	396
	איפה	159†. 683	פריית מלח	720 fqq.	זון	162†. 633, 691
	אירוסין	629	ברך	53†. 380	זהב	162†. 693
	אישת	625	ברכה	380	זכר	138†
	אלולים	498	בשר ערוה	71	זר	273, 278
	אמה	157†. 675	בת	159†. 526, 686	זרת	157†. 674
	אנשי מעמר	109	בת קול	102†. 525 fqq.		
	אסטרות	679	ג		ח	
	אסטריון	679	גבאי צדקה	745	חבורת	399
	אפוך	74 fqq.	גג	272	חבל	158†. 677 fqq.
	אצבע	157†. 673	גדלים	197	חבר	142
	ארוחה	53†. 360	גומד	675	חגג, חג	53†. 361
	ארוסה, ארוס	629	גלולים	498	חג האסיף תקופת השנה	414 fqq.
	אשימה	517 fqq.	גלל	146†	חג הקציר	411, 414
	אשמורת בקר	50†. 347	גמטריא	534	חג השבועות	411
	אשמורת תיכונה	49†	גרה	161†. 688, 695	חג חמישים יום	411
	אשמות	707 fqq.	ד		חג ערבים	418
	אשפר	369	דבר	777	חג שמחת תורה	420
	אשרה	335, 508 fqq.	דורש אל המתים	107†. 546	חררי משכית	99†. 515 fqq.
	אתרוג	416	דלתות	663	חובר	106†. 544
ב	ב' של שלשה	311	דמאי	624	חולים	60†
	בהקץ	734	דמיו בו	579	חופה	140†. 629 fqq.
	בטלנים	310	דינר	691	חורים	8†. 63
	ביאת השבת	60†. 385	דרור	461	חזון	121
	בין הערבים	65, 66†. 401 fqq.	דרכין, דרכמן	162†. 694	חזן	314
	חשמית	385	דרשן	136	חזן הכנסת	311
	ביצה	681	ה		חטאות	706 fqq.
			הבאת	525	חילוף	535
				712	חמנים	97†. 333, 511
					חמר	



# INDEX II. VOCVM HEBRAICARVM.

חמר	159†. 684	כפות	278	מנחש	105†. 542
חסור	21†. 165	כרוב	268 fqq.	מנעל	774, 779
חסר ימלא	534	כרות הברית	156†	מנקיות	278
חצוצרה	455	כריעה	323	מסכה	57†. 376 fqq.
חרט	503	כרת	405	מסגרת	278
חרטומים	543	כתונת	650	מסר	319
חרם	110†. 556 fqq. 614	ל		מעל	774
חשכים	8†	לוג	159†. 685	מעלות	354 fqq.
חשמנים	11	לולב	416	מעונן	104†. 540 fqq.
חשן	75	לחם המערכת	278. לחם	מעיל	73, 650
חתן	629	פנים	ibid.	מערה	146†
ט		לפני מזבח	654 fqq.	מעשר יהוה	615
טרי	329 fqq.	לפני הפרכת	275	מפשר מן המעשר	136†. 621
טופת	157†. 674	לקוחין	629	מעשר ראשון	136†. 615, 620
טפח עצב	676	לקחת, לקח	319	מעשר שני	136†. 621
טפח שוחק	676	לשון זהורית	435	מפשעה	678
טרקלין	377	לשכת הגזות	116†. 569 fqq.	מצבה	679
		לתך	159†. 684	מצנפת	61, 84
יורעני	106†. 545	מ		מקורשת	629
יחודה	21	מבין רגליו	23 fqq.	מקום	774
יהוה	85†. 476-479, 753	מגלה	151†. 662	מקשה	282
יוכל	82†. 447 fqq.	מרה	673	מרורים	402 fqq.
יום המלח	718 fqq.	מום	93	מרעים	631
ימים	139, 140†. 628	מועד אל	309	משא	121 fqq.
יקהת	25	מור	580	משאות	369
ישורון	6	מזבח	271	משח	68
ירה	584	מול טוב	141†. 633	משך היזבל	448 fqq.
כ		מחוקק	20-22	משוכים	610
כברה	158†. 679 fqq.	מחזור	357	משורה	680 fqq.
כהן משנה	98 fqq. 69	מחלצות	781	משיכות	610
כוכים	146†	מחתות	283	משכית	333
כוס היין החמה	382.	מטטרון	669	משתה	53†. 361
כוס ישיועות	380.	מילא, מיל	679	נ	
כוס תנחומים	381.	מכבי	10	נאם יהוה	120 fqq.
כור	159†. 684	מכנסי בר	71	נבו	100†. 520 fqq.
כיון	90†. 490 fqq.	מכשף	542 fqq.	נכואה	100†. 522 fqq.
כיוור	287	מלאים, מלא	95, 103 fqq.	נבחן	518
בכר	163†. 695	מלח	718 fqq.	נרבה	706
כלה	629	מלך	7	נרוי	110†. 555
כמיש	93†. 496	מלכת השמים	97†. 510	נרוניא	639
כן	778	מלקחים	282	נדר	706
כניסה לחופה	629 fqq.	ממונה על החולים	787	נזר	60
כסף	161†. 689 fqq.	מנה	163†. 694	נזיר	152
כפורת	267, 521 fqq.	מנחות	708	נוטריקון	534
				נסך	

## INDEX II. VOCVM HEBRAICARVM.

Mmm mm 3



# INDEX II. VOCVM HEBRAICARVM.

רום, רוס	679	שליחי	61. 311.	ח	
רמון	519	צבור	314	תוכה	639
רעות	631	שלמים	706	תורה	706
רק	263	שלף	781	תוך	772
ש		שמטה	442	תמים	400
שבט	20	שמטת הארץ	442	תמון	91
שבת	59, 60. 382	שמטת כספים	443	תמורה	534
שבת הנדול	60. 384	שמטת ליהוה	80	תמחוי	745
שבתות	355	שמונה	160. 687	תנופה	412, 613, 709
שדוכין	628	שמינו עצרת	416	תפוח	286
שה	398	שמתא	11. 559	תפת	87. 484
שוב	355	שופרות. 455.	291	תקיעה, תקיעה	155. 457, 670
שור	680	שופרות היובלים	448	תרומה	613, 615, 616, 709
שטר, שטר ארוסין, שטר	629	שוקל	119	תרומה גדולה	133. 615
כטובה	629	שקל	162, 163. 691	תרומת מעשר	133
שורת	680	שר	777	תרועה	155. 457, 670
שורי המעלות	291	שרט	648	תורגבין	311
שכינה	754	שורש	2	תרפים, תרף	403, 537
שכר	152	שושבינים	631	תרתק	518
שילת	24	שתית	258	תשבץ	72

# INDEX III. VOCVM GRAECARVM.

A.		Αποπομπή	638	Βελεσάμεν	495
Αγγαρεύειν	113	Αποσυναγωγή	110	Βελομαντεία	548
Αγιάζειν	615	Αποσυνάγωγος	671	Γ.	
Αγνέειν	60. 386	Αργύριον	161. 689	Γαββαθᾶ	570
Αγνωςος Θεός	84. 476	Ἀρσεν διαναΐγον μήτραν	2	Γαστρομαντεία	545
Αἰχμαλωτάρχαι	8	Ἀρχισυνάγωγος	311, 313	Γνώμων	351
Αἰρώσις	112. 561	Ἀρχιτελώνης	41. 30	Γραμματεὺς	119, 130
Ακροβυστία	602	Ἀρχιτελώνης	58. 141. 378, 633	Γραμματοεπισταγωγῆς	564
Ἀλας	718	Ἀρχιτελώνης	10	Γυνή	19
Ἀλας τῆς γῆς	721	Ἀρχων	119	Δ.	
ἈλεκτοροΦωνία	50. 347	Ἀσάριον	41	Δαίμων	546
Ἀλε	718	Ἀσάριον	160, 161. 688	Δακτυλαδόχμη	674
Ἀνάθεμα, ἀνάθημα	110. 557	Ἀσυλα	336	Δανειστής	697
Ἀνασηναί εἰς κρίσιν	114	Ἀσφαλίτης	718	Δεκάτη δευτέρα, δεκάτη τρίτη	136. 621
Ἀνασηναί ἐν κρίσει	114. 567	Ἀφάρισμα μέγα	615	Δευτερόπρωτον σάββατον	413
Ἀνέορται	601	Ἀφορίζειν	133. 614	Δευτερεῖν	161. 128
Ἀνώγειν	377	Ἀφορισμός μέγας	615	Ἰδραχμαν	161. 698
Ἀπαρχή	4	B.		Δικαιοσύνη	735
Ἀπαρχή κατ' ἐνιαυτὸν	437	Βαπτίζειν	187	Δοχμή	674
Ἀποδοχή	441	Βασιλεὺς	17	Δῶρον, δῶρε	150. 657
Ἀπόκλησις	638	Βασιλικαί	246		701
Ἀποπομπαῖος	78	Βελεσάμεν	93. 498	E. E.	

# INDEX III. VOCVM GRAECARVM.

E.		Κορβαῖν	149, 150†. 657	199.	Περὶ δειπνον	647
Ἐβραῖος	34	Κορεῖν	512		Περικαθάραματα	79†
Ἐβραῖος ἐξ ἑβραίων	5†. 32	Κοτύλη	686		Περιεργαντήριον	287
Ἐγγαστήριμοι	106†. 544	Κρανία τόπος	256		Περιομή	602
Ἐθναρχὴς	10	Κρεσπεδον	199		Περὶ ψῆμα	79†. 440
Ἐδολόθута	808	Κρεῖσις	115†.		Πέτρα ἀποκαθάρσας	258 199.
Εἰρήνη	53†	Κρόνος	482		Πνεῦμα ἅγιον	524
Εἰσαγωγαίς τῶν γραφῶν	565	Κύριοι	495		Ποδοκλήτης, ποδοσφαιστής	586
Ελέατρος	633	Λ.			Πολυμερῶς	100†. 521
Ελεημοσύνη	739	Λεπτεῖς	160†. 687		Πολυτρόπως	100†. 521
Ἕλληνες, ἑλληνισαί	35	Λιθόσφωτος	116†. 570		Πράκτωρ	113†. 565
Ευεργοί	60†	Λετήρ	287		Πρασιναί	65†
Ενταφίασεν	146†	Μ.			Πρόκλαυσις	112†. 562
Εξουσία	142†. 635	Μάστιγες ἀσφαλιωταί	125†		Προσευχή	44†. 320
Εορτή	409, 805	Μεταξὺ σαββάτων	60†. 384	199.	Προσήλυτος	6†. 39
Ἐπισπᾶσθαι, ἐπισπασμός, ἐπι- σπασμοί	610	Μίλιον, Μιλίαιον	679		Πρωί	50†. 347 199.
Ἐπίτροπος	28	Μινᾶ	163†. 694		Πρώτη	242
Εργάσιμοι	60†	Μνημεῖα ἀδελφά	645		Πρώτη τῶν σαββάτων	70†
Ἐσχάρα	272	Μυρεψοί	105†		Πρωτοκαθεδρία	19†
Ευλαβείας	42	Ν.			Πρωτοκλισία	375
Ευνοια	634	Ναζωραῖος	799		Πτωχεδεκάτη	136†. 621
Ευχὴ μεγάλη	152, 800	Ναοὶ ἀργυροί	98†. 513	199.	Πυγμή	24†. 185 199.
Εφημερίαι	100 199.	Νευνομάντες	545		Ρ.	
		Νεωκέρως	512		Ῥαβδομαντεία	547. 199.
Ζ		Νιπτήρ	54†. 367		Ῥίξα	2
Ζεὺς ἀπόμυιος	497 199.	Νυμφαγωγοί	631		Σ.	
Ζῆ	54	Ξεῖς	160†. 686		Σανδάλιον	779 199.
Η		Ο.			Σάτον	159†. 683
Ἡγεμονία	28	Ὁδὸς κυρία	473		Σημεῖον τῆς περιτομῆς	601 199.
Θ.		Ὁδὸς σαββάτης	389		Σικηνή	417
Θεραπεύειν	103†	Ὁδὸς τῆς δικαιοσύνης	473		Σικινοπηγία	71†. 414
Θυμιατήριον	259	Ὁδὸς τῆς Καὶν	473		Σοφός	119
Θυσοκόπος	549	Ὀνέπται	58†		Σπεκελάτωρ	119†. 579
Θυρσοφορία	72†. 417	Οἶνος ἐσμενισμένος	119†. 580	199.	Σπιθαμή	157†. 674
Ι.		Ὀϊφί	683		Σπλαγχνοσκοπός	549
Ἰεροσκόπος	549	Ὀφθαλμὸς ἀπλῆς, ὀφθαλμὸς πονηρὸς	744		Συζήτησις	119
Ἰμάτιον	650	Ὀφθαλμοί	58†. 378		Συμπόσιον	65†
Κ.		Ὀψέ	50†. 347		Συμποσίερχος	378
Κατὰ	409	Π.			Συναγωγή	42†. 307
Καταδεδικασμένος ἐξελεῖν	114†	Παλαιστής	157†. 674		Συνέδριον	115†
Καταποντισμός	127†. 598	Παλακή	626		Συνιστάμενοι	561
Κενοτάφια	539 199.	Παραδέναι τινα τῷ σατανᾷ	110†		Σύσκιος	11†. 561
Κέρως	97†	Παρανόμιοι αἱ	631 199.		Στάδιον	158†. 678 199.
Κέρμα	163†. 696 199.	Παρασκευή	60†. 686		Στατήρ	161†. 690 199.
Κερματισαί	164†. 697	Παρεῖσδος σαββάτης	60†		Σφραγὶς τῆς δικαιοσύνης τῆς πρῆ- σεως	601 199.
Κεφαλὴ βιβλίου	662 199.	Παυσικάτης	586		Τ.	
Κιβωτὸς τῆς διαθήκης	260	Πεντεσύριγγον	586		Τάφοι κενονιαμένοι	645
Κοδράνης	160†. 687 199.	Πεντηκὼστή	70†		Τραπέζιται	164†. 697
Κολλυβισαί	164†. 697				Τροχός	127†. 598
Κονίσεσθαι	147				Τύμπα-	



# INDEX III. VOCVM GRAECARVM.

Τυμπανον, τυμπανίζεν, τυμπο- νισμός	127†. 599 lqq.	Φαρμακοί	105†	Χιτών	650
Τ. Τιοι τῷ νυμφῶνος	140†. 631	Φῆλοι τῷ νυμφῶ	631 lqq.	Χοινομέτρα	686
Τπερ	641	Φρατρία	64†. 399	Χοινίξ	160†. 686
Τπερῶ	321, 377	Φυλακτήρια	25†. lqq. 190 lqq.	Χρηματίζεν, χρηματίζεσθαι, χρη- ματισμός	521
Τπρετης	314	Φωνή καὶ βροντή	526	Ψ.	
Τπόδημα	779 lqq.	Χ.		Υἱφος σώζασα	114†. 566
Τπόπτωσις	111†. 561	Χαβραδα	158†. 680	Ω.	
Τφι	683	Χειροθεσία, χειροτονία	13†. 109,	Ωραία	645
			819	Ωσαννά	416 lqq.

# INDEX IV. RERVVM ET PERSONARVM.

## A.

Aafonis & ejus posterorum jus ac titulus Sacerdo-  
talis 1†. in ejus posteritate persistit Sacerdo-  
tium 8†. num primogenito profapia ejus, Sa-  
cerdotium S. cesserit 66. num hæc successio  
tempore etiam Hasmonæorum 66. num ab  
idololatria liberari queat 302. ejus stylus scul-  
ptorius in vitulo fundendo 503. ejusne, an  
populi potior hic impietas 504. quot mala in  
fictione vituli commiserit 505. Judæorum  
commenta, quibus ab eo culpam idololatriæ  
amoliuntur 95†. 505 lqq. qua in re cum Jero-  
boamo convenerit 96†. 508

Abarbenel laudatus 275, 389, 522. notatus 37, 58,  
85, 334, 396, 611

Abba, honoris apud Jud. titulus 140

Aben Esra laudatus 275, 332, 653, 709. notatus  
358, 496

Abh Beth Din, vid. Pater Domus Judicii.

Abib, nominis ratio 624

Ablegmina, vid. Exsecta. eorum ad altare dela-  
tio vid. Altare Holocaust.

Ablutio, vid. Lötio.

Abrahamus, Propheta 117. num circumcisionis  
legem, ob pœnam congressus cum Hagare, ac-  
ceperit 603. sinus Abrahæ quid 57†

Abšalom, num Naziræus 156 lqq.

Absolutio reorum in Synedrio 113†, 566. apud  
Romanos & Græcos absolutionis sententia ibid.

Abulensis Tostatus notatus 522, 621 lqq. 642

Academix Judæor. distinctæ in Babylonicas, &  
terræ Israelis 123. Babylonica, ex decr. Regg.  
Peifar. sublata 141

Accipere idem, quod discere 44†. 319

Accubitus ordinatio apud Judæos 368. utrum

olim accubuerint mensæ, an affederint 374.  
quando accumbendi ritus in gente Jud. obtinere  
cæperit ibid. Evangelistarum probatio illius  
rei 57†. 374. compositio cœnantium in accu-  
bitu 57†. 374 lqq. honoratior inter accum-  
bentes locus 375. an virorum & mulierum in  
accubitu eadem ratio 375 lqq. accumbere in  
alterius gremio, quid 57†. 376. Johannes in  
finu Jesu accumbens 57†. 376. mensæ Judæor.  
& Gentilium in accubitu 376 lqq. GOODWIN,  
Judæis mensas tantum circulares tribuens, ex-  
pensus ibid. unde accubitus חכמים discubitus  
circularis vocetur 57†. 376 lqq. calceorum de-  
tractio in accubitu usitata; & ej. antiquitas 58†.  
377. ratio hujus ritus 58†. num Christi  
accumbendo mensæ, primam Paschatis institu-  
tionem dissolverit 58†. 377. num idem discal-  
ceatus accubuerit 377

Accusatus, an in loco Judicii sistebatur 578. GOOD-  
WIN, id defendentis, sententia, dubia ibid.

Adamus an Propheta 14†. 113 lqq. an εὐνομαθε-  
σία donum ejus Prophetic. evincat 114. quid  
de libro cœlestem sapientiam complexo & Ada-  
mo tradito statuendum ibid. varior. ejus vari-  
cinior. num fides ibid. fuit Sacerdos 114 lqq.  
id tamen ex Gen. IV, 3. 4. perperam colligitur  
ibid. num literarum inventor 660

Adductio primitiarum ad Templum, quo ritu  
peragenda 134, 135†. 617

Adonis, quomodo alias appellatus 91†. ejus ἀφα-  
νισμός & ἐρησις quid representent ibid. quo  
ritu Byblienses & Alexandrini Adonia feriat  
91, 92†. 492 lqq.

Adram Melech, quale idolum 86†. 481. ejus signi-  
ficatio 481. quorum idolum fuerit 518 lqq.

Adul-

# INDEX IV. RERVM ET PERSONARVM.

- Adulterii supplicium apud Hebræos 120†  
 Advocatus in Judiciis Hebræorum ubi steterit 113†. 565. ejus officium *ibid.*  
 Aechmalotarchæ haud confundendi cum Præsidi-  
 bus Judæorum 9. hallucinatio GOODWINI  
 8, 9. illorum officium & auctoritas 9. inau-  
 gurationis ritus *ibid.*  
 Aeditui in præparatione Sabbathi officium 61†. 388  
 Agrotantes apud Jud. a gestatione Phylacterio-  
 rum immunes 193  
 Aegyptiorum idololatriæ imitatores, Israelitæ sunt  
 503. quo jure in Aegyptios Profelytos *μοσχο-  
 λατρεία* culpa rejiciatur 93†. 505 sqq.  
 Aegyptiæ idololatriæ initia 475  
 Aenigmata Judæorum inter convivia 56†. 370  
 Actus Levitarum in ministerio varie definita in S.  
 literis 89. cum annis Sacerdotum haud con-  
 fundenda 90 sqq. haud liquido a Mose defi-  
 nita *ibid.* Hieronymi & aliorum pro anno 30.  
 rationes, infirmæ *ibid.*  
 Agapæ Christianorum, unde 53†. 362, 716. cum  
 veter. Romanor. Charistis collatæ 362. Cano-  
 nis-Laodiceni, portiones ferri in agapis inter-  
 dicentis, declaratio 59†. 379  
 Agitatio Levitarum. in iis primo tempore initia-  
 dis adhibita 105.  
 Agitatio quid 285. quo ritu peracta 412. duo  
 agitationis panes cur, ubi, quando, a quibus  
 offerendi *ibid.* & 132†. 612. oblationes agitatae  
 quam & quæsuplices 132, 133†. agitatio Sa-  
 cerdotis circa adductionem primitiarum 617.  
 manipulus agitationis unde defunctus 624. quo-  
 duplex agitatio 709, 714. ejus ab elevatione  
 distinctio 709 sqq. quatenus Judæi hodierni  
 agitationem observent 70  
 Agnus Paschalis per Levitas interdum jugulatus  
 106. - cur Paschatis nomine insigniatur 395.  
 cum eo panes azymi comedendi 63†. 403. præ-  
 ter Sacramenti indolem, rationem quoque sa-  
 crificialem habuit 396 sqq. ubi mactandus &  
 comedendus 64†. 397. cur Judæi hodierni  
 eum comedere non audeant 397 sqq. cerimo-  
 niæ in comestione ejus usurpatæ 64†. fuerit-  
 ne agnus, an hædus 64†. 398. hædi & agni  
 ratio typica 398. agni & hædi in Paschate usus,  
 num ex Aegyptiorum ritu derivandus *ibid.*  
 societatis comedendo uni agno destinatae, no-  
 men, qualis, & quanta 399. cur agnus mascu-  
 lus 65†. 399. cur anniculus s. filius anni *ibid.*  
 Agnus perfectus, quid 65†. 400. cur usque ad  
 14 diem Nisan asservandus 65†. 400. num hæc  
 asservatio a 10 inde die necessaria 400. duæ  
 vespere, intra quas agnus mactandus fuit, quid  
 65, 66†. 401, 402. quot agnos Paschales sub  
 Cesto Procuratore numeraverit Josephus 402.  
 quomodo Atrium & tempus duarum vespera-  
 rum tot agnis mactandis suffecerint *ibid.* cum  
 herbis amaris comedendus 66†. 402. ejus ma-  
 ctatio cui tribuenda 406. error GOODWINI  
 & aliorum in ea re *ibid.* mactationis & come-  
 stionis locus 67†. 407. una ne, an duplex cœ-  
 na in ritu agni Paschalis 67, 68†. 407 sqq. il-  
 lum num Christus & Judæi post primam Pa-  
 schatis institutionem stando comederint 67†.  
 num Christus in ultimo Paschate assatum co-  
 mederit *ibid.* & sqq. analogia inter agnum  
 Paschalem & Christum 69†. quo sensu inter  
 agnum Paschalem & Eucharistiam typica con-  
 cedatur ratio 410 sqq. sanguis ejus tantum in  
 Paschate Aegyptiaco impositus superliminari &  
 2 postibus 406  
 Agorah, qualis nummus 161†. 688  
 Agrippa Junior, *vid.* Herodiades.  
 Ainsworthus, Henr. laudatus 62  
 Albæ vestes, quid designaverint apud veteres 8†.  
 63, 222. Christo injectæ quid innuerint 64.  
 a solo Sacerdote S. die expiationis gestandæ 86.  
 eas amabant Pythagorei & Esseni 32†. 222  
 Alexandrina Judæor. Academia 124  
 Allegoriæ in Midraschim 136. iis Esseni delectan-  
 tur 239  
 Allixius, Petr. laudatus 533  
 Altingius, Jac. laudat. 316. notatus 22, 263, 307,  
 533  
 Altare, olim Hebræorum asylum 47†. 338. num  
 post constitutas refugii urbes jus confugiendi  
 ad illud desierit 338. num Hebræi stantes co-  
 ram altari Hierosol. jurarint 654 sqq. dissen-  
 sus GOODWINI. *ibid.* verba 1 Reg. VIII, 31. co-  
 ram altari tuo, quid notent *ibid.* num Ethnici  
 & Christiani coram altari jurarint 148†. 655.  
 jurandi per altare, Judæorum consuetudo 149†.  
 657  
 Altare æneum, it. exterius, *vid.* Altare Holocaust.  
 Atheniensium Ignoto Deo dicatum 84. 85†.  
 GOODWINI & aliorum hic error 476. au-  
 reum, *vid.* Altare Suffitus. Christianorum,  
 unde sic dici cœperit 65  
 Altare Holocaustorum, quis ei ministraverit 11†.  
 quo in loco collocatum 39†. Mosaici, Salomo-  
 nei,



# INDEX IV. RERVM ET PERSONARVM.

nei, & Templi II. convenientia inter se & discrimen 285 fqq. ex hoc sacer ignis defumtus 286. usus triplex 287. ejus cum antitypo collatio *ibid.* altare & labrum eodem posita loco quid significant 39, 40f. sanguinis victimarum asperfusio ad cornua altaris 712, 713. ablegminum ad altare delatio & projectio 714. cur ab hoc altari mel & fermentum arcendum 723 fqq.

Altare Suffitus, quis ei ministrarit 11f. illius locus 259. an ad Sanctum Sanctorum referri possit *ibid.* unde nomen acceperit 271. cur *aurcum* appelletur *ibid.* num ab omni usu sacrificiali remotum fuerit *ibid.* ejus materia *ibid.* & fqq. figura 272 fqq. situs 39f. 275. cum thuribulo, haud confundendum 275. cultus ad hoc altare, quoduplex *ibid.* asperfusio ad hoc altare in annuo & solenni cultu 276. quale thymiamma in eo adolendum *ibid.* finis ejus mysticus 39f. 277

Altare Thymiamaris, *vid.* Altare Suffitus.

Amaritudines, s. herbae amarae, cur cum agno Paschali comedendae 66f. quales fuerint 402 fqq. in pulmentum Charoseth intingendae erant 66f.

*Ambrosius* notatus 403 63f. 402

*Amelius* notatus 721

Amen triplex vitiosum a Talmudicis reprehensum 45f. 325. ubi, quando, & post quas preces dictum 325. num juramentum sit 326

Amicus sponsi & sponsae 632. apud Hebraeos officium *ibid.*

Amorrai, Doctores Jud. quinam 123, 141. eorum circa Talmud. merita 141

Anam Melech, quale idolum 76f. 481. significatio 481

Anathema, quid 110f. 557 fqq. quinam homines sic dicti 110f.

Angeli. eos Pharisei credunt 23f. 181 fqq. Sadducei negant 29f. 210 fqq. haec negatio quomodo cum illorum systemate conspiraret 211. eorum ministerio an vox divina ex propitiatorio audita 522. horum in revelationibus cum hominibus communicandis ministerium 100f. 522

Angelus, in nube ductor, quis ex mente Judaeorum, & quomodo appellatus 669

Angelolatria Essenis a GOODW. frustra impacta 227

Animae annihilatio a Sadduceis asserta 29f. 210. ejus immortalitas a Samaritanis defensa 218.

GOODWINVS notatus 214 fqq. ejus *exscissio* e populo suo quid 131f. 609

Animalia, Deo consecranda 617. quamnam argento redimenda *ibid.* quae decimanda 136f fqq. 622 fqq. ea decimandi modus, tempus 136f fqq. 623. quatuor ab Ezechiele memorata, quid 153f. 668

Animi integritas, Sacerdotibus necessaria 93

Annas, num Sagan sub Cajapha 99

Annuli aurei in angulis Arcae 261. circa Altare aeneum Mosaicum usus 285

Annuli in desponsatione apud Judaeos usus 630. in Chuppae solennibus usus 631

Annus Judaeor. lunaris, *it.* solaris, quot dies continuerint 356. lunaris ad solarem revocatus 356, 357. distinctio inter annum communem & interkalarem 356. quales anni in prima Patriarcharum aetate 357. duplex anni initium apud Judaeos, respectu vel ad res sacras, vel civiles 359, 423. antiquitas utriusque consuetudinis 52f. 358 fqq. quo sensu Talmudici 4 anni principia statuunt 359

Annus civilis apud Hebr. institutione ecclesiastica haud sublatus 423

Annus decimarum quid 136f. 621

Annus gratiae & libertatis per annum Jobeleum adumbratus. 468

Annus mortis Christi, num Jobeleus 468

Annorum auspiciu ex aliarum gentium disciplina 360

Anni Jobelei ratio 52f. 359. & fqq.

Aimi novi solennitates 426 fqq. buccinas in eo inflandi officium 458 fqq.

Annus Sabbathicus, quid 80f. quomodo hebraice dictus 80f. 442. quo die computatio ejus incipiat 74f. 426 fqq. 442. antequam an post divisam Palaestinam observari ceptus 80f. 442. in quibus constiterit observatio 80f. 442 fqq. servi eo anno dimittendi 443 fqq. 462. hujus manumissionis discrimen in hoc & Jobeleo anno 463 fqq. cibi Judaeor. anno Sabbathico 81f. 444 fqq. remissio debitorum illo anno 81f. rationes instituti hujus anni 81f. 445 fqq. an ex traditione *Eliana*, de 6 durationis mundi millennariis, origo 81f. 446. jura ac privilegia cum Jobeleo communia 460

Apertio matricis 2

*Apion* notatus 382

Apis, num Iosephus eo nomine ab Aegyptiis cultus

# INDEX IV. RERVM ET PERSONARVM.

rus 503 lqq. etymologia 95f. 504. ejus inter,  
& Virulum fufum conformitas 96f.  
Apostoli, an promoti Doctores fuerint 145. an  
ex Effenorum fodalitate 235. quo fenfu *ſal ter-*  
*re* 721  
Appellatio a Judiciis minor. ad majora 116f. 571  
Aqua lavandorum pedum ante discubium, unde  
haufa 54f  
Aquæ luſtralis ſpecies 105  
Aquila notatus 511 lqq.  
Aquinas notatus 81  
Ara, *vid.* Altare.  
Arbitrio libero omnia deferebant Sadducæi 29f.  
211 lqq.  
Arbor, ex qua quis ſuſpenſus erat, cur ſepulta  
120f. 581  
Arborum de fructibus comeſtio, pro diverſis an-  
nis ipſa diverſa 132f. 612. earum fructus quo-  
modo decimandi 623  
Arca Fœderis, ubi 248 lqq. an coram ea juxta  
aſes ſuas David immolaverit 248. cur ſic ap-  
pellata 260. alia ejus nomina *ibid.* & 262. an  
Dei nomine יהוה veniat 260. ej. materia 260  
lqq. a quibus in itinere portata 261. quomo-  
do & qualibus vectibus *ibid.* ejus forma *ibid.*  
finis quadruplex *ibid.* & lqq. res in ea conten-  
tæ 39f. 262 lqq. Rabbinorum commentum  
de gemina arca exploſum 263 lqq. *Spencerus*  
originem Arcæ ex myſticis Gentilium ciſtis ar-  
ceſſens, conſutatus 264 lqq. myſtica ſignifica-  
tio 266 lqq. operculum arcæ delineatum 39f.  
267 lqq. ejus ſub Jehojakimo in Babel abdu-  
ctio, a Cyro reſtitutio, & in adyto collocatio 298  
lqq. *Buddei* atque *Munſteri* objectioni occur-  
ritur 299. *Cremeri* ſententiæ, arcæ ablationem  
ad Antiochum Epiphanem referentis, ſubſcri-  
bitur *ibid.* ſpes vana Judæorum de reſtitutio-  
ne ejus ſub Meſſia *ibid.* cur arca fortitudinis  
appelleretur 757  
Arca Teſtamenti, *vid.* Arca Fœderis.  
Arca Teſtimonii, *vid.* *ibid.*  
Archelaus, *vid.* Herodiades.  
Area, primitiæ frugum ex ea quotuplices 133f. 612.  
quanta pars ex mente Rabbin. offerenda 134f.  
612. quibus pendendæ 132f.  
Archiperecitæ, honoris titulus 140 lqq.  
Archifynagogus 313. ejus officium 43f. 313 num  
ſingulis Synagogis præfuerint Archifynagogi  
313 lqq.  
Architricliaus, num a Magiſtro convivii & Præ-

fecto morum diſtinguendus 633. reliqua vide  
in *Dominus Convivii*.  
Argentum, pro Siculo argenteo 161f. 689 lqq.  
*Aringhius*, Paulus, laudatus 320  
Aromatum combuſtio in funere regio, ad cadave-  
ris combuſtionem haud trahenda 642  
*Aſche*, R. Gemaræ Babylonice primam admovit  
manum 530  
Aſchima, quale & quorum idolum 517 lqq.  
de Aſinis, num decimas Judæi ſolverint 622 lqq.  
Aſperſiones ad altare aureum 276  
Aſphaltites lacus, unde ſic dictus 718 lqq. aliæ  
ejus appellationes *ibid.*  
Aſſamonæi, *vid.* Maccabæi.  
Aſſarius ſ. Aſſarium, qualis nummus 160f. 688  
Aſſeſſores ſupremi Judicii, ex quibus tribubus fue-  
rint 551. Judiciorum oppidanorum aſſeſſores  
*ibid.* & 568. Synedrii M. quot 115f. 552, 568.  
Synagogæ M. quot *ibid.* in Synedriis vico-  
rum quot 116f. 568. Synedrii M. ex quavis  
tribu electio, quomodo peracta 115f  
Aſſidæi, ſ. Haſidæi. Convenientia & diſcrepan-  
tia inter חסידים *benignos* & צדיקים *juſtos* 21f.  
165 lqq. differentia inter has voces quando or-  
ta 21f. 166. Paulina Rôm. V, 6, 7. ad hanc  
differentiam alluſio 21f. 167. quinam *צדי-*  
*קים* accenſiti fuerint 166. eorum opera ſu-  
pererogationis 21f. 166 lqq. an peculiarem con-  
ſtituerint ſectam 167. ex חסידים Pharifæorum  
& Eſſæorum hæreſes propullularunt 22f. 177  
Aſſiſtentia, *συνεσις*, qualis in Eccleſia Græca pæ-  
nitentiæ gradus 111f. 561  
Aſtarte, ſ. Aſtharoth, *vid.* Aſthoreth.  
Aſthoreth, & alia idoli nomina 508. non Deus,  
ſed Dea *ibid.* num *אשרה* cum *עשתרת* idem  
*ibid.* & lqq. quorum idolum fuerit 96f. Lu-  
na, & Juno ſub eo nomine culta 96f. 509.  
eorum, qui idem de Venere aſſerunt, concilia-  
tio 509 lqq. ſub qua imagine culta fuerit 511  
Aſyla. nominis ratio & etymologia 336. Hebræ-  
orum, quomodo ab aſylis Gentium differant  
47f. 337. *GOODWINVS* inde notatus *ibid.*  
eorum jus nitebatur cæde involuntaria 337 lqq.  
cur loco Altaris, *ἀσυλίας* jure donatæ ſint 6 ur-  
bes 47f. 338. *GOODWINVS* laudatus *ibid.*  
ad aſyla confugiendi mos apud Chriſtianos 338.  
num 42 Levitarum urbes, *ἀσυλίας* privilegio  
gaviſe 339. urbium 6 deſcriptio 47f. 339 lqq.  
cur & quando iſtæ ſex cis, & trans Jordanem  
*Nnn nn 2* con-



# INDEX IV. REBVM ET PERSONARVM.

constitutæ 340. num iis Israelitæ usi sint 477.  
 viæ ad asyla ducentes quomodo reparandæ &  
 dilatandæ 47, 48†. 340. jus vindicis in homi-  
 cidam, cum ante, tum post asylum affectum  
 340 sqq. *Maimonides* & *GOODWINVS* notati  
*ibid.* quamdiu occisor innocens in asylo se con-  
 tinebat 48†. 342  
 Atheismus. num Caini posteris jure tribuatur 473  
 Atheniensium ara ἀγνῶστο Θεῷ dicata, quid 84†.  
 476. inscriptio ejus a Paulo Athenis visa, qua-  
 lis 85†. *GOODWINVS*, cum aliis, notatus  
 476  
 Attracti, quinam 611  
 Atræ vestes lugentium 63 sqq.  
 Atrium in Templo I. geminum, pluribus atris  
 sensim auctum 39, 40, 41†. 257, 285, 290, 293.  
 in unoquoque quid positum fuerit 39, 40†.  
 atrium Tabernaculi, & Templi situs, mensu-  
 ræ, appellatio 40†. 284, 285, 289. ad *Atrium*  
*Sacerdotum* an populo nullus aditus 284, 285.  
*Atrium Israelis* unde dictum 289. ejus usus  
*ibid.* conclavia *ibid.* *Atrium Feminarum*  
 quando cæperit 40†. 290. an ingressum viro-  
 rum arceret 290. *Atrium Gentium* in templo  
 Herodis 41†. hujus appellationes, dimensio-  
 nes, & res contentæ 293. pro Templo subinde  
 ponitur *ibid.* an idem Joh. II, 14. & Joh. X, 23.  
 designetur *ibid.* num e Templo plane sit pro-  
 feribendum 294. discrimen ab Atrio Femina-  
 rum 41†  
 in Atrio templi Synedrium M. confidebat 116†.  
 oblatio viva a populo sistebatur 709. ma-  
 nuum impositio religiosa fiebat 710. mactatio  
 agni in Paschate Sæculorum restricta erat 67†.  
 407. num Judæi in Atriis discalceati 788 sqq.  
 Auditio, ἀκοή; qualis pœnitentiæ in Ecclesia  
 Græca gradus 112†. 561 sqq.  
 Audientes *ibid.*  
 Augures 105†. 542  
*Augustinus* notatus 307, 564 sqq.  
 Aurum, certum nummorum aureorum genus  
 162†. 693 sqq.  
 Avaritiæ odium in Judicibus Hebr. & aliorum re-  
 quisitum 117†  
 Aves quo ritu a Sacerdote cædendæ 712  
 Avitarum possessionum restitutio, privilegium Jo-  
 belæi 464 sqq. ejus ratio *ibid.*  
 Azazel. nominis ἄζαζελ ortus & significatio 438.  
 an hircus emissitius sic dictus *ibid.* aut, num  
 diabolus ita 438 sqq. aut num ipse Deus 439.

ab Arabico *Azala* (*separare*) vox derivatur *ib.*  
 ejus typica relatio 441  
 Azymorum Festum, cur Paschatis nomine veniat  
 395. quo die inchoatum 63†. ejus celebratio  
 num certo loco adstricta 64†. 397 sqq. num  
 adjunctum agni Paschalis inseparabile 403. cur  
 per septem dies celebratum *ibid.* primus &  
 septimus dies, ex æquo festi erant *ibid.* quot  
 agni singulis diebus Deo oblati 403. præpara-  
 tionis gradus ad hoc Festum 66, 67†. 404.  
 pœna eorum, qui definito tempore azymis non  
 vesciebantur 67†. cœnæ Agni & Azymorum  
 num distinctæ fuerint 408. Festo Azymo-  
 rum Pascha præcessit 68†. quo sensu *Josephus*  
 Azymorum Festo dies octo tribuat 68†. 410.  
 quo sensu Matth. XXVI, 17. dies Pasceves,  
 vocetur primus Azymorum *ibid.* sub azymis  
 adumbratio 410  
 Azymi panes cum agno comedendi 63†. 403. un-  
 de, ex Judæor. sententia, confecti 404

## B.

Baal, nomen nunc collective, nunc specificè acce-  
 ptum 482. an cum Molocho idem idolum sit  
 86†. 482. Babylonis Belus est 92†. Sol & stellæ  
 sub eo nomine cultæ 92†. 493 sqq. non omni-  
 bus Diis, neque uni tantum, hoc nomen com-  
 periit 493 sqq. idem cum Jove 92†. 495.  
 multis aliis titulis insigne 92, 93†  
 Baal Berith, Sichemitarum idolum, unde hoc no-  
 men acceperit 93†. 499. cuinam idolo compa-  
 randum *ibid.* Deæne, an Dei nomen 499  
 Baal - Peor, num Priapus, & unde sic dictus 92†.  
 495 sqq. num idem cum Chemoseh 93†. 496  
 Baal - Tzephon, utrum idolum, an oppidum  
 496 sqq.  
 Baal Zebub, Accaronitarum idolum 93†. 497.  
 etymologia *ibid.* num Judæi hoc nomen per  
 ironiam corruerint 497 sqq. idem est quod  
 Beelzebub 93†. 498. ob quam causam musca-  
 rum Deus audiat 498. quodnam Gentium  
 Numen 93†. 498. quare nonnulla N. T. MSS.  
 legant Βεελζεβελ *ibid.* cur τῷ ἀρχοντὶ τῶν δαι-  
 μονίων in N. F. approprietur 498  
 Bacchanalia, num Festo Tabernaculorum com-  
 paranda 72†. 417  
 Bacchum, unde cornutum tradant veteres 512  
*Baculum suum consulere*, divinationis species, ex-  
 plicata 547 sqq. *GOODWINVS* laudatus 548  
 Baithos, Antigoni Sochæi discipulus 205. Saddu-  
 ciæi

# INDEX IV. RERV M ET PERSONARVM.

caismi cum Zadoko conditor 29†. 205. quo jure, de ejus existentia dubitetur 207	<i>Beaufobrius</i> , Joh. notatus 227, 600
Baitholæi, iidem cum Sadducæis 205. unde sic dicti <i>ibid.</i> nequaquam cum Essenis confun- dendi 207	<i>Bechai</i> R. notatus 269, 358
Baltheus acu pictus, vestis Sacerdotis M. 9†. 72. descriptio ejus <i>ibid.</i> num ex duplici materia contextus 72 seqq. X. Tisri una cum ceteris aureis vestibus depositus 73. duplex <i>ibid.</i>	<i>Beelzebub</i> , Beelzebub, <i>vide</i> Baal-Zebub.
Baltheus lineus, vestis Sacerdotum gregariorum sacra 10†	<i>Bellarminus</i> notatus 397, 410, 700
Baptismus Joh. & Apostolorum, num baptismo Profelytorum originem debeat 47. ejus origo mere divina 47 sqq. baptismo Profelytorum an occasio extiterit 47, 49. divina auctoritas ejus, an supposita Judaici baptismi antiquitate, periclitetur 50. in locum circumcisionis suc- cessit <i>ibid.</i> mos susceptores instituendi unde & quo tempore ortus 607	Bellum, an Judæi die Sabbathi gerere licitum pu- tarint 393. quotuplicis apud Judæos generis 670 sqq. quid Israëlita, antequam bellum infer- rent, observaverint 156†. 671
Baptismus Profelytorum. ejus necessitas 44. ce- rimoniarum circa eum observatarum, ratione masculi & feminæ <i>ibid.</i> an baptismo Joh. & Apostolor. præcesserit, eique originem dederit 46. id ad- struunt quamplurimi <i>ibid.</i> argumenta hujus sententiæ 7†. 48. inter <i>Danzium</i> & <i>Wernsdor-</i> <i>fium</i> super ea re mota quæstio 47. recentior omnino est baptismo Joh. & Apost. 47 seqq. argumenta hujus sententiæ 47 sqq. Menonita- rum, dispari mente consensus 47	Belus, de eo & Dracone, apocryphus Danielis con- tinuator & <i>Josephus Ben Gorion</i> pugnantia tra- dunt 499. erudita <i>Seldeni</i> conjectura <i>ib.</i> & 500
Baptismi Profelytorum initia definiri vix possunt 47, 49. an ex prava Christianorum imitatione, aut unde ejus ortus derivandus <i>ibid.</i> ejus origo eversione urbis videtur posterior 50. Judæ- orum in adoptando hoc baptismo conspiratio, non evincit ejus antiquitatem <i>ibid.</i> etiamsi an- tiquissimus esse credatur, divinitati baptismi Johannis & Apostolorum nihil derogat <i>ibid.</i> in infantibus quoque exercitus fuit 200. cum ad probandam S. cænæ originem Judaicam quic- quam facere, contra GOODWINVM negatur 374	Benedictionis Propheticarum eminentia, Patribus fa- milias & Primogenitis debita 1, 3. panis & vini, inter Judæos & Christianos ratio 55†. 369 sqq. circa desponsationem apud Judæos usitata 140†. 630. ab hac, benedictio nuptiarum distinguen- da 631
Baptismus super mortuis 145†. 640 sqq. Clini- corum 640	<i>Benzelius</i> , Henr. expensus 573 sqq. 661
<i>Baronius</i> notatus 134, 350, 553 sqq. 591	Berenice, <i>vid.</i> Herodiades.
<i>Bartolocius</i> notatus 207, 213, 512	<i>Bernardus</i> , Eduard. laudatus 412, 666. notatus 462
<i>Basnagius</i> , Jac. laudatus 17	<i>Bertramus</i> notatus 560, 641
Bathkol, <i>vid.</i> Filia Vocis.	ad Bestias damnati 596. quomodo hi dicti 126†. 596 sqq. quid per bestias, quibuscum Paulus Ephesi depugnavit, intelligendum 126†. 597.
Bathi in liquidis capacitas & mensura 150†. 686. locorum 1 Reg. VII, 26. & 2 Chron. IV, 5. con- ciliatio 686. quomodo alias dictus 159†. sqq.	Christiani primitivi illis objectati 126, 127†. 597
	Bestiarii 126†. 596 sqq.
	Bethesda, etymologia 318. an in hac <i>νοτιουβήδεξ</i> , oves mactandæ lotæ fuerint 328. an eadem cum piscina Salomonis <i>ibid.</i> hodierna ejus facies <i>ibid.</i> & 194.
	<i>Beveregius</i> laudatus 257, 816
	<i>Beza</i> , Theod. notatus 514, 567
	Bezer, interdum Bozra, urbs refugii 339. ejus situs & ab aliis distinctio <i>ibid.</i>
	Biblia, ordinando V. D. M. in manus tradendi ri- tus 10†.
	<i>Biermannus</i> notatus 438, 441
	Bitter, academia Judæorum 124, 309. quot con- tinuerit Synagogas 309
	<i>Bochartus</i> , Sam. laudatus 439, 448, 497, 501, 502. notatus 448 sqq. 457, 501 & sapius
	<i>Boernerius</i> , Christ. Frid. laudatus 49
	<i>Bonfrerius</i> notatus 272, 717
	Boum cultus apud Aegyptios 53
	<i>Boulducus</i> confutatus 112
	Bractea aurea, vestis summi Sacerdotis 9†. 85. de- scripta <i>ibid.</i> relatio typica 85. cuiam corporis parti imposita 86
	<i>Braunius</i> Jo. laud. 70, 488 sqq. notatus 54, 263, 596



# INDEX IV. RERVM ET PERSONARVM.

<i>Brentius</i> , Joh. expensus	596	<i>Caliginis incolæ</i> quis 753 & seqq. causæ, quare sic dictus	760 sq.
<i>Brerewood</i> , Eduard. notatus	690	<i>Calix benedictionis</i> , ante, & post cœnam Jud. 56†.	
<i>Brixianus</i> , Marinus notatus	511	ultimi de cœna Paschali calicis benedictione, pars altera Sacramenti N. T. non consecrata: contra GOODWINVM 373. in Scriptura triplex 59†. 380 sqq. ejus apud Judæos ratio, & ab illo in S. cœna, distinctio contra GOODWINVM 380.	
<i>Broughtonius</i> , Hug. notatus	373	<i>Calix consolationis</i> 59†. 381. salutis <i>ibid.</i> tribulationum	382
<i>Brunus</i> , Jord. notatus	228	<i>Calmetus</i> notatus	355
<i>Buddens</i> , Joh. Francisc. laud. 1. 504. expensus	299, 473, 700	<i>Calovius</i> laudatus 41, 409. modeste expensus	504, 59† sqq.
<i>Buxtorf</i> Joh. Pater. laud. 366, 380, 421, 532, 627, 754 seq. vindicatus 81. notat. 82, 169, 448 sq.		<i>Calvaria</i> , mons Judææ, alias Golgatha 256. ejus litus 38†. 256. reliquæ res eum circumstantes	256
- - - Filius laudat. 407 sqq. notatus	373	<i>Calvisius</i> , Serh. notatus	454
<i>Bynæus</i> , Ant. laud. 409, 595. notat. 384, 432, 531, 583, 779		<i>Calvices</i> in luctu Hebræorum contrahenda 147†. 648 sqq. quot modis	<i>ibid.</i>
<b>C.</b>			
<i>Cabbala</i> . Cabbalistæ vide sub K.		<i>Camero</i> laudatus 175, 201 sqq. notatus	180 sqq.
<i>Cabus</i> , aridorum mensura minima 681 sqq. quantum continuerit	159†. 682	<i>Canaan</i> , vid. Palæstina.	
<i>Cædes</i> , vid. Homicidium.		<i>Cananæi</i> unde literas didicerint	660
<i>Cæsareæ</i> Philippi, varia nomina 16. a Cæsarea Palæstinæ distinguenda	17	<i>Cancellarii regii</i> , Scribarum Hebrææ gentis Politicorum species	16†. 132
<i>Cæsariensis</i> Judæorum Academia	124	<i>Candelabri aurei</i> structura 281 sqq. instrumenta eius 282 seqq. usus & Sacerdotum circa illud ministeria 283 sqq. significatio typica 39†. 284. quo in loco positum	39†
<i>Cathartæ</i> in itinere Arcam portarunt	261	<i>Candelarum</i> accensio, in Encæniorum Festo 472. cur in excommunicatione, Chæram, apud Judæos accensæ	110, 111†. 558
<i>Cain</i> an excommunicationis gradu, Niddui, punitus 11†. 562. ejus sacrificium 760 seqq. quo sensu auctor idololatriæ antediluvianæ habendus	474.	<i>Caninius</i> , Ang. notatus	140
<i>Calamus</i> . mensuræ apud Hebræos species 158†. 678. cur Græcis & Romanis Decempeda vocata sit 678. quid præterea significet <i>ibid.</i> mystica significatio	158†.	<i>Canon</i> V. T. constituendo quinam operam navarint 152†. 664. circa integritatem ejus conservandam Masoretharum opera 152†. 665. cur mystice adumbratus calamo	158†
<i>Calceorum</i> detractio in accubitu 58†. 377. ejus antiquitas 58†. num Christus discalceatus accubuerit 377. Israelitæ in comestione Paschatis calceis ligati: num etiam extra Agyp̄tum 58†. 377. extractio quotuplex 769 seqq. religiosa Mosi & Josuæ imperata 770, 776 sqq. calceis promiscue & ordinarie Hebræi usi 779 sqq. sententia <i>Bynæi</i> , soleis incessisse eos autumantis, rejecta <i>ibid.</i> discalceationis a Deo injunctæ rationes 782 seqq. quænam ad verum proxime accedat 785 seqq. Sacerdotes in Tabernaculo & Templo an discalceati 787 sqq. discalceatio Judæorum in Atriis, a <i>Gussetio</i> vindicata 788 sqq. circa discalceat. religiosam <i>κατακλιμα</i> Gentilium, Hæreticorum, & Pontificiorum	790 sqq.	<i>Cantores</i> , Levitarum pars 107. numerus, studia & alia momenta	<i>ibid.</i>
<i>Caligo</i> , in qua Deus habitat 750 seqq. sub pedibus Dei, quo sensu dicatur 755 seqq. quo sensu nubes & caligo circa Deum 758 seqq. an repugnent phrasæ, Deus est lux: in luce habitat 759, 760 sqq. Diaboli affectatio habitationis in caligine	764 sqq.	<i>Cappellus</i> , Ludov. 430. notatus	373
		<i>Cappellus</i> , Jac. notatus	24, 628
		<i>Capitæ</i> nummaria a gazophylaciis distinguenda 291. cur שפרות <i>tuba</i> appellatæ 291 seqq. quot & quo in loco collocatæ 292. earum differentia ratione nummorum immittendorum <i>ibid.</i> justitiæ seu eleemosynæ	40†
		<i>Captivatio</i> , vid. Vincula.	
		<i>Captivum</i> tempore Paschatis dimittendi, ritus, origo, ratio, significatio, & proprietas	409
		<i>Caput</i> operire, precantium fuit inter Judæos 322. ejus inclinatio, humiliationis religiosæ in precibus Judæorum ritus 322 seqq. caput velandi apud	

# INDEX IV. RERVM ET PERSONARVM.

- apud Hebræorum feminas mos 142†. 634 fqq.  
velamen capitis mulieris cur ἐξέρχεται 142†. 635.  
circa caput in luctu Hebræorum, quid usitatum  
147†. 648 fqq.
- Carcer, pœna Judæorum non capitalis 122†. 586.  
quotuplex apud Romanos 586. custodum pœ-  
na, cum elapsi essent vincti 122, 123†. 586
- Carminis in evocandis Diis Tutelaribus usus 85†. 477
- Carpzovius, Joh. Bened. Pater 801, 802
- Carpzovius, Joh. Bened. fil. 477, 512, 564, 571. & sepius.
- Carpzovius, Joh. Bened. Nepos expensus 79
- Carrière, Franc. notatus 273
- Carwrightius, Christoph. notatus 103
- Casaubonus, Isaac, laudatus 580 fqq. 591 fqq. notatus  
180 fqq. 374, 409, 476 fqq.
- de Castillo, Didacus, notatus 784
- Castrorum Israelitarum metatio 153†. 665. distin-  
ctio *ibid.* figura 153†. forma 153†. 665 seqq.  
longitudo & latitudo 153†. 666. positio ejus-  
que tribus 153, 154†. 665 fqq. quid in medio ca-  
strorum *ibid.* quid interfuerit inter singulas tri-  
bus 154†. Levitarum castra 154†. 665 fqq. mo-  
tio & progressus 155†. quando & cujus ductu  
mota 155†. 669. castrorum educatio in bellum  
155†. quid in illa factum 155† fqq. 670
- Catalogi, *vid.* Genealogiæ.
- Catechesis publica ad Sacerdotes & Levitas perti-  
nens 117 fqq. extraordinaria ad Prophetas 118
- Catechizatio in Paschate Judæis usitata 64†
- Catechumeni in Ecclesia Græca 111†. 561
- Catenis, cur quædam Gentium nationes Deos Tu-  
telares devinxerint 85†
- Cattenburch, Adr. 661. notatus 633, 635
- Cedrenus notatus 474
- Cella 333. an post constructum Tabernaculum in  
iis sacra facere licuerit *ibid.* num hic divina in-  
terdum intercesserit dispensatio *ibid.* post ex-  
structum Templum plane illicita 334. eorum  
distinctio *ibid.* cum Lucis conjuncta *ibid.* eo-  
rum initiatio 46†
- Census, *vide* Descriptio.
- Cerebrum victimarum num inter Ablegmina nu-  
merandum 713 fqq.
- Cerimoniis an religio Patriarcharum prorsus ca-  
ruerit 252 fqq. num divinæ sint originis 253,  
804. ceremoniæ die Sabbathi licitæ 62†. quæ-  
nam in Festo Pentecostes observatæ 412. num  
primis N. T. temporibus earum usurpatio ces-  
saverit 796 fqq.
- Chabber, consors & socius Rabbi alienjus 142
- Chæræm, excommunicationis apud Jud. gradus,  
qualis, & num ejus terminus fixus ac definitus  
fuerit 110†. 555, 557, 558. vocis significatio 110†.  
556 fqq. gravior, quam Niddui 557. distinctio a  
Niddui 558. ejus solennia 110†. 558. num Pau-  
lina excommunicatio 1 Cor. V, 5 & 1 Tim. I, 20.  
cum Chæræm eadem 559. GOODWINVS nota-  
tus *ibid.*
- Channanim, cujusmodi idola 97†. 511
- Charoseth, quale pulmenti genus, & cuinam usui  
inter Israelitas 66†. 403, 407
- Chassanitæ ministri synagogæ 314. num אַבְרָהָם  
שְׁלִיחֵי *ibid.*
- Chemia, num ars Chemica ab Hebræis, a Moise  
inprimis, culta 506 fqq.
- Chemnitius, Mart. modeste expensus in loco, an  
Paulus ad Essenos in Ep. ad Col. respiciat 233 fqq.
- Chemoseh, princeps Moabitarum Numen an idem  
cum Baal-Peor 93†. 496
- Cherubim 268 fqq. ab exoleto כְּרֻב *robustus fuit*  
269. forma Mosaicorum & Ezechielis, diversa  
*ibid.* Mosaicor. forma humana 39†. 269. eo-  
rum significatio 39†. 270. ab Aegypto ritu  
non derivandi 270 seqq. quomodo ex medio  
Cherubinorum revelatio divina facta sit 522
- Chiun, superstiosus ejus cultus 89†. 488 fqq. qua-  
le idolum 90†. 490 fqq. num idem cum Rem-  
phan 90†. 491
- Cheniz quid 160†. 686. qualis apud veteres men-  
sura *ibid.*
- Chomeris capacitas 159†. 684. circa etymologiam  
a GOODWINO discessio 684.
- Chuppa. 140†. ejus etymologia 630. significatio  
varia *ibid.* solennia 631
- Christiani, unde dicti 69. Judaizantium a Pseu-  
do-Apostolis differentia 163. Judaizantes quos  
errores errarint *ib.* num Naziræi fuerint 163 fqq.  
num Paulus contra hos calammum direxerit 163.  
horum Pascha a Judaico distinguendum 395
- Christus. ejus unctio 9†. 68 fqq. cur Rabbi dictus  
145 fqq. num ad hunc gradum solenniter pro-  
motus *ibid.* quo sensu Nazarenus dictus 161  
fqq. num per Naziræos adumbratus 162. num  
Phylacteriis sit usus 193. num fimbriarum pe-  
niculamentis 27†. 199. num ex Essenorum pro-  
dierit sodalitate 235. secundum humanitatem  
per Tabernaculum adumbratus 254. unde, in  
terra commoratus, computationem dici civilem  
hausit.



# INDEX IV. RERVM ET PERSONARVM.

- hauserit 345. ejus colloquia mensalia 370. num  
 discalceatus mensæ accubuerit 377. num *accum-  
 bendo*, primam Paschatis institutionem dissolve-  
 rit 581. 377. quanam positura Pascha comede-  
 rit 671. num post cenam Paschatis pedes di-  
 scipulorum laverit 408. num in ultimo Pascha-  
 te agnum assatum comederit 67, 681. analogia  
 inter agnum Paschalem & Christum 691. cur  
 non, quo reus audiretur, die ad mortem tradi  
 eodem potuerit 578. cur de cruce suspenden-  
 dum non præco antecesserit, sed ἐπιρυγαΦη cru-  
 ci appensa fuerit 579. de ejus crucifixione quid  
 notandum 594 sqq. caliginis, speciatim incola  
 753  
*Chrysostomus* 615. notatus 394, 600  
 Ciborum Benedictio a Judæis & Christo observata  
 551. 368. ciborum distributio apud Judæos 369  
 199. coctio Judæis in Sabbatho illicita 621. 390.  
 GOODWINVS, Exod. XVI, 23. ad Mannæ solum  
 coctionem trahens, notatus 390  
 Cidaris ex bysso, vestis summi Sacerdotis 91. 84.  
 describitur *ibid.* a pileis gregiariorum Sacerd.  
 distinctio 84  
 Cilicium, vestis Hebræorum lugubris 1471. 650.  
 num idem cum sacco 650. num alii, præter lu-  
 gentes, cilicio usi sint 651  
 Cinerum cumulus in Altari Holocaustorum 286.  
 eorum ablatio quomodo facta *ibid.*  
 Cippus pro milliari: cur 679. apud Judæos usus  
 645  
 Circumcisio. De ea inter Rabbanitas & Karæos con-  
 troversia 172. quid sit 1291. 601. signum cir-  
 cumcisionis, & signaculum justitiæ fidei, a Paulo  
 commemoratum, num Reformatis sit usui 601  
 199. Abrahæ & infantum an una ratio 602.  
 ejus origo ficta & vera *ibid.* apud Gentes usur-  
 patæ unde origo *ibid.* Abrahamo in pœnam  
 congressus cum Hagare injuncta fingitur 603.  
 vocabuli acceptiones diversæ 1291. 603. tempus  
 quodnam *ibid.* Magistrorum circa id trice 604.  
 an ob morbum & iter differri potuerit *ibid.* un-  
 de illud: *circumcisio pellit Sabbathum* 1301. 604.  
 cur Deus, ratione circumcisionis, diem 8 no-  
 luerit anticipari 1301. 604 sqq. quousque sacra-  
 mentum hoc durare debuerit 605. modus cir-  
 cumeidendi apud Judæos 1301. 605 sqq. quinam  
*circumcisi nati* 608 sqq. qui ante 8 diem incir-  
 cumcisi moriuntur, quo ritu in iis tamen per-  
 agatur 609. omissioni ejus minitata pœna 1311.  
 609. quis illa afficiendus *ibid.* quo casu apud  
 Judæos plus simplici vice adhiberi potuerit 611.  
 ejus origo 797. efficacia *ibid.* abrogatio *ibid.*  
 diversa pro diversitate temporum ratio 797 sqq.  
 apud Gentiles ratio 798 sqq.  
 Circuitus, Altaris ænei Mosaici pars 285. unus in  
 Mosaico, triplex in Salomoneo fuit *ibid.*  
 Clamor circa lectionem libri Estheræ causæ 470  
 Clangor quotuplex 1551. 670  
 in Classes, Sacerdotum divisio 100. Eleazaridarum  
 atque Ithamaridarum quot fuerint 111. 100.  
 quis eas primus constituerit *ibid.* num in capti-  
 vitate Babylonica illæse manserint 101  
 de Clavibus in manu Dei, Judæorum traditio 1411.  
 632  
 Clausæ & Apertæ, Kabbalæ species 535  
 Clepsydra, qua occasione apud antiquos invaluerit  
 352. differentia ab horologio hydraulico *ibid.*  
 Clericus, Ioh. 287. notatus 277, 355, 448 sqq. 519,  
 663, 772, 791 sqq.  
 Clinicorum baptisimus 640  
 Cloppenburgius, Jo. notatus 722  
 Coccejus, Jo. 430. notatus 409, 448 sqq. 497, 581,  
 584 sqq. 641  
 Codicis Hebræi in partes majores & minores dis-  
 sectio, a quibus suscepta 1521. 664  
 Cælum. juramentum per cælum apud Judæos,  
 quale & cuius præti 657  
 in Cæmeteriis an baptizarint veteres Christiani 640  
 Cœnam, quando Judæi sumserint 591. 380. apud  
 Gentes, & apud Judæos lautior fuit: a GOOD-  
 WINO dissensus 380  
 Cœna Pura, ἀναλογως a Patribus præparatio Sab-  
 bathi seu Parasceve vocata fuit 601. 386. unde  
 appellatio translata *ibid.*  
 Cœna Sacra, ex ritu Judaico non derivanda 372 sqq.  
 ejus origo mere divina 373. in Paschatis locum  
 successit *ibid.* an Christus post eam hymnum  
 Judæis usitatum decantavit *ibid.* ad probandam  
 Judaicam ejus originem, baptisimus. Profelyto-  
 rum nihil facit: contra GOODWINVM 374. quo  
 sensu a celebratione agni Paschalis adumbrata  
 dici debeat 397, 410 sqq. an a Christo post cœ-  
 nam Paschalem celebrata 408. quid inter utram-  
 que cœnam interjectum fuerit *ibid.* num in  
 celebratione Paschatis apud Judæos duplex fue-  
 rit, Agni, & Azymorum 67, 681. 407 sqq. obla-  
 tiones varias offerendi consuetudo, unde ad Chri-  
 stianos transierit 814. Præsanctificatorum in ea  
 ministerium, apud Græcos usitatum 815. an Pa-  
 tribus verum sacrificium denoter *ibid.*  
 Cœna

# INDEX IV. RERVM ET PERSONARVM.

Cæmæcula Judæorum 377. denominationes hebraica & græca *ibid.*  
 Cognatio per Profelytismum cessans 45  
 Collocatio Candidati in Cathedra, actus promotorius Hebræorum academicæ 144. utrum a Mo-  
 se, an ab Esra repetendus *ibid.*  
 Colles, cur a Gentilibus, tanquam idololatriæ suæ  
 faventes, electi fuerint 46†  
 Colloquia mensalia Judæorum, qualia fuerint 55,  
 56†. 370. Judæorum circa ea opinio 370. sa-  
 luberrima Servatoris in conviviis monita *ibid.*  
 num Proverbia Salomonis in hunc censum ve-  
 niant 370 199. Græcorum & Romanorum huc  
 pertinens consuetudo 371  
 Combustio, pœna a lapidatione, gravissima 120†.  
 58†. ejus rei quinam fuerint 122†. 585. ejus pro-  
 cessus quotuplex & qualis *ibid.* an in nonnul-  
 lis Hebræorum funeribus usitata 642. dissen-  
 sus GOODWINI *ibid.*  
 Comestio cum peccatoribus ex mente Phariseorum  
 illicita 25†. 189 199. nec non ex mente Samari-  
 tanorum 25†. 190. cum Samaritanis, a Judæis  
 vitata 29†. 213  
 Comestor, Petr. no. atus 35†. 507  
 Comitia, quibus præsidebant Hebræorum Judices 7  
 Communio bonorum apud Pythagoricos & Essæos  
 usitata 31†. 219 199. *Josephi & Philonis* conci-  
 liatio 220  
 Comparatio GOODWINI inter Templi ministros  
 V. & N. T. typica 8†. 64 199. a Reformatis  
 extra Angliam impugnata 65. corruptelarum  
 Papisticarum mater 65 199. quomodo, si qua  
 admittenda sit, procedendum 65  
 Compater, *vid.* Susceptor.  
 Conciliatio locorum 1 Reg. VIII, 9. 2 Chron. V, 10.  
 cum Hebr. IX, 4. 262 199. item Marc. XV, 25.  
 cum Joh. XIX, 14 51†. 349 199. *Et tales sapius*  
*occurrunt conciliationes.*  
 Concionum sacrificialium subjectum 714. obje-  
 ctum personale *ibid.* objectum reale *ibid.* exi-  
 stentia, quibus rationibus adstruatur 714 199.  
 Conclave cambiale 292. nummulariorum *ib.* cæ-  
 suræ, ejus structura, situs, usus, & ratio reliqua  
 116†. 569 199. num in hoc conclavi Pilatus Chri-  
 stum capitis damnarit 570  
 Concremario, *vid.* Combustio.  
 Concubina, uxor prisceis Hebræis secundaria 138†.  
 625 199. nominis hebraici ratio & causa 138†.  
 139†. 626. illius differentia cum uxore prima-  
 ria 139†. 626 199. num mutua illarum differen-

tia ante Legem eadem, quæ post Legem 626.  
 Liberi concubinæ a liberis uxoris primariæ quo-  
 modo differant 139†. 626  
 Concubitus, *vid.* Copulatio.  
 Concupiscentiæ praviæ conditor, Deus, Phariseo-  
 rum impia sententia, præceptis IX. & X. detor-  
 fis 203  
 Condemnatio reorum in Synedrio, quomodo facta  
 113†. 566 quid eam secutum sit *ibid.* apud Ro-  
 manos & Græcos 113, 114†. 566  
 Condonare, quid sit Hebræis 520  
 Confessio, in capitis damnato apud Jud. cur requi-  
 sita 119†. 580. ab offerente primitias, edenda,  
 quamam & coram quo Sacerdote 617. confes-  
 sionis decimarum quamam ratio 622  
 Conjecturales, Doctores Talmudici 141  
 Conjugium, *vid.* Matrimonium.  
 Conjugibus novis, quamam Templi porta patue-  
 rit 45†  
 Conjunctio sacri ordinis & fastigii civilis ratio Mo-  
 ralis, & Typica 52  
 Connubia, circa Profelytorum, multæ trixæ 46  
*Convingius* Herm. 32†. 572 199.  
 Consecratio Sacerdotum ad offerenda sacrificia,  
 actus initiationis 10†. Novilunii, quo ritu apud  
 Judæos olim facta 424  
 Confessus Hebræorum, *vid.* Judicia Hebræorum.  
 Consistentes, *συμίσταμενοι*, quale pœnitentium in  
 Ecclesia Græca genus 111†. 561  
 Consistoria Hebræorum, *vid.* Judicia Hebræo-  
 rum.  
 Contactum mortuorum, immo propinquorum,  
 Sacerdos summus vitare debuit 95. contactus  
 sepulcrorum apud Judæos cur vitandus 645  
 Contractus matrimonii apud Hebræos, quotuplici  
 ritu factus 140†. 629  
 Conviviorum quot apud Hebræos genera 53†. 360.  
 quomodo unumquodque eorum appellatum sit  
*ibid.* cur convivium splendidum *משתה* appel-  
 latum 361. quot dies convivia nuptialia apud  
 Hebræos protracta sint *ibid.* illa nunquam *חג*  
*Festum* dicta esse, contra GOODWINVM obser-  
 vatur *ibid.* convivia sacrificialia 53†. 361. an hæc  
 ultima Agapis Christianorum originem dederint  
 53†. 362. ceremoniæ, in conviviis solennioribus  
 53-58†. 362-378. quinam, hospites exceperint  
 58†. 378. Judæorum æque ac Gentium in iis li-  
 beralitas 59†. 379. canon concilii Laodicensis lux  
 affusa 379. quando & quomodo prandium, &  
 cenam



# INDEX IV. RERVM ET PERSONARVM.

- cœnam pararint Judæi 59†. 380. num jentaculo usi sint 379. convivia Judæorum in Festo Purim 470. funebrium apud Iud. ratio & distinctio 147†. 647 lqq.
- Convivium Sacrificale, *vid.* Epulum Sacrificale.
- Copulatio, quomodo apud Hebræos peracta, & qualis ritus 140†. 629 lqq. an huic actui adhibiti fuerint testes 630
- Cor victimarum num inter ablegmina numeratum 713 lqq.
- Corban pro Gazophylacio interdum sumtum 291
- Corbis in offerendis primitiis usus 617
- Cornelius Cæsareensis, Profelytusne portæ, an justitiæ 6†. 41 lqq.
- Cornu instrumentum unctionis in Regibus adhibiturum 7†. 57. differt a lenticula *ibid.* cornua Altaris aurei quam arcte ei cohaerint 274. eorum figura *ibid.*
- Cornea in Noviluniis inflandi ritus 425 lqq. cornua Altaris ænei Mosaici, eorum materia & usus 285. eornibus cur Sol & Luna effigientur 97†
- Cornutus quare Moses pingatur 97†. 51 lqq. unde Bacchum cornutum tradant veteres 512
- Corona ex mente Iudæorum triplexne vel quadruplex 60. insigne Regum Israeliticorum 8†. 60. diversa a Diademate 61. distinctio inter *στέφανος* & *σεφάνος* in aula CPolitana olim usitata *ibid.*
- Corona Sanctitatis, *vid.* Bractea aurea.
- Corporis decens habitudo membrorumque integritas, necessarium Sacerdotum requisitum 91. vitia corporis quot Scriptura, quot Magistri definiant *ibid.* ratio typica 92. corporum dispositio varia, a Discipulis Iudæorum, cum docerentur, adhibita 19†
- Cortini byssini 284
- Corus, eadem cum Chomer mensura 159†. 684. tam aridis quam liquidis adhibitus *ibid.*
- Craticula ænea, Altaris ænei Mosaici pars 285. ejus usus controversus *ibid.*
- Creare, quid significet Rabbiorum proverbium, *Deum omnia creare in litera* 7 101†. 525
- Creatura. unde factum, ut Iudæi per creaturas jurarint 657. iudicium de eo Judæorum recentiorum *ibid.* Aegyptiorum huc spectans praxis 149†
- Cregutus, Anton. laudatus 474
- Creditorum res, an accise ob remiss. debitorum anno Sabbathico 81†
- Cremerus, Bern. Seb. laudatus 299. expensus 273. 299 lqq. 707 lqq.
- Crucis supplicium Romanis proprium 125†. 591. confutantur, qui illud ad prisecos Iudæos referunt 591 lqq. crucis significatio & generalis divisio 125†. 592. ad crucem affixio num eadem sit cum stipitis infixione 592. crux compacta utrum triplex, an una 593. unaquæque crucis compactæ species descripta 125, 126†. 593. crux, ex qua Christus pendit, qualis 126†. 593 lqq. circumstantiæ, quibus Romani in crucifixione usi sunt 126†. 594 lqq. de crucifixione Christi quid notandum 594 lqq. hora, qua Christus crucifixus est, controversa 51†. 349 lqq. quomodo Marcus cap. XV, 25. & Iohannes cap. XIX, 14. conciliandi *ibid.*
- Cubicula imaginis quid 99†. 515 lqq.
- Cubitus. hujus mensuræ in Scriptura usus frequens 666. in genere quid designet 675. hujus mensuræ usus & antiquitas *ibid.* Cubitorum species 157† lqq.
- Cubiti *Communis* ad alias mensuras relatio 157†. 676 lqq.
- Cubiti *Sacri* ad alias mensuras relatio *ibid.* annon potius unus cubitus sit statuendus 677
- Culter mactatorius qua arte victimis cadendis applicandus 712
- Cultus in loco illegitimo, licet vero Numini exhibitus, Sacerdotem in perpetuum ab Altari arcebat 93. publicus, Deo a Gentilibus præstitus, num Hebræorum Tabernaculo, Templo, ac cultui ibi exercito, originem dederit 251 lqq.
- Cumenus, Petr. notatus 532
- Curcellæus, Steph. confutatus 812
- Curia Hebræorum, *vid.* Iudicia Hebr.
- Custodiæ liberæ apud Romanos ratio 123†. 587
- Cyrillus Alexandrinus notatus 473, 483

## D.

- Dæmonum cultus numne siderum cultum antecesserit, an exceperit 475
- Dagonis figura ex mente Magistrorum 94†. 500. usus 94†. 500 lqq. nomen unde descendat *ibid.*
- Daniel quo jure a Iudæis ex Prophetarum ordine eliminetur 523
- Danzius, Joh. Andr. notatus 47 lqq.
- Darcon, *vid.* Daricus.
- Darchemon, *vid.* Daricus.
- Dare interdum idem, quod erudire 44†. 319
- Daricus,

# INDEX IV. RERVM ET PERSONARVM.

Darius, qualis nummus 162†. 694. quibus populi usitatus *ibid.* quomodo Chaldaice dictus *ibid.*  
 Darshan, non tam disputatorem quam concionatorem denotans 136  
 David, prophetico munere functus; minus commoda loquutio 52. quo jure a Judæis ex Prophetarum ordine eliminetur 523  
 Debitorum remissio in anno Sabbathico 80†. 443. num legis divinæ fuerit 443. num perpetua, ita ut nulla unquam eorum sequeretur solutio *ibid.* annon per eam res illorum, qui mutua dabant, accisæ sint 8†. num in Iobelo etiam usitata 462 fqq.  
 Decempeda quid 678  
 Decemviri Otiosi Synagogæ. sententia *Lightfooti* 310 fqq. controversiæ inter *Vitrinam* & *Rbenferdium* enarratio 311 fqq. cur ad Synagogam oppidanam requisiti fuerint 312. quid inde colligi queat *ibid.*  
 Decimæ Levitis a populo, & Sacerdotibus a Levitis pensæ, unde 133, 135†. 615. 619 fqq. quænam cum Levitis, tum Sacerdotibus pendendæ 136†. 620 fqq. earum species diversæ 137† fqq. 619 fqq. antiquitas 619. ad Gentes migratio *ibid.* tempus anni, a quo computarentur 137†. 623. earum loco quid Judei religiosiores hodie pendant 137†. 623. solutio quomodo peracta 136, 137†. 623. temporibus corruptis inter Judæos neglecta 137† fqq. 624. quænam dubiæ fuerint 138†. 624 fqq. earum confessio, quid 622  
 Decollatio, supplicium Judæorum capitale 120†. 581 fqq. gladius, quo peracta fuit, cur sepeliri consueverit *ibid.* ejus reus quis 122†. ejus modus 122†. 586  
 Dedicationis Festum, *vid.* Encæniorum Festum.  
 Defectiva & Plena, Kabbalæ species 534  
 Deliciarum Sabbathicarum ratio quænam 391  
 Denarius, Romanorum nummus qualis 161†. 691. ejus in Sacrum & Communem divisio 161†  
 Denudatio capitis. ab hac sibi cavere debebat summus Sacerdos 11†. 95 fqq. dicta scripturæ, hanc cautionem imperantia, a Rabbinis in sensum contrarium torquentur *ibid.*  
 Descriptio sub Augusto gemina 36†. 242 fqq. quomodo una ab altera differat 36†. 242, cur *priorem*, Luc. II. memoratam, prætermiserit *Josephus* 242. sensus voculæ *πρώτη* Luc. II *ibid.* num utraque Cyrenio demandata 242 fqq.  
 Desponsatio, num in uxore primaria & secundaria

priscorum Hebræorum eadem fuerit 139†. 626. quomodo peracta 139†. 627 fqq.  
 Detonsio capilli per novaculam, quibus injuncta, quibus interdicta, fuerit 105  
 Deorum nominibus & cultibus quænam res investitæ sint 85† fqq. 479 fqq. quot & quosnam, ceu summos, coluerit prisca in Oriente gentilitas 482  
 Deorum Tutelarium evocatio quomodo peracta, aut elusa 85†. 477. Gentilium circa eos regendos cura, quibus rationibus innixa *ibid.*  
 Dei, circa *τετραγάµµατον* nomen, Judæorum religio, qua in re fundata 85†. 476 fqq. controversia circa idem nomen inter Christianos agitata, quomodo componi queat 478 fqq. solus legitimi Judæorum juramenti objectum est 149†. 655 fqq. caliginis incola 748 fqq.  
 Deus Ignotus, quo sensu Atheniensibus Act. XVII, 23. dictus. & unde hæc denominatio orta 476. ei aliæ quoque gentes altaria consecrarunt, cur 84, 85†  
 Dextra. stare ab ea, quid sit, & unde phrasis petita 112†. 565  
 Deylingius, Sal. laudatus 14, 17, 269. & sæpius. Vide & 263, 269. aliqua ejus sententia proposita 259 fqq.  
 Diabolus, num tanta ejus in animas s. beatas, s. damnatas sit potestas, ut eas e sedibus suis evocare queat 547. cur caliginosam habitationem affectarit 764 fqq.  
 Diana, eadem in gentilismo cum Luna credita 512. ubi culta 97, 98†. 512. templum Ephesi constructum quale 98†. 513. quid de simulacro, ibi constituto, observandum *ibid.* ejus Sacerdotes quomodo dicti; & quales fuerint 513. ejus *ναὶ ἀργυροὶ* quid 98†. 513 fqq.  
 Dicaſteria Hebræorum, *vid.* Judicia Hebræorum.  
 Dickinsonus, Edmund. notatus 332 fqq. 506 fqq.  
 Dictatoribus similes erant Hebræorum Judices 2†. 7  
 Didrachmum, qualis Hebræorum nummus 161†. 690  
 Dies apud Hebræos quoduplex 49†. 345. Artificialis *ib.* Naturalis quam diu durarit *ib.* naturalis, secundum Ecclesiasticam & civilem computationem acceptus 345. hujus distinctionis in intelligendis Script. S. locis usus *ibid.* num Christus in terris commoratus, computationem ejus civilem, ex more Romanorum hauserit *ibid.* ejus apud Judæos in quatuor partes majores divisio, imprimis ex parabola de operariis in vinea deducta.



# INDEX IV. RERVM ET PERSONARVM.

ducta 50†. 348 fqq. GOODWINI expositio dictæ  
parabolæ expensâ 348 fqq. in quadrantes di-  
visio, Turcis quoque usitata 349. hæc divisio  
ad conciliationem Marc. XV, 25. & Joh. XIX, 14.  
applicata 51†. quotupliciter apud Judæos in  
horas divisus *ibid.* ejus in XII partes divisio,  
quantam ætatem ferat 354  
Dies festi a profestis apud Romanos atque He-  
bræos distincti 49†. 346. eis quid apud pri-  
scos Hebræos præcesserit 346. non erant Ju-  
ridici inter Judæos 578  
Dies profesti Romanis & Hebræis usitati 49†. 346  
*de Diu*, Ludov. 350, 410, 430. notatus 263, 269  
Digitus, mensuræ apud Hebræos species 157†. 673.  
num vox מצבע digitum majorem, & minorem  
designet 673. adagia inde orta, quænam 673 fqq.  
Dii Deæque omnes, generali hac formula cur uli  
sint Gentiles 34†. 476  
Discalceatio *vide* Calceus. Religiosæ in loco sacro,  
ratio 769 fqq.  
Discipuli Magistrorum varie appellati 18†. 141 fqq.  
qua positura dicta Magistrorum exceperint 19†.  
146. diversa illorum capacitas quibus rebus  
assimiletur 19†. 147  
Discipuli Sapientum, rejecto Sapientum nomine,  
vocati sequiorum temporum Magistri 16†. 129.  
huius rei ratio data 129. nunc חכמים  
nunc עם הערץ oppositi *ibid.* sex in iis res  
turpes enumerantur 130  
Disceubitus, *vid.* Accubitus.  
Dispersio Judæorum quotuplex 33  
Disputandi in Synagogis modus quis 19†  
Disputatores, gradus Magistrorum, qui post ca-  
pitivitatem Babylonicam viguerunt 18†. 119  
Dissectio sui, luctus apud Judæos testificatio 147†.  
648. unde hic ritus ad eos transierit *ibid.*  
Divinationis varia genera 104† fqq.  
Divinatorem, qualem מעינן designet 104†. 540 fqq.  
Divortium, *vid.* Repudium.  
Docendi publice munus, penes quos sub Lege fue-  
rit 117 fqq. quibus in locis 118  
Docentes אבות הוראה quinam dicti 141  
Doctores Judæorum, *vid.* Magistri.  
Dominicani notati 595 fqq.  
Dominico die Imperatores Christiani, Judæos imi-  
tati, judicia exercere nefas pronunciant 387.  
ejus determinatio quo referenda 802. cur Sab-  
batho successerit *ibid.*  
Dominus Convivii, quomodo alias appellatus 58†.

378. ejus officium & a Patrefamilias distinctio  
*ibid.* non idem cum Symposiarcha & Modim-  
peratore 378. diversus etiam a Præfecto mo-  
rum, Οφθαλμω dicto 58†. 378, 633  
Domus, *vide* Schola.  
Domus anterior 40†  
Domus Judicii. quænam causæ ad eam post ever-  
sam Urbem relatæ 552  
Dona, Judæi in Festo Purim alter alteri mittere  
solebant, quænam 470. ritus liberos concubi-  
næ iis emittendi, qualis 139†. an hic ritus apud  
priscos Hebræos omnes, & ubique obtinuerit  
627  
Dorfscheus, Joh. Georg. laudatus 674, 722 fqq.  
760. expensus 396  
Dos. ejus scribendæ ritus qualis 142†. 633 fqq.  
ejus instrumentum, cujus tenoris 142†. qua-  
lem sponsa marito suo attulerit 144†. 639  
Dositheus duplex 206. utriusque ætas & dogma-  
ta *ibid.*  
Doxologia precibus Judæorum subjuncta 325 fqq.  
Draco. de eo, & Belo, Apocryphus Danielis Con-  
tinuator & Josephus Ben Gorion pugnantia tra-  
dunt 499. erudita Seldeni conjectura *ibid.*  
& fqq.  
Druidæ etymologia 46†  
Drusilla, *vid.* Herodiades.  
Drusus, Joh. laudatus 498. 628. notatus 174 fqq.  
263, 320 fqq. 498, 594, 614.

## E.

Ebionitæ Codicem Sacrum mutilarunt 164  
Ecclesia militans & triumphans, per Tabernacu-  
lum adumbrata 254  
Ecclesiasticus annus, sive Festorum 359  
Ecclesiasticum consistorium 550 fq.  
Ecstasis Prophetarum 523  
Edere cum peccatoribus 25†. 189  
Edzardus Lud. Eliez. expensus 581  
Effusio olei in conviviiis 55†. 368  
Egestionis porta 329  
Eledus est, qui rite exploratus in numerum disci-  
pulorum apud Judæos cooptatus erat 142  
Elemosynæ. nominis צדקה ratio 292 fqq. 727 fqq.  
GOODWINVS notatus 292. ordinariæ, quo-  
tuplicis fuerint generis *ibid.* num צדקה in  
Scriptura eas designet 293. discrimen inter  
צדקה & חסד ex mente Judæorum *ibid.* an  
in Synagoga fas fuerit eas erogare *ibid.* quam-  
nam

# INDEX IV. RERVUM ET PERSONARVM.

nam earum speciem vox צרקה denotet 727 lqq.	Ephraimi porta	328
unde & quo tempore, צרקה seu <i>justitia</i> nomine, insigniri ceperint 728 lqq. 740 lqq. 742.	Epicurei, a Rabbanitis vocantur Karæi 169. sicut & Sadducæi 210. cur	212
vox צרקה משפט נאד juncta, quid 731. quo sensu 61 LXX. צרקה per ελεημοσύνην verterint 739. an & cur Judæi in Eleemosynis quæfiverint causam justificationis suæ coram Deo 740 lqq. an vox צרקה Judæis interdum pro causa justificatrice 741. earum necessitas ex mente Judæorum 742 lqq. earum apud Judæos distinctio 743 lqq. materia 744 lqq. eas colligendi modus 745 lqq. objectum quotuplex 746 lqq.	<i>Epiphanus</i> notatus 78, 26†. 191, 214, 474	474
Eleemosynaria capsa 40†. 291, 293	Episcopi & Diaconi Ecclesiæ Anglicanæ an per Ministros Templi in V. T. adumbrati sint 65	65
Elevationis oblationes 132 lqq. ejus oblatio magna 13†. 615. quotuplex 709, 714. ab agitatione distinctio <i>ibid.</i> 5 lqq.	Episcopus congregationis, quis 311	311
Elite cur in circumcissionis actu sella posita 130†. 606. an hic ritus Salvatoris tempore notus 130†. vana de ejus reditu Judæorum spes. 130†. 606	<i>Episcopius</i> , Sim. notatus 810	810
<i>Elie</i> R. de sex durationis mundi millenariis traditio 8†. 446 lqq. illa in oppugnandis Judæis usumne præstet, quove fundamento <i>ibid.</i>	Epitaphia Judæorum 146†. 646	646
<i>Elias Byzantinus</i> laudatus 406	Epitrapezii Dii 281	281
Emancipatio fervorum 463	Epula Sacrificialia 53†. 36†. num Agapis Christianorum originem dederint 53†. 302, 716. ex quarum victimarum carnibus parata fuerint 715. eorum rationes & leges variæ <i>ibid.</i> inde Gentilium Epula Sacrificialia traducta <i>ibid.</i>	<i>ibid.</i>
Emtio & venditio num in deserto locum habuerint 667. dissensus GOODWINI <i>ibid.</i>	Equorum porta 327	327
Emunctoriorum in candelabro aureo usus 283. nomen illorum, מרתות, num ad vasa, pro recipiendis purgamentis supposita, referendum <i>ibid.</i>	Equi, Soli consecrati 490 lq.	490 lq.
Encania, cur sic vocata 83†. 471. unde natales arcessendi <i>ibid.</i> quot dies durarint <i>ibid.</i> quo die initium ceperint <i>ibid.</i> celebratio, quo ritu peracta 471 lqq. num urbi Hierosolymorum adstricta 472. num eorum mentio Joh. X, 22. fiat 83†. 472. institutio & ratio quænam 83†. ea Christiani sunt imitati 818 lqq.	de Equo num decimas solverint Judæi 622 lqq.	622 lqq.
Enteler f. Entoler, Pontificis M. mandatarius 565	<i>Erasmus</i> , Desider. notatus 385	385
Ephæ capacitas quænam 159†. 683 lqq. ad alias mensuras relatio 682-684. quomodo a LXX Interpretibus vocetur 683. fuit mensura communissima 684	Esra apud Judæos auctoritas 152†	152†
Ephemeræ Sacerdotum 100, 101, 102	Esseni seu Essæi. variæ etymologiæ 31†. 216 lqq. cur Therapevta dicti 31†. 217 lqq. origo, num ex Hasidæis 217. dogmata & constitutiones, cum doctrina Pythagoræ congruentes 31-34†. 219-232. in doctrina de fato a Pharisæis, & Sadducæis discrepantia 32†. 224. eorum origo remota & proxima 230. & incerta 34†. 151, 230 lqq. cum Rechabitis & Naziræis haud confundendi 34†. 231. aditus Templi ipsis præclusus <i>ibid.</i> quis primus eorum nomine insignitus 34†. 232. an sub Pharisæorum nomine in N. T. comprehensi 232. rationes neglectæ eorum in N. T. mentionis 34, 35†. an Christum convenerint, meliora ab eo edocti 233. Paulum 1 Tim. IV, 3. 1 Tim. V. 23. præsertim Col. II. dogmata ipsorum impugnasse, <i>Chemnitii</i> & GOODWINI sententia 233-235. Christusne & Apostoli ex eorum prodierint sodalitate 235. Theoretici partim, partim Practici fuerunt 31, 35†. 235 lqq. utrorumque inter se convenientia & discrepantia <i>ibid.</i> <i>Basnagii</i> divisio tripartita haud necessaria 236. num Theoretici a <i>Philone</i> memorati, Monachi, fuerint Christiani 35, 36†. 237 lqq. in cultu eorum publico mulieres separatæ a viris 312	312
Ephesus urbs unde nomen acceperit 513. cur <i>εὐνομία</i> dicta 512 lqq. ejus Templum, Dianæ dicatum, quale 513	Estheræ libellus, cur Judæis נאד' עסתר מנלה vocetur 663. ejus lectio in Festo Purim 83†. 470	470
Ephod, quale vestimentum 9†. 74. vel vulgare, vel Pontificium 74. quid typice adumbret 88	Ethnici <i>vid.</i> Gentiles.	



# INDEX IV. RERVM ET PERSONARVM.

Evangelici præconii symbolum, Sal 721  
 Evangelistarum textus vindicatus 17  
 Evocationem Deorum Tutelarium quomodo eludere conati sint Gentiles 85†. 477  
 Eucharistia, *vid.* Cæna Sacra.  
 Eucharistica Sacrificia, *vid.* Pacifica Sacrificia.  
 Eunuchus Candaces Dynasta, utrum portæ, an iustitiæ Profelytus 41. dissensus GOODWINI 6†  
 Eunuchi ex mente Rabbinorum ab officio Judicium arcebantur 117†. 576  
*Eusebius* notatus 474  
 Examen Candidatorum geminum α) famæ & vitæ 143. β) eruditionis & profectuum 144  
 Excellentia dignitatis inter privilegia Primogenitorum relata 2. usus inde proveniens, qualis *ibid.*  
 Excelsa *vid.* Celsa. Luci.  
 Excelsum magnum, quid 334  
 Excisio ex Israele utrum pœna civilis, an spiritalis ac æterna 67, 405, 609  
 Excommunicationis tresne, an bini solum apud Judæos gradus 554 fqq. graduum ratio 110† fqq. 555 fqq. ejus in Ecclesia Græca quot & quales gradus 111† fqq. 560 fqq. num trium excommunicationis Judaicæ generum, cum tribus castris collatio recte instituat 562. GOODWINVS notatus *ibid.*  
 Excommunicati a Pœnitente distinctio 45†. quænam Templi porta ei patuerit *ibid.*  
 Execratio juramentum Judæorum plerumque committata est 149†. 659  
 Executionis locus extra portas 119†. 583  
 Expiationum Dies. vestes Pontificis M. illo die 64, 86. qualem dissensum inter Rabbanitas & Karæos pepererit 171 fqq. ejus appellationes 433. num inter Festa referendus *ibid.* tempus ejus feriatiōis *ibid.* cur solennitas ejus major, quam dierum feriatorum reliquorum *ibid.* & fqq. ejus cerimonie populū & Sacerdotem concernentes 78†. 434 fqq. Judæorum hodiernorum in eo praxis 79†. 439. officium, in eo Sacerdotis summi, quomodo cum antitypo comparandum 80†. in eo quænam animalia mactanda 706, 712  
 Expiationes Gentilibus usitate 79†. 440  
 Exsecta seu Ablegmina victimarum 713. an iis cor & cerebrum annumeranda 713 fqq. eorum in Altare illatio qualis ritus 714  
 Extructio templorum Judaicor. 294 fqq.

Exta bestiarum. eorum in divinatione usus 107†. 549  
 Extensio in arena a discipulis Judæorum, cum docerentur, nonnunquam adhibita 19†. 147  
 Extispices, quodnam hominum genus 107†. 549

## F.

*Fabricius*, Franc. notatus 122  
 Faciei conversio versus Hierosolymam & Sanctum Sanctorum a Judæis observata 322 fqq.  
*Fagius*, Paul. vindicatus 562. notatus 372 fqq. 522, 542, 591 fqq.  
 Familiæ Judæorum 1, 2. & fqq. earum discrimini servando quomodo Jēbelæorum observatio inservierit 467  
 Fasciculus ramorum, Lulaph, Festo Tabernacul. 71†. 416. ejus mysteria *ibid.*  
 Fatum, de eo sententia Essenorum & Sadducæorum 179. Pharisæorum 23†. 179 fqq. 211 fqq. ejus cum Deo & libero arbitrio combinatio, Pharisæis a *Josepho* tributa 180 fqq. an eos ab errore absolvat *ibid.* fqq. quomodo tres Judæorum sectæ hac in doctrina differant 32†. 224  
 Femoralia linea, vestes sacræ Sacerdotis summi & gregariorum 9, 10†. 71. eorum descriptio 71. speciatim usus 9†. 72.  
 Femoris percussio, inter signa luctus 651. subter illo ponere manum suam, idem quod jurare 148†. 653. ritus ab Abrahamo hic administratus, quid significarit *ibid.*  
 Fenestræ num in Sancto Sanctorum fuerint 258, 762 fqq.  
 Feriatio in Pentecoste 412  
 Ferire fœdus, ratio dictionis quænam 156†. 671 fqq.  
 Fermenti expurgatio, inquisitio, exterminatio, & execratio in epulo Paschali & Azymorum Festo 67†. *Maimonidis* de ea re sententia 404. pœnæ eorum, qui fermento in Festo Azymorum vescerantur 67†. illud toto Paschatē ore non presserunt recentiores Judæi 124†. num omnis usus ab oblationibus exclusus 723. ab Altari illud plane arcendum 726  
 Fermentum Herodis, quid 247  
 Ferreum scribendi instrumentum 662  
 Ferra unde confecta 708. victimæ iis junctæ *ibid.* eorum species *ibid.*  
 Festa apud Judæos celebrandi modus 53† fqq. num sacrificia vel convivia festalia interdum denotent 361. convivia solennia in iis usitata, &

# INDEX IV. RERVM ET PERSONARVM.

- & cerimoniarum quænam 53-58†. 362-378. Sabbathi nomine interdum veniunt 59†. iis præcessit indictio sanctitatis 346
- Festa specialia, *vide suo unum quodque in loco.*
- Festivitatibus intimandis & celebrandis quid infervierit 670
- Festum, פסח, an reddi Agnus possit 361
- Festus & profestus dies, quid 49†. 346
- Figura, Kabbalæ species 534
- Filia Vocis, seu Bathkol, nominis ratio & significatio 102†. 525 seqq. distinctus a Prophetia revelationis divinæ gradus 526. quomodo edita 102†. 526. quando usitata *ibid.* & 42†. 302. auctor ejus quis 526. unde prolata sit 526 lqq. in eam quid verterint superstitioni homines 527. ea quid sit 302 seqq. 527 lqq. quamdiu usus ejus durarit 528. a voce quomodo differat *ibid.* Judæorum circa eam nugæ 303
- Filii thalami. variorum eorum appellationes 63†. quinam fuerint 140†. 63†. eorum officium 63†. an hæc locutio, טו שושבנים accurate exprimat *ibid.* ויוי טו נומפאנוס an פולויס טו נומפאן æquipollean 63† lqq.
- Filli vulgares, oppositi primogenitis 2
- Filiosum sacrificium nefandum 488
- Filius anni quid 65†. 399 lqq.
- Filius Dei, Schechina 767, 768
- Filum coccineum. ejus in aspersione sanguinis usus qualis 713
- Filum rubrum. ejus in secundi Templi Altari æneo usus qualis 286. locum phylacteriorum occupabat tempore persecutionis 195. origo e funiculo filii coccinei. Rahabæ deducta *ibid.*
- Fimbriæ. earum dilatatio Phariseis exprobrata 27†. 198 lqq. an eas ipse Christus gestarit 27†. 199. nominum hebræorum, quibus designantur, ratio reddita 27†. 197 lqq.
- Flagellatio apud Judæos vel Legalis, vel Rabbinica 589. Tyrannica 590. Legalis quot plagis absoluta 124†. 589. quibus delictis inflicta 589. quomodo peracta 124, 125†. 589. cur a Judæis ad XXXIX. plagas restricta 590. Rabbinica; ejus ratio 589. num flagellatio aliquam infamiae notam inusserit 590. Judaica a Romana distinctio 594. de ea, quam Christus expertus est, quid notandum *ibid.*
- Flagellum, seu Flagrum. quali in flagellatione legali usi sint Judæi 124†. 590. taxillatum quid, & quis eo castigari consueverit 125†. taxillatum quomodo in Scriptura appelletur 125†. 590. eo cur Christus cæsus sit 594
- Foculus prunarum, vas ad ministerium suffitus 260
- Fœdus pangendi ratio qualis antiquis temporibus fuerit 156†. 671. in eo pangendo cur percussio pecoris usitata fuerit 671. phrasæ inde ortæ quænam 672. num uno modo Gentes sanguine illud sanxerint *ibid.* inter τὸ pacem offerre & fœdus pangere quale reperiatur discrimen 156†
- Fœdus divinum. ad ejus jus non admissi Profelyti portæ 41
- Fœdus Salis quid 720 lqq.
- Fœminæ. iis officium Judicum quoque apud Hebræos demandatum 7. apud Judæos a gestatione Phylacteriorum immunes fuerunt 192 lqq. earum atrium 40, 290. in cultu Essenorum publico a viris separatae erant 312. capita velandi mos in iis observatus, qualis & quibus rationibus innixus sit 142†. 635 lqq.
- Fœminæ lamentatrices. earum apud Judæos officium quale 148†. 652. eas conducendi ritus num omitti potuerint 652. num solis fœminis id officii demandatum sit *ibid.* idem ritus a Romanis observatus *ibid.*
- Forcipes. eorum in Candelabro aureo usus qualis 282, 285. quomodo hebraice appellati 282
- Fortitudo in Judicibus Hebræorum requisita 117†
- Franzius, Wolfg. laudatus 413, 714 lqq.
- Frischmuthus, Joh. expensus 573 lqq.
- Frælich, Erasmi. 689. notatus 512, 692
- Frondium in Festo Tabernaculorum usus qualis 71†
- Fructus, num omnes, vilissimæ quoque olera hortensia ex lege divina decimare debuerint Hebræi 619 lqq. a GOODWINO & aliis dissensus 620
- Fruges terræ per manipulum Deo consecrandæ 412. de earum primitiis quid observandum 132†. 612 seqq. quænam ex iis vocatae sunt primitiæ septem rerum 133†. 614
- Frumentum. primitiarum ejus modum & mensuram num Deus definierit 612
- Fullerus, Nicol. laudatus 541. notatus 232, 546
- Funerium conviviorum apud Judæos ratio quænam 147, 647 lqq.
- Funiculus, s. Funis, mensuræ species, quibus fuerit usitata 678. num iusta ejus longitudo comperita sit 158†. 678. nominis hebræi, quo designatur, significationes variae 677 lqq.
- Funus. num in funere Judæorum regio combustio



# INDEX IV. RERVM ET PERSONARVM.

stio recepta fuerit 642. *GOODWINI* dissensus  
*ibid.* cerimoniae Hebræorum circa illud usura-  
 tæ quænam 147, 148†. 651 fqq.  
 Furtum quomodo vi legis inter Judæos punitum  
 fit 587  
 Fuscinula 285

## G.

*G. latini*, Petr. fides sollicitata 524  
 Galilææ pars, num trans Jordanem sita, & Gaula-  
 nitis appellata, fuerit 241. ejus situs 242  
 Galilæi, *vid.* Gaulonitæ.  
 Gallinæci ovi in mensuris Hebræorum liquidis,  
 usus 681  
*Galloni*, Anton. notatus 591 fqq.  
 Gallum, Judæi hodierni Die Expiationis loco hirci  
 eligunt 79†. 439. cur 79†. quo ritu 440  
 Garizim, qualis mons 212 fqq. ad eum Samaritana  
 Joh. IV, 20. respexit 212 fqq. Templi in isto ex-  
 structio, ibique peracta a Samaritanis Sacra 29†.  
 212 fqq. ejus Templum a quonam & ejus ve-  
 nia exstructum *ibid.* Sadducæos ibi sacrificasse,  
*vide Bartolocci* conjectura 213  
 Garmō familia, in coquendis panibus facierum no-  
 bilis 279  
*Gatâkerus*, Thom. notatus 380 fqq.  
 Gaudium insigne requirebat Pentecostes celebratio  
 412. quale fuerit & qua in re fundatum *ibid.* fq.  
 Gaulanitis, ejus situs & a Galilæa distinctio 242  
 Gaulonitæ, factionem potius politicam, quam se-  
 ctam Judæorum constituunt 36†. 241-243. in-  
 terdum Galilæi appellati 36†. 242 seqq. Judas,  
 a quo nomen sortiti sunt, quare Gaulonites, &  
 Galilæus nuncupatus 36†. 241 seqq. qua occa-  
 sione orti 36†. 243. interdum Zelotæ dicti 243.  
 an iidem sint, quorum sanguinem Pilatus sacri-  
 ficiis ipsorum miscuerat 244. quo sensu Luc.  
 XIII, 1. Galilæi audiant *ibid.*  
 Galophylacium a capsâ nummaria distinguendum  
 291. vocatum קרבן (*Korban*) *ibid.* erat gemi-  
 num conclave *ibid.* quo loco collocatum *ibid.*  
 ejus ab Argyrotheca Jojadæ distinctio 40†. in-  
 terdum pro toto Atrio ponitur *ibid.* & 292.  
 variæ nominis Hebræi significationes 291  
 Gehenna quid 115†. 485. unde nomen ejus 87†.  
 485 seqq. cur Tophet vocata 484 fqq. sententia  
 eorum qui pro amœno, & eorum, qui, pro fœ-  
 dissimō loco venditant, quomodo conciliata 485.  
 ejus ignis num flammæ infernales adumbravit  
 486. ejus ignis Matth. V, 22. memoratus, un-  
 de nomen traxerit 87, 88†. 486. ejus in supe-

riorem & inferiorem divisio, ex mente Kabbali-  
 starum 88†. 486. quot ejas mansiones s. gra-  
 dus ex mente eorundem 88†. 486 fqq. an igne  
 ejus infantes combusti, an vero tantum Molo-  
 cho consecrati 88†. 487 fqq. quo sensu sub voce  
 גֵּהֶנּוֹם comprehendatur 486. immanis in ea  
 cultus unde ortus sit 488  
 Gehinnom, *vid.* Gehenna.  
*Geierus*, Mart. laudatus 96, 597, 642, 650, 757, 759  
 Gemaræ apud Judæos pretium atque auctoritas  
 127. ex Amorrhaitarum disputationibus nata  
 141. laudata 298, 312 fqq. ejus in Hierosolymi-  
 tanam & Babylonicam divisio 530. *Hierosoly-  
 mitanæ* auctor quis 530. quando composita *ibid.*  
 quot & quales Mischnæ Codices explicet 531.  
 quo stylo scripta *ibid.* *Babylonica* quando &  
 quorum opera incepta, & absoluta fuerit 530  
 fqq. num in Mischnam commentarius sit inte-  
 ger 531. ejus usus 532  
 Gemmæ Pectorali insitæ. secundum eas Israelitæ  
 suum quisque vexillum cognoverunt 667  
 Gematria, Kabbalæ species quænam 534  
 Genealogiarum catalogi: eorum usus 6†. Esdræ  
 & Synagogæ M. in eos merita 35. usus priva-  
 tus & communis 36. ratio illos explicandi, ob-  
 scura *ibid.* in captivitate Babylonica turbati  
 sunt, excepta tribu Judæ & cumprimis Familia  
 Davidica 37. post destructionem Templi plane  
 interierunt *ibid.* & 35. traditioni, Herodem  
 M. eos flamma delevisse, fides nulla 16†. 37 fqq.  
 eorum abusus a Paulo Tit. III, 9. notatus  
 38. ad eos Hebr. VII, 14. respicitur 36  
 Geniculationis, ab incurvatione ad genua differen-  
 tia 323. ejus ratio *ibid.*  
 Genii, *vide* Dæmones.  
 Gentiles cur primum Tempia exstruere nefas pu-  
 tarint, sed colles, montes, & loca subdialia ele-  
 gerint 46†. num, ante exstructum Taberna-  
 culum, Tempia habuerint 333. num Israelitas,  
 de Templo ut cogitarent, suo exemplo incitarint  
 333. eorum idololatria 84†. fqq. 473 fqq. idola-  
 latriæ inter eos progressus 85, 86†. 479 seqq.  
 præcipua apud illos idola 98†. cur in precibus  
 suis formula, *Dii Deæque omnes*, usi 84†. 476.  
 eorum Deos evocandi, vel evocationem eluden-  
 di, mos 85†. 477. quot Deos supremos, ii in  
 Oriente coluerint 482. cur computationem cum  
 iis illicitam putarint Judæi 124†. oblatio pri-  
 mitiarum quantam apud eos ætatem ferat 618.  
 num ab eis oblationem primitiarum Hebræi acce-  
 perint

ceperint 618. decimandi ritum unde habuerint 619. quo ritu jurarint 148†. 652 seqq. eorum epula Sacrificialia unde originem traxerint 715. ex eorum institutis num origo Neomeniæ Judaicæ arcessenda 425. sanguinis ingurgitatio iis usitata 811  
 Gentium desiderium, an Alexander M. 305  
 ad Genua incurvatio, qualis apud Judæos ritus 323, 324. ejus a geniculatione differentia *ibid.* interdum loco prostrationis adhibita 323  
 Genua Doctorum. inter illa collocatio, quid 128  
 Geonæi, Doctores Judaici, utrum ab excellentia, an a superbia sic dicti 141. ubi, quando, quamdiu viguerint 141  
 Gerah, qualis Hebræorum nummus 161†. 688  
 Gerhardus, Joh. laudatus 345, 376, 409. expensus 262, 398, 595  
 Gersonitæ unam ex tribus Levitarum familiis constituerunt 12†. 102. eorum custodiæ res Tentorii, & Sacerdotum, demandatæ 12†. 107  
 Gibeonitarum fraus quanti æstimanda 156†. 672. reliqua *vide* in Nethinæi.  
 Gideonis num exemplo evinci possit, Judicibus Isrl. potestatem judicandi per dies vitæ haud relictam fuisse 7  
 Gladius, quo quis decollatus, cur apud Jud. sepeliri consueverit 120†. 581. qualis inde color concilietur fabulæ, de inventa Christi cruce ab Helena 581  
 Glasius, Sal. laudatus 413, 759. modeste expensus 262 seqq.  
 Glires religiose colunt Aegyptii 85†. 481  
 Gloria Dei, *vid.* Schechinah.  
 Goel, *vide* Vindex sanguinis.  
 Golan, urbs Sacerdotalis, Levitica, refugii Trans-Jordana 339. ejus situs *ibid.* ab aliis distinctio *ibid.*  
 GOODWINVS laudatus 263, 296 seqq. 338, 345, 425, 482, 487, 488, 493, 495, 510, 547 seqq. 567, 574, 580, 590, 633, 665, 673, 694. vindicatus 309. notatus 1, 5, 7 lqq. 10, 67 lqq. 115, 119, 145, 187, seqq. 214 lqq. 227, 244, 246 seqq. 292 lqq. 308 lqq. 328, 337, 340, 347, 348 seqq. 373, 374, 376, 380, 390, 392, 399, 406, 420, 424, 431, 441, 477, 485, 491, 493 lqq. 504, 524, 541, 548, 551 lqq. 554, 559, 562, 593, 607, 615, 620, 623, 626, 636, 642, 649, 654, 667, 677, 684, 692 lqq. & sæpius  
 Græci & Judæi respectu religionis oppositi 34.  
 Græci & Barbari, intuitu linguæ *ibid.* unde literas dedicerint 150†. 660. eorum Cadineæ literæ, quales *ibid.*

Grammatophylacii, Secretarii 16†. 132  
 Grana hordeacea, ex his ponderis & mensuræ prima æstimatio apud Hebr. 673  
 Gratiarum actio in Judæorum conviviiis 55†. 368 seqq. quomodo facta 368. dicta & Benedictio ciborum *ibid.* a quonam peracta 55†. 368. quibus formulis 55† lqq. 369, 371. a Christo & ejus sequacibus observata 369  
 Gregorius Nazianzenus, notatus 498  
 Gretserus, Jac. notatus 364, 591 lqq.  
 Grotius, Hug. laudatus 17, 320, 374. notatus 277, 373, 409, 497, 516, 548, 591 lqq. 628  
 Græpsius, Stanisl. notatus 689 lqq.  
 Guanta, chirotheca: an inde impletio manus illustrari possit 94  
 Gussetus, Jac. laudatus 297. notatus 269, 788 lqq.

H.

Habelis sacrificium, ejus originis 700 lqq.  
 Habeßini. ab iis Dominica & Sabbathi dies, cultu sacro infumitur 803  
 Habitare, quo sensu Deo tribuatur 754  
 Habitatio Dei in Templo, de quanam præsentia hic cogitandum 252  
 Habitus corporis, s. vestitus regius 8†. 62. habitus Phariseorum 176 lq.  
 Hackspanius, Theod. laudatus 536  
 Hædus, *vid.* Hircus.  
 Hæredes bonorum paternorum quinam liberi apud Hebræos fuerint 193†. 626 lqq. in herciscunda familia a Patribus familias pro arbitrio suo dicti

I.

Hæresiarchæ Zadock & Baithosus 207  
 Hæresis Dosithei 206. cum ea Sadducæorum affinitas *ibid.*  
 Hæretici. ita Sadducæi a Phariseis appellari 29†. 209. a Rabbiniis Karæi 169. an tales sint Herodiani 244 lqq.  
 Hammondus, Henr. notatus 287, 567  
 Hardt, Hermannus von der, notatus 353, 718 lqq. 721  
 Harduinus, Joh. notatus 14, 181 lqq. 211  
 Hæsei, Theod. peculiaris sententia proposita 258 lqq.

Hasidæi, *vid.* Assidæi.

Hasmonæi, *vide* Maccabæi.

He, in hac litera Deum omnia creare 101†. 525  
 Hebdomades interdum Sabbathia vocantur 60†. 355, 383. cur 355. apud Hebræos aut septem diebus, aut annis toridem absoluebantur 51,



# INDEX IV. RERVM ET PERSONARVM.

- 327-355. quem in finem septem a XVI. die mensis Nisan numerandæ 411. eorum dies quomodo hebraice, græce & latine dicti 607
- Hebraei, *vide* Judæi.
- Hebræorum a Profelytis distinctio 57. 31. quo fundamento nitatur 31. ejus in Scriptura S. usus 32. ejusdem membra opposita *ibid.*
- Hebron, refugii urbs Cis-Jordanensis 339. ejus historia & situs 339 seqq.
- Heideggerus*, Joh. Henr. laudatus 134, 473 seqq. 475 & sapius. notatus 4, 131, 494, 641, 680, 735 fqq. & passim alias.
- Hemius*, Dan. laudatus 476. notatus 320
- Hellenistæ, an Judæi sint, extra Palestinam habitantes, & græce loquentes 57. 32 seqq. seu, an Profelyti 33 seqq. sunt Profelyti, ex Græcis. Aegypti vel Asiæ populis oriundi 34
- Hemierobaptistæ num peculiarem inter Judæos sectam constituerint 257. 188 seqq. eorum dogmata 188
- Henochi donum propheticum 115. ejus prophetia scripta 115 fqq. num vivus in cælum translatus 116
- Herciscunda familia. in ea heredes a Patribusfamilias pro arbitrio suo dicti 1
- Hercules num sub Chiun aut Remphan lateat 491. ejus nomen unde, aut an Judæis notum 90, 91†
- Herodum nomine varii in N. T. appellati 246
- Herodes Agrippa, Junior, Romæ educatus 18. Chalcidis Syriacæ Rex *ibid.* tetrarchia Philippi, Batanæa, Trachonitide, & Abyla donatus *ibid.*
- Herodiadarum in Palestina Dynastarum ultimus *ibid.* excidio Hierosolymitano diu superfuit *ibid.* curam Templi & Pontifices M. constituendi jus habuit *ibid.* ejus Act. XXVI. mentio *ibid.* de clandestinis cum Berenice congressibus suspectus *ibid.* ejus altera soror, Drusilla, Emisensorum Regi nupta, posthæc Felicis concubina 19
- Herodes Agrippa, Major, 18, 244. varia ejus fortuna 18. ad regiam dignitatem evectus *ibid.* quales regiones regno suo adjectas acceperit *ibid.* Act. XII. memoratus *ibid.* & 244. misera mors 18. a Paganismi labe vindicandus *ibid.* an ab eo Herodiani nomen sortiti 244 fqq.
- Herodes Antipas, Herodis M. ex Malthace filius 17. Tetrarcha Galilææ *ibid.* & 244. quo sensu ab Evangelistis Rex salutatus *ibid.* dimisit uxorem, Herodiade adscita *ibid.* regium titulum ambiens in Galliam relegatur *ibid.* impietatis ejus in Johannem, Christum, & alios, specimina *ibid.* num ejus exactores tributum Hierosolymis colligere potuerint 246 seqq.
- Herodes Magnus, cur Ascalonita appellatus 21. 15, 244. ejus patria & ortus dubius 15. utrum alienigena, an Judæus *ib.* non natione & sanguine, sed religione Judæus *ibid.* regni ejus historia 15, 16. multarum barbararum in statu Judæorum Ecclesiastico auctor 16. profligatæ ejus impietatis specimina *ibid.* Templi Hierosolymitani instaurator 16, 295 fqq. quo sensu *Josephus* commendaret, eum, sublatis veteribus Templi fundamentis, nova jecisse 296. qua ratione regnum inter filios diviserit 16. ejus in regno Judææ, Samariæ & Idumææ successor, Archelaus *ibid.* num eum pro Messia venditarint & diem ejus natalem superstitionis Sacris celebrarint Herodiani 377. 245, 246. ejus in Synedrium M. crudelitas 1167. 575. num Genealogiarum Catalogos deleverit 167. 37 fqq.
- Herodiadarum familia in tabula sistitur 14. uberior descriptio 15 fqq.
- Herodiani, factio potius politica, quam secta Judæor. 367. 241, 246. an gens peculiaris, vel religionis secta 377. 245. qualis gens esset 245. qualia dogmata amplexi essent 377. 245 seqq. eorum appellatio ab Herode, incertum a quonam 244, 246. num Herodem M. pro Messia venditarint, & diem ejus natalem superstitionis Sacris celebrarint 377. 245, 246. quonam, & quale eorum officium 377. 246. num exigendis tributis præfecti fuerint, ut *GOODWINVS* vult 246 fqq. num Sadducæis addicti 245. num Patres de eorum dogmatibus recte senserint *ibid.* quo sensu *Βασιλει*, aut *οἱ ἐν τῆς Καίσαρος οἰκίας* audiant 246. cur Christo quæstionem de tributo moverint 247. num Christus eorum fermentum discipulis suspectum reddere voluerit *ibid.*
- Herodias, Herodisne Antipæ uxor, an concubina 17. quis prior ejus maritus *ibid.* quo modo *Josephus* & Evangelistæ, nomen prioris mariti diversimode referentes, conciliandi *ibid.* alia circa eandem rem difficultas remota *ibid.*
- Heumann*, Christoph. Aug. explicatio loci Rom. V, 6. 7. 168
- Hieracitarum de Melchisedeko errores 52
- Hieronymus* laudatus 485, 508. conciliatus 485. notatus 72, 74, 476, 477, 495, 496, 548
- Hierosolyma, quot ex sententia Talmudicorum conti-

# INDEX IV: RERVM ET PERSONARVM.

- continuerit Synagogas 43†. 309. versus eam  
facies precantis apud Judæos convertenda 322  
Hierosolymæ modernæ sedes incerta 643  
Hierosolymitanæ Academiæ origo 123. præcipui  
Doctores *ibid.* agitaræ ibi controversiæ 123 sqq.  
domus s. sectæ ibi diversæ *ibid.*  
Hierosolymitanum Talmud *vide* Talmud.  
Hilaritas in Noviluniis & Sabbathis Judæorum 425  
Hillel, magnus in Academia Hierosolymitana Do-  
ctor 123. 127. ejus controversiæ XVIII. cum  
Schammæo per Bathkol finitæ 123, 124, 318. ejus  
schola, Schammæi scholæ opposita 44†. 123, 316  
sqq. traditionum oralium auctor 127. copio-  
sa ejus vitæ descriptio 316-319. stupendus di-  
scipulorum numerus, eorumque eximiorum 317.  
ab Hillele, qui Princeps audit, distinguendus  
318. an fidem de futuro Messia abnegarit 318.  
ejus arrogantia & Doctorum aliorum contem-  
tus 127. paupertas 317  
Hillel, Princeps, a jam commemorato diversis  
318  
*Hillerus*, Matth. laudatus 153  
Hin. apud Hebræos mensuræ capacitas 159†. 685  
Hirci duo. qualis circa eos in Die Expiationis ri-  
tus 78† sqq. 435 sqq. typica eorum ad Chri-  
stum relatio 440 sqq.  
Hircus s. Hædus, num pariter atque agnus in Pa-  
schate adhibitus 398. num typus Christi *ibid.*  
Holocausta, sacrificiorum genus quale 706. quo-  
ruxplex *ibid.* a quibus & ob quas causas immo-  
lata *ibid.* ex eorum Altari omnis sacer ignis  
petendus 286  
Holocausta apparitionis, quamam sic dicta 706  
Holocaustorum Altare, *vid.* Altare Holocausto-  
rum.  
Homicida involuntarius. jus in eum Vindicis cum  
ante, tum post asyllum assecutum 340 sqq. mo-  
dus inquisitionis in eum patrata 48†. 341 num  
ei extra pomeria asyli progredi licuerit 342.  
cur per mortem Sacerdotis M. exilium ejus de-  
suerit 48†. 342 sqq.  
Homicidii apud Hebræos genera 337  
Homicidii involuntarii requisita 337 sqq.  
Honor Profelytorum apud Jud. 50  
*Hoornbeeckius*, Joh. notatus 320. & alibi.  
Horæ, diem artificialem, & civilem faciunt ap-  
Hebr. 49†. 345 sqq. in æquales & inæquales  
divise 346. cur *ibid.* aliæ minores, s. dici,  
aliæ majores, quæ & horæ Templi s. precatio-  
nis dicuntur 51†. iis indicandis quomodo ho-  
rologia rotata inservierint 352  
Hora crucifixionis Jesu controversa 51†. 349. num  
Marcus XV, 25. aut Johannes XIX, 14. eam di-  
versimode tradentes, corrigendi 349. num di-  
versa commemoratio a contradictionis suspicio-  
ne vindicanda 51†. 349 sqq.  
Horæ canonicæ Pontificiorum unde & qualis ea-  
rum ratio 51†. 351. quot definiendæ sint 351  
Horæ precationis apud Judæos quamam 51†.  
quot & quibus appellationibus insignitæ 350.  
circa quamam earum Petrus & Johannes Act.  
III, 1. in Templum iverint 351  
Hordei manipulus die XVI Nisan demessus, quo-  
modo appellatus 624. ejus messis in quod  
tempus inciderit *ibid.* ex ejus grana prima  
mensuræ æstimatio apud Hebræos 157†. 673.  
quot ejus grana Dignus complexus sit 157  
Horologiorum apud veteres incomitor, & com-  
itor modus 351 sqq. cur eorum loco clepsy-  
dræ invaluerint 352  
Horologium hydraulicum quomodo a clepsydra  
differat 352  
Horologium rotatum, veteribus incognitum 352  
Horologium solare, Judæis usitatum, quomodo  
a nostro differat 5†. de illo miraculoso Acha-  
zi sententiæ variæ 352 sqq. quid de eo statu-  
endum 354 sqq.  
Hosanna, ejus in Festo Tabernaculorum usus 71†.  
416. aliæ ejus denominationes *ibid.* num  
Matth. XXI, 9. huc respiciatur 71, 72†. 416.  
ita dies Festi Tabernaculorum ultimus dictus  
418, 420  
Hosannarum Festum quid 417  
*Hospinianus*, Rudolph. notatus 453, 454  
Hospitalitas ab antiquis Judæis exculta, a recen-  
tioribus neglecta 58†. 378, 379. Christianis  
diligenter inculcata 378  
*Hottingerus*, Joh. Henr. Nepos 38, 77, 365, 384.  
392, 397, 408, 494. & passim.  
*Houtvynus*, Adr. notatus 1  
*Huetius*, Petr. Dan. notatus 482  
Huldæ porta in Templo 329  
Humatio, *vid.* Sepultura.  
Humo condebantur trabea, saxa, gladius, linteum,  
cet. quibus malefici morti addicti essent 581  
Humeris crux portanda 594  
Humiliatio Judæorum religiosa in precibus expo-  
sita 322 sqq.  
*Huntlaus*, Nordon. notatus 24  
Ppp pp 2 Hyacin.



# INDEX IV. RERVM ET PERSONARVM.

- Hyacinthinus color in tunica Pontif. M. 73  
Hyacinthina mitra Pontificis, quid de ea statuen-  
dum 85  
Hyde, Thom. notatus 227, 655  
Hydriarum sex Joh. II. 6. quis usus 54, 55†. 367  
Hymni post convivia vel cœnam a Judæis cantati  
56†. 373. quales fuerint 373. in quantum  
Servator hunc ritum imitatus sit 56†. 373  
Hymni sacri adductis primitiis, cur cantati 617  
Hypodiaconi, minoris ordinis in Synagoga mini-  
stri 314  
Hypocrisis Phariseorum in sepulcris Prophetarum  
exornandis 201  
Hyrcanus Pontifex quare ad Sadduceorum castra  
transierit 215. ejus sæpius etiam sit mentio 13,  
173
- I.
- Jacobus cur in terra Cananæa sepeliendus fuerit  
146, 147†. 647. Jacobæi oraculi Genes. historia  
& explicatio 19-27  
Jafnenfis Academia Judæorum 124. præcipui ejus  
Doctores *ibid.*  
Janitores, a Davidis inde regno, Levitarum pars  
12†. 107. accuratio officii eorum delineatio 107  
199. numerus 107  
Jannes & Jambres 543  
Jarchi, R. Sal. laudatus 511. notatus 269, 334,  
485. explicatus 324  
Idololatria, Sacerdotes ea inquinatos, ab Altaris  
ministerio arcens 93. ejus ætas num ad tem-  
pus antediluvianum assurgat 473. ejus perio-  
dus postdiluviana a quonam temporis articulo  
arcessenda 474. ejus auctor *ibid.* occasio &  
causa 84, 85†. 475. species, quo ordine altera  
alteram exceperit 475. circa eam incertitudo  
quomodo Ignoti Dei cultum suaserit 84, 85†.  
476. in Gentes progressus, qualis 85, 86†.  
479 sqq. quædam species ex cultu Hebræo-  
rum divino derivandæ 90†. 489. ab Aegyptiis  
ad Israelitas transiit 503, 508. ejus osculum,  
quale 365  
Idolothyta, abstinencia ab iis, in synodo Hieroso-  
lymitana decreta 808 sqq. tyrannorum quo-  
rundam erga Christianos, eis vesci nolentes,  
crudelitas 809  
Idola apud Gentes præcipua 98†. quænam colue-  
rit gens quævis in coloniis, a Rege Assyriæ Sa-  
mariam trajecti 99†. 516 sqq.  
Idumææ fines tempore Herodis M. 15
- Idumæi, integro fere sæculo ante Herodem, Ju-  
daismo adscripti 15  
Jebuda Hakkadosch, R. Academia Jafnenfis Rector  
124. operis Mischnici compilerator 124. cur &  
quando Mischnam confecerit 530  
Jeiunia a Phariseis quibus diebus instituta 25†. 190.  
quæ Ecclesia Christiana servavit, quo pacto ad  
Synagogam referri debeant 815 sqq. circa ea  
Christianorum constitutiones respectu ad Sab-  
bathum vel diem Dominicam habito 816. cir-  
ca ea Marcionitarum praxis *ibid.* quomodo a  
Romana Ecclesia observentur *ibid.*  
Jeiunium in Festo Purim a Judæis celebratum,  
num legis divinæ 469. ejus retractio qualis  
& quando locum habeat 469 sqq.  
Jeiunium magnum, pro Expiationum Die usur-  
patum 433. cur 78†. 434  
Jeiunium Sabbathicum, unde Judæis a Gentilibus  
impositum 62†. 390. cur ab eo sollicite absti-  
neant Judæi 390 sqq. 816. in quibus casibus  
licitum fuerit 391, 816  
Jentaculum, num Judæis usitatum 379  
Jeroboamus cur duos vitulos aureos erexerit 96†.  
508. ejus impietatis cum Aaronica convenien-  
tia 508  
Ignis unde a Judæis in Sabbatho non accenden-  
dus 62†. 392. eo saliri, quid Marc. IX, 49. de-  
notet 722 sqq. qualis ille fuerit, in Apostolo-  
rum verticibus 766. ejus, in columna nubis  
symbolum *ibid.*  
Ignis privatus, de eo Exod. XXXIV, 3. sermo  
contra GOODWINVM 392  
Ignis sacer, unde petitus & ubinam nutritus apud  
Hebræos fuerit 286. *ἱεραποστῆς*, vel Holo-  
cæstomatium, Thymiamatis seu Suffitus *ibid.*  
Ignis Vestalis, unde origo 286  
Ignis *ἱεραποστῆς* sub Templo II. deficiens 41†.  
299. hinc notatus *Cremerus*, *ibid.* 5 sqq. an  
sacrificia ob defectum ejus profana 300  
Ignoti Dei cultum quid suaserit 84, 85†. 476. re-  
liqua vide in *Deus Ignotus*.  
Ikenius, Conrad. expensus 294  
Illatio Ablegminum ad Altare, ritus sacrificialis ad  
Sacerdotes spectans 714  
Imaginum usus num Israelitis interdictus 668.  
earum cultus, quonam Christianorum Concilio  
stabilitus 818  
Imperatores Christiani, cur judicia die Dominico  
aut Festo exerceri noluerint 387  
Impletio

# INDEX IV. RERVM ET PERSONARVM.

Impletio manus, quid 117. 94 fqq. primus actus  
Initiationis Sacerdotalis 94 fqq. mutam non  
fuisse, credibile 95. diversa phrasæ signifi-  
catio 104  
Impositio manuum in solenni Levitarum initia-  
tione 105. ejus usus unde ad Apostolos transie-  
rit 137. quem in finem a Judicibus Hebræis  
in capite condemnatorum adhibita 1197  
Incantatio Deorum Tutelarium, quomodo a Gen-  
tilibus elusa 857. 477  
Incantatores, quodnam hominum genus 1067. 544  
Incurvatio ad genua, qualis apud Judæos ritus  
323. ejus a genuatione distinctio *ibid.* in-  
terdum loco prostrationis adhibita *ibid.*  
Indictio Sanctitatis, quid 346. ejus usus & fi-  
nis *ibid.*  
Infallibilitas Papæ ex Vrim & Thummim frustra  
exculpta 84  
Infantes, in valle Gehinnom num igne combusti,  
an Molocho tantum consecrati sint 887. 487 fqq.  
eorum sacrificium num ex Isaaci exemplo deduci  
queat 897. 488  
Initiationis Festum, *vide* Encænia.  
Initiatio ad munus Summi, & gregarii Sacerdotis  
8-117. 67-95. quatenus in utroque Sacerdote  
eadem, & diversa sit *ibid.*  
Initiatio Judicum, quo ritu peracta 1177. 577  
Initiatio Levitarum, quo ritu peracta 127. 105 fqq.  
Inquisitionis, in homicidam involuntarium patra-  
tæ, modus 487. 341  
Inquisitor, disputator, συζητητής 177. 136. Inqui-  
sitionis domus, Synagoga *ibid.*  
Inscriptio, cruci Christi appensa, quid sibi volue-  
rit 1267. 579. num tabella separata fuerit 595  
Insignia Regum Israeliticorum 87. 60 fqq.  
Inspiratio Spiritus S. revelationis divinæ gradus  
1007. 523. Judæi distinctione inter eam, & Pro-  
phetiam, abutuntur 523  
Instrumentum dotale, cuinam uxori apud Hebr.  
datum 1397. 627  
Introitus Sabbathi, quid 607. 385  
Jobelæus annus. quid fuerit apud Hebr. 355. ab  
eo Annus politicus mense Tisri incipit 527. 359.  
quid in eo peractum 359. Sabbathi nomine ven-  
nit 383. quo mense auspiciatus sit 423. unde  
computatus 747. 426 fqq. debitorum remissio  
in eo usitata 443. varix ejus etymologiæ ex-  
pense & quænam a vero proxime absit 447-  
450. utrum exactis XLIX. annis plenis, totus  
quingagesimus ei dicatus fuerit, an potius

XLIXmus 450-455. ejus cyclos an cum cyclo  
Sabbathi conveniat 454. solennis intimatio p.  
per clangorem buccinæ, p. per publicam liber-  
tatis proclamationem peracta 455-460. privi-  
legia & jura vel propria, vel cum anno Sabba-  
thico communia 827. 460 fqq. observatio, in  
Palæstina tantum 465. triplex computus ex  
mente Judæorum 465 fqq. an primus in an-  
num XV. ab ingressu Josuæ in Palæstinam inci-  
derit 466. dissidii de tempore, quo ejus obser-  
vatio desierit, compositio 466 fqq. quot vicibus,  
durante Templo II. celebratus 466. ejus ratio-  
nes morales ex mente Judæor. & Christiano-  
rum 467. causa spiritualis s. mystica 468  
Jobus quo jure a Judæis ex Prophetarum ordine  
eliminetur 523  
Jochanan, R. Gemaræ Hierosolymitanæ auctor  
530. quando id operis suscepit *ibid.*  
Johannes Apostolus, circa quamnam precationis  
horam (Act. III, 1.) in Templum iverit 351.  
ex accubitu ejus in gremio Jesu quid colligatur  
577. 376  
in Johannem Baptistam Herodis Antipæ crudeli-  
tas 17. Naziræus non fuit 160 fqq.  
Jom, s. Joma, *vid.* Expiationum Dies.  
Jonathan, Prophetarum Paraphrastes, & præci-  
pius Hillelis discipulus 317. notatus 496  
Jesæ, R. ultimam Gemaræ Babylonice manum ad-  
movit 530 fqq.  
Josephus notatus 282, 288, 301, 462, 653. ejus, &  
Philonis conciliatio 220. passim laudatus.  
Josephus Patriarcha, num Aegyptiorum Apis sit,  
vel sub bovis imagine ab iis cultus 502 fqq.  
num in ejus honorem *μοσχολατρία* ab Aegy-  
ptiis facta sit, uti GOODWINVS autumnat 504  
Josua, R. Levita laudatus 138  
Josuæ discalceatio in agro Hierichuntino impera-  
ta, uberius explicata 776 fqq.  
Isaac, R. confutatus 297  
Isaaci immolatio num opinioni, Deo per sacrificia  
filiorum placendi, originem dederit 897. 488  
Isidorus laudatus 590  
ab Israelitis ut *μοσχολατρίαν* Judæi amoliantur,  
varias commentis sunt fabulas 957. 505 fqq. re-  
liqua vide in *Judæi*.  
Iter metiendi consuetudo, qualis olim obtinuerit  
1587. 679. quantum Judæis die Parasceves li-  
citum fuerit 607  
Iter sabbathicum, quid 617. 389. quoduplex ejus  
mensura *ibid.* unde sic dictum 617  
Jubi.



# INDEX IV. RERVM ET PERSONARVM.

Jubileus, *vide* Jobeleus.  
 Juda, varios admittit sensus 3†. quid in oraculo Genes. XLIX, 10. denotet 21. num ejus tribus per turbationem Catalogorum Genealogicorum in captivitate Babylonica factam, distinctionis notas amiserit 37  
 Judæa in provincie formam redacta, & Syriæ adscripta 16, 18  
 Judæi. his integro fere sæculo ante Herodem M. adscripti Idumæi 15. eorum dispersio captivitate Babylonica & dominio Persico, item victoriis & coloniis Græcorum 33. e Cuthæis Proselytos non recipiebant, ob gravissimum odium 29, 30†. 213. num per Gentiles, de extruendis Templis incitati 333. num in Aegypto Tempia extruxerint 332. bis præda hostium facti, quod vim vi repellere die Sabbathi nefas putabant 62†. 393. unde iis a Gentilibus jejunium Sabbaticum impactum 62†. 390. cur ab hoc jejunio sollicitè abstinerint 390 sqq. eorum circa τετραρχιαι του Dei nomen religio 476. qua ad id ratione adducti sint 85†. num ex eorum cultu divino quædam idololatriæ species derivatæ sint 90†. 489. num idololatria ad eos ab Aegyptiis transierit 503, 508. num ab iis προσκολλησθαι secerni queat, & qua ratione id Magistri faciant 95†. 505 sqq. cur recutiti appellati 610. num oblationem primitiarum a Gentilibus acceperint 618. adulti eorum, qualia sacrificia tribus festis majoribus offerre debuerint 706. eorum præ Gentibus prærogativa 748 sqq. omnem cum iis computationem cur illicitam putarint Gentiles 124†. panem cum Samaritanis comedere nefas putabant 213. eorum nomen cur, præsentè Alexandro M. simularint Samaritani *ibid.* quando judicia capitalia exercendi potestatem amiserint 43† sqq. pænæ apud eos capitales, earumque gradus, quales 120† sqq. 58† sqq. num & cur apud eos saxa, quibus lapidandus interiit, sepulta sint 120†. 58†. de eorum libello repudiij quid observandum 143†. 629, 633 sqq. celebriores eorum post cladem feralem Academiæ delincentæ 231†. *Plura vide per totum librum.*  
 Judæi recentiores, quomodo ex Gen. XLIX, 10. convincendi 26 sqq. eorum duæ familiæ, Rabbanitarum & Karaorum 169. mutuum eorum odium 172. quibusnam in rebus sanctiores esse studeant, quam Lex ab ipsis videtur exigere 124†. apud Scriptores Christianos interdum

Synagogæ nomine veniunt 307 sqq. in sanctificatione Sabbathi superstitioni, & sacrilegi 61-63†. 388-394. cur ad matrimonium festinent 628  
 Judaismus a nonnullis Christianorum Christianissimo copulatus 163  
 Judæ Maccabæi genus & familia 11. militiæ dux constitutus, & res contra Antiochum Epiphanem 11. Sacra pristinae puritati restituit 12. Pontificatum per tres annos gessisse dicitur *ibid.* quando & in quonam prælio ceciderit *ibid.* fœdus cum Romanis *ibid.*  
 Judas, Gaulonitarum antistes 36†. 241. cur nunc Gaulonites, nunc Galilæus audiat 241 sqq. num aliquid in religione mutavit 243  
 Judicum qualitates, ex lege Dei, & Rabbinorum scitis 117†. 576. seminarium, ex quo cooprobantur *ibid.* eorum initiatio quo ritu peracta 117, 118†. 577. in causis, præsertim capitalibus, deliberationibus utebantur 118†. temeraria procrastinatio eos injustitiæ condemnabat 119†. quem in finem capiti condemnatorum manus suas imposuerint *ibid.* circa flagellationem officium 125†. in Synedrio M. officium 113†. 566. sententia apud Hebræos, Græcos & Romanos lata 113, 114. 566. justitia in iis apud Hebræos ac Gentes requisita 117†  
 Judices populi Dei non tam Synedrii M. principes, quam extraordinarii vindices & velut Hebræorum Dictatores 2†. 7. *Seldenus* notatus 7. eorum judicia, comitia & bella *ibid.* bella eorum absque exercitu *ibid.* auctoritate sua interdum abusi *ibid.* formaregiminis num regio imperio similis *ibid.* *GOODWINVS* notatus *ibid.* in Dei vicem præsescentes, Theocratia remanente *ibid.* num ad feminas eorum dignitas descenderit *ibid.* raro toti Israeli, sed uni s. alteri tribui præfuere *ibid.* num, (non obstante Gideonis exemplo,) judicandi potestatem per dies vitæ retinuerint 7, 8. notatus *GOODWINVS*, cum aliis 7. quot inter Israelitas 8. quot eorum interregna 2†. quamdiu eos habuerint Israelitæ 2†. 8. Libri eorum chronologia implicati 8. eorum potestas num Synedrium M. tollat 574  
 Judicia in Paraceve apud Hebræos illicita 60†. 386 sqq. ea cur Imperatores Christiani die Dominico vel Festo exerceri noluerint 387. variae eorum species 551 sqq. exercendi mos Romanorum & Græcorum 113, 114†. 566  
 Judicia

Judicia Capitalia Judæis sub Procuratoribus Rom. adempta 120† fqq. 43 f1q. 582 fqq. ceremoniæ eis omnibus communes. 118† fqq. 578 fqq.

Judicia Civilia nec ab Ecclesiasticis distincta, nec cum iisdem eadem 551 fqq.

Judicia Ecclesiastica num a civilibus distincta 551 fqq.

Judicia inferiora s. oppidana 551. per quos administrata *ibid.*

Judiciorum Assessores, quinam, & qua auctoritate 113† 563

Judicium supremum, unumne apud Hebræos, an plura 551. ejus membra ex quibus tribubus collecta & cujusmodi fuerint *ibid.* circa quas res occupatum fuerit *ibid.* loca Scripturæ, quæ pro duobus dimicare videntur *ibid.* & fqq. post desolationem Urbis distinctio in duas supremas Curias 552. ad ejus confellum, causæ post everfam Urbem relatæ *ibid.* ejus processus 566. descriptio 114† fqq. 568 fqq. penes quos ante Regum Israeliticorum ætatem fuerit 116†. 7. 572 fqq.

Judicium XXIII virale delineatum 114† fqq. 568 fqq. III virale descriptum *ibid.*

Judicum Libri chronologia implicata 8. ejus delineatio tentata *ibid.*

Jumentum an in locum publicum Sabbatho educendum 388

Junius, Franc. laudatus 271, 392, 654. vindicatus 600. notatus 502, 673

Juno sub Astarte s. Asthoret culta 96†. 509 fqq. eadem cum Luna 509. Vranix nomen sortita 96†. Kalendaris cur dicta 97†

Juno Ammonia, num a Gentilibus appellari Luna potuerit 97†

Jupiter, varia ejus ob. diversitatem locorum nomina 86, 92†. 482 fqq. idem cum Baale 92†. 495. *Ammonius* dictus 497 fqq.

Jupiter Ammon a Sole haud diversus 97†. sub qua forma cultus *ibid.* unde sic dictus *ibid.*

Juramentum. prava Phariseorum circa illud praxis & perverse explicationes 202. usus apud Pythagoreos & Essenos nullus 32†. 222. quo ritu Gentiles præstiterint 148†. 652 fqq. apud Hebræos quomodo factum *ibid.* sanctitas in N. T. duratura 652. num Christiani coram Altari præstiterint 655. vocis נשבע (qua religio ejus designatur,) unde origo 656. objectum apud Gentiles 149†. 656. objectum Judæi res creatas interdum constituerunt: & Ju-

dæor. recentiorum de eo sententiæ 657. num Korban aliquam ejus speciem constituerit 658. Korban, execratio plerumque comitata 149†. 659. num Hebræi, stantes coram Altari Hierosol. jurarint 654 fqq. dissensus GOODWINI *ibid.* num idem coram altari Ethnici fecerint 149†. 655. Judæorum qua Altare objectum ejus constituerunt, praxis 149†. 657

Juramentum inconsideratum an obliget 156†

Juramenti legitimi apud Hebræos objectum 149†. 655 fqq.

Jurandi per Altare, Judæorum consuetudo 149†. 657

Jurieu, Petr. laudatus 497, 539. notatus 54, 516, 539 fqq. 700

Jurisdicctio in familiam Patrum familias primævorum 1. an regia vel monarchica *ibid.* eam quando Judæi amiserint 120† fqq. 431 fqq. 582 fqq.

Jusjurandum, *vid.* Juramentum.

Justinus, Trogi, notatus 382

Justitia in Judiciis Hebr. atque Gentium requisita 117†. cur apud Thebanos absque manibus & oculis picta *ibid.* ejus distinctio varia, explicationi vocis צדקה inserviens 729

# K.

K. figura ejusmodi, in fronte Pontificis M. in unctione, formata 167

Kabbala. ejus notio 102†. 532. quomodo definienda & ab aliis rebus, curate distinguenda 532 fqq. origo 533. divisiones & subdivisiones 533 fqq. ejus arbor, quid 535. usus diversimoda delineatio apud Judæos & Christianos 536 fqq.

Kabbalistica arbor 535

Kadesch, urbs refugii Cis-Jordanensis 339. a Kadesch Judæ distinguenda *ibid.*

Kahathitæ, quinam 12†. 102. in Levitis & Sacerdotes distincti *ibid.* eorum, rerum Sanctuarii custodia 12†. 107

Kalendæ Tifri 428

Kalendaris, Juno quare dicta 97†

Karæi, s. Karræi vel Karraitæ, pandectarum Talmudicarum auctoritatem spernunt 50. nomen, unde & quid 22†. 168. cur apud Rabbinos, Sadducæi subinde dicti 169. invisa alia illorum nomina *ibid.* Legem scriptam sectantur, rejectis traditionibus & doctrina Talmudica 169. a Rabbanitis separati & male habiti 169, 172. commorandi locus & mores 169. cum Sadducæis non



# INDEX IV. RERVM ET PERSONARVM.

non confundendi 169 fqq. dadum ante Christum incarnatum exorti 170. iidem forte, quos Lucas XI, 45. *voymaz* appellat *ibid.* qua occasione orti *ibid.* omnes XXIV. libros, non solum Pentateuchum, divinos agnoscunt 170 fqq. reliqua eorum dogmata, a mente Rabbanitarum distantia 171 fqq. effectus odii inter ipsos & Rabbanitas 172. alteram Judæorum recentiorum familiam constituunt 169. eorum nomine cur Sadducæi interdum insigniti 29†. 209. secus ac Rabbanitæ, mensium initium supputarunt 424

Keri quid 152†. fqq. diversitas ex hoc & Keribh nata, ejus auctoritatis 153†

Kerma, minuta numerorum species 696. eadem ferme quæ Prutha *ibid.*

Keschitah quid proprie 161†. 688. qualis nummus hoc nomen sortitus *ibid.*

Keribh quid Malorethis denotet 152† seqq. ei Keri oppositum *ibid.*

Kimchius, Dav. R. laudatus 334, 348, 484 fqq. notatus 485, 511

Kimchius, R. Davidis parens, notatus 682

Kinæi. tales num ortu fuerint Rechabitæ 149, 150, 151

Knibbe, Joh. Dav. notatus 302

Korban quid significet 149†. 657 fqq. numne ad juramenta Judæorum, an ad vota, referendum 658. quis sit sensus formulæ: *Korban sit, quo ego tibi prosum* 658 fqq. interdum pro Gazophylacio sumitur 291

## L.

Laborum obvelatio in luctu Hebræorum 147†.

Labrum æneum, quo loco 40†. 287. quomodo Mosi, LXX. Interpretibus, & *Josepho* appellatum 287. ejus situs *ibid.* materia, quænam & unde *ibid.* usus cum physicus, tum moralis 289. usus typicus *ibid.*

Lactantius, notatus 473

Lætitia a Judæis in Festo Tabernaculorum declarata, cur & quomodo 421 - 423 116

Lamechi prophetia, qualis 116

Lamentatio, ad eam in Hebr. funere quinam conducti 148†. 651 fqq.

Lamentatrices, quænam mulieres & qualis usus 148†. 651 fqq.

Lamina aurea, vide Bractea aurea.

Lamina coronæ, vide *ibidem.*

Lampades, vid. Lucernæ.

Lampius, Frid. Adolph. 384, 631

Lanny, Bern. laudatus 287 fqq. 677. notatus 17, 244, 249, 367, 667, 673, 694

Langius, Joh. Joach. expensus 239, 240

Lapidatio pœnarum capitalium gravissima 120†. 581. saxa, in ea adhibita, cur, & num apud Jud. sepulta *ibid.* ejus quinam rei fuerint 121†. quo modo peracta 121†. 583 fqq.

Lapidati de suspendio quid censendum 584 fqq.

Lapide, Corn. a, notatus 268, 272, 273

Lapillorum in Judiciis Græcorum usus 114†. 566. an ad eos respiciat Apoc. II, 17. 114†. 567

ad Lapidem itinera meriendi consuetudo, penes quos 158†. 679

Lapis Fundamenti quid 258. ejus in Sancto Sanctorum usus *ibid.* a Paulo 1 Cor. X, 4. indigitatus 258 fqq. num in Templo II. superfuerit 259. qualem sub Templo II. usum, & typum præstiterit *ibid.*

Latæra Altaris aurei, eorum ratio exposita 274 fqq.

Latini unde literas didicerint 660

Lebetes, vasorum sacrorum quale genus 285

Lectorum in accubitu usus 57†. 375. eorum *or-cus* 2 Reg. XI, 2. quid 577

Legis impletio a Phariseis jactata 202. ejus præcepta Pharisei pervertebant, quomodo 202 fqq. ejus tabulæ num solæ in Arca Fœderis reconditæ 39†. 262 fqq. ejus in Scriptam & Oralem divisio quo sensu admittenda 528. quando hæc distinctio rerum potiri sit 529

Legis gnaros interpretes, ut judicia oppidana haberent, Levitæ per Judæam dispersi habitabant 531

ad Leguminum decimationem num ex præscripto legis obligati Hebræi 619 fqq. GOODWIN & aliorum dissensus 620

L'Empereur, Const. notatus 294

Lenticula, instrumentum unctionis Regum 7†. 57. ejus a cornu distinctio *ibid.*

Leo, Jehuda R. vindicatus 294

Leprosi quale sacrificium offerre debuerint 706

Lethech mensuræ apud Hebræos capacitas 159†. 684

Levi. ex ejus tribu Maccabæi ortum duxerunt 2†. 11

Leviri. denegata juris eorum observantia quo ritu vindicata 769 fqq.

Levitæ Primogenitis surrogati 14†. 102 fqq. 617. requisita naturalia, & moralia, ad eorum munus necessaria

# INDEX IV. RERVM ET PERSONARVM.

- necessaria 89 fqq. in 3 familias, Gerfonitarum, Kahathitarum & Meraritarum divisi 127. 102. quid in contradistinctione ad Kahathitas Sacerdotes designent 102. qua de causa jus primogenituræ in ipsos translatum, num ob continentiam a Vituli cultu 103 fqq. eorum electio in ministerium Sanctuarii, ex primogenitura eorum totius Israelis arcessenda 102, 103  
 Levitarum initiatio & consecratio 127. quibus actibus absoluta 105. eorum vestitus a vulgari distinctus, sed incertum, quomodo 106. eorum functio a Sacerdotali distans *ibid.* in casibus extraordinariis ad obeundas Sacerdotis partes admissi *ibid.* a Davidis inde tempore ministerium eorum diversum a priori 127. 107 fqq. eorum dimissio non ab omni eos opere liberabat 137. 108. eorum præfiguratio ad Ministros Evangelii in genere transferenda 108 fqq. populum in vera religione erudierunt 127. num docendi munus per universam Judæam excuerint 118. num in scholis docuerint 118. num per urbes a ditioribus Israelitis in ædes recepti *ibid.* num XLII illorum urbes, (ut *Maimonides* tradit) ἀστυλας privilegio gavise sint 339. num ex eorum numero, supremi Judicii membra electa 551. per universam Judæam dispersi, & quare *ibid.* unde decima iis a populo pensata 1337. 615. 619 fqq. unde decimam Sacerdotibus solverint 1337. 615. eorum circa adductas primitias opera 617. an frequens eorum numerus e Babelæ redierit 624. eorum castra quo ordine in deserto disposita 1537 fqq. 665 fqq.  
 Lex naturalis, num sacrificiorum cultum præcipiat 700 fqq.  
 Lex oralis. ejus quot & quænam summa capita 528 fqq. quando in unum corpus congeri cæperit 1027. 530. reliqua vide in voce *Traditiones*.  
 Lex scripta, *vid.* Verbum scriptum.  
*Leydekkerus*, Melch. notatus 205 fqq. 282, 452  
 Libelli circa contrahenda matrimonia apud Judæos usus 140, 1427. 629, 633 fqq.  
 Libellus repudii s. divortii apud Hebræos 1437. 629, 636 fqq. quomodo hebraice & græce dictus 1437. quando admissus 1437. quo sensu Judæi, in militiam profecturi eum dederint 636. fqq. ejus usus, legene injunctus, an tantummodo permissus 636. in quibus uxoribus locum non habuerit *ibid.* fundamenta & rationes quot & quænam 1437. 636 fqq. quam varie hebraice appellatus 637. ejus formulæ 1437. 637. uxori eum tradendi modus 637. a quonam exarari consueverit 1437. 638. num eum viro mittere feminis apud Hebr. fas fuerit 638  
 Liberi, quinam apud Hebr. bonorum paternorum heredes 1397. 626 fqq. in liberos uxoris primariæ & concubinae distinctio *ibid.*  
 Liberos dono emittendi ritus & ubinam locum habuerit 1397. 627  
 Libertas Judæorum, qualis & unde orta 31. solennis ejus proclamatio in Jobelæo usitata 459 fqq.  
 Libertini, quinam sint, & eorum Scholæ ac Synagogæ 309 fqq.  
 Libri, unde sic dicti 1507. num volubilibus tantum usi sint veteres 662.  
*Lightfootus* laudatus. 256, 317, 328, 329, 406, 409. cum aliis conciliatus 316, 485. correctus & vindicatus 311 fqq. expensus 90 fqq. 99 fqq. 157, 160, 241 fqq. 294, 296, 302 fqq. 310, 314, 347 fqq. 363, 384, 418 fqq. 524  
 Limbi, Altare suffitus cingentis, ratio exposita & vindicata 273 fqq. fuit etiam cinctura Mensæ Sanctuarii 278  
 Linguas LXX. callere, ex mente Rabbiorum, Judices Hebræorum debebant 1177. 576  
 Linteum, quo strangulatio rei peragebatur, cur apud Judæos sepeliri consueverit 1207. 581  
*Lipsius*, Just. notatus 591, 592  
 Literarum inventor quis 1507. 660 fqq. earum propagatio *ibid.* antiquissimæ Phœniciæ & veteres Hebrææ num inter se differant 660. Cadmeæ seu Ionica, quales & quibus usitata *ibid.* eas unde Græci & Latini didicerint 1507. 660  
 Loci Communes, per eos quid Romani intellexerint 644  
 Logus, mensura Hebræorum 1597. 685  
*Lorinus*, Joh. notatus 268  
 Lotio, actus initiationis Sacerdotum apud Hebr. 107. 94. quadruplex fuit, Pharisaica, ordinaria, significativa, Sacerdotalis 186. num ex Gentilium ritu ad Sacerdotes Hebr. 288 fqq. num illa Patriarcharum divinitus fuerit injecta 289. eam Gentiles imitati *ibid.* cuinam ejus speciei sex hydræ Joh. II, 6. inservierint 547. 367. emphasis verborum Psalm. LX, 10. *Moab est olla lotionis meæ* 557. 367 fqq. quænam in vespere Sabbathi usitata 386  
 Lotio



# INDEX IV. RERVM ET PERSONARVM.

**Lotio manuum**, quibus ex Judæis maxime usitata fuerit 25†. 187 fqq. inter eam, & manuum immersionem distinctio 25†. numne de ipsa Marc. VII, 4. sermo sit, an de totius corporis mundatione 187 fqq.  
**Lotio mortui**, Judæis usitata 44†. 639. quo ritu peracta 639 fqq. Christianis familiaris 145†  
**Lotio pedum**, Judæis ante discubitus usitata 54†. 365. triplex ejus causa reddita 365 fqq. utrum discubitus & cœnam præcesserit 366. per quosnam peracta 54†. 366. vasa ei destinata quomodo appellata 54†. 367. aqua ad eam necessaria, unde hausta 54†. in Paschate usitata 64†. a Servatore in discipulis adhibita, num cœnam Paschalem secuta sit 408  
**Lotio Pharisaica**, *πυγμῇ* peracta, qualis 24†. 185 fqq. una ex eorum traditionibus 24†. maxime superstitiosa 186. a reliquis Judæis observata 25†. 186 fqq. an genuerit sectam Hemerobaptistarum 25†. 188 fqq.  
**Lotio pro** (*ὑπὲρ*) mortuis, apud quos usitata, & quid denotet 145†. 640 fqq.  
**Lucernæ**, Candelabro aureo impositæ 282. earum forma & numerus *ibid.* quomodo dispositæ *ibid.* a Sacerdotibus mane ac vespere, subinde a Sacerdote M. adornatæ 283. num perpetuo arserint 283. loca Scripturæ quædam conciliata *ibid.*  
**Lucianus**, Samosat. defensus 509 fqq.  
**Luctus**, testificatio ob mortem cognatorum Sacerdoti M. interdicta 11†. 95. cur 96, 97. reliquis Sacerdotibus permissus 11†. 97. in excommunicatis locum non habuit 110†. 556. ejus apud Hebræos, & alias gentes testificationes 147†. 648 fqq. ad eum testificandum discalceati prodibant 770. durante eo, Phylacteriorum usus cessabat 193  
**Ludimoderatores**, Scribarum politicorum classis 16†. 130 fqq. num eorum officium tribui Siameonis demandatum *ibid.*  
**Ludolphus**, Jobus, expensus 22, 23, 775  
**Lulabh.** ejus in Festo Tabernaculorum usus 416. aliæ ejus denominationes *ibid.* trina ejus agitatio quomodo comparata 417  
**Lucus.** ejus religio templis anterior, & cum montibus sacris ut plurimum conjuncta 334. ejus ratio 334 fqq. origo 335. cur ejus usum Deus interdixerit *ibid.* ejus cum arboribus suis initiatio enarrata 46†. duo genera 335 fqq. ejus

destructio quomodo explicanda 336. ab eo idolum subinde nomen suum sumit 47†  
**Luna.** ab ejus apparitione mensium auspiciis 424 fqq. divino cultu profecuta 479. sub Astarte, s. Asthoreth culta 96† fqq. 509. eadem cum Junone *ibid.* Vranix nomen sortita 96†. num sit מלכת השמים / seu Regina Cæli Jer. VII, 18. XLIV, 17. quia Regina planetarum & Siderum dicitur 97†. 510 fqq. quo tempore ei cultus a vetustis exhibitus 97†. num Juno Ammonia appellari, & forma Ovis coli potuerit *ibid.* cur cornibus efficta *ibid.* sub nomine Dianæ culta 9†. 512. cur Luni nomine insignita 98†. an & per Nebo designata 520 fqq.  
**Lunaris mensis**, *vid.* Mensis lunaris.  
**Lunus**, hoc nomen cur Luna interdum induat 98†  
**Lundius**, Joh. notatus 66, 273, 282 fqq. 284  
**Lutherus**, Mart. laudatus 538, 541  
**Lux** cur Deus appelletur 759 fqq. quomodo Deus in ea habitet 760  
**Lychnuchus**, *vide* Candelabrum aureum.  
**Lyddensis Academia** Judæorum descripta 124  
**Lydius**, Jac. notatus 371  
**Lyra**, Nicol. de, vindicatus 398

## M.

**Maccabæi**, a quonam nomen sortiti 2†. 11. etymologia eorum varia 10 fqq. Assamonæi cur dicti, ratio obscura 11. ortus & genus e tribu Levi 2†. 11. ducis eorum Judæ Maccabæi circa statum civilem & sacrum merita 11 fqq. alter dux Jonathas, quibus officiis functus, & quomodo de statu civili meritis 12. reliqui Principes usque ad Herodem M. *ibid.* fqq. quot annos floruerint 13. triplex eis labe a Judæis aspersa 66  
**Machusa**, Academia Judæorum Babylonica recentior 123  
**Macrus**, Dominic. laudatus 320  
**Macratio** victimarum s. pecudum, s. avium, quo ritu peragenda 712. num populo prorsus illicita *ibid.*  
**Magdalensis Academia** Judæorum descripta 124  
**Magiæ peritia** in Judicibus Hebræorum ex mente Rabbiorum requisita 117†. 576  
**Magister convivii**, quis 633  
**Magistri Judæorum.** *quinque* eorum species post captivitatem Babylonicam 14† fqq. 119. rectius tres, Scribæ, Disputatores, Sapientes 119. honorum

# INDEX IV. RERVM ET PERSONARVM.

rum tituli iis tributi 18†. 137-14†. eorum in  
Tannaitas, Amorraitas, Seburæos, Geonæos di-  
visio 41. sedentes docuerunt 19†. 146. laudati  
45†. notati 96, 103, 284 fqq. 292 fqq. 297, 298 fqq.  
302, 304 fqq. 314, 338, 342 fqq. 415, 426, 438, 487,  
505, 539, 542, 545, 546, 568, 584, 585, 588, 591  
fqq. 609, 754  
Magus, Hebr. *יָדְעָנִי*, Græc. *γῶσις*, unde sic ex  
mente Judæorum dictus 106†. 545  
*Maimonides*, R. Moses. an ei fides habenda. *vid.*  
*Præfat. in fine.* ad ejus testimonium provoca-  
tur 323. laudatur 40, 42, 146, 315, 404, 460,  
615, 766. notatur 339, 340 fqq. 523 fqq. 719,  
729 fqq. & passim.  
Manipuli oblatio, Deo in Paschate ad consecran-  
das messis hordeaceæ primitias facta 412. quo-  
modo appellatus 624  
Manipulus agitationis, unde desumptus 624  
Manipulus primitiarum messis, quando coram  
Deo agitandus 132†. 612  
Manum ponere subter femore alterius, quid 148†.  
653 fqq.  
Manus & pedes quomodo ex ritu Judæorum in-  
ter preces componendi 322  
in Manibus Dei sculptum esse 192  
Manuum elevatio, idem quod juramentum 148†.  
652. unde 652 fqq.  
Manuum immersio ab earum lotione Judæis di-  
versa 25†  
Manuum lotio Judæis, Pharisæis imprimis, post  
cibum sumtum usitata 25†. 187 seqq. 377 seqq.  
traditio maxime superstitiosa 24†. 186  
Manuum impositio quotuplex apud Jud. 577. va-  
rio fine & effectu adhibita *ibid.* initiandis Ju-  
dicibus inserviens 17†. quem in finem a Ju-  
dicibus & Testibus in condemnatorum capite  
facta 119†. 579. quo ritu, ab offerentibus vi-  
ctimas, peracta 710 fqq. quinam eam adhibue-  
rint *ibid.* quo loco, & quem in usum *ibid.*  
ratio ejus typica 711 fqq. phrascs Scripturæ  
inde illustrandæ 711. unde inter Christianos in  
Ordinatione, Baptismo, & Absolutione obser-  
vetur 819. in Promotione Judæorum Aca-  
demica adhibita *vide in voce Promotio Aca-*  
*demica.*  
Mar, honoris apud Jud. titulus 138 fqq. quibus  
concessus *ibid.*  
Maran-atha quid 111†. 559  
*Marckius*, Joh. laudatus 57, 308

Mare Sodomiticum. aliæ ejus appellationes 718 fqq.  
ejus sal quale *ibid.*  
Mariti erga uxorem officia apud Jud. 634. quo jure  
& quomodo uxorem dimiserit 143†. 636 fqq. ei  
libellum repudii mittere, num feminis fas fuerit  
638. qualem dotem a sponfa acceperit 144†. 639  
*Marperger*, Bern. Walth. notatus 110. expensus  
397. laudatus 441  
Mars, an sub eo Moloch lateat 86, 87†  
*Marshamus*, Joh. notatus 250 fqq. 277, 383, 602  
Marsupium commune Essenorum 220  
Martyrum super monumentis, an inter veteres  
Christianos baptismus administratus 640  
*Masius*, Andr. notatus 448 fqq.  
*Masius*, Hect. Gottfr. laudatus 137  
Masora quid 151†. quid proprie, quidve ex usu  
designet 532. ejus initia & progressus 664 fqq.  
Masorethæ, interdum סופרים dicti 17†. 135, 136.  
quid vi vocis designent 151†. quinam & quales  
151† seqq. 664. num unius ætatis 663 seqq.  
eorum munus 152†. 664 fqq.  
Masorethæ primæ ætatis 664. eorum collegium,  
quamdiu perstiterit 152†. 664. quot assessoribus  
constiterit 664  
Masorethæ intermedii 664  
Masorethæ tertiæ ætatis, ubi & quando floruerint  
664  
Matthæi Evangelium Hebraicum, secundum Na-  
zaræos, quale procusum sit 164  
Matrimonium Sacerdotis M. cum illibata virgine  
10†. 88 seqq. de illo Essenorum judicia diversa  
33, 34†. 228-230. quo apud Hebr. ritu contra-  
ctum 138†. seqq. 625 seqq. vocabula Rabbinica,  
matrimon. recensita & illustrata 628 fqq. ad il-  
lud cur Judæi festinent 628. libelli circa illius  
contractionem usus 140†. 142†. 629, 633 fqq.  
Medicus Sacerdotum, s. Præfectus ægrotorum 787  
Medici sunt Esseni 217, 218  
Megolobyzi, quinam dicti 513  
Melchisedekus num Filius Dei aut Spiritus S. 52  
fqq. num ex Angelorum ordine 53. num cor-  
pore celesti & Adamo prior *ibid.* an Henochus,  
tempore postdiluviano de cælo missus 53 seqq.  
num Sem aut Chamus 54. num vivus in cælos  
translatus *ibid.* an idem cum Jobo 54. num  
quæstio de ejus persona in medio relinquenda  
55 fqq. quis fuerit 54 fqq. sacerdotium Christi  
æternum typice representavit 55. cautio obser-  
vanda quænam *ibid.* Hieracitarum & Melchise-  
dekianorum errores 52  
Mel.



# INDEX IV. RERVM ET PERSONARVM.

Mel. ejus usus num ab oblationibus excludendus 723. num ab Altari plane arcendus <i>ibid.</i> cur <i>ibid.</i> ejus usus in Sacris Gentilium 724.	<i>Meryllus</i> , Edmund. laudatus 594.
Membra corporis integra in Sacerdote 91.	Messis Festum, idem cum Pentecoste 412. ejus primitiæ, hordeaceæ, triticeæ, quomodo offerendæ 412. ejus Festum quo jure idem, quod Tabernaculorum Festum 414.
Memoria ejus sit in benedictione. <i>ἐμνημόσει</i> recepta 146t. 645.	Messis hordeacea in quod tempus apud Hebr. inciderit 623 sqq.
<i>Menasseh Ben Israel</i> notatus 21.	Messis Judæorum, Palæstinam incolentium, quomodo differat a nostra 70, 71t. 414.
Mennonitarum de baptismo error 47.	Messis triticea, in quod tempus inciderit 624.
Mensa panum propositionis in Sancto 39t. 277 sqq. ejus materia 277. forma 277 sqq. instrumenta seu vasa ei intervientia quatuor 278. usus 278 seqq. ministerium circa eam in auferendis panibus veteribus, & imponendis novis 279 sqq. significatio symbolica, & mystica 280 seqq. ad quamnam plagam sita 280. num sal asservari consueverit 716 seqq.	Messias, num Herodem M. pro eo habuerint Herodiani 245 seqq. Hillel, num fidem de futuro Messia abnegarit 318. <i>reliqua vide in voce Christus.</i>
Mensæ Judæor. & Gentil. in accubitu 376 seq.	Metatron Judæorum, unde dictus 669. quis ex mente veter. & recent. Judæor. fuerit <i>ibid.</i>
Mensariorum, officium quodnam 697.	Metiri aquas certa mensura 673. metiri aquas pugillo <i>ibid.</i> metiri in sinum <i>ibid.</i> metiri eadem mensura <i>ibid.</i> unde hæ phrasæ ortæ <i>ibid.</i>
Menses apud Hebr. quales & quotuplices 52t. 356. eorum interkalatio quid, & quomodo facta 356. quales ante, & post egressum ex Aegypto adhibiti 357. GOODWINVS notatus <i>ibid.</i> num ante captivitatem BabyI. solo numero (scilicet mensis 1, 2, 3, &c.) recensiti 358. GOODWINVS notatus <i>ibid.</i> eorum nomina 52t. 358. quisnam ex illis initium anni constituerit <i>ibid.</i> post egressum ex Aegypto, quinam annum civiliter, & ecclesiastice sumtum, inceperint 52t. 358 sqq. eorum initium quotuplici ratione supputatum 424. quomodo a Rabbanitis, quomodo a Karæis <i>ibid.</i>	Metræta, qualis mensura 160t. 687.
Mensis civilis apud Hebræos, quid 356.	<i>Meyerus</i> , Joh. laudatus 383, 398, 402, 412, 443. notatus 448.
Mensis lunaris, quid & quotuplex 52t. 356. num ab Israelitis post egressum ex Aegypto adhibitus 357.	<i>Midletonus</i> , Rich. notatus 602.
Mensis solaris, quid 356. num a Patriarchis adhibitus 357.	Midraſchim, Judæorum commentarii sensum allegoricum & mysticum sectantes 136.
Mensuræ Hebræis & aliis nationibus usitatæ l. applicationis, l. capacitatis 57t. hujus divisionis fundamentum 673. ex quonam principio æstimatæ 158t. 673, 681. mensuræ Gentium, quænam in N. T. occurrant 160t. 686 sqq.	Migrepha, instrumentum Musicum quale 275 sqq.
Mensuræ applicationis species 15t. 673 sqq.	Militiæ adscripti perperam ab <i>Heideggero</i> inter Scribas Hebr. politicos referuntur 131.
Mensuræ capacitatis species 158t. 673, 681 sqq.	Milliare quot passus apud Hebr. continuerit 158t. 679. ejus appellationes <i>ibid.</i> num Hebræi ac Romani ad lapides mensi sint 679. an hebraice מילר vocetur 158t. 679 seqq.
Meraritz. una ex 3 Levitarum familiis 12t. 102. curam instrumentorum habebant ad externam Tentorii structuram pertinentium 12t. 107.	<i>Millius</i> , Joh. Dav. notatus 385.
Mercatores, Scribarum politicorum species 131.	Mina apud Hebræos vel auri, vel argenti 163t. 694. in veterem & novam distinctio 694 sqq.
Mercaturæ in Templo ratio, quænam 697.	Mina auri quantum valuerit 163t. 694.
<i>Mercurus</i> , Johan. notatus 175.	Mincha Judæis hora precationis 350. vel ordinaria, vel extraordinaria <i>ibid.</i>
Mercurius num sub Molocho lateat 86, 87t.	Minchæ, <i>vid.</i> Fera.
	Minister unctionis 58.
	Ministerium Levitico-Sacerdotale num idololatriæ speciebus originem dedit 90t. 489.
	Ministri Sacerdotum in Sanctuario, præcipua Levitarum pars 107. numerus eorum 24000, <i>ibid.</i>
	Ministri Templi in V. T. 8t. eorum relatio typica, vera, & ficta 65.
	Minutum, qualis Hebræorum nummus 160, 163, 164t. 687. variæ ejus appellationes 160t. 687.
	Mischnæ origo 124. compiler 124, 530. quando con-

# INDEX IV. RERVM ET PERSONARVM.

congesta *ibid.* apud Judæos auctoritas 127 seqq.  
 explicata 359  
 Missæ etymologia 561 seqq. sacrificium ex typica  
 Λειτουργίας Hebrææ collatione ortum 65  
 Moderatores cum Judicibus, Levitarum pars 121.  
 108. eorum numerus 108. de rebus sacris pro-  
 nuntiabant, & extra Templum jus dicebant *ibid.*  
 præcipui Senatus Assessores *ibid.*  
 Modimperatoris differentia a Domino convivii 378  
 Molech, seu Moloch, unde dictus 86f. 481. aliæ  
 appellationes *ibid.* apud quas gentes cultus *ibid.*  
 num cum Baale unus idemque 86f. 482. quo-  
 modo a LXX. vertatur 481. an Mercurius, an  
 Mars, an Saturnus 86, 87f. præter infan-  
 tum consecrationem, multæ aliæ victimæ casæ  
 88f. sacrificia ej. ordinaria, & extraordinaria  
*ibid.* unde crudelis ejus cultus arcessendus 89f.  
 488. ejus statua 87f. 483. quibus in rebus con-  
 veniat cum Saturno 87f. VII sacellorum ej. lo-  
 cus & usus 87f. 484. cur pulsata tympana, cum  
 infantes ei offerrentur 87f. loci nomen quo in-  
 fantes ei oblatis 87f. 484 seqq. infantes, ei tan-  
 tum num consecrati, num combusti 88f. 487  
 seqq. tabernaculi ejus bajulatio 89f. 489  
 Monima, Wilhelm. notatus 439, 441, 704  
 Monachatus origo unde repetenda 229  
 Monarchia tertia regiminis Judaici periodus 27.  
 cur non ad Moſen referenda 5, 6  
 Moncajus, Francisc. laudatus 331. notatus 331,  
 502, 507  
 Moneta veterum, species quamnam 160f seqq.  
 Monophysitæ Syri panem Cœnæ sacrae cum oleo  
 & sale temperatum adhibent 708. unde *ibid.*  
 Montanus, Arias, laudatus 620. notatus 269, 275  
 Montes cur a Gentilibus idololatriæ faventes, ele-  
 cti 46f. num fidelibus ante Tabernaculum in  
 illis sacra facere licuerit 333. dicti sunt נְמִית  
 seu Celsa *ibid.* reliqua vide in voce *Celsa*.  
 M ria mons a regione hujus nominis distinguen-  
 dus 255. ejus situs & dimensio 255 seqq. in eo  
 Templum Hierosolymitanum fuit 38f. 256  
 Morinus, Joh. notatus 170, 448  
 Mortuus. Judæorum circa eum ceremoniæ 144f  
 seqq. 639 seqq. ex contactu ejus, quid acquiratur  
 144f. Baptismus super mortuis 145f. 640. ejus  
 extra Judæam volutatio subterranea, unde a Ju-  
 dæis credatur 146f seqq. 646 seqq. an ei oscu-  
 lum libare fas fuerit 365  
 Moſen fuisse regem Israelis, contra GOODWINVM,

cum Clerico negatum 5, 6. divini regiminis ad-  
 ministrat *ibid.* & 70. quo sensu Regis titulo in-  
 signitus 5, 6. Sacerdotem fuisse, contra GOOD-  
 WINVM, & alios negatum 69 seqq. fuit כֹּהֵן  
 regiminis administrator 70. num Alchymista 506  
 seqq. Israelitas aqua, pulvere Vituli aurei per-  
 mitta, potavit 507 seqq. cur cornutus pingatur  
 97f. 511. qua in re ceteros vates antecelluerit  
 522. num Synedrii M. auctor 573 seqq. num pri-  
 mus literarum inventor 661. GOODWINI dis-  
 sensus *ibid.* imperata ipsi calceorum extractio,  
 explicata 770 seqq.  
 Mosheim, Joh. Laur. laudatus 164, 353  
 Moyne, Steph. le 439, 567  
 Mulieres. ad eas Judicum dignitas apud Hebr. de-  
 voluta 7. apud Essenos in cultu publ. separa-  
 rim sedebant 312. in Synagogis Jud. quomodo  
 a viris separatæ 43f. 312 seqq. num eadem illis  
 quæ virorum, in accubitu ratio 375 seqq. earum  
 garrulitas a Rabbis notata 159f. 682. post puer-  
 perium quale sacrificium offerebant 706. num  
 victimas in propria persona stiterint 709. ab  
 oblatione viva num exemptæ *ibid.*  
 Mundi de duratione, Eliana traditio 81f. 446 seqq.  
 Munera natalitia inter Jud. usitata, quali inter Chri-  
 stianos ritui originem dederint 131f  
 Munsterus, Sebast. laudatus 280. notatus 299, 302  
 Musica nulla in Atrio conspecta 497. ei sacra in  
 Apollinis Actii fano fiebant *ibid.* inde Baal-  
 Zebub, seu Muscarum Dominus *ibid.*  
 Musica Levitarum in Festo Tabernaculorum 419  
 Musicos ad funera adhibendi ritus, utrum He-  
 bræus, an Romanus 651. quem in finem obser-  
 vatus 147f. an uno semper modo peractus 148  
 Mustum, primitiarum ejus modum, & mensuram  
 num Deus definierit 612  
 Mysticus sensus in Midraschim Judæorum 136

## N.

Naamanis incurvatio in fano Rimmon 519 seqq.  
 Nahardea, Academia Judæorum Babylonica 123.  
 descripta *ibid.*  
 Nansius, Francisc. notatus 593  
 Nareschana, Academia Jud. Babylonica 123. de-  
 scripta *ibid.*  
 Nasi, officium & dignitas 113f. 552, 563. num ejus  
 officio Sacerdos M. semper functus sit 553 seqq.  
 In quo Synedrii M. loco sederit 115f  
 Nasiræi *vid.* Naziræi.



# INDEX IV. RERVUM ET PERSONARVM.

Natura. ejus virtus, auctor, & Sol pro Numine cultus 482  
 Natura Christi gemina num per geminum expiationis hircum adumbrata 441  
 Natalitia munera, *vid.* Munera Natalitia.  
*Naclerus*, Joh. notatus 507  
 Navicula fugentis, quid 600  
 Nazaræi Sæctarii 201. an & quomodo ab Ebionitis distinguendi 164. an integrum N. T. Canonem retinuerint *ibid.* an synodus Act. XV. contra eos coacta *ibid.* eorum Evangelium Matthæi Hebraicum *ibid.* an cum Symmachianis iidem 201. 164. ab his Nazaræorum species, *Epiphanio* memorata, non differt 164 fqq.  
 Nazareni, cur Christiani a Judæis appellati 161 fqq.  
 Christiani Judaizantes dicti 163. posteriorum error *ibid.*  
 Nazarenus, liber a *Joh. Tolando* conscriptus, & confutatus 164. ejus institutum *ibid.*  
 Naziræorum appellatio a נזיר, non a נזיר 191. 151, 152, 799. de instituto illorum sedes primaria 152. voto certo obstricti erant *ibid.* leges eorum ad ternarium optime reducuntur 191. 152. leges eorum speciatim 152-155. vel perpetui 201. 155, 156, 799. vel temporales *ibid.* num filia Jephthæ in hunc censum veniat 156. Naziratus temporalium quamdiu duraverit 156. quo jure in Absolomæos & Simsonæos distinguantur 156 fqq. eorum consummatio 157 fqq. quomodo typum Christi gesserint 162. cum Essenis haud confundendi 341. 231. cûr Korban dicti 658. quale sacrificium offerre debuerint 706. num Christus inter eos referendus 800. num etiam primis N. T. temporibus ejusmodi fuerint 800 fqq.  
 Nebo, quorum & quale idolum 99, 1001. 520 fqq.  
 Necessitatis opera die Sabbathi licita 631. secus statuerunt recentiores Judæi 394  
 Necromantæ & superstitione ab illis peracta 1071. 546  
 Neomenia, *vide* Novilunium.  
 Nergal, quale & quorum idolum 517  
 Nethinæi in Sanctuario Ministri, s. Servi communes 141. 110. nominis ratio 111. origine Gibeonitæ, hinc Profelyti facti 110. num ipsis plures ex aliis populis accesserint 111. eruditorum de iis disceptationes *ibid.* quale pretium iis statuerint Israelitæ 141. 111, 112. num matrimonium cum Israelita vel Israelitide contraxerint 112. eorum sedes ante, & post terræ S.

divisionem *ibid.* fraus eorum, qua se Israelitis sociarunt, quanti æstimanda 1561. 672  
 Nibhchas, quale & quorum idolum 518  
 Niddui, excommunicationis apud Judæos gradus 1101. 555. num gradum, Schammatha, connotet 554 fqq. græcum nomen 1101. ob quas causas Judæis infligebatur 555. formula in eo, siue adesset, siue abesset excommunicandus *ibid.* num publica auctoritate fieri consueverit 555 fqq. quot dies duraverit 1101. 556. ejus effectus *ibid.* quibus in rebus a Chazæm distinguatur 558. an eo punitus sit Cainus 1121. 562  
 Nimrod, quo sensu idololatriæ auctor 474  
 Nisan, caput anni ecclesiastici 521. 358 fqq. 433. interdum Abib dictus *ibid.* cur 624. ejus dies XIV, XV, & XVI. notabiles 701. 411. in die X. quid peractum 400. dies XVI. qua in re notatu dignus 612.  
 Nisibensis Judæorum Academia 124  
 Nisroch, quale & quorum idolum 519. ejus templum ubi 991. 519  
 Noachidarum septem præcepta 61. 40. de iis inter Judæos fabula 809 fqq. num ad ea respererit synodus Hierosolymitana 810 fqq.  
 Noachus, unde consolator dictus 117. num Profeta *ibid.* quot modis typum Christi gesserit *ibid.* quædam de eo fabulæ *ibid.*  
 Nobilitas Judæorum præ Gentibus 31  
 Nomici, Nomodisæcali 133  
 Nominis impositio in circumcissione, unde orta, a quonam, & quo ritu 607. quo tempore infantibus alii populi imposuerint 1301 fqq.  
 Nominis Judaici acquisitio, fructus initiationis Profelytorum 45  
 Notariorum circa repudium apud Judæos usus 1431. 638  
 Notarii publici, Scribarum apud Judæos politicorum classis 161. 131. eorum officium, quale, & a quibus administratum 131  
 Notarikun, Kabbalæ species 534  
 Novilunium. quo tempore & quo ritu fixerint Judæi 424. num, illud supputandi, eadem inter Rabbanitas & Karæos ratio *ibid.* ejus dies quomodo consecratus *ibid.* ejus Festa 424 fqq. ejus origo & rationes 425. hilaritas Judæorum in illo festo 425. sacrificia offerenda 731. ritus inflandi buccinas eo Festo quibus rationibus in nixus 741. 425, 427. de ejus inventione & computatione observationes 74-761. 428  
 Noviluniorum Festum, *vid.* Novilunium.

# INDEX IV. RERVM ET PERSONARVM.

Nox, in quot apud Hebræos vigilias distribui con-  
fueverit 49† fqq. 347-349  
Noxa, sacrificia pro admissa noxa quomodo diffe-  
rant a piacularibus 707 fqq. eorum ratio 708  
Nubendi ætas a Judæis definita 627 fqq.  
Nubes, Dei habitaculum 749 fqq. ejus columna  
ענן caligo dicta 750 fqq. ejus migrationes  
752. in ea quænam Deitatis persona termina-  
tione fuerit 753. de ejus materia Judæorum fo-  
rmium 754. quid sit existimandum *ibid.* num  
integra ejus columna fuerit Schechinah 766.  
ignis inclusi symbolum *ibid.* unane, an se-  
ptem Israelitis præsto fuerint 668 fqq. ductor  
in ea quis, ex mente Judæorum 669  
Nudo capite an Hebræi luxerint 649. dissensus  
GOODWINI *ibid.*  
Numen supremum præscæ orientis gentilitati 482  
Nummorum apud veteres species 100† fqq. quo  
charactere Maccabæorum tempore apud He-  
bræos inscripti 692. quando eos signare cæpe-  
rint Judæi 163†. 695 fqq.  
Nummularii 697. fraudibus eorum Sacerdotes  
modum statuere haud potuerunt *ibid.* offic-  
cium, si digne administraretur, honestum *ibid.*  
Nuncupatores, quinam 151  
Nuptiæ, convivia in iis instituta per septem dies  
141†. 361, 629, 633 fqq. inter eas & sponsalia  
Hebr. an, & quare definitum tempus intercesse-  
rit 139†, 140†. 627 fqq. earum ritus 140† fqq.  
630 fqq. cur nec pridie Sabbathi, nec ipso Sab-  
batho, aut alio festo celebratæ 632. dies hebdo-  
madæ, eis destinatus *ibid.* summus earum mo-  
derator 141†  
Nuptiæ post divortium celebratæ 144†  
Nuptiæ secundæ num 1 Tim. III, 2. & 1 Tim. V, 9.  
prohibitæ 144†

## O.

Obedientia populorum Christo præstita, character  
Messiæ, contra Judæos 27  
Oblatio, quid sit stilo veterum Christianor. 815  
Oblatio decimarum, quid 133†. 615  
Oblatio elevationis magna 133†. 615. a primitiis  
an differat 615  
Oblatio ovium primogenitarum, quomodo per-  
acta 614  
Oblationem primitiarum, num a populo Dei ac-  
ceperint Ethnicæ 618  
Oblatio viva, ritus sacrificialis quoad offerentem  
709. num mulieres ab ea exemptæ *ibid.* causæ

ejus *ibid.* differentia ab oblatione victimæ ma-  
ctatæ *ibid.*  
Oblationum nomen unde symbola Eucharistica  
acceperint 65. inter earum adductionem &  
agitationem differentia 613. earum agitatio  
quomodo ab elevatione differat 133†. 613. num  
ab iis usus mellis exclusus 723. cur *ibid.*  
Oblationum Eucharisticar. apud Christianos origo  
814. quibus hodiernum usitatæ *ibid.* 5 fqq.  
Obliviosæ, quænam 626  
Oculos deorsum figunt Judæi precantes 322  
Oculos mortuorum claudendi ritus 144†. 639. Ju-  
dæorum huc spectans praxis 639  
Oculus bonus & malus, quid 134†. 612  
Ode, Jac. laudatus 211, 269  
Oecumenius, laudatus 477. notatus 483  
Offerentes sacrificia, quales ritus ab eis observan-  
di 709 fqq.  
Officiales, *vid.* Schoterim.  
Oleaster, Hieronymus, notatus 438  
Olei effusio, cerimonia convivii præparatoria 55†.  
368. quem in finem adhibita 368. aliis quoque  
gentibus usitata *ibid.* in quibus corporis par-  
tibus adhibita 55†. 368  
ad Olerum decimationem, num Hebræi ex Lege  
obligati 619 fqq. GOODWINI & aliorum dis-  
sensus 620. huc tortum præceptum de opere  
in Sabbatho non faciendo 62†. 338, 392 fqq.  
Oleum averfati Pythagorei & Esseni 32†. 221 fqq.  
primitiarum ejus modus & mensura 612. cur  
panem Cœnæ S. eo temperent Monophysitæ  
Syri 708  
Oleum sacrum, quando apud Hebr. defierit 10†.  
68, 301. num eo Reges Israelitarum uncti 56 fqq.  
Oleum unctionis, num cum oleo S. idem 55  
Omer, Hebræorum mensura, qualis, & cujus ca-  
pacitatis 159†. 682 fqq. an eadem semper ejus  
fuerit ratio 683. Græcis non aridorum solum,  
sed & liquidorum mensura *ibid.* unde derive-  
tur *ibid.* Græcis quomodo hæc mensura dicta  
*ibid.*  
Onus, Prophetiæ appellatio 15†. 121. an ad res  
tantum tristes atque minaces referatur 121 fqq.  
Operibus bonis & malis, denegant in futuro sæcu-  
lo præmium aut supplicium Sadducæi 29†. 209  
fqq. erroris occasio 210  
Opera necessitatis, num die Sabbathi, ex mente  
Judæorum, licita 63†. 394  
Operculum Arcæ fœderis, כפרת / quid 39†. 267.  
ejus materia 267. mensura *ibid.* figura 267 fqq.  
typus



# INDEX IV. RERVM ET PERSONARVM.

typus 397. 268. descriptio 521. sqq. num in-  
de vox ælitis veniens audita 522  
Opificibus in præparatione Sabbathi, exceptis tri-  
bus, illicitum operari 607. 387  
Oppida Palæstinæ, in iis quinam præcipui Senatus  
Assessores 108  
Opus non faciendum in Sabbatho, 627. 388, 392  
seqq. num illud ad bella extenderint Judæi 627.  
393. sensus huj. præcepti 62, 637. quænam ope-  
ra sub eo non comprehendantur 62, 637. 394  
Oracula divina, *vid.* Revelatio divina.  
Oratoria Judæorum, *vid.* Proseuchæ.  
Ordinatio. manuum impositio in ea a Christianis  
observata 819  
Ordinatio ad accubitus, cerimonie convivalis 368.  
a quonam procurata *ibid.*  
*Origenes* notatus 440  
Orphanis, decima pauperum solvenda 1367. 621  
Osculorum diversitas unde æstimanda 364. de-  
nominatorum ab occasione & causa, recensio 547.  
364. sqq. denominatorum a modo & loco, re-  
censio 365. an vivis, nunquam mortuis, libata  
*ibid.* salutationis species 547. qualia Christianis  
Vet. usitata 547. 365  
Oscula pedum, *vide* Pedum deosculatio.  
Osculum amoris Veter. Christianorum 547. 365  
Osculum idololatricum quid 365  
Osculum sanctum, Vet. Christianis usitatum 547.  
365  
Ostris, Adonis dictus 917. 492. occisum plangen-  
di, de invento gaudendi superstitio: & apud  
quos 492  
Otiosi, *vid.* Decemviri.  
Ovis sub forma, num Luna coli potuerit 97. ge-  
mina, de vellere ejus, divina constitutio 614  
Ovium primogenitarum oblatio 614  
Ovum, mensura apud Hebræos 681. usus *ibid.*  
*Ovramus* laudatus 709  
*Owenus*, Joh. laudatus 335. sqq. notatus 473. sqq.  
493. sqq.

## P.

Pacifica sacrificia, an oblationi primitivorum jun-  
genda 617. cur sic dicta 706. eorum ratio *ibid.*  
divisio *ibid.* iis velci, ubi, & quibus licuerit 715  
Pagani, *vide* Gentiles.  
Palæstina, in ea tantum Jobelæum observatum 465.  
ejus occupatio triplex 465. sqq. in ea mortui  
resurgent 646. quale figmentum ex hac opi-  
nione 1467. sqq. 646. sqq. Jacobus quare in  
ea sepeliendus 146, 1477. 647

Palmarum Dies, num ultimus Festi Tabernaculo-  
rum 727. 418. num ab Ecclesia Romana, exem-  
plo Judæorum, introductus 418. alia ejus de-  
rivatio *ibid.* ab Ecclesia Græca quomodo di-  
ctus *ibid.*  
Palmus, mensuræ apud Hebræos species 1577. 674.  
quotuplex 1577. 674. sqq. nomina ej. Hebr. &  
Græca *ibid.*  
Palmus dolens & ridens 676  
Panis agitationis, quot & quando Deo offerendi  
707. 1327. 412, 612. unde desumti 412. ubi, a quo-  
nam & cur agitando *ibid.* eorum significatio 707  
Panis propositionum, unde dicti 278. reliquæ ap-  
pellationes 278. sqq. quomodo, ubi, a quibus  
cocti 279. in quo loco positi 397. 277. sqq. eo-  
rum materia 279. in typis & formis subacti *ibid.*  
an statim ex fumo calentes mensæ impositi *ibid.*  
numerus *ibid.* quoties, a quibus, quo ritu, no-  
vi, in locum veterum, surregati 279. sqq. ubi,  
quando, a quibus absumendi 280. situs in Men-  
sa *ibid.* quo jure David eos comederit 280. si-  
gnificatio 397  
Panis benedictio a Judæis & Christo quo ritu ob-  
servata 557. 368. sqq. ejus distributio 369. sqq.  
scissio & fractio 557. 370  
Panis S. cænæ a Syris Monophysitis cum oleo &  
sale adhibitus 708  
Papæ infallibilitas ex Vrim & Thummim frustra  
exculpta 84. pedum deosculatorem quo jure  
postulet 364  
Parabolæ Judæis inter comedendum usitatæ 370  
Paronymphi, *vide* Filii thalami.  
Parasceve, *vide* Sabbathi præparatio.  
Parasangæ quid, & quibus usitatæ 678  
Parentes. de iis honorandis præceptum a Phari-  
sæis, religionis prætextu, eversum 202  
Pars duorum, *vide* Portio duplex.  
Parvarum, locus equis servandis destinatus 490  
Pascha. Rabbanitarum & Karaorum de eo dissidia  
171. ei successit S. Cæna 373. an a Christo ejus  
institutio, *accumbendo* mensæ, dissoluta 587. 377.  
ejus etymologia erronea, & vera 637. 394. vo-  
cis פסח an *transseundi*, an *condonandi* notio  
*ibid.* quot res hac voce designatæ 637. 395. tem-  
pus celebrationis ordinarium, vel extraordina-  
rium 395. sqq. an & quo sensu sacrificium 396  
sqq. 398. sacramentum est 637. 396. sqq. quo  
sensu ejus celebratio Eucharistia typus 397  
Pascha typus Christi 397, 804. ejus Festum ab  
Azymorum Festo distinctum 63, 647. agnus,  
quo

- quo ritu preparandus, mactandus, comedendus  
64--67f. 397--406. in eo lotio pedum usitata  
64f. cur Judæi hodierni comedere non audeant  
397 seqq. societatis ei comedendo destina-  
tæ, nomen & qualitates 399. ejus epulum  
cum initio festi Azymorum conjunctum 68f.  
403. an 2. cænis celebratum 67, 68f. 407. capti-  
vum dimittendi ritus, utrum a Romanis, an a  
Judæis ortus 409. mosne huic Festo proprius,  
an omnibus solennioribus communis 68f. 409.  
quid significarit *ibid.* dies ejus 2. notabilis 70f. 411.  
in eo cur manipulus Deo oblatu 412. posttri-  
die ejus qualis ritus 612
- Paschatis festatio cur instituta 803 fqq. origo di-  
vina 804. ejus usurpatio num N. T. cessarit  
805 fqq. *de eo* Canonum & Constit. Apostolor.  
decreta 805. dissidia Orientis ac Occidentis Ec-  
clesiæ 806. Audianorum, s. Anthropomorphi-  
tarum, dogma *ibid.* conciliorum Nicæni, An-  
tiocheni, & Laodicensi decreta *ibid.* Sæc. VI. dis-  
sensio inter Hispanicas & Gallicanas Ecclesias  
806 fqq. rixæ Sæc. VII. inter Anglos & Scotos  
807
- Paschatis Aegyptiaci & Terræ S. seu Sæculorum, di-  
stinctio 377, 396, 405 fqq. Israelitæ in utroque  
agnum an calceis ligati, comederint 58f, 377.  
convenientia utriusque, & discrepantia 406 fqq.  
in neutro mactatio agni Sacerdotibus tribuenda  
406
- Pascha Christianum a Judaico distinguendum 395.  
*ἡ πασχα*, & *ἀνοσῆσιμον* *ibid.*
- Pascha primum, a secundo quomodo diversum 410
- Pascha Profelytorum 39
- Pascha Sæculorum, *vid.* Pascha Aegypt. & Terræ S.
- Paschatis secundi, a primo differentia 410. obser-  
vatio, & quibus concessum sit 68, 69f. medita-  
tiones ex ejus consideratione 69f
- Pascha ultimum *ἡ πασχα* num Salvator comede-  
rit 429. eodemne cum Judæis die, an diverso  
76, 77f. 429 seqq.
- Paschata VII præcipua in sacris literis 395
- Passus, mensuræ apud Hebr. species 158f. 678.  
ejus in majorem & minorem distinctio 678.  
minor, quomodo appellatus *ibid.*
- Pater Deus, per sinum ejus quid intelligendum  
57f. 376
- Pater Domus Judicii. ejus dignitas 109f. 115f. 553,  
563. quomodo hodie apud Judæos administre-  
tur 553. quo Synedrii M. loco sederit *ibid.*
- Paterfamilias. ejus in convivio Judæorum offi-  
cium 58f. differentia a Domino convivii *ibid.*  
quomodo hebraice & græce dictus *ibid.*
- Patres. ita Prophetæ V. T. appellati 15f. 125
- Patribusfamilias in Paschate Agypt. & Sæculorum  
mactatio agni competens 406
- Patresfamilias primitivi. eorum jus aliud, quam  
Primogenitorum 1. GOODWINVS notatus  
*ibid.* eorum jura 14f. 1
- Patriarcharum religio & cultus, an absque cerimo-  
niis 252 seqq. lotio eorum an divinitus injun-  
cta 289. eorum sacrificia cujus originis 699 fqq.  
typica ratio 702
- Patrinus, *vide* Susceptor.
- Patronus causæ, advocatus 565
- Pacem dandi ritus inter Judæos 323. quibus obtule-  
rint Israelitæ, quibus non item 156f. 671. ejus  
oblatio quas molestias complexa 671. inter 70 pa-  
cem componere, & fædus pangere, discrimen  
156f
- Parvus. sic apud Hebr. discipulus dictus, anni non-  
dum XIII 18f. 142
- Patricius dictus R. Nachman 140
- Paulus, Phariseus, Doctor solenniter creatus 145.  
an loco Act. XXII, 3. de convictu an de institu-  
tione Gamalielis agat 147. Naziræatus ei per-  
peram ex Act. XVIII, 18. & XXI, 23. tributus  
159 fqq. an votum Naziræatus libere expleverit  
800 fqq. cur Pascha celebrarit 805
- Pauperes. quibus, & qua ratione decima solvenda  
156f. 621 fqq. eorum decima an Hierosolymas  
deferenda 621. an epulæ ex decima iis instru-  
ctæ 622
- inter Pauperes mundi & Pauperes urbis istius, Ju-  
dæorum distinctio 746 fqq.
- Peccata delendi modus. de eo disceptant Rabbani-  
tæ & Karæi 172
- Peccatores. comestio cum iis, ex mente Phari-  
sæorum, illicita 25f. 189 seqq. it. ex Sama-  
ritanorum mente 25f. 190
- Pectorale Sacerdotis M. 9f. 75. describitur *ibid.*  
judicia Dei & responsa inde deponit Pontifex  
75. ei inserta Vrim & Thummim 8f. 75 seqq.  
ejus mensura 674
- Pecuarii, quinam 29
- Pecudum mactatio, quo ritu peragenda 712
- Pecuniæ in contrahendis matrimonijs solutio, ritus  
apud Judæos 140f. 629
- Pedes & manus, ex ritu Judæorum, inter preces  
componendæ 322
- Pedilavium, *vide* Lotio pedum.



# INDEX IV. RERVM ET PERSONARVM.

Bedum de osculationis ratio 363 sqq. eam quo jure  
 sibi deferri postulet Pontifex Romanus. 364  
 Pegma in cruce, quid 593  
 Pellex, *vide* Concubina.  
*Pellicanus*, Conr. notatus 273, 275  
 Pellium detractio, qua ratione inter Jud. patrata  
 713. quorum ministerio *ibid.* quid eam acce-  
 lerarit *ibid.*  
 Pelves, vasa in cultu Hebr. publico 285  
 Peniculamenta, ציצית Judæorum 197  
 Pentateuchi, num solius divinam auctoritatem Ka-  
 rari agnoscant 170 sqq. num idem Sadducæi 208  
 Pentecostes Festum. de eo Rabbanitarum & Ka-  
 ræorum dissensiones 171. ejus denominationes  
 Scripturariæ & Rabbinicæ 411 sqq. cur πεντη-  
 κοστή dictum 704. computatio 704. 411. ab omni  
 Gentilismi labe immune 412. quot diebus, qui-  
 bus ritibus, atque sacrificiis absolutum 412 sqq.  
 causa & finis 704. 413. in Ecclesiam Christianam  
 translatio 414. ritus a Judæis observandus 1324.  
 612. idem cum Festo Primitiarum 412  
 Peregrinæ Reip. Jud. personæ, Præsides, Publica-  
 ni, Quæstores 41.  
 Peregrinitas, character Profelytorum indelebilis 46  
 Peripsema, quid 440  
 Perizonius, Jac. notatus 654  
 Permutatio, Kabbalæ species 534  
 Pernoctatio, tempore quo afferebantur primitiæ,  
 usitata 1354. 617  
 Persicum vocabulum est Pur, unde Purim 469  
 Peruz, Academia Judæorum Babylonica recentior  
 123  
 Pes, qualis mensura 1374. 675. num inter prisceos  
 Orientales usitata 675  
 Petavius, Dionys. notatus 573 sqq.  
 Petrus, Sam. laudatus 159. notatus 321  
 Petrus, circa quam precationis horam Act. III, 1.  
 in Templum iverit 351  
 Pfaffius, Christo. Matth. expensus 144  
 Pfeifferus, Aug. laudatus 539. notatus 271  
 Pharisei, quare tam anxie Profelytos captarint 51,  
 200 sqq. occasio ortus eorum 170. etymon a  
 פָּרַשׁ *separare* 22, 234. 173 sqq. eorum separa-  
 tio 234. 174 sqq. an Paulus Rom. I, 1. huc re-  
 spexerit 174 sqq. officium docendi sibi unice  
 vindicant 175. nomen ad sectam designandam  
 adhibitum *ibid.* eorum Scholæ *ib.* origo xta-  
 re Christi superior 178. non una e tribu pro-  
 dierunt 234. 178 sqq. in eorum partibus, fe-

minæ 179. septem vel octo generum 284. 200.  
 dogmata 23, 244. 179-185. de Fato 234. 179-181.  
 de Angelis & Spiritibus 234. 181 sqq. de Trans-  
 migratione animarum 234. 182 sqq. de Tradi-  
 tionibus oralibus 23, 244. 183 sqq. quas tradi-  
 tiones imprimis urserint *ibid.* a Sadducæis diffi-  
 dia 244. hypocrisis in exornandis Prophetarum  
 sepulcris 201 sqq. Legis divinæ corruptores  
 sunt 202 sqq. auctoritas eorum apud plebem  
 203 sqq. impletio Legis ab eis jactata 202. je-  
 junia eorum 234. 190. in doctrina de fato a Sad-  
 ducæis atque Essenis diversitas 324. 224. an ex  
 Hasidæis orti 217, 230. Phylacteriorum dilata-  
 tio a Christo exprobrata 264. 194. 274. 196  
 Phialæ acuminatæ, in asperzione sanguinis 713  
 Philippus, Herodis M. fil. 16. Panæadem, *Cesä-  
 ream Philippi* appellat *ibid.* num prior Hero-  
 diadis maritus 17. ἀρηνος *ibid.* an sit ille, quem  
*Josephus* Herodem vocat *ibid.* Evangelistarum &  
*Josephi*, de eo conciliatio *ibid.* alia difficul-  
 tas remota *ibid.*  
 Philo Byblinus notatus 501  
 Philo Judæus, notatus 85, 320. ejus de ritibus, mi-  
 nisterio, & vasis Templi fides 717  
 Philosophus quid sit stylo Ecclesiastico 129. an ta-  
 les fuerint Esseni 240  
 Phœnicibus literarum inventio tributa 1504. 660.  
 num sint Cananæi 660  
 Phylacteria, eorum apud Phariseos usus 254. 190  
 sqq. quid fuerint 264. 191. *Epiphanius* & *Sopra-  
 nis* de iis errores 191. forma & res aliæ circum-  
 stantes 192. quo sensu Deo tribuantur *ibid.* a  
 Judæis omnibus gestata 264. 192. quinam age-  
 statione illorum immunes 192 sqq. num man-  
 datum de iis Exod. XIII, 9. secundum literam  
 accipiendum 193 sqq. Christus an iis usus 193.  
 eorum dilatio Phariseis exprobrata 264. 194.  
 quid ipsis insculptum 264. tempore persecutio-  
 nis, rubrum filum eorum loco furrogarunt 195.  
 cur a Mose מִטְפָּת dicta 274. 195. superstitio  
 Phariseorum ex usu eorum 274. 196. eorum in  
 juramento usus 195. differentia a fimbriis 199  
 Phylacteriani, unde dicti 196  
 Piacularia Sacrificia, quot genera fuerint 706 sqq.  
 differentia a Sacrificiis pro noxa, s. reatu 707.  
 nomen eorum Hebr. quomodo explicandum  
 707 sqq.  
 Piacularibus totius cœtus Sacrificiis ubi, & quibus  
 vesci licuerit 715  
 Pietista-

# INDEX IV. RERV ET PERSONARVM.

- Pictistarum & Essenorum collatio ab *Isero* instituta 216
- Pilatus, quintus Judææ procurator 28. quo loco sententiam capitis in Christum tulit 570
- Pileus Sacerdotis gregarii, distinctus a Tiara Sacerdotis M. 84
- Pineda*, Joh. notatus 62
- Plagæ mundi, an nomina Hebr. a statione Planetariorum sortitæ 541. *GOODWINVS* notatus *ibid.*
- Planetarii, quodnam hominum genus 1041. 541
- Planetarum cultus 86, 87, 96, 97. 482 sqq. 509 sqq.
- Planetarum regima, *vid.* Regina planetarum.
- Plutarchus* notatus 383, 417 sqq.
- Pocockius*, Eduard. laudatus 645
- Poculum, *vid.* Calix.
- Pœna excisionis ex Israele 671. 405
- Pœnæ, *vide* Supplicia.
- Pœnitentes, ab excommunicatis distincti 451. quænam Templi porta illis patuerit *ibid.* eorum in Ecclesia Græca inflicta pœnæ 111, 112. 561 sqq.
- Pollinctura corporis, unde acceperint Hebræi 1451. 641. ejus causæ 1461. 641. an semper a Judæis observata *ibid.* ab Aegyptiis quomodo peragi consueverit 1451. 641. sqq.
- Pollutio a mortuo contracta, quamdiu duraverit 95. quomodo expianda 95, 706. a Sacerdote M. inprimis vitanda 95. a Naziræis etiam 191. 154. ratio ejus 154 sqq.
- Pomis*, Dav. de, notatus 438
- Pontifex Romanus, *vide* Papa.
- Pontifex summus, *vide* Sacerdos summus.
- Porcum appellare, horrent recentiores Judæi 1241 in Porta civitatis, num Lothus, judicem Sodomæ egerit 331
- Portæ Hierosolymitanæ, quot & quales 451. ex monumentis vet. earum recensio 326-328. diversimodæ recensio ratio 326. per quamnam Christus palmarum pompa, in Urbem inductus 327. per quam ad crucis suppliciumeductus 327
- Portæ Templi Hierosolymitani 451. earum quinque ex *Lightfooto*, recensio 329 sqq. quænam Pœnitentibus patuerit 451. versus quam Christus & Discipuli Matth. XXIV. magnificam Templi structuram prospexerint 329. duæ notabiles 451. super quam confessus fuerit Senatus XXIIIvralis 331
- Portæ urbium Palæstinæ, munitissimæ 451. 330. quædam inde dicendi formulæ 330. cur pro ipsis civitatibus aut incolis acceptæ *ibid.* fora judiciaria 45, 1161. 331
- Portæ urbium duæ. quo sensu David 2 Samuel. XVIII, 24. inter eas confederit 331
- Porticus Regia Templi, ubi, & quid 293
- Portio duplex, quid 1391. 627
- Primogenitorum privilegium 2
- Portitores, *vide* Publicani.
- Positura in Conviviis, *vide* Accubitus.
- Possessionum avitarum restitutio, privilegium anni Jobelæi 464
- Prado*, Hieron. de, notatus 269
- Præcepta Noachidarum, *vide* Noachidarum præcepta.
- Præconis publici apud Judæos officium 1191. 579. apud Romanos 579
- Præconi Evangelici symbolum sal sacrificiorum 721
- Prædicatio Judæis usitata 324. ejus a precatione differentia 441
- Præfecti civitatum male inter Scribas Hebræorum politicos relati 131
- Præfectus morum, quomodo a Græcis dictus 581. 378. cum Domino Convivii non idem *ibid.* ejus officium 581. 378, 633
- Præficæ, *vid.* Fœminæ lamentatrices.
- Præflectio, *πρόκλησις*, pœnitentiæ in Ecclesia Græca gradus 1121. 562
- Præmia futuri sæculi, a Sadduceis negata 291. 209 sqq. erroris occasio 210. statuunt Samaritani 215. notatus *GOODWINVS* 215
- Præparatio ad Festum Paschatis 404
- Præputiata arbores, quid 611 sqq.
- Præputiatus, quali in pretio apud Judæos 609
- Præputii amputatio, actus circumcisionis formalis 606. in scutellam arena plenam projectio 1301. 606. nominis variæ acceptiones 609. attractio, quid sibi velit, cur, & quomodo peracta 131, 132. 609 sqq. ejus attractio, Samaritanis usitata 610
- Præsentatio ad ostium Tentorii conventus, actus initiationis Sacerdotum 101. 94
- Præsides, personæ Reip. Jud. peregrinæ 41. vox late patens 28. a Quæstoribus quomodo distincti 29
- Præsides Judææ, a Romanis assignati 41. Judææ administratores ceu Vice-Præsides, vel Procuratores



# INDEX IV. RERVM ET PERSONARVM.

- eratores 28. vitæ ac necis potestate instructi  
*ibid.* ex iis Pontius Pilatus fuit quintus *ibid.*  
 Præsides provinciarum Romanarum 27. varia  
 eorum nomina *ibid.* auctoritas 27 sqq.  
 Præsides Iudicii, quinam dicti 313  
 Præstigiarius probabilis origo, quænam 100†  
 Præstigiatores, quodnam hominum genus 105†  
 542 sqq. fraudene, an ope diaboli usi 543  
 Prætorium Romanor. an Tabernaculo fœderis af-  
 fimiletur 666  
 Prandium, an & quando sumserint Judæi 59†. 379  
 sqq. quomodo parant 59†. 380  
 Precationis apud Judæos a prædicatione differen-  
 tia 44†. ejus horæ, quid, quotuplices, & quo-  
 modo appellata 51†. 350  
 Preces. gestus in iis a Judæis observati 44†. 322.  
 humiliationis religiosæ ritus 322-324. a seden-  
 tibus fufas esse, GOODWINVS Davidis exem-  
 plo colligit 324. miraculum, quod inter illas  
 in Templi atrio festis solennioribus accidit 322.  
 triplex Amen in iis usurpatum 45†. 325 sqq.  
 Prideaux, Humphr. laudatus 728 sqq. defensus  
 737 sqq. notatus 208, 212  
 Primitiæ, quem in finem sanctificatæ 132, 135†. 611,  
 617 sqq. sanctificationis earum ætas 611, 618.  
 earum divisio generalis, specialis, earumque ra-  
 tio 132†. 611 sqq. ab iis num differat oblatio  
 magna 615. modus eas pendendi 134, 135†. 616  
 sqq. num earum oblationi Sacrificia Pacifica  
 iungenda 617. quo pretio eas redimere licue-  
 rit 135†. 617. earum typus 618. utrum a po-  
 pulo Dei Ethnici acceperint 618  
 Primitiæ frugum ex area, quotuplices 133†. 612.  
 quanta illarum pars offerenda 134†. 612. quibus  
 solvendæ 132  
 Primitiæ messis hordeaceæ, triticeæ, quando offe-  
 rendæ 412. earum Festum idem cum Pente-  
 coste. *ibid.*  
 Primitiarum musti modus & mensura 612  
 Primitiarum olei modus & mensura 612  
 Primitiva, vide Primitiæ.  
 Primogeniti, dignitate proximi a Patribusfamilias  
 2. Deum ipsum & Messiam eis accensent Ju-  
 dæi *ibid.* quinam fuerint *ibid.* quotuplices  
*ibid.* cuiam eorum prærogativa debita *ibid.*  
 formalis eorum ratio & privilegia 2 sqq. jus  
 Sacerdotii non soli habent: contra *Buddeum*, &  
 alios 3 sqq. sanctitas communicativa an privi-  
 legium eorum 4. quinam illorum *principium*  
*roboris* dicti 2. Christum & fideles typice ad-  
 umbrarunt 4. in eorum locum quinam sur-  
 rogati 103 sqq. 617. eos s. homines, s. bestias,  
 cur sibi Deus vindicavit 135†. 617. quo pretio  
 redimere licuerit *ibid.*  
 Primogenitorum ex bestiis caro, cui cesserit 715  
 Primogenituræ in alium filium translatio apud  
 Hebræos illicita 5. variis tamen ex causis in-  
 terdum adhibita *ibid.* Clerici hinc conjectura  
*ibid.* ejus abrogatio post occupatam Cananæam  
 facta 5. GOODWINVS & Reizius notati *ibid.*  
 in Levitis translata 103, 617. cur 103 sqq.  
 Princeps dictus Rector Academiæ 9. conciona-  
 torum 136. Synagoga 313, 552. Hillel sic di-  
 ctus 38  
 Principatus Patrumfam. in sua gente 1  
 Principia verborum & Fines verborum, Kabbalæ  
 species 534  
 Principium roboris, respectu patris, Primogenitus 2.  
 ei soli τὰ πρῶτα debita, insuper habitis, qui  
 expellere, vel secundario connubio suscepti erant  
*ibid.*  
 Privatorum rogatu Vrim consuli poterat 81 sqq.  
 Proclamatio libertatis solennis, Jobelæi intimatio  
 459. per quos facta *ibid.* & 460  
 Proconsoles in provinciis Judæor. quinam, & un-  
 de 28, 29  
 Procopius Gazæus, notatus 498  
 Procuratores Judææ, vide Præsides Judææ.  
 Promotio Judæorum Academica. α) geminum  
 Candidati examen 143 sqq. β) solennitas: scil.  
 collocatio Candidati in cathedra; traditio clavis  
 & pugillarum; manuum impositio; renuntiatio  
 144 sqq. num ante 29 annum ætat. Christi  
 invaluerit 19†. 145. num in Servatore & Apo-  
 stolis adhibita 145. num Paulus Doctor crea-  
 tus *ibid.*  
 Prophete, Reges ungebant 59. triplex eorum  
 ratio 14†. 113. pro temporum diversitate ne-  
 cessitas 113. Adamus, Henochus & Patriarchæ,  
 iis accensendi 113-117. in priores & postero-  
 res divisio 118. munus eorum publice docen-  
 di extraordinarium *ibid.* eorum Scholæ 15†.  
 125. Parrum nomine interdum insigniti *ibid.*  
 Scribis s. Actuarius Publ. a Rich. Simonio perpe-  
 ram accensi 134. sepulcris eorum exornandis  
 operam navarunt Pharisei 201 sqq. Moyses qua  
 in re omnes antecelluerit 522. quo jure David,  
 Jobus, Salomo, Daniel ex ordine eliminantur  
 523. quibus vestibus usi 651  
 Prophe-

# INDEX IV. RERVM ET PERSONARVM.

- Prophetarum filii 15†. an originem dederint Mo-  
nachis 123. cur ita dicti 125  
Prophetia, divinæ revelationis species 100†. 522 sqq.  
distinctio inter eam & Spiritum Sanct. 523.  
num integris sensibus a viris SS. percepta 523  
sqq. num, & quatenus sub Templo II. cessa-  
rit 100†. 524  
Prophetia, quatenus revelationem divinam notat,  
vide Revelatio divina.  
Prophetiarum tres notatu dignæ appellationes 15†.  
120 sqq.  
Propheticorum librorum chronologia 118  
Propitiatorium, vid. Operculum Arce fœderis.  
Proprætores, in provinciis Judæis quinam 28, 29  
Profecta, quid 713  
Profectio victimarum, ritus sacrificialis ad Sacer-  
dotes pertinens 713 sqq.  
Profelyta, a nullo Sacerdote uxor ducenda 46.  
ad ejus initiationem baptismus sufficit, & Kor-  
ban 44. Israelitæ nubens, totius legis jugum  
subire debet 44  
Profelyti, vocati & Hellenistæ 34. inter hos, &  
Hebræos distinctio, an fundata, & in S. lite-  
ris ului 5†. 31, 39. eorum definitio 39.  
GOODWINVS notatus *ibid.* prima origo *ibid.*  
lex de eorum Paschate *ibid.* vis nominis 6†. 39.  
in duas species divisio 6†. 39. mortuos pro-  
pinquos haud lugent 45. hæreditatis jus non  
habent *ibid.* nec levitationis *ibid.* incestus  
crimen haud incurrunt, si filius matrem, post  
utriusque profelytismum, ducit *ibid.*  
Profelytorum nomen, character peregrinitatis in-  
delebilis 46. quo in pretio a Judæis profelyti  
7†. 50. varia Judæorum diætaria in illos 50 sqq.  
Pharisæi eos anxie captant 51, 200 sqq. cur qui  
Profelytum fecerat, eum creasse dicebatur *ibid.*  
inter eos Gibeonitæ s. Nethinæi sunt 110. num  
& Rechabitæ 149. ex Cuthæis s. Samaritanis  
haud recepti 30†. 213  
Profelytorum baptismus ad probandam S. cœnæ  
originem Judaicam nihil facit: contra GOOD-  
WINVM 374. iis decima pauperum solvenda  
136†. 621  
Profelyti justitiæ, s. fœderis 6†. 42 sqq. eorum  
præparationis pro discrimine personarum, di-  
versitas 43. Præparatio in adultis *ibid.* eo-  
rum initiatio, circumcissione, baptismo, & obla-  
tione peracta 6†. 43 sqq. oblatio eorum *ibid.*  
initiatiois eorum consequens, & fructus 45.  
jura & privilegia 46. posteri eadem cum pa-  
rentibus conditione *ibid.*  
Profelyti portæ. eorum a Profelytis justitiæ diffe-  
rentia 6†. 40. ad servanda VII præcepta Noa-  
chidarum obligati *ibid.* receptio eorum 40 sqq.  
jura & privilegia 6†. 41. exempla GOODWINI  
examinata 41 sqq.  
Profelytorum Baptismus, vid. Baptismus Profely-  
torum.  
Proseuchæ Judæorum, an a Scholis & Synagogis  
diversæ 44†. 793. argumenta expensa, de illa-  
rum convenientia vel discrepantia 320 sqq. quo  
in loco exstructæ 321. an emtioni & venditio-  
ni in illis locus *ibid.* quo sensu Epiphanius eas  
ἐν τόπῳ ὑποδείξας collocet *ibid.* an ob earum  
ἐν ὑπαίθεσσι ἀσπί ἀdificationem Judæi idololatræ  
*ibid.* τὰ ὑπερώια apud primævos Christianos,  
ejusd. cum iis usus *ibid.* num Xenodochia vel  
tuguria fuerint 45†. 322  
Profopolepsia a Judicibus Hebr. & Gentium ab-  
esse debebat 117†.  
Prostratio 323. ratio, & differentia a ceteris hu-  
miliationis religiosæ inter preces ritibus 323 sqq.  
loco ejus, incurvatio ad genua interdum adhi-  
bita 323  
Prostrationis civilis, differentia ab adoratione pro-  
strationis divinæ ex *Jarchio* 323 sqq.  
Protevangelio an signaculum sacrificii additum  
704 sqq.  
Proverbia Salomonis, num pro Colloquiis men-  
libus venditanda 370 sqq. contenta eorum in-  
dicata *ibid.*  
Providentiam tollunt Sadducæi 29†. 211 sqq.  
Provinciæ Romanæ, aliæ Cæsaris, aliæ populi 28.  
divisæ in præfidiales, proconsulares, prædrias  
*ibid.*  
Prudentia in Judicibus Hebræorum requisita 117†.  
Prudentiæ spiritualis symbolum, sal sacrificiorum  
721  
Pruta, qualis nummus 160†. 629, 687. quotu-  
plex 687  
Psalmi, post convivia Judæorum cantati 56†. 373.  
num Christus eos cantandi ritum observavit  
*ibid.*  
Psalmi graduales, quid 40†. 290 sqq.  
in Pseudopphetas, Synedrii M. potestas 116†.  
571 sqq.  
Publicani, cur sic dicti 29. alia nomina *ibid.* of-  
ficii eorum descriptio 4†. a Portitoribus quo-  
modo distinguendi 29. elogio & vituperia  
Rrr rr 3 Publi-



# INDEX IV. RERVM ET PERSONARVM.

Publicanis tributa *ibid.* Zachæus ex eorum numero 4†. 30. Judæis cumprimis exosi *ibid.* erga eos odii rationes 30 fqq. personæ Reipubl. Jud. peregrinæ 4†. Judæi eorum munia interdum obierunt 5†. 31  
post Puerperium, quale sacrificium offerendum 706

Pugillarium traditio, *vid.* Traditio clavis & pugillarium.

Pulicem elidere, nefas in Sabbatho 392

Pulvini tricliniaries. eorum in accubitu usus 375

Pumbeditana Jud. Academia, Babylonica 123

Purim Festum, quo tempore, & cur a Judæis celebretur 83†. 469 fqq. vocabulum peregrinum quid significet *ibid.* jejunium in eo, num legis divinæ 469. retractio jejunii hujus, qualis, & quando locum habeat 469 fqq. ejus feriatio *ibid.*

Purpura, insigne Regum Israelis, & aliarum gentium 8†. 62

Pythagoras quando vixerit 219. an sua ex Mose hauserit *ibid.* ejus, cum dogmatibus Essenorum, convenientia 31†. dogmata & constitutiones 31-33†. 219-225

Pytho quid 106†. 544 fqq. vocis פִּיטוֹ, explanationes 544 fqq.

Pythonem consulentes, quinam 106

Pyxis rotunda lignea. ejus in Expiationis die usus 285

## Q.

Quadrans, qualis nummus 160†. 687 fqq.

in Quadrantes, diei divisio, Judæis usitata 50†. 348 fqq. Turcis etiam 349. ad conciliationem Marc. XV, 25. & Joh. XIX, 14. applicatio 5†

Quæstores apud Romanos varii generis 28

Quæstores Provinciales. eorum apud Romanos officium 4†. 28 fqq. a Præsidibus distincti *ibid.*

Scribis & Licetoribus insigniti 29. vices Proconsulis & Proprætoris sustinebant *ibid.* Reip. Jud. peregrinæ erant personæ 4†

Quater intrat Pontif. M. in Sanctissimum die Expiationis 437

Quatuor claves in manu Dei 632

Quies terræ in anno Sabbathico 442 fqq. inter jura Jobelæi ac anni Sabbathici 460. ejus ratio *ibid.*

Quinque res. sub Templo I. quæ defecerunt Templo II. 4†. 42†. 297-302. non eodem modo recensitæ 297 fqq. traditionis veritas varie

impugnata 298. accuratius recensitæ 298-301. frustranea spes earum in Templo III. sub Messia restitutionis 301 fqq.

Quistorpius, Joh. notatus 263

## R.

Rabban, elogium apud Jud. præstantissimum, septem Hillelis posteris tributum 139. apud Syros Christianos Presbyteris & Monachis attributum *ibid.*

Rabbanitæ, quo sensu Karæis oppositi 139. quinam sint 169. eorum odium, in Karæos 169, 172. horum cum Karæis de Paschate, de Pentecoste, de modo quo peccata deleantur, cet. disceptationes 170-172. menses secus ac Karæi supputant 424

Rabbi, titulus. ejus synonyma 138. etymologia & sensus *ibid.* a synonymis distinctio 138 fqq. quis eo primus salutat 137. ejus origo 145

Rabbini, *vide* Magistri Judæorum.

Rabboni & Rabbuni, honoris titulus 140. ad Joh. XX, 16. a Caninio sinistre explicatus *ibid.*

Rabdomantia, quid 548

Raf, titulorum apud Judæos infimus 138 fqq.

Ramorum fasciculi usus in Festo Tabernaculorum 7† fqq. 416 fqq. quomodo a Rabbinis appellatus *ibid.*

Ramorum Festum in Ecclesia Græca 418

Ramoth, refugii urbs Trans-Jordanensis 339. situs, & ab aliis distinctio *ibid.*

Raschi laudatus 90, 347 fqq. 361. notatus 496 fqq. 507

Rechabitæ, unde genus & ortus 148 fqq. num

Profelyti in Israele, & ortu Kinæi 149. num diu duraverint 149, 151. eorum lex patria, quot, & quibus præceptis inclusa 150. an Religiosis originem dederint *ibid.* an omnes ἀσυντακτοι

151. eorum obedientia erga parentes *ibid.* qua in re a Deo laudati *ibid.* num iidem cum Essenis 34†. 151. 231

Rector Academiæ Judæorum 313

Recutiti, quinam sic dicti 610

Reformati notati 601 fqq.

Regeneratio, fructus initiationis Profelytorum 45

Regum triplex species 7†

Reges Hebræorum, quibus auspiciis constituti 2†. 8. penes quot regnum fuerit *ibid.* quot fuerint in Juda & Israele usque ad captivitatem 8. ubi habitaverint *ibid.* quonam oleo uncti 56 fqq. quis eos unxit 59. eorum insignia

# INDEX IV. RERVM ET PERSONARVM.

- gnia 8†. 60 fqq. eorum auctoritate Vrim consuli poterat 8†. quibusnam eorum in Templo assidere licuerit 290. num eligendi jus penes Synedrium M. 571. eorum imperio num Synedrium tollatur 574
- Regni Judæorum auspicia 8. penes quot integrum fuerit *ibid.* ejus scissio *ibid.* an & quatenus reparatum sit *ibid.*
- Regina, quo sensu Sabbathum dicatur 60†. 385
- Regina Planetarum & Siderum, Luna dicta 97†. 510 fqq.
- Reizius, Joh. Henr. notatus 5; 226, 259, 339, 494, 551, 562, 601. & passim: sæpe etiam laudatus.
- Relandus, Hadr. laudatus 17, 24† fqq. 695 fqq. 752. expensus 62†
- Religiosi ordines num ex Rechabitarum more originem traxerint 150
- Remissio debitorum in Jobe 443
- Remphan, quale idolum 90†. GOODWINVS expensus 49†. idem cum Chiun 90†. 49†. num sub eo lateat Hercules 49†. stella Remphan 91†
- Renuntiatio, actus in solenni Promotione Judæorum Academica 144 fqq.
- Representatio, *vid.* Oblatio viva
- Repudiū, libellus, quid, quando, in quibus uxoribus admissus inter Judæos 143†. 629. 636. num ex mente Judæorum Lege imperatum *ibid.* ejus fundamenta, & rationes, quot, & quænam 143†. 636 fqq. quomodo peractum 143†. 629, 637. an ejus praxis hodiernum inter Judæos 637. ejus apud Romanos a divortio differentia, & antiquitas 638
- Responsa Dei, *vide* Revelatio divina.
- Respublica Judaica, ejus forma quot & quibus mutationibus obnoxia 1† fqq. 1 fqq. ejus administrator, Moses 6, 70. ejus quatuor formæ ac periodi, Oeconomica, Theocratica, Monarchica, Monarchico-Aristocratica 27
- Resurrectio mortuorum a Sadducæis negata 29†. 210. an eam Samaritani crediderint 215
- Restitutio, pœna inter Judæos non capitalis, quotuplex & qualis 123†. 587 fqq.
- Retectio glandis, actus circumcissionis formalis 606, 608. quomodo & cur peracta 608. ejus antiquitas, & auctoritas *ibid.*
- Revelatio divina, quotuplici modo, & quot vicibus facta 100†. 52† fqq. 748 fqq. ejus sublimissimus gradus 522
- Revelationes Dei immediatæ, ante Legem crebriores 113. sub Lege rariores *ibid.* aliquanto post captivitatem Babylonicam nullæ 14†, 119, 528
- Reus in Synedrio M. ubi steterit 113†. 565. quis ad dextram ejus *ibid.* absolutio vel condemnatio quo ritu peracta 113†. 566. condemnationem quid exceperit *ibid.* cur confessionem criminis edere debuerit 119†. 580
- Rex in Jeschurun, Deusne, an Christus, an Moses 6. ultimum asseritur 7
- Rhenferdus, Jac. laudatus 310-314. conciliatus 316
- Ribbi, idem plane quod Rabbi 139
- Ribera, Francisc. de, notatus 262
- Rimmon, quale idolum 99†. 519. etymologia *ibid.* in fano ejus 2. Reg. V, 17. incurvatio a Naa mane 519 fqq.
- Rio, Mart. del. notatus 54†
- Ritus Christianæ religionis, an ex Synagoga, aut λειτουργίᾳ Templi arcessendi 65
- Rivetius, Andr. laudatus 504
- Robertsonus, Guil. laudatus 54†. notatus 51†
- cum Romanis Maccabæorum fœdus 12
- Rota, supplicii genus apud Græcos 127†. 598. quale mortis genus in tormentis Martyrum *ibid.*
- Rubenis primogenitura, in Judam collata 2†
- Rubrum filum, cur Judæis in persecutione loco Phylacteriorum 195
- Rubus ardens, a Mose conspectus, num unus 772. quomodo apparitio Filii Dei inde facta *ibid.* num typus Mariæ 784. num incarnationis Christi 785
- Russ, Joh. Reinh. notatus 160, 384
- S.
- Sabbatha, cur sic Hebdomades dicantur apud Hebr. 355. quare septenus eorum numerus a XVI. Nisan fuerit supputatus 411. pro die 1 & 7 Paschatis sumpta 70†. num ad ea referantur Novilunia 424 fqq. Judæorum in iis hilaritas 425. non erant dies Juridici 578
- Sabbatha inter duo, tempus interjectum בין הערבים quid 60†. 384 fqq.
- Sabbathi jejunium, unde Judæis a Gentilibus impositum 62†. 390. cur Judæi ab eo abstineant 390 fqq. in quibus casibus illud licitum 39†. Christianorum de eo constitutiones 816
- Sabbathi Introitus, quid 60†. 385
- Sabbath.



# INDEX IV. RERV ET PERSONARVM.

Sabbathi Vespera f. Præparatio, cum Parasceve eadem 60†. 386. ejus ratio 60, 77†. fqq. 385, 386 seqq. lotio in illa 386. judicia nulla in eadem 60†. 386 fqq. opificibus (exceptis 3) illicitum, in illa operari 60†. 387. quantum itineris licitum 60†. a quibus promovenda 6†. 387. quomodo a Judæis significata 6† 387 fqq. quo sensu Matth. XXVI, 17. primus Azymorum dies audiat 68†. 410. locus Joh. XVIII, 28. a GOODWINI expositione vindicatus 431

Sabbathicus cyclus, num cum cyclo Jobelæo conveniat 454

Sabbathulum Judæorum 124†. a Judæis Sabbatho annexum 6†. 390. ab hoc, aliud Sabbathi additamentum, distinguendum 390

Sabbathum. de eo trice Rabbanitarum & Karæorum 171. Phariseorum ineptæ interpretationes 202. sollicita Essenorum observatio 33†. 227 seqq. ejus etymologia 382 seqq. variæ significationes 59, 60†. 383. origo, num ex Aegyptiorum vel Gentium institutis 383 seqq. num in ergastulo Aegypti intercederit 384. quo sensu Regina dicitur 60†. 385. ejus limites *ibid.* Judæorum in sanctificatione ejus, superstitio, & sacrilegium 61-63†. 388-394. an opera in Sanctuario illud violarent 392

Sabbathi nomine, subinde XV. Nisan venit 411. crastinus Sabbathi, quid *ibid.* ceremoniale a morali quomodo distinguendum 801 seqq. in quantum per Servatorem abrogatum 802 seqq. quare dies Dominica ei successerit 802. quo tempore abrogatum 803. cur in eo, aut pridie ejus, nuptiæ nullæ 632

Sabbathum magnum, quid 60†. 384. cur ita dictum 384

Sabbathum Sabbathorum, cur Dies Expiationis dictus 433

Sabbathum Secundo-Primum, quid 70†. 413

Sabbatiani, quales hæretici 802

Saccus, vestis Hebræorum lugubris 650. materia *ibid.* & fqq. num idem cum cilicio *ibid.* reliqua ejus ratio *ibid.*

Sacella septem, Molocho exstructa 87†. 484

Sacerdotis castrensis quale officium 155†. 670

Sacerdos Summus. eum constituendi & abdicandi jus 18. ejus in Festo expiationis albæ vestes 64, 276. antitypus inde, Christus, alba veste *ibid.* aureis ordinario vestibus indutus *ibid.* hujus typus ad Christum, & ad fideles N. T. 65. ritus initiationis ejus, & a reliquis Sacerdotibus

differentia ac convenientia 8-11†. 67-95. ejus unctio 8†. 67, 68. vestes 9†. 70 fqq. solus Vrim & Thummim consulebat 8†. quo ritu 82. sub Templo II. ob defectum olei sacri, ungi non poterat 10†. ejus circumspectio circa ducendam uxorem, virginem 10†. 88, 89. typus ex eo *ibid.* ejus ingressus in Sanctum Sanctorum quater factus 11†. 437. unde responsa in rebus arduis depromserit 75. abstinentia a ludu, a contactu mortuorum, a depudatione capitis, a scissione vestium, cet. 11†. 95-97. vicarius ejus 11†. 98 fqq. num Sagan, ejus titulo insignitus 99. eulus in Festo Expiationis ipsi proprius 276, 434 fqq. cur per mortem ejus, exilium homicidæ involuntarii desierit 48†. 342, 343. ceremoniæ, eum in Expiationum Die concernentes 78†. 276, 434 fqq.

Sacerdos M. Christum quomodo adumbravit 80†. in Synagoga fuit caput 109†. num idem cum Nafi 553. an necessarium membrum Synedrii 554. ejus Pectorale 674. sacrificium ejus, die Expiationis 706. pro ejus familia juvenescum mandandus 712

Sacerdotes. ipsis Profelytam ducere nefas 46. ungunt Reges 58 seqq. requisita eorum naturalia, moralia: ac ratio typica 89 fqq. 92. in idololatria deprehenfi, ab Altari arcebantur 93. eorum initiatio 10†. fqq. 94 fqq. officium 11†. a Levitis dissimilitudo 106. ad obeundas eorum partes, Levitæ extraordinarie admissi *ibid.* eorum in Sanctuario ministri 107

Sacerdotes religionem propagabant 117 seqq. an in Scholis docuerint 118. quotidianus eorum cultus 275 fqq. agnum Paschalem nunquam mactabant: contra GOODWIN. & alios 406. ex iis membra judicii M. desumebantur 551. ad eos controversiæ religionis deferebantur 552. de fructibus comedendi licentia eorum 132†. 612. primitiæ ipsis exsolvendæ 132†. 612 seqq. 614. iis etiam Levitæ decimas pendebant 133†. 615, 619 seqq. eorum circa primitias opera 617. capita in luctu nondenudabant 648, 155†. eorum circa agitationem & elevationem officium 709 seqq. sacrificia ab iis observata 712 seqq. asperlio sanguinis iis propria 712. in velcendis victimis prærogativa 715. oblati melleis & fermentatis vesciebantur 723. num in Tabernaculo & Templo discalceati 787 fqq.

Sacerdotes Christianorum, unde nomen acceperunt 65

Sacer-

# INDEX IV. RERV ET PERSONARVM.

- Sacerdotes gregarii. eorum initiatio, & a Pontif. M. differentia 8-117. 67-95. quatuor sacris vestibus amicti 107. typus ad Christum & fideles N. T. 65. num uncti fuerint 67. Vrim consilere iis haud licuit 81. propinquos & uxorem lugere, permissum 117. 97. in XXIV. classes & Ephemerias distributi 117. 100 sqq. quotidie suffragium faciebant 276
- Sacerdotii jus, ante cultum Leviticum 3. eo inprimis Patresfamilias functi 1. ejus antiquitas 147. an Mofi tribuendum 69 sqq. ad illud sub Lege adstricta erant Sacrificia 705. ab eo Sacerdotum filii profani arcebantur 89
- Sacerdotium æternum, Levitico sublimius 55
- Sacerdotium Summum, in Aaronis posteritate 87. cuinam ordinarie cesserit 87. 66, 99. Hasmonæi illud invaserunt 66
- Sacramenta, quid 601. quot apud Hebræos 1207. 601. a symbolis adumbrativis, differentia *ibid.*
- Sacrificales conciones, num ritus Sacrificiorum 714 sqq.
- Sacrificia, propter vitia Sacerdotum, illegitima 92. quænam in Festis Buccinar. & Novilunior. 737. quænam in Tabernaculorum, quot, quo ordine 419. Die Expiationis, quænam 787. 435. post Tabernaculum, in Celsis adhuc oblata, non item sub Templo 333, 334. sub Templo II. ob defectum ignis cælestis num profana 300. inter ea num Pascha referendum 396 sqq. cur Festa vocentur 361. convivii plerumque finita *ibid.* divisiones in *proprie* & *strictæ* dicta, in *vera* & *vera*, in *ordinaria* & *extraordinaria* 396, 397. prima eorum origo 700 sqq. cultus, num Legis naturalis 700 sqq. institutionis divinæ esse, adstruitur 700 sqq. 704 sqq. relatio typica 702. num vetustissimis gentibus communia 703. quo pacto Deus eorum originem hominibus communicaverit 703 sqq. num mandatum de iis Protevangelio annexum 704. distinctio in ea, quæ ante, vel post Legem oblata 705 sqq. mulieres an ea in propria persona obtulerint 709. sale omnia condiri debebant 716 sqq. num per Christi adventum sublata 801
- Sacrificia Eucharistica, Pacificorum species 706
- Sacrificia filiorum, num ex immolatione Isaaci originem ducant 897. 488
- Sacrificia inanimata. iis usi Esseni 327. 224. num & Pythagorei 327. 223, 224
- Sacrificia Levitica. eorum, ab his ante Legem, differentia 705. quam varie dispescantur 705 sqq. eorum vera divisio 706. natura & ratio 705. commune vocabulum, quo omnia comprehenduntur 706. eorum VII. ritus 709 sqq. peculiariter circa illa constitutiones divinæ 716 sqq.
- Sacrificia Molochi 877 sqq. 484 sqq. 487 sqq. ficta eorum origo 897. 488
- Sacrificia Voluntaria, Pacificorum species 706
- Sacrificia Votiva, Pacificorum species 706
- Sacrificia Patriarcharum, cujus originis 699 sqq. num animi Deo obstricti signa 701 sqq. relatio typica 702. in quantum Hilaristica *ibid.* silentium Mosis num institutionem div. tollat *ibid.* argumenta alia explosa 702 sqq. num necessitate injuncta 705. num jugi instar presserint *ibid.* eucharistica & votiva *ibid.*
- Sacrificium Ascendens & Descendens 707
- Sacrificium Missæ, unde ortum 65
- Sacrificium Naziræi, quale 706
- Sacrificium polluti funere, quale *ibid.*
- Sacrificium puerperæ, quale *ibid.*
- Sacrificium sacramentale, quid 396
- Sacrificium sacrum piaculare, quid 707
- Sacrilegii rei Judæi, in sanctificatione Sabbathi 617 sqq. 388 sqq.
- Sadducæi, pars scribarum Jud. 175. a Rabbinis, Karæi vocati 297. 169 sqq. 209. etymologia 287. 204 sqq. ortus 205 sqq. 206. an eorum ex heresi, Dosithei hauserint 287. 206. num Scripturæ libros, excepto Pentateucho, rejecerint 208 sqq. an duæ classes *ibid.* traditiones respuunt 297. 209. bonis operibus & malis supplicium denegant & præmium 297. 209 sqq. Judæi Christianizantes vocantur 210. resurrectionem mortuorum negant 297. 210. Spiritus tollunt, & quo sensu *ibid.* animas annihilari asserunt *ibid.* & 211. an Spiritum S. Deum negent *ibid.* tollunt Providentiam 297. 211 sqq. dissensus *Prideauxii* 212. cur Epicurei audiant *ibid.* an in Templo Garizim & Hierosolym. promiscue sacrificarint: contra *Bartoloccium* 213. convenientia & discrepantia eos inter & Samaritanos 2937. 212-215. Hyrcanus quare ad illos transierit 215. diversitas de Fato a Pharisæis & Essenis 327. 224. diversitas ab Herodianis 245
- Sagan, Pontificis M. vicarius 117. 98. ejus usus 98 sqq. 435. auctoritas *ibid.* successio 99. num titulo Pontificis insignitus *ibid.* cum Pontifice caput Synagogæ 1097.
- per Sagittas vaticinatio, qualis divinatio 1077. 548. num



# INDEX IV. RERVM ET PERSONARVM.

- num eadem cum vaticinatione per virgam 548
- Sal. cur Monophysitæ Syri panem S. cœnæ eo temperent 708. Sacrificiorum omnium condimentum 716 seqq. ubi asservatum sit 716. ejus necessitas *ibid.* species in Sacrificiis 717 seqq. num Sodomiticum 719. cur eo condiri omnia Sacrificia Deus voluerit 719 seqq. sensus mysticus 720. sensus moralis 720 seqq.
- Salazar, Ferdin. Quirin. de, notatus 371
- Saliri igne, quid (Marc. IX, 49.) denotet 722 seqq.
- Salmassius, Claud. laudatus 376, 635. notatus 352, 592, 719
- Salomo, Templi I. conditor 295. ejus Proverbia, num colloquia mensalia 370 seqq. quo jure ex Prophetarum ordine eliminetur 523
- Saltatio Judæis Festo Tabernacul. usitata 422. num viros graves deceat *ibid.* seqq.
- Salutaria Sacrificia, *vid.* Pacifica Sacrificia.
- Salutationum variae formulæ 53†. 362 seqq. cerimonia conviviorum preparatoria 53†. varia signa *ibid.* cur Gehasæ & Discipulis prohibita 363. ejus species, osculum 54†
- Samaritani. per eos interdum Karæi intelliguntur 169. contactum & comestionem cum τοῖς ἄλλοφύλοις virant 25†. 190. convenientia & discrepantia inter ipsos & Sadducæos 29 - 31†. 212 - 215. eorum Sacra in Garizim 29†. 212 seqq. odium 29†. 213. ex iis Profelyti haud recepti 30†. 213. anathematizatio iis intentata 30†. 213 seqq. solos Mosis Libros recipiunt 30†. 215. animæ immortalitatem, pœnas & præmia agnoscunt 214. dissensus GOODWINI 215. num resurrectionem mortuorum admittant *ibid.* tres in eorum religione mutationis gradus 30, 31†. 215. attractio præputii iis usitata 610
- Samuel, an Naziræis accensendus 155, 157. per sagam Hendori ex mortuis non excitus 107†. 547. ejus auspicio Scholæ Prophetarum institutæ 118, 120
- Saratio, opus charitatis, Sabbatho licita 62†. 393
- Sanctificatio primitiarum 132, 135†. 611, 617 seqq. 611, 618
- Sanctificatio Sabbathi, in ea Judæorum sacrilegium 61† seqq. 388 seqq.
- Sanctitas communicativa, Primogenitorum privilegiis non accensenda 4
- Sanctitate viræ, Pharisei assurgere affectabant 175 seqq.
- Sanctius, Casp. notatus 271, 331, 406, 596
- Sanctum. in eo Sacerdotes religionem propagant 117 seqq. ejus res & vasa, Kahathitis demandata 12†. 107. plena delineatio 39†. 271 - 284. ejus Altare suffitus 271 - 277. mensa cum XII panibus propositionum 277 - 281. candelabrum aureum 281 - 284
- Sanctum Sanctorum. Sacerdotis M. annuus ingressus 11†. 437. ejus structura 257. num fenestris instructum 357 seqq. 762 seqq. eorum quæ in eo fuerunt, copiosa descriptio 39†. 259 - 271. ejus Thuribulum aureum 259, 260. ejus Arca 260 - 267. Arce operculum 267, 268. Cherubini 268 - 271. versus illud, facies præcantis in Templo, dirigenda 322 seqq. quarum victimarum sanguis eo inferendus 712
- Sanguinis exsuctio, actus circumcisionis formalis 606. abstinencia ab esu ejus 809 seqq. ad quam legem abstinencia ab eo referatur 810 seqq.
- Sanguinis asperfusio Die Expiationis 436. quo ordine facta 712. quorum ministerio *ibid.* num ritus & locus semper idem *ibid.* & seqq. sanctitas hujus ritus 713. ars Sacerdotum, ne illa impediretur *ibid.*
- Sanhedrin, Gemaræ tractatus 9
- Sanhedrin, triplex dicasterium 568. *reliqua vide in Synedrium.*
- Sapientes, gradus Magistrorum 15†. 119. Pharisæorum cumprimis 126
- Sapientia in Judicibus Hebr. requisita 117†
- Sarmentitii, martyrum genus 598
- Satum. hujus mensuræ capacitas 159†. 683. vocatur & Modius *ibid.*
- Saturni cum aliis confusio 86†. 482. cultus divinus *ibid.* statua 87†. 483
- Saubertus, Joh. expensus 296
- Saxa, quibus lapidandus interiit, num, & cur sepulta 120†. 581. quot, quorsum, a quibus, immissa sint 121†. 584. eorum in sepulcris Hebræorum usus 146†. 644
- Scacchus, Fortun. laudatus 272. notatus 273, 276, 278, 282, 287, 288, 695 seqq.
- Scala XV graduum, atrium seminarum & virorum distinguens 40†. 290 seqq.
- Scaliger, Jos. laudatus 214, 215. notatus 101, 149, 353, 372 seqq. 497, 621, 407 seqq.
- Sceptrum. varix de voce Hebræa sententiæ 3†. 20. ejus de Juda ablatio 4†. quando Judæ concessum 25. quando ademptum 26
- Sceptrum, insigne Regum Hebr. 8†. 61. in baculum

# INDEX IV. RERVM ET PERSONARVM.

- culum aut virgam a Soprane conversum *ibid.*  
 apud diversas gentes diversa figura 61 fqq.  
 Schammai, Schammæus. ejus vita descripta 316,  
 318. ejus schola Scholæ Hillelis opposita 441.  
 316, 318  
 Schammatha, num diversa a Niddui excommuni-  
 catio 554 fqq. etymologia 1111. 559. ab aliis  
 excommunicationis gradibus, differentia 559 fqq.  
 cur inter Judæos infrequens 560  
*Scharbau*, Henr. laudatus 392  
 Schechina. sub Templo II. defecit 411. 297, 300,  
 755. dissensus *Cremeri ibid.* notio varia *ibid.*  
 materia 754. quid fuerit 755, 765 fqq. quid  
 adumbravit 755. Deus ea tanquam symbolo  
 usus 766. num sine igne apparuerit *ibid.* pro  
 ipso Deo a Talmudistis sumitur 766 fqq. no-  
 men, cuius Deitatis personæ tribuatur 767  
 fqq. Prophetis vaticinia dedisse, Judæis creditur  
 768. in superiorem & inferiorem distinctio  
*ibid.*  
*Schickardus*, Joh. Guil. laudatus 642. & sæpius.  
*Schilo*, *vid.* Silo.  
*Schindlerus*, Valent. laudatus 410. notatus 231  
*Schlichter*, Christ. Ludov. notatus 717  
*Schmidius*, Erasim. laudatus 567, 634. expensus  
 409  
*Schmid*, Seb. laudatus 331, 395, 410, 530, 547, 596.  
 expensus 366, 396, 397, 402, 403, 451 fqq. 511,  
 537, 591 fqq. 640 fqq.  
 Schœni, quid & quibus usitati 678  
 Scholæ. num Sacerdotes ibi docuerint 118. num  
 ibi Levitæ *ibid.* diversæ a Synagogis 431. 315.  
 quomodo a Rabbiniis appellatæ 441. 315. cur  
 Synagogæ interdum dictæ 315. earum ædifi-  
 cium an a Synagoga distinctum *ibid.* usus 441.  
 315. in locis excelsis extrui solitæ 441. 319.  
 cur 319. num a Proseuchis diversæ 441. 320 fqq.  
 Scholæ seu Domus, idem quod sectæ diversæ 123  
 fqq. unde natæ *ibid.*  
 Scholæ s. Domus Disquisitionum 315  
 Scholæ s. Domus Doctorum, בית רבן a scholis  
 Magistrorum distinctæ 315  
 Scholæ s. Domus Hillelis & Schammæi 123. inter  
 utrasque dissensus 441. 318  
 Scholæ s. Domus Magistrorum, בית רבן trivialis  
 315. earum necessitas *ibid.*  
 Scholæ Phariseorum 175  
 Scholæ Prophetarum 118, 122. error *Francisci Fa-*  
*bricii* 122. in iis doctrina de Christo inculcata  
*ibid.* earum apud Hebræos dignitas 122 fqq.
- Schotanus*, Christi. notatus 784  
 Schoterim, in Synedrio M. officium 1131. 564. a  
 Schophetim שופטים differentia *ibid.* varie vox  
 vertitur 1131. 564 fqq.  
 Scientiæ clavis, cum clave regni eorum, confusa  
 144  
 Scissio panis, quid 551. 370  
 Scissio vestium Sacerdoti M. interdicta 111. 96.  
 ad quasnam vestes ea referenda 96  
 Scorpiones, quid 1251. 590  
 Scribæ, species Magistrorum Judaicor. 16, 171. 119,  
 120. generalior & strictior sensus 130. divisio &  
 subdivisio 161 fqq. 130-134. novum genus fictum  
 a *Rich. Simonio* 134. interdum Masorethæ no-  
 minati 171. 136. pars Pharisei, pars Sadducei  
 175. publice docebant *ibid.* iis in preparatio-  
 ne Sabbathi licitum, operari 601. 387. eorum  
 in Synedrio M. numerus, locus, officium 1131.  
 564  
 Scribæ Ecclesiastici apud Judæos 171. 132 fqq. in  
 Bibliorum Exscriptores & assiduos V. D. Interpp.  
 distinctio 132. officium *ibid.* an cum Legis-  
 peritis, νομικοῖς vel νομοδιδασκῶναις iidem 132-  
 134. consensus & differentia cum Phariseis 134  
 Scribæ Politici, alii Ludimoderatores 161. 130. an  
 tribus Simeonis a Jacobo moribundo ad hanc  
 operam damnata 161. 130 fqq. alii, Publici No-  
 tarii 161. 131, 134. an huc Præfecti civitatum  
 & Militiæ adscripti pertineant 131. alii Mer-  
 catores, Cancellarii, Secretarii, Grammatophy-  
 laci 161. 131 fqq. num iis Prophetæ accensendi  
 134  
 Scriptionis origo & progressus 1501. 660 fqq.  
 materia, antiquissimis temporibus 1501 fqq. 661  
 fqq. instrumenta 1511. 662  
 Scripturam Sacram, excepto Pentateucho, an re-  
 jecerint Sadducei 208 fqq. certissime Samaritani  
 301. 215  
 Scripturarii, *vid.* Textuales.  
 Scutellæ arena plenæ, in circumcisione usus  
 1301. 606  
 Seburæi, Doctorum Talmudicorum species 141.  
 in Mischnam problematice disputant *ibid.* quan-  
 do floruerint *ibid.*  
 Secretarii Grammatophylaci, Scribarum Politico-  
 rum species 161. 132  
 Secretarii Regii, Cancellarii dicti 161. 132. Scribæ  
 Judæorum Politici *ibid.*  
 Sectæ Judæorum. inter eas Herodiani & Gauloni-  
 tæ proprie haud pertinent 301. 241



# INDEX IV. RERVM ET PERSONARVM.

*Seldenus*, Joh. laudatus 296, 497, 499 fqq. 508 fqq.  
 notatus 7, 45, 70, 86, 96, 310, 339, 516, 554  
*Sella* Eliæ, quid 130†. 606  
*Semus*, Noachi filius, an Melchisedek 54  
*Senatus*, vide *Judicia* Hebræorum.  
*Senatus* XXIIIvialis super quam Templi portam  
 confederit 331  
*Seniores* venerabantur Pythagorei & Esseni 32†.  
 223  
*Seniores* apud Hebræos, proximi ab Archisynago-  
 go 314. eorum officium *ibid.* quomodo alias  
 dicti *ibid.* ex iis, Sacerdotibus, & Levitis, Ju-  
 dicium M. componebatur 551  
*Separatio* excommunicati ap. Judæos 110†. 556  
*Separatio* Phariseorum 23†. 174 fqq.  
*Separatio* Sacerdotis M. in Expiationis Die 434  
*Sephiroth*, arborem Kabbalisticam constituunt 535  
*Sepulcra*, an super iis apud Vett. Christianos ba-  
 ptizatum 640. quibus in locis Hebræi habue-  
 rint 643. eorum structura 146†. 643 fqq. ab  
 iis homines arcendi ritus 645  
*Sepulcra* dealbata, quid sibi velint 644 fqq.  
*Sepulcra* Prophetarum, Phariseorum in iis exor-  
 nandis studium 201 fqq.  
*Sepulcra* spatiosa integrarum familiarum 644  
*Sepulcrum* Christi, cujusmodi structuræ fuerit  
 644  
*Sepultura*, ceremoniæ ante eam Judæis usitate  
 144† fqq. 639 fqq. apud Aegyptios conditio  
 triplex 642. de ejus loco, recentiorum Judæo-  
 rum somnia 146†. 646 fqq. ceremoniæ circa  
 eam usitate 147†. 648 fqq.  
*Serapis*, an idem qui Apis 94†. 502. num ejus  
 cultus Vitulo aureo originem dederit *ibid.*  
 etymologia 95†. 504. num ejus cultus apud  
 Aegyptios Josephi tempora antecesserit 504  
*Servius*, Nicol. notatus 138, 151, 231, 406  
*Serræ* dissectio, unde a Judæis adscita 125†. an  
 ordinarium veterum supplicium 596. in Jesaia  
 num adhibita 126†. 596  
*Serugus*, fil. Regu, quo jure idololatriæ auctor  
 474 fqq.  
*Servi* Hebr. a gestatione Phylacteriorum immu-  
 nes 193. quando dimissi 443 fqq. num di-  
 missio adamum Sabbathicum, ac Jobelæum per-  
 tineat 462  
*Sextarius*, apud Græcos & Romanos mensura 160†.  
 686  
*Siberisma*, Hero, notatus 603

*Sicera*, ejus notio 152 fqq. usus Naziræis inter-  
 dictus *ibid.* prohibitionis variæ rationes 153  
*Sichem*, urbs refugii Cis-Jordanensis 339. quo-  
 modo a Neapoli distinguenda 339  
*Siclus*, ejus dimidium, ubi, & a quibus penden-  
 dum 292. appellatio & significatio 691. valor  
 162†. 691 fqq. figura & inscriptio 692. GOOD-  
 WINVS, in sacrum & profanum distinguens,  
 notatus 692 fqq. materia 693. subdivisio *ibid.*  
*Siclos* in conclave Templi reponendi, ritus 428  
*Siderum* cultus, num superstitionis species ante-  
 cesserit 475  
*Signa* adumbrativa apud Hebræos, num Sacra-  
 menta fuerint 601  
*Signacula* Dei, quomodo a signaculis hominum  
 differant 601  
*Signaculum* justitiæ fidei, Circumcisio 601 fqq.  
 item, Spiritus S. 602  
*Signum*, quo sensu circumcisio dicatur 601  
*Sigonius*, Car. notatus 275, 591 fqq.  
*Silentium* Pythagoreorum & Essenorum 32, 33†.  
 224 fqq.  
*Silo*, vi originis, Tranquillator 25. lectio vocis  
 hebrææ 24. in Jesum unice nostrum, in ne-  
 minem alium æque convenit 27. historiam  
 dicti Jacobæi Genes. & interpretes vide pag. 19  
 seq.  
*Simeonitæ*, num ad Ludimoderatorum partes  
 damnati 16†. 130 fqq.  
*Similaginis* primitiæ in placenta, quando oblata  
 612  
*Simonius*, Rich. notatus 134  
*Simlôn*, cujusmodi Naziræis accensendus 20†. 155  
*Sinus*, in sinu alterius accumbere quid 57†. 376.  
 Sinus Abrahæ 57†. Sinus Patris *ibid.*  
*Sittim*, lignum de quo Arca fœderis fabricata 260.  
 unde petrum 260 fqq. ex eo mensa etiam  
 Sanctuarii constructa 277  
*Socius* Rabbi alicujus, חבר, an quilibet literatus  
 142. ad Doctoris gradum promotus 142 fqq.  
 titulum Doctoris celat, superstitie Promotore suo  
 143. alia vocis notio ab *Edzardo* suppedita-  
 ta 143  
*Sodalitium* comedendo agno Paschali destinatum,  
 quomodo dictum, quale, & quantum 399  
*Sol.* adversus ortum ejus Esseni adoravere 33†.  
 226. ejus cultus Persis tributus 227. an in  
 solario Achazi iter retrorsum fecerit 354 fqq.  
 religiosus cultus apud Gentes 90†. 479, 496.  
 an Israëlita eum adorarint 90†. quibus nomi-  
 nibus

# INDEX IV. RERV ET PERSONARVM.

- ribus 91, 92†. varias idolorum appellationes induit 86† fqq. eum pro supremo Numine prisci Orientis gentiles coluere 482. a Jove Ammone non distinctus 97†. Phœnicibus *Βελ* & *Βελ* vocatus 494. cur cornibus effinxerint 97†
- Soleis, num ordinarie usi Hebræi 779 fqq.
- Sopranes*, Joh. Hieron. notatus 61, 72, 191, 644, 650
- Sorana Judæorum Academia 123
- Sortes, in duos hircos Die Expiationis conjiciendi ritus 434
- Spanhemius*, Frid. parens, laudatus 15, 161, 641. notatus 310, 724
- Spectrum Endoreum, num Samuel fuerit 107†. 547
- Speculator, cur sic dictus, & quis, apud Judæos 119†. 579
- Specula mulierum. an ex istis Labrum æneum confectum 287 fqq. circa usum eorum error *Scacchi* 288
- Spencerus*, Joh. notatus 81, 154, 250 fqq. 264-266, 270, 271, 273 fqq. 288, 333, 383, 398, 411 seqq. 438, 441, 515, 538, 602, 618, 700-703, 719 seqq. 724, 804
- Spiritus, admiserunt Pharisei 23†. 181 fqq.
- Spiritus S. an in persona Melchisedeci apparuerit 52 fqq. Prophetiæ gradus, vera Prophetia inferior, Filia vocis superior Rabbinis dicitur 81. num Aët. XXIII, 8, 9. qui per Prophetas locutus est, intelligatur 23†. 181 fqq. an eum negarint Sadducæi 211. quænam ejus Aët. XIX, 2. sit notio 524. *GOODWINVS* notatus *ibid.* quo sensu a Paulo sigillum vocetur 602. num internus ejus instinctus homines ad oblationem sacrificiorum primum adegerit 704
- Spiritus S. revelationis divinæ & Prophetiæ gradus, sub Templo II. defecit 42†. 297. quid ex mente Judæor. in locum ejus successerit 42†. 302 fqq. qua in re constiterit 100†. 81. 523. Judæi distinctione inter eum, & Prophetiam abutentes 523. num sub Templo II. superfuerit 100†. 524. cessatio sub Templo II. quomodo explicanda 100, 101†.
- Spiritus S. Ecclesiæ concessus, an per *Vrim* designatus 84
- Spithama, mensura apud Hebræos 157†. 674
- Spithama Deum cælos expandere 674 fqq.
- Sponsa, hebraice appellata 629. ad Chuppam deducenda 630. officium ejus, qui ad Chuppam sponsæ adstat 631. sponsæ Amicus quis 632. dos marito allata 144†. 639
- Sponsalia solennia an uxori Hebræor. palmarum & concubinæ convenient 139†. 626. num ante Legem in more posita 626. inter ea & nuptias definitum tempus 139, 140†. 627. occasio eorum 139†. 628
- Sponsus a gestatione Phylacteriorum immunis 193. quomodo hebraice appellatus 629. quo ritu ad Chuppam deductus 630. ritus, cum sub Chuppa stetit 630 fqq. quid dotis loco dederit 142†. 633 fqq. quo ritu *ibid.*
- Sponte nascentia. iis anno Sabbathico vesci licuit 444. item in Jobelæo 460. an apud Hebræos decimanda 620. *GOODWINI* & aliorum consensus *ibid.*
- Stadium, quot passuum vel pedum 158†. 678 fqq. quibus usitatum 678 fqq. ejus a Rabbinis & Talmudicis appellatio 679. etymologia 158†
- Stare, precantium ritus 44†. 322
- Stater, qualis Hebræor. nummus 161†. 690 fqq.
- Statio, quid & unde 322
- Stationarii viri, unde dicti 13†. 109. eorum functio *ibid.* in XXIV. classes divisio *ibid.* singulis classibus Præfectus constitutus 13†. 110. ubi habitarint 110. origo num divina & vetusta *ibid.* num Judæor. & Gentilium, qui sacrificio Agni Dei adstabant, typus *ibid.*
- Stationum caput, s. princeps, quis 13†. 110. ejus functio 110
- Stercus Samaritanum 2 Reg. VI, 25. num eo pro cibo, an pro ligno usi sint 682
- Sternutanti inter edendum, apud Jud. dicere non licuit Salus 370
- Stragularum in accubitu Hebr. usus 375
- Strangulatio s. suffocatio, pœna capitalis 120†. 581 fqq. an ejus in Scriptura mentio 120†. 581. linteum, quo peracta, cur sepultum sit 120†. 581. ejus reus 122†. modus 122†. 586
- Strauchius*, Aegid. expensus 454
- Styli apud veteres in scribendo usus 151†. 662
- Suidas*, laudatus 513, 598. notatus 474
- Subjectio uxoris Hebrææ. ejus symbolum 142, 143†. 634 fqq.
- Submersio in pontum, supplicii genus 127†. 598 fqq. quid hæc locutio Matth. XVIII, 6. sibi velit 598 fqq.
- Submissio, *ὑπόπτωσις*, pœnitentiæ in Ecclesia Græca gradus 111† fqq. 561



# INDEX IV. RERVM ET PERSONARVM.

Subterranea mortuorum extra Judæam volutatio  
146† lqq. 646 lqq.  
Succoth Benoth, quid 516 lqq.  
Suffitus apud Hebræos quotuplex 271, 275 lqq.  
quo loco faciendus 275. ei offerendo quot Sa-  
cerdotes vacarint *ibid.* quo ritu 275 lqq. so-  
lennis & annuus ejus cultus 276. ejus Altare  
259 lqq. 271-277. finis 39†. 277  
a Suffocato abstinencia a synodo Apostol. injuncta  
812  
Suggestus æneus, medio Atrii pro Rege erectus  
40†. 290. num ejus usus ad solos Davidicos  
Reges restringendus 290  
Superstitio Judæorum, in Sanctificatione Sabba-  
thi 61†. 388  
Suppedaneum num in cruce Christi 593 lqq.  
Supplicia æterna negant Sadducæi 29†. 209 seqq.  
Samaritani asserunt 215. GOODWINI dissen-  
sus *ibid.*  
Supplicia capitalia, an Judæi, tempore Servatoris  
exercuerint 120† lqq. 431 lqq. 582 lqq. quot  
eorum, & qualia in usu 120† lqq. 581  
Supplicia Judæor. non capitalia, quatuor 122† lqq.  
Supplicia Pœnitentium in Eccles. Græca 11† lqq.  
561 lqq.  
Supplicia Judæorum adscititia, quot, & quænam  
125†. plenius descripta 125† lqq. 591 lqq.  
Surenhusius, Guil. laudatus 36. & alias.  
Surgere ad judicium, surgere in judicio, &, exire  
condemnatum 114†. 567 lqq.  
Susceptorum in circumcissione officium 130†. 605,  
607. illorum appellationes 130†. 606. mos,  
eos in baptismo adhibendi, inde non manavit:  
contra GOODWINVM 607  
Suspensum lapidatorum 584 lqq.  
Sutores & Sartores. cur in præparatione Sabba-  
thi operari illis licuerit 60†  
Symbola Eucharistica, unde oblationes dictæ 65  
Symmachiani, num cum Nazaræis Sectariis iidem  
20†. 164  
Symposiarcha, an Dominus convivii 378  
Synagoga. an ex ea, aut ex *Λειτουργία* Templi, ri-  
tus religionis Christianæ repetendi 65. num ibi  
eleemofyna erogata 293. earum Sagan & Pon-  
rifex capita 109†. apud Christianos, Judæi  
recentiores, sic dicti 307 lqq. etymologia 42†.  
307. significatus *ibid.* an vocab. hoc congrega-  
tioni Christian. quadret 307  
Synagogæ, late aut stricte sumtæ 308. quem in  
finem suscitæ *ibid.* *Viringa* notatus. 308.

quot Hierosolymæ fuerint 43†. 309. pro Ju-  
dæis, & peregrinis 43†. pro Libertinis 309  
lqq. utrum Act. VI, 9. de synagogis sermo  
310  
Synagogæ, aliarum urbium Judæorum 43†. 310  
Synagoga opus esse, ubi X Israelitæ versantur 43†.  
310 lqq. ratio reddita 312. Decemviri synagogæ  
otiosi, ex *Lightfooti, Viringæ & Rhenferdii* senten-  
tia 311 lqq. mulieres in synagogis, cur & quo-  
modo a viris separata 43†. 312 lqq. incrip-  
tiones in synagogis 43†  
Synagogæ, quibus uhibus dicatæ 313, 320. docen-  
di in iis potestas *ibid.* num Christus & Aposto-  
li ibi docuerint 43†. 313  
Synagogæ princeps, quis, & ejus officium 43†. 313.  
num singulis præfuerint Archisynagogi 313 lqq.  
num ibi judicis locus 315. *Rhenferdii & Light-*  
*footi* conciliatio *ibid.* lqq.  
Synagogarum differentia a scholis 43†. 315. inter-  
dum tamen pro scholis sumtæ 315. an omnibus  
junctæ fuerint scholæ *ibid.* distinctio in supe-  
riorem & inferiorem *ibid.* & 793. num a Prof-  
euchis diversæ 320 lqq. 793 lqq. ubinam ex-  
strui solitæ 321. an emtioni & venditioni in  
illis locus 321. ingressus in eam, actus circum-  
cisionis præparatorius 605. nomen ejus am-  
plum & varium 793 lqq. phrales *Synagoga*  
*diem obiit; busto concubita fuit* 795. honesta  
ejus sepultura *ibid.* & lqq.  
Synagoga magnæ a Synedrio M. differentia: con-  
tra GOODWINVM 552. quænam ejus fuerint  
capita 109. viri ejus cur Masorethæ dicti 152†.  
664. unde summa ejus dignitas pependerit  
816 lqq.  
Synedria. post destructam Urbem conditio 552. nu-  
merus assessorum impar 569. quot, & quænam  
illorum differentia 114† lqq. 568 lqq. supremi  
& minorum auctoritas 570 lqq. ad majora ap-  
pellandi processus 571  
Synedrium cæleste, ex mente Judæorum 552  
Synedrium M. ejus assessores 551. quot 552, 563,  
568. circa res civiles & Ecclesiasticas occupatur  
551. a Synagoga M. differentia 552. ejus Princeps,  
& auctoritas *ibid.* auctoribus Patris Dicafterii  
113, 115†. 553, 563. num Synedr. M. auctoritate  
Vrim consultum 81. ejus Princeps, f. Nasi quo  
loco sederit 115†. Scribarum in eo numerus,  
locus, officium 113†. 564. Judicium in eo offi-  
cium 113†. 566. num Sacerdos M. ejus Prin-  
ceps 553 lqq. ritus absolutionis vel condemna-  
tionis

# INDEX IV. RERVM ET PERSONARVM.

tionis rei in eo 113†. 565 sqq. officium in eo  
 Schoterim 113†. 564. num iudicium Hebræor.  
 potestas illud tollat 574. vocab. Sanhedrin ei  
 appropriatum 568  
 Synedrii M. auctoritas 571. an jus Reges eligen-  
 di habuerit *ibid.* ad illud appellatio 571. ejus  
 in Pseudopphetas iudicium 116†. 571 seqq.  
 num Moses ejus auctor 116†. 572 sqq. in  
 captivitate Babylonica facies 574. an semper  
 forma eadem 574 sqq. Herodis M. in illud  
 crudelitas 116†. 575. decem ejas migrationes  
 570. an & quamdiu potestas vitæ & necis ei  
 ademta 120†. 574. 431 sqq. 552. 582 sqq. ejus duo  
 capita 109†. 563  
 Synedrium LXXvirale, quid 2†. *vide reliqua in*  
*voce Synedrium M.*  
 Synedrium IIIvirale. ejus prima institutio 569.  
 instituendi potestas 571  
 Synedrium XXIIIvirale, super quam Templi por-  
 tam confederit 331. Minus appellatum 568.  
 prima ejus institutio 569. Hierosolymis 2, in  
 reliquis oppidis 1. *ibid.* ejus necessitas *ibid.*  
 Mediocre, item Synedrium Sapientiae dictum,  
 & quando *ibid.* illud instituendi potestas 571  
 Synodus Apostolorum Hierosolymitana, num  
 contra Nazaræos coacta 164. ejus decreta 808  
 sqq. occasio *ibid.*

## T.

Tabellarum in Judiciis Rom. usus 113, 114†. 566  
 Tabernacula Judæor. tempore *συνοθηγίας*. eorum  
 materia 415. locus & structura 71†. 415. in-  
 colatus in iis, & officia peragenda 415 sqq.  
 Tabernaculorum Festum. circa ritus ejus, Rabba-  
 nitarum & Karæorum controversiæ 172. ejus  
 etymologia 71†. 414 sqq. Messis Festum vo-  
 catur 414. origo festivitatis 414. quando, &  
 quot dies celebratum 71†. 415. præcipuum  
 ejus requisitum 415. numne dies 8, clausula,  
 aut festum singulare 72†. 416, 420. Hosannæ  
 in eo usus 71†. 416. dies ultimus, Hosannæ  
 dictus 418; 420. *Plutarchus* confutatus 417.  
 dies ultimus num Palmarum dies 72†. 418. ra-  
 tiones celebrationis 72†. 418 sqq. in eo sacri-  
 ficiorum numerus 72†. 419. musica a Levitis  
 decantata 419. ultima Pentateuchi sectio quo  
 die prælecta 420 sqq. effusior hilaritas in eo,  
 quibus modis expressa 421-423  
 Tabernaculum Fæderis. præsentatio ad ostium  
 ejus, quid 10†. 94. ejus ornatum custodiebant

Gerfonitæ 12†. 107. variae appellationes & en-  
 comia 249. ejus a Tabernaculo I. & a Davidi-  
 co, differentia 248, 249. structuræ, & appara-  
 tus 249, 250. ejus typus Mosi in monte exhi-  
 bitus 249 sqq. ejus dimensio *ibid.* divina ori-  
 go a *Marsham* & *Spenceri* criminationibus vindica-  
 ta 250-254. qua ratione in deserto erectum  
 253. historia, ad exstructum usque Templum,  
 delineata 253 sqq. quid adumbraverit 38†. 254,  
 284. discrepantiæ inter ipsum & Templum  
 39†. 284. ejus in deserto situs 13†. 665 sqq.  
 qua in re Prætorio Romanorum assimilatur 665.  
 num ante illud, ullibi Tempia exstructa 331-333  
 Tabernaculum Molochi. ejus bajulatio 89†. 489.  
 num ex *ναοὶς* Tabernaculi Mosaici ortum

90†  
 in Tabulis scribendi consuetudo 151†  
 Tabulæ Legis, num solæ in Arca fæderis recon-  
 ditæ 39†. 262 sqq.  
*Tacitus* notatus 382  
 Talentum aureum & argenteum Hebræorum 163†.  
 695  
 Talio, quid, & quoduplex apud Judæos 123, 124†.  
 588 sqq.  
 Talmudis auctoritatem Karæi spernunt 50. Rab-  
 banitæ Verbo scripto anteferunt. 169. ejus ori-  
 go 102†. 529 sqq. ætas 530 sqq. in Mischnam  
 & Gemaram distinctio 531. partitio & stru-  
 ctura *ibid.* inter Judæos atque Christianos  
 fara *ibid.* usus 532  
 Talmudicorum Doctorum species 141 sqq.  
 Tammuz, quid 491. varia nomina 91†. 49†.  
 fabulæ 491 sqq. ejus figura 92†  
 Tannaitæ 141. eorum ætas *ibid.* officium  
*ibid.*

Targum *Onkelos* laudatur 332  
 Tartak, quale idolum 518  
 Taxillatum flagellum, quid 125†. 590  
 Tectum Altari suffitus superinjectum 272 sqq.  
 Tempia exstruere, cur necas olim putarint Paga-  
 ni 46†. num ante Tabernaculum extiterint  
 331-333. *Dickinsonus* & *Spencerus* confutati 332,  
 333. num Jacobus de iis exstruendis cogitarit  
 332. eorum initiatio 46†. eorum exstructio  
 a Gentilibus, num Israelitis ad ea commoverit  
 333. eorum magnificentia a Christianis imita-  
 ta 817. tripartita eorum structura 257  
 Tempia argentea 98†. 513 sqq.  
 Templum. ejus aditus Essenis haud patuit 34†.  
 231. respectus typicus 38†. erat in monte  
 Moria



# INDEX IV. RERVM ET PERSONARVM.

- Moria 38†. 256. tripartita structura 38†. 257  
 sqq. ejusdem modi cuius Tabernaculum 257.  
 ejus Sanctum Sanctorum 257-271. discrepan-  
 tia inter illud & Tabernaculum 39†. 284 sqq.  
 ejus Sanctum 271-284. Atrium 284-294.  
 Atrium legaliter impurorum & peregrinorum  
 41†. quot vicibus eodem in loco exstructum  
 atque dirutum 294 sqq. Herodis M. de eo  
 merita 41†. 296. extrema eversio, & a *Juliano*  
 tentata restauratio 42†. 306. assidendi in eo  
 honos num ad solos Reges Davidicos restrin-  
 gendus 290. divina origo contra *Marsham*.  
 atque *Spencerum* vindicata 250-254. quinque  
 ejus portæ 329 sqq. super quam portam con-  
 federit senatus XXIIIviralis 331. thesaurus  
 ejus 428
- Templi cum Basilica comparatio 42†. horæ,  
 quid, quot & quomodo appellatæ 51†. 350. in  
 illa ejus parte, qua victimæ mactabantur, mu-  
 sca nulla 497. per illud jurandi consuetudo  
 149†. 657. mercatura in eo 697. ejus stru-  
 ctura Christi tempore 817
- Templi Salomonei seu I. historia 294 sqq. dis-  
 sensus G.O.O.B.W.I.N.I 41†.
- Templum Dianæ 513
- Templum Delphicum quando corruerit 42†
- Templum montis Garizim, in eo, & in Hiero-  
 solymitano num promiscue Sadducæi sacrificia-  
 rint 213
- Templum Nisroch ubi fuerit 99†. 519
- Templum II. sub eo Sacerdos ob defectum olei  
 S. non unctus 10†. sub eo Vrim non respon-  
 dit 41† sqq. 100†. 83, 297, 524. dissensus *Jo-*  
*sephi* & Rabbinoꝝ. 83 sqq. sub eo usus & ty-  
 pus lapidis fundamenti 259. Atrium legaliter  
 impurorum ac peregrinorum 41†. hujus Atrii,  
 appellationes, dimensiones, res contentæ 293.  
 an hoc Atrium ex eo proscribendum 294. hi-  
 storia ejus delineata 41†. 295. ab Herode or-  
 natum auctumque 41†. 296. ejus ædificatio  
 (Joh. II, 20.) XLVI. annis absoluta quomodo  
 explananda 41†. 296 sqq. quibus in rebus a  
 Salomoneo superatum 41, 42†. 297 sqq. ejus  
 præ priori eminentia ex Haggai contra Judæos  
 304 sqq. ejus destructio a Romanis patrata  
 42†. 306. quot sub eo Jobelæi celebrati 466.  
 cessatio Spiritus S. sub eo 100, 101†. Prophe-  
 tiæ sub eo cessatio 100†, 524. ejus structura,  
 Christi tempore 817
- Templum III. ejus sub Messia. restitutio a Judæis  
 frustra speratur 301 seqq.
- Tempus in dies, horas, septimanas, & annos divi-  
 dendi, apud Hebræos ratio 49-52†. 345 sqq.
- Tentoria Israelitarum, ex qua materia confecta 666.  
 eorum forma *ibid.* & seqq.
- Tentorium conventus, *vid.* Tabernaculum Fæ-  
 deris.
- Tenuphoth & Terumoth. significatio, & differen-  
 tia 133†. 613. 615 sqq.
- Tephillin, *vide* Phylacteria.
- Teraphim, etymologia 103†. 537 sqq. significatio  
*ibid.* num a Cherubin & Seraphim distincti  
*ibid.* usus 103, 539. origo 539
- Teraphim Michalis, quid 403†. 538. structura &  
 figura 103†. 539
- Terra Israelis, Terra S. *vid.* Palæstina.
- Tertullianus* notatus 63†. 394
- Terumoth, *vide* Tenuphoth.
- Testes, quot requisiti in judiciis Hebr. 113†. 564.  
 modus, terrorem illis incutiendi, ne mentiren-  
 tur 564. condemnatorum capiti manus impo-  
 nebant 119†. eorum in lapidandis maleficis offi-  
 cium 121†. 583 sqq. cur vestes in lapidatione de-  
 posuerint 584. contrahendo matrimonio inter-  
 erant 140†. 629 seqq. num actui etiam concu-  
 bitus 630. eorum in Chuppæ solennibus ope-  
 ra 631. divortio adhibiti 143†. 637. quot eo-  
 rum, juramenti adhibiti 656
- Testes falsi. quænam iis apud Hebr. pœna inflicta  
 113†.
- Textuales, *vide* Legis periti.
- Textus Biblici Praelectio 813
- Thalami, tegmen 630. ejus filii, quinquam 631.  
 ejus filii a gestatione Phylacteriorum immunes  
 193
- Theocratia in Hebræorum gente 7. sub Judici-  
 bus remansit *ibid.* secunda regiminis Hebr. pe-  
 riodus 27
- Theophylactus* notatus 483, 548
- Theoretici *Philonis*, num Christiani 35, 36†. 237.  
*ibid.* 240. negatur quæstio
- Therapeutæ *Philonis*, num Monachi Christiani  
 35, 36†. 228, 237-240. num Esseni 239 seqq.  
 num Philosophi gentiles; sed judaizantes  
 240
- Thesauri in novo anno mensis Nisan atque Tifri  
 apertio 428. asservatio & collectio *ibid.*  
 Thori

# INDEX IV. RERVM ET PERSONARVM.

- Thori jure concubina æque fruebatur, ac uxor  
primaria 139†. 626
- Thronus, insigne Regum Hebræorum 8†. 62. *Pi-  
nede* error 62
- Thuribulum aureum, inter vasa Sancti Sancto-  
rum 30†. 259. græca & hebraica appellatio 259.  
quidnam θυμιατήριον notet Hebr. IX, 3, 4. *ib.* an  
usus ejus tantum in Expiationis Die *ibid.* ipse  
usus, qualis 434
- Thymiama, in Altari aureo adolendum 276. aro-  
mata huc spectantia *ibid.*
- Thymiatis Altare, *vid.* Altare suffitus.
- Tiara linea, vestis sacra Sacerdotum gregariorum  
10†. 84. ejus a Pontificali distinctio 84
- Tiberiensis Judæorum Academia 124
- Timor Dei in Judicibus Hebr. requisitus 117†
- Tindalius*, Matth. notatus 602
- Tinnitus tubæ seu cornu. in præparatione Sabba-  
thi usus 6†. 387
- Tintinnabula tunicæ Sacerdotis M. 73. 74
- Tisri, initium quondam anni 52†. 358. post egres-  
sum ex Aegypto, caput anni civilis 52†. 359.  
dies XXIV. cur ירך appellatus 361. dies XV.  
quare notabilis 7†. typica Kalendarum ejus  
ratio 428. dies X. qua re notatu dignus 433
- Tituli honoris, Sapientibus tributū 130. quinam  
Magistris Judæorum dati 18†. 137-141. eorum  
captatio ultimis Reip. Jud. temporibus propria  
18†. 137. eorum omisso in celeberrimis quibus-  
dam Magistris, quid testetur 137
- Toga ocellata, vestis M. Sacerdotis 9†. 72. de-  
scripta 72. num Christus ejusmodi tunica in-  
dutus fuerit *ibid.*
- Tolandus*, Joh. notatus 164
- Toletus*, Francisc. adversus GOODWIN. vindicatus  
348 seqq.
- Tonitru, an per illud Bathkol s. Filia vocis edita  
526
- Tonsura capilli, Naziræis interdicta 19†. 153. ra-  
tio hujus legis 153 seqq.
- Topher, locus, quo Molochus cultus 484 seqq.  
conciliatio eorum, qui de amœno, & qui de fœ-  
dissimo loco interpretantur 485. Gehenna ple-  
rumque dicitur 87†
- Tostatus*, Alphons. notatus 273
- Trachonitis 17
- Traditiones orales. earum natales ex schola Hille-  
lis 126 seqq. Legi scriptæ a Phariseis & Rabba-  
nitis antelata 15†. 127 seqq. 168-170. 23. 24†. 183  
sq. a Sadducæis & Karæis neglectæ 168-170. ra-  
tio propagationis *ibid.* inter Phariseos & Sad-  
ducæos dissensus 24†. 185, 109. quas urserint  
Pharisei 23, 24†. 183 seqq. quo tempore urgeri  
cæperint 529. quando in corpus quoddam con-  
geri cæperint 102†. 530
- Transire sub virga, quid significet 136†. 623
- Transmigratio animarum a Phariseis asserta 23†.  
182 seqq. num ex Matth. XIV, 2. & XVI, 14.  
colligatur 183
- Transpositio dierum. 74†. quotuplex *ibid.* ratio  
transpositionis menstruæ *ibid.* politica 75†.  
illius species *ibid.* regulæ illius *ibid.* transpo-  
sitiō mixta 75, 76†. transpositio festorum  
76†
- Tremellius*, Eiman. laudatus 654. notatus 564
- Tribus gentis Judaicæ, quot 35. Israelitarum in  
eas divisio 35. earum ubivis ratio habita *ibid.*  
loco Leviticæ una Josephi tribus in duas abiit  
*ibid.* divisionis in eas usus 36. permittis in ca-  
ptiv. Assyri. X. tribubus, tribus Juda illæsa man-  
sit *ibid.* Jobelæus annus ad tribuum discrimen  
servandum inserviens 467. ex omnibus, præ-  
ter Levi, Judicii M. membra electa 531. quo  
ordine in deserto castra metata 153, 154†. 665.  
earum vexilla 154†. 199. 667 seqq.
- Tributa, *vide* Vestigalia.
- Trigesimus annus nec Sacerdotib. Hebr. nec pri-  
mitivis Eccles. Christi. Doctoribus necessarius  
90. ejus ratio in promotionibus Jud. Academi-  
cis habita 144
- Triglandius*, Jacob. laudatus 168 seqq.
- Trinitas. num Judæi ante Christum, mysterium  
in יהוה observarint 101†. 524 seqq.
- Triticum. cur ex novo ejus proveniū duo panes  
oblati 624. ejus messis, quando 624
- Tubæ, seu Buccinæ. usus apud Hebræos 11†. in  
præparatione Sabbathi usus 61†. 387. in Pen-  
tecoste 412. in Noviluniis 74†. 424-426. ea-  
rum Festum quomodo a Noviluniis differat  
73†. eas inflandi ritus 74†. 427 seqq. earum spe-  
cies in Jobelæo 455-457. earum clangor 457  
T t t t t seqq.



# INDEX IV. RERVM ET PERSONARVM.

- seqq. quinam eas clauferint 458 seqq. quo  
 tempore 459. ufus in excommunicatione 558.  
 quo tempore, qua occasione clangor editus 669  
 seqq. quotuplex clangor 155t. 670  
 Tubæ, capæ nummarie 291 f. q.  
*Tuitienfus*, Rupert. notatus 275  
 Tunica, quali Chriftus indutus fuerit 72  
 Tunica hyacinthina, veftis Sacerdotis M. 9t. 73.  
 defcripta *ibid.* in כהונה & מעיל diftincta 73.  
 de longitudine ejus controverfia *ibid.*  
 Tunica lineæ, veftis S. Sacerdotum gregariorum 10t  
 Tunica pellicæ primorum parentum 705. sym-  
 bolicus ufus *ibid.*  
 Turcæ diem in quadrantes diuidunt 349  
 Tutelares Dii, *vide* Deus.  
 Tympana, eorum in cultu Molochi ufus 87t  
 Tympanifmus, fupplicii genus 125t. vis vocis  
 & quale fupplicium 127, 128t. 599 f. q.  
 Typho, an eum Aegyptii forma afini adorarint  
 518
- V.
- Vacca rufa, qua in re Chriftum adumbravit 399  
*Valefius*, Franc. notatus 719  
*Valefius*, Henr. notatus 211, 242 f. q. 320, 600  
*Valentia*, Greg. de, notatus 700  
 Vallis Gehinnom, *vide* Gehenna.  
*Varenius*, Auguft. notatus 462, 621  
 Variatio, Kabbalæ fpecies 535  
 Vafa, eorum lotio Judæis ufitata 25t. 189  
*Vatablus*, Franc. notatus 438, 591 f. q. 594  
 Vaticinatio per virgam 107t. 547 f. q. num ead-  
 dem cum vaticinatione per fagittas 548  
 Veftes Arceæ fœderis 261  
 Veftigalia, iis exigendis num Herodiani præfefti  
 246 f. q. GOODWINVS notatus *ibid.*  
 Velatio capitis apud Hebr. virgines, & maritatas  
 ufitata 634 f. q.  
 Vellera ovium. gemina de iis diuina conftitutio  
 614  
 Velum Tabernaculi geminum 250  
*Venema*, Hern. expenfus 707 f. q.  
 Venus, num fub Aftarte f. Afthoreth culta 509  
 seqq. num ei templum, Saccoth Benoth, ex-  
 truxerint veteres 516 f. q.  
 Verbum Domini, Prophetiæ appellatio 15t. 120  
 Verbum orale, *vide* Traditiones orales.  
 Verbum fcriptum, auctoritati Traditionum apud  
 Jud. cedit 15t. 127, 169. a Pharifæis & Rabba-  
 nitis vilipenfum 168--170. a Karæis magni æfti-  
 matum 169. ejus ab orali diftinctio 24t. 183.  
 Pharifæi illud pervertunt 202  
 Veritatis amor in Lege Dei in Judicib. Hebr. re-  
 quifitus 117t. item in Judicibus Aegyptiorum  
 575  
 Veruum in V. T. diftinctio, ad quos referenda  
 152t. 665  
 Vefpera Sabbathi, *vid.* Sabbathi præparatio.  
 Vefperæ duæ. phraſis *inter duas vefperas* 65, 66t.  
 401 f. q. tempus iis inclufum, quomodo tot  
 agnis Paſchalib. mactandis fuffecerit 402  
 Veftalis ignis, *vide* Ignis Veftalis.  
 Veftes albæ. lineæ. his P. M. Expiationis Feſto in-  
 dutus 6t. 64. 86. 435. cur Servator (Luc. XXIII,  
 11.) iisdem indutus 64. differentia ab illis Sa-  
 cerdotum gregariorum 86. lineæ etiam dictæ  
 435  
 Veftes aureæ Pontif. M. 9t. 64. 86. in Expiatio-  
 nis Feſto deſcriptæ 64. cur ita appellatæ 86.  
 quot earum fuerint *ibid.*  
 Veftes lugubres Hebræorum 650 f. q.  
 Veftes muliebres. earum geſtatio cur viris inter-  
 dicta 68t. 514 f. q.  
 Veftes Sacerdotales, extra Templum haud geſtan-  
 dæ 10t. 87. relatio ad Chriftum typica 10t. 87  
 f. q.  
 Veftes Sacerdotis M. delineatæ 9t. 64, 70 f. q.  
 diftinctæ 9t. 64, 70, 86, 435  
 Veftes villoſæ, num iis Prophetæ ufi 651  
 Veftes viriles, earum geſtatio cur mulieribus in-  
 terdicta fit 98t. 514 f. q.  
 Veſtiarii quid 289  
 Veſtium depoſitio a teſtibus Hebr. in lapidatione  
 facta 584  
 Veſtium ſciſſio in luſtu Hebræorum 147t. qua-  
 re 650. num veſtem interiorem & anteriorem  
 ſpectauerit *ibid.* quo ritu peracta *ibid.*  
 Vexilla Iſraelitarum in deſerto, quot 154t. eorum  
 colores

# INDEX IV. RERVM ET PERSONARVM.

- colores 154†. 667 sqq. signa 154. 155†. 667 sqq. inscriptio *ibid.*
- Victimæ, vide Sacrificia.
- Vidua. iis solvenda fuit decima pauperum 136†. 62†
- Vienna, huc Archelaus relegatus 16
- Vigiliæ Hebræor. quot 49† sqq. 347-349. nunc tertiam, nunc quartam noctis partem constituentes 347 sqq. earum divisio tripartita *ibid.* quando Judæi quatuor noctis vigilias numerare cœperint *ibid.* earum nomina 49†. 347. GOODWINVS & Lightfootus, expensi 347 sqq.
- Vigiliæ Christianorum Sacræ 348
- Villalpando, Joh. Baptist. laudatus 274. notatus 269, 272, 278, 282
- Vincula, Judæis usitata 122†. 586. unde ad eos translata 586. vocum græcarum inter se differentia *ibid.*
- Vindex sanguinis, quis 34†. officium & in homicidam jus *ibid.* utrum plures in familia, an unus tantum *ibid.*
- Vinearum plantatio Rechabitis interdicta 150
- Vinum. ejus usus Rechabitis interdictus 150. nec non Naziræis 19†. 152 sqq. ab ejus potu sibi caverunt Esseni, & Pythagorei 32†. 223. ejus benedictio a Christo & Judæis observata 55†. 368 sqq. distributio 369 sqq. ejus benedictio convivia Judæorum & inchoat & claudit 56†. ejus benedictio cur a GOODWINO benedictioni panis præmissa 369
- Vinum myrrhatum cur morte plectendis porrectum 119†. 580 sqq. unde hic ritus 580. Christo porrectum, quid fuerit 119, 120†. 580 sqq. cur Evangelistæ nunc vinum myrrhatum, nunc felle mixtum commemorent *ibid.*
- Virago, uxor palmaria 625. hebraice quomodo appelletur *ibid.* vox נשה quid & unde 626. GOODWINI dissensus *ibid.*
- Virga, vaticinatio per eam, divinationis species 107†. 547 sqq. num eadem cum vaticinatione per sagittas 548. sub ea transire, quid 136†. 623
- Virga Aaronis num in Arca fœderis recondita 39†. 262 sqq.
- Virgo, Rabbiorum inter virginem, juvenulam, & virginem pubem, distinctio 88. velatio capitis ei usitata 634 sqq.
- Virginem illibatam Pontif. M. uxorem ducere debebat 88. cur 89
- Viri. an eadem mulierum, quæ illorum, in accubitu ratio 375 sqq. ab iis qua ratione in Synagogis separatæ mulieres 43†. 312 sqq. apud Essenos quomodo separatæ 312
- Visio, Prophetiæ appellatio 15†. 12†
- Visiones vigilantium, dormientium 522. vigilantium iterum distinguuntur *ibid.* & sqq.
- Visorius, Joh. laudatus 505
- Vita æterna, Sabbathum dicitur 383
- Vitæ integritas, necessarium Sacerdotis requisitum 93. ejus examen in Candidato 143
- Vitia a Pythagoreis Theoreticis & Essenis data opera vitata 32†. 22†
- Vitia animi, a quibus Sacerdotes cavere sibi debebant 93 sqq.
- Vitia corporis ab Hebr. Sacerdotibus abesse debebant 10†. 9† sqq. duodecim in Lege recensentur 9†. in immensum augent Hebræorum Magistri 9†. pœnæ hinc in Sacerdotes redundant 9† sqq. hinc labes in ipsum sacrificii actum 92. dividuntur in fixa & transeuntia 9†. Ecclesia primitiva, & Jus Canonicum idem postularunt 92. requisiti hujus ratio typica, moralis *ibid.*
- Vitium corporis, a Judicibus Hebræorum abesse debebat 117†
- Vitringa, Campeg. laudatus 22, 24, 287, 309 sqq. 313, 314, 324, 382, 458. notatus 145, 174, 308, 309, 311 sqq. 354, 492 sqq. 532, 559, 562, 674 sqq. 734 sqq.
- Vituli cultus, num apud Aegyptios Josephi tempora antecesserit 504. cum unde Aegyptii hauserint *ibid.*
- Vitulos duos aureos cur Jeroboamus erexerit 96†. 508
- Vitulus fufus. cur in ejus potius similitudine, quam alius creaturæ, Deus adoratus 94†. 502 sqq. materia 502. num ad exemplar Cherubi fictus *ibid.* supersticiosus ejus cultus 94, 95†. 502, 503. quid per חרט, intelligendum 503 sqq. circa eum, Aaronisne an populi potior impietas 504. num eum pro Deo aut ejus tantum symbolo habuerint *ibid.* commenta Judæorum, μωσχολατρεία; culpam in Aegyptios Proselytos rejicientium 95†. 505 sqq. nugæ Judæorum,



# INDEX IV. RERVM ET PERSONARVM.

daorum, omnes Dei vindictas ex *μοσχολατρεῖας* esse 95†. 506. inter eum & Apin conformitas 96†. ejus in ignem projectio & comminutio a Mose 506 sqq. cur aqua torrentis, pulvere ejus permista, Moses Israelitas potaverit 507 sqq. Aaronis facinus & Jeroboami impietas 508  
 Vivos osculandos esse, non mortuos; Judæorum regula 365  
 Vocalium Codicis Hebræi antiquitas 153†. 665  
 Voetius, Gisbert, notatus 21  
 Volumina papyri aut membranarum, unde dicta 151†. 662. eorum figura 151†. apud Hebræos quomodo conscripta 151†. 663  
 Vorstius, Joh. notatus 572 sqq.  
 Vossius, Gerh. Joh. laudatus 476, 479, 482, 483, 487 sqq. 509 sqq. 595, 660. notatus 355, 409, 497, 502, 504, 511, 516  
 Votum Naziræatus 152. ejus natura 19†. 152-155. obligatio ex eo nata 152. 156. quomodo a Naziræis temporariis solutum 157-159. an aliqua ejus primis N. T. temporibus usurpatio 800 sqq.  
 Vulgatus Interpres notatus 511 seqq. & sæpe alibi.

## U.

Ulna, vide Cubitus.  
 Unctio in quibus personis adhibita 7†. 56. quem in finem 56  
 Unctio Christi 68. qua in re consistat *ibid.* non demum in baptismo ejus facta 68 sqq. ejus a solempni ad officium obeundum inauguratione distinctio 69. per unctionem Sacerdotalem adumbrata 9†. 68  
 Unctio Regum Israelis. quænam in illa olei species adhibita 56 sqq. ejus instrumentum, *קֶרֶן cornu*, vel *כַּף lenticula* 7†. 57. utrum hæc instrumenta mole, an figura diversa 7†. 58. per Prophetas, seu Sacerdotes peracta 58 sqq. ejus modus & forma 59. typica relatio 60  
 Unctio Sacerdotis M. a Sacerdotali differentia 67. per septem dies facta atque repetita *ibid.* ejus materia seu oleum 66 sqq. modus & figura 8†. 67. effectus 67 sqq. usque ad destructio-

nem Templi primi duravit 68. a Judæis ejusdem restitutio speratur *ibid.* typica relatio 9†. 68  
 Unctio Sacerdotum gregariorum contra GOODWINVM 67. a Pontificali quomodo differat *ibid.*  
 Unctus belli, quis apud Hebræos 155†. 670  
 Unctus Domini. ej. respectus typicus. 36  
 Ur, quid significet 86†. 479 sqq. ejus situs 479. Rabbīnorum de Abrahamo, ejus incola, fabulæ 480. quo sensu GOODWINI sententia, Deum Nachor fuisse *אֵלֶּיךָ ignem*, admittenda *ibid.*  
 Urania, ejus etymologia 96†. Luna & Juno sæpe dictæ *ibid.*  
 Urbes. in earum obsessioe quid Israelitæ observaverint 156†. 671  
 Urbes Levitarum duodecim, vide Levitæ.  
 Urim & Thummim in Pectorali P. M. inserta 9†. 75. innumeris exposita disceptationibus 75. utrum duæ res, an vero eadem 101†. 76. quid sint? num ipsum Pectorale? an lapides pretiosi? an tertium quid, a vestimento & ornatu diversum 101†. 76 sqq. eorum usus & quæ ratione responsa divina inde elicerentur 101†. 79 sqq. solus Pontifex consulere potuit 81. Regum, & Synedrii M. auctoritate *ibid.* sub Templo II. defecerunt 41. 100†. 82 sqq. 297, 300 sqq. 524. num eorum responsa irrevocabilia *ibid.* num eorum typica relatio 84. responsa per illa, quomodo a revelationibus Prophetarum differant 81. an per ea Spiritus S. Ecclesiæ N. T. concessus, designatus sit 84. errant, qui ex iis infallibilitatem Papæ exsculpunt *ibid.*  
 Urna aurea cum Manna, num in Arca fœderis recondita 39†. 262 sqq. in Siculo Hebræorum expressa 692  
 Ursinus, Joh. Henr. laudatus 510 sqq. notatus 409, 661  
 Usserius, Jac. notatus 65  
 Uxores priscis Hebræorum nonnullis, geminæ 138†. 625. earum appellatio & mutua distinctio 138† sqq. 625 sqq. de numero earum, Magistrorum consilia 625 sqq. distinctio earum, a *Joh. Drusio* 626. quænam officia a maritis potest potuerint 142†. 634. quænam officia maritis debuerint 634. cur caput tegmine texerint 142†. 634 sqq. in quibus libello

# INDEX IV. RERVM ET PERSONARVM.

libello repudii locus nullus 636. apud quas  
gentes maritos pro lubitu dimiserint 143† 199.  
638. num libellum repudii viro mittere fas  
fuerit uxoris 638

Vxores primariæ. inter eas, & concubinas diffe-  
rentia 139†. 626 199. num differentia ante Le-  
gem eadem quæ post Legem 626. earum li-  
beri, quomodo a liberis concubinarum diffe-  
rant 139†. 626

## W.

Wagenfeilius, Joh. Christo. laudatus 383, 199. 462,  
605, 639. expensus 711

Waltherus, Mich. expensus 181 199. 262

Warburton, Guilielm. caute legendus 7. nota-  
tus 22

Weyen, Joh. van der, notatus 276, 439, 441

Wernsdorffius, Gottlieb, laudatus 47 199. 373. vin-  
dicatus 49

Witfius, Herm. notatus 115, 273

Wolfius, Joh. Christoph. 476, 494 199. 533, 536,  
721

## Z.

Zachæus ex numero Publicanorum honoratorum  
4†. 30

Zadokus, Antigoni Sochæi discipulus, Sadducæo-  
rum conditor 28†. 205. quando vixerit 205

Zahab, monetæ species 162†. 693

Zion, in eo Tabernaculum Davidicum 248 199.

mons Domini dictus 255. montes ei adjacen-  
tes 38†. 255. ejus altitudo, situs, & reliqua

255. Vrbeni palatiumque Davidis portans

38†. 255. symbolum Ecclesiæ Israeliticæ, Christia-  
næ 255. ejus vocabulum, interdum latius 38†.

cur sedes & habitatio Dei dicta 38†. 256

Zipporienfis Judæorum Academia a R. Jehuda

condita 124. descripta *ibid.*

Ziruph, Kabbalæ species 534

Zorobabel, cum successioribus, nullibi ראש הגלות

αρχιματωτάρχης, sed פחה vel פחת עדנאρχης

appellatus 10. Templum II. exstruxit 295

Zuz seu Zuza, nummi apud Hebræos genus 162†.

633, 691. quot Zuzas pro dote dederit sponsæ

sponsus 633

IMPRIMEBAT VLKIC. CHRISTIAN. SAALBACHIVS.





## ERRATA IN GOODWINO

Pag. 2. b. §. VI. lin. 12. pro vit. l. cit. P. 6. b. §. V. lin. 11. l. homicidium, adde. F. rapinam, & G. membri §. VI. lin. 18. l. *Iffine*, pro *Pereb*, l. *Perek*. P. 7. b. §. 8. pro vit. l. cit. P. 11. b. §. 18. lin. 9. l. *fuit*. P. 17. a. §. 15. lin. 5. pro *consenuerunt*. l. *consuerunt*. P. 51. a. §. 7. lin. 7. pro *tertia lege sexta*. P. 60. b. §. 6. lin. 2. l. *Differentia*. P. 63. b. §. 2. lin. 8. pro *tantum* l. *magnam*. P. 64. a. §. 4. lin. 9. pro בעצמות l. בעצמה P. 66. a. §. 14. lin. 10. pro *cap. in* l. *cap. 5. in*. b. §. 16. lin. 11. l. *de ferm. cap. 8.* P. 67. b. §. 20. lin. ult. l. *Korban Pesach*, absque punct. P. 73. a. §. 11. lin. 4. l. *exordiendi*. P. 76. a. §. 17. lin. 13. l. *mutatione, lege apud*. P. 77. b. §. 28. lin. 10. pro *Jud. l. Fad.* P. 97. b. §. 7. lin. 3. pro עור lege עור P. 102. a. §. 15. l. 9. שבעל שבעל P. 110. a. §. 2. lin. 11. l. *compositatione*. P. 116. a. §. 9. lin. 4. l. *in coenaculo*. P. 121. a. §. 7. lin. 4. l. *disissent*. P. 131. a. §. 13. lin. 11. pro לחופה l. לחובה P. 146. a. §. 7. lin. 6. pro ראמות l. אמות ר' P. 154. a. §. 6. lin. 10. l. *Cabathise* §. 7. lin. 11. l. *Beth habbechirah*. P. 155. b. §. 13. lin. 7. l. *Cabathise*

## ERRATA IN NOTIS

Pag. 21. b. lin. 27. l. *Menasse*. P. 23. b. lin. 13. l. *principes, aut.* P. 38. a. lin. 39. l. *authentica*. P. 42. lin. penult. pro נצטור lege נצטור P. 43. b. lin. 23. dele comma post *Maimonid.* & lin. 22. comma pone post *Korsensf.* P. 51. a. lin. 7. pro רנו lege רנו lin. 22. l. *profelyto*. P. 56. b. lin. 15. l. *ita unctus*. P. 65. b. lin. 20. l. *at*. P. 72. b. lin. 18. pro cui l. *corpore*. P. 83. a. lin. 35. l. *Sancti*. P. 91. a. lin. 33. l. *incipiebat*. P. 104. b. lin. 37. l. *promiscue*. P. 115. b. lin. 23. pro ad l. *at*. P. 125. a. lin. 24. l. *קריווי* lin. 25. pro הנכבאים l. הנכבאים P. 138. a. ad §. 1. p. 18. lin. 5. pro *uifi* l. *absque*. P. 147. b. lin. 2. pro קרבנותיו l. קרבנותיו P. 152. b. lin. 8. pro *vita* l. *vise*. P. 154. a. lin. 11. l. *enim*. P. 160. a. lin. 2. pro קרנותיו l. קרנותיו P. 170. a. lin. 27. post *fuisse* adde *observat*: b. lin. 36. post *coactus*, adde *est*. P. 171. b. lin. 5. l. *affirmantibus*. P. 183. b. lin. 13. pro ימישמחון l. ימישמחון P. 184. a. lin. penult. pro המקראות l. המקראות P. 195. b. lin. 25. l. *mentem*. P. 198. a. l. 2. pro יתרוה l. יתרוה P. 202. a. lin. 30. pro תוספות l. תוספות P. 212. b. lin. 29. pro טובים l. טובים P. 217. a. lin. 16. l. *illatis*. P. 233. a. lin. 2. pro רכר l. רכר P. 241. b. lin. 7. l. *Gaulonitis*. P. 252. a. lin. 14. l. *prope*. P. 254. b. lin. 8. l. *qua*. P. 262. a. lin. 9. n. (12) pro קשני l. קשני P. 275. a. lin. 15. l. *ונתתה* b. lin. 16. pro *quidam* l. *quidem*. P. 281. a. lin. 5. l. *inboneftis*. P. 294. b. lin. 21. pro *atriiis* l. *atrii*. P. 300. b. lin. 2. l. *pede*. lin. 17. l. *moneamus*. P. 315. b. lin. 1. l. *מרשות* P. 318. b. lin. 40. l. *הנשוא* P. 322. b. lin. 31. l. *precipere non*. P. 324. a. not. (19.) lin. 23. post *dies ejus*, adde *amputatum, amputabuntur dies ejus*. P. 326. b. ad Cap. III. lin. 10. l. *הצאן* P. 330. a. lin. 18. l. *שרים* P. 341. ad §. VI. p. cit. lin. 15. loco האמת אתו l. האמת אתו P. 342. b. lin. 18. l. *induitio*. P. 367. a. lin. 5. l. *pedum*. P. 374. a. ad §. XXI. lin. 5. l. *Librum*. P. 378. b. lin. 9. dele *eodem*. P. 384. a. ad §. 1. lin. 5. pro *For.* l. *Ar.* P. 389. a. ad §. X. lin. 23. pro ארצא l. ארצא lin. 28. pro ומרברי l. ומרברי P. 391. a. lin. 4. pro טובים l. טובים P. 409. a. ad §. XXIII. lin. 8. pro וטובים l. וטובים P. 413. a. ad §. IV. lin. 4. l. *Nevochim*. P. 416. b. lin. 22. pro הושיעה l. הושיעה P. 420. ad §. VIII. lin. 6. pro מתורגמן l. מתורגמן P. 426. b. ad §. VI. lin. 17. l. *salva*. P. 465. b. §. XVI. lin. 14. pro התחולר l. התחולר P. 471. a. lin. 2. ad §. III. pro חנך l. חנך P. 480. a. lin. 26. l. *objectionum*. P. 489. a. ad §. XVIII. lin. 8. l. *prope*. P. 491. b. ad §. XXVII. lin. 15. l. *Aegyptius*. P. 498. a. lin. 6. l. *placaretur*. P. 500. Cap. IV. a. lin. 22. pro בן l. בן P. 513. a. lin. 37. l. *splendorem*. 38. l. *maiestatem*. P. 516. a. ad §. III. lin. 9. pro נבחו l. נבחו lin. 11. l. *innotuit*. P. 519. a. not. (4) l. רמון P. 525. b. ad §. XIV. lin. 7. l. *סלסל* P. 538. b. lin. 13. l. *eum*. P. 553. b. lin. penult. pro *Tom.* l. *Num.* P. 556. a. ad §. II. lin. 12. l. *Epicureum*. P. 557. b. lin. 34. l. *consecratur*. P. 562. a. ad §. XV. lin. 3. l. *jaciebant*. P. 587. a. ad §. IV. lin. 17. l. *Mantius*. P. 592. a. lin. 21. l. *tantum*. P. 609. lin. 21. l. *ZEHIRA*. P. 613. b. lin. 19. pro *at* l. *ac*. P. 615. b. ad §. VII. lin. 28. pro ורין l. ורין P. 617. b. ad §. XII. lin. 29. pro *Gad* l. *Fad*. P. 639. b. ad Cap. IV. lin. 8. l. *sponse*. P. 640. a. lin. 14. pro *genitalibus* l. *gentilibus*. ad §. II. lin. 8. 9. *Zophnath*. b. lin. 33. l. *baptizabantur*. P. 645. b. lin. 26. l. *pleni*. P. 664. b. ad §. X. lin. 13. l. *Haphtaras*. P. 670. a. lin. 11. pro *quod* l. *quid*. P. 680. a. lin. 2. l. *statuunt*. lin. 3. pro cui l. *quibus*. P. 700. a. lin. 16. b. *favisse*. lin. 17. l. *ausum fuisse*. P. 713. a. lin. 7. l. *להכביר* בן P. 718. a. lin. 20. pro נאולה l. ex lacu. b. lin. 8. pro *putris* l. *puteis*. P. 732. b. lin. 11. pro צא ינה l. צא ינה §. XIV. lin. 10. l. *נאולה* P. 733. a. lin. 19. pro אכיר l. אכיר P. 736. a. §. XIX. lin. 21. pro *fore* l. *vere*. P. 739. a. §. XXIII. lin. 18. pro *o* l. *o*. P. 741. a. lin. 20. dele *in* lin. 21. supple *in* *Conciliator*. b. lin. 17. l. *numicum*. P. 744. b. lin. 36. pro רע l. רע P. 747. b. lin. 17. l. *Kiddushin*. P. 748. b. lin. 18. l. *מגיד*















